खाध्यायप्रेमियोंसे

शातपुत्र महावीर भगवान्ने साधुचर्याका विभाजन करते हुए श्रीमुखसे फुर्माया है कि-'पढमं पोरिसिं सज्झायं' हे निर्प्रयो ! दिनके पहले पहरमें खाध्याय करो। 'पूर्णो चउत्थीप सजझायं' दिनके चौथे पहरमें भी खाध्याय करों। तदनन्तर रात्रिमें 'पढमं पोरिसि सज्झायं' रात्रिका पहला पहर खाध्यायमें बिताओ। 'चउत्थी भुज्जोवि सज्झायं' (उ० अ० २६) और रातके चौथे पहरको भी स्वाध्यायमें व्यतीत करो। इस प्रकार भगवान्ते दिनरातके चार पहर अर्थात् १२ घंटे खाध्याय करना सुसुक्षुका मुख्य कर्तव्य कहा है। साथ ही खाध्याय अंतर तपमें भी निहित है। प्रभुने खर्य इसका बड़ा भाहात्म्य बताया है, यथा-'सज्झा-एणं भंते! जीवे किं जणयह? सज्झाएणं णाणावरणिजं कस्मं खवेड ।' (उ० अ० २९) मुमुखु प्रश्न करता है कि भगवन्! शास्त्रोंके खाध्यायका क्या फल है ? तब भगवान्ते उत्तरमें फ़र्माया कि देवानुप्रिय ! खाध्यायके द्वारा ज्ञानावरणीय कर्मका क्षय होता है और श्रुतज्ञान एवं आत्मज्ञान की प्राप्ति होती है। साधक खाध्याय तपकी साधनामें बढता चला जाम तो ज्ञानकी चरमसीमा (केवलज्ञान) को भी पा सकता है। साथ ही खाध्याय करते २ भावोंमें उत्क्रष्टता आ जाय तो तीर्थंकर नाम गोत्र कर्मका उपार्जन भी कर सकता है. अतः आपसे सातरोध इतना ही कहना है कि इस 'सुन्तागमे' प्रंथरकका यतनापूर्वक दिनरातमें १२ धंटे खाध्याय करना न भूलें । क्योंकि लैकिक साहित्यकी अपेक्षा ळोकोत्तर साहित्य मौलिक और आत्माके लिए हिताबह है। उक्तं च—

एगगया य नाणे, इंदियमलणं कसायमलणं च । जयणापरो य भव्वा!, सज्झायसमो तवो नत्थि॥१॥ जावइयं सज्झाए, कालं चिट्ठइ सुहेण भावेण । ताव खवेइ पुराणं, नवयं कम्मं न संचिणइ॥१॥

णमोऽत्थु णं समणस्स भगवओ णायपुत्तमहावीरस्स

SUTTAGAME VOLUME II

(Containing next 21 Sutras)

Critically edited by Muni ŚRĪ PHŪLCHANDJĪ MAHĀRĀJ

Published by BABU RAMLĀL JAIN, TAHSĪLDĀR Secretary of SRI SUTRAGAMA KRAKASAKA SAMITI GURGAON CANTT (E. P.)

V. E. 2011

1954 A. D.

Published by:Babu Ramlal Jain, Tabsildar

Secretary of
Śrī Süträgama Prakūšaka Samiti
Gurgaon cantt (E. P.)

ALL RIGHTS RESERVED BY THE SAME OF

Printed by:Laxmibai Narayan Chandhare
at the Nirnaya Sagar Press,
26-28, Kolbhat Street, Bonnay :

समप्पणं

जाण किवाए मम मणस्स चवलया नट्टा, जेसिमुवएसेण मज्झंतक्करणे संतिसंचारो हुओ, जाणमब्भुअचरित्तजोगेण संपदाइगयाबंधणुम्मूलणनिच्छयं पत्तो, जेसिं बोहवयणेहिं अखंडअससुहमगो छद्धो, जेसिमपारअणुगाहवच्छङ्खच्छाह-दाणेण मह लेहणकलाणु पउत्ती जाया, जेसि णं धारणाववहाराणुसारं पयामणीमणं वद्दण्, नेसिमज्झप्पसत्थाणुराइभप्पडिबद्धविहारिक्कवइ-निकामपरोवयारिसंतमुह्भव्युद्धारगमहारिसिपवरथविरपयविभूसि-यणायपुत्तमहावीरजङ्गसंघाणुयाङ्गयसग्गपरमपुज्न १०८ सिरिजइणमुणिफकीरचंदमहारायाणं पुणीयसमरणे हिययविसुद्धभत्तिपुष्यगं बारसुवंगचउछेयचउम्-लावस्सयसंज्ञयमेयं सुत्तागमबीयमंसं समप्पिणोमि ।

पुष्फभिक्खू

णमोऽत्थु णं समणस्स भगवओ णायपुत्तमहावीरस्स श्रीसूत्रागमप्रकाशकसमिति के स्थापन करने का कारण

श्रीज्ञातपुत्र महावीर जैनसंघीय मुनिश्री फुळचंद्रजी महाराज जैनशर्मीपढेएाशी सेवामें एक किसानने वैदिक प्रेस अजमेर हारा प्रकाशित चारों वेदोंकी एक पुस्तक पेश.की तथा विनयपूर्वक निवेदन किया कि क्या जैन शास्त्र भी एक पुस्तकातार के रूप में कहीं मिलते हैं ? श्रीमहाराजने फर्माया कि नहीं। इस घटना के समय वहां की जैन सभा और विशेपतया जैनधर्मीपदेष्टाजी को यह दृटि बहुत ही अखरी और वहा ही खेद हुआ। जैनसाधु सेंकड़ों की संख्यामें होते हुए और लाखों थिनक श्रावक होनेपर भी वे जैन सिद्धान्तका अणुमात्र भी प्रचार न करें! कितना खेद है, सच तो यह है कि अपनी पवित्र समाजके पास प्रेस और एकेटफोर्म जैमी आधुनिक प्रचारकी सामग्री न होनेके कारण इतर लोकसमाज का बहुभाग जैनसिद्धान्तों से बिल्कुल अपरिचित है। ईसाइओंने एक अरबसे अधिक रूपया व्यय करके जगत भरकी ५६६ भाषाओंमें वाईविलका प्रचार किया है इसी भौति गीता और करान आदि का प्रचार लीकसापामें कितना है ? इसका उत्तर हम समर्व मस्तक उठाकर नहीं दे सकते।

इस भारी कमीको पूरा करनेके लिए श्रीमहाराजने हमें यह घरणा दी कि कमसे कम १०० लोकभाषाओं में ३२ स्त्रोंकी १००००० एक लाख प्रतिआंका प्रकाशन करके भारत के कोने २ में जैनसिद्धान्तोंका विस्तार किया जाय । अतः स्त्रागम, अर्थागम और उभयागमकी प्रकर्ष एवं आर्ष पद्धतिसे "श्रीस्त्रागमप्रकाशकरामिति" ने इस भगीरथ कार्य को अपने हाथमें लिया है और कार्य आरंभ कर दिया है अतः जिनशासनके प्रेमियोंको उचित है कि समितिके प्रकाशनों का म्याप्याय आप ख्वयं करें और अपने घरमें भी समस्त कुटुंबमें स्वाध्याय तपका उत्साह पैदा करें । "न स्वाध्यायसमं तपः ।"

मंत्री-**रामलाल जैन** श्रीस्त्रागमप्रकाशकसमिति गुरुगाँव-छावनी (पूर्व पंजा**व**)

णमोऽत्थु णं समणस्स भगवओ णायपुत्तमहावीरस्स श्रीसूत्रागमप्रकाशकसमिति (गुड़गाँव पूर्व पंजाब)

हवाई त्फानकी अंधड़ प्रगतिके समान चळनेवाळे इस युगमें प्रचार के कार्यका महत्व समझाने की आवश्यकता नहीं रह जाती। क्यों कि ''मूली गाजर और साग भी वोळनेवाळे के ही विकते हैं।" इसे कौन नहीं जानता। तदनुसार हमारी संस्थाने भी जिस कामका भार उठाया है, जैन जगत्को इस विषय में कुळ समझानेकी आवश्यकता है यदि आप ध्यान देकर पढ़ जायँ तो परिस्थिति समझनेमें तनिक भी विळंब न होगा।

इस संस्थाको साधन-सामग्री मिलनेपर पाँच कार्य अपनी समाज के हितार्थ करने हैं. जैसे कि-

- (१) आगम-सृत्र तथा भगवान् के सिद्धान्तोंको लोकभाषाओंमें प्रगट करना।
- (२) अपने मुनिराजोंको प्रखर एवं प्रकांड विद्वान वनाना ।
- (३) दुनियाभरके पुस्तकालयोंमें आगमस्त्रों के पहुँचानेकी व्यवस्था करना ।
- (४) जैन धर्मके तत्वोंका प्रचार करनेके लिए उच्चकोटीके योग्य लेखक और प्रचारक तैयार करना तथा भारत के मुख्य २ केंद्रोंमें चर्चासंघ स्थापन करना, जिनमें अनेकांतीय चर्चाकार भगवानके स्याद्वाद को विश्वव्यापी बनानेमें तारतम्य चर्चा कर सकें।
- (५) जैन-विचारोंकी अपेक्षा रखकर जैन-यूनीवरिसटी स्थापन करना। इनमें सबसे पहले १-२-३ नं० के कार्योंको सफल बनानेका निश्चय किया है। पहला कार्य-स्त्रागम, अर्थागम और उभयागमकी सौत्रिक रीतिके अनुसार ३२ आगमोंका मूल तथा उनके हिन्दी आदि अनुवाद प्रकाशित किए जायँगे। तदनन्तर ३२ आगमोंकी प्राकृतटीका और संस्कृतटीका आधुनिक युगकी पद्धतिसे रची जायँगी। जो कि अपने समयकी अभूतपूर्व और अश्चतपूर्व वस्तु होगी। साथ ही समाजमें प्राकृत भाषाके प्रचारार्थ 'प्राकृतं' या 'पाइयं' जैसे पत्र भी निकाल जायँगे जिसमें मात्र प्राकृत और अर्थमागधीके लेखोंको ही स्थान मिलेगा। स्त्रागमप्रकाशनके साथ २ एक 'प्राकृतकोष' प्राकृतगाथाबद्ध तैयार किया जारहा है। जिसकी १९१८ गाथाओंकी रचना भी हो चुकी है। यह सागरके समान बड़ा और रचनामें अद्वितीय बिलक्षण और सुगमतामें इतना उत्तम होगा कि फिर किसी भी प्राकृतकोषका आश्रय लेनेकी तनिक भी आवश्यकता न पड़ेगी।

इसके अतिरिक्त स्थानकवासी धारणा के अनुसार त्रिशष्टिशस्त्राकापुरुपचरित्र और एक हजार कथाओंका एक वड़ा कथाकीष भी तैयार किया जायगा । ये दोनों श्रन्थ भी प्राकृत में ही रचे जायँगे ।

आपको यह भी स्मरण रहे कि 'मुत्तागमे' नामक पहला प्रंथ १३५० पेजका महान् पुस्तकरल प्रकाशित हो चुका है जिसमें ११ अंग सुत्र समाधिए हैं दूसरा भाग आपके करकमलोंने हैं ही, जिसमें शेप २३ सुत्रोंका समाधिए हैं दूसरा भाग आपके करकमलोंने हैं ही, जिसमें शेप २३ सुत्रोंका समाधिए हैं दूसरा कि प्रत्येक जैन के 'गृहपुस्तकालय' की अमूल्य विभूति हैं और साधु मुनिरा-जोंके हृद्यकी तो आदर्श वस्तु है । अधिक क्या लिसा जाय! हाथ कंगनको आरसी क्या? वस्तुका तथ्य सामने प्रस्तुत है इसे देखकर आपका अंतरातमा एकदम यही कह उठेगा कि यह तो बोद्धोंके ''ए-र-रि-य-ङ्, क्यू-अर-रिय-उ' के समान महाकाय विभूति हमारी समाजमें भी है! इसका अर्थागम और उमयागम लोकभाषाभाषियों के लिए तो मानो सम्यक्तानका महाभंडार ही होगा। उसका देहसूत्र इतना विशालतम होगा जैसा कि एनसाईक्लोपीिकया-विद्यानिका का महान्त्रंथ होतो है। इस प्रथमहोद्धिमें जिस जिटल विषयको हंदोंने उसका उत्तर तुरंग आपको उसीमें मिलेगा! मिलेगा! मिलेगा! और फिर मिलेगा! यह छातो होक कर दावेसे कहा जा सकता है, जिनवाणी के द्वारसे मला कोई मुमुश्च या जिजाम कभी निराश लीटा है? कभी नहीं। तब फिर रेडियोपर यहा तहा बोलनेवालोंकी तृती वंद हो जायगी।

ये प्रकाशन इतने शुद्धतम और पवित्र होंगे कि धर्मानंदकीशांत्री अंस धर्माप-हासकोंके पैरके तले से धरती खिसकती प्रतीत होगी । आगमक तीनों भागोंका खाध्याय आपको बता देगा कि सचमुच जैन धर्म कितना विश्वव्याप्य धर्म है।

अभी २ हाल ही में विश्वशांतिके इच्छुक (लगभग ४० देशके) विद्वानों की एक सभा शांतिनिकेतनमें हुई थी। उन्होंने वहां जैनधर्मसंबंधी चर्चा खब जी भर कर की थी। जिसका सार कलकत्ता यूनीवरसिटीके अंतर्राष्ट्रीय स्थानियाम डॉ. कालीदास नागने स्पष्टशब्दोंमें बिना किसी लागलपेट के यह प्रकट किया है कि 'जैन धर्म सार्वभौमिक धर्म है।'' परन्तु खेदका विषय है कि जैनोंने जैनिक दानतोंका विश्वल्यापी प्रचार ही नहीं किया, वरन् यह अखिलविश्वका लोकप्रिय धर्म बनता। सच कहा जाय तो जैन साहित्यका प्रचार दुनियामें सीवें भागमें भी

१ लंदनमें ''ब्रिटिश एण्ड फॉरेन वाइबिल सोसायटी'' नामकी एक संस्था बहुत पुरानी है। इसका उद्देश्य बाईबिलका प्रचार करना है। इसके १२० वें नियमसे बहुत कुछ ज्ञातव्य सामग्री मिलती है इसका कुछ सारभाग इस प्रकार है।

लोकभाषाओं में दिष्टगत नहीं है। फिर भी जैन धर्मने भारतीयसंस्कृतिके नाते बहुत कुछ अर्पण किया है। सचमुच मानवजीवनकी सार्थकता भी इसीमें समाई हुई है। जोकि प्रत्येक मानव के लिए उपादेय और आवश्यक है। विश्वसिद्धान्तके समान इसका प्रचार करनेकी भी पूरी ज़हरत है। जब अखिल विश्व के विद्वान् इतने ऊंचे स्पष्ट अभिप्राय दे रहे हैं तब हमारे पास विशेष समझाने के लिए क्या कुछ शेष रह गया है?

विधजगत्में एनसाईकलोपीडिया ब्रिटानिका नामक प्रसिद्ध प्रंथ है । हमारे प्रिय आगमत्रय भी उसी पद्धितके अनुसार महनीयता और महानता प्राप्त होंगे । एनसाईकलोपीडिया ब्रिटानिका प्रंथ १२० वर्ष पिहले बना है । अवतक कई पिर-वर्तनोंके साथ २ उसकी १४ आवृत्तिएँ निकली हैं । प्रकाशनकी दृष्टिसे यह ३५ वार प्रकाशित हुआ है । प्रत्येक संस्करण के प्रकाशन के समय कमसे कम १० लाखसे ५० लाख तक प्रतिएँ प्रकाशित हुई हैं । कुछ दानियोंके प्रोत्साहन मिलनेसे हम भी इसी परिपाटी के अनुसार आगमत्रयको सारे संसारके योग्य और सुकोमल हाथोंमें पहुँचाना चाहते हैं । जिससे दो अरब मानवप्रजा लाभ उठा सके । ऐसी आशा ही नहीं विक्त हमारा पूर्ण दृढ़ विश्वास है । मात्र आप तो प्रस्तुत आगम पाकर उनका स्वाध्याय करके हमारे होसले को बढ़ाएँ।

इस संस्थाकी स्थापना सन् १८०४ ई. में होनेके पश्चात् इसने बाईबिलकी ३४५०००,००० प्रतियाँ प्रसिद्ध करके वितरण की हैं और अब तक ५६६ भाषाओं में बाईबिल प्रसिद्ध किया है।

बाईविलका अनुवाद अंग्रेजीसाम्राज्यकी २६६ भाषाओंमें हो चुका है। भारत-वर्ष में १०२ भाषाओंमें वह अब तक छप चुकी है। इस संस्थाके पुस्तकोंका मूल्य लगत पर न लियाजाकर लोगोंकी शक्तिके अनुसार लिया जाता है। गोस्पे-लकी प्रकाशित वाईविल आपको भारतवर्षमें आध पैसेमें मिलेगी और चीनमें एक पेनीकी ६ प्रति मिलेंगी। तथा जहां पैसेकी व्यवस्था न हो वहां यथासमय जो वस्तु मिल सकती हो उसी वस्तुको लेकर पुस्तक दिया जाता है। कोरियामें पुस्तकके भारसे दुगना अनाज लेकर बाईविल दिया जाता है। तथा किसीको अधिक आवश्यकता वतानेपर एक आल् लेकर बाईविलकी एक प्रति दी जाती है। भारत-वर्षमें तो लाखों प्रतिएँ मुफ्त भी दी जाती हैं।

नोट—जैनधर्मके स्तंभ दानवीर उदार लखपित करोड़पितयोंने भी क्या कभी इस प्रचार की ओर ध्यान दिया है? भगवान महावीर की प्रखेक जैनको देन हैं और उसे भगवान की वाणीकी उन्नतिसे ही पूरा किया जा सकता है। एनसाईकलोपीडिया ब्रिटानिका हजार पेजका बोल्युम है इसी मांति तास बोल्युम मका वह एक सेट है अर्थात् वह महान अंथ तीस हजार पेजोंमें पूरा हुआ है। इसी प्रकार हम आगमत्रयको इससे भी बड़ा बनानेके इच्छुक हैं। यदापि इस भगिरथ-कार्यको पूरा करनेमें कई वर्ष लग सकते हैं फिर भी कागज़के मिल्टेनेमें सुगमता और प्रेसका सुभीता मिल सके तो हम इस भीष्मकार्यको १० वर्षमें पूर्ण करनेका दावा कर सकते हैं। परन्तु हमारी समाजके ऐसे सहभाग्य कहां । फिर भी जगनके मानव आशाकी दीवार पर खड़े हैं। पुरुषार्थ करना ही तो मात्र अपना काम है।

रामको सुप्रीवका साथ मिला तो लंकापर रामको विजय प्राप्त हुई। वुजको तो मात्र पंचवर्गीयभिक्षुओंने अपने जीवनका योग दिया तो आज ८० करोड्से अधिक बौद्ध दुनियापर छाए हुए हैं। इसी प्रकार प्रत्येक कार्यमें पुष्टसहयोगकी आवश्यकता हुआ ही करती है। इसी दृष्टिसे आपको ज्ञातपुत्र महावीर भगवानके शासनका सम्मानध्वज ऊंचा उठाने के लिए इस संस्थाके महायक चनकर गणे साथियोंकी माँति सेवाकी आवश्यकता है और इसे जातीयता एवं गाम्प्रदायिकताके मोह और मेदभावको छोड़कर साथ दें तो अतिउत्तम हो। इसकी उर्धान कामना और सेवाकी अभिलाषा की साथ पूर्ण करने के लिए सहयोगियोंके नान आप भी स्तंभ, संरक्षक, सहायक और सदस्य बनकर २००० १००० १००० और २०० की आर्थिक सेवा द्वारा जिनशासनके उत्थानका बीजागेषण करें। उपके प्रकाशन अमृत्य मेंट दिए जायँगे। समितिकी नीतिका निर्धारण करते समय उनसे सब प्रकारका परामश्ची किया जायगा। अब तक जिन साथियोंकी मेवासे यह भीष्म कार्य हो रहा है उनका विवरण इस प्रकार है।

अबतकके साथी-

स्तंभ-श्रीमान् शेठ शंभुलाल कल्याणजी (कराचीके भूतपूर्व s. s. जैन संघके प्रमुख) बंबई ।

, , , , लाला प्यारेलाल जैन दूगड़ अंवरनाथ C. R.। ,, श्रीमान् शेठ रतनचंद भीखमदास बांठिया सु॰ पो॰ पनचेल जि॰ कॉलावा। ,, मास्टर दुर्गाप्रसाद जैन B. A. B. T. सु॰ गुड़गाँव-छावनी B. P.। जैन संघ दोंडायचा पश्चिम खानदेश ४९००) प्रेसमें भेजा छपाई खाते। माढुंगाके कई सद्गृहस्थोंकी ओरसे २७००) छपाई खाते, हस्ते शेठ रामजी

अंदरजी माढुंगा (हैपीहोम-तैिलंग क्रॉस रोर्ड)।

श्रीमान् शेठ विजयकुमार चुनीलाल फूलपगर \mathbf{C}/o चुनीलाल वृद्धिचंद फूल-पगर १३६० भवानीपेठ पूना ।

संरक्षक-श्रीमान् शेठ मोहनलाल धनराज कर्णावट (कोयालीकर) C/o रूप-चंद चुनीलाल कोयालीकर १३५८ भवानीपेठ, पूना ।

,, श्रीमान् शेठ धूलचंद महता, ब्यावर ।

,,

,, श्रीमान् झेठ नाथालाल पारख-माटुंगा, मुंबई १९ 'कागज़की सेवा' ।

,, श्रीमान् शेठ चुनीलाल जसराज मुणोत मु॰ पनवेल (कोलावा)।

,, श्रीमान् लाला ओंप्रकाश जैन दूगड़ अंवरनाथ ।

, श्रीमान् लाला दर्शनप्रकाश जैन दूगड़ अंवरनाथ ।

,, श्रीमती शांतिदेवी प्यारेठाल जैन दृगड़ अंवरनाथ ।

,, श्रीमान् शेठ जुगराजजी श्रीश्रीमाल C/o शेठ नवलमल पूनमचंद सु॰ पो॰ येवला, जि॰ नासिक।

सहायक-श्रीमती लीलादेवी चुनीलाल फ़्लपगर १३६० भवानीपेठ पूना ।

श्रीमती पतासीबाई धनराज कर्णावट (कोयालीकर)

C/o रूपचंद चुनीलाल १३५८ भवानीपेठ प्ना ।

D. हिम्मतलाल एण्ड कं॰ १२-१४ काजी सय्यद स्ट्रीट मुंबई नं॰ ९।

श्रीमान् वीरचंद हरखचंद मंडलेचा धामोरीकर मु० येवला (नासिक)।

,, , चाँदमल माणकलाल मंडलेचा धामोरीकर, कपड़ा वाजार मु० पो० येवला (नासिक)।

श्री॰ व॰ स्था॰ जैन संघ घरणगाँव और हिंगोना १०००) प्रेसमें। श्रीमान् रोठ घनजी भाई मूलचंद दफ्तरी निवास तैलंग कॉस रोड N. १ मादंगा सुंबई १९।

लाला सुमेरचंद लक्ष्मीचंद-चंद्रभान जैन आयर्न मर्चेंट वंबई-देहली। श्रीमान् शेठ शिवलाल गुलाबचंद मेवावाले ६२५) 'कागज़॰' माहुंगा मुंबई १९। बोरा मणीलाल लक्ष्मीचंद ५००) 'कागज़ खाते' ठि. रानडे रोड, ८. लेन, ज्ञानमंदिरनी वाजुमां, प्रीमियर हाईस्कूलना ऊपर, त्रीजे माले हम नं. १७ दादर। श्रीमान् चीमनलाल सुखलाल गांधी हस्ते ३५०) 'कागज़ खाते' (शिव-साइन)।

| सदस्य- | श्रीमान् शेठ धनराज दगड़्राम संचेती भवानीपेठ पृना । |
|----------------|--|
| ,, | श्रीमान् फुलचंद उत्तमचंद्रे कर्णावट (क्रोयालीकर) |
| " | C/o रूपचंद उत्तमचंद २३ भवानीपेठ पुना । |
| ,, | श्रीमती शांतादेवी फुलचंद कर्णावट (कोयालीकर) |
| ,, | २३ भवानीपेठ पूना । |
| ,, | श्रीमान् रूपचंद दगड्राम मुथा, १३४ नानापेठ पुना । |
| | श्रीमान् शेठ चंद्रभाने रूपचंद कर्णावट इचलकरंजीयाले २६३।२ |
| > 3 | बुधवारपेठ पृता । |
| | श्रीमान् रोठ कालीदास भाईचंद शाह पोवइनाका सेल पेट्रोल पंप |
| ,, | २'५१) कागज़की सेवा नॉर्थ सतारा। |
| " | श्रीमान् शेठ माणकचंद राजमल वाफणा बदुगीव ता० मावल पुना । |
| ,, | श्रीमान् शेठ मणीलाल केशवजी खेताणी घाटकोपर मुंबई । |
| " | श्रीमान् वायू रामलाल जैन तहसीलदार गुक्कांव छा. ह. ह. । |
| ,, | श्रीमान् होठ पानाचंद डाह्याभाई महता २५९। 'छपाई खाते' |
| | मादुंगा, मुंबई १९। |
| ,, | श्रीमान् शेठ अमृतलाल अविचल महता २५.३) 'छपाई स्वाते' |
| | माहंगा, मुंबई १९। |
| ,, | डॉ. चुनीलाल दामजी वैद्य ४१२ पायधुनी मुंबई नं. ३ । |
| " | श्रीमान् शेठ वेलजी कर्मचंद कोठारी C/o मणिलाल एण्ड कम्पनी |
| | ५३ चकला स्ट्रीट, मुंबई नं०३। |
| ,, | श्रीमान् शेठ कांतिलाल J. गांधी मा टुंगा, मुंबई १९। |
| ,, | श्रीमान् शेठ सुखराज धनराज तालेडा (तीन रिम कागज़की सेवा) |
| | १५ सस्न रोड पूना स्टेशन। |
| #2 | श्रीमान् नरभेराम मोरारजी महेता C/o विमको अंबरनाथ C. R. |
| >> | श्रीमान् रोठ भाईचंद लाखाणी माहुंगा मुंबई १९ । |
| , ,, | श्रीमान् केसरमल हजारीमल धाडीवाल मु॰ पो॰ कोपरगांव, जि॰ अहमदनगर C. R.। |
| es established | श्रीसमस्त जैनसंघ सोनई, ता० नेवासा, जि० अहमदनगर |
| , , , | C/o केसरचंद कुंदनमल, चंगेडिया। |
| | श्रीमान् मणीलाल रूपचंद गांधी, भांडुप, मुंबई । |
| ** | The second secon |

श्रीमान् त्रिकमजी लाधाजी मु॰ पो॰ जुन्नरदेव $(M.\ P.)$ । श्रीवर्धमान स्था. जैन संघ शाहादा प. खा. ३००)। در श्रीमान् वस्तावरमल चांदमल भंसाली खेतिया (M. B.)। ,, श्रीमान शेठ धनराज पंगारिया मु० हिंगोना पू. खा. । श्रीमान् कीमतराय जैन B. A. दादर मुंबई। श्रीमान् खींवराज आनंदराम वांठिया पनवेल (कोलावा)। श्रीमान् लाला कुलवंतराय जैन नारायण ध्रुव स्ट्रीट मुंबई। श्रीमान् केसरचंद आनंदराम बांठिया मु० पनवेल (कोलावा)। श्रीरावसाहेव किशनलाल नंदलाल पारख येवला (जि॰ नासिक)। श्रीमान् शेठ वेरसी नरसी भाई मु॰ त्रंबोऊ (रापर) कच्छवाला, " वसनजी वीरजी, जोशी वाग पारसी चाळ, मु॰ कल्याण (जि॰ थाणा)। श्रीमान् शेठ शोभाचंद घूमरमल बाफणा घोड़नदी पो० सिरूर (पूना)। श्रीमान् शेठ रविचंद सुखलाल शाह, संघवी सदन, दादर।



प्रकाशकीय

आजके इस वैज्ञानिक युगमें जहां मनुष्यने विज्ञानके द्वारा नई २ व्यक्तागंप-योगी वस्तओंका आविष्कार किया है वहां महान से महान संहारक उन्जनवस वेसे शस्त्रोंका भी । यह सब किसलिए? मेरी सत्ता समस्त संगारपर छा जाए. में डी सबका प्रभ हो जाऊं। एक ओर तो शस्त्रोंकी होडमें एक देश उसरे देशन आगे निकल जाना चाहता है तब दसरी ओर आधुनिक जनता का अधिक भाग युदकी न चाहकर शांतिकी झंखना करता है। परन्त शांति अस्वोंके बळवने किए गए युद्धोंसे नहीं मिल सकती । शांतिका वास तो आध्यात्मकतामें है भौतिकतामें नहीं, और ज्ञातपुत्र महावीर भगवान्के द्वारा प्रतिपादित आगम आध्यात्मकतामे भरपूर हैं. उस आध्यात्मिकताके प्रसारके लिए ज्ञातपुत्र महावीर जैनसंघान्यायी उप्रविहारी जैन सुनि १०८ श्रीफ़लचंद्रजी महाराजकी विशुद्ध प्ररणामे यांगतिने आगमोंके प्रकाशनका कार्य अपने हाथमें लिया है जिसका प्रथम फल १९ अंग नजी से युक्त **'सन्तागम'** के प्रथम भाग के रूपमें आपके सन्मुख आ चुका है । ३२ म*ों* की 'सत्तागम' के रूपमें एक ही जिल्दमें देनेकी उत्कट इच्छा होते हुए भी यंत्रराजका देह-सत्र बढ़ जानेसे ११ अंगोंका प्रथम अंश अलग बनाना पटा और यह उसरा अंश आपके समक्ष है जिसमें १२ उपांग, ४ छेद, ४ मूळ और आवद्यक इस प्रकार २१ सूत्रोंका समावेश है। परिशिष्टमें कल्पसूत्र सामायिक तथा प्रतिक्रमण सुत्र भी हैं। इसका सारा श्रेय जैनधर्मोपदेष्टा उप्रविहारी वंग-सिंश-उत्तरप्रदेश-बिदार-पांनाल-हिमाचल-महाराष्ट्र-गुजरात-मध्यभारत-महस्थलादि-देश-पावनवर्ता परम प्रज्य १०८ श्रीफलचंद्रजी महाराज को है जिन्होंने अपना अमृत्य समय देकर उस महान यंथ का संपादन किया है। आपकी विद्वता, वक्तरय और प्रभाव मर्थाबीदन है। आपने 'नवपदार्थज्ञानसार' 'परदेशी की प्यारी वातं' 'गल्यकसमाका' 'गल्य-कुसुमकोरक' 'सम्यक्तवछप्पनी' 'आगम शब्द प्रवेशिका' आदि कई प्रंथी की रचना की है। 'वीरस्तृति' की विस्तृत टीका, शांतिप्रकाशसारमंजरी, आदि मंस्कृत रचनाएँ भी की हैं। आपके द्वारा लिखा गया मेरी 'अजमेरमनि-सम्मेछन याता' के रूपमें अजमेर साध-सम्मेलन का इतिहास इतिहासविशेपज्ञों एवं अन्वेपकों के लिए अखंत उपयोगी है। आपने कई एक प्रंथोंका सुन्दर संपादन भी किया है। इस 'सुत्तागम' का संपादन करके आपने जो उपकार किया है वह वर्णना-तीत है। इसके अतिरिक्त इस प्रकाशनमें जिन २ महानुभावांने प्रत्यक्ष या परोक्ष रूपमें किसी भी प्रकारकी जिनवाणीकी सेवा की है उनका हम हार्दिक

आभार मानते हें, साथ ही स्त्रोंके निकले हुए अलग २ प्रकाशनोंपर अथवा प्रथम अंशपर जिन २ मुनिवरोंने अपनी २ ग्रुभ सम्मतिएँ भिजवाई हैं हम उनके अनुग्रहीत हैं। सहधर्मि महानुभावोंसे निवेदन है कि वे इस पवित्र कार्यमें सहयोग देकर हमारे उत्साहको बढ़ाएँ।

हम हैं जिनवाणीके सेवाकांक्षी,

प्रधान-मास्टर हुर्गाप्रसाद जैन B. A. B. T. मंत्री-वाबू रामलाल जैन तहसीलदार

'सुत्तागमे' पर लोकमत

(२५) कवि ग्रुनि श्री नानचंद्रजी म० सायला ५।२।५४

मेही भाई श्रीशंभुठाल कल्याणजी! तमारा तरफथी पोष्टकार्ड अने बीजे के त्रीजे दिवसे 'सुतागमे' नुं दलदार वोल्युम पोष्टपार्सल्थी मल्युं. पुस्तक आवी रीते सुंदर आकारमां (अगियार अंग भेगा) बंधाएल हशे एनी कल्पना पण न हती. हुं एम मानतो हतो के बधा पुस्तको छूटा छूटा हशे ... पण आ तो घणुं सुंदर काम थयेल छे. आमांना कागळो पण सारा छे. आ ऊपर थी एम चोक्कस थाय छे के शास्त्रोद्धारनुं कार्य गृहस्थिओ करतां कोई सुविहित अने कर्मनिष्ट साधु करे तो ते केन्नुं सर्वोत्तम निपजी शके छे! आवा कार्योमां साधुने जरूर अपवाद सहन करवा पड़े छे पण हिम्मत होय तो परिणामे एनी योग्य कदर जरूर थाय छे. अस्तु! श्रीफुलचंद्रजी म० ने अमारा अभिनंदन पहोंचाडशो.

× × ×

आ पद्धित अमोने गमी छे. एकंदर स्त्रोना मूळपाठोतुं प्रकाशन जरूरी हतुं. श्रीफूलचंद्रजी महाराजे आ खोट पूरी करी छे. ता. १९-१-५४ सायळा (२६) श्रीशामजी स्वामी जेतपुर २४-११-५३

••• सत्तागमे ए नामनुं ११ अंगोना मृळपाठवाळुं मजबूत बाइंडिंग साथे मंगल पुस्तक बुक-पोष्ट थी मोकळेळ ते मल्युं छे, अने ते पिवत्र पुस्तक महाराजश्रीनां करकमळमां बहुमानपूर्वक स्थापित कर्युं छे. ते मंगल पुस्तकनुं दर्शन करी महाराजश्री घणाज हिर्पित थया छे. शासनपित महावीर प्रभुना पंचम गणधरे ११ अंगोनी गूंथणी करी लार थी अल्यारसुधीमां ११ अंगोनुं एकज पुस्तक बहार पडेल होय ते मां आ पहेलो ज छुभ प्रसंग बन्यो छे, अने ते शासन सेवा रिसक मुनि श्री फूलचंदजी स्वामीनी पुनीत भावनाने ज आभारी छे. \times \times (२७) चरित्रस्पी सुगंधी बडे वासित पुष्प अने चंद्र समान शीतल स्वभाव-

वाला एहवा हे पुष्पचंद्रजित् स्वामिन्! आपश्री वीतरागप्रणीत जिनागमोनी भाषाना अने तेमां द्वांवेला भाषोना घणाज निष्णात होई आपश्रीत् जिनागमोद्धारनुं जे मंगल कार्य हाथ धर्युं हे ते मंगलकार्य आपश्रीता हाथथी निर्विद्याणे चाल रहो, अने आपना सत्पुरुपार्थथी जेम बने तेम वेलागर आपश्रीत् धारेल हाभकार्य पूर्ण थाओ एहवी मारी आपना प्रत्ये हार्दिक स्था से तेनुं काम पणुं संदर स्था मात्रामोना मृलपाट रूपे ११ अगियार अंगो प्रगट थया हे तेनुं काम पणुं संदर थयुं हे. कारण के आप ते भाषाना निष्णात होई आपनाज हाथ थी मृलपाट लखाई प्रेसकॉपी तैयार थयेल, अने ते पिवत्र आगमो मुंबई निर्णयगागर प्रेममां छपाया, जेथी सुवर्ण अने मुगंध बनेनो समेलाप थयो हे, ते जोई हदयमां प्रमोद भाव उद्भवे हे. हवे पछीनुं आगमोद्धार अंगेनुं दरेक कार्य तेषुं ज संदर बनो तेम हुं इच्छुं हुं. लिखी—लींबड़ी संप्रदायना मंगलस्थरूप स्वर्गस्य गुरुदेय मंगलजी स्वामीना शिष्य मुनि शामजी.

(२८) आर्यमुनि ईपालाल्डी मः अस्या २८-८-५४

'सुत्तागमे तत्थ णं एकारसंगसंजुओ पढमो अंसो' देखकर प्रसन्नता हुई । सारी प्रति छुद्ध है। इस तरह उपांग, छेद, मूल, आवश्यक जन्दी बाहर पड़ेंगे। स्वाध्यायवालों के लिए 'सुत्तागमे' बहुत ही उपयोगी है।

आर्य जैन मुनि श्रीहीरालालजी म०

(२९) आपश्री तरपथी संशोधित 'मृतागमे' (मृत्रस्यों) प्रगट ध्या छे. जेनी केटलीक नकलो अमने आवेली, जे जोतां संतोष थयो. आम शास्त्रीय गाहित्य अने अन्य धार्मिक साहित्य आपश्री तरफथी संशोधित थई प्रचार पामे छे जेथी समाजने अलभ्य लाभ मले छे. समाज आपश्रीजीनो ऋणी छे. मुनि रक्सचंद्रना वंदन कच्छ-मांडवी

(३०) भवया संपादिओ इक्कारसंगसंजुतो पढमो अंसो मुत्तागमस्य मृतास्क्रवंण मुहिओ तह्या भोमवासरे संपत्तो, सो साभारसीकओ मए। दिद्विपहं णीओ सो महागंथो, तिम्ह संखितपागयवागरणविसओ वि सुडु उवहंसिओऽहिंध। तस्य संगो-हणं समीचीणं कयमिय भवया। एसो गंथो सज्झायकरणे अज्झायणे अज्झावणे वा बहूवओगी अत्थि साहगाणमिति। अस्स पत्ताणि सुहुमाणि संति, जइ चेव धूल-गाणि पत्ताणि हविज्ञा तो दीहाउगो हविज्ञ एसो महागंथो।

रयणचंदो मुणी-मंडणउरं (मांडवी करुछ) (३१) मुनि श्री फूलचंद्रजी महाराज! आपकी ओरसे 'मुत्तागमे तथ्य णं एका- रसंगसंजुओ पढमो अंसो' देख कर अख्यन्त प्रसन्नता प्राप्त हुई। इसी तरह उपांग, छेद, मूल और आवश्यक भी सीघ्र ही बाहर पड़ें तो बहुत अच्छा हो। अगर कुछ टाइप वड़ा होता तो कमनज़रवालोंको भी पढ़नेमें सुविधा होती। साथमें अर्ज़ है कि शांतिनिकेतन, नालंदामें विदेशसे आए अनेक विद्यार्थी जैनधर्मविषयक सिद्धान्तको जाननेकी वड़ी उत्कण्ठा रखते हैं। 'सुत्तागमे' के साथ 'अत्थागमे' भी होना आवश्यक है।

अय तक जो २ जैनागम जैनसमाजकी ओरसे वाहर पड़े हैं उनमें कुछ न कुछ शुटियां अवस्य रही हैं और किसी २ जगह अन्यके ऊपर छींटाकशी भी की गई है। इन बातों की आवस्यकता नहीं। मूल पर मूलका जो आशय है वही रहना ठीक है। 'सुत्तागमे' की यह प्रति बहुत ही शुद्ध है।

मुनि श्री हीरालालजी म० झरिया

- (३२) गत वर्ष श्रीस्त्रागमप्रकाशकसमिति गुङ्गाँवसे प्रकाशित स्त्रोंमें द्वितीय आचारांग स्त्रादिकी पुस्तक एवं इस वर्ष भी श्रीभगवती स्त्रादि प्राप्त हुए। आपके स्तुत्य प्रयत्नके लिए कोटिशः धन्यवाद है। आगमोंका प्रकाशन इस प्रकार किया जावे तो अत्युक्तम रहेगा—
- (१) मूल एवं भावार्थ टिप्पणी युक्त परिशिष्टमें पारिभाषिक शब्दकोष एवं जैनधर्मके विशेष सिद्धान्त और मान्यताओं पर प्रकाश ।
 - (२) मूल एवं हिंदी टीका न अति विस्तृत और न अखन्त संक्षिप्त ।
 - (३) मूल संस्कृत छाया एवं संस्कृत टीका।
 - (४) मूल संस्कृत छाया संस्कृत टीका एवं हिंदी अनुवाद।

इन चार प्रकारके प्रकाशनोंके बाद या साथ २ अन्यान्य भाषाओंमें अत्यु-त्तम अनुवाद भी निकाले जायँ।

एक विशेष निवेदन यह भी है कि अनुवाद या टीकाएँ अपने सिद्धान्त परक अद्धामय होनी चाहिएँ। आजके प्रभाव वाले की छाया पड़नेसे वह आजकी वस्तु होगी, त्रिकालकी वस्तु नहीं।

इसके साथ ही अभिधान-राजेन्द्र कोपकी भांति मूल प्राकृत-संस्कृत-टीका और हिंदीटीका वाला 'पुष्फकोस' भी निकलवाना चाहिए। उसकी अल्पन्त आवश्यकता है। एक ही स्थान पर जिज्ञासुको आगमोंके एक विषय पर सारे पाठ मिल सकें और अमृतपान करनेके समान पाठक प्रसन्नताका अनुभव करने लगे...।

कवि-श्रीकेवलमुनि-साहित्यरत्न उज्जैन

(३३) आपकी ओरसे बुकपोष्ट हारा भेजा हुआ 'मृतागमे' का आठनी पुष्प प्राप्त हुआ । अत्र विराजित श्री मेवाइ भूषणजीके मृतिष्य किय श्रीद्यांतिलालजी म. ठा. ४ की सेवामं प्रस्तुत किया । मृतिश्रीने आयन्त अवलोकत करके ये उद्वार प्रगट किए हें— "पुन्तकराज शृद्ध एवं संदर है, यह वीरवाणीका अमृत्य रह्न है। सम्पादक मृतिश्री शास्त्रज्ञानका सम्पादन करके साधुताकी घड़ियोंको सफल कर रहे हैं। महाराज श्रीकृलचंद्रजी म्यामी दिस्मज विद्यान है, ऐसे मृतिपुंगव द्वारा संपादित साहित्य जगतके कोने २ में प्रसरित हो इसी शुभेन्छाके साथ चरणकमलमें शत शत बंदन हो।"

मंत्री-वर्ण स्थार्थार संघ रामा (मंबाह)

(३४) श्रीमान शेठ रतनचंदर्जा भीलमदासजी बांठिया! जयजिनंद्र! आपका मेजा हुआ 'खत्तागमे' श्रीमेवाङ्भूपण १००८ मंत्री श्रीमोतीत्वात्वजी म० सा० की सेवामें पेश किया, उनके पष्ट्रशिष्य पं० शास्त्रक्ष मुनि श्री अंयाठालजी म० ने अवलोकन कर यह सम्मति प्रदान की है कि—''यह आगमरत्नाकर महाग्रंथ खाध्याय-अनुरागियों तथा शास्त्रज्ञोंके लिए अत्यन्त उपयोगी है।
इस प्रकार जैनागमोंका मुंदर संकलन देखनेका मुअवसर प्रथम बार ही प्राप्त हुआ
है। सम्पादक मुनिश्री जैनधर्मीपदेष्टा महामान्य श्रीफुलचंद्रजी म० श्री यह देन
तव ही पूरी हो सकती है कि जब इस अनोखे प्रथक प्रचार सब देजांनगेंमें हो,
साथ ही प्रखेक संग्रहालय और गृहपुस्तकालय में रक्ष्या जाय और दशका
खाध्याय किया जाय। प्रथराजका संकलन आदरणीय तथा प्रशंसनीय है।''

मंत्री व० स्था० जैन श्रा० संघ देलवाहा (मेवाह्)

(३५) श्रीप्यारेलाल जैन(अंबरनाथ) के द्वारा १९ अंगोंका एक मेट 'ग्रुनागमें' का मिला उसे श्रीमुनि मांगीलालजी म० ने अथसे इति तक अवलोकन किया, यहा सन्तोष हुआ और उन्होंने खूब सराहना करते हुए यह सम्मति पेश की- ''छत्तागमें' का संकलन अनोखे ढंगसे किया है, इसके गृह रहम्यको पूर्णशास्त्रज्ञ ही समझ सकते हैं अज्ञ या दुर्विदम्य नहीं। आपके अथक परिश्रममें ही यह कार्य पूर्ण हो पाया है अस्तु बधाई! इसमें छुद्धिपर अच्छे प्रकारसे ध्यान रक्त्वा गया है। वर्तमान ढंगसे यह आयोजन आदरणीय है, इसी ढंगक सीविक प्रकाशनकी आज आवश्यकता है। में चाहता हूं कि आपश्री अन्य स्त्रोंका भी इसी प्रकार पुनस्दार करें ताकि ये छुद्ध प्रतियां जगतीतलमें आमक तमस्तोमको दूर कर सही मार्गको प्रकाशित कर सकें। श्रीमुनि-मांगीलालजी म० चींचपोकली-मुंगई १२

(नोट) आपने इन प्रष्टपटोंपर अंकित सम्मतियोंसे यह तो जान ही लिया होगा कि ये प्रकाशन कैसे हैं। वैसे तो सब संप्रदायोंके मुनियों और महासतियों एवं जिज्ञासुओंकी ओरसे सत्रोंकी मांगें धड़ाधड़ आती रहती हैं, अर्थात् सूत्रोंका प्रचार आशासे अधिक हो रहा है। ११ अंगों से युक्त 'सुत्तागमे' महान् प्रंथकी प्रशंसा वडे २ महाविद्वानोंने मुक्तकंठसे की है। यह अपूर्व प्रथराज केंब्रिज, वाशिंग-टन. यहे. फिलाडेल्फिया. कैलीफोर्निया, क्लीवीलेंड, न्युयार्क, प्रिंस्टन, चिकागो (अमेरिका). जर्मन. जापान, चीन, पैरिस, सिंगापुर, मुंबई, कलकत्ता, बनारस, मद्रास. आगरा. पंजाब. देहली. भांडारकर ओरंटियल इंस्टीट्यूट पूना आदिके महापुरतकालयों एवं यनिवर्सिटियोंमें भी शोभा प्राप्त कर चुका है । तथा वहांसे पर्याप्त संख्यामें प्रमाणपत्र और प्रशंसा पत्र आए हैं जिन्हें ग्रंथराज के देहसत्रके अलाधिक वढ जाने के कारण नहीं दिया गया। अधिक क्या कहें इसकी ज्यादह प्रशंसा करना मानों सूर्यको दीपक दिखाना है । इसी प्रकार अर्थागम और उभया-गमों को भी यथासमय मुनियों महासतियों एवं जिज्ञासओंके करकमलोंमें पहुँचा-कर समिति अपना ध्येय परा करनेका प्रयत्न करेगी। समिति यही चाहती है कि हमारे मुनिगण प्रकाण्ड विद्वान बनकर जिन-शासनका उत्थान करें एवं आगमों का सर्वत्र प्रचार हो। मंत्री

Letter No. 1

True copy of the letter received from Prof. Daniel H. H. Ingals, Cambridge.

Cambridge Mass, June 5, I954.

I have received the beautiful Nirnaya Sagar edition of the Suttagame. I express my deep thanks to Muni Shri Fulchandji Maharaj for generosity. It would be merit enough to print so large a portion of the religious writings of the Jains in one convenient volume. It really deserves the thanks of all scholars.

The volume is not only an ornament of my library but is frequently put to use.

Letter No. 2

I have continued to read in the first volume which I find excellently edited and Singularly free of misprint. I should certainly be thankful to receive a second Volume.

Prof. Danial H. H. Ingals.

Letter No. 3

HARDING MUNICIPAL LIBRARY

Suttagame is a good addition to books of the library.

I hope you will also kindly present the next Volume which is under preparation.

Thanking you.
Krishna Gopal M. A.
Librarian.

Note:—There are not only the 3 letters. Besides there are number of other receipts of letters received from Various Universities & libraries all over the world which could not be published since their addition would increase the size of the Volume.

Secretary.



णमोऽत्यु णं समणस्स भगवओ णायपुत्तमहावीरस्स जैन धर्मके दस नियम

(१) जगामें दो द्रव्य Substances मुख्य हैं, एक जीव Soul दूसरा अजीव Nonsoul । अजीवके पुद्रल Matter, धर्म Medium of Motion to Soul and Matter जीव और पुद्रलके चलनेमें गहकारी, अपमें Medium of Rest to Soul and Matter जीव और पुद्रलके टहरनेमें सहकारी, काल Time वर्तना लक्षणवान और आकाश Space स्थान देने वाला, इस प्रकार ५ मेद हैं।


(२) स्थानको अपेक्षा स**ब** जीव समान और गुद्धस्वरूप हैं। परन्तु अनादि-कालमे कर्मरूप पुद्रलंकि संबंधसे वे अगुद्ध हैं। जिस प्रकार सोना खानसे

मिटीमें मिला हुआ अगुद्ध निकलता है।

(३) उक्त कर्ममालक कारण इस जीवको नाना योनियोंमें अनेक संकट भोगने पहते हैं और उसीक पष्ट होनेपर यह जीव अनन्तज्ञान-अनन्तदर्शन-अनन्तगुर्भ और अनन्तदाक्ति आदि को जो कि इसकी निजी सम्पत्ति है और जिसे मुक्ति कहते हैं प्राप्त करता है।

- (अ) निराकुलना लक्षणयुक्त मोक्षसुखकी प्राप्ति इस जीवके अपने निजी पुरु-पार्थके अधिकारमें हैं किसीके पास मांगनेसे नहीं मिलती।
- (५) पदार्थीक स्वरूपका यह सन्वश्रद्धान Right belief सत्वज्ञान Right Knowledge और सन्य आचरण Right Conduct ही यथार्थमें मोक्षका साधन है।
- (६) वस्तुएँ अनन्त धर्मात्मक हैं, स्याद्वाद ही उनके प्रत्येक धर्मका सत्यतासे प्रतिपादन करता है।
- (७) सन्य-आचरणमें निम्न-लिखित बातें गर्भित हैं, यथा— (क) जीव मात्र पर दया करना, कभी किसीको शरीरसे कप्ट न देना, बचनमें बुरा न कहना और मनसे बुरा न विचारना । (म) कौग-मान-माया-लोग और मत्यर आदि कषायभावसे आत्माको मत्तिन न होने देना, उसे इनके प्रतिपक्षी गुणोंसे सदा पवित्र रखना । (ग) इंद्रियों और मनको वश करना एवं बहिरंग अर्थात् संसारभावमें लिभ न होना । २ मुता० प्र०

- (घ) उत्तम क्षमा-निर्लोभता-सरलता-मृदुता-लाघवता-शीच-संयम-नप-त्याग-ज्ञान-ब्रह्मचर्यात्मक धर्मको धारण करना ।
- (ङ) झ्रु-चोरी-कुशील-मानवद्रोह-विश्वासघात-द्रोह-रिश्वत देना छेना-दुर्व्यसन आदि निन्यकार्योसे ग्लानि करना अर्थात् उन्हें त्यागना ।
- (८) यह संसार खर्य सिद्ध अर्थात् अनादि अनंत हैं। इसका कर्ता हर्ता कोई नहीं है।
- (९) आत्मा Soul और परमात्मा God में केवल विभाव और स्वभावका अंतर है। जो आत्मा रागहेषस्य विभावको छोड़कर निजम्बभावस्य हो जाता है उसे ही परमात्मा कहते हैं।
- (१०) ऊंच-नीच-छूत-अछूतका विकार मनुष्यका निजका किया हुआ विकार है, वैसे मनुष्यमात्रमें प्राकृतिक भेद कुछ मी नहीं है।
 मंत्री



सूयणा

पयासणमिणमम्ह धम्मगुरूण गरिमजियमेरूण साहुकुलचूलामणीण अहिलसग्गु-णखणीण चत्तअदत्तकळत्तपुत्तमित्ताण पसंतचित्ताण अग्गिव्व उग्गतवतेयदिताण पोम्मं व अलित्ताण पागयजणमुच्छाविहाणनियाणविसयगामविरयाण पंचविहायारनिरइयार-चरणनिरयाण भवोयहितारणतरंडाण अण्णाणतमोहपयंडमायंडाण मोहेभनिवारणवरं-.डाण पासंडिमाणसेलमद्दणवज्जदंडाण वाउरिव अपडिवद्धाण तवसिरिसमिद्धाण सम्म-अवगयजिणमयसम्मयसुहुमयरवियारसयलभवसिद्धियलोयहिययंगमाण सुसंजयपंच-पमियतरलयरकरणतुरंगमाण दुज्जयअणंगमायंगभंगसारंगपुंगवसरिच्छाण सुयणं बुरुह्बोह्णअण्णाणमोहतिमिरभरहरणधम्मु जोयकरणिकत हिन्छाण दुहतरु उम्मू-लणेक्कखरपवणाण चरित्तणाणदंसणफललुद्धमुणिदसउणमेरवणाण सारयसलिलं व सुद्धमणाण पार्विधणोहृहुयासणाण संसारण्णवमज्जंतजीवगणतारणसमत्थबोहित्थाण अद्दिव्व धीरिमापिङहत्थाण जिणपवयणगयणिनसायराण मेराणाणचरणाइनिम्मल-गुणर्यणर्यणायराण नियसुद्भुवएसदेसणाणिण्णासियभव्वजंतुजायजीवियभूयसम्म-दंसणणासणपचलमिच्छादंसणुगगगरलाण दुज्जणदुव्वयणपवणवाए वि अतरलाण विसयसुहृनिप्पिवासाण सुक्कगिहवासपासाण दूर्पिरचत्तविङ्गिच्छाअरइरङ्भीइहासाण मित्तसत्तुजणजुम्मसमाणमणोविलासाण नवविहबंभचेरगुत्तिसम्मसंरक्खणेक्कपरायणाण दुक्कम्मदङ्चनिवहविद्धंसणनारायणाण सुत्तत्थविसारयाण जिणधम्मपसारयाण मराहुव्य परगुणखीरगहणदोसंबुविवज्जणवियक्खणाण कयछक्कायरक्खणाण खं व अणप्पकुवियप्पसंकप्पसुण्णाण खंतिमुत्तिअज्जवमद्दवलाघवाइपुण्णाण धरामंडलव्व सम्बसहाण भवदुक्खायवसंतत्तपंथिसंतिदायगदहाण चंदणवणं व सुसीयलाण जस-च्छाइयधरणीयलाण कंदप्पद्प्पद्लणिक्समल्लाण नीसल्लाण नियनिरुवमवयणकलारंजि-यसयललोगाण सन्वहा निम्ममयाए निरासीकयसोगाण आइश्चन्व तेयसा फुरंताण धम्मुव्व मुत्तिमंताण जियतिजयदप्पकंदप्पमत्तगयवियङकुंभयङद्रुणसीहाण निरीहाण जिणगणहरसमणुचिण्णसम्ममगगाणुयाईण निहिलागमपारयाईण परजियपियहिय-मियफुडभासीण सयलगुणरासीण माणावमाणपसंसर्णिदणलाहालाहसुहदुह्समाणम-णसाण अंमुमालिन्व फेडियदुम्मइतमसाण संतिमुत्तीण सियकित्तीण जीवुन्व अप्पिड-ह्यगई्ण जिणपवयणाणुसारमई्ण अमयनिग्गमुव्व सोमसहावाण महापहावाण पंचा-णणुट्व दुप्पधंसणिजाण सयलजणाभिगमणिजाण सासणपभावगाण जीवे सम्मग्गे ठावगाण जम्मजरमरणकल्लोललोलजलपडलपुण्णविविहमहायंकसमुल्लसंतलल्लक्कणक्कचक-

भव्वे धम्मदोणीनारणसमृद-अणवरयविसप्पिररोगसोगमयराइभीमभत्रण्णवाड कुसलकण्णधाराण धीरधुरधवलुव्य उव्वहियद्व्वहृपंचमहृव्ययगुरुभाराण उदहिबिव गहीराण मोहमल्लिकवीराण पावदाविगनीराण दुरियरयसमीराण जिणधम्मरहमु-सारहीण धम्मकहीण तिगुत्तिवग्गावसीकयदुद्वमणस्माण अवगयदुग्गमसिद्धं तरहस्माण अपसत्थासवदारनिरोहगाण बहुभव्वजणसमाजवोहगाण जिइंदियाण धम्मपियाण पंचविहसज्झायविहिविहाणविहावणसावहाणाण अहिलजगज्जंतुजार्यावयरंतअभयदा-णाण भवजलहिसुइंतजंतुसंतरणअणह्वरजाणाण भवभयचारयबंधणविच्छेयनिमि-त्तसत्ताणाण समतिणमणिलेङ्कंचणाण छिश्वियमयतण्हावंचणाण अण्णाणितिमिरावरि-यअंतरणयणजणताविङ्ण्णतदुम्घाडणारिहतव्विमलयाहे उपरमणाणं जणाण निरंजणाण कम्ममहीठहकुमङ्ळउप्पाडणगइंदाण परतित्थियमियमइंदाण कामनुनु-मालिनिम्मलजसभरपरिभरियभुवणयलाण दारिहृदुमद्वानलाण गोमुख्य गोम्भयागु-णगरिद्वाण सन्वसाहुजणपगिद्वाण सीहुन्व असंखोद्दाण आहित्राहिउबाहिकगायभगिउ-ल्हवणमेहसंदोहाण वज्जियलोहनिय डिमयकोहाण पणद्वसंपदायपक्तवायमोहाण अण्णाणंघयारावडियदावियमुत्तिमग्गाण गयस्मग्गाण कि वहुणा सम्बसाहुगुणाय-माजुत्ताण ससहरुव्व विसहजणमणचओरामंदाणंददायगभव्वहिययहरवियागगनिय-सियसुजसजुण्हाधवलियदियंतरअण्णउतिथयचक्कविहडणपयडमाहण्यपावकलंकवंकनण-मुत्ताण अज्जपरमपुज्जाण वंदणिजाण ४ सिरि १०८ सिरिफकीरचंदमहारायाण धारणाववहाराणुसारं वट्टइ जह मे प्यासेण कस्स वि किलि वि लाहो होहिङ तो सपयत्तसाहल्लं मण्णिस्सं, दिद्विमुद्दणक्खरजोजगदोसा कहिंपि कावि अगुद्धी होउ सोहिजाउ, पेसिजाउ ससम्मई, इमस्स सज्झायं करू बुहा निराबाहं सहं पारणंतुति ।

्गुरुपयंबुरुहदुरेहो-पुष्फभिक्स्त् सूचना

यह प्रकाशन मेरे धर्मगुरु धर्माचार्य साधुकुल शिरोमणि १०८ क्ष्मिन्नोर के महाराज (स्वर्गीय) के धारणाव्यवहारानुसार है । यदि कोई दृष्टि-मुद्रणादि दोष हो तो खाध्यायप्रेमी सज्जन सुधारकर पढ़ें। यदि इस प्रयक्त से मुमुश्रुओं को ज्ञानसाधनाका लाभ मिला तो परिश्रम सफल समझकर सन्तोष होगा । इसका अहर्निश खाध्याय करते हुए वे निराबाध सुख प्राप्त करें। मुनिगण अपनी गम्मति समितिको मेजें।

गुरुचरणचंचरीक **पुष्फामिक्खू**

षड्भाषामयं वीरस्तोत्रम्

विद्यानां जन्मकन्द् स्त्रिभुवनभवनालोकनप्रत्यलोऽपि, प्राप्तो दाक्षिण्यसिन्धुः पितृवचनवशात्सोत्सवं लेखशालाम् । जैनेन्द्रीं शब्दविद्यां पुरत उपदिशन् खामिनो देवतानां, शब्दब्रह्मण्यमोघं स दिशतु भगवान् कौशलं त्रैशलेयः ॥ १ ॥ (संस्कृतम्) जो जोईसरपुंगवेहि हियए निचंपि झाइजए, जो सब्वेस पुराणवेयपभिइग्गंथेस गीइजए। जो हत्यद्रियआमलं व सयलं लोगत्तयं जाणए. तं वंदे तिजयग्गुरुं जिणवरं सिद्धत्थरायंगयं ॥ २ ॥ (प्राकृतम्) देविंदाणवि वंदणिजाचलणा सन्वेवि सन्वणाुणो, संजादा किर गोतमा अवि तया जस्सप्पसादा दुते। सो सिद्धत्थिमहाणभूवदिसदो जोगिंदचूडामणी, भन्वाणं भवदुक्खलक्खदलणो दिजा सुहं सासदं ॥ ३ ॥ (शौरसेनी) दुस्टे संगमके शुळे भग्नकले घोलोवसग्गावर्लि, कुव्वंतेवि न लोशपोशकलुशं येणं कदं माणशं । इंदे भत्तिपले ण णेहबहुलं योगीशलग्गामणी, शे वीछे पलमेशले दिशतु में नेडन्तपुत्रत्तणं ॥ ४ ॥ (मागधी) कंपंतिक्खितिमंडलं खडहडएफ्ट्टंतबंभंडयं, उच्छल्लंतमहृष्वं कडयडतृहंतसेलग्गयं। पातरगेन सुमेरकंपनकरं बालत्तलीलाबलं, वीरस्स पहुणो जिनान जयतु क्खोनीतले पायडं ॥ ५ ॥ (पैशाची) इंदो वेदणरेसि जासु महया हुल्लोहलेणागओ, जज्झाई मुणिहंसओ हियडए अक्खे निरंभेविणु । साह ब्रोप्पिण जासु कोइ महिमा नो तीरए माणवो, पाए वीरजिणेसरस्सु नमहुं सीसल्लडे अम्हहे ॥ ६ ॥ (अपभ्रंशः)



गुरुस्तुतिः स्रोक्तः

ध्यानाद्यस्यार्थेसिद्धिः प्रभवति निखिलज्ञानस्पोऽमरो यो, ध्येयः सचित्स्वरूपो विमलगुणयुतो रागवन्धादिश्चन्यः । सर्वज्ञोऽनन्तशक्तिर्विधिश्चेवकरो योगिभिध्यानगम्यः, सोऽयं कल्याणमूर्तिः परमकरुणया रक्षताद्वो जिनेशः॥ १॥

शिखरिणी

स जीवः पुण्यादिप्रकृतिगुणतोऽनन्तविभवः, स्वयं कर्ता भोक्ताऽऽगमगिरिजिनेन्द्रः कथितवान् । कदाचिन्नो यृद्धिः क्षतिरिप न चास्यास्ति शुभदः, स नः कुर्य्याच्छान्ति जिनमुरवरोऽनायनिथनः ॥ २ ॥ सूर्य्यक्षन्द्रो प्रहादिर्गगनतलगतस्तारकादिर्भवेऽस्मिन्, जीवो देहानुकूलः क्षितिरनलजलं वायुरिममनोऽपि । चैतन्यं पुद्रलोऽपि प्रथितगुणयुतः सिद्धभावानुकृलं, एतत्सर्वं मिलित्वा प्रभवति भुवनं पानु श्री वीरदेवः ॥ ३ ॥

धर्माव्यत्ययकरे, मलीमसाचारे, पश्चमारकक्ली सर्वदुःखाकरे, विविधवेदना-मये, केषामपि प्रवृत्तिर्मा भूयादिति स्याद्वादांगयोगान्तर्गतद्यासत्याचौर्यव्ययन्यर्था-परिप्रहादिपंचविधयम(महावत)परिपालनासक्तचिक्ता जिनेन्द्रमुनिपदे नियुक्ताम्नधा-ऽऽगमनिगमोक्तधर्मप्रचारपरायणाश्च ॥

जिनधम्मीनुगा, देवगुरुभक्तिप्रवणमानसाः, श्रमणवचनश्रद्धावन्तो, नान्यथा-वादिनो, जैनागतनवतत्त्वावगन्तारो, द्वितीयाश्रमस्थाः श्रावक(गृहस्थ)पदं शोभिना भगवद्भिः॥

सिवदानन्दरूपेण, वीतरागेण, जिनेन, कर्म्मबन्धादबन्धो भूत्वा सर्वानन्दा-नन्दितेन, व्यापकस्वभावेन, सर्वविदा अपुनराष्ट्रतिरूपा मुक्तिर्मिस्पिता ॥

चतुर्थकालान्ते च त्रिविधतापसन्तप्तमानजनतर्पणाय कृतगणधरावतारेण, जिनोक्तद्वाद्यांगविशिष्टशिष्टशास्त्राध्ययनाध्यापनादिधमीष्ट्रद्विप्रपृत्तिकृतं परोपकारब-त्वेन स्थितो धर्मादिरूपोऽनाद्यनिधनाचारः श्रीमता सुधर्माचार्येणोदाहृतः ॥

तेन चतुर्विधसंघसंगिसाधुसाध्वीनां श्रावकशाविकाणामन्योन्यमधर्मानृति-पूर्वकधर्मविचारणाय यात्राऽऽविभीवो मन्यते स्म ॥ सुधर्माचार्यत एकसप्ततितमे पट्टे निरवद्यविद्योतमानमहाकविपरिकरकुमुदाकर-राकानिशाकरश्रीजैनगणालिसमास्वादितचरणारविन्दमकरन्दश्रीनाथूरामजैनाचार्येण श्रुतचारित्रप्रचारयोर्जिनधर्म्मयोः प्रचारेण स्वान्तेवासिभ्यो मुनिनेत्र(२७)मितेभ्यः जिनोदितसिद्धान्तं प्रतिपाद्यादिजिनोक्ताऽनादिजिनधर्म्मप्रचारोभिहितः ॥

ततः क्रमशः पंचसप्ततितमपदृस्थितेन सर्वषड्जीवनिकायाभ्युद्यप्रवृत्तये उत्तम-चंद्राचार्येणाचार्यपदं सुशोभनं कृतम् । तत्समकालीनश्च जैनाचार्यो भज्जुलालो जातः । यश्च निगमागमतर्कज्योतिषशास्त्रजन्यरहस्यादिपारंगमः ॥

श्रीमदुत्तमचंद्रजैनाचार्यानुसरणशीलब्रह्मचर्याश्रमसम्पन्नसुसंयमीभूतभव्यप्रबो-थकतपस्वित्रवरो रामलालजैनसुनिर्जातः ॥

यदन्ते निवासार्हस्य श्रीमच्छ्रीमालवंशसमुत्पन्नस्य वार्द्धक्य(स्थविर)पद्विभूषि-तस्य मृदुलस्वभावस्य पूर्वजन्मजन्मान्तर्कम्मेक्षयार्थे श्रीमान् जैनमुनिवर्ध्यशीफकीर-चन्द्रसाधुः समिभजातः॥

यतः-

नमाम्यहं श्रीशफकीरचन्द्रं, गुणाकरं किन्नरपूज्यपादम् । योगीश्वरं तोषकरं खरूपं, लावण्यगात्रं बहुसौख्यकारम् ॥ १ ॥ भवन्तमीशं भजतोऽनुजातु, दुःखान्यलं कानि च नापि तापैः। पाणिस्थचिन्तामणिमंगभाजं, का निर्ऋतिः पीडियतुं शशाक ॥ २ ॥ भत्तया जना ये तव पादसेवां, कुर्व्वन्ति सनते त लभन्ति चैव। न दुःखदौर्भाग्यभयं न मारिः, स्मरन्ति ये श्रीशफकीरचंद्रम् ॥ ३ ॥ भव्या जना ये सुनमन्ति निलं, तेषां मनीषां सफलीकरोति । लक्ष्मीं यशोराज्यरतिं प्रभृतिं, विद्यावरश्रीललनासुखानि ॥ ४ ॥ कविः सुबुद्धया गुरुसन्निधोऽपि, कस्ते गुणान् वर्णयितुं समर्थः । तथाऽपि त्वद्भक्तिरतथ पुष्पः, करोति नित्यं गुणवर्णनां ते ॥ ५ ॥ महाणेवे भूधरमस्तकेऽपि, स्मरन्ति ये खामिफकीरचन्द्रम् । सुबैः सहायान्ति नराः ख्रधाम्नि, ततो भवन्ति प्रणमामि कामम् ॥ ६॥ न रोगशोका रिपुभूतयक्षा, नवप्रहा राक्षसदस्युचोराः। न पीडयन्ति गुरुनाममंत्रे, स्तस्मान्नराणां शिवदायकोऽस्ति ॥ ७ ॥ जैनाब्दसम्बोधनपूर्णचन्द्रः, सत्सेवकेच्छामितदेवबृक्षः । शमप्रधानस्त सुसाधमूर्ति-, जीवेश्वरः खामिफकीरचन्द्रः ॥ ८ ॥ इत्थं गुरोरप्टकमुत्तमं यः, प्रभातकाले पठते सदैव । किं दुर्लभं तस्य जगत्त्रयेऽपि. सिध्यन्ति सर्वाणि समीहितानि ॥ ९ ॥

अथ श्रीपुष्पाष्टकम्

वीराय ज्ञातपुत्राय, महावीराय तायिने । जिनाय वर्धमानाय, श्रमणाय नमो नमः ॥ १ ॥ यस्य दुवीसना शान्ता, शान्तेच्छो यो मुनीधरः । तस्मै फकीरचन्द्राय, नमोऽस्तु शिवमूर्तय ॥ २ ॥ यस्य शिष्यस्सदाचारी, पुण्पेन्दुमुनिसंज्ञकः । शास्त्रतत्त्वविशेषज्ञ –, स्तस्मै ज्ञानात्मने नमः ॥ ३ ॥ दुःखभाजां नितान्तं यो, दुःखान्धनर्राणमुंदा । तस्मै नमोऽस्तु शान्ताय, जिनेशपदमेथिन ॥ ४ ॥

३। र्लूळाटे की डितवृत्तम्

श्रीमहेवजिनेन्द्रपाद्युगलाऽम्भोजाऽर्चनाऽऽयक्तधीः, संसाराम्ब्रनिधी निममजनतोद्वाराय पोतोऽस्ति यः। जैनाचारवतामबोधहरणे भास्त्रत्मो ज्ञानविद्-भक्ताऽज्ञानविनाशकृद्विजयतां श्रीषुष्पचन्द्रो मुनिः ॥ १ ॥ यस्यान्तः करणे दयोन्नतिकरी विज्ञानमात्मन्यदः. संसारोरगमीतिहजनपदाऽशेवार्तिहो योऽनिशम । शान्तो यो निजधर्मरक्षणपरो खाध्यायध्याने रतः. सोऽयं साध्रशिरोमणिर्विजयते पुष्पेन्द्रसंशो मुनिः ॥ २ ॥ भिक्षायाचनहेतवे गृहवतां येषां गृहे प्रैति य-. स्तेषां पापचयं प्रयाति रविणा नैशं यथा ध्वान्तकम । सारासारविचारणे च नितरां लग्नं मनो यस्य हि, श्रीमान्पुष्पशशी मुनिर्विजयतां सः श्रीगुरोस्सेवकः ॥ ३ ॥ मुक्तसर्थं यतते च यो जितरिपुः श्राद्वाचिता जा क्रिको, ज्ञानाचाररतो विशुद्धमनसां पादाम्ब्रजालिः सदा । जीवापदविनिवार्णेऽतिकुशलस्वीयाऽमरेशे मतिः, सोऽयं को जयतानमुदा मुनिवरः पुष्पेन्द्रसंज्ञो मुनिः ॥ ४ ॥ दूरं दुःखचयं व्रजेच सुतरां यहरीनात्कम्में जं. यद्वाचा जनतामनः कलुषतां त्यक्तवा विशुद्धं भवेत । यस्यास्ति भ्रमणं हिताय च सतां नाशाय दुःखाम्बुधेः, स श्रीपुष्पमुनिस्सदा विजयतां कल्याणमूर्तिर्भृशम् ॥ ५ ॥

नानादेशगतैर्जनौर्जनकथापीयूषपानेप्सुभि-,
जैंनाऽजैनगतस्य यस्य मुखतो निस्यं कथा श्रूयते ।
यस्यास्ते नितरां विहारकरणं लोकोपकाराय च,
तं पायादृषभो जिनो विषयतः पुष्पेन्दुसंज्ञं मुनिम् ॥ ६ ॥
यद्वाणी च सदा सुधारससमाऽविद्यान्धकारापहा,
यच्छीलेन जना मुदं च मनसा संलब्धवंतः पराम् ।
यत्कीर्तिर्विशदा दिगन्तवितता राराज्यमाना सदा,
अव्यात्तं जिनराजभक्तिनिरतं श्रीपुष्पचंद्रं जिनः ॥ ७ ॥
शास्त्रोद्यानसुतत्त्वविद्यरवर्रवंन्द्यो मृशं योऽनिशं,
साधूनां प्रवरो निरस्तविषयो यस्यानुरागो गुरौ ।
गंगानीरसमस्समुज्वलतरो यस्यास्ति नीतिमंतौ ,
सः श्रीपुष्पविधुर्मुदा विजयतां सर्वार्थसिद्धिप्रदः ॥ ८ ॥
साधुसेवानुरक्तेन, चन्द्रशेखरशम्मणा ।
कृतं पुष्पाष्टकस्वैतत्, पुष्पेन्दुभक्तिहेतवे ॥ १ ॥

इति श्रीकाशीस्थपण्डितचन्द्रशेखरशर्मा व्याकरणन्यायाचार्यविरचितं पुष्पाष्टकं सम्पूर्णम्

॥ श्रीः ॥

दिनाङ्गः १२-११-१९५४

श्रीमतां श्रद्धेयानां पुष्पिभक्षुवर्याणां

— स्तवः —

यदीयवचनाविविकृतभावनानाशिनी । कुवुद्धिकुमुदावलीरिविरजसमुद्यत्प्रभा ॥ मुधारसमयी परा मुजनमानसोल्लासिनी । सदा मुनिवराप्रणीं जगति पुष्पभिक्षुं स्तुमः ॥ १ ॥ करालकलिकालजाविरलमोहवाल्योचयै–। स्पस्ततनुरप्यसौ मुजनभक्तसार्थो ह्ययम् ॥ स्वकोपदिशनेन वै य अनिशं निरस्यद् व्यथां । सदा मुनिवराप्रणीं जगति पुष्पभिक्षुं स्तुमः ॥ २ ॥ वितानिततपोबलोऽतनुमङ्गलापादको । जिनप्रवचनानुगो दमितसर्वसङ्गातमको ॥ महागुणगणावहो सकलमोह्याध्यंसको । जयत्वविरतं सुधीन्द्रवरपुष्पभिक्षः स्वयम् ॥ ३ ॥

रचयिता

ग. भि. जोशी. काव्य-वेदान्त-पुराण-तीर्थः, साहित्यप्राज्ञः, रा. भा. कोविद. हिंदी सनद. पनवेल (कोलावा)।

वसीससुत्तणामहगं

गीइविन्तं-आयारंगं पढमं, बीयं स्थगढंगं अक्लायं ।

ठाणंगं च तइयं, समतायंगं हवइ खलु चउत्थं ॥ १ ॥
पंचमं च खु भगवई, णायाधममकहा य भवे छहुं ।
उवासगदसंगं स-तमं अहुमं अंतगडदसंगं ॥ २ ॥
अणुत्तरोववाइयं, नवमं दसमं पण्हावागरणं ।
इक्ष्दसमं विवागर्खुंयं इह इक्षारसंगाई भणियाई ॥ ३ ॥
उववाइयं तह राय-पसेणियं जीवाभिगमो य पुणो ।
पण्णवणा तह जंबुद्दीवपण्णती चंदपण्णती ॥ ४ ॥
स्रपण्णती तहा, णिरयाविलया किप्पया पुष्मिया ।
पुष्मच्लिया य वण्डि-दसाक्षो बारमाई उवंगाई ॥ ५ ॥
ववहार-बिहक्षप्प-णिसीह-दसास्यक्खंधिहं च ।
चत्तारि उ सुत्ताई, छेयाई सञ्बाई सक्तिसं ॥ ६ ॥
दसवेयालियं तहा, उत्तरज्ञ्ञयणं णंदिस्सुयं च ।
आणुओगहारं तह, चत्तारि इमाई मृत्रमुताई ॥ ७ ॥
आवस्सयसुत्तं तह, बत्तीसमं भणियं जिणवरेहिं ।
विविहत्थबोह्याई, भव्वजीवहेडओ दंसियाई ॥ ८ ॥

कत्ता-कच्छी मुणिरयणसंदो



पद्दावली मंगलायरणं

द्यविलंबियवित्तं-भिवयणंबुयभासणभक्खरो, भुवणबंधवईहियदायगो । पणयवासवचक्कणिवावली, विजयउ उसहोऽत्थ जिणाहिवो॥ १॥ वेयालीयं-सुमई बहवेऽभिहाणओ, गुणजुत्ता पुण इत्थ दुह्रहा । सुमइं गुणओऽभिहाणओ, पणमामीसमणंतसग्गुणं ॥ २ ॥ पंचचामरं-जगप्पमोयदायगं पणद्रमोहसायगं। समीसचित्तवासिणं परप्पसंपयण्णियं ॥ विसिट्ठदेसणाअणाइसिद्धिमग्गदंसगं। णमो अणंतसम्ममग्गविस्ससेणणंदणं ॥ ३ ॥ दोहयं-घाइचउक्तयकम्मविणासा, लद्धमहोदयकेवलबोहं। जोगनिरोहसमस्सियकायं, झामि सया मुणिसुव्वयणाहं ॥ ४ ॥ मंदकंता-भव्वागारं पसमजलहिं सक्कपूर्यं विपोम्मं. मेहस्सामं विमलमइदं भिण्णसंसारचकं। संसारद्धिप्पवहणणिहं मेहगंभीररावं. तं संखंकं पवरविहिणा णेमिणाहं थुणेहं ॥ ५ ॥ सिहरिणी-समं चेओ जस्स प्पणइधरणिंदे य कमढे. महावेसत्तोमग्गिविसर्विद्रहेऽहमतमे । मणोऽभिद्वचायाऽमर्विडवितुहो जगइ जो, थुणे तं वामेयं जियसुरतहं भव्वचरणं ॥ ६ ॥ सदलविकीडियं-वीरो विस्सविजेउकामविजई वीरं न को जाणए, वीरेणेव विवोहियं जगमिणं वीराय सन्वं मम। वीरा निस्सियवं सुइक्कजलही वीरस्स णाणं महं, वीरे सन्वगुणा वसंति दिस मे वीरा! सिरिं सासइं ॥ ७॥

अह पद्यावली पारन्भिज्ञइ

चरिमतित्थयरो णायपुत्तमहावीरो दुरियरयसमीरो पावदावग्गिनीरो मेरु-गिरिधीरो जाओ॥ तप्पट्टे पंचमगणहरो सुहम्मो णिइलियक्लुसकम्मो खलीकय-अहम्मो कयसहलजम्मो हूओ॥ १॥ तप्पट्टे अज्ञजंबू बालवंभयारी सत्तावीस-हियपंचसयसहिदक्खधारी चरियस्ताणुसारी आगमविहारी हुओ॥ २॥ तप्पट्टे पभवणामधारओ गहियसंघभारओ सयलजियहियकारओ अणगारओ सुत्तत्य-धारओ पारओ भूओ ॥ ३ ॥ तओ दसवेयालियपणया संघणया स्वयत्याद्रज्ञया सिजांभवणामायरिओ ॥ ४ ॥ तयणंतरं जसोभइनामो विज्यिकामो विहरि-यगामाणुगामो सुचरियसंजमगुणधामो ॥ ५ ॥ तप्पच्छा अङ्गणणवंतो पसंतो खंतो दंतो धम्मारामे विहरंतो संभूइआयरिओ ॥ ६ ॥ तथाणंतरं अजभइ-बाह् चडणाणचडदहपुव्वधारगो दसाकप्पववहारकारगो स्थसमुद्द्रपारगो ॥ ७ ॥ तप्पट्टे उिह्नद्ववंभयारी थूलभद्दमुणी गुणी गणी सव्वसाहित्रसंमणी स्थलगुण-गणखणी ॥ ८ ॥

अज्ञावित्तं-अज्ञमहागिरिवैलिस्सही संतीयरिओ क्रमेण पूर्णा। पण्णवणाकतारो सामीयरिओ गुणी जाओ ॥ १ ॥ संडिल्लो जिणधम्मी समुद्दश्री जंदिली तहा गुणवं। सिरिणांगैहत्थिरेवैयखंदिल्लांणाम आयरिया ॥ २ ॥ सीहगिरी सिरिमंतों णागज्ज्येणेओ पुणो य गोविंदों। भूयदिण्णैंआयरिओ लोहें|यरिओ गुणदी उ ॥ ३ ॥ दुप्पर्सदेवहिंगैणी वीरैर्डभद्दो तहेव सिवभैंहो । जैसवीरसेर्णणिजामया य गणिओ जैसस्सेणो ॥ ४ ॥ हरिससेणैंजैयसेणो जयपालगैंणी तहेव देवरिसी । भीमसेण आँयरिओ तप्पेंट कर्मेंसीहो य ॥ ५ ॥ रायरिसीसैंरदेवसेंर्शसंकेर**ेणो** य लच्छि**लीहो** उ । रींमरिसी तह पर्अमो आयरिओ पुजाहरिसीमो ॥ ६ ॥ कुसल्पेंहो य उमणॉर्यरियो जयसेर्णपुर्ववीयरिसी। गणी सिरिदेवेंचंदो स्रीरस्सेणो महौसीहो ॥ ७ ॥ मैहैसेणो जयराँओ गैंयसेणो वह उ मिसेसेणो य । विजैयसीहसिवरायों लार्लायरियो तहा कमसो ॥ ८ ॥ गाहा-णाणायरिर्धभूणीमो, रूवशीयरिओ तहा ।

गहा-णाणायरियभूणामां, रूवऔयरिओ तहा । जीवैर्स्सी तेयरींओ य, हरजीर्णाम हिंदमं ॥ ९ ॥ जीवैराओ उ धर्णजी, विस्त्यार्थ्यको तहा । मणाजीणामधेजो उ, मणोणिगहकारगो ॥ १० ॥ नार्थ्यरामायरिओ य, तप्पट्टे णाणसागरो । रुज्छीचंद्श्रीयरिओ, तप्पट्टे छीतरभँछो ॥ ११ ॥

रायाराँमो गुणवंतो, उत्तभँचंदो कित्तमं।
समणो रामठाँठो य, तवस्सी अइउक्कसो ॥ १२ ॥
फँकीरचंदो तस्सीसो, थेरप्पयविभूसिओ ।
पुप्पभिँक्ं तचलणं-, तेवासी य महागुणी ॥ १३ ॥
जेण संपाइओ एसो, भव्वाणं उवकारओ ।
'सुत्तागमे' महागंथो, सिंधुवंगविहारिणा ॥ १४ ॥
अज्ञावित्तं-तस्स य अंतेवासी सेवाभावी अणेगगुणजुत्तो ।
अस्थि सव्वजियमित्तो अभिहाणेणं सुँमित्तो य ॥ १५ ॥
उवजाई-तस्सिथ सीसो जिंणंचंदभिक्खू,
पद्यावली जेणेसा विरइया ।
संतीभवणअंवरनाहगामे,
संघस्स अद्वा सुगुरूकिवाए ॥ १६ ॥
अज्ञा-इक्षीरसुण्णेगतेष्पमिए वरिसे य मग्गसिरमासे ।
सक्तस्य पंचमीए रयणा एसा समत्त ति ॥ १७ ॥



णमोऽत्थु णं समणस्स भगवश्रो णायपुत्तमहावीरस्स प संगियं किंचि

सयलजगजीवाणमप्पञ्भुद्वाणाभिलासा वहुए, एयं चावस्मयं पि । जेण लद्ध-मणुयजम्मेण ण कयमत्तिह्यं तज्जम्ममफलं । अप्पहियद्वा चेय जणो पवयणमवण-सज्झायकरणतवजवसंजमाइकज्जेमु पवहुद् । धम्मकरणं पि णाणेण विणा ण संभवद्व त्ति णाणमाहृष्यं । बुत्तं च-

> णाणं मोहमहंधयारलहरीसंहारस्क्रममो, णाणं दिद्वअदिद्वइद्वघडणे संकपकप्पहुमो । णाणं दुज्जयकम्मकुंजरघडापंचनपंचाणणो, णाणं जीवअजीववरथुविसरस्तालोयणे लोयणं ॥ १ ॥

तण्णाणं च पंचविहं, तस्मि वि मुयणाणं विसिस्सई णेगाण भव्दजीवाणस्य-यारत्तणओ । सए ति वा सिदंते ति वा सते ति वा सरथे ति वा आगमे ति वा एगद्रा । आगमे तिविहे प०, तंजहा-मुत्तागमे, अत्थागमे, तदुभयागमे । एमो औ महागंथो तुम्ह करकमले विजाड तब्बारसुवंगचउछेयचउमलावरसयमंज्ञको दिप्पण-परिसिद्धाईहिं समलंकिओ सुत्तागमस्य बीओ अंसो । पढमो अंगो नाव इकारसंग-संगओ इओ पुन्ति सम धम्मायरिएहि परमपुजसिरिपप्पभिनन्तृहि संपादिओ सिरि-सत्तागमपगासगसमिईए पगासिओ वट्टए ति सुविद्यमेव सब्बेरिं । सन्।गमणिय-सज्झायमणणचिंतणणिदिद्धासणेणमत्तपरस्वणाणं होहिङ् । कि कायव्यं मए कि करेनि केण पहेण गंतव्वं केण जामि कि हेयं कि णेयं किसुवादेयं ति जाणितु सुनागम-सज्झायकारगो अत्ताणं धम्मे ठाविस्सइ परं धम्मे ठाविस्सइ । केण कम्मेण जीवी णेरइओ वा तिरिओ वा मणुओ वा देवो वा सिद्धो वा जायह तब्बण्णामस्मिमिध। णत्थि कोवि विसक्षो जो सत्तागमे णत्थि । दब्बाणुश्लोगो भगवईपण्णत्रणाईस । धरम-कहाणुओगो (चरियाई) ताव आयारे महावीरचरियं, स्यगढे उसर्भाजणअट्टाण-उद्युत्तअद्गाईणं, ठाणे महापडमचरियं, समवाए महापुरियाणं माउपिउप्य्वभ-वणामाई, भगवईए रोहाऽणगारखंधयतामलिसिवरायरिसिमहाबलउसहदत्तरंबाणंदा-जमालिगंगेयअइसत्तगोसालयोदायणमिगावईजयंतीसोमिलाईणं चरियाई संति । छद्व-सत्तमद्वमणवमेकारसमंगाइं सव्वहा कहामया चेव । ओववाइए अंबडचरियं, रायपसं-णइए स्रियाभदेवचरियं पएसिकहाणयं च, जीवाजीवाभिगमे विजयदेवचरियं, जंबही-वपण्णत्तीए उसहजिणचरियं भरहचिक्कचरियं च, णिरियावलियाइपंचुवंगाई सम्बद्धाः

चरियमयाई, उत्तरज्झयणे कविलणमिहरिएसिचित्तसंभूयइस्यारगगगायरियसंजइराय-मियापुत्तअणाहिमुणिसमुद्दपालरहणेमिकेसिगोयमजयघोसविजयघोसाईणं. पढमे परि-सिट्ठे कप्पद्धत्ते वीरचरियं पासचरियं अरिट्ठणेमिचरियं रिसभजिणचरियं च। ससमय-परसमयवत्तव्वया ससमयठावणा परसमयणिराकरणाइदंसणविसओ स्यगडे समस्थि। गणियाणुओगो चंदस्रपण्णत्तीआईसु । चरणकरणाणुओगो (आयारवण्णणं) ताव आयारे दसवेयालिए एवमाईसु । पायच्छित्तविहाणाइयं चउसु छेयसुत्तेस । पमाणण-यणिक्खेववागरणसत्तसरणवकव्वरसाइयं अणुओगहारे । आवस्सयिकचं साहुसावयाणं साहुसावयावस्सए । अलमइवित्थरेण चत्तारि वि अणुओगा सुट्ठरूवेणमस्सि संति । एसुत्तमजिण्णासूण मुमुक्खूण गुणगाहगाण सज्जणाण अणुवमणाणसाहणं । चित्तचव-लयादूरीकरणसन्वृत्तमोवाओ सुत्तागमसज्झाओ । अओ चेव समणेणं भगवया णाय-पुत्तमहावीरेणं चाउकालसज्झायकरणमुवदिद्वं भासियं च-'सज्झाएणं जीवो णाणावर-णिजं कम्मं खवेइ'। अजावहि जेत्तियाइं सुत्ताइं पगासियाइमण्णेहिं ताइं अइभारजुत्ताइं दुव्वहाइं च। गामे गामे ण होंति पुत्थयालयत्ति मुणिणो जया जं सुत्तमिच्छंति तया तं ण लहंति । इमं लक्खीकिचा दोसु पुत्थएसु बत्तीसं पि सुत्ताई मम धम्म-गुरुहिं परमपुज्जसिरिपुरफिभक्खुहिं संपादियाइं । एयमब्भुयमबिइयमभूयपुन्वमस्स्य-पुरुवमित्थ जं एके पुत्थए इक्कारसंगाइं बीए बारसुवंगाइं चउछेयाइं चउमूलाइं सावस्स-याई । अओ जिण्णासुणो मुणिणो सज्झायमिमस्स कट्टु णाणवुट्टिं कुणंतु त्ति विण्णवेइ

गुरुकमकमलभसलो–सुमित्तभिक्खू



णमोऽत्थु णं समणस्स भगवओ णायपुत्तमहावीरम्स सिरिसुत्तागमगंथस्स सार्रूवभूमिया

सिरितित्थयरेहिं जगजीबुद्धरणहं विविहोबएसो दिण्णो, जं महासिन्धरेहिं गण-हरेहिं मणसीकाऊणं दुवालसंगीरुवेणं (दुवालसंगमनरुवेणं) गुंफिऊणं नापयारो कओ।

इक्किकंगस्तोविर तेसि पुद्वीकराई पुढो पुढो आयरिएहि कमेण द्वालपुत्रंगाई णिम्मियाई संति । साहूणमायारिवयारसुद्धीकराई च चनारि छेयमनाई णिम्मियाई । सब्वेहिंतो अंगुवंगसुत्तेहिंतो पमाणणयणिकसेथवागरणण्यमुह्थियय मुनाई चनारि मृहरुसताई सारहवाई णिम्मियाई । तओ पच्छा अंतिममावस्यगसुनं (उभओ कालं वयधराणं मूल्कितराइगुणेहिंतो अनसुद्धीकारयं) णिम्मियं ति ।

बारसमस्स दिद्विवायंगस्स विच्छेण् इकारसंगाई, दुवालमुवंगाई, चनारि छेय-सत्ताई, चत्तारि मूळाई, वत्तीसमं चावस्सगमुत्तं एयाई वत्तीममृताई गिरियाणगवासि-जङ्गसमाजेण मण्णिजाति ।

एड बत्तीसागमेसु साहुसावगाईणं णायव्योवादेयछ्रश्रुणीयांवययाणं वण्णओ समित्य । अत्तकम्मधम्मणाणदंसणचित्तसम्मत्तववीरियण्पमाणणयणिभंगविणिक्छ-यववहारिसच्छत्तकसायण्पमायापमायावयजोगलोगालोगछद्ववजीवाइणवनत्तल्यासंया-रकम्मवंधोदयउदीरणावेयणाणिजरामुक्खणिरयतिरिक्षमणुयदेवण्पमुहाणं विविह्नविस्याणं इमेसु स्रतेसु जहद्वियं सहवमणंतणाणीहिसुवर्दिस्यमित्यः।

विस्सेऽणेने धम्मा, अणेगाइं सत्थाइं, अणेगा य मयपहा विज्ञमाणा संति। तेसिं धम्मसत्थमयपहाणं पवत्तगा वि णेने संजाया। उत्रक्तपत्त्रं विज्ञमाणा सत्या जारिसा जङ्गागमेस पुढोकरणपुष्वया गृहरहरूमजुत्ता य प्रवक्ष्यकणाणीहं दंशिया अत्य तारिसा इयरधम्मसत्थेस ण लब्भइ। केवलणाणीहं लोए थावर जंगमा अत्रविक्विणो पयत्था जारिसा केवलदंसणेण दिद्वा तारिसा जणहियहयाए आर्थावया, पण्णविया, पस्विया, दंसिया, णिदंसिया। जया अण्णसत्थापवत्तनोहं जं किचि कहिंगं वा दंसियं वा पवत्तियं वा तं सव्वं केवलं पण्णावलेण वा जहाणुहवंण वा, जं हिं सव्वंसिं मण्णणिजं णो होइ ति।

एएसिं बत्तीसमूलस्रत्ताणमत्था भासंतराइं णेगेहिं कयाइं पगासियाइं संति । किंतु सञ्झायकरणद्वाए कमवि विसयं तेसु मूलस्रतेसु णिरिक्खणद्वाए केवलं मूलमृनाइं चेव कज्जसाहगाइं भवंति । तेसिं पुढो पुढो बत्तीसं पइकइओ-पुतथयाइं एगीकरणहिनो एगे वा दोसु वा विभाएस जइ चेव सव्वसुत्तसंगहो हविज्ञा ता अईव सुगमया होउ त्ति सत्थविसारएहिं महप्पेहिं अप्पमाईहिं जइणसाहिचप्पयारगेहिं जइणेयरजणाणं जइणधम्मरसियकुव्वंतिहिं जइणधम्मप्पयारकए विविहपरिसहसहिज्ञमाणेहिं उग्ग-विहारीहिं सत्तागमपारीहिं इचाइणेगोवमारिहेहिं मुणिवरेहिं सिरिपुप्पिभक्ख्हिं महाकहं सहिता बत्तीसमूलसत्तजुयस्स सत्तागमंसदुयस्स संपादणं कयं। एसिं पयासो पसंसणिज्ञो अत्थि। सिरिस्तागमपगासगसिईए पगासं णीयाइं संति पिहप्पिहाइं दोसु पुत्थएसु य बत्तीसं सुताइं।

तेहिं चेव महापुरिसेहिं दोविभायगुंफियसुत्तागमगंथस्स (वत्तीससुत्ताणं) सार-स्वभूमियं संलिहिडं पेरिओम्हि ति । अणंतणाणिप्यस्वियअमुल्लाणमणंतणाणिहाण-स्वाणमेसिं सुत्तागमाणं सारं महासमत्थणाणिणो चेव समवबोहिऊणमक्खाइउं वा लिहिडं वा समत्था संति । अहं तु अप्पण्णू एसिं सारमवबोहिडं वा कहिडं वा लिहिडं वा णेव समत्थो भवामि । तहवि महप्पाणं किवाए पेरणाइ य अप्पमईए जं किचि अप्पमवि सुत्तागमाणं सारस्वं लिहियमिथ मए तं सुसंतेहिं सुत्तागमविण्णूहिं सीकरणीयमिति, इचेव अब्मत्थणा । सुण्णूसु किं बहुणा ? ॥

विक्रमीयसंवच्छरं २०११) संतचलणसेवगो कच्छी मुणी-कत्तियकिण्हणवमी गुरुवासरो रयणेंदू भुयपुरं



णिदंसणं

इह अणाइअणंतदुक्खण्यउरसंगारिम जम्मजराइदुक्तसंतनाणं जणाणं ण धम्मं विणा चिरंतणसोक्तं ति । णाणाभावे ण धम्मसंभवे नि परमोवयारीहि गणहरेहि दुवाळसंगं गणिपिडगं गुंफियं । तमणुसरित्तु पिहण्यिहायरिएहि उवंगाइयाई सनाई विरइयाई । एसो सक्वो अक्खयकोससमाणो 'मुत्तागमें' नि वृष्ट । इमो गंधो अद्मागहीए जहा—"भगवं च णं अद्मागहाए भागाए धम्ममाइक्सइ । या वि य णं अद्मागहा भासा तेसिं सक्वेसिं आरियमणारियाणं अध्यणे। सभागाए परि-णामेण परिणमइ" ।

सयलाओ इमं वाया विसंति एको य णैति वायाओ । एति समुद्दं न्विय णैति सायराओ विय जलाई ॥

ति वयणाणुसारं सब्बभासामूलत्रणेण सुलहा खु पाइयभाया । तासु विधिहामु य सजरसेणीमागहीमरहद्विवाइपागयभासामु अदमागहा भागा विगिस्सइ अप्यणो उक्करिसाहिकेण । अओ चेव ''देवा णं भंते ! कयराण भागाण भामंति ! कयरा भासा भासिजमाणी विसिस्सइ ! गोयमा ! देवा णं अद्भागद्वाण् भागाण भासंति , सा वि य णं अद्भागहा भासा भासिजमाणी विसिस्सइ'' नि युत्तं ।

अद्धमागहीसहस्स बुप्पत्तिं कुळ्वाणा केइ जणा 'अर्द्ध मागध्याः' ति युप्पत्तिवारंण इमीए भासाए मागहीभासाजणियत्तं पिडपाएंति । परं 'अर्द्धमगप्यस्ययं' ति वस्युभूय- वुप्पत्तिमणुसरिय मगहविसएकदेसस्स चेवेयं मूलभूया भाराति णिच्छियं । अओ अद्धमगगहीमओऽयं गंथो णिच्छएण सयलजणाणं सम्मणाणसम्मदंगणगम्मचारित्त-संपत्तिपुञ्चयं सुगइसाहगमिथं ति ण संसयलेसो वि ।

एयस्स स्तागमस्स इकारसंगद्धत्तसंजुओ पढमो अंसो पगासिओ बद्दण् । नस्य चेव अवरोऽविसद्दो एगवीसइद्धत्तसंजुतो बीओ अंसो इयाणि पगासिजाइ । दिद्वि-वायाभिहाणं बारसममंगं ताव वोच्छिण्णं । एएसि बारमण्हमंगाणमुत्रंगभूयाणि बारसस्ताणि कहियाणि ।

तेख य आयारंगद्धत्तस्स उवंगभूए पत्नमे कमेण य वारममे कोषयाइयसुत्ते णयरिउज्जाणाइवण्णणं वीरसमोसरणं तवोभेया कोणियणिग्गमणं धम्मकदा सिद्धगृह-वण्णणाइयमस्थि। तेरसमे स्यगङंगसुत्तस्स उवंगभूए रायपसेणइक्षे म्राभदेवपए-सीरायकहाणयं विण्णयसुवलक्भइ वित्यरेण। चउइसमे ठाणंगस्स उवंगभूए जीधा-जीवाभिगमसुत्ते जीवाजीवभेयछप्पण्णंतरदीवविजयदेवजंबुद्दीवाईणं वण्णणं समुव-

लब्भइ । पण्णरसमे समवायस्स उवंगभूए पण्णवणासून्ते जीवसिद्धभेयवित्थरो ठाण-अप्पबहुत्तिठिइविसेसवक्ंतिउस्साससण्णाजोणिचरमाचरमभासासरीरपरिणामकसायइं-दियपओगलेसाकायद्विइसम्मत्तअंतिकरियाओगाहणािकरियाकम्मपयडीबंधवेयबंधवेय-वेयाहारोवओगदंसणयापरिणामजोगणाणपरिणामपवियारणावेयणासमुग्घायवण्णओ लब्भइ। सोलसमे विवाहपण्णत्तीए उवंगभूए जंवृद्दीवपण्णित्तसुत्ते जंबुद्दीववण्णणं रिसहदेवचरित्तं भरहचक्कविहकहाणयं जिणजम्माभिसेयाइयं समुवविण्णयं । सत्तार-समद्वारसमेसु णायाधम्मकहाउवंगभूएसु चंदपण्णत्तिसूरपण्णत्तिस्तेसु चंद-मंडलपमाणं सूरगहणक्खत्ततारगाइमंडलाणं जुत्तिजुत्तं वण्णणं । तिहिणक्खत्तअहोरत्त-कालमाणमाइयं च फुडं कहियं । एगूणवीसइमे उवासगदसाउवंगभूए णिरया-विलियासुत्ते सेणियरायदसपुत्ताणं कहाणयं, तहेव कोणियचरित्तं चेडएण संगामो समरंगणे मयाणं तेसिं तत्तरगङ्काहो उववण्णिओ । वीसङ्मे अंतगढदसाउवंगभए कप्पविसियासुत्ते परमकुमाराइदसकुमाराणं परिचत्तरायविभवाणं णायपुत्तमहा-वीरसामिणो पासे पन्वयणं देवलोगसंपत्ती य विणया । इक्कवीसङ्मे अणुत्तरोववाङ्य-दसाउवंगभूए पुष्फियासुत्ते चंदस्रसुक्षदेवाईणं पुव्यकयकम्माइवियारो विणाओ । बावीसङ्मे पण्हावागरणुवंगभूए पुष्फचूलियासुन्ते सिरिदेवीपभिइदसण्हं देवीणं पुव्यभवो साहिओ । तेवीसइमे विवागस्य यस्सुवंगे विषहदसासुत्ते बलभइस्स णिसहाइबारसस्याणं पुञ्वभवकहाणयं सवित्थरं संजमवसेण देवगइसंपत्ती य साहिया।

तयाणंतरं संजमाइस दोसपिहारोवायपिडवायगाणं चउण्हं छेयसत्ताणं उव-ण्णासो कीरइ। तेस पढमे अणुक्तमेण य चउवीसइमे ववहारे पायिच्छत्तविहीवव-हाराइयं वित्थरेण साहियं वदृए। पणवीसइमे विहक्कण्यसुत्ते साहुसाहुणीणं कप्पा-कप्पो सुद्धुह्वेण उवदंसिओ। छ्व्वीसइमे णिसीहसुत्ते पायिच्छत्ताणि तद्दाणविहाणाणि य फुडं विण्णियाणि। सत्तावीसइमे दसासुयक्षंघे असमाहिठाणसबलदोसतेत्ती-सासायणाऽऽयरियद्वसंपयाचित्तसमाहिठाणइक्कारसुवासगपिडमाबारसिक्खपिडमाप-जोसणाकप्पमहामोहणीयठाणणविण्याणवण्णां।

एएसिं चउण्हं छेयसुत्ताणमणंतरं अईवउवज्ञत्ताणि चत्तारि मूलस्रताणि पारिक्य-जंति । जेसु कमेण अद्वावीसइमे दसवेयािलयसुत्ते धम्ममाहप्पं सामण्णपुव्वयं अणाचिण्णछक्कायभेयपिंडेसणामहायार्वयणविसुद्धिआयार्पणिहिविणयभिक्खसंजम-थिरकारगद्वारसठाणविवित्तचरियासस्वं णिस्वियं । एगूणतीसइमे उत्तरज्झयणे विणयपरिसहदुळहचउरंगपमायापमायअकाममरणख्ङ्गाणियंठिजएलङ्जदुमपत्तभि-क्खवंभचेरगुत्तिपावसमणअद्वपवयणमायासामायारीमोक्खमग्गसम्मत्तपरक्कमतवोम- स्गचरणविहिपमायठाणकम्मपयद्योवेसाअणगारमस्गजीवार्जाविमत्ती कविन्ताईणं महापुरिसाणं चरियाई च । तीसइमे णंदीसुत्ते येरावली सोयाभेया पंचिवहणाणमस्यं तदंतस्गयबुद्धिभेया सत्तसस्यं च वित्थरेणुव्यण्णयं । एकतीसइमे अणुओगदारसुत्ते स्यावस्सयाणुपु व्वीणामपमाणणयणिक्खेवाईणं सवित्थरं वण्णणं । वत्तीसद्रमे आवस्सयसुत्ते आवस्सयवत्तव्या । पढमे परिसिट्टे कण्पमुत्ते वीराइ-चडजिणचरियाई सुत्तिव्हणकालो जिणंतराई गणहरवण्णणं येरावली सामायारी य । वीप परिसिट्टे सामाइयपाढा गद्दणपारणविही । तद्दप परिसिट्टे साम्यवस्ययः (पिक्कमण)सृतं मूलपाढजुत्तं भासापाठठाणेसु कोट्टगदिष्णपाउं ।

एवं रूवेण अणोरपारसिंधुसिरसे एयम्म 'सुत्तागमं' विविद्धांवनयाणमपुरुवो संगहो । अओ जिणधम्मसरूवं जिण्णासृहिं जणिहिं एस गंधो अवस्सं पढेयव्यो । सज्झाएण णाणावरणीयकम्मखओ सुयणाणतणाणस्य य संलद्धी भवड । णिययसज्झायणिसेवणेण तवकम्मसहकडेण णाणस्य चरमावत्थारूवं परमणाणं पि मृतहं । अओ चेव वृत्तं 'णं सज्झायसमं तवो' ति णिवेएइ-

गजाणणभि. जोसीतिणामधिज्ञो, कव्यवेदंतपुराणतित्थो, साहि-चपण्णो, रद्वभासाकोविओ (हिंदी सनद्), पणवेलत्थ 'हाईस्कूल' सक्कयपाइयअज्झावगो ।



तुलनात्मक अध्ययन

सौत्रिक-

- १ औपपातिकस्त्रमें तपके १२ भेदोंका वर्णन एवं ठाणांगस्त्रके छठे ठाणे और भगवतीगत तप-वर्णन । 'वण्णओ जहा उववाइए' कई स्त्रोंमें मिलता है।
 - २ रायपसेणइयमें सूर्याभ एवं जीवाजीवाभिगममें विजयदेवका वर्णन ।
- ३ पण्णवणाके बहुतसे पाठ भगवतीस्त्रानुगत हैं। सिद्धसंबंधी औपपातिकस्त्रकी बहुतसी गाथाएँ पण्णवणामें दृष्टिगत होती हैं।
 - ४ जंबूद्वीपप्रज्ञप्ति एवं स्थानांगस्त्रके नवमस्थानगत पर्वत-द्रह्-नदी-नामादि ।
- ५ चंद्रप्रज्ञप्ति एवं सूर्यप्रज्ञप्तिके आरंभकममें थोड़ा सा भेद है शेष पाठ अक्षरशः मिलता है।
 - ६ वृहत्कल्पमें स्थानांग व्यवहार तथा निशीयके पाठ मिलते हैं।
- ७ दशाश्रुतस्कंधमें १-२-३-९ दशा समवायके अनुसार आचार-सम्पत् आदि स्थानांगके अनुसार हैं। विशेषके लिए देखो टिप्पण।
- ८ दशवैकालिक एवं आचारांगका पिंडेषणा-अध्ययन भाषा-अध्ययन (पण्ण-वणास्त्रका भाषापद) पांच महाव्रतोंका वर्णन मिलता जुलता है, एवं आचारांग अ० २४ गाथा ८ तथा दश० अ० ८ गा० ६३ समान है।
- ९ उत्तराध्ययनके २२ वें अध्ययनकी और दशवैकालिकके दूसरे अध्ययनकी कुछ गाथाएँ।
 - १० नंदीसृत्र तथा समवायगत अंगसृत्रोंका वर्णन ।
 - ११ अनुयोगद्वार-सात खर आठ विभक्ति स्थानांगके अनुसार हैं।
- १२ श्रावकावश्यकमें बारह व्रतोंके अतिचारादि उपासकद्शाके प्रथम अध्ययनके अनुसार हैं।
- १३ कल्पस्त्र-महावीरचरित्र आचारांगके अनुसार, ऋषभचरित्र जंबुद्वीपप्रज्ञप्तिके अनुसार । दशश्रुतस्कंधके ८ वें अध्ययनका परिशिष्ट तो है ही ।
- (नोट) स्थानांग एवं समवायांगके आधारसे कई स्त्र रचे गए हैं अतः उनके पाठ कई स्त्रोंमें पाए जाते हैं। अन्तक्रद्शांगगत अतिमुक्तकुमारका शेष वर्णन भगवतीस्त्रमें है। और भी कई स्त्रोंके पाठोंमें साम्यता है। यहां तो मात्र कुछ थोड़ा सा दिग्दर्शन कराया गया है।

दैगंबरीय-

- १ अंगोंकी पदसंख्या आदिमें बहुत कुछ समानती है।
- १ देखो षट्खंडागम प्रथम भाग।

२ प्रतिक्रमणमें नवकार मंत्र वैसा ही है केवल 'आयरियाणं'के बढले 'आडरि-याणं' बोलते हैं। 'इरियावहिया' 'तस्स उत्तरी'के पाठ भी कुछ अन्तरके साथ उसी प्रकार हैं। 'लोगस्स' का पाठ इस तरह है-

'लोयस्युजोययरे, धम्मतित्थंकरे जिणे वंदे । अरिहंते कित्तिस्से, चडवीसं चेव केवलिणो ॥'

'उसहमजियं॰' शेष उसी प्रकार । 'सुनिहिं॰' वाली गाथामें 'सिजंग'के ग्यानपर 'सेयंस' है । 'च जिणं'के स्थानपर 'भयवं' हैं । 'कुंशुं च जिणकरिंदं, अरं च मिल्लं च सुव्वयं च निर्में ।' शेष तहत् हैं । 'लोगस्स उत्तमा' की जगह 'लोगुनमा जिणा सिद्धा' है । 'आरोगणाणलाहं, दिंतु समाहिं च में बोहिं । चंदिहें निम्मलयरा, आइ-बोहिं अहियं पयासंता । सायरमिव गंभीरा, सिद्धा सिद्धिं मम दिसंतु ॥' आदिमें थोड़ा सा अंतर है । 'चतारि मंगलं' का पाठ उसी भौति है । १२ मनोंके अतिनार मी मिलते जुलते हैं । 'खामेमि सब्वे जीवा॰'के ग्यानपर 'खम्मामि राव्व जीवाणं, सब्वे जीवा खमंतु में । मेत्ती में सब्वभूदेन, वेरं मज्यं न केणिय ॥'

् ३ 'धम्मो मंगलमुक्किष्ठं०'की जगह 'धम्मो मंगलमुहिद्वं, आहिंमा मंत्रमा नयो। देवा वि तस्स पणमंति, जस्स धम्मे सया मणो॥'

४ 'जयं चरे जयं चिट्ठे, जयमासे जयं सए। जयं भुंजंतो भासंतो, पावकम्मं न बंधइ॥ ८॥' की जगह 'जदं चरे जदं चिट्ठे, जदमासे जदं गये। जदं भुंजे क भासेज, एवं पावं न बज्झइ॥' (मूलाचार)

(नोट) और सी बहुतसे पाठोंमें साम्यता है। विशेषक लिए दैगंबरीय धावक-प्रतिक्रमण देखें। इसके अतिरिक्त दिगंबरोंके कई प्रंथोंमें 'मुनागमें के पाठोंका अनुकरण है।

वैदिक---

- १ 'एगं जाणइ से सब्बं जाणइ'-'आत्मनि विज्ञाते सबैमिदं विज्ञानं भवति' ।
- २ 'अप्पा सो परमप्पा'-'अयमात्मा ब्रह्म' 'अहं ब्रह्माऽस्मि' 'तरवर्मास' ।
- ३ 'णाणे पुण णियमा आया'-'प्रज्ञानं ऋहा'।
- ४ 'अपुणरावित्ति'-'न पुनरावर्तते' (यद्गत्वा न निवर्तते)।
- ५ 'एगे आया'-'एकोऽहं' 'एको ब्रह्म॰'।
- ६ 'तक्का जत्थ ण विजाई, मई तत्थ ण गाहिया'—'यतो वासो निवर्तते, अप्राप्य मनसा सह।'

- ७ 'मित्ती मे सन्वभूएसु'-'मित्रस्याहं चक्षुषा सर्वाणि भृतानि समीक्ष्ये'।
- ८ 'अप्पा कत्ता विकता य, दुहाण य सुहाण य।'-'उद्धरेदात्मनाऽऽत्मानं, नात्मानमवसादयेत्।'
- ९ 'अप्पा मित्तममित्तं च, दुपद्वियसपट्ठिओ ।'-'आत्मैवात्मनो बंधुरात्मैव रिपु-रात्मनः ।'
- १० 'परिणामे वंधो, परिणामे मोक्खो'-'मन एव मनुष्याणां, कारणं वंधमो-क्षयोः ।' अथवा-'वायुनाऽऽनीयते मेघः, पुनस्तेनैव नीयते । मनसाऽऽनीयते कर्म, पुनस्तेनैव नीयते ॥"
 - १९ ''सासए लोए दव्बद्वयाए'-'प्रकृतिः पुरुषश्चैव, उभयैते शाश्वते मते ।'
- १२ 'सएहिं परियाएहिं, लोगं बूया कडेत्ति य। तत्तं ते न वियाणंति, न विणासी कयाइ वि॥'-'न कर्तृत्वं न कर्माणि, लोकस्य स्वजित विभुः। न कर्मफलसंयोगः, स्वभावस्तु प्रवर्तते॥'
- 9३ 'एवं खु णाणिणो सारं, जं न हिंसइ किंचणं ।'-'मा हिंस्या सर्वा भूतानि' 'मा हिंसी पुरुषं जगत्।'
- १४ 'धम्मो मंगलमुक्किट्टं अहिंसा०'-'अहिंसा परमो धर्मः'। पौराणिक-
- (१) मुत्तेम्र यावि पिडबुद्धजीवी, नो वीससे पंडिय आम्रुपण्णे । घोरा मुहुत्ता अवलं सरीरं, भारंडपक्खीव चरेऽप्पमत्तो ॥ ६ ॥ उत्तराध्ययन० अ०४॥

या निशा सर्वभूतानां, तस्यां जागर्ति संयमी। यस्यां जाम्रति भूतानि, सा निशा पश्यतो मुनेः ॥ ६९ ॥ महाभारत भी० अ०२६॥

(२) सुद्दं वसामो जीवामो, जेसिं मो णित्थ किंचणं।
मिहिलाए डज्झमाणीए, न मे डज्झइ किंचणं॥ १४॥ उ० अ० ९॥
ससुखं वत जीवामि, यस्य मे नास्ति किंचन।
मिथिलायां प्रदीप्तायां, न मे दह्यति किंचन॥ ४॥ म० शां० अ० २६॥
(३) पुढवी साली जवा चेव, हिरण्णं पसुभिस्सद्द।
पिडिपुण्णं णालमेगस्स, इइ विज्ञा तवं चरे॥ ४९॥ उ० अ० ९॥
यत्पृथिब्यां ब्रीहिर्यवं, हिरण्यं पशवः स्त्रियः।
सर्वं तं नालमेकस्य, तस्माद्विद्वाञ्छमं चरेत्॥ ४४॥ म० अनु० अ० ९३॥

(४) जहेह सीहो व मियं गहाय, मक्नुनरं नेइ हु अंतकाले। न तस्स माया व पिया व भाया, कालम्मि तम्मंसहरा भवंति ॥ २२ ॥ उ० अ० १३ ॥

तं पुत्रपशुसंपन्नं, व्यासक्तमनसं नरं।

सुप्तं व्याच्रो मृगमिव, मृत्युरादाय गच्छति ॥ १८ ॥ म० शां० अ० १७५ ॥

(५) तं इक्कगं तुच्छसरीरगं सं, चिईगयं दहिष्ठं पायगेणं ।

भजा य पुत्ता वि य णायओ य, दायारमण्णं अणुसंकर्मति ॥ २५ ॥ ४० अ० १३ ॥

उत्स्उय विनिवर्तते, ज्ञातयः सुदृदः सुताः ।

अपुष्पानफलान् बृक्षान्, यथा तात् ! पतित्रणः ॥ १७ ॥ म० उ० अ० ४० ॥

(६) अन्भाहयम्मि लोगम्मि, सन्त्रओ परिवारिए।

अमोहाहिं पड़तीहिं, गिहंसि न रईं लभे ॥ २१ ॥ उ० अ० १४ ॥

एवमभ्याहते लोके, समंतात्परिवारिते ।

अमोघास पतंतीस, किं धीर इव भाषसे ॥ ७ ॥ म० शां० अ० १७% ॥

(७) अलोलुयं मुहाजीविं, अणगारं अकिचणं ।

असंसत्थं गिहत्थेसु, तं वयं वूम माहणं ॥ २८ ॥ उ० अ० २५ ॥

निराशिषमनारंभं, निर्नमस्कारमस्तुतिम् ।

अक्षीणं क्षीणकर्माणं, तं देवा बाह्मणं विदुः ॥ ३४ ॥ म० शां० अ० २६३ ॥

(८) किण्हा णीला य काऊ य, तेऊ पम्हा तहेव य।

सक्किलेसा य छद्वा य, णामाई तु जहकमं ॥ ३ ॥ उ० अ० ३४ ॥ षडजीववर्णाः परमं प्रमाणं, कृष्णो धूम्रो नीलमधास्य मध्यम् ।

रक्तं पुनः सह्यतरे सुखं तु, हारिद्रवर्णे सुसुखं च शुक्रम् ॥ ३३ ॥ म० शां० अ० २८० ॥

बौद्धिक—

9 रायसेणइय-सत्तके समान वीघनिकायमें पायासी-मृत मिलता है। माथ थोड़ा सा अंतर इस प्रकार है। यथा-पएसी-पायासी, केसीकुमार-कुमारकाइयप, चित्त प्रधान-खता। प्रच्छाएँ और उनके उत्तर युक्ति प्रयुक्तिओं सहित बराबर में हैं। कंबोज देशके घोड़ोंकी बात जो 'रायपसेणइय' में है वह 'पायासी-मृत' में नहीं है। इसी प्रकार सूर्याभदेवकृत नाष्ट्यरचनाएँ मी नहीं है। भावी वर्णनमें भी मेद है। वौद्धोंने 'रायपसेणइय' का कितना अनुसरण किया है इसका पूरा हाळ दोनों सुत्रोंका अध्ययन करने से ही ज्ञात हो सकता है

२ उत्तराध्ययनस्त्रकी बहुतसी गाथाएँ शाब्दिक परिवर्तनके साथ धम्मपदमें पाई जाती हैं। जहां कुछ परिवर्तन भी है वह केवल नाम मात्र है, परन्तु विषय चर्चामें कोई अन्तर नहीं है।

उदाहरणार्थ-

(१-४) अक्रोसिजा परे भिक्खुं, न तेसिं पिंडसंजले । सरिसो होइ वालाणं, तम्हा भिक्खुं न संजले ॥ २४ ॥ उ० अ० २ ॥

एवं २५-२६-२० वीं गाथाओं के स्थानपर धम्मपद में निम्निलिखित गाथाएँ पाई जाती हैं-पठवी समो नो विरुज्झित, इन्द्खिल्पमो तादि सुब्बतो। रहदोऽव अपेतक्दमो, संसारा न भवन्ति तादिनो॥६॥ध० अरिहंतवग्ग॥ खंती परमं तपो तितिक्खा, निब्बाणं परमं वदन्ति बुद्धा। न हि पब्बजितो परूपघाती, समणो होति परं विहेठयन्तो॥६॥ध० बुद्धवग्ग॥ सुत्वा रुसितो बहुं, वाचं समणाणं पुथुवचनानं। फरुसेन ने न परिवजा, निहं संतो परिसेनि करोति॥९३२॥॥ सुत्तिगत॥ न ब्राह्मणस्स पहरेच्य, नास्स मुश्चेथ ब्राह्मणो। धी ब्राह्मणस्स हन्तारं, ततो धि यस्स मुश्चित॥७॥ घ० व० २६॥

(५) जो सहस्सं सहस्साणं, संगामे दुजाए जिणे।
एगं जिणेज अप्पाणं, एस से परमो जओ।। ३४॥ उ० अ०९॥
यो सहस्सं सहस्सेन, संगामे मानुसे जिने।
एकं च जेप्यमत्तानं, स वे संगामजुत्तमो॥ ४॥ ध० सहस्सवग्ग॥
(६) मासे मासे उ जो वालो, कुसग्गेणं तु मुंजए।
न सो सुयक्खायधम्मस्स, कलं अग्घइ सोलिसं॥ ४४॥ उ० अ०९॥
मासे मासे कुसग्गेनं, वालो भुक्षेथ भोजनं।
न सो संखतधम्मानं, कलं अग्घति सोलिसं॥ १९॥ ध० बालवग्ग॥
(७) जहा पउमं जले जायं, नोविलिप्पइ वारिणा।
एवं अिलत्तं कामेहिं, तं वयं वृम माहणं॥ २०॥ उ० अ० २५॥

१ देखो दीघनिकाय M.T.W. राइस डेविड द्वारा सम्पादित पाली टेक्स्ट सोसाइटी द्वारा प्रकाशित पृ० ३१६ से ३५८ पायासी-सुत्तं । हिंदीभाषाभाषी राहुल सांक्रत्यायन द्वारा अनुवादित महाबोधि प्रंथमालाकी ओर से प्रकाशित दीघनिकाय पृ० १९९ से २११ तक पायासी-राजञ्जसुत्त देखें।

वारि पोक्खरपत्तेव, आरगोरिव सासपो । यो न लिम्पति कामेल, तमहं अपि ब्राह्मणं ॥ १९ ॥ ५० ब्राह्मणयम ॥ (८) जहिता पुव्वसंजोगं, नाइसंगे य बंधवे। जो न सज्जइ भोगेसु, तं वयं बूम माहणं ॥ २९ ॥ ३० अ० २५ ॥ सब्बसञ्जोजनं छेत्वा. यो वे न परितस्मित । संगातिगं विसञ्जुतं तमहं ब्रुमि बाद्यणं ॥ १५ ॥ घ० व० २३ ॥ (९) एए पाउकरे बुद्धे, जेहि होई सिणायओ । सन्वक्रमविणिम्सुकं, तं वयं वूम माहणं ॥ ३४ ॥ उ० अ० २५ ॥ उसमं पवरं वीरं. महेसिं विजिताविनं । अनेजं नहातकं बुद्धं, तमहं असि ब्राह्मणं ॥ ४० ॥ ध० ६० २६ ॥ (१०) अप्पा मित्तमित्तं च०॥ ३७॥ उ० अ० २०॥ अत्तना' व कतं पापं. अतना संकिलिस्सित । अत्तना अकतं पापं, अत्तना' व विमुज्यति ॥ सुद्धिअसुद्धिप्यतं, नञ्मो अञ्मं विसोध्यं ॥ ९ ॥ ५० अनवस्स ॥ ३ चित्तसंभूतिजातक उत्तराध्ययनसृत्रके १३ वें अध्ययनके अनुसार है। ४ अंग्रत्तरनिकायमें उत्तराध्ययनसृत्रके १६ वें अध्ययनके 'नो निगांधे उत्थीणं कडंतरंसि वा॰ के समान पाठ मिलता है जैसे कि-'आप च खो मीनगामस्य सहं सणाति तिरो कहा वा तिरो परकारा वा इसंतिया या भणंतिया वा गायं-तिया वा रोदंतिया वा सो तदस्साहेति तिश्वकामेति तेन च वित्तं आप मति इदंपि खो ब्रह्मचारियस्स खण्डंपि छिदंपि वा समलेपि वा कम्मामीप अयं वुचति ...न परिमुचति दुक्खस्माति वदामि । अंगु० ७ वस्म 🗽।

प उत्तराध्ययनसूत्रके १८ वें अध्ययनमें वर्णित चार प्रत्येकपुद्धांकी कथाओंक समान कुंभारजातकर्मे भी कुछ स्पान्तरके साथ चारों कथाएं मिलती हैं।

मूल गाथाओंकी तुलना-

करकंडू किंगेमु, पंचालेमु य दुम्मुहो । नमी राया विदेहेमु, गंधारेमु य णग्गई ॥ ४६ ॥ उ० अ० १८ ॥ करकण्डू नाम किंगानां, गन्धारानम्ब नग्गजी । निपराजा विदेहानां, पंचालानाम्ब दुम्मुखो ॥ एए निरंदनसभा, निक्खंता जिणसासणे ।

१ निशीथगत माउम्गाम शब्दका अनुकरण है।

पुत्ते रज्जे ठिवत्ताणं, सामण्णे पज्जुविद्वया ॥ ४० ॥ उ० अ० १८ ॥ एते रद्वा निहित्वान, पव्विज्जिस अित्वना ॥ ५ ॥ कुंभारजातक ॥ माल्स होता है एक पद जानकर छोड़ दिया गया है ।

(नोट) इसके अतिरिक्त बौद्धग्रंथोंमें और भी जैनसाहित्यका बहुतसा अनु-करण है।

भाषात्मक-साम्य

वैदिक-

9 अर्धमागधीमें 'ऋ' के स्थानमें 'उ' होता है, जैसे-स्पृष्ट=पुट्ठ, उसी प्रकार वेद में भी, जैसे-कृत=कुठ (ऋग्वेद १, ४६, ४)।

२ अर्धमागधीमें कितनेक स्थानोंपर एक व्यंजनका लोप होकर पूर्वका हस्यस्वर दीर्घ होता है, जैसे-पश्यित=पासइ, उसी प्रकार वेदमें भी, जैसे-दुर्लभ=दूलभ (ऋ॰४,९,८), दुर्णाश=दूणाश (शुक्तयजुःप्रातिशाख्य ३,४३)।

३ अर्धमागधीमें शब्दके अन्त्य व्यंजनका लोप होता है, जैसे-तावत्=ताव, उसी प्रकार वेदमें भी, जैसे-पश्चात्=पश्चा, (अथर्वसंहिता १०,४, ११), उच्चात्= उच्चा (तैत्तिरीयसंहिता २, ३, १४), नीचात्=नीचा, (तै० १, २, १४)।

साम्य अर्धमागधी वैदिक

४ संयुक्त य-र-का लोप श्याम=साम त्र्यच=त्रिच (शत०१,३,३,३३) प्रगल्भ=पगब्भ अप्रगल्भ=अपगल्भ (तै०४,५,६१)

५ संयुक्त वर्णका पूर्व आम्र=अंब अमात्र=अमत्र (ऋ०३,३६,४) स्वर हस्व

रोदसीप्रा=रोदसिप्रा (ऋ०१०,८८,१०)

६ 'द' को 'ढ' दण्ड=डंड दुर्दभ=दूडभ (वाजसनेयिसं० ३, ३६) पुरोदाश=पुरोडाश (छ० ३, ४४)

प्रतिसंघाय=प्रतिसंहाय (गोपथ २, ४)

८ संयुक्त व्यंजनोंमें क्रिप्ट=िकलिट्ट स्वर्गः=सुवर्गः (तै० ४, २, ३)

बाधा=बाहा

खरका आगम

७ 'घ' को 'ह'

तन्वः=तनुवः (तै० आ० ७, २२, १; ६, २, ७)

९ प्रथमाके एकवचनमें जिणो संवत्सरो अजायत (ऋ० सं० १०, १९०, २)
'ओ' सो चित् (ऋ० सं० १, १९१, १०-११)

- १० तृतीयाके बहुवचनमें देवेहि देवेभिः 'हि' के अनुरूप 'भि'
 - 99 चतुर्थीके स्थानमें जिनाय=जिणस्य चतुर्थ्यर्थे बहुलं छंदसि (पाणिनिक षष्ठी २, ३, ६२)
 - १२ पंचमीके एकवचनमें 'त्' का लोप जिणा उशा
 - १३ द्वित्रचनके स्थानमें देवी=देवा इन्द्रावरुणी=इन्द्रावरुणा बहुवचन
- (नोट) इसके अतिरिक्त ऋग्वेद आदिमें प्रयुक्त वंक, वहूं , मेह, पुराण इत्यादि शब्द समान हैं ।

संस्कृत—

बहुतसे शब्द अर्थमागधी और संस्कृतमें समान पाए जाते हैं। जैसे-'आगम' 'ऊढा' 'डिम्भ' 'ढका' इत्यादि।

पालि---

- ९ 'कम्म' 'धम्म' शब्दके तृतीयाके एकवचनमें 'कम्मुणा' 'धम्मुणा' दोनोंमें होता है।
- २ अर्धमागधीकी तरह पालिमें भी भूतकालके बहुवन्तनमें 'इंगु' प्रत्यय लगना है, जैसे-गर्दिछमु इलादि ।
 - ३ षष्ठीके स्थानमें 'स्य' के स्थानमें दोनोंमें 'स्य' होता है।
 - (नोट) इसके अतिरिक्त बहुतसी बातोंमें समानता पाई जाती है।

शौरसेनी-

ं अर्धमागधी और शौरसेनीमें भी बहुतसी समानता है, केवल अर्धमागशीमें जहां 'त' और 'द' का लोप होता है वहां शौरसेनीमें 'द' होता है, जैसे-गन्छद=गन्छदि, जया=जदा। 'ह' के स्थानमें 'ध' जैसे-नाह=नाध।

महाराष्ट्री-

अर्धमागधीमें तथा महाराष्ट्रीमें बहुतसा साम्य हैं, चिश्नवाह आदि बहुतमें शब्द तथा 'ऊण' प्रत्यय दोनोंमें पाए जाते हैं। विशेषताके लिए देखो 'गुनागमे' प्रथममागकी प्रस्तावना।

| देशीय-भाषा | | |
|---------------------|------------------------------|--------------------------------------|
| दशाय-मापा हिंदी— | अर्घमागधी | हिंदी |
| 1641 | अज | आज (गुजराती 'आजे') |
| | कोइ | कोई |
| | गुरिया गुलिया | मोली |
| | घर | घर (,, 'घेर') |
| | जोव्वण जोव्वण | जोबन ,, |
| | रस्सी | रस्सी |
| | सोरड | |
| (चोर) उसके अधिक | ੍ਹਾਂ (1) ਵ और भी ਰਤਰ ਸੇ ਕ | सार० ,, र्घमागधी के शब्द हिंदीमें |
| (नाट) इसक आतारर | ા ઝાર ના વહુલ લ ઝ | विमानवा क सञ्च हिसाम |
| प्रचलित हैं। | , , | |
| गुजराती— | अर्धमागधी | गुजराती |
| | अग्गला | आग्लियो |
| | आहीरी | आहीरण |
| | उग्घाड | उघाडवुं |
| | उत्तरंग | ओतर्ंग |
| | एकल | एकलो |
| | कवेलु | कवछुं ॄ (नलियुं) |
| | जाणिऊण | जाणीने |
| | णत्थि | नथी |
| | तुज्झ | तुज |
| | पडइ | पडे छे |
| | वदावेइ | वधावे छे |
| | वहू | बहु |
| | संकल | सांकळ (हिंदी) |
| | संभर | संभारवुं |
| | ससुरो | ससरो |
| | सियाल | सियाळ (हिंदी |
| | | 'सियार') |
| | हेडा | हेठ |

्रिशः (नोट) ये तो आधुनिक गुजराती के उदाहरण हैं। प्राचीन गुजराती तो अर्धमागधीसे मिलते जुलते शब्दोंसे भरी पड़ी है।

| पंजाबी— | अर्घमागधी | पंजाबी |
|---------|--------------|-----------------|
| | कम्म | कम्म |
| | अज | अन |
| | चम्म | चम्म |
| | ₹1 | 83 |
| | नस ्य | नस्य |
| | कक्ष | कक्नन (इत्यादि) |

(नोट) इसी प्रकार और भी बहुतसी भाषाओंने अर्थमागधीका अनुकरण किया है, जैसे-मायर-पियर=मादर-पिदर (फारसी)। इंग्लिशमें ज़रा और बदल-कर मदर-फादर हो गया है।

पेतिहासिक-

हिंदुओं में सबसे प्राचीन वेद माने जाते हैं उनमें भी तीर्थंकरोंका उक्ति पाया जाता है। जैसे कि 'ॐ कैंलोक्यप्रतिष्ठितानां चतुर्विशतितीर्थंकराणां ऋषभादि-वर्धमानान्तानां सिद्धानां शरणं प्रपदे। ऋग्वेद अ० २५। इसके अतिरिक्त २-२, २-३-१, २-३-३, ७-१८, १०-२२, १०-१९-७, केंगें।

ॐ रक्ष रक्ष **अरिप्टनेमिः** स्वाहाः,सोऽस्मार्के अरिप्टनेमिः । यनुर्वेद अ०२५ ।

ॐ नमोऽईन्तो ऋषमो वा ॐ ऋषमं पवित्रम् । यनु॰ अ॰ २'॰ मंत्र १९.। ॐ खस्ति न इंद्रो बृद्धश्रवाः खस्ति नः पूषा विश्ववेदाः । खस्ति नम्नाक्ष्यें। अरिष्टनेमिः खस्ति नो बृहस्पतिर्दधातु । ऋ॰ अ॰ १ अ॰ ६ । पौराणिक—

नाऽहं रामो न मे वाञ्छा, न च भोगेषु मे मनः।
केवलं शांतिमिच्छामि, खात्मनीव जिनो यथा ॥ योग॰ मुमुश्रु॰ अ॰ अ॰ ॥
'जैना एकस्मिनेव वस्तुनि उभये निरूपयंति'। प्रभासपुराण।
दर्शनवर्त्मवीराणां, सुरामुरनमस्कृतः।
नीतित्रितयकर्ता यो, युगादौ प्रथमो जिनः॥ मनु॰॥
नाभिस्तु जनयेत् पुत्रं, मस्देख्यां महाद्युति।
ऋषमं क्षत्रियं ज्येष्टं, सर्वक्षत्रियपूर्वजम् ॥ ब्रग्रपु॰॥
.....नीरागिषु जिनो विमुक्तललनासंगो न यम्मात्परः॥ ब्रग्रपु॰॥

प्रथमं ऋषभो देवो, जैनधर्मप्रवर्तकः ।

जैनधर्मस्य विस्तारं, कृतवान् जगतीतले ॥ श्रीमालपुराण ॥ हस्ते पात्रं द्धानाश्च, तुंडे वस्त्रस्य धारकाः ।

मिलनान्येव वासांसि, धारयन्तोऽल्पभाषिणः ॥ २५ ॥ शिवपु० अ० २१ ॥ श्रीमालपुराणके ७३ वें अध्यायका ३३ वां श्लोक भी इससे मिलता जुलता है । युद्धके कई ग्रंथोंमें ना(थ-ट)तपुत्त-महावीरका नाम आता है परन्तु स्त्रोंमें बुद्धका नाम नहीं है । कारण जैनधर्म बुद्ध धर्मसे प्राचीन है ।

न्यायद्श्नेनमें-

- 9 आगमोंके अनुसार न्यायसूत्र, विग्रहव्यावर्तनी, उपायहृदय (बौद्ध) भी चार प्रमाण मानते हैं।
- २ पूर्ववत्के उदाहरणमें 'माया पुत्तं जहा णहं, जुवाणं पुणरागयं। काइ पचिमिजाणेजा, पुव्विठिंगेण केणइ ॥ तंजहा-खत्तेण वा वण्णेण वा लंछणेण वा मसेण वा तिलएण वा' (अनुयोगद्वार) जैसा ही उदाहरण उपायहृदय में भी मिलता है। यथा-षडंगुलिं सिपडगमूर्धानं बालं दृष्ट्वा पश्चादृद्धं बहुश्रुतं देवदत्तं दृष्ट्वा षडंगुलिस्मरणात् सोऽयमिति पूर्ववत्।
- ३ 'जहा एगो पुरिसो तहा बहवे पुरिसा' (अनुयोग॰) ऐसा ही उदाहरण माठर और गौडपादने भी दिया है, यथा-पुष्पिताम्रदर्शनात्, अन्यत्र पुष्पिता स्नाम्ना इति । इत्यादि ।

वैज्ञानिक--

विशान द्वारा स्वीकृत आगमिक सिद्धान्त

- 9 आगमोंमें कहा है कि शब्द (sound) जड़ मूर्तिमान और लोकके अन्त तक प्रवाहित होने वाला है, आजके विज्ञानने भी प्रामोफ़ोन और रेडियो का आवि-ष्कार करके यह सिद्ध कर दिया है।
- र आचारांगस्त्रमें वनस्पतिमें जीवोंका अस्तित्व बताने के लिए निम्न लक्षण दिए हैं 'जाइधम्मयं' उत्पन्न होनेवाला है, 'वृद्धिधम्मयं' इसके शरीरमें वृद्धि होती है, 'चित्तमंतयं' चैतन्य है, 'छिन्नं मिलाइ' काटने पर स्ख जाता है, 'आहारगं' आहार भी ग्रहण करता है, 'अणिचयं' 'असासयं' इसका शरीर भी अनित्य और अशाश्वत है, 'चओवचइयं' इसके शरीरमें भी घट बढ़ होती रहती है। सुप्रसिद्ध वैज्ञानिक जगदीशचंद्र वसु ने अपने परीक्षणों द्वारा उपरोक्त सब लक्षण सिद्ध किए हैं जिसे समस्त वैज्ञानिक लोग मान चुके हैं।
 - ३ आगमोंने समस्त द्रव्योंको अनादिमाना है। इसी बातको प्रसिद्ध प्राणीशास्त्र-

वेता J. B. S. हॉल्डनने भी माना है, वे कहते हैं कि भेरे विचारमें जगाकी कोई आदि नहीं है।

४ जैनधर्म किसीको सृष्टिका कर्ता हुनी नहीं मानना, उमे आजका विज्ञान भी स्वीकार करता है।

५ शब्द-ज्योति-ताप और आतपको आगमने पुट्टल कहा है जिसे निजानने भी मैटर Matter के रूपमें मान लिया है। और इसे भी स्वीकार किया है कि ये सब पुदुल-द्रव्यके पर्यायविशेष हैं।

६ प्रसिद्ध भूगर्भ-वैज्ञानिक फ्रांसिम अपनी मुप्रसिद्ध पुस्तक Ten years under earth में लिखते हैं कि मैंने पृथिवीके एमें ऐसे रूप देखें हैं जिनसे पृथिवीमें जीवत्वशक्ति प्रतीत होती है। अभी तक वे निध्य पर नहीं पहुंच सके परन्तु आगमोंने तो स्पष्ट कहा है कि पृथ्वीकायमें जीव है।

७ स्थानांग स्व ५-२-३ में आता है कि श्री किना संयोगक भी शुक पृद्रल प्रहण कर गर्भवती हो सकती है। आधुनिक विज्ञानवेगाओंने भी फ़्रांत्रम गर्भापान द्वारा इसे सिद्ध कर दिया है।

८ आगम पदार्थकी अनीश्वरता और आत्माकी अजर-अमरता बनाने हैं, जिमें सुविख्यात वैज्ञानिक डाल्टन (Dalton) ने Law of convervation द्वारा सिद्ध कर दिखाया है। परन्तु आत्माकी नह नक विज्ञान अब तक नहीं पहुँच सका।

९ भगवान् महावीरके गर्भस्थानान्तरण को कई लोग असंभव मानते हैं किसे प्राणीशास्त्रवेता डॉ. चांग ने बोस्टन विश्वविद्यालयकी जैव रसायनशालामें गर्भस्थानांतरण-परीक्षणों द्वारा सिद्ध किया है। अमेरिकन हिरनीके गर्भमी करो एक अप्रजी हिरनीके गर्भाशयमें स्थानान्तरित करनेमें उन्हें सफलता भी मिली है।

१० आगम कहते हैं कि द्रव्याधिकनय की अपेक्षा न कोई द्रव्य घटना है न बढ़ता है जो रूपान्तर होता है वह उसका पर्याय है। वैज्ञानिक भी मानते हैं कि कोई पुदल (Matter) नष्ट नहीं होता, केवल दूसरे रूप (Form) में यहल जाता है। वे लोग इसे Principle of Conservation of Mass and Energy कहते हैं।

११ आगम मानते हैं कि पानीकी एक बूंदमें असंख्य जीव होते हैं। वंजानिकोंने भी सक्ष्मवीक्षण यंत्र द्वारा पानीकी एक बूंदमें ३६००० से भी अधिक जीव देखे हैं और यह भी मानते हैं कि बहुतसे जीव ऐसे हैं जो सक्षमबीक्षणयंत्र

द्वारा भी नहीं देखे जा सकते । देखो 'हाई निकोलकी मिकोप्स बाई द मिलियन पेनिगन द्वारा १९४५ में प्रकाशित' ।

१२ भगवान् महावीरने पुद्गलकी अपरिमेय शक्ति वताई है, जिसे आजके विज्ञानने 'एटमवम' 'अणुवम' 'उद्जनवम' आदिसे सिद्ध कर दिखाया है।

१३ जैनशास्त्रानुसार लोहेका सोनेमें परिवर्तन करना संभव है जिसे विज्ञानने भी स्वीकार किया है कि सोनेके एक परमाणुमें ७९ प्रोट्रोन्स (Protrons) और लोहेके परमाणुमें ३६ प्रोट्रोन्स होते हैं, यदि दोनोंकी संख्या किसी प्रकार सम कर दी जाय तो वह सोनेका परमाणु हो सकता है।

१४ ध्यान और योगसंबंधी सिद्धान्त के लिए डा. ये वाल्टरकी The living brain नामक पुस्तक देखें।

१५ प्रसिद्ध वैज्ञानिक आस्टाइनका 'थ्योरी ऑफ रिलेटिविटी' स्याद्वादसे बहुतसा साम्य रखता है।

१६ विज्ञानने जीव, पुद्रल, आकाश (Space), काल (Time) और धर्मास्तिकायको भी 'ईथर' के रूपमें माना है।

१७ आगम कहते हैं कि परमाणु पुद्गल कभी स्थिर और कभी चल रहता है। वैज्ञानिकोंने भी 'हाइड्रोजन' के एलेक्ट्रोनको बाहिर और भीतरके वृत्तमें अनिश्चित काल तक चल विचल होते देखा है।


१८ आगमों में परमाणु अनन्त प्रकारके और अत्यन्त स्क्ष्म कहे हैं, वैज्ञानिक अनन्तता तक तो नहीं पहुंच सके फिर भी उन्होंने १४ प्राइमरी पारटीकलस् माने हैं। और वे यह स्वीकार करते हैं कि Primary Particles इतने स्क्ष्म हैं कि उनमेंसे कइयोंको वे महाशक्तिशाली यंत्रों द्वारा भी नहीं देख सके।

१९ जीवोंका उत्पत्ति स्थान मृत शरीर (अन्तरमुहूर्तके बाद) जीवित प्राणीका अंग और पुद्गल भी हो सकता है ऐसा जैन शास्त्र मानते हैं। जिसे किसी अपेक्षांसे चौथी हाइपोथिसिस (Hypothesis IV) द्वारा वैज्ञानिकोंने भी स्वीकार किया है।

२० शास्त्रोंमें वार्णित अवगाहना आदि को कई लोग असंभव मानते हैं, उन्हें १० जनवरी १९५४ के संडे स्टेण्डर्डमें रेडिएशनके वारेमें फ्रेंक चेळेंजर द्वारा लिखित लेख देखना चाहिए। रेडिएशनसे प्रतिवर्ष सवा इंचके हिसाबसे उंचाई में गृद्धि वताई है। यदि अवसर्पिणीके छठे आरेका मनुष्य उत्सर्पिणीके सुषमा काल तक जिसका अंतर १० कोडाकोड़ी सागरोपम होता है तीन गाऊकी ४ सता० प्र०

अवगाहना बाला हो तो कोई आश्चर्य नहीं। आगम मानते हैं कि मन्ध्यके संख्यान, संहनन, आयुष्य, अवगाहना, भूमिके वर्ण, गंघ, रस, रप्थ आदिमें अवस्थिणी कालमें हास और उत्सर्पिणीकालमें क्रमशः यद्भि होती है। उसके लिए मार्टिन व हास लिखित विचित्र रेडिएशन एवं उनका आश्चर्यकारक प्रभाव नामक लेख देखें।

(नोट) ऐसे अनेक तथ्य हैं जिनको विज्ञानने स्वीकार किया है। और कई तथ्यों तक तो वह अभी पहुंच भी नहीं सका है। यन हैं कहां जड़वादी विज्ञान और कहां अध्यात्मवादी आगम! दोनोंमें ज़्मीन आस्मानका अंतर है।



णमोऽत्यु णं समणस्स भगवओ णायपुत्तमहावीरस्स संपादकीय

जैनधर्म क्या है ?—'जि' जये धातुसे 'इणसिज्जिदीकुस्यिविभ्यो नक्' नक् प्रत्ययान्त होकर 'जिन' शब्दसे 'जैन' बना है अर्थात् 'रागादिशत्रून् जयतीति जिनः' आन्तिरिक रागद्वेष और कर्मादि शत्रुओंका विजेता 'जिन' कहलाता है और उसके अनुगामी जैन हैं। जिनके 'जगत्प्रभु' जगत्के प्रभु, 'सर्वज्ञ' सर्व पदार्थोंके ज्ञाता, 'त्रिकालविद्' तीनों कालकी अवस्थाओंके जानने वाले, 'देवाधिदेव' देवोंके सर्वोपिर देव आदि गुणवाचक बहुतसे विशेषण हैं। इसके अतिरिक्त 'साधु साध्वी श्रावक श्राविका' इन चारों तीथोंके संस्थापक होने से 'तीर्थंकर' या 'तीर्थंकर' कहलाते हैं। केवलज्ञान होनेसे 'केवली' और 'अर्हन्' भी हैं। इनका प्रतिपादन किया हआ धर्म जैनधर्म कहलाता है।

जैनधर्म अनादि है, इसकी प्राचीनताके प्रमाण 'तुलनात्मक अध्ययन' के ऐतिहासिक प्रकरणमें देखें।

जैनधर्मकी मान्यता—इस दर्यमान सृष्टिमें जो भी वस्तु आदि इन्द्रियों द्वारा अथवा अतींद्रिय ज्ञानसे जानी जाती हैं या दृष्टिगोचर होती हैं, उनके दो विभाग हैं जड़ और चेतन; जड़में जीव नहीं है और चेतन जीव है। जीवोंकी गणना संख्यात और असंख्यात से नहीं वलके अनन्तसे हैं। जीव भी दो प्रकारके हैं—एक कर्मसे मुक्त अर्थात् सिद्ध, दूसरे संसारी। इन संसारी जीवोंके अनेक रीतिसे अनेक भेद हैं। सवमें समान जीवत्व होने पर भी जड़ पदार्थके साथ उनका किसी अंशमें संबंध होनेके कारण वे नए २ रूपमें दिखते हैं। उन संसारी जीवोंके चार भाग हैं—नारक, तिर्यच, मनुष्य और देव। नारकीय जीव अपने पापोंका फल अधोलोकमें और देव अपने पुण्यका फल खर्गलोकमें भोगते हैं। इस मर्ल्यलोकमें मनुष्य पर्याय सबसे श्रेष्ठ है। तिर्यंच पंचेद्रियके पांच भेद हैं— जलचर (पानी में रहने वाले मच्छ कच्छादि), स्थलचर (भूमिपर चलने वाले गाय भेस वकरी आदि), खेचर (आकाशमें उड़ने वाले पक्षी कबृतर आदि), उरपुर (छातीसे रेंग कर चलने वाले सर्पादि), मुजपुर (भुजासे चलने वाले नेवला ऊंदर आदि)। ये सब चलने किरने वाले त्रस जीव (जंगम) कहलाते हैं। इनके अति-रिक्त पृथ्वी पानी अग्नि वायु और वनस्पतिके जीव स्थावर हैं। ये इतने स्क्ष्म हैं

१ जीवपज्जवा णं भंते! किं संखिजा असंखिजा अणंता? गोयमा! नो संखिजा, नो असंखिजा, अणंता। 'पण्णवणा' पांचवां पद, ३०९ पृष्ठ।

कि इंद्रियोंके भी अगोचर हैं। वनस्पतिका 'निगोद' नामक एक विभाग है, जिसमें स्ईके अग्रभाग जितने बारीक स्थानमें भी अनन्त जीव हैं। कर्मीका आवरण होनेके कारण ये जीव संसारी कहलाते हैं। भन्यजीव योग्य सामग्री और संयोग मिलनेपर मनुष्यगितको पाकर फिर कर्मीका सर्वथा निकंदन करके मोक्षको प्राप्त होता है। मोक्ष होने पर आत्मा अपुनरावृत्ति अवस्थाको पाता है।

जैनोंकी दृष्टिमें जगत् अनादि अनंत है, इसकी रचना करनेवाला कोई नहीं है *। और अन्यमतावलंबी भी यही मानते हैं कि ''नासतो जायते भावो, नाभावो जायते सतः।" अर्थात् ''असत्की उत्पत्ति नहीं होती और सत्का सर्वथा अभाव नहीं होता।"

जैनधर्म ईश्वरको कर्ता हर्ता नहीं मानता । वास्तवमें 'पिरक्षीणसकलकर्मा ईश्वरः' अर्थात् समस्त कर्म क्षय होने पर आत्मा ही ईश्वर अवस्थाको प्राप्त होता है । अथवा यों कहिए कि आत्माका छुद्ध खरूप ही परमात्मा है ।

जैनधर्म जीवके द्वारा किए गए कर्मीका फल 'किसी अन्य शक्ति द्वारा मिलता है' ऐसा नहीं मानता। जो जैसा कर्म करता है उसे कर्म द्वारा वैसा ही फल मिलता हैं। जैसे मकान बनाने वाला मनुष्य अपने मकान बनानेके कर्मसे अपने आप समतल भूमिसे ऊँचा उठता जाता है, कुतुबमीनार पर चढ़ने वाला व्यक्ति चढ़ता हुआ अपने आप ऊँचा चला जाता है, इसी प्रकार उत्तम क्षमा द्या सत्यादि उत्तम साधनका कर्ता अपने आप खर्गादि उत्तम गतिको पाता है । ऐसे ही जो ज़मीन खोदनेवाला मनुष्य जितनी ज़मीन खोदता है वह उतना ही समतल भूमिसे नीचा होता चला जाता है, इसी तरह पापकर्म करने वाला जीव अपने आप हिंसा असत्य द्रोह दगा आदि अञ्चभकर्मके निमित्तसे अधम गतिको प्राप्त होता है । यदि मनुष्य दुग्धादि पौष्टिक पदार्थीका सेवन करता है तो उन पदार्थीके द्वारा अपने आप शरीर सुंदर और सुदृढ़ हो जाता है, इसी विधिसे शुभ प्रकृतियोंका सजन करने वाला अनेक शुभसंयोगोंको प्राप्त करता है। विष भक्षण करनेवाला प्राणी उस विषके प्रयोगसे अपने आप मर जाता है, धतूरा खानवाला मूर्छित हो जाता है, कारण वस्तुका स्वभाव अपना काम करता है। जैसे पानी अपने स्वाभाविक गुणसे स्वयं नीचेका मार्ग पकड़ता है तब धुन्धाँ या आगकी ज्वालाओंको अपने आप ऊर्व्वगामी होते देखा जाता है। आत्मा और पुदुल

^{* &}quot;अनाद्यनिधने द्रव्ये, स्वपर्यायाः प्रतिक्षणम् । उन्मज्जन्ति निमज्जन्ति, जलकङ्कोलवज्जले ॥ आ० प० ॥

अनंतकालसे एक दूसरेके साथ संयुक्त रहते हुए भी आत्मा पुद्गलरूप और पुद्गल आत्मारूप नहीं हुआ, न होता है और न होगा। कारण वस्तु अपने स्वभावमें सदैव स्थिर है।

स्पाद्वाद — जैन धर्मकी सबसे बड़ी विशेषता स्पाद्वाद है। पदार्थमें रहे हुए विभिन्न गुणोंको सापेक्षतया स्वीकार करना 'स्पाद्वाद' है। जैसे कोई व्यक्ति अपने पुत्रकी अपेक्षासे पिता है एवं पिता की अपेक्षासे पुत्र है, और भी कई अपेक्षाओंसे उसकी कई संज्ञाएँ हैं। इसी प्रकार स्पाद्वादकी दृष्टिसे द्रव्यार्थिक नयकी अपेक्षा लोक नित्य है और पर्यायार्थिक नयकी दृष्टिसे लोक अनित्य है। अथवा यों कहिए कि 'षड़द्र्शन जिन अंग भणीजे' अर्थात् स्पाद्वादरूपी समुद्रमें अलग र मतरूप नदिएँ आकर अभेदरूप होकर मिलती हैं।

अहिंसा—अहिंसाका स्क्ष्म विवेचन जितना जैनधर्ममें है उतना अन्यत्र कहीं नहीं मिलता । अहिंसाकी साधनासे ही भारतवर्षको खतंत्रता प्राप्त हुई है, जिसे देखकर शनैः २ आजकी दुनिया उसकी ओर आकर्षित होकर प्रगतिशील हो रही है । जैनधर्म मानता है कि "सन्वे जीवा पियाउया०" "सन्वे जीवा वि इच्छंति, जीविउं न मरिज्जिउं ।0" Live and let live. Not Killing is Living. इसके अतिरिक्त जैनधर्म सत्य, अचौर्य, ब्रह्मचर्य, अपरिग्रह, संयम, तप और त्याग पर भी पूरा २ भार देता है ।

जैनधर्म सैद्धान्तिक दृष्टिसे जातिवाद और छूतछातको नहीं मानता "कम्मुणा वंभणो होइ, कम्मुणा होइ खत्तिओ॰ ॥" अर्थात् ब्राह्मण, क्षत्रिय आदि सब कर्मा- नुसार हैं जन्मसे नहीं। हरिकेशसुनि जैसे शूद्रजातीय भी देवोंके पूजनीय थे।

स्त्रीके समानाधिकार—चतुर्विध संघमें जहां साधु और श्रावकका स्थान है वहां साध्वी और श्राविकाका भी । चंदनवाला आदि कई महासितयोंने मुक्ति प्राप्त की है ।

जैनागमोंमें वर्णित गणतंत्रके आधार पर ही आजके गणतंत्रकी उत्पत्ति हुई है।

श्वान और क्रिया—जैनधर्म 'ज्ञानिक्रयाभ्यां मोक्षः' अर्थात् ज्ञान के द्वारा वस्तुका तथ्य जानकर उसी भाँति आचरण (क्रिया) द्वारा मोक्ष मानता है।

आगम कहते हैं कि 'जे कम्मे सूरा ते धम्मे सूरा'—जो कर्म-श्र होते हैं वे ही धर्मश्र होते हैं।

बाह्य युद्धका निषेध—'अप्पणामेव जुज्झाहि, किं ते जुज्झेण

बज्झओ। अप्पाणमेव अप्पाणं, जइत्ता सुहमेहए ॥' बाहरी युद्धोंसे कुछ न होगा आंतरिक युद्ध करके आंतरिक शत्रुओंपर विजय पाओ तब ही सच्चे सुखकी प्राप्ति होगी। इसी प्रकार जैन धर्म आत्म-दमन पर ही जोर देता है- 'अप्पा चेव दमेयव्वो, अप्पा हु खलु दुइमो। अप्पा दंतो सुही होइ, अस्सि लोए परत्थ य॥'

कर्मसिद्धान्त — जैनधर्ममें आठ कर्म माने हैं । झानावरणीय (यह जीवके ज्ञान पर आवरणहप है जैसे बादल सूर्यको ढॅंक लेता है), दर्शना-वरणीय (जो जीवकी दर्शनशक्तिको ढॅंकता है जैसे दर्शन किसीको राजासे मिलनेमें विघ्न करता है), वेदनीय (जो छख दुःखका अनुभव कराता है, सातावेदनीय शहदलिप्त तलवारके समान और असातावेदनीय विपलिप्त खड़के समान है), मोहनीय (यह आत्माके खहपको भुलाता है जैसे दाह पीने वाला अपना भान भूल जाता है), आयुकर्म (बंदीगृहमें बंदीके समान यह जीवको नाना गतियोंमें रोके रखता है), नामकर्म (भिन्न २ गतियोंमें उत्पन्न करता है चित्रकार और चित्रके सदश), गोत्रकर्म (यह ऊंच और नीच अवस्थाका मेद करता है कुम्हार और उसके बर्तन की तरह), अन्तरायकर्म (यह कर्म जीवको दान, लाम, भोग, उपभोग और शक्तिसे वंचित रखता है)।

दो प्रकारका धर्म — जैनधर्ममें धर्मके दो साधक बताए हैं, साधु और श्रावक । साधु अहिंसा, सत्य, अचौर्य, ब्रह्मचर्य और अपिरग्रहका सांगोपांग पूर्णतया पालन करता है तब श्रावक इनकी मर्यादा करता है। इसके अतिरिक्त तीन गुणवत और चार बिक्षावतोंका भी पालन करता है।

नवतत्व—जीव, अजीव, पुण्य, पाप, आस्रव (कर्मप्रकृतिके आनेका मार्ग), संवर (कर्मप्रकृतिको आत्मामें आनेसे रोकना), निर्जरा (बारह प्रकारके तपसे कर्मरूप रजको आत्मासे पृथक् करना), बंध (कर्मप्रकृतिका आत्मामें दूप और पानीकी तरह मिलना), मोक्ष (कर्मप्रकृतिसे तीनों उपायोंसे आत्माका मोक्ष होना) ये नव तत्त्व हैं। यदि इस संबधमें कुछ विशेष जानना हो तो जिज्ञासु 'नवपदार्थश्वानसार'का अवलोकन करें।

जैनसाहित्य-जैनोंकी संख्या कम होते हुए भी उनका साहित्य विशालतम है। अर्धमागधी संस्कृत प्राकृत अपभ्रंश हिंदी गुजराती राजस्थानी आदि भाषाओंमें उनके अनेक प्रंथ पाए जाते हैं, इसके अतिरिक्त व्याकरण न्याय काव्य कोष छंद ज्योतिष सामुद्रिक योग खरशास्त्र वैद्यक आदिके ग्रंथ भी पुष्कल प्रमाणमें उपलब्ध हैं।

जैनसाहित्यमें आगमोंका स्थान सर्वोच है। आगम सिद्धान्त शास्त्र और स्त्र एक ही बात है। स्त्र की पद्धित कुछ बौद्धोंमें भी है जैसे सुत्तनिपात्त, पायासीसुत्तं आदि। हिंदुओंमें व्याकरण और न्याय आदि ग्रंथ सूत्रबद्ध ही हैं। जैनागम तो सबके सब स्त्रहप हैं ही।

सूत्रकी ब्युत्पत्ति-'अल्पाक्षरविशिष्टत्वे साति बह्वर्थवोधकत्वं सूत्र-त्वम्' अर्थात जिसमें अक्षर थोड़े हों और अर्थवोध अधिक हो उसे सूत्र कहते हैं, अथवा 'सूत्रमिव सूत्रम्' सूत के डोरेमें जिस प्रकार अनेक रत्नोंके मणके पिरोए जाते हैं इसी तरह जिसमें बहुतसे अर्थोंका संप्रह हो वह सूत्र होता है। पुनश्व-

अपग्गंथमहत्थं, बत्तीसा दोसविरहियं जं च । लक्खणजुत्तं सुत्तं, अट्टहि य गुणेहि उववेयं ॥ १ ॥ सुत्रोंके भेदोपभेद-

उत्सर्गसूत्र-जिसमें किसी वस्तुका सामान्य विधान हो, जैसे-'नो कप्पइ णिग्गंथाण वा णिग्गंथीण वा आमे तालपलंबे पडिगाहित्तए।'

अपवादसूत्र-जो उत्सर्गका बाधक हो, यथा-'कप्पइ णिग्गंथाण वा णिग्गंथीण वा पक्के तालपलंबे भिण्णे अभिण्णे वा पिडिगाहित्तए।' उत्सर्गापवाद-जिसमें दोनों हों, जैसे-'नो कप्पइ णिग्गंथाण वा णिग्गंथीण वा पारियासियस्स "णण्णत्थ आगाढेहिं रोगायंकेहिं'॥ १८६॥ ब्रहत्कल्प॥

प्रकरणसूत्र-जिसका प्रकरणानुसार नाम हो, जैसे-'काविलीयं' 'केसि-गोयमिज्जं' इलादि ।

संज्ञासूत्र-जिसमें सामान्यतया किसी विषयका वर्णन हो, जैसे 'द्शावैका-िकिक' आदि, जिनमें आचारादि का सामान्य निरूपण है।

कारकसूत्र-जिसमें प्रश्नोत्तरके साथ २ शंकाका समाधान भी हो । जिन प्रश्नोत्तरोंके साथ 'से केणट्टेणं · · से एएणट्टेणं · · ' लगे हैं वे सब कारकसूत्र हैं । सूत्रके आठ गुण-

> णिद्दोसं सारवंतं च, हेउजुत्तमलंकियं। उवणीयं सोवयारं च, मियं महुरमेव य ॥ १ ॥

- १ निर्दोष-सब प्रकारके दोषोंसे रहित।
- २ सारवान्-जिसमें सारगर्भित विषय हों।
- ३ हेत्युक्त-जिसमें वर्णित विषयको हेतु आदिसे स्पष्ट किया गया हो।

- ४ अलंकत-जो उपमा उत्प्रेक्षा आदि अलंकारोंसे अलंकत हो।
- ५ उपनीत-जिसमें उपनय हों।
- ६ सोपचार-जिसकी भाषा शुद्ध और मार्जित हो।
- मित-जिसमें अक्षर थोड़े हों और भाव अधिक हो।
- ८ मध्र-जो सुननेमें अत्यन्त मधुर हो।

कोई २ छ गुण भी मानते हैं-'अप्पक्खरमसंदिखं, सारघं विस्सओ-मुहं। अत्थोभमणवज्ञं च, सुत्तं सव्वण्णुभासियं॥' १ अल्पाक्षर-जैसे सामायिकसूत्र, २ असंदिग्ध-जिसमें शंका के लिए स्थान न हो, ३ सार-वान-पूर्ववत, ४ विश्वतोमुख-जिसमें चारों अनुयोगोंका समावेश हो, जैसे-'धम्मो मंगलमुक्किटुंठ' ५ अस्तोभक-जिसमें च वा आदि निपातोंका निर-र्थक प्रयोग न हो, ६ अनवद्य-जिसमें सावद्य व्यापारका उपदेश न हो।

सूत्रके ३२ दोष-अलियमुवधायजणयं, निरत्थयमवत्थयं छलं दुहिलं। निस्सारमिहयमूणं, पुणहत्तं वाहयमजुत्तं ॥ १॥ कमभिण्ण-वयणभिण्णं, विभक्तिभिण्णं च लिंगभिण्णं च। अणभिहियमपयमेव य, सहावहीणं ववहियं च॥ २॥ कालजतिच्छविदोसो, समय-विरुद्धं च वयणमित्तं च। अत्थावत्तीदोसो, नेथो असमासदोसो य॥ ३॥ उवमारूवगदोसो, णिद्देसपयत्थसंधिदोसो य। एए य सुत्तदोसा, बत्तीसा द्वंति णायव्या॥ ४॥

- १ अलीकदोष-जो सत्को असत् कहे, जैसे-आत्मा नहीं है।
- २ उपघातदोष-जो प्राणियोंकी घातका कारण हो, जैसे-'वैदिकी हिंसा हिंसा न भवति'।
- ३ निरर्थकदोष-जिसका कोई अर्थ न हो।
- **४ अपार्थकदोष-**असंबद्ध अर्थवाला ।
- ५ छलदोष-विपरीत अर्थवाला ।
- ६ दुहिलदोष-पापव्यापारपोषक ।
- ७ निस्सारदोष-साररहित ।
- ८ अधिकदोष-अधिक पद अक्षर मात्रा वाला।
- ९ हीनदोष-अक्षर पद मात्रा आदि से हीन।
- १० पुनरुक्तदोष-जिसमें एक ही विषयको बारंबार दुहराया गया हो।
- ११ व्याहतदोष-जो पूर्वापर विरोधी हो।

```
१२ अयुक्तदोष-जिसमें युक्तिश्रन्यता हो।
१३ क्रमभिन्नदोष-अनुक्रमरहित ।
१४ वचनभिन्नदोष-जिसमें वचनकी गड़वड़ हो।
१५ विभक्तिभिन्नदोष-विभक्तिका वैपरील ।
१६ लिंगभिन्नदोष-तीनों लिंगोंमें फेरफार हो।
१७ अनिभिहितदोष-अपने सिद्धान्तके विरुद्ध हो ।
१८ अपददोप-जिसमें छांदिक त्रुटियां हों।
१९ स्वभावहीनदोप-जिसमें वस्तुस्वभावके विरुद्ध कथन हो । जैसे-'आग
       शीतल होती है।'
२० व्यवहितदोष-जो अप्रासंगिक हो।
२१ कालदोष-जिसमें भूतकालके स्थानमें वर्तमान तथा वर्तमानके स्थानमें
       भूतकालका प्रयोग हो अर्थात् कालसंबंधी अञ्चिष्टि हों।
२२ यतिदोष-जिसमें विश्राम चिन्हों की अग्लुद्धियाँ हों।
२३ छविदोष-अलंकारशस्य ।
२४ समयविरुद्धदोष-अपने मत से विरुद्धता ।
२५ वन्ननमात्रदोष-निर्हेतुकता ।
२६ अर्थापितिदोष-जिसके अर्थमें आपत्ति हो सके।
२७ असमासदोष-जिसमें समासकी प्राप्ति होने पर भी समास न
       किया गया हो।
२८ उपमादोष-जिसमें हीन अथवा अधिक या निरुपम उपमाएँ दी गई हों।
२९ रूपकदोय-अधूरा वर्णन ।
३० निर्देशदोप-जिसमें निर्दिष्ट पदोंकी एकवाक्यता न हो।
३१ पदार्थदोप-जो पर्यायको पदार्थ और पदार्थको पर्याय कहे ।
३२ संधिदोप-जिसमें जहां संधिकी प्राप्ति हो वहां न की हो, अथवा
       अयुक्त रीतिसे की गई हो।
३२ अस्वाध्याय-चार संध्या( प्रातःकाल १, मध्याह्रकाल २, संध्याकाल
       ३, मध्यरात्रि ४) ओंके समय, चार पूर्णिमा एवं महाप्रतिपदाएँ
       (चैत्ररुक्ता १५, वदी १, आषाढरुक्ता १५, वदी १, आश्विनरुक्ता
```

१५, वदी १, कार्तिकशुक्रा १५, वदी १) १२।

औटारिकशरीर-संबंधी १० अस्वाध्याय-अस्थि १३, मांस १४

रुधिर १५, पड़ी हुई अग्रुचि १६, समीपमें जलने वाला रमशान १७, चंद्रग्रहण १८, सूर्यग्रहण १९, मुखिया-राजा-सेनापित-देश-नायक-नगरशेठ का मरण २०, राज्यसंग्राम २१, धर्मस्थानमें मनुष्य और तिर्थंच पंचेंद्रियका कलेवर २२।

आकाश-संबंधी १० अस्वाध्याय-उल्कापात २३, दिशाओं के लाल होनेका समय २४, अकालगर्जना २५, बिजली चमकते समय २६, निर्घात २७, यूपक-शुक्कपक्षकी एकम-दोज और तीजकी संध्या २८, यथालिप्त-अमुक २ दिशाओं में थोड़े थोड़े अन्तरमें विजलीके समान प्रकाश होते समय २९, धूमिका-धुंवर ३०, महिका-कोहरा (धुंध) पड़ते समय ३१, रजोशृष्टि ३२।

इन ३२ अखाध्यायोंको टालकर दिन और रातके पहले और चाथे प्रहरमें कालिक सूत्रोंका स्वाध्याय करना चाहिए। स्वाध्याय संबंधी नियमके मंग करने-वाले के लिए प्रायक्षित निशीधसूत्रके १९ वें उद्देशकमें देखें।

यह भी ज्ञात रहे कि अस्वाध्यायकाल को हिंदुओं के प्रंथों में भी वर्जित किया है। अनाध्यायकालमें उनके यहां भी अमुक २ ग्रंथ न पढ़ना कहा है। जिस प्रकार प्रभात विहाग भैरवी देश स्थामकल्याण आदि रागोंका समय निश्चित है, असमयमें वे अच्छे नहीं लगते, इसी प्रकार स्त्रोंका स्वाध्यायकाल निर्धारित है, अर्थात् 'काले कालं समायरे।'

स्त्रोचारविधि-स्त्रोंका उचारण करते समय स्खलना न हो, ज़बान न लड़खड़ा जाय। अलग २ पदोंको मिलाकर और मिले हुए पदोंको तोड़कर न पढ़े। अपनी ओरसे क्षेपक न करे। सांगोपांग परिपूर्ण पढ़े। घोषके नियमानुसार पढ़े। यथास्थान उचारण करे। गुरुसे वाचना लेकर पढ़े। जैसा कि अनुयोगद्वारस्त्रमं कहा है कि "सुत्तं उचारेयव्वं अक्खिलेयं, अमिलियं, अवचामेलियं, पिंडपुण्णं, पिंडपुण्णं में कंठोड्ठविष्पमुक्तं, गुरुवायणोवगयं।"

स्त्रव्याख्याके ६ भेदन "संहिया य पयं चेव, पयत्थो पयविग्गहो। चालणा य पसिद्धी य, छव्विहं विद्धि लक्खणं॥" १ संहिता-पदका अस्खलित उचारण, जैसे-'करेमि भंते! सामाइयं॰' २ पद-उपरोक्त वाक्यमें 'करेमि' एक पद है, 'भंते!' दूसरा पद है, 'सामाइयं' तीसरा पद है। ३ पदार्थ-उपरोक्त पदोंके अर्थ ।

४ पदविग्रह-पदच्छेद करना ।

५ चालना-'ननु' 'न च' आदिसे शंका उत्पन्न करना ।

६ प्रसिद्धि-उठाई गई शंकाओंका समुचित समाधान।

उपक्रम, निक्षेप, अनुगम और नय द्वारा भी सूत्रोंकी व्याख्या की जाती है। इनका विवरण अनुयोगद्वारसृत्रमें विस्तारपूर्वक पाया जाता है।

वर्तमानकालमें उपलब्ध सूत्र-

११ अंग, (१२ वं अंग दृष्टिवादका विच्छेद हो चुका है) १२ उपांग, चार छेद, चार मृल और आवश्यक इस प्रकार ३२ सूत्र वर्तमानमें प्रामाणिक माने जाते हैं। अंगोंका वर्णन समवायांगस्त्र एवं नंदीस्त्रमें पाया जाता है। शेष स्त्रोंके नाम नंदीस्त्रमें हैं। उपांग संज्ञा केवल निरियाविलकादिमें पाई जाती है। फिर भी १२ अंगोंके १२ उपांग माने जाते हैं। अंगस्त्रोंसे अतिरिक्त आगमोंकी अंगबाह्य संज्ञा भी है, जिसके दो भेद हं—आवश्यक और आवश्यक—व्यतिरिक्त। आ० व्य॰के भी दो भेद हें—कालिक और उत्कालिक। कालिकमें उत्तराध्ययन, दशा-कल्प-व्यवहार, निशीथ, जंबृद्धीपप्रज्ञाप्ति, चंद्रप्रज्ञप्ति और निरियाविलकादि पांच उपांग परिगणित हैं। उत्कालिकमें दश्चंकालिक, आपपातिक, राजप्रश्रीय, जीवाजीवाभिगम, प्रज्ञा पना, नंदी, अनुयोगद्वार, स्थ्रप्रज्ञप्ति सिन्निहित हैं। कालिकस्त्रका खाध्याय नियत समयपर ही किया जाता है। उत्कालिकस्त्रोंका खाध्याय यथोचित समयमें भी किया जा सकता है। नंदीस्त्रनिर्दिष्ट शेष स्त्र वर्तमानमें नहीं हैं। अंगस्त्रोंका महत्त्व और उनका विषयादि 'सुत्तागमें के प्रथम अंशमें दिया जा चुका है। दितीय अंशमें समाविष्ट सर्शेंका विषय-विवरण इस प्रकार है।

वारह उपांग-

प्रथम उपांग-आपपातिकसूत्रमें चंपानगरी, पूर्णभद्र उद्यान, अशोक वृक्ष, पृथ्वीदिःना-पट्टक, क्रोणिक राजा, धारिणी रानी, ज्ञातपुत्र महावीर भगवानका समवसरण, तपके १२ भेद, साधुगण, क्रोणिकका महावीर प्रभुकी वंदना के लिए भागमन, असुरादि देवोंका आना, भगवानकी देशना, अंबड परिव्राजक श्रावकका चरित्र, केवलिसमुद्रधात और अन्तमें सिद्धोंका वर्णन है।

हितीय उपांग-राजप्रशीयमें स्योमदेवका भगवान महावीर खामीकी वंदना के लिए आना, गौतमखामी द्वारा उसके पूर्वभवकी प्रच्छा, भगवान द्वार स्थीमदेवका पूर्वभव कथन, प्रदेशी राजाका केशीमुनिसे प्रश्लोत्तर, अंतमें प्रदेशी द्वारा

आत्मश्रद्धा पाकर व्रतग्रहणादि विषय वर्णित हैं। यह सूत्र साहित्यका रसप्रद ग्रंथ है ऐसा विटरनिट्ज़ का कहना है।

तृतीय उपांग-जीवाजीवाभिगममें जीव अजीवका विस्तृत स्वरूप, विजयदेवका वर्णन, छप्पन अन्तरद्वीपादिका उल्लेख हैं।

चतुर्थं उपांग-प्रज्ञापनासूत्रमें जीव, अजीव, आसव, वंध, संवर, निर्जरा और मोक्षका सम्यक् निरूपण है। इसके अतिरिक्त लेख्या, समाधि, लोकस्वरूप आदिका वर्णन भी है, इसमें ३६ पद (प्रकरण) हैं। इसके संकलनकर्ता श्रीमुधर्मा-वार्यसे २३ वें पदृस्थित आर्य इयामाचार्य थे। प्र=प्रकर्षतया, ज्ञापना=अववोध करना प्रज्ञापना, अर्थात् जिसमें पदार्थका परिपूर्णरूपसे खरूप जाना जा सके।

पंचम उपांग-जंबृद्वीपप्रक्षिप्तमें जंबूद्वीपका सविस्तर वर्णन है। कालचक, ऋषभदेव भगवान और भरत चकवतींका जीवनचरित्र भी वर्णित है। वास्तवमें यह भूगोलविषयक प्रंथ है ऐसा विंटरनिट्रज़ का कहना है।

छठे एवं सातवें उपांग-चंद्रप्रक्षित और सूर्यप्रक्षितें चंद्र तथा स्पादि ज्योतिषचकका वर्णन है। दोनोंके आरंभ-कमके थोड़ेसे मेदके अतिरिक्त शेष सब पाठ समान हैं। इनके २० प्रामृत हैं। जिनमें मण्डलगित संख्या, सूर्यका तिर्यक् परिभ्रमण, प्राकाश्य क्षेत्र परिमाण, प्रकाश संस्थान, लेश्या प्रतिघात, ओजःसंस्थित, सूर्यावारक, उदयसंस्थिति, पौरुषी छाया प्रमाण, योगस्वरूप, संवत्सरोंका आदि अन्त, संवत्सरोंके मेद, चंद्रमाकी वृद्धि अपवृद्धि, ज्योतमा प्रमाण, शीव्रगति निर्णय, ज्योतमा लक्षण, च्यवन तथा उपपात, चन्द्रसूर्यादिकी उंचाई, उनका परिमाण, चन्द्रादिका अनुभाव वर्णित है। ये दोनों उपांग खगोल विषयक हैं। ५-६-७ वें उपांगको विटरनिट्ज़ने वैज्ञानिक ग्रंथ (Scientific Works) माना है।

आठवें उपांग-निरियाविक्षकामें मगध-नरेश श्रेणिक (मंमसार-बौद्ध-साहित्यमें विविसार) का कोणिक (अजातशत्रु) के द्वारा मरण (जिसका उक्केल बौद्ध प्रंथोंमें भी पाया जाता है) आदिका कथन है। इसके अतिरिक्त कालकुमारा-दिका अपने नाना वैशालिनरेश चेटकके साथ युद्धमें लड़ते हुए मारा जाना, उनकी नारक गति और भविष्यमें मोक्ष होनेका वर्णन है।

नवम उपांग-कल्पावतंसिकामें श्रेणिक राजाके १० पौत्र पद्मकुमारादिका भगवान महावीर प्रमुकी सेवामें दीक्षाग्रहण, देवगतिगमन और भविष्यमें मोक्ष होनेका कथन है। इसके १० अध्ययन हैं। दस्तवें उपांग-पुष्पिकामें १० देव देवियोंका भगवान् महावीर खामीकी वंदना के लिए आना, गौतमखामीकी उनके पूर्वभवकी पृच्छा, भगवान् द्वारा पूर्वभव-कथन, चन्द्र, स्र्यं, महाशुक्र (पूर्वभवमें सोमिल ब्राह्मण), बहुपुत्तिया (पूर्वभवमें सुभद्रा साध्वी), पूर्णभद्र, माणिभद्र, बल, शिव और अनादित देवके पूर्वजन्मका वर्णन है।

ग्यारहवें उपांग-पुष्पच्रुिकामें श्री ही आदि १० देवियोंकी पूर्वजन्मकी करणीका कथन है । इसमें १० अध्ययन हैं ।

वारहवें उपांग-वृष्णिदशामें वृष्णिवंशके वलभद्रजीके १२ पुत्र निषद-कुमारादिका भगवान् अरिष्टनेमिके पास दीक्षाप्रहण, सर्वार्थसिद्धगमन, भविष्यमें मोक्ष पानेका अधिकार है ।

चार छेदसूत्र—

प्रथम छेद-व्यवहारसूत्रमें दश उद्देशक हैं। प्रथम उद्देशकमें आलो-चना (Confession) विधि । द्वितीय उद्देशकमें सहधार्मिकके दोषित होने पर साधुका कर्तव्य । तीसरे उद्देशकमें आचार्य उपाध्याय आदि ७ पदवियां किसे दी जायँ और किसे नहीं, साथ ही उनके गुणोंका विवरण । चौथे उद्देशकमें आचार्यादिको चतुर्मास और विहारकालमें कितने साधुओंके साथ रहना। पांचवें में प्रवर्तनी के लिए विधान चौथेके अनुसार । छठेमें भिक्षा स्थंडिल (शौचभूमि) वसति कहां और किसप्रकार निश्चित करना तथा अमुक २ स्खलना-ओंके लिए प्रायश्वित । सातवेंमें दूसरे संघाड़े में से आई हुई साध्वीके साथ कैसा व्यवहार रखना और साध्वियों के लिए नियम, खाध्याय और पदवीदान, अमुक संयोगोंमें गृहस्थकी आज्ञा लेकर प्रवर्तन करना। आठवेंमें गृहस्थके मकानका कितने भाग तक उपयोग करना, पीठ फलक (पाट पाटलादि) की ग्रहण विधि, पात्र आदि उपकरण और भोजनका परिमाण । नवत्रेंमें शय्यातर (स्थान देनेवाले) का कथन, उसके मकानादिको उपयोगमें लेने न लेनेका स्पष्टीकरण, भिक्षप्रतिमाका आराधन कैसे होना चाहिए। दशम उद्देशकमें दो प्रकारकी प्रतिमा (अभिप्रह) तथा दो प्रकारका परिषह, पांच व्यवहार, चार जातिके पुरुष (साधु), चार जातिके आचार्य और शिष्य, स्थविर एवं शिष्य की तीन भूमिकाएँ, अमुक सृत्रका अभ्यास कब आरंभ करना आदिका कथन है।

द्वितीय छेद-चृहत्करपमें छ उद्देशक हैं, इसमें मुख्यतया साधु साध्वियोंका

१ उपांगोंके संबंधमें वेबर महाशयके लेख द्रष्टव्य हैं।

आचारकल्प वर्णित है। जो पदार्थादि कर्मबंधके हेतु और संयमके वाधक हैं उनके लिए 'न कप्पइ' शब्दका उपयोग किया है अर्थात् 'नहीं कल्पता है,' तथा जो संयमकी साधनामें सहायक, स्थान, वस्त्र, पात्र आदि हैं उनके संबंधमें 'कप्पइ' कल्पनीय कहा है। अमुक अकार्य (दोष) के लिए १० प्रायश्चित्तमें साधक किस प्रायश्चित्तका अधिकारी है। साथ ही कल्पके छ प्रकार आदिका कथन है।

तृतीय छेद-निशीथस्त्रमें प्रायिश्वत्ताधिकार है, इसमें २० उद्देशक हैं, १९ उद्देशकोंमें गुरुमासिक लघुमासिक लघुमासिक और गुरुमाद्वर्मासिक प्रायिश्वत्तका वर्णन है, २० वें उद्देशकमें इनकी विधि वताई गई है। स्खलना करनेवाले साधुओं के लिए शिक्षारूप निशीयस्त्र है। दूसरे शब्दोंमें इसे धर्मनियमोंका कोष या दंडसंग्रह (पेनल कोड) कहा जाय तो गुक्तियुक्त ही है। प्रायिश्वतका अर्थ है कि भूलकर एक बार जिस अकृत्यका सेवन किया हो उसकी आलोचना करके ग्रुद्ध होना और पुनः त्याज्य कर्मका आचरण न करना।

चतुर्थ छेद-दशाश्रुतस्कंधमें दश अध्ययन हैं, जिनमें कमशः असमा-धिके २० स्थान, २१ सबलदोष, ३३ अशातना, आचार्यकी आठ सम्पदाएँ और उनके मेद, शिष्यके लिए चारप्रकारकी विनय प्रवृत्ति मेद सिहत, चित्तसमाधिके १० स्थान, श्रावक की ११ प्रतिमाएँ तथा साधुकी १२ प्रतिमाएँ, पर्यूषणाकल्पै, महामोहनीयकर्मबंधके ३० स्थान तथा नव निदानों (नियाणों) का वर्णन है। इनमें व्यवहार, बृहत्कल्प और दशाश्रुतस्कंधकी रचना आर्य भद्र-

बाहु आचार्य ने की है।

चार मूलसूत्र-

प्रथम मूळसूत्र-द्रावैकाळिकमें १० अध्ययन और दो चूलिकाएँ हैं। इसकी रचना १४ पूर्वधर श्रीशय्यंभवाचार्यने अपने शिष्य (पुत्र) मनाकृष्रिय के लिए पूर्वोंमेंसे उद्भुत करके की है। इसके दश अध्ययन हैं और इसे विकालमें भी पढ़ा जा सकता है अतः इसका नाम दशवैकालिक है। इसके प्रथम अध्ययनमें धर्मकी प्रशंसा और साधुकी अमर-जीवनके साथ तुलना; द्वितीय अध्ययनमें चित्त-स्थिरीकरणके उपाय, रथनेमि और राजीमतीका उदाहरण; तृतीय अध्ययनमें साधुके ५२ अनाचीर्ण; चतुर्थ अध्ययनमें षड्जीवनिकायका खरूप; पाँचवें अध्ययनके प्रथमोदेशकमें भिक्षा(गोचरी)विधि, द्वितीय उदेशकमें

१ इसका विशेष कथन कल्पस्त्रसे ज्ञातव्य है।

मिक्षाकालादि; छठे अध्ययनमें साधुके १८ कल्प; सातवें अध्ययनमें वचनग्रुद्धि, साधुके बोलने न बोलने योग्य भाषाका वर्णन; आठवें अध्ययनमें साधुके आचार; नववें अध्ययनके प्रथमोदेशकमें विनयका खहूप, गुरुकी आशातनाका दुष्परिणाम, द्वितीय उदेशकमें विनय तथा अविनयका फल, तृतीय उदेशकमें किन २ गुणोंके समाचरणसे पूजनीय होता है, चतुर्थ उदेशकमें विनय, श्रुत, तप और आचार समाधिका वर्णन है। दश्वों अध्ययनमें भिक्षुके गुण वर्णित हैं अर्थात् किन २ गुणोंसे भिक्षु होता है। पहली चूलिकामें संयममें स्थिर करनेवाली १८ वातें; द्वितीय चूलिकामें साधुका आचार विचार, वासकल्प, विहार मोक्षप्राप्ति आदिका कथन है। कई इन चूलिकाओंको महाविदेह क्षेत्रसे लाई हुई मानते हैं परन्तु कई कारणोंसे इसे युक्ति-युक्त नहीं माना जा सकता। ये श्रीशय्यंभवाचार्य की रचनाएँ न होने पर भी प्रामाणिक मानी गई हैं।

द्वितीय मूल-उत्तराध्ययनमें ३६ अध्ययन हैं, यह सारा सूत्र ही अलानं-ददायक ज्ञानकी निधिक समान है । इसके प्रथम अध्ययनमें विनयका विस्तार-पूर्वक कथन है । द्वितीय अध्ययनमें परिषहोंके नाम और साधुको उनके सहन करनेका उपदेश है । तृतीय अध्ययनमें मनुष्यत्व-धर्मश्रवण-श्रद्धा और संयममें स्फुरणा, इन चार अंगोंकी दुर्लभताका वर्णन है। चतर्थ अध्ययनमें द्वटीकी बूटी नहीं है अर्थात् जीवनकी क्षणभंगुरता और प्रमाद-अप्रमादका खरूप समझाया गया है। **पांचवें** अध्ययनमें अकाम(वाल-अज्ञान)मरण सकाम(पंडित)-मरण का विस्तारपूर्वक वर्णन है । छठे अध्ययनमें साध्वाचारका संक्षिप्त वर्णन है। सातवेंमें कामी पुरुषकी वकरेके जीवनके साथ तुलना, काकिणी, आम्रफल, तीन न्यापारियोंके उदाहरण हैं। आठवें में कपिल केवलीका चारित्र, लोभ तृष्णा आदि दुर्गुणोंके त्यागका उपदेश है। नववें अध्ययनमें नमिराजका दीक्षा के लिए उद्यत होना, इन्द्रके साथ प्रश्नोत्तर आदि । दश्चेंमें वृक्षके सुखे पत्तेके समान मानव जीवनकी नथरता तथा समयमात्र का भी प्रमाद न करनेकी शिक्षा । उचार-हवेंमें शिक्षा न मिलनेके ५ और शिक्षा प्राप्त करनेके ८ कारण, विनीतके १५ और अविनीतके १४ लक्षण, बहुश्रुतकी १६ उपमाएँ। बारहवेंमें हरिकेशीवल मुनिका चरित्र, तपकी महत्ता, जातिचादका खंडन, भावयज्ञ तथा आध्यात्मिक स्नानका खरूप। तेरहवेंमें चित्त संभूतिका पूर्वभव, दोनोंका मिलना, चित्तमुनिका ब्रह्मदत्तको उपदेश, पूर्वेकृत निदानके कारण ब्रह्मदत्तकी ब्रतादिकी प्रवृत्तिमें असम-

र्थता. दुर्गतिगमन. चित्तका मोक्ष होना । १४ वें में छ जीवोंका पूर्वभव, इपुकार नगरमें जनम और फिर पारस्परिक मिलाप, अन्तमें मृगुपुरोहितकी पत्नी यशा और उनके दो प्रत्र. इष्रकार राजा और कमलावती रानीका एक दूसरेके कारण वैराग्यलाभ. दीक्षाप्रहण एवं मोक्षप्राप्ति । **१५ वें में** भिक्षके लक्षण और गुण । १६ वेंमें ब्रह्मचर्यके १० असमाधिस्थान । १७ वेंमें पापश्रमणका स्वहत । १८ वेंमें संयति राजाका मृगयाके लिए जाना, उद्यानमें गर्दभालि मुनिका उपदेश. राजाका दीक्षाप्रहण और मुक्ति-प्राप्ति । १९ वेंमें राजकुमार मृगापुत्र का साधुको देखकर जातिस्मरण, माता पितासे संवाद, नरकादि गतियोंके दुःखोंका वर्णन, संयमग्रहण, मोक्षप्राप्ति । २० वेंसे श्रेणिक नरेशका अनाथीम निका दर्शन प्राप्त करना, सनाथता अनाथताका स्त्ररूप, राजाकी धर्ममें दढ श्रद्धा होना । २१ वेमे समद्रपालका वध्य चोरको देखना. संवेदप्राप्ति, दीक्षाप्रहण तथा मोक्ष । २२ वेमे भगवान अरिष्टनेमिका विवाह के लिए जाना, पशु पक्षियों पर करुणा ला कर उन्हें बंधनमुक्त कराना, दीक्षाग्रहण, सती राजीमतीको गुफामें देखकर रथनेमिका संय-मसे विचलित होना, सतीके उपदेश द्वारा उसका पुनः संयममें स्थिर होना, अन्तमें मोक्षप्राप्ति । २३ वेंमें मुनि केशीकुमार और गौतमस्वामीका संवाद, अन्तमं केशीश्रमण द्वारा भगवान् महावीर कथित पांच महाव्रतोंका स्वीकार । २४ वेंसे पांच समिति और तीन गुप्ति, इन आठ प्रवचन-माताओंका वर्णन । २५ वेंमें जयघोष विजयघोषका चरित्र, ब्राह्मणके यथार्थ लक्षण । २६ वेंमें १० सामाचारी .और साधुकी दिनरात्रिचर्या का कथन । २७ वें**में** गर्गाचार्य द्वारा अविनीत शिष्योंका लाग । २८ वेंमें मोक्षमार्गमें गतिमान होनेके उपाय । २९ वेंमें सम्यक्त्व पराक्रमके ७३ बोल, उनका फल । ३० चेंमें बाह्य और अभ्यंतर तपका विवरण । ३१ वेंमें वरणविधि । ३२ वेंमें प्रमादस्थान और उनसे बचे रहनेके उपाय । ३३ वेंमें आठों कर्मीका विस्तारपूर्वक वर्णन । ३४ वेंमें छहों लेक्या-ओंके नाम, वर्ण, रस, गंघ, स्पर्श, परिणाम, लक्षण, स्थिति आदिका विस्तृत वर्णन । ३५ वेमें साधुके गुण और ३६ वें अध्ययनमें जीव तथा अजीवके भेद विस्तारसे बताए हैं। ज्ञातपुत्र महावीर भगवान्ने मोक्ष पानेके समय यह सूत्र फर्माया था, जैसा कि कथित सूत्रकी अन्तिम गाथासे स्पष्ट है।

इइ पाउकरे बुद्धे, णायए परिणिव्वुए । छत्तीसं उत्तरज्ञाप, भवसिद्धीयसंमए ॥ २७१ ॥ इसी स्पृतिको बनाए रखने के लिए दिवालीसे अगले दिन अर्थात् कार्तिक ग्रुका प्रतिपदाको सबेरे ही उत्तराध्ययनस्त्रका संपूर्ण स्वाध्याय (पाठ) किया जाता है। तृतीय मूळ-नन्दीसूत्रमें संघ स्तुति, तीर्थंकर गणधरादि स्थविरावली, परि-षद्, पांचों ज्ञानोंका स्वरूप विस्तारपूर्वक वर्णित है।

चतुर्थ मूळ-अनुयोगद्वारमें आवश्यक, श्रुतस्कंबके निक्षेप, उपक्रम, आनुपूर्वी, दश नाम, प्रमाण, निक्षेप, अनुगम और नयका पूर्ण विस्तारसे उक्केख है। इसमें ७ खर, ८ विभक्ति, ९ रस आदि विषय विशेष उक्केखनीय हैं। यह आर्य रिक्षताचार्य कृत है। जिसके ये दो प्रमाण हैं-

प्रथम-संस्कृतका प्रयोग किसी स्त्रमें नहीं है परंतु इसमें पाया जाता है।
दूसरा-उदाहरणोंमें 'तरंगवइकारे, मलयवइकारे' आदि भी इसकी पश्चाद्वर्तिताको स्चित करते हैं।

बत्तीसवां आवश्यकसूत्र-इसमें सामायिक, चतुर्विशतिस्तव, वंदनक, प्रतिक्रमण, कायोरसर्ग और प्रत्याख्यान इन छहों आवश्यकोंका वर्णन है।

परिशिष्ट परिचय-प्रथम परिशिष्टमें कल्पसूत्र सिनिहित है जो कि चतुर्थ छेद दशाश्वतस्कंधका आठवाँ अध्ययन है। इसमें ज्ञातपुत्र महावीर भगवान, पार्श्वनाथ, अरिष्टनेमि और ऋषभदेव इन चारों तीर्थंकरोंका चरित्र है। इसके अतिरिक्त इसमें गणधरादि स्थविरावली और सामाचारी भी वर्णित हैं।

द्वितीय परिशिष्टमें सामायिकस्त्र विधिसहित दिया गया है।
तृतीय परिशिष्टमें श्रावकावस्यक(प्रतिकमण)स्त्र विधिसहित है। भाषा-

तृताय पाराशप्रम श्रावकावश्यक (प्रातकमण)सूत्र विधसाहत है। भाषा-पाठोंके स्थानपर कोष्ठकमें मूलपाठ दिए हैं ताकि समझने में सुगमता हो।

सूत्रों में प्रयुक्त छंद-आगमों में गाथाओं का प्रयोग अधिक है, इसके आति-रिक्त वैतालीय, उपजाति, आर्यो का प्रयोग भी पाया जाता है।

प्रस्तुत प्रकाशनकी विशेषता-

- १-पाठशुद्धिका पूरा २ लक्ष्य रक्खा गया है।
- २-इसका संपादन गुद्ध प्रतियोंके आधारपर किया गया है।
- ३-पाठान्तर नवीन पद्धतिसे दिए हैं।
- ४-टिप्पण भी यथास्थान प्रयुक्त किए गए हैं।
- ५-अंतमें परिशिष्ट भी दिए गए हैं।
- ६-तुलनात्मक अध्ययन भी इससे पूर्व दिया गया है।
- ७-व्याकरण-शेष भी दे दिया गया है।

कार्यविवरण-प्रथम अंशका कार्य पूरा होनेके लगभग ८ महीने बाद माडुंगा ५ सुत्ता॰ प्र॰ चतुर्मासमें द्वितीय अंशका कार्य प्रारंभ होकर शनैः २ चलता रहा और पनवेल चतुर्मासमें सम्पन्न हुआ।

सहयोगी-मेरे अंतेवासी शिष्य सुमित्तभिक्खू ने 'पासंगियं किंचि' नामक छेख लिखकर 'सुत्तागमे' के सौंदर्यमें जो अभिवृद्धि की है और विणित विषयोंको स्पष्ट करके बताया है वह उल्लेखनीय है।

मेरे अंतेवासी प्रशिष्य जिनचंदिभिक्खू ने अप्रमत्त एवं जागरूक अवस्थामें संशोधनका कार्य अपने हाथमें लेकर जो सहयोग दिया है उसे तो कभी भुलाया ही नहीं जा सकता। इन दोनोंकी सेवा जीवनके अंत तक स्मृतिपथमें रहेणी।

मुनिश्री रतनचंदजी महाराज (कच्छी) ने 'छत्तागमे' की जो साररूप भूमिका प्राकृतमें लिखी है उनका आभार माने बिना कैसे रहा जा सकता है। आपने तो मानों सागर को गागरमें बंद कर दिया है।

पंडितवर्य श्री गजानन जोशी शास्त्री(पनवेळ)ने जो प्राकृतमें 'निदंसणं' लिखा है वह उनकी योग्यताका परिचायक एवं अभिनंदनीय है, और प्राकृतके अभ्यास के लिए प्रेरणा देता है।

्रनके अतिरिक्त प्रगट या अप्रगट रूपमें जिन २ महानुभावोंने सहयोग दिया है उनका आभार मानता हूं।

स्पष्टीकरण-(१) कल्पसूत्रमें २४ तीर्थकरों के आंतरोंमें महावीर-निर्वाण के ९८० वर्ष पीछे स्त्रोंके लिखे जानेकी जो घटना है वह देवर्द्धिगणी क्षमाश्रमणकी है, क्योंकि इतिहासकार अपने समय तकका विवरण दिया ही करते हैं।

- ् (२) **राज्यकोरा** गाथाबद्ध सानुवाद तैयार हो रहा है, १११८ गाथाओंकी रचना भी हो चुकी है, अतः शब्दकोश नहीं दिया गया।
- (३) अन्य उपयुक्त विषय जो कि प्रंथके बढ़ जानेके कारण रह गए हैं वे अन्यत्र दिए जायँगे।

अन्तिम-इस प्रकाशनमें यदि कहीं कोई भूल रह गई हो या सिद्धान्तके विरुद्ध हुआ हो तो उसका ख़ालिस हृदयसे अनन्त सिद्धों की साक्षीसे 'मिच्छासि दुक्कडं'।

गच्छतः स्खळनं कापि, भवत्येव प्रमादतः । हसन्ति दुर्जनास्तत्र, समादधति सज्जनाः॥ शांतिमवन अंबरनाथ C. R.) श्रीगुरुवरणचवरीक-दिनांक २१-१२-१९५४ पुण्फिभिक्त्

व्याकरण-दोष

उपसर्ग

```
उपसर्ग धातुके पूर्वमें लगाए जाते हैं, वे धातुके मूल अर्थमें परिवर्तन करके
कहीं विशेष अर्थ और कहीं विपरीत अर्थ तथा कहीं भिन्न अर्थके द्योतक होते हैं।
अइ ) सीमा से बाहर, अतिशय; अइ+क्कमइ=अइककमइ-वह सीमासे बाहर
अति जाता है, अथवा उल्लंघन करता है।
अहि ] ऊपर, अधिक, प्राप्त करना;
अधि ∫ अहि+चिट्टइ=अहिचिट्टइ-वह ऊपर बठता है।
  अहि+गच्छइ=अहिगच्छइ-वह प्राप्त करता है।
अणु (अनु)] पीछे, समान, समीप;
  अणु+गच्छइ=अणुगच्छइ-वह पीछे जाता है।
  अणु+करइ=अणुकरइ-वह अनुकरण करता है।
अभि । सन्मुख, पास; अभि+गच्छइ=अभिगच्छइ—वह सन्मुख जाता है,
अहि अथवा पासमें जाता है।
अव | नीचे, तिरस्कारः अव+यरइ=अवयरइ-ओ+यरइ=ओयरइ—वह
ओ } नीचे उतरता है। अव+गणइ=अवगणइ—वह तिरस्कार करता है।
आ ] उलटा, विपर्यय, मर्यादा; आ+गच्छइ=आगच्छइ—वह आता है।
अव ) विपरीत, पीछे, उलटा; अव+कमइ=अवक्रमइ—वह पीछे फिरता है
अप 🖟 ( लौटता है ) । अप+सरइ=अपसरइ-ओ+सरइ=ओसरइ-वह
ओ पीछे हटता है।
 उ किंचा, ऊपर; उग्गुच्छइ-वह ऊपर जाता है।
(उत्)∫उद्वेश-वह उठता है।
उव र्पासमें; उवागच्छइ-वह समीपमें जाता है।
(उप) (
नि । अंदर, नीचे; नि+मजाइ=निमजाइ-नु+मजाइ-नुमजाइ-नह इवता
नु है। निवडइ-वह नीचे गिरता है।
परा 🕽 उलटा, पीछे; परा+जिणइ=पराजिणइ-वह हारता है ।
```

पला (पलायइ-वह भागता है।

परि विशेष, परिवर्तन होना, चारों ओर; परि+त्सइ=परितृसइ—वहं पिले विशेष प्रसन्न होता है। परि+वृद्धइ—वह वदलता है। परि-वृद्धइ—वह वदलता है। परि-वृद्धइ—वह वदलता है। परि-पति ते सामने, उलटा; पिंड + भासइ=पिंड भासइ—वहं सामने वोलता परि-पर्द है। पर्द + जाणइ—पर्द जाणइ—वहं प्रतिज्ञा करता है। प्रति) प्राचित्र वहं विशेष प्रकाश करता है। प्राचित्र वहं विशेष प्रकाश करता है। प्राचित्र वहं विशेष प्रकाश करता है। वि विशेष, निषेष, विरोधार्थ; वियाणेइ—वहं विशेष रूपसे जानता है। विस्तर्द्ध—वहं भूलता है। विस्तर्द्ध—वहं भूलता है। सं (सम्)] भली भाँति; सं + गच्छइ = संगच्छइ—वहं भली भाँति मिलता है। निर्वेष्यं, आधिक्यं, निषेषः निज्ञिणेइ—वहं निश्चयंसे विजय पाता है। निर्वेष्यं आधिक्यं, निषेषः निज्ञिणेइ—वहं निश्चयंसे विजय पाता है। निर्वेष्यं च्वाह वहं निरीक्षण करता है। निरार्वेष्यं च्वाह वहं निरीक्षण करता है।

दुर् हु:खपूर्वक, दुष्टतार्थः, दुह्यंग्रेह—कठिनाईसे उहंधन करता है । दुस्स-दु हेइ-दूसहेइ—वह दु:ख सहन करता है। दुरायार-दुष्ट आचरण। द

(नोट) निर् हुर् इन उपसर्गोंके रेफका विकल्पसे लोप होता है, परन्तु रेफसं परे स्वर होनेपर लोप नहीं होता, जब रेफका लोप नहीं होता तो पथात्वर्ती व्यंजनमें रेफ मिल जाता है और उस व्यंजनको दित्व होता है। जैसे-निर्भसहो=निस्सहो, नीसहो, निसहो; निर्+अंतरं=निरंतरं; हुर्+सहो=दुस्सहो, दूसहो, दुसहो; दुर्+उत्तरं।

अव्यय

सदशं त्रिषु लिङ्गेषु, सर्वासु च विभक्तिषु। वचनेषु च सर्वेषु, यन्न व्येति तद्व्ययम्॥

(१) अ अण=निषेघार्थ, अह=इसके बाद, अइरा=तत्काल, अईव=अधिक, अंग=आमंत्रण, अन्तर अन्तरेण=अभावयुक्त, अंते अंतो=बीचमं, अकम्हा=अक-स्मात्, अचिरं=जल्दी, अजस्सं=निरन्तर, अज=आज, अणिसं=सतत, अति=

⁹ आविर व्यक्ते, तु पृथम्भावे, पाउ पाउर् प्राकाश्ये, सद् श्रद्धायामित्य-धिकं प्रस्यन्तरे ।

अतिशय, अत्थि=है, अदु अदुत्तरं=इसके पीछे, अदुवा=अथवा, अहो=नीचे, अभि= सन्मुख, अभिक्खणं २=बार वार, अलं=पर्याप्त, अवि=भी, असइं=बार २, अहा-वरं=इसके पश्चात्, आ=मर्यादा-अभिविधि, इइ इति इय=इस प्रकार-समाप्त, इव= समान, ईसि ईसिं=थोड़ा, उदाहु=पक्षान्तर, उपरि उप्पि उवरि=ऊपर, उस्सण्णं= प्रायः, एव=ही, एवं=इस प्रकार, एवमाइ=इत्यादि, एवामेव=इसी प्रकार, किं=क्या, किण्णं-जिज्ञासार्थ, किर किल-निश्रयार्थ, कीस-किस लिए, कु-खराब, खलु-निश्चय, खिप्पं=शीघ्र, च च=समुचयार्थक, चे(चेत्)=संभावनार्थ, जड्=यदि, जाव=जब तक, ताव=तब तक, जुगवं=एकदम, झत्ति=झटपट, ण=नहीं, णं= वाक्यालंकार, णवरं णवरि=केवल, णह=निषेधार्थ, णाणा=अनेक, ण=प्रश्नवाचक. णूणं=निश्चयपूर्वेक, णो=नहीं, ति त्ति=इस प्रकार और समाप्ति अर्थ, तु=समुच्चयार्थ, थ=वाक्यालंकार, दिया=दिन, दुहु=खराब, दूरा=दूर, धणियं=अतिराय, धिद्धि धिर=धिकारार्थ, नणु=शंकार्थ, नमो=नमस्कार, पच्छा=पीछे, पिमइ=प्रमृति, पाओ= प्रातः, पायं=प्रायः, पि=भी, पिव=इव, पुढो=पृथक्, पुण पुणो=पुनः, पुरा=पह्छे और आगे, पुरत्था पुरच्छा पुरे=आगे, वहिं वाहिं=वाहर, भंते !=पूज्यसंबोधन, भिसं=अतिशय, भुज्जो २=बार २, भे भो !=संबोधन, मिन=इन, मिहो=परस्पर, मुसा=असत्य, मुहा=व्यर्थ, मुहुं २=बार २, य=च, रह रहो=एकान्त, राओ= रातमें, वि=भी, विव व्व=इव, सई=एक बार, संपइ संपयं=अव, सक्खं=साक्षात्, समंता=चारों ओर, सणियं २=धीरे २, सर्दि समं=साथ, सयं=ख्यं, सययं=निरंतर, सायं=संध्या, सुइरं=चिरकाल, सुए=आनेवाली कल, सुट्टु= अच्छा, सेवं=ऐसा ही है, हंता=स्वीकार, हंदि हं भो=आमंत्रण, हणि २=प्रतिदिन, हिद्ध=खेदार्थक, हव्वं=शीघ्र, हिजो=वीता हुआ कल, हुरत्था=वहिर्देश, हे=संबोधन, हेट्ठा=नीचे, हे हो=आमंत्रणार्थ।

- (२) उपसर्गोंकी गणना भी अष्ययमें ही है।
- (३) तद्धितान्त अव्यय-

सन्वावंति=सव, केइ=कोई, केणइ=किसीके द्वारा, कोइ=कोई, इह=यहां, कयाई कयाई=कभी, कस्सई=किसीका, दुक्खतो=दो बार, तिक्खतो=तीन बार, किहंचि=कहीं, इण्डि इदाणि इयाणि=अब, कया=कब, सया=सदा, जओ=जिससे, एत्थ इत्थ=यहां, कत्थ=कहां, जत्थ=जहां, तत्थ=वहां, इत्थं=इस प्रकार, जया=जब, तया=तब, एकसि=एक बार, कमसो=कमशः, बहुसो=बहुशः, द्वद्वस्स=जल्दी २, तहा=तथा, किहं=कहां, जिहं=जहां, तिहं=वहां, अहुणा=अब।

- (४) **हेत्वर्थ क़दन्त-संबंधक भृतक़दन्त** भी अव्ययमें ही सम्मिलित हैं।
- (५) अम् प्रत्ययान्त समास भी अञ्चयमें ही परिगणित हैं। जैसे-अहोनिसं।
- (६) इकारान्त 'दिसि' आदि शब्दोंकी भी समासमें अव्यय संज्ञा होती है। यथा-दिसोदिसिं, गुम्मागुम्मिं, घराघरिं इत्यादि।

प्रेरक रूप-

- (१) धातुके मूलरूपको 'अ' 'ए' 'आव' 'आवे' प्रत्यय लगाकर तत्तत्कालके पुरुषबोधक प्रत्यय लगानेसे प्रेरक रूप सिद्ध होता है।
- (२) धातुमें उपान्य 'अ' हो तो 'अ' अथवा 'ए' प्रत्यय लगाते समय 'अ' को 'आ' होता है, जैसे-हसइ-हासइ, हासेइ, हसावइ, हसावेइ।
- (३) उपान्स 'इ' 'उ' होनेपर दोनोंको गुण होता है, यथा-बुह-बोहरू, तुड-तोडर् इस्पादि।
 - (४) 'आवे' प्रत्यय परे होनेपर 'अ' को कहीं २ 'आ' होता है, जैसे-कारावेइ।
 - (५) 'भम्' धातुका प्रेरक रूप 'भमाडेइ' भी बनता है।

उपरोक्त चारों प्रत्यय लगाकर सब प्रेरक रूप सिद्ध किए जाते हैं।

इच्छादर्शक आदि अन्य प्रकियाएँ

सनन्त-जुगुप्सते=जुगुच्छइ (दुगुंछइ)-वह निंदा अथवा घृणा करता है।

पिपासित=पिवासइ-वह पीनेकी इच्छा करता है। शुश्रूषते=सुस्सू-सइ-वह सेवा करता है अथवा सुननेकी इच्छा करता है। सुस्सूसमाण व० कृ०।

थङ्गन्त-लालप्यते=लालप्पइ-लपलप करता है। लालप्पमाण व॰ इ॰। चंकस्यते=चंकस्मइ-बहुत चलता है।

यङ्खुगन्त-चङ्क्रमीति=चंकमइ-बार २ चलता है।

नामधातु-दमदमायते=दमदमाइ-दमदमायइ-आडंबर करता है।
गुरुकायते=गुरुआइ-गुरुआयइ-गुरुके समान आचरण करता है।
स्त्री-प्रत्यय

- (१) अकारांत शब्दके पीछे 'डा' प्रत्यय लगानेसे श्रीलिंग आकारान्त शब्द बन जाता है, जैसे-बाल-बाला, अम्मा आदि।
 - (२) 'डी' प्रत्ययसे होने वाले रूप-सत्थवाह-सत्थवाही आदि।
 - (३) भाव भिन्नार्थक प्रस्पर्यात से 'णी' प्रस्पय होता है, जैसे-आसाविणी आदि।

- (४) 'आणी' प्रत्ययसे निष्पन्न होनेवाले स्त्रीरूप-इंद-इंदाणी।
- (५) 'डि' 'डा' प्रत्यय लगने से दिसा-दिसि आदि सिद्ध होते हैं।
- (६) 'ती' प्रत्यय लगने पर स्त्रीलिंगमें 'मह' शब्दसे 'महती' होता है।
- (७) भिक्ख् आदि शब्दोंको स्त्रीलिंगमें 'णी' प्रत्यय होता है, जैसे-भिक्खणी, साहुणी आदि।
- (८) 'णी' प्रत्यय परे होनेपर 'सिस्स' और 'मास' शब्दके अकारको इकार होता है, जैसे-सीसिणी, पुण्णमासिणी ।
- (नोट) इनके अतिरिक्त महिल्लया-महालिया-महालयादि भी स्त्रीप्रत्यय-निष्पन्न जानने चाहिएँ।



्राज्यसमिया

| सुत्तणामं | पिदृसंखा |
|---|---------------|
| ओववाइयसुत्तं | 9 |
| रायपसेणइयं | 89 |
| जीवाजीवाभिगमे | 904 |
| पण्णवणासुत्तं | र ६५ |
| जंबुद्दीवपण्णत्ती | ५३५ |
| चंदपण्णत्ती | ६७३ |
| स्रियपण्णत्ती | . હેપ રૂ |
| णिरियावलिया(कप्पिया)ओ | ره دم دم |
| कप्पविंसियाओ | ৬৬৭ |
| पुष्फियाओ | \$v v |
| पुप्फचूलियाओ | ७८९ |
| वण्हिदसाओ | <i>પ</i> કલ સ |
| ववहारो | હવ,હ |
| बिहक्कप्पसुत्तं | ر ۶۹ |
| <u>णिसीहसुत्तं</u> | ८४९ |
| दसास्यक्लंघो | ९ 9९ |
| दसवेयालियसुत्तं | ९४७ |
| उत्तर ज्झयणसुत्तं | و.و. و رون |
| <u>णंदीसुत्तं</u> | १०६१ |
| अणुओगदारसुत्तं | 9064 |
| आवस्सयसुत्तं | 9944 |
| परिसिद्धाणुकमणिया | 1147 |
| पढमं परिसिद्धं (कप्पसुत्तं) | 6 |
| बीयं परिसिद्धं (सामाइयस्तं) | 9 |
| तइयं परिसिद्धं (सावयावस्तय(पिडक्समण)सुत्तं) | ४३ |
| | ४५ |



णमोऽत्थु णं समणस्स भगवओ णायपुत्तमहावीरस्स

सुत्तागमे

वारस उवंगाइं

तत्थ णं

ओववाइयसुत्तं

तेणं कालेणं तेणं समएणं चंपा नाम नयरी होत्था, रिद्धत्थिमियसमिद्धा प्रमुइय-आइण्णजणमणुस्सा हलसयसहस्ससंकिट्ठविकट्ठलट्ठपण्णत्तसेउसीमा कुकुडसंडेयगामपउरा उच्छुजवसालिकलिया गोमहिसगवेलगप्पभूया उक्कोडियगाय-गंठिभेयगभडतकरखंडरक्खरहिया खेमा णिरुवद्द्वा सिक्खा वीसत्थसहावासा अणेगकोडिकुडुं वियाइण्णणिव्वयसुहा णडणदृगजल्लमलुसु द्वियवेलंबयकहृगपवगलासगः आइक्खगळंखमंखत्णइऴतुंचवीणियअणेगताळायराणुचरिया आरामुज्जाणअगडतळा-गदीहियविपणिगुणोववेया नंदणवणसिचभप्पगासा उव्विद्धविउलगंभीरखायफलिहा चक्कगयमुसुंहिओरोहसयग्घिजमलकवाडघणदुप्पवेसा धणुकुडिलवंकपागारपरिकिखत्ता कविसीसयवट्टरइयसंठियविरायमाणा अट्टालयचरियदारगोपुरतोरणउण्णयसुविभत्तरा-यमग्गा छेयायरियरइयदङफलिहइंदकीला विवणिवणिच्छेत्तसिप्पियाइण्णणिव्वयसुहा सिंघाडगतिगचउक्कचचरपणियावणविविहवत्थुपरिमंडिया सुरम्मा नरवइपविइण्णमहि-वइपहा अणेगवरतरगमत्तकुंजररहपहकरसीयसंदमाणीयाइण्णजाणजुग्गा विमज्लण-वणिलिणिसोभियजला पंडुरवरभवणसण्णिमहिया उत्ताणणयणपेच्छणिज्ञा पासादीया दरिसणिजा अभिरुवा पडिरुवा ॥ १ ॥ तीसे णं चंपाए णयरीए बहिया उत्तरपुरित्थमे दिसीभाए पुण्णभद्दे णामं उज्जाणे होतथा रम्मे० ॥ २ ॥ तस्स णं उज्जाणस्स बहुमज्झ-देसभाए एत्थ णं महं एक्के असोगवरपायवे प० कुसविकुसविसुद्धस्वन्त्रमूले मूलमंते कंदमंते खंबमंते तयामंते सालमंते पवालमंते पत्तमंते पुष्फमंते फलमंते वीयमंते अणुपुव्वसु-जायरुइलवर्टभावपरिणए एक्ससंघे अणेगसाले अणेगसाहप्पसाहविडिमे अणेगनरवाम-सुप्पसारियअगोज्झघणविउलबद्धखंधे अच्छिद्दपत्ते अविरलपत्ते अवाईणपत्ते अणईयपत्ते निद्भयजरढपंडुपते णवहरियभिसंतपत्तभारंधकारगंभीरदरिसणिजे उवणिग्गयणवतरुण-पत्तपत्रवकोमलउज्जलचलंतिकसलयसुकुमालपवालसोहियवरंकुरग्गसिहरे णिचं कुसुमिए णिचं माइए णिचं लवइए णिचं थवइए णिचं गुलइए णिचं गोच्छिए णिचं जमलिए णिचं

जुवलिए णिचं विणामिए णिचं पणमिए णिचं कुसुमियमाइयलवइयथवइयगुलइय-गोच्छियजमलियजुवलियविणमियपणमियसुविभत्तपिंडमंजरिवर्डिसयधरे सुयवरहिण-मयणसालकोइलकोहंगकभिंगारककोंडलकजीवंजीवगणंदीमुहकविलपिंगलकखगकारं-डचकवायकलहंससारसअणेगसङणगणमिहुणविरइयस**दु**ण्णइयमहुरसरणाइए संपिंडियदारेयभगरमह्यारेपहकरपरिलिन्तमत्तछप्पयकुसुमासवलोलमहरगुमगुमंतगुं-जंतदेसभागे अन्मंतर्पुप्फफले बाहिरपत्तोच्छण्णे, पत्तेहि य पुष्फेहि य उच्छण्ण-पडिवलिच्छण्णे साउफले निरोयए अकंटए णाणाविहगुच्छगुम्ममंडवगरम्मसोहिए विचित्तसुहकेउभूए वावीपुक्खरिणीदीहियासु य सुनिवेसियरम्मजालहरए पिंडिमणी-हारिमसुगंधिसुहसुर्भिमणहरं च मह्या गंधद्धणिं सुयंते णाणाविहगुच्छगुम्ममंडवकः घरकसुहसेउकेउबहुले अणेगरहजाणजुग्गसिवियपविमोयणे सुरम्मे पासादीए दरिस-णिजे अभिरूवे पडिरूवे। से णं असोगवरपायवे अण्णेहिं बहुहिं तिलएहिं लउएहिं छत्तोवेहिं सिरीसेहिं सत्तवण्णेहिं दहिवण्णेहिं लोदेहिं धवेहिं चंदणेहिं अजुणेहिं णीवेहिं कुडएहिं सन्वेहिं फणसेहिं दाडिमेहिं सालेहिं तालेहिं तमालेहिं पियएहिं पियंगूहिं पुरोवगेहिं रायहक्वेहिं णंदिरुक्वेहिं सन्वओ समंता संपरिक्थिते । ते णं तिलया लउया जाव णंदिरुक्खा कुसविकुसविद्यदुरुक्खमूला मूलमंतो कंदमंतो. एएसिं वण्णओ भाणियव्वो जाव सिबियपविमोयणा सुरम्मा पासादीया दरिसणिजा अभिरूवा पडिरूवा। ते णं तिलया जाव णंदिरुक्खा अण्णेहिं बहुहिं पउमलयाहिं णागलयाहिं असोगलयाहिं चंपगलयाहिं चूयलयाहिं वणलयाहिं वासंतियलयाहिं अइमुत्तयलयाहिं कुंदलयाहिं सामलयाहिं सव्वओ समंता संपरिक्खिता । ताओ णं पउमलयाओ णिचं कुसुमियाओ जाव विडंसयधरीओ पासादीयाओ दरिसणिजाओ अभिरूवाओ पडिरूवाओ ॥ ३ ॥ तस्स णं असोगवरपायवस्स हेट्टा ईसिं खंधसम्हीणे एत्थ णं महं एके पुढिविसिलापदृए पण्णते, विक्खंभायामउरसेहसुप्पमाणे किण्हे अंजणघणकिवाणकुवलयहलधरकोसेजागासकेसकजलंगीखंजणसिंगभेदरिद्वयजंबूफल-असणकसणबंघणणीळुप्पलपत्तनिकरअयसिकुसुमप्पगासे मरगयमसारकलित्तणयणकीयः रासिवण्णे णिद्धघणे अद्वसिरे आयंसयतलोवमे सुरम्मे ईहामियउसभतुरगनरमगर-विहगवालगकिण्णरहहसरभचमरकुंजरवणलयपउमलयभत्तिचिते आईणगरूयबरणव-णीयत्लफरिसे सीहासणसंठिए पासादीए दरिसणिजे अभिहवे पिहहवे ॥ ४॥ तत्थ णं चंपाए णयरीए कृणिए णामं राया परिवसइ, महयाहिमवंतमहंतमलय-मंदरमहिंदसारे अचंतिनसुद्धदीहरायकुलनंससुप्पसूए णिरंतरं रायलक्खणिनराइयंगमंगे बहुजणबहुमाणपूड्ए सञ्वगुणसिमद्धे खत्तिए मुइए मुद्धाहिसित्ते माउपिउसुजाए दयपते

सीमंकरे सीमंधरे खेमंकरे खेमंधरे मणुस्सिदे जणवयपिया जणवयपाले जणवयपुरोहिए सेउकरे केउकरे णरपवरे पुरिसवरे पुरिससीहे पुरिसवग्घे पुरिसासीविसे पुरिसपुंडरीए परिसवरगंधहतथी अहे दित्ते वित्ते विच्छिण्णविउलभवणसयणासणजाणवाहणाइण्णे बहुधणबहुजायरूवरयए आओगपओगसंपउत्ते विच्छड्डियपउरभत्तपाणे बहुदासीदास-गोमहिसगवेलगप्पभूए पिंडपुण्णजंतकोसकोद्रागाराउहागारे बलवं दुब्बलप्चामित्ते ओहयकंटयं निहयकंटयं मलियकंटयं उद्धियकंटयं अकंटयं ओहयसत्तुं निहयसत्तुं मिलयसत्तुं उद्धियसत्तुं निजियसत्तुं पराइयसत्तुं ववगयदुव्भिक्खं मारिभयविष्पसुकं खेमं सिव सुभिक्खं पसंतर्डिंबडमरं रजं पसासेमाणे विहरइ ॥ ५ ॥ तस्स णं कोणि-यस्स रण्णो धारिणी नामं देवी होत्था. सुकुमालपाणिपाया अहीणपिडपुण्णपंचिदिय-सरीरा लक्खणवंजणगुणोववेया माणुम्माणप्पमाणपिडपुण्णसुजायसव्वंगसंदरंगी सिसः सोमाकारकंतिपयदंसणा सुरूवा करयलपरिमियपसत्थतिवलियवलियमञ्झा कंडलुहि-हियगंडलेहा कोमुइरयणियरविमलपिडपुण्णसोमवयणा सिंगारागारचारुवेसा संगय-गयहसियभणियविहियविलाससललियसंलावणिउणजुत्तोवयारकुसला पासादीया दरि-सणिजा अभिस्वा पडिस्वा, कोणिएणं रण्णा भंभसारपुत्तेणं सिद्धं अणुरत्ता अविरत्ता इद्रे सदफरिसरसरूवगंधे पंचिवहे माणुस्सए कामभोए पच्चणुभवमाणी विहरइ ॥ ६॥ तस्स णं कोणियस्स रण्णो एके पुरिसे विउलकयवित्तिए भगवओ पवित्तिवाउए भगवओ तद्देवसियं पवित्तिं णिवेएइ, तस्स णं पुरिसस्स बहवे अण्णे पुरिसा दिण्ण-भइभत्तवेयणा भगवओ पवित्तिवाउया भगवओ तद्देवसियं पवित्तिं णिवेदेंति ॥ ७ ॥ तेणं कालेणं तेणं समएणं कोणिए राया भंभसारपुत्ते वाहिरियाए उवडाणसालाए अणेगगणनायगदंडनायगराईसरतलवरमाडंबियकोडंबियमंतिमहामंतिगणगदोवारिय अमचचेडपीडमद्दनगरनिगमसेद्रिसेणावइसत्थवाहद्यसंधिवालसर्द्धं संपरिवृद्धे विह-रइ॥ ८॥ तेणं कालेणं तेणं समएणं समणे भगवं महावीरे आइगरे तित्थगरे सहसंबुद्धे पुरिसत्तमे पुरिससीहे पुरिसवरपुंडरीए पुरिसवरगंथहृत्थी अभयदए चक्खुदए मग्ग-दए सरणदए जीवदए दीवो ताणं सरणं गई पइट्रा धम्मवरचाउरंतचक्कवट्टी अप्पडि-हयवरनाणदंसणधरे वियहच्छउमे जिणे जाणए तिण्णे तारए सत्ते मोयए बुद्धे बोहए सञ्बण्यः सञ्बदरिसी सिवमयलमस्यमणंतमक्खयमञ्बाबाहमपुणरावत्तियं सिद्धिगइ-णामधेयं ठाणं संपाविजकामे अरहा जिणे केवली सत्तहत्थ्रस्सेहे समचउरंससंठाण-संठिए वजारिसहनारायसंघयणे अणुलोमवाउचेंगे कंकग्गहणी कवोयपरिणामे सउणि-पोसपिद्रंतरोरुपरिणए पउमुप्पलगंधसरिसनिस्साससुरभिवयणे छवी निरायंकउत्तम-पसत्यअइसेयनिरुवमपले जल्लमलकलंकसेयरयदोसवज्जियसरीरनिरुवलेवे छायाउज्जोइयं-

गमंगे घणनिचियसुबद्धलक्खणुण्णयकूडागारनिभिषंडियग्गसिरए सामिलवोंडघणनि-चियच्छोडियमिउविसयपसत्थसुहुमलक्खणसुगंधसुंदरभुयमोयगभिंगनेलकज्जलपहिट्टः भमरगणणिद्धनिक्रहंबनिचियकुंचियपयाहिणावत्तमुद्धसिरए दालिमपुप्फप्पगासतव-णिजसरिसनिम्मलसुणिद्धकेसंतकेसभूमी घण(निन्विय)छत्तागारुत्तमंगदेसे णिव्वणस-मलट्टमट्टचंदद्धसमणिडाले उडुवइपडिपुण्णसोमवयणे अल्लीणपमाणजुत्तसवण मुस्सवणे पीणमंसलक्वोल्रदेसभाए आणामियचावस्डलिकण्हन्भराइतणुकसिणणिद्धभमुहे अव-दालियपुंडरीयणयणे कोयासियधवलपत्तलच्छे गरुलाययउज्जुतुंगणासे उवचियसि-रुप्पवालविंबफलसण्णिभाहरोट्ठे पंडुरससिसयलविमलणिम्मलसंखगोक्स्तीरफेणकुंद-दगरयमुणालियाधवलदंतसेढी अखंडदंते अप्फुडियदंते अविरलदंते मुणिद्धदंते सुजायदंते एगदंतसेढीविव अणेगदंते हुयवहणिद्धंतधोयतत्ततवणिज्जरत्ततलतालुजीहे अवड्ठियसुविभत्तचित्तमंस् मंसलसंठियपसत्थसदूलविजलहणुए चउरंगुलमुप्पमाण-कंबुवरसरिसग्गीवे वरमहिसवराहसीहसदूळउसभनागवरपिडपुण्णविउळवन्तंथे जुग-सिन्नभपीणरइयपीवरपउद्वसुसंठियसुसिलिद्वविसिद्ववणथिरसुबद्धसंधिपुरवरफिलहविह-यभुए भुयईसरविउलभोगआयाणपलिहउच्छृढदीहबाहू रत्ततलोवइयमउयमंसल-सुजायलक्खणपसत्थअच्छिद्दजालपाणी पीवरकोमलवरंगुली आयंबतंबतलिणमुद्दरु-इलिणद्मणक्षे चंद्पाणिलेहे सूर्पाणिलेहे संखपाणिलेहे चक्कपाणिलेहे दिसासोत्थिय-पाणिलेहे चंदसूरसंखचक्कदिसासो त्थियपाणिलेहे कणगसिलायलुज्जलपसत्थसमतल-उनचियविच्छिण्णपिह्लवच्छे सिरिवच्छंकियवच्छे अकरंडुयकणगरुययनिम्मलमुजाय-निरुवहयदेहधारी अट्टसहस्सपिडपुण्णवरपुरिसलक्खणधरे सण्णयपासे संगयपासे सुंदरपासे सुजायपासे मियमाइयपीणरइयपासे उज्जुयसमसहियजचतणुकसिणणिद्धआइ-जलडहरमणिजरोमराई झसविहगसुजायपीणकुच्छी झसोयरे सुइकरणे पउमविय-डणाभे गंगावत्तगपयाहिणावत्ततरंगभंगुररविकिरणतरुणबोहियअकोसायंतपउमगंभीर-वियडणाभे साहयसोणंदमुसलदप्पणिकारियवरकणगच्छरुसरिसवरवइरवलियमज्झे पमुइयवरतुरगसीहवरवट्टियकडी वरतुरगसुजायसुगुज्झदेसे आइण्णहुउच्व णिरुवलेवे वरवारणतुल्लविक्कमविलसियगई गयससणसुजायसिन्नभोरू समुग्गणिमगगगृदजाणू एणीकुरुविंदावत्तवहाणुपुव्वजंघे संठियसुसिलिट्टगूहगुप्फे सुप्पइद्वियकुम्मचारुचलणे अणुपुन्वसुसंह्यंगुलीए उण्णयतणुतंबणिद्धणक्खे रत्तुप्पलपत्तमस्यसुकुमालकोमलत्रे अडसहरसवरपरिसलक्खणधरे नगनगरमगरसागरचक्कंकवरंकमंगलंकियचलणे विसिन इरूवे हुयवहनिद्भमजित्यतिडेतिडियतरुणरिविकरणसिरसतेए अणासवे अममे अकिं-चणे छिन्नसोए निस्वलेवे ववगयपेमरागदोसमोहे निग्गंथस्स पवयणस्स देसए

सत्थनायगे पइद्वावए समणगपई समणगविंदपरिअट्टए चउत्तीसजिणवयणाइसेसपते पणतीससच्चवयणाइसेसपत्ते आगासगएणं चक्केणं आगासएणं छत्तेणं आगासि-याहिं चामराहिं आगासफलिआमएणं सपायवीढेणं सीहासणेणं धम्मज्झएणं पुरओ पकढिजमाणेणं चउदसहिं समणसाहस्सीहिं छत्तीसाए अजियासाहस्सीहिं सर्द्धिः संपरिवडे प्रव्वाणपूर्विव चरमाणे गामाणग्गामं दइजामाणे सहंसहेणं विहरमाणे चंपाए णयरीए वहिया उवणगरग्गामं उवागए चंपं नगरिं पुण्णभद्दं उज्जाणं समोसरिउकामे ॥ ९ ॥ तए णं से पवित्तिवाउए इमीसे कहाए लख्द्रे समाणे हद्वतुद्वचित्तमाणंदिए पीइमणे परमसोमणस्सिए हरिसवसविसप्पमाणहियए ण्हाए सुद्धप्पवेसाइं मंगलाई वत्थाइं पवरपरिहिए अप्पमहरुघाभरणालंकियसरीरे सयाओ गिहाओ पिडणिक्खमङ सयाओ गिहाओ पडिणिक्खमिता चंपाए णयरीए मज्झंमज्झेणं जेणेव कोणियस्स रण्णो गिहे जेणेव बाहिरिया उवद्वाणसाला जेणेव कृणिए राया भंभसारपुत्ते तेणेव उवागच्छ २ ता करयलपरिग्गहियं सिरसावतं मत्थए अंजिल कह जएणं विजएणं बद्धावेड २ ता एवं वयासी—जस्स णं देवाणाप्पिया दंसणं कंखंति जस्स णं देवाणाप्पिया दंसणं पीहंति जस्स णं देवाणुप्पिया दंसणं पत्थंति जस्स णं देवाणुप्पिया दंसणं अभिलसंति जस्स णं देवाणपिया णामगोयस्सवि सवणयाए हहतुह जाव हियया भवंति, से णं समणे भगवं महावीरे पुरुवाणुपुट्विं चरमाणे गामाणुग्गामं दूइज्जमाणे चंपाए णयरीए उवणगरगामं उवागए चंपं णगरिं पुण्णभद्दं उज्जाणं समोसरिउकामे, तं एयं णं देवाण्पियाणं पियद्भयाए पियं णिवेदेमि, पियं ते भवड ॥ १०॥ तए णं से कृणिए राया भंभसारपते तस्स पवित्तिवाउयस्स अंतिए एयमद्वं सोचा णिसम्म हट्टतुट्ठ जाव हियए वियसियवरकमलणयणवयणे पयलियवरकडगतुः डियकेयर-मजडकुंडलहारविरायंतरइयवच्छे पालंबपलंबमाणघोलंतभूसणघरे ससंभमं तुरियं चवलं निरंदे सीहासणाओ अन्भद्वेह २ ता पायपीढाओ पचोरुहह २ ता पाउयाओ ओसुयइ २ ता अवहदू पंच रायककुहाईं तंजहा-खग्गं १ छत्तं २ उप्फेसं ३ वाहणाओ ४ वालवीयणं ५ एगसाडियं उत्तरासंगं करेइ २ ता आयंते चोक्खे परमसुद्दभए अंजलिमडलियग्गहत्ये तित्थगराभिमुहे सत्तद्व पयादं अणुगच्छइ सत्तद्व पयाई अणुगच्छिता वामं जाणुं अंचेइ वामं जाणुं अंचेता दाहिणं जाणुं धरणितलंसि साहृष्ट्र तिक्खुत्तो मुद्धाणं धरणितलंसि निवेसेड् २ ता ईसिं पच्चण्णमइ पच्चण्णमिता कडगतुडियथंभियाओ भयाओ पडिसाहरइ २ त्ता करयल जाव करू एवं वयासी-णमोऽत्थु णं अरिहंताणं भगवंताणं आइगराणं तित्थगराणं सयंसंबुद्धाणं पुरिस्तमाणं पुरिससीहाणं पुरिसवरपुंडरीयाणं पुरिसवरगंथहत्थीणं लोगत्तमाणं लोगनाहाणं

लोगहियाणं लोगपईवाणं लोगपज्ञोयगराणं अभयदयाणं चक्खुदयाणं मग्गदयाणं सरणद्याणं जीवद्याणं बोहिद्याणं धम्मद्याणं धम्मदेसयाणं धम्मनायगाणं धम्मसारहीणं धम्मवरचाउरंतचक्कवद्दीणं दीवो ताणं सरणं गई पददा अप्पिटहय-वरनाणदंसणधराणं वियद्वछाउमाणं जिणाणं जावयाणं तिण्णाणं तारयाणं बद्धाणं बोहयाणं मुत्ताणं मोयगाणं सव्वन्नणं सव्वदरिसीणं सिवमयलमरुयमणंतमकृखय-मञ्वाबाहमपुणरावित्तिसिद्धिगइनामधेर्ये ठाणं संपत्ताणं, नमोऽत्थु णं समणस्स भग-वओ महावीरस्स आइगरस्स तित्थगरस्स जाव संपाविउकामस्स मम धम्मायरियस्स धम्मोवएसगस्स, वंदामि णं भगवंतं तत्थ गयं इह गए, पासउ मे (मे से) भगवं तत्थ गए इह गयंति करू वंदइ णमंसइ वंदिता णमंसित्ता सीहासणवरगए पुरत्थाभिसुहे निसीयइ निसीइत्ता तस्स पवित्तिवाउयस्स अहुत्तरसयसहस्सं पीइदाणं दलयइ दलङ्ता सकारेइ सम्माणेइ सकारिता सम्माणिता एवं वयासी--जया णं देवाणुण्यया ! समणे भगवं महावीरे इहमागच्छेजा इह समोसरिजा इहेव चंपाए णयरीए बहिया पुण्णभेद्दे उज्जाणे अहापिडिरूतं उग्गहं उग्गिण्हिता संजमेणं तवसा अप्पाणं भावे-माणे विहरेजा तया णं मम एयमहं निवेदिजासित्तिकहु विसर्जिए ॥ १९ ॥ तए णं समणे भगवं महावीरे कल्लं पाउप्पभायाए रयणीए फुलुप्पलकमलकोमलु-म्मिलियंमि अहा(अह)पंडुरे पहाए रत्तासोगप्पगासिकंसुयस्यमुहगुंजद्धरागसिसे कमलागरसंडबोहए उद्वियम्मि स्रे सहस्सरस्सिमि दिणयरे तेयसा जलंते जेणव चंपा णयरी जेणेव पुण्णभेद्दे उज्जाणे तेणेव उवागच्छइ २ ता अहापडिहवं उग्गहं उग्गिण्हिता संजमेणं तवसा अप्पाणं भावेमाणे विहरइ ॥ १२ ॥ तेणं कालेणं ेतेणं समएणं समणस्स भगवओ महावीरस्स अंतेवासी बहवे समणा भगवंतो अप्पेगइया उग्गपन्वइया भोगपन्वइया राइण्ण० णाय० कोरव्व० खत्तियपन्वइया भडा जोहा सेणावई पसत्थारो सेट्टी इच्मा अण्णे य बहवे एवमाइणो उत्तमजाइकुलस्व-विणयविण्णाणवण्णलावण्णविकसमहाणसोभग्गकंतिजुत्ता बहुधणधण्णणिचयपरियालः फिडिया णरवङ्गुणाइरेगा इच्छियमोगा सहसंपललिया किंपागफलोवमं च मुणिय विसयसोक्खं जलबुब्बुयसमाणं कुसग्गजलबिंदुचंचलं जीतियं च णाऊण अद्भुविमणं रयमिव पडग्गलग्गं संविधुणिता णं चइत्ता हिरण्णं जाव पव्वड्या, अप्पेगइया अद्धमासपरिआया अप्पेगइया मासपरिआया एवं दुमास तिमास जाव एकारस० अप्पेगइया वासपरिआया दुवास० तिवास० अप्पेगइया अणेगवासपरि-भाया संजमेणं तवसा अप्पाणं भावेमाणा विहरंति ॥ १३ ॥ तेणं कालेणं तेणं समएणं समणस्स भगवओ महावीरस्स अंतेवासी बहवे निग्गंथा भगवंती अप्पेगइया

आभिणिवोहियणाणी जाव केवलणाणी अप्पेगइया मणबलिया वयबलिया काय-बिलया अप्पेगइया मणेणं सावाणुग्गहसमत्था ३ अप्पेगइया खेलोसिहपत्ता एवं जल्लोसहि॰ विप्पोसहि॰ आमोसहि॰ सन्वोसहि॰ अप्पेगइया कोट्टबुद्धी एवं बीय-वदी पडवदी अप्पेगइया पयाणुसारी अप्पेगइया संभिन्नसोया अप्पेगइया खीरासवा अप्पेगइया महुआसवा अप्पेगइया सप्पिआसवा अप्पेगइया अक्खीणमहाणसिया एवं उज्जमई अप्पेगइया विउलमई विउव्वणिड्टिपता चारणा विज्जाहरा आगासाइ-वाइणो ॥ अप्पेगइया कणगाविलं तवोकम्मं पिडवण्णा एवं एगाविलं खुड्डागसीहिन-क्षीलियं तवोकम्मं पडिवण्णा अप्पेगइया महालयं सीहनिक्षीलियं तवोकम्मं पडिवण्णा भद्दपिं महाभद्दपिं सन्वओभद्दपिं आयंबिलवद्धमाणं तवोकम्मं पिंडवण्णा मासियं भिक्खुपिडमं एवं दोमासियं पिडमं तिमासियं पिडमं जाव सत्तमासियं भिक्खपिडिमं पिडवण्णा अप्पेगइया पढमं सत्तराइंदियं भिक्खपिडिमं पिडवण्णा जाव तचं सत्तराइंदियं भिक्खपिडमं पिडवण्णा अहोराइंदियं भिक्खपिडमं पिडवण्णा एकराइंदियं भिक्खपिडमं पिडवण्णा सत्तसत्तामियं भिक्खपिडमं अद्रद्रमियं भिक्ख-पंडिमं णवणविमयं भिक्खपंडिमं दसदसमियं भिक्खपंडिमं खड्डियं मोयपंडिमं पडिवण्णा महस्रियं मोयपडिमं पडिवण्णा जवमज्झं चंदपडिमं पडिवण्णा वइर(वजा)-मज्झं चंदपिंडमं पिंडवण्णा संजमेणं तवसा अप्पाणं भावेमाणा विहरंति ॥ १४ ॥ तेणं कालेणं तेणं समएणं समणस्स भगवओ महावीरस्स अंतेवासी बहवे थेरा भगवंतो जाइसंपण्णा कुल० बल० हव० विणय० णाण० दंसण० चरित्त० लज्जा० लाघव० ओयंसी तेयंसी वचंसी जसंसी जियकोहा जियमाणा जियमाया जियलोभा जिय-इंदिया जियणिहा जियपरीसहा जीवियासमरणभयविष्यमुका वयप्पहाणा गुणप्पहाणा करणप्पहाणा चरणप्पहाणा णिग्गहप्पहाणा निच्छयप्पहाणा अज्जवप्पहाणा महव-प्पहाणा लाघवप्पहाणा खंतिप्पहाणा सत्तिप्पहाणा विज्ञापहाणा संतप्पहाणा वेयप्पहाणा बंभप्पहाणा नयप्पहाणा नियमप्पहाणा सचप्पहाणा सोयप्पहाणा चारु-वण्णा लजातवस्सीजिइंदिया सोही अणियाणा अप्पुस्सुया अबिहिल्लेसा अप्पिडिलेस्सा ससामण्णरया दंता इणमेव णिग्गंथं पावयणं पुरओकाउं विहरंति । तेसि णं भगवं-ताणं आयावायावि विदिता भवंति परवाया विदिता भवंति आयावायं जमइत्ता नल-वणमिव मत्तमातंगा अच्छिद्दपसिणवागरणा रयणकरंडगसमाणा कृत्तियावणभ्या पर-वादियपमद्दणा दुवालसंगिणो समत्तगिणिपिडगधरा सन्वक्खरसण्णिवाइणो सन्वभा-साणुगामिणो अजिणा जिणसंकासा जिणा इव अवितहं वागरमाणा संजमेणं तवसा अप्पाणं भावेमाणा विहरंति ॥ १५ ॥ तेणं कालेणं तेणं समएणं समणस्स भगवओ

महावीरस्स अंतेवासी बहवे अणगारा भगवंतो इरियासमिया भासासमिया एसणा-समिया आयाणभंडमत्तनिक्खेवणासमिया उचारपासवणखेलसिंघाणज्ञह्यपारिद्रावणि-यासमिया मणगुता वयगुता कायगुता गुत्ता गुत्तिदिया गुत्तवंभयारी अममा अकिचणा क्रिण्णागंथा छिण्णसोया निरुवलेवा कंसपाईव मुक्कतोया संख इव निरंगणा जीवो विव अप्पिडहयगई जचकणगंपिव जायस्वा आदरिसफलगाविव पागडभावा क्रम्मो इव गतिंदिया पुक्खरपत्तं व निरुवलेवा गगणिमव निरालंबणा अणिलो इव निरालया चंदो इव सोमलेसा सूरो इव दित्ततेया सागरो इव गंभीरा विहगो इव सञ्चओ विष्यमका मंदरो इव अप्पकंपा सारयसलिलं व सुद्धितयया खिरगिवसाणं व एग-जाया भारंडपक्खी व अप्पमत्ता कुंजरो इव सोंडीरा वसभो इव जायत्थामा सीहो इव दुद्धरिसा वसंघरा इव सञ्वकासविसहा सुहयहुयासणे इव तेयसा जलंता निस्थ णं तेसि णं भगवंताणं कत्यइ पडिवंधे भवइ, से य पडिवंधे चडिवहे पण्णते. तंजहा-दन्वओ खित्तओ कालओ भावओ, दन्वओ णं सचित्ताचित्तमीसिएस दन्वेस, खेत्तओ गामे वा णयरे वा रण्णे वा खेते वा खले वा घरे वा अंगणे वा. कालओ समए वा आविलयाए वा जाव अयणे वा अण्णयरे वा दीहकालसंजींगे. भावओ कोहे वा माणे वा मायाए वा लोहे वा भए वा हासे वा एवं तेसिं ण भवड । ते णं भगवंतो वासावासवजं अद्ग गिम्हहेमंतियाणि मासाणि गामे एगराइया णयरे पंचराइया वासीचंदणसमाणकप्पा समलेडकंचणा समसहदक्खा इहलोगपरलोग-अप्पिडबद्धा संसारपारगामी कम्मिणग्घायणद्वाए अन्भद्रिया विहरंति ॥ १६॥ तेसि णं भगवंताणं एएणं विहारेणं विहरमाणाणं इमे एयाहवे अधिभत्रवाहिरए तवोवहाणे होत्था, तंजहा-अब्भितरए छिव्वहे बाहिरएवि छिव्वहे ॥ १७ ॥ मे किं तं बाहिरए १२ छिव्वहे प०, तंजहा--अणसणे ऊणो(अवसो)यरिया भिक्कायरिया रसपरिचाए कायकिलेसे पडिसंलीणया। से किंतं अणसणे ? २ दुविहे पण्णने, तंजहा-इत्तरिए य आवकहिए य । से किं तं इत्तरिए ? २ अणेगविहे पण्णते. तंजहा—चउत्थमते छट्टभत्ते अट्टभत्ते दसममत्ते बारसभत्ते चउदसमते सोलसभत्ते अद्भासिए भत्ते मासिए भत्ते दोमासिए भत्ते तेमासिए भत्ते चडमासिए भत्ते पंचमा-सिए भत्ते छम्मासिए भत्ते, से तं इत्तरिए। से किं तं आवकहिए? २ दुविहे पण्णते, तंजहा पाओवगमणे य भत्तपचक्खाणे य । से किं तं पाओवगमणे ? २ दुविहे पण्णते, तंजहा - वाघाइमे य निव्वाघाइमे य नियमा अप्पिडकम्मे, से तं पाओव-गमणे। से किंतं भत्तपचक्खाणे? २ दुविहे पण्णते, तंजहा-वाघाइमे य निव्वा-प्राइमे य णियमा सप्पिडिकम्मे, से तं भत्तपचक्काणे, से तं अणसणे। से कि तं

ओमोयरिया ? २ दुविहा पण्णता, तंजहा-दव्वोमोयरिया य भावोमोयरिया य, से किं तं दव्वोमोयरिया? २ दुविहा पण्णता, तंजहा-उवगरणदव्वोमोयरिया य भत्त-पाणद्वामोयरिया य। से किं तं उवगरणद्वामोयरिया? २ तिविहा पण्णता. तंजहा-एगे वतथे एगे पाए चियत्तोवगरणसाइज्जणया. से तं उवगरणदव्वोमोयरिया । से किं तं भत्तपाणदव्वोमोयारेया ? २ अणेगविहा पण्णता, तंजहा-अट्ठपमाणमेते कवले आहारमाणे अप्पाहारे, दुवालसपमाणमेत्रे कवले आहारमाणे अवङ्रोमोयरिया. सोलसपमाणमेत्ते कवले आहारमाणे दुभागपत्तोमोयरिया, चउव्वीसपमाणमेत्ते कवले आहारमाणे पत्तोमोयरिया, एक्क्तीसपमाणमेत्ते कवले आहारमाणे किंचुणोमोयरिया बत्तीसपमाणमेत्रे कवले आहारमाणे पमाणपत्ता एत्तो एगेणवि घासेणं ऊणयं आहार-माहारेमाणे समणे णिग्गंथे णो पकामरसभोइत्ति वत्तव्वं सिया, से तं भत्तपाणदव्वो-मोयरिया, से तं दव्वोमोयरिया । से किं तं भावोमोयरिया ? २ अणेगविहा पण्णता, तंजहा-अप्पकोहे अप्पमाणे अप्पमाए अप्पलोहे अप्पसदे अप्पझंझे, से तं भावोमो-यरिया, से तं ओमोयरिया। से किं तं भिक्खायरिया ? २ अणेगविहा पण्णत्ता, तंजहा-द्वाभिग्गहचरए खेताभिग्गहचरए कालाभिग्गहचरए भावाभिग्गहचरए उक्खित-चरए णिक्खित्तचरए उक्खितणिक्खित्तचरए णिक्खित्तडिक्खितचरए विद्विज्ञमाणचरए साहरिज्ञमाणचरए उवणीयचरए अवणीयचरए उवणीयअवणीयचरए अवणी-यउवणीयचरए संसद्भवरए असंसद्भवरए तजायसंसद्भवरए अण्णायचरए मोणचरए दिद्रलाभिए अदिद्रलाभिए पुद्रलाभिए अपुद्रलाभिए भिक्खलाभिए अभिक्खलाभिए अण्णगिलायए ओवणिहिए परिमियपिंडवाइए सद्धेसणिए संखायत्तिए. से तं भिक्खा-यरिया । से किं तं रसपरिचाए ? २ अणेगविहे पण्णते. तंजहा-णिव्वि(य)तिए पणीयरसपरिचाए आयंबिलए आयामसित्थभोडे अरसाहारे विरसाहारे अंताहारे पंताहारे लहाहारे. से तं रसपरिचाए। से किं तं कायकिलेसे ? २ अणेगविहे पण्णत्ते, तंजहा-ठाणद्विहए ठाणाइए उक्दुआसणिए पिडमहाई वीरासणिए नेसिज्जिए दंडायए लउडसाई आयावए अवाउडए अकंडुयए अणिट्वहए सन्वगायपरिकम्मविभूसविप्पमुके से तं कायकिलेसे । से किं तं पडिसंलीणया ? २ चडव्विहा पण्णता, तंजहा-इंदिय-पहिसंहीणया कसायपहिसंहीणया जोगपहिसंहीणया विवित्तसयणासणसेवणया. से किं तं इंदियपिंडसंलीणया? २ पंचिवहा पण्णता, तंजहा-सोइंदियविसयप्पयार-निरोहो वा सोइंदियविसयपत्तेम् अत्थेस रागदोसनिग्गहो वा चिक्किंदियविसप्यपया-रनिरोहो वा चिक्किदियविसयपत्तेस अत्थेस रागदोसनिग्गहो वा घाणिदियविसयप्पयान रनिरोहो वा घाणिंदियविसयपत्तेस अत्थेस रोगदोसनिग्गहो वा जिब्भिंदियविसयप्प-

यारनिरोहो वा जिब्भिदियविसयपत्तेसु अत्थेसु रागदोसनिग्गहो वा फासिंदियविसय-प्पयारिनरोहो वा फासिंदियविसयपत्तेस अत्येस रागदोसनिग्गहो वा, से तं इंदियप-डिसंलीणया । से किं तं कसायपडिसंलीणया ? २ चडिवहा पण्णत्ता, तंजहा-कोह-स्सदयनिरोहो वा उदयपत्तस्स वा कोहस्स विफलीकरणं माणस्मुदयनिरोहो वा उद-यपत्तस्स वा माणस्स विफलीकरणं मायाउदयणिरोहो वा उदयपत्ताए वा मायाए विफलीकरणं लोहस्पदयणिरोहो वा उदयपत्तस्स वा लोहस्स विफलीकरणं, से नं कसायपिडसंलीणया? से किं तं जोगपिडसंलीणया? २ तिविहा पण्णता. नंजहा-मणजोगपडिसंलीणया वयजोगपडिसंलीणया कायजोगपडिसंलीणया । से किं तं मण-जोगपडिसंलीणया ? २ अकुसलमणिरोहो वा कुसलमणउदीरणं वा, से तं मण-जोगपडिसंठीणया । से किं तं वयजोगपडिसंठीणया? २ अकुसलवयणिरोहो वा कुसलव्यउदीरणं वा, से तं वयजोगपिडसंलीणया। से किं तं कायजोगपिडसंलीणया? २ जण्णं सुसमाहियपाणिपाए क्रम्मो इव गुत्तिंदिए सव्वगायपिंडसंलीणे चिद्रह. से तं कायजोगपडिसंठीणया । से किं तं विवित्तसयणासणसेवणया ? २ जं णं आरामेम् उजाणेसु देवकुळेसु सभासु पवासु पणियगिहेसु पणियसालासु इत्थीपसुपंडगसंसत्त विरहियास वसहीस फासुएसणिजापीढफलगसेजासंथार्गं उवसंपिजाता णं विहरड, से तं पडिसंलीणया, सेतं बाहिरए तवे ॥ १८ ॥ से कितं अब्भितरए तवे ? २ छाव्यिहे पण्णते, तंजहा-पायच्छितं विणओ वेयावचं सज्झाओ झाणं विउस्सम्मो । से किं तं पायच्छिते ? २ दसविहे पण्णते, तंजहा-आलोयणारिहे पडिक्कमणारिहे तदुभयारिहे विवेगारिहे विउस्सम्मारिहे तवारिहे छेयारिहे मूलारिहे अणवद्रपारिहे पारंचिया-रिहे, से तं पायच्छिते । से किं तं विणए ? २ सत्तविहे पण्णते, तंजहा-णाणविणए दंसणविणए चरित्तविणए मणविणए वइविणए कायविणए लोगोवयारविणए। से कि तं णाणविणए ? २ पंचविहे पण्णते, तंजहा-आभिणिबोहियणाणविणए सुयणाणविणए ओहिंणाणविणए मणपज्जवणाणविणए केवलणाणविणए से तं णाणविणए। से किं तं दंसणविणए ? २ दुविहे पण्णते, तंजहा-सुस्सूसणाविणए अणचासायणाविणए । से किं तं सुस्स्सणाविणए ? २ अणेगविहे पण्णते, तंजहा—अन्भुद्वाणे इ वा आसणा-भिग्गहे इ वा आसणप्पयाणे इ वा सकारे इ वा सम्माणे इ वा किइकम्मे इ वा अंजलिपग्गहे इ वा एंतस्स अणुगच्छणया ठियस्स पज्जवासणया गच्छंतस्स पडिसं-साहणया, से तं सुस्सूसणाविणए ॥ से किं तं अणचासायणाविणए ? २ पणयात्रीसवि**हे** पण्णते, तंजहा-अरहंताणं अणचासायणया अरहंतपण्णत्तस्स धम्मस्स अणचासाय-णया आयरियाणं अणचासायणया एवं उवज्झायाणं थेराणं कुलस्स गणस्स संघस्स

किरियाणं संभोगियस्स आभिणिबोहियणाणस्स स्र्यणाणस्स ओहिणाणस्स मण-पजावणाणस्स केवलणाणस्स एएसिं चेव भत्तिबहुमाणे एएसिं चेव वण्णसंजलणया, से तं अणचासायणाविणए से तं दंसणविणए। से किं तं चरित्तविणए? २ पंचिवहे पण्णते, तंजहा-सामाइयचरित्तविणए छेदोवद्वावणियचरित्तविणए परिहारविस्रद्धि-चरित्तविणए सहमसंपरायचरित्तविणए अहक्खायचरित्तविणए, से तं चरित्तविणए। से किं तं मणविणए ? २ द्विहे पण्णते, तंजहा-पसत्थमणविणए अपसत्थमणविणए। से किं तं अपसत्थमणविणए ? २ जे य मणे सावजे सकिरिए सकक्से कड़ए णिइरे फरुरे अण्हयकरे छेयकरे भेयकरे परितावणकरे उद्दवणकरे भुओवघाइए तहप्पगारं मणो णो पहारेजा, से तं अपसत्थमणोविणए। से किं तं पसत्थमणो-विणए ? २ तं चेव पसत्थं णेयव्वं, एवं चेव वइविणओऽवि एएहिं पएहिं चेव णेयव्यो, से तं वइविणए । से किं तं कायविणए ? र दुविहे पण्णते, तंजहा-पसत्थकायविणए अपसत्थकायविणए। से किं तं अपसत्थकायविणए? २ सत्तविहे पण्णते, तंजहा-अणाउत्तं गमणे अणाउत्तं ठाणे अणाउत्तं निसीयणे अणाउत्तं तय-क्रणे अणाउत्तं उल्लंबणे अणाउत्तं प्रतंबणे अणाउत्तं सन्विदियकायजोगज्ञंजणया. से तं अपसत्थकायविणए । से किं तं पसत्थकायविणए ? २ एवं चेव पसत्थं भाणियव्वं, से तं पसत्थकायविणए, से तं कायविणए। से किं तं लोगोवयारविणए? २ सत्तविहे पण्णते. तंजहा-अञ्भासवत्तियं परच्छंदाणवत्तियं कजहेउं कयपिडिकिरिया अत्तग-वेसणया देसकालणाया सन्बद्रेस अप्पिडलोमया, से तं लोगोवयारिवणए, से तं विणए। से किं तं वेयावचे ? २ दसविहे पण्णते, तंजहा-आयरियवेयावचे उव-ज्झायवेयावचे सेहवेयावचे गिलाणवेयावचे तवस्सिवेयावचे थेरवेयावचे साहम्मिय-वैयावचे कुलवेयावचे गणवेयावचे संघवयावचे, से तं वेयावचे। से किं तं सज्झाए ? २ पंचिवहे पण्णते, तंजहा-वायणा पिडपुच्छणा परियष्टणा अणुप्पेहा धम्मकहा, से तं सज्झाए। से किं तं झाणे ? २ चउ व्विहे पण्णत्ते. तंजहा-अहज्झाणे रहज्झाणे धम्मज्झाणे सङ्ख्झाणे, अट्टज्झाणे चड व्विहे पण्णते, तंजहा-अमणुण्णसंपओगसंपडते तस्स विष्पओगस्सतिसमण्णागए यावि भवइ, मणुण्णसंपओगसंपउत्ते तस्स अविष्प-ओगस्सतिसमण्णागए यावि भवड, आयंकसंपओगसंपउत्ते तस्स विष्पओगस्सतिस-मण्णागए यावि भवइ, परिजुसियकामभोगसंपओगसंपउत्ते तस्स अविष्पओगस्स-तिसमण्णागए यावि भवइ। अष्टरस णं झाणस्स चत्तारि लक्खणा पण्णत्ता, तंजहा-कंदणया सोयणया तिप्पणया विलवणया। म्हज्झाणे चडव्विहे पण्णत्ते, तंजहा-हिंसाणबंधी मोसाणबंधी तेणाणबंधी सारक्लणाणबंधी, रुहस्स णं झाणस्स चत्तारि लक्खणा पण्णत्ता,तंजहा-उसण्णदोसे बहुदोसे अण्णाणदोसे आमरणंतदोसे। धम्मज्झाणे चउ विवहे चउप्पडोयारे पण्णत्ते, तंजहा-आणाविजए अवायविजए विवागविजए संठाणविजए । धम्मस्स णं झाणस्स चत्तारि लक्खणा पण्णत्ता, तंजहा-आणारुडे णिसगार्कः उवएसर्व्हं सत्तर्हः, धम्मस्स णं झाणस्स चत्तारि आलंबणा पण्णता तंजहा-वायणा पुच्छणा परियष्टणा धम्मकहा, धम्मस्स णं झाणस्स चतारि अणुप्पेहाओ पण्णताओ, तंजहा-अणिचाणुप्पेहा असरणाणुप्पेहा एगत्ताणुप्पेहा संसाराणुप्पेहा । सक्कज्झाणे चउव्विहे चउप्पडोयारे पण्णते, तंजहा-पुहुत्तवियके सवियारी १ एगत्तवियके अवियारी २ सहमिकरिए अप्पिडवाई ३ समुच्छित्रिकरिए अणियद्वी ४, सुक्रस्स णं झाणस्स चत्तारि लक्खणा पण्णता, तंजहा-विवेगे विउसग्गे अव्वहे असम्मोहे. सक्कस्स णं झाणस्स चत्तारि आलंबणा पण्णता, तंजहा-खंती सुत्ती अजावे महवे, सुकस्स णं झाणस्स चतारि अणुप्पेहाओ पण्णताओ, तंजहा-अवायाणप्पेहा असुभाणप्पेहा अणंतवित्तियाणुप्पेहा विप्परिणामाणुप्पेहा, से तं झाणे ॥ से किं तं विउस्सरगे ? २ द्विहे पण्णते, तंजहा-दव्वविउस्सरगे भावविउस्सरगे य। से किं तं दव्वविउस्सागे? २ चउव्तिहे पण्णते, तंजहा-सरीरविउस्सागे गणवि-उस्सागे उवहिविउस्सागे भत्तपाणविउस्सागे, से तं दव्वविउस्सागे. से किं तं भावविष्ठस्सरगे ? २ तिविहे पण्णते, तंजहा-कसायविष्ठस्सरगे संसारविष्ठस्सरगे कम्मविउस्सग्गे, से किं तं कसायविउस्सग्गे ? २ चउ विवहे पण्णते, तंजहा-कोहकसाय-विउस्सग्गे माणकसायविउस्सग्गे मायाकसायविउस्सग्गे लोहकसायविउस्सग्गे, ये तं कसायविउस्सग्गे, से किं तं संसारविउस्सग्गे ? २ चउ व्विहे पण्णते, तंजहा णेर्ड्य-संसारविङस्सग्गे तिरियसंसारविङस्सग्गे मण्यसंसारविङस्सग्गे देवसंसारविङस्सग्गे से तं संसारिवउस्सग्गे, से किं तं कम्मविउस्सग्गे ? २ अद्भविहे पण्णते, नंजहा-णाणावरणिज्जकम्मविउस्सग्गे दरिसणावरणिज्जकम्मविउस्सग्गे वेयणीयकम्मविउ-स्सग्गे मोहणीयकम्मविउस्सग्गे आउयकम्मविउस्सग्गे णामकम्मविउस्सग्गे गोयकम्म-विडस्सग्गे अंतरायकम्मविडस्सग्गे, से तं कम्मविडस्सग्गे, से तं भावविडस्सग्गे, से तं विउस्सम्मे ॥ १९ ॥ तेणं कालेणं तेणं समएणं समणस्य भगवओ महावी-रस्स बहुचे अणगारां भगवंतो अप्पेगइया आयारधरा जाव विवागसुयधरा तत्थ तत्थ तिहं तिहं देसे देसे गच्छागिंछ गुम्मागुम्मि फ्ड्राफड्डिं अप्पेगइया वायंति अप्पेगइया पिडपुच्छंति अप्पेगइया परियद्वंति अप्पेगइया अणुप्पेहंति अप्पेगइया अक्खेवणीओ विक्खेवणीओ संवेयणीओ णिव्वेयणीओ चडव्विहाओ कहाओं कहंति, अप्पेगइया उद्गंजाण अहोसिरा झाणकोद्रोवगया संजमेणं तवसा अप्पाणं भावेमाणा विहरति ।

संसारभडव्विग्गा भीया जम्मणजरमरणकरणगंभीरदुक्खपक्खुव्भियपउरसिळं संजोगविओगवीइचिंतापसंगपसारयवहवंधमहक्षविउलक्क्षोलकळुणविलवियलोभकल-कलंतवोलबहुलं अवमाणणफेणतिब्वसिंसणपुलंपुलप्भूयरोगवेयणपरिभवविणिवाय-फरुसधरिसणासमाविद्यकिष्णकम्मपत्थरतरंगरंगतिनिचम्नुभयतोयपट्टं कसायपाया-लसंकुलं भवसयसहरूसकलुसजलसंचयं पइमयं अपरिमियमहिच्छकलुसमइवाउवेग-उद्धुम्ममाणदगरयर्यंभ्यारवरफेणपउरआसापिवासभवलं मोहमहावत्तभोगभममाण-गुप्पमाणुच्छलंतपचोणियत्तपाणियपमायचंडवहुदुद्वसावयसमाहउद्भायमाणपञ्भारघोर-कंदियमहारवरवंतभेरवरवं अण्णाणभमंतमच्छपरिहत्थअणिहुइंदियमहामगरत्रिय-चरियखोखुब्ममाणनघंतचवलचंचलचलंतघुम्मंतजलसमृहं अरइभयविसायसोगमि-च्छत्तसेलसंकडं अणाइसंताणकम्मवंधणिकलेसचिक्लिलसुदुत्तारं अमरनरतिरियनिर-यगङ्गमणकुडिलपरिवत्तविडलवेलं चडरतमहंतमणवद्गां रहं संसारसागरं भीमद्रि-सणिजं तरंति धिद्धणियनिष्पकंपेण तुरियचवलं संवरवेरगातुंगकृवयसुसंपउत्तेणं णाणसियविमलम्सिएणं सम्मत्तविसुद्धलद्धणिजामएणं घीरा संजमपोएण सीलकलिया पस्त्यज्याणनववाद्यपणोव्धियपहाविएणं उज्जमववसायग्गहियणिज्ञरणजयण्डवओग-णाणदंसणविसुद्धवयभंडभरियसारा जिणवरवयणोवदिद्वमग्गेणं अकुडिलेण सिद्धि-महापट्टणाभिमुहा समणवरसत्थवाहा सुसद्दुसंभाससुपण्हसासा गामे गामे एगरायं णगरे णगरे पंचरायं दृइजानता जिइंदिया णिब्मया गयमया सचिताचित्तमीसिएस द्व्वेमु विरागयं गया मंजया विरया मुत्ता लहुया णिरवकंखा साहू णिहुया चरंति धम्मं ॥ २०॥ तेणं कालेणं तेणं समएणं समणस्य भगवओ महावीरस्स वहवे असरकमारा देवा अंतियं पाउच्भवित्था कालमहाणीलसरिसणीलगुलियगवलअयसिकुसुमप्पगासा वियसियसयवत्त्रमिव पत्तलिम्मलङ्गेसिसियरत्ततंवणयणा गरुलाययउज्जतुंगणासा उवचियसिलप्पवालविवफलसण्णिभाहरोहा पंडुरससिसयलविमलणिम्मलसंखगो-क्खीरफेणदगरयमुणालियाथवलदंतसेढी हुयबहणिदंतधोयतत्ततवणिज्जरत्ततलतालु-जीहा अंजणघणकरिषणस्यगरमणिजाणिद्धकेया वामेगकुंडलधरा अह्चंदणाणुलित्त-गत्ता । ईसिंसिळिश्रपुष्कष्पगामाई मुहुमाई असंकिलिहाई वत्थाई पवरपरिहिया वयं च पटमं समङ्कंता विङ्यं च वयं असंपत्ता भेंद्दे जोव्वणे वर्द्रमाणा तलमंगयतु डिय-पवरभृसणनिम्मलमणिरयणमंडियभुया दसमुद्दामंडियग्गहत्था चूलामणिचिथगया सुरुवा महिश्विया महाजुद्या मह्ज्वला महायसा महासोक्खा महाणुभागा हारविरा-इयवच्छा कडगतुडियथंभियभुया अंगयकुंडलमद्वगंडतलकण्णपीढधारी विचित्तवत्था-भरणा विचित्तमालामङ्किमङङा क्रक्षाणक्रयपवर्वत्थपरिहिया क्रक्षाणक्रयपवरम्हाणु-

लेवणा भासुरबोंदी पलंबवणमालधरा। दिंव्वेणं वण्णेणं दिव्वेणं गंधेणं दिव्वेणं रूवेणं दिञ्वेणं फासेणं दिञ्वेणं संघाए(घयणे)णं दिञ्वेणं संठाणेणं दिञ्वाए इङ्कीए दिव्वाए जुत्तीए दिव्वाए पभाए दिव्वाए छायाए दिव्वाए अचीए दिव्वेणं तेएणं दिन्वाए लेसाए दस दिसाओ उज्जोवेमाणा पमासेमाणा समणस्स भगवओ महावीरस्स अंतियं आगम्मागम्म रत्ता समणं भगवं महावीरं तिकखुत्तो आयाहिणं पयाहिणं करेंति २ ता वंदंति णमंसंति वंदिता णमंसिता णचासण्णे णाइदूरे सुरस्समाणा णमंसमाणा अभिमुहा विणएणं पंजलिउडा पज्जवासंति ॥ २१ ॥ तेणं कालेणं तेणं समएणं समणस्स भगवओ महावीरस्स बहवे असुरिंदवजिया भवणवासी देवा अंतियं पाउब्भवित्था णागपइणो सुवण्णा विज्जू अग्गीया दीवा उदही दिसाकुमारा य पवण-थणिया य भवणवासी णागफडागरुलवयरपुण्णकलससीहृहयगयमगरमउडवद्धमाणणि-जुत्तविचित्तचिंघगया सुरुवा महिङ्किया सेसं तं चेव जाव पज्जवासंति ॥ २२ ॥ तेणं कालेणं तेणं समएणं समणस्स भगवओ महावीरस्स बहुवे वाणमंतरा देवा अंतियं पाउच्मवित्था पिसाया भूया य जक्खरकखसिकंनरिकंपुरिसभुयगवरणो य महाकाया गंधव्वणिकायगणा णिउणगंधव्वगीयरङ्गो अणप्रिणयपणप्रिणयङ्सि-वादियभूयवादियकंदियमहाकंदिया य कुहंडपयए य देवा चंचलचवलचित्तकीलण-दविष्यया गंभीरहसियभणियपीयगीयणचणरई वणमालामेलमउडकुंडलमुच्छंदविउ-व्वियाहरणचारुविभूसणधरा सव्वोजयसुरभिकुसुमसुरइयपळंबसोभेतकंतवियसंतचित्त-वणमालरइयवच्छा कामगमी कामरूवधारी णाणाविहवण्णरागवरवत्थचित्तचिष्ठिय-णियंसणा विविह्देसीणेवत्थम्महियवेसा पमुद्यकंदप्पकलहकेलिकोलाहलिपया हास-बोलबहुला अणेगमणिरयणविविहणिजुत्तविचित्तचिधगया सुरूवा महिह्रिया जाव पज्जु-वासंति ॥ २३ ॥ तेणं काल्रेणं तेणं समएणं समणस्स भगवओ महावीरस्स बहुवं जोड्-सिया देवा अंतियं पाउब्भवित्था विहस्सई चंदसूरसुक्कसणिचरा राहू धूमकेऊ बुहा य अंगारका य तत्ततवणिज्जकणगवण्णा जे य गहा जोइसंमि चारं चरंति केऊ य गइर-इया अद्वावीसविहा य णक्खत्तदेवगणा णाणासंठाणसंठियाओ य पंचवण्णाओ ताराओ ठियलेस्सा चारिणो य अविस्साममंडलगई पत्तेयं णामंकपागडियचिंधमउडा महिन्निया जाव पज्जवासंति ॥ २४ ॥ तेणं कालेणं तेणं समएणं समणस्स भगवओ महावीरस्स वेमाणिया देवा अंतियं पाउच्भवित्था सोहम्मीसाणसणंकुमारमाहिंदवंभलंतगमहासुक्कः सहस्साराणयपाणयारणअच्चयवई पहिद्वा देवा जिणदंसणुस्सुयागमणजणियहासा पाल-गपुष्कगसोमणससिरिवच्छणंदियावत्तकामगमपीइगममणोगमविमलसव्वओ**भद्दणामधि**-जेहिं विमाणेहिं ओइण्णा वंदगा जिणिंदं । मिगमहिसवराहछ्गलद्हुरहयगयवङ्भुयगख-

गाउसभंकविडिमपागडियाचियमउडा पसिढिलवरमउडितरीडधारी कुंडलउज्जोविया-णणा मउडदित्तसिर्या रत्ताभा परमपम्हगोरा सेया सुभवण्णगंधकासा उत्तमविरुव्विणो विविद्दत्थगंधमल्थरा महिष्ट्रिया महजुङ्या जाव पंजिल्डिडा पज्जवासंति ॥ २५ ॥ तए णं चंपाए नयरीए सिंघाडगतिगचउक्चचरचउम्महमहापहपहेसु महया जणसेह इ वा जणबृहे इ वा जणबोले इ वा जणकलकले इ वा जण्ममी ति वा जणकलिया इ वा जणसन्निवाए इ वा बहुजणो अण्णमण्णस्स एवमाइक्खइ एवं भासइ एवं पण्णवेइ एवं पह्नवेइ-एवं खलु देवाणुप्पिया! समणे भगवं महावीरे आङगरे तित्थगरे सयंसंबुद्धे पुरिमुत्तमे जाव संपाविउकामे पुव्वाणुपुव्वि चरमाणे गामाणुगामं दृइजामाणे इहमागए इह संपत्ते इह समोसढे इहेव चंपाए णयरीए बाहिं पुण्णभद्दे उज्जाणे अहापडिस्त्रं उग्गहं उग्गिण्हित्ता संजमेणं तवसा अप्पाणं भावेमाणे विहरइ। तं महप्फलं खलु भो देवाणुप्पिया! तहाह्वाणं अरहंताणं भगवंताणं णामगोयस्सवि सवणयाए. किमंगपुण अभिगमणवंदणणमंसणपडिपुच्छणपज्जुवासणयाए ?, एकस्स वि आयरियस्स धम्मियस्स सुवयणस्स सवणयाए?, किमंगपुण विडलस्स अत्थस्स गहणयाए ?, तं गच्छामो णं देवाणुष्पिया! समणं भगवं महावीरं वंदामो णमंसामो सकारेमो सम्माणमो कल्लाणं मंगलं देवयं चेइयं विणएणं] पज्जवासामो एयं ण पेचभवे इहभवे य हियाए मुहाए खमाए निस्सेयसाए आणुगामियत्ताए भविस्स-इत्तिकट्टू बहवे उग्गा उग्गपुत्ता भोगा भोगपुत्ता एवं दुपडोयारेणं राइण्णा खत्तिया माहणा भडा जोहा पसत्थारो मलई लेच्छई लेच्छईपुत्ता अण्णे य बहुवे राईसरतल-वरमाडंबियकोडंबियइब्भसेद्रिसेणावइसत्थवाहपभिइओ अप्पेगइया वंदणवत्तियं अप्पे-गइया नमंसणवत्तियं एवं सक्कारवत्तियं सम्माणवत्तियं दंसणवत्तियं कोऊहलवित्तयं अप्पेगइया अद्भविणिच्छयहेउं अस्युयाइं सुणेस्सामो सुयाइं निस्संकियाइं करिस्सामो अप्पेगइया अद्वाइं हेऊई कारणाइं वागरणाइं प्रच्छिस्सामो । अप्पेगइया सन्वओ समंता मुण्डे भवित्ता अगाराओ अणगारियं पव्वइस्सामो, पंचाणुव्वइयं सत्तसिक्खा-वइयं दुवालसविहं गिहिधम्मं पडिवजिस्सामो, अप्पेगइया जिणभित्तरागेणं अप्पेगइया जीयमेयंतिकदृ ण्हाया सिरसाकंठेमालकडा आविद्धमणिसुवण्णा कप्पियहारऽद्धहारति-सरयपालंबपलंबमाणकडिस्त्त्रयसुक्रयसोहाभरणा पवरवत्थपरिहिया चंदणोलित्तगाय-सरीरा । अप्पेगइया हयगया एवं गयगया रहगया सिबियागया संदमाणियागया अप्पेगइया पायविहारचारिणो पुरिसवग्ग्रापरिक्खिता महया उक्तिद्विसीहणायबोल-कलकलर्वेणं पक्खुब्भियमहासमुद्दरवभूयंपिव करेमाणा चंपाए णयरीए मज्झंमज्झेणं णिगाच्छंति २ त्ता जेणेव पुण्णभद्दे उजाणे तेणेव उवागच्छंति २ ता समणस्स

भगवओ महावीरस्स अदरसामंते छत्ताईए तित्थयराइसेसे पासंति पासित्ता जाण-बाहणाइं ठावइंति २ त्ता जाणवाहणेहिंतो पचोरुहंति पचोरुहित्ता जेणेव समणे भगवं महावीरे तेणेव उवागच्छंति उवागच्छिता समणं भगवं महावीरं निक्खत्तो आयाहिणं प्याहिणं करेंति करिता वंदंति णमंसंति वंदिता णमंसिता णचामण्णे णाइद्रे सुरसूसमाणा णमंसमाणा अभिमुहा विणएणं पंजलिउडा पज्जवासंति ॥ २६॥ तए णं से पवित्तिवाउए इमीसे कहाए लख्दे समाणे हद्रतद्र जाव हियए ण्हाए अप्पमहर्ग्वाभरणालंकियसरीरे संयाओं गिहाओं पिंडिणिक्खमड संयाओं गिहाओं पिंडणिक्स्सित्ता चंपाणयिरं मज्झंमज्झेणं जेणेव बाहिरिया सन्वेव हेद्रिछा वत्तन्वया जाव णिसीयइ णिसीइता तस्स पवित्तिवाउयस्स अद्धत्तेरससयसहस्साइं पीडदाणं दलयइ २ ता सकारेइ सम्माणेइ सकारेता सम्माणेता पडिविसजेड ॥ २७॥ तए णं से कृणिए राया मंभसारपुत्ते बलवाउयं आमंतेइ आमंतेता एवं वयासी-खिप्पामेव मो देवाणुप्पिया! आभिसेकं हत्थिरयणं पडिकप्पेहि, हयगयरहपवर-जोहकलियं च चाउरंगिणिं सेणं सण्णाहोहि, सुभद्दापमुहाण य देवीणं बाहिरियाए उवद्वाणसालाए पाडिएकपाडिएकाइं जत्ताभिमुहाइं जुत्ताइं जाणाइं उवद्ववेह, चंपं णयरिं सब्भितरबाहिरियं आतित्ततितसुइसम्महरत्यंतरावणवीहियं मंचाइमंचकळियं णाणाविहरागउच्छियज्झयपडागाइपडागमंडियं लाउल्लोइयमहियं गोसीससरसरत-चंदण जाव गंधविट्टभूयं करेह कारवेह करिता कारवेता एयमाणितयं पचिषणाहि. निजाइस्सामि समणं भगवं महावीरं अभिवंदए ॥ २८ ॥ तए णं से चळवाउए कूणिएणं रण्णा एवं युत्ते समाणे हद्वतुद्व जाव हियए करयलपरिग्गहियं सिर्यावतं मत्थए अंजिं कहू एवं वयासी-सामित्ति आणाए विणएणं वयणं पडिसुणेड २ ता हित्यवाउयं आमंतेइ आमंतेत्ता एवं वयासी-खिप्पामेव भो दवाणुप्पिया ! कृणियस्म रण्णो भंभसारपुत्तस्स आभिसेकं हत्थिरयणं पडिकप्पेहि, हयगयरहपवरजाहकालियं चाउरंगिणि सेणं सण्णाहेहि सण्णाहिता एयमाणत्त्रयं पच्चिपणाहि । तए णं सं हत्थिवाउए बलवाउयस्स एयमट्टं सोचा आणाए विणएणं वयणं पडिसुणेड् पडि-सुणिता छेयायरियउवएसमइविकप्पणाविकपोहिं सुणिउणेहिं उज्जलणेवत्थहत्थपरि-वत्थियं सुसजं धम्मियसण्णद्भवद्भकवइयउप्पीलियकच्छवच्छगेवेयबद्धगलवरभूसण-विरायंतं अहियतेयज्ञतं सललियवरकण्णपूरविराइयं पलंबउच्चूलमहुयरकयंधयारं चित्त-परिच्छेयपच्छयं पहरणावरणभरियजुद्धसज्जं सच्छत्तं सज्झयं सचेटं सपडागं पंचामल्य-परिमंडियाभिरामं ओसारियजमलजुयलघंटं विज्जुपणदं व कालमेहं उप्पाइयपन्वयं व चंकमंतं मत्तं गुलगुलंतं मणपवणजङ्णवेगं भीमं संगामियाओग्गं आभिसेकं हृत्थिर्यणं

यिकप्पइ पिडकप्पेता हयगयरहपवरजोहकिलयं चाउरंगिणि सेणं सण्णाहः सण्णा-हित्ता जेणेव बलवाउए तेणेव उवागच्छइ उवागच्छिता एयमाणत्तियं पच्चिप्पणइ । तए णं से बलवाउए जाणसालियं सहावेइ २ ता एवं वयासी-खिप्पामेव भो देवाण-िप्या ! सुभद्दापमुहाणं देवीणं वाहिरियाए उवट्ठाणसालाए पाडिएक्कपाडिएक्काई जत्ताभिमुहाइं जुत्ताइं जाणाइं उबद्ववेहि २ ता एयमाणत्तियं पचपिणाहि । तए णं से जाणसालिए बलवाउयस्स एयमट्टं आणाए विणएणं वयणं पडिसुणेइ पडिसुणित्ता जेणेव जाणसाला तेणेव उवागच्छइ तेणेव उवागच्छिता जाणाइं पचुवेक्खेइ २ ता जाणाइं संपमजेइ २ ता जाणाइं संवहेइ जाणाइं संवहेता जाणाइं णीणेइ जाणाइं णीणेता जाणाणं दूसे पवीणेइ २ त्ता जाणाइं समलंकरेइ २ ता जाणाइं वरभंडग-मंडियाइं करेइ २ ता जेणेव वाहणसाला तेणेव उवागच्छइ तेणेव उवागच्छिता बाहणाइं पच्चवेक्खेइ २ ता वाहणाइं संपमजाइ २ ता वाहणाइं णीणेइ २ ता बाहणाइं अप्फालेइ २ त्ता दूसे पवीणेइ २ त्ता बाहणाइं समलंकरेइ २ त्ता बाहणाइं वरमंडगमंडियाइं करेइ २ त्ता वाहणाइं जाणाइं जोएइ २ त्ता पओयलिट्टं पओयघरे य समं आडहृइ आडहित्ता वृद्धमुग्गं गाहेइ २ त्ता जेणेव बलवाउए तेणेव उवागच्छ २त्ता बलवाउयस्स एयमाणत्तियं पच्चिप्पणइ । तए णं से बलवाउए णयर्गुत्तियं आमंतेइ २ ता एवं वयासी-खिप्पामेव भो देवाणुप्पिया! चंपं णयरिं सिंध्भितर-बाहिरियं आसित्त जाव कारवेता एयमाणत्तियं पचिष्पणाहि । तए णं से णयर्ग्रतिए बलवाउयस्स एयमद्वं आणाए विणएणं (वयणं) पिडसुणेइ २ त्ता चंपं णयिरं सब्भितरबाहिरियं आसित्त जाव कारवेता जेणेव बलवाउए तेणेव उवागच्छ २ ता एयमाणत्तियं पद्यप्पिणइ । तए णं से बलवाउए कोणियस्स रण्णो भंभसारपुत्तस्स आभिसेकं हत्थिरयणं पिडकिप्यं पासइ हयगय जाव सण्णाहियं पासइ. समहापम-हाणं देवीणं पिंडजाणाइं उवद्ववियाइं पासइ, चंपं णयिरं सिब्भितर जाव गंधविष्टभ्यं कर्यं पासइ, पासित्ता हद्वतुद्वचित्तमाणंदिए पीयमणे जाव हियए जेणेव कृणिए राया भंभसारपते तेणेव उवागच्छः २ ता करयल जाव एवं वयासी-कप्पिए णं देवाण-प्पियाणं आभिसेक्के हत्थिरयणे हयगयरहपवरजोहकल्या य चाउरंगिणी सेणा सण्णा-हिया समहापमहाणं च देवीणं वाहिरियाए य उवद्राणसालाए पाडिएकपाडिएकाई जत्ताभिमुहाइं जुत्ताइं जाणाइं उबद्वावियाइं चंपा णयरी सर्विभतरवाहिरिया आसित्त जाव गंधविष्टभ्या कया, तं निजंतु णं देवाणुप्पिया! समणं भगवं महावीरं अभिवंदया।। २९॥ तए णं से कृषिए राया भंभसारपत्ते बलवाउयस्स अंतिए एयमद्रे सोचा णिसम्म हद्रतद्र जाव हियए जेणेव अदृणसाला तेणेव उवागच्छइ २ त्ता अदृणसालं

अण्यविसइ २ ता अणेगवायामजोग्गवग्गणवामद्दणमळजुद्धकरणेहिं संत परिस्संत सयपागसहरसपागेहिं सुगंधते हमाइएहिं पीणि जोहिं दप्पणि जेहिं मयणि जेहिं विहाण-जेहिं सर्विविदयगायपल्हायणिजेहिं अब्भिगेहिं अब्भिगिए समाणे तेलचम्मंसि पडि-पुण्णपाणिपायसुकुमालकोमलतलेहिं पुरिसेहिं छेएहिं दक्खेहिं पत्तहेहिं कुसलेहिं मेहावीहिं निउणसिप्पोवगएहिं अिंभगणपरिमदृणुव्वलणकरणगुणणिम्माएहिं अद्विमहाए मंसमहाए तयासहाए रोमसहाए चउव्विहाए संवाहणाए संवाहिए समाणे अवगयनेयपरिस्समे अङ्गासालाओ पिडिणिक्खमइ पिडिणिक्खमित्ता जेणेव मज्जणघरे तेणेव उवागच्छइ तेणेव उवागच्छिता मजजणवरं अणुपविसङ् २ ता समुत्तजालाउलाभिरामे विचित्त-मणिरयणकृष्टिमतले रमणिजे ण्हाणमंडवंसि णाणामणिरयणभत्तिचित्तंसि ण्हाणपीटंसि सहिणसण्णे सुद्धोदएहिं गंधोदएहिं पुष्फोदएहिं सुहोदएहिं पुणो २ ऋहाणगपवरमज्जण-विहीए मजिए तत्थ कोउयसएहिं बहुविहेहिं कल्लाणगपवरमजणावसाणे पम्हल-सुकुमालगंधकासाइयल्रहियंगे सरससुरहिगोसीसचंदणाणुलित्तगत्ते । अहयसुमहम्घर्-सर्यणसुसंवुए सुइमालावण्णगविलेवणे आविद्धमणिसुवण्णे कप्पियहारद्वहारतिसर्य-पालंबपलंबमाणकडिसुत्तसुकयसोभे पिणद्भगेविजअंगुलिजगलियंगयलिलयकयाभर्ग वरकडगतुडियथंभियभुए अहियह्वसस्सिरीए मुद्दियापिंगलंगुलिए कुंडलउज्जोविआणणं मजडितत्तिसरए हारोत्थयसुकयरइयवच्छे पालंबपलंबमाणपडनुकयउत्तरिज्ञे णाणामणि-कणगर्यणविमलमहरिहणिङणोवियमिसिमिसंतविर्ययसिलिद्वविसिद्दलद्वआविद्ववीरव-लए। किं बहुणा? कप्परक्खए चेव अलंकियविभूसिए णरवई सकोरंटमछदामेणं छत्तेणं धरिजमाणेणं चडचामर्वालवीइयंगे मंगलजयसदृक्यालोए मजणघराओ पिडनिक्खमइ मज्जणघराउ पिडणिक्खमिता अणेगगणनायगदंडनायगराइंसरतलव-रमाडंबियकोडंबियरूक्मसेद्विसेणावइसत्थवाहदूयसंधिवालसिद्धं संपरिवृद्धे भ्रवल-महामेहणिग्गए इव गहगणदिप्पंतरिक्खतारागणाण मज्झे सिम्बद पियदंसणे णरवई जेणेव बाहिरिया उवहाणसाला जेणेव आभिसेक्के हित्थर्यण तेणेव उवागच्छइ उवागच्छिता अंजणगिरिकूडसण्णिमं गयवइं णर्वई दुरुहं तए णं तस्स कृणियस्स रण्णो भंभसारपुत्तस्स आभिसेकं हत्थिरयणं दुरूडस्य समाणस्स तप्पढमयाए इमे अड्डमंगलया पुरओ अहाणुपुन्वीए संपद्धिया, तंजहा-सोवित्थय सिरिवच्छ णंदियावत्त वद्धमाणग भद्दासण कलस मच्छ दण्पण, तयाऽणंतरं च ण पुण्णकलसभिंगारं दिन्ना य छत्तपडागा सचामरा दंसणरइयआलोयदरियणिजा वाउद्भयविजयवेजयंती य ऊत्तिया गगणतलमणुलिहंती पुरओ अहाणुपुन्वीए संपद्विया, त्याऽणेतरं च णं वेरुलियभिसंतविमलदंडं पलंबकोरंटमल्लदामोवसोभियं चंदमंडल-

णिभं समृसियं विमलं आयवत्तं पवरं सीहासणं वरमणिरयणपायपीढं सपाउयाजीयस-माउत्तं वहुकिंकरकम्मकरपुरिसपायत्तपरिक्खितं पुरओ अहाणुपुन्वीए संपट्टियं । तयाऽणंतरं वहवे लिहुग्गाहा कुंतग्गाहा चावग्गाहा चामरग्गाहा पासग्गाहा पोत्थ-यग्गाहा फलगग्गाहा पीढग्गाहा वीणग्गाहा कुतुवग्गाहा हडप्फग्गाहा पुरओ अहाणु-पुरवीए संपट्टिया । तयाऽणंतरं वहवे डंडिणो मुंडिणो सिहंडिणो जडिणो पिंछिणो हासकरा डमरकरा चाडुकरा वादकरा कंदण्पकरा दवकरा कोकुइया किहिकरा वायंता गायंता हसंता णचंता भासंता सावेंता रक्खंता आलोयं च करेमाणा जयरसहं पउंजमाणा पुरओ अहाणुपुव्वीए संपड्डिया । तयाऽणंतरं जचाणं तरमलिहायणाणं हरिमेलामउलमिक्षयच्छाणं चुंचुचियललियपुलियचलचवलचंचलगईणं लंघणवग्गणधा-वणधोरणतिवईजरूणसिक्खियगईणं ललंतलामगललायवरभूसणाणं मुहभंडगओचूलग-थासगअहिलाणचामरगण्डपरिमंडियकडीणं किंकरवरतरुणपरिग्गहियाणं अद्रसयं वर-तुरगाणं पुरओ अहाणपुर्वीए संपद्रियं। तयाऽणंतरं च णं ईसीदंताणं ईसीमत्ताणं ईसीतंगाणं ईसीउच्छंगविसालधवलदंताणं कंचणकोसीपविद्वदंताणं कंचणमणिरयणभू-सियाणं वरपरिसारोहगसंपउत्ताणं अद्रसयं गयाणं पुरओ अहाणपुर्वीए संपद्रियं । तयाऽणंतरं सच्छत्ताणं सज्झयाणं सघंटाणं सपडागाणं सतोरणवराणं सणंदिघोसाणं सिखंखिणीजालपरिक्खिताणं हेमवयचित्तिणिसकणगणिजुत्तदारुयाणं कालायससुकय-णेमिजंतकम्माणं सुसिलिद्ववत्तमंडलधुराणं आइण्णवरतुरगसुसंपउत्ताणं कुसलनरच्छेय-सारहिमुसंपग्गहियाणं वत्तीसतोणपरिमंडियाणं सक्तंकडवडेंसगाणं सचावसरपहरणाव-रणभरियजुद्धसज्जाणं अद्वसयं रहाणं पुरओ अहाणुपुन्वीए संपद्वियं । तयाऽणंतरं च णं असिसत्तिकोंततोमरसूललउडभिंडिमालधणुपाणिसज्जं पायत्ताणीयं पुरओ अहाणुपु-व्वीए संपद्मियं। तए णं से कृणिए राया हारोत्थयसुकयरइयवच्छे कुंडलउज्जोवियाणणे मउडदित्तसिरए णरसीहे णरवई णरिंदे णरवसहे मणुयरायवसभकप्पे अब्भहियराय-तेयलच्छीए दिप्पमाणे हत्थिक्खंधवरगए सकोरंटमहृदामेणं छत्तेणं धरिज्ञमाणेणं सेयवरचामराहिं उद्भव्वमाणीहिं २ वेसमणो चेव णरवई अमरवईसण्णिभाइ इङ्गीए पहिंचिकत्ती ह्यगयरहपवरजोहकलियाए चाउरंगिणीए सेणाए समणुगम्ममाणमग्गे जेणेव पुण्णभद्दे उज्जाणे तेणेव पहारेत्थ गमणाए, तए णं तस्स कृणियस्स रण्णो भंभसारपुत्तरस पुरओ महंआसा आसधरा उभओ पासि णागा णागधरा पिट्ठओ रहसंगेक्षि । तए णं से कृणिए राया भंभसारपत्ते अञ्भूगगयभिंगारे पग्गहियतालियंटे उच्छियसेयच्छत्ते पवीइयवालवीयणीए सव्विङ्कीए सन्वजुत्तीए सन्ववलेणं सन्वसमुदएणं सञ्वादरेणं सञ्वविभुईए सञ्वविभुसाए सञ्वसंभमेणं सञ्वपुष्फगंधमहालंकारेणं सञ्ब-

तुडियसइसण्णिणाएणं महया इङ्गीए महया जुत्तीए महया बलेणं महया समुदएणं महया वरत् डियजमगसमगप्पवाइएणं संखपणवपडहभेरिझल्लारेखरम् हिहुङ्कमुखम् रव-मुयंगदुंद्भिणिग्घोसणाइयरवेणं चंपाए णयरीए मज्झंमज्झेणं णिग्गच्छइ ॥ ३० ॥ तए णं तस्स कणियस्स रण्णो चंपानगरिं मज्झंमज्झेणं णिरगच्छमाणस्स बहवे अत्थऽत्थिया कामत्थिया भोगत्थिया किब्बिसिया करोडिया लामत्थिया कारवाहिया संखिया चिक्कया णंगलिया मुहमंगलिया वद्धमाणा पुरसमाणवा खंडियगणा ताहिं इद्वाहिं कंताहिं पियाहिं मणुण्णाहिं मणामाहिं मणोभिरामाहिं हिययगमणिजाहिं वग्गृहिं जयविजयमंगलसएहिं अणवरयं अभिणंदंता य अभिथुणंता य एवं वयासी-जय २ णंदा ! जय २ भहा ! भहं ते अजियं जिणाहि जियं (च) पालेहि जियमज्झे वसाहि । इंदो इव देवाणं चमरो इव असराणं धरणो इव नागाणं चंदो इव नाराणं भरहो इव मण्याणं बहुई वासाई बहुई वाससयाई बहुई वाससहरसाई बहुई वासस-यसहरसाइं अणहसमग्गो हट्टतुट्टो परमाउं पालयाहि इट्टजणसंपरिवुडो चंपाए णयरीए अण्णेसिं च बहुणं गामागरणयरखेडकब्बडमङंबदोणमुद्दुपष्टणआसमनिगमसंवाहसंनि-वेसाणं आहेवचं पोरेवचं सामित्तं भिहतं महत्तर्गतं आणाईसरसेणावचं कारेमाणे ·पालेमाणे महयाऽऽहयणद्वगीयवाइयतंतीतलतालतुडियघणमुयंगपडुप्पवाइयरवेणं विउ-लाई भोगभोगाई भुंजमाणे विहराहित्तिकटू जय २ सहं परंजंति । तए णं से कृणिए राया भेमसारपुत्ते णयणमालासहस्सेहिं पेच्छिजमाणे २ हिययमालासहस्सेहिं अभि-गंदिजमाणे २ मणोरहुमालासहरसेहिं विच्छिप्पमाणे २ वयणमालासहरसेहिं अभिथ-व्वमाणे २ कंतिसोहगगगुणेहिं पत्थिजमाणे २ बहुणं णरणारिसहस्साणं दाहिणहत्येणं अंजलिमालासहस्साई पिडच्छमाणे २ मंजुमंजुणा घोसेणं पिडबुज्झमाणे २ भवणपं-तिसहस्साइं समइच्छमाणे २ चंपाए णयरीए मज्झंमज्झेणं णिरगच्छ २ ना जेणेव पुण्णभद्दे उज्जाणे तेणेव उवागच्छइ २ ता समणस्स भगवओ महावीरस्स अदरसामंते छत्ताईए तित्थयराइसेसे पासइ पासित्ता आभिसेक्षं हत्थिरयणं ठवेइ ठवित्ता आभिसे-काओ हित्थरयणाओ पचोरुहइ २ ता अवहदृ पंच रायक्कुहाई, तंजहा-खागं छत्तं उप्फेसं वाहणाओ वालवीयणं, जेणेव समणे भगवं महावीरे तेणेव उवागच्छड उवा-गच्छिता समणं भगवं महावीरं पंचिवहेणं अभिगमेणं अभिगच्छइ, तंजहा-सचित्ताणं दव्वाणं विउसरणयाए १ अचिताणं दव्वाणं अविउसरणयाए २ एगसाडियं उत्तरा-संगकरणेणं ३ चक्खकासे अंजलियगहेणं ४ मणसो एगत्तभावकरणेणं ५ समणं भगवं महावीरं तिक्खत्तो आयाहिणं पयाहिणं करेइ २ ता वंदइ णमंसइ वंदिता गमंसिता तिविहाए पञ्जुवासगाए पञ्जुवासइ, तंजहा-काइयाए वाइयाए माणांसयाए,

काइयाए ताव संकुइयग्गहत्थपाए सुरसुसमाणे णमंसमाणे अभिमहे विणएणं पंजलि-उंडे पञ्जवासइ, वाइयाए जं जं भगवं वागरेड एवमेयं भंते ! तहमेयं भंते ! अवि-तहमेयं भंते ! असंदिद्धमेयं भंते ! इच्छियमेयं भंते ! पिडिच्छियमेयं भंते ! इच्छियप-डिच्छियमेयं भंते ! से जहेयं तुन्मे वदह अपडिक्लमाणे पज्जुवासइ, माणसियाए महया संवेगं जणइता तिव्वधम्माणुरागरत्तो पञ्जवासङ ॥ ३१ ॥ तए णं ताओ समहापमुहाओ देवीओ अंतो अंतेउरंसि ण्हायाओ सन्वालंकारविभूसियाओ बहहिं खजाहिं चेलाहिं वामणीहिं वडभीहिं बन्बरीहिं पओसियाहिं जोणियाहिं पण्हवियाहिं इसिगिणियाहिं वासिइणियाहिं लासियाहिं लउसियाहिं सिंहलीहिं दमिलीहिं आरबीहिं पुलंदीहिं पक्रणीहिं वहलीहिं मुरुंडीहिं सबरियाहिं पारसीहिं णाणादेसीविदेसपरिमंडि-याहिं इंगियचितियपत्थियविजाणियाहिं सदेसणेवत्थगगहियवेसाहिं चेडियाचकवालव-रिसंधरकंचुइज्जमहत्तरगवंदपरिक्खिताओं अंतेउराओं णिगगच्छंति २ ता जेणेव पाडि-एक्रजाणाइं तेणेव उवागच्छन्ति उवागच्छिता पाडिएक्रपाडिएकाइं जत्ताभिमहाइं जुत्ताइं जाणाइं दुरुहंति दुरुहित्ता णियगपरियालसद्धिं संपरिवडाओ चंपाए णयरीए मज्झंमज्झेणं णिग्गच्छंति णिग्गच्छिता जेणेव पुण्णभद्दे उज्जाणे तेणेव उवागच्छंति उवागच्छिता समणस्स भगवओ महावीरस्स अदरसामंते छताईए तित्थयराइसेसे पासंति पासित्ता पाडिएकपाडिएकाई जाणाई ठवंति ठवित्ता जाणेहिंतो पचीरुहंति पचोरहिता बहहिं खजाहिं जाव परिक्खिताओ जेणेव समणे भगवं महावीरे तेणेव उवागच्छंति २ त्ता समणं भगवं महावीरं पंचविहेणं अभिगमेणं अभिगच्छंति. तंजहा-सचित्ताणं दन्वाणं विउसरणयाए अचित्ताणं दन्वाणं अविउसरणयाए विण-ओणयाए गायलद्वीए चक्खण्कासे अंजलिपग्गहेणं मणसो एगत्तकरणेणं समणं भगवं महावीरं तिक्खुत्तो आयाहिणं पयाहिणं करेन्ति वंदेति णमंसंति वंदित्ता णमंसित्ता कृणियरायं पुरओ कर ठिइयाओ चेव संपरिवाराओ अभिमृहाओ विणएणं पंजिल-उडाओ पज़्वासंति ॥ ३२ ॥ तए णं समणे भगवं महावीरे कृणियस्स भंभसार-पत्तरस सभद्दापमुद्दाणं देवीणं तीसे य महदमहालियाए परिसाए इसिपरिसाए मुणि-परिसाए जङ्गरिसाए देवपरिसाए अणेगसयाए अणेगसयवंदाए अणेगसयवंदपरिवा-राए ओहबले अडबले महब्बले अपरिमियबलवीरियतेयमाहणकंतिज्ते सारयनवत्थ-णियमहरगंभीरकोंचणिग्घोसदंद्भिस्सरे उरेवित्थडाए कंठेऽवद्वियाए सिरे समाइण्णाए अगरलाए अमम्मणाए सन्वक्खरसण्णिवाइयाए पुण्णरत्ताए सन्वभासाणुगामिणीए सरस्सईए जोयणणीहारिणा सरेणं अद्भागहाए भासाए भासइ अरिहा धम्मं परिक-हेइ । तेसिं सञ्वेसिं आरियमणारियाणं अगिलाए धम्ममाइक्खर, साऽविय णं अद्ध-

मागहा भासा तेसि सन्वेसि आरियमणारियाणं अपणो सभासाए परिणामेणं मरि-णमह. तंजहा-अत्थि लोए अत्थि अलोए एवं जीवा अजीवा वंधे मोक्ले पुण्णे पावे आसवे संबरे वेयणा णिजरा अरिहंता चक्कवही वलदेवा वासदेवा नरगा णेरदया तिरिक्खजोणिया तिरिक्खजोणिणीओ माया पिया रिसओ देवा देवलोया सिद्धी सिद्धा परिणिव्वाणं परिणिव्वया अत्थि पाणाइवाए मुसावाए मेहणे परिग्गहे अत्थि कोहे माणे माया लोभे जाव मिच्छादंसणमहे । अत्थि पाणाइवायवेरमणे मुसावायवेरमणे अदिण्णादाणवेरमणे मेहुणवेरमणे परिगगह-वेरमणे जाव मिन्छादंसणसङ्घविवेगे सव्वं अध्यिमावं अध्यित्ति वयः, सव्वं णित्थिभावं णित्थित्ति वयइ. सचिण्णा कम्मा सचिण्णाकला भवंति, दुचिण्णा कम्मा दुचिण्णफला भवंति, फुसइ पुण्णपावे, पचायंति जीवा, सफले कलाणपावए । धमममाइक्खइ-इणमेव णिग्गंथे पावयणे सचे अणुत्तरे केवलए संमुद्धे पाइपुण्णे णेयाउए सहकत्तणे सिद्धिमग्गे मृत्तिमग्गे णिव्वाणमग्गे णिजाणमग्गे अवितहम्बिसंधि सव्बद्धक्खप्पहीणमग्गे इह्द्विया जीवा सिज्झंति वुज्झंति मुचंति परिणिव्वायंति सव्बद्धक्खाणमंतं करंति । एगचा पुण एगे भयंतारो पुव्यकम्मावसेसेणं अण्णयरेम् देवलोएस देवताए उववतारो भवंति, महङ्किएस जाव महासुक्खेम दृरंगइएस चिरद्विइएस, ते णं तत्थ देवा भवंति महिंद्दृया जाव चिरद्विइया हार्रावराइयवच्छा जाव पमासमाणां कप्पोवगा गइकल्लाणा ठिइकल्लाणा आगमेसिमद्दा जाव पिछिन्वा, तमाइक्खइ एवं खलु चउहिं ठाणेहिं जीवा णेरइयत्ताए कम्मं पकरंति णेरइयताए कम्मं पकरेता णेरइएसु उववजाति, तंजहा-महारंभयाए महापरिग्गहयाए पंचिदिय-वहेणं कुणिमाहारेणं, एवं एएणं अभिलावेणं तिरिक्खजोणिएसु माइल्लयाए णियडिल्ल-याए अलियवयणेणं उक्कंचणयाए वंचणयाए, मणुस्सेसु पगइभद्द्याए पगइविणीययाए साणुकोसयाए अमच्छरिययाए, देवेसु सरागसंजमेणं संजमासंजमेणं अकामणिजराए बालतवोकम्मेणं तमाइक्खइ-जह णरगा गम्मति जे णरगा जा य वेयणा णरए । सारीरमाणसाइं दुक्खाइं तिरिक्खजोणीए ॥ १ ॥ माणुस्सं च अणिचं वाहिजरा-मरणवेयणापडरं । देवे य देवलोए देविष्टिं देवसोक्खाइं ॥ २ ॥ णरगं तिरिक्ख-जोणि माणुसभावं च देवलोयं च । सिद्धे य सिद्धवसिंहं छज्जीवणियं परिकहेड ॥ ३ ॥ जह जीवा बज्झति मुर्चाते जह य परिकिलिस्संति । जह दुक्खाणं अंतं करंति केई अपडिबद्धा ॥ ४ ॥ अदृदुहिद्यिचित्ता जह जीवा दुक्खसागरमुर्विति । जह वेरग्ग-मुवगया कम्मसमुग्गं विहाडंति ॥ ५ ॥ जह रागेण कडाणं कम्माणं पावगो फल-विवागो, जह य परिहीणकम्मा सिद्धा सिद्धालयमुर्विति ॥ ६ ॥ तमेव धम्मं दुविहं

आडक्खड. तंजहा-अगारधम्मं अणगारधम्मं च, अणगारधम्मो ताव इह खलु सन्वओ सन्वत्ताए मुंडे भवित्ता अगाराओ अणगारियं पन्वयइ सन्वाओ पाणाइ-वायाओ वेरमणं मुसावाय० अदिण्णादाण० मेहण० परिग्गह० राईभोयणाओ वेर-मणं अयमाउसो ! अणगारसामइए धम्मे पण्णत्ते, एयस्स धम्मस्स सिक्खाए उवद्विए निग्गंथे वा निग्गंथी वा विहरमाणे आणाए आराहए भवइ । अगारधम्मं दुवाल-सविहं आइक्खइ, तंजहा-पंच अणुव्वयाइं तिण्णि गुणव्वयाइं चत्तारि सिक्खावयाइं, पंच अणुव्वयाइं, तंजहा-थूलाओ पाणाइवायाओ वेरमणं थूलाओ मुसावायाओ वेरमणं थूलाओ अदिन्नादाणाओ वेरमणं सदारसंतोसे इच्छापरिमाणे. तिण्णि गुणव्य-याइं तंजहा-अणत्थदंडवेरमणं दिसिव्वयं उवभोगपरिभोगपरिमाणं, चत्तारि सिक्खाव-याइं, तंजहा-सामाइयं देसावगासियं पोसहोववासे अतिहिसंविभागे. अपच्छिमा मारणंतिया संलेहणाजृसणाराहणा अयमाउसो ! अगारसामइए धम्मे पण्णते. अगार-धम्मस्य सिक्खाए उवद्विए समणोवासए समणोवासिया वा विहरमाणे आणाए आराहए भवइ ॥ ३३ ॥ तए णं सा महइमहालिया मणूसपरिसा समणस्स भगवओ महावीरस्स अंतिए धम्मं सोचा णिसम्म हद्भुतद्व जाव हियया उद्घाए उद्घेइ उद्घाए उद्गिता समणं भगवं महावीरं तिक्खुत्तो आयाहिणं पयाहिणं करेइ २ त्ता वंदए णमंसइ वंदित्ता णमंसित्ता अत्थेगइया मुंडे भवित्ता अगाराओ अणगारियं पव्वइया, अत्थेगइया पंचाणुव्वइयं सत्तसिक्खावइयं दुवालसविहं गिहिधम्मं पडिवण्णा, अव-सेसा णं परिसा समणं भगवं महावीरं वंदइ णमंसइ वंदित्ता णमंसिता एवं वयासी-मुअक्खाए ते भंते ! णिग्गंथे पावयणे एवं मुपण्णते मुभासिए सुविणीए सुभाविइ अणुत्तरे ते भंते ! णिग्गंथे पावयणे, धम्मं णं आइक्खमाणा तुब्भे उवसमं आइ-क्खह, उवसमं आइक्खमाणा विवेगं आइक्खह, विवेवं आइक्खमाणा वेरमणं आइक्खह, चेरमणं आइक्खमाणा अकरणं पावाणं कम्माणं आइक्खह, णित्थ णं अण्णे केइ समणे वा माहणे वा जे एरिसं धम्ममाइक्खितए, किमंग पुण इत्तो उत्तरतरं ?, एवं वदित्ता जामेव दिसं पाउच्भृया तामेव दिसं पडिगया ॥ ३४ ॥ तए णं कृणिए राया भंभसारपत्ते समणस्य भगवओ महावीरस्स अंतिए धम्मं सोचा णिसम्म हद्वतुद्व जाव हियए उद्वाए उद्वेश उद्वाए उद्वित्ता समणं भगवं महावीरं तिक्खुत्तो आयाहिणं पयाहिणं करेइ २ ता वंदइ णमंसइ वंदित्ता णमंसित्ता एवं वयासी-सुअक्खाए ते भंते ! णिग्गंथे पावयणे जाव किमंग पुण एत्तो उत्तरतरं ?, एवं वदित्ता जामेव दिसं पाउच्भए तामेव दिसं पडिगए ॥ ३५ ॥ तए णं ताओ समद्दापमुहाओ देवीओ समणस्स भगवओ महावीरस्स अंतिए धम्मं सोचा णिसम्म हद्वतुद्व जाव हिययाओ उद्घाए उद्वित्ता समणं भगवं महावीरं तिक्खुत्तो आयाहिणं प्याहिणं करेन्ति २ त्ता वंदंति णमंसंति वंदित्ता णमंसित्ता एवं वयासी-सुअक्खाए ते भंते ! णिग्गंथे पावयणे जाव किमंग पुण इत्तो उत्तरतरं ?, एवं वदित्ता जामेव दिसिं पाउब्भ्याओ तामेव दिसिं पाउब्भ्याओ हिस्सी स्वाप्त स्वाप्त

तेणं कालेणं तेणं समएणं समणस्स भगवओ महावीरस्स जेट्टे अंतेवासी इंदभई नामं अणगारे गोयमसगोत्तेणं सतुस्सेहे समचउरंससंठाणसंठिए वइरोसहनारायसंघयणे कणगपुलगनिवसपम्हगोरे उगगतवे दित्ततवे तत्ततवे महातवे घोरतवं उराले घोरे घोरगुणे घोरतवस्सी घोरबंभचेरवासी उच्छुढसरीरे संखित्तविउलतेयलेस्से समणस्स भगवओ महावीरस्स अदूरसामंते उन्हेंजाणू अहोसिरे झाणकोद्वोवगए संजर्मणं तवसा अप्पाणं भावेमाणे विहरइ। तए णं से भगवं गोयमे जायसङ्के जायसंसए जाय-कोऊहले उप्पण्णसङ्के उप्पण्णसंसए उप्पण्णकोउहले संजायसङ्के संजायसंसए संजाय-कोऊहल्ले समुप्पण्णसङ्घे समुप्पण्णसंसए समुप्पण्णकोऊहल्ले उद्घाए उद्देश उद्घाए उद्दिना जेणेव समणे भगवं महावीरे तेणेव उवागच्छइ तेणेव उवागच्छिता समणं भगवं महावीरं तिक्खत्तो आयाहिणं पयाहिणं करेइ २ ता वंदइ णमंसइ वंदित्ता णमंसिता णचासण्णे णाइदरे सुस्सूसमाणे णमंसमाणे अमिसुहे विणएणं पंजलिउडे पज्जवासमाणे एवं वयासी-जीवे ण भंते! असंजए अविरए अप्पडिहयपचक्खायपावकम्मे सिकरिए असंवृडे एगंतदंडे एगंतबाले एगंतस्ते पावकम्मं अण्हाइ ? हंता अण्हाइ १। जीवे णं भंते! असंजयअविरयअप्पिडिहयपचक्खायपावकम्मे सिकरिए असंवुंड एगंतदंडे एगंतबाले एगंतसुत्ते मोहणिजं पावकम्मं अण्हाइ? हंता अण्हाइ २। जीवे णं भंते ! मोहणिजं कम्मं वेदेमाणे किं मोहणिजं कम्मं बंधइ? वैयणिजं कम्मं बंधइ?, गोयमा! मोहणिजंपि कम्मं बंधइ वेयणिजंपि कम्मं बंधइ, णण्णत्थ चरिममोहणिजं कम्मं वेदेमाणे वेयणिजं कम्मं बंधइ णो मोहणिजं कम्मं बंधड ३। जीवे णं भंते ! असंजए अविरए अप्पडिह्यपचक्खायपावकम्मे सिकरिए असंबृद्ध एगंतदंडे एगंतबाले एगंतसुत्ते ओसण्णतसपाणचाई कालमासे कालं किया णेर्डएम् उनवजाइ? हंता उनवजाइ ४। जीने णं भंते! असंजए अविरए अपडिहयपश्चक्याय-पावकम्मे इओ चए पेचा देवे सिया? गोयमा! अत्थेगइया देवे सिया अत्थेगइया णो देवे सिया, से केणड्रेणं भंते! एवं वृच्चइ-अत्थेगइया देवे सिया अत्थेगइया णो देवे सिया ? गोयमा ! जे इमे जीवा गामागरणयरणिगमरायहाणिखेडकब्बडमडंब-दोणमुहपट्टणासमसंबाहस ण्णिवेसेसु अकामतण्हाए अकामछ्हाए अकामबंभचेरवासेणं अकामअण्हाणगसीयायवदंसमसगसेयज्ञह्रमह्रपंकपरितावेणं अप्पतरो वा भुज्जतरो वा

कालं अप्पाणं परिकिलेसंति अप्पतरो वा भुज्जतरो वा कालं अप्पाणं परिकिलेसित्ता कालमासे कालं किचा अण्णयरेस वाणमंतरेस देवलोएस देवताए उववत्तारो भवंति. तिहं तेसिं गई तिहं तेसिं ठिई तिहं तेसिं उववाए पण्णते । तेसि णं भंते ! देवाणं केवइयं कालं ठिई पणत्ता? गोयमा! दसवाससहरसाइं ठिई पण्णत्ता. अत्थि णं भंते! तेसिं देवाणं इड्डी वा जुई वा जसे इ वा बले इ वा वीरिए इ वा परिसकारपरकसे इ वा ? हंता अत्थि, ते णं भंते ! देवा परलोगस्साराहगा ? णो इणद्रे समद्रे ५ ॥ से जे इमे गामागरणयरणिगमरायहाणिखेडकञ्बडमडंबदोणमृहपृहणासमसंबाहसण्ण-वेसेस मणुया भवंति, तंजहा-अंडबद्धगा णियलबद्धगा हडिबद्धगा चारगबद्धगा हत्थ-च्छिन्नगा पायच्छिन्नगा कण्णच्छिण्णगा णक्कच्छिण्णगा उद्गच्छिन्नगा जिब्सच्छिन्नगा सीसच्छित्रगा महच्छित्रगा मज्झच्छित्रगा वेकच्छच्छित्रगा हियउप्पाडियगा णयण-प्पाडियगा दसण्प्पाडियगा वसण्प्पाडियगा गेवच्छिण्णगा तंडलच्छिण्णगा कागणिमं-सक्खाइयया ओलंबियगा लंबियया घंसियया घोलियया फाडियया पीलियया सलाइ-यया सलभिण्णमा खारवत्तिया वज्झवत्तिया सीहपुच्छियया दवग्गिदङ्गा पंकोसण्णमा पंके खुत्तगा वलयमयगा वसहमयगा णियाणमयगा अंतोसल्लमयगा गिरिपडियगा तह-पहियगा मरुपडियगा गिरिपक्खंदोलिया तरुपक्खंदोलिया मरुपक्खंदोलिया जलपवे-सिगा जलणपवेसिगा विसमिक्खयगा सत्थोवाडियगा वेहाणसिया गिद्धपिद्रगा कंतार-मयगा दुब्भिक्खमयगा असंकिलिट्रपरिणामा ते कालमासे कालं किचा अण्णयरेस वाण-मंतरेस देवलीएस देवताए उववत्तारो भवंति. तहिं तेसिं गई तहिं तेसिं ठिई तहिं तेसिं उववाए पण्णते. तेसि णं भंते! देवाणं केवड्यं कालं ठिई पण्णता? गोयमा! बारसवाससहस्साइं ठिई पण्णत्ता । अत्थि णं भंते ! तेसिं देवाणं इह्री वा जुई वा जसे इ वा बले इ वा वीरिए इ वा पुरिसकारपरक्रमे इ वा ? हंता अत्थि, ते णं भंते ! देवा परलोगस्साराहगा? णो इणद्रे समद्रे ६ । से जे इमे गामागरणयरणिगमरायहाणिखेड-क्वबडमडंबदोणमुहपट्टणासमसंबाहसंनिवेसेसु मणुया भवंति, तंजहा-पगइभद्दगा पगइ-उवसंता पगईपत्णुकोहमाणमायालोहा मिउमद्वयंपण्णा अल्लीणा विणीया अम्मापिउसु-रस्सागा अम्मापिईणं अणर्कसाणिजवयणा अप्पिच्छा अप्पारंभा अप्पपरिग्गहा अप्पेणं आरंभेणं अप्पेणं समारंभेणं अप्पेणं आरंभसमारंभेणं वित्तिं कप्पेमाणा वहुई वासाई आउयं पालंति पालिता कालमासे कालं किचा अण्णयरेस वाणमंतरेस देवलोएस देव-त्ताए उववत्तारो भवंति. तहिं तेसिं गई तहिं तेसिं ठिई तहिं तेसिं उववाए पण्णत्ते, तेसि णं भंते! देवाणं केवडयं कालं ठिई पण्णता? गोयमा! चउदसवाससहस्सा ७। से जाओ इमाओ गामागरणयरणिगमरायहाणिखेडकव्बडमडंबदोणमहपट्टणासमसंबा-

हसंनिवेसेस इत्थियाओ भवंति, तंजहा-अंतो अंतेउरियाओ गयपदयाओ मयपदयाओ बालविह्वाओ छड्डियल्लियाओ माइरिक्खयाओ पियरिक्खयाओ भायरिक्खयाओ कल-घररिक्खयाओ ससरकलरिक्खयाओ पहढणहमंसकेसकत्रखरोमाओ ववगयपुण्कगंधम-ह्यालंकाराओ अण्हाणगसेयजहृमलपंकपरितावियाओ ववगयखीरदिहणवणीयसिप्यत-क्रगुललोणमहमजमंसपरिचत्तकयाहाराओ अप्पिच्छाओ अप्पारंभाओ अप्पर्परम्गहाओ अप्पेणं आरंभेणं अप्पेणं समारंभेणं अप्पेणं आरंभसमारंभेणं वित्तं कप्पेमाणीओ अकामबंभचेरवासेणं तमेव पइसेजं णाइक्कमन्ति, ताओ णं इत्थियाओ एयाम्बंणं विहारेणं विहरमाणीओ बहुई वासाई सेसं तं चेव जाव चुउसिट्टं वासमहस्माई ठिई पण्णता ८ । से जे इमे गामागरणयरणिगमरायहाणिखेडकव्वडमङंबदोणमुहपट्टणा-समसंबाहसन्निवेसेस मण्या भवंति, तंजहा-दगबिइया दगतइया दगसत्तमा दगणका-रसमा गोयमा गोव्वडया गिहिधम्मा धम्मचितगा अविरुद्धविरुद्धवृह्दशावगण्पाभयओ तेसिं मण्याणं णो कप्पइ इमाओ नव रसविगईओ आहारित्तए, तंजहा-खीरं दहिं णवणीयं सप्पि तेल्लं फाणियं महं मज्जं मंसं, णण्णत्य एकाए सरिसर्वावगईए, ते णं मणया अप्पिच्छा तं चेव सन्वं णवरं चउरासीइवाससहस्साइं ठिई पण्णना ९ । से जे इमे गंगाकूलगा वाणपत्था तावसा भवंति, तंजहा-होत्तिया पोत्तिया कोत्तिया जण्णई सङ्गई थालई हुंपउद्वा दंतुक्खलिया उम्मज्जगा सम्मज्जगा निम्मज्जगा संपक्खाला दिक्खणकुलगा उत्तरकुलगा संखधमगा कुलधमगा मिगलुद्धगा हृत्थितावसा उद्दंडगा दिसापोक्खिणो वाकवासिणो अंबुवासिणो बिलवासिणो जलवासिणो चलवासिणो रक्खमूलिया अंबुभिक्खणो वाउभिक्खणो सेवालभिक्खणो मलाहारा कंदाहारा तथा-हारा पत्ताहारा प्रप्फाहारा बीयाहारा परिसंडियकंदम्ळतयपत्तपुष्फफळाहारा जळाभि-सेयकढिणगायभूया आयावणाहिं पंचिगतावेहिं इंगालसोहियं कंडुसोहियं कट्टसोहियं-पिन अप्पाणं करेमाणा बहुई वासाई परियागं पाउणंति बहुई वासाई परियागं पाउणिना कालमासे कालं किचा उक्कोसेणं जोइसिएसु देवेसु देवताए उववत्तारो भवंति , पॉलओवमं वाससयसहस्समञ्भिहियं ठिई, सेसं तं चेव आराहगा? णो इणहे समहे १०। सं जे इमे जाव सन्निवेसेसु पव्वइया समणा भवंति, तंजहा-कंदण्पिया कुकुइया मोहरिया गीयरइप्पिया नचणसीला ते णं एएणं विहारेणं विहरमाणा बहुई वासाई सामण्णपरि-यायं पाउणंति २ ता तस्स ठाणस्स अणालोइयअप्पडिकंता कालमासे कालं किया उक्रोसेणं सोहम्मे कप्पे कंदिप्पएस देवेस देवताए उववत्तारो भवंति, तिहं तिसं गई तिह तेसिं ठिई, सेसं तं चेव, णवरं पिलओवमं वाससहस्समब्मिहियं ठिई ११। से जे इमे जाव सिन्नवेसेसु परिव्वायगा भवंति, तंजहा-संखा जोई कविला मिउचा हंसा

परमहंसा बहुउदया कुडिव्वया कण्हपरिव्वायगा, तत्थ खुळ इमे अट्ट माहणपरिव्वायगा भवंति, तंजहा-कण्हे य करकंडे य, अंबडे य परासरे। कण्हे दीवायणे चेव. देवगुत्ते य नारए ॥१॥ तत्थ खलु इमे अहु खत्तियपरिन्वायया भवंति, तंजहा-सीलई ससिहारे य. णग्गई भग्गई इ य । विदेहें रायाराया रायारामे वलेइ य ॥ १ ॥ ते णं परिव्वायगा रिउन्वेयजजुन्वेयसामवेयअहन्वणवेयइतिहासपंचमाणं णिग्घंटुछट्टाणं संगोवंगाणं सर-हुस्साणं चडण्हं वेयाणं सारगा पारगा धारगा वारगा सडंगवी सिद्धतंतविसारया संखाणे सिक्खाकप्पे वागरणे छंदे णिरुत्ते जोइसामयणे अण्णेस य वंभण्णास य सत्थेस सुपरिणिद्विया यावि हृत्था । ते णं परिव्वायगा दाणधम्मं च सोयधम्मं च तित्था-भिसेयं च आघवेमाणा पण्णवेमाणा परुवेमाणा विहरंति, जण्णं अम्हे किंचि असुई भवइ तण्णं उदएण य मिट्टियाए य पक्खालियं सुई भवइ, एवं खलु अम्हे चोक्खा चोक्खायारा सुई सुइसमायारा भवेता अभिसेयजलप्यप्पाणो अविग्घेण सग्गं गमि-स्सामो, तेसि णं परिव्वायगाणं णो कप्पइ अगडं वा तलायं वा णइं वा वाविं वा पुक्खरिणि वा दीहियं वा गुंजालियं वा सरं वा सागरं वा ओगाहित्तए, णण्णत्थ अद्याणगमणे, णो कप्पइ सगडं वा जाव संदमाणियं वा दुरुहित्ता णं गच्छित्तए, तेसि णं परिव्वायगाणं णो कप्पइ आसं वा हिस्थं वा उद्दं वा गोणं वा महिसं वा खरं वा दुरुहित्ता णं गमित्तए, तेसि णं परिव्वायगाणं णो कप्पइ नडपेच्छा इ वा जाव मागहपेच्छा इ वा पेच्छित्तए, तेसिं परिव्वायगाणं णो कप्पइ हरियाणं छेसणया वा घट्टणया वा थंभणया वा ऌ्सणया वा उप्पाडणया वा करित्तए. तेसिं परिव्वायगाणं णो कप्पड इत्थिकहा इ वा भत्तकहा इ वा देसकहा इ वा रायकहा इ वा चोरकहा इ वा जणवयकहा इ वा अणत्थदंडं करित्तए, तेसि णं णो कप्पइ अयपायाणि वा तउयपाणि वा तंबपायाणि वा जसदपायाणि वा सीसगपायाणि वा रूपपायाणि वा सुवण्णपायाणि वा अण्णयराणि वा बहुमुह्णाणि धारित्तए, णण्णत्थ लाउपाएण वा दारुपाएण वा मट्टियापाएण वा, तेसि णं परिव्वायगाणं णो कप्पइ अयवंधणाणि वा तउयबंधणाणि वा तंबबंधणाणि जाव वहुमुछाणि धारित्तए, तेसि णं परिव्वायगाणं णो कप्पइ णाणाविहवण्णरागरत्ताइं वत्थाइं धारित्तए, णण्णत्थ एकाए धाउरत्ताए तेसि णं परिव्वायगाणं णो कप्पइ हारं वा अद्धहारं वा एगाविलं वा मुत्ताविलं वा कणगाविं वा रयणाविं वा मुरिवं वा कंठमुरिवं वा पालंबं वा तिसरयं वा किंसुत्तं वा दसमुद्दियाणंतगं वा कडयाणि वा तुडियाणि वा अंगयाणि वा केऊराणि वा कुंडलाणि वा मउडं वा चूलामणि वा पिणद्वित्तए, णण्णत्थ एगेणं तंबिएणं पवित्तएणं. तेसि णं परिव्वायगाणं णो कप्पड गंथिमवेहिमप्रिमसंघाइमे चडव्विहे महे

धारित्तए, णण्णत्थ एगेणं कण्णपूरेणं, तेसि णं परिव्वायगाणं णो कप्पइ अगलुएण वा चंद्रणेण वा कंक्स्मेण वा गायं अणुलिंपित्तए, णण्णत्थ एकाए गंगामद्रियाए, तेसि णं कप्पइ मागहए पत्थए जलस्स पिडगाहित्तए, सेऽविय वहमाणे णो चेव णं अवहमाणे. सेऽविय थिमिओदए णो चेव णं कहमोदए, सेऽविय बहुपसण्णे णो चेव णं अबह-पसण्णे. सेऽविय परिपूर् णो चेव णं अपरिपूर्, सेऽविय णं दिण्णे नो चेव णं अदिण्णे, सेऽविय पिबित्तए णो चेव णं हत्थपायचरुचमसपक्खालणद्वाए सिणाइत्तए वा, तेसि णं परिव्वायगाणं कप्पइ मागहए अद्घाढए जलस्स पडिम्गाहित्तए, सेऽविय वहमाणे णो चेव णं अवहमाणे जाव णो चेव णं अदिण्णे, सेऽविय हत्थपायचर-चमसपक्खालणद्वयाए णो चेव णं पिबित्तए सिणाइत्तए वा ते णं परिव्वायगा एयारुवेणं विहारेणं विहरमाणा बहुई वासाई परियायं पाउणंति २ ता कालमासे कालं किया उक्कोसेणं बंभलोए कप्पे देवताए उववत्तारो भवंति, तर्हि तेसि गई तर्हि तेसि ठिई दस सागरोबमाइं ठिई पण्णता. सेसं तं चेव १२ ॥ ३०॥ तेणं कालेणं तेणं समएणं अम्मडस्स परिव्वायगस्स सत्त अंतेवासिसयाईं गिम्हकालसमयंसि जेद्वामृलमासंसि गंगाए महानईए उभओकूलेणं कंपिलपुराओ णयराओ पुरिमतालं णयरं संपद्विया विहाराए. तए णं तेसिं परिव्वायगाणं तीसे अगामियाए छिण्णोवायाए दीहमद्भाए अडवीए कंचि देसंतरमणुपत्ताणं से पुन्वग्गहिए उदए अणुपुन्वंणं परिभुंजमाणे श्रीणे. तए णं ते परिव्वाया श्रीणोदगा समाणा तण्हाए पारन्ममाणा २ उदगदा-तारमपस्समाणा अण्णमण्णं सद्दावेंति सद्दावित्ता एवं वयासी-एवं खळुदे वाण्णिया! अम्ह इमीसे अगामियाए जाव अडवीए कंचि देसंतरमणपत्ताणं से उदए जाव झीणे तं सेयं खलु देवाणुप्पिया! अम्ह इमीसे अगामियाए जाव अडवीए उदगदातारस्स सन्वओ समंता मग्गणगवेसणं करित्तएत्तिकड् अण्णमण्णस्स अंतिए एयमहं पडिसुणंति २ ता तीसे अगामियाए जाव अडवीए उदगदातारस्स सव्वओ समंता मगगणग-वेसणं करेन्ति करित्ता उदगदातारमलभभाणा दोचंपि अण्णमण्णं सहावेति सहावेता एवं वयासी-इह णं देवाणुप्पिया! उदगदातारो णित्य तं णो खल कप्पा अम्ह अदिण्णं गिण्हित्तए अदिण्णं साइजित्तए, तं माणं अम्हे इयाणि आवर्कालंमि अदिण्णं गिण्हामो अदिण्णं साइजामो मा णं अम्हं तवलोवे भविस्सइ, तं सेयं खलु अम्हं देवाणुप्पिया! तिदंडयं कुंडियाओ य कंचणियाओ य करोडियाओ य भिसियाओ य छण्णालए य अंकुसए य केसरियाओ य पवित्तए य गणेतियाओ य छत्तए य वाहणाओ य पाउयाओ य धाउरताओ य एगंते एडिता गंगं महाणइं ओगाहिता वालुयासंथारए संथरिता संलेहणाझोसियाणं भत्तपाणपिडयाइक्खियाणं पाओवगयाणं

कालं अणवकंखमाणाणं विहरित्तएत्तिकहु अण्णमण्णस्स अंतिए एयमहं पडिसुणंति अण्णमण्णस्स अंतिए० पडिसुणित्ता तिदंडए य जाव एगंते एडेंति २ त्ता गंगं महाणइं ओगाहेंति २ त्ता वालुयासंथारयं संथरंति २ त्ता वालुयासंथारयं दुरुहंति २ त्ता परत्थाभिमहा संपिलयंकनिसन्ना करयल जाव करू एवं वयासी-णमोऽत्थु णं अरहंताणं जाव संपत्ताणं, नमोऽत्थु णं समणस्स भगवओ महावीरस्स जाव संपाविङकामस्स. नमोऽत्थ्र णं अम्मडस्स परिव्वायगस्स अम्हं धम्मायरियस्स धम्मोवएसगस्स, पुव्विं णं अम्हे अम्मडरस परिव्वायगरस अंतिए थूलगपाणाइवाए पचक्खाए जावजीवाए थूलए मसावाए थूलए अदिण्णादाणे पचक्खाए जावजीवाए सन्वे मेहणे पचक्खाए जावजीवाए थूलए परिग्गहे पचक्खाए जावजीवाए इयाणि अम्हे समणस्स भगवओ महावीरस्स अंतिए सन्वं पाणाइवायं पच्चक्खामो जावज्जीवाए एवं जाव सन्वं परिगाहं पचक्खामी जावजीवाए सन्वं कोहं माणं मायं लोहं पेजं दोसं कलहं अन्भक्खाणं पेसुण्णं परपरिवायं अरइरइं मायामोसं मिच्छादंसणसहं अकरणिजं जोगं पचक्खामो जावजीवाए सन्वं असणं पाणं खाइमं साइमं चउन्विहंपि आहारं पचक्खामो जावजीवाए जंपि य इमं सरीरं इद्वं कंतं पियं मणुण्णं मणामं थेजं वेसासियं संमयं बहुमयं अणुमयं भंडकरंडगसमाणं मा णं सीयं मा णं उण्हं मा णं खुहा मा णं पिवासा मा णं वाला मा णं चोरा मा णं दंसा मा णं मसगा मा णं वाइयपित्तियसंनिवाइयविविद्वा रोगायंका परीसहोवसग्गा फुसंतुत्तिकट्ट एयंपि णं चरमेहिं ऊसासणीसासेहिं वोसिरामोत्तिकद्द संलेहणाझूसणाझूसिया भत्तपाणपिडया-इक्खिया पाओवगया कालं अणवकंखमाणा विहरंति, तए णं ते परिव्वाया बहुई भत्ताई अगसणाए छेदेन्ति छेदित्ता आलोइयपिङकंता समाहिपत्ता कालमासे कालं किचा बंभलोए कप्पे देवताए उववण्णा, तिहं तेसिं गई दससागरोवमाइं ठिई पण्णत्ता, परलोगस्स आराहगा, सेसं तं चेव १३ ॥ ३८ ॥ बहुजणे णं भंते ! अण्णमण्णस्स एवमाइक्खइ एवं भासइ एवं पहवेइ एवं खळु अंबडे परिव्वायए कंपिल्लपुरे णयरे घरसए आहारमाहरेइ, घरसए वसिंह उवेइ, से कहमेयं भंते ! एवं ? गोयमा ! जण्णं से बहुजणो अण्णमण्णस्स एवमाइक्खइ जाव एवं परूवेइ-एवं खळु अम्मडे परिव्वायए कंपिछपुरे जाव घरसए वसिहं उवेइ, सच्चे णं एसमद्गे, अहंपि णं गोयमा ! एवमाइक्खामि जाव एवं परुवेमि-एवं खलु अम्मडे परिव्वायए जाव वसिंहं उवेइ। से केणडेणं भंते! एवं वृच्चइ-अम्मडे परिव्वायए जाव वसिंहं उवेइ ? गोयमा ! अम्मडस्स णं परिव्वाययस्स पगइभद्दयाए जाव विणीययाए छद्रंछद्रेणं अनिक्खित्तणं तवोकम्मेणं उड्डं बाहाओ पगिज्झिय २

सूराभिमुहस्स आयावणभूमीए आयावेमाणस्स सुभेणं परिणामेण पसत्थाहिं लेसाहिं विसुज्झमाणीहिं अन्नया कयाइ तयावरणिजाणं कम्माणं खओवसमणं ईहावह-मनगणगवेसणं करेमाणस्य वीरियलदी वेडिव्यिकदी ओहिणाणलदी समुप्पण्णा. तए णं से अम्मडे परिव्वायए ताए वीरियलद्वीए वेउव्वियलर्द्वीए ओहिणाणलर्द्वीए समप्पण्णाए जणविम्हावणहेउं कंपिलपुरे नयरे घरसए जाव वसहिं उचेट, से तेणहेणं गोयमा! एवं वुच्चइ-अम्मडे परिव्वायए कंपित्रपुरे णयरे घरसए जाव वसिंह उवेइ । पहू णं भंते ! अम्मडे परिव्वायए देवाणुप्पियाणं अंतिए मुंडे भवित्ता अगाराओ अगगारियं पव्वइत्तए ? णो इणद्वे समद्वे, गोयमा ! अम्मडं णं परिव्वायए समणोवासए अभिगयजीवाजीवे जाव अप्पाण भावेमाणे विहरू, णवरं ऊसियफिलेहे अवंगुयद्वारे चियत्तंतेउरघरदारपवेसी ण वृच्छ अम्मडस्स णं परिव्वायगस्स शृलए पाणाइवाए पचक्खाए जावजीवाए जाव परिग्गहे णवरं सब्वे मेहुणे पचक्खाए जावजीवाए, अम्मडस्स णं णो कप्पइ अक्खसोयप्पमाणमेत्तंपि जलं सयराहं उत्तरित्तए णण्णत्थ अद्धाणगमणेणं, अम्मडस्स णं णो कप्पइ सगडं वा एवं तं चेव भाणियव्वं जाव णण्णत्थ एगाए गंगामहियाए, अम्मडस्स णं परिव्वायगस्स णो कप्पः आहा-कम्मिए वा उद्देसिए वा मीसजाए इ वा अज्झोयरए इ वा पृडकम्मे इ वा कीयगड इ वा पामिचे इ वा अणिसिद्धे इ वा अभिहडे इ वा ठइत्तए वा रइत्तए वा कंतारभत्ते इ वा दुब्भिक्खभत्ते इ वा पाहुणगभत्ते इ वा गिलाणभत्ते इ वा वहारियाभंत इ वा भोत्तए वा पाइत्तए वा, अम्मडस्स णं परिव्वायगस्स णो कप्पइ मूलमीयणे वा जाव बीयभोयणे वा भोत्तए वा पाइत्तए वा, अम्मडस्स णं परिव्वायगस्य चडिव्बहे अगत्थदंडे पचक्खाए जावजीवाए, तंजहा-अवज्झाणायरिए पमायायरिए हिंसप्पयाणे पावकम्मोवएसे, अम्मङस्स कप्पइ मागहए अद्घाडए जलस्स पडिग्गाहिताए संऽिवय वहमाणए नो चेव णं अवहमाणए जाव सेऽविय परिपूर नो चेव णं अपरिपूर सेऽविय सावजेत्तिकाउं णो चेव णं अणवजे सेऽविय जीवा इतिकर णो चेव णं अजीवा सेऽविय दिण्णे णो चेव णं अदिण्णे सेऽविय दंतहत्थपायचरुचमसपक्वाल-णद्रयाए पिबित्तए वा णो चेव णं सिणाइत्तए, अम्मडस्स कप्पड् मागहए य आउए जलस्स पिडम्माहित्तए, सेऽविय वहमाणे जाव दिन्ने नो चेव णं अदिण्ण संऽविय सिणाइत्तए णो चेव णं हत्थपायचरुचमसपक्खालणद्वयाए पिबित्तए वा, अम्मडस्स णो कप्पइ अन्नउत्थिया वा अण्णउत्थियदेवयाणि वा वंदित्तए वा णमंसित्तए वा जाव प्रज्ञुवासित्तए वा णण्णत्थ अरिहंते वा अरिहंतसाहुणो वा । अम्मडे णं भंते ! षरिव्वायए कालमासे कालं किचा कहिं गच्छिहिइ? कहिं उवविजिहिइ?, गोयमा!

अम्मडे णं परिव्वायए उचावएहिं सीलव्वयगुणवेरमणपचक्खाणपोसहोववासेहिं अप्पाणं भावेमाणे बहुईं वासाईं समणोवासयपरियायं पाउणिहिइ २ त्ता मासियाए संलेहणाए अप्पाणं झूसित्ता सिद्धं भत्ताईं अणसणाए छेदित्ता आलोइयपिडकंते समाहिपत्ते कालमासे कालं किचा बंगलोए कप्पे देवताए उववजिहिइ, तत्थ णं अरथेगड्याणं देवाणं दस सागरोवमाइं ठिई पण्णत्ता, तत्थ णं अम्मडस्सवि देवस्स दस सागरोवमाइं ठिई । से णं भंते ! अम्मडे देवे ताओ देवलोगाओ आउक्खएणं भवक्खएणं ठिइक्खएणं अणंतरं चयं चइत्ता क्राहं गच्छिहिइ क्राहं उवविजिहिइ ? गोयमा ! महाविदेहे वासे जाइं कुलाइं भवंति अड्डाइं दित्ताईं वित्ताइं विच्छिण्णविजल-भवणसयणासणजाणवाहणाइं बहुधणजायरुवर्ययाइं आओगपओगसंपउत्ताइं विच्छ-ड्डियपउर्भत्तपाणाइं वहुदासीदासगोमहिसगवेलगप्पभूयाइं वहुजणस्स अपरिभूयाई तहप्पगारेसु कुलेसु पुमत्ताए पचायाहिइ। तए णं तस्स दारगस्स गब्भत्थस्स चेव समाणस्स अम्मापिईणं धम्मे दढा पङ्ग्णा भविस्सइ, से गं तत्थ गवण्हं मासाणं बहपडिपुण्णाणं अद्धद्वमाणराइंदियाणं वीइकंताणं सुकुमालपाणिपाए जाव सिससोमा-कारे कंते पियदंसणे सुरूवे दारए पयाहिइ, तए णं तस्स दारगस्स अम्मापियरो पढमे दिवसे ठिइविडयं काहिंति, बिइयदिवसे चंदस्रदंसणियं काहिंति, छहे दिवसे जागरियं काहिंति, एकारसमे दिवसे वीइकंते णिव्वित्ते असुइजायकम्मकरणे संपत्ते बारसाहे दिवसे अम्मापियरो इमं एयाहवं गोणं गुणणिप्फण्णं णामधेजं काहिंति-जम्हा णं अम्हं इसंसि दारगंसि गञ्भत्थंसि चेव समाणंसि धम्मे दढपङ्ण्णा तं होउ णं अम्हं दारए दढपइण्णे णामेणं, तए णं तस्त दारगस्त अम्मापियरो णामधेजं करेहिंति दृहपङ्ण्णेत्ति । तं दृहपङ्ण्णं दारगं अम्मापियरो साइरेगऽद्ववासजायगं जाणिता सोभणंसि तिहिकरणणक्खत्तसुहुत्तंसि कलायरियस्स उवणेहिंति । तए णं से कलायरिए तं द्ढपइण्णं दार्गं लेहाइयाओं गणियप्पहाणाओं सउणस्यपज्जवसाणाओं बावत्तरिकलाओ सत्तओ य अत्थओ य करणओ य सेहाविहिइ सिक्खाविहिइ, तंजहा-लेहं गणियं हवं णष्टं गीयं वाइयं सरगयं पुक्खरगयं समतालं जूयं जणवायं पासगं अद्वावयं पोरेकचं दगमिट्टयं अण्णविहिं [पाणविहिं वत्थिविहिं विलेवणविहिं] सयणविहिं अर्ज पहेलियं मागहियं गाहं गीड्यं सिलोयं हिरण्णजुत्तिं सुवण्णजुत्तिं गंधजुत्ति चुण्णजुत्ति आभरणविहिं तरुणीपिडकम्मं इत्थिलक्खणं पुरिसलक्खणं हयल-क्खणं गयलक्खणं गोणलक्खणं कुक्इलक्खणं चक्कलक्खणं छत्तलक्खणं चम्मल-क्खणं दंडलक्खणं असिलक्खणं मणिलक्खणं काकणिलक्खणं वत्थुविज्ञं खंधारमाणं नगरमाणं वत्थुनिवेसणं वृहं पिडवृहं चारं पिडचारं चक्कवृहं गरूलवृहं सगडवृहं जुदं निजुदं जुदाइजुदं मुद्रिजुदं बाहुजुदं लयाजुदं ईसत्यं छरुपवाहं भणुव्वेयं हिरण्ण-पागं सुवण्णपागं वृहखेडूं सुत्तखेडूं णालियाखेडूं पत्तच्छेजं कडगच्छेजं सजीवं निजीवं सउणस्यमिति बावत्तरिकलाओ सेहावित्ता सिक्खावेत्ता अम्मापिईणं उवणिहिड । तण णं तस्स दढपङ्ण्णस्स दारगस्स अम्मापियरो तं कलायरियं विजलेणं असणपाणखाडम-साइमेणं वत्थगंघमछालंकारेण य सकारेहिंति सम्माणेहिंति स० २ ता विउलं जीविया-रिहं पीइदाणं दलइस्संति २ ता पिडविसजेहिंति । तए णं से दरुपदण्णे दारए वावत-रिकलापंडिए नवंगसूत्तपिडवोहिए अद्वारसदेसीभासाविसारए गीयरई गंधव्यणहुकुमुले हयजोही गयजोही रहजोही बाहजोही बाहप्पमदी वियाकचारी साहसिए अलं भोगसमत्थे यावि भविरसइ। तए णं दढपइण्णं दारगं अम्मापियरो बावसरिकलापंडियं जाव अलं भोगसमत्थं वियाणिता विउलेहिं अण्णभोगेहिं पाणभोगेहिं लेणभोगेहिं वत्थभोगेहिं सयणभोगेहिं कामभोगेहिं उविणमंतेहिंति, तए णं से दढपउण्णं दारए तेहिं विडलेहिं अण्णभोगेहिं जाव सयणभोगेहिं णो सिजिहिड णो रिजिहिड णो गिज्झिहिइ णो मुज्झिहिइ णो अज्झोननजिहिइ, से जहाणामए उप्पले इ वा पउमे इ वा कुसमे इ वा निलणे इ वा सुभगे इ वा सुगंधे इ वा पोंडरीए इ वा महापोंडरीए इ वा सयपत्ते इ वा सहस्सपत्ते इ वा सयसहस्सपत्ते इ वा पंके जाए जले संबुद्धे गोविलपइ पंकरएणं गोविलपइ जलरएणं, एवामेव दृढपइण्णेवि दारए कामेहि जाए मोगेहिं संवुष्ट्रे णोवलिप्पिहिइ कामरएणं णोवलिप्पिहिइ भोगरएणं णोवलिप्पिहिइ मित्तणाडणियगसयणसंबंधिपरिजणेणं, से णं तहारूवाणं थेराणं अंतिए केवलं बोहिं बुज्झिहिइ केवलबोहिं बुज्झित्ता अगाराओ अणगारियं पव्वइहिइ। से णं भावस्मह अणगारे भगवंते ईरियासमिए जाव गुत्तबंभयारी । तस्स णं भगवंतस्स एएणं विहा-रेणं विहरमाणस्स अणंते अणुत्तरे णिव्वाघाए निरावरणे कसिणे परिपुण्णे केवल-वरणाणदंसणे समुप्पजिहिइ। तए णं से दढपङ्णे केवली बहुई वासाई केवलिपरि-यागं पाउणिहिइ २ ता मासियाए संलेहणाए अप्पाणं झ्सिता सिद्धं भताउं अणगणाए छेएता जस्सद्राए कीरइ थेरकप्पभावे जिणकप्पभावे मंडभावे अण्हाणए अदंनवणए केसलोए बंभचेरवासे अच्छत्तगं अणोवाहणगं भूमिसेजा फलहसेजा कट्टसंजा परघरपवेसो लद्धावलद्धं परेहिं हीलणाओ खिंसणाओ णिंदणाओ गरहणाओ तालणाओ तज्जणाओ परिभवणाओ पव्वहणाओ उन्नावया गामकंटगा बावीसं परीसहोवसग्गा अहियासिजाति तमझमाराहिता चरिमेहिं उस्सासणिस्सासेहिं सिजिय-हिइ बुज्झिहिइ मुचिहिइ परिणिव्वाहिइ सव्वदुक्खाणमंतं करेहिइ १४ ॥ ३९ ॥ से जे इमे गामागर जाव सिण्णिवेसेसु पव्वइया समणा भवंति, तंजहा-आयरिय-

पिंडणीया उवज्झायपिंडणीया कुलपिंडणीया गणपिंडणीया आयरियउवज्झायाणं अयसकारगा अवण्णकारगा अकित्तिकारगा बहुहिं असब्भावबभावणाहिं मिच्छत्ताभि-णिवेसेहि य अप्पाणं च परं च तदुभयं च वग्गाहेमाणा वप्पाएमाणा विहरिता वह इं वासाई सामण्णपरियागं पाउणंति २ ता तस्स ठाणस्स अणालोइयअपिकःता कालमासे कालं किचा उक्कोसेणं लंतए कप्पे देवकि व्विसिएस देविक व्विसियत्ताए उववत्तारो भवंति, तिहं तेसिं गई तेरससागरोवमाइं ठिई अणाराहगा सेसं तं चेव १५ । से जे इमे सिण्णपंचिंदियतिरिक्खजोणिया पजत्त्या भवंति. तंजहा-जलयरा खहयरा थलयरा, तेसि णं अत्थेगडयाणं सुभेणं परिणामेणं पसत्थेहिं अज्झवसाणेहिं हेसाहिं विसुज्झमाणाहिं तयावरणिजाणं कम्माणं खओवसमेणं ईहाबूहमग्गणगवेसणं करेमाणाणं सण्णीपुव्वजाईसरणे समुप्पज्जइ । तए णं ते समुप्पण्णजाइसरा समाणा सयमेव पंचाणुब्वयाइं पिडवर्जाते पिडविजाता वहहिं सीलव्वयगुणवेरमणपच्चक्खाणपोसहोववासेहिं अप्पाणं भावेमाणा बहुई वासाइं आउयं पालेंति पालिता भत्तं पचक्खंति वहुई भत्ताई अणसणाए छेयंति २ त्ता आलोइय-पडिक्रंता समाहिपत्ता कालमासे कालं किचा उक्रोसेणं सहस्सारे कप्पे देवत्ताए उववत्तारो भवंति, तिहं तेसिं गई अद्वारस सागरोवमाइं ठिई पण्णत्ता, परलोगस्स आराहगा. सेसं तं चेव १६। से जे इमे गामागर जाव संनिवेसेस आजीविका भवंति, तंजहा-दुघरंतरिया तिघरंतरिया सत्तघरंतरिया उप्पलवेंटिया घरसमुदाणिया विज्ञअंतरिया उद्दियासमणा, तेणं एयारूवेणं विहारेणं विहरमाणा बहुई वासाई परियायं पाउणित्ता कालमासे कालं किचा उक्कोसेणं अच्चए कप्पे देवताए उववत्तारो भवंति, तिहं तेसिं गई वावीसं सागरोवमाइं ठिई, अणाराहगा, सेसं तं चेव १७। से जे इमे गामागर जाव सण्णिवेसेसु पव्वइया समणा भवंति, तंजहा-अनुक्कोसिया परपरिवाइया भुइकम्मिया भुजो २ कोजयकारगा, ते णं एयारुवेणं विहारेणं विहर-माणा वहइं वासाइं सामण्णपरियागं पाउणिति पाउणित्ता तस्स ठाणस्स अणालोइय-अपिककंता कालमासे कालं किचा उक्कोसेणं अचुए कप्पे आभिओगिएस देवेस देवताए उववत्तारो भवंति. तिहं तेसिं गई वावीसं सागरोवमाइं ठिई परलोगस्स अणाराहगा, सेसं तं चेव १८। से जे इमे गामागर जाव सिण्णवेसेसु णिण्हगा भवंति, तंजहा-बहरया १ जीवपएसिया २ अव्वत्तिया ३ सामुच्छेइया ४ दोकिरिया ५ तेरासिया ६ अबद्धिया ७ इचेते सत्त पवयणणिण्हगा केवल(लं)चरियालिंगसामण्णा मिच्छिद्दिही बहुहिं असन्भावन्भावणाहिं मिच्छत्ताभिणिवेसेहि य अप्पाणं च परं च तदुभयं च बुग्गाहेमाणा वुप्पाएमाणा विहरित्ता बहुई वासाई सामण्णपरियागं पाउणंति २ त्ता ३ सुत्ता०

कालमासे कालं किचा उक्कोसेणं उवरिमेसु गेवेजेसु देवताए उववतारो भवंति, तहिं तेसिं गई एकत्तीसं सागरीवमाइं ठिई, परलोगस्स अणाराह्गा, सेसं तं चेव १९। में जे इसे गामागर जाव सिण्णवेसेस मण्या भवंति, तंजहा-अप्पारंभा अप्पपरिग्गहा धम्मिया धम्माणुया धम्मिद्रा धम्मक्खाई धम्मप्पलोइया धम्मपलज्जणा धम्मसम्दायारा धम्मेणं चेव वित्तिं कप्पेमाणा सुसीला सुव्यया सुप्पिडयाणंदा साहिहं एगचाओ पाणाङ वायाओ पिडविरया जावजीवाए एगचाओ अपिडविरया एवं जाव परिग्गहाओ एग-चाओ कोहाओ माणाओ मायाओ लोहाओ पैजाओ दोसाओ कलहाओ अन्मक्खा-णाओ पेसण्णाओ परपरिवायाओ अरहरईओ मायामोसाओ मिच्छादंसणसल्लाओ पिड-विरया जावजीवाए एगचाओ अपिडविरया, एगचाओ आरंभसमारंभाओ पिडविरया जावजीवाए एगचाओ अपिडविरया. एगचाओ करणकारावणाओ पिडविर्या जावजीवाए एगचाओ अपडिविरया, एगचाओ पयणपयावणाओ पडिविरया जाव-जीवाए एगचाओ पयणपयावणाओ अपिडविरया, एगचाओ कोट्टणपिट्टणतज्जण-तालणवहबंघपरिकिलेसाओ पडिविरया जावजीवाए एगचाओ अपिडविरया, एगचाओ ण्हाणमहणवण्णगविलेवणसहफरिसरसह्वगंधमल्लालंकाराओ पिडविरया जावजीवाए एगचाओ अपिडविरया, जेयावण्णे तहप्पगारा सावज्जोगोबहिया कम्मंता परपाण-परियावणकरा कर्जात तओ जाव एगचाओ अपिडविर्या तंजहा समणीवासगा भवंति, अभिगयजीवाजीवा उवलद्धपुण्णपावा आसवसंवरनिज्ञरिकारियाअहिगरण-बंधमोक्खकुसला असहेजाओ देवासुरणागजकखरकखसकिन्नरिकंपुरिसगह्लगंधव्य-महोरगाइएहिं देवगणेहिं निग्गंथाओ पावयणाओ अणङ्क्रमणिजा णिग्गंथे पावयणे णिस्संकिया णिकंखिया निन्वितिगिच्छा लद्धहा गहियद्वा पुच्छियद्वा अभिगयद्वा विणिच्छियहा अद्विमिजपेम्माणुरागरत्ता अयमाउसो ! णिगंधे पावयणे अद्वे अयं परमद्वे सेसे अणद्वे ऊसियफलिहा अवंगुयद्वारा चियत्तंते उरपरघरदार प्यवेसा चउद्दसद्वमुद्दिद्वपुण्णमासिणीसु पिडपुण्णं पोसहं सम्मं अणुपालेमाणा समणे णिकांथे फासुएसणिज्ञेणं असणपाणखाइमसाइमेणं वत्थपिडग्गहकंवळपायपंछणेणं ओसह-भेसज्जेणं पडिहारएण य पीढफलगसेजासंथारएणं पडिलाभेमाणा विहरंति २ ता भत्तं पचक्खंति ते बहुई भत्ताई अणसणाए छेदेंति छेदिता आलोड्यपिककंता समाहिपत्ता कालमासे कालं किचा उक्कोसेणं अचुए कप्पे देवत्ताए उववत्तारो भवंति, तिहंं तेसिं गई बावीसं सागरोवमाइं ठिई आराह्या सेसं तहेव २०। से जे इमे गामागर जाव सिण्विसेसु मणुया भवंति, तंजहा-अणारंभा अपरिगदा धम्मिया जाव कप्पेमाणा सुसीला सुव्वया सुपिडयाणंदा साह सव्वाओ पाणाइवायाओ

पडिविरया जाव सन्वाओ परिग्गहाओ पडिविरया सन्वाओ कोहाओ माणाओ मायाओं लोभाओं जाव मिच्छादंसणसङ्खाओं पिडविरया सव्वाओं आरंभसमारंभाओं पिडविरया सन्वाओ करणकारावणाओ पिडविरया सन्वाओ प्रयणप्रयावणाओ पिडविरया सन्वाओ कुट्टणिपट्टणतज्जणतालणवहवंयपरिकिलेसाओ पिडविरया सन्वाओ ण्हाणमद्दणवण्णगविलेवणसद्दफरिसरसस्वगंधमहालंकाराओ पिडविरया जेयावण्णे तह-प्पगारा सावज्जोगोवहिया कम्मंता परपाणपरियावणकरा कर्जाते तओवि पिड-विरया जावजीवाए से जहाणामए अणगारा भवंति-इरियासमिया भासासमिया जाव इणमेव णिग्गंथं पावयणं पुरओकाउं विहरंति तेसि णं भगवंताणं एएणं विहारेणं विहरमाणाणं अत्थेगइयाणं अणंते जाव केवलवरणाणदंसणे समुप्पज्जइ, ते बहुई वासाई केवलिपरियागं पाउणंति २ त्ता भत्तं पच्चक्खंति .२ त्ता बहुई भत्ताइं अणसणाए छेदेन्ति २ ता जस्सद्राए कीरइ थेरकप्पभावे जिणकप्पभावे० अंतं करंति, जेसिंपि य णं एगइयाणं णो केवलवरनाणदंसणे समुप्पजाइ ते बहुई वासाइं छडमत्थपरियागं पाउणन्ति २ ता आवाहे उप्पण्णे वा अणुप्पण्णे वा भत्तं पचक्खंति, ते बहुई भत्ताई अणसणाए छेदेन्ति २ ता जस्सद्राए कीरइ थेरकप्पभावे जिणकप्पभावे जाव तमहुमाराहिता चरिमेहिं ऊसासणीसासेहिं अणंतं अणुत्तरं निव्वाघायं निरावरणं कसिणं पडिपुण्णं केवलवरणाणदंसणं उप्पाडिंति, तओ पच्छा सिज्झन्ति जाव अंतं करेन्ति। एगचा पुण एगे भयंतारो पुव्वकम्मावसेसेणं कालमासे कालं किचा उक्कोसेणं सन्बद्धसिद्धे महाविमाणे देवताए उववत्तारो भवंति. तिहं तेसिं गई तेत्तीसं सागरोवमाइं ठिई. आराहगा. सेसं तं चेव २१। से जे इमे गामागर जाव सण्णिवेसेस मणुया भवंति, तंजहा-सव्वकामविरया सव्वराग-विरया सन्वसंगातीता सन्वसिणेहाइकंता अकोहा णिकोहा खीणकोहा एवं माणमाया-लोहा अणुप्ववेणं अद्र कम्मपयडीओ खवेत्ता उप्पि लोयगगपइद्वाणा हवंति २२ ॥४०॥ अणगारे णं भंते! भावियप्पा केवलिसमुग्घाएणं समोहणित्ता केवलकप्पं लोयं फुसित्ता णं चिद्वइ १ हंता चिद्वइ, से णूणं भंते ! केवलकप्पे लोए तेहिं णिज्जरा-पोग्गलेहिं फड़े ? हंता फड़े, छउमत्थे णं भंते ! मणुस्से तेसिं णिजरापोग्गलाणं किंचि वण्णेणं वण्णं गंधेणं गंधं रसेणं रसं फासेणं फासं जाणइ पासइ? गोत्रमा! णो इणद्रे समद्रे, से केणद्रेणं भंते! एवं वृच्चइ-छउमत्ये णं मणुस्से तेसिं णिज्जरापो-ग्गलाणं णो किंचि वण्णेणं वण्णं जाव जाणइ पासइ? गोयमा! अयं णं जंबुद्दीवे २ सव्वदीवसमुद्दाणं सव्वञ्भंतरए सव्वखुड्डाए वहे तेल्लपूयसंठाणसंठिए वहे रहचकवाल-संठाणसंठिए वहे पुक्खरकण्णियासंठाणसंठिए वहे पिडपुण्णचंदसंठाणसंठिए एकं

जोयणसयसहस्सं आयामविक्खंभेणं तिण्णि जोयणसयसहस्साइं सोलसमहस्साइं दोण्णि य सत्तावीसे जोयणसए तिण्णि य कोसे अद्वावीसं च घणुमर्यं तेरम य अंगुलाई अद्भगतियं च किंचि विसेसाहिए परिक्खेवेणं पण्णते, देवे णं महिष्ट्रिए महज्जुरण मह-ब्बले महाजसे महासुक्खे महाणुभावे सविलेवणं गंघसमुग्गयं गिण्हद २ ता तं अवदा-लेइ २ त्ता जाव इणामेवत्तिकहु केवलकप्पं जंबुद्दीवं दीवं तिहिं अच्छराणिव।एहिं तिस-त्तखुत्तो अणुपरियहिता णं हव्यमागच्छेजा, से णूणं गोयमा! से केवलकण्पे जंबुद्दीय २ तेहिं घाणपोगगलेहिं फुडे ? हंता फुडे , छउमत्थे णं गोयमा ! मणुस्से तेसिं घाणपोग्ग-लाणं किंचि वण्णेणं वण्णं जाव जाणइ पासइ? भगवं! णो उणद्वे समद्दे, से तेणद्रेणं गोयमा! एवं वच्चड-छउमत्ये णं मणुस्से तेसिं णिजारापोग्गलाणं नो किन्वि वण्णणं वण्णं जाव जाणइ पासइ, ए सुहुमा णं ते पोग्गळा पण्णत्ता, समणाउसो ! सन्यलायंपि य णं ते फ़ुसित्ता णं चिट्टंति । कम्हा णं भंते ! केवली समोहणीत ! कम्हा णं केवली समुखायं गच्छंति?, गोयमा! केवलीणं चत्तारि कम्मंसा अपिकक्षीणा भवंति. तंजहा-वेयणिजं आउयं णामं गुत्तं, सव्वबहुए से वेयणिजे कम्मे भवट, मन्वत्थांवं से आउए कम्मे भवड, विसमं समं करेड वंघणेहिं ठिईहि य, विसमसमकरणयाए बंघणेहिं ठिईहि य एवं खलु केवली समोहणाति एवं खलु केवली समुश्वायं गन्छीत । सब्वेवि णं मंते! केवली समुग्वायं गच्छंति? णो इणद्वे समद्रे, 'अकिना णं समुग्चायं, अणंता केवली जिणा । जरामरणविष्यमुक्का, सिद्धिं वरगरं गया ॥ १ ॥' कइसमए णं भंते! आउजीकरणे पण्णत्ते? गोयमा! असंखेजसम्इए अंतामहानिए पण्णते । केवलिसमुखाए णं मंते ! कइसमइए पण्णते ? गोयमा ! अद्वयमदण पण्णते. तंजहा-पढमे समए दंडं करेइ बिइए समए कवाडं करेइ तईए समए मंश्रं करेड चउत्थे समए लोयं पूरेइ पंचमे समए लोयं पिडसाहरइ छट्टे समए मंथं पिडेसाहरइ सत्तमे समए कवाडं पडिसाहरइ अद्रमे समए दंडं पडिसाहरइ तओ पन्छ। गरीरतथे भवइ । सेणं भंते ! तहा समुग्घायं गए किं मणजोगं जुंजड ? वयजांगं जुंजड ? कायजोगं जुंजह १, गोयमा ! णो मणजोगं जुंजइ णो वयजोगं जुंजह कायजोगं जुंजह, कायजोगं जुंजमाणे किं ओरालियसरीरकायजोगं जुंजइ ? ओरालियमिस्सर्यरारकायजोगं जुंजइ ? वेडिवियसरीरकायजोगं जुंजइ ? वेडिवियमिस्ससरीरकायजोगं जुंजड ? आहारगसरीरकायजोगं जुंजइ? आहारगमिस्ससरीरकायजोगं जंजद? कम्मायरीर-कार्यजोगं जुंजइ?, गोयमां! ओरालियसरीरकार्यजोगं जुंजइ, ओरालियमिस्सपरीर-कायजोगंपि जुंजइ, णो वेजव्वियसरीरकायजोगं जुंजड णो वेजव्वियमिस्य-सरीरकायजोगं जुंजइ णो आहारगसरीरकायजोगं जुंजइ णो आहारगमिस्ससरीर-

कायजोगं जुंजइ कम्मासरीरकायजोगंपि जुंजइ पडमद्रमेसु समएसु ओरालियसरीर-कायजोगं जुंजइ बिइयइछट्टसत्तमेसु समएसु ओरालियमिस्ससरीरकायजोगं जंजड तइयचउत्थपंचमेहिं कम्मासरीरकायजोगं जुंजइ । से णं भंते ! तहा समुग्घायगए सिज्झड वज्झड मुच्चड परिनिव्वाड सव्यद्भन्खाणमंतं करेड ? णो इणद्रे समद्रे. से णं तओ पडिनियत्तइ तओ पडिनियत्तित्ता इहमागच्छइ २ ता तओ पच्छा मणजोगंपि जुंजइ वयजोगंपि जुंजइ कायजोगंपि जुंजइ, मणजोगं जुंजमाणे किं सचमणजोगं जुंजइ मोसमणजोगं जुंजइ सचामोसमणजोगं जुंजइ असचामो-समणजोगं जंजह ? गोयमा ! सच्चमणजोगं जंजह णो मोसमणजोगं जुंजह णो सचा-मोसमणजोगं जुंजइ असचामोसमणजोगंपि जुंजइ, वयजोगं जुंजमाणे किं सचवड-जोगं जुंजइ मोसवइजोगं जुंजइ किं] सचामोसवइजोगं जुंजइ असचामोसवइजोगं ज़ुंजड ? गोयमा ! सच्चवइजोगं ज़ुंजइ णो मोसवइजोगं ज़ुंजड णो सच्चामोसवइजोगं ज़ंजइ असचामोसवइजोगंपि ज़ंजइ, कायजोगं ज़ंजमाणे आगच्छेज वा चिट्रेज वा णिसीएज वा तुयहेज वा उल्लंघेज वा पल्लंघेज वा उक्खेवणं वा अवक्खेवणं वा तिरियक्खेवणं वा करेजा पाडिहारियं वा पीढफलगसेजासंथारगं पचपिपणेजा ॥ ४१ ॥ से णं भंते ! तहा सजोगी सिज्झइ जाव अंतं करेइ ? णो इणट्टे समद्वे, सेणं पुव्वामेव सण्णिस्स पंचिदियस्स पज्जत्तगस्स जहण्णजोगस्स हेट्रा असंखेजगुणपरिहीणं पढमं मणजोगं निरुंभइ, तयाणंतरं च णं बिंदियस्स पज्जत्तगस्स जहण्णजोगस्स हेट्रा असंखेजगुणपरिहीणं बिइयं वङ्जोगं निरुंभङ्, तयाणंतरं च णं सहमस्स पणगजीवस्स अपज्जतगरस जहण्णजोगरस हेट्रा असंखेजगुणपरिहीणं तड्यं कायजोगं णिरुंभइ. से णं एएणं उवाएणं पढमं मणजोगं णिरुंभइ २ ता वयजोगं णिरुंभइ २ ता कायजोगं णिरंभइ २ ता जोगनिरोहं करेइ २ ता अजोगत्तं पाउणइ २ ता ईसिंहस्सपंच-क्खरउचारणद्वाए असंखेजसमइयं अंतोमुहत्तियं सेलेसिं पडिवजाइ, पुन्वरइयगुण-सेढीयं च णं कम्मं तीसे सेलेसिमद्वाए असंखेजाहिं गुणसेढीहिं अणंते कम्मंसे खवेइ वेयणिजाउयणामगोए. इचेए चत्तारि कम्मंसे जुगवं खवेइ २ ता ओरालियतेया-कम्माइं सन्वाहिं विप्पजहणाहिं विप्पजहइ २ ता उज्जूसेढीपडिवन्ने अफुसमाणगई उद्गं एकसमएणं अविग्गहेणं गंता सागारोवउत्ते सिज्झइ । ते णं तत्थ सिद्धा हवंति सादीया अपजावसिया असरीरा जीवघणा दंसणनाणोवडत्ता निद्रियद्रा निरेयणा नीरया णिम्मला वितिमिरा विसुद्धा सासयमणागयद्धं कालं चिद्रंति । से केणद्रेणं भंते ! एवं वृच्चड-ते णं तत्थ सिद्धा भवंति सादीया अपज्जवसिया जाव चिहंति ? गोयमा ! से जहाणामए बीयाणं अग्गिदङ्गाणं पुणरवि अंकरूप्पत्ती ण भवइ, एवामेव सिद्धाणं कम्मबीए दह्हे पुणरवि जम्मुप्पत्ती न भवइ, से तेणद्वेणं गोयमा! एवं व्रच्छ-ते णं तत्थ सिद्धा भवंति सादीया अपज्जवसिया जाव चिद्वंति । जीवा णं भंते ! सिज्झमाणा कयरंमि संघयणे सिज्झंति ? गोयमा ! वहरोसभणारायसंघयणे सिज्झंति. जीवा णं भंते ! सिज्झमाणा कयरंमि संठाणे सिज्झंति ? गोयमा ! छण्हं संठाणाणं अण्णयरे संठाणे सिज्झंति. जीवा णं भंते ! सिज्झमाणा कयरम्मि उचते सिज्झंति ? गोयमा ! जहण्णेणं सत्तरयणीओ उक्कोसेणं पंचधणस्यइए सिज्झंति, जीवा णं भंते ! सिज्झमाणा कयरम्मि आउए सिज्झंति ? गोयमा ! जहण्णेणं साइरेगद्रवासाउए उक्कोसेणं पुन्वकोडियाउए सिज्झंति । अत्थि णं भंते ! इमीसे रयणप्पहाए पुरुवीए अहे सिद्धा परिवसंति ? णो इणद्रे समहे, एवं जाव अहे सत्तमाए, अत्थि णं भंते ! सोहम्मस्स कप्पस्स अहे सिद्धा परिवसंति ? णो इणद्रे समद्रे, एवं सब्वेसि पुच्छा. ईसाणस्स सणंकुमारस्स जाव अञ्चयस्स गेविज्जविमाणाणं अणुत्तरविमाणाणं, अस्थि णं भंते ! ईसीपब्भाराए पुढवीए अहे सिद्धा परिवसंति ? णो इणद्रे समद्रे, से कहिं खाइ णं भंते ! सिद्धा परिवसंति ? गोयमा ! इमीसे रयणप्पहाए पुढवीए बहुसमर-मणिजाओ भूमिभागाओ उद्दं चंदिमस्रियग्गहगणणक्खत्तताराभवणाओ वहुई जोयणसयाइं बहुइं जोयणसहस्साइं बहुइं जोयणसयसहस्साइं बहुओं जोयणकोडीओ बहुओ जोयणकोडाकोडीओ उद्गृतरं उप्पइत्ता सोहम्मीसाणसणंदुमारमाहिंदवंभरंतना-महासुकसहस्सारआणयपाणयआरणच्चय तिण्णि य अद्वारे गेविर्जावमाणावाससए वीइवइत्ता विजयवेजयंतजयंतअपराजियसव्बद्धसिद्धस्य य महाविमाणस्य सव्बद्धविर-ल्लाओ शूमियग्गाओ दुवालसजोयणाइं अबाहाए एत्थ णं ईसीपब्भारा णाम पुढवी पण्णता पणयालीसं जोयणसयसहस्साइं आयामविक्खंभेणं एगा जोयणकोडी वाया-रीसं सयसहस्साई तीसं च सहस्साई दोण्णि य अउणापण्णे जोयणगए किंचि विसेसाहिए परिरएणं, ईसिपब्भाराए णं पुढवीए बहुमज्झदेसभाए अद्वजोयणिए खेते अट्रजोयणाइं बाहल्लेणं, तयाऽणंतरं च णं मायाएं २ परिहायमाणी २ सव्वेस चरिमपेरंतेस मच्छियपत्ताओ तणुयतरा अंगुलस्स असंखेज्बइभागं बाहुहुणं पण्णता । ईसीपञ्भाराए णं पुढवीए ढुवालस णामधेजा पण्णत्ता, तंजहा-ईसी इ वा ईसीपञ्भारा इ वा तणू इ वा तणुतणू इ वा सिद्धी इ वा सिद्धालए इ वा सुत्ती इ वा सुत्तालए इ वा लोयग्गे इ वा लोयग्गथूमिया इ वा लोयग्गपिडवुज्झणा इ वा सव्वपाणभ्य-जीवसत्तसुहावहा इ वा । ईसीपञ्भारा णं पुढवी सेया संखतलविमलसोक्षियमुणालद-गरयतुसारगोक्खीरहारवण्णा उत्ताणयछत्तसंठाणसंठिया सव्वज्जुणसुवण्णयमई अच्छा सण्हा लण्हा घद्रा मद्रा णीरया णिम्मला णिप्पंका णिकंकडच्छाया समरीचिया सुप्पभा

पासादीया दरिसणिजा अभिरूवा पडिरूवा, ईसीपन्भाराए णं पढवीए सीयाए जोयणंमि लोगंते, तस्स जोयणस्स जे से उवरिक्वे गाउए तस्स णं गाउयस्स जे से उवरिक्के छन्भागे तत्थ णं सिद्धा भगवंतो सादीया अपज्ञवसिया अणेगजाइजरामरण-जोणिवेयणसंसारकलंकलीभावपुणब्भवगब्भवासवसहीपवंचसमइकंता सासयमणागय-मदं चिट्ठंति ॥ ४२ ॥ गाहा-कहिं पिडहया सिद्धा ?, किंहं सिद्धा पइद्विया ?। किं वोंदिं चइत्ता णं, कत्थ गंतूण सिज्झई ? ॥ १ ॥ अलोगे पिडहया सिद्धा. लोयग्गे य पइद्रिया । इह बोंदिं चइत्ता णं. तत्थ गंत्रण सिज्झई ॥ २ ॥ जं संठाणं त इहं भवं चयं तस्स चरिमसमयंगि । आसी य पएसघणं तं संठाणं तहिं तस्स ॥ ३ ॥ दीहं वा हस्सं वा, जं चरिमभवे हवेज संठाणं । तत्तो तिभागहीणं, सिद्धाणोगाहणा भणिया ॥ ४ ॥ तिण्णि सया तेत्तीसा धणुत्तिभागो य होइ बोद्धव्वा । एसा खळ सिद्धाणं, उक्कोसोगाहणा भणिया ॥ ५ ॥ चत्तारि य रयणीओ रयणिति-भागृणिया य बोद्धव्वा । एसा खल सिद्धाणं मिज्झमओगाहणा भणिया ॥ ६ ॥ एका य होइ रयणी साहीया अंगुलाई अद्र भवे। एसा खल सिद्धाणं जहण्णओगा-हणा भणिया ॥ ७ ॥ ओगाहणाऍ सिद्धा भवत्तिभागेण होइ परिहीणा । संठाण-मणित्यंथं जरामरणविष्यमुक्काणं ॥ ८ ॥ जत्थ य एगो सिद्धो तत्थ अणंता भव-क्खयविमुका । अण्णोण्णसमोगाहा पुद्रा सन्वे य लोगंते ॥ ९ ॥ फुसइ अणंते सिद्धे सन्वपएसेहिं णियमसो सिद्धा । तेवि असंखेजगुणा देसपएसेहिं जे पुट्टा ॥ १०॥ असरीरा जीवघणा उवउत्ता दंसणे य णाणे य । सागारमणागारं लक्खणमेयं त सिद्धाणं ॥ ११ ॥ केवलणाणुवउत्ता जाणंति सन्वभावगुणभावे । पासंति सन्वओ खल केवलदिद्रीअणंताहिं ॥ १२ ॥ णवि अत्थि माणुसाणं तं सोक्खं णविय सञ्बदेवाणं । जं सिद्धाणं सोक्खं अञ्बाबाहं उवगयाणं ॥ १३ ॥ जं देवाणं सोक्खं सन्बद्धापिंडियं अणंतगुणं। ण य पावइ मुत्तिमुहं णंताहिं वग्गवग्गृहिं॥ १४॥ सिद्धस्स सहो रासी सन्बद्धापिंडिओ जइ हवेजा । सोऽणंतवग्गभइओ सन्वागासे ण माएजा ॥ १५ ॥ जह णाम कोइ मिच्छो नगरगुणे वहविहे वियाणंतो । न चएइ परिकहेडं उवमाएँ तहिं असंतीए ॥ १६ ॥ इय सिद्धाणं सोक्खं अणोवमं णित्थ तस्स ओवम्मं । किंचि विसेसेणेत्रो ओवम्ममिणं सुणह वोच्छं ॥ १७ ॥ जह सव्वकामगुणियं पुरिसो भोत्तूण भोयणं कोइ। तण्हाछुहाविमुक्को अच्छेज जहा अमियतित्तो ॥ १८ ॥ इय सन्वकालतित्ता अतुलं निन्वाणमुवगया सिद्धा । सासय-मव्वाबाहं चिद्रंति सही सहं पत्ता ॥ १९ ॥ सिद्धत्ति य वुद्धत्ति य पार्गयत्ति य परंपरगयत्ति । उम्मुक्कम्मकवया अजरा अमरा असंगा य ॥ २० ॥ णिच्छिण्ण- सव्बद्धक्या जाइजरामरणवंधणविमुका। अव्वावाहं सुक्खं अणुहोंति सासयं सिद्धा ॥ २१ ॥ अतुल्रसुहसागरगया अव्वावाहं अणोवमं पत्ता। सव्वमणागयमद्धं चिट्ठंति सही सहं पत्ता ॥ २२ ॥ ओववाइयउवंगं समत्तं ॥



नमोऽत्थु णं समणस्स भगवओ णायपुत्तमहावीरस्स

सुत्तागमे

तत्थ णं रायपसेणइयं

तेणं कालेणं तेणं समएणं आमलकप्पा नामं नयरी होत्था, रिद्धत्थिमियसमिद्धा जाव पासादीया दरिसणिजा अभिरूवा पडिरूवा ॥ १ ॥ तीसे णं आमलकप्पाए नयरीए बहिया उत्तरपुरित्थमे दिसीभाए अंबसालवणे नामं उजाणे होत्था. रम्मे जाव पडिरूवे ॥ २ ॥ असोयवरपायवपुढविसिलावदृयवत्तव्वया उववाद्यगमेणं नेया ॥ ३ ॥ सेओ राया धारिणी देवी, सामी समोसढे, परिसा निग्गया जाव राया पज्जवासइ ॥ ४ ॥ तेणं कालेणं तेणं समएणं स्रियाभे देवे सोहम्मे कप्पे स्रियाभे विमाणे सभाए सुहम्माए स्रियाभंसि सिंहासणंसि चउहिं सामाणियसाहस्सीहिं चउहिं अगगमहिसीहिं सपरिवाराहिं तिहिं परिसाहिं सत्तिहं अणिएहिं सत्तिहं अणि-याहिवईहिं सोलसिं आयरक्खदेवसाहस्सीिहं अन्नेहिं बहहिं स्रियाभविमाणवासीिहं वेमाणिएहिं देवेहिं देवीहि य सिद्धं संपरिवुडे महयाऽऽहयनदृगीयवाइयतंतीतलताल-तुडियघणमुइंगपद्धप्पवाइयरवेणं दिव्वाइं भोगभोगाइं भुंजमाणे विहरइ, इमं च णं केवलकप्पं जंबुद्दीवं दीवं विउल्लेणं ओहिणा आभोएमाणे २ पासइ। तत्थ समणं भगवं महावीरं जंबुद्दीवे दीवे भारहे वासे आमलकप्पाए नयरीए वहिया अंबसालवणे उजाणे अहापडिह्वं उग्गहं उग्गिणिहत्ता संजमेणं तवसा अप्पाणं भावेमाणं पासड पासित्ता हद्वतुद्वचित्तमाणंदिए पीइमणे परमसोमणस्सिए हरिसवसविसप्पमाणहियए वियसियवरकमलणयणे पयलियवरकडगतु डियके उरमउ डकुंडल हारविरायंतर इयवच्छे पालंबपलंबमाणघोलंतभूसणबरे ससंभमं तुरियचवलं सुरवरे सीहासणाओ अब्भुट्रेइ २ ता पायपीढाओ पच्चोरहइ २ ता पाउयाओ ओमुयइ २ त्ता एगसाडियं उत्तरासंगं करेइ २ त्ता तित्थयराभिमुहे सत्तद्वपयाइं अणुगच्छइ २ त्ता वामं जाणुं अंचेइ २ ता दाहिणं जाणुं धरणितलंसि णिहरू तिक्खुत्तो मुद्धाणं धरणितलंसि णिवेसेड णिवेसित्ता ईसिं पच्चमड २ ता करयलपरिगाहियं दसणहं सिरसावत्तं मत्थए अंजिलं कृष्ट एवं वयासी-णमोऽत्यु णं अरिहंताणं भगवंताणं आइगराणं तित्थगराणं सर्यसंबुद्धाणं पुरिसत्तमाणं पुरिससीहाणं पुरिसवरपुंडरीयाणं पुरिसवरगंधहत्थीणं

लोगुत्तमाणं लोगनाहाणं लोगहियाणं लोगपईवाणं लोगपज्जोयगराणं अभयदयाणं चक्खदयाणं मगगदयाणं जीवदयाणं सरणदयाणं बोहिदयाणं धम्मदयाणं धम्मदेस-याणं धम्मनायगाणं धम्मसारहीणं धम्मवरचाउरंतचक्कवद्दीणं अप्पिबहयवरनाणदंसण-धराणं वियह्छउमाणं जिणाणं जावयाणं तिण्णाणं तारयाणं बुद्धाणं बोहयाणं मुत्ताणं मोयगाणं सञ्बन्नणं सञ्बद्धिरीणं सिवमयलमस्यमणंतमक्खयमञ्बाबाहमपुणरावत्तियं सिद्धिगइनामधेयं ठाणं संपत्ताणं, नमोऽत्थु णं समणस्स भगवओ महावीरस्स जाव संपाविङकामस्स, वंदामि णं भगवन्तं तत्थगयं इह गए पासङ मे भगवं तत्थ गए इहगयंतिकदृ वंदइ णमंसइ वंदिता णमंसित्ता सीहासणवरगए पुन्वाभिमहं सण्णि-सण्णे ॥ ५ ॥ तए णं तस्स स्रारियाभस्स इमे एयाह्नवे अञ्मत्थिए चितिए पत्थिए मणोगए संकप्पे समप्पिकात्था-एवं खलु समणे भगवं महावीरे जंबहीवे दीवे भारहे वासे आमलकप्पाणयरीए बहिया अंबसालवणे उज्जाणे अहापडिस्वं उग्गहं उगिणिहत्ता संजमेणं तवसा अप्पाणं भावेमाणे विहरइ तं महाफलं खळु तहारूवाणं भगवंताणं णामगोयस्सवि सवणयाए किमंग पुण अभिगमणवंदणणमंसणपिडपुच्छण-पज्जवासणयाए ?, एगरसवि आयरियरस धम्मियरस सुवयणस्स सवणयाए ?, किमंग पुण विउत्तरस अद्भरस गृहणयाए ?, तं गच्छामि णं समणं भगवं महावीरं वंदामि णमंसामि सक्कारेमि सम्माणेमि कल्लाणं मंगलं देवयं चेइयं पज्जवासामि, एयं मे पेचा हियाए सहाए खमाए णिस्सेयसाए आणुगामियत्ताए भविस्सइत्तिकहु एवं संपेहेइ एवं संपेहिता आभिओगे देवे सद्दावेइ २ ता एवं वयासी-एवं खळु देवाण्एिपया! समणे भगवं महावीरे जंबुद्दीवे दीवे भारहे वासे आमलकप्पाए नयरीए बहिया अंबसालवणे उज्जाणे अहापडिरूवं उग्गहं उग्गिणिहत्ता संजमेणं तवसा अप्पाणं भावेमाणे विहरइ तं गच्छह णं तुमे देवाणुप्पिया! जंबुद्दीवं दीवं भारहं वासं आमलकप्पं णयरि अंबसालवणं उजाणं समणं भगवं महावीरं तिक्खत्तो आयाहिण-पयाहिणं करेह करेता वंदह णमंसह वंदिता णमंसिता साई साई नामगोयाई साहेह साहिता समणस्य भगवओ महावीरस्स सन्वओ समंता जोयणपरिमंडलं जं किंचि तणं वा पत्तं वा कहं वा सकरं वा असुइं अचोक्खं वा पूइअं दुव्भिगंधं तं सब्वं आहुणिय आहुणिय एगंते एडेह एडेता णचीदगं णाइमिट्टियं पविरलपप्फसियं रय-रेणुविणासणं दिव्वं सुरभिगंधोदयवासं वासह वासित्ता णिहयरयं णहुरयं भट्टरयं उवसंतरयं पसंतरयं करेह करिता जलथलयभासुरप्पभूयस्स बिंटद्वाइस्स दसद्भवण्णस्स कुसुमस्स जाणुस्सेहपमाणमित्तं ओहिं वासं वासह वासित्ता कालागुरुपवरकुंदुरुक्तुरुक्त-धूनमघमघतगंधुद्धयाभिरामं सुगंधवरगंधियं गंधवद्दिभूयं दिव्वं सरवराभिगमणजोगं

करेह कारवेह करित्ता य कारवेता य खिप्पामेव मम एयमाणत्तियं पचप्पिणह ॥ ६-७ ॥ तए णं ते आभिओगिया देवा स्रियाभेणं देवेणं एवं वृत्ता समाणा हद्रतद्व जाव हियया करयलपरिग्गहियं दसनहं सिरसावत्तं मत्थए अंजलिं कद्र एवं देवो तहति आणाए विणएणं वयणं पिडसुणंति एवं देवो तहति आणाए विणएणं वयणं पित्रमणेता उत्तरपरच्छिमं दिसिभागं अवक्रमंति उत्तरपरच्छिमं दिसिभागं अवक्रमिता वेडिव्वयसमुग्घाएणं समोहणंति २ त्ता संखेजाई जोयणाई दंडं निस्सिरन्ति. तंजहा-रग्रणाणं वयराणं वेरुलियाणं लोहियक्खाणं मसारगृहाणं हंसगब्भाणं पुलगाणं सोगंधियाणं जोइरसाणं अंजणाणं अंजणपुरुगाणं रयणाणं जायस्वाणं अंकाणं फलिहाणं रिद्राणं अहाबायरे पुरगले परिसाडंति २ ता अहासहमे पुरगले परियायंति २ ता होचंपि वेड व्वियसमुग्घाएणं समोहणंति २ ता उत्तरवेड व्वियाई ख्वाई विडव्वंति २ ता ताए उक्किद्राए पसत्थाए तरियाए चवलाए चंडाए जयणाए सिम्घाए उद्धयाए दिव्वाए देवगईए तिरियमसंखेजाणं दीवसमुद्दाणं मज्झंमज्झेणं वीईवयमाणा २ जेणेव जंबुद्दीवे दीवे जेणेव भारहे वासे जेणेव आमलकप्पा णयरी जेणेव अंबसालवणे उज्जाणे जेणेव समणे भगवं महावीरे तेणेव उवागच्छेति तेणेव उवागच्छिता समणं भगवं महावीरं तिक्खतो आयाहिणपयाहिणं करेंति २ ता वंदंति नमंसंति वंदित्ता नमंसित्ता एवं वयासी-अम्हे णं भंते ! सरियाभस्स देवस्स आभिओगा देवा देवाण्पियाणं वंदासो णसंसासो सकारेसो सम्माणेसो कहाणं मंगलं देवयं चेइयं पज्जवासामो ॥ ८ ॥ देवाइ समणे भगवं महावीरे ते देवे एवं वयासी-पोराणमेयं देवा! जीयमेयं देवा! किच्चमेयं देवा! करणिजमेयं देवा! आइन्नमेयं देवा ! अञ्भणण्णायमेयं देवा ! जण्णं भवणवड्वाणमंतरजोड्सियवेमाणिया देवा अरहंते भगवंते वंदंति नमंसंति वंदित्ता नमंसित्ता तओ साइं साइं णामगोयाइं साधिति तं पोराणमेयं देवा! जाव अञ्भणणायमेयं देवा!॥ ९॥ तए णं ते आभिओगिया देवा समणेणं भगवया महावीरेणं एवं वृत्ता समाणा हद्र जाव हियया समणं भगवं महावीरं वंदंति णमंसंति वंदिता णमंसित्ता उत्तरपुरस्थिमं दिसीभागं अवक्रमंति अवक्रमित्ता वेउव्वियसमुग्घाएणं समोहणंति २ ता संखेजाइं जोयणाइं दंडं निस्सिरंति, तंजहा-रयणाणं जाव रिद्राणं अहावायरे पोग्गले परिसाडंति २ त्ता दोचंपि वेडव्वियसमुग्घाएणं समोहणंति २ ता संबद्ध्यवाए विडव्वंति, से जहा-नामए भइयदारए सिया तरुणे बलवं जुगवं अप्पायंके [श्विरसंघयणे] थिरग्गहत्थे दृढपाणिपायपिद्वंतरोर्ह्य संघाय पिरणए घणनिचियवलियवदृखंधे चम्मेहृगदुघण-मुद्रियसमाहयगते उरस्सवलसमञ्जागए तळजमळज्यल[फलिहनिभ]बाह लंघण-

पवणजङ्गपमहणसमत्थे छेए दक्खे पद्रे कुसले मेहावी णिउणसिप्पोवगए एगं महं सलागाहत्थ्यं वा दंडसंपुच्छणिं वा वेणसलाइयं वा गहाय रायंगणं वा रायंतेउरं वा देवकुलं वा सभं वा पवं वा आरामं वा उज्जाणं वा अतुरियमचवलमसंभंते निरंतरं सनिङ्णं सन्वओ समंता संपमजेजा. एवामेव तेऽवि सरियाभस्स देवस्स आभि-ओगिया देवा संबद्धयवाए विज्ञवंति २ ता समणस्स भगवओ महावीरस्स सन्वओ समंता जोयणपरिमण्डलं जं किंचि तणं वा पत्तं वा तहेव सव्वं आहणिय २ एगंते एडेंति २ ता खिप्पामेव उवसमंति २ ता दोचंपि वेउ विवयसमुग्घाएणं समोहणंति २ ता अब्भवदृलए विउव्वंति २ ता से जहाणामए भइगदारए सिया तरुणे जाव सिप्पोवगए एगं महं दगवारगं वा दगकुंभगं वा दगथालगं वा दगकलसगं वा गहाय आरामं वा जाव पवं वा अतरिय जाव सन्वओ समंता आवरिसेजा. एवामेव तेऽवि सरियाभस्स देवस्स आभिओगिया देवा अञ्भवदृरुए विउव्वंति २ त्ता खिप्पामेव पत्रणतणायन्ति २ त्ता खिप्पामेव विज्ञयायंति २ त्ता समणस्य भगवओ महावीरस्स सव्वओ समंता जोयणपरिमंडलं णचोदगं णाइमहियं तं पविरलपप्कसियं रयरेण-विणासणं दिव्वं सुरभिगंधोदगं वासं वासंति वासेत्ता णिहयरयं णद्ररयं भद्ररयं उवसंतरयं पसंतरयं करेंति २ त्ता खिप्पामेव उवसामंति २ ता तच्चंपि वेस विवय-समुखाएणं समोहणंति २ ता पुष्फवदृलए विउन्वंति, से जहाणामए मालागारदारए सिया तरुणे जाव सिप्पोवगए एगं महं पुष्फछिजयं वा पुष्फपडलगं वा पुष्फचंगेरियं वा गहाय रायंगणं वा जाव सन्वओ समंता कयग्गहगहियकरयलपञ्भद्रविष्पमक्केणं दसद्धवन्नेणं कुसुमेणं सुकपुप्फपुंजीवयारकलियं करेजा, एवामेव ते सरियाभस्स देवस्स आमिओगिया देवा पुप्फवहरूए विजन्वंति २ ता खिप्पामेव पतणतणायन्ति जाव जोयगपरिमण्डलं जलथलयभासुरप्पभूयस्स बिंटहाइस्स दसद्धवन्नकुसुमस्स जाणुस्सेहपमाणमेत्तिं ओहिवासं वासंति वासित्ता कालागुरुपवरकुंदुरुक्कतुरुकभूवम-घमघंतगंधुद्धयाभिरामं सुगंधवरगंधियं गंधवहिभ्यं दिव्वं सुरवराभिगमणजोग्गं करंति कारयंति करेता य कारवेता य खिप्पामेव उवसामंति २ ता जेणेव समणे भगवं महावीरे तेणेव उवागच्छंति तेणेव उवागच्छिता समणं भगवं महावीरं तिक्खतो जाव वंदिता नमंसिता समणस्स भगवओ महावीरस्स अंतियाओ अंबसालवणाओ उजाणाओं पिंडिनिक्खमंति पिंडिनिक्खमित्ता ताए उिक्रहाए जाव वीइवयमाणा २ जेणेव सोहम्मे कप्पे जेणेव सूरियाभे विमाणे जेणेव सभा महस्मा जेणेव सूरियाभे देवे तेणेव उवागच्छंति २ ता सूरियाभं देवं करयलपरिग्गहियं सिरसावत्तं मत्थए अंजिं कहू जएणं विजएणं वद्धावेंति २ ता तमाणित्तरं पच्चिपणंति ॥ १०॥

तए एं से सूरियामे देवे तेसिं आभिओगियाणं देवाणं अंतिए एयमद्रं सोचा निसम्म हद्भुतद्व जाव हियए पायताणियाहिवइं देवं सहावेइ सहावेता एवं वयासी-बिल्पामेव भो देवाणुप्पिया! स्रियाभे विमाणे सभाए सहम्माए मेघोघरसियगंभीर-महरसद्दं जोयणपरिमंडलं सुसर्घंटं तिक्खुत्तो उल्लालेमाणे २ महया २ सट्टेणं बाबोसेमाणे २ एवं वयाहि-आणवेड णं भो सुरियाभे देवे गच्छड णं भो सुरियाभे देवे जंबद्दीवे दीवे भारहे वासे आमलकप्पाए णयरीए अंबसालवणे उज्जाणे समणं भगवं महावीरं अभिवंदए, तुब्भेऽवि णं भो देवाण्पिया! सव्विड्रीए जाव णाड्यरवेणं णियगपरिवालसर्द्धं संपरिवृडा साइं २ जाणविमाणाइं दुरूढा समाणा अकालपरिहीणं चेव सूरियाभस्स देवस्स अंतियं पाउब्भवह ॥ ११ ॥ तए णं से पायत्ताणियाहिवई देवे स्रियाभेणं देवेणं एवं वृत्ते समाणे हहतुह जाव हियए एवं देवा! तहत्ति आणाए विणएणं वयणं पिडसुणेइ २ ता जेणेव स्रियाभे विमाणे जेणेव सभा सहस्मा जेणेव मेघोघरिसयगंभीरमहरसद्दा जोयणपरिमंडला सुस्सरा घंटा तेणेव उवागच्छइ २ ता तं मेघोघरिसयगंभीरमहरसद्दं जोयणपरिमंडलं सुसरं घंटं तिखुत्तो उल्लालेइ । तए णं तीसे मेघोघरसियगंभीरमहरसद्दाए जोयणपरिमंडलाए ससराए घंटाए तिक्खुत्तो उल्लालियाए समाणीए से सृरियाभे विमाणे पासायविमाण-णिक्खुडावडियसदृषंटापडिमुयासयसहस्ससंकुले जाए यावि होत्था । तए णं तेसिं सरियाभविमाणवासीणं वहाणं वेमाणियाणं देवाण य देवीण य एगंतरइपसत्तनिचप्प-मत्तविसयसहम् च्छियाणं सुसर्घंटारविष्ठलबोलतुरियचवलपडिवोहणे कए समाणे घोसणकोउहरुदिज्ञकन्नएगग्गचित्तउवउत्तमाणसाणं से पायत्ताणीयाहिवई देवे तंसि घंटार्वंसि णिसंतपसंतंसि महया महया सद्देणं उग्घोसेमाणे उग्घोसेमाणे एवं वयासी-हंत सुणंतु भवंतो स्रियाभविमाणवासिणो बहवे वेमाणिया देवा य देवीओ य सरियाभविमाणवङ्गो वयणं हियसहत्यं आणवेङ् णं भो ! सरियाभे देवे गच्छङ णं भो सरियाभे देवे जंबहीवं २ भारहं वासं आमलकप्पं नयरिं अंबसालवणं उजाणं समणं भगवं महावीरं अभिवंदए, तं तुब्भेऽवि णं देवाणुप्पिया ! सव्बिङ्कीए अकालपरिहीणा चेव स्रियाभस्स देवस्स अंतियं पाउन्भवह ॥ १२ ॥ तए णं ते स्रियाभविमाणवासिणो वहवे वेमाणिया देवा देवीओ य पायत्ताणियाहिवइस्स देवस्स अंतिए एयमट्टं सोचा णिसम्म हद्रुतुद्ध जाव हियया अप्पेगइया वंदणवत्तियाए अप्पे-गइया नमंसणवत्तियाए अप्पेगइया सक्कारवत्तियाए एवं संमाणवत्तियाए कोउहल-वित्रयाए अप्पे॰ असुयाइं सुणिस्सामो सुयाइं अद्वाइं हेऊइं पिसणाइं कारणाइं वाग-रणाई पुच्छिरसामो, अप्पेगइया सरियाभरस देवस्स वयणमण्यत्तमाणा अप्पेगइया

अन्नमन्नमणुयत्तमाणा अप्पेगङ्या जिणभत्तिरागेणं अप्पेगङ्या धम्मोत्ति अप्पेगङ्या जीयमेयंतिकद्व सिव्बङ्गीए जाव अकालपरिहीणा चेव सूरियामस्स देवस्स अंतियं पाउन्भवंति ॥ १३ ॥ तए णं से सूरियाभे देवे ते सूरियाभविमाणवासिणो बहवे वेमाणिया देवा य देवीओ य अकालपरिहीणा चेव अंतियं पाउब्भवमाणे पासइ पासित्ता हद्वतद्व जाव हियए आभिओगियं देवं सहावेइ २ त्ता एवं वयासी-खिप्पामेव भो देवाणप्पिया! अणेगखंभसयसंनिविद्रं लीलद्वियसालभंजियागं ईहामियउसमतुरगनरमगरविहगवालगिकंनररुरुसरमचमरकंजरवणलयपउमलयमत्ति-चित्तं खंभुगगयवरवृङ्ग्वेङ्यापरिगयाभिरामं विज्ञाहरजमलजुयलजंतजुत्तंपिव अचीसहस्समालिणीयं ह्वगसहस्सकलियं भिसमाणं भिडिभसमाणं चक्खुलोयणलेसं सुहफासं सस्सिरीयरूवं घंटाविलचिलियमहुरमणहुरसरं सुहं कंतं दरिसणिजं णिउणो-चियमिसिमिसितमणिरयणघंटियाजालपरिक्खितं जोयणसयसहस्सवित्थिणं दिव्वं गमणसज्जं सिग्धगमणं णाम दिन्वं जाणविमाणं विउन्वाहि विउन्वित्ता खिप्पामेव एयमाणत्त्रयं पच्चिप्पणाहि ॥ १४ ॥ तए णं से आभिओगिए देवे सूरियाभेणं देवेणं एवं वृत्ते समाणे हृद्व जाव हियए कर्यलपरिग्गहियं जाव पिडसुणेइ पिड-सुणेता उत्तरपुरिच्छमं दिसीभागं अवक्रमइ अवक्रमित्ता वेउव्वियसमुग्घाएणं समो-हणइ २ ता संखेजाई जोयणाई जाव अहाबायरे पोग्गले परिसाडेइ २ ता अहां सुहमे पोग्गले परियाएइ २ ता दोचंपि वेड व्वियसमुग्घाएणं समोहणिता अणेगखंभसयसिन्नविद्रं जाव दिन्वं जाणविमाणं विउन्विउं पवत्ते यावि होत्था । तए णं से आभिओगिए देवे तस्स दिव्यस्स जाणविमाणस्स तिदिसिं तिसोवाणपिड-रूवए विउन्वइ, तंजहा-पुरिच्छमेणं दाहिणेणं उत्तरेणं, तेसिं तिसोवाणपिडरूवगाणं इमे एयारूवे वण्णावासे पण्णते, तंजहा-वइरामया णिम्मा रिद्वामया पइद्वाणा वेरुलियामया खंभा सुवण्णरूपमया फलगा लोहियक्खमईओ सईओ वयरामया संधी णाणामणिमया अवलंबणा अवलंबणबाहाओ य पासादीया जाव पहिस्ता। तेसि णं तिसोवाणपिडरूवगाणं पुरुओ पत्तेयं पत्तेयं तोरणं पण्णतं, तेसि णं तोरणाणं इमे एयारूवे वण्णावासे प० तं०-तोरणा णाणामणिमया णाणामणिमएस थंभेस उवनिविद्वसंनिविद्वविविह्मुत्तंतरारूवोवविचया विविहतारारूवोवचिया जाव पिंडरूवा। तेसि णं तोरणाणं उप्पं अद्रद्रमंगलगा पण्णता, तंजहा-सोत्थियसिरिवच्छणंदिया-वत्तवद्धमाणगभद्दासणकलसमच्छदप्पणा जाव पिहरूवा । तेसिं च णं तोरणाणं उपि बहवे किण्हचामरज्झए जाव सुक्किलचामरज्झए अच्छे सण्हे रूपपट्टे वइरामयदंडे जलयामलगंधिए सुरम्मे पासादीए दरिसणिजे अभिरूवे पडिरूवे विस्ववह ।

तेसि णं तोरणाणं उप्पि बहवे छत्ताइच्छत्ते पडागाइपडागे घंटाजुयले उप्पलहत्थए क्रमयणिलणसुभगसोगिधियपोंडरीयमहापोंडरीयसयपत्तसहस्सपत्तहत्थए सञ्बरयणामए अच्छे जाव पिंडहरें विउन्वइ । तए णं से आभिओगिए देवे तस्स दिन्वस्स जाणविमाणस्स अंतो बहुसमरमणिजं भूमिभागं विउव्वइ। से जहाणामए आलिंग-पुक्बरे इ वा मुइंगपुक्खरे इ वा सरतले इ वा करतले इ वा चंदमंडले इ वा सरमंडले इ वा आयंसमंडले इ वा उरन्भचम्मे इ वा वसहचम्मे इ वा वराहचम्मे इ वा सीहचम्मे इ वा वरघचम्मे इ वा छगलचम्मे इ वा दीवियचम्मे इ वा अणेगसंक्कीलगसहस्सवियए णाणाविहपंचवन्नेहिं मणीहिं उवसोभिए आवडपचाव-डसेहिपसेहिसोत्थियसोवत्थियपुसमाणगवद्धमाणगमच्छंडगमगरंडगजारमार्फ्छावलिप-उमपत्तसागरतरंगवसंतलयपउमलयभक्तिचित्तेहिं सच्छाएहिं सप्पभेहिं समरीइएहिं सउजोएहिं णाणाविहपंचवण्णेहिं मणीहिं उवसोभिए तंजहा-किण्हेहिं णीलेहिं लोहि-एहिं हालिहेहिं सुक्किलेहिं, तत्थ णं जे ते किण्हा मणी तेसि णं मणीणं इमे एयारूवे बण्णावासे पण्णत्ते, से जहानामए जीमृतए इ वा अंजणे इ वा खंजणे इ वा कज्जले इ वा गवले इ वा गवलगुलिया इ वा भमरे इ वा भमरावलिया इ वा भमरपतंगसारे इवा जंबूफले इ वा अद्दारिट्ठे इ वा परहुए इवा गए इ वा गयकलभे इवा किण्हसप्पे इ वा किण्हकेसरे इ वा आगासार्थिग्गले इ वा किण्हासोए इ वा किण्हक-णवीरे इ वा किण्हबंधुजीवे इ वा, भवे एयारूवे सिया?, णो इणहे समहे, ओवम्मं समणाउसो! ते णं किण्हा मणी इत्तो इद्रतराए चेव कंततराए चेव मणुण्णतराए चेव मणामतराए चेव वण्णेणं पण्णता । तत्थ णं जे ते नीला मणी तेसि णं मणीणं इमे एयारुवे वण्णावासे पण्णते, से जहानामए भिंगे इ वा भिंगपत्ते इ वा सुए इ वा सुयपिच्छे इ वा चासे इ वा चासपिच्छे इ वा णीली इ वा णीलीभेए इ वा णीलीगुलिया इ वा सामा इ वा उचन्तरे। इ वा वणराई इ वा हलधरवसणे इ वा मोरग्गीवा इ वा अयसिक्समे इ वा बाणक्समे इ वा अंजणकेसियाक्समे इ वा नीलुप्पले इ वा णीलासोगे इ वा णीलबंधुजीवे इ वा णीलकणवीरे इ वा. भवेयारूवे सिया ?, णो इणद्वे समद्वे, ते णं णीला मणी एत्तो इट्ठतराए चेव जाव वण्णेणं पण्णता । तत्थ णं जे ते लोहियगा मणी तेसि णं मणीणं इमेयारूवे वण्णावासे पण्णते, से जहाणामए उरब्भरुहिरे इ वा ससरुहिरे इ वा नरुरहिरे इ वा वराहरुहिरे इ वा महिसरुहिरे इ वा बार्लिंदगोवे इ वा बालदिवायरे इ वा संझब्भरागे इ वा गुंजदरागे इ वा जासुअणकुसुमे इ वा किंसुयकुसुमे इ वा पालियायकुसुमे इ वा जाइहिंगुलए इ वा सिलप्पवाले इ वा प्वालअंकरे इ वा लोहियक्खमणी इ वा

लक्खारसंगे इ वा किमिरागकंबले इ वा चीणपिद्वरासी इ वा रत्तुप्पले इ वा रत्ता-सोगे इ वा रत्तकणवीरे इ वा रत्तबंधुजीवे इ वा, भवेयारूवे सिया?, णो इणद्वे समद्रे, ते णं लोहिया मणी इत्तो इद्वतराए चेव जाव वण्णेणं प० । तत्थ णं जे ते हालिहा मणी तेसि णं मणीणं इमेयारूवे वण्णावासे पण्णत्ते-से जहाणामए चंपए इ वा चंपछही इ वा चंपगमेए इ वा हलिहा इ वा हलिहाभेए इ वा हलिहगुलिया इ वा हरियालिया इ वा हरियालभेए इ वा हरियालगुलिया इ वा चिउरे इ वा चिउरंगराए इ वा वरकणगे इवा वरकणगनिघसे इवा [सुत्रण्णासिप्पाए इ वा] वरप्रिसवसणे इ वा अल्रईक्समे इ वा चंपाकुसमे इ वा कुहंडियाकुसमे इ वा तडवडाकुसुमे इ वा घोसेडियाकुसुमे इ वा सुवण्णजूहियाकुसुमे इ वा सुहिरण्णकुसुमे इ वा कोरंटगवरमछदामे इ वा बीययकुछमे इ वा पीयासोगे इ वा पीयकणवीरे इ वा पीयबंधजीवे इ वा, भवेयारूवे सिया ?, णो इणद्वे समद्वे, ते णं हालिहा मणी एतो इट्रतराए चेव जाव वण्णेणं पण्णता । तत्थ णं जे ते सक्किला मणी तेसिणं मणीणं इमेयारूवे वण्णावासे पण्णते । से जहानामए अंके इ वा संखे इ वा चंदे इ वा कुमुदोदकदगरयदिहिधणक्खीरक्खीरपूरे इ वा कोंचावली इ वा हारावली इ वा हंसावली इ वा बलागावली इ वा चंदावली इ वा सारइयबलाहए इ वा धंतधोय-रुप्पपट्टे इ वा सालिपिद्वरासी इ वा कुंदपुष्फरासी इ वा कुमुयरासी इ वा सक्कच्छि-वाडी इ वा पिहणमिंजिया इ वा भिसे इ वा मुणालिया इ वा गयदंते इ वा लवंग-दलए इ वा पोंडरियदलए इ वा सेयासोगे इ वा सेयकणवीरे इ वा सेयबन्यजीवे इ वा, भवेयारूवे सिया ?, णो इणहे समद्दे, ते णं सुकिल्ला मणी एत्तो इहतराए चेव जाव वन्नेणं पण्णता । तेसि णं मणीणं इमेयारूवे गंधे पण्णत्ते, से जहानामए कोट्ट-पुडाण वा तगरपुडाण वा एलापुडाण वा चोयपुडाण वा चंपापुडाण वा दमणापुडाण वा कुंकुमपुडाण वा चंदणपुडाण वा उसीरपुडाण वा मरुआपुडाण वा जातिपुडाण वा जूहियापुडाण वा मिल्लयापुडाण वा ण्हाणमिल्लियापुडाण वा केयइपुडाण वा पाडलिपुडाण वा णोमालियापुडाण वा अगुरुपुडाण वा लवंगपुडाण वा वासपुडाण वा कप्पूरपुडाण वा अणुवायंसि वा ओभिजामाणाण वा कुट्टिजामाणाण वा भंजि-जमाणाण वा उकिरिजमाणाण वा विकिरिजमाणाण वा परिभुजमाणाण वा परिभा-इज्जमाणाण वा भंडाओ भंडं साहरिज्जमाणाण वा ओराला मणुण्णा मणहरा घाणमणनिन्बुइकरा सन्बओ समंता गंधा अभिनिस्सवंति, भवेयारूवे सिया?, णो इणड्डे समड्डे, ते णं मणी एत्तो इद्वतराए चेव गंधेणं पन्नता । तेसि णं मणीणं इमेयारूवे फासे पण्णते, से जहानामए आइणेइ वा रूए इ वा बूरे

इ वा णवणीए इ वा हंसगब्भत्लिया इ वा सिरीसकुसुमनिचए इ वा वालकुसुय-पत्तरासी इ वा, भवेयारूवे सिया ?, णो इणहे समहे, ते णं मणी एत्तो इहतराए चेव जाव फासेणं पन्नता । तए णं से आभिओगिए देवे तस्स दिव्वस्स जाणविमाणस्स बहुमज्झदेसभागे एत्थ णं महं पिच्छाघरमंडवं विउव्बइ अणेगखंभ-स्यसंनिविद्वं अन्भुग्गयसुक्यवरवेइयातोरणवररइयसालभंजियागं सुसिलिद्वविसिट्ठलट्ट-संठियपसत्थवेरुलियविमलखंभं णाणामणि[कणगरयण]खचियउज्जलबहसमसुविभत्त-भूमिभागं ईहामियउसभतुरगनरमगरविहगवालगिकवरुरुरूसरभचमरकुंजरवणलयप-उमलयभत्तिचित्तं खं० कंचणमणिरयणथ्भियागं णाणाविहपंचवण्णघंटापडागपरि-मंडियग्गसिहरं चवलं मरीइकवयं विणिम्मुयंतं लाउल्लोइयमहियं गोसीससरस-रत्तचंदणदृहरदिन्नपंचंगुलितलं उवचियचंदणकलसं चंदणघडसुकयतोरणपिडदुवारदेस-भागं आसत्तोसत्तविउलवद्ववग्घारियमल्रदामकलावं पंचवण्णसरससुरभिमुक्कपुप्फपुंजो-वयारकलियं कालागुरुपवरकुंदरुकतुरुकध्वमघमघंतगंधुद्धयाभिरामं सुगंधवरगंधियं मंघविष्ट्रभूयं अच्छर्गणसंघसंविकिण्णं दिन्वं तुडियसद्दसंपणाइयं अच्छं जाव पडिरूवं। तस्स णं पिच्छाघरमंडवस्स अंतो बहुसमरमणिजभूमिभागं विउव्वइ जाव मणीणं फासो । तस्स णं पेच्छाघरमंडवस्स उल्लोयं विउव्वइ पउमलयभत्तिचित्तं जाव पिड-हवं। तस्स णं बहुसमरमणिज्जस्स भूमिभागस्स बहुमज्झदेसभाए एतथ णं एगं महं बइरामयं अक्खाडगं विउव्बइ । तस्स णं अक्खाडयस्स बहुमज्झदेसभागे एत्थ णं महेगं मणिपेढियं विउव्वइ अह जोयणाइं आयामविक्खंभेणं चतारि जोयणाइं बाहलेणं सन्वमणिमयं अच्छं सण्हं जाव पिडक्वं । तीसे णं मणिपेहियाए उचिर एत्थ णं महेगं सिंहासणं विउव्बइ, तस्स णं सीहासणस्स इमेयारूवे वण्णावासे पण्णत्ते-तवणिजमया चक्कला रययामया सीहा सोवणिगया पाया णाणामणिमयाइं पाय-सीसगाइं जंवूणयमयाइं गत्ताइं वइरामया संधी णाणामणिमए वेश्वे, से णं सीहासणे ईहामियउसभतुरगनरमगर्विहगवालगकिन्नरहरुसरभचमरकुंजरवणलय-पंजमलयभत्तिचित्तं [सं]सारसारोवचियमणिरयणपायवीढे अच्छरगमिजमसूरगणवतय-कुसंतिलम्बकेसरपच्चत्थ्रयाभिरामे आईणगरूयवरणवणीयत्लक्षासमउए स्विर्डयरय-त्ताणे उनचियखोमदुगुल्लपट्टपिङच्छायणे रत्तंसुयसंवुए सुरम्मे पासाईए ४ । तस्स णं सिंहासणस्स उविर एत्थ णं महेगं विजयदूसं विजववड्, संखंक(संख)कुंददगरय-अमयमहियफेणपुंजसंनिगासं सव्वरयणामयं अच्छं सण्हं पासादीयं दरिसणिजं अभिरुवं पिडरुवं । तस्स णं सीहासणस्स उविरं विजयदूसस्स य बहुमज्झदेसभागे गृत्य णं महं एगं वयरामयं अंकुसं विज्ववइ, तस्सि च णं वयरामयंसि अंकुसंसि ४ सत्ता०

क़ंभिक़ं मुत्तादामं विउव्वइ । से णं कुंभिक़े मुत्तादामे अन्नेहिं चउहिं अद्कुंभिकेहिं मुत्तादामेहिं तदद्भन्नतपमाणेहिं सव्वओ समंता संपरिखित्ते । ते णं दामा तवणिज-रुंबसगा सुवण्णपयरगमंडियग्गा णाणामणिरयणविविहहारद्धहारजवसोभियससुद्या इसिं अण्णमण्णमसंपत्ता वाएहिं पुन्वावरदाहिणुत्तरागएहिं मंदायं मंदायं एइज्जमाणाणि २ पलंबनाणाणि २ वदमाणाणि २ उरालेणं मणुन्नेणं मणहरेणं कण्णमणणिव्युइकरेणं सहेणं ते पएसे सन्वओ समंता आपूरेमाणा २ सिरीए अईव २ उवसोभेमाणा चिट्ठंति । तए णं से आभिओगिए देवे तस्स सिंहासणस्स अवस्तरेणं उत्तरेणं उत्तरपुरिच्छमेणं एत्थ णं सूरियाभस्स देवस्स चडण्हं सामाणियसाहस्सीणं चत्तारि भद्दासणसाहस्सीओ विउन्वइ, तस्स णं सीहासणस्स पुरच्छिमेणं एत्थ णं सूरियाभस्स देवरस चउण्हं अगगमिहसीणं सपरिवाराणं चत्तारि भद्दासणसाहस्सीओ विउव्बइ, तस्स णं सीहासणस्स दाहिणपुरच्छिमेणं एत्थ णं सूरियाभस्स देवस्स अब्भितर-परिसाए अट्टण्हं देवसाहस्सीणं अट्ट भहासणसाहस्सीओ विउव्वइ, एवं दाहिणेणं मज्झिमपरिसाए दसण्हं देवसाहरसीणं दस भद्दासणसाहस्सीओ विउव्वइ दाहिण-पचित्यमेणं बाहिरपरिसाए बारसण्हं देवसाहस्सीणं बारस भद्दासणसाहस्सीओ विउव्वइ पच्चत्थिमेणं सत्तण्हं अणियाहिवईणं सत्त भद्दासणे विउव्वइ, तस्स णं सीहासणस्य चडदिसिं एत्थ णं सूरियाभस्य देवस्य सोळसण्हं आयरक्खदेवसाह-स्सीणं सोलस भद्दासणसाहस्सीओ विउव्वइ, तंजहा-पुरच्छिमेणं चत्तारि साहस्सीओ दाहिणेणं चत्तारि साहस्सीओ पचित्थिमेणं चत्तारि साहस्सीओ उत्तरेणं चत्तारि साहस्सीओ । तस्स दिव्वस्स जाणविमाणस्स इमेयारूवे वण्णावासे पण्णते. से जहानामए अङ्ग्रगयस्स वा हेमंतियबालियस्रियस्स वा खयरिंगालाण वा रत्ति पज्जिलयाण वा जवाकुसुमवणस्स वा किंसुयवणस्स वा पारियायवणस्स वा सध्वओ समंता संकुसुमियस्स; भवेयारूवे सिया ?, णो इणड्ठे समद्वे, तस्स णं दिव्वस्स जाण-विमाणस्स एत्तो इहतराए चेव जाव वण्णेणं पण्णत्ते, गंधो य फासो य जहा मणीणं । तए णं से आभिओगिए देवे दिव्वं जाणविमाणं विउव्वइ २ ता जेणेव सूरियामे देवे तेणेव उवागच्छइ २ ता सूरियामं देवं करयलपरिग्गहियं जाव पचप्पिणइ॥ १५॥ तए णं से सूरियाभे देवे आभिओगस्स देवस्स अंतिए एयमट्टं सोचा निसम्म हट्ट. जाव हियए दिव्वं जिणिंदाभिगमणजोगं उत्तरवेउव्वियक्वं विउव्वड विउव्वित्ता चर्डाहें अग्गमहिसीहिं सपरिवाराहिं दोहिं अणीएहिं, तंजहा-गंधव्वाणीएण य णहाणीएण य सर्दि संपरिवृडे तं दिव्वं जाणविमाणं अणुपयाहिणीकरेमाणे पुरस्थि-मिल्लेणं तिसोमाणपडिरूवएणं दुरुहर दुरुहित्ता जेणेव सीहासणे तेणेव उवागच्छर

जवागच्छिता सीहासणवरगए पुरत्थाभिमुहे सण्णिसण्णे। तए णं तस्स सुरियाभस्स देवस्स चतारि सामाणियसाहरसीओ तं दिव्वं जाणविमाणं अणपयाहिणीकरेमाणा उत्तरिक्षेणं तिसोवाणपिडस्वएणं दुरूहंति दुरूहित्ता पत्तेयं पत्तेयं पुव्वणत्थेहिं भद्दा-संगेहिं गिसीयंति, अवसेसा देवा य देवीओ य तं दिव्वं जाणविमाणं जाव दाहि-णिहेणं तिसोवाणपिडस्वएणं दुरूहंति दुरूहित्ता पत्तेयं पत्तेयं पुञ्वणत्थेहिं भहासणेहिं तिसीयंति । तए णं तस्स स्रियाभस्स देवस्स तं दिव्वं जाणविमाणं <u>दुरू</u>ढस्स समाणस्स अद्रद्र मङ्गलगा पुरओ अहाणपुन्वीए संपत्थिया. तंजहा-सोत्थियसिरिवच्छ जाव दप्पणा । तयणंतरं च णं पुण्णकलसभिंगार दिव्वा य छत्तपडागा सचामरा दंसणरहया आलोयदरिसणिज्जा वाउद्भयविजयवेजयंतीपडागा ऊसिया गगणतलमण्-िहन्ती पुरओ अहाणुप्ववीए संपत्थिया । तयणंतरं च णं वेरुलियभिसंतविमलदण्डं पलम्बकोरंटमल्लदामीवसोभियं चंदमंडलिनभं समुस्सियं विमलमायवत्तं पवरसीहासणं च मणिरयणभत्तिचित्तं सपायपीढं सपाउयाजोयसमाउत्तं बहकिंकरामरपरिग्गहियं परओ अहाणपुर्वीए संपत्थियं । तयणंतरं च णं वहरामयवदृलद्रसंठियससिलिद्र-परिघट्टमद्रसपद्दद्विए विसिद्धे अणेगवरपंचवण्णकुडभीसहस्सुस्सिए परिमंडियाभिरामे वाउद्भयविजयवेजयंतीपडागच्छत्ताइच्छत्तकलिए तुंगे गगणतलमणुलिहंतसिहरे जोय-णसहस्सम्सिए महइमहालए महिंदज्झए पुरओ अहाणपुन्वीए संपत्थिए। तयणंतरं च णं सुरूवणेवत्थपरिकच्छिया सुसज्जा सव्वालंकारभूसिया महया भडचडगर-पहगरेणं पंच अणीयाहिवइणो पुरओ अहाणुपुव्वीए संपितथया । तियणंतरं च णं बहवे आभिओगिया देवा देवीओ य सएहिं सएहिं रूवेहिं. सएहिं सएहिं विसेसेहिं. सएहिं सएहिं विंदेहिं, सएहिं सएहिं णेज्जाएहिं, सएहिं सएहिं णेवत्थेहिं पुरओ अहाणपुर्वीए संपत्थिया। तयणंतरं च णं स्रियाभविमाणवासिणो बहवे वेमाणिया देवा य देवीओ य सिव्विष्ट्रीए जाव रवेणं सूरियामं देवं पुरओ पासओ य मग्गओ य सम्णुगच्छंति ॥ १६ ॥ तए णं से सारियामे देवे तेणं पञ्चाणीयपरिखित्तेणं वइरामयवट्टलद्रसंठिएणं जाव जोयणसहस्सम्सिएणं महइमहालएणं महिंदज्झएणं पुरओ कङ्किजमाणेणं चउहिं सामाणियसहस्सेहिं जाव सोलसहिं आयरक्खदेव-साहरसीहिं अन्नेहि य बहहिं सूरियाभविमाणवासीहिं वेमाणिएहिं देवेहिं देवीहि य सिंदं संपरिवृडे सिव्वङ्कीए जाव रवेणं सोहम्मस्स कप्पस्स मज्झंमज्झेणं तं दिव्वं देविड्डिं दिव्वं देवजुडं दिव्वं देवाणुभावं उवलालेमाणे उवलालेमाणे उवदंसेमाणे उव-दंसेमाणे पिंडजागरेमाणे पिंडजागरेमाणे जेणेव सोहम्मस्स कप्पस्स उत्तरिहे णिज्जाण-मगो तेणेव उवागच्छा जोयणसयसाहस्सिएहिं विग्गहेहिं ओवयमाणे वीईवयमाणे

ताए उक्किद्राए जाव तिरियं असंखिजाणं दीवसमुद्दाणं मज्झंमज्झेणं वीइवयमाणे वीडवयमाणे जेणेव नंदीसरवरे दीवे जेणेव दाहिणपुरिश्यमिल्ले रतिकरपव्वए तेणेव उवागच्छइ उवागच्छिता तं दिव्वं देविङ्गं जाव दिव्वं देवाणुभावं पिडसाहरेमाणे २ पिंडसंखेवेमाणे २ जेणेव जम्बुद्दीवे दीवे जेणेव भारहे वासे जेणेव आमलकप्पा नयरी जेणेव अम्बसालवणे उज्जाणे जेणेव समणे भगवं महावीरे तेणेव उवा-गच्छा उवागच्छिता समणं भगवन्तं महावीरं तेणं दिव्वेणं जाणविमाणेणं तिक्खुत्तो आयाहिणं पयाहिणं करेइ करिता समणस्स भगवओ महावीरस्स उत्तरपुरित्थमे दिसिभाए तं दिव्वं जाणविमाणं ईसिं चडरंगुलमसंपत्तं घरणितलंसि ठवेइ ठवित्ता चउहिं अग्गमहिसीहिं सपरिवाराहिं दोहिं अणीयाहिं-तंजहा गंधव्वाणिएण य णहाणिएण य-सर्द्धि संपरिवुडे ताओ दिव्वाओ जाणविमाणाओ पुरित्थमिल्लेणं तिसोवाणपिडक्वएणं पचोरुहइ । तए णं तस्स सूरियाभस्स देवस्स चत्तारि सामा-णियसाहरसीओ ताओ दिव्वाओ जाणविमाणाओ उत्तरिल्लेणं तिसोवाणपिडस्वएणं पचोरहंति. अवसेसा देवा य देवीओ य ताओ दिव्वाओ जाणविमाणाओ दाहिणि-ल्लेणं तिसोवाणपिडिक्वएणं पचोरहन्ति । तए णं से स्रियामे देवे चउहिं अगगम-हिसीहिं जाव सोलसिं आयरक्खदेवसाहस्सीहिं अण्णेहि य बहुिं सरियाभविमाण-वासीहिं वेमाणिएहिं देवेहिं देवीहि य सिद्धं संपरिवृडे सिव्बङ्गीए जाव णाइयरवेणं जेणेव समणे भगवं महावीरे तेणेव उवागच्छइ उवागच्छिता समणं भगवं महावीरं तिकखुत्तो आयाहिणपयाहिणं करेइ करिता वंदइ नमंसइ वंदिता नमंसिता एवं वयासी-'अहं णं भंते ! सूरियाभे देवे देवाणुप्पियाणं वन्दामि नमंसामि जाव पज्ज-वासामि' ॥ १७ ॥ सूरियाभाइ समणे भगवं महावीरे सूरियाभं देवं एवं वयासी-पोराणमेयं सूरियाभा ! जीयमेयं सूरियाभा ! किचमेयं सूरियाभा ! करणिजामेयं सूरियाभा ! आइण्णमेयं सूरियाभा ! अञ्भणुण्णायमेयं सूरियाभा ! जं णं भवणवइ-वाणमंतरजोइसवेमाणिया देवा अरहंते भगवंते वंदंति नमंसंति वंदित्ता नमंसित्ता तओ पच्छा साइं साइं नामगोत्ताइं साहिंति तं पोराणमेयं सूरियाभा ! जाव अन्मणुण्णायमेयं सूरियाभा !'। तए णं से सूरियाभे देवे समणेणं भगवया महावीरेणं एवं वुत्ते समाणे हट्ट जाव समणं भगवं महावीरं वंदइ नमंसइ वंदिता नमंसिता नचासण्णे नाइदूरे सुस्सूसमाणे णमंसमाणे अभिमृहे विणएणं पंजलिउडे पज्ञवासइ ।। १८-१९ ।। तए णं समणे भगवं महावीरे सूरियाभस्स देवस्स तीसे य महइमहालियाए परिसाए जाव परिसा जामेव दिसिं पाउब्भया तामेव दिसिं पिड-गया ॥ २० ॥ तए ण से सूरियामे देवे समणस्स भगवओ महावीरस्स अंतिए धमां सोचा निसम्म हट्टतुट जाव हयहियए उट्टाए उट्टेइ उट्टिता समणं भगवं महाबीरं वंदइ नमंसइ वंदित्ता नमंसित्ता एवं वयासी-अहं ण भंते ! सरियाभे देवे किं भविसिद्धिए अभवसिद्धिए ? सम्मदिद्वी मिच्छादिद्वी ? परित्तसंसारिए अणंतसंसारिए ? सलमबोहिए दुल्लभबोहिए ? आराहए विराहए ? चरिमे अचरिमे ? ॥२१॥ सरियाभाइ . समणे भगवं महावीरे स्रियाभं देवं एवं वयासी—स्रियाभा ! तुमं णं भवसिद्धिए नो अभवसिद्धिए जाव चरिमे णो अचरिमे। तए णं से सूरियाभे देवे समणेणं भगवया महावीरेणं एवं वृत्ते समाणे हद्भतद्भित्तमाणंदिए परमसोमणस्सिए समणं भगवं महावीरं वंदइ नमंसइ वंदित्ता नमंसित्ता एवं वयासी—तुब्भे णं भंते ! सब्वं जाणह सन्वं पासह, सन्वओ जाणह सन्वओ पासह, सन्वं कालं जाणह सन्वं कालं णसह, सन्वे भावे जाणह सन्वे भावे पासह। जाणंति णं देवाण्पिया! मम पुन्वि वा पच्छा वा मम एयारुवं दिव्वं देविङ्किं दिव्वं देवजुई दिव्वं देवाणुभावं रुद्धं पत्तं अभिसमण्णागयंति, तं इच्छामि णं देवाणुप्पियाणं भत्तिपुव्वगं गोयमाइयाणं समणाणं निगंथाणं दिन्वं देविष्ट्रं दिन्तं देवजुई दिन्वं देवाणुभावं दिन्वं बत्तीसइबद्धं नष्टविहिं उबढंसित्तए ॥ २२ ॥ तए णं समणे भगवं महावीरे सरियाभेणं देवेणं एवं वृत्ते समाणे सरियाभरस देवरस एयमद्रं णो आढाइ णो परियाणइ तुसिणीए संचिद्रइ । तए णं से सूरियाभे देवे समणं भगवन्तं महावीरं दोचं पि तचं पि एवं वयासी—तुब्भे णं भंते! सन्वं जाणह जाव उवदंसित्तएत्तिकदू समणं भगवं महावीरं तिक्खुत्तो आयाहि-णप्याहिणं करेइ करित्ता वंदइ नमंसङ वंदिता नमंसिता उत्तरपुरित्थमं दिसीभागं अवक्रमइ अवक्रमित्ता वेउव्वियसमुग्वाएणं समोहणइ समोहणित्ता संखिज्जाइं जोयणाइं दण्डं निस्सिर २ ता अहावायरे० अहासुहमे०। दोचं पि वेउ व्वियससुग्घाएणं जाव बहुसमर्मणिजं भूमिभागं विउन्वइ। से जहा नामए आर्लिगपुक्खरे इवा जाव मणीणं फासो तस्स णं बहुसमरमणिज्जस्स भूमिभागस्स बहुमज्झदेसभागे पिच्छाघर-मण्डवं विउन्वइ अणेगखंभसयसंनिविद्धं वण्णओ अन्तो बहुसमरमणिज्ञं भूमिभागं उल्लोयं अक्खाडगं च मणिपेढियं च विउव्वइ। तीसे णं मणिपेढियाए उविर सीहासणं सपरिवारं जाव दामा चिट्टन्ति । तए णं से सूरियाभे देवे समणस्स भगवओ महावीरस्स आलोए पणामं करेइ करित्ता 'अणुजाणड मे भगवंतिकद्व सीहासणवरगए तित्थयराभिमुहे संणिसण्णे। तए णं से सूरियामे देवे तप्पडमयाए नानामणिकणगरयण-विमलमहरिहनिउणोवियमिसिमिसितविरइयमहाभरणकडगतुडियवरभूसणुज्जलं पीवरं पलम्बं दाहिणं भुयं पसारेइ तओ णं सरिसयाणं सरित्तयाणं सरिव्वयाणं सरिसलावण्णह्यजोव्यणगुणोवयेयाणं एगाभरणवसणगहियणिज्जोयाणं दुहुओ संवेहि-

यगगणियत्थाणं आविद्धतिलयामेलाणं पिणिद्धगेविज्ञकंचयाणं उप्पीलियचित्तपट्ट-परियरसफेणगावत्तरइयसंगयपलंबवत्थंतचित्तचित्रलगानियंसणाणं एगावलिकण्ठरइय-सोभंतवच्छपरिहत्थभसणाणं अदसयं णङ्गाजाणं देवकमाराणं णिगच्छइ । तयणंतरं च णं नानामणि० जाव पीवरं पलंबं वामं भयं पसारेड तओ णं सरिसयाणं सरित्तयाणं सरिव्वयाणं सरिसलावण्णरूवजोव्वणगुणोववेयाणं एगाभरण० दहओ आविद्धतिलयामेलाणं पिणद्धगेवेज्जकंचुईणं नानामणिरयणभूस-णविराइयंगमंगाणं चंदाणणाणं चंदद्वसमनिलाडाणं चंदाहियसोमदंसणाणं उका इव उज्जोवेमाणीणं सिंगारा० हसियभणिय० गहियाउज्जाणं अट्ठसयं नदृसज्जाणं देवकुमा-रियाणं णिरगच्छ । तए णं से सरियामे देवे अद्भयं संखाणं विउव्वड अद्भयं संखवा-याणं विउव्वइ. अ० सिंगाणं वि० अ० सिंगवायाणं वि०. अ० संखियाणं वि० अ० संखियवायाणं वि०, अ० खरमहीणं वि० अ० खरमहिवायाणं वि०, अ० पेयाणं वि० अ० पैयावायगाणं वि०, अ० पिरिपिरियाणं वि० अ० पिरिपिरियावायगाणं वि० एवमाइयाइं एग्रणपण्णं आउज्जविहाणाइं विउव्वइ । तए णं ते बहुवे देवकुमारा य देवकमारियाओ य सहावेइ । तए णं ते बहवे देवकुमारा य देवकुमारीओ य सूरिया-भेणं देवेणं सद्दाविया समाणा हुद्र जाव जेणेव सुरियाभे देवे तेणेव उवागच्छंति तेणेव उवागच्छित्ता सरियामं देवं करयलपरिग्गहियं जाव वद्धावित्ता एवं वयासी-'संदिसंतु णं देवाणुप्पिया! जं अम्हेहिं कायव्वं । तए णं से सरियामे देवे ते बहवे देवकमारे य देवकमारीओ य एवं वयासी-'गच्छह णं तुब्भे देवाणिपया! समणं भगवंतं महावीरं तिक्खत्तो आयाहिणपयाहिणं करेह करिता वंदह नमंसह वंदिता नमंसिता गोयमा-डयाणं समणाणं निग्गंथाणं तं दिव्वं देविङ्किं दिव्वं देवजुई दिव्वं देवाणुभावं दिव्वं बत्तीसइबद्धं णद्दविहिं उवदंसेह उवदंसित्ता खिप्पामेव एयमाणत्तियं पचप्पिणह । तए णं ते बहवे देवकुमारा देवकुमारीओ य सूरियाभेणं देवेणं एवं वृत्ता समाणा हट्ट जाव करयल० जाव पिडसुणंति पिडसुणित्ता जेणेव समणे भगवं महावीरे तेणेव उवागच्छंति उवागच्छिता समणं भगवं महावीरं जाव नमंसिता जेणेव गोयमाइया

समणा निग्गंथा तेणेव उवागच्छंति । तए णं ते बहवे देवकुमारा देवकुमारीओ य समामेव समोसरणं करेंति करिता समामेव अवणमंति अवणमित्ता समामेव उन्नमंति एवं सहियामेव अनमंति एवं सहियामेव उन्नमंति सहियामेव उन्नमंति संगयामेव ओनमंति एवं सहियामेव जेणमंति थिमियामेव अनमंति संगयामेव अनमंति संगयामेव अनमंति संगयामेव अनमंति समामेव अज्ञिवहाणाईं गेण्हंति समामेव पवाएंसु पगाईस पणचिंस । किं ते? उरेणं मंदं सिरेण तारं कंठेण वितारं तिविहं तिसमयरे-

यगरइयं गुंजाऽवंककुहरोवगूढं रत्तं तिठाणकरणसुद्धं सकुहर्गुजंतवंसतंतीतलताललय-गृहससंपडतं महुरं समं सललियं मणोहरं मिडरिभियपयसंचारं सुरहसणइवरचारू क्रवं दिव्वं णष्टसज्जं गेयं पगीया वि होत्था किं ते ? उद्धमंताणं संखाणं सिंगाणं संवियाणं खर्महीणं पेयाणं पिरिपिरियाणं, आहम्मंताणं पणवाणं पडहाणं, अप्ना-किजमाणाणं भंभाणं होरंभाणं, ताठिजंताणं भेरीणं झहरीणं दुंदहीणं, आठवंताणं मुर्याणं मुइंगाणं नंदीमुइंगाणं, उत्तालिजंताणं आलिंगाणं कंतुंवाणं गोमहीणं महलाणं, मुच्छिजंताणं वीणाणं विपंचीणं वल्लईणं, कुट्टिजंताणं महंतीणं कच्छभीणं चित्तवीणाणं, सारिज्जंताणं वद्धीसाणं सुघोसाणं नंदिघोसाणं, फुट्टिजंतीणं भामरीणं इन्सामरीणं परिवायणीणं, छिप्पंतीणं तृणाणं तुंबवीणाणं, आमोडिज्जंताणं आमो-याणं झंझाणं नउलाणं, अच्छिजंतीणं मुगुंदाणं हुडुकीणं विचिक्कीणं, वाइजंताणं करडाणं डिंडिमाणं किणियाणं कडम्वाणं, ताडिजंताणं दहरिगाणं दहरगाणं कुतुंवाणं कलसियाणं मञ्ज्याणं, आतािंडजंताणं तलाणं तालाणं कंसतालाणं, घट्टिजंताणं रिंगे-रिसियाणं लित्तयाणं मगरियाणं सुंसुमारियाणं, फ्रिमिजंताणं वंसाणं वेलूणं वालीणं परिल्लीणं बद्धगाणं । तए णं से दिव्वे गीए दिव्वे वाइए दिव्वे नेट्टे एवं अब्भूए सिंगारे उराले मणने मणहरे गीए मणहरे नट्टे मणहरे वाइए उपिंपजलभूए कहकहभूए दिव्वे देवरमणे पवत्ते याचि होत्था । तए णं ते बहवे देवकुमारा य देवकुमारीओ य समणस्य भगवओ महावीरस्य सोत्थियसिरिवच्छनंदियावत्तवद्धमाणगभद्दासणकल-समच्छदप्पणमंगछभत्तिचित्तं णामं दिव्वं नद्वविहिं उवदंसेंति १ ॥ २३ ॥ तए णं ते बहवे देवकुमारा य देवकुमारीओ य सममेव समोसरणं करेंति करिता तं चेव भाणि-यव्वं जाव दिव्वे देवरमणे पवते यावि होत्था । तए णं ते बहुवे देवकुमारा य देव-कुमारीओ य समणस्स भगवओ महावीरस्स आवडपचावडसेढिपसेढिसोत्थियसोवत्थि-यपुसमाणववद्भमाणगमच्छण्डमगरंडजारमार्फुळाविलप्डमपत्तसागरतरंगवसंतलयाप-उमलयभत्तिचित्तं णाम दिव्वं णदृविहिं उवदंसेंति २, एवं च एकिक्कियाए णदृविहीए समोसरणाइया एसा वत्तव्यया जाव दिव्वे देवरमणे पवत्ते यावि होत्था । तए णं ते बहवे देवकुमारा देवकुमारियाओ य समणस्य भगवओ महावीरस्स ईहामियउसभतु-रगनरमगरविहगवालगकिन्नरहरूसरभचमरकुंजरवणलयपउमलयभत्तिचित्तं णामं दिव्वं णदृविहिं उनदेंसेति ३, एगओ वंकं दुहुओ वंकं एगओ खुहं दुहुओ खुहं एगओ चक्क-वालं दुहुओ चक्कवालं चक्कद्वचक्कवालं णामं दिव्वं णदृविहिं उवदंसंति ४, चंदावलि-पविभित्तं च सुराविलपविभित्तं च विलयाविलपविभित्तं च हंसाविलप० च एगाविलप० च ताराविलप० च मत्ताविलप० च कणगाविलप० च रयणाविलप० णामं दिव्यं

णहविहिं उवदंसेंति ५, चंदुग्गमणप० च सूह्यगमणप० च उग्गमणुग्गमणप० णामं दिव्वं णष्टविहिं उवदंसेंति ६, चंदागमणप० च सूरागमणप० च आगमणागमणप० णामं ... उवदंसेंति ७, चंदावरणप० सूरावरणप० च आवरणावरणप० णामं ... उव-दंसेंति ८, चंदत्थमणप० च सूरत्थमणप० अत्थमणऽत्थमणप० नामं ... उवदंसेति ९, चंदमंडलपविभित्तं च सूरमंडलप० च नागमंडलप० च जक्कमंडलप० च भूय-मंडलप० च [रक्खसमहोरगगन्धव्वमंडलप० च] मंडलमंडलप० नामं '''उवदंसेंति १०, उसभमंडलप० च सीहमंडलप० च हयविलंबियं गयवि० हयविलसियं गयवि-लिस्यं मत्तह्यविलिस्यं मत्तगयविलिस्यं मत्तह्यविलंबियं मत्तगयवि० दुयविलिम्बयं णामं ... णहविहिं उवदंसेंति ११, सागरपविभत्तिं च नागरप० च सागरनागरप० णाम ... उवदंसेंति १२, णंदाप० च चंपाप० च नन्दाचंपाप० णामं ... उवदंसेंति १३, मच्छंडाप० च मयरंडाप० च जारप० च मारप० च मच्छंडमयरंडजारमारप० णामं ... उवदंसेंति १४, 'क'ति ककारप० च 'ख'ति खकारप० च 'ग'ति गका-रप० च 'घ'त्ति घकारप० च 'ङ'त्ति ङकारप० च ककारखकारगकारघकारप० णामं ... उवदंसिंति १५, एवं चकारवग्गो वि १६, टकारवग्गो वि १७, तकारवग्गो वि १८, पकारचग्गो वि १९, असोयपळवप० च अंबपळवप० च जंबूपळवप० च कोसंबपह्रवप॰ च पह्रवप॰ णामं ''उवदंसेंति २०, पडमलयाप॰ जाव सामलयाप॰ च लयाप० णामं ''' खबदंसेंति २१, दुयणामं ''' खबदंसेंति २२, विलबियं णामं ''' उव० २३, दुयविलंबियं णामं ... उव० २४, अंचियं २५, रिभियं २६, अंचियरि-भियं २७, आरभडं २८, भसोलं २९, आरभडभसोलं ३०, उप्पयनिवयपवत्तं संकु-चियं पसारियं रयारइयं भंतं संभंतं णामं दिव्वं णद्वविहिं उवदंसेंति ३१। तए णं ते बहवे देवकुमारा य देवकुमारीओ य समामेव समोसरणं करेंति जाव दिव्वे देवरमणे पवत्ते यावि होत्था । तए णं ते बहुवे देवकुमारा य देवकुमारीओ य समणस्स भग-वओ महावीरस्स पुञ्वभवचरियणिबद्धं च चवणचरियणिबद्धं च संहरणचरियनिबद्धं च जम्मणचरियनिबद्धं च अभिसेयचरियनिबद्धं च बालभावचरियनिबद्धं च जोव्वण-चरियनिबद्धं च कामभोगचरियनिबद्धं च निक्खमणचरियनिबद्धं च तवचरणचरिय-निबद्धं च णाणुप्पायचरियनिबद्धं च तित्थपवत्तणचरियपरिनिव्वाणचरियनिबद्धं च चरिमचरियनिबद्धं णामं दिव्वं णद्दविहिं उवदंसेंति ३२। तए णं ते बहवे देवकुमारा य देवकुमारीओ य चउन्विहं वाइतं वाएंति-तं जहा-ततं विततं घणं झुसिरं । तए मं ते बहवे देवकुमारा य देवकुमारियाओ य चडव्विहं गेयं गायति तंजहा-उिक्खत्तं पार्यतं मंदायं रोहयावसाणं च । तए णं ते बहवे देवकुमारा य देवकुमारियाओ य

चलिबहं णहविहिं उवदंसंति तंजहा-अंचियं रिभियं आरभडं भसोलं च । तए णं ने बहुवे देवकुमारा य देवकुमारियाओं य चडुव्विहं अभिणयं अभिणएंति तंजहा-हिटंतियं पाडिंतियं सामन्नोविणिवाइयं अंतोमज्झावसाणियं च । तए णं ते बहवे देव-क्सारा य देवकुमारियाओ य गोयमाइयाणं समणाणं निग्गंथाणं दिव्वं देविड्डिं दिव्वं . देवजडं दिव्वं देवाणुभावं दिव्वं वत्तीसइवदं नाडयं उवदंसिता समणं भगवंतं महावीरं विक्लतो आयाहिणपयाहिणं करेंति करिता वंदंति नमंसंति वंदिता नमंसिता जेणेव . सरियाभे देवे तेणेव उवागच्छंति उवागच्छिता सरियाभं देवं करयलपरिगाहियं सिरसावत्तं मत्थए अंजिलं कटु जएणं विजएणं वद्धावेंति वद्धावित्ता एवं आणत्तियं ua िपणंति ॥ २४ ॥ तए णं से स्रियाभे देवे तं दिव्वं देविह्नं देवजुई दिव्वं देवाणभावं पिंडसाहरइ पिंडसाहरेता खणेणं जाए एगे एगभूए। तए णं से सारियाभे देवे समणं भगवंतं महावीरं तिक्खुत्तो आयाहिणपयाहिणं करेइ २ ता वंदइ नमंसइ वंदिता नमंसिता नियगपरिवालसर्द्धि संपरिवृडे तमेव दिव्वं जाणविमाणं दुरूहइ दुरूहित्ता जामेव दिसिं पाउवभए तामेव दिसिं पिडगए ॥ २५ ॥ भंते ! त्ति भयवं गोयमे समणं भगवंतं महावीरं वंदइ नमंसइ वंदिता नमंसिता एवं वयासी-सरियाभस्स णं भंते ! देवस्स एसा दिन्वा देविड्डी दिन्वा देवजाई दिन्वे देवाणुभावे कहिं गए कहिं अणु-प्पविदे ? गोयमा ! सरीरं गए सरीरं अणुप्पविद्रे । से केणहेणं भंते ! एवं वृच्चइ सरीरं गए सरीरं अणुप्पविद्वे ? गोयमा ! से जहा नामए कुडागारसाला सिया दृहओ लित्ता गुता गुत्तद्ववारा णिवाया णिवायगंभीरा, तीसे णं कृडागारसालाए अदूरसामंते एत्थ णं महेगे जणसमृहे चिद्रह, तए णं से जणसमृहे एगं महं अब्भवहलगं वा वासवह-लगं वा महावायं वा एज्जमाणं पासइ पासित्ता तं कृडागारसालं अंतो अणुप्पविसित्ता णं चिद्रइ. से तेणडेणं गोयमा ! एवं वृच्चइ-'सरीरं अणुप्पविद्रे' ॥ २६ ॥ किहं णं भंते ! सरियाभस्स देवस्स सरियाभे नामं विमाणे पन्नते ? गोयमा ! जंबहीवे दीवे मंदरस्स पव्वयस्स दाहिणेणं इमीसे रयणप्पभाए पुढवीए बहुसमर्मणिज्जाओ भूमि-भागाओ उड्ढं चंदिमस्रियगहगणनक्खत्तताराख्वाणं वहृइं जोयणाइं वहृइं जोयणस-याइं एवं सहस्साइं सयसहस्साइं वहुईओ जोयणकोडीओ जोयणसयकोडीओ जोयण-सहस्सकोडीओ वहुईओ जोयणसयसहरूसकोडीओ वहुईओ जोयणकोडाकोडीओ उड्ह दूरं वीईवइत्ता एत्थ णं सोहम्मे नामं कप्पे पन्नते पाईणपडीणायए उदीणदाहिणवि-ियणो अद्भवंदसंठाणसंठिए अचिमालिभासरासिवण्णाभे असंखेजाओ जोयणकोडा-कोडीओ आयामविक्खंभेणं असंखेजाओ जोयणकोडाकोडीओ परिक्खेवेणं एत्थ णं सोहम्माणं देवाणं वत्तीसं विमाणावाससयसहस्साइं भवंतीति मक्खायं। ते णं

विमाणा सव्वरयणाम्या अच्छा जाव पडिल्वा । तेसि णं विमाणाणं बहमज्झदेस-भाए पंच वर्डिसया पन्नता तंजहा-असोगवर्डिसए सत्तवण्णवर्डिसए चंपगवर्डिसए चूयविंसए मज्झे सोहम्मविंसए ते णं विंसगा सव्वरयणामया अच्छा जाव पिडल्वा । तस्स णं सोहम्मविंसगस्स महाविमाणस्स पुरित्थमेणं तिरियं असंखे-जाइं जोयणसयसहस्साइं वीइवइत्ता एत्थ णं सरियाभस्स देवस्स सरियाभे णामं विमाणे पण्णते अद्भतेरसजोयणसयसहस्साई आयामविक्खंभेणं अउणयालीसं च सयसहस्साइं बावनं च सहस्साइं अट्ट य अडयालजोयणसए परिक्खेवेणं। से णं एगेणं पागारेणं सव्वओ समंता संपरिक्खित से णं पागारे तिण्णि जोयणसयाई उड्ढं उचतेणं, मूळे एगं जोयणसयं विक्खंभेणं, मज्झे पन्नासं जोयणाइं विक्खंभेणं उपि पणवीसं जोयणाई विक्खंभेणं । मूले वित्थिणो मज्झे संखिते उपि तुण्ए गोपुच्छसंठाणसंठिए सन्वरयणामए अच्छे जाव पडिरूवे से णं पागारे णाणाविहपं-चवण्णेहिं कविसीसएहिं उवसोभिए तं जहा-कण्हेहि य नीलेहि य लोहिएहिं हालि-हेहिं सुक्किल्लेहिं कविसीसएहिं। ते णं कविसीसगा एगं जोयणं आयामेणं अद्वजोयणं विक्खंमेणं देसूणं जोयणं उड्ढं उचतेणं सन्वर्यणामया अच्छा जाव पिड्हवा। स्रियाभस्स णं विमाणस्स एगमेगाए बाहाए दारसहस्सं दारसहस्सं भवतीति मक्खायं, ते णं दारा पंच जोयणसयाइं उन्नं उन्नतेणं अन्नाइजाइं जोयणसयाइं विक्खंमेणं तावइयं चेव पवेसेणं सेया वरकणगथूभियागा ईहामियउसभतुरगणरमगर-विहगवालगिकन्नररुसरभचमरकुंजरवणलयपडमलयभत्तिचिता खंभुगगयवरवयरवेइ-यापरिगयाभिरामा विजाहरजमलजुयलजंतजुत्ता विव अचीसहस्समालणीया स्वगस-हस्सकलिया भिसमाणा भिब्भिसमाणा चक्खुल्लोयणलेसा सहफासा सस्सिरीयरूवा । वन्नो दाराणं तेसिं होइ तंजहा-वइरामया णिम्मा रिद्वामया पइद्राणा वेरुलियमया खंभा जायरूवोवचियपवरपंचवन्नमणिरयणकोष्टिमतला हंसगब्भमया एलुया गोमेज-मया इंदकीला लोहियक्खमईओ चेडाओ जोईरसमया उत्तरंगा लोहियक्खमईओ सईओ वयरामया संघी नाणामणिमया समुग्गया वयरामया अग्गला अग्गलपा-साया रययामयाओ आवत्तणपेढियाओ अंकुत्तरपासगा निरंतरियघणकवाडा भित्तीसु चेव भित्तिगुलिया छप्पन्ना तिण्णि होंति गोमाणसिया तत्तिया णाणामणिरयणवाल-रूवगलीलद्वियसालभंजियागा वयरामया कृडा रययामया उस्सेहा सन्वतवणिज्ञमया उल्लोया णाणामणिरयणजालपंजरमणिवंसगलोहियक्खपिडवंसगरययभोमा अंकामया पक्खा पक्खबाहाओ जोईरसमया वंसा वंसकवेल्याओ रययामईओ पट्टियाओ जायरूवमईओ ओहाडणीओ वइरामईओ उवरिपञ्छणीओ सव्वसेयरययामए छायणे

अंक्रायकणगकूडतवणिज्ञथ्भियागा सेया संखतलविमलनिम्मलदिहघणगोखीरफेण-म्ययणिगरप्पगासा तिलगरयणद्भचंदचिता नाणामणिदामालंकिया अंतो वहिं च सण्हा तवणिज्ञवालुयापत्थडा सहफासा सस्सिरीयख्वा पासाईया दरिसणिज्ञा अभिह्ना पिंडस्वा ॥ २० ॥ तेसि णं दाराणं उभओ पासे दृहओ निसीहियाए मोलस सोलस चंदणकलसपरिवाडीओ पन्नताओ, ते णं चंदणकलसा वरकमलपड-द्वाणा सुरभिवरवारिपडिपुण्णा चंदणकयचचागा आविद्धकंठेगुणा पउमुप्पलिपहाणा -सब्बरयणामया अच्छा जाव पिडहवा महया महया इंदकुंभसमाणा पन्नता समणा-जुसो!। तेसि णं दाराणं उभओ पासे दृहओ णिसीहियाए सोलस सोलस णाग-इन्तपरिवाडीओ पत्रताओ, ते णं णागदंता मुत्ताजालंतरुसियहेमजालगवक्खजा-लुखिखिणीघंटाजालपरिक्खिता अब्भुग्गया अभिणिसिद्रा तिरियसुसंपरिग्गहिया अहेपनगद्धस्वा पन्नगद्धसंठाणसंठिया सन्ववयरामया अच्छा जाव पिंडस्वा महया महया गयदंतसमाणा पत्रता समणाउसो ! । तेस णं णागदंतएस वहवे किण्हसत्तबद्धा बाबारियमहरदामकळावा णील० लोहिय० हालिद्द० सुक्किन्नसत्ताबद्धा वाचारियमहरदाम-कलावा. ते णं दामा तवणिज्जलंबुसगा सुवन्नपयरगमंडिया नाणाविहमणिरयणविवि-इहारउवसोभियसमुदया जाव सिरीए अईव अईव उवसोभेमाणा चिद्रंति । तेसि णं णागदंताणं उवरिं अन्नाओं सोलस सोलस नागदंतपरिवाडीओ पन्नता ते णं णागदंता तं चेव जाव गयदंतसमाणा पन्नता समणाउसो! तेसु णं णागदंतएस बहवे रययामया सिक्क्गा पत्रता, तेसु णं रययामएसु सिक्कएसु वहवे वेरुलियामईओ ध्वघडीओ प० ताओ णं भ्वघडीओ कालागुरुपवरकुंदुरुकतुरुकथ्वमधमधंतगंधुद्ध-याभिरामाओ सुगंधवरगंधियाओ गंधवद्विभूयाओ ओरालेणं मणण्णेणं मणहरेणं घाणमणणिव्युइकरेणं गंधेणं ते पएसे सव्वओ समंता आपूरेमाणा आपूरेमाणा जाव चिद्रंति । तेसि णं दाराणं उभओ पासे दुहुओ णिसीहियाए सोलस सोलस सालमंजियापरिवाडीओ पन्नताओ. ताओ णं सालमंजियाओं लीलद्रियाओं सपड-द्रियाओ सुअलंकियाओ णाणाविहरागवसणाओ णाणामछपिणद्वाओ सुद्रिगिज्झसम-ज्ज्ञाओ आमेलगजमलज्ञयलवृहियअच्भुनयपीणरङ्यसंठियपीवरपओहराओ रत्तावं-गाओ असियकेसीओ सिर्दावसयपसत्यलक्ष्वणसंवेहियगगसिरयाओ ईसिं असोगवर-पायवसमुद्रियाओ वामहत्थ्यगिहियगगसालाओ इसिं अद्भिन्छकडक्खिचिट्टिएणं लूस-माणीओ विव चक्खुहोयणलेसेहि य अन्नमन्नं खिज्जमाणीओ विव पुर्हावपरिणामाओ सासयभावसुवगयाओ चन्दाणणाओ चंदविलासिणीओ चंदादसमाणिडालाओ चंदाहि-यसोमदंसणाओ उक्का विव उज्जोवेमाणाओ विज्ञुवणमिरियस्र्दिप्पंततेयअहिययरस-

न्निगासाओ सिंगारागारचारुवेसाओ पासाइयाओ जाव चिह्नंति । तेसि णं दाराणं उभओ पासे दृहओं णिसीहियाए सोलस सोलस जालकडगपरिवाडीओ पन्नता, ते णं जालकडगा सन्वरयणामया अच्छा जाव पडिरूवा। तेसि णं दाराणं उभओ पासे दहओ निसीहियाए सोलस सोलस घंटापरिवाडीओ पन्नता, तासि णं घंटाणं इमेग्राह्वे वन्नावासे पन्नते. तंजहा-जंबणयामईओ घंटाओ वयरामयाओ लालाओ णाणामणिमया घंटापासा तवणिज्ञमङ्याओ संखलाओ रययामयाओ रज्जुओ । ताओं णं घंटाओं ओहस्सराओं मेहस्सराओं हंसस्सराओं कुंचस्सराओं सीहस्सराओं दुंदहिस्सराओ णंदिरसराओ णंदिघोसाओ मंजुरसराओ मंजुघोसाओ ग्रस्सराओ स्रस्तरघोसाओ उराळेणं मणन्नेणं मणहरेणं कन्नमणनिव्यङ्करेणं सहेणं ते पएसे सञ्बओ समंता आपरेमाणाओ आपरेमाणाओ जाव चिद्रंति । तेसि णं दाराणं उभओ पासे दुहओ णिसीहियाए सोलस सोलस वणमालापरिवाडीओ पन्नताओ. ताओं णं वणमालाओं णाणामणिमयदुमलयकिसलयपश्चवसमाउलाओं छप्पयपरिभुज्ज-माणसोहंतसस्सिरीयाओ पासाईयाओ ः । तेसि णं दाराणं उमओ पासे दुहुओ णिसीहियाए सोलस सोलस पगंठगा पन्नता, ते णं पगंठगा अड्डाइजाइं जोयणसयाइं आयामविक्खंभेणं पणवीसं जोयणसयं बाहल्लेणं सव्ववयरामया अच्छा जाव पिड-ह्वा । तेसि णं पगंठगाणं उवरिं पत्तेयं पत्तेयं पासायवडेंसगा पन्नता. तेणं पासाय-वडेंसगा अड्ढाइजाइं जोयणसयाइं उड्ढं उचतेणं पणवीसं जोयणसयं विकखंभेणं अञ्मगगयमसियपहसिया विव विविह्मणिरयणभित्तिचित्ता वाउद्भयविजयवेजयंतपडा-गच्छत्ताइच्छत्तक्रिया तुंगा गगणत्रलम्णुलिहंत्रसिहरा जालंतरस्यणपंजरुम्मिलिय व्व मणिकणगथ्भियागा वियसियसयवत्तपोंडरीयतिलगरयणद्धचंदचित्ता णाणामणिदामा-लंकिया अंतो बहिं च सण्हा तवणिज्जवाल्यापत्थडा सहफासा सस्सिरीयख्वा पासा-ईया दरिसणिजा जाव दामा । तेसि णं दाराणं उभओ पासे सोलस सोलस तोरणा पन्नता, णाणामणिमया णाणामणिमएस खंभेस उवणिविद्वसन्निविद्वा जाव परमह-त्थगा । तेसि णं तोरणाणं पत्तेयं परओ दो दो सालभंजियाओ पन्नताओ. जहा हेट्रा तहेव । तेसि णं तोरणाणं पुरओ नागदंता पन्नता जहा हेट्टा जाव दामा । तेसि णं तोरणाणं पुरओ दो दो हयसंघाडा गयसंघाडा नरसंघाडा किन्नरसंघाडा किंपुरि-ससंघाडा महोरगसंघाडा गंधव्वसंघाडा उसभसंघाडा सव्वरयणामया अच्छा जाव पिंडह्वा, एवं पंतीओ वीही मिहणाईं। तेसि णं तोरणाणं पुरओ दो दो पडमलयाओ जाव सामलयाओ णिचं कुसुमियाओ सन्वरयणामया अच्छा जाव पिडरूवा । तेसि णं तोरणाणं पुरओ दो दो दिसासोवित्थया पन्नता सव्वरयणामया अच्छा जाव पिड-

ह्वा। तेसि णं तोरणाणं पुरओ दो दो चंदणकलसा पन्नता, ते णं चंदणकलसा करकमलपइद्राणा तहेव । तेसि णं तोरणाणं पुरओ दो दो भिंगारा पन्नत्ता. ते णं भिगारा वरकमलपद्दाणा जाव महया मत्तगयमहागिइसमाणा पन्नता समणाउसो!। तेसि णं तोरणाणं पुरओ दो दो आयंसा पन्नता, तेसि णं आयंसाणं इमेयाहवे वन्नाaासे पन्नते. तंजहा−तवणिज्जमया पगंठगा अंक्रमया मंडला अणुग्घसियनिम्मलाए न्नायाए समणुबद्धा चंदमंडलपडिणिकासा महया महया अद्धकायसमाणा पन्नत्ता सम-णाउसो!। तेसि णं तोरणाणं पुरओ दो दो वहरनाभथाला पन्नता अच्छतिच्छडिय-सालितंद्रलणहसंदिद्वपिडिपुत्रा इव चिद्वंति सन्वजंव्रणयमया जाव पिडिस्वा महया मह्या रहचक्कवालसमाणा पन्नता समणाउसो!। तेसि णं तोरणाणं पुरओ दो दो वाईओ. ताओ णं पाईओ सच्छोदगपरिहत्थाओ णाणाविहस्स फलहरियगस्स वह-पिंडपुनाओ विव चिद्रंति सञ्वरयणामईओ अच्छाओ जाव पिंडहवाओ महया महया गोक्रिकंजरचक्कसमाणीओ पन्नताओं समणाउसो!। तेसि णं तोरणाणं प्ररओ दो दो सपद्मा पत्रता णाणाविहभंडविरइया इव चिद्रंति सव्वरयणामया अच्छा जाव पिड-हवा। तेसि णं तोरणाणं पुरओ दो दो मणोगुलियाओ पन्नताओ. तासु णं मणो-गुलियास बहवे सुवन्नरूपमया फलगा पन्नता, तेस णं सुवन्नरूपमएस फलगेस बहवे वयरामया नागदंतया पन्नता, तेसु णं वयरामएसु णागदंतएसु वहवे वय-रामया सिक्कगा पन्नता, तेसु णं वयरामएसु सिक्कगेसु किण्हसुत्तसिक्कगवच्छिया णीलमुत्तसिक्कगविच्छया लोहियमुत्तसिक्कगविच्छया हालिइमुत्तसिक्कगविच्छया सुक्किछ-मुत्तसिक्कगविच्छिया बहुवे वायकरगा पन्नता सव्ववेरुलियमया अच्छा जाव पिड्हवा । तेसि णं तोरणाणं पुरओ दो दो चित्ता रयणकरंडगा पन्नता, से जहा णामए रन्नो चाउरंतचक्रवद्रिस्स चित्ते रयणकरंडए वेरुलियमणिफलिहपडलपचोयडे साए पहाए ते पएसे सब्बओ समंता ओभासइ उज्जोवेइ तबइ पभासइ एवामेव ते वि चित्ता रयणकरंडगा साए पभाए ते पएसे सव्वओ समंता ओभासंति उज्जोवेंति तवंति पभासंति । तेसि णं तोरणाणं पुरओ दो दो हयकंठा गयकंठा नरकंठा किन्नरकंठा किंपरिसकेठा महोरगकेठा गंधव्वकंठा उसभकंठा सव्वरयणामया अच्छा जाव पडि-हवा। तेसि णं तोरणाणं पुरओ दो दो पुष्फचंगेरीओ मह्रचंगेरीओ चुन्नचंगेरीओ गंधचंगेरीओ वत्थचंगेरीओ आभरणचंगेरीओ सिद्धत्थचंगेरीओ पन्नताओ सञ्चरयणा-मयाओ अच्छाओ जाव पडिस्वाओ । तासु णं पुष्फचंगेरियासु जाव सिद्धत्थचंगेरीसु दो दो पुष्फपडलगाई जाव सिद्धत्थपडलगाई सन्वरयणामयाई अच्छाई जाव पिड-ख्वाइं। तेसि णं तोरणाणं परओ दो दो सीहासणा पण्णत्ता। तेसि णं सीहासणाणं

वण्णओ जाव दामा । तेसि णं तोरणाणं पुरओ दो दो रूप्पमया छत्ता पन्नता, ते णं कता वेरुलियविमलदंडा जंबणयकित्रया वहरसंघी मुत्ताजालपरिगया अट्टसहस्स-वरकंचणसलागा दहरमलयसुगंधिसव्वोडयसुर्भिसीयलच्छाया मंगलभितिचिता चंदागारोवमा । तेसि णं तोरणाणं पुरओ दो दो चामराओ पन्नताओ, ताओ णं चामराओ चंदप्पभवेरुलियवयरनानामणिरयणखिचयचित्तदण्डाओ सहमरययदी-ह्वालाओ संखंककुंददगरयअमयमहियफेणपुंजसिन्नगासाओ सन्वरयणामयाओ अच्छाओ जाव पडिरूवाओ । तेसि णं तोरणाणं पुरओ दो दो तेल्लसमुग्गा कोट्ट-समुरगा पत्तसमुरगा चोयगसमुरगा तगरसमुरगा एलासमुरगा हरियालसमुरगा हिंगूलयसमुरगा मणोसिलासमुरगा अंजणसमुरगा सन्वरयणामया अच्छा जाव पडिरूवा ॥ २८ ॥ सरियामे णं विमाणे एगमेगे दारे अद्रसयं चक्कज्झयाणं अद्र-सयं मिगज्झयाणं गरुडज्झयाणं छत्तज्झयाणं पिच्छज्झयाणं सजणिज्झयाणं सीह-ज्ञयाणं उसमज्ज्ञयाणं अद्रसयं सेयाणं चडविसाणाणं नागवरकेऊणं एवामेव सपव्वावरेणं सारियाभे विमाणे एगमेगे दारे असीयं असीयं केउसहस्सं भव-तीति मक्खायं। तेसि णं दाराणं एगमेगे दारे पण्णिष्टं पण्णिष्टं भोमा पन्नता, तेसि णं भोमाणं भूमिभागा उल्लोया य भाणियव्वा, तेसि णं भोमाणं बहुमज्झ-देसभागे पत्तेयं पत्तेयं सीहासणे. सीहासणवन्नओ सपरिवारो. अवसेसेस मोमेस पत्तेयं पत्तेयं भहासणा पन्नता । तेसि णं दाराणं उत्तमागारा सोलसविहेहिं रयणेहिं उनसोहिया, तंजहा-रयणेहिं जान रिट्रेहिं, तेसि णं दाराणं उपिंप अद्भद्ध मंगलगा सज्झया जाव छताइछत्ता एवामेव सपुव्वावरेणं सूरियाभे विमाणे चतारि दारस-हस्सा भवंतीति मक्खायं। सूरियाभस्स विमाणस्स चउद्दिसिं पंच जोयणसयाईं अबाहाए चत्तारि वणसंडा पन्नता, तंजहा-असोगवणे, सत्तिवणे, चंपगवणे, चयगवणे पुरिक्षमेणं असोगवणे दाहिणेणं सत्तवन्नवणे पचित्यमेणं चंपगवणे उत्तरेणं चयग-वणे। ते णं वणखंडा साइरेगाइं अद्धतेरसजोयणसयसहस्साइं आयामेणं पंच जोयणसयाइं विक्खंभेणं पत्तेयं पत्तेयं पागारपरिखित्ता किण्हा किण्होभासा नीला नीलोभासा हरिया हरिओ॰ सीया सीओ॰ निद्धा निद्धाे तिव्वा तिव्वो किण्हा किण्हच्छाया नीला नी० हरिया ह० सीया सी० निद्धा नि० घणकडितडियच्छाया रम्मा महामेहनिउरंबभ्या ते णं पायवा मूलमंतो वन्नओ ॥ २९ ॥ तेसि णं वणसं-डाणं अंतो बहुसमरमणिजा भूमिभागा पण्णता से जहा नामए आर्लिगपुक्खरे इ वा जाव णाणाविहपंचवण्णेहिं मणीहि य तणेहि य उवसोहिया, तेसि णं गंधो फासो णेयव्वी जहकर्म । तेसि णं भंते ! तणाण य मणीण य पुरुवावरदाहिणुत्तरा-

गणिहें वाएहिं मंदायं मंदायं एइयाणं वेइयाणं कंपियाणं चालियाणं फंदियाणं चित्र्याणं खोभियाणं उदीरियाणं केरिसए सहे भवड ? गोयमा ! से जहानामए मीगाए वा संदमाणीए वा रहस्य वा सच्छत्तस्य सज्झयस्य सघंटस्य सपडागस्स सतोरणवरस्य सनंदिघोसस्य सार्खिखिणिहेमजालपरिखित्तस्य हेमवयचित्ततिणिसक-णगणिजनदारुयायस्य सुसंपिणद्भचक्षमंडलधुरागस्य कालायससुक्रयणेमिजंतकम्मस्स आइण्णवरतरगसुसंपडत्तस्य क्रसलणरच्छेयसारहिसुसंपरिग्गहियस्स सरसयवत्तीसतो-णपरिमंडियस्स सकंकडावयंसगस्स सचावसरपहरणआवरणभरियजोहज्ज्झसज्जस्स गयंगणंसि वा रायंतेउरंसि वा रम्मंसि वा मणिक्रृहिमतलंसि अभिक्खणं अभिक्खणं अभिघटिज्ञमाणस्य वा नियदिज्जमाणस्य वा ओराला मणोण्णा मणोहरा कण्णमण-निव्वहकरा सहा सन्वओ समंता अभिणिस्सवंति, भवेयारूवे सिया ? णो इणद्रे समद्रे । से जहा णामए वेयालियवीणाए उत्तरमंदामुच्छियाए अंके सुपइड्वियाए कुसलनर-नारिससंपरिग्गहियाए चंदणसारनिम्मियकोणपरिघट्टियाए पुव्वरत्तावरत्तकालसमयंमि मंदायं मंदायं वेइयाए पवेइयाए चालियाए घट्टियाए खोभियाए उदीरियाए ओराला मणण्णा मणहरा कण्णमणनिव्वइकरा सद्दा सव्वओ समंता अभिनिस्सवंति. भवेबाह्रवे सिया? णो इणद्रे समद्रे। से जहा नामए किन्नराण वा किंपरिसाण वा महोरगाण वा गंधव्वाण वा भइसालवणगयाणं वा नंदणवणगयाणं वा सोमण-सवणगयाणं वा पंडगवणगयाणं वा हिमवंतमलयमंदरगिरिगृहासमन्नागयाण वा एगओ सिन्निहियाणं समागयाणं सिन्निसन्नाणं समुवविद्राणं पुमुङ्यपक्कौलियाणं गीय-रङ्गंधव्वहसियमणाणं गर्जं पर्जं कत्थं गेयं पयवद्धं पायवद्धं उक्खितं पायंतं मंदायं रोइयावसाणं सत्तसरसमञ्चागयं छद्दोसविष्पमुक्कं एकारसालंकारं अद्वगुणोववेयं, गुंजाऽवंक्कहरोवगृढं रत्तं तिद्वाणकरणसुद्धं पगीयाणं, भवेयाहवे ? हंता सिया॥ ३०॥ तेसि णं वणसंडाणं तत्थ तत्थ देसे देसे तहिं तहिं बहईओ खुशुखुड्डियाओ वावियाओ पुरुखरिणीओ दीहियाओ गुंजालियाओ सरपंतियाओ सरसरपंतियाओ बिलपंतियाओ अच्छाओ सण्हाओ रययामयकुलाओ समतीराओ वयरामयपासाणाओ तवणिजातलाओ सुवण्णसुज्झर्ययवालुयाओ वेरुलियमणिफालियपडलपच्चोयडाओ महोयारमुजत्ताराओ णाणामणितित्थमुबद्धाओ चउक्कोणाओ आणुप्व्वसुजायवप्प-गंभीरसीयलजलाओ संछन्नपत्तभिसमुणालाओ बहुउप्पलकुमुयनलिणसुभगसोगंधिय-पोंडरीयसयवत्तसहस्सपत्तकेसरफुलोवचियाओ छप्पयपरिभुज्जमाणकमलाओ अच्छवि मलसलिलपुण्णाओ पिडहत्थभमंतमच्छकच्छंभअणेगसउणमिहणगपविचरियाओ पत्तेयं पत्तेयं परमवरवेदयापरिक्खिताओ पत्तेयं पत्तेयं वणसंडपरिखिताओ अप्पेगइयाओ

आसबोयगाओ अप्पेगइयाओ वारुणोयगाओ अप्पेगइयाओ खीरोयगाओ अप्पेग-इयाओ घओयगाओ अप्पेगइयाओ खोदोयगाओ अप्पेगइयाओ पगईए उयगरसेणं पण्णत्ताओ पासाइयाओ दरिसणिजाओ अभिरूवाओ पिडरूवाओ। तासि णं वावीणं जाव बिलपंतीणं पत्तेयं पत्तेयं चलहिसं चत्तारि तिसोवाणपिहरूवगा पण्णता, तेसि णं तिसोवाणपडिरूवगाणं अयमेयारूवे वण्णावासे पण्णते तंजहा-वइरामया नेमा... तोरणाणं झया छत्ताइछत्ता य णेयव्वा । तासि णं खुड्डाखुड्डियाणं वावीणं जाव बिलपंतियाणं तत्थ तत्थ देसे देसे तहिं तहिं बहवे उप्पायपव्वयगा नियइपव्वयगा जगईपव्वयगा दारुइजापव्वयगा दगमंडवा दगमंचगा दगमालगा दगपासायगा उसड्डा खुडुखुडुगा अंदोलगा पक्खंदोलगा सन्वरयणामया अच्छा जाव पडिरूवा। तेसु णं उप्पायपन्वएसु जाव पक्खंदोलएसु बहुई हंसासणाई कोचासणाई गरुलासणाई उण्ण-यासणाई पणयासणाई दीहासणाई भहासणाई पक्खासणाई मगरासणाई उसभासणाई सीहासणाइं पउमासणाइं दिसासोवित्थयाइं सव्वरयणामयाइं अच्छाइं जाव पडिस्वाइं। तेसु णं वणसंडेसु तत्थ तत्थ देसे देसे तिहं तिहं बहवे आलियघरगा मालियघरगा क्रयलिघरगा लयाघरगा अच्छणघरगा पिच्छणघरगा मज्जणघरगा पसाहणघरगा गब्भघरमा मोहणघरमा सालघरमा जालघरमा कुसुमघरमा चित्तघरमा गंधव्यघरमा आयंसघरगा सन्वरयणामया अच्छा जाव पिड्हवा । तेस णं आलियघरगेस जाव आयंसघरगेसु तिहं तिहं घरएसु बहुई हंसासणाई जाव दिसासोविश्यआसणाई सव्वरयणामयाईं जाव पिंडरूवाईं । तेस णं वणसंडेस तत्थ तत्थ देसे २ तिहं तिहं बहवे जाइमंडवगा जुहियामंडवगा मिह्यामंडवगा णवमारियामंडवगा वासंति-मंडवगा दहिवासुयमंडवगा सूरिक्षियमंडवगा तंबोलिमंडवगा सुद्दियामंडवगा णाग-लयामंडवगा अइमुत्तयलयामंडवगा अप्फोयामंडवगा मालुयामंडवगा अच्छा सन्वर-थणामया जाव पिंडरूवा। तेसु णं जाइमण्डवएसु जाव मालुयामंडवएसु बहुवे पुढाविसिल।पद्दगा हंसासणसंठिया जाव दिसासोवित्ययासणसंठिया अण्णे य वहवे वरसयणासणविसिद्धसंठाणसंठिया पढिविसिलापद्दगा पण्णता समणाउसो ! आईणग-रूयबूरणवणीयतूलफासा सन्वरयणामया अच्छा जाव पिडरूवा। तत्थ णं बहवे वेमाणिया देवा य देवीओ य आसयंति सयंति चिहंति निसीयंति तुयहंति रमंति लंकि कीलंति किटंति मोहेंति पुरा पोराणाणं सुचिण्णाण सुपिकंताण सुभाण कडाण कम्माण कल्लाणाण कल्लाणं फलविवागं पचणुभवमाणा विहरंति ॥ ३१॥ तेसि णं वणसंडाणं बहुमज्झदेसभाए पत्तेयं पत्तेयं पासायवडेंसगा पण्णत्ता, ते णं पासायवडेंसगा पंच जोयणसयाई उड्डं उच्चत्तेणं अड्डाइजाई जोयणसयाई विक्खंभेणं

अन्भगगयमूसियपहसिया इव तहेव वहुसमरमणिजमूमिभागो उल्लोओ सीहासणं सपरिवारं तत्थ णं चत्तारि देवा महिङ्किया जाव पिलओवमद्विइया परिवसंति, तंजहा–असोए सत्तपण्णे चंपए चूए । स्रियाभस्स णं देवविमाणस्स अंतो बहुसमर-मणिजे भूमिभागे पण्णत्ते, तंजहा-वणसंडविहूणे जाव वहवे वेमाणिया देवा देवीओ य आसयंति जाव विहरंति, तस्स णं वहुसमरमणिजस्स भूमिभागस्स बहुमज्झदेसे एत्य णं महेगे उवगारियालयणे पण्णते, एगं जोयणसयसहरसं आयामविक्खंभेणं तिण्णि जोयणसयसहस्साई सोठस सहस्साई दोण्णि य सत्तावीसं जोयणसए तिन्नि य कोसे अद्वावीसं च धणुसयं तेरस य अंगुलाइं अद्धंगुलं च किंचिविसेसूणं परिक्खेवेणं, जोयणं बाह्छेणं, सव्वजंबूणयामए अच्छे जाव पडिरूवे ॥ ३२ ॥ से णं एगाए पडमवरवेइयाए एगेण य वणसंडेण सन्वओ समंता संपरिखित्ते, सा णं पउमनरवेइया अद्धजोयणं उक्कं उच्चत्तेणं पंच धणुसयाइं विक्खंभेणं उनयारियले-णसमा परिक्खेवेणं, तीसे णं पडमवरवेइयाए इमेयारूवे वण्णावासे पण्णत्ते, तंजहा-वयरामया॰ सुवण्णरुप्पमया फलया नाणामणिमया कलेवरा णाणामणिमया कलेवर-संघाडगा णाणामणिमया रूवा णाणामणिमया रूवसंघाडगा अंकामया० उवरिपुञ्छणी सन्वरयणामए अच्छायणे, सा णं पडमवरवेइया एगमेगेणं हेमजालेणं ए० गवक्ख-जालेणं ए० खिंखिणीजालेणं ए० घंटाजालेणं ए० मुत्ताजालेणं ए० मणिजालेणं ए० कणगजालेणं ए० रयणजालेणं ए० पडमजालेणं सन्वओ समेता संपरिखित्ता, . ते णं जाला तवणिज्जलंबूसगा जाव चिट्ठंति । तीसे णं पडमवरवेइयाए तत्थ तत्थ देसे २ तिह तिह बहवे हयसंघाडा जाव उसभसंघाडा सव्वरयणामया अच्छा जाव पडिल्वा पासाईया जाव वीहीओ पंतीओ मिहुणाणि लयाओ से केणहेणं भंते! एवं वुचइ-पडमवरवेइया पडमवरवेइया? गोयमा! पडमवरवेइयाए णं तत्थ तत्य देसे २ तिहं वेह्यामु वेह्याबाहामु य वेह्यफलएमु य वेह्यपुडंतरेमु य खंमेड खंमबाहास खंमसीसेस खंभपुडंतरेस सूईस सूईसुहेस सूईफलएस सूईपुडं-तरेसु पक्खेसु पक्खवाहासु पक्खपेरंतेसु पक्खपुडंतरेसु बहुयाइं उप्पलाइं पडमाइं कुसुयाइं णलिणाइं सुभगाइं सोगंधियाइं पुंडरीयाइं महापुंडरीयाइं सयवत्ताइं सहस्स-वताइं सन्वरयणामयाइं अच्छाइं० पिडस्वाइं महया वासिक्कछत्तसमाणाइं पण्णत इं समणाउसो ! से एएणं अट्ठेणं गोयमा ! एवं वुष्वइ-पउमवरवेइया पडमवरवेइया । पउमवरवेइया णं भंते ! किं सासया असासया ? गोयमा ! सिय सासया सिय असासया । से केणडेणं भंते ! एवं वुच्चइ-सिय सासया सिय असासया ? गोयमा ! दव्बहुयाए सासया, वन्नपज्जवेहिं गंधपज्जवेहिं रसपज्जवेहिं फासपज्जवेहिं असासया, ५ सत्ता०

६६

से एएणट्रेणं गोयमा ! एवं वृच्चइ सियं सासया सिय असासया । पडमवरवेइया णं भंते! कालओ केविचरं होइ? गोयमा! ण कयावि णासि ण कयावि णत्थि ण कयावि न भविरसइ, भुविं च भवइ य भविरसइ य, धुवा णियया सासया अक्खया अन्वया अवद्रिया णिचा पडमवरवेड्या। सा णं पडमवरवेड्या एगेणं वणसंडेणं सव्वओ समंता संपरिक्खिता। से णं वणसंडे देसणाई दो जोयणाई चक्कवालवि-क्खंभेणं उवयारियालेणसमे परिक्खेवेणं वणसंडवण्णओ भाणियव्वो जाव विहरंति । तरस णं उवयारियालेणस्स चउहिसं चत्तारि तिसोवाणपडिरूवगा पण्णता वण्णओ तोरणा झया छत्ताइच्छत्ता । तस्स णं उवयारियालयणस्स उवरिं बहसमरमणिजे भूमिभागे पण्णते जाव मणीणं फासो ॥ ३३ ॥ तस्स णं बहुसमरमणिजस्स भूमि-भागस्स बहुमज्झदेसभाए एत्थ णं महेगे मूलपासायवडेंसए पण्णते, से णं मूलपा-सायविंडसए पंच जोयणसयाई उड्ढं उच्चतेणं अड्ढाइजाई जोयणसयाई विक्खंभेणं अब्भुग्गयम्सिय वणाओ भूमिभागो उल्लोओ सीहासणं सपरिवारं भाणियव्वं अद्भद्र मंगलगा झया छताइच्छता । से णं मूलपासायवडेंसगे अण्णेहिं चडिहं पासायवडें-सएहिं तयदुःचत्तप्पमाणमेत्तिहिं सन्वओ समेता संपरिवित्ते, ते ण पासायवडेंसगा अडू इजाइं जोयणसयाइं उड्ढं उच्चतेणं पणवीसं जोयणसयं विक्खंभेणं जाव वण्णओ ते णं पासायविंडसया अण्णेहिं चउहिं पासायविंडसएहिं तयद्भचतप्पमाणमेत्तेहिं सव्वओ समंता संपरिखिता, ते णं पासायवडेंसया पणवीसं जोयणसयं उड्ड उचतेणं बासिंद्रं जोयणाइं अद्भजोयणं च विक्खंभेणं अन्भुगयमसिय वण्णओ भूमिभागो उल्लोओ सीहासणं सपरिवारं भाणियव्वं अद्भद्ध मंगलगा झया छता-इच्छत्ता ते णं पासायवडेंसगा अण्णेहिं चउहिं पासायवडेंसएहिं तयद्भचत्तपमाण-मेत्तेहिं सव्वओ समंता संपरिक्खिता, ते णं पासायवडेंसगा बासद्विं जोयणाई अद्धजोयणं च उड्ढं उच्चतेणं एकतीसं जोयणाइं कोसं च विक्खंभेणं वण्णओ उल्लोओ सीहासणं सपरिवारं पासाय ० उवरिं अद्भद्र मंगलगा झया छत्ताइछत्ता ॥३४॥ तस्स णं मूलपासायवडेंसयस्स उत्तरपुर्िथमेणं एत्थ णं सभा सहम्मा पण्णता. एगं जोयणसयं आयामेणं पण्णासं जोयणाइं विक्खम्भेणं बावत्तरिं जोयणाइं उद्घं उचतेणं अणेगखम्भ...जाव अच्छरगण...पासाईया०। सभाए णं सहम्माए तिदिसिं तओ दारा पण्णत्ता, तंजहा-पुरत्थिमेणं दाहिणेणं उत्तरेणं ते णं दारा सोलस जोयणाईं उडूं उचतेणं अट्ठ जोयणाई विक्खम्भेणं तावइयं चेव पवेसेणं सेया वरकणगथ्भियागा जाव वणमालाओ, [तेसि णं दाराणं उवरिं अट्टह मङ्गलगा झया छत्ताइछता] तेसि णं दाराणं प्रओ पत्तेयं पत्तेयं महमण्डवे पण्णते. ते णं महमण्डवा एगं जोयणसयं

आयामेणं पण्णासं जोयणाई विक्खंभेणं साइरेगाई सोलस जोयणाई उद्घे उचतेणं कणाओं सभाए सरिसो, तिसि णं मुहमण्डवाणं तिदिसिं तओ दारा पण्णत्ता. तंजहा-परत्थिमेणं दाहिणेणं उत्तरेणं, ते णं दारा सोलस जीयणाइं उद्घं उच्चतेणं अद्र जोयणाई विक्खंभेणं तावइयं चेव पवेसेणं सेया वरकणगथ्भियागा जाव वणमालाओ । तेसि णं मुहमंडवाणं भूमिभागा उल्लोया, तेसि णं महमंडवाणं उविरं अटट मङ्गरुगा झया छत्ताइच्छता। तेसि णं महमंडवाणं पुरओ पत्तेयं पत्तेयं वेच्ळाघरमंडवे पण्णते, महमंडववत्तव्वया जाव दारा भूमिभागा उल्लोया । तेसि णं बहसमरमणिजाणं भूमिभागाणं वहुमज्झदेसभाए पत्तेयं पत्तेयं वइरामए अक्खाडए पण्णते. तेसि णं वयरामयाणं अक्खाडगाणं बहुमज्झदेसभाए पत्तेयं पत्तेयं मणिपेढिया पणता, ताओ णं मणिपेढियाओ अह जोयणाई आयामविक्खंभेणं चत्तारि जोयणाई बाह्रक्षेणं सन्वमणिमईओ अच्छाओ जाव पडिरूवाओ, तासि णं मणिपेढियाणं उवीरें क्तेयं पत्तेयं सीहासणे पण्णत्ते, सीहासणवण्णओ सपरिवारो, तेसि णं पेच्छाघरमंडवाणं उवरि अद्भद्र मंगलगा सया छताइछता, तेसि णं पेच्छाघरमंडवाणं परओ पत्तेयं पत्तेयं मणिपेदियाओ पण्णताओ. ताओ णं मणिपेदियाओ अद्ग जोयणाई आयामविक्खंभेणं चत्तारि जोयणाइं बाहल्लेणं सन्वमणिमईओ अच्छाओ जाव पडिरूवाओ. तासि णं मणिपेदियाणं उवरिं पत्तेयं पत्तेयं महिंदज्झया पण्णता ते णं महिंदज्झया सिंहं जोगणाइं उद्घं उच्चत्तेणं अद्भकोसं उव्वेहेणं अद्भकोसं विक्खंभेणं वहरामयः सिहरा पासादीया ४। तेसि णं महिंदज्झयाणं उविर अद्भद्र मंगलगा झया छत्ताइछता तेति णं महिंदज्झयाणं पुरओ पत्तेयं पत्तेयं नंदा पुक्खरिणीओ पण्णताओ, ताओ णं पुक्खरिणीओ एगं जोयणसयं आयामेणं पण्णासं जोयणाई विक्खंभेणं दस जोग्रणाइं उन्बेहेणं अच्छाओ जाव वण्णओ-एगइयाओ उदगरसेणं पण्णताओ. पत्तेयं पत्तेयं परमवरवेडयापरिखिताओ पत्तेयं पत्तेयं वणसंडपरिक्खिताओ तासि णं णंदाणं पुक्खरिणीणं तिदिसिं तिसोवाणपिङ्कवगा पण्णत्ता, तिसोवाणपिङ्कवगाणं कणओ, तोरणा झया छत्ताइछत्ता । सभाए णं सहम्माए अडयाठीसं मणोगूलिया-साहस्सीओ पण्णताओ. तंजहा-प्रतिथमेणं सोलससाहस्सीओ पचित्थमेणं सोलस-साहस्सीओ दाहिणेणं अद्रसाहस्सीओ उत्तरेणं अद्रसाहस्सीओ, तास णं मणोगुलियास बहुवे सुवण्णरूपमया फलगा पण्णता. तेस णं सुवन्नरूपमएस फलगेस बहुवे वइरामया णागदंता पण्णता, तेस णं वइरामएस णागदंतएस किण्हसत्तवट्टवम्घारिय-महदामकलावा चिद्रंति, सभाए णं सहम्माए अडयालीसं गोमाणसियासाहस्सीओ पन्नताओ, जह मणोगुलिया जाव णागदंतगा, तेस णं णागदंतएस बहुवे रययामया

सिक्कगा पण्णता तेसु णं रययामएस सिक्कगेसु बहुवे वेरुलियामइयाओ ध्रवघडियाओ पण्णत्ताओ, ताओ णं ध्रवघडियाओ कालागुरुपवर जाव चिट्ठांति । सभाए णं सुहम्माए अंतो बहुसमरमणिजे भूमिभागे पण्णत्ते जाव मणीहिं उवसोभिए मणिफासो य उल्लोओ य, तस्स णं बहुसमर्मणिज्ञस्स भूमिभागस्स बहुमज्झदेसभाए एत्थ णं महेगा मणिपेढिया पण्णत्ता अट्ठ जोयणाइं आयामविक्खंभेणं चत्तारि जोयणाइं बाह्रहेणं सन्वमणिमई अच्छा जाव पडिरूवा, तीसे णं मणिपेढियाए उविरं एत्थ णं महेगे सीहासणे पण्णते सीहासणवण्णओ सपरिवारो । तीसे णं विदिसाए एतथ णं महेगा मणिपेढिया पण्णत्ता अट्ट जोयणाई आयामविक्खंमेणं चत्तारि जोयणाई बाहुक्षेणं सन्वमणिमया अच्छा जाव पडिरूवा, तीसे णं मणिपेढियाए उविरं एत्थ णं महेंगे देवसयणिजे पण्णते, तस्स णं देवसयणिजस्स इमेयारूवे वण्णावासे पण्णत्ते, तंजहा-णाणामणिमया पिडपाया सोविश्वया पाया णाणामणिमयाई पायसी-सगाई जंबूणयामयाई गत्तगाई वहरामया संघी णाणामणिमए विचे रययामई तूली लोहियक्खमया बिञ्बोयणा तवणिज्ञमया गंडोवहाणया से णं सयणिजे सालिंगण-विष्टिए उभओ बिब्बोयणे दुहुओउण्णए मज्झे णयगंभीरे गंगापुलिणवालुयाउदाल-सालिसए सुविरइयरयत्ताणे उवचियखोमदुगुह्रपट्टपडिच्छायणे आईणगरूयबूरणवणीय-तूलफासमङए रत्तंसुयसंवए सुरम्मे पासादीए "पडिरूवे ॥ ३५ ॥ तस्स णं देवस-यणिजस्स उत्तरपुरित्थमेणं महेगा मणिपेढिया पण्णता, अह जोयणाइं आयामवि-क्खंभेणं चतारि जोयणाई बाह्छेणं सव्वमणिमई जाव पडिरूवा. तीसे णं मणि-पेढियाए उवरिं एत्थ णं महेगे खुडुए महिंदज्झए पण्णते सिट्टं जोयणाइं उड्हं उच्चतेणं जोयणं विक्खंभेणं वहरामए वहलद्रसंठियसुसिलिद्र जाव पिड्रूवे, उविरं अद्भद्र मंगलगा झया छत्ताइच्छत्ता, तस्स णं खुड्डागमहिंदज्झयस्स पचित्थिमेणं एत्थ णं सूरियाभस्स देवस्स चोप्पाले नाम पहरणकोसे पन्नते सव्ववइरामए अच्छे जाव पडिरूवे तत्थ णं सूरियाभरस देवरस फलिहरयणखग्गगयाधणुप्पमुहा बहवे पहरणरयणा संनिखित्ता चिट्ठंति, उज्जला निसिया सुतिक्खधारा पासादीया ...। सभाए णं सहस्माए उवरिं अद्भद्ध मंगलगा झया छत्ताइच्छत्ता ॥ ३६ ॥ सभाए णं सहम्माए उत्तरपुरिथमेणं एत्थ णं महेगा उववायसभा पण्णत्ता, जहा सभाए सुहम्माए तहेव जाव मणिपेढिया अह जोयणाइं देवसयणिजं तहेव सयणि-जनण्णओ अद्घट्ट मंगलगा झया छत्ताइछत्ता । तीसे णं उननायसभाएः उत्तरपुरत्थि-मेणं एत्थ णं महेगे हरए पण्णते एगं जोयणसयं आयामेणं पण्णासं जोयणाई विक्खंभेणं दस जोयणाई उन्वेहेणं तहेव से णं हरए एगाए पउमवरवेइयाए एगेण

वणसंडेण सन्वओं समंता संपरिक्खिते। तस्स णं हरयस्स तिदिसं तिसोवाणपिड-हुवगा पन्नता । तस्स णं हरयस्स उत्तरपुरियमेणं एत्थ णं महेगा अभिसेगसभा क्षणता. सहम्मागमएणं जाव गोमाणसियाओ मणिपेढिया सीहासणं सपरिवारं जाव हामा चिद्रंति, तत्थ णं सूरियाभस्स देवस्स सुबहु अभिसेयभंडे संनिखित्ते चिद्रइ. अटट मंगलगा तहेव । तीसे णं अभिसेगसभाए उत्तरपुरिथमेणं एत्थ णं अलंकारि-यसमा पण्णता जहा सभा सहस्मा, मणिपेढिया अट्ठ जोयणाई सीहासणं सपरिवारं. तत्य णं सरियाभस्स देवस्स सुबहु अलंकारियभंडे संनिखित्ते चिट्ठइ, सेसं तहेव. तीने णं अलंकारियसभाए उत्तरपुरियमेणं एत्थ णं महेगा ववसायसभा पण्णता. जहा उववायसभा जाव सीहासणं सपरिवारं मणिपेढिया अट्टर मंगलगा०. तत्थ णं मिर्गामस्स देवस्स एत्थ महेगे पोत्थयर्यणे सन्निक्खित चिद्रइ. तस्स णं पोत्थयर-गणस इमेग्राह्वे वण्णावासे पण्णत्ते. तंजहा-रिद्रामईओ कंबियाओ तवणिज्ञमण होरे नाणामणिमए गंठी रयणामयाई पत्तगाई वेहलियमए लिप्पासणे रिद्रामए छादणे तबणिजमई संकला रिद्वामई मसी वइरामई लेहणी रिद्वामयाई अक्खराई धम्मिए हेक्खे। ववसायसभाए णं उवरिं अद्वद्ध मंगलगा, तीसे णं ववसायसभाए उत्तर-प्रतियमेणं एत्य णं नंदा पुक्खरिणी पण्णत्ता हरयसरिसा ॥ ३७ ॥ तेणं कालेणं . तेणं समएणं स्ररियाभे देवे अहणोववण्णमित्तए चेव समाणे पंचविहाए पज्जतीए पजतीभावं गच्छइ, तंजहा-आहारपजतीए सरीरपजतीए इंदियपजतीए आण-पाणपज्रतीए भासामणपज्रतीए, तए णं से सूरियाभे देवे सयणिजाओ अब्भद्रेइ २ ता उववायसभाओ पुरित्थिमिल्लेणं दारेणं निग्गच्छइ, जेणेव हरए तेणेव उवागच्छइ २ ता हरवं अणुपवाहिणीकरेमाणे २ पुरिव्यमिल्लेणं तोरणेणं अणुपविसङ् २ ता पुरित्यमिल्लेणं तिसोवाणपिडस्वएणं पन्चोरुहइ २ त्ता जलावगाहं जलमज्जणं करेइ २ त्ता जलिक्डं करेड २ त्ता जलाभिसेयं करेड २ ता आयंते चोक्खे परमसुईभूए हरयाओ पचोत्तरइ २ ता जेणेव अभिसेयसभा तेणेव उवागच्छइ तेणेव उवागच्छिता अभिसेयसभं अणु-पयाहिणीकरेमाणे अगुपयाहिणीकरेमाणे पुरत्थिमिक्षेणं दारेणं अगुपविसङ् अगु-पविसित्ता जेणेव सीहासणे तेणेव उवागच्छा उवागच्छिता सीहासणवरगए प्रत्थाभि-मुहे सन्निसन्ने । तए णं सूरियाभस्स देवस्स सामाणियपरिसोववन्नगा देवा आभिओ-गिए देवे सहावेंति सहावित्ता एवं वयासी-खिप्पामेव भो! देवाणुप्पिया! सृरियाभस्स देवस्स महत्यं महर्ग्यं महरिहं विउलं इंदाभिसेयं उवट्टवेह । तए णं ते आभिओगिया देवा सामाणियपरिसोववन्नेहिं देवेहिं एवं वृत्ता समाणा हृद्र जाव हियया करयलपरिग्ग-हियं सिरसावत्तं मत्थए अंजिलं कट्ट् 'एवं देवो! तह' त्ति आणाए विणएणं वयणं पिडसणित पिडसणिता उत्तरपुरियमं दिसीभागं अवक्रमंति उत्तरपुरियमं दिसी-भागं अवक्रमिता वेउ व्वियसमुग्घाएणं समोहणंति समोहणिता संखेजाई जोयणाई जाव दोचं पि वेउव्वियसमुग्घाएणं समोहणित्ता अद्रसहस्सं सोविश्वयाणं कलसाणं अदसहस्सं रुप्पमयाणं कलसाणं अदसहस्सं मणिमयाणं कलसाणं अदसहस्सं सुवण्ण-रुप्पमयाणं कलसाणं अद्भाहस्सं सुवन्नमणिमयाणं कलसाणं अद्भाहस्सं रुप्पमणिमयाणं कलसाणं अद्रसहस्सं सुवण्णरूपमणिमयाणं कलसाणं अद्रसहस्सं भोमिजाणं कलसाणं एवं भिंगाराणं आयंसाणं थालाणं पाईणं सपदद्वाणं वायकरगाणं रयणकरंडगाणं सीहासणाणं छत्ताणं चामराणं तेळसमुग्गाणं जाव अंजणसमुग्गाणं झयाणं विउ-व्वंति विउव्विता ते साभाविए य वेउव्विए य कलसे य जाव झए य गिण्हंति गिण्हिता सरियाभाओ विमाणाओ पिडिनिक्खमंति पिडिनिक्खमित्ता ताए उक्रिद्राए चवलाए जाव तिरियमसंखेजाणं जाव वीइवयमाणा वीइवयमाणा जेणेव खीरोदयसमहे तेणेव उवागच्छंति उवागच्छिता खीरोयगं गिण्हंति ० जाइं तत्थप्पलाइं जाव सयसहस्सपत्ताई ताई गिण्हंति गिण्हित्ता जेणेव पुक्खरोदए समुद्दे तेणेव उवागच्छंति उवागच्छिता पुक्खरोदयं गेण्हंति गिण्हिता जाइं तत्थुप्पलाइं जाव सयसहस्सपताइं ताइं गिण्हंति गिण्हित्ता जेणेव समयखेते जेणेव भरहेरवयाइं वासाइं जेणेव मागहवरदामपभासाइं तित्थाइं तेणेव उवागच्छंति तेणेव उवागच्छिता तित्थोदगं गेण्हंति गेण्हेता तित्यमहियं गेण्हंति गेण्हिता जेणेव गंगासिंधरत्तारत्तवईओ महानईओ तेणेव उवागच्छंति उवागच्छिता सिललोदगं गेण्हंति सिललोदगं गेण्हिता उभओ-कूलमहियं गेण्हंति महियं गेण्हिता जेणेव चुल्लहिमवंतसिहरीवासहरपव्वया तेणेव उवागच्छंति तेणेव उवागच्छिता दगं गेण्हंति । सन्वत्यरे सन्वपूप्फे सन्वगंधे सन्वमले सब्बोसहिसिद्धत्थए गिण्हंति गिण्हिता जेणेव पउमपुंडरीयदहे तेणेव उवागच्छंति उवागच्छिता दहोदगं गेण्हंति गेण्हिता जाइं तत्थ उप्पलाइं जाव सयसहस्सपताईं ताइं गेण्हांत गेणिहत्ता जेणेव हेमवयएरवयाइं वासाइं जेणेव रोहियरोहियंसासुवण्ण-कूलरूप्पकूलाओ महाणईओ तेणेव उवागच्छंति, सलिलोदगं गेण्हंति गेण्हित्ता उभओ-कुलमिट्टेयं गिण्हाति गिण्हिता जेणेव सहावइवियडावइपरियागा वृह्वेयङ्कपञ्चया तेणेव उवागच्छन्ति उवागंच्छिता सन्वत्यरे तहेव जेणेव महाहिमवंतरुप्पिवासहरपन्वया तेणेव उवागच्छन्ति तहेव जेणेव महापउममहापुंडरीयहहा तेणेव उवागच्छंति उवागच्छिता दहोदगं गिण्हन्ति तहेव जेणेव हरिवासरम्मगवासाइं जेणेव हरिकंत-नारिकंताओं महाणईओं तेणेव उवागच्छंति तहेव जेणेव गंधावइमालवंतपरियाया बद्दवेयद्भपन्वया तेणेव तहेव जेणेव णिसढणीलवंतवासधरपन्वया तहेव जेणेव

तिगिच्छिकेसरिद्हाओ तेणेव उवागच्छिति उवागच्छिता तहेव जेणेव महाविदेहे वासे जेणेव सीयासीओयाओ महाणईओ तेणेव तहेव जेणेव सव्वचकविट्टविजया क्षेणेब सन्वमागहवरदामपभासाइं तित्थाइं तेणेव उवागच्छेति तेणेव उवागच्छिता तित्योदगं गेण्हंति गेण्हित्ता सव्वंतरणईओ जेणेव सव्ववक्खारपव्वया तेणेव उवागच्छंति सन्वत्यरे तहेव जेणेव मंदरे पन्वए जेणेव भदसालवणे तेणेव उवागच्छंति सञ्वतूयरे सञ्वपुष्फे सञ्वमल्ले सञ्बोसिहिसिद्धत्थए य गेण्हंति गेण्हित्ता क्षेणेव णंदणवणे तेणेव उवागच्छंति उवागच्छिता सव्वतूयरे जाव सव्वोसहि-मिद्धत्थए य सरसगोसीसचंदणं गिण्हंति गिण्हित्ता जेणेव सोमणसवणे तेणेव उवागच्छंति सव्वत्यरे जाव सव्वोसिहिसिद्धत्थए य सरसगोसीसचंदणं च दिव्वं च समणदामं गिण्हंति गिण्हित्ता जेणेव पंडगवणे तेणेव उवागच्छंति उवागच्छिता सन्वतयरे जाव सन्वोसहिसिद्धतथए य सरसं च गोसीसचंदणं दिन्वं च समण-द्यमं दहरमलयसुगंधियगन्धे गिण्हन्ति गिण्हिता एगओ मिलायंति मिलाइता ताए उक्किट्राए जाव जेणेव सोहम्मे कप्पे जेणेव सरियामे विमाणे जेणेव अभिसेयसभा जेणेव सरियाभे देवे तेणेव उवागच्छंति उवागच्छिता सरियामं देवं करयलपरिगाहियं सिरसावतं मत्थए अंजर्लि करू, जएणं विजएणं वदाविंति वदावित्ता तं महत्थं महायं महरिहं विउलं इंदाभिसेयं उवद्रवेंति । तए णं तं सुरियाभं देवं चत्तारि सामाणियसाहरसीओ चत्तारि अग्गमहिसीओ सपरिवाराओ तिन्नि परिसाओ सत्त अणियाहिवइणो जाव अन्नेवि वहवे स्रियाभविमाणवासिणो देवा य देवीओ य तेहिं सामाविएहि य वेउव्विएहि य वरकमलपद्भाणेहि य सुरिमवरवारिपडिपुन्नेहिं चंदण-क्यचिष्रिहें आविद्धकंठेगुणेहिं पउमुप्पलिपहाणेहिं मुकुमालकोमलकरयलपरिग्गहिएहिं अदूसहस्सेणं सोवन्नियाणं कळसाणं जाव अदूसहस्सेणं भोमिजाणं कळसाणं सव्वोद-एहिं सन्वमिट्टयाहिं सन्वत्यरेहिं जाव सन्वोसिहिसिद्धत्थएहि य सन्विद्धीए जाव वाइएणं महया महया इंदाभिसेएणं अभिसिंचंति । तए णं तस्स सूरियाभस्स देवस्स महया महया इंदाभिसेए वहमाणे अप्पेगङ्या देवा स्रियामं विमाणं नचीययं नाइमिट्टयं पविरलफ़्सियरेणुविणासणं दिव्वं सुर्भिगन्धोदगं वासं वासंति, अप्पेगइया देवा हयरयं नहरयं भद्ररयं उवसंतरयं पसंतरयं करेंति, अप्पेगइया देवा स्रियामं विमाणं आसियसंमज्जिओविकित्तं सुइसंमद्वरत्थंतरावणवीहियं करेंति, अप्पेगइया देवा स्रियामं विमाणं मंचाइमंचकलियं करेंति, अप्पेगइया देवा स्रियामं विमाणं णाणा-विहरागोसियं झयपडागाइपडागमंडियं करेंति, अप्पेगइया देवा स्रियामं विमाणं लाउल्लोइयमहियं गोसीससरसरत्तचंदणदहरदिण्णपंचंगुलितलं करेंति, अप्पेगइया देवा

सरियामं विमाणं उवचियचंदणकलसं चंदणघडसुकयतोरणपडिदुवारदेसभागं करेंति. अप्पेगइया देवा सरियामं विमाणं आसत्तोसत्तविउलवदृवग्घारियमहृदामकलावं करेंति. अप्पेगइया देवा स्रियामं विमाणं पंचवण्णसुरिममुक्कपुष्फपुंजोवयारकलियं करेंति, अप्पेगइया देवा सूरियामं विमाणं कालागुरुपवरकुंदुरुक्ततुरुक्यवृ्वमघमघंतगंधुद्भयाभि-रामं करेंति. अप्पेगइया देवा सरियामं विमाणं सुगंधवरगंधियं गंधविद्यम्यं करेंति. अप्पेगइया देवा हिरण्णवासं वासंति, सुवण्णवासं वासंति, रययवासं वासंति, वहर-वासं० पुप्पवासं० फलवासं० महनवासं० गंधवासं० चुण्णवासं० आभरणवासं वासंति, अप्पेगइया देवा हिरण्णविहिं भाएंति, एवं सुवन्नविहिं भाएंति, रयणविहिं पुष्फविहिं फलविहिं मल्लविहिं चुण्णविहिं वत्थविहिं गंधविहिं०, तत्थ अप्पेगइया देवा आभरणविहिं भाएंति, अप्पेगइया चडव्विहं वाइत्तं वाइंति-ततं विततं घणं झितरं. अप्पेगइया देवा चउव्विहं गेयं गायंति, तं०-उक्खितायं पायत्तायं मंदायं रोइयावसाणं, अप्पेगइया देवा दुयं नष्टविहिं उवदंसिंति अप्पेगइया विलंबियणदृविहिं उवदंसेंति अप्पेगइया देवा दुयविलंबियं णहृविहिं उवदंसेंति, एवं अप्पेगइया अंचियं नृहविहिं उवदंसेंति, अप्पेगइया देवा आर्भडं भसोलं आर्भडभसोलं उप्पायनिवाय-पवत्तं संक्रचियपसारियं रियारियं भंतसंभंतणामं दिव्वं णदृविहिं उवदंसेंति, अप्पेगइया देवा चडिवहं अभिणयं अभिणयंति, तंजहा-दिद्वंतियं पाडंतियं सामंतोवणिवाइयं लोगअंतोमज्झावसाणियं, अप्पेगइया देवा बुकारेंति, अप्पेगइया देवा पीणेंति, अप्पेगइया लासेंति, अप्पेगइया हक्कारेंति, अप्पेगइया विणंति, तंडवेंति, अप्पेगइया वर्गाति अप्पोडेंति, अप्पेगइया अप्पोडेंति वर्गाति, अप्पे० तिवइं छिंदंति, अप्पे-गइया हयहेसियं करेंति, अप्पेगइया हत्थिगुलगुलाइयं करेंति, अप्पेगइया रहघण-घणाइयं करेंति, अप्पेगइया हयहेसियहत्थिगुलगुलाइयरहघणघणाइयं करेंति. अप्पेगइया उच्छलेंति, अप्पेगइया पोच्छलेंति, अप्पेगइया उक्किट्टियं करेंति, अ० उच्छलेंति पोच्छलेंति, अप्पेगइया तिन्नि वि, अप्पेगइया उवयंति, अप्पेगइया उप्पर्यति, अप्पेगइया परिवयंति, अप्पेगइया तिन्निवि, अप्पेगइया सीहनायंति, अप्पेगइया दहरयं करेंति, अप्पेगइया भूमिचवेडं दलयंति. अप्पे॰ तिन्नि वि. अप्पेगइया गर्जाति, अप्पेगइया विजुयायंति, अप्पेगइया वासं वासंति, अप्पेगइया तिश्विवि करेंति, अप्पेगइया जलंति, अप्पेगइया तवंति, अप्पेगइया पतवंति, अप्पेगइया तिन्नि वि, अप्पेगइया हकारेंति, अप्पेगइया थुकारेंति, अप्पेगइया धकारेंति, अप्पेगइया साइं साइं नामाइं साहेंति, अप्पेगइया चत्तारि वि. अप्पेगइया देवा देवसन्निवायं करेंति, अप्पेगइया देवज्जोयं करेंति, अप्पेगइया देवक्रलियं

करेंति, अप्पेगइया देवा कहकहगं करेंति, अप्पेगइया देवा दुहदुहगं करेंति, अप्पे-गइया चेलुक्खेवं करेंति, अप्पेगइया देवसन्निवायं देवुज्जोयं देवुक्कलियं देवकहकहगं देवदुहदुहगं चेलुक्खेवं करेंति, अप्पेगइया उप्पलहत्थगया जाव सयसहस्सपत्तहत्थ-गया, अप्पेगइया कलसहत्थगया जाव झयहत्थगया हट्टतुट्ट जाव हियया सव्वओ समंता आहावंति परिधावंति । तए णं तं स्रियामं देवं चत्तारि सामाणियसाहस्सीओ जाव सोलस आयरक्खदेवसाहस्सीओ अण्णे य बहवे स्रियाभरायहाणिवत्थव्वा देवा य देवीओ य महया महया इंदाभिसेगेणं अभिसिंचति अभिसिंचित्ता पत्तेयं पतेयं करयलपरिग्गहियं सिरसावत्तं मत्थए अंजलिं कहु एवं वयासी-जय जय नंदा ! जय जय भद्दा ! जय जय नंदा ! भद्दं ते, अजियं जिणाहि, जियं च पालेहि, जियमञ्ही वसाहि इंदो इव देवाणं चंदो इव ताराणं चमरो इव असुराणं धरणो इव नागाणं भरहो इव मणुयाणं वहूइं पिलओवमाइं बहूइं सागरोवमाइं बहूइं पिलओवमसागरो-वमाइं चडण्हं सामाणियसाहस्सीणं जाव आयरक्खदेवसाहस्सीणं सूरियामस्स विमाणस्स अन्नेसिं च बहूणं स्रियाभविमाणवासीणं देवाण य देवीण य आहेवचं जाव महया महया कारेमाणे पालेमाणे विहराहित्तिकट्टु जय जय सद्दं पउंजंति। तए णं से स्रियाभे देवे महया महया इंदाभिसेगेण अभिसित्ते समाणे अभिसेयसभाओ पुरित्थिमिक्लेणं दारेणं निग्गच्छ्यः निग्गच्छिता जेणेव अलंकारियसभा तेणेव उवागच्छ्यः उवागच्छित्ता अलंकारियसभं अणुप्पयाहिणीकरेमाणे २ अलंकारियसभं पुरित्थिमिह्रेणं दारेणं अणुपविसइ अणुपविसित्ता जेणेव सीहासणे तेणेव उवागच्छइ सीहासणवरगए पुरत्थाभिमुहे सन्निसन्ने । तए णं तस्स स्रियाभस्स देवस्स सामाणियपरिसोववन्नगा अलंकारियभंडं उवहवेंति, तए णं से स्रियाभे देवे तप्पढमयाए पम्हलस्मालाए सुरभीए गंधकासाईए गायाई लहेइ लहिता सरसेणं गोसीसचंदणेणं गायाई अणुलिपई अणुलिंपित्ता नासानीसासवायवोज्झं चक्खुहरं वज्ञफरिसजुत्तं हयलालापेलवाइरेगं धवलं कणगखिचयन्तकम्मं आगासफालियसमप्पभं दिव्वं देवदूसजुयलं नियंसेइ नियंसेत्ता हारं पिणद्धेइ पिणद्धेत्ता अद्धहारं पिणद्धेइ २ त्ता एगाविल पिणद्धेइ पिणद्धित्ता मुत्ताविलं पिणद्धेइ पिणद्धित्ता रयणाविलं पिणद्धेइ पिणद्धित्ता एवं अंगयाई केऊराइं कडगाइं तुडियाइं कडिसुत्तगं दसमुद्दाणंतगं वच्छसुत्तगं मुरविं कंठमुरविं पालंबं कुंडलाइं चूडामणिं मउडं पिणदेइ गंथिमवेडिमपूरिमसंघाइमेणं चउव्बिहेणं महेणं कप्परुक्खगं पिव अप्पाणं अलंकियविभूसियं करेड् करित्ता दहरमलयसुगंध-गंधिएहिं गायाइं भुखंडेइ दिव्वं च समणदामं पिणद्धेइ ॥ ३८ ॥ तए णं से स्रियाभे देवे केसालंकारेणं मल्लालंकारेणं आभरणालंकारेणं वत्थालंकारेण चडिव्बहेण

अलंकारेण अलंकियविभृतिए समाणे पिडपुण्णलंकारे सीहासणाओ अब्भुद्वेइ अब्भु-द्वित्ता अलंकारियसमाओ पुरित्थिमिल्लेणं दारेणं पिडिणिक्खमइ पिडिणिक्खमित्ता जेणेव ् वृत्रसायसभा तेणेव उवागच्छइ ववसायसमं अणुपयाहिणीकरेमाणे अणुपयाहिणी-करेमाणे पुरत्थिमिल्लेणं दारेणं अणुपविसइ, जेणेव० सीहासणवरगए जाव सन्निसन्ने । तए णं तस्स सूरियाभस्स देवस्स सामाणियपरिसोववन्नगा देवा पोत्थयरयणं उवणेति, तए णं से सूरियासे देवे पोत्थयरयणं गिण्हइ गिण्हित्ता पोत्थयरयणं मुयइ मुइत्ता पोत्थयरयणं विहाडेइ विहाडित्ता पोत्थयरयणं वाएइ पोत्थयरयणं वाएता धम्मियं ववसायं ववसइ ववसइत्ता पोत्थयरयणं पिडिनिक्खिवइ सीहासणाओ अब्सुद्रेइ अब्भुद्वेत्ता ववसायसभाओ पुरिंथमिल्लेणं दारेणं पिंडनिक्खमित्ता जेणेव सभा सुहम्मा तेणेव पहारेत्थ गमणाए। तए णं से सूरियाभे देवे चउहिं सामाणिय-साहस्सीहिं जाव सोलसिंह आयरक्खदेवसाहस्सीहिं अन्नेहि य बहूहिं सूरियाभवि-माणवासीहिं वेमाणिएहिं देवेहिं देवीहि य सिंदं संपरिवृद्धे सिव्विङ्कीए जाव नाइयरवेणं जेणेव सभा सुहम्मा तेणेव उवागच्छइ समं सुहम्मं पुरित्थिमिक्लेणं दारेणं अणुपविसइ अणुपविसित्ता जेणेव सीहासणे तेणेव उवागच्छइ सीहासणवरगए पुरत्थाभिमुहे सण्णिसण्णे ॥ ३९ ॥ तए णं तस्स सूरियाभस्स देवस्स अवस्तरेणं उत्तरपुरिथमेणं दिसिभाएणं चत्तारि सामाणियसाहस्सीओ चउस भहासणसाहस्सीस निसीयंति. त्तए णं तस्स सूरियाभस्स देवस्स पुरत्थिमिल्लेणं चत्तारि अगगमहिसीओ चउसु भद्दासणेस निसीयंति, तए णं तस्स सूरियाभस्स देवस्स दाहिणपुरिश्यमेणं अब्भि-तरियपरिसाए अट्ट देवसाहस्सीओ अट्टस भद्दासणसाहस्सीस निसीयंति, तए णं तस्स सूरियाभस्स देवस्स दाहिणेणं मञ्झिमाए परिसाए दस देवसाहस्सीओ दससु भद्दासणसाहस्सीसु निसीयंति, तए णं तस्स स्रियाभस्स देवस्स दाहिणपचित्थिमेणं बाहिरियाए परिसाए बारस देवसाहस्सीओ बारससु भद्दासणसाहस्सीसु निसीयंति, तए णं तस्स सूरियाभरस देवस्स पच्चित्थमेणं सत्त अणियाहिवइणो सत्तिहं भद्दासणेहिं णिसीयंति, तए णं तस्स सूरियाभस्स देवस्स चउद्दिसिं सोलस आयरक्खदेवसाहस्सीओ सोलसिंह भद्दासणसाहस्सीिंह णिसीयंति, तंजहा-पुरत्थिमिल्लेणं चत्तारि साहस्सीओ०, ते णं आयरक्या सन्नद्धबद्धविम्मियकवया उप्पीलियसरासणपट्टिया पिणद्धगेविजा आविद्धविमलवर्चिंधपट्टा गहियाउहप्पहरणा तिणयाणि तिसंधियाई वयरामयकोडीणि धणुई परिज्झ पडियाइयकंडकलावा णीलपाणिणो पीयपाणिणो रत्तपाणिणो चाव-पाणिणो चारुपाणिणो चम्मपाणिणो दंडपाणिणो खग्गपाणिणो पासपाणिणो नीलपीय-रत्तवावचारुवम्मदंडखग्गपासधरा आयरक्खा रक्खोवगा गुत्ता गुत्तपालिया जुत्ता

जनपालिया पत्तेयं पत्तेयं समयओ विणयओ किंकरभूया चिद्रन्ति ॥ ४० ॥ सरिया-भास णं भंते! देवस्स केवइयं कालं ठिई पण्णता? गोयमा चत्तारि पलिओवमाई रिई पण्णता । स्रियाभस्स णं भंते ! देवस्स सामाणियपरिसोववण्णगाणं देवाणं केवडयं कालं ठिई पण्णता ? गोयमा! चत्तारि पलिओवमाइं ठिई पण्णता, महिड्रिए महजइए महब्बले महायसे महासोक्खे महाणुभागे स्रियाभे देवे, अहो णं भंते! सरियाभे देवे महिष्टिए जाव महाणुभागे ॥ ४१ ॥ "स्रियाभेणं भन्ते ! देवेणं सा दिव्वा देविड्री सा दिव्वा देवजुई से दिव्वे देवाणुभावे किन्ना लेखे किन्ना पत्ते किन्ना अभिसमन्नागए ? पुन्वभवे के आसी ? किंनामए वा, को वा गोत्तेणं ? कयरंसि वा गामंसि वा जाव संनिवेसंसि वा ? किं वा दचा किं वा भोचा किं वा किचा किं वा ममायरिता. करस वा तहारूवस्स समणस्स वा माहणस्स वा अन्तिए एगमवि आरियं धम्मियं सुवयणं सोच्चा निसम्म जं णं स्रिरयामेणं देवेणं सा दिव्वा देविची जाव देवाणुभावे लेखे पत्ते अभिसमन्नागए ?''॥ ४२ ॥ ''गोयमा'' इ समणे भगवं महावीरे भगवं गोयमं आमन्तेत्ता एवं वयासी—"एवं खळ गोयमा! तेणं कालेणं तेणं समएणं इहेव जम्बुद्दीवे दीवे भारहे वासे केइयअद्धे नामं जणवए होत्था रिद्धत्थिमियसमिद्धे । तत्थ णं केड्यअद्धे जणवए सेयविया नामं नयरी होत्था विद्वात्यिमियसिमद्भा जाव पिडिस्वा । तीसे णं सेयवियाए नयरीए वहिया उत्तरपुरित्थमे दिसीभाए एत्थ णं मिगवणे नामं उज्जाणे होत्था रम्मे नन्दणवणप्पगासे सव्वोजयपुप्प-फलसमिद्धे सुभसुरभिसीयलाए छायाए सव्वओ चेव समणुबद्धे पासादीए जाव पिंडहवे । तत्थ णं सेयवियाए नयरीए पएसी नामं राया होत्था, महया हिमवन्त जाव विहरह, अधिमाए अधिमाद्रे अधम्मक्खाई अधम्माणए अधम्मपलोई अधम्म-पजणणे अधम्मसीलसमुदायारे अधम्मेण चेव वित्तिं कप्पेमाणे हणछिन्दभिन्दपवत्तए पावे चण्डे रुद्दे खुद्दे लोहियपाणी साहसिए उक्कञ्चणवञ्चणमायानियडिकृडकवडसाई-संपञ्जागबहुले निस्सीले निव्वए निग्गुणे निम्मेरे निप्यचक्खाणपोसहोववासे बहुणं दुपयचरुप्पयमियपसुपिक्खिसिरीसिवाणं घायाए वहाए उच्छेयणाए अधम्मकेऊ समु-द्रिए. गुरूणं नो अन्सुद्रेड, नो विणयं पडज्जड, समणमाहणाणं ...नो विणयं पडज्जड, सयस्स वि य णं जणवयस्स नो सम्मं करभरवित्तिं पवतेइ ॥ ४३ ॥ तस्स णं पएसिस्स रन्नो सरियकन्ता नामं देवी होत्या सकुमालपाणिपाया (धारिणीवण्णओ) पएसिणा रत्ना सद्धिं अणुरत्ता अविरत्ता इंद्वे सद्दे रुवे जाव विहरइ । तस्स णं पएसिस्स रत्रो जेंद्रे प्रते सरियकन्ताए देवीए अत्तए सरियकन्ते नामं कुमारे होत्था सङ्ग्रमाल-पाणिपाए जाव पिंडहवे। से णं सूरियकन्ते कुमारे जुवराया वि होत्था, पएसिस्स

रन्नो रजं च रहं च बलं च वाहणं च कोसं च कोहागारं च अन्तेउरं च जणवयं च सयमेव पचुवेक्खमाणे २ विहरइ ॥ ४४ ॥ तस्स णं पएसिस्स रन्नो जेट्टे. भाउयवयंसए चित्ते नामं सारही होत्था अङ्के जाव बहुजणस्स अपरिभूए सामदण्ड-भेयउवप्पयाणअत्थसत्थईहामइविसारए, उप्पत्तियाए वेणइयाए कम्मियाए पारिणामि-याए चडव्विहाए बुद्धीए उववेए, पएसिस्स रन्नो बहूसु कजेसु य कारणेसु य कुडुम्बेसु य मन्तेसु य गुज्झेसु य रहस्सेसु य निच्छएसु य ववहारेसु य आपुच्छणिजे मेढी पमाणं आहारे आलम्बणं चक्ख् मेढिभूए पमाणभूए आहारभूए आलम्बणभूए चक्खभूए सन्बद्घाणसन्बभूमियासु लद्धपचए विङ्ण्णवियारे रज्जधुराचिन्तए यावि होत्था ॥ ४५ ॥ तेणं कालेणं तेणं समएणं कुणाला नामं जणवए होत्था, रिद्धत्थि-मियसमिद्धे । तत्य णं कुणालाए जणवए सावत्थी नामं नयरी होत्था रिद्धत्थिमिय-समिद्धा जाव पडिह्वा। तीसे णं सावत्थीए नयरीए बहिया उत्तरपुरत्थिमे दिसीभाए कोड्डए नामं उज्जाणे होत्था, रम्मे जाव पासादीए ४। तत्थ णं सावत्थीए नयरीए पएसिस्स रन्नो अन्तेवासी जियसत्तू नामं राया होत्था, महया हिमवन्त जाव विहरइ। तए णं से पएसी राया अन्नया कयाइ महत्यं महग्यं महर्रिहं विउलं रायारिहं पाहुडं सजावेइ २ ता चित्तं सारिहं सद्दावेइ २ ता एवं वयासी-"गच्छ णं चित्ता! तुमं सावित्यं नयिरं। जियसत्तुस्स रन्नो इमं महत्यं जाव पाहुङं उवणेहि। जाइं तत्थ रायकजाणि य रायकिचाणि य रायनीईओ य रायववहारा य ताई जियसत्तुणा सर्खि सयमेव पच्चुवेक्खमाणे विहराहि''त्तिकट्टु विसज्जिए ॥ ४६ ॥ तए णं से चित्ते सारही पएसिणा रन्ना एवं बुत्ते समाणे हृद्ध जाव पिडसुणेत्ता तं महत्थं जाव पाहुडं गेण्हइ २ त्ता पएसिस्स रन्नो जान पिडिनिक्खमइ २ त्ता सेयवियं नयिर मज्झंमज्झेणं जेणेन सए गिहे तेणेव उवागच्छइ २ ता तं महत्थं जाव पाहुडं ठवेइ २ ता कोडुम्बियपुरिसे सद्दावेइ २ त्ता एवं वयासी---"खिप्पामेव भो देवाणुप्पिया ! सच्छत्तं जाव चाउग्घण्टं आसरहं जुत्तामेव उवडुवेह जाव पच्चिप्पणह"। तए णं ते कोडुम्बियपुरिसा तहेव पडिसुणिता खिप्पामेव सच्छत्तं जाव जुद्धसज्जं चाउग्घण्टं आसरहं जुत्तामेव उवट्ठ-वेन्ति, तमाणत्तियं पच्चिप्पणन्ति । तए णं से चित्ते सारही कोडुम्बियपुरिसाणं अन्तिए एयमट्टं जाव हियए ण्हाए संनद्भबद्धवम्मियकवए उप्पीलियसरासणपट्टिए पिणद्भगेवेजे बद्धआविद्धविमलवरचिंधपष्टे गहियाउहपहरणे तं महत्थं जाव पाहुङं गेण्हइ २ ता जेणेव चाउग्घण्टे आसरहे तेणेव उवागच्छइ २ त्ता चाउग्घण्टं आसरहं दुरुहइ २ त्ता बहूहिं पुरिसेहिं संनद्ध जाव गहियाउहपहरणेहिं सद्धिं संपरियुडे सकोरिण्टमञ्जदामेणं छत्तेणं धरिजामाणेणं २ महया भडचडगररहपहकरविन्दपरिक्खित्ते

माओ गिहाओ निग्गच्छइ २ ता सेयवियं नयिं मज्झंमज्झेणं निग्गच्छइ २ ता सुहेहिं वासेहिं पायरासेहिं नाइविकिट्ठेहिं अन्तरावासेहिं वसमाणे २ केइयअद्धस्स जणवयस्स मुद्धमुं जेणेव कुणाला जणवए जेणेव सावत्थी नयरी तेणेव उवागच्छा २ ता मानत्थीए नयरीए मज्झंमज्झेणं अणुपविसइ २ ता जेणेव जियसत्तरस रन्नो गिहे, जेणेव बाहिरिया उबद्राणसाला, तेणेव उवागच्छइ २ ता तुरए निगिण्हइ २ ता रहं ठवेइ २ ता रहाओ पच्चोरुहइ २ ता तं महत्यं जाव पाहुडं गिण्हइ २ ता जेणेव अब्मन्तरिया उवट्ठाणसाला जेणेव जियसत्तू राया तेणेव उवागच्छइ २ ता जियसत्तं रायं करयल-परिगाहियं जाव कटू जएणं विजएणं वद्धावेइ २ ता तं महत्थं जाव पाहुडं उवणेइ । तए णं से जियसत् राया चित्तस्स सारहिस्स तं महत्थं जाव पाहुडं पिडच्छड् २ ता चित्तं सारहिं सक्कारेड संमाणेइ स० २ ता पिडविस जेइ, रायमग्गमोगाढं च से आवासं दलयह । तए णं से चित्ते सारही विसज्जिए समाणे जियसतुरस रन्नो अन्तियाओ पिडिनिक्खमड २ ता जेणेव बाहिरिया उवद्राणसाला जेणेव चाउम्घण्टे आसरहे तेणेव उवागच्छइ २ त्ता चाउग्घण्टं आसरहं दुरुहइ २ त्ता सावित्थं नयिर मज्झंमज्झेणं जेणेव रायमग्गमोगाढे आवासे तेणेव उवागच्छइ २ ता तुरए निगिण्हइ २ ता रहं ठवेइ २ ता रहाओ पचोरुहइ, ण्हाए सुद्धप्पावेसाइं मंगलाई वत्थाईं पवरपरिहिए, अप्पमहम्घा-भरणालंकियसरीरे, जिमियभुत्ततरागए वि य णं समाणे पुव्वावरण्हकालसमयंसि गन्धव्वेहि य नाडगेहि य उवनिक्कजमाणे २ उवगाइज्जमाणे २ उवलालिजमाणे २ इट्ठे सहफरिसरसरूवगन्धे पञ्चविहे माणुस्सए कामभोए पच्चणुभवमाणे विहरइ ॥ ४७ ॥ तेणं कालेणं तेणं समएणं पासाविश्वजे केसी नामं कुमारसमणे जाइसंपन्ने कुलसंपन्ने बलसंपन्ने रूवसंपन्ने विणयसंपन्ने नाणसंपन्ने दंसणसंपन्ने चरित्तसंपन्ने लज्जासंपन्ने लाघवसंपन्ने लजालाघवसंपन्ने ओयंसी तेयंसी वन्नंसी जसंसी जियकोहे जियमाणे जियमाए जियलोहे जियनिहे जिइन्दिए जियपरीसहे जीवियासमरणभयविष्पमुके तवप्पहाणे गुणप्पहाणे करणप्पहाणे चरणप्पहाणे निग्गहप्पहाणे निच्छयप्पहाणे अजनपहाणे मद्दवप्पहाणे लाघवप्पहाणे खन्तिप्पहाणे मुत्तिप्पहाणे विज्ञप्पहाणे मन्तप्पहाणे बम्भप्पहाणे नयप्पहाणे नियमप्पहाणे सचच्पहाणे सोयप्पहाणे नाणप्पहाणे दंसणप्पहाणे चरित्तप्पहाणे ः चउदसपुरुवी, चउनाणोवगए पञ्चहिं अणगारसएहिं सिंद्धं संपरिवृडे पुर्वाणुप्रविंव चरमाणे गामाणुगामं दूइज्जमाणे सहंसहेणं विहरमाणे जेणेव सावत्थी नयरी जेणेव कोद्रए उजाणे तेणेव उवागच्छइ २ ता सावत्थीए नयरीए बहिया कोट्ठए उजाणे अहापिङक्वं उग्गहं उग्गिण्हइ २ ता संजमेणं तवसा अप्पाणं भावेमाणे विहरइ ॥ ४८ ॥ तए णं सावत्थीए नयरीए सिंघाडगतिगचउक्क-

चचरचउमहमहापहपहेस महया जणसदे इ वा जणवृहे इ वा जणकलकले इ वा जणबोले इ वा जणउम्मी इ वा जणउक्कलिया इ वा जणसंनिवाए इ वा जाव पज्जवासङ । तए णं तस्स सारहिस्स तं महाजणसहं च जणकलकलं च सुणेत्ता य पासित्ता य इमेयारूवे अज्झित्थिए जाव समुप्पजित्था-"किं णं अज सावत्थीए नयरीए इन्दमहे इ वा खन्दमहे इ वा रहमहे इ वा मउन्दमहे इ वा नागमहे इ वा भयमहे इ वा जक्खमहे इ वा रुक्खमहे इ वा गिरिमहे इ वा दरिमहे इ वा अगडमहे इ वा नईमहे इ वा सरमहे इ वा सागरमहे इ वा जं णं इमे बहवे उग्गा भोगा राइन्ना इक्खागा खत्तिया नाया कोरव्वा जाव इब्भा इब्भपुत्ता ण्हाया (जहोववाइए जाव) अप्पेगइया हयगया अप्पेगइया गय० पायचारविहारेणं महया २ वन्दावन्दएहिं निगगच्छन्ति" एवं संपेहेइ २ त्ता कब्बुइज्जपुरिसं सद्दावेइ २ त्ता एवं वयासी-"किं णं देवाणुप्पिया! अज्ज सावतथीए नयरीए इन्दमहे इ वा जाव सागरमहे इ वा जेणं इमे बहवे उग्गा भोगा "निग्गच्छन्ति?"। तए णं से कञ्चइजापरिसे केसिस्स कुमारसमणस्स आगमणगृहियविणिच्छए चित्तं सार्राहं करयल-परिगहियं जाव वद्धावेता एवं वयासी-"नो खल देवाणुप्पिया! अज सावतथीए नयरीए इन्दमहे इ वा जाव सागरमहे इ वा जेणं इमे बहवे जाव विन्दाविन्दएहिं निमाच्छन्ति । एवं खळु भो देवाणुप्पिया ! पासाविचे केसी नामं कुमारसमणे जाइसंपन्ने जाव दूइज्जमाणे इहमागए जाव विहरइ तेणं अज सावत्थीए नयरीए बहुवे उग्गा जाव इब्भा इब्भपुत्ता अप्पेगइया वन्दणवत्तियाए जाव महया वन्दा-वन्दएहिं निग्गच्छन्ति" ॥ ४९ ॥ तए णं से चित्ते सारही कश्चइजापरिसस्स अन्तिए एयमई सोचा निसम्म हट्टतुट जाव हियए कोइम्बियपुरिसे सहावेइ २ ता एवं वयासी-''खिप्पामेव भो देवाणुप्पिया! चाउग्घण्टं आसरहं ज़त्तामेव उवद्ववेह'' जाव सच्छत्तं उवड्डवेन्ति । तए णं से चित्ते सारही ण्हाए सुद्धप्पावेसाई मङ्गळाई वतथाई पवरपरिहिए अप्पमहग्घाभरणालंकियसरीरे जेणेव चाउग्घण्टे आसरहे तेणेव उवागच्छइ २ ता चाउग्घण्टं आसरहं दुरुहइ २ ता सकोरिण्टमल्लदामेणं छत्तेणं धरिजमाणेणं महया भडचडग ... विन्दपरिक्खित्ते सावत्थीनयरीए मज्झंमज्झेणं निग्गच्छइ २ ता जेणेव कोहुए उज्जाणे जेणेव केसी कुमारसमणे तेणेव उवागच्छइ २ ता केसिकुमारसमणस्स अदूरसामन्ते तुरए निगिण्हइ २ ता रहं ठवेइ २ ता रहाओ पचोरुहइ २ ता जेणेव केसी कुमारसमणे तेणेव उवागच्छइ २ ता केसिं कुमारसमणं तिक्खत्तो आयाहिणं पयाहिणं करेइ २ ता वन्दइ नमंसइ वं० २ ता नचासन्ने नाइदूरे सुस्सूसमाणे नमंसमाणे अभिमुहे पञ्जलिउडे विणएणं पज्जवासइ। तए णं से केसी कुमारसमणे चित्तस्स सारहिस्स

तीसे महइमहालियाए महचपरिसाए चाउजामं धम्मं परिकहेइ। तं जहा-सव्वाओ वाणाइवायाओ वेरमणं, सन्वाओ मुसावायाओ वेरमणं, सन्वाओ अदिनादाणाओ क्रेमणं. सन्वाओ बहिद्धादाणाओ वेरमणं । तए णं सा महइमहालिया महच्चपरिसा क्रेसिस्स कुमारसमणस्स अन्तिए धम्मं सोचा निसम्म जामेव दिसिं पाउब्भया तामेव हिसिं पडिगया। तए णं से चित्ते सारही केसिस्स कुमारसमणस्स अन्तिए धम्मं मोज्ञा निसम्म हट्ट जाव हियए उट्टाए उट्टेड २ ता केसिं कुमारसमणं तिक्खत्तो आया-द्विणं पयाहिणं करेड २ ता वन्दइ नमंसइ वं० २ ता एवं वयासी-''सइहामि णं भन्ते ! . निमान्थं पावयणं । पत्तियामि णं भन्ते ! निम्गन्थं पावयणं । रोएमि णं भन्ते ! निगन्थं पावयणं । अञ्सद्देमि णं भन्ते ! निग्गन्थं पावयणं । एवमेयं भन्ते ! निग्गन्थं णवयणं । तहमेयं भन्ते ! निग्गन्थं पावयणं । अवितहमेयं भन्ते ! निग्गन्थं पाव-यणं। असंदिद्धमेयं भन्ते ! निग्गन्थं पावयणं। सच्चे णं एसमद्रे जं णं तब्भे वयह" तिकृष्ट वन्दर नमंसर वं० २ ता एवं वयासी-''जहा णं देवाणुप्पियाणं अन्तिए बहुवे उगा भोगा जाव इच्भा इच्भप्तता चिचा हिरण्णं चिचा सुवण्णं, एवं धन्नं धणं बलं वाहणं कोसं कोद्रागारं पुरं अन्तेउरं, चिचा विउलं धणकणगरयणमणिमोत्तियसंख-_{सिलप्पवालसन्तसारसावएजं} विच्छ**इ**हत्ता विगोवइत्ता दाणं दाइयाणं परिभाइत्ता मुण्डा भविता अगाराओ अणगारियं पव्वयन्ति, नो खलु अहं ता संचाएमि चिचा हिरण्णं तं चेव जाव पव्वइत्तए । अहं णं देवाण्एपियाणं अन्तिए पञ्चाण्व्वइयं सत्तिसिक्खा-वइयं दुवालसविहं गिहिधम्मं "पिडविजित्तए"। "अहासुहं देवाणुप्पिया! मा पडिबन्धं करेहि" । तए णं से चित्ते सारही केसिरस कुमारसमणस्स अन्तिए पद्माणुक्वइयं जाव गिहिधम्मं उवसंपिजनाणं विहरइ । तए णं से चित्ते सारहीः केसिं क्रमारसमणं वन्दइ नमंसइ वं० २ त्ता जेणेव चाउग्घण्टे आसरहे तेणेव पहारेत्थ गमणाए । चाउम्घण्टं आसरहं दुरुहुइ २ त्ता जामेव दिसिं पाउच्भूए तामेव दिसिं पिंडिगए ॥ ५० ॥ तए णं से चित्ते सारही समणोवासए जाए अहिगयजीवाजीवे उवलद्भुण्णपावे आसवसंवरनिजरिकारियाहिगरणवन्धमोक्खकुसले असहिजे देवास-रनागसुवण्णजक्खरक्खसिकंनरिकंपुरिसगरूलगन्धव्यमहोरगाईहिं देवगणेहिं निग्ग-न्याओ पावयणाओ अणडकमणिजे. निग्गन्थे पावयणे निस्संकिए निक्कंखिए निव्व-तिगिच्छे लद्दे गहियद्वे पुच्छियद्वे अहिगयद्वे विणिच्छियद्वे अद्विमिञ्जपेम्माणुरागर्ते अयमाउसो निग्गन्थे पावयणे अद्रे अयं परमद्रे सेसे अणद्रे, ऊसियफलिहे अवंग्रय-इवारे चियत्तन्तेउरघरप्पवेसे चाउइसद्वमुहिद्वपुण्णमासिणीसु पिडपुण्णं पोसहं सम्मं अणुपालेमाणे समणे निग्गन्थे फासुएसणिज्जेणं असणपाणखाइमसाइमेणं पीढफलग-

सेजासंथारेणं वृत्थपडिग्गहकम्बलपायपुञ्छणेणं ओसहभेसज्जेणं पडिलाभेमाणे २ बहूहिं सीलव्वयगुणवेरमणपच्चक्खाणपोसहोववासेहि य अप्पाणं भावेमाणे जाइं तत्थ रायकजाणि य जाव रायववहाराणि य ताइं जियसत्तुणा रन्ना सिद्धं सयमेव पचवे-क्लमाणे २ विहरह ॥ ५१ ॥ तए णं से जियसत्तराया अन्नया कयाइ महत्यं जाव पाहुडं सज्जेइ २ ता चित्तं सारहिं सद्दावेइ २ ता एवं वयासी—"गच्छाहि णं तुमं चित्ता ! सेयवियं नयिरं । पएसिस्स रन्नो इमं महत्थं जाव पाहडं उवणेहि । मम पाउगं च णं जहाभणियं अवितहमसंदिद्धं वयणं विश्ववेहि" तिकट्ट विसि जिए ॥ तए णं से चित्ते सारही जियसन्तुणा रज्ञा विसज्जिए समाणे तं महत्यं जाव गिण्हड जाव जियसत्तरस रन्नो अन्तियाओ पिडनिक्खमइ २ ता सावत्थीनयरीए मज्झं-मज्झेणं निगगच्छइ २ ता जेणेव रायमग्गमोगाढे आवासे तेणेव उवागच्छइ २ ता तं महत्यं जाव ठवेइ। ण्हाए ०सरीरे सकोरेण्ट ... महया ... पायचारविहारेणं महया परिसवग्ररापरिक्खिते रायमग्गमोगाढाओ आवासाओ निग्गच्छ २ ता सावत्थीनय-रीए मज्झंमज्झेणं निग्गच्छइ २ ता जेणेव कोट्ठए उज्जाणे जेणेव केसीकुमारसमणे तेणेव उवागच्छइ २ ता केसिकमारसमणस्य अन्तिए धम्मं सोचा जाव हद्र जाव एवं वयासी--''एवं खळ अहं भन्ते ! जियसत्तुणा रन्ना पएसिस्स रन्नो इमं महत्थं जाव उवणेहित्तिक दू विसि जिए। तं गच्छामि णं अहं भनते ! सेयवियं नयिरं। पासा-दीया णं भन्ते ! सेयविया नयरी । दरिसणिजा णं भन्ते ! सेयविया नयरी । अभि-रूवा णं भन्ते ! सेयविया नयरी । पिंडल्वा णं भन्ते ! सेयविया नयरी । समोसरह णं भन्ते ! सेयवियं नयरिं"। तए णं से केसी कुमारसमणे चित्तेणं सारहिणा एवं वृत्ते समाणे चित्तस्य सारहिस्स एयमद्रं नो आढाइ नो परिजाणाइ, तसिणीए संचि-इंड । तए णं से चित्ते सारही केसिं कुमारसमणं दोचं पि तचं पि एवं वयासी---"एवं खलु अहं भन्ते ! जियसत्तुणा रन्ना पएसिस्स रन्नो इमं महत्यं जाव विसिज्जिए तं चेव जाव समोसरह णं भन्ते ! तुच्मे सेयवियं नयरिं"। तए णं केसी क़मार-समणे चित्तेणं सारहिणा दोचं पि तचं पि एवं वृत्ते समाणे चित्तं सारहिं एवं वयासी—''चिता! से जहानामए वणसण्डे सिया किण्हे किण्होभासे जाव पडिरूवे। से नूणं चित्ता! से वणसण्डे बहुणं दुपयचउप्पयमियपसुपिक्खसरीसिवाणं अभिग-मणिजे ?" "हन्ता अभिगमणिजे "। तंसि च णं चित्ता ! वणसण्डंसि बहवे भिलंगा नाम पावसङणा परिवसन्ति जे णं तेसिं बहुणं दुपयचङप्पमियपसुपिक्खसिरीसिवाणं ठियाणं चेव मंससोणियं आहारेन्ति । से नूणं चित्ता! से वणसण्डे तेसि णं बहणं दुपय जाव सिरीसिवाणं अभिगमणिजे?" "नो" ति । "कम्हा णं?" "भंते!

मोवसगे''। "एवामेव चित्ता! तब्भं पि सेयवियाए नयरीए पएसी नामं राया परिवसह अहम्मिए जाव नो सम्मं करभरवित्तिं पवत्तेइ। तं कहं णं अहं चिता! मेयवियाए नयरीए समोसरिस्सामि ?"। तए णं से चित्ते सारही केसिं कुमारसमणं गवं वयासी-''किं ण भनते! तुरुमं पएसिणा रन्ना कायव्वं? अत्थि ण भनते! . मेग्रविग्राए नयरीए अन्ने बहुवे ईसर्तळवर जाव सत्थवाहप्पभिइओ जे णं देवाणु-प्यियं वन्दिरसन्ति जाव पज्जवासिस्सन्ति. विउलं असणं पाणं खाइमं साइमं पडिलाभेस्सन्ति. पाडिहारिएण पीढफलगसेजासंथारेणं उवनिमन्तिस्सन्ति"। तए णं से केसी क़मारसमणे चित्तं सारहिं एवं वयासी-"अवि याइ चित्ता! समोसिर-स्यामो'' ॥ ५२ ॥ तए णं से चित्ते सारही केसि कमारसमणं वन्दइ नमंसइ वं०२ ता केसिस्स कमारसमणस्स अन्तियाओं कोद्रयाओं उज्जाणाओं पिडिनिक्खमङ २ त्ता जेणेव रायमग्गमोगाढे आवासे तेणेव उवागच्छड २ ता कोडम्बियपरिसे सहावेड २ ता ण्वं वयासी-"खिप्पामेव भो देवाणप्पिया! चाउग्वण्टं आसरहं जत्तामेव उवड्रवेह"। जहां सेयवियाए नयरीए निग्गच्छड तहेव जाव वसमाणे २ कुणालाजणवयस्स मज्झंमज्झेणं जेणेव केइयअदे जणवए जेणेव सेयविया नयरी जेणेव मियवणे उज्जाणे तेणेव उवागच्छइ २ ता उज्जाणपालए सहावेइ २ ता एवं वयासी-''जया णं देवाण-िषया ! पासाविश्वजे केसी नाम क्रमारसमणे पृथ्वाणपुर्वित चरमाणे गामाणगामं दुइ-जमाणे इहमागच्छिजा, तया णं तुब्भे देवाणुप्पिया ! केसिं कुमारसमणं वन्दिजाह नमंसिजाह वं० २ ता अहापडिह्वं उग्गहं अणुजाणेजाह । पाडिहारिएणं पीढफलग जाव उवनिमन्तेजाह । एयमाणत्तियं खिप्पामेव पचप्पिणेजाह" । तए णं ते उजाणपालगा चित्तेण सारहिणा एवं वृत्ता समाणा हट्टतुट जाव हियया करयल-परिगाहियं जाव एवं वयासी--''तह'' ति । आणाए विणएणं वयणं पिडसुणन्ति ॥ ५३ ॥ तए णं से चित्ते सारही जेणेव सेयविया नयरी तेणेव उवागच्छइ २ ता सेयवियं नयरिं मज्झंमज्झेणं अणुपविसइ २ ता जेणेव पएसिस्स रन्नो गिहे जेणेव बाहिरिया उबद्राणसाला तेणेव उवागच्छइ २ ता तुरए निगिण्हइ २ ता रहं ठवेइ २ ता रहाओ पचोरहड़ २ ता तं महत्यं जाव गेण्हड़ २ ता जेणेव पएसी राया तेणेव उवा-गच्छा २ ता पएसि रायं करयल जाव बद्धावेता तं महत्यं जाव उवणेइ । तए णं से पएसी राया चित्तस्य सारहिस्स तं महत्थं जाव पडिच्छइ २ ता चित्तं सारहिं सकारेड संमाणेइ स० २ ता पिडविसजेइ । तए णं से चित्ते सारही पएसिणा रन्ना विसि जिए समाणे हद्र जाव हियए पएसिस्स रन्नो अन्तियाओ पिडनिक्खमइ २ त्ता जेणेव चाउगचण्टे आसरहे तेणेव उवागच्छइ २ ता चाउम्घण्टं आसरहं दुरुहइ २ ता तुरए निगिण्हइ २ ता ६ सत्ता०

रहं ठवेइ २ ता रहाओ पन्चोरुहइ २ ता ण्हाए अप्प० उप्पि पासायवरगए फुट्टमा-णेहिं मङ्क्रमत्थएहिं बत्तीसङ्बद्धएहिं नाडएहिं वरतहणीसंपउत्तेहिं उवनचिज्जमाणे २ उवगाइज्जमाणे २ उवलालिजमाणे २ इंद्रे सहफरिस जाव विहरह ॥ ५४ ॥ तए णं केसीकुमारसमणे अवया कयाइ पाडिहारियं पीढफलगसेजासंथारगं पचप्पिणइ २ ता सावत्थीओ नयरीओ कोद्रगाओ उजाणाओ पिडनिक्खमइ २ त्ता पञ्चिहि अणगारसएहिं जाव विहरमाणे जेणेव केइयअद्धे जणवए जेणेव सेयविया नयरी जेणेव मियवणे उजाणे तेणेव उवागच्छइ २ ता अहापडिरूवं उग्गहं उग्गिणिहत्ता संजमेणं तवसा अप्पाणं भावेमाणे विहर्ह ॥ ५५ ॥ तए णं सेयवियाए नयरीए सिंघाडग ... महया जणसद्दे इ वा ... परिसा निग्गच्छइ। तए णं ते उज्जाणपालगा इमीसे कहाए लद्ध्य समाणा हद्भवद्र जाव हियया जेणेव केसी कुमारसमणे तेणेव उवागच्छन्ति २ ता केसिं कुमारसमणं वन्दन्ति नमंसन्ति वं० २ त्ता अहापडिरूवं उग्गहं अणुजाणन्ति० पाडिहारिएणं जाव संथारएणं उवनिमन्तेन्ति० नामं गोयं पुच्छन्ति० ओधारेन्ति० एगन्तं अवक्रमन्ति २ ता अन्नमन्नं एवं वयासी-"जस्स णं देवाणपिया! चित्ते सारही दंसणं कंखइ० जस्स णं नामगोयस्स वि सवणयाए हहतुह जाव हियए भवड से णं एस केसी कुमारसमणे पुञ्चाणुप्जिं चरमाणे गामाणुगामं दुइज्जमाणे इहमागण इह संपत्ते इह समोसढे इहेव सेयवियाए नयरीए बहिया मियवणे उज्जाणे अहापडि-रूवं जाव विहरइ । तं गच्छामो णं देवाणुप्पिया ! चित्तस्स सारहिस्स एयमद्रं पियं निवेएमो, पियं से भवउ"। अन्नमन्नस्स अन्तिए एयमट्टं पडिसुणन्ति । जेणेव सेयविया नयरी जेणेव चित्तस्स सारहिस्स गिहे जेणेव चित्ते सारही तेणेव उवाग-च्छन्ति २ त्ता चित्तं सारिहं करयल जाव वद्धावेन्ति २ त्ता एवं वयासी-''जस्स णं देवा-णुप्पिया! दंसणं कंखन्ति जाव अभिलसन्ति, जस्स णं नामगोयस्स वि सवणयाए हट जाव भवह, से णं अयं केसी कुमारसमणे पुरुवाणुपूर्वित चरमाणे समोसढे जाव विहरइ ॥ ५६ ॥ तए णं से चित्ते सारही तेसिं उज्जाणपालगाणं अन्तिए एयमद्रं सोचा निसम्म हहतुह जाव आसणाओ अब्भुद्धेह, पायपीढाओ पचीहहह २ ता पाउयाओ ओमुयइ २ ता एगसाडियं उत्तरासङ्गं करेइ । अञ्जलिमजलियग्गहत्ये केसिकुमारसम-णाभिमुहे सत्तद्व पयाई अणुगच्छइ २ ता करयलपरिग्गहियं ० सिरसावत्तं मत्थए अञ्जलि कडू एवं वयासी-"नमोत्थ णं अरहन्ताणं जाव संपत्ताणं। नमोत्थ णं केसिस्स क्रमार-समणस्स मम धम्मायरियस्स धम्मोवएसगस्स । वन्दामि णं भगवन्तं तत्थगयं इह-गए। पासउ में ' त्तिकडू वन्दइ नमंसइ। ते उज्जाणपालए विउल्लेणं वत्थगन्धमल्लालं-कारेणं सकारेइ संमाणेइ विखलं जीवियारिहं पीइदाणं दलयइ २ ता पडिविसजेइ २ ता

कोडम्बियपुरिसे सद्दावेइ २ ता एवं वयासी-"खिप्पामेव भो देवाणुप्पिया! चाउ-मण्टं आसरहं जुत्तामेव उवट्टवेह जाव पचिष्पणह''। तए णं ते कोड़म्बियपरिसा जाव खिप्पामेव सच्छत्तं सज्झयं जाव उवट्टवित्ता तमाणत्तियं पचप्पिणन्ति । तए णं मे चिते सारही कोडुम्वियपुरिसाणं अन्तिए एयमट्टं सोचा निसम्म हद्भुतद्र जाव हियए ष्ट्राए ०सरीरे जेणेव चाउग्घण्टे जाव दुरुहित्ता सकोरण्ट ... महया भडचड ० तं चेव जाव पज्जवासड् धम्मक० जाव तए णं से चित्ते सारही केसिस्स क्रमारसम-णस्स अन्तिए धम्मं सोचा निसम्म हट्टतुट्ठ० उट्टाए तहेव एवं वयासी---''एवं खलु भन्ते ! अम्हं पएसी राया अधिम्मए जाव सयस्स वि णं जणवयस्स नो सम्मं करभरवित्तिं पवते । तं जइ णं देवाणुप्पिया ! पएसिस्स रन्नो धम्ममाइक्खेजा बहुगुणतरं खलु होज्जा पएसिस्स रन्नो तेसिं च बहूणं दुपयचउप्पयमियपसुपिक्ख-क्षिरीसिवाणं तेसिं च बहुणं समणमाहणभिक्खुयाणं । तं जइ णं देवाणुप्पिया ! ···पएसिस्स बहुगुणतरं होजा सयस्स वि य णं जणवयस्स'' ॥ ५७ ॥ तए ण केसी कुमारसमणे चित्तं सारहिं एवं वयासी-"एवं खळु चडहिं ठाणेहिं चिता! जीवे केवलिपन्नतं धम्मं नो लभेजा सवणयाए। तं जहा-आरामगयं वा उजाणगयं वा समणं वा माहणं वा नो अभिगच्छइ नो वन्दइ नो नमंसइ नो सकारेड नो संमाणेड नो कल्लाणं मङ्गलं देवयं चेड्यं पज्जवासेड, नो अद्घाइं हेऊइं पिसणाइं कारणाइं वागरणाइं पुच्छइ, एएणं ठाणेणं चित्ता ! जीवे केवलिपन्नत्तं धम्मं नो लभइ सवणयाए १ । उवस्सयगयं समणं वा तं चेव जाव एएण वि ठाणेणं चिता! जीवे केवलिपन्नतं धम्मं नो लभइ सवणयाए २। गोयरगगयं समणं वा माहणं वा जाव नो पज्जवासइ, नो विउरुणं असणपाणखाइमसाइमेणं पिंडलाभेइ, नो अद्वाइं जाव पुच्छइ, एएणं ठाणेणं चित्ता ! जीवे केवलिपन्नत्तं धम्मं नो लभइ सवणयाए ३। जत्थ वि य णं समणेण वा माहणेण वा सिद्ध अभि-समागच्छइ, तत्थ वि य णं हत्थेण वा वत्थेण वा छत्तेण वा अप्पाणं आविरित्ता चिद्रह, नो अट्ठाइं जाव पुच्छइ, एएण वि ठाणेणं चित्ता! जीवे केविलिपन्नत्तं धम्मं नो लभइ सवणयाए ४ । एएहिं च णं चित्ता! चउहिं ठाणेहिं जीवे केवलि-पन्नतं धम्मं नो लभइ सवणयाए॥ चउहिं ठाणेहिं चिता! जीवे केवलीपन्नतं धम्मं लभइ सवणयाए । तं जहा-आरामगयं वा उज्जाणगयं वा समणं वा माहणं वा वन्दइ नमंसइ जाव पजुवासइ अद्वाइं जाव पुच्छइ, एएण जाव लभइ सवणयाए । एवं उवस्सयगरं गोयरगगगयं समणं वा जाव पज्जवासइ विउल्लेणं जाव पिंडलामेइ अद्वाई जाव पुच्छइ, एएण वि...। जत्थ वि य ण समणेण वा ...अभि-

समागच्छइ तत्थ वि य णं नो हत्थेण वा जाव आवरेत्ताणं चिद्रइ, एएण वि ठाणेणं चिता! जीवे केवलिपन्नतं धम्मं लभइ सवणयाए। तुज्झं च णं चिता! पण्मी राया आरामगयं वा तं चेव सव्वं भाणियव्वं आइल्लएणं गमएणं जाव अप्पाणं आवरेता चिद्रइ । तं कहं णं चिता ! पएसिस्स रन्नो धम्ममाइक्खिस्सामो ?" । तए णं से चित्ते सारही केसिं कुमारसमणं एवं वयासी—"एवं खलु भन्ते! अन्नया क्याइ कम्बोएहिं चत्तारि आसा उवणयं उवणीया । ते मए पएसिरस रन्नो अन्नया चेव उवणेया। तं एएणं खळ भन्ते! कारणेणं अहं पएसिं रायं देवाण्एपियाणं अन्तिए हुव्वमाणेरसामि । तं मा णं देवाणुप्पिया ! तुब्भे पएसिरस रन्नो धम्म-माइक्खमाणा गिलाएजाह । अगिलाए णं भंते ! तुन्मे पएसिस्स रन्नो धम्ममाइ-क्खेजाह छंदेणं॰"। तए णं से केसी कमारसमणे चित्तं सारहिं एवं वयासी-"अवि याइ चित्ता! जाणिस्सामो" ॥ तए णं से चित्ते सारही केसिं कुमारसमणं वन्दइ नमंसइ वं० २ ता जेणेव चाउग्घण्टे आसरहे तेणेव उवागच्छइ २ ता चाउग्घण्टं आसरहं दुरुहइ, जामेव दिसिं पाउच्मए तामेव दिसिं पिडिगए ॥ ५८ ॥ तए णं से चित्ते सारही कहं पाउप्पभायाए रयणीए फुहुप्पलकमलकोमछुम्मिलियम्मि अहा-पण्डरे पभाए कयनियमावस्सए सहस्सरस्यिति दिणयरे तेयसा जलन्ते साओ गिहाओ निग्गच्छइ २ त्ता जेणेव पएसिस्स रन्नो गिहे जेणेव पएसी राया तेणेव उवागच्छइ २ ता पएसिं रायं करयल जाव कट्टू जएणं विजएणं वदावेइ २ ता एवं वयासी-"एवं ख़ब्र देवाण्पियाणं कम्बोएहिं चत्तारि आसा उवणयं उवणीया । ते य मए देवाणुप्पियाणं अन्नया चेव विणइया । तं एह णं सामी ! ते आसे चिद्रं पासह''। तए णं से पएसी राया चित्तं सार्राहं एवं वयासी--''गच्छाहि णं तुमं चिता! तेहिं चेव चउहिं आसेहिं आसरहं जुत्तामेव उवहुवेहि जाव पच्चिप्प-णाहि"। तए ण से चित्ते सारही पएसिणा रण्णा एवं वृत्ते समाणे हद्वतुद्र जाव हियए॰ उवडवें २ ता एयमाणत्तियं पचिष्पणइ । तए णं से पएसी राया चित्तस्स सारहिस्स अन्तिए एयमट्टं सोचा निसम्म हद्वतद्व जाव अप्पमहरघाभरणालंकियसरीरे साओ गिहाओ निग्गच्छइ २ ता जेणामेव चाउग्घण्टे आसरहे तेणामेव उवागच्छइ २ ता चाउम्घण्टं आसरहं दुरुहइ० सेयवियाए नयरीए मज्झंमज्झेणं निग्गच्छइ। तए णं से चित्ते सारही तं रहं णेगाइं जोयणाइं उब्भामेइ। तए णं से पएसी राया उण्हेण य तण्हाए य रहवाएणं परिकिलन्ते समाणे चित्तं सारहिं एवं वयासी-''चित्ता! परिकिलन्ते मे सरीरे, परावत्तेहि रहं''। तए णं से चित्ते सारही रहं परा-वत्तेइ २ ता जेणेव मियवणे उज्जाणे तेणेव उवागच्छइ २ ता पएसिं रायं एवं वयासी-

"Dस णं सामी! मियवणे उज्जाणे, एत्थ णं आसाणं समं किलामं सम्मं पवीणेमो"। नए णं से पएसी राया चित्तं सारहिं एवं वयासी-"एवं होउ चित्ता !"। तए णं से वित्ते सारही जेणेव मियवणे उज्जाणे जेणेव केसिस्स कुमारसमणस्स अदूरसामन्ते तेणेव उवागच्छइ २ ता तुरए निगिण्हेइ २ ता रहं ठवेइ २ ता रहाओ पचोरुहइ २ ता तरए मोएइ २ ता पएसिं रायं एवं वयासी-''एह णं सामी! आसाणं समं किलामं समं पवीणेमो"। तए णं से पएसी राया रहाओ पच्चोरुहइ। चित्तेण सारहिणा सिंद्धं आसाणं समं किलामं सम्मं पवीणेमाणे पासइ जत्थ केसी कुमारसमणे महड-महालियाए महचपरिसाए मज्झगए महया २ सद्देणं धम्ममाइक्खमाणं । पासित्ता इमेबाहवे अज्झित्थिए जाव समुप्पजित्था—''जड्डा खल्ल भो जड्डं पज्जुवासन्ति, . मण्डा खलु भो मुण्डं पज्जुवासन्ति, मृहा खलु भो मूढं पज्जुवासन्ति, अपण्डिया बल भो अपण्डियं पज्जुत्रासन्ति, निन्त्रित्राणा खलु भो निन्त्रित्राणं पज्ज्वासन्ति । से कीस ण एस पुरिसे जड्डे मुण्डे मृहे अपण्डिए निविक्नाणे सिरीए हिरीए उवगए उत्तप्पसरीरे । एस णं पुरिसे किमाहारमाहारेइ किं परिणामेइ किं खाइ किं पियड किं दलड़ किं पयच्छड़, जे ण एमहालियाए मणुस्तपरिसाए मज्झगए महया २ सहेणं व्याए ?" एवं संपेहेड २ ता चित्तं सारहिं एवं वयासी-"चिता! जड्डा खल भो जडूं पज़्जासन्ति जान बुयाए । साए वि य णं उजाणभूमीए नो संचाएमि सम्मं पकामं पवियरित्तए" । तए णं से चित्ते सारही पएसीरायं एवं वयासी-"एस णं सासी! णसाविचे केसी नामं कुमारसमणे जाइसंपन्ने जाव चउनाणोवगए आहो-द्विए अन्नजीवी''। तए णं से पएसी राया चित्तं सार्राहें एवं वयासी-''आहोहियं णं वयासि चित्ता ! अन्नजीवियं च णं वयासि चित्ता ?" "हन्ता सामी आहोहियं णं वयामि अन्नजीवियं च णं वयामि"। "अभिगमणिजे णं चिता! अहं एस पुरिसे ?" "इन्ता सामी! अभिगमणिजे"। "अभिगच्छामो णं चित्ता! अम्हे एयं पुरिसं?" "इन्ता सामी! अभिगच्छामो" ॥ ५९ ॥ तए णं से पएसी राया चित्तेण सार-हिणा सिद्धं जेणेव केसी कुमारसमणे तेणेव उवागच्छइ २ ता केसिरस कुमारसमणस्य अद्रसामन्ते ठिचा एवं वयासी—''तुब्भे णं भन्ते ! आहोहिया अन्नजीविया ?''। तए णं केसी कुमारसमणे पएसिं रायं एवं वयासी-"पएसी ! से जहानामए अङ्कवा-णिया इ वा संखवाणिया इ वा दन्तवाणिया इ वा संकं भंसिउंकामा नो सम्मं पन्थं पुच्छ०, एवामेव पएसी ! तु० विणयं भंसेडकामो नो सम्मं पुच्छिस । से नूणं

तव पएसी! ममं पासिता अयमेयास्वे अज्झत्थिए जाव समुप्पज्जित्था—'जङ्का खलु मो जड्रं पज्जवासन्ति जाव पवियरित्तए'। से नूणं पएसी! अहे समहे ?''

''इन्ता अत्थि'' ॥ तए णं से पएसी राया केसि कुमारसमणं एवं वयासी-''से के णं भनते ! तज्झे नाणे वा दंसणे वा जेणं तज्झे मम एयारूवं अज्झत्थियं जाव संकप्पं समुप्पन्नं जाणह पासह ?" । तए णं से केसी कुमारसमणे पएसिं रायं एवं वयासी-''एवं खळ पएसी! अम्हं समणाणं निग्गन्थाणं पञ्चविहे नाणे प० तं जहा-आभिणिबोहियनाणे सुयनाणे ओहिनाणे मणपज्जवनाणे केत्रलनाणे । से किं तं आभिणिबोहियनाणे ? आभिणिबोहियनाणे चउव्विहे पन्नत्ते, तं जहा—उग्गहो ईहा अवाए धारणा । से किं तं उग्गहे ? उग्गहे दुविहे पन्नते जहा नन्दीए जाव से तं आभिणिबोहियनाणे । से किं तं सुयनाणे ? सुयनाणे दुविहे प० तं जहा-अङ्ग-पविद्रं च अङ्गबाहिरं च. सन्वं भाणियन्वं जाव दिद्विवाओ । ओहिनाणं भवपचड्यं खओवसमियं जहा नन्दीए । मणपज्जवनाणे दुविहे प० तं जहा-उज्जमई य विउलमई य । तहेव केवलनाणं सन्वं भाणियन्वं । तत्थ णं जे से आभिणिबोहिय-नाणे से णं ममं अत्थि। तत्थ णं जे से स्यनाणे से वि य ममं अत्थि। तत्थ णं जे से ओहिनाणे से विय ममं अत्थि। तत्थ णं जे से मणपज्जवनाणे से विय ममं अत्थि । तत्थ णं जे से केवलनाणे से णं ममं नत्थि, से णं अरिहन्ताणं भगव-न्ताणं । इचेएणं पएसी ! अहं तव चडविहेणं छउमत्थेणं णाणेणं इमेयारूवं अज्झ-त्थियं जाव समप्पन्नं जाणामि पासामि" ॥ ६० ॥ तए णं से पएसी राया केसिं क्रमारसमणं एवं वयासी—''अहं णं भन्ते ! इहं उवविसामि ?'' ''पएसी ! एयाए उजाणभूमीए तुमं सि चेव जाणए"। तए णं से पएसी राया चित्तेणं सारहिणा सर्दि केसिस्स क्रमारसमणस्स अदूरसामन्ते उवविसइ २ ता केसि क्रमारसमणं एवं वयासी--''त्रब्मं णं भन्ते ! समणाणं निग्गन्थाणं एसा सन्ना एसा पङ्जा एसा दिद्री एसा रुई एस हेऊ एस उवएसे एस संकप्पे एसा तुला एस माणे एस पमाणे एस समोसरणे जहा अन्नो जीवो अन्नं सरीरं नो तं जीवो तं सरीरं ?"। तए णं केसी कुमारसमणे पएसिं रायं एवं वयासी—"पएसी! अम्हं समणाणं निग्गन्थाणं एसा सन्ना जाव एस समोसरणे जहा अन्नो जीवो अन्नं सरीरं नो तं जीवो तं सरीरं"। तए णं से पएसी राया केसिं कुमारसमणं एवं वयासी—''जइ णं भनते! तब्भं समणाणं निग्गन्थाणं एसा सन्ना जाव समोसरणे जहा अन्नो जीवो अन्नं सरीरं नो तं जीवो तं सरीरं। एवं खळु ममं अजए होत्था, इहेव जम्ब्रहीवे दीवे सेयवियाए नयरीए अधिम्मए जाव सयस्स वि य णं जणवयस्स नो सम्मं करभरवित्तिं पवत्तेइ। से णं तुरुमं वत्तव्वयाए सुबहुं पावं कम्मं कठिकछुसं समज्जिणिता कालमासे कालं किचा अन्नयरेसु नरएसु नेरइयत्ताए उववन्ने । तस्स णं अज्जगस्स अहं नत्तुए होत्था

इट्टे कन्ते पिए मणुन्ने थेजे वेसासिए संमए बहुमए अणुमए रयणकरण्डगसमाणे जीविउस्सविए हिययनन्दिजणणे उम्बरपुष्फं पिव दुछ्ने सवणयाए, किमङ्ग पुण पासणयाए। तं जइ णं से अज्जए ममं आगन्तुं वएजा-'एवं खलु नत्तुया! अहं तब अजाए होतथा, इहेव सेयवियाए नयरीए अधिम्मए जाव नो सम्मं करभरवित्तिं पवतिमि । तए णं अहं सुबहुं पावं कम्मं कलिकलुसं समज्जिणिता नरएस उववन्ने । तं मा णं नत्त्या ! तुमं पि भवाहि अधम्मिए जाव नो सम्मं करभरवित्तिं पवत्तेहि । मा णं तुमं पि एवं चेव सुबहुं पावकम्मं जाव उववजिहिसि'। तं जइ णं से अजए ममं आगन्तुं एवं वएजा तो णं अहं सदृहेजा पत्तिएजा रोएजा जहा अन्नो जीवो अन्नं सरीरं नो तं जीवो तं सरीरं । जम्हा णं से अज्जए ममं आगन्तुं नो एवं वयासी तम्हा सुपद्दद्विया मम पद्दना समणाउसो ! जहा तं जीवो तं सरीरं'' ॥ तए णं केसी क्रमारसमणे पएसिं रायं एवं वयासी--''अत्थि णं पएसी! तव सरियकन्ता नामं देवी ?" "हन्ता अत्थि"। "जइ णं तुमं पएसी ! तं सूरियकन्तं देविं ण्हायं सव्वालंकारविभूसियं केणइ पुरिसेणं सव्वालंकारविभूसिएणं सिद्धं इद्रे सहफरिसरसङ्ब-गन्धे पञ्चविहे माणुस्सए कामभोगे पचणुभवमाणि पासिजासि, तस्स णं तुमं पएसी! पुरिसरस कं डण्डं निव्यत्तेजासि ?" "अहं णं भन्ते ! तं पुरिसं हत्थिच्छिन्नगं वा पाय-च्छित्रगं वा स्लाइयं वा स्लभित्रगं वा एगाहचं कृडाहचं जीवियाओ ववरोवएजा''। "अह णं पएसी! से पुरिसे तुमं एवं वएजा—'मा ताव मे सामी! सहत्तगं हत्थिच्छिन्नगं जाव जीवियाओ ववरोवेहि जाव तावाहं मित्तनाइनियगसयणसंबन्धिपरिजणं एवं वयामि-'एवं खल देवाणुप्पिया ० पावाइं कम्माइं समायरित्ता इमेयारूवं आवइं पावि-जामि, तं मा णं देवाणुप्पिया ! तुब्भे वि केइ पावाइं कम्माइं समायरड, मा णं से वि एवं चेव आवइं पाविज्ञिहिइ जहा णं अहं'। तस्स णं तुमं पएसी! पुरिसस्स खणमवि एयमद्रं पिडसुणेजासि ?" "नो इणद्वे समद्वे"। "कम्हा णं ?" "जम्हा णं भन्ते! अवराही णं से पुरिसे"। "एवामेव पएसी! तव वि अजाए होत्था इहेव सेयवियाए नयरीए अधिमाए जाव नो सम्मं करभरवित्तिं पवत्तेइ। से णं अम्हं वत्तव्वयाए सुबहं जाव उववन्नो । तस्य णं अजगस्य तुमं नतुए होत्था इट्टे कन्ते जाव पासणयाए । से णं इच्छड् माणुसं लोगं हव्यमागच्छित्तए, नो चेव णं संचाएड हब्बमागच्छित्तए । चर्डाहं ठाणेहिं पएसी ! अहुणोववन्नए नरएसु नेरइए इच्छइ माणुसं लोगं हव्यमागच्छित्तए, नो चेव णं संचाएइ अहुणोववन्नए नरएसु नेरइए०। से णं तत्थ महब्भ्यं वेयणं वेएमाणे इच्छेजा माणुसं लोगं हव्व ... नो चेव णं संचाएइ ... १। अहणोववन्नए नरएसु नेरइए नरयपालेहिं भुजो २ समिहिट्ठिजमाणे इच्छइ माणुसं

लोगं हव्यमागच्छित्तए नो चेव णं संचाएइ ... २ । अहणोववन्नए नरएस नेरइए निरय-वेयणिजंसि कम्मंसि अक्खीणंसि अवेडयंसि अनिज्जिणांसि इच्छइ माणसं लोगं ...नो चेव णं संचाएड ... ३ । एवं नेरइए निरयाउयंति कम्मंति अक्खीणंति अवेडयंति अनिजिण्णंसि इच्छइ माणुसं लोगं ...नो चेव णं संचाएइ ह्व्यमागच्छित्तए ४। इचेएहिं चउहिं ठाणेहिं पएसी ! अहणोववन्ने नरएस नेरइए इच्छइ माणुसं लोगं ...नो चेव णं संचाएइ हव्यमागच्छित्तए । तं सहहाहि णं पएसी ! जहा अन्नो जीवो अन्ने सरीरं नो तं जीवो तं सरीरं" ॥ १ ॥ ६१ ॥ तए णं से पएसी राया केसिं कमार-समणं एवं वयासी-"अत्थि णं भन्ते ! एसा पन्ना उवमा, इमेण पुण कारणेणं नो उवागच्छइ एवं खळ भनते ! मम अजिया होत्था इहेव सेयवियाए नयरीए धम्मिया जाव वित्तिं कप्पेमाणी समणोत्रासिया अभिगयजीवाजीवा सञ्चो वण्णओ जाव अप्पाणं भावेमाणी विहरइ। सा णं तुज्झं वत्तव्ययाए सुबहं पुण्णोवचयं समज्जिणिता कालमासे कालं किचा अन्नयरेस देवलोएस देवताए उववन्ना । तीसे णं अजियाए अहं नत्तए होत्था इहे कन्ते जाव पासणयाए । तं जइ णं सा अजिया ममं आगन्तं एवं वएजा-'एवं खलु नत्त्रया! अहं तव अजिया होत्था इहेव सेयवियाए नयरीए धम्मिया जाव वित्तिं कप्पेमाणी समणोवासिया जाव विहरामि। तए णं अहं सुबहं पुण्णोवचयं समज्जि-णित्ता जाव देवलोएस उववन्ना । तं तुमं पि नतुया ! भवाहि धम्मिए जाव विहराहि । तए णं तमं पि एवं चेव सबहं पुण्णोवचयं सम · · जाव उववज्जिहिसि'। तं जइ णं सा अज्जिया मम आगन्तं एवं वएजा, तो णं अहं सद्दहेजा पत्तिएजा रोएजा जहा अन्नो जीवो अनं सरीरं नो तं जीवो तं सरीरं । जम्हा सा अजिया ममं आगन्तं नो एवं वयासी तम्हा सुपइद्रिया मे पइन्ना जहा तं जीवो तं सरीरं नो अन्नो जीवो अन्नं सरीरं''॥ तए णं केसी कुमारसमणे पएसीरायं एवं वयासी--- "जइ णं तुमं पएसी! ण्हायं उल्लपडसाडमं भिङ्गारकड्रच्छ्यहत्थगयं देवकुलमणुपविसमाणं केइ पुरिसे वच्चघरंसि ठिचा एवं वएजा-'एह ताव सामी! इह महत्तगं आसयह वा चिद्रह वा निसीयह वा तुयदृह वा' तस्स णं तुमं पएसी! पुरिसस्स खणमवि एयमद्रं पिडसुणिजासि?" "नो" ति । "कम्हा णं ?" "भन्ते ! असुइ २ सामन्तो"। "एवामेव पएसी ! तव वि अजिया होत्था इहेव सेयवियाए नयरीए धम्मिया जाव विहरइ। सा णं अम्हं वत्तव्वयाए सुबहुं जाव उववन्ना, तीसे णं अज्जियाए तुमं नत्तुए होत्या इट्ठे जाव किमङ्ग पुण पासणयाए। सा णं इच्छइ माणुसं लोगं हव्यमागच्छित्तए, नो चेव णं संचाएइ ह्व्वमागच्छित्तए । चउहिं ठाणेहिं पएसी ! अहुणोववन्ने देवे देवलोएस इच्छेजा माणुसं लोगं ...नो चेव णं संचाएइ०। अहुणोववन्ने देवे देवलोएसु दिव्वेहिं

कामभोगेहिं मुच्छिए गिद्धे गढिए अज्झोववन्ने, से णं माणुसे भोगे नो आढाइ नो विराजाणाइ, से णं इच्छिज माणुसं ः नो चेव णं संचाएइ ः १ । अहुणोववन्नए देवे देवलोएस दिव्वेहिं कामभोगेहिं मुच्छिए जाव अज्झोववन्ने. तस्स णं माणस्से पेम्मे बोच्छिन्नए भवइ, दिव्वे पेम्मे संकन्ते भवइ, से णं इच्छेजा माणुसं ... नो चेव णं संचाएड ... २ । अहुणोववन्ने देवे दिव्वेहिं कामभोगेहिं मुच्छिए जाव अज्झोववन्ने.. तस्स णं एवं भवइ-इयाणिं गच्छं मुहुत्तं गच्छं जाव इह अप्पाउया नरा कालधम्सणा संजत्ता भवन्ति, से णं इच्छेजा माणुसं ... नो चेव णं संचाएइ ... ३ । अहणोववन्ने देवे दिव्वेहिं जाव अज्झोववन्ने तस्स माणुस्सए उराले दुग्गन्धे पडिकृले पडिलोमे भवड. उड्डं पि य णं चत्तारि पश्च जोयणसयाई असुभे माणुस्सए गन्धे अभिसमा-गच्छड़. से णं इच्छेजा माणुसं ... नो चेव णं संचाए ... ४ । इच्चेएहिं चउहिं ठाणेहिं पएसी! अहणोववन्ने देवे देवलोएस इच्छेजा माणुसं लोगं हव्वमागच्छित्तए, नो चेव णं संचाएइ हव्यमागच्छित्तए । तं सददाहि णं तुमं पएसी ! जहा अन्नो जीवो अन्नं सरीरं नो तं जीवो तं सरीरं'' ॥ २ ॥ ६२ ॥ तए णं से पएसी राया केसिं कुमार-समणं एवं वयासी-''अत्थि णं भनते ! एसा पन्ना उवमा । इमेणं पण कारणेणं नो उवागच्छः । एवं खलु भन्ते ! अहं अन्नया कयाइ बाहिरियाए उवहाणसालाए अणेगगणनायगदण्डनायगराईसरतलवरमाडंबियकोडुम्बियइब्भसेद्रिसेणावइसत्थवाह-मन्तिमहामन्तिगणगदोवारियअमचचेडपीढमद्दनगरनिगमद्यसंघिवालेहिं सिद्धं संपरि-वुडे विहरामि । तए णं मम नगरगुत्तिया ससक्खं सलोहं सगेवेज्नं अवओडयबन्धण-बद्धं चोरं उवणेन्ति । तए णं अहं तं पुरिसं जीवन्तं चेव अउकुम्भीए पिक्खवावेमि. अउमएणं पिहाणएणं पिहावेमि. अएण य तउएण य आयावेमि. आयपचड्यएहिं पुरिसेहिं रक्खावेमि । तए णं अहं अन्नया कयाइ जेणामेव सा अउक्रमभी तेणामेव उवागच्छामि २ ता तं अउक्रिमें उग्गलच्छावेमि २ ता तं प्रिसं सयमेव पासामि । नो चेव णं तीसे अउकुम्भीए केइ छिड्डे इवा विवरे इवा अन्तरे इवा राई इ वा जओ णं से जीवे अन्तोहिंतो बहिया निग्गए। जइ णं भन्ते! तीसे अउकुम्भीए होजा केइ छिड्डे वा जाव राई वा जओ णं से जीवे अन्तोहिंतो बहिया निग्गए तो णं अहं सद्दहेजा पत्तिएजा रोएजा जहा अन्नो जीवो अनं सरीरं नो तं जीवो तं सरीरं। जम्हा णं भनते! तीसे अउक्रम्भीए नत्थि केइ छिड्डे वा जाव निग्गए तम्हा सपइद्रिया मे पड़का जहा तं जीवो तं सरीरं नो अन्नो जीवो अन्नं सरीरं"॥ तए णं केसी कुमारसमणे पएसिं रायं एवं वयासी-''पएसी! से जहानामए कुडा-गारसाला सिया दुहओलिता गुत्ता गुत्तदुवारा निवायगम्भीरा। अह णं केइ पुरिसे

भेरिं च दण्डं च गहाय कूडागारसालाए अन्तो २ अणुपविसइ २ ता तीसे कूडागार-सालाए सन्तओं समन्ता घणनिचियनिरन्तरनिच्छिश्चाई दुवारवयणाई पिहेइ। तीसे कुडागारसालाए बहमज्झदेसभाए ठिचा तं भेरिं दण्डएणं महया २ सहेणं तालेजा । से नुणं पएसी ! से णं संदे अन्तोहिंतो बहिया निम्मच्छ्ड ?" "हन्ता निम्मच्छ्ड"। ''अत्थि णं पएसी! तीसे कूडागारसालाए केइ छिड्डे वा जाव राई वा जओ णं से सहे अन्तोहिंतो बहिया निगगए ?" "नो इणड्डे समड्डे"। "एवामेव पएसी! जीवे वि अपिडिहयगई पुढविं भिचा सिलं भिचा पव्वयं भिचा अन्तोहिंतो विहया निग्गच्छइ । तं सहहाहि णं तमं पएसी ! अन्नो जीवो ''तं चेव'' ॥ ३ ॥ ६३ ॥ तुरु णं पुरासी राया केसिं कुमारसमणं एवं वयासी-''अत्थि णं भनते ! एसा पन्ना उवमा । इमेण पण कारणेणं नो उवागच्छइ । एवं खलु भनते ! अहं अनया कयाइ बाहिरियाए उवद्राणसालाए जाव विहरामि । तए णं ममं नगरगुत्तिया ससक्खं जाव उवणेन्ति । तए णं अहं तं पुरिसं जीवियाओ ववरोवेमि २ त्ता अओकुम्भीए पिक्ख-वामि २ ता अउमएणं पिहाणएणं पिहावेमि जाव पचइएहिं पुरिसेहिं रक्खावेमि । तए णं अहं अन्नया कयाइ जेणेव सा कुम्भी तेणेव उवागच्छामि २ ता तं अटकमिंम उग्गलच्छावेमि। तं अउकुम्भि किमिकुम्भि पिव पासामि। नो चेव णं तीसे अउक्रम्भीए केड छिड़े वा जाव राई वा जओ णं ते जीवा बहियाहिंतो अन्तो अणुपविद्वा। जड़ णं तीसे अउकुम्भीए होज केइ छिड्डे जाव अणुपविद्वा, तए णं अहं सद्देखा जहा अन्नो जीवो तं चेव । जम्हा णं तीसे अउक्रम्भीए नत्थि केइ छिंद्रे वा जाव अण्पविद्रा तम्हा सपइद्रिया में पइन्ना जहा तं जीवो तं सरीरं तं चेव'' ॥ तए णं केसी कुमारसमणे पएसिं रायं एवं वयासी-''अत्थि णं तुमे पएसी! कयाइ अए धन्तपुर्वे वा धमावियपुर्वे वा ?" "हन्ता अत्थि"। "से नूणं पएसी! अए धनते समाणे सन्वे अगणिपरिणए भवइ ?'' "हन्ता भवइ"। "अत्थि णं पएसी ! तस्स अयस्स केइ छिड्डे वा॰ जेणं से जोई बहियाहिंतो अन्तो अणुपविद्वे?" "नो इणद्रे समद्रे"। "एवामेव पएसी! जीवो वि अप्पिडिहयगई पुढविं भिचा सिलं भिचा बहियाहिंतो अन्तो अणुपविसइ। तं सहहाहि णं तुमं पएसी!…तहेव''॥ ४॥ ६४॥ तए णं पएसी राया केसिं कुमारसमणं एवं वयासी-"अस्य णं भनते ! एसा पन्ना उवमा । इमेण पुण में कारणेणं नो उवागच्छइ । भन्ते ! से जहानामण केइ पुरिसे तरुणे जाव ०सिप्पोवगए पभू पञ्चकण्डगं निसिरित्तए ?'' "हन्ता पभू"। "जइ णं भन्ते ! सो चेव पुरिसे बाले जाव मन्दविन्नाणे पभू होज्जा पश्चकण्डगं निसिरित्तए, तो णं अहं सद्दहेजा जहा अन्नो जीवो तं चेव । जम्हा णं भन्ते ! स

चेव से पुरिसे जाव मन्दिवन्नाणे नो पभू पञ्चकण्डगं निसिरित्तए, तम्हा सुपइड्डिया मे पहचा जहा तं जीवो तं चेव" ॥ तए णं केसी क्रमारसमणे पएसिं रायं एवं वयासी-"से जहानामए केइ पुरिसे तरुणे जाव ०सिप्पोवगए नवएणं धणुणा नवियाए जीवाए नवएणं उसुणा पभू पञ्चकण्डगं निसिरित्तए ?" "हन्ता पभू" । "सो चेव णं परिसे तरुणे जाव निउणसिप्पोवगए कोरिहिएणं घणुणा कोरिहियाए जीवाए कोरिक्षिएणं उसुणा पभू पञ्चकण्डगं निसिरित्तए ?'' ''नो इणद्रे समद्रे''। ''कम्हा णं ?" "भनते ! तस्य पुरिसस्य अपज्जताइं उवगरणाइं हवन्ति"। "एवामेव पएसी ! सो चेव परिसे बाले जाव मन्दिवनाणे अपजत्तोवगरणे, नो पम् पञ्चकण्डगं निसिरित्तए। तं सहहाहि णं तुमं पएसी! जहा अन्नो जीवो तं चेव" ॥ ५ ॥ ६५ ॥ तए णं पएसी राया केसिं कुमारसमणं एवं वयासी-''अत्थि णं भन्ते! एसा पन्ना उवमा. इमेण पुण कारणेणं नो उवागच्छइ । भन्ते ! से जहानामए केइ पुरिसे तक्षे जाव ०सिप्पोवगए पभ एगं महं अयभारगं वा तज्यभारगं वा सीसगभारगं वा परिवहित्तए ?" "हन्ता पभू"। "सो चेत्र णं भंते ! पुरिसे जुण्णे जराजज्जरिय-देहे सिढिलवलितयाविणद्रगत्ते दण्डपरिग्गहियग्गहतथे पविरलपरिसिडियदन्तसेढी आउरे किसिए पिवासिए दुब्बले किलन्ते नो पभू एगं महं अयभारगं वा जाव परिवहित्तए । जइ णं भन्ते ! स चेत्र पुरिसे जुण्णे जराजजारियदेहे जाव परिकिलन्ते पभू एगं महं अयभारं वा जाव परिवहित्तए, तो णं अहं सदहेजा ... तहेव । जम्हा णं भंते ! से चेव प्रिंसे जुण्णे जाव किलन्ते नो पभू एगं महं अयभारं वा जाव परिवहित्तए, तम्हा सुपइह्रिया में पइन्ना ... तहेव" ।। तए णं केसी कुमारसमणे पएसिं रायं एवं वयासी-''से जहानामए केइ पुरिसे तरुणे जाव ०सिप्पोवगए निवयाए विहक्षियाए नवएहिं सिक्कएहिं नवएहिं पत्थियपिडएहिं पह एगं महं अयभारं जाव परिवहित्तए ?" "हन्ता पभू"। "पएसी ! से चेव णं परिसे तरुणे जाव ०सिप्पोवगए ज्ञिणयाए दुब्बलियाए घुण्णक्यइयाए विहङ्गियाए दुब्बलएहिं जुण्णएहिं घुण्णक्य-इएहिं सिढिलतयापिणदएहिं सिक्एहिं जुण्णएहिं दुब्बलएहिं घुणक्खइएहिं पत्थियपि-डएहिं पभू एगं महं अयभारं वा जाव परिवहित्तए ?" "नो इणद्वे समद्वे"। "कम्हा णं ?" "भन्ते ! तस्स पुरिसस्स जुण्णाइं जवगरणाइं हवन्ति" । "पएसी ! से चेव से पुरिसे जुन्ने जाव किलनते जुण्णोवगरणे नो पभू एगं महं अयभारं वा जाव परिवहित्तए । तं सद्दहाहि णं तुमं पएसी ! जहा अन्नो जीवो अन्नं सरीरं" ॥६॥६६॥ तए णं से पएसी केसिं कुमारसमणं एवं वयासी-''अस्थि णं भनते ! जाव नो उवागच्छह । एवं खळ भनते ! जाव विहरामि । तए णं मम नगर्गतिया

चोरं उवणेन्ति । तए णं अहं तं पुरिसं जीवन्तगं चेव तुलेमि । तुलेता छिवच्छेयं अकुव्वमाणे जीवियाओ ववरोवेमि २ ता मयं तुलेमि । नो चेव णं तस्स पुरिसस्स जीवन्तस्स वा तुलियस्स मुयस्स वा तुलियस्स केइ आणते वा नाणते वा ओमते वा तुच्छत्ते वा गुरुयत्ते वा लहुयत्ते वा । जइ णं भन्ते ! तस्स पुरिसस्स जीवन्तस्स वा तुलियस्स मुयस्स वा तुलियस्स केइ अन्नते वा जाव लहुयते वा तो णं अहं सद्देजा तं चेव । जम्हा णं भन्ते ! तस्स पुरिसस्स जीवनतस्स वा तुलियस्स मुयस्स वा तुल्रियस्स नत्थि केइ आणत्ते वा…लहुयत्ते वा तम्हा सुपइट्टिया मे पइन्ना जहा तं जीवो···तं चेव''। तए णं केसी कुमारसमणे पएसिं रायं एवं वयासी–''अस्थि णं पएसी ! तुमे कयाइ बत्थी धन्तपुट्वे वा धमावियपुट्वे वा ?'' ''हन्ता अत्थि''। ''अत्थि णं पएसी ! तस्स बत्थिस्स पुण्णस्स वा तुल्यिस्स अपुण्णस्स वा तुल्यिस्स केइ अन्नते वा जाव लहुयत्ते वा ^१'' ''नो इण्छे समट्टे''। ''एवामेव पएसी! जीवस्स अगुरूलघुयत्तं पडुच जीवन्तस्स वा तुलियस्स मुयस्स वा तुलियस्स नित्थ केइ आणत्ते वा जाव लहुयत्ते वा । तं सद्दहाहि णं तुमं पएसी ! ''तं चेव'' ॥ ७ ॥ ६० ॥ तए णं पएसी राया केसिं कुमारसमणं एवं वयासी-"अस्थि णं भन्ते ! एसा जाव नो उवागच्छइ। एवं खलु भन्ते! अहं अन्नया जाव चोरं उवणेन्ति। तए णं अहं तं पुरिसं सब्बओ समन्ता समभिलोएमि । नो चेव णं तत्थ जीवं पासामि । तए णं अहं तं पुरिसं दुहाफालियं करेमि २ ता सव्वओ समन्ता समभिलोएमि। नो चेव णं तत्थ जीवं पासामि । एवं तिहा चउहा संखेजकालियं करेमि, नो चेव णं तत्थ जीवं पासामि । जइ णं भन्ते ! अहं तं पुरिसं दुहा वा तिहा वा चउहा वा संखेजहा वा फालियंमि जीवं पासन्तो तो णं अहं सद्दहेजा नो ''तं चेव। जम्हा णं भन्ते ! अहं तंसि दुहा वा तिहा वा चउहा वा संखेजहा वा फालियंमि जीवं न पासामि तम्हा सुपइद्विया मे पइन्ना जहा तं जीवो तं सरीरं ''तं चेव''॥ तए णं केसी कुमारसमणे पएसिं रायं एवं वयासी-"मृढतराए णं तुमं पएसी! ताओ तुच्छतराओ" । "के णं भन्ते ! तुच्छतराए ?" "पएसी ! से जहानामए केई पुरिसा वणत्थी वणोवजीवी वणगवेसणयाए जोइं च जोइभायणं च गहाय कट्ठाणं अडवि अणुपविद्वा । तए णं ते पुरिसा तीसे अगामियाए जाव किंन्वि देसं अणुप्पत्ता समाणा एगं पुरिसं एवं वयासी-'अम्हें णं देवाणुप्पिया ! कट्ठाणं अडविं पविसामो । एत्तो णं तुमं जोइभायणाओ जोइं गहाय अम्हं असणं साहेजासि । अह्रुतं जोइभायणे जोई विज्झवेजा एत्तो णं तुमं कट्ठाओ जोई गहाय अम्हं असणं साहेजासि'ति-कहु कहाणं अडविं अणुपविहा । तए णं से पुरिसे तओ मुहुत्तन्तरस्स तेसिं पुरिसाणंः

असणं साहेमित्तिकट्टु जेणेव जोइभायणे तेणेव उवागच्छइ, जोइभाइणे जोइं विज्झायमेव पासइ। तए णं से पुरिसे जेणेव से कट्ठे तेणेव उवागच्छड़ २ ता तं कट्ठं सन्वओ समन्ता समभिलोएइ, नो चेव णं तत्थ जोइं पासइ। तए णं से पुरिसे परियरं बन्धइ, फरसुं गिण्हइ, तं कहुं दुहाफालियं करेइ, सव्वओ समन्ता समिन-लोएइ, नो चेव णं तत्थ जोइं पासइ। एवं जाव संखेजकालियं करेइ, सन्वओ समन्ता समभिलोएइ, नो चेव णं तत्थ जोइं पासइ। तए णं से पुरिसे तंसि कट्टंसि दुहाफालिए वा जाव संखेजाफालिए वा जोइं अपासमाणे सन्ते तन्ते परितन्ते निव्विण्णे समाणे परसुं एगन्ते एडेइ २ त्ता परियरं मुयइ २ त्ता एवं वयासी-'अहो म**ए** तेसिं पुरिसाणं असणे नो साहिए'त्तिक ट्रु ओहयमणसंकप्पे चिन्तासोगसागरसंप-विद्वे कर्यलपल्हत्थमुहे अङ्ग्झाणोवगए भूमिगयदिद्विए झियाइ। तए णं ते पुरिसा क्ट्राइं छिन्दन्ति २ ता जेणेव से पुरिसे तेणेव उवागच्छन्ति २ ता तं पुरिसं ओहय-मणसंकप्पं जाव झियायमाणं पासन्ति २ त्ता एवं वयासी—'किं णं तुमं देवाणुप्पिया ! ओहयमणसंकप्पे जाव झियायसि ?'। तए णं से पुरिसे एवं वयासी-'तुज्झे णं देवाणुप्पिया ! कह्याणं अडविं अणुपविसमाणा ममं एवं वयासी— 'अम्हे णं देवाणु-प्पिया! बद्घाणं अडविं जाव पविद्वा । तए णं अहं तत्तो मुहुत्तन्तरस्स तुज्झं असणं साहेमित्तिकहू जेणेव जोई जाव झियामि'। तए णं तेसिं पुरिसाणं एगे पुरिसे छेए दक्खे पत्तहे जाव उवएसलद्धे, ते पुरिसे एवं वयासी—'गच्छह णं तुज्झे देवाणु-प्पिया ! ण्हाया हव्वमागच्छेह, जा णं अहं असणं साहेमि' त्तिकहु परियरं बन्धइ २ त्ता परसुं गिण्हइ २ त्ता सरं करेइ, सरेण अरणिं महेइ, जोइं पाडेइ २ त्ता जोइं संधुक्खेइ, तेसिं पुरिसाणं असणं साहेइ। तए णं ते पुरिसा ण्हाया जेणेव से पुरिसे तेणेव उवागच्छन्ति । तए णं से पुरिसे तेसिं पुरिसाणं सुहासणवरगयाणं तं विउन्नं असणं पाणं खाइमं साइमं उवणेइ । तए णं ते पुरिसा तं विउलं असणं ४ आसाएमाणा वीसाएमाणा जाव विहरन्ति । जिमियभुत्तुत्तरागया वियणं समाणा आयन्ता चोक्खा परमसुइभूया तं पुरिसं एवं वयासी-'अहो णं तुमं देवाणुप्पिया! जेंड्रे मृद्धे अपण्डिए निव्विन्नाणे अणुवएसलद्भे, जे णं तुमं इच्छिस कट्ठांसि दुहाफालियंसि वा ॰ जोइं पासित्तए'। से एएणड्रेणं पएसी ! एवं बुच्चइ मृढ़तराए णं तुमं पएसी ताओ तुच्छतराओ'' ॥८॥६८॥ तए णं पएसी राया केसिं कुमारसमणं एवं वयासी-"ज़ुत्तए णं भन्ते! तुब्भं इय छेयाणं दक्खाणं वुद्धाणं कुसलाणं महामईणं विणीयाणं विन्नाणपत्ताणं उवएसल-द्धाणं अहं इमीसे महालियाए महचपरिसाए मज्झे उचावएहिं आउसेहिं आउसित्तए. उचावयाहिं उद्धंसणाहिं उद्धंसित्तए, एवं निञ्भञ्छणाहिं० निच्छोडणाहिं० ?''। तए

णं केसी कमारसमणे पएसि रायं एवं वयासी—''जाणासि णं तमं पएसी! कड परिसाओ पन्नताओ ?" "भन्ते ! जाणामि, चतारि परिसाओ पन्नता । तं जहा-खत्तियपरिसा गाहावइपरिसा माहणपरिसा इसिपरिसा''। "जाणासि णं तमं पामी राया! एयासि चउण्हं परिसाणं कस्य का दण्डनीई पन्नता ?" "हन्ता जाणामि । जे णं खत्तियपरिसाए अवरज्झा से णं हत्थच्छित्रए वा पायच्छित्रए वा सीसच्छित्रए वा सलाइए वा एगाहचे कडाहचे जीवियाओ ववरोविजाइ । जे णं गाहावइपरिसाए अवरज्झड से णं तएण वा वेढेण वा पठालेण वा वेढिता अगणिकाएणं झामिजाड । जे णं माहणपरिसाए अवरज्झड से णं अणिद्राहिं अकन्ताहिं जाव अमणामाहिं वग्गृहिं उवालिम्भित्ता कृण्डियालञ्छणए वा सणगलञ्छणए वा कीरइ. निव्विसए वा आणविज्ञह । जे णं इतिपरिसाए अवरज्झह से णं नाइअणिद्राहिं जाव नाह-अमणामाहिं वग्गृहिं उवालब्भइ"। "एवं च ताव पएसी! तमं जाणासि. तहा वि णं तुमं ममं वामंवामेणं दण्डंदण्डेणं पडिक्लंपडिक्लेणं पडिलोमंपडिलोमेणं विवचा-संविवचासेणं वहसि"। तए णं पएसी राया केसिं कुमारसमणं एवं वयासी--"एवं खल अहं देवाणपिएहिं पढिमिछएणं चेव वागरणेणं संलत्ते । तए णं मम इमेयाह्रवे अञ्मत्थिए जाव संकप्पे समप्पजित्था-जहा जहा णं एयस्स पुरिसस्स वामंवामेणं जाव विवचासंविवचासेणं विहस्सामि, तहा तहा णं अहं नाणं च नाणोवलम्भं च करणं च करणोवलम्भं च दंसणं च दंसणोवलम्भं च जीवं च जीवोवलम्भं च उवलिमस्सामि । तं एएणं कारणेणं अहं देवाण्यियाणं वामंवामेणं जाव विवचा-संविवचासेणं विष्टए''। तए णं केसी कुमारसमणे पएसीरायं एवं वयासी---''जाणासि णं तुमं पएसी! कइ ववहारगा पन्नता?" "हन्ता जाणामि, चतारि ववहारगा पन्नता-देइ नामेगे नो सन्नवेइ, सन्नवेइ नामेगे नो देइ, एगे देइ वि सन्नवेइ वि. एगे नो देइ नो सन्नवेइ"। "जाणासि णं तुमं पएसी! एएसिं चडण्हं पुरिसाणं के ववहारी के अव्ववहारी?" "हन्ता जाणामि, तत्थ णं जे से प्ररिसे देइ नो सन्नवेइ से णं पुरिसे ववहारी, तत्थ णं जे से पुरिसे नो देइ सन्नवेइ से णं पुरिसे ववहारी, तत्थ णं जे से पुरिसे देइ वि सन्नवेइ वि से णं पुरिसे ववहारी, तत्थ णं जे से पुरिसे नो देइ नो सन्नवेइ से णं अववहारी"। "एवामेव तुमं पि ववहारी, नो चेव णं तुमं पएसी! अववहारी" ॥ ६९ ॥ तए णं पएसी राया केसिं कुमारसमणं एवं वयासी-"तुज्झे णं भन्ते! इय छेया दक्खा जाव उवएसलद्धा । समत्था णं भन्ते! ममं करयलंसि वा आमलयं जीवं सरीराओ अभिनिवहित्ताणं उवदंसित्तए ?" । तेणं कालेणं तेणं समएणं पएसिस्स रच्चो अदूरसामन्ते वाउकाए संवृत्ते, तणवणस्सइकाए

πयइ वेयइ चलइ फन्दइ घट्टइ उदीरइ तं तं भावं परिणमइ। तए णं केसी कुमारसमणे कार्स रायं एवं वयासी-"पासिस णं तुमं पएसी राया! एयं तणवणस्सइं एय-तं जाव तं तं भावं परिणमन्तं ^{?''} ''हन्ता पासामि''। ''जाणासि णं तुमं पएसी ! एयं तणवणस्सइकार्य किं देवो चालेइ असुरो वा चालेइ नागो वा किन्नरो वा चालेड क्रिंपरिसो वा चालेइ महोरगो वा चालेइ गन्धव्यो वा चालेइ?" "हन्ता जाणामि. नो देवो चालेइ जाव नो गनधन्त्रो वा चालेइ, वाउकाए चालेइ"। "पासिस णं तमं पएसी! एयस्स वाउकायस्स सरूविस्स सकामस्स सरागस्स समोहस्स सवेयस्स सलेसस्स ससरीरस्स रूवं"? "नो इणहे समट्ठे"। "जइ णं तुमं पएसी राया! एयस्स वाजकायस्य सरूविस्स जाव ससरीरस्स रूवं न पाससि. तं कहं णं पएसी! तव क्रायलंसि वा आमलगं जीवं उवदंसिस्सामि ? एवं खलु पएसी ! दसठाणाइं छउमतथे मणुरसे सन्वभावेणं न जाणइन पासइ। तं जहा-धम्मत्थिकायं १ अधम्मत्थिकायं २ आगासत्थिकायं ३ जीवं असरीरबद्धं ४ परमाणपोग्गलं ५ सहं ६ गन्धं ७ वायं ८ अयं जिणे भविस्सइ वा नो भविस्सइ ९ अयं सव्वदुक्खाणं अन्तं करिस्सइ वा नो वा...१०। एयाणि चेत्र उप्पन्ननाणदंसणधरे अरहा जिणे केवली सन्वभावेणं जाणइ पासइ । तं जहा-धम्मत्थिकायं जाव नो वा करिस्सइ । तं सद्दृहाहि णं तुमं पएसी! जहा अन्नो जीवो ... तं चेव" ॥ ७० ॥ तए णं से पएसी राया केसिं कुमार-समणं एवं वयासी-''से नृणं भनते! हत्थिरस कुन्थुरस य समे चेव जीवे?'' ''हन्ता पएसी! हत्थिस्त य कुन्थुस्त य समे चेव जीवे"। "से नूणं भनते! हत्थीओ कुन्थू अप्पकम्मतराए चेव अप्पिकरियतराए चेव अप्पासवतराए चेव. एवं आहारनीहार-उरसासनीसासङ्क्रीए अप्पतराए चेव, एवं च कुन्थुओ हत्थी महाकम्मतराए चेव महािकरिय० ?" "हन्ता पएसी ! हत्थीओ कुन्थ अप्पक्रम्मतराए चेव० कुन्थुओ वा हत्थी महाकम्मतराए चेव ''तं चेव''। ''कम्हा णं भन्ते! हत्थिरस य कुन्थुस्स य समे चेव जीवे ?" "पएसी से जहानामए कृडागारसाला सिया जाव गम्भीरा। अह णं केइ पुरिसे जोई वा दीवं वा गहाय तं कृडागारसालं अन्तो २ अणुपविसइ। तीसे कृडागारसालाए सन्त्रओं समन्ता घणनिचियनिरन्तरनिच्छिश्चाई दुवारवयणाई पिहेइ २ त्ता तीसे कूडागारसालाए बहुमज्झदेसभाए तं पईवं पलीवेजा । तए णं से पईवे तं कडागारसालं अन्तो २ ओभासङ उज्जोवेइ तवइ पभासेइ, नो चेव णं बाहिं। अह णं से पुरिसे तं पईवं इड्डरएणं पिहेजा, तए णं से पईवे तं इड्डरयं अन्तो २ ओभासेइ॰, नो चेव णं इद्वरगस्स बाहिं नो चेव णं कृडागारसालाए बाहिं। एवं किलिन्नेणं गण्डमाणियाए पत्थियपिडएणं आढएणं अद्घाढएणं पत्थएणं अद्घपत्थएणं

कुळवेणं अद्भुकुवेणं चाउन्भाइयाए अद्भाइयाए सोलसियाए बत्तीसियाए चउसद्वियाए दीवचम्पण्णं । तए णं से पईवे दीवचम्पगस्स अन्तो २ ओभासइ ४ नो चेव णं दीवचम्पगस्स बाहिं नो चेव णं चउसद्वियाए बाहिं नो चेव णं कृडागारसालं नो चेव णं कृडागारसालाए बाहिं। एवामेव पएसी! जीवे वि जं जारिसयं पुञ्चकम्मनिबद्धं बोंदिं निञ्चत्तेइ, तं असंखेजेहिं जीवपएसेहिं सचित्तं करेइ खुड्डियं वा महालियं वा । तं सहहाहि णं तुमं पएसी! जहा अन्नो जीवो ... तं चेव" ॥ ७९ ॥ तए णं पएसी राया केसिं कमारसमणं एवं वयासी-"एवं खळ भनते! मम अज्जगस्स एसा सन्ना जाव समोसरणे जहा तं जीवो तं सरीरं नो अन्नो जीवो अन्नं सरीरं । तयाणन्तरं च णं ममं पिउणो वि एसा सन्ना० । तयाणन्तरं मम वि एसा सन्ना जाव समोसरणे। तं नो खळु अहं बहुपुरिसपरंपरागयं कुलनिस्सियं दिद्धिं छण्डेस्सामि"। तए णं केसी कुमारसमणे पएसिं रायं एवं वयासी---"मा णं तुमं पएसी ! पच्छाणताविए भवेजासि जहा व से परिसे अयहारए"। "के णं भनते ! से अयहारए ?" "पएसी! से जहानामए केइ पुरिसा अत्थत्थी अत्थगवेसी अत्थ-छुद्धगा अत्यकंखिया अत्थिपिवासिया अत्थगवेसणयाए विउलं पणियभण्डमायाए सबहं भत्तपाणपत्थयणं गहाय एगं महं अगामियं छिन्नावायं दीहमदं अडविं अण-पविद्रा । तए णं ते प्ररिसा तीसे अगामियाए अडवीए कंचि देसं अणुप्पत्ता समाणा एगं महं अयागरं पासन्ति अएणं सव्वओ समन्ता आइण्णं वित्थिण्णं सच्छडं उव-च्छडं फुडं गाढं अवगाढं पासन्ति २ त्ता हद्भतद्भ जाव हियया अन्नमन्नं सहावेन्ति २ त्ता एवं वयासी--''एस णं देवाणुप्पिया ! अयभण्डे इद्दे कन्ते जाव मणामे । तं सेयं खळ देवाणुप्पिया! अम्हं अयभारए बन्धित्तए''त्तिकहू अन्नमन्नस्स एयमद्रं पडिस-गेन्ति २ त्ता अयभारं बन्धन्ति २ त्ता अहाणुपुन्वीए संपत्थिया । तए णं ते पुरिसा तीसे अगामियाए जाव अडवीए कंचि देसं अण्पता समाणा एगं महं तउआगरं पासन्ति तउएणं आइण्णं तं चेव जाव सहावेता एवं वयासी—'एस णं देवाणुप्पिया! तउय-भण्डे जाव मणामे । अप्पेणं चेव तउएणं सुबहुं अए लब्भइ । तं सेयं खलु देवाणु-प्पिया ! अयभारए छड्डेता तज्यभारए बन्धित्तए' त्तिकहु अन्नमन्नस्स अन्तिए एयमद्रं पिंडसुणेन्ति २ त्ता अयभारं छड्डेन्ति २ त्ता तउयभारं बन्धन्ति । तत्थ णं एगे पुरिसे नो संचाएइ अयभारं छड्डितए तडयभारं बन्धित्तए। तए णं ते पुरिसा तं पुरिसं एवं वयासी—'एस णं देवाणुप्पिया! तजयभण्डे जाव सुबहुं अए लब्भइ। तं छड्डेहि णं देवाणुष्पिया! अयभारगं, तङयभारगं बन्धाहि'। तए णं से पुरिसे एवं वयासी-'दूराहडे मे देवाणुप्पिया! अए; चिराहडे मे देवाणुप्पिया! अए; अइगाडबन्धणबद्धे

मे देवाणुप्पिया ! अए; असिलिट्टबन्धणबद्धे मे देवाणुप्पिया ! अए; धणियबन्धणबद्धे मे देवाणुप्पिया ! अए; नो संचाएमि अयभारगं छड्डेता तउयभारगं बन्धित्तए'। तए णं ते पुरिसा तं पुरिसं जाहे नो संचाएन्ति बहूहिं आघवणाहि य पन्नवणाहि य आघवित्तए बापन्नवित्तए वा, तया अहाणुपुव्वीए संपत्थिया॥ एवं तम्वागरं रूप्पागरं सुवण्णागरं रयणागरं वइरागरं ॥ तए णं ते पुरिसा जेणेव सया २ जणवया जेणेव साई २ नयराई . तेणेव उवागच्छन्ति २ त्ता वइरविक्कयणं करेन्ति २ त्ता सुबहुदासीदासगोमहिसगवेल्गं गिण्हन्ति २ त्ता अट्ठतलमूसियवर्डिसगे कारावेन्ति । ण्हाया अप्प० उपि पासाय-बरगया फुट्टमाणेहिं मुइङ्गमत्थएहिं वत्तीसइबद्धएहिं नाडएहिं वरतरुणीसंपउत्तेहिं उवनिचजमाणा उवलालिजमाणा इद्वे सद्दर्भारेस जाव विहरन्ति ॥ तए णं से पुरिसे अयभारेण जेणेव सए नयरे तेणेव उवागच्छइ । अयविक्किणणं करेइ २ ता र्गंसि अप्पमोह्रंसि निहियंसि झीणपरिव्वए ते पुरिसे उर्पि पासायवरगए जाव विहरमाणे पासइ २ त्ता एवं वयासी-'अहो णं अहं अधन्नो अपुण्णो अकयत्थो अक्रयलक्खणो हिरिसिरियज्जिए हीणपुण्णचाउद्दसे दुरन्तपन्तलक्खणे । जइ णं अहं मित्ताण वा नाईण वा नियगाण वा सुणेन्तओ, तो णं अहं पि एवं चेव उप्पि पासायवरगए जाव विहरन्तो' । से तेणद्वेणं पएसी ! एवं वुच्चइ-मा णं तुमं पएसी ! पच्छाणुताविए भवेजासि जहा व से पुरिसे अयहारए' ॥ ७२॥ एत्थ णं से पएसी राया संबुद्धे केसिं कुमारसमणं वन्दइ जाव एवं वयासी-''नो खलु भन्ते ! अहं पच्छाणुताविए भविस्सामि जहा व से पुरिसे अयभारिए । तं इच्छामि णं देवाणुप्पियाणं अन्तिए केवलिपन्नत्तं धम्मं निसामित्तए''। ''अहासुहं देवाणुप्पिया ! मा पिडबन्धं करेहि"। धम्मकहा जहा चित्तस्स, तहेव गिहिधम्मं पडिवजाइ २ ता जेणेव सेयविया नयरी तेणेव पहारेत्थ गमणाए ॥ तए णं केसी कुमारसमणे पएसिं रायं एवं वयासी~''जाणासि तुमं पएसी ! कइ आयरिया पन्नता ?'' ''हन्ता जाणामि, तओ आयरिया पन्नता । तं जहा-कलायरिए सिप्पाय-रिए धम्मायरिए" । "जाणासि णं तुमं पएसी ! तेसि तिण्हं आयरियाणं कस्स का विणयप**डि**वत्ती पउक्षियव्वा ^१'' ''हन्ता जाणामि, कलायरियस्स सिप्पायरियस्स उवलेवणं संमज्जणं वा करेजा पुरओ पुष्फाणि वा आणवेजा मजावेजा मण्डावेजा भोयावेजा वा, विउलं जीवियारिहं पीइदाणं दलएजा, पुताणुपुत्तियं वित्तिं कप्पेजा। जत्थेव धम्मायरियं पासिजा तत्थेव वनदेजा नमंसेजा सक्कारेजा संमाणेजा कलाणं मङ्गलं देवयं चेइयं पजुवासेजा, फासुएसणिजेणं असणपाणखाइमसाइमेणं पिड-लाभेजा, पाडिहारिएणं पीढफलगसेजासंथारएणं उवनिमन्तेजा''। "एवं च ताव ७ सत्ता०

तुमं पएसी ! एवं जाणासि, तहा वि णं तुमं ममं वामंवामेणं जाव वहिता ममं एयमद्रं अक्खामित्ता जेणेव सेयविया नयरी तेणेव पहारेत्थ गमणाए''। तए णं से पएसी राया केसि कुमारसमणं एवं वयासी-"एवं खुळ भनते! मम एयाह्रवे अज्झत्थिए जाव समुप्पजित्था—'एवं खलु अहं देवाणुप्पियाणं वामंवामेणं जाव विहिए, तं सेयं खुळ मे कहं पाउप्पभायाए रयणीए जाव तेयसा जलन्ते अन्तेउर-परियालसिंद्धं संपरिवृडस्स देवाणुप्पिए वन्दित्तए नमंसित्तए, एयमट्टं भुजो २ सम्मं विणएणं खामित्तए''तिकष्ट जामेव दिसिं पाउच्भूए तामेव दिसिं पडिगए॥ ७३॥ तए णं से पएसी राया कहं पाउप्पभायाए रयणीए जाव तेयसा जलन्ते हद्दतद्व जाव हियए जहेव कृणिए तहेव निगाच्छइ, अन्तेउरपरियालसर्दि संपरिवडे पश्चिवहेणं अभिगमेणं वन्दइ नमंसइ, एयमहं भुज्जो २ सम्मं विणएणं खामेड ॥ तए णं केसी कुमारसमणे पएसिस्स रन्नो सूरियकन्तप्पमहाणं देवीणं तीसे य महड-महालियाए महन्त्रपरिसाए जाव धम्मं परिकहेइ। तए णं पएसी राया धम्मं सोन्ना निसम्म उद्घाए उद्रेह २ ता केसिं कमारसमणं वन्दइ नमंसह वं० २ ता जेणेव सेयविया नयरी तेणेव पहारेत्थ गमणाए॥ तए णं केसी कुमारसमणे पएसिं रायं एवं वयासी--''मा णं तुमं पएसी ! पुब्वि रमणिजे भवित्ता पच्छा अरमणिजे भवि जासि. जहां से वणसण्डे इ वा नदृसाला इ वा इक्खुवाडए इ वा खलवाडए इ वा"। "कहं णंभन्ते ?" "जया णं वणसण्डे पत्तिए पुष्फिए फलिए हरियगरेरिजमाणे सिरीए अईव २ उवसोभेमाणे चिद्रइ, तया णं वणसण्डे रमणिजे भवइ । जया णं वणसण्डे नो पत्तिए नो पुष्फिए नो फलिए नो हरियगरेरिज्जमाणे नो सिरीए अईव २ उनसोभेमाणे चिट्टइ, तया णं जुण्णे झडे परिसंडियपण्डपत्ते सक्कहक्खे इव मिलायमाणे चिद्रह, तया णं वणसण्डे नो रमणिजे भवह । जया णं नहसाला वि गिजइ वाइजइ निचजइ हिसजइ रिमजइ, तया णं नष्टसाला रमणिजा भवड़। जया णं नदृसाला नो गिजाइ जाव नो रमिजाइ, तया णं नदृसाला अरमणिजा भवड । जया णं इक्खुवाडे छिजाइ भिजाइ सिजाइ पिजाइ दिजाइ, तया णं इक्खुवाडे रमणिजे भवइ । जया णं इक्खुवाडे नो छिजाइ जाव तया णं इक्खुवाडे अरमणिजे भवर । जया णं खलवाडे उच्छब्भह उडुइज्जइ मलइज्जइ मुणिज्जइ खज्जइ पिज्जइ दिजाइ, तया णं खलवाडे रमणिजे भवइ। जया णं खलवाडे नो उच्छ्वन्भइ जाव अरमणिजे भवइ। से तेणद्वेणं पएसी! एवं वुचइ, मा णं तुमं पएसी! पुर्विव रमणिजे भवित्ता पच्छा अरमणिजे भविजासि जहा से वणसण्डे इ वा॰"। तए णं पएसी राया केसिं कुमारसमणं एवं वयासी--"नो खुल भन्ते! अहं पुर्व्व रमणिजे

भविता पच्छा अरमणिजे भविस्सामि, जहां से वणसण्डे इ वा जाव खळवाडे इ वा । अदं णं सेयवियानयरीपामोक्खाइं सत्त गामसहस्साइं चत्तारि भागे करिस्सामि । एगं भागं बलवाहणस्स दलइस्सामि, एगं भागं कोद्वागारे छुभिस्सामि, एगं भागं अन्ते-उरस दलइस्सामि, एगेणं भागेणं महइमहालयं कृडागारसालं करिस्सामि । तत्थ णं बहाईं पुरिसोहें दिन्नभइभत्तवेयणेहिं विउलं असणं ४ उवक्खडावेता बहणं समण-माहणभिक्खुयाणं पन्थियपहियाणं परिभाएमाणे २ बहूहिं सीलव्वयगुणव्वयवेरमण-पचक्खाणपोसहोववासस्स जाव विहरिस्सामि''त्तिक<u>द</u>ृ जामेव दिसिं पाउब्भए तामेव दिसिं पिडिगए।। तए णं से पएसी राया कहं जाव तेयसा जलन्ते सेयवि-यापामोक्खाइं सत्त गामसहस्साइं चतारि भाए करेड़। एगं भागं बलवाहणस्स ढलइ जाव कृडागारसालं करेइ, तत्थ णं बहाहिं पुरिसेहिं जाव उवक्खडावेता बहुणं समण जाव परिभाएमाणे विहरइ ॥ ७४॥ तए णं से पएसी राया समणोवासए जाए अभिगयजीवाजीवे विहरइ । जप्पिभइं च णं पएसी राया समणोवासए जाए तप्पभिइं च णं रजं च रहं च बलं च वाहणं च कोसं च कोद्रागारं च परं च अन्तेउरं च जणवयं च अणाढायमाणे यावि विहरइ । तए णं तीसे सरियकन्ताए देवीए इमेयारूवे अज्झत्थिए जाव समुप्पजित्था-''जप्पिमेइं च णं पएसी राया समणोवासए जाए तप्पभिइं च णं रजं च रद्रं च जाव अन्तेउरं च ममं च जणवयं च अणाढायमाणे विहरइ । तं सेयं खलु मे पएसिं रायं केण वि सत्थपओगेण वा अग्गिपओगेण वा मन्तप्पओगेण वा विसप्पओगेण वा उद्दवेता स्रियकन्तं कुमारं रजे ठविता सयमेव रजासिरिं कारेमाणीए पालेमाणीए विहरित्तए"तिकदृ एवं संपेहेइ २ ता सूरियकन्तं कुमारं सद्दावेइ २ ता एवं वयासी-"जप्पिभइं च णं पएसी राया समणोवासए जाए तप्पिभिइं च णं रजं च जाव अन्तेउरं च ममं च जणवयं च माणुस्सए य कामभोगे अणाढायमाणे विहरइ। तं सेयं खळ तव पुत्ता ! पएसिं रायं केणइ सत्यप्पओगेण वा जाव उद्दविता सयमेव रज्जिसिरिं कारेमाणे पालेमाणे विहरित्तए''। तए णं सूरियकन्ते कुमारे सूरियकन्ताए देवीए एवं वुत्ते समाणे सूरियकन्ताए देवीए एयमट्टं नो आढाइ, नो परियाणाइ, तुसिणीए संचिद्वइ । तए णं तीसे सूरियकन्ताए देवीए इमेयारूवे अज्झत्थिए जाव समुप्पजित्था-"मा णं सरियकन्ते कुमारे पएसिस्स रन्नो इमं ममं रहस्सभेयं करि-स्सइ''त्तिक ट्र पएसिस्स रन्नो छिद्दाणि य सम्माणि य रहस्साणि य विवराणि य अन्तराणि य पिंडजागरमाणी २ विहरइ। तए णं सूरियकन्ता देवी अन्नया कयाइ पएसिस्स रन्नो अन्तरं जाणइ २ त्ता असणं जाव साइमं सव्ववत्थगन्धमल्लालंकारं विसप्पओगं पडज़इ । पएसिस्स रन्नो ण्हायस्स सहासणवर्गयस्स तं विससंज्ञतं असणं ४ वत्यं जाव अलंकारं निसिरेइ. घायइ । तए णं तस्स पएसिस्स रन्नो तं विससंजत्तं असणं ४ आहारेमाणस्स सरीरगंमि वेयणा पाउन्भ्या उज्जला विउला पगाढा कक्कसा कडुया फरुसा णिट्टरा चण्डा तिव्वा दुक्खा दुग्गा दुरहियासा, पित्त-जरपरिगयसरीरे दाहवक्कन्तिए यावि विहरइ॥ ७५॥ तए णं से पएसी राया सूरिय-कन्ताए देवीए अत्ताणं संपल्दं जाणिता सूरियकन्ताए देवीए मणसा वि अप्पट्-स्समाणे जेणेव पोसहसाला तेणेव उवागच्छइ २ ता पोसहसालं पमजाइ २ ता उचा-रपासवणभूमिं पिछेलेहेइ २ ता दन्भसंथारगं संथरेइ २ ता दन्भसंथारगं दुरुहइ २ ता परत्थाभिमहे संपृत्रियङ्कनिसण्णे करयूलपरिग्गहियं । सिरसावत्तं अञ्जलिं मत्थए कट्ट एवं वयासी-"नमोत्थु णं अरहन्ताणं जाव संपत्ताणं । नमोत्थु णं केसिस्स कुमारसमणस्स मम धम्मोवएसगस्स धम्मायरियस्स । वन्दामि णं भगवन्तं तत्थगयं इहगए। पासउ मे भगवं तत्थगए इहगयं''तिकद्भ वन्दइ नमंसइ। ''पुर्विव पि णं मए केसिस्स कुमारसमणस्स अन्तिए थूलपाणाइवाए पच्चक्खाए जाव परिगाहे । तं इयाणि पि णं तस्सेव भगवओ अन्तिए सन्वं पाणाइवायं पच्चक्खामि जाव परिगाहं, सव्वं कोहं जाव मिच्छादंसणसहं, अकरणिजं जोगं पचक्खामि, चउ व्विहं पि आहारं जावजीवाए पचक्खामि, जं पि य मे सरीरं इट्टं जाव फुसन्तुत्ति एयं पि य णं चरिमेहिं ऊसासनिस्सासेहिं वोसिरामि"तिकट्ट आलोइय-पिडक्कनते समाहिपत्ते कालमासे कालं किचा सोहम्मे कप्पे सूरियामे विमाणे उववायसभाए जाव वण्णओ ॥ तए णं से स्रियामे देवे अहणीववन्नए चेव समाणे पञ्चविहाए पजात्तीए पजात्तिभावं गच्छइ। तं जहा-आहारपजातीए सरीरपजातीए इन्दियपज्जतीए आणपाणपज्जतीए भासामणपज्जतीए। तं एवं खळ भो सरियाभेणं देवेणं सा दिव्वा देविङ्की दिव्वा देवजुई दिव्वे देवाणुभावे छद्धे पत्ते अभिसमन्नागए" ॥ ७६ ॥ ''सूरियाभस्स णं भन्ते! देवस्स केवइयं कालं ठिई पन्नता?'' ''गोयमा! चत्तारि पिलेओवमाइं ठिई पन्नता"। "से णं सूरियामे देवे ताओ देवलोगाओ आउक्खएणं भवक्खएणं ठिइक्खएणं अणन्तरं चयं चइत्ता कहिं गमिहिड, किंहं उवविज्ञिहिइ ?" गोयमा! महाविदेहे वासे जाणि इमाणि कुलाणि भवन्ति. तं जहा-अष्ट्राई दित्ताइं विउलाईं वित्थिण्णविपुलभवणसयणासणजाणवाहणाईं बहुभणबहुजाय-रूवरययाई आओगपओगसंपउत्ताई विच्छिड्डियपउरभत्तपाणाई बहुदासीदासगोमहि-सगवेलगप्पभूयाई बहुजणस्स अपरिभ्याई, तत्य अन्नयरेस कुलेस पत्तताए पश्चाया-इस्सइ । तए णं तंसि दारगंसि गब्भगयंसि चेव समाणंसि अम्मापिऊणं धम्मे दढा

व्हन्ना भविस्सइ । तए णं तस्स दारगस्स नवण्हं मासाणं बहुपिडपुण्णाणं अद्धद्रमाण गडंदियाणं वीइक्षन्ताणं सुकुमालपाणिपायं अहीणपिडपुण्णपिश्चन्दियसरीरं लक्खण-वज्रणगणोववेयं माणुम्माणपमाणपिडपुण्णसुजायसव्वज्जसुन्दरङ्गं सिससोमाकारं कन्तं पिग्रदंसणं सुरूवं दारयं पयाहिइ । तए णं तस्स दारगस्स अम्मापियरो पढमे दिवसे क्रिडविडयं करेहिन्ति । तइयदिवसे चन्दस्रदंसणगं करिस्सन्ति । छद्रे दिवसे जागरियं जागरिस्सन्ति । एकारसमे दिवसे वीइक्षन्ते संपत्ते बारसाहे दिवसे निविवत्ते असड-जायकम्मकरणे चोक्खे संमज्जिओवलिते विउलं असणपाणखाइमसाइमं उनक्खडा-वेस्सन्ति २ ता मित्तनाइनियगसयणसबन्धिपरियणं आमन्तेत्ता तओ पच्छा ण्हाया अलंकिया भोयणमण्डवंसि सहासणवरगया तेण मित्तनाइ जाव परिजणेण सर्द्धि विउलं असणं ४ आसाएमाणा विसाएमाणा परिभुक्षेमाणा परिभाएमाणा एवं चेव णं विद्वरिस्सन्ति । जिमियभूत्तत्तरागया वि य णं समाणा आयन्ता चोक्खा परमसुडभया तं मित्तनाइ जाव परियणं विउलेणं वत्थगन्यमलालंकारेणं सकारेस्सन्ति संमाणि-सान्ति स॰ २ त्ता तस्सेव मित्त जाव परियणस्य पुरओ एवं वइस्सन्ति-'जम्हा णं देवाणिपया! इमंसि दारगंसि गब्भगयंसि चेव समाणंसि धम्मे दढा पङ्जा जाया. तं होउ णं अम्हं एयस्स दारयस्स दढपइन्ने नामेणं । तए णं तस्स दढपइन्नस्स दारगस्य अम्मापियरो नामधेजं करिस्सन्ति-दढपइन्नो य २ । तए णं तस्स अम्मापियरो अणुपुरुवेणं ठिइविडियं च चन्दसूरियदरिसणं च धम्मजागरियं च नामधेजकरणं च पजेमणगं च पजम्पणगं च पडिवद्वावणगं च पचङ्कमणगं च कण्णवेहणं च संवच्छरपिडेलेहणगं च चूलोवणयं च अन्नाणि य बहणि गब्भाहाण-जम्मणाइयाई महया इङ्गीसकारसमुदएणं करिस्सन्ति ॥ ७७ ॥ तए णं से दढ-पइने दारए पञ्चधाईपरिक्खिते खीरधाईए मज्जणवाईए मण्डणधाईए अङ्कधाईए कीलावणधाईए, अन्नाहि य बहूहिं खुज्जाहिं चिलाइयाहिं वामणियाहिं वडिभयाहिं बब्बरीहिं बउसियाहिं जोण्हियाहिं पण्णवियाहिं ईसिगिणियाहिं वारुणियाहिं लासियाहिं लउसियाहिं दमिलीहिं सिंहलीहिं आरबीहिं पुलिन्दीहिं पक्षणीहिं बहलीहिं मुरंडीहिं सबरीहिं पारसीहिं नाणादेसीविदेसपरिमण्डियाहिं सदेसनेवत्थगहियवेसाहिं इङ्गि-यचिन्तियपत्थियवियाणाहिं निउणकुसलाहिं विणीयाहिं चेडियाचक्कवालतरुणिवन्द-परियालपरिवृडे वरिसधरकञ्चइमहयरवन्दपरिक्खित हतथाओ हत्थं साहरिज्जमाणे २ उवनिचजमाणे २ अंकाओ अंकं परिभुजमाणे २ उवगिजेमाणे २ उवलालिजमाणे २ उवगृहिजमाणे २ अवयासिजमाणे २ परियंदिजमाणे २ परिचुम्बिजमाणे २ रम्मेस मणिको हिमतलेस परंगमाणे २ गिरिकन्दरमल्लीणे विव चम्पगवरपायवे निवाय-

निव्वाघायंसि सुहंसुहेणं परिविष्ट्रिस्सइ ॥ ७८ ॥ तए णं तं दढपइत्रं दारगं अम्मापियरो साइरेगअद्भवासजायगं जाणिता सोभणंसि तिहिकरणनक्खत्तमृहत्तंसि ण्हायं सञ्वा-लंकारविभृतियं करेता महया इङ्गीसक्कारसमुदएणं कलायरियस्स उवणेहिन्ति । तए णं से कलायरिए तं दढपइनं दारगं लेहाइयाओ गणियप्पहाणाओ सउणस्यपज्ज-वसाणाओं बावत्तरिं कलाओ सत्तओं य अत्थओं य गंथओं य करणओं य पितक्खा-वेहिइ य सेहावेहिइ य । तं जहा-छेहं गणियं रूवं नष्टं गीयं वाइयं सरगयं पोक्खरगयं समतालं ज्रयं जणवायं पासगं अद्रावयं पोरेकचं दगमिटटंयं अन्नविहिं पाणविहिं वत्थ-विहिं विलेवणविहिं सयणविहिं अर्जं पहेलियं मागहियं [निहाइयं] गाहं गीइयं सिलोगं हिरण्णज्ति सुवण्णज्ति चुण्णज्ति आभरणविहिं तरुणीपिकम्मं इत्थिलक्खणं पुरिस-लक्खणं हयलक्खणं गयलक्खणं गोणलक्खणं कुक्कुडलक्खणं छत्तलक्खणं दण्डल-क्खणं असिलक्खणं मणिलक्खणं कागणिलक्खणं वर्त्यविज्ञं नगरमाणं खन्धावारं चारं पिडिचारं वृहं पिडिवृहं चक्कवृहं गरुलवृहं सगडवृहं जुद्धं निजुद्धं जुद्धाइजुद्धं लिट्ठजुद्धं मुद्रिजुद्धं बाहुजुद्धं लयाजुद्धं ईसत्थं छरुप्पवायं धणुव्वेयं हिरण्णपागं सुवण्णपागं सुत्तखेडूं वृहखेडूं नालियाखेडूं पत्तच्छेजं कडगच्छेजं सजीवं निजीवं सउणस्यमिति । तए णं से कलायरिए तं दढपइनं दारगं छेहाइयाओ गणियपहाणाओ सउणस्यप-जनसाणाओ बावत्तरिं कलाओ सुत्तओ य अत्यओ य गन्थओ य करणओ य सिक्खावेता सेहावेता अम्मापिऊणं उवणेहिइ । तए णं तस्स दढपइवस्स दारगस्स अम्मापियरो तं कलायरियं विउल्लेणं असणपाणखाइमसाइमेणं वत्थगन्धमल्लालंकारेणं सकारिस्सन्ति संमाणिस्सन्ति स०२ ता विउलं जीवियारिहं पीइदाणं दलइस्सन्ति २ ता पिडिविसजोहिन्ति ॥ ७९ ॥ तए णं से दढपइन्ने दारए उम्मुक्कबालभावे विन्नयपरि-णयमेत्ते जोव्वणगमणुप्पते बावत्तरिकलापण्डिए अद्वारसविहदेसिप्पगारभासाविसारए नवङ्गसुत्तपिंडबोहए गीयरई गन्धव्वनदृकुसले सिङ्गारागारचारुवेसे संगयगयहसियभ-णियचिद्वियविलाससंलावनिउणजुत्तोवयारकुसले हयजोही गयजोही रहजोही बाहजोही बाहुप्पमद्दी अलंभोगसमत्थे साहसिए वियालचारी यावि भविस्सइ । तए णं तं दढ-पइन्नं दारगं अम्मापियरो उम्मुक्कबालभावं जाव वियालवारि च वियाणिता विउलेहिं अन्नभोगेहि य पाणभोगेहि य लेणभोगेहि य वत्थभोगेहि य सयणभोगेहि य उविन-मन्तेहिन्ति । तए णं से दढपइने दारए तेहिं विउलेहिं अन्नभोगेहिं जाव सयणभो-गेहिं नो सजिहिइ नो गिज्झिहिइ नो मुच्छिहिइ नो अज्झोववजिहिइ। से जहानामए पउमुप्पले इ वा पउमे इ वा जाव सयसहस्सपते इ वा पङ्के जाए जले संबुह्दे नोवलिप्पइ पङ्करएणं नोवलिप्पइ जलरएणं, एवामेव दढपइन्ने वि दारए

कामेहिं जाए भोगेहिं संबङ्खिए नोवलि प्पिहिइ० मित्तनाइनियगसयणसंबन्धिपरिज-गेणं। से णं तहारूवाणं थेराणं अन्तिए केवलं बोहिं वुज्झिहिइ २ ता मुण्डे भवित्ता अगाराओ अणगारियं पन्वइस्सइ । से णं अणगारे भविस्सइ, इरियासमिए जाव सहयहयासणे इव तेयसा जलन्ते । तस्स णं भगवओ अणुत्तरेणं नाणेणं एवं इंसपोणं चरित्तेणं आलएणं विहारेणं अज्जवेणं महवेणं लाघवेणं खन्तीए गुत्तीए मत्तीए अणुत्तरेणं सन्वसंजमतवसुचरियफलनिन्वाणमग्गेणं अप्पाणं भावेमाणस्स अणन्ते अणुत्तरे कसिणे पडिपुण्णे निरावरणे निव्वाघाए केवलवरनाणदंसणे समुप्प-जितिहा । तए णं से भगवं अरहा जिणे केवली भविस्सइ, सदेवमणुयासुरस्स लोगस्स परियागं जाणिहिइ । तं जहा-आगइं गइं ठिइं चवणं उववायं तक्षं कडं मणोमाण-सियं खड्यं भूतं पिडसेवियं आवीकम्मं रहोकम्मं-अरहा अरहरसभागी, तं तं मण-वयकायजोगे वष्टमाणाणं सन्वलोए सन्वजीवाणं सन्वभावे जाणमाणे पासमाणे विहरिस्सइ। तए णं दढपइन्ने केवली एयारूवेणं विहारेणं विहरमाणे बहुईं वासाई केविलपिरयागं पाउणिता अप्पणो आउसेसं आभोएता बहुई भत्ताई पचक्खाइ-स्सइ २ ता बहुई भत्ताई अणसणाए छेइस्सइ २ ता जस्सद्वाए कीरइ जिणकप्पभावे थेरकप्पभावे मुण्डभावे केसलोए बम्भचेरवासे अण्हाणगं अदन्तवणं अणुवहाणगं भूमिसेजा फलहसेजा परघरपवेसो लद्धावलद्धाइं माणावमाणाइं परेसिं हीलणाओ निंदणाओ खिंसणाओ तज्जणाओ ताडणाओ गरहणाओ उच्चावया विरूवरूवा वावीसं परीसहोवसग्गा गामकण्टगा अहियासिज्जन्ति तमद्वं आराहेहिइ २ त्ता चरिमेहिं उस्सा-सनिरसासेहिं सिजिझहिइ वुज्झिहिइ मुचिहिइ परिनिव्वाहिइ सव्वदुक्खाणमन्तं करेहिइ" ॥ ८० ॥ "सेवं भन्ते ! सेवं भन्ते" त्ति भगवं गोयमे समणं भगवं महा-वीरं वन्दइ नमंसइ वं० २ ता संजमेणं तवसा अप्पाणं भावेमाणे विहरइ ॥ ८१ ॥ ॥ निक्खेवो ॥ रायपसेणइयं समत्तं ॥

नमोऽत्थु णं समणस्स भगवओ णायपुत्तमहावीरस्स

युत्तागमे

_{तत्थ}णं जीवाजीवाभिगमे

णमो उसभाइयाणं चउवीसाए तित्थयराणं, इह खलु जिणमयं जिणाणमयं ' जिणाणलोमं जिणप्पणीयं जिणपस्वियं जिणक्यायं जिणाण्यविन्नं जिणपण्णतं जिण-हेसियं जिणपसत्थं अणुव्वीइय तं सदृहमाणा तं पत्तियमाणा तं रोएमाणा थेरा भगवंतो जीवाजीवाभिगमणाममज्झयणं पण्णवद्दंसु ॥ १ ॥ से किं तं जीवाजीवाभिगमे ? जीवाजीवाभिगमे द्विहे पन्नते, तंजहा-जीवाभिगमे य अजीवाभिगमे य ॥ २॥ से किं तं अजीवाभिगमें ? अजीवाभिगमें द्विहें पन्नते, तंजहा—रूविअजीवाभिगमें य अरूविअजीवाभिगमे य ॥ ३ ॥ से किं तं अरूविअजीवाभिगमे ? अरूविअजी-वाभिगमे दसविहे प०, तंजहा-धम्मित्थिकाए एवं जहा पण्णवणाए जाव सेत्तं अरूविअजीवाभिगमे ॥ ४ ॥ से किं तं रूविअजीवाभिगमे ? रूविअजीवाभिगमे चउब्बिहे पण्णते, तंजहा—खंधा खंधदेसा खंधप्पएसा परमाणुपोग्गला, ते समासओ पंचिवहा पण्णत्ता. तंजहा-वण्णपरिणया गंध० रस० फास० संठाणपरिणया, एवं ते ५ जहा पण्णवणाए. सेतं रूविअजीवाभिगमे, सेतं अजीवाभिगमे ॥ ५ ॥ से किं तं जीवाभिगमें ? जीवाभिगमें द्विहें पण्णते, तंजहा-संसारसमावण्णगजीवाभिगमें य असंसारसमावण्णगजीवाभिगमे य ॥ ६ ॥ से किं तं असंसारसमावण्णगजीवाभिगमे १ २ द्विहे पण्णते, तंजहा-अणंतरसिद्धासंसारसमावण्णगजीवाभिगमे य परंपर-सिदासंसारसमावण्णगजीवाभिगमे य । से किं तं अणंतरसिदासंसारसमावण्णग-जीवाभिगमे ? २ पण्णरसविहे पण्णते. तंजहा—तित्थसिद्धा जाव अणेगसिद्धा. सेत्तं अणंतरसिद्धा । से किं तं परंपरसिद्धासंसारसमावण्णगजीवाभिगमे ? २ अणेगविहे पण्णते, तंजहा-पढमसमयसिद्धा दुसमयसिद्धा जाव अणंतसमयसिद्धा, से तं परं-परिद्धासंसारसमावण्णगजीवाभिगमे, सेत्तं असंसारसमावण्णगजीवाभिगमे ॥ ७ ॥ से किं तं संसारसमावन्नजीवाभिगमे ? संसारसमावण्णएस णं जीवेस इमाओ णव पिडवत्तीओ एवमाहिज्जंति, तं०-एगे एवमाहंस-द्विहा संसारसमावण्णगा जीवा प॰, एगे एवमाहंस्-तिविद्वा संसारसमावण्णगा जीवा प॰, एगे एवमाहंस्-चडव्विहा

संसारसमावण्णगा जीवा प०, एगे एवमाहंसु-पंचिवहा संसारसमावण्णगा जीवा प॰, एएणं अभिलावेणं जाव दसविहा संसारसमावण्णगा जीवा पण्णत्ता ॥ ८॥ तत्थ णं जे एवमाहंसु 'दुविहा संसारसमावण्णगा जीवा प॰' ते एवमाहंसु-तं०-तसा चेव थावरा चेव ॥ ९ ॥ से किं तं थावरा १ २ तिविहा पन्नता, तंजहा-पुढविकाइया १ आउकाइया २ वणस्सइकाइया ३ ॥ १० ॥ से किं तं पुढविकाइया? २ दुविहा प०, तं०-सुहमपुढविकाइया य बायरपुढविकाइया य ॥ ११ ॥ से किं तं सुहमपुडविकाइया ^१ २ दुविहा प०, तं०–पज्जत्तगा य अपज्जत्तगा य । संगहणिगाहा– सरीरोगाहणसंघयणसंठाणकसाय तह य हाति सण्णाओ । हेसिंदियसमुग्घाओ, सन्नी वेए य पजती ॥ १ ॥ दिझी दंसणनाणे जोगुवओगे तहा किमाहारे । उववाय-ठिई समुख्यायचवणगइरागई चेव ॥ २॥ १२ ॥ तेसि णं भंते ! जीवाणं कइसरीरगा पण्णता ? गोयमा! तओ सरीरगा प०, तं०-ओरालिए तेयए कम्मए॥ तेसि णं भंते ! जीवाणं केमहालिया सरीरोगाहणा प० १ गो० ! जहन्नेणं अंगुला-संखेजहमागं उक्कोसेणवि अंग्रठासंखेजहमागं ॥ तेसि णं भंते! जीवाणं सरीरा किंसंघयणा पण्णता ? गोयमा ! छेवद्रसंघयणा पण्णता ॥ तेसि णं भंते ! सरीरा किसंठिया प० १ गोयमा ! मस्रचंदसंठिया पण्णता ॥ तेसि णं भंते ! जीवाणं कइ कसाया पण्णता ? गोयमा ! चत्तारि कसाया पण्णता, तंजहा-कोहकसाए माणकसाए मायाकसाए लोहकसाए ॥ तेसि णं भेते ! जीवाणं कइ सण्णाओ पण्णताओ ? गोयमा ! चत्तारि सन्नाओ पण्णताओ. तंजहा-आहारसण्णा जाव परिग्गहसन्ना ॥ तेसि णं भंते! जीवाणं कइ लेसाओ पण्णताओ ? गोयमा! तिन्नि लेस्साओ पन्नताओ तंजहा-किण्हलेस्सा नीललेस्सा काउलेस्सा ॥ तेसि णं भंते ! जीवाणं कइ इंदियाइं पण्णताई ? गोयमा ! एगे फासिंदिए पण्णते ॥ तेसि णं भंते ! जीवाणं कइ सम-ग्वाया पण्णता ? गोयमा! तओ समुग्वाया पण्णता, तंजहा-वेयणासमुग्वाए कसायसमुग्घाए मारणंतियसमुग्घाए॥ ते णं भंते! जीवा किं सन्नी असन्नी? गोयमा! नो सन्नी असन्नी ॥ ते णं भंते! जीवा कि इत्थिवेया परिसवेया णपुंसगवेया ? गोयमा ! णो इत्थिवेया णो पुरिसवेया णपुंसगवेया ॥ तेसि णं भंते ! जीवाणं कइ पज्जतीओ पण्णताओ ? गोयमा ! चत्तारि पज्जतीओ पण्णताओ, तंजहा-आहारपज्रती सरीरपज्रती इंदियपज्रती आणपाणुपज्रती । तेसि णं भंते ! जीवाणं कइ अपज्जत्तीओ पण्णताओ ? गोयमा ! चत्तारि अपज्जतीओ पण्णताओ, तंजहा-आहारअपजती जाव आणापाणुअपजती ॥ ते णं भंते ! जीवा किं सम्मदिद्री मिच्छादिही सम्मामिच्छादिही ? गोयमा! णो सम्मदिही मिच्छादिही नो सम्मा-

भिच्छादिद्री ॥ ते णं भंते ! जीवा किं चक्खुदंसणी अचक्खुदंसणी ओहिदंसणी क्रेबलदंसणी ? गोयमा ! नो चक्खुदंसणी अचक्खुदंसणी नो ओहिदंसणी नो केवल-इंसणी ॥ ते णं भंते ! जीवा किं नाणी अण्णाणी ? गोयमा ! नो नाणी अण्णाणी. नियमा दुअण्णाणी, तंजहा-मइअञ्चाणी सुयअण्णाणी य ॥ ते णं भंते ! जीवा कि मणजोगी वयजोगी कायजोगी ? गोयमा ! नो मणजोगी नो वयजोगी कायजोगी ॥ ते णं भंते ! जीवा किं सागारोवउत्ता अणागारोवउत्ता ? गोयमा ! सागारोवउत्तावि अणागारोवउत्तावि ॥ ते णं भंते ! जीवा किमाहारमाहारेंति ? गोयमा ! दव्वओ अणंतपण्सियाइं खेत्तओ असंखेजपण्सोगाढाइं कालओ अन्नयरसमयद्भिहयाइं भावओ कणमंताइं गंधमंताइं रसमंताइं फासमंताइं ॥ जाइं भावओ कण्णमंताइं आ० ताइं किं एगवण्णाई आ० दुवण्णाई आ० तिवण्णाई आ० चउवण्णाई आ० पंचवण्णाई आ॰ ? गोयमा ! ठाणमग्गणं पहुच एगवण्णाइंपि दुवण्णाइंपि तिवण्णाइंपि चुउवण्णाइंपि पंचवण्णाइंपि आ०, विहाणसम्गणं पड़च कालाइंपि आ० जाव सिक्कल्लाइंपि आ०. जाई वण्णओ कालाई आ० ताई कि एगगुणकालाई आ० जाव अणंतगणकालाई आ० ? गोयमा ! एगगुणकालाईपि आ० जाव अणंतगुणकालाईपि आ॰ एवं जाव सुक्किल्लाइं ॥ जाइं भावओं गंधमंताइं आ॰ ताइं किं एगगंधाइं आ॰ दुगंघाइं आ॰ १ गोयमा ! ठाणमग्गणं पद्धच एगगंघाइंपि आ॰ दुगंघाइंपि आ॰. विहाणमग्गणं पडुच सुब्भिगंघाइंपि आ० दुब्भिगंघाइंपि आ०, जाइं गंधओ सुब्भि-गंघाइं आ० ताइं कि एगगुणसुब्भिगंधाइं आ० जाव अणंतगुणसुरभिगंधाइं आ०? गोग्रमा ! एगगुणसुब्भिगंधाइंपि आ० जाव अणंतगुणसुब्भिगंधाइंपि आ०, एवं दुब्भिगंधाइंपि ॥ रसा जहा वण्णा ॥ जाइं भावओ फासमंताई आ० ताई किं एगफासाइं आ॰ जाव अद्रफासाइं आ॰ ? गोयमा! ठाणमग्गणं पहुच नो एगफासाइं आ॰ नो दुफासाई आ॰ नो तिफासाई आ॰ चउफासाई आ॰ पंचफासाईपि जाव अद्रफासाइंपि आ०, विहाणमग्गणं पडुच कक्खडाइंपि आ० जाव लुक्खाइंपि आ०, जाइं फासओ कक्खडाइं आ० ताइं कि एगगुणकक्खडाइं आ० जाव अणंतगुणकक्खडाइं आ ० १ गोयमा ! एगगुणकक्खडाइंपि आ० जाव अणंतगुण-कक्खडाइंपि आ० एवं जाव लक्खा णेयव्या ॥ ताइं भंते ! किं प्रद्राइं आ० अपद्राइं आ॰ ? गोयमा ! पुट्ठाइं आ॰ नो अपुट्ठाइं आ॰, ताइं भंते ! किं ओगाढाइं आ॰ अणोगाढाइं आ॰ ? गोयमा ! ओगाढाइं आ॰ नो अणोगाढाइं आ॰. ताइं भंते ! किमणंतरोगाढाइं आ॰ परंपरोगाढाइं आ॰? गोयमा ! अणंतरोगाढाइं आ॰ नो परंपरोगाढाई आ॰, ताई भंते ! कि अणूई आ॰ बायराई आ॰ ? गोयमा ! अणूईपि आ॰ बायराइंपि आहारेंति, ताई भंते ! किं उड्ढं आ॰ अहे आ॰ तिरियं आहारेंति ? गोयमा! उद्रंपि आ॰ अहेवि आ॰ तिरियंपि आ॰, ताई भंते! किं आई आ॰ मज्झे आ॰ पज्जवसाणे आहारेंति ? गोयमा ! आाइंपि आ॰ मज्झेवि आ॰ पज्जवसाणेवि आ॰ . ताई भंते! किं सविसए आ॰ अविसए आ॰ ? गोयमा! सविसए आ॰ नो अविसए आ॰, ताई भंते! किं आणुपूर्विव आ॰ अणाणुपूर्विव आहारेंति १ गोयमा! आणुपूर्विव आहारेंति नो अणाणुपूर्विं आहारेंति, ताइं भंते ! किं तिदिसिं आहारेंति चडिदिसें आहारेंति पंचिदिसिं आहारेंति छिदिसिं आहारेंति ? गोयमा! निव्वाघाएणं छिदिसिं. वाघायं पडुच सिय तिदिसिं सिय चडदिसिं सिय पंचदिसिं, उस्सन्नकारणं पडुच वण्णओ काल नील जाव सक्किल्लाइं, गंथओ सुन्भिगंथाइं दुन्भिगंथाइं, रसओ जाव तित्तमहुराइं, फासओ कक्खडमउय जाव निद्रलुक्खाई, तेसिं पोराणे वण्णगुणे जाव फासगुणे विष्प-रिणामङ्ता परिपीलङ्क्ता परिसाङङ्क्ता परिविद्धंसङ्क्ता अण्णे अपूर्वे वण्णगुणे गंधगुणे जाव फासगुणे उप्पाइता आयसरीरखेत्तोगाढे पोग्गले सव्वप्पणयाए आहारमाहा-रेंति ॥ ते णं भंते ! जीवा कओहिंतो उववजांति ? किं नेरइएहिंतो उववजांति तिरिक्खमणुस्सदेवेहिंतो उववजांति १ गोयमा ! नो नेरइएहिंतो उववजांति, तिरिक्ख-जोणिएहिंतो उनवजंति मणुस्सेहिंतो उनवजंति, नो देनेहिंतो उनवजंति, तिरिक्ख-जोणियपज्जतापज्जतेहिंतो असंखेजवासाउयवजेहिंतो उववजंति, मणुस्रेहिंतो अकम्म भूमिगअसंखेजवासाउयवजेहिंतो उववजंति, वक्कंतीउववाओ भाणियव्वो ॥ तेसि णं भंते ! जीवाणं केवइयं कालं ठिई पण्णता ? गोयमा ! जहन्नेणं अंतोसहत्तं उक्कोसेणवि अंतोमहत्तं ॥ ते णं भंते ! जीवा मारणंतियसमुग्वाएणं किं समोहया मरंति अस-मोहया मरंति ? गोयमा ! समोहयावि मरंति असमोहयावि मरंति ॥ ते णं भंते ! जीवा अणंतरं उन्विहत्ता किं गच्छंति ? किं उववजांति ?-िकं नेरइएस उववजांति तिरिक्खजोणिएस उ० मण्रसोस उ० देवेस उवव० १, गोयमा ! नो नेरइएस उवव-जंति तिरिक्खजोणिएस उ॰ मणुस्तेस उ॰ णो देवेस उवव॰। जइ तिरिक्खजोणि-एस उनवजंति कि एगिंदिएस उनवजंति जान पंचिंदिएस उ० १ गोयमा ! एगिंदिएस उववजंति जाव पंचेंदियतिरिक्खजोणिएस उववजंति, असंखेजवासाउयवजेस पजत्ता-पज्जत्ताएस उव॰, मणुस्तेस अकम्मभूमगअंतरदीवगअसंखेजवासाउयवजेस पज्जता-पजात्तएसु उव ।। ते णं भंते ! जीवा कइगइया कइआगइया पण्णता ? गोयमा ! दुगइया दुआगइया, परिता असंखेजा पण्णता समणाउसो! से तं सहमपुढविकाइया॥ १३॥ से किं तं बायरपुढविकाइया १ २ दुविहा पण्णत्ता, तंजहा-सण्हबायरपुढविकाइया य खरबायरपढिविकाइया य ॥ १४ ॥ से किं तं सण्हबायरपढिविकाइया ? २ सत्तविहा

पण्णता, तंजहा-कण्हमद्दिया, मेओ जहा पण्णवणाए जाव ते समासओ द्विहा पुण्णता, तंजहा-पज्जत्तगा य अपज्जत्तगा य । तेसि णं भंते ! जीवाणं कइ सरीरगा पण्णता ? गोयमा ! तओ सरीरगा प०, तंजहा-ओरालिए तेयए कम्मए, तं चेव सव्वं नवरं चत्तारि लेसाओ, अवसेसं जहा सुहमपुढविकाइयाणं आहारो जाव णियमा छिहिसिं, उववाओ तिरिक्खजोणियमणस्यदेवेहिंतो, देवेहिं जाव सोहम्मेसा-णेहिंतो, ठिई जहन्नेणं अंतोमुहुत्तं उक्कोसेणं बावीसं वाससहस्साइं। ते णं भंते ! जीवा मारणंतियसमुग्घाएणं किं समोहया मरंति असमोहया मरंति ? गोयमा ! समोहयावि मरंति असमोहयावि मरंति । ते णं भंते ! जीवा अणंतरं उव्वहिता किं गच्छंति ? किं उववजाति ?-िकं नेरइएस उववजाति ?०. प्रच्छा, गो० नो नेरहएस उववजांति तिरिक्खजोणिएस उववजांति मणुरसेस उव० नो देवेस उव० तं चेव जाव असंखेजवासाउयवजेहिंतो उ०। ते णं भंते ! जीवा कइगइया कइ-आगइया पण्णता ? गोयमा ! दुगइया तिआगइया परिता असंखेजा प० समणा-उसो !, से तं बायरपुढिविकाइया । सेत्तं पुढिविकाइया ॥ १५ ॥ से िकं तं आउका-इया १ २ दुविहा पण्णता, तंजहा-सहमआउक्काइया य वायरआउक्काइया य, सुहुमआउ० दुविहा पण्णता, तंजहा-पज्जता य अपज्जता य । तेसि णं भंते! जीवाणं कइ सरीरया पण्णता ? गोयमा ! तओ सरीरया पण्णता, तंजहा-ओरालिए तेयए कम्मए, जहेव सहमपुढविकाइयाणं, णवरं थिव्यगसंठिया पण्णता, सेसं तं चेव जाव दुगइया दुआगइया परिता असंखेजा पण्णता । से तं सहमआउक्षाइया ॥ १६ ॥ से िकं तं बायरआउक्काइया ? २ अणेगविहा पण्णत्ता. तंजहा-अोसा हिमे जाव जे यावने तहप्पगारा, ते समासओ दुविहा पण्णता, तंजहा-पजता य अपजत्ता य, तं चेव सव्वं णवरं थिव्गसंठिया, चत्तारि लेसाओ, आहारो नियमा छिहिसिं, उववाओ तिरिक्खजोणियमणुस्सदेवेहिंतो, ठिई जहन्नेणं अंतोमहत्तं उक्को-सेणं सत्तवाससहस्साइं, सेसं तं चेव जहा बायरपुढविकाइया जाव दुगइया तिआगइया परिता असंखेजा पन्नता समणाउसो !, सेत्तं बायरआऊ, सेत्तं आउक्काइया ॥ १७॥ से किं तं वणस्सइकाइया १ २ दुविहा पण्णत्ता, तंजहा-सुहुमवणस्सइकाइया य बायरवणस्सइकाइया य । से किं तं सहमवणस्सइकाइया? २ दुविहा पण्णता, तंजहा-पजत्तगा य अपजत्तगा य तहेव णवरं अणित्थंथ(संठाण)संठिया, दुगइया दुआगइया अपरिता अणंता, अवसेसं जहा पुढविकाइयाणं, से तं सुहमव-णस्सङ्काङ्या ॥ १८ ॥ से किं तं बायरवणस्सङ्काङ्या ? २ दुविहा पण्णता, तंजहा-पत्तेयसरीरबायरवणस्सइकाइया य साहारणसरीरबायरवणस्सइकाइया य

॥ १९॥ से किंतं पत्तेयसरीरबायरवणस्सङ्काङ्या ? २ दुवालसविहा पण्णता. तंजहा-रुक्खा गुच्छा गुम्मा लया य वल्ली य पन्वगा चेव । तणवलयहरियओस-हिजलरुहुकुहणा य बोद्धव्या ॥ १ ॥ से किं तं रुक्खा १ २ दुविहा पण्णता, तंजहा-एगबीया य बहुबीया य । से किं तं एगबीया ? २ अणेगविहा पण्णता, तंजहा-निंबंबजंबु जाव पुण्णागणागरुक्वे सीवण्णि तहा असोगे य. जे यावण्णे तहप्पगारा एएसि णं मूलावि असंखेजजीविया, एवं कंदा खंघा तया साला पवाला पत्ता पत्तेय-जीवा पुष्फाइं अणेगजीवाइं फला एगबीया, सेत्तं एगबीया। से किं तं बहुबीया? २ अणेगविहा पण्णत्ता, तंजहा—अत्थियतेंदुयउंबरकविद्वे आमलगफणसदांडिमण-गोहकाउंबरीयतिलयलउयलोद्धे धवे, जे यावण्णे तहप्पगारा, एएसि णं मूलावि असंखेजजीविया जाव फला बहबीयगा, सेत्तं बहबीयगा, सेत्तं रुक्खा, एवं जहां पण्णवणाए तहा भाणियव्वं. जाव जे यावने तहप्पगारा. सेत्तं कुहणा—नाणाविह-संठाणा स्क्र्याणं एगजीविया पता । खंधोवि एगजीवो तालसरलनालिएरीणं॥१॥ 'जह सगलसरिसवाणं पत्तेयसरीराणं' गाहा ॥ २ ॥ 'जह वा तिलसक्कलिया' गाहा ॥ ३ ॥ सेत्तं पत्तेयसरीरबायरवणस्सइकाइया ॥ २० ॥ से किं तं साहारणसरीरवा-यरवणस्सइकाइया १ २ अणेगविहा पण्णता, तंजहा—आलुए मूलए सिंगबेरिहरिलि-सिरिलिसिस्सिरिलिकिष्टिया छिरिया छिरियविरालिया कण्हकंदे वज्जकंदे सूरणकंदे खल्लुडे किमिरासिभद्दे मोत्थापिंडे हलिदा लोहारी णीह्[ठिहु]थिभुअस्सकण्णी सीहकन्नी सीउंढी ससंढी जे यावण्णे तहप्पगारा ते समासओ दुविहा पण्णता, तंजहा-पजतगा य अपजतगा य। तेसि णं भंते! जीवाणं कइ सरीरगा पण्णता? गोयमा! तओ सरीरगा पन्नता, तंजहा-ओरालिए तेयए कम्मए, तहेव जहा. बायरपुढविकाइयाणं, णवरं सरीरोगाहणा जहन्नेणं अंगुलस्स असंखेजइमागं उक्रोसेणं साइरेगजोयणसहस्सं, सरीरगा अणित्थंथसंठिया, ठिई जहन्नेणं अंतोसहत्तं उक्रोसेणं दसवाससहस्साइं, जाव दुगइया तिआगइया परिता अणंता पण्णता, सेतं बायरवणस्सइंकाइया सेत्तं वणस्सइकाइया सेत्तं थावरा ॥ २१ ॥ से किं तं तसा? २ तिनिहा पण्णत्ता, तंजहा—तेजक्काइया वाजक्काइया ओराला तसा पाणा ॥ २२ ॥ से किं तं तेउकाइया ? २ दुविहा पण्णत्ता, तंजहा—सुहमतेउकाइया य बायरते-उकाइया य ॥ २३ ॥ से किं तं सुहमते उकाइया? २ जहा सुहमपुढ विकाइया नवरं सरीरगा सूइकलावसंठिया, एगगइया दुआगइया परिता असंखेजा पण्णता, सेसं तं चेव, सेत्तं सहमते उकाइया ॥ २४ ॥ से किं तं बायरते उकाइया ? अणेगविहा पण्णत्ता, तंजहा-इंगाले जाले मुम्मुरे जाव सरकंतमणिनिस्सिए. जे यावने

तहप्पगारा. ते समासओ दुविहा पण्णत्ता, तंजहा—पज्जत्ता य अपज्जत्ता य । तेसि णं भंते! जीवाणं कइ सरीरगा पण्णत्ता? गोयमा! तओ सरीरगा पण्णता. तंजहा-ओरालिए तेयए कम्मए, सेसं तं चेव, सरीरगा सङ्कलावसंठिया तिन्नि लेस्सा. रिर्ड जहन्नेणं अंतोमहत्तं उक्कोसेणं तिन्नि राइंदियाइं तिरियमण्रस्सेहिंतो उववाओ मेसं तं चेव एगगइया दुआगइया, परित्ता असंखेजा पण्णत्ता सेत्तं तेउकाइया ॥ २५ ॥ मे किं तं वाउकाइया ? २ द्विहा पण्णता, तंजहा—सहमवाउकाइया य वायरवा-तक्काड्या य. सहमवाजकाइया जहा तेजकाइया णवरं सरीरा पडागसंठिया एगगइया दआगइया परिता असंखिजा, सेत्तं सुहुमवासकाइया । से किं तं बायरवासकाइया? २ अणेगविहा पण्णत्ता, तंजहा—पाईणवाए पडीणवाए, एवं जे यावण्णे तहप्पगारा, ते समासओ दुविहा पण्णता, तंजहा-पज्जता य अपज्जता य। तेसि णं भंते! जीवाणं कइ सरीरगा पण्णता? गोयमा! चत्तारि सरीरगा पण्णता, तंजहा-ओरालिए वेउन्तिए तेयए कम्मए, सरीरगा पडागसंठिया, चत्तारि समुग्वाया-वेयणासमुग्वाए कसायसमुग्वाए मारणंतियसमुग्वाए वेउन्वियसमुग्वाए, आहारो णिव्वाघाएणं छिद्दिसिं वाघायं पडुच सिय तिदिसिं सिय चउदिसिं सिय पंचदिसिं. उववाओ देवमणुयनेरइएस णत्थि, ठिई जहन्नेणं अंतोसुहत्तं उक्रोसेणं तिन्नि वाससहस्साइं, सेसं तं चेव एगगइया दुआगइया परित्ता असंखेजा पण्णता समणा-उसो!. सेत्तं वायरवाउकाइया, सेत्तं वाउकाइया॥ २६॥ से किं तं ओराला तसा पाणा ? २ चडिनहा पण्णता, तंजहा-वेइंदिया तेइंदिया चडिरेंदिया पंचेंदिया ॥ २७ ॥ से किं तं बेइंदिया? २ अणेगविहा पण्णत्ता, तंजहा—पुलाकिमिया जाव समुद्दृत्रिक्खा, जे यावण्णे तहप्पगारा. ते समासओ द्विहा पत्तणता. तंजहा---पजता य अपजता य । तेसि णं भंते ! जीवाणं कइ सरीरगा पण्णता ? गोयमा ! तओ सरीरगा पण्णता, तंजहा-ओरालिए तेयए कम्मए । तेसि णं भंते ! जीवाणं केमहालिया सरीरओगाहणा पण्णत्ता ? गोयमा! जहन्नेणं अंगुलासंखेजाइमागं उक्कोसेणं बारसजोयणाईं छेबट्टसंघयणा हुंडसंठिया, चत्तारि कसाया, चत्तारि सण्णाओ, तिण्णि लेसाओ, दो इंदिया, तओ समुख्याया—वेयणा कसाया मारणं-तिया, नोसन्नी असन्नी, णपुंसगवेयगा, पंच पज्जतीओ, पंच अपज्जतीओ, सम्महिद्रीवि मिच्छादिद्वीव नो सम्मामिच्छादिद्वी, णो चक्खुदंसणी अचक्खुदंसणी णो ओहिदंसणी णो केवलदंसणी। ते णं भंते! जीवा किं णाणी अण्णाणी? गोयमा! णाणीवि अण्णाणीवि, जे णाणी ते नियमा दुण्णाणी, तंजहा-आभिणिबोहियणाणी स्यणाणी य, जे अन्नाणी ते नियमा दुअण्णाणी—मइअण्णाणी य स्यअण्णाणी

य, नो मणजोगी वइजोगी कायजोगी, सागारोवउत्तावि अणागारोवउत्तावि, आहारो नियमा छिद्दिसिं, उनवाओ तिरियमणुरसेसु नेरइयदेवअसंखेजनासाउयवजेसु, ठिई जहन्नेणं अंतोमुहुत्तं उक्कोसेणं बारस संवच्छराणि, समोहयावि मरंति असमोहयावि मरंति, किं गच्छंति ? नेरइयदेवअसंखेजवासाउयवजेसु गच्छंति, दुगइया दुआगइया, परिता असंखेजा, सेतं बेइंदिया॥ २८॥ से किं तं तेइंदिया? २ अणेगविहा पण्णता, तंजहा---उवइया रोहिणिया जाव हत्थिसोंडा, जे यावण्णे तहप्पगारा, ते समासओ दुविहा पण्णता, तंजहा--पज्जता य अपज्जता य, तहेव जहा बेइंदियाणं, नवरं सरीरोगाहणा उक्कोसेणं तिचि गाउयाई, तिचि इंदिया, ठिई जहन्नेणं अंतो-मुहुतं उक्कोसेणं एगूणपण्णराइंदियाइं, सेसं तहेव, दुगइया दुआगइया, परिता असंखेजा पण्णता, से तं तेइंदिया ॥ २९ ॥ से किं तं चडरिंदिया? २ अणेगविहा पण्णत्ता, तंजहा--अंधिया पुत्तिया जाव गोमयकीडा, जे यावण्णे तहप्पगारा ते समासओ दुविहा पण्णता, तंजहा-पज्जता य अपज्जता य, तेसि णं भंते! जीवाणं कइ सरीरगा पण्णता? गोयमा! तओ सरीरगा पण्णता तं चेव, णवरं सरीरोगाहणा उक्कोसेणं चत्तारि गाउयाई, इंदियाई चत्तारि, चक्खुदंसणी अचक्खु-दंसणी, ठिई उक्कोसेणं छम्मासा, सेसं जहा तेइंदियाणं जाव असंखेजा पण्णत्ता, से तं चडरिंदिया ॥ ३० ॥ से किं तं पंचेंदिया? २ चडव्विहा पण्णत्ता, तंजहा---णेरइया तिरिक्खजोणिया मणुस्सा देवा॥ ३९ ॥ से किं तं नेरइया? २ सत्तविहा पण्णता, तंजहा--रयणप्पभापुढिवनेरङ्या जाव अहेसत्तमपुढिवनेरङ्या, ते समा-सओ दुविहा पण्णत्ता, तं ----पजत्ता य अपजता य । तेसि णं भंते ! जीवाणं कइ सरीरगा पण्णता? गोयमा! तओ सरीरगा पण्णता, तंजहा-वेडव्विए तेयए कम्मए। तेसि णं भंते! जीवाणं केमहालिया सरीरोगाहणा पण्णत्ता? गोयमा! दुविहा सरीरोगाहणा पण्णता, तंजहा-भवधारणिजा य उत्तरवेउव्विया य, तत्थ णं जा सा भवधारणिजा सा जहण्णेणं अंगुलस्स असंखेजइभागं उक्कोसेणं पंचधणु-सयाई, तत्थ णं जा सा उत्तरवेउिवया सा जहण्णेणं अंगुलस्स संखेजइभागं उक्कोसेणं भणुसहस्सं । तेसि णं भंते ! जीवाणं सरीरा किंसंवयणी पण्णत्ता ? गोयमा ! छण्हं संवयणाणं असंवयणी, णेवद्वी णेव छिरा णेव ण्हारू णेव संवयणमस्थि, जे पोग्गला अणिट्ठा अकंता अप्पिया असुभा अमणुण्णा अमणामा ते तेसिं संघायत्ताए परिण-मंति । तेसि णं भंते ! जीवाणं सरीरा किंसंठिया पण्णत्ता ? गोयमा ! दुविहा पण्णत्ता, तंजहा-भवधारणिजा य उत्तरवेउविया य, तत्थ णं जे ते भवधारणिजा ते हुंडसंठिया, तत्थ णं जे ते उत्तरवेउ व्विया तेवि हुंडसंठिया पण्णता, चत्तारि

कसाया चतारि सण्णाओ तिण्णि लेसाओ पंचेंदिया चतारि समुग्धाया आइला. सन्नीवि असन्नीवि, नपुंसगवेया, छप्पजत्तीओ छ अपजतीओ, तिविहा दिही, तिन्नि दंसणा, णाणीवि अण्णाणीवि, जे णाणी ते नियमा तिन्नाणी, तंजहा-आभिण-बोहियणाणी सुयणाणी ओहिनाणी, जे अण्णाणी ते अत्येगइया दुअण्णाणी अत्ये-गड्या तिअण्णाणी, जे य दुअण्णाणी ते णियमा मङ्अण्णाणी सुयअण्याणी य. जे तिअण्णाणी ते नियमा मङ्अण्णाणी य सुयअण्णाणी य विभंगणाणी य, तिविहे जोगे. द्विहे उवओगे, छिद्देसिं आहारो, ओसण्णं कारणं पड़च वण्णओ कालाइं जाव आहारमाहारेंति, उववाओ तिरियमणुरुसेसु, ठिई जहन्नेणं दसवाससहस्साइं उक्नोसेणं तेत्तीसं सागरोवमाइं, दुविहा मरंति, उव्वष्टणा भाणियव्या जओ आगया, णवरि संमुच्छिमेसु पिडसिद्धो, दुगइया दुआगइया परित्ता असंखेजा पण्णता समाणाउसो !. से तं नेरइया ॥ ३२ ॥ से किं तं पंचेंदियतिरिक्खजोणिया १ २ दुविहा पण्णता, तंजहा—संमु च्छिमपंचंदियतिरिक्खजोणिया य गञ्भवकंतियपंचिंदियतिरिक्खजोणिया य ॥ ३३ ॥ से किं तं संमुच्छिमपंचेंदियतिरिक्ख जोणिया? २ तिविहा पण्णत्ता. तंजहा—जलयरा थलयरा खहयरा ॥ ३४ ॥ से किं तं जलयरा ? २ पंचिवहा पण्णता. तंजहा---मच्छगा कच्छभा मगरा गाहा संस्रुमारा। से किं तं मच्छा? एवं जहा पण्णवणाए जाव जे यावण्णे तहप्पगारा, दो समासओ दुविहा पण्णत्ता, तंजहा-पजना य अपजना य। तेसि णं भंते ! जीवाणं कइ सरीरगा पण्पता ? गोयमा ! तओ सरीरगा पण्णता तंजहा-ओरालिए तेयए कम्मए, सरीरोगाहणा जहण्णेणं अंगुरुस्स असंखेजङभागं उद्योसेणं जोयणसहरूसं, छेवड्रसंघयणी, हं डसंठिया, चत्तारि कसाया. सण्णाओवि ४, छेसाओ तिन्नि, इंदिया पंच, समुग्घाया तिण्णि, णो सण्णी असण्णी, णपुंसगवेया, पज्जतीओ अपज्जतीओ य पंच, दो दिझीओ, दो दंसणा, दो नाणा, दो अन्नाणा, द्विहे जोगे, द्विहे उनओगे, आहारो छिहिसिं, उववाओ तिरियमणुस्सेहिंतो नो देवेहिंतो नो नेर्इए हिंतो, तिरिएहिंतो असंखेज-वासाउयवजेहिंतो, अकम्मभूमगअंतरदीवगअसंखेजवासाउयवजेस मणुस्सेस, ठिई जहन्नेणं अंतोमुहुतं उद्योसेणं पुव्यकोडी, मारणंतियसमुग्धाएणं दुविहावि मरंति, अणंतरं उव्वष्टिता कहिं० ? नेरइएसुवि तिरिक्खजोणिएसुवि मणुस्सेसुवि देवेसुवि, नेरइएस स्यणप्पहाए, सेसेस पिडसेहो, तिरिएस सन्वेस उववजाति संखेजवासा-उएद्ववि असंखेजावासाउएसुवि चउप्पएसु पक्खीसुवि मणुस्सेसु सव्वेसु कम्मभूमिएसु नो अकम्मभूमिएस अंतरदीवएसुवि संखिजवासाउएसुवि असंखिजवासाउएसुवि यजत्तरसुवि अपजत्तरसुवि देवेस जाव वाणमंतरा. च उगइया दुआगइया, परिता

असंखेजा पण्णता । से तं संमुच्छिमजलयरपंचेंदियतिरिक्खजोणिया ॥ ३५ ॥ से किं तं थलयरसंमुच्छिमपंचेंदियतिरिक्खजोणिया? २ द्विहा पण्णत्ता, तंजहा-चउप्पयथलयरसंमच्छिमपंचेंदियतिरिक्खजोणिया परिसप्पसंमु०॥ से किं तं चउप्पय-थलयरसंमच्छिम० ? २ चडव्विहा पण्णता. तंजहा—एगखुरा दुखुरा गंडीपया सणप्तया जाव जे यावण्ये तहप्पगारा ते समासओ दुविहा पण्णता, तंजहा-पजता य अपजता य. तओ सरीरगा ओगाहणा जहण्णेणं अंगुलस्स असंखेजइभागं उक्रोसेणं गाउयपुरुत्तं ठिई जहण्णेणं अंतोमुहुत्तं उक्क्रोसेणं चउरासीइवाससहस्साइं, सेसं जहा जलयराणं जाव चउगइया दुआगइया परिता असंखेजा पण्णता. सेतं चउप्पयथलयरसंमु । से किंतं थलयरपरिसप्पसंमुच्छिमा १ २ द्विहा पण्णता. तंजहा--- उरपरिसप्पसंमुच्छिमा भुयपरिसप्पसंमुच्छिमा । से किं तं उरपरिसप्प-संमुच्छिमा? २ चडिवहा पण्णता. तंजहा—अही अयगरा आसालिया महोरगा। से किं तं अही ? अही दुविहा पण्णत्ता, तंजहा--दव्वीकरा मडलिणो य । से किं तं दन्वीकरा ? २ अणेगविहा पण्णता. तंजहा--आसीविसा जाव से तं दन्वीकरा । से किं तं मजलिणो ? २ अणेगविहा पण्णता. तंजहा—दिव्वा गोणसा जाव से तं मडलिणो. सेत्तं अही । से किं तं अयगरा ? २ एगागारा पण्णता. से तं अयगरा । से किं तं आसालिया? २ जहा पण्णवणाए, से तं आसालिया। से किं तं महोरगा? २ जहा पण्णवणाए, से तं महोरगा । जे यावण्णे तहप्पगारा ते समासओ दुविहा पण्णत्ता, तंजहा-पज्जता य अपज्जता य तं चेव, णवरि सरीरोगाहणा जहन्नेणं अंगुलस्स असंखेज॰ उक्कोसेणं जोयणपुहत्तं, ठिई जहन्नेणं अंतोमुहत्तं उक्कोसेणं तेवण्णं वाससहस्साइं. सेसं जहा जलयराणं जाव चउगइया दुआगइया परिता असंखेजा, से तं उरपरिसप्पा ॥ से किं तं भयपरिसप्पसंमिन्छम्थलयरा ? २ अणेगविहा पण्णता, तंजहा—गोहा णउला जाव जे यावने तहप्पगारा ते समासओ द्विहा पण्णत्ता, तंजहा-पज्जता य अपज्जता य, सरीरोगाहणा जहन्नेणं अंगुला-संखेजं उक्कोसेणं धणुपृहत्तं, ठिई उक्कोसेणं बायालीसं वाससहस्साई सेसं जहा जलयराणं जाव चडगइया दुआगइया परिता असंखेजा पण्णता, से तं भ्यपरिसप्प-संमच्छिमा, से तं थलयरा ॥ से किं तं खहयरा? २ चउ विवहा पण्णता, तंजहा-चम्मपक्खी लोमपक्खी समुग्गपक्खी विययपुक्खी । से किं तं चम्मपुक्खी ? २ अणेगविहा पण्णता, तंजहा--वरगुली जाव जे यावन्ने तहप्पगारा, से तं चम्मपक्खी। से किं तं लोमपक्खी? २ अणेगविहा पण्णता, तंजहा—ढंका कंका जे यावने तहप्पगारा, से तं लोमपक्खी। से किं तं समुग्गपक्खी? २ एगागारा पण्णता

जहा पण्णवणाए, एवं विययपक्खी जाव जे यावन्ने तहप्पगारा ते समासओ दुविहा पण्णत्ता, तंजहा-पज्जत्ता य अपज्जता य, णाणत्तं सरीरोगाहणा जह॰ अंगु० असं॰ उक्कोसेणं वणुपुहुत्तं ठिई उक्कोसेणं वावत्तरिं वाससहस्साई, सेसं जहा जलयराणं जाव चउगइया दुआगइया परित्ता असंखेजा पण्णत्ता, से तं खहयर-संमुच्छिमतिरिक्खजोणिया, से तं संमुच्छिमपंचेंदियतिरिक्खजोणिया ॥ ३६ ॥ से किं तं गब्भवकंतियपंचेंदियतिरिक्खजोणिया ? २ तिविहा पण्णता, तंजहा— जलयरा थलयरा खहयरा ॥ ३७ ॥ से किं तं जलयरा? जलयरा पंचविहा पण्णता, तंजहा—मच्छा कच्छभा मगरा गाहा सुंसुमारा, सव्वेसिं भेदो भाणियव्वो तहेव जहा पण्णवणाए, जाव जे यावण्णे तहप्पगारा ते समासओ दुविहा पण्णत्ता, तंजहा—पज्जत्ता य अपज्जत्ता य, तेसि णं भंते! जीवाणं कइ सरीरगा पण्णता ? गोयमा! चत्तारि सरीरगा पन्नता, तंजहा—ओरालिए वेउव्विए तेयए कम्मए, सरीरोगाहणा जहन्नेणं अंगुलस्स असंखेज॰ उक्कोसेणं जोयणसहस्सं छिन्वहसंघयणी पण्णता, तंजहा—वइरोसभनारायसंघयणी उसभनारायसंघयणी नारायसंघयणी अद्धनारायसंघयणी कीलियासंघयणी सेवदृसंघयणी, छन्विहा संठिया पण्णत्ता, तंजहा—समचउरंससंठिया णग्गोहपरिमंडल० साइ० खुज्ज० वामण० हुंड०, कसाया सन्वे सण्णाओ ४ छेसाओ ६ पंच इंदिया पंच समुग्घाया आइल्ला सण्णी नो असण्णी तिविहवेया छप्पजन्तीओ छअपजन्तीओ दिट्ठी तिविहावि तिण्णि दंसणा णाणीवि अण्णाणीवि जे णाणी ते अत्थेगइया दुणाणी अत्थेगइया तिन्नाणी, जे दुन्नाणी ते नियमा आभिणिबोहियणाणी य सुयणाणी य, जे तिन्नाणी ते नियमा आभिणिबोहियणाणी सुय० ओहिणाणी, एवं अण्णाणीवि, जोगे तिविहे उवओगे दुविहे आहारो छिद्दिसिं उववाओ नेरइएहिं जाव अहेसत्तमा तिरिक्खजोणिएस सव्वेसु असंखेजवासाउयवजेसु मणुस्सेसु अकम्मभूमगअंतर्दीवगअसंखेजवासाउय-वजेसु देवेसु जाव सहस्सारो, ठिई जहण्णेणं अंतोमुहुत्तं उक्कोसेणं पुन्वकोडी, दुवि-हावि मरंति, अणंतरं उव्विहत्ता नेरइएस जाव अहेसत्तमा तिरिक्खजोणिएस मणुस्सेसु सन्वेसु देवेसु जाव सहस्सारो, चडगइया चडआगइया परिता असंखेजा पण्णता, से तं जलयरा ॥ ३८॥ से किं तं थलयरा १ २ दुविहा पण्णता, तंजहा— चउप्पया य परिसप्पा य । से किं तं चउप्पया ? २ चउव्विहा पण्णता, तंजहा— एगखुरा सो चेव भेदो जाव जे यावने तहप्पगारा ते समासओ दुविहा पणता, तंजहा—पजना य अपजना य, चत्तारि सरीरा ओगाहणा जहन्नेणं अंगुलस्स असं-खेज॰ उक्कोसेणं छ गाउयाई, ठिई ज॰ अं॰ उक्कोसेणं तिन्नि पलिओमाई नवरं उन्बद्दिता.

नेरइएसु चउत्थपुढविं ताव गच्छंति, सेसं जहा जलयराणं जाव चउगइया चउआ-गइया परिता असंखिजा पण्णता, से तं चउप्पया । से किं तं परिसप्पा? २ दुविहा पण्णता, तंजहा-उरपरिसप्पा य भुयपरिसप्पा य, से किं तं उरपरिसप्पा? २ तहेव आसालियवजो भेदो भाणियव्वो, सरीरा चत्तारि, ओगाहणा जहण्णेणं अंगुलस्स असंखे॰ उक्कोसेणं जोयणसहस्सं, ठिई जहन्नेणं अंतोमुहुत्तं उक्कोसेणं पुन्वकोडी उव्बहिता नेरइएस जाव पंचमं पुढविं ताव गच्छंति, तिरिक्खमणुरसेस सन्वेसु. देवेस जाव सहस्सारा. सेसं जहा जलयराणं जाव चउगइया चउआगइया परिता असंखेजा से तं उरपरिसप्पा। से किं तं भुयपरिसप्पा? २ मेदो तहेव, चत्तारि सरीरगा ओगाहणा जहन्नेणं अंगुलासंखे॰ उक्कोसेणं गाउयपुहत्तं ठिई जहन्नेणं अंतोमुहृत्तं उक्कोसेणं पुव्वकोडी, सेसेसु ठाणेसु जहा उरपरिसप्पा, णवरं दोचं पुढविं गच्छंति, से तं भुयपरिसप्पा से तं थलयरा ॥ ३९ ॥ से किं तं खहयरा ? २ चउ-व्विहा पण्णता, तंजहा—चम्मपक्खी तहेव भेदो. ओगाहणा जहन्नेणं अंग्रहस्स असंखे॰ उक्कोसेणं धणुपुहुत्तं, ठिई जहन्नेणं अंतोमुहुत्तं उक्कोसेणं पिलओवमस्स असंखेजइभागो, सेसं जहा जलयराणं, नवरं जाव तचं पुढविं गच्छंति जाव से तं खहयरगञ्भवकंतियपंचेंदियतिरिक्खजोणिया. से तं तिरिक्खजोणिया ॥ ४०॥ से किं तं मणुस्सा ? २ दुविहा पण्णत्ता, तंजहा—संमु च्छिममणुस्सा य गब्भवक्षंति-यमणुस्सा य ॥ कहि णं भंते ! संमुच्छिममणुस्सा संमुच्छंति १ गोयमा ! अंतो मणु-स्सखेते जाव करेंति । तेसि णं भंते ! जीवाणं कइ सरीरगा पण्णता ? गोग्रमा ! तिन्नि सरीरगा पन्नता, तंजहा-ओरालिए तेयए कम्मए० से तं संमच्छिममणस्सा । से किं तं गब्भवकंतियमणस्सा ? २ तिविहा पण्णता, तंजहा-कम्मभूमगा अकम्म-भूमगा अंतरदीवगा, एवं माणुस्समेदो भाणियव्वो जहा पण्णवणाए तहा णिरवसेसं भाणियन्वं जाव छउमत्था य केवली य, ते समासओ दुविहा पण्णत्ता, तंजहा-पजता य अपजता य। तेसि णं भंते ! जीवाणं कह सरीरा प० ? गोयमा ! पंच सरीरया प॰ तंजहा-ओरालिए जाव कम्मए । सरीरोगाहणा जहन्नेणं अंगुलस्स असंखेज॰ उक्कोसेणं तिण्णि गाउयाइं छचेव संघयणा छत्संठाणा । ते णं भंते ! जीवा किं कोहकसाई जाव लोभकसाई अकसाई ? गोयमा ! सब्वेवि । ते णं भंते ! जीवा किं आहारसन्नोवउत्ता जाव नोसन्नोवउत्ता १ गोयमा ! सन्वेवि । ते णं भंते ! जीवा किं कण्हलेसा जाव अलेसा? गोयमा! सन्वेवि । सोइंदियोवउत्ता जाव नोइंदियोवउत्तावि, सन्वे समुग्धाया, तंजहा-वेयणासमुग्धाए जाव केवलिसमुग्धाए. सन्नीवि नोसन्नी-असन्नीवि, इत्थिनेयावि जाव अनेयावि, पंच पजती, तिविहावि दिद्री,

चत्तारि दंसणा, णाणीवि अण्णाणीवि, जे णाणी ते अत्थेगइया दुणाणी अत्थेगइया तिणाणी अत्थेगइया चउंणाणी अत्थेगइया एगणाणी, जे दुण्णाणी ते नियमा आभिणिबोहियणाणी सुयणाणी य, जे तिणाणी ते आभिणिबोहियणाणी सुयणाणी ओहिणाणी य, अहवा आभिणिवोहियणाणी सुयनाणी मणपज्जवणाणी य, जे चड-णाणी ते णियमा आभिणिबोहियणाणी सुय० ओहि० मणपज्जवणाणी य, जे एग-णाणी ते नियमा केवलनाणी, एवं अन्नाणीवि दुअन्नाणी तिअण्णाणी, मणजोगीवि वङकायजोगीवि अजोगीवि, दुविहरुवओगे आहारो छिद्दिसं उनवाओ नेरइएहिं अहे-सत्तमवजेहिं तिरिक्खजोणिएहिंतो, उववाओ असंखेजवासाउयवजेहिं मणुएहिं अकम्मभूमगअंतरदीवगअसंखेजजवासाउयवजेहिं, देवेहिं सव्वेहिं, ठिई जहन्नेणं अंतो-महत्तं उक्कोसेणं तिण्णि पिलओवमाइं, दुविहावि मरंति, उव्विहित्ता नेरइयाइसु जाव ०७ अणुत्तरोववाइएसु, अत्थेगङ्या सिज्झंति जाव अंतं करेंति। ते णं भंते! जीवा कङ्गङ्या बहुआगइया पण्णत्ता ? गोयमा ! पंचगइया चउआगइया परित्ता संखिजा पण्णत्ता, सेत्तं मणुस्सा ॥ ४१ ॥ से किं तं देवा? देवा चउन्विहा पण्णत्ता, तंजहा—भवणवासी वाणमंतरा जोइसिया वेमाणिया। से किं तं भवणवासी ? २ दसविहा पण्णत्ता, तंजहा— असुरा जाव थणिया, से तं भवणवासी । से किं तं वाणमंतरा ? २ देवभेदो सव्वो भाणियव्यो जाव ते समासओ दुविहा पण्णत्ता, तंजहा--पज्जत्ता य अपज्जत्ता य, तेसि णं तओ सरीरगा—वेउ व्विए तेयए कम्मए । ओगाहणा दुविहा—अवधारणिजा य उत्तरवेउन्विया य, तत्थ णं जा सा भवधारणिज्जा सा जहन्नेणं अंगुलस्स असंखेजाइ-भागं उक्कोसेणं सत्त रयणीओ, उत्तरवेउव्विया जहन्नेणं अंगुलस्स संखेजइ० उक्कोसेणं जोयणसयसहर्सं, सरीरगा छण्हं संघयणाणं असंघयणी णेवद्वी णेव छिरा णेव ण्हारू नेव संघयणमत्थि, जे पोग्गला इट्ठा कंता जाव ते तेसिं संघायत्ताए परिणमंति, किंसंठिया? गोयमा! दुविहा पण्णता, तंजहा—भवधारणिजा य उत्तरवेउ व्विया य, तत्थ णं जे ते भवधारणिजा ते णं समचउरंससंठिया पण्णत्ता, तत्थ णं जे ते उत्तरवेउव्विया ते णं नाणासंठाणसंठिया पण्णत्ता, चत्तारि कसाया चतारि सण्णा छ लेस्साओ पंच इंदिया पंच समुग्घाया सन्नीवि असन्नीवि इत्थि-वेयावि पुरिसवेयावि नो नपुंसगवेया, पजत्ती अपजत्तीओ पंच, दिही तिन्नि, तिण्णि दंसणा, णाणीवि अण्णाणीवि, जे नाणी ते नियमा तिण्णाणी अण्णाणी भयणाए, हुविहे उनओगे, तिविहे जोगे, आहारो णियमा छिहिसिं, ओसन्नकारणं पडुच वण्णओ हालिद्द्यक्किलाई जान आहारमाहारेंति, उननाओ तिरियमणुस्सेसु, ठिई जहन्नेणं दस वाससहस्साइं उक्कोसेणं तेत्तीसं सागरोवमाइं, दुविहावि मरंति, उव्विष्टिता नो

नेरइएस गच्छंति तिरियमणस्सेस जहासंभवं, नो देवेस गच्छंति, दुगइया दुआगइया परिता असंखेजा पण्णता, से तं देवा, से तं पंचेंदिया, सेत्तं ओराला तसा पाणा ॥ ४२ ॥ थावरस्स णं भंते! केवइयं कालं ठिई पण्णता? गोयमा! जहन्नेणं अंतोमुहुत्तं उक्कोसेणं बावीसं वाससहस्साइं ठिई पण्णता ॥ तसस्स णं भंते! केवइयं कालं ठिई पण्णता? गोयमा! जहण्णेणं अंतोमहत्तं उक्कोसेणं तेत्तीसं सागरोवमाइं ठिई पण्णता । थावरे णं भंते! थावरेत्ति कालओ केवचिरं होड 2 गोयमा ! जहन्नेणं अंतोमहत्तं उक्कोसेणं अणंतं कालं अणंताओ उस्सप्पिणीओ अवसप्पिणीओ कालओ खेतओ अणंता लोया असंखेजा पुग्गलपरियद्वा ते णं पुग्गलपरियद्या आवित्याए असंखेजइभागो ॥ तसे णं भंते ! तसेत्ति कालओ केविसं होइ ? गोयमा! जहन्नेणं अंतोमहत्तं उक्कोसेणं असंखेजं कालं असंखेजाओ उस्स-प्पिणीओ अवसप्पिणीओ कालओ खेत्तओ असंखेजा लोगा ॥ थावरस्स णं भंते! केवइकालं अंतरं होइ? गोयमा! जहा तससंचिद्रणाए ॥ तसस्स णं भंते! केवड-कालं अंतरं होइ ? गोयमा ! जहण्णेणं अंतोसहत्तं उक्कोसेणं वणस्सइकालो ॥ एएसि णं भंते ! तसाणं थावराण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवां तसा थावरा अणंतगुणा, से तं दुविहा संसारसमावण्णगा जीवा पण्णता ॥ ४३ ॥ पढमा दुविहपडिवत्ती समत्ता ॥

तत्थ जे ते एवमाहंस्र तिविहा संसारसमावण्णमा जीवा पण्णत्ता ते एवमाहंस्र, तंजहा—इत्थ्री पुरिसा णपुंसगा ॥ ४४॥ से किं तं इत्थ्रीओ ? २ तिविहाओ पण्णत्ताओ, तंजहा—तिरिक्खजोणित्थ्रीओ मणुस्सित्थ्रीओ देवित्थ्रीओ । से किं तं तिरिक्खजोणित्थ्रीओ ? २ तिविहाओ पण्णताओ तंजहा—जल्यरीओ थल्यरीओ खह्यरीओ । से किं तं जल्यरीओ ? २ पंचिवहाओ पण्णत्ताओ, तंजहा—मच्छीओ जाव संप्रमारीओ से तं जल्यरीओ ! से किं तं थल्यरीओ ? २ दुविहाओ पण्णताओ तंजहा—चउप्पईओ य परिसप्पीओ य । से किं तं चउप्पयथलयरितिरिक्खजोणित्थ्रीओ । से किं तं परिसप्पीओ य । से किं तं चउप्पयथलयरितिरिक्खजोणित्थ्रीओ । से किं तं परिसप्पीओ ? २ दुविहाओ पण्णत्ताओ तंजहा—उरपिसप्पीओ य भुयपरिसप्पीओ य । से किं तं उरपिरसप्पीओ ? २ तिविहाओ पण्णत्ताओ तंजहा—अहीओ अहिगरीओ महोरगीओ य , सेतं उरपिरसप्पीओ ! से किं तं भुयपिरसप्पीओ ? २ अणेगविहाओ पण्णत्ताओ तंजहा—सर्डीओ सेरंधीओ गोहीओ णउलीओ सेघाओ सरडीओ सिरसंघीओ भावीओ सोवीओ खारीओ प्रकृवाइयाओ चउप्पइयाओ मूसियाओ मुसियाओ सुगुसियाओ घरोलियाओ गोहियाओ जोहियाओ चिरबिरा

लियाओ सेत्तं भुयपरिसप्पीओ । से किं तं खह्यरीओ ? चउ विवहाओ पण्णताओ तंजहा—चम्मपक्खीओ जाव वियय॰ सेत्तं खहयरीओ, सेत्तं तिरिक्खजोणित्थीओ॥ मे किं तं मण्रिस्त्थीओ ? २ तिविहाओ पण्णत्ताओ तंजहा—कम्मभूमियाओ अकम्म-भूमियाओ अंतरदीवियाओ । से किं तं अंतरदीवियाओ ? २ अट्टावीसङ्बिहाओ पण्ण-त्ताओ. तंजहा-एगूरुइयाओ आभासियाओ जाव सुद्धदंतीओ, सेत्तं अंतरदी०॥ से क्षं तं अकम्मभूमियाओ ? २ तीसविहाओ पण्णत्ताओ तंजहा—पंचसु हेमवएस पंचस एरण्णवएसु पंचसु हरिवासेसु पंचसु रम्मगवासेसु पंचसु देवकुरासु पंचसु उत्तरकुरासु. मेत्तं अकम्म । से किं तं कम्म भूमियाओ १२ पण्णरसिवहाओ पण्णताओ, तंजहा-पंचस भरहेसु पंचसु एरवएसु पंचसु महाविदेहेसु, सेत्तं कम्मभूमगमणुस्सित्थीओ. सेत्तं मण्हिसतथीओ ॥ से किं तं देवित्थियाओ ? २ चडिव्वहाओ पण्णताओ तंजहा— भवणवासिदेवित्थियाओ वाणमंतरदेवित्थियाओ जोइसियदेवित्थियाओ वेमाणियदेवि-त्थियाओ । से किं तं भवणवासिदेवित्थियाओ ? २ दसविहाओ पण्णताओ तंजहा---असरकमारभवणवासिदेवित्थियाओ जाव थणियकुमारभवणवासिदेवित्थियाओ, से तं भवणवासिदेवित्थियाओ । से किं तं वाणमंतरदेवित्थियाओ ? २ अद्भविहाओ पण्ण-ताओं तंजहा-पिसायवाणमंतरदेवित्थियाओं जाव गंधवव से तं वाणमंतरदेवित्थ-याओ । से किं तं जोइसियदेवित्थियाओ ? २ पंचविहाओ पण्णत्ताओ तंजहा—चंद-विमाणजोइसियदेवित्थियाओं सुर्० गह्र० नक्खत्त० ताराविमाणजोइसियदेवित्थि-याओ. सेत्तं जोइसियाओ । से किं तं वेमाणियदेवित्थियाओ ? २ दविहाओ प० तंजहा-सोहम्मकप्पवेमाणियदेवित्थियाओ ईसाणकप्पवेमाणियदेवित्थियाओ. सेत्तं वेमाणित्थीओ ॥ ४५ ॥ इत्थीणं भंते ! केवइयं कालं ठिई पण्णत्ता ? गोयमा एगेणं आएसेणं जहनेणं अंतोमहत्तं उक्कोसेणं पणपन्नं पिलओवमाई एक्केणं आएसेणं जहनेणं अंतोमहत्तं उक्कोसेणं नव पिलओवमाइं एगेणं आएसेणं जहनेणं अंतोमहत्तं उक्कोसेणं सत्त पिठओवमाई एगेणं आएसेणं जहन्नेणं अंतोमहत्तं उक्कोसेणं पन्नासं पिठओवमाई ॥ ४६ ॥ तिरिक्खजोणित्थीणं भंते ! केवइयं कालं ठिई पण्णता ? गो० जहन्नेणं अंतोमहत्तं उक्कोसेणं तिण्णि पलिओवमाई। जलयरतिरिक्खजोणित्थीणं भंते! केवइयं कालं ठिई पण्णता ? गोयमा ! जहन्नेणं अंतो० उक्को० पुन्वकोडी । चउप्पयथलयरति-रिक्खजोणित्थीणं भंते ! केवडयं कालं ठिई पण्णता ? गो॰ जहा तिरिक्खजोणितथीओ। उरपरिसप्पथलयरतिरिक्खजोणित्थीणं भंते ! केवडयं कालं ठिई पण्णता ? गोयमा ! जहन्नेणं अंतोमृहुत्तं उक्कोसेणं पुव्यकोडी । एवं भुयपरिसप्प० । एवं खहयरितरिक्खि-त्थीणं जहन्नेणं अंतोमहत्तं उक्को॰ पिठओवमस्स असंखेज्जइभागो ॥ मणुस्सित्थीणं

भंते! केवइयं कालं ठिई पण्णता? गोयमा! खेतं पडुच जह० अंतो० उक्को० तिष्णि पलिओवमाइं, धम्मचरणं पहुच जह० अंतो० उक्कोसेणं देस्पा पुञ्चकोडी । कम्मभूमयमणुस्सित्थीणं भंते ! केवइयं कालं ठिई पण्णत्ता ? गोयमा ! खेत्तं पड़च जहन्नेणं अंतोमुहुत्तं उक्कोसेणं तिन्नि पिलओवमाइं धम्मचरणं पडुच जहन्नेणं अंतो-महत्तं उक्कोसेणं देसूणा पुन्वकोडी । भरहेरवयकम्मभूमगमणुस्सित्थीणं भंते! केत्रइयं काळं ठिई पण्गता? गोयमा! खेत्तं पडुच जहन्नेणं अंतोमुहुत्तं उक्रोसेणं तिन्नि पिलओवमाइं, धम्मचरणं पहुच जहन्नेणं अंतोमु॰ उक्कोसेणं देस्णा पुव्वकोडी । पुञ्चविदेहअवरविदेहकम्मभूमगमणुरिसत्थीणं भंते! केवइयं कालं ठिई पण्णत्ता ? गोयमा ! खेतं पडुच जहन्नेणं अंतो० उक्कोसेणं पुव्वकोडी, धम्मचरणं पडुच जहन्नेणं अंतोमुहृत्तं उक्कोसेणं देसूणा पुन्वकोडी । अकम्मभूमगमणुस्सित्थीणं भंते ! केवइयं कालं ठिई पण्णता ? गोयमा! जम्मणं पडुच जहन्नेणं देसूणं पलिओवमं पलिओवमस्स असंखेजइभागऊणगं उक्कोसेणं तिन्नि पठिओवमाई, संहरणं पडुच जहन्नेणं अंतोमुहृत्तं उक्कोसेणं देसूणा पुन्वकोडी । हेमवएरण्णवए जम्मणं पडुच जहन्नेणं देसूणं पिल-ओवमं पिलओवमस्स असंखेजइभागेण ऊणगं उक्कोसेणं पिलओवमं संहरणं पड़च् जहन्नेणं अंतोमुहत्तं उक्कोसेणं देसूणा पुन्वकोडी । हरिवासरम्मयवासअकम्मभूमग-मणुस्सित्थीणं भंते! केवइयं कालं ठिई पण्णता? गोयमा! जम्मणं पहुच जहन्नेणं देसूणाई दो पलिओवमाई पलिओवमस्स असंखेजङ्मागेण ऊणयाई उक्को० दो पिलओवमाई, संहरणं पडुच जह ॰ अंतो ॰ उक्को ॰ देसूणा पुरुवकोडी । देवकुरुउत्तर-करुअकम्मभूमगम्ण्रसित्थीणं भंते ! केवइयं कालं ठिई पण्णता ? गोयमा ! जम्मणं पड़च जहनेणं देसूणाई तिण्णि पिलओवमाई पिलओवमस्स असंखेजाइभागेण ऊणयाई उक्रो॰ तिन्नि पलिओवमाई, संहरणं पडुच जहन्नेणं अंतोमहत्तं उक्को॰ देसूणा पुक्वकोडी । अंतरदीवगअकम्मभूमगमणुस्सित्थीणं भंते ! केवइयं कालं ठिई पण्णता ? गोयमा ! जम्मणं पद्धच जहन्नेणं देस्णं पित्रओवमस्स असंखेजहमागं पित्रओवमस्स असंखेजइभागेण ऊणयं उक्को॰ पिलओवमस्स असंखेजइभागं संहरणं पडुच जहन्नेणं अंतोम ॰ उक्को ॰ देसणा पुन्वकोडी ॥ देवित्थीणं भंते ! केवइयं कालं ठिई पन्नता ? गोयमा! जहन्नेणं दसवाससहस्साइं उक्कोसेणं पणपन्नं पिठओवमाइं। भवणवासि-देनित्थीणं भंते! केवइयं कालं ठिई पण्णता? गोयमा! जहन्नेणं दसवाससहस्साइं उक्कोसेणं अद्भपंचमाइं पिलओवमाइं । एवं असुरकुमारभवणवासिदेवित्थियाए, नाग-कुमारभवणवासिदेवित्थियाएवि जहन्नेणं दसवाससहस्साइं उक्कोसेणं देसूणाइं पिल-ओवमाइं, एवं सेसाणिव जाव थणियकुमाराणं । वाणमंतरीणं जहन्नेणं दसवास-

सहस्साइं उक्कोसेणं अद्धपलिओवमं । जोइसियदेवित्थीणं भंते ! केवइयं कालं ठिई पण्णता ? गोयमा! जहण्णेणं पिलओवमस्त अद्वमं भागं उक्कोसेणं अद्ध-पिलओवमं पण्णासाए वाससहस्सेहिं अब्भहियं, चंदविमाणजोइसियदेवित्थियाए जहन्नेणं चउभागपितिओवमं उक्नोसेणं तं चेव, स्रविमाणजोइसियदेवित्थियाए जहन्नेणं चउभागपिळओवमं उक्कोसेणं अद्भपिळओवमं पंचिहं वाससएहिमब्भिहियं, गहविमाणजोइसियदेवितथीणं जहण्णेणं चडभागपिलओवमं उक्कोसेणं अद्धपिलओवमं, णक्लत्तविमाणजोड्सियदेवित्थीणं जहण्णेणं चडभागपितओवमं उक्कोसेणं चडभाग-पिलओवमं साइरेगं, ताराविमाणजोइसियदेवित्थियाए जहन्नेणं अद्वभागं पिलओवमं उक्को॰ साइरेगं अद्वभागपिलओवमं । वेमाणियदेवित्थियाए जहण्णेणं पिलओवमं उक्कोसेणं पणपन्नं पलिओवमाइं, सोहम्मकप्पवेमाणियदेवित्थीणं भंते! केवइयं कालं हिई प॰ १ गोयमा ! जहण्णेणं पिलओवमं उक्कोसेणं सत्त पिलओवमाइं, ईसाण-देवित्थीणं जहण्णेणं साइरेगं पलिओवमं उक्कोसेणं णव पलिओवमाइं॥ ४७॥ इत्थी णं भंते ! इत्थित्ति कालओ केविचरं होड़ ? गोयमा ! एक्केणाएसेणं जहन्नेणं . एक्कं समयं उक्कोसेणं दसुत्तरं पिलओवमसयं पुव्यकोडिपुहुत्तमब्भिहियं। एक्केणाएसेणं जहनेणं एकं समयं उक्कोसेणं अद्वारस पिलओवमाइं पुन्यकोडीपुहुत्तमन्भिहियाइं। एक्नेणाएसेणं जहण्णेणं एकं समयं उक्कोसेणं चउद्दस पलिओवमाइं पुन्वकोडिपुहुत्तम-ब्महियाइं। एक्केणाएसेणं जह० एकं समयं उक्को० पिठओवमसयं पुरुवकोडीपुहुत्तम-ब्मिह्यं। एक्केणाएसेणं जह ० एक्कं समयं उक्को० पिलओवमपुहुत्तं पुन्वकोडीपुहुत्तम्-भिहियं ॥ तिरिक्खजोणित्थी णं भंते! तिरिक्खजोणित्थित्ति कालओ केविचरं होइ? गोयमा ! जहन्नेणं अंतोमुहुत्तं उक्कोसेणं तिन्नि पिलओवमाइं पुन्वकोडी पुहुत्तमन्भ-हियाइं, जलयरीए जहण्णेणं अंतोमुहुत्तं उक्कोसेणं पुव्यकोडिपुहुत्तं। चडप्पयथलय-रतिरिक्खजो॰ जहा ओहिया तिरिक्ख॰, उरपरिसप्पीसुयपरिसप्पित्थी णं जहा जलयरीणं, खह्यरि० जहण्णेणं अंतोमुहुत्तं उक्को० पलिओवमस्स असंखेज्जइभागं पुव्वकोडिपुहुत्तमञ्महियं ॥ मणुस्सित्थी णं भंते ! कालओ केविचरं होइ ? गोयमा ! खेतं पडुच जहण्णेणं अंतोमुहुतं उक्को० तिन्नि पलिओवमाई पुव्वकोडिपुहुत्तमन्महि-याइं, धम्मचरणं पडुच्च जह ० एकं समयं उक्कोसेणं देस्णा पुव्यकोडी, एवं कम्मभूमि-यावि भरहेरवयावि, णवरं खेतं पडुच जह० अंतो० उक्को० तिनि पलिओवमाई देस्णपुब्बकोडीअब्भहियाइं, धम्मचरणं पडुच जह० एकः समयं उक्को० देस्णा पुन्वकोडी । पुन्वविदेहअवरविदेहितथी णं खेत्तं पडुच जह० अंतो० उक्को० पुन्व-कोडीपुहुत्तं, धम्मचरणं पडुः जह० एकं समयं उक्कोसेणं देस्णा पुव्वकोडी ॥

अकम्मभूमियमणुस्सित्थी णं भंते ! अकम्मभूमि० कालओ केविचरं होइ ? गोयमा ! जम्मणं पड़च जह ॰ देसूणं पिलओवमं पिलओवमस्स असंखेजाइभागेणं ऊणं उक्को ॰ तिण्णि प्रतिओवमाई । संहरणं पहुच जह ॰ अंतो ॰ उक्कोसेणं तिचि प्रतिओवमाई देस्णाए पुव्यकोडीए अन्महियाइं । हेमवएरण्णवए अकम्मभूमगमणुस्सित्थी णं भंते ! हेम० कालओ केविचरं होइ ? गोयमा ! जम्मणं पहुच जह० देसूणं पिल-ओवमं प्रतिओवमस्स असंखेजइभागेणं ऊणगं, उक्को॰ प्रतिओवमं । साहरणं पड़च जह॰ अंतोम॰ उक्को॰ पिलओवमं देसुणाए पुन्वकोडीए अन्भिह्यं । हरिवासरम्म-यअकम्मभूमगमणुस्सित्थी णं भंते !, जम्मणं पडुच जह ० देसूणाइं दो पिलओवमाइं पिलओवमस्स असंखेजइभागेणं ऊणगाइं, उक्को॰ दो पिलओवमाइं। संहरणं पड़च जह अंतोम अको दो पिलओवमाई देसूणपुन्वकोडिम अहियाई। उत्तरकुरुदे-वकुरूणं ०, जम्मणं पडुच जहन्नेणं देसूणाई तिन्नि पलिओवमाई पलिओवमस्स असं-खेजाइभागेणं ऊणगाइं उक्को॰ तिन्नि पिलओवमाईं। संहरणं पहुच जह॰ अंतोम्॰ उक्को॰ तिन्नि प्रतिओवमाई देसूणाए पुन्वकोडीए अब्महियाई । अंतरदीवाकम्मभूम-गमणुस्सित्थी ः शो ः ! जम्मणं पडुच जह ः देसूणं पिलओवमस्स असंखेजहभागं पिठओवमस्स असंखेजाइभागेण ऊणं उक्को० पिठओवमस्स असंखेजाइभागं । साहरणं पड़च जह ॰ अंतोम ॰ उक्को ॰ पिछओवमस्स असंखेजइभागं देसूणाए पुव्वकोडीए अब्महियं ॥ देवितथी णं भंते ! देवित्थित्ति काल०, जचेव संचिद्रणा ॥ ४८॥ इत्थीणं भंते ! केवडयं कालं अंतरं होड ? गोयमा ! जह ० अंतोम् ० उक्को ० अणंतं कालं, वणस्सइकालो, एवं सन्वासिं तिरिक्खत्थीणं । मण्रिस्तित्थीए खेत्तं पद्भच जह० अंतो॰ उक्को॰ वणस्सइकालो, धम्मचरणं पडुच जह॰ एकं समयं उक्को॰ अणंतं कालं जाव अवद्भूपोग्गलपरियष्टं देसूणं, एवं जाव पुन्वविदेहअवरविदेहियाओ, अक-म्मभूमग्रमणुस्तित्थीणं भंते ! केवइयं कालं अंतरं होइ ? गोयमा ! जम्मणं पहुच जहन्नेणं दसवाससहरसाइं अंतोमहत्तमञ्महियाइं, उक्को॰ वगस्सइकालो, संहरणं पडुच . जह० अंतोम् ० उक्को० वणस्सङ्कालो, एवं जाव अंतरदीवियाओ । देविस्थियाणं सव्वासि जह ॰ अंतो ॰ उक्को ॰ वणस्सइकालो ॥ ४९ ॥ एयासि णं भंते ! तिरिक्ख-जोणित्थियाणं मणस्सित्थियाणं देवित्थियाणं कयरा २ हिंतो अप्पा वा बहया वा तुल्ला वा विसेसाहिया वा ? गोयमा ! सन्वत्थोवाओ मणुस्सित्थियाओ तिरिक्खजोणि-त्थियाओ असंखेजगुणाओ देवित्थियाओ असंखेजगुणाओ ॥ एयासि णं भंते! तिरिक्खजोणित्थियाणं जलयरीणं थलयरीणं खहयरीण य कयरा २ हिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवाओ खहुयरतिरिक्खजो-

कित्थियाओ थलयरतिरिक्खजोणित्थियाओ संखेजगुणाओ जलयरतिरिक्ख० संखे-ज्ञगुणाओ ।। एयासि णं भंते ! मणुस्सित्थीणं कम्मभूमियाणं अकम्मभूमियाणं अंतरदीवियाण य कथरा २ हिंतो अप्पा वा ४ ? गोयमा ! सन्वत्थोवाओ अंतरदीवग-अकम्मभूमगमणुस्सित्थियाओं देवकुरूत्तरकुरुअकम्मभूमगमणुस्सित्थियाओं दोवि तुल्लाओ संखेजगु॰, हरिवासरम्मयवासअकम्मभूमगमण्रिसित्थयाओ दोवि तल्लाओ संखेजगु॰. हेमवएरण्णवयअकम्मभूमगमणुस्सित्थियाओ दोवि तुल्लाओ संखेजगु०, भरहेरवय-कम्मभमगमणुस्सि० दोवि तुल्लाओ संखेज्जगुणाओ, पुन्वविदेहअवरविदेहकम्म-भमगमणस्सित्थियाओं दोवि तुल्लाओं संखेजगुणाओं ॥ एयासि णं भंते ! देवित्थियाणं भवणवासीणं वाणमंतरीणं जोइसिणीणं वेमाणिणीण य कयरा २ हिंतो अप्पा वा बहुया वा तुल्ला वा विसेसाहिया वा? गोयमा ! सन्वत्थोवाओ वेमाणियदेवित्थियाओ भवणवासिदेवित्थियाओ असंखेजगुणाओ वाणमंतरदेवित्थियाओ असंखेजगुणाओ जोइसियदेवित्थियाओं संखेजगुणाओं ॥ एयासि णं भंते ! तिरिक्खजोणित्थियाणं जलयरीणं थलयरीणं खहयरीणं मणुस्सित्थियाणं कम्मभूमियाणं अकम्मभूमियाणं अंतरदीवियाणं देवितथीणं भवणवासिणीणं वाणमंतरीणं जोइसिणीणं वेमाणिणीण य कयरा २ हिंतो अप्पा वा बहुया वा तुल्ला वा विसे० ? गोयमा! सन्वत्थोवाओ अंतर-दीवगअकम्मभूमगमणुस्सित्थियाओ देवकुरुउत्तरकुरुअकम्मभूमगमणुस्सित्थियाओ दोवि तुल्लाओ संखेजगुणाओ, हरिवासरम्मगवासअकम्मभुमगमणस्सित्थियाओ दोऽवि तुल्लाओ संखेजगु॰, हेमवएरण्णवयअकम्मभूमग॰ दोऽवि तुल्लाओ संखेजगु॰, भरहेरवयकम्मभूमगमणुस्सित्थीओ दोऽवि तुल्लाओ संखेजागु०, पुन्वविदेहअवर-विदेसकम्मभूमगमण्रिसित्थि० दोऽवि संखेज्जग्०. वेमाणियदेवित्थियाओ असं-खेजगु॰, भवणवासिदेवित्थियाओ असंखेजगु॰, खहुयरतिरिक्खजोणित्थियाओ असं-खेजगु॰, थलयरतिरिक्खजोणित्थियाओ संखेजगु॰, जलयरतिरिक्खजोणित्थियाओ संखेजगुणाओ, वाणमंतरदेवित्थियाओ संखेजगुणाओ, जोइसियदेवित्थियाओ संखेज-गुणाओ ॥५०॥ इत्थिवेयस्स णं भंते ! कम्मरस केवइयं कालं बंधिठई पण्णत्ता ? गोयमा ! जहन्नेणं सागरोवमस्स दिवङ्गो सत्तभागो पलिओवमस्स असंखेजङ्भागेण ऊणो उक्को॰ पण्णरस सागरोवमकोडाकोडीओ, पण्णरस वाससयाई अवाहा, अवाहूणिया कम्मिठिई कम्मिणिसेओ ॥ इत्थिवेए णं भंते ! किंपगारे पण्णते ? गोयमा ! फुंफु-अग्गिसमाणे पण्णते, सेतं इत्थियाओ ॥ ५१ ॥ से किं तं प्ररिसा ? प्ररिसा तिविहा पण्णता, तंजहा-तिरिक्खजोणियपुरिसा मणुस्सपुरिसा देवपुरिसा ॥ से किं तं तिरिक्खजोणियपरिसा ? २ तिविहा पण्णता, तंजहा-जलयरा थलयरा खहयरा

इत्यिभेदो भाणियव्यो जाव खहयरा, सेत्तं खहयरा सेत्तं तिरिक्खजोणियपुरिसा ॥ से किं तं मणुस्सपुरिसा? २ तिविहा पण्णत्ता, तंजहा-कम्मभूमगा अकम्मभूमगा अंतरदीवगा, सेत्तं मणुस्सपुरिसा ॥ से किं तं देवपुरिसा ? देवपुरिसा चउविवहा पण्णता. इत्थीमेओ भाणियन्त्रो जाव सन्वद्वसिद्धा ॥ ५२ ॥ पुरिसस्स णं भंते ! केवइयं कालं ठिई पण्णत्ता? गोयमा! जह० अंतोमु० उक्को० तेत्तीसं सागरोत्रमाई। तिरिक्खजोणियपुरिसाणं मणुरसाणं जा चेव इत्थीणं ठिई सा चेव भाणियव्वा ॥ देवपुरिसाणवि जाव सन्वद्वसिद्धाणं ति ताव ठिई जहा पण्णवणाए तहा भाणियन्वा ॥ ५३ ॥ पुरिसे णं भंते ! पुरिसेत्ति कालओं केवचिरं होइ? गोयमा! जहन्नेणं अंतो ॰ उक्को ॰ सागरोवमसयपृहत्तं साइरेगं । तिरिक्खजोणियपुरिसे णं भंते ! कालओ केविचरं होइ ? गोयमा ! जहन्नेणं अंतो० उक्को० तिन्नि पलिओवमाइं पुरुवकोडिपहत्तमन्भिहयाई, एवं तं चेव, संचिद्वणा जहा इत्थीणं जाव खहयर-तिरिक्खजोणियपुरिसस्स संचिद्वणा । मणुस्सपुरिसाणं भंते ! कालओ केविचरं होइ? गोयमा! खेत्तं पडुच जहन्नेणं अंतो० उक्को० तिन्नि पल्लिओवमाई पुन्वकोडिपुहुत्त-मञ्महियाइं, धम्मचरणं पडुच जह० अंतो० उक्कोसेणं देसूणा पुव्वकोडी एवं सव्वत्थ जाव पुन्वविदेहअवरविदेह, अकम्मभूमगमणुरसपुरिसाण जहा अकम्मभूमगमणुरिस-त्थीणं जाव अंतरदीवगाणं जचेव ठिई सचेव संचिद्वणा जाव सन्बद्धसिद्धगाणं ॥ ५४ ॥ प्ररिसस्स णं भंते ! केवइयं कालं अंतरं होइ ? गोयमा ! जह ० एकं समयं उक्को० वणस्सइकालो तिरिक्खजोणियपुरिसाणं जह० अंतोमु० उक्को० वणस्सइकालो एवं जाव खहयरतिरिक्खजोणियपुरिसाणं ॥ मणुस्सपुरिसाणं भंते ! केवइयं कालं अंतरं होइ? गोयमा ! खेतं पडुच जह० अंतोमु० उक्को० वणस्सइकालो, धम्मचरणं पडुच जह ॰ एक्कं समयं उक्को ॰ अणंतं कालं अणंताओ उस्स ॰ जाव अवह्रुपोग्गल-परियद्टं देस्णं, कम्मभूमगाणं जाव विदेहो जाव धम्मचरणे एक्को समओ सेसं, जहित्थीणं जाव अंतरदीवगाणं ॥ देवपुरिसाणं जह अंतो । उक्को । वणस्सङकालो भवणवासिदेवपुरिसाणं ताव जाव सहस्सारो, जह० अंतो० उक्को० वणस्सङ्कालो । आणयदेवपुरिसाणं भंते ! केवइयं कालं अंतरं होइ ? गोयमा ! जह० वासपुहुत्तं उक्को० वणस्सइकालो, एवं जाव गेवेज्जदेवपुरिसस्सवि । अणुत्तरोववाइयदेवपुरिसस्स जह० वासपुहुत्तं उक्को० संखेजाइं सागरोवमाइं साइरेगाइं अणुत्तराणं अंतरे एक्को आलावओ ॥ ५५ ॥ अप्पाबहुयाणि जहेवित्थिणं जाव एएसि णं भंते ! देवपुरिसाणं भवणवासीणं वाणमंतराणं जोइसियाणं वेमाणियाण य कयरे२हिंतो अप्पा वा बहुया वा तुल्ला वा विसेसाहिया वा? गोयमा! सन्वत्थोवा वेमाणियदेवपुरिसा भवणवइदेवपुरिसा

असंखे॰ वाणमंतरदेवपुरिसा असंखे॰ जोइसियदेवपुरिसा संखेजगुणा ॥ एएसि णं भंते! तिरिक्खजोणियपुरिसाणं जलयराणं थलयराणं खहयराणं मणुरसपुरिसाणं कम्मभमगाणं अकम्मभूमगाणं अंतरदीव ० देवपुरिसाणं भवणवासीणं वाणमन्तराणं जोडिसियाणं वेमाणियाणं सोहम्माणं जाव सव्बद्धसिद्धगाण य कयरे २ हिंतो अप्पा वा बहुगा वा जाव विसेसाहिया वा? गोयमा! सन्वत्थोवा अंतरदीवगमणस्सपरिसा . देवकरूतरकुरअकम्मभूमगमणुस्सपुरिसा दोवि संखेज्ज० हरिवासरम्मगवासअक० दोवि संखेज्जगणा हेमनयहेरण्णनयअकम्म० दोवि संखे० भरहेरनयकम्मभूमगम्ण० दोवि संखे॰ पुन्वविदेहअवरविदेहकम्मभू० दोवि संखे॰ अणुत्तरोववाइयदेवपुरिसा असंखे॰ उवरिमगेविज्जदेवपुरिसा संखेजा० मज्झिमगेविज्जदेवपुरिसा संखेजा० हेट्रिमगेविज्जदेव-परिसा संखेज॰ अच्चयकप्पे देवपुरिसा संखे॰ जाव आणयकप्पे देवपुरिसा संखेज॰ सहस्सारे कप्पे देवपुरिसा असंखे० महासुक्के कप्पे देवपुरिसा असंखे० जाव माहिंदे कप्पे देवपुरिसा असंखे॰ सणंकुमारकप्पे देवपुरिसा असं॰ ईसाणकप्पे देवपुरिसा असंखे॰ सोहम्मे कप्पे देवपुरिसा संखे॰ भवणवासिदेवपुरिसा असंखे॰ खहयरति-रिक्खजोणियपुरिसा असंखे॰ थलयरतिरिक्खजोणियपुरिसा संखे॰ जलयरतिरिक्ख-जोणियप्रिसा असंखे॰ वाणमंतरदेवपुरिसा संखे॰ जोइसियदेवपुरिसा संखेजगुणा ॥ ५६ ॥ परिसवेयस्स णं भंते ! कम्मस्स केवइयं कालं बंधद्रिई पण्णता ? गोयमा ! जह० अद्र संवच्छराणि, उक्को० दस सागरोवमकोडाकोडीओ, दसवाससयाइं अवाहा, अबाहूणिया कम्मिठिई कम्मिणिसेओ ॥ पुरिसवेए णं भंते ! किंपगारे पण्णत्ते ? गोयमा ! वणदविगजालसमाणे पण्णत्ते, सेत्तं पुरिसा ॥ ५० ॥ से किं तं णपुंसगा ? णपुंसगा तिविद्या पण्णत्ता. तंजहा-नेरइयन्षंसगा तिरिक्खजोणियन्षंसगा मणुस्सण्षंसगा ॥ से किं तं नेरइयनप्रंसगा ? नेरइयनप्रंसगा सत्तविहा पण्णता, तंजहा-रयणप्पभापुढ-विनेरइयनपुंसगा सक्करप्पभापुढविनेरइयनपुंसगा जाव अहेसत्तमपुढविनेरइयणपुंसगा, से तं नेरइयणपुंसगा ॥ से किं तं तिरिक्खजोणियणपुंसगा ? २ पंचविहा ५० तं०-एगिंदि॰ बेइंदि॰ तेइंदि॰ चउ॰ पंचिंदियतिरिक्खजोणियणपुंसगा ॥ से किं तं एगिंदि-यतिरिक्खजोणियनपुंसगा? २ पञ्चविहा पण्णत्ता, तं० पु० आ० ते० वा० व० से तं एगिंदियतिरिक्खजोणियणपुंसगा ॥ से किं तं बेइंदियतिरिक्खजोणियणपुंसगा ? २ अणेगविहा पण्णत्ता॰ से तं बेइंदियतिरिक्खजोणिय॰, एवं तेइंदियावि, चउरिंदियावि ॥ से किं तं पंचेंदियतिरिक्खजोणियणपुंसगा? २ तिविहा पण्णत्ता, तंजहा-जलयरा थल्यरा खहयरा। से किं तं जलयरा? २ सो चेव पुव्वित्थिभेदो आसालियसहिओ भाणियव्यो, से तं पंचेंदियतिरिक्खजोणियणपुंसगा ॥ से किं तं मणुस्सनपुंसगा ? २

तिविहा पण्णता, तंजहा-कम्मभूमगा अकम्मभूमगा अंतरदीवगा, भेदो जाव भा० ॥ ५८ ॥ णपंसगरस णं भंते ! केवइयं कालं ठिई पण्णता ? गोयमा ! जह० अंतो० उक्को॰ तेत्तीसं सागरोवमाइं ॥ नेरइयनपंसगस्स णं भंते ! केवइयं कालं ठिई पण्णत्ता ? गोयमा! जह दसवाससहस्साई उक्को तेत्तीसं सागरोवमाई, सव्वेसिं ठिई भाणियन्वा जाव अहेसत्तमापुढविनेरइया । तिरिक्खजोणियणपुंसगस्स णं भंते। केवइयं कालं ठिई प०१ गोयमा! जह० अंतो० उक्को० पुरुवकोडी। एगिंदिय-तिरिक्खजोणियणपंसग० जह० अंतो० उक्को० बावीसं वाससहस्साई, पुढविकाइय-एगिंदियतिरिक्खजोणियणपुंसगस्स णं भंते! केवइयं कालं ठिई पण्णत्ता? गोयमा! जह० अंतो० उक्को० बावीसं वाससहस्साइं, सन्वेसिं एगिंदियणपुंसगाणं ठिई भाणियव्वा, बेइंदियतेइंदियचडरिंदियणपुंसगाणं ठिई भाणियव्वा । पंचिंदियतिरिक्ख-जोणियणपुंसगस्स णं भंते! केवइयं कालं ठिई पण्णता १ गोयमा! जह अंतो० उक्को० प्रव्वकोडी, एवं जलयरतिरिक्खचउप्पयथलयर्उरपरिसप्पभुयपरिसप्पखहयर-तिरिक्ख॰ सन्वेसिं जह॰ अंतो॰ उक्को॰ पुन्वकोडी । मणुस्सणपुंसगरस णं भंते! केवइयं कालं ठिई पण्णता ? गोयमा ! खेतं पडुच जह अंतो अको अपनकोडी, धम्मचरणं पडुच जह० अंतो० उक्को० देसूणा पुन्वकोडी । कम्मभूमगभरहेरवय-पुव्वविदेहअवर्विदेहमणुस्सणपुंसगस्सवि तहेव, अकम्मभूमगमणुस्सणपुंसगस्स णं भंते! केवइयं कालं ठिई पण्णता? गोयमा! जम्मणं पडुच जह अंतो अक्को अंतोमु॰ साहरणं पद्भच जह॰ अंतो॰ उक्को॰ देसूणा पुरुवकोडी. एवं जाव अंतर-दीवगाणं ॥ णपुंसए णं भंते ! णपुंसएति कालओ केवचिरं होइ ? गोयमा ! जहन्नेणं एकं समयं उक्को॰ तरुकालो। णेरइयणपुंसए णं भंते !०१ गोयमा ! जह ॰ दस वाससहस्साई उक्कों वेत्तीसं सागरोवमाइं, एवं पुढवीए ठिई भाणियव्वा । तिरिक्खजोणियणपुंसए णं भंते! ति० १ गोयमा! जह० अंतो० उक्को० वणस्सङ्कालो, एवं एगिंदियण-पुंसगस्स णं, वणस्सङ्काङ्यस्सवि एवमेव, सेसाणं जह० अंतो० उक्को० असंखेजं कार्ल असंखेजाओ उत्सप्पिणिओसप्पिणीओ कालओ, खेत्तओ असंखेजा लोया। बेइंदियतेइंदियचर्रिदियनपुंसगाण य जह० अंतो० उक्को० संखेजं कालं। पंचिंदिय-तिरिक्खजोणियणपुंसए णं भंते !०? गोयमा ! जह० अंतो० उक्को० पुव्वकोडिपुहत्तं। एवं जलयरतिरिक्खचउप्पयथलयरउरपरिसप्पभ्यपरिसप्पमहोरगाणवि । मणुस्सण-पुंसगरस णं भंते !०? खेतं पडुच जह० अंतो० उको० पुव्वकोडिपुहत्तं, धम्मचरणं पडुच जह ० एकं समयं उक्को० देसूणा पुव्यकोडी। एवं कम्मभूमगभरहेरवय-पुव्वविदेहअवरविदेहेसुवि भाणियव्वं । अकम्मभूमगमणुरसणपुंसए णं भंते !०?

गोयमा! जम्मणं पडुच जह० अंतो० उक्को० मुहुत्तपुहुत्तं, साहरणं पडुच जह० अंतो० उक्को॰ देस्णा पुन्वकोडी । एवं सन्वेसिं जाव अंतरदीवगाणं ॥ णपुंसगस्स णं भंते ! केवइयं कालं अंतरं होइ? गोयमा! जह० अंतो० उक्को० सागरोवमसयपुहत्तं साइरेगं। णेरहयणपुंसगस्स णं भंते! केवइयं कालं अंतरं होइ? गोयमा! जह० अंतो॰ उक्को॰ तरुकालो, रयणप्पभापुढवीनेरइयणपुंसगस्स जह॰ अंतो॰ उक्को॰ तरुकालो, एवं सन्वेसिं जाव अहेसत्तमा । तिरिक्खजोणियणपुंसगस्स जह० अंतो० उक्को० सागरोवमसयपुहुत्तं साइरेगं । एगिंदियतिरिक्खजोणियणपुंसगस्स जह० अंतो० उक्को० दो सागरोवमसहस्साइं संखेजनासमन्भिहियाइं, पुढिविआउतेउनाऊणं जह० 🇻 अंतो० उक्को० वणस्सइकालो, वणस्सइकाइयाणं जह० अंतो० उक्को० असंखेजं कालं जाव असंखेजा लोया, सेसाणं वेइंदियाईणं जाव खहयराणं जह० अंतो० उक्को० वणस्सङ्कालो । मणुरसणपुंसगस्स खेत्तं पडुच जह० अंतो० उक्कोसेणं वणस्सङ्कालो, धम्मचरणं पडुच जह० एगं समयं उक्को० अणंतं कालं जाव अवद्वपोग्गलपरियष्टं हेस्णं, एवं कम्मभूमगरसवि भरहेरवयस्स पुव्वविदेहअवरविदेहगस्सवि । अकम्मभूम गमण्रसणपुंसगरस णं भंते ! केवइयं कालं० १ गो० ! जम्मणं पडुच जह० अंती० उक्को० वणस्सइकालो, संहरणं पडुच जह० अंतो० उक्को० वणस्सइकालो एवं जाव अंतरदीवगत्ति ॥ ५९ ॥ एएसि णं भंते ! णेरइयणपुंसगाणं तिरिक्खजोणिय-नपंसगाणं मृणस्सणपुंसगाण य कयरे कयरेहिन्तो जाव विसेसाहिया वा ? गोयमा ! सन्वत्थोवा मणुरसणपुंसगा नेरइयनपुंसगा असंखेजगुणा तिरिक्खजोणियणपुंसगा अणंतगुणा ॥ एएसि णं भंते ! रयणप्पहापुढविणेरइयणपुंसगाणं जाव अहेसत्तमपुढ-विणेरडयणपुंसगाण य कयरे २ हिंतो जाव विसेसाहिया वा ? गोयमा ! सव्वत्थोवा अहेसत्तमपुढविनेर्इयणपुंसगा छद्वपुढविणेर्इयणपुंसगा असंखेजगुणा जाव दोचपुढ-विणेरइयणपुंसगा असंखेजगुणा इमीसे रयणप्पभाए पुढवीए णेरइयणपुंसगा असंखे-जगुणा ॥ एएसि णं भंते ! तिरिक्खजोणियणपुंसगाणं एगिंदियतिरिक्खजोणियण-पुंसगाणं पुढविकाइय जाव वणस्सङ्काइयएगिंदियतिरिक्खजोणियणपुंसगाणं बेइंदि-यतेइंदियचउरिंदियपंचेंदियतिरिक्खजोणियणपुंसगाणं जलयराणं थलयराणं खहयराण य कयरे २ हिन्तो जाव विसेसाहिया वा ? गोयमा! सव्वत्थोवा खहयरतिरिक्ख-जोणियणपुंसगा, थलयरतिरिक्खजोणियनपुंसगा संखेज॰ जलयरतिरिक्खजोणियन-पुंसगा संखेज व चर्रिदियतिरि० विसेसाहिया तेइंदियति० विसेसाहिया बेइंदियति० विसेसा । तेउक्काइयएगिंदियतिरिक्ख । असंखेजगुणा पुढविक्काइयएगिंदियतिरिक्खजो -णिया विसेसाहिया, एवं आउवाउवणस्सइकाइयएगिंदियतिरिक्खजोणियणपुंसगा

अणंतगुणा ॥ एएसि णं भंते ! मणुरसणपुंसगाणं कम्मभूमिणपुंसगाणं अकम्मभूमिण-पुंसगाणं अंतरदीवगाण य कयरे कयरेहिंतो अप्पा वा ४ ? गोयमा ! सव्वत्थोवा अंतरदीवगअकम्मभूमगमणुस्सणपुंसगा देवकुरुउत्तरकुरुअकम्मभूमग० दोवि संखेज-गुणा एवं जाव पुरवविदेहअवरविदेहकम्म० दोवि संखेजगुणा ॥ एएसि णं भंते ! णेरइयणपुंसगाणं रयणप्पभापुढविनेरइयनपुंसगाणं जाव अहेसत्तमापुढविणेरइयण-पुंसगाणं तिरिक्खजोणियणपुंसगाणं एगिंदियतिरिक्खजोणियनपुंसगाणं पुढविकाइय-एगिंदियतिरिक्खजोणियणपुंसगाणं जाव वणस्सइकाइय० बेइंदियतेइंदियचउरिंदिय-पंचिंदियतिरिक्खजोणियणपुंसगाणं जलयराणं थलयराणं खह्यराणं मणुस्सणपुंसगाणं कम्सभ्रामिगाणं अकम्सभ्रामिगाणं अंतरदीवगाण य कयरे २ हिंतो अप्पा वा ४ ? गोयमा ! सन्वत्थोवा अहेसत्तमपुढविणेरइयणपुंसगा छद्वपुढविनेरइयनपुंसगा असंखेजक जाव दोचपुढविणेरइयण्पुं० असंखे० अंतरदीवगमणुस्सणपुंसगा असंखेजगुणा, देव-कुरुउत्तरकुरुअकम्मभूमग० दोवि संखेजगुणा जाव पुव्वविदेहअवरविदेहकम्मभूमग-मणुस्सणपुंसगा दोवि संखेजगुणा, रयणप्पभापुढविणेरइयणपुंसगा असंखे॰ खहयर-पंचेंदियतिरिक्खजोणियनपुंसगा असं० थलयर० संखेजा० जलयर० संखेजागणा चडरिंदियतिरिक्खजोणिय॰ विसेसाहिया तेइंदिय॰ विसे॰ बेइंदिय॰ विसे॰ तेउका-इयएगिंदिय॰ असं॰ पुढविकाइयएगिंदिय॰ विसेसाहिया आउक्काइय॰ विसे॰ वाउका-इय० विसेसा० वणस्सइकाइयएगिंदियतिरिक्खजोणियणपुंसगा अणंतगुणा ॥ ६०॥ णपुंसगवेयस्स णं भंते ! कम्मस्स केवइयं कालं बंधिठई पन्नता ? गोयमा ! जह० सागरोवमस्स दोन्नि सत्तभागा पिलओवमस्स असंखेजइभागेण ऊणगा उक्को० वीसं सागरोवनकोडाकोडीओ, दोण्णि य वाससहस्साइं अबाहा, अबाहृणिया कम्मिटेई कम्मणिसेगो । णपुंसगवेए णं भंते ! किंपगारे पण्णत्ते ? गोयमा ! महाणगरदाहस-माणे पण्णते समणाउसो!, से तं णपंसगा ॥ ६१ ॥ एएसि णं भंते! इत्थीणं प्रिंसाणं नपंसगाण य कयरे रहिंतो अप्पा वा ४ ? गोयमा ! सन्वत्थोवा पुरिसा इत्थीओ संखे॰ णपुंसगा अणंत०। एएसि णं भंते ! तिरिक्खजोणित्थीणं तिरि-क्खजोणियपरिसाणं तिरिक्खजोणियणपुंसगाण य कयरे २ हिंतो अप्पा वा ४? गोयमा! सन्वत्थोवा तिरिक्खजोणियपुरिसा तिरिक्खजोणित्थीओ असंखे० तिरि-क्खजो॰ णपंसगा अणंतगुणा ॥ एएसि णं मंते ! मणुरिसत्थीणं मणुरसपुरिसाणं मणुस्सणपुंसगाण य कयरे २ हिन्तो अप्पा वा ४ ? गोयमा ! सन्व० मणुस्सपुरिसा मणुस्सित्थीओ संखे॰ मणुस्सणपुंसगा असंखेजनुणा ॥ एएसि णं भंते ! देवित्थीणं देवपरिसाणं णेरइयणपुंसगाण य कयरे २ हिंतो अप्पा वा ४ ? गोयमा ! सन्वत्थोवा

ग्रीरहयणपुंसगा देवपुरिसा असं० देवित्थीओ संखेजगुणाओ ॥ एएसि णं भंते ! तिरिक्खजोणित्थीणं तिरिक्खजोणियपुरिसाणं तिरिक्खजो०णपंसगाणं मणस्सित्थीणं मणस्सप्रिसाणं मणुस्सनपुंसगाणं देवित्थीणं देवपुरिसाणं णेरइयणपुंसगाण य कयरे र हिंतो अप्पा वा ४ १ गोयमा ! सव्वत्थोवा मणुस्सपुरिसा मणुस्सित्थीओ संखे० मणस्सणपुंसगा असं ॰ णेरइयणपुंसगा असं ॰ तिरिक्खजोणियपुरिसा असं ॰ तिरि-क्वजोणित्ययाओ संखेज देवपुरिसा असं देवित्थियाओ संखे तिरिक्खजोणि-ग्रणपंसगा अणंतगुणा ॥ एएसि णं भंते ! तिरिक्खजोणितथीणं जलयरीणं थलयरीणं बहुयरीणं तिरिक्खजोणियपुरिसाणं जलयराणं थलयराणं खहुयराणं तिरिक्खजो०-णपंसगाणं एगिंदियतिरिक्खजोणियणपुंसगाणं पुढिवकाइयएगिंदियतिरिक्खजो०-णपंसगाणं जाव वणस्सइकाइय० वेइंदियतिरिक्खजोणियणपुंसगाणं तेइंदिय० चडिरं-दियः पंचेंदियतिरिक्खजोणियणपुंसगाणं जलयराणं थलयराणं खहयराणं कयरे २-हितो जाव विसेसाहिया वा ? गोयमा! सव्वत्थोवा खहयरतिरिक्खजोणियपुरिसा बहुयरतिरिक्खजोणित्थियाओ संखेज॰ थलयरपंचिदियतिरिक्खजोणियपरिसा संबे॰ थलयरपंचिंदियतिरिक्खजोणित्थियाओ संखे॰ जलयरतिरिक्खजो॰पुरिसा संबे॰ जलयरतिरिक्खजोणित्थियाओ संखेजगु॰ खहयरपंचिंदियतिरिक्खजो॰-णपंसगा असंखे॰ थलयरपंचिंदियतिरिक्खजोणियनपुंसगा संखे॰ जलयरपंचेंदिय-तिरिक्खजोणियनपुंसगा संखे० चडरिंदियतिरि० विसेसाहिया तेइंदियणपुंसगा विसेसाहिया बेइंदियणपुंसगा विसेसा० तेउक्काइयएगिदियतिरिक्खजोणियणपुंसगा ण्गिन्दियणपुंसमा अणंतुगुणा ॥ एएसि णं भंते ! मणुस्सित्थीणं कम्मभूमियाणं अकम्मभूमियाणं अंतर्दीवियाणं मणुस्सपुरिसाणं कम्मभूमगाणं अकम्मभूमगाणं अंतरदीवगाणं मणुरसणपुंसगाणं कम्मभूमगाणं अकम्म० अंतरदीवगाण य कयरे २ हिन्तो अप्पा वा ४ ? गोयमा ! अंतरदीविया मणुस्सित्थियाओ मणुस्सपुरिसा य ण्ए णं दोवि तुल्ला सन्वतथोवा देवकुरुउत्तरकुरुअकम्मभूमगमणुस्सित्थियाओ मणुस्स-पुरिसा एए णं दोन्निवि तुल्ला संखे० हरिवासरम्मगवासअकम्मभूमगमणुस्सित्थियाओ मण्रसप्रिसा य एए णं दोन्निवि तुल्ला संखे० हेमनयहेरण्णनयअकम्मभूमगमणुस्सि-त्थियाओ मणुरसपुरिसा य दोवि तुला संखे० भरहेरवयकम्मभूमगमणुरसपुरिसा दोवि संखे॰ भरहेरवयकम्मभूमगमणुस्सित्थियाओ दोनि संखे॰ पुन्विवदेहअवरिवदेह-कम्मभूमगम्णुरसप्रिसा दोवि संखे० पुव्वविदेहअवरविदेहकम्मभूमगमणुरिसित्थ-याओ दोवि संखे॰ अंतरदीवगमणस्सणपंसगा असंखे॰ देवक्रस्उत्तरक्रस्अकम्मभ-

मगमणुस्सणपुंसगा दोवि संखेजगुणा एवं चेव जाव पुव्वविदेहकम्मभूमगमणुस्सण-पंसगा दोवि संखेजगुणा ॥ एयासि णं भंते ! देवितथीणं भवणवासिणीणं वाणमन्त-रीणं जोडसिणीणं वेमाणिणीणं देवपुरिसाणं भवणवासीणं जाव वेमाणियाणं सोहम्म-गाणं जाव गेवेजगाणं अणुत्तरोववाइयाणं णेरइयणपुंसगाणं रयणप्रभापुढविणेरइय-णपुंसगाणं जाव अहेसत्तमपुढविनेरइय० कयरे २ हिंतो अप्पा वा ४ ? गोयमा सन्वत्थोवा अणुत्तरोववाइयदेवपुरिसा उवरिमगेवेज्जदेवपुरिसा संखेजगुणा तं चेव ,जाव आणए कप्पे देवपुरिसा संखेजगुणा अहेसत्तमाए पुढवीए णेरइयणपुंसगा असंखेजगुणा छद्वीए पुढवीए नेरइय० असंखेजगुणा सहस्सारे कप्पे देवपुरिसा असंखेजगुणा महासुक्के कप्पे देवपुरिसा असंखेजगुणा पंचमाए पुढवीए नेरइयणपुंसगा असंखेजगुणा लतए कप्पे देवपुरिसा असंखेजगुणा चउत्थीए पुढवीए नेरइया असंखेज-गुणा बंभलोए कप्पे देवपुरिसा असंखेजगुणा तचाए पुढवीए नेरइय० असंखेजगुणा माहिंदे कप्पे देवपरिसा असंखेजगुणा सणंकुमारकप्पे देवपरिसा असंखेजगुणा दोचाए पुढवीए नेरइया असंखेजगुणा ईसाणे कप्पे देवपुरिसा असंखेजगुणा ईसाणे कप्पे देवित्थियाओ संखेजगुणाओ सोहम्मे कप्पे देवपुरिसा संखेज शिहम्मे कप्पे देवित्थियाओ संखे० भवणवासिदेवपुरिसा असंखेजगुणा भवणवासिदेवित्थियाओ संखेजगुणाओ इमीसे रयणप्पभापुढवीए नेरइया असंखेजगुणा वाणमंतरदेवपुरिसा असंखेजगुणा वाणमंतरदेवित्थियाओ संखेजगुणाओ जोइसियदेवपुरिसा संखेजगुणा जोइसियदेवित्थियाओ संखेजगुणा ॥ एयासि णं मंते ! तिरिक्खजोणित्थीणं जल-यरीणं थलयरीणं खहयरीणं तिरिक्खजोणियपुरिसाणं जलयराणं थलयराणं खहयराणं तिरिक्खजोणियणपुंसगाणं एगिंदियतिरिक्खजोणियणपुंसगाणं पुढविकाइयएगिंदि-यति ॰ जो ॰ णपुंसगाणं आउक्काइयएगिंदियति ॰ जो ॰ णपुंसगाणं जाव वणस्सइकाइय-एगिंदियति ॰ जो ॰ णपुंसगाणं बेइंदियति ॰ जो ॰ णपुंसगाणं तेइंदियति ॰ जो ॰ णपुंसगाणं . चडरिंदियति०जो०णपुंसगाणं पंचेंदियति०जो०णपुंसगाणं जलयराणं थलयराणं खहयराणं मणुस्सित्थीणं कम्मभूमियाणं अकम्मभूमियाणं अंतरदीवियाणं मणुस्स-पुरिसाणं कम्मभूमगाणं अकम्म० अंतरदीवयाणं मणुस्सणपुंसगाणं कम्मभूमगाणं ञकम्मभूमगाणं अंतरदीवगाणं देवित्थीणं भवणवासिणीणं वाणमंतरीणं जोइसिणीणं वेमाणिणीणं देवपुरिसाणं भवणवासीणं वाणमंतराणं जोइसियाणं वेमाणियाणं सोहम्मगाणं जाव गेवेज्जगाणं अणुत्तरोववाइयाणं नेरइयणपुंसगाणं रयणप्यभापुढ-विनेरइयणपुंसगाणं जाव अहेसत्तमपुढविणेरइयणपुंसगाण य कयरे २ हिन्तो अप्पा वा ४ ? गोयमा ! अंतरदीवअकम्मभूमगमणुस्सित्थीओ मणुस्सपुरिसा य

πυ णं दोवि तुल्ला सव्वत्थोवा, देवकुरुउत्तरकुरुअकम्मभूमगमणुस्सइत्थीओ पुरिसा य एए णं दोवि तुह्रा संखे॰ एवं हरिवासरम्मगवास॰ एवं हेमवयएरण्णवय॰ भरहेरवयकम्मभूमगमणुस्सपुरिसा दोवि संखे० भरहेरवयकम्मभूमगमणुस्सित्थीओ संखे॰ पुन्वविदेहअवरविदेहकम्मभूमगमणुस्सपुरिसा दोवि संखे॰ पुन्वविदेहअवर-विदेहकम्म॰मणुस्सित्थियाओ दोवि संखे॰ अणुत्तरोववाइयदेवपुरिसा असंखेजगुणा जवरिमगेवेजदेवपुरिसा संखे० जाव आणए कप्पे देवपुरिसा संखे० अहेसत्तमाए पढवीए नेरइयणपुंसगा असंखे छहीए पुढवीए नेरइयनपुंसगा असं सहस्सारे कप्पे देवपरिसा असंखे॰ महासुक्के कप्पे देव॰ असं॰ पंचमाए पुढवीए नेरडयन-पंसगा असं॰ लंतए कप्पे देवपु॰ असं॰ चडत्थीए पुढवीए नेरइयनपुंसगा असं॰ बंभलोए कप्पे देवपुरिसा असं० तचाए पुढवीए नेरइयण० असं० माहिंदे कप्पे देवपु॰ असंखे॰ सणंकुमारे कप्पे देवपुरिसा असं॰ दोचाए पुढवीए नेरइयनपंसगा असं अंतरदीवगअकम्मभूमगमणुस्सणपुंसगा असंखे वेवकुरुउत्तरकुरुअकम्मभूमग-मणस्सणपुंसगा दोवि संखे० एवं जाव विदेहत्ति, ईसाणे कप्पे देवपुरिसा असं० इसाणकप्पे देवित्थियाओ संखे॰ सोहम्मे कप्पे देवपुरिसा संखे॰ सोहम्मे कप्पे देवित्ययाओ संखेज॰ भवणवासिदेवपुरिसा असंखे॰ भवणवासिदेवित्ययाओ संखेजगुणाओ इमीसे रयणप्पभाए पुढवीए नेरइयणपुंसगा असं० खहयरतिरिक्ख-जोणियपुरिसा असंखेजगुणा खह्यरतिरिक्खजोणित्यियाओ संखे० थलयरतिरिक्ख-जोणियपरिसा संखे॰ थलयरतिरिक्खजोणित्थियाओ संखे॰ जलयरतिरिक्खपुरिसा संखे॰ जलयरतिरिक्खजोणित्थियाओ संखे॰ वाणमंतरदेवपुरिसा संखे॰ वाणमंतर-देवित्ययाओ संखे॰ जोइसियदेवपरिसा संखे॰ जोइसियदेवित्थियाओ संखे॰ खह-यरपंचिदियतिरिक्खजोणियणपुंसगा संखे० थलयरणपुंसगा संखे० जलयरणपुंसगा संखे॰ चडरिंदियणपुंसगा विसेसाहिया तेइंदिय॰ विसेसा॰ बेइंदिय॰ विसेसा॰ तेउकाइयएगिंदियतिरिक्खजोणियणपुंसगा असं० पुढवी० विसेसा० आउ० विसेसा० वाउ० विसेसा० वणप्फङ्काङ्यएगिंदियतिरिक्खजो०णपुंसगा अणंतगुणा ॥ ६२ ॥ इत्थीणं भंते ! केवड्यं कालं ठिडं पण्णता ? गोयमा ! एगेणं आएसेणं जहा पुट्टिं भणियं, एवं पुरिसस्साव नपुंसगरसवि, संचिद्रणा पुणरवि तिण्हंपि जहापुटिंव भणिया. अंतरंपि तिण्हंपि जहाप्रविव भणियं तहा नेयव्वं ॥ ६३ ॥ तिरिक्खजोणित्थियाओ तिरिक्खजोणियपुरिसेहिंतो तिगुणाओ तिरुवाहियाओ मणुस्सित्थयाओ मणुस्सपुरिसे-हिंतो सत्तावीसइगुणाओ सत्तावीसयरुवाहियाओ देवित्थियाओ देवपुरिसेहिंतो बत्ती-सङ्ग्णाओ बत्तीसङ्ख्वाहियाओ सेतं तिविहा संसारसमावण्णगा जीवा पण्णत्ता ॥

तिविहेस होइ भेओ ठिई य संचिट्ठणंतरऽप्पबहुं। वेयाण य बंधिठई वेओ तह किंगगारो उ ॥ १ ॥ ६४ ॥ दोचा तिविहा पिडवत्ती समत्ता ॥

तत्थ जे ते एवमाहंस चउव्विहा संसारसमावण्णगा जीवा पण्णता ते एवमाहंस. तंजहा-नेरइया तिरिक्खजोणिया मणुस्सा देवा ॥ ६५ ॥ से किं तं नेरइया? २ सत्तविहा पण्णता, तंजहा-पढमापुढविनेरइया दोचापुढविनेरइया तचापुढविनेर० चउत्थापुढवीनेर० पंचमापु०नेरइया छद्वापु०नेर० सत्तमापु०नेरइया ॥ ६६ ॥ पढमा णं भंते ! पुढवी किंनामा किंगोत्ता पण्णता? गोयमा ! णामेणं घम्मा गोत्तेणं रयणप्पभा । दोचा णं भंते ! पुढवी किंनामा किंगोत्ता पण्णता ? गोयमा ! णामेणं वंसा गोत्तेणं सक्करप्पभा, एवं एएणं अभिलावेणं सन्वासिं पुच्छा, णामाणि इमाणि सेला तह्या अंजणा चउत्थी रिट्ठा पंचमी मघा छट्टी माघवई सत्तमा जाव तमतमागोत्तेणं पण्णता ॥ ६७ ॥ इमा णं भंते ! रयणप्पभापुढवी केवइया बाहल्लेणं पण्णता ? गोयमा ! इमा णं रयणप्पभापुढवी असिउत्तरं जोयणसयसहस्सं बाहल्लेणं पण्णता, एवं एएणं अभिलावेणं इमा गाहा अणुगंतव्वा—आसीयं बत्तीसं अद्वावीसं तहेव वीसं च । अट्ठारस सोलसगं अट्ठत्तरमेव हिट्ठिमिया ॥ १ ॥ ६८ ॥ इमा णं भंते! रयणप्पभापुढवी कइविहा पण्णत्ता? गोयमा! तिविहा पण्णत्ता, तंजहा-खरकंडे पंकबहुले कंडे आवबहुले कंडे ॥ इमीसे णं मंते। रय॰ पुढ० खरकंडे कइविहे पण्णत्ते? गोयमा! सोलसविहे पण्णत्ते, तंजहा—रयणकंडे १ वहरे २ वेरुलिए ३ लोहियक्खे ४ मसारगल्ले ५ हंसगब्से ६ पुलए ७ सोगंधिए ८ जोइरसे ९ अंजणे १० अंजणपुलए ११ रयए १२ जायरूवे १३ अंके १४ फलिहे १५ रिद्रे १६ कंडे ॥ इमीसे णं भंते ! रयणप्पभापुढवीए रयणकंडे कड्विहे पण्णते ? गोयमा ! एगागारे पण्णत्ते, एवं जाव रिट्ठे । इमीसे णं भंते ! रयणप्पभापुढवीए पंकबहुले कंडे कइविहे पण्णत्ते ? गोयमा ! एगागारे पण्णते । एवं आवबहुळे कंडे कइविहे पण्णते ? गोयमा! एगागारे पण्णते । सक्करप्पभा णं भंते! पुढवी कहविहा पण्णता? गोयमा! एगागारा पण्णता, एवं जाव अहेसत्तमा ॥ ६९ ॥ इमीसे णं भंते! रयणप्पभाए पुढवीए केवइया निरयावाससयसहस्सा पण्णता? गोयमा! तीसं णिरयावाससय-सहस्सा पण्णत्ता, एवं एएणं अभिलावेणं सव्वासि पुच्छा, इमा गाहा अणुगंतव्वा— तीसा य पण्णवीसा पण्णरस दसेव तिष्णि य हवंति । पंचणसयसहरसं पंचेव अणुत्तरा गरगा ॥ १ ॥ जाव अहेसत्तमाए पंच अणुत्तरा महइमहालया महाणरगा पण्णत्ता, तंजहा—काले महाकाले रोरुए महारोरुए अपइद्राणे ॥ ७० ॥ अत्थि णं भंते ! इमीसे रयणप्पभाए पुढवीए अहे घणोदहीइ वा घणवाएइ वा तणुवाएइ वा ओवासंतरेइ वा?

इंता अत्थि, एवं जाव अहेसत्तमाए ॥ ७१ ॥ इमीसे णं भंते ! रयणप्पभाए पुढवीए खरकंडे केवइयं बाहल्लेणं पण्णत्ते ? गोयमा! सोलस जोयणसहस्साइं बाहल्लेणं पन्नते ॥ इमीसे णं भंते ! रयणप्पभाए पुढवीए रयणकंडे केवइयं बाह्रह्रेणं पन्नते ? गोयमा ! एकं जोग्रणसहस्सं बाहल्लेणं पण्णत्ते, एवं जाव रिट्ठे । इमीसे णं भंते ! रय० पु० पंकबहल्ले कंडे केवइयं बाहल्लेणं पत्रते ? गोयमा! चउरसीइजोयणसहस्साई बाहल्लेणं पण्णते । इमीसे णं भंते! रय० पु० आवबहुले कंडे केवइयं बाहुलेणं पन्नते ? गोयमा! असीड-. जोयणसहस्साइं बाह्हेणं पत्रत्ते । इमीसे णं भंते ! रयणप्पभाए पु० घणोदही केवइयं बाह्रक्षेणं पन्नते ? गोयमा ! वीसं जोयणसहस्साइं बाह्रक्षेणं पण्णते । इमीसे णं भंते ! रयः पुः घणवाए केवइयं बाह्हेणं पन्नते ? गोयमा! असंखेजाइं जोयणसहस्साइं बाहल्लेणं पण्णत्ते, एवं तणुवाएऽवि ओवासंतरेऽवि। सक्करप्प० भंते ! पु० घणोदही केव-इयं बाहल्लेणं पण्णते ? गोयमा ! वीसं जोयणसहस्साइं बाहल्लेणं पण्णते । सक्करप्प० पु० घणवाए केवइयं बाहल्लेणं पण्णते १ गोयमा! असंखे॰ जोयणसहस्साई बाहल्लेणं पण्णते. व्वं तणवाएवि, ओवासंतरेवि जहा सकरप्प॰ पु॰ एवं जाव अहेसत्तमा ॥ ७२ ॥ इमीसे णं भंते ! रयणप्प० पु० असीउत्तरजोयणसयसहस्सवाहस्राए खेत्तच्छेएणं क्रिजमाणीए अत्थि दव्वाइं वण्णओ कालनीललोहियहालिद्दसुक्किलाइं गंघओ सुरभि-गंघाइं दुक्भिगंधाइं रसओ तित्तकडुयकसायअंबिलमहराइं फासओ कक्खडमउयगरु-यलहसीयउसिणणिद्रलुक्खाइं संठाणओ परिमंडलवहतंसचउरंसआययसंठाणपरिणयाइं अन्नमन्नवद्धाइं अण्णमण्णपुद्धाइं अण्णमण्णओगाढाइं अण्णमण्णसिणेहपडिबद्धाइं अण्ण-मण्णघडत्ताए चिद्वंति ? हंता अत्थि । इमीसे णं भंते ! रयणप्पभाए प्र॰ खरकंडस्स सोलसजोयणसहस्सबाह्रस्रस्य खेत्तच्छेएणं छिजमाणस्य अत्थि दव्वाइं वण्णओ काल जाव परिणयाई ? हंता अत्थि । इमीसे णं भंते ! रयणप० पु० रयणनामगस्स कंडरस जोयणसहस्सबाहहरस खेत्तच्छेएणं छिजा० तं चेव जाव हंता अत्यि, एवं जाव रिद्रस्स, इमीसे णं भंते ! रयणप्प० पु० पंकबहुलस्स कंडस्स चउरासीइ-जोयणसहस्सबाहल्रस्स खेते तं चेव, एवं आवबहुळस्सवि असीइजोयणसहस्सबाहल्रस्स। इमीसे णं भंते ! रयणप्प० पु० घणोदहिस्स वीसं जोयणसहस्सवाहस्रस खेतच्छेएण तहेव । एवं घणवायस्य अंसखेजजोयणसहस्तबाहुह्रस्स तहेव, ओवासंतरस्सवि तं चेव ॥ सक्करप्पभाए णं भंते ! पु० बत्तीमुत्तरजोयणसयसहस्सबाहस्रस् खेतच्छेएण छिजमाणीए अत्थि दव्वाइं वण्णओ जाव घडताए चिद्नंति ? हंता अत्थि, एवं घणोदहिस्स वीसजोयणसहस्सबाह्रष्ठस्स घणवायस्स असंखेजजोयणसहस्सबाह्रष्ठस्स. एवं जाव ओवासंतरस्स, जहा सक्करप्पभाए एवं जाव अहेसत्तमाए॥ ७३॥

इमा णं भंते! रयणप्प॰ पु॰ किंसंठिया पण्णत्ता? गोयमा! झहरिसंठिया पण्णत्ता। इमीसे णं भंते ! रयणप्प० प० खरकंडे किसंठिए पण्णते ? गोयमा ! झहरिसंठिए पण्णते । इमीसे णं भंते ! रयणप्प० पु० रयणकंडे किंसंटिए पण्णते ? गोयमा ! झहरि संठिए पण्णते, एवं जाव रिद्रे, एवं पंकबहलेवि, एवं आवबहलेवि घणोदहीवि घणवाएवि तण्याएवि ओवासंतरेवि, सञ्वे झह्ररिसंठिया पण्णत्ता । सक्ररप्पभा णं भंते! पुढवी किसंठिया पण्णता ? गोयमा! झह्रारेसंठिया पण्णता, सकरप्पभापुढवीए घणोदही किसंठिए पण्णते ? गोयमा ! झहरिसंठिए पण्णते, एवं जाव ओवासंतरे. जहां सकरप्पभाए वत्तव्वया एवं जाव अहेसत्तमाए ॥ ७४ ॥ इमीसे णं भंते! रयणप्प॰ पुढवीए पुरत्थिमिल्लाओ चरिमंताओ केवइयं अबाहाए लोयंते पण्णते ? गोयमा! दुवालसिंहं जोयणेहिं अबाहाए लोयंते पण्णत्ते, एवं दाहिणिल्लाओ पचित्य-मिल्लाओ उत्तरिल्लाओ । सक्करप्प॰ पु॰ पुरिश्यमिल्लाओं चरिमंताओं केवड्यं अबाहाए लोयंते पण्णते ? गोयमा! तिभागणेहिं तेरसिंहं जोयणेहिं अबाहाए लोयंते पण्णते, एवं चउ हिसिंपि। वालुयप्प० पु० पुरत्थिमिल्लाओ पुच्छा, गोयमा! सित्भागेहिं तेरसिंहं जोयणेहिं अबाहाए लोयंते पण्णते, एवं चउद्दिसिंपि, एवं सन्वासिं चउस्वि दिसास पुच्छियव्वं। पंकप्प० चोद्दसिं जोयणेहिं अबाहाए लोयंते पण्णते। पंचमाए तिभागणेहिं पन्नरसिंहं जोयणेहिं अबाहाए लोयंते पण्णते । छद्रीए सितभागेहिं पन्नरसिंहं जोयणेहिं अबाहाए लोयंते पण्णते । सत्तमीए सोलसिंहं जोयणेहिं अबाहाए लोयंते पण्णते. एवं जाव उत्तरिह्नाओ ॥ इमीसे णं भंते ! रयण० पु० पुरत्थिमिह्ने चरिमंते कइविहे पण्णते ? गोयमा ! तिविहे पण्णते, तंजहा—घणोदहिवलए घणवायवलए तण्याय-वलए । इमीसे णं भंते ! र्यणप्प॰ पु॰ दाहिणिले चरिमंते कइविहे पण्णते ? गोयमा ! तिविहे पण्णते, तंजहा-एवं जाव उत्तरिल्ले, एवं सञ्वासि जाव अहेसत्तमाए उत्तरिहे ॥ ७५ ॥ इमीसे णं भंते! रयणप्प॰ पुढवीए घणोदहिवलए केवइयं बाह्हेणं पण्णते ? गोयसा ! छ जोयणाणि बाह्हेणं पण्णते । सक्करप्प० पु० घणोद-हिवलए केवइयं बाहल्लेणं पण्णते ? गोयमा! सतिभागाई छजोयणाई बाहल्लेणं पण्णते । वालुयप्पभाए पुच्छा, गोयमा! तिभागूणाई सत्त जोयणाई बाह्ह्रेणं प० । एवं एएणं अभिलावेणं पंकप्पभाए सत्त जोयणाई बाहल्लेणं पण्णते । धूमप्पभाए सतिभागाई सत्त जोयणाई बा॰ पण्णते । तमप्पभाए तिभागूणाई अहु जोयणाई । तमतमप्पभाए अह जोयणाई ॥ इमीसे णं भंते ! रयणप्प० पु० घणवायवळए केवड्यं बाहक्षेणं पण्णते १ गोयमा! अद्धपंचमाई जोयणाई बाहल्लेणं । सक्तरप्पभाए पुच्छा, गोयमा! कोस्णाई पंच जोयणाई बाह्रह्रेणं पण्णत्ते, एवं एएणं अभिलावेणं वालुयप्पभाए पंच जोयणाई

बाहल्लेणं पण्णत्ते, पंकप्पभाए सक्कोसाई पंच जोयणाई बाहल्लेणं पण्णते । ध्रमप्प-भाए अद्भुछद्राइं जोयणाइं बाह्ह्रेणं पन्नत्ते, तमप्पभाए कोसणाइं छजोयणाइं बाहहें पण्णते, अहेसत्तमाए छजोयणाई बाहहें पण्णते ॥ इमीसे णं भंते! ज्यणप्प॰ प॰ तणुवायवलए केवइयं बाहल्लेणं पण्णत्ते ? गोयमा ! छक्कोसेणं बाहल्लेणं क्काते. एवं एएणं अभिलावेणं सङ्गरप्पभाए सतिभागे छक्कोसे बाहर्रेणं पण्णते । वाल-जप्पभाए तिभागणे सत्तकोसे बाहल्लेणं पण्णते । पंकप्पभाए पुढवीए सत्तकोसे बाहल्लेणं चण्णते । धमप्पभाए सितभागे सत्तकोसे । तमप्पभाए तिभागूणे अद्रकोसे बाहक्षेणं यन्ते । अहेसतमाए पुढवीए अहुकोसे बाह्न्छेणं पण्णते ॥ इमीसे णं भंते ! रयणप्प० प॰ घणोदहिवलयस्स छज्जोयणबाहल्लस्स खेत्तच्छेएणं छिज्जमाणस्स अत्थि दव्वाई वण्णओ काल जाव हंता अस्थि। सक्करप्पभाए णं भंते! पु० घणोदहिवलयस्स सितभागछजोयणबाहल्रस खेतच्छेएणं छिज्जमाणस्स जाव हंता अत्थि, एवं जाव अहेसत्तमाए जं जस्स बाहलं । इमीसे णं भंते ! रयणप्प० प० घणवायवलयस्स अद्भपंचमजोयणवाहस्रस्य खेत्तछेएणं छि० जाव हंता अत्थि, एवं जाव अहेसत्तमाए जं जस्स बाहछं । एवं तणुवायवलयरसवि जाव अहेसत्तमा जं जरस बाहछं ॥ इमीसे णं मंते! रयणप्यभाए पुढवीए घणोदहिवलए किंसंठिए पण्णते? गोयमा! बहे वलया-गारसंठाणसंठिए पण्णते जे णं इमं रयणप्पभं पुढविं सव्वओ० संपरिक्खिवित्ताणं चिद्रइ. एवं जाव अहेसत्तमाए पु० घणोदहिवलए, णवरं अप्पणप्पणं पुढविं संपरिक्खि-वित्ताणं चिद्रह । इमीसे णं रयणप्प० पु० घणवायवलए किसंठिए पण्णते ? गोयमा ! बहे बलयागारे तहेव जाव जे णं इमीसे रयणप्प॰ पु॰ घणोदहिबलयं सन्वओ समंता संपरिक्खिवताणं चिद्रइ एवं जाव अहेसत्तमाए घणवायवलए । इमीसे णं भंते! रयणप्प॰ पु॰ तणुवायवलए किंसंठिए पण्णत्ते? गोयमा! बहे बलयागार-संठाणसंठिए जाव जेणं इमीसे रयणप्प॰ पु॰ घणवायवलयं सव्वओ समंता संपरिक्खिवताणं चिद्रइ. एवं जाव अहेसत्तमाए तणुवायवलए॥ इमा णं भंते! र्यणप्प॰ पु॰ केवइयं आयामविक्खंभेणं प॰ १ गोयमा ! असंखेजाइं जोयणसहस्साइं आयामविक्खंभेणं असंखेजाईं जोयणसहस्साईं परिक्खेवेणं पण्णता. एवं जाव अहे-सत्तमा ॥ इमा णं भंते ! रयणप्प० पु० अंते य मज्झे य सव्वत्थ समा वाहक्षेणं पण्णत्ता ? हंता गोयमा ! इमा णं रयण० पु० अंते य मज्झे य सन्वत्थ समा बाहक्षेणं, एवं जाव अहेसत्तमा ॥ ७६ ॥ इमीसे णं भंते! रयणप्प॰ पु॰ सव्वजीवा उववण्णपुर्वा ? सन्वजीवा उववण्णा ?, गोयमा ! इमीसे णं रय० पु० सन्वजीवा उववण्णपुरुवा नो चेव णं सञ्बजीवा उववण्णा. एवं जाव अहेसत्तमाए पुढवीए।।

इमा णं भंते! रयण० पु० सन्वजीवेहिं विजढपुन्वा? सन्वजीवेहिं विजढा?, गोयमा! इसा णं रयण० पु० सन्वजीवेहिं विजढपुन्वा नो चेव णं सन्वजीवविजढा, एवं जाव अहेसत्तमा ॥ इमीसे णं भंते ! रयण० पु० सव्वपोग्गला पविद्वपुव्वा ? सव्व-पोगगला पविद्वा ?, गोयमा ! इमीसे णं रयण० पुढवीए सव्वपोगगला पविद्वपुव्वा नो चेव णं सव्वपोग्गला पविद्रा, एवं जाव अहेसत्तमाए पुढवीए ॥ इमा णं भंते ! रयणप्पभा पुढवी सन्त्रपोग्गलेहिं विजढपुन्वा ? सन्वपोग्ग० विजढा ?, गोयमा ! इमा णं रयणप्पभा पु० सञ्वपोग्गलेहिं विजहपुन्वा नो चेव णं सन्वपोग्गलेहिं विजढा, एवं जाव अहेसत्तमा ॥ ७७ ॥ इमा णं मंते ! रयणप्पभा पढवी किं. सासया असासया ? गोयमा ! िसय सासया सिय असासया ॥ से केणद्रेणं भंते ! एवं वृच्चइ-सिय सासया सिय असासया ? गोयमा ! दव्बद्वयाए सासया, वण्ण-पज्जवेहिं गंधपज्जवेहिं रसपज्जवेहिं फासपज्जवेहिं असासया, से तेणद्रेणं गोयमा ! एवं वचड-तं चेव जाव सिय असासया, एवं जाव अहेसत्तमा ॥ इमा णं भंते ! रयणप्पभा पु० कालओ केविचरं होइ? गोयमा! न कयाइ ण आसि ण कयाइ णत्थि ण क्रयाइ ण भविस्सइ भुविं च भवइ य भविस्सइ य धुवा णियया सासया अक्खया अन्वया अवद्विया णिचा एवं जाव अहेसत्तमा ॥ ७८ ॥ [इमीसे णं भंते! रयणप्पभाए पुढवीए उवरिह्नाओ चरिमंताओ हेट्टिहे चरिमंते एस णं केवइयं अबाहाए अंतरे पण्णते ? गोयमा! असिउत्तरं जोयणसयसहस्सं अबाहाए अंतरे पण्णते । इमीसे णं भंते ! रयण० पु० उवरिह्नाओ चरिमंताओ खरस्स कंडरस हेद्रिले चिरमंते एस णं केवइयं अबाहाए अंतरे पण्णत्ते ? गोयमा ! सोलस जोयणसहस्साईं अबाहाए अंतरे पण्णत्ते इमीसे णं भंते ! रयणप्पभाए पढवीए उव-रिल्लाओ चरिमंताओ रयणस्य कंडस्स हेद्रिले चरिमंते एस णं केवइयं अबाहाए अंतरे पण्णते ? गोयमा ! एकं जोयणसहस्सं अबाहाए अंतरे पण्णते ॥ इमीसे णं भंते ! रयण० पु० उवरिल्लाओ चरिमंताओ वइरस्स कण्डस्स उवरिल्ले चरिमंते एस णं केवइयं अबाहाए अंतरे पण्णते ? गोयमा ! एकं जोयणसहस्सं अबाहाए अंतरे प०॥ इमीसे णं भंते ! रयण० पु० उवरिक्षाओ चरिमंताओ वइरस्स कंडस्स हेट्रिक्ले चरिमंते एस णं केवइयं अबाहाए अंतरे प॰ ? गोयमा ! दो जोयणसहस्साइं इमीसे णं० अबाहाए अंतरे पण्णत्ते, एवं जाव रिद्रस्स उवरिल्ले पन्नरस जोयणसहरूसाई, हेड्डिले चरिमंते सोलस जीयणसहरसाई ॥ इमीसे णं भंते ! रयणप० प० उनरि-ल्लाओ चरिमंताओ पंकबहुलस्स कंडस्स उवरिल्ले चरिमंते एस णं अबाहाए केव्इयं अंतरे पण्णते ? गोयमा ! सोलस जोयणसहस्साइं अबाहाए अंतरे पण्णते । हेद्रिक्टे

चरिमंते एकं जोयणसयसहस्सं आवबहुलस्स उविर एकं जोयणसयसहस्सं हेद्रिले चरिमंते असीउत्तरं जोयणसयसहस्सं । घणोदहिउवरिक्ते असिउत्तरजोयणसयसहस्सं ट्टेटिक्के चरिमंते दो जोयणसयसहस्साइं। इमीसे णं भंते! रयण० पुढ० घणवायस्स उनिहें चरिमंते दो जोयणसयसहस्साइं। हेट्रिले चरिमंते असंखेजाइं जोयणसयस-हस्साइं। इमीसे णं भंते ! रयण० पु० तणुवायस्स उवरिक्षे चरिमंते असंखेजाइं जोयणसयसहस्साई अबाहाए अंतरे हेट्ठिलेवि असंखेजाई जोयणसयसहस्साई, एवं ओवासंतरेवि ॥ दोचाए णं भंते ! पुढवीए उविरक्षाओ चरिमंताओ हेड्रिक्टे चिरमंते एस णं केवइयं अबाहाए अंतरे पण्णते ? गोयमा ! बत्तीसुत्तरं जोयणसयसहस्सं अबाहाए अंतरे पण्णते । सक्करप्प० पु० उवरि घणोदहिस्स हेट्टिले चरिमंते बाव-ण्तरं जोयणसयसहस्सं अबाहाए०। घणवायस्स असंखेजाइं जोयणसयसहस्साइं पण्णताइं। एवं जाव उवासंतरस्सवि जाव अहेसत्तमाए, णवरं जीसे जं बाहल्लं तेण क्योदही संबंधेयव्यो बुद्धीए । सक्करप्पभाए अणुसारेणं घणोदहिसहियाणं इमं प्माणं ।। तचाए अडयालीसुत्तरं जोयणसयसहस्सं । पंकप्पभाए पुढवीए चताली-स्तरं जोयणसयसहस्सं । धूमप्पभाए पु० अद्वतीसुत्तरं जोयणसयसहस्सं । तमाए पु० क्रतीसत्तरं जोयणसयसहस्सं । अहेसत्तमाए पु० अट्टावीसृत्तरं जोयणसयसहस्सं जाव अहेसत्तमाए णं भंते! पुढवीए उवरिल्लाओ चरिमंताओ उवासंतरस्स हेड्लिले चरिमंते केवडयं अबाहाए अंतरे पण्णत्ते ? गोयमा ! असंखेजाइं जोयणसयसहस्साइं अबाहाए अंतरे पण्णते ॥ ७९ ॥ इमा णं भंते ! रयणप्पभा पुढवी दोचं पुढविं पणिहाय बाहल्लेणं किं तुल्ला विसेसाहिया संखेजगुणा ? वित्थरेणं किं तुल्ला विसेसहीणा संखेज-गुणहीणा ?, गोयमा ! इमा णं रयण० पु० दोचं पुढविं पणिहाय बाहक्लेणं नो तुल्ला विसेसाहिया नो संखेजनुणा, वित्यारेणं नो तुल्ला विसेसहीणा णो संखेजनुणहीणा । दोचा णं भंते ! पुढवी तच्चं पुढविं पणिहाय बाहुहेलं किं तुहा एवं चेव भाणियव्वं। एवं तचा चउतथी पंचमी छट्टी । छट्टी णं भंते ! पुढवी सत्तमं पुढविं पणिहाय बाहल्लेणं किं तुल्ला विसेसाहिया संखेजगुणा ? एवं चेव भाणियव्वं । सेवं भंते ! २ ॥ ८० ॥ पढमो नेरइयउहेसो समत्तो॥

कइ णं भंते ! पुढवीओ पण्णत्ताओ ? गोयमा ! सत्त पुढवीओ पण्णत्ताओ, तंजहा—रयणप्पभा जाव अहेसत्तमा ॥ इमीसे णं भंते ! रयणप्प० पु० असी—उत्तरजोयणसयसहस्सवाहाहाए उविर केवइयं ओगाहित्ता हेट्ठा केवइयं विज्ञत्ता मज्झे केवइए केवइया निरयावाससयसहस्सा पण्णता ? गोयमा ! इमीसे णं रयण० पु० असीडत्तरजोयणसयसहस्सवाहाहाए उविर एगं जोयणसहस्सं ओगाहित्ता हेट्ठावि

एगं जोयणसहस्सं वजेता मज्झे अडसत्तरी जोयणसयसहस्सा, एत्थ णं रयणप्पभाए पु॰ नेरइयाणं तीसं निरयावाससयसहस्साई भवंतित्तिमक्खाया ॥ ते णं णरगा अंतो बहा बाहिं चडरंसा जाव असुभा णरएस वेयणा, एवं एएणं अभिलावेणं उवजंजिऊण भाणियव्वं ठाणप्पयाणसारेणं, जत्थ जं बाहक्षं जत्थ जत्तिया वा नरयावाससयस-हस्सा जाव अहेसत्तमाए पुढवीए, अहेसत्तमाए मज्झिमं केवइए कइ अणुत्तरा महइ-महालया महाणिरया पण्णता एवं पुच्छियव्वं वागरेयव्वंपि तहेव छिडिसत्तमासु काऊ य अगणिवण्णामा भाणियव्वा ॥ ८१ ॥ इमीसे णं भंते ! रयणप्पभाए पुढवीए णरगा किसंठिया पण्णत्ता ? गोयमा ! दुविहा पण्णत्ता, तंजहा—आवलियपविद्वा य आविलयबाहिरा य, तत्थ णं जे ते आविलयपविद्वा ते तिविहा पण्णत्ता, तंजहा-वहा तंसा चडरंसा, तत्थ णं जे ते आविलयबाहिरा ते णाणासंठाणसंठिया पण्णता. तंजहा-अयकोद्रसंठिया पिद्रपयणगसंठिया कंड्रसंठिया लोहीसंठिया कडाहसंठिया थालीसंठिया पिहडगसंठिया किमियडसंठिया किन्नपुडगसंठिया उडवसंठिया सुरव-संठिया मुयंगसंठिया नंदिमुयंगसंठिया आलिंगयसंठिया सुघोससंठिया दहरयसंठिया पणवसंठिया पडहसंठिया मेरिसंठिया झहरीसंठिया कुतुंबगसंठिया नालिसंठिया. एवं जाव तमाए ॥ अहेसत्तमाए णं भंते ! पुढवीए णरगा किसंठिया पण्णत्ता ? गोयमा ! दुविहा पण्णता, तंजहा—वृहे य तंसा य ॥ इमीसे णं भंते ! रयणप्पभाए पुढवीए नरगा केवइयं बाहल्लेणं पण्णत्ता ? गोयमा ! तिण्णि जोयणसहस्साइं बाहल्लेणं पण्णत्ता, तंजहा—हेट्टा घणा सहस्सं मज्झे झुसिरा सहस्सं उप्पि संकुइया सहस्सं, एवं जाव अहेसत्तमाए॥ इमीसे णं भंते! रयणप्प० पु० नरगा केवइयं आयामविक्खंभेणं केवइयं परिक्खेवेणं पण्णत्ता? गोयमा! दुविहा पण्णत्ता, तंजहा—संखेजवित्थडा य असंखेजवित्थडा य, तत्थ णं जे ते संखेजवित्थडा ते णं संखेजाई जोयणसहस्साई आयामविक्खंभेणं संखेजाइं जोयणसहस्साइं परिक्खेवेणं पण्णत्ता तत्थ णं जे ते असंखेजवित्यडा ते णं असंखेजाई जोयणसहस्साई आयामविक्खंभेणं असंखेजाई जोयणसहस्साइं परिक्खेवेणं पण्णत्ता एवं जाव तमाए, अहेसत्तमाए णं भंते ! पुच्छा, गोयमा दुविहा पण्णत्ता. तंजहा—संखेजवित्थडे य असंखेजवित्थडा य. तत्थ णं जे ते संखेजवित्यडे से णं एकं जोयणसयसहस्सं आयामविक्खंभेणं तिन्नि जोयण-सयसहस्साईं सोलस सहस्साईं दोन्नि य सत्तावीसे जोयणसए तिन्नि कोसे य अट्टावीसं च धणुसयं तेरस य अंगुलाई अद्भंगलयं च किंचिविसेसाहिए परिक्खेवेणं पण्णते. तत्थ णं जे ते असंखेजवित्थडा ते णं असंखेजाई जोयणसयसहस्साई आयाम-विक्लंभेणं असंखेजाई जाव परिक्लेवेणं पण्णता ॥ ८२ ॥ इमीसे णं भंते ! रयण-

प्यमाए पुढवीए नरया केरिसया वण्णेणं पण्णत्ता? गोयमा! काला कालोभासा गंभीरलोमहरिसा भीमा उत्तासणया परमिकण्हा वण्णेणं पण्णत्ता, एवं जाव अहेसत्त-माए।। इमीसे णं भंते! रयणप्पभाए पुढवीए णरगा केरिसया गंधेणं पण्णता? गोयमा! से जहाणामए अहिमडेइ वा गोमडेइ वा सुणगमडेइ वा मजारमडेइ वा मणस्समडेइ वा महिसमडेइ वा मूसगमडेइ वा आसमडेइ वा हिस्यमडेइ वा सीहमडेड वा वाचमडेइ वा विगमडेइ वा दीवियमडेइ वा मयकुहियचिर्विणद्रकुणिमवावण्ण-हिंभगंघे असुइविलीणविगयबीभत्थदरिसणिजे किमिजालाउलसंसत्ते. भवेगारूवे ्रिया ^१, णो इणद्वे समद्वे, गोयमा ! इमीसे णं रयणप्पभाए पुढवीए णरगा एत्तो अणिद्रतरगा चेव अकंततरगा चेव जाव अमणामतरगा चेव गंधेणं पण्णता. एवं जाव अहेसत्तमाए पुढवीए ॥ इमीसे णं भंते! रयणप्प० पु० णरया केरिसया फासेणं पण्णता ? गोयमा ! से जहानामए असिपत्तेइ वा खरपत्तेइ वा कलंबचीरि-ग्रापत्तेइ वा सित्तरगेइ वा कुंतरगेइ वा तोमररगेइ वा नारायरगेइ वा सूलरगेइ वा ठउठागेइ वा भिंडिमालग्गेइ वा स्ट्कलावेइ वा कवियच्छूइ वा विंचुयकंटएइ वा इंगालेड वा जालेड वा सुम्मुरेड वा अचीड वा अलाएड वा सुद्धागणीड वा. भवे एयारूवे सिया ?, णो इणहे समहे, गोयमा! इमीसे णं रयणप्पभाए पुढवीए गरगा एतो अणिद्वतरगा चेव जाव अमणामतरगा चेव फासेणं पण्णता, एवं जाव अहेसत्तमाए पुढवीए ॥ ८३ ॥ इमीसे णं भंते! रयणप्पभाए पुढवीए नरगा केमहालया पण्णत्ता ? गोयमा ! अयण्णं जंबुद्दीवे २ सन्वदीवसमुद्दाणं सन्वब्भंतरए सन्बखुद्वाए वहे तेल्लापुवसंठाणसंठिए वहे रहचकवालसंठाणसंठिए वहे पुक्खरकण्णि-यासंठाणसंठिए वट्टे पिडिपुण्णचंदसंठाणसंठिए एक्कं जोयणसयसहस्सं आयामविक्खं-मेणं जाव किंचिविसेसाहिए परिक्खेवेणं. देवे णं महिष्टिए जाव महाणुभागे जाव इणामेव इणामेवित्तिकदू इमं केवलकप्पं जंबुद्दीवं २ तिहिं अच्छरानिवाएहिं तिसत्त-खुतो अणुपरियहिताणं हव्वमागच्छेजा, से णं देवे ताए उक्किहाए तुरियाए चवलाए चंडाए सिम्घाए उद्भ्याए जयणाए छेयाए दिन्वाए दिन्वगईए वीइवयमाणे २ जहण्णेणं एगाहं वा द्याहं वा तियाहं वा उक्कोसेणं छम्मासेणं वीइवएजा, अत्थेगइए वीइवएजा अत्थेगइए नो वीइवएजा, एमहालया णं गोयमा! इमीसे णं रयणप्यभाए पढ़वीए णर्गा पण्णता. एवं जाव अहेसत्तमाए, णवरं अहेसत्तमाए अत्थेगइयं नर्गं वीइवएजा. अत्थेगइए नर्गे नो वीइवएजा ॥ ८४ ॥ इमीसे णं भंते! रयणप्पभाए पुढवीए णरगा किंमया पण्णता? गोयमा! सन्ववइरामया पण्णता, तत्थ णं नरएस बहवे जीवा य पोग्गला य अवक्रमंति विउक्रमंति चयंति

उववजाति, सासया णं ते णरगा दन्वड्ठयाए वण्णपज्जवेहिं गंधपज्जवेहिं रसपज्जवेहिं फासपज्जवेहिं असासया, एवं जाव अहेसत्तमाए ॥ ८५ ॥ इमीसे णं भंते ! रयणप्-भाए पुढवीए नेरइया कओहिंतो उववजाति किं असण्णीहिंतो उववजाति सरीसिवेहिंतो उनवजाति पक्खीहिंतो उनवजाति चउप्पएहिंतो उनवजाति उरगेहिंतो उनवजाति इत्थियाहिंतो उववजांति मच्छमणुएहिंतो उववजांति ? गोयमा ! असण्णीहिंतो उववर्जाति जाव मच्छम्णुएहिंतोवि उववर्जाति, असण्णी खलु पढमं दोचं च सरीसिवा तइय पक्खी । सीहा जंति चडिंथ उरगा पुण पंचिमं जंति ॥ १ ॥ छिंद्रं च इत्थियाओ मच्छा मणुया य सत्तमिं जंति । जाव अहेसत्तमाए पुढवीए नेरझ्या णो असण्णीहिंतो उववजांति जाव णो इत्थियाहिंतो उववजांति मच्छमणुस्सेहिंतो उवव-जांति ॥ इमीसे णं भंते ! रयणप्प० पु० णेरइया एकसमएणं केवइया उववजांति ? गोयमा! जहण्णेणं एको वा दो वा तिश्वि वा उक्कोसेणं संखेजा वा असंखेजा वा उववर्जात, एवं जाव अहेसत्तमाए ॥ इमीसे णं भंते ! रयणप्प० पढवीए णेरइया समए समए अवहीरमाणा अवहीरमाणा केवइकालेणं अवहिया सिया ? गोयमा ! ते णं असंखेजा समए समए अवहीरमाणा अवहीरमाणा असंखेजाहिं उस्सप्पिणीओ-सिपणीहिं अवहीरंति नो चेव णं अवहिया सिया जाव अहेसत्तमा ॥ इमीसे णं भंते! रयणप्प० पु० णेरइयाणं केमहालिया सरीरोगाहणा पण्णता? गोयमा! दुविहा सरीरोगाहणा पण्णता, तंजहा-भवधारणिजा य उत्तरवेउव्विया य. तत्थ णं जा सा भवधारणिजा सा जहन्नेणं अंगुलस्स असंखेजइभागं उक्कोसेणं सत्त धणूई तिण्णि य रयणीओ छच अंगुलाई, तत्थ णं जे से उत्तरवेउव्विए से जह० अंगुलस्स संखेजइमागं उक्को० पण्णरस घण्डं अब्राइजाओ रयणीओ. दोचाए भवधारणिजे जहण्णओ अंगुलासंखेजइभागं उक्को० पण्णरस धणूइं अङ्गाइजाओ रयणीओ उत्तरवेउ-व्विया जह ॰ अंगुलस्स संखेजइभागं उक्को ॰ एकतीसं धणूई एका रयणी, तचाए भवधारणिजे एकतीसं धणूइं एका रयणी, उत्तरवेउन्विया बासिट्ठं धणूइं दोणिण रयणीओ, चउत्थीए भवधारणिजे बासिंह धणूई दोण्णि य रयणीओ, उत्तरवेडिव्वया पणवीसं धणुसयं, पंचमीए भवधारणिजे पणवीसं धणुसयं, उत्तरवे० अङ्गाइजाई धणुसयाइं, छट्टीए भवधारणिजा अङ्काङ्जाइं धणुसयाइं, उत्तरवेउव्विया पंचधणुस-याई, सत्तमाए भवधारणिजा पंचधणुसयाई उत्तरवेउव्विए धणुसहस्सं ॥ ८६ ॥ इमीसे णं भंते ! रयणप्प० पु० णेरइयाणं सरीरया किंसंघयणी पण्णता १ गोयमा ! छण्हं संघयणाणं असंघयणी, णेवट्ठी णेव छिरा णवि ण्हारू णेव संघयणमित्य, जे पोग्गला अणिद्रा जाव अमणामा ते तेसिं सरीरसंघायत्ताए परिणमंति, एवं जाव

अद्वेसत्तमाए ॥ इमीसे णं भंते ! रयण० पु० नेरइयाणं सरीरा किंसंठिया पण्णत्ता ? नोग्रमा! दुविहा पण्णत्ता तंजहा—भवधारणिजा य उत्तरवेउव्विया य, तत्थ णं जे ने भवधारणिजा ते हुंडसंठिया पण्णत्ता, तत्थ णं जे ते उत्तरवेउव्विया तेवि इंडसंठिया पण्णत्ता, एवं जाव अहेसत्तमाए ॥ इमीसे णं भंते ! रयण० प० णेर-र्याणं सरीरगा केरिसया वण्णेणं पण्णता ? गोयमा ! काला कालोभासा जाव क्रमिकण्हा वण्णेणं पण्णत्ता, एवं जाव अहेसत्तमाए ॥ इमीसे णं भंते रयण० प० क्रेन्ड्याणं सरीरया केरिसया गंधेणं पण्णता ? गोयमा ! से जहानामए अहिमडेड वा तं चेव जाव अहेसत्तमा ॥ इमीसे णं भंते ! रयण० पु० नेरइयाणं सरीरया क्रीसया फासेणं पण्णता ? गोयमा! फुडियच्छविविच्छविया खरफरुसझामझसिरा क्रसेणं पण्णता, एवं जाव अहेसत्तमा ॥ ८७ ॥ इमीसे णं भंते ! रयणप्पभाए पढबीए णेरइयाणं केरिसया पोग्गळा ऊसासत्ताए परिणमंति ? गोयमा ! जे पोग्गळा अणिटा जाव अमणामा ते तेसिं ऊसासत्ताए परिणमंति, एवं जाव अहेसत्तमाए. गवं आहारस्तिव सत्तस्ति ॥ इमीसे णं भंते ! रयण० पु० नेरइयाणं कइ छेसाओ . कणताओ १ गोयमा ! एका काउछेसा पण्णत्ता, एवं सक्करप्पभाएऽवि, वाळुयप्पभाए ण्च्छा. गोयमा ! दो लेसाओ पण्णत्ताओ तं०—नीललेसा य काउलेसा य, तत्थ जे क्रउलेसा ते बहतरा जे णीललेस्सा पण्णता ते थोवा, पंकप्पभाए पुच्छा, एका नीठहेसा पण्णत्ता, धूमप्पभाए पुच्छा, गोयमा ! दो हेस्साओ पण्णत्ताओ, तंजहा— किन्हलेस्सा य नीललेस्सा य, ते बहुतरगा जे नीललेस्सा, ते थोवतरगा जे किन्ह-हेसा. तमाए पुच्छा, गोयमा ! एका किण्हलेस्सा, अहेसत्तमाए एका परमिकण्ह-हेस्सा ॥ इमीसे णं भंते ! रयण० पु० नेरइया किं सम्मदिद्री मिच्छादिद्री सम्मामि-क्वादिद्री ^१ गोयमा ! सम्मदिद्रीवि मिच्छादिद्रीवि सम्मामिच्छादिद्रीवि, एवं जाव अहे-सत्तमाए ॥ इमीसे णं भंते ! रयण० पु० णेरइया किं नाणी अण्णाणी ? गोयमा ! गाणीवि अण्णाणीवि. जे णाणी ते णियमा तिणाणी, तंजहा--आभिणिबोहियणाणी सुयणाणी ओहिणाणी, जे अण्णाणी ते अत्थेगइया दुअण्णाणी अत्थेगइया तिअ-न्नाणी. जे दुअन्नाणी ते णियमा मइअन्नाणी य सुयअण्णाणी य, जे तिअन्नाणी ते नियमा मङ्अण्णाणी सुयअण्णाणी विभंगणाणीवि. सेसा णं णाणीवि अण्णाणीवि तिण्णि जाव अहेसत्तमाए।। इमीसे णं भंते ! रयण० पु० किं मणजोगी वइजोगी कायजोगी? गो॰! तिण्णिव, एवं जाव अहेसत्तमाए ॥ इमीसे णं भंते! रयणप्पभाप० नेरड्या किं सागारोवउत्ता अणागारोवउत्ता ? गोयमा! सागारोवउत्तावि अणागारोवउत्तावि एवं जाव अहेसत्तमाए पुढवीए ॥ [इमीसे णं भंते ! रयणप्प० पु० नेरइया ओहिणा

केवइयं खेतं जाणंति पासंति ? गोयमा! जहण्णेणं अद्धट्टगाउयाई उक्कोसेणं चत्तारि गाउयाइं। सक्करप्पभापु० जह० तिन्नि गाउयाइं उक्को० अद्भुद्धाइं, एवं अद्भुद्ध-गाउयं परिहायइ जाव अहेसत्तमाए जह० अद्भगाउयं उक्कोसेणं गाउयं इमीसे णं भंते! रयणप्पभाए पुढवीए नेरइयाणं कइ समुख्याया पण्णता? गोयमा! चत्तारि समुग्वाया पण्णता, तंजहा-वेयणासमुग्वाए कसायसमुग्वाए मारणं-तियसमुग्घाए वेउव्वियसमुग्घाए, एवं जाव अहेसत्तमाए ॥ ८८ ॥ इमीसे णं भंते! रयणप्पमा० पु० नेरइया केरिसयं खुहप्पिवासं पच्चणुभवमाणा विह-रंति ? गोयमा ! एगमेगस्स णं रयणप्पभापुढविनेरइयस्स असब्भावपद्भवणाए सन्वोदही वा सन्वपोगगले वा आसगंसि पिक्सबेजा णो चेव णं से रयणप्प० पु॰ णेरइए तित्ते वा सिया वितण्हे वा सिया, एरिसया णं गोयमा! रयणप्पभाए णेरइया खुहप्पिवासं पच्चणुभवमाणा विहरंति, एवं जाव अहेसत्तमाए ॥ इमीसे णं भंते! रयणप्पभाए पु॰ नेरइया कि एगत्तं पभू विडव्वित्तए पहुत्तंपि पभू विडव्वि-त्तए? गोयमा! एगत्तंपि पभू पहुत्तंपि पभू विडव्तित्तए, एगतं विडव्वेमाणा एगं महं मोग्गरहवं वा एवं मुसुंढिकरवत्तअसिसत्तीहलगयामुसलचक्रणारायकुंततोमर-सूळळउडभिंडमाला य जाव भिंडमालह्वं वा पुहुत्तं विउव्वेमाणा मोग्गरह्वाणि वा जाव भिंडमालह्वाणि वा ताई संखेजाई णो असंखेजाई संबद्धाई नो असंबद्धाई सरिसाइं नो असरिसाइं विउन्वंति विउन्वित्ता अण्णमण्णस्स कायं अभिहणमाणा अभिहणमाणा वेयणं उदीरेंति उज्जलं विउलं पगाढं कक्कसं कड्यं फरसं निट्ठरं चंडं तिव्वं दुक्खं दुग्गं दुरिहयासं, एवं जाव धूमप्पभाए पुढवीए । छद्वसत्तमासु ण पुढवीस नेरइया बह महंताई लोहियकंथ्रह्वाई वहरामइतंडाई गोमयकीडसमाणाई विउन्नंति विउन्नित्ता अन्नमन्नस्स कायं समत्ररंगेमाणा २ खायमाणा खायमाणा सयपोरागकिमिया विव चालेमाणा २ अंतो अंतो अणुप्पविसमाणा २ वेयणं उदीरंति उजलं जाव दरिहयासं ॥ इमीसे णं भंते ! रयणप्प० पु० नेरइया किं सीयवेयणं वेदेंति उसिणवेयणं वेदेंति सीओसिणवेयणं वेदेंति ? गोयमा ! णो सीयं वेयणं वेदेंति उसिणं वेयणं वेदेंति नो सीओसिणं. एवं जाव वाळयप्पभाए. पंकप्पभाए पच्छा. गोयमा! सीयंपि वेयणं वेयंति, उसिणंपि वेयणं वेयंति, नो सीओसिणवेयणं वेयंति, ते बहुतरगा जे उसिणं वेयणं वेदेंति, ते थोवतरगा जे सीयं वेयणं वेदेंति। धूमप्पभाए पुच्छा, गोयमा! सीयंपि वेयणं वेदेंति उसिणंपि वेयणं वेदेंति णो सीओ॰, ते बहुतरगा जे सीयवेयणं वेदेंति ते थोवतरगा जे उसिणवेयणं वेदेंति । तमाए पुच्छा, गोयमा! सीयं वेयणं वेदेंति नो उसिणं वेयणं वेदेंति नो सीओसिणं

वेयणं वेदेंति, एवं अहेसत्तमाए णवरं परमसीयं ॥ इमीसे णं भंते! रयणप्य० प० णेरडया केरिसयं णिरयभवं पचणुभवमाणा विहरंति ? गोयमा ! ते णं तत्थ णिचं भीया णिचं तिसया णिचं छुहिया णिचं उव्यिगा निचं उपप्पया णिचं वहिया निचं परममसुभमउलमणुबद्धं निरयभवं पचणुभवमाणा विहरंति, एवं जाव अहेसत्तमाए णं पुढवीए पंच अणुत्तरा महइमहालया महाणरगा पण्णता, तंजहा--काले महाकाले रोहर महारोहर अप्पइट्ठाणे, तत्थ इमे पंच महापुरिसा अणुत्तरेहिं दंडसमादाणेहिं कालमासे कालं किचा अप्पइद्वाणे णरए णेरइयत्ताए उववण्णा. तंजहा-रामे जमदग्गिपुत्ते, दढाऊ लच्छइपुत्ते, वसू उवरिचरे, सुभूमे कोरव्वे, बंभदत्ते चलणिसए, ते णं तत्थ नेरइया जाया काला काली० जाव परमिकण्हा वण्णेणं पण्णत्ता, तंजहा-ते णं तत्थ वेयणं वेदेंति उज्जलं विउलं जाव दुरिहयासं ॥ उसिणवेयणिजेस णं मंते ! णरइएस णेरइया केरिसयं उसिणवेयणं पचणुभवमाणा विहरंति ? गोयमा ! में जहाणामए कम्मारदारए सिया तरुणे बलवं जगवं अप्पायंके थिरग्गहत्थे दढ-गणिपायपासिपद्वंतरोरुसंघायपरिणए लंघणपवणजवणवग्गणपमद्दणसमत्थे तलजमल-ज्यलबहफलिहणिभवाह् घणणिचियवलियवदृखंधे चम्मेद्वगदुहणमुद्वियसमाह्यणिचिय-गत्ते उरस्सबलसमण्णागए छेए दक्खे पट्टे कुसले णिउणे मेहावी णिउणसिप्पोवगए एंग महं अयपिंडं उदगवारसमाणं गहाय तं ताविय ताविय कोष्टिय कोष्टिय उदिंभ-दिय उदिंभदिय चुण्णिय चुण्णिय जाव एगाहं वा दुयाहं वा तियाहं वा उक्कोसेणं अद्भासं संहणेजा, से णं तं सीयं सीईभ्यं अओमएणं संदंसएणं गहाय असब्भाव-पद्रवणाए उसिणवेयणिजेस णरएस पिक्खवेजा, से णं तं उम्मिसियणिमिसियंतरेणं पुणर्वि पच्छद्वरिस्सामित्तिकद्व पविरायमेव पासेजा पविलीणमेव पासेजा पविद्वत्थमेव पासेजा णो चेत्र णं संचाएइ अविरायं वा अविलीणं वा अविद्धत्थं वा पुणरवि पच्दिरित्तए ॥ से जहा नामए मत्तमातंगे दुपए कुंजरे सिट्टहायणे पढमसर्यकाल-समयंसि वा चरमनिदाघकालसमयंसि वा उण्हाभिहए तण्हाभिहए दवग्गिजालाभिहए आउरे मुसिए पिवासिए दुब्बले किलंते एकं महं पुक्खरिणि पासेजा चाउक्कोणे समतीरं अणुप्व्वसुजायवप्पगंभीरसीयलजलं संछण्णपत्तभिसमुणालं बहुउप्पलकुमुय-णिलणसुभगसोगंधियपुंडरीयमहापुंडरीयसयपत्तसहस्सपत्तकेसरफुल्लोवचियं छप्पयपरि-भुजमाणकमलं अच्छविमलसलिलपुण्णं परिहृत्थभमंतमच्छकच्छभं अणेगसउणगण-मिहुणयविरइयसद्दुन्नइयमहुरसरणाइयं तं पासइ तं पासिता तं ओगाहइ ओगाहित्ता से णं तत्थ उण्हंपि पविणेजा तण्हंपि पविणेजा खहंपि पविणेजा जरंपि पवि० दाहंपि पवि॰ णिहाएज वा पयलाएज वा सइं वा रइं वा धिइं वा मइं वा उवलभेजा,

सीए सीयभूए संकसमाणे संकसमाणे सायासोक्खबहुले यावि विहरेजा, एवामेव गोयमा! असन्भावपद्ववणाए उत्तिणवेयणिजेहिंतो णरएहिंतो णेरइए उन्विहर समाणे जाई इमाई मणुस्सलोयंसि भवंति गोलियालिंगाणि वा सोंडियालिंगाणि वा भिंडियालिंगाणि वा अयागराणि वा तंबागराणि वा तज्यागरा० सीसाग० रूपागरा० सुवन्नागराणि वा हिरण्णागरा० कुंभारागणीइ वा सुसागणीइ वा इदृयागणीइ वा कवेलुयागणीइ वा लोहारंबरिसेइ वा जंतवाडचुल्लीइ वा हंडियलित्थाणि वा गोलिय-लित्याणि वा सोंडियलि० णलागणीइ वा तिलागणीइ वा तुसागणीइ वा, तत्ताइं समजोईभूयाई फुल्रिक्कियसमाणाई उक्कासहस्साई विणिम्सुयमाणाई जालासहस्साई पस्चमाणाई इंगालसहस्साई पविक्खरमाणाई अंतो २ हृहयमाणाई चिहंति ताई पासइ ताई पासित्ता ताई ओगाहइ ताई ओगाहित्ता से णं तत्थ उण्हंपि पविणेजा तण्हंपि पविणेजा खहंपि पविणेजा जरंपि पविणेजा दाहंपि पविणेजा णिहाएज वा पयलाएज वा सई वा रई वा धिई वा मई वा उवलमेजा, सीए सीयभूए संकस-माणे संकसमाणे सायासोक्खबहुले यावि विहरेजा, भवेयारूवे सिया?, णो इणद्रे समद्रे. गोयमा! उसिणवेयणिजेसु णरएसु नेरइया एत्तो अणिद्वतरियं चेव उसिणवेयणं पचणुभवमाणा विहरंति ॥ सीयवेयणिजेसु णं भंते णरएसु णेरइया केरिसयं सीय-वेयणं पचणुभवमाणा विहरंति ? गोयमा ! से जहाणामए कम्मारदारए सिया तरुणे जुगवं बलवं जाव सिप्पोवगए एगं महं अयपिंडं दगवारसमाणं गहाय ताविय ताविय कोष्टिय कोष्टिय जह० एकाहं वा दुयाहं वा तियाहं वा उक्कोसेणं मासं हणेजा. से णं तं उसिणं उसिणभ्यं अओमएणं संदंसएणं गहाय असन्भावपद्ववणाए सीयवे-यणिजेस णरएस पिक्खवेजा, से तं उम्मिसियनिमिसियंतरेण पुणर्वि पचद्धि-स्सामीतिकहु पविरायमेव पासेजा, तं चेव णं जाव णो चेव णं संचाएजा पुणरवि पच्चद्धरित्तए, से णं से जहाणामए मत्तमायंगे तहेव जाव सोक्खबहुले यावि विहरेजा एवामेव गोयमा! असब्भावपद्ववणाए सीयवेयणेहिंतो णरएहिंतो नेरइए उब्वहिए समाणे जाई इमाई इहं माणुस्सलोए हवंति, तंजहा-हिमाणि वा हिमपुंजाणि वा हिमपडलाणि वा हिमपडलपुंजाणि वा तुसाराणि वा तुसारपुंजाणि वा हिमकुंडाणि वा हिमकुंडएंजाणि वा सीयाणि वा ताई पासइ पासिता ताई ओगाहइ ओगाहिता से णं तत्थ सीयंपि पविणेजा तण्हंपि प० खुहंपि प० जरंपि प० दाहंपि प० निद्दाएज वा पयलाएज वा जाव उसिणे उसिणभूए संकसमाणे संकसमाणे सायासोक्खबहुले यावि विहरेजा, गोयमा! सीयवेयणिजेसु नरएसु नेरइया एत्तो अणिट्ठतरियं चेव सीयवेयणं पचणुभवमाणा विहरंति ॥ ८९ ॥ इमीसे णं भंते ! रयणप्प० पु० णेरइयाणं केवडयं

कालं ठिई पण्णता? गोयमा! जहण्णेणवि उक्कोसेणवि ठिई भाणियव्वा जाव अहेसत्त-माए ॥ ९० ॥ इमीसे णं भंते ! रयणप्पभाए पु० णेरइया अणंतरं उव्वद्दिय किंह गच्छंति ? किहं उववज्जंति ? किं नेरइएस उववज्जंति ? किं तिरिक्खजोणिएस उववजीत ? एवं उव्वष्टणा भाणियव्वा जहा वकंतीए तहा इहवि जाव अहेसत्तमाए ॥ ९१॥ इमीसे णं भंते ! रयण० पु० नेरइया केरिसयं पुढविकासं पचणुभवमाणा विहरंति ? गोयमा ! अणिट्ठं जाव अमणामं, एवं जाव अहेसत्तमाए, इमीसे णं भंते ! रयण ० पु० नेरइया केरिसयं आउफासं पचणुभवमाणा विहरंति ? गोयमा ! अणिइं जाव अमणामं, एवं जाव अहेसत्तमाए, एवं जाव वणप्फइफासं अहेसत्तमाए पढवीए। इमा णं भंते ! रयणप्पभापुढवी दोचं पुढविं पणिहाय सन्वमहंतिया बाहहेणं सन्व-क्ख़िंडिया सन्वंतेसु? हंता गोयमा! इमा णं रयणप्पभापुढवी दोचं पुढविं पणिहाय जाव सव्वक्खुड्डिया सव्वंतेसु, दोचा णं भंते ! पुढवी तचं पुढविं पणिहाय सव्वमहं-तिया बाहक्षेणं पुच्छा, हुता गोयमा ! दोचा णं पुढवी जाव सव्वक्खाङ्कया सव्वतेस. एवं एएणं अभिलावेणं जाव छट्टिया पुढवी अहेसत्तमं पुढविं पणिहाय सव्वक्खुड्रिया सन्वंतेस् ॥ ९२ ॥ इमीसे णं भंते ! रयणप्प० पु० तीसाए नरयावाससयसहस्सेस् इक्कमिक्कंसि निरयावासंसि सब्वे पाणा सब्वे भूया सब्वे जीवा सब्वे सत्ता पुढवीकाइय-त्ताए जाव वणस्सइकाइयत्ताए नेरइयत्ताए उववन्नपुव्वा १ हंता गोयमा ! असइं अदुवा अणंतख़त्तो, एवं जाव अहेसत्तमाए पुढवीए णवरं जत्थ जित्या णरगा ि इमीसे णं भंते ! रयणप्पभाए प्र॰ निरयपरिसामंतेम् जे पुढविकाइया जाव वणप्फइकाइया ते णं भंते ! जीवा महाकम्मतरा चेव महािकरियतरा चेव महाआसवतरा चेव महा-वेयणतरा चेव ? हंता गोयमा! इमीसे णं रयणप्पभाए पढवीए निरयपरिसा-मंतेसु तं चेत्र जाव महावेयणतरा चेत्र, एवं जाव अहेसत्तमा ।।। ९३ ॥ पुढिन ओगाहिता, नरगा संठाणमेव बाहुलं। विक्खंभपरिक्खेवे वण्णो गंधो य फासो य ॥ १ ॥ तेसिं महालयाए उचमा देवेण होइ कायव्वा । जीवा य पोग्गला वक्कमंति तह सासया निरया ॥ २ ॥ उववायपरीमाणं अवहारुचत्तमेव संघयणं । संठाणवण्ण-गंधा फासा ऊसासमाहारे ॥ ३ ॥ छेसा दिझी नाणे जोगुवओगे तहा समुग्चाया । तत्तो खुहापिवासा विखव्वणा वेयणा य भए ॥ ४ ॥ उववाओ पुरिसाणं ओवम्मं वैयणाएँ दुविहाए । उन्वदृणपुढवी उ उववाओ सन्वजीवाण ॥ ५ ॥ एयाओ संग-हणिगाहाओ ॥ ९४ ॥ बीओ णेरइयउद्देसो समत्तो ॥

्रहमीसे णं भंते ! रयणप्पभाए पुढवीए नेरइया केरिसयं पोग्गलपरिणामं पचणु-भवमाणा विहरंति ? गोयमा ! अणिट्ठं जाव अमणामं, एवं जाव अहेसत्तमाए एवं १० सुत्ता० नेयव्वं गाहा-पोग्गलपरिणामे वेयणा य लेसा य नामगोए य । अरई भए य सोगे खुहापिवासा य वाही य ॥ १ ॥ उस्सासे अणुतावे कोहे माणे य मायलोभे य । चत्तारि य सण्णाओ नेरइयाणं तु परिणामे ॥ २ ॥ एतथ किर अइवयंती नरवसभा केसवा जलयरा य । मंडलिया रायाणो जे य महारंभकोडुंबी ॥ ३ ॥ भिन्नमृहत्तो नरएस होइ तिरियमणुएस चत्तारि । देवेस अद्भासो उक्कोसविउव्वणा भणिया ॥ ४ ॥ जे पोग्गला अणिद्रा नियमा सो तेसि होइ आहारो । संठाणं त जहण्णं नियमा हुंडं तु नायव्वं ॥ ५ ॥ असुभा विउव्वणा खळु नेरइयाणं तु होइ सव्वेसिं। वेडिव्वयं सरीरं असंघयणहुं डसंठाणं ॥ ६ ॥ अस्साओ उववण्णो अस्साओ चेव चयइ निरयभवं । सन्वपुढवीस जीवो सन्वेस ठिइविसेसेसुं ॥ ७ ॥ उववाएण व सायं नेरइओ देवकम्मुणा वावि । अज्झवसाणनिमित्तं अहवा कम्माणुभावेणं ॥ ८ ॥ नेर-इयाणुप्पाओ उक्कोसं पंचजोयणसयाई । दुक्खेणभिद्याणं वेयणसयसंपगाढाणं ॥ ९ ॥ अच्छिनिमीलियमेत्तं नित्थ सुहं दुक्खमेव पिडवद्धं । नरए नेरइयाणं अहोनिसं पचमाणाणं ॥ १०॥ तेयाकम्मसरीरा सहमसरीरा य जे अपज्जता । जीवेण मुक्रमेता वचंति सहस्ससो भेयं ॥ ११ ॥ अइसीयं अइउण्हं अइतण्हा अइखुहा अइभयं वा । निरए नेरइयाणं दुक्खसयाई अविस्सामं ॥ १२ ॥ एत्थ य भिन्नमुहृत्तो पोग्गळ असुहा य होइ अस्साओ । उववाओ उप्पाओ अच्छि सरीरा उ बोद्धव्वा ॥ १३ ॥ से तं नेरइया ॥ ९५ ॥ तइओ नेरइयउहेस्रो समत्तो ॥

से किं तं तिरिक्खजोणिया ? तिरिक्खजोणिया पंचिवहा पण्णत्ता, तंजहा— एगिंदियतिरिक्खजोणिया बेइंदियतिरिक्खजोणिया तेइंदियतिरिक्खजोणिया य । से किं तं एगिंदियतिरिक्खजोणिया थ । से किं तं एगिंदियतिरिक्खजोणिया ? २ पंचिवहा पण्णत्ता, तंजहा—पुढिवकाइयएगिंदियतिरिक्खजोणिया जाव वणस्सइकाइयएगिंदियतिरिक्खजोणिया । से किं तं पुढिविक्काइयएगिंदियतिरिक्खजोणिया । से किं तं पुढिविक्काइयएगिंदियतिरिक्खजोणिया श २ दुविहा पण्णत्ता, तंजहा—सहुमपुढिविकाइयएगिंदियतिरिक्खजोणिया य । से किं तं सहुमपुढिविकाइयएगिंदियतिरिक्खजोणिया य । से किं तं सहुमपुढिविकाइयएगिंदियतिरिक्खजोणिया य । से किं तं सहुमपुढिविकाइयएगिंदियतिरिक्खजोणिया य । से किं तं बायरपुढिविकाइयएगिंदिय- । से किं तं बायरपुढिविकाइय॰ ? २ दुविहा पण्णत्ता, तंजहा—पजत्तवायरपु० अपजत्तवायरपु०, से तं बायरपुढिविकाइयएगिंदिय०, से तं पुढिविकाइयएगिंदिय०। से किं तं आउक्काइयएगिंदिय० ? २ दुविहा पण्णत्ता, एवं जहेव पुढिविकाइयाणं तहेव, तेउकायमेदो एवं जाव वणस्सइकाइया से तं वणस्सइकाइयएगिंदियतिरिक्ख०। से किं तं बेइंदियतिरिक्ख० ? २ दुविहा पण्णत्ता, तंजहा—पज्जत्तगकेदंदियतिरिक्ख०। से किं तं बेइंदियतिरिक्ख० ? २ दुविहा पण्णत्ता, तंजहा—पज्जत्तगकेदंदियतिरिक्ख०। से किं तं बेइंदियतिरिक्ख० ? २ दुविहा पण्णत्ता, तंजहा—पज्जतगकेदंदियतिरिक्ख०। से किं तं बेइंदियतिरिक्ख० ? २ दुविहा पण्णत्ता, तंजहा—पज्जतगकेदंदियतिरिक्ख० अपजत्तगन

ब्रेइंटियति , से तं बेइंदियतिरि एवं जाव चर्डारेदिया । से किं तं पंचेंदियतिरि-क्वजोणिया १ २ तिविहा पण्णता, तंजहा जलयरपंचेंदियतिरिक्खजोणिया थल-ग्रग्वेंदियतिरिक्खजो० खह्यर्पंचेंदियतिरिक्खजोणिया । से किं तं जलयर्पंचेंदि-यतिरिक्खजोणिया ? २ द्विहा पण्णता, तंजहा—संमुच्छिमजलयरपंचेंदियतिरिक्ख-जोणिया य गब्भवकंतियजलयर्पचेंदियतिरिक्खजोणिया य । से किं तं संमच्छिम-जलयरपंचिंदियतिरिक्खजोणिया ? २ दुविहा पण्णत्ता, तंजहा—पज्जतगसंमच्छिम० अपजत्तगसंग्रं छमजलयर॰, से तं संमुच्छिम॰पंचिंदियतिरिक्ख॰। से किं तं गब्भवक्रंतियजलयरपंचेंदियतिरिक्खजोणिया ? २ द्विहा पण्णता, तंजहा-पज्रत्त-गगब्भवकंतिय० अपजात्तगगब्भ० से तं गब्भवकंतियजलयर०, से तं जलयरपंचेंदि-यतिरि॰। से किं तं थलयरपंचेंदियतिरिक्खजोणिया ? २ दुविहा पण्णत्ता, तंजहा— चउप्पयथलयरपंचेंदिय० परिसप्पथलयरपंचेंदियतिरिक्खजोणिया । से किं तं चउ-प्यथलयरपंचिंदिय॰ ? चउप्पय॰ दुविहा पण्णता. तंजहा संमुच्छिमचउप्पयथ-ल्यरपंचेंदिय० गब्भवकंतियचउप्पयथल्यरपंचेंदियतिरिक्खजोणिया य. जहेव जल-यराणं तहेव चडक्कओ भेओ, सेत्तं चडप्पयथलयरपंचेंदिय । से किं तं परिसप्प-थलयरपंचेंदियतिरिक्ख॰ १ २ द्विहा पण्णत्ता, तंजहा—उरपरिसप्पथलयरपंचेंदि-यतिरिक्खजोणिया भुयपरिसप्पथलयरपंचेंदियतिरिक्खजोणिया । से किं तं उरपरिस-पथलयरपंचंदियतिरिक्खजोणिया ? उरपरि० दुविहा पण्णत्ता, तंजहा-जहेव जलयराणं तहेव चउक्कओ भेओ, एवं भुयपरिसप्पाणवि भाणियव्वं, से तं भुयपरि-सप्पथलयरपंचंदियतिरिक्खजोणिया, से तं थलयरपंचंदियतिरिक्खजोणिया। से किं तं बहुयरपंचिदियतिरिक्खजोणिया ? खहुयर० दुविहा पण्णत्ता, तंजहा—संमुच्छि-मखहयरपंचेदियतिरिक्खजोणिया गञ्भवकातियखहयरपंचेदियतिरिक्खजोणिया य। से किं तं संमुच्छिमखहयरपंचेंदियतिरिक्खजोणिया ? संमु० दुविहा पण्णता, यरपंचेंदियतिरिक्खजोणिया य. एवं गञ्भवक्षंतियावि जाव पज्जतगगञ्भवक्षंतियावि जाव अपज्जत्तगगब्भवक्षंतियावि । खहयरपंचेंदियतिरिक्खजोणियाणं भते ! कहविहे जोणिसंगहे पण्णते ? गोयमा ! तिविहे जोणिसंगहे पण्णते, तंजहा-अंडया पोयया संमुच्छिमा, अंडया तिविहा पण्णता, तंजहा—इत्थी पुरिसा णपुंसगा, पोयया तिविहा पण्णत्ता, तंजहा-इत्थी पुरिसा णपुंसया, तत्थ णं जे ते संमुच्छिमा ते सब्वे णपुंसगा ॥ ९६ ॥ एएसि णं भंते! जीवाणं कइ छेसाओ पण्णताओ ? गोयमा! छक्षेसाओ पण्णताओ. तंजहा—कण्हलेसा जाव सक्कलेसा ॥ ते णं भंते!

जीवा किं सम्मदिद्री मिच्छादिद्री सम्मामिच्छादिद्री १ गोयमा ! सम्मदिद्रीवि मिच्छादि-दीवि सम्मामिच्छादिद्रीवि ॥ ते णं भंते ! जीवा किं णाणी अण्णाणी ? गोयमा ! णाणीवि अण्णाणीवि तिण्णि णाणाइं तिण्णि अण्णाणाइं भयणाए ॥ ते णं भंते ! जीवा किं मणजोगी वहजोगी कायजोगी? गोयमा! तिविहावि ॥ ते णं भंते! जीवा किं सागारोवउत्ता अणागारोवउत्ता ? गोयमा! सागारोवउत्तावि अणागारोवउत्तावि ॥ ते णं भंते! जीवा कओ उववजाति किं नेरइएहिंतो उव० तिरिक्खजोणिएहिंतो उव०१ पुच्छा. गोयमा! असंखेजवासाउयअकम्मभूमगअंतरदीवगवजेहिंतो उव-वर्जिति ॥ तेसि णं भंते! जीवाणं केवइयं कालं ठिई पण्णता ? गोयमा! जहण्णेणं अंतोमहत्तं उक्कोसेणं प्रतिओवमस्स असंखेज्जइभागं ॥ तेसि णं भंते ! जीवाणं कड समुखाया पण्णता ? गोयमा ! पंच समुखाया पण्णता, तंजहा-वेयणासमुखाए जाव तेयासमुग्घाए ॥ ते णं भंते! जीवा मारणंतियसमुग्घाएणं किं समोहया मरंति असमोहया मरंति ? गोयमा! समोहयावि म० असमोहयावि मरंति ॥ ते णं भंते! जीवा अणंतरं उव्वहिता किंहं गच्छंति ? किंहं उववर्जंति ?—िकं नेरइएस उनवज्जंति ? तिरिक्ख॰ पुच्छा, गोयमा! एवं उन्बद्दणा भाणियन्वा जहा वक्कंतीए तहेव ॥ तेसि णं भंते ! जीवाणं कइ जाईकलकोडिजोणीपमहसयसहस्सा पण्णत्ता ? गोयमा! बारस जाईकुळकोडीजोणीपमहसयसहस्सा प० ॥ भयपरिसप्पथळयरपंचेंदिय-तिरिक्खजोणियाणं भंते! कइविहे जोणीसंगहे पण्णते? गोयमा! तिविहे जोणीसंगहे पण्णत्ते, तंजहा-अंडया पोयया संमुच्छिमा, एवं जहा खहयराणं तहेव, णाणत्तं जहन्नेणं अंतोमहत्तं उक्कोसेणं प्रव्वकोडी, उव्वद्दिता दोचं पुढविं गच्छंति, णव जाईकल-कोडीजोणीपमहसयसहस्सा भवंतीति मक्खायं. सेसं तहेव ॥ उरपरिसप्पथलयरपंचें-दियतिरिक्खजोणियाणं भंते ! पुच्छा, जहेव भूयपरिसप्पाणं तहेव, णवरं ठिई जह-न्नेणं अंतोमुहत्तं उक्कोसेणं पुव्वकोडी, उव्वष्टित्ता जाव पंचिमं पुढविं गच्छंति, दस जाई-कुळकोडी०॥ चउप्पयथळयरपंचेंदियतिरिक्ख० पुच्छा, गोयमा! दुविहे पण्णते, तंजहा--जराउया (पोयया) य संमुच्छिमा य. से किं तं जराउया (पोयया)? २ तिविहा पण्णत्ता, तंजहा-इतथी पुरिसा णपुंसगा, ततथ णं जे ते संमुच्छिमा ते सन्वे णपुंसया। तेसि णं भंते! जीवाणं कइ लेस्साओ पण्णताओ? सेसं जहा पक्खीणं, णाणतं ठिई जहन्नेणं अंतोसहत्तं उक्कोसेणं तिन्नि पलिओवमाइं, उव्वहिता चउरिंग पुढिंन गच्छंति, दस जाईकुलकोडी ।। जलयरपंचेंदियतिरिक्खजोणियाणं पुच्छा, जहा भुयपरिसप्पाणं णवरं उव्वहित्ता जाव अहेसत्तमं पुढविं अद्धतेरस जाइकुलकोडीजोणीपमुह० प०॥ चउरिंदियाणं भंते! कइ जाईकुलकोडीजोणीप-

महसयसहस्सा पण्णता ? गोयमा! नव जाईकुलकोडीजोणीपमृहसयसहस्सा सम-क्खाया । तेइंदियाणं पुच्छा, गोयमा! अडुजाईकुल जाव मक्खाया । बेडंदियाणं भंते! कह जाई० पुच्छा, गोयमा! सत्त जाईकुलकोडीजोणीपमह० ॥ ९७॥ कड़ णं भंते! गंधा पण्णता? कड़ णं भंते! गंधसया पण्णता?. गोयमा! सत्त गंधा सत्त गंधसया पण्णता ॥ कइ णं भंते ! पुष्फजाईकुलकोडीजोणिपमृहसयसहस्सा क्ष्णता ? गोयमा! सोलसपुप्फजाईकुलकोडीजोणीपमुहसयसहस्सा पण्णत्ता. तंजहा— बनारि जलयाणं चत्तारि थलयाणं चत्तारि महारुक्खियाणं चत्तारि महागुम्मियाणं ॥ कड णं भंते! वल्लीओ कड् वल्लिसया पण्णता? गोयमा! चतारि वल्लीओ चत्तारि बब्रीसया पण्णत्ता ॥ कइ णं भंते ! लयाओ कइ लयासया पण्णत्ता ? गोयमा ! अद् ल्याओ अद्र लयासया पण्णत्ता ॥ कह णं भंते ! हरियकाया हरियकायसया पण्णता ? गोयमा! तओ हरियकाया तओ हरियकायसया पण्णत्ता, फलसहस्सं च बिंटबद्धाणं फलसहरसं च णालबद्धाणं, ते वि सन्वे हरियकायमेव समोयरंति, ते एवं समण्णम्म-माणा २ एवं समणुगाहिज्जमाणा २ एवं समणुपेहिज्जमाणा २ एवं समणुचितिज्जमाणा २ एएस चेव दोस काएस समीयरंति, तंजहा—तसकाए चेव थावरकाए चेव. एवा-मेव सप्ववावरेणं आजीवियदिद्वंतेणं चडरासीइ जाइकुलकोडीजोणीपमृहसयसहस्सा भवंतीति मक्खाया ॥ ९८ ॥ अत्थि णं भंते ! विमाणाइं सोत्थियाणि सोत्थियावत्ताइं सोत्यियपभाइं सोत्यियकन्ताइं सोत्यियवन्नाइं सोत्यियलेसाइं सोत्यियज्झयाइं सोत्थियसिंगाराइं सोत्थियकुडाइं सोत्थियसिद्वाइं सोत्थ्रत्तरविंसगाइं? हंता अत्थि। ते णं भंते! विमाणा केमहालया प०? गोयमा! जावइए णं सूरिए उदेइ जावइए णं च सरिए अत्थमङ एवड्याइं तिण्णोवासंतराइं अत्थेगइयस्स देवस्स एगे विक्कमे सिया. से णं देवे ताए उक्किद्राए तुरियाए जाव दिव्वाए देवगईए वीईवयमाणे २ जाव एगाहं वा दुयाहं वा उक्कोसेणं छम्मासा वीईवएजा, अत्थेगइया विमाणं वीईवएजा अत्थेगड्या विमाणं नो वीईवएजा. एमहालया णं गोयमा! ते विमाणा पण्णता. अत्थि णं भंते ! विमाणाइं अचीणि अचिरावत्ताइं तहेव जाव अचुत्तरवर्डिसगाइं? हंता अत्थि, ते णं भंते! विमाणा केमहालया पण्णता? गोयमा! एवं जहा सोत्थी-(याई)णि णवरं एवइयाइं पंच उवासंतराइं अत्थेगइयस्स देवस्स एगे विक्रमे सिया सेसं तं चेव ॥ अस्थि णं भंते ! विमाणाई कामाई कामावत्ताई जाव कामृत्तरविंस-याई ? हंता अत्थि. ते णं भंते ! विमाणा केमहालया पण्णता ? गोयमा ! जहा सोत्थीणि णवरं सत्त उवासंतराइं विक्रमे सेसं तहेव।। अत्यि णं भंते ? विमाणाइं विजयाइं वेजयंताइं जयंताइं अपराजियाइं ? हंता अत्थि, ते णं भंते ! विमाणा के० ? गोयमा !

जावइए णं सूरिए उदेइ० एवइयाइं नव ओवासंतराइं, सेसं तं चेव, नो चेव णं ते विमाणे वीईवएजा एमहालया णं ते विमाणा पण्णता समणाउसो! ॥ ९९॥ पढमो तिरिक्खजोणियउदेसो समत्तो॥

कइविहा णं भंते ! संसारसमावण्णगा जीवा पण्णत्ता ? गोयमा ! छिव्वहा पण्णत्ता. तंजहा-पुढविकाइया जाव तसकाइया । से किं तं पुढविकाइया ? पुढविकाइया दुविहा पण्णत्ता, तंजहा--- सुहमपुढविकाइया बायरपुढविकाइया य । से किं तं सुह-मपुडविकाइया १ २ दुविहा पण्णता, तंजहा-पज्जत्तगा य अपज्जत्तगा य, सेतं सह-मपुढविकाइया । से किं तं बायरपुढविकाइया १ २ द्विहा पण्णत्ता, तंजहा--पज्जत्तगा य अपजात्तगा य, एवं जहा पण्णवणापए, सण्हा सत्तविहा पण्णत्ता, खरा अणेगविहा पन्नता जाव असंखेजा, सेत्तं बायरपुढिविकाइया, सेत्तं पुढिविकाइया, एवं चेव जहा पण्णवणापए तहेव निरवसेसं भाणियव्वं जाव वणप्फइकाइया, एवं जाव जत्थेगो तत्थ सिय संखेजा सिय असंखेजा सिय अणंता, सेत्तं बायरवणप्फइकाइया, से तं वणस्सङ्काङ्या । से किं तं तसकाङ्या ? २ चडव्विहा पण्णता, तंजहा—बेइंदिया तेइंदिया चउरिंदिया पंचेंदिया। से किं तं बेइंदिया? २ अणेगविहा पण्णत्ता, एवं जं चेव पण्णवणापए तं चेव निरवसेसं भाणियव्वं जाव सव्वट्टसिद्धगदेवा, से तं अणुत्तरोववाइया, से तं देवा, से तं पंचेंदिया, से तं तसकाइया ॥ १०० ॥ कइविहा णं भंते ! पुढवी पण्णता ? गोयमा ! छिव्वहा पुढवी पण्णता, तंजहा—सण्हापुढवी सद्भुदवी वालुयापुदवी मणोसिलापु० सक्तरापु० खरपुदवी ॥ सण्हापुदवीणं भंते ! केवइयं कालं ठिई पण्णत्ता ? गोयमा ! जह० अंतोमु० उक्कोसेणं एगं वाससहस्सं। सुद्भुदवीए पुच्छा, गोयमा ! जह ० अंतोमु ० उक्को ० बारस वाससहस्ताई । वालुया-पढवीपच्छा, गोयमा ! जह० अंतोमु० उक्को० चोइस वाससहस्साईं । मणोसिला-पुढवीणं पुच्छा, गोयमा! जह अंतोमु उको सोलस वाससहस्साई। सक्सा-पुढवीए पुच्छा, गोयमा ! जह० अंतोमु० उक्को० अद्वारस वाससहस्साई । खरपुढ-विपुच्छा, गोयमा ! जह० अंतोमु० उक्को० बावीस वाससहस्साइं ॥ नेरइयाणं भंते ! केवइयं कालं ठिई पण्णता ? गोयमा ! जह० दस वासंसहस्साइं उक्को० तेत्तीसं सागरोवमाइं ठिई, एयं सन्वं भाणियन्वं जाव सन्वद्वसिद्धदेवत्ति ॥ जीवे णं भंते ! जीवेत्ति कालओं केविचरं होइ ? गोयमा ! सव्वद्धं, पुढविकाइए णं भंते ! पुढविका-इएति कालओ केवचिरं होइ ? गोयमा ! सव्वद्धं, एवं जाव तसकाइए ॥ १०१ ॥ पडुप्पन्नपुढिवकाइया णं भंते ! केवइकालस्स णिल्लेवा सिया ? गोयमा ! जहण्णपए असंखेजाहिं उस्सप्पिणीओसप्पिणीहिं, उक्कोसपए असंखेजाहिं उस्सप्पिणीओसप्पि-

णीहिं, जहच्चपयाओ उक्कोसपए असंखेजगुणा, एवं जाव पडुप्पचवाउक्काइया।। पद्धपन्नवणप्फइकाइया णं भंते ! केवइकालस्स निह्नेवा सिया ? गोयमा ! पद्धप्पन्नवण० ु जहण्णपए अपया उक्कोसपए अपया, पहुप्पन्नवणप्फइकाइयाणं णत्थि निहेनणा ॥ पड्डपन्नतसकाइयाणं पुच्छा, जहण्णपए सागरोवमसयपुहत्त्तस्य उक्कोसपए सागरोवम-संयप्हत्तस्स, जहण्णपया उक्कोसपए विसेसाहिया ॥ १०२ ॥ अविसुद्धलेस्से णं भंते ! अणगारे असमोहएणं अप्पाणेणं अविसुद्धलेखं देवं देविं अणगारं जाणइ पासइ ? गोयमा ! नो इणद्वे समद्वे । अविसुद्धलेस्से णं भंते ! अणगारे असमोहएणं अप्पाणएणं बिसुद्धलेस्सं देवं देविं अणगारं जाणइ पासइ १ गोयमा! नो इणद्वे समद्वे। अविसुद्धलेस्से णं भंते ! अणगारे समोहएणं अप्पाणेणं अविसुद्धस्टेस्सं देवं देविं अणगारं जाणइ पासइ ? गोयमा ! नो इणहे समद्वे । अविसुद्धलेस्से० अणगारे समोहएणं अप्पाणेणं विसुद्धलेस्सं देवं देविं अणगारं जाणइ पासइ १ नो इण्हे समद्घे । अविसुद्धलेस्से णं भंते ! अणगारे समोहयासमोहएणं अप्पाणेणं अविमुद्धलेस्सं देवं देविं अणगारं जाणइ पासइ ? नो इण्द्रे समद्वे । अविसुद्धलेस्से ॰ अणगारे समोहयासमोहएणं अप्पाणेणं विसुद्धलेस्सं देवं देविं अणगारं जाणइ पासइ ? नो इणहे समहे । विसद्धरुस्से णं भंते ! अणगारे . असमोहएणं अप्पाणेणं अविसुद्धलेरसं देवं देविं अणगारं जाणइ पासइ ? हंता जाणइ पासइ जहा अविसुद्धलेस्सेणं छ आलावगा एवं विसुद्धलेस्सेणवि छ आलावगा भाणि-यवा जाव विसुद्धलेस्से णं भंते ! अणगारे समोहयासमोहएणं अप्पाणेणं विसुद्धलेस्सं देवं देविं अणगारं जाणइ पासइ ? हंता जाणइ पासइ ॥ १०३ ॥ अण्णडत्थिया णं भंते! एवमाइक्खंति एवं भासेन्ति एवं पण्णवेंति एवं परूवेंति—एवं खल्ल एगे जीवे एगेणं समएणं दो किरियाओ पकरेड, तंजहा—सम्मत्तिकिरियं च मिच्छत्तिकिरियं च, जंसमयं सम्मत्तकिरियं पकरेड तं समयं मिच्छत्तकिरियं पकरेड, जं समयं मिच्छत्तकिरियं पकरेइ तं समयं सम्मत्तिकिरियं पकरेइ, सम्मत्तिकिरियापकरणयाए मिच्छत्तिकिरियं पकरेइ मिच्छत्तिकिरियापकरणयाए सम्मत्तिकिरियं पकरेइ, एवं खल्ल एगे जीवे एगेणं समएणं दो किरियाओ पकरेइ, तंजहा-सम्मत्तिकरियं च मिच्छत्तिकरियं च, से कहमेयं मंते! एवं ? गोयमा! जम्नं ते अमजित्थया एवमाइक्खंति एवं भासंति एवं पण्णवेंति एवं परुर्वेति एवं खलु एगे जीवे एगेणं समएणं दो किरियाओ पकरेइ, तहेव जाव सम्मत्तिकिरियं च मिच्छत्तिकिरियं च, जे ते एवमाहंसु तं णं मिच्छा, अहं पुण गोयमा! एवमाइक्खामि जाव परुवेमि-एवं खल्ल एगे जीवे एगेणं समएणं एगं किरियं पकरेड, तंजहा--सम्मत्तकिरियं वा मिच्छत्तकिरियं वा, जं समयं सम्मत्तकिरियं पकरेइ णो तं समयं मिच्छत्तकिरियं पकरेइ, तं चेव जं समयं मिच्छत्तिकिरियं पकरेइ

नो तं समयं सम्मत्तिकिरियं पकरेइ, सम्मत्तिकिरियापकरणयाएं नो मिच्छत्तिकिरियं पकरेइ मिच्छत्तिकिरियापकरणयाएं णो सम्मत्तिकिरियं पकरेइ, एवं खळ एगे जीवे एगेणं सम-एणं एगं किरियं पकरेइ, तंजहा—सम्मत्तिकिरियं वा मिच्छत्तिकिरियं वा ॥ १०४॥ बीओ तिरिक्खजोणियउद्देसो समत्तो ॥

से किं तं मणुस्सा ? मणुस्सा दुविहा पण्णता, तंजहा—संमुच्छिममणुस्सा य गब्भवकंतियमणुस्सा य ॥ १०५ ॥ से किं तं संमुच्छिममणुस्सा ? २ एगागारा पण्णता ॥ किह णं भंते ! संसुच्छिममणुस्सा संसुच्छंति ? गोयमा ! अंतोमणुस्सखेते जहा पण्णवणाए जाव सेत्तं संमुच्छिममणुस्सा ॥ १०६ ॥ से किं तं गब्भवक्नंतिय-मणुस्सा १ २ तिविहा पण्णता, तंजहा-कम्मभूमगा अकम्मभूमगा अंतरदीवगा ॥ १०७ ॥ से किं तं अंतरदीवगा ? २ अद्भावीसइविहा पण्णता, तंजहा—एगुरुया आभासिया वेसाणिया णंगोलिया हयकण्णा ४ आयंसमुहा ४ आसमुहा ४ आसकण्णा ४ उकामुहा ४ घणदंता जाव सुद्धदंता ॥ १०८ ॥ कहि णं भंते ! दाहिणिल्लाणं एगोस्य-मणुस्साणं एगोस्यदीवे णामं दीवे पण्णत्ते ? गोयमा ! जंबद्दीवे २ मंदरस्स पव्वयस्स दाहिणेणं चुल्लहिमवंतस्स वासहरपव्वयस्स उत्तरपरच्छिमिल्लाओ चरिमंताओ लवण-समुद्दं तिन्नि जोयणसयाइं ओगाहित्ता एत्थ णं दाहिणिल्लाणं एगोरुयमणुरसाणं एग्रुयदीवे णामं दीवे पण्णते तिन्नि जोयणसयाई आयामविक्खंभेणं णव एगूणपण्ण-जोयणसए किंचि विसेसेण परिक्खेवेणं एगाए पउमवरवेइयाए एगेणं च वणसंडेणं सन्वओ समंता संपरिक्खित । सा णं पडमवरवेइया अट्ट जोयणाई उड्हं उचतेणं पंच घणुसयाई विक्खंभेणं एग्रहयदीवं सव्वओ समंता परिक्खेवेणं पण्णता । तीसे णं पडमवरवेइयाए अयमेयारूवे वण्णावासे पण्णते, तंजहा-वइरामया निम्मा एवं वेइयावण्णओ जहा रायपसेणईए तहा भाणियव्वो ॥ १०९ ॥ सा णं परमवरवेइया एगेणं वणसंडेणं सन्वओ समंता संपरिक्खिता। से णं वणसंडे देसूणाई दो जोयणाई चक्कवालविक्खंभेणं वेइयासमेणं परिक्खेवेणं पण्णते, से णं वणसंडे किण्हे किण्हो-भासे, एवं जहा रायपसेणइयवणसंडवण्णओ तहेव निरवसेसं भाणियव्वं, तणाण य वण्णगंधफासो सहो तणाणं वावीओ उप्पायपन्वया पढिविसिलापदृगा य भाणियव्वा जाव तत्थ णं बहवे वाणमंतरा देवा य देवीओ य आसयंति जाव विहरंति ॥ १९०॥ एगोस्यदीवस्स णं दीवस्स अंतो बहुसमरमणिजे भूमिभागे पण्णत्ते, से जहाणामए आर्लिगपुरुखरेइ वा एवं सयणिज्ञे भाणियन्वे जाव पुढविसिलापट्टगंसि तत्थ ण बहुवे एगुरुयदीवया मणुस्सा य मणुस्सीओ य आसयंति जाव विहरंति, एगुरुयदीवे णंदीवे तत्थ तत्थ देसे २ तिहं २ बहवे उद्दालया कोद्दालया कयमाला णयमाला

गुरमाला सिंगमाला संखमाला दंतमाला सेलमाला णाम दुमगणा पण्णत्ता समणा-तसो! क्रसविकुसविसद्धरुक्खमूला मूलमंतो कंदमंतो जाव बीयमंतो पत्तेहि य पुष्फेहि य अच्छण्णपिडिच्छण्णा सिरीए अईव २ उवसोहेमाणा उवसोहेमाणा चिट्ठाते. एग्ह्यदीवे णं दीवे हक्खा वहवे हेह्यालवणा भेह्यालवणा मेह्यालवणा सेह्यालवणा सालवणा सरलवणा सत्तवण्णवणा प्राफलिवणा खज्जूरिवणा णालिएरिवणा कुसविकसवि० जाव चिट्ठंति, एग्स्यदीवे णं दीवे तत्थ २ देसे॰ बहवे तिलया लवया नग्गोहा जाव रायरुक्खा णंदिरुक्खा कुसविकुसवि० जाव चिट्ठंति, एगूरुयदीवे णं दीवे तत्थ ... बहुओ परमलयाओ जाव सामलयाओ निचं कुमुमियाओ एवं लयावण्णओ जहा उववाइए जाव पडिह्वाओ, एगोहयदीचे णं दीचे तत्थ २ · · वहचे सेरियागुम्मा जाव महाजाइगुम्मा ते णं गुम्मा दसद्धवण्णं कुसुमं कुसुमंति विह्यगगसाहा जेण वायविह्यगगसाला णोख्यदीवस्स बहुसनरमणिजभूमिभागं मुक्कपुष्फपुंजोवयारकलियं करेंति, एगोस्यदीवे णं दीवे तत्थ र ... बहूओ वणराईओ पण्णत्ताओ, ताओ णं वणराईओ किण्हाओ किण्होभासाओ जाव रम्माओ महामेहणिउरुवभूयाओ जाव महइं गंघद्धणि मुयंतीओ पासाईयाओ ४। एगूरुयदीवे णं दीवे तत्थ २ ... बहुवे मत्तंगा णाम दुमगणा पण्णता समणाउसो ! जहा से चंदप्पभमणिसिलागसीहुवारुणिफलपत्तपुष्फचोयणिजा महुमेरगरिद्वाभदुद्धजाईपसन्नमेलगसयाउ ससारबहदव्वजुत्तसंभारकालसंधयासवा बज्रमुद्यासारकाविसायणमुपक्रखोयरसमुरावण्णरसगंघफरिसजुता मजविहित्थबहु-पगारा तदेवं ते मत्तंगयावि दुमगणा अणेगबहुविविह्वीससापरिणयाए मज्जविहीए उववेया फलेहिं पुण्णा वीसंदंति कुसविकुसविसुद्धरुक्खमूला जाव चिद्वंति १। एगोरयदीवे॰ तत्थ २ वहवो भिगंगया णाम दुमगणा पण्णत्ता समणाउसो!, जहा से बारगघडकरगकलसकक्करिपायंकंचणिउदंकवद्गणिसुपविट्टरपारीचसगभिंगार-करोडिसरगथरगपत्तीथालणत्थगत्रवलियअवपदगवारयविचित्तवदृगमणिवदृगसुत्तिचाह-पिणयाकंचणमणिरयणभित्तिचित्ता भायणविहीए बहुप्पगारा तहेव ते भिंगंगयावि दुमगणा अणेगबहुविविद्वीससाए परिणयाए भायणविहीए उववेया फलेहिं पुचाविव . विसद्दंति कुसविकुस० जाव चिद्वंति २। एगोरुयदीवे णं दीवे तत्थ २ · · बहवे तुडियंगा णाम दुमगणा पण्णता समणाउसो!, जहा से आर्लिगमुयंगपणवपडह-दहरगकरिडिडिंशिमभंभाहोरंभकणिणयारखरमुहिमुगुंदसंखियपरिलीवव्वगपरिवाइणिवं-सावेणुवीणासुघोसविवंचिमहृङ्कच्छिभिरगसगातलतालकंसतालसुसंपउत्ता विहीणिडणगंघव्यसमयकुसलेहिं फंदिया तिद्वाणकरणसुद्धा तहेव ते तुडियंगयावि दुमगणा अणेगवह विविद्ववीससापरिणामाए ततविततघणझुसिराए

आओजविहीए उववेया फलेहिं पुण्णा विसदृन्ति कुसविकुसविसुद्धरुक्खमूला जाव चिट्ठंति ३। एगोस्यदी० तत्थ २ अबहुचे दीवसिहा णाम दुमगणा पण्णत्ता समणाउसो !, जहा से संझाविरागसमए नवणिहिवइणो दीविया चक्कवालविंदे पभ्य-विट्टपिलत्ताणेहिं धणिउज्जालियतिसिरमद्द्ण कणगणिगरकुमुसियपालियातयवणप्पगासो कंचणमणिरयणविमलमहरिहतवणिज्ञुज्जलविचित्तदंडाहिं दीवियाहिं सहसा पज्जलिऊ-सवियणिद्धतेयदिप्पंतविमलगहगणसमप्पहाहिं वितिमिरकरसूरपसरिउल्लोयचिल्लियाहिं जाबुजलपहिसयाभिरामाहिं सोहेमाणा तहेव ते दीवसिहावि दुमगणा अणेगबहु-विविह्वीससापरिणामाए उज्जोयविहीए उववेया फलेहिं पुण्णा विसट्टंति कुसविकुसवि० जाव चिट्ठंति ४ । एगूह्यदीवे० तत्थ २ · · · बहवे जोइसिहा णाम दुमगणा पण्णत्ता समणाउसो !, जहा से अचिरुगयसर्यस्रमंडलपडंतउकासहस्सदिप्पंतविज्जुज्जलहु-यवहनिद्भाजियनिद्धंतधोयतत्ततवणिजिक्षेसुयासोयजावासुयणकुसुमविमउलियपुंजम-णिरयणिकरणजचिहिंगुळुयणिगररूवाइरेगरूवा तहेव ते जोइसिहावि दुमगणा अणेगबह्विविह्वीससापरिणयाए उज्जोयविहीए उववेया सहलेस्सा मंदलेस्सा मंदाय-वलेस्सा कूडाय इव ठाणिठया अन्नमन्नसमोगाढाहिं लेस्साहिं साए पभाए सपएसे सव्वओ समंता ओभासंति उज्जोवेंति पभासेंति कुसविकुसवि० जाव चिह्नंति ५ । एगूहयदीवे० तत्थ २ · · बहवे चित्तंगा णाम दुमगणा पण्णत्ता समणाउसो !, जहा से पेच्छाघरे विचित्ते रम्मे वरकुसुमदाममाळुजळे भासंतमुक्कपुष्फपुंजोवयारकळिए विरिक्षिविचित्तमक्रसिरिदाममक्रसिरिसमुद्यप्पगब्मे गंथिमवेढिमपूरिमसंघाइमेण मक्लेण छेयसिप्पियं विभागरहएण सन्वओ चेव समणुबद्धे विरललवंतविप्पइद्वेहिं पंचवण्णेहिं कुछमदामेहिं सोहमाणेहिं सोहमाणे वणमालयग्गए चेव दिप्पमाणे तहेव ते चित्तंग-यावि दुमगणा अणेगबहुविविह्वीससापरिणयाए मल्लविहीए उववेया कुसविकुसवि॰ जाव चिट्ठंति ६। एगूरुयदीवे० तत्थ २ · · बहवे चित्तरसा णाम दुमगणा पण्णता सम-णाउसो !, जहा से सुगंधनरकलमसालितंदुलविसिद्धणिरुवहयदुद्धरद्धे सारयघयगुडखंड-महुमेलिए अइरसे परमण्णे होज उत्तमवण्णगंधमंते रण्णो जहा वा चक्कविहेस्स होज णिउणेहिं स्यपुरिसेहिं सज्जिएहिं चाउरकप्पसेयसित्ते इव ओयणे कलमसालिणिजित्ति-एवि एके सन्वप्फमिउवसयसगसित्थे अणेगसालणगसंजुत्ते अहवा पिडपुण्णदन्युव-क्लडेसु सक्कए वण्णगंधरसफरिसजुत्तबलवीरियपरिणामे इंदियबलपुद्वित्रद्धणे खुप्पिवा-समहणे पहाणे गुलकटियखंडमच्छंडियउवणीए पमोयगे सण्हसमियगब्भे हवेज परम-इट्टंगसंजुत्ते तहेव ते चित्तरसावि दुमगणा अणेगबहुविविहवीससापरिणयाए भोयण-विहीए उववेया कुसविकुसवि० जाव चिट्ठंति ७। एगूरुयदीवे गं० तत्थ २ ... बहवे

मिण्यंगा नाम दुमगणा पण्णत्ता समणाउसो!, जहा से हारद्धहारवष्टणगमउडकुंडल-वासत्तगहेमजालमणिजालकणगजालगमुत्तगरु चिइयकडगाखुडियएगावलिकंठसुत्तमंग-रिमडरत्थगेवेजासोणिसुत्तगचूलामणिकणगतिलगफुल्लसिद्धत्थयकण्णवालिससिस्र उसम-चक्कगतलभंगतुडियहत्थिमालगवलक्खरीणारमालिया चंदसूरमालिया हरिसयकेऊर-बलयपालंबअंगुलेजगकंचीमेहलाकलावपयरगपायजालघंटियखिं खिणिरयणोरुजालिय-भियवरणेउरचलणमालिया कणगणिगरमालिया कंचणमणिरयणभत्तिचित्ता भूसणविही बहुप्पगारा तहेव ते मणियंगावि दुमगणा अणेगबहुविविह्वीससापरिणयाए भूसण-विहीए उववेया कुसवि॰ जाव चिट्ठंति ८ । एगूरुयदीवे॰ तत्थ २ · · वहवे गेहागारा नाम दुमगणा पण्णत्ता समणाउसो !, जहा से पागारद्वालगचरियदारगोपुरपासायागा-सतलमंडवएगसालबिसालगतिसालगचउरंसचउसालगब्भघरमोहणघरवलिभघरचि-त्तसालमालयभत्तिघरवदृतंसचउरंसणंदियावत्तसंठियाययपंडुरतलमुंडमालहम्मियं अहव णं धवलहरअद्धमागहविन्ममसेलद्धसेलसंठियकूडागारद्वसुविहिकोट्ठगअगेगघरसरणले-गुआवणविडंगजालचंदिणजुह्यपवरकवोयालिचंदसालियक्वविभक्तिकलिया भवणविही बहविगप्पा तहेव ते गेहागारावि दुमगणा अणेगबहुविविह्वीससापरिणयाए सुहारु-हणे मुहोत्ताराए मुहनिक्खमणप्पवेसाए दहरसोवाणपंतिकलियाए पहरिकाए महिव-हाराए मणोऽणुकूलाए भवणविहीए उववेया कुसवि० जाव चिहंति ९। एगोरुयदीवे० तत्य २ · · बहवे अणिगणा णामं दुमगणा पण्णत्ता समणाउसो !, जहा से आईणग-खोमतणुयकंबलदुगुल्रकोसेज्जकालमिगपट्टचीणंसुयअणह्यनिउणनिप्पावियनिद्धगज्जिय-पंचवण्णा चरणातवारवणिगयथुणाभरणचित्तसहिणगकल्लाणगभिगिमेहणीलकज्जलब-हवण्णरत्तपीयनीलसुक्षिल्लमक्खयमिगलोमहेमप्फरुण्णगअवसरत्तगर्सिधुओसभदामिलवं-गकिंगनिलंगतितुमयभित्तिचित्ता वत्थविही बहुप्पगारा हवेज वरपष्ट्णुग्गया वण्णरा-गकलिया तहेव ते अणिगणावि दुमगणा अणेगबहुविविह्वीससापरिणयाए वत्थवि-हीए उनवेया कुसविकुसवि० जाव चिट्ठंति १०। एगोरुयदीवे णं भंते ! दीवे मणु-यांणं केरिसए आगारभावपडोयारे पण्णत्ते ? गोयमा ! ते णं मणुया अणुवमतरसो-मचारुह्वा भोगुत्तमगयलक्खणा भोगसस्सिरीया सुजायसक्वंगसुंदरंगा सुपइट्टियकु-म्मचारुचलणा रत्तुप्पलपत्तमउयसुकुमालकोमलतला नगनगरसागरमगरचक्कंकवरंकल-क्लणंकियचलणा अणुपुन्वसुसाहयंगुलीया उण्णयतणुतंबणिद्धणहा संठियसुसिलिहगू-ढगुप्फा एणीकुर्रावेंदावत्तवद्वाणुपुव्वजंघा समुग्गणिमग्गगूढजाणू गयससणसुजायसण्णि-भोरू वरवारणमत्ततुल्लविक्कमिवलसियगई मुजायवरतुरगगुज्झदेसा आइण्णहओव णिख्वलेवा पमुइयवरतुरियसीहअइरेगविद्यकडी साहयसोणिद्मुसलदप्पणणिगरियवर-

कणगच्छहसरिसवरवइरपलियमज्झा उज्ज्यसमसहियसुजायज्ञत्वतणुकसिणणिद्धआदेज-लडहसुकुमालम्यरमणिजारोमराई गंगावत्तपयाहिणावत्ततरंगभंगुररविकिरणतरुणबो-हियअकोसायंतपउमगंभीरवियडणाभी झसविहगसुजायपीणकुच्छी झसोयरा सुइक-रणा पम्हवियडणाभी सण्णयपासा संगयपासा सुंदरपासा सुजायपासा मियमाइय-पीणरइयपासा अकरंड्यकणगरुयगनिम्मलस्जायनिरुवहयदेहवारी पसत्थवत्तीसल-क्खणधरा कणगसिलायलुज्जलपसत्थसमयलोवचियविच्छिन्नपिहुलवच्छा सिरिवच्छं-कियवच्छा पुरवरफलिहवद्वियभुया भुयगीसरविउलभोगआयाणफलिहउच्छूढदीहबाह् ज्यसिन्नभपीणरइयपीवरपउद्वसंठियसुसिलिद्वविसिद्वघणिथरसबद्धसुनिगृहपव्वसंघी रत्ततलोवइयमज्यमंसलपसत्थलक्खणसुजायअच्छिद्दजालपाणी पीवरवद्दियसुजायको-मलत्ररंगुलीया तंबतलिणसुइरुइरणिद्धणक्खा चंदपाणिलेहा सूरपाणिलेहा संखपाणि-लेहा चक्कपाणिलेहा दिसासोत्थियपाणिलेहा चंदसूरसंखचक्कदिसासोत्थियपाणिलेहा अणेगवरलक्खणुत्तमपसत्थसुइरइयपाणिलेहा वरमहिसवराहसीहसहूलउसभणागवर-पिडपुन्नविउलउन्नयमइंदखंघा चउरंगुलसुप्पमाणकंबुवरसरिसगीवा अवद्वियस्विभत्त-सुजायचित्तमंसू मंसलसंठियपसत्थसद्दलविपुलहणुया उवचियसिलप्पवालबिबफलसन्नि-भाहरोट्टा पंडुरसिसगळविमळनिम्मळसंखगोखीरफेणदगरयमुणाळिया धवळदंतसेढी अखंडदंता अफुडियदंता अविरलदंता सुजायदंता एगदंतसेढिव्व अणेगदंता हुयव-हनिद्धंतधोयतत्ततवणिज्ञरत्ततलतालुजीहा गरुलाययउजुतुंगणासा अवदालियपोंडरी-यणयणा कोयासियधवलपत्तलच्छा आणामियचावरुइलकिण्हपूराइयसंठियसंगयआयय-सुजायतणुकसिणनिद्भुमया अल्लीणप्पमाणजुत्तसवणा सुरसवणा पीणमंसलकवोलदेस-भागा अचिरुगगयबालचंदसंठियपसत्थविच्छिन्नसमणिडाला उडुवइपडिपुण्णसोमवयणा छत्तागास्तमंगदेसा घणणिचियसुबद्धलक्खणुण्णयकूडागारणिभपिंडियसीसे दाडिमपु-प्पपगासतवणिज्ञसरिसनिम्मलसुजायकेसंतकेसभूमी सामलिबोंडघणणिचियछोडियमि-उ विसयपसत्थसुहुमलक्खणसुगंधसुंदरभुयमोयगभिंगिणीलकज्जलपहृहभमरगणणिद्धणि-उर्रवनिचियकुंचियचियपयाहिणावत्तमुद्धसिर्या लक्खणवंजणगुणोववेया सुजायसुवि-भत्तसुरूवगा पासाइया दरिसणिजा अभिरूवा पडिरूवा, ते णं मणुया ओहस्सरा हंसस्सरा कोंचस्सरा॰ नंदिघोसा सीहस्सरा सीहघोसा मंजुस्सरा मंजुघोसा सुस्सरा सस्तरिणम्बोसा छायाउज्जोइयंगमंगा वज्जिरसहनारायसंघयणा समचउरंससंठाणसं-ठिया सिणिद्धछवी णिरायंका उत्तमपसत्थअइसेसनिरुवमतण् जल्लमलकलंकसेयरयदो-सवज्जियसरीरा निरुवलेवा अणुलोमवाउवेगा कंकरगहणी क्रवोयपरिणामा सउणिव्व पोसिपद्वंतरोरुपरिणया विग्गहियउन्नयकुच्छी पउमुप्पलसिरसगंघणिस्साससुरभिवयणा

अट्टथणुसयं ऊसिया, तेसिं मणुयाणं चउसिट्ट पिट्टिकरंडगा पण्णता समणाउसो !, ते णं मणुया पगइभद्दगा पगइविणीयगा पगइउवसंता पगइपयणुकोहमाणमायालोभा मिउमद्दवसंपण्णा अल्लीणा भद्दगा विणीया अप्पिच्छा असंनिहिसंचया अचंडा विडि-मंतरपरिवसणा जिहन्छियकामगामिणो य ते मणुयगणा पण्णत्ता समणाउसो!। तेसि णं भेते! मणुयाणं केवइकालस्स आहारहे समुप्पज्जइ ? गोयमा! चउत्थभत्तस्स आहारहे समुप्पज्जइ, एगोस्यमणुईणं भंते! केरिसए आगारभावपडोयारे पण्णते? गोयमा ! ताओ णं मणुईओ सजायसन्वंगसुंदरीओ पहाणमहिलागुणेहिं जुत्ता अचंत-विसप्पमाणपउमस्मालकुम्मसंठियविसिद्धचलणा उज्ज्मउयपीवरनिरंतरपुद्धसाहियंगु-लीया उण्णयरइयनलिणंव सुइणिद्धणक्खा रोमरहियवद्टलद्वसंठियअजहण्णपसत्थलक्ख-णअकोप्पजंघजुयला सुणिम्मियसुगूढजाणुमंडलसुबद्धसंघी कयिलक्खंभाइरेगसंठिय-पृष्टसंठियपसत्थिविच्छिन्नपिह्रलसोणी वयणायामप्पमाणदुगुणियविसालमंसलसुबद्धज-हणवरधारणीओ वज्जविराइयपसत्थलक्खणणिरोदरी तिवलिवलीयतणुणमियमज्झि-याओ उज्यसमसिहयज्ञत्रतणुकसिणणिद्धआदेज्ञलङहसुविभत्तसुजायकंतसोहंतरहल-रमणिजारोमराई गंगावत्तपयाहिणावत्ततरंगभंगुररविकिरणतरुणबोहियअकोसायंतप-उमवणगंभीरवियडणाभी अणुब्भडपसत्थपीणकुच्छी सण्णयपासा संगयपासा सुजाय-पासा मियमाइयपीणरइयपासा अकरंद्धयकणगरुयगनिम्मलसुजायणिरुवहयगायलडी कंचणकलससमपमाणसमसहियसुजायलङ्गचुयआमेलगजमलजुयलवट्टियअब्भुण्णयर-इयसंठियपओहराओ भुयंगणुपुन्वतणुयगोपुच्छवद्दसमसहियणमियआएज्जललियबाहाओ तंबणहा मंसलग्गहत्था पीवरकोमलवरंगुलीओ णिद्धपाणिलेहा रविसिसंखचक-सोत्थियसुनिभत्तसुनिरइयपाणिलेहा पीणुण्णयकक्खनित्यदेसा पडिपुण्णगलकनोला चउरंगुलसुप्पमाणकंबुवरसरिसगीवा मंसलसंठियपसत्थहणुया दाडिमपुप्फप्पगास-पीवरकुंचियवराधरा सुंदरोत्तरोड्ठा दहिदगरयचंदकुंदवासंतिमजलअच्छिद्दविमलदसणा रत्तुप्पलपत्तमस्यसुकुमालतालुजीहा कणयर्मुस्लअकुडिलअब्भुगग्यस्कृतुंगणासा सार्-यणवकमलकुम् यकुवलयविमुक्कदलणिगरसरिसलक्खणअंकियकृतणयणा पत्तलचवला-यंततंबलोयणाओ आणामियचावरुइलकिण्हब्भराइसंठियसंगयआययसुजायतणुकसिण-णिद्धभमुया अल्लीणपमाणजुत्तसवणा सुसवणा पीणमद्भरमणिज्ञगंडलेहा चडरंसपसत्थ-समणिडाला कोमुइरयणियरविमलपिडपुन्नसोमवयणा छत्तुन्नयउत्तिमंगा कुडिलसुसि-णिद्धदीहसिर्या छत्तज्झयजुगदामिणिकमंडलुकलस्वाविसोत्थियपडागजवमच्छक्रम्मर-हवरमगरसुयथालअंकुसअद्वावयवीइसुपइद्रगमऊरसिरिदामाभिसेयतोरणमेइणिउदहि-

वरभवणगिरिवरआयंसललियगयउसभसीहचमरउत्तमपसत्थवत्तीसलक्खणधराओ हंससरिसगईओ कोइलमहरगिरसस्सराओं कंता सन्वस्स अणुनयाओं ववगयवलि-पिलया वंगद्व्वण्णवाहीदोहरगसोगमुकाओ उच्चत्तेण य नराण थोवूणमूसियाओ सभावसिंगारागारचारुवेसा संगयगयहसियभणियचेद्रियविलाससंलावणिडणजुत्तोवयार-कुसला संदर्थणजहणवयणकरचलणणयणमाला वण्णलावण्णजोव्वणविलासकलिया नंदणवणविवरचारिणीउव्व अच्छराओ अच्छेरगपेच्छणिजा पासाईयाओ दरिसणि-जाओ अभिरूवाओ पडिरूवाओ । तासि णं भंते ! मण्ड्रेणं केवडकालस्स आहारद्रे समुप्पज्जइ ? गोयमा ! चउत्थभत्तस्स आहारद्रे समुप्पज्जइ । ते णं भंते ! मणुगा किमाहारमाहारेंति ? गोयमा ! पढिवेपुष्फफलाहारा णं ते मण्यगणा पण्णता समणा-उसो!। तीसे णं भंते! पढवीए केरिसए आसाए पण्णते? गोयमा! से जहाणामए गुलेइ वा खंडेइ वा सक्कराइ वा मच्छंडियाइ वा भिसकंदेइ वा पप्पडमोयएइ वा पुष्फउत्तराइ वा पउमुत्तराइ वा अकोसियाइ वा विजयाइ वा महाविजयाइ वा आयंसोवमाइ वा उवमाइ वा अणोवमाइ वा चाउरके गोखीरे चउठाणपरिणए गुडखंडमच्छंडिउवणीए मंदग्गिकडीए वण्णेणं उववेए जाव फासेणं. भवेयारूवे सिया ?. नो इणद्रे समद्रे. तीसे णं पढ़वीए एत्तो इद्रतराए चेव जाव मणामतराए चेव आसाए पण्णत्ते. तेसि णं भंते ! प्रप्किष्ठाणं केरिसए आसाए पण्णत्ते? गोयमा! से जहानामए रन्नो चाउरंतचक्कविहस्स कल्लाणे पवरभोयणे सयसहस्सनिप्फन्ने वण्णेणं उववेए गंधेणं उववेए रसेणं उववेए फासेणं उववेए आसायणिजे वीसायणिजे दीवणिजे बिंहणिजे दप्पणिजे मयणिजे सब्विदियगायपल्हायणिजे. भवेयारूवे सिया?, णो इणद्रे समद्रे, तेसि णं पुष्फफलाणं एत्तो इद्रतराए चेव जाव आसाए पण्णत्ते । ते णं भंते ! मणुया तमाहारमाहारित्ता किहं वसिहं उवेंति ? गोयमा ! रुक्खगेहालया णं ते मणुयगणा पण्णता समणाउसो!। ते णं भंते! रुक्खा किंसंठिया पण्णत्ता? गोयमा! कृडागारसंठिया पेच्छाघरसंठिया सत्तागारसंठिया झयसंठिया तोरणसंठिया गोपुरवेइयचोपायालगसंठिया अट्टालगसंठिया पासायसंठिया हम्मतलसंठिया गवक्खसंठिया वालग्गपोत्तियसंठिया वलभीसंठिया अण्णे तत्थ बहवे वरभवणसयणासणविसिद्रसंठाणसंठिया सहसीयलच्छाया णं ते दुमगणा पण्णता समणाउसो! ॥ अत्य णं भंते! एगोरुयदीवे दीवे गेहाणि वा गेहावणाणि वा? णो इणद्रे समद्रे, रुक्खरोहालया णं ते मणुयगणा पण्णत्ता समणाउसो!। अत्थि णं भंते! एगूह्यदीवे दीवे गामाइ वा णगराइ वा जाव सिच्चवेसाइ वा? णो इणद्रे समद्रे. जहिन्छियकामगामिणो ते मण्यगणा पण्णता समणाउसो!। अत्थि णं भंते!

एगूरुयदीवे० असीइ वा मसीइ वा कसीइ वा पणीइ वा वणिजाइ वा? नो इणद्रे समद्वे, ववगयअसिमसिकिसिपणियवाणिजा णं ते मणुयगणा पण्णता समणाउसो!। अत्थि णं भंते! एगुरुयदीवे० हिरण्णेइ वा सुवन्नेइ वा कंसेइ वा दुसेइ वा मणीइ वा मत्तिएइ वा विउलधणकणगरयणमणिमोत्तियसंखसिलप्पवालसंतसारसावएजेइ वा? हंता अत्थि, णो चेव णं तेसिं मणुयाणं तिव्वे ममत्तभावे समुप्पज्जइ । अत्थि णं भंते! एगोहयदीवे० रायाइ वा ज़बरायाइ वा ईसरेइ वा तलवरेइ वा माडंबियाइ वा कोड़ंबियाइ वा इब्साइ वा सेट्रीइ वा सेणावईइ वा सत्थवाहाइ वा? णो डणदे समद्रे, ववगयङ्ग्रीसकारा णं ते मणुयगणा पण्णता समणाउसो! । अत्थि णं भंते! एग्रुवरीवे दीवे दासाइ वा पेसाइ वा सिस्साइ वा भयगाइ वा भाइलगाइ वा कम्मगरपरिसाइ वा ? नो इणद्रे समद्रे. ववगयआभिओगिया ण ते मण्यगणा पण्णता समणाउसो!। अत्य णं भंते! एगोरुयदीवे दीवे मायाइ वा पियाइ वा भायाइ वा भइणीइ वा भजाइ वा पुत्ताइ वा ध्र्याइ वा सुण्हाइ वा ? हंता अत्थि, नो चेव णं तेसि णं मण्याणं तिन्वे पेमबंधणे समुप्पज्जइ, पयणुपेज्जबंधणा णं ते मण्यगणा पण्णत्ता समणाउसो!। अत्थि णं भंते! एगूरुयदीवे दीवे अरीइ वा वेरिएइ वा घायगाइ वा वहगाइ वा पिंडणीयाइ वा पचामिताइ वा? णो इणद्वे समद्रे, ववगयवेराणुवंधा णं ते मणुयगणा पण्णता समणाउसो!। अत्थि णं भंते! एगोरुयदीवे० मित्ताइ वा वयंसाइ वा घडियाइ वा सहीइ वा सुहियाइ वा महाभागाइ वा संगइयाइ वा? णो इण्ड्रे समद्भे, ववगयपेम्मा णं ते मणुयगणा पण्णता समणाउसो!। अत्थि णं भंते! एगोस्यदीवे० आवाहाइ वा वीवाहाइ वा जण्णाइ वा सद्धाइ वा थालिपागाइ वा चोलो-वणयणाइ वा सीमंतोवणयणाइ वा पिइ(मय)पिंडनिवेयणाइ वा ? णो इणद्वे समद्वे, ववगयआवाहविवाहजण्णसद्धथालिपागचोलोवणयणसीमंतोवणयणिइपिंडनिवेयणा णं ते मणुयगणा पण्णता समणाउसो!। अत्थि णं भंते! एगोस्यदीवे दीवे इंदमहाइ वा खंदमहाइ वा रहमहाइ वा सिवमहाइ वा वेसमणमहाइ वा मुग्दमहाइ वा णागमहाइ वा जक्खमहाइ वा भ्यमहाइ वा क्वमहाइ वा तलायणइमहाइ वा दहमहाइ वा पव्वयमहाइ वा रक्खरोवणमहाइ वा? णो इणद्वे समद्वे, ववगयमहमहिमा णं ते मणुयगणा पण्णता समणाउसो!। अस्थि णं भंते! एगोरुयदीवे दीवे णडपेच्छाइ वा णृहपेच्छाइ वा मृह्रपेच्छाइ वा मुद्रियपेच्छाइ वा विडंबगपेच्छाइ वा कहगपेच्छाइ वा पवगपेच्छाइ वा अक्खायगपेच्छाइ वा लासगपेच्छाइ वा लंखपे० मंखपे० तूणइल्लपे० तुंबवीणपे० कीवपे० मागहपे० जल्लपे०? णो इणहे समहे, ववगयकोउहल्ला णं ते मणुयगणा पण्णत्ता समणाउसो!। अत्थि णं भंते! एगुरुयदीवे दीवे सगडाइ वा रहाइ

वा जाणाइ वा जुरगाइ वा गिल्लीइ वा थिल्लीइ वा पिपिल्लीइ वा पवहणाणि वा सिवियाइ वा संदमाणियाइ वा? णो इणहे समहे, पायचारविहारिणो णं ते मणुस्सगणा पण्णत्ता समणाउसो!। अस्थि णं भंते! एगुरुयदीवे० आसाइ वा हत्थीइ वा उद्दाइ वा गोणाड वा महिसाइ वा खराइ वा घोडाइ वा अयाइ वा एलाइ वा १ हंता अत्थि, नो चेव णं तेसिं मणुयाणं परिभोगत्ताए हव्वमागच्छंति । अत्थि णं भंते ! एगोस्यदीवे दीवे गावीइ वा महिसीइ वा उट्टीइ वा अयाइ वा एलगाइ वा ? हंता अत्थि, णो चेव णं तेसिं मणुयाणं परिभोगत्ताए हव्वमागच्छंति । अत्थि णं भंते ! एगूहयदीवे दीवे सीहाइ वा वग्घाइ वा विगाइ वा दीवियाइ वा अच्छाइ वा परच्छाइ वा परस्सराइ वा तरच्छाइ वा सियालाइ वा बिडालाइ वा सुणगाइ वा कोलसुणगाइ वा कोकंतियाइ वा ससगाइ वा चित्तलाइ वा चिल्ललगाइ वा? हंता अत्थि, नो चेव णं ते अण्ण-मण्णस्स तेसिं वा मणुयाणं किंचि आबाहं वा पबाहं वा उप्पायंति वा छविच्छेयं वा करेंति, पगइभद्दगा णं ते सावयगणा पण्णत्ता समणाउसो!। अत्थि णं भंते! एगूहयदीवे दीवे सालीइ वा वीहीइ वा गोधुमाइ वा जवाइ वा तिलाइ वा इक्खूइ वा? हंता अत्थि, नो चेव णं तेसिं मणुयाणं परिभोगत्ताए हव्वमागच्छंति । अत्थि णं भंते! एगूस्यदीवे दीवे गत्ताइ वा दरीइ वा घंसाइ वा भिगृह वा उवाएइ वा विसमेइ वा विजलेइ वा धूलीइ वा रेणूइ वा पंकेइ वा चलणीइ वा? णो इण्डे समद्दे, एगूहयदीवे णं दीवे बहुसमरमणिजे भूमिभागे पण्णत्ते समणाउसो!। अत्थि णं भंते ! एगूरुयदीवे दीवे खाणूइ वा कंटएइ वा हीरएइ वा सक्कराइ वा तणकयव-राइ वा पत्तकयवराइ वा असुईइ वा पूइयाइ वा दुब्भिगंघाइ वा अचोक्खाइ वा ? गो इण्डे समद्रे, ववगयखाणुकंटगहीरसक्तरतणकयवरपत्तकयवरअसुइपूइयदुब्भिगंधम-चोक्खपरिवज्जिए णं एगूहयदीवे पण्णते समणाउसो!। अत्थि णं भंते! एगूहय-दीवे दीवे दंसाइ वा मसगाइ वा पिष्ठयाइ वा ज्याइ वा लिक्खाइ वा ढंकुणाइ वा ? णो इणहे समद्रे, ववगयदंसमसगिपस्यज्यिलक्खढंकणपरिविज्जिए णं एगस्य-दीवे पण्णते समणाउसो !। अत्थि णं भंते ! एगूरुयदीवे० अहीइ वा अयगराइ वा महोरगाइ वा ? हंता अत्थि, नो चेव णं ते अन्नमन्नरस तेसिं वा मण्याणं किंचि आबाहं वा पबाहं वा छिवच्छेयं वा करेंति, पगइभइगा णं ते वालगगणा पण्णत्ता समणाउसो !। अत्थि णं भंते ! एग्रुयदीवे॰ गहदंडाइ वा गहुमुसलाइ वा गहगजियाइ वा गहजुद्धाइ वा गहसंघाडगाइ वा गहअवसव्वाइ वा अब्भाइ वा अञ्मरक्खाइ वा संझाइ वा गंधन्वनगराइ वा गजियाइ वा विज्ञुयाइ वा उका-पायाइ वा दिसादाहाइ वा णिग्घायाइ वा पंद्यवद्वीइ वा जुवगाइ वा जक्खालिताइ

वा धूमियाइ वा महियाइ वा रउग्घायाइ वा चंदोवरागाइ वा सूरोवरागाइ वा चंदपरिवेसाइ वा सूरपरिवेसाइ वा पिडचंदाइ वा पिडसूराइ वा इंदधणूइ वा उदग-मच्छाइ वा अमोहाइ वा कविहिसियाइ वा पाईणवायाइ वा पडीणवायाइ वा जाव मुद्रवायाइ वा गामदाहाइ वा नगरदाहाइ वा जाव सिण्णवेसदाहाइ वा पाणक्खय-जणक्खयकुळक्खयधणक्खयवसणभ्यमणारियाइ वा १ णो इणहे समहे । अत्थि णं भंते ! एगूरुयदीवे दीवे डिंबाइ वा डमराइ वा कलहाइ वा बोलाइ वा खाराइ वा वेराइ वा महावेराइ वा विरुद्धरजाइ वा ? णो इणहे समहे, ववगयिंबडमरकलह-ं बोलखारवेरविरुद्धरज्जविवज्जिया णं ते मणुयगणा पण्णत्ता समणाउसो ! । अत्थि णं भंते ! एगूरुयदीवे दीवे महाजुद्धाइ वा महासंगामाइ वा महासत्थपडणाइ वा महा-पुरिसपडणाइ वा महारुहिरपडणाइ वा नागवाणाइ वा खेणवाणाइ वा तामसवाणाइ वा दुब्भूइयाइ वा कुलरोगाइ वा गामरोगाइ वा णगररोगाइ वा मंडलरोगाइ वा सिरोवेयणाइ वा अच्छिवेयणाइ वा कण्णवेयणाइ वा णक्कवेयणाइ वा दंतवेयणाइ वा नहवेयणाइ वा कासाइ वा सासाइ वा जराइ वा दाहाइ वा कच्छूइ वा खसराइ वा कुद्धाइ वा कुडाइ वा दगराइ वा अरिसाइ वा अजीरगाइ वा भगंदराइ वा इंदरगहाइ वा खंदरगहाइ वा कुमारग्गहाइ वा णागरगहाइ वा जक्खरगहाइ वा भूयग्गहाइ वा उन्वेयग्गहाइ वा धणुग्गहाइ वा एगाहियाइ वा बेयाहियाइ वा तेया-हियाइ वा चउत्थगाइ वा हिययस्लाइ वा मत्थगस्लाइ वा पासस्लाइ वा कुच्छि-सूलाइ वा जोणिस्लाइ वा गाममारीइ वा जाव सिन्नवेसमारीइ वा पाणक्खय जाव वसणभूयमणारियाइ वा ? णो इणहे समट्टे, ववगयरोगायंका णं ते मणुयगणा पण्णता समणाउसो ! । अत्थि णं भंते ! एगूरुयदीवे दीवे अइवासाइ वा मंदवासाइ वा सुबुद्धीइ वा मंद्बुद्धीइ वा उदगवाहाइ वा उदगपवाहाइ वा द्गुब्भेयाइ वा द्गु-प्पीलाइ वा गामवाहाइ वा जाव सिन्नवेसवाहाइ वा पाणक्खय० जाव वसणभूयम-णारियाइ वा १ णो इणद्वे समद्वे, ववगयदगोवद्दवा णं ते मणुयगणा पण्णत्ता समणा-उसो ! । अत्थि णं भंते ! एगूह्यदीवे दीवे अयागराइ वा तम्बागराइ वा सीसाग-राइ वा सुवण्णागराइ वा रयणागराइ वा वहरागराइ वा वसुहाराइ वा हिरण्णवासाइ वा सुवण्णवासाइ वा रयणवासाइ वा वइरवासाइ वा आभरणवासाइ वा पत्तवासाइ वा पुप्फवासाइ वा फलवासाइ वा बीयवासा० मळ्ळवासा० गंधवासा० वण्णवासा० चुण्णवासा० खीरवुद्वीइ वा रयणवुद्वीइ वा हिरण्णवुद्वीइ वा सवण्ण० तहेव जाव चुण्णवृद्धीइ वा सुकालाइ वा दुकालाइ वा सुभिक्खाइ वा दुभिक्खाइ वा अप्परघाइ वा महग्चाइ वा कयाइ वा महाविक्रयाइ वा अणिहाइ वा सिण्णहीइ वा संनिचयाइ वा ११ सुत्ता०

निहीइ वा निहाणाइ वा चिरपोराणाइ वा पहीणसामियाइ वा पहीणसेउयाइ वा पहीण-गोत्तागाराइं वा जाइं इमाइं गामागरणगरखेडकब्बडमडंबदोणमुहपट्टणासमसंवाहस-विवेसेस सिंवाडगतिगचउक्वचचरचउसुहमहापहपहेसु णगरणिद्धमणगामणिद्धमणस्-साणगिरिकंदरसन्तिसेलोवद्वाणभवणगिहेस सिचिक्खिताई चिद्रंति ? नो इणद्रे समद्रे। एगुरुयदीवे णं भंते ! दीवे मणुयाणं केवइयं कालं ठिई पण्णता ? गोयमा ! जहन्नेणं पिठओवमस्स असंखेजइभागं असंखेजइभागेण ऊणगं उक्कोसेणं पिठओवमस्स असंखेजइभागं। ते णं भंते! मणुया कालमासे कालं किचा किहं गच्छंति किहं उववजंति ? गोयमा ! ते णं मणुया छम्मासावसेसाउया मिहणयाई पसवंति अउणा-सीई राइंदियाई मिहणाई सारक्खंति संगोविंति य, सारक्खिता संगोविता उस्सिसिता निस्सित्ता कासिता छीइता अकिट्ठा अन्वहिया अपरियाविया [पिलेओवमस्स असंखिज्जहभागं परियाविय] सहंसहेणं कालमासे कालं किचा अन्नयरेस देवलोएस देवताए उववतारो भवन्ति, देवलोयपरिग्गहा णं ते मणुयगणा पण्णता समणा-उसो ! ॥ कहि णं भंते ! दाहिणिल्लाणं आभासियमणुस्साणं आभासियदीवे णामं दीवे पण्णते ? गोयमा ! जंबुद्दीवे दीवे चुळ्ळहिमवंतस्स वासहरपव्वयस्स दाहिणपुर-च्छिमिल्लाओ चरिमंताओ लवणसमुद्दं तिन्नि जोयण० सेसं जहा एगूरुयाणं णिरवसेसं भाणियव्वं ॥ कहि णं भंते ! दाहिणिल्लाणं णंगोलियमणुस्साणं पुच्छा, गोयमा ! जंबुद्दीवे दीवे मंदरस्स पव्वयस्स दाहिणेणं चुल्लहिमवंतस्स वासहरपव्वयस्स उत्तरपचित्यमिल्लाओ चरिमंताओ लवणसमुद्दं तिण्णि जोयणसयाई सेसं जहा एग्रुयमणुरसाणं ॥ कहि णं भंते ! दाहिणिल्लाणं वेसाणियमणुरसाणं पुच्छा, गोयमा ! जंबुद्दीवे दीवे मंदरस्स पव्वयस्स दाहिणेणं चुल्लहिमवंतस्स वासहरपव्वयस्स दाहिण-पचित्थिमिल्लाओ चरिमंताओ ठवणसमुद्दं तिण्णि जोयण० सेसं जहा एग्रुयाणं ॥१११॥ किह णं भंते ! दाहिणिह्नाणं हयकण्णमणुस्साणं हयकण्णदीवे णामं दीवे पण्णते ? गोयमा! एगूरुयदीवस्स उत्तरपुरच्छिमिल्लाओ चरिमंताओ लवणसमुद्दं चत्तारि जोयणसयाई ओगाहिता एत्थ णं दाहिणिह्याणं हयकण्णसणुस्साणं हयकण्णदीवे णामं दीवे पण्णते, चत्तारि जोयणसयाइं आयामविक्खंभेणं बारस जोयणसया पन्नद्री किंचिविसेस्णा परिक्लेवेणं, से णं एगाए पडमवरवेइयाए अवसेसं जहा एग्रुयाणं । कहि णं भंते ! दाहिणिल्लाणं गयकण्णमणुस्साणं पुच्छा, गोयमा ! आभासियदीवस्स दाहिणपुरच्छिमिल्लाओ चरिमंताओ लवणसमुद्दं चत्तारि जोयण-सयाई सेसं जहा हयकण्णाणं । एवं गोकण्णमणुस्साणं पुच्छा, वेसाणियदीवस्स दाहिणपचित्यमिल्लाओ चरिमंताओ लवणसमुद्दं चत्तारि जोयणसयाई सेसं जहा

हयकण्णाणं । सङ्गलिकण्णाणं पुच्छा, गोयमा! णंगोलियदीवस्स उत्तरपचित्यिमिल्लाओ चरिमंताओ लवणसमुद्दं चत्तारि जोयणसयाई सेसं जहा हयकण्णाणं ॥ आयंसमुहाणं पच्छा. हयकण्णयदीवस्स उत्तरपरच्छिमिल्लाओ चरिमंताओ पंच जोयणसयाई ओगा-हिता एत्थ णं दाहिणिछाणं आयंसमुहमणुस्साणं आयंसमृहदीवे णामं दीवे पण्णते. पंच जोयणसयाई आयामविक्खंभेणं, आसमुहाईणं छ सया, आसकन्नाईणं सत्त, उक्कामु-हाईणं अद्र, घणदंताईणं जाव नव जोयणसयाई, गाहा—एगूरुयपरिक्खेवो नव चेव सयाइं अउणपत्राइं । बारसपत्रहाइं हयकण्णाईणं परिक्खेवो ॥ १ ॥ आयंसमहाईणं पन्नरसेकासीए जोयणसए किंन्विविसेसाहिए परिक्खेवेणं, एवं एएणं कमेणं उवउङ्जिऊण णेयव्वा चत्तारि चत्तारि एगपमाणा, णाणत्तं ओगाहे, विक्खंभे परिक्खेवे पढमबीय-तइयचउकाणं उग्गहो विक्खंभो परिक्खेवो भणिओ, चउत्थचउके छजोयणसयाई आयामविक्खंभेणं अद्वारसत्ताणउए जोयणसए विक्खंभेणं । पंचमचडके सत्त जोयण-सयाई आयामविक्खंभेणं बावीसं तेरसोत्तरे जोयणसए परिक्खेवेणं । छद्भचउके अद्भजोयणसयाई आयामविक्खंभेणं पणवीसं गुणतीसजोयणसए परिक्खेवेणं । सत्तमचउके नवजोयणसयाइं आयामविक्खंभेणं दो जोयणसहस्साइं अद्र पणयाले जोयणसए परिक्खेवेणं । जस्स य जो विक्खंमो उग्गाहो तस्स तत्तिओ चेव । पढमबीयाण परिरओ ऊणो सेसाण अहिओ उ ॥ १ ॥ सेसा जहा एगुरुयदीवस्स जाव सद्धदंतदीवे देवलोगपरिग्गहा णं ते मणुयगणा पण्णत्ता समणाउसो ! ॥ कहि णं भंते ! उत्तरिह्णाणं एगूरुयमणुस्साणं एगूरुयदीवे णामं दीवे पण्णते ? गोयमा ! जंब्रहीवे दीवे मंदरस्स पन्वयस्स उत्तरेणं सिहरिस्स वासहरपन्वयस्स उत्तरपुरच्छि-मिल्लाओ चरिमंताओ लवणसमुद्दं तिण्णि जोयणस्याई ओगाहित्ता एवं जहा दाहिणिह्राण तहा उत्तरिह्राण भाणियव्वं, णवरं सिहरिस्स वासहरपव्वयस्स विदिसासु, एवं जाव सुद्धदंतदीवेत्ति जाव सेत्तं अंतरदीवगा ॥ ११२ ॥ से किं तं अकम्मभूमगमणुस्सा ? २ तीसविहा पण्णत्ता, तंजहा—पंचिहं हेमवएहिं, एवं जहा पण्णवणापए जाव पंचिहं उत्तरकुरूहिं, सेत्तं अकम्मभूमगा । से किं तं कम्म-भूमगा ? २ पण्णरसिवहा पण्णत्ता, तंजहा—पंचिहं भरहेहिं पंचिहं एरवएहिं पंचिहं महाविदेहेहिं, ते समासओ दुविहा पण्णत्ता, तंजहा-आरिया मिलेच्छा, एवं जहा पण्णवणापए जाव सेत्तं आरिया, सेत्तं गब्भवकंतिया, सेत्तं मणस्सा ॥ १९३ ॥ मणुस्सुद्देसो समत्तो॥

से कि तं देवा ? देवा चउ व्विहा पण्णत्ता, तंजहा-भवणवासी वाणमंतरा जोइसिया वेमाणिया ॥ ११४ ॥ से किं तं भवणवासी ? २ दसविहा पण्णत्ता. तंजहा- असरकुमारा जहा पण्णवणापए देवाणं मेओ तहा भाणियव्वो जाव अणुत्तरीववाड्या पंचितहा पण्णत्ता, तंजहा-विजयवेजयंत जाव सव्वद्वसिद्धगा, सेतं अणुत्तरोववाइया ॥ १९५ ॥ कहि णं भंते ! भवणवासिदेवाणं भवणा पन्नता ? कहि णं भंते ! भवणवासी देवा परिवसंति ?, गोयमा ! इमीसे रयणप्पभाए पुढवीए असीउत्तरजोय-णसयसहस्सबाहल्लाए, एवं जहा पण्णवणाए जाव भवणवासाइया, त(ए)त्थ णं भवणवासीणं देवाणं सत्त भवणकोडीओ बावत्तारे भवणावाससयसहस्सा भवंति-तिमक्खाया. तत्थ णं बहवे भवणवासी देवा परिवसंति-अधुरा नाग सवन्ना य जहा पण्णवणाए जाव विहरंति ॥ ११६ ॥ किह णं भंते ! असुरकुमाराणं देवाणं भवणा प० पुच्छा, एवं जहा पण्णवणाठाणपए जाव विहरंति ॥ कहि णं भंते! दाहिणिल्लाणं असुरकुमारदेवाणं भवणा पुच्छा, एवं जहा ठाणपए जाव चमरे तत्थ असुरक्रमारिंदे असुरक्रमारराया परिवसइ जाव विहरइ ॥ ११७ ॥ चमरस्स णं भंते ! असुरिंदरस असुररन्नो कइ परिसाओ प० १ गो० ! तओ परिसाओ प०. तं०-समिया चंडा जाया. अब्भितरिया समिया मज्झे चंडा बाहिं च जाया।। चमरस्स णं भंते ! असुरिंदस्स असुररन्नो अब्भितरपरिसाए कइ देवसाहस्सीओ पण्णताओ ? मज्झिमपरिसाए कइ देवसाहरसीओ पण्णताओ ? बाहिरियाए परिसाए कड देवसा-हस्सीओ पण्णताओ ?, गोयमा ! चमरस्स णं असुरिंदस्स २ अध्भितरपरिसाए चउवीसं देवसाहरसीओ पण्णताओ, मज्झिमियाए परिसाए अडावीसं देव०. वाहि-रियाए परिसाए बत्तीसं देवसा॰ ॥ चमरस्स णं भंते ! असुरिंदस्स असररण्णो अब्भितरियाए प॰ कइ देविसया पण्णत्ता ? मजिझमियाए परिसाए कइ देविसया पण्णता ? बाहिरियाए परिसाए कइ देविसया पण्णता ?, गोयमा ! चमरस्स णं असरिंदस्स असररण्णो अब्भितरियाए परिसाए अद्भुट्टा देविसया प॰ मज्झिमियाए परिसाए तिन्नि देवि॰ बाहिरियाए अङ्गाइजा देवि॰। चमरस्स णं भंते ! असरिंदस्स असररण्णो अब्भितरियाए परिसाए देवाणं केवइयं कालं ठिई पण्णता ? मज्झिमियाए परिसाए॰ बाहिरियाए परिसाए देवाणं केवइयं कालं ठिई पण्णता ? अब्भितरियाए परि॰ देवीणं केवइयं कालं ठिई पण्णता ? मिज्झिमियाए परि॰ देवीणं केवडयं॰ बाहिरियाए परि॰ देवीणं के॰ १, गोयमा ! चमरस्स णं असुरिंदस्स २ अहिंभतरियाए परि॰ देवाणं अड्डाइजाइं पिलओवमाइं ठिई प॰ मिज्झिमाए परिसाए देवाणं दो पिलओवमाइं ठिई पण्णत्ता बाहिरियाए परिसाए देवाणं दिवहूं पिले॰ अध्भितरियाए परिसाए देवीणं दिवहं पिलञोवमं ठिई पण्णत्ता मिज्झिमियाए परिसाए देवीणं पिल-ओवमं ठिई पण्णता बाहिरियाए परि० देवीणं अद्धपित्रओवमं ठिई पण्णता ॥ से केणद्रेणं भंते! एवं वुचइ--चमरस्स असुरिंदस्स तओ परिसाओ पण्णत्ताओ, तंजहा-समिया चंडा जाया, अन्भितरिया समिया मज्झिमिया चंडा बाहिरिया जाया ? गोयमा ! चमरस्स णं असुरिंदस्स असुररन्नो अब्भितरपरिसाए देवा वाहिया हुव्बमागच्छंति णो अव्वाहिया, मज्झिमपरिसाए देवा वाहिया हुव्बमागच्छंति अव्वाहियावि, बाहिरपरिसाए देवा अव्वाहिया हव्वमागच्छंति, अदुत्तरं च णं गोयमा ! चमरे असरिंदे असरराया अन्नयरेस उचावएस कजकोडुंबेस समुप्पन्नेस अविभतरि-याए परिसाए सर्खि संमइसंपुच्छणाबहुले विहरइ मज्झिमपरिसाए सर्खि पयं एवं प्रवंचेमाणे २ विहरइ बाहिरियाए परिसाए सिद्धं प्रयंडेमाणे २ विहरइ, से तेणद्वेणं गोयमा ! एवं वुच्चइ-चमरस्स णं असुरिंदस्स असुरकुमाररण्णो तओ परिसाओ क्णाताओं समिया चंडा जाया, अब्भितरिया समिया मज्झिमिया चंडा बाहिरिया जाया ॥ ११८ ॥ कहि णं भंते ! उत्तरिल्लाणं असुरकुमाराणं भवणा पण्णत्ता ? जहा ठाणपए जाव बली एत्थ वहरोयणिंदे वहरोयणराया परिवसह जाव विहरह ॥ बिहिस णं भंते ! वयरोयणिंदस्स वइरोयणरन्नो कइ परिसाओ पण्णत्ताओ ? गोयमा ! तिणि परिसाओ प०, तंजहा-सिमया चंडा जाया, अब्भितरिया समिया मज्झिमया चंडा बाहिरिया जाया। बलिस्स णं भंते! वहरोयणिंदस्स वहरोयणरन्नो अब्भितरियाए परिसाए कड देवसहस्सा प॰ ? मजिझमियाए परिसाए कइ देवसहस्सा जाव बाहि-रियाए परिसाए कइ देविसया पण्णत्ता 2, गोयमा! बलिस्स णं वहरोयणिंदस्स २ अब्भितरियाए परिसाए वीसं देवसहरूसा पण्णत्ता, मिज्झिमयाए परिसाए चउवीसं देवसहस्सा पण्णत्ता, बाहिरियाए परिसाए अट्ठावीसं देवसहस्सा पण्णत्ता, अब्भितरियाए परिसाए अद्धपंचमा देविसया पण्णता, मज्झिमियाए परिसाए चत्तारि देविसया पण्णत्ता, बाहिरियाए परिसाए अद्भुट्टा देविसया पण्णत्ता, बलिस्स · · ठिईए पुच्छा जाव बाहिरियाए परिसाए देवीणं केवइयं कालं ठिई पण्णता ?, गोयमा ! बलिस्स णं वहरोयणिंदस्स २ अव्भितरियाए परिसाए देवाणं अद्भट्टपलिओवमा ठिई पण्णता. मिज्झिमियाए परिसाए तिन्नि पलिओवमाई ठिई पण्णता, बाहिरियाए परिसाए देवाणं अङ्गाङ्जाइं पिठओवमाइं ठिई पण्णत्ता, अब्भितरियाए परिसाए देवीणं अङ्गाइजाइं पलिओवमाइं ठिईं पण्णत्ता, मज्झिमियाए परिसाए देवीणं दो पलिओवमाइं ठिई पण्णत्ता, बाहिरियाए परिसाए देवीणं दिवहूं पलि-ओवमं ठिई पण्णत्ता, सेसं जहा चमरस्स असुरिंदस्स असुरकुमाररण्णो ॥ ११९ ॥ कहि णं भंते! नागकुमाराणं देवाणं भवणा पण्णता? जहा ठाणपए जाव दाहिणि-क्लाणि पुच्छियन्वा जाव धरणे इत्थ नागकुमारिंदे नागकुमारराया परिवसइ जाव विहरइ ॥ धरणस्स णं भंते ! नागकुमारिंदस्स नागकुमाररण्णो कइ परिसाओ प॰ ? गोगमा! तिष्णि परिसाओ, ताओ चेव जहा चमरस्स । धरणस्स णं भंते! णाग-कमारिंदस्स णागकुमाररन्नो अब्भितरियाए परिसाए कइ देवसहस्सा पन्नता जाव बाहिरियाए परिसाए कइ देविसया पण्णता?, गोयमा! धरणस्स णं नागकुमारिंदस्स नागकमाररण्णो अब्भितरियाए परिसाए सिंह देवसहस्साइ मिज्झिमियाए परिसाए सत्तरिं देवसहस्साई बाहिरियाए परिसाए असीइदेवसहस्साई अब्भितरपरिसाए पण्णत्तरं देविसयं पण्णतं मज्झिमियाए परिसाए पण्णासं देविसयं पण्णतं बाहिरियाए परिसाए पणवीसं देविसयं पण्णतं । धरणस्स णं० रन्नो अब्भितरियाए परिसाए देवाणं केवइयं कालं ठिई पण्णता? मज्झिमियाए परिसाए देवाणं केवइयं कालं ठिई पण्णता? बाहिरियाए परिसाए देवाणं केवइयं कालं ठिई पण्णता ? अन्भितरियाए परिसाए देवीणं केवइयं कालं ठिई पण्णता? मज्झिमियाए परिसाए देवीणं केवइयं कालं ठिई पण्णता ? बाहिरियाए परिसाए देवीणं केवइयं कालं ठिई पण्णता ?, गोयमा! धरणस्त रण्णो अब्भितरियाए परिसाए देवाणं साइरेगं अद्धपलिओवमं ठिई पण्णत्ता, मजिझमियाए परिसाए देवाणं अद्धपिठओवमं ठिई पण्णत्ता, बाहिरियाए परिसाए देवाणं देसणं अद्धपलिओवमं ठिई पण्णता, अब्भितरियाए परिसाए देवीणं देसणं अद्भपिलओवमं ठिई पण्णता, मजिझमियाए परिसाए देवीणं साइरेगं चडन्भागपिल-ओवमं ठिई पण्णता, बाहिरियाए परिसाए देवाणं चडभागपलिओवमं ठिई पण्णता, अद्रो जहा चमरस्स ॥ किह णं भंते! उत्तरिक्षाणं णागकुमाराणं जहा ठाणपए जाव विहरइ ॥ भ्याणंदस्स णं भंते ! णागकुमारिंदस्स णागकुमाररण्णो अब्भितरियाए परिसाए कह देवसाहस्सीओ पण्णताओ? मज्झिमियाए परिसाए कह देवसाहस्सीओ पण्णत्ताओं ? बाहिरियाए परिसाए कह देवसाहस्सीओ पण्णत्ताओं ? अविभतरियाए परिसाए कह देविसया पण्णता? मज्झिमियाए परिसाए कह देविसया पण्णता? बाहिरियाए परिसाए कइ देविसया पण्णत्ता ?, गोयमा! भूयाणंदस्स णं नागकुमारिं-दस्स नागक्रमाररन्नो अब्भितरियाए परिसाए पन्नासं देवसहस्सा पण्णता, मज्ज्ञि-मियाए परिसाए सिंद्धं देवसाहस्सीओ पण्णताओ, बाहिरियाए परिसाए सत्तरि देवसाहरसीओ पण्णताओ, अब्भितरियाए परिसाए दो पणवीसं देविसयाणं पण्णता. मज्झिमियाए परिसाए दो देवीसया पण्णत्ता, बाहिरियाए परिसाए पण्णत्तरं देविसयं पण्णत्तं । भूयाणंदस्स णं भंते ! नागकुमारिंदस्स नागकुमाररण्णो अब्भितरियाए परिसाए देवाणं केवइयं कालं ठिई पण्णत्ता जाव बाहिरियाए परिसाए देवीणं केवइयं कालं ठिई पण्णता?, गोयमा! भूयाणंदस्स णं० अब्भितरियाए परिसाए देवाणं हेमणं प्रतिओवमं ठिई पण्णता, मजिझमियाए परिसाए देवाणं साइरेगं अद्भप्रतिओवमं किई पण्णता, बाहिरियाए परिसाए देवाणं अद्धपितओवमं ठिई पण्णत्ता, अब्भि-त्रीयाए परिसाए देवीणं अद्भप्लिओवमं ठिई पण्णता. मजिझमियाए परिसाए देवीणं देसणं अद्धपलिओवमं ठिई पण्णता, बाहिरियाए परिसाए देवीणं साइरेगं चरक्मागपलिओवमं ठिई पण्णता, अद्रो जहा चमरस्स, अवसेसाणं वेणदेवाईणं महाघोसपज्जवसाणाणं ठाणपयवत्तव्वया णिरवसेसा भाणियव्वा. परिसाओ जहा धरणभयाणंदाणं (सेसाणं भवणवर्दणं) दाहिणिल्लाणं जहा धरणस्स उत्तरिल्लाणं जहा भयाणंदरस. परिमाणंपि ठिईवि ॥ १२० ॥ कहि णं भंते ! वाणमंतराणं देवाणं भवणा (भोमेजा णगरा) पण्णता? जहा ठाणपए जाव विहरंति॥ कहि णं भंते! पिसायाणं देवाणं भवणा पण्णता? जहा ठाणपए जाव विहरंति कालमहाकाला य तत्थ दुवे पिसायकुमाररायाणो परिवसंति जाव विहरंति. कहि णं भंते! दाहिणिह्याणं पिसायकुमाराणं जाव विहरंति काले य एत्थ पिसाय-कमारिंदे पिसायकमारराया परिवसइ महिष्टूए जाव विहरइ ॥ कालस्स णं भंते! पिसायक्रमारिंदरस पिसायक्रमाररण्णो कइ परिसाओ पण्णत्ताओ ? गोयमा! तिण्णि परिसाओ पण्णताओ, तंजहा-ईसा तुडिया दढरहा, अब्भितरिया ईसा मज्झिमिया तुडिया बाहिरिया दढरहा। कालस्स णं भंते! पिसायकुमारिंदस्स पिसायक्रमाररण्णो अब्भितरपरिसाए कइ देवसाहस्सीओ पण्णताओ जाव वाहि-रियाए परिसाए कइ देविसया पण्णता?. गो०! कालस्स णं पिसायकुमारिंदस्स पिसायकुमाररायस्स अब्भितारियपरिसाए अद्भ देवसाहरसीओ पण्णताओ मजिझम-परिसाए दस देवसाहस्सीओ पण्णताओ बाहिरियपरिसाए बारस देवसाहस्सीओ पणताओ अब्भितरियाए परिसाए एगं देविसयं पण्णतं मिन्झिमियाए परिसाए एगं देविसयं पण्णतं बाहिरियाए परिसाए एगं देविसयं पण्णतं । कालस्स णं भंते ! पिसायकमारिंदरस पिसायकमाररण्णो अन्भितरियाए परिसाए देवाणं केवइयं कालं ठिई पण्णता ? मजिझिमियाए परिसाए देवाणं केवइयं कालं ठिई पण्णता ? बाहि-रियाए परिसाए देवाणं केवइयं कालं ठिई पण्णत्ता जाव बाहिरियाए० देवीणं केवड्यं कालं ठिई पण्णता ?, गोयमा ! कालस्स णं पिसायकुमारिंदस्स पिसायकुमा-ररण्णो अब्भितरपरिसाए देवाणं अद्धपलिओवमं ठिई पण्णत्ता, मजिझमियाए परि॰ देवाणं देसूणं अद्भपलिओवमं ठिई पण्णता, बाहिरियाए परि॰ देवाणं साइरेगं चउन्मागपितओवमं ठिई पण्णता, अन्मंतरपरि० देवीणं साइरेगं चउन्भागपित-ओवमं ठिई पण्णता. मज्झिमपरि० देवीणं चउब्मागपलिओवमं ठिई पण्णता.

बाहिरपरिसाए देवीणं देसूणं चडन्भागपलिओवमं ठिई पण्णता, अद्घो जो चेव चम-रस्स, एवं उत्तरस्सवि, एवं णिरंतरं जाव गीयजसस्स ॥ १२१ ॥ कहि णं भंते ! जोइसियाणं देवाणं विमाणा पण्णत्ता ? किह णं भंते ! जोइसिया देवा परिवसंति ?. गोयमा! उपिं दीवसमुद्दाणं इमीसे रयणप्पभाए पुढवीए बहुसमरमणिजाओ भूमि-भागाओ सत्तणउए जोयणसए उड्ढं उप्पइता दसुत्तरसया जोयणबाहल्लेणं, तत्थ णं जोडसियाणं देवाणं तिरियमसंखेजा जोइसियविमाणावाससयसहस्सा भवंतीतिम-क्लायं. ते णं विमाणा अद्भक्षविद्रगसंठाणसंठिया एवं जहा ठाणपए जाव चंदमसूरिया य तत्थ णं जोइसिंदा जोइसरायाणो परिवसंति महिन्निया जाव विहरंति ॥ सूरस्स णं भंते! जोइसिंदस्स जोइसरण्णो कइ परिसाओ पण्णत्ताओ ? गोयमा! तिण्णि परिसाओ पण्णताओ, तंजहा--तुंबा तुडिया पन्वा अब्भितरया तुंबा मजिझमिया तुडिया बाहि-रिया पन्ना, सेसं जहा कालस्स परिमाणं, ठिईवि। अट्ठो जहा चमरस्स। चंदस्सवि एवं चेव ॥ १२२ ॥ कहि णं भंते ! दीवसमुद्दा १ केवइया णं भंते ! दीवसमुद्दा १ केमहालया णं भंते! दीवसमुद्दा? किं संठिया णं भंते! दीवसमुद्दा? किमागारभावपडोयारा णं भंते! दीवसमुद्दा पन्नता?, गोयमा! जंबुद्दीवाइया दीवा लवणाइया समुद्दा संठाणओ एगविहविहाणा वित्थारओ अणेगविहविहाणा दुगुणादुगुणे पडुप्पाएमाणा २ पवित्थरमाणा २ ओभासमाणवीईया बहुउप्पलपउमकुमुयणलिणसुभगसोगंधियपों-डरीयमहापोंडरीयसयपत्तसहस्सपत्तपप्पूळकेसरोवचिया पत्तेयं पत्तेयं पउमवरवेइया-परिक्खिता पत्तेयं पत्तेयं वणसंडपरिक्खिता अस्मि तिरियलोए असंखेजा दीवसमुद्दा सयंभरमणपज्जवसाणा पण्णता समणाउसो!॥ १२३॥ तत्थ णं अयं जंबुद्दीवे णामं दीवे दीवसमुद्दाणं अब्भितरिए सञ्बखुड्डाए वहे तेल्लापूयसंठाणसंठिए वहे रहचक्कवालसंठाणसंठिए वहे पुक्खरकण्णियासंठाणसंठिए वहे पिडपुन्नचंदसंठाण-संठिए एकं जोयणसयसहस्सं आयामविक्खंभेणं तिण्णि जोयणसयसहस्साइं सोलस य सहस्साइं दोण्णि य सत्तावीसे जोयणसए तिण्णि य कोसे अद्वावीसं च धणुसयं तेरस अंगुलाई अद्भंगुलयं च किंचिविसेसाहियं परिक्खेवेणं पण्णते ॥ से णं एकाए जगईए सव्वओ समंता संपरिक्खित ॥ सा णं जगई अद्व जोयणाइं उड्डं उचतेणं मुळे बारस जोयणाइं विक्खंभेणं मज्झे अह जोयणाइं विक्खंभेणं उप्पि चत्तारि जोयणाइं विक्खंभेणं मुळे विच्छिण्णा मज्झे संखिता उपिंप तण्या गोपुच्छसंठाण-संठिया सन्ववइरामई अच्छा सण्हा लण्हा घट्टा मद्रा णीरया णिम्मला णिप्पंका णिकंकडच्छाया सप्पभा सस्सिरीया सङ्जोया पासाईया दरिसणिजा अभिल्वा पुडिल्वा ॥ सा णं जगई एक्केणं जालकडएणं सन्वओ समंता संपरिक्खिता ॥ से णं जालकडए अद्धजोयणं उष्टूं उच्चत्तेणं पंचधणुसयाइं विक्खंभेणं सन्वरयणामए अच्छे सण्हे लण्हे घट्टे महे णीरए णिम्मले णिप्पंके णिकंकडच्छाए सप्पमे [सस्सिरीए] ममरीए सडजोए पासाईए दरिसणिजे अभिरुवे पडिरुवे ॥ १२४ ॥ तीसे णं जगईए उपिं बहमज्झदेसभाए एत्थ णं एगा महई पउमवरवेड्या प०. सा णं पुजमवरवेड्या अद्भजोयणं उड्ढं उच्चत्तेणं पंच धणुसयाइं विक्खंभेणं सव्वरयणामण जगईसमिया परिक्खेवेणं सन्वरयणामई०॥ तीसे णं पउमवरवेइयाए अयमेयारूवे वण्णावासे पण्णते, तंजहा-वइरामया नेमा रिट्ठामया पइट्ठाणा वेरुलियामया खंभा सवण्णरूप्पमया फलगा वहरामया संधी लोहियक्खमईओ सईओ णाणामणिमया कडेवरा कडेवरसंघाडा णाणामणिमया रूवा नाणामणिमया रूवसंघाडा अंकामया पक्का पक्काहाओ जोइरसामया वंसा वंसकवेळ्या य रययामईओ पिट्टयाओ जायह्वमईओ ओहाडणीओ वइरामईओ उवरि पुञ्छणीओ सव्वसेए रययामए ह्ययणे ॥ सा णं परमवरवेइया एगमेगेणं हेमजालेणं एगमेगेणं गवक्खजालेणं एगमेगेणं खिंखिणिजालेणं जाव मणिजालेणं (कणयजालेणं रयणजालेणं) एगमेगेणं पत्रमवरजालेणं सञ्वरयणामएणं सञ्वओ समंता संपरिक्खिता ॥ ते णं जाला तव-णिज्जलंबसगा सुवण्णपयरगमंडिया णाणामणिरयणविविहहारद्धहारउवसोभियसमुदया ईसिं अण्णमण्णमसंपत्ता पुव्वावरदाहिणउत्तरागएहिं वाएहिं मंदागं २ एज्जमाणा २ कंपिजमाणा २ लंबमाणा २ पझंझमाणा २ सहायमाणा २ तेणं ओरालेणं मण्-णोणं कण्णमणणिव्युइकरेणं सद्देणं सव्यओ समंता आपूरेमाणा सिरीए अईव २ उबसोभेमाणा उव॰ चिद्रंति ॥ तीसे णं पडमवरवेइयाए तत्थ तत्थ देसे २ तिहं तिहं बहुचे हयसंघाडा गयसंघाडा नरसंघाडा किण्णरसंघाडा किंपुरिससंघाडा महोरग-संघाडा गंधव्वसंघाडा वसहसंघाडा सव्वरयणामया अच्छा सण्हा लण्हा घट्टा महा णीरया णिम्मला णिप्पंका णिक्कंकडच्छाया सप्पभा समरीया सउज्जोया पासाईया दरिसणिजा अभिरूवा पिडरूवा। तीसे णं पडमवरवेइयाए तत्थ तत्थ देसे २ तिहें तिहं बहवे हयपंतीओ तहेव जाव पिडल्वाओ । एवं हयवीहीओ जाव पिडल्वाओ । एवं हयमिहणाइं जाव पिडल्वाइं ॥ तीसे णं पउमवरवेइयाए तत्थ तत्थ देसे २ तिहं तिहं बहुवे पुरुमलयाओं नागलयाओं, एवं असोग० चंपग० चूयवण० वासंति० अइ-मुत्तग० कुंद० सामलयाओ णिचं कुछुमियाओ जाव सुविहत्तपिंडमंजरिवाडिंसगधरीओ सव्वर्यणामईओ अच्छाओ सण्हाओ लण्हाओ घट्टाओ मद्राओ णीरयाओ णिम्मलाओ णिप्पंकाओ णिक्कंकडच्छायाओ सप्पभाओ समरीयाओ सङ्जोयाओ पासाइयाओ दरिसणिजाओ अभिस्वाओ पडिस्वाओ ॥ तीसे णं पडमवरवेइयाए तत्थ तत्थ

देसे २ तहिं तहिं बहवे अन्खयसोत्थिया पण्णता सन्वरयणामया अच्छा ॥ से केणट्रेणं भंते ! एवं वच्चड--पडमवरवेइया पडमवरवेइया ? गोयमा ! पडमवरवेइयाए तत्थ तत्थ देसे २ तहिं तहिं वेइयास वेइयाबाहास वेइयासीसफलएस वेइयापुडंतरेस खंभेस खंभवाहास खंभसीसेस खंभपुडंतरेस सुईस सुईम्रहेस सूईफलएस सुईपुडंतरेस पुक्खेस पुक्खबाहास पुक्खपेरंतेस बहुई उप्पूलाई पुजमाई जाव सयसहरूसपताई सञ्बरयणामयाइं अच्छाइं सण्हाइं लण्हाइं घट्टाइं मद्राइं णीरयाइं णिम्मलाइं निप्पं-काइं निकंकडच्छायाइं सप्पभाइं समरीयाइं सउज्जोयाइं पासाइयाइं दरिसणिजाइं अभिरूवाई पडिरूवाई महया २ वासिकच्छत्तसमाणाई पण्णत्ताई समणाउसो !. से तेणद्रेणं गोयमा ! एवं वृच्चइ-पडमवरवेइया २ ॥ पडमवरवेइया णं भंते ! किं सासया असासया ? गोयमा ! सिय सासया सिय असासया ॥ से केणद्रेणं भंते ! एवं वृच्चइ---सिय सासया सिय असासया ? गोयमा ! दव्बद्रयाए सासया वण्णपज्जवेहिं गंधपज्ज-वेहिं रसपज्जवेहिं फासपज्जवेहिं असासया, से तेणड्रेणं गोयमा ! एवं वृच्चइ—सिय सासया सिय असासया ॥ पउमवरवेडया णं भंते! कालओ केवचिरं होइ? गोयमा! ण कयावि णासि ण कयावि णित्थ ण कयावि ण भविस्सइ भुविं च भवइ य भवि-स्सइ य ध्रुवा नियया सासया अन्खया अन्वया अवद्विया णिचा पउमवरवेइया 119२५11 तीसे णं जगईए उप्पि बाहिं पडमवरवेइयाए एत्य णं एगे महं वणसंडे पण्णते देसुणाई दो जोयणाई चक्कवालविक्खंभेणं जगईसमए परिक्खेवेणं, किण्हे किण्हो-भासे जाव अणेगसगडरहजाणजुग्गपरिमोयणे सुरम्मे पासाईए सण्हे ठण्हे घट्टे मट्टे नीरए निप्पंके निम्मले निकंकडच्छाए सप्पमे समिरीए सउज्जोए पासाईए दरिसणिजे अभिरूवे पडिरूवे ॥ तस्स णं वणसंडस्स अंतो बहसमरमणिजे भूमिभागे पण्णत्ते से जहानामए-आलिंगपुक्खरेड वा मुइंगपुक्खरेड वा सरतलेड वा करयलेड वा आयंसमंडलेइ वा चंदमंडलेइ वा सूरमंडलेइ वा उरन्भचम्मेइ वा उसभचम्मेइ वा वराहचम्मेइ वा सीहचम्मेइ वा वग्घचम्मेइ वा विगचम्मेइ वा दीवियचम्मेइ वा अणेगसंक्रकीलगसहस्सवियए आवडपचावडसेढीपसेढीसोत्थियसोवत्थियपसमाणवद्ध-माणमच्छंडगमगरंडगजारमारफुल्लावलिपडमपत्तसागरतरंगवासंतिलयपडमलयभत्ति-न्वित्तेहिं सच्छाएहिं समिरीएहिं सङ्जोएहिं नाणाविहपंचवण्णेहिं तणेहि य मणीहि य उनसोहिए तंजहा-किण्होहें जाव सुक्किल्लेहिं ॥ तत्थ णं जे ते किण्हा तणा य मणी य तेसि णं अयमेयारूवे वण्णावासे पण्णते. से जहानामए-जीमएड वा अंजणेड वा खंजणेइ वा कजलेह वा मसीइ वा गुलियाइ वा गवलेह वा गवलगुलियाइ वा भमरेइ वा भमराविलयाइ वा भमरपत्तगयसारेइ वा जंबफलेड वा अहारिद्रेइ वा

वरपद्रएइ वा गएइ वा गयकलभेइ वा कण्हसप्पेइ वा कण्हकेसरेड वा आगासथि-गालेड वा कण्हासोएइ वा किण्हकणवीरेइ वा कण्हबंधुजीवएइ वा, भवे एयारूवे क्षिया ?. गोयमा ! णो इणद्वे समद्वे, तेसि णं कण्हाणं तणाणं मणीण य इत्तो इद्वतराए चेव कंततराए चेव पियतराए चेव मणुण्णतराए चेव मणामतराए चेव वण्णेणं वण्णते ॥ तत्थ णं जे ते णीलगा तणा य मणी य तेसि णं इमेयारूवे वण्णावासे पण्णते, से जहानामए-भिंगेइ वा भिंगपत्तेइ वा चासेइ वा चासपिच्छेड वा सएड वा सयिपच्छेड वा णीलीइ वा णीलीभेएइ वा णीलीगुलियाइ वा सामाएइ वा उचंतएइ वा वणराईइ वा हलहरवसणेइ वा मोरग्गीवाइ वा पारेवयगीवाइ वा अयसिकुसुमेइ वा अंजणकेसिगाक़सुमेइ वा णीलुप्पलेइ वा णीलासोएइ वा णीलकणवीरेइ वा णीलबंधजीवएइ वा, भवे एयारूवे सिया?, णो इणद्रे समद्रे. तेसि णं णीलगाणं तणाणं मणीण य एत्तो इद्रतराए चेव कंततराए चेव जाव वण्णेणं पण्णते ॥ तत्थ णं जे ते लोहियगा तणा य मणी य तेसि णं अयमेयारूवे वण्णावासे पण्णते. से जहाणामए---ससगरुहिरेइ वा उरब्भरुहिरेइ वा णरुहिरेइ वा वराहरुहिरेइ वा महिसरुहिरेड वा बालिंदगोवएड वा बालिंदवागरेड वा संझब्भरागेड वा गुंजदराएड वा जाइहिंगुलुएइ वा सिलप्पवालेइ वा पवालेक्टरेइ वा लोहियक्खमणीइ वा लक्खा-रसएइ वा किमिरागेइ वा रत्तकंबलेइ वा चीणपिद्वरासीइ वा जासुयणकुसुमेइ वा किंसुयक्रसमेइ वा पालियायक्रसमेइ वा रत्तप्पलेड वा रत्तासोगेइ वा रत्तकणयारेड वा रत्तबंधजीवेइ वा, भवे एयारूवे सिया ?, नो इणद्रे समद्रे, तेसि णं लोहियगाणं तणाण य मणीण य एत्तो इद्रतराए चेव जाव वण्णेणं पण्णते ॥ तत्थ णं जे ते हालिहगा तणा य मणी य तेसि णं अयमेयारूवे वण्णावासे पण्णते. से जहाणामए---चंपएइ वा चंपगच्छलीइ वा चंपयभेएइ वा हालिहाइ वा हालिहभेएइ वा हालिहगुलियाइ वा हरियालेइ वा हरियालभेएइ वा हरियालगुलियाइ वा चिउरेइ वा चिउरंगरागेइ वा वरक-णएड वा वरकणगनिघसेइ वा सुवण्णसिप्पिएइ वा वर्पुरिसवसणेइ वा सह्रइकुसुमेइ वा चंपगकुसुमेइ वा कुहुं डियाकुसुमेइ वा (कोरंटगदामेइ वा) तडउडाकुसुमेइ वा घोसाडियाकुसमेइ वा सुवण्णज्ञहियाकुसमेइ वा सहिरिन्नयाकुसमेइ वा िकोरिंटवरमल्ल-दामेइ वा] बीयगकुसुमेइ वा पीयासोएइ वा पीयकणवीरेइ वा पीयबंधुजीएइ वा, भने एयारूने सिया ?, नो इणद्रे समद्रे, ते णं हालिहा तणा य मणी य एतो इहयरा चेव जाव वण्णेणं पण्णता ॥ तत्थ णं जे ते सक्किल्लगा तणा य मणी य तेसि णं अयमेयारूवे वण्णावासे पण्णते, से जहानामए-अंकेड वा संखेड वा चंदेइ वा कुंदेइ वा कुसुमे(मुए)इ वा दयरएइ वा (दिहघणेइ वा खीरेइ वा खीरपूरेइ वा)

हंसावलीइ वा कोंचावलीइ वा हारावलीइ वा बलायावलीइ वा चंदावलीइ वा सारड-यबलाहण्ड वा धंतधोयरूपपट्टेड वा सालिपिद्ररासीइ वा कंदपुप्फरासीइ वा कुमय-रासीइ वा सुक्कछिवाडीइ वा पेहुणमिंजाइ वा बिसेइ वा मिणालियाइ वा गयदंतेड वा लवंगदलेड वा पोंडरीयदलेड वा सिंदवारमल्लदामेड वा सेयासोएड वा सेयकणवीरेड वा सेयबंधजीएड वा. भवे एयारूवे सिया ?, णो इणहे समहे, तेसि णं सुकिल्लाणं तणाणं मणीण य एत्तो इद्रतराए चेव जाव वण्णेणं पण्णत्ते ॥ तेसि णं भंते ! तणाण य मणीण य केरिसए गंधे पण्णते ? से जहाणामए—कोद्रपुडाण वा पत्तपुडाण वा चोयपुडाण वा तगरपुडाण वा एलापुडाण वा िकरिमेरिपुडाण वा विंदणपुडाण वा कंकमपुडाण वा उसीरपुडाण वा चंपगपुडाण वा महयगपुडाण वा दमणगपुडाण वा जाइपुडाण वा जूहियापुडाण वा मिल्लियपुडाण वा णोमालियपुडाण वा वासंति-यपडाण वा केयइपुडाण वा कप्पूरपुडाण वा पाडलपुडाण वा अणुवायंसि उब्भिज-माणाण वा णिब्भिजमाणाण वा कृष्टिजमाणाण वा रविजमाणाण वा उक्किरिजमाणाण वा विकिरिज्ञमाणाण वा परिभुज्जमाणाण वा भंडाओ वा भंडं साहरिज्जमाणाणं ओराला मणुण्णा घाणमणणिव्युइकरा सव्वओ समंता गंघा अभिणिस्सवंति, भवे एयारूवे सिया ?, णो इणद्रे समद्वे, तेसि णं तणाणं मणीण य एत्तो उ इद्वतराए चेव जाव मणामतराए चेव गंधे पण्णते ॥ तेसि णं भंते ! तणाण य मणीण य केरिसए फासे पण्णते ? से जहाणामए-आईणेइ वा रूएइ वा ब्ररेइ वा णवणीएइ वा हंसगब्भतुलीइ वा सिरीसकुसुमणिचएइ वा बालकुमुयपत्तरासीइ वा. भवे एयारूवे सिया ?. णो इणद्रे समद्रे, तेसि णं तणाण य मणीण य एत्तो इद्रतराए चेव जाव फासेणं पण्णते ॥ तेसि णं भंते ! तणाणं पुव्वावरदाहिणउत्तरागएहिं वाएहिं मंदायं मंदायं एइयाणं वेइयाणं कंपियाणं खोभियाणं चालियाणं फंदियाणं घट्टियाणं उदीरियाणं केरिसए संद्दे पण्णते ? से जहाणामए—सिवियाए वा संदमाणियाए वा रहवरस्स वा सछत्तस्स सज्झयस्स सघंटयस्स सतोरणवरस्स सणंदिघोसस्स सिखंखिणिहेमजालपेरंतपरिखित्तस्स हेमवयचित्तविचित्ततिणिसकणगनिज्जतदारुया-गस्स सपिणिद्धारयमंडलघुरागस्स कालायसस्क्रयणेमिजंतकम्मस्स आङ्ग्णवरतरग-सुसंपडत्तस्स कुसलणरक्वेयसारहिसुसंपरिगहियस्स सरसयबत्तीसतोण(परि)मंडियस्स सकंकडवर्डिसगस्स सचावसरपहरणावरणभरियस्स जोहजुद्धसज्जस्स रायंगणंसि वा अंतेडरंसि वा रम्मंसि वा मणिकोहिमतलंसि अभिक्खणं २ अभिघहिज-माणस्स वा णियहिजमाणस्स वा [परूढवरतुरंगस्स चंडवेगाइट्रस्स] ओराला मणुण्णा कण्णमणणिव्वइकरा सव्वओ समंता सहा अभिणिस्सवंति. भवे एयारूवे

सिया?. णो इणहे समट्टे, से जहाणामए—वेयालियाए वीणाए उत्तरमंदामुच्छियाए अंके सपइद्रियाए चंदणसारकोणपिडघिट्टयाए कुसलणरणारिसंपगिहयाए पञ्जोसपच्चस-कालसमयंति मंदं मंदं एइयाए वेइयाए खोमियाए उदीरियाए ओराला मण्ण्णा कणामणणिव्युइकरा सव्वओ समंता सहा अभिणिस्सवंति भवे एयारूवे सिया? णो इणद्रे समद्रे, से जहाणामए--किण्णराण वा किंपुरिसाण वा महोरगाण वा गंधव्वाण वा भद्दसालवणगयाण वा नंदणवणगयाण वा सोमणसवणगयाण वा पंडगवणगयाण वा द्विमवंतमलयमंदरगिरिगुहसमण्णागयाण वा एगओ सहियाणं संमुहागयाणं सम्-विद्वाणं संनिविद्वाणं पमुद्यपक्कीलियाणं गीयर्इगंधव्वहरिसियमणाणं गेर्जं पर्जं कर्त्थं गेयं पयविद्धं पायविद्धं उक्खित्तयं पवत्तयं मंदायं रोइयावसाणं सत्तसरसमण्णागयं अदरसससंपडतं छद्दोसविप्पसुकं एकारसगुणालंकारं अद्वगुणोववेयं गुंजंतवंसकुहरोवगृढं रत्तं तिद्राणकरणसुद्धं महुरं समं सुललियं सकुहरगुंजंतवंसतंतीतलताललयग्गहसु-संपडतं मणोहरं मडयरिभियपयसंचारं सुरइं सुणइं वरचारुह्वं दिव्वं नष्टं सर्जा गेयं पगीयाणं, भवे एयारूवे सिया?, हंता गोयमा! एवंभूए सिया ॥१२६॥ तस्स णं वणसंडरस तत्थ तत्थ देसे २ तिहं तिहं बहवे खुडूा खुड्डियाओ वावीओ पुक्खरिणीओ गुंजालियाओ दीहियाओ (सरसीओ) सरपंतियाओ सरसरपंतीओ विलपंतीओ अच्छाओ सण्हाओ रययामयकूलाओ वइरामयपासाणाओ तवणिज्जमयतलाओ वेरुलियमणिफालियपडलपचोयडाओ सुवण्णसुब्भ(ज्झ)रययमणिवालुयाओ सहोया-रामुउत्ताराओ णाणामणितित्थसुबद्धाओ चाउ(चउ)क्रोणाओ समतीराओ आणुपुब्ब-स्जायवप्पगंभीरसीयलजलाओ संखण्णपत्तभिसमुणालाओ बहुउप्पलकुमुयणलिणसुभ-गसोगंधियपोंडरीयसयपत्तसहस्सपत्तपुळकेसरोवचियाओ छप्पयपरिभुज्जमाणकमलाओ अच्छविमलसलिलपुण्णाओ परिहृत्थभमंतमच्छकच्छभअणेगसङणमिहृणपविचरि-याओ पत्तेयं पत्तेयं परमवरवेइयापरिक्खिताओ पत्तेयं पत्तेयं वणसंडपरिक्खि-त्ताओ अप्पेगइयाओ आसवोदाओ अप्पेगइयाओ वारुणोदाओ अप्पेगइयाओ खीरोदाओ अप्पेगइयाओ घओदाओ अप्पेगइयाओ [इक्ख]खोदोदाओ (अमयरस-समरसोदाओ) अप्पेगइयाओ पगईए उदग(अमय)रसेणं पण्णताओ पासाइयाओ ४, तासि णं खुड्डियाणं वाबीणं जाव विल्पंतियाणं तत्थ २ देसे २ तहिं २ जाव बहवे तिसोवाणपिडस्वगा पण्णता । तेसि णं तिसोवाणपिडस्वगाणं अयमेयारूवे वण्णावासे पण्णते, तंजहा-वइरामया नेमा रिद्रामया पइद्राणा वेरुलियामया खंभा सुवण्ण-रुपामया फलगा वइरामया संधी लोहियक्खमईओ सुईओ णाणामणिमया अवलंबणा अवलंबणबाहाओ पासाइयाओ ४ ॥ तेसि णं तिसोवाणपिडस्वगाणं पुरओ पत्तेयं २

तोरणा प० ॥ ते णं तोरणा णाणामणिमयखंभेस उवणिविद्रसण्णिवद्रा विविद्रमत्तं-तरोवचिया विविहताराख्वोवचिया ईहामियउसभतुरगणरमगरविहगवालगिकणर-रुहसरभचमरकुंजरवणलयपउमलयभत्तिचित्ता खंभग्गयवइर वेडयापरिगया भिरामा विजाहरजमलज्ञयलजंतज्ञताविव अचिसहरसमालणीया रूवगसहरसकलिया भिस-माणा भिब्भिसमाणा चक्खुह्रोयण्डेसा सहफासा सस्सिरीयल्वा पासाईया ४ ॥ तेसि णं तोरणाणं उप्पि बहवे अद्रद्रमंगलगा पण्णता तं०—सोत्थियसिरिवच्छणंदियावत्त-वद्धमाणभद्दासणकलसमच्छदप्पणा सन्वरयणामया अच्छा सण्हा जाव पडिरूवा। तेसि णं तोरणाणं उप्पि बहवे किण्हचामरज्झया नीलचामरज्झया लोहियचामरज्झया हालिह्चामरज्झया सुक्किल्लचामरज्झया अच्छा सण्हा रुप्पपट्टा वहरदंडा जलयामल-गंधिया सुरुवा पासाइया ४ ॥ तेसि णं तोरणाणं उप्पि बहवे छत्ताइछत्ता पडागाइ-पडागा घंटाजुयला चामरजुयला उप्पलहत्थगा जाव सयसहस्सवत्तहत्थगा सन्वर-यणामया अच्छा जाव पिंडह्वा ॥ तासि णं खुड्डियाणं वावीणं जाव बिलपंतियाणं तत्थ तत्थ देसे २ तिहं तिहं बहवे उप्पायपन्वया णियइपन्वया जगइपन्वया दाह-पव्ययगा दगमंडवगा दगमंचगा दगमालगा दगपासायगा ऊसडा खुळा खडहडगा अंदोलगा पक्खंदोलगा सन्वरयणामया अच्छा जाव पडिरूवा ॥ तेसु णं उप्पाय-पव्वएस जाव पक्खंदोलएस बहवे हंसासणाई कोंचासणाई गरुलासणाई उण्णया-सणाइं पणयासणाइं दीहासणाइं भद्दासणाइं पक्खासणाइं मगरासणाइं उसभासणाइं सीहासणाई पडमासणाई दिसासोवित्थयासणाई सन्वरयणामयाई अच्छाई सण्हाई लण्हाइं घट्ठाइं मद्वाइं णीरयाइं णिम्मलाइं निप्पंकाइं निक्कंकडच्छायाइं सप्पभाइं समि-रीयाइं सउज्जोयाइं पासाइयाइं दिसणिजाइं अभिरूवाइं पिडरूवाइं ॥ तस्स णं वणसंडस्स तत्थ तत्थ देसे २ तिहं तिहं बहवे आलिघरा मालिघरा क्यलिघरा लयाघरा अच्छणघरा पेच्छणघरा मज्जणघरगा पसाहणघरगा गब्भघरगा मोहण-घरगा सालघरगा जालघरगा कुसुमघरगा चित्तघरगा गंधव्वघरगा आयंसघरगा सन्वरयणामया अच्छा सण्हा लण्हा घट्टा मद्रा णीरया णिम्मला णिप्पंका निकंकड-च्छाया सप्पभा समिरीया सङजोया पासाईया दरिसणिजा अभिल्वा पिङल्वा ॥ तेषु ण आलिवरएस जाव आयंसघरएस बहुई हंसासणाई जाव दिसासोवित्थया-सणाइं सन्वरयणामयाइं जाव पिडलवाइं ॥ तस्स णं वणसंडस्स तत्थ तत्थ देसे २ तिहं तिहं बहवे जाइमंडवगा जूहियामंडवगा मिल्लयामंडवगा णवमालियामंडवगा वासंतीमंडवगा दिधवासुयामंडवगा सूरिहिमंडवगा तंबोलीमंडवगा मुद्दियामंडवगा णागलयामंडवगा अइसत्तमंडवगा अप्फोयामंडवगा माल्यामंडवगा सामलयामंडवगा

सव्वरयणामया णिचं कुसुमिया णिचं जाव पडिरूवा ॥ तेसु णं जाइमंडवएसु जाव सामलयामंडवएसु बहवे पुढविसिलापदृगा पण्णत्ता, तंजहा—अप्पेगइ्या हंसासण-संठिया अप्पे॰ कोंचासणसंठिया अप्पे॰ गरूलासणसंठिया अप्पे॰ उण्णयासणसंठिया अप्पे॰ पणयासणसंठिया अप्पे॰ दीहासणसंठिया अप्पे॰ भद्दासणसंठिया अप्पे॰ पक्कासणसंठिया अप्पे॰ मगरासणसंठिया अप्पे॰ उसभासणसंठिया अप्पे॰ सीहासणसंठिया अप्पे॰ पडमासणसंठिया अप्पे॰ दिसासोत्थियासणसंठिया॰ प॰ तत्थ बहुवे वरसयणासणविसिद्धसंठाणसंठिया पण्णता समणाउसो ! आइण्णगरूय-बूरणवणीयतूरुफासा मरुया सन्वरयणामया अच्छा जाव पिंडह्वा । तत्थ णं बहवे बाणमंतरा देवा देवीओ य आसयंति सयंति चिद्वंति णिसीयंति तुयद्वंति रमंति ठंठंति कीलंति मोहंति पुरापोराणाणं सुचिण्णाणं सुपरिकंताणं सभाणं कल्लाणाणं कडाणं कम्माणं कल्लाणं फलवित्तिविसेसं पचणुभवमाणा विहरंति ॥ तीसे णं जगईए उपिं अंतो पडमवरवेइयाए एत्थ णं एगे महं वणसंडे पण्णत्ते देसूणाई दो जोयणाई विक्खंभेणं वेइयासमएणं परिक्खेवेणं किण्हे किण्होभासे वणसंडवण्णओ मणि-तणसद्दिहणो णेयव्यो, तत्थ णं बहवे वाणमंतरा देवा देवीओ य आसयंति सयंति चिह्नंति णिसीयंति त्यहंति रमंति ललंति कीडंति मोहंति प्ररा पोराणाणं सचिण्णाणं सुपरिक्वंताणं सुभाणं कल्लाणाणं कडाणं कम्माणं कल्लाणं फलवित्तिविसेसं पञ्चणभव-माणा विहरंति ॥ १२७ ॥ जंबुद्दीवस्स णं भंते ! दीवस्स कइ दारा पण्णत्ता ? गोयमा! चत्तारि दारा पण्णत्ता, तंजहा—विजए वेजयंते जयंते अपराजिए॥ १२८॥ कहि णं भंते ! जंबुद्दीवस्स दीवस्स विजए नामं दारे पण्णत्ते ? गोयमा ! जंबुद्दीवे दीवे मंदरस्स पन्वयस्स पुरत्थिमेणं पणयालीसं जोयणसहस्साइं अबाहाए जंबहीवे दीवे प्रचिछमपेरंते लवणसमुद्दप्रचिछमद्भस्स पचित्थिमेणं सीयाए महाणईए उप्पि एत्थ णं जंबुद्दीवस्स दीवस्स विजए णामं दारे पण्णते अह जोयणाइं उन्हें उन्नतेणं चतारि जोयणाई विक्खंभेणं तावइयं चेव पवेसेणं सेए वरकणगथुभियागे ईहामि-यउसभृतुर्गनरमगर्विहगवालगिकण्णरुक्सरभचमरकंजरवणलयपउमलयभत्तिचित्ते खंभुगगयवरवइरवेइयापरिगयाभिरामे विजाहरजमलजुयलजंतजुत्ते इव अचीसहस्समा-लिणीए रूवगसहस्सकलिए भिसमाणे भिब्भिसमाणे चक्खुल्लोयणलेसे सहफासे सस्सि-रीयह्रवे वण्णो दारस्स तस्सिमो होइ तं०—वइरामया णिम्मा रिद्रामया पइद्राणा वेरुलियामया खंभा जायरूवोवचियपवर्पंचवण्णमणिरयणकोट्टिमतले हंसगब्भमए एलुए गोमेजमए इंदक्खीले लोहियक्खमईओ दारचेडीओ जोइरसामए उत्तरंगे वेरुलियामया कवाडा वडरामया संधी लोहियक्खमईओ सईओ णाणामणिमया

समुगगगा वइरामई अग्गलाओ अग्गलपासाया वइरामई आवत्तणपेढिया अंकृत्तर-पासए णिरंतरियघणकवाडे भित्तीसु चेव भित्तीगुलिया छप्पण्णा तिण्णि होंति गोमाणसी तत्तिया णाणामणिरयणवालह्वगलीलद्वियसालिभंजियागे वहरामए कडे रययामए उस्सेहे सन्वतवणिज्ञमए उल्लोए णाणामणिरयणजालपंजरमणिवंसग-लोहियक्खपडिवंसगर्ययभोम्मे अंकामया पक्खबाहाओ जोइरसामया वंसा वंसक-वेळुगा य रययामई पट्टियाओ जायरूवमई ओहाडणी वहरामई उवरि पञ्छणी सन्वसेयरययामए छायणे अंकमयकणगकूडतवणिज्ञथूभियाए सेए संखतलविमल-णिम्मलदिहचणगोखीरफेणरययणिगरप्पगासे तिलगरयणद्भचंदिनते णाणामणिमय-दामालंकिए अंतो य बहिं च सण्हे तवणिज्ञस्हलवालुयापत्थंडे सहप्फासे सस्सि-रीयरूवे पासाईए ४ ॥ विजयस्स णं दारस्स उभओ पासिं दुहुओ णिसीहियाए दो दो चंदणकलसपरिवाडीओ पण्णत्ताओ, ते णं चंदणकलसा वरकमलपइट्टाणा सुरभिवरवारिपडिपुण्णा चंदणकयचचागा आबद्धकंठेगुणा परुमुप्पलपिहाणा सन्वरय-णामया अच्छा सण्हा जाव पडिरूवा महया महया मिहंदकुंभसमाणा पण्णता समणाउसो!॥ विजयस्स णं दारस्स उभओ पासिं दुहुओ णिसीहियाए दो दो णागदंत-परिवाडीओ, ते णं णागदंतगा मुत्ताजालंतरूसियहेमजालगवनखजालखिखिणीघंटा-जालपरिक्खिता अन्भूगगया अभिणिसिद्धा तिरियं सुसंपगहिया अहेपण्णगद्धस्वा पण्णगद्धसंठाणसंठिया सन्वरयणामया अच्छा जाव पडिरूवा महया महया गयदंत-समाणा प० समणाउसो! ॥ तेसु णं णागदंतएसु बहवे किण्हसुत्तबद्धवग्घारियमछदाम-कलावा जाव सुक्तिल्लस्त्रचब्दवभ्घारियमल्लदामकलावा ॥ ते णं दामा तवणिज्जलंबूसगा स्रवण्णपयर गमंडिया णाणामणिरयणविविहहारद्धहार(उवसोभियसमुद्या) सिरीए अईव अईव उवसोमेमाणा उवसोमेमाणा चिद्रंति ॥ तेसि णं णागदंतगाणं उविरं अण्णाओ दो दो णागदंतपरिवाडीओ पण्णताओ, तेसि णं णागदंतगाणं मुत्ताजालंतरुसिया तहेव जाव समणाउसो! । तेसु णं णागदंतएसु बहवे रययामया सिक्स्या पण्णत्ता, तेसु णं रययामएसु सिक्कएसु ब० वेरुलियामईओ धूवघडीओ पण्णताओ, तंजहा—ताओ णं धूवघडीओ कालागुरुपवरकुंदरुक्ततुरुक्कधूवमघमघंतगं-सुद्धयाभिरामाओ सुगंधवरगंधगंधियाओ गंधविष्टभूयाओ ओरालेणं मणुण्णेणं घाण-मणणिव्युइकरेणं गंधेणं तप्पएसे सन्वओ समंता आपूरेमाणीओ आपूरेमाणीओ अईव अईव सिरीए जाव चिद्वंति ॥ विजयस्स णं दारस्स उभओ पासिं दुहुओ णिसीहियाए दो दो सालिमंजियापरिवाडीओ पण्णताओ, ताओ णं सालमंजियाओ चीलद्रियाओ सपयद्रियाओ सअलंकियाओ णाणागारवसणाओ णाणामह्रपिणद्वाओ

मुद्रीगेज्झमज्झाओ आमेलगजमलजुयलवहिअब्मुण्णयपीणरइयसंठियपओहराओ उत्तावंगाओ असियकेसीओ मिउविसयपसत्थलक्खणसंवेल्लियगगितरयाओ ईसिं असो-गवरपायवसमुद्वियाओ वामहत्थगहियग्गसालाओ ईसिं अद्धच्छिकडक्खविद्धिएहिं ल्रसेमाणीओ इव चक्खुल्लोयणलेसाहिं अण्णमण्णं खिज्जमाणीओ इव पुढविपरिणामाओ सासयभावम्यगयाओ चंदाणणाओ चंदविलासिणीओ चंददसमिनिहालाओ चंदाहि-यसोमदंसणाओ उक्का इव उज्जोएमाणीओ विज्जुवणमरीइस्रिदिप्पंततेयअहिययरसंनि-गासाओ सिंगारागारचारुवेसाओ पासाइयाओ ४ तेयसा अईव अईव सोभेमाणीओ सोमेमाणीओ चिट्ठंति ॥ विजयस्स णं दारस्स उभओ पासिं दुहुओ णिसीहियाए दो दो जालकडगा पण्णता, ते णं जालकडगा सव्वरयणामया अच्छा जाव पडि-रूवा ॥ विजयस्स णं दारस्स उभओ पासिं दुहुओ णिसीहियाए दो दो घंटापरिवाडीओ पण्णताओ, तासि णं घंटाणं अयमेयारूवे वण्णावासे पण्णते, तंजहा--जंबूणयमईओ घंटाओ वहरामईओ लालाओ णाणामणिमया घंटापासगा तवणिज्जमईओ संकलाओ रययामईओ रज्ञुओ ॥ ताओ णं घंटाओ ओहरसराओ मेहरसराओ हंसरसराओ कोंचरसराओ णंदिरसराओ णंदिघोसाओ सीहस्सराओ सीहघोसाओ मंजुरसराओ मंजुघोसाओ सुरसराओ सुरसरणिग्घोसाओ ते पएसे ओरालेणं मणुण्णेणं कण्णमणनिन्बुइकरेणं सद्देणं जाव चिद्वंति ॥ विजयस्स णं दारस्स उभओ पासिं दुहुओ णिसीहियाए दो दो वणमालापरिवाडीओ पण्णताओ, ताओ णं वणमालाओ णाणादुमलयाकिसलयपञ्चवसमाउलाओ छप्पयपरिभुज्जमाणकमलसोभंतसस्सिरीयाओ पासाइयाओ॰ ते पएसे उरालेणं जाव गंधेणं आपूरेमाणीओ जाव चिद्रंति ॥ १२९ ॥ विजयस्स णं दारस्स उभओ पासिं दुहुओ णिसीहियाए दो दो पगंठगा पण्णता, ते णं पगंठगा चत्तारि जोयणाई आयामविक्खंभेणं दो जोयणाई बाह्क्षेणं सव्ववइरामया अच्छा जाव पिहरूवा ॥ तेसि णं पगंठगाणं उवरिं पत्तेयं पत्तेयं पासायविंसगा पण्णता. ते ण पासायविंडसगा चतारि जोयणाई उड्ढं उचतेणं दो जोयणाई आया-मविक्खंभेणं अञ्भुग्गयम् सियपह सियाविव विविह मणिर्यणभतिचिता वाउद्भयविज-यवेजयंतीपडागच्छत्ताइच्छत्तकलिया तुंगा गयणयलमभिलंघमाण(णुलिहंत)सिहरा जालंतररयणपंजरुम्मिलियव्व मणिकणगथूभियागा वियसियसयवत्तपोंडरीयतिलयर-यणद्भचंदिचता णाणामणिमयदामालंकिया अंतो य बाहिं च सण्हा तवणिज्जरुइल-वाळुयापत्थडा सहफासा सस्सिरीयरूवा पासाईया ४ ॥ तेसि णं पासायवर्डिसगाणं उल्लोया पडमलया जाव सामलयाभतिचित्ता सन्वतवणिज्ञमया अच्छा जाव पिड-रूवा ॥ तेसि णं पासायविंसगाणं पत्तेयं पत्तेयं अंतो बहुसमर्मणिजे भूमिभागे १२ सत्ता०

पण्णते. से जहाणामए आलिंगपुक्खरेइ वा जाव मणीहिं उवसोभिए. मणीण गंधो वण्णो फासो य नेयव्वो ॥ तेसि णं बहसमरमणिजाणं भूमिभागाणं बहमज्झदेसभाए पत्तेयं प्रतियं मणिपेद्वियाओ पण्णताओ. ताओ णं मणिपेद्वियाओ जोयणं आयामवि-क्खंभेणं अद्भजोयणं बाह्रक्षेणं सन्वरयणामईओ जाव पडिस्वाओ, तासि णं मणिपेहि-याणं उवरिं पत्तेयं २ सीहासणे पण्णते. तेसि णं सीहासणाणं अयमेयारूवे वण्णावासे पण्णते, तंजहा-तवणिज्ञमया चक्कवाला रययामया सीहा सोवण्णिया पाया णाणाम-णिमयाइं पायसीसगाइं जंबूणयमयाइं गत्ताइं वहरामया संधी नाणामणिमए वेचे, ते णं सीहासणा ईहामियउसभ जाव पउमलयभत्तिचित्ता ससारसारोवइयविविहमणिरयण-पायपीढा अच्छरगमिउमसरगनवतयकुसंतिलचसीहकेसरपचुत्थयाभिरामा उविचयखो-मदुगुल्लयपिडच्छायणा सुविरइयरयत्ताणा रत्तंसुयसंवया सरम्मा आईणगरूयब्ररणवणी-यत्लमज्यफासा मज्या पासाईया ४ ॥ तेसि णं सीहासणाणं उप्पि पत्तेयं पत्तेयं विज-यदसे पण्णते. ते णं विजयदसा सेया संखंककुंददगरयअमयमहियफेणपुंजसन्निगासा सञ्वरयणामया अच्छा जाव पडिरूवा ॥ तेसि णं विजयद्साणं बहमज्झदेसभाए पत्तेयं पत्तेयं वइरामया अंकुसा पण्णता, तेसु णं वइरामएसु अंकुसेसु पत्तेयं २ कुंभिका मुत्ता-दामा पण्णता, ते णं कुंभिका मुत्तादामा अन्नेहिं चउहिं चउहिं तदब्रुचतप्पमाणमेत्तेहिं अदकं भिक्केहिं मत्तादामेहिं सञ्वओ समंता संपरिक्खिता, ते णं दामा तवणिजलंब-सगा सवण्णपयरगमंडिया जाव चिद्रंति, तेसि णं पासायवर्डिसगाणं उपिंप बहवे अद-द्रमंगलगा पण्णता सोत्थिय तहेव जाव छत्ता ॥ १३०॥ विजयस्स णं दारस्स उभओ पासिं दुइओ णिसीहियाए दो दो तोरणा पण्णता, ते णं तोरणा णाणामणिमया तहेव जाव अट्टहमंगलगा य छत्ताइछत्ता ॥ तेसि णं तोरणाणं पुरओ दो दो सालमंजि-याओ पण्णताओ, जहेव णं हेट्रा तहेव ॥ तेसि णं तोरणाणं प्रओ दो दो णागदं-तगा पण्णता. ते णं णागदंतगा मत्ताजाळंतरूसिया तहेव, तेसु णं णागदंतएसु बहवे किण्हा सत्तवद्ववन्यारियमह्रदामकलावा जाव चिद्वंति ॥ तेसि णं तोरणाणं पुरओ दो दो हयसंघाडगा जाव उसभसंघाडगा पण्णता सव्वरयणामया अच्छा जाव पडिस्वा, एवं पंतीओ वीहीओ मिहुणगा, दो दो पउमलयाओ जाव पडिस्वाओ, तेसि णं तोरणाणं पुरओ दो दो अक्खयसोवत्थिया पण्णत्ता ते णं अक्खयसोवत्थिया सन्वरयणामया अच्छा जाव पडिस्वा, तेसि णं तोरणाणं पुरओ दो दो चंदणकलसा पण्णत्ता, ते णं चंदणकलसा वरकमलपइद्वाणा तहेव सव्वरयणामया जाव पिडस्वा समणाउसो ! ॥ तेसि णं तोरणाणं पुरओ दो दो भिंगारगा पण्णता वरकमलपइ-हाणा जाव सन्वरयणामया अच्छा जाव पिहरूवा महया महाया मत्तगयमहागिइस-

माणा पण्णता समणाउसो ! ॥ तेसि णं तोरणाणं प्रत्ओ दो दो आयंसगा पण्णता तेसि णं आयंसगाणं अयमेयारूवे वण्णावासे पण्णत्ते, तंजहा तवणिज्ञमया पगंठगा वेरुलियमया छरहा (थंभया) वहरामया वरंगा णाणामणिमया वलक्खा अंकमया मंडला अणोघसियनिम्मलासाए छायाए सन्वओ चेव समण्बदा चंद्रमंडलपिडिणि-गासा महया महया अद्धकायसमाणा पण्णता समणाउसो ! ॥ तेसि णं तोरणाणं पुरओ दो दो वहरणाभा थाला पण्णत्ता, ते णं थाला अच्छतिच्छडियसालितंदलनह-संदट्टबहुपडिपुण्णा चेव चिट्ठति सव्वजंबूणयामया अच्छा जाव पडिरूवा महया महया रहचकसमाणा प॰ समणाउसो !॥ तेसि णं तोरणाणं पुरओ दो दो पाईओ पण्णताओ. ताओ णं पाईओ अच्छोदयपिडहत्थाओ णाणाविहपंचवण्णस्स फलहारियगस्स बहुपिडपुण्णाओ विव चिट्ठांति सन्वरयणामईओ जाव पिडरूवाओ महया महया गोकिलंजगचकसमाणाओ पण्णताओ समणाउसो!।। तेसि णं तोरणाणं पुरओ दो दो सपइद्रगा पण्णता, ते णं सुपइद्वगा णाणाविहपंचवण्णपसाहणगभंडविरइया सन्वोसिहपिडिपुण्णा सन्वरयणामया अच्छा जाव पिडिरूवा ॥ तेसि णं तोरणाणं पुरओ दो दो मणोगुलियाओ पण्णताओ ॥ तासु णं मणोगुलियास बहुने सुनण्ण-रूपामया फलगा पण्णता, तेसु णं सुवण्णरूपामएसु फलएसु बहुवे वइरामया णागदंतगा मत्ताजालंतरूसिया हेम जाव गयदंतसमाणा पण्णत्ता, तेसु णं वइराम-एसु णागदंतएसु बहुवे रययामया सिक्क्या पण्णता, तेसु णं रययामएस सिक्कएस बहवे वायकरगा पण्णता ॥ ते णं वायकरगा किण्हसुत्तसिक्कगवित्थया जाव सुक्कि-ह्रसत्तिक्षगविथया सन्वे वेरुलियामया अच्छा जाव पिडरूवा ॥ तेसि णं तोरणाणं पुरओ दो दो चित्ता रयणकरंडगा पण्णता. से जहाणामए-रण्णो चाउरंतचक-विहस्स चित्ते रयणकरंडे वेरुलियमणिफालियपडलपचोयडे साए पभाए ते पएसे सक्वओ समंता ओभासइ उज्जोवेइ तावेइ पभासेइ, एवामेव ते चित्तरयणकरं-ङगा पण्णत्ता वेरुलियपडलपचोयडा साए पभाए ते पएसे सन्वओ समंता ओभा-सेन्ति जाव पभासेन्ति ॥ तेसि णं तोरणाणं पुरओ दो दो हयकंठगा जाव दो दो उसभकंठगा पण्णत्ता सन्वरयणामया अच्छा जाव पिहरूवा ॥ तेस णं हय-कंठएस जाव उसभकंठएस दो दो प्रप्फचंगेरीओ, एवं मह्नगंधवण्णचुण्णवत्थाभरण-चंगेरीओ सिद्धत्थचंगेरीओ सन्वरयणामईओ अच्छाओ जाव पडिरूवाओ॥ तासु णं पुष्फचंगेरीसु जाव सिद्धत्थचंगेरीसु दो दो पुष्फपडलाई जाव सि० सव्व-रयणामयाई जाव पडिरूवाई ॥ तेसि णं तोरणाणं पुरओ दो दो सीहासणाई पण्णताइं, तेसि णं सीहासणाणं अयमेयारूवे वण्णावासे पण्णते तहेव जाव पासाईया

४ ॥ तेसि णं तोरणाणं पुरओ दो दो रूपछदाछत्ता पण्णत्ता, ते णं छत्ता वेरुलिय-भिसंतविमलदंडा जंबूणयकिषयावइरसंघी मुत्ताजालपरिगया अट्टसहस्सवरकंचण-सलागा दहरमलयसुगंधी सब्वोउयसुरभिसीयलच्छाया मंगलभित्तिचित्ता चंदागारोवमा वहा ॥ तेसि णं तोरणाणं पुरओ दो दो चामराओ पण्णताओ, ताओ णं चामराओ (चन्दप्पभवइरवेरुलियणाणामणिरयणखचियदंडा) णाणामणिकणगरयणविमलमहरि-हतवणिज्जुज्जलविचित्तदंडाओ चिल्लियाओ संखंककुंददगरयअमयमहियफेणपुंजसण्णि-गासाओ मुहमरययदीहवालाओ सव्वरयणामयाओ अच्छाओ जाव पडिरूवाओ ॥ तेसि णं तोरणाणं पुरओ दो दो तिल्लसमुग्गा कोइसमुग्गा पत्तसमुग्गा चोयसमुग्गा तगरसमुग्गा एळासमुग्गा हरियालसमुग्गा हिंगुल्यसमुग्गा मणोसिलासमुग्गा अंजणसमुग्गा सन्वरयणामया अच्छा जाव पडिरूवा ॥ १३१ ॥ विजए णं दारे अद्रसयं चक्कज्झयाणं अद्रसयं मिगज्झयाणं अद्रसयं गरुडज्झयाणं अद्रसयं जुगज्झ-याणं (अद्रुसयं रुख्यज्ज्ञयाणं) अद्रुसयं छत्तज्ज्ञयाणं अद्रुसयं पिच्छज्ज्ञयाणं अद्रुसयं संजिण्ज्ञयाणं अद्वसयं सीहज्ज्ञयाणं अद्वसयं उसभज्ज्ञयाणं अद्वसयं सेयाणं चडविसाणाणं णागवरकेऊणं एवामेव सपुव्वावरेणं विजयदारे आसीयं केउसहस्सं भवइत्ति मक्खायं ॥ विजए णं दारे णव भोमा पण्णता, तेसि णं भोमाणं अंतो बहुसमरमणिजा भूमिभागा पण्णता जाव मणीणं फासो, तेसि णं भोमाणं उप्पि उल्लोग परमलया जाव सामलयाभित्तिचित्ता जाव सव्वतवणिज्ञमया अच्छा जाव पडिरूवा, तेसि णं भोमाणं बहमज्झदेसभाए जे से पंचमे भोम्मे तस्स णं भोमस्स बहमज्झदेसभाए एत्थ णं एगे महं सीहासणे पण्णत्ते, सीहासणवण्णओ विजयद्से जाव अंक़से जाव दामा चिद्रंति. तस्स णं सीहासणस्स अवरुत्तरेणं उत्तरेणं उत्तरपुरित्थमेणं एत्थ णं विजयस्स देवस्स चउण्हं सामाणियसहस्साणं चत्तारि भद्दासणसाहस्सीओ पण्णताओ, तस्स णं सीहासणस्स पुरच्छिमेणं एत्थ णं विजयस्स देवस्स चउण्हं अगगमहिसीणं सपरिवाराणं चत्तारि भद्दासणा पण्णत्ता, तस्स णं सीहासणस्स दाहिणपुरिथमेणं एत्थ णं विजयस्स देवस्स अब्भितरियाए परिसाए अट्टण्हं देव-साहस्सीणं अद्र भद्दासणसाहस्सीओ पण्णत्ताओ, तस्स णं सीहासणस्स दाहिणेणं विजयस्स देवस्स मज्झिमियाए परिसाए दसण्हं देवसाहस्सीणं दस भद्दासणसाहस्सीओ पण्णत्ताओ, तस्स णं सीहासणस्स दाहिणपचित्थिमेणं एत्थ णं विजयस्स देवस्स बाहिरियाए परिसाए बारसण्हं देवसाहस्सीणं बारस भद्दासणसाहस्सीओ पण्णताओ॥ तस्स णं सीहासणस्स पचित्यमेणं एत्थ णं विजयस्स देवस्स सत्तण्हं अणियाहिवईणं सत्त भहासणा पण्णता, तस्स णं सीहासणस्स पुरिश्यमेणं दाहिणेणं पचित्थिमेणं

उत्तरेणं एत्थ णं विजयस्स देवस्स सोलस आयरक्खदेवसाहस्सीणं सोलस भद्दासण-साहस्सीओ पण्णत्ताओ, तंजहा-पुरितथमेणं चत्तारि साहस्सीओ, एवं चउसवि जाव उत्तरेणं चत्तारि साहस्सीओ, अवसेसेसु भोमेसु पत्तेयं पत्तेयं भहासणा पण्णत्ता ॥१३२॥ विजयस्स णं दारस्स उवरिमागारा सोलसिवहेहिं रयणेहिं उवसोभिया, तंजहा— रयणेहिं वयरेहिं वेरुलिएहिं जाव रिद्रेहिं ॥ विजयस्स णं दारस्स उप्पि बहवे अटट-मंगलगा पण्णत्ता, तंजहा—सोत्थियसिरिवच्छ जाव दप्पणा सन्वरयणामया अच्छा जाव पिंडरूवा । विजयस्स णं दारस्स उपिंप बहवे कण्हचामरज्झया जाव सव्वरय-णामया अच्छा जाव पिंडरूवा। विजयस्स णं दारस्स उर्पिप बहवे छत्ताइच्छत्ता तहेव ॥ १३३ ॥ से केणट्रेणं भंते ! एवं वुचइ—विजए दारे २ ? गोयमा ! विजए णं दारे विजए णामं देवे महिब्लिए महज्जुइए जाव महाणुभावे पिलओवम-द्विइए परिवसइ, से णं तत्थ चउण्हं सामाणियसाहस्सीणं चउण्हं अगगमिहसीणं सपरिवाराणं तिण्हं परिसाणं सत्तण्हं अणियाणं सत्तण्हं अणियाहिवईणं सोलसण्हं आयरक्खदेवसाहस्सीणं विजयस्स णं दारस्स विजयाए रायहाणीए अण्णेसिं च बहुणं विजयाए रायहाणीए वत्थव्वगाणं देवाणं देवीण य आहेवचं जाव दिव्वाडं भोगभोगाई भुंजमाणे विहरइ, से तेणद्रेणं गोयमा ! एवं वुचइ-विजए दारे विजए दारे. अदृत्तरं च णं गोयमा ! विजयस्स णं दारस्स सासए णामधेजे पण्णते जण्ण कयाइ णासी ण कयाइ णित्थ ण कयाइ ण भविस्सइ जाव अवद्विए णिच्चे विजए दारे ॥ १३४ ॥ कहि णं भंते ! विजयस्स देवस्स विजया णाम रायहाणी पण्णता ? गोयमा! विजयस्स णं दारस्स पुरिक्थमेणं तिरियमसंखेजे दीवसमुद्दे वीइवइत्ता अण्णंमि जंबद्दीवे दीवे बारस जोयणसहस्साइं ओगाहिता एत्थ णं विजयस्स देवस्स विजया णाम रायहाणी प० बारस जोयणसहस्साइं आयामविक्खंभेणं सत्ततीसजो-यणसहस्साइं नव य अडयाले जोयणसए किंचिविसेसाहिए परिक्खेवेणं प० ॥ सा णं एगेणं पागारेणं सब्वओ समंता संपरिक्खिता ॥ से णं पागारे सत्ततीसं जोय-णाई अद्भजोयणं च उड्डं उचत्तेणं मूळे अद्धतेरस जोयणाई विक्खंमेणं मज्झेत्थ सक्कोसाई छजोयणाई विक्खंभेणं उपिंप तिण्णि सद्धकोसाई जोयणाई विक्खंभेणं मुले विच्छिणो मज्झे संखिते उपिंप तणुए बाहिं वहे अंतो चउरंसे गोपुच्छसंठाणसंठिए सन्वकणगामए अच्छे जाव पडिरूवे ॥ से णं पागारे णाणाविहपंचवण्णेहिं कविसी-सएहिं उनसोभिए, तंजहा-किण्हेहिं जान सुक्किल्लेहिं ॥ ते णं किनसीसगा अद्धकोसं आयामेणं पंचवणुसयाइं विक्खंमेणं देस्णमद्भकोसं उष्ट्रं उच्चतेणं सव्वमणिमया अच्छा जाव पिडिरूवा ॥ विजयाए णं रायहाणीए एगमेगाए बाहाए पणवीसं पणवीसं

दारसयं भवतीति मक्खायं ॥ ते णं दारा बाविहं जीयणाई अद्भजोयणं च उड्डं उचतेणं एकतीसं जोयणाइं कोसं च विक्खंभेणं तावइयं चेव पवेसेणं सेया वरकण-गथ्भियागा ईहामिय॰ तहेव जहा विजए दारे जाव तवणिजवाळुयपत्थडा सहफासा सस्सि(म)रीया सुरूवा पासाईया ४ । तेसि णं दाराणं उभओ पासि दुहुओ णिसी-हियाए दो दो चंदणकलसपरिवाडीओ पण्णताओ तहेव भाणियव्वं जाव वणमा-लाओ ॥ तेसि ण दाराणं उभओ पासि दृहुओ णिसीहियाए दो दो पगंठगा पण्णता. ते णं पगंठगा एकतीसं जोयणाई कोसं च आयामविक्खंभेणं पन्नरस जोयणाई अड्ढाइजे कोसे बाहल्लेणं पण्णता सव्ववइरामया अच्छा जाव पडिल्वा ॥ तेसि णं पगंठगाणं उपि पत्तेयं २ पासायवर्डिसगा पण्णता ॥ ते ण पासायवर्डिसगा एकतीसं .जोयणाइं कोसं च उड्ढं उचतेणं पन्नरस जोयणाइं अह्वाइजे य कोसे आयामवि-क्खंभेणं सेसं तं चेव जाव समुगाया णवरं बहुवयणं भाणियव्वं । विजयाए णं रायहाणीए एगमेगे दारे अद्रसयं चक्कज्झयाणं जाव अद्रसयं सेयाणं चडविसाणाणं णागवरकेऊणं, एवामेव सपुव्वावरेणं विजयाए रायहाणीए एगमेगे दारे आसीयं २ केउसहरसं भवतीति मक्खायं। विजयाए णं रायहाणीए एगमेगे दारे (तेसि णं दाराणं पुरक्षो) सत्तरस भोमा पण्णता, तेसि णं भोमाणं (भूमिभागा) उल्लोया (य) पडमलया॰भित्तिचिता ॥ तेसि णं भोमाणं बहुमज्झदेसभाए जे ते नवमनवमा भोमा तेसि ण भोमाण बहुमज्झदेसभाए पत्तेयं २ सीहासणा पण्णत्ता, सीहासणवण्णओ जाव दामा जहा हेट्टा, एत्थ णं अवसेसेसु भोमेस पत्तेयं पत्तेयं भद्दासणा पण्णता । तेसि णं दाराणं उत्तिमंगा(उविरेमा)-गारा सोलसविहेहिं रयणेहिं उवसोहिया तं चेव जाव छत्ताइछत्ता, एवामेव पुन्वावरेण विजयाए रायहाणीए पंच दारसया भवंतीति मक्खाया ॥ १३५ ॥ विजयाए णं रायहाणीए चउिह्सिं पंचजोयणसयाई अबाहाए एत्थ णं चतारि वणसंडा पण्णत्ता, तंजहा-असोगवणे सत्तवण्णवणे चंपगवणे चूयवणे, पुरित्थमेणं असोगवणे दाहिणेणं सत्तवण्णवणे पचित्थिमेणं चंपगवणे उत्तरेणं चूयवणे ॥ ते णं वणसंडा साइरेगाइं दुवालस जोयणसहस्साइं आयामेणं पंच जोयणसयाइं विक्खंभेणं पण्णता पत्तेयं पत्तेयं पागारपरिक्खिता किण्हा किण्होभासा वणसंडवण्णओ भाणि-यन्वो जाव बहवे वाणमंतरा देवा य देवीओ य आसयंति सयंति चिद्वंति णिसीयंति जुयहंति रमंति ललंति कीलंति मोहंति पुरापोराणाणं सुचिण्णाणं सुपरिकंताणं सुभाणं कम्माणं कडाणं कल्लाणं फलवित्तिविसेसं पचणुभवमाणा विहराति ॥ तेसि णं वण-संडाणं बहुमज्झदेसभाए पत्तेयं पत्तेयं पासायवर्डिसगा पण्णत्ता, ते णं पासायवर्डिसगा

बावद्रिं जोयणाइं अद्धजोयणं च उड्ढं उचतेणं एकतीसं जोयणाइं कोसं च आयाम-विक्खंभेणं अब्भुग्गयमूसिया तहेव जाव अंतो बहुसमरमणिजा भूमिभागा पण्णता उल्लोया पउम०भत्तिचित्ता भाणियव्वा, तेसि णं पासायविडिसगाणं बहुमज्झदेसभाए पत्तेयं पत्तेयं सीहासणा पण्णता वण्णावासो सपरिवारा, तेसि ण पासायविद्याणं उपि बहवे अद्वद्वमंगलगा झया छत्ताइछता ॥ तत्थ णं चत्तारि देवा महिड्डिया जाव पिल्ञोवसिंह्हिया परिवसंति, तंजहा-असोए सत्तवण्णे चंपए चए ॥ तत्थ णं ते साणं साणं वणसंडाणं साणं साणं पासायविंसयाणं साणं साणं सामाणियाणं साणं साणं अगगमहिसीणं साणं साणं परिसाणं साणं साणं आयरक्खदेवाणं आहेवचं जाव विहरनित ।। विजयाए ण रायहाणीए अंतो बहुसमरमणिजे भूमिभागे पण्णेत जाव पंचवण्णेहिं मणीहिं उवसोहिए तणसद्दविहूणे जाव देवा य देवीओ य आसयंति जाव विहरंति । तस्स णं वहुसमरमणिजस्स भूमिभागस्स बहुमज्झदेसभाए एत्थ णं एगे महं उवयारियालयणे पण्णते वारस जोयणसयाई आयामविक्खंभेणं तिन्नि जोयणसहस्साइं सत्त य पंचाणउए जोयणसए किंचिविसेसाहिए परिक्खेवेणं अद्धकोसं बाह्रहेणं सव्वजंबूणयामएणं अच्छे जाव पडिरुवे ॥ से णं एगाए पडमवरवेइयाए एगेणं वणसंडेणं सन्वओ समंता संपरिक्खित्ते पडमवरवेइयाए वण्णओ वणसंड-वण्णओ जाव विहरंति, से णं वणसंडे देसणाई दो जोयणाई चक्कवालविकखंभेणं उवयारियालयणसमपरिक्खेवेणं ॥ तस्स णं उवयारियालयणस्स चडहिसिं चत्तारि तिसोवाणपडिरूवगा पण्णता. वण्णओ, तेसि णं तिसोवाणपडिरूवगाणं पुरओ पत्तेयं पत्तेयं तोरणा पण्णत्ता छत्ताइछत्ता ॥ तस्स णं उवयारियालयणस्स उप्पि बहसमर-मणिजे भूमिभागे पण्णते जाव मणीहिं उवसोभिए मणिवण्णओ, गंधो, फासो. तस्स गं वहसमरमणिजस्स भूमिभागस्स बहमज्झदेसभाए एत्थ गं एगे महं मूलपासाय-वर्डिसए पण्णत्ते, से णं पासायवर्डिसए बावर्ट्डि जोयणाई अद्वजीयणं च उड्हं उच्चतेणं एकतीसं जोयणाइं कोसं च आयामविक्खंभेणं अब्भुग्गयमूसियप्पहिसए तहेव, तस्स णं पासायविंसगस्स अंतो वहुसमरमणिजे भूमिभागे पण्णत्ते जाव मणिफासे उल्लोए ॥ तस्स णं बहुसमरमणिज्जस्स भूमिभागस्स बहुमज्झदेसभागे एत्थ णं एगा महं मणि-पेढिया पन्नता, सा य एगं जोयणमायामविक्खंभेणं अद्धजोयणं बाहहेणं सव्वमणि-मई अच्छा सण्हा जाव पडिरूवा ॥ तीसे णं मणिपेढियाए उवरिं एगे महं सीहासणे पन्नते. एवं सीहासणवण्णओ सपरिवारो, तस्स णं पासायवर्डिसगस्स उपिंप बहुवे अट्रहमंगलगा झया छत्ताइछत्ता ॥ से णं पासायविडेसए अण्णेहिं चडिहं तद्दुचत्तप्प-माणमेत्तेहिं पासायविंसएहिं सव्वओ समंता संपरिक्खित्ते, ते णं पासायविंसगा

एकतीसं जोयणाई कोसं च उष्ट्रं उचलेणं अद्धसोलसजोयणाई अद्धकोसं च आयाम-विक्खंभेणं अब्भुगगय० तहेव, तेसि णं पासायविंडसयाणं अंतो बहसमरमणिजा भूमिभागा उल्लोया ॥ तेसि णं बहसमरमणिजाणं भूमिभागाणं बहमज्झदेसभाए पत्तेयं पत्तेयं सीहासणं पण्णत्तं, वण्णओ, तेसिं परिवारभ्या बहुमञ्झदेसभाए पत्तेयं २ भद्दासणा पण्णता. तेसि णं अद्रद्रमंगलगा झया छत्ताइछत्ता ॥ ते णं पासायविंसगा अण्णेहिं चडिंहं चडिंहं तदद्भचत्तप्पमाणमेत्तेहिं पासायवडेंसएहिं सन्वओ समंता संपरिक्खिता ॥ ते णं पासायवडेंसगा अद्भोलसजोयणाइं अद्भकोसं च उड्रं उच्च-त्तेणं देसणाइं अद्र जोयणाइं आयामविक्खंभेणं अन्भुगगय० तहेव, तेसि णं पासाय-वर्डेसगाणं अंतो बहसमरमणिजा भूमिभागा उल्लोया, तेसि णं बहुसमरमणिजाणं भूमिभागाणं बहमज्झदेसभाए पत्तेयं पत्तेयं पउमासणा पन्नता, तेसि णं पासायाणं अट्रहमंगलगा झया छत्ताइछत्ता ॥ ते णं पासायवडेंसगा अण्णेहिं चडिं तदद्ध-चत्तप्प्रमाणमेत्तिहिं पासायवर्डेसएहिं सव्वओ समंता संपरिक्खिता ॥ ते णं पासाय-वडेंसगा देस्णाइं अद्र जोयणाइं उड्टं उचतेणं देस्णाइं चत्तारि जोयणाइं आयाम-विक्खंभेणं अन्भुग्गय० भूमिभागा उल्लोया भद्दासणाइं उवरिं मंगलगा झया छत्ताइ-छत्ता ॥ १३६ ॥ तस्स णं मूलपासायवडेंसगस्स उत्तरपुरत्थिमेणं एत्थ णं विजयस्स देवस्स सभा सहम्मा पण्णता अद्धतेरसजोयणाइं आयामेणं छ सक्कोसाइं जोयणाइं विक्खंभेणं णव जोयणाइं उड्हं उच्चत्तेणं, अणेगखंभसयसंनिविद्रा अब्भुगगयसुकयवइर-वेइया तोरणवररइयसालमंजिया सुसिलिङ्गविसिङ्गलङ्गसंठियपसत्थवेरुलियविमलखंमा णाणामणिकणगरयणखङ्यउज्जलबहुसमसुविभत्तचित्त(णिचिय)रमणिज्जकुट्टिमतला ईहा-मियलसभतुरगणरमगरविहगवालगकिण्णरहरूसरभचमरकं जरवणलयपलमलयभत्तिचि-त्ता थंभग्गयवइरवेइयापरिगयाभिरामा विजाहरजमलजुयलजंतजुत्ताविव अचिसहस्स-मालणीया रूवगसहस्सकलिया भिसमाणी भिन्भिसमाणी चक्खुल्लोयणलेसा सहफासा सस्सिरीयरूवा कंचणमणिरयणथूभियागा नाणाविहपंचवण्णघंटापडागपरिमंडियग्ग-सिहरा धवला मिरीइकवयं विणिम्स्यंती लाउल्लोइयमहिया गोसीससरसरत्तचंदण-दद्दरदित्रपंचंगुलितला उवचियचंदणकलसा चंदणघडसुकयतोरणपडिदुवारदेसभागा आसत्तोसत्तविउलवदृवग्घारियमल्लदामकलावा पंचवण्णसरससुरभिमुकपुष्फपुंजोवयार-कलिया कालागुरुपवरकुंदुरुकतुरुकध्वमधमधेंतगंधुद्धयाभिरामा सुगंधवरगंधिया गंध-विट्टिभूया अच्छरगणसंघसंविकिण्णा दिव्वतु डियमहरसद्दसंपणाइया सुरम्मा सव्वरयणा-मई अच्छा जाव पिंडह्वा ॥ तीसे णं सहम्माए सभाए तिदिसिं तओ दारा पण्णत्ता तंजहा पुरस्थिमेणं दाहिणेणं उत्तरेणं ॥ ते णं दारा पत्तेयं पत्तेयं दो दो जोयणाई

उद्घं उचतेणं एगं जोयणं विक्खंभेणं तावइयं चेव पवेसेणं सेया वरकणगथभियागा जाव वणमालादारवन्नओ ॥ तेसि णं दाराणं पुरओ महमंडवा पण्णता. ते णं महमंडवा अद्धतेरसजोयणाई आयामेणं छजोयणाई सक्कोसाई विक्खंभेणं साहरेगाई दो जोयणाइं उन्हें उचतेणं महमंडवा अणेगखंभसयसंनिविद्रा जाव उल्लोया भिम-भागवण्यओ ।। तेसि णं मुहमंडवाणं उवरिं पत्तेयं पत्तेयं अट्टद्र मंगला पण्णता सोत्थिय जाव मच्छ० ॥ तेसि णं महमंडवाणं पुरओ पत्तेयं पत्तेयं पेच्छाघरमंडवा पण्णता. ते णं पेच्छाघरमंडवा अद्धतेरसजोयणाइं आयामेणं जाव दो जोयणाइं उद्धं उच्चत्तेणं जाव मणिफासो ॥ तेसि णं बहमज्झदेसभाए पत्तेयं पत्तेयं वहरामय-अक्खाडगा पण्णता, तेसि णं वइरामयाणं अक्खाडगाणं बहमज्झदेसभाए पत्तेयं २ मणिपीढिया पण्णता. ताओ णं मणिपीढियाओ जोयणमेगं आयामविक्खंभेणं अद्भजोयणं बाहल्लेणं सञ्चमणिमईओ अच्छाओ जाव पहिरूवाओ ।। तासि णं मणि-पीढियाणं उप्पि पत्तेयं पत्तेयं सीहासणा पण्णत्ता, सीहासणवण्णओ जाव दामा परिवारो । तेसि णं पेच्छाघरमंडवाणं उपि अद्रद्रमंगलगा झया छत्ताइछता ॥ तेसि णं पेच्छाघरमंडवाणं पुरओ तिदिसिं तओ मणिपेढियाओ पण्णताओ. ताओ णं मणिपेढियाओ जोयणं आयामविक्खंभेणं अद्भजोयणं वाहहेलं सव्वमणिमईओ अच्छाओ जाव पडिरूवाओ ।। तासि णं मणिपेढियाणं उपि पत्तेयं पत्तेयं महिंदज्झया अद्धट्ट-माइं जोयणाइं उन्हें उच्चत्तेणं अद्धकोसं उञ्चेहेणं अद्धकोसं विक्खंभेणं वहरामयवह-लद्रसंठियससिलिद्रपरिघद्रमद्रसपइद्रिया विसिद्रा अणेगवरपंचवण्णकडभीसहस्सपरि-मंडियाभिरामा वाउद्भयविजयवेजयंतीपडागा छत्ताइछत्तकलिया तुंगा गयणयलमभि-लंघमाणसिहरा पासाईया जाव पडिरूवा ॥ तेसि णं महिंदज्झयाणं उपि अद्रह्मंग-लगा झया छत्ताइछत्ता ॥ तेसि णं महिंदज्झयाणं पुरुओ तिदिसिं तओ णंदाओ पुक्खरिणीओ प॰ ताओ णं पुक्खरिणीओ अद्धतेरसजीयणाई आयामेणं सक्कोसाई छ जोयणाई विक्खंभेणं दसजोयणाई उन्वेहेणं अच्छाओ सण्हाओ पुक्खरिणीवण्णओ पत्तेयं पत्तेयं परमवरवेड्यापरिक्खिताओ पत्तेयं पत्तेयं वणसंडपरिक्खिताओ वण्णओ जाव पडिरूवाओ ॥ तेसि णं प्रक्खरिणीणं पत्तेयं २ तिदिसिं तिसोवाणपडिरूवगा प०, तेसि णं तिसोवाणपडिरूवगाणं वण्णओ. तोरणा भाणियव्वा जाव छत्ताइच्छत्ता। सभाए णं सहस्माए छ मणोगुलियासाहरसीओ पण्णताओ, तंजहा-पुरिथमेणं दो साहरसीओ पचित्थिमेणं दो साहरसीओ दाहिणेणं एगसाहरसी उत्तरेणं एगा साहरसी, तासु णं मणोगुलियास बहवे सुवण्णरूपामया फलगा पण्णता, तेसु णं सुवण्णरूपा-मएसु फलगेसु बहुचे वहरामया णागदंतगा पण्णता, तेसु णं वहरामएसु नागदंतएसु

बहुवे किण्हसुत्तवष्टवग्यारियमछदामकलावा जाव सुक्तिछसुत्तवष्टवग्यारियमछदामकलावा. ते णं दामा तवणिजलंबसगा जाव चिद्वंति ॥ सभाए णं सहम्माए छगोमाणसी-साहरसीओ पण्णताओ तंजहा—पुरित्थमेणं दो साहरसीओ, एवं पचित्थिमेणवि दाहिणेणं सहस्सं एवं उत्तरेणवि, तासु णं गोमाणसीसु बहवे सुवण्णरूपमया फलगा प॰ जाव तेस णं वहरामएस नागदंतएस बहुवे रययामया सिक्क्या पण्णता. तेस णं रययामएस सिक्कएस ब॰ वेरुलियामईओ ध्रवघडियाओ पण्णताओ, ताओ णं ध्वघडियाओ कालागुरुपवर्कुंदुरुक्कतुरुक जाव घाणमणणिव्वुङ्करेणं गंधेणं सव्वओ समंता आप्रेमाणीओ चिद्रंति । सभाए णं सुहम्माए अंतो बहुसमरमणिजे भूमिभागे पण्णते जाव मणीणं फासो उल्लोया प्रमुख्यभत्तिचित्ता जाव सब्वतवणिज्ञमए अच्छे जाव पडिह्वे ॥ १३७ ॥ तस्स णं बहुसमरमणिजस्स भूमिभागस्स बहुमज्झदेसभाए एत्थ णं एगा महामणिपेढिया प०, सा णं मणिपेढिया दो जोयणाई आयामविक्खं-भेणं जोयणं बाहल्लेणं सञ्चमणिमई जाव पडिरूवा ॥ तीसे णं मणिपेडियाए उपि एत्थ ण एगे महं सीहासणे पण्णते, सीहासणवण्णओ ।। तीसे णं विदिसाए एत्थ णं एगा महं मणिपेढिया प० जोयणं आयामविक्खंभेणं अद्भजोयणं बाहल्लेणं सव्वमणि-मई अच्छा जाव पडिरूवा ॥ तीसे णं मणिपेडियाए उपिं एत्थ णं एगे महं देव-सयणिजे पण्णते, तस्स णं देवसयणिजस्स अयमेयारूवे वण्णावासे पण्णते, तंजहा— नाणामणिमया पिंडपाया सोवण्णिया पाया नाणामणिमया पायसीसा जंव्रणयमयाई गत्ताइं वइरामया संधी णाणामणिमए चिच्चे रययामया तूली लोहियक्खमया बिब्बोयणा तवणिज्ञमई गंडोवहाणिया, से णं देवसयणिज्ञे उभओ बिब्बोयणे दुहओ उण्णए मज्झेणयगंभीरे सालिंगणविहए गंगापुलिणवालुउहालसालिसए ओय-वियक्खोमदुगुल्लपष्टपिडच्छायणे सुविरइयरयत्ताणे रत्तंस्रयसंवए सरम्मे आईणगह-यबूरणवणीयतूलकासमउए पासाईए ४ ॥ तस्स णं देवसयणिज्ञस्स उत्तरपरित्यमेणं एत्थ णं महई एगा मणिपीढिया पण्णता जोयणमेगं आयामविक्खंभेणं अद्भजोयणं बाहल्लेणं सन्वमणिमई अच्छा जाव पडिरूवा ॥ तीसे णं मणिपीढियाए उप्पि एगे महं खुडुए महिंदज्झए पण्णते अद्धद्रमाइं जोयणाइं उन्ने उच्तेणं अद्धकोसं उन्ने-हेणं अद्भोसं विक्खंभेणं वहरामयवदृलद्वसंठिए तहेव जाव मंगलगा झया छत्ताइ-छता ॥ तस्स णं खुडुमहिंदज्झयस्स पचित्थिमेणं एत्थ णं विजयस्स देवस्स चुप्पालए नाम पहरणकोसे पण्णते ॥ तत्थ णं विजयस्स देवस्स फलिहरयणपामोक्खा बहुवे पहरणरयणा संनिक्खिता चिद्रंति, उज्जलसुणिसियस्तिक्खधारा पासाईया ४ ॥ तीसे णं सभाए सहम्माए उप्पि बहुवे अद्भद्धमंगलगा झया छत्ताइछता ॥ १३८॥

सभाए णं सहस्माए उत्तरपुरिक्षमेणं एत्थ णं एगा महं उववायसभा पण्णत्ता जहा सुहम्मा तहेव जाव गोमाणसीओ उववायसभाएवि दारा सुहमंडवा सव्वं भूमिभागे तहेव जाव मणिफासो (सहम्मासभावतव्या भाणियव्वा जाव भूमीए फासो) ॥ तस्स णं बहुसमरमणिजस्स भूमिभागस्स बहुमज्झदेसभाए एत्थ णं एगा महं मणिपेढिया पण्णत्ता जोयणं आयामविक्खंभेणं अद्वजीयणं वाहर्हेणं सन्वमणि-मई अच्छा जाव पडिरूवा, तीसे णं मणिपेढियाए उपि एत्य णं एगे महं देवसय-णिजे पण्णत्ते, तस्स णं देवसयणिजस्स वण्णओ, उववायसभाए णं उप्पि अट्टहमं-गलगा झया छत्ताइछत्ता जाव उत्तिमागारा, तीसे ण उववायसभाए उत्तरपुरच्छिमेणं एतथ णं एगे महं हरए पण्णत्ते, से णं हरए अद्धतेरसजीयणाई आयामेणं छकोसाई जोयणाई विक्खंमेणं दस जोयणाई उन्वेहेणं अच्छे सण्हे वण्णओ जहेव णंदाणं पुक्खरिणीणं जाव तोरणवण्णओ, तस्स णं हरयस्स उत्तरपुरिथमेणं एतथ णं एगा महं अभिसेयसभा पण्णत्ता जहा सभासुहम्मा तं चेव तिरवसेरं जाव गोमाणसीओ भूमिभाए उल्लोए तहेव ।। तस्स णं वहसमरमणिजस्स भूमिभागस्स बहुमज्झदेसभाए एत्थ णं एगा महं मणिपेढिया पण्णता जोयणं आयामविक्खंभेणं अद्धजोयणं बाह्लेणं सन्वमणिमया अच्छा ।। तीसे णं मणिपेद्वियाए उपि एत्थ णं महं एगे सीहासणे पण्णते, सीहासणवण्णओ अपरिवारो ॥ तत्थ णं विजयस्स देवस्स सुबहु आभिसेक्ने भंडे संणिक्खित्ते चिट्ठइ, अभिसेयसभाए उपि अट्टट्टमंगलगा जाव उत्ति-मागारा सोलसविहेहिं रयणेहिं उवसोभिया, तीसे णं अभिसेयसभाए उत्तरपुरितथ-मेणं एत्थ णं एगा महं अलंकारियसभा पण्णता अभिसेयसभावतव्वया भाणियव्वा जाव गोमाणसीओ मणिपेढियाओ जहा अभिसेयसभाए उपि सीहासणं (स)-अपरिवारं ॥ तत्थ णं विजयस्स देवस्स सुवहु अलंकारिए भंडे संनिक्खिते चिट्ठह, अलंकारिय॰ उपि मंगलगा झया जाव (छताङ्छता) उत्तिमागारा ॥ तीसे णं अलंकारियसहाए उत्तरपुरत्थिमेणं एत्थ णं एगा महं ववसायसभा पण्णत्ता, अभि-सेयसभावत्तव्वया जाव सीहासणं अपरिवारं ॥ त(ए) त्थ णं विजयस्स देवस्स एगे महं पोत्थयरयणे संनिक्तिते चिद्धइ, तस्स णं पोत्थयरयणस्स अयमेयारूवे वण्णा-वासे पन्नत्ते, तंजहा—रिद्धामईओ कंत्रियाओ [रययामयाई पत्तगाई] तवणिज्जमए दोरे णाणामणिमए गंठी (अंकमयाई पत्ताई) वेरुलियमए लिप्पासणे तवणिज्जमई संकला रिद्वामण लायणे रिद्वामया मसी वइरामई लेहणी रिद्वामयाई अक्खराई धिमाए सत्थे ववसायसभाए णं उपि अद्रद्रमंगलगा झया छत्ताइछत्ता उत्तिमा-गारेति । तीसे णं ववसायसभाए उत्तरपुरच्छिमेणं एत्थ णं एगा महं णंदापुक्खरिणी

पण्णत्ता जं चेव प्रमाणं हरयस्स तं चेव सव्वं ॥ १३९-१४० ॥ तेणं कालेणं तेणं समएणं विजए देवे विजयाए रायहाणीए उववायसभाए देवसयणिजंसि देव-दसंतरिए अंगुलस्स असंखेजइभागमेत्तीए बोंदीए विजयदेवताए उववण्णे ॥ तए णं से विजए देवे अहणोववण्णमेत्तए चेव समाणे पंचविहाए पज्जतीए पज्जतीभावं गच्छड, तंजहा-आहारपज्नतीए सरीरपज्नतीए इंदियपज्नतीए आणापाणपज्नतीए भासामणपज्जतीए ॥ तए णं से विजए देवे देवसयणिजाओ अन्भट्टेइ २ ता दिव्वं देवदूसजुयलं परिहेइ २ ता देवसयणिजाओ पचीरुहइ २ ता उववायसभाओ पुरत्थिमेणं दारेणं णिगाच्छइ २ ता जेणेव हरए तेणेव उवागच्छइ उवागच्छिता हरयं अणुपयाहिणं करेमाणे करेमाणे पुरित्थमेणं तोरणेणं अणुप्पविसइ २ ता पुर-त्थिमिल्लेणं तिसोवाणपडिरूवएणं पचोरुहइ २ ता हरयं ओगाहइ २ ता जलावगाहणं करेड २ ता जलमज्जणं करेड २ ता जलकिङ्कं करेड २ ता आयंते चोक्खे परमसड-भूए हरयाओ पन्ततरइ २ ता जेणामेव अभिसेयसभा तेणामेव उवागच्छइ २ ता अभिसेयसमं अणुपयाहिणं करेमाणे पुरित्थिमिल्लेणं दारेणं अणुपविसइ २ ता जेणेव सए सीहासणे तेणेव उवागच्छइ २ ता सीहासणवरगए पुरच्छाभिमुहे सण्णिसण्णे ॥ तए णं तस्स विजयस्स देवस्स सामाणियपरिसोववण्णगा देवा आमिओगिए देवे सहावेंति २ त्ता एवं वयासी--खिप्पामेव भो देवाणुप्पिया! विजयस्स देवस्स महत्थं महर्ग्यं महरिहं विउलं इंदाभिसेयं उवट्ठावेह ॥ तए णं ते आभिओगिया देवा सामाणियपरिसोववण्णेहिं एवं वृत्ता समाणा हद्वतुट्ठ जाव हियया करयलपरि-ग्गहियं सिरसावत्तं मत्थए अंजिंछं कट्ट एवं देवा तहित आणाए विणएणं वयणं पडिसुणित २ ता उत्तरपुरत्थिमं दिसीभागं अवक्रमंति २ ता वेउव्वियसमुग्घाएणं समोहणंति २ ता संखेजाई जोयणाई दंडं णिसरंति तं०-रयणाणं जाव रिद्राणं. अहाबायरे पोग्गले परिसाडंति २ ता अहासुहमे पोग्गले परियायंति २ ता दोचंपि वेउ व्वियसमुग्घाएणं समोहणंति २ त्ता अहसहस्सं सोवण्णियाणं कलसाणं अहस-हस्सं रुप्पामयाणं कलसाणं अद्रसहस्सं मणिमयाणं अद्रसहस्सं सुवण्णरुप्पामयाणं अद्रसहस्सं सुवण्णमणिमयाणं अद्रसहस्सं रुप्पामणिमयाणं अद्रसहस्सं भोमेजाणं अद्भसहस्सं भिंगारगाणं एवं आयंसगाणं थालाणं पाईणं सपइद्रगाणं चित्ताणं रयणकरंडगाणं अद्भायं सीहासणाणं छत्ताणं चामराणं अवपडगाणं बहुगाणं तव-सिप्पाणं खोरगाणं पीणगाणं तेल्लसमुग्गयाणं विडव्वंति ते साभाविए विडव्विए य कलसे य जाव तेल्लसमुग्गए य गेण्हांति गेण्हित्ता विजयाओ रायहाणीओ पिड-निक्खमंति २ त्ता ताए उक्किद्राए जाव उद्धयाए दिव्वाए देवगईए तिरियमसंखे-

जाणं दीवसमुद्दाणं मज्झंमज्झेणं वीईवयमाणा २ जेणेव खीरोए समुद्दे तेणेव उवागच्छंति तेणेव उवागच्छित्ता खीरोदगं गिण्हंति गिण्हित्ता जाई तत्थ उप्पलाई जाव सयसहरसपत्ताइं ताइं गिण्हंति २ त्ता जेणेव पुक्खरोदे समेहे तेणेव उवा-गच्छंति २ त्ता पुक्खरोदगं गेण्हंति पुक्खरोदगं गिण्हित्ता जाइं तत्थ उप्पलाइं जाव सयसहरूसपत्ताइं ताइं गिण्हांति २ त्ता जेणेव समयखेते जेणेव भरहेरवयाइं वासाइं जेणेव मागहवरदामपभासाइं तित्थाइं तेणेव उवागच्छंति तेणेव उवाग-च्छिता तित्थोदगं गिण्हंति २ त्ता तित्थमिट्टयं गेण्हंति २ त्ता जेणेव गंगासिंधरत्ता-रत्तवईसलिला तेणेव उवागच्छंति २ ता सरिओदगं गेण्हंति २ ता उभओ तड-मुह्रियं गेण्हांति गेण्हित्ता जेणेव चुल्लहिमवंतसिहरिवासहरपञ्वया तेणेव उवागच्छीत तेणेव उवागच्छिता सव्वतूवरे य सव्वपुष्फे य सव्वगंधे य सव्वमहे य सव्वोस-हिसिद्धत्थए य गिण्हंति सन्वोसहिसिद्धत्थए गिण्हिता जेणेव पडमदृहपुंडरीयदृहा तेणेव उनागच्छंति तेणेव उनागच्छिता दहोदगं गेण्हंति २ ता जाइं तत्थ उप्पलाई जाव सयसहस्सपत्ताइं ताइं गेण्हंति ताइं गिण्हित्ता जेणेव हेमवयहेरण्णवयाइं वासाइं जेणेव रोहियरोहियंससुवण्णकुलरूप्पकृलाओ तेणेव उवागच्छंति २ ता सलिलोदगं गेण्हंति २ ता उभओ तडमिट्टयं गिण्हांति गेण्हिता जेणेव सहावाइमालवंतपरियागा वहवेयहू-पव्वया तेणेव उवागच्छंति तेणेव उवागच्छिता सव्वत्वरे य जाव सव्वोसहिसिद्ध-त्थए य गेण्हंति सन्वोसहिसिद्धत्थए गेण्हिता जेणेव महाहिमवंतरुप्पिवासहरपन्वया तेणेव उवागच्छंति तेणेव उवागच्छिता सव्वपुष्फे तं चेव जेणेव महापउमद्दहमहा-पंडरीयदहा तेणेव उवागच्छंति तेणेव उवागच्छिता जाई तत्थ उप्पलाई तं चेव जेणेव हरिवासे रम्मावासेति जेणेव हरिकंतहरिसलिलाणरकंतणारिकंताओ सलिलाओ तेणेव उवागच्छंति तेणेव उवागच्छिता सिललोदगं गेण्हंति सिललोदगं गेण्हिता जेणेव विग्रहावडगंधावडवद्वेग्रह्मपव्वया तेणेव उवागच्छंति २ ता सव्वपुप्फे य तं चेव जेणेव णिसहणीलवंतवासहरपव्वया तेणेव उवागच्छंति तेणेव उवागच्छिता सव्वतूवरे य तहेव जेणेव तिगिच्छिदहकेसरिदहा तेणेव उवागच्छंति २ त्ता जाइं तत्थ उप्पलाई तं चेव जेणेव प्रव्वविदेहावरविदेहवासाइं जेणेव सीयासीओयाओ महाणईओ जहा णईओ जेणेव सव्वचक्कवष्टिविजया जेणेव सव्वमागहवरदामपभासाइं तित्थाई तहेव जहेव जेणेव सव्ववक्खारपञ्चया सञ्चतुवरे य जेणेव सञ्चंतरणईओ सिललोदगं गेण्हंति २ त्ता तं चेव जेणेव मंदरे पव्वए जेणेव भद्दसालवणे तेणेव उवागच्छंति सव्वतुवरे य जाव सव्वोसिहिसिद्धत्थए य गिण्हंति २ त्ता जेणेव णंदणवणे तेणेव उवागच्छंति २ ता सव्वतवरे जाव सव्वोसहिसिद्धत्थे य सरसं च गोसीसचंदणं

गिण्हंति २ ता जेणेव सोमणसवणे तेणेव उवागच्छंति तेणेव उवागच्छिता सन्वत्वरे य जाव सव्वोसहिसिद्धत्थए य सरसगोसीसचंदणं दिव्वं च समणदामं गेण्हंति गेण्हिता जेणेव पंडगवणे तेणामेव समुवागच्छंति तेणेव समुवागच्छिता सव्वत्वरे जाव सव्वोसहिसिद्धत्थए य सरसं च गोसीसचंदणं दिव्वं च समणोदामं दहरयमलय-सुगंधिए य गंधे गेण्हंति २ ता एगओ मिलंति २ ता जंबहीवस्स पुरत्थिमिहेणं दारेणं णिगाच्छंति पुरिक्थिमिल्लेणं दारेणं निग्गच्छिता ताए उक्किट्टाए जाव दिव्वाए देवगईए तिरियमसंखेजाणं दीवसमुद्दाणं मज्झंमज्झेणं वीइवयमाणा २ जेणेव विजया रायहाणी तेणेव उवागच्छंति २ ता विजयं रायहाणि अणुप्पयाहिणं करेमाणा २ जेणेव अभिसेयसभा जेणेव विजए देवे तेणेव उवागच्छंति २ ता करयलपरिग्गहियं सिरसावत्तं मत्थए अंजिं कह् जएणं विजएणं वद्धावेंति विजयस्स देवस्स तं महत्यं महर्ग्यं महरिहं विउलं अभिसेयं उवद्रवेंति ॥ तए णं तं विजयदेवं चतारि सामा-णियसाहस्सीओ चत्तारि अगगमहिसीओ सपरिवाराओ तिष्णि परिसाओ सत्त अणिया सत्त अणियाहिवई सोलस आयरक्खदेवसाहस्सीओ अन्ने य बहवे विजयरायहाणि-वत्थव्वगा वाणमंतरा देवा य देवीओ य तेहिं साभाविएहिं उत्तरवेउ व्विएहि य वरकमलपइद्वाणेहिं सुरभिवरवारिपडिपुण्णेहिं चंदणकयचचारोहिं आविद्धकंठेगुणेहिं पउमुप्पलपिहाणेहिं करयलसुकुमालकोमलपरिगाहिएहिं अट्टसहस्साणं सोवण्णियाणं कलसाणं रुप्पमयाणं जाव अद्वसहस्साणं भोमेजाणं कलसाणं सन्वोदएहिं सन्वमहि-याहिं सन्वत्वरेहिं सन्वपुष्फेहिं जाव सन्वोसहिसिद्धत्थएहिं सन्विड्डीए सन्वजुईए सञ्बबलेणं सञ्बसमुदएणं सञ्बायरेणं सञ्बविभुईए सञ्बविभुसाए सञ्बसंभमेणं सन्वोरोहेणं सन्वणाडएहिं सन्वपुप्फगंघमल्लालंकारविभूसाए सन्वदिन्वतुडियणिणाएणं महया इड्डीए महया जुईए महया बलेणं महया समुद्रएणं महया तुरियजमगसमग-पडुप्पवाइयरवेणं संखपणवपडहभेरिझहरिखरमहिम्रवम्यंगदंदहिहडुक्कणिग्घोससंणि-णाइयरवेणं महया महया इंदाभिसेगेणं अभिसिंचंति ॥ तए णं तस्स विजयस्स देवरस महया महया इंदाभिसेगंसि वद्दमाणंसि अप्पेगइया देवा णचोदगं णाइमट्टियं पविरलपप्पतियं दिव्वं सुर्भि रयरेणविणासणं गंधोदगवासं वासंति. अप्पेगइया देवा णिहयरयं णहरयं भद्ररयं पसंतरयं उवसंतरयं करेंति. अप्पेगड्या देवा विजयं रायहाणिं सर्बिभतरबाहिरियं आसियसम्मज्जिओविलत्तं सित्तसङ्सम्मद्भरत्थंतरावण-वीहियं करेंति, अप्पेगइया देवा विजयं रायहाणि मंचाइमंचकलियं करेंति. अप्पे-गइया देवा विजयं रायहाणि णाणाविहरागरंजियऊसियजयविजयवेजयन्तीपडागा-इपडागमंडियं करेंति, अप्पेगइया देवा विजयं रायहाणि लाउल्लोइयमहियं करेंति.

अप्पेगडया देवा विजयं रा० गोसीससरसरत्तचंदणदद्दरिष्णपंचंगुलितलं करेंति, अप्पे-गड्या देवा विजयं ॰ उवचियचंदणकलसं चंदणघडसुकयतोरणपडिद्वारदेसभागं करेंति, अप्पेगइया देवा विजयं ० आसत्तोसत्तविजलबहुवन्घारियमहुदामकलावं करेंति, अप्पे-गडया देवा विजयं रायहाणि पंचवण्णसरससुरभिमुक्कपुष्पपुंजीवयारकलियं करेंति, अप्पेगइया देवा विजयं० कालागुरुपवरकुंदुरकतुरुक्षध्रवडज्झंतमघमघेंतगंधुद्धयाभिरामं सगंधवरगंधियं गंधविष्टभूयं करंति, अप्पेगइया देवा हिरण्णवासं वासंति, अप्पेगइया देवा सवण्णवासं वासंति. अप्पेगङ्या देवा एवं रयणवासं वहरवासं प्रप्तवासं मळ-वासं गंधवासं चुण्णवासं वत्थवासं आहरणवासं, अप्पेगइया देवा हिरण्णविहिं भाइति, एवं सुवण्णविहिं रयणविहिं वहरविहिं पुष्फविहिं मछविहिं चुण्णविहिं गंधविहिं बत्थविहिं आभरणविहिं भाइंति ॥ अप्पेगइया देवा दुयं णदृविहिं उवदंसेति अप्पेग-इया देवा विलंबियं णहविहिं उवदंसेंति अप्पेगइया देवा दुयविलंबियं णाम णहविहिं उवटंसेंति अप्पेगइया देवा अंचियं णदृविहिं उवदंसेंति अप्पेगइया देवा रिभियं णह्विहिं उवदंसेंति अ॰ अंचियरिभियं णाम दिन्वं णह्विहिं उवदंसेंति अप्पेगइया देवा आरभडं णदृविहिं उवदंसेंति अप्पेगइया देवा भसोलं णदृविहिं उवदंसेंति अप्पेगइया देवा आरमडमसोलं णाम दिव्वं णहविहिं उवदंसेंति अप्पेगइया देवा उप्पायणिवायपवृत्तं संकुचियपसारियं रियारियं भंतसंभंतं णाम दिव्वं णद्वविहिं उवदंसेंति, अप्पेगइया देवा चउ व्विहं वाइयं वाएंति, तंजहा—ततं विततं घणं झुसिरं, अप्पेगइया देवा चडिवहं गेयं गायंति, तंजहा—उक्शित्तयं पवत्तयं मंदायं रोइयावसाणं, अप्पेगइया देवा चउव्विहं अभिणयं अभिणयंति, तंजहा-दिइंतियं पाडंतियं सामन्तोवणिवाइयं लोगमज्झावसाणियं, अप्पेगइया देवा पीणंति, अप्पेग-इया देवा विकारेंति, अप्पेगइया देवा तंडवेंति, अप्पे॰ लासेंति, अप्पेगइया देवा पीणंति वकारेंति तंडवेंति लासंति, अप्पेगइया देवा वकारेंति, अप्पेगइया देवा अप्पोडंति, अप्पेगइया देवा वगगंति, अप्पेगइया देवा तिवई छिदंति, अप्पेगइया देवा अप्पोडेंति वग्गंति तिवइं छिंदेंति, अप्पेगइया देवा हयहेसियं करेंति, अप्पेगइया देवा हित्थगुलगुलाइयं करेंति, अप्पेगइया देवा रहचणघणाइयं करेंति, अप्पेगइया देवा हयहेसियं करेंति हत्थिगुलगुलाइयं करेंति रहघणघणाइयं करेंति, अप्पेगइया देवा उच्छोठेंति, अप्पेगइया देवा पच्छोठेंति, [अप्पेगइया देवा उक्किट्विं करेंति] अप्पे-गइया देवा उकिद्रीओ करेंति, अप्पेगइया देवा उच्छोठेंति पच्छोठिंति उकिद्रीओ करेंति, अप्पेगइया देवा सीहणायं करेंति, अप्पेगइया देवा पायदहर्यं करेंति, अप्पे-गइया देवा भूमिचवेडं दलयंति, अप्पेगइया देवा सीहनायं पायदद्दरयं भूमिचवेडं

दलयंति, अप्पेगइया देवा हक्कारेंति, अप्पेगइया देवा वृक्कारेंति, अप्पेगइया देवा थकारेंति, अप्पे॰ पुकारेंति, अप्पेगइया देवा नामाई सावेंति, अप्पेगइया देवा हकारेंति वकारेंति थकारेंति प्रकारेंति णामाई सावेंति, अप्पेगइया देवा उप्पयंति. अप्पेगइया देवा णिवयंति, अप्पेगइया देवा परिवयंति, अप्पेगइया देवा उप्पयंति णिवयंति परिवयंति, अप्पेगइया देवा जलेति, अप्पेगइया देवा तवंति, अप्पेगइया देवा पतवंति, अप्पेगइया देवा जलंति तवंति पतवंति, अप्पेगइया देवा गजेंति, अप्पेगइया देवा विज्यायंति, अप्पेगइया देवा वासंति, अप्पेगइया देवा गजांति विज्यायंति वासंति. अप्पेगइया देवा देवसन्निवायं करेंति, अप्पेगइया देवा देवुक्कलियं करेंति, अप्पेगइया देवा देवकहकहं करेंति, अप्पेगइया देवा देवदुहुदुहं करेंति, अप्पेगइया देवा देवसिववायं देवउक्कलियं देवकहकहं देवदुहदुहं करेंति, अप्पेगइया देवा देवजोयं करेंति, अप्पेगइया देवा विज्ञयारं करेंति, अप्पेगइया देवा चेळुक्खेवं करेंति, अप्पेग-इया देवा देवाजोयं विज्यारं चेलुक्खेवं करेंति, अप्पेगइया देवा उप्पलहत्थगया जाव सहस्सपत्त० घंटाहृत्थगया कलसहृत्थगया जाव तेल्लसमुग्गयहृत्थगया हृद्रतद्व जाव हरिसवसविसप्पमाणिहयया विजयाए रायहाणीए सव्वओ समंता आधार्वेति परिधार्वेति ॥ तए णं तं विजयं देवं चत्तारि सामाणियसाहस्सीओ चत्तारि अग-महिसीओ सपरिवाराओ जाव सोलसआयरक्खदेवसाहस्सीओ अण्णे य बहुवे विजयरायहाणीवत्थव्वा वाणमंतरा देवा य देवीओ य तेहिं वरकमलपइद्राणेहिं जाव अद्वसएणं सोवण्णियाणं कळसाणं तं चेव जाव अद्वसएणं भोमेजाणं कळसाणं सन्वो-दगेहिं सन्वमहियाहिं सन्वत्वरेहिं सन्वपप्फेहिं जाव सन्वोसहिसिद्धत्यएहिं सन्व-ब्हीए जाव निग्घोसनाइयरवेणं महया २ इंदाभिसेएणं अभिसिंचंति २ त्ता पत्तेयं २ सिरसावत्तं अंजिं कहु एवं वयासी-जय जय नंदा! जय जय भद्दा! जय जय नंद भद्दं ते अजियं जिणेहि जियं पालयाहि अजियं जिणेहि सत्तुपक्खं जियं पालेहि मित्तपक्खं जियमज्झे वसाहि तं देव! निरुवसग्गं इंदो इव देवाणं चंदो इव ताराणं चमरो इव असराणं धरणो इव नागाणं भरहो इव मणुयाणं बहूणि पलिओवमाईं बहूणि सागरोवमाणि बहू णि पलिओवमसागरोवमाणि चउण्हं सामाणियसाहस्सीणं जाव आय-रक्खदेवसाहस्सीणं विजयस्स देवस्स विजयाए रायहाणीए अण्णेसिं च बहूणं विजय-रायहाणिवत्थव्वाणं वाणमंतराणं देवाणं देवीण य आहेवचं जाव आणाईसरसेणावचं कारेमाणे पालेमाणे विहाराहित्तिकद्भ महया २ सहेणं जयजयसदं पउंजंति ॥ १४१॥ तए णं से विजए देवे महया २ इंदाभिसेएणं अभिसित्ते समाणे सीहासणाओ अञ्भद्रेह सीहासणाओ अब्भुद्वेत्ता अभिसेयसभाओ पुरत्थिमेणं दारेणं पिडिनिक्खमइ २ ता

जेणामेव अलंकारियसभा तेणेव उवागच्छइ २ त्ता अलंकारियसमं अणुप्पया-हिणीकरेमाणे २ पुरस्थिमेणं दारेणं अंणुपविसइ पुरस्थिमेणं दारेणं अणुपविसित्ता जेणेव सीहासणे तेणेव उवागच्छइ २ ता सीहासणवरगए पुरत्थाभिमुहे सण्णिसण्णे, तए णं तस्स विजयस्स देवस्स सामाणियपरिसोववण्णगा देवा आभिओगिए देवे सहावेंति २ त्ता एवं वयासी-खिप्पामेव भो देवाणुप्पिया! विजयस्स देवस्स आलंकारियं भंडं उवणेह. तए णं ते आलंकारियं भंडं जाव उवद्रवेंति ॥ तए णं से विजए देवे तप्पढमयाए पम्हलसुमालाए दिव्वाए सुरभीए गंधकासाईए गायाई लुहेइ गायाई ल्रहेता सरसेणं गोसीसचंदणेणं गायाइं अणुलिंपइ सरसेणं गोसीसचंदणेणं गायाइं अण्रिंपेत्ता तओऽणंतरं च णं नासाणीसासवायवोज्झं चक्खहरं वण्णफरिसज्तं हयलालापेलवाइरेगं धवलं कणगखइयंतकम्मं आगासफलिहसरिसप्पभं अहयं दिन्वं देवदसज्यलं णियंसेइ णियंसेता हारं पिणिदेइ हारं पिणिदेत्ता अद्धहारं पिणदेइ अद्ध० एवं एगावर्लि पिणिधइ एगावर्लि पिणिधेत्ता एवं एएणं अभिलावेणं मत्तावर्लि कणगाविलं रयणाविलं कडगाइं तुडियाइं अंगयाइं केऊराइं दसम्हियाणंतगं कडिस्रतगं वेयच्छिसत्तगं मरविं कंठमरविं पालंबं कंडलाइं चडामणि चित्तरयणसंकडं मडडं पिणिधेइ पिणिधित्ता गंठिमवेढिमप्रिमसंघाइमेणं चउव्विहेणं महेणं कप्परुक्वयंपिव अप्पाणं अलंकियविभसियं करेइ कप्परक्खयंपिव अप्पाणं अलंकियविभसियं करेत्ता दहरमलयसुगंधगंधिएहिं गंधेहिं गायाई सुक्किडइ २ त्ता दिव्यं सुमणदामं पिणिद्धइ ॥ तए णं से विजए देवे केसालंकारेणं वत्थालंकारेणं मल्लालंकारेणं आभरणालं-कारेणं चडिवहेणं अलंकारेणं अलंकियविभूसिए समाणे पडिपुण्णालंकारे सीहा-सणाओ अञ्मुद्रेह २ ता अलंकारियसभाओ पुरच्छिमिल्लेणं दारेणं पिडिनिक्खमइ २ ता जेणेव ववसायसभा तेणेव उवागच्छइ २ ता ववसायसभं अणुप्पयाहिणं करेमाणे २ पुरत्थिमिक्लेणं दारेणं अणुपविसइ २ ता जेणेव सीहासणे तेणेव उवागच्छइ २ ता सीहासणवरगए पुरत्थाभिमुहे सण्णिसण्णे । तए णं तस्स विजयस्स देवस्स आभिओगिया देवा पोत्थयरयणं उवणेंति ॥ तए णं से विजए देवे पोत्थयरयणं गेण्हइ २ त्ता पोत्थयरयणं मुयइ पोत्थयरयणं मुएत्ता पोत्थयरयणं विहाडेइ पोत्थयरयणं विहाडेता पोत्थयरयणं वाएइ पोत्थयरयणं वाएता धम्मियं ववसायं पगेण्हइ धम्मियं ववसायं पगेण्हित्ता पोत्थयरयणं पिडणिक्खिवेइ २ ता सीहासणाओ अञ्भुद्देइ २ त्ता ववसायसभाओ पुरित्थिमिल्लेणं दारेणं पिडिणिक्खमइ २ त्ता जेणेव सभा सहम्मा तेणेव पहारेत्थ गमणाए । तए णं से विजए देवे चडिहं सामाणिय-साहस्सीहिं जाव सोलसिं आयरक्खदेवसाहस्सीहिं सिव्बङ्कीए जाव निग्घोसनाइय-१३ सत्ता०

रवेणं जेणेव सभा सहम्मा तेणेव उवागच्छइ २ ता समं सहम्मं पुरित्थिमिल्लेणं दारेणं अणुपविसइ २ ता जेणेव मणिपेढिया तेणेव उवागच्छइ २ ता सीहासणवरगए पुरच्छाभिमुहे सण्णिसण्णे ॥ १४२ ॥ तए णं तस्स विजयस्स देवस्स चत्तारि सामाणियसाहरसीओ अवस्तरेणं उत्तरेणं उत्तरपुरच्छिमेणं पत्तेयं २ पुव्वणत्थेस भद्दासणेसु णिसीयंति । तए णं तस्स विजयस्स देवस्स चत्तारि अग्गमहिसीओ पुरत्थिमेणं पत्तेयं २ पुन्वणत्थेसु भद्दासणेसु णिसीयंति । तए णं तस्स विजयस्स देवस्स दाहिणपुरस्थिमेणं अब्भितरियाए परिसाए अट्ट देवसाहस्सीओ पत्तेयं २ जाव णिसीयंति । एवं दिक्खणेणं मिज्झिमियाए परिसाए दस देवसाहस्सीओ जाव णिसीयंति । दाहिणपचित्यमेणं बाहिरियाए परिसाए बारस देवसाहस्सीओ पत्तेयं २ जाव णिसीयंति । तए णं तस्स विजयस्स देवस्स पचित्थिमेणं सत्त अणियाहिवई पत्तेयं २ जाव णिसीयंति । तए णं तस्स विजयस्स देवस्स पुरित्थमेणं दाहिणेणं पचितथमेणं उत्तरेणं सोलस आयरक्खदेवसाहस्सीओ पत्तेयं २ पुव्वणत्थेसु भद्दासणेसु णिसीयंति, तंजहा—परिथमेणं चत्तारि साहस्सीओ जाव उत्तरेणं च० ॥ ते णं आयरक्या सञ्चद्धबद्धवम्सियकवया उप्पीलियसरासणपट्टिया पिणद्धरेवेज्जविमलवर-चिंघपद्या गहियाउहप्पहरणा तिणयाई तिसंघीणि वहरामया कोडीणि धणुई अभिगिज्झ परियाइयकंडकलावा णीलपाणिणो पीयपाणिणो रत्तपाणिणो चावपाणिणो चारुपाणिणो चम्मपाणिणो खग्गपाणिणो दंडपाणिणो पासपाणिणो णीलपीयरत्तचावचारुचम्मख-ग्गदंडपासवर्घरा आयरक्खा रक्खोवगा गुत्ता गुत्तपालिया जुत्ता जुत्तपालिया पत्तेयं २ समयओ विणयओ किंकरभूयाविव चिद्वंति ॥ विजयस्स णं भंते ! देवस्स केवडयं कालं ठिई पण्णता ? गो० ! एगं पिलओवमं ठिई पण्णता, विजयस्स णं भंते ! देवस्स सामाणियाणं देवाणं केवइयं कालं ठिई पण्णत्ता ? गोयमा ! एगं पलिओवमं ठिई पण्णत्ता, एवंमहिङ्किए एवंमहज्जुइए एवंमहञ्बले एवंमहायसे एवंमहासुक्खे एवंमहाणुभागे विजए देवे २ ॥ १४३ ॥ कहि णं भंते ! जंबुद्दीवस्स २ वेजयंते णामं दारे पण्णत्ते ? गोयमा ! जंबहीवे २ मंदरस्स पन्वयस्स दक्खिणेणं पणयालीसं जोयणसहस्साइं अबाहाए जंबुद्दीवदीवदाहिणपेरंते लवणसमुद्दाहिणद्धस्स उत्तरेणं एत्थ णं जंबुद्दीवस्स २ वेजयंते णामं दारे पण्णते अद्र जोयणाई उन्ने उचतेणं सचेव सव्वा वत्तव्वया जाव णिचे । कहि णं भंते !० रायहाणी ? दाहिणेणं जाव वेजयंते देवे २ ॥ किह णं भंते ! जंबुद्दीवस्स २ जयंते णामं दारे पण्णते ? गोयमा ! जंबद्दीवे २ मंदरस्स पव्वयस्स पचित्थमेणं पणयालीसं जोयणसहस्साइं जंबद्दीवप-चित्थमपेरंते लवणसमुदृषचित्थमद्भस्स पुरच्छिमेणं सीओयाए महाणईए उपिं एत्थ णं

जंबद्दीवस्स दीवस्स जयंते णामं दारे पण्णते, तं चेव से पमाणं जयंते देवे पचित्यमेणं से रायहाणी जाव महििष्हुए० ॥ किह णं भंते ! जंबुद्दीवस्स २ अपराइए णामं दारे पण्णते ? गोयमा ! मंदरस्स पव्वयस्स उत्तरेणं पणयालीसं जोयणसहस्साइं अबाहाए जंबुद्दीवे २ उत्तरपेरंते लवणसमुद्दस्स उत्तरद्धस्स दाहिणेणं एत्थ णं जंबुद्दीवे २ अपराइए णामं दारे पण्णत्ते तं चेव पमाणं, रायहाणी उत्तरेणं जाव अपराइए देवे. चउण्हवि अण्णामि जंबुद्दीवे ॥ १४४ ॥ जंबुद्दीवस्स णं मंते ! दीवस्स दारस्स य दारस्स य एस णं केवइयं अबाहाए अंतरे पण्णते ? गोयमा ! अउणासीइं जोयण-सहस्साइं बावण्णं च जोयणाइं देसणं च अद्भुजोयणं दारस्स य २ अबाहाए अंतरे पण्णते ॥ १४५ ॥ जंबुद्दीवस्स णं भंते ! दीवस्स पएसा लवणं समुद्दं पुद्रा ? हंता पुद्रा ॥ ते णं भंते ! किं जंबुद्दीवे २ लवणसमुद्दे ? गोयमा ! जंबुद्दीवे दीवे नो खल न्ते लवणसमुद्दे ॥ लवणस्स णं भंते ! समुद्दस्स पएसा जंबुद्दीवं दीवं पुट्ठा ? हंता पुट्ठा । ते णं भंते ! किं लवणसमुद्दे जंबुद्दीवे दीवे ? गोयमा ! लवणे णं ते समुद्दे नो खळु ते जंबु-हीवे दीवे ॥ जंब्रहीवे णं भंते ! दीवे जीवा उद्दाइता २ लवणसमुद्दे पचायंति ? गोयमा ! अरथेगइया पचायंति अरथेगइया नो पचायंति ॥ लवणे णं भंते ! समुद्दे जीवा उद्दाइता २ जंबुद्दीवे २ पचायंति ? गोयमा ! अत्थेगइया पचायंति अत्थेगइया नो पचायंति ॥१४६॥ से केणड्रेणं भंते ! एवं वृच्चइ-जंबुद्दीवे २ १ गोयमा ! जंबुद्दीवे २ मंदरस्स पव्वयस्स उत्तरेणं णीलवंतस्स वासहरपञ्चयस्स दाहिणेणं मालवंतस्स वक्खारपञ्चयस्स पच्चित्यमेणं गंध-मायणस्स वक्खारपव्वयस्स पुरित्थमेणं एत्थ णं उत्तरकुरा णाम कुरा पण्णत्ता, पाईणप-डीणायया उदीणदाहिणवित्थिण्णा अद्भचंदसंठाणसंठिया एकारस जोयणसहस्साइं अद्भ बायाले जोयणसए दोण्णि य एगूणवीसइभागे जोयणस्य विक्खंभेणं ॥ तीसे जीवा उत्त-रओ पाईणपडीणायया दुहुओ वक्खारपव्वयं पुद्रा, पुरितथिमिल्लाए कोडीए पुरितथिमिल्लं वक्खारपव्वयं पुट्ठा, पचित्यमिल्लाए कोडीए पचित्यमिल्लं वक्खारपव्वयं पुट्ठा, तेवण्णं जोयणसहस्साइं आयामेणं, तीसे धणुपट्टं दाहिणेणं सिट्टं जोयणसहस्साइं चत्तारि य अद्वारसत्तरे जोयणसए दुवालस य एगूणवीसइभाए जोयणस्स परिक्खेवेणं पण्णते ॥ उत्तरकुराए णं मंते! कुराए केरिसए आगारभावपडोयारे पण्णते? गोयमा! बहुसमरमणिजे भूमिभागे पण्णते, से जहा णामए आर्ठिंगपुक्खरेइ वा जाव एवं एगूरुयदीववत्तव्वया जाव देवलोगपरिग्गहा णं ते मृण्यगणा पण्णत्ता समणाउसो!, णवरि इमं णाणत्तं--छचणुसहरसम्सिया दोछपन्ना पिट्रकरंडगसया अट्रमभत्तरस आहारहे समुप्पज्जइ तिण्णि पिलेओवमाइं देसूणाइं पिलेओवमस्सासंखिज्जइभागेण ऊणगाइं जहन्नेणं, तिन्नि पलिओवमाइं उक्नोसेणं, एगुणपण्णराइंदियाइं अणुपालणा,

सेसं जहा एगूह्याणं ।। उत्तरकुराए णं कुराए छिन्नहा मणुस्सा अणुसजंति, तंजहा-पम्हगंघा १ मियगंघा २ अममा ३ सहा ४ तेयालीसा ५ सणिचारी ६ ॥ १४७॥ कहि णं भंते ! उत्तरकुराए कुराए जमगा नामं दुवे पव्वया पन्नता ? गोयमा ! नीलवंतस्स वासहरपव्वयस्स दाहिणेणं अद्वचोत्तीसे जोयणसए चतारि य सत्तभागे जोयणस्स अबाहाए सीयाए महाणईए (पुन्वपच्छिमेणं) उभओ कूळे इतथ णं उत्तर-कुराए २ जमगा णामं दुवे पव्वया पण्णता एगमेगं जोयणसहस्सं उड्हं उच्चतेणं अह्नाइजाई जोयणसयाणि उन्वेहेणं मूले एगमेगं जोयणसहस्सं आयामविक्खंमेणं मज्झे अद्भुमाइं जोयणसयाइं आयामविक्खंभेणं उवरिं पंचजोयणसयाइं आयाम-विक्खंभेणं मूळे तिण्णि जोयणसहस्साइं एगं च बाविट्ठं जोयणसयं किंचिविसेसाहियं परिक्खेवेणं मज्झे दो जोयणसहस्साइं तिन्नि य बावत्तरे जोयणसए किंचिविसेसाहिए परिक्खेवेणं पन्नते उवरिं पन्नरस एकासीए जोयणसए किंचिविसेसाहिए परिक्खेवेणं. पण्णत्ते. मुळे विच्छिण्णा मज्झे संखिता उपि तणुया गोपुच्छसंठाणसंठिया सव्व-कणगामया अच्छा सण्हा जाव पडि ह्वा पत्तेयं २ पडमवरवेइयापरिक्खिता पत्तेयं २ वणसंडपरिक्खिता, वण्णओ दोण्हवि, तेसि णं जमगपव्वयाणं उपि बहुसमर्गणिजे भूमिभागे पण्णत्ते वण्णओ जाव आसयंति०॥ तेसि णं बहुसमरमणिजाणं भूमि-भागाणं बहुमज्झदेसभाए पत्तेयं २ पासायवडेंसगा पण्णत्ता, ते णं पासायवडेंसगा बावट्विं जोयणाई अद्धजोयणं च उड्ढं उचतेणं एकतीसं जोयणाई कोसं च विक्खंभेणं अन्भुग्गयमूसिया वण्णओ भूमिभागा उल्लोया दो जोयणाई मणिपेडियाओ वरसीहा-सणा सपरिवारा जाव जमगा चिट्ठंति ॥ से केणट्रेणं भंते ! एवं वृच्छ-जमगा पव्वया २ ? गोयमा ! जमगेषु णं पव्वएषु तत्थ तत्थ देसे २ तिहं तिहं बहुईओ खुडाखुड्डियाओ वावीओ जाव बिलपंतियाओ. तास णं खुडुाखुड्डियास जाव बिलपंति-यास बहुई उप्पलाई जाव सयसहस्सपत्ताई जमगप्पभाई जमगवण्णाई, जमगा य एत्थ दो देवा महिष्ट्रिया जाव पलिओवमिट्ठइया परिवसंति, ते णं तत्थ पत्तेयं पत्तेयं चडण्हं सामाणियसाहस्सीणं जाव जमगाणं पव्वयाणं जमगाण य रायहाणीणं अण्णेसिं च बहुणं वाणमंतराणं देवाण य देवीण य आहेवचं जाव पालेमाणा विह-रंति, से तेणहेणं गोयमा! एवं० जमगपव्वया २, अदुत्तरं च णं गोयमा! जाव णिचा ॥ कहि णं भंते ! जमगाणं देवाणं जमगाओ नाम रायहाणीओ पण्णताओ ? गोयमा ! जमगाणं पव्वयाणं उत्तरेणं तिरियमसंखेजे दीवसमुद्दे वीइवइत्ता अण्णंमि जंबुद्दीवे २ बारस जोयणसहस्साइं ओगाहिता एत्थ णं जमगाणं देवाणं जमगाओ णाम रायहाणीओ पण्णत्ताओ बारसजोयणसहस्स जहा विजयस्स जाव महिष्टिया०

जमगा देवा जमगा देवा ॥ १४८ ॥ कहि णं भंते ! उत्तरकुराए २ नीलवंतदृहे णामं दहे पण्णते ? गोयमा ! जमगपव्वयाणं दाहिणेणं अद्वचोत्तीसे जोयणसए चत्तारि सत्तभागा जोयणस्स अबाहाए सीयाए महाणईए बहुमज्झदेसभाए एत्थ ण उत्तर-कुराए २ नीलवंतद्दहे नामं दहे पन्नते, उत्तरदक्तिखणायए पाईणपडीणविच्छिन्ने एगं जोयणसहस्सं आयामेणं पंच जोयणसयाई विक्खंभेणं दस जोयणाई उट्वेहेणं अच्छे सण्हे रययामयकूळे चडकोणे समतीरे जाव पडिरूवे उभओ पासिं दोहिं पडम-वरवेइयाहि वणसंडेहि य सञ्वओ समंता संपरिक्खित दोण्हवि वण्णओ ॥ नीलवंत-दहस्स णं दहस्स तत्थ २ जाव बहवे तिसोवाणपडिरूवगा पण्णत्ता, वण्णओ भाणि-थव्वो जाव तोरणत्ति ॥ तस्स णं नीलवंतदृहस्स णं दहस्स बहुमज्झदेसभाए एत्थ णं एगे महं पडमे पण्णते, जोयणं आयामविक्खंभेणं तं तिगुणं सविसेसं परिक्खेवेणं अद्भजोयणं बाह्ह्रेणं दस जोयणाई उन्वेहेणं दो कोसे ऊसिए जलंताओ साइरेगाई दसद्धजोयणाई सव्वग्गेणं पण्णते ॥ तस्स णं पउमस्स अयमेयारूवे वण्णावासे पण्णते, तंजहा—वइरामया मूला रिट्ठामए कंदे वेरुलियामए नाले वेरुलियामया बाहिरपत्ता जंबूणयमया अिंभतरपत्ता तवणिज्ञमया केसरा कणगामई कण्णिया नाणांमणिमया पुक्खरिथभुगा ॥ सा णं कण्णिया अद्धजोयणं आयामविक्खंभेणं तं तिगुणं सविसेसं परिक्खेवेणं कोसं बाह्ह्रेणं सब्बप्पणा कणगामई अच्छा सण्हा जाव पडिरूवा ॥ तीसे णं कण्णियाए उवरिं बहुसमरमणिजे देसमाए पण्णत्ते जाव मणीहिं०॥ तस्स णं बहुसमरमणिजस्स भूमिभागस्स बहुमज्झदेसभाए एत्थ णं एगे महं भवणे पण्णते, कोसं आयामेणं अद्धकोसं विक्खंभेणं देसूणं कोसं उड्ढं उचतेणं अणेगखंभसयसंनिविद्धं जाव वण्णओ, तस्स णं भवणस्स तिदिसिं तओ दारा पण्णत्ता पुरित्थिमेणं दाहिणेणं उत्तरेणं, ते णं दारा पंचधणुसयाई उद्घं उचतेणं अह्नाइजाइं धणुसयाइं विक्खंभेणं तावइयं चेव पवेसेणं सेया वरकणगथूभियागा जाव वणमालाउत्ति ॥ तस्स णं भवणस्स अंतो बहुसमरमणिजे भूमिभागे पण्णते से जहा नामए-आर्लिंगपुक्खरेइ वा जाव मणीणं वण्णओ ॥ तस्स णं बहुसमरमणि-जस्स भूमिभागस्स बहुमज्झदेसभाए एत्थ णं मणिपेढिया पण्णता, पंचधणुसयाई आयामविक्खंभेणं अह्वाइजाइं घणुसयाइं वाहल्लेणं सन्वमणिमई० ॥ तीसे णं मणि-पेढियाए उन्नरि एत्थ णं एगे महं देनसयणिजे पण्णते, देनसयणिजस्स वण्णओ ॥ से ण पउमे अण्णेणं अट्टसएणं तद्द्धुचत्तप्पमाणमेत्ताणं पउमाणं सव्वओ समंता संपरिक्षिते ॥ ते ण पडमा अद्भजोयणं आयामविक्खंभेणं तं तिगुणं सविसेसं परिक्खेवेणं कोसं बाहल्लेणं दस जोयणाई उन्वेहेणं कोसं ऊसिया जलताओ साइरेगाई

दस जोयणाई सव्वरगेणं पण्णत्तांई ॥ तेसि णं पउमाणं अयमेयारूवे वण्णावासे पण्णत्ते. तंजहा-वइरामया मूला जाव णाणामणिमया पुक्खरिथभुगा ॥ ताओ णं कण्णियाओ कोसं आयामविक्खंभेणं तं तिगुणं स० परि० अद्धकोसं बाहहेणं सब्ब-कणगामईओ अच्छाओ जाव पिंडह्वाओ ॥ तासि णं कण्णियाणं उपिंप बहसमर-मणिजा भूमिभागा जाव मणीणं वण्णो गंधो फासो ॥ तस्स णं परमस्स अवह-तरेणं उत्तरेणं उत्तरपुरच्छिमेणं नीलवंतदृहकुमारस्य देवस्य चडण्हं सामाणियसा-हस्सीणं चत्तारि पडमसाहस्सीओ पण्णताओ. एवं सव्वो परिवारो नवरि पडमाणं भाणियव्वो ॥ से णं पउमे अण्णेहिं तिहिं पउमवरपरिक्खेवेहिं सव्वओ समंता संपरिक्खित. तंजहा-अब्भितरेणं मज्झिमेणं बाहिरएणं, अब्भितरए णं पउमपरि-क्खेवे बत्तीसं पडमसयसाहस्सीओ प०, मज्झिमए णं पडमपरिक्खेवे चत्ताठीसं पउमसयसाहस्सीओ प०, बाहिरए णं पउमपरिक्खेवे अडयालीसं पउमसयसाहस्सीओ पण्णताओ, एवामेव सपुव्वावरेणं एगा पडमकोडी वीसं च पडमसयसहस्सा भवं-तीति मक्खाया ॥ से केणद्वेणं भंते ! एवं वृच्चइ--णीलवंतद्दहे दहे ? गोयमा ! णीलवंतद्दहे णं दहे तत्थ तत्थ॰ जाइं उप्पलाइं जाव सयसहस्सपत्ताइं नीलवंतप्पभाइं नीलवंतवण्णामाई नीलवंतहहकुमारे य एत्थ देवे जमगदेवगमो से तेणद्रेणं गोयमा ! जाव नीलवंतदहें २, णीलवंतस्स णं रायहाणी पुन्वाभिलावेणं एत्थ सो चेव गमो जाव णीलवंते देवे ॥ १४९ ॥ नीलवंतहहस्स णं० पुरस्थिमपचित्थिमेणं दस जोयणाई अबाहाए एत्थ णं दस दस कंचणगपव्यया पण्णता. ते णं कंचणगपव्यया एगमेगं जोयणसयं उड्ढं उचतेणं पणवीसं २ जोयणाइं उव्वेहेणं मूळे एगमेगं जोयणसयं विक्खंभेणं मज्झे पण्णत्तरिं जोयणाइं [आयाम]विक्खंभेणं उवरिं पण्णासं जोयणाई विक्खंभेणं मुळे तिण्णि सोळे जोयणसए किंचिविसेसाहिए परिक्खेवेणं मज्झे दोन्नि सत्ततीसे जोयणसए किंचिविसेसाहिए परिक्खेवेणं उनिरं एगं अद्वावण्णं जोयणसयं किंचिविसेसाहिए परिक्खेवेणं मूळे विच्छिण्णा मज्झे संखिता उपिं तणुया गोपुच्छ-संठाणसंठिया सन्वकंचणमया अच्छा जाव पिडरूवा पत्तेयं २ परमवरवेइया० पत्तेयं २ वणसंडपरिक्खिता ॥ तेसि णं कंचणगपव्वयाणं उपिंप बहसमरमणिजे भूमिभागे जाव आसयंति॰, तेसि णं॰ पत्तेयं पत्तेयं पासायवडेंसगा सहूबावट्टिं जोयणाई उड्हं उच-त्तेणं एकतीसं जोयणाई कोसं च विक्खंभेणं मणिपेढिया दोजोयणिया सीहासणं सप-रिवारं ॥ से केणहेणं भंते ! एवं वुचइ-कंचणगपव्वया कंचणगपव्वया ? गोयमा ! कंचणरोसु णं पन्वएसु तत्थ तत्थ० वावीसु० उप्पलाई जाव कंचणरावण्णाभाई कंच-णगा देवा महिष्ट्रिया जाव विहरंति, उत्तरेणं कंचणगाणं कंचणियाओ रायहा-

णीओ अण्णामि जंबू० तहेव सव्वं भाणियव्वं ॥ किह णं भंते ! जंबुद्दीवे दीवे उत्तरकुराए कुराए उत्तरकुरुद्दहे णामं दहे पण्णते ? गोयमा ! नीलवंतद्दहस्स दाहिणेणं अद्भवोत्तीसे जोयणसए, एवं सो चेव गमो णेयन्वो जो णीलवंतद्रहस्स सन्वेसिं सरिसगो दहसरिनामा य देवा, सन्वेसिं पुरित्थमपचित्थमेणं कंचणगपन्वया दस २ एगप्पमाणा उत्तरेणं रायहाणीओ अण्णांम जंबुद्दीवे २ । चंद्रहहे एरावणहहे माल-वंतदृहे एवं एकेको णेयव्वो ॥ १५० ॥ किह णं भंते ! उत्तरकुराए २ जंबूसुदंसणाए जंबपेढे नामं पेढे पण्णते ? गोयमा ! जंबुद्दीवे २ मंदरस्स पव्वयस्स उत्तरपुरच्छिमेणं नीलवंतस्स वासहरपव्वयस्स दाहिणेणं मालवंतस्स वक्खारपव्वयस्स पच्चित्थमेणं गंधमायणस्य वक्खारपव्वयस्य पुरित्थमेणं सीयाए महाणईए पुरित्थिमिल्ले कुले एतथ णं उत्तरकुराए कुराए जंबूपेढे नामं पेढे पण्णते पंचजोयणसयाई आयामविक्खंभेणं पण्णरस एक्कासीए जोयणसए किंचिविसेसाहिए परिक्खेवेणं बहुमज्झदेसभाए बारस जोयणाइं बाहक्षेणं तयाणंतरं च णं मायाए २ पएसे परिहाणीए सन्वेसु चरमंतेसु दो कोसे बाहक्षेणं पण्णते सन्वजंबूणयामए अच्छे जाव पडिरूवे ॥ से णं एगाए पउमवरवेइयाए एगेण य वणसंडेणं सन्वओ समंता संपरिक्खित वण्णओ दोण्हवि । तस्स णं जंबुपेटस्स चडिइसिं चत्तारि तिसोवाणपडिख्वगा पण्णता तं चेव जाव तोरणा जाव छत्ता ॥ तस्स णं जंबूपेढस्स उप्पि बहुसमरमणिजे भूमिभागे पण्णते से जहाणामए आर्लिंगपुक्खरेइ वा जाव मणि०॥ तस्स णं बहुसमरमणिजस्स भूमि-भागस्स बहुमज्झदेसभाए एत्थ णं एगा महं मणिपेढिया पण्णत्ता अट्ट जोयणाइं आयामविक्खंभेणं चत्तारि जोयणाइं बाहह्रेणं सव्वमणिमई अच्छा सण्हा जाव पडिरूवा ॥ तीसे णं मणिपेढियाए उविर एत्थ णं महं जंबूसुदंसणा पण्णता अट्ट-जोयणाइं उन्हें उन्नतेणं अद्धजोयणं उन्वेहेणं दो जोयणाइं खंधे अद्घ जोयणाइं विक्खंभेणं छ जोयणाइं विडिमा बहुमज्झदेसभाए अह जोयणाइं विक्खंभेणं साइ-रेगाई अह जोयणाई सन्वरगेणं पण्णता, वइरामयमूला रययसुपइद्वियविडिमा रिद्राम-यविउलकंदा वेरुलियरुइर्क्खंघा सुजायवरजायरूवपढमगविसालसाला नाणामणिरय-णविविहसाहप्पसाहवेरुलियपत्ततवणिज्जपत्तविंटा जंबूणयरत्तमउयसुकुमालपवालपल्लवंकु-रधरा विचित्तमणिरयणसुरहिकुसुमा फलभारनिमयसाला सच्छाया सप्पभा सस्सिरीया सउजोया अहियं मणोनिव्वइकरा पासाईया दरिसणिजा अभिरूवा पडिरूवा ॥ १५१ ॥ जंबूए णं सुदंसणाए चरु हिसं चत्तारि साला पण्णता, तंजहा-पुरस्थिमेणं दक्खि-णेणं पचित्यमेणं उत्तरेणं, तत्य णं जे से पुरित्यमिह्ने साळे एत्थ णं एगे महं भवणे पण्णते एगं कोसं आयामेणं अद्धकोसं विक्खंभेणं देसूणं कोसं उड्ढं उच्चतेणं अणेग- खंभ ० वणाओ जाव भवणस्स दारं तं चेव पमाणं पंचधणुसयाई उड्डं उचतेणं अङ्गाइजाइं धणस्याइं विक्खंभेणं जाव वणमालाओ भूमिभागा उल्लोया मणिपेढिया पंचधणसङ्या देवसयणिजं भाणियव्वं ॥ तत्थ णं जे से दाहिणिले साळे एत्थ णं एगे महं पासायवडेंसए पण्णते, कोसं उड्ढं उच्चत्तेणं अद्धकोसं आयामविक्खंभेणं अञ्गुग्गयम्सिय० अंतो बहुसम० उल्लोया । तस्स णं बहुसमरमणिजस्स भूमिभागस्स बहमज्झदेसभाए सीहासणं सपरिवारं भाणियव्वं । तत्थ णं जे से पचित्थिमिल्ले साले एत्थ णं पासायवडेंसए पण्णते तं चेव पमाणं सीहासणं सपरिवारं भाणियव्वं. तत्थ णं जे से उत्तरिक्षे सारुं एत्थ णं एगे महं पासायवडेंसए पण्णते तं चेव पमाणं सीहासणं सपरिवारं । जंब णं सदंसणा मूले बारसिंह पडमवरवेइयाहि सव्वओ समंता संपरिक्खिता, ताओ णं पडमवरवेइयाओ अद्भजोयणं उड्डं उचित्तेणं पंचधणसयाई विक्लंभेणं वण्णओ ॥ जंबू णं सुदंसणा अण्णेणं अद्भरएणं जंबूणं तयद्भवत्तप्पमाणमे-त्तेणं सव्वओ समंता संपरिक्खिता ॥ ताओ णं जंबुओ चत्तारि जोयणाइं उड्डं उचतेणं कोसं चोव्वेहेणं जोयणं खंघो कोसं विक्खंभेणं तिण्णि जोयणाई विडिमा बहमज्झ-देसभाए चतारि जोयणाई विक्खंभेणं साइरेगाई चतारि जोयणाई सव्वरगेणं वड-रामयमूला सो चेव जंबूसुदंसणावण्णओ ॥ जंबूए णं सुदंसणाए अवस्तरेणं उत्तरेणं उत्तरपुरित्यमेणं एत्थ णं अणाढियस्स देवस्स चउण्हं सामाणियसाहस्सीणं चत्तारि जंबसाहस्सीओ पण्णताओ, जंबूए णं सुदंसणाए पुरस्थिमेणं एत्थ णं अणाहियस्स देवस्स चउण्हं अगगमहिसीणं चतारि जंबूओ पण्णताओ, एवं परिवारो सब्बो णायव्वो जंबूए जाव आयरक्खाणं ॥ जंबू णं सुदंसणा तिहिं जोयणसएहिं वणसंडेहिं सव्वओ समंता संपरिक्खिता, तंजहा-पडमेणं दोचेणं तचेणं । जंबए णं सदंसणाए पुरस्थिमेणं पढमं वणसंडं पण्णासं जोयणाई ओगाहिता एत्थ णं एगे महं भवणे पण्णते, पुरत्थिमिल्ले भवणसरिसे भाणियन्वे जाव सयणिजं, एवं दाहिणेणं पचत्थिमेणं उत्तरेणं ॥ जंबूए णं सुदंसणाए उत्तरपुरत्थिमेणं पढमं वणसंडं पण्णासं जोयणाई ओगाहिता चतारि णंदापुक्वरिणीओ पण्णताओ, तंजहा- पडमा पडमप्पमा चेव कुमुया कुमुयप्पमा । ताओ णं गंदाओ पुक्खरिणीओ कोसं आयामेणं अद्धकोसं विक्खंभेणं पंचवणुसयाई उव्वेहेणं अच्छाओ सण्हाओ लण्हाओ घट्टाओ मट्टाओ णिप्पंकाओ णीरयाओ जाव पडिरूवाओ वण्णओ भाणियव्वो जाव तोरणत्ति छत्ताइ-छत्ता ॥ तासि णं णंदापुक्खरिणीणं बहुमञ्झदेसभाए एत्य णं पासायवर्डेसए पण्णते कोसप्पमाणे अद्भक्तोसं विक्खंमो सो चेव वण्णओ जाव सीहासणं सपरिवारं । एवं दिक्खणपुरस्थिमेणवि पण्णासं जोयणा० चतारि णदापुक्खरिणीओ उप्पलगुम्मा नुलिणा उप्पला उप्पलुज्जला तं चेव पमाणं तहेव पासायवडेंसगो तप्पमाणो । एवं दिक्खिणपचित्थिमेणवि पण्णासं जोयणाणं नवरं-सिंगा सिंगणिसा चेव अंजणा कज-लप्पमा, सेसं तं चेव । जंबूए णं सुदंसणाए उत्तरपुरिश्यमेणं पढमं वणसंडं पण्णासं जोयणाइं ओगाहिता एत्थ णं चत्तारि णंदाओ पुक्खरिणीओ पण्णताओ तं०-सिरिकंता सिरिमहिया सिरिचंदा चेव तह य सिरिणिलया। तं चेव पमाणं तहेव पासायविक्सओ ॥ जंबूए णं सुदंसणाए पुरत्थिमिन्नस्स भवणस्स उत्तरेणं उत्तरपुरत्थि-मेणं पासायवडेंसगस्स दाहिणेणं एत्थ णं एगे महं कुडे पण्णत्ते अट्र जोयणाइं उडूं उच्चतेणं मूळे बारस जोयणाई विक्खंभेणं मज्झे अद्र जोयणाई आयामविक्खंभेणं उवरिं चत्तारि जोयणाइं आयामविक्खंभेणं मूळे साईरेगाइं सत्ततीसं जोयणाइं परिक्खेवेणं मज्झे साइरेगाइं पणवीसं जोयणाइं परिक्खेवेणं उवरिं साइरेगाइं बारस जोयणाइं परिक्खेवेणं मूळे विच्छिने मज्झे संखिते उपिंप तणुए गोपुच्छसंठाणसंठिए सन्वजंब्रणयामए अच्छे जाव पडिरूवे, से णं एगाए पडमवरवेइयाए एगेणं वण-संडेणं सन्वओ समंता संपरिक्खित दोण्हवि वण्णओ ॥ तस्स णं कृडस्स उवरि बहसमरमणिजे भूमिभागे पण्णते जाव आसयंति ।। जंबूए णं सुदंसणाए पुरत्थिमस्स भवणस्य दाहिणेणं दाहिणपुरिथामिक्रस्य पासायवर्डेसगस्स उत्तरेणं एत्थ णं एगे महं कूडे पण्णते तं चेव पमाणं। जंबूए णं सुदंसणाए दाहिणिहरस भवणस्स पुरत्थिमेणं दाहिणपुरत्थिमस्स पासायवडेंसगस्स पचित्थिमेणं एत्थ णं एगे महं कडे पण्णते तं चेव पमाणं, जंबूए णं सु० दाहिणस्स भवणस्स पचित्थिमेणं दाहिणपचित्थि-मिल्लस्स पासायवर्डिसगस्स पुरित्थमेणं एत्थ णं एगे महं कुडे पण्णत्ते तं चेव पमाणं. जंबुओ पचित्थिमिल्लस्स भवणस्स दाहिणेणं दाहिणपचित्थिमिल्लस्स पासायवडेंसगस्स उत्तरेणं एत्थ णं एगे महं कृडे प० तं चेव पमाणं, जंबूए० पचित्थिमिन्नस्स भवणस्स उत्तरेणं उत्तरपचि त्थिमिह्नस्स पासायवडेंसगस्स दाहिणेणं एत्थ णं एगे महं कूडे पण्णते तं चेव पमाणं । जंवूए० उत्तरस्स भवणस्स पचित्थिमेणं उत्तरपचित्थिमस्स पासायवडेंसगस्स पुरित्थमेणं एत्थ णं एगे महं कूडे पण्णत्ते, तं चेव पमाणं । जंबूए० उत्तरभवणस्स पुरित्थमेणं उत्तरपुरित्थिमिह्नस्स पासायवडेंसगस्स पच्चित्थमेणं एत्थं णं एगे महं कूडे पण्णते, तं चेव पमाणं। जंबू णं सुदंसणा अण्णेहिं बहुहिं तिलएहिं लउएहिं जाव रायरुक्खेहिं हिंगुरुक्खेहिं जाव सन्वओ समंता संपरिक्खिता। जंबूए णं सुदंसणाए उवरिं बहवे अद्रद्वमंगलगा पण्णता, तंजहा सोत्थियसिरिवच्छ० किण्हा चामरज्झया जाव छत्ताइच्छत्ता ॥ जंबूए णं सुदंसणाए दुवालस णामधेजा पण्णत्ता, तंजहा सुदंसणा अमोहा य, सुप्पबुद्धा जसोधरा । विदेहजंबू सोमणसा,

णियया णिचमंडिया ॥ १ ॥ सुभद्दा य विसाला य, सुजाया सुमणीतिया । सुदंसणाए जंबूए, नामघेजा दुवालस ॥ २ ॥ से केणहेणं भंते ! एवं वुच्चइ—जंबूसुदंसणा २ ? गोयमा! जंबूए णं सुदंसणाए जंबूदीवाहिवई अणाढिए णामं देवे महिड्डिए जाव पिलुओवमद्भिङ्ग परिवसङ्, से णं तत्थ चडण्हं सामाणियसाहस्सीणं जाव जंबूदीवस्स जंबूए सुदंसणाए अणाढियाए य रायहाणीए जाव विहरइ। किह णं भंते! अणाढि-यस्स जाव समत्ता वत्तव्वया रायहाणीए महिष्ट्रिए। अदुत्तरं च णं गोयमा! जंबुहीये २ तत्थ तत्थ देसे २ तिहं २ बहवे जंबूहक्खा जंबूवणा जंबूवणसंडा णिचं कुसुमिया जाव सिरीए अईव २ उवसोभेमाणा २ चिट्ठंति, से तेणहेणं गोयमा! एवं वुच्चइ---जंबुद्दीवे २, अदुत्तरं च णं गोयमा! जंबुद्दीवस्स सासए णामधेजे पण्णते, जन क्यावि णासि जाव णिचे ॥ १५२ ॥ जंबुद्दीवे णं भंते ! दीवे कइ चंदा पभा-सिंस वा पभासेति वा पभासिस्संति वा? कइ सूरिया तर्विस वा तवंति वा तविस्संति वा? कइ नक्खता जोयं जोइंस वा जोयंति वा जोएस्संति वा? कइ महग्गहा चारं चरिंसु वा चरिंति वा चरिस्संति वा ? केवइयाओ तारागणकोडाकोडीओ सोहिंसु वा सोहंति वा सोहेस्संति वा?, गोयमा! जंबहीवे णं दीवे दो चंदा पभासिंख वा ३ दो सरिया तिवंस वा ३ छप्पन्नं नक्खता जोगं जोएंस वा ३ छावत्तरं गहसयं चारं चरिस वा ३--एगं च सयसहस्सं तेत्तीसं खलु भवे सहस्साई। णव य सया पन्नासा तारागणकोडिकोडीणं ॥ १ ॥ सोभिंस वा सोभंति वा सोभिरसंति वा ॥ १५३ ॥ जंबुद्दीवं णाम दीवं लवणे णामं समुद्दे वट्टे वलयागारसंठाणसंठिए सव्वओ समंता संपरिक्खिताणं चिद्रह ॥ ठवणे णं भंते ! समुद्दे कि समचक्कवालसंठिए विसमचक्क-वालसंठिए? गोयमा! समचक्कवालसंठिए नो विसमचक्कवालसंठिए॥ लवणे णं भंते! समुद्दे केवइयं चक्कवालविकखंभेणं केवइयं परिक्खेवेणं पण्णत्ते? गोयमा! लवणे णं समुद्दे दो जोयणसयसहस्साई चक्कवालविक्खंभेणं पन्नरस जोयणसयसहस्साई एगासीइसहस्साईं सयमेगूणचत्तालीसे किंचिविसेसूणं परिक्खेवेणं पण्णते । से णं एकाए पडमवरवेइयाए एगेण य वणसंडेणं सव्वओ समंता संपरिक्खित चिद्रह. दोण्हिव वण्णओ । सा णं पडमवर० अद्धजोयणं उड्ढं० पंचधणुसयविक्खंभेणं लवणसमुद्दसमियपरिक्खेवेणं, सेसं तहेव । से णं वणसंडे देस्एणाई दो जोयणाई जाव विहरइ ॥ लवणस्स णं भंते ! समुहस्स कइ दारा पण्णता ? गोयमा ! चतारि दारा पण्णता, तंजहा-विजए वेजयंते जयंते अपराजिए ॥ कहि णं भंते ! लवण-समद्दरस विजए णामं दारे पण्णते ? गोयमा! लवणसमद्दरस परत्थिमपेरंते धायइखंडस्स दीवस्स प्रतिथमद्भस्स पचित्रभेणं सीओयाए महानईए उपि एत्थ णं

लवणस्स समुद्दस्स विजए णामं दारे पण्णते अह जोयणाई उड्हं उचतेणं चतारि जोयणाइं विक्खंभेणं, एवं तं चेव सव्वं जहा जंबुद्दीवस्स विजयसरिसेवि (दारसरि-समेयंपि) रायहाणी पुरित्थमेणं अण्णांमि लवणसमुद्दे ॥ कहि णं भंते ! लवणसमुद्दे वेजयंते नामं दारे पण्णत्ते ? गोयमा! लवणसमुद्दे दाहिणपेरंते धायइसंडदीवस्स दाहिणद्धस्स उत्तरेणं सेसं तं चेव सव्वं। एवं जयंतेवि, णवरि सीयाए महाणईए उप्पि भाणियव्वे । एवं अपराजिएवि, णवरं दिसीभागो भाणियव्वो ॥ लवणस्स णं भंते! समद्दस्स दारस्स य २ एस णं केवइयं अबाहाए अंतरे पण्णत्ते? गोयमा!--'तिण्णेव सयसहस्सा पंचाणउई भवे सहस्साई । दो जोयणसय असिया कोसं दारंतरे लवणे ॥ १ ॥' जाव अबाहाए अंतरे पण्णत्ते । लवणस्स णं पएसा धायइसंडं दीवं पद्रा, तहेव जहा जंबूदीवे धायइसंडेवि सो चेव गमो । ठवणे णं मंते! समुद्दे जीवा उद्दाइता सो चेव विही, एवं धायइसंडेवि ॥ से केणड्रेणं भंते ! एवं वुचइ--लवणसमुद्दे २ ? गोयमा ! लवणे णं समुद्दे उदगे आविले रइले लोणे लिंदे खारए कडुए अप्पेजे बहुणं दुपयचउप्पयमियपूसपिन्वसरीसिवाणं नण्णत्थ तज्जोणियाणं सत्ताणं. सुद्विए एत्थ लवणाहिनई देने महिद्दिए पलिओनमद्भिइए, से णं तत्थ सामाणिय जान लवणसमुद्दस्स सुद्वियाए रायहाणीए अण्णेसि जाव विहरइ, से एएणट्टेणं गो०! एवं वुचइ लवणे णं समुद्दे २, अदुत्तरं च णं गो०! लवणसमुद्दे सासए जाव णिचे ॥१५४॥ छवणे णं भंते ! समुद्दे कइ चंदा पभासिंग्र वा पभासिंति वा पभासिस्संति वा ? एवं पंचण्हवि पुच्छा, गोयमा! लवणसमुद्दे चत्तारि चंदा पभासिंसु वा ३ चत्तारि स्रिया तिवंस वा ३ बारसत्तरं नक्खत्तसयं जोगं जोएंस वा ३ तिण्णि बावण्णा महग्गहसया चारं चरिंस वा ३ दुण्णि सयसहस्सा सत्तर्द्धि च सहस्सा नव य सया तारागणकोडाकोडीणं सोभं सोभिंसु वा ३॥ १५५॥ कम्हा णं भंते! लवणसमुद्दे चाउदसद्रमदिद्रपण्णिमासिणीसु अइरेगं २ वहूइ वा हायइ वा ? गोयमा ! जंबुदीवस्स णं दीवरस चउद्दिसिं बाहिरिल्लाओ वेइयंताओ लवणसमुद्दं पंचाणउइ २ जोयणसह-स्साई ओगाहिता एत्थ णं चत्तारि महालिंजरसंठाणसंठिया महइमहालया महापा-याला पण्णत्ता, तंजहा-वलयामुहे केऊए जूवे ईसरे, ते णं महापायाला एगमेगं जोयणसयसहस्सं उन्वेहेणं मूळे दस जोयणसहस्साइं विक्खंमेणं मज्झे एगपएसियाए सेढीए एगमेगं जोयणसयसहस्सं विक्खंभेणं उवरिं महमूळे दस जोयणसहस्साई विक्खंभेणं ॥ तेसि णं महापायालाणं कुट्टा सन्वत्थ समा दसजोयणसयबाहला पण्णत्ता सन्ववइरामया अच्छा जाव पडिरूवा ॥ तत्थ णं बहवे जीवा पोग्गला य अवक्रमंति विउक्कमंति चयंति उवचयंति सासया णं ते कुड्डा दव्बद्रयाए वण्णपज- वेहिं० असासया ॥ तत्थ णं चत्तारि देवा महिङ्गिया जाव पिठओवमिट्टिइया परिव-संति. तंजहा—काले महाकाले वेलंबे पमंजणे ॥ तेसि णं महापायालाणं तओ तिमागा पण्णता. तंजहा-हेट्रिक्टे तिभागे मज्झिक्टे तिभागे उवरिमे तिभागे ॥ ते णं तिभागा तेत्तीसं जोयणसहस्सा तिण्णि य तेत्तीसं जोयणसयं जोयणतिभागं च बाहक्षेणं । तत्थ णं जे से हेद्रिक्षे तिभागे एत्थ णं वाउकाओ संचिद्रइ. तत्थ णं जे से मजिझहे तिभागे एत्थ णं वाउकाए य आउकाए य संचिद्रइ, तत्थ णं जे से उवरिष्ठे तिभागे एत्थ णं आउकाए संचिद्रइ, अदुत्तरं च णं गोयमा! लवणसमुद्दे तत्थ २ देसे ... बहवे खडािंजरसंठाणसंठिया खडुपायालकलसा पण्णता. ते णं खड़ा पायाला एगमेगं जोयणसहस्सं उन्वेहेणं मुळे एगमेगं जोयणस्यं विक्खंभेणं मज्झे एगपएसियाए सेढीए एगमेगं जोयणसहस्सं विक्खंमेणं उपि महमूळे एगमेगं जोय-णसयं विक्खंभेणं ॥ तेसि णं खुड्डागपायालाणं कुड्डा सन्वतथ समा दस जीयणाई बाहुह्रेणं पण्णत्ता सञ्ववइरामया अच्छा जाव पिडक्वा। तत्थ णं बहुवे जीवा पोग्गला य जाव असासयावि, पत्तेयं २ अद्धपलिओवमट्टिइयाहिं देवयाहिं परिग्ग-हिया ॥ तेसि णं खुड्डागपायालाणं तओ तिभागा प०, तंजहा हिट्टेले तिभागे मज्जिले तिभागे उवरिले तिभागे, ते णं तिभागा तिण्णि तेत्तीसे जोयणसए जोय-णतिभागं च बाहक्षेणं पण्णत्ता । तत्थ णं जे से हेट्रिक्षे तिभागे एत्थ णं वाउकाओ मज्झिल्ले तिभागे वाउकाए आउकाए य उवरिल्ले आउकाए. एवामेव सप्ववावरेणं लवणसमुद्दे सत्त पायालसहरसा अद्भ य चलसीया पायालसया भवंतीति मक्खाया ॥ तेसि णं महापायालाणं खुड्डागपायालाण य हेट्रिममज्झिमिल्लेस तिभागेस बहवे ओराला वाया संसेयंति संमुच्छिमंति एयंति चलंति कंपंति खूब्मंति घटंति फंदंति तं तं भावं परिणमंति तया णं से उदए उण्णामिजाइ, जया णं तेसिं महापायालाणं खुड्डागपायालाण य हेट्रिल्लमज्झिलेस तिभागेस नो बहवे ओराला जाव तं तं भावं न परिणमंति तया णं से उदए नो उन्नामिजाइ अंतरावि य णं ते वायं उदीरेंति अंतरावि य णं से उदगे उण्णामिज्जइ अंतरावि य ते वाया नो उदीरंति अंतरावि य णं से उदगे णो उण्णामिजइ, एवं खलु गोयमा! लवणसमुद्दे चाउदसद्रम्हिद्र-पुण्णमासिणीस अइरेगं २ वहूइ वा हायइ वा ॥ १५६ ॥ लवणे णं भंते ! समुद्दे तीसाए महत्ताणं कइखुत्तो अइरेगं २ वहूइ वा हायइ वा ? गोयमा ! लवणे णं समुद्दे तीसाए मुहत्ताणं दुक्खुत्तो अइरेगं २ वहुइ वा हायइ वा ॥ से केणट्रेणं भंते ! एवं वुचइ-लवणे णं समुद्दे तीसाए मुहुत्ताणं दुक्खुत्तो अइरेगं २ वहूद वा हायइ वा ? गोयमा ! उद्दूर्मतेषु पायालेषु बहुइ आपूरिएस पायालेसु हायइ से तेणदेणं गोयमा ! लवणे णं समुद्दे तीसाए महत्ताणं दुक्खुत्तो अइरेगं अइरेगं वहूह वा हायह वा ॥ १५७ ॥ लवणसिंहा णं भंते ! केवइयं चक्कवालविक्खंभेणं केवइयं अइरेगं २ बहुइ वा हायइ वा १ गोयमा ! लवणसिंहा णं दस जोयणसहस्साइं चक्कवालवि-क्खंभेणं देसूणं अद्धजोयणं अइरेगं २ वड्डूड वा हायइ वा ॥ लवणस्स णं भंते ! समदृरस कइ णागसाहरूसीओ अब्भितरियं वेलं धारंति ? कइ नागसाहरूसीओ बाहि-रियं वेलं धरंति ? कइ नागसाहस्सीओ अग्गोदयं धरेंति ?, गोयमा ! लवणसमुहस्स बायालीसं णागसाहस्सीओ अन्भितरियं वेलं धारेंति, बावत्तरिं णागसाहस्सीओ बाहिरियं वेलं घारेंति, सिंहं णागसाहस्सीओ अग्गोदयं घारेंति, एवामेव सपुव्वावरेणं एगा णागसयसाहस्सी चोवत्तरिं च णागसहस्सा भवंतीति मक्खाया ॥ १५८ ॥ कइ णं भंते ! वेलंबरा णागराया पण्णता ? गोयमा ! चत्तारि वेलंबरा णागराया पण्णत्ता, तंजहा-गोथूमे सिवए संखे मणोसिलए ॥ एएसि णं भंते ! चडण्हं वेलं-धरणागरायाणं कइ आवासपव्वया पण्णत्ता ? गोयमा ! चत्तारि आवासपव्वया पण्णत्ता. तंजहा-गोथूभे उदगभासे संखे दगसीमए ॥ कहि णं भंते ! गोथूभस्स वेलंधरणागरायस्स गोथूभे णामं आवासपव्वए पण्णते ? गोयमा ! जंबूदीवे दीवे मंदरस्स प॰ पुरित्थमेणं लवणं समुद्दं बायालीसं जोयणसहस्साइं ओगाहित्ता एत्थ णं गोथुभस्स वेलंधरणागरायस्स गोथुभे णामं आवासपन्वए पण्णते सत्तरसएकवीसाइं जोयणसयाई उन्हें उन्तेणं चतारि तीसे जोयणसए कोसं च उन्वेहेणं मुळे दसबावीसे जोयणसए आयामविक्खंभेणं मज्झे सत्ततेवीसे जोयणसए उवरिं चत्तारि चउवीसे जोयणसए आयामविक्खंभेणं मूले तिण्णि जोयणसहस्साइं दोण्णि य बत्तीसुत्तरे जोयणसए किंन्विविसेसूणे परिक्खेवेणं मज्झे दो जोयणसहस्साई दोण्णि य छलसीए जोयणसए किंचिविसेसाहिए परिक्खेवेणं उवरि एगं जोयणसहस्सं तिण्णि य ईयाले जोयणसए किंचिविसेसूणे परिक्खेवेणं मूळे वित्थिण्णे मज्झे संखिते उपि तणुए गोपुच्छसंठाणसंठिए सव्वकणगामए अच्छे जाव पडिरूवे ॥ से णं एगाए पउमवर-वेइयाए एगेण य वणसंडेणं सन्वओ समंता संपरिक्खित, दोण्हवि वण्णओ ॥ गोथूभस्स णं आवासपव्वयस्स उवरिं बहुसमरमणिजे भूमिभागे पण्णते जाव आस-यंति ।। तस्स णं बहुसमरमणिज्जस्स भूमिभागस्स बहुमज्झदेसभाए एत्थ णं एगे महं पासायवडेंसए बावट्रं जोयणद्धं च उड्ढं उचतेणं तं चेव पमाणं अद्धं आयाम-विक्खंभेणं वण्णओ जाव सीहासणं सपरिवारं ॥ से केणद्रेणं भंते ! एवं वृचइ-गोथभे आवासपन्वए २ ? गोयमा ! गोथमे णं आवासपन्वए तत्थ २ देसे २ तिहं २ बहुओ खुड़ाखुड़ियाओ जाव गोथुभवण्णाई बहुई उप्पलाई तहेव जाव गोथूभे तत्थ देवे

महिन्निए जाव पलिओवमिट्टइए परिवसइ, से णं तत्थ चडण्हं सामाणियसाहस्सीणं जाव गोथुभयस्स आवासपन्वयस्स गोथुभाए रायहाणीए जाव विहरइ, से तेणहेणं जाव णिचे ॥ रायहाणिपुच्छा, गोयमा! गोथभरस आवासपव्वयस्स पुरित्थमेणं तिरियमसंखेजे दीवसमुद्दे वीइवइत्ता अण्णामि लवणसमुद्दे तं चेव पमाणं तहेव सन्वं ॥ कहि णं भंते! सिवगस्स वेलंधरणागरायस्स दओभासणामे आवासपव्वए पण्णते? गोयमा! जंब्रहीवे णं दीवे मंदरस्स पञ्चयस्स दिक्खणेणं लवणसमुद्दं बायालीसं जोय-णसहस्साइं ओगाहित्ता एत्थ णं सिवगस्स वेलंधरणागरायस्स दओभासे णामं आवास-पन्वए पण्णत्ते, तं चेव पमाणं जं गोथूभस्स, णवरि सन्वअंकामए अच्छे जाव पडिरूवे जाव अद्रो भाणियन्त्रो. गोयमा ! दओभासे णं आवासपन्त्रए लवणसमुद्दे अद्रजोयणि-यखेते दगं सव्वओ समंता ओभासेइ उज्जोवेइ तवइ पभासेइ सिवए इत्थ देवे महिष्टिए जाव रायहाणी से दक्खिणेणं सिविगा दओभासरस सेसं तं चेव ॥ किह णं भंते! संखस्स वेलंधरणागरायस्स संखे णामं आवासपव्वए पण्णत्ते ? गोयमा! जंबहीवे णं दीवे मंदरस्स पव्वयस्स पचित्थिमेणं लवणसमुद्दं बायालीसं जोयणसहस्साइं ओगाहिता एत्थ णं संखस्स वेलंधर० संखे णामं आवासपव्वए प० तं चेव पमाणं णवरं सव्वरय-णामए अच्छे जाव पडिरूवे। से णं एगाए परमवरवेइयाए एगेण य वणसंडेणं जाव अट्ठो बहुओ खुड्डाखुड्डियाओ जाव बहुई उप्पलाई संखप्पभाई संखवण्णाई संखवण्णप्पभाई संखे एत्य देवे महिद्दिए जाव रायहाणीए पचित्थिमेणं संखरस आवासपव्ययस्स संखा नाम रायहाणी तं चेव पमाणं ॥ किह णं भंते ! मणोसिलगस्स वेलंधरणाग-रायस्स उदगसीमए णामं आवासपव्वए पण्णते ? गोयमा ! जंबहीवे २ मंदरस्स प० उत्तरेणं लवणसमुद्दं बायालीसं जोयणसहस्साइं ओगाहित्ता एत्थ णं मणोसिलगस्स वेलंधरणागरायस्स उदगसीमए णामं आवासपव्वए पण्णते तं चेव पमाणं णवरि सन्वफलिहामए अच्छे जाव पिडलवे अद्गो, गोयमा! दगसीमए णं आवासपन्वए सीयासीयोयगाणं महाणईणं तत्थ गओ सोए पिहम्मइ से तेणद्वेणं जाव णिचे, मणोसिलए एतथ देवे महिङ्किए जाव से णं तत्थ चउण्हं सामाणिय॰ जाव विहरइ॥ किह णं भंते! मणोसिलगस्स वेलंबरणागरायस्स मणोसिला णाम रायहाणी पण्णता ? गोयमा ! दगसीमस्स आवासपन्वयस्स उत्तरेणं तिरि० अण्णंमि लवणे एत्थ णं मणोसिलिया णाम रायहाणी पण्णता तं चेव पमाणं जाव मणोसिलए देवे—कणगंकरा ययफालियमया य वेलंबराणमावासा । अणुवेलंबरराईण पव्वया होंति रयणमय-॥१॥१५९॥ कह णं भंते ! अणुवेलंघरनागरायाणो पण्णत्ता ? गोयमा ! चत्तारि अणुवेलं-धरणागरायाणो पण्णता, तंजहा-कक्कोडए कद्दमए केलासे अरुणप्पभे ॥ एएसि णं

भंते ! चउण्हं अणुवेलंघरणागरायाणं कइ आवासपव्वया पन्नता ? गोयमा ! चत्तारि आवासपव्वया पण्णत्ता, तंजहा-कक्कोडए १ कहमए २ कडलासे ३ अरुणप्पमे ४॥ कहि णं भंते! कक्कोडगस्स अण्वेलंधरणागरायस्य कक्कोडए णामं आवास-पव्वए पण्णत्ते ? गोयमा ! जंबुद्दीवे २ मंदरस्स पव्वयस्स उत्तरपुरच्छिमेणं लवणसमुद्दं बायालीसं जोयणसहस्साइं ओगाहित्ता एत्थ णं कक्कोडगस्स नागरायस्स कक्कोडए णामं आवासपव्वए पण्णते सत्तरस एक्कवीसाइं जोयणसयाइं तं चेव पमाणं जं गोथूभस्स णवरि सव्वरयणामए अच्छे जाव निरवसेसं जाव सिंहासणं सपरिवारं अह्रो से बहुई उप्पलाई० कक्कोडप्पभाई सेसं तं चेव णवारे कक्कोडगप्ववयस्य उत्तर-पुरिच्छमेणं, एवं तं चेव सव्वं, कहमस्सवि सो चेव गमओ अपरिसेसिओ, णवरि दाहिणपुरच्छिमेणं आवासो विज्ञुप्पमा रायहाणी दाहिणपुरत्थिमेणं, कड्लासेवि एवं चेव. णवरि दाहिणपचित्थमेणं कइलासावि रायहाणी ताए चेव दिसाए, अरुणप्पभेवि उत्तरपचित्थमेणं रायहाणीवि ताए चेव दिसाए. चत्तारि विगप्पमाणा सव्वरयणामया य ॥ १६० ॥ कहि णं भंते ! सुद्रियस्य लवणाहिवइस्स गोयमदीवे णामं दीवे पण्णत्ते ? गोयमा ! जंबुद्दीवे दीवे मंदरस्स पव्वयस्स पच्चित्थमेणं छवणसमुद्दं बारस-जोयणसहस्साइं ओगाहित्ता एत्थ णं सुद्रियस्स लवणाहिवइस्स गोयमदीवे० पण्णत्ते, बारसजोयणसहस्साइं आयामविक्खंभेणं सत्ततीसं जोयणसहस्साइं नव य अडयाले जोयणसए किंचिविसेस्णे परिक्खेवेणं जंबूदीवंतेणं अद्धेगूणणउए जोयणाइं चत्ता-ठीसं पंचणउइभागे जोयणस्स ऊसिए जलंताओ लवणसमुद्देतेणं दो कोसे ऊसिए जलंताओ ॥ से णं एगाए पउमवरवेइयाए एगेण य वणसंडेणं सव्वओ समंता तहेव वण्णओ दोण्हिव । गोयमदीवस्स णं दीवस्स अंतो जाव बहुसमरमणिजे भूमिभागे पण्णत्ते, से जहानामए-आलिंग॰ जाव आसयंति । तस्स णं बहसमरमणिजस्स भूमिभागस्स बहुमज्झदेसभागे एतथ णं सुद्वियस्स लवणाहिवइस्स एगे महं अइकीला-वासे नामं भोमेजाविहारे पण्णत्ते वाविह्नं जोयणाइं अद्भजोयणं उड्हं उच्चत्तेणं एकतीसं जोयणाई कोसं च विक्खंभेणं अणेगखंभसयसन्निविद्वे सन्वो भवणवण्णओ भाणियन्वो । अइक्कीलावासस्स णं भोमेजविहारस्स अंतो बहुसमरमणिजे भूमिभागे पण्णत्ते जाव मणीणं फासो। तस्स णं बहसमरमणिज्ञस्स भूमिभागस्स बहमज्झदेसभाए एत्थ एगा मणिपेढिया पण्णता। सा णं मणिपेढिया दो जोयणाई आयामविक्खंभेणं जोयणबाहहेणं सव्वमणिमया अच्छा जाव पिड्ह्वा ॥ तीसे णं मणिपेढियाए उवरि एत्थ णं देवसय-णिजे पण्णते वण्णओ ॥ से केण्डेणं भंते ! एवं वुचइ-गोयमदीवे दीवे २ ? गोयमा ! गोयमदीवे णं दीवे तत्थ २ देसे २ तिहं २ बहुई उप्पलाई जाव गोयमप्पभाई से एएणहेणं

गोयमा! जाव णिचे। कहि णं भंते! सद्भियस्स लवणाहिवइस्स सद्भिया णामं रायहाणी पण्णता ? गोयमा ! गोयमदीवस्स पचित्थिमेणं तिरियमसंखेजे जाव अण्णंमि लवणसमहे बारस जोयणसहस्साइं ओगाहिता. एवं तहेव सव्वं णेयव्वं जाव सुद्रिए देवे॥ १६१॥ कहि णं भंते ! जंबद्दीवगाणं चंदाणं चंददीवा णामं दीवा पण्णता ? गोयमा ! जंबुद्दीवे २ मंदरस्स पन्वयस्स पुरच्छिमेणं लवणसम्रद्धं बारस जोयणसहस्साङं ओगाहिता एत्थ णं जंबदीवगाणं चंदाणं चंददीवा णामं दीवा पण्णता, जंबदीवंतेणं अद्भेगूणणउइजोयणाई चत्तालीसं पंचाणउई भागे जोयणस्स ऊसिया जलंताओ लवणसमुद्देतेणं दो कोसे ऊसिया जलंताओ बारस जोयणसहस्साइं आयामविक्खं-भेणं. सेसं तं चेव जहा गोयमदीवस्स परिक्खेवो पउमवरवेइया पत्तेयं २ वणसंडपरि० दोण्हवि वण्णओ बहसमरमणिजा भूमिभागा जाव जोइसिया देवा आसयंति । तेसि णं बहसमरमणिजे भूमिभागे पासायवडेंसगा बावद्वि जोयणाई० बहुमज्झ० मणिपेढि-याओं दो जोयणाई जाव सीहासणा सपरिवारा भाणियव्वा तहेव अद्रो. गोयमा ! बहुसु खुड्डासु खुड्डियासु बहुई उप्पलाई० चंदनण्णाभाई चंदा एत्थ देवा महिड्डिया जाव पलिओवमद्रिइया परिवसंति. ते णं तत्थ पत्तेयं पत्तेयं चउण्हं सामाणियसाहस्सीणं जाव चंददीवाणं चंदाण य रायहाणीणं अन्नेसिं च बहुणं जोइसियाणं देवाणं देवीण य आहेवचं जाव विहरंति, से तेणट्टेणं गोयमा! चंददीवा जाव णिचा। कहि णं भंते ! जंबुद्दीवगाणं चंदाणं चंदाओ नाम रायहाणीओ पण्णताओ ? गोयमा ! चंददीवाणं पुरित्थमेणं तिरियं जाव अण्णंमि जंबुद्दीवे २ बारस जोयणसहस्साई ओगाहिता तं चेव पमाणं जाव एमहिड्रिया चंदा देवा २ ॥ कहि णं भंते ! जंब-द्दीवगाणं सूराणं सूरदीवा णामं दीवा पण्णत्ता ? गोयमा ! जंब्रदीवे २ मंदरस्स पन्वयस्स पचित्थिमेणं लवणसमुद्दं बारस जोयणसहस्साइं ओगाहिता तं चेव उच्चत्तं आयामविक्खंभेणं परिक्खेवो वेइया वणसंडा भूमिभागा जाव आसयंति० पासायवर्डे-सगाणं तं चेव पमाणं मणिपेढिया सीहासणा सपरिवारा अद्भो उप्पलाइं० सरप्पभाइं सरा एत्थ देवा जाव रायहाणीओ सगाणं दीवाणं पचित्थिमेणं अण्णंमि जंबहीवे दीवे सेसं तं चेव जाव सूरा देवा २ ॥ १६२ ॥ कहि णं भंते ! अब्भितरलावण-गाणं चंदाणं चंदरीवा णामं दीवा पण्णत्ता ? गोयमा ! जंबुद्दीवे २ मंदरस्स पव्वयस्स पुरत्थिमेणं लवणसमुद्दं बारस जोयणसहस्साइं ओगाहित्ता एतथ णं अब्भितरलावण-गाणं चंदाणं चंदरीवा णामं दीवा पण्णता, जहा जंबुदीवगा चंदा तहा भाणियव्वा णवरि रायहाणीओ अण्णंमि लवणे सेसं तं चेव । एवं अब्भितरलावणगाणं सूराणवि लवणसमुद्दं बारस जोयणसहस्साइं तहेव सव्वं जाव रायहाणीओ ॥ कहि णं भंते !

बाहिरलावणगाणं चंदाणं चंददीवा० पण्णता ? गोयमा ! लवणस्स समुद्दस्स पुरत्थि-मिल्लाओ वेइयंताओ लवणसमुद्दं पचित्थिमेणं बारस जोयणसहस्साइं ओगाहित्ता एत्थ णं बाहिरलावणगाणं चंदाणं चंददीवा नामं दीवा पण्णत्ता धायइसंडदीवंतेणं अद्धेगुणणव-इजोयणाई चत्तालीसं च पंचणउइभागे जोयणस्स ऊसिया जलंताओ लवणसमुद्देतेणं दो कोसे ऊसिया बारस जोयणसहस्साइं आयामविक्खंभेणं परुमवरवेडया वणसंडा बहसमरमणिजा भूमिभागा मणिपेढिया सीहासणा सपरिवारा सो चेव अद्रो राय-हाणीओ सगाणं दीवाणं पुरिश्यमेणं तिरियमसं० अण्णंमि लवणसमुद्दे तहेव सव्वं। कहि णं भंते ! बाहिरलावणगाणं सूराणं सूरदीवा णामं दीवा ण्णाता ? गोयमा ! लवणसमुद्दपचित्थिमिल्लाओ वेद्यंताओ लवणसमुद्दं पुरित्थिमेणं बारस जोयणसहस्साई धायइसंडदीवंतेणं अद्धेगूणणउईं जोयणाइं चत्तालीसं च पंचनउइभागे जोयणस्स दो कोसे ऊसिया सेसं तहेव जाव रायहाणीओ सगाणं दीवाणं पचित्थिमेणं तिरियमसं-खेजे लवणे चेव बारस जोयणा तहेव सव्वं भाणियव्वं ॥ १६३ ॥ कहि णं भंते ! धायइसंडदीवगाणं चंदाणं चंददीवा० पण्णता ? गोयमा ! घायइसंडस्स दीवस्स पुरिश्यमिल्लाओ वेइयंताओ कालोयं णं समुद्दं बारस जोयणसहस्साइं ओगाहित्ता एत्थ णे धायइसंडदीवाणं चंदाणं चंददीवा णामं दीवा पण्णत्ता, सव्वओ समंता दो कोसा ऊसिया जलंताओ बारस जोयणसहस्साइं तहेव विक्खंभपरिक्खेवो भूमिभागो पासायवर्डिसया मणिपेढिया सीहासणा सपरिवारा अद्रो तहेव रायहाणीओ सगाणं दीवाणं पुरत्थिमेणं अण्णंमि धायइसंडे दीवे सेसं तं चेव, एवं सूरदीवावि, नवरं धायइसंडस्स दीवस्स पचित्थिमिल्लाओ वेइयंताओ कालोयं णं समुद्दं बारस जोयण॰ तहेव सन्वं जाव रायहाणीओ सूराणं दीवाणं पचित्थिमेणं अण्णिम्स धायइसंडे दीवे सव्वं तहेव ॥ १६४ ॥ कहि णं भंते ! कालोयगाणं चंदाणं चंददीवा णामं दीवा पण्णत्ता ? गोयमा ! कालोयसमुद्दस्स पुरच्छिमिल्लाओ वेइयंताओ कालोयण्णं समुद्दं पच-त्थिमेण बारस जोयणसहस्साइं ओगाहित्ता एत्य णं कालोयगचंदाणं चंददीवा ०सव्वओ समंता दो कोसा ऊरिया जलंताओं सेसं तहेव जाव रायहाणीओ सगाणं दीव० पुर-च्छिमेणं अण्णंमि कालोयगसमुद्दे बारस जोयणा तं चेव सन्त्रं जाव चंदा देवा २। एवं सूराणवि, णवरं कालोयगपचित्थिमिलाओ वेइयंताओ कालोयसमुद्दपुरच्छिमेणं बारस जोयणसहरसाइं ओगाहित्ता तहेव रायहाणीओ सगाणं दीवाणं पचित्थिमेणं अण्णंमि-कालोयगसमुद्दे तहेव सव्वं । एवं पुक्खरवरगाणं चंदाणं पुक्खरवरस्स दीवस्स पुरित्थ-मिल्लाओ वेइयंताओ पुक्खरसमुद्दं बारस जोयणसहस्साइं ओगाहित्ता चंददीवा अण्णंमि पुक्खरवरे दीवे रायहाणीओ तहेव । एवं सूराणवि दीवा पुक्खरवरदीवस्स पचित्थि-१४ सत्ता०

मिल्लाओ वेइयंताओ पुक्खरोदं समुद्दं बारस जोयणसहस्साइं ओगाहित्ता तहेव सव्वं जाव रायहाणीओ दीविल्लगाणं दीवे समुद्दगाणं समुद्दे चेव एगाणं अब्भितरपासे एगाणं बाहिरपासे रायहाणीओ दीविल्लगाणं दीवेस समुद्दगाणं समुद्देस सरिसणामएस ॥ १६५ ॥ इमे णामा अणुगंतव्वा-जंबुद्दीवे लवणे धायइ कालोद पुक्खरे वरुणे । खीर घय इक्ख[वरो य]णंदी अरुणवरे कुंडले रुयगे॥ १॥ आभरणवत्थगंधे उप्पल-तिलए य पुढवि णिहिरयणे। वासहरदहनईओ विजया वक्खारकप्पिदा ॥ २ ॥ पुर-मंदरमावासा कूडा णक्खत्तचंदसूरा य । एवं भाणियव्वं ॥ १६६ ॥ कहि णं भंते ! देवहीवगाणं चंदाणं चंददीवा णामं दीवा पण्णता ? गोयमा ! देवदीवस्स देवोदं समुद्दं बारस जोयणसहस्साइं ओगाहिता तेणेव कमेण पुरित्थिमिल्लाओ वेइयंताओ जाव रायहाणीओ सगाणं दीवाणं पुरत्थिमेणं देवद्दीवं समुद्दं असंखेजाइं जोयण-सहस्साइं ओगाहित्ता एतथ णं देवदीवयाणं चंदाणं चंदाओ णामं रायहाणीओ पण्ण-त्ताओ, सेसं तं चेव, देवदीवचंदा दीवा, एवं सूराणवि, णवरं पचित्थिमिल्लाओ वेइयं-ताओ पचित्थिमेणं च भाणियव्वा तंमि चेव समुद्दे ॥ कहि णं भंते ! देवसमुद्दगाणं चंदाणं चंददीवा णामं दीवा पण्णता ? गोयमा ! देवोदगस्स समुद्दस्स पुरित्थिमिल्लाओ वेइयंताओ देवोदगं समुद्दं पचित्यमेणं बारस जोयणसहस्साइं ओगाहित्ता तेणेव कमेणं जाव रायहाणीओ सगाणं दीवाणं पचित्थिमेणं देवोदगं समुद्दं असंखेजाइं जोयणसहस्साइं ओगाहित्ता एत्थ णं देवोदगाणं चंदाणं चंदाओ णामं रायहाणीओ पण्णताओ, तं चेव सन्वं, एवं सूराणवि, णवरि देवोदगस्स पचित्थिमिल्लाओ वेइयंताओ देवोदगसमुद्दं पुरिश्यमेणं बारस जोयणसहस्साइं ओगाहित्ता रायहाणीओ सगाणं २ दीवाणं पुरत्थिमेणं देवोदगं समुद्दं असंखेजाईं जोयणसहस्साईं ॥ एवं णागे जक्खे भूएवि चउण्हं दीवसमुद्दाणं । किह् णं भंते ! सयंभूरमणदीवगाणं चंदाणं चंददीवा णामं दीवा पण्णत्ता ? गोयमा ! सयंभुरमणस्स दीवस्स पुरित्थिमिल्लाओ वेइयंताओ सयंभुरमणो-दगं समुद्दं बारस जोयणसहस्साइं तहेव रायहाणीओ सगाणं २ दीवाणं पुरत्थिमेणं सयंभुरमणोदगं समुद्दं पुरिक्थमेणं असंखेजाइं जोयण० तं चेव, एवं सूराणवि, सयंभूरमणस्स पचित्थिमिल्लाओ वेइयंताओ रायहाणीओ सगाणं २ दीवाणं पचित्थ-मिल्लाणं सर्यभुरमणोदं समुद्दं असंखेजा० सेसं तं चेव । कहि णं भंते ! सर्यभूरमण-समुद्दगाणं चंदाणं १ गोयमा ! सयंभुरमणस्स समुद्दस्स पुरिक्थिमिल्लाओ वेइयंताओ सर्यमुरमणं समुद्दं पच्चत्थिमेणं बारस जोयणसहस्साइं ओगाहिता सेसं तं चेव । एवं स्राणिव, सर्यभुरमणस्स पचित्थिमिल्लाओ सर्यभुरमणोदं समुद्दं पुरित्थिमेणं बारस जोयणसहस्साइं ओगाहिता रायहाणीओ सगाणं दीवाणं पुरत्यिमेणं सयंभुरमणं समुद्रं

असंखेजाइं जोयणसहस्साइं ओगाहिता एत्थ णं सयंभूरमण जाव सूरा देवा २ ॥ १६७॥ अत्थि णं भंते ! लवणसमुद्दे वेलंघराइ वा णागरायाइ वा खन्नाइ वा अग्धाइ वा सिंहाइ वा विजाईइ वा हासवटीइ वा? हंता अत्थि । जहा णं भंते ! ळवणसमुहे अत्थि वेलंघराइ वा णागराया० अग्घा० सिंहा० विजाईड वा हासवट्टीड वा तहा ण बाहिरएसुवि समुद्देस अत्थि वेलंघराइ वा णागरायाइ वा ० अग्घाइ वा सीहाइ वा विजाईइ वा हासवट्टीइ वा ? णो इणड्डे समड्डे ॥ १६८ ॥ लवणे णं भंते ! समुद्दे किं ऊत्तिओ-दगे किं पत्थडोदगे किं खुभियजले किं अखुभियजले ? गोयमा ! लवणे णं समुद्दे ऊसि-ओदंगे नो पत्थडोदंगे खुभियजले नो अक्खुभियजले । जहा णं भंते ! लवणे समुद्दे ऊसिओदगे नो पत्थडोदगे खुभियजले नो अक्खुभियजले तहा णं बाहिरगा समुहा किं ऊसिओदगा पत्थडोदगा खुभियजला अक्खुभियजला ? गोयमा ! बाहिरगा समहा नो उस्सिओदगा पत्थडोदगा नो खुभियजला अक्खुभियजला पुण्णा पुण्णप्पमाणा वोल-हमाणा वोसहमाणा समभरघडत्ताए चिह्नंति ॥ अत्यि णं भंते ! लवणसमुहे बहुचे ओराला बलाहगा संसेयंति संमुच्छंति वा वासं वासंति वा ? हंता अत्थि। जहा णं भंते ! लवणसमुद्दे बहुवे ओराला बलाहुगा संसेयंति संमुच्छंति वासं वासंति वा तहा णं बाहिरएसुवि समुद्देस बहुवे ओराला बलाहुगा संसेयंति संमुच्छंति वासं वासंति ? णो इणद्रे समद्रे, से केणद्रेणं भंते ! एवं वृचइ-बाहिरगा णं समुद्दा पुण्णा पुण्णपमाणा वोल्रहमाणा वोसहमाणा समभरघडत्ताए चिट्ठंति १ गोयमा ! बाहिरएसु णं समुद्देसु बहवे उदगजोणिया जीवा य पोग्गला य उदगत्ताए वक्कमंति विउक्कमंति चयंति उवचयंति, से तेणहेणं एवं वृच्चइ-बाहिरगा समुद्दा पुण्णा पुण्ण० जाव समभरघड-त्ताए चिद्रंति ॥ १६९ ॥ लवणे णं भंते ! समुद्दे केवइयं उव्वेहपरिवृङ्गीए पण्णत्ते ? गोयमा ! लवणस्स णं समुद्दस्स उभओ पासिं पंचाणउइ २ पएसे गंता पएसं उन्वेह-परिवड़ीए पण्णत्ते, पंचाणउइ २ वालग्गाइं गंता वालग्गं उन्वेहपरिवुड्डीए पण्णत्ते, एवं पं॰ २ लिक्खाओ गंता लिक्खं उन्वेहपरि॰ जूया॰ जवमज्झे॰ अंगुल॰ विहस्थि॰ रयणी० कुच्छी० घणु० उव्वेहपरिवृद्गीए प०, गाउय० जोयण० जोयणसय० जोय-णसहस्साइं गंता जोयणसहस्सं उव्वेहपरिवृङ्गीए पण्णते ॥ ठवणे णं भंते ! समुद्दे केवइयं उस्सेहपिवृङ्कीए पण्णते ? गोयमा! लवणस्स णं समुद्दस्स उमओ पासिं पंचा-णउइं पएसे गंता सोलसपएसे उस्सेहपरिवृङ्कीए पण्णते, एएणेव कमेणं जाव पंचाणउईं २ जोयणसहस्साइं गंता सोलस जोयणसहस्साइं उस्सेहपरिवृङ्गीए पण्णते ॥ १७० ॥ लवणस्स णं भते! समुद्दस्स केमहालए गोतित्थे पण्णते? गोयमा! लवणस्स णं समु-इस्स उभओ पासिं पंचाणउई २ जोयणसहस्साईं गोतित्यं पण्णत्तं ॥ ठवणस्स णं भंते !

समुहरस केमहालए गोतित्थविरहिए खेते पण्णते ? गोयमा ! लवणस्स णं समुहरस दस जोयणसहस्साइं गोतित्थविरहिए खेते पण्णते ॥ छवणस्स णं भंते ! समुहस्स केमहालए उदगमाले पण्णते ? गोयमा ! दस जोयणसहस्साई उदगमाले पण्णते ॥ १७१ ॥ लवणे णं भंते ! समुद्दे किंसंठिए पण्णते ? गोयमा ! गोतित्थसंठिए नावासंठाणसंठिए सिप्पिसंपुडसंठिए आसखंधसंठिए वलभिसंठिए वहे वलयागार-संठाणसंठिए पण्णते ॥ लवणे णं भंते ! समुद्दे केवइयं चक्कवालविक्खंभेणं ? केवइयं परिक्खेवेणं ? केवइयं उठ्वेहेणं ? केवइयं उत्सेहेणं ? केवइयं सठ्वग्गेणं पण्णत्ते ?. गोयमा! लवणे णं समुद्दे दो जोयणसयसहस्साइं चक्कवालविक्खंभेणं पण्णरस जोयणसयसहस्साइं एकासीइं च सहस्साइं सयं च इगुयालं किंचिविसेस्णे परिक्खेवेणं एगं जोयणसहस्सं उन्वेहेणं सोलस जोयणसहस्साइं उस्सेहेणं सत्तरस जोयणसहस्साइं सञ्बर्गणं पण्णते ॥ १७२ ॥ जइ णं भंते ! लवणसमुद्दे दो जोयणसयसहस्साइं चक्कवालविक्खंभेणं पण्णरस जोयणसयसहस्साई एकासीइ च सहस्साई सर्य इग्रयालं किंचि विसेस्णे परिक्खेवेणं एगं जोयणसहस्सं उव्वेहेणं सोलस जोयणसहस्साइं उस्सेहेणं सत्तरस जोयणसहस्साईं सञ्चग्गेणं पण्णत्ते । कम्हा णं भंते ! लवणसमुहे जंबुद्दीवं २ नो उवीलेइ नो उप्पीलेइ नो चेव णं एकोदगं करेइ? गोयमा ! जंबुद्दीवे णं दीवे भरहेरवएस वासेस अरहंतचक्कवृहेबलदेवा वासदेवा चारणा विज्ञाहरा समणा समणीओ सावया सावियाओ मणुया पगइभद्दया पगइविणीया पगइउवसंता पगइपयणुकोहमाणमायालोभा मिउमदृवसंपन्ना अल्लीणा भदृगा विणीया, तेसि णं पणि-हाए लवणे समुद्दे जंबुद्दीवं दीवं नो उवीलेइ नो उप्पीलेइ नो चेव णं एगोदगं करेइ, गंगासिंधरत्तारत्तवईस सलिलास देवयाओ महिष्ट्रियाओ जाव पलिओवमट्टिइयाओ परिवसंति, तासि णं पणिहाए लवणसमुद्दे जाव नो चेव णं एगोदगं करेइ, चुल्लहिम-वंतसिहरेस वासहरपञ्वएस देवा महिङ्गिया॰ तेसि णं पणिहाए॰, हेमवएरण्णवएस वासेस मणुया पगइभद्दगा॰, रोहियंसस्वण्णकुलरूपकुलास सलिलास देवयाओ महिङ्गियाओ० तासि पणि०, सहावइवियडावइवृह्वेयङ्गुप्व्वएस देवा महिङ्गिया जाव पिलओवमद्विस्या परिव॰, महाहिमवंतरुपीस वासहरपन्वएस देवा महिड्डिया जाव पलिओवमद्विइया॰, हरिवासरम्मयवासेसु मणुया पगइभद्दगा॰, गंधावइमालवंतपरिया-एसु वहवेयहूपव्वएसु देवा महिङ्किया॰, णिसढणीलवंतेसु वासहरपव्वएसु देवा महि-ष्ट्रिया॰, सन्वाओ दहदेवयाओ भाणियन्वाओ, पउमद्दतिगिच्छिकेसरिदहावसाणेसु देवयाओ महिङ्कियाओ० तार्सि पणिहाए०, पुञ्चविदेहावरविदेहेसु वासेसु अरहंतचक्कव-हिबलदेववासुदेवा चारणा विजाहरा समणा समणीओ सावगा सावियाओ मणुया

पगइ० तेसिं पणिहाए लवण०, सीयासीओयगामु सिललामु देवयाओ महिष्ट्रिया०, देवकुरुउत्तरकुरूमु मणुया पगइमह्गा०, मंदरे पव्वए देवयाओ मिहिष्ट्रिया०, जंबूए य मुदंसणाए जंबूदीवाहिवई अणाहिए णामं देवे मिहिष्ट्रिए जाव पिलओवमिट्टिइए पित्वसह तस्स पणिहाए लवणसमुद्दे० नो उवीलेइ नो उप्पीलेइ नो चेव णं एक्कोदगं करेइ, अदुत्तरं च णं गोयमा! लोगिट्टिई लोगाणुभावे जण्णं लवणसमुद्दे जंबुद्दीवं हीवं नो उवीलेइ नो उप्पीलेइ नो चेव णमेगोदगं करेइ ॥ १७३॥ इइ मंदरोदेसो समत्तो॥

लवणसमृहं धायइसंडे नामं दीवे वट्टे वलयागारसंठाणसंठिए सव्वओ समंता संपरिक्खिताणं चिद्रइ, धायइसंडे णं भंते ! दीवे किं समचक्कवालसंठिए विसमचक्कवालसंठिए ? गोयमा ! समचक्कवालसंठिए नो विसमचक्कवालसंठिए ॥ धायइसंडे णं भंते! दीवे केवइयं चक्कवालविक्खंभेणं केवइयं परिक्खेवेणं पण्णाने ? गोयमा ! चत्तारि जोयणसयसहस्साइं चक्कवालविंक्खंभेणं एगयालीसं जोयणसय-सहस्साइं दसजोयणसहस्साइं णवएगट्टे जोयणसए किंचिविसेसूणे परिक्खेवेणं पण्णते ॥ से णं एगाए परमवरवेश्याए एगेणं वणसंडेणं सन्वओ समंता संपरिक्खिते दोण्हवि वण्णओ दीवसमिया परिक्खेवेणं ॥ धायइसंडस्स णं भंते ! दीवस्स कड दारा पण्णता ? गोयमा ! चत्तारि दारा पण्णता, तं०-विजए वेजयंते जयंते अपराजिए ॥ किह णं भंते ! धायइसंडस्स दीवस्स विजए णामं दारे पण्णत्ते ? गोयमा ! धायइ-संडपुरत्थिमपेरंते कालोयसमुद्दपुरत्थिमद्धस्य पचित्थमेणं सीयाए महाणईए उपि एत्थ णं धायह० विजए णामं दारे पण्णते तं चेव पमाणं, रायहाणीओ अण्णंमि धायइसंडे दीवे, दीवस्स वत्तव्वया भाणियव्वा, एवं चत्तारिवि दारा भाणियव्वा ॥ धायइसंडस्स णं भंते ! दीवस्स दारस्स य २ एस णं केवइयं अबाहाए अंतरे पण्णते ? गोयमा ! दस जोयणसयसहस्साई सत्तावीसं च जोयणसहस्साई सत्तपणतीसे जोयणसए तिन्नि य कोसे दारस्स य २ अबाहाए अंतरे पण्णते ॥ धायइसंडस्स णं भंते ! दीवस्स पएसा कालोयगं समुद्दं पुट्ठा ? हंता पुट्ठा ॥ ते णं भंते ! किं धायइ-संडे दीवे कालोए समुद्दे ? ते धायइसंडे नो खलु ते कालोयसमुद्दे । एवं कालोय-स्सवि । धायइसंडद्दीवे णं भंते ! जीवा उद्दाइत्ता २ कालोए समुद्दे पचायंति ? गोयमा ! अत्थेगइया पचायंति अत्थेगइया नो पचायंति । एवं कालोएवि अत्थे० प० अत्थेग-इया णो पचायंति ॥ से केणद्वेणं भंते ! एवं वुचइ-धायइसंडे दीवे २ ? गोयमा ! धायइसंडे णं दीवे तत्थ तत्थ देसे २ तिहं २ बहवे धायइस्क्खा धायइवण्णा धायइसंडा णिचं कुसमिया जाव उवसोभेमाणा २ चिद्रंति, धायइमहाधायइरुक्खेस सुदंसण-

पियदंसणा दुवे देवा महिद्धिया जाव पिठओवमिट्ठिस्या परिवसंति से एएणट्रेणं .. अदत्तरं च णं गोयमा ! जाव णिचे ॥ धायइसंडे णं भंते ! दीवे कइ चंदा पभासिंसु वा ३ ? कइ सरिया तर्विस वा ३ ? कइ महग्गहा चारं चरिंसु वा ३ ? कइ णक्खता जोगं जोइंस वा ३ ? कड तारागणकोडाकोडीओ सोभेंस वा ३ ?, गोयमा ! बारस चंदा पभासिंस वा ३, एवं-चडवीसं सिसरविणो णक्खत्त सया य तिन्नि छत्तीसा । एगं च गहसहरसं छप्पन्नं धायईसंडे ॥ १ ॥ अद्देव सयसहस्सा तिण्णि सहस्साइं सत्त य सयाई । घायइसंडे दीवे तारागणकोडिकोडीणं ॥ २ ॥ सोमेंसु वा ३ ॥ १७४ ॥ धायइसंडं णं दीवं कालोदे णामं समुद्दे वहे वलयागारसंठाणसंठिए सन्वओ समंता संपरिक्खिताणं चिद्रह, कालोदे णं समुद्दे किं समचक्कवालसंठाणसंठिए विसम० ? गोयमा ! समचक्रवाल॰ णो विसमचक्रवालसंठिए ॥ कालोदे णं भंते ! समुद्दे केवइयं चक्कवालविक्खंभेणं केवइयं परिक्खेवेणं पण्णत्ते ? गोयमा ! अद्ग जोयणसयसहस्साइं चक्कवालविक्खंभेणं एकाणउइजोयणसयसहस्साइं सत्तरि सहस्साइं छच पंचतरे जोयणसए किंचिविसेसाहिए परिक्खेवेणं पण्णते ॥ से णं एगाए परमवरवेइयाए एगेणं वणसंडेणं० दोण्हवि वण्णओ ॥ कालोयस्स णं भंते! समुद्दस्स कइ दारा पण्णता १ गोयमा ! चत्तारि दारा पण्णता, तंजहा—विजए वेजयंते जयंते अपरा-जिए ॥ कहि णं भंते ! कालोदस्स समृहस्स विजए णामं दारे पण्णते ? गोयमा ! कालोदे समुद्दे पुरिथमपेरंते पुक्खरवरदीवपुरिथमद्धस्स पचित्थिमेणं सीओयाए महाणईए उपिं एत्थ णं कालोदस्स समुद्दस्स विजए णामं दारे पण्णते, अद्भेव जोयणाई तं चेव पमाणं जाव रायहाणीओ । किह णं भंते ! कालोयस्स समहस्स वेजयंते णामं दारे पण्णत्ते ? गोयमा ! कालोयसमुद्दस्स दिक्खणपेरंते पुक्खरवर-दीवस्स दक्खिणद्भस्स उत्तरेणं एत्थ णं कालोयसमुद्दस्स वेजयंते नामं दारे पन्नते। कहि णं भंते ! कालोयसमहस्स जयंते नामं दारे पन्नते ? गोयमा ! कालोयसमहस्स पचितथमपेरंते पुक्खरवरदीवस्स पचितथमद्धस्स पुरितथमेणं सीयाए महाणईए उप्पि जयंते नामं दारे पण्णते । कहि णं भंते ! कालोयसमुद्दस्स अपराजिए नामं दारे पण्णते ? गोयमा ! कालोयसमुद्दस्स उत्तरद्धपेरंते पुक्खरवरदीवोत्तरद्धस्स दाहिणओ एत्थ णं कालोयसमुद्दस्स अपराजिए णामं दारे०, सेसं तं चेव ॥ कालोयस्स णं भंते! समुद्दस्स दारस्स य २ एस णं केवइयं २ अबाहाए अंतरे पण्णत्ते? गोयमा!-बावीस सयसहस्सा बाणउइ खलु भवे सहस्साई। छच सया बायाला दारंतर तिन्नि कोसा य ॥ १ ॥ दारस्स य २ अबाहाए अंतरे पण्णते । कालोदस्स ण भंते ! समुद्दस्स पएसा पुक्खरवरदीव० तहेव, एवं पुक्खरवरदीवस्सवि जीवा उद्दाइता २

तहेव भाणियव्वं ॥ से केणड्रेणं भंते ! एवं वृचइ-कालोए समुद्दे २ ? गोयमा ! कालोयस्स णं समुद्दस्स उदए आसले मासले पेसले कालए भासरासिवण्णाभे पगईए उदगरसेणं पण्णत्ते, कालमहाकाला एत्थ दुवे देवा महिङ्किया जाव पलिओवमद्रिङया परिवसंति, से तेणहेणं गोयमा! जाव णिचे ॥ कालोए णं भंते! समुद्दे कइ चंदा प्रभासिंस वा ३ १ पुच्छा, गोयमा ! कालोए णं समुद्दे बायालीसं चंदा प्रभासेंस वा ३--बायालीसं चंदा बायालीसं च दिणयरा दिता ॥ कालोदहिम्मि एए चरंति संब-द्धलेसागा ॥ १ ॥ णक्खताण सहस्सं एगं छावत्तरं च सयमण्णं । छच सया छण्ण-उया महागहा तिण्णि य सहस्सा ॥ २ ॥ अट्टावीसं कालोदहिम्मि बारस य सयसह-स्साइं। नव य सया पन्नासा तारागणकोडिकोडीणं ॥३॥ सोमेंसु वा ३॥१७५॥ कालोयं णं समुद्दं पुक्खरवरे णामं दीवे वहे वलयागारसंठाणसंठिए सन्वओ समंता संपरि॰ तहेव जाव समचक्कवालसंठाणसंठिए नो विसमचक्कवालसंठाणसंठिए । पुक्खरवरे णं भंते ! दीवे केवइयं चक्कवालविक्खंभेणं केवइयं परिक्खेवेणं पण्णते ? गोयमा! सोलस जोयणसयसहस्साइं चक्कवालविक्खंभेणं—एगा जोयणकोडी बाण-उइं खलु भवे सयसहस्सा । अउणाणउइं अट्ट सया चउणउया य [परिरओ] पुक्खरवरस्स ॥ १ ॥ से णं एगाए पडमवरवेइयाए एगेण य वणसंडेणं० संपरि० दोण्हवि वण्णओ ॥ पुक्खरवरस्स णं भंते ! दीवस्स कइ दारा पण्णत्ता ? गोयमा ! चत्तारि दारा पण्णता, तंजहा-विजए वेजयंते जयंते अपराजिए ॥ कहि णं भंते ! पुक्खरवरस दीवस्स विजए णामं दारे पण्णते ? गोयमा ! पुक्खरवरदीवपुरच्छिम-पेरंते पुक्खरोदसमुद्दपुरच्छिमद्धस्स पचित्थिमेणं एत्थ णं पुक्खरवरदीवस्स विजए णामं दारे पण्णते तं चेव सन्वं, एवं चत्तारिवि दारा, सीयासीओया णिश्य भाण-यव्वाओ ॥ पुक्खरवरस्स णं भंते ! दीवस्स दारस्स य २ एस णं केवइयं अबाहाए अंतरे पण्णत्ते ? गोयमा !--अडयाल सयसहस्सा बावीसं खळ भवे सहस्साई। अगुणुत्तरा य चडरो दारंतर पुक्खरवरस्स ॥ १ ॥ पएसा दोण्हवि पुट्टा, जीवा दोसु भाणियव्वा ॥ से केणद्रेणं भंते ! एवं वृचइ-पुक्खरवरदीवे २१ गो० ! पुक्खरवरे णं दीवे तत्थ २ देसे २ तिहं २ बहुवे पडमस्क्खा पडमवणसंडा णिचं कुसुमिया जाव चिट्ठंति, परममहापरमस्क्या एत्थ णं परमपुंडरीया णामं दुवे देवा महिङ्किया जाव पिलओवमद्भिड्या परिवसंति. से तेणद्रेणं गोयमा ! एवं वृच्चइ-पुक्खरवरदीचे २ जाव निचे ॥ पुरुखरवरे णं भंते ! दीवे केवइया चंदा पभासिंस वा ३ ? एवं पुच्छा,---चोयालं चंदसयं चउयालं चेव सूरियाण सयं। पुक्खरवरदीवंमि चरंति एए पभा-सेंता ॥ १ ॥ चतारि सहस्साई बत्तीसं चेव होंति णक्खता । छच सया बावत्तर

महग्गहा बारह सहस्सा ॥ २ ॥ छण्णउइ सयसहस्सा चत्तालीसं भवे सहस्साई । चतारि सया पुक्खर्विर तारागणकोडिकोडीणं ॥ ३ ॥ सोभेंसु वा ३ ॥ पुक्खर्-वरदीवरस णं बहमज्झदेसभाए एत्थ णं माणुसुत्तरे नामं पव्वए पण्णते वहे वलया-गारसंठाणसंठिए जे णं पुक्खरवरं दीवं दुहा विभयमाणे २ चिद्रह, तंजहा-अब्भितरपुरुखरद्धं च बाहिरपुरुखरद्धं च ॥ अब्भितरपुरुखरद्धे णं भंते ! केवइयं चक्कवालेणं परिक्खेवेणं पण्णते ? गोयमा ! अद्र जोयणसयसहस्साइं चक्कवालविक्खं-भेणं—कोडी बायालीसा तीसं दोण्णि य सया अगुणवण्णा । पुक्खरअद्धपरिरओ एवं च मणुस्सखेत्तस्सं ॥ १ ॥ से केणड्रेणं भंते ! एवं वुचइ-अध्भितरपुक्खरद्धे २ ? गोयमा ! अब्भितरपुक्खरद्धे णं माणुसुत्तरेणं पव्वएणं सव्वओ समंता संपरि-क्खिते. से एएणद्रेणं गोयमा ! अिंभतरपुक्खरद्धे २, अदुत्तरं च णं जाव णिचे ॥ अहिंभतरपुक्खरद्धे णं भंते ! केवइया चंदा पभासिंसु वा ३ सा चेव पुच्छा जाव तारागणकोडिकोडीओ० ?, गोयमा !—बावत्तरिं च चंदा बावत्तरिमेव दिणयरा दिता । पुक्खरवरदीवड्ढे चरंति एए पभासेंता ॥ १ ॥ तिण्णि सया छत्तीसा छच सहस्सा महग्गहाणं तु । णक्खत्ताणं तु भवे सोलाइं दुवे सहस्साइं ॥ २ ॥ अडयाल सयस-हस्सा बावीसं खलु भवे सहस्साइं। दोन्नि सय पुक्खरद्धे तारागणकोडिकोडीणं ॥ ३ ॥ सोभेंसु वा ३ ॥ १७६ ॥ समयखेते णं भंते ! केवइयं आयामविक्खंभेणं केवइयं परिक्खेवेणं पण्णते ? गोयमा ! पणयालीसं जोयणसयसहस्साइं आयामवि-क्खंभेणं एगा जोयणकोडी जाविंभतरपुक्खरद्धपरिरओ से भाणियव्वो जाव अउ-णपण्णे ॥ से केणद्रेणं भंते ! एवं वृच्चइ-माणुसखेते २ ? गोयमा ! माणुसखेते णं तिविहा मणुस्सा परिवसंति, तंजहा-कम्मभूमगा अकम्मभूमगा अंतरदीवगा. से तेणडेणं गोयमा ! एवं वृच्चइ-माणुसखेते माणुसखेते ॥ माणुसखेते णं भंते ! कइ चंदा पभासेंस वा ३ १ कइ सूरा तवइंस वा ३ १० गोयमा !---वत्तीसं चंदसयं बत्तीसं चेव सूरियाण सर्य । सयलं मणुस्सलोयं चरेंति एए प्रभासेंता ॥ १ ॥ एकारस य सहस्सा छप्पि य सोला महग्गहाणं तु । छच सया छण्णउया णक्खता तिण्णि य सहस्सा ॥ २ ॥ अडसीइ सयसहस्सा चत्तालीस सहस्स मणुयलोगंमि । सत्त य सया अणुणा तारागणकोडिकोडीणं ॥ ३ ॥ सोमं सोमें सु वा ३ ॥ एसो तारापिंडो सन्वसमासेण मणुयलोगंमि । बहिया पुण ताराओ जिणेहिं भणिया असंखेजा ॥१॥ एवड्यं तारग्गं जं भणियं माणुसंमि लोगंमि । चारं कलंबुयापुप्फसंठियं जोइसं चर्ड ॥ २ ॥ रविससिगहनक्खता एवइया आहिया मणुयलोए । जेसिं नामागोयं न पागया पन्नवेहिंति ॥ ३ ॥ छावद्री पिडगाईं चंदाइचाण मणुयलोगंमि । दो चंदा दो

सरा य होति एकेकए पिडए ॥ ४ ॥ छावट्टी पिडगाइं नक्खताणं तु मणुयलोगंमि । छप्पन्नं नक्खत्ता य होंति एकेकए पिडए ॥ ५ ॥ छावद्वी पिडगाई महागहाणं तु मण्यलोगंमि । छावत्तरं गहसयं च होइ एकेकए पिडए ॥ ६ ॥ चत्तारि य पंतीओ चंदाइचाण मणुयलोगंमि । छावद्विय छावद्विय होइ य एक्केक्या पंती ॥ ७ ॥ छप्पन्नं पंतीओ नक्खत्ताणं त मणुयलोगंमि । छावद्री छावद्री हवइ य एक्केक्स्या पंती ॥ ८॥ छावत्तरं गहाणं पंतिसयं होइ मणुयलोगंमि । छावद्री छावद्री य होइ एकेक्या पंती ॥९॥ ते मेरु परियडन्ता पयाहिणावत्तमंडला सन्वे। अणवद्भियजोगेहिं चंदा सूरा गहगणा य ॥ १० ॥ नक्खत्ततारगाणं अवद्विया मंडला मुणेयव्वा । तेऽविय पयाहिणाव-त्तमेव मेरं अणुचरंति ॥ ११ ॥ रयणियरदिणयराणं उष्ट्रे व अहे व संक्रमो नित्य । मंडलसंक्रमणं पुण अब्भितरबाहिरं तिरिए॥ १२॥ रयणियरदिणयराणं नक्ख-त्ताणं महग्गहाणं च । चारविसेसेण भवे सुहदुक्खविही मणुस्साणं ॥ १३ ॥ तेसिं पविसंताणं तावक्खेतं तु वष्ट्रए नियमा । तेणेव कमेण पुणो परिहायइ निक्ख-मंताणं ॥ १४ ॥ तेसिं कलंब्यापुष्फसंठिया होइ तावखेत्तपहा । अंतो य संकुया बाहि वितथडा चंदसूरगणा ॥ १५ ॥ केणं वहूइ चंदो परिहाणी केण होइ चंदस्स । कालो वा जोण्हो वा केणऽणुभावेण चंदस्स ? ॥ १६॥ किण्हं राहृविमाणं निचं चंदेण होइ अविरहियं। चउरंगुलमप्पत्तं हिट्ठा चंदरस तं चरइ॥ १७॥ बावद्रिं वावद्विं दिवसे दिवसे उ सुक्कपक्खस्स । जं परिवड्ढह चंदो खवेइ तं चेव कालेणं ॥ १८ ॥ पन्नरसङ्भागेण य चंदं पन्नरसमेव तं वरङ । पन्नरसङ्भागेण य पुणोवि तं चेव तिक्रमइ ॥ १९ ॥ एवं वड्डइ चंदो परिहाणी एव होइ चंदस्स । कालो वा जोण्हा वा तेणणुभावेण चंदस्स ॥ २० ॥ अंतो मणुस्सखेते हवंति चारोवगा य उववण्णा । पञ्चविहा जोइसिया चंदा सूरा गहगणा य ॥ २१ ॥ तेण परं जे सेसा चंदाइचगहतारनक्खता। नित्य गई निव चारो अवद्रिया ते मुणेयव्वा ॥ २२ ॥ दो चंदा इह दीवे चत्तारि य सागरे लवणतोए । धायइसंडे दीवे बारस चंदा य सूरा य ॥ २३ ॥ दो दो जंबुद्दीवे ससिसूरा दुगुणिया भवे लवणे । लावणिगा य तिगुणिया सिससूरा धायईसंडे ॥ २४ ॥ धायइसंडप्पिमई उद्दिद्वतिगुणिया भवे चंदा । आइल्लचंदसिहया अणंतराणंतरे खेते ॥ २५ ॥ रिक्खग्गहतारग्गं दीवसमुद्दे जहिच्छसे नाउं । तस्स ससीहिं गुणियं रिक्खरगहतारगाणं तु ॥ २६ ॥ चंदाओ स्रस्स य स्रा चंदस्स अंतरं होइ। पन्नास सहस्साई तु जोयणाणं अणुणाई ॥ २०॥ स्रस्स य स्रस्स य सिसणो सिसणो य अंतरं होइ। बहियाओ मणुस्सनगस्स जोयणाणं सयसहस्सं ॥ २८ ॥ सरंतरिया चंदा चंदंतरिया य दिणयरा दित्ता । चित्तंतरलेसागा सहलेसा मंदलेसा य ॥ २९ ॥ अद्वासीई च गहा अद्वावीसं च होंति नक्खता । एगससीपरिवारो एत्तो ताराण वोच्छामि ॥ ३० ॥ छावद्विसहस्साइं नव चेव सयाई पंचसयराई । एगससीपरिवारो तारागणकोडिकोडीणं ॥ ३१ ॥ बहियाओ माणसनगस्स चंदसराणऽवद्रिया जोगा । चंदा अभीइज़त्ता सरा पण होंति पुस्सेहिं ॥ ३२ ॥ १७७ ॥ माणुसुत्तरे णं भंते ! पन्वए केवइयं उड्डं उच्च-त्तेणं ? केवइयं उठ्वेहेणं ? केवइयं मुळे विक्खम्भेणं ? केवइयं मज्झे विक्खंभेणं ? केवडयं सिहरे विक्खंभेणं ? केवइयं अंतो गिरिपरिरएणं ? केवइयं बाहिं गिरिपरि-रएणं ? केवइयं मज्झे गिरिपरिरएणं ? केवइयं उवारे गिरिपरिरएणं ?. गोयमा ! माणसत्तरे णं पव्वए सत्तरस एकवीसाई जोयणसयाई उन्ने उन्नतेणं चत्तारि तीसे जोयणसए कोसं च उन्वेहेणं मूळे दसबावीसे जोयणसए विक्खंभेणं मज्झे सत्ततेवीसे जोयणसए विक्खंभेणं उवरि चतारिचउवीसे जोयणसए विक्खंभेणं अंतो गिरि-परिरएणं-एगा जोयणकोडी बायालीसं च सयसहस्साई। तीसं च सहस्साई दोण्णि य अउणापण्णे जोयणसए किंचिविसेसाहिए परिक्खेवेणं, बाहिरगिरिपरिएणं एगा जोयणकोडी वायालीसं च सयसहस्साईं छत्तीसं च सहस्साईं सत्तचोहसोत्तरे जोयण-सए परिक्खेवेणं, मज्झे गिरिपरिरएणं एगा जोयणकोडी बायालीसं च सयसहस्साइं चोत्तीसं च सहस्सा अद्वतेवीसे जोयणसए परिक्खेवेणं, उवारे गिरिपरिरएणं एगा जोयणकोडी बायाठीसं च सयसहस्साइं बत्तीसं च सहस्साइं नव य बत्तीसे जोयणसए परिक्खेवेणं, मूले विच्छिन्ने मज्झे संखिते उपि तुणए अंतो सण्हे मज्झे उद्गो बाहिं दरिसणिजे ईसिं सण्णिसण्णे सीहणिसाई अवद्भजवरासिसंठाणसंठिए सन्वजंबणयामए अच्छे सण्हे जाव पडिरूवे, उभओ पार्सि दोहिं पउमवरवेइयाहिं दोहि य वणसंडेहिं सञ्वओ समंता संपरिक्खित वण्णओ दोण्हवि ॥ से केण्ट्रेणं भंते ! एवं वृच्चइ—माणुसुत्तरे पव्वए २ ? गोयमा ! माणुसुत्तरस्स णं पव्वयस्स अंतो मणुया उप्पि सुवण्णा बाहिं देवा अदुत्तरं च णं गोयमा ! माणुसत्तरपञ्चयं मणया ण कयाइ वीइवइंसु वा वीइवयंति वा वीइवइस्संति वा णण्णत्थ चारणेहिं वा विजाहरेहिं वा देवकम्मुणा वावि, से तेणद्रेणं गोयमा ! अदुत्तरं च णं जाव णिचेति ॥ जावं च णं माणुसत्तरे पव्वए तावं च णं अस्सि लोएति पव्चइ. जावं च णं वासाइं वा वासहराई वा तावं च णं अस्सि लोएत्ति पवुचइ, जावं च णं गेहाइ वा गेहावणाइ वा तावं च णं अस्सि लोएत्ति पवुचाइ, जावं च णं गामाइ वा जाव रायहाणीइ वा तावं च णं आसिं लोएति पवुच्चइ, जावं च णं अरहंता चक्कवट्टी बलदेवा वासुदेवा पिडवासुदेवा चारणा विजाहरा समणा समणीओ सावया सावि-

याओ मणुया पगइभइगा विणीया तावं च णं अस्सि लोएत्ति पवचाइ, जावं च णं समयाइ वा आवलियाइ वा आणापाणूइ वा थोवाइ वा लवाइ वा महत्ताइ वा दिवसाइ वा अहोरत्ताइ वा पक्खाइ वा मासाइ वा उद्द वा अयणाइ वा संवच्छराइ वा जुगाइ वा वाससंयाइ वा वाससहस्साइ वा वाससयसहस्साइ वा पृथ्वंगाइ वा पुन्नाइ वा तुडियंगाइ वा, एवं तुडिए अडडे अवने हुहुए उप्पले पडमे णलिणे अच्छिणिडरे अउए णउए पउए चूलिया जाव सीसपहेलियंगेइ वा सीसपहेलियाइ वा पळिओवमेइ वा सागरोवमेइ वा उवसप्पिणीइ वा ओसप्पिणीइ वा तावं च णं अस्सि लोएत्ति पवुचइ, जावं च णं बायरे विज्ञुयारे बायरे थणियसहे तावं च णं अस्सि॰, जावं च णं बहवे ओराला बलाहगा संसेयंति संमुच्छंति वासं वासंति तावं च णं अस्ति लोए॰, जावं च णं बायरे तेउकाए तावं च णं अस्ति लोए॰. जावं च णं आगराइ वा णिहीइ वा तावं च णं अस्सि लोएत्ति पतुचइ, जावं च णं अगडाइ वा णईइ वा तावं च णं अस्सि लोए॰, जावं च णं चंदोवरागाइ वा सूरोवरागाइ वा चंदपरिवेसाइ वा सूरपरिवेसाइ वा पिडचंदाइ वा पडिसराइ वा इंद्धणूइ वा उद्गमच्छेइ वा कविहसियाइ वा तावं च णं अस्ति लोएत्ति प॰, जावं च णं चंदिमसूरियगहणक्खत्तताराक्ष्वाणं अभिगमणनिग्गमणवृद्धिणिवृद्धि-अणवद्वियसंठाणसंठिई आघविज्जइ तावं च णं अस्सि लोएत्ति पवुचइ ॥ १७८॥ अंतो णं भंते! मणुस्सखेतस्स जे चंदिमसूरियगहगणणक्खत्ततारारूवा ते णं भन्ते ! देवा किं उड्डोववण्णगा कप्पोववण्णगा विमाणोववण्णगा चारोववण्णगा चार द्विइया गइरइया गइसमावण्णगा ? गोयमा ! ते णं देवा णो उद्शोववण्णगा णो कप्पोववण्णगा विमाणोववण्णगा चारोववण्णगा नो चारद्विइया गइरइया गइसमाव-ण्णगा उद्गुमुहकलंबुयपुप्फसंठाणसंठिएहिं जोयणसाहस्सिएहिं तावखेतेहिं साहस्सि-याहिं बाहिरियाहिं वेउन्वियाहिं परिसाहिं महया हयनदृगीयवाइयतंतीतलतालतुडिय-घणसुइंगपडुप्पवाइयरवेणं दिव्वाइं भोगभोगाइं भुंजमाणा महया २ उक्कद्विसीहणायबो-लकलकलसद्देण विउलाई भोगभोगाई भुंजमाणा अच्छयपव्वयरायं पयाहिणावत्तमंड-लयारं मेरं अणुपरियङंति ॥ जया णं भंते ! तेसिं देवाणं इंदे चवइ से कहमिदाणिं पकरेंति ? गोयमा ! ताहे चत्तारि पंच सामाणिया तं ठाणं उवसंपजित्ताणं विहरंति जाव तत्थ अन्ने इंदे उववण्णे भवइ ॥ इंदट्ठाणे णं भंते ! केवइयं कालं विरिहए उववाएणं पण्णते ? गोयमा ! जहण्णेणं एकं समयं उक्कोसेणं छम्मासा ॥ बहिया णं भंते ! मणुस्सखेत्तस्स जे चंदिमसूरियगहणक्खत्तताराख्वा ते णं भंते ! देवा किं उद्गोववण्णगा कप्पोववण्णगा विमाणोववण्णगा चारोववण्णगा चारिहस्या गइरइया

गइसमावण्णगा ? गोयमा ! ते णं देवा णो उड्डोववण्णगा नो कप्पोववण्णगा विमा-णोववण्णगा नो चारोववण्णगा चारद्रिइया नो गइरइया नो गइसमावण्णगा पिकट-गसंठाणसंठिएहिं जोयणसयसाहिसएहिं तावक्खेत्तेहिं साहिस्सियाहि य बाहिराहिं वेउ व्वियाहिं परिसाहिं महया हयणदृगीयवाइय० रवेणं दिव्वाइं भोगभोगाइं भुंजमाणा जाव सहलेस्सा सीयलेस्सा मंदलेस्सा मंदायवलेस्सा चित्तंतरलेसागा कृडा इव ठाण-द्रिया अण्णोण्णसमोगाढाहिं लेसाहिं ते पएसे सन्वओ समंता ओभासेंति उज्जोवेंति तवंति प्रभासेंति ॥ जया णं भंते ! तेसिं देवाणं इंदे चयइ से कहमिदाणि पकरेंति ? गोयमा ! जाव चत्तारि पंच सामाणिया तं ठाणं उवसंपिजताणं विहरंति जाव तत्थ अण्णे इंदे उववण्णे भवइ। इंद्रहाणे णं भंते! केवइयं कालं विरिहिए उववाएणं प० ? गोयमा ! जहण्णेणं एकं समयं उक्कोसेणं छम्मासा ॥ १७९ ॥ पुक्खरवरण्णं दीवं पुक्खरोदे णामं समुद्दे वहे वलयागारसंठाणसंठिए जाव संपरिक्खिताणं चिद्रह ॥ पुक्खरोदे णं भंते ! समुद्दे केवइयं चक्कवालविक्खंभेणं केवइयं परिक्खेवेणं पण्णते ? गोयमा ! संखेजाई जोयणसयसहस्साई चक्कवालविक्खंभेणं संखेजाई जोयणसयसह-स्साइं परिक्खेवेणं पण्णते ॥ पुक्खरोदस्स णं भंते ! समुद्दस्स कइ दारा पण्णत्ता ? गोयमा! चत्तारि दारा पण्णता तहेव सन्वं पुक्खरोदसमुद्दपुरिथमपेरंते वरुणवर-दीवपुरित्यमद्भस पचित्यमेणं एत्थ णं पुक्खरोदस्स विजए नामं दारे पण्णते, एवं सेसाणवि । दारंतरंमि संखेजाई जोयणसयसहस्साई अबाहाए अंतरे पण्णते । पएसा जीवा य तहेव । से केणद्रेणं भंते ! एवं वृच्च -- पुक्खरोदे समुद्दे २ ? गोयमा ! पुक्खरोदस्स णं समुद्दस्स उदगे अच्छे पत्थे जचे तुणुए फलिहवण्णामे पगईए उदगरसेणं सिरिधरसिरिप्पभा य० दो देवा महिङ्गिया जाव पलिओवमद्रिइया परिव-संति, से एएणट्रेणं जाव णिचे । पुक्खरोदे णं भंते ! समुद्दे केवइया चंदा पभासिंख वा ३ १० संखेजा चंदा पभासेंस वा ३ जाव तारागणकोडिकोडीओ सोभेंस वा ३ ॥ पुक्खरोदण्णं समुद्दं वरुणवरे णामं दीवे वहे वलयागार जाव चिद्रइ. तहेव समचक्क-वालसंठिए० केवइयं चक्कवालविक्खंभेणं केवइयं परिक्खेवेणं पण्णत्ते ? गोयमा! संखे-जाइं जोयणसयसहस्साइं चक्कवालविक्खंभेणं संखेजाइं जोयणसयसहस्साइं परिक्खे-वेणं पण्णत्ते, पउमवरवेइयावणसंडवण्णओ दारंतरं पएसा जीवा तहेव सव्वं ॥ से केणहेणं भंते ! एवं वुच्चइ-वरुणवरे दीवे २ ? गोयमा ! वरुणवरे णं दीवे तत्थ २ देसे २ तिहं २ बहुओ खुड्डाखुड्डियाओ जाव बिलपंतियाओ अच्छाओ० पत्तेयं २ पडमनरनेइयापरि॰ वण॰ नारुणोदगपिडहत्थाओ पासाइयाओ ४, तासु णं खुड्राखु-द्वियास जाव बिलपंतियास बहवे उप्पायपन्वया जाव खडहडगा सन्वफलिहामया

अच्छा तहेव वरुणवरुणप्पभा य एत्थ दो देवा महिष्ट्रिया० परिवसंति, से तेणद्रेणं जाव णिचे । जोइसं सव्वं संखेजगेणं जाव तारागणकोडिकोडीओ । वरुणवरण्णं दीवं वारुणोदे णामं समुद्दे वहे वलया ॰ जाव चिद्रइ, समचक्क विसमचक्कवालवि ॰ तहेव सव्वं भाणियव्वं, विक्खंभपरिक्खेवो संखिजाइं जोयणसहस्साइं दारंतरं च पजमवर० वणसंडे पएसा जीवा अद्वो-गोयमा! वारुणोदस्स णं समुद्दस्स उद्ए से जहा नामए-चंदप्पभाइ वा मणिसिलागाइ वा सीह़इ वा वारुणीइ वा पत्तासवेइ वा पुप्फासवेइ वा चोयासवेइ वा फलासवेइ वा महमेरएइ वा जंब्रफलपुट्रवन्नाइ वा जाइप्पसन्नाइ वा खज्ररसारेइ वा मुहियासारेइ वा कापिसायणाइ वा सुपक्कखोयरसेइ वा पभ्यसंभार-संचिया पोसमाससयभिसयजोगवत्तिया निरुवहयविसिद्धदिन्नकालोवयारा उक्कोसम-यपत्ता अद्रपिद्रनिद्रिया वण्णेणं उववेया गंधेणं उववेया रसेणं उववेया फासेणं उववेया. भवे एयारूवे सिया ?, गोयमा ! नो इणहे समहे, वारुणस्स णं समुद्दस्स उदए एत्तो इट्टतरे जाव आसाएणं पण्णते तत्थ णं वारुणिवारुणकंता दो देवा महिड्रिया जाव परिवसंति, से एएणट्टेणं जाव णिचे, सव्वं जोइसं संखिजकेण नायव्वं ।। १८० ।। वारुणोदण्णं समुद्दं खीरवरे णामं दीवे वट्टे जाव चिद्रइ सव्वं संखेजजं विक्खंभे य परिक्खेवो य जाव अट्ठो॰ बहुओ खुड्डा॰ वावीओ जाव बिलपंतियाओ खीरोदगपडिहत्थाओ पासाइयाओ ४, तासु णं॰ खुड्डियासु जाव बिलपंतियासु बहुवे जप्पायपन्वयगा सन्वर्यणामया जाव पिङ्क्वा, पुंडरीगपुप्फदंता एत्थ दो देवा महि-ब्रिया जाव परिवसंति, से एएणद्रेणं जाव निचे जोइसं सन्वं संखेजं ।। खीरवरण्णं दीवं खीरोए नामं समुद्दे वट्टे वलयागारसंठाणसंठिए जाव परिक्खिताणं चिद्रइ, समचक्कवालसंठिए नो विसमचक्कवालसंठिए, संखेजाई जोयणस० विक्खंभपरिक्खेवो तहेव सन्वं जाव अद्गो, गोयमा! खीरोयस्स णं समुद्दस्स उदगं से जहा णामए-सुउसहीमारुपण्णअज्जुणतरुणसरसपत्तकोमलअत्थिग्गत्तणग्गपोंडगवरुच्छ्वारिणीणं लवं-गपत्तपुप्पपत्नुवकक्कोलगस् फलस्क्यबहगुच्छगुम्मकलियमलद्विमहपउरपिप्पलीफलियव-क्रिवरविवरचारिणीणं अप्पोदगपिइरइसरसभूमिभागणिभयसुहोसियाणं सुपोसियसुहा-याणं रोगपरिवज्जियाणं णिस्वहयसरीराणं कालप्पसविणीणं बिइयतइयसामप्पस्याणं अंजणवरगवलवलयजलघरजचंजणरिद्धभमरपभूयसमप्पभाणं गावीणं कुंडदोहणाणं वद्धत्थीपत्थ्याणं रूढाणं मधुमासकाले संगहिए होज्जवाउरकेव होज तासिं खीरे महररसविवगच्छवहदव्वसंपउत्ते पत्तेयं मंदग्गिसुकिष्ठए आउत्ते खंडगुडमच्छंडि-ओववेए रण्णो चाउरंतचक्कवद्दिस्स उवद्वविए आसायणिजे विस्सायणिजे पीणणिजे जाव सर्व्विदियगायपल्हायणिजे वण्णेणं उववेए जाव फासेणं उववेए. भवे एयारूवे सिया ?, णो इणड्डे समड्डे, खीरोदस्स णं समुद्दस्स उदए एत्तो इड्डयराए चेव जाव आसाएणं पण्णते, विमलविमलप्पभा एत्थ दो देवा महिन्निया जाव परिवसंति, से तेणट्टेणं० संखेजा चंदा जाव तारा ॥ १८१ ॥ खीरोदण्णं समुद्दं घयवरे णामं दीवे वहें वलयागारसंठाणसंठिए जाव परि॰ चिट्टइ, समचक्कवाल॰ नो विसम॰ संखेजविक्खंभपरि० पएसा जाव अट्ठो, गोयमा! घयवरे णं दीवे तत्थ २ ... बहुओ खुडुाखुड्डीओ वावीओ जाव घयोदगपडिहत्थाओ उप्पायपव्वयगा जाव खडहड० सञ्वकंचणमया अच्छा जाव पडिरूवा, कणयकणयप्पमा एत्थ दो देवा महिङ्किया० चंदा संखेजा ।। घयवरण्णं दीवं घओदे णामं समुद्दे वहे वलयागारसंठाणसंठिए जाव चिट्टइ, समचक तहेव दारपएसा जीवा य अद्वो, गोयमा ! घओदस्स णं ससुद्दसः उद्णु से जहा० सेजवग्गपप्फुल्लसल्ल्इविसुकुलकण्णियारसरसवसुविसुद्ध-कोरेंटदामपिंडियतरस्स निद्धगुणतेयदीवियनिरुवहयविसिद्धसुंदरतरस्स सुजायद्रहिम-हियतद्विसगहियनवणीयपडुवणावियमुक्किन्द्वियउद्दावसज्जवीसंदियस्स अहियं पीवरसुर-हिगंधमणहरमहुरपरिणामदरिसणिजस्स पत्थिनिम्मलसुहोवभोगस्स सरयकालंमि होज गोघयवरस्त मंडए, भवे एयारूवे सिया ?, णो इणहे समहे, गोयमा ! घओदस्स णं समुद्दस्स एत्तो इट्टयराए जाव आसाएणं प॰ कंतसुकंता एत्थ दो देवा महिङ्किया जाव परिवसंति सेसं तं चेव जाव तारागणकोडिकोडीओ ॥ घओदण्णं समुद्दं खोयवरे णामं दीवे वहे वलयागार जाव चिद्धइ तहेव जाव अद्घो, खोयवरे णं दीवे तत्थ २ देसे २ तर्हि २ खुड्रा० वावीओ जाव खोदोदगपडिहत्थाओ० उप्पायपव्वयगा सव्ववे-रुलियामया जाव पिडह्वा, सुप्पभमहप्पभा य एत्थ दो देवा महिष्ट्विया जाव परिव-संति, से एएण० सन्वं जोइसं तं चेव जाव तारा० ॥ खोयवरण्णं दीवं खोदोदे नामं समुद्दे वहे वलया॰ जाव संखेजाइं जोयणसयसहस्साइं परिक्खेवेणं जाव अद्घो, गोयमा ! खोदोदस्स णं समुद्दस्स उदए से जहा ० आसलमासलपसत्थवासंतिनद्ध-सुकुमालभूमिभागे सुच्छिने सुकद्वलट्टविसिट्टनिरुवहयाजीयवावीतसुकासजपयत्तनिरुण-परिकम्मअणुपालियसुवुङ्गिवुङ्गाणं सुजायाणं लवणतणदोसवज्जियाणं णयायपरिवङ्गियाणं निम्मायसंदराणं रसेणं परिणयमउपीणपोरभंगुरसुजायमहूररसपुप्फविरइयाणं उवद्दव-विविज्ञयाणं सीयपरिफासियाणं अभिणवभग्गाणं अपालियाणं तिभायणिच्छोडिय-वाङिगाणं अवणियमूलाणं गंठिपरिसोहियाणं कुसलणरकप्पियाणं उच्छूढाणं जाव पोंडियाणं बलवगणरजत्तजन्तपरिगालियमेत्ताणं खोयरसे होज्जा वत्थपरिपूए चाउ-जायगद्यवासिए अहियपत्थलहुए वण्णोववेए तहेव, भवे एयारूवे सिया ?, णो इण्हे समट्टे, खोदोदस्स णं समुद्दस्स उदए एत्तो इद्वयराए चेव जाव आसाएणं प०

पुण्णभहमाणिभहा य (पुण्णपुण्णभहा) इत्थ दुवे देवा जाव परिवसंति, सेसं तहेव, जोइसं संखेजं चंदा० ॥ १८२ ॥ खोदोदण्णं समुद्दं णंदीसरवरे णामं दीवे वहे वलयागारसंठिए तहेव जाव परिक्खेवो । पडमवर० वणसंडपरि० दारा दारंतरप्पएसे जीवा तहेव ॥ से केण्ट्रेणं भंते ! एवं व्रचइ-नंदीसरवरदीवे २ ? गोयमा ! नंदीस-रवरदीवे २ तत्थ २ देसे २ तिहं २ बहुओ खुड्डा० वावीओ जाव बिलपंतियाओ खोदोदगपडिहत्थाओ० उप्पायपन्वयगा सन्ववइरामया अच्छा जाव पडिरूवा ॥ अदु-त्तरं च णं गोयमा ! णंदीसरवरदीवचक्कवालविक्खंभबहुमज्झदेसभागे एत्थ णं चड-हिसिं चत्तारि अंजणगपव्वया पण्णता, ते णं अंजणगपव्वया चउरासीइजोयण-सहस्साइं उन्ने उन्नेतेणं एगमेगं जोयणसहस्सं उन्वेहेणं मूळे साइरेगाइं दस जोयण-सहस्साइं धरणियले दस जोयणसहस्साइं आयामविक्खंभेणं तओऽणंतरं च णं मायाए २ पणसपरिहाणीए परिहायमाणा २ उवरिं एगमेगं जोयणसहस्सं आयामविक्खंभेणं मुळे एकतीसं जोयणसहस्साइं छच तेवीसे जोयणसए किंचिविसेसाहिया परिक्खेवेणं धरणियले एकतीसं जोयणसहस्साइं छच तेवीसे जोयणसए देस्णे परिक्खेवेणं सिहरतले तिण्णि जोयणसहस्साइं एगं च बावट्ठं जोयणसयं किंचिविसेसाहियं परिक्खेवेणं पण्णता मूळे विच्छिण्णा मज्झे संखिता उपिंप त्ण्या गोपुच्छ-संठाणसंठिया सञ्वंजणामया अच्छा जाव पत्तेयं २ पडमवरवेडयापरि० पत्तेयं २ वणसंडपरिक्खिता वण्णओ ॥ तेसि णं अंजणगपव्ययाणं उवरि पत्तेयं २ बहुस-मरमणिजो भूमिभागो पण्णत्तो, से जहाणामए—आर्लिंगपुक्खरेड वा जाव विहरंति ॥ तत्थ णं जे से पुरच्छिमिल्ले अंजणगणव्या तस्स णं चडिहिसं चत्तारि णंदाओ पुक्ख-रिणीओ पण्णताओ, तंजहा-णंदुत्तरा य णंदा आणंदा णंदिबद्धणा । (नंदिसेणा अमोघा य गोथूमा य सुदंसणा) ताओ णं णंदापुक्खरिणीओ अच्छाओ सण्हाओ० पत्तेयं पत्तेयं पउमवरवेइया० पत्तेयं पत्तेयं वणसंडपरिक्खिता० तत्थ तत्थ जाव सोवा-णपिडिरूवगा तोरणा ॥ तासि णं पुक्खरिणीणं बहुमज्झदेसभाए पत्तेयं पत्तेयं दहि-महपन्वया चउसद्रि जोयणसहरसाइं उन्हें उन्नतेणं एगं जोयणसहरसं उन्वेहेणं सन्वत्थसमा पल्लगसंठाणसंठिया दस जोयणसहस्साई विक्खंभेणं एकतीसं जोयण-सहस्साइं छच तेवीसे जोयणसए परिक्खेवेणं पण्णता सन्वरयणामया अच्छा जाव पिंडह्वा, तहा पत्तेयं पत्तेयं पडमवरवेश्या॰ वणसंडवण्णओ बहसम० जाव आसयंति संयंति । तत्थ णं जे से दिक्खणिल्ले अंजणगपव्यए तस्स णं चउ हिसिं चत्तारि णंदाओ पुक्लरिणीओ पण्णताओ, तंजहा—भद्दा य विसाला य कुमुया पुंडरीगिणी, (नन्दु-त्तरा य नंदा य आनन्दा नन्दिवहूणा) तं चेव दहिमुहा पव्वया तं चेव पमाणं जाव

विहरंति ॥ तत्थ णं जे से पचित्थिमिल्ले अंजणगपव्वए तस्स णं चडिदसिं चत्तारि णंदा पुक्खरिणीओ पण्णताओ, तंजहा--णंदिसेणा अमोहा य गोथूमा य सुदंसणा, (भहा य विसाला य कुमुया पुंडरीगिणी) तं चेव सव्वं भाणियव्वं ॥ तत्थ णं जे से उत्तरिहे अंजणगपव्यए तस्स णं च उहिसिं चतारि णंदापुक्खरिणीओ प०, तंजहा-विजया वेजयंती य जयंती अपराजिया. तहेव दहिमुहगपव्वया तहेव जाव वणखंडा बह० जाव विहरंति । अदुत्तरं च णं गोयमा ! णंदीसरवरस्स णं दीवस्स चक्कवालविक्खं-भरस बहुमज्झदेसभाए चउम्र विदिसास चत्तारि रङ्करगपव्वया प॰ तं०-उत्तरपुर-च्छिमिहे रङकरगपव्वए दाहिणपुरित्थिमिहे रङकरगपव्वए दाहिणपचित्थिमिहे रङकर-गपव्वए उत्तरपचित्थिमिक्टे रइकरगपव्वए, ते णं रइकरगपव्वया दसजोयणसयाइं उद्घं उचतेणं, दसगाउयसयाइं उन्वेहेणं, सन्वत्थसमा झहरिसंठाणसंठिया, दसजोयणस-हस्साइं विक्खंभेणं. एकतीसं जोयणसहस्साइं छचतेवीसे जोयणसए परिक्खेवेणं, सञ्बरयणामया अच्छा जाव पिंडह्वा । तत्थ णं जे से उत्तरपरिच्छिमिक्षे रङ्करगप-व्वए तरस णं चउ हिसिमीसाणस्स देविंदस्स देवरण्णो चउण्हमगगमहिसीणं जंवहीव-प्पमाणमेत्ताओ चत्तारि रायहाणीओ प॰ तं०-णंदोत्तरा णंदा उत्तरकुरा देवकुरा, कण्हाए कण्हराईए कामाए कामरिक्खयाए। तत्थ णं जे से दाहिणपुरच्छिमिल्ले रङ्कर-गपव्वए तस्स णं चउद्दिसिं सक्करस देविंदस्स देवरण्णो चउण्हमगगमहिसीणं जंबद्दीव-प्पमाणाओ चत्तारि रायहाणीओ प॰ तं०-सुमणा सोमणसा अचिमाली मणोरमा. पउमाए सिवाए सईए अंजूए। तत्थ णं जे से दाहिणपचित्थिमिक्के रङकरगप्व्वए तस्स णं चडिहिसं सक्करस देविंदरस देवरण्णो चडण्हमग्गमहिसीणं जंबुहीवप्पमाणमेताओ चत्तारि रायहाणीओ प० तं०-भया भयवर्डिसा गोथभा सदंसणा, अमलाए अच्छराए नवामियाए रोहिणीए। तत्थ णं जे से उत्तरपचित्थिमिक्ने रइकरगपव्वए तस्स णं चउदि-सिमीसाणस्स चडण्हमग्गमहिसीणं जंब्रहीवप्पमाणमेत्ताओ चत्तारि रायहाणीओ प० तं॰-रयणा रयणोचया सव्वरयणा रयणसंचया, वसूए वसुगुत्ताए वसुमित्ताए वसुंधराए। कड़लासहरिवाहणा य तत्थ दुवे देवा महिङ्किया जाव पलिओवमद्रिइया परिवसंति. से एएणहेणं गोयमा ! जाव णिचे जोइसं संखेजं ॥ १८३ ॥ णंदीसरवरण्णं दीवं णंदीसरोदे णामं समुद्दे वहे वलयागारसंठाणसंठिए जाव सन्वं तहेव अट्टो जो खोदोदगस्स जाव सुमणसोमणसभद्दा एत्थ दो देवा महिन्द्रिया जाव परिवसंति सेसं तहेव जाव तारगं॥ १८४॥ णंदीसरोदं णं समुद्दं अरुणे णामं दीवे वट्टे वलयागार जाव संपरिक्खिताणं चिद्रइ। अरुणे णं भंते ! दीचे किं समचक्कवालसंठिए विस-मचकवालसंठिए ? गोयमा ! समचकवालसंठिए नो विसमचकवालसंठिए, केवइयं

चक्कवालवि० १ गोयमा ! संखेजाइं जोयणसयसहस्साइं चक्कवालविक्खंमेणं संखेजाइं जोयणसयसहस्साइं परिक्खेवेणं पण्णत्ते, पडमवर० वणसंडदारा दारंतरा य तहेव संखेजाइं जोयणसयसहस्साइं दारंतरं जाव अहो, वावीओ० खोदोदगपिडहत्थाओ उप्पायपन्वयगा सन्ववइरामया अच्छा जाव पडिरूवा, असोगवीयसोगा य एत्थ दुवे देवा महिङ्किया जाव परिवसंति, से तेण० जाव संखेजं सव्वं ॥ अरुणण्णं दीवं अरुणोदे णामं समुद्दे तस्सवि तहेव परिक्खेवो अड्डो खोदोदगे णवरं सुभद्दसुमण-भद्दा एतथ दो देवा महिड्डिया सेसं तहेव ॥ अरुणोद्गं णं समुद्दं अरुणवरे णामं दीवे वहे वलयागारसंठाण ० तहेव संखेजनं सन्वं जाव अद्गो ० खोदोदगपडिहत्थाओ उप्पा-यपव्ययया सव्ववइरामया अच्छा जाव पिडल्वा, अरुणवरभद्दअरुणवरमहाभद्दा एतथ दो देवा महिङ्किया । एवं अरुणवरोदेवि समुद्दे जाव अरुणवरअरुणमहावरा य एत्थ दो देवा सेसं तहेव ॥ अरुणवरोदण्णं समुद्दं अरुणवर।वभासे णामं दीवे वहे जाव अरुणवरावभासभद्दारुणवरावभासमहाभद्दा एत्थ दो देवा महिड्डिया०। एवं अरुणवरावभासे समुद्दे णवरि अरुणवरावभासवरारुणवरावभासमहावरा एत्थ दो देवा महिङ्किया ।। कुंडले दीवे कुंडलभद्दकुंडलमहाभद्दा एत्थ दो देवा महिङ्किया ०, कुंडलोदे समुद्दे चक्खुसुभचक्खुकंता एत्थ दो देवा म०। कुंडलवरे दीवे कुंडलव-रभद्दकंडलवरमहाभद्दा एत्थ दो देवा महिड्डिया०, कुंडलवरोदे समुद्दे कुंडलवर-िवर कुंडलवरमहावरा एत्थ दो देवा म०॥ कुंडलवरावभासे दीवे कुंडलवराव-भासभद्दकुंडलवरावभासमहाभद्दा एत्थ दो देवा ।। कुंडलवरोभासोदे समुद्दे कुंडल-वरोभासवरकुंडलवरोभासमहावरा एत्थ दो देवा म० जाव पिलओवमिट्टइया परि-वसंति ।। कुंडलवरोभासोदं णं समुदं रुयगे णामं दीवे वहे वलया ॰ जाव चिट्टइ, किं समचक्क विसमचक्कवाल ? गोयमा! समचक्कवाल नो विसमचक्कवालसंठिए. केनइयं चक्कवाल० पण्णत्ते १० सन्बद्धमणोरमा एत्य दो देवा सेसं तहेव । स्यगोदे नामं समुद्दे जहा खोदोदे समुद्दे संखेजाइं जोयणसयसहस्साइं चक्कवालवि० संखेजाईं जोयणसयसहस्साइं परिक्खेवेणं दारा दारंतरंपि संखेजाइं जोइसंपि सन्वं संखेजं भाणियव्वं, अट्ठोवि जहेव खोदोदस्स नवरि सुमणसोमणसा एत्थ दो देवा महिड्डिया तहेव रुयगाओ आढत्तं असंखेजं विक्खंभो परिक्खेवो दारा दारंतरं च जोइसं च सन्वं असंखेजं भाणियन्वं । स्यगोदण्णं समुद्दं स्यगवरे णं दीवे वहे॰ स्यगवरभद्दस्य-गवरमहाभद्दा एतथ दो देवा ० रयगवरोदे स० रयगवरस्यगवरमहावरा एतथ दो देवा महिड्डिया०। स्यगवरावभासे दीवे स्यगवरावभासभद्दस्यगवरावभासमहाभद्दा एत्थ दो देवा महिङ्गिया । स्यगवरावभासे समुद्दे स्यगवरावभासवरस्यगवरावभासमहावरा १५ सत्ता०

एत्थ०॥ हारहीवे हारभद्दहारमहाभद्दा एत्थ०। हारसमुद्दे हारवरहारवरमहावरा एत्थ दो देवा महिङ्किया । हारवरोदे दीवे हारवरभद्दहारवरमहाभद्दा एत्थ दो देवा महिड्डिया । हारवरोदे समुद्दे हारवरहारवरमहावरा एत्थ । हारवरावभासे दीवे हार-वरावभासभद्दहारवरावभासमहाभद्दा एत्थ० । हारवरावभासोदे समुद्दे हारवरावभास-वरहारवरावमासमहावरा एत्थ० । एवं सञ्वेवि तिपडोयारा णेयव्वा जाव सरवरो-भासोदे समुद्दे, दीवेषु भइनामा वरनामा होंति उदहीसु, जाव पच्छिमभावं खोयवराईस सयंभूरमणपज्जंतेस वावीओ० खोदोदगपडिहत्थाओ पव्वयगा य सव्व-वइरामया । देवदीवे दीवे देवभहदेवमहाभद्दा एतथ दो देवा महि ड्रिया , देवोदे समुद्दे देववरदेवमहावरा एत्थ० जाव सयंभूरमणे दीवे सयंभूरमणभद्दसयंभूरमणमहा-भद्दा एत्य दो देवा महिङ्किया । सयंभुरमणण्णं दीवं सयंभुरमणोदे नामं समुद्दे वहे वलया॰ जाव असंखेजाई जोयणसयसहस्साई परिक्खेवेणं जाव अद्वो. गोयमा! सयंभरमणोदए उदए अच्छे पत्थे जचे तणुए फलिहवण्णाभे पगईए उदगरसेणं पण्णत्ते, सयंभुरमणवरसयंभुरमणमहावरा इत्य दो देवा महिद्भिया सेसं तहेव जाव असंखेजाओ तारागणकोडिकोडीओ सोमेंस वा ३ ॥ १८५॥ केवइया णं भंते ! जंबुद्दीवा दीवा णामधेजेहिं पण्णता ? गोयमा ! असंखेजा जंब-दीवा २ नामधेजेहिं पण्णता, केवइया णं भंते ! लवणसमुद्दा० पण्णता ? गोयमा ! असंखेजा लवणसमुद्दा नामधेजेहिं पण्णता, एवं धायइसंडावि, एवं जाव असंखेजा सूरदीवा नामधेजोहिं । एगे देवे दीवे पण्णते एगे देवोदे समुद्दे पण्णते, एवं णागे जक्खे भूए जाव एगे सयंभूरमणे दीवे एगे सयंभूरमणसमुद्दे णामधेज्रेणं पण्णते ॥ १८६ ॥ लवणस्स णं भंते! समुद्दस्स उद्द केरिसए आसाएणं पण्णत्ते ? गोयमा! लवणस्त० उदए आविले रहले लिंदे लवणे कडुए अपेजे बहुणं दुपयचउप्पयमिग-पस्पिक्खसरीसिवाणं णण्णत्थ तज्जोणियाणं सत्ताणं ॥ कालोयस्स णं भंते ! समृद्दस्स उदए केरिसए आसाएणं पण्णते ? गोयमा! आसळे पेसळे मासळे काळए भासरा-सिवण्णाभे पगईए उदगरसेणं पण्णते ॥ पुक्खरोदस्स णं भंते ! समुद्दस्स उदए केरिसए आ० पण्णत्ते ? गोयमा ! अच्छे जच्चे तणुए फालियवण्णाभे पगईए उदगरसेणं पण्णते ॥ वारुणोदस्स णं भंते !०? गोयसा ! से जहा णामए-पत्तासवेइ वा चोया-सवेइ वा खज्जरसारेइ वा मुहियासारेइ वा सपक्क खोयरसेइ वा मेरएइ वा काविसाय-णेइ वा चंदप्पभाइ वा मणसिलाइ वा सीहड वा वारुणीइ वा अद्वपिद्वपरिणिद्वियाइ वा जंब्रफलकालियाइ वा पसण्णा उक्कोसमयप्पत्ता वण्णेणं उववेया जाव भवे एयाहवे सिया ?, णो इणद्रे समद्रे, गोयमा ! वारुणोदए० इत्तो इद्रतराए चेव जाव आसाएणं

प०। खीरोदस्स णं भंते !० उदए केरिसए आसाएणं पण्णत्ते ? गोयमा ! से जहा णामए-रन्नो चाउरंतचक्कविहरस चाउरके गोखीरे पयत्तमंदगिगुकिहर आउत्तरखंडमच्छंडिओववेए वण्णेणं उववेए जाव फासेणं उववेए, भवे एयारूवे सिया ?, णो इणड्डे समद्धे, गोयमा ! खीरोयस्स० एत्तो इट्ड जाव आसाएणं पण्णते । घओदरस णं० से जहा णामए-सारइयस्य गोघयवरस्स मंडे सल्लइकण्णियारपप्फ-वण्णाभे सुक्रिब्रियउदारसज्झवीसंदिए वण्णेणं उववेए जाव फासेणं उववेए, भवे एयारूवे सिया ?, णो इणद्वे समद्वे, इत्तो इद्वयरा॰, खोदोदस्स॰ से जहा णामए-उच्छणं जचपुंडगाणं हरियालपिंडराणं भेरुंडछणाण वा कालपोराणं तिभागनिव्वा-डियवाङगाणं बलवगणरजंतपरिगालियमित्ताणं जे य रसे होज्जा वत्थपरिपूए चाउ-जायगसुवासिए अहियपत्थे लहुए वण्णेणं उववेए जाव भवेयारूवे सिया?. नो इणद्रे समद्वे, एत्तो इद्वयरा०, एवं सेसगाणिव समुद्दाणं भेदो जाव सयंभुरमणस्स, णवारे अच्छे जचे पत्थे जहा पुक्खरोदस्स ॥ कइ णं भंते ! समुद्दा पत्तेगरसा पण्णता ? गोयमा ! चत्तारि समुद्दा पत्तेगरसा पण्णता, तंजहा-लवणे वारुणोदे खीरोदे घओदे ॥ कइ णं भंते ! समुद्दा पगईए उदगरसेणं पण्णता ? गोयमा ! तओ समुद्दा पगईए उदगरसेणं पण्णता, तंजहा—कालोदे पुक्खरोदे सयंभुरमणे, अवसेसा समुद्दा उस्सण्णं खोयरसा प० समणाउसो ! ॥ १८७ ॥ कइ णं भंते ! समुद्दा बहुमच्छकच्छभाइण्णा पण्णत्ता ? गोयमा ! तओ समुद्दा बहुमच्छकच्छभाइण्णा पण्णता, तंजहा--लवणे कालोदे सयंभुरमणे, अवसेसा समुद्दा अप्पमच्छकच्छभाइण्णा पण्णता समणाउसो ! ॥ लवणे णं भंते ! समुद्दे कइ मच्छजाइकुलकोडिजोणीपमुह-सयसहस्सा पण्णता ? गोयमा! सत्त मच्छजाइकुलकोडीजोणीपमुहसयसहस्सा पण्णता ॥ कालोदे णं भंते ! समुद्दे कइ मच्छजाइ० पण्णता ? गोयमा ! नव मच्छ-जाइकुलकोडीजोणी ।। सयंभुरमणे णं भंते ! समुद्दे० १ गो०! अद्धतेरस मच्छजाइकुल-कोडीजोणीपसुहसयसहस्सा पण्णता ॥ लवणे णं भंते ! समुद्दे मच्छाणं केमहालिया सरीरोगाहणा पण्णता ? गो॰! जहण्णेणं अंगुलस्स असंखेजङ्भागं उक्कोसेणं पंच-जोयणसयाई ॥ एवं कालोदे उ० सत्त जोयणसयाई ॥ सयंभूरमणे जहण्णेणं अंगुलस्स असंखेजइ० उक्कोसेणं दस जोयणसयाई ॥ १८८ ॥ केवइया णं भंते ! दीवसमुद्दा नामधेजेहिं पण्णता ? गोयमा ! जावइया लोगे सुभा णामा सुभा वण्णा जाव सुभा फासा एवइया दीवसमुद्दा नामधेजेहिं पण्णता ॥ केवइया णं मंते ! दीवसमुद्दा उद्धारसमएणं पण्णत्ता ? गोयमा ! जावइया अङ्गाइज्जाणं सागरोवमाणं उद्धारसमया एवड्या दीवसमुद्दा उद्धारसमएणं पन्नता ॥ १८९ ॥ दीवसमुद्दा णं भंते ! किं

पुढिविपरिणामा आउपरिणामा जीवपरिणामा पुग्गलपरिणामा १ गोयमा ! पुढिविपरि-णामावि आउपरिणामावि जीवपरिणामावि पुग्गलपरिणामावि ॥ दीवसमुद्देषु णं भंते ! सन्वपाणा सन्वभूया सन्वजीवा सन्वसत्ता पुढिविकाइयत्ताए जाव तसकाइयत्ताए उववण्णपुव्वा १ हंता गोयमा ! असई अदुवा अणतख्रतो ॥ १९० ॥ इइ दीवसमुद्दा समन्ता ॥

कइविहें णं भंते! इंदियविसए पोग्गलपरिणामे पण्णते? गोयमा! पंचविहे इंदिय-विसए पोग्गलपरिणामे पण्णत्ते, तंजहा-सोइंदियविसए जाव फासिंदियविसए। सोइंदियविसए णं भंते ! पोग्गलपरिणामे कइविहे पण्णते ? गोयमा ! दुविहे पण्णते. तंजहा-सुब्भिसहपरिणामे य दुब्भिसहपरिणामे य, एवं चर्क्सिदयविसयाइएहिवि सुह्वपरिणामे य दुह्वपरिणामे य, एवं सुरिभगंधपरिणामे य दुरिभगंधपरिणामे य. एवं सुरसपरिणामे य दुरसपरिणामे य, एवं सुफासपरिणामे य दुफासपरिणामे य॥ से नुणं भंते ! उचावएस सहपरिणामेस उचावएस रूवपरिणामेस एवं गंधपरिणामेस रसपरिणामेस फासपरिणामेस परिणममाणा पोग्गला परिणमंतीति वत्तव्वं सिया १ हंता गोयमा ! उच्चावएस सद्दपरिणामेस जाव परिणममाणा पोग्गला परिणमंतित्ति वत्तव्वं सिया, से णूणं भंते! सुब्भिसहा पोग्गला दुब्भिसहत्ताए परिणमंति दुब्भिसहा पोग्गला सुब्भिसहत्ताए परिणमंति ? हंता गोयमा ! सुब्भिसहा पो॰ दुब्भिसहत्ताए परिणमंति दुब्भिसद्दा पो॰ सुब्भिसद्दत्ताए परिणमंति, से णूणं भंते ! सुरूवा पुग्गला दुरूवत्ताए परिण-मंति दुरूवा पुरगला सुरूवत्ताए० ? हंता गोयमा !०, एवं सुब्भिगंधा पोरगला दुब्भिगंघत्ताए परिणमंति दुब्भिगंघा पोग्गला सुब्भिगंघत्ताए परिणमंति ? हंता गोयमा !०, एवं सुफासा दुफासत्ताए ? सुरसा दुरसत्ताए० ?, हंता गोयमा !०॥ १९१॥ देवे णं भंते ! महिड्डिए जाव महाणुभागे पुव्वामेव पोग्गलं खिविता पभू तमेव अणुपरियष्टित्ताणं गिण्हित्तए ? हंता पभू, से केणद्वेणं भंते ! एवं वुच्चइ—देवे णं महिङ्किए जाव गिण्हित्तए? गोयमा! पोग्गले खित्ते समाणे पुव्वामेव सिग्धगई भविता तओ पच्छा मंदगई भवइ, देवे णं महिङ्किए जाव महाणुभागे पुर्विप पच्छावि सीहे सीहगई तुरिए तुरियगई चेव से तेणहेणं गोयमा ! एवं वुच्चइ जाव अणुपरियद्विताणं गेण्हित्तए ॥ देवे णं भंते ! महिङ्किए० बाहिरए पोग्गले अपरि-याइता पुन्वामेव बालं अच्छिता अभेता पभू गंठित्तए १ नो इणहे समहे १, देवे णं भंते! महिङ्किए० बाहिरए पुग्गले अपरियाइता पुन्वामेव बालं छित्ता भित्ता पम् गंठित्तए ? नो इणद्वे समद्वे २, देवे णं भंते ! महिड्डिए० बाहिरए पुरगले परियाइता पुट्यामेव बालं अच्छिता अभिता प्रभू गंठितए? नो इणहे समझे ३, देवे णं भंते!

महिड्रिए जाव महाणुभागे बाहिरे पोग्गले परियाइत्ता पुव्वामेव बालं छेता भेता पभू गंठितए ? हंता पभू ४, तं चेव णं गंठिं छउमत्थे ण जाणइ ण पासइ एवंसहमं च णं गढिया ३, देवे णं भंते ! महिङ्गिए० पुन्वामेव बालं अच्छेता अभेता प्रभू ढीडीकरित्तए वा हस्सीकरित्तए वा ? नो इणद्रे समद्रे ४, एवं चत्तारिवि गमा, पढमिबइयमंगेसु अपरियाइत्ता एगंतरियगा अच्छेत्ता अभेत्ता, सेसं तहेव, तं चेव सिद्धिं छउमत्थे ण जाणइ ण पासइ एसुहमं च णं दीहीकरेज वा हस्सीकरेज वा ॥ १९२ ॥ अत्थि णं भंते ! चंदिमसूरियाणं हिट्टिंपि तारारूवा अणुंपि तुह्रावि समंपि ताराह्वा अणुंपि तुल्लावि उप्पिप ताराह्वा अणुंपि तुल्लावि ? हंता अत्थि. से केणड्रेणं भंते ! एवं वृच्चइ—अत्थि णं चंदिमसूरियाणं जाव उप्पिपि तारारूवा अणंपि तुल्लावि ? गोयमा! जहा जहा णं तेसिं देवाणं तवनियमबंभचेरवासाई [उक्कडाई] उस्सियाई भवंति तहा तहा णं तेसिं देवाणं एयं पण्णायइ अणुत्ते वा तुल्लते वा, से एएणड्रेणं गोयमा !० अत्थि णं चंदिमस्रियाणं० उप्पिपि तारारूवा अणंपि तुल्लावि ॥ १९३ ॥ एगमेगस्स णं भंते ! चंदिमस्रियस्स केवडओ णक्खत्तपरिवारो पण्णत्तो केवइओ महग्गहपरिवारो पण्णत्तो केवइओ तारागणकोडाकोडीओ परिवारो प० ? गोयमा ! एगमेगस्स णं चंदिमसूरियस्स—अद्वासीइं च गहा अद्वावीसं च होइ नक्खता। एगससीपरिवारो एत्तो ताराण वोच्छामि॥ १॥ छावद्विसहस्साइं णव चेव सयाइं पंचसयराइं। एगससीपारेवारो तारागणको डिकोडीणं ॥ २ ॥ १९४ ॥ जंबदीवे णं भंते ! दीवे मंदरस्स पव्वयस्स पुरच्छिमिल्लाओ चरिमंताओ केवइयं अबाहाए जोइसं चारं चरइ? गोयमा! एकारसिंहं एकवीसेहिं जोयणसएहिं अबाहाए जोइसं चारं चरइ, एवं दिक्खणिल्लाओ पचित्थिमिल्लाओ उत्तरिल्लाओ एकारसिहं एक्कवीसेहिं जोयण० जाव चारं चरइ ॥ लोगंताओ भंते ! केवइयं अबाहाए जोइसे पण्णते ? गोयमा ! एकारसिंहं एकारेहिं जोयणसएहिं अबाहाए जोइसे पण्णते ॥ इमीसे णं भंते ! रयणप्पभाए पुढवीए बहसमर्मणिजाओ भूमिभागाओ केवइयं अबाहाए सन्वहेद्रिल्ले तारारूवे चारं चरड़ ? केवइयं अबाहाए सूरविमाणे चारं चरइ ? केवइयं अबाहाए चंदविमाणे चारं चरइ ? केवइयं अबाहाए सञ्वउविसे ताराख्वे चारं चरइ ?, गोयमा ! इमीसे णं रयणप्पभाए पुढवीए बहुसमरमणि० सत्तिहं णउ-एहिं जोयणसएहिं अबाहाए जोइसं सन्वहे द्विले तारारूवे चारं चरइ, अट्ठहिं जोयणसएहिं अबाहाए सूरविमाणे चारं चरइ, अट्ठिं असीएहिं जोयणसएहिं अबा-हाए चंदविमाणे चारं चरइ, नवहिं जोयणसएहिं अबाहाए सव्वउवरिहे तारारूवे चारं चरइ ॥ सन्वहेद्रिमिल्लाओं णं भंते ! तारारुवाओं केवइयं अबाहाए सरविमाणे

चारं चरइ ? केवइयं अबाहाए चंदविमाणे चारं चरइ ? केवइयं अबाहाए सव्वउचित्रे तारारूचे चारं चरइ १, गोयमा ! सव्बहेद्रिल्लाओ णं० दसहिं जोयणेहिं सर्विमाणे चारं चरइ णउईए जोयणेहिं अबाहाए चंदविमाणे चारं चरइ दस्तारे जोयणसए अबाहाए सन्वोवरिक्षे तारारूवे चारं चरइ ॥ सरविमाणाओ णं भंते ! केवइयं अबा-हाए चंदिवमाणे चारं चरइ ? केवइयं० सव्वउवरिक्षे ताराह्वे चारं चरइ ?, गोयमा ! सरविमाणाओ णं असीए जोयणेहिं चंदविमाणे चारं चरइ, जोयणसयअबाहाए सन्वोवरिक्टे तारारूवे चारं चरइ ॥ चंदविमाणाओ णं भंते ! केवइयं अबाहाए सन्वउवरिक्षे तारारूवे चारं चरइ? गोयमा! चंदविमाणाओ णं वीसाए जोयणिहिं अबाहाए सन्वउवरिक्ने तारारूवे चारं चरइ, एवामेव सपुन्वावरेणं दसुत्तरसयजोयण-बाहल्ले तिरियमसंखेजे जोइसविसए पण्णते ॥ १९५ ॥ जंबूदीवे णं भंते ! दीवे कयरे णक्खते सञ्विभितरिष्ठं चारं चरइ? कयरे नक्खते सञ्वबाहिरिष्ठं चारं चरइ? कयरे नक्खते सन्वउवरिहं चारं चरइ? कयरे नक्खते सन्वहिद्विहं चारं चरइ?, गोयमा! जंब्रदीवे णं दीवे अमीइनक्खते सव्विध्मितिरिह्नं चारं चरइ मूळे णक्खते सव्वबाहि-रिष्ठं चारं चरइ साई णक्खते सन्वोवरिष्ठं चारं चरइ भरणी णक्खते सन्वहेट्टिछं चारं चरइ ॥ १९६ ॥ चंदविमाणे णं भंते ! किंसंठिए पण्णते ? गोयमा ! अद्धकविद्रग-संठाणसंठिए सन्वफालियामए अब्भुग्गयमूसियपहसिए वण्णओ, एवं सूरविमाणेवि नक्खत्तविमाणेवि ताराविमाणेवि अद्भकविद्वसंठाणसंठिए ॥ चंदविमाणे णं भंते ! केत्रइयं आयामनिक्खंभेणं ? केनइयं परिक्खेनेणं ? केनइयं बाहल्लेणं पण्णत्ते ?, गोयमा ! छप्पन्ने एगसद्रिभागे जोयणस्स आयामविक्खंभेणं तं तिग्रणं सविसेसं परिक्खेवेणं अद्रावीसं एगसद्विभागे जोयणस्स बाहक्षेणं पण्णते ॥ सूरविमाणस्सवि सच्चेव पुच्छा. गोयमा ! अडयालीसं एगसिंद्वभागे जोयणस्स आयामविक्खंभेणं तं तिगुणं सविसेसं परिक्खेवेणं चउवीसं एगसद्विभागे जोयणस्स बाह्हेणं पन्नते ॥ एवं गहविमाणेवि अद्भजोयणं आयमविक्खंभेणं सविसेसं परि० कोसं बाह्ह्रेणं प० ॥ णक्खत्तविमाणेणं कोसं आयामविक्खंभेणं तं तिगुणं सविसेसं परि० अद्धकोसं बाह्ह्रेणं प०, ताराविमाणे णं अद्धकोसं आयामविक्खंभेणं तं तिगुणं सविसेसं परि॰ पंचवणुसयाईं बाह्ह्रेणं पण्णत्ते ॥ १९७ ॥ चंदविमाणे णं भंते ! कइ देवसाहस्सीओ परिवहंति ? गोयमा ! चंद-विमाणस्स णं पुरच्छिमेणं सेयाणं समगाणं सप्पमाणं संखतलविमलनिम्मलदिह्घण-गोखीरफेणरययणिगरप्पगासाणं (महुगुलियपिंगलक्खाणं) थिरलद्र[पउद्ग]बद्दपी-वरसुसिलिट्ठविसिट्ठतिक्खदाढाविडंबियमुहाणं रत्तुप्पलपत्तमउयसुकुमालतालुजीहाणं [पसत्थलहवेरुलियभिसंतकक्कडनहाणं] विसालपीवरोरुपडिपुण्णविउलखंघाणं मिउवि-

सग्रपसत्थसुहमलक्खणविच्छिण्णकेसरसडोवसोभियाणं चंकमियललियपुलियधवलग-व्वियगईणं उस्सियसुणिम्मियसुजायअप्फोडियणंगूलाणं वहरामयणक्खाणं वहरामय-दन्ताणं वयरामयदाढाणं तवणिजजीहाणं तवणिजतालयाणं तवणिजजोत्तगसजोड-याणं कामगमाणं पीइगमाणं मणोगमाणं मणोरमाणं मणोहराणं अमियगईणं अमिय-बलवीरियपरिसकारपरकमाणं महया अप्फोडियसीहनाइयबोलकलयलरवेणं महरेणं मणहरेण य पूरिंता अंबरं दिसाओ य सोभयंता चत्तारि देवसाहस्सीओ सीहरूचया-रीणं देवाणं पुरच्छिमिल्लं बाहं परिवहंति । चंदविमाणस्स णं दिक्खणेणं सेयाणं स्रभगाणं सुप्पभाणं संखतलविमलनिम्मलदिहचणगोखीरफेणरययणियरप्पगासाणं वडरामयक़ंभज़यलसुद्धियपीवरवरवइरसोंडवद्दियदित्तसुरत्तपउमप्पगासाणं अब्भुण्णय_ गुणा(मुहा)णं तवणिज्जविसालचंचलचलंतचवलकण्णविमलुज्जलाणं मध्वण्णभिसंत-णिद्धपिंगलपत्तलतिवण्णमणिरयणलोयणाणं अन्भुग्गयमङलमल्लियाणं धवलसरिससंठि-यणिव्वणदढकसिणफालियामयसुजायदंतमुसलोवसोभियाणं कंचणकोसीपविद्वदंतग्ग-विमलमणिरयणहङ्लपेरंतचित्तस्वगविराइयाणं तवणिज्जविसालतिलगप्मुहपरिमंडि-याणं णाणामणिरयणगुलियगेवेज्जबद्धगलपवरभूसणाणं वेरुलियविचित्तदंडणिम्मल-वालगंडाणं वइरामयतिक्खलहुअंकुसकुंभजुयलंतरोदियाणं तवणिजासुबद्धकच्छदप्पिय-बळुद्धराणं जंबूणयविमलघणमंडलवइरामयलीलाललियतालणाणामणिरयणघण्टपास-गरययामयरज्बद्धलंबियघंटाजुयलमहुरसरमणहराणं अल्लीणपमाणजुत्तविद्वयसुजाय-लक्खणपसत्थतवणिज्जवालगत्तपरिपुच्छणाणं उवचियपिडपुण्णकुम्मचलणलह् विक्रमाणं अंकामयणक्खाणं तवणिज्जतालुयाणं तवणिज्जजीहाणं तवणिज्जजोत्तगसुजोइयाणं कामगमाणं पीइगमाणं मणोगमाणं मणोरमाणं मणोहराणं अमियगईणं अमियबल-वीरियपुरिसकारपरकमाणं महया गंभीरगुलगुलाइयरवेणं महरेणं मणहरेणं पूरेन्ता अंबरं दिसाओ य सोभयंता चत्तारि देवसाहरसीओ गयरूवधारीणं देवाणं दक्खिणिहं बाहं परिवहंति । चंदविमाणस्स णं पचित्थिमेणं सेयाणं सुभगाणं सुप्पभाणं चंक-मियललियपुलियचलचवलककदसालीणं सण्णयपासाणं संगयपासाणं सजायपासाणं मियमाइयपीणरइयपासाणं झसविहगसुजायकुच्छीणं पसत्थणिद्धमधुगुलियभिसंतपिंग-लक्खाणं विसालपीवरोरुपडिपुण्णविजलखंघाणं वृहपडिपुण्णविजलकण्णपासाणं घणणि-चियसबद्धलक्खणुण्णयईसिआणयवसभोद्राणं चंकमियललियपुलियचक्कवालचवलगव्वि-यगईणं पीवरोस्विष्ट्रयस्तंिठयकडीणं ओलंबपलंबलक्खणपमाणज्ततपसत्थरमणिज-वालगंडाणं समखुरवालघाराणं समलिहियतिक्खग्गसिंगाणं तणुसुहुमसुजायणिद्ध-लोमच्छविधराणं उवचियमंसलविसालपिडपुण्णखद्दपमुहसुंदराणं (खंधपएससुंदराणं)

वेक्रलियभिसंतकडक्खसुणिरिक्खणाणं जुत्तप्पमाणप्पहाणलक्खणपसत्थरमणिज्जगगगर-गलसोभियाणं घग्घरगसुबद्धकण्ठपरिमंडियाणं नाणामणिकणगर्यणघण्टवेयच्छगसक-यरइयमालियाणं वरघंटागलगलियसोभंतसस्सिरीयाणं पउमुप्पलभसलसरभिमाला-विभसियाणं वइरखराणं विविह्विखराणं फालियामयदंताणं तवणिजजीहाणं तव-णिजाता खयाणं तवणिजाजोत्तगसजोत्तियाणं कामगमाणं पीइगमाणं मणोगमाणं मणोरमाणं मणोहराणं अमियगईणं अमियबलवीरियपुरिसकारपरक्रमाणं महया गंभीरगजियरवेणं महरेणं मणहरेण य पूरेंता अंबरं दिसाओ य सोभयंता चत्तारि देवसाहस्सीओ वसमरूवधारीणं देवाणं पचित्थिमिल्लं बाहं परिवहाति । चंदविमाणस्स णं उत्तरेणं सेयाणं सुभगाणं सुप्पभाणं जचाणं वरमहिहायणाणं हरिमेलामदुलमहिय-च्छाणं घणणिचियसुबद्धलक्खणुण्णयाचंकामि(चंचुचि)यललियपुलियचलच्चलचंचल-गईणं ठंघणवग्गणधावणधारणतिवइजइणसिक्खियगईणं संणयपासाणं संगयपासाणं सुजायपासाणं मियमाइयपीणरइयपासाणं झसविहगसुजायकुच्छीणं पीणपीवरवहिय-सुसंठियकडीणं ओलंबपलंबलक्खणपमाणजुत्तपसत्थरमणिज्जवालगंडाणं तणुसुहमसु-जायणिद्धलोमच्छविधराणं मिउविसयपसत्थसुहमलक्खणविकिण्णकेसर्वालिधराणं लिवयलासगगइ(ललंतथासगल)लाडवरभूसणाणं मुहमंडगोचूलचमरथासगपरिमंडिय-कडीणं तवणिज्जखुराणं तवणिज्जजीहाणं तवणिज्जतालुयाणं तवणिज्जजोत्तगसुजोहयाणं कामगमाणं पीइगमाणं मणोगमाणं मणोरमाणं मणोहराणं अमियगईणं अमिय-बलवीरियपुरिसकारपरकमाणं महया हयहेसियकिलकिलाइयरवेणं महरेणं मणहरेण य प्रेंता अंबरं दिसाओ य सोभयंता चत्तारि देवसाहस्सीओ हयस्वधारीणं उत्तरिक्षं बाहं परिवहंति ॥ एवं सूरविमाणस्सवि पुच्छा. गोयमा ! सोलस देवसाहस्सीओ परिवहात पुन्वकमेणं॥ एवं गहविमाणस्सवि पुच्छा, गोयमा! अट्ठ देवसाहस्सीओ परिवहंति पुन्वकमेणं, दो देवाणं साहस्सीओ पुरित्थिमिल्लं बाहं परिवहंति दो देवाणं साहस्सीओ दिक्खणिहं दो देवाणं साहस्सीओ पचित्थमं दो देवसाहस्सीओ हयरूवधारीणं उत्तरिक्षं बाहं परिवहाति ॥ एवं णक्खत्त-विमाणस्मवि पुच्छा, गोयमा! चतारि देवसाहरसीओ परिवहंति, तंजहा-सीहरूव-धारीणं देवाणं एगा देवसाहस्सी पुरित्थिमिल्लं बाहं परिवहइ, एवं चउ हिसिंपि, एवं तारगाणवि णवरं दो देवसाहस्सीओ परिवहंति, तंजहा-सीहरूवधारीणं देवाणं पंचदेव-सया पुरित्थिमिल्लं बाहं परिवहंति, एवं चडिइसिंपि॥ १९८॥ एएसि णं भंते चंदिम सूरियगहगणणक्खत्तताराह्वाणं कयरे कयरेहिंतो सिग्घगई वा मंदगई वा? गोयमा चंदेहिंतो सूरा सिग्धगई सूरेहिंतो गहा सिग्धगई गहेहिंतो णक्खता सिग्धगई णक्खते-

हिंतो तारा सिग्घगई, सन्वप्पगई चंदा सन्वसिग्घगईओ तारारूवा।। १९९ ॥ एएसि णं भंते ! चंदिम जाव तारारूवाणं कयरे २ हिंतो अप्पिड्रिया वा महिड्रिया वा ? गोयमा ! तारारूवेहिंतो णक्खत्ता महिङ्खिया णक्खतेहिंतो गहा महिङ्खिया गहेहिंतो सूरा महि-ब्रिया सुरेहिंतो चंदा महिब्रिया, सन्वप्पब्रिया ताराख्वा सन्वमहिब्रिया चंदा ॥२००॥ जंबदीवे णं भंते ! दीवे तारारूवस्स २ य एस णं केवइयं अबाहाए अंतरे पण्णते ? गोयमा ! दुविहे अंतरे पण्णते, तंजहा-वाघाइमे य निव्वाघाइमे य, तत्थ णं जे से वाघाइमे से जहण्णेणं दोण्णि य छावट्ठे जीयणसए उक्कोसेणं बारस जोयणसह-स्साई दोण्णि य बायाले जोयणसए तारारूवस्स २ य अबाहाए अंतरे पण्णते । तत्थ णं जे से णिव्वाघाइमे से जहण्णेणं पंचधणुसयाई उक्कोसेणं दो गाउयाई ताराख्व जाव अंतरे पण्णते ॥ २०१ ॥ चंदस्स णं भंते ! जोइसिंदस्स जोइसरन्नो कइ अग्गमहिसीओ पण्णताओ ? गोयमा! चत्तारि अग्गमहिसीओ पण्णताओ. तंजहा—चंदप्पमा दोसिणामा अचिमाली पमंकरा, तत्थ णं एगमेगाए देवीए चत्तारि चत्तारि देवसाहरसीओ परिवारे य. पभ णं तुओ एगमेगा देवी अण्णाइं चत्तारि २ देविसहस्साईं परिवारं विडव्वित्तए, एवामेव सपुव्वावरेणं सोलस देवसा-हस्सीओ पण्णताओ, से तं तुडिए ॥ २०२ ॥ पभू णं भंते ! चंदे जोइसिंदे जोइ-सराया चंदवर्डिसए विमाणे सभाए सुहम्माए चंदंसि सीहासणंसि तुडिएण सर्दि दिव्वाइं भोगभोगाइं भुंजमाणे विहरित्तए ? णो इणहे समहे । अदुत्तरं च णं गोयमा ! पभू चंदे जोइसिंदे जोइसराया चंदविंसए विमाणे सभाए सहम्माए चंदंसि सीहा-सणंसि चडिंहं सामाणियसाहस्सीहिं जाव सोलसिंहं आयरक्खदेवाणं साहस्सीहिं अन्नेहिं बहहिं जोइसिएहिं देवेहिं देवीहि य सिद्धं संपरिवृडे महया हयणहगीइवाइयतं-तीतलतालतुडियघणमुइंगपडुप्पवाइयरवेणं दिव्वाइं भोगभोगाइं भुंजमाणे विहरित्तए, केवलं परियारिङ्कीए नो चेव णं मेहुणवित्तयं ॥ २०३ ॥ सूरस्स णं भंते ! जोइसिंदस्स जोइसरन्नो कइ अग्गमहिसीओ पण्णताओ ? गोयमा ! चत्तारि अग्गमहिसीओ पण्णताओ, तंजहा-सूरप्पभा आयवाभा अचिमाली पभंकरा, एवं अवसेसं जहा चंदस्स णवरं सूरवर्डिसए विमाणे सूरंसि सीहासणंसि, तहेव सन्वेसिंपि गहाईणं चत्तारि अगगमहिसीओ० तंजहा—विजया वेजयंती जयंती अपराजिया, तेसिंपि तहेव ॥ २०४ ॥ चंदविमाणे णं भंते ! देवाणं केवइयं कालं ठिई पण्णता ? एवं जहा ठिईपए तहा भाणियव्वा जाव ताराणं॥ २०५॥ एएसि णं भंते! चंदिमसू-रियगहणक्खत्ततारारूवाणं कयरे २ हिंतो अप्पा वा बहुया वा तुल्ला वा विसेसाहिया वा ? गोयमा ! चंदिमस्रिया एए णं दोण्णिव तुहा सन्वत्थोवा. संखेजगुणा णक्खता.

संखेजगुणा गहा, संखेजगुणाओ तारगाओ ॥ २०६॥ जोइसुहेसओ समत्तो ॥ किह णं भंते ! वेमाणियाणं देवाणं विमाणा पण्णता ? किह णं भंते ! वेमाणिया देवा परिवसंति ?, जहा ठाणपए तहा सव्वं भाणियव्वं णवरं परिसाओ भाणिय-व्वाओ जाव सक्के॰ अन्नेसिं च बहुणं सोहम्मकप्पवासीणं देवाण य देवीण य जाव विहर्इ ॥ २०७ ॥ सक्करस णं भंते ! देविंदस्स देवरन्नो कइ परिसाओ पन्नताओ ? गोयमा ! तओ परिसाओ पण्णताओ, तंजहा—समिया चंडा जाया, अब्भितरिया समिया मज्झिमिया चंडा बाहिरिया जाया ॥ सक्रस्स णं भंते ! देविंदस्स देवरन्नो अब्भितरियाए परिसाए कइ देवसाहरसीओ पण्णताओ ? मज्झिमियाए परि० तहेव बाहिरियाए पुच्छा, गोयमा ! सकस्स देविंदस्स देवरन्नो अव्भितरियाए परिसाए बारस देवसाहस्सीओ पण्णताओ मज्झिमियाए परिसाए चउदस देवसाहस्सीओ पण्णत्ताओ बाहिरियाए परिसाए सोलस देवसाहरसीओ पण्णताओ, तहा अब्भित-तियाए परिसाए सत्त देवीसयाणि मजिझमियाए० छ देवीसयाणि बाहिरियाए० पंच देवीसयाणि पन्नत्ताणि ॥ सक्करस णं भंते ! देविंदस्स देवरन्नो अब्भितरियाए परिसाए देवाणं केवडयं कालं ठिई पण्णता ? एवं मिजझिमियाए बाहिरियाएवि, गोयमा ! सक्करस देविंदरस देवरन्नो अब्भितरियाए परिसाए देवाणं पंच पलिओवमाइं ठिई पण्णत्ता. मज्झिमियाए परिसाए० चत्तारि पलिओवमाइं ठिई पण्णत्ता. वाहिरियाए परिसाए देवाणं ति नि पलिओवमाइं ठिई पण्णता, देवीणं ठिई-अब्भितरियाए परिसाए देवीणं तिन्नि पलिओवमाइं ठिई पण्णत्ता, मजिझमियाए० दुन्नि पलिओवमाइं ठिई पण्णता, बाहिरियाए परिसाए० एगं पलिओवमं ठिई पण्णता. अट्रो सो चेव जहा भवणवासीणं ॥ कहि णं भंते ! ईसाणगाणं देवाणं विमाणा पण्णता ? तहेव सब्वं जाव ईसाणे एत्थ देविंदे देव० जाव विहरइ । ईसाणस्स णं भंते ! देविंदस्स देवरण्णो कइ परिसाओ पण्णताओ ? गोयमा ! तओ परिसाओ पण्णताओ, तंजहा-समिया चंडा जाया, तहेव सन्वं णवरं अब्भितरियाए परिसाए दस देवसाहस्सीओ पण्णत्ताओ, मज्झिमियाए परिसाए बारस देवसाहस्सीओ०, बाहिरियाए० चउद्दस देवसाहस्सीओ०, देवीणं पुच्छा, अब्भितरियाए० णव देवीसया पण्णता मज्झिमियाए परिसाए अद्भ देवीसया पण्णता बाहिरियाए परिसाए सत्त देवीसया पण्णता. देवाणं ठिईपुच्छा, अब्भितरियाए परिसाए देवाणं सत्त पलिओवमाईं ठिई पण्णत्ता मजिझ-मियाए॰ छ पिठेओवमाइं॰ बाहिरियाए॰ पंच पिठेओवमाइं ठिई पण्णता। देवीणं पुच्छा. अब्भितरियाए० साइरेगाइं पंचप लिओवमाइं०, मज्झिमियाए परिसाए चत्तारि पिलेओवमाइं ठिई पण्णत्ता, बाहिरियाए परिसाए तिण्णि पिलेओवमाइं ठिई पण्णत्ता,

अटो तहेव भाणियव्वो ॥ सणंकुमाराणं पुच्छा तहेव ठाणपयगमेणं जाव सणंकुमा-रस्स तओ परिसाओ समियाई तहेव, णवरं अब्भितरियाए परिसाए अद्घ देवसा-हम्सीओ पण्णताओ, मज्झिमियाए परिसाए दस देवसाहस्सीओ पण्णताओ. बाहिरियाए परिसाए बारस देवसाहस्सीओ पण्णताओ, अव्भितरियाए परिसाए हेबाणं अद्धपंचमाइं सागरोवमाइं पंच पिलेओवमाइं ठिई पण्णत्ता, मिन्झिमियाए परिसाए० अद्धपंचमाइं सागरोवमाइं चतारि पिलेओवमाइं ठिई पण्णता, बाहिरियाए परिसाए० अद्धपंचमाइं सागरोवमाइं तिण्णि पिलेओवमाइं ठिई पण्णत्ता, अद्भो सो चेव ॥ एवं माहिंदस्सिव तहेव तओ परिसाओ णवरं अब्भितरियाए परिसाए छद्देवसाहस्सीओ पण्णत्ताओ, मज्झिमियाए परिसाए अद्व देवसाहस्सीओ पण्णत्ताओ. बाहिरियाए॰ दस देवसाहस्सीओ पण्णताओ, ठिई देवाणं-अब्भितरियाए परिसाए अद्वपंचमाइं सागरोवमाइं सत्त य पिलेओ० ठिई पण्णत्ता, मिज्झिमियाए परिसाए अद्भपंचमाइं सागरोवमाइं छच पिलओवमाइं०, बाहिरियाए परिसाए अद्भपंचमाइं सागरोवमाइं पंच य पिलओवमाइं ठिई प०. तहेव सब्वेसिं इंदाणं ठाणपयगमेणं विमाणा णेयन्वा तओ पच्छा परिसाओ पत्तेयं २ वृचंति ॥ बंभस्सवि तओ परिसाओ पण्णताओ० अब्भितरियाए चत्तारि देवसाहस्सीओ मज्झिमियाए छ देवसाहस्सीओ बाहिरियाए अद्र देवसाहस्सीओ. देवाणं ठिई-अब्भितरियाए परिसाए अद्धणवमाई सागरोवमाइं पंच य पिलञ्जोवमाइं, मिज्झिमियाए परिसाए अद्भवनाई चत्तारि पिल-ओवमाइं, बाहिरियाए० अद्धनवमाइं सागरोवमाइं तिण्णि य पिछओवमाइं अद्रो सो चेव ॥ लंतगस्सवि जाव तओ परिसाओ जाव अब्भितरियाए परिसाए दो देव साहरसीओ० मिज्झिमियाए० चतारि देवसाहरसीओ पण्णत्ताओ बाहिरियाए० छहेव-साहरसीओ पण्णत्ताओ. ठिई भाणियन्वा—अब्भितरियाए परिसाए बार्स सागरोवमाई सत्त पलिओवमाइं ठिई पण्णत्ता. मिज्झिमियाए परिसाए बारस सागरोवमाई छन्न पिलओवमाई ठिई पण्णता, बाहिरियाए परिसाए बारस सागरोवमाई पंच पिलओव-माइं ठिई पण्णता अद्रो सो चेव ।। महासुक्करसवि जाव तओ परिसाओ जाव अब्भितरियाए एगं देवसहस्सं मज्झिमियाए दो देवसाहस्सीओ पन्नताओ बाहिरियाए चतारि देवसाहस्सीओ. अब्भितरियाए परिसाए अद्धसोलस सागरोवमाई पंच पिलओवमाइं. मिज्झिमियाए अद्भालस सागरोवमाइं चत्तारि पिलओवमाइं, बाहिरियाए अद्भोलस सागरोबमाइं तिण्णि पलिओवमाइं, अद्भो सो चेव ॥ सहस्सारे पुच्छा जाव अब्भितरियाए परिसाए पंच देवसया, मज्झिमियाए परि० एगा देवसाहस्सी, बाहिरियाए० दो देवसाहरसीओ पन्नता. ठिई-अब्भितरियाए अद्धद्वारस सागरोवमाई सत्त पिलओवमाइं ठिई पण्णता एवं मिन्झिमियाए अद्धद्वारस छप्पलिओवमाइं बाहि-रियाए अद्धद्वारस सागरोवमाइं पंच पिठओवमाइं अद्रो सो चेव ॥ आणयपाणयस्सवि पुच्छा जाव तओ परिसाओ णवरि अब्भितरियाए अड्डाइजा देवसया मज्झिमियाए पंच देवसया बाहिरियाए एगा देवसाहरसी, ठिई-अब्भितरियाए० एग्णवीस सागरोव-माइं पंच य प्रतिओवमाइं एवं मजिझ० एगूणवीस सागरोवमाइं चत्तारि य प्रति-ओवमाई बाहिरियाए परिसाए एग्णवीसं सागरोवमाई तिण्णि य पलिओवमाई ठिई अद्रो सो चेव ॥ कहि णं भंते ! आरणअच्चयाणं देवाणं तहेव अच्चए सपरिवारे जाव विहरइ. अच्चयस्स णं देविंदस्स तओ परिसाओ पण्णताओ अब्भितरपरि॰ देवाणं पणवीसं सयं मज्ज्ञिम • अड्राङ्जा सया बाहिरिय • पंचसया, अव्भितरियाए एक्कवीसं सागरोवमा सत्त य पलिओवमाईं मज्झि ० एक्कवीससागरो ० छप्पलि ० बाहिरि ० एगवीसं सागरो॰ पंच य पलिओवमाइं ठिई पण्णत्ता ॥ किह णं भंते ! हेट्रिमगेवेज्जगाणं देवाणं विमाणा पण्णता? कहि णं भंते! हेट्रिमगेवेज्जगा देवा परिवसंति?, जहेव ठाणपण तहेव. एवं मज्झिमगेवेजा उवरिमगेविजागा अणुत्तरा य जाव अहमिंदा नामं ते देवा पण्णता समणाउसो! ॥ २०८ ॥ पढमो वेमाणियउहेसो समत्तो॥ सोहम्मीसाणेसु णं भंते ! कप्पेसु विमाणपुढवी किंपइड्रिया पण्णता ? गोयमा ! घणोदिहपइद्रिया प०। सणंकुमारमाहिंदेसु० कप्पेस विमाणपुढवी किंपइद्रिया पण्णत्ता ? गोयमा! घणवायपइद्रिया पण्णत्ता । बंभलोए णं भंते! कप्पे विमाणपुढवी पुच्छा, गो॰! घणवायपइद्रिया पण्णता। लंतए णं भंते ! पुच्छा, गोयमा ! तद्भयपइद्रियाः। महासक्क सहस्सारेस् वि तद्भयपइद्रिया। आणय जाव अएच्चस णं भंते! कप्पेस पुच्छा. गो०! ओवासंतरपइद्रिया०। गेविजविमाणपुढवीणं पुच्छा, गोयमा! ओवासंतरपइ-द्रिया । अणुत्तरोववाइयपुच्छा, ओवासंतरपङ्गद्रिया ॥ २०९ ॥ सोहम्मीसाणकप्पेस० विमाणपुढवी केवइयं बाहल्लेणं पण्णता ? गोयमा ! सत्तावीसं जोयणसयाइं बाहल्लेणं पण्णत्ता, एवं पुच्छा, सणंकुमारमाहिंदेसु छन्वीसं जोयणसयाई । बंभलंतए पंचवीसं । महासक्तसहस्सारेस चडवीसं । आणयपाणयारणाच्चएस तेवीसं सयाइं । गेविज-. विमाणपुढवी बावीसं । अणुत्तरविमाणपुढवी एक्कवीसं जोयणसयाइं बाहुक्षेणं प०॥२१०॥ सोहम्मीसाणेसु णं भंते ! कप्पेसु विमाणा केवइयं उच्चे उच्चेत्तणं० १ गोयमा ! पंच जोयणसयाई उन्ने उन्नतेणं प०। सणंकुमारमाहिंदेस छजोयणसयाई, बंभलंतएस सत्त. महासक्तसहस्सारेस अद्र, आणयपाणएस ४, नव गेवेज्जविमाणा णं भंते ! केवडयं उड्डं उ॰ १ गो॰! दस जोयणसयाई. अणुत्तरविमाणा णं० एकारस जोयणसयाई उड्डं उच्चतेणं प॰ ॥२११॥ सोहम्मीसाणेसु णं भंते ! कप्पेस विमाणा किसंठिया पण्णत्ता ? गोयमा !

दिवहा पण्णत्ता, तंजहा-आविलयपविद्वा य आविलयबाहिरा य, तत्थ णं जे ते आविलियपविद्वा ते तिविहा पण्णत्ता, तंजहा-वद्या तंसा चउरंसा. तत्थ णं जे ते आवलियबाहिरा ते णं णाणासंठाणसंठिया पण्णत्ता, एवं जाव गेविज्जविमाणा. अण्तरो-बवाइयविमाणा द्वविहा पण्णता, तंजहा-वहे य तंसा य ॥ २१२ ॥ सोहम्मीसाणेस णं भंते ! कप्पेस विमाणा केवइयं आयामविक्खंभेणं केवइयं परिक्खेवेणं पण्णता ? गोयमा! दुविहा पण्णत्ता, तंजहा-संखेजवित्थडा य असंखेजवित्थडा य. जहा गरगा तहा जाव अणुत्तरोववाइया संखेजवित्थडे य असंखेजवित्थडा य. तत्थ णं जे से संखेजवित्थंडे से जंबुद्दीवप्पमाणे असंखेजवित्थंडा असंखेजाई जोयणस्याई जाव परिक्खेवेणं पण्णता॥ सोहम्मीसाणेसु णं भंते! कप्पेसु विमाणा कड्वण्णा पन्नता? गोयमा ! पंचवण्णा पण्णता, तंजहा—किण्हा नीला लोहिया हालिहा सुक्किला. सणंकुमारमाहिंदेसु चउवण्णा नीला जाव सुक्किला, बंभलोगलंतएस तिवण्णा लोहिया जाव सुकिला, महासुकसहरूसारेस दुवण्णा-हालिहा य सुकिला य, आण-यपाणयारणच्चएस सिक्का, गेविजविमाणा सिक्का, अणुत्तरोववाइयविमाणा पर्म-सक्किला वण्णेणं पण्णत्ता ॥ सोहम्मीसाणेस णं भंते ! कप्पेस विमाणा केरिसया पभाए पण्णता ? गोयमा ! णिचालोया णिच्चजोया सयं पभाए पण्णता जाव अणु-त्तरोववाइयविमाणा णिचालोया णिचुजोया सयं पभाए पण्णता ॥ सोहम्मीसाणेसु णं भंते ! कप्पेस विमाणा केरिसया गंधेणं पण्णता ? गोयमा ! से जहा नामए--कोद्रपुडाण वा एवं जाव एत्तो इद्वतरागा चेव जाव गंधेणं पण्णता, जाव अणुत्तर-विमाणा ॥ सोहम्मीसाणेस् विमाणा केरिसया फासेणं पण्णता ? गोयमा ! से जहा णामए-अाइणेइ वा रूएइ वा सव्वो फासो भाणियव्वो जाव अणुत्तरोववाइय-विमाणा ॥ सोहम्मीसाणेसु णं भंते! कप्पेसु विमाणा केमहालया पण्णता? गोयमा ! अयण्णं जंबुद्दीवे २ सञ्वदीवसमुद्दाणं सो चेव गमो जाव छम्मासे वीइव-एजा जाव अत्थेगइया विमाणावासा वीइवएजा अत्थेगइया विमाणावासा नो वीइ-वएजा जाव अगुत्तरोववाइयविमाणा अत्थेगइयं विमाणं वीइवएजा अत्थेगइए० नो वीइवएजा ॥ सोहम्मीसाणेस णं भंते !० विमाणा किंमया पण्णता ? गोथमा ! सव्वरयणामया पण्णत्ता, तत्थ णं बहवे जीवा य पोग्गला य वक्कमंति विडक्कमंति चयंति उवचयंति, सासया णं ते विमाणा दन्बद्वयाए जाव फासपज्जवेहिं असासया जाव अणुत्तरोववाइया विमाणा ॥ सोहम्मीसाणेसु णं० देवा कओहिंतो उववजंति ? उववाओ नेयव्वो जहा वक्कंतीए तिरियमणुएस पंचेंदिएस संमुच्छिमवजिएस, उव-वाओ वक्कंतीगमेणं जाव अणूतरो० ॥ सोहम्मीसाणेस् ० देवा एगसमएणं केवइया

उववजाति ? गोयमा! जहन्नेणं एको वा दो वा तिण्णि वा उक्कोसेणं संखेजा वा असंखेजा वा उववजांति. एवं जाव सहस्सारे. आणयाई गेवेजा अणत्तरा य एको वा दो वा तिण्णि वा उक्कोसेणं संखेजा वा उववजाति॥ सोहम्मीसाणेस णं भंते !॰ देवा समए २ अवहीरमाणा २ केवइएणं कालेणं अवहिया सिया ? गोयमा ! ते णं असंखेजा समए २ अवहीरमाणा २ असंखेजाहिं ओसप्पिणीहिं उस्सप्पिणीहिं अवहीरंति नो चेव णं अवहिया सिया जाव सहस्सारो. आणयाइएस चउसवि. गेवेजेस अणुत्तरेस य समए समए जाव केवइयकालेणं अवहिया सिया ? गोयमा ! ते णं असंखेजा समए २ अवहीरमाणा २ पिलओवमस्स असंखेजइभागमेत्तेणं अवही-रंति. नो चेव णं अवहिया सिया ॥ सोहम्मीसाणेस णं भंते ! कप्पेस देवाणं केम-हालया सरीरोगाहणा पण्णता ? गोयमा ! दुविहा सरीरा पण्णता, तंजहा--भवधा-रणिजा य उत्तरवेउ विवया य. तत्थ णं जे से भवधारणिजे से जहन्नेणं अंगूलस्स असंखेजइभागो उक्कोसेणं सत्त रयणीओ, तत्थ णं जे से उत्तरवेउव्विए से जहण्णेणं अंग्रलस्स संखेजहभागो उक्कोसेणं जोयणसयसहरूसं, एवं एकेका ओसारेताणं जाव अणुत्तराणं एका रयणी. गेविज्जणत्तराणं एगे भवधारणिजे सरीरे उत्तरवेउव्विया नित्थ ॥२१३॥ सोहम्मीसाणेस णं० देवाणं सरीरगा किंसंघयणी पण्णता १ गोयमा ! छण्हं संघयणाणं असंघयणी पण्णत्ता, नेवड्री नेव छिरा नवि ण्हारू णेव संघयण-मिथ. जे पोग्गला इट्रा कंता जाव ते तेसिं संघायत्ताए परिणमंति जाव अणुत्तरो-ववाइया ॥ सोहम्मीसाणेस् ० देवाणं सरीरगा किंसंठिया पण्णता ? गोयमा ! दुविहा सरीरा प॰ तं ॰ अनवधारणिजा य उत्तरवेड व्विया य, तत्य णं जे ते भवधारणिजा ते समचडरंससंठाणसंठिया पण्णता, तत्थ णं जे ते उत्तरवेडव्विया ते णाणासंठाण-संठिया पण्णता जाव अञ्चओ, अवेड विवया गेविजणतरा, भवधारणिजा समचउरं-ससंठाणसंठिया उत्तरवेउ व्विया णित्य ॥ २१४ ॥ सोहम्मीसाणेस० देवा केरिसया वण्णेणं पन्नता ? गोयमा ! कणगत्तयरत्ताभा वण्णेणं पण्णता । सणंक्रमारमाहिंदेस णं० पडमपम्हगोरा वण्णेणं पण्णत्ता । बंभलोगे णं भंते !०? गोयमा ! अल्लमधुगवण्णाभा वण्णेणं पण्णत्ता. एवं जाव गेवेजा, अणुत्तरोववाइया परमसुक्रिल्ला वण्णेणं पन्नत्ता ॥ सोहम्मीसाणेस णं भंते ! कप्पेस देवाणं सरीरगा केरिसया गंधेणं पण्णता ? गोयमा ! से जहा णामए--कोद्रपुडाण वा तहेव सव्वं जाव मणामतरगा चेव गंधेणं पण्णता जाव अणुत्तरोववाइया ॥ सोहम्मीसाणेसु० देवाणं सरीरगा केरिसया फासेणं पण्णता ? गोयमा ! थिरमजयणिद्धसुकुमालच्छविफासेणं पण्णत्ता, एवं जाव अणुत्तरोववाइया ॥ सोहम्मीसाणदेवाणं ० केरिसगा पुरगळा उस्सासत्ताए परिणमंति ? गोयमा ! जे पोरगळा

इद्रा कंता जाव ते तेसिं उस्सासत्ताए परिणमंति जाव अणुत्तरोववाइया, एवं आहारत्ताएवि जाव अणुत्तरोववाइया ॥ सोहम्मीसाणदेवाणं० कह छेस्साओ पण्ण-त्ताओ ? गोयमा ! एगा तेउलेस्सा पण्णता । सणंकुमारमाहिंदेसु एगा पम्हलेस्सा, एवं बंभलोगेवि पम्हा, सेसेसु एका सुकलेस्सा, अणुत्तरोववाइयाणं० एका परमसक-ळेस्सा ॥ सोहम्मीसाणदेवा० किं सम्मदिही मिच्छादिही सम्मामिच्छादिही ? गोयमा ! तिण्णिव, जाव अंतिमगेवेजा देवा सम्मदिद्वीवि मिच्छादिद्वीवि सम्मामिच्छादिद्वीवि, अणत्तरोववाइया सम्मदिद्वी णो मिच्छादिद्वी णो सम्मामिच्छादिद्वी॥ सोहम्मी-साणा॰ किं णाणी अण्णाणी ? गोयमा ! दोवि, तिण्णि णाणा तिण्णि अण्णाणा णियमा जाव गेवेजा, अणुत्तरोववाइया नाणी नो अण्णाणी तिण्णि णाणा णियमा । तिविहे जोगे दुविहे उवओगे सन्वेसिं जाव अणुत्तरोववाइया ॥ २१५ ॥ सोहम्मीसाणदेवा ॰ ओहिणा केवइयं खेत्तं जाणंति पासंति ? गोयमा ! जहण्णेणं अंग़लस्स असंखेज्जइभागं उकोसेणं ओही जाव रयणप्पभा पुढवी उड्ढं जाव साई विमाणाई तिरियं जाव असंखेजा दीवसमुद्दा एवं—सङ्कीसाणा पढमं दोचं च सणं-कुमारमाहिंदा । तर्चं च बंभलंतग सुक्कसहस्सारग चउतथी ॥ १ ॥ आणयपाणय-कप्पे देवा पासंति पंचिमं पुढिवें । तं चेव आरणच्च्य ओहीनाणेण पासंति ॥ २ ॥ छद्रिं हेद्रिममज्झिमगेवेजा सत्तिमं च उवरिह्या। संभिष्णलोगणालिं पासंति अणत्तरा देवा ॥ ३ ॥ २१६ ॥ सोहम्मीसाणेसु णं भंते !० देवाणं कह समुग्घाया पण्णता ? गोयमा ! पंच समुग्धाया पण्णत्ता, तंजहा-वेयणासमुग्धाए कसाय० मारणंतिय० वेउ व्विय॰ तेयासमुग्घाए॰, एवं जाव अचुए। गेवेजअणुत्तराणं आइल्ला तिण्णि समुग्घाया पण्णत्ता ॥ सोहम्मीसाणदेवा० केरिसयं खुहप्पिवासं पच्चणुभवमाणा विह-रंति ? गोयमा ! णत्थि खुहापिवासं पचणभवमाणा विहरंति जाव अणुत्तरोववाइया ॥ सोहम्मीसाणेसु णं भंते ! कप्पेसु देवा एगत्तं पभू विउव्वित्तए पुहुत्तं पभू विउव्वित्तए ? हंता पभ, एगत्तं विउव्वेमाणा एगिंदियरूवं वा जाव पंचिंदियरूवं वा पुहुत्तं विउव्वे-माणा एगिंदियरूवाणि वा जाव पंचिंदियरूवाणि वा, ताइं संखेजाइंपि असंखेजाइंपि सरिसाइंपि असरिसाइंपि संबद्धाइंपि असंबद्धाइंपि रूवाइं विउन्वंति विउन्वित्ता अप्पणा जिहच्छियाई कजाई करेंति जाव अज्जुओ, गेवेजणुत्तरोववाइया० देवा किं एगत्तं पभू विडव्वित्तए पुहुत्तं पभू विडव्वित्तए ? गोयमा ! एगत्तंपि पुहुत्तंपि, नो चेव णं संपत्तीए विउव्विसु वा विउव्वंति वा विउव्वित्संति वा॥ सोहम्मीसाणदेवा० केरिसयं सायासोक्खं पचणभवमाणा विहरंति? गोयमा! मणुण्णा सहा जाव मणुण्णा फासा जाव गेविजा, अणुत्तरोववाइया अणुत्तरा सहा जाव फासा॥ सोहम्मीसाणेस्

देवाणं केरिसगा इड्ढी पण्णता ? गोयमा ! महिड्ढिया महजुइया जाव महाणुभागा इड्डीए प० जाव अञ्चओ, गेवेजणुत्तरा य सब्वे महिड्डिया जाव सब्वे महाणुभागा अणिंदा जाव अहमिंदा णामं ते देवगणा पण्णत्ता समणाउसो! ॥ २१७ ॥ सोहम्मीसाणा० देवा केरिसया विभसाए पण्णता ? गोयमा! दुविहा पण्णता. तंजहा-वेडिव्वयसरीरा य अवेडिव्वयसरीरा य. तत्थ णं जे ते वेडिव्वयसरीरा ते हारविराइयवच्छा जाव दस दिसाओ उज्जोवेमाणा पभासेमाणा जाव पिडहवा तत्थ णं जे ते अवेड वित्रयसरीरा ते णं आभरणवसणरहिया पगइतथा विभसाए पण्णत्ता ॥ सोहम्मीसाणेसु णं भंते ! कप्पेसु देवीओ केरिसियाओ विभूसाए पण्ण-नाओ १ गोयमा ! दुविहाओ पण्णताओ, तंजहा—वेउ व्वियसरीराओ य अवेउ व्वि-यसरीराओ य, तत्थ णं जाओ वेउ व्वियसरीराओ ताओ सवण्णसहालाओ सवण्ण-सहालाइं वत्थाइं पवरपरिहियाओ चंदाणणाओ चंदविलासिणीओ चंदद्वसमणिडा-लाओ सिंगारागारचारुवेसाओ संगय जाव पासाइयाओ जाव पडिरूवाओ, तत्थ णं जाओ अवेउव्वियसरीराओ ताओ णं आभरणवसणरहियाओ पगइत्थाओ विभसाए पण्णत्ताओ, सेसेसु देवा देवीओ णत्थि जाव अज्ञुओ, गेवेजगदेवा० केरिसया विभ-साए० ? गोयमा ! आभरणवसणरहिया, एवं देवी णित्थ भाणियव्वं, पगइत्या विभूसाए पण्णता, एवं अणुत्तरावि ॥ २१८ ॥ सोहम्मीसाणेसु० देवा केरिसए कामभोगे पच्छाभवमाणा विहरंति ? गोयमा ! इद्रा सहा इद्रा रूवा जाव फासा. एवं जाव गेवेजा, अणुत्तरोववाइयाणं अणुत्तरा सहा जाव अणुत्तरा फासा ॥ २१९ ॥ ठिई सन्वेसिं भाणियन्वा, देवित्ताएवि, अणंतरं चयंति चइत्ता जे जिहं गच्छंति तं भाणियव्वं ॥ २२० ॥ सोहम्मीसाणेसु णं भंते ! कप्पेसु सव्वपाणा सव्वभूया जाव सत्ता पढिवकाइयत्ताए जाव वणस्सइकाइयत्ताए देवताए देविताए आसणसयण जाव मंडोवगरणताए उववण्णपुरवा ? हंता गोयमा ! असई अदुवा अणंतखतो. सेसेस कप्पेस एवं चेव, णवरि नो चेव णं देवित्ताए जाव गेवेजगा. अणत्तरोववा-इएसुवि एवं, णो चेव णं देविताए । सेत्तं देवा ॥ २२१ ॥ नेरइयाणं भंते ! केवइयं कालं ठिई पण्णता ? गोयमा ! जहन्नेणं दस वाससहस्साइं उक्कोसेणं तेत्तीसं साग-रोवमाइं. एवं सन्वेसिं पुच्छा. तिरिक्खजोणियाणं जहन्नेणं अंतोस् ० उक्कोसेणं तिन्नि पिळओवमाइं, एवं मणुस्साणवि, देवाणं जहा णेरइयाणं ॥ देवणेरइयाणं जा चेव ठिई सचेव संचिद्रणा, तिरिक्खजोणियस्स जहन्नेणं अंतोमुहुनं उक्कोसेणं वणस्सइ-कालो, मणुस्से णं भंते! मणुस्सेत्ति कालओ केविचरं होइ ? गोयमा! जहण्णेणं अंतोमुहुत्तं उक्कोसेणं तिम्नि पिलओवमाई पुव्वकोडिपुहृत्तमन्मिहियाई ॥ णेरइयमणुस्स-

देवाणं अंतरं जहन्नेणं अंतोमु॰ उक्कोसेणं वणस्सइकालो । तिरिक्खजोणियस्स अंतरं जहन्नेणं अंतोमुहुत्तं उक्कोसेणं सागरोवमसयपुहुत्तं साइरेगं ॥ २२२ ॥ एएसि णं भंते ! णेर्इयाणं जाव देवाण य कयरे॰ १ गोयमा ! सव्वत्थोवा मणुस्सा णेरइया असं॰ देवा असं॰ तिरिया अणंतगुणा, से तं चउव्विहा संसारसमावण्णा जीवा पण्णत्ता ॥२२३॥ बीओ वे॰ देवहेसो समत्तो ॥ तचा चउव्विहपडिवत्ती समत्ता ॥

तत्थ णं जे ते एवमाहंसु—पंचिवहा संसारसमावण्णगा जीवा पण्णता ते एवमाहंसु, नं ०-एगिंदिया बेइंदिया तेइंदिया चडरिंदिया पंचिंदिया। से किं तं एगिंदिया ? २ दविहा पण्णता. तंजहा-पज्जतगा य अपज्जतगा य. एवं जाव पंचिंदिया दविहा प०. ्तं ०--- पजात्तगा य अपजात्तगा य । एगिंदियस्स णं भंते ! केवइयं कालं ठिई पण्णत्ता ? गोयमा! जहन्नेणं अंतोसुहृत्तं उक्कोसेणं बावीसं वाससहस्साई, बेइंदिय० जहन्नेणं अंतोम् ० उक्कोसेणं बारस संवच्छराणि, एवं तेइंदियस्स एगूणपण्णं राइंदियाणं, चडरिंदियस्स छम्मासा. पंचेंदियस्स जह० अंतोम० उक्कोसेणं तेत्तीसं सागरीवमाई. अपज्ञत्तएगिंदियस्स णं० केवइयं कालं ठिई पण्णता १ गोयमा ! जहन्नेणं अंतोस् ० उद्घोसेणवि अंतो॰ एवं सव्वेसिंपि अपजत्तगाणं जाव पंचेंदियाणं, पज्जेतिगिंदियाणं जाव पंचिन्दियाणं पुच्छा, गो॰! जहन्नेणं अंतो॰ उक्को॰ बावीसं वाससहस्साइं अंतोसहत्तू-णाइं, एवं उक्कोसियावि ठिई अंतोमुहुतूणा सन्वेसिं पज्जत्ताणं कायन्वा ॥ एगिंदिए णं भंते ! एगिंदिएत्ति कालओ केविचरं होइ ? गोयमा ! जहन्नेणं अंतोस् ० उक्को ० वणस्सइकालो । बेइंदिए णं भंते ! बेइंदिएत्ति कालओ केविचरं होइ ? गोयमा ! जह अंतोम • उक्कोसेणं संखेजं कालं जाव चर्डारेदिए संखेजं कालं, पंचेंदिए णं भंते ! पंचिंदिएत्ति कालओ केविचरं होइ ? गोयमा ! जह० अंतोम् ० उक्को० साग-रोवमसहस्सं साइरेगं॥ अपजत्तएगिदिए णं भंते ! व कालओ केवचिरं होइ ? गोयमा ! जहन्नेणं अंतोमु ० उक्कोसेणवि अंतोमुहत्तं जाव पंचिदियअपजत्तए । पजत्तगएगिंदिए णं भंते !० कालओ केविचरं होइ ? गोयमा ! जहन्नेणं अंतोमुहत्तं उक्कोसेणं संखिजाई वाससहस्साइं । एवं बेइंदिएवि. णवरं संखेजाइं वासाइं । तेइंदिए णं भंते !० संखेजा राइंदिया। चर्डारेदिए णं॰ संखेजा मासा। पज्जत्तपंचिंदिए० सागरोवमसय-पुरुत्तं साइरेगं ॥ एगिंदियस्स णं भंते ! केवइयं कालं अंतरं होइ ? गोयमा ! जह-ण्णेणं अंतोमुहुत्तं उक्कोसेणं दो सागरोवमसहस्साइं संखेजवासमन्भहियाइं । वेइंदियस्स गं० अंतरं कालओ केवचिरं होइ ? गोयमा ! जहण्णेणं अंतोमहत्तं उक्कोसेणं वणस्सइ-कालो, एवं तेइंदियस्स चर्डारेंदियस्स पंचेंदियस्स, अपजत्तगाणं एवं चेव, पजत-गाणिव एवं चेव ॥ २२४ ॥ एएसि णं भंते ! एगिदि० बेइं० तेइं० चउ० पंचिं-१६ स्रता०

दियाणं कयरे २ हिंतो अप्पा वा बहुया वा तुल्ला वा विसेसाहिया वा ? गोयमा ! सञ्बत्थोवा पंचेंदिया चउरिंदिया विसेसाहिया तेइंदिया विसेसाहिया बेइंदिया विसे-साहिया एगिंदिया अणंतगुणा । एवं अपजातगाणं सन्वत्थोवा पंचेंदिया अपजातगा चउरिंदिया अपज्जत्तगा विसेसाहिया तेइंदिया अपज्जत्तगा विसेसाहिया बेइंदिया अपजात्तगा विसेसाहिया एगिंदिया अपजात्तगा अणंतगुणा सइंदिया अप० वि० ॥ सन्वत्थोवा चर्डारेदिया पजनगा पंचेदिया पजनगा विसेसाहिया बेइंदियपजनगा विसेसाहिया तेइंदियपजनगा विसेसाहिया एगिंदियपजनगा अणंतगुणा सइंदिया पज्जत्तगा विसेसाहिया॥ एएसि णं भंते ! सङ्दियाणं पज्जत्तगअपज्जत्तगाणं कयरे २ हिंतो ० १ गोयमा ! सञ्वत्थोवा सइंदिया अपज्जत्तगा सइंदिया पज्जत्तगा संखेजगुणा । एवं एगिंदियावि ॥ एएसि णं भंते ! बेइंदियाणं पज्जत्तापज्जत्तगाणं कयरे २ हिंतो अप्पा वा बहुया वा तुल्ला वा विसेसाहिया वा? गोयमा! सव्वत्थोवा बेइंदिया पज्जतगा अपजतगा असंखेजगुणा, एवं तेंदियचडरिंदियपंचेंदियावि ॥ एएसि णं भंते! एगिंदियाणं बेइंदि॰ तेइंदि॰ चउरिंदि॰ पंचेंदियाणं पजन्तगाणं अपजन्नगाण य क्यरे २...? गोयमा! सञ्बत्थोवा चडरिंदिया प्रजन्मा पंचेंदिया प्रजन्मा विसे-साहिया बेइंदिया पज्जत्तगा विसेसाहिया तेइंदिया पज्जत्तगा विसेसाहिया पंचेंदिया अपज्जत्तगा असंखेजगुणा चर्डारंदिया अपज्जत्ता विसेसाहिया तेइंदियअपज्जता विसे-साहिया बेइंदिया अपज्जता विसेसाहिया एगिंदियअपज्जता अणंतगुणा सइंदिया अपजता विसेसाहिया एगिंदियपजता संखेजगुणा सइंदियपजता विसेसाहिया सइं-दिया विसेसाहिया। सेत्तं पंचविहा संसारसमावण्णगा जीवा प०॥ २२५॥ चउत्था पंचविहा पडिवत्ती समत्ता॥

तत्थ णं जे ते एवमाहंसु-छिन्त्रहा संसारसमावण्णगा जीवा प० ते एवमाहंसु. तंजहा-पुढविकाइया आउकाइया तेउ० वाउ० वणस्सइकाइया तसकाइया ॥ से किं तं पुढावि० ? पुढावि० दुविहा पण्णत्ता, तं०-सुहुमपुढविकाइया वायरपुढविका-इया, सुह्मपुढविकाइया दुविहा पण्णत्ता, तंजहा-पज्जत्तगा य अपज्जत्तगा य, एवं बायरपुढविकाइयावि, एवं चउक्कएणं भेएणं आउतेउवाउवणस्सइकाइया णेयव्वा । से किं तं तसकाइया ? २ दुविहा पण्णत्ता, तंजहा-पज्जत्तगा य अपज्जत्तगा य ॥ २२६ ॥ पुढविकाइयस्स णं भंते ! केवइयं कालं ठिई पण्णता ? गोयमा ! जह-ण्णेणं अंतोमुहुतं उक्कोसेणं बावीसं वाससहस्साइं, एवं सन्वेसिं ठिई णेयव्वा, तसकाइयस्स जहन्नेणं अंतोमुहुत्तं उक्कोसेणं तेत्तीसं सागरीवमाइं, अपजातगाणं सब्वेसिं जहनेणवि उक्कोसेणवि अंतोम्हत्तं, पजतगाणं सब्वेसिं उक्कोसिया ठिई

अंतोमुहुत्तूणा कायव्वा ॥ २२७॥ पुढिविकाइए णं भंते ! पुढिविकाइएत्ति कालओ केवचिरं होइ ? गोयमा ! जहनेणं अंतोमुहुत्तं उक्कोसेणं असंखेजं कालं जाव असं-खेजा लोया। एवं आउ० तेउ० वाउकाइयाणं वणस्सइकाइयाणं अणंतं कालं जाव आवित्याए असंखेज्जइभागो ॥ तसकाइए णं भंते !० जहन्नेणं अंतोसु० उक्को-सेणं दो सागरोवमसहस्साई संखेजवासमन्भिहयाई । अपज्जत्तगाणं छण्हवि जहण्णेणवि उक्कोसेणवि अंतोम्हत्तं, पज्जतगाणं— वाससहस्सा संखा पुढविदगाणिलतरूण पज्जता । तेऊ राइंदिसंखा तससागरसयपुहत्ताइं ॥ १ ॥ पज्जतगाणवि सन्वेसिं एवं ॥ पुढविकाइयस्स णं भंते ! केवइयं कालं अंतरं होइ ? गोयमा ! जहन्नेणं अंतोमुहुत्तं उक्कोसेणं वणप्फइकालो, एवं आउतेउवाउकाइयाणं वणस्सइकालो. तसकाइयाणिव, वणस्सइकाइयस्स पुढिविकालो, एवं अपजात्तगाणिव वणस्सइकालो. वणस्सईणं पुढविकालो, पज्जत्तगाणवि एवं चेव वणस्सइकालो, पज्जत्तवणस्सईणं पुढविकालो ॥ २२८ ॥ अप्पाबहुयं-सन्वत्थोवा तसकाइया तेउकाइया असंखेज्जगुणा पुढविकाइया विसेसाहिया आउकाइया विसेसाहिया वाउकाइया विसेसाहिया वणस्स-इकाइया अणंतगुणा एवं अपज्जत्तगावि पज्जत्तगावि ॥ एएसि णं भंते ! पुढविकाइयाणं पजनगाणं अपजनगाण य कयरे २ हिंतो अप्पा वा एवं जाव विसेसाहिया वा ? गोयमा ! सन्वत्थोवा पुढविकाइया अपज्जतगा पुढविकाइया पज्जतगा संखेजगुणा, एएसि णं भंते ! आ० सञ्वत्थोवा आउक्काइया अपज्जत्तगा पंजत्तगा संखेजगुणा जाव वणस्स-इकाइया ० सन्वत्थोवा तसकाइया पजनागा तसकाइया अपजनागा असंखेजगुणा॥ एएसि णं भंते ! पुढविकाइयाणं जाव तसकाइयाणं पज्जत्तगअपज्जत्तगाण य कयरे २ हिंतो अप्पा वा ४ ? गो०! सञ्बत्थोवा तसकाइया पज्जतगा. तसकाइया अपज्जतगा असंखेजगुणा, तेउकाइया अपजता असंखेजगुणा, पुढविकाइया आउकाइया वाउ-काइया अपज्जत्तगा विसेसाहिया, तेउकाइया पज्जत्तगा संखेजगुणा, पुढविआउवाउ-पज्जत्तगा विसेसाहिया, वणस्सङ्काङ्या अपज्जत्तगा अणंतगुणा, सकाङ्या अपज्जत्तगा विसेसाहिया, वणस्सइकाइया पजन्तगा संखेजगुणा, सकाइया पजन्तगा विसेसाहिया ॥ २२९ ॥ सुहमस्स णं भंते ! केवइयं कालं ठिई पण्णता ? गोयमा ! जहन्नेणं अंतोमुहुत्तं उक्कोसेणवि अंतोमुहुत्तं एवं जाव सुहुमणिओयस्स, एवं अपज्जत्तगाणवि पजत्तगाणिव जहण्णेणिव उक्कोसेणिव अंतोमुहुत्तं ॥ २३० ॥ सुहुमे णं भंते ! सुहु-मेति कालओ केत्रचिरं होइ? गोयमा! जहण्णेणं अंतोमहत्तं उक्कोसेणं असंखेजकालं जाव असंखेजा लोया, सन्वेसिं पुढविकालो जाव सुह्मणिओयस्स पुढविकालो, अपजत्तगाणं सन्वेसि जहण्णेणवि उक्कोसेणवि अंतोसहत्तं, एवं पजत्तगाणवि सन्वेसि

जहण्णेणिव उक्कोसेणिव अंतोमुहुत्तं ॥ २३१ ॥ सुहुमस्स णं भंते ! केवइयं कालं अंतरं होइ ? गोयमा ! जहण्णेणं अंतोमु ० उक्को ० असंखेजं कालं कालओ असंखेजाओ उस्सिप्पणीओसप्पणीओ खेत्तओ अंगुलस्स असंखेजाइभागो, एवं सुहमवणस्सङ्काइ-यस्सवि सहमणिओयस्सवि जाव असंखेजा लोया असंखेजहमागो । पुढविकाइयाईणं वणस्सइकालो । एवं अपज्जत्तगाणं पज्जत्तगाणवि ॥२३२॥ एवं अप्पाबहुगं, सन्वत्थोवा सुहमतेजकाइया सुहमपुढविकाइया विसेसाहिया सुहमआउवाऊ विसेसाहिया सुहम-णिओया असंखेजागुणा सहुमवणस्सइकाइया अणंतगुणा सहुमा विसेसाहिया, एवं अपज्जत्तगाणं, पज्जत्तगाणवि एवं चेव ॥ एएसि णं भंते ! सहमाणं पज्जतापज्जताणं कयरे॰ १ गोयमा ! सन्वत्थोवा सहुमा अपजत्तगा सहुमा पजत्तगा संखेजगुणा, एवं जाव सहुमणिगोया॥ एएसि णं भंते! सहुमाणं सहुमपुढविकाइयाणं जाव सुहमणिओयाण य पज्जतापज्जता० कयरे २ हिंतो०? गोयमा ! सन्वत्थोवा सुहमते-उकाइया अपज्जत्तगा सुहुमपुढविकाइया अपज्जत्तगा विसेसाहिया सुहुमआउअपज्जता विसेसाहिया सहमवाउअपज्जता विसेसाहिया सहमतेउकाइया पज्जतगा संखेजगुणा सुहुमपुढविआउवाउपज्जत्तगा विसेसाहिया सुहुमणिओया अपज्जत्तगा असंखेजगुणा सुहमणिओया पजत्तगा संखेजगुणा सुहमवणस्सइकाइया अपजत्तगा अणंतगुणा सुहमअपज्जता विसेसाहिया सुहमवणस्सइपज्जत्तगा संखेजगुणा सुहमा पज्जता विसे-साहिया ॥ २३३ ॥ बायरस्स णं भेते ! केवइयं कालं ठिई पण्णता ? गोयमा ! जहन्नेणं अंतोमु ॰ उक्को ॰ तेत्तीसं सागरोवमाइं ठिई पण्णता, एवं बायरतसकाइय-स्सवि, बायरपुढवीकाइयस्स बावीसवाससहस्साईं, बायरआउस्स सत्तवाससहस्सं, बायरते उस्स तिण्णि राइंदिया, बायरवा उस्स तिण्णि वाससहस्साइं, बायरवण ० दसवाससहस्साई, एवं पत्तेयसरीरबायरस्सवि, णिओयस्स जहन्नेणवि उक्कोसेणवि अंतोमु॰, एवं बायरणिओयस्सवि, अपज्जत्तगाणं सन्वेसिं अंतोमुहुत्तं, पज्जत्तगाणं उक्कोसिया ठिई अंतोमुहृत्तृणा कायव्वा सव्वेसिं ॥ २३४ ॥ बायरे णं भंते ! बाय-रेति कालओ केविचरं होइ? गोयमा! जह० अंतो० उक्कोसेणं असंखेजं कालं असंखेजाओ उस्सप्पिणीओसप्पिणीओ कालओ, खेत्तओ अंगुलस्स असंखेजइभागो; बायर्पुढविकाइयआउतेउवाउ० पत्तेयसरीरबायरवणस्सइकाइयस्स बायर्निओयस्स एएसिं जहण्णेणं अंतोम् ० उक्कोसेणं सत्तरि सागरोवमकोडाकोडीओ-संखाईयाओ समाओ अंगुलभागो तहा असंखेजा। ओहे य बायरतरूअणुबंधो सेसओ वोच्छं ॥ १॥ उस्सप्पिणि २ स्स अङ्काङ्यपोग्गलाण परियद्या । बेउयहिसहस्सा खलु साहिया होंति तसकाए ॥ २ ॥ अंतोमुहत्तकालो होइ अपजत्तगाण सन्वेसिं ॥ पजत्तवायरस्स

य बायरतसकाइयस्सावि ॥ ३ ॥ एएसिं ठिई सागरोवमसयपुहृत्तं साइरेगं । तेउस्स संख राई[दिया] दुविहणिओए मुहुत्तमद्धं तु । सेसाणं संखेजा वाससहस्सा य सन्वेसिं ॥ ४ ॥ २३५ ॥ अंतरं बायरस्स बायरवणस्सइस्स णिओयस्स बायरणिओयस्स एएसिं चडण्हिव पुढिविकालो जाव असंखेजा लोया, सेसाणं वणस्सइकालो। एवं पजत्तगाणं अपजत्तगाणवि अंतरं, ओहे य बायरतरु ओघनिओए य बायरणिओए य । कालमसंखेजंतरं सेसाण वणस्सईकालो ॥ १ ॥ २३६ ॥ अप्पा॰ सन्वत्थोवा बायरतसकाइया वायरतेउकाइया असंखेजगुणा पत्तेयसरीरबायरवणस्सइ० असं-खेजगुणा वायरणिओया असंखे० बायरपुढवि० असंखे० आउवाउ० असंखेजगुणा बायरवणस्सइकाइया अणंतगुणा बायरा विसेसाहिया १ । एवं अपज्जत्तगाणवि २ । पज्जत्तगाणं सन्वत्थोवा बायरतेउकाइया बायरतसकाइया असंखेजगुणा पत्तेगसरीरवायरा असंखेजगुणा सेसा तहेव जाव वायरा विसेसाहिया ३ । एएसि णं भंते ! वायराणं पजन्तापजनाणं कयरे २ हिंतो० ? गो० ! सन्वत्थोवा बायरा पजना बायरा अपज्जत्तगा असंखेजगुणा, एवं सन्वे जहा बायरतसकाइया ४। एएसि णं भंते ! बायराणं बायरपुढविकाइयाणं जाव बायरतसकाइयाण य पज्जत्तापज्जताणं कयरे २ हिंतो॰ ? गोयमा ! सव्वत्थोवा बायरतेउक्काइया पज्जत्तगा बायरतसका-इया पज्जत्तगा असंखेजगुणा बायरतसकाइया अपज्जत्तगा असंखेजगुणा पत्तेयसरीरबा-यरवणस्सङ्काइया पज्जत्तगा असंखेजगुणा बायरणिओया पज्जत्तगा असंखेज० पुढविआउवाउपजत्तगा असंखेजगुणा बायरतेउअपजत्तगा असंखेजगुणा पत्तेयसरी-रबायरवणस्सइ० अप० असंखे० बायरणिओया अपजात्तगा असंखे० बायरपुढवि-आउवाउअपज्जत्तगा असंखेजगुणा बायरवणस्सइ० पज्जत्तगा अणंतगुणा बायर-पजत्तगा विसेसाहिया बायरवणस्सइ० अपजत्ता असंखेजगुणा बायरा अपजत्तगा विसेसाहिया बायरा विसेसाहिया ५ । एएसि णं भंते ! सहुमाणं सहुमपुढविकाइयाणं जाव सहुमनिगोदाणं बायराणं बायरपुढिविकाइयाणं जाव बायरतसकाइयाण य कयरे २ हिंतो० १ गोयमा ! सन्वत्थोवा बायरतसकाइया बायरतेउकाइया असंखेज-गुणा पत्तेयसरीरबायरवण० असंखे० तहेव जाव बायरवाउकाइया असंखेजगुणा मुहुमतेउक्काइया असंखे॰ सुहुमपुढवि॰ विसेसाहिया सुहुमआउ॰ वि॰ सुहुमवाउ० विसेसा० सुहुमनिओया असंखेजगुणा बायरवणस्सइकाइया अणंतगुणा बायरा विसे-साहिया सहुमवणस्सइकाइया असंखे॰ सहुमा विसेसा॰, एवं अपजन्तगावि पजन-गावि, णवरि सन्वत्थोवा बायरते उक्काइया पज्जता बायरतसकाइया पज्जता असंखे-जगुणा पत्तेयसरीर० सेसं तहेव जाव सुहमपजता विसेसाहिया। एएसि णं भंते !

सुहमाणं बायराण य पज्जताणं अपज्जताण य क्यरे २...१ गोयमा ! सव्वत्थोवा ्ड बायरा पज्जता बायरा अपज्जता असंखेज्जगुणा सुहुमा अपज्जता असंखेजगुणा सुहु-मपज्जता संखेजगुणा, एवं सुहुमपुढविबायरपुढवि जाव सुहुमनिओया बायरनिओया नवरं पत्तेयसरीरबायरवण० सव्वत्थोवा पज्जत्ता अपज्जता असंखेज्जगुणा, एवं बायर-तसकाइयावि ॥ सव्वेसिं भंते ! पजन्तअपजन्तगाणं कयरे २ हिंतो अप्पा वा वहुया वा तुल्ला वा विसेसाहिया वा १ गोयमा ! सन्वत्थोवा बायरतेउक्काइया पज्जता बायरतस-काइया पजन्तमा असंखेजगुणा ते चेव अपजन्तमा असंखेजगुणा पत्तेयसरीरबायरव-णस्सइअपज्जत्तगा असंखे० बायरणिओया पज्जत्ता असंखेज ० बायरपुढवि० पज्जता असं० आउवाउपज्जत्ता असंखे० बायरतेउकाइयअपज्जत्ता असंखे० पत्तेय० अपज्जता असंखे वायरनिओयअपज्जता असं वायरपुढवि वाउवाउकाइ अपज्जतगा असंखेजगुणा सुहुमतेउकाइया अपजन्तगा असं० सुहुमपुढविआउवाउअपजन्ता विसेसा॰ सुहुमतेउकाइयपज्जत्तगा संखेजगुणा सुहुमपुढविआउवाउपज्जत्तगा विसेसा-हिया सुहुमणिगोया अपज्जत्तगा असंखेजगुणा सुहुमणिगोया पज्जत्तगा संखेजगुणा बायरवणस्सङ्काङ्या पजन्तगा अणंतगुणा बायरा पजन्तगा विसेसाहिया वायरवण-स्सइ० अपज्जत्ता असंखेजगुणा वायरा अपज्जत्ता विसे० बायरा विसेसाहिया सुहुम-वणस्सङ्काइया अपजन्तगा असंखेजगुणा सुहुमा अपजन्ता विसेसाहिया सुहुमवण-स्सइकाइया पज्जत्ता संखेजजुणा सुहुमा पज्जत्तगा विसेसाहिया सुहुमा विसेसाहिया ॥ २३७॥ कइविहाणं भंते! णिओया पण्णत्ता? गोयमा! दुविहा णिओया पण्णता, तंजहा—णिओया य णिगोदजीवा य ॥ णिओया णं भंते ! कड्विहा पण्णता ? गोयमा ! दुविहा प०, तंजहा—सुहुमणिओया य वायरणिओया य ॥ स्रुहुमणिओया णं भंते ! कङ्विहा पण्णत्ता ? गोयमा ! दुविहा पण्णत्ता, तंजहा— रजना य अपजना य ॥ बायरणिओयावि दुविहा पण्णत्ता, तंजहा—पजनगा य अफ्जत्तगा य ॥ णिओयजीवा णं भंते ! कइविहा पण्णत्ता ? गोयमा ! दुविहा पण्णत्ता, तंजहा—सुहुमणिओयजीवा य बायरणिओयजीवा य । सुहुमणिगोदजीवा दुविहा प०, तं०—पजत्तगा य अपजत्तगा य । बादरणिगोदजीवा दुविहा पन्नता, तं०—पज्जत्तगा य अपज्जत्तगा य ॥ २३८ ॥ निगोदा णं भंते! द्व्वट्टयाए किं संखेजा असंखेजा अणंता? गोयमा! नो संखेजा असंखेजा नो अणंता, एवं पजत्तगावि अपजत्तगावि॥ सहुमनिगोदा णं भंते! दव्बद्वयाए किं संखेजा असंखेजा अणंता? गो०! णो संखेजा असंखेजा णो अणंता, एवं पजत्तगावि अपजत्तगावि, एवं बायरावि पजत्तगावि अपजत्तगावि णो संखेजा

असंखेजा णो अणंता ॥ णिगोदजीवा णं भंते ! दव्बद्वयाए कि संखेजा असंखेजा अणंता १ गोयमा ! नो संखेजा नो असंखेजा अणंता, एवं पजतावि अपजतावि. एवं सुहमणिओयजीवावि पज्जत्तगावि अपज्जत्तगावि, बादरणिगोदजीवावि पज्जत्तगावि अपजत्तगावि ।। णिगोदा णं भंते ! पएसद्वयाए किं संखेजा० पुच्छा, गोयमा ! नो संखेजा नो असंखेजा अणंता, एवं पजतगावि अपजतगावि । एवं सहमणि-ओयावि पजन्तगावि अपजन्तगावि, पएसद्वयाए सन्वे अणंता, एवं बायरनिगोयावि पजत्तयावि अप्पजत्तयावि, पएसहयाए सन्वे अणंता, एवं णिगोदजीवा नवविहावि पएसहुयाए सन्वे अणंता ॥ एएसि णं भंते ! णिओयाणं सुहुमाणं बायराणं पज्जत-गाणं अपज्जत्तगाणं दव्बद्वयाए पएसद्वयाए दव्बद्वपएसद्वयाए कयरे २ हिंतो अप्पा वा बहुया वा॰ ? गोयमा! सन्वत्थोवा वायरणिओयपज्जत्तगा दन्वद्वयाए बादर-निगोदा अपज्ञत्तगा दव्बद्वयाए असंखेजगुणा सुहुमणिगोदा अपज्जत्तगा दव्बद्वयाए असंखेजगुणा सहमणिगोदा पजत्तगा दन्बहुयाए संखेजगुणा, एवं पएसहुयाएवि ॥ दव्बट्टपएसट्टयाए सव्बत्थोवा बायरणिओया पज्जता दव्बट्टयाए जाव सहमणि-गोदा पजता दव्बद्वयाए संखेजगुणा, सहमणिओएहिंतो पजतएहिंतो दव्बद्वयाए बादरणिगोदा पज्जता पएसद्वयाए अणंतगुणा, बायरणिओया अपज्जता पएसद्वयाए असंखे॰ जाव सुह्मणिओया पज्जता पएसह्याए संखेजगुणा । एवं णिओयजीवावि, णवरि संक्रमए जाव सुहुमणिओयजीवेहिंतो पज्जत्तएहिंतो द्व्वट्टयाए बायरणिओयजीवा पजा॰ पएसहयाए असंखेजगुणा, सेसं तहेव जाव सहमणिओयजीवा पजाता पए-सहयाए संखेजगुणा ॥ एएसि णं भंते ! णिगोदाणं सुहुमाणं बायराणं पजन्ताणं अपजत्ताणं णिओयजीवाणं सुहुमाणं वायराणं पजत्तगाणं अपजत्तगाणं दव्वद्वयाए पएसद्वयाए दव्बद्वपएसद्वयाए कयरे २ हिंतो॰ ? गो॰! सव्बत्थोवा बायरणिओया पजता दन्वहुयाए वायरणिओया अपजता दन्वहुयाए असङ्केजगुणा सहुमणिगोदा अप॰ दव्वद्वयाए असंखेजगुणा सुहमणिगोदा पज॰ दव्वद्वयाए संखेजगुणा सुह-मणिओएहिंतो दन्बद्वयाए बायरणिओयजीवा पज्जता दन्बद्वयाए अणंतगुणा बायरणि-ओयजीवा अपज्जता दव्यद्वयाए असंखेजगुणा सुहुमणिओयजीवा अपज्जता दव्वद्वयाए असंखेजगुणा सुहमणिओयजीवा पज्जता दव्बट्टयाए संखेजगुणा, पएसट्टयाए सव्ब-त्थोवा बायरणिओयजीवा पज्जता पएसहयाए बायरणिओया अपज्जता पएसहयाए असंखे॰ सुहुमणिओयजीवा अपजत्तगा पएसहुयाए असंखेजगुणा सुहुमणिगोदजीवा पजता पएसद्वयाए संखेजगुणा सुहमणिगोदजीवेहिंतो पएसद्वयाए बादरणिगोदा पजता पएसहयाए अणंतगुणा बायरणिओया अपजत्तगा पएस० असंखेजगुणा जाव

सुहुमणिओया पज्जता पएसट्टयाए संखेजगुणा, द्व्वट्टपएसट्टयाए सव्वत्थोवा बायर-णिओया पज्जता द्व्वट्टयाए बायरणिओया अपज्जता द्व्वट्टयाए असंखेजगुणा जाव सुहुमणिगोदा पज्जता द्व्वट्टयाए संखेजगुणा सुहुमणिओयाहिंतो द्व्वट्टयाए बायरणि-ओयजीवा पज्जता द्व्वट्टयाए अणंतगुणा सेसा तहेव जाव सुहुमणिओयजीवा पज्ज-तगा द्व्वट्टयाए संखेजगुणा सुहुमणिओयजीवेहिंतो पज्जतएहिंतो द्व्वट्टयाए बायरणि-ओयजीवा पज्जता पएसट्टयाए असंखेजगुणा सेसा तहेव जाव सुहुमणिओया पज्जता पएसट्टयाए संखेजगुणा ॥ सेत्तं छ्व्विहा संसारसमावण्णगा जीवा प० ॥ २३९ ॥ पंचमा स्वव्हिहा पहिचनी समना॥

तत्थ णं जे ते एवमाहंस-सत्तविहा संसारसमावण्णगा जीवा प० ते एवमाहंस. तंजहा नेरइया तिरिक्खजोणिया तिरिक्खजोणिणीओ मणुरसा मणुरसीओ देवा देवीओ ॥ णेरइयस्स ठिई जहन्नेणं दसवाससहस्साइं उक्कोसेणं तेत्तीसं सागरोवमाइं.. तिरिक्खजोणियस्स ठिई जहण्णेणं अंतोमहत्तं उक्कोसेणं तिन्नि पलिओवमाइं. एवं तिरिक्खजोणिणीएवि, मणुस्साणवि मणुस्सीणवि, देवाणं ठिई जहा णेरइयाणं, देवीणं ० जहण्णेणं दसवाससहरूसाइं उक्कोसेणं पणपण्णपिलओवमाइं ॥ नेरइयदेवदेवीणं जचेव ठिई सचेव संचिद्रणा। तिरिक्खजोणिए णं भंते! तिरिक्खजोणिएत्ति कालओ केवचिरं होइ ? गोयमा ! जहण्णेणं अंतोमुहत्तं उक्कोसेणं वणस्सइकालो, तिरिक्खजोणिणीणं जहन्नेणं अंतोमु॰ उक्को॰ तिन्नि पिलओवमाइं पुव्वकोडिपुहत्तमञ्महियाइं । एवं मणुस्सस्स मणुस्सीएवि ॥ णेरइयस्स अंतरं जह० अंतोमु० उक्कोसेणं वणस्सइकालो । एवं सञ्वाणं तिरिक्खजोणियवजाणं, तिरिक्खजोणियाणं जहण्णेणं अंतोम ० उक्को ० सागरोवमसयपहत्तं साइरेगं ॥ अप्पाबहुयं-सन्वत्थोवाओ मणुस्सीओ मणुस्सा असं-खेजगुणा नेरइया असंखेजगुणा तिरिक्खजोणिणीओ असंखेजगुणाओ देवा असंखे-जगुणा देवीओ संखेजगुणाओ तिरिक्खजोणिया अणंतगुणा । सेत्तं सत्तविहा संसारसमावण्णगा जीवा प॰ ॥ २४० ॥ छट्टी सत्तविहा पडिवत्ती समत्ता ॥: तत्थ णं जे ते एवमाहंसु-अद्भविहा संसारसमावण्णगा जीवा प० ते एवमाहंस. तं - पढमसमयनेरइया अपढमसमयनेरइया पढमसमयतिरिक्खजोणिया अपढमसम-यतिरिक्खजोणिया पढमसमयमणुस्सा अपढमसमयमणुस्सा पढमसमयदेवा अपढमस-मयदेवा ॥ पढमसमयनेरइयस्स णं भंते ! केवइयं कालं ठिई पण्णता ? गोयमा ! पढमसमयनेरइयस्स जह० एकं समयं उक्को० एकं समयं, अपढमसमयनेरइयस्स जह० दसवाससहस्साइं समऊणाइं उक्कोसेणं तेत्तीसं सागरोवमाइं समऊणाइं। पढमसमयतिरिक्खजोणियस्स जह ० एकं समयं उक्को ० एकं समयं, अपढमसमयति-

रिक्खजोणियस्स जह० खुड्ढागं भवगगहणं समऊणं उक्को० तिन्नि पिलेओवमाइं समऊणाई, एवं मणुस्साणाव जहा तिरिक्खजोणियाणं, देवाणं जहा णेरइयाणं ठिई ॥ णेरइयदेवाणं जच्चेव ठिई सच्चेव संचिद्वणा दुविहाणवि । पढमसमयतिरिक्खजोणिए णं भंते ! पढ० कालओं केविचिरं होइ ? गोयमा ! जह० एकं समयं उक्को० एकं समयं. अपढम > तिरिक्खजोणियस्स जह > खुड्डागं भवग्गहणं समऊणं उक्कोसेणं वणस्सइकालो । पढमसमयमणुस्साणं जह० उ० एकं समयं, अपढम० मणुस्साणं जह० खुड्टागं भवग्गहणं समऊणं उक्को० तिन्नि पिलओवमाइं पुन्वकोडिपुहत्तमञ्महियाइं ॥ अंतरं पढमसमयणेरइयस्स जह० दसवाससहस्साईं अंतोमुहृत्तमञ्भहियाई उक्को० वणस्सइकालो, अपढमसमय० जह० अंतोमु० उक्को० वणस्सइकालो। पढमसमय-तिरिक्खजोणियस्स जह० दो खुड्डागभवग्गहणाइं समऊणाइं उक्को० वणस्सइकालो. अपढमसमयतिरिक्खजोणियस्स जह० खुड्डागं भवग्गहणं समयाहियं उक्को० सागरोव-मसयपुहुत्तं साइरेगं । पढमसमयमणुस्सस्स जह० दो खुड्ढाई भवग्गहणाई समऊणाई उक्को० वणस्सङ्कालो, अपढमसमयमणुस्सस्स जह० खुड्डागं भवगगृहणं समयाहियं उक्को० वणस्सइकालो । देवाणं जहा नेरइयाणं जह० दसवाससहस्साई अंतोसहत्त-मब्महियाई उक्को० वणस्सइकालो, अपढमसमय० जह० अंतो० उक्को० वणस्सइ-कालो ॥ अप्पाबहु० एएसि णं भंते ! पढमसमयनेरइयाणं जाव पढमसमयदेवाण य कयरे २ हिंतो०? गोयमा! सञ्वत्थोवा पढमसमयमणुस्सा पढमसमयणेरइया असंखेजगुणा पढमसमयदेवा असंखेजगुणा पढमसमयतिरिक्खजोणिया असंखेज-गुणा ॥ अपढमसमयनेरइयाणं जाव अपढमसमयदेवाणं एवं चेव अप्पबहु ० णवरि अपढमसमयतिरिक्खजोणिया अणंतगुणा ॥ एएसि णं भंते ! पढमसमयनेरइयाणं अपटम० णेरहयाणं कयरे २ ... ? गोयमा ! सन्वत्थोवा पढमसमयणेरहया अपढम-समयनेरइया असंखेजगुणा, एवं सन्वे ॥ एएसि णं भंते! पढमसमयणेरइयाणं जाव अपदमसमयदेवाण य कयरे २...? गोयमा ! सन्वत्थोवा पदमसमयमणस्सा अपढमसम्यमणुस्सा असंखेजगुणा पढमसमयणेरइया असंखेजगुणा पढमसमयदेवा असंखेजगुणा पढमसमयतिरिक्खजोणिया असंखेजगुणा अपढमसमयनेरइया असंखे-जगुणा अपढमसमयदेवा असंखेजगुणा अपढमसमयतिरिक्खजोणिया अणंतगुणा। सेत्तं अट्टविहा संसारसमावण्णगा जीवा पण्णता ॥ २४१ ॥ सत्तमा अट्टविह-पडिवत्ती समत्ता ॥

तत्थ णं जे ते एवमाहंसु-णविहा संसारसमावण्णगा जीवा प॰ ते एवमाहंसु, तं॰-पुढविकाइया आउक्काइया तेउक्काइया वाउक्काइया वणस्सइकाइया बेइंदिया

तेइंदिया चडिरिया पंचेंदिया ॥ ठिई सन्वेसि भाणियन्वा ॥ पुढिविकाइयाणं संचिट्ठणा पुढिविकालो जाव वाडिकाइयाणं, वणस्सईणं वणस्सइकालो, बेइंदिया तेइंदिया चडिरिया संखेजं कालं, पंचेंदियाणं सागरोवमसहस्सं साइरेगं ॥ अंतरं सन्वेसि अणंतं कालं, वणस्सइकाइयाणं असंखेजं कालं ॥ अप्पाबहुगं, सन्वत्थोवा पंचिंदिया चडिरिया विसेसाहिया वेइंदिया विसेसाहिया वेइंदिया विसेसाहिया वेडंदिया विसेसाहिया वेइंदिया विसेसाहिया वेदंदिया वेदंद

तत्थ णं जे ते एवमाहं सु-दसविहा संसारसमावण्णगा जीवा प० ते एवमाहं सु. तंजहा-पडमसमयएगिंदिया अपडमसमयएगिंदिया पडमसमयवेडंदिया अपडमसमय-बेइंदिया जाव पढमसमयपंचिंदिया अपढमसमयपंचिंदिया, पढमसमयएगिंदियरूस णं भंते ! केवइयं कालं ठिई पण्णत्ता ? गोयमा ! जहण्णेणं एकं समयं उक्को० एकं०, अपढम-समयएगिंदियस्स जहण्णेणं खुड्डागं भवग्गहणं समऊणं उक्को० बावीसं वाससहस्साइं समऊणाइं, एवं सन्वेसिं पढमसमइयकालं जहण्णेणं एको समओ उक्कोसेणं एको समओ, अपढम॰ जहण्णेणं खुड्डागं भवग्गहणं समऊणं उक्कोसेणं जा जस्स ठिई सा समऊणा जाव पंचिंदियाणं तेत्तीसं सागरोवमाइं समऊणाइं ॥ संचिद्रणा पढमसमइ-यस्स जहण्णेणं एकं समयं उक्कोसेणं एकं समयं, अपडमसमयगाणं जहण्णेणं खुड्डागं भवग्गहणं समऊणं उक्कोसेणं एगिंदियाणं वणस्सङ्कालो, बेइंदियतेइंदियचडरिंदियाणं संखेजं कालं पंचेंदियाणं सागरोवमसहरसं साइरेगं ॥ पढमसमयएगिंदियाणं भंते ! कालओ केवइयं अंतरं होइ? गोयमा! जहनेणं दो खुड्डागभवग्गहणाई समऊणाई उक्को॰ वणस्सइकालो, अपढम॰एगिंदिय॰ अंतरं जहण्णेणं खुड्डागं भवगगहणं समया-हियं उक्को॰ दो सागरोवमसहस्साइं संखेजवासमब्भिहयाइं, सेसाणं सब्वेसिं पढम-समझ्याणं अंतरं जह ॰ दो खुड्ढाइं भवग्गहणाइं समऊणाइं उक्को ॰ वणस्सइकालो. अपढमसमझ्याणं सेसाणं जहण्णेणं खुड्डागं भवग्गहणं समयाहियं उक्को० वणस्सइ-कालो ॥ पढमसमङ्याणं सन्वेसिं सन्वत्थोवा पढमसमयपंचेंदिया पढम० चडरिंदिया विसेसाहिया पढम० तेइंदिया विसेसाहिया प० बेइंदिया विसेसाहिया प० एगिंदिया विसेसाहिया ॥ एवं अपडमसमइयावि णवरि अपडमसमयएगिंदिया अणंतगुणा। दोण्हं अप्पबह्र, सन्वत्थोवा पढमसमयएगिंदिया अपढमसमयएगिंदिया अणंतगुणा सेसाणं सव्वत्थोवा पढमसमझ्या अपडम० असंखेजगुणा ॥ एएसि णं भंते ! पढमसमय-एगिंदियाणं अपढमसमयएगिंदियाणं जाव अपढमसमयपंचिंदियाण य कयरे २ ...? गोयमा ! सन्वत्थोवा पढमसमयपंचेंदिया पढमसमयचडरिंदिया विसेसाहिया पढम-

समयतेइंदिया विसेसाहिया एवं हेट्ठामुहा जाव पढमसमयएगिंदिया विसेसाहिया अप-द्रमसमयपंचेंदिया असंखेजगुणा अपढमसमयचडरिंदिया विसेसाहिया जाव अपढम-समयएगिंदिया अणंतगुणा ॥ २४३ ॥ सेत्तं दसविहा संसारसमावण्णगा जीवा पण्णता. सेतं संसारसमावण्णगजीवाभिगमे ॥ नवमा दसविहा पडिवत्ती समता॥ से किं तं सन्वजीवाभिगमे ? सन्वजीवेसु णं इमाओ णव पडिवत्तीओ एवमाहि-जांति एगे एवमाहंसु—द्भविहा सन्वजीवा पण्णता जाव दसविहा सन्वजीवा पण्णता ॥ तत्थ णं जे ते एवमाहंसु-दुविहा सन्वजीवा पण्णता ते एवमाहंसु, तंजहा—सिद्धा चेव असिद्धा चेव इति ॥ सिद्धे णं भंते ! सिद्धेत्ति कालओ केविचरं होइ ? गोयमा ! साडए अपज्जवसिए ॥ असिद्धे णं भंते ! असिद्धेत्ति० ? गोयमा ! असिद्धे दुविहे पण्णते, तंजहा-अणाइए वा अपज्जवसिए अणाइए वा सपज्जवसिए ॥ सिद्धस्स णं भंते ! केवङकालं अंतरं होइ ? गोयमा! साइयस्स अपज्जवसियस्स णित्य अंतरं॥ असि-द्धस्स णं भंते ! केवइयं अंतरं होइ ? गोयमा ! अणाइयस्स अपज्जवसियस्स णित्य अंतरं. अणाइयस्स सपज्जवसियस्स णत्थि अंतरं ॥ एएसि णं भंते ! सिद्धाणं असि-द्धाण य कयरे २...? गोयमा! सन्वत्थोवा सिद्धा असिद्धा अणंतगुणा ॥ २४४॥ अहवा दुविहा सन्वजीवा पण्णत्ता, तंजहा---सइंदिया चेव अणिदिया चेव । सइंदिए णं भंते !० कालओं केविचरं होइ ? गोयमा ! सइंदिए द्विहे पण्णते. तं०-अणाइए वा अपज्जवसिए अणाइए वा सपज्जवसिए, अणिंदिए साइए वा अपज्जवसिए, दोण्हवि अंतरं नित्थ । सन्वत्थोवा अणिंदिया सईंदिया अणंतगुणा । अहवा दुविहा सन्वजीवा पण्णत्ता, तंजहा-सकाइया चेव अकाइया चेव एवं चेव, एवं सजोगी चेव अजोगी चेव तहेव, [एवं सलेस्सा चेव अलेस्सा चेव ससरीरा चेव असरीरा चेव] संचिद्वणं अंतरं अप्पाबहयं जहा सइन्दियाणं ॥ अहवा द्विहा सन्वजीवा पण्णत्ता, तंजहा-सवेदगा चेव अवेदगा चेव ॥ सवेदए णं भंते ! सवे० ? गोयमा ! सवेदए तिविहे पण्णते, तंजहा-अणाइए अपज्जवसिए, अणाइए सपज्जवसिए, साइए सपज्जवसिए, तत्थ णं जे से साइए सपज्जविसए से जह अंतोम अको अणंतं कालं जाव खेत्तओ अवहूं पोग्गलपरियद्वं देसूणं ॥ अवेदए णं भंते ! अवेदएत्ति कालओ केव-चिरं होइ ? गोयमा ! अवेदए दुविहे पण्णते, तंजहा—साइए वा अपज्जवसिए साइए वा सपज्जवसिए, तत्थ णं जे से साइए सपज्जवसिए से जहण्णेणं एकं समयं उक्को॰ अंतोमहत्तं ॥ सवेयगस्स णं भंते ! केवइकालं अंतरं होइ ? गोयमा ! अणाइयस्स अपज्जवसियस्स णत्थि अंतरं, अणाइयस्स सपज्जवसियस्स नत्थि अंतरं, साइयस्स सपज्जविसयस्य जहण्णेणं एकं समयं उक्कोर्सणं अंतोसहत्तं ॥ अवेयगस्य णं भंते !

केवड्यं कालं अंतरं होड ? गोयमा ! साइयस्स अपज्जवसियस्स णस्थि अंतरं. साइ-यसस सपज्जवसियसस जह ॰ अंतोमु ॰ उक्कोसेणं अणंतं कालं जाव अवङ्गं पोग्गलप-रियष्टं देसूणं । अप्पाबहुगं, सन्वत्थोवा अवेयगा सवेयगा अणंतगुणा । एवं सकसाई चेव अकसाई चेव २ जहा सवेयगे तहेव भाणियव्वे ॥ अहवा दुविहा सव्वजीवा प० तं - मलेसा य अलेसा य जहा असिद्धा सिद्धा. सन्वत्थोवा अलेसा सलेसा अणंतगुणा ॥ २४५॥ अहवा॰ णाणी चेव अण्णाणी चेव ॥ णाणी णं भंते ! णाणित्ति कालओ० १ गोयमा ! णाणी दुविहे पन्नत्ते, तं०-साइए वा अपज्जवसिए साइए वा सपज्जवसिए. तत्थ णं जे से साइए सपजविसए से जहण्णेणं अंतोमृहृतं उक्कोसेणं छावद्विसागरो-वमाइं साइरेगाइं. अण्णाणी जहा संवेदगा ॥ णाणिस्स अंतरं जहण्णेणं अंतोमहत्तं उक्कोसेणं अणंतं कालं अवहूं पोग्गलपरियद्वं देसूणं । अण्णाणिस्स दोण्हवि आइल्लाणं णत्थि अंतरं, साइयस्स सपज्जवसियस्स जहण्णेणं अंतोमु० उक्कोसेणं छाविंद्वं साग-रोवमाई साइरेगाई । अप्पाबहयं-सव्वत्थोवा णाणी अण्णाणी अणंतगुणा ॥ अहवा दुविहा सव्वजीवा पन्नता, तं०-सागारोवउत्ता य अणागारोवउत्ता य, संचिद्रणा अन्तरं च जहण्णेणं उक्कोसेणवि अन्तोमुहत्तं, अप्पाबहु० सागारो० संखे० ॥ २४६॥ अहवा दुविहा सञ्वजीवा पण्णता, तंजहा-आहारगा चेव अणाहारगा चेव ॥ आहारए णं भंते ! जाव केविचरं होइ ? गोयमा ! आहारए द्विहे पण्णते, तंजहा---छउमत्थआहारए य केवलिआहारए य, छउमत्थआहारए णं जाव केविचरं होइ ? गोयमा ! जहण्णेणं खुङ्गागं भवग्गहणं दुसमऊणं उक्को० असंखेजं कालं जाव कालओ. खेताओ अंगुलस्स असंखेजहभागं । केवलिआहारए णं जाव केविचरं होइ ? गोयमा! जह ॰ अंतोम ॰ उक्को ॰ देस णा पुरुवकोडी ॥ अणाहारए णं भंते ! कहविहे ॰ ? गोयमा ! अणाहारए द्विहे पण्णते, तंजहा-छउमत्थअणाहारए य केवलिअणाहारए य, छउमत्थअणाहारए णं जाव केविचरं होइ ? गोयमा ! जहण्णेणं एकं समयं उक्कोसेणं दो समया । केवलिअणाहारए दुविहे पण्णत्ते, तंजहा---सिद्धकेवलिअणाहारए य भवत्यकेवलिअणाहारए य ॥ सिद्धकेवलिअणाहारए णं भंते ! कालओ केविचरं होइ १ गो॰! साइए अपज्जवसिए॥ भवत्यकेवित्रअणाहारए णं भंते! कड्विहे पण्णत्ते १ गो॰! भवत्थकेवलि॰ दुविहे पण्णत्ते, तं॰-सजोगिभवत्थकेवलिअणाहारए य अजोगि-भवत्थकेविलअणाहारए य । सजोगिभवत्थकेविलअणाहारए णं भंते! कालओ केविचरं० १ गो०! अजहण्णमणुक्कोसेणं तिण्णि समया । अजोगिभवत्थकेवलि० जह० अंतो॰ उक्को॰ अंतोमहत्तं ॥ छउमत्थआहारगस्स॰ केवइयं कालं अंतरं॰ ? गोयमा ! जहण्णेणं एकं समयं उक्को॰ दो समया। केवलिआहारगस्स अंतरं अजहण्णमणु-

क्रोसेणं तिण्णि समया ॥ छउमत्थअणाहारगस्स अंतरं जहन्नेणं खुड्डागभवग्गहणं दसमऊणं उक्को॰ असंखेजं कालं जाव अंगुलरस असंखेजइभागं। सिद्धकेवलिअणा-हारगस्स साइयस्स अपज्जवसियस्स णत्थि अंतरं ॥ सजोगिभवत्थकेवलिअणाहार-गस्स जह० अंतो० उक्कोसेणवि, अजोगिभवत्थकेविलअणाहारगस्स णत्थि अंतरं ॥ एएसि णं भंते! आहारगाणं अणाहारगाण य कयरे २ हिंतो अप्पा वा बहुः १ गोयमा ! सन्वत्थोवा अणाहारगा आहारगा असंखेजः ॥ २४७ ॥ अहवा द्विहा सव्वजीवा पण्णत्ता, तंजहा-सभासगा य अभासगा य ॥ सभासए णं भंते! सभासएति कालओ केविचरं होइ? गोयमा! जहण्णेणं एकं समयं उक्को॰ अंतोमुहत्तं ॥ अभासए णं भंते ० १ गोयमा ! अभासए दुविहे पण्णत्ते, तं०-साइए वा अपज्जविसए साइए वा सपज्जविसए, तत्थ णं जे से साइए सपज्जविसए से जह० अंतो० उक्को० अणंतं कालं अणंताओ उस्सप्पिणीओसप्पिणीओ वणस्सङ्कालो ॥ भासगस्स णं भंते ! केवइकालं अंतरं होइ ? गोयमा ! जह ० अंतो ० उक्को ० अणंतं कालं वणस्सङ्कालो । अभासग० साङ्यस्स अपज्जवसियस्स णत्थि अंतरं, साङ्यस-पज्जवसियस्स जहण्णेणं एकं समयं उक्को० अंतो० । अप्पाबहु० सन्वत्थोवा भासगा अभासगा अणंतगुणा ॥ अहवा दुविहा सन्वजीवा प॰, तं॰-संसरीरी य असरीरी य॰ असरीरी जहां सिद्धाः. सन्वत्थोवा असरीरी संसरीरी अर्णंतगुणा ॥ २४८ ॥ अहवा दुविहा सञ्वजीवा पण्णता, तंजहा—चरिमा चेव अचरिमा चेव ॥ चरिमे णं भंते ! चरिमेत्ति कालओ केविचरं होइ ? गोयमा ! चरिमे अणाइए सपजविसए, अचरिमे दुविहे प॰, तं॰--अणाइए वा अपज्जवसिए साइए वा अपज्जवसिए, दोण्हंपि णत्थि अंतरं, अप्पाबहुरं-सन्वत्थोवा अचरिमा चरिमा अणंतगुणा । [अहवा दुविहा सन्व-जीवा प॰, तं०-सागारोवउत्ता य अणागारोवउत्ता य, दोण्हंपि संचिद्वणावि अंतरंपि जह् अंतो ॰ उ॰ अंतो ॰, अप्पाबहु ॰ सन्वत्थोवा अणागारोवउत्ता सागारोवउत्ता असंखेजगुणा] सेत्तं दुविहा सव्वजीवा पन्नता ॥ २४९ ॥ ० ॥ तत्थ णं जे ते एवमाहंसु-तिविहा सव्वजीवा पण्णत्ता ते एवमाहंसु, तंजहा-सम्मदिद्वी मिच्छादिद्वी सम्मा-मिच्छादिद्वी ॥ सम्मदिद्वी णं भंते !० कालओ केविचरं होइ? गोयमा! सम्मदिद्वी दुविहे पण्णते, तंजहा—साइए वा अपज्जवसिए साइए वा सपज्जवसिए, तत्थ जे ते साइए सपज्जवसिए से जह० अंतो० उक्को० छावट्ठिं सागरोवमाई साइरे-गाइं॰ मिच्छादिद्वी तिविहे अणाइए वा अपज्जवितए अणाइए वा सपज्जवितए साइए वा सपज्जवसिए, तत्थ जे ते साइए सपज्जवसिए से जह॰ अंतो॰ उक्को॰ अणंतं कालं जाव अवहूं पोग्गलपरियष्टं देसूणं सम्मामिच्छादिद्वी जह० अंतो० उक्को०

अंतोमहत्तं ॥ सम्मदिद्विस्स अंतरं साइयस्स अपज्जवसियस्स नित्थ अंतरं, साइ-यस्स सपज्जवसियस्स जह ० अंतो ० उक्को ० अणंतं कालं जाव अवहूं पोग्गलपरियहं देसणं. मिच्छादिद्विस्स अणाइयस्स अपज्जवसियस्स णत्थि अंतरं, अणाइयस्स सप-जावसियस्य नन्थि अंतरं. साइयस्य सपजावसियस्य जह० अंतो० उक्को० छावटि सागरोवमाइं साइरेगाइं, सम्मामिच्छादिद्विस्स जह० अंतो० उक्को० अणंतं कालं जाव अवहूं पोग्गलपरियद्वं देसूणं । अप्पाबहु० सन्वत्थोवा सम्मामिच्छादिद्वी सम्म-दिद्री अणंतगुणा मिच्छादिद्री अणंतगुणा ॥ २५०॥ अहवा तिविहा सन्वजीवा पण्णता. तं०-परिता अपरिता नोपरितानोअपरिता। परिते णं भंते !० कालओ केबिचरं होड ? गोयमा ! परिते द्विहे पण्णते, तं०-कायपरिते य संसारपरिते य। कायपरित्ते णं भंते !०? गोयमा ! जह० अंतोमु० उक्को० असंखेजं कालं जाव असंखेजा लोगा। संसारपरित्ते णं भंते! संसारपरित्तेत्ति कालओ केविचरं होड? गो०! जह० अंतो॰ उक्को॰ अणंतं कालं जाव अवहं पोग्गलपरियष्टं देसूणं। अपरित्ते णं भंते !०? गो०! अपरित्ते द्विहे पण्णत्ते, तं०-कायअपरित्ते य संसारअपरित्ते य. कायअपरित्ते णं० जह ॰ अंतो ॰ उक्को ॰ अणंतं कालं, वणस्सइकालो, संसारापरित्ते दुविहे पण्णत्ते, तंजहा-अणाइए वा अपज्जवसिए अणाइए वा सपज्जवसिए, णोपरित्तेणोअपरित्ते साइए अप-जनसिए। कायपरित्तस्स अंतरं जह० अंतो० उक्को० नगस्सइकालो. संसारपरित्तस्स णित्थ अंतरं, कायापरित्तस्स जह० अंतो० उक्को० असंखेजं कालं पढिवकालो । संसारापरित्तस्स अणाइयस्स अपज्जवसियस्य नत्थि अंतरं अणाइयस्य सपज्जव-सियस्स नित्थ अंतरं, णोपरित्तनोअपरित्तस्सवि णित्थ अंतरं । अप्पाबह० सव्ब-त्थोवा परिता णोपरितानोअपरिता अणंतगुणा अपरिता अणंतगुणा॥ २५१॥ अहवा तिविहा सव्वजीवा प०, तं०--पज्जतगा अपज्जत्तगा नोपज्जतगानोअपज्जत्तगा. पजत्तगे णं भंते !०१ गोयमा ! जह० अंतो० उक्को० सागरोवमसयपुहत्तं साइरेगं । अपज्जत्तरों णं भंते !०१ गोयमा ! जह० अंतो० उक्को० अंतो०, नोपज्जत्तणोअपज्जत्तर साइए अपज्जवसिए । पज्जतगरस अंतरं जह० अंतो० उक्को० अंतो०, अपज्जतगरस जह० अंतो० उक्को० सागरोवमसयपुहृतं साइरेगं, तइयस्स णित्थ अंतरं । अप्पा-बह० सन्वत्थोवा नोपज्जत्तगनोअपज्जत्तगा अपज्जत्तगा अणंतगुणा पज्जत्तगा संखेज-गुणा ॥ २५२ ॥ अहवा तिविहा सन्वजीवा प०, तं०—सुहुमा बायरा नोसुहुम-नोबायरा, सहमे णं भंते ! सहमेत्ति कालओ केवचिरं० ? गो०! जहण्णेणं अंतोसहत्तं उक्रोसेणं असंखेजं कालं पुढविकालो, बायरा जह० अंतो० उक्को० असंखेजं कालं असंखेजाओ उस्सप्पिणीओसप्पिणीओ कालओ, खेत्तओ अंगुलस्स असंखेजाइ-

भागो. नोसहमनोबायरे साइए अपज्जविसए, सहमस्स अंतरं बायरकालो, बायरस्स अंतरं सुहुमकालो, तइयस्स नोसुहुमणोबायरस्स अंतरं नित्य । अप्पाबहु० सन्वतथोवा नोसहमनोबायरा बायरा अणंतगुणा सहमा असंखेजगुणा॥ २५३॥ अद्ववा तिविहा सन्वजीवा पण्णत्ता, तंजहा—सण्णी असण्णी नोसण्णीनोअसण्णी. सन्नी णं मंते !० कालओ० ? गो०! जह० अंतो० उक्को० सागरोवमसयपहर्त्त साइरेगं, असण्णी जह० अंतो० उक्को० वणस्सङ्कालो, नोसण्णीनोअसण्णी साइए अपज्जवसिए । सिण्णस्स अंतरं जह० अंतो० उक्को० वणस्सदकालो. असिण्णिस्स अंतरं जह॰ अंतो॰ उक्को॰ सागरोवमसयपुहुत्तं साइरेगं, तइयस्स णित्य अंतरं । अप्पाबहु सन्वत्थोवा सण्णी नोसन्नीनोअसण्णी अणंतगणा असण्णी अणंतगुणा ॥ २५४ ॥ अहवा तिविहा सन्वजीवा पण्णत्ता, तंजहा— भवसिद्धिया अभवसिद्धिया नोभवसिद्धियानोअभवसिद्धिया, अणाइया सपज्जवसिया भवसिद्धिया, अणाइया अपज्जवसिया अभवसिद्धिया, साइया अपज्जवसिया नोभव-सिद्धियानोअभवसिद्धिया । तिण्हंपि नित्थ अंतरं । अप्पाबह ० सव्वत्थोवा अभव-सिद्धिया णोभवसिद्धियाणोअभवसिद्धिया अणंतगुणा भवसिद्धिया अणंतगुणा ॥२५५॥ अहवा तिविहा सव्व० प०. तंजहा—तसा थावरा नोतसानोथावरा, तसस्स णं भंते !०१ गोयमा ! जह० अंतो० उक्को० दो सागरोवमसहस्साइं साइरेगाइं. थावरस्स संचिद्रणा वणस्सङकालो, णोतसानोथावरा साइया अपज्जवसिया। तसस्स अंतरं वणस्सङकालो. थावरस्स अंतरं दो सागरोवमसहस्साइं साइरेगाइं, णोतसणोथावरस्स णस्थि अंतरं । अप्पाबहु॰ सव्वत्थोवा तसा नोतसानोथावरा अणंतगुणा थावरा अणंतगुणा । से तं तिबिहा सन्वजीवा पण्णता ।। २५६ ॥ ०॥ तत्थ णं जे ते एवमाहंसु---चउव्विहा सव्वजीवा पण्णता ते एवमाहंसु, तं०-मणजोगी वङ्जोगी कायजोगी अजोगी। मणजोगी णं भंते !०? गोयमा ! जह० एकं समयं उक्को० अंतो०, एवं वइजोगीवि, कायजोगी जह० अंतो० उक्को० वणस्सहकालो, अजोगी साइए अपज-वसिए । मणजोगिस्स अंतरं जहण्णेणं अंतोमुहत्तं उक्को० वणस्सइकालो, एवं वइजोगिस्तवि, कायजोगिस्त जह० एकं समयं उक्को० अंतो०, अजोगिस्त णिरथ अंतरं । अप्पाबहु॰ सन्वत्थोवा मणजोगी वङ्जोगी असंखेज्जगुणा अजोगी अणंतगुणा कायजोगी अणंतगुणा ॥ २५७ ॥ अहवा चउव्विहा सन्वजीवा पण्णत्ता. तंजहा-इत्थिवेयगा पुरिसवेयगा नपुंसगवेयगा अवेयगा, इत्थिवेयए णं भंते! इत्थिवेयएति कालओ केविचरं होइ? गोयमा! (एगेण आएसेण०) पित्यसयं दस्तरं अद्वारस चोइस पल्लियपुहुत्तं, समओ जहण्णो, पुरिसवेयस्स जह० अंतो०

उक्को० सागरोवमसयपुहुत्तं साइरेगं, न्पुंसगवेयस्स जह० एकं समयं उक्को० अणंतं कालं वणस्सङ्कालो । अवेयए दुविहे प०, तं०-साइए वा अपज्जवसिए साइए वा सपज्जवसिए से जह० एकं स० उक्को० अंतोम् । इत्थिवेयस्स अंतरं जह० अंतो० उक्को० वणस्सइकालो, पुरिसवेयस्स० जह० एगं समयं उक्को० वणस्सइकालो. नपुंसगवेयस्स जह अंतो० उक्को० सागरोवमसयपुहृत्तं साइरेगं, अवेयगो जहा हेट्टा । अप्पाबह् सन्वत्थोवा पुरिसवेयगा इत्थिवेयगा संखेजगुणा अवेयगा अणंतगुणा नपुंसगवेयगा अणंतगुणा॥ २५८॥ अहवा चउव्विहा सव्वजीवा पण्णत्ता, ्तंजहा—चक्खुदंसणी अचक्खुदंसणी ओहिदंसणी केवलदंसणी॥ चक्खुदंसणी णं भंते !०? गोयमा ! जह० अंतो० उक्को० सागरोवमसहस्सं साइरेगं, अचक्खदंसणी दुविहे पण्णते. तं०-अणाइए वा अपज्जवसिए अणाइए वा सपज्जवसिए। ओहिदंसणिस्स जह॰ इकं समयं उक्को॰ दो छावद्री सागरोवमाणं साइरेगाओ, केवलदंसणी साइए अपज्जवसिए ॥ चक्ख़दंसणिस्स अंतरं जह० अंतोम् ० उन्नो० वणस्सइकालो । अचक्खुदंसणिस्स द्विहस्स नत्थि अंतरं । ओहिदंसणिस्स जह० अंतोम् ० उक्कोसेणं वणस्सइकालो । केवलदंसणिस्स णित्य अंतरं । अप्पाबहुयं–सव्वत्थोवा ओहिदंसणी चक्खुदंसणी असंखेजराणा केवलदंसणी अणंतराणा अचक्खुदंसणी अणंतराणा ॥ २५९ ॥ अहवा चउ व्विहा सव्वजीवा पण्णत्ता. तंजहा संजया असंजया ·संजयासंजया नोसंजयानोअसंजयानोसंजयासंजया। संजए णं भंते !०? गोयमा! जह ० एकं समयं उक्को ० देसूणा पुन्त्रकोडी, असंजया जहा अण्णाणी, संजयासंजए जह॰ अंतोमु॰ उक्को॰ देसूणा पुव्यकोडी, नोसंजयनोअसंजयनोसंजयासंजए साइए ः अपज्जवसिए, संजयस्स संजयासंजयस्स दोण्हवि अंतरं जह*०* अंतोमु० उक्को० अव**हं** पोगालपरियहं देसूणं, असंजयस्स आइदुवे णित्य अंतरं, साइयस्स सपज्जवसियस्स जह ० एकं स० उक्को० देसूणा पुरुवकोडी, चउत्थगस्स णितथ अंतरं ॥ अप्पाबह० सन्वत्थोवा संजया संजयासंजया असंखेजगुणा णोसंजयणोअसंजयणोसंजयासंजया अणंतगुणा असंजया अणंतगुणा ॥ सेत्तं चउन्त्रिहा सन्वजीवा पण्णता ॥ २६० ॥ त्रचा सञ्जीवच०पहिवत्ती समत्ता ॥

तत्थ णं जे ते एवमाहं छु-पंचिवहा सव्वजीवा पण्णत्ता ते एवमाहं छु, तंजहा— कोहकसाई माणकसाई मायाकसाई लोभकसाई अकसाई ॥ कोहकसाईमाणकसाई-मायाकसाईणं जह अंतो अले अंतोमु लोभकसाइस्स जह एकं स अको अंतो अकसाई दुविहे जहा हेट्ठा ॥ कोहकसाईमाणकसाईमायाकसाईणं अंतरं जह एकं स अको अंतो ले लोहकसाइस्स अंतरं जह अंतो अको अंतो ले अक्साई तहा जहा हेट्टा ॥ अप्पाबहुयं—अकसाइणो सन्वत्थोवा माणकसाई तहा अणंतगुणा । कोहे मायालोमे विसेसमिहया मुणेयव्वा ॥ १ ॥ २६१ ॥ अहवा पंचविहा सन्वजीवा पण्णत्ता, तंजहा—णेरइया तिरिक्खजोणिया मणुस्सा देवा सिद्धा । संचिट्ठणंतराणि जह हेट्टा भणियाणि । अप्पाबहु० सन्वत्थोवा मणुस्सा णेरइया असंखेजगुणा देवा असंखेजगुणा सिद्धा अणंतगुणा तिरिया अणंतगुणा । सेत्तं पंचविहा सन्वजीवा पण्णत्ता ॥ २६२ ॥ चउत्था स० प० समन्ता ॥

तत्थ णं जे ते एवमाहंसु-छिव्वहा सव्वजीवा पण्णत्ता ते एवमाहंसु, तंजहा---आभिणिबोहियणाणी सुयणाणी ओहिणाणी मणपजवणाणी केवलणाणी अण्णाणी. आभिणिबोहियणाणी णं भंते! आभिणिबोहियणाणित्ति कालओ केविचरं होइ? गोयमा! जह ॰ अन्तोमुहत्तं उक्को ॰ छावद्विं सागरोवमाइं साइरेगाइं, एवं सुयणाणीवि. ओहिणाणी णं भंते !० १ गोयमा ! जह० एकं समयं उक्को० छावट्ठिं सागरोवमाइं साइरेगाइं, मणपज्जवणाणी णं भंते !० ? गो० ! जह० एकं समयं उक्को० देसूणा पुच्य-कोडी, केवलनाणी णं भंते !० ? गो० ! साइए अपज्जवसिए, अन्नाणिणो तिविहा प०. तं॰-अणाइए वा अपज्जविसए अणाइए वा सपज्जविसए साइए वा सपज्जविसए, तत्थ॰ साइए सपज्जवसिए से जह॰ अंतो॰ उक्को॰ अणंतं कालं अवङ्कं पुग्गलपरियहं देसूणं । अंतरं आभिणिबोहियणाणिस्स जह० अंतो० उक्को० अणंतं कालं अवहूं पुग्ग-लपरियष्टं देसूणं, एवं सुय० अंतरं० मणपज्जव०, केवलनाणिणो णत्थि अंतरं, अन्नाणि० साइयसपजानसियस्स जह० अंतो० उक्को० छान्द्रिं सागरोवमाइं साइरेगाइं । अप्पा॰ सन्वत्थोवा मण॰ ओहि॰ असंखे॰ आभि॰ सुय॰ विसेसा॰ सद्वाणे दोवि तुह्रा केवल० अणंत० अण्णाणी अणंतगुणा ॥ अहवा छव्विहा सव्वजीवा पण्णत्ता, तंजहा---एगिंदिया बेंदिया तेंदिया चउरिंदिया पंचेंदिया अणिंदिया। संचिद्रणंतरा जहा हेट्टा । अप्पाबहयं-सन्वत्थोवा पंचेंदिया चर्डारेदिया विसेसा० तेइंदिया विसेसा० बेंदिया विसेसा० अणिदिया अणंतगुणा एगिंदिया अणंतगुणा ॥ २६३ ॥ अहवा छिव्वहा सव्वजीवा पण्णत्ता, तंजहा-अोरालियसरीरी वेडिव्वयसरीरी आहारगसरीरी तेयगसरीरी कम्मगसरीरी असरीरी ॥ ओरालियसरीरी णं भंते !० कालओ केविचरं होइ ? गीयमा ! जहण्णेणं खुड्डागं भवग्गहणं दुसमऊणं, उक्कोसेणं असंखेजं कालं जाव अंग्रलस्स असंखेजडभागं. वेउ व्वियसरीरी जह ० एकं समयं उक्कोसेणं तेत्तीसं सागरोवमाइं अंतोमुहत्तमञ्भिहयाइं, आहारगसरीरी जह अंतो उद्यो अंतो , तेयगसरीरी दुविहे प०. तं०-अणाइए वा अपज्जवसिए अणाइए वा सपज्जवसिए, एवं कम्मगसरीरीवि. असरीरी साइए अपज्जवसिए ॥ अंतरं ओरालियसरीरस्स जह० १७ सत्ता०

एकं समयं उको० तेत्तीसं सागरोवमाइं अंतोमुहत्तमन्भहियाइं, वेउविवयसरीरस्स जह ॰ अंतो ॰ उक्को ॰ अणंतं कालं वणस्सइकालो, आहारगसरीरस्स जह ॰ अंतो ॰ उक्को॰ अणंतं कालं जाव अवड्रं पोग्गलपरियष्टं देस्णं, तेय॰ कम्मगसरीरस्स य दुण्हवि णत्थि अंतरं ॥ अप्पाबह० सव्वत्थोवा आहारगसरीरी वेउव्वियसरीरी असंखेजगुणा ओरालियसरीरी असंखेजगुणा असरीरी अणंतगुणा तेयाकम्मगसरीरी दोवि तुल्ला अणंतगुणा ॥ सेत्तं छिविहा सव्वजीवा पण्णता ॥ २६४ ॥ ० ॥ तत्थ णं जे ते एवमाहंस-सत्तविहा सन्वजीवा प० ते एवमाहंसु, तंजहा--पढवि-काइया आउकाइया तेउकाइया वाउकाइया वणस्सइकाइया तसकाइया अकाइया । संचिद्रणंतरा जहा हेट्टा । अप्पावह ॰ सव्वत्थोवा तसकाइया तेउकाइया असंखेज-गुणा पढविकाइया विसे० आउ० विसे० वाउ० विसेसा० सिद्धा अणंतगुणा वण-स्सङ्काङ्या अणंतगुणा ॥ २६५ ॥ अहवा सत्तविहा सन्वजीवा पण्णता, तंजहा-कण्हलेस्सा नीललेस्सा काउलेस्सा तेउलेस्सा पम्हलेस्सा सुक्कलेस्सा अलेस्सा ॥ कण्ह-लेसे णं भंते! कण्हलेसेति कालओ केविचरं होइ? गोयमा! ज॰ अंतो॰ उद्घो॰ तेत्तीसं सागरोवमाई अंतोमहत्तमञ्भहियाई, णीललेस्से णं० जह० अंतो० उक्को० दस सागरोवमाइं पिलञोवमस्स असंखेजइभागमब्भिहयाइं, काउलेस्से णं भंते !०१ गो०! जह० अंतो० उक्को० तिन्नि सागरोवमाइं पिलओवमस्स असंखेजाइभागमन्भिह्याइं. तेउलेस्से णं भंते !०? गोयमा ! जह० अं० उक्को० दोण्णि सागरोवमाई पिलओवसस असंखेजइभागमब्भिहयाइं, पम्हलेसे णं भंते !०? गोयमा ! जह० अंतो० उक्को० दस सागरोवमाई अंतोमहत्तमब्भहियाई, सुक्कलेसे णं भंते !०१ गो०! जहन्नेणं अंतो० उक्कोसेणं तेत्तीसं सागरोवमाइं अंतोमहत्तमन्भिहयाइं, अलेस्से णं भंते !० साइए अपज्जवित ॥ कण्हलेसस्स णं भंते ! अंतरं कालओ केविचरं होड ? गोयमा ! जह ॰ अंतो॰ उक्को॰ तेत्तीसं सागरोवमाइं अंतोमुहुत्तम॰, एवं नीललेसस्सवि, काउलेसस्सवि, तेउलेसस्स णं भंते ! अंतरं का॰ ? गोयमा ! जह॰ अंतो॰ उक्को॰ वणस्सइकालो. एवं पम्हलेसस्सवि सक्कलेसस्सवि दोण्हवि एवमंतरं, अलेसस्स णं भंते! अंतरं कालओ॰ ? गोयमा! साइयस्स अपज्जवसियस्स णित्य अंतरं ॥ एएसि णं भंते। जीवाणं कण्हलेसाणं नीललेसाणं काउले॰ तेउ॰ प्रम्ह॰ सक्क॰ अलेसाण य क्यरे २...१ गोयमा! सव्वत्थोवा सुक्कलेरसा पम्हलेरसा संखेजगुणा तेउलेरसा असंखेजगुणा अलेस्सा अणंतगुणा काउलेस्सा अणंतगुणा नीललेस्सा विसेसाहिया कण्हलेस्सा विसेसाहिया । सेतं सत्तविहा सन्वजीवा पन्नता ॥ २६६ ॥ ० ॥ तत्थ णं जे ते एवमाहंसु-अद्वविहा सन्वजीवा पण्णत्ता ते एवमाहंसु, तंजहा--आभिणिबोहिय-

नाणी सुय॰ ओहि॰ मण॰ केवल॰ मइअण्णाणी सुयअण्णाणी विभंगणाणी ॥ आभिणिबोहियणाणी णं भंते ! आभिणिबोहियणाणित्ति कालओ केविचरं होइ? गोयमा ! जह ॰ अंतो ॰ उक्को ॰ छावद्विसागरोवमाइं साइरेगाइं, एवं सुयणाणीवि । ओहिणाणी णं भंते !०? गोयमा ! जह० एकं समयं उक्को० छावद्विसागरोवमाई साइरेगाइं, मणपज्जवणाणी णं भंते !०? गोयमा ! जह० एकं स० उक्को० देसूणा पव्वकोडी, केवलणाणी णं भंते !०१ गोयमा! साइए अपज्जवसिए, मइअण्णाणी णं भंते !॰? गोयमा ! मइअण्णाणी तिविहे पण्णत्ते, तं०-अणाइए वा अपज्जवितए अणाइए वा सपज्जवसिए साइए वा सपज्जवसिए, तत्थ णं जे से साइए सपज्जवसिए से जह ॰ अंतो ॰ उक्को ॰ अणंतं कालं जाव अवद्धं पोग्गलपरियष्टं देसूणं, सुयअण्णाणी एवं चेव. विभंगणाणी णं भंते ! विभंग० ? गोयमा ! जह० एकं समयं उ० तेत्तीसं सागरोवमाइं देस्णाए पुन्वकोडीए अन्महियाइं ॥ आभिणिबोहियणाणिस्स णं भंते! अंतरं कालओ० ? गोयमा! जह० अंतो० उक्को० अणंतं कालं जाव अवहूं पोग्गलपरियद्वं देसणं, एवं सुयणाणिस्सवि, ओहिणाणिस्सवि, मणपज्जवणाणिस्सवि, केवलणाणिस्स णं भंते ! अंतरं० ? गोयमा ! साइयस्स अपज्जवसियस्स णित्थ अंतरं । मङ्अण्णाणिस्स णं भंते ! अंतरं ० ? गोयमा ! अणाङ्यस्स अपज्जवसियस्स णित्य अंतरं, अणाइयस्य सपज्जवसियस्स णित्य अंतरं, साइयस्स सपज्जवसियस्स जह॰ अंतो॰ उक्को॰ छावद्रिं सागरोवमाईं साइरेगाईं, एवं सुयअण्णाणिस्सवि, विभंगणाणिस्स णं भंते ! अंतरं० ? गोयमा ! जह० अंतो० उद्घो० वणस्सइकालो ॥ एएसि णं भंते! आभिणिबोहियणाणीणं सुयणाणीणं ओहि॰ मण० केवल० मङ्अण्णाणीणं सुयअण्णाणीणं विभंगणाणीण य कयरे०? गोयमा! सव्वत्थोवा जीवा मणपज्जवणाणी, ओहिणाणी असंखेजगुणा, आभिणिबोहियणाणी सुयणाणी एए दोवि तुल्ला विसेसाहिया, विभंगणाणी असंखेजगुणा, केवलणाणी अणंत-गुणा, मइअण्णाणी सुयअण्णाणी य दोवि तुल्ला अणंतगुणा ॥ २६७ ॥ अहवा अद्भविहा सञ्वजीवा पण्णता, तंजहा---णेरइया तिरिक्खजोणिया तिरिक्खजोणि-णीओ मणुस्सा मणुस्सीओ देवा देवीओ सिद्धा ॥ णेरइए णं भंते ! णेरइएत्ति कालओ केविचरं होड ? गोयमा ! जहन्नेणं दस वाससहस्साई उ० तेत्तीसं सागरो-वमाइं, तिरिक्खजोणिए णं भंते !०? गोयमा ! जह० अंतोमु० उक्को० वणस्सइ-कालो, तिरिक्खजोणिणी णं भंते !०? गोयमा! जह० अंतो० उक्को० तिन्नि पिलओवमाइं प्रव्वकोडिपहत्तमब्भिहियाईं, एवं मणूसे मणूसी, देवे जहा नेरइए, देवी णं भंते !०१ गो०! जह० दस वाससहस्साइं उ० पणपन्नं पिलेओवमाइं, सिद्धे

णं भंते ! सिद्धेति० ? गोयमा ! साइए अपज्जवसिए । णेरइयस्स णं भंते ! अंतरं कालओ केविचरं होड १ गोयमा! जह अंतो ० उद्घो ० वणस्सइकालो. तिरिक्ख-जोणियस्स णं भंते! अंतरं कालओ० १ गोयमा! जह० अंतो० उक्को० सागरोवमसय-पहत्तं साइरेगं. तिरिक्खजोणिणी णं भंते! अंतरं कालओ केविचरं होइ? गोयमा! जहुं अंतोमुहत्तं उक्को॰ वणस्सइकालो, एवं मणुस्सस्सवि मणुस्सीएवि, देवस्सवि देवीएवि. सिद्धरस णं भंते ! अंतरं० साइयरस अपज्जवसियरस णित्थ अंतरं ॥ एएसि णं भंते ! णेरड्याणं तिरिक्खजोणियाणं तिरिक्खजोणिणीणं मणुसाणं मणुसीणं देवाणं देवीणं सिद्धाण य कयरे० ? गोयमा ! सन्वत्थोवा मणस्सीओ मणस्सा असंखेळगणा नेरह्या असंखेजगुणा तिरिक्खजोणिणीओ असंखेजगुणाओ देवा संखेजगुणा देवीओ संखेजगुणाओ सिद्धा अणंतगुणा तिरिक्खजोणिया अणंतगुणा । सेत्तं अद्भविहा सव्वजीवा पण्णता ॥ २६८ ॥०॥ तत्थ णं जे ते एवमाहंस्र-णवविहा सव्वजीवा प० ते एवमाहंस, तंजहा-एगिंदिया बेंदिया तेंदिया चडरिंदिया णेरइया पंचेंदियतिरि-क्खजोणिया मण्सा देवा सिद्धा ॥ एगिंदिए णं भंते ! एगिंदिएत्ति कालओ केविचरं होइ ? गोयमा ! जह० अंतोम० उक्को० वणस्त०, बेंदिए णं मंते !०? गोयमा ! जह० अंतो० उक्को० संखेजं कालं, एवं तेइंदिएवि, चउ०, णेरइया णं भंते !०? गो॰! जह॰ दस वाससहस्साइं उक्कों े तेत्तीसं सागरोवमाइं, पंचेंदियतिरिक्खजो-णिए णं भंते !०१ गोयमा ! जह० अंतो० उक्को० तिण्णि पलिओवमाइं पुन्वकोडि-पहत्तमञ्महियाइं, एवं मणूसेवि, देवा जहा णेरइया, सिद्धे णं भंते !०? गो०! साइए अपज्जविसए ॥ एगिंदियस्स णं भंते ! अंतरं कालओ केविचरं होइ ? गोयमा ! जह अंतो ॰ उक्को ॰ दो सागरोवमसहस्साइं संखेजवासम्बमहियाइं, बेंदियस्स णं भंते ! अंतरं कालओ केविचरं होइ ? गोयमा ! जह० अंतो० उक्को० वणस्सहकालो. एवं तेंदियस्सवि चउरिंदियस्सवि णेरइयस्सवि पंचेंदियतिरिक्खजोणियस्सवि मणूस-स्सवि देवरसवि सन्वेसिमेवं अंतरं भाणियन्वं. सिद्धरस णं भंते ! अंतरं कालओ० ? गो॰! साइयस्स अपज्जवसियस्स णत्थि अंतरं ॥ एएसि णं भंते ! एगिंदियाणं बेइंदि॰ तेइंदि॰ चउरिंदियाणं णेरहयाणं पंचेंदियतिरिक्खजोणियाणं मणसाणं देवाणं सिद्धाण य कयरे २ ... ? गोयमा ! सञ्बत्थोवा मणुस्सा णेरझ्या असंखेजनुणा देवा असंखेज-गुणा पंचेंदियतिरिक्खजोणिया असंखेजगुणा चर्डारेंदिया विसेसाहिया तेइंदिया विसेसाहिया बेइंदिया विसे॰ सिद्धा अणंतगुणा एगिंदिया अणंतगुणा ॥ २६९ ॥ अहवा णवविहा सन्वजीवा पण्णता. तंजहा-पडमसमयनेरइया अपडमसमयणेर-इया पढमसमयतिरिक्खजोणिया अपढमसमयतिरिक्खजोणिया पढमसमयमणुसा

अपढमसमयमण्सा पढमसमयदेवा अपढमसमयदेवा सिद्धा य ॥ पढमसमयणेरइया-णं भंते !० १ गोयमा ! एकं समयं, अपडमसमयणेरइयस्स णं भंते !० १ गो० ! जहन्नेणं दस वाससहस्साई समऊणाई उको० तेत्तीसं सागरोवमाई समऊणाई, पढम-समयतिरिक्खजोणियस्स णं भंते !० ? गो० ! एकं समयं, अपढमसमयतिरिक्खजोणि-यस्स णं भंते !० ? गो० ! जह० खुड्डागं भवग्गहणं समऊणं उक्को० वणस्सङ्कालो. पढमसमयमणूसे णं भंते !० १ गो० ! एकं समयं, अपडमसमयमणुस्से णं भंते !० १ गो०! जह॰ खुड्डागं भवग्गहणं समऊणं उक्को॰ तिन्नि पिलओवमाइं पुव्वकोडिपुहत्तमब्भिह-याइं. देवे जहा णेरइए, सिद्धे णं भंते ! सिद्धेत्ति कालओ केविचरं होइ ? गोयमा ! साइए अपज्जनसिए ॥ पटमसमयणेरइयस्स णं भंते ! अंतरं कालओ० ? गोयमा ! जह० दस वाससहस्साई अंतोमुहत्तमन्भिहियाई उक्कोसेणं वणस्सइकालो, अपढमसमयणेरइ-यस्स णं भंते! अंतरं० १ गोयमा! जह० अंतो० उक्को० वणस्सइकालो, पढमसमय-तिरिक्खजोणियस्स णं भंते ! अंतरं कालओ० ? गोयमा ! जह० दो खुरूगाई भवगग-हणाई समऊणाई उक्को॰ वण॰, अपढमसमयतिरिक्खजोणियस्स णं भंते ! अंतरं कालओ॰ ? गो॰ ! जह॰ खुड्डागं भवगग्हणं समयाहियं उ॰ सागरोवमसयपुहत्तं साइरेगं. पढमसमयमणूसस्स जहा पढमसमयतिरिक्खजोणियस्स, अपढमसमयमणू-सस्स णं भंते ! अंतरं कालओ० ? गो० ! ज० खुड्डागं भवगगहणं समयाहियं उ० वण०, पढमसमयदेवस्स जहा पढमसमयणेरइयस्स, अपढमसमयदेवस्स जहा अपढम-समयणेरइयस्स. सिद्धस्स णं भंते !० ? गो० ! साइयस्स अपज्जवसियस्स णत्थि अंतरं ॥ एएसि णं भंते ! पढमसमयनेरइयाणं पढमसमयतिरिक्खजोणियाणं पढमसमयमण्-साणं पढमसमयदेवाण य कयरे० ? गोयमा ! सन्वत्थोवा पढमसमयमणूसा पढम-समयणेरइया असंखेजागुणा पढमसमयदेवा असं० पढमसमयतिरिक्खजो० असं०। एएसि णं भंते ! अपढमसमयनेर्इयाणं अपढमसमयतिरिक्खजोणि० अपढमसमय-मणूसाणं अपडमसमयदेवाण य कयरे॰ ? गोयमा ! सन्वत्थोवा अपडमसमयमणूसा अपढमसमयनेरइया असं० अपढमसमयदेवा असं० अपढमसमयतिरि० अणंतगुणा । एएसि णं भंते ! पढमस॰नेरइयाणं अपढमसमयणेरइयाण य कयरे २...? गोयमा ! सन्वत्थोवा पढमसमयणेर्इया अपढमसमयणेर्इया असंखेजगुणा, एएसि णं भंते ! पढमसमयतिरिक्खजो॰ अपढमसमयतिरिक्खजोणि॰ क्यरे॰? गोयमा! सन्व॰ पढमसमयतिरि॰ अपढमसमयतिरिक्खजोणिया अणंत॰, मणुयदेवअप्पाबहुयं जहा णेरइयाणं । एएसि णं भंते ! पढमसमयणेरइ० पढमस०तिरिक्खजो० पढमस०मणूसाणं पढमसमयदेवाणं अपढमसमयनेरइ० अपढमसमयतिरिक्खजोणि० अपढमसमयम-

णसाणं अपढमसमयदेवाणं सिद्धाण य कयरे० १ गोयमा ! सन्व० पढमस०मणसा अपडमसमय॰मण्॰ असं॰ पडमसमयनेरइया असं॰ पडमसमयदेवा असंखे॰ पडमस-मयतिरिक्खजो० असं० अपडमसमयनेर० असं० अपडमस०देवा असंखे० सिद्धा अणं० अपढमस०तिरि० अणंतगुणा । सेत्तं नवविहा सव्वजीवा पण्णत्ता ॥२७०॥०॥ तत्थ णं जे ते एवमाहंसु-दसविहा सव्वजीवा पण्णत्ता ते एवमाहंसु, तंजहा-पुढवि-काइया आउकाइया तेउकाइया वाउकाइया वणस्सइकाइया बेइंदिया तेइंदिया चउरिं० पंचें अणिंदिया।। पुढविकाइए णं मंते! पुढविकाइएत्ति कालओ केविचरं होड? गोयमा! जह॰ अंतो॰ उक्को॰ असंखेजं कालं असंखेजाओ उस्सप्पिणीओसप्पिणीओ कालओ, खेतुओ असंखेजा लोया, एवं आउतेउवाउकाइए, वणस्सइकाइए णं भंते।०१ गोयमा! जह॰ अंतो॰ उक्को॰ वणस्सइकालो, बेंदिए णं भंते !०१ गो०! जह॰ अंतो॰ उक्को० संखेजं कालं, एवं तेइंदिएवि चडिरेंदिएवि, पंचिंदिए णं भंते !० ? गोयमा ! जह ॰ अंतो ॰ उक्को ॰ सागरोवमसहस्सं साइरेगं, अणिंदिए णं भंते !० १ गो ॰ ! साइए अपज्ञविसए ॥ पुढविकाइयस्स णं भेते ! अंतरं कालओ केविचरं होह ? गोयमा ! जह० अंतो० उक्को० वणस्सइकालो, एवं आउकाइयस्स तेउ० वाउ०, वणस्सइका-इयस्स णं भंते ! अंतरं कालओ॰ ? जा चेव पुढविकाइयस्स संचिद्वणा, बियतिय-चडरिंदियपंचेंदियाणं एएसिं चडण्हंपि अंतरं जह० अंतो० उक्को० वणस्सइकालो, अणिदियस्स णं भंते ! अंतरं कालओ केत्रचिरं होइ ? गोयमा ! साइयस्स अपज्जव-सियस्स णत्थि अंतरं ॥ एएसि णं भंते ! पुढविकाइयाणं आउ० तेउ० वाउ० वण० बेंदियाणं तेइंदियाणं चडरिं॰ पंचेंदियाणं अणिंदियाण य कयरे २ ... ? गोयमा ! सञ्वत्थोवा पंचेंदिया चडरिंदिया विसेसाहिया तेइंदिया विसे॰ वेंदिया विसे॰ तेउ-काइया असंखेजगुणा पुढविकाइया वि० आउ० वि० वाउ० वि० अणिंदिया अणंत-गुणा वणस्सइकाइया अणंतगुणा ॥ २७१ ॥ अहवा दसविहा सव्वजीवा पण्णत्ता, तुंजहा-पढमंसमयणेर्इया अपढमसमयणेर्इया पढमसमयतिरिक्खजोणिया अपढम-समयतिरिक्खजोणिया पढमसमयमणूसा अपढमसमयमणूसा पढमसमयदेवा अपढम-समयदेवा पढमसमयसिद्धा अपढमसमयसिद्धा ॥ पढमसमयनेरइए णं भंते ! पढम-समयनेरइएत्ति कालओ केविचरं होइ ? गोयमा ! एकं समयं, अपढमसमयनेरइए णं भंते !० ? गोयमा ! जहन्नेणं दस वाससहस्साई समऊणाई उक्कोसेणं तेत्तीसं सागरो-वमाइं समऊगाइं, पढमसमयतिरिक्खजोणिए णं भंते !० ? गोयमा ! एकं समयं, अप-ढमसमयतिरिक्ख॰ जह॰ खुड्डागं भवग्गहणं समऊणं उक्को॰ वणस्सङकालो, पढमस-मयमणूसे णं भंते !० १ गोयमा ! एकं समयं, अपढमस०मणूसे णं भंते !० १ गोयमा !

जह ॰ खुड्डागं भवग्गहणं समऊणं उक्को ॰ तिण्णि पिठओवमाइं पुन्वकोडिपहत्तमन्भ-हियाई. देवे जहा णेरइए, पढमसमयसिद्धे णं भंते !० ? गोयमा ! एकं समयं. अपढ-मसमयसिद्धे णं भंते !०१ गोयमा ! साइए अपज्जवसिए । पढमसमयणेर० भंते ! अंतरं कालओ० ? गोयमा ! ज० दस वाससहस्साइं अंतोमहत्तमब्भिहयाइं उक्को० वण॰, अपढमसमयणेर॰ अंतरं कालओ केव॰? गोयमा! जह॰ अंतो॰ उ॰ वण॰: पढमसमयतिरिक्खजोणियस्स० अंतरं० केविचरं होइ ? गोयमा ! जह० दो खुडाग-भवगगहणाइं समऊणाइं उक्को॰ वण॰, अपढमसमयतिरिक्खजोणियस्स णं भंते !० ? गोयमा! जह ॰ खुड्डागभवग्गहणं समयाहियं उक्को ॰ सागरोवमसयपहत्तं साइरेगं. पढमसमयमणूसस्स णं भंते ! अंतरं कालओ॰ ? गो॰ ! जह॰ दो खुड्डागभवग्गहणाई समऊणाइं उक्को॰ वण॰, अपडमसमयमणूसस्स णं भंते ! अंतरं० १ गो० ! जह० खुडागं भव० समयाहियं उक्को० वणस्सइ०, देवस्स अंतरं जहा णेरइयस्स, पढमस-मयसिद्धस्स णं भंते ! अंतरं० ? गो० ! णत्थि, अपटमसमयसिद्धस्स णं भंते ! अंतरं कालओं केविचरं होइ? गोयमा! साइयस्स अपज्जवसियस्स णितथ अंतरं ॥ एएसि णं भंते ! पढमस०णेर० पढमस०तिरिक्खजोणियाणं पढमसमयमणुसाणं पढमसमय-देवाणं पढमसमयसिद्धाण य कयरे २ · · ? गोयमा ! सव्वत्थोवा पढमसमयसिद्धा पहमसमयमणुसा असंखे॰ पहमस॰णेरइया असंखेजगुणा पहमस॰देवा असं॰ पह-मस॰तिरि॰ असं॰। एएसि णं भंते ! अपढमसमयनेरइयाणं जाव अपढमसमयसि-द्धाण य कयरे॰ १ गोयमा! सन्वत्थोवा अपटमस॰मणुसा अपटमस॰नेरइया असंखे॰ अपटमस॰देवा असंखे॰ अपटमस॰सिद्धा अणंतगुणा अपटमस॰तिरिक्खजो॰ अणंत-गुणा । एएसि णं भंते ! पढमस०णेरइयाणं अपढमस०णेरइयाण य कयरे २ ... ? गोयमा! सन्वत्थोवा पढमस०णेरइया अपढमस०णेरइया असंखे०, एएसि णं भंते! पढमस॰तिरिक्खजोणियाणं अपढमस॰तिरिक्खजोणियाण य कयरे २ · · ? गोयमा ! सन्वत्थोवा पढमसमयतिरिक्खजो० अपढमस०तिरिक्खजोणिया अणंतगुणा. एएसि णं भंते ! पढमस॰मण्साणं अपढमसमयमण्साण य कयरे २ ... १ गोयमा ! सव्व-त्थोवा पढमसमयमणूसा अपढमस०मणूसा असंखे०, जहा मणूसा तहा देवावि, एएसि णं भंते ! पढमसमयसिद्धाणं अपढमसमयसिद्धाण य कयरे २ हिंतो अप्पा वा बहया वा तुल्ला वा विसेसाहिया वा ? गोयमा! सन्वत्थोवा पढमसमयसिद्धा अपढमसमयसिद्धा अणंतगुणा । एएसि णं भंते ! पढमसमयणेरइयाणं अपढमसमयणेरइयाणं पढमस०-तिरिक्खजोणि० अपडमस०तिरिक्खजो० प०समयमणू० अपडमस०मणू० पहम-स॰देवाणं अप॰समयदेवाणं पढमसमयसिद्धाणं अपढमसमयसिद्धाण य कयरे २ हिंतो अप्पा वा बहुया वा तुह्रा वा विसे॰ ? गोयमा! सव्वत्थोवा पढमस॰सिद्धा पढमस॰ मण्सा असं॰ अप॰समयमण्सा असंखे॰ पढमसमयणेरइया असं॰ पढमस॰ देवा असं॰ पढमस॰तिरि॰ असं॰ अपढमस॰णेर॰ असंखे॰ अपढमस॰देवा असं॰ अपढमस॰-सिद्धा अणंत॰ अपढमस॰तिरि॰ अणंतगुणा। सेत्तं दसविद्दा सव्वजीवा पण्णत्ता॥ सेत्तं सव्वजीवाभिगमे॥ २७२॥ नवमा सव्वजीवदसविद्दपिडवत्ती समत्ता॥ जीवाजीवाभिगमसुत्तं समत्तं॥



णमोऽत्थु णं समणस्स भगवओ णायपुत्तमहावीरस्स

सुत्तागे

तत्थ णं **पण्णवणासुत्तं**

ववगयजरमरणभए सिद्धे अभिवंदिऊण तिविहेण। वंदामि जिणवरिंदं तेलोक-गृहं महावीरं ॥ १ ॥ सुयरयणनिहाणं जिणवरेण भवियजणनिव्युइकरेण । उवदंसिया भगवया पन्नवणा सन्वभावाणं ॥ २ ॥ वायगवरवंसाओ तेवीसङ्मेण धीरपरिसेणं । दुद्धरथरेण मुणिणा पुन्वसुयसमिद्धबुद्धीण ॥ ३ ॥ सुयसागरा विणेऊण जेण सुयर-यणमत्तमं दिशं । सीसगणस्स भगवओ तस्स नमो अजसामस्स ॥ ४ ॥ अज्झयण-मिणं चित्तं सुयरयणं दिद्विवायणीसन्दं। जह विश्वयं भगवया अहमवि तह विश्वड-स्सामि ॥ ५ ॥ पन्नवणा ठाणाइं बहुवत्तव्वं ठिई विसेसा य । वक्कन्ती ऊसासो सन्नाः जोणी य चरिमाइं ॥ ६ ॥ भासा सरीर परिणाम कसाय इन्दिए पओगे य । लेसाः कायठिईया सम्मत्ते अन्तिकरिया य॥ ७॥ ओगाहणसंठाणे किरिया कम्मे इयावरे। किम्मरस] बन्धए किम्मरस] वेद[ए]वेदरस बन्धए वेयवेयए ॥ ८ ॥ आहारे उवओगे पासणया सन्नि सझमें चेव । ओही पवियारण वेयणा य तत्तो समुख्याए ॥ ९ ॥ से किं तं पन्नवणा ? पन्नवणा दुविहा पन्नता । तंजहा-जीवपन्नवणा य अजीवपन्नवणा य ॥ १ ॥ से किं तं अजीवपन्नवणा ? अजीवपन्नवणा दुविहा पन्नता । तंजहा-रूविअजीवपन्नवणा य अरूविअजीवपन्नवणा य ॥ २ ॥ से किं तं अरूविअजीवपन्नवणा ? अरूविअजीवपन्नवणा दसविहा पन्नता । तंजहा-धम्मितथकाए. धम्मत्थिकायस्त देसे, धम्मत्थिकायस्त पएसा, अधम्मत्थिकाए, अधम्मत्थिकायस्त देसे, अधम्मत्थिकायस्स पएसा, आगासत्थिकाए, आगासत्थिकायस्स देसे, आगा-सत्थिकायस्स पएसा. अद्धासमए । सेत्तं अरूविअजीवपन्नवणा ॥ ३ ॥ से किं तं रूविअजीवपन्नवणा ? रूविअजीवपन्नवणा चउव्विहा पन्नता। तंजहा-१ खंधा, २ खंधदेसा. ३ खंधप्पएसा. ४ परमाणुपोग्गला । ते समासओ पंचविहा पन्नता । तंजहा-१ वन्नपरिणया, २ गंधपरिणया, ३ रसपरिणया, ४ फासपरिणया, ५. संठाणपरिणया ॥ ४ ॥ जे वन्नपरिणया ते पंचविहा पन्नता । तंजहा-१ काल-वन्नपरिणया, २ नीलवन्नपरिणया, ३ लोहियवन्नपरिणया, ४ हालिद्दवन्नपरिणया,

५ सक्किलवन्नपरिणया । जे गंधपरिणया ते दुविहा पन्नता । तंजहा-सुब्भिगंध-परिणया य दुब्भिगंधपरिणया य । जे रसपरिणया ते पंचिवहा पन्नता । तंजहा-१ तित्तरसपरिणया, २ कद्धयरसपरिणया, ३ कसायरसपरिणया, ४ अंबिलरस-परिणया, ५ महररसपरिणया। जे फासपरिणया ते अड्डविहा पन्नत्ता। तंजहा-१ कक्खडफासपरिणया, २ मज्यफासपरिणया, ३ गरुयफासपरिणया, ४ लहुय-फासपरिणया. ५ सीयफासपरिणया, ६ उसिणफासपरिणया, ७ णिद्धफासपरिणया. ८ लक्खफासपरिणया । जे संठाणपरिणया ते पंचिवहा पन्नता । तंजहा-१ परिमंडल-संठाणपरिणया, २ वहसंठाण ०, ३ तंससंठाण ०, ४ चडरंससंठाण ०, ५ आयय-संठाण ।। ५ ॥ जे वण्णओ कालवण्णपरिगया ते गन्धओ सुङ्भिगन्धपरिणया वि. दुब्भिगन्धपरिणया वि । रसओ तित्तरसपरिणया वि, कडुयरसपरिणया वि, कसाया रसपरिणया वि, अम्बिलरसपरिणया वि, महुररसपरिणया वि। फासओ क्रक्खङ-फासपरिणया वि. मुख्यफासपरिणया वि. गुरुयफासपरिणया वि. लहयफासपरिणय-वि. सीयफासपरिणया वि, उसिणफासपरिणया वि, णिद्धफासपरिणया वि, छुक्खफा-सपरिणया वि । सण्ठाणओ परिमण्डलसण्ठाणपरिणया वि, वहसंठाणपरिणया वि. तंससण्ठाणपरिणया वि, चउरंससण्ठाणपरिणया वि, आययसण्ठाणपरिणया वि २०। जे वण्णओ नीलवण्णपरिणया ते गन्धओ सुब्भिगन्धपरिणया वि, दुब्भिगन्धपरिणया वि । रसओ तित्तरसपरिणया वि, कडुयरसपरिणया वि, कसायरसपरिणया वि. अम्बिलरसपरिणया वि, महुररसपरिणया वि। फासओ कक्खडफासपरिणया वि. मज्यफासपरिणया वि, गुरुयफासपरिणया वि, लहुयफासपरिणया वि, सीयफासपरि-णया वि, उसिणफासपरिणया वि, निद्धफासपरिणया वि, लुक्खफासपरिणया वि। संठाणओ परिमण्डलसण्ठाणपरिणया वि, वृहसंठाणपरिणया वि, तंससण्ठाणपरिणया वि, चडरंससण्ठाणपरिणया वि, आययसण्ठाणपरिणया वि २०। जे वण्णओ लोहि-यवण्णपरिणया ते गन्धओ सुब्भिगन्धपरिणया वि, दुब्भिगन्धपरिणया वि । रसओ तित्तरसपरिणया वि, कडुयरसपरिणया वि, कसायरसपरिणया वि, अम्बिलरसपरि-णया वि. महररसपरिणया वि । फासओ कक्खडफासपरिणया वि. मउयफासपरि-णया वि, गुरुयफासपरिणया वि, लहुयफासपरिणया वि, सीयफासपरिणया वि, उसिणफासपरिणया वि, निद्धफासपरिणया वि, छुक्खफासपरिणया वि। संठाणओ परिमण्डलसंठाणपरिणया वि, वृहसंठाणपरिणया वि, तंससंठाणपरिणया वि. चउरं-ससंठाणपरिणया वि, आययसंठाणपरिणया वि २०। जे वण्णओ हालिहवण्णपरिणया ते गन्धओ सुब्भिगन्धपरिणयावि. दुब्भिगन्धपरिणयावि । रसओ तित्तरसपरिणया

वि. कद्भयरसपरिणया वि, कसायरसपरिणया वि, अम्बिलरसपरिणया वि, महररस-परिणया वि । फासओ कक्खडफासपरिणया वि, मउयफासपरिणया वि, गुरुयफास-परिणया वि, लह्यफासपरिणया वि, सीयफासपरिणया वि, उसिणफासपरिणयावि. णिद्धफासपरिणया वि, छुक्खफासपरिणया वि। संठाणओ परिमण्डलसंठाणपरिणया वि. वर्ष्सठाणपरिणयावि, तंससंठाणपरिणया वि, चडरंससंठाणपरिणया वि. आययसंठाणपरिणया वि २० । जे वण्णओ सुक्किलवण्णपरिणया ते गन्धओ स्रिक्षगन्धपरिणया वि, द्रिक्ष्मगन्धपरिणया वि । रसओ तित्तरसपरिणया वि. कडयरसपरिणया वि, कसायरसपरिणया वि, अम्बिलरसपरिणया वि, मुहररस-परिणया वि । फासओ कक्खडफासपरिणया वि, मजयकासपरिणया वि, गुरुयफास-परिणया वि. लहयफासपरिणया वि. सीयफासपरिणया वि. उसिणफासपरिणया वि. णिद्धफासपरिणया वि. लक्कफासपरिणया वि । संठाणओ परिमंडलसंठाणपरिणया वि. वृहसंठाणपरिणया वि. तंससंठाणपरिणया वि. चउरंससंठाणपरिणया वि. आययसंठाणपरिणया वि २०, १००। जे गन्धओ सुहिभगन्धपरिणया ते वण्णओ कालवण्णपरिणया वि, णीलवण्णपरिणया वि, लोहियवण्णपरिणया वि, हालिहवण्ण-परिणया वि. सक्किल्लवण्णपरिणया वि । रसओ तित्तरसपरिणया वि. कड्रयरसपरिणया वि. कसायरसपरिणया वि. अम्बिलरसपरिणया वि, महुररसपरिणया वि। फासओ कक्खडफासपरिणया वि. मजयफासपरिणया वि, गरुयफासपरिणया वि, लहुयफास-परिणया वि, सीयफासपरिणया वि, उसिणफासपरिणया वि, णिद्धफासपरिणया वि, ळुक्खफासपरिणया वि । संठाणओ परिमण्डलसंठाणपरिणया वि, वृहसंठाणपरिणया वि, तंससंठाणपरिणया वि, चडरंससंठाणपरिणया वि, आययसंठाणपरिणया वि २३ । जे गन्धओ दुब्भिगन्धपरिणया ते वण्णओ कालवण्णपरिणया वि, णीलवण्ण-परिणया वि. लोहियवण्णपरिणया वि. हालिहवण्णपरिणया वि. सुक्तिल्लवण्ण-परिणया वि. रसओ तित्तरसपरिणया वि. कड़यरसपरिणया वि. कसायरस-परिणया वि, अम्बिलरसपरिणया वि, महुररसपरिणया वि । फासओ कक्खड-फासपरिणया वि. मज्यफासपरिणया वि. गुरुयफासपरिणया वि, लहुयफास-परिणयावि, सीयफासपरिणया वि, उसिणफासपरिणया वि, णिद्धफासपरिणया वि. ळुक्खफासपरिणया वि । संठाणओ परिमण्डलसंठाणपरिणया वि, वहसंठाणपरिणया वि, तंससंठाणपरिणया वि. चउरंससंठाणपरिणया वि. आययसंठाणपरिणया वि २३,४६। जे रसओ तित्तरसपरिणया ते वण्णओ कालवण्णपरिणया वि, णीलवण्णपरिणया वि, लोहियवण्णपरिणया वि, हालिहवण्णपरिणया वि, सुक्तिल्लवण्णपरिणया वि । गन्धओ

सुन्भिगन्धपरिणया वि, दुन्भिगन्धपरिणया वि । फासओ कक्खडफासपरिणया वि मउयकासपरिणया वि, गुरुयकासपरिणया वि, लहुयकासपरिणया वि, सीयकासपरि-णया वि. उसिणफासपरिणया वि, निद्धफासपरिणया वि, छुक्खफासपरिणया वि। संठाणओ परिमण्डलसंठाणपरिणया वि, वहसंठाणपरिणया वि, तंससंठाणपरिणया वि चडरंससंठाणपरिणया वि. आययसंठाणपरिणया वि २०। जे रसओ कडुयरसपरि-णया ते वण्णओ कालवण्णपरिणया वि, नीलवण्णपरिणया वि, लोहियवण्णपरिणया वि, हालिद्वण्णपरिणया वि, सुक्किल्लवण्णपरिणया वि । गन्धओ सुब्भिगन्धपरिणया वि. दुब्भिगन्धपरिणया वि । फासओ कक्खडफासपरिणया वि, मउयफासपरिणया वि, गुरुयफासपरिणया वि, लहुयफासपरिणया वि, सीयफासपरिणया वि. उसिण-फासपरिणया वि, णिद्धफासपरिणया वि, छुक्खफासपरिणया वि । संठाणओ परि-मण्डलसंठाणपरिणया वि, वृहसंठाणपरिणया वि, तंससंठाणपरिणया वि, चउरंस-संठाणपरिणया वि. आययसंठाणपरिणया वि २०। जे रसओ कसायरसपरिणया ते वण्णओ कालवण्णपरिणया वि, नीलवण्णपरिणया वि, लोहियवण्णपरिणया वि. हालिदृवण्णपरिणया वि, सुक्किल्लवण्णपरिणया वि । गन्धओ सुब्भिगन्धपरिणया वि. दुब्भिगन्धपरिणया वि । फासओ कक्खडफासपरिणया वि, मडयफासपरिणया वि, गुरुयफासपरिणया वि, लहुयफासपरिणया वि, सीयफासपरिणया वि, उसिणफास-परिणया वि. णिद्धफासपरिणया वि. छक्खफासपरिणया वि । संठाणओ परिमण्डल-संठाणपरिणया वि, वहसंठाणपरिणया वि, तंससंठाणपरिणया वि, चडरंससंठाणपरि-णया वि, आययसंठाणपरिणया वि २०। जे रसओ अम्बिलरसपरिणया ते वण्णओ कालवण्णपरिणया वि, नीलवण्णपरिणया वि, लोहियवण्णपरिणया वि, हालिद्वण्ण-परिणया वि, सुक्किल्लवण्णपरिणया वि । गन्धओ सुब्भिगन्धपरिणया वि, दुब्भिगन्ध-परिणया वि । फासओ कक्खडफासपरिणया वि, मज्यफासपरिणया वि, गुरुयफास-परिणया वि, ल्ह्यफासपरिणया वि, सीयफासपरिणया वि, उसिणफासपरिणया वि. निद्धफासपरिणया वि, छुक्खफासपरिणया वि । संठाणओ परिमण्डलसंठाणपरिणया वि, वहसंठाणपरिणया वि, तंससंठाणपरिणया वि, चडरंससंठाणपरिणया वि, आययसंठाणपरिणया वि २०। जे रसओ महुररसपरिणया ते वण्णओ कालवण्ण-परिणया वि, नीलवण्णपरिणया वि, लोहियवण्णपरिणया वि, हालिद्वण्णपरिणया वि, सुक्किल्लवण्णपरिणया वि । गन्यओ सुब्भिगन्धपरिणया वि, दुब्भिगन्धपरिणया वि । फासओ कक्खडफासपरिणया वि, मजयफासपरिणया वि, गुरुयफासपरिणया वि, लहयकासपरिणया वि, सीयफासपरिणया वि, उसिणफासपरिणया वि, निद्धफास-

परिणया वि. लुक्खफासपरिणया वि । संठाणओ परिमण्डलसंठाणपरिणया वि, वह-संठाणपरिणया वि, तंससंठाणपरिणया वि, चडरंससंठाणपरिणया वि, आययसंठाण-परिणया वि २०, १००। जे फासओ कक्खडफासपरिणया ते वण्णओ कालवण्ण-परिणया वि, नीलवण्णपरिणया वि, लोहियवण्णपरिणया वि, हालिहवण्णपरिणया वि. सक्किल्लवण्णपरिणया वि । गन्धओ सुब्भिगन्यपरिणया वि, दुब्भिगन्धपरिणया वि । रसओ तित्तरसपरिणया वि, कडुयरसपरिणया वि, कसायरसपरिणया वि, अम्बिलरस-परिणया वि, महररसपरिणया वि। फासओ गुरुयफासपरिणया वि, लहयफासपरिणया वि. सीयफासपरिणया वि, उसिणफासपरिणया वि, णिद्धफासपरिणया वि, छुक्ख-फासपरिणया वि । संठाणओ परिमण्डलसंठाणपरिणया वि, वृहसंठाणपरिणया वि, तंससंठाणपरिणया वि. चडरंससंठाणपरिणया वि. आययसंठाणपरिणया वि २३। जे फासओ मउयकासपरिणया ते वण्णओ कालवण्णपरिणया वि. नीलवण्णपरिणया वि. लोहियवण्णपरिणया वि, हालिद्दवण्णपरिणया वि, सुक्किल्लवण्णपरिणया वि। गन्धओ सुब्भिगन्धपरिणया वि, दुब्भिगन्धपरिणया वि । रसओ तित्तरसपरिणया वि. कडुयरसपरिणया वि, कसायरसपरिणया वि, अम्बिलरसपरिणया वि, महररस-परिणया वि । फासओ गुरुयफासपरिणया वि, लहुयफासपरिणया वि, सीयफास-परिणया वि. उसिणफासपरिणया वि. णिद्धफासपरिणया वि. लुक्खफासपरिणया वि। संठाणओ परिमण्डलसंठाणपरिणयावि, वहसंठाणपरिणया वि, तंससंठाणपरिणया वि, चउरंससंठाणपरिणया वि, आययसंठाणपरिणया वि २३। जे फासओ गुरुयफास-परिणया ते वण्णओ कालवण्णपरिणया वि, नीलवण्णपरिणया वि, लोहियवण्ण-परिणया वि, हालिहवण्णपरिणया वि, सुक्किलवण्णपरिणया वि। गन्धओ सुब्भि-गन्धपरिणया वि. दुब्भिगन्धपरिणया वि । रसओ तित्तरसपरिणया वि. कड्रयरस-परिणया वि. कसायरसपरिणया वि. अम्विलरसपरिणया वि, महररसपरिणया वि । फासओ कक्खडफासपरिणया वि. मज्यफासपरिणया वि, सीयफासपरिणया वि, उसिणफासपरिणया वि, णिद्धफासपरिणया वि, छुक्खफासपरिणया वि। संठाणओ परिमण्डलसंठाणपरिणया वि, वृहसंठाणपरिणया वि, तंससंठाणपरिणया वि, चउरंस-संठाणपरिणया वि. आययसंठाणपरिणया वि २३। जे फासओ लहुयफासपरिणया ते वण्णओ कालवण्णपरिणया वि. नीलवण्णपरिणया वि, लोहियवण्णपरिणया वि, हालिद्दवण्णपरिणया वि, सुक्किल्लवण्णपरिणया वि। गन्धओ सुब्भिगन्धपरिणया वि, दुब्भिगन्वपरिणया वि । रसओ तित्तरसपरिणया वि, कह्नयरसपरिणया वि, कसाय-रसपरिणया वि, अम्बिलरसपरिणया वि, महुररसपरिणया वि। फासओ कन्खड-

फासपरिणया वि. मउयफासपरिणया वि, सीयफासपरिणया वि, उसिणफासपरिणया वि. णिद्धफासपरिणया वि. लक्खफासपरिणया वि । संठाणओ परिमण्डलसंठाणपरि-णया वि. वहसंठाणपरिणया वि. तंससंठाणपरिणया वि. चडरंससंठाणपरिणया वि. आययसंठाणपरिणया वि २३ । जे फासओ सीयफासपरिणया ते वण्णओ काळव-ण्णपरिणया वि. नीलवण्णपरिणया वि, लोहियवण्णपरिणया वि, हालिद्वण्णपरिणया वि. सुक्किल्लवण्णपरिणया वि । गन्धओ सुब्भिगन्धपरिणया वि, दुब्भिगन्धपरिणया वि । रसओ तित्तरसपरिणया वि, कड्यरसपरिणया वि, कसायरसपरिणया वि. अम्बिलरसपरिणया वि, महुररसपरिणया वि। फासओ कक्खडफासपरिणया वि. मजयफासपरिणया वि. गुरुयफासपरिणया वि, लहुयफासपरिणया वि, निद्धफासपरि-णया वि. छुक्खफासपरिणया वि । संठाणओ परिमण्डलसंठाणपरिणया वि. वर्ह्सं-ठाणपरिणया वि, तंससंठाणपरिणया वि, चडरंससंठाणपरिणया वि, आययसंठाण-परिणया वि २३ । जे फासओ उसिणफासपरिणया ते वण्णओ कालवण्णपरिणया वि, नीलवण्णपरिणया वि, लोहियवण्णपरिणया वि, हालिद्वण्णपरिणया वि, सक्कि-ह्रवण्णपरिणया वि । गन्धओ सुब्भिगन्धपरिणया वि, दुब्भिगन्धपरिणया वि। रसओ तित्तरसपरिणया वि, कडुयरसपरिणया वि, कसायरसपरिणया वि, अम्बिल-रसपरिणया वि. महररसपरिणया वि । फासओ कक्खडफासपरिणया वि, मउयफा-सपरिणया वि, गुरुयफासपरिणया वि, लहुयफासपरिणया वि, निद्धफासपरिणया वि. लुक्खफासपरिणया वि । संठाणओ परिमण्डलसंठाणपरिणया वि, वृहसंठाणपरिणया वि, तंससंठाणपरिणया वि, चउरंससंठाणपरिणया वि, आययसंठाणपरिणया वि २३ । जे फासओ निद्धफासपरिणया ते वण्णओ कालवण्णपरिणया वि. नीलव-ण्णपरिणया वि, लोहियवण्णपरिणया वि, हालिद्दवण्णपरिणया वि, सुक्किलवण्णपरिणया वि । गन्धओ सुब्भिगन्धपरिणया वि, दुब्भिगन्धपरिणया वि । रसओ तित्तरसपरि-णया वि, कडुयरसपरिणया वि, कसायरसपरिणया वि, अम्बिलरसपरिणया वि. महररसपरिणया वि । फासओ कक्खडफासपरिणया वि, मजयफासपरिणया वि. गुरुयफासपरिणया वि, लहुयफासपरिणया वि, सीयफासपरिणया वि, उसिणफासपरि-णया वि । संठाणओ परिमण्डलसंठाणपरिणया वि. वहसंठाणपरिणया वि. तंससंठाण-परिणया वि, चडरंससंठाणपरिणया वि, आययसंठाणपरिणया वि २३ । जे फासओ छुक्खफासपरिणया ते वण्णओ कालवण्णपरिणया वि, नीलवण्णपरिणया वि, लोहि-यवण्णपरिणया वि, हालिद्वण्णपरिणया वि, सुक्तिल्लवण्णपरिणया वि । गन्धओ सुब्भिगन्धपरिणया वि. दुब्भिगन्धपरिणया वि । रसओ तित्तरसपरिणया वि. कडुयर-

सपरिणया वि, कसायरसपरिणया वि, अम्बिलरसपरिणया वि, महुररसपरिणया वि । फासओ कक्खडफासपरिणया वि, मजयफासपरिणया वि, गुरुयफासपरिणया वि. लहयफासपरिणया वि, सीयफासपरिणया वि, उत्तिणफासपरिणया वि। संठाणओ परिमण्डलसंठाणपरिणया वि, वहसंठाणपरिणया वि, तंससंठाणपरिणया वि, चडरंस-संठाणपरिणया वि, आययसंठाणपरिणया वि २३, १८४। जे संठाणओ परिमण्ड-लसंठाणपरिणया ते वण्णओ कालवण्णपरिणया वि, नीलवण्णपरिणया वि, लोहियव-ण्णपरिणया वि, हालिद्दवण्णपरिणया वि, सुक्किल्लवण्णपरिणया वि । गन्धओ सुब्भि-गन्धपरिणया वि, दुब्भिगन्धपरिणया वि । रसओ तित्तरसपरिणया वि, कड्यरसप-रिणया वि, कसायरसपरिणया वि, अम्बिलरसपरिणया वि, महुररसपरिणया वि। फासओ कक्खडफासपरिणया वि, मउयफासपरिणया वि, गुरुयफासपरिणया वि, लहयकासपरिणया वि, सीयकासपरिणया वि, उसिणकासपरिणया वि, निद्धकास-परिणया वि. ळक्खफासपरिणया वि २०। जे संठाणओ वहसंठाणपरिणया ते वण्णओ कालवण्णपरिणया वि, नीलवण्णपरिणया वि, लोहियवण्णपरिणया वि, हालिदृवण्णपरिणया वि, सुक्किल्लवण्णपरिणया वि। गन्धओ सुब्भिगन्धपरिणया वि, दुब्भिगन्धपरिणया वि । रसओ तित्तरसपरिणया वि, कहुयरसपरिणया वि, कसायर-सपरिणया वि, अम्बिलरसपरिणया वि, महुररसपरिणया वि। फासओ कक्खडफा-सपरिणया वि, मञयकासपरिणया वि, गुरुयकासपरिणया वि, लहुयकासपरिणया वि, सीयफासपरिणया वि, उसिणफासपरिणया वि, निद्धफासपरिणया वि, लुक्खफासप-रिणया वि २०। जे संठाणओ तंससंठाणपरिणया ते वण्णओ कालवण्णपरिणया वि. नीलवण्णपरिणया वि, लोहियवण्णपरिणया वि, हालिद्वण्णपरिणया वि, सुक्किल्लवण्ण-परिगया वि । गन्धओ सुब्भिगन्धपरिणया वि, दुब्भिगन्धपरिणया वि । रसओ तित्तरसपरिणया वि. कद्धयरसपरिणया वि, कसायरसपरिणया वि, अम्बिलरस-परिणया वि, महररसपरिणया वि । फासओ कक्खडफासपरिणया वि, मउयफास-परिणया वि, गुरुयफासपरिणया वि, लहुयफासपरिणया वि, सीयफासपरिणया वि, उसिणफासपरिणया वि. णिद्धफासपरिणया वि. लुक्खफासपरिणया वि २०। जे संठाणओ चडरंससंठाणपरिणया ते वण्णओ कालवण्णपरिणया वि. नीलवण्णपरिणया वि, लोहियवण्णपरिणया वि. हालिद्वण्णपरिणया वि, सुक्किल्लवण्णपरिणया वि । गन्धओ सुब्भिगन्धपरिणया वि, दुब्भिगंधपरिणया वि। रसओ तित्तरसपरिणया वि, कडुयरसपरिणया वि. कसायरसपरिणया वि. अम्बिलरसपरिणया वि, महर्रसपरिणया वि । फासओ कक्खडफासपरिणया वि. मजयफासपरिणया वि, गुरुयफासपरिणया वि, से किं तं जीवपन्नवणा ? जीवपन्नवणा दुविहा पन्नता । तंजहा-संसारसमावण्ण-जीवपण्णवणा य असंसारसमावण्णजीवपण्णवणा य ॥ ७ ॥ से किं तं असंसारसमाव-ण्णजीवपण्णवणा ? असंसारसमावण्णजीवपण्णवणा दुविहा पण्णता । तंजहा-अणन्त-रसिद्धअसंसारसमावण्णजीवपण्णवणा य परम्परसिद्धअसंसारसमावण्णजीवपण्णवणा य ॥ ८ ॥ से किं तं अणन्तरसिद्धअसंसारसमावण्णजीवपण्णवणा ? अणन्तरसिद्धअसंसाः रसमावण्णजीवपण्णवणा पण्णरसविहा पण्णत्ता । तंजहा-१ तित्थसिद्धा, २ अतित्थ-सिद्धा, ३ तित्थगरसिद्धा, ४ अतित्थगरसिद्धा, ५ सयंबुद्धसिद्धा, ६ पत्तेयबुद्धसिद्धा, ७ बुद्धबोहियसिद्धा, ८ इत्थीलिंगसिद्धा, ९ पुरिसलिंगसिद्धा, १० नपुंसगलिंग-ंसिद्धा, ११ सर्लिंगसिद्धा, १२ अन्नलिंगसिद्धा, १३ गिहिलिंगसिद्धा, १४ एगसिद्धा, १५ अणेगसिद्धा । सेत्तं अणंतरसिद्ध० ॥ ९ ॥ से किं तं परम्परसिद्धअसंसारसमाव-ण्णजीवपण्णवणा १ २ अणेगविहा पण्णत्ता, तंजहा-अपढमसमयसिद्धा, दुसमयसिद्धा, तिसमयसिद्धा, चउसमयसिद्धा जाव सङ्किजसमयसिद्धा, असङ्किजसमयसिद्धा, अण-न्तसमयसिद्धा । सेत्तं परम्परसिद्धअसंसारसमावण्णजीवपण्णवणा । सेत्तं असंसारसमा-वण्णजीवपण्णवणा ॥ १० ॥ से किं तं संसारसमावण्णजीवपण्णवणा ? संसारसमाव-·ण्णजीवपण्णवणा पञ्चविहा पण्णता । तंजहा—१ एगेंदियसंसारसमावण्णजीवपण्ण-वणा, २ बेइन्दियसंसारसमावण्णजीवपण्णवणा, ३ तेइन्दियसंसारसमावण्णजीवप-'ण्णवणा, ४ चङरिन्दियसंसारसमावण्णजीवपण्णवणा, ५ पश्चिन्दियसंसारसमावण्ण-जीवपण्णवणा ॥ ११ ॥ से किं तं एगेन्दियसंसारसमावण्णजीवपण्णवणा ? एगेन्दिय-संसारसमावण्णजीवपण्णवणा पञ्चविहा पन्नत्ता । तंजहा-पुढविकाइया, आउक्काइया, तेउकाइया, वाउकाइया, वणस्सइकाइया ॥ १२ ॥ से किं तं पुढविकाइया ? पुढवि-काइया दुविहा पण्णता। तंजहा—सुहुमपुढविकाइया य बायरपुढविकाइया य ॥ १३॥ से किं तं सहमपुढिविकाइया ? सहमपुढिविकाइया दुविहा पण्णता । तंजहा-पज्जत-सहमपुढविकाइया य अपज्ञत्तसहुमपुढविकाइया य । सेत्तं सहमपुढविकाइया ॥ १४ ॥ से किं तं बायरपुढिविकाइया? बायरपुढिविकाइया दुविहा पन्नता । तंजहा-सण्हबायर-पुढविकाइया य खरबायरपुढविकाइया य ॥ १५॥ से किं तं सण्हबायरपुढविकाइया ? सण्हबायरपुढविकाइया सत्तविहा पन्नता । तंजहा-१ किण्हमहिया, २ नीलमहिया, ३ लोहियमट्टिया, ४ हालिदमट्टिया, ५ सुक्रिलमट्टिया, ६ पाण्डुमट्टिया, ७ पणग-महिया । सेतं सण्हबायरपुढविकाइया ॥ १६ ॥ से किं तं खरबायरपुढविकाइया १ -खरबायरपढविकाइया अणेगविहा पण्णता । तंजहा-१ पुढवी य २ सक्करा ३ वालुया य ४ उवले ५ सिला य ६-७ लोगूसे । ८ अय ९ तंत्र १० तज्य ११ सीसय १२ रुप १३ सुबने य १४ वहरे य ॥ १ ॥ १५ हरिया छे १६ हिंगुलए १७ मणो-मिला १८-२० सासगंजणपत्राले । २१-२२ अब्भवडलब्भवालुय वायरकाए मणि-विहाणा ॥२॥ २३ गोमेज्जए य २४ स्यए २५ अंके २६ फलिहे य २७ लोहियक्खे य। २८ मरगय २९ मसारगहे ३० भुयमोयग ३१ इन्द्नीहे य ॥ ३ ॥ ३२ चंदण ३३ गेरुय ३४ हंसगब्भ ३५ पुलए ३६ सोगन्धिए य बोद्धब्दे । ३७ वन्दप्पभ ३८ वेरुलिए ३९ जलकंते ४० सूरकंते य ॥४॥ जेयावन्ने तहप्पगारा । ते समासओ ुद्विहा पन्नता । तंजहा-पज्जत्तगा य अपज्जत्तगा य । तत्थ णं जे ते अपज्जत्तगा ते णं असंपत्ता। तत्थ णं जे ते पजत्तमा एएसिं वन्नादेसेणं, रसादेसेणं, गुंधादेसेणं, फासा-देसेणं सहस्तरगसो विहाणाइं, सङ्क्रेजाइं जोणिप्पमुहसयसहस्साइं । पज्जत्तगणिस्साए अपजात्तगा वक्कमंति, जत्थ एगो तत्थ नियमा असंखेजा। सेत्तं खरबायरपुढविकाइया। सेतं बायरपुढविकाइया । सेतं पुढविकाइया ॥ १७॥ से किं तं आउकाइया ? आउ-काइया दुविहा पण्णता । तंजहा-सुहमआउकाइया य बायरआउकाइया य ॥ १८ ॥ से कि तं सुहुमआउकाइया ? सुहुमाउकाइया दुविहा पन्नता । तंजहा-पज्जत्तसुहुम-आडकाइया य अपजत्तसहुमुआडकाइया य । सेत्तं सुहुमुआडकाइया ॥ १९ ॥ से किं तं बायरआउकाइया ? बायरआउकाइया अणेगविहा पन्नना । तंजहा-उस्ता, हिमए, महिया, करए, हरतणुए, सुद्धोदए, सीओदए, उसिणोदए, खारोदए, खट्टो-दए, अम्बिलोदए, लबणोदए, बारणोदए, खीरोदए, घओदए, खोओदए, रसोदए, जे यावधे तहप्पगारा । ते समासक्षो दुविहा पण्णता । तंजहा-पज्जतगा य अपज्ज-त्तगा य । तत्थ णं जे ते अपजत्तगा ते णं असंपत्ता । तत्थ णं जे ते पजत्तगा एएसिं वण्णादेसेणं गन्धादेसेणं रसादेसेणं फासादेसेणं सहस्सग्गसो विद्वाणाइं. संखे-जाई जोणिपमहसयसहस्साई. पजातगनिस्साए अपजातगा वक्संति, जत्थ एगी १८ सत्ता०

तत्थ नियमा असंखेजा । सेत्तं बायरआउकाइया । सेत्तं आउकाइया ॥ २० ॥ से किं तं तेऊकाइया ? तेऊकाइया दुविहा पन्नता । तंजहा-सुहमतेऊकाइया य बायरते-ऊकाइया य ॥ २१ ॥ से किं तं सहमतेऊकाइया ? सहमतेऊकाइया द्विहा पन्नता । तंजहा-पजात्तगा य अपजात्तगा य । सेतं सहमतेऊकाइया ॥ २२ ॥ से किं तं बाय-रतेऊकाइया ? बायरतेऊकाइया अणेगविहा पण्णता । तंजहा-इंगाले, जाला, मम्मरे अची, अलाए, सुद्धागणी, उक्का, विज्ञु, असणी, णिग्घाए, संघरिससमुद्विए, सुरक्-न्तमणिणिस्सिए, जेयावन्ने तहप्पगारा । ते समासओ दुविहा पण्णता । तंजहा-पज-त्तगा य अपजात्तगा य। तत्थ णं जे ते अपजात्तगा ते णं असंपत्ता। तत्थ णं जे ते पजात्तगा एएसि णं वन्नादेसेणं, गन्धादेसेणं, रसादेसेणं, फासादेसेणं सहस्सगसो विहाणाई, संखेजाई जोणिप्पमुहसयसहस्साई। पजनगणिस्साए अपजनगा वक्समंति. जत्थ एगो तत्थ नियमा असंखेजा, सेतं बायरतेऊकाइया । सेतं तेऊकाइया ॥ २३॥ से किं तं वाउकाइया ? वाउकाइया दुविहा पन्नता । तंजहा-सहमवाउकाइया य बायरवाउकाइया य ॥ २४ ॥ से किं तं सुहमवाउकाइया ? सहुमवाउकाइया दुविहा पण्णता । तंजहा-पज्जत्तगसहमवाउकाइया य अपज्जत्तगसहमवाउकाइया य । सेतं सुहम्वाउकाइया ॥ २५॥ से किं तं बायरवाउकाइया ^२ बायरवाउकाइया अणेगविहा पण्णता । तंजहा-पाईणवाए, पडीणवाए, दाहिणवाए, उदीणवाए, उद्दूवाए, अहो-वाए, तिरियवाए, विदिसिवाए, वाउन्सामे, वाउक्कलिया, वायमंडलिया, उक्कलिया-वाए, मंडलियावाए, गुंजावाए, झंझावाए, संबद्धवाए, घणवाए, तणुवाए, सुद्धवाए, जेयावण्णे तहप्पगारा । ते समासओ दुविहा पन्नता । तंजहा-पजतगा य अपजतगा य । तत्थ णं जे ते अपजनगा ते णं असंपत्ता । तत्थ णं जे ते पजनगा एएसि णं वण्णादेसेणं, गन्धादेसेणं, रसादेसेणं, फासादेसेणं सहस्सग्गसो विहाणाइं, संखेजाइं जोणिप्पमृहसयसहरसाई । पज्जनगनिस्साए अपज्जनगा वक्कमंति. जत्थ एगो तत्थ नियमा असंखेजा । सेत्तं बायरवाउकाइया । सेत्तं वाउकाइया ॥ २६ ॥ से किं तं वणस्सइकाइया ? वणस्सइकाइया दुविहा पण्णत्ता । तंजहा-सुहमवणस्सइकाइया य बायरवणस्सङ्काइया य ॥ २० ॥ से किं तं सुहमवणस्सङ्काइया ? सुहमवणस्सङ्का-इया दुविहा पण्णत्ता । तंजहा-पज्जतगसुहुमवणस्सङ्काइया य अपज्जत्तगसुहुमवणस्स-इकाइया य । सेत्तं सहुमवणस्सइकाइया ॥ २८ ॥ से किं तं बायरवणस्सइकाइया १ बायरवणस्सइकाइया दुविहा पन्नता । तंजहा-पत्तेयसरीरबायरवणस्सइकाइया य साहारणसरीरबायरवणस्सइकाइया य ॥ २९ ॥ से किं तं पत्तेयसरीरबायरवणस्सइ-काइया ? २ दुवालसविहा पन्नता । तंजहा-१ रुक्बा २ गुच्छा ३ गुम्मा ४ लया

य ५ वही य ६ पव्वगा चेव । ७ तण ८ वलय ९ हरिय १० ओसहि ११ जलरुह १२ कहणा य बोद्धन्वा ॥ ३०॥ से किंतं स्वस्वा ? स्वस्वा दुविहा पण्णत्ता। तंजहा-एगबीया य बहुवीयगा य ॥ ३१ ॥ से किं तं एगबीया ? एगबीया अणेग-विहा पन्नता । तंजहा--णिबंबजंबुकोसंबसालअंकुल्लपील सेल् य । सल्लइमोयइमाल-यबउलपलासे करंजे य ॥ १ ॥ पुत्तंजीवयऽरिद्वे बिहेलए हरिडए य मिल्लाए । उंबे-भरियाखीरिणि बोद्धव्वे धायइपियाले ॥ २ ॥ पृह्यनिंबकरंजे सण्हा तह सीसवा य असणे य । प्रतागनागरुक्वे सीवण्णि तहा असोगे य ॥ ३ ॥ जेयावण्णे तहप्पगारा । एएसि णं मूला वि असंखेजजीविया, कंदा वि, खंघा वि, तया वि, साला वि, पवाला वि । पत्ता पत्तेयजीविया, पुष्फा अणेगजीविया, फला एगबीया । सेत्तं एगबीया ॥३२॥ से किं तं बहुबीयगा ? बहुबीयगा अणेगविहा पन्नता । तंजहा-अस्थियतेंदु-कविद्रे अंबाडगमाउलिंग बिल्ले य । आमलगफणिसदालिमआसोट्टे उंबरवडे य ॥ १॥ णग्गोहणंदिरुक्खे पिप्परी सयरी पिछुक्खरुक्खे य। काउंबरि कुत्थुंभरि बोद्धव्वा देव-दाली य ॥ २ ॥ तिलए लउए छत्ताहसिरीसे सत्तवन्नदिहनन्ने । लोद्ध्यवचंदणज्ञुणणीमे कुडए क्यंबे य ॥ ३ ॥ जेयावने तहप्पगारा । एएसि णं मूला वि असंखेजजीविया, कंदा वि. खंधा वि. तया वि. साला वि. पवाला वि । पत्ता पत्तेयजीविया । प्रप्का अणेगजीविया। फला बहुवीयगा। सेत्तं बहुवीयगा। सेत्तं स्क्ला॥ ३३॥ से किं तं गुच्छा ? गुच्छा अणेगविहा पन्नता। तंजहा-वाइंगणिसल्लइथुण्डई य तह कच्छुरी य जासमणा । रूवी आढइ णीली तुलसी तह माउलिंगी य ॥ १ ॥ कच्छुंभरि पिप्प-लिया अयसी वल्ली य कायमाईया। वुच्चू पडोलकंदलि विउच्चा वत्थुले बयरे ॥ २ ॥ पत्तउर सीयउरए हवइ तहा जवसए य बोद्धव्वे । णिग्गुंडिय कत्तुंबरि अत्थई चेव तालउडा ॥ ३ ॥ सणपाणकासमुद्दगअग्वाडगसामसिंदुवारे य । करमदृअदृह्सगकरी-रएरावणमहित्थे ॥ ४ ॥ जाउलगमालपरिलीगयमारिणिकुव्वकारिया भंडी । जावइः केयइ तह गंज पाडला दासिअंकोल्ले॥ ५॥ जेयावने तहप्पगारा। सेत्तं गुच्छाः ॥ ३४ ॥ से किं तं गुम्मा ? गुम्मा अणेगविहा पन्नता । तंजहा-सेरियए णोमालिय-कोरंटयबंधजीवगमणोजे । पिइयपाणकणयरकुज्जय तह सिंदुवारे य ॥ १ ॥ जाई मोगगर तह जुहिया य तह मिल्लया य वासंती । वत्थुल कत्थुल सेवाल गंठि मगदं-तिया चेव ॥ २ ॥ चंपगजाई णवणीइया य कुंदो तहा महाजाई । एवमणेगागारा हवंति गुम्मा मुणेयन्वा ॥ ३ ॥ सेत्तं गुम्मा ॥ ३५ ॥ से किं तं लयाओ ? लयाओ अणेगविहाओ पन्नताओ । तंजहा-पउमलया णागलयअसोगचंपगलया य च्यलया । वणलयवासंतिलया अइमत्तयकंदसामलया ॥ जेयावन्ने तहप्पगारा । सेत्तं लयाओ॥३६॥

से किं तं वहीओ ? वहीओ अणेगविहाओ पन्नताओ। तंजहा-प्रसंप्ति कालिंगी तुंबी तउसी य एलवालुंकी । घोसाडइ पंडोला पंचंगुलिया य णीली य ॥ १ ॥ कंड्रया कहुरया कहाडेई कारियलई सभगा। कुयधाय वागुलीया पा[व]वल्ली देव-दाली य ॥ २ ॥ अप्फोया अइमुत्तगणागलया कण्हसूरवल्ली य । संघटनुमणसा वि य जासुवणकुर्विदवली य ॥ ३ ॥ मुद्दिय अंबावली छीरविराली जयंति गोवाली । पाणीमासावल्ली गुंजावल्ली य वच्छाणी ॥ ४ ॥ ससबिंदुगोत्तफुसिया गिरिकण्णइ मालुया य अंजणई । दहिफोल्लइ कागणि मोगली य तह अक्कोंदी य ॥ ५ ॥ जेयावने तह-प्पगारा । सेत्तं वल्लीओ ॥ ३७ ॥ से किं तं पव्वगा १ पव्वगा अणेगविहा पन्नता । तंजहा-इक्ख य इक्खुवाडी वीरण तह इकडे भमासे य। सुंठे सरे य वेते तिमिरे सयपोरगणले य ॥ १ ॥ वंसे वेल्र कणए कंकावंसे य चाववंसे य । उदए कुडए विमए कंडावेल य कल्लाणे ॥ २ ॥ जेयावने तहप्पगारा । सेत्तं पव्वगा ॥ ३८ ॥ से किं तं तणा ? तणा अणेगविहा पन्नता । तंजहा-सेडियभंतियहोंतियदञ्भकुसे पव्वए य पोड-इला । अज्जुण असाढए रोहियंसें सुयवेयखीरभुसे ॥ १ ॥ एरंडे कुरुविंदे करकर मुद्दे तहा विभंग य । महरतणछुरयसि प्पिय बोद्धव्वे सुंकलितणे य ॥ २ ॥ जेयावने तहप्पगारा । सेतं तणा ॥ ३९ ॥ से किंतं वलया ? वलया अणेगविहा पन्नता। तंजहा-तालतमाले तक्काले तोयलि साली य सारकलाणे। सरले जावह केयह कयली तह धम्मस्क्वे य ॥ १ ॥ भुयस्क्विहिंगुरुक्वे लवंगरुक्वे य होइ बोद्धव्वे । पूर्यफर्ल खज्री बोद्धव्वा णालिएरी य ॥ २ ॥ जेयावन्ने तहप्पगारा । सेत्तं वलया ॥ ४०॥ से किं तं हरिया? हरिया अणेगविहा पन्नता । तंजहा-अज्जोरहवोडाणे हरियग तह तंदुळेजगतणे य। वत्थुलपोरग[अंजीर]पोइवल्ली य पालका ॥ १ ॥ दगपिप्पली य दन्वी सोत्थियसाए तहेव बम्ही य । मूलगसरिसव अंबिलसाएय जियंतए चेव ॥ २ ॥ तुलसी कण्ह उराले फणिजाए अजाए य भूयणए। चोरगदमणगमरुयग सयपुर्ण्फिदीवरे य तहा ॥ ३ ॥ जेयावन्ने तहप्पगारा । सेतं हरिया ॥ ४१ ॥ से किं तं ओसहीओ? ओसहीओ अणेगविहाओ पण्णताओ । तंजहा—सालीवीहीगोहमजवजवजवकलमसर-तिलमग्गमासणिप्फावकुलस्थआलिसंदसतीणपलिमंथगअयसीकुसुंभकोद्दवकंगूरालगव-रा(रर्ट)सामकोद्रससणसरिसवमूलगबीया । जेयावन्ने तहप्पगारा । सेत्तं ओसहीओ॥४२॥ से किं तं जलरहा ? जलरहा अणेगविहा पन्नता । तंजहा-उदए, अवए, पणए, सेवाले, कलंबुया, हढे, कसेरुया, कच्छ, भाणी, उप्पले, पउमे, कुमुए, णलिणे, सुभए, सोगंधिए, पोण्डरीयए, महापोण्डरीयए, सयपत्ते, सहस्सपत्ते, कल्हारे, कोकणदे, अरविंदे, तामरसे, भिसे, भिसमुणाले, पोक्खले, पोक्खलत्यलए, जेयावने तहप्प-

गारा । से तं जलकहा ॥ ४३-१ ॥ से कि तं कुहणा ? कुहणा अणेगविहा पन्नता । तंजहा-आए, काए, कुहणे, कुणके, दव्वहलिया, सप्फाए, सज्झाए, छत्तोए, वंसी, णहिया, कुरए । जेयावने तहप्पगारा । सेत्तं कुहणा । णाणाविहसंठाणा स्वस्वाणं एगजीविया पता । खंघा वि एगजीवा तालसरलणालिएरीणं ॥ १ ॥ जह सगलसरि-सवाणं सिलेसिमस्साण वृहिया वृही । पत्तेयसरीराणं तह होन्ति सरीरसंघाया ॥ २ ॥ जह वा तिलपप्पिडिया बहुएहिं तिलेहि संहया संती। पत्तेयसरीराणं तह होंति सरीरसंघाया ॥ ३ ॥ सेत्तं पत्तेयसरीरबायरवणस्सइकाइया ॥ ४३-२ ॥ से किं तं साहारणसरीरबायरवणस्सइकाइया ? साहारणसरीरबायरवणस्सइकाइया अणेगविहा पन्नता । तंजहा-अवए पणए सेवालें लोहिणी[जाणिया] थिह थिभगा । अस्सकर्त्री सीँहकची सिउंढि तत्तो मुसुंढी य ॥ १ ॥ रुख्कण्डरिया जीरू छीरविराली तहेव किही य । हालिहा सिंगबेरे य आलुगा मूलए इय ॥ २ ॥ कंब्रया कन्नकड महपोवलई तहेव महसिंगी । णीरुहॉ सप्पसुयंघा छिन्नरहा चेव बीयरहा ॥ ३ ॥ पाढा मियवाळंकी महररसा चेव रायवल्ली य । पउमा य माढरी दंती चंडी किद्वित्ति यावरा ॥ ४ ॥ मासपिण मुग्गपण्णी जीवियरसहे य रेण्या चेव। काओली खीरकाओली तहा भंगी नहीं इय ॥ ५ ॥ किमिरासि भद्दमत्था णंगलई पेलगा इय । किण्हे पउले य हढे हर-तुणुया चेव लोयाणी ॥ ६ ॥ कण्हकंदे वजे सूरणकंदे तहेव खल्लुडे । एए अणंतजीवा जेयावने तहाविहा ॥ ७ ॥ तणमूलकंदमुले वंसीमुलेत्ति यावरे । संखिज्जमसंखिजा बोधव्वाऽणंतजीवा य ॥ ८ ॥ सिंघाडगस्स गुच्छो अणेगजीवो उ होइ नायव्वो । पत्ता पत्तेयजीया दोन्नि य जीवा फले भणिया ॥ ९ ॥ जस्स मूलस्स भग्गस्स समो भंगो पदीसइ । अणंतजीवे उ से मूळे जेयावन्ने तहाविहा ॥ १० ॥ जस्स कंदस्स भगगस्स समो भंगो पदीसङ । अणंतजीवे उ से कंदे जेयावने तहाविहा ॥ ११ ॥ जस्स खंधस्स भगास्स समो भंगो पदीसङ् । अणंतजीवे उ से खंधे जेयावने तहाविहा ॥ १२ ॥ जीसे तयाए भग्गाए समो भंगो पदीसए। अणंतजीवा तया सा उ जेयावना तहाविहा ॥ १३ ॥ जस्स सालस्स भगगस्स समो भंगो पदीसए । अणंतजीवे य से साले जे-यावने तहाविहा ॥ १४ ॥ जस्स पवालस्स भग्गस्स समी भंगो पदीसए । अणंत-जीवे पवाछे से जेयावने तहाविहा ॥ १५ ॥ जस्स पत्तस्स भगगस्स समो भंगो पदी-सए । अणंतजीवे उ से पत्ते जेयावने तहाविहा ॥ १६ ॥ जस्स पुप्फरस भगगरस समो भंगो पदीसए । अणंतजीवे उ से पुष्फे जेयावने तहाविहा ॥ १७ ॥ जस्स फलस्स भगगस्स समो भंगो पदीसए। अणंतजीवे फले से उ जेयावने तहाविहा ॥ १८॥ जस्स वीयस्स भगगस्स समो भंगो पदीसए। अर्णतजीवे उ से बीए जेया-

वन्ने तहाविहा ॥ १९ ॥ जस्स मूलस्स भग्गस्स हीरो भंगो पदीसए । परित्तजीवे उ से मूळे जेयावने तहाविहा ॥ २० ॥ जस्स कंदस्स भग्गस्स हीरो भंगो पदीसए। परित्तजीवे उ से कंदे जेयावन्ने तहाविहा ॥ २१ ॥ जस्स खंघस्स भग्गस्स हीरो भंगो पदीसए । परित्तजीवे उ से खंधे जेयावज्ञे तहाविहा ॥ २२ ॥ जीसे तयाए भग्गाए हीरो भंगो पदीसए । परित्तजीवा तया सा उ जेयावन्ना तहाविहा ॥ २३ ॥ जस्म सालस्स भगास्स हीरो भंगो पदीसए। परित्तजीवे उ से साले जेयावने तहाविहा ॥ २४॥ जस्स पवालस्स भगगस्स हीरो भंगो पदीसए। परित्तजीवे पवाले उ जेयाक्ने तहाविहा ॥ २५ ॥ जस्स पत्तस्स भग्गस्स हीरो भंगो पदीसए । परित्तजीवे उ से फ्ते जियावन्ने तहाविहा ॥ २६॥ जस्स पुप्फस्स भग्गस्स हीरो भंगो पदीसए। परित्तजीवे उ से पुष्फे जेयावन्ने तहाविहा ॥२७॥ जस्स फलस्स भग्गस्स हीरो भंगो पदीसए। परित्तजीवे फले से उ जेयावने तहाविहा ॥ २८॥ जस्स बीयस्स भग्गस्स हीरो भंगो पदीसए । परित्तजीवे उ से बीए जेयावने तहाविहा ॥ २९ ॥ जस्स मूलस्स कदाओ छल्ली बहुलयरी भवे। अणंतजीवा उ सा छल्ली जेयावचा तहाविहा ॥ ३०॥ जस्स कंदस्स कद्राओं छुट्टी बहलयरी भने । अणंतजीना उ सा छुट्टी जेयानना तहानिहा ॥ ३९ ॥ जस्स खंधस्स कदाओ छल्ली बहलयरी भवे । अणंतजीवा उ सा छल्ली जे-यावना तहाविहा ॥ ३२ ॥ जीसे सालाए कहाओ छल्ली बहलयरी भवे । अणंतजीवा उ सा छल्ली जेयावना तहाविहा ॥ ३३ ॥ जस्स मूलस्स कट्ठाओ छल्ली तणुयरी भवे। परित्तजीवा उ सा छक्की जेयावचा तहाविहा ॥ ३४ ॥ जस्स कंदरस कद्राओ छक्की तण्यरी भवे । परित्रजीवा उ सा छही जेयावन्ना तहाविहा ॥ ३५ ॥ जस्स खंधस्स कद्राओं छल्ली तुणुयरी भवे । परित्तजीवा उ सा छल्ली जेयावन्ना तहाविहा ॥ ३६ ॥ जीसे सालाए कद्राओ छल्ली तुणुयरी भवे । परित्तजीवा उ सा छल्ली जेयावना तहा-विहा ॥ ३७ ॥ चक्कागं भजमाणस्स गंठी चुण्णवणो भवे । पुढविसरिसभेएण अणंत-जीवं वियाणिह ॥ ३८ ॥ गृहिछरागं पत्तं सच्छीरं जं च होइ निच्छीरं । जं पि य पणद्रसंधि अणंतजीवं वियाणाहि ॥ ३९ ॥ पुष्फा जलया थलया य बिंटबद्धा य नालबद्धा य । संखिज्जमसंखिजा बोद्धव्वाऽणंतजीवा य ॥ ४० ॥ जे केइ नालिया-बद्धा पुष्फा संखिजजीविया भणिया । णिहुया अणंतजीवा जेयावने तहाविहा ॥४१॥ पउमुप्पलिणीकंदे अंतरकंदे तहेव झिल्ली य। एए अणंतजीवा एगो जीवो बिसमुणाले ॥ ४२ ॥ पळंडू ल्हुसुणकंदे य कंदली य कुटुंबए । एए परित्तजीवा जेयावन्ने तहाविहा ॥ ४३ ॥ पुउमुप्पलन्तिणाणं सुभगसोगंधियाण य । अर्रविंदकोकणाणं सयवत्तसह-स्सपत्ताणं ॥ ४४ ॥ विंटं बाहिरपत्ता य कन्निया चेव एगजीवस्स । अर्द्भितरगा पत्ता पत्तेयं केसरा मिंजा ॥ ४५ ॥ वेणुनलङ्क्खुवाडियसमासङ्क्खु य इक्कडे रंडे । करकर संिठ विहंग तणाण तह पव्वगाणं च ॥ ४६ ॥ अच्छि पव्वं पिलमोडओ य एगस्स होंति जीवस्स । पत्तेयं पत्ताइं पुप्फाइं अणेगजीवाइं ॥ ४७ ॥ पुरसफलं कालिंगं तुंबं तजमेलवालवालंकं । घोसाडयं पंडालं तिंद्यं चेव तेंद्रसं ॥ ४८ ॥ विंटससारतया० एयाइं हवंति एगजीवस्स । पत्तेयं पत्ताइं सकेसरमकेसरं मिंजा ॥ ४९ ॥ सप्फाए सज्झाए उन्वेहिलिया य कुहणकुंदुक्ते । एए अणंतजीवा कुंदुक्ते होइ भयणा उ ॥५०॥ बीए जोणिन्भूए जीवो वक्समइ सो व अन्नो वा। जोऽवि य मूळे जीवो सोऽवि य क्ते पढमयाए ॥ ५१ ॥ सन्वोऽवि किसलओ खळ उग्गममाणो अणंतओ भणिओ । सो चेव विवद्वतो होइ परित्तो अणंतो वा ॥ ५२ ॥ समयं वक्कंताणं समयं तेसिं सरीरनिव्वत्ती । समयं आणुरगहणं समयं ऊसासनीसासो ॥ ५३ ॥ इकस्स उ जं गहणं बहुण साहारणाण तं चेव । जं बहुयाणं गहणं समासओ तं पि इक्कस्स ॥५४॥ साहारणमाहारो साहारणमाणुपाणगहणं च । साहारणजीवाणं साहारणलक्खणं एयं ॥ ५५ ॥ जह अयगोलो धंतो जाओ तत्ततवणिज्ञसंकासो । सन्वो अगणिपरि-गओ निगोयजीवे तहा जाण ॥ ५६ ॥ एगस्स दोण्ह तिण्ह व संखिजाण व न पासिउं सक्का । दीसंति सरीराइं निगोयजीवाणऽणंताणं ॥ ५७ ॥ लोगागासपएसे निगोयजीवं ठवेहि इक्किकं। एवं मविज्ञमाणा हवंति लोगा अणंता उ ॥ ५८॥ लोगागासपएसे परित्तजीवं ठवेहि इक्किकं। एवं मविज्ञमाणा हवंति लोगा असंखिजा ॥ ५९ ॥ पत्तेया पज्जता पयरस्य असंखभागमिता उ । लोगाऽसंखा पज्जतयाण साहारणमणंता ॥ ६० ॥ एएहिं सरीरेहिं पचक्खं ते परूविया जीवा । सहमा आणागिज्झा चक्खप्फासं न ते इंति ॥ ६१ ॥ जेयावने तहप्पगरा । ते समा-सओ दुविहा पन्नता । तंजहा-पज्जतगा य अपज्जतगा य । तत्थ णं जे ते अपज्ज-त्तगा ते णं असंपत्ता । तत्थ णं जे ते पज्जत्तगा तेसि णं वन्नादेसेणं गंधादेसेणं रसादेसेणं फासादेसेणं सहस्सग्गसो विहाणाइं, संखिजाई जोणिप्पमहसयसहस्साई। पुजत्तगणिस्साए अपजत्तगा वक्कमंति । जत्थ एगो तत्थ सिय संखिजा, सिय असं-खिजा, सिय अणंता । एएसि णं इमाओ गाहाओ अणुगंतव्वाओ तंजहा-कंदा य कंदमूला य, रुक्खमूला इयावरे । गुच्छा य गुम्मा वल्ली य, वेणुयाणि तणाणि य ॥ १ ॥ पउमुप्पल संघाडे हुढे य सेवाल किण्हुए पणए । अवए य कच्छ भाणी कंदुक्रेगणवीसहमे ॥ २ ॥ तयछ्ळीपवालेस पत्तपप्फफलेस य । मूलगगमज्झबीएस जोणी करसङ कित्तिया ॥ ३ ॥ सेत्तं साहारणसरीरबायरवणस्सङ्काङ्या । सेत्तं बायर-वणस्सङ्काङ्या । सेत्तं वणस्सङ्काङ्या । सेत्तं एजिदिया ॥४३–३॥ से कि तं बेहंदिया 🕄

बेइंदियाः अणेगविहाः पन्नता । तंजहा-पुलाकिमिया, कुच्छिकिमिया, गंडूयलगा गोलोमा, णउरा, सोमंगलगा, वंसीमुहा, सूह्मुहा, गोजलोया, जलोया, जालाउया, संखा, संखणगा, घुछा, खुछा, गुलया, खंघा, वराडा, सोत्तिया, मुत्तिया, कलुया-वासा, एगओवत्ता, दुहुओवत्ता, नंदियावत्ता, संबुका, माइवाहा, सिप्पिसंपुडा, चंदणा, समुद्दलिक्खा, जेयावने तहप्पगारा । सन्वे ते संमुच्छिमा नपुंसगा । ते समासओ दुविहा पन्नता । तंजहा-पजतगा य अपजत्तगा य । एएसि णं एवमाइ-याणं वेइंदियाणं पज्जतापज्जताणं सत्त जाइकुलकोडिजोणीपसुहसयसहस्सा भवंतीति मक्खायं । सेतं बेडंदियसंसारसमावन्नजीवपन्नवणा ॥ ४४ ॥ से किं तं तेइंदियसं-सारसमावन्नजीवपन्नवणा ? तेइंदियसंसारसमावन्नजीवपन्नवणा अणेगविहा पन्नता । तंजहा-ओवइया, रोहिणिया, कुंथू, पिपीलिया, उद्दंसगा, उद्देहिया, उक्कलिया, उप्पाया, उप्पाडा, तणाहारा, कट्ठाहारा, मालुया, पत्ताहारा, तणबेंटिया, पत्तबें टिया, पुष्फबेंटिया, फलबेंटिया, बीयबेंटिया, तेबुरणमिंजिया, तथोसिर्मिजिया, कप्पासित्थामिजिया, हिल्लिया, झिल्लिया, झिंगिरा, किंगिरिडा, बाहुया, लहुया, सुभगा, सोवित्थया, सुयबेंटा, इंदकाइया, इंदगोवया, तुरुतुंबगा, कुच्छलवाहगा, जूया, हालाहला, पिसुया, सयवाइया, गोम्ही, हत्थिसोंडा, जेयावने तहप्पगारा। सब्वे ते संमुच्छिमा नपुंसगा । ते समासओ दुविहा पन्नता । तंजहा-पज्जतगा य अपज्जतमा य । एएसि णं एवमाइयाणं तेइंदियाणं पज्जतापज्जताणं अह जाईकुलको-**डि**जोणिप्पमहसयसहस्सा भवंतीति मक्खायं । सेत्तं तेइंदियसंसारसमावन्नजीवपन-वणा ॥ ४५ ॥ से किं तं चडरिंदियसंसारसमावन्नजीवपन्नवणा ? २ अणेगविहा पन्नता । तंजहा-अंत्रियपत्तियमच्छियमसगा कीडे तहा पर्यंगे य । ढंकुणकुक्कडकुक्कह-नंदावते य सिंगिरडे ॥ किण्हपत्ता, नीलपत्ता, लोहियपत्ता, हालिहपत्ता, सुक्किलपत्ता, चित्तपक्खा, विचित्तपक्खा, ओहंजलिया, जलचारिया, गंभीरा, णीणिया, तंतवा, अच्छिरोडा, अच्छिवेहा, सारंगा, नेउरा, दोला, भमरा, भरिली, जरूला, तोहा, विद्या, पत्तविच्छ्या, छाणविच्छ्या, जलविच्छ्या, पियंगाला, कणगा, गोमयकीडा, जैयावने तहप्पगारा । सब्वे ते संमुच्छिमा नपुंसगा । ते समासओ दुविहा पन्नता । तंजहा-पजनगा य अपजनगा य । एएसि णं एवमाइयाणं चउरिंदियाणं पजनाप-जनाणं मव जाइकुलकोडिजोणिप्पमुहसयसहस्साई भवंतीति मक्खायं । सेत्तं चउरिन दियसंसारसमावश्वजीवप्रज्ञवणां ॥ ४६ ॥ से कि तं पंचेन्द्रियसंसारसमावश्वजीवपश्च-वर्णा ? र्रे चडिवहा पन्नता । तंजहा-नेरइयपंचिदियसंसारसमावन्नजीवपन्नवणाः तिस्विक्षेजीणियपंचि निवयसंसारसमावन्नजीवपन्नवणा. मणुस्सपंचि निवयसंसारसमावन-

जीवपन्नवणा, देवपंचिन्दियसंसारसमावनजीवपन्नवणा ॥ ४७ ॥ से किं तं नेरइया? नेरइया सत्तविहा पन्नता । तंजहा-१ रयणप्पभापुढविनेरइया, २ सकरप्पभापुढवि-नेरइया, ३ वालुयप्पभापुढविनेरइया, ४ पंकप्पभापुढविनेरइया, ५ धूमप्पभापुढविन नेरइया, ६ तमप्पभापुढविनेरइया, ७ तमतमप्पभापुढविनेरइया। ते समासओ दुविहा पन्नता । तंजहा-पजत्तगा य अपज्तागा य । सेत्तं नेरइया ॥ ४८ ॥ से कि तं पंचेदियतिरिक्खजोणिया ? पंचिंदियतिरिक्खजोणिया तिविहा पन्नता । तंजहा-१ जलयरपंचिंदियतिरिक्खजोणिया य, २ थलयरपंचिन्दियतिरिक्खजोणिया य, ३ खहयरपंचिन्दियतिरिक्खजोणिया य ॥ ४९ ॥ से कि तं जलयरपंचिन्दियतिरि-क्खजोणिया? जलयरपंचिन्दियतिरिक्खजोणिया पंचविहा पन्नता। तंजहा-१ मच्छा, २ कच्छमा, ३ गाहा, ४ मगरा, ५ सुंसुमारा । से कि तं मच्छा ? मच्छा अणेग-विहा पन्नता । तंजहा-सण्हमच्छा, खवल्लमच्छा, जुंगमच्छा, विज्झिंडियमच्छा, हिल-मच्छा, मगरिमच्छा, रोहियमच्छा, हलीसागरा, गागरा, वडा, वडगरा, गब्भया, उसगारा, तिमी, तिर्मिगिला, णक्का, तंदुलमच्छा, कणिकामच्छा, साली, संस्थिया-मच्छा, लंभणमच्छा, पडागा, पडागाइपडागा, जेयावन्ने तहप्पगारा । सेतं मच्छा । से कि तं कच्छमा ? कच्छमा दुविहा पन्नता। तंजहा-अद्विकच्छमा य मंसकच्छमा य। सेत्तं कच्छभा। से किंतं गाहा ? गाहा पंचविहा पन्नता। तंजहा—१ दिली, २ वेढगा, २ मुद्धया, ४ पुलया, ५ सीमागारा । सेतं गाहा । से किंतं मगरा ? मगरा दुविहा पन्नता। तंजहा-१ सोंडमगरा य, २ महुमगरा य । सेत्तं मगरा । से किं तं सुंसमारा ? सुंसमारा एगागारा पन्नता । सेत्तं सुंसमारा । जेयावन्ने तहप्पगारा । ते समासओ दुविहा पन्नता । तंजहा-संमुच्छिमा य गब्भवकंतिया य । तत्थ णं जे ते संमुच्छिमा ते सब्वे नपुंसगा। तत्थ णं जे ते गब्भवकंतिया ते तिविहा पन्नता । तंजहा-इत्थी, पुरिसा, नपुंसगा । एएसि णं एवमाइयाणं जलयरपंचिदि-यतिरिक्तजोणियाणं पज्जत्तापज्जताणं अद्भतेरसजाइकुलकोडिजोणिप्पमुहसयसहस्सा भवन्तीति मक्खार्य । सेतं जलयरपंचिदियतिरिक्खजोणिया ॥ ५० ॥ से किं तं थल-यरपंचिदियतिरिक्खजोणिया ? थलयरपंचिन्दियतिरिक्खजोणिया दुविहा पन्नता । तंजहा-चडप्पयथलयरपंचिन्दियतिरिक्खजोणिया य परिसप्पथलयरपंचिन्दियतिरि-क्लजोणिया य । से किं तं चडप्पयथलयरपंचिन्दियतिरिक्लजोणिया ? चडप्पयथल-यरपंचिन्दियतिरिक्खजोणिया चउव्विहा पन्नता। तंजहा-एगखुरा, बिखुरा, गंडीपया, सणप्पया । से कि तं एगखुरा ? एगखुरा अणेगविहा पन्नता । तंजहा-अस्सा, अस्स-तरा, घोडमा, गद्दभा, गोरक्खरा, कंदलगा, सिरिकंदलगा, आवत्तगा, जेयावने तह-

प्पगारा । सेत्तं एगखुरा । से किं तं दुखुरा ? दुखुरा अणेगविहा पन्नता । तंजहा-उद्या गोणा. गवया. रोज्झा, पसया, महिसा, मिया, संबरा, वराहा, अया, एलगरुरसर-भचमरक़रंगगोकन्नमाई, जेयावने तहप्पगारा । सेत्तं दुखुरा । से किं तं गंडीपया ? गंडीपया अणेगविहा पन्नता । तंजहा-हत्थी, हत्थीपूयणया, मंकुणहत्थी, खगा(गा) गंडा. जेयावन्ने तहप्पगारा। सेतं गंडीपया। से किं तं सणप्पया? सणप्पया अणेगविहा पन्नता। तंजहा-सीहा, वग्घा, दीविया, अच्छा, तरच्छा, परस्सरा, सियाला, बिडाला सुणगा, कोलसुणगा, कोकंतिया, ससगा, चित्तगा, चिल्ललगा, जेयावन्ने तहप्पगारा। सेत्तं सणप्पया। ते समासओ दुविहा पन्नता। तंजहा-संमुच्छिमा य गब्भवक्कन्तिया य । तत्थ णं जे ते संमुच्छिमा ते सब्वे नपुंसगा । तत्थ णं जे ते गब्भवक्रंतिया ते तिविहा पन्नता। तंजहा-इत्थी, परिसा, नपंसगा। एएसि णं एवमाइयाणं थलय-रपंचिन्दियतिरिक्खजोणियाणं पज्जतापज्जताणं दस जाइकुळकोडिजोणिप्पमृहसयस-हस्सा भवन्तीति मक्खायं । सेत्तं चडप्पयथलयरपंचिन्दियतिरिक्खजोणिया ॥ ५१॥ से किं तं परिसप्पथलयरपंचिन्दियतिरिक्खजोणिया ? परिसप्पथलयरपंचिन्दियतिरि-क्खजोणिया द्वविहा पन्नत्ता । तंजहा-उरपरिसप्पथलयरपंचिन्दियतिरिक्खजोणिया य भयपरिसप्पथलयरपंचिन्दियतिरिक्खजोणिया य ॥ ५२ ॥ से किं तं उरपरिसप्पथल-यरपंचिन्दियतिरिक्खजोणिया ? उरपरिसप्पथलयरपंचिन्दियतिरिक्खजोणिया चउ-व्विहा पन्नता । तंजहा—अही, अयगरा, आसालिया, महोरगा । से किं तं अही ? अही दुविहा पन्नता। तंजहा-दृव्वीकरा य मुजलिणो य। से किं तं दृव्वीकरा ? दव्वीकरा अणेगविहा पन्नता । तंजहा-अासीविसा, दिद्वीविसा, उग्गविसा, भोग-विसा, तयाविसा, ठालाविसा, उस्सासविसा, नीसासविसा, कण्हसप्पा, सेयसप्पा, काओदरा, दज्झपुप्का, कोलाहा, मेलिमिंदा, सेसिंदा, जेयावन्ने तहप्पगारा। सेत्तं दन्वीकरा। से किंतं मडलिणो ? मडलिणो अणेगविहा पन्नता। तंजहा---दिन्वागा, गोणसा, कसाहीया, वइउला, चित्तलिणो, मंडलिणो, मालिणो, अही, अहिसलागा, वासपडागा, जेयावने तहप्पगारा। सेत्तं मडलिणो। सेत्तं अही। से किं तं अयगरा? अयगरा एगागारा पन्नता । सेत्तं अयगरा ॥ ५३ ॥ से किं तं आसालिया ? किंह णं भंते ! आसालिया संमुच्छइ ?, गोयमा ! अंतो मणुस्सखेते अङ्काइजेस दीवेस, निव्वा-घाएणं पन्नरसमु कम्मभूमीमु, वाघायं पडुच पंचमु महाविदेहेमु, चक्कविद्यंधावारेसु, वासुदेवखंघावारेसु, बलदेवखंघावारेसु, मंडलियखंघावारेसु, महामंडलियखंघावारेसु, गामनिवेसेस, णगरनिवेसेस, णिगमनिवेसेस, खेडनिवेसेस, कब्बडनिवेसेस, मडंबनि-वेसेष्ठ, दोणसुहनिवेसेष्ठ, पृहणनिवेसेष्ठ, आगरनिवेसेष्ठ, आसमनिवेसेष्ठ, संबाहनिवे-

सेस. रायहाणीनिवेसेसु, एएसि णं चेव विणासेसु एत्थ णं आसालिया संमुच्छइ । जहनेणं अंग्रलस्स असंखेजइभागमित्ताए ओगाहणाए, उक्कोसेणं बारसजोयणाई तय-णुरूवं च णं विक्खंभबाह्रहेणं भूमिं दालिता णं समुद्वेइ, असन्नी मिच्छादिद्वी अण्णाणी अंतोमहत्तऽद्वाउया चेव कालं करेइ। सेत्तं आसालिया ॥ ५४॥ से किं तं महोरगा? महोरगा अणेगविहा पन्नता। तंजहा-अत्थेगइया अंगुलं पि, अंगुलपहत्तिया वि. वियत्थि पि, वियत्थिपुहत्तिया वि, रयणि पि, रयणिपुहत्तिया वि, कुच्छि पि, कुच्छि-पुहत्तिया वि, थणुं पि, धणुपुहत्तिया वि, गाउयं पि, गाउयपुहत्तिया वि, जोयणं पि. जोयणपुहत्तिया वि, जोयणसयं पि, जोयणसयपुहत्तिया वि. जोयणसहस्सं पि। ते णं थले जाया, जलेऽवि चरंति थलेऽवि चरन्ति, ते णित्थ इहं, बाहिरएस दीवेस समदृएस हवन्ति, जेयावन्ने तहप्पगारा । सेत्तं महोरगा । ते समासओ दुविहा पन्नता । तंजहा-संमुच्छिमा य गब्भवकंतिया य। तत्थ णं जे ते संमुच्छिमा ते सब्वे नपुं-सगा। तत्थ णं जे ते गब्भवकंतिया ते तिविहा पन्नता। तंजहा-इत्थी, पुरिसा, नपंसगा । एएसि णं एवमाइयाणं पज्जतापज्जताणं उरपरिसप्पाणं दसजाइकुलकोडि-जोणिप्पमहसयसहस्सा भवन्तीति मक्खायं । सेत्तं उरपरिसप्पा ॥ ५५ ॥ से किं तं भुयपरिसप्पा ? भुयपरिसप्पा अणेगविहा पन्नता । तंजहा-नउला, सेहा, सरडा, सल्ला, सरंठा, सारा, खोरा, घरोइला, विस्संभरा, मृसा, मंगुसा, पयलाइया, छीरविरालिया, जोहा, चउप्पाइया, जेयावने तहप्पगारा। ते समासओ दुविहा पन्नता। तंजहा---संमुच्छिमा य गब्भवकंतिया य । तत्थ णं जे ते संमुच्छिमा ते सब्वे नपुंसगा । तत्थ णं जे ते गञ्भवकंतिया ते तिविहा पन्नता। तंजहा-इतथी, परिसा, नपंसगा। एएसि णं एवमाइयाणं पज्जतापज्जताणं भ्यपरिसप्पाणं नव जाइकुलकोडिजोणिप्पमह-सयसहस्सा भवन्तीति मक्खायं । सेत्तं भुयपरिसप्पथलयरपंचिंदियतिरिक्खजोणिया । सेत्तं परिसप्पथलयरपंचिदियतिरिक्खजोणिया ॥ ५६ ॥ से कि तं बहयरपंचिन्दिय-तिरिक्खजोणिया ? खहयरपंचिन्दियतिरिक्खजोणिया चउ विवहा पन्नता । तंजहा---चम्मपक्खी, लोमपक्खी, समुग्गपक्खी, विययपक्खी। से किं तं चम्मपक्खी? चम्म-पक्खी अणेगविहा पन्नता । तंजहा-वग्गुली, जलोया, अडिल्ला, भारंडपक्खी, जीवं-जीवा, समुद्दवायसा, कण्णत्तिया, पिक्खिवरालिया, जेयावन्ने तहप्पगारा । सेत्तं चम्म-पक्खी। से किं तं लोमपक्खी ? लोमपक्खी अणेगविहा पन्नता। तंजहा—ढंका, कंका, कुरला, वायसा, चक्कागा, हंसा, कलहंसा, रायहंसा, पायहंसा, आडा, सेडी, बगा, बलागा, पारिप्पवा, कोंचा, सारसा, मेसरा, मसूरा, मऊरा, सत्तहत्था, गहरा, पोंडरिया, कागा, कार्मिज्या, वंजुलया, तित्तिरा, वदृगा, लावगा, कवोया, कविंजला,

पारेवया, चिडगा, चासा, कुक्कुडा, सुगा, बरहिणा, मयणसलागा, कोइला, सेहा, वरिल्लगमाई । सेत्तं लोमपक्खी । से किं तं समुग्गपक्खी? समुग्गपक्खी एगागारा पन्नता । ते णं नित्थ इहं, बाहिरएसु दीवसमुद्देसु भवन्ति । सेत्तं समुग्गपक्खी । से किं तं विययपक्खी ? विययपक्खी एगागारा पन्नता । ते णं नित्थ इहं, बाहिरएस दीवसमुद्देसु भवन्ति । सेतं विययपक्खी । ते समासओ दुविहा पन्नता । तंजहा-संमच्छिमा य गब्भवकंतिया य । तत्थ णं जे ते संमुच्छिमा ते सब्वे नपुंसगा । तत्थ णं जे ते गब्भवक्षंतिया ते तिविहा पन्नता । तंजहा-इत्थी, प्रिसा, नपंसगा । एएसि णं एवमाइयाणं खहयरपंचिन्दियतिरिक्खजोणियाणं पज्जतापज्जताणं बारस जाइकुलकोडिजोणिप्पमृहसयसहस्सा भवन्तीति मक्खायं । सत्तद्रजाइकुलकोडिलक्ख नव अद्धतेरसाइं च। दस दस य होन्ति नवगा तह बारस चेव बोद्धव्वा। सेत्तं खहयरपंचिन्दियतिरिक्खजोणिया । सेत्तं पंचिन्दियतिरिक्खजोणिया ॥ ५० ॥ से कि तं मणुरसा ? मणुरसा दुविहा पन्नता । तंजहा—संमुच्छिममणुरसा य गब्भवक्कंतिय-मणुस्सा य ॥ ५८ ॥ से किं तं संमुच्छिममणुस्सा? कहि णं भंते ! संमुच्छिममणुस्सा संमुच्छंति ?, गोयमा ! अंतो मणुस्सखेते पणयाठीसाए जोयणसयसहस्सेस, अङ्गाइ-जेस दीवसमुद्देस, पन्नरसस कम्मभूमीस, तीसाए अकम्मभूमीस, छप्पनाए अंतरदी-वएसु गञ्भवकंतियमणुस्साणं चेव उचारेसु वा. पासवणेसु वा. खेलेसु वा. सिंघाणएस वा, वंतेसु वा, पित्तेसु वा, पूएसु वा, सोणिएसु वा, सुक्रेसु वा, सुक्रपुग्गलपरिसाडेस वा, विगयजीवकलेवरेस वा, थीपुरिससंजोएस वा, णगरणिद्धमणेस वा. सन्वेस चेव असुइद्राणेसु, एत्थ णं संमुच्छिममणुस्सा संमुच्छंति अंगुलस्स असंखेजाइभागमेताए ओगाहणाए । असन्नी मिच्छादिट्टी अण्णाणी सव्वाहिं पज्जत्तीहिं अपज्जत्तगा अंतोमह-त्ताउया चेव कालं करेंति । सेत्तं संमुच्छिममणुस्सा ॥ ५९ ॥ से किं तं गब्भवकंति-यमणुस्ता ? गब्भवकंतियमणुस्सा तिविहा पन्नता । तंजहा-कम्मभूमगा, अकम्म-भूमगा, अन्तरदीवगा ॥ ६० ॥ से किं तं अन्तरदीवगा ? अन्तरदीवगा अद्वावीस-विहा पन्नता । तंजहा-१ एगोस्या, २ आभासिया, ३ वेसाणिया, ४ णंगोलिया, ५ हयकन्ना, ६ गयकन्ना, ७ गोकन्ना, ८ सकुलिकन्ना, ९ आयंसमुहा, १० मेंडमुहा, ११ अयोमुहा, १२ गोमुहा, १३ आसमुहा, १४ हत्थिमुहा, १५ सीहमुहा, १६ वरवसुहा, १७ आसकन्ना, १८ हरिकन्ना, १९ अकन्ना, २० कण्णपाउरणा, २१ उकामुहा, २२ मेहमुहा, २३ विज्ञुमुहा, २४ विज्ञुदंता, २५ घणदंता, २६ लहुदंता, २७ गूढदंता, २८ सुद्धदंता । सेत्तं अन्तरदीवगा ॥ ६१ ॥ से किं तं अकम्मभूमगा ? अकम्मभूमगा तीसविद्दा प्रचता । तंजहा-पंचिहिं हेमवएहिं, पंचिहें

ड्रेरण्णवएहिं, पंचहिं हरिवासेहिं, पंचहिं रम्मगवासेहिं, पंचहिं देवकुरूहिं, पंचहिं उत्तर-कुरुहिं। सेत्तं अकम्मभूमगा ॥ ६२॥ से किं तं कम्मभूमगा ? कम्मभूमगा पन्नरसविहा पन्नता । तंजहा-पंचहिं भरहेहिं, पंचहिं एरवएहिं, पंचहिं महाविदेहेहिं । ते समासओ दविहा पनता । तंजहा-आरिया य मिलक्खू य ॥ ६३ ॥ से किं तं मिलक्खु? मिलक्ख् अणेगविहा पन्नता। तंजहा-सगा जवणा चिलायसबरबब्बरकायम् रंडोडभ-डगनिण्णगपक्षणियाकुलक्खगोंडसिंहलपारसगोघाकोंचअंबडइदमिलचिल्ललपुलिंदहारो-सदोबवोक्काणगन्याहारगपहलियअज्झलरोमपासपउसामलयायबंधुयायसूयलिकंकुणग-मेयपल्डवमालवमग्गरआभासियाणक्वीणल्हसियखसाघासियणद्दरमोंढडोंबिलगलओ-सपओसककेयअक्खागहणरोमगभरमस्यचिलायविसयवासी य एवमाई। सेर्त्त मिलक्ख ॥ ६४ ॥ से किं तं आरिया ? आरिया दुविहा पन्नता । तंजहा-इह्रिपत्तारिया य अणिहिएत्तारिया य । से किं तं इहिएत्तारिया ? इहिएत्तारिया छव्विहा पन्नता । तंजहा-१ अरहंता, २ चक्कवटी, ३ बलदेवा, ४ वासुदेवा, ५ चारणा, ६ विजा-हरा । सेतं इष्ट्रिपत्तारिया । से किं तं अणिष्ट्रिपत्तारिया ? अणिष्ट्रिपत्तारिया नवविहा पन्नता । तंजहा-खेतारिया, जाइआरिया, कुलारिया, कम्मारिया, सिप्पारिया, भासारिया, नाणारिया, दंसणारिया, चरित्तारिया ॥ ६५ ॥ से किं तं खेतारिया? खेतारिया अद्भुख्वीसङ्बिहाणा पन्नता । तंजहा-रायगिह मगह चंपा. अंगा तह तामिलित्ति वंगा य । कंचणपुरं किलंगा, वाणारसी चेव कासी य ॥ १ ॥ साएय कोसला गयपुरं च कुरु सोरियं कुसट्टा य । कंपिछं पंचाला, अहिछत्ता जंगला चेव ॥ २ ॥ बारवई सोरहा, मिहिल विदेहा य वच्छ कोसंबी । नंदिप्रं संडिल्ला, भहिलपुरमेव मलया य ॥ ३ ॥ वहराड वच्छ वरणा, अच्छा तह मत्तियावइ दसण्णा। सोत्तियवई य चेदी, वीयभयं सिंधुसोवीरा ॥ ४ ॥ महुरा य स्रूसेणा, पावा भंगा य मास पुरिवद्या। सावत्थी य कुणाला, कोडीवरिसं च लाढा य ॥ ५ ॥ सेयविया वि य णयरी, केकयअद्धं च आरियं भणियं । इत्थ्रप्पत्तीं जिणाणं. चक्कीणं रामकण्हाणं ॥ ६॥ सेत्तं खेतारिया॥ ६६॥ से किं तं जाइआरिया ? जाइआरिया छिव्वहा पन्नता। तंजहा-अंबद्धा य कलिंदा विदेहा वेदगा इ य। हरिया चुंचुणा चेव छ एया इन्मजाइओ ॥ सेत्तं जाइआरिया ॥ ६० ॥ से किं तं कुळारिया ? कुळारिया छिब्बहा पन्नता । तंजहा-उग्गा, भोगा, राइम्ना, इक्खागा, णाया, कोरव्वा । सेतं कुलारिया ॥ ६८ ॥ से किं तं कम्मारिया? कम्मारिया अणेगविहा पन्नता । तंजहा-दोसिया, सोत्तिया, कप्पासिया, सुत्तवेयालिया, मंडवेयालिया, कोलालिया, नरवाह-णिया, जेयावने तहप्पगारा । सेतं कम्मारिया ॥ ६९ ॥ से किं तं सिप्पारिया ?

सिप्पारिया अणेगविहा पन्नता । तंजहा-तुण्णागा, तंतुवाया, पद्दागारा, देयडा, वस्टा, छवित्रया, कहुपाउयारा, मुंजपाउयारा, छत्तारा, वज्झारा, पोत्थारा, छेप्पारा, चित्तारा संखारा, दंतारा, भंडारा, जिज्झगारा, सेल्लारा, कोडिगारा, जेयावन्ने तहप्पगारा । सेतं सिप्पारिया ॥ ७० ॥ से किं तं भासारिया ? भासारिया जे णं अद्धमागहाए भासाए भासेंति. जत्थऽवि य णं बंभी लिवी पवत्तइ। बंभीए णं लिवीए अद्रारसविहे लेक्खविहाणे पन्नते । तंजहा-१ बंभी, २ जवणाणिया, ३ दोसापुरिया, ४ खरोही, ५ पुक्बरसारिया, ६ भोगवइया, ७ पहराइया, ८ अंतक्खरिया, ९ अक्खरपृद्विया, १० वेणइया, ११ निण्हइया, १२ अंकलिबी, १३ गणियलिबी, १४ गंधव्वलिबी, १५ आयंसिलवी. १६ माहेसरी, १७ दोमिलिवी, १८ पोलिन्दी । सेत्तं भासारिया ॥ ७१ ॥ से किं तं नाणारिया ? नाणारिया पंचविहा पन्नता । तंजहा-आभिणिबोहि-यनाणारिया, सुयनाणारिया, ओहिनाणारिया, मणपज्जवनाणारिया, केवलनाणारिया। सेतं नाणारिया ॥ ७२ ॥ से किं तं दंसणारिया ? दंसणारिया दुविहा पन्नता । तंजहा-सरागदंसणारिया य वीयरागदंसणारिया य ॥ ७३ ॥ से किं तं सरागदंसणारिया १ सरागदंसणारिया दसविहा पन्नता । तंजहा-निसम्पुवएसरुई आणारुई सुत्तबीयरुइमेव । अभिगमवित्थाररुई किरियासंखेवधम्मरुई ॥ १ ॥ भूयत्थेणाहिगया जीवाजीवे य पुण्ण-पावं च । सहसंमुइयाऽऽसवसंवरे य रोएइ उ निस्सग्गो ॥ २ ॥ जो जिणदिद्रे भावे चउ व्विहे सद्दहाइ सयमेव। एमेव नन्नहत्ति य निसम्मरुहत्ति नायव्वो॥ ३॥ एए चेव उ भावे उवदिद्वे जो परेण सदृहइ। छउमत्थेण जिणेण व उवएसस्हक्ति नायव्वो ॥ ४ ॥ जो हेउमयाणंतो आणाए रोयए पवयणं त । एमेव नन्नहत्ति य एसो आणारुई नाम ॥ ५ ॥ जो सुत्तमहिज्जन्तो सुएण ओगाहुई उ सम्मत्तं । अंगेण बाहिरेण व सो सत्तरहत्ति णायव्वो ॥ ६ ॥ एगेण अणेगाइं पयाइं जो पसरई उ सम्मत्तं । उदए व्व तेल्लबिन्दू सो बीयरुइत्ति नायव्वो ॥ ७ ॥ सो होइ अभिगमरुई सुयनाणं जस्स अत्थओ दिहुं । इक्कारस अंगाइं पइन्नगा दिद्विवाओ य ॥ ८ ॥ दव्वाण सव्वभावा सव्वपमाणेहिं जस्स उवलद्धा । सव्वाहिं नयविहीहिं वित्थारह-इत्ति नायव्वो ॥ ९ ॥ दंसणनाणचरित्ते तवविणए सव्वसमिइगुत्तीसु । जो किरिया-भावरुई सो खळ किरियारुई नाम ॥ १० ॥ अणभिग्गहियकुदिद्वी संखेवरुइति होइ नायव्वो । अविसार्ओ पवयणे अणिभग्गहिओ य सेसेष्ट्र ॥ ११ ॥ जो अत्यिकाय-धम्मं सुराधम्मं खलु चरित्तधम्मं च । सहहइ जिणाभिहियं सो धम्मरुइति नायव्वो ॥ १२ ॥ परमत्थसंथवो वा सुदिद्रपरमत्थसेवणा वावि । वावन्नकदंसणवज्जणा य सम्मत्तसद्हणा ॥ १३ ॥ निस्संकिय निकंखिय निव्वितिगिच्छा अमृहदिद्वी य ।

उववृहिथिरीकरणे वच्छह्रपभावणे अहु ॥ १४ ॥ सेत्तं सरागदंसणारिया ॥ ७४ ॥ से किं तं वीयरायदंसणारिया ? वीयरायदंसणारिया दुविहा पन्नता । तंजहा-उवसंतकसायवीयरायदंसणारिया य खीणकसायवीयरायदंसणारिया य । से किं तं उवसंतकसायवीयरायदंसणारिया ? उवसंतकसायवीयरायदंसणारिया दुविहा पन्नता । तंजहा-पढमसमयउवसंतकसायवीयरायदंसणारिया य अपढमसमयउवसंतकसाय-वीयरायदंसणारिया य । अहवा चरिमसमयउवसंतकसायवीयरायदंसणारिया य अचरिमसमयउवसंतकसायवीयरायदंसणारिया य । सेत्तं उवसंतकसायवीयरायदंसणा-रिया । से किं तं खीणकसायवीयरायदंसणारिया ? खीणकसायवीयरायदंसणारिया द्विहा पन्नता । तंजहा-छउमत्थखीणकसायवीयरायदंसणारिया य केवलिखीणकसाय-वीयरायदंसणारिया य । से किं तं छउमत्थखीणकसायवीयरायदंसणारिया ? छउ-मत्यखीणकसायवीयरायदंसणारिया द्विहा पन्नत्ता । तंजहा-सयंबुद्धछउमत्थखीण-कसायवीयरायदंसणारिया य बुद्धबोहियछउमत्थखीणकसायवीयरायदंसणारिया य । से किं तं सयंबुद्ध उमत्थालीण कसायवीयरायदंसणारिया ? सयंबुद्ध उमत्थालीण-कसायवीयरायदंसणारिया दुविहा पन्नता । तंजहा-पढमसमयसयंबुद्धछउमत्थाखीण-कसायवीयरायदंसणारिया य अपडमसमयसयंबद्धछउमत्थखीणकसायवीयरायदंसणा-रिया य । अहवा चरिमसमयसयंबुद्धछउमत्थखीणकसायवीयरायदंसणारिया य अचरिमसमयसयंबुद्धछ्डमत्थखीणकसायवीयरायदंसणारिया य । सेत्तं सयंबुद्धछ्डमत्थ-खीणकसायवीयरायदंसणारिया । से किं तं बुद्धबोहियछउमत्थखीणकसायवीयराय-दंसणारिया ? बुद्धबोहियळउमत्थखीणकसायवीयरायदंसणारिया दुविहा पन्नता । तंजहा-पढमसमयबुद्धबोहियखीणकसायवीयरायदंसणारिया य अपढमसमयबुद्धबोहि-यछउमत्थखीणकसायवीयरायदंसणारिया य । अहवा चरिमसमयबुद्धबोहियछउमत्थ-खीणकसायवीयरायदंसणारिया य अचरिमसमयबुद्धबोहियछउमत्थखीणकसायवीयरा-यदंसणारिया य । सेत्तं बुद्धबोहियछउमत्थखीणकसायवीयरायदंसणारिया । सेत्तं छउमत्थखीणकसायवीयरायदंसणारिया । से किं तं केवलिखीणकसायवीयरायदंसणा-रिया ? केवलिखीणकसायवीयरायदंसणारिया दुविहा पन्नता । तंजहा-सजोगि-केवलिखीणकसायवीयरायदंसणारिया य अजोगिकेवलिखीणकसायवीयरायदंसणा-रिया य । से किं तं सजोगिकेविलखीणकसायवीयरायदंसणारिया ? सजोगिकेविलखीण-कसायवीयरायदंसणारिया द्विहा पन्नता। तंजहा-पढमसमयसजोगिकेवलिखीणकसा-यवीयरायदंसणारिया य अपडमसमयसजोगिकेवलिखीणकसायवीयरायदंसणारिया य अह्वा चरिमसमयसजोगिकेवलिखीणकसायवीयरायदंसणारिया य अचरिमसमय-

सजोगिकेवलिखीणकसायवीयरायदंसणारिया य । सेतं सजोगिकेवलिखीणकसायवीय-रायदंसणारिया । से किं तं अजोगिकेवलिखीणकसायवीयरायदंसणारिया ? अजोगि-केवलिखीणकसायवीयरायदंसणारिया द्विहा पन्नता । तंजहा-पढमसमयअजोगि-केवलिखीणकसायवीयरायदंसणारिया य अपडमसमयअजोगिकेवलिखीणकसायवीय-रायदंसणारिया य । अहवा चरिमसमयअजोगिकेवलिखीणकसायवीयरायदंसणारिया य अचरिमसमयअजोगिकेवलिखीणकसायवीयरायदंसणारिया य । सेत्तं अजोगिन केविल्खीणकसायवीयरायदंसणारिया । सेतं केविल्खीणकसायवीयरायदंसणारिया । सेत्तं खीणकसायवीयरायदंसणारिया । सेत्तं दंसणारिया ॥ ७५ ॥ से किं तं चरित्तारिया १ चरित्तारिया दुविहा पन्नता । तंजहा-सरागचरित्तारिया य वीयराग-चरित्तारिया य । से किं तं सरागचरित्तारिया ? सरागचरित्तारिया दुविहा पन्नता क तंजहा--- सहमसंपरायसरागचरित्तारिया य बायरसंपरायसरागचरित्तारिया य । से किं तं सहमसंपरायसरागचरित्तारिया ? सहमसंपरायसरागचरित्तारिया दुविहा पन्नता । तंजहा-पढमसमयसहमसंपरायसरागचरित्तारिया य अपडमसमयसहमन संपरायसरागचरितारिया य । अहवा चरिमसमयसुहमसंपरायसरागचरित्तारिया य अचरिमसमयसुहुमसंपरायसरागचरित्तारिया य । अह्वा सुहुमसंपरायसरागचरित्ता-रिया दुविहा पन्नता । तंजहा—संकिठिस्समाणा य विसुज्झमाणा य । सेत्तं सुहमसंप-रायसरागचरितारिया । से किं तं बायरसंपरायसरागचरितारिया ? बायरसंपराय-सरागचरित्तारिया द्विहा पन्नता । तंजहा-पढमसमयबायरसंपरायसरागचरित्तारिया य अपटमसमयबायरसंपरायसरागचरित्तारिया य । अहवा चरिमसमयबायरसंपराय-सरागचरितारिया य अचरिमसमग्रबायरसंपरायसरागचरितारिया य । अहवा बायरसंपरायसरागचरित्तारिया दुविहा पन्नता । तंजहा--पिडवाई य अपिडवाई य। सेतं बायरसंपरायसरागचरितारिया ॥ ७६ ॥ से किं तं वीयरायचरितारिया? वीयरायचरितारिया दुविहा पन्नता । तंजहा-उवसंतकसायवीयरायचरितारिया य खीणकसायवीयरायचरितारिया य । से किं तं उवसंतकसायवीयरायचरितारिया ? उनसंतकसायवीयरायचरित्तारिया दुविहा पन्नता । तंजहा-पढमसमयउवसंतकसाय-वीयरायचरितारिया य अपढमसमयउवसंतकसायवीयरायचरितारिया य । अहवा चरिमसमयडवसंतकसायवीयरायचरितारिया य अचरिमसमयउवसंतकसायवीय-रायचरितारिया या सेतं उवसंतकसायवीयरायचरितारिया। से किं तं खीणकसाय-चीयरायचरितारिया ? खीणकसायवीयरायचरितारिया दुविहा पन्नता । तंजहा-छउमत्थाखीणकसायवीयरायचरितारिया य केवलिखीणकसायवीयरायचरितारिया य

मे किं तं छउमत्थखीणकसायवीयरायचरित्तारिया ? छउमत्थखीणकसायवीयरायच-रितारिया द्विहा पन्नता । तंजहा-सयंबुद्धछउमत्थखीणकसायवीयरायचरितारिया य वद्धवोहियछउमत्थर्खीणकसायवीयरायचरित्तारिया य । से किं तं सयंबुद्धछउम-स्थाखीणकसायवीयरायचरितारिया ? सर्यंबुद्धछडमत्थाखीणकसायवीयरायचरितारिया द्विहा पन्नता । तंजहा-पद्यमसमयसयंबुद्धछउमत्थखीणकसायवीयरायचरितारिया य अपडमसमयसयंवुद्धछउमत्थखीणकसायवीयरायचिरत्तारिया य । अहवा चरिमस-मयसयंबुद्धछउमत्थखीणकसायवीयरायचरित्तारिया य अचरिमसमयसयंबुद्धछउमत्थ-खीणकसायवीयरायचरित्तारिया य । से किं तं बुद्धबोहियछउमत्थखीणकसायवीयरा-यचरित्तारिया ? वृद्धवोहियछउमत्थखीणकसायवीयरायचरित्तारिया दुविहा पन्नता । तंजहा-पढमसमयबुद्धवोहियछउमत्थखीणकसायवीयरायचरित्तारिया य अपढमसमय-बुद्धबोहियछउमत्थखीणकसायवीयरायचरित्तारिया य। अहवा चरिमसमयबुद्धबोहियछ-उमत्थाखीणकसायवीयरायचरितारिया य अचरिमसमयबुद्धबोहियछउमत्थाखीणकसा-यवीयरायचरित्तारिया य । सेत्तं बुद्धबोहियछउमत्थखीणकसायवीयरायचरित्तारिया । सेतं छउमत्थखीणकसायवीयरायचरितारिया। से किं तं केवलिखीणकसायवीयरा-यचरित्तारिया? केविलखीणकसायवीयरायचरित्तारिया दुविहा पन्नत्ता। तंजहा---सजोगिकेवलिखीणकसायवीयरायचरितारिया य अजोगिकेवलिखीणकसायवीयरायच-रित्तारिया य । से किं तं सजोगिकेविलखीणकसायवीयरायचरित्तारिया ? संजोगिकेव-लिखीणकसायवीयरायचरितारिया दुविहा पन्नता । तंजहा-पदमसमयसजोगिकेव-लिखीणकसायवीयरायचरित्तारिया य अपढमसमयसजोगिकेवलिखीणकसायवीयराय-चरित्तारिया य । अहवा चरिमसमयसजोगिकेवलिखीणकसायबीयरायचरित्तारिया य अचरिमसमयसजोगिकेवलिखीणकसायवीयरायचरितारिया य । सेत्तं सजोगिकेवलि-खीणकसायवीयरायचरितारिया । से किं तं अजोगिकेवलिखीणकसायवीयरायचरि-त्तारिया? अजोगिकेवलिखीणकसायवीयरायचरितारिया दुविहा पन्नता । तंजहा-पढमसमयअजोगिकेवलिखीणकसायवीयरायचरितारिया य अपढमसमयअजोगिकेव-लिखीणकसायवीयरायचरित्तारिया य । अहवा चरिमसमयअजोगिकेवलिखीणकसाय-वीयरायचरितारिया य अचरिमसमयअजोगिकेवलिखीणकसायवीयरायचरित्तारिया य । सेत्तं अजोगिकेवलिखीणकसायवीयरायचरित्तारिया। सेत्तं केवलिखीणकसायवीयरायच-रित्तारिया । सेत्तं खीणकसायवीयरायचरित्तारिया । सेत्तं वीयरायचरित्तारिया । अहवा चरित्तारिया पंचविहा पन्नता । तंजहा-सामाइयचरित्तारिया, छेदोवहावणियचरित्ता-रिया, परिहारविसुद्धियचरित्तारिया, सहमसंपरायचरित्तारिया, अहक्खायचरित्तारिया १९ सत्ता॰

य । से किं तं सामाइयचरितारिया? सामाइयचरितारिया दुविहा पत्रता । तंजहा-इत्तरियसामाइयचरितारिया य आवकहियसामाइयचरितारिया य। सेत्तं सामाइयच-रित्तारिया । से किं तं छेदोवद्वावणियचरित्तारिया ? छेदोवद्वावणियचरित्तारिया दुविहा पन्नता । तंजहा---साइयारछेदोवद्रावणियचरित्तारिया य निरइयारछेदोवद्रावणियच-रितारिया य । सेतं छेदोवद्रावणियचरितारिया । से किं तं परिहारविष्ठद्भियचरिता-रिया? परिहारविसुद्धियचरितारिया दुविहा पन्नता । तंजहा--निविस्समाणपरिहारवि-स्रद्भियचरितारिया य निविद्रकाइयपरिहारविस्रद्भियचरित्तारिया य। सेत्तं परिहारविस्-द्धियचरितारिया । से किं तं सहमसंपरायचरित्तारिया ? सहमसंपरायचरित्तारिया दुविहा पन्नता । तंजहा—संकिलिस्समाणसहमसंपरायचरितारिया य विसुज्झमाणसु-हमसंपरायचरित्तारिया य । से तं सहमसंपरायचरित्तारिया । से किं तं अहक्खायच-रित्तारिया ? अहक्खायचरित्तारिया दुविहा पन्नता । तंजहा-छउमत्थअहक्खाय-चरितारिया य केविलअहक्खायचरितारिया य । सेत्तं अहक्खायचरितारिया । सेत्तं चरितारिया । सेतं अणिड्विपतारिया । सेतं कम्मभूमगा । सेतं गञ्भवक्वंतिया । सेतं मणुस्सा ॥ ७७ ॥ से किं तं देवा ? देवा चउन्विहा पन्नता । तंजहा-भवणवासी.. वाणमंतरा, जोइसिया, वेमाणिया। से किं तं भवणवासी ? भवणवासी दसविहा पन्नता । तंजहा-असुरकुमारा, नागकुमारा, सुवन्नकुमारा, विज्ञुकुमारा, अग्गिकु-मारा, दीवकुमारा, उदहिकुमारा, दिसाकुमारा, वाउकुमारा, थणियकुमारा। ते समा-सओ दुविहा पन्नता। तंजहा--पज्जतगा य अपज्जतगा य। सेतं भवणवासी। से किं तं वाणमंतरा ? वाणमंतरा अद्वविहा पन्नता । तंजहा—किन्नरा, किंपुरिसा, महोरगा, गंधव्वा, जक्खा, रक्खसा, भूया, पिसाया । ते समासओ दुविहा पन्नता । तंजहा--पजना य अपजना य । सेतं वाणमन्तरा । से किं तं जोडसिया? जोइसिया पंचिवहा पन्नता । तंजहा—चंदा, सूरा, गहा, नक्खता, तारा । ते समासओ दुविहा पन्नता । तंजहा--पज्जत्तगा य अपज्जत्तगा य । सेतं जोइसिया ॥ से किं तं वेमाणिया ? वेमाणिया दुविहा पन्नता । तंजहा---कप्पोवगा य कप्पाईया य । से किं तं कप्पोवगा ? कप्पोवगा बारसविहा पन्नता । तंजहा-सोहम्मा, ईसाणा. सणंक्रमारा. माहिंदा, बंभलोया, लंतया, महासुका, सहस्सारा, आणया, पाणया, आरणा, अच्चया। ते समासओ दुविहा पन्नत्ता, तंजहा-पजतगा य अपजात्तगा य । सेत्तं कप्पोवगा । से किं तं कप्पाईया ? कप्पाईया दुविहा पन्नता । तंजहा--गेविज्जगा य अणुत्तरोववाइया य । से किं तं गेविज्जगा ? गेविज्जगा नवविहा पत्रता । तंजहा—हिट्टिमहिट्टिमगेविज्जगा, हिट्टिममज्झमगेविज्जगा, हेट्टिमउवरि-

मगेविज्ञगा, मिज्झमहेट्टिमगेविज्जगा, मिज्झममिज्झमगेविज्जगा, मिज्झमउविर्मगेविज्जगा, उविरमहेट्टिमगेविज्जगा, उविरममिज्झमगेविज्जगा, उविरमजविज्जगा। ते समासओ दुविहा पन्नता। तंजहा—पज्जत्तगा य अपज्जत्तगा य। सेत्तं गेवि-ज्ज्या। से किं तं अणुत्तरोववाइया? अणुत्तरोववाइया पंचिवहा पन्नता। तंजहा—विजया, वेजयन्ता, जयन्ता, अपराजिया, सव्वद्वसिद्धा। ते समासओ दुविहा पन्नता। तंजहा—पज्जत्तगा य अपज्जत्तगा य। सेत्तं अणुत्तरोववाइया। सेत्तं कप्पा-ईया। सेत्तं वेमाणिया। सेत्तं देवा। सेत्तं पंचिदिया। सेत्तं संसारसमावन्नजीवपन्नवणा। सेतं जीवपन्नवणा। सेतं पन्नवणाए भग-वईए पढमं पन्नवणाएयं समत्तं।

कहि णं भंते ! बायरपुढविकाइयाणं पज्जत्तगाणं ठाणा पन्नता ? गोयमा ! सद्रा-णेणं अद्वतु पुढवीसु, तंजहा-रयणप्पमाए, सक्करप्पमाए, वाळुयप्पमाए, पंकप्पमाए, धमप्पभाए, तमप्पभाए, तमतमप्पभाए, ईसिप्पब्भाराए; अहोलोए पायालेख, भव-णेष्ठ, भवणपत्थडेसु, निरएसु, निरयावित्यासु, निरयपत्थडेसु; उ**डू**लोए कप्पेसु, विमाणेष्ठ, विमाणाविष्ठयासु, विमाणपत्थडेसु; तिरियलोए टंकेसु, कूडेसु, सेलेसु, सिहरीष्ठ, पब्भारेष्ठ, विजएस्र, वक्खारेस्र, वासेस्र, वासहरपव्वएस्र, वेलास्र, वेइयास्र, दारेसु, तोरणेसु, दीवेसु, समुद्देसु, एत्थ णं बायरपुढविकाइयाणं पज्जतगाणं ठाणा पन्नता । उववाएणं लोयस्स असंखेजइभागे, समुग्घाएणं लोयस्स असंखेजइभागे, सद्राणेणं लोयस्स असंखेजइभागे॥ ७९॥ किह णं भंते! बायरपुढविकाइयाणं अपज्जतगाणं ठाणा पन्नत्ता ? गोयमा ! जत्थेव बायर्पुढविकाइयाणं पज्जत्तगाणं ठाणा पन्नता तत्थेव बायर्पुढविकाइयाणं अपज्जत्तगाणं ठाणा पन्नता । उववाएणं सव्वलोए, समुग्घाएणं सव्वलोए, सद्वाणेणं लोयरस असंखेजङ्भागे ॥ ८० ॥ कहि णं भंते ! सहमपुढविकाइयाणं पज्जतगाणं अपज्जतगाण य ठाणा पन्नता ? गोयमा ! सहमपुढविकाइया जे पज्जत्तगा जे य अपज्जत्तगा ते सन्वे एगविहा अविसेसा अणा-णत्ता सन्वलोयपरियावन्नगा पन्नता समणाउसो ! ॥ ८१ ॥ कहि णं भन्ते ! बायर-आउकाइयाणं पज्जत्तगाणं ठाणा पन्नता ? गोयमा ! सद्वाणेणं सत्तसु घणोदहीसु, सत्तमु घणोदहिवलएसु, अहोलोए पायालेसु, भवणेसु, भवणपत्थडेसु, उडूलोए कप्पेसु, विमाणेसु, विमाणाविलयासु, विमाणपत्थडेसु, तिरियलोए अगडेसु, तलाएसु, नईसु, दहेस, वावीस, पुक्खरिणीस, दीहियास, गुंजालियास, सरेस, सरपंतियास, सरसर-पंतियास, बिलेसु, बिलपंतियासु, उज्झरेसु, निज्झरेसु, चिल्लएसु, पल्ललएसु, विपिणेसु, दीवेसु, समुद्देसु, सन्वेसु चेव जलासएसु जलद्वाणेसु, एत्थ णं बायर-

आउकाइयाणं ठाणा पन्नता । उववाएणं लोयस्स असंखेज्जइभागे, समुग्घाएणं लोयस्स असंखेजइभागे, सहाणेणं लोयस्स असंखेजइभागे । कहि णं भंते ! बायर-आउकाइयाणं अपजातगाणं ठाणा पन्नता ? गोयमा ! जत्थेव बायरआउकाइय-पजन्तगाणं ठाणा पन्नत्ता तत्थेव बायरआउकाइयाणं अपजन्तगाणं ठाणा पन्नता । उववाएणं सन्वलोए, समुग्घाएणं सन्वलोए, सट्टाणेणं लोयस्स असंखे-जाइभागे । कहि णं भंते ! सहमआउकाइयाणं पजतगाणं अपजतगाण य ठाणा पन्नता ? गोयमा ! सुहमआउकाइया जे पजन्तगा जे य अपजन्तगा ते सब्वे एगविहा अविसेसा अणाणता सन्वलोयपरियावन्नगा पन्नता समणाउसो ! ॥ ८२ ॥ कहि णं भंते ! बायरते उकाइयाणं पजनाणां ठाणा पन्नता ? गोयमा ! सद्राणेणं अंतोमणुरुसखेते अड्डाइजेष्ठ दीवसमुद्देसु, निन्वाघाएणं पन्नरससु कम्मभूमीसु, वाघायं पड़च पंचस महाविदेहेस, एत्थ णं बायरतेउकाइयाणं पजातगाणं ठाणा पन्नता । उनवाएणं लोयस्य असंखेजइभागे, समुग्घाएणं लोयस्य असंखेजइभागे, सद्राणेणं लोयस्स असंखेजाइभागे ॥ ८३ ॥ किह णं भनते ! बायरतेउकाइयाणं अपजत्तगाणं ठाणा पन्नता ? गोयमा ! जत्थेव बायरतेउकाइयाणं पज्जत्तगाणं ठाणा प० तत्थेव बायरतेउकाइयाणं अपज्जतगाणं ठाणा पन्नता । उववाएणं लोयस्स दोस उड्डकवाडेस तिरियलोयतहे य, समुग्घाएणं सन्वलोए, सहाणेणं लोयस्स असंखेजाइभागे ॥ ८४ ॥ कहि णं भंते ! सुहमतेजकाइयाणं पज्जतगाण य अपज्जतगाण य ठाणा पन्नता? गोयमा! सहमतेउकाइया जे पजतागा जे य अपजतागा ते सन्वे एगविहा अविसेसा अणाणता सन्वलीयपरियावन्नगा पन्नतास मणाउसो! ॥ ८५ ॥ कहि णं भंते! बायरवाउकाइयाणं पजन्तगाणं ठाणा पन्नता ? गोयमा ! सद्वाणेणं सत्तस घणवाएस. सत्तसु घणवायवलएसु, सत्तसु तणुवाएसु, सत्तसु तणुवायवलएसु, अहोलोए पायालेसु. भवणेसु. भवणपत्थडेसु. भवणछिद्देसु, भवणनिक्खुडेसु, निर्एसु, निर्यावित्यासु. निरयपत्थडेसु, निरयछिद्देसु, निरयनिक्खुडेसु, उद्गूलोए कप्पेसु, विमाणेसु, विमाणा-वित्यासु, विमाणपत्थडेसु, विमाणछिद्देसु, विमाणनिक्खुडेसु, तिरियलोए पाईण-पडीणदाहिणउदीण-सन्वेसु चेव लोगागासछिद्देसु, लोगनिक्खुडेसु य, एत्थ णं वायर-वाउकाइयाणं पज्जतगाणं ठाणा पन्नता । उववाएणं लोयस्स असंखेजेस भागेस. सम्-ग्घाएणं लोयस्स असंखेजेस भागेसु, सद्राणेणं लोयस्स असंखेजेस भागेस ॥ ८६॥ कहि णं मंते ! अपज्जत्तवायरवाउकाइयाणं ठाणा पन्नता ? गोयमा ! जत्थेव वायर-वाउकाइयाणं पज्जत्तगाणं ठाणा प० तत्थेव बायरवाउकाइयाणं अपज्जत्तगाणं ठाणा पनता । उववाएणं सन्वलोए, समुग्घाएणं सन्वलोए, सद्राणेणं लोयस्स असंखेजेस

भागेसु ॥ ८७ ॥ कहि णं भंते ! सुहुमवाउकाइयाणं पज्जत्तगाणं अपज्जत्तगाण य ठाणा पन्नता ? गोयमा ! सुहुमवाउकाइया जे पज्जत्तगा जे य अपज्जतगा ते सन्वे एगविहा अविसेसा अणाणत्ता सन्वलोयपरियावन्नगा पन्नत्ता समणाउसो ! ॥ ८८॥ कहि णं भंते ! बायरवणस्सइकाइयाणं पज्जत्तगाणं ठाणा पन्नता ? गोयमा ! सद्घाणेणं सत्तमु घणोदहीसु, सत्तमु घणोदहिवलएसु, अहोलोए पायालेसु, भवणेसु, भवण-पत्थडेसु; उड्ढुलोए कप्पेसु, विमाणेसु, विमाणाविलयासु, विमाणपत्थडेसु; तिरियलोए अगडेसु, तडागेसु, नईसु, दहेसु, वावीसु, पुक्खरिणीसु, दीहियासु, गुंजालियासु, सरेसु, सरपंतियासु, सरसरपंतियासु, बिलेसु, बिलपंतियासु, उज्झरेसु, निज्झरेसु, चिल्ललेसु, पल्ललेसु, विपणिसु, दीवेसु, समुद्देसु, सन्वेसु चेव जलासएसु जलठाणेसु; एत्थ णं वायरवणस्सइकाइयाणं पज्जत्तगाणं ठाणा पन्नता । उववाएणं सम्बलोए, समु-ग्वाएणं सन्वलोए, सट्ठाणेणं लोयस्स असंखेजइभागे ॥ ८९ ॥ कहि णं भंते ! बाय-रवणस्सङ्काङ्याणं अपज्जतगाणं ठाणा पन्नता ? गोयमा! जत्थेव बायरवणस्सङ्काङ्-याणं पज्जत्तगाणं ठाणा प० तत्थेव बायरवणस्सइकाइयाणं अपज्जत्तगाणं ठाणा पन्नता । उववाएणं सन्वलोए, समुग्घाएणं सन्वलोए, सद्घाणेणं लोयस्स असंखेजङ्भागे॥ ९०॥ किह णं भंते ! सुहुमवणस्सइकाइयाणं पज्जत्तगाणं अपज्जत्तगाण य ठाणा पन्नता ? गोयमा! सुहुमवणस्सङ्काइया जे पज्जत्तगा जे य अपज्जत्तगा ते सन्वे एगविहा अविसेसा अणाणत्ता सञ्वलोयपरियावज्ञगा पन्नत्ता समणाउसो! ॥ ९१ ॥ कहि णं भंते ! बेइंदियाणं पज्जतापज्जत्तगाणं ठाणा पन्नता? गोयमा! उहुलोए तदेक्ददेसभागे, अहोलोए तदेक्कदेसभागे, तिरियलोए अगडेसु, तलाएसु, नईसु, दहेसु, वावीसु, पुक्खरिणीसु, दीहियासु, गुंजालियासु, सरेसु, सरपंतियासु, सरसरपंतियासु, बिलेसु, बिलपंतियासु, उज्झरेसु, निज्झरेसु, चिल्ललेसु, पल्ललेसु, विप्पिणेसु, दीवेसु, समुद्देसु, सन्वेसु चेव जलासएसु जलठाणेसु, एत्थ णं बेइंदियाणं पजन्तापजन्तगाणं ठाणा पन्नता । उनवाएणं लोगस्स असंखेजइभागे, समुग्घाएणं लोगस्स असंखेजइभागे, सद्घाणेणं लोगस्स असंखेजङभागे॥ ९२॥ कहि णं भंते! तेइंदियाणं पज्जत्ता-पजनगाणं ठाणा पन्नता ? गोयमा ! उड्ढलोए तदेकदेसभाए, अहोलोए तदेकदेस-भाए, तिरियलोए अगडेसु, तलाएसु, नईसु, दहेसु, वावीसु, पुक्खरिणीसु, दीहि-यासु, गुंजालियासु, सरेसु, सरपंतियासु, सरसरपंतियासु, बिलेसु, बिलपंतियासु, उज्झरेसु, निज्झरेसु, चिल्ललेसु, पल्ललेसु, विपिणेसु, दीवेसु, समुद्देसु, सन्वेसु चेव जलासएसु जलठाणेसु, एत्थ णं तेइंदियाणं पज्जत्तापज्जत्तगाणं ठाणा पन्नता । उववाएणं लोयस्स असंखेजइभागे, समुग्वाएणं लोयस्स असंखेजइभागे, सद्वाणेणं

लीयस्स असंखेजइमागे॥ ९३॥ कहि णं मंते! चउरिंदियाणं पजनापजनगाणं ठाणा पन्नता ? गोयमा ! उडूलोए तदेकदेसभागे, अहोलोए तदेकदेसभागे, तिरिय-लोए अगडेस, तलाएस, नईस, दहेस, वावीस, पुक्खरिणीस, दीहियास, गुंजा-िह्यास, सरेस, सरपंतियास, सरसरपंतियास, बिलेस, बिलपंतियास, उज्झरेस, निज्झरेस, चिछलेस, पछलेस, विपिणेस, दीवेस, समुद्देस, सन्वेस चेव जलासएस जलठाणेसु, एत्थ णं चडरिंदियाणं पज्जतापज्जताणं ठाणा पन्नता । उववाएणं लोयस्स असंखेजइभागे, समुग्घाएणं लोयस्स असंखेजइभागे, सद्घाणेणं लोयस्स असंखेजइभागे ॥ ९४ ॥ कहि णं भंते ! पंचिंदियाणं पजतापजतगाणं ठाणा पन्नता ? गोयमा ! उड्डलोए तदेक्ददेसभाए, अहोलोए तदेक्देसभाए, तिरियलोए अगडेसु, तलाएसु, नईसु, दहेसु, वावीसु, पुक्खरिणीसु, दीहियासु, गुंजालियासु, सरेम्र. सरपंतियास्, सरसरपंतियास्, बिलेस्, बिलपंतियास्, उज्झरेस्, निज्झरेस्, चिक्रलेसु, पक्षलेसु, विपिणेसु, दीवेसु, समुद्देसु, सन्वेसु चेव जलासएसु जलठाणेसु. एत्थ णं पंचिंदियाणं पज्जत्तापज्जत्तगाणं ठाणा पन्नता । उनवाएणं लोयस्स असंखे-जइभागे, समुग्घाएणं लोयस्स असंखेजइभागे, सद्वाणेणं लोयस्स असंखेजइभागे ॥ ९५ ॥ कहि णं भंते ! नेरइयाणं पज्जतापज्जताणं ठाणा पन्नता ? कहि णं भंते ! नेरइया परिवसन्ति ?, गोयमा ! सद्घाणेणं सत्तसु पुढवीसु, तंजहा-रयणप्पभाए, सकरप्पभाए, वाछ्ययपभाए, पंकप्पभाए, धूमप्पभाए, तमप्पभाए, तमतमप्पभाए, एत्थ णं नेरइयाणं चउरासीइनिरयावाससयसहस्सा भवन्तीति मक्खायं । ते णं नरगा अंतो वहा, बाहिं च उरंसा, अहे खुरप्पसंठाणसंठिया, निचंधयारतमसा,ववगयगहचंद-सूरनक्खतजोइसियपहा, मेदवसापूयपडलरुहिरमंसचिक्खिल्ललिताणुलेवणतला, असुई [वीसा], परमदुब्भिगंघा, काउअगणिवण्णाभा, कक्खडफासा, दुरहियासा, असुभा नरगा, असुमा नरगेसु वेयणाओ, एत्थ णं नेरइयाणं पज्जत्तापज्जत्तगाणं ठाणा पन्नता । उननाएणं लोयस्स असंखेज्जइभागे, समुग्घाएणं लोयस्स असंखेज्जइभागे, सद्वाणेणं लोयस्स असंखेजइभागे, एत्य णं बहवे नेरइया परिवसंति । काला, कालो-भासा, गंभीरलोमहरिसा, भीमा, उत्तासणगा, परमकण्हा वन्नेणं पन्नता समणा-उसो !। ते णं तत्थ निचं भीया, निचं तत्था, निचं तसिया, निचं उव्विग्गा, निचं परममसुहसंबद्धं णरगभयं पचणुभवमाणा विहरन्ति ॥ ९६ ॥ किह णं भंते ! रयणप्पभापुढवीनेरइयाणं पज्जतापज्जताणं ठाणा पन्नता ? कहि णं भंते ! रयणप्पभापुढवीनेरइया परिवसन्ति ?, गोयमा ! इमीसे रयणप्पभाए पु॰ असीउत्तर-जोयणसयसहस्सबाहल्लाए उवरि एगं जोयणसहस्समोगाहिता हेट्टा चेगं जोयण-

सहस्सं विजता मज्झे अट्टहत्तरे जोयणसयसहस्से एत्थ णं रयणप्पभापुढवी-नेरडयाणं तीसं निरयावाससयसहस्सा भवन्तीति मक्खायं। ते णं णरगा अंतो वडा. बाहिं चडरंसा, अहे खुरप्पसंठाणसंठिया. निचंधयारतमसा, ववगयगहचंद-सरणक्खत्तजोइसप्पहा, मेदवसापूयपडलरुहिरमंसचिक्खिललेत्ताणुरुवणतला, असुई विसा । परमदुब्भिगंघा, काउअगणिवण्णामा, कक्खडफासा, दुरहियासा, असुमा णरगा. असुभा णरगेसु वेयणाओ, एत्थ णं रयणप्पभापुढवीनेरइयाणं पज्जत्ता-पजताणं ठाणा पन्नता, उववाएणं लोयस्स असंखेजइभागे, समुग्चाएणं लोयस्स असंखेजहमार्गे, सद्घाणेणं लोयस्स असंखेजहमार्गे। तत्थ णं बहवे रयणप्पमापुढवी-नेरइया परिवसन्ति । काला, कालोभासा, गंभीरलोमहरिसा, भीमा, उत्तासणगा, परमिकण्हा बन्नेणं पन्नत्ता समणाउसो ! । ते णं तत्य निचं भीया, निचं तत्था, निचं तसिया. निचं उव्तिगगा, निचं परममसुहसंबद्धं णरगभयं पचणुभवमाणा विहरन्ति ॥ ९७ ॥ कहि णं भंते ! सकरप्पभापुढवीनेरइयाणं पज्जत्तापज्जत्ताणं ठाणा पन्नता? कहि णं भंते! सक्करप्पभापढवीनेरइया परिवसन्ति?. गोयमा! सक्करप्पभापढवीए बत्तीसत्तरजोयणसयसहस्सबाहल्लाए उविरं एगं जोयणसहस्सं ओगाहित्ता हेट्टा चेगं जोयणसहस्सं विज्ञिता मज्झे तीसत्तरे जोयणसयसहस्से एत्थ णं सक्करप्पभापढवी-नेरइयाणं पणवीसं निरयावाससयसहस्सा हवन्तीति मक्खायं । ते णं णरगा अंतो वद्दा, बाहिं चडरंसा, अहे खुरप्पसंठाणसंठिया, निचंधयारतमसा, ववगयगहचंद-सूरनक्खत्तजोइसियप्पहा, मेदनसापृयपडलरुहिरमंसिचिक्खिललित्ताणुलेवणतला. असुई[वीसा], परमद्दिभगंधा, काउअगणिवण्णाभा, कक्खडफासा, दुरहियासा, असभा णरगा. असभा णरगेसु वेयणाओ. एत्थ णं सक्करप्पभापुढवीनेरइयाणं पज्जतापज्जताणं ठाणा पत्रता । उववाएणं०, समुग्वाएणं०, सद्वाणेणं लोगस्स असंखेजइभागे । तत्थ णं बहवे सक्करप्पभापुढवीनेरइया परिवसन्ति । काला, कालोभासा. गंभीरलोमहरिसा, भीमा, उत्तासणगा, परमिकण्हा वन्नेणं पन्नता सम-णाउसो ! । ते णं तत्थ निचं भीया, निचं तत्था, निचं तसिया, निचं उव्विग्गा. निचं परममसहसंबद्धं नर्गभयं पचणुभवमाणा विहर्नत ॥ ९८ ॥ कहि णं भंते ! वालयप्पभापुढवीनेरइयाणं पज्जतापज्जताणं ठाणा पन्नता ? कहि णं भंते ! वालयप्प-भापदवीनेरइया परिवसंति ?. गोयमा ! वालयप्पभापदवीए अद्वावीसत्तरजोयणसय-सहस्सबाह्रह्माए उविरं एगं जोयणसहस्सं ओगाहिता हेट्रा चेगं जोयणसहस्सं विजत्ता मज्झे छव्वीसत्तरजोयणसयसहस्से एत्य णं वालुयप्पभापुढवीनेरइयाणं पन्नरसनर-श्रावासस्यसहस्सा भवन्तीति मक्खायं। ते णं णरगा अंतो वहा, बाहिं चउरंसा,

अहे खुरप्पसंठाणसंठिया, निचंधयारतमसा, ववगयगहचंदस्र्नक्खत्तजोइसियपहा मेदवसाप्यपडलरुहिरमंसचिक्खिल्ललिताणुलेवणतला, असुई[वीसा], परमद्धिम-गंवा. काउअगणिवण्णामा, कक्खडफासा, दुरहियासा, असुमा नरगा, असुमा नर-गेसु वेयणाओ । एत्थ णं वालुयप्पभापुढवीनेर्इयाणं पज्जतापज्जताणं ठाणा पन्नता । उववाएणं लोयस्स असंखेजइभागे, समुग्वाएणं लोयस्स असंखेजइभागे, सहाणेणं लोयस्स असंखेजङभागे । तत्थ णं बहवे वाल्यप्पभापुढवीनेरङ्या परिवसंति । काला, कालोभासा, गंभीरलोमहरिसा, भीमा, उत्तासणगा, परमिकण्हा वन्नेणं पन्नता समणाउसो ! । ते णं तत्थ निचं भीया, निचं तत्था, निचं तसिया, निचं उव्विगगा. निचं परममसुहसंबद्धं णरगभयं पचणुभवमाणा विहरन्ति ॥ ९९ ॥ किह णं भन्ते ! पंकप्पभापुढवीनेरइयाणं पज्जतापज्जताणं ठाणा पन्नता ? कहि णं भनते ! पंकप्पभा-पुढवीनेरइया परिवसंति ? गोयमा ! पंकप्पभापुढवीए वीसुत्तरजोयणसयसहस्स-बाह्लाए उवरिं एगं जोयणसहस्सं ओगाहित्ता हिट्ठा चेगं जोयणसहस्सं विजताः मज्झे अद्वारसुत्तरे जोयणसयसहस्से एत्थ णं पंकप्पभापुढवीनेरइयाणं दस निरया-वाससयसहस्सा भवन्तीति मक्खायं। ते णं णरगा अंतो वद्दा, बाहिं चउरंसा, अहे खुरप्पसंठाणसंठिया, निचंधयारतमसा, ववगयगहचंदसूरनक्खत्तजोइसियपहा, मेदवसाप्रयपडलरुहिरमंसचिक्खिल्ललिगाणुलेवणतला, असुई[वीसा], परमदुब्भिगंघा, काउअगणिवण्णाभा, कक्खडफासा, दुरहियासा, असुभा नरगा, असुभा नरगेसु वेयणाओ, एतथ णं पंकप्पभापुढवीनेरइयाणं पज्जतापज्जताणं ठाणा पन्नता । उव-वाएणं लोयस्य असंखेजहमागे, समुग्वाएणं लोयस्य असंखेजहमागे, सद्राणेणं लोयस्स असंखेजङ्भागे । तत्थ णं बहुवे पंकप्पभापुढवीनेरङ्या परिवसंति । काला कालोभासा गंभीरलोमहरिसा भीमा उत्तासणगा परमकिण्हा वन्नेणं पन्नता समणा-उसो ! । ते णं तत्थ णिचं भीया, णिचं तत्था, णिचं तसिया, णिचं उव्विगगा, णिचं परममसुहसंबद्धं णरगभयं पचणुभवमाणा विहरन्ति ॥ १०० ॥ कहि णं भन्ते ! धूमप्पभापुढवीनेरइयाणं पज्जत्तापज्जत्ताणं ठाणा पन्नता ? किह णं भंते ! धूमप्पभा-पुढवीनेरइया परिवसन्ति ?, गोयमा! धूमप्पभापुढवीए अट्ठारसुत्तरजोयणसयसहस्स-बाह्लाए उवरिं एगं जोयणसहरसं ओगाहित्ता हेट्टा चेगं जोयणसहरसं विजता मज्झे सोलसुत्तरे जोयणसयसहस्से एत्थ णं धूमप्पभापुढवीनेरइयाणं तिन्नि निर-यावाससयसहस्सा भवन्तीति मक्खायं। ते णं णरगा अंतो वहा, बाहिं चउरंसा, अहे खुरप्पसंठाणसंठिया, निचंधयारतमसा, ववगयगहचंदसूरनक्खत्तजोइसियप्पहा, मेदवसाप्रयपडलरुहिरमंसचिक्खिललिताणुलेवणतला, असुई [वीसा], परमदुडिभगंघा,

कालअगणिवण्णाभा, कक्खडफासा, दुरिहयासा, असुभा नरगा, असुभा नरगेसु वेयणाओ, एत्थ णं धूमप्पभापुढवीनेरइयाणं पज्जतापज्जताणं ठाणा पन्नता । उववाnणं लोयस्स असंखेजइभागे, समुग्घाएणं लोयस्स असंखेजइभागे, सद्वाणेणं लोयस्स , असंखेजइभागे। तत्थ णं वहवे धूमप्पभापुढवीनेरइया परिवसन्ति। काला कालो-भासा गंभीरलोमहरिसा भीमा उत्तासणगा परमिकण्हा वन्नेणं पन्नत्ता समणाउसो !। ते णं तत्थ निचं भीया, निचं तत्था, निचं तसिया, निचं उव्विग्गा, निचं परम-मसहसंबद्धं नरगभयं पचणुभवमाणा विहरन्ति ॥ १०१ ॥ कहि णं भंते ! तमा-पढवीनेरङयाणं पज्जतापज्जताणं ठाणा पन्नता ? कहि णं भंते ! तमापुढवीनेरङ्या परिवसंति ?, गोयमा ! तमाए पुढवीए सोलसुत्तरजोयणसयसहस्सबाहुह्राए उविर एगं जोयणसहस्सं ओगाहित्ता हिट्ठा चेगं जोयणसहस्सं विजता मज्झे चउदस्तिरे जोयणसयसहस्से एतथ णं तमप्पभापुढवीनेरइयाणं एगे पंचुणे णर्गावाससयसहस्से भवतीति मक्खायं। ते णं णरगा अंतो वद्या, बाहिं चउरंसा, अहे खुरप्पसंठाण-संठिया, निचंधयारतमसा, ववगयगहचंदसरनक्खत्तजोइसियपहा, मेदवसापयपडल-रुद्दिरमंसिचिक्खिल्ललिताणुलेवणतला, असुई [वीसा], परमदुर्विभगंघा, कक्खडफासा, दरिहयासा. असभा नरगा, असभा नरगेसु वेयणाओ, एत्थ णं तमापुढवीनेरइयाणं पजनापजनाणं ठाणा पन्नता। उववाएणं लोयस्स असंखेजङ्भागे, समुम्घाएणं लोयस्स असंखेजाइमागे. सद्राणेणं लोयस्स असंखेजाइमागे। तत्थ णं बहवे तमप्पमा-पढवीनेरइया परिवसंति । काला कालोभासा गंभीरलोमहरिसा भीमा उत्तासणगा परमिकण्हा वन्नेणं पन्नता समणाउसो!। ते णं तत्थ निचं भीया, निचं तत्था, निचं तसिया. निचं उव्विग्गा, निचं परममसुहसंबद्धं नरगभयं पचणुभवमाणा विहरन्ति ॥ १०२ ॥ कहि णं भंते ! तमतमापुढवीनेरइयाणं पज्जत्तापज्जत्ताणं ठाणा पन्नत्ता ? कि णं भंते ! तमतमापुढवीनेरइया परिवसंति ?, गोयमा ! तमतमाए पुढवीए अड्डोत्तर-जोयणसयसहस्सबाह्रष्टाए उवरि अद्धतेवन्नं जोयणसहस्साइं ओगाहिता हिद्रा वि अद्भतेवन्नं जोयणसहस्साइं विज्ञिता मज्झे तीस जोयणसहस्सेस एत्थ णं तमतमा-पढवीनेरइयाणं पज्जतापज्जताणं पंचदिसि पंच अणत्तरा महइमहालया महानिरया पन्नता । तंजहा-काले महाकाले रोहए महारोहए अपइद्वाणे । ते णं णरगा अंतो वहा. बाहिं चडरंसा. अहे खरप्पसंठाणसंठिया. निचंधयारतमसा, ववगयगहचंद-सूरनक्खत्तजोइसियप्पहा, मेदवसापूयपडलरहिरमंसचिक्खिल्ललिताणुळेवणतला, असुई [वीसा], परमदुब्भिगंघा, कक्खडफासा, दुरहियासा, असुभा नरगा, असुभा नरगेसु वेयणाओ, एत्थ णं तमतमापुढवीनेरइयाणं पज्जतापज्जताणं ठाणा पन्नता ।

उववाएणं लोयस्स असंखेजहभागे, समुग्घाएणं लोयस्स असंखेजहभागे, सद्राणेणं लोयस्स असंखेजइभागे । तत्थ णं बहुवे तमतमापुढवीनेरइया परिवसंति । काला कालोभासा गंभीरलोमहरिसा भीमा उत्तासणगा परमिकण्हा वन्नेणं पन्नता समणा-उसो!। ते णं तत्थ निचं भीया, निचं तत्था, निचं तसिया, निचं उव्विग्गा. निचं परममसहसंबद्धं णरगभयं पचणुभवमाणा विहरनित । आसीयं वत्तीसं अद्रावीसं च हुंति वीसं च । अट्ठारससोलसगं अट्ठतरमेव हिट्ठिमिया ॥ १ ॥ अट्ठत्तरं च तीसं छन्वीसं चेव सयसहस्यं तु । अद्वारस सोलसगं चउदसमहियं तु छद्रीए ॥ २ ॥ अद्भितवन्नसहरसा उवरिमहे विज्ञाऊण तो भणियं। मज्झे तिसहरसेसं होन्ति ज नरगा तमतमाए ॥ ३ ॥ तीसा य पत्रवीसा पत्ररस दसेव सयसहस्साइं । तिन्नि य पंचुणेगं पंचेव अणुत्तरा नरगा ॥ ४ ॥ १०३ ॥ कहि णं भंते ! पंचिंदियतिरिक्ख-जोणियाणं पज्जतापज्जतगाणं ठाणा पन्नता ? गोयमा! उड्डलोए तदेकदेसभाए अहोलोए तदेकदेसभाए, तिरियलोए अगडेस, तलाएस, नईस, दहेस, वावीस, पुक्खरिणीस, दीहियास, गुंजालियास, सरेसु, सरपंतियास, सरसरपंतियास, बिलेसु, बिलपंतियासु, उजझरेसु, निज्झरेसु, चिल्ललेसु, पल्ललेसु, विप्पिणेसु, दीवेसु, सम्रहेसु, सन्वेसु चेव जलासएसु जलठाणेसु, एत्थ णं पंचिंदियतिरिक्खजोणियाणं पजातापजातगाणं ठाणा पन्नता । उववाएणं लोयस्स असंखेजाइभागे, समुग्वाएणं सन्वलोयस्स असंखेजङ्भागे, सद्राणेणं सन्वलोयस्स असंखेजङ्भागे ॥ १०४ ॥ कहि णं भंते ! मणुस्साणं पज्जतापज्जताणं ठाणा पन्नता ? गोयमा ! अंतो मणुस्सखेते पणयालीसाए जोयणसयसहस्सेस, अङ्गाइजेस दीवसमुद्देस, पन्नरसस कम्मभूमीस. तीसाए अकम्मभूमीस, छप्पन्नाए अंतरदीवेस, एत्य णं मणुस्साणं पज्जतापज्जताणं ठाणा पन्नता । उननाएणं लोयस्स असंखेजइभागे, समुग्घाएणं सन्नलोए, सद्वाणेणं लोयरस असंखेजइभागे ॥ १०५ ॥ कहि णं भंते ! भवणवासीणं देवाणं पजता-पजताणं ठाणा पन्नता ? कहि णं भंते ! भवणवासी देवा परिवसंति ?. गोयमा ! इमीसे रयणप्पभाए पुढवीए असीउत्तरजोयणसयसहस्सवाहल्लाए उवरिं एगं जोयण-सहस्सं ओगाहिता हेट्टा चेगं जोयणसहस्सं विजता मज्झे अट्रहत्तरे जोयणसयसहस्से एत्थ णं भवणवासीणं देवाणं पज्जतापज्जताणं सत्त भवणकोडीओ बावत्तरि भवणावा-ससयसहस्सा भवन्तीति मक्खायं । ते णं भवणा बाहिं वट्टा, अन्तो चउरंसा, अहे पुक्खरकियासंठाणसंठिया, उक्किश्चंतरविडलगंभीरखायकलिहा, पागार्द्वालयकवाड-तोरणपडिदुवारदेसभागा, जंतसयग्विमुसलमुसंढिपरियारिया, अउज्झा, सयाजया, सयागुत्ता, अडयालकोट्टगरइया, अडयालकयवणमाला, खेमा, सिवा, किंकरामरदंडो-

वरक्खिया, लाउल्लोइयमहिया, गोसीससरसरत्तचंदणदद्दरिव्नपंचंगुलितला, उवचिय--चंदणकलसा, चंदणघडसुकयतोरणपडिदुवारदेसभागा, आसत्तोसत्तविउलवदृवग्घारि-यमह्रदामकलावा, पंचवन्नसरससुरभिमुक्षपुप्फपुंजोवयारकलिया, कालागुरुपवरकुंदुरु-कतुरुक्रधृतमधमघंतगंधुद्धुयाभिरामा, सुगंधवरगंधिया, गंधवद्विभूया, अच्छरगणसंघ-संविकिता, दिव्वतुडियसद्संपणइया, सव्वरयणामया, अच्छा, सण्हा, लण्हा, घट्टा, मद्वा, णीरया, निम्मला, निष्कंता, निकंतडच्छाया, सप्पहा, सस्सिरीया, समरीइया, सउजोया, पासादीया, दरिसणिजा, अभिक्वा, पडिक्वा । एत्थ णं भवणवासिदे-वाणं पजतापजताणं ठाणा पन्नता । उववाएणं लोयस्स असंखेजङ्भागे, समुग्घाएणं लोयस्स असंखेजइभागे, सद्घाणेणं लोयस्स असंखेजइभागे। तत्थ णं बहुवे भवण-वासी देवा परिवसंति । तंजहा-असुरा नाग सुवन्ना विज्जू अग्गी य दीव उदही य । दिसिपवर्णथणियनामा दसहा एए भवणवासी ॥ चूडामणिमउडरयणाभूसणणागफड-गस्लवइरपुन्नकलसंकिउप्फेसा, सीहहयवरगयंकमगरवरवद्धमाणनिज्जुत्तचित्तचियगया, सुरुवा, महिष्ट्रिया, महज्जुइया, महब्बला, महायसा, महाणुभावा, महासोक्खा, हारविराइयवच्छा, कडगतुष्डियथंभियभुया, अंगदकुंडलमट्टगंडतलकन्नपीढधारी, विचित्तहत्थाभरणा, विचित्तमालामउलिमउडा, क्ल्लाणगपवर्वत्थपरिहिया, क्ल्लाण-गपवरमञ्जाणुलेवणधरा, भासुरबोंदी, पलंबवणमालधरा, दिव्वेणं वन्नेणं दिव्वेणं गंधेणं दिव्वेणं फासेणं दिव्वेणं संघयणेणं दिव्वेणं संठाणेणं दिव्वाए इङ्कीए दिव्वाए जुईए दिन्वाए पभाए दिन्वाए छायाए दिन्वाए अश्वीए दिन्वेणं तेएणं दिन्वाए छेसाए दस दिसाओ उज्जोनेमाणा पभासेमाणा, ते णं तत्थ साणं साणं भवणावाससयसहस्साणं, साणं साणं सामाणियसाहस्सीणं, साणं साणं तायत्तीसाणं, साणं साणं लोगपालाणं, साणं साणं अग्गमहिसीणं, साणं साणं परिसाणं, साणं साणं अणियाणं, साणं साणं अणियाहिनईणं, साणं साणं आयरक्खदेवसाहस्सीणं, अन्नेसि च बहूणं भवणवासीणं देवाण य देवीण य आहेवचं पोरेवचं सामित्तं भिंहत्तं महत्तरगत्तं आणाईसरसेणावचं कारेमाणा, पालेमाणा, महया हयनदृगीयवाइयतंतितलतालतुडियघणसुइंगपडुप्पवाइ-यरवेणं दिव्वाइं भोगभोगाइं भुंजमाणा विहरंति ॥ १०६ ॥ कहि णं भंते ! असुरकुमाराणं देवाणं पज्जतापज्जताणं ठाणा पन्नता ? किह णं मंते ! असुरकुमारा देवा परिवसंति ?, गोयमा ! इमीसे रयणप्पभाए पुढवीए असीउत्तरजोयणसयसहस्स-बाह्लाए उनरि एगं जोयणसहस्सं ओगाहिता हेट्ठा चेगं जोयणसहस्सं विजता मज्झे अद्वहुत्तरे जोयणसयसहस्से एत्थ णं असुरकुमाराणं देवाणं चउसिंहुं भवणा-वाससयसहरसा भवन्तीति मक्खार्य । ते णं भवणा बाहिं वद्या. अंतो चडरंसा.

अहे पुक्खरकन्नियासंठाणसंठिया, उक्तिन्नंतरविउलगंभीरखायफलिहा, पागारहालय-कवाडतोरणपडिद्वारदेसभागा, जंतसयग्विमुसलमुसंहिपरियारिया, अउज्झा, सया-जया. सयाग्रत्ता. अडयालकोट्टगरइया, अडयालकयवणमाला, खेमा, सिवा, किंकरा-मरदंडोवरिक्खया. लाउल्लोइयमहिया. गोसीससरसरत्तचंदणदहरदिन्नपंचंग्रलितला उवचियचंदणकलसा. चंदणघडसुकयतोरणपडिदुवारदेसभागा, आसत्तोसत्तविउल-वद्दवभ्वारियमछदामकलावा, पंचवन्नसरससुरभिमुक्कपुष्कपुंजोवयारकलिया, काला-गुरुपवरकुंदुरुक्कतुरुक्कडज्झंतधूव्मधमघंतगंधुद्धयाभिरामा, सुगंधवरगंधिया, गंधवहि-भ्या, अच्छरगणसंघसंविकिन्ना, दिव्वतुडियसद्संपणइया, सव्वरयणामया, अच्छा सण्हा, लण्हा, घट्टा, मट्टा, णीरया, निम्मला, निप्पंका, निकंकडच्छाया, सप्पमा, सिस्तिरीया, समरीइया, सङ्जोया, पासादीया, दिरसणिजा, अभिरूवा, पिरूवा: एत्य णं अधुरक्रमाराणं देवाणं पज्जतापज्जत्ताणं ठाणा पन्नता । उववाएणं लोयस्स असंखेजहभागे, समुग्घाएणं लोयस्स असंखेजहभागे, सद्वाणेणं लोयस्स असंखेजह-भागे, तत्थ णं बहवे असुरकुमारा देवा परिवसंति । काला, लोहियक्खबिंबोट्टा, धवल-पुप्फदंता. असियकेसा, वामेगकुंडलथरा, अद्दचंदणाणुलितगत्ता, ईसिसिलियपु-प्फप्पगासाइं असंकिलिष्ठाइं सुहुमाइं वत्थाइं पवरपरिहिया, वयं च पढमं समइक्रंता-बिइयं च वयं असंपत्ता, भद्दे जोव्वणे वद्यमाणा, तलभंगयतुडियपवरभूसणिम्मल, मणिरयणमंडियभुया, दसमुद्दामंडियगगहत्था, चूडामणिविचित्तचिंधगया, सुरूवा, महिष्ट्रिया, महजुइया, महायसा, महब्बला, महाणुभागा, महासोक्खा, हारविराइ-यवच्छा, कडयतुर्डियथंभियभुया, अंगयकुंडलमट्टगंडयलकन्नपीढधारी, विचित्तहत्थाभ-रणा, विचित्तमालामउलिमउडा, कल्लाणगपवरवत्थपरिहिया, कल्लाणगमलाणुलेवणधरा, भासुरबोंदी, पलंबवणमालधरा, दिन्वेणं वन्नेणं दिन्वेणं गंधेणं दिन्वेणं फासेणं दिन्वेणं संघयणेणं दिन्वेणं संठाणेणं दिन्वाए इङ्कीए दिन्वाए जुईए दिन्वाए पभाए दिन्वाए छायाए दिन्त्राए अचीए दिन्त्रेणं तेएणं दिन्त्राए छेसाए दस दिसाओ उज्जीवेमाणा पभासेसाणा, ते णं तत्थ साणं साणं भवणावाससयसहस्साणं साणं साणं सामाणि-यसाहस्सीणं साणं साणं तायत्तीसाणं साणं साणं लोगपालाणं साणं साणं अगगमहि-सीणं साणं २ परिसाणं साणं साणं अणियाणं साणं साणं अणियाहिवईणं साणं साणं आयरक्खदेवसाहस्सीणं अनेसिं च बहुणं भवणवासीणं देवाण य देवीण य आहेवचं पोरेवचं सामित्तं भिहत्तं महत्तरगत्तं आणाईसरसेणावचं कारेमाणा, पाले-माणा, महया हयनदृगीयवाइयतंतीतलतालतुडियघणमुइंगपदुप्पवाइयरवेणं दिव्वाइं भोगभोगाइं मुंजमाणा विहरंति । चमरबलिणो इत्थ दुवे असुरकुमारिंदा असुरकुमार-

रायाणो परिवसंति । काला, महानीलसरिसा, णीलगुलियगवलअयसिकुसुमप्पगासा, . वियसियसयवत्तणिम्मलईसिसियरत्ततंबणयणा, गरुलाययङज्जुतुंगनासा, उवचियसिल-प्पवालविवपलसंनिभाहरोट्ठा, पंडुरससिसगलविमलनिम्मलदिहघणसंखगोक्खीरकुंदद-गरयमुणालियाथवलदंतसेढी, हुयवहनिद्धंतधोयतत्ततवणिज्जरत्ततलतालुजीहा, अंजण-घणकसिणगरयगरमणिजाणिद्धकेसा, वामेगकुंडलधरा, अद्दंदणाणुलित्तगत्ता, ईसिसि-लिंबपुप्फप्पगासाई असंकिलिद्वाई सुहुमाई वत्थाई पवरपरिहिया, वयं च पढमं समइकंता, बिइयं च असंपत्ता, भद्दे जोव्वणे वृद्धमाणा, तलभंगयतुडियपवरभूसण-णिम्मलमणिरयणमंडियभुया, दसमुद्दामंडियग्गहत्था, चुडामणिचित्तचिंधगया. सुरुवा, महिष्ट्रिया, महाजुईया, महायसा, महाबला, महाणुभागा, महासोक्खा, हारविराइयवच्छा, कडयतुडियथंभियभुया, अंगद्कुंडलमद्वगंडतलकन्नपीढघारी, विचित्तहत्थाभरणा, विचित्तमालामङलिमङङा, कल्लाणगपवरवत्थपरिहिया, कल्लाण-गपवरमल्लाणुळेवणधरा, भासुरबोंदी, पलंबवणमालधरा, दिञ्वेणं वन्नेणं, दिञ्वेणं गंधेणं, दिव्वेणं फासेणं, दिव्वेणं संघयणेणं, दिव्वेणं संठाणेणं, दिव्वाए इङ्गीए, दिव्वाए जुईए, दिव्वाए पभाए, दिव्वाए छायाए, दिव्वाए अचीए, दिव्वेणं तेएणं, दिन्वाए लेसाए दस दिसाओ उज्जोवेमाणा, प्रभासेमाणा, ते णं तत्थ साणं साणं भवणावाससयसहरूसाणं, साणं साणं सामाणियसाहरूसीणं, साणं साणं तायत्तीसाणं, साणं साणं लोगपालाणं, साणं साणं अगगमहिसीणं, साणं साणं परिसाणं, साणं साणं अणियाणं, साणं साणं अणियाहिवईणं, साणं साणं आयरक्खदेवसाहस्सीणं, अन्नेसिं च बहुणं भवणवासीणं देवाण य देवीण य आहेवचं पोरेवचं सामित्तं भट्टितं महत्तर-गत्तं आणाईसरसेणावचं कारेमाणा, पालेमाणा, महया हयनदृगीयवाइयतंतीतलताल-तुडियघणसुइंगपडुप्पवाइयरवेणं दिव्वाइं भोगभोगाइं भुंजमाणा विहरति ॥ १०७ ॥ कहि णं भंते ! दाहिणिहाणं असुरकुमाराणं देवाणं पजन्तापजनाणं ठाणा पन्नता ? किह णं भंते ! दाहिणिल्ला असुरकुमारा देवा परिवसंति ?, गोयमा ! जंबुद्दीवे दीवे मंदरस्त पव्वयस्त दाहिणेणं इमीसे रयणप्पभाए पुढवीए असीउत्तरजोयणसयसहस्स-बाहल्लाए उवरिं एगं जोयणसहरसं ओगाहिता हिट्ठा चेगं जोयणसहरसं विजता मज्झे अट्टहत्तरे जोयणसयसहस्से एत्थ णं दाहिणिल्लाणं असुरकुमाराणं देवाणं चउत्तीसं भवणावाससयसहस्सा भवन्तीति मक्खायं। ते णं भवणा बाहिं वहा, अंतो चउरंसा सो चेव वण्णओ जाव पिडक्वा । एतथ णं दाहिणिल्लाणं असुरकुमाराणं देवाणं पज्ज-त्तापज्ञताणं ठाणा पन्नता । तीस्रवि लोगस्स असंखेजहभागे । तत्थ णं बहवे दाहि-णिल्ला असुरक्रमारा देवा देवीओ य परिवसंति । काला, लोहियक्खा तहेव जाव

भंजमाणा विहरंति । एएसि णं तहेव तायत्तीसगलोगपाला भवन्ति । एवं सब्बन्ध भाणियव्वं । भवणवासीणं चमरे इत्थ असुरकुमारिंदे असुरकुमारराया परिवसह काले महानीलसरिसे जाव पभासेमाणे । से णं तत्थ चडतीसाए भवणावाससयसह-स्साणं. चउसद्रीए सामाणियसाहस्सीणं, तायत्तीसाए तायत्तीसगाणं, चउण्हं लोग-पालाणं, पंचण्हं अगगमहिसीणं सपरित्राराणं, तिण्हं परिसाणं, सत्तण्हं अणियाणं, सत्तण्हं अणियाहिवईणं, चउण्ह य चउसद्वीणं आयरक्खदेवसाहस्सीणं, अन्नेसिं च बहुणं दाहिणिह्नाणं देवाणं देवीण य आहेवचं पोरेवचं जाव विहरइ ॥ १०८॥ कहि णं भंते ! उत्तरिक्षाणं असुरकुमाराणं देवाणं पज्जतापज्जताणं ठाणा पन्नता ? कहि णं भंते ! उत्तरिहा असुरकुमारा देवा परिवसंति ?, गोयमा ! जंबुहीवे दीवे मंदरस्स पन्वयस्स उत्तरेणं इमीसे रयणप्पभाए पढवीए असीउत्तरजोयणसयसहस्स-बाहुलाए उविरं एगं जोयणसहस्सं ओगाहिता हिट्ठा चेगं जोयणसहस्सं विजता मज्झे अद्भहत्तरे जोयणसयसहस्से एत्थ णं उत्तरिक्षाणं असुरक्रमाराणं देवाणं तीसं भवणावाससयसहस्सा भवन्तीति मक्खायं । ते णं भवणा बाहिं वट्टा, अंतो चउरंसा. सेसं जहा दाहिणिल्लाणं जाव विहरंति । बली एत्थ वहरोयणिंदे वहरोयण-राया परिवसइ, काळे महानीळसारेसे जाव पमासेमाणे। से णं तत्थ तीसाण भवणावाससयसहस्साणं, सद्रीए सामाणियसाहस्सीणं, तायत्तीसाए तायत्तीसगाणं, चडण्हं लोगपालाणं, पंचण्हं अगगमहिसीणं सपरिवाराणं, तिण्हं परिसाणं, सत्तण्हं अणियाणं, सत्तण्हं अणियाहिवईणं, चडण्ह य सद्रीणं आयरक्खदेवसाहस्सीणं. अन्नेसिं च बहुणं उत्तरिल्लाणं असुरकुमाराणं देवाण य देवीण य आहेवचं पोरेवचं कुव्वमाणे विहरइ ॥ १०९ ॥ किह णं भेते ! नागकुमाराणं देवाणं पज्जतापज्जताणं ठाणा पन्नता ? कहि णं भंते ! नागकुमारा देवा परिवसंति ?, गोयमा ! इमीसे रयणप्पभाए पुढवीए असीउत्तरजोयणसयसहस्सबाह्ल्लाए उवरिं एगं जोयणसहस्सं ओगाहिता हिद्रा चेगं जोयणसहस्सं विजता मज्झे अट्रहत्तरे जोयणसयसहस्से एत्थ णं नागकुमाराणं देवाणं पज्जतापज्जताणं चुलसीइभवणावाससयसहस्सा भवन्तीति मक्खायं । ते णं भवणा बाहिं वहा, अंतो चउरंसा जाव पडिरूवा । तत्थ णं णागकुमाराणं पज्जतापज्जताणं ठाणा पन्नता । तीस वि लोगस्स असंखेजहभागे । तत्थ णं बहवे नागकुमारा देवा परिवसंति, महिड्डिया, महज्जुइया, सेसं जहा ओहियाणं जाव विहरंति । घरणभूयाणंदा एत्थ णं दुवे णागकुमारिंदा णागकुमार-रायाणो परिवसंति महिष्ट्रिया सेसं जहा ओहियाणं जाव विहरंति ॥ ११० ॥ कहिः णं भंते ! दाहिणिल्लाणं नागकुमाराणं देवाणं पज्जतापज्जताणं ठाणा पन्नता ? कहि

णं भंते ! दाहिणिह्या नागकुमारा देवा परिवसंति ?, गोयमा ! जंबुद्दीवे दीवे मंदरस्स पव्वयस्स दाहिणेणं इमीसे रयणप्पभाए पुढवीए असीउत्तरजोयणसयसहस्सबाह्रह्याए उविरं एगं जोयणसहस्सं ओगाहिता हिट्ठा चेगं जोयणसहस्सं विज्ञिता मज्झे अद्रहत्तरे जोयणसयसहस्से एत्थ णं दाहिणिल्लाणं नागकुमाराणं देवाणं चउयालीसं भवणावाससयसहस्सा भवन्तीति मक्खायं । ते णं भवणा बाहिं वट्टा जाव पडिरूवा । एतथ णं दाहिणिल्लाणं नागकुमाराणं पज्जतापज्जताणं ठाणा पन्नता, तीसु वि लोयस्स असंखेजइभागे, एत्थ णं दाहिणिल्ला नागकुमारा देवा परिवसंति, महिङ्गिया जाव विहरंति । धरणे इत्थ नागकुमारिंदे नागकुमारराया परिवसइ, महिड्डिए जाव पभासेमाणे। से णं तत्थ चडयालीसाए भवणावाससयसहस्साणं. छण्हं सामाणियसाहस्सीणं, तायत्तीसाए तायत्तीसगाणं, चउण्हं लोगपालाणं, छण्हं अगमहिसीणं सपरिवाराणं, तिण्हं परिसाणं, सत्तण्हं अणियाणं, सत्तण्हं अणियाहि-वईणं, चडव्वीसाए आयरक्खदेवसाहस्सीणं, अन्नेसिं च बहणं दाहिणिल्लाणं नाग-कुमाराणं देवाण य देवीण य आहेवचं पोरेवचं कुव्वमाणे विहरह ॥ १९१॥ कहि णं भंते उत्तरिहाणं णागकुमाराणं देवाणं पज्जतापज्जताणं ठाणा पन्नता ? कहि णं भंते ! उत्तरिहा णागकुमारा देवा परिवसंति ?, गोयमा ! जम्ब्रहीवे दीवे मन्दरस्स पव्वयस्स उत्तरेणं इमीसे रयणप्पभाए पुढवीए असीउत्तरजोयणसयसहस्सबाह्छाए उविरं एगं जोयणसहस्सं ओगाहिता हेट्टा चेगं जोयणसहस्सं विज्ञिता मज्झे अट्ठहत्तरे जोयणसयसहस्से एत्थ णं उत्तरिह्णाणं नागकुमाराणं देवाणं चत्तालीसं भवणावाससयसहरसा भवन्तीति मक्खायं। ते णं भवणा बाहिं वट्टा सेसं जहा दाहिणिल्लाणं जाव विहरंति । भूयाणंदे एत्थ नागकुमारिंदे नागकुमारराया परिवसइ, महिङ्किए जाव पभासेमाणे। से णं तत्थ चत्तालीसाए भवणावाससयसहस्साणं आहेवचं जाव विहरइ ॥ ११२ ॥ किह णं भंते ! सुवन्नकुमाराणं देवाणं पज्जता-पज्जत्ताणं ठाणा पन्नता ? किह णं भंते ! सुवन्नकुमारा देवा परिवसंति ?, गोयमा ! इमीसे रयणप्पभाए पुढवीए जाव एत्थ णं सुवन्नकुमाराणं देवाणं बावत्तरिं भवणा-वाससयसहस्सा भवन्तीति मक्खायं। ते णं भवणा बाहिं वद्दा जाव पडिरूवा । तत्थ णं सुवन्नकुमाराणं देवाणं पज्जतापज्जताणं ठाणा पन्नता जाव तिस्र वि लोयस्स असंखेजहभागे । तत्थ णं बहवे सुवन्नकुमारा देवा परिवसंति महिन्निया सेसं जहा ओहियाणं जाव विहरंति । वेणुदेवे वेणुदाली य इत्थ दुवे सुवण्णकुमारिंदा सुवण्ण-कुमाररायाणो परिवसंति, महिङ्किया जाव विहरंति ॥ ११३ ॥ कहि णं भंते 🛚 दाहिणिल्लाणं सुवण्णक्रमाराणं पज्जतापज्जताणं ठाणा पन्नता ? किह णं भंते ! दाहि- णिल्ला सुवण्णकुमारा देवा परिवसंति ?, गोयमा ! इमीसे जाव मज्झे अद्रहत्तरे जोयणसयसहरसे एत्थ णं दाहिणिल्लाणं सुवण्णकुमाराणं अट्टतीसं भवणावाससयस-हस्सा भवन्तीति मक्खायं । ते णं भवणा बाहिं वट्टा जाव पिड्हवा । एत्थ णं दाहिणिल्लाणं सुवण्णकुमाराणं पज्जतापज्जताणं ठाणा पन्नता । तिसु वि लोगस्स असंखेजइभागे । एतथ णं वहवे सुवण्णकुमारा देवा परिवसंति । वेणुदेवे य इत्थ स्रवन्नक्रमारिन्दे स्रवन्नक्रमारराया परिवसइ, सेसं जहा नागकुमाराणं ॥ ११४॥ कहि णं भन्ते ! उत्तरिल्लाणं सुवन्नकुमाराणं देवाणं पज्जतापज्जताणं ठाणा पन्नता ? किह णं भंते ! उत्तरिल्ला सुवन्नकुमारा देवा परिवसंति ?, गोयमा ! इमीसे रयणप्प-भाए जाव एत्थ णं उत्तरिल्लाणं सुवन्नकुमाराणं चउतीसं भवणावाससयसहस्सा भव-न्तीति मक्खायं। ते णं भवणा जाव एत्थ णं बहवे उत्तरिहा सुवन्नकुमारा देवा परिवसंति, महिड्टिया जाव विहरंति । वेणुदाली इत्थ सुवन्नकुमारिंदे सुवन्नकुमारराया परिवसइ, महिङ्किए सेसं जहा नागकुमाराणं । एवं जहा सुवन्नकुमाराणं वत्तव्वया भणिया तहा सेसाण वि चउदसण्हं इंदाणं भाणियव्वा । नवरं भवणणाणत्तं इंदणा-णत्तं वण्णणाणत्तं परिहाणणाणत्तं च इमाहिं गाहाहिं अणुगंतव्वं-चउसिंद्रं असुराणं चलसीयं चेव होंति नागाणं । वावत्तरिं सुवचे वाउकुमाराण छन्नउई ॥ १॥ दीवदिसाउदहीणं विज्ञुकुमारिंदथणियमग्गीणं । छण्हंपि जुयलयाणं छावत्तरिमो सयसहस्सा ॥ २ ॥ चडतीसा चडयाला अहतीसं च सयसहस्साइं । पन्ना चत्तालीसा दाहिणओ हंति भवणाई ॥ ३ ॥ तीसा चत्तालीसा चडतीसं चेव सयसहस्साई। छायाला छत्तीसा उत्तरओ हंति भवणाइं ॥ ४ ॥ चउसट्टी सट्टी खलु छच सहस्साइं असुरवजाणं । सामाणिया उ एए चडग्गुणा आयरक्खा उ ॥ ५ ॥ चमरे धरणे तह वेणुदेवें हरिकंतअग्गिसीहे य। पुन्ने जलकंते य अमियविलम्बे य घोसे य ॥ ६॥ बलिभूयाणंदे वेणुदालिहरिस्सहे अग्गिमाणविविसिद्धे । जलपह तहऽमि-यवाहणे पभंजणे य महाघोसे ॥ ७॥ उत्तरिह्नाणं जाव विहरंति । असुरकुमारा नागा उदही य पंडुरा दो वि। वरकणगनिचसगोरा हंति सुकन्ना ंदिसा थणिया ॥ ८ ॥ उत्तत्तकणगवन्ना विज् अग्गी य होंति दीवा य । सामा पियंगुवन्ना वाउकुमारा मुणेयव्वा ॥ ९ ॥ असुरेसु हुंति रत्ता सिर्लियपुष्फप्पभा य नागुदही । आसासगवसणघरा होंति सुवन्ना दिसा थणिया ॥ १० ॥ नीलाणुरा-गवसणा विज्जू अग्गी य हुंति दीवा य । संझाणुरागवसणा वाउकुमारा मुणेयन्वा ॥ ११ ॥ ११५ ॥ कहि णं भंते ! वाणमंतराणं देवाणं पज्जतापज्जताणं ठाणा पनता ? कि णं भंते ! वाणमंतरा देवा परिवसंति ?, गोयमा ! इमीसे रयणप्पभाए

पढवीए रयणामयस्स कंडस्स जोयणसहस्सवाहह्रस्स उविरं एगं जोयणसयं ओगा-हिता हिट्ठा वि एगं जोयणसयं वजिता मज्झे अद्वसु जोयणसएसु एत्थ णं वाण-मंतराणं देवाणं तिरियमसंखेजा भोमेजनयरावाससयसहस्सा भवन्तीति मक्सायं। ते णं भोमेजा णयरा बाहिं वहा, अंतो चउरंसा, अहे पुक्खरकन्नियासंठाणसंठिया, उक्किन्नेतरविउलगंभीरखायफलिहा, पागारहालयकवाडतोरणपडिदुवारदेसभागा, जंत-सयग्विमसलमुसंहिपरिवारिया, अउज्झा, सयाजया, सयागुत्ता, अडयालकोट्टगरइया, अडयालकयवणमाला, खेमा, सिवा, किंकरामरदंडोवरिक्खया, लाउछोइयमहिया, गोसीससरसरत्तचंदणदद्दरिवन्नपंचंगुलितला, उवचियचंदणकलसा, चंदणघडसुकय-तोरणपडिदुवारदेसभागा, आसत्तोसत्तविङलवृहवग्वारियमछदामकलावा, पंचवण्ण-सरससुरहिसुकपुष्फपुंजोवयारकलिया, कालागुरुपवरकुंदुरुकतुरुकधूवमघमघंतगंधुद्ध-याभिरामा, सुगंधवरगंधिया, गंधवद्विभूया, अच्छरगणसंघसंविकिञ्चा, दिव्वतुडिय-सहसंपणइया, पडागमालाउलाभिरामा, सन्वरयणामया, अच्छा, सण्हा, लण्हा, घट्टा, मद्रा, नीरया, निम्मला, निप्पंका, निक्कंकडच्छाया, सप्पहा, सिस्सरीया, समरीइया, सङ्जोया, पासाइया, दरिसणिजा, अभिरूवा, पिंडरूवा। एत्थ णं वाणमन्तराणं देवाणं पज्जतापज्जताणं ठाणा पन्नता । तिस वि लोयस्स असंखेजइ-भागे। तत्थ णं बहवे वाणमंतरा देवा परिवसंति। तंजहा-पिसाया, भया, जक्खा, रक्खसा, किंनरा, किंपुरिसा, भुयगवइणो महाकाया, गन्धव्वगणा य निउणगंधव्यगीयरङ्गो. अणवन्नियपणवन्नियङ्सिवाङ्यभ्यवाङ्यकंदियमहाकंदिया य क्रहंडपयंगदेवा. चंचलचलचवलचित्तकीलणदविषया. गहिरहसियगीयणचणरई, वणमालामेलमञ्डकुंडलसच्छंदविङ्वियाभरणचारभूसणधरा, सन्वोञ्यसुरभिक्कसुम-द्धरइयपलंबसोहंतकंतविहसंतचित्तवणमालरइयवच्छा, कामगमा [कामकामा], काम-ह्वदेहधारी. णाणाविहवण्णरागवरवत्थविचित्तचिल्लरुगनियंसणा, विविहदेसिनेवत्थ-गहियवेसा, पमुइयकंदप्पकलहकेलिकोलाहलिपया, हासबोलबहुला, असिमुग्गरसित्त-कुंतहत्था, अणेगमणिरयणविविहणिज्ञुत्तविचित्तचिंधगया, महिष्ट्रिया, महज्जुइया, महायसा, महाबला, महाणुभागा, महासुक्खा, हारविराइयवच्छा, कडयत्रिय-थंभियभ्या. अंगयकुंडलमद्भगंडयलकन्नपीढधारी, विचित्तहत्थाभरणा, विचित्तमाला-मउलिमउडा, कल्लाणगपवरवत्थपरिहिया, कल्लाणगपवरमलाणुलेवणघरा, भासुरबोंदी, पलंबवणमालधरा, दिव्वेणं वन्नेणं, दिव्वेणं गंधेणं, दिव्वेणं फासेणं, दिव्वेणं संघय-गेणं, दिव्वेणं संठाणेणं, दिव्वाए इन्हीए, दिव्वाए जुईए, दिव्वाए पभाए, दिव्वाए छायाए. दिव्वाए अचीए. दिव्वेणं तेएणं, दिव्वाए लेस्साए दस दिसाओ उज्जोवे-२० सत्ता०

माणा, पभासेमाणा, ते णं तत्थ साणं साणं असंखेजभोमेजनयरावाससयसहस्साणं. साणं साणं सामाणियसाहरसीणं, साणं साणं अगगमहिसीणं, साणं साणं परिसाणं. साणं साणं अणीयाणं. साणं साणं अणीयाहिवईणं, साणं साणं आयरक्खदेवसा-हस्सीणं, अन्नेसिं च बहुणं वाणमंतराणं देवाण य देवीण य आहेवचं पोरेवचं सामित्तं भिट्टतं महत्तरगत्तं आणाईसरसेणावचं कारेमाणा, पालेमाणा, महया हयनट्ट-गीयवाइयतंतीतलतालतुडियघणमुइंगपद्धप्पवाइयरवेणं दिव्वाइं भोगभोगाइं भुंजमाणा विहरंति ॥ ११६ ॥ कहि णं भंते ! पिसायाणं देवाणं पजतापजताणं ठाणा पन्नता ? कहि णं भंते ! पिसाया देवा परिवसंति ?, गोयमा ! इमीसे रयणप्पभाए पढवीए रयणामयस्स कंडस्स जोयणसहस्सबाहह्रस्स उवरि एगं जोयणसयं ओगा-हिता हेट्टा चेगं जोयणसयं विज्ञता मज्झे अट्टस जोयणसएस एत्थ णं पिसायाणं देवाणं तिरियमसंखेजा भोमेजनयरावाससयसहस्सा भवन्तीति मक्खायं । ते णं भोमेजनयरा बाहिं वद्या जहा ओहिओ भवणवण्णओ तहा भाणियव्वो जाव पिड-ह्वा । एत्थं णं पिसायाणं देवाणं पज्जतापज्जताणं ठाणा पन्नता । तिसु वि लोगस्स असंखेजहमारो । तत्थ बहवे पिसाया देवा परिवसंति, महिन्हिया जहा ओहिया जाव विहरन्ति । कालमहाकाला इत्थ दुवे पिसाइंदा पिसायरायाणो परिवसंति, महिङ्कियाः महज्जुइया जाव विहरंति ॥ १९७ ॥ कहि णं भंते ! दाहिणिल्लाणं पिसायाणं देवाणं ठाणा पन्नता ? किह णं भंते ! दाहिणिल्ला पिसाया देवा परिवसंति ?, गोयमा ! जंबहीवे दीवे मन्दरस्स पव्वयस्स दाहिणेणं इमीसे रयणप्पभाए पुढवीए रयणा-मयस्स कंडस्स जोयणसहस्सबाहल्लस्स उविरं एगं जोयणसयं ओगाहिता हेट्रा चेगं जोयणसयं विज्ञता मज्झे अद्भु जोयणसएसु एत्थ णं दाहिणिल्लाणं पिसायाणं देवाणं तिरियमसंखेजा भोमेजनयरावाससयसहस्सा भवन्तीति मक्खायं । ते णं भवणा जहा ओहिओ भवणवण्णओ तहा भाणियन्त्रो जाव पडिरूवा । एत्थ णं दाहिणिल्लाणं पिसायाणं देवाणं पज्जतापज्जताणं ठाणा पन्नता । तिस वि लोगस्स असंखेजइभागे। तत्थ णं बहवे दाहिणिल्ला पिसाया देवा परिवसंति, महिन्निया जहा ओहिया जाव विहरंति । काले एत्थ पिसाइंदे पिसायराया परिवसइ, महिन्द्रिए जाव पभासेमाणे । से णं तत्थ तिरियमसंखेजाणं भोमेजनयरावाससयसहस्साणं, चउण्हं सामाणियसाहस्सीणं, चउण्ह य अग्गमिहसीणं सपरिवाराणं, तिण्हं परिसाणं, सत्तण्हं अणियाणं, सत्तण्हं अणियाहिवईणं, सोलसण्हं आयरक्खदेवसाहस्सीणं, अनेसिं च बहुणं दाहिणिहाणं वाणमंतराणं देवाण य देवीण य आहेवचं जाव विहरइ । उत्तरिल्लाणं पुच्छा । गोयमा ! जहेव दाहिणिल्लाणं वत्तव्वया तहेव उत्तरि-

ल्लाणं पि । णवरं मन्दरस्स पन्वयस्स उत्तरेणं । महाकाले एत्थ पिसाइंदे पिसाय-राया परिवसइ जाव विहरइ। एवं जहा पिसायाणं तहा भूयाणं पि जाव गंधव्वाणं। नवरं इंदेसु णाणतं भाणियव्वं इमेण विहिणा—भूयाणं सुरुवपिहरूवा, जक्खाणं पुण्णभद्दमाणिभद्दा, रक्खसाणं भीममहाभीमा, किन्नराणं किन्नरिकंपरिसा, किंपरि-साणं सप्परिसमहापरिसा, महोरगाणं अङ्कायमहाकाया, गंघव्वाणं गीयरङ्गीय-जसा जाव विहर्नित । काले य महाकाले सुरूवपिडरूवपुण्णभहे य । तह चेव माणि-भेंद्रे भीमे य तहा महाभीमे ॥ १ ॥ किन्नर्रियुरिसे खळ सप्परिसे खळ तहा महा-पुरिसे । अइकायमहाकाए गीयरई चेव गीयजसे ॥ २ ॥ ११८ ॥ कहि णं भंते ! अणविचयाणं देवाणं ठाणा पन्नता ? कहि णं भंते ! अणविचया देवा परिवसंति ?, गोयमा ! इमीसे रयणप्पभाए पुढवीए रयणामयस्य कंडस्स जोयणसहस्सबाह्वहस्स उविरं हेट्टा य एगं जोयणसयं सयं वजेता मज्झे अद्रम् जोयणसएस एत्थ णं अण-विजयाणं देवाणं तिरियमसंखेजा णयरावाससयसहस्सा भवन्तीति मक्खायं । ते णं जाव पडिरूवा । एत्थ णं अणविच्चयाणं देवाणं ठाणा पचना । उववाएणं लोयस्स असंखेजहभागे, समुग्चाएणं लोयस्स असंखेजहभागे, सद्वाणेणं लोयस्स असंखेजह-भागे । तत्थ णं बहवे अणवन्निया देवा परिवसंति । महिन्द्रिया जहा पिसाया जाव विहरंति । सण्णिहियसामाणा इत्थ दुवे अणविज्ञेदा अणविज्ञयरायाणो परिवसंति । महिष्ट्रिया, एवं जहा कालमहाकालाणं दोण्हं पि दाहिणिल्लाणं उत्तरिल्लाण य भणिया तहा सण्णिहियसामाणाणं पि भाणियव्वा। संगहणीगाहा-अणविश्वयपणविश्वयइसि-वाइयभ्यवाइया चेव। कंदिय महाकंदिय कोहंड पर्यगए चेव॥ १॥ इमे इंदा-संनिहिया सामाणा धायविधाए इसी य इसिवाले । ईसरमहेसरे विय हवइ सुवच्छे विसाले य ॥ २ ॥ हासे हासरई चेव सेए तहा भन्ने महासेए । पयए पयगवई विय नेयव्वा आणुपुन्वीए ॥ ३ ॥ ११९ ॥ कहि णं भंते ! जोइसियाणं देवाणं पज्जतापज्जताणं ठाणा पन्नता ? किह णं भंते ! जोइसिया देवा परिवसंति ?, गोयमा ! इमीसे रयण-प्पभाए पढ़वीए बहसमरमणिजाओ भूमिभागाओ सत्तणउए जोयणसए उड्ढूं उप्पइता दस्तरजोयणसयबाहुले तिरियमसंखेजे जोइसविसए । एत्थ णं जोइसियाणं देवाणं तिरियमसंखेजा जोइसियविमाणावाससयसहस्सा भवन्तीति मक्खायं । ते णं विमाणा अद्धकविद्वगसंठाणसंठिया, सव्वफालिहमया, अन्भुग्गयमूसियपहसिया इव विविह्मणिकणगरयणभत्तिचित्ता, वाउद्भयविजयवेजयंतीपडागाछत्ताइछत्तकित्या. तुंगा, गगणतलमभिलंघमाणसिहरा, जालंतररयणपंजलुम्मिलयव्य मणिकणगथूभि-यागा, वियसियसयवत्तपुंडरीया, तिलयरयणद्भवंदिचत्ता, नाणामणिमयदामालंकिया,

अंतो बहिं च सण्हा, तवणिज्जरहरूवालुयापत्थडा, सुहफासा, सस्सिरीया, सुरूवा, पासाइया, दरिसणिज्जा, अभिरूवा, पडिरूवा। एत्थ णं जोइसियाणं देवाणं पज्जत्ता-पजताणं ठाणा पन्नता । तिस वि लोगस्स असंखेजङभागे । तत्थ णं वहवे जोइसिया देवा परिवसंति । तंजहा-बहरसई, चंदा, सूरा, सुका, सणिच्छरा, राहू, धूमकेऊ, बुहा, अंगारगा, तत्ततवणिज्ञकणगवण्णा जे य गहा जोइसम्मि चारं चरंति केऊ य गइरइया अद्वावीसइविहा नक्खत्तदेवयगणा, णाणासंठाणसंठियाओ पंचवनाओ तार-याओ ठियलेसाचारिणो, अविस्साममंडलगई, पत्तेयनामंकपागडियचिंधमउडा महि-द्रिया जाव पभासेमाणा । ते णं तत्थ साणं साणं विमाणावाससयसहस्साणं, साणं साणं सामाणियसाहस्सीणं साणं साणं अगगमहिसीणं सपरिवाराणं, साणं साणं परि-साणं. साणं साणं अणियाणं. साणं साणं अणियाहिवईणं, साणं साणं आयरक्खदेव-साहरसीणं, अन्नेसिं च बहुणं जोइसियाणं देवाणं देवीण य आहेवचं जाव विहरंति । चंदिमस्रिया इत्य दुवे जोइसिंदा जोइसियरायाणो परिवसंति, महिङ्किया जाव पभासे-माणा । ते णं तत्थ साणं साणं जोइसियविमाणावाससयसहस्साणं, चउण्हं सामाणि-यसाहरसीणं, चउण्हं अगगमहिसीणं सपरिवाराणं, तिण्हं परिसाणं, सत्तण्हं अणीयाणं, सत्तर्ण्हं अणीयाहिवईणं, सोलसर्ण्हं आयरक्खदेवसाहस्सीणं, अन्नेसिं च बहुणं जोइसियाणं देवाणं देवीण य आहेवचं जाव विहरंति ॥ १२० ॥ कहि णं भंते ! वेमाणियाणं देवाणं पज्जतापज्जताणं ठाणा पन्नता ? कहि णं भंते ! वेमाणिया देवा परिवसंति ?, गोयमा ! इमीसे रयणप्पभाए पुढवीए बहुसमरमणिजाओ भूमिभागाओ उहुं चंदिमसूरियगहणक्षत्तताराह्वाणं बहुईं जोयणसयाईं बहुईं जोयणसहस्साईं बहुईं जोयणसयसहस्साइं बहुगाओ जोयणकोडीओ बहुगाओ जोयणकोडाकोडीओ उड्ढं दूरं उप्पक्ता एत्थ णं सोहम्मीसाणसणंकुमारमाहिंदबंभलोयलंतगमहासुक्कसहस्सारआणय-पाणयआरणचुयगेवेजाणुत्तरेसु एत्थ णं वेमाणियाणं देवाणं चसरासीइविमाणावाससय-सहस्सा सत्ताणउई च सहस्सा तेवीसं च विमाणा भवन्तीति मक्खायं। ते णं विमाणा सव्वरयणामया, अच्छा, सण्हा, लण्हा, घट्ठा, मट्ठा, नीरया, निम्मला, निप्पंका, निक्कंकडच्छाया, सप्पभा, सस्सिरीया, सउज्जोया, पासादीया, दरिसणिज्जा, अभिरूवा, पडिरूवा। एत्थ णं वेमाणियाणं देवाणं पज्जतापज्जताणं ठाणा पन्नता। तिसु वि लोयस्स असंखेजइभागे। तत्थ णं बहवे वेमाणिया देवा परिवसंति। तंजहा—सोहम्मीसाणसणंकुमारमाहिंदबंभलोगलंतगमहासुक्कसहरूसारआणयपाणय-आरणसुयगेवेजाणुत्तरोववाइया देवा, ते णं मिगमहिसवराहसीहछगलदद्दुरहयगयवइ-्भुयगखग्गउसभविडिमपागडियर्चिधमउडा, पसिढिलवरमउडकिरीडधारिणो, वरकुंड-

ळजोइयाणणा. मउडदित्तसिरया. रत्ताभा, पडमपम्हगोरा, सेया, सुहवन्नगंधफासा, उत्तमवेउव्विणो, पवरवत्थगंधम्हाणुलेवणधरा, महिङ्गिया, महज्जइया, महायसा, महाबला, महाणुभागा, महासोक्खा, हारविराइयवच्छा, कडयत्रियशंभियभया, अंगडकंडलमङ्गंडतलकन्नपीढधारी, विचित्तहत्थाभरणा, विचित्तमालामङलिमङ्डा, कल्लाणगपवरवत्थपरिहिया, कल्लाणगपवरमल्लाणुलेवणा, भासरबोंदी, पलंबवणमालधरा, दिव्वेणं वन्नेणं, दिव्वेणं गंधेणं, दिव्वेणं फासेणं, दिव्वेणं संघयणेणं, दिव्वेणं संठा-णेणं. दिव्वाए इड्डीए, दिव्वाए जुईए, दिव्वाए पभाए, दिव्वाए छायाए, दिव्वाए अचीए. दिव्वेणं तेएणं, दिव्वाए लेसाए दस दिसाओ उज्जोवेमाणा, पभासेमाणा, ते णं तत्थ साणं साणं विमाणावाससयसहस्साणं, साणं साणं सामाणियसाहस्सीणं, साणं साणं तायत्तीसगाणं. साणं साणं लोगपालाणं. साणं साणं अगगमहिसीणं सपरिवाराणं, साणं साणं परिसाणं, साणं साणं अणियाणं, साणं साणं अणियाहि-वईणं. साणं साणं आयरक्खदेवसाहरसीणं. अन्नेसिं च बहणं वेमाणियाणं देवाण य देवीण य आहेवचं पोरेवचं जाव दिव्वाइं भोगभोगाइं भुंजमाणा विहरंति ॥ १२१॥ कहि णं भंते ! सोहम्मगदेवाणं पज्जत्तापज्जताणं ठाणा पन्नता ? किह णं भंते ! सोहम्मगदेवा परिवसंति ?, गोयमा ! जंबुद्दीवे दीवे मंदरस्स पव्वयस्स दाहिणेणं इमीसे रयणप्पभाए पुढवीए बहुसमरमणिजाओ भूमिभागाओ जाव उड्डं दूरं उप्प-इत्ता एत्थ णं सोहम्मे णामं कप्पे पन्नते । पाईणपडीणायए, उदीणदाहिणवित्थिण्णे, अद्भवंदसंठाणसंठिए. अचिमालिभासरासिवण्णाभे. असंखेजाओ जोयणकोडीओ असंखेजाओ जोयणकोडाकोडीओ आयामविक्खंभेणं, असंखेजाओ जोयणकोडा-कोडीओ परिक्खेवेणं, सन्वरयणामए, अच्छे जाव पडिरूवे। तत्थ णं सोहम्मग-देवाणं बत्तीसविमाणावाससयसहरूसा भवन्तीति मक्खायं । ते णं विमाणा सन्वर-यणामया अच्छा जाव पडिल्वा । तेसि णं विमाणाणं बहुमज्झदेसभागे पंच वर्डि-सया पन्नता, तंजहा-असोगविंडसए, सत्तवण्णविंडसए, चंपगविंडसए, चृयविंसए, मज्झे इत्य सोहम्मविडंसए । ते णं विडंसया सन्वरयणामया अच्छा जाव पिडस्ता । एत्थ णं सोहम्मगदेवाणं पज्जतापज्जताणं ठाणा पन्नता । तिसु वि लोगस्स असंखे-जाइभागे । तत्थ णं बहवे सोहम्मगदेवा परिवसंति महिष्ट्रिया जाव पभासेमाणा । ते णं तत्य साणं साणं विमाणावाससयसहस्साणं, साणं साणं सामाणियसाहरसीणं, एवं जहेव ओहियाणं तहेव एएसिं पि भाणियव्वं जाव आयरक्खदेवसाहस्सीणं. अन्नेसिं च बहणं सोहम्मगकप्पवासीणं वेमाणियाणं देवाण य देवीण य आहेवचं जाव विहरंति । सक्के इत्थ देविंदे देवराया परिवसइ, वज्जपाणी, प्रंदरे, सयक्क, सहस्तक्खे, मघवं, पागसासणे, दाहिणबुलोगाहिवई, बत्तीसविमाणावाससयसहस्सा-हिनई, एरावणवाहणे, सुरिदे, अर्यवर्वत्थघरे, आल्ड्यमालमउडे, नवहेमचारु-चित्तचंचलकुंडलविलिहिज्जमाणगंडे, महिड्डिए जाव पभासेमाणे । से णं तत्थ वत्तीसाए विमाणावाससयसहस्साणं, चउरासीए सामाणियसाहस्सीणं, तायत्तीसाए तायत्तीसंगाणं, चउण्हं लोगपालाणं, अट्ठण्हं अग्गमहिसीणं सपरिवाराणं, तिण्हं परिसाणं, सत्तण्हं अणीयाणं, सत्तण्हं अणीयाहिवईणं, चउण्हं चउरासीणं आयर-क्खदेवसाहस्सीणं, अन्नेसिं च बहूणं सोहम्मकप्पवासीणं वेमाणियाणं देवाण य देवीण य आहेवचं पोरेवचं जाव कुव्वमाणे० विहरइ ॥ १२२ ॥ कहि णं मंते ! इसाणाणं देवाणं पज्जतापज्जताणं ठाणा पन्नता? कहि णं भंते! ईसाणगदेवा परिवसंति १, गोयमा ! जंबुद्दीवे दीवे मंदरस्स पव्वयस्स उत्तरेणं इमीसे रयणप्पभाण पुढवीए बहुसमरमणिजाओ भूमिभागाओ उड्ढूं चंदिमसूरियगहणक्खत्ततारारूवाणं बहुइं जोयणस्याइं बहुइं जोयणसहस्साइं जाव उद्गं उप्पहत्ता एत्थ णं ईसाणे णामं कप्पे पन्नते । पाईणपडीणायए, उदीणदाहिणवित्थिण्णे, एवं जहा सोहम्मे जाव पडिरूवे । तत्य णं ईसाणगदेवाणं अद्वावीसं विमाणावाससयसहस्सा भवन्तीति मक्खायं । ते णं विमाणा सव्वरयणामया जाव पडिरूवा । तेसि णं बहुमज्झदेस-भागे पंच वृडिसया पन्नता । तंजहा—अंकवर्डिसए, फलिहवर्डिसए, रयणवर्डिसए. जायरूववर्डिसए, मज्झे इत्थ ईसाणवर्डिसए । ते णं वर्डिसया सन्वरयणामया जाव पिंडह्वा । एत्थ णं ईसाणगदेवाणं पज्जतापज्जताणं ठाणा पन्नता । तिसु वि लोगस्स असंखेजहभागे। सेसं जहा सोहम्मगदेवाणं जाव विहरंति। ईसाणे इत्थ देविंदे देवराया परिवसइ, सूलपाणी, वसहवाहणे, उत्तरङ्गलोगाहिवई, अद्रावीसविमाणा-वाससयसहस्साहिवई, अरयंबरवत्थघरे, सेसं जहा सकस्स जाव पभासेमाणे । से णं तत्थ अद्भावीसाए विमाणावाससयसहस्साणं, असीईए सामाणियसाहस्सीणं, ताय-त्तीसाए तायत्तीसगाणं, चडण्हं लोगपालाणं, अट्टण्हं अगगमहिसीणं सपरिवाराणं, तिण्हं परिसाणं, सत्तण्हं अणियाणं, सत्तण्हं अणियाहिवईणं, चडण्हं असीईणं आय-रक्खदेवसाहस्सीणं, अन्नेसिं च बहुणं ईसाणकप्पवासीणं वेमाणियाणं देवाण य देवीण य आहेवचं जाव विहरइ॥ १२३॥ कहि णं भंते! सणंकुमारदेवाणं पजनापजनाणं ठाणा पन्नता ? किह णं भंते ! सणंकुमारा देवा परिवसंति ?, गोयमा ! सोहम्मस्स कप्परस उप्पि सपर्निख सपिडदिसिं बहुईं जोयणाईं बहुईं जोयणसयाईं बहूइं जोयणसहस्साइं बहूईं जोयणसयसहस्साइं बहुगाओ जोयणकोडीओ बहुगाओ जोयणकोडाकोडीओ उद्दं दरं उप्पदत्ता एत्थ णं सणंक्रमारे णामं कप्पे पन्नते । पाईणपडीणायए, उदीणदाहिणवित्थिण्णे जहा सोहम्मे जाव पडिरूवे। तत्थ णं सणंकुमाराणं देवाणं बारस विमाणावाससयसहस्सा भवन्तीति मक्खायं। ते णं विमाणा सव्वरयणामया जाव पडिरूवा। तेसि णं विमाणाणं बहुमज्झदेसभागे पंच विडंसगा पन्नता । तंजहा-असोगविडंसए, सत्तवन्नविडंसए, चंपगविडंसए, चूयविंसए, मज्झे एत्थ सणंकुमारविंसए । ते णं विंसया सन्वरयणामया अच्छा जाव पडिरूवा । एत्थ णं सणंक्रमारदेवाणं पज्जतापज्जताणं ठाणा पन्नता । तिसु वि लोगस्स असंखेजइभागे। तत्थ णं बहवे सणंकुमारदेवा परिवसंति. महिङ्गिया जाव पभासेमाणा विहरंति । नवरं अग्गमहिसीओ णत्थि । सणंकुमारे इत्थ देविंदे देवराया परिवसइ । अर्यंबरवत्थधरे, सेसं जहा सक्करस । से णं तत्थ बारसण्हं विमाणावाससयसहस्साणं, बावत्तरीए सामाणियसाहस्सीणं सेसं जहा सकस्स अगगम-हिसीवजं । नवरं चउण्हं बावत्तरीणं आयर्क्खदेवसाहस्सीणं जाव विहर्इ ॥ १२४॥ किह णं भंते! माहिंददेवाणं पज्जतापज्जताणं ठाणा पन्नता? किह णं भंते! माहिंदगदेवा परिवसंति ?, गोयमा ! ईसाणस्य कप्पस्य उपिंप सपिकंख सपिडिदिसिं बहुईं जोयणाई जाव बहुयाओ जोयणकोडाकोडीओ उड्ढं दूरं उप्पइत्ता एत्थ णं माहिंदे नामं कप्पे पन्नते पाईणपडीणायए जाव एवं जहेव सणंकुमारे। नवरं अद्र विमाणावाससयसहस्सा । विंसया जहा ईसाणे । नवरं मज्झे इत्थ माहिंदविंसए. एवं जहा सणंक्रमाराणं देवाणं जाव विहरंति । माहिंदे इत्थ देविंदे देवराया परि-वसइ, अरयंबरवत्थघरे, एवं जहा सणंकुमारे जाव विहरइ । नवरं अट्टण्हं विमाणा-वाससयसहस्साणं, सत्तरीए सामाणियसाहस्सीणं, चडण्हं सत्तरीणं आयरक्खदेव-साहस्सीणं जाव विहरइ॥ १२५॥ किह णं भंते! बंभलोगदेवाणं पज्जत्तापज्जत्ताणं ठाणा पन्नता १ कहि णं भंते ! बंभलोगदेवा परिवसंति १, गोयमा ! सणंकमारमाहिं-दाणं कप्पाणं उपिंप सपिक्वं सपिडिदिसिं बहुई जोयणाई जाव उप्पइता एत्थ णं बंभलोए नामं कप्पे पन्नते, पाईणपडीणायए, उदीणदाहिणवित्थिण्णे, पडिपुणाचंद-संठाणसंठिए. अचिमालीभासरासिप्पभे, अवसेसं जहा सणंकुमाराणं । नवरं चतारि विमाणावाससयसहस्सा. विंसया जहा सोहम्मविंसया, नवरं मज्झे इत्थ बंभ-लोयवर्डिसए । एत्थ णं बंभलोगदेवाणं पजतापजताणं ठाणा पन्नता सेसं तहेव जाव विहरंति । बंभे इत्थ देविंदे देवराया परिवसइ, अरयंबरवत्थघरे, एवं जहा सणंक्रमारे जाव विहरइ। नवरं चउण्हं विमाणावाससयसहस्साणं, सद्वीए सामा-णियसाहस्सीणं, चउण्हं सद्वीए आयरक्खदेवसाहस्सीणं, अन्नेसिं च बहुणं जाव विहरइ ॥ १२६ ॥ कहि णं भंते ! छंतगदेवाणं पज्जतापज्जताणं ठाणा पन्नता ?

कहि णं भेते ! लंतगदेवा परिवसंति ?, गोयमा ! बंभलोगस्स कप्पस्स उप्पि सपिकंख सपिडिदिसिं बहुइं जोयणाइं जाव बहुगाओ जोयणकोडाकोडीओ उड्ढं दूरं उप्पइत्ता एत्थ णं लंतए नामं कप्पे पन्नते पाईणपडीणायए, जहा बंभलोए। नवरं पण्णासं विमाणावाससहस्सा भवन्तीति मक्खायं । विडिसगा जहा ईसाणविडिसगा. नवरं मज्झे इत्थ लंतगविंसए, देवा तहेव जाव विहरति । लंतए एतथ देविंदे देवराया परिवसइ. जहा सर्णंकुमारे । नवरं पण्णासाए विमाणावाससहस्साणं, पण्णासाए सामाणियसाहरसीणं, चउण्ह य पण्णासाणं आयरक्खदेवसाहरसीणं, अन्नेसि च बहुणं जान निहरू ॥ १२७ ॥ किह णं भंते ! महासुक्काणं देवाणं पज्जत्तापज्जताणं ठाणा पन्नता ? कहि णं भंते ! महासका देवा परिवसंति ?, गोयमा ! लंतगस्स कप्पस्स उपि सपर्किख सपिडदिसि जाव उप्पद्ता एत्थ ण महासुके नामं कप्पे पन्नते पाईणपडीणायए, उदीणदाहिणवित्थिण्णे, जहा बंभलोए। नवरं चतालीसं विमाणावाससहस्सा भवन्तीति मक्खायं। वर्डिसगा जहा सोहम्मवर्डिसए जाव विहरंति । महासुके इत्थ देविंदे देवराया जहा सणंकुमारे । नवरं चत्तालीसाए विमाणावाससहस्साणं, चत्तालीसाए सामाणियसाहस्सीणं, चउण्ह य चत्तालीसाणं आयरक्खदेवसाहस्सीणं जाव विहरइ ॥ १२८ ॥ कहि णं भंते ! सहस्सारदेवाणं पज्जनापज्जनाणं ठाणा पन्नता ? किह णं भंते ! सहस्तारदेवा परिवसंति ?. गोयमा ! महासकस्य कप्पस्य उपिं सपिक्खं सपिडिदिसिं जाव उप्पन्ना एत्थ णं सहस्सारे नामं कप्पे पन्नते । पाईणपडीणायए, जहा बंभलोए, नवरं छिन्त्रमाणावाससहस्सा भवन्तीति मक्खायं । देवा तहेव जाव वर्डिसगा जहा ईसाणस्य वर्डिसगा । नवरं मज्झे इत्थ सहस्सारवर्डिसए जाव विहरंति । सहस्सारे इत्थ देविंदे देवराया परिवसङ जहा सणंकमारे । नवरं छण्हं विमाणावाससहस्साणं, तीसाए सामाणियसाहस्सीणं, चउण्ह य तीसाए आयरक्खदेवसाहस्सीणं आहेवचं जाव कारेमाणे० विहरइ॥ १२९॥ कहि णं भंते ! आणयपाणयाणं देवाणं पज्जतापज्जताणं ठाणा पन्नता ? कहि णं भंते! आणयपाणया देवा परिवसंति?, गोयमा! सहस्सारस्स कप्पस्स उप्पि सपिकंख सपिडदिसिं जाव उप्पदत्ता एत्थ णं आणयपाणयनामा दुवे कप्पा पन्नता । पाईण-पडीणायया, उदीणदाहिणविश्यिणा, अद्भवंदसंठाणसंठिया, अचिमालीभासरासि प्पमा, सेसं जहा सणंकुमारे जाव पडिस्वा। तत्थ णं आणयपाणयदेवाणं चतारि विमाणावाससया भवन्तीति मक्खायं जाव पिडल्वा । विडिसगा जहा सोहम्मे कप्पे । नवरं मज्झे इत्थ पाणयविंसए। ते णं विंसगा सव्वरयणामया अच्छा जाव पडिह्मा। एत्थ णं आणयपाणयदेवाणं पजतापजताणं ठाणा पन्नता । तिसु वि लोगस्स असंखेजहभागे। तत्थ णं बहवे आणयपाणयदेवा परिवसंति महिष्ट्विया जाव पभासेमाणा । ते णं तत्थ साणं साणं विमाणावाससयाणं जाव विहरंति । पाणए इत्य देविंदे देवराया परिवसइ जहा सणंकुमारे । नवरं चडण्हं विमाणावाससयाणं, वीसाए सामाणियसाहरसीणं, असीईए आयरक्खदेवसाहस्सीणं, अन्नेसिं च बहुणं जाव विहरइ ॥ १३० ॥ किह णं भंते ! आरणचुयाणं देवाणं पज्जतापज्जताणं ठाणा पन्नता ? कहि णं भंते ! आरणच्च्या देवा परिवसंति ?, गोयमा ! आणयपाणयाणं कप्पाणं उपिं सपिक्षिं सपिडिदिसिं एत्थ णं आरणचुया नामं दुवे कप्पा पन्नता । पाईणपडीणायया, उदीणदाहिणवित्थिण्णा, अद्भवंदसंठाणसंठिया, अचिमालीभास-रासिवण्णामा, असंखेजाओ जोयणकोडाकोडीओ आयामविक्खंभेणं, असंखेजाओ जोयणकोडाकोडीओ परिक्खेवेणं, सव्वरयणामया, अच्छा, सण्हा, लण्हा, घट्टा, महा, नीरया, निम्मला, निप्पंका, निकंकडच्छाया, सप्पमा, सस्सिरीया, सङ्जोया, पासादीया, दरिसणिजा, अभिरूवा, पडिरूवा । एत्थ णं आरणच्चयाणं देवाणं तिन्नि विमाणावाससया भवन्तीति मक्खायं। ते णं विमाणा सव्वरयणामया, अच्छा, सण्हा, लण्हा, घट्टा, महा, नीरया, निम्मला, निप्पंका, निक्कंकडच्छाया, सप्पभा, सस्सिरीया, सङ्जोया, पासादीया, दरिसणिजा, अभिरूवा, पिङ्वा । तेसि णं विमाणाणं कप्पाणं बहुमज्झदेसभाए पंच विंडसया पन्नता । तंजहा-अंकविंसए. फलिहवर्डिसए, रयणवर्डिसए, जायरूववर्डिसए, मज्झे एत्थ अचुयवर्डिसए। ते णं वर्डिसया सन्वरयणामया जाव पिङ्क्वा। एत्थ णं आरणच्च्याणं देवाणं पज्जता-पजाताणं ठाणा पन्नता । तिस्र वि लोगस्स असंखेजाइभागे । तत्थ णं बहवे आरण-च्चया देवा परिवसंति । अच्चए इत्थ देविंदे देवराया परिवसइ, जहा पाणए जाव विहरइ। नवरं तिण्हं विमाणावाससयाणं, दसण्हं सामाणियसाहस्सीणं, चत्तालीसाए आयरक्खदेवसाहस्सीणं आहेवचं जाव कुव्वमाणे० विहरह । बत्तीस अट्टवीसा बारस अट्ट चडरो (य) सयसहस्सा । पन्ना चत्तालीसा छच सहस्सा सहस्सारे ॥ १ ॥ आणय-पाणयकप्पे चत्तारि सयाऽऽरणञ्चए तिन्नि । सत्त विमाणसयाई चउस वि एएस कप्पेस ॥ २॥ सामाणियसंगहणीगाहा-चउरासीइ असीई बावत्तरी सत्तरी य सट्टी य । पन्ना चत्तालीसा तीसा वीसा दस सहस्सा ॥ १ ॥ एए चेव आयरक्खा चउग्गुणा ॥ १३१ ॥ कहि णं भंते ! हिट्टिमगेविज्जगाणं पज्जतापज्जताणं ठाणा पन्नता ? किह णं भंते ! हिद्रिमगेविज्जगा देवा परिवसंति ?, गोयमा ! आरणचुयाणं कप्पाणं उप्पि जाव उड्ढं द्रं उप्पइता एत्थ णं हिद्विमगेविज्जगाणं देवाणं तओ गेविज्जगविमाणपत्थडा पन्नता । पाईणपडीणायया, उदीणदाहिणविस्थिण्णा, पडिपुण्णचंदसंठाणसंठिया, अचिमा-

लीभासरासिवण्णामा, सेसं जहा बंभलोगे जाव पिंडस्वा । तत्थ णं हेद्विमगे-विज्ञगाणं देवाणं एक्कारसत्तरे विमाणावाससए भवतीति मक्खायं । ते णं विमाणा सव्वरयणामया जाव पिंडल्वा । एतथ णं हेट्टिमगेविज्जगाणं देवाणं पज्जतापज्जताणं ठाणा पन्नता । तिस वि लोगस्स असंखेजहभागे । तत्थ णं बहवे हेट्रिमगेविज्जगा देवा परिवसंति । सब्वे समिङ्गिया, सब्वे समजुङ्या, सब्वे समजसा, सब्वे सम-बला, सन्वे समाणुभावा, महासुक्खा, अणिंदा, अपेस्सा, अपुरोहिया, अहमिंदा नामं ते देवगणा पन्नता समणाउसो ! ॥ १३२ ॥ कहि णं भंते ! मज्झिमगाणं गेविजागाणं देवाणं पजातापजाताणं ठाणा पन्नता ? किह णं भंते ! मज्झिमगेविजागा देवा परिवसंति ?, गोयमा ! हेद्रिमगेविज्जगाणं उप्पि सपिक्ख सपिडिदिसिं जाव उप्पडत्ता एत्थ णं मज्झिमगेविज्जगदेवाणं तओ गेविज्जगविमाणपत्थडा पन्नता । पाईणपडीणायया जहा हेद्विमगेविज्जगाणं । नवरं सत्तुत्तरे विमाणावाससए भवतीति मक्खायं। ते णं विमाणा जाव पिड्स्वा। एत्थ णं मिज्झमगेविज्जगाणं जाव तिस वि लोगस्स असंखेजइभागे । तत्थ णं बहवे मज्झिमगेविजागा देवा परिवसंति जाव अहमिंदा नामं ते देवगणा पन्नता समणाउसो ! ॥ १३३ ॥ कहि णं भंते ! उवरिमगेविज्जगाणं देवाणं पज्जतापज्जताणं ठाणा पन्नता ? कहि णं भंते ! उवरिम-गेविज्जगा देवा परिवसंति ?, गोयमा ! मज्झिमगेविज्जगाणं उप्पि जाव उप्पइत्ता एत्थ णं उवरिसगेविजागाणं तओ गेविजागविमाणपत्थडा पन्नता । पाईणपडीणायया, सेसं जहा हेट्रिमगेविज्जगाणं । नवरं एगे विमाणावाससए भवतीति मक्खायं. सेसं तहेव भाणियव्वं जाव अहमिंदा नामं ते देवगणा पन्नत्ता समणाउसो !। एकार-सत्तरं हेट्रिमेस सत्तुत्तरं च मज्झिमए। सयमेगं उवरिमए पंचेव अणुत्तरविमाणा ॥ १३४ ॥ कहि णं भंते ! अणुत्तरोववाइयाणं देवाणं पज्जतापज्जताणं ठाणा पन्नता ? किह णं भंते ! अणुत्तरोववाइया देवा परिवसंति ?, गोयमा ! इमीसे रयण-प्पभाए पढ़वीए बहुसमरमणिजाओ भूमिभागाओ उड्ढं चंदिमसूरियगहुगणणक्खत्त-तारारूवाणं बहुईं जीयणसयाइं, बहुईं जीयणसहस्साईं, बहुईं जीयणसयसहस्साईं, बहुगाओ जोयणकोडीओ, बहुगाओ जोयणकोडाकोडीओ, उड्हं दूरं उप्पइत्ता सोहम्मीसाणसणंकुमार जाव आरणच्चयकप्पा तिन्नि अट्ठारसुत्तरे गेविज्जगविमाणा-वाससए वीईवइत्ता तेण परं दूरं गया नीरया, निम्मला, वितिमिरा, विसुद्धा, पंचिदिसिं पंच अणुत्तरा महइमहालया महाविमाणा पन्नता । तंजहा—विजए वेजयंते, जयंते, अपराजिए, सव्वद्वसिद्धे । ते णं विमाणा सव्वरयणामया, अच्छा, सण्हा, लण्हा, घट्टा, मट्टा, नीरया, निम्मला, निप्पंका, निक्कंकडच्छाया, सप्पभा,

सस्सिरीया, सउज्जोया, पासाइया, दरिसणिजा, अभिरूवा, पडिरूवा। एत्थ णं अणुत्तरोववाइयाणं देवाणं पज्जतापज्जताणं ठाणा पन्नता । तिस वि लोगस्स असंखे-जाइभागे। तत्थ णं बहवे अणत्तरोववाइया देवा परिवसंति। सञ्वे समिद्धिया...सञ्वे समबला. सन्वे समाणुभावा. महासुक्खा, अणिंदा, अपेस्सा, अपुरोहिया, अह-मिंदा नामं ते देवगणा पन्नत्ता समणाउसो ! ॥ १३५ ॥ कहि णं भंते ! सिद्धाणं ठाणा पन्नता ? किह णं भंते ! सिद्धा परिवसंति ?, गोयमा ! सन्वद्रसिद्धस्स महा-विमाणस्स उवरिल्लाओ थूभियग्गाओ दुवालस जोयणे उन्हें अबाहाए एत्य णं ईसि-प्पन्भारा णामं पुढवी पन्नता । पणयालीसं जोयणसयसहस्साइं आयामविक्खंभेणं. एगा जोयणकोडी बायालीसं च सयसहस्साइं तीसं च सयसहस्साइं दोन्नि य अउणापण्णे जोयणसए किंचि विसेसाहिए परिक्खेवेणं पन्नता । ईसिप्पन्भाराए णं पुढवीए बहमज्झदेसभाए अट्रजोयणिए खेते अट्र जोयणाई बाह्रहेणं पन्नते । तओ अणंतरं च णं मायाए मायाए पएसपरिहाणीए परिहायमाणी परिहायमाणी सन्वेस चरमंतेस मच्छियपत्ताओ तण्ययरी. अंगुलस्स असंखेजङभागं बाहल्लेणं पन्नता । ईसिप्पब्भाराए णं पुढवीए दुवालस नामधिजा पन्नता । तंजहा-ईसी इ वा, ईसि-प्पब्भारा इ वा. तणू इ वा. तणुतणू इ वा. सिद्धित्ति वा. सिद्धालए इ वा. मृत्तिति वा. मुत्तालए इ वा. लोयगोत्ति वा. लोयगगथुभियत्ति वा. लोयगगपडिवुज्झणा इ वा. सन्वपाणभूयजीवसत्तसुहावहा इ वा ! ईसिप्पब्भारा णं पुढवी सेया संखदल-विमलसोत्थियमुणालदगर्यतुसारगोक्खीरहारवण्णा, उत्ताणयछत्तसंठाणसंठिया, सन्व-ज्जणसुवण्णमई, अच्छा, सण्हा, लण्हा, घट्टा, महा, नीरया, निम्मला, निप्पंका, निकंकडच्छाया, सप्पभा, सस्सिरीया, सउज्जोया, पासाईया, दरिसणिज्जा, अभिरूवा, पडिरूवा । ईसिप्पन्भाराए णं पुढवीए सीआए जोयणिम्म लोगंतो, तस्स जे से उवरिक्टे गाउए तस्स णं गाउयस्स जे से उवरिक्टे छन्भागे, एत्थ णं सिद्धा भगवंतो साइया अपज्जवसिया अणेगजाइजरामरणजोणिसंसारकलंकलीभावपुणव्भवगव्भवास-वसहीपवंचसमइकंता सासयमणागयद्धं कालं चिट्नंति । तत्थ वि य ते अवेया अवे-यणा निम्ममा असंगा य । संसारविष्यमका पएसनिव्वत्तसंठाणा ॥ १ ॥ किहं पिंडहया सिद्धा किंह सिद्धा पइद्रिया। किंह बोंदिं चइत्ता णं कत्थ गंत्रण सिज्झइ ? ।। २ ।। अलोए पिंडहया सिद्धा लोयग्गे य पइद्रिया । इहं बोंदिं चइत्ता णं तत्थ गंतूण सिज्झइ ॥ ३ ॥ दीहं वा हस्सं वा जं चरिमभवे हविज्ज संठाणं । तत्तो तिभागहीणा सिद्धाणोगाहणा भणिया ॥ ४ ॥ जं संठाणं तु इहं भवं चयंतस्स चरिमसमयंमि । आसी य पएसघणं तं संठाणं तहिं तस्स ॥ ५ ॥ तिन्नि सया

तित्तीसा धणतिभागो य होइ नायव्वो । एसा खल्ल सिद्धाणं उक्कोसोगाहणा भणिया ॥ ६ ॥ चत्तारि य रयणीओ रयणीँ तिभागणिया य बोद्धव्वा । एसा खळ सिद्धाणं मजिझमओगाहणा भणिया ॥ ७॥ एगा य होइ रयणी अद्वेव य अंगुलाई साहि(य)या । एसा खळ सिद्धाणं जहन्त्रओगाहणा भणिया ॥ ८ ॥ ओगाहणाइ सिद्धा भवत्तिभागेण होंति परिहीणा । संठाणमणित्यंथं जरामरणविष्पमुकाणं ॥ ९ ॥ जत्थ य एगो सिद्धो तत्य अणंता भवक्खयविमका । अन्नोऽन्नसमोगाडा पुट्टा सव्वा वि लोगंते ॥ १० ॥ फुसइ अणंते सिद्धे सव्वपएसेहिं नियमसो सिद्धा । तेऽवि य असंखिजागणा देसपण-सेहिं जे पुद्रा ॥ ११ ॥ असरीरा जीवघणा उवउत्ता दंसणे य नाणे य । सागारमणा-गारं लक्खणमेयं तु सिद्धाणं ॥ १२॥ केवलणाणुवउत्ता जाणंता सन्वभावगुणभावे। पासंता सन्वओ खलु केवलदिझीहिऽणंताहिं॥ १३॥ नवि अत्थि माणसाणं तं सुक्खं निव य सन्वदेवाणं । जं सिद्धाणं सुक्खं अव्वाबाहं उवगयाणं ॥ १४ ॥ सुरगणसुहं समत्तं सब्बद्धापिंडियं अणंतगुणं । नवि पावइ सृत्तिसुहं णंताहिं वग्ग-वग्गृहिं ॥ १५ ॥ सिद्धस्स सहोरासी सव्वद्धापिंडिओ जइ हवेजा । सोऽणंतवग्ग-भइओ सन्वागासे न माइजा ॥ १६ ॥ जह णाम कोइ मिच्छो नगरगुणे बहविहे वियाणंतो । न चएइ परिकहेउं उवमाए तिहं असंतीए ॥ १७ ॥ इय सिद्धाणं सोक्खं अणोवमं नित्थ तस्स ओवम्मं । किंचि विसेसेणित्तो सारिक्खिमणं सुणह वोच्छं ॥ १८॥ जह सन्वकामगुणियं पुरिसो भोतूण भोयणं कोइ। तण्हाछहाविसको अच्छिज जहा अमियंतित्तो ॥ १९ ॥ इय सन्वकालतित्ता अउलं निन्वाणमुवगया सिद्धा । सासयमव्वाबाहं चिट्ठंति सुही सुहं पत्ता ॥ २० ॥ सिद्धत्ति य बुद्धत्ति य पारगयत्ति व परंपरगयत्ति । उम्मुककम्मकवया अजरा अमरा असंगा य ॥ २१ ॥ नित्थिन्नसन्बदुक्खा जाइजरामरणबंधणविमुका । अन्वाबाहं सोक्खं अणुहोंती सासयं सिद्धा ॥ २२ ॥ १३६ ॥ पन्नवणाए भगवईए बीयं ठाणप्यं समत्तं ॥ दिसिगइइंदियकाए जोए वेए कसायलेसा य । सम्मत्तनाणदंसणसंजयउवओग-आहारे ॥ १ ॥ भासगपरित्तपज्जतसुहमसन्नी भवऽत्थिए चरिमे । जीवे य खित्तबन्धे पुरगलमहदंडए चेव ॥ २ ॥ दिसाणुवाएणं सन्वत्थोवा जीवा पच्छिमेणं, पुरच्छिमेणं विसेसाहिया, दाहिणेणं विसेसाहिया, उत्तरेणं विसेसाहिया ॥ १२०॥ दिसाणुवाएणं सव्वत्योवा पुढविकाइया दाहिणेणं, उत्तरेणं विसेसाहिया, पुरच्छिमेणं विसेसाहिया, पच्छिमेणं विसेसाहिया। दिसाणुवाएणं सन्वत्थोवा आउक्काइया पच्छिमेणं, पुरच्छिमेणं विसेसाहिया, दाहिणेणं विसेसाहिया, उत्तरेणं विसेसाहिया । दिसाणुवाएणं सव्वत्थोवा तेउकाइया दाहिणुत्तरेणं, पुरिच्छमेणं संखेजगुणा, पिच्छमेणं विसेसाहिया । दिसाणु-

वाएणं सन्वत्थोवा वाउकाइया प्रच्छिमेणं, पच्छिमेणं विसेसाहिया, उत्तरेणं विसेसा-हिया, दाहिणेणं विसेसाहिया । दिसाणुवाएणं सव्वत्थोवा वणस्सङकाङ्या पच्छिमेणं. करिन्छमेणं विसेसाहिया. दाहिणेणं विसेसाहिया, उत्तरेणं विसेसाहिया ॥ १३८॥ दिसाणवाएणं सन्वत्थोवा बेइंदिया पच्छिमेणं, पुरच्छिमेणं विसेसाहिया, दिक्खणेणं विसेसाहिया, उत्तरेणं विसेसाहिया। दिसाणुवाएणं सञ्वत्थोवा तेइंदिया पचित्थिमेणं, चरच्छिमेणं विसेसाहिया, दाहिणेणं विसेसाहिया, उत्तरेणं विसेसाहिया। दिसाणु-वाएणं सन्वत्थोवा चउरिंदिया पचित्थमेणं, पुरिच्छमेणं विसेसाहिया, दाहिणेणं विसेसाहिया, उत्तरेणं विसेसाहिया ॥ १३९ ॥ दिसाणुवाएणं सव्वत्थोवा नेरइया परच्छिमपचित्थमउत्तरेणं, दाहिणेणं असंखेजगुणा । दिसाणुवाएणं सन्वत्थोवा -रयणपमापुढवीनेरइया पुरच्छिमपचित्थमउत्तरेणं, दाहिणेणं असंखेजगुणा । दिसाणुवाएणं सव्वत्थोवा सक्करप्पभापुढवीनेरइया पुरच्छिमपचित्थिमउत्तरेणं, दाहि-गेणं असंखेजगुणा । दिसाणवाएणं सन्वत्थोवा वाळयप्पभापढवीनेरङ्या परच्छिम-पचित्यमञ्तरेणं, दाहिणेणं असंखेजगुणा । दिसाणवाएणं सव्वत्योवा पंकप्पभापुढ-वीनेरइया पुरच्छिमपचित्यमङत्तरेणं, दाहिणेणं असंखेजगुणा । दिसाणवाएणं सन्व-त्थोवा धुमप्पभापुढवीनेरइया पुरच्छिमपचित्थमउत्तरेणं. दाहिणेणं असंखेजगुणा । दिसाणुवाएणं सन्वत्थोवा तमप्पहापुढवीनेरइया पुरच्छिमपचित्थिमउत्तरेणं, दाहिणेणं असंखेजगुणा । दिसाणुवाएणं सन्वत्थोवा अहेसत्तमापुढवीनेरइया पुरच्छिमप-चित्यमुउत्तरेणं, दाहिणेणं असंखेजगुणा । दाहिणेहिंतो अहेसत्तमापुढवीनेरइएहिंतो छद्वीए तमाए पुढवीए नेरइया पुरच्छिमपचित्थमउत्तरेणं असंखेजगुणा, दाहिणेणं असंखेजगुणा, दाहिणिल्लेहिंतो तमापुढवीनेरइएहिंतो पंचमाए ध्रमप्पभाए पुढवीए नेरइया पुरच्छिमपचित्थमउत्तरेणं असंखेजगुणा, दाहिणेणं असंखेजगुणा, दाहि-णिलेहिंतो ध्रमप्पभापुढवीनेरइएहिंतो चउत्थीए पंकप्पभाए पुढवीए नेरइया पुरच्छि-मपचित्थिमउत्तरेणं असंखेजगुणा, दाहिणेणं असंखेजगुणा, दाहिणिह्रेहिंतो पंकप्पभा-पुढवीनेरइएहिंतो तइयाए वाळ्यप्पभाए पुढवीए नेरइया पुरच्छिमपचित्थमउत्तरेणं असंखेजनुग्गा, दाहिणेणं असंखेजनुगा, दाहिणिल्लेहिंतो वालुयप्पभापुढवीनेरइएहिंतो दोचाए सक्करप्पभाए पुढवीए नेरइया पुरच्छिमपचित्थमउत्तरेणं असंखेजगुणा. दाहिणेणं असंखेजगुणा, दाहिणिल्लेहिंतो सकरप्पभापुढवीनेरइएहिंतो इमीसे रयणप्प-भाए पुढवीए नेरइया पुरच्छिमपचित्थमउत्तरेणं असंखेजगुणा, दाहिणेणं असंखेज-गुणा ॥ १४० ॥ दिसाणुवाएणं सन्वत्थोवा पंचिंदिया तिरिक्खजोणिया पच्छिमेणं. परच्छिमेणं विसेसाहिया, दाहिणेणं विसेसाहिया, उत्तरेणं विसेसाहिया ॥ १४१ ॥

दिसाणवाएणं सन्वत्थोवा मणुरसा दाहिणउत्तरेणं, पुरच्छिमेणं संखेजगुणा, पचित्थ-मेणं विसेसाहिया ॥ १४२ ॥ दिसाणुवाएणं सव्वत्थोवा भवणवासी देवा प्रचिछ-मप्बित्थिमेणं, उत्तरेणं असंखेजगुणा, दाहिणेणं असंखेजगुणा । दिसाणुवाएणं सव्वत्थोवा वाणमंतरा देवा पुरच्छिमेणं, पचित्थमेणं विसेसाहिया, उत्तरेणं विसेसा-हिया, दाहिणेणं विसेसाहिया । दिसाणुवाएणं सव्वत्थोवा जोइसिया देवा पुरच्छि-मपचित्थिमेणं, दाहिणेणं विसेसाहिया, उत्तरेणं विसेसाहिया । दिसाणुवाएणं सन्व-त्थोवा देवा सोहम्मे कप्पे पुरच्छिमपचित्थमेणं, उत्तरेणं असंखेजगुणा, दाहिणेणं विसेसाहिया । दिसाणवाएणं सन्वत्थोवा देवा ईसाणे कप्पे पुरच्छिमपचित्थिमेणं उत्तरेणं असंखेजगुणा, दाहिणेणं विसेसाहिया । दिसाणुवाएणं सन्वत्थोवा देवा सणंक्रमारे कप्पे पुरच्छिमपचित्थिमेणं, उत्तरेणं असंखेजगुणा, दाहिणेणं विसेसा-हिया । दिसाणुवाएणं सन्वत्थोवा देवा माहिंदे कप्पे पुरच्छिमपचित्थिमेणं, उत्तरेणं असंखेजगुणा, दाहिणेणं विसेसाहिया। दिसाणुवाएणं सञ्वत्थोवा देवा बंभलोए कप्पे परच्छिमपचित्थमउत्तरेणं, दाहिणेणं असंखेजगुणा । दिसाणुवाएणं सन्वत्थोवा देवा लंतए कप्पे पुरच्छिमपचित्थमउत्तरेणं, दाहिणेणं असंखेजगुणा । दिसाणुवाएणं सञ्वत्थोवा देवा महासुक्के कप्पे पुरच्छिमपचित्थमउत्तरेणं, दाहिणेणं असंखेजगुणा । दिसाणवाएणं सन्वत्थोवा देवा सहस्सारे कप्पे प्रच्छिमपचत्थिमउत्तरेणं, दाहिणेणं असंखेजगुणा । तेण परं बहसमोववन्नगा समणाउसो ! ॥ १४३ ॥ दिसाणवाएणं सन्वत्थोवा सिद्धा दाहिणउत्तरेणं, पुरच्छिमेणं संखेजागुणा, पचित्थमेणं विसेसाहिया ॥ १ दारं ॥ १४४ ॥ एएसि णं भंते ! नेरइयाणं तिरिक्खजोणियाणं मणुस्साणं देवाणं सिद्धाण य पंचगइसमासेणं कयरे कयरेहिंतो अप्पा वा बहुया वा तुल्ला वा विसेसा-हिया वा ? गोयमा ! सञ्बत्थोवा मणुस्सा, नेरइया असंखेजगुणा, देवा असंखेजगुणा, सिद्धा अणंतगुणा, तिरिक्खजोणिया अणंतगुणा ॥ १४५॥ एएसि णं भंते ! नेरइयाणं तिरिक्खजोणियाणं तिरिक्खजोणिणीणं मणुस्साणं मणुस्सीणं देवाणं देवीणं सिद्धाण य अद्रगइसमासेणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सन्वत्थोवाओ मणुरसीओ, मणुरसा असंखेजगुणा, नेरइया असंखेजगुणा, तिरिक्खजोणिणीओ असंखेजगुणाओ, देवा असंखेजगुणा, देवीओ संखेजगुणाओ, सिद्धा अणंतगुणा, तिरिक्खजोणिया अणंतगुणा ॥ २ दारं ॥ १४६ ॥ एएसि णं भंते ! सइंदियाणं एगिंदियाणं बेइंदियाणं तेइंदियाणं चडरिंदियाणं पंचिंदियाणं आणिंदियाण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा पंचिंदिया, चडरिंदिया विसेसाहिया, तेइंदिया विसेसाहिया,

बेइंदिया विसेसाहिया. अणिंदिया अणंतगुणा, एगिंदिया अणंतगुणा, सइंदिया विसेसाहिया ॥ १४७ ॥ एएसि णं भंते ! सइंदियाणं एगिंदियाणं बेइंदियाणं तेइंदियाणं चडरिंदियाणं पंचिंदियाणं अपज्जतगाणं कयरे कयरेहिंतो अप्पा वा बहुया वा तुल्ला वा विसेसाहिया वा १ गोयमा ! सव्वत्थोवा पंचिदिया अपज्जतगा. चर्डारेंदिया अपज्जत्तगा विसेसाहिया. तेइंदिया अपज्जत्तगा विसेसाहिया. बेइंदिया अपजन्तगा विसेसाहिया. एगिंदिया अपजन्तगा अणंतगुणा. सइंदिया अपजन्तगा विसेसाहिया ॥ १४८ ॥ एएसि णं भंते ! सइंदियाणं एगिंदियाणं बेइंदियाणं तेइंदियाणं चर्डारेदियाणं पंचिंदियाणं पजाताणं कयरे कयरेहिंतो अप्पा वा बहया वा तुल्ला वा विसेसाहिया वा ? गोयमा ! सञ्बत्थोवा चर्डारेंदिया पज्जत्तगा. पंचिंदिया पजनगा विसेसाहिया. बेडंदिया पजनगा विसेसाहिया. तेडंदिया पजनगा विसेसा-हिया, एगिंदिया पज्जत्तगा अणंत्रुणा, सइंदिया पज्जत्तगा विसेसाहिया ॥ १४९ ॥ एएसि णं भंते ! सइंदियाणं पज्जतापज्जताणं कयरे कयरेहिंतो अप्पा वा बहया वा तुल्ला वा विसेसाहिया वा ? गोयमा ! सन्वत्थोवा सइंदिया अपजन्तगा, सइंदिया पजात्तगा संखेजगुणा। एएसि णं भंते! एगिंदियाण पजात्तापजाताण कयरे कयरे-हिंतो अप्पा वा बहया वा तुल्ला वा विसेसाहिया वा ? गोयमा! सन्वत्थोवा एगिंदिया अपजातगा, एगिंदिया पजातगा संखेजगुणा ॥ एएसि णं भंते ! बेइंदियाणं पजनापजनाणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सव्वत्थोवा बेइंदिया पजत्तगा. बेइंदिया अपजत्तगा असंखेजगुणा ॥ एएसि णं भंते ! तेइंदियाणं पज्जत्तापज्जताणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सव्वत्थोवा तेइंदिया पजनगा, तेइंदिया अपजात्तगा असंखेजगुणा। एएसि णं भंते! चउरिंदियाणं पजातापजाताणं कयरे कयरेहिंतो अप्पा वा बहुया वा तुल्ला वा विसेसाहिया वा १ गोयमा! सन्वत्थोवा चडरिंदिया पजनगा. चडरिंदिया अपजनगा असंखेजगुणा ॥ एएसि णं भंते ! पंचिंदियाणं पज्जत्तापज्जताणं कयरे कयरेहिंतो अप्पा वा बहया वा तुल्ला वा विसेसा-हिया वा ? गोयमा ! सञ्वत्थोवा पंचेंदिया पजतगा, पंचेंदिया अपजतगा असंखे-ज्ञगुणा ॥ १५० ॥ एएसि णं भंते ! सइंदियाणं एगिंदियाणं बेइंदियाणं तेइंदियाणं चडरिंदियाणं पंचिंदियाणं पज्जतापज्जताणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा चर्डारेदिया पज्जत्तगा, पंचिंदिया पजनगा विसेसाहिया, बेइंदिया पजनगा विसेसाहिया, तेइंदिया पजनगा विसेसा-हिया, पंचिंदिया अपजत्तगा असंखेजगुणा, चडरिंदिया अपजत्तगा विसेसाहिया,

तेइंदिया अपज्जत्तगा विसेसाहिया, बेइंदिया अपज्जत्तगा विसेसाहिया, एगिंदिया अपजन्मा अणंतगुणा, सइंदिया अपजन्मा विसेसाहिया, एगिंदिया पजन्मा संखे-जागुणा, सइंदिया पजातगा विसेसाहिया, सइंदिया विसेसाहिया ॥ ३ दारं ॥ १५१ ॥ एएसि णं भंते ! सकाइयाणं पुढिवकाइयाणं आउकाइयाणं तेउकाइयाणं वाउकाइ-याणं वणस्सइकाइयाणं तसकाइयाणं अकाइयाण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा तसकाइया, तेउकाइया असंखे-जागुणा, पुढविकाइया विसेसाहिया, आउकाइया विसेसाहिया, वाउकाइया विसेसाहिया. अकाइया अणंतगुणा, वणस्सइकाइया अणंतगुणा, सकाइया विसेसाहिया ॥ १५२ ॥ एएसि णं भंते! सकाइयाणं पुढविकाइयाणं आउकाइयाणं तेउकाइयाणं वाउकाइयाणं वणस्सइकाइयाणं तसकाइयाणं अपज्जत्तगाणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा तसकाइया अपजन्तगा, तेउकाइया अपजनगा असंखेजगुणा, पुढविकाइया अपजनगा विसेसाहिया, आउकाइया अपज-त्तगा विसेसाहिया, वाउकाइया अपजत्तगा विसेसाहिया, वणस्सइकाइया अपजत्तगा अणंतगुणा, सकाइया अपजात्तगा विसेसाहिया ॥ १५३ ॥ एएसि णं भंते ! सकाइ-याणं पुढविकाइयाणं आउकाइयाणं तेउकाइयाणं वाउकाइयाणं वणस्सइकाइयाणं तसकाइयाणं पज्जत्तगाणं कयरे कयरेहिंतो अप्पा वा बहुया वा तुहा वा विसेसाहिया वा ? गोयमा ! सन्वत्थोवा तसकाइया पजतगा, तेउकाइया पजतगा असंखेजगुणा, पुढविकाइया पजनगा विसेसाहिया, आउकाइया पजनगा विसेसाहिया, वाउकाइया पजत्तगा विसेसाहिया, वणस्सइकाइया पजत्तगा अणंतगुणा, सकाइया पजत्तगा विसेसाहिया ॥ १५४ ॥ एएसि णं भंते ! सकाइयाणं पज्जतापज्जतगाणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सन्वत्थोवा सकाइया अपजत्तगा, सकाइया पजत्तगा संखेजगुणा ॥ एएसि णं भंते ! पुढ-विकाइयाणं पज्जतापज्जतगाणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सन्वत्थोवा पुढविकाइया अपज्जत्तगा, पुढविकाइया पजतागा संखेजगुणा ॥ एएसि णं भंते ! आउकाइयाणं पजतापजताणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सञ्बत्थोवा आउकाइया अपजत्तगा, आउकाइया पजत्तगा संखेजगुणा ॥ एएसि णं भंते ! तेउकाइयाणं पजत्तापजताणं कयरे कयरेहिंतो अप्पा वा बहुया वा तुल्ला वा विसेसाहिया वा? गोयमा ! सव्वत्थोवा तेउकाइया अपज्जत्तगा, तेउकाइया पज्जतगा संखेजगुणा ॥ एएसि णं भंते ! वाउकाइयाणं पजतापजताणं कयरे कयरेहिंतो अप्पा

वा बहुया वा तुल्ला वा विसेसाहिया वा १ गोयमा ! सञ्वत्थोवा वाउकाइया अपज्ज-त्तगा, वाउकाइया पजतागा संखेजगुणा ॥ एएसि णं भंते ! वणस्सइकाइयाणं पजता-पज्जताणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सव्वत्थोवा वणस्सइकाइया अपजत्तगा, वणस्सइकाइया पजत्तगा संखेजगुणा ॥ एएसि णं भंते ! तसकाइयाणं पज्जत्तापज्जताणं कयरे कयरेहिंतो अप्पा वा बहुया वा तुल्ला वा विसेसाहिया वा? गो०! सव्वत्थोवा तसकाइया पजन्तगा, तसकाइया अपजन्तगा असंखेजगुणा ॥ १५५ ॥ एएसि णं भंते ! सकाइयाणं पुढविकाइयाणं आउकाइयाणं तेजकाइयाणं वाजकाइयाणं वणस्सइकाइयाणं तसकाइयाण य पज्जत्तापज्जत्ताणं कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सव्वत्थोवा तसकाइया पजातगा, तसकाइया अपजातगा संखेजगुणा, तेउकाइया अपजातगा असंखेजगुणा, पुढविकाइया अपजत्तगा विसेसाहिया, आउकाइया अपजत्तगा विसे-साहिया, वाउकाइया अपजन्तगा विसेसाहिया, तेउकाइया पजन्तगा संखेजगुणा, पुढविकाइया पजन्तागा विसेसाहिया, आउकाइया पजन्ता विसेसाहिया, वाउकाइया पज्जत्तगा विसेसाहिया, वणस्सङ्काङ्या अपज्जत्तगा अणंतगुणा, सकाङ्या अपज्जत्तगा विसेसाहिया, वणस्सइकाइया पजनागा संखेजगुणा, सकाइया पजनागा विसेसाहिया, सकाइया विसेसाहिया ॥ १५६ ॥ एएसि णं भंते ! सुहुमाणं सुहुमपुढविकाइयाणं सुहुमआउकाइयाणं सुहुमतेउकाइयाणं सुहुमवाउकाइयाणं सुहुमवणस्सइकाइयाणं सुहुमनिओयाण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सन्वत्थोवा सुहुमतेउकाइया, सुहुमपुढविकाइया विसेसाहिया, सुहुमआउ-काइया विसेसाहिया, सुहुमवाउकाइया विसेसाहिया, सुहुमनिओया असंखेजगुणा, चुहुमवणस्सइकाइया अणंतगुणा, सुहुमा विसेसाहिया॥ १५७॥ एएसि णं भंते ! स्रुहुमअपज्जत्तगाणं स्रुहुमपुढविकाइयअपज्जत्तगाणं सुहुमआउकाइयअपज्जत्तगाणं सुहुम-तेउकाइयअपज्जत्तगाणं सुहुमवाउकाइयअपज्जत्तगाणं सुहुमवणस्सइकाइयअपज्जत्तगाणं सुहुमनिओयअपज्जत्तगाण य कयरे कयरेहिंतो अप्पा वा ४ ? गोयमा! सन्वत्थोवा सुहुमतेजकाइया अपज्जत्तगा, सुहुमपुढविकाइया अपज्जत्तगा विसेसाहिया, सुहुमआउ-काइया अपज्जत्तगा विसेसाहिया, सुहुमवाउकाइया अपज्जत्तगा विसेसाहिया, सुहुमनि-ओया अपजन्तगा असंखेजनुणा, सुहुमवणस्सइकाइया अपजन्तगा अणंतगुणा, सुहुमा अपजात्तगा विसेसाहिया ॥ १५८ ॥ एएसि णं भंते ! सहुमपजात्तगाणं सहुमपुढवि-काइयपज्जत्तगाणं सुहुमआउकाइयपज्जत्तगाणं सुहुमतेउकाइयपज्जत्तगाणं सुहुमवाउ-काइयपज्जत्तगाणं सहुमवणस्सइकाइयपज्जत्तगाणं सहुमनिओयपज्जतगाण य कयरे २१ सत्ता०

कयरेहिंतो अप्पा वा ४ १ गोयमा ! सन्वत्थोवा सहुमतेउकाइया पज्जत्तगा, सुह्म-पुढविकाइया पजनागा विसेसाहिया, सुहुमआउकाइया पजनागा विसेसाहिया, सुहुम-वाउकाइया पजनागा विसेसाहिया, सुहुमनिओया पजनागा असंखेजगुणा, सुहुम-वणस्सङ्काङ्या पज्जत्तगा अणंतगुणा, सुहुमपज्जत्तगा विसेसाहिया ॥ १५९ ॥ एएसि णं भंते ! सहुमाणं पज्जतापज्जत्तगाणं कयरे कयरेहिंतो अप्पा वा ४ ? गोयमा ! सन्वत्थोवा सुहुमअपज्जत्तगा, सुहुमपज्जत्तगा संखेजगुणा। एएसि णं भंते! सुहुम-पुढविकाइयाणं पजातापजाताणं कयरे कयरेहिंतो अप्पा वा ४? गोयमा! सव्वत्थोवा छुहुमपुढविकाइया अपज्जत्तगा, छुहुमपुढविकाइया पज्जत्तगा संखेजजगुणा । एएसि णं भंते ! सुहमआडकाइयाणं पज्जतापज्जतगाणं कयरे कयरेहिंतो अप्पा वा ४ ? गोयमा! सन्वत्थोवा सुहुमआउकाइया अपज्जत्तगा, सुहुमआउकाइया पज्जत्तगा संखेजगुणा । एएसि णं भंते ! सहुमतेउकाइयाणं पज्जतापज्जताणं कथरे कथरेहिंतो अप्पा वा ४ १ गोयमा ! सव्वत्थोवा सुहमते उकाइया अपजात्तगा, सुहुमते उकाइया पजन्तगा संखेजगुणा । एएसि णं भंते ! सुहुमवाउकाइयाणं पजन्तापजन्ताणं कयरे कयरेहिंतो अप्पा वा ४ ? गोयमा! सन्वत्थोवा सहुमवाउकाइया अपजत्तगा, सुहुमवाउकाइया पज्जत्तगा संखेजगुणा । एएसि णं भंते ! सुहुमवणस्सइकाइयाणं पजातापजाताणं कयरे कयरेहिंतो अप्पा वा ४ ? गोयमा ! सन्वत्थोवा सहम-वणस्सइकाइया अपज्जत्तगा, सुहुमवणस्सइकाइया पज्जत्तगा संखेजगुणा। एएसि णं भंते! सहमनिओयाणं पज्जत्तापज्जत्ताणं कयरे कयरेहिंतो अप्पा वा ४ ? गोयमा! सन्वत्थोवा सहुमनिओया अपज्जत्तगा, सहुमनिओया पज्जत्तगा संखेजगुणा ॥ १६०॥ एएसि णं भंते ! सहमाणं सहमपुढविकाइयाणं सहमआउकाइयाणं सहमतेउकाइयाणं स्रुहुमवाउकाइयाणं सुहुमवणस्सइकाइयाणं सुहुमनिओयाण य पज्जतापज्जताणं कयरे कयरेहिंतो अप्पा वा ४१ गोयमा! सव्वत्थोवा सहुमतेउकाइया अपजात्तया, सुहुमपुढविकाइया अपज्जत्तया विसेसाहिया, सुहुमआउकाइया अपज्जत्तया विसेसा-हिया, सुहुमवाउकाइया अपज्जत्तया विसेसाहिया, सुहुमतेउकाइया पज्जत्तया संखेज-गुणा, सुहुमपुढविकाइया पज्जत्तया विसेसाहिया, सुहुमआउकाइया पज्जत्तया विसेसा-हिया, द्रहुमनाउकाइया पजन्तया विसेसाहिया, द्रहुमनिओया अपजन्तया असंखेज-गुणा, सहुमनिओया पजत्तया संखेजगुणा, सहुमनणस्सइकाइया अपजत्तया अणंत-गुणा, सुहुमअपज्जत्तया विसेसाहिया, सुहुमवणस्सइकाइया पज्जत्तया संखेजगुणा, स्रुमपज्जत्तया विसेसाहिया, स्रुहुमा विसेसाहिया ॥ १६१ ॥ एएसि णं भंते ! बायराणं बायरपुढविकाइयाणं बायरआउकाइयाणं बायरतेउकाइयाणं बायरवाउ-

काइयाणं बायरवणस्सइकाइयाणं पत्तेयसरीरबायरवणस्सइकाइयाणं बायरनिओयाणं बायरतसकाइयाणं कयरे कयरेहिंतो अप्पा वा ४ १ गोयमा ! सन्वत्थोवा बायर-तसकाइया, बायरतेउकाइया असंखेजगुणा, पत्तेयसरीरबायरवणस्सइकाइया असं-खेजगुणा, बायरनिओया असंखेजगुणा, बायरपुढविकाइया असंखेजगुणा, बायर-आउकाइया असंखेजगुणा, बायरवाउकाइया असंखेजगुणा, बायरवणस्सइकाइया अणंतगुणा, बायरा विसेसाहिया ॥ १६२ ॥ एएसि णं भंते ! बायरपुढविकाइय-अपज्जत्तगाणं बायरआउकाइयअपज्जत्तगाणं बायरतेउकाइयअपज्जत्तगाणं बायरवाउ-काइयअपज्जत्तगाणं बायरवणस्सइकाइयअपज्जत्तगाणं पत्तेयसरीरबायरवणस्सइकाइय-अपज्जत्तगाणं बायरनिओयअपज्जत्तगाणं बायरतसकाइयअपज्जत्तगाण य कयरेहिंतो अप्पा वा ४ ? गोयमा ! सव्वत्थोवा बायरतसकाइया अपज्जत्तगा. बायरतेजकाइया अपजातगा असंखेजगुणा, पत्तेयसरीरबायरवणस्सइकाइया अपज-त्तगा असंखेजगुणा, बायरनिओया अपजत्तगा असंखेजगुणा, बायरपुढविकाइया अपज्जत्तगा असंखेजगुणा, बायरआउकाइया अपज्जत्तगा असंखेजगुणा, बायरवाउ-काइया अपज्जत्तगा असंखेजगुणा, बायरवणस्सइकाइया अपज्जत्तगा अणंतगुणा, बायरअपज्जत्तगा विसेसाहिया ॥ १६३ ॥ एएसि णं भंते ! बायरपज्जत्तयाणं बायर-पुढवीकाइयपज्जत्तयाणं बायरआउकाइयपज्जत्तयाणं बायरतेउकाइयपज्जत्तयाणं बायर-वारुकाइयपज्जत्तयाणं पत्तेयसरीरबायरवणस्सङ्काङ्यपज्जत्तयाणं बायरनिओयपज्जत-याणं बायरतसकाइयपज्जत्तयाण य कयरे कयरेहिंतो अप्पा वा ४ ? गोयमा ! सव्व-त्थोवा बायरते उकाइया पजन्तया. बायरतसकाइया पजन्तया असंखेजगुणा. पत्तेय-सरीरबायरवणस्सइकाइया पजनया असंखेजगुणा, बायरनिओया पजनया असंखे-जगुणा, बायरपुढवीकाइया पजत्तया असंखेजगुणा, बायरआउकाइया पजत्तया असंखेजगुणा, बायरवाउकाइया पजत्तया असंखेजगुणा, बायरवणस्सइकाइया पज-त्तया अणंतगुणा, बायरपज्जत्तया विसेसाहिया ॥ १६४ ॥ एएसि ण भंते ! बायराणं पजातापजाताणं कयरे कयरेहिंतो अप्पा वा ४ १ गोयमा ! सव्वत्थोवा बायरपजा-त्तया, बायरअपज्जत्तया असंखेजगुणा । एएसि णं भंते ! बायरपढवीकाइयाणं पजातापजाताणं कयरे कयरेहिंतो अप्पा वा ४ ? गोयमा ! सव्वत्थोवा बायरपुढवी-काइया पजत्तया, बायरपुढवीकाइया अपजत्तया असंखेजगुणा। एएसि णं भंते! बायरआडकाइयाणं पज्जतापज्जताणं कयरे कयरेहिंतो अप्पा वा ४ ? गोयमा ! सव्वत्थोवा बायरआडकाइया पज्जत्तया, बायरआडकाइया अपज्जत्तया असंखेज-गुणा। एएसि णं भंते! बायरतेउकाइयाणं पज्जतापज्जताणं कयरे कयरेहिंतो

अप्पा वा ४ १ गोयमा ! सव्वत्थोवा बायरतेउकाइया पज्जत्तया, बायरतेउकाइया अपज्जत्तया असंखेजागुणा । एएसि णं भंते ! बायरवाउकाइयाणं पज्जतापज्जताणं क्यरे क्यरेहिंतो अप्पा वा ४ १ गोयमा ! सव्वत्थोवा बायरवाउकाइया पजत्तया. बायरवाउकाइया अपज्जत्तया असंखेजगुणा । एएसि णं भंते ! बायरवणस्तइकाइयाणं पज्जत्तापज्जत्ताणं कयरे कयरेहिंतो अप्पा वा ४ १ गोयमा ! सन्वत्थोवा वायरवणस्स-इकाइया पज्जत्तया, बायरवणस्सङ्काइया अपज्जत्तया असंखेजगुणा। एएसि णं भंते! पत्तेयसरीरबायरवणस्सइकाइयाणं पजातापजाताणं कयरे कयरेहिंतो अप्पा वा ४ ? गोयमा ! सन्वत्थोवा पत्तेयसरीरबायरवणस्सइकाइया पज्जत्तया, पत्तेयसरीरबायरवण-स्सइकाइया अपज्जत्तया असंखेजगुणा। एएसि णं भंते! बायरनिओयाणं पज्जता-पजाताणं कयरे कयरेहिंतो अप्पा वा ४ ? गोयमा ! सव्वत्थोवा बायरिनओया पजता. बायरिनओया अपजता असंखेजगुणा। एएसि णं भंते ! बायरतसकाइयाणं पजातापजाताणं कयरे कयरेहिंतो अप्पा वा ४ ? गोयमा ! सन्वत्थोवा वायरतस-काइया पज्जता, बायरतसकाइया अपज्जता असंखेजगुणा ॥ १६५ ॥ एएसि णं भंते ! बायराणं बायरपुढवीकाइयाणं बायरआउकाइयाणं बायरतेउकाइयाणं वायर-वाउकाइयाणं बायरवणस्सइकाइयाणं पत्तेयसरीरबायरवणस्सइकाइयाणं वायरनिओ-याणं बायरतसकाइयाणं पज्जतापज्जताणं कयरे कयरेहिंतो अप्पा वा ४ ? गोयमा ! सव्वत्थोवा बायरतेजकाइया पजत्तया, बायरतसकाइया पजत्तया असंखेजगुणा. बायरतसकाइया अपजात्तया असंखेजागुणा, पत्तेयसरीरवायरवणस्सङकाइया पजात्त्या असंखेजगुणा, बायरनिओया पजन्तया असंखेजगुणा, बायरपुढवीकाइया पजन्तया असंखेजगुणा, बायरआउकाइया पजत्तया असंखेजगुणा, बायरवाउकाइया पजत्तया असंखेजगुणा, बायरतेउकाइया अपजत्तया असंखेजगुणा, पत्तेयसरीरबायरवणस्सइ-काइया अपजत्तया असंखेजगुणा, बायरनिओया अपजत्तया असंखेजगुणा, बायर-पुढवीकाइया अपज्जत्तया असंखेजगुणा; बायरआउकाइया अपज्जत्तया असंखेजगुणा, बायरवाउकाइया अपजत्तया असंखेजगुणा, बायरवणस्सङ्काइया पजत्तया अणंत-गुणा, बायरवणस्सङ्काङ्या अपज्जत्तया असंखेजगुणा, बायरअपज्जत्तया विसेसाहिया. बायरा विसेसाहिया ॥ १६६ ॥ एएसि णं भंते ! सहमाणं सहमपुढवीकाइयाणं सुहुमआउकाइयाणं सुहुमतेउकाइयाणं सुहुमवाउकाइयाणं सुहुमवणरसङ्काइयाणं स्रहमनिओयाणं बायराणं बायरपुढवीकाइयाणं बायरआउकाइयाणं बायरतेउकाइयाणं बायरवाउकाइयाणं बायरवणस्सइकाइयाणं पत्तेयसरीरबायरवणस्सइकाइयाणं बायर-निओयाणं तसकाइयाण य कयरे कयरेहिंतो अप्पा वा ४ ? गोयमा ! सन्वत्थोवा बायरतसकाइया, बायरतेउकाइया असंखेजगुणा, पत्तेयसरीरबायरवणस्सइकाइया असंखेजगुणा, बायरनिओया असंखेजगुणा, बायरपुढवीकाइया असंखेजगुणा, बायरआउकाइया असंखेजगुणा, बायरवाउकाइया असंखेजगुणा, सुहुमतेउकाइया असंखेजगुणा, सहुमपुढवीकाइया विसेसाहिया, सहुमआउकाइया विसेसाहिया, सुहुमवाउकाइया विसेसाहिया, सुहुमनिओया असंखेजगुणा, बायरवणस्सइकाइया अणंतगुणा, बायरा विसेसाहिया, सुहुमवणस्सइकाइया असंखेजगुणा, सुहुमा विसेसा-हिया ॥ १६७ ॥ एएसि णं भंते ! स्रुहुमअपज्जत्तयाणं स्रुहुमपुढवीकाइयाणं अपज्जत्त-याणं सहुमआउकाइयाणं अपजत्तयाणं सहुमतेउकाइयाणं अपजत्तयाणं सहुमवाउ-काइयाणं अपज्जत्तयाणं सुहुमवणस्सइकाइयाणं अपज्जत्तयाणं सुहुमिनओयाणं अप-जात्याणं वायरअपजात्तयाणं वायर्पुढवीकाइयाणं अपजात्तयाणं वायरआउकाइयाणं अपजनयाणं बायरतेउकाइयाणं अपजनयाणं बायरवाउकाइयाणं अपजनयाणं बायरवणस्सइकाइयाणं अपज्जत्तयाणं पत्तेयसरीरबायरवणस्सइकाइयाणं अपज्जत्तयाणं बायरनिओयाणं अपज्जत्तयाणं बायरतसकाइयाणं अपज्जत्तयाणं कयरे कयरेहिंतो अप्पा वा ४ १ गोयमा ! सन्वत्थोवा बायरतसकाइया अपज्जत्तया, बायरतेजकाइया अपज्जत्तया असंखेजगुणा, पत्तेयसरीरबायरवणस्सइकाइया अपज्जत्तया असंखेजगुणा, बायरनिओया अपजन्तया असंखेजगुणा, बायरपुढवीकाइया अपजन्तया असंखेज-गुणा, बायरआउकाइया अपज्जत्तया असंखेजगुणा, बायरवाउकाइया अपज्जत्तया असंखेजगुणा, सहुमतेउकाइया अपजत्तया असंखेजगुणा, सहुमपुढवीकाइया अप-जत्तया विसेसाहिया, सहुमआउकाइया अपजत्तया विसेसाहिया, सहुमवाउकाइया अपज्जत्तया विसेसाहिया, सुहुमनिओया अपज्जत्तया असंखेजगुणा, बायरवणस्सइ-काइया अपज्जत्तया अणंतगुणा, बायरा अपज्जत्तया विसेसाहिया, सुहुमवणस्सइकाइया अपजत्तया असंखेजगुणा, सहुमा अपजत्तया विसेसाहिया ॥ १६८ ॥ एएसि णं भंते ! सुहुमपजन्तयाणं सुहुमपुढविकाइयपजन्तयाणं सुहुमआउकाइयपजन्तयाणं सुहु-मते उका इयप जत्तयाणं सहुमवा उका इयप जत्तयाणं सहुमवणस्स इका इयप जत्तयाणं सहू-मनिओयपज्जत्तयाणं बायरपज्जत्तयाणं बायरपुढविकाइयपज्जत्तयाणं बायरआउकाइ-यपज्जत्तयाणं बायरतेउकाइयपज्जत्तयाणं बायरवाउकाइयपज्जत्तयाणं बायरवणस्सइ-काइयपज्जत्तयाणं पत्तेयसरीरबायरवणस्सइकाइयपज्जत्तयाणं बायरनिओयपज्जत्तयाणं बायरतसकाइयपज्जत्तयाण य कयरे कयरेहिंतो अप्पा वा ४ ? गोयमा ! सन्वत्थोवा बायरतेउकाइया पजत्तया, बायरतसकाइया पजत्तया असंखेजगुणा, पत्तेयसरीर-बायरवणस्सइकाइया पजन्तया असंखेजगुणा, बायरनिओया पजन्तया असंखेजगुणा.

बायरपुढविकाइया पज्जत्तया असंखेजगुणा, बायरआउकाइया पज्जत्तया असंखेजगुणा, बायरवाडकाइया पजत्तया असंखेजगुणा, सुहुमतेडकाइया पजत्तया असंखेजगुणा, सुहमपुढविकाइया पज्जत्तया विसेसाहिया, सुहुमआउकाइया पज्जत्तया विसेसाहिया, सुहुमवाउकाइया पजत्तया विसेसाहिया, सुहुमनिओया पजत्तया असंखेजगुणा, बायरवणस्सइकाइया पज्जत्तया अणंतगुणा, बायरपज्जत्तया विसेसाहिया, सुह्म-वणस्सइकाइया पजन्तया असंखेजगुणा, सुहुमपजन्तया विसेसाहिया ॥ १६९ ॥ एएसि णं भंते ! सुहमाणं बायराण य पज्जत्तापज्जताणं कयरे कयरेहिंतो अप्पा वा ४ ? गोयमा ! सव्वत्थोवा बायरा पजन्तया, बायरा अपजन्तया असंखेजगुणा, सुहुम-अपजत्तया असंखेजगुणा, सुहुमपजत्तया संखेजगुणा ॥ एएसि णं भंते ! सुहुम-पुढविकाइयाणं बायरपुढविकाइयाण य पज्जतापज्जताणं कयरे कयरेहिंतो अप्पा वा ४ १ गोयमा ! सव्वत्थोवा बायरपुढविकाइया पज्जत्तया, वायरपुढविकाइया अपजत्तया असंखेजगुणा, सुहुमपुढिवकाइया अपजत्तया असंखेजगुणा, सुहुम-पुढविकाइया पज्जत्तया संखेजगुणा ॥ एएसि णं भंते ! सुहुमआउकाइयाणं बायर-आउकाइयाण य पज्जत्तापज्जत्ताणं कयरे कयरेहिंतो अप्पा वा ४? गोयमा! सन्वत्थोवा बायरआउकाइया पजत्तया, बायरआउकाइया अपजत्तया असंखेज-गुणा, सहुमआउकाइया अपजत्तया असंखेजगुणा, सहुमआउकाइया पजत्तया संखेजगुणा ॥ एएसि णं भंते ! सहुमतेउकाइयाणं बायरतेउकाइयाण य पजता-पजताणं कयरे कयरेहिंतो अप्पा वा ४ ? गोयमा! सन्वत्थोवा बायरतेउकाइया पजत्तया, बायरतेउकाइया अपजत्तया असंखेजगुणा, सहमतेउकाइया अपजत्तया असंखेजगुणा, सहुमतेउकाइया पजत्तया संखेजगुणा ॥ एएसि णं भंते ! सहुमवाउ-काइयाणं बायरवाउकाइयाण य पज्जत्तापज्जत्ताणं कयरे कयरेहिंतो अप्पा वा ४ ? गोयमा! सन्वत्थोवा बायरवाउकाइया पज्जत्तया, बायरवाउकाइया अपज्जत्तया असंखेजगुणा, सुहुमा तेउकाइया अपजत्तया असंखेजगुणा, सुहुमवाउकाइया पजत्तया संखेजगुणा ॥ एएसि णं भंते ! सुहुमवणस्सइकाइयाणं बायरवणस्सइ-काइयाण य कयरे कयरेहिंतो अप्पा वा ४ १ गोयमा ! सव्वत्थोवा बायरव-णस्सइकाइया पज्जत्तया, बायरवणस्सइकाइया अपज्जत्तया असंखेज्जगुणा, सुहुम-वणस्सइकाइया अपजत्तया असंखेजगुणा, सुहुमवणस्सइकाइया पजत्तया संखे-जगुणा ॥ एएसि णं भंते ! सुहुमनिओयाणं बायरनिओयाण य पजतापज-त्ताणं कयरे क्यरेहिंतो अप्पा वा ४ ? गोयमा! सव्वत्थोवा बायरनिओया पजत्तया, बायरनिओया अपजत्तया असंखेजगुणा, सहुमनिओया अपजत्तया

असंखेजगुणा, सुहुमनिओया पजत्तया संखेजगुणा॥ १७०॥ एएसि णं भंते! सुहुमाणं सुहुमपुढवीकाइयाणं सुहुमआउकाइयाणं सुहुमतेउकाइयाणं सुहुमवाउका-इयाणं सुहुमवणस्सइकाइयाणं सुहुमनिओयाणं बायराणं बायरपुढविकाइयाणं बायर-आउकाइयाणं बायरतेउकाइयाणं बायरवाउकाइयाणं बायरवणस्सइकाइयाणं पत्तेय-सरीरबायरवणस्सइकाइयाणं बायरनिओयाणं बायरतसकाइयाण य पज्जतापज्जताणं कयरे कयरेहिंतो अप्पा वा ४ १ गोयमा ! सन्वत्थोवा बायरते उकाइया पज्जत्तया, बायरतसकाइया पजन्तया असंखेजगुणा, बायरतसकाइया अपजन्तया असंखेजगुणा, पत्तेयसरीरबायरवणस्सइकाइया पज्जत्तया असंखेजगुणा, बायरनिओया पज्जत्तया असंखेजगुणा, बायरपुढविकाइया पज्जत्तया असंखेजगुणा, बायरआउकाइया पज्ज-त्तया असंखेजगुणा, बायरवाउकाइया पजतया असंखेजगुणा, बायरतेउकाइया अपजनया असंखेजगुणा, पत्तेयसरीरबायरवणस्सइकाइया अपजनया असंखेज-गुणा, बायरनिओया अपजत्तया असंखेजगुणा, बायरपुढवीकाइया अपजत्तया असंखेजगुणा, बायरआउकाइया अपजत्तया असंखेजगुणा, बायरवाउकाइया अपजत्तया असंखेजगुणा, सुहमतेउकाइया अपजत्तया असंखेजगुणा, सुहमपुढवी-काइया अपज्जत्तया विसेसाहिया, सहमआउकाइया अपज्जत्तया विसेसाहिया, सहम-वाउकाइया अपजन्तया विसेसाहिया, सुहुमतेउकाइया पजन्तया असंखेजगुणा, सुहुमपुढवीकाइया पज्जत्तया विसेसाहिया, सुहुमआउकाइया पज्जत्तया विसेसाहिया, सुहुमवाउकाइया पजन्तया विसेसाहिया, सुहुमनिओया अपजन्तया असंखेजगुणा, सुहुमनिओया पज्जत्तया संखेजगुणा, बायरवणस्सइकाइया पज्जत्तया अणंतगुणा, बायरपज्जत्तया विसेसाहिया, बायरवणस्सइकाइया अपज्जत्तया असंखेजगुणा, बायर-अपज्जत्तया विसेसाहिया, बायरा विसेसाहिया, सुहुमवणस्सङ्काङ्या अपज्जत्तया असंखेजगुणा, सुहमअपजत्तया विसेसाहिया, सुहमवणस्सइकाइया पजत्तया संखेज-गुणा, सुहमपजन्तया विसेसाहिया, सुहमा विसेसाहिया ॥ ४ दारं ॥ १७१ ॥ एएसि णं भन्ते ! जीवाणं सजोगीणं मणजोगीणं वइजोगीणं कायजोगीणं अजोगीण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा जीवा मणजोगी, वइजोगी असंखेजगुणा, अजोगी अणंतगुणा, कायजोगी अणंतगुणा, सजोगी विसेसाहिया ॥ ५ दारं ॥ १७२ ॥ एएसि णं भन्ते ! जीवाणं सवेयगाणं इत्थीवेयगाणं पुरिसवेयगाणं नपुंसगवेयगाणं अवेयगाण य कयरे कयरे-हिंतो अप्पा वा बहुया वा तुल्ला वा विसेसाहिया वा १ गोयमा! सव्वत्थोवा जीवा पुरिसवेयगा, इत्थीवेयगा संखेजगुणा, अवेयगा अणंतगुणा, नपुंसगवेयगा अणंत-

गुणा, सवेयगा विसेसाहिया ॥ ६ दारं ॥ १७३ ॥ एएसि णं भंते ! सकसाईणं कोहकसाईणं माणकसाईणं मायाकसाईणं लोहकसाईणं अकसाईण य कयरे कयरे-हिंतो अप्पा वा बहुया वा तुल्ला वा विसेसाहिया वा ? गोयमा! सन्वत्थोवा जीवा अकसाई, माणकसाई अणंत्रुणा, कोहकसाई विसेसाहिया, मायाकसाई विसेसाहिया, लोहकसाई विसेसाहिया, सकसाई विसेसाहिया॥ ७ दारं॥ १७४॥ एएसि णं भंते! जीवाणं सळेस्साणं किण्हळेस्साणं नीलळेस्साणं काउळेस्साणं तेउळेस्साणं पम्ह-ळेस्साणं सक्कलेस्साणं अलेस्साण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा जीवा सुक्रलेस्सा, पम्हलेस्सा संखेजगुणा. तेउलेस्सा संखेजगुणा, अलेस्सा अणंतगुणा, काउलेस्सा अणंतगुणा, नीललेस्सा विसेसाहिया, कण्हलेस्सा विसेसाहिया, सलेस्सा विसेसाहिया ॥ ८ दारं ॥ १७५ ॥ एएसि णं भंते ! जीवाणं सम्मिद्दिष्टीणं मिच्छादिद्वीणं सम्मामिच्छादिद्वीण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा जीवा सम्मामिच्छादिद्री, सम्महिद्री अणंतगुणा, मिच्छादिद्री अणंतगुणा ॥ ९ दारं ॥ १७६ ॥ एएसि णं भंते ! जीवाणं आभिणिबोहियणाणीणं सुयणाणीणं ओहिणाणीणं मण-पज्जवणाणीणं केवलणाणीण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सव्वत्थोवा जीवा मणपज्जवणाणी, ओहिणाणी असं-खेजागुणा, आभिणिबोहियणाणी सुयणाणी दोवि तुल्ला विसेसाहिया, केवलणाणी अणंतगुणा ॥ १७७ ॥ एएसि णं भंते ! जीवाणं मङ्अन्नाणीणं सुयअन्नाणीणं विभंगणाणीण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सन्वत्थोवा जीवा विभंगणाणी, मङ्अन्नाणी सुयअन्नाणी दोवि तल्ला अणंतगुणा ॥ १७८ ॥ एएसि णं भंते ! जीवाणं आभिणिबोहियनाणीणं सयनाणीणं ओहिनाणीणं मणपज्जवनाणीणं केवलनाणीणं मङ्अञ्चाणीणं सुयअञ्चाणीणं विभंग-नाणीण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सक्वत्थोवा जीवा मणपज्जवनाणी, ओहिनाणी असंखेजगुणा, आभिणिबोहियनाणी स्रयनाणी दोवि तुल्ला विसेसाहिया, विभंगनाणी असंखेजगुणा, केवलनाणी अणंत-गुणा, मइअन्नाणी सुयअन्नाणी य दोवि तुल्ला अणंतगुणा ॥ १० दारं ॥ १७९ ॥ एएसि णं भंते ! जीवाणं चक्खुदंसणीणं अचक्खुदंसणीणं ओहिदंसणीणं केवलदंस-णीण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सव्वत्थोवा जीवा ओहिदंसणी, चक्खदंसणी असंखेजगुणा, केवलदंसणी अणंतगुणा, अचक्खदंसणी अणंतगुणा ॥ ११ दारं ॥ १८० ॥ एएसि णं भंते ! जीवाणं

संजयाणं असंजयाणं संजयासंजयाणं नोसंजयनोअसंजयनोसंजयासंजयाण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सञ्बत्थोवा जीवा संजया, संजयासंजया असंखेजगुणा, नोसंजयनोअसंजयनोसंजयासंजया अणंतगुणा, असंजया अणंतगुणा ॥ १२ दारं ॥ १८१ ॥ एएसि णं भंते ! जीवाणं सागारोवउत्ताणं अणागारोवउत्ताण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सन्वतथोवा जीवा अणागारोवउत्ता. सागारोवउत्ता संखेजगुणा ॥ १३ दारं ॥ १८२ ॥ एएसि णं भंते ! जीवाणं आहारगाणं अणाहारगाण य कयरे कयरेहिंतो अप्पा वा बहुया वा तुल्ला वा विसे-साहिया वा ? गोयमा ! सन्वत्थोवा जीवा अणाहारगा, आहारगा असंखेजगुणा ॥ १४ दारं ॥ १८३ ॥ एएसि णं भंते ! जीवाणं भासगाणं अभासगाण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सञ्वत्थोवा जीवा भासगा, अभासगा अणंतगुणा ॥ १५ दारं ॥ १८४ ॥ एएसि णं भंते ! जीवाणं परित्ताणं अपरित्ताणं नोपरित्तनोअपरित्ताण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा जीवा परित्ता, नोपरि-त्तनोअपरिता अणंतगुणा, अपरिता अणंतगुणा ॥ १६ दारं ॥ १८५ ॥ एएसि णं भंते ! जीवाणं पज्जताणं अपज्जताणं नोपज्जतानोअपज्जताण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सव्वत्थोवा जीवा नोपज्ज-त्तानोअपजत्तगा, अपजत्तगा अणंतगुणा, पजत्तगा संखेजगुणा ॥ १७ दारं ॥ ॥ १८६ ॥ एएसि णं भंते ! जीवाणं सुहमाणं बायराणं नोसुहमनोबायराण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सव्वत्थोवा जीवा नोसुहमनोबायरा, बायरा अणंतगुणा, सुहमा असंखेजगुणा ॥ १८ दारं ॥ ॥ १८७ ॥ एएसि णं भंते ! जीवाणं सन्नीणं असन्नीणं नोसन्नीनोअसन्नीण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सव्वत्थोव-जीवा सन्नी, नोसन्नीनोअसन्नी अणंतगुणा, असन्नी अणंतगुणा ॥ १९ दारं ॥ ॥ १८८ ॥ एएसि णं भंते ! जीवाणं भवसिद्धियाणं अभवसिद्धियाणं नोभव-सिद्धियानोअभवसिद्धियाण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा जीवा अभवसिद्धिया, णोभवसिद्धियाणो-अभवसिद्धिया अणंतगुणा, भवसिद्धिया अणंतगुणा ॥ २० दारं ॥ १८९ ॥ एएसि णं भंते! धम्मत्थिकायअधम्मत्थिकायआगासत्थिकायजीवत्थिकायपोग्गलत्थिकाया अद्धासमयाणं दव्बद्रयाए कयरे कयरेहिंतो अप्पा वा बहुया वा तुल्ला वा विसेसा-

हिया वा ? गोयमा ! धम्मत्थिकाए अधम्मत्थिकाए आगासत्थिकाए एए णं तिन्निवि तुल्ला दव्यद्वयाए सव्यत्थोवा, जीवत्थिकाए दव्यद्वयाए अणंतगुणे, पोग्गलत्थिकाए द्व्वहुयाएं अणंतगुणे, अद्धासमए द्व्वहुयाएं अणंतगुणे ॥ १९० ॥ एएसि णं भंते! धम्मत्थिकायअधम्मत्थिकायआगासत्थिकायजीवत्थिकायपोग्गलत्थिकायअद्धासमयाणं पएसद्वयाए कयरे कयरेहिंतो अप्पा वा बहुया वा तुल्ला वा विसेसाहिया वा? गोयमा! धम्मत्थिकाए अधम्मत्थिकाए एए णं दोवि तुल्ला पएसहुयाए सव्वत्थोवा, जीवत्थि-काए पएसट्टयाए अणंतगुणे, पोग्गलिथकाए पएसट्टयाए अणंतगुणे, अद्धासमए पएसद्वयाए अणंतगुणे, आगासत्थिकाए पएसद्वयाए अणंतगुणे ॥ १९१ ॥ एयस्स णं भंते ! धम्मत्थिकायस्स दव्बद्वपएसद्वयाए कयरे कयरेहिंतो अप्पा वा बहुया वा तुल्ला वा विसेसाहिया वा १ गोयमा! सव्वत्थोवे एगे धम्मत्थिकाए दव्वहुयाए, से चेव पएसद्र्याए असंखेजगुणे । एयस्स णं भंते ! अधम्मत्थिकायस्स दव्वद्वपएसद्र-याए कसरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सब्बत्थोवे एगे अधम्मत्थिकाए दब्बहुयाए, से चेव पएसहुयाए असंखेजागुणे। एयस्स णं भंते ! आगासिक्थकायस्स दव्बद्वपएसद्वयाए क्यरे क्यरेहिंतो अप्पा वा बहुया वा तुल्ला वा विसेसाहिया वा ? गोयमा! सन्वत्थोवे एगे आगासित्थकाए द्व्वट्टयाए, से चेव पएसट्टयाए अणंतगुणे। एयस्स णं भंते ! जीवत्थिकायस्स दञ्बद्रपएसद्रयाए कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सन्वत्थोवे जीवत्थिकाए दव्बद्वयाए, से चेव पएसद्वयाए असंखेजगुणे। एयस्स णं भंते ! पोग्गलियकायस्स दन्बद्वपएसद्वयाए कयरे कयरेहिंतो अप्पां वा बहुया वा तुल्ला वा विसेसाहिया वा ? गोयमा ! सन्वत्थोवे पोग्गलिथकाए दन्वद्वयाए, से चेव पएसद्वयाए असंखेजगुणे । अद्धासमए न पुच्छिजइ, पएसाभावा ॥ १९२॥ एएसि णं भंते! धम्मत्थिकायअधम्मत्थिकायआगासत्थिकायजीवत्थिकायपोग्गलत्थि-कायअद्धासमयाणं दव्बद्वपएसद्वयाए कयरे कयरेहिंतो अप्पा वा बहुया वा तुल्ला वा विसेसाहिया वा? गोयमा! धम्मत्थिकाए अधम्मत्थिकाए आगासत्थिकाए एए तिन्नि वि तुल्ला दव्बद्वयाए सव्बत्थोवा, धम्मत्थिकाए अधम्मत्थिकाए य एएसि णं दोन्नि वि तुल्ला पएसहुयाए असंखेजगुणा, जीवत्थिकाए दन्बहुयाए अणंतगुणे, से चेव पएसद्वयाए असंखेजगुणे, पोग्गलियकाए दन्बद्वयाए अणंतगुणे, से चेव पएसद्व-याए असंखेजगुणे, अद्धासमए दव्बद्वपएसद्वयाए अणंतगुणे, आगासित्थकाए पएसद्व-याए अणंतगुणे ॥ २१ दारं ॥ १९३ ॥ एएसि णं भंते ! जीवाणं चरिमाणं अचरि-माण य कयरे क्यरेहिंतो अप्पा वा बहुया वा तुल्ला वा विसेसाहिया वा ? गोयमा !

सव्वत्थोवा जीवा अचरिमा, चरिमा अणंतगुणा ॥ २२ दारं ॥ १९४ ॥ एएसि णं भंते ! जीवाणं पोग्गलाणं अद्धासमयाणं सव्वदव्वाणं सव्वपएसाणं सव्वपज्जवाण य कयरे कयरेहिंतो अप्पा वा बहुया वा तुला वा विसेसाहिया वा ? गोयमा! सञ्चत्थोवा जीवा. पोग्गला अणंतगुणा, अद्धासमया अणंतगुणा, सन्वदन्वा विसेसाहिया, सन्व-पएसा अणंतगुणा, सव्वपज्जवा अणंतगुणा ॥ २३ दारं ॥ १९५ ॥ खेताणवाएणं सन्वत्थोवा जीवा उड्डलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलुके असंखेजगुणा, उडूलोए असंखेजगुणा, अहोलोए विसेसाहिया ॥ १९६ ॥ खेत्ताणुवाएणं सव्वत्थोवा नेरइया तेळोक्के. अहोलोयतिरियलोए असं-खेजगुणा, अहोलोए असंखेजगुणा ॥ १९७ ॥ खेत्ताणुवाएणं सव्वत्थोवा तिरिक्ख-जोणिया उड्डलोयतिरियलोए, अहोलोयतिरियलोए विसेसाहिया, तिरियलोए असं-खेजगुणा, तेलोक्ने असंखेजगुणा, उड्डलोए असंखेजगुणा, अहोलोए विसेसाहिया। खेताणुवाएणं सञ्बत्थोवाओ तिरिक्खजोणिणीओ उड्डलोए. उड्डलोयतिरियलोए असं-खेजगुणाओ, तेलोक्के संखेजगुणाओ, अहोलोयतिरियलोए संखेजगुणाओ, अहोलोए संखेजगुणाओ, तिरियलोए संखेजगुणाओ ॥ १९८ ॥ खेत्ताणुवाएणं सव्वत्थोवा मणस्या तेलोक्के. उन्नलोयतिरियलोए असंखेजगुणा, अहोलोयतिरियलोए संखेजगुणा, उद्दर्शेए संखेजगुणा, अहोरोए संखेजगुणा, तिरियरोए संखेजगुणा । खेताणुवाएणं सन्वत्थोवाओ मणुस्सीओ तेलोके. उड्डलोयतिरियलोए संखेजगुणाओ, अहोलोयतिरि-यलोए संखेजगुणाओ, उड्ढलोए संखेजगुणाओ, अहोलोए संखेजगुणाओ, तिरियलोए संखेजगुणाओ ॥ १९९ ॥ खेत्ताणवाएणं सन्वत्थोवा देवा उड्डलोए, उड्डलोयतिरिय-लोए असंखेजगुणा, तेलोक्के संखेजगुणा, अहोलोयतिरियलोए संखेजगुणा, अहोलोए संखेजगुणा, तिरियलोए संखेजगुणा । खेत्ताणुवाएणं सन्वत्थोवाओ देवीओ उड्डलोए. उड्डलोयतिरियलोए असंखेजगुणाओ, तेलोक्के संखेजगुणाओ, अहोलोयतिरियलोए संखेजगुणाओ, अहोलोए संखेजगुणाओ, तिरियलोए संखेजगुणाओ ॥ २०० ॥ खेत्ताणवाएणं सव्वत्थोवा भवणवासी देवा उड्डलोए, उड्डलोयतिरियलोए असंखेज-गुणा, तेलोक्के संखेजगुणा, अहोलोयतिरियलोए असंखेजगुणा, तिरियलोए असंखेज-गुणा, अहोलोए असंखेजगुणा । खेत्ताणुवाएणं सन्वत्थोवाओ भवणवासिणीओ देवीओ उडुलोए. उडुलोयितिरियलोए असंखेजगुणाओ. तेलोक्के संखेजगुणाओ, अहोलोय-तिरियलोए असंखेजगुणाओ, तिरियलोए असंखेजगुणाओ, अहोलोए असंखेज-गुणाओ ॥ खेताणवाएणं सन्वत्थोवा वाणमंतरा देवा उड्डलोए, उड्डलोयतिरियलोए असंखेजगुणा, तेलोक्के संखेजगुणा, अहोलोयितिरियलोए असंखेजगुणा, अहोलोए

असंखेजगुणा, तिरियलोए संखेजगुणा । खेत्ताणुवाएणं सव्वत्थोवाओ वाणमंतरीओ देवीओ उडूलोए, उडूलोयितिरियलोए असंखेजगुणाओ, तेलोके संखेजगुणाओ. अहोलोयतिरियलोए असंखेजगुणाओ, अहोलोए संखेजगुणाओ, तिरियलोए संखेज-गुणाओ ॥ खेत्ताण्वाएणं सन्वत्थोवा जोइसिया देवा उद्गूलोए, उद्गूलोयतिरियलोए असंखेजगुणा, तेलोके संखेजगुणा, अहोलोयतिरियलोए असंखेजगुणा, अहोलोए संखेजगुणा. तिरियलोए असंखेजगुणा । खेताणुवाएणं सन्वत्थोवाओ जोइसिणीओ देवीओ उड्डलोए, उड्डलोयतिरियलोए असंखेजगुणाओ, तेलोक्के संखेजगुणाओ. अहोलोयतिरियलोए असंखेजगुणाओ, अहोलोए संखेजगुणाओ, तिरियलोए असं-खेजगुणाओ ॥ खेत्ताणुवाएणं सव्वत्थोवा वेमाणिया देवा उडूळोयतिरियलोए. तेलोक्रे संखेजनुणा, अहोलोयतिरियलोए संखेजनुणा, अहोलोए संखेजनुणा, तिरियलोए संखेजगुणा, उड्डलोए असंखेजगुणा । खेताणुवाएणं सव्वत्थोवाओ वेमाणिणीओ देवीओ उद्दूलोयितिरियलोए, तेलोक्के संखेजगुणाओ, अहोलोयितिरियलोए संखेज-गुणाओ, अहोलोए संखेजगुणाओ, तिरियलोए संखेजगुणाओ, उडूलोए असंखेज-गुणाओ ॥ २०१ ॥ खेताणुवाएणं सन्वत्थोवा एगिंदिया जीवा उडूलोयतिरियलोए. अहोलोयतिरियलोए विसेसाहिया, तिरियलोए असंखिजगुणा, तेलोक्के असंखिज-्राणा, उड्डलोए असंखिजराणा, अहोलोए विसेसाहिया । खेताणवाएणं सन्वत्थोवा एगिंदिया जीवा अपज्जत्तगा उन्हलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलोक्के असंखेजगुणा, उन्हलोए असंखेजगुणा, अहो-लोए विसेसाहिया । खेत्ताणुवाएणं सन्वत्थोवा एगिंदिया जीवा पजत्तगा उड्डलोय-तिरियलोए. अहोलोयतिरियलोए विसेसाहिया, तिरियलोए असंखिजगुणा, तेलोके असंखिजगुणा, उन्नुलोए असंखिजगुणा, अहोलोए विसेसाहिया ॥ २०२ ॥ खेता-णुवाएणं सन्वत्थोवा बेइंदिया उडूलोए, उडूलोयतिरियलोए असंखिजगुणा, तेल्ले असंखिजगणा, अहोलोयतिरियलोए असंखिजगुणा, अहोलोए संखिजगुणा, तिरि-यलोए संखिजगुणा। खेत्ताणुवाएणं सन्वत्थोवा बेइंदिया अपजन्तया उद्गलोए. उन्नलोयतिरियलोए असंखेजगुणा, तेलोक्के असंखेजगुणा, अहोलोयतिरियलोए असंखेजगुणा, अहोलोए संखेजगुणा, तिरियलोए संखेजगुणा । खेताणुवाएणं सन्वत्थोवा बेइंदिया पज्जता उन्हलोए, उन्हलोयतिरियलोए असंखिजगुणा, तेलोके असंखिजगुणा, अहोलोयितिरियलोए असंखिजगुणा, अहोलोए संखिजगुणा, तिरि-यलोए संखिजगुणा ॥ खेत्ताणुवाएणं सन्वत्थोवा तेइंदिया उडूलोए, उडूलोयतिरि-यलोए असंखिजगुणा, तेलोके असंखिजगुणा, अहोलोयतिरियलोए असंखिजगुणा,

अहोलोए संखिजगुणा, तिरियलोए संखिजगुणा । खेत्ताणुवाएणं सव्वत्थोवा तेइंदिया अपजनया उद्दलोए, उद्गलोयितिरियलोए असंखेजगुणा. तेलोके असं-खेजगुणा. अहोलोयतिरियलोए असंखेजगुणा, अहोलोए संखेजगुणा, तिरियलोए संखेजगुणा। खेताणुवाएणं सन्वत्थोवा तेइंदिया पजत्तया उड्डलोए, उड्डलोय-तिरियलोए असंखेजगुणा, तेलुक्ने असंखेजगुणा, अहोलोयतिरियलोए असंखेजगुणा, अहोलोए संखेजगुणा, तिरियलोए संखेजगुणा ॥ खेताणुवाएणं सव्वत्थोवा चडरिं-दिया जीवा उडूलोए, उडूलोयतिरियलोए असंखेजगुणा, तेलोक्के असंखेजगुणा, अहोलोयतिरियलोए असंखेजगुणा, अहोलोए संखेजगुणा, तिरियलोए संखेजगुणा। खेत्ताणवाएणं सन्वत्थोवा चडरिंदिया जीवा अपजत्तया उडूलोए, उडूलोयतिरियलोए असंखेजगुणा, तेलुक्के असंखेजगुणा, अहोलोयतिरियलोए असंखेजगुणा, अहोलोए संखेजगुणा, तिरियलोए संखेजगुणा । खेताणुवाएणं सन्वत्थोवा चडरिंदिया जीवा पजनया उडूलोए, उडूलोयितिरियलोए असंखेजगुणा, तेलोक्ने असंखेजगुणा, अहो-लोयतिरियलोए असंखेज्गुणा, अहोलोए संखेजगुणा, तिरियलोए संखेजगुणा ॥२०३॥ खेत्ताणुवाएणं सन्वत्थोवा पंचिंदिया तेलको. उड्डलोयतिरियलोए संखेजगुणा, अहो-लोयतिरियलोए संखेजगुणा, उड्डलोए संखेजगुणा, अहोलोए संखेजगुणा, तिरियलोए असंखेजगुणा । खेताणुवाएणं सव्वत्थोवा पंचिंदिया अपजत्तया तेलोक्के. उडूलोय-तिरियलोए संखेजगुणा, अहोलोयतिरियलोए संखेजगुणा, उद्दूलोए संखेजगुणा, अहोलोए संखेजागुणा, तिरियलोए असंखेजागुणा। खेत्ताणुवाएणं सन्वत्थोवा पंचिंदिया पजता उन्नलोए, उन्नलोयितिरियलोए असंखेजगुणा, तेलुके संखेजगुणा, अहोलोय-तिरियलोए संखेजगुणा, अहोलोए संखेजगुणा, तिरियलोए असंखेजगुणा ॥ २०४॥ खेत्ताणुवाएणं सन्वत्थोवा पुढविकाइया उड्डलोयतिरियलोए, अहोलोयतिरियलोए विसेसाहिया, तिरियलोए असंखिजगुणा, तेलोक्के असंखिजगुणा, उडूलोए असंखि-जगुणा, अहोलोए विसेसाहिया । खेताणुवाएणं सव्वत्थोवा पुढविकाइया अपजत्तया उष्टुलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलोक्ने असंखेजगुणा, उडूलोए असंखेजगुणा, अहोलोए विसेसाहिया। खेत्ताणुवा-एणं सन्वत्थोवा पुढविकाइया पज्जत्तया उद्भुलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलुके असंखेजगुणा, उन्हलोए असंखेज-गुणा, अहोलोए विसेसाहिया ॥ २०५ ॥ खेत्ताणुवाएणं सन्वत्थोवा आउकाइया उद्गलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेळुके असंखेजगुणा, उडूलोए असंखेजगुणा, अहोलोए विसेसाहिया। खेताणु-

वाएणं सन्वत्थोवा आउकाइया अपजन्तया उडूलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलोके असंखेजगुणा, उहुलोए असंखेज-गुणा, अहोलोए विसेसाहिया। खेत्ताणुवाएणं सन्वत्थोवा आउकाइया पज्जत्तया उड्डलोयितिरियलोए, अहोलोयितिरियलोए विसेसाहिया, तिरियलोए असंखेजगुणा, तेलोके असंखेजगुणा, उड्डलोए असंखेजगुणा, अहोलोए विसेसाहिया ॥ २०६ ॥ खेत्ताणुवाएणं सन्वत्थोवा तेउकाइया उष्ट्रलोयतिरियलोए, अहोलोयतिरियलोए विसेसाहिया. तिरियलोए असंखेजगुणा, तेलोक्के असंखेजगुणा, उडूलोए असंखेज-गणा. अहोलोए विसेसाहिया। खेत्ताणुवाएणं सव्वत्थोवा तेउकाइया अपजन्तया उड्डलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलोके असंखेजगुणा, उडुलोए असंखेजगुणा, अहोलोए विसेसाहिया। खेताण-वाएणं सन्वत्थोवा तेउकाइया पजात्तया उड्डलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलोक्के असंखेजगुणा, उडूलोए असंखेज-गुणा, अहोलोए विसेसाहिया ॥ २०७ ॥ खेत्ताणुवाएणं सन्वत्थोवा वाउकाइया उङ्गलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलोक्के असंखेजगुणा, उड्डलोए असंखेजगुणा, अहोलोए विसेसाहिया। खेताणु-वाएणं सन्वत्थोवा वाउकाइया अपज्ञत्तया उडूलोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलोक्के असंखेजगुणा, उन्हलोए असंखे-जरुणा, अहोलोए विसेसाहिया। खेत्ताणुवाएणं सन्वत्थोवा वाउकाइया पजत्तया उन्नलोयतिरियलोए. अहोलोयतिरियलोए विसेसाहिया, तिरियलोए असंखेजगुणा, तेलुके असंखेजगुणा, उहुलोए असंखेजगुणा, अहोलोए विसेसाहिया ॥ २०८ ॥ खेत्ताणुवाएणं सञ्वत्थोवा वणस्सइकाइया उन्हळोयतिरियलोए, अहोलोयतिरियलोए विसेसाहिया, तिरियलोए असंखेजगुणा, तेलोक्ने असंखेजगुणा, उन्हलोए असंखेज-गुणा, अहोलोए विसेसाहिया । खेत्ताणुवाएणं सन्वत्थोवा वणस्सङ्काङ्या अपज्ज-त्तया उद्भूलोयतिरियलोए, अहोलोयतिरियलोए विसेसाहिया, तिरियलोए असंखेज-गुणा, तेळुके असंखेजगुणा, उडूलोए असंखेजगुणा, अहोलोए विसेसाहिया। खेत्ताणुवाएणं सव्वत्थोवा वणस्सइकाइया पजत्तया उष्ट्रलोयतिरियलोए, अहोलोय-तिरियलोए विसेसाहिया, तिरियलोए असंखेजगुणा, तेलोक्के असंखेजगुणा, उडूलोए असंखेजगुणा, अहोलोए विसेसाहिया ॥ २०९ ॥ खेत्ताणुवाएणं सन्वत्थोवा तस-काइया तेलोक्के, उन्दूलोयतिरियलोए असंखेजगुणा, अहोलोयतिरियलोए संखेजगुणा, उडूठोए संखेजगुणा, अहोळोए संखेजगुणा, तिरियलोए असंखेजगुणा । खेताणु-

वाएणं सव्वत्थोवा तसकाइया अपज्जत्तया तेलोक्के, उड्डलोयतिरियलोए असंखेजगुणा, अहोलोयतिरियलोए संखेजगुणा, उड्ढलोए संखेजगुणा, अहोलोए संखेजगुणा, तिरि-यलोए असंखेजगुणा । खेताणवाएणं सञ्वत्थोवा तसकाइया पजत्या तेलोक्ने, उडूलो-यतिरियलोए असंखेजगुणा, अहोलोयतिरियलोए संखेजगुणा, उड्डलोए संखेजगुणा, अहोलोए संखेजगुणा, तिरियलोए असंखेजगुणा ॥ २४ दारं ॥ २१० ॥ एएसि णं भंते ! जीवाणं आउयस्य कम्मस्य बंधगाणं अबंधगाणं पज्जताणं अपज्जताणं सुत्ताणं जागराणं समोहयाणं असमोहयाणं सायावेयगाणं असायावेयगाणं इंदिओव-उत्ताणं नोइंदिओवउत्ताणं सागारोवउत्ताणं अणागारोवउत्ताण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा जीवा आउ-यस्स कम्मस्स बंधगा १, अपज्जत्तया संखेजगुणा २, सुता संखेजगुणा ३, समो-हया संखेजगुणा ४, सायावेयगा संखेजगुणा ५, इंदिओवउत्ता संखेजगुणा ६, अणागारोवउत्ता संखेजागुणा ७, सागारोवउत्ता संखेजागुणा ८, नोइंदिओवउत्ता विसे-साहिया ९, असायावेयगा विसेसाहिया १०, असमोहया विसेसाहिया ११, जागरा विसेसाहिया १२, पज्जत्तया विसेसाहिया १३, आउयस्य कम्मस्स अवंधया विसेसा-हिया १४॥ २५ दारं ॥ २११॥ खेत्ताणुवाएणं सन्वत्थोवा पुग्गला तेलोक्ने, उडूलोय-तिरियलोए अणंतगुणा, अहोलोयतिरियलोए विसेसाहिया, तिरियलोए असंखेजगुणा, उडूलोए असंखेजगुणा, अहोलोए विसेसाहिया । दिसाणवाएणं सव्वत्थोवा पुग्गला उह्नृदिसाए, अहोदिसाए विसेसाहिया, उत्तरपुरच्छिमेणं दाहिणपचित्थिमेण उ दोवि तुल्ला असंखेजगुणा, दाहिणपुरिच्छमेण उत्तरपचित्थिमेण य दोवि विसेसाहिया, पुरच्छिमेणं असंखेजगुणा, पचित्थिमेणं विसेसाहिया, दाहिणेणं विसेसाहिया, उत्तरेणं विसेसाहिया । खेत्ताणुनाएणं सन्वत्थोवाइं दन्नाइं तेलोके, उन्हलोयतिरियलोए अणंतगुणाइं, अहोलोयतिरियलोए विसेसाहियाइं, उड्ढूलोए असंखेजगुणाइं, अहोलोए अणंतगुणाइं, तिरियलोए संखेजगुणाइं। दिसाणुवाएणं सव्वत्थोवाइं दव्वाइं अहोदि-साए, उड्ढिदिसाए अणंतगुणाइं, उत्तरपुरच्छिमेणं दाहिणपचित्थिमेण य दोवि तुल्लाइं असंखेजगुणाइं, दाहिणपुरच्छिमेणं उत्तरपचित्थिमेण य दोवि तुल्लाइं विसेसाहियाइं, पुरच्छिमेणं असंखेजगुणाइं, पचित्थिमेणं विसेसाहियाइं, दाहिणेणं विसेसाहियाइं, उत्तरेणं विसेसाहियाई ॥ २१२ ॥ एएसि णं भंते ! परमाणुपोग्गळाणं संखेजपएसि-याणं असंखेजपएसियाणं अणंतपएसियाण य खंबाणं दन्बद्धयाए पएसद्वयाए दन्बद्ध-पएसट्टयाए कयरे कयरेहिंतो अप्पा वा बहुया वा तुल्ला वा विसेसाहिया वा? गोयमा! सन्वत्थोवा अणंतपएसिया खंधा दन्बद्रयाए. परमाणपोग्गला दन्बद्रयाए

अणंतगुणा, संखेजपएसिया खंधा दव्बहुयाए संखेजगुणा, असंखपएसिया खंधा द्व्वट्टयाए असंखेजगुणा । पएसट्टयाए-सव्वत्थोवा अणंतपएसिया खंधा पएसट्टयाए. परमाणुपोग्गला अपएसद्वयाए अणंतगुणा, संखेजपएसिया खंघा पएसद्वयाए संखेज-गुणा, असंखपएसिया खंघा पएसहयाए असंखेजगुणा । दव्वहपएसहयाए-सव्वत्थोवा अणंतपएसिया खंथा दन्बहुयाए, ते चेव पएसहुयाए अणंतगुणा, परमाणुपोग्गला दव्बहुअपएसहुयाए अणंतगुणा, संखेजपएसिया खंघा दव्बहुयाए संखेजगुणा, ते चेव पएसद्वयाए संखेजगुणा, असंखपएसिया खंधा दन्बहुयाए असंखेजगुणा, ते चेव पएसद्रयाए असंखेजगुणा ॥२१३॥ एएसि णं भंते ! एगपएसोगाडाणं संखेजपए-सोगाडाणं असंखेजपएसोगाडाण य पोग्गलाणं दन्बद्वयाए पएसद्वयाए दन्बद्वपएसट्ट-याए कयरे क्यरेहिंतो अप्पा वा बहुया वा तुल्ला वा विसेसाहिया वा ? गोयमा! सब्ब-त्थोवा एगपएसोगाढा पोग्गला द्व्वह्याए, संखेजपएसोगाढा पोग्गला द्व्वह्याए संखेजगुणा, असंखेजपएसोगाढा पोग्गला दव्बहुयाए असंखेजगुणा, पएसहुयाए-सव्वत्थोवा एगपएसोगाढा पोग्गला पएसहुयाए, संखेजापएसोगाढा पोग्गला पएसहुयाए संखेजगुणा, असंखेजपएसोगाढा पोगगला पएसहुयाए असंखेजगुणा । दन्वहपए-सद्वयाए-सन्बत्थोवा एगपएसोगाढा पुग्गला दन्बद्वपएसद्वयाए, संखिज्जपएसोगाढा पुग्गला दन्बद्वयाए संखिजगुणा, ते चेव पएसद्वयाए संखिजगुणा, असंखिजपएसो-गाडा पुरगला दन्बद्वयाए असंखिजागुणा, ते चेव पएसद्वयाए असंखिजागुणा ॥२१४॥ एएसि णं भन्ते ! एगसमयठिइयाणं संखिजसमयठिइयाणं असंखिजसमयठिइयाणं पुग्गलाणं दन्बद्वयाए पएसद्वयाए दन्बद्वपएसद्वयाए कयरे कयरेहिंतो अप्पा वा वहुया वा तुल्ला वा विसेसाहिया वा? गोयमा! सन्वत्थोवा एगसमयठिइया प्रग्गला दन्बद्वयाए, संखिजसमयठिइया पुग्गला दन्बद्वयाए संखिजगुणा, असंखिजसमय-ठिइया पुग्गला दन्बद्वयाए असंखिजगुणा । पएसद्वयाए-सन्बत्थोवा एगसमयठिइया पुग्गला पएसट्टयाए, संखेजसमयिंड्या पुग्गला पएसट्टयाए संखेजगुणा, असं-खेजसमयठिइया पुग्गला पएसद्वयाए असंखेजगुणा। दन्बद्वपएसद्वयाए-सन्बद्धयोवा एगसमयठिइया पुग्गला दन्बद्वपएसद्वयाए, संखिजसमयठिइया पुग्गला दन्बद्वयाए संखिजगुणा, ते चेव पएसद्वयाए संखिजगुणा। असंखिजसमयिटिइया पुग्गला दव्बद्वयाए असंखिजागुणा, ते चेव पएसद्वयाए असंखिजागुणा ॥ २१५ ॥ एएसि णं भंते! एगगुणकालगाणं संखिजगुणकालगाणं असंखिजगुणकालगाणं अणंतगुण-कालगाण य पुग्गलाणं दव्बद्वयाए पएसद्वयाए द्व्बद्वपएसद्वयाए य कयरे कयरेहिंतो अप्पा वा बहुया वा तुल्ला वा विसेसाहिया वा १ गोयमा! जहा पुग्गला तहा

भाणियव्वा, एवं संखिजगुणकालगाण वि । एवं सेसावि वण्णा गंधा रसा फासा भाणियव्वा । फासाणं कक्खडमउयगुरुयलहुयाणं जहा एगपएसोगाडाणं भणियं तहा भाणियव्वं । अवसेसा फासा जहा वन्ना तहा भाणियव्वा ॥ २६ दारं ॥२१६॥ अह भंते! सव्वजीवप्पबहुं महादण्डयं वन्नइस्सामि-सव्वत्थोवा गब्भवक्कंतिया मणुस्सा १, मणुस्सीओ संखिजगुणाओ २, बायरतेउकाइया पजत्तया असंखिज-गुणा ३, अणुत्तरोववाइया देवा असंखिजगुणा ४, उवारेमगेविजागा देवा संखिज-गुणा ५, मज्झिमगेविज्जगा देवा संखिजगुणा ६, हिड्डिमगेविज्जगा देवा संखिज-गुणा ७, अञ्चए कप्पे देवा संखिजगुणा ८, आरणे कप्पे देवा संखिजगुणा ९. पाणए कप्पे देवा संखिजागुणा १०, आणए कप्पे देवा संखिजागुणा ११, अहे-सत्तमाए पुढवीए नेरइया असंखिज्जगुणा १२, छट्टीए तमाए पुढवीए नेरइया असंखिजगुणा १३, सहस्सारे कप्पे देवा असंखिजगुणा १४, महासुक्के कप्पे देवा असंखिजगुणा १५, पंचमाए धुमप्पभाए पुढवीए नेरइया असंखिजगुणा १६. लंतए कप्पे देवा असंखिजगुणा १७, चउत्थीए पंकप्पभाए पुढवीए नेरइया असंखिजागुणा १८. बंभलोए कप्पे देवा असंखिजागुणा १९. तचाए वालयप्पमाए पुढवीए नेरइया असंखिजगुणा २०, माहिंदे कप्पे देवा असंखिजगुणा २१, सणंकुमारे कप्पे देवा असंखिजगुणा २२. दोचाए सक्करप्पभाए पढवीए नेरइया असंखिजगुणा २३, संमुच्छिमा मणुस्सा असंखिजगुणा २४, ईसाणे कप्पे देवा असंखिजगुणा २५. ईसाणे कप्पे देवीओ संखिजगुणाओ २६. सोहम्मे कप्पे देवा संखिजगुणा २७, सोहम्मे कप्पे देवीओ संखिजगुणाओ २८, भवणवासी देवा असंखिजगुणा २९, भवणवासिणीओ देवीओ संखिजगुणाओ ३०. इमीसे रयणप्प-भाए पुढवीए नेरइया असंखिजगुणा ३१, खह्यरपंचिंदियतिरिक्खजोणिया पुरिसा असंखिजगुणा ३२, खहयरपंचिंदियतिरिक्खजोणिणीओ संखिजगुणाओ ३३. थलयरपंचिंदियतिरिक्खजोणिया पुरिसा संखिजगुणा ३४, थलयरपंचिंदियतिरि-क्खजोणिणीओ संखिजगुणाओ ३५, जलयरपंचिंदियतिरिक्खजोणिया पुरिसा संखिज्जगुणा ३६, जलयरपंचिंदियतिरिक्खजोणिणीओ संखिजगुणाओ ३७, वाणमंतरा देवा संखिजगुणा ३८, वाणमंतरीओ देवीओ संखिजगुणाओ ३९, जोइसिया देवा संखिजगुणा ४०, जोइसिणीओ देवीओ संखिजगुणाओ ४१, खह्यरपंचिंदियतिरिक्खजोणिया नपुंसगा संखिज्जगुणा ४२, थलयरपंचिंदियतिरि-क्खजोणिया नपुंसगा संखिजागुणा ४३, जलयरपंचिंदियतिरिक्खजोणिया नपुंसगा संखिजगुणा ४४, चडरिंदिया पजत्तया संखिजगुणा ४५, पंचिंदिया पजत्तया २२ सुत्ता०

विसेसाहिया ४६, बेइंदिया पज्जत्तया विसेसाहिया ४७, तेइंदिया पज्जत्तया विसेसा-हिया ४८, पंचिंदिया अपज्जत्तया असंखिज्जगुणा ४९, चउरिंदिया अपज्जत्तया विसेसाहिया ५०, तेइंदिया अपजन्तया विसेसाहिया ५१, बेइंदिया अपजन्तया विसेसाहिया ५२, पत्तेयसरीरबायरवणस्सइकाइया पज्जत्तया असंखिज्जगुणा ५३. बायरनिओया पजत्तया असंखिजगुणा ५४, बायरपुढवीकाइया पजत्तया असंखि-जगुणा ५५. बायरआउकाइया पजत्तया असंखिजगुणा ५६, बायरवाउकाइया पजत्तया असंखिजगुणा ५७, बायरतेउकाइया अपजत्तया असंखिजगुणा ५८, पत्तेयसरीरबायरवणस्सइकाइया अपजत्तया असंखिजगुणा ५९, बायरनिओया अपज्जत्तया असंखिजगुणा ६०, बायरपुढवीकाइया अपज्जत्तया असंखिजगुणा ६१, बायरआउकाइया अपजत्तया असंखिजगुणा ६२, बायरवाउकाइया अपजत्तया असंखिजगुणा ६३, सुहमतेउकाइया अपजत्तया असंखिजगुणा ६४, सुहमपुढवी-काइया अपज्जत्तया विसेसाहिया ६५, सहुमआउकाइया अपज्जत्तया विसेसाहिया ६६, सुहुमवाउकाइया अपज्जत्तया विसेसाहिया ६७, सुहुमतेउकाइया पज्जत्तया संखिजगुणा ६८, सहमपुढवीकाइया पजत्तया विसेसाहिया ६९, सहमआउकाइया पजन्तया विसेसाहिया ७०, सहुमवाउकाइया पजन्तया विसेसाहिया ७१, सहुम-निओया अपजत्तया असंखिजगुणा ७२, सहुमनिओया पजत्तया संखिजगुणा ७३, अभवसिद्धिया अणंतगुणा ७४, परिविडियसम्मिद्दिही अणंतगुणा ७५, सिद्धा अणंत-गुणा ७६, बायरवणस्सइकाइया पज्जत्तया अणंतगुणा ७७, बायरपज्जत्तया विसेसा-हिया ७८, बायरवणस्सइकाइया अपज्जत्तया असंखिज्जगुणा ७९, बायरअपज्जत्तया विसेसाहिया ८०, बायरा विसेसाहिया ८१, सुहुमवणस्सइकाइया अपज्जत्तया असंखिजगुणा ८२, सुहुमअपजत्तया विसेसाहिया ८३, सुहुमवणस्सङ्काइया पजत्तया संखिजगुणा ८४, सहमपजत्तया विसेसाहिया ८५, सहमा विसेसाहिया ८६, भवसिद्धिया विसेसाहिया ८७, निओयजीवा विसेसाहिया ८८, वणस्सइजीवा विसेसाहिया ८९, एगिंदिया विसेसाहिया ९०, तिरिक्खजोणिया विसेसाहिया ९१, मिच्छादिद्वी विसेसाहिया ९२, अविरया विसेसाहिया ९३, सकसाई विसेसाहिया ९४, छउमत्था विसेसाहिया ९५, सजोगी विसेसाहिया ९६, संसारत्था विसेसाहिया ९७, सव्वजीवा विसेसाहिया ९८॥ २७ दारं ॥ २१७॥ पन्नवणाए भगवईए तइयं अप्पाबहुयपयं समत्तं॥

नेरइयाणं भंते ! केवइयं कालं ठिई पन्नता ? गोयमा ! जहन्नेणं दसवाससहस्साई, डकोसेणं तेत्तीसं सागरोवमाइं। अपजात्तगनेरइयाणं भंते ! केवइयं कालं ठिई पचता ? गोयमा! जहन्नेणं अंतोमुहत्तं उक्कोसेण वि अंतोमुहत्तं। पज्जत्तगनेरइयाणं भंते! केवइयं कालं ठिई पन्नता ? गोयमा ! जहन्नेणं दसवाससहस्साइं अंतोमुहुतूणाइं, उक्कोसेणं तेत्तीसं सागरोवमाइं अन्तोमुहुतूणाइं ॥ २१८ ॥ रयणप्पभापुढविनेरइयाणं भंते ! केवइयं कालं ठिई पन्नता ? गोयमा ! जहनेणं दसवाससहस्साइं. उक्कोसेणं सागरोवमं । अपज्जत्तरयणप्पभापुढविनेरइयाणं भंते ! केवइयं कालं ठिई पन्नता ? गोयमा ! जहन्नेणं अंतोमुहुत्तं उक्कोसेण वि अंतोमुहुत्तं । पज्जत्तरयणप्पभापुढविनेरइ-याणं भंते ! केवइयं कालं ठिई पन्नता ? गोयमा ! जहन्नेणं दस वाससहस्साई अंतोमुहृत्तृणाइं, उक्कोसेणं सागरोवमं अंतोमुहुत्तृणं । सक्करप्पभापुढविनेरइयाणं भंते ! केवइयं कालं ठिई पन्नता ? गोयमा! जहन्नेणं एगं सागरोवमं. उक्कोसेणं तिन्नि सागरोवमाई । अपज्जत्तयसकरप्पभापुढविनेरइयाणं भंते ! केवइयं कालं ठिई पन्नता ? गोयमा! जहन्नेणं अंतोमुहुत्तं, उक्कोसेण वि अंतोमुहुत्तं । पज्जत्तयसकरप्पभापुढवि-नेरइयाणं भंते ! केवइयं कालं ठिई पन्नता ? गोयमा ! जहनेणं सागरीवमं अंतो-मुहत्तूणं, उक्कोसेणं तिन्नि सागरोवमाई अंतोमुहत्तुणाई । वाळ्यप्पभापुढविनेरइयाणं भंते ! केवइयं कालं ठिई पन्नता ? गोयमा ! जहनेणं तिन्नि सागरोवमाई, उक्कोसेणं सत्त सागरोवमाई । अपज्जत्तयवालुयप्पभापुढविनेरइयाणं भंते ! केवइयं कालं ठिई पन्नता ? गोयमा ! जहन्नेणं अंतोमुहुत्तं, उक्कोसेण वि अंतोमुहुत्तं । पज्जत्तयवाल्ययप-भापद्विनेरइयाणं भंते! केवइयं कालं ठिई पन्नता? गोयमा! जहन्नेणं तिन्नि सागरोवमाइं अंतोमुहृतूणाइं, उक्कोसेणं सत्त सागरोवमाइं अंतोमुहृतूणाइं । पंकप्पभा-पुढविनेरइयाणं भंते ! केवइयं कालं ठिई पन्नता ? गोयमा ! जहनेणं सत्त सागरीव-माइं, उक्कोसेणं दस सागरोवमाइं । अपज्जत्तयपंकप्पभापुढविनेरइयाणं भंते ! केवइयं कालं ठिई पन्नता ? गोयमा ! जहन्नेण वि अंतोमुहुत्तं उक्कोसेण वि अंतोमुहुत्तं । पज्जत्तयपंकप्पभापुढविनेरइयाणं भंते! केवइयं कालं ठिई पन्नता? गोयमा! जहन्नेणं सत्त सागरोवमाइं अंतोमुहुत्तूणाइं, उक्कोसेणं दस सागरोवमाइं अंतोमुहुत्तूणाइं। धूमप्पभापुढविनेरइयाणं भंते ! केवइयं कालं ठिई पन्नता ? गोयमा ! जहन्नेणं दस सागरोवमाइं, उक्कोसेणं सत्तरस सागरोवमाइं । अपज्जत्तयधूमप्पभापुढविनेरइयाणं भंते! केवइयं कालं ठिई पन्नता? गोयमा! जहन्नेण वि अंतोमुहुत्तं उक्कोसेण वि अंतोमुहुत्तं । पज्जत्तयधूमप्पभापुढविनेरइयाणं भंते ! केवइयं कालं ठिई पन्नता ? गोयमा ! जहन्नेणं दस सागरोवमाइं अंतोमुहुत्तूणाइं, उक्कोसेणं सत्तरस सागरोवमाइं अंतोमुहुत्तूणाइं। तमप्पभापुढविनेरइयाणं भंते ! केवइयं कालं ठिई पन्नता ? गोयमा! जहनेणं सत्तरस सागरोवमाइं, उक्कोसेणं वावीसं सागरोवमाइं। अपजत्तयतमप्पभा-

पुढ़िवनेर्झ्याणं भंते ! केव्इयं कालं ठिई पन्नता ? गोयमा ! जहन्नेण वि अंतोमुहृत्तं उक्कोसेण वि अंतोमुहुत्तं । पज्जत्तयतमप्पभापुढविनेरइयाणं भंते ! केवइयं कालं ठिई पन्नता ? गोयमा ! जहन्नेणं सत्तरस सागरोवमाइं अंतोमुहुत्तूणाइं, उक्कोसेणं बावीसं सागरोवमाइं अंतोमुहुत्तृणाइं । अहेसत्तमापुढविनेरइयाणं भंते ! केवइयं कालं ठिई पन्नता ? गोयमा ! जहन्नेणं बावीसं सागरोवमाइं, उक्कोसेणं तेत्तीसं सागरोवमाइं । अपज्जतगअहेसत्तमपुढविनेरइयाणं भंते ! केवइयं कालं ठिई पन्नता ? गोयमा ! जहन्नेण वि अंतोमुहुत्तं उक्कोसेण वि अंतोमुहुत्तं । पज्जत्तगअहेसत्तमपुढविनेरइयाणं भंते! केवडयं कालं ठिई पन्नता? गोयमा! जहन्नेणं बावीसं सागरोवमाइं अंतो-मुहुत्तूणाई, उक्कोसेणं तेत्तीसं सागरोवमाई अंतोमुहुत्तूणाई ॥ २१९ ॥ देवाणं भंते ! केवइयं कालं ठिई पन्नता ? गोयमा ! जहन्नेणं दस वाससहस्साई, उक्कोसेणं तेत्तीसं सागरोवमाई । अपज्जतयदेवाणं भंते ! केवइयं कालं ठिई पन्नता ? गोयमा ! जहन्नेण वि अंतोमुहुत्तं उक्कोसेण वि अंतोमुहुत्तं । पज्जत्तयदेवाणं भंते ! केवइयं कालं ठिई पन्नता ? गोयमा ! जहन्नेणं दस वाससहस्साई अंतोमुहृतूणाई, उक्कोसेणं तेत्तीसं सागरोवमाइं अंतोमुहुत्तूणाइं। देवीणं भंते ! केवइयं कालं ठिई पन्नता ? गोयमा [जहन्नेणं दस वाससहस्साइं, उक्कोसेणं पणपन्नं पिलओवमाइं। अपज्जत्तियदेवीणं भंते! केवइयं कालं ठिई पन्नता? गोयमा! जहन्नेण वि अंतोमुहुत्तं उक्कोसेण वि अंतोमुहुतं । पजात्तियदेवीणं भंते ! केवइयं कालं ठिई पन्नता ? गोयमा ! जहन्नेणं दस वाससह-स्साइं अंतोमुहुत्तृणाइं, उक्कोसेणं पणपन्नं पिठओवमाइं अंतोमुहुत्तृणाइं ॥ २२० ॥ भवणवासीणं देवाणं भंते! केवइयं कालं ठिई पन्नता? गोयमा! जहन्नेणं दस वाससहस्साइं, उक्कोसेणं साइरेगं सागरोवमं । अपज्जत्तयभवणवासीणं भंते ! देवाणं केवइयं कालं ठिई पन्नता ? गोयमा ! जहन्नेण वि अन्तोमुहुत्तं उक्कोसेण वि अंतो-मुहत्तं । पज्जत्तयभवणवासीणं देवाणं भंते ! केवइयं कालं ठिई पन्नता ? गोयमा ! जहन्नेणं दस वाससहस्साइं अंतोमुहुत्तूणाइं, उक्कोसेणं साइरेगं सागरोवमं अंतोमु-हुतुर्णं । भवणवासिणीणं भंते ! देवीणं केवइयं कालं ठिई पन्नता ? गोयमा ! जहन्नेणं दस वाससहस्साइं, उक्कोसेणं अद्धपंचमाइं पिलओवमाइं । अपज्जित्तियभवणवा-सिणीणं देवीणं भंते ! केवइयं कालं ठिई पन्नता ? गोयमा ! जहन्नेण वि अंतोमहत्तं उक्कोसेण वि अन्तोमुहुत्तं । पज्जित्तियाणं भेते ! भवणवासिणीणं देवीणं केवइयं काळं ठिई पन्नत्ता ? गोयमा ! जहन्नेणं दस वाससहस्साइं अंतोमुहुतूणाइं, उक्कोसेणं अद्ध-पंचमाइं पिलओवमाइं अन्तोमुहुत्तूणाइं ॥२२१॥ असुरकुमाराणं भेते ! देवाणं केवइयं कालं ठिई पन्नता ? गोयमा ! जहन्नेणं दस वाससहस्साइं, उक्कोसेणं साइरेगं साग-

रोवमं । अपज्जत्तयअसुरकुमाराणं भंते ! देवाणं केवइयं कालं ठिई पन्नता ? गोयमा ! जहन्नेण वि अंतोमुहुत्तं उक्कोसेण वि अन्तोमुहुत्तं । पज्जत्तयअसुरकुमाराणं भंते ! देवाणं केवइयं कालं ठिई पन्नता ? गोयमा! जहन्नेणं दस वाससहस्साई अन्तो-मुहुतूणाई, उक्कोसेणं साइरेगं सागरोवमं अन्तोमुहुतूणं। असुरकुमारीणं भंते! देवीण केवइयं कालं ठिई पन्नता ? गोयमा ! जहन्नेणं दस वाससहस्साई, उक्कोसेणं अद्धपंचमाइं पिलओवमाइं । अपजात्तियाणं असुरकुमारीणं भंते ! देवीणं केवइयं कालं ठिई पन्नता ? गोयमा ! जहन्नेण वि अन्तोमुहुत्तं उक्कोसेण वि अंतोमुहुत्तं । पजात्तियाणं असुरक्तमारीणं देवीणं भंते ! केवइयं कालं ठिई पन्नता ? गोयमा ! जहन्नेणं दस वाससहस्साइं अंतोमुहुत्तूणाइं उक्कोसेणं अद्धपंचमाइं पिलेओवमाइं अंतो-मुहृत्तृणाइं ॥ २२२ ॥ नागकुमाराणं देवाणं भंते ! केवइयं कालं ठिई पन्नता ? गोयमा ! जहन्नेणं दस वाससहस्साइं, उक्कोसेणं दो पठिओवमाइं देसूणाइं । अपजन त्तयाणं भंते ! नागकुमाराणं० केवइयं कालं ठिई पन्नता ? गोयमा ! जहन्नेण वि अंतोमुहुत्तं उक्कोसेण वि अंतोमुहुत्तं । पज्जत्तयाणं भंते ! नागकुमाराणं देवाणं केवइयं कालं ठिई पन्नता ? गोयमा ! जहनेणं दस वाससहस्साइं अंतोसुहृत्तृणाइं, उक्कोसेणं दो पिलओवमाई देस्णाई अंतोमुहुत्तृणाई । नागकुमारीणं भंते ! देवीणं केवइयं कालं ठिई पन्नता ? गोयमा! जहन्नेणं दस वाससहस्साई, उन्नोसेणं देसूणं पलि-ओवमं । अपजात्तियाणं भंते ! नागकुमारीणं देवीणं केवइयं कालं ठिई पन्नता ? गोयमा! जहन्नेण वि अंतोमुहुत्तं उक्कोसेण वि अंतोमुहुत्तं । पज्जित्तयाणं भंते! नागक्रमारीणं देवीणं केवइयं कालं ठिई पन्नता ? गोयमा ! जहन्नेणं दस वाससह-स्साइं अंतोमहत्तृणाइं, उक्कोसेणं देसूणं पिलओवमं अंतोमुहुतूणं ॥ २२३ ॥ स्रवण्ण-कुमाराणं भंते ! देवाणं केवइयं कालं ठिई पन्नत्ता ? गोयमा ! जहनेणं दस वासस-हस्साइं उक्कोसेणं दो पिलओवमाइं देसूणाइं । अपजन्तयाणं पुच्छा । गोयमा ! जहन्नेण वि अंतोमुहुत्तं, उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं दस वाससहस्साइं अंतोमुहुत्तूणाइं, उक्कोसेणं दो पिठओवमाईं देस्णाइं अंतोमुहुत्तृणाइं । सुवण्णकुमारीणं देवीणं पुच्छा । गोयमा ! जहन्नेणं दस वाससह-स्साइं, उक्कोसेणं देसूणं पलिओवमं । अपजात्तियाणं पुच्छा । गोयमा ! जहन्नेण वि अंतोमुहुत्तं उक्कोसेण वि अंतोमुहुत्तं । पज्जितियाणं पुच्छा । गोयमा ! जहन्नेणं दस वाससहस्साइं अंतोमुहुत्तूणाइं, उक्षोसेणं देसूणं पिठओवमं अंतोमुहुत्तूणं। एवं एएणं अभिलावेणं ओहियअपज्जत्तयपज्जत्तयसुत्तत्तयं देवाण य देवीण य नेयव्वं जाव थिणयकुमाराणं जहा नागकुमाराणं ॥ २२४ ॥ पुढिविकाइयाणं भंते ! केवइयं कालं

ठिई पन्नता ? गोयमा ! जहनेणं अंतोमुहुत्तं, उक्कोसेणं बावीसं वाससहस्साइं । अपजात्तयपुढविकाइयाणं भंते ! केवइयं कालं ठिई पण्णता ? गोयमा ! जहन्नेण वि उक्कोसेण वि अंतोमुहुत्तं । पज्जत्तयपुढविकाइयाणं पुच्छा । गोयमा ! जहन्नेणं अंतो-मृहत्तं, उक्कोसेणं बावीसं वाससहस्साइं अंतोमुहुत्तूणाईं । सहुनपुढविकाइयाणं पुच्छा । गोयमा! जहन्नेण वि उक्कोसेण वि अंतोमुहुत्तं । अपज्जत्तयसहुमपुढविकाइयाणं पच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयसहुमपुढविकाइयाणं पुच्छा । गोयमा ! जहन्नेण वि उक्तोसेण वि अन्तोमुहुत्तं । बायरपुढविकाइयाणः पुच्छा । गोयमा ! जहन्नेणं अंतोमुहुत्तं, उक्कोसेणं बावीसं वाससहस्साईं । अपज्जतः-यवायरपुढविकाइयाणं पुच्छा । गोयमा ! जहन्नेण वि उक्कोसेण वि अंतोसुहत्तं । पज्जत्तयबायरपुढविकाइयाणं पुच्छा । गोयमा ! जहन्नेणं अंतोमुहुत्तं, उक्कोसेणं बावीसं वाससहस्साइं अंतोमुहुत्तूणाइं ॥ २२५ ॥ आउकाइयाणं भंते ! केवइयं कालं ठिई पन्नता ? गोयमा ! जहन्नेणं अंतोमुहुत्तं, उक्तोसेणं सत्त वाससहस्साई । अपज्ज-त्तयआउकाइयाणं पुच्छा । गोयमा ! जहन्नेण वि अंतोमुहुत्तं उक्कोसेण वि अंतोमुहुत्तं । पज्जत्तयआउकाइयाणं पुच्छा । गोयमा ! जहन्नेणं अंतोमुहुत्तं, उक्कोसेणं सत्त वासस-हस्साइं अंतोमुहुत्तूणाइं । सुहुमआउकाइयाणं ओहियाणं अपज्जत्तयाणं पज्जत्तयाण य जहा सहुमपुढविकाइयाणं तहा भाणियव्वं । बायरआउकाइयाणं पुच्छा । गोयमा ! जहनेणं अंतोमुहुत्तं, उक्कोसेणं सत्त वाससहस्साइं। अपज्जत्तयबायरआउकाइयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पजन्तयाण य पुच्छा । गोयमा ! जहन्नेणं अंतोमुहुत्तं, उक्कोसेणं सत्त वाससहस्साइं अंतोमुहुत्तृणाइं ॥ २२६॥ तेउकाइयाणं पुच्छा । गोयमा ! जहन्नेणं अंतोमुहुत्तं, उक्कोसेणं तिन्नि राइंदियाइं । अपज्जतयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाण य पुच्छा । गोयमा ! जहन्नेणं अंतोमुहुत्तं, उक्कोसेणं तिन्नि राइंदियाई अंतोमुहुत्तुणाई । सहमतेजकाइयाणं ओहियाणं अपजत्तयाण य पुच्छा । गोयमा ! जहन्नेण वि उक्कोसेणः वि अंतोमुहुत्तं । बायरतेउकाइयाणं पुच्छा । गोयमा ! जहन्नेणं अंतोमुहुत्तं, उक्कोसेणं तिचि राइंदियाइं । अपजन्यवायरतेउकाइयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं अंतोमुहृत्तं उक्कोसेणं तिचि राइंदियाई अंतोसहत्तूणाई ॥ २२७ ॥ वाउकाइयाणं भंते ! केवइयं कालं ठिई पन्नता ? गोयमा ! जहन्नेणं अंतोमुहुत्तं, उक्कोसेणं तिन्नि वाससहस्साइं । अपजत्तयाणं पुच्छा । गोयमा ! जहन्नेण वि उक्तोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं अंतोमुहुत्तं, उक्कोसेणं तिन्नि वाससहस्साइं अंतोमुहुत्तूणाइं। सुहुमवाउकाइयाणं पुच्छा । गोयमा ! जहन्नेण वि उक्कोसेण वि अंतोमुहत्तं । अपजत्तयाणं पुच्छा । गोयमा ! जहन्नेण वि उक्कोसेण वि अंतोमुहृत्तं । पज्जत्तयाणं पुच्छा । गोयमा ! जह-श्रेण वि उक्कोसेण वि अंतोमुहृतं । बायरवाउकाइयाणं पुच्छा । गोयमा ! जहन्नेणं अंतोमुहत्तं, उक्कोसेणं तिचि वाससहस्साई । अपजत्तयाणं पुच्छा । गोयमा ! जहन्नेण वि उक्कोसेण वि अंतोसुहृत्तं । पज्जत्तयाणं पुच्छा । गोयमा ! जहन्नेणं अंतोसुहृत्तं, उक्कोसेणं ति चि वाससहस्साइं अंतोमुहुत्तूणाइं ॥ २२८ ॥ वणप्फइकाइयाणं भंते ! केवइयं कालं ठिई पन्नता ? गोयमा ! जहन्नेणं अंतोमुहृत्तं, उक्कोसेणं दस वाससह-स्साइं । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोसुहुत्तं । पजनयाणं पुच्छा । गोयमा! जहन्नेणं अंतोमुहत्तं, उक्कोसेणं दस वाससहस्साई अंतोमुहुत्तूणाइं । सुहुमवणप्पह्रकाइयाणं ओहियाणं अपज्जत्ताणं पज्जत्ताण य पुच्छा । गोयमा ! जहन्नेण वि उक्कोसेण वि अंतोमुहुत्तं । बायरवणप्फइकाइयाणं पुच्छा । गोयमा ! जहन्नेणं अंतोमुहुत्तं, उक्कोसेणं दस वाससहस्साई । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जह-नेणं अंतोमहत्तं. उक्कोसेणं दस वाससहस्साइं अंतोमहत्तणाइं ॥ २२९ ॥ बेइंदियाणं भंते! केवइयं कालं ठिई पन्नता? गोयमा! जहन्नेणं अंतोमहत्तं, उक्रोसेणं बारस संवच्छराइं । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोसहत्तं । पजात्तयाणं पुच्छा। गोयमा ! जहन्नेणं अंतोमुहुत्तं, उक्कोसेणं बारस संवच्छराईं अंतोमहत्तुणाई । तेइंदियाणं भंते ! केवइयं कालं ठिई पन्नता ? गोयमा ! जहन्नेणं अंतोमहत्तं उक्कोसेणं एगुणवन्नं राइंदियाइं । अपजत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं। पज्जत्तयाणं पुच्छा। गोयमा! जहन्नेणं अंतोमुहुत्तं, उक्कोसेणं एगूणवन्नं राइंदियाइं अंतोमुहुत्तूणाइं। चउरिंदियाणं मंते! केवइयं कालं ठिई पन्नता ? गोयमा ! जहन्नणं अंतोमुहुत्तं, उक्कोसेणं छम्मासा । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पजन्तयाणं पुच्छा । गोयमा ! जहन्नेणं अंतोमुहुत्तं, उक्कोसेणं छम्मासा अंतोमुहुतूणा ॥ २३० ॥ पंचिंदियतिरिक्ख-जोणियाणं भंते ! केवइयं कालं ठिई पन्नता ? गोयमा ! जहन्नेणं अंतोमुहुत्तं, उक्को-सेणं ति नि पिलओवमाई । अपजात्तयाणं पुच्छा । गोयमा ! जहन्नेण वि उक्कोसेण वि अंतोमहत्तं । पज्जत्तयाणं पुच्छा । गोयमा ! जहन्नेणं अंतोमुहत्तं, उक्कोसेणं तिन्नि पळिओवमाई अंतोमुहुत्तूणाई । संमुच्छिमपंचिदियतिरिक्खजोणियाणं पुच्छा । गोयमा 🛭 जहन्नेणं अंतोमुहुत्तं, उक्कोसेणं पुव्वकोडी । अपजत्तयाणं पुच्छा । गोयमा ! जहन्नेण वि उक्कोसेण वि अंतोसहत्तं । पज्जतयाणं पुच्छा । गोयमा! जहन्नेणं अंतोमुहुत्तं, उक्कोसेणं पुव्वकोडी अंतोमुहुत्तूणा । गब्भवक्कंतियपंचिंदियतिरिक्खजोणि-याणं पुच्छा। गोयमा! जहन्नेणं अंतोमुहुत्तं, उक्कोसेणं तिन्नि पिलेओवमाइं। अपज्जत्त-याणं पुच्छा । गोयमा ! जहन्नेण वि उक्कोसेण वि अंतोमुहुत्तं । पजन्तयाणं पुच्छा । गोयमा ! जहन्नेणं अंतोमुहुत्तं, उक्कोसेणं तिन्नि पलिओवमाई अंतोमुहुत्तूणाई ॥ २३१॥ जलयरपंचिंदियतिरिक्खजोणियाणं भंते ! केवइयं कालं ठिई पन्नता ? गोयमा ! जहन्नेणं अंतोमुहृत्तं, उक्कोसेणं पुन्वकोडी । अपजत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं अंतोमुहुत्तं. उक्कोसेणं पुल्वकोडी अंतोमुहुत्तूणा । संमुच्छिमजलयरपांचिंदियतिरिक्खजोणियाणं पुच्छा । गोयमा ! जहन्नेणं अंतोमुहुत्तं, उक्कोसेणं पुच्वकोडी । अपज्जत्तयाणं पुच्छा । गोयमा! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा! जहन्नेणं अंतोमुहुत्तं, उक्कोसेणं पुव्वकोडी अंतोमुहुत्तूणा । गब्भवकंतियजलयरपंचिं-दियतिरिक्खजोणियाणं पुच्छा। गोयमा! जहन्नेणं अंतोमुहुत्तं, उक्कोसेणं पुन्वकोडी। अपजात्तयाणं पुच्छा । गोयमा ! जहन्नेण वि उक्रोसेण वि अंतोमुहत्तं । पजात्तयाणं पुच्छा । गोयमा ! जहन्नेणं अंतोमुहुत्तं, उक्कोसेणं पुव्वकोडी अंतोमुहुत्तूणा ॥ २३२ ॥ चउप्पयथलयरपंचिंदियतिरिक्खजोणियाणं पुच्छा । गोयमा ! जहन्नेणं अंतोमुहुत्तं, उक्कोसेणं तिन्नि पलिओवमाइं । अपज्जत्तयचउप्पयथलयरपंचिदियतिरिक्खजोणियाणं पुच्छा । गोयमा! जहन्नेण वि उक्कोसेण वि अंतोमुहुत्तं । पजनयाणं पुच्छा । गोयमा! जहन्नेणं अंतोमुहत्तं, उक्षोसेणं तिन्नि पिलओवमाइं अंतोमुहत्तूणाइं। संमुच्छिमचउप्पथलयरपंचिंदियतिरिक्खजोणियाणं पुच्छा । गोयमा! जहन्नेणं अंतोमुह्तं, उक्कोसेणं चउरासीवाससहस्साइं। अपजत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा! जहन्नेणं अंतोमुहुत्तं, उक्कोसेणं चउरासीवाससहस्साई अंतोमुहुत्तूणाई। गब्भवक्कंतियचउप्प-यथलयरपंचिंदियतिरिक्खजोणियाणं पुच्छा । गोयमा ! जहन्नेणं अंतोमुहुत्तं, उक्कोसेणं तिन्नि पलिओवमाई । अपजत्तयाणं पुच्छा । गोयमा ! जहन्नेण वि उन्नोसेण वि अंतोमुहुत्तं । पजत्तयाणं पुच्छा । गोयमा ! जहन्नेणं अंतोमुहुत्तं, उक्कोसेणं तिन्नि पिलेओवमाईं अंतोमुहुत्तृणाईं ॥ २३३ ॥ उरपरिसप्पथलयरपंचिंदियतिरिक्खजोणि-याणं पुच्छा । गोयमा ! जहन्नेणं अंतोमुहुत्तं, उक्कोसेणं पुव्वकोडी । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पजन्तयाणं पुच्छा । गोयमा ! जहन्नेणं अंतोमुहुत्तं, उक्कोसेणं पुव्यकोडी अंतोमुहुत्तूणा । संमुच्छिमउरपरिसप्पथल-यरपंचिंदियतिरिक्खजोणियाणं पुच्छा । गोयमा! जहन्नेणं अंतोमुहुत्तं, उक्कोसेणं

तेवनं वाससहस्साइं । अपजन्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं अंतोमुहृत्तं, उक्कोसेणं तेवन्नं वाससहस्साइं अंतोमुहृत्तुणाइं । गञ्भवक्कंतियउरपरिसप्पर्थलयरपंचिंदियतिरिक्खजो-णियाणं पुच्छा । गोयमा ! जहन्नेणं अंतोमुहुत्तं, उक्कोसेणं पुव्वकोडी । अपज्जत्तयाणं पुच्छा । गोयमा! जहन्नेण वि उक्कोसेण वि अंतोसुहत्तं । पज्जत्तयाणं पुच्छा । गोयमा! जहन्नेणं अंतोमुहत्तं, उक्कोसेणं पुव्वकोडी अंतोमुहत्तुणा ॥ २३४ ॥ भुयपरिसप्पथलयरपंचिंदियतिरिक्खजोणियाणं पुच्छा । गोयमा ! जहन्नेणं अंतोसुहत्तं, उक्कोसेणं पुव्यकोडी । अपजन्तयाणं पुच्छा । गोयमा ! जहन्नेण वि उक्कोसेण वि अंतोमुहृत्तं । पज्जत्तयाणं पुच्छा । गोयमा ! जहन्नेणं अंतोमुहुत्तं, उक्कोसेणं पुन्वकोडी अंतोम्हृतुणा । संमुच्छिमभुयपरिसप्पथलयरपंचिंदियतिरिक्खजोणियाणं पुच्छा । गोयमा ! जहन्नेणं अंतोमुहत्तं, उक्कोसेणं बायालीसं वाससहस्साइं। अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पजत्तयाणं पुच्छा । गोयमा ! जहन्नेणं अंतोमुहृत्तं, उक्कोसेणं बायालीसं वाससहस्साइं अंतोमुहुत्तृणाइं । गञ्भवक्कं-तियभयपरिसप्पथलयरपंचिदियतिरिक्खजोणियाणं पुच्छा । गोयमा! जहन्नेणं अंतोमुहत्तं, उक्कोसेणं पुन्वकोडी । अपजत्तयाणं पुच्छा । गोयमा ! जहन्नेण वि उकोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं अंतोमहत्तं, उको-सेणं पुव्वकोडी अंतोसहत्तुणा ॥ २३५ ॥ खहयरपंचिंदियतिरिक्खजोणियाणं पुच्छा। गोयमा ! जहन्नेणं अंतोमुहत्तं, उक्कोसेणं पिलओवमस्स असंखेजाइभागं । अपजत्तयाणं पुच्छा । गो॰ ! जहन्नेण वि उक्कोसेण वि अंतोसुहृत्तं । पज्जत्तयाणं पुच्छा । गोयमा ! जहन्नेणं अंतोमुहत्तं, उक्कोसेणं पिलओवमस्स असंखेजइभागं अंतोमुहुत्तूणं। संमुच्छि-मखहयरपंचिंदियतिरिक्खजोणियाणं पुच्छा। गोयमा! जहन्नेणं अंतोमहत्तं, उक्कोसेणं बावत्तरी वाससहस्साइं । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमहत्तं । पजन्तयाणं पुच्छा । गोयमा ! जहन्नेणं अंतोमुहुत्तं, उक्कोसेणं बावत्तरी वाससहस्साइं अंतोमुहुत्तूणाइं । गब्भवकंतियसहयरपंचिंदियतिरिक्खजोणियाणं पुच्छा । गोयमा ! जहन्नेणं अंतोमुहुत्तं, उक्नोसेणं पिठओवमस्स असंखेजइभागं । अपजत्तयाणं पुच्छा । गोयमा ! जहन्नेण वि उक्कोसेण वि अंतोमुहृतं । पजत्तयाणं पुच्छा । गोयमा ! जहन्नेणं अंतोसुहुत्तं, उक्कोसेणं पिलओवमस्स असंखेज्जइभागं अंतोमुहुत्तूणं ॥ २३६ ॥ मणुस्साणं भंते ! केवइयं कालं ठिई पन्नत्ता ? गोयमा ! जहन्नेणं अंतोमुहुत्तं, उक्कोसेणं तिन्नि पठिओवमाइं । अपजत्तमणुस्साणं पुच्छा । गोयमा ! जहन्नेण वि उक्कोसेण वि अंतोमुहत्तं । पजनमणुस्साणं पुच्छा ।

गोयमा! जहन्नेणं अंतोमुहुत्तं, उक्कोसेणं तिन्नि पलिओवमाइं अंतोमुहुत्तूणाइं। संमुच्छिममणुस्साणं पुच्छा । गोयमा ! जहन्नेण वि उक्कोसेण वि अंतोमुहत्तं । गब्भवकंतियमणुस्साणं पुच्छा । गोयमा! जहन्नेणं अंतोमुहुत्तं, उक्कोसेणं तिन्नि पिलओवमाई । अपज्जत्तयाणं पुच्छा । गोयमा ! जहन्नेण वि उक्कोसेण वि अंतो-मुहत्तं । पजनयाणं पुच्छा । गोयमा! जहन्नेणं अंतोमुहुत्तं, उक्कोसेणं तिन्नि पिलओवमाई अंतोमुहृत्तूणाई ॥ २३० ॥ वाणमंतराणं भंते ! देवाणं केवइयं कालं ठिई पन्नता ? गोयमा ! जहन्नेणं दस वाससहस्साई, उक्कोसेणं पिलओवमं । अपज-त्तयवाणमंतराणं देवाणं पुच्छा । गोयमा ! जहन्नेण वि उक्कोसेण वि अंतोसुहुत्तं । पजत्तयाणं पुच्छा । गोयमा ! जहन्नेणं दस वाससहस्साइं अंतोमुहुत्तूणाइं, उक्कोसेणं पिलओवमं अंतोमुहत्तूणं । वाणमंतरीणं देवीणं पुच्छा । गोयमा ! जहन्नेणं दस वाससहस्साई, उक्कोसेणं अद्भपित्रओवमं । अपज्जित्तयाणं देवीणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जित्तयाणं वाणमंतरीणं पुच्छा । गोयमा ! जहन्नेणं दस वाससहस्साइं अंतोमुहुत्तूणाइं, उक्कोसेणं अद्भपित्रओवमं अंतोमुहुतूणं ॥ २३८ ॥ जोइसियाणं देवाणं पुच्छा । गोयमा ! जहन्नेणं पिलओवमहुभागो, उक्को-सेणं पिठओवमं वाससयसहस्समन्भिहयं । अपजन्तयजोइसियाणं पुच्छा । गोयमा [जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं पिल-ओवमहभागो अंतोमुहुत्तूणो, उक्कोसेणं पिलओवमं वाससयसहस्समन्भिह्यं अंतोमुहु-त्तूणं । जोइसिणीणं देवीणं पुच्छा । गोयमा ! जहन्नेणं पलिओवमहभागो, उक्कोसेणं अद्भप्तिओवमं पण्णासवाससहस्समन्भिहयं। अपजात्तियजोइसियदेवीणं पुच्छा । गोयमा ! जहन्नेण वि उक्कोसेण वि अंतोसुहुत्तं । पज्जित्तयजोइसियदेवीणं पुच्छा । गोयमा ! जहन्नेणं पिल्ञेजोनमृहभागो अंतोमुहुत्तूणो, उक्कोसेणं अद्भपलिञ्जोनमं पण्णासवाससहस्समञ्भिहियं अंतोमुहुतूणं । चंदविमाणे णं भंते ! देवाणं पुच्छा । गोयमा ! जहन्नेणं चउभागपिठओवमं, उक्कोसेणं पिठओवमं वाससयसहस्समञ्मिहयं। अपजत्तयाणं चंददेवाणं पुच्छा । गोयमा ! जहन्नेण वि उक्कोसेण वि अंतोसहत्तं । पजत्तयाणं पुच्छा । गोयमा ! जहन्नेणं चडभागपित्रओवमं अंतोमुहुतूणं, उक्कोसेणं पिंठओवमं वाससयसहस्समन्भिहियं अंतोमुहुत्तूणं। चंदविमाणे णं० देवीणं पुच्छा। गोयमा ! जहन्नेणं चडभागपिलओवमं, उक्कोसेणं अद्धपिलओवमं पन्नासवाससहस्स-मब्भिह्यं । अपजात्तियाणं पुच्छा । गोयमा ! जहन्नेण वि उद्योसेण वि अंतोसुहृत्तं । पजात्तियाणं पुच्छा । गोयमा ! जहन्नेणं चउभागपित्रओवमं अंतोमुहुतूणं, उक्कोसेणं अद्भप्तिओवमं पन्नासवाससहस्समन्भिह्यं अंतोमुहृतूणं । सूर्विमाणे णं भंते !

देवाणं केवइयं कालं ठिई पन्नता ? गोयमा ! जहनेणं चडमागपलिओवमं उद्योसेणं पिलओवमं वाससहस्समन्भिहियं । अपज्जत्तयाणं पुच्छा । गोयमा ! जहन्नेण वि उक्रोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं चडभागपिल-ओवमं अंतोमुहत्तूणं, उक्कोसेणं पलिओवमं वाससहस्समन्भिहयं अंतोमुहत्तुणं । सूरविमाणे णं भंते ! देवीणं पुच्छा । गोयमा ! जहन्नेणं चउभागपिठओवमं, उक्को-सेणं अद्भपतिओवमं पंचिहं वाससएहिमब्सहियं। अपज्जत्तियाणं पुच्छा। गोयमा ! जहन्नेण वि उक्कोसेण वि अंतोसुहृत्तं । पजित्तियाणं पुच्छा । गोयमा ! जहन्नेणं चउभागपिलओवमं अंतोमुहुत्तूणं, उक्कोसेणं अद्भपिलओवमं पंचिहं वाससएहिमञ्भिहयं अंतोमुहुत्तूणं । गहविमाणे णं भंते ! देवाणं पुच्छा । गोयमा ! जहन्नेणं चउभाग-पिलओवमं, उक्कोसेणं पिलओवमं । अपज्जत्तयाणं पुच्छा । गोयमा ! जहन्नेण वि उक्तोसेण वि अंतोमुहुत्तं । पजत्तयाणं पुच्छा । गोयमा ! जहन्नेणं चउभागपिठओवमं अंतोसहत्तुणं, उक्कोसेणं पिठिओवमं अंतोसहत्तुणं । गहविमाणे देवीणं पुच्छा । गोयमा ! जहन्नेणं चडभागपिठओवमं, उक्कोसेणं अद्भपिठओवमं । अपज्जितयाणं पुच्छा । गोयमा ! जहन्नेण वि उक्कोसेण वि अंतोसहत्तं । पज्जितायाण पुच्छा । गोयमा ! जहन्नेणं चउभागपिठओवमं अंतोमुहुत्तूणं, उक्कोसेणं अद्धपिठओवमं अंतो-मुहुतूणं । नक्खत्तविमाणे देवाणं पुच्छा । गोयमा ! जहन्नेणं चउभागपितओवमं, उक्कोसेणं अद्धपितओवमं । अपजन्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पजत्तयाणं पुच्छा । गोयमा ! जहन्नेणं चउभागपल्ञिओवमं अंतोमुहुत्तूणं, उक्तोसेणं अद्धपित्रओवमं अंतोमुहत्तूणं। नक्खत्तविमाणे देवीणं पुच्छा। गोयमा! जहन्नेणं चडभागपिलओवमं, उक्कोसेणं साइरेगं चडभागपिलओवमं । अपजात्तियाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जित्तियाणं पुच्छा । गोयमा ! जहन्नेणं चउभागपितओवमं अंतोमुहुत्तूणं, उक्कोसेणं साइरेगं चउभागपित-ओवमं अंतोसुहृत्तूणं । ताराविमाणे देवाणं पुच्छा । गोयमा ! जहन्नेणं अट्टभागपिल-ओवमं, उक्कोसेणं चडमागपिलओवमं । अपजत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जतयाणं पुच्छा । गोयमा ! जहन्नेणं पिल्ओवमद्र-भागं अंतोमुहुत्तूणं, उक्कोसेणं चउभागपिठओवमं अंतोमुहुत्तूणं । ताराविमाणे देवीणं पुच्छा । गोयमा ! जहन्नेणं पिलओवमहुभागं, उक्कोसेणं साइरेगं अहुभागपिलओवमं। ताराविमाणे अपज्जत्तियाणं देवीणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जित्तियाणं देवीणं पुच्छा । गोयमा ! जहन्नेणं पिलओवमट्टभागं अंतोमहत्त्रणं. उक्कोसेणं साइरेगं प्रतिओवमह्रभागं अंतोमहत्त्रणं ॥ २३९ ॥

वेमाणियाणं देवाणं भंते ! केवइयं कालं ठिई पन्नता ? गोयमा ! जहनेणं पलिओवमं. उक्कोसेणं तेत्तीसं सागरोवमाइं । अपजत्तयाणं पुच्छा । गोयमा ! जहन्नेण वि उक्को-सेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं पिलओवमं अंतोमुहुत्त्णं, उक्कोसेणं तेत्तीसं सागरोवमाइं अंतोमुहुत्तूणाइं। वेमाणियाणं भंते ! देवीणं केवइयं कारुं ठिई पण्णत्ता ? गोयमा ! जहन्नेणं पिठओवमं, उक्कोसेणं पणपन्नं पिठओवमाइं। अपजात्तियाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पजात्तियाणं पुच्छा । गोयमा ! जहन्नेणं पलिओवमं अंतोमुहुत्तूणं उक्कोसेणं पणपन्नं पलिओवमाई अंतोमुहुत्तूणाइं ॥ २४० ॥ सोहम्मे णं भंते ! कप्पे देवाणं केवइयं कालं ठिई पन्नता १ गोयमा ! जहन्नेणं पित्रओवमं, उक्कोसेणं दो सागरोवमाइं । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाणं देवाणं पुच्छा । गोयमा ! जहन्नेणं पिलओवमं अंतोमुहुत्तूणं, उक्कोसेणं दो सागरोवमाई अंतोमुहुत्तू-णाइं। सोहम्मे कप्पे देवीणं पुच्छा। गोयमा! जहन्नेणं पिलओवमं, उक्कोसेणं पन्नासं पिलओवमाई । अपजात्तियाणं देवीणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जित्तयाणं देवीणं पुच्छा । गोयमा ! जहन्नेणं पिठओवमं अंतोमुहु-त्तूणं, उक्कोसेणं पन्नासं पिलओवमाइं अंतोमुहुत्तूणाईं। सोहम्मे कप्पे परिग्गहियाणं देवीणं पुच्छा । गोयमा ! जहन्नेणं पिलओवमं, उक्कोसेणं सत्त पिलओवमाइं । अप-जात्तियपरिग्गहियदेवीणं पुच्छा । गोयमा ! जहन्नेण वि उक्कोसेण वि अंतोसुहत्तं । परिग्गहियाणं पजात्तियाणं देवीणं पुच्छा । गोयमा ! जहन्नेणं पिलओवमं अंतोमुह-त्तूणं, उक्कोसेणं सत्त पिल्ञोवमाइं अंतोमुहुत्तूणाइं । सोहम्मे कप्पे अपरिग्गहियाणं देवीणं पुच्छा । गोयमा! जहन्नेणं पिलओवमं, उक्कोसेणं पन्नासं पिलओवमाइं। अपज्जत्तियाणं पुच्छा । गोयमा ! जहन्नेण वि उक्कोसेण वि अंतोसुहृत्तं । पज्जत्तियाणं पुच्छा । गोयमा ! जहन्नेणं पलिओवमं अंतोमुहुत्तूणं, उक्कोसेणं पन्नासं पलिओवमाई अंतोमुहुत्तूणाइं ॥ २४१ ॥ ईसाणे कप्पे देवाणं पुच्छा । गोयमा ! जहनेणं साइरेगं पिळिओवमं, उक्कोसेणं साइरेगाइं दो सागरोवमाइं । अपज्जत्तयदेवाणं पुच्छा । गोयमा ! जहनेण वि उक्तोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं साइरेगं पिठिओवमं अंतोमुहुत्तूणं, उक्कोसेणं साइरेगाई दो सागरोवमाई अंतोमुहुत्तूणाई। ईसाणे कप्पे देवीणं पुच्छा। गोयमा! जहन्नेणं साइरेगं पिठओवमं, उक्कोसेणं पणपन्नं पिलओवमाई । ईसाणे कप्पे देवीणं अपजात्तियाणं पुच्छा । गोयमा ! जहन्नेण वि उक्कोसेण वि अंतोमुहुत्तं । ईसाणे कप्पे पज्जत्तियाणं पुच्छा । गोयमा ! जहन्नेणं साइरेगं पिठओवमं अंतोमुहुत्तूणं, उक्कोसेणं पणपन्नं पिठओवमाइं अंतोमुहुत्तूणाइं।

ईसाणे कप्पे परिग्गहियाणं देवीणं पुच्छा । गोयमा ! जहन्नेणं साइरेगं पिठओवमं, उक्कोसेणं नव पिळओवमाइं। अपज्जत्तियाणं पुच्छा। गोयमा! जहन्नेण वि उक्को-सेण वि अंतोसहत्तं । ईसाणे कप्पे पज्जत्तियाणं पुच्छा । गोयमा ! जहन्नेणं साइ-रेगं पिलओवमं अंतोमुहुत्तूणं, उक्कोसेणं नव पिलओवमाई अंतोमुहुत्तुणाई। ईसाणे कप्पे अपरिग्गहियदेवीणं पुच्छा । गोयमा ! जहन्नेणं साइरेगं पलिओवमं, उक्को-सेणं पणपन्नाइं पिल्ओवमाइं । अपज्जत्तियाणं पुच्छा । गोयमा ! जहन्नेण वि उक्को-सेण वि अंतोभुहुत्तं । पज्जत्तियाणं पुच्छा । गोयमा ! जहन्नेणं साइरेगं पिलओवमं अंतोमुहुत्तूणं, उक्कोसेणं पणपन्नं पिठओवमाइं अंतोमुहुत्तूणाइं ॥ २४२ ॥ सणंकुमारे कप्पे देवाणं पुच्छा । गोयमा ! जहन्नेणं दो सागरोवमाइं, उक्कोसेणं सत्त साग-रोवमाइं। अपज्जत्तयाणं पुच्छा । गोयमा! जहन्नेण वि उक्कोसेण वि अंतोसुहत्तं। पज्जत्तयाणं पुच्छा । गोयमा ! जहन्नेणं दो सागरोवमाई अंतोमुहत्तृणाई, उक्रोसेणं सत्त सागरोवमाइं अंतोमुहुतूणाइं । माहिंदे कप्पे देवाणं पुच्छा । गोयमा ! जहन्नेणं साइरेगाइं दो सागरोवमाईं, उक्कोसेणं साइरेगाइं सत्त सागरोवमाइं। अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं दो सागरोवमाइं साइरेगाइं अंतोमुहुतूणाइं, उक्कोसेणं सत्त सागरोवमाइं साइरेगाई अंतोमुहुत्तूणाई । बंभलोए कप्पे देवाणं पुच्छा । गोयमा ! जहन्नेणं सत्त सागरोवमाइं, उक्कोसेणं दस सागरोवमाइं । अपजनयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं सत्त सागरोव-माइं अंतोमुहुत्तृणाइं, उक्कोसेणं दस सागरोवमाइं अंतोमुहुत्तूणाइं। लंतए कप्पे देवाणं पुच्छा । गोयमा ! जहन्नेणं दस सागरोवमाइं, उक्कोसेणं चउद्दस सागरोव-माइं। अपज्जत्तयाणं पुच्छा। गोयमा! जहन्नेण वि उक्कोसेण वि अंतोसहत्तं। पज्जत्तयाणं पुच्छा । गोयमा ! जहन्नेणं दस सागरोवमाइं अंतोमुहुतूणाइं, उक्कोसेणं चउइस सागरोवमाइं अंतोमुहुत्तृणाइं। महासुके कप्पे देवाणं पुच्छा। गोयमा! जहन्नेणं चउद्दस सागरोवमाइं, उक्कोसेणं सत्तरस सागरोवमाइं। अपज्जत्तयाणं पुच्छा। गोयमा [जहन्नेण वि उक्कोसेण वि अंतोमुहत्तं । पज्जतयाणं पुच्छा । गोयमा ! जहनेणं चउदस सागरोवमाइं अंतोमुहुत्तूणाइं, उक्कोसेणं सत्तरस सागरोवमाइं अंतोमुहुत्तूणाइं । सह-स्सारे कप्पे देवाणं पुच्छा । गोयमा ! जहन्नेणं सत्तरस सागरोवमाइं, उक्षोसेणं अट्ठारस सागरोवमाई । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जतयाणं पुच्छा । गोयमा ! जहन्नेणं सत्तरस सागरोवमाई अंतोमुहुत्त्-णाइं, उक्कोसेणं अद्वारस सागरोवमाइं अंतोमुहृत्तूणाइं। आणए कप्पे देवाणं पुच्छा ।

गोयमा ! जहन्नेणं अद्वारस सागरोवमाइं, उक्कोसेणं एगूणवीसं सागरोवमाइं । अप-जत्तयाणं पुच्छा । गोयमा ! जहन्नेण वि उद्घोत्तेण वि अंतोमुहुत्तं । पजत्तयाणं पुच्छा । गोयमा । जहनेणं अद्वारस सागरोवमाइं अंतोमुहत्तूणाइं, उक्कोसेणं एगूणवीसं साग-रोवमाइं अंतोसुहुत्तूणाइं । पाणए कप्पे देवाणं पुच्छा । गोयमा ! जहन्नेणं एगूणवीसं सागरोवमाइं, उक्कोसेणं वीसं सागरोवमाइं। अपज्जतयाणं पुन्छा। गोयमा! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं एगूणवीसं सागरोवमाइं अंतोसुहत्तूणाईं, उक्कोसेणं वीसं सागरोवमाइं अंतोसुहत्तूणाईं । आरणे कप्पे देवाणं पुच्छा। गोयमा! जहन्नेणं वीसं सागरोवमाई, उक्रोसेणं एकवीसं सागरोवमाइं । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमुहत्तं । पजत्तयाणं पुच्छा । गोयमा ! जहन्नेणं वीसं सागरोवमाई अंतोमुहृत्तृणाई, उक्कोसेणं एगवीसं सागरोवमाइं अंतोमुहुत्तूणाइं । अच्छुए कप्पे देवाणं पुच्छा । गोयमा ! जह-न्नेणं एगवीसं सागरोवमाइं, उक्कोसेणं बावीसं सागरोवमाइं । अपजत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं इक्कवीसं सागरोवमाइं अंतोमुहुत्तूणाइं, उक्कोसेणं बावीसं सागरोवमाइं अंतोमुहुत्तू-णाइं ॥ २४३ ॥ हेट्टिमहेट्टिमगेविज्जगदेवाणं पुच्छा । गोयमा ! जहन्नेणं बावीसं सागरोवमाइं, उक्कोसेणं तेवीसं सागरोवमाइं । अपज्जत्तवाणं पुच्छा । गोयमा ! जहन्नेण वि उक्कोसेण वि अंतोसुहुत्तं । पज्जत्तयाणं पुच्छा । गोयमा ! जहन्नेणं बावीसं सागरोवमाई अंतोमुहत्तूणाई, उक्कोसेणं तेवीसं सागरोवमाई अंतोमुहत्तूणाई । हेट्टि-ममज्झिमगेविज्जगदेवाणं पुच्छा । गोयमा ! जहन्नेणं तेवीसं सागरोवमाइं, उक्कोसेणं चउवीसं सागरोवमाइं । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोमुहुत्तं । पजत्तयाणं पुच्छा । गोयमा ! जहन्नेणं तेवीसं सागरोवमाइं अंतोमु-हुत्तूणाइं, उक्कोसेणं चउवीसं सागरोवमाइं अंतोसुहृत्तूणाइं। हेड्डिमउविरिमगेविज्जग-देवाणं पुच्छा । गोयमा ! जहन्नेणं चउवीसं सागरोवमाई, उक्कोसेणं पणवीसं साग-रोवमाइं । अपजात्तयाणं पुच्छा । गोयमा ! जहन्नेण वि उक्कोसेण वि अंतोसहत्तं । पजत्तयाणं पुच्छा । गोयमा ! जहन्नेणं चउवीसं सागरोवमाई अंतोमुहुतूणाई, उक्कोसेणं पणनीसं सागरोवमाइं अंतोमुहुत्तूणाई । मज्झिमहेद्विमगेविज्जगदेवाणं पुच्छा । गोयमा ! जहन्नेणं पणवीसं सागरोवमाई, उक्कोसेणं छन्वीसं सागरोवमाई । अपजत्तयाणं पुच्छा । गोयमा ! जहन्नेण वि उक्कोसेण वि अंतोमुहत्तं । पजत्तयाणं पुच्छा । गोयमा ! जहन्नेणं पणवीसं सागरोवमाई अंतोमुहुत्तूणाई, उक्कोसेणं छव्वीसं सागरोवमाइं अंतोमुहुत्तूणाइं । मज्झिममज्झिमगेविज्जगदेवाणं पुच्छा । गोयमा ! जहन्नेणं छ्वीसं सागरीवमाइं, उक्कोसेणं सत्तावीसं सागरीवमाइं । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोसुहुत्तं । पजन्तयाणं पुच्छा । गोयमा ! जहन्नेणं छव्वीसं सागरोवमाइं अंतोमुहुत्तूणाइं उक्कोसेणं सत्तावीसं सागरोवमाइं अंतोमुहत्तृणाइं। मज्झिमउवरिमगेविज्जगदेवाणं पुच्छा। गोयमा! जहनेणं सत्तावीसं सागरोवमाइं. उक्कोसेणं अद्रावीसं सागरोवमाइं। अपजात्तयाणं पुच्छा। गोयमा ! जहन्नेण वि उक्कोसेण वि अंतोसुहृतं । पजन्तयाणं पुच्छा । गोयमा ! जहन्नेणं सत्तावीसं सागरोवमाइं अंतोसहत्तृणाइं, उक्कोसेणं अद्भावीसं सागरोवमाइं अंतोसहत्तृणाइं। उवरिमहेड्रिमगेविजागदेवाणं पुच्छा । गोयमा! जहन्नेणं अट्ठावीसं सागरोवमाइं, उक्कोसेणं एगूणतीसं सागरोवमाइं । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोसहत्तं । पज्जत्तयाणं पुच्छा । गोयमा ! जहन्नेणं अद्वावीसं सागरो-वमाइं अंतोमुहुत्तूणाइं, उक्कोसेणं एगूणतीसं सागरोवमाइं अंतोमुहुत्तूणाइं। उविरम-मज्झिमगेविजागदेवाणं पुच्छा । गोयमा ! जहन्नेणं एगूणतीसं सागरोवमाइं उद्घोसेणं तीसं सागरोवमाइं । अपजन्तयाणं पुच्छा । गोयमा ! जहन्नेण वि उक्कोसेण वि अंतो-मुहत्तं । पज्जत्तयाणं पुच्छा । गोयमा ! जहन्नेणं एगूणतीसं सागरोवमाइं अंतोसुह-त्तूणाई, उक्कोसेणं तीसं सागरोवमाई अंतोमुहुत्तूणाई। उवरिमउवरिमगेविज्जगदेवाणं पुच्छा । गोयमा ! जहन्नेणं तीसं सागरोवमाई, उक्कोसेणं एक्कतीसं सागरोवमाई । अपज्जत्तयाणं पुच्छा । गोयमा ! जहन्नेण वि उक्कोसेण वि अंतोसुहुत्तं । पज्जत्तयाणं पुच्छा । गोयमा ! जहन्नेणं तीसं सागरोवमाइं अंतोमुहुत्तूणाइं, उक्कोसेणं एक्सतीसं सागरोवमाई अंतोमुहृत्तृणाई ॥ २४४ ॥ विजयवेजयंतजयंतअपराजिएसु णं भंते ! देवाणं केवइयं कालं ठिई पन्नता? गोयमा! जहन्नेणं एकतीसं सागरोवमाइं, उक्को-सेणं तेत्तीसं सागरोवमाइं। अपज्जत्तयाणं पुच्छा। गोयमा! जहन्नेण वि उक्कोसेण वि अंतोमुहुत्तं । पज्जत्तयाणं पुच्छा । गोयमा ! जहन्नेणं एकतीसं सागरोवमाइं अंतोम-हुत्तूणाइं, उक्कोसेणं तेत्तीसं सागरोवमाइं अंतोमुहुत्तूणाइं ॥ सन्वट्ठसिद्धगदेवाणं भंते ! केवइयं कालं ठिई पन्नता ? गोयमा ! अजहन्नमणुक्कोसं तेत्तीसं सागरोवमाइं ठिई पन्नता । सन्बद्धसिद्धगदेवाणं अपजनयाणं पुच्छा । गोयमा ! जहन्नेण वि उक्कोसेण वि अंतोमुहृतं । सव्बद्घसिद्धगदेवाणं ॰ पज्जत्तयाणं केवइयं कालं ठिई पन्नता ? गोयमा ! अजहन्नमणुक्कोसं तेत्तीसं सागरोवमाइं अंतोमुहृतूणाइं ठिई पन्नता ॥ २४५ ॥ पन्नवणाए भगवईए चउत्थं ठिइपयं समत्तं॥

कडविहा णं भंते ! पज्जवा पन्नता ? गोयमा ! दुविहा पज्जवा पन्नता । तंजहा-जीवपज्जवा य अजीवपज्जवा य ॥ २४६ ॥ जीवपज्जवा णं मंते ! किं संखिजा. असंखिजा, अणंता ? गोयमा ! नो संखिजा, नो असंखिजा, अणंता । से केणट्रेणं भंते ! एवं वुच्च - 'जीवपज्जवा नो संखिजा, नो असंखिजा, अणंता' ? गोयमा ! असंखिजा नेरइया, असंखिजा असुरकुमारा, असंखिजा नागकुमारा, असंखिजा सुवण्णकुमारा, असंखिजा विज्ञुकुमारा, असंखिजा अगणिकुमारा, दीवकुमारा, असंखिजा उदिहकुमारा, असंखिजा दिसीकुमारा, वाउकुमारा. असंखिजा थणियकुमारा, असंखिजा भुढविकाइया, असंखिजा आउकाइया, असंखिजा तेउकाइया, असंखिजा वाउकाइया, अणंता वण-प्फइकाइया, असंखिजा बेइंदिया, असंखिजा तेइंदिया, असंखिजा चउरिंदिया. असंखिजा पंचिंदियतिरिक्खजोणिया. असंखिजा मणुस्सा, असंखिजा वाणमंतरा असंखिजा जोइसिया, असंखिजा वेमाणिया, अणंता सिद्धा, से एएणट्टेणं गोयमा! एवं वृच्चइ—ते णं नो संखिजा, नो असंखिजा, अणंता ॥ २४७ ॥ नेरइयाणं भंते! केवइया पज्जवा पन्नता? गोयमा! अणंता पज्जवा पन्नता। से केणद्रेणं भंते ! एवं वृच्चइ---'नेरइयाणं अणंता पज्जवा पन्नता' ? गोयमा ! नेरइए नेरइयस्स दन्बद्वयाए तुह्ने, पएसद्वयाए तुह्ने, ओगाहणद्वयाए सिय हीणे सिय तुह्ने सिय अन्महिए। जइ हीणे असंखिजइभागहीणे वा संखिज्जइभागहीणे वा संखिज्ज-गुणहीणे वा असंखिजगुणहीणे वा । अह अब्महिए असंखिजहभागमञ्महिए वा संखिजाइभागमञ्महिए वा संखिजागुणमञ्महिए वा असंखिजागुणमञ्महिए वा । ठिईए सिय हीणे सिय तुल्ले सिय अन्महिए। जइ हीणे असंखिज्जइभागहीणे वा संखिजाइभागहीणे वा संखिजागुणहीणे वा असंखिजागुणहीणे वा । अह अञ्महिए असंखिजमागमब्महिए वा संखिजमागमब्महिए वा संखिजगुणमब्महिए वा असंखिजगुणमञ्महिए वा। कालवण्णपज्जवेहिं सिय हीणें सिय तुहे सिय अञ्महिए। जइ हीणे अणंतभागहीणे वा असंखेजभागहीणे वा संखेजभागहीणे वा संखेजगण-हीणे वा असंखेजगुणहीणे वा अणंतगुणहीणे वा । अह अब्महिए अणंतमागमन्मिहिए वा असंखेजभागमब्भहिए वा संखेजभागमब्भिहए वा संखेजगुणमुब्भिहिए वा असंखेजगुणमन्भहिए वा अणंतगुणमन्भहिए वा। नीलवन्नपज्जवेहिं लोहियवन्नपज्ज-वेहिं हालिद्वन्नपज्जवेहिं सिक्कलवन्नपज्जवेहिं छद्वाणविष्ठ । स्विमगंधपज्जवेहिं दुब्भि-गंवपज्जवेहि य छद्वाणविष्ण । तित्तरसपज्जवेहिं कडुयरसपज्जवेहिं कसायरसपज्जवेहिं अंबिलरसपज्जवेहिं महररसपज्जवेहिं छद्वाणविडए । क्रम्खङफासपज्जवेहिं मउयफास-पज्जवेहिं गरुयफासपज्जवेहिं लहुयफासपज्जवेहिं सीयफासपज्जवेहिं उसिणफासपज्जवेहिं निद्धफासपज्जवेहिं छुक्खफासपज्जवेहिं छद्राणविडए । आभिणिबोहियनाणपज्जवेहिं सुयनाणपज्जवेहिं ओहिनाणपज्जवेहिं मइअज्ञाणपज्जवेहिं सुयअज्ञाणपज्जवेहिं विभंग-नाणपज्जवेहिं चक्खुक्सणपज्जवेहिं अचक्खुदंसणपज्जवेहिं ओहिदंसणपज्जवेहिं छद्राण-विडए, से तेणहेणं गोयमा! एवं वृच्चइ-'नेरइयाणं नो संखेजा, नो असंखेजा, अणंता पज्जवा पन्नता' ॥ २४८ ॥ असुरकुमाराणं भंते ! केवइया पज्जवा पन्नता ? गोयमा ! अणंता पज्जवा पन्नता । से केणडेणं भंते ! एवं वुच्चइ-'असुरकुमाराणं अणंता पज्जवा पन्नता' ? गीयमा! असुरकुमारे असुरकुमारस्य दृश्वद्वयाए तहे. पएसहयाए तुल्ले, ओगाहणहुयाए चउद्गाणविष्ठए, ठिईए चउद्गाणविष्ठए, कालवन्न-पज्जवेहिं छद्राणविडए. एवं नीलवन्नपज्जवेहिं लोहियवन्नपज्जवेहिं हालिद्वन्नपज्जवेहिं सुक्किलवन्नपज्जवेहिं, सुब्भिगंधपज्जवेहिं दुर्ब्भिगंधपज्जवेहिं, तित्तरसपज्जवेहिं कडुयरस-पज्जवेहिं कसायरसपज्जवेहिं अंबिलरसपज्जवेहिं महुररसपज्जवेहिं, कक्खडफासपज्जवेहिं मउयफासपज्जवेहिं गस्यफासपज्जवेहिं लहुयफासपज्जवेहिं सीयफासपज्जवेहिं उसिण-फासपज्जवेहिं निद्धफासपज्जवेहिं ऴ्वक्बफासपज्जवेहिं आभिणिबोहियनाणपज्जवेहिं सुयनाणपज्जवेहिं ओहिनाणपज्जवेहिं मइअज्ञाणपज्जवेहिं सुयअज्ञाणपज्जवेहिं विभंग-नाणपज्जवेहिं चक्खुदंसणपज्जवेहिं अचक्खुदंसणपज्जवेहिं ओहिदंसणपज्जवेहिं छहाण-विडिए. से एएणद्रेणं गोयमा! एवं वृच्चइ-'असुरकुमाराणं अणंता पज्जवा पन्नता'। एवं जहा नेरइया, जहा असुरकुमारा तहा नागकुमारा वि जाव थणियकुमारा॥ २४९॥ पुढविकाइयाणं भंते ! केवइया पज्जवा पन्नत्ता ? गोयमा ! अणंता पज्जवा पन्नता । से केणहेणं भंते! एवं वृचइ-'पुढविकाइयाणं अणंता पज्जवा पन्नता'? गोयमा! पुढाविकाइए पुढाविकाइयस्स दव्बद्वयाए तुह्ने, पएसद्वयाए तुह्ने, ओगाहणद्वयाए सिय हीणे सिय तुहें सिय अब्भिहिए। जइ हीणे असंखिजइभागहीणे वा संखिजइभाग-हीणे वा संखिजहगुणहीणे वा असंखिजहगुणहीणे वा। अह अन्मिहिए असंखिजह-भागअब्महिए वा संखिजइभागअब्महिए वा संखिजगुणअब्महिए वा असंखिज-गुणअन्महिए वा । ठिईए तिद्वाणविष्ठए, सिय हीणे सिय तुहे सिय अन्महिए । जइ हीणे असंखिजाभागहीणे वा संखिजाभागहीणे वा संखिजागुणहीणे वा । अह अञ्म-हिए असंखिजइभागअब्भहिए वा संखिजइभागअब्भहिए वा संखिजगुणअब्भहिए वा । वन्नेहिं गंधेहिं रसेहिं फासेहिं मइअन्नाणपज्जवेहिं सुयअन्नाणपज्जवेहिं अचक्ख-दंसणपज्जवेहिं छद्राणविष्ठिए ॥ २५० ॥ आउकाइयाणं भंते ! केवइया पज्जवा पन्नता ? गोयमा ! अणंता पज्जवा पन्नता । से केणद्रेणं भंते ! एवं वृचइ-'आउ-काइयाणं अणंता पज्जवा पन्नत्ता' ? गोयमा ! आउकाइए आउकाइयस्स दव्बद्वयाए तुल्ले, पएसट्टयाए तुल्ले, ओगाहणद्वयाए चउट्टाणविडए, ठिईए तिट्टाणविडए, वन्न-२३ सत्ता०

गंघरसफासमङ्अन्नाणस्यअन्नाणअचक्खुदंसणपज्जवेहिं छ्ट्ठाणविडए ॥ २५१ ॥ तेउ-काइयाणं पुच्छा । गोयमा ! अणंता पज्जवा पन्नता । से केणद्वेणं भंते ! एवं वृच्छ-'तेउकाइयाणं अणंता पज्जवा पन्नता' ? गोयमा ! तेउकाइए तेउकाइयस्स दन्वद्वयाए तुक्ले, पएसहयाए तुक्ले, ओगाहणहुयाए चउहाणविडए, ठिईए तिहाणविडए, वन्नगंधरस-फासमइअन्नाणस्यअन्नाणअचक्खुदंसणपज्जवेहि य छट्टाणविडए ॥२५२॥ वाउकाइयाणं पुच्छा । गोयमा ! वाउकाइयाणं अणंता पज्जवा पन्नता । से केणहेणं भंते ! एवं वुचइ-'वाउकाइयाणं अणंता पज्जवा पन्नता' ? गोयमा ! वाउकाइए वाउकाइयस्स दव्वट्र-याए तुल्ले. पएसद्र्याए तुल्ले. ओगाहणद्र्याए चउद्राणविडए, ठिईए तिद्राणविडए, वन्न-गंधरसफासमङ्अन्नाणस्यअन्नाणअचक्खुदंसणपज्जवेहिं छद्राणविडए ॥२५३॥ वणस्सङ-काइयाणं पुच्छा । गोयमा ! अणंता पज्जवा पन्नता । से केणट्रेणं भंते ! एवं वृचइ-'वणस्सइकाइयाणं अणंता पज्जवा पन्नता' ^१ गोयमा! वणस्सइकाइए वणस्सइकाइयस्स दव्बद्वयाए तुल्ले, पएसद्वयाए तुल्ले, ओगाहणद्वयाए चउद्वाणविडए, ठिईए तिद्वाण-विडए, वन्नगंधरसफासमइअन्नाणसुयअन्नाणअचक्खुदंसणपज्जवेहि य छद्राणविडए, से एएणहेणं गोयमा! एवं वुच्चइ-'वणस्सइकाइयाणं अणंता पज्जवा पन्नता' ॥ २५४ ॥ बेइंदियाणं पुच्छा । गोयमा ! अणंता पज्जवा पन्नत्ता । से केणहेणं भंते ! एवं वुच्चइ-'बेइंदियाणं अणंता पज्जवा पन्नता' ? गोयमा ! बेइंदिए बेइंदियस्स दव्वद्वयाए तुह्ने, पएसद्वयाए तुह्रे, ओगाहणद्वयाए सिय हीणे सिय तुह्रे सिय अन्महिए। जइ हीणे असंखिजइभागहीणे वा संखिजइभागहीणे वा संखिजइगुणहीणे वा असंखिजइगुण-हीणे वा । अह अब्महिए असंखिजभागअब्महिए वा संखिजइभागअब्महिए वा संखिजगुणमब्भहिए वा असंखिजहगुणमब्भिहए वा। ठिईए तिद्वाणविडए, वन्न-गंधरसफासआभिणिबोहियनाणसुयनाणमइअज्ञाणसुयअज्ञाणअचक्खुदंसणपज्जवेहि य छ्ट्ठाणविष्ठ । एवं तेइंदिया वि । एवं चर्डारेदिया वि, नवरं दो दंसणा, चक्खुदंसणं अचक्खुदंसणं । पंचिंदियतिरिक्खजोणियाणं पज्जवा जहा नेरइयाणं तहा भाणि-यव्वा ॥ २५५ ॥ मणुस्साणं भंते ! केवइया पज्जवा पन्नता ? गोयमा ! अणंता पज्जवा पन्नत्ता । से केणहेणं भंते ! एवं वुच्चइ-'मणुस्साणं अणंता पज्जवा पन्नत्ता' ? गोयमा ! मणूसे मणूसस्स दव्बद्वयाए तुह्ने, पएसद्वयाए तुह्ने, ओगाहणद्वयाए चउट्टा-णविडए, ठिईए चउट्ठाणविडए, वन्नगंधरसफासआभिणिबोहियनाणसुयनाणओहिना-णमणपज्जवनाणपज्जवेहिं छट्टाणविष्ठए, केवलनाणपज्जवेहिं तुल्ले, तिहिं अन्नाणेहिं तिहिं दंसणेहिं छट्ठाणविष्ठए, केवलदंसणपज्जवेहिं तुह्ने। वाणमंतरा ओगाहणट्टयाए ठिईए चउट्टाणविष्या, वण्णाईहिं छट्टाणविष्या । जोइसिया वेमाणिया वि एवं चेव, नवरं

किईए तिद्राणविषया ॥ २५६ ॥ जहन्नोगाहणगाणं भंते ! नेरहयाणं केवड्या पज्जवा पन्नता ? गोयमा ! अणंता पज्जवा पन्नता । से केण्ड्रेणं भंते ! एवं वृच्छ० ? गोयमा ! जहन्नोगाहणए नेरइए जहन्नोगाहणस्स नेरइयस्स दन्वद्रयाए तहे. पएसद्रयाए तहे. ओगाहणद्रयाए तुह्ने, ठिईए चउद्राणविडए, वन्नगंधरसफासपज्जवेहिं तिहिं नाणेहिं तिहिं अन्नाणेहिं तिहिं दंसणेहिं छद्राणविडए । उद्घोसोगाहणगाणं भंते ! नेरहयाणं केवइया पज्जवा पन्नता ? गोयमा ! अणंता पज्जवा पन्नता । से केणद्रेणं भंते ! एवं वुचइ-'उक्कोसोगाहणगाणं नेरइयाणं अणंता पज्जवा पन्नता' ? गोयमा ! उक्कोसोगा-हणए नेरइए उक्कोसोगाहणस्स नेरइयस्स दव्बद्धयाए तुह्ने, पएसद्धयाए तुह्ने, ओगाह-गद्रयाए तहें। ठिईए सिय हीणे सिय तहें सिय अब्भहिए। जड हीणे असंखिज-भागहीणे वा संखिज्जभागहीणे वा, अह अब्भिहिए असंखिज्जभागअब्भिहिए वा संखिजभागअञ्महिए वा । वन्नगंधरसफासपज्जवेहिं तिहिं नाणेहिं तिहिं अन्नाणेहिं तिहिं दंसणेहिं छद्राणविष्ठए। अजहन्नमणुक्कोसोगाहणाणं भंते! नेरइयाणं केवइया पज्जवा पन्नता ? गोयमा ! अणंता पज्जवा पन्नता । से केणद्वेणं भंते ! एवं वृच्चइ-'अजहन्न-मण्कोसोगाहणाणं अणंता पज्जवा पन्नता' गोयमा! अजहन्नमण्कोसोगाहणए नेरइए अजहन्नमणुक्कोसोगाहणस्स नेरइयस्स दन्वद्वयाए तुह्ने, पएसद्वयाए तुह्ने, ओगाहणद्रयाए सिय हीणे सिय तुल्ले सिय अन्भहिए । जइ हीणे असंखिजाभागहीणे वा संखिज्जभागहीणे वा संखिज्जगुणहीणे वा असंखिजगुणहीणे वा। अह अञ्भहिए असंखिज्ञभागअञ्महिए वा संखिज्जभागअञ्महिए वा संखिजगुणअञ्महिए वा असंखिजगुणअब्भहिए वा । ठिईए सिय हीणे सिय तुहे सिय अब्भहिए । जइ हीणे असंखिजमागहीणे वा संखिजमागहीणे वा संखिजगुणहीणे वा असंखिजगुणहीणे वा । अह अन्महिए असंखिजमागअन्महिए वा संखिजमागअन्महिए वा संखिज-गुणअब्महिए वा असंखिजगुणअब्महिए वा । वन्नगंधरसफासपजावेहिं तिहिं नाणहिं ितिहिं अन्नाणेहिं तिहिं दंसणेहिं छट्टाणविडए, से एएणहेणं गोयमा ! एवं वुच्चइ-'अजहन्नमणुक्कोसोगाहणाणं नेरइयाणं अणंता पज्जवा पन्नता'॥ २५७ ॥ जहन्न-ठिइयाणं भंते ! नेरइयाणं केवइया पज्जवा पन्नता ? गोयमा ! अणंता ज्जपवा पन्नता। से केणहेणं भंते! एवं वुचइ-'जहन्निट्याणं नेरइयाणं अणंता पज्जवा पन्नता' ? गोयमा ! जहन्निठिइए नेरइए जहन्निठिइयस्स नेरइयस्स दव्वद्वयाए तुल्ले, पएसद्रयाए तुल्ले. ओगाहणद्रयाए चउद्राणविडए, ठिईए तुल्ले, वन्नगंधरसफासपज-चेहिं तिहिं नाणेहिं तिहिं अञ्चाणेहिं तिहिं दंसणेहिं छहाणविडए। एवं उक्कोसिटइए वि । अजहन्नमण्कोसिटिङए वि एवं चेव. नवरं सद्राणे चउद्राणविङए ॥ २५८ ॥

जहन्नगुणकालगाणं भंते! नेरइयाणं केवइया पज्जवा पन्नता? गोयमा! अणंता पज्जवा पन्नता । से केणद्वेणं भंते ! एवं वुच्चर-'जहन्नगुणकालगाणं नेरइयाणं अणंता पज्जवा पन्नता' ? गोयमा ! जहन्नगुणकालए नेरइए जहन्नगुणकालगस्स नेरइयस्स दन्बह्माए तुल्ले, पएसहुमाए तुल्ले, ओगाहणहुमाए चउट्टाणविडए, ठिईए चउट्टाण-विडए, कालवन्नपज्जवेहिं तुल्ले, अवसेसेहिं वन्नगंधरसफासपज्जवेहिं तिहिं नाणेहिं तिहिं अन्नाणिहिं तिहिं दंसणिहिं छद्राणविडए, से एएणहेणं गोयमा ! एवं वुचइ-'जहन्न-गुणकालगाणं नेरइयाणं अणंता पज्जवा पन्नत्ता'। एवं उक्कोसगुणकालए वि । अज-हन्नमणुक्कोसगुणकाल्ए वि एवं चेव, नवरं कालवन्नपज्जवेहिं छट्टाणविडए । एवं अव-सेसा चत्तारि वन्ना दो गंधा पंच रसा अट्ठ फासा भाणियव्वा ॥ २५९ ॥ जहन्ना-भिणिबोहियनाणीणं भंते ! नेरइयाणं केवइया पज्जवा पत्रता ? गोयमा ! जहन्ना-भिणिबोहियनाणीणं नेरइयाणं अणंता पज्जवा पन्नता । से केणट्टेणं भंते ! एवं वुचइ-'जहन्नाभिणिबोहियनाणीणं नेरइयाणं अणंता पज्जवा पन्नता' ? गोयमा ! जहन्नाभिणिबोहियनाणी नेरइए जहन्नाभिणिबोहियनाणिस्स नेरइयस्स दव्बद्रयाए तुह्ने, पएसहयाए तुह्ने, ओगाहणह्याए चउहाणविडए, ठिईए चउहाणविडए, वन्नगंधरसफासपज्जवेहिं छद्राणवृडिए, आभिणिबोहियनाणपज्जवेहिं तुहे, सुयनाण-पजावेहिं ओहिनाणपजावेहिं छद्राणविडए, तिहिं दंसणेहिं छद्राणविडए। एवं उक्को-सामिणिबोहियनाणी वि । अजहन्नमणुक्कोसाभिणिबोहियनाणी वि एवं चेव, नवरं आभिणिबोहियनाणपज्जवेहिं सद्वाणे छद्वाणविष्ठ । एवं सुयनाणी ओहिनाणी वि. नवरं जस्स नाणा तस्स अञ्चाणा नित्थ । जहा नाणा तहा अञ्चाणा वि भाणियव्वा, नवरं जस्स अन्नाणा तस्स नाणा न भवंति । जहन्नचक्खुदंसणीणं भंते ! नेरडयाणं केवइया पज्जवा पन्नता ? गोयमा ! अणंता पज्जवा पन्नता । से केणद्रेणं भंते ! एवं वुचइ-'जहन्नचक्खुदंसणीणं नेरइयाणं अणंता पज्जवा पन्नता' ? गोयमा ! जहन्न-चक्खुदंसणी णं नेरइए जहन्नचक्खुदंसणिस्स नेरइयस्स दव्बद्वयाए तुह्ने, पएसद्वयाए तुह्रे, ओगाहणद्वयाए चउद्वाणविहए, ठिईए चउद्वाणविहए, वन्नगंधरसफासपज्जवेहिं तिहिं नाणेहिं तिहिं अन्नाणेहिं छट्टाणविडए, चक्खुरंसणपज्जवेहिं तुहे, अचक्खु-दंसणपज्जवेहिं ओहिदंसणपज्जवेहिं छट्ठाणविष्ठ । एवं उक्कोसचवन्खदंसणी वि । अज-हन्नमणुकोसचक्खदंसणी वि एवं चेव, नवरं सद्घाणे छद्वाणविडए। एवं अचक्खदं-सणी वि, ओहिदंसणी वि ॥ २६० ॥ जहन्नोगाहणाणं भंते ! असुरकुमाराणं केवइया पजना पत्रता ? गोयमा ! अणंता पजना पत्रता । से केणट्रेणं भंते ! एवं वृचइ-'जहन्नोगाहणाणं असुरकुमाराणं अणंता पज्जवा पन्नता' ? गोयमा ! जहन्नोगाहणए असुरकुमारे जहन्नोगाहणस्स असुरकुमारस्स दव्वद्वयाए तुह्रे, पएसद्वयाए तुह्रे, ओगाहणहुयाएं तुह्ने, ठिईए चउद्वाणविडए, वन्नाईहिं छद्वाणविडए, आभिणिबोहिय-नाणपज्जवेहिं सुयनाणपंज्जवेहिं ओहिनाणपज्जवेहिं तिहिं अन्नाणिहिं तिहिं दंसणिहि य छद्राणविडए । एवं उक्कोसोगाहणए वि । एवं अजहन्नमणक्कोसोगाहणए वि, नवरं सद्वाणे चउट्टाणविहए। एवं जाव थिणयकुमारा ॥ २६१ ॥ जहन्नोगाहणाणं भंते ! पढ-विकाइयाणं केवइया पज्जवा पन्नता ? गोयमा ! अणंता पज्जवा पन्नता । से केणद्रेणं भंते ! एवं वुच्च - 'जहन्नोगाहणाणं पुढविकाइयाणं अणंता पजवा पनता' ? गोयमा ! जहन्नोगाहणए पढविकाइए जहन्नोगाहणस्स पढविकाइयस्स दन्बह्रयाए तुल्ले, पएसह-याए तुल्ले, ओगाहणह्रयाए तुल्ले, ठिईए तिहाणविडए, वन्नगंघरसफासपज्जवेहिं दोहिं अन्नाणेहिं अचक्खुदंसणपज्जवेहि य छद्राणविष्ठए। एवं उक्कोसोगाहणए वि । अजहन मणुक्कोसोगाहणए वि एवं चेव, नवरं सद्घाणे चउद्घाणविष्ठ । जहन्निठइयाणं पढिविका-डयाणं पच्छा। गोयमा! अणंता पजावा पन्नता। से केणद्रेणं भंते! एवं वुचइ-'जह-चठिइयाणे पुढविकाइयाणे अणेता पज्जवा पचता' ? गोयमा ! जहचठिइए पुढविका-इए जहन्निठिइयस्स पुढविकाइयस्स दव्वद्वयाए तुल्ले, पएसद्वयाए तुल्ले, ओगाहणद्वयाए चउट्टाणविष्ठए, ठिईए तुह्रे, वन्नगंघरसफासपज्जवेहिं मइअन्नाणपज्जवेहिं सुयअन्नाणप-ज्जवेहिं अचक्खुदंसणपज्जवेहिं छद्राणविष्ठ । एवं उक्कोसिठिइए वि । अजहन्नमणुक्कोस-ठिइए वि एवं चेव, नवरं सद्राणे तिद्राणविङ । जहन्तगुणकालयाणं भेते ! पुढविका-इयाणं पुच्छा। गोयमा! अणंता पज्जवा पन्नता। से केणहेणं भंते! एवं वृचइ-'जहन्नगुणकालयाणं पुढविकाइयाणं अणंता पज्जवा पन्नता' ? गोयमा! जहन्नगुणकालए पुढविकाइए जहन्नगुणकालयस्स पुढविकाइयस्स दव्बद्वयाए तुल्ले, पएसद्वयाए तुल्ले, ओगाहणद्वयाए चउद्वाणविष्ठए, ठिईए तिद्वाणविष्ठए, कालवन्नपज्जवेहिं तुहे, अवसेसेहिं वन्नगंधरसफासपजावेहिं छद्वाणविडए दोहिं अन्नाणेहिं अचक्खदंसणपजावेहि य छद्वाणविडए। एवं उक्कोसगुणकालए वि। अजहन्नमणुक्कोसगुणकालए वि एवं चेव, नवरं सद्राणे छद्राणविडए। एवं पंच वन्ना दो गंधा पंच रसा अट्ट फासा भाणियव्वा। जहन्नमङ्अन्नाणीणं भंते ! पुढविकाइयाणं पुच्छा । गोयमा ! अणंता पज्जवा पन्नता । से केणद्वेणं मंते ! एवं वृच्चइ-'जहन्नमङ्अन्नाणीणं पुढविकाइयाणं अणंता पज्जवा पन्नत्ता' ? गोयमा ! जहन्नमइअन्नाणी पुढविकाइए जहन्नमइअन्नाणिस्स पुढविकाइयस्स दव्बद्वयाए तुह्ने, पएसद्वयाए तुह्ने, ओगाहणद्वयाए चउद्वाणविडए, ठिईए तिद्वाण-वडिए, वन्नगंधरसफासपज्जवेहिं छद्वाणवडिए, मझ्अन्नाणपज्जवेहिं तुह्रे, सुयअन्नाण-पज्जवेहिं अचक्खदंसणपज्जवेहिं छद्वाणविष्ठए । एवं उक्कोसमइअन्नाणी वि । अजहन्न-

मणक्रोसमदअन्नाणी वि एवं चेव, नवरं सद्घाणे छद्घाणविडए। एवं सुयअन्नाणी वि अचक्खुदंसणी वि एवं चेव जाव वणप्फइकाइया ॥ २६२॥ जहन्नोगाहणगाणं भंते ! बेइंदियाणं पुच्छा । गोयमा ! अणंता पज्जवा पन्नता । से केणड्रेणं भंते ! एवं वृच्चड-'जहन्नोगाहणगाणं बेइंदियाणं अणंता पज्जवा पन्नता' ? गोयमा ! जहन्नोगाहणए बेइंदिए जहन्नोगाहणस्स बेइंदियस्स दन्बद्भयाए तुह्ने, पएसहयाए तुह्ने, ओगाहणह्रयाए तुहे, ठिईए तिद्वाणविडए, वन्नगंधरसफासपज्जवेहिं दोहिं नाणेहिं दोहिं अन्नाणेहिं अचक्खुदंसणपज्जेवेहि य छट्ठाणविडए । एवं उक्कोसोगाहणए वि, णवरं णाणा णित्थ । अजहन्नमणुक्कोसोगाहणए जहा जहन्नोगाहणए, णवरं सट्ठाणे ओगाहणाए चउद्राण-वृडिए। जहन्निठिइयाणं भंते ! बेइंदियाणं पुच्छा। गोयमा ! अणंता पज्जवा पन्नता। से केणद्रेणं भंते ! एवं वृचइ-'जहन्निट्याणं बेइंदियाणं अणंता पज्जवा पन्नता' ? गोयमा! जहन्निठेइए बेइंदिए जहन्निठिइयस्त बेइंदियस्त द्व्वह्याए तुह्ने, पएस-द्रयाए तुह्ने, ओगाहणह्रयाए चउहाणविष्ठए, ठिईए तुह्ने, वन्नगंधरसफासपज्जवेहिं दोहिं अन्नाणेहिं अचक्खुदंसणपज्जवेहि य छट्ठाणविं । एवं उक्कोसिठइए वि. णवरं दो णाणा अब्सहिया । अजहन्नमणुक्कोसिठइए जहा उक्कोसिठइए, णवरं ठिईए तिट्ठाणविडए। जहन्नगुणकालगाणं बेइंदियाणं पुच्छा। गोयमा! अणंता पज्जवा पन्नता। से केणहेणं भंते ! एवं वुच्चइ- जहन्नगुणकालगाणं बेइंदियाणं अणंता पज्जवा पन्नता' ? गोयमा ! जहन्नगुणकालए बेइंदिए जहन्नगुणकालगस्स बेइंदियस्स दन्बहुयाए तुह्ने, पएसहुयाए तुह्ने, ओगाहणहुयाए चउद्गाणविष्ट , ठिईए तिद्राणविष्ट , कालवन्नपज्जवेहिं तुह्ने, अवसेसेहिं वन्नगंधरसफासपज्जवेहिं दोहिं नाणेहिं दोहिं अन्नाणेहिं अचक्खुदंसणपज्जवेहि य छट्ठाणविडए। एवं उक्कोसगुणकालए वि। अजहन्नमणुक्को-सगुणकालए वि एवं चेव। णवरं सद्वाणे छद्राणविष्ठए। एवं पंच वन्ना दो गंघ पंच रसा अद्व फासा भाणियव्वा । जहन्नाभिणिबोहियनाणीणं भंते ! बेइंदियाणं केवइया पजना पन्नता ? गोयमा ! अणंता पजना पन्नता । से केणट्टेणं भंते ! एवं बुचइ-'जहन्नाभिणिबोहियनाणीणं बेइंदियाणं अणंता पज्जवा पन्नता' ? गोयमा ! जहन्ना-भिणिबोहियनाणी बेइंदिए जहन्नाभिणिबोहियनाणिस्स बेइंदियस्स दव्बद्वयाए तुह्ने, पएसद्वयाए तुन्ने, ओगाहणद्वयाए चउट्टाणविडए, ठिईए तिद्वाणविडए, वन्नगंधरसफा-सपजनेहिं छद्वाणविष्ठए, आभिणिबोहियनाणपजनेहिं तुहे, सुयनाणपजनेहिं छद्वा-णविडिए, अचक्खुदंसणपज्जवेहिं छद्वाणविडिए । एवं उक्कोसाभिणिबोहियन।णी वि । अजहन्नमणुक्कोसाभिणिबोहियनाणी वि एवं चेव, नवरं सद्वाणे छद्वाणविडए। एवं ञ्चवनाणी वि सुयअन्नाणी वि अचक्खुदंसणी वि, नवरं जत्थ नाणा तत्थ अन्नाणा नित्य,

जत्थ अन्नाणा तत्थ नाणा नित्थ, जत्थ दंसणं तत्थ नाणा वि अन्नाणा वि । एवं तेइंदियाण वि । चउरिंदियाण वि एवं चेव, णवरं चक्खुदंसणं अब्भहियं ॥ २६३ ॥ जहन्नोगाहणगाणं भंते ! पंचिंदियतिरिक्खजोणियाणं केवइया पज्जवा पन्नता ? गोयमा! अणंता पज्जवा पन्नता। से केणद्रेणं भंते! एवं वुचइ-'जहन्नोगाहणगाणं पंचिंदियतिरिक्खजोणियाणं अणेता पज्जवा पन्नतां ? गोयमा ! जहन्नोगाहणए पंचिं-दियतिरिक्खजोणिए जहन्नोगाहणयस्स पंचिंदियतिरिक्खजोणियस्स दव्बद्वयाए तहे. पएसहयाए तुल्ले, ओगाहणह्याए तुल्ले, ठिईए तिद्राणविष्ठए, वन्नगंधरसफासपज्जवेहिं दोहिं नाणेहिं दोहिं अन्नाणेहिं दोहिं दंसणेहिं छद्राणविडए । उक्कोसोगाहणए वि एवं चेव, नवरं तिहिं नाणेहिं तिहिं दंसणेहिं छद्राणविडए । जहा उक्कोसोगाहणए तहा अजहन्नमणुक्कोसोगाहणए वि. णवरं ओगाहणद्रयाए चउद्राणविडए. ठिईए चउद्राण-विष्ण । जहन्निटिइयाणं भंते ! पंचिदियतिरिक्खजोणियाणं केवड्या पज्जवा पन्नता ? गोयमा! अणंता पज्जवा पन्नता। से केणद्रेणं भंते ! एवं वृच्चइ- जहन्निठिइयाणं पंचिंदिय-तिरिक्खजोणियाणं अणंता पज्जवा पन्नतां ? गोयमा ! जहन्निठेइए पंचिदियतिरिक्ख-जोणिए जहन्निठिइयस्स पंचिंदियतिरिक्खजोणियस्स दव्बहुयाए तुह्ने, पएसहुयाए तुह्ने, ओगाहणद्रयाए चउद्राणविंए, ठिईए तुह्रे, वन्नगंधरसफासपज्जवेहिं दोहिं अन्नाणेहिं दोहिं दंसणेहिं छद्वाणविष्ट । उक्कोसिठिइए वि एवं चेव, नवरं दो नाणा दो अन्नाणा दो दंसणा । अजहन्नमणुक्कोसिठिइए वि एवं चेव. नवरं ठिईए चउट्राणविडए । तिश्वि नाणा ति नि अन्नाणा तिन्नि दंसणा । जहन्नगुणकालगाणं भंते ! पंचिंदियतिरिक्ख-जोणियाणं पुच्छा । गोयमा ! अणंता पज्जवा पन्नता । से केणद्रेणं भंते ! एवं वुचइ० १ गोयमा ! जहन्नगुणकालए पंचिंदियतिरिक्खजोणिए जहन्नगुणकालगस्स पंचिंदियतिरिक्खजोणियस्स दन्बद्वयाए तुल्ले, पएसद्वयाए तुल्ले, ओगाहणद्वयाए चउद्राणविष्ठए, ठिईए चउद्राणविष्ठए, कालवन्नपज्जवेहिं तुल्ले, अवसेसेहिं वन्नगंधर-सफासपज्जवेहिं तिहिं नाणेहिं तिहिं अन्नाणेहिं तिहिं दंसणेहिं छद्राणविडए। एवं उक्कोसगुणकालए वि । अजहन्नमणुक्कोसगुणकालए वि एवं चेव, नवरं सद्वाणे छद्वाण-विडिए । एवं पंच वन्ना दो गंधा पंच रसा अद्व फासा । जहनाभिणिबोहियणाणीणं भंते ! पंचिंदियतिरिक्खजोणियाणं केवइया पज्जवा पन्नता ? गोयमा ! अणंता पज्जवा पन्नता । से केणद्रेणं भंते ! एवं वृचइ० ? गोयमा ! जहन्नाभिणिबोहियणाणी पंचिं-दियतिरिक्खजोणिए जहन्नाभिणिबोहियणाणिस्स पंचिदियतिरिक्खजोणियस्स दव्वद्र-याए तुह्रे, पएसहयाए तुह्रे, ओगाहणहुयाए चउड्डाणविडए, ठिईए चउड्डाणविडए वन्नगंधरसफासपज्जवेहिं छद्राणविद्याः आभिणिबोहियणाणपज्जवेहिं तल्ले. स्रयणाण-

पज्जवेहिं छट्ठाणविडए, चक्खुदंसणपज्जवेहिं छट्ठाणविडए, अचक्खुदंसणपज्जवेहिं लुद्राणविडए । एवं उक्कोसाभिणिबोहियणाणी वि, णवरं ठिईए तिद्वाणविडए, तिन्न नाणा तिन्नि दंसणा, सद्घाणे तुह्ने, सेसेस छट्टाणविडए । अजहन्नमणुकोसाभिण-बोहियनाणी जहा उक्कोसाभिणिबोहियनाणी, णवरं ठिईए चउद्घाणविडए । सद्घाणे छद्राणवृडिए । एवं सुयणाणी वि । जहन्नोहिनाणीणं भंते ! पंचिंदियतिरिक्खजोणि-याणं पुच्छा । गोयमा ! अणंता पज्जवा पन्नता । से केण्हेणं भंते ! एवं व्चड० ? गोयमा ! जहन्नोहिनाणी पंचिंदियतिरिक्खजोणिए जहन्नोहिनाणिस्स पंचिंदियतिरि-क्खजोणियस्स दव्बद्वयाए तुल्ले, पएसद्वयाए तुल्ले, ओगाहणद्वयाए चउद्वाणविडए, ठिईए तिद्राणविडए, वन्नगंधरसफासपज्जवेहिं आभिणिबोहियनाणस्यनाणपज्जवेहिं छद्वाणविडए, ओहिनाणपज्जवेहिं तुस्त्रे । अन्नाणा नित्य । चक्खदंसणपज्जवेहिं अच-क्खुदंसणपज्जवेहिं ओहिदंसणपज्जवेहि य छट्टाणविडए । एवं उक्कोसोहिनाणी वि। अजहन्नुक्कोसोहिनाणी वि एवं चेव, णवरं सद्घाणे छद्वाणविडए । जहा आभिणिबोहि-यनाणी तहा मङ्अन्नाणी सुयअन्नाणी य, जहा ओहिनाणी तहा विभंगनाणी वि, चक्खुदंसणी अचक्खुदंसणी य जहा आभिणिबोहियनाणी, ओहिदंसणी जहा ओहिनाणी. जत्थ नाणा तत्थ अन्नाणा नत्थि, जत्थ अन्नाणा तत्थ नाणा नत्थि, जत्थ दंसणा तत्थ नाणा वि अन्नाणा वि अत्थित्ति भाणियव्यं ॥ २६४ ॥ जहन्नोगा-हणगाणं भंते! मणुस्साणं केवझ्या पज्जवा पन्नता? गोयमा! अणंता पज्जवा पन्नता । से केणद्रेणं भंते ! एवं वृचइ— 'जहन्नोगाहणगाणं मण्स्साणं अणंता पजवा पन्नता'? गोयमा! जहन्नोगाहणए मणूसे जहन्नोगाहणगस्स मणूसस्स दव्बद्वयाए तुल्ले, पएसद्वयाए तुल्ले, ओगाहणद्वयाए तुल्ले, ठिईए तिद्राणविडए, वन्न-गंधरसफासपज्जवेहिं तिहिं नाणेहिं दोहिं अञ्चाणेहिं तिहिं दंसणेहिं छट्टाणविखण । उक्कोसोगाहणए वि एवं चेव, नवरं ठिईए सिय हीणे सिय तुहे सिय अब्महिए । जइ हीणे असंखिजइभागहीणे, अह अन्महिए असंखिजइभागअन्महिए । दो नाणा दो अन्नाणा दो दंसणा । अजहन्नमणुक्कोसोगाहणए वि एवं चेव, णवरं ओगाहणहुयाए चउद्वाणविष्, ठिईए चउद्वाणविष्, आइह्रेहिं चउहिं नागेहिं छद्वाणविष्, केवलनाणपज्जवेहिं तुल्ले, तिहिं अन्नाणेहिं तिहिं दंसणेहिं छहाणविडण्, केवलदंसण-पज्जवेहिं तुहे । जहन्निठिइयाणं भंते ! मणुस्साणं केवइया पज्जवा पन्नता ? गोयमा ! अणंता पजावा पन्नता । से केणद्वेणं भंते ! एवं वुचइ० ? गोयमा ! जहन्नि ठिइए मणुस्से जहन्निठिइयस्स मणुस्सस्स दव्बद्वयाए तुह्ने, पएसद्वयाए तुह्ने, ओगाहणद्वयाए चउद्राणविष्ण, ठिईए तुहे, वन्नगंधरसफासपज्जवेहिं दोहिं अन्नाणेहिं दोहिं दंसणेहिं

छद्वाणविडए । एवं उक्कोसिठिइए वि, नवरं दो नाणा दो अन्नाणा दो दंसणा । अजहन्नमणुकोसिठिइए वि एवं चेव, नवरं ठिईए चउट्टाणविडए, ओगाहणद्वयाए चउट्ठाणविडए, आइल्लेहिं चउहिं नाणेहिं छट्ठाणविडए, केवलनाणपज्जवेहिं तुल्ले, तिहिं अन्नाणिहिं तिहिं दंसणिहिं छद्वाणविष्ठए, केवलदंसणपज्जविहिं तुह्ने। जहन्नगुणकालयाणं भंते ! मणुस्साणं केवइया पज्जवा पन्नता ? गोयमा ! अणंता पज्जवा पन्नता । से केणट्रेणं भंते! एवं वृच्चइ० ? गोयमा! जहन्नगुणकालए मणूसे जहन्नगुणकालयस्स मणुस्सस्स द्व्वद्वयाए तुह्ने, पएसद्वयाए तुह्ने, ओगाहणद्वयाए चउद्वाणविष्टए, ठिईए चउट्ठाणविडए, कालवन्नपज्जवेहिं तुल्ले, अवसेसेहिं वन्नगंधरसफासपज्जवेहिं छट्ठाणविष्, चर्डाहें नाणेहिं छट्ठाणविष्ठ, केवलनाणपज्जवेहिं तुल्ले, तिहिं अन्नाणेहिं तिहिं दंसणेहिं छट्टाणविडए, केवलदंसणपज्जवेहिं तुह्रे। एवं उक्कोसगुणकालए वि। अजहन्नमणुकोसगुणकालए वि एवं चेव, नवरं सट्ठाणे छट्ठाणविडए। एवं पंच वन्ना दो गंधा पंच रसा अट्ठ फासा भाणियव्वा । जहन्नाभिणिबोहियनाणीणं भंते ! मणुस्साणं केवइया पज्जवा पन्नता ? गोयमा ! अणंता पज्जवा पन्नता । से केण्डेणं भंते ! एवं वुचइ० ? गोयमा ! जहन्नाभिणिबोहियनाणी मणूसे जहन्नाभिणिबोहियनाणिस्स मणु-स्सस्स दव्बद्वयाए तुल्ले, पएसद्वयाए तुल्ले, ओगाहणद्वयाए चउद्वाणबिहए, ठिईए चउद्वाणविडए, वन्नगंधरसफासपज्जवेहिं छद्वाणविडए, आभिणिबोहियनाणपज्जवेहिं तुल्ले, सुयनाणपज्जवेहिं दोहिं दंसणेहिं छट्टाणविडए, एवं उक्कोसाभिणिबोहियनाणी वि, नवरं आभिणिबोहियनाणपज्जवेहिं तुहे, ठिईए तिद्वाणविडए, तिहिं नाणेहिं तिहिं दंसणेहिं छद्वाणविं । अजहन्नमणुक्कोसाभिणिबोहियनाणी जहा उक्कोसाभिणिबोहिय-नाणी, नवरं ठिईए चउद्वाणविडए, सद्वाणे छद्वाणविडए । एवं सुयनाणी वि । जहन्नोहिनाणीणं भंते! मणुस्साणं केवइया पज्जवा पन्नता? गोयमा! अणंता पज्जवा पन्नता । से केणद्रेणं भंते ! एवं वृच्चइ० ? गोयमा ! जहन्नोहिनाणी मणुस्से जहन्नोहिनाणिस्स मणूसस्स द्व्वद्वयाए तुह्रे, पएसड्याए तुह्रे, ओगाहणड्वयाए तिड्डाण-विष्ठिए, ठिईए तिद्राणविष्ठिए, वन्नगंधरसफासपज्जवेहिं दोहिं नाणेहिं छद्राणविष्ठए, ओहिनाणपज्जवेहिं तुह्ने, मणनाणपज्जवेहिं छट्ठाणविडए, तिहिं दंसणेहिं छट्ठाणविडए। एवं उक्कोसोहिनाणी वि । अजहन्नमणुक्कोसोहिनाणी वि एवं चेव, नवरं ओगाहणहुयाए चउट्टाणविडए, सद्वाणे छद्वाणविडए । जहा ओहिनाणी तहा मणपज्जवनाणी वि भाणियव्वे, नवरं ओगाहणद्रयाए तिद्राणविष्ठए। जहा आभिणिबोहियनाणी तहा मइअन्नाणी सुयअन्नाणी वि भाणियव्वे । जहा ओहिनाणी तहा विभंगनाणी वि भाणि-यव्वे. चक्खदंसणी अचक्खदंसणी य जहा आभिणिबोहियनाणी, ओहिदंसणी जहा ओहिनाणी। जत्थ नाणा तत्थ अञ्चाणा नत्थि, जत्थ अञ्चाणा तत्थ नाणा नत्थि. जत्थ दंसणा तत्थ नाणा वि अन्नाणा वि । केवलनाणीणं भंते ! मणुस्साणं केवइया पजवा पन्नता ? गोयमा ! अणंता पजवा पन्नता । से केणहेणं भंते ! एवं वृच्छ-'केवलनाणीणं मणुस्साणं अणंता पज्जवा पन्नता' ? गोयमा ! केवलनाणी मणसे केवलनाणिस्स मणूसस्स दव्वह्याए तुल्ले, पएसह्याए तुल्ले, ओगाहणह्याए चउडाण-विडए, ठिईए तिद्वाणविडए, वन्नगंधरसफासपज्जवेहिं छट्ठाणविडए, केवलनाणपज्जवेहिं केवलदंसणपज्जवेहि य तुल्ले । एवं केवलदंसणी वि मणूसे भाणियन्वे । वाणमंतरा जहा असुरकुमारा । एवं जोइसियवेमाणिया, नवरं सद्घाणे ठिईए तिद्वाणविडए भाणियव्वे । सेत्तं जीवपज्जवा ॥ २६५ ॥ अजीवपज्जवा णं भंते ! कइविहा पन्नता? गोयमा! दुविहा पन्नता । तंजहा-ह्विअजीवपज्जवा य अरूविअजीवपज्जवा य ॥ २६६ ॥ अरूविअजीवपज्जवा णं भंते ! कड़विहा पन्नता ? गोयमा ! दसविहा पन्नता । तंजहा-धम्मत्थिकाए, धम्मत्थिकायस्य देसे, धम्मत्थिकायस्य पएसा, अह-म्मत्थिकाए. अहम्मत्थिकायस्य देसे. अहम्मत्थिकायस्य पएसा. आगासत्थिकाए. आगासित्थकायस्स देसे. आगासित्थकायस्स पएसा, अद्धासमए॥ २६७॥ रूवि-अजीवपज्जवा णं भंते ! कइविहा पन्नता ? गोयमा ! चउव्विहा पन्नता । तंजहा-खंघा, खंघदेसा, खंघपएसा, परमाणुपुग्गला। ते णं भंते! किं संखेजा असंखेजा अणंता ? गोयमा ! नो संखेजा, नो असंखेजा, अणंता । से केणहेणं भंते ! एवं वुचइ-'नो संखेजा, नो असंखेजा, अणंता'? गोयमा! अणंता परमाणपुरगला, अणंता दुपएसिया खंघा जाव अणंता दसपएसिया खंघा, अणंता संखेजपएसिया खंघा, अणंता असंखेजपएसिया खंघा, अणंता अणंतपएसिया खंघा, से तेणद्रेणं गोयमा! एवं वृच्चइ-'ते णं नो संखेजा, नो असंखेजा, अणंता' ॥ २६८॥ परमाणुपोग्गलाणं भंते! केवङ्या पज्जवा पन्नता? गोयमा! परमाणुपोग्गलाणं अणंता पज्जवा पन्नता । से केणट्ठेणं भंते ! एवं वृच्चइ-'परमाणुपुग्गलाणं अणंता पजना पनता' ? गोयमा ! परमाणुपुग्गले परमाणुपोग्गलस्स दव्बद्वयाए तुल्ले, पए-सहयाए तुह्रे, ओगाहणह्याए तुह्रे, ठिईए सिय हीणे सिय तुह्रे सिय अञ्भिहिए। जइ हीणे असंखिज्जइभागहीणे वा संखिज्जइभागहीणे वा संखिज्जइगुणहीणे वा असं-खिजइगुणहीणे वा । अह अब्मिहिए असंखिजइमागअब्मिहिए वा संखिजइमाग-अन्महिए वा संखिजगुणअन्महिए वा असंखिजगुणअन्महिए वा । कालवन्नपज्जवेहिं सिय हीणे सिय तुहे सिय अन्महिए। जइ हीणे अणंतभागहीणे वा असंखिजाइ-भागहीणे वा संखिजइभागहीणे वा संखिजगुणहीणे वा असंखिजगुणहीणे वा

अणंतगुणहीणे वा । अह अब्महिए अणंतभागअब्महिए वा असंखिजङ्भागअब्भ-हिए वा संखिजभागअन्महिए वा संखिजगुणअन्महिए वा असंखिजगुणअन्महिए वा अणंतगुणअब्भहिए वा । एवं अवसेसवन्नगंधरसफासपजावेहिं छद्राणविडए । फासाणं सीयउसिणनिद्दल्वक्षेहिं छद्वाणविडए, से तेणद्वेणं गोयमा! एवं वुचइ-'परमाणुपोग्गलाणं अणता पज्जवा पन्नता'। दुपएसियाणं पुच्छा। गोयमा! अणंता पजावा पन्नता । से केणद्रेणं भंते ! एवं वृच्चइ० ? गोयमा ! दुपएसिए दुपएसियस्स दव्वट्टयाए तुहे, पएसट्टयाए तुहे, ओगाहणट्टयाए सिय हीणे सिय तुहे सिय अब्भ-हिए । जइ हीणे पएसहीणे, अह अन्महिए पएसमन्महिए । ठिईए चउट्टाणविडए, वन्नाईहिं उविरेक्षेहिं चउफासेहि य छद्राणविडए । एवं तिपएसिए वि, नवरं ओगा-हणद्रयाए सिय हीणे सिय तुहे सिय अब्भहिए। जइ हीणे पएसहीणे वा दुपए-सहीणे वा, अह अब्महिए पएसमब्मिहए वा दुपएसमब्मिहिए वा। एवं जाव दसपएसिए, नवरं ओगाहणाए पएसपरिवृङ्की कायन्वा जाव दसपएसिए, नवरं नवपएसहीणत्ति । संखेजपएसियाणं पुच्छा । गोयमा ! अणंता पज्जवा पन्नता । से केणहेणं भंते ! एवं वृच्चइ० ? गोयमा ! संखेजापएसिए संखेजापएसियस्स दव्वहुयाए तुक्षे, पएसद्वयाए सिय हीणे सिय तुक्षे सिय अब्महिए । जइ हीणे संखेजमागहीणे वा संखेजगणहीणे वा. अह अब्महिए एवं चेव । ओगाहणह्याए वि दुहाणविडए, ठिईए चउद्राणविहए, वण्णाइउवरिल्लचउफासपज्जवेहि य छद्राणविहए। असंखिज-पएसियाणं पुच्छा । गोयमा ! अणंता पज्जवा पन्नता । से केणट्रेणं भंते ! एवं वुचइ० ? गोयमा ! असंखिज्जपएतिए खंघे असंखिज्जपएतियस्स खंघस्स द्व्वट्टयाए तुल्ले, पएसहुयाए चउड्डाणविडए, ओगाहणहुयाए चउड्डाणविडए, ठिईए चउड्डाण-विडए, वण्णाइउवरिल्लचउफासेहि य छद्राणविडए । अणंतपएसियाणं पुच्छा । गोयमा ! अणंता पज्जवा पन्नता । से केणद्रेणं भंते ! एवं वृचइ० ? गोयमा ! अणंतपएसिए खंधे अणंतपएसियस्स खंधस्स दव्यद्रयाए तुल्ले. पएसद्रयाए छद्राणविडए, ओगाहणद्रयाए चउद्वाणविंद, ठिईए चउद्वाणविंदए, वन्नगंधरसफासपज्जवेहिं छद्वाणविंदए ॥२६९॥ एगपएसोगाढाणं पोग्गलाणं पुच्छा । गोयमा ! अणंता पज्जवा पन्नता । से केणडेणं भंते ! एवं वृच्चइ० ? गोयमा ! एगपएसोगाढे पोग्गले एगपएसोगाढस्स पोग्गलस्स दव्वहयाए तुल्ले, पएसहयाए छहाणविष्ठए, ओगाहणह्याए तुल्ले, ठिईए चउहाणविष्ठए, वण्णाइउवरिल्लचउफासेहिं छहाणविडए। एवं दुपएसोगाढे वि। संखिजपएसोगाढाणं पुच्छा । गोयमा ! अणंता पज्जवा पन्नता । से केणहेणं भंते ! एवं वुचइ० ? गोयमा ! संखिजपएसोगाढे पोग्गले संखिजपएसोगाढस्स पोग्गलस्स दव्बद्रयाए तुहे, पएसद्रयाए

छद्राणवंडिए, ओगाहणद्वयाएं दुट्टाणवंडिए, ठिईए चउट्टाणवंडिए, वण्णाइउवरिहन-चउफासेहि य छट्टाणविडए। असंखेजपएसोगाढाणं पुच्छा। गोयमा! अणंता पजवा पन्नता । से केणट्टेणं भंते ! एवं वुच्चइ० १ गोयमा ! असंखेजनप्सोगाढे पोग्गरु असं-खेजपएसोगाढरस पोग्गलस दव्बह्रयाए तुहे, पएसह्रयाए छट्टाणविष्ट, ओगाहणइ-याए चउद्राणविहए, ठिईए चउद्राणविहए, वण्णाइअहुफासेहिं छहाणविहए ॥२७०॥ एगसमय ठिइयाणं पुच्छा । गोयमा ! अणंता पज्जवा पन्नता । से केणद्रेणं भंते ! एवं वुचइ० १ गोयमा ! एगसमयठिइए पोग्गले एगसमयठिइयस्स पोग्गलस्स दव्बद्वयाए तुल्ले, पएसहुयाए छहुाणविष्ठए, ओगाहणहुयाए चउहुाणविष्ठए, ठिईए तुल्ले, वण्णाइ-अहफासेहिं छद्वाणविडए। एवं जाव दससमयिठइए। संखेजसमयिठइयाणं एवं चेव. णवरं ठिईए दुट्ठाणविडए । असंखेजसमयठिइयाणं एवं चेव, नवरं ठिईए चउट्ठाण-विडिए ॥ २०१ ॥ एकगुणकालगाणं पुच्छा । गोयमा ! अणंता पज्जवा पन्नता । से केणहेणं भंते ! एवं वुच्चइ० ? गोयमा ! एकगुणकालए पोग्गले एकगुणकालगस्स पोग्गलस्स दन्बद्वयाए तुल्ले, पएसद्वयाए छट्ठाणविडए, ओगाहणद्वयाए चउट्ठाणविडए. ठिईए चउट्टाणविडए, कालवन्नपज्जवेहिं तुल्ले, अवसेसेहिं वन्नगंधरसफासपज्जवेहिं छट्ठाणविष्ठए, अद्विहं फासेहिं छट्ठाणविष्ठए। एवं जाव दसगुणकालए। संखेजगुण-कालए वि एवं चेव, नवरं सद्वाणे दुद्वाणविष्ठए। एवं असंखेजगुणकालए वि, नवरं सद्वाणे चउद्वाणविं । एवं अणंतगुणकालए वि, नवरं सद्वाणे छद्वाणविं । एवं जहां कालवन्नस्स वत्तव्वया भणिया तहा सेसाण वि वन्नगंधरसफासाणं वत्तव्वया भाणियन्वा जाव अणंतगुणलुक्खे ॥ २७२ ॥ जहन्नोगाहणगाणं भंते ! दुपएसियाणं पुच्छा । गोयमा ! अणंता पज्जवा पन्नता । से केणहेणं भंते ! एवं वृच्चइ० ? गोयमा ! जहन्नोगाहणए दुपएसिए खंधे जहन्नोगाहणस्स दुपएसियस्स खंधस्स दव्बट्टयाए तुहे, पएसद्वयाए तुल्ले, ओगाहणद्वयाए तुल्ले, ठिईए चउट्टाणविडए, कालवन्नपज्जवेहिं छट्ठाणविडए, सेस**वन्नगं**धरसपज्जवेहिं छट्ठाणविडए, सीयउत्तिणणिद्रळुक्खफासपज्जवेहिं छ्टुाणविडए, से तेणहेणं गोयमा! एवं वृच्ड-'जहन्नोगाहणगाणं दुपएसियाणं पोग्ग-लाणं अणंता पज्जवा पन्नता'। उक्कोसोगाहणए वि एवं चेव। अजहन्नमणुक्कोसोगाह-णओ नत्थि । जहन्नोगाहणयाणं भंते ! तिपएसियाणं पुच्छा । गोयमा ! अणंता पज्जवा पन्नता । से केणहेणं भंते ! एवं वृच्छ० ? गोयमा ! जहा दुपएसिए जहन्नोगाहणए, उक्कोसोगाहणए वि एवं चेव, एवं अजहन्नमणुक्कोसोगाहणए वि। जहन्नोगाहणयाणं भंते ! चउपएसियाणं पुच्छा । गोयमा ! जहा जहन्नोगाहणए दुपएसिए तहा जहन्नो-गाहणए चउप्पएसिए, एवं जहा उक्कोसोगाहणए दुपएसिए तहा उक्कोसोगाहणए

चउप्पएसिए वि। एवं अजहन्नमणुक्कोसोगाहणए वि चउप्पएसिए,णवरं ओगाहणद्रयाए सिय हीणे सिय तुहे सिय अब्भिहिए। जइ हीणे पएसहीणे, अह अब्भिहिए पएस-अब्महिए । एवं जाव दसपएसिए णेयव्वं, णवरं अजहण्णुक्कोसोगाहणए पएसपरिवुड्ढी कायव्वा जाव दसपएसियस्स सत्त पएसा परिवड्टिजंति। जहन्नोगाहणगाणं भंते! संखेजपएसियाणं पुच्छा । गोयमा ! अणंता पज्जवा पन्नता । से केणद्रेणं भंते ! एवं वुचइ० १ गोयमा! जहन्नोगाहणए संखेजपएसिए जहन्नोगाहणगस्स संखेजपएसियस्स दव्बद्वयाए तुह्ने, पएसद्वयाए दुद्वाणबिह्ण, ओगाहणद्वयाए तुह्ने, ठिईए चउद्वाणबिह्ण. वण्णाइचउफासपज्जवेहि य छडाणविडए । एवं उक्कोसोगाहणए वि । अजहन्नमणुक्को-सोगाहणए वि एवं चेव. णवरं सद्राणे दुद्राणविडए। जहन्नोगाहणगाणं भंते! असंखिजपएसियाणं पुच्छा। गोयमा ! अणंता पज्जवा पत्रता। से केणहेणं भंते ! एवं वुचइ० १ गोयमा ! जहन्नोगाहणए असंखिजपएसिए खंधे जहन्नोगाहणगस्स असंखिज-पएसियरस खंघरस दव्बह्रयाए तुहे, पएसह्रयाए चउड्डाणविडए, ओगाहणह्रयाए तुहे, ठिईए चउद्राणविहरू, वण्णाइउवरिल्लफासेहि य छद्राणविहरू। एवं उक्कोसोगाहणए वि । अजहन्नमणुक्कोसोगाहणए वि एवं चेव, नवरं सद्वाणे चउद्वाणविडए । जहन्नोगाहणगाणं भंते ! अणंतपएसियाणं पुच्छा । गोयमा ! अणंता पज्जवा पन्नता । से केणद्रेणं भंते ! एवं वृचइ॰ ? गोयमा ! जहन्नोगाहणए अणंतपएसिए खंधे जहन्नोगाहणस्स अणंतपए-सियस्स खंधस्स दन्बद्रयाए तुल्ले. पएसद्रयाए छद्राणविष्ठए, ओगाहणद्रयाए तुल्ले. ठिईए चउट्ठाणविडए, वण्णाइउवरिल्लचउफासेहिं छद्ठाणविडए। उक्कोसोगाहणए वि एवं चेव, नवरं ठिईए वि तुहे। अजहन्नमणक्कोसोगाहणगाणं भंते! अणंतपएसियाणं पुच्छा। गोयमा! अणंता पज्जवा पन्नता। से केणद्वेणं भंते! एवं वृच्चइ० ? गोयमा! अजहन्नमणुक्कोसोगाहणए अणंतपएसिए खंघे अजहन्नमणुक्कोसोगाहणगस्स अणं-तपएसियस्स खंधस्स दन्बद्वयाए तुह्ने, पएसद्वयाए छट्टाणविडए, ओगाहणद्वयाए चउद्वाणविडए, ठिईए चउद्वाणविडए, वण्णाइअद्वफासेहिं छद्वाणविडए ॥ २०३ ॥ जहन्नद्विद्याणं भंते ! परमाणुपुग्गलाणं पुच्छा । गोयमा ! अणंता पज्जवा पन्नता । से केण्ट्रेणं भंते! एवं वृच्चइ०१ गोयमा! जहन्नठिइए परमाणुपोग्गले जहन्नठिइयस्स परमाणुपोग्गलस्स दन्बह्याए तुल्ले, पएसह्याए तुल्ले, ओगाहणह्याए तुल्ले, ठिईए तुल्ले, वण्णाइद्रफासेहि य छद्राणविष्ठ । एवं उक्कोसिटेइए वि । अजहन्नमणुक्कोसिटेइए वि एवं चेव, नवरं ठिईए चउद्राणविंडए । जहन्नठिइयाणं दुपएसियाणं पुच्छा । गोयमा ! अणता पज्जवा पन्नता । से केणट्टेणं भंते ! एवं वृचइ० १ गोयमा ! जहन्निठिइए दुपएसिए जहन्निठिइयस्स दुपएसियस्स दव्बहुयाए तुल्ले, पएसहयाए तुल्ले, ओगाहणा द्रयाए सिय हींगे सिय तुल्ले सिय अन्महिए । जइ हींगे पएसहींगे, अह अन्महिए पएसअब्भहिए । ठिईए तुहे, वण्णाइचउफासेहि य छट्ठाणविडए । एवं उक्कोस-ठिइए वि । अजहन्नमणुक्कोसठिइए वि एवं चेव, नवरं ठिईए चउद्घाणविडए । एवं जाव दसपएसिए, नवरं पएसपरिवृङ्खी कायव्वा । ओगाहणद्वयाए तिसु वि गमएसु जाव दसपएसिए, एवं पएसा परिविद्धुजंति । जहन्निठिइयाणं भंते ! संखिज्जपण-सियाणं पुच्छा । गोयमा ! अणंता पज्जवा पन्नता । से केणहेणं भंते ! एवं व्रचड० ? गोयमा ! जहन्नठिइए संखिजपएसिए खंधे जहन्नठिइयस्स संखिजपएसियस्स खंधस्स द्व्वह्र्याए तुह्ने, पएसह्र्याए दुहाणविडए, ओगाहणह्र्याए दुहाणविडए, ठिईए तुह्ने, वण्णाइचउफासेहि य छट्ठाणविडए । एवं उक्कोसिटिइए वि । अजहन्नमणुक्कोसिटिइए वि एवं चेव, नवरं ठिईए चउद्वाणविडए । जहन्नठिइयाणं असंखिजनप्रसियाणं पच्छा । गोयमा ! अणंता पज्जवा पन्नता । से केणद्वेणं भंते ! एवं वृच्चइ० ? गोयमा ! जहन्न-ठिइए असंखिजपएसिए जहन्निठिइयस्स असंखिजपएसियस्स दन्वद्रयाए तुह्ने, पएस-द्वयाए चउद्वाणविष्ठए, ओगाहणह्रयाए चउद्वाणविष्ठए, ठिईए तुह्रे, वण्णाइउवरिह्नच-उफासेहि य छद्वाणविष्ठए । एवं उक्कोसिठइए वि । अजहन्नमणुक्कोसिठिइए वि एवं चेव, नवरं ठिईए चउद्वाणविष्ठ । जहन्नठिइयाणं अणंतपएसियाणं पुच्छा । गोयमा ! अणंता पज्जवा पन्नता। से केणट्टेणं भंते ! एवं वुच्चइ० ? गोयमा ! जहन्निठिइए अणंतपएसिए जहन्नठिइयस्स अणंतपएसियस्स दव्बद्वयाए तुल्ले, पएसद्वयाए छद्राण-विडिए, ओगाहणद्रयाए चउद्राणविडिए, ठिईए तुहे, वण्णाइअद्वफासेहि य छद्वाण-विडिए । एवं उक्कोसिठइए वि । अजहन्नमणुक्कोसिठइए वि एवं चेव, नवरं ठिईए चउट्ठाणविं ॥ २७४ ॥ जहन्नगुणकालयाणं परमाणुपुग्गलाणं पुच्छा । गोयमा ! अणंता पज्जवा पन्नता। से केणट्रेणं भंते! एवं वुचइ० १ गोयमा! जहन्नगुणकालए परमाणुपुग्गले जहन्नगुणकालयस्स परमाणुपुग्गलस्स दव्बद्वयाए तुल्ले, पएसद्वयाए तुल्ले. ओगाहणहुयाए तुह्ने, ठिईए चउट्टाणविडए, कालवन्नपज्जवेहिं तुह्ने, अवसेसा वण्णा णित्थ । गंधरसदुफासपज्जवेहि य छद्वाणविडए । एवं उक्कोसगुणकालए वि । एवमज-हन्नमणुक्कोसगुणकालए वि, णवरं सद्वाणे छद्वाणविष्ठ । जहन्नगुणकालयाणं भंते ! दुपएसियाणं पुच्छा। गोयमा! अणंता पज्जवा पन्नत्ता। से केणहेणं भंते! एवं वुच्चइ० ? गोयमा ! जहन्नगुणकालए दुपएसिए जहन्नगुणकालयस्स दुपएसियस्स दव्बद्वयाए तुह्ने, पएसद्वयाए तुह्ने, ओगाहणद्वयाए सिय हीणे सिय तुह्ने सिय अञ्भहिए। जइ हीणे पएसहीणे, अह अन्महिए पएसअन्महिए । ठिईए चउद्वाणविडए, काल-वन्नपज्जवेहिं तुह्रे, अनुसेसवण्णाइउविरिह्नचउफासेहि य छद्वाणविडए। एवं उक्कोस-

गुणकालए वि । अजहन्नमणुक्कोसगुणकालए वि एवं चेव, नवरं सद्राणे छद्राणविष्ठए । एवं जाव दसपएसिए, नवरं पएसपरिवृङ्की ओगाहणाए तहेव। जहन्नगुणकालयाणं भंते ! संखिजपएसियाणं पुच्छा। गोयमा ! अणंता पजवा पन्नता। से केणट्रेणं मंते ! एवं वुच्दः १ गोयमा ! जहन्नगुणकालए संखिज्जपएसिए जहन्नगुणकालयस्स संखिजपएसियस्स दन्बद्वयाए तुहे, पएसद्वयाए दुद्वाणबिहए, ओगाहणद्वयाए दुद्वाण-विष्णु, ठिईए चउडाणविष्णु, कालवन्नपज्जवेहिं तुहे, अवसेसेहिं वण्णाइउवरिहन्चउ-फासेहि य छट्टाणविडए। एवं अजहन्नमणुक्कोसगुणकालए वि, नवरं सट्टाणे छट्टाण-विडिए। जहन्नगुणकालयाणं भंते! असंखिज्जपएसियाणं पुच्छा। गोयमा! अणंता पजावा पन्नता। से केणट्टेणं भंते! एवं वृचइ० ? गोयमा! जहन्नगुणकालए असंखि-जापरितर जहन्नगुणकालयस्स असंखिजपरित्तयस्स दव्बद्वयार् तुहे, परसद्वयार् चड-द्घाणविडए, ठिईए चउद्घाणविडए, कालवन्नपज्जवेहिं तुल्ले, अवसेसेहिं वण्णाइउविरिल्ल-चउफासेहि य छद्राणविडए, ओगाहणहुयाए चउट्ठाणविडए। एवं उक्कोसगुणकालए वि । अजहन्नमणुक्कोसगुणकालण् वि एवं चेव, नवरं सहाणे छहाणविडए । जहन्न-गुणकालयाणं भंते ! अणंतपएसियाणं पुच्छा । गोयमा ! अणंता पज्जवा पन्नता । से केणद्रेणं भंते ! एवं वृच्चइ० १ गोयमा ! जहन्युणकालए अणंतपएसिए जहन्युण-कालयस्स अणंतपएसियस्स दव्बद्वयाए तुल्ले, पएसद्वयाए छट्टाणविडए, ओगाहणद्वयाए चउट्ठाणविडए, ठिईए चउट्ठाणविडए, कालवन्नपज्जवेहिं तुहे, अवसेसेहिं वन्नाइअट्ट-फासेहि य छट्ठाणवडिए। एवं उक्कोसगुणकालए वि। अजहन्नमणुक्कोसगुणकालए वि एवं चेव. नवरं सद्राणे छद्राणविडए। एवं नीललोहियहालिह्सुिक्कलसुब्भिगंधरुबिभगंध-तित्तकद्भकसायअंबिलमहररसपज्जवेहि य वत्तव्वया भाणियव्वा, नवरं परमाणुपोग्गलस्स सुब्भिगंधरस दुब्भिगंधो न भण्णइ, दुब्भिगंधरस सुब्भिगंधो न भण्णइ, तित्तस्स अवसेसं न भण्णइ, एवं कडुयाईण वि, अवसेसं तं चेव । जहन्यगुणकक्ष्वडाणं अणंत-पएसियाणं खंघाणं पुच्छा । गोयमा ! अणंता पज्जवा पन्नता । से केणहेणं भंते ! एवं वृचइ० ? गोयमा ! जहन्नगुणकक्खडे अणंतपएसिए जहन्नगुणकक्खडस्स अणंत-पएसियस्स द्व्वह्याए तुह्ने, पएसह्याए छ्ट्ठाणविडए, ओगाहणद्वयाए चउट्टाणविडए, ठिईए चउट्टाणविडए, वन्नगंधरसेहिं छट्टाणविडए, क्रक्खडफासपज्जवेहिं तुहे, अवसे-सेहिं सत्तफासपज्जवेहिं छद्राणविष्ठ । एवं उक्कोसगुणकक्खडे वि । अजहन्नमणुक्को-सगुणकक्खडे वि एवं चेव, नवरं सद्वाणे छद्वाणविडिए। एवं मउयगुरुयलहुए वि भाणियव्वे । जहन्नगुणसीयाणं भंते ! परमाणुपोग्गलाणं पुच्छा । गोयमा ! अणंता पज्जवा पन्नता । से केणट्रेणं भंते ! एवं वुचइ० ? गोयमा ! जहन्नगुणसीए परमाणु-

पोग्गले जहन्नगुणसीयस्स परमाणुपुग्गलस्स दव्बद्वयाए तुल्ले, पएसद्वयाए तुल्ले, ओगा-हणद्र्याए तुहे, ठिईए चउट्टाणविडए, वन्नगंधरसेहिं छट्टाणविडए, सीयफासपज्जवेहि य तुले. उत्तिणफासो न भण्णइ, निद्धलुक्खफासपज्जवेहि य छट्टाणविडए । एवं उक्को-सगुणसीए वि । अजहन्नमणुक्कोसगुणसीए वि एवं चेव, नवरं सद्वाणे छद्वाणविहए । जहन्नगुणसीयाणं दुपएसियाणं पुच्छा । गोयमा ! अणंता पज्जवा पन्नत्ता । से केणट्रेणं भंते ! एवं वृचइ० ? गोयमा ! जहन्नगुणसीए दुपएसिए जहन्नगुणसीयस्स दुपएसियस्स दव्बद्वयाए तुहे, पएसद्वयाए तुहे, ओगाहणद्वयाए सिय हीणे सिय तुहे सिय अन्महिए। जइ हीणे पएसहीणे, अह अब्महिए पएसअब्महिए। ठिईए चउट्ठाणविडए, वन्न-गंधरसपज्जवेहिं छद्वाणविडए, सीयफासपज्जवेहिं तुहे, उसिणानिद्धलुक्खफासपज्जवेहिं छट्टाणविडए। एवं उक्कोसगुणसीए वि। अजहन्नमणुक्कोसगुणसीए वि एवं चेव, नवरं सट्ठाणे छट्ठाणविडए। एवं जाव दसपएसिए, णवरं ओगाहणद्वयाए पएसपरिवृङ्गी कायव्वा जाव दसपएसियस्स नव पएसा वुङ्किजंति । जहन्नगुणसीयाणं संखिज्जपए-सियाणं पुच्छा । गोयमा ! अणंता पज्जवा पन्नता । से केणहेणं भंते ! एवं वृचइ० ? गोयसा! जहन्युणसीए संखिजपएसिए जहन्युणसीयस्स संखिजपएसियस्स दव्बद्धयाए तुह्ने, पएसद्वयाए दुद्वाणविडए, ओगाहणद्वयाए दुद्वाणविडए, ठिईए चउद्वाणविडए, वण्णाईहिं छट्ठाणविडए, सीयफासपज्जवेहिं तुह्ने, उसिणनिद्धलुक्खेहिं छट्ठाणविडए। एवं उक्कोसगुणसीए वि । अजहन्नमणुक्कोसगुणसीए वि एवं चेव, नवरं सद्वाणे छद्राणविडए । जहन्नगुणसीयाणं असंखिजपएसियाणं पुच्छा । गोयमा ! अणंता पज्जवा पन्नता। से केणट्टेणं भंते! एवं वुचइ० ? गोयमा! जहन्नगुणसीए असंखिज-पएसिए जहन्नगुणसीयस्स असंखिजपएसियस्स दव्बह्नयाए तुहे, पएसह्रयाए चउडाण-विहए, ओगाहणहुयाए चउद्वाणविहए, ठिईए चउद्वाणविहए, वण्णाइपज्जवेहिं छट्टाणविं , सीयफासपज्जवेहिं तुह्ने, उसिणानिद्धलुक्खफासपज्जवेहिं छट्टाणविं । एवं उक्कोसगुणसीए वि। अजहन्नमणुक्कोसगुणसीए वि एवं चेव, णवरं सद्घाणे छद्घाण-वडिए । जहन्नगुणसीयाणं अणंतपएसियाणं पुच्छा । गोयमा ! अणंता पज्जवा पन्नता । से केणड्रेणं भंते ! एवं वृचइ० ? गोयमा ! जहन्नगुणसीए अणंतपएसिए जहन्नगुणसी-यस्स अणंतपएसियस्स दन्बद्वयाए तुहे, पएसद्वयाए छद्वाणविडए, ओगाहणद्रयाए चउद्वाणविडए, ठिईए चउद्वाणविडए, वण्णाइपज्जवेहिं छद्वाणविडए, सीयफास-पज्जवेहिं तुहे, अवसेसेहिं सत्तफासपज्जवेहिं छट्ठाणविडए। एवं उक्कोसगुणसीए वि। अजहन्नमणुक्कोसगुणसीए वि एवं चेव, नवरं सद्घाणे छद्घाणविडए । एवं उत्तिणनिद्ध-लुक्खे जहा सीए। परमाणुपोग्गलस्स तहेव पिडवक्खो सन्वेसि न भण्णइ ति भाणियव्वं ॥ २७५ ॥ जहन्नपएसियाणं भंते ! खंघाणं पुच्छा । गोयमा ! अणंता मजावा पन्नता । से केणद्रेणं भंते ! एवं वृचइ० ? गोयमा ! जहन्नपएसिए खंधे जहन्नपएसियस्स खंबस्स दन्बद्रयाए तुहे, पएसद्रयाए तुहे, ओगाहणद्रयाए सिय हीणे सिय तुल्ले सिय अब्भहिए । जइ हीणे पएसहीणे, अह अब्भहिए पएसअब्भ-हिए । ठिईए चउद्राणविडए । वन्नगंधरसउवरिल्लचउफासपज्जवेहिं छट्ठाणविडए । उक्कोसपएसियाणं भंते ! खंघाणं पुच्छा । गोयमा ! अणंता० । से केणद्रेणं भंते ! एवं वृचइ० ? गोयमा ! उक्कोसपएसिए खंधे उक्कोसपएसियस्स खंधस्स द्व्वद्भयाए तुले, पएसह्याए तुले, ओगाहणह्याए चउहाणविष्ठए, ठिईए चउहाणविष्ठए, वण्णाइ-अद्रफासपज्जवेहि य छद्राणविडए । अजहन्नमणुकोसपएसियाणं भंते ! खंघाणं केवहया पज्जवा पन्नता ? गोयमा ! अणंता० । से केणद्रेणं० ? गोयमा ! अजहन्नमणुक्कोसपए-सिए खंधे अजहन्नमणुक्कोसपएसियस्स खंधस्स दव्बद्वयाए तुहे, पएसद्वयाए छद्राण-निडिए, ओगाहणहुयाए चउद्गाणविडए, ठिईए चउद्गाणविडए, वण्णाइअहुफासपज्ज-चेहि य छद्राणविडए ॥ २७६ ॥ जहन्नोगाहणगाणं भंते ! पोगगलाणं पुच्छा । गोयमा ! अणंता० । से केणद्रेणं० ? गोयमा ! जहन्नोगाहणए पोग्गले जहन्नोगाहण-गस्स पोग्गलस्स दव्वड्डयाए तुह्रे, पएसड्डयाए छड्डाणविडए, ओगाहणद्रयाए तह्रे. ठिईए चउद्गाणविष्ए, वण्णाइउवरिल्लफासेहि य छद्राणविष्ठए। उक्कोसोगाहणए वि एवं चेव, नवरं ठिईए तुहे । अजहन्नमणुक्कोसोगाहणगाणं भंते ! पोग्गलाणं पुच्छा । गोयमा! अणंता० । से केणद्रेणं० ? गोयमा! अजहन्नमणुक्कोसोगाहणए पोग्गले अजहन्नमणुक्कोसोगाहणगस्स पोग्गलस्स दव्बट्टयाए तुहे, पएसट्टयाए छट्टाणविडए, ओगाहणद्वयाए चउद्राणविष्ठए, ठिईए चउद्राणविष्ठए, वण्णाइअद्रकासपज्जवेहि य छहाणविडए ॥ २७७ ॥ जहन्निठिइयाणं भंते ! पोग्गलाणं पुच्छा । गोयमा ! अणंता । से केणद्रेणं ? गोयमा ! जहन्निठइए पोग्गले जहन्निठिइयस्स पोग्गलस्स दन्बह्याए तुहे, पएसद्र्याए छहाणबिडए, ओगाहणद्र्याए चउहाणबिडए, ठिईए तुल्ले, वण्णाइअद्वनासपज्जवेहि य छद्वाणविष्ठ । एवं उक्कोसिठिइए वि । अजहन्नमणु-कोसिटिइए वि एवं चेव. नवरं टिईए वि चउद्गाणविडए ॥ २७८॥ जहन्युणकालयाणं भंते! पोग्गलाणं केवड्या पज्जवा पन्नता? गोयमा! अणंता०। से केणट्रेणं०? गोयमा! जहन्गुणकालए पोग्गले जहन्गुणकालयस्य पोग्गलस्य दन्वद्वयाए तुले, पएसद्र्याए छद्राणविडए, ओगाहणद्र्याए चउट्ठाणविडए, ठिईए चउट्ठाणविडए, कालवन्नपज्जवेहिं तुहे. अवसेसेहिं वन्नगंघरसफासपज्जवेहि य छहाणविडए, से तेणहेणं गोयमा ! एवं वुचइ--- 'जहन्नगुणकालयाणं पोग्नलाणं अणंता पज्जवा पन्नता'। एवं २४ सत्ता०

उक्कोसगुणकालए वि। अजहन्नमणुक्कोसगुणकालए वि एवं चेत्र, नवरं सद्घाणे छद्घाण-विष्ठि । एवं जहा कालवन्नपज्जवाणं वत्तव्वया भणिया तहा सेसाण वि वन्नगंधरस-फासाणं वत्तव्वया भाणियव्वा जाव अजहन्नमणुक्कोसलुक्के सद्घाणे छद्घाणविष्ठ । सेत्तं रूविअजीवपज्जवा । सेत्तं अजीवपज्जवा ॥ २७९ ॥ पन्नवणाए भगवर्ष्ण् पंचमं विसेसपयं समत्तं ॥

बारस चरवीसाई सअंतरं एगसमय कत्तो य । उन्बहुण परभवियाउयं च अट्रेव आगरिसा ॥ १ ॥ निरयगई णं भंते ! केवड्यं कालं विरहिया उववाएणं पन्नता १ गोयमा ! जहन्नेणं एकं समयं, उक्कोसेणं बारस मुहत्ता । तिरियगई णं भंते ! केवइयं कालं विरहिया उववाएणं पन्नता ? गोयमा! जहनेणं एगं समयं, उक्कोसेणं बारस महत्ता । मणुयगई णं भंते ! केवइयं कालं विरहिया उववाएणं पन्नत्ता ? गोयमा ! जहन्नेणं एगं समयं, उक्कोसेणं बारस महत्ता। देवगई णं भंते! केवइयं कालं विरहिया उववाएणं पन्नता ? गोयमा ! जहनेणं एगं समयं, उक्कोसेणं बारस महत्ता ॥ सिद्धिगई णं भंते ! केवइयं कालं विरहिया सिज्झणाए पन्नता ? गोयमा ! जहन्नेणं एगं समयं, उक्कोसेणं छम्मासा ॥ २८० ॥ निरयगई णं भंते ! केवइयं कालं विर-हिया उन्बद्दणाए पन्नत्ता ? गोयमा ! जहन्नेणं एकं समयं, उक्कोसेणं बारस महत्ता । तिरियगई णं भंते ! केवइयं कालं विरहिया उव्वष्टणाए पन्नता ? गोयमा ! जहन्नेणं एगं समयं, उक्कोसेणं बारस मुहुता। मणुयगई णं भंते! केवइयं कालं विरहिया उव्बद्दणाए पन्नता ? गोयमा ! जहन्नेणं एगं समयं, उक्कोसेणं बारस महत्ता । देवगई णं भंते ! केवइयं कालं विरहिया उव्वष्टणाए पन्नता ? गोयमा ! जहन्नेणं एगं समयं, उक्कोसेणं बारस महत्ता॥ १ दारं॥ २८१॥ रयणप्पभापुडविनेरइया णं भंते! केवइयं कालं विरहिया उववाएणं पन्नता ? गोयमा ! जहन्नेणं एगं समयं, उक्कोसेणं चउव्वीसं मुहत्ता । सक्ररप्पभापुढविनेरइया णं भंते ! केवइयं कालं विरहिया उववा-एणं पन्नता ? गोयमा ! जहन्नेणं एगं समयं, उक्कोसेणं सत्तराइंदियाणि । वालुयप्प-भापुढविनेरइया णं भंते! केवइयं कालं विरिष्ठया उववाएणं पन्नता? गोयमा! जहन्नेणं एगं समयं, उक्कोसेणं अद्धमासं । पंकप्पभापुढविनेरइया णं भंते ! केवइयं कालं विरहिया उववाएणं पन्नता ? गोयमा! जहन्नेणं एगं समयं, उक्कोसेणं मासं ॥ धूमप्पभापुढविनेरइया णं भंते ! केवइयं कालं विरहिया उववाएणं पन्नता ? गोयमा ! जहन्नेणं एगं समयं, उक्कोसेणं दो मासा। तमापुढविनेर्ड्या णं भंते! केव्डयं कालं विरहिया उववाएणं पन्नता ? गोयमा! जहनेणं एगं समयं, उक्कोसेणं चत्तारि मासा। अहेसत्तमापुढविनेरइया णं भंते! केवइयं कालं विरहिया उववाएणं पन्नता? गोयमा! जहन्नेणं एगं समयं, उक्कोसेणं छम्मासा ॥ २८२ ॥ असुरकुमारा णं भंते ! केवइयं कालं विरहिया उववाएणं पन्नत्ता ? गोयमा ! जहन्नेणं एगं समयं, उक्कोसेणं चउव्वीसं सुद्वता। नागकुमारा णं भेते! केवइयं कालं विरहिया उववाएणं पन्नता? गोयमा! जहन्नेणं एगं समयं, उक्कोसेणं चउन्वीसं मुहत्ता । एवं सुवन्नकुमाराणं विज्ञुकुमाराणं अग्गिकुमाराणं दीवकुमाराणं दिसिकुमाराणं उदहिकुमाराणं वाउकुमाराणं थणिय-कुमाराण य पत्तेयं जहन्नेणं एगं समयं, उक्कोसेणं चउव्वीसं मुहुत्ता ॥ २८३ ॥ पुढिनिकाइया णं भंते ! केवइयं कालं विरहिया उववाएणं पन्नता ? गोयमा ! अणु-समयमविरहियं उववाएणं पन्नता। एवं आउकाइया वि तेउकाइया वि वाउकाइया वि वणस्सङ्काङ्या वि अणुसमयं अविरहिया उववाएणं पन्नता ॥ २८४ ॥ बेइंदिया णं भंते ! केवइयं कालं विरहिया उववाएणं पन्नता ? गोयमा ! जहन्नेणं एगं समयं. उक्कोसेणं अंतोमुहृत्तं। एवं तेइंदियचउरिंदिया ॥ २८५ ॥ संमुच्छिमपंचिंदियतिरिक्ख-जोणिया णं भंते ! केवइयं कालं विरहिया उववाएणं पन्नता ? गोयमा ! जहन्नेणं एगं समयं, उक्कोसेणं अंतोसहत्तं। गब्भवक्कंतियपंचेंदियतिरिक्खजोणिया णं भंते! केवइयं कालं विरहिया उववाएणं पन्नता ? गोयमा! जहन्नेणं एगं समयं, उक्कोसेणं बारस महत्ता॥ २८६॥ संमुच्छिममणुस्सा णं भंते ! केवइयं कालं विरहिया उव-वाएणं पन्नता ? गोयमा ! जहन्नेणं एगं समयं, उन्नोसेणं चउव्वीसं सहता । गब्भ-वक्कंतियमणस्सा णं भंते ! केवइयं कालं विरहिया उववाएणं पन्नता ? गोयमा ! जहन्नेणं एगं समयं, उक्कोसेणं बारस मुह्ता॥ २८७॥ वाणमंतराणं पुच्छा। गोयमा! जहन्नेणं एगं समयं, उक्कोसेणं चउव्वीसं मुहत्ता। जोइसियाणं पुच्छा। गोयमा! जहन्नेणं एगं समयं, उक्कोसेणं चउव्वीसं मुहुता। सोहम्मे कप्पे देवा णं भंते! केवइयं कालं विरहिया उववाएणं पन्नता ? गोयमा ! जहन्नेणं एगं समयं, उन्होसेणं चउव्वीसं मुहुता। ईसाणे कप्पे देवाणं पुच्छा। गोयमा! जहन्नेणं एगं समयं, उक्कोसेणं चउव्वीसं मुहुता। सणंकुमारे कप्पे देवाणं पुच्छा। गोयमा! जहन्नेणं एगं समयं, उक्कोसेणं णव राइंदियाइं वीसाइं महत्ताइं। माहिंदे कप्पे देवाणं पुच्छा। गोयमा! जहन्नेणं एगं समयं, उक्कोसेणं बारस राइंदियाइं दस मुहुत्ताईं। बंभलोए देवाणं पुच्छा । गोयमा ! जहन्नेणं एगं समयं, उक्कोसेणं अद्धतेवीसं राइंदियाइं। लंतगदेवाणं पुच्छा । गोयमा ! जहन्नेणं एगं समयं, उक्कोसेणं पणयालीसं राइंदियाइं। महासक्षदेवाणं पुच्छा । गोयमा ! जहन्नेणं एगं समयं, उक्कोसेणं असीई राइंदियाइं । सहस्सारे देवाणं पुच्छा । गोयमा ! जहन्नेणं एगं समयं, उक्कोसेणं राइंदियसयं । आणयदेवाणं पुच्छा । गोयमा ! जहन्नेणं एगं समयं, उक्कोसेणं संखेजा मासा । पाणयदेवाणं पुच्छा । गोयमा ! जहन्नेणं एगं समयं, उक्कोसेणं संखेजा मासा । आरणदेवाणं पुच्छा । गोयमा! जहन्नेणं एगं समयं, उक्कोसेणं संखिजा वासा। अञ्चयदेवाणं पुच्छा । गोयमा! जहन्नेणं एगं समयं, उक्कोसेणं संखिजा वासा। हिद्रिमगेविजाणं पुच्छा । गोयमा ! जहन्नेणं एगं समयं, उक्कोसेणं संखिजाइं वास-सयाई । मज्झिमगेविजाणं पुच्छा । गोयमा ! जहन्नेणं एगं समयं, उक्कोसेणं संवि-जाई वाससहस्साई । उवरिमगेविजाणं पुच्छा । गोयमा! जहन्नेणं एगं समयं. उक्कोसेणं संखिजाइं वासस्यसहस्साइं । विजयवेजयंतजयंतअपराजियदेवाणं पुच्छा। गोयमा ! जहन्नेणं एगं समयं, उक्कोसेणं असंखेजं कालं । सव्बद्धसिद्धगदेवा णं भंते ! केवइयं कालं विरहिया उववाएणं पन्नता ? गोयमा ! जहन्नेणं एगं समयं, उक्कोसेणं पिळ्ञोवसस्स संखिजाइभागं ॥ २८८ ॥ सिद्धा णं भंते ! केवइयं कालं विरिहिया सिज्झणाए पन्नता ? गोयमा ! जहन्नेणं एगं समयं, उक्कोसेणं छम्मासा ॥ २८९ ॥ रयणप्पभापुढ़िवनरइया णं भंते! केवइयं कालं विरहिया उव्वदृणाए पन्नता? गोयमा ! जहन्नेणं एगं समयं, उक्कोसेणं-चउव्वीसं मुहत्ता । एवं सिद्धवजा उव्वदृणा वि भाणियव्वा जाव अणत्तरोववाइयत्ति, नवरं जोइसियवेमाणिएस 'चयणं'ति अहिलावो कायन्वो ॥ २ दारं ॥ २९० ॥ नेरइया णं भंते ! किं संतरं उववज्जंति. निरंतरं उववजाति ? गोयमा ! संतरं पि उववजाति, निरंतरं पि उववजाति । तिरि-क्खजोणिया णं भंते ! किं संतरं उववज्जंति. निरंतरं उववज्जंति ? गोयमा ! संतरं पि उववज्जंति, निरंतरं पि उववज्जंति । मणुस्सा णं भंते ! किं संतरं उववज्जंति, निरंतरं उववज्जंति ? गोयमा ! संतरं पि उववज्जंति. निरंतरं पि उववज्जंति । देवा णं भंते ! किं संतरं उववज्जंति, निरंतरं उववज्जंति ? गोयमा ! संतरं पि उववज्जंति, निरंतरं पि उववज्जंति ॥ २९१ ॥ रयणप्पभापुढविनेरइया णं भंते ! किं संतरं उववज्जंति. निरंतरं उववज्जंति ? गोयमा ! संतरं पि उववज्जंति, निरंतरं पि उववज्जंति । एवं जाव अहेसत्तमाए संतरं पि उववज्जंति, निरंतरं पि उववज्जंति ॥ २९२ ॥ असुरकुमारा णं देवा णं भंते ! किं संतरं उववर्जाति. निरंतरं उववर्जाति ? गोयमा ! संतरं पि उनवजंति, निरंतरं पि उनवजंति । एवं जाव थणियकुमारा संतरं पि उनवजंति. निरंतरं पि उववर्जाति ॥ २९३ ॥ पुढविकाइया णं भंते ! किं संतरं उववर्जाति. निरंतरं उववर्जाति ? गोयमा ! नो संतरं उववर्जाति . निरंतरं उववर्जाति । एवं जाव वणस्सइकाइया नो संतरं उववजाति, निरंतरं उववजाति । बेइंदिया णं भंते ! किं संतरं उनवजाति, निरंतरं उनवजाति ? गोयमा ! संतरं पि उनवजाति, निरंतरं पि उनवर्जाति । एवं जाव पंचिंदियतिरिक्खजोणिया ॥ २९४ ॥ मणस्सा णं भंते ! किं

संतरं उववज्जंति, निरंतरं उववज्जंति ? गोयमा ! संतरं पि उववज्जंति, निरंतरं पि उववजाति । एवं वाणमंतरा जोइसिया सोहम्मीसाणसणेकुमारमाहिंदबंभलोयलंतग-महासक्तसहस्सारआणयपाणयआरणच्चयहिद्रिमगेविज्जगमज्ज्ञिमगेविज्जगउवरिमगेविज्ज-गविजयवेजयंतजयंतअपराजियसव्बद्धसिद्धदेवा य संतरं पि उववज्रांति निरंतरं पि उववज्जंति ॥ २९५ ॥ सिद्धा णं भंते ! किं संतरं सिज्झंति, निरंतरं सिज्झंति ? गोयमा ! संतरं पि सिज्झंति, निरंतरं पि सिज्झंति ॥ २९६ ॥ नेरइया णं भंते ! किं संतरं उन्बहंति, निरंतरं उन्बहंति ? गोयमा ! संतरं पि उन्बहंति, निरंतरं पि उन्बहंति। एवं जहा उववाओ भणिओ तहा उव्बद्दणा वि सिद्धवजा भाणियव्या जाव वेमाणिया, नवरं जोइसियवेमाणिएस 'चयणं'ति अहिलावो कायव्वो ॥ ३ दारं ॥ २९७ ॥ नेरइया णं भंते ! एगसमएणं केवइया उववजांति ? गोयमा ! जहन्नेणं एक्को वा दो वा तिन्नि वा. उक्कोसेणं संखेजा वा असंखेजा वा उववर्जात, एवं जाव अहेसत्त-माए ॥ २९८ ॥ असुरकुमारा णं भंते ! एगसमएणं केवइया उववज्जंति ? गोयमा ! जहन्नेणं एको वा दो वा तिन्नि वा, उक्कोसेणं संखेजा वा असंखेजा वा । एवं नागकुमारा जाव थणियकुमारा वि भाणियव्वा ॥ २९९ ॥ पुढविकाइया णं भते ! एगसमएणं केवइया उववज्जंति ? गोयमा ! अणुसमयं अविरहियं असंखेजा उवव-जाति, एवं जाव वाउकाइया । वणस्सङ्काइया णं भंते ! एगसमएणं केवइया उवव-जांति ? गोयमा ! सद्वाणुववायं पद्धच अणुसमयं अविरहिया अणंता उववजांति, परद्राण्ववायं पड़च अणुसमयं अविरहिया असंखेजा उववर्जात । बेइंदिया णं भंते! एगसमएणं केवइया उववजंति ? गोयमा ! जहन्नेणं एगो वा दो वा तिन्नि वा. उक्कोसेणं संखेजा वा असंखेजा वा। एवं तेइंदिया चर्डारेदिया। संमुच्छिमपंचिं-दियतिरिक्खजोणिया गब्भवक्कंतियपंचिंदियतिरिक्खजोणिया संमुच्छिममणस्सा वाण-मंतरजोइसियसोहम्मीसाणसणंकुमारमाहिंदबंभलोयलंतगमहासुकसहस्सारकप्पदेवा एए जहा नेरइया । गब्भवकंतियमणूसआणयपाणयआरणञ्जयगेवेज्जगअणुत्तरो-ववाइया य एए जहन्नेणं इक्को वा दो वा तिन्नि वा, उक्कोसेणं संखेजा उववजाति, ्न असंखेजा उववर्जात ॥३००॥ सिद्धा णं भंते ! एगसमएणं केवइया सिज्झंति ? गोयमा ! जहन्नेणं एको वा दो वा तिन्नि वा, उक्कोसेणं अद्भायं ॥ ३०१ ॥ नेरइया णं भंते ! एगसमएणं केवइया उन्वहंति ? गोयमा ! जहन्नेणं एक्को वा दो वा तिन्नि वा. उक्कोसेणं संखेजा वा असंखेजा वा उन्वहंति, एवं जहा उववाओ भणिओ तहा उन्बद्दणा वि सिद्धवजा भाणियव्वा जाव अणुत्तरोववाइया, णवरं जोइसियवेमाणियाणं चयणेणं अहिलावो कायव्वो ॥ ४ दारं ॥ ३०२ ॥ नेरइया णं भंते ! कओहिंतो

उववज्जंति किं नेरइएहिंतो उववज्जंति, तिरिक्खजोणिएहिंतो उववज्जंति, मणुस्से-हिंतो उववर्जात, देवेहिंतो उववर्जात ? गोयमा ! नो नेरइएहिंतो उववर्जात, तिरि-क्खजोणिएहिंतो उववर्जात, मणुस्सेहिंतो उववर्जात, नो देवेहिंतो उववर्जात । जड तिरिक्खजोणिएहिंतो उनवर्जाति किं एगिंदियतिरिक्खजोणिएहिंतो उनवर्जाति, बेइंदि-यतिरिक्खजोणिएहिंतो उववजाति, तेइंदियतिरिक्खजोणिएहिंतो उववजाति, चउरिंदि-यतिरिक्खजोणिएहिंतो उववजांति, पंचिंदियतिरिक्खजोणिएहिंतो उववजांति ^२ गोयमा ! नो एगिंदिय , नो बेइंदिय , नो तेइंदिय , नो चउरिंदियतिरिक्खजोणिएहिंतो उववजंति, पंचिंदियतिरिक्खजोणिएहिंतो उववजंति । जइ पंचिंदियतिरिक्खजोणिए-हिंतो उनवर्जात कि जलयरपंचिंदियतिरिक्खजोणिएहिंतो उनवर्जाते, थलयरपंचिंदि-यतिरिक्खजोणिएहिंतो उववजांति, खह्यरपंचिंदियतिरिक्खजोणिएहिंतो उववजांति ? गोयमा! जलयरपंचिदियतिरिक्खजोणिएहिंतो उववजाति, थलयरपंचिदियतिरिक्ख-जोणिएहिंतो उववजंति, खहयरपंचिंदियतिरिक्खजोणिएहिंतो उववजंति ॥ ३०३ ॥ जइ जलयरपंचिदियतिरिक्खजोणिएहिंतो उववर्जाति किं संमुच्छिमजलयरपंचिंदिय-तिरिक्खजोणिएहिंतो उववर्जाति, गब्भवकंतियजलयरपंचिंदियतिरिक्खजोणिएहिंतो उववजाति ? गोयमा ! संमुच्छिमजलयरपंचिंदियतिरिक्खजोणिएहिंतो उववजाति. गब्भवकंतियजलयरपंचिंदियतिरिक्खजोणिएहिंतो उववजाति । जइ संमुच्छिमजल यरपंचिंदियतिरिक्खजोणिएहिंतो उववज्जन्ति किं पज्जत्तयसंमुच्छिमजलयरपंचिंदिय-तिरिक्खजोणिएहिंतो उववज्जन्ति, अपज्जत्तयसंमुच्छिमजलयरपंचिंदियतिरिक्खजोणि-एहिंतो उववजंति ? गोयमा ! पजत्तयसंमु च्छिमजलयरपंचिंदियतिरिक्खजोणिएहिंतो उववज्रन्ति. नो अपज्रत्तयसंमुच्छिमजलयरपंचिंदियतिरिक्खजोणिएहिंतो उववज्रांति। जइ गन्भवकंतियजलयरपंचिंदियतिरिक्खजोणिएहिंतो उववजांति किं पजात्यगन्भ-वकंतियजलयरपंचिंदियतिरिक्खजोणिएहिंतो उववज्जंति, अपज्जत्तयगब्भवकंतियजल-यरपंचिंदियतिरिक्खजोणिएहिंतो उववजांति ? गोयमा ! पजत्तयगब्भवक्वंतियजलयर-पंचिंदियतिरिक्खजोणिएहिंतो उववजांति, नो अपजन्तयगञ्भवक्कंतियजलयरपंचिंदिय-तिरिक्खजोणिएहिंतो उववज्जंति ॥ ३०४ ॥ जइ थलयरपंचिंदियतिरिक्खजोणिएहिंतो उनवर्जाति किं चडप्पयथलयरपंचिंदियतिरिक्खजोणिएहिंतो उनवर्जाति, परिसप्पथल-यरपंचिंदियतिरिक्खजोणिएहिंतो उनवजीति ? गोयमा ! चउप्पयथलयरपंचिंदिय-तिरिक्खजोणिएहिंतो उववज्जंति, परिसप्पथलयरपंचिंदियतिरिक्खजोणिएहिंतो वि उनवर्जाति । जइ चउप्पयथलयरपंचिंदियतिरिक्खजोणिएहिंतो उनवर्जाति किं संमु-च्छिमेहिंतो उववजाति, गब्भवकंतिएहिंतो उववजाति ? गोयमा ! संसुच्छिमचउप्पय-

थलयरपंचिंदियतिरिक्खजोणिएहिंतो वि उववज्जंति. गब्भवक्कंतियचउप्पयथलयरपंचिं-दियतिरिक्खजोणिएहिंतो वि उववजांति । जइ संमुच्छिमचउप्पयथलयरपंचिंदिय-तिरिक्खजोणिएहिंतो उववर्जाति किं पजनगसंमुच्छिमचउप्पयथलयरपंचिंदियतिरि-क्खजोणिएहिंतो उववजांति. अपजात्तगसंमु च्छिमचउप्पयथलयरपंचिंदियतिरिक्ख जोणिएहिंतो उववज्जंति ? गोयमा ! पज्जत्तगसंमुच्छिमचउप्पयथलयरपंचिंदियतिरिक्ख-जोणिएहिंतो उववजांति. नो अपजात्तगसंम च्छिमचडप्पयथलयर पंचिंदियतिरिक्ख-जोणिएहिंतो उववज्जंति । जङ गञ्भवक्कंतियचउप्पयथलयरपंचिंदियतिरिक्खजोणिएहिंतो उनवज्जन्ति किं संखेजनासाउयगन्भनकंतियचउप्पयथलयरपंचिंदियतिरिक्खजोणिए-हिंतो उववजान्ति. असंखेज्जवासाउयग्बभवक्षंतियचउपप्यथलयरपंचिंदियतिरिक्ख-जोणिएहिंतो उववज्जन्ति ? गोयमा ! संखेजवासाउएहिंतो उववज्जन्ति, नो असंखेज-वासाउएहिंतो उववज्जन्ति । जइ संखेजवासाउयगब्भवक्कंतियचउप्पयथलयरपंचिंदिय-तिरिक्खजोणिएहिंतो उववज्जन्ति किं पज्जत्तगसंखेजवासाउयगब्भवकंतियचउप्पय-थलयरपंचिंदियतिरिक्खजोणिएहिंतो उववज्जन्ति. अपज्जतगसंखेजवासाउयगब्भवक्कं-तियचउप्पयथलयरपंचिंदियतिरिक्खजोणिएहिन्तो उववज्जन्ति ? गोयमा ! पज्जतेहिंतो उववज्जन्ति. नो अपज्जत्तसंखेज्जवासाउएहिंतो उववज्जन्ति । जइ परिसप्पथलयर-पंचिदियतिरिक्खजोणिएहिन्तो उववज्जन्ति किं उरपरिसप्पथलयरपंचिदियतिरिक्ख-जोणिएहिन्तो उववज्जन्ति, भुयपरिसप्पथलयरपंचिंदियतिरिक्खजोणिएहिन्तो उव-वजान्ति ? गोयमा ! दोहिंतो वि उववजान्ति । जइ उरपरिसप्पथलयरपंचिन्दिय-तिरिक्खजोणिएहिन्तो उववज्जन्ति किं संमुच्छिमउर्परिसप्पथलयरपंचिन्दियतिरिक्ख-जोणिएहिन्तो उनवज्जन्ति. गब्भवक्कंतियउरपरिसप्पथलयरपंचिन्दियतिरिक्खजोणिए-हिन्तो उववज्जन्ति ? गोयमा ! संमुच्छिमेहिंतो उववज्जन्ति, गब्भवकंतिएहिंतो वि उववजान्ति । जइ संमुच्छिमउरपरिसप्पथलयरपंचिन्दियतिरिक्खजोणिएहिन्तो उववज्जन्ति किं पज्जत्तएहिन्तो उववज्जन्ति, अपज्जत्तएहिन्तो उववज्जन्ति ? गोयमा ! यज्ञत्तयसंमुच्छिमेहिन्तो उववज्जन्ति, नो अपज्जत्तयसंमुच्छिमउर्पारेसप्पथलयरपंचि-न्दियतिरिक्खजोणिएहिंतो उववज्जन्ति । जइ गब्भवक्कंतियउरपरिसप्पथलयरपंचिन्दि-यतिरिक्खजोणिएहिन्तो उववज्जन्ति किं पज्जत्तएहिन्तो उववज्जन्ति, अपज्जत्तएहिन्तो उववज्जन्ति ? गोयमा ! पजत्तयगब्भवकंतिएहिन्तो उववज्जन्ति, नो अपजत्तयगब्भ-वक्रंतियउरपरिसप्पथलयरपंचिन्दियतिरिक्खजोणिएहिन्तो उववज्रन्ति । जङ् भुयपरि-सप्पथलयरपंचिन्दियतिरिक्खजोणिएहिन्तो उववज्जन्ति किं संसुच्छिमभुयपरिसप्प-थलयरपंचिन्दियतिरिक्खजोणिएहिन्तो उववज्जन्ति. गब्भवक्षंतियभुयपरिसप्पथ- लयरपंचिन्दियतिरिक्खजोणिएहिन्तो उववज्जन्ति ? गोयमा ! दोहिन्तो वि उवव-जन्ति । जइ संमुच्छिमभुयपरिसप्पथलयरपंचिन्दियतिरिक्खजोणिएहिन्तो उववजन्ति किं पज्जत्तयसंमु च्छिमभुयपरिसप्पथलयरपंचिन्दियतिरिक्खजोणिएहिन्तो उववज्जन्ति. अपजात्यसंमुच्छिम्भ्यपरिसप्पथलयरपंचिन्दियतिरिक्खजोणिएहिंतो उववजान्ति १ गोयमा ! पज्जतएहिन्तो उववज्जन्ति, नो अपज्जतएहिन्तो उववज्जन्ति । जइ गन्भ-वक्रंतियभुयपरिसप्पथलयरपंचिन्दियतिरिक्खजोणिएहिन्तो उववज्जन्ति किं पजत्तए-हिन्तो उववजान्ति, अपजात्तपहिन्तो उववजान्ति ? गोयमा ! पजात्तपहिन्तो उवव-ज्जन्ति. नो अपज्जत्तएहिन्तो उववज्जन्ति ॥ ३०५ ॥ जइ खह्यरपंचिंदियतिरिक्खजो-णिएहिंतो उववजंति किं संमु च्छिमखहयरपंचिंदियतिरिक्खजोणिएहिंतो उववजंति. गञ्भवक्कंतियखहयरपंचिन्दियतिरिक्खजोणिएहिंतो उववज्जंति ? गोयमा ! दोहिन्तो वि उववज्ञन्ति । जइ संसुच्छिमखह्यरपंचिन्दियतिरिक्खजोणिएहिन्तो उववज्जंति किं पज्जतएहिन्तो उववज्जन्ति, अपज्जत्तएहिन्तो उववज्जंति ? गोयमा ! पज्जत्तएहिन्तो उववजाति, नो अपजात्तएहिंतो उववजाति । जइ पजात्तयगब्भवक्षंतियखह्यरपंचिन्दि-यतिरिक्खजोणिएहिन्तो उववजंति किं संखेजवासाउएहिन्तो उववजंति, असंखेज-वासाउएहिन्तो उववजाति ? गोपमा! संखेजवासाउएहिन्तो उववजाति, नो असं-खेजजासाउएहिन्तो उववजंति । जइ संखेजवासाउयगब्भवकंतियखह्यरपंचिन्दिय-तिरिक्खजोणिएहिन्तो उववज्जंति किं पज्जत्तएहिन्तो उववज्जन्ति, अपज्जत्तएहिन्तो उववज्जन्ति ? गोयमा ! पज्जत्तएहिन्तो उववज्जन्ति, नो अपज्जत्तएहिन्तो उववज्जन्ति ॥ ३०६ ॥ जइ मणुरसेहिन्तो उववज्जन्ति किं संमुच्छिममणुरसेहिन्तो उववज्जन्ति, गब्भवक्कन्तियमणुस्सेहिन्तो उववज्जन्ति ? गोयमा ! नो संमुच्छिममणुस्सेहिन्तो उव-वजान्ति, गब्भवकंतियमणुस्सेहिन्तो उववजान्ति । जइ गब्भवकंतियमणुस्सेहिन्तो उववज्रन्ति किं कम्मभूमिगगञ्भवक्कंतियमणुरसेहिन्तो उववज्रन्ति, अकम्मभूमिगगञ्भ-वकंतियमणुस्सेहिन्तो उववज्जन्ति, अंतर्दीवगगब्भवकंतियमणुस्सेहिन्तो उववज्जन्ति? गोयमा ! कम्मभूमिगगब्भवकंतियमणुस्रोहिन्तो उववज्जन्ति, नो अकम्मभूमिगगब्भ-वकंतियमणुस्सेहिन्तो उववज्जन्ति, नो अंतरदीवगगब्भवकंतियमणुस्सेहिन्तो उवव-जन्ति । जइ कम्भभूमिगगब्भवक्षंतियमणुरसेहिन्तो उववज्जन्ति किं संखेजवासाउए-हिन्तो उववज्जन्ति, असंखेजवासाउएहिन्तो उववज्जन्ति ? गोयमा ! संखेजवासाउ-यकम्मभूमिगगब्भवकन्तियमणूसेहिन्तो उववज्ञन्ति, नो असंखेज्जवासाउयकम्मभू-मिगगब्भवकंतियमणुस्सेहिन्तो उववज्जन्ति । जइ संखेजवासाउयकम्मभूमिगगब्भवकं-तियमणुस्सेहिन्तो उनवज्जन्ति कि पज्जतेहिन्तो उनवज्जन्ति, अपज्जतेहिन्तो उनव- जन्ति ? गोयमा ! पजत्तएहिन्तो उववज्जन्ति, नो अपजत्तएहिन्तो उववज्जन्ति । एवं जहा ओहिया उववाइया तहा रयणप्पभापुढविनेरइया वि उववाएयव्वा ॥ ३०७ ॥ सक्करप्पभापुढविनेरइयाणं पुच्छा । गोयमा ! एए वि जहा ओहिया तहेवोववाएयव्वा, नवरं संमुच्छिमेहिन्तो पिडसेहो कायव्वो । वालुयप्पभापुढविनेर-इया णं भंते ! कओहिन्तो उवत्रज्जन्ति० ? गोयमा ! जहा सक्करप्पभापुढविनेर्इया, नवरं भ्यपरिसप्पेहिन्तो पिंहसेहो कायव्वो । पंकप्पभापुढविनेरइयाणं पुच्छा । गोयमा! जहा वाळ्यप्पभापुढविनेरइया, नवरं खहयरेहिन्तो पिडसेहो कायव्वो । धूमप्पभापुढविनेरइयाणं पुच्छा । गोयमा ! जहा पंकप्पभापुढविनेरइया, नवरं चडप्पएहिन्तो वि पडिसेहो कायव्वो । तमापुढविनेरइया णं भंते ! कओहिन्तो उववज्जन्ति० ? गोयमा! जहा ध्रमप्पभापुढविनेरइया, नवरं थलयरेहिन्तो वि पिंडसेहो कायव्वो । इमेणं अभिलावेणं जइ पंचिन्दियतिरिक्खजोणिएहिन्तो उववजान्ति, किं जलयरपंचिन्दिएहिन्तो उववजान्ति, थलयरपंचिन्दिएहिन्तो उववजान्ति, खहयरपंचिन्दिएहिन्तो उववजान्ति ? गोयमा ! जलयरपंचिन्दिएहिन्तो उववज्रन्ति, नो थलयरेहिन्तो॰, नो खहयरेहिन्तो उववज्रन्ति ॥ ३०८ ॥ जइ मणुस्सेहिन्तो उववज्जन्ति किं कम्मभूमिएहिन्तो उववज्जन्ति, अकम्मभूमिएहिन्तो उववज्जन्ति, अंतरदीवएहिन्तो उववज्जन्ति ? गोयमा ! कम्मभूमिएहिन्तो उवव जन्ति, नो अकम्मभूमिएहिन्तो उववज्जन्ति, नो अंतरदीवएहिन्तो उववज्जन्ति जइ कम्मभूमिएहिन्तो उववजानित किं संखेजवासाउएहिन्तो उववजानित, असंखेज-वासाउएहिन्तो उववज्जन्ति ? गोयमा! संखेजवासाउएहिन्तो उववज्जन्ति, नो असंखेजवासाउएहिन्तो उववजान्ति । जइ संखेजवासाउएहिन्तो उववजान्ति किं पजात्तएहिन्तो उववजान्ति, अपजात्तएहिन्तो उववजान्ति ? गोयमा ! पजात्तएहिन्तो उववज्जन्ति, नो अपज्जत्तएहिन्तो उववज्जन्ति । जइ पज्जत्तयसंखेजवासाउयकम्म-भूमिएहिन्तो उववज्जन्ति किं इत्थीहिन्तो उववज्जन्ति, पुरिसेहिन्तो उववज्जन्ति, नपंसएहिन्तो उववज्जन्ति ? गोयमा ! इत्थीहिन्तो उववज्जन्ति, पुरिसेहिन्तो उव-वज्जन्ति, नपुंसएहिन्तो वि उववज्जन्ति । अहेसत्तमापुढविनेरइया णं भंते ! कओ-हिन्तो उववज्जन्ति० ? गोयमा ! एवं चेव, नवरं इत्थीहिन्तो पिडसेहो कायव्वो । ''अस्सन्नी खळ पढमं दोचं पि सिरीसवा तझ्य पक्खी। सीहा जन्ति चर्डींथ उरगा पुण पंचिम पुढिवं ॥ छिद्वं च इतिथयाओ मच्छा मणुया य सत्तमि पुढिवं । एसो परमोवाओ बोद्धव्वो नरगपुढवीणं" ॥ ३०९ ॥ असुरकुमारा णं भंते! क्ओहिंतो उववज्जन्ति • ? गोयमा ! नो नेरइएहिंतो उववज्जन्ति, तिरिक्खजोणिएहिंतो

उववज्जन्ति, मणुरसेहिंतो उववज्जन्ति, नो देवेहिंतो उववज्जन्ति । एवं जेहिंतो नेरइयाणं उववाओ तेहिंतो असुरकुमाराण वि भाणियव्वो, नवरं असंखेजवासाउय-अकम्मभूमगअंतरदीवगमणुरसतिरिक्खजोणिएहिन्तो वि उववज्जन्ति, सेसं तं चेव । एवं जाव थणियकुमारा भाणियव्वा ॥ ३१० ॥ पुढविकाइया णं भंते ! कओहिन्तो उववज्जन्ति कि नेरइएहिन्तो उ० जाव देवेहिन्तो उववज्जन्ति ? गोयमा ! नो नेरइए-हिन्तो उववज्रन्ति, तिरिक्खजोणिएहिन्तो उववज्रन्ति, मणुस्सेहिन्तो उववज्रन्ति. देवेहिन्तो वि उववज्जन्ति । जइ तिरिक्खजोणिएहिन्तो उववज्जन्ति किं एगिन्दियति-रिक्खजोणिएहिन्तो उववज्जन्ति जाव पंचिन्दियतिरिक्खजोणिएहिन्तो उववज्जन्ति? गोयमा ! एगिन्दियतिरिक्खजोणिएहिन्तो वि उ० जाव पंचिन्दियतिरिक्खजोणिए-हिन्तो वि उववज्जन्ति । जइ एगिन्दियतिरिक्खजोणिएहिन्तो उववज्जन्ति किं पुढवि-काइएहिन्तो उ० जाव वणस्सङ्काइएहिन्तो उववज्जन्ति ? गोयमा ! पुढविकाइएहिन्तो वि उ० जाव वणस्सइकाइएहिन्तो वि उववज्जन्ति । जइ पुढविकाइएहिन्तो उवव-ज्जन्ति किं सहमपुढविकाइएहिन्तो उववज्जन्ति, बायरपुढविकाइएहिन्तो उववज्जन्ति? गोयमा! दोहिन्तो वि उववज्जन्ति । जइ सहमपुढविकाइएहिन्तो उववज्जन्ति किं पज-त्तसुहमपुढविकाइएहिन्तो उववज्जन्ति. अपज्जतसुहमपुढविकाइएहिन्तो उववज्जन्ति? गोयमा ! दोहिन्तो वि उववज्जन्ति । जइ बायरपुढविकाइएहिन्तो उववज्जन्ति किं पजात्तएहिन्तो उववजान्ति, अपजात्तएहिन्तो उववजान्ति ? गोयमा ! दोहिन्तो वि उववज्जन्ति, एवं जाव वणस्सङ्काङ्या चउक्कएणं भेएणं उववाएयव्वा ॥ ३११॥ जइ बेइंदियतिरिक्खजोणिएहिन्तो उववज्जन्ति किं पज्जत्तबेइंदिएहिन्तो उववज्जन्ति. अपज्जत्तबेइंदिएहिन्तो उववज्जन्ति ? गोयमा ! दोहिन्तो वि उववज्जन्ति । एवं तेइंदियचउरिन्दिएहिन्तो वि उववज्जन्ति । जइ पंचिन्दियतिरिक्खजोणिएहिन्तो उववज्जन्ति किं जलयरपंचिंन्दियतिरिक्खजोणिएहिन्तो उववज्जन्ति, एवं जेहिन्तो नेरइयाणं उववाओ भणिओ तेहिन्तो एएसिं पि भाणियव्वो, नवरं पजन्तगअपजन्त-गेहिन्तो वि उववज्जन्ति, सेसं तं चेव ॥ ३१२ ॥ जइ मणुस्सेहिन्तो उववज्जंति किं संमुच्छिममणुस्सेहिन्तो उनवजाति, गन्भनकातियमणुस्सेहिन्तो उनवजाति ? गोयमा ! दोहिन्तो वि उनवर्जाति । जइ गञ्भवकंतियमणुस्सेहिन्तो उनवर्जाति किं कम्मभूम-गगब्भवकंतियमणस्सेहिन्तो उववजाति, अकम्मभूमगगब्भवकंतियमणुस्सेहिन्तो उनवर्जाति ? सेसं जहा नेरइयाणं नवरं अपज्जत्तएहिंतो वि उनवर्जाति ॥ ३१३ ॥ जइ देवेहिन्तो उववजांति किं भवणवासि॰वाणमंतर॰जोइस॰वेमाणिएहिन्तो उवव-जांति ? गोयमा ! भवणवासिदेवेहिन्तो वि उववर्जाति जाव वेसाणियदेवेहिन्तो वि

उववर्जाति । जइ भवणवासिदेवेहिन्तो उववर्जाति कि असुरकुमारदेवेहिंतो उ० जाव थणियकुमारदेवेहिंतो उववर्जाति ? गोयमा ! असरकुमारदेवेहिंतो वि उववर्जाति जाव थणियकुमारदेवेहिंतो वि उववज्जंति । जइ वाणमंतरदेवेहिन्तो उववज्जंति किं पिसा-एहिंतो उ० जाव गंधव्वेहिंतो उववर्जात ? गोयमा ! पिसाएहिंतो वि उ० जाव गंध-व्वेहिंतो वि उववज्जंति । जइ जोइसियदेवेहिंतो उववज्जंति किं चंदविमाणेहिंतो उववर्जात जाव ताराविमाणेहिंतो उववर्जात ? गोयमा ! चंदविमाणजोइसियदेवेहिंतो वि उ० जाव ताराविमाणजोइसियदेवेहिंतो वि उववजंति । जइ वेमाणियदेवेहिंतो उववज्जंति किं कप्पोवगवेमाणियदेवेहिंतो उववज्जंति, कप्पातीतवेमाणियदेवेहिन्तो उववजंति ? गोयमा ! कप्पोवगवेमाणियदेवेहिंतो उववजंति, नो कप्पातीतवेमाणि-यदेवेहिंतो उववजाति । जइ कप्पोवगवेमाणियदेवेहिंतो उववजाति किं सोहम्मेहिंतो उ० जाव अञ्चएहिन्तो उववर्जाति ? गोयमा ! सोहम्मीसाणेहिंतो उववर्जाति, नो सणंक्रमार जाव अच्छएहिंतो उववजांति । एवं आउकाइया वि । एवं तेउवाउ-काइया वि, नवरं देववजेहिंतो उववजंति । वणस्सइकाइया जहा पुढविकाइया । बेइंदिया तेइंदिया चउरिंदिया एए जहा तेउवाऊ देववजोहिंतो भाणियव्वा ॥३१४॥ पांचिंदियतिरिक्खजोणिया णं भंते ! कओहिंतो उववज्जंति किं नेरइएहिंतो उवव-जांति जाव देवेहिंतो उववजान्ति ? गोयमा ! नेरइएहिंतो वि०, तिरिक्खजोणिएहिंतो वि०. मणुस्सेहिंतो वि०, देवेहिंतो वि उववज्जन्ति । जइ नेरइएहिंतो उववज्जंति किं रय-णप्पभापुढविनेरइएहिंतो उ० जाव अहेसत्तमापुढविनेरइएहिंतो उववर्जात ? गोयमा! रयणप्पभापुढविनेरएहिंतो वि उववजाति जाव अहेसत्तमापुढविनेरइएहिंतो वि उवव-जांति । जइ तिरिक्खजोणिएहिन्तो उववजांति किं एगिंदिएहिंतो उववजांति जाव पंचिदिएहितो उववजीत ? गोयमा! एगिदिएहितो वि उववजीत जाव पंचिदिए-ाहिंतो वि उववज्जंति । जइ एगिंदिएहिंतो उववज्जंति कि प्रढविकाइएहिंतो उववज्जन्त-एवं जहा पुढविकाइयाणं उववाओ भणिओ तहेव एएसिं पि भाणियंक्वो, नवरं देवेहिंतो जाव सहस्सारकप्पोवगवेमाणियदेवेहिंतो वि उववज्जंति, नो आणयकप्पो-वगवेमाणियदेवेहिंतो जाव अञ्चएहिंतो उववजाति ॥ ३१५॥ मणुस्सा णं भंते ! क्ओिहिंतो उववजाति किं नेरइएहिंतो उववजाति जाव देवेहिंतो उववजाति? गोयमा ! नेरइएहिंतो वि उववजाति जाव देवेहिंतो वि उववजाति । जइ नेरइएहिंतो उववजाति किं रयणप्पभापुढविनेरइएहिंतो उववजाति. सक्करप्पभापुढविनेरइएहिंतो उववज्जंति, वालयप्पभापुढविनेरइएहिंतो०, पंकप्पभा० नेरइएहिंतो०, धूमप्पभा०-नेरइएहिंतो , तमप्पभा नेरइएहिंतो , अहेसत्तमापुढविनेरइएहिंतो उववजांति ?

गोयमा ! रयणप्पभापुढविनेरइएहिंतो वि उ० जाव तमापुढविनेरइएहिंतो वि उवव-जांति, नो अहेसत्तमापुढविनेरइएहिंतो उववजांति । जइ तिरिक्खजोणिएहिंतो उववजाति कि एगिंदियतिरिक्खजोणिएहिंतो उववजाति-एवं जेहिंतो पांचिंदियति-रिक्खजोणियाणं उववाओ भणिओ तेहिंतो मणुस्साण वि निरवसेसो भाणियव्वो. णवरं अहेसत्तमापुढविनेरइएहिंतो तेउवाउकाइएहिंतो ण उववजांति । सन्वदेवेहिंतो य उववाओ कायव्वो जाव कप्पातीतवेमाणियसव्बद्धसिद्धदेवेहिंतो वि उववजावेयव्वा ॥ ३१६॥ वाणमंतरदेवा णं भंते! कओहिंतो उववर्जाति किं नेरइएहिंतो०. तिरिक्खजोणिएहिंतो॰, मणुस्सेहिंतो॰, देवेहिंतो उववर्ज्जति ? गोयमा ! जेहिन्तो असरकुमारा उववजान्ति तेहिन्तो वाणमन्तरा उववजावेयव्वा ॥ ३१७॥ जोइसिया देवा णं भंते ! कओहिंतो उववज्जन्ति० ? गोयमा ! एवं चेव, नवरं संमुच्छिमअसंखि-ज्जवासाउयखहयरपंचिंदियतिरिक्खजोणियवजेहिंतो अंतरदीवमणुस्सवजेहिंतो उवव-जावेयव्वा ॥ ३१८ ॥ वेमाणिया णं भंते ! कओहिंतो उववर्जंति किं णेरइएहिंतो . तिरिक्खजोणिएहिंतो०. मण्स्सेहिंतो०. देवेहिंतो उववज्जन्ति ? गोयमा ! णो णेर-इएहिंतो उववजाति. पांचिंदियतिरिक्खजोणिएहिंतो उववजाति, मणुस्सेहिंतो उव-वजंति, णो देवेहिंतो उववजंति । एवं सोहम्मीसाणगदेवा वि भाणियव्वा । एवं सणंकुमारदेवा वि भाणियव्वा, नवरं असंखेजवासाउयअक्रम्मभूमगवजेहिंतो उवव-जांति । एवं जाव सहस्सारकप्पोवगवेमाणियदेवा भाणियव्वा । आणयदेवा णं भंते! क्ओहिंतो उववजंति किं णेरइएहिंतो०, पंचिंदियतिरिक्खजोणिएहिंतो०, मण्स्से-हिंतो॰, देवेहिंतो उववजांति ? गोयमा ! णो णरइएहिंतो उववजांति, णो तिरिक्खजो-णिएहिंतो उववर्जात, मणुस्सेहिंतो उववर्जात, णो देवेहिंतो उववर्जात । जइ मणुस्से-हिंतो उववज्जंति किं संमुच्छिममणुस्सेहिंतो , गब्भवक्रंतियमणुस्सेहिंतो उववज्जंति? गोयमा ! गब्भवकंतियमणुर्सेहिंतो॰, नो संमुच्छिममणुरसेहिंतो उववजांति । जइ गब्भवकंतियमणुस्सेहिंतो उववजांति किं कम्मभूमिगेहिंतो०, अकम्मभूमिगेहिंतो०, अंतरदीवगेहिंतो उववजांति ? गोयमा ! णो अकम्मभूमिगेहिंतो , णो अंतरदीवगेहिंतो उववजाति, कम्मभूमिगगब्भवक्षंतियमणुरसेहितो उववजाति । जइ कम्मभूमगगब्भ-वक्कंतियमणूसेहिंतो उनवज्जंति किं संखेजनासाउएहिंतो॰, असंखेजनासाउएहिंतो उववर्जाति ? गोयमा ! संखेजवासाउएहिंतो ०, नो असंखेजवासाउएहिंतो उववर्जात । जइ संखेजवासाउयकम्मभूमगगब्भवक्कंतियमणूसेहितो उववर्ज्जंति कि पज्जत्तएहितो उववजाति, अपजत्तएहिंती उववजाति ? गोयमा ! पजत्तएहिंती उववजान्ति, नो .अपजत्तरहिन्तो उववर्जाति । जइ पजतसंखेजवासाउयकम्मभूमगगब्भवक्कंतिय-

मणुस्सेहिंतो उववज्जन्ति किं सम्मिद्दिद्वीपज्जत्तगसंखेज्जवासाउयकम्मभूमगेहिन्तो उव-वज्जन्ति. मिच्छिहिद्रीपज्जत्तगेहिंतो उववज्जन्ति, सम्मामिच्छिहिद्रिपज्जत्तगेहिंतो उवव-ज्जन्ति ? गोयमा ! सम्मिहिद्रीपज्जतगसंखेज्जवासाउयकम्मभूमगगञ्भवक्कंतियमणृसे-हिंतो उववज्जन्ति, मिच्छिहिद्रीपज्जनगेहिन्तो उववज्जन्ति, णो सम्मामिच्छिहिदिपज्ज-त्तएहिन्तो उववज्जन्ति । जइ सम्महिद्रीपज्जतगसंखेजवासाउयकम्मभमगगब्भवक्कंतिय-मणूसेहिन्तो उनवजंति किं संजयसम्महिट्टीहिन्तो०, असंजयसम्महिट्टीपजनएहिन्तो०, संजयासंजयसम्मिहिद्दीपज्जतसंखेजवासाउएहिन्तो उववर्जात ? गोयमा ! तीहिंतो वि उववर्जाति । एवं जाव अञ्चओ कप्पो । एवं चेव गेविज्जगदेवा वि, नवरं असंजय-संजयासंजया एए पडिसेहेयव्वा । एवं जहेव गेविज्जगदेवा तहेव अणुत्तरोववाइया वि, णवरं इमं णाणत्तं संजया चेव । जइ सम्मिहिद्रीसंजयपज्जतसंखेज्जवासाउयकम्म-भूमगगब्भवकंतियमण्सोहिन्तो उववजाति किं पमत्तसंजयसम्महिद्रीपजात्तएहिन्तो , अपमत्तसंजयसम्मिद्दिद्वीपज्जत्तएहिन्तो उववज्जन्ति ? गोयमा ! अपमत्तसंजयपज्जत्तए-हिन्तो उववजांति, नो पमत्तसंजयपज्जत्तएहिंतो उववजांति । जइ अपमत्तसंजएहिन्तो उववज्जन्ति किं इङ्किपत्तअपमत्तसंजएहिन्तो०, अणिङ्गिपत्तअपमत्तसंजएहिन्तो०? गोयमा! दोहिन्तो वि उववज्जन्ति ॥ ५ दारं ॥ ३१९ ॥ नेरइया णं भंते ! अणंतरं उव्वहिता किहं गच्छन्ति, किहं उववर्जाति ? किं नेरइएसु उववर्जान्ति, तिरिक्ख-जोणिएस उववजान्ति, मण्स्सेस उववजान्ति, देवेस उववजान्ति १ गोयमा ! नो नेरइएस उववजान्ति. तिरिक्खजोणिएस उववजान्ति, मणुस्सेस उववजान्ति, नो देवेस उववज्जन्ति । जइ तिरिक्खजोणिएस उववज्जंति किं एगिंदिएस उववज्जन्ति जाव पांचेंदियतिरिक्खजोणिएस उववज्जन्ति ? गोयमा ! णो एगिंदिएस उ० जाव नो चउरिंदिएस उववज्जन्ति, एवं जेहिन्तो उववाओ भणिओ तेस उववदृणा वि भाणि-यव्वा, नवरं संमुच्छिमेसु न उववजान्ति । एवं सव्वपुढवीसु भाणियव्वं, नवरं अहेसत्तमाओ मणुस्सेस न उववज्जन्ति ॥ ३२० ॥ असुरकुमारा णं भंते ! अणंतरं उन्बहिता कहिं गच्छन्ति, किं उववज्जन्ति ? किं नेरइएस उ० जाव देवेस उवव-जन्ति ? गोयमा ! नो नेरइएस उववज्जन्ति, तिरिक्खजोणिएस उववज्जन्ति, मणुस्सेसु उववज्जन्ति, नो देवेसु उववज्जन्ति । जइ तिरिक्खजोणिएसु उव-वजन्ति किं एगिन्दिएस उवदर्जाति जाव पंचिन्दियतिरिक्खजोणिएस उवव ज्जन्ति ? गोयमा ! एगिन्दियतिरिक्खजोणिएसु उववज्जन्ति, नो बेइंदिएसु उ० जाव नो चडरिंदिएसु उववज्जन्ति, पंचिंदियतिरिक्खजोणिएसु उववज्जन्ति । जइ एगिन्दि-एस उववज्जन्ति किं पढविकाइयएगिन्दिएस उ० जाव वणस्सइकाइयएगिन्दिएस उवव- ज्जन्ति ? गोयमा ! पुढविकाइयएगिन्दिएसु वि०, आउकाइयएगिन्दिएसु वि उववज्जन्ति. नो तेउकाइएस॰, नो वाउकाइएस उववज्जन्ति, वणस्सइकाइएस उववज्जन्ति । जइ पढविकाइएस उववजान्ति किं सहमपुढविकाइएस उववजान्ति, बायरपुढविकाइएस उववर्जाति ? गोयमा ! बायरपढिविकाइएस उववर्जाति, नो सहमपुढिविकाइएस उववज्जंति । जइ बायरपुढविकाइएस उववज्जंति किं पज्जत्तगबायरपुढविकाइएस उववजंति, अपजन्तगबायर्पुढविकाइएसु उववजंति ^१ गोयमा ! पजन्तएसु उववजंति. नो अपज्जत्तएसु उववर्ज्जाति । एवं आउवणस्सइसु वि भाणियव्वं । पंचिन्दियतिरिक्ख-जोणियमणूसेसु य जहा नेरइयाणं उन्वदृणा संमुच्छिमवज्जा तहा भाणियव्वा । एवं जाव थणियकुमारा ॥ ३२१ ॥ पुढविकाइया णं भंते ! अणंतरं उव्वद्दित्ता किंह गच्छंति. किहं उववज्जंति ? किं नेरइएस उ० जाव देवेसु० ? गोयमा ! नो नेरइ-एस॰. तिरिक्खजोणियमणूसेस उनवजाति, नो देवेस उनवजाति, एवं जहा एएसि चेव उववाओ तहा उन्बहुणा वि देववजा भाणियन्वा । एवं आउवणस्सइबेइंदिय-तेइंदियचडरिन्दिया वि । एवं तेउ० वाउ०, नवरं मणुस्सवजेसु उववजान्ति । पंचि-न्दियतिरिक्खजोणिया णं भंते ! अणंतरं उव्बिहत्ता किहं गच्छंति, किहं उववज्जन्ति? गोयमा ! नेरहएस ७० जाव देवेस उववज्जन्ति । जङ्ग नेरहएस उववज्जन्ति किं रयणप्पभापुढविनेरइएसु उववज्जन्ति जाव अहेसत्तमापुढविनेरइएसु उववज्जन्ति? गोयमा! रयणप्पभापुढविनेरइएस उववजान्ति जाव अहेसत्तमापुढविनेरइएस उव-वजन्ति । जइ तिरिक्खजोणिएस उववजन्ति किं एगिन्दिएस उ॰ जाव पंचिन्दिएस उववज्जन्ति ? गोयमा ! एगिन्दिएस उ० जाव पंचिन्दिएस उववज्जन्ति । एवं जहा एएसिं चेव उववाओ उव्बद्दणा वि तहेव भाणियव्या. नवरं असंखेजवासाउएस वि एए उववजाति । जइ मण्रस्सेस उववजान्ति किं संमुच्छिममणुरसेस उववजान्ति, गब्भवक्कंतियमणूसेसु उववज्जन्ति ? गोयमा ! दोसु वि । एवं जहा उववाओ तहेव उव्बर्गा वि भाणियव्वा, नवरं अकम्मभूमगअंतरदीवगगब्भवक्कंतियमणूसेस असं-खेजवासाउएस वि एए उववजंतीति भाणियव्वं । जइ देवेस उववज्जन्ति किं भव-णवईसु उववज्जन्ति जाव वेमाणिएस उववज्जन्ति ? गोयमा ! सब्वेस चेव उव-वर्जाति । जइ भवणवईसु॰ किं असुरकुमारेसु उववज्जन्ति जाव थणियकुमारेसु उववर्जान्ति ? गोयमा ! सन्वेष्ठ चेव उववर्जन्ति । एवं वाणमंतरजोइसियवेमा-णिएस निरंतरं उववजान्ति जाव सहस्सारो कप्पोत्ति ॥ ३२२ ॥ मणुस्सा णं भंते ! अणंतरं उव्विहता किहं गच्छंति, किहं उववज्जन्ति ? किं नेरइएस उव-वजान्ति जाव देवेसु उववजांति ? गोयमा ! नेरइएसु वि उववजान्ति जाव देवेसु वि

उववर्जाति । एवं निरंतरं सन्वेसु ठाणेसु पुच्छा । गोयमा! सन्वेसु ठाणेसु उववज्जन्ति, न किं च पिडसेहो कायव्यो जाव सव्बद्धसिद्धदेवेस वि उववज्जन्ति, अत्थेगइया सिज्झंति, बुज्झंति, मुचंति, परिनिव्वायंति, सव्वदुक्खाणं अंतं करेंति । वाणमंतर-जोइसियवेमाणियसोहम्मीसाणा य जहा असरक्रमारा, नवरं जोइसियाण य वेमाणि-याण य चयंतीति अभिलावो कायव्वो । सणंकुमारदेवाणं पुच्छा । गोयमा ! जहा असुरकुमारा, णत्ररं एगिंदिएसु ण उववर्जाति । एवं जाव सहस्सारगदेवा । आणय जाव अणुत्तरोववाइया देवा एवं चेव, नवरं नो तिरिक्खजोणिएस उववज्जन्ति, मणुस्सेसु पजात्तसंखेजवासाउयकम्मभूमगगब्भवक्षंतियमणुसेसु उववजान्ति ॥ ६ दारं ॥ ॥ ३२३ ॥ नेरइया णं भंते ! कइभागावसेसाउया परभवियाउयं पकरेंति ? गोयमा ! नियमा छम्मासावसेसाउया परभवियाउयं । एवं असुरक्कमारा वि, एवं जाव थणिय-कुमारा । पढिविकाइया णं भंते ! कइभागावसेसाउया परभवियाउयं पकरेंति ? गोयमा ! पुढविकाइया दुविहा पन्नता । तंजहा-सोवक्षमाउया य निरुवक्षमाउया य । तत्थ णं जे ते निरुवक्कमाउया ते नियमा तिभागावसेसाउया परभवियाउयं पकरेंति । तत्थ णं जे ते सोवक्रमाज्या ते सिय तिभागावसेसाज्या परभवियाज्यं पकरेंति, सिय तिभागतिभागावसेसाउया परभवियाउयं पकरेंति. सिय तिभागतिभागतिभागावसेसा-उया परभवियाउयं पकरेंति । आउतेउवाउवणप्फइकाइयाणं बेइंदियतेइंदियचउ-रिन्दियाण वि एवं चेव ॥ ३२४ ॥ पंचिन्दियतिरिक्खजोणिया णं भंते ! कइभागाव-सेसाउया परभवियाउयं पकरेंति? गोयमा! पंचिन्दियतिरिक्खजोणिया द्विहा पन्नत्ता । तंजहा--संखेजनासाउया य असंखेजनासाउया य । तत्थ णं जे ते असं-खेजवासाउया ते नियमा छम्मासावसेसाउया परभवियाउयं पकरेंति । तत्थ णं जे ते संखेजवासाउया ते द्विहा पन्नता । तंजहा-सोवक्रमाउया य निरुवक्रमाउया य । तत्थ णं जे ते निरुवक्रमाज्या ते नियमा तिभागावसेसाज्या परभवियाज्यं पकरेंति। तत्थ णं जे ते सोवक्रमाज्या ते णं सिय तिभागे परभवियाज्यं पकरेंति. सिय तिभाग-तिभागे परभवियाउयं पकरेंति. सिय तिभागतिभागतिभागावसेसाउया परभवियाउयं पकरेंति । एवं मणुसा वि । वाणमंतरजोइसियवेमाणिया जहा नेरइया ॥ ७ दारं ॥ ॥ ३२५॥ कडविहे णं भंते! आउयबंधे पन्नते? गोयमा! छव्विहे आउयबंधे पन्नते। तंजहा-- १ जाइनामनिहत्ताउए, २ गइनामनिहत्ताउए, ३ ठिईनामनिहत्ताउए, ४ ओगाहणनामनिहत्ताउए, ५ पएसनामनिहत्ताउए, ६ अणुभावनामनिहत्ताउए। नेरइ-याणं भंते! कइविहे आउयबंधे पन्नते? गोयमा! छव्विहे आउयबंधे पन्नते। तंजहा-जाइनामनिहत्ताउए. गइनामनिहत्ताउए. ठिईनामनिहत्ताउए. ओगाहणनामनिहत्ता-

उए, पएसनामनिहत्ताउए, अणुभावनामनिहत्ताउए, एवं जाव वेमाणियाणं ॥ ३२६॥ जीवा णं भंते ! जाइनामनिहत्ताउयं कहिं आगरिसेहिं पगरेंति ? गोयमा ! जहन्नेणं एक्केण वा दोहिं वा तीहिं वा उक्कोसेणं अट्टिं । नेरइया णं भंते ! जाइनामनिहत्ताउयं कहिं आगरिसेहिं पगरेंति ? गोयमा ! जहन्नेणं एक्केण वा दोहिं वा तीहिं वा, उक्कोसेणं अट्टिं । एवं जाव वेमाणिया । एवं गइनामनिहत्ताउए वि, ठिईनामनिहत्ताउए वि, ओगाहणनामनिहत्ताउए वि, पएसनामनिहत्ताउए वि, अणुभावनामनिहत्ताउए वि ॥ ३२०॥ एएसि णं भंते ! जीवाणं जाइनामनिहत्ताउयं जहन्नेणं एक्केण वा दोहिं वा तीहिं वा उक्कोसेणं अट्टिं आगरिसेहिं पकरेमाणाणं कयरे कयरेहिन्तो अप्पा वा बहुया वा तुष्ठा वा विसेसाहिया वा ? गोयमा ! सन्वत्थोवा जीवा जाइनामनिहत्ताउयं अट्टिं आगरिसेहिं पकरेमाणा संखिजगुणा, छिं आगरिसेहिं पकरेमाणा संखिजगुणा, छिं आगरिसेहिं पकरेमाणा संखिजगुणा, एवं पंचिहं संखिजगुणा, वर्डिं संखिजगुणा, तीहिं संखिजगुणा, दोहिं संखिजगुणा, एगेणं आगरिसेणं पकरेमाणा संखिजगुणा । एवं एएणं अभिठावेणं जाव अणुभागनामनिहत्ताउयं, एवं एए छिप्पय अप्पाबहुदंडगा जीवाइया भाणियव्वा ॥ ८ दारं ॥ ३२८ ॥ पन्नव-णाए भगवईए छट्टं वकंतीपयं समत्तं ॥

नेरइया णं भंते! केवइकालस्स आणमंति वा पाणमंति वा ऊससंति वा नीस-संति वा? गोयमा! सययं संतयामेव आणमंति वा पाणमंति वा ऊससंति वा नीससंति वा ॥ ३२९ ॥ अग्रुरकुमारा णं भंते! केवइकालस्स आणमंति वा पाणमंति वा जससंति वा नीससंति वा नीससंति वा शाणमंति वा जाव नीससंति वा ॥ नागकुमारा णं भंते! केवइकालस्स आणमंति वा जाव नीससंति वा ॥ नागकुमारा णं भंते! केवइकालस्स आणमंति वा पाणमंति वा ऊससंति वा नीससंति वा? गोयमा! जहनेणं सत्तण्हं थोवाणं, उक्नोसेणं मुहुत्तपुहुत्तस्स, एवं जाव थणियकुमाराणं ॥३३०॥ पुढिविकाइया णं भंते! केवइकालस्स आणमंति वा जाव नीससंति वा? गोयमा! वेमायाए आणमंति वा जाव नीससंति वा। एवं जाव मणूसा। वाणमंतरा जहा नागकुमारा॥ ३३९॥ जोइसिया णं भंते! केवइकालस्स आणमंति वा जाव नीससंति वा श गोयमा! जहनेणं मुहुत्तपुहुत्तस्स, उक्नोसेणं वि मुहुत्तपुहुत्तस्स जाव नीससंति वा! गोयमा! जहनेणं मुहुत्तपुहुत्तस्स, उक्नोसेणं तेत्तीसाए पक्खाणं जाव नीससंति वा! गोयमा! जहनेणं मुहुत्तपुहुत्तस्स, उक्नोसेणं तेत्तीसाए पक्खाणं जाव नीससंति वा! गोयमा! जहनेणं मुहुत्तपुहुत्तस्स, उक्नोसेणं तेत्तीसाए पक्खाणं जाव नीससंति वा! गोयमा! जहनेणं मुहुत्तपुहुत्तस्स, उक्नोसेणं तेत्तीसाए पक्खाणं जाव नीससंति वा! गोयमा! जहनेणं मुहुत्तपुहुत्तस्स, उक्नोसेणं तेत्तीसाए पक्खाणं जाव नीससंति वा! गोयमा! जहनेणं मुहुत्तपुहुत्तस्स, उक्नोसेणं तेत्तीसाए पक्खाणं जाव नीससंति वा! गोयमा! जहनेणं मुहुत्तपुहुत्तस्स, उक्नोसेणं तेलं पक्खाणं जाव नीससंति वा! गोयमा! जहनेणं मुहुत्तपुहुत्तस्स, उक्नोसेणं तेणं पक्खाणं जाव नीससंति

वा । ईसाणगदेवा णं भंते ! केवइकालस्स आणमंति वा जाव नीससंति वा? गोयमा! जहन्नेणं साइरेगस्स मुहृत्तपुहृत्तस्स, उक्कोसेणं साइरेगाणं दोण्हं पक्खाणं जाव नीससंति वा । सणंकमारदेवा णं भंते ! केवडकालस्स आणमंति वा जाव नीससंति वा ? गोयमा ! जहन्नेणं दोण्हं पक्खाणं. उक्कोसेणं सत्तण्हं पक्खाणं जाव नीससंति वा । माहिंदगदेवा णं भंते ! केवइकालस्स आणमंति वा जाव नीससंति वा ? गोयमा ! जहन्नेणं साइरेगं दोण्हं पक्खाणं, उक्कोसेणं साइरेगं सत्तण्हं पक्खाणं जाव नीससंति वा । बंभलोगदेवा णं भंते ! केवडकालस्स आणमंति वा जाव नीससंति वा ? गोयमा ! जहन्नेणं सत्तण्हं पक्खाणं. उक्कोसेणं दसण्हं पक्खाणं जाव नीससंति वा । लंतगदेवा णं भंते ! केवइकालस्स आणमंति वा जाव नीससंति वा ? गोयमा ! जहन्नेणं दसण्हं पक्खाणं, उक्कोसेणं चउदसण्हं पक्खाणं जाव नीससंति वा । महासुक्कदेवा णं भंते ! केवइकालस्स आणमंति वा जाव नीससंति वा ? गोयमा ! जहन्नेणं चउदसण्हं पक्खाणं. उक्षोसेणं सत्तरसण्हं पक्खाणं जाव नीससंति वा । सहस्सारगदेवा णं भंते ! केवडकालस्स आणमंति वा जाव नीससंति वा ? गोयमा ! जहन्नेणं सत्तरसण्हं पक्खाणं. उक्कोसेणं अद्वारसण्हं पक्खाणं जाव नीससंति वा । आणयदेवा णं भंते ! केवडकालस्य जाव नीससंति वा ? गोयमा ! जहन्नेणं अद्वारसण्हं पक्खाणं, उक्कोसेणं एगूणवीसाए पक्खाणं जाव नीससंति वा। पाणयदेवा णं भंते! केवइकालस्स जाव नीससंति वा १ गोयमा! जहन्नेणं एगूण-वीसाए पक्खाणं. उक्कोसेणं वीसाए पक्खाणं जाव नीससंति वा । आरणदेवा णं भंते ! केवइकालस्स जाव नीससंति वा १ गोयमा ! जहनेणं वीसाए पक्खाणं, उक्कोसेणं एगवीसाए पक्खाणं जाव नीससंति वा । अन्त्रयदेवा णं भंते ! केवइ-कालरस जाव नीससंति वा ? गोयमा! जहन्नेणं एगवीसाए पक्साणं, उक्कोसेणं बावीसाए पक्खाणं जाव नीससंति वा ॥ ३३४ ॥ हिट्टिमहिट्टिमगेविज्जगदेवा णं भंते! केवइकालस्स जाव नीससंति वा? गोयमा! जहन्नेणं बावीसाए पक्खाणं. उक्कोसेणं तेवीसाए पक्खाणं जाव नीससंति वा । हिद्रिममज्झिमगेविज्जगदेवा णं भंते! केवइकालस्स जाव नीससंति वा? गोयमा! जहन्नेणं तेवीसाए पक्खाणं, उक्कोसेणं चउवीसाए पक्खाणं जाव नीससंति वा । हिट्टिमउविरमगेविज्जगदेवा णं भंते! केवइकालस्स जाव नीससंति वा? गोयमा! जहन्नेणं चउवीसाए पक्खाणं. उक्कोसेणं पणवीसाए पक्खाणं जाव नीससंति वा । मज्झिमहिद्विमगेविज्जगदेवा णं भंते ! केवडकालस्स जाव नीससंति वा ? गोयमा ! जहन्नेणं पणवीसाए पक्खाणं. उक्कोसेणं छव्वीसाए पक्खाणं जाव नीससंति वा । मज्झिममज्झिमगेविज्जगदेवा णं २५ सता०

मंते! केवइकालस्स जाव नीससंति वा १ गोयमा! जहन्नेणं छव्वीसाए पक्खाणं, उक्कोसेणं सत्तावीसाए पक्खाणं जाव नीससंति वा । मिन्झमउविरमगेविज्ञगदेवा णं मंते! केवइकालस्स जाव नीससंति वा १ गोयमा! जहन्नेणं सत्तावीसाए पक्खाणं, उक्कोसेणं अट्ठावीसाए पक्खाणं जाव नीससंति वा । उविरमहेट्ठिमगेविज्जगदेवा णं मंते! केवइकालस्स जाव नीससंति वा १ गोयमा! जहन्नेणं अट्ठावीसाए पक्खाणं, उक्कोसेणं एगूणतीसाए पक्खाणं जाव नीससंति वा । उविरममिन्झमगेविज्जगदेवा णं मंते! केवइकालस्स जाव नीससंति वा १ गोयमा! जहन्नेणं एगूणतीसाए पक्खाणं, उक्कोसेणं तीसाए पक्खाणं जाव नीससंति वा । उविरमप्तियविज्ञगदेवा णं मंते! केवइकालस्स जाव नीससंति वा १ गोयमा! जहन्नेणं तीसाए पक्खाणं, उक्कोसेणं एक्तीसाए पक्खाणं जाव नीससंति वा ॥ ३३५॥ विजयविज्ञयंतज्ञयंतअपराजियविमाणेसु णं देवा णं मंते! केवइकालस्स जाव नीससंति वा १ गोयमा! जहन्नेणं एक्तीसाए पक्खाणं, उक्कोसेणं तेत्तीसाए पक्खाणं, उक्कोसेणं तेत्तीसाए पक्खाणं, उक्कोसेणं वेत्तीसाए पक्खाणं, उक्कोसेणं वेत्तीसाए पक्खाणं जाव नीससंति वा । सव्वट्ठसिद्धगदेवा णं मंते! केवइकालस्स जाव नीससंति वा १ गोयमा! अजहन्नमणुक्कोसेणं तेत्तीसाए पक्खाणं जाव नीससंति वा ॥ ३३६॥ पन्नवणाए भगवईए सत्तमं उस्तासपयं समन्तं॥

कह णं मंते ! सन्नाओ पन्नताओ ? गोयमा ! दस सन्नाओ पन्नताओ । तंजहा—आहारसन्ना, भयसन्ना, मेहुणसन्ना, परिग्गहसन्ना, कोहसन्ना, माणसन्ना, मायासन्ना, लोहसन्ना, लोयसन्ना, ओघसन्ना ॥ ३३० ॥ नेरहयाणं मंते ! कह सन्नाओ पन्नताओ । तंजहा—आहारसन्ना जाव ओघसन्ना । अग्रुरकुमाराणं मंते ! कह सन्नाओ पन्नताओ ? गोयमा ! दस सन्नाओ पन्नताओ ! गोयमा ! दस सन्नाओ पन्नताओ । तंजहा—आहारसन्ना जाव ओघसन्ना , एवं जाव थणियकुमाराणं । एवं पुढिविकाइयाणं जाव वेमाणियावसाणाणं नेयव्वं ॥ ३३८ ॥ नेरहया णं मंते ! किं आहारसन्नोवउत्ता, भयसन्नोवउत्ता, मेहुणसन्नोवउत्ता, परिग्गहसन्नोवउत्ता वि जाव परिग्गहसन्नोवउत्ता वि । एएसि णं मंते ! नेरहयाणं आहारसन्नोवउत्ताणं मयसन्नोवउत्ताणं परिग्गहसन्नोवउत्ताणं परिग्गहसन्नोवउत्ताणं परिग्गहसन्नोवउत्ताणं परिग्गहसन्नोवउत्ताणं परिग्गहसन्नोवउत्ताणं य कयरे कयरेहितो अप्पा वा बहुया वा वृक्षा वा विसेसाहिया वा ? गोयमा ! स्व्वत्थोवा नेरहया मेहुणसन्नोवउत्ता संखिज्जगुणा, परिग्गहसन्नोवउत्ता संखिज्जगुणा, भयसन्नोवउत्ता संखिज्जगुणा, परिग्गहसन्नोवउत्ता संखिज्जगुणा, भयसन्नोवउत्ता संखिज्जगुणा, परिग्गहसन्नोवउत्ता संखिज्जगुणा, भयसन्नोवउत्ता संखिज्जगुणा ॥ ३३९ ॥ तिरिक्खजोणिया णं मंते ! किं आहारसन्नोवउत्ता जाव परिग्गहसन्नोवउत्ता ? गोयमा ! ओसन्नं कारणं पद्धन्न आहारसन्नोवउत्ता, संतइभावं पद्धन्न

आहारसन्नोवउत्ता वि जाव परिग्गहसन्नोवउत्ता वि । एएसि णं भंते ! तिरिक्खजो-णियाणं आहारसन्नोवउत्ताणं जाव परिगाहसन्नोवउत्ताण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा तिरिक्खजोणिया परिग्गहसन्नोवउत्ता, मेहणसन्नोवउत्ता संखिज्जगुणा, भयसन्नोवउत्ता संखिज्जगुणा, आहारसन्नोवउत्ता संखिजगुणा॥ ३४०॥ मणुस्सा णं भंते ! किं आहारसन्नोवउत्ता जाव परिग्नहसन्नोवउत्ता ? गोयमा ! ओसन्नं कारणं पडुच मेहणसन्नोवउत्ता. संतइभावं पडुच आहारसन्नोवउत्ता वि जाव परिग्गहसन्नोवउत्ता वि । एएसि णं भंते ! मणुस्साणं आहारसन्नोवउत्ताणं जाव परिग्गहसन्नोवउत्ताण य कयरे कयरे-हिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा मणूसा भयसन्नोवउत्ता, आहारसन्नोवउत्ता संखिजगुणा, परिग्गहसन्नोवउत्ता संखिजगुणा, मेहुणसन्नोवउत्ता संखिजगुणा ॥ ३४९ ॥ देवा णं भंते ! किं आहारसन्नोवउत्ता जाव परिग्गहसन्नोवउत्ता? गोयमा! ओसन्नं कारणं पहुच परिग्गहसन्नोवउत्ता. संतइभावं पडुच आहारसन्नोवउत्ता वि जाव परिगाहसन्नोवउत्ता वि । एएसि णं भंते ! देवाणं आहारसन्नोवउत्ताणं जाव परिग्गहसन्नोवउत्ताण य कयरे कयरेहिंतो अप्पा वा बहुया वा तुल्ला वा विसेसाहिया वा १ गोयमा ! सव्वत्थोवा देवा आहारसन्नोवउत्ता, भयसन्नोवउत्ता संखेजगुणा, मेहणसन्नोवउत्ता संखेजगुणा, यरिग्गहसन्नोवउत्ता संखेजगुणा ॥ ३४२ ॥ पन्नवणाए भगवईए अट्टमं सन्नापयं समत्तं ॥

कड्विहा णं भंते ! जोणी पन्नता ? गोयमा ! तिविहा जोणी पन्नता । तंजहा—सीया जोणी, उसिणा जोणी, सीओसिणा जोणी ॥ ३४३ ॥ नेरइयाणं भंते ! किं सीया जोणी, उसिणा जोणी, सीओसिणा जोणी? गोयमा! सीया वि जोणी, उसिणा वि जोणी, णो सीओसिणा जोणी । असुरकुमाराणं भंते ! किं सीया जोणी, उसिणा जोणी, सीओसिणा जोणी? गोयमा! नो सीया जोणी, नो उसिणा जोणी, सीओसिणा जोणी? गोयमा! नो सीया वि जोणी, उसिणा जोणी, एवं जाव थणियकुमाराणं । पुढविकाइयाणं भंते ! किं सीया जोणी, उसिणा जोणी, सीओसिणा जोणी? गोयमा! सीया वि जोणी, उसिणा वि जोणी, सीओसिणा वि जोणी । एवं आउवाउवणस्सइवेइंदियतेइंदियचउरिंदियाण वि पत्तेयं भाणियव्वं । तेउक्काइयाणं णो सीया, उसिणा, णो सीओसिणा । पंचिंदियतिरिक्ख-जोणियाणं भंते ! किं सीया जोणी, उसिणा जोणी, सीओसिणा जोणी? गोयमा! सीया वि जोणी, उसिणा वि जोणी, सीओसिणा वि जोणी । संमुच्छिमपंचिंदिय तिरिक्खजोणियाण वि एवं चेव । गब्भवक्षंतियपंचिंदियतिरिक्खजोणियाणं भंते !

किं सीया जोणी, उसिणा जोणी, सीओसिणा जोणी ? गोयमा! णो सीया जोणी. णो उसिणा जोणी, सीओसिणा जोणी। मणस्साणं भंते ! किं सीया जोणी, उसिणा जोणी, सीओसिणा जोणी ? गोयमा! सीया वि जोणी, उसिणा वि जोणी, सीओ-सिणा वि जोणी। संमुच्छिममण्स्साणं भंते! किं सीया जोणी, उसिणा जोणी, सीओसिणा जोणी ? गोयमा ! तिविहा जोणी । गञ्भवक्वंतियमणुस्साणं भंते ! क्विं सीया जोणी, उसिणा जोणी, सीओसिणा जोणी? गोयमा! णो सीया, णो उसिणा, सीओसिणा जोणी। वाणमंतरदेवाणं भंते! किं सीया जोणी, उसिणा जोणी, सीओसिणा जोणी ? गोयमा ! णो सीया. णो उसिणा. सीओसिणा जोणी । जोइसियवेमाणियाण वि एवं चेव ॥ ३४४ ॥ एएसि णं भंते ! सीयजोणियाणं उसिणजोणियाणं सीओ-सिणजोणियाणं अजोणियाण य कयरे कयरेहिंतो अप्पा वा, बहुया वा, तुल्ला वा, विसेसाहिया वा ? गोयमा ! सन्वत्थोवा जीवा सीओसिणजोणिया, उसिणजोणिया असंखेजगुणा, अजोणिया अणंतगुणा, सीयजोणिया अणंतगुणा ॥ ३४५ ॥ कइ-विहा णं भंते! जोणी पन्नता? गोयमा! तिविहा जोणी पन्नता। तंजहा-सचिता. अचिता. मीसिया ॥ ३४६ ॥ नेरइयाणं भंते ! किं सचिता जोणी. अचिता जोणी. मीसिया जोणी ? गोयमा ! नो सचित्ता जोणी, अचित्ता जोणी, नो मीसिया जोणी। असुरकुमाराणं भंते! किं सचित्ता जोणी, अचित्ता जोणी, मीसिया जोणी? गोयमा! नो सचिता जोणी, अचिता जोणी, नो मीसिया जोणी, एवं जाव थणियकुमाराणं ह पुढवीकाइयाणं भंते ! किं सचित्ता जोणी, अचित्ता जोणी, मीसिया जोणी ? गोयमा ! सचित्ता जोणी. अचित्ता जोणी. मीसिया वि जोणी. एवं जाव चउरिंदियाणं। संम-च्छिमपंचिंदियतिरिक्खजोणियाणं संमुच्छिममणुस्साण य एवं चेव । गब्भवक्षंतिय-पंचिंदियतिरिक्खजोणियाणं गञ्भवक्षंतियमणुस्साण य नो सचिता. नो अचिता. मीसिया जोणी। वाणमंतरजोइसियवेमाणियाणं जहा असुरकुमाराणं ॥ ३४७ ॥ एएसि णं भंते ! जीवाणं सचित्तजोणीणं अचित्तजोणीणं मीसजोणीणं अजोणीण य कयरे कयरेहिंतो अप्पा वा बहुया वा तुला वा विसेसाहिया वा १ गोयमा ! सन्वत्थो-वा जीवा मीसजोणिया, अचित्तजोणिया असंखेजगुणा, अजोणिया अणंतगुणा, सचि-त्तजोणिया अणंतगुणा ॥ ३४८ ॥ कडविहा णं भंते ! जोणी पन्नता ? गोयमा ! तिविहा जोणी पन्नता । तंजहा—संवुडा जोणी, वियडा जोणी, संवुडवियडा जोणी ॥ ३४९॥ नेरइयाणं भंते! किं संवुडा जोणी, वियडा जोणी, संवुडवियडा जोणी? गोयमा! संवुडजोणी, नो वियडजोणी, नो संवुडवियडजोणी। एवं जाव वणस्सइ-काइयाणं । बेइंदियाणं पुच्छा । गोयमा ! नो संवुडजोणी, वियडजोणी, नो संवुड-

वियडजोणी । एवं जाव चर्रिदियाणं । संमुच्छिमपंचिंदियतिरिक्खजोणियाणं संमु-च्छिममणुस्साण य एवं चेव । गब्भवक्कंतियपंचिंदियतिरिक्खजोणियाणं गब्भवक्कंति-यमणुस्साण य नो संवुडा जोणी, नो वियडा जोणी, संवुडवियडा जोणी। वाणमं-तरजोइसियवेमाणियाणं जहा नेरइयाणं ॥ ३५० ॥ एएसि णं भंते ! जीवाणं संवुड-जोणियाणं वियडजोणियाणं संवुडवियडजोणियाणं अजोणियाण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा जीवा संवुड-वियडजोणिया, वियडजोणिया असंखिज्जगुणा, अजोणिया अणंतगुणा, संवडजोणिया अणंतगुणा ॥ ३५१ ॥ कइविहा णं भंते ! जोणी पन्नता ? गोयमा ! तिविहा जोणी पन्नता । तंजहा—कुम्मुण्णया, संखावत्ता, वंसीपता । कुम्मुण्णया णं जोणी उत्तम-पुरिसमाऊणं । कुम्मुण्णयाए णं जोणीए उत्तमपुरिसा गब्से वक्कमंति, तंजहा-अरहंता, चक्कवट्टी, बलदेवा, वासुदेवा । संखावत्ता णं जोणी इत्थीरयणस्स, संखा-वत्ताए जोणीए बहवे जीवा य पोग्गला य वक्कमंति विडक्कमंति चयंति उवचयंति, नो चेव णं णिप्फर्जाति। वंसीपत्ता णं जोणी पिहुज्जणस्स, वंसीपत्ताए णं जोणीए पिहुज्जणा गब्मे वक्कमंति ॥ ३५२ ॥ पन्नवणाए भगवईए नवमं जोणीपयं समन्तं ॥ कइ णं भंते! पुढवीओ पन्नत्ताओं ? गोयमा! अहु पुढवीओ पन्नत्ताओं। तंजहा-रयणप्पमा, सक्करप्पमा, वालुयप्पमा, पंकप्पमा, धूमप्पमा, तमप्पमा. तमतमप्पभा, ईसिप्पञ्मारा ॥ ३५३ ॥ इमा णं भंते ! रयणप्पभा पढवी किं चरमा, अचरमा, चरमाई, अचरमाई, चरमंतपएसा, अचरमंतपएसा ? गोयमा! इमा णं रयणप्पभा पुढवी नो चरमा, नो अचरमा, नो चरमाई, नो अचरमाई, नो चरमंतपएसा, नो अचरमंतपएसा, नियमाऽचरमं चरमाणि य, चरमंतपएसा य अचरमंतपएसा य, एवं जाव अहेसत्तमा पुढवी, सोहम्माई जाव अणुत्तरविमाणाणं एवं चेव, ईसिप्पब्भारा वि एवं चेव, लोगे वि एवं चेव, एवं अलोगे वि ॥ ३५४ ॥ इमीसे णं भंते ! रयणप्पभाए पुढवीए अचरमस्स य चरमाण य चरमंतपएसाण य अचरमंतपएसाण य दव्बद्वयाए पएसट्टयाए दव्बद्वपएसट्टयाए क्यरे क्यरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवे इमीसे रयणप्पभाए पुढवीए दव्बद्वयाए एगे अचरमे, चरमाई असंखेजगुणाई, अचरमं च चरमाणि य दो वि विसेसाहिया, पएसट्टयाए सन्वत्थोवा इमीसे रयणप्पभाए पुढवीए चरमन्तपएसा, अचरमंतपएसा असंखेजगुणा, चरमंतपएसा य अचरमंत-पएसा य दो वि विसेसाहिया, द्व्वट्ठपएसट्टयाए सन्वत्थोवे इमीसे रयणप्पभाए पुढवीए दन्बह्रयाए एगे अचरमे, चरमाई असंखेजगुणाई, अचरमं चरमाणि य

दो वि विसेसाहियाई, पएसहयाए चरमंतपएसा असंखेजगुणा, अचरमंतपएसाः असंखेजगुणा, चरमंतपएसा य अचरमंतपएसा य दो वि विसेसाहिया । एवं जाव अहेसत्तमाए, सोहम्मस्स जाव लोगस्स एवं चेव ॥ ३५५॥ अलोगस्स णं भंते! अचरमस्स य चरमाण य चरमन्तपएसाण य अचरमन्तपएसाण य दन्बद्रयाए पएसद्रयाए दन्बद्वपएसद्वयाए कयरे कयरेहिंतो अप्पा वा बहयाः वा तुल्ला वा विसेसाहिया वा ? गोयमा ! सव्वत्थोवे अलोगस्स दव्बद्वयाए एगे. अचरमे, चरमाइं असंखेजागुणाइं, अचरमं चरमाणि य दो वि विसेसाहियाइं; पएस-द्र्याए सञ्बत्थोवा अलोगस्स चरमन्तपएसा, अचरमन्तपएसा अणन्तगुणा, चरम-न्तपएसा य अचरमन्तपएसा य दो वि विसेसाहिया; दव्वह्रपएसहुयाए सव्वत्थोवे अलोगस्स एगे अचरमे, चरमाइं असंखेजगुणाइं, अचरमं च चरमाणि य दो वि विसेसाहियाई, चरमन्तपएसा असंखेजगुणा, अचरमन्तपएसा अणन्तगुणा, चरम-न्तपएसा य अचरमन्तपएसा य दो वि विसेसाहिया ॥ ३५६ ॥ लोगालोगस्स णं भंते ! अचरमस्स य चरमाण य चरमन्तपएसाण य अचरमन्तपएसाण य दव्बट्ट-याए पएसड्रयाए दव्वड्रपएसड्रयाए कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवे लोगालोगस्स दन्बद्वयाए एगमेगे अचरमे. लोगस्स चरमाइं असंखेजागुणाइं, अलोगस्स चरमाइं विसेसाहियाइं. लोगस्स य अलोगस्स य अचरमं चरमाणि य दो वि विसेसाहियाई, पएसद्वयाए सन्वत्थोवा लोगस्स चरमन्तपएसा, अलोगस्स चरमन्तपएसा विसेसाहिया, लोगस्स अचरमन्त-पएसा असंखेजगुणा, अलोगस्स अचरमन्तपएसा अणन्तगुणा, लोगस्स य अलो-गस्स य चरमन्तपएसा य अचरमन्तपएसा य दो वि विसेसाहिया । दन्वद्वपएसद्वयाए सव्वत्थोवे लोगालोगस्स द्व्वद्वयाए एगमेगे अचरमे, लोगस्स चरमाइं असंखेजगुणाइं, अलोगस्स चरमाइं विसेसाहियाइं, लोगस्स य अलोगस्स य अचरमं चरमाणि य दो वि विसेसाहियाई, लोगस्स चरमन्तपएसा असंखेजगुणा, अलोगस्स य चरमन्त-पएसा विसेसाहिया, लोगस्स अचरमन्तपएसा असंखेजगुणा, अलोगस्स अचरमं-तपएसा अणंतगुणा, लोगस्स य अलोगस्स य चरमन्तपएसा य अचरमन्तपएसा य दो वि विसेसाहिया, सञ्वदन्वा विसेसाहिया, सञ्वपएसा अणंतगुणा, सञ्वपज्जवा अणंतगुणा ॥ ३५० ॥ परमाणुपोग्गले णं भंते ! किं चरमे १, अचरमे २, अव-त्तव्वए २, चरमाई ४, अचरमाई ५, अवत्तव्वयाई ६, उदाहु चरमे य अचरमे य ७, उदाहु चरमे य अचरमाई ८, उदाहु चरमाई अचरमे य ९, उदाहु चरमाई च अचरमाई च १०, पढमा चल्रभंगी। उदाह चरमे य अवत्तव्वए य ११, उदाह

चरमे य अवत्तव्वयाई च १२, उदाहु चरमाई च अवत्तव्वए य १३, उदाहु चरमाई च अवत्तव्वयाई च १४, बीया चडभंगी। उदाह अचरमे य अवत्तव्वए य १५, उदाह अचरमे य अवत्तव्वयाई च १६, उदाहु अचरमाई च अवत्तव्वए य १७, उदाहु अचरमाईं च अवत्तव्वयाईं च १८, तइया चउभंगी। उदाहु चरमे य अचरमे य अवतव्वए य १९, उदाहु चरमे य अचरमे य अवतव्वयाई च २०, उदाह चरमे य अचरमाई च अवत्तव्वए य २१, उदाह चरमे य अचरमाई च अवत्तव्ययाई च २२, उदाह चरमाई च अचरमे य अवत्तव्वए य २३, उदाह चरमाई च अचरमे य अवत्तव्वयाई च २४, उदाहु चरमाई च अचरमाई च अवत्तव्वए य २५. उदाह चरमाइं च अचरमाइं च अवत्तव्वयाईं च २६। एए छुठ्वीसं भंगा । गोयमा ! परमाणपोग्गले नो चरमे, नो अचरमे, नियमा अवत्तव्वए, सेसा भंगा पिडसेहेयन्वा ॥ ३५८ ॥ दुपएसिए णं भंते ! खंधे पुच्छा । गोयमा ! दुपएसिए खंघे सिय चरमे, नो अचरमे, सिय अवत्तव्वए । सेसा मंगा पिडसेहे-यव्वा ॥ ३५९ ॥ तिपएसिए णं भंते ! खंधे पुच्छा । गोयमा ! तिपएसिए खंधे सिय चरमे १. नो अचरमे २. सिय अवत्तव्वए ३. नो चरमाई ४, नो अचरमाई ५. नो अवत्तव्वयाई ६, नो चरमे य अचरमे य ७, नो चरमे य अचरमाई ८, सिय चरमाइं च अचरमे य ९. नो चरमाइं च अचरमाइं च १०, सिय चरमे य अव-त्तव्वए य ११. सेसा भंगा पिडसेहेयव्वा ॥ ३६० ॥ चउपएसिए णं भंते ! खंधे पुच्छा। गोयमा! चउपएसिए णं खंधे सिय चरमे १, नो अचरमे २, सिय अवत्तव्वण ३ नो चरमाइं ४. नो अचरमाइं ५, नो अवत्तव्वयाइं ६, नो चरमे य अचरमे य ७, नो चरमे य अचरमाइं च ८, सिय चरमाइं अचरमे य ९. सिय चरमाइं च अचरमाइं च १०, सिय चरमे य अवत्तव्वए य ११, सिय चरमे य अवत्तव्वयाइं च १२, नो चरमाइं च अवत्तव्वए य १३, नो चरमाइं च अवत्तव्व-याई च १४, नो अचरमे य अवत्तव्वए य १५, नो अचरमे य अवत्तव्वयाई च १६, नो अचरमाई च अवत्तव्वए य १७, नो अचरमाई च अवत्तव्वयाई च १८. नो चरमे य अचरमे य अवत्तव्वए य १९, नो चरमे य अचरमे य अवत्तव्वयाई च २०, नो चरमे य अचरमाइं च अवत्तव्वए य २१, नो चरमे य अचरमाइं च अवत्तव्वयाइं च २२, सिय चरमाइं च अचरमे य अवत्तव्वए य २३। सेसा भंगा पिडसिहेयव्वा ॥ ३६१ ॥ पंचपएसिए णं भंते ! खंधे पुच्छा । गोयमा ! पंचपएसिए खंघे सिय वरमे १, नो अचरमे २, सिय अवत्तव्वए ३, नो चरमाई ४, नो अचरमाइं ५, नो अवत्तव्वयाइं ६, सिय चरमे य अचरमे य ७, नो चरमे य

अचरमाई च ८. सिय चरमाई च अचरमे य ९, सिय चरमाई च अचरमाई च १०, सिय चरमे य अवत्तव्वए य ११, सिय चरमे य अवत्तव्वयाई च १२, सिय चरमाई च अवत्तव्वए य १३, नो चरमाई च अवत्तव्वयाई च १४. नो अचरमे य अवत्तव्वए य १५, नो अचरमे य अवत्तव्वयाई च १६, नो अचरमाई च अवत्तव्वए य १७. नो अचरमाइं च अवत्तव्वयाइं च १८, नो चरमे य अचरमे य अवत्तव्वए य १९. नो चरमे य अचरमे य अवत्तव्वयाई च २०, नो चरमे य अचरमाइं च अवत्तव्वए य २१. नो चरमे य अचरमाइं च अवत्तव्वयाइं च २२. सिय चरमाइं च अचरमे य अवतव्वए य २३, सिय चरमाइं च अचरमे य अवत्तव्वयाई च २४, सिय चरमाई च अचरमाई च अवत्तव्वत य २५. नो चरमाइं च अचरमाइं च अवत्तव्वयाइं च २६ ॥ ३६२ ॥ छप्पएसिए णं भंते ! पुच्छा । गोयमा ! छप्पएसिए णं खंधे सिय चरमे १. नो अचरमे २, सिय अवत्तव्वए ३, नो चरमाइं ४, नो अचरमाइं ५, नो अवत्तव्वयाइं ६. सिय चरमे य अचरमे य ७. सिय चरमे य अचरमाई च ८. सिय चरमाई च अचरमे य ९, सिय चरमाइं च अचरमाइं च १०, सिय चरमे य अवतव्वए य ११, सिय चरमे य अवत्तव्वयाई च १२, सिय चरमाई च अवत्तव्वए य १३, सिय चरमाइं च अवत्तव्वयाइं च १४, नो अचरमे य अवत्तव्वए य १५, नो अचरमे य अवत्तव्वयाइं च १६, नो अचरमाइं च अवत्तव्वए य १७, नो अचर-माइं च अवत्तव्वयाइं च १८. सिय चरमे य अचरमे य अवत्तव्वए य १९. नो चरमे य अचरमे य अवत्तव्वयाईं च २०. नो चरमे य अचरमाई च अवत्तव्वए य २१, नो चरमे य अचरमाइं च अवत्तव्वयाइं च २२, सिय चरमाइं च अचरमे य अवत्तव्वए य २३, सिय चरमाइं च अचरमे य अवत्तव्वयाइं च २४. सिय चरमाइं च अचरमाई च अवत्तव्वए य २५, सिय चरमाई च अचरमाई च अवत्तव्वयाई च २६ ॥ ३६३ ॥ सत्तपएसिए णं भंते ! खंघे पुच्छा । गोयमा ! सत्तपएसिए णं खंधे सिय चरमे १, णो अचरमे २. सिय अवत्तव्वए ३. णो चरमाइं ४. णो अवरमाइं ५, णो अवत्तव्वयाइं ६, सिय चरमे य अचरमे य ७. सिय चरमे य अचरमाइं च ८, सिय चरमाइं च अचरमे य ९, सिय चरमाइं च अचरमाइं च १०, सिय चरमे य अवत्तव्वए य ११, सिय चरमे य अवत्तव्वयाई च १२. सिय चरमाई च अवत्तव्वए य १३, सिय चरमाई च अवत्तव्वयाई च १४, णो अचरमे य अवत्तव्वए य १५, णो अचरमे य अवत्तव्वयाई च १६, णो अचरमाई च अवत्तव्वए य १७, णो अचरमाई च अवत्तव्वयाई च १८, सिय चरमे य अचरमे

य अवत्तव्वए य १९, सिय चरमे य अचरमे य अवत्तव्वयाइं च २०, सिय चरमे य अचरमाई च अवत्तव्वए य २१, णो चरमे य अचरमाई च अवत्तव्वयाई च २२. सिय चरमाई च अचरमे य अवत्तव्वए य २३. सिय चरमाई च अचरमे य अवत्तव्वयाई च २४. सिय चरमाई च अचरमाई च अवत्तव्वए य २५, सिय चरमाई च अचरमाई च अवत्तव्वयाई च २६॥ ३६४॥ अद्रपएसिए णं भंते ! खंधे पुच्छा । गोयमा ! अद्भपएसिए खंधे सिय चरमे १, नो अचरमे २, सिय अवत्तव्वए ३, नो चरमाइं ४, नो अचरमाइं ५, नो अवत्तव्वयाइं ६, सिय चरमे य अचरमे य ७, सिय चरमे य अचरमाईं च ८, सिय चरमाईं च अचरमे य ९, सिंय चरमाईं च अचरमाईं च १०, सिय चरमे य अवत्तव्वए य ११, सिय चरमे य अवत्तव्वयाई च १२, सिय चरमाई च अवत्तव्वए य १३, सिय चरमाई च अवत्तव्वयाइं च १४, णो अचरमे य अवत्तव्वए य १५, णो अचरमे य अवत्तव्वयाइं च १६, णो अचरमाइं च अवत्तव्वए य १७, णो अचरमाइं च अवत्तव्वयाईं च १८, सिय चरमे य अचरमे य अवत्तव्वए य १९, सिय चरमे य अचरमे य अवत्तव्वयाई च २०, सिय चरमे य अचरमाई च अवत्तव्वए य २१, सिय चरमे य अचरमाई च अवत्तव्वयाई च २२, सिय चरमाई च अचरमे य अवत्तव्वए य २३, सिय चरमाई च अचरमे य अवत्तव्वयाई च २४, सिय चरमाइं च अचरमाइं च अवत्तव्वए य २५, सिय चरमाइं च अचरमाइं च अवत्तव्वयाइं च २६. संखेजपरितर असंखेजपरितर अणंतपरितर खंधे जहेव अद्वपएसिए तहेव पत्तेयं भाणियव्वं । परमाणुम्मि य तइओ पढमो तइओ य होंति दुपएसे। पढमो तइओ नवमो एक्कारसमो य तिपएसे॥ १॥ पढमो तइओ नवमो दसमो एकारसो य बारसमो । भंगा चडप्पएसे तेवीसइमो य बोद्धव्वो ॥ २ ॥ पढमो तइओ सत्तमनवदसइक्कारबारतेरसमो । तेवीसचउव्वीसो पणवीसइमो य पंचमए॥ ३॥ बिचउत्थपंचछद्वं पनरस सोलं च सत्तरद्वारं। वीसेक्रवीसवावीसगं च वजेज छट्टंमि ॥ ४ ॥ बिचउत्थपंचछट्टं पण्णर सोलं च सत्तरद्वारं । बाबीसइमविहृणा सत्तपएसंमि खंधिम्म ॥ ५॥ विचउत्थपंचछद्रं पण्णर सोलं च सत्तरद्वारं । एए विजिय भंगा सेसा सेसेसु खंधेसु ॥ ६ ॥ ३६५ ॥ कड़ ण भंते ! संठाणा पत्रता ? गोयमा ! पंच संठाणा पत्रता । तंजहा-परिमंडले, बहे, तंसे, चडरंसे, आयए य ॥ ३६६ ॥ परिमंडला णं भंते ! संठाणा किं संखेजा, असंखेजा, अणंता ? गोयमा ! नो संखेजा, नो असंखेजा, अणंता । एवं जाव आयया । परिमंडले णं भंते ! संठाणे किं संखेजपएसिए, असंखेजपएसिए, अणंतपए-

सिए र गोयमा ! सिय संखेजपएसिए, सिय असंखेजपएसिए, सिय अणंतपएसिए । एवं जाव आयए । परिमंडले णं भंते ! संठाणे संखेजपएसिए किं संखेजपएसोगाहे. असं-खेजपुरसोगाढे. अणंतपुरसोगाढे १ गोयमा ! संखेजपुरसोगाढे, नो असंखेजपुरसोगाढे नो अर्णतपुरसोगाह । एवं जाव आयए । परिमंडले णं भंते ! संठाणे असंखेजपुरसिए किं संखेजपुरसोगाहे, असंखेजपुरसोगाहे, अणंतपुरसोगाहे ? गोयमा ! सिय संखेज-पएसोगाढे, सिय असंखेजपएसोगाढे, नो अणंतपएसोगाढे। एवं जाव आयए। परिमंडले णं भंते! संठाणे अणंतपएसिए किं संखेजपएसोगाढे, असंखेजपएसोगाढे, अणंतपएसोगाढे ? गोयमा ! सिय संखेजपएसोगाढे, सिय असंखेजपएसोगाढे, नो अणंतपएसोगाढे । एवं जाव आयए । परिमंडले णं भंते ! संठाणे संखेजपणितण संखेजपुण्सोगाढे किं चरमे, अचरमे, चरमाई, अचरमाई, चरमंतपुण्सा, अचरमंत-पएसा ? गोयमा ! परिमंडले णं संठाणे संखेज्जपएसिए संखेजपएसोगाढे नो चरमे. नो अचरमे. नो चरमाइं, नो अचरमाइं, नो चरमंतपएसा, नियमं अचरमं चरमाणि य चरमंतपुरसा य अचरमंतपुरसा य । एवं जाव आयए । परिमंडले णं भंते ! संठाणे असंखेजपएसिए संखेजपएसोगाढे किं चरमे० पुच्छा। गोयमा! असंखेजपएसिए संखेजपण्सोगाढे जहा संखेजपण्सिए। एवं जाव आयए। परिमंडले णं भंते! संठाणे असंखेजपएसिए असंखेजपएसोगाढे किं चरमे॰ पुच्छा। गोयमा! असंखेजपएसिए असंखेजपएसोगाढे नो चरमे, जहा संखेजपएसोगाढे, एवं जाव आयए। परिमंडले णं भंते! संठाणे अणंतपएसिए संखेजपएसोगाढे कि चरमे० पुच्छा। गोयमा! तहेव जाव आयए । अणंतपएसिए असंखेज्जपएसोगाढे जहा संखेज्जपएसोगाढे. एवं जाव आयए ॥ ३६७ ॥ परिमंडलस्स णं भंते ! संठाणस्स संखेजपएसियस्स संखेजपए-सोगाढस्स अचरमस्स य चरमाण य चरमंतपएसाण य अचरमंतपएसाण य दव्बद्रयाए पएसद्रयाए दव्बद्वपएसद्वयाए कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवे परिमंडलस्स संठाणस्स संखेजपएसियस्स संखेजजपरसोगाढरस दव्बद्वयाए एगे अचरमे. चरमाई संखेजगुणाई. अचरमं चरमाणि य दोऽवि विसेसाहियाई, पएसद्वयाए सन्वत्थोवा परिमंडलस्स संठाणस्स संखेजपएसियस्स संखेजपएसोगाढस्स चरमंतपएसा, अचरमन्तपएसा संखेजगुणा, चरमन्तपएसा य अचरमन्तपएसा य दोऽवि विसेसाहिया, दव्बह्वपएसहयाए सव्ब-त्थोंचे परिमण्डलस्स संठाणस्स संखेज्जपएसियस्स संखेज्जपएसोगाढरस दव्बद्रयाए एगे अचरमे, चरमाइं संखेजगुणाइं, अचरमं च चरमाणि य दोऽवि विसेसाहियाइं. चरमन्तपएसा संखेजगुणा, अचरमन्तपएसा संखेजगुणा, चरमन्तपएसा य अचरमन्तपएसा य दोऽवि विसेसाहिया। एवं वहतंसचउरंसायएसु वि जोएयव्वं ॥ ३६८ ॥ परिमण्डलस्स णं भंते ! संठाणस्स असंखेजपएसियस्स संखेजपएसोगा-ढस्स अचरमस्स चरमाण य चरमन्तपएसाण य अचरमन्तपएसाण य दव्बद्रयाए पएसद्वयाए द्व्यद्वपएसद्वयाए कयरे क्यरेहिंतो अप्पा वा ४१ गोयमा! सव्वत्थोवे परिमंडलस्स संठाणस्स असंखेजपएसियस्स संखेजपएसोगाडस्स दन्बद्वयाए एगे अचरमे, चरमाइं संखेजागुणाइं. अचरमं च चरमाणि य दोऽवि विसेसाहियाइं. पएसट्टयाए सन्वत्थोवा परिमंडलसंठाणस्स असंखेजपएसियस्स संखेजपएसोगाडस्स चरमंतपएसा, अचरमंतपएसा संखेजगुणा, चरमंतपएसा य अचरमंतपएसा य दोऽवि विसेसाहिया, द्व्वहुपएसहुयाए-सव्वत्थोवे परिमंडलस्स संठाणस्स असंखेज-पएसियस्स संखेजपएसोगाढस्स दव्बहुयाए एगे अचरमे, चरमाई संखेजगुणाई, अचरमं च चरमाणि य दोऽवि विसेसाहियाइं, चरमंतपएसा संखेजागुणा, अचरमंत-पएसा संखेजगुणा, चरमंतपएसा य अचरमंतपएसा य दोऽवि विसेसाहिया। एवं जाव आयए । परिमंडलस्स णं भंते ! संठाणस्स असंखेज्जपएसियस्स असंखेज्जपए-सोगाहस्स अचरमस्स य चरमाण य चरमंतपएसाण य अचरमंतपएसाण य दव्वद्र-याए पएसट्टयाए दव्बट्टपएसट्टयाए कयरे क्यरेहिंतो अप्पा वा ४ १ गोयमा ! जहाः रयणप्पभाए अप्पाबहुयं तहेव निरवसेसं भाणियव्वं, एवं जाव आयए ॥ ३६९ ॥ परिमंडलस्स णं भंते ! संठाणस्स अणंतपएसियस्स संखेजपएसोगाढस्स अचरमस्स य चरमाण य चरमंतपएसाण य अचरमंतपएसाण य दन्बद्वयाए पएसद्रयाए दव्वड्ठपएसड्डयाए कयरे कयरेहिंतो अप्पा वा ४ १ गोयमा ! जहा संखेजपएसि-यस्स संखेजपएसोगाढस्स. नवरं संक्रमेणं अणंतगुणा, एवं जाव आयए । परिमंड-लरस णं भंते ! संठाणस्स अणंतपएसियस्स असंखेजपएसोगाढस्स अचरमस्स य ४ जहा रयणप्पभाए, नवरं संकमे अणंतगुणा, एवं जाव आयए ॥ ३७० ॥ जीवे णं भंते ! गइचरमेणं किं चरमे अचरमे ? गोयमा ! सिय चरमे, सिय अचरमे । नेरडए णं भंते! गइचरमेणं किं चरमे अचरमे ? गोयमा! सिय चरमे, सिय अचरमे, एवं निरंतरं जाव वेमाणिए । नेरडया णं भंते ! गइचरमेणं किं चरमा अचरमा ? गोयमा ! चरमा वि अचरमा वि, एवं निरंतरं जाव वेमाणिया । नेरइए णं भंते ! ठिईचरमेणं किं चरमे अचरमे ? गोयमा ! सिय चरमे, सिय अचरमे, एवं निरंतरं जाव वेमाणिए । नेरइया णं भंते ! ठिईचरमेणं किं चरमा अचरमा ? गोयमा ! चरमा वि अचरमा वि, एवं निरंतरं जाव वेमाणिया । नेरइए णं भंते ! भवचरमेणं किं चरमे अचरमे ? गोयमा ! सिय चरमे, सिय अचरमे, एवं निरंतरं जाव वेमा- णिए । नेरइया णं भंते ! भवचरमेणं किं चरमा अचरमा ? गोयमा ! चरमा वि अचरमा वि. एवं निरंतरं जाव वेमाणिया । नेरइए णं भंते ! भासाचरमेणं किं चरमे अचरमे १ गोयमा ! सिय चरमे, सिय अचरमे, एवं निरंतरं जाव वेमाणिए । नेरहया णं भंते ! भासाचरमेणं किं चरमा अचरमा ? गोयमा ! चरमा वि अचरमा वि. एवं जाव एगिंदियवजा निरंतरं जाव वेमाणिया । नेरइए णं भंते ! आणापाणचरमेणं किं चरमे अचरमे ? गोयमा ! सिय चरमे. सिय अचरमे । एवं निरंतरं जाव वेमाणिए । नेरइया णं भंते ! आणापाण्चरमेणं किं चरमा अचरमा ? गोयमा ! चरमा वि अचरमा वि। एवं निरंतरं जाव वेमाणिया। नेरइए णं भंते! आहारचर-मेणं किं चरमे अचरमे ? गोयमा ! सिय चरमे, सिय अचरमे । एवं निरंतरं जाव वेसाणिए । नेरइया णं भंते ! आहारचरमेणं किं चरमा अचरमा ? गोयमा ! चरमा वि अचरमा वि. एवं निरंतरं जाव वेमाणिया । नेरइए णं भंते ! भावचरमेणं किं चरमे अचरमे ? गोयमा ! सिय चरमे. सिय अचरमे । एवं निरंतरं जाव वेमाणिए । नेरइया णं भंते ! भावचरमेणं किं चरमा अचरमा ? गोयमा ! चरमा वि अचरमा वि । एवं निरंतरं जाव वेमाणिया । नेरइए णं भंते ! वण्णचरमेणं किं चरमे अचरमे ? गोयमा ! सिय चरमे. सिय अचरमे । एवं निरंतरं जाव वेमाणिए । नेरइया णं भंते ! वण्णचरमेणं किं चरमा अचरमा ? गोयमा ! चरमा वि अचरमा वि । एवं निरंतरं जाव वेमाणिया । नेरइए णं भंते ! गंधचरमेणं किं चरमे अचरमे ? गोयमा ! सिय चरमे. सिय अचरमे । एवं निरंतरं जाव वेमाणिए । नेरइया णं भंते ! गंधचरमेणं किं चरमा अचरमा ? गोयमा ! चरमा वि अचरमा वि । एवं निरंतरं जाव वेमाणिया । नेरइए णं भंते ! रसचरमेणं किं चरमे अचरमें १ गोयमा! सिय चरमे, सिय अचरमे । एवं निरंतरं जाव वेमाणिए । नेरइया णं मंते! रसचरमेणं किं चरमा अचरमा? गोयमा! चरमा वि अचरमा वि। एवं निरंतरं जाव वेमाणिया । नेरइए णं भंते ! फासचरमेणं किं चरमे अचरमे ? गोयमा ! सिय चरमे, सिय अचरमे । एवं निरंतरं जाव वेमाणिए । नेरइया णं भंते ! फासचरमेणं किं चरमा अचरमा ? गोयमा ! चरमा वि अचरमा वि । एवं निरंतरं जाव वेमाणिया। संगहणीगाहा—"गइठिइभवे य भासा आणापाणचरमे य बोद्धव्वा । आहारभावचरमे वण्णरसे गंधफासे य" ॥ ३७१ ॥ पन्नवणाप भगवर्षेप दसमं चरमपयं समत्तं॥

से णूणं भंते! मण्णामीति ओहारिणी भासा, चिंतेमीति ओहारिणी भासा, अह चिंतेमीति ओहारिणी भासा, अह चिंतेमीति ओहारिणी भासा, तह मण्णा-

मीति ओहारिणी भासा, तह चिंतेमीति ओहारिणी भासा? हंता गोयमा! मण्णामीति ओहारिणी भासा, चिंतेमीति ओहारिणी भासा, अह मण्णामीति ओहारिणी भासा, अह चिंतेमीति ओहारिणी भासा, तह मण्णामीति ओहारिणी भासा. तह चिंतेमीति ओहारिणी भासा ॥ ३७२ ॥ ओहारिणी णं भंते ! भासा किं सचा. मोसा, सचामोसा, असचामोसा? गोयमा! सिय सचा, सिय मोसा. सिय सचामोसा, सिय असचामोसा । से केण्ट्रेणं भंते ! एवं वुचइ-'ओहारिणी णं भासा सिय सचा, सिय मोसा, सिय सचामोसा, सिय असचामोसा' ? गोयमा ! आराहिणी सचा, विराहिणी मोसा, आराहणविराहिणी सचामोसा, जा णेव आराहणी णेव विराहिणी णेवाराहणविराहिणी सा असचामोसा णामं चउत्थी भासा, से तेणद्रेणं गोयमा! एवं वृचइ-- 'ओहारिणी णं भासा सिय सचा, सिय मोसा. सिय सचामोसा, सिय असचामोसा'॥ ३७३॥ अह भंते! गाओ मिया पसू पक्खी पण्णवणी णं एसा भासा, ण एसा भासा मोसा ? हंता गोयमा ! जा य गाओ मिया पस पक्खी पण्णवणी णं एसा भासा, ण एसा भासा मोसा ॥ ३७४॥ अह भंते! जा य इत्थीवऊ, जा य पुमवऊ, जा य नपुंसगवऊ पण्णवणी णं एसा भासा, ण एसा भासा मोसा ? हंता गोयमा! जा य इत्थीवऊ, जा य पुमवऊ, जा य नपुंसगवऊ पण्णवणी णं एसा भासा, ण एसा भासा मोसा ॥ ३०५॥ अह भंते 🛚 जा य इत्थिआणवणी, जा य पुमुआणवणी, जा य नुपुंसगआणवणी पण्णवणी णं एसा भासा. ण एसा भासा मोसा ? हंता गोयमा ! जा य इत्थिआणवणी, जा य पुमआणवणी, जा य नपुंसगआणवणी पण्णवणी णं एसा भासा, ण एसा भासा मोसा ॥ ३७६ ॥ अह मंते ! जा य इत्थिपण्णवणी, जा य पुमपण्णवणी, जा य न्पंसगपण्णवणी पण्णवणी णं एसा भासा, ण एसा भासा मोसा ? हंता गोयमा ! जा य इत्थिपण्णवणी, जा य पुमपण्णवणी, जा य न्पुंसगपण्णवणी पण्णवणी णं एसा भासा, ण एसा भासा भोसा ॥ ३०० ॥ अह भंते ! जा जाईइ इत्थिवऊ, जाईइ पुमवऊ, जाईइ णपुंसगवऊ पण्णवणी णं एसा भासा, ण एस भासा मोसा? हंता ! गोयमा ! जाईइ इत्थिवऊ, जाईइ पुमवऊ, जाईइ णपुंसगवऊ पण्णवणी णं एसा भासा, ण एसा भासा मोसा ॥ ३७८ ॥ अह भंते ! जा जाईइ इत्थिआ-णवणी, जाईइ पुमञाणवणी, जाईइ णपुंसगाणवणी पण्णवणी णं एसा भासा, ण एसा भासा मोसा? हंता गोयमा! जाईइ इत्थिआणवणी, जाईइ पुमआणवणी, जाईइ णपंसगाणवणी पण्णवणी णं एसा भासा. ण एसा भासा मोसा ॥ ३७९ ॥ अह भंते ! जाईइ इत्थिपण्णवणी, जाईइ पुमपण्णवणी, जाईइ णपुंसगपण्णवणी

पण्णवणी ण एसा भासा, ण एसा भासा मोसा? हंता गोयमा! जाईइ इत्थि-पण्णवणी. जाईइ पुमपण्णवणी, जाईइ णपुंसगपण्णवणी पण्णवणी णं एसा भासा. ण एसा भासा मोसा ॥ ३८०॥ अह भंते ! मंदकुमारए वा मंदकुमारिया वा जाणइ बुयमाणे-अहमेसे बुयामीति ? गोयमा ! णो इणहे समहे, णण्णत्थ सण्णिणो । अह भंते ! मंदकुमारए वा मंदकुमारिया वा जाणइ आहारं आहारेमाणे-अहमेसे आहारमाहारेमित्ति ? गोयमा ! णो इण्डें समहे, णण्णत्थ सण्णिणो । अह भंते ! मंदकुमारए वा मंदकुमारिया वा जाणइ-अयं मे अम्मापियरो ? गोयमा ! णो इणद्रे समद्रे, णण्णत्थ सण्णिणो । अह भंते ! मंदकुमारए वा मंदकुमारिया वा जाणइ-अयं मे अइराउलो, अयं मे अइराउलेति १ गोयमा ! णो इणद्रे समद्रे. णणात्य सिणणो । अह भंते ! मंदकुमारए वा मंदकुमारिया वा जाणइ-अयं मे महिदारए, अयं मे महिदारएति ? गोयमा ! णो इणहे समहे, णण्णत्य सण्णिणो ॥ ३८१ ॥ अह भंते ! उट्टे गोणे खरे घोडए अए एलए जाणइ व्यमाणे-अहमेसे बुयामि ? गोयमा ! णो इण्डे समद्वे, णण्णत्य सण्णिणो । अह मंते ! उट्टे जाव एलए जाणइ आहारं आहारेमाणे-अहमेसे आहारेमि ? गोयमा ! णो इणट्ठे समट्टे, णण्णत्थ सण्णिणो । अह भंते ! उद्दे गोणे खरे घोडए अए एलए जाणइ-अयं मे अम्मापियरो ? गोयमा ! णो इणद्रे समद्रे, णण्णत्य सण्णिणो । अह भंते ! उट्टे जाव एलए जाणइ-अयं मे अइराउलेति ? गोयमा ! णो इणहे समहे, णण्णत्थ सण्णिणो । अह मंते ! उट्टे जाव एलए जाणइ-अयं मे भट्टिदारए २ ? गोयमा! णो इणहे समद्वे, णण्णत्थ सण्णिणो ॥ ३८२ ॥ अह मंते! मणुस्से महिसे आसे हत्थी सीहे वग्ये विगे दीविए अच्छे तरच्छे परस्तरे सियाले विराहे सुणए कोलसुणए कोकंतिए ससए चित्तए चिल्ललए जेयावने तहप्पगारा सव्वा सा एगवऊ ? हंता गोयमा! मणुस्से जाव चिल्लठए जेयावन्ने तहप्पगारा सव्वा सा एगवऊ । अह भंते ! मणुस्सा जाव चिल्ललगा जेयावने तहप्पगारा सन्वा सा बहवऊ १ हंता गोयमा ! मणुस्सा जाव चिल्ललगा ... सन्वा सा बहुवऊ ॥ ३८३ ॥ अह भंते ! मणुस्सी महिसी वलवा हत्थिणिया सीही वग्घी विगी दीविया अच्छी तरच्छी परस्सरा रासभी सियाली विराली सुणिया कोलसुणिया कोक्कंतिया सिसया चित्तिया चिल्ललिया जेयावन्ने तहप्पगारा सन्ना सा इत्थिवऊ ? हंता गोयमा! मणुस्सी जाव चिल्लिलिंगा जेयावने तहप्पगारा सन्वा सा इश्थिवऊ । अह भंते ! मणुस्से जाव चिह्नलए जेयावन्ने तहप्पगारा सन्वा सा पुमवऊ ? हंता गोयमा ! मणुस्ते महिसे जाव चिल्ललए जेयावने तहप्पगारा सक्वा सा पुमवऊ । अह भंते !

कंसं कंसोयं परिमंडलं सेलं जालं थालं तारं रूवं अच्छिपव्वं कुंडं पउमं दुद्धं दहिं णवणीयं असणं सयणं भवणं विमाणं छत्तं चामरं भिंगारं अंगणं णिरंगणं आभरणं रयणं जेयावने तहप्पगारा सन्वं तं णपुंसगवऊ ? हंता गोयमा ! कंसं जाव रयणं जेयावने तहप्पगारा सव्वं तं णपुंसगवऊ ॥ ३८४ ॥ अह भंते ! पुढवी इत्थिवऊ आउत्ति पुमवऊ घण्णेति न्एंसगवऊ पन्नवणी णं एसा भासा, ण एसा भासा मोसा ? हंता गोयमा ! पुढवित्ति इत्थिवऊ आउत्ति पुमवऊ धण्णेत्ति नपुंसगवऊ पण्णवणी णं एसा भासा, ण एसा भासा मोसा । अह भंते ! पुढवित्ति इत्थिआणवणी, आउत्ति पुमआणवणी, धण्णेत्ति नपुंसगाणवणी पण्णवणी णं एसा भासा, ण एसा भासा मोसा ? हंता गोयमा ! पुढवित्ति इत्थिआणवणी, आउत्ति पुमआणवणी, धण्णेति नपुंसगाणवणी पण्णवणी णं एसा भासा, ण एसा भासा मोसा । अह भंते ! पुढवीति इत्थिपण्णवणी, आउत्ति पुमपण्णवणी, धण्णेति णपुंसगपण्णवणी आराहणी णं एसा भासा, ण एसा भासा मोसा ? हंता गोयमा ! पुढवीति इत्थिपण्णवणी, आउत्ति पुमपण्णवणी, धण्णेति णपुंसगपण्णवणी आरा-हणी णं एसा भासा, ण एसा भासा मोसा। इचेवं मंते ! इत्थिवयणं वा पुमवयणं वा णपुंसगवयणं वा वयमाणे पण्णवणी णं एसा भासा, ण एसा भासा मोसा ? हंता गोयमा ! इत्थिवयणं वा पुमवयणं वा णपुंसगवयणं वा वयमाणे पण्णवणी णं एसा भासा, ण एसा भासा मोसा ॥ ३८५ ॥ भासा ण भंते ! किमाइया, किंपवहा, किसंठिया, किपजावसिया ? गोयमा ! भासा णं जीवाइया, सरीरप्पभवा, वजासंठिया, स्रोगंतपज्जवसिया पण्णत्ता । भासा कःओ य पभवइ ^१ कहि व समएहि भासई भासं ?। भासा कइप्पगारा ? कइ वा भासा अणुमया उ ? ॥ सरीरप्पभवा भासा, दोहि य समएहिं भासई भासं। भासा चडप्पगारा, दोण्णि य भासा अणुमया उ ॥ ३८६ ॥ कइविहा णं भेते ! भासा पन्नता ? गोयमा ! दुविहा भासा पन्नता । तंजहा-पज्जत्तिया य अपज्जत्तिया य । पज्जत्तिया णं भंते ! भासा कड़विहा पन्नत्ता ? गोयमा ! दुविहा पन्नता । तंजहा—सचा मोसा य ॥ ३८० ॥ सचा णं भंते ! भासा पजात्तिया कडविहा पन्नता ? गोयमा! दसविहा पन्नता । तंजहा-जणवय-सचा १, सम्मयसचा २, ठवणसचा ३, नामसचा ४, रुवसचा ५, पडुचसचा ६, ववहारसचा ७, भावसचा ८, जोगसचा ९, ओवम्मसचा १०। ''जणवय १ संमय २ ठवणा ३ नामे ४ रूवे ५ पडुचसचे ६ य । ववहार ७ भाव ८ जोगे ९ दसमे ओवम्मसचे य १०" ॥ ३८८ ॥ मोसा णं भंते ! भासा पजित्तया ऋविहा पन्नता ? गोयमा ! दसविहा पन्नता । तंजहा-कोहणिस्सिया १, माणणिस्सिया २, मायाणिस्सिया ३, लोहणिस्सिया ४, पेज्जणिस्सिया ५, दोसणिस्सिया ६, हासणि-स्सिया ७, भयणिस्सिया ८, अक्खाइयाणिस्सिया ९, उवधाइयणिस्सिया १०। ''क्रोहे माणे माया लोभे पिजे तहेव दोसे य। हास भए अक्खाइयउवघाइयणि• स्सिया दसमा" ॥ ३८९ ॥ अपज्जत्तिया णं भंते ! कहविहा भासा पन्नता ? गोयमा! द्विहा पन्नता । तंजहा-सचामोसा असचामोसा य । सचामोसा णं भंते ! भासा अपजात्तिया कइविहा पन्नता ? गोयमा ! दसविहा पन्नता । तंजहा-उप्पण्णमिसिया १, विगयमिस्सिया २, उप्पण्णविगयमिस्सिया ३, जीवमिस्सिया ४, अजीवमिस्सिया ५, जीवाजीवमिस्सिया ६, अणंतमिस्सिया ७, परित्तमिस्सिया ८, अद्धामिस्सिया ९. अद्भद्धामिस्सिया १०॥ ३९०॥ असचामोसा णं भंते ! भासा अपजात्तिया कइविहा पन्नता १ गोयमा ! दुवालसविहा पन्नता । तंजहा-आमंतणि १, आणमणी २. जायणि ३, तह पुच्छणी य ४, पण्णवणी ५ । पचक्खाणी ६, भासा भासा इच्छा-णुलोमा ७ य ॥ अणभिग्गहिया भासा ८, भासा य अभिग्गहांमि बोद्धव्वा ९। संसयकरणी भासा १०. वोगड ११, अन्वोगडा चेव १२" ॥ ३९१ ॥ जीवा णं भंते ! किं भासगा. अभासगा ? गोयमा ! जीवा भासगा वि, अभासगा वि । से केणद्वेणं भंते ! एवं वृचइ-'जीवा भासगा वि, अभासगा वि' ? गोयमा ! जीवा द्विहा पन्नता । तंजहा-संसारसमावण्णगा य असंसारसमावण्णगा य । तत्थ णं जे ते असंसारसमावण्णगा ते णं सिद्धा, सिद्धा णं अभासगा । तत्थ णं जे ते संसारसमा-वण्णगा ते दुविहा पन्नता। तंजहा—सेलेसीपडिवण्णगा य असेलेसीपडिवण्णगा य। तत्थ णं जे ते सेलेसीपडिवण्णगा ते णं अभासगा । तत्थ णं जे ते असेलेसीपडि-वण्णगा ते दुविहा पन्नता । तं जहा-एगिंदिया य अणेगिंदिया य । तत्थ णं जे ते एगिंदिया ते णं अभासगा। तत्थ णं जे ते अणेगेंदिया ते दुविहा पन्नता। तंजहा-पजत्तगा य अपजत्तगा य । तत्थ णं जे ते अपजत्तगा ते णं अभासगा, तत्थ णं जे ते पजत्तगा ते णं भासगा, से एएणद्वेणं गोयमा ! एवं व्रचइ-'जीवा भासगा वि. अभासगा वि'।। ३९२ ॥ नेरइया णं भंते ! किं भासगा, अभासगा ? गोयमा ! नेरइया भासगा वि. अभासगा वि । से केणद्वेणं भंते ! एवं व्यच्ह-'नेरइया भासगा वि, अभा-सगा वि'? गोयमा! नेरइया दुविहा पन्नता। तंजहा-पज्जत्तगा य अपज्जत्तगा य। तत्थ णं जे ते अपजन्तगा ते णं अभासगा, तत्थ णं जे ते पजन्तगा ते णं भासगा, से एएणट्टेणं गोयमा ! एवं वुचइ-'नेरइया भासगा वि, अभासगा वि' । एवं एपिं-दियवजाणं निरंतरं भाणियव्वं ॥ ३९३ ॥ कइ णं भंते ! भासजाया पन्नता ? गोयमा ! चत्तारि भासजाया पन्नता । तंजहा-सचमेगं भासजायं, बिइयं मोसं, तइयं

सचामोसं. चडत्थं असचामोसं। जीवा णं भंते ! किं सचं भासं भासंति, मोसं भासं भासंति. सचामोसं भासं भासंति, असचामोसं भासं भासंति ? गोयमा ! जीवा सचं पि भासं भासंति, मोसं पि भासं भासंति, सचामोसं पि भासं भासंति, असचामोसं पि भासं भासंति । नेरइया णं भंते ! किं सर्च भासं भासंति जाव असचामोसं भासं भासंति ? गोयमा ! नेरइया णं सच्चं पि भासं भासंति जाव असचामोसं पि भासं भासंति । एवं असुरकुमारा जाव थणियकुमारा । बेइंदियतेइंदियचर्डारंदिया य नो सचं०. नो मोसं०. नो सचामोसं भासं भासंति. असचामोसं भासं भासंति। पंचिं-दियतिरिक्खजोणिया णं भंते ! किं सर्च भासं भासंति जाव असचामोसं भासं भासंति ? गोयमा! पंचिंदियतिरिक्खजोणिया णो सर्च भासं भासंति, णो मोसं भासं भासंति. णो सचामोसं भासं भासंति. एगं असचामोसं भासं भासंति, णण्णत्थ सिक्खापुरुवर्ग उत्तरगणलिंदें वा पड़च सर्च पि भासं भासंति, मोसं पि०, सचामोसं पि०, असचा-मोसं पि भासं भासंति । मणुस्सा जाव वेमाणिया एए जहा जीवा तहा भाणियव्वा ।। ३९४ ।। जीवे णं भंते ! जाइं दव्वाइं भासत्ताए गिण्हइ ताइं किं ठियाइं गिण्हइ. अठियाइं गिण्हइ ? गोयमा ! ठियाइं गिण्हइ, नो अठियाइं गिण्हइ । जाइं भंते ! ठियाइं गिण्हड ताइं किं दन्वओ गिण्हड, खेत्तओ गिण्हड, कालओ गिण्हड, भावओ गिण्हड ? गोयमा ! दन्वओ वि गिण्हइ, खेत्तओ वि०, कालओ वि०, भावओ वि गिण्हइ। जाई भंते ! दन्वओ गिण्हइ ताइं किं एगपएसियाइं गिण्हइ, दुपएसियाइं जाव अणंतपएसियाइं ागण्हइ ? गोयमा ! नो एगपएसियाइं गिण्हइ जाव नो असंखेजपएसियाइं गिण्हइ, अणंतपएसियाइं गिण्हइ। जाइं खेत्तओ गेण्हइ ताइं किं एगपएसोगाढाइं गेण्हइ. दुपएसोगाढाइं गेण्हइ जाव असंखेजपएसोगाढाइं गेण्हइ १ गोयमा ! नो एगपएसोगा-ढाइं गेण्हइ जाव नो संखेजापएसोगाढाइं गेण्हइ. असंखेजापएसोगाढाइं गेण्हइ। जाईं कालओ गेण्हइ ताइं किं एगसमयठिइयाइं गेण्हइ, दुसमयठिइयाइं गेण्हइ जाव असंखेजसमयठिइयाइं गेण्हइ ? गोयम ! एगसमयठिइयाइं पि गेण्हइ, दुसमयठिइ-याइं पि गेण्हइ जाव असंखेजसमयठिइयाइं पि गेण्हइ। जाइं भावओ गेण्हइ ताइं किं वण्णमंताइं गेण्हइ, गंधमंताइं०, रसमंताइं०, फासमंताइं गेण्हइ ? गोयमा ! वण्ण-मंताइं पि गे॰ जाव फासमंताइं पि गेण्हड । जाइं भावओ वण्णमंताइं गेण्हड ताइं किं एगवण्णाइं गेण्हइ जाव पंचवण्णाइं गेण्हइ ? गोयमा ! गहणदन्वाइं पड़च एगवण्णाइं पि गेण्हइ जाव पंचवण्णाई पि गेण्हइ, सव्वग्गहणं पडुच णियमा पंचवण्णाई गेण्हइ, तंजहा-कालाइं नीलाइं लोहियाइं हालिहाइं सुक्किलाइं । जाइं वणाओ कालाइं गेण्हड ताडं किं एगगुणकालाडं गेण्हड जाव अणंतगुणकालाडं गेण्हड ? गोयमा ! २६ सत्ता०

एगगुणकालाइं पि गेण्हइ जाव अणंतगुणकालाइं पि गेण्हइ। एवं जाव सुक्किल्लाई पि । जाइं भावओ गंधमंताइं गिण्हइ ताइं किं एगगंधाईं गिण्हइ, दुगंधाईं गिण्हइ ? गोयमा ! गहणद्व्वाइं पडुच एगगंधाइं पि० दुगंधाइं पि गिण्हइ, सव्वग्गहणं पडुच नियमा दुर्गधाई गिण्हइ । जाई गंधओ सुब्भिगंधाई गिण्हइ ताई किं एग-गुणसुद्भिगंधाई गिण्हइ जाव अणंतगुणसुद्भिगंधाई गिण्हइ १ गोयमा! एगगुणसुद्भि-गंधाइं पि गि० जाव अणंतगुणसुब्भिगंधाइं पि गिण्हइ । एवं दुब्भिगंधाइं पि गेण्हइ । जाइं भावओ रसमंताईं गेण्हइ ताईं किं एगरसाईं गेण्हइ जाव पंचरसाईं गेण्हड ? गोयमा ! गहणद्व्वाइं पडुच एगरसाइं पि गेण्हइ जाव पंचरसाइं पि गिण्हइ. सव्वग्गहणं पद्धच नियमा पंचरसाइं गेण्हइ । जाइं रसओ तित्तरसाइं गेण्हइ ताइं किं एगगुणतित्तरसाइं गिण्हइ जाव अर्णतगुणतित्तरसाइं गिण्हइ ? गोयमा 🕻 एगगुणतित्ताइं पि गिण्हइ जाव अणंतगुणतित्ताइं पि गिण्हइ, एवं जाव महररसो । जाइं भावओ फासमंताइं गेण्हइ ताइं किं एगफासाइं गेण्हइ जाव अद्वफासाइं गेण्हइ १ गोयमा ! गहणदव्वाइं पद्धच णो एगफासाइं गेण्हइ, दुफासाइं गेण्हइ जाव चउ-फासाइं गेण्हइ, णो पंचफासाइं गेण्हइ जाव णो अट्ठफासाइं गेण्हइ, सन्वग्गहणं पडुच नियमा चउफासाइं गेण्हइ, तंजहा-सीयफासाइं गेण्हइ, उसिणफासाइं०, निद्धफासाइं०, <u> लुक्खफासाइं गेण्हइ । जाइं फासओ सीयाइं गेण्हइ ताइं किं एगगुणसीयाइं गेण्हइ</u> जाव अणंतगुणसीयाइं गेण्हइ ? गोयमा ! एगगुणसीयाइं पि गेण्हइ जाव अणंत-गुणसीयाइं पि गेण्हइ, एवं उसिणणिखळुक्खाइं जाव अणंतगुणाइं पि गेण्हइ ॥ ३९५ ॥ जाइं भंते ! जाव अणंतगुणळुक्खाइं गेण्हइ ताइं किं पुद्राइं गेण्हइ. अपुद्वाइं गेण्हइ १ गोयमा ! पुद्वाइं गेण्हइ, नो अपुद्वाइं गेण्हइ । जाइं भंते ! पुद्वाइं गेण्हइ ताइं किं ओगाढाइं गेण्हइ, अणोगाढाइं गेण्हइ ? गोयमा ! ओगाढाइं गेण्हइ, नो अणोगाढाइं गेण्हइ । जाइं भंते ! ओगाढाइं गेण्हइ ताइं किं अणंतरोगाढाईं गेण्हइ, परंपरोगाढाई गेण्हइ ? गोयमा ! अणंतरोगाढाई गेण्हइ, नो परंपरोगाढाई गेण्हइ । जाइं भंते ! अणंतरोगाढाइं गेण्हइ ताइं किं अणूइं गेण्हइ, बायराइं गेण्हइ ? गोयमा ! अणूइं पि गेण्हइ बायराइं पि गेण्हइ । जाइं भेते ! अणूइं गेण्हइ ताई किं उहूं गेण्हइ, अहे गेण्हइ, तिरियं गेण्हइ ? गोयमा ! उहूं पि गेण्हइ, अहे वि गेण्हइ, तिरियं पि गेण्हइ। जाइं भंते ! उड्ढं पि गेण्हइ अहे वि गेण्हइ तिरियं पि गेण्हइ ताई किं आई गेण्हइ, मज्झे गेण्हइ, पज्जवसाणे गेण्हइ ? गोयमा ! आंड पि गेण्हइ, मज्झे वि गेण्हइ, पज्जवसाणे वि गेण्हइ । जाइं भंते ! आईं पि गेण्हइ, मज्झे वि गेण्हइ, पज्जवसाणे वि गेण्हइ ताई किं सविसए गेण्हइ, अविसए गेण्हइ ? गोयमा !

सविसए गेण्हइ, नो अविसए गेण्हइ। जाइं भंते! सविसए गेण्हइ ताइं किं आणुप्विंव गेण्हइ, अणाणुपूर्विव गेण्हइ ? गोयमा ! आणुपूर्विव गेण्हइ, नो अणाणुपूर्विव गेण्हइ । जाइं मंते ! आणुपुव्वि गेण्हइ ताइं किं तिदिसिं गेण्हइ जाव छिहिसें गेण्हड ? गोयमा ! नियमा छहिसिं गेण्हइ । "पुद्रोगाढअणंतर अणु य तह बायरे य उड्डमहे । आइवि-सयाणुपुर्विव णियमा तह छिहिसं चेव" ॥ ३९६ ॥ जीवे ण भंते ! जाइं दव्वाइं भास-त्ताए गेण्हइ ताई किं संतरं गेण्हइ. निरंतरं गेण्हइ? गोयमा! संतरं पि गेण्हइ. निरंतरं पि गेण्हइ । संतरं गेण्हमाणे जहण्णेणं एगं समयं, उक्कोसेणं असंखेजसमए अंतरं कह गेण्हइ, निरंतरं गेण्हमाणे जहण्णेणं दो समए, उक्कोसेणं असंखेजसमए अणुसमयं अविरहियं निरंतरं गेण्हइ । जीवे णं भंते ! जाइं दव्वाइं भासत्ताए गहियाइं निसिरड ताइं किं संतरं निसिरड. निरंतरं निसिरड ? गोयमा ! संतरं निसिरइ. नो निरंतरं निसिरइ। संतरं निस्सिरमाणे एगेणं समएणं गेण्हइ. एगेणं समएणं निसिरइ. एएणं गहणनिसिरणोवाएणं जहन्नेणं दुसमयं, उक्कोसेणं असंखेजसमयं अंतोमुहुत्तिगं गहणनिसिरणोवायं करेइ ॥ ३९७ ॥ जीवे णं भंते ! जाइं दव्वाइं भासत्ताए गहियाइं णिसिरइ ताइं किं भिण्णाइं णिसिरइ, अभिण्णाइं णिसिरइ? गोयमा! भिन्नाइं पि णिस्सिरइ, अभिन्नाइं पि णिस्सिरइ। जाइं भिन्नाइं णिसिरइ ताइं अणंतगुणपरिवृष्ट्वीए णं परिवृष्ट्रमाणाइं लोयंतं फुसन्ति. जाइं अभिण्णाइं णिसिरइ ताइं असंखेजाओ ओगाहणवग्गणाओ गंता भेयमावजंति, संखेजाइं जोयणाइं गंता विद्धंसमागच्छंति ॥ ३९८ ॥ तेसि णं भंते ! दव्वाणं कड्विहे भेए पण्णते ? गोयमा ! पञ्चविहे भेए पन्नते । तंजहा-खंडाभेए, पयराभेए, चुण्णियाभेए, अण-तिंडियामेए, उक्करियामेए। से किं तं खंडामेए ? २ जण्णं अयखंडाण वा तउयखंडाण वा तंबखंडाण वा सीसगखंडाण वा रययखंडाण वा जायरूवखंडाण वा खंडएणं भेए भवइ. से तं खंडाभेए १। से किं तं पयराभेए ? २ जण्णं वंसाण वा वेताण वा नलाण वा कयलीथंभाण वा अञ्भपडलाण वा पयरेणं भेए भवइ. से तं पयराभेए २ । से किं तं चुण्णियाभेए? २ जण्णं तिलचुण्णाण वा मुग्गचुण्णाण वा मासचुण्णाण वा पिप्पलीचुण्णाण वा मिरीयचण्णाण वा सिंगबेरचण्णाण वा चुण्णियाए भेए भवइ.से तं चुण्णियाभेए ३। से किंतं अणुतिडियाभेए ? २ जण्णं अगडाण वा तडागाण वा दहाण वा नईण वा वावीण वा पुक्खरिणीण वा दीहियाण वा गुंजालियाण वा सराण वा सरसराण वा सरपंतियाण वा सरसरपंतियाण वा अणुति डियाभेए भवइ. से तं अणति डियाभेए ४। से किं तं उक्करियाभेए ? २ जण्णं मुसाण वा मंड्रसाण वा तिलसिंगाण वा मुग्गसिंगाण वा माससिंगाण वा एरंडबीयाण वा फुट्टिया

उकारियाए भेए भवइ, से तं उकारियाभेए ५ ॥ ३९९ ॥ एएसि णं भंते! दव्याणं खंडामेएणं पयरामेएणं च्रिणयामेएणं अणुतिडियामेएणं उक्करियामेएण य भिजामाणाणं कयरे कयरेहिंतो अप्पा वा बहुया वा तुल्ला वा विसेसाहिया वा १ गोयमा! सञ्बत्थोवाइं द्वाइं उक्करियामेएणं भिज्जमाणाइं, अणुतिब-याभेएणं भिज्ञमाणाइं अणंतगुणाइं, चुण्णियाभेएणं भिज्जमाणाइं अणंतगुणाइं, पयराभेएणं भिज्जमाणाई अणंतगुणाई, खंडाभेएणं भिज्जमाणाई अणंतगुणाई ॥ ४०० ॥ नेरइए णं भंते ! जाइं दव्वाइं भासत्ताए गेण्हइ ताई किं ठियाईं गेण्हइ, अठियाई गेण्हइ ? गोयमा ! एवं चेव, जहा जीवे वत्तव्वया भणिया तहा नेरइयस्स वि जाव अप्पाबहर्य । एवं एगिंदियवज्जो दंडओ जाव वेमाणिया । जीवा णं भंते ! जाइं दव्वाइं भासत्ताए गेण्हंति ताइं किं ठियाइं गेण्हंति, अठियाइं गेण्हंति ? गोयमा ! एवं चेव. पहत्तेण वि णेयव्वं जाव वेमाणिया । जीवे णं भंते ! जाइं दव्वाइं सचभासत्ताए गेण्हइ ताई कि ठियाई गेण्हइ, अठियाई गेण्हइ? गोयमा! जहा ओहियदंडओ तहा एसोऽवि. णवरं विगलिंदिया ण पुच्छिजांति । एवं मोसाभासाए वि, सचामोसामासाए वि. असचामोसामासाए वि एवं चेव, नवरं असचामोसामा-साए विगलिंदिया पुच्छिजंति इमेणं अभिलावेणं-विगलिंदिए णं भंते ! जाइं दव्वाइं असचामोसाभासत्ताए गेण्हड ताइं किं ठियाइं गेण्हड, अठियाइं गेण्हड़ ? गोयमा ! जहा ओहियदंडओ, एवं एए एगत्तपृहत्तेणं दस दंडगा भाणियन्वा ॥ ४०१ ॥ जीवे णं भंते ! जाइं दव्वाइं सच्चभासत्ताए गिण्हइ ताइं किं सच्चभासत्ताए निसिरइ, मोसभासत्ताए निसिरइ. सचामोसभासत्ताए निसिरइ. असचामोसभासत्ताए निसिरइ ? गोयमा! सच्चभासत्ताए निसिरइ. नो मोसभासत्ताए निसिरइ. नो सच्चामोसभासत्ताए निसिरइ, नो असन्तामोसभासत्ताए निसिरइ। एवं एगिंदियविगलिंदियवज्जो दंडओ जाव वेमाणिया । एवं पहत्तेण वि । जीवे णं भंते ! जाइं दव्वाइं मोसभासत्ताए गिण्हइ ताई किं सचभासत्ताए निसिर्इ, मोसभासत्ताए०, सचामोसभासत्ताए०, असचामो-सभासत्ताए निसिरइ ? गोयमा ! णो सचभासत्ताए निसिरइ, मोसभासत्ताए निसिरइ, णो सचामोसभासत्ताए०. णो असचामोसभासत्ताए निसिरइ। एवं सचामोसभासत्ताए वि, असचामोसभासताए वि एवं चेव. नवरं असचामोसभासताए विगलिंदिया तहेव पुच्छिजंति, जाए चेव गिण्हइ ताए चेव निसिरइ। एवं एए एगत्तपुहत्तिया अंड दंडगा भाणियव्वा ॥ ४०२ ॥ कड़विहे णं भंते ! वयणे पन्नते ? गोयमा ! सोलसविहे वयणे पन्नते । तंजहा-एगवयणे, द्वयणे, बहुवयणे, इत्थिवयणे, पुमनयणे, णपुंसगवयणे, अज्झत्थवयणे, उवणीयवयणे, अवणीयवयणे, उवणीया- वणीयवयणे, अवणीओवणीयवयणे, तीतवयणे, पडुप्पन्नवयणे, अणागयवयणे, पचक्खवयणे, परोक्खवयणे। इचेइयं भंते! एगवयणं वा जाव परोक्खवयणं वा वयमाणे पण्णवणी णं एसा भासा, ण एसा भासा मोसा ? हंता गोयमा! इचेइयं एगवयणं वा जाव परोक्खवयणं वा वयमाणे पण्णवणी णं एसा भासा, ण एसा भासा मोसा॥ ४०३॥ एएसि णं भंते! जीवाणं सच्चभासगाणं मोसभासगाणं सच्चामोसभासगाणं असच्चामोसभासगाणं अभासगाण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सव्वत्थोवा जीवा सच्चभासगा, सच्चामोसभासगा असंखेजगुणा, अभासगा अणंतगुणा ॥ ४०४॥ पञ्चवणाप भगवईप एक्कारसमं भासापयं समनं॥

कड णं भंते ! सरीरा पन्नता ? गोयमा ! पंच सरीरा पन्नता । तंजहा-ओरा-लिए, वेडिव्वए, आहारए, तेयए, कम्मए । नेरइयाणं भंते ! कइ सरीरया पन्नता? गोयमा! तओ सरीरया पन्नता। तंजहा-वेडव्विए, तेयए, कम्मए। एवं असर-कुमाराण वि जाव थणियकुमाराणं । पुढविकाइयाणं भंते ! कइ सरीरया पन्नता ? गोयमा ! तओ सरीरया पन्नत्ता । तंजहा---ओरालिए, तेयए, कम्मए । एवं वाउ-काइयवजं जाव चडरिंदियाणं । वाडकाइयाणं भंते ! कइ सरीरया पन्नता ? गोयमा! चत्तारि सरीरया पन्नता। तंजहा-ओरालिए, वेडव्विए, तेयए, कम्मए । एवं पंचिदियतिरिक्खजोणियाण वि । मणुस्साणं भंते ! कइ सरीरया पन्नता ? गोयमा ! पंच सरीरया पन्नता । तंजहा-ओरालिए, वेडव्विए, आहा-रए, तेयए, कम्मए । वाणमंतरजोइसियवेमाणियाणं जहा नारगाणं ॥ ४०५-६ ॥ केबडया णं भंते ! ओरालियसरीरया पन्नता ? गोयमा ! दुविहा पन्नता । तंजहा-बढेल्लया य मुक्केलया य । तत्थ णं जे ते बढेल्लया ते णं असंखेजा, असंखेजाहिं उस्सप्पिणिओसप्पिणीहिं अवहीरंति कालओ, खेत्तओ असंखेजा लोगा। तत्थ णं जे ते मुक्केल्लया ते णं अणंता, अणंताहिं उस्सप्पिणिओसप्पिणीहिं अवहीरंति कालओ. खेत्तओ अणंता लोगा, अभवसिद्धिएहिंतो अणंतगुणा सिद्धाणंतभागो। केवइया णं भंते ! वेडव्वियसरीर्या पन्नता ? गोयमा ! दुविहा पन्नता । तंजहा-बद्धेल्लगा य मुक्केल्लगा य । तत्थ णं जे ते बद्धेल्लगा ते णं असंखेजा, असंखेजाहिं उस्सप्पिणि-ओसप्पिणीहिं अवहीरंति कालओ, खेत्तओ असंखेजाओ सेढीओ पयरस्स असंखेजाइ-भागो । तत्थ णं जे ते मुक्केल्लगा ते णं अणंता, अणंताहिं उस्सप्पिणिओसप्पिणीहिं अवहीरंति कालओ, जहा ओरालियस्स मुक्केलगा तहेव वेउव्वियस्स वि भाणियव्वा

केवइया णं भंते ! आहारगसरीरया पन्नता ? गोयमा ! दुविहा पन्नता । तंजहा-बद्धेलया य मुक्केलया य। तत्थ णं जे ते बद्धेलया ते णं सिय अत्थि, सिय नित्थ। जड अत्थि जहण्णेणं एको वा दो वा तिण्णि वा, उक्कोसेणं सहस्सपुहत्तं । तत्थ णं जे ते मुकेलया ते णं अणंता, जहा ओरालियस्स मुकेलया तहेव भाणियव्वा। केवड्या णं भंते ! तेयगसरीरया पण्णता ? गोयमा ! दुविहा पण्णता । तंजहा-बद्धे-ह्रगा य मुक्केह्रगा य। तत्थ णं जे ते बद्धेह्रगा ते णं अणंता, अणंताहिं उस्सप्पिण-ओसप्पिणीहिं अवहीरंति कालओ, खेत्तओ अणंता लोगा, दन्वओ सिद्धेहिंतो अणंत-गुणा सव्वजीवाणंतभागुणा । तत्थ णं जे ते मुकेल्लगा ते णं अणंता, अणंताहि उस्सप्पिणिओसप्पिणीहिं अवहीरंति कालओ, खेत्तओ अणंता लोगा, दव्वओ सव्व-जीवेहिंतो अणंतगुणा जीववग्गस्साणंतभागो । एवं कम्मगसरीराणि वि भाणियव्वाणि ॥ ४०७ ॥ नेरइयाणं भंते ! केवड्या ओरालियसरीरा पन्नत्ता ? गोयमा ! दुविहा पन्नता । तंजहा-बद्धेल्लगा य मुकेल्लगा य । तत्थ णं जे ते बद्धेल्लगा ते णं णित्थ । तत्थ णं जे ते मुक्केलगा ते णं अणंता जहा ओरालियमुक्केलगा तहा भाणियव्या। नेरइयाणं भंते! केवइया वेउ व्वियसरीरा पन्नता? गोयमा! दुविहा पन्नता। तंजहा-बद्धेल्लगा य मुक्केलगा य । तत्थ णं जे ते बद्धेल्लगा ते णं असंखेजा, असंखेजाहि उस्सप्पिणओसप्पिणीहिं अवहीरंति कालओ, खेत्तओ असंखेजाओ सेढीओ प्यरस्स असंखेजइभागो, तासि णं सेढीणं विक्खंभस्ई अंगुलपढमवग्गमूलं बिइयवग्गमूल-पद्धप्पणां, अहव णं अंगुलबिइयवगगमूलघणप्पमाणमेत्ताओ सेढीओ । तत्य णं जे ते मुकेलगा ते णं जहा ओरालियस्स मुकेलगा तहा भाणियन्वा। नेरइयाणं भंते! केवइया आहारगसरीरा पन्नता? गोयमा! दुविहा पन्नता। तंजहा-बद्धेल्लगा य मुक्केलगा य, एवं जहा ओरालिए बद्धेलगा मुक्केलगा य भणिया तहेव आहारगा वि भाणियव्वा । तेयाकम्मगाइं जहा एएसिं चेव वेउव्वियाइं ॥ ४०८॥ असरकमाराणं मंते ! केवइया ओरालियसरीरा पन्नता ? गोयमा ! जहा नेरइयाणं ओरालियसरीरा भणिया तहेव एएसिं भाणियन्वा । असुरकुमाराणं भंते ! केन्नइया वेउ व्वियसरीरा पन्नता ? गोयमा ! दुविहा पन्नता । तंजहा-बद्धेष्टगा य मक्केल्रगा य । तत्थ णं जे ते बद्धेह्नगा ते णं असंखेजा, असंखेजाहिं उस्सप्पिणीओसप्पिणीहिं अवहीरंति कालओ, खेत्तओ असंखेजाओ सेढीओ पयरस्स असंखेजाइभागो, तासि णं सेढीणं विक्खंभस्ई अंगुलपढमवग्गमूलस्स संखेजाइभागो । तत्थ णं जे ते मुक्केलगा ते णं जहा ओरालियस्स मुक्केलगा तहा भाणियन्वा । आहारगसरीरगा जहा एएसिं चेव ओरालिया तहेव दुविहा भाणियव्वा, तैयाकम्मगसरीरा दुविहा वि

जहा एएसिं चेव वेउव्विया. एवं जाव थणियकुमारा ॥ ४०९ ॥ पुढविकाइयाणं भंते ! केवइया ओरालियसरीरगा पन्नता ? गोयमा ! दुविहा पन्नता । तंजहा-बद्धे छगा य मुक्केलगा य । तत्थ णं जे ते बद्धेलगा ते णं असंखेजा. असंखेजाहिं उस्सप्पिण-ओसप्पिणीहिं अवहीरंति कालओ, खेत्तओ असंखेजा लोगा । तत्थ णं जे ते मुक्केलगा ते णं अणंता, अणंताहिं उस्सप्पिणिओसप्पिणीहिं अवहीरंति कालओ. खेत्तओ अणंता लोगा. अभवसिद्धिएहिंतो अणंतगुणा सिद्धाणं अणंतभागो। पुढवि-काइयाणं भंते ! केवइया वेउ व्वियसरीरगा पन्नता ? गोयमा ! दुविहा पन्नता । तंजहा-बद्धेल्लगा य मुक्केल्लगा य । तत्थ णं जे ते बद्धेल्लगा ते णं णित्थ । तत्थ णं जे ते मुकेल्लगा ते णं जहा एएसिं चेव ओरालिया तहेव भाणियव्वा। एवं आहार-गसरीरा वि । तेयाकम्मगा जहा एएसिं चेव ओरालिया । एवं आउकाइयतेउकाइया वि ॥ ४१० ॥ वाउकाइयाणं भंते ! केवइया ओरालियसरीरा पन्नता ? गोयमा ! दुविहा पन्नता। तंजहा-बद्धेल्लगा य मुक्केल्लगा य। दुविहा वि जहा पुढविकाइयाणं ओरालिया । वेड विवयाणं पुच्छा । गोयमा ! दुविहा पन्नता । तंजहा-बद्धे छगा य मक्केल्लगा य। तस्थ णं जे ते बद्धेल्लगा ते णं असंखेजा, समए समए अवहीरमाणा २ पिलओवमस्स असंखेजाइभागमेत्तेणं कालेणं अवहीरंति, नो चेव णं अवहिया सिया। मुक्केलगा जहा पुढविकाइयाणं । आहारयतेयाकम्मा जहा पुढविकाइयाणं, वणप्फड-काइयाणं जहा पढिविकाइयाणं. णवरं तेयाकम्मगा जहा ओहिया तेयाकम्मगा ॥४११॥ बेइंदियाणं भंते! केवइया ओरालिया सरीरगा पन्नता ? गोयमा! दुविहा पन्नता। तंजहा-बद्धेल्लगा य मुक्केल्लगा य. तत्थ णं जे ते बद्धेल्लगा ते णं असंखेजा. असंखे-जाहिं उस्सिपिणिओसिपिणीहिं अवहीरंति कालओ, खेत्तओ असंखेजाओ सेढीओ पयरस्स असंखेजइभागो, तासि णं सेढीणं विक्खंभसूई असंखेजाओ जोयणकोडा-कोडीओ असंखेजाई सेढिवग्गमूलाई । बेइंदियाणं ओरालियसरीरेहिं बद्धेलगेहिं पयरो अवहीरइ, असंखेजाहिं उस्सप्पिणीओसप्पिणीहिं कालओ, खेत्तओ अंग्रलपयरस्स आविलयाए य असंखेजहभागपिलभागेणं । तत्य णं जे ते मुक्केल्लगा ते जहा ओहिया ओरालियमुक्केलगा । वेउव्विया आहारगा य बद्धेलगा णत्थि । मुक्केलगा जहा ओहिया ओरालियमुक्केलगा । तेयाकम्मगा जहा एएसि चेव ओहिया ओरालिया, एवं जाव चडरिंदिया। पांचिंदियतिरिक्खजोणियाणं एवं चेव. नवरं वेड व्वियसरीरएस इसो विसेसो-पंचिंदियतिरिक्खजोणियाणं भंते ! केवइया वेड व्विय-सरीरया पन्नता ? गोयमा ! दुविहा पन्नता । तं ० - बद्धे छगा य मुक्के छगा य । तत्थ णं जे ते बद्धेलगा ते णं असंखेजा, जहा असुरकुमाराणं, णवरं तासि णं सेढीणं

विक्खंभसई अंगुलपढमवरगम्लस्स असंखेजइभागो । मुकेल्लगा तहेव ॥ ४१२ ॥ मणस्याणं भंते ! केवइया ओरालियसरीरगा पन्नता ? गोयमा ! दुविहा पन्नता । तंजहा-बद्धेल्लगा य मुक्केल्लगा य, तत्थ णं जे ते बद्धेल्लगा ते णं सिय संखेजा. सिय असंखेजा, जहण्णपए संखेजा, संखेजाओ कोडाकोडीओ, तिजमलपयस्स उविरं चउजमलपयस्स हिद्रा, अहव णं पंचमवगगपड्रप्पन्नो छट्टो वग्गो, अहव णं छण्ण-उईछेयणगदाइरासी, उक्कोसपए असंखेजा, असंखेजाहिं उस्सप्पिणिओसप्पिणीहिं अवहीरंति कालओ, खेत्तओ रूवपिक्खत्तेहिं मणुस्सेहिं सेढी अवहीरइ, तीसे सेढीए आगासखेत्रेहिं अवहारो मरिगजाइ-असंखेजा, असंखेजाहिं उस्सिपिणिओसिपणीहिं कालओ, खेत्तओ अंगुलपढमवग्गमूलं तइयवग्गमूलपडुप्पण्णं । तत्थ णं जे ते मुक्केलगा ते जहा ओरालिया ओहिया मुक्केलगा। वेउव्वियाणं भंते! पुच्छा। गोयमा! दुविहा पन्नता। तंजहा-बद्धेलगा य मुक्केलगा य, तत्थ णं जे ते बद्धेलगा ते णं संखेजा, समए २ अवहीरमाणा २ संखेजेणं कालेणं अवहीरंति, नो चेव णं अव हीरिया सिया। तत्थ णं जे ते मुक्केल्लगा ते णं जहा ओरालिया ओहिया। आहार-गसरीरा जहा ओहिया। तेयाकम्मगा जहा एएसिं चेव ओरालिया वाणमंतराणं जहा नेरइयाणं ओरालिया आहारगा य । वेडव्वियसरीरगा जहा नेरइयाणं, नवरं तासि णं सेढीणं विक्खंभसुई. संखेजजोयणस्यवग्गपिलभागो पयरस्स । मकेल्लया जहा ओरालिया, आहारगसरीरा जहा असुरकुमाराणं, तेयाकम्मया जहा एएसि णं चेव वेउ व्विया। जोइसियाणं एवं चेव, नवरं तासि णं सेढीणं विक्खंभसुई. विद्यपन्नेगुलसयवगगपलिभागो पयरस्स । वेमाणियाणं एवं चेव, नवरं तासि णं सेढीणं विक्खंभस्हे, अंगुलविइयवग्गमूलं तइयवग्गमूलपडुप्पनं, अहव णं अंगुलतइय-वग्गमूलघणपमाणमेत्ताओ सेढीओ, सेसं तं चेव ॥ ४१३ ॥ पन्नवणाए भगवईए बारसमं सरीरपयं समनं॥

कड्विहे णं भंते ! परिणामे पन्नते ? गोयमा ! दुविहे परिणामे पन्नते । तंजहा-जीवपरिणामे य अजीवपरिणामे य । जीवपरिणामे णं भंते ! कड्विहे पन्नते ? गोयमा ! दसविहे पन्नते । तंजहा-गड्परिणामे १, इंदियपरिणामे २, कसायपरिणामे ३, लेसापरिणामे ४, जोगपरिणामे ५, उवओगपरिणामे ६, णाणपरिणामे ७, दंसणपरिणामे ८, चरित्तपरिणामे ९, वेयपरिणामे १० ॥ ४१४ ॥ गड्परिणामे णं भंते ! कड्विहे पन्नते ? गोयमा ! चड्विहे पन्नते । तंजहा-नरयगड्परिणामे, तिरिय-गड्परिणामे, मणुयगड्परिणामे, देवगड्परिणामे १ । इंदियपरिणामे णं भंते ! कड्विहे पन्नते ? गोयमा ! पंचविहे पन्नते । तंजहा-सोइंदियपरिणामे, चिन्विदयपरि- णामे. घाणिंदियपरिणामे. जिब्सिंदियपरिणामे. फासिंदियपरिणामे २ । कसायपरि-णामे णं भंते ! कडविहे पन्नते ? गोयमा ! चडव्विहे पन्नते । तंजहा-कोहकसायपरि-णामे, माणकसायपरिणामे, मायाकसायपरिणामे, लोभकसायपरिणामे ३ । लेस्सा-परिणामे णं भंते ! कडविहे पन्नते ? गोयमा ! छव्विहे पन्नते । तंजहा-कण्हलेसापरि-णामे, नीळळेसापरिणामे, काउळेसापरिणामे, तेउळेसापरिणामे, पम्हळेसापरिणामे, सक्रेसापरिणामे ४ । जोगपरिणामे णं भंते ! कड़विहे पन्नते ? गोयमा ! तिविहे पन्नते । तंजहा-मणजोगपरिणामे, वङ्जोगपरिणामे, कायजोगपरिणामे ५ । उवओग-परिणामे णं भंते ! कडविहे पन्नत्ते ? गोयमा ! दुविहे पन्नत्ते । तंजहा-सागारोवओग-परिणामे. अणागारोवओगपरिणामे य ६ । णाणपरिणामे णं भंते ! कडविहे पन्नते ? गोयमा ! पंचविहे पन्नते । तंजहा-आभिणिबोहियणाणपरिणामे. स्यणाणपरिणामे. ओहिणाणपरिणामे, मणपज्जवणाणपरिणामे, केवलणाणपरिणामे । अण्णाणपरिणामे णं भंते ! कइविहे पन्नते ? गोयमा ! तिविहे पन्नते । तंजहा-मङ्अण्णाणपरिणामे. स्रयअण्णाणपरिणामे. विभंगणाणपरिणामे ७ । दंसणपरिणामे णं भंते ! कडविहे पन्नते ? गोयना ! तिविहे पन्नते । तंजहा-सम्मदंसणपरिणामे, मिच्छादंसणपरिणामे, सम्मामिच्छादंसणपरिणामे ८। चरित्तपरिणामे णं भंते ! कडविहे पन्नते ? गोयमा ! पंचिवहे पन्नते । तंजहा-सामाइयचरित्तपरिणामे, छेदोवहावणियचरित्तपरिणामे, परि-हारविद्युद्धियचरित्तपरिणामे, सहमसंपरायचरित्तपरिणामे, अहक्खायचरित्तपरिणामे ९ । वेयपरिणामे णं भंते ! कड़विहे पन्नते ? गोयमा ! तिविहे पन्नते । तंजहा-इत्थिवयपरिणामे. परिसवयपरिणामे. णपंसगवयपरिणामे १०॥ ४१५॥ नेरहया गइपरिणामेणं निरयगइया. इंदियपरिणामेणं पंचिंदिया, कसायपरिणामेणं कोहकसाई वि जाव लोमकसाई वि. लेसापरिणामेणं कण्हलेसा वि नीललेसा वि काउलेसा वि. जोगपरिणामेणं मणजोगी वि वङ्जोगी वि कायजोगी वि. उवओगपरिणामेणं सागारो-वडता वि अणागारोवडता वि. णाणपरिणामेणं आभिणिबोहियणाणी वि स्रयणाणी वि ओहिणाणी वि. अण्णाणपरिणामेणं मङ्अण्णाणी वि स्वअण्णाणी वि विभंगणाणी वि. दंसणपरिणामेणं सम्मादिद्री वि मिच्छादिद्री वि सम्मामिच्छादिद्री वि. चरित्तपरिणामेणं नो चरित्ती, नो चरित्ताचरित्ती, अचरित्ती, वेयपरिणामेणं नो इत्थिवेयगा, नो परि-सवेयगा, नपुंसगवेयगा। असुरकुमारा वि एवं चेव, नवरं देवगइया, कण्हलेसा वि जाव तेउछेसा वि, वेयपरिणामेणं इत्थिवेयगा वि, पुरिसवेयगा वि, नो नपुंसगवेयगा, सेसं तं चेव । एवं जाव थणियकुमारा । पढिनकाइया गइपरिणामेणं तिरियगइया. इंदियपरिणामेणं एगिंदिया, सेसं जहा नेरइयाणं, नवरं लेसापरिणामेणं तेउलेसा वि.

जोगपरिणामेणं कायजोगी, णाणपरिणामो णत्थि, अण्णाणपरिणामेणं मइअण्णाणी. स्यअण्णाणी, दंसणपरिणामेणं मिच्छादिद्री, सेसं तं चेव । एवं आउवणस्सङ्काइया वि । तेउवाऊ एवं चेत्र. नवरं लेसापरिणामेणं जहा नेरइया । बेइंदिया गडपरि-णामेणं तिरियगइया, इंदियपरिणामेणं बेइंदिया, सेसं जहा नेरइयाणं । नवरं जोग-परिणासेणं वडजोगी, कायजोगी, णाणपरिणासेणं आभिणिबोहियणाणी वि. स्यणाणी वि अण्याणपरिणामेणं मडअण्याणी वि. स्यअण्याणी वि. नो विभंगणाणी, दंसण-परिणामेणं सम्मदिद्री वि, मिच्छादिद्री वि, नो सम्मामिच्छादिद्री. सेसं तं चेव। एवं जाव चडरिंदिया, नवरं इंदियपरिवृङ्गी कायन्वा । पंचिंदियतिरिक्खजोणिया गडपरि-णामेणं तिरियगइया, सेसं जहा नेरइयाणं, नवरं लेसापरिणामेणं जाव सकलेसा वि। चरित्तपरिणामेणं नो चरित्ती, अचरित्ती वि, चरित्ताचरित्ती वि, वेयपरिणामेणं इत्थि वेयगा वि. परिसवेयगा वि. नपुंसगवेयगा वि । मण्रस्सा गइपरिणामेणं मण्रस्सगइया. इंदियपरिणामेणं पंचिंदिया. अणिंदिया वि. कसायपरिणामेणं कोहकसाई वि जाव अकसाई वि. लेसापरिणामेणं कण्हलेसा वि जाव अलेसा वि. जोगपरिणामेणं मण-जोगी वि जाव अजोगी वि. उवओगपरिणामेणं जहा नेरइया, णाणपरिणामेणं आभि-णिबोहियणाणी वि जाव केवलणाणी वि. अण्णाणपरिणामेणं ति णिण वि अण्णाणा. दंसणपरिणामेणं तिण्णि वि दंसणा. चरित्तपरिणामेणं चरित्ती वि अचरित्ती वि चरित्ता-चरित्ती वि, वेयपरिणामेणं इत्थिवेयगा वि पुरिसवेयगा वि नपुंसगवेयगा वि अवेयगा वि । वाणमंतरा गइपरिणामेणं देवगड्या, जहा असरकुमारा एवं जोइसिया वि. नवरं लेसापरिणामेणं तेडलेस्सा । वेमाणिया वि एवं चेव नवरं लेसापरि-णामेणं तेउलेसा वि पम्हलेसा वि सुक्रलेसा वि. सेत्तं जीवपरिणामे ॥ ४१६॥ अजीवपरिणामे णं भंते ! कडविहे पन्नते ? गोयमा ! दसविहे पन्नते । तंजहा-बंधण-परिणामे १, गइपरिणामे २, संठाणपरिणामे ३, भेयपरिणामे ४, वण्णपरिणामे ५, गंधपरिणामे ६, रसपरिणामे ७, फासपरिणामे ८, अगुरुलहयपरिणामे ९, सह-परिणामे १०॥ ४१७॥ बंधणपरिणामे णं भंते ! कहविहे पन्नत्ते ? गोयमा ! दुविहे पन्नते । तंजहा-णिद्धबंधणपरिणामे, छक्खबंधणपरिणामे य । समणिद्धयाए वंधो ण होइ समछन्खयाए वि ण होइ । वेमायणिद्धळन्खत्तणेण बंधो उ खंधाणं ॥ १ ॥ णिद्धस्स णिद्धेण दुयाहिए णं छुक्खस्स छुक्खेण दुयाहिए णं । निद्धस्स छुक्खेण उवेइ बंधो जहण्णवज्जो विसमो समो वा ॥ २ ॥ गइपरिणामे णं भंते! कड्विह पन्नते ? गोयमा ! द्विहे पन्नते । तंजहा-फुसमाणगइपरिणामे य अफुसमाणगइ-परिणामे य अहवा दीहगइपरिणामे य हस्सगइपरिणामे य २ । संठाणपरिणामे णं मंते ! कड्विहे पन्नत्ते ? गोयमा ! पंचिवहे पन्नत्ते । तंजहा-पिरमंडलसंठाणपिरणामे जाव आययसंठाणपिरणामे ३ । मेयपिरणामे णं मंते ! कड्विहे पन्नते ? गोयमा ! पंचिवहे पन्नते । तंजहा-खंडाभेयपिरणामे जाव उक्करियाभेयपिरणामे ४ । वण्णपिरणामे णं मंते ! कड्विहे पन्नते ? गोयमा ! पंचिवहे पन्नते । तंजहा-कालवण्णपिरणामे जाव सुक्किल्लवण्णपिरणामे ५ । गंधपिरणामे णं मंते ! कड्विहे पन्नते ? गोयमा ! दुविहे पन्नते । तंजहा-सुिक्षगंधपिरणामे य दुिक्षगंधपिरणामे य ६ । रसपिरणामे णं मंते ! कड्विहे पन्नते ? गोयमा ! पंचिवहे पन्नते ? गोयमा ! पंचिवहे पन्नते ? गोयमा ! अट्ठिहे पन्नते ९ । सहपिरणामे य ८ । अगुरुलहुयपिरणामे णं मंते ! कड्विहे पन्नते ? गोयमा ! तंजहा-सुिक्ससहपरिणामे य दुिक्ससहपरिणामे य १० । सेतं अजीवपरिणामे ॥४१८॥ पन्नवणाप भगवईप तेरसमं परिणामपयं समनं॥

कइ णं भंते ! कसाया पन्नता ? गोयमा ! चत्तारि कसाया पन्नता ! तंजहा-कोहकसाए, माणकसाए, मायाकसाए, लोभकसाए। नेरइयाणं भंते! कइ कसाया पन्नत्ता ? गोयमा ! चत्तारि कसाया पन्नता । तंजहा-कोहकसाए जाव लोभकसाए । एवं जाव वेमाणियाणं ॥ ४१९ ॥ कइपइद्रिए णं भंते ! कोहे पन्नते १ गोयमा ! चउपइद्रिए कोहे पन्नते । तंजहा-आयपइद्रिए, परपइद्विए, तदुभयपइद्विए, अप्पइद्विए । एवं नेरइयाणं जाव वेमाणियाणं दंडओ । एवं माणेणं दंडओ, मायाए दंडओ, लोभेणं दंडओ ॥ ४२० ॥ कहिं णं भंते ! ठाणेहिं कोहप्पत्ती भवह १ गोयमा ! चउिंह ठाणेहिं कोहप्पत्ती भवइ, तंजहा-खेतं पडुच, वत्थुं पडुच, सरीरं पडुच, उविहं पड़च। एवं नेरइयाणं जाव वेमाणियाणं। एवं माणेण वि मायाए वि लोभेण वि, एवं एए वि चत्तारि दंडगा ॥ ४२१ ॥ कइविहे णं भंते ! कोहे पन्नते ? गोयमा ! चउ-व्विहे कोहे पन्नते। तंजहा-अणंताणुबंधी कोहे, अपचक्खाणे कोहे. पचक्खाणावरणे कोहे, संजलणे कोहे। एवं नेरइयाणं जाव वेमाणियाणं। एवं माणेणं मायाए लोभेणं, एए वि चत्तारि दंडगा ॥ ४२२ ॥ कड़विहे णं भंते ! कोहे पन्नते ? गोयमा ! चउ व्विहे कोहे पन्नते। तंजहा-आभोगनिव्वत्तिए, अणाभोगनिव्वत्तिए, उवसंते, अणुवसंते । एवं नेरइयाणं जाव वेमाणियाणं । एवं माणेण वि, मायाए वि, लोभेण वि चतारि दंडगा ॥ ४२३ ॥ जीवा णं भंते ! कहिं ठाणेहिं अट्ट कम्मपगडीओ चिणिसु ? गोयमा ! चउहिं ठाणेहिं अद्र कम्मपगडीओ चिणिस, तंजहा-कोहेणं,

माणेणं, मायाए, लोभेणं। एवं नेरइयाणं जाव वेमाणियाणं। जीवा णं भंते ! कड़िंह ठाणेहिं अद्र कम्मपगडीओ चिणंति ? गोयमा ! चउहिं ठाणेहिं०, तंजहा-क्रोहेणं माणेणं, मायाए, लोभेणं। एवं नेरइया जाव वेमाणिया। जीवा णं भंते! कडिह ठाणेहिं अद्र कम्मपगडीओ चिणिस्संति ? गोयमा ! चउहिं ठाणेहिं अद्र कम्मपगडीओ चिणिस्संति. तंजहा-कोहेणं, माणेणं, मायाए, लोभेणं। एवं नेरइया जाव वेमाणिया। जीवा णं भंते ! कइहिं ठाणेहिं अद्र कम्मपगडीओ उवचिणिसु ? गोयमा ! चउहिं ठाणेहिं अट्ट कम्मपगडीओ उवचिणिंसु, तंजहा-कोहेणं, माणेणं, मायाए, लोभेणं। एवं नेरइया जाव वेमाणिया। जीवा णं भंते !० पुच्छा। गोयमा! चर्हा ठाणेहिं उवचिणंति जाव लोभेणं, एवं नेरइया जाव वेमाणिया। एवं उवचिणिस्संति। जीवा णं भंते ! कइहिं ठाणेहिं अद्र कम्मपगडीओ बंधिंसु ? गोयमा ! चउहिं ठाणेहिं अद्र कम्मपगडीओ बंधिंस, तंजहा-कोहेणं, माणेणं जाव लोभेणं, एवं नेरइया जाव वेमाणिया. बंधिस. बंधित. बंधिरसंति, उदीरेंस, उदीरेंति, उदीरिस्संति, वेदिंस, वेदेंति, वेदइस्संति, निज्जरिंसु, निज्जरेंति, निज्जरिस्संति, एवं एए जीवाइया वेमा-णियपज्जवसाणा अद्वारस दंडगा जाव वेमाणिया निर्जिरेस निर्जिरेति निर्जिरिस्संति । आयपइद्रिय खेत्तं पहुच णंताणुबंधि आभोगे। चिण उवचिण बंध उदीर वेय तह निजरा चेव ॥ १ ॥ ४२४ ॥ पन्नवणाए भगवईए चोहसमं कसायपयं समत्तं ॥

संठाणं बाह्हं पोहत्तं कइपएस ओगाहे । अप्पाबहु पुट्ठ पविट्ठ विसय अणगार आहारे ॥ १ ॥ अद्दाय असी य मणी दुद्ध पाणिय तेह फाणिय तहा य । कंबल थूणा थिगाल दीवोदिह लोगऽलोगे य ॥ २ ॥ कइ णं भंते ! इंदिया पन्नता ? गोयमा ! पंच इंदिया पन्नता । तंजहा—सोइंदिए, चिक्किंदिए, घाणिदिए, जिक्किंदिए, फासिंदिए ॥ ४२५ ॥ सोइंदिए णं भंते ! किसंठिए पन्नते ? गोयमा ! कलंबुयापुष्फसंठाणसंठिए पन्नते । चिक्किंदिए णं भंते ! किसंठिए पन्नते ? गोयमा ! मसूरचंदसंठाणसंठिए पन्नते । घाणिदिए णं भंते ! पुच्छा । गोयमा ! अइमुत्तगचंदसंठाणसंठिए पन्नते । घाणिदिए णं भंते ! पुच्छा । गोयमा ! अइमुत्तगचंदसंठाणसंठिए पन्नते । जिक्किंदिए णं पुच्छा । गोयमा ! खरप्पसंठाणसंठिए पन्नते । फासिंदिए णं पुच्छा । गोयमा ! णाणासंठाणसंठिए पन्नते । ॥ ४२६ ॥ सोइंदिए णं भंते ! केवइयं बाह्रेलेणं पन्नते ? गोयमा ! अंगुलस्स असंखेज्वइभागे बाह्रेलेणं पन्नते । एवं चिक्किंदिए पं पुच्छा । गोयमा ! अंगुलस्स असंखेज्वइभागं पोहत्तेणं पन्नते । एवं चिक्किंदिए णं पुच्छा । गोयमा ! अंगुलस्स असंखेज्वइभागं पोहत्तेणं पन्नते । एवं चिक्किंदिए णं पुच्छा । गोयमा ! अंगुलस्स असंखेज्वइभागं पोहत्तेणं पन्नते । एवं चिक्किंदिए णं पुच्छा । गोयमा ! सरीरप्पमाणमेते पोहत्तेणं पन्नते ३ ॥ ४२०॥ सोइंदिए णं भंते ! कइपएसिए पन्नते ? सरीरप्पमाणमेते पोहत्तेणं पन्नते ३ ॥ ४२०॥ सोइंदिए णं भंते ! कइपएसिए पन्नते ?

गोयमा ! अणंतपएसिए पन्नते । एवं जाव फासिंदिए ४ ॥ ४२८ ॥ सोइंदिए णं भंते ! कइपएसोगाढे पन्नते ? गोयमा ! असंखेजपएसोगाढे पन्नते । एवं जाव फासिंदिए ५ ॥ ४२९ ॥ एएसि णं भंते ! सोइंदियचिक्ंखिदयघाणिदियजिङ्भिदियफासिंदियाणं ओगाहणह्याए पएसह्याए ओगाहणपएसह्याए कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सव्वत्योवे चिनंखदिए ओगाहणद्रयाए. सोइंदिए ओगाहणह्याए संखेजगुणे, घाणिंदिए ओगाहणद्र्याए संखेजगुणे, जिन्मि-दिए ओगाहणह्याए असंखेजगुणे, फासिंदिए ओगाहणह्याए संखेजगुणे, पएसट्ट-याए-सञ्बत्थोवे चिनंखिदए पएसद्रयाए, सोइंदिए पएसद्रयाए संखेजागुणे, घाणिदिए पएसहुयाए संखेजगुणे, जिन्भिदिए पएसहुयाए असंखेजगुणे, फासिंदिए पएसहुयाए संखेजगुणे, ओगाहणपएसह्याए-सन्वत्थोवे चिनंखिदए ओगाहणह्याए, सोइंदिए ओगाहणद्वयाए संखेजगुणे, घाणिंदिए ओगाहणद्वयाए संखेजगुणे, जिन्भिंदिए ओगाहणह्याए असंखेजगुणे, फासिंदिए ओगाहणह्याए संखेजगुणे, फासिंदियस्स ओगाहणद्रयाहिंतो चिक्लिदिए पएसहयाए अणंतगुणे, सोइंदिए पएसहयाए संखेज-गुणे, घाणिंदिए पएसट्टयाए संखेजगुणे, जिन्भिंदिए पएसट्टयाए असंखेजगुणे, फासिंदिए पएसहयाए संखेजगुणे ॥ ४३० ॥ सोइंदियस्स णं भंते ! केवइया कक्खडगुरुयगुणा पन्नता? गोयमा! अणंता कक्खडगुरुयगुणा पन्नता. एवं जाव फासिंदियस्स । सोइंदियस्स णं भंते ! केवइया मखयलह्यगुणा पन्नता ? गोयमा! अणंता मडयलहयगुणा पन्नता, एवं जाव फासिंदियस्स ॥ ४३१ ॥ एएसि णं भंते! सोइंदियचिकंखिदयघाणिदियजिव्मिदियफासिदियाणं कक्खड-गरुयगुणाणं मजयलहयगुणाण य कयरे कयरेहिंतो अप्पा वा ४ ? गोयमा ! सञ्बत्थोवा चिक्क्षिदियस्स कक्षाडगरुयगुणा, सोइंदियस्स कक्खाडगरुयगुणा अणंत-गुणा, घाणिंदियस्स कक्खडगरुयगुणा अणंतगुणा, जिन्भिंदियस्स कक्खडगरुयगुणा अणंतगुणा, फासिंदियस्स कक्खडगहयगुणा अणंतगुणा । मजयलहुयगुणाणं-सन्व-त्थोवा फासिंदियस्स मजयलहुयगुणा, जिन्भिंदियस्स मजयलहुयगुणा अणंतगुणा, घाणिंदियस्स मजयलहुयगुणा अणंतगुणा, सोइंदियस्स मजयलहुयगुणा अणंतगुणा, चिक्कंबिदयस्स मुख्यलहुयगुणा अणंतगुणा । कक्कंबिडगह्यगुणाणं मुख्यलहुयगुणाण य-सन्वत्थोवा चिंक्विदियस्स कक्खडगस्यगुणा, सोइंदियस्स कक्खडगस्यगुणा अणंतगुणा, घाणिंदियस्स कक्खडगस्यगुणा अणंतगुणा, जिब्भिदियस्स कक्खडगरु-यगुणा अणंतगुणा, फासिंदियस्स कक्खडगहयगुणा अणंतगुणा, फासिंदियस्स कक्ख-डगस्यगुणेहिंतो तस्स चेव मजयलह्यगुणा अणंतगुणा, जिब्भिदियस्स मजयलह्य-

गुजा अणंतगुजा, घाणिंदियस्स मज्यलहुयगुजा अणंतगुजा, सोइंदियस्स मज्यलह-युगुणा अणंतगुणा, चिक्तंबिदयस्स मजयलहुयगुणा अणंतगुणा ॥ ४३२ ॥ नेरइयाणं भंते ! कड इंदिया पन्नता ? गोयमा ! पंच, तंजहा-सोइन्दिए जाव फासिन्दिए। नेरइयाणं भंते ! सोइन्दिए किसंठिए पन्नते ? गोयमा ! कलंबुयासंठाणसंठिए पन्नते । एवं जहा ओहियाणं वत्तव्वया भणिया तहेव नेरइयाणं पि जाव अप्पावहयाणि दोष्णि । नवरं नेरइयाणं भंते ! फासिन्दिए किंसंठिए पन्नते ? गोयमा ! दुविहे पन्नते । तंजहा-भवधारणिजे य उत्तरवेउव्विए य । तत्थ णं जे से भवधारणिजे से णं हंडसंठाणसंठिए पन्नते. तत्थ णं जे से उत्तरवेउ व्विए से वि तहेव, सेसं तं चेव ॥ ४३३ ॥ असुरक्रमाराणं भंते ! कइ इन्दिया पन्नता ? गोयमा ! पंच, एवं जहा ओहियाणि जाव अप्पाबहगाणि दोण्णि वि । नवरं फासिन्दिए दुविहे पन्नते । तंजहा-भवधारणिजे य उत्तरवेडिविण य। तत्थ णं जे से भवधारणिजे से णं समचडरं-ससंठाणसंठिए पन्नते. तत्थ णं जे से उत्तरवेडव्विए से णं णाणासंठाणसंठिए. सेसं तं चेव । एवं जाव थणियकुमाराणं ॥ ४३४ ॥ पुढविकाइयाणं भंते ! कइ इन्दिया पन्नता ? गोयमा ! एगे फासिन्दिए पन्नते । पुढविकाइयाणं भंते ! फासिन्टिए किंसंठाणसंठिए पन्नते ? गोयमा ! मसूरचंदसंठाणसंठिए पन्नते । पढविकाइयाणं भंते ! फासिन्दिए केवइयं बाहुल्लेणं पन्नत्ते ? गोयमा ! अंगुलस्स असंखेजइभागं बाहक्षेणं पन्नते । पुढविकाइयाणं भंते ! फासिन्दिए केवइयं पोहत्तेणं पन्नते ? गोयमा! सरीरप्पमाणमेत्ते पोहत्तेणं । पुढविकाइयाणं भेते ! फासिन्दिए कइपएसिए पन्नते १ गोयमा ! अणंतपएसिए पन्नते । पुढविकाइयाणं भंते ! फासिन्दिए कइपएसोगाढे पन्नते ? गोयमा ! असंखेजपएसोगाढे पन्नते । एएसि णं भंते ! पढिकाइयाणं फासिन्दियस्स ओगाहणह्रयाए पएसह्रयाए ओगाहणपएसह्रयाए कयरे कयरेहिंतो अप्पा वा ४ १ गोयमा ! सन्वत्थोवे पुढविकाइयाणं फासिन्दिए ओगाहणद्रयाए, से चेव पएसद्वयाए अणंतगुणे । पुढविकाइयाणं भंते ! फासिन्दियस्स केवइया कक्खड-गस्यगुणा पन्नता ? गोयमा ! अणंता, एवं मडयलहुयगुणा वि । एएसि णं भंते ! पुढिविकाइयाणं फासिन्दियस्स कक्खडगरुयगुणाणं मजयलहुयगुणाण य कयरे कयरेहिंतो अप्पा वा ४ ? गोयमा ! सन्वत्थोवा पुढविकाइयाणं फासिंदियस्स कक्ख-डगस्यगुणा, तस्स चेव मज्यलह्यगुणा अणंतगुणा । एवं आउकाइयाण वि जाव वणप्फइकाइयाणं, णवरं संठाणे इमो विसेसो दह्रव्वो-आउकाइयाणं थिवुगविंदुसंठा-णसंठिए पन्नते । तेउकाइयाणं स्इकलावसंठाणसंठिए पन्नते । वाउकाइयाणं पडा-गासंठाणसंठिए पन्नते । वणप्फइकाइयाणं णाणासंठाणसंठिए पन्नते ॥ ४३५ ॥

बेइंदियाणं भंते ! कइ इंदिया पन्नता ? गोयमा ! दो इंदिया पन्नता । तंजहा-जिन्भिदिए य फासिंदिए य। दोण्हं पि इंदियाणं संठाणं बाहळं पोहत्तं पएसा ओगा-हणा य जहा ओहियाणं भणिया तहा भाणियव्वा, णवरं फासिंदिए हुंडसंठाणसंठिए पण्णतेत्ति इमो विसेसो । एएसि णं भंते ! बेइंदियाणं जिब्भिदियफासिंदियाणं ओगाहणहुयाए पएसहुयाए ओगाहणपएसहुयाए कयरे कयरेहिंतो अप्पा वा ४ १ गोयमा ! सन्वत्थोवे बेइंदियाणं जिन्भिदिए ओगाहणहुयाए, फासिंदिए ओगाहणहुयाए संखेजगुणे । पएसद्वयाए-सन्वत्थोवे बेइंदियाणं जिव्हिंभदिए पएसद्वयाए, फासिन्दिए संखेजगुणे । ओगाहणपएसद्वयाए-सन्वत्थोवे बेइंदियस्स जिन्भिदिए ओगाहणद्रयाए. फासिन्दिए ओगाहणहुयाए संखेजगुणे, फासिंदियस्स ओगाहणहुयाएहिंतो जिन्भिंदिए पएसद्वयाए अणंतगुणे, फासिन्दिए पएसद्वयाए संखेजगुणे। बेइन्दियाणं भंते! जिब्भिन्दियस्स केवइया कक्खडगस्यगुणा पन्नता ? गोयमा ! अणंता । एवं फासि-न्दियस्स वि, एवं मज्यलहुयगुणा वि। एएसि णं भंते! बेइन्दियाणं जिब्भिदिय-फासिन्दियाणं कक्कडगरुयगुणाणं, मउयलहुयगुणाणं, कक्कडगरुयगुणाणं, मउयलहु-यगुणाण य कयरे कयरेहिंतो अप्पा वा ४ ? गोयमा! सव्वत्थोवा बेइन्दियाणं जिब्भिदियस्स कक्खडगरुयगुणा, फासिंदियस्स कक्खडगरुयगुणा अणंतगुणा, फासिंदियस्स कक्खडगरुयगुणेहिंतो तस्स चेव मडयलहुयगुणा अणंतगुणा, जिब्भि-दियस्स मज्यलहुयगुणा अणंतगुणा । एवं जाव चजरिन्दियत्ति, नवरं इंदियपरिवृङ्की कायव्वा । तेइंदियाणं घाणिन्दिए थोवे, चउरिन्दियाणं चिंक्विदिए थोवे, सेसं तं चेव । पंचिन्दियतिरिक्खजोणियाणं मणूसाण य जहा नेरइयाणं, नवरं फासिन्दिए छिन्वहसंठाणसंठिए पन्नते । तंजहा–समचउरंसे निग्गोहपरिमंडले साई खुजे वामणे हुंडे । वाणमंतरजोइसियवेमाणियाणं जहा असुरकुमाराणं ॥ ४३६ ॥ पुट्ठाइं भंते ! सहाइं सुणेइ, अपुद्राइं सहाइं सुणेइ ? गोयमा ! पुद्राइं सहाइं सुणेइ, नो अपुद्राइं सहाइं सुणेइ । पुट्ठाइं भंते ! रूवाइं पासइ, अपुट्ठाइं० पासइ १ गोयमा ! नो पुट्ठाइं रूवाइं पासइ, अपुद्राइं रूवाइं पासइ । पुद्राइं भंते ! गंधाइं अग्घाइ, अपुद्राइं गंधाइं अग्वाइ ? गोयमा ! पुद्राइं गंधाइं अग्वाइ, नो अपुट्ठाइं० अग्वाइ । एवं रसाण वि फासाण वि, नवरं रसाइं अस्साएइ, फासाइं पिडसंवेदेइ ति अभिलावो कायव्वो। पविद्वाइं भंते! सहाइं सुणेइ, अपविद्वाइं सहाइं सुणेइ? गोयमा! पविद्वाइं सहाइं सुणेइ, नो अपविद्वाइं सद्दाइं सुणेइ, एवं जहा पुद्वाणि तहा पविद्वाणि वि ॥ ४३७ ॥ सोइन्दियस्स णं भंते! केवइए विसए पन्नते? गोयमा! जहण्णेणं अंगुलस्स असंखेजाइभागो, उक्कोसेणं बारसिंहं जोयणेहिन्तो अच्छिण्णे पोग्गले पुट्टे पविद्वाइं सहाइं सुणेइ । चिक्खिन्दियस्स णं भंते ! केवइए विसए पन्नते ? गोयमा ! जहण्णेणं अंगुलस्स संखेजइभागो, उक्कोसेणं साइरेगाओ जोयणसयसहस्साओ अच्छिणो पोग्गले अपट्टे अपविद्राइं रूवाइं पासइ । घाणिन्दियस्स पुच्छा । गोयमा ! जहण्णेणं अंगळअसंखेजडभागो. उक्कोसेणं नविंहं जोयणेहिन्तो अच्छिण्णे पोगगळे पटे पविदाई गंधाई अग्धाइ, एवं जिब्भिन्दियस्स वि फासिंदियस्स वि ॥ ४३८ ॥ अण-गारम्स णं भंते! भावियप्पणो मारणंतियसमुग्घाएणं समोहयस्स जे चरमा णिजरापोग्गला. सहमा णं ते पोग्गला पण्णता समणाउसो!, सन्वं लोगं पि य णं ते ओगाहिता णं चिद्रंति ? हंता गोयमा ! अणगारस्स भावियप्पणो मारणंतिय-समग्राएणं समोहयस्स जे चरमा णिजरापोग्गला, सहमा णं ते पोग्गला पण्णता समणाउसो !. सव्वं लोगं पि य णं ओगाहित्ता णं चिद्वंति । छउमत्थे णं भंते ! मणूसे तेसिं णिजारापोग्गलाणं किं आणत्तं वा णाणत्तं वा ओमत्तं वा तुच्छत्तं वा गरुयत्तं वा लहयत्तं वा जाणइ पासइ ? गोयमा ! णो इणहे समहे । से केणहेणं मंते! एवं वृच्च - छउमत्थे णं मणूसे तेसिं णिजारापोग्गलाणं णो किंचि आणत्तं वा णाणत्तं वा ओमत्तं वा तुच्छतं वा गरुयत्तं वा लहयतं वा जाणइ पासइ'? गोयमा ! देवे वि य णं अत्थेगइए जे णं तेसिं णिजरापोग्गलाणं णो किंचि आणत्तं वा णाणतं वा ओमत्तं वा तुच्छत्तं वा गरुयत्तं वा लहयत्तं वा जाणइ पासइ, से तेणद्रेणं गोयमा ! एवं वचइ-छउमत्थे णं मणूसे तेसिं णिजारापोग्गलाणं णो किंचि आणत्तं वा जाव जाणइ पासइ, एवंस्रहमा णं ते पोग्गळा पण्णत्ता समणाउसो!. सन्वलोगं पि य णं ते ओगाहित्ता णं चिट्ठंति ॥ ४३९ ॥ नेरइया णं भंते ! ते णिजरापोग्गला किं जाणंति पासंति आहारेंति, उदाह न जाणंति न पासंति आहारेंति ? गोयमा ! नेरइया णिजरापोग्गले न जाणंति न पासंति आहारेंति. एवं जाव पंचिन्दियतिरिक्खजोणियाणं ॥ ४४० ॥ मणूसा णं भंते ! ते णिजरा-पोग्गले किं जाणंति पासंति आहारेंति, उदाह न जाणंति न पासंति आहारेंति? गोयमा ! अत्थेगइया जाणंति पासंति आहारेंति, अत्थेगइया न जाणंति न पासंति आहारेंति । से केणट्रेणं भंते ! एवं वृच्छ- अत्थेगइया जाणंति पासंति आहारेंति. अत्थेगइया न जाणंति न पासंति आहारेंति'? गोयमा! मणूसा दुविहा पन्नता। तंजहा-सण्णिभूया य असण्णिभूया य । तत्थ णं जे ते असण्णिभ्या ते णं न जाणंति न पासंति आहारेंति । तत्थ णं जे ते सिण्णभ्या ते दुविह। पन्नता । तंजहा-उवउत्ता य अणुवउत्ता य । तत्थ णं जे ते अणुवउत्ता ते णं न जाणंति न पासंति आहारेंति । तत्थ णं जे ते उवउत्ता ते णं जाणंति पासंति आहारेंति, से एएणट्रेणं

गोयमा ! एवं वुचइ-'अत्थेगइया न जाणंति न पासंति आहारेंति, अत्थेगइया जाणंति पासंति आहारेंति'। वाणमंतरजोइसिया जहा नेरइया ॥ ४४१ ॥ वेमा-णिया णं भंते ! ते णिजरापोग्गले किं जाणंति पासंति आहारेंति ? जहां मणुसा । नवरं वेमाणिया दुविहा पन्नता । तंजहा-माइमिच्छहिद्रीउववण्णगा य अमाइसम्म-हिद्रीउववण्णगा य । तत्थ णं जे ते माइमिच्छिहिद्रीउववण्णगा ते णं न जाणंति न पासंति आहारेंति, तत्थ णं जे ते अमाइसम्मिहद्री उववण्णगा ते दुविहा पन्नता। तंजहा-अणंतरोववण्णमा य परंपरोववण्णमा य । तत्थ णं जे ते अणंतरोववण्णमा ते णं न जाणंति न पासंति आहारेंति । तत्थ णं जे ते परंपरोववण्णगा ते दुविहा पन्नता । तंजहा-पज्जतगा य अपज्जतगा य । तत्थ णं जे ते अपज्जतगा ते णं न जाणंति न पासंति आहारेंति। तत्थ णं जे ते पजनगा ते दुविहा पन्नता। तंजहा-उवउत्ता य अणुवउत्ता य । तत्थ णं जे ते अणुवउत्ता ते णं न जाणंति न पासंति आहारेंति, तत्थ णं जे ते उवउत्ता ते णं जाणंति पासंति आहारेंति, से एएणड्रेणं गोयमा ! एवं वुच्चइ-'अत्थेगइया जाणंति जाव अत्थेगइया आहारेंति ॥ ४४२ ॥ अहायं भंते ! पेहमाणे मणूसे अहायं पेहड, अत्ताणं पेहड, पिलभागं पेहड ? गोयमा ! अहायं पेहइ, नो अप्पाणं पेहइ, पिलमागं पेहइ। एवं एएणं अभिलावेणं असिं मणिं दुद्धं पाणियं तेल्लं फाणियं ॥ ४४३ ॥ कंबलसाडए णं भंते ! आवेढियपरिवेढिए समाणे जावइयं उवासंतरं फ़िसता णं चिद्रइ विरिष्ठिए वि समाणे तावइयं चेव उवासंतरं फ़िसत्ता णं चिद्रह ? हंता गोयमा! कंबलसाडए णं आवेढियपरिवेढिए समाणे जावइयं तं चेव । थूणा णं भंते ! उष्ट्रं ऊसिया समाणी जावइयं खेतं ओगाहइत्ता णं चिद्रइ, तिरियं पि य णं आयया समाणी तावइयं चेव खेत्तं ओगाह-इत्ता णं चिद्रह ? हंता गोयमा ! थुणा णं उड्ढं ऊसिया तं चेव जाव चिद्रह ॥ ४४४ ॥ आगासियगाले णं मंते ! किंणा फुडे, कहिं वा काएिं फुडे ? किं धम्मत्थिकाएणं फडे. धम्मत्थिकायस्स देसेणं फडे, धम्मत्थिकायस्स पएसेहिं फुडे? एवं अधम्मत्थि-काएणं, आगासत्थिकाएणं एएणं भेएणं जाव पुढविकाएणं फुडे जाव तसकाएणं, अद्वासमएणं फुडे ?, गोयमा ! धम्मत्थिकाएणं फुडे, नो धम्मत्थिकायस्स देसेणं फुडे. धम्मत्थिकायस्य पएसेहिं फुडे, एवं अधम्मत्थिकाएण वि. नो आगासत्थिकाएणं फुडे. आगासत्थिकायस्स देसेणं फुडे, आगासत्थिकायस्स पएसेहिं जाव वणस्सइ-काएणं फुडे, तसकाएणं सिय फुडे, सिय नो फुडे, अद्धासमएणं देसे फुडे, देसे नो फुडे। जंबहीवे णं भंते! दीवे किंणा फुडे ? कहिं वा काएिंह फुडे ? किं धम्मत्थिका-एणं जाव आगासत्थिकाएणं फुडे॰ ?, गोयमा ! णो धम्मत्थिकाएणं फुडे, धम्मत्थि-२७ सत्ता०

कायस्स देसेणं फुडे, धम्मत्थिकायस्स पएसेहिं फुडे, एवं अवम्मत्थिकायस्स वि आगासत्थिकायस्स वि, पुढविकाएणं फुडे जाव वणस्सइकाएणं फुडे, तसकाएणं सिय फुड़े सिय णो फुड़े, अद्धासमएणं फुड़े। एवं लवणसमुद्दे, धायइसंडे दीवे, कालोए समुद्दे, अब्भितरपुक्खरद्धे । बाहिरपुक्खरद्धे एवं चेव, नवरं अद्धासमएणं णो फुडे । एवं जाव सयंभूरमणसमुद्दे । एसा परिवाडी इमाहिं गाहाहिं अणुगंतव्वा. तंजहा--''जंबुद्दीवे लवणे धायइ कालोय पुक्खरे वरुणे । खीरघयखोयणंदि य अरुणवरे कुण्डले रुयए ॥ १ ॥ आभरणवत्थगंधे उप्पलतिलए य पडमनिहिरयणे। वासहरदहनईओ विजया वक्खारकप्पिंदा ॥ २ ॥ कुरु मंदर आवासा कूडा नक्खत्त-चंदसूरा य । देवे णागे जक्खे भूए य सयंभुरमणे य ॥ ३ ॥ एवं जहा बाहिर-पुक्खरद्धे भणिए तहा जाव सयंभूरमणसमुद्दे जाव अद्धासमएणं नो फुडे ॥ ४४५ ॥ लोगे णं भंते ! किंणा फुडे ? कड़िहं वा काएहिं० ? जहा आगासिथग्गले । अलोए णं भंते ! किंणा फुडे, कड़िहं वा काएिहं पुच्छा । गोयमा ! नो धम्मित्थिकाएणं फुडे जाव नो आगासिक्षकाएणं फुडे, आगासिक्षकायस्स देसेणं फुडे, नो पुढवि-काएणं फुडे जाव नो अद्धासमएणं फुडे । एगे अजीवदव्वदेसे अगुरुलहुए अणंतेहिं अगुरुलहुयगुणेहिं संजुत्ते सव्वागासअणंतभागूणे ॥ ४४६ ॥ पञ्चवणाए भगवर्डए पन्नरसमस्स इंदियपयस्स पढमो उद्देसो समत्तो॥

इंदियडवचय १ णिव्वत्तणा २ य समया भवे असंखेजा ३ । लद्धी ४ उवओगद्धं ५ अप्पाबहुए विसेसॉहिया ६ ॥ ओगाहणा ७ अवाए ८ ईहा ९ तह वंजणोग्गहे १० चेव । द्विंबिदय ११ भाविंदिय १२ तीया बद्धा पुरक्खिख्या ॥ कहिवेहे णं भंते ! इंदियडवचए पन्नते ? गोयमा ! पंचिवहे इंदियडवचए पन्नते । तंजहा-सोइंदियडवचए, चिर्विद्धयडवचए, घाणिंदियडवचए, जिब्भिन्दियडवचए, फासिन्दियडवचए, चिर्विद्धयडवचए, पासिन्दियडवचए । नेरइयाणं भंते ! कहिवहे इन्दिओवचए पन्नते ? गोयमा ! पंचिवहे इन्दिओवचए पन्नते ! तंजहा-सोइंदियडवचए जाव फासिन्दियडवचए, एवं जाव वेमाणियाणं । जस्स जइ इन्दिया तस्स तइिवहो चेव इन्दियडवचओ भाणियव्ये १ । कहिवहा णं भंते ! इन्दियनिव्वत्तणा पन्नत्ता ? गोयमा ! पंचिवहा इन्दियनिव्वत्तणा पन्नत्ता । तंजहा-सोइन्दियनिव्वत्तणा जाव फासिन्दियनिव्वत्तणा । एवं नेरइयाणं जाव वेमाणियाणं, नवरं जस्स जइ इन्दिया अत्थि० २ । सोइन्दियनिव्वत्तणा णं भंते कहसमइया पन्नता ? गोयमा ! असंखिजइसमइया अंतोमुहृत्तिया पन्नता, एवं जाव फासिन्दियनिव्वत्तणा । एवं नेरइयाणं जाव वेमाणियाणं ३ । कहिवहा णं भते ! इन्दियलद्धी पन्नता ? गोयमा ! पंचिवहा इन्दियलद्धी पन्नता । तंजहा-सोइ-सोइन्दियलद्धी पन्नता ? गोयमा ! पंचिवहा इन्दियलद्धी पन्नता । तंजहा-सोइ-सोइ-

न्दियलद्धी जाव फासिन्दियलद्धी। एवं नेरइयाणं जाव वेमाणियाणं. नवरं जस्स जइ इन्दिया अत्थि तस्स तावड्या भाणियव्वा ४ । कडविहा णं भंते ! इन्दियउव-ओगद्धा पन्नता ? गोयमा ! पंचिवहा इन्दियउवओगद्धा पन्नता । तंजहा-सोइन्दिय-उवओगद्धा जाव फासिन्दियउवओगद्धा । एवं नेर्ड्याणं जाव वेमाणियाणं, नवरं जस्स जइ इन्दिया अत्थि० ५॥ ४४०॥ एएसि णं भंते ! सोइन्दियचिक्बन्दियघाणि-न्दियजिब्भिदियभासिन्दियाणं जहण्णयाए उवओगद्धाए उक्कोसियाए उवओगद्धाए जहण्णुक्कोसियाए उवओगद्धाए कयरे कयरेहिंतो अप्पा वा ४ ? गोयमा ! सन्वत्थोवा चिक्खिन्दियस्स जहण्णिया उवओगद्धा, सोइन्दियस्स जहण्णिया उवओगद्धा विसे-साहिया, घाणिन्दियस्य जहण्णिया उवओगद्धा विसेसाहिया, जिब्भिन्दियस्स जह-ग्णिया उवओगद्धा विसेसाहिया, फासिन्दियस्स जहण्णिया उवओगद्धा विसेसाहिया. उक्कोसियाए उवओगद्धाए-सन्वत्थोवा चिक्खन्दियस्स उक्कोसिया उवओगद्धा. सोइ-न्दियस्स उक्कोसिया उवओगद्धा विसेसाहिया. घाणिन्दियस्स उक्कोसिया उवओगद्धा विसेसाहिया, जिब्भिन्दियस्य उक्कोसिया उवओगद्धा विसेसाहिया, फासिन्दियस्स उक्कोसिया उवओगद्धा विसेसाहिया. जहण्णउक्कोसियाए उवओगद्धाए-सव्वत्थोवा च क्खिन्दियस्स जहण्णिया उवओगद्धा, सोइन्दियस्स जहण्णिया उवओगद्धा विसेसा-हिया. घाणिन्दियस्स जहण्णिया उवओगद्धा विसेसाहिया, जिन्भिन्दियस्स जहण्णिया उवओगद्धा विसेसाहिया, फार्सिदियस्स जहण्णिया उवओगद्धा विसेसाहिया. फार्सिदि-यस्स जहण्णियाहिंतो उवओगद्धाहिंतो चिक्किवियस्स उक्कोसिया उवओगद्धा विसे-साहिया. सोइंदियस्स उक्कोसिया उवओगद्धा विसेसाहिया. घाणिदियस्स उक्कोसिया उवओगद्धा विसेसाहिया, जिब्भिदियस्स उक्कोसिया उवओगद्धा विसेसाहिया, फार्सि-दियस्स उक्कोसिया उवओगद्धा विसेसाहिया ॥ ४४८ ॥ कइविहा णं भंते ! इंदिय-ओगाहणा पन्नता ? गोयमा ! पंचिवहा इंदियओगाहणा पन्नता । तंजहा-सोइंदिय-ओगाहणा जाव फासिंदियओगाहणा. एवं नेरझ्याणं जाव वेसाणियाणं. नवरं जस्स जइ इंदिया अश्यि० ६ ॥ ४४९ ॥ कइविहे णं भंते ! इंदियअवाए पन्नते ? गोयमा ! पंचविहे इंदियअवाए पन्नते । तंजहा-सोइंदियअवाए जाव फासिंदियअवाए । एवं नेरइराणं जाव वेमाणियाणं, नवरं जस्स जइ इंदिया अत्थि० ७। कडविहा णं भंते ! इंहा पन्नता ? गोयमा ! पंचिवहा ईहा पन्नता । तंजहा-सोइंदियईहा जाव फासि-दियईहा । एवं जाव वेमाणियाणं, नवरं जस्स जइ इंदिया० ८ । कइविहे णं भंते ! उगाहे पन्नते ? गोयमा ! दुविहे उग्गहे पन्नते । तंजहा-अत्थोग्गहे य वंजणोग्गहे य । वंजणोग्गहे णं भंते ! कइविहे पन्नत्ते ? गोयमा ! चउव्विहे पन्नत्ते । तंजहा-

सोइंदियवंजणोगाहे, घाणिदियवंजणोगाहे, जिब्निदियवंजणोगाहे, फासिंदियवंजणो-गाहे । अत्थोगाहे णं भंते ! कड्विहे पन्नते ? गोयमा ! छिव्विहे पन्नते । तंजहा-सोइंदियअत्थोगाहे, चिन्दियअत्थोगाहे, घाणिदियअत्थोगाहे, जिन्मिदियअत्थो-गाहे, फासिंदियअत्थोगाहे, नोइंदियअत्थोगाहे ॥ ४५० ॥ नेरइयाणं भंते ! कडविहे उगाहे पन्नते ? गोयमा ! दुविहे उगाहे पन्नते । तंजहा-अत्थोगाहे य वंजणोगाहे य । एवं असुरकुमाराणं जाव थणियकुमाराणं । पुढविकाइयाणं भंते ! कडविहे उग्गहे पन्नते ? गोयमा ! दुविहे उग्गहे पन्नते । तं०-अत्थोग्गहे य वंजणोग्गहे य । पुढविकाइयाणं भंते ! वंजणोग्गहे कहविहे पन्नते ? गोयमा ! एगे फासिंदियवंज-णोगाहे पन्नते । पुढविकाइयाणं भंते ! कड्विहे अत्थोगाहे पन्नते ? गोयमा ! एगे फासिंदियअत्थोगगहे पन्नते । एवं जाव वणस्सइकाइयाणं । एवं बेइंदियाण वि. नवरं बेइंदियाणं वंजणोग्गहे दुविहे पन्नते, अत्थोग्गहे दुविहे पन्नते, एवं तेइंदियच-उरिंदियाण वि, नवरं इंदियपरिवृष्ट्वी कायव्वा । चउरिंदियाणं वंजणोग्गहे तिविहे पन्नते, अत्थोग्गहे चडिवहे पन्नते, सेसाणं जहा नेरइयाणं जाव वेमाणियाणं ९-१०॥ ४५१॥ कड्विहा णं भंते ! इंदिया पन्नता ? गोयमा ! दुविहा पन्नता । तंजहा-दर्विदिया य भाविदिया य । कइ णं भंते ! द्विदिया पन्नता ? गोयमा ! अद्र दिनंदिया पन्नता । तंजहा-दो सोत्ता, दो णेत्ता, दो घाणा, जीहा, फासे । नेरइयाणं भंते ! कइ दिवंदिया पन्नत्ता ? गोयमा ! अद्व एए चेव, एवं असुरकुमाराणं जाव थणियकुमाराण वि । पढविकाइयाणं भंते ! कइ दर्व्विदिया पन्नता ? गोयमा! एगे फासिंदिए पन्नते । एवं जाव वणस्सइकाइयाणं । बेडंदियाणं भेते ! कइ दिव-दिया पन्नता ? गोयमा ! दो दिवंदिया पन्नता । तंजहा-फार्सिदिए य जिब्भिदिए य । तेइंदियाणं पुच्छा । गोयमा ! चतारि दव्विदिया पन्नता । तंजहा-दो घाणा. जीहा, फासे । चउरिंदियाणं पुच्छा । गोयमा ! छ दविंवदिया पन्नता । तंजहा-दो णेत्ता, दो घाणा, जीहा, फासे । सेसाणं जहा नेरइयाणं जाव वेमाणियाणं ॥ ४५२ ॥ एगमेगस्स णं भंते ! नेरइयस्स केवइया दिवंदिया अतीता ? गोयमा ! अणंता । केवइया बढेे्छगा ? गोयमा ! अट्ट । केवइया पुरेक्खडा ? गोयमा ! अट्ट वा सोलस वा सत्तरस वा संखेजा वा असंखेजा वा अणंता वा । एगमेगस्स णं भंते ! असुर-कुमारस्स केवइया दिवंदिया अतीता? गोयमा! अणंता । केवइया बद्धेल्लगा? गो० ! अह । केवइया पुरेक्खडा ? गो॰! अद्र वा नव वा सत्तरस वा संखेजा वा असं-खेजा वा अणंता वा। एवं जाव थणियकुमाराणं ताव भाणियव्वं। एवं पुढविकाइयाः आउकाइया वणस्सइकाइया वि, नवरं केवइया बद्धे छगति पुच्छाए उत्तरं एके फासिं- दियद्विंदिए । एवं तेउकाइयवाउकाइयस्स वि, नवरं पुरेक्खडा नव वा दस वा । एवं बेइंदियाण वि, णवरं बद्धेह्नगपुच्छाए दोण्णि । एवं तेइंदियस्स वि, नवरं बद्धे-ल्लगा चत्तारि । एवं चडरिंदियस्स वि, नवरं बद्धेल्लगा छ । पंचिंदियतिरिक्खजोणिय-मणूसवाणमंतरजोइसियसोहम्मीसाणगदेवस्स जहा असुरकुमारस्स, नवरं मणूसस्स पुरेक्खडा करसइ अत्थि करसइ गत्थि, जरसत्थि अद्भवा नव वा संखेजा वा असं-खेजा वा अणंता वा । सणंक्रमारमाहिंदबंभलंतगसुक्रसहस्सारआणयपाणयआरणअ-च्चयगेवेज्जगदेवस्स य जहः नेरइयस्स । एगमेगस्स णं भंते ! विजयवेजयंतजयंतअप-राजियदेवस्स केनइया दिव्विदिया अतीता ? गोयमा ! अणंता, केवइया बद्धे छगा ? गो॰! अद्र, केवइया पुरेक्खडा ? गो॰! अद्र वा सोलस वा चउवीसा वा संखेजा वा, सन्बद्धसिद्धगदेवस्स अतीता अणंता, बद्धेत्रगा अट्ट. पुरेक्खडा अट्ट। नेरडयाणं भंते ! केवइया दिवेविदया अतीता? गोयमा! अणंता, केवइया बद्धे छगा? गोयमा! असंखेजा, केवइया पुरेक्खडा ? गोयमा ! अणंता । एवं जाव गेवेज्जगदेवाणं, नवरं मणसाणं बद्धेक्षमा सिय संखेजा, सिय असंखेजा । विजयवेजयंतजयंतअपराजियदे-वाणं पुच्छा । गोयमा ! अतीता अणंता. बद्धेष्टगा असंखेजा. पुरेक्खडा असंखेजा । सन्बद्रसिद्धगदेवाणं पुच्छा । गोयमा ! अतीता अणंता, बद्धेल्लगा संखेजा, पुरेक्खडा संखेजा ॥ ४५३ ॥ एगमेगस्स णं भंते ! नेरइयस्स नेरइयत्ते केवइया दर्विदया अतीता? गोयमा! अणंता, केवइया बद्धे छगा? गोयमा! अह्न, केवइया प्ररेक्खडा? गोयमा ! कस्सइ अत्थि कस्सइ नित्थ. जरसित्थ अद्भ वा सोलस वा चडवीसा वा संखेजा वा असंखेजा वा अणंता वा। एगमेगस्स णं भंते! नेरइयस्स असरकमारत्ते केवइया दिव्विदिया अतीता ? गोयमा ! अणंता. केवइया बद्धे छगा ? गोयमा ! णत्थि. केवइया पुरेक्खडा ? गोयमा ! कस्सइ अत्थि कस्सइ नत्थि. जस्सित्थ अद्भवा सोलस वा चउवीसा वा संखेजा वा असंखेजा वा अणंता वा। एवं जाव थणियकुमारति । एगमेगस्स णं भंते ! नेरइयस्स पुढविकाइयते केवइया दब्विदिया अतीता ? गोयमा ! अणंता, केवइया बद्धेल्लगा ? गोयमा ! णत्थि. केवइया पुरेक्खडा ? गोयमा ! कस्सइ अत्थि कस्सइ नित्थ, जस्सित्थ एको वा दो वा तिण्णि वा संखेजा वा असंखेजा वा अणंता वा, एवं जाव वणस्सइकाइयते । एगमेगस्स णं भंते ! नेरइयस्स बेइन्दियत्ते केवइया दिवेदिया अतीता ? गोयमा ! अणंता, केवइया बढेळगा? गोयमा! णत्थि, केवइया पुरेक्खडा? गोयमा! करसइ अश्यि करसइ निथ, जरसिय दो वा चत्तारि वा संखेजा वा असंखेजा वा अणंता वा । एवं तेइन्दियत्ते वि. नवरं परेक्खडा चतारि वा अद्र वा बारस वा

संखेजा वा असंखेजा वा अणंता वा । एवं चउरिंदियत्ते वि, नवरं पुरेक्खडा छ वा बारस वा अद्वारस वा संखेजा वा असंखेजा वा अणंता वा । पंचिंदियतिरिक्ख-जोणियत्ते जहा असुरक्रमारत्ते । मणूसत्ते वि एवं चेव नवरं केवइया पुरेक्खडा ? गो॰ ! अह वा सोलस वा चउवीसा वा संखेजा वा असंखेजा वा अणंता वा। सन्वेसि मणूसवजाणं पुरेक्खडा मणूसत्ते करसइ अतिथ करसइ नित्थ एवं न वृच्छ । वाण-मंतरजोइसियसोहम्मग जाव गेवेज्जगदेवत्ते अतीता अणंता, बद्धेल्लगा नत्थि, परे-क्खड़ा क्रस्सइ अत्थि क्रस्सइ नत्थि. जस्स अत्थि अद्र वा सोलस वा चउवीसा वा संखेजा वा असंखेजा वा अणंता वा । एगमेगरस णं भंते ! नेरइयस्स विजयवेजयं तज्ञयंतअपराजियदेवते केवड्या द्रविंदिया अतीता १ गो० ! णत्थि, केवड्या परे-क्खड़ा ? गो॰! करसइ अत्थि करसइ नित्थ, जस्स अत्थि अद्भवा सोलस वा. सञ्जद्रसिद्धगदेवते अतीता णत्थि, बद्धेलगा णत्थि, पुरेक्खडा करसइ अत्थि करसइ णित्थ. जस्स अस्थि अद्र । एवं जहा नेरइयदंडओ नीओ तहा असुरक्रमारेण वि नेयव्यो जाव पंचिंदियतिरिक्खजोणिएणं. नवरं जस्स सद्राणे जइ बद्धेळगा तस्स तइ भाणियव्वा ॥ ४५४ ॥ एगमेगस्स णं भंते ! मणूसस्स नेरइयत्ते केवइया दविंबिदया अतीता ? गोयमा ! अणंता, केवइया बद्धेल्लगा ? गो० ! णत्थि, केवइया पुरेक्खडा ? गो॰! कस्सइ अत्थि कस्सइ नित्थ. जस्सित्थि अद्भवा सोलस वा चउवीसा वा संखेजा वा असंखेजा वा अणंता वा । एवं जाव पंचिदियतिरिक्खजोणियत्ते. नवरं एगिंदियविगलिंदिएस जस्स जइ पुरेक्खडा तस्स तत्तिया भाणियव्वा। एगमेगस्स णं भंते! मणूसरस मणूसत्ते केवइया दिवंदिया अतीता? गोयमा! अणंता. केवइया बद्धेल्लगा? गोयमा! अह, केवइया पुरेक्खडा? गो०! कस्सइ अस्थि कस्सइ नित्थ, जरसिथ अट्र वा सोलस वा चउवीसा वा संखेजा वा असंखेजा वा अणंता वा । वाणमंतरजोइसिय जाव गेवेज्जगदेवते जहा नेरइयते । एगमेगस्स णं भंते ! मणूसस्स विजयवेजयंतजयंतअपराजियदेवत्ते केवइया द्विविदया अतीता ? गोयमा ! करसइ अत्थि करसइ नत्थि, जरस अत्थि अद्र वा सोलस वा । केवइया बद्धेक्षगा ? गो०! नित्थ, केवइया पुरेक्खडा ? गो०! कस्सइ अत्थि कस्सइ नित्य, जस्सऽस्थि अद्र वा सोलस वा । एगमेगस्स णं भंते ! मणूसस्स सन्बद्धसिद्धगदेवते केवइया दार्विदिया अतीता ? गोयमा! कस्सइ अत्थि कस्सइ नित्थ, जस्सिरिय अह, केवइया बद्धेल्लगा? गो०! णत्थि, केवइया पुरेक्खडा? गो०! कस्सइ अत्थि कस्सइ नित्थ, जस्स अत्थि अह । वाणमंतरजोइसिए जहा नेरइए । सोहम्मगदेवे वि जहा नेरइए. नवरं सोहम्मगदेवस्स विजयवेजयंतजयंतापराजियत्ते केवइया अतीता ?

गोयमा ! कस्सइ अत्थि कस्सइ नित्य, जस्स अत्थि अद्व, केवइया बद्धेल्लगा १ गो० ! णित्थ, केवड्या पुरेक्खडा १ गोयमा ! कस्सइ अत्थि कस्सइ नित्थ, जस्स अत्थि अद वा सोलस वा। सन्बद्धसिद्धगदेवत्ते जहा नेरइयस्स, एवं जाव गेवेज्जगदेवस्स सन्बद-सिद्धगदेवते ताव णेयव्वं ॥ ४५५ ॥ एगमेगस्स णं भंते ! विजयवेजयंतज्ञयंतापराजि-यदेवस्स नेरइयत्ते केवइया दिवंदिया अतीता ? गोयमा ! अर्णता. केवइया बद्धेळगा ? गो॰! णिथ. केवइया प्ररेक्खडा १ गो॰! णिथ । एवं जाव पंचिंदियतिरिक्खजोणियत्ते । मणूसत्ते अतीता अणेता, बद्धेल्लगा णत्थि, पुरेक्खडा अट्ट वा सोलस वा चउवीसा वा संखेजा वा। वाणमंतरजोइसियते जहा नेरइयते। सोहम्मगदेवतेऽतीता अणंता. बद्धेळगा णत्थि. परेक्खडा कस्सइ अत्थि कस्सइ नत्थि. जस्स अत्थि अट वा सोलस वा चउवीसा वा संखेजा वा। एवं जाव गेवेज्जगदेवते । विजयवेजयंतजयंत-अपराजियदेवते अतीता कस्सइ अत्थि कस्सइ नित्थ, जस्स अत्थि अद्भ, केवड्या बद्धे-हुगा १ गो०! अद्र. केवड्या परेक्खडा १ गो०! कस्सड अत्थि कस्सड नत्थि, जस्स अत्थि अद्र । एगमेगस्स णं भंते ! विजयवेजयंतजयंतअपराजियदेवस्स सव्बद्धसिद्धगदेवते केवडया दर्विवदिया अतीता १ गोयमा ! णत्थि, केवइया बद्धेल्लगा १ गो०! नत्थि, केवइया पुरेक्खडा १ गो०! कस्सइ अत्थि कस्सइ णात्थि, जस्स अत्थि अद्र । एगमेगस्स णं भेते ! सञ्बद्धसिद्धगदेवस्स नेरइयत्ते केवइया दिवंबिदया अतीता ? गोयमा ! अणंता केवइया बद्धेळगा १ गो० ! णत्थि, केवइया पुरेक्खडा १ गो० ! णत्थि । एवं मणसवज्जं जाव गेवेजागदेवते, नवरं मणूसत्ते अतीता अणंता, केवइया बढेळगा १ गो०! णत्थि, केवइया पुरेक्खडा १० अट्ट । विजयवेजयंतजयंतअपराजियदेवते अतीता करसइ अत्थि करसङ नत्थि, जस्स अत्थि अद्भ, केवड्या बद्धेल्लगा १ गो०! णत्थि, केवड्या पुरेक्खडा १ गो०! णत्थि। एगमेगस्स णं भंते ! सव्बद्धसिद्धगदेवस्स सव्बद्धसिद्धगदेवत्ते केवङ्या दर्विदिया अतीता १ गोयमा ! णित्थ, केवइया बद्धेळगा १ गो०! अझ, केवइया पुरेक्खडा १ गो०! णित्थ ॥ ४५६ ॥ नेरइयाणं भंते ! नेरइयत्ते केवइया दिव्विदिया अतीता ? गोयमा ! अणंता, केवइया बद्धेलगा? गो०! असंखेजा, केवइया प्ररेक्खडा? गो०! अणंता। नेरइ-याणं भंते ! असरकुमारत्ते केवड्या दविवदिया अतीता ? गोयमा ! अणंता. केवड्या बद्धे-ह्रगा ? गो॰! णत्थि, केवइया पुरेक्खडा ? गो॰! अणंता, एवं जाव गेवेज्जगदेवत्ते । नेर-इयाणं भंते ! विजयवेजयंतजयंतअपराजियदेवते केवइया दर्विविदया अतीता १० नित्थ. केवइया बद्धेलगा १० णत्थि, केवइया पुरेक्खडा १० असंखेजा, एवं सव्बद्धसिद्धगदेवत्ते वि. एवं जाव पंचिंदियतिरिक्खजोणिया सव्बद्धसिद्धगदेवते भाणियव्वं, नवरं वण-स्सइकाइयाणं विजयवेजयंतजयंतअपराजियदेवते सन्वद्वसिद्धगदेवते य परेक्खडा

अणंता. सन्वेसिं मणूससन्वट्टसिद्धगवजाणं सट्टाणे बद्धेल्लगा असंखेजा, परटाणे बद्धेळगा णत्थि । वणस्सइकाइयाणं बद्धेळगा अणंता । मणूसाणं नेरइयत्ते अतीता अणंता. बद्धेल्लगा णत्थि, पुरेक्खडा अणंता । एवं जाव गेवेज्जगदेवत्ते, नवरं सद्राणे अतीता अणंता. बद्धेछगा सिय संखेजा सिय असंखेजा, पुरेक्खडा अणंता । मणूसाणं भंते! विजयवेजयंतजयंतअपराजियदेवते केवइया दर्विविदया अतीता?० संखेजा केवइया बद्धेळगा १० णत्थि, केवइया पुरेक्खडा १० सिय संखेजा सिय असंखेजा। एवं सन्बद्धसिद्धगदेवत्ते अतीता णत्थि, बद्धेल्लगा णत्थि, पुरेक्खडा असंखेजा, एवं जाव गेवेजगदेवाणं । विजयवेजयंतजयंतअपराजियदेवाणं भंते ! नेरइयत्ते केवडया द्रव्वि-दिया अतीता ? गोयमा ! अणंता, केवइया बढेळगा ?० णत्थि, केवइया पुरेक्खडा ?० णित्थ। एवं जाव जोइसियत्ते वि. णवरं मणूसत्ते अतीता अणंता, केवइया बद्धे छुगा ?. णित्य. परेक्खडा असंखेजा । एवं जाव गेवेजगदेवते सहाणे अतीता असंखेजा. केवडया बद्धेल्लगा ?० असंखेजा, केवइया पुरेक्खडा ?० असंखेजा। सव्बद्धसिद्धगदेवते अतीता नित्थ, बद्धेल्लगा नित्थ, पुरेक्खडा असंखेजा । सन्बद्धसिद्धगदेवाणं भंते ! नेरइयत्ते केवइया दिवविदया अतीता ? गोयमा ! अणंता, केवइया बद्धेळगा ?० नित्थ केवइया परेक्खडा १० णित्थ । एवं मणुसवज्जं ताव गेवेज्जगदेवते । मणुस्सत्ते अतीता अणंता, बद्धेन्नगा नित्थ, परेक्खडा संखेजा। विजयवेजयंतजयंतअपराजियदेवने केवइया दिन्विदिया अतीता १० संखेजा, केवइया बद्धेल्लगा १० णित्य, केवइया पुरे-क्खडा १० णित्थ । सन्बद्धसिद्धगदेवाणं भंते ! सन्बद्धसिद्धगदेवते केवडया दर्व्विदिया अतीता १० णत्थि, केवइया बढेळगा १० संखेजा, केवइया पुरेक्खडा १ गो० ! णत्थि ११॥ ४५०॥ कड णं भंते ! भाविंदिया पन्नता ? गोयमा ! पंच भाविंदिया पन्नत्ता । तंजहा-सोइंदिए जाव फासिंदिए । नेरइयाणं भंते ! कइ भाविंदिया पन्नता? गोयमा! पंच भाविंदिया पन्नता। तंजहा-सोइंदिए जाव फासिंदिए। एवं जस्स जइ ईंदिया तस्स तइ भाणियव्वा जाव वेमाणियाणं । एगमेगस्स णं भंते ! नेरडयस्स केवइया भाविंदिया अतीता ? गोयमा ! अणंता, केवइया बद्धेल्लगा ?० पंच, केवइया पुरेक्खडा १० पंच वा दस वा एकारस वा संखेजा वा असंखेजा वा अणंता वा। एवं असुरकुमारस्स वि, नवरं पुरेक्खडा पंच वा छ वा संखेजा वा असंखेजा वा अणंता वा । एवं जाव थणियकुमारस्स वि । एवं पुढविकाइयआउकाइयवणस्सइकाइय-स्स वि, बेइंदियतेइंदियचर्डारंदियस्स वि । तेउकाइयवाउकाइयस्स वि एवं चेव, नवरं पुरेक्खडा छ वा सत्त वा संखेजा वा असंखेजा वा अणंता वा । पंचिंदियतिरिक्ख-जोणियस्स जाव ईसाणस्स जहा असुरकुमारस्स, नवरं मणूसरस पुरेक्खडा करसह

अत्थि करसइ नित्थित्ति भाणियव्वं । सणंकुमार जाव गेवेज्जगरूस जहा नेरइयरूस । विजयवेजयंतजयंतअपराजियदेवस्स अतीता अणंता, बद्धेल्लगा पंच, पुरेक्खडा पंच वा दस वा पण्णरस वा संखेजा वा। सन्बद्धसिद्धगदेवस्स अतीता अणंता. बद्धेष्टगा पंच, केवइया पुरेक्खडा १० पंच । नेरइयाणं भंते ! केवइया भाविंदिया अतीता १ गोयमा ! अणंता, केवइया बद्धेलगा १० असंखेजा, केवइया प्रेक्खडा १० अणंता । एवं जहा दिवदिएस पोहत्तेणं दंडओ भणिओ तहा भाविदिएस वि पोहत्तेणं दंडओ भाणियव्वो. नवरं वणस्सइकाइयाणं बद्धेळगा अणंता ॥ ४५८ ॥ एगमेगस्स णं भंते! नेरइयस्त नेरइयत्ते केवइया भाविंदिया अतीता? गोयमा! अणंता. के॰ बद्धे-ह्रगा १० पंच, पुरेक्खडा कस्सइ अत्थि कस्सइ नित्थ, जस्स अत्थि पंच वा दस वा पण्णरस वा संखेजा वा असंखेजा वा अणंता वा। एवं असुरक्रमाराणं जाव थणियकुमाराणं, नवरं बढेछगा नित्थ । पुढविकाइयत्ते जाव बेइंदियत्ते जहा दिवं-दिया। तेइंदियते तहेव, णवरं परेक्खडा तिण्णि वा छ वा णव वा संखेजा वा असंखेजा वा अणंता वा। एवं चडिरंदियत्ते वि, नवरं पुरेक्खडा चत्तारि वा अद्भ वा बारस वा संखेजा वा असंखेजा वा अणंता वा । एवं एए चेव गमा चत्तारि जाणे-यव्वा जे चेव दव्विदिएसु, णवरं तइयगमे जाणियव्वा जस्स जइ इंदिया ते प्ररेक्खडेस मुणेयव्वा । चडत्थगमे जहेव दव्विदिया जाव सव्बद्धसिद्धगदेवाणं सव्बद्रसिद्धगदेवते केवइया भाविंदिया अतीता १० नित्थ, के० बद्धेळगा १० संखेजा, के॰ पुरेक्खडा १० णिथा। ४५९ ॥ समत्तो बीओ उद्देसो ॥ पन्नवणाप भगवईए पन्नरसमं इन्दियपयं समत्तं॥

कह्विहे णं भंते ! पओगे पन्नत्ते ? गोयमा ! पण्णरसिवहे पओगे पन्नत्ते । तंजहा—सम्मणप्पओगे १, असम्मामोसमणप्पओगे १, असम्मामोसमणप्पओगे १, असम्मामोसमणप्पओगे ४, एवं वहप्पओगे वि चउहा ८, ओरालियसरीरकायप्पओगे ९, ओरालियमीससरीरकायप्पओगे १०, वेडिव्वयसरीरकायप्पओगे ११, वेडिव्वयमीससरीरकायप्पओगे १२, आहारगसरीरकायप्पओगे १३, आहारगमीससरीरकायप्पओगे १४, कम्मासरीरकायप्पओगे १५ ॥ ४६० ॥ जीवाणं भंते ! कह्विहे पओगे पण्णत्ते ? गोयमा ! पण्णरसिवहे प० पण्णत्ते । तंजहा—सम्मामप्पओगे जाव कम्मासरीरकायप्पओगे । नेरह्याणं भंते ! कह्विहे पओगे पण्णते ? गोयमा ! एकारसिवहे पओगे पण्णते ? गोयमा ! एकारसिवहे पओगे पण्णते । तंजहा—सम्मामप्पओगे जाव असम्मामेसवहप्पओगे, वेडिव्वयसरीरकायप्पओगे , वेडिव्वयसरीरकायप्पओगे , वेडिव्वयमीससरीरकायप्पओगे, कम्मासरीरकायप्पओगे । एवं असुर-कुमाराणं व जाव थिणयकुमाराणं । पुढिविकाइयाणं पुच्छा । गोयमा ! तिविहे पओगे

पन्नते । तंजहा-ओरालियसरीरकायप्पओगे, ओरालियमीससरीरकायप्पओगे. कम्मासरीरकायप्पओरो य । एवं जाव वणस्सइकाइयाणं, नवरं वाउकाइयाणं पञ्च-विहे पओरे पन्नते। तंजहा-ओरालिय० कायप्पओरे, ओरालियमीससरीरकायप्प-ओगे. वेडव्विए द्विहे. कम्मासरीरकायप्पओगे य। वेइंदियाणं पुच्छा। गोयमा! चड विवहे पओगे पन्नते । तंजहा — असचामोसवइप्पओगे, ओरालियसरीरकायप-ओरो. ओरालियमिस्ससरीरकायप्पओरो. कम्मासरीरकायप्पओरो। एवं जाव चउरि-दियाणं । पंचिंदियतिरिक्खजोणियाणं पुच्छा । गोयमा ! तेरसविहे पओगे पन्नते । तंजहा—सचमणप्पओगे. मोसमणप्पओगे, सचामोसमणप्पओगे, असचामोसमण-प्यओगे एवं वडप्पओगे वि. ओरालियसरीरकायप्पओगे, ओरालियमीससरीरकाय-प्यओगे. वेडव्वियसरीरकायप्यओगे, वेडव्वियमीससरीरकायप्यओगे, कम्मासरीर-कायप्यओरो । मणुसाणं पुच्छा । गोयमा ! पण्णरसिवहे पुओरो पन्नत्ते । तंजहा-सचमणप्रअगे जाव कम्मासरीरकायप्रओगे । वाणमंतरजोइसियवेमाणियाणं जहा नेरडयाणं ॥ ४६१ ॥ जीवा णं भंते ! किं सचमणप्पओगी जाव कम्मा-सरीरकायप्पओगी ? गोयमा ! जीवा सञ्वे वि ताव होज्ज सच्चमणप्पओगी वि जाव वेउव्वियमीससरीरकायप्पओगी वि कम्मासरीरकायप्पओगी वि १३ । अहवेगे य आहारगसरीरकायप्यओगी य १, अहवेगे य आहारगसरीरकायप्यओगिणो य २, अहवेगे य आहारगमीससरीरकायप्पओगी य ३, अहवेगे य आहार-गमीससरीरकायप्पओगिणो य ४ चउभङ्गो । अहवेगे य आहारगसरीरकायप्प-ओगी य आहारगमीससरीरकायप्यओगी य १, अहवेगे य आहारगसरीरकायप्य-ओगी य आहारगमीसासरीरकायप्पओगिणो य २. अहवेगे य आहारगसरीरकायप्प-ओगिणो य आहारगमीसासरीरकायप्पओगी य ३. अहवेगे य आहारगसरीरकायप्प-ओगिणो य आहारगमीसासरीरकायप्यओगिणो य ४, एए जीवाणं अट्र १ ॥ ४६२ ॥ नेरइया णं भंते ! किं सचमणप्यओगी जाव कम्मासरीरकायप्यओगी ११ ? गोयमा ! नेरइया सन्वे वि ताव होजा सचमणप्पओगी वि जाव वेउन्वियमीसासरीरकायप्पओगी वि, अहवेगे य कम्मासरीरकायप्पओगी य १, अहवेगे य कम्मासरीरकायप्पओगिणो य २, एवं असुरकुमारा वि जाव थणियकुमाराणं । पुढविकाइया णं भंते ! किं ओरा-लियसरीरकायप्पओगी ओरालियमीसासरीरकायप्पओगी कम्मासरीरकायप्पओगी? गोयमा ! पुढविकाइया ओरालियसरीरकः यप्पओगी वि ओरालियमीससरीरकायप्प-ओगी वि कम्मासरीरकायप्पओगी वि, एवं जाव वणप्पइकाइयाणं। णवरं वाउ-काइया वेउवित्रयसरीरकायप्पओगी वि वेउवित्रयमीसासरीरकायप्पओगी वि । बेइंदि-

या णं भंते ! किं ओरालियसरीरकायप्पओगी जाव कम्मासरीरकायप्पओगी ? गोयमा ! बेइन्डिया सन्वे वि ताव होजा असचामोसवइप्पओगी वि ओरालियसरीरकायप्यओगी वि ओरालियमीससरीरकायप्पओगी वि, अहवेगे य कम्मासरीरकायप्पओगी वि, अहवेगे य कम्मासरीरकायप्यओगिणो य, एवं जाव चडरिंदिया वि । पंचिंदियतिरिक्खजोणिया जहां नेरड्या. नवरं ओरालियसरीरकायप्पओगी वि. ओरालियमीसासरीरकायप्पओगी वि. अहवेगे य कम्मासरीरकायप्यओगी य अहवेगे य कम्मासरीरकायप्यओगिणो य ॥ ४६३॥ मणसा णं भंते ! किं सचमणप्पओगी जाव कम्मासरीरकायप्पओगी १ गोग्रमा! मणसा सञ्चे वि ताव होजा सचमणप्रओगी वि जाव ओरालियसरीर-कायप्यओगी वि. वेड वित्रयसरीरकायप्यओगी वि, वेड वित्रयमीससरीरकायप्यओगी वि अहवेगे य ओरालियमीसासरीरकायपओगी य. अहवेगे य ओरालियमीसासरीर-कायपओगिणो य २, अहवेगे य आहारगसरीरकायप्यओगी य, अहवेगे य आहारग-सरीरकायप्यओगिणो य २. अहवेगे य आहारगमीसासरीरकायप्यओगी य. अहवेगे य आहारगमीसासरीरकायप्पओगिणो य २. अहवेगे य कम्मगसरीरकायप्पओगी य. अहवेगे य कम्मगसरीरकायप्पओगिणो य २, एए अद्र मंगा पत्तेयं । अहवेगे य ओरालियमीससरीरकायप्पओगी य आहारगसरीरकायप्पओगी य १. अहवेगे य ओरालियमीसासरीरकायप्पओगी य आहारगसरीरकायप्पओगिणो य २. अहवेगे य ओरालियमीसासरीरकायप्पओगिणो य आहारगमीसासरीरकायप्पओगी य ३, अहवेगे य ओरालियमीसासरीरकायप्पओगिणो य आहारगसरीरकायप्पओगिणो य ४ एवं एए चत्तारि भंगा. अहवेगे य ओरालियमीसासरीरकायप्पओगी य आहारगमीसा-सरीरकायप्यओगी य १. अहवेगे य ओरालियमीसासरीरकायप्यओगी य आहार-गर्मासासरीरकायप्यओगिणो य २, अहवेगे य ओरालियमीसासरीरकायप्यओगिणो य आहारगमीसासरीरकायप्पओगी य ३. अहवेगे य ओरालियमीसासरीरकायप्पओ-गिणो य आहारगमीसासरीरकायप्यओगिणो य ४ चत्तारि भंगा, अहवेगे य ओरालि-यमीसासरीरकायप्पओगी य कम्मासरीरकायप्पओगी य १. अहवेगे य ओरालियमी-सासरीरकायप्पओगी य कम्मासरीरकायप्पओगिणो य २. अहवेगे ओरालियमीसा-सरीरकायप्पओगिणो य कम्मासरीरकायप्पओगी य ३, अहवेगे ओरालियमीसा-सरीरकायप्पओगिणो य कम्मासरीरकायप्पओगिणो य ४ एए चत्तारि भंगा, अहवेगे य आहारगसरीरकायप्पओगी य आहारगमीसासरीरकायप्पओगी य १, अहवेगे य आहारगसरीरकायप्यओगी य आहारगमीसासरीरकायप्यओगिणो य २, अहवेगे य आहारगसरीरकायप्यओगिणो य आहारगमीसासरीरकायप्यओगी य ३, अहवेगे य

रीरकायप्पओगी य आहारगसरीरकायप्पओगी य कम्मगसरीरकायप्पओगी य १, अहवेगे य ओरालियमीसासरीरकायप्पओगी य आहारगसरीरकायप्पओगी य कम्मगसरीरकायप्पओगी य कम्मगसरीरकायप्पओगीणो य २, अहवेगे य ओरालियमीसासरीरकायप्पओगी य आहारगसरीरकायप्पओगी य अहिंग य ओरालियमीसासरीरकायप्पओगीणो य कम्मगसरीरकायप्पओगीणो य कम्मगसरीरकायप्पओगिणो य कम्मगसरीरकायप्पओगिणो य ४, अहवेगे य ओरालियमीसासरीरकायप्पओगीणो य अहारगसरीरकायप्पओगीणो य अहिंग य ओरालियमीसासरीरकायप्पओगी य कम्मगसरीरकायप्पओगी य कम्मगसरीरकायप्पओगीणो य अहिंग य ओरालियमीसासरीरकायप्पओगी य कम्मगसरीरकायप्पओगीणो व कम्मगसरीरकायप्योगीणो व कम्मगसरीरकायप्पओगीणो व कम्मगसरीरकायप्पओगीणो व कम्मगसरीरकायप्पओगीणो व कम्मगसरीरकायप्योगीणो व कम्मगसरीरकायप्पओगीणो व कम्मग

य ६, अहवेगे य ओरालियमीसासरीरकायप्यओगिणो य आहारगसरीरकायप्य-ओगिणो य कम्मगसरीरकायप्पओगी य ७, अहवेगे य ओरालियमीसासरीर-कायप्यओगिणो य आहारगसरीरकायप्यओगिणो य कम्मगसरीरकायप्यओगिणो य ८. अहवेगे य ओरालियमीसासरीरकायप्यओगी य आहारगमीसासरीरकायप्य-ओगी य कम्मगसरीरकायप्पओगी य १. अहवेगे य ओरालियमीसासरीरकाय-प्यओगी य आहारगमीसासरीरकायप्यओगी य कम्मगसरीरकायप्यओगिणो य २. अहवेगे य ओरालियमीसासरीरकायप्यओगी य आहारगमीसासरीरकायप्य-ओगिणो य कम्मगसरीरकायप्यओगी य ३, अहवेगे य ओरालियमीसासरीरकाय-प्यओगी य आहारगमीसासरीरकायप्यओगिणो य कम्मगसरीरकायप्यओगिणो य ४. अहवेगे य ओरालियमीसासरीरकायप्पओगिणो य आहारगमीसासरीरकायप्प-ओणी य कम्मगसरीरकायप्पओगिणो य ५, अहवेगे य ओरालियमीसासरीरकायप्प-ओगिणो य आहारगमीसासरीरकायप्पओगी य कम्मगसरीरकायप्पओगी य ६. अहवेगे य ओरालियमीसासरीरकायप्यओगिणो य आहारगमीसासरीरकायप्यओगिणो य कम्मगसरीरकायप्यओगी य ७. अहवेगे य ओरालियमीसासरीरकायप्यओगिणो य आहारगमीसासरीरकायप्पओगिणो य कम्मगसरीरकायप्पओगिणो य ८. अहवेगे य आहारगसरीरकायप्पओगी य आहारगमीसासरीरकायप्पओगी य कम्मासरीर-कायप्यओगी य १, अहवेगे य आहारगसरीरकायप्यओगी य आहारगमीसासरीर-कायप्पओगी य कम्मासरीरकायप्पओगिणो य २, अहवेगे य आहारगसरीरकायप्प-ओगी य आहारगमीसासरीरकायप्पओगिणो य कम्मगसरीरकायप्पओगी य ३. अहवेगे य आहारगसरीरकायप्पओगी य आहारगमीसासरीरकायप्पओगिणो य कम्मासरीरकायप्पओगिणो य ४, अहवेगे य आहारगसरीरकायप्पओगिणो य आहारगमीसासरीरकायप्पओगी य कम्मासरीरकायप्पओगी य ५, अहवेगे य आहारगसरीरकायप्पओगिणो य आहारगमीसासरीरकायप्पओगी य कम्मगसरीर-कायप्पओगिणो य ६. अहवेगे य आहारगसरीरकायप्पओगिणो य आहारगमीसा-सरीरकायप्पओगिणो य कम्मासरीरकायप्पओगी य ७. अहवेगे य आहारगसरीर-कायप्यओगिणो य आहारगमीसासरीरकायप्यओगिणो य कम्मासरीरकायप्यओगिणो य ८। एवं एए तियसंजोएणं चत्तारि अद्भभंगा, सब्वे वि मिलिया बत्तीसं भंगा जाणियव्वा ३२। अहवेगे य ओरालियमिस्सासरीरकायप्पओगी य आहारगसरीर-कायप्यओगी य आहारगमीसासरीरकायप्यओगी य कम्मासरीरकायप्यओगी य १, अहवेगे य ओरालियमीसासरीरकायप्पओगी य आहारगसरीरकायप्पओगी य आहारगमीसासरीरकायप्पओगी य कम्मासरीरकायप्पओगिणो य २, अहवेगे य ओरालियमीसासरीरकायप्पओगी य आहारगसरीरकायप्पओगी य आहारगमीसा-सरीरकायप्पओगिणो य कम्मासरीरकायप्पओगी य ३, अहवेगे य ओरालिय-मीसासरीरकायप्यओगी य आहारगसरीरकायप्यओगी य आहारगमीसासरीरकाय-प्पओगिणो य कम्मासरीरकायप्पओगिणो य ४. अहवेगे य ओरालियमीसास-रीरकायप्यओगी य आहारगसरीरकायप्यओगिणो य आहारगमीसासरीरकायप्प-ओगी य कम्मासरीरकायप्यओगी य ५, अहवेगे य ओरालियमीसासरीरकाय-प्पञ्जोगी य आहारगसरीरकायप्पञ्जोगिणो य आहारगमीसासरीरकायप्पञ्जोगी य कम्मासरीरकायपञ्जोगिणो य ६. अहवेगे य ओरालियमीसासरीरकायप्पञ्जोगी य आहारगसरीरकायप्पओगिणो य आहारगमीसासरीरकायप्पओगिणो य कम्मास-रीरकायपओगी य ७. अहवेगे य ओरालियमीसासरीरकायप्पओगी य आहारग-सरीरकायप्पओगिणो य आहारगमीसासरीरकायप्पओगिणो य कम्मासरीरकायप्प-ओगिणो य ८. अहवेंगे य ओरालियमीसासरीरकायप्यओगिणो य आहारगसरीर-कायप्पओगी य आहारगमीसासरीरकायप्पओगी य कम्मासरीरकायप्पओगी य ९, अहवेगे य ओरालियमीसासरीरकायप्यओगिणो य आहारगसरीरकायप्पओगी य आहारगमीसासरीरकायप्पओगी य कम्मासरीरकायप्पओगिणो य १०, अहवेगे य ओरालियमीसासरीरकायप्रओगिणो य आहारगसरीरकायप्पओगी य आहारगमी-सासरीरकायप्पओगिणो य कम्मासरीरकायप्पओगी य ११, अहवेगे य ओरालिय-मीसासरीरकायपञ्जीगिणो य आहारगसरीरकायप्पञोगी य आहारगमीसासरीरका-यप्पञोगिणो य कम्मासरीरकायप्पञोगिणो य १२, अहवेगे य ओरालियमीसास-रीरकायप्पओगिणो य आहारगसरीरकायप्पओगिणो य आहारगमीसासरीरकायप्प-ओगी य कम्मासरीरकायप्पओगी य १३, अहवेगे य ओरालियमीसासरीरकायप्प-ओगिणो य आहारगसरीरकायप्यओगिणो य आहारगमीसासरीरकायप्यओगी य कम्मासरीरकायप्पओगिणो य १४, अहवेगे य ओरालियमीसासरीरकायप्पओगिणो य आहारगसरीरकायप्पओगिणो य आहारगमीसासरीरकायप्पओगिणो य कम्मासरी-रकायप्पओगी य १५. अहवेगे य ओरालियमीसासरीरकायप्पओगिणो य आहारग-सरीरकायप्पओगिणो य आहारगर्मासासरीरकायप्पओगिणो य कम्मासरीरकायप्प-ओगिणो य १६ एवं एए चउसंजोएणं सोलस मंगा भवंति. सन्वेऽवि य णं संपिं-डिया असीइ भंगा भवंति । वाणमंतरजोइसवेमाणिया जहा असुरकुमारा ॥ ४६४ ॥ कइविहे णं भंते ! गइप्पवाए पन्नते ? गोयमा ! पंचविहे गइप्पवाए पन्नते । तंजहा-

पओगगई १, ततगई २, बंधणछेयणगई ३, उववायगई ४, विहायगई ५। से किं तं पुओगगई १ पुओगगई पण्णरसविहा पन्नता । तंजहा-सचमणप्पओगगई, एवं जहा पञ्जोगो भणिओ तहा एसा वि भाणियव्वा जाव कम्मगसरीरकायप्पञ्जोगगई । जीवाणं भंते ! कडविहा पओगगई पन्नता ? गोयमा ! पण्णरसविहा पन्नता । तंजहा-सच्चम-गप्पओगगई जाव कम्मगसरीरकायप्पओगगई। नेरइयाणं भंते! कडविहा पओ-गगई पन्नता ? गोयमा ! एकारसविहा पन्नता । तंजहा-सचमणप्पओगगई, एवं उवउ जिन्हण जस्स जइविहा तस्स तइविहा भाणियव्या जाव वेमाणियाणं । जीवा णं भंते ! सच्चमणप्पओगगई जाव कम्मगसरीरकायप्पओगगई ? गोयमा ! जीवा सब्बे वि ताव होज सचमणप्पओगगई वि, एवं तं चेव पुव्ववण्णियं भाणियव्वं, भंगा तहेव जाव वेमाणियाणं, से तं पओगगई १॥ ४६५॥ से किंतं ततगई? ततगई जे णं जं गामं वा जाव सिण्णवेसं वा संपद्विए असंपत्ते अंतरापहे वर्द्ध. सेत्तं ततगई २ ॥ ४६६ ॥ से किं तं बंधणछेयणगई ? बंधणछेयणगई जीवो वा सरीराओ सरीरं वा जीवाओ, सेत्तं बंधणछेयणगई ३ ॥ ४६७ ॥ से किं तं उववा-यगई ? उववायगई तिविहा पन्नता । तंजहा-खेत्तोववायगई, भवोववायगई, नोभवो-ववायगई । से किं तं खेत्तोववायगई ? खेत्तोववायगई पंचिवहा पन्नता । तंजहा-नेरइयखेत्तोववायगई १. तिरिक्खजोणियखेत्तोववायगई २. मणूसखेत्तोववायगई ३. देवखेत्तोववायगई ४, सिद्धखेत्तोववायगई ५ । से किं तं नेरइयखेत्तोववायगई ? नेरइयखेत्तोववायगई सत्तविहा पन्नता । तंजहा-रयणप्पभापुढविनेरइयखेत्तोववायगई जाव अहेसत्तमापुढविनेरइयखेत्तोववायगई। सेत्तं नेरइयखेत्तोववायगई १। से किं तं तिरिक्खजोणियखेत्तोववायगई ? तिरिक्खजोणियखेत्तोववायगई पंचविहा पन्नता। तंजहा-एगिंदियतिरिक्खजोणियखेत्तोनवायगई जाव पंचिंदियतिरिक्खजोणियखेत्तो-ववायगई। सेत्तं तिरिक्खजोणियखेत्तोववायगई २। से किं तं मणूसखेत्तोववाय-गई ? मणूसखेत्तोववायगई दुविहा पन्नता । तंजहा-संमुच्छिममणूसखेत्तोववायगई, गब्भवक्षंतियमणूसखेत्तोववायगई । सेत्तं मणूसखेत्तोववायगई ३ । से किं तं देवखेत्तो-ववायगई ? देवखेत्तोववायगई चडव्विहा पन्नता । तंजहा-भवणवई० जाव वेमाणिय-देवखेतोववायगई । सेत्तं देवखेतोववायगई ४ ॥ ४६८ ॥ से किं तं सिद्धखेतोव-वायगई ? सिद्धखेत्तोववायगई अणेगविहा पन्नता । तंजहा-जंबुद्दीवे दीवे भरहेरवय-वासे सपिक्वं सपिडिदिसिं सिद्धखेत्तोववायगई, जंब्रहीवे दीवे चुल्लहिमवंतसिहरिवास-हरपव्वयसपिन्खं सपिडिदिसिं सिद्धखेत्तोववायगई, जंबुद्दीवे दीवे हेमवयहेरण्णवास-सपर्निख सपिडदिसिं सिद्धखेत्तोववायगई, जंबुद्दीवे दीवे सद्दावइवियडावइवदृवेयहू-

सप्विंख सप्डिदिसिं सिद्धखेत्तोववायगई, जंबुद्दीवे दीवे महाहिमवंतरुप्पिवासहर-प्रव्ययसपिनेख सपिडिदिसिं सिद्धखेत्तोववायगई, जंबुद्दीवे दीवे हरिवासरम्मगवास-सपिन्स सपिडिदिसिं सिद्धक्खेत्तोववायगई, जंबुद्दीवे दीवे गंधावाइमालवंतपव्वय-बहुवेग्रङ्गसपर्विख सपिडिदिसिं सिद्धखेत्तोववायगई, जंबुद्दीवे दीवे णिसहणीलवंतवासह-रफव्यसपिन्स सपिडिदिसिं सिद्धखेत्तीववायगई, जंबुद्दीवे दीचे पुन्वविदेहावरविदेहस-पक्लिंख सपिडिदिसिं सिद्धखेत्तोववायगई, जंब्रहीवे दीवे देवकुरुउत्तरकुरुसपिनेंख सपिड-दिसिं सिद्धखेत्तोववायगई, जंबुद्दीवे दीवे मंदरपव्वयस्स सपिक्खं सपिंडिदिसिं सिद्ध-खेत्तोववायगई, लवणे समुद्दे सपिनंख सपिडिदिसिं सिद्धखेत्तोववायगई, धायइसंडे दीवे पुरिमद्भिचित्रस्मद्भंदरपञ्चयसपिनंख सपिडिदिसिं सिद्धेवेत्तोववायगई. कालो-यसमृहसपिनंख सपिडिदिसिं सिद्धखेत्तोववायगई, पुक्खरवरदीवद्धपुरिथमद्धभरहेर-वयवाससप्रिंख सप्रडिदिसिं सिद्धखेत्तीववायगई, एवं जाव पुक्खरवरदीवद्धपच्छिमद्ध-मंदरपव्वयसपिनेख सपिडिदिसिं सिद्धखेत्तोववायगई, से तं सिद्धखेत्तोववायगई ५... ॥ ४६९ ॥ से किं तं भवीववायगई ? भवीववायगई चउ विवहा पन्नता । तंजहा-नेरडय-भवीववायगई जाव देवभवीववायगई। से किं तं नेरइयभवीववायगई? नेरइयभवीववा-यगई सत्तविहा पन्नता। तंजहा-एवं सिद्धवज्जो भेदो भाणियव्यो जो चेव खेत्तोववायगईए सो चेव, से तं देवभवीववायगई। से तं भवीववायगई।। ४७०॥ से किं तं नोभवीव-वायगई ? नोभवोववायगई दुविहा पन्नता । तंजहा-पोग्गलनोभवोववायगई. सिद्धनो-भवोववायगई । से किं तं पोग्गलनोभवोववायगई ? पोग्गलनोभवोववायगई जण्णं परमाणुपोग्गले लोगस्स पुरिव्यमिल्लाओ चरमंताओ पचित्थिमिल्लं चरमंतं एगसमएणं गच्छइ, पचित्थिमिल्लाओ वा चरमंताओ पुरित्थिमिल्लं चरमंतं एगसमएणं गच्छइ. दाहिणिल्लाओ वा चरमंताओ उत्तरिल्लं चरमंतं एगसमएणं गच्छइ, एवं उत्तरिल्लाओ दाहिणिलं, उनिरुलाओ हेद्रिलं, हिट्ठिलाओ उनिरेलं, से तं पोग्गलनोभनोननायगई ॥ ४७१ ॥ से किं तं सिद्धणोभवोववायगई ? सिद्धणोभवोववायगई दुविहा पन्नता। तंजहा-अणंतरसिद्धणोभवोववायगई परंपरसिद्धणोभवोववायगई य । से किं तं अणंतरसिद्धणोभवोववायगई ? २ पण्णरसिवहा पन्नता । तंजहा-तित्यसिद्धअणंतर-सिद्धणोभवोववायगई य जाव अणेगसिद्ध० णोभवोववायगई य । से किं तं परंपर-सिद्धणोभवोववायगई ? २ अणेगविहा पन्नता। तंजहा-अपढमसमयसिद्धणोभवोववाय-गई, एवं दुसमयसिद्धणोभवोववायगई जाव अणंतसमयसिद्धणोभवोववायगई, सेत्तं सिद्धणोभवोववायगई, से तं णोभवोववायगई, से तं उववायगई ४ ॥ ४७२ ॥ से किं तं विहायगई? विहायगई सत्तरसविहा पन्नता। तंजहा-फुसमाणगई १,

अफुसमाणगई २, उवसंपजमाणगई ३, अणुवसंपजमाणगई ४. पोगालगई ५, मंडूयगई ६, णावागई ७, नयगई ८, छायागई ९, छायाणवायगई १०. लेसागई ११, लेसाणुवायगई १२, उद्दिस्सपविभत्तगई १३, चउपुरिसपविभत्तगई १४. वंकगई १५, पंकगई १६, बंधणिवमोयणगई १७॥ ४७३॥ से किं तं फुसमाणगई ? फुसमाणगई जण्णं परमाणुपोग्गले(ल)दुपएसिय जाव अणंतपए-तियाणं खंघाणं अण्णमण्णं फुसित्ता णं गई पवत्तइ, सेत्तं फुसमाणगई १ । से किं तं अफ़ुसमाणगई? अफ़ुसमाणगई जण्णं एएसिं चेव अफ़ुसित्ता णं गई पवत्तइ, से तं अफुसमाणगई २। से किं तं उवसंपज्जमाणगई ? २ जण्णं रायं वा जुबराय वा ईसरं वा तलवरं वा माडंबियं वा कोडंबियं वा इब्मं वा सेट्रिं वा सेणावइं वा सत्थवाहं वा उवसंपज्जिता णं गच्छइ, से तं उवसंपज्जमाणगई ३। से किं तं अणुवसंपज्जमाणगई? २ जण्णं एएसिं चेव अण्णमण्णं अणुवसंप्रजित्ता णं गच्छड. से तं अणुवसंपज्जमाणगई ४। से किं तं पोग्गलगई १ २ जं णं परमाणु-पोगगळाणं जाव अणंतपएसियाणं खंधाणं गई पवत्तइ, से तं पोगगळगई ५। से किं तं मंडयगई ? २ जण्णं मंडूओ फिडिता गच्छइ, से तं मंडूयगई ६ । से किं तं णावा-गई? जण्णं णावा पुरववेयालीओ दाहिणवेयालिं जलपहेणं गच्छइ. दाहिणवेयालीओ वा अवरवेयालिं जलपहेणं गच्छइ, से तं णावागई ७। से किं तं णयगई? २ जण्णं णेगमसंगहववहारङज़ुसुयसद्दसमभिरूढएवंभूयाणं नयाणं जा गई, अहवा सव्वणया वि जं इच्छंति, से तं नयगई ८। से किं तं छायागई १ २ जं णं हयछायं वा गयछायं वा नरछायं वा किण्णरछायं वा महोरगच्छायं वा गंधव्यच्छायं वा उसहछायं वा रहछायं वा छत्तछायं वा उवसंपिजाताणं गच्छइ, से तं छायागई ९। से किं तं छायाणुवायगई ? २ जेणं पुरिसं छाया अणुगच्छइ, नो पुरिसे छायं अणुगच्छइ, से तं छायाणुवायगई १०। से किं तं लेस्सागई ? २ जण्णं किण्हलेसा नीललेसं पप्प तास्वताए तावण्णताए तागंधताए तारसत्ताए ताफासत्ताए भुजो भुजो परिणमइ, एवं नीललेसा काउलेसं पप्प तारूवत्ताए जाव ताफासत्ताए परिणमइ, एवं काउले-न्सा वि तेउलेसं तेउलेसा वि पम्हलेसं पम्हलेसा वि सक्कलेसं पप्प तारूवत्ताए जाव परिणमइ, से तं छेस्सागई ११। से किं तं छेसाणुवायगई ? २ जल्लेसाई दव्वाई परियाइत्ता कालं करेइ तल्लेसेस उववजाइ, तंजहा-किण्हलेसेस वा जाव सकलेसेस वा. से तं छेसाणुवायगई १२ । से किं तं उहिस्सपविभक्तगई ? २ जण्णं आयरियं वा उवज्झायं वा थेरं वा पवत्तिं वा गणिं वा गणहरं वा गणावच्छेयं वा उद्दिसिय २ गच्छइ, से तं उद्दिस्सियपावेभत्तगई १३। से किं तं चउपुरिसपविभत्तगई? से २८ सत्ता०

जहानामए चत्तारि पुरिसा समगं पज्जवद्विया समगं पद्विया १, समगं पज्जवद्विया विसमगं पद्विया २, विसमं पज्जवद्विया विसमं पद्विया ३, विसमं पज्जवद्विया समगं पद्विया ४, से तं चउपुरिसपिवभत्तगई १४। से किं तं वंकगई १ २ चउव्विहा पन्नता। तंजहा-घटणया, थंभणया, छेसणया, पवडणया, से तं वंकगई १५। से किं तं पंकगई १ २ से जहाणामए केंद्र पुरिसे पंकंसि वा उदयंसि वा कायं उव्विहिया २ गच्छइ, से तं पंकगई १६। से किं तं बंधणविमोयणगई १ २ जण्णं अंबाण वा अंबाडगाण वा माउछुंगाण वा बिह्राण वा किव्हाण वा भचाण वा फणसाण वा दालिमाण वा अक्खोलाण वा चाराण वा बोराण वा तिंदुयाण वा पक्काणं परियाग-याणं बंधणाओ विष्ममुक्काणं निव्वाधाएणं अहे वीससाए गई पवत्तइ, से तं बंधण-विमोयणगई १७। से तं विहायोगई ५॥ ४७४॥ पन्नवणाए भगवईए सोलसमं प्रशेगपयं समनं॥

आहार समसरीरा उस्सासे कम्मवन्नलेसास । समवेयण समकिरिया समाउया चेव बोद्धव्या॥ १॥ नेरइया णं भंते ! सब्वे समाहारा, सब्वे समसरीरा, सब्वे समस्सासनिस्सासा ? गोयमा ! णो इणद्रे समद्रे । से केणद्रेणं भंते ! एवं वृचइ-'नेरइया णो सब्वे समाहारा जाव णो सब्वे समुस्सारानिस्सासा' ? गोयमा ! णेरइया दुविहा पन्नता। तंजहा-महासरीरा य अप्पसरीरा य। तत्थ णं जे ते महासरीरा ते णं बहुतराए पोग्गले आहारेंति, बहुतराए पोग्गले परिणामेंति, बहुतराए पोग्गले उस्ससंति, बहुतराए पोग्गले नीससंति, अभिक्खणं आहारेंति, अभिक्खणं परिणा-मेंति, अभिक्खणं ऊससंति, अभिक्खणं नीससंति । तत्थ णं जे ते अप्पसरीरा ते णं अप्पतराए पोग्गले आहारेंति, अप्पतराए पोग्गले परिणामेंति, अप्पतराए पोग्गले ऊससंति, अप्पतराए पोग्गले नीससंति, आहच आहारेंति, आहच परिणामेंति, आहच ऊससंति, आहच नीससंति, से एएणड्रेणं गोयमा ! एवं व्रचइ-'नेरइया णो सन्वे समाहारा, णो सन्वे समसरीरा, णो सन्वे समस्सासनिस्सासा' ॥ ४७५ ॥ नेरइया णं भंते ! सन्वे समकम्मा ? गोयमा ! नो इणड्ठे समद्वे । से केणड्ठेणं भंते ! एवं वृच्चइ-'नेरइया नो सन्वे समकम्मा'? गोयमा! नेरइया दुविहा पन्नता। तंजहा-पुन्वीववन्नगा य पच्छोववन्नगा य । तत्थ णं जे ते पुन्वीववन्नगा ते णं अप्पक्रम्म तरागा, तत्थ णं जे ते पच्छोववन्नगा ते णं महाकम्मतरागा, से तेणद्रेणं गोयमा! एवं वृच्च६-'नेरइया नो सन्वे समकम्मा'॥ ४७६॥ नेरइया णं भंते! सन्वे समवन्ना ? गोयमा ! नो इणद्वे समट्ठे । से केणद्वेणं भंते ! एवं वृच्चइ-'नेरइया नो सन्वे समवन्ना' ? गोयमा ! नेरइया दुविहा पन्नत्ता । तंजहा-पुन्वोववन्नगा य पच्छो-

ववनगा य । तत्थ णं जे ते पुव्वीववनगा ते णं विसुद्धवन्नतरागा, तत्थ णं जे ते पच्छोववन्नगा ते णं अविसुद्धवन्नतरागा, से एएणड्डेणं गोयमा ! एवं वृच्चड-'नेरडया नो सन्वे समवन्ना'। एवं जहेव वन्नेण भणिया तहेव लेसास विसद्धलेसतरागा अविसद्धलेसतरागा य भाणियव्वा ॥ ४७७ ॥ नेरइया णं भंते ! सब्वे समवेयणा ? गोयमा! नो इणद्रे समद्रे । से केणद्रेणं भंते! एवं वृच्चई-'नेर्डया नो सब्वे सम-वेयणा' १ गोयमा ! नेरझ्या दुविहा पन्नता। तंजहा-सन्निभ्या य असन्निभ्या य । तत्थ णं जे ते सन्निभ्या ते णं महावेयणतरागा, तत्थ णं जे ते असन्निभ्या ते णं अप्प-वेयणतरागा. से तेणट्रेणं गोयमा ! एवं वृच्चइ-'नेरइया नो सब्वे समवेयणा' ॥ ४७८॥ नेरडया णं भंते ! सब्वे समिकिरिया ? गोयमा ! नो इणद्वे समद्वे । से केणद्वेणं भंते ! एवं वुचइ-'नेरइया नो सन्वे समिकरिया' १ गोयमा ! नेरइया तिविहा पन्नता । तंजहा-सम्महिद्री, मिच्छहिद्री, सम्मामिच्छहिद्री । तत्थ णं जे ते सम्महिद्री तेसि णं चत्तारि किरियाओ कजांति, तंजहा-आरंभिया, परिग्गहिया, मायावत्तिया. अपचक्खाणकिरिया । तत्थ णं जे ते मिच्छिहिंही जे सम्मामिच्छिहिंही तेसि णं निययाओ पञ्च किरियाओ कजांति, तंजहा-आरंभिया, परिगाहिया, मायावत्तिया, अपचक्खाणिकरिया, मिच्छादंसणवत्तिया, से तेणहेणं गोयमा! एवं वृच्चइ-'नेरइया नो सब्बे समिकरिया' ॥ ४७९ ॥ नेरइया णं भंते ! सब्बे समाउया, सब्बे समोव-वक्या ? गोयमा ! नो इणद्रे समद्रे । से केणद्रेणं भंते ! एवं वृचइ० ? गोयमा ! नेरइया चडव्विहा पन्नता । तंजहा-अत्थेगइया समाउया समीववन्नगा, अत्थेगइया समाउया विसमोववन्नगा, अत्थेगइया विसमाउया समोववन्नगा, अत्थेगइया विसमा-उया विसमीववन्नगा. से तेणद्रेणं गोयमा ! एवं वृच्चइ-'नेरइया नो सन्वे समाउया. नो सन्वे समोववन्नगा' ॥ ४८० ॥ असुरकुमारा णं भंते ! सन्वे समाहारा ? एवं सब्वे वि पुच्छा । गोयमा ! नो इणद्वे समद्वे । से केणद्वेणं भंते ! एवं वृच्चइ० ? जहा नेरइया । असुरकुमारा णं भंते ! सन्वे समकम्मा ? गोयमा ! णो इणद्रे समद्रे । से केण्डेणं भंते ! एवं वच्चइ० ? गोयमा ! असुरक्तमारा दुविहा पन्नता । तंजहा-पुव्वोव-वन्नगा य पच्छोववन्नगा य । तत्थ णं जे ते पुव्वोववन्नगा ते णं महाकम्मतरा, तत्थ णं जे ते पच्छोववन्नगा ते णं अप्पकम्मतरा, से तेणहेणं गोयमा! एवं वुचइ-'असरकुमारा णो सन्वे समकम्मा'। एवं वन्नलेस्साए पुच्छा। तत्थ णं जे ते पुव्योववन्नगा ते णं अविसुद्धवन्नतरागा, तत्थ णं जे ते पच्छोववन्नगा ते णं विसुद्धवन्नतरागा. से तेणद्वेणं गोयमा! एवं वृच्चइ-'असुरकुमारा णं सव्वे णो समवन्ना'। एवं लेस्साए वि. वेयणाए जहा नेरइया, अवसेसं जहा नेरइयाणं। एवं

जाव थणियकुमारा ॥ ४८९ ॥ पुढविकाइया आहारकम्मवन्नलेस्साहिं जहा नेरइया । पुढ़विकाइया णं भंते ! सन्वे समवेयणा पन्नता ? हंता गोयमा ! सन्वे समवेयणा । से केणड्रेणं ॰ ? गोयमा ! पुढविकाइया सन्वे असन्नी असन्निभूयं अणिययं वेयणं वेयन्ति, से तेणहेणं गोयमा ! पुढविकाइया सन्वे समवेयणा । पुढविकाइया णं भंते ! सन्वे समिक-रिया ? हंता गोयमा ! पुढविकाइया सन्वे समिकरिया । से केणहेणं० ? गोयमा ! पढ-विकाइया सब्वे माइमिच्छादिद्री. तेसिं णियइयाओ पंच किरियाओ कजान्ति, तंजहा-आरंभिया, परिगहिया, मायावत्तिया, अप्पचक्खाणकिरिया, मिच्छादंसणवित्तया य. से तेणड्रेणं गोयमा ! । एवं जाव चर्डारेंदिया । पंचेंदियतिरिक्खजोणिया जहा नेर-इया, नवरं किरियाहिं सम्महिट्टी मिच्छहिट्टी सम्मामिच्छहिट्टी। तत्थ णं जे ते सम्म-हिद्री ते दुविहा पन्नता। तंजहा-असंजया य संजयासंजया य। तत्थ णं जे ते संजयासंजया तेसि णं तिन्नि किरियाओ कजन्ति, तंजहा-आरंभिया, परिग्गहिया, मायावत्तिया । तत्थ णं जे असंजया तेसि णं चत्तारि किरियाओ कजान्ति. तंजहा-आरंभिया, परिग्गहिया, मायावत्तिया, अपचक्खाणकिरिया। तत्थ णं जे ते मिच्छा-दिझी जे य सम्मामिच्छिहिंद्री तेसि णं णियइयाओं पंच किरियाओं कजान्ति. तंजहा-आरंभिया, परिगाहिया, मायावत्तिया, अपचक्खाणकिरिया, मिच्छादंसणवत्तिया, सेसं तं चेव ॥ ४८२ ॥ मणुस्सा णं भंते ! सब्वे समाहारा ? गोयमा ! णो इणद्वे समद्वे । से केण्डेणं० ? गोयमा ! मणुस्सा दुविहा पन्नता । तंजहा-महासरीरा य अप्पसरीरा य । तत्थ णं जे ते महासरीरा ते णं बहुतराए पोग्गल्ले आहारेंति जाव बहुतराए पोग्गले नीससंति, आहच आहारेंति, आहच नीससंति। तत्थ णं जे ते अप्पसरीरा ते णं अप्पतराए पोग्गले आहारेंति जाव अप्पतराए पोग्गले नीससंति. अभिक्खणं आहारेंति जाव अभिक्खणं नीससंति, से तेणहेणं गोयमा ! एवं वृच्चइ-'मणुस्सा सक्वे णो समाहारा'। सेसं जहा नेरइयाणं, नवरं किरियाहिं मणूसा तिविहा पन्नता। तंजहा-सम्महिद्री. मिच्छादिद्री, सम्मामिच्छादिद्री । तत्थ णं जे ते सम्महिद्री ते तिविहा पन्नता । तंजहा-संजया, असंजया, संजयासंजया । तत्थ णं जे ते संजया ते दुविहा पन्नता । तंजहा-सरागसंजया य वीयरागसंजया य । तत्थ णं जे ते वीयरागसंजया ते णं अकिरिया, तत्थ णं जे ते सरागसंजया ते दुविहा पन्नता। तंजहा-पमत्तसंजया य अपमत्तसंजया य । तत्थ णं जे ते अपमत्तसंजया तेसिं एगा मायावत्तिया किरिया कजाइ। तत्थ णं जे ते पमत्तसंजया तेसिं दो किरियाओ कर्जित-आरंभिया मायावत्तिया य। तत्थ णं जे ते संजयासंजया तेसिं तिन्नि किरियाओ कर्जित. तंजहा-आरंभिया परिगाहिया मायावत्तिया। तत्थ णं जे ते

असंजया तेसिं चतारि किरियाओं कजाति, तंजहा-आरंभिया परिगाहिया माया-वित्तया अपचक्खाणकिरिया । तत्थ णं जे ते मिच्छादिद्री जे सम्मामिच्छादिद्री तेसिं नियडयाओ पंच किरियाओं कजाति, तंजहा-आरंभिया परिगाहिया मायावत्तिया अपचन्खाणकिरिया मिच्छादंसणवत्तिया, सेसं जहा नेरइयाणं ॥ ४८३ ॥ वाण-मंतराणं जहा असुरकुमाराणं । एवं जोइसियवेमाणियाण वि. नवरं ते वेयणाए दविहा पन्नता । तंजहा-माइमिच्छिदिद्वीउववन्नगा य अमाइसम्मदिद्वीउववन्नगा य । तत्थ णं जे ते माइमिच्छिदिद्रीउववन्नगा ते णं अप्पवेयणतरागा, तत्थ णं जे ते अमाइसम्म-दिद्रीउववन्नगा ते णं महावेयणतरागा, से तेणद्रेणं गोयमा! एवं वचड० । सेसं तहेव ॥ ४८४ ॥ सलेसा णं भंते ! नेरइया सन्वे समाहारा, समसरीरा, समस्या-सनिस्सासा-सन्वे वि पुच्छा । गोयमा ! एवं जहा ओहिओ गमओ तहा सलेसाग-मओ वि निरवसेसो भाणियन्त्रो जाव वेमाणिया । कण्हलेसा णं भंते ! नेरइया सन्त्रे समाहारा-पुच्छा । गोयमा ! जहा ओहिया, नवरं नेरइया वेयणाए माइमिच्छिदद्री-उववन्नगा य अमाइसम्मदिद्वीउववन्नगा य भाणियन्वा, सेसं तहेव जहा ओहियाणं । असरकमारा जाव वाणमंतरा एए जहा ओहिया. नवरं मणस्साणं किरियाहिं विसेसो-जाव तत्थ णं जे ते सम्मदिष्टी ते तिविहा पन्नता । तंजहा-संजया असंजया संजयासंजया य. जहा ओहियाणं । जोइसियवेमाणिया आइह्रियास तिसु लेसासु ण पच्छिजंति । एवं जहा किण्हलेसा विचारिया तहा नीललेसा वि विचारेयव्वा । काउलेसा नेरइएहिंतो आरब्भ जाव वाणमंतरा. नवरं काउलेसा नेरइया वेयणाए जहा ओहिया । तेउलेसाणं भंते ! असुरकुमाराणं ताओ चेव पुच्छाओ । गोयमा ! जहेव ओहिया तहेव. नवरं वेयणाए जहा जोइसिया । पढविआउवणस्सइपंचेंदिय-तिरिक्खमणस्सा जहा ओहिया तहेव भाणियव्वा, नवरं मणूसा किरियाहिं जे संजया ते पमता य अपमता य भाणियन्वा, सरागा वीयरागा नित्य । वाणमंतरा तेउले-साए जहा असुरकुमारा, एवं जोइसियवेमाणिया वि, सेसं तं चेव । एवं पम्हलेसा वि भाणियव्वा, नवरं जेसिं अत्थि । सक्छेरसा वि तहेव जेसिं अत्थि, सव्वं तहेव जहा ओहियाणं गमओ, नवरं पम्हलेस्ससुक्कलेस्साओ पंचेंदियतिरिक्खजोणियमणूसवेमा-णियाणं चेव, न सेसाणं ति ॥ ४८५ ॥ पन्नवणाए भगवईए सत्तरसमे लेस्सापए पढमो उद्देसओ समत्तो॥

कइ णं भंते! लेसाओ पन्नताओ ? गोयमा! छल्लेसाओ पन्नताओ। तंजहा-कण्हलेसा, नीललेसा, काउलेसा, तेउलेसा, पम्हलेसा, सुक्कलेसा ॥ ४८६ ॥ नेरइयाणं भंते ! कइ लेसाओ पन्नताओ ? गोयमा ! तिन्नि० तंजहा-किण्हलेसा. नीळळेसा. काउळेसा । तिरिक्खजोणियाणं भंते! कइ लेस्साओ पन्नताओ? गोयमा! इक्रेस्साओ पन्नताओ । तंजहा-कण्हलेस्सा जाव सुक्कलेस्सा । एगिंदियाणं भंते ! कड लेसाओ पन्नताओं ? गोयमा ! चतारि लेसाओ पन्नताओं । तंजहा-ऋण्हलेसा जाव तेउळेसा । पुढविकाइयाणं भंते ! कइ ठेसाओ पन्नताओ ? गोयमा ! एवं चेव । आउवणस्सइकाइयाण वि एवं चेव । तेउवाउबेइंदियतेइंदियचउरिंदियाणं जहा नेरहयाणं । पंचेंदियतिरिक्खजोणियाणं पुच्छा । गोयमा ! छक्लेसा-ऋण्हलेसा जाव सक्लेसा । संमुच्छिमपंचेंदियतिरिक्खजोणियाणं पुच्छा । गोयमा ! जहा नेरइयाणं । गब्भवक्कंतियपंचेंदियतिरिक्खजोणियाणं पुच्छा । गोयमा ! छक्नेसा-कण्हलेसा जाव सक्छेसा । तिरिक्खजोणिणीणं पुच्छा । गोयमा ! छहेसा एयाओ चेव । मणसाणं पच्छा । गोयमा ! छह्नेसा एयाओ चेव । संमुच्छिममणुस्साणं पुच्छा । गोयमा ! जहा नेरह्याणं । गब्भवक्वंतियमणस्साणं प्रच्छा । गोयमा ! छक्नेसाओ० तंजहा-कण्हलेसा जाव सक्कलेसा । मण्रस्तीणं पुच्छा । गोयमा ! एवं चेव । देवाणं पुच्छा । गोयमा ! छ एयाओ चेव । देवीणं पुच्छा । गोयमा ! चत्तारि-कण्हलेसा जाव तेउलेसा । भवणवासीणं भंते ! देवाणं पुच्छा । गोयमा ! एवं चेव, एवं भवणवासिणीण वि । वाणमंतरदेवाणं पुच्छा । गोयमा ! एवं चेव. एवं वाणमंतरीण वि । जोइसियाणं पुच्छा । गोयमा ! एगा तेउलेसा, एवं जोइसिणीण वि । वेमाणियाणं पुच्छा । गोयमा ! तिन्नि॰ तंजहा-तेउलेसा, पम्हलेसा, सुक्कलेसा । वेमाणिणीणं पुच्छा । गोयमा! एगा तेउलेसा ॥ ४८७ ॥ एएसि णं भंते! जीवाणं सलेस्साणं कण्ह-लेस्साणं जाव सुक्कलेस्साणं अलेस्साण य कयरे क्यरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवा जीवा सुक्कलेस्सा, पम्हलेस्सा संखेजगणा. तेउलेस्सा संखेजगुणा, अलेस्सा अणंतगुणा, काउलेस्सा अणंतगुणा, नीललेस्सा विसेसाहिया, कण्हलेस्सा विसेसाहिया, सलेस्सा विसेसाहिया ॥ ४८८ ॥ एएसि णं भंते! नेरइयाणं कण्हळेसाणं नीलळेसाणं काउळेसाण यं कयरे कयरेहिंतो अप्पा वा ४ १ गोयमा ! सव्वत्थोवा नेरइया कण्हलेसा, नीललेसा असंखेजगुणा, काउलेसा असंखेजगुणा । एएसि णं भंते ! तिरिक्खजोणियाणं कण्हलेसाणं जाव सुक्रलेसाण य कयरे कयरेहिंतो अप्पा वा ४१ गोयमा! सन्वत्थोवा तिरिक्खजोणिया सक्छेसा. एवं जहा ओहिया, नवरं अलेसवजा । एएसिं भंते ! एगिंदियाणं कण्हलेस्साणं नीललेस्साणं काउछेस्साणं तेउछेस्साण य कयरे कयरेहिंतो अप्पा वा ४१ गोयमा! सव्वत्थोवा एगिंदिया तेडलेस्सा, काडलेस्सा अणंतगुणा, नीललेस्सा विसेसाहिया, कण्हलेस्सा विसेसाहिया। एएसि णं भंते! पुढविकाइयाणं कण्हलेस्साणं जाव तेउलेस्साण य क्यरे क्यरेहिंतो अप्पा वा ४ ? गोयमा ! जहा ओहिया एगिंदिया, नवरं काउछेस्सा असंखेजगुणा । एवं आउकाइयाण वि । एएसि णं भंते ! तेउकाइयाणं कण्हळेस्साणं नीठलेस्साणं काउलेस्साण य कयरे कयरेहिंतो अप्पा वा ४ ? गोयमा ! सव्वत्थोवा तेलकाड्या काल्लेस्सा, नीललेस्सा विसेसाहिया, कण्हलेस्सा विसेसाहिया, एवं बारकाइयाण वि । एएसि णं भंते ! वणस्सइकाइयाणं कण्हलेस्साणं जाव तेउलेस्साण य जहा एगिंदियओहियाणं । बेइंदियाणं तेइंदियाणं चडिरंदियाणं जहा तेडकाइयाणं ॥ ४८९ ॥ एएसि णं भंते ! पंचिंदियतिरिक्खजोणियाणं कण्हलेसाणं एवं जाव सक्क-लेसाण य कयरे कयरेहिंतो अप्पा वा ४१ गोयमा! जहा ओहियाणं तिरिक्खजोणि-याणं. नवरं काउलेसा असंखेजगुणा । संमुच्छिमपंचेंदियतिरिक्खजोणियाणं जहा तेउकाइयाणं । गब्भवकंतियपंचेंदियतिरिक्खजोणियाणं जहा ओहियाणं तिरिक्ख-जोणियाणं, नवरं काउलेसा संखेजगुणा, एवं तिरिक्खजोणिणीण वि । एएसि णं भंते ! संम च्छिमपंचेंदियतिरिक्खजोणियाणं गब्भवक्कंतियपंचेंदियतिरिक्खजोणियाण य कण्हलेस्साणं जाव सुक्कलेस्साण य कयरे कयरेहिंतो अप्पा वा ४ ? गोयमा ! सञ्बत्थोवा गब्भवक्कंतियपंचेंदियतिरिक्खजोणिया सक्कलेस्सा. पम्हलेस्सा संखेजगुणा. तेउ-लेस्सा संखेजगुणा, काउलेस्सा संखेजगुणा, नीललेस्सा विसेसाहिया, कण्हलेस्सा विसेसाहिया, काउलेस्सा संमु च्छिमपंचेंदियतिरिक्खजोणिया असंखेजगुणा, नीललेस्सा विसेसाहिया, कण्हळेस्सा विसेसाहिया । एएसि णं भंते ! संमुच्छिमपंचेंदियतिरिक्ख-जोणियाणं तिरिक्खजोणिणीण य कण्हलेसाणं जाव सुक्कलेसाण य कयरे कयरेहिंतो अप्पा वा ४ ^१ गोयमा ! जहेव पंचमं तहा इमं छट्टं भाणियव्वं । एएसि णं भंते ! गञ्भवद्धंतियपंचेंदियतिरिक्खजोणियाणं तिरिक्खजोणिणीण य कण्हलेसाणं जाव मुक्कलेसाण य कयरे कयरेहिंतो अप्पा वा ४ ? गोयमा ! सव्वत्थोवा गब्भवक्कंतिय-पंचेंदियतिरिक्खजोणिया सुक्कलेसा, सुक्कलेसाओ तिरिक्खजोणिणीओ संखेजराणाओ. थम्हलेसा गब्भवकंतियपंचेंदियतिरिक्खजोणिया संखेजगुणा, पम्हलेसाओ तिरिक्ख-जोणिणीओ संखेजगुणाओ, तेउलेसा तिरिक्खजोणिया संखेजगुणा, तेउलेसाओ तिरिक्खजोणिणीओ संखेजगुणाओ, काउलेसा संखेजगुणा, नीठलेसा विसेसाहिया, कण्हलेसा विसेसाहिया. काउलेसाओ संखेजगुणाओ, नीललेसाओ विसेसाहियाओ, कण्हलेसाओ विसेसाहियाओ । एएसि णं भंते ! संमुच्छिमपंचेंदियतिरिक्खजोणियाणं गञ्भवकंतियपंचेंदियतिरिक्खजोणिणीण य कण्हलेसाणं जाव सक्कलेसाण य कयरे कयरेहिंतो अप्पा वा ४ ? गोयमा ! सव्वत्थोवा गब्भवकंतिया तिरिक्खजोणिया सुक्रलेसा, सुक्रलेसाओ तिरि० संखेजगुणाओ, पम्हलेसा गब्भवकंतिया तिरिक्ख-

जोणिया संखेजगुणा, पम्हलेसाओ तिरिक्खजोणिणीओ संखेजगुणाओ, तेउलेसा गब्भवकंतिया तिरिक्खजोणिया संखेजगुणा. तेउलेसाओ तिरिक्खजोणिणीओ संखेजगुणाओ, काउलेसाओ संखेजगुणाओ, नीललेसा विसेसाहिया, कण्हलेसा विसे-साहिया, काउलेसा संखेजगुणा, नीललेसा विसेसाहिया, कण्हलेसाओ विसेसा-हियाओ, काउलेसा संमुच्छिमपंचेंदियतिरिक्खजोणिया असंखेजगुणा, नीललेसा विसेसाहिया, कण्हलेसा विसेसाहिया। एएसि णं भंते! पंचेंदियतिरिक्खजोणियाणं तिरिक्खजोणिणीण य कण्हलेसाणं जाव सुक्कलेसाणं कयरे कयरेहिंतो अप्पावा ४2 गोयमा! सव्वत्थोवा पंचेंदियतिरिक्खजोणिया सुक्रलेसा, सुक्रलेसाओ संखेजगुणाओ. पम्हलेसा संखेजगुणा, पम्हलेसाओ संखेजगुणाओ, तेउलेसा संखेजगुणा, तेउले-साओ संवेजगुणाओ, काउलेसा संवेजगुणा, नीललेसाओ विसेसाहियाओ, कण्ह-लेसा विसेसाहिया, काउलेसा असंखेजगुणा, नीललेसा विसेसाहिया, कण्हलेसाओ विसेसाहियाओ । एएसि णं भंते ! तिरिक्खजोणियाणं तिरिक्खजोणिणीण य कण्हले-साणं जाव सुक्कलेसाण य कयरे कयरेहिंतो अप्पा वा ४ ? गोयमा ! जहेव नवमं अप्पाबहर्गं तहा इमं पि, नवरं काउलेसा तिरिक्खजोणिया अणंतगुणा । एवं एए दस अप्पाबहुगा तिरिक्खजोणियाणं ॥ ४९० ॥ एएसि णं भंते ! देवाणं कण्हळेसाणं जाव सुक्कलेसाण य कयरे कयरेहिंतो अप्पा वा ४ ? गोयमा ! सञ्वत्थोवा देवा सक्रेक्सा, पम्हलेसा असंखेजगुणा, काउलेसा असंखेजगुणा, नीललेसा विसेसा-हिया. कण्हलेसा विसेसाहिया, तेउलेसा संखेजगुणा। एएसि णं भंते! देवीणं कण्हलेसाणं जाव तेजलेसाण य कयरे कयरेहिंतो अप्पा वा ४१ गोयमा! सन्वतथो-वाओ देवीओ काउलेसाओ, नीललेसाओ विसेसाहियाओ, कण्हलेसाओ विसेसा-हियाओ, तेउलेसाओ संखेजगुणाओ । एएसि णं भंते! देवाणं देवीण य कण्हळेसाणं जाव सुक्रेलेसाण य कयरे कयरेहिंतो अप्पा वा ४१ गोयमा! सन्वत्थोवा देवा मुक्कलेसा, पम्हलेसा असंखेजगुणा, काउलेसा असंखेजगुणा, नीललेसा विसेसाहिया, काहलेसा विसेसाहिया, काडलेसाओ देवीओ संखेजगुणाओ. नील्लेसाओ विसेसाहियाओ, कण्हलेसाओ विसेसाहियाओ, तेउलेसा देवा संखेज-गुणा, तेउलेसाओ देवीओ संखेजगुणाओ ॥ ४९१ ॥ एएसि णं भंते ! भवण-वासीणं देवाणं कण्हलेसाणं जाव तेखलेसाण य कयरे कयरेहिंतो अप्पा वा ४ ? गोयमा ! सन्वत्थोवा भवणवासी देवा तेउलेसा, काउलेसा असंखेजगुणा, नीळलेसा विसेसाहिया, कण्हलेसा विसेसाहिया। एएसि णं भंते! भवणवासिणीणं देवीणं कण्हलेसाणं जाव तेउलेसाण य कयरे कयरेहिंतो अप्पा वा ४१ गोयमा !

एवं चेव। एएसि णं भंते! भवणवासीणं देवाणं देवीण य कण्हलेसाणं जाव तेडलेसाण य कयरे कयरेहिंतो अप्पा वा ४ ? गोयमा! सव्वत्थोवा भवण-वासी देवा तेउलेसा, भवणवासिणीओ० तेउलेसाओ संखेजगुणाओ. काउलेसा भवणवासी देवा असंखेजगुणा, नीललेसा विसेसाहिया, कण्हलेसा विसेसाहिया, काउलेसाओ भवणवासिणीओ देवीओ संखेजगुणाओ, नीललेसाओ विसेसाहियाओ. कण्हलेसाओ विसेसाहियाओ, एवं वाणमंतराणं, तिन्नेव अप्पाबहया जहेव भवण-वासीणं तहेव भाणियव्वा ॥ ४९२ ॥ एएसि णं भंते ! जोइसियाणं देवाणं देवीण य तेउलेस्साणं कयरे कयरेहिंतो अप्पा वा ४ १ गोयमा! सन्वत्थोवा जोइसिया देवा तेउलेस्सा, जोइसिणीओ देवीओ तेउलेस्साओ संखेजगुणाओ ॥ ४९३ ॥ एएसि णं भंते ! वेमाणियाणं देवाणं तेउलेसाणं पम्हलेसाणं सुक्कलेसाण य कयरे क्यरेहिंतो अप्पा वा ४ १ गोयमा ! सव्वत्थोवा वेमाणिया देवा सुक्छेसा, पम्हलेसा असंखेजगुणा, तेउलेसा असंखेजगुणा। एएसि णं भंते! वेमाणियाणं देवाणं देवीण य तेउलेस्साणं पम्हलेस्साणं सुक्तलेस्साण य कयरे कयरेहिंतो अप्पा वा ४? गोयमा! सन्वत्थोवा वेमाणिया देवा सुक्कलेरसा, पम्हलेरसा असंखेजगुणा, तेउ-लेस्सा असंखेजगुणा, तेउलेस्साओ वेमाणिणीओ देवीओ संखेजगुणाओ ॥ ४९४ ॥ एएसि णं भंते ! भवणवासीदेवाणं वाणमंतराणं जोइसियाणं वेमाणियाण य देवाण य कण्हलेसाणं जाव सुक्कलेसाण य कयरे कयरेहिंतो अप्पा वा ४ ? गोयमा! सव्बत्योवा वेमाणिया देवा सङ्कलेसा, पम्हलेसा असंखेजगुणा, तेउलेसा असंखे-जगुणा, तेउलेसा भवणवासी देवा असंखेजगुणा, काउलेसा असंखेजगुणा, नील-लेसा विसेसाहिया, कण्हलेसा विसेसाहिया, तेउलेसा वाणमंतरा देवा असंखेजगुणा, काउलेसा असंखेजगुणा, नीललेसा विसेसाहिया, कण्हलेसा विसेसाहिया, तेउलेसा जोइसिया देवा संखेजगुणा। एएसि णं भंते! भवणवासिणीणं वाणमंतरीणं जोइ-सिणीणं वेमाणिणीण य कण्हळेसाणं जाव तेउळेसाण य कयरे कयरेहिंतो अप्पा वा ४१ गोयमा ! सञ्बत्थोवाओं देवीओ वेमाणिणीओ तेउलेसाओ, भवणवासिणीओ॰ तेउलेसाओ असंखेजगुणाओ. काउलेसाओ असंखेजगुणाओ, नीललेसाओ विसेसा-हियाओ, कण्हळेसाओ विसेसाहियाओ, तेउळेसाओ वाणमंतरीओ देवीओ असंखेज-गुणाओ, काउलेसाओ असंखेजगुणाओ, नीललेसाओ विसेसाहियाओ, कण्हलेसाओ विसेसाहियाओ, तेउलेसाओ जोइसिणीओ देवीओ संकेजगुणाओ ॥ ४९५ ॥ एएसि णं भंते! भवणवासीणं जाव वेमाणियाणं देवाण य देवीण य कण्हलेसाणं जाव सक्लेसाण य कयरे कयरेहिंतो अप्पा वा ४ ? गोयमा ! सन्वत्थोवा वेमाणिया देवा

सुक्लेसा, पम्हलेसा असंखेजगुणा, तेउलेसा असंखेजगुणा, तेउलेसाओ नेमाणिय-देवीओ संखेजगुणाओ, तेउलेसा भवणवासी देवा असंखेजगुणा, तेउलेसाओ भवणवासिणीओ देवीओ संखेजगुणाओ, काउलेसा भवणवासी० असंखेजगुणा. नीललेसा विसेसाहिया, कण्हलेसा विसेसाहिया, काउलेसाओ भवणवासिणीओ॰ संखेजगुणाओ, नीललेसाओ विसेसाहियाओ, कण्हलेसाओ विसेसाहियाओ, तेउलेसा वाणमंतरा॰ संखेजगुणा, तेउलेसाओ वाणमंतरीओ॰ संखेजगुणाओ, काउलेसा वाण-मंतरा० असंखेजगुणा, नीललेसा विसेसाहिया, कण्हलेसा विसेसाहिया, काउलेसाओ वाणमंतरीओ॰ संखेजगुणाओ, नीललेसाओ विसेसाहियाओ, कण्हलेसाओ विसेसा-हियाओ, तेउलेसा जोइसिया॰ संखेजगुणा, तेउलेसाओ जोइसिणीओ॰ संखेज-गुणाओ ॥ ४९६ ॥ एएसि णं भंते ! जीवाणं कण्हलेसाणं जाव सुक्कलेसाण य कयरे कयरेहिंतो अप्पड्ढिया वा महङ्खिया वा ? गोयमा! कण्हलेसेहिंतो नीललेसा महिंद्रिया, नीललेसेहिंतो काउलेसा महिंद्रिया, एवं काउलेसेहिंतो तेउलेसा महिंद्रिया, तेउछेसेहिंतो पम्हळेसा महिंह्या, पम्हळेसेहिंतो सुक्रळेसा महिंह्या, सञ्वप्पिंह्या जीवा कण्हलेसा, सन्वमहिष्ट्रया सुक्कलेसा ॥ ४९७ ॥ एएसि णं भंते ! नेरइयाणं कण्हलेसाणं नीललेसाणं काउलेसाण य कयरे कयरेहिंतो अप्पड्टिया वा महड्टिया वा ? गोयमा ! कण्हलेसेहिंतो नीललेसा महिंदूया, नीललेसेहिंतो काउलेसा महिंदूया, सव्वप्पद्भिया नेरइया कण्हलेसा, सव्वमहिद्भया नेरइया काउलेसा ॥ ४९८ ॥ एएसि णं भंते ! तिरिक्खजोणियाणं कण्हलेसाणं जाव सुक्कलेसाण य कयरे कयरेहिंतो अप्पड़िया वा महड्रिया वा ? गोयमा ! जहा जीवाणं । एएसि णं भंते ! एगिंदिय-तिरिक्खजोणियाणं कण्हलेसाणं जाव तेउलेसाण य कयरे क्यरेहिंतो अप्पाइया वा महिंद्रिया वा ? गोयमा ! कण्हलेसेहिंतो एगिंदियतिरिक्खजोणिएहिंतो नीललेसा महिड्डिया, नीललेसेहिंतो तिरिक्खजोणिएहिंतो काउलेसा महिड्डिया, काउलेसेहिंतो तेउलेसा महिन्या, सन्वप्पिष्ट्रिया एगेंदियतिरिक्खजोणिया कण्हलेसा. सन्वमहिन्न्या तेउलेसा । एवं पुढविकाइयाण वि । एवं एएणं अभिलावेणं जहेव लेस्साओ भावि-याओ तहेव नेयव्वं जाव चडरिंदिया । पंचेंदियतिरिक्खजोणियाणं तिरिक्खजोणि-णीणं संमुच्छिमाणं गब्भवकंतियाण य सन्वेसिं भाणियन्वं जाव अप्पड्ढिया वेमा-णिया देवा तेउछेसा, सन्वमहिंद्वया वेमाणिया सुक्कलेसा। केई भणंति-चउवीसं दंडएणं इह्ही भाणियव्वा ॥ ४९९ ॥ पन्नवणाए भगवईए सत्तरसमे लेस्सा-पए बीओ उद्देसओ समत्तो॥

नेरइए णं भेते ! नेरइएस उववजाइ, अनेरइए नेरइएस उववजाइ ? गोयमा !

नेरइए नेरइएस उववजाइ, नो अनेरइए नेरइएस उववजाइ, एवं जाव वेमाणियाणं । नेरइए णं भंते ! नेरइएहिंतो उववट्टइ, अनेरइए नेरइएहिंतो उववट्टइ ? गोयमा ! अनेरइए नेरइएहिंतो उववदृह, नो नेरइए नेरइएहिंतो उववदृह । एवं जाव वेमाणिए, नवरं जोइसियवेमाणिएसु 'चयणं'ति अभिलावो कायव्वो ॥ ५०० ॥ से नूणं भंते ! कण्हलेसे नेरइए कण्हलेसेस नेरइएस उववजाइ, कण्हलेसे उववट्टइ, जल्लेसे उववजाइ तक्रेसे उववट्ट ? हंता गोयमा! कण्हलेसे नेरइए कण्हलेसेसु नेरइएस उववजाइ. कण्हलेसे उववट्टर, जल्लेसे उववजार तल्लेसे उववट्टर, एवं नीललेसे वि, एवं काउले-से वि । एवं असुरकुमाराण वि जाव थणियकुमारा, नवरं लेसा अब्भहिया । से नणं भंते ! कण्हलेसे पुढविकाइए कण्हलेसेसु पुढविकाइएसु उववजाइ, कण्हलेसे उव्बद्ध, जह्नेसे उववज्जइ तह्नेसे उववद्धइ १ हंता गोयमा ! कण्हलेसे पुढविकाइए कण्हलेसेस पुढविकाइएस उववज्जइ, सिय कण्हलेसे उववष्टइ, सिय नीललेसे उववष्टइ, सिय काउलेसे उववरह, सिय जहेसे उववज्ञइ तहेसे उववरह । एवं नीलकाउ-लेसास वि। से नुणं भंते! तेउलेसेसु पुढविकाइएस उववजाइ पुच्छा। हंता गोयमा! तेउलेसे पढिनकाइए तेउलेसेस पुढिनकाइएस उवनजाइ, सिय कण्हलेसे उनवहडू, सिय नीललेसे उववहूड, सिय काउलेसे उववहूड, तेउलेसे उववजाइ, नो चेव णं तेउलेसे उववदृह । एवं आउकाइया वणस्सइकाइया वि । तेउवाऊ एवं चेव. नवरं एएसिं तेउलेसा निथ्य । बितियचउरिंदिया एवं चेव तिसु लेसासु । पंचेंदियतिरि-क्खजोणिया मण्स्सा य जहा पुढविकाइया आइल्लिया तिसु छेसास भणिया तहा छस वि लेसास भाणियन्वा, नवरं छप्पि लेसाओ चारेयन्वाओ । वाणमंतरा जहा असुरक्रमारा । से नूणं भंते ! तेउलेस्से जोइसिए तेउलेस्सेस जोइसिएस उववजाइ ? जहेव असुरकुमारा । एवं वेमाणिया वि, नवरं दोण्हं पि चयंतीति अभिलावो ॥५०१॥ से नूणं भंते! कण्हलेसे नीललेसे काउलेसे नेरइए कण्हलेसेसु नीललेसेसु काउलेसेसु नेरइएस उववजाइ. कण्हलेसे नीललेसे काउलेसे उववहूइ, जल्लेसे उववजाइ तल्लेसे उववरह १ हंता गोयमा! कण्हनीलकाउलेसे उववज्जह, जल्लेसे उववज्जह तल्लेसे उव-वहड । से नुणं भंते ! कण्हलेसे जाव तेउलेसे असरक्रमारे कण्हलेसेस जाव तेउलेसेस असुरकुमारेस उववजाइ ? एवं जहेव नेरइए तहा असुरकुमारा वि जाव थणियकुमारा वि। से नूणं भंते ! कण्हलेसे जाव तेउलेसे पुढिवकाइए कण्हलेसेस जाव तेउलेसेस पुढिविक्काइएसु उववज्जइ १ एवं पुच्छा जहा असुरकुमाराणं । हंता गोयमा ! कण्हलेसे जाव तेउलेसे पढिविकाइए कण्हलेसेस जाव तेउलेसेस पढिविकाइएस उववजाइ, सिय कण्हलेसे उववहूड, सिय नीललेसे॰, सिय काउलेसे उववहूड, सिय जल्लेसे उववज्जड

तहेसे उववदृह, तेउलेसे उववजाइ, नो चेव णं तेउलेसे उववदृह । एवं आउकाइया वणस्सइकाइया वि भाणियञ्चा । से नूणं भंते ! कण्हलेसे नीललेसे काउलेसे तेउकाइए कण्हलेसेस नीललेसेस काउलेसेस तेउकाइएस उववज्जइ, कण्हलेसे नीललेसे काउलेसे उनवहड, जहेंसे उववजाइ तहेंसे उववहड़ ? हंता गोयमा ! कण्हलेंसे नीललेंसे काउ-लेसे तेउकाइए कण्हलेसेस नीललेसेस काउलेसेस तेउकाइएस उववजाइ, सिय कण्ह-लेसे उन्तरहर, सिय नीललेसे उन्तरहर, सिय काउलेसे उन्तरहर, सिय जलेसे उन्तरहर तहेसे उववहृइ। एवं वाउकाइयवेइंदियतेइंदियचर्डीरेदिया वि भाणियव्वा। से नुणं भंते! कण्हलेसे जाव सुक्कलेसे पंचेंदियतिरिक्खजोणिए कण्हलेसेस जाव सुक्कलेसेस पंचेंदियतिरिक्खजोणिएस उववज्जइ पुच्छा। हंता गोयमा! कण्हलेसे जाव सक्कलेसे पंचेंदियतिरिक्खजोणिए कण्हलेसेसु जाव सुक्कलेसेसु पंचेंदियतिरिक्खजोणिएस उव-वजाइ, सिय कण्हलेसे उववष्ट्ड जाव सिय सुक्कलेसे उववष्ट्ड, सिय जल्लेसे उववजाइ तल्लेसे उववदृइ । एवं मणूसे वि । वाणमंतरा जहा असुरकुमारा । जोइसियवेमाणिया वि एवं चेव, नवरं जस्स जल्लेसा। दोण्ह वि 'चयणं'ति भाणियव्वं ॥ ५०२ ॥ कण्हलेसे णं भंते! नेरइए कण्हलेसं नेरइयं पणिहाए ओहिणा सन्वओ समंता समभिलोएमाणे २ केवइयं खेत्तं जाणइ, केवइयं खेत्तं पासइ? गोयमा! णो बहुयं खेत्तं जाणइ, णो बहुयं खेत्तं पासइ. णो दूरं खेत्तं जाणइ, णो दूरं खेतं पासइ, इत्तरियमेव खेतं जाणइ, इत्तरियमेव खेतं पासइ। से केणट्ठेणं भंते! एवं वुच्चइ-'कण्हलेसे णं नेरइए तं चेव जाव इत्तरियमेव खेतं पासइ' ? गोयमा ! से जहानामए केइ पुरिसे बहुसमरमणिजंसि भूमिभागंसि ठिचा सन्वओ समंता समभिलोएजा, तए णं से पुरिसे धरणितलगयं पुरिसं पणिहाए सन्वओ समंता समभिलोएमाणे २ णो बहुयं खेत्तं जाव पासइ जाव इत्तरियमेव खेत्तं पासइ, से तेणडेणं गोयमा ! एवं वुचइ-'कण्हलेसे णं नेरइए जाव इत्तरियमेव खेत्तं पासइ'। नीललेसे णं भंते ! नेरइए कण्हलेसं नेरइयं पणिहाय ओहिणा सन्वओ समंता समिमलोएमाणे २ केवइयं खेत्तं जाणइ, केवइयं खेत्तं पासइ ? गोयमा ! बहुतरागं खेत्तं जाणइ, बहुतरागं खेतं पासइ, दूरतरं खेतं जाणइ, दूरतरं खेतं पासइ, विति-मिरतरागं खेतं जाणइ, वितिमिरतरागं खेतं पासइ, विद्युद्धतरागं खेतं जाणइ, विसुद्धतरागं खेत्तं पासइ । से केणहेणं भंते ! एवं वृच्चइ—'नीललेसे णं नेरइए कण्हलेसं नेरइयं पणिहाय जाव विसुद्धतरागं खेतं जाणइ, विसुद्धतरागं खेतं पासइ'? गोयमा ! से जहानामए केइ पुरिसे बहुसमरमणिजाओ भूमिभागाओ पव्वयं दुस्हिता सन्वओ समंता समभिलोएजा, तए णं से पुरिसे धरणितलगयं पुरिसं पणिहाय सन्वओ समंता समभिलोएमाणे २ बहुतरागं खेत्तं जाणइ जाव विसुद्धतरागं

खेनं पासड, से तेणहेणं गोयमा! एवं वृच्चड—'नीललेसे नेरइए कण्हलेसं जाव विसद्धतरागं खेत्तं पासइ'। काउलेस्से णं भंते ! नेरइए नीललेस्सं नेरइयं पणिहाय ओहिणा सन्वओ समंता समभिलोएमाणे २ केवइयं खेतं जाणइ० पासइ ? गोयमा ! बहतरागं खेत्तं जाणइ० पासइ जाव विसुद्धतरागं खेत्तं पासइ । से केणद्रेणं भंते ! गर्वे वचड—'काउलेस्से णं नेरइए जाव विद्युद्धतरागं खेतं पासइ'? गोयमा! से जहानामण केइ परिसे बहसमरमणिजाओ भूमिभागाओ पव्वयं दुरुहइ दुरुहित्ता दो वि पाए उच्चाविया (वइत्ता) सन्वओ समंता समिमलोएजा, तए णं से पुरिसे पव्वयगयं धर्णितलगयं च पुरिसं पणिहाय सव्वओ समंता समभिलोएमाणे २ बहुतरागं खेत्तं जाणइ, बहुतरागं खेत्तं पासइ जाव वितिमिरतरागं खेतं पासइ, से तेणद्रेणं गोयमा ! एवं वुचइ— 'काउलेस्से णं नेरइए नीललेस्सं नेरइयं पणिहाय तं चेव जाव वितिमिरतरागं खेत्तं पासइ'॥ ५०३॥ कण्हलेसे णं भंते! जीवे कइसु नाणेस होजा ? गोयमा ! दोस वा तिस वा चरस वा नाणेस होजा, दोस होमाणे आभिणिबोहियस्यनाणे होजा. तिस्र होमाणे आभिणिबोहियस्यनाणओहि-नाणेस होजा. अहवा तिस होमाणे आभिणिबोहियसयनाणमणपज्जवनाणेस होजा, चउस होमाणे आभिणिबोहियसुयओहिमणपज्जवनाणेसु होजा, एवं जाव पम्हलेसे । सक्करेसे णं भंते! जीवे कइसु नाणेसु होजा? गोयमा! एगंसि वा दोसु वा तिसु वा चउस वा होजा. दोस होमाणे आभिणिबोहियनाण एवं जहेव कण्हलेसाणं तहेव भाणि-यव्वं जाव चर्डाहें। एगंमि नाणे होमाणे एगंमि केवलनाणे होजा ॥ ५०४॥ पन्नवणाए भगवईए सत्तरसमे लेस्सापए तइओ उहेसओ समत्तो॥

परिणामवन्नरसगंधसुद्धअपसत्थसंकिलिङ्कुण्हा । गइपरिणामपएसोगाढवग्गणठाणाणमप्पबहुं ॥ १ ॥ कइ णं भंते ! लेसाओ पन्नताओ ? गोयमा ! छल्लेसाओ पन्नताओ ।
तंजहा—कण्हलेसा जाव सक्कलेसा । से नूणं भंते ! कण्हलेस्सा नीललेस्सं पप्प तारूवत्ताए तावण्णत्ताए तागंधत्ताए तारसत्ताए ताफासत्ताए भुज्जो २ परिणमइ ? हंता
गोयमा ! कण्हलेस्सा नीललेस्सं पप्प तारूवत्ताए जाव भुज्जो २ परिणमइ । से केणड्ठेणं
भंते ! एवं वुच्चइ—'कण्हलेस्सा नीललेस्सं पप्प तारूवत्ताए जाव भुज्जो २ परिणमइ' ?
गोयमा ! से जहा नामए खीरे दूसिं पप्प सुद्धे वा वत्थे रागं पप्प तारूवत्ताए जाव
ताफासत्ताए भुज्जो २ परिणमइ, से तेणड्ठेणं गोयमा ! एवं वुच्चइ—'कण्हलेस्सा
नीललेस्सं पप्प तारूवत्ताए जाव भुज्जो २ परिणमइ' । एवं एएणं अभिलावेणं नीललेसा काडलेसं पप्प, काडलेसा तेडलेसं पप्प, तेडलेसा पम्हलेसा नीललेसं
सुक्कलेसं पप्प जाव भुज्जो २ परिणमइ ॥ ५०५ ॥ से नृणं भंते ! कण्हलेसा नीललेसं

काउलेमं तेउलेमं पम्हलेमं सक्कलेमं पप्प तास्वताए तावण्णताए तागंधताए तार-सत्ताए ताफासत्ताए भुज्जो २ परिणमइ १ हंता गोयमा ! कण्हलेसा नीललेसं पप्प जाव सक्कलेसं पप्प तारूवताए तागंधताए० ताफासत्ताए भुज्जो २ परिणमइ । से केण्ड्रेणं भंते ! एवं वृच्चइ-'कण्हलेसा नीललेसं जाव सुक्कलेसं पप्प तारूवत्ताए जाव भुज्जो २ परिणमइ' ? गोयमा ! से जहानामए वेरुलियमणी सिया कण्हस्रत्तए वा नीलसुत्तए वा लोहियसुत्तए वा हालिइसुत्तए वा सुक्किलसुत्तए वा आइए समाणे ताहबत्ताए जाव भज्जो २ परिणमइ. से तेणड्रेणं गो० ! एवं वृचइ-'कण्हलेसा नीललेसं जाव सक्कलेसं पप्प तारूवत्ताए जाव भुज्जो २ परिणमइ ॥ ५०६ ॥ से नूणं भंते ! नीललेसा किण्हलेसं जाव सक्केलं पप्प तारूवत्ताए जाव भुज्जो २ परिणसङ १ हंता गोयमा! एवं चेव, काउलेसा किण्हलेसं नीललेसं तेउलेसं पम्हलेसं सक्कलेसं एवं तेउलेसा किण्हलेसं नीललेसं काउलेसं पम्हलेसं सुकलेसं, एवं पम्हलेसा किण्ह-लेसं नीललेसं काउलेसं तेउलेसं सक्कलेसं पप्प जाव भुज्जो २ परिणमुङ ? हन्ता गोयमा! तं चेव । से नुणं भंते! सक्कलेसा किण्हलेसं नीललेसं काउलेसं तेउलेसं पम्हलेसं पप्प जाव भुज्जो २ परिणमइ ? हंता गोयमा ! तं चेव ॥ ५०० ॥ कण्हलेस्सा णं भंते ! वन्नेणं केरिसिया पन्नता ? गोयमा ! से जहानामए जीमूए इ वा अंजणे इ वा खंजणे इ वा कज्जले इ वा गवले इ वा गवलवलए इ वा जंबूफले इ वा अहारिद्रपुष्फे इ वा परपुद्रे इ वा भमरे इ वा भमरावली इ वा गयकलमे इ वा किण्हकेसरे इ वा आगासिथिग्गले इ वा किण्हासीए इ वा कण्हकणवीरए इ वा कण्हबंधजीवए इ वा. भवे एयारूवे ? गोयमा ! णो इणद्वे समद्वे, कण्हलेस्सा णं इत्तो अणिद्रतरिया चेव अकंततरिया चेव अप्पियतरिया चेव अमणुक्रतरिया चेव अम-णामतरिया चेव वन्नेणं पन्नता ॥ ५०८ ॥ नीललेस्सा णं भंते ! केरिसिया वन्नेणं पन्नता ? गोयमा ! से जहानामए भिंगए इ वा भिंगपत्ते इ वा चासे इ वा चास-पिच्छए इ वा सुए इ वा सुयपिच्छे इ वा सामा इ वा वणराई इ वा उचंतए इ वा पारेवयगीवा इ वा मोरगीवा इ वा हलहरवसणे इ वा अयसिकुसुमे इ वा वणकुसुमे इ वा अंजणकेसियाकुसुमे इ वा नीलप्पले इ वा नीलासोए इ वा नीलकणवीरए इ वा नीलबंधुजीवे इ वा, भवेयारूवे ? गोयमा ! णो इणद्रे समद्रे० एत्तो जाव अम-णामयरिया चेव वन्नेणं पन्नता ॥ ५०९ ॥ काउलेस्सा णं भंते ! केरिसिया वन्नेणं पन्नता ? गोयमा ! से जहानामए खइरसारए इ वा कइरसारए इ वा धमाससारे इ वा तंबे इ वा तंबकरोडे इ वा तंबिच्छवाडियाए इ वा वाइंगणिकुसुमे इ वा कोइल-च्छद्कुसुमे इ वा जवासाकुसुमे इ वा. भवेयारूवे ? गोयमा ! णो इणद्रे समद्रे ।

काउलेस्सा णं एतो अणिद्वयरिया जाव अमणामयरिया चेव वन्नेणं पन्नता ॥५१०॥ तेउलेस्सा णं भंते ! केरिसिया वन्नेणं पन्नता ? गोयमा ! से जहानामए ससरुहिरे इ वा उरन्भरुहिरे इ वा वराहरुहिरे इ वा संवरुहिरे इ वा मणुस्सरुहिरे इ वा इंद्रगोवे इ वा बालेंद्रगोवे इ वा बालदिवायरे इ वा संझारागे इ वा गंजदरागे इ वा जाडिहंगले इ वा पवालंकरे इ वा लक्खारसे इ वा लोहियक्खमणी इ वा किमिरा-गकंबले इ वा गयतालए इ वा चीणपिद्ररासी इ वा पारिजायक्समे इ वा जासमण-कुसुमे इ वा किंसुयपुप्फरासी इ वा रत्तुप्पले इ वा रत्तासोगे इ वा रत्तकणवीरए इ वा रत्तबंधजीवए इ वा, भवेयारुवा? गोयमा! णो इणट्टे समद्वे। तेउलेस्सा णं एत्तो इट्रतिरिया चेव जाव मणामतिरिया चेव वन्नेणं पन्नता ॥ ५११ ॥ पम्हलेस्सा णं भंते ! केरिसिया वन्नेणं पन्नता ? गोयमा ! से जहानामए चंपे इ वा चंपयछ्ही इ वा चंपयभेए इ वा हालिहा इ वा हालिह्गुलिया इ वा हालिह्भेए इ वा हरियाले इ वा हरियालगुलिया इ वा हरियालभेए इ वा चिउरे इ वा चिउररागे इ वा सवन्नसिप्पी इ वा वरकणगणिहसे इ वा वरपरिसवसणे इ वा अल्लाइक्सिमे इ वा चंपयकुसुमे इ वा कण्णियारकुसुमे इ वा कुहंडयकुसुमे इ वा सुवण्णजूहिया इ वा सहिरन्नियाकु से इ वा कोरिंटमल्लदामे इ वा पीयासोगे इ वा पीयकणवीरे इ वा पीयबंधजीवए इ वा. भवेयारूवे ? गोयमा ! णो इणद्रे समद्रे । पम्हलेस्सा णं एत्तो इद्रतिरया जाव मणामतिरया चेव वन्नेणं पन्नता ॥ ५१२ ॥ सुक्कलेस्सा णं भंते ! केरिसिया वन्नेणं पन्नता? गोयमा! से जहानामए अंके इ वा संखे इ वा चंदे इ वा कुंदे इ वा दगे इ वा दगरए इ वा दही इ वा दिहघणे इ वा खीरे इ वा खीरपुरए इ वा सुक्कच्छिवाडिया इ वा पेहणभिंजिया इ वा धंतधोयरुपपट्टे इ वा सारयबलाहए इ वा क्रमयदले इ वा पोंडरीयदले इ वा सालिपिद्ररासी इ वा कुडगपुप्फरासी इ वा सिंदुवारमछदामे इ वा सेयासोए इ वा सेयकणवीरे इ वा सेयबंधुजीवए इ वा, भवेयारूवे ? गोयमा ! नो इणट्ठे समट्ठे । सुक्रलेस्सा णं एत्तो इद्रतरिया चेव जाव मणामतरिया चेव वन्नेणं पन्नता ॥ ५१३ ॥ एयाओ णं भंते ! छ्लेस्साओ कइस वन्नेस साहिजांति ? गोयमा ! पंचस वन्नेस साहिजांति, तंजहा-कण्हलेस्सा कालएणं वन्नेणं साहिजाइ, नीललेस्सा नीलवन्नेणं साहिजाइ, काउलेस्सा काललोहिएणं वन्नेणं साहिज्जइ, तेउलेस्सा लोहिएणं वन्नेणं साहिज्जइ, पम्हलेस्सा हालिहएणं वन्नेणं साहिजाइ, सुक्कलेस्सा सुक्किल्लएणं वन्नेणं साहिजाइ ॥ ५१४ ॥ कण्हलेस्सा णं भंते ! केरिसिया आसाएणं पन्नता ? गोयमा ! से जहानामए निंबे इ वा निंबसारे इ वा निंबछिही इ वा निंबफाणिए इ वा कुडए इ वा कुडगफलए इ वा

कडगछली इ वा कडगफाणिए इ वा कडुगतुंबीइ वा कडुगतुंबिफले इ वा खारतउसी ड वा खारतउसीफले इ वा देवदाली इ वा देवदालीपुप्फे इ वा मियवालंकी इ वा मियवाळंकीफले इ वा घोसाडए इ वा घोसाडईफले इ वा कण्हकंदए इ वा वज्जकंदा इ वा. भवेयारूवे ? गोयमा ! णो इणद्वे समद्वे, कण्हलेस्सा णं एत्तो आणिद्रतिरेया चेव जाव अमणामतरिया चेव आसाएणं पन्नता ॥ ५१५ ॥ नीळळेस्साए पुच्छा । गोयमा ! से जहानामए भंगी इ वा भंगीरए इ वा पाढा इ वा चिवया इ वा चिना-मुलए इ वा पिप्पली इ वा पिप्पलीमूलए इ वा पिप्पलीचुण्णे इ वा मिरिए इ वा मिरियचुण्णए इ वा सिंगबेरे इ वा सिंगबेरचुण्णे इ वा, भवेयारूवे ? गोयमा ! णो इणडे समडे. नीललेस्सा णं एत्तो जाव अमणामतरिया चेव आसाएणं पन्नता ॥५,९६॥ काउलेस्साए पुच्छा । गोयमा ! से जहानामए अंबाण वा अंबाङगाण वा माउलंगाण वा बिल्लाण वा कविद्राण वा भचाण वा फणसाण वा दाडिमाण वा अक्खोडयाण वा चाराण वा बोराण वा तिंदुयाण वा अपक्काणं अपरिवागाणं वन्नेणं अणुववेयाणं गंधेणं अणुववेयाणं फासेणं अणुववेयाणं, भवेयारूवे ? गोयमा ! णो इणद्रे समद्रे जाव एत्तो अमणामतरिया चेव अस्साएणं पन्नता ॥ ५१७॥ तेउलेस्सा णं भंते ! पुच्छा । गोयमा ! से जहानामए अंबाण वा जाव पक्काणं परियावन्नाणं वन्नेणं उनवेयाणं पसत्थेणं जाव फासेणं जाव एत्तो मणामयरिया चेव तेउछेरसा आसा-एणं पनता ॥ ५१८ ॥ पम्हलेस्साए पुच्छा । गोयमा! से जहानामए चंदप्पमा इ वा मणिसला इ वा सीह़ इ वा वारुणी इ वा पत्तासवे इ वा पुप्फासवे इ वा फलासवे इ वा चोयासवे इ वा आसवे इ वा महू इ वा मेरए इ वा काविसायणे इ वा खज्रसारए इ वा मुद्दियासारए इ वा सुपक्कलोयरसे इ वा अट्टपिट्रणिद्विया इ वा जंबफलकोलिया इ वा पसन्ना इ वा उक्कोसमयपत्ता वन्नेणं उववेया जाव फासेणं उव-चेया दप्पणिजा मयणिजा, भवेयारूवा ? गोयमा! णो इणहे समहे, प्रम्हलेस्सा णं एत्तो इंद्वतिरिया चेव जाव मणामतिरिया चेव आसाएणं पन्नता ॥ ५१९॥ सुक्कलेस्सा णं भंते ! केरिसिया अस्साएणं पन्नता ? गोयमा ! से जहानामए गुले इ वा खंडे इ वा सकरा इ वा मच्छंडिया इ वा पप्पडमोयए इ वा भिसकंदए इ वा पुप्फुत्तरा इ वा पउ-मुत्तरा इ वा आदंसिया इ वा सिद्धत्थिया इ वा आगासफालिओवमा इ वा उवमा इ ना अणोवमा इ वा, भवेयारूवे ? गोयमा ! णो इणद्वे समद्वे, सुक्कलेस्सा णं एत्तो इद्वत-रिया चेव०पियतरिया चेव० मणामतरिया चेव आसाएणं पन्नता ॥५२०॥ कह णं भंते ! लेस्साओ दुन्भिगंघाओ पनताओ ? गोयमा ! तओ लेस्साओ दुन्भिगंघाओ पन्नताओ । तंजहा-कण्हलेस्सा, नीठलेस्सा, काउलेस्सा । कइ णं भंते ! लेस्साओ

स्रक्षिगंघाओ पन्नत्ताओं ? गोयमा! तओ लेस्साओ सुक्ष्मिगंघाओ पन्नत्ताओ। तंजहा— तेउहेस्सा. पम्हहेस्सा, सक्केस्सा, एवं तओ अविसुद्धाओ, तओ विसुद्धाओ, तओ अप्पसत्थाओ, तओ पसत्थाओ, तओ संकिलिट्टाओ, तओ असंकिलिट्टाओ, तओ मीयळक्खाओ, तओ निद्धण्हाओ, तओ दुग्गइगामियाओ, तओ सुगइगामियाओ ॥ ५२१ ॥ कण्हलेस्सा णं भंते ! कड्विइं परिणामं परिणमइ ? गोयमा ! तिविहं वा नवविहं वा सत्तावीसविहं वा एकासीइविहं वा बेतेयालीसतविहं वा बहयं वा बहविहं वा परिणामं परिणमइ, एवं जाव सुक्कलेस्सा ॥ ५२२ ॥ कण्हलेस्सा णं भंते ! कइ-प्राप्तिया पन्नता ? गोयमा ! अणंतप्राप्तिया पन्नता, एवं जाव सुक्कलेस्सा । कण्डलेस्सा णं भंते ! कइपएसोगाढा पन्नता ? गोयमा ! असंखेजपएसोगाढा पन्नता. एवं जाव सक्केरसा । कण्डलेस्साए णं भंते ! केवइयाओ वगगणाओ पन्नताओ ? गोयमा ! अणं-ताओ वगगणाओ॰, एवं जाव सुकलेस्साए ॥ ५२३॥ केवइया णं भंते! कण्हलेस्साठाणा पन्नता ? गोयमा ! असंखेजा कण्हलेस्साठाणा पन्नता । एवं जाव सक्कलेस्सा ॥ ५२४ ॥ एएसि णं भंते ! कण्हलेस्साठाणाणं जाव सुक्कलेस्साठाणाण य जहन्नगाणं दव्बद्रयाए पएसद्रयाए दव्वद्रपएसद्रयाए कयरे कयरेहिंतो अप्पा वा ४ १ गोयमा! सव्वत्थोवा जहन्नगा काउलेस्साठाणा दव्बद्वयाए, जहन्नगा नीललेस्साठाणा दव्बद्वयाए असंखेज-गुणा, जहन्नगा कण्हलेस्साठाणा द्व्वट्टयाए असंखेजगुणा, जहन्नगा तेउलेस्साठाणा दन्वद्रयाए असंखेजगुणा, जहन्नगा पम्हलेस्साठाणा दन्वद्रयाए असंखेजगुणा, जह-न्नगा सक्केट्रेस्साठाणा दव्बद्वयाए असंखेजागुणा, पएसद्वयाए-सव्बत्थोवा जहन्नगा काउलेस्साठाणा पएसद्रयाए, जहन्नगा नीललेस्साठाणा पएसद्रयाए असंखेजगुणा, जहन्नगा कण्हलेस्साठाणा पएसद्वयाए असंखेजगुणा, जहन्नगा तेउलेस्साए ठाणा पएसद्रयाए असंखेजगुणा, जहन्नगा पम्हलेस्साठाणा पएसद्रयाए असंखेजगुणा, जह-न्नगा सुक्कलेस्साठाणा पएसद्वयाए असंखेजगुणा, दव्बद्वपएसद्वयाए-सव्बत्थोवा जह-न्नगा काउलेस्साठाणा दव्बहुयाए, जहन्नगा नीललेस्साठाणा दव्बहुयाए असंखेजगुणा, एवं कण्हलेस्सा, तेउलेस्सा, पम्हलेस्सा, जहन्नगा सुक्कलेस्साठाणा दन्बहुयाए असंखेज-गुणा, जहन्नएहिंतो सुक्कलेस्साठाणेहिंतो दव्बहुयाए जहन्नकाउलेस्साठाणा पएसहुयाए असंखेजगुणा, जहन्नया नीललेस्साठाणा पएसट्टयाए असंखेजगुणा, एवं जाव सुक्कले-स्साठाणा ॥ ५२५ ॥ एएसि णं भंते ! कण्हलेस्साठाणाणं जाव सुक्कलेस्साठाणाण य उक्कोसगाणं द्व्वह्रयाए पएसह्रयाए द्व्वह्रपएसह्र्याए क्यरे क्यरेहिंतो अप्पा वा ४ ? गोयमा! सन्वत्थोवा उक्कोसगा काउलेस्साठाणा दन्बद्रयाए. उक्कोसगा नीललेस्साठाणा दन्बद्वयाए असंखेजगुणा, एवं जहेव जहन्नगा तहेव उक्कोसगा वि, नवरं उक्कोसत्ति २९ सत्ता०

अभिलावो ॥ ५२६ ॥ एएसि णं भंते ! कण्हलेसठाणाणं जाव सुक्कलेसठाणाण य जहन्नउक्कोसगाणं दव्यद्वयाए पएसद्वयाए दव्यद्वपएसद्वयाए कयरे कयरेहिंतो अप्पा वा ४ १ गोयमा ! सन्वत्थोवा जहन्नगा काउलेसठाणा दन्वह्नयाए, जहन्नगा नील-लेसठाणा दव्वद्रयाए असंखेजगुणा, एवं कण्हतेउपम्हलेसठाणा, जहन्नगा सक्कले-सठाणा दव्बद्ध्याए असंखेजगुणा, जहन्नएहिंतो सुक्छेसठाणेहिंतो दव्बद्ध्याए उद्घोसा काउलेसठाणा दव्वद्रयाए असंखेजगुणा, उक्कोसा नीललेसठाणा दव्वद्रयाए असं-खेजागुणा, एवं कण्हतेउपम्हलेसट्टाणा, उक्कोसा सुक्कलेसठाणा दन्बट्टयाए असंखेज-गुणा । पएसद्र्याए-सन्बत्थोवा जहन्नगा काउलेसठाणा पएसद्वयाए, जहन्नगा नीललेसठाणा पएसद्रयाए असंखेजगुणा, एवं जहेव दन्बद्रयाए तहेव पएसद्रयाए वि भाणियव्वं, नवरं पएसद्वयाएत्ति अभिलावविसेसो । दव्वद्वपएसद्वयाए-सव्वत्थोवा जहन्नगा काउलेसठाणा दव्वह्याए, जहन्नगा नीललेसठाणा दव्वह्याए असंखेज-गुणा, एवं कण्हतेउपम्हलेसट्ठाणा, जहन्नया सुक्लेसठाणा दव्वहुयाए असंखेजगुणा. जहन्नएहिंतो सुक्रलेसठाणेहिंतो दन्वद्रयाए उक्कोसा काउलेसठाणा दन्वद्रयाए असंखे-जगुणा, उक्कोसा नीललेसठाणा दव्बहुयाए असंखेजगुणा, एवं कण्हतेउपम्हलेसहाणा. उक्कोसगा सुक्कलेसठाणा दव्बद्वयाए असंखेजगुणा, उक्कोसएहिंतो सुक्कलेसठाणेहिंतो दव्बद्वयाए जहन्नमा काउलेसठाणा पएसद्वयाए अणंतगुणा, जहन्नमा नीललेसठाणा पएसद्वयाए असंखेजागुणा,एवं कण्हतेउपम्हलेसद्वाणा, जहन्नगा सुक्कलेसठाणा पएसद्रयाए असंखेजगुणा, जहन्नएहिंतो सुक्लेसठाणेहिंतो पएसट्टयाए उक्कोसा काउलेसठाणा पए-सहयाए असंखेजगुणा, उक्कोसया नीललेसठाणा पएसहयाए असंखेजगुणा, एवं कण्हतेउ-पम्हलेसहाणा, उक्कोसया सुक्कलेसठाणा पएसहयाए असंखेजागुणा ॥५२०॥ पञ्चवणाए भगवईए सत्तरसमस्स लेस्सापयस्स चउत्थो उद्देसओ समत्तो॥

कह णं भंते! लेसाओ पन्नताओ ? गोयमा! छ्लेसाओ पन्नताओ । तंजहा— कण्हलेसा जाव सक्कलेसा । से नूणं भंते! कण्हलेसा नीललेसं पप्प ताह्वताए तावन्नताए तागंधताए तारसत्ताए ताफासत्ताए भुजो भुजो परिणमइ ? इत्तो आढतं जहा चउत्थओ उद्देसओ तहा भाणियव्वं जाव वेरुलियमणिदिद्वंतोत्ति ॥५२८॥ से नूणं भंते! कण्हलेसा नीललेसं पप्प णो ताह्वताए जाव णो ताफासत्ताए भुजो भुजो परि-णमइ ? हंता गोयमा! कण्हलेसा नीललेसं पप्प णो ताह्वत्ताए, णो तावन्नताए, णो तागंधताए, णो तारसत्ताए, णो ताफासत्ताए भुजो २ परिणमइ । से केणहेणं भंते! एवं वुच्चइ॰ ? गोयमा! आगारभावमायाए वा से सिया, पलिभागभावमायाए वा से सिया। कण्हलेसा णं सा, णो खलु नीललेसा, तत्थ गया ओसक्कइ उरसक्कइ वा. से तेणद्वेणं गोयमा! एवं वुच्चइ-'कण्हलेसा नीललेसं पप्प णो तारूवत्ताए जाव भजो २ परिणमइ'। से नूणं भंते! नीललेसा काउलेसं पप्प णो तारूवताए जाव भजो २ परिणमइ ? हंता गोयमा ! नील्लेसा काउलेसं पप्प णो तारूवनाए जाव भुजो २ परिमणइ। से केणडेणं भंते! एवं वुचइ—'नीललेसा काउलेसं पप्प णो तारूवत्ताए जाव भुज्जो २ परिणमइ['] गोयमा ! आगारभावमायाए वा सिया. पिल्रभागभावमायाए वा सिया। नीललेसा णं सा, णो खल्ल सा काउलेसा, तत्थगया ओसकड उस्सकड़ वा, से एएणट्रेणं गोयमा ! एवं वृच्चड़—'नीठलेसा काउलेसं पप्प णो तास्वताए जाव भुजो २ परिणमइ'। एवं काउलेसा तेउलेसं पप्प. तेउलेसा पम्हलेसं पप्प, पम्हलेसा सुक्कलेसं पप्प । से नूणं भंते ! सुक्कलेसा पम्हलेसं पप्प णो ताहबत्ताए जाव परिणमइ ? हंता गोयमा ! सुक्कलेसा तं चेव । से केणद्रेणं भंते ! एवं वच्चड---'सुक्कलेसा जाव णो परिणमइ' ? गोयमा ! आगारभावमायाए वा जाव . सक्रेंसा णं सा. णो खलु सा पम्हलेसा, तत्थ गया ओसक्रइ, से तेणद्रेणं गोयमा! एवं वृच्च — 'जाव णो परिणमइ' ॥ ५२९ ॥ पन्नवणाए भगवर्डए सत्तर-समें हेस्सापए पंचमो उद्देसओ समत्तो ॥

कड णं भंते ! लेसा पन्नता ? गोयमा ! छ लेसा पन्नता । तंजहा--कण्हलेसा जाव सक्छेसा। मणुस्साणं भंते! कइ छेसाओ पन्नताओ ? गोयमा! छ छेसाओ पन्न-ताओ । तंजहा-कण्हलेसा जाव सुक्रलेसा । मणुरुसीणं भंते ! पुच्छा । गोयमा ! छक्लेस्साओ पन्नताओ। तंजहा-कण्हा जाव सुक्षा। कम्मभूमयमणुस्साणं भंते! कड़ लेसाओ पन्नताओं ? गोयमा ! छ लेसाओ पन्नताओ । तंजहा-कण्हा जाव सुक्का । एवं कम्मभमयमणुरसीण वि । भरहेरवयमणुरसाणं भंते ! कह लेसाओ पन्नताओ ? गोयमा ! छहेसाओ पन्नताओ । तंजहा-कण्हा जाव सुका । एवं मणस्सीण वि । पुव्वविदेहे अवरविदेहे कम्मभूमयमणुस्साणं कइ लेस्साओ० ? गो० ! छहेस्साओ० । तंजहा-कण्हा जाव सुका । एवं मणुस्सीण वि । अकम्मभूमयमणुस्साणं पुच्छा । गोयमा! चत्तारि लेसाओ पन्नताओ । तंजहा-कण्ह० जाव तेउलेसा, एवं अकम्म-भूमगमणुस्सीण वि, एवं अंतरदीवगमणुस्साणं, मणुस्सीण वि । एवं हेमवयएरञ्जवय-अकम्मभूमयमणुस्साणं मणुस्सीण य कइ लेसाओ पन्नताओ ? गोयमा ! चत्तारि. तंजहा--कण्हलेसा जाव तेउलेसा । हरिवासरम्मयअकम्मभूमयमणुस्साणं मणुस्सीण य पुच्छा । गोयमा ! चत्तारि, तंजहा—कण्ह० जाव तेउलेसा । देवकुरुउत्तरकुरू-अकम्मभूमयमणुस्सा एवं चेव, एएसिं चेव मणुस्सीणं एवं चेव, धायइसंडपुरिमद्धे वि एवं चेव, पच्छिमद्धे वि, एवं पुक्खरदीवे वि भाणियव्वं ॥ ५३० ॥

कण्हलेसे णं भंते! मणुस्से कण्हलेसं गब्भं जणेजा? हंता गोयमा! जणेजा। कण्हलेसे॰ मणुस्से नीललेसं गब्भं जणेजा? हंता गोयमा! जणेजा जाव सक्केसं गब्भं जणेजा। नीललेसे॰ मणुस्से कण्हलेसं गब्भं जणेजा? हंता गोयमा! जणेजा, एवं नीललेसे मणुस्से जाव सक्केसं गब्भं जणेजा, एवं काउलेसेणं छप्पि आलावगा भाणियववा। तेउलेसाण वि पम्हलेसाण वि सक्केसाण वि, एवं छत्तीसं आलावगा भाणियववा। कण्हलेसा॰ इत्थिया कण्हलेसं गब्भं जणेजा? हंता गोयमा! जणेजा। एवं एए वि छत्तीसं आलावगा भाणियव्वा। कण्हलेसं शामा शामायव्वा। कण्हलेसं शामाया शामायव्वा। कण्हलेसं गब्भं जणेजा? हंता गोयमा! जणेजा। इत्थियाए कण्हलेसं गब्भं जणेजा। इत्थायाए कण्हलेसं गब्भं जणेजा। कम्मभूमगकण्हलेसे णं भंते! मणुस्से कण्हलेसाए इत्थियाए कण्हलेसं गब्भं जणेजा? हंता गोयमा! जणेजा, एवं एए छत्तीसं आलावगा। अकम्मभूमयकण्हलेसे॰ मणुस्से अकम्मभूमयकण्हलेसाए इत्थियाए अकम्मभूमयकण्हलेसं गब्भं जणेजा? हंता गोयमा! जणेजा, नवरं चउस्र लेसासु सोलस आलावगा, एवं अंतरदीवगाण वि। ५३१॥ छहो उद्देसओ समत्तो॥ पञ्चणाए भगवईए सत्तरसमं लेस्सापयं समत्तं॥

जीव गईंदिय काए जोए वेए कसायलेसा य। सम्मत्तणाणदंसण संजय उवओग आहारे ॥ १ ॥ भासगपरित्त पज्जत सहम सन्नी भवऽत्थि चरिमे य । एएसिं त पयाणं कायिठई होइ णायव्वा ॥ २ ॥ जीवे णं भंते ! जीवेत्ति कालओ केविचरं होइ ? गोयमा ! सन्बद्धं ॥ दारं १ ॥ ५३२ ॥ नेरइए णं भंते ! नेरइएत्ति कालओ केविचरं होइ ? गोयमा ! जहन्नेणं दस वाससहस्साई. उक्कोसेणं तेत्तीसं सागरोव-माइं। तिरिक्खजोणिए णं भंते! तिरिक्खजोणिएत्ति कालओ केवचिरं होइ ? गोयमा! जहन्नेणं अंतोमुहत्तं, उक्कोसेणं अणंतं कालं. अणंताओ उरसप्पिणिओसप्पिणीओ कालओ. खेत्तओ अणंता लोगा, असंखेजा पोग्गलपरियद्वा, ते णं पुग्गलपरियद्वा आवित्याए असंखेजहमागे। तिरिक्खजोणिणी णं भंते! तिरिक्खजोणिणित्ति कालओ केविचरं होइ? गोयमा! जहन्नेणं अंतोमहत्तं, उक्कोरेणं तिन्नि पिलओवमाई पुन्वको-डिपुहत्तमब्भिहियाई । एवं मणुस्से वि, मणुस्सी वि एवं चेव । देवे णं भंते ! देवेति कालओं केविचरं होइ ? गोयमा! जहेव नेरइए। देवी णं भंते! देवित्ति कालओ केविचरं होइ? गोयमा! जहन्नेणं दस वाससहस्साइं, उक्कोसेणं पणपन्नं पिठओ-वमाई। सिद्धे णं भंते! सिद्धेत्ति कालओ केविचरं होइ? गोयमा! साइए अपज्जव-सिए। नेरइयअपजात्तए णं भंते! नेरइयअपजात्तएत्ति कालओ केविचरं होइ? गोयमा! जहन्नेण वि उक्कोसेण वि अंतोमहत्तं, एवं जाव देवी अपजात्तिया । नेरइयपजत्तए णं

भंते! नेरइयपज्जत्तएत्ति कालओं केविचरं होइ? गोयमा! जहन्नेणं दस वाससहस्साई अंतोमहत्तृणाई, उक्कोसेणं तेत्तीसं सागरोवमाई अंतोमुहुतूणाई । तिरिक्खजोणियपज्ज-त्तए णं भंते! तिरिक्खजोणियपज्जतएत्ति कालओ केविचरं होइ? गोयमा! जहन्नेणं अंतोमहत्तं, उक्रोसेणं तिन्नि पलिओवमाई अंतोमुहत्तूणाई । एवं तिरिक्खजोणिणिपज-त्तिया वि. एवं मण्रस्से वि, मणुरसी वि एवं चेव। देवपज्जत्ताए जहा नेरइयपज्जताए। देवी-पजातिया णं भंते! देवीपजातियत्ति कालओ केवचिरं होइ ? गोयमा! जहनेणं दस वाससहस्साई अंतोसुहुतूणाई, उक्कोसेणं पणपन्नं पिलओवमाई अंतोसुहुतूणाई ॥ दारं २॥ ५३३॥ सइंदिए णं भंते! सइंदिएत्ति कालओ केविचरं होइ? गोयमा! सइंदिए दुविहे पन्नते । तंजहा-अणाइए वा अपज्जवसिए, अणाइए वा सपज्जवसिए । एगिंदिए णं भंते! एगिंदिएत्ति कालओ केविचरं होइ? गोयमा! जहन्नेणं अंतोसुहत्तं, उक्कोसेणं अणंतं कालं वणस्सइकालो । बेइंदिए णं भंते ! बेइंदिएत्ति कालओ केविचरं होइ? गोयमा ! जहन्नेणं अंतोमुहत्तं, उक्कोसेणं संखेजं कालं । एवं तेइंदियचउरिंदिए वि । पंचिंदिए णं भंते ! पंचिंदिएत्ति कालओ केविचरं होइ ? गोयमा ! जहन्नेणं अंतो-मृहत्तं, उक्कोसेणं सागरोवमसहस्सं साइरेगं । अणिंदिए णं पुच्छा । गोयमा ! साइए अपज्जवसिए । सईंदियअपज्जत्तए णं पुच्छा । गोयमा ! जहन्नेण वि उक्कोसेण वि अंतो-मुहत्तं । एवं जाव पंचिंदियअपज्जतए । सईंदियपज्जत्तए णं भंते ! सईंदियपज्जत्तएत्ति कालओ केवचिरं होइ? गोयमा! जहन्नेणं अंतोसुहुत्तं, उक्कोसेणं सागरोवमसय-पहत्तं साइरेगं । एगिंदियपज्जत्तए णं भंते ! पुच्छा । गोयमा ! जहन्नेणं अंतोमुहुत्तं, उक्कोसेणं संखेजाइं वाससहस्साइं । बेइंदियपज्जत्तए णं पुच्छा । गोयमा ! जहन्नेणं अंतोसुहृत्तं, उक्कोसेणं संखेजवासाई । तेइंदियपज्जत्तए णं पुच्छा । गोयमा ! जहन्नेणं अंतोमहत्तं, उक्कोसेणं संखेजाई राइंदियाई। चउरिंदियपजत्तए णं भंते ! पुच्छा। गोयमा ! जहन्नेणं अंतोमुहुत्तं, उक्कोसेणं संखेजा मासा । पंचिंदियपज्जत्तए णं भंते ! पंचिंदियपजात्तएति कालओ केविचरं होइ ? गोयमा ! जहन्नेणं अंतोसुहुतं, उक्कोसेणं सागरोवमसयपुहुत्तं ॥ दारं ३ ॥ ५३४ ॥ सकाइए णं भंते ! सकाइएत्ति कालओ केविचरं होइ ? गोयमा ! सकाइए दुविहे पन्नते । तंजहा—अणाइए वा अपज्जव-सिए, अणाइए वा सपज्जवसिए, तत्थ णं जे से अ० स० से जहन्नेणं अंतोसहत्तं. उक्कोसेणं दो सागरोवमसहस्साइं संखेजवासमञ्भिहयाइं । अकाइए णं भंते ! पुच्छा । गोयमा! अकाइए साइए अपज्जवसिए। सकाइयअपज्जत्तए णं पुच्छा। गोयमा! जह-न्नेण वि उक्कोसेण वि अंतोमुहुत्तं, एवं जाव तसकाइयअपज्जत्तए पुच्छा । गोयमा ! जहन्नेणं अंतोमुहुत्तं, उक्कोसेणं सागरोवमसयपुहुत्तं साइरेगं। पुढविकाइए णं पुच्छा।

गोयमा! जहन्नेणं अंतोमुहुत्तं, उक्कोसेणं असंखेजं कालं, असंखेजाओ उस्सप्पिणिओ-सिप्पणीओ कालओ, खेत्तओ असंखेजा लोगा । एवं आउतेउवाउकाइया वि । वण-स्सइकाइयाणं पुच्छा । गोयमा ! जहन्नेणं अंतोसुहृत्तं, उक्कोसेणं अणंत कालं, अणं-ताओ उस्सप्पिणिओसप्पिणीओ कालओ, खेत्तओ अणंता लोगा, असंखेजा पुगगल-परियद्वा, ते णं पुग्गलपरियद्वा आवलियाए असंखेजइभागो । पुढविकाइए पंजत्तए पुच्छा । गोयमा ! जहन्नेणं अंतोमुहृत्तं, उक्कोसेणं संखेजाइं वाससहस्साइं, एवं आऊ वि । तेउकाइए पज्जत्तए पुच्छा । गोयमा ! जहन्नेणं अंतोमुहुत्तं, उक्कोसेणं संखेजाई राइंदियाइं । वाउकाइयपज्जत्तए णं पुच्छा । गोयमा ! जहन्नेणं अंतोमुहत्तं, उक्कोसेणं संखेजाइं वाससहस्साइं । वणस्सइकाइयपजन्तए पुच्छा । गोयमा ! जहन्नेणं अंतोमु-हुत्तं, उक्कोसेणं संखेजाइं वाससहस्साइं । तसकाइयपज्जत्तए पुच्छा । गोयमा ! जहन्नेणं अंतोमुहृत्तं, उक्कोसेणं सागरोवमसयपुहृत्तं साइरेगं ॥ ५३५ ॥ सुहुमे णं भंते ! सुहुमेत्ति कालओ केविचरं होइ ? गोयमा ! जहन्नेणं अंतोमुहत्तं, उक्कोसेणं असंखेजं कालं, असंखेजाओ उस्सप्पिणिओसप्पिणीओ कालओ, खेत्रओ असंखेजा लोगा। सहम-पुढविकाइए, सहमआउकाइए, सहमतेउकाइए, सहमवाउकाइए, सहुमवणप्फइकाइए सहमिनगोदे वि जहन्नेणं अंतोमुहुत्तं, उक्कोसेणं असंखेजं कालं, असंखेजाओ उस्स-प्पिणिओसप्पिणीओ कालओ, खेत्तओ असंखेजा लोगा । सुहुमे णं भंते ! अपजत्त-एति पुच्छा । गोयमा ! जहन्नेणं अंतोमुहत्तं उक्कोसेण वि अंतोमुहत्तं । पुढविकाइय-आउकाइयतेउकाइयवाउकाइयवणप्फइकाइयाण य एवं चेव. पज्जन्याण वि एवं चेव। बायरे णं भंते ! बायरेत्ति कालओ केविचरं होइ ? गोयमा ! जहन्नेणं अंतोमुहत्तं, उक्कोसेणं असंखेजं कालं, असंखेजाओ उस्सप्पिणिओसप्पिणीओ कालओ, खेत्तओ अंगुलस्स असंखेजइभागं । बायरपुढविकाइए णं भंते ! पुच्छा । गोयमा ! जहन्नेणं अंतोसहत्तं, उक्कोसेणं सत्तरि सागरोवमकोडाकोडीओ । एवं बायरआउक्काइए वि बायरतेजकाइए वि, बायरवाजकाइए वि । बायरवणप्फइकाइए णं० बायर० पुच्छा । गोयमा! जहन्नेणं अंतोसहत्तं, उक्षोसेणं असंखेजं कालं जाव खेत्तओ अंग्रलस्स असंखेजइभागं । पत्तेयसरीरबायरवणप्फइकाइए णं भंते ! पुच्छा । गोयमा ! जह-त्रेणं अंतोमुहुत्तं, उक्कोसेणं सत्तरि सागरोवमकोडाकोडीओ । निगोए णं भंते ! निगोएत्ति कालओ केवचिरं होइ? गोयमा! जहन्नेणं अंतोमुहत्तं, उक्कोसेणं अणंतं कालं, अणंताओ उरसप्पिणिओसप्पिणीओ कालओ, खेत्तओं अड्डाइजा पोग्गल-परियद्य । बादरिनगोदे णं भंते ! बादरिनगोदेत्ति पुच्छा । गोयमा ! जहन्नेणं अंतोमुहुत्तं, उक्कोसेणं सत्तरि सागरोवमकोडाकोडीओ । बायरतसकाइए णं भंते !

बायरतसकाइएति कालओं केविचरं होइ ? गोयमा ! जहन्नेणं अंतोमहत्तं, उक्कोसेणं दो सागरोवमसहस्साइं संखेजवासमञ्भिहयाइं। एएसिं चेव अपजात्तगा सब्वे वि जहन्नेण वि उक्कोसेण वि अंतोमुहुत्तं । बायरपज्जत्तए णं भंते ! बायरपज्जत्तएत्ति पच्छा । गोयमा ! जहन्नेणं अंतोसुहुत्तं, उक्कोसेणं सागरोवमसयपुहृत्तं साइरेगं । बायरपढिविकाइयपज्जत्तए णं भंते ! बायर० पुच्छा । गोयमा ! जहन्नेणं अंतोमुहत्तं, उक्कोसेणं संखेजाइं वाससहस्साइं। एवं आउकाइए वि। तेउकाइयपजात्तए णं भंते ! तेउकाइयपज्जत्तएति पुच्छा । गोयमा ! जहन्नेणं अंतोसहत्तं, उक्नोसेणं संखे-ज्जाइं राइंदियाइं । वालकाइयवणस्सइकाइयपत्तेयसरीरबायरवणप्फइकाइए पुच्छा । गोयमा! जहन्नेणं अंतोमुहुत्तं, उक्कोसेणं संखेजाइं वाससहस्साइं। निओयपज्जत्तए बायरनिओयपज्जत्तए पुच्छा । गोयमा ! दोण्ह वि जहन्नेणं अन्तोमुहत्तं, उक्कोसेणं अंतोमहत्तं । बायरतसकाइयपज्जत्तए णं भंते ! बायरतसकाइयपज्जत्तएति कालओ केविचरं होइ १ गोयमा ! जहनेणं अंतोमुहुत्तं, उक्कोसेणं सागरोवमसयपुहुत्तं साइ-रेगं ॥ दारं ४ ॥ ५३६ ॥ सजोगी णं भंते ! सजोगित्ति कालओ केविचरं होइ ? गोयमा! सजोगी दुविहे पन्नते । तंजहा-अणाइए वा अपज्जवसिए, अणाइए वा सपजावसिए । मणजोगी णं भंते ! मणजोगित्ति कालओ केव चिरं होइ ? गोयमा ! जहन्नेणं एकं समयं, उक्कोसेणं अंतोसुहत्तं । एवं वइजोगी वि । कायजोगी णं भंते ! कायजोगि॰ ? गोयमा ! जहन्नेणं अंतोमुहुत्तं, उक्कोसेणं वणप्फइकालो । अजोगी णं भंते! अजोगित्ति कालओ केविचरं होइ? गोयमा! साइए अपज्जविसए॥ दारं ५॥ ॥ ५३७ ॥ सवेदए णं भंते ! सवेदएत्ति कालओ केविचरं होइ ? गोयमा ! सवेदए तिविहे पन्नते । तंजहा-अणाइए वा अपज्जवसिए, अणाइए वा सपज्जवसिए, साइए वा सपज्जवसिए । तत्थ णं जे से साइए सपज्जवसिए से जहन्नेणं अंतोमहत्तं, उक्कोसेणं अणंतं कालं, अणंताओ उस्सप्पिणीओसप्पिणीओ कालओ, खेत्तओ अवद्धं पोग्गल-परियद्वं देसूणं। इत्थिवेदए णं भंते! इत्थिवेदएत्ति कालओ केवचिरं होइ? गोयमा! एगेणं आएसेणं जहन्नेणं एकं समयं, उक्कोसेणं दसुत्तरं पलिओवमसयं पुव्वकोडिपह-त्तमन्महियं १, एगेणं आएसेणं जहन्नेणं एगं समयं, उक्कोसेणं अद्वारसपिलओवमाई पुन्वकोडिपुहत्तमन्भिहियाई २, एगेणं आएसेणं जहन्नेणं एगं समयं, उक्कोसेणं चउ-दस पिल्ओवमाइं पुव्वकोडिपुहत्तमञ्भिहियाइं ३, एगेणं आएसेणं जहन्नेणं एगं समयं. उक्कोसेणं पिलओवमसयं पुरुवकोडिपुहत्तमन्भिह्यं ४, एगेणं आएसेणं जहन्नेणं एगं समयं, उक्कोसेणं पिलओवमपुहृत्तं पुव्वकोडिपुहृत्तमन्भिह्यं ५। पुरिसवेदए णं भंते ! पुरिसवेदएत्ति॰ ? गोयमा ! जहन्नेणं अंतोमुहृत्तं, उक्कोसेणं सागरोवमसयपुहृत्तं साइ- रेगं । नपुंसगवेदए णं भंते ! नपुंसगवेदएति पुच्छा । गोयमा ! जहन्नेणं एगं समयं. उक्कोसेणं वणस्सइकालो । अवेयए णं भंते ! अवेयएति पुच्छा । गोयमा ! अवेयए टविहे पन्नते । तंजहा-साइए वा अपज्जवसिए, साइए वा सपज्जवसिए । तत्थ णं जे से साइए सपज्जवसिए से जहण्णेणं एगं समयं, उक्कोसेणं अंतोसुहुत्तं ॥ दारं ६ ॥ ५३८॥ सकसाई णं भंते! सकसाइति कालओं केविचरं होई? गोयमा! सकसाई तिविहे पन्नते । तंजहा-अणाइए वा अपज्जवसिए, अणाइए वा सपज्जवसिए, साइए वा सपज्जवसिए जाव अवङ्गं पोग्गलपरियहं देस्णं। कोहकसाई णं भंते! पुच्छा। गोयमा ! जहनेण वि उक्नोसेण वि अंतोमहत्तं, एवं जाव माणमायाकसाई । लोभक-साई णं भंते ! लोभकसाइत्ति पुच्छा । गोयमा ! जहन्नेणं एकं समयं, उन्नोसेणं अंतोमहत्तं । अकसाई णं भंते ! अकसाइति कालओ केवचिरं होइ ? गोयमा ! अकसाई दुविहे पन्नते । तंजहा-साइए वा अपज्जवसिए साइए वा सपज्जवसिए। तत्थ णं जे से साइए सपज्जवसिए से जहन्नेणं एगं समयं, उक्कोसेणं अंतोसहत्तं ॥ दारं ७ ॥ ५३९ ॥ सलेसे णं भंते ! सलेसेत्ति पुच्छा । गोयमा ! सलेसे दुविहे पन्नते । तंजहा-अणाइए वा अपज्जवसिए, अणाइए वा सपज्जवसिए । कण्हलेसे णं भंते! कण्हलेसेत्ति कालओ केविचरं होइ? गोयमा! जहन्नेणं अंतोसहत्तं, उक्कोसेणं तेत्तीसं सागरोवमाइं अंतोमुहुत्तमञ्महियाइं। नीललेसे णं भंते ! नीललेसेत्ति पुच्छा। गोयमा ! जहन्नेणं अंतोसहत्तं, उक्कोसेणं दस सागरोवमाइं पिलओवमासंखिजाइ-भागमन्भिह्याइं। काउलेसे णं पुच्छा। गोयमा! जहन्नेणं अंतोमुहुत्तं, उक्कोसेणं तिण्णि सागरोवमाइं पिलञोवमासंखिजाइभागमञ्महियाइं। तेउलेसे णं पुच्छा। गोयमा ! जहन्नेणं अंतोमुहुत्तं, उक्कोसेणं दो सागरोवमाइं पलिओवमासंखिज्जइभाग-मञ्महियाइं। पम्हलेसे णं पुच्छा। गोयमा! जहन्नेणं अंतोसुहत्तं, उक्कोसेणं दस सागरोवमाइं अंतोमुहत्तमन्मिहियाइं । सुक्कलेसे णं पुच्छा । गोयमा ! जहन्नेणं अंतो-मुहुत्तं, उक्कोसेणं तेत्तीसं सागरोवमाइं अंतोमुहुत्तमष्टमिहयाइं। अलेसे णं पुच्छा। गोयमा! साइए अपज्जवसिए ॥ दारं ८ ॥ ५४० ॥ सम्मिहिट्टी णं भंते! सम्मिहि-द्वित्ति कालओं केविचरं होइ ? गोयमा! सम्मिद्दिद्वी दुविहे पन्नत्ते। तंजहा—साइए वा अपज्जवसिए, साइए वा सपज्जवसिए । तत्थ णं जे से साइए सपज्जवसिए से जहन्नेणं अंतोमुहुत्तं, उक्कोसेणं छाविंहं सागरोवमाइं साइरेगाइं । मिच्छादिही णं भंते ! पुच्छा। गोयमा! मिच्छादिद्वी तिविहे पन्नते। तंजहा-अणाइए वा अपजनिसए, अणाइए वा सपज्जवसिए, साइए वा सपज्जवसिए । तत्थ णं जे से साइए सपज्जव-सिए से जहन्नेणं अंतोमहत्तं, उक्कोसेणं अणंतं कालं. अणंताओ उस्सप्पिणिओसप्पि-

णीओ कालओ, खेताओ अवड्रं पोग्गलपरियहं देसूणं । सम्मामिच्छादिही णं पुच्छा । गोयमा ! जहन्नेणं अंतोमुहत्तं, उक्कोसेणं अंतोमुहत्तं ॥ दारं ९ ॥ ५४१ ॥ णाणी णं भंते ! णाणित्ति कालओं केविचरं होइ ^१ गोयमा ! णाणी दुविहे पन्नते । तंजहा— साइए वा अपज्जवसिए, साइए वा सपज्जवसिए। तत्थ णं जे से साइए सपज्ज-वसिए से जहण्णेणं अंतोमुहत्तं, उक्कोसेणं छावद्गिं सागरीवमाई साहरेगाई । आभिणि-बोहियणाणी णं पुच्छा । गोयमा ! एवं चेव, एवं सुयणाणी वि, ओहिणाणी वि एवं चेव, णवरं जहण्णेणं एगं समयं । मणपज्जवणाणी णं भंते ! मणपज्जवणाणित्ति कालओ केवचिरं होइ ? गोयमा ! जहन्नेणं एगं समयं, उक्कोसेणं देसूणा पुल्वकोडी । केवलणाणी णं पुच्छा । गोयमा ! साइए अपज्जवसिए । अण्णाणी मइअण्णाणी सुयअण्णाणी पुच्छा । गोयमा ! अण्णाणी, मइअण्णाणी, सुयअण्णाणी तिविहे पन्नते । तंजहा-अणाइए वा अपज्जवसिए, अणाइए वा सपज्जवसिए, साइए वा सपज्जवसिए। तत्थ णं जे से साइए सपज्जवसिए से जहन्नेणं अंतोमुहत्तं, उक्कोसेणं अणंतं कालं. अणंताओ उस्सप्पिणिओसप्पिणीओ कालओ, खेत्तओं अवङ्गपोग्गलपरियष्टं देसूणं । विभंगणाणी णं भंते ! पुच्छा । गोयमा ! जहण्णेणं एगं समयं. उक्कोसेणं तेत्तीसं सागरोवमाइं देसूणाए पुव्वकोडीए अन्महियाइं ॥ दारं १० ॥ ५४२ ॥ चक्खदंसणी णं भंते ! पुच्छा । गोयमा ! जहन्नेणं अंतोसुहत्तं, उक्कोसेणं सागरोवम-सहस्सं साइरेगं । अचक्ख्रदंसणी णं भंते ! अचक्ख्रदंसणिति कालओ० ? गोयमा ! अचक्खदंसणी दुविहे पन्नते । तंजहा-अणाइए वा अपज्जवसिए, अणाइए वा सपज्ज-विसए । ओहिदंसणी णं पुच्छा । गोयमा! जहन्नेणं एगं समयं, उक्कोसेणं दो छाव-द्रीओ सागरोवमाणं साइरेगाओ । केवलदंसणी णं पुच्छा । गोयमा ! साइए अपज-वसिए ॥ दारं ११ ॥ ५४३ ॥ संजए णं भंते ! संजएत्ति पुच्छा । गोयमा ! जहन्नेणं एगं समयं, उक्कोसेणं देसणं पुव्वकोडिं। असंजए णं भंते! असंजएति पुच्छा। गोयमा ! असंजए तिविहे पन्नते । तंजहा-अणाइए वा अपज्जवसिए, अणाइए वा सपज्जवसिए, साइए वा सपज्जवसिए। तत्थ णं जे से साइए सपज्जवसिए से जहन्नेणं अंतोमुहत्तं, उक्कोसेणं अणंतं कालं, अणंताओ उस्सप्पिणिओसप्पिणीओ कालओ, खेत्तओ अवडूं पोग्गलपरियट्टं देसूणं। संजयासंजए णं पुच्छा। गोयमा! जहन्नेणं अंतोमुहत्तं, उक्कोसेणं देसूणं पुव्वकोडिं । नोसंजए-नोअसंजए-नोसंजयासंजए णं पुच्छा । गोयमा ! साइए अपज्जवसिए ॥ दारं १२ ॥ ५४४ ॥ सागारोवओगोवउत्ते णं भंते ! पुच्छा । गोयमा ! जहन्नेण वि उक्कोसेण वि अंतोसहत्तं । अणागारोवउत्ते वि एवं चेव ॥ दारं १३ ॥ ५४५ ॥ आहारए णं भंते ! पुच्छा । गोयमा ! आहारए दुविहे पन्नते । तंजहा-छउमत्थआहारए य केविलआहारए य । छउमत्थाहारए णं भंते! छडमत्थाहारएति कालओ केवचिरं होइ १ गोयमा! जहनेणं खुड्डागभवगारणं दसमयऊणं, उक्कोसेणं असंखेजं कालं, असंखेजाओ उस्सप्पिणिओसप्पिणीओ कालओ खेत्तओ अंगुलस्स असंखेजइभागं । केविलआहारए णं भंते ! केविलआहारएति कालओ केविचरं होइ ? गोयमा! जहन्नेणं अंतोमुहत्तं, उक्कोसेणं देस्णं पुव्वकोर्डि । अणाहारए णं भंते ! अणाहारएत्ति कालओ केविचरं होइ ? गोयमा ! अणाहारए द्विहे पन्नते । तंजहा-छउमत्थअणाहारए य केवलिअणाहारए य । छउमत्थअणा-हारए णं भंते ! पुच्छा । गोयमा ! जहन्नेणं एगं समयं, उक्कोसेणं दो समया । केनलिअणाहारए णं भंते! केनलि॰ ? गोयमा! केनलिअणाहारए दुनिहे पन्नते। तंजहा-सिद्धकेवलिअणाहारए य भवत्थकेवलिअणाहारए य । सिद्धकेवलिअणाहारए णं पुच्छा। गोयमा! साइए अपज्जवितए। भवत्थकेवलिअणाहारए णं भंते! पुच्छा। गोयमा ! भवत्थकेवलिअणाहारए दुविहे पन्नते । तंजहा-सजोगिभवत्थकेवलिअणा-हारए य अजोगिभवत्थकेवलिअणाहारए य । सजोगिभवत्थकेवलिअणाहारए णं भंते ! पुच्छा । गोयमा ! अजहण्णमणुक्कोसेणं तिण्णि समया । अजोगिभवत्थकेविह-अणाहारए णं पुच्छा । गोयमा ! जहन्नेण वि उक्कोसेण वि अंतोसुहुत्तं ॥ दारं १४॥ ॥ ५४६ ॥ भासए णं पुच्छा । गोयमा ! जहन्नेणं एगं समयं, उक्कोसेणं अंतोमुहत्तं । अभासए गं पुच्छा । गोयमा ! अभासए तिविहे पन्नते । तंजहा-अणाइए वा अपज-वसिए. अणाइए वा सपज्जवसिए, साइए वा सपज्जवसिए । तत्थ णं जे से साइए वा सपज्जवसिए से जहण्णेणं अंतोसुहत्तं, उक्कोसेणं वणप्फइकालो ॥ दारं १५ ॥ ५४७॥ परित्ते णं पुच्छा । गोयमा ! परित्ते दुविहे पन्नते । तंजहा--कायपरित्ते य संसार-परित्ते य । कायपरित्ते णं पुच्छा । गोयमा ! जहन्नेणं अंतोसहत्तं, उक्कोसेणं पुढवि-कालो. असंखेजाओ उस्सप्पिणिओसप्पिणीओ । संसारपरित्ते णं पुच्छा । गोयमा ! जहन्नेणं अंतोसुहत्तं, उक्कोसेणं अणंतं कालं जाव अवङ्गं पोग्गलपरियष्टं देसूणं। अपरित्ते णं पुच्छा । गोयमा ! अपरित्ते दुविहे पन्नते । तंजहा-कायअपरित्ते य संसार-अपरित्ते य । कायअपरित्ते णं पुच्छा । गोयमा ! जहन्नेणं अंतोमुहत्तं, उक्कोसेणं वणस्सइकालो । संसारअपरित्ते णं पुच्छा । गोयमा ! संसारअपरित्ते दुविहे पन्नते । तंजहा-अणाइए वा अपज्जवसिए, अणाइए वा सपज्जवसिए । नोपरित्ते-नोअपरिते णं पुच्छा । गोयमा ! साइए अपज्जवसिए ॥ दारं १६ ॥ ५४८ ॥ पज्जत्तए णं पुच्छा । गोयमा ! जहन्नेणं अंतोसुहुत्तं, उक्कोसेणं सागरोवमसयपुहुत्तं साइरेगं । अपज्जत्तए णं पुच्छा । गोयमा ! जहन्नेण वि उक्कोसेण वि अंतोमुहत्तं । नोपज्जत्तए-नोअपज्जत्तए णं पुच्छा। गोयमा! साइए अपज्जवसिए॥ दारं १०॥ ५४९॥ सुहुमे णं भंते! सुहुमेत्ति पुच्छा। गोयमा! जहन्नेणं अंतोमुहुत्तं, उक्कोसेणं पुढिवकालो। बायरे णं पुच्छा। गोयमा! जहन्नेणं अंतोमुहुत्तं, उक्कोसेणं असंखेजं कालं जाव खेत्तओ अंगुलस्स असंखेजइभागं। नोसुहुमनोबायरे णं पुच्छा। गोयमा! साइए अपज्जवसिए॥ दारं १८॥ ५५०॥ सण्णी णं भंते! पुच्छा। गोयमा! जहन्नेणं अंतोमुहुत्तं, उक्कोसेणं सागरोवमसयपुहुत्तं साइरेगं। असण्णी णं पुच्छा। गोयमा! जहन्नेणं अंतोमुहुत्तं, उक्कोसेणं वणस्सइकालो। नोसण्णीनोअसण्णी णं पुच्छा। गोयमा! साइए अपज्जवसिए॥ दारं १९॥ ५५१॥ भवसिद्धिए णं पुच्छा। गोयमा! अणाइए सपज्जवसिए। अभवसिद्धिए णं पुच्छा। गोयमा! साइए अपज्जवसिए॥ दारं २०॥ भ५२॥ धम्मत्थिकाए णं पुच्छा। गोयमा! साइए अपज्जवसिए॥ दारं २०॥ ५५२॥ धम्मत्थिकाए णं पुच्छा। गोयमा! सव्वद्धं, एवं जाव अद्धासमए॥ दारं २१॥ ५५३॥ चरिमे णं पुच्छा। गोयमा! अणाइए सपज्जवसिए। अचरिमे णं पुच्छा। गोयमा! अणाइए सपज्जवसिए। अचरिमे णं पुच्छा। गोयमा! अणाइए सपज्जवसिए। सारं २१॥ ५५३॥ चरिमे णं पुच्छा। गोयमा! अणाइए सपज्जवसिए, साइए वा अपज्जवसिए, दारं २२॥ ५५४॥ पन्नवणाए भगवईए अट्ठार-समं कार्यादेइनामपयं समत्तं॥

जीवा णं भेते ! किं सम्मदिही, मिच्छादिही, सम्मामिच्छादिही ? गोयमा ! जीवा सम्मदिही वि, मिच्छादिही वि, सम्मामिच्छादिही वि । एवं नेरइया वि । असुरकुमारा वि एवं चेव जाव थिणयकुमारा । पुढवीकाइया णं पुच्छा। गोयमा ! बेइंदिया सम्मदिही, मिच्छादिही, णो सम्मामिच्छादिही । एवं जाव वणस्सइकाइया। बेइंदिया सम्मदिही, मिच्छादिही, णो सम्मामिच्छादिही । एवं जाव चउरिंदिया । पंचिंदियतिरिक्खजोणिया मणुस्सा वाणमंतरजोइसि-यवेमाणिया य सम्मदिही वि मिच्छादिही वि सम्मामिच्छादिही वि । सिद्धा णं पुच्छा। गोयमा! सिद्धा सम्मदिही, णो मिच्छादिही, णो सम्मामिच्छादिही ॥ ५५५॥ पञ्चवणाप भगवईए एगूणवीसइमं सम्मत्तपयं समत्तं॥

नेरइय अंतिकिरिया अणन्तरं एगसमय उन्बद्धा । तित्थगरचिक्कबलवासुदेव-मंडिलियरयणा य ॥ दारगाहा ॥ जीवे णं भंते ! अंतिकिरियं करेजा ? गोयमा ! अत्थेगइए करेजा, अत्थेगइए णो करेजा । एवं नेरइए जाव वेमाणिए । नेरइए णं भंते ! नेरइएस अंतिकिरियं करेजा ? गोयमा ! णो इणहे समहे । नेरइया णं भंते ! असुरकुमारेस अंतिकिरियं करेजा ? गोयमा ! णो इणहे समहे । एवं जाव वेमाणिएस । नवरं मणूसेस अंतिकिरियं करेजात्ति पुच्छा । गोयमा ! अत्थेगइए करेजा. अत्थेगइए णो करेजा। एवं असुरकुमारा जाव वेमाणिए। एवमेव चड-वीसं २ दण्डमा भवन्ति ॥ ५५६ ॥ नेरइया णं भंते ! किं अणंतरागया अंतिकिरियं पकरेंति. परंपरागया अंतिकरियं पकरेंति ? गोयमा ! अणंतरागया वि अंतिकरियं पकरेंति. परंपरागया वि अंतिकिरियं पकरेंति । एवं रयणप्पभापुढविनेरइया वि जाव पंकप्पभा-पढवीनेरइया । धमप्पभापढवीनेरइया णं पुच्छा । गोयमा ! णो अणंतराग्या अंतिकरियं पकरेंति, परंपरागया अंतिकरियं पकरेंति, एवं जाव अहेसत्तमापढवी-नेरङ्या । असुरकुमारा जाव थणियकुमारा पुढवीआउवणस्सङ्काङ्या य अणन्तरा-गया वि अंतिकरियं पकरेंति, परंपरागया वि अंतिकरियं पकरेंति । तेउवाउवेडंदिय-तेइंदियचउरिंदिया णो अणंतरागया अंतिकरियं पकरेंति. परंपरागया अंतिकरियं पकरेंति । सेसा अणंतरागया वि अंतिकरियं पकरेंति, परंपरागया वि अंतिकरियं पकरेंति ॥ ५५७ ॥ अणंतरागया० नेरइया एगसमए केवड्या अंतिकरियं पकरेंति १ गोयमा ! जहन्नेणं एगो वा दो वा तिन्नि वा. उक्कोसेणं दस । रयणप्पभापदवीनेरड्या वि एवं चेव जाव वाल्यप्पभापढवीनेरइया। अणंतरागया णं भंते! पंकप्पभापढवी-नेरइया एगसमएणं केवइया अंतिकरियं पकरेंति ? गोयमा! जहन्नेणं एको वा दो वा तिन्नि वा, उक्कोसेणं चत्तारि । अणन्तरागया णं भंते ! अधुरकुमारा एगसमए केवइया अंतिकिरियं पकरेंति ? गोयमा ! जहन्नेणं एको वा दो वा तिन्नि वा, उक्को-सेणं दस । अणंतरागयाओ णं भंते ! असुरकुमारीओ एगसमए केवइया अंतिकिरियं पकरेंति ? गोयमा ! जहन्नेणं एको वा दो वा तिन्नि वा, उक्कोसेणं पंच । एवं जहा असुरकुमारा सदेवीया तहा जाव थणियकुमारा। अणंतरागया णं भंते! पढाविकाइया एगसमए केवड्या अंतिकरियं पकरेंति ? गोयमा ! जहन्नेणं एको वा दो वा तिन्नि वा. उक्रोसेणं चत्तारि । एवं आउकाइया वि चत्तारि, वणस्सइकाइया छच, पंचिंदिय-तिरिक्खजोणिया दस. तिरिक्खजोणिणीओ दस, मणुस्सा दस, मणुस्सीओ वीसं, वाणमंतरा दस, वाणमंतरीओ पंच, जोइसिया दस, जोइसिणीओ वीसं, वेमाणिया अद्रसयं, वेमाणिणीओ वीसं ॥ ५५८ ॥ नेरइए णं भंते ! नेरइएहिंतो अणंतरं उव्वहित्ता नेरइएसु उववजेजा? गोयमा! नो इणद्वे समद्वे। नेरइए णं भंते! नेरइएहिंतो अणं-तरं उव्वष्टिता असुरकुमारेसु उववजेजा ? गोयमा ! नो इणद्वे समट्टे । एवं निरंतरं जाव चडरिंदिएस पुच्छा । गोयमा ! नो इणद्रे समद्रे । नेरइए णं भंते ! नेरइएहिंतो अणंतरं उव्वहिता पंचिंदियतिरिक्खजोणिएस उववजेजा ? गोयमा ! अत्थेगहए उववजेजा, अत्थेगइए णो उववजेजा। जे णं भंते ! नेरइएहिंतो अणंतरं उ० पंचि-दियतिरिक्खजोणिएसु उववज्जेजा से णं भंते! केवलिपन्नत्तं धम्मं लभेजा सवणयाए १

गोयमा ! अत्थेगइए लमेजा, अत्थेगइए णो लमेजा । जे णं भंते ! केवलिपन्नत्तं धम्मं लमेजा सवणयाए से णं केवलिं बोहिं बुज्झेजा ? गोयमा ! अत्थेगडए बज्झेजा अन्थेगइए णो बुज्झेजा। जे णं भेते! केविल बोहिं बुज्झेजा से णं सहहेजा पत्तिएजा रोएजा ? गोयमा ! सद्दहेजा, पत्तिएजा, रोएजा । जे णं भंते ! सद्दहेजा पत्तिएजा रोएजा से णं आभिणिबोहियनाणस्यनाणाइं उप्पाडेजा १ हंता गोयमा ! उपाडेजा । जे णं भंते ! आभिणिबोहियनाणसुयनाणाई उप्पाडेजा से णं संचाυजा सीलं वा वयं वा गुणं वा वेरमणं वा पचक्खाणं वा पोसहोववासं वा पडिव-जित्तए ? गोयमा ! अत्थेगइए संचाएजा, अत्थेगइए णो संचाएजा । जे णं भंते ! संचाएजा सीलं वा जाव पोसहोववासं वा पडिविज्जित्तए से णं ओहिनाणं उप्पाडेजा? गोयमा ! अत्थेगइए उप्पाडेजा, अत्थेगइए णो उप्पाडेजा । जे णं भंते ! ओहिनाणं उप्पाडेजा से णं संचाएजा मुण्डे भवित्ता आगाराओ अणगारियं पव्वइत्तए? गोयमा ! नो इणड्रे समझे ॥ ५५९ ॥ नेरइए णं भंते ! नेरइएहिंतो अणंतरं उव्ब-हिता मणस्सेस उववजेजा ? गोयमा ! अत्थेगइए उववजेजा, अत्थेगइए णो उववज्रेजा। जे णं भंते! उववज्रेजा से णं केवलिपन्नत्तं धम्मं लभेजा सवणयाए ? गोयमा ! जहा पंचिंदियतिरिक्खजोणिएस जाव जे णं भंते ! ओहिनाणं उप्पाडेजा से णं संचाएजा मुण्डे भवित्ता आगाराओं अणगारियं पव्वइत्तए ? गोयमा ! अत्थे-गइए संचाएजा, अत्थेगइए णो संचाएजा । जे णं भंते ! संचाएजा मुंडे भवित्ता आगाराओ अणगारियं पव्वइत्तए से णं मणपज्जवनाणं उप्पाडेजा ? गोयमा अत्थे-गइए उप्पाडेजा. अत्थेगइए णो उप्पाडेजा । जे णं भंते ! मणपज्जवनाणं उप्पा-डेजा से णं केवलनाणं उप्पाडेजा? गोयमा! अत्थेगइए उप्पाडेजा. अत्थेगइए णो उपाडेजा । जे णं भंते ! केवलनाणं उप्पाडेजा से णं सिज्झेजा वज्झेजा मुचेजा सञ्बदक्खाणं अंतं करेजा ? गोयमा ! सिज्झेजा जाव सञ्बदक्खाणमंतं करेजा । नेरइए णं भंते ! नेरइएहिंतो अणंतरं उव्वहित्ता वाणमंतरजोइसियवेमाणिएस उवव-जेजा ? गोयमा ! नो इणद्रे समद्रे ॥ ५६० ॥ असुरकुमारे णं भंते ! असुरकुमारेहिंतो अणंतरं उव्वष्टिता नेरइएस उववजेजा ? गोयमा! नो इणद्रे समद्रे। असुरकुमारे णं भंते ! असरकमारेहिंतो अणंतरं उव्वहित्ता असरकमारेस उववजेजा? गोयमा ! नो इणद्रे समद्रे। एवं जाव थणियकुमारेस । अस्ररकुमारे णं भंते ! अस्ररकुमारेहिंतो अणं-तरं उव्बहिता पढिविकाइएस उववजेजा ? हन्ता गोयमा ! अत्थेगइए उववजेजा, अत्थेगइए णो उववज्रेजा। जे णं भंते! उववज्रेजा से णं केवलिपन्नत्तं धम्मं लभेजा सवणयाए ? गोयमा ! नो इणद्रे समद्रे । एवं आउवणस्सइसु वि । असुर-

कमारे ण भंते ! असरकमारेहिंतो अणंतरं उव्वहिता तेउवाउवेइंदियतेइंदियचउरि-दिएस उववजेजा ? गोयमा ! नो इणद्रे समद्रे । अवसेसेस पंचस पांचिंदियतिरिक्स-जोणियाइस असरकमारेस जहा नेरइओ, एवं जाव थणियकुमारा ॥ ५६१ ॥ पुढवीकाइए णं भंते! पुढवीकाइएहिंतो अणंतरं उव्वष्टिता नेरइएस उववज्रेजा? गोगमा! नो इणद्रे समद्रे । एवं असुरकुमारेस वि जाव थणियकुमारेस वि । पढवी-काइए णं भंते ! पढवीकाइएहिंतो अणंतरं उन्बहिता पढवीकाइएस उनवजेजा? गोयमा! अत्थेगइए उववजेजा. अत्थेगइए णो उववजेजा। जे णं भंते! उववजेजा से णं केवलिपन्नतं धम्मं लभेजा सवणयाए ? गोयमा ! नो इणद्रे समद्रे । एवं आउकाइयाइस निरंतरं भाणियव्वं जाव चडरिंदिएस । पंचिंदियतिरिक्खजोणियमण-स्सेस जहा नेरहए । वाणमंतरजोइसियवेमाणिएस पिडसेहो । एवं जहा पढवीकाइओ भणिओ तहेव आउक्काइओ वि जाव वणस्सइकाइओ वि भाणियव्यो ॥ ५६२ ॥ तेउ-काइए णं भंते ! तेउकाइएहिंतो अणंतरं उव्वहिता नेरइएस उववज्रेजा ? गोयमा ! नो इणद्रे समद्रे। एवं असुरकुमारेस वि जाव थणियकुमारेस । पढवीकाइयआउ-तेउवाउवणबेइंदियतेइंदियचउरिंदिएस अत्थेगइए उववजेजा. अत्थेगइए णो उवव-जेजा। जे णं भंते! उववजेजा से णं केवलिपन्नत्तं धम्मं लभेजा सवणयाए १ गोयमा ! नो इणद्रे समद्रे । तेउकाइए णं भंते ! तेउकाइएहिंतो अणंतरं उव्विहता पंचिंदियतिरिक्खजोणिएस उववजेजा ? गोयमा ! अत्थेगइए उववजेजा. अत्थेगइए णो उववजेजा। जे · · से णं केवलिपन्नत्तं धम्मं लभेजा सवणयाए १ गोयमा! अत्थेगइए लमेजा, अत्थेगइए णो लमेजा । जे णं भंते ! केवलिपन्नत्तं धम्मं लमेजा सवणयाए से णं केविंठ बोहिं बुज्झेजा ? गोयमा ! णो इणद्वे समद्वे । मणुस्सवाणमंतरजोइ-सियवेमाणिएस पुच्छा । गोयमा ! णो इणद्रे समद्रे । एवं जहेव तेउकाइए निरंतरं एवं वाउकाइए वि ॥ ५६३ ॥ बेइंदिए णं भंते ! बेइंदिएहिंतो अणंतरं उव्बहिता नेरइएस उववजोजा? गोयमा! जहा पढवीकाइया नवरं मणस्सेस जाव मणपजव-नाणं उप्पाडेजा । एवं तेइंदिया चडरिंदिया वि जाव मणपज्जवनाणं उप्पाडेजा । जे णं मणपज्जवनाणं उप्पाडेजा से णं केवलनाणं उप्पाडेजा ? गोयमा ! नो इण्डे समद्दे। पंचिंदियतिरिक्खजोणिए णं भंते! पंचिंदियतिरिक्खजोणिएहिंतो अणंतरं उव्वहिता नेरइएस उववजेजा ? गोयमा! अत्थेगइए उववजेजा. अत्थेगइए णो उववजेजा । जे ''से णं केवलिपन्नत्तं धम्मं लभेजा सवणयाए ? गोयमा ! अत्थेगइए लभेजा, अत्थेगइए णो लभेजा । जे णं केवलिपन्नतं धम्मं लभेजा सवणयाए से णं केविं बोहिं बुज्झेजा ? गोयमा ! अत्थेगइए बुज्झेजा अत्थेगइए णो बुज्झेजा ।

जे णं भंते! केविं बोहिं बुज्झेजा से णं सद्दहेजा पत्तिएजा रोएजा? हंता गोयमा! जाव रोएजा । जे णं भंते ! सद्दहेजा ३ से णं आभिणिबोहियनाणस्यनाणओहि-नाणाइं उप्पाडेजा? हंता गोयमा! जाव उप्पाडेजा। जे णं भंते! आभिणिबोहिय-नाणसयनाणओहिनाणाई उप्पाडेजा से णं संचाएजा सीलं वा जाव पडिवर्जित्तए ? गोयमा ! नो इणद्रे समद्रे । एवं असुरकुमारेस वि जाव थणियकुमारेस । एगिंदिय-विगलिंदिएस जहा पुढवीकाइए । पंचिंदियतिरिक्खजोणिएस मणस्सेस य जहा नेरइए । वाणमंतरजोइसियवेमाणिएसु जहा नेरइएसु उववजेजा पुच्छा भणिया एवं मणस्से वि । वाणमंतरजोइसियवेमाणिए जहा असुरकुमारे ॥ ५६४ ॥ रयणप्पभा-पढवीनेरइए णं भंते ! रयणप्पभापढवीनेरइएहिंतो अणंतरं उव्वहिता तित्थगरत्तं लमेजा ? गोयमा ! अत्थेगइए लमेजा, अत्थेगइए णो लमेजा । से केणद्रेणं भंते ! एवं वचह—'अत्थेगइए लभेजा, अत्थेगइए णो लभेजा'? गोयमा! जस्स णं रयणप्पभापढवीनेरइयस्स तित्थगर्नामगोयाई कम्माई बद्धाई पुद्राई निधत्ताई कडाई पद्मवियाइं निविद्राइं अभिनिविद्राइं अभिसमन्नागयाइं उदिन्नाइं. णो उवसंताइं हवंति. से णं रयणप्पभापुढवीनेरइए रयणप्पभापुढवीनेरइएहिंतो अणंतरं उव्वहित्ता तित्थ-गरत्तं लभेजा, जस्स णं रयणप्पभापुढवीनेरइयस्स तित्थगरनामगोयाइं० णो बद्धाइं जाव णो उदिनाइं. उवसंताइं हवंति, से णं रयणप्पभापुढवीनेरइए रयणप्पभापुढवी-नेरइएहिंतो अणंतरं उन्बहिता तित्थगरत्तं णो लभेजा. से तेणद्रेणं गोयमा! एवं वृच्छ-'अत्थेगइए लभेजा, अत्थेगइए णो लभेजा'। एवं सक्करप्पभा जाव वालुयप्प-भाषुढवीनेरइएहिंतो तित्थगरत्तं लभेजा। पंकप्पभाषुढवीनेरइए णं भंते! पंकप्पभा०-नेरइएहिंतो अणंतरं उन्बिहत्ता तित्थगरत्तं लभेजा ? गोयमा! नो इणद्रे समद्रे. अंतिकारेयं पुण करेजा । धुमप्पभापुढवीनेरइए पुच्छा । गोयमा ! नो इणद्वे समद्वे. सव्वविरइं पुण लभेजा । तमप्पभापुढवी-पुच्छा । नो ''विरयाविरइं पुण लभेजा । अहेसत्तमपुढवी-पुच्छा । गोयमा ! नो इणहे समहे, सम्मत्तं पुण लभेजा । असूर-कुमारस्स पुच्छा । गोयमा ! नो इणद्रे समद्रे, अंतिकिरियं पुण करेजा । एवं निरं-तरं जाव आउकाइए। तेउकाइए णं भंते! तेउकाइएहिंतो अणंतरं उव्वहिता तित्थगरत्तं लभेजा ? गोयमा ! नो इणद्वे समद्रे, केवलिपन्नत्तं धम्मं लभेजा सवण-याए । एवं वाउकाइए वि । वणस्सइकाइए णं पुच्छा । गोयमा ! नो इणद्वे समद्वे, अंतिकरियं पुण करेजा । बेइंदियतेइंदियचउरिंदिए णं पुच्छा । गोयमा ! नो इणहे समहे, मणपज्जवनाणं उप्पाडेजा । पांचिंदियतिरिक्खजोणियमण्सवाणमंतरजोइसिए णं पुच्छा। गोयमा ! नो इणद्रे समद्रे, अंतिकिरियं पुण करेजा। सोहम्मगदेवे णं भंते ! अणंतरं चयं चइता तित्थगरतं लभेजा ? गोयमा ! अत्थेगइए लभेजा. अरथेगइए णो लभेजा, एवं जहा रयणप्पभापुढविनेरइए, एवं जाव सव्वद्वसिद्धगदेवे ॥ ५६५ ॥ रयणप्रभापुढविनेरइए णं भंते! अणंतरं उव्वष्टिता चक्कविष्टतं लभेजा? गोयमा! अत्थेगइए लभेजा, अत्थेगइए नो लभेजा। से केणहेणं भंते! एवं वृच्छ० १ गोयमा ! जहा रयणप्पभापुढविनेरइयस्स तित्थगरत्तं । सक्करप्पभा० नेरइए० अणंतः उव्बहिता चक्कबहितं लभेजा ? गोयमा ! नो इणहे समहे । एवं जाव अहेसत्तमा-पुढविनेरइए । तिरियमणुएहिंतो पुच्छा । गोयमा ! नो इणद्वे समद्रे । भंवणवडवाण-मंतरजोइसियवेमाणिएहिंतो पुच्छा । गोयमा! अत्थेगइए लभेजा, अत्थेगइए णो लमेजा। एवं बलदेवतं पि. नवरं सक्करप्पभापुढविनेरइए वि लमेजा। एवं वासदेवतं दोहिंतो पुढवीहिंतो वेमाणिएहिंतो य अणुत्तरोववाइयवज़ेहिंतो, सेसेसु नो इण्डे समद्रे। मंडलियत्तं अहेसत्तमातेजवाजवजेहिंतो । सेणावइरयणत्तं गाहावइरयणत्तं वहुइरयणतं परोहियरयणतं इत्थिरयणतं च एवं चेव, णवरं अणुत्तरोववाइयवजे-हिंतो। आसरयणत्तं हत्थिरयणत्तं रयणप्पभाओ णिरंतरं जाव सहस्सारो अत्थे-गइए लभेजा. अत्थेगइए णो लभेजा। चक्करयणतं छत्तरयणतं चम्मरयणतं दंडरयणत्तं असिरयणत्तं मणिरयणत्तं कागिणिरयणत्तं एएसि णं असरकुमारेहिंतो आरद्ध निरंतरं जाव ईसाणाओ उववाओ, सेसेहिंतो नो इणद्रे समद्रे॥ ५६६॥ अह भंते ! असंजयभवियदव्वदेवाणं, अविराहियसंजमाणं, विराहियसंजमाणं, अवि-राहियसंजमासंजमाणं, विराहियसंजमासंजमाणं, असण्णीणं, तावसाणं, कंदिप्प-याणं, चरगपरिव्वायगाणं, किव्विसियाणं, तिरिच्छियाणं, आजीवियाणं, आभि-ओगियाणं, सिलंगीणं दंसणवावण्णगाणं देवलोगेसु उववज्जमाणाणं कस्स किंहं उववाओ पण्णत्तो ? गोयमा ! असंजयभवियदव्वदेवाणं जहण्णेणं भवणवासीस. उक्कोसेणं उवरिमगेवेजाएसु; अविराहियसंजमाणं जहन्नेणं सोहम्मे कप्पे. उक्कोसेणं सन्बहुसिद्धे; विराहियसंजमाणं जहन्नेणं भवणवासीस्र, उक्कोसेणं सोहम्मे कप्पे; अवि-राहियसंजमासंजमाणं जहन्नेणं सोहम्मे कप्पे. उक्कोसेणं अच्चए कप्पे: विराहियसंज-मासंजमाणं जहन्नेणं भवणवासीस, उक्कोसेणं जोइसिएस; असन्नीणं जहन्नेणं भवण-वासीस, उक्कोसेणं वाणमंतरेस: तावसाणं जहन्नेणं भवणवासीस, उक्कोसेणं जोइसिएस: कंदिप्पयाणं जहन्नेणं भवणवासीस. उक्कोसेणं सोहम्मे कप्पे: चरगपरिव्वायगाणं जहन्नेणं भवणवासीस, उक्कोसेणं बंभलोए कप्पे: किव्बिसियाणं जहन्नेणं सोहम्मे कप्पे, उक्कोसेणं लंतए कप्पे; तिरिच्छियाणं जहन्नेणं भवणवासीस, उक्कोसेणं सहस्सारे कप्पे; आजीवियाणं जहन्नेणं भवणवासीस, उक्कोसेणं अच्चुए कप्पे; एवं आभिओ- गाण वि, सिलंगीणं दंसणवावण्णगाणं जहन्नेणं भवणवासीस्, उक्कोसेणं उविरम्गेवेज्जएस ॥ ५६० ॥ कहिवेहे णं भंते ! असिण्णयाउए पन्नत्ते ? गोयमा ! चडिविहे
असिण्णयाउए पन्नत्ते । तंजहा—नेरइयअसिण्णयाउए जाव देवअसिण्णयाउए ।
असण्णी णं भंते ! जीवे किं नेरइयाउयं पकरेइ जाव देवाउयं पकरेइ ? गोयमा !
नेरइयाउयं पकरेइ जाव देवाउयं पकरेइ । नेरइयाउं पकरेमाणे जहन्नेणं दस वाससहस्साई, उक्कोसेणं पिलओवमस्स असंखेजइभागं पकरेइ । तिरिक्खजोणियाउयं
पकरेमाणे जहन्नेणं अंतोमुहुत्तं, उक्कोसेणं पिलओवमस्स असंखेजइभागं पकरेइ ।
एवं मणुस्साउयं पि । देवाउयं जहा नेरइयाउयं । एयस्स णं भंते ! नेरइयअसिण्णआउयस्स जाव देवअसिण्णआउयस्स कयरे कयरेहिंतो अप्पा वा ४ ? गोयमा !
सन्वत्थोवे देवअसिण्णआउए, मणूसअसिण्णआउए असंखेजगुणे, तिरिक्खजोणियअसिण्णआउए असंखेजगुणे, नेरइयअसिण्णआउए असंखेजगुणे ॥ ५६८ ॥ पन्नचणाप भगवईप वीसइमं अंतिकिरियापयं समत्तं ॥

विहिसंठाणप्रमाणे पोग्गलचिणणा सरीरसंजोगो । दव्वपएसऽप्पबहं सरीरोगा-हणऽप्पबहं ॥ कइ णं भंते ! सरीरया पन्नता ? गोयमा ! पंच सरीरया पन्नता । नंजहा-ओरालिए १, वेडिव्वए २, आहारए ३, तेयए ४, कम्मए ५।ओरालिय-सरीरे णं भंते ! कइविहे पन्नते ? गोयमा ! पंचविहे पन्नते । तंजहा-एगिंदियओरा-लियसरीरे जाव पंचिदियओरालियसरीरे । एगिंदियओरालियसरीरे णं भंते ! कइ-विहे पन्नते ? गोयमा ! पंचविहे पन्नते । तंजहा-पुढविकाइयएगिंदियओरालिय-सरीरे जाव वणप्भइकाइयएगिंदियओरालियसरीरे । पुढविकाइयएगिंदियओरालिय-सरीरे णं भंते ! कइविहे पन्नते ? गोयमा ! द्विहे पन्नते । तंजहा—सहमप्रद्विका-इयएगिंदियओरालियसरीरे य बायरपुढविकाइयएगिंदियओरालियसरीरे य। सुहम-पुढविकाइयएगिंदियओरालियसरीरे णं भंते! कडविहे पन्नते? गोयमा! दुविहे पन्नते । तंजहा-पज्जतगसुहुमपुढविकाइयएगिंदियओरालियसरीरे य अपज्जत्तगसुहम-पुढविकाइयएगिंदियओरालियसरीरे य । बायर्पुढविकाइया वि एवं चेव, एवं जाव चणस्सङ्काङ्यएगिंदियओरालियसरीरेत्ति । बेइंदियओरालियसरीरे णं भंते ! कड्विहे पन्नते १ गोयमा ! द्विहे पन्नते । तंजहा-पजत्तगबेइंदियओरालियसरीरे य अपज-त्तगबेइंदियओरालियसरीरे य । एवं तेइंदिया चउरिंदिया वि । पंचिंदियओरालिय-सरीरे णं भंते ! कइविहे पन्नते ? गोयमा ! दुविहे पन्नते । तंजहा-तिरिक्ख-जोणियपंचिंदियओरालियसरीरे य मणस्सपंचिंदियओरालियसरीरे य । तिरिक्ख-जोणियपंचिंदियओरालियसरीरे णं भंते! कड़विहे पन्नते? गोयमा! तिविहे ३० सत्ता०

पन्नते । तंजहा--जलयरतिरिक्खजोणियपंचिंदियओरालियसरीरे य थलयरतिरिक्ख-जोणियपंचिदियओरालियसरीरे य खहयरतिरिक्खजोणियपंचिदियओरालियसीरे य । जलयरतिरिक्खजोणियपंचिंदियओरालियसरीरे णं भंते! कड्विहे पन्नते? गोयमा ! दुविहे पन्नते । तंजहा—संमुच्छिमजलयरतिरिक्खजोणियपंचिंदियओरालिय-सरीरे य गब्भवक्षंतियजलयरतिरिक्खजोणियपंचिंदियओरालियसरीरे य । संमक्कि मजलयरतिरिक्खजोणियपंचिंदियओर।लियसरीरे णं भंते ! कइविहे पन्नते ? गोयमा! दुविहे पन्नते । तंजहा--पजत्तगसंमुच्छिमतिरिक्खजोणियपंचिंदियओरालियसरीरे य अपजात्तगसंमुच्छिमतिरिक्खजोणियपंचिंदियओरालियसरीरे य, एवं गब्भवक्वंतिए वि । थलयरतिरिक्खजोणियपंचिंदियओरालियसरीरे णं भंते ! कइविहे पन्नते ? गोयमा ! दुविहे पन्नते । तंजहा-चउप्पयथलयरतिरिक्खजोणियपंचिदियओरालिय-सरीरे य परिसप्पथलयरतिरिक्खजोणियपंचेन्दियओरालियसरीरे य । चउपप्य-थलयरतिरिक्खजोणियपंचिंदियओरालियसरीरे णं भंते! कड़विहे पन्नत्ते ? गोयमा! दुविहे पन्नते । तंजहा—संमुच्छिमचउप्पयथलयरतिरिक्खजोणियपंचेंदियओरालिय-सरीरे य गन्भवकंतियचउप्पयथलसरतिरिक्खजोणियपंचिंदियओरालियसरीरे य । संमु च्छिमचडप्पय • तिरिक्खजोणियपं चिंदियओरालियसरीरे • कड़विहे गोयमा ! दुविहे पन्नते । तंजहा-पजनसंमु व्छिमचउप्पथलयरतिरिक्खजोणिय-पांचिंदियओरालियसरीरे य अपजात्तसंमुच्छिमचउप्पयथलयरतिरिक्खजोणियपंचिंदिय-ओरालियसरीरे य । एवं गब्भवक्वंतिए वि । परिसप्पथलयरतिरिक्खजोणियपंचिंदिय-ओरालियसरीरे णं भंते! कड़विहे पन्नते? गोयमा! दुविहे पन्नते। तंजहा— उरपरिसप्पथलयरतिरिक्खजोणियपंचिंदियओरालियसरीरे य भयपरिसप्पथलयर-तिरिक्खजोणियपंचिंदियओरालियसरीरे य । उरपरिसप्पथलयरितरिक्खजोणियपंचिं-दियओरालियसरीरे णं भंते! ऋइविहे पन्नते? गोयमा! दुविहे पन्नते। तंजहा— संमु च्छिमउरपरिसप्पथलयरतिरिक्खजोणियपंचिंदियओरालियसरीरे कंतियउरपरिसप्पथलयरतिरिक्खजोणियपंचिंदियओरालियसरीरे य। संमुच्छिमे दुविहे पन्नते । तंजहा-अपज्जत्तसंम् च्छिमउरपरिसप्पथलयरतिरिक्खजोणियपंचिंदियओरा-लियसरीरे य पज्जत्तसंमु च्छिमउरपरिसप्पथलयरतिरिक्खजो णियपंचिंदियओरालिय-सरीरे य, एवं गब्भवक्वंतियउरपरिसप्पे चउक्कओ मेओ । एवं भुयपरिसप्पा वि संमुच्छिमगब्भवकंतिया पज्जता अपज्जता य । खहयरा दुविहा पन्नता । तंजहा-संमुच्छिमा य गब्भवक्षंतिया य। संमुच्छिमा दुविहा पन्नता-पज्जता अपज्जता य। गन्भवक्कंतिया वि पज्जता अपज्जता य । मणूसपंचिंदियओरालियसरीरे णं भंते ! कडविहे पन्नते ? गोयमा ! दुविहे पन्नते । तंजहा-संमुच्छिममणूसपंचिंदियओरा-लियसरीरे य गब्भवकंतियमणूसपंचिंदियओरालियसरीरे य। गब्भवकंतियमणूस-वंचिंदियओरालियसरीरे णं भंते ! कड्विहे पन्नत्ते ? गोयमा ! दुविहे पन्नते । तंजहा-पज्जतगगब्भवकंतियमणूसपंचिंदियओरालियसरीरे य अपज्जतगगब्भवकंतियमणूस-र्वाचिदियओरालियसरीरे य ॥ ५६९ ॥ ओरालियसरीरे णं भंते ! किसंठिए पन्नते ? गोयमा ! णाणासंठाणसंठिए पन्नते । एगिंदियओरालियसरीरे० किंसंठिए पन्नते ? गोयमा ! णाणासंठाणसंठिए पन्नते । पुढविकाइयएगिंदियओरालियसरीरे० किसंठिए पन्नते ? गोयमा! मसूरचंदसंठाणसंठिए पन्नते । एवं सहमपुढविका-उयाण वि बायराण वि एवं चेव, पजतापजताण वि एवं चेव, आउक्काइयएगिंदिय-ओरालियसरीरे णं भंते ! किंसंठिए पन्नते ? गोयमा ! श्रिब्रयबिंदुसंठाणसंठिए पन्नते । एवं सहमबायरपज्जतापज्जताण वि । तेउकाइयएगिंदियओरालियसरीरे णं भंते ! किसंठिए पन्नते ? गोयमा ! स्ईकलावसंठाणसंठिए पन्नते । एवं सहुमबायर-पज्जतापज्जताण वि । वाउक्काइयाण वि पडागासंठाणसंठिए, एवं सहमबायरपज्जता-पज्जत्ताण वि । वणप्फइकाइयाणं णाणासंठाणसंठिए पन्नते, एवं सुहमबायरपज्जता-पजाताण वि । बेइंदियओरालियसरीरे णं भंते ! किसंठाणसंठिए पन्नते ? गोयमा ! हंडसंठाणसंठिए पन्नते, एवं पज्जतापज्जताण वि, एवं तेइंदियचउरिंदियाण वि। पंचिंदियतिरिक्खजोणियओरालियसरीरे णं भंते ! किंसंठाणसंठिए पन्नते ? गोयमा ! छिब्दिसंठाणसंठिए पन्नते । तंजहा-समचडरंससंठाणसंठिए वि जाव हंडसंठाणसंठिए वि, एवं पजनापजनाण वि ३। संमुच्छिमतिरिक्खजोणियपंचिंदियओरालियसरीरे णं मंते ! किसंठाणसंठिए पन्नते ? गोयमा ! हुंडसंठाणसंठिए पन्नते, एवं पज्जताप-जाण वि । गब्भवकंतियतिरिक्खजोणियपंचिंदियओरालियसरीरे णं भंते! किंसंठाणसंठिए पन्नते ? गोयमा ! छिव्वहसंठाणसंठिए पन्नते । तंजहा-समचउरंस० जाव हंडसंठाणसंठिए। एवं पज्जत्तापज्जताण वि ३। एवमेए तिरिक्खजोणियाणं ओहियाणं णव आलावगा । जलयरतिरिक्खजोणियपंचिंदियओरालियसरीरे णं भंते ! किसंठाणसंठिए पन्नते ? गोयमा ! छिव्वहसंठाणसंठिए पन्नते । तंजहा-समच-उरंसे जाव हुंडे, एवं पज्जत्तापज्जताण वि । संमुच्छिमजलयरा हुंडसंठाणसंठिया, एएसिं चेव पज्जता अपज्जता वि एवं चेव । गब्भवकंतियजलयरा छिव्वहसंठाण-संठिया, एवं पज्जत्तापज्जताण वि । एवं थलयराण वि णव सुत्ताणि, एवं चउप्पय-थलयराण वि उरपरिसप्पथलयराण वि भुयपरिसप्पथलयराण वि । एवं खहयराण वि णव सुत्ताणि, णवरं सव्वत्थ संमुच्छिमा हुंडसंठाणसंठिया भाणियव्वा, इयरे

छस वि । मण्सपंचिंदियओरालियसरीरे णं भंते ! किसंठाणसंठिए पन्नते १ गोयमा । छिविहसंठाणसंठिए पन्नते । तंजहा-समचउरंसे जाव हुंडे, पजनापजनाण वि एवं चेव, गब्भवक्षंतियाण वि एवं चेव, पजतापजताण वि एवं चेव। संमुच्छिमाणं पुच्छा । गोयमा ! हुंडसंठाणसंठिया पण्णत्ता ॥ ५७० ॥ ओरालियसरीरस्स गं भंते ! केमहालिया सरीरोगाहणा पन्नता ? गोयमा ! जहण्णेणं अंग्रलस्स असंबे-जाइभागं. उक्कोसेणं साइरेगं जोयणसहस्सं । एगिंदियओरालियस्स वि एवं चेव जहा ओहियस्स । पढविकाइयएगिंदियओरालियसरीरस्स णं भंते ! केमहालिया सरीते-गाहणा पन्नता ? गोयमा ! जहन्नेण वि उक्कोसेण वि अंगुलस्स असंखेजाइभागं. एवं अपज्जत्तयाण वि पज्जत्तयाण वि । एवं सहमाणं पज्जतापज्जताणं, बायराणं पज्जता-पजाताण वि । एवं एसी णवओ भेओ जहा पुढविकाइयाणं तहा आउकाइयाण वि तेउकाइयाण वि वाउकाइयाण वि । वणस्सइकाइयओरालियसरीरस्स णं भंते! केमहालिया सरीरोगाहणा पन्नता ? गोयमा ! जहन्नेणं अंगुलस्स असंखेजहभागं. उक्कोसेणं साइरेगं जोयणसहस्सं । अपज्जतगाणं जहन्नेण वि उक्कोसेण वि अंग्रलस असंखेजइभागं. पजत्तगाणं जहन्नेणं अंगुलस्स असंखेजइभागं, उक्कोसेणं साइरेगं जोयणसहस्सं । बायराणं जहन्नेणं अंगुलस्स असंखेजाइमागं, उक्कोसेणं साइरेगं जोयणसहस्सं, पजनाण वि एवं चेव । अपजनाणं जहन्नेण वि उक्कोसेण वि अंगुलस्स असंखेजइभागं । सहमाणं पजत्तापजताण य तिण्ह वि जहनेण वि उक्को-सेण वि अंगुलस्स असंखेजइभागं । बेइंदियओरालियसरीरस्स णं भंते ! केमहालिया सरीरोगाहणा पन्नता ? गोयमा ! जहन्नेणं अंगुलस्स असंखेजइभागं, उक्कोसेणं बारस जोयणाइं । एवं सन्वत्थ वि अपजन्तगाणं अंगुलस्स असंखेजइभागं जहण्णेण वि उक्कोसेण वि । पजन्तगाणं जहेव ओरालियस्स ओहियस्स । एवं तेइंदियाणं तिण्णि गाउयाइं, चडरिंदियाणं चतारि गाउयाइं, पंचिंदियतिरिक्खजोणियाणं उक्को-सेणं जोयणसहस्सं ३, एवं संसुच्छिमाणं ३, गन्भवक्कंतियाण वि ३, एवं चेव णवओ मेओ भाणियव्वो । एवं जलयराण वि जोयणसहस्सं णवओ मेओ, थलय-राण वि णव भेया ९, उक्कोसेणं छ गाउयाई, पज्जतगाण वि एवं चेव, संमुच्छि-माणं पज्जतगाण य उक्कोसेणं गाउयपुहत्तं ३, गब्भवकंतियाणं उक्कोसेणं छ गाउयाई पज्जत्ताण य २, ओहियचउप्पयपज्जत्तगगन्भवक्रंतियपज्जत्तयाण वि उक्कोसेणं छ गाउयाई । संमुच्छिमाणं पजनाण य गाउयपुहुत्तं उक्कोसेणं, एवं उरपरिसप्पाण वि । ओहियगब्भवकंतियपजन्तगाणं जोयणसहस्सं, संमुच्छिमाणं पजनाण य जोयणपुहुत्तं, भुयपरिसप्पाणं ओहियगब्भवक्वंतियाण य उक्कोसेणं गाउयपुहुत्तं,

संमच्छिमाणं धणुपुहुत्तं, खहयराणं ओहियगब्भवक्रंतियाणं संमुच्छिमाण य तिण्ह वि उक्कोसेणं धणुपृहत्तं । इमाओ संगहणीगाहाओ—जोयणसहस्सं छगगाउयाइं तत्तो य जोयणसहस्सं । गाउयपुहुत्त भुयए धणुहपुहुत्तं च पक्खीसु ॥ १ ॥ जोयणसहस्सं गाउयपुहुत्त तत्तो य जोयणपुहुत्तं । दोण्हं तु धणुपुहुत्तं समुच्छिमे होइ उच्चत्तं ॥ २ ॥ मण्सोरालियसरीरस्स णं भंते ! केमहालिया सरीरोगाहणा पन्नता? गोयमा! जहन्नेणं अंगुलस्स असंखेजहभागं. उक्रोसेणं तिण्णि गाउयाई । एवं अपज्जत्ताणं जहन्नेण वि उक्कोसेण वि अंगुलस्स असंखेजइभागं । संसुच्छिमाणं जहन्नेण वि उक्कोसेण वि अंगुरुस्स असंखे-ज्ञडभागं, गब्भवकंतियाणं पज्जताण य जहन्नेणं अंगुलस्स असंखेजङ्भागं, उक्कोसेणं तिण्णि गाउयाई ॥ ५७१ ॥ वेउन्वियसरीरे णं भंते ! कइविहे पन्नते ? गोयमा ! दुविहे पन्नते । तंजहा-एगिंदियवेडव्वियसरीरे य पंचिंदियवेडव्वियसरीरे य । जइ एगिंदियवेउ व्वियसरीरे किं वाउकाइयएगिंदियवेउ व्वियसरीरे. अवाउका-इयएगिंदियवेड व्वियसरीरे ? गोयमा ! वाउकाइयएगिंदियवेड व्वियसरीरे . नो अवा-उक्काइयएगिंदियवेउ व्वियसरीरे । जइ वाउक्काइयएगिंदियवेउ व्वियसरीरे किं सहम-वाउकाइयएगिंदियवेउ व्वियसरीरे, बायरवाउकाइयएगिंदियवेउ व्वियसरीरे ? गोयमा ! नो सहमवाउकाइयएगिंदियवेउवियसरीरे, बायरवाउकाइयएगिंदियवेउवियसरीरे। जइ बायरवाउक्काइयएगिंदियवेउव्वियसरीरे किं पज्जत्तबायरवाउक्काइयएगिंदियवेउ-व्वियसरीरे. अपज्जत्तबायरवाउकाइयएगिंदियवेउवियसरीरे १ गोयमा ! पज्जत-बायरवाउक्काइयएगिंदियवेउवियसरीरे, नो अपज्जत्तबायरवाउक्काइयएगिंदियवेउ-व्वियसरीरे । जइ पंचिंदियवेड व्वियसरीरे किं नेरइयपंचिंदियवेड व्वियसरीरे जाव देवपंचिंदियवेड व्वियसरीरे ? गोयमा ! नेरइयपंचिंदियवेड व्वियसरीरे वि जाव देवपंचिंदियवेड व्वियसरीरे वि । जइ नेरइयपंचिंदियवेड व्वियसरीरे किं रयणप्प-भापुढविनेरइयपंचिंदियवेउवियसरीरे जाव अहेसत्तमापुढविनेरइयपंचिंदियवे-उव्वियसरीरे ? गोयमा ! रयणप्पभापुढविनेरइयपंचिंदियवेडव्वियसरीरे वि जाव अहेसत्तमापुढविनेरइयपंचिंदियवेउविवयसरीरे वि । जइ रयणप्पभापुढविनेरइय-पंचिंदियवेडिवयसरीरे किं पज्जत्तगर्यणप्पभापुढविनेरइयपंचिंदियवेडिवयसरीरे. अपज्जत्तगरयणप्पभापुढविनेरइयपंचिंदियवेड व्वियसरीरे १ गोयमा ! पज्जत्तगरयणप्प-भापुढविनेरइयपंचिंदियवेउविवयसरीरे, अपज्जत्तगरयणप्पभापुढविनेरइयपंचिंदियवेउ-व्वियसरीरे, एवं जाव अहेसत्तमाए दुगओ मेओ भाणियव्वो । जइ तिरिक्ख-जोणियपंचिंदियवेडिवयसरीरे किं संमुच्छिमतिरिक्खजोणियपंचिंदियवेडिवयसरीरे, गञ्भवक्रंतियतिरिक्खजोणियपंचिंदियवेउविवयसरीरे ? गोयमा ! नो संमुच्छिम-तिरिक्तजोणियपंचिंदियवेउव्वियसरीरे. गब्भवक्षंतियतिरिक्तजोणियपंचिंदियवे उब्बियसरीरे । जइ गब्भवकंतियतिरिक्खजोणियपंचिदियवेडिव्ययसरीरे किं संखेज-वासाउयगब्भवकंतिय ॰ पंचिंदिय वेउ व्वियसरीरे, असंखेजवासाउयगब्भवकंतियति।-क्वजोणियपंचिदियवेडव्वियसरीरे १ गोयमा ! संखेजवासाउयगब्भवक्वंतियतिरिक्क-जोणियपंचिंदियवेड विवयसरीरे. नो असंखेजवासाउयगब्भवक्षंतियतिरिक्वजो-णियपंचिंदियवेड व्वियसरीरे । जइ संखेजवासाउयगब्भवकंतियतिरिक्खजोणिय-पंचिदियवेड विवयसरीरे किं पजात्तगसंखेजवासाउयगब्भवकंतियतिरिक्खजोणियपंचि-दियवेउव्वियसरीरे. अपजात्तगसंखेजावासाउयगब्भवकंतियतिरिक्खजोणियपंचिंदिय-वेडिवयसरीरे १ गोयमा! पजनगसंखेजवासाउयगब्भवक्रंतियतिरिक्खजोणिय-पंचिंदियवेड व्वियसरीरे, नो अपजात्तगसंखेजवासाउयगब्भवकंतियतिरिक्खजोणिय-पंचिंदियवेडिव्यसरीरे । जइ संखेजवासाउयगब्भवकंतियतिरिक्खजोणियपंचिंदिय-वेडिवयसरीरे. किं जलयरसंखेजवासाउयगब्भवकंतियतिरिक्खजोणियपंचिंदिय-वेडव्वियसरीरे. थलयरसंखेजवासाउयगब्भवक्वंतियतिरिक्खजोणियपंचिंदियवेडव्वि-यसरीरे, खहयरसंखेजनासाउयगन्भवकंतियतिरिक्खजोणियपंचिंदियवेउव्वियसरीरे ? गोयमा ! जलयरसंखेज्जवासाउयगब्भवक्षंतियतिरिक्खजोणियपंचिंदियवेउव्वियसरीरे वि. थलयरसंखेजवासाउयगब्भवकंतियतिरिक्खजोणियपंचिंदियवेउव्वियसरीरे वि. खहयरसंखेजवासाउयगब्भवकंतियतिरिक्खजोणियपंचिंदियवेउवियसरीरे वि। जड जलगरसंखेजनासाउयगब्भवकंतियतिरिक्खजोणियपंचिंदियवेउव्वियसरीरे कि पज-त्तगजलयरसंखेजज्ञवासाउयगब्भवकंतियतिरिक्खजोणियपंचिंदियवेउव्वियसरीरे. अप-जातगजलयरसंखेजवासाउयगब्भवकंतियतिरिक्खजोणियपंचिंदियवेउव्वियसरीरे ? गोयमा! पजनगजलयरसंखेजवासाउयगञ्भवकंतियतिरिक्खजोणियपंचिंदियवेउ-व्वियसरीरे, नो अपज्जतगजलयरसंखेज्जवासाउयगब्भवकंतियतिरिक्खजोणियपंचिंदिय-वेडिव्वयसरीरे । जइ थलयरतिरिक्खजोणियपंचिंदिय जाव सरीरे किं चडप्पय जाव सरीरे. परिसप्प जाव सरीरे ? गोयमा ! चडप्पय जाव सरीरे वि. परिसप्प जाव सरीरे वि । एवं सन्वेसिं णेयन्वं जाव खहयराणं पज्जताणं, नो अपज्जताणं। जइ मणूसपंचिंदियवेड व्वियसरीरे किं संमुच्छिममणूसपंचिंदियवेड व्वियसरीरे, गब्भवके तियमणूसपंचिंदियवेउ व्वियसरीरे ? गोयमा ! णो संमु च्छिममणूसपंचिंदियवेउ व्वि-यसरीरे, गब्भवक्कंतियमणूसपंचिंदियवेड व्वियसरीरे । जइ गब्भवक्कंतियमणूसपंचिं-दियवेउिवयसरीरे किं कम्मभूमगगब्भवकंतियमणूसपंचिंदियवेउिव्वयसरीरे, अक म्मभमगगब्भवक्वंतियमण्सपंचिंदियवेड व्वियसरीरे, अंतरदीवगगब्भवक्वंतियमण्स-पंचिदियवेड व्वियसरीरे १ गोयमा ! कम्मभूमगगब्भवक्कंतियमण्सपंचिदियवेड व्विय-सरीरे. णो अकम्मभूमगगब्भवकंतियमण्सपंचिंदियवेउव्वियसरीरे, णो अंतरदीव-गगञ्भवक्वंतियमणूसपंचिन्दियवेउ व्वियसरीरे । जइ कम्मभूमगगञ्भवक्वतियमणूस-पंचिद्वियवेडिव्यसरीरे किं संखेजवासाउयकम्मभूमगगब्भवकंतियमणूसपंचिदिय-बेडिव्वयस्रीरे. असंखेजवासाउयकम्मभूमगगब्भवक्षंतियमणूसपंचिदियवेड व्विय-सरीरे ? गोयमा ! संखेजवासाउयकम्मभूमगगब्भवकंतियमणूसपंचिंदियवेउब्विय-सरीरे. नो असंखेजवासाउयकम्मभ्मगगब्भवकंतियमणूसपंचिंदियवेउव्वियसरीरे। जड संखेजवासाउयकम्मभूमगगब्भवकंतियमणूसपंचिंदियवेउ व्वियसरीरे किं पज्जत्त-यसंखेजवासाउयकम्मभूमगमणूसपंचिंदियवेउ विवयसरीरे, अपजात्यसंखेजवासाउय-क्रमभूमगग्ब्भवकंतियमणूसपंचिंदियवेड व्वियसरीरे १ गोयमा ! पज्जत्त्यसंखेजवासा-उयकम्मभूमगगब्भवकंतियमणूसपंचिंदियवेडिव्ययसरीरे, नो अपज्जत्तयसंखेजवासा-उयकम्मभूमगगब्भवक्कंतियमणूसपंचिंदियवेउव्वियसरीरे । जइ देवपंचिंदियवेउव्वि-यसरीरे किं भवणवासिदेवपंचिंदियवेड विवयसरीरे जाव वेमाणियदेवपांचिंदियवेड विव-यसरीरे ? गोयमा ! भवणवासिदेवपंचिंदियवेउ व्वियसरीरे वि जाव वेमाणियदेवपं-चिंदियवेड व्वियसरीरे वि । जइ भवणवासिदेवपंचिंदियवेड व्वियसरीरे किं असुरक्-मारभवणवासिदेवपंचिंदियवेउ विवयसरीरे जाव थणियकुमारभवणवासिदेवपंचिंदियवे-उव्वियसरीरे ? गोयमा ! असुरकुमार० वि जाव थणियकुमारदेवपंचिन्दियवेउ व्विय-सरीरे वि । जइ असरकमारभवणवासिदेवपंचिंदियवेडव्वियसरीरे किं पज्जत्तगअस-रकमारभवणवासिदेवपंचिंदियवेउ विवयसरीरे. अपज्जत्तगअसुरकुमारभवणवासिदेवपं-चिंदियवेउव्वियसरीरे १ गोयमा ! पज्जत्तगअसुरकुमारभवणवासिदेवपंचिंदियवेउव्वि-यसरीरे वि, अपजात्तगअसुरकुमारभवणवासिदेवपांचिंदियवेउ विवयसरीरे वि. एवं जाव थणियकुमाराणं दुगओं भेओ। एवं वाणमंतराणं अद्वविहाणं, जोइसियाणं पंचिवहाणं । वेमाणिया दुविहा--कप्पोवगा कप्पातीता य । कप्पोवगा बारसविहा, तेसिं पि एवं चेव दृहुओ मेओ । कप्पातीता दुविहाए-गेवेज्जगा य अणुत्तरोववाइया य, गेवेज्जगा णवविहा, अणुत्तरोववाइया पंचविहा, एएसिं पज्जतापज्जताभिलावेणं दुगओ मेओ भाणियव्वो ॥ ५७२ ॥ वेउव्वियसरीरे णं भंते ! किंसंठिए पन्नते ? गोयमा ! णाणासंठाणसंठिए पन्नते । वाउकाइयएगिंदियवेउव्वियसरीरे णं भंते ! किंसंठिए पन्नते ? गोयमा ! पडागासंठाणसंठिए पन्नते । नेरइयपंचिंदियवेडव्वियस-रीरे णं भंते! किसंठाणसंठिए पन्नते ? गोयमा! नेरइयपंचिंदियवेडव्वियसरीरे दुविहे पन्नते । तंजहा-भवधारणिजे य उत्तरवेउव्विए य । तत्थ णं जे से भवधा-रणिजे से णं हंडसंठाणसंठिए पन्नते । तत्थ णं जे से उत्तरवेडिविष से वि हंडसंठा-णसंठिए पन्नते । रयणप्पभापुढविनेरइयपंचिंदियवेउ विवयसरीरे णं भंते ! किंसंठाण-संिठण पन्नते ? गोयमा ! रयणप्पभापुढविनेरइयाणं दुविहे सरीरे पन्नते । तंजहा-भवधारणिजे य उत्तरवेडिविए य । तत्थ णं जे से भवधारणिजे से णं हुंडे,० जे से उत्तरवेउव्विए से वि हुंडे । एवं जाव अहेसत्तमापुढविनेरइयवेउव्वियसरीरे । तिरि-क्खजोणियपंचिंदियवेड व्वियसरीरे णं भंते! किंसंठाणसंठिए पन्नते? गोयमा! णाणासंठाणसंठिए पन्नते । एवं जाव जलयरथलयरखहयराण वि । थलयराण वि चडप्पयपरिसप्पाण वि, परिसप्पाण वि उरपरिसप्पभुयपरिसप्पाण वि । एवं मणस्सपं-चिंदियवेउ व्वियसरीरे वि । असरकुमारभवणवासिदेवपंचिंदियवेउ व्वियसरीरे णं भंते ! किसंठाणसंठिए पन्नते ? गोयमा ! असुरकुमाराणं देवाणं दुविहे सरीरे पन्नते । तंजहा-भवधारणिजे य उत्तरवेडिविए य । तत्थ णं जे से भवधारणिजे से णं समचडरंससंठाणसंठिए पन्नते, तत्थ णं जे से उत्तरवेडिव्विए से णं णाणासंठाण-संठिए पन्नते, एवं जाव थणियकुमारदेवपंचिंदियवेड व्वियसरीरे. एवं वाणमंतराण वि, णवरं ओहिया वाणमंतरा पुच्छिजांति, एवं जोइसियाण वि ओहियाणं. एवं सोहम्मे जाव अच्चयदेवसरीरे । गेवेज्जगकप्पातीतवेमाणियदेवपंचिंदियवेउ व्वियसरीरे णं भंते ! किसंठिए पन्नते ? गोयमा ! गेवेजगदेवाणं एगे भवधारणिजे सरीरे. से णं समचउरंससंठाणसंठिए पन्नते, एवं अणुत्तरोववाइयाण वि ॥ ५७३ ॥ वेउव्वियसरीरस्स णं भंते ! केमहालिया सरीरोगाहणा पन्नता ? गोयमा ! जहन्नेणं अंगुलस्स असंखेज्जइभागं, उक्कोसेणं साइरेगं जोयणसयसहस्सं । वाउक्काइयएगिंदि-यवेडिव्वयसरीरस्स णं भंते ! केमहालिया सरीरोगाहणा पन्नता ? गोयमा ! जहन्नेणं अंगुलस्स असंखेजइभागं, उक्कोसेण वि अंगुलस्स असंखेजइभागं । नेरइयपंचिंदिय-वेउव्वियसरीरस्स णं भंते ! केमहालिया सरीरोगाहणा पन्नत्ता ? गोयमा ! दुविहा पन्नत्ता । तंजहा-भवधारणिजा य उत्तरवेउव्विया य । तत्थ णं जा सा भवधारणिजाः सा जहन्नेणं अंगुलस्त असंखेजइभागं, उक्कोसेणं पंचधणुसयाई । तत्थ णं जा सा उत्तरवेउ व्विया सा जहन्नेणं अंगुलस्स संखेजइभागं, उक्कोसेणं धणुसहस्सं । रयणप्प-भापडविनेरइयाणं भंते ! केमहालिया सरीरोगाहणा पन्नता ? गोयमा ! दुविहा पन्नता । तंजहा-भवधारणिज्ञा य उत्तरवेउव्विया य । तत्थ णं जा सा भवधारणिज्ञा सा जहन्नेणं अंगुलस्स असंखेजइभागं, उक्कोसेणं सत्त धणूई तिण्णि रयणीओ छच अंगुलाई । तत्थ णं जा सा उत्तरवेउ व्विया सा जहन्नेणं अंगुलस्स संखेजाइमागं,

उक्रोसेणं पण्णरस धणूइं अङ्गाइजाओ रयणीओ । सक्करप्पभाए पुच्छा । गोयमा ! जाव तत्थ णं जा सा भवधारणिजा सा जहन्नेणं अंगुलस्स असंखेजइभागं, उक्कोसेणं पण्णरस धण्डं अन्नाइजाओ रयणीओ । तत्थ णं जा सा उत्तरवेडव्विया सा जहन्नेणं अंगुलस्स संखेजइभागं, उक्कोसेणं एकतीसं धण्डं एका य रयणी । वालयप्पभाए भवधारणिज्जा एकतीसं धणुई एका रयणी, उत्तरवेउव्विया बासिट्सं धणुई दो रय-णीओ । पंकप्पभाए भवधारणिजा बासिट्टं धणूइं दो रयणीओ, उत्तरवेउव्विया पणवीसं धणुसयं । धुमप्पभाए भवधारणिजा पणवीसं धणुसयं, उत्तरवेडिव्वया अङ्गाइजाइं घणुसयाइं । तमाए भवधारणिजा अङ्गाइजाइं घणुसयाइं, उत्तरवेउव्विया पंच धणुसयाई । अहेसत्तमाए भवधारणिजा पंच धणुसयाई. उत्तरवेडिवया धणु-सहस्सं एवं उक्कोसेणं । जहन्नेणं भवधारणिजा अंग्रलस्स असंखेजहभागं, उत्तर-वेउव्विया अंग्रलस्स संखेजइभागं । तिरिक्खजोणियपंचिंदियवेउव्वियसरीरस्स णैं भंते ! केमहालिया सरीरोगाहणा पन्नता ? गोयमा ! जहन्नेणं अंगुलस्स संखेजाइ-भागं, उक्कोसेणं जोयणसयपुहुत्तं । मणुस्सपंचिंदियवेउव्वियसरीरस्स णं भंते ! केम-हालिया सरीरोगाहणा पन्नता ? गोयमा ! जहन्नेणं अंगुलस्स संखेजहभागं, उक्कोसेणं साइरेगं जोयणसयसहस्सं । असुरक्तमारभवणवासिदेवपंचिंदियवेड व्वियसरीरस्स णं भंते ! केमहालिया सरीरोगाहणा पन्नता ? गोयमा ! असुरकुमाराणं देवाणं दुविहा सरीरोगाहणा पन्नता । तंजहा-भवधारणिजा य उत्तरवेउ व्विया य । तत्थ णं जा सा भवधारणिजा सा जहन्नेणं अंगुलस्स असंखेजङभागं, उक्कोसेणं सत्त रयणीओ । तत्थ णं जा सा उत्तरवेउविवया सा जहन्नेणं अंगुलस्स संखेजङ्गागं, उक्कोसेणं जोयणसयसहस्सं। एवं जाव थणियकुमाराणं, एवं ओहियाणं वाणमंतराणं एवं जोइसियाण वि, सोहम्मीसा-णदेवाणं एवं चेव, उत्तरवेउ व्विया जाव अचुओ कप्पो, णवरं सणंकुमारे भवधार-णिजा जहन्नेणं अंगुलस्स असंखेजहभागं, उक्कोसेणं छ रयणीओ । एवं माहिंदे वि. बंभलोयलंतरोसु पंच रयणीओ. महासुक्कसहस्सारेसु चत्तारि रयणीओ, आणयपाणय-आरणच्चएस तिण्णि रयणीओ । गेविज्जगकप्पातीतवेमाणियदेवपंचिंदियवेउ व्वियसरी-रस्स णं भंते ! केमहालिया सरीरोगाहणा पन्नता ? गोयमा ! गेवेजगदेवाणं एगा भवधारणिजा सरीरोगाहणा पन्नता । सा जहन्नेणं अंगुलस्स असंखेजाइभागं, उक्कोसेणं दो रयणी । एवं अणुत्तरोववाइयदेवाण वि, णवरं एका रयणी ॥ ५०४ ॥ आहारगसरीरे णं भंते ! कइविहे पन्नते ? गोयमा ! एगागारे पन्नते । जइ एगागारे प० किं मणूसआहारगसरीरे, अमणूसआहारगसरीरे ? गोयमा ! मणूसआहारगसरीरे. नो अमणुसआहारगसरीरे । जइ मणुसआहारगसरीरे किं संमुच्छिममणूसआहारग--

सरीरे, गब्भवकंतियमणूसआहारगसरीरे ? गोयमा ! नो संमुच्छिममणूसआहारग-सरीरे, गञ्भवकंतियमणूसआहारगसरीरे । जइ गञ्भवकंतियमणूसआहारगसरीरे किं कम्मभूमगगब्भवक्कंतियमणूसआहारगसरीरे, अकम्मभूमगगब्भवक्कंतियमणूसआहारग-सरीरे, अंतरदीवगगञ्भवक्वंतियमणूसआहारगसरीरे १ गोयमा! कम्मभूमगगञ्भवक्वं-तिय०, नो अक्रम्मभूमगगब्भवक्कंतिय०, नो अंतरदीवगगब्भवक्कंतियमणूसआहारग-सरीरे । जइ कम्मभूमगगञ्भवकंतियमणूसआहारगसरीरे किं संखेजनासाउयकम्म-भूमगगन्भवक्कंतियमणूसआहारगसरीरे, असंखेजवासाउयकम्मभूमगगन्भवकंतियमणू-सआहारगसरीरे ? गोयमा ! संखेजजासाउयकम्मभूमगगब्भवकंतियमणूसआहारग-सरीरे, नो असंखेजवासाउयकम्मभूमगगब्भवक्कंतियमणूसआहारगसरीरे । जइ संखेजवासाउयकम्मभूमगगब्भवक्वंतियमणूसआहारगसरीरे किं पजनसंखेजवासा-उयकम्मभूमगग्ब्भवक्षंतियमणूसआहारगसरीरे, अपजत्तसंखेजवासाउयकम्मभूमग-गब्भवकंतियमणूसआहारगसरीरे ? गोयमा ! पजत्तसंखेजनासाउयकम्मभूमगगब्भ-वकंतियमणूसआहारगसरीरे, नो अपज्जतसंखेजवासाउयकम्मभूमगगब्भवक्कंतिय-मणूसआहारगसरीरे । जङ् पज्जत्तसंखेज्जवासाउयकम्मभूमगगब्भवक्कंतियमणूसआहार-गसरीरे किं सम्मिद्दिद्वीपज्जत्तसंखेज्जवासाउयकम्मभूमगगब्भवक्कंतियमणूसआहारग-सरीरे, मिच्छिद्दिवीपज्जत्तसंखेज्जवासाउयकम्मभूमगगब्भवकंतियमणूसआहारगसरीरे. सम्मामिच्छिद्द्वीपजनसंखेजवासाउयक्रमभूमगगब्भवक्षंतियमणूसआहारगसरीरे गोयमा! सम्मदिद्वीपज्तत्तसंखेजवासाउयकम्मभूमगगञ्भवक्रंतियमणूसआहारगसरीरे, नो मिच्छिद्दिडीपज्जत्त॰, नो सम्मामिच्छिद्दिडीपज्जत्तसंखेज्जवासाउयकम्मभूमगग०भव-क्वंतियमणूसआहारगसरीरे । जइ सम्मिहिट्टीपजत्तसंखेजवासाउयकम्मभूमगगञ्भवक्वं-तियमणूसआहारगसरीरे किं संजयसम्मिहिद्वीपज्जतसंखेजवासाउयकम्मभूमगगञ्भव-क्वंतियमणूसआहारगसरीरे, असंजयसम्मद्दिष्टीपज्जत्तसंखेज्जवासाउयकम्मभूमगगब्भ-वक्कंतियमणूसआहारगसरीरे, संजयासंजयसम्मिद्दिशीपज्जतसंखेज्जवासाउयकम्मभूमग-गब्भवक्कंतियमण्सआहारगसरीरे ? गोयमा! संजयसम्मिहिद्वीपज्जत्तसंखेजवासाउय-कम्मभूमगगब्भवकंतियमणूसआहारगसरीरे, नो असंजयसम्मिहद्वीपज्जत्तसंखेजवा-साउयकम्मभूमगगन्भवकंतियमणूसआहारगसरीरे, नो संजयासंजयसम्मिहद्वीपज्जत्त०-आहारगसरीरे । जइ संजयसम्मिह्द्वीपज्जत्तसंखेजवासाउयकम्मभूमगगब्भवकंतियम-णूसआहारगसरीरे किं पमत्तसंजयसम्मिद्दृडी०संखेजवासाउयकम्मभूमगगब्भवकेति-यमणूसआहारगसरीरे, अपमत्तसंजयसम्मिद्दृही०संखेजवासाउयकम्मभूमगगब्भवकं-तियमणूसआहारगसरीरे ? गोयमा ! पमत्तसंजयसम्मिहद्वीपज्जतसंखेज्जवासाउयकम्म-

भूमगगब्भवकंतियमणुसआहारगसरीरे, नो अपमत्तसंजयसम्मिद्दिर्द्राव्कम्मभूमगगब्भ-वक्रंतियमणूसआहारगसरीरे। जइ पमत्तसंजयसम्महिद्री०संखेजवासाउयकम्मभूमग०-मणूसआहारगसरीरे किं इड्रिपत्तपमत्तसंजयसम्मिहद्वी ० कम्मभूमगसंखेजवासाउयग-ब्भवकंतियमणूसआहारगसरीरे, अणिड्टिपत्तपमत्तसंजय०कम्मभूमगसंखेजवासाउय-गब्भवकंतिय०आहारगसरीरे ? गोयमा ! इड्डिपत्तपमत्तसंजयसम्महिद्री०संखेजवासा-उयकम्मभूमगगब्भवकंतियमणुसआहारगसरीरे नो अणिड्विपत्तपमत्तसंजयसम्म हिट्टी ०-संखेजवासाउयकम्मभूमगगब्भवकंतियमणूसआहारगसरीरे । आहारगसरीरे णं भंते ! किसंठिए पन्नते ? गोयमा ! समचडरंससंठाणसंठिए पन्नते । आहारगसरीरस्स णं भंते ! केमहालिया सरीरोगाहणा पन्नता ? गोयमा ! जहन्नेणं देसूणा रयणी, उक्कोसेणं पडिपुण्णा रयणी ॥५०५॥ तेयगसरीरे णं भंते ! कइविहे पन्नते ? गोयमा ! पंचिवहे पन्नते । तंजहा—एगिंदियतेयगसरीरे जाव पांचिंदियतेयगसरीरे । एगिंदिय-तेयगसरीरे णं भंते ! कइविहे पन्नते ? गोयमा ! पंचविहे पन्नते । तंजहा-पुढवि-काइय० जाव वणस्सइकाइयएगिंदियतेयगसरीरे । एवं जहा ओरालियसरीरस्स भेओ भणिओ तहा तेयगस्य वि जाव चडरिंदियाणं । पांचेंदियतेयगसरीरे णं भंते ! कड़विहे पन्नते ? गोयमा ! चडव्विहे पन्नते । तंजहा-नेरइयतेयगसरीरे जाव देवतेयगसरीरे, नेरइयाणं दुगओ भेओ भाणियव्वो जहा वेउव्वियसरीरे । पंचिंदियतिरिक्खजोणियाणं मण्साण य जहा ओरालियसरीरे भेओ भणिओ तहा भाणियन्वो। देवाणं जहा वेउव्वियसरीरमेओ भणिओ तहा भाणियव्वो जाव सव्वद्रसिद्धदेवति । तेयगसरीरे णं भंते ! किसंठिए पन्नते ? गोयमा ! णाणासंठाणसंठिए पन्नते । एगिंदियतेयग-सरीरे णं भंते ! किंसंठिए पन्नते ? गोयमा णाणासंठाणसंठिए पन्नते । पुढविकाइय-एगिंदियतेयगसरीरे णं भंते ! किंसंठिए पन्नते ? गोयमा ! मसरचंदसंठाणसंठिए पन्नते, एवं ओरालियसंठाणाणुसारेण भाणियव्वं जाव चडिरंदियाण वि । नेरङ्याणं भंते ! तेयगसरीरे किंसंठिए पन्नते ? गोयमा ! जहा वेड व्वियसरीरे । पंचिंदियति-रिक्खजोणियाणं मणूसाणं जहा एएसिं चेव ओरालियत्ति । देवाणं भंते ! तेयगसरीरे किंसंठिए पन्नते ? गोयमा ! जहा वेउ व्वियस्स जाव अणुत्तरोववाइयत्ति ॥ ५७६ ॥ जीवस्स णं भंते! मारणंतियसमुग्घाएणं समोहयस्स तेयासरीरस्स केमहालिया सरीरोगाहणा पन्नता ? गोथमा ! सरीरप्पमाणमेत्ता विकखंभबाहहेणं. आयामेणं जहन्नेणं अंगुलस्स असंखेजाइभागं, उक्कोसेणं लोगंताओ लोगंते । एगिंदियस्स णं भंते ! मारणंतियसमुग्वाएणं समोहयस्य तेयासरीरस्य केमहालिया सरीरोगाहणा पन्नता ? गोयमा ! एवं चेव जाव पढवि० आउ० तेउ० वाउ० वणप्फडकाइयस्स । बेइंदियस्स

णं भंते! मारणंतियसमुग्घाएणं समोहयस्स तेयासरीरस्स केमहालिया सरीरोगाहणा पन्नता ? गोयमा ! सरीरप्पमाणमेत्ता विक्खंभबाहहेणं, आयामेणं जहन्नेणं अंग-लम्स असंखेजहभागं, उक्कोसेणं तिरियलोगाओ लोगंते । एवं जाव चउरिंदियस्स । नेरइयस्स णं भंते ! मारणंतियससुग्घाएणं समोहयस्स तेयासरीरस्स केमहालिया सरीरोगाहणा प० ? गोयमा ! सरीरप्पमाणमेत्ता विक्खंभबाहल्लेणं, आयामेणं जहन्नेणं सोइरेगं जोयणसहस्सं अहे, उक्कोसेणं जाव अहेसत्तमा पुढवी, तिरियं जाव सयंभरमणे समुद्दे, उष्ट्रं जाव पंडगवणे पुक्खरिणीओ । पंचिंदियतिरिक्खजोणियस्स णं भंते ! मारणंतियसमुग्चाएणं समोहयस्य तेयासरीरस्य केमहालिया सरीरोगा-हणा० १ गोयमा ! जहा बेइंदियसरीरस्स । मण्स्सस्स णं भंते ! मारणंतियसमुग्धा-एणं समोहयस्स तेयासरीरस्स केमहालिया सरीरोगाहणा० ? गोयमा! समयखेताओः लोगंतो । असुरक्षमारस्स णं भंते ! मार्गंतियसमुग्चाएणं समोहयस्स तेयासरीरस्स केमहालिया सरीरोगाहणा० ? गोयमा! सरीरप्पमाणमेत्ता विक्खंभबाहक्षेणं. आयामेणं जहन्नेणं अंग्रलस्स असंखेज्जइभागं, उक्कोसेणं अहे जाव तचाइ पुढवीए हिट्टिले चरमंते, तिरियं जाव सयंभरमणसम्बद्धस बाहिरिल्ले वेइयंते, उड्डं जाव ईसिप्पब्भारा पुढवी, एवं जाव थणियकुमारतेयगसरीरस्स । वाणमंतरजोइसियसोहम्मीसाणगा य एवं चेव । सणंकुमारदेवस्स णं भंते ! मारणंतियसमुग्घाएणं समोहयस्स तेयासरीरस्स केमहालिया सरीरोगाहणा० ? गोयमा! सरीरप्पमाणमेत्ता विक्खंभबाहल्लेणं, आयामेणं जहन्नेणं अंगुलस्स असंखेजइभागं, उक्कोसेणं अहे जाव महापायालाणं दोचे तिभागे.. तिरियं जाव सयंभुरमणे समुद्दे, उड्ढं जाव अज्ञुओ कप्पो। एवं जाव सहस्सारदेवस्स। आणयदेवस्स णं भंते ! मार्गितियसमुख्याएणं समोहयस्स तेयासरीरस्स केमहालिया सरीरोगाहणा० ? गोयमा ! सरीरप्पमाणमेत्ता विक्खंभबाहहेणं. आयामेणं जहन्नेणं अंगुलस्स असंखेजइभागं, उक्कोसेणं जाव अहोलोइयगामा, तिरियं जाव मणूसखेत्तं, उङ्कं जाव अचुओ कप्पो, एवं जाव आरणदेवस्स । अच्चयदेवस्स एवं चेव, णवरं उड्हं जाव सयाई विमाणाई । गेविज्जगदेवस्स णं भंते ! मारणंतियसमुग्वाएणं समोहयस्स तेयग-सरीरस्स केमहालिया सरीरोगाहणा० ? गोयमा! सरीरप्पमाणमेत्ता विक्खंभबाहल्लेणं, आयामेणं जहन्नेणं विजाहरसेढीओ, उन्होसेणं जाव अहोलोइयगामा, तिरियं जाव मणूसखेत्ते, उड्ढं जाव सगाइं विमाणाइं, अणुत्तरोववाइयस्स वि एवं चेव। कम्मगस्रीरे णं भंते ! कहविहे पन्नते ? गोयमा ! पंचिवहे पन्नते । तंजहा-एगिंदियकम्मगसरीरे जाव पांचिंदियकम्मगसरीरे य । एवं जहेव तेयगसरीरस्स मेओ संठाणं ओगाहणा य भणिया तहेव निरवसेसं भाणियव्वं जाव अणुत्तरोववाइयत्ति ॥ ५७७ ॥

ओरालियसरीरस्स णं भंते! कइदिसिं पोग्गला चिक्जंति ? गोयमा! निव्वाघाएणं छिहिसिं, वाघायं पडुच सिय तिदिसिं, सिय चडिहिसं, सिय पंचदिसिं। वेडिव्वय-सरीरस्स णं भंते ! कहदिसिं पोग्गला चिज्ञंति ? गोयमा ! णियमा छिद्दिसं । एवं आहारगसरीरस्स वि, तेयाकम्मगाणं जहा ओरालियसरीरस्स । ओरालियसरीरस्स णं भंते ! कइदिसिं पोग्गला उवचिजांति ? गोयमा ! एवं चेव जाव कम्मगसरीरस्स एवं उवचिजंति, अवचिजंति ॥ ५७८ ॥ जस्स णं भंते ! ओरालियसरीरं तस्स वेउ व्वियसरीरं, जस्स वेउ व्वियसरीरं तस्स ओरालियसरीरं ? गोयमा! जस्स ओरालियसरीरं तस्स वेडिव्वयसरीरं सिय अत्थि सिय नित्थि. जस्स वेडिव्वयसरीरं तस्स ओरालियसरीरं सिय अत्थि सिय निथ । जस्स णं भंते ! ओरालियसरीरं तस्स आहारगसरीरं, जस्स आहारगसरीरं तस्स ओरालियसरीरं ? गोयमा ! जस्स ओरालियसरीरं तस्स आहारगसरीरं सिय अस्थि सिय नित्थ, जस्स पुण आहारग-सरीरं तस्स ओरालियसरीरं णियमा अत्थि । जस्स णं भंते ! ओरालियसरीरं तस्स त्रेयगसरीरं, जस्स तेयगसरीरं तस्स ओरालियसरीरं ? गोयमा ! जस्स ओरालिय-सरीरं तस्स तेयगसरीरं णियमा अत्थि, जस्स पुण तेयगसरीरं तस्स ओरालिय-सरीरं सिय अत्थि सिय णत्थि, एवं कम्मगसरीरं पि। जस्स णं भंते ! वेडिव्वय-सरीरं तस्स आहारगसरीरं, जस्स आहारगसरीरं तस्स वेउव्वियसरीरं ? गोयमा ! जस्स वेडव्वियसरीरं तस्स आहारगसरीरं णित्थ, जस्स वि आहारगसरीरं तस्स वि वेउव्वियसरीरं णित्थ । तेयाकम्माइं जहा ओरालिएण समं तहेव आहारगसरीरेण वि समं तेयाकम्मगाइं चारेयव्वाणि । जस्स णं भंते ! तेयगसरीरं तस्स कम्मग-सरीरं, जस्स कम्मगसरीरं तस्स तेयगसरीरं? गोयमा! जस्स तेयगसरीरं तस्स कम्मगसरीरं णियमा अत्थि. जस्स वि कम्मगसरीरं तस्स वि तेयगसरीरं णियमा अत्थि ॥ ५७९ ॥ एएसि णं भंते ! ओरालियवेडन्त्रियआहारगतेयगकम्मगसरीराणं दब्बद्रयाए पएसद्रयाए दब्बद्रपएसद्रयाए कयरे कयरेहितो अप्पा वा ४ १ गोयमा ! सन्वत्थोवा आहारगसरीरा दन्वद्रयाए, वेउन्वियसरीरा दन्वद्रयाए असंखेजगुणा. ओरालियसरीरा दन्वह्रयाए असंखेजगुणा, तेयाकम्मगसरीरा दोवि तुल्ला दन्वह्रयाए अणंतगुणा । पएसद्रयाए-सन्बत्थोवा आहारगसरीरा पएसद्रयाए. वेउन्वियसरीरा पएसद्वयाए असंखेजगुणा, ओरालियसरीरा पएसद्वयाए असंखेजगुणा, तेयगसरीरा पएसहयाए अणंतगुणा, कम्मगसरीरा पएसहयाए अणंतगुणा । दव्वद्वपएसहयाए-सन्वत्थोवा आहारगसरीरा दन्वह्रयाए, वेडन्वियसरीरा दन्वह्रयाए असंखेजगुणा, ओरालियसरीरा दव्बद्वयाए असंखेजगुणा, ओरालियसरीरेहिंतो दव्बद्वयाएहिंतो आहा- 208

रगसरीरा प्रसद्भ्याए अणंत्गुणा, वेडिव्वयसरीरा प्रसद्भ्याए असंखेजगुणा, ओरा-लियसरीरा पएसद्रयाए असंखेजगुणा, तेयाकम्मा दोवि तुल्ला दव्वह्रयाए अणंतगुणा. तेयगसरीरा पएसद्वयाए अणंतगुणा, कम्मगसरीरा पएसद्वयाए अणंतगुणा ॥५८०॥ एएसि णं भंते! ओरालियवेउव्वियआहारगतेयगकम्मगसरीराणं जहाण्णियाए ओगा-हणाए उक्कोसियाए ओगाहणाए जहण्णक्कोसियाए ओगाहणाए कयरे कयरेहिंतो अप्पा वा ४ १ गोयमा ! सव्बत्थोवा ओरालियसरीरस्स जहण्णिया ओगाहणा, तेया-कम्मगाणं दोण्ह वि तुल्ला जहण्णिया ओगाहणा विसेसाहिया, वेउन्वियसरीरस्स जह-ण्णिया ओगाहणा असंखेजगुणा, आहारगसरीरस्स जहण्णिया ओगाहणा असंखेज-गुणा । उक्कोसियाए ओगाहणाए-सव्वत्थोवा आहारगसरीरस्स उक्कोसिया ओगाहणा. ओरालियसरीरस्स डक्कोसिया ओगाहणा संखेजगुणा. वेडिव्वियसरीरस्स उक्कोसिया ओगाहणा संखेजगुणा, तेयाकम्मगाणं दोण्ह वि तुल्ला उक्कोसिया ओगाहणा असंखेज-गुणा । जहण्णुकोसियाए ओगाहणाए-सन्वत्थोवा ओरालियसरीरस्स जहण्णिया ओगाहणा, तेयाकम्माणं दोण्ह वि तुल्ला जहण्णिया ओगाहणा विसेसाहिया, वेउव्विय-सरीरस जहाणिया ओगाहणा असंखेजगुणा. आहारगसरीरस्स जहाणिया ओगा-हणा असंखेजगुणा, आहारगसरीरस्स जहण्णियाहिंतो ओगाहणाहिंतो तस्स चेव उक्कोसिया ओगाहणा विसेसाहिया, ओरालियसरीरस्स उक्कोसिया ओगाहणा संखेज-गुणा, वेडव्वियसरीरस्स उक्कोसिया ओगाहणा संखेजगुणा, तेयाकम्मगाणं दोण्ह वि तुह्रा उक्कोसिया ओगाहणा असंखेजगुणा ॥ ५८१ ॥ पन्नवणाए भगवईए एगवीसइमं ओगाहणासंठाणपयं समत्तं ॥

कइ णं भंते ! किरियाओ पण्णत्ताओ ? गोयमा ! पंच किरियाओ पण्णत्ताओ । तंजहा—काइया १, अहिगरणिया २, पाओसिया ३, पारियावणिया ४, पाणाइवाय-किरिया ५ । काइया णं भंते ! किरिया कइविहा पन्नता ? गोयमा ! दुविहा पन्नता । तंजहा—अणुवरयकाइया य दुप्पउत्तकाइया य । अहिगरणिया णं भंते ! किरिया कइविहा पन्नता ? गोयमा ! दुविहा पन्नता । तंजहा—संजोयणाहिगरणिया य । विवत्तणाहिगरणिया य । पाओसिया णं भंते ! किरिया कइविहा पन्नता ? गोयमा ! तिविहा पन्नता । तंजहा—जेणं अप्पणो वा परस्स वा तदुभयस्स वा असुभं मणं संपधारेइ, सेतं-पाओसिया किरिया । पारियावणिया णं भंते ! किरिया कइविहा पन्नता ? गोयमा ! तिविहा पन्नता । तंजहा—जेणं अप्पणो वा परस्स वा तदुभयस्स वा अस्सायं वेयणं उदीरेइ, सेतं पारियावणिया किरिया । पाणाइवायिकरिया णं भंते ! कइविहा पन्नता ? गोयमा ! तिविहा पन्नता । तंजहा—जेणं अप्पणो वा परं वा तदुभयं वा जीवियाओ

ववरोवेइ, सेत्तं पाणाइवायकिरिया ॥ ५८२ ॥ जीवा णं भेते ! किं सिकरिया अकिरिया? गोयमा! जीवा सकिरिया वि अकिरिया वि। से केणड्रेणं भंते! एवं व्रचइ-'जीवा सिकरिया वि अकिरिया वि'? गोयमा ! जीवा दुविहा पन्नता । तंजहा-संसारस-मावण्णगा य असंसारसमावण्णगा य । तत्थ णं जे ते असंसारसमावण्णगा ते णं सिद्धा, सिद्धा णं अकिरिया। तत्थ णं जे ते संसारसमावण्णगा ते दुविहा पन्नता। तंजहा-सेलेसिपडिवण्णगा य असेलेसिपडिवण्णगा य । तत्थ णं जे ते सेलेसिपडिवण्णगा ते णं अकिरिया. तत्थ णं जे ते असेलेसिपडिवण्णगा ते णं सिकरिया. से तेणद्रेणं गोयमा! एवं वृच्छ-'जीवा सिकरिया वि अकिरिया वि' ॥ ५८३ ॥ अस्थि णं भंते ! जीवाणं पाणाइवाएणं किरिया कजाइ ? हंता गोयमा ! अत्थ । किम्ह णं भंते ! जीवाणं पाणा-इवाएणं किरिया कजाइ ? गोयमा ! छस जीवनिकाएस । अत्थि णं भंते ! नेरइयाणं पाणाइवाएणं किरिया कजाइ ? गोयमा ! एवं चेव । एवं निरंतरं जाव वेमाणियाणं । अत्थि णं भंते ! जीवाणं मुसावाएणं किरिया कजाइ ? हंता ! अत्थि । किम्ह णं भंते ! जीवाणं मुसावाएणं किरिया कजाइ ? गोयमा ! सन्वदन्वेसु, एवं निरंतरं नेरइयाणं जाव वेमाणियाणं । अत्थि णं भंते ! जीवाणं अदिन्नादाणेणं किरिया कजड ? हंता ! अत्थि । किन्ह णं भंते ! जीवाणं अदिचादाणेणं किरिया कजड ? गोयमा! गहणधारणिजेसु दव्वेसु, एवं नेरझ्याणं निरंतरं जाव वेमाणियाणं। अत्थि णं भंते ! जीवाणं मेहणेणं किरिया कजाइ ? हंता! अत्थि । किम्हं णं भंते ! जीवाणं मेहणेणं किरिया कजइ ? गोयमा! रूवेसु वा रूवसहगएसु वा द्व्वेसु, एवं नेरइयाणं निरंतरं जाव वेमाणियाणं । अत्थि णं भंते ! जीवाणं परिग्गहेणं किरिया कजाइ ? हंता ! अत्थि । किम्हं णं भंते ! जीवाणं परिग्गहेणं किरिया कजाइ ? गोयमा ! सन्वदन्वेस एवं नेरइयाणं जाव वेमाणियाणं । एवं कोहेणं माणेणं मायाए लोभेणं पेज्जेणं दोसेणं कलहेणं अञ्भक्खाणेणं पेसुन्नेणं परपरिवाएणं अरइरईए मायामोसेणं मिच्छादंसणसङ्केणं । सन्वेस जीवनेरइयभेएणं भाणियन्वा निरंतरं जाव वेमाणियाणं ति, एवं अद्वारस एए दंडगा १८॥ ५८४॥ जीवे णं भंते ! पाणाइवाएणं कइ कम्मपगडीओ बंधइ ? गोयमा ! सत्तविहबंधए वा अद्भविहबंधए वा । एवं नेरइए जाव निरंतरं वेमाणिए । जीवा णं भंते ! पाणाइवाएणं कइ कम्मपगडीओ बंधंति १ गोयमा ! सत्तविहबंधगा वि अद्वविहबंधगा वि । नेरइया णं भंते ! पाणाइवाएणं कइ कम्मपगडीओ बंधंति ? गोयमा ! सब्वे वि ताव होजा सत्तविहबंधगा. अहवा सत्तविहबंधगा य अद्रविहबंधए य. अहवा सत्तविहबंधगा य अट्रविहबंधगा य । एवं असरकुमारा वि जाव थणियकुमारा पुढवि- आउतेउवाउवणप्फइकाइया य एए सन्वे वि जहा ओहिया जीवा, अवसेसा जहा नेरइया। एवं ते जीवेगिंदियवजा तिष्णि तिष्णि भंगा सन्वत्थ भाणियन्वत्ति जाव मिच्छादंसणसहे, एवं एगत्तपोहत्तिया छत्तीसं दंडगा होंति ॥ ५८५ ॥ जीवे णं भंते ! णाणावरणिजं कम्मं बंधमाणे कड़किरिए ? गोयमा ! सिय तिकिरिए, सिय चडिकरिए, सिय पंचिकरिए, एवं नेरइए जाव वेमाणिए। जीवा णं भंते! णाणावरणिजं कम्मं बंधमाणा कइकिरिया ? गोयमा ! सिय तिकिरिया, सिय चउ-किरिया, सिय पंचकिरिया वि, एवं नेरइया निरंतरं जाव वेमाणिया। एवं दरिसणा-वरणिजं वेयणिजं मोहणिजं आउयं नामं गोत्तं अंतराइयं च अद्वविहकम्मपगडीओ भाणियव्वाओ, एगत्तपोहत्तिया सोलस दंडगा भवन्ति ॥ ५८६ ॥ जीवे णं भंते ! जीवाओ कड़िकरिए ? गोयमा! सिय तिकिरिए. सिय चडिकरिए, सिय पंचिकरिए, सिय अकिरिए। जीवे णं भंते! नेरइयाओ कड़किरिए? गोयमा! सिय तिकिरिए, सिय चउकिरिए, सिय अकिरिए, एवं जाव थणियकुमाराओ । पढविकाइयाओ आउकाइयाओ तेउकाइयाओ वाउकाइयवणप्पडकाइयवेडंदियतेडंदियचउरिंदियपंचिं-दियतिरिक्खजोणियमणुस्साओ जहा जीवाओ वाणमंतरजोइसियवेमाणियाओ जहा नेरइयाओ । जीवे णं भंते ! जीवेहिंतो कड़िकरिए ? गोयमा ! सिय तिकिरिए, सिय चडिकरिए, सिय पंचिकरिए, सिय अकिरिए । जीवे णं भंते ! नेरइएहिंतो कइिकरिए ? गोयमा! सिय तिकिरिए, सिय चडिकरिए, सिए अकिरिए, एवं जहेव पढमो दंडओ तहा एसो बिड्ओ भाणियव्वो । जीवा णं भंते ! जीवाओ कड़िकरिया ? गोयमा ! सिय तिकिरिया वि, सिय चडिकरिया वि, सिय पंचिकरिया वि, सिय अकिरिया वि। जीवा णं भंते ! नेरहयाओ कइकिरिया ? गोयमा ! जहेव आइल्लंडओ तहेव भाणियव्वी जाव वेमाणियत्ति । जीवा णं भंते ! जीवेहिंतो कइकिरिया ? गोयमा ! तिकिरिया वि, चडिकरिया वि, पंचिकरिया वि, अकिरिया वि। जीवा णं भंते! नेरइएहिंतो कइकिरिया ? गोयमा ! तिकिरिया वि, चडिकरिया वि, अकिरिया वि । असुरकुमारे-हिंतो वि एवं चेव जाव वेमाणिएहिंतो, ओरालियसरीरेहिंतो जहा जीवेहिंतो । नेरइए णं भंते ! जीवाओ कइकिरिए ? गोयमा ! सिय तिकिरिए, सिय चडिकरिए, सिय पंचिकिरिए। नेरइए णं भंते! नेरइयाओ कइिकरिए? गोयमा! सिय तिकिरिए, सिय चउकिरिए। एवं जाव वेमाणिएहिंतो. नवरं नेरइयस्स नेरइएहिंतो देवेहिंतो य पंचमा किरिया नित्थ । नेरइया णं भंते ! जीवाओ कहिकरिया ? गोयमा ! सिय तिकि-रिया, सिय चडिकरिया, सिय पंचिकरिया. एवं जाव वेमाणियाओ, नवरं नेरइयाओ देवाओं य पंचमा किरिया नित्थ। नेरइया णं भंते! जीवेहिंतो कड़िकरिया? गोयमा! तिकिरिया वि, चडिकरिया वि, पंचिकरिया वि। नेरइया णं भंते! नेरइएहिंतो कड़िकरिया ? गोयमा ! तिकिरिया वि चडिकरिया वि । एवं जाव वेमा-णिएहिंतो, नवरं ओरालियसरीरेहिंतो जहा जीवेहिंतो । असरक्रमारे णं भेते! जीवाओं कहिकरिए ? गोयमा ! जहेव नेरइए चत्तारि दंडगा तहेव असुरक्रमारे वि चत्तारि दंडगा भाणियव्वा. एवं च उवउ जिल्हणं भावेयव्वं ति । जीवे मणसे य अकिरिए वुच्च, सेसा अकिरिया न वुचंति । सन्वजीवा ओरालियसरीरेहिंतो पंच-किरिया । नेरइयदेवेहिंतो पंचिकिरिया ण वृच्चंति । एवं एक्केक्जीवपए चत्तारि चत्तारि दंडगा भाणियव्वा एवं एयं दंडगसयं सव्वे वि य जीवाइया दंडगा ॥ ५८७ ॥ कइ णं भंते! किरियाओ पण्णताओ ? गोयमा! पंच किरियाओ पण्णताओ । तंजहा---काइया जाव पाणाइवायकिरिया। नेरइयाणं भंते! कड किरियाओ पण्णताओ ? गोयमा ! पंच किरियाओ पण्णताओ । तंजहा-काइया जाव पाणाइवायिकिरिया, एवं जाव वेमाणियाणं । जस्स णं भंते ! जीवस्स काइया किरिया कजाइ तस्स अहिगर-णिया किरिया कजाइ, जस्स अहिगरणिया किरिया कजाइ तस्स काइया किरिया कजड ? गोयमा ! जस्स णं जीवस्स काइया किरिया कजड तस्स आहेगरणिया किरिया नियमा कजाइ, जस्स अहिगरणिया किरिया कजाइ तस्स वि काइया किरिया नियमा कजाइ । जस्स णं भंते ! जीवस्स काइया किरिया कजाइ तस्स पाओसिया किरिया कजाइ, जस्स पाओसिया किरिया कजाइ तस्स काइया किरिया कजाइ? गोयमा! एवं चेव । जस्स णं भंते ! जीवस्स काइया किरिया कजाइ तस्स पारियावणिया किरिया कजाइ. जस्स पारियावणिया किरिया कजाइ तस्स काइया किरिया कजाइ? गोयमा ! जस्स णं जीवस्स काइया किरिया कजाइ तस्स पारियावणिया । सिय कजाइ, सिय नो कज़इ, जस्स पुण पारियावणिया किरिया कज़इ तस्स काइया० नियमा कजाइ, एवं पाणाइवायकिरिया वि । एवं आइह्राओ परोप्परं नियमा तिण्णि कजांति । जस्स आइल्लाओ तिण्णि कर्जाति तस्स उवरिल्लाओ दोन्नि सिय कर्जाति, सिय नो कर्जाति. जस्स उवरिल्लाओ दोण्णि कर्जाति तस्स आइल्लाओ नियमा तिण्णि कर्जाति । जस्स णं भंते ! जीवस्स पारियावणिया किरिया कज्जइ तस्स पाणाइवायकिरिया कज्जइ, जस्स पाणाइवायकिरिया कज्जइ तस्स पारियावणिया किरिया कज्जइ ? गोयमा ! जस्स णं जीवस्स पारियावणिया किरिया कजाइ तस्स पाणाइवायकिरिया सिय कजाइ. सिय नो कजइ, जस्स पुण पाणाइवायकिरिया कजइ तस्स पारियावणिया किरिया नियमा कज्जइ । जस्स णं भंते ! नेरइयस्स काइया किरिया कज्जइ तस्स अहिगरणिया किरिया कज़इ ? गोयमा ! जहेव जीवस्स तहेव नेरइयस्स वि, एवं निरंतरं जाव ३१ सत्ता०

वेमाणियस्स ॥ ५८८ ॥ जं समयं णं भंते ! जीवस्स काइया किरिया कजाइ तं समयं अहिंगरणिया किरिया कजइ. जं समयं अहिंगरणिया ॰ कजइ तं समयं काइया किरिया कजाइ ? एवं जहेव आइल्लओ दंडओ तहेव भाणियव्वो जाव वेमाणियस्स । जं देसं णं भंते! जीवस्स काइया किरिया तं देसं णं अहिगरणिया किरिया तहेव जाव वेमाणियस्स । जं पएसं णं भंते ! जीवस्स काइया किरिया तं पएसं णं अहिगरणिया किरिया एवं तहेव जाव वेमाणियस्स । एवं एए जस्स जं समयं जं देसं जं पएसं णं चत्तारि दंडगा होंति ॥ ५८९ ॥ कइ णं भंते ! आओजियाओ किरियाओ पण्ण-ताओं ? गोयमा ! पंच आओजियाओं किरियाओं पण्णताओं । तंजहा-काइया जाव पाणाइवायिकरिया, एवं नेरइयाणं जाव वेमाणियाणं । जस्स णं भंते ! जीवस्स काइया आओजिया किरिया अत्थि तस्स अहिगरणिया आओजिया किरिया अत्थि. जस्स अहिगरणिया आओजिया किरिया अत्यि तस्स काइया आओजिया किरिया अत्थि ? एवं एएणं अभिलावेणं ते चेव चतारि दंडगा भाणियव्वा, जस्स जं समयं जं देसं जं जाव वेमाणियाणं ॥ ५९० ॥ जीवे णं भंते ! जं समयं काइयाए अहिंगरणियाए पाओसियाए किरियाए पुद्रे तं समयं पारियावणियाए पुद्रे, पाणाइ-वायिकरियाए पुद्रे ? गोयमा ! अत्थेगइए जीवे एगइयाओ जीवाओ जं समयं काइ-याए अहिंगरणियाए पाओसियाए किरियाए पुद्रे तं समयं पारियावणियाए किरियाए पुट्टे, पाणाइवायकिरियाए पुट्टे १, अत्थेगइए जीवे एगइयाओ जीवाओ जं समयं काइ-याए अहिगरणियाए पाओसियाए किरियाए पुद्रे तं समयं पारियावणियाए किरियाए पुट्टे, पाणाइवायकिरियाए अपुट्टे २, अत्थेगइए जीवे एगइयाओ जीवाओ जं समयं काइयाए अहिगरणियाए पाओसियाए० पद्मे तं समयं पारियावणियाए किरियाए अपुट्टे, पाणाइवायिकरियाए अपुट्टे ३ ॥ ५९१ ॥ कइ णं भंते ! किरियाओ पण्णताओं १ गोयमा ! पंच किरियाओ पण्णताओ । तंजहा-आरंभिया, परिग्गहिया, मायावत्तिया, अपचक्खाणिकरिया, मिच्छादंसणवत्तिया । आरंभिया णं भंते! किरिया कस्स कजड ? गोयमा! अण्णयरस्स वि पमत्तसंजयस्स । परिग्गहिया णं भंते ! किरिया कस्स कज्जइ ? गोयमा ! अण्णयरस्स वि संजया-संजयस्स । मायावत्तिया णं भंते ! किरिया कस्स कजाइ ? गोयमा ! अण्णयरस्स वि अपमत्तसंजयस्य । अपचक्खाणिकरिया णं भंते ! कस्स कजड ? गोयमा ! अण्णयरस्स वि अपचक्खाणिस्स । मिच्छादंसणवत्तिया णं भंते ! किरिया कस्स कजाइ ? गोयमा ! अण्णयरस्स वि मिच्छादंसणिस्स ॥ ५९२ ॥ नेरइयाणं भंते ! कह किरियाओ पन्नताओ ? गोयमा ! पंच किरियाओ पन्नताओ ।

तंजहा-आरंभिया जाव मिच्छादंसणवत्तिया। एवं जाव वेमाणियाणं। जस्स णं भंते ! जीवस्स आरंभिया किरिया कजाइ तस्स परिग्गहिया॰ कजाइ जस्स परिगाहिया किरिया कजाइ तस्स आरंभिया किरिया कजाइ ? गोयमा ! जस्स णं जीवस्स आरंभिया किरिया कजाइ तस्स परिगाहिया० सिय कजाइ, सिय नो कजाइ, जस्स ुपण परिग्गहिया किरिया कजाइ तस्स आरंभिया किरिया णियमा कजाइ । जस्स णं भंते! जीवस्स आरंभिया किरिया कजाइ तस्स मायावत्तिया किरिया कजाइ पच्छा । गोयमा ! जस्स णं जीवस्स आरंभिया किरिया कजाइ तस्स मायावित्तया किरिया नियमा कजाइ, जस्स पुण मायावत्तिया किरिया कजाइ तस्स आरंभिया किरिया सिय कजाइ, सिय नो कजाइ। जस्स णं भंते! जीवस्स आरंभिया किरिया कजाइ तस्स अपचक्खाणिकरिया पुच्छा । गोयमा ! जस्स णं जीवस्स आरंभिया किरिया कज्जइ तस्स अपचक्खाणकिरिया सिय कज्जइ. सिय नो कज्जइ, जस्स पुण अपचक्खाणकिरिया कजाइ तस्स आरंभिया किरिया णियमा कजाइ । एवं मिच्छा-दंसणवत्तियाए वि समं । एवं परिग्गहिया वि तिहिं उवरिक्वाहिं समं संचारेयव्वा । जस्स मायावत्तिया किरिया कजाइ तस्स उवरिक्षाओ दो वि सिय कजांति, सिय नो कर्जात, जस्स उवरिल्लाओ दो कर्जात तस्स मायावत्तिया० णियमा कजाइ। जस्स अपचक्खाणकिरिया कजाइ तस्स मिच्छादंसणवित्तया किरिया सिय कजाइ, सिय नो कजइ, जस्स पुण मिच्छादंसणवत्तिया किरिया० तस्स अपचक्खाणिकरिया णियमा कजाइ । नेरइयस्स आइहियाओ चत्तारि परोप्परं नियमा कजान्ति, जस्स एयाओ चत्तारि कर्जाति तस्स मिच्छादंसणवत्तिया किरिया भइजाइ, जस्स पुण मिच्छादंसणवित्तया किरिया कजाइ तस्स एयाओ चत्तारि नियमा कजांति, एवं जाव थणियकुमारस्स । पुढवीकाइयस्स जाव चर्डारेदियस्स पंच वि परोप्परं नियमा कर्जात । पंचिंदियतिरिक्खजोणियस्स आइहियाओ तिण्णि वि परोप्परं नियमा कर्जात, जस्स एयाओ कर्जात तस्स उवरिष्ठिया दोण्णि भइजाति, जस्स उवरिल्लाओ दोण्णि कर्जात तस्स एयाओ तिण्णि वि णियमा कर्जात । जस्स अपचक्खाणकिरिया ॰ तस्स मिच्छादंसणवत्तिया ॰ सिय कजाइ, सिय नो कजाइ, जस्स पण मिच्छादंसणवत्तिया किरिया कजाइ तस्स अपचक्खाणकिरिया नियमा कजाइ, मणसस्स जहा जीवस्स. वाणमंतरजोइसियवेमाणियस्स जहा नेरइयस्स । जं सम--यण्णं भंते ! जीवस्स आरंभिया किरिया कजाइ तं समयं परिग्गहिया किरिया कज़इ ? एवं एए जरूस जं समयं जं देसं जं पएसेण य चतारि दंडगा णेयव्वा, जहा नेरइयाणं तहा सञ्वदेवाणं नेयव्वं जाव वेमाणियाणं ॥ ५९३ ॥ अस्थि

णं भंते! जीवाणं पाणाइवायवेरमणे कजइ ? हंता! अस्थि। कर्मिंह णं भंते! जीवाणं पाणाइवायवेरमणे कजाइ ? गोयमा ! छस जीवनिकाएस । अत्थि णं भंते ! नेरइयाणं पाणाइवायवेरमणे कजाइ? गोयमा! नो इणद्रे समद्रे । एवं जाव वेमाणियाणं. णवरं मणुसाणं जहा जीवाणं। एवं मुसावाएणं जाव मायामोसेणं जीवस्स य मणुसस्स य. सेसाणं नो इणद्रे समद्रे । णवरं अदिन्नादाणे गहणधार-णिजेस दन्वेस. मेहणे रूवेस वा रूवसहगएस वा दन्वेस, सेसाणं सन्वेस दन्वेस । अत्थि णं भंते ! जीवाणं मिच्छादंसणसल्लवेरमणे कजाइ ? हंता ! अत्थि । कम्हि णं भंते ! जीवाणं मिच्छादंसणसळवेरमणे कजाइ ? गोयमा ! सव्वद्व्वेसु, एवं नेरइयाणं जाव वेमाणियाणं, णवरं एगिंदियविगलेंदियाणं नो इणहे समद्रे ॥ ५९४ ॥ पाणाइवायविरए णं भंते ! जीवे कइ कम्मपगडीओ बंधइ ? गोयमा ! सत्तविहबंधए वा अद्रविहबंधए वा छव्विहबंधए वा एगविहबंधए वा अबंधए वा । एवं मणूसे वि भाणियन्वे । पाणाइवायविरया णं भंते ! जीवा कइ कम्मपग-डीओ बंधंति ? गोयमा! सब्वे वि ताव होज्जा सत्तविहबंधगा य एगविहबंधगा य १, अहवा सत्तविहबंधगा य एगविहबंधगा य अद्वविहबंधगे य २, अहवा सत्तविहबंधगा य एगविहबंधगा य अद्भविहबंधगा य ३. अहवा सत्तविहबंधगा य एगविहबंधगा य छिव्वहबंधगे य ४, अहवा सत्तविहबंधगा य एगविहबंधगा य छिव्वहबंधगा य ५, अहवा सत्तविहबंधगा य एगविहबंधगा य अबंधए य ६. अहवा सत्तविहबंधगा य एगविहबंधगा य अबंधगा य ७, अहवा सत्तविहबंधगा य एगविहबंधगा य अद्भविहबंधगे य छिव्वहबंधए य १, अहवा सत्तविहबंधगा य एगविहबंधगा य अद्रविहबंधए य छन्विहबंधगा य २, अहवा सत्तविहबंधगा य एगविहबंधगा य अद्वविहबंधगा य छिव्वहबंधए य ३, अहवा सत्तविहबंधगा य एगविहवंधगा य अट्ठविहबंधगा य छिव्वहबंधगा य ४, अहवा सत्तविहबंधगा य एगविहबंधगा य अट्टविहबंधए य अबंधए य १, अहवा सत्तविहबंधगा य एगविहबंधगा य अद्वविहबंधए य अबंधगा य २, अहवा सत्तविहबंधगा य एमविहबंधगा य अद्वविहबंधगा य अबंधए य ३, अहवा सत्तविहबंधगा य एगविह्बंधगा य अद्भविह्बंधगा य अबंधगा य ४ । अहवा सत्तविह्बंधगा य एगविहबंधगा य छिव्वहबंधगे य अबंधए य १, अहवा सत्तविहबंधगा य एगविहबंधगा य छिव्वहबंधए य अबंधगा य २, अहवा सत्तविहबंधगा य एगविहबंधगा य छिव्वहबंधगा य अबंधए य ३, अहवा सत्तविहबंधगा य एगविहबंधगा य छिव्वहबंधगा य अबंधगा य ४ । अहवा सत्तविहबंधगा य एग-

विहुबंधगा य अट्ठविहुबंधगे य छव्विहुबंधए य अबंधए य १. अहुवा सत्तविह-बंधगा य एगविहबंधगा य अद्भविहबंधए यं छव्विहबंधए य अबंधगा य २. अहवा सत्तविहबन्धगा य एगविहबन्धगा य अट्ठविहबन्धए य छव्विहबन्धगा य अबन्धए य ३, अहवा सत्तविहबन्धगा य एगविहबन्धगा य अद्भविहबन्धए य छिव्वहबन्धगा य अबन्धगा य ४, अहवा सत्तविहबन्धगा य एगविहबन्धगा य अद्रविहबन्धगा य छिव्वहबन्धगे य अबन्धए य ५, अहवा सत्तविहबन्धगा य एगविहबन्धगा य अद्वविहबन्धगा य छिव्वहबन्धगे य अबन्धगा य ६. अहवा सत्तविहबन्धगा य एगविहबन्धगा य अद्भविहबन्धगा य छिव्वहबन्धगा य अबन्धए य ७, अहवा सत्तविहबन्धगा य एगविहबन्धगा य अद्भविहबन्धगा य छव्विह-बन्धगा य अबन्धगा य ८, एवं एए अहु भंगा, सब्वे वि मिलिया सत्तावीसं भंगा भवंति । एवं मणूसाण दि एए चेव सत्तावीसं भंगा भाणियव्वा, एवं मुसावायविर-यस्स जाव मायामोसविरयस्स जीवस्स य मण्रसस्स य । मिच्छादंसणसङ्खविरए णं भंते ! जीवे कइ कम्मपगडीओ बन्धइ ? गोयमा ! सत्तविहबन्धए वा अद्रविहबन्धए वा छिव्वहबन्धए वा एगविहबन्धए वा अबन्धए वा । मिच्छादंसणसळ्ळविरए णं भंते ! नेरइए कइ कम्मपगडीओ बन्धइ ? गोयमा ! सत्तविहबन्धए वा अद्रविह-बन्धए वा जाव पंचिंदियतिरिक्खजोणिए । मणूसे जहा जीवे । वाणमंतरजोइसिय-वेमाणिए जहा नेरइए । मिच्छादंसणसळ्विरया णं भंते ! जीवा कइ कम्मपगडीओ बन्धन्ति ? गोयमा ! ते चेव सत्तावीसं भंगा भाणियव्वा । मिच्छादंसणसङ्खिरया णं भंते ! नेरइया कइ कम्मपगडीओ बन्धन्ति ? गोयमा ! सब्वे वि ताव होजा सत्तविहबन्धगा, अहवा सत्तविहबन्धगा य अद्भविहबन्धगे य, अहवा सत्तविह-बन्धगा य अद्रविहबन्धगा य एवं जाव वेमाणिया. णवरं मणूसाणं जहा जीवाणं ॥ ५९५ ॥ पाणाइवायविरयस्स णं भंते ! जीवस्स किं आरंभिया किरिया कज्जड जाव मिच्छादंसणवत्तिया किरिया कजाइ ? गोयमा ! पाणाइवायविरयस्स णं जीवस्स आरंभिया किरिया सिय कजाइ, सिय नो कजाइ । पाणाइवायविरयस्स णं भंते ! जीवस्स परिगाहिया किरिया कजाइ ? गोयमा ! णो इणद्रे समद्रे। पाणाइवायवि-रयस्स णं भंते ! जीवस्स मायावत्तिया किरिया कजाइ ? गोयमा ! सिय कजाइ. सिय नो कजाइ । पाणाइवायविरयस्स णं भंते! जीवस्स अपचक्खाणवित्तया किरिया कजाइ ? गोयमा ! णो इणद्वे समद्वे । मिच्छादंसणवित्तयाए पुच्छा । गोयमा ! णो इणद्वे समद्वे । एवं पाणाइवायविरयस्स मणूसस्स वि, एवं जाव माया-मोसविरयस्स जीवस्स मणुसस्स य । मिच्छादंसणसङ्खविरयस्स णं भंते ! जीवस्स किं आरंभिया किरिया कज्जइ जाव मिच्छादंसणवित्तया किरिया कज्जइ शोयमा ! मिच्छादंसणसङ्गविरयस्स जीवस्स णं आरंभिया किरिया सिय कज्जइ, सिय नो कज्जइ, एवं जाव अपज्जक्खाणिकिरिया । मिच्छादंसणवित्तया किरिया न कज्जइ । मिच्छादंसणसङ्गविरयस्स णं भंते ! नेरइयस्स किं आरंभिया किरिया कज्जइ जाव मिच्छादंसणवित्तया किरिया कज्जइ शोयमा ! आरंभिया किरिया कज्जइ जाव अपज्ञक्खाणिकिरिया वि कज्जइ, मिच्छादंसणवित्त्या किरिया नो कज्जइ । एवं जाव अणियकुमारस्स । मिच्छादंसणसङ्गविरयस्स णं भंते ! पंचिंदियतिरिक्खजोणियस्स एवमेव पुच्छा । गोयमा ! आरंभिया किरिया कज्जइ जाव मायावित्तया किरिया कज्जइ, अपज्ञक्खाणिकिरिया सिय कज्जइ, सिय नो कज्जइ, मिच्छादंसणवित्तया किरिया कज्जइ, अपज्ञक्खाणिकिरिया सिय कज्जइ, सिय नो कज्जइ, मिच्छादंसणवित्तया किरिया नो कज्जइ । मणूसस्स जहा जीवस्स । वाणमंतरजोइसियवेमाणियाणं जहा नेरइयस्स ॥ ५९६॥ एयासि णं भंते ! आरंभियाणं जाव मिच्छादंसणवित्तयाण य कयरा कयराहिंतो अप्पा वा ४ ? गोयमा ! सव्वत्थोवाओ मिच्छादंसणवित्तयाओ किरियाओ, अपज्ञक्खाणिकिरियाओ विसेसाहियाओ, परिग्गहियाओ विसेसाहियाओ, आरंभियाओ किरियाओ विसेसाहियाओ, मायावित्तयाओ विसेसाहियाओ ॥ ५९०॥ पञ्चवणाए भगवर्डए बावीसइमं किरियापयं समर्च ॥

कइ पगडी कह बन्धइ कहि वि ठाणेहिं बन्धए जीवो । कह वेएह य पयडी अणुभावो कहिवहो करस ॥ कह णं भंते! कम्मपगडीओ पण्णत्ताओ ? गोयमा! अह कम्मपगडीओ पण्णताओ । तंजहा—णाणावरणिजं १, दंसणावरणिजं २, वेयणिजं ३, मोहणिजं ४, आउयं ५, नामं ६, गोयं ७, अंतराइयं ८ । नेरइयाणं भंते! कह कम्मपगडीओ पन्नताओ ? गोयमा! एवं चेव, एवं जाव वेमाणियाणं १ ॥ ५९८ ॥ कहं णं भंते! जीवे अह कम्मपगडीओ बन्धइ ? गोयमा! नाणावरणिजस्स कम्मस्स उदएणं दिसणावरणिजं कम्मं णियच्छइ, दंसणावरणिज्ञस्स कम्मस्स उदएणं दंसणमोहणिजं कम्मं णियच्छइ, दंसणमोहणिज्ञस्स कम्मप्स उदएणं मिच्छत्तं णियच्छइ, मिच्छत्तंणं उदिएणं गोयमा! एवं खलु जीवो अह कम्मपगडीओ बन्धइ । कहं णं भंते! नेरइए अह कम्मपगडीओ बन्धइ ? गोयमा! एवं चेव, एवं जाव वेमाणिए । कहण्णं भंते! जीवा अह कम्मपगडीओ बन्धइ ? गोयमा! एवं चेव, एवं जाव वेमाणिया ॥ ५९९ ॥ जीवे णं भंते! णाणावरणिजं कम्मं कहिं ठाणेहिं बंधइ ? गोयमा! दोहिं ठाणेहिं, तंजहा—रागेण य दोसेण य । रागे दुविहे पन्नते । तंजहा—माया य लोभे य । दोसे दुविहे पन्नते । तंजहा—कोहे य माणे य, इचे-एहें चर्डाहें ठाणेहिं विरेओवग्गहिएहिं एवं खलु जीवे णाणावरणिजं कम्मं बन्धइ,

एवं नेरइए जाव वेमाणिए । जीवा णं भंते ! णाणावरणिजं कम्मं कइहिं ठाणेहिं बन्धन्ति ? गोयमा ! दोहिं ठाणेहिं एवं चेव. एवं नेरइया जाव वेमाणिया । एवं दंसणावरणिजं जाव अंतराइयं, एवं एए एगत्तपोहत्तिया सोलस दंडगा ॥ ६०० ॥ जीवे णं भंते ! णाणावरणिजं कम्मं वेएइ ? गोयमा ! अत्थेगइए वेएइ. अत्थेगइए नो वेएइ । नेरइए णं भंते ! णाणावरणिजं कम्मं वेएइ ? गोयमा ! नियमा वेएइ. एवं जाव वेमाणिए, णवरं मणूसे जहा जीवे । जीवा णं भंते ! णाणावरणिजं कम्मं वेदेंति ? गोयमा ! एवं चेव. एवं जाव वेमाणिया । एवं जहा णाणावरणिजं तहा दंसणावरणिजं मोहणिजं अंतराइयं च. वेयणिजाउनामगोयाई एवं चेव. नवरं मणूसे वि नियमा वेएइ. एवं एए एगत्तपोहत्तिया सोलस दंडगा ॥ ६०१ ॥ णाणा-वरणिजस्स णं भंते ! कम्मस्स जीवेणं बद्धस्स पुट्टस्स बद्धफासपुट्टस्स संचियस्स चियस्स उवचियस्स आवागपत्तस्स विवागपत्तस्स फलपत्तस्स उदयपत्तस्स जीवेणं कयस्स जीवेणं निव्वत्तियस्स जीवेणं परिणामियस्स सयं वा उदिण्णस्स परेण वा उदीरियस्स तदुभएण वा उदीरिजामाणस्स गई पप्प ठिई पप्प भवं पप्प पोग्गल-परिणामं पप्प कहविहे अणुभावे पन्नते ? गोयमा ! णाणावरणिजन्स णं कम्मस्स जीवेणं बद्धस्य जाव पोग्गलपरिणामं पप्प दस्तिहे अणुभावे पन्नते । तंजहा-सोया-वरणे, सोयविण्णाणावरणे, णेत्तावरणे, णेत्तविण्णाणावरणे, घाणावरणे, घाणविण्णाणा-वरणे, रसावरणे, रसविण्णाणावरणे, फासावरणे, फासविण्णाणावरणे, जं वेएइ पोग्गलं वा पोग्गले वा पोग्गलपरिणामं वा वीससा वा पोग्गलाणं परिणामं तेसिं वा उदएणं जाणियन्वं ण जाणइ, जाणिउकामे वि ण जाणइ, जाणिता वि ण जाणइ, उच्छन्नणाणी यावि भवइ णाणावरणिज्ञस्स कम्मस्स उदएणं, एस णं गोयमा ! णाणावरणिजे कम्मे. एस णं गोयमा ! णाणावरणिजस्स कम्मस्स जीवेणं बद्धस्स जाव पोग्गलपरिणामं पप्प दस्तविहे अणुभावे पन्नते ॥ ६०२ ॥ दरिसणावरणिजस्स णं भंते ! कम्मस्स जीवेणं बद्धस्स जाव पोग्गलपरिणामं पप्प कडविहे अणुभावे पन्नते ? गोयमा ! दरिसणावरणिज्जस्स णं कम्मस्स जीवेणं बद्धस्स जाव पोग्गळपरिणामं पप्प णविवहे अणुभावे पन्नते । तंजहा-- णिहा, णिहाणिहा, पयला, पयलापयला, थीणदी, चक्खदंसणावरणे, अचक्खदंसणावरणे, ओहिदंसणावरणे, केवलदंसणावरणे, जं वेएइ पोग्गलं वा पोग्गले वा पोग्गलपरिणामं वा वीससा वा पोग्गलाणं परिणामं तेसि वा उदएणं पासियव्वं ण पासइ, पासिउकामे वि ण पासइ, पासिता वि ण पासइ, उच्छन्नदंसणी यावि भवइ दरिसणावरणिज्ञस्स कम्मस्स उदएणं, एस णं गोयमा ! दरिसणावरणिजे कम्मे, एस णं गोयमा ! दरिसणावरणिजस्स कम्मस्स

जीवेणं वद्धस्स जाव पोग्गलपरिणामं पप्प णविवहे अणुभावे पत्रते ॥ ६०३ ॥ सायावेयणिज्ञस्स णं भंते ! कम्मस्स जीवेणं बद्धस्स जाव पोग्गलपरिणामं पप्प कइविहे अणुभावे पन्नते ? गोयमा! सायावेयणिजस्स णं कम्मस्स जीवेणं बद्धस्स जाव अद्भविहे अण्भावे पन्नते । तंजहा - मण्णणा सहा १, मणुण्णा रूवा २, मण्णणा गंघा ३. मणण्णा रसा ४. मणण्णा फासा ५. मणोसुहया ६, वयसुहया ७, काय-सुहया ८, जं वेएइ पोग्गलं वा पोग्गले वा पोग्गलपरिणामं वा वीससा वा पोग्ग-लाणं परिणामं तेसिं वा उदएणं सायावेयणिजं कम्मं वेएइ, एस णं गोयमा! सायावेयणिजे कम्मे. एस णं गोयमा! सायावेयणिजस्स जाव अद्रविहे अणुभावे पन्नते । असायावेयणिजस्स णं भंते ! कम्मस्स जीवेणं तहेव पुच्छा उत्तरं च. णवरं अमणुण्णा सद्दा जाव कायदुहया. एस णं गोयमा ! असायावेयणिजे कम्मे. एस णं गोयमा ! असायावेयणिजस्स जाव अद्भविहे अणुभावे पन्नते ॥ ६०४ ॥ मोहणिजस्स णं भंते ! कम्मस्स जीवेणं बद्धस्स जाव कइविहे अणुभावे पन्नते ? गोयमा ! मोह-णिजस्स णं कम्मस्स जीवेणं बद्धस्स जाव पंचिवहे अण्भावे पन्नते । तंजहा-सम्मत्त-वेयणिजे. मिच्छत्तवेयणिजे. सम्मामिच्छत्तवेयणिजे. कसायवेयणिजे. नोकसाय-वेयणिजे । जं वेएइ पोग्गलं वा पोग्गले वा पोग्गलपरिणामं वा वीससा वा पोग्गलाणं परिणामं तेसिं वा उदएणं मोहणिजं कम्मं वेएइ. एस णं गोयमा! मोहणिजस्स कम्मस्स जाव पंचविद्वे अणुभावे पन्नते ॥ ६०५ ॥ आउयस्स णं भंते ! कम्मस्स जीवेणं तहेव पुच्छा । गोयमा ! आउयस्स णं कम्मरस जीवेणं बद्धस्स जाव चडिवहे अणुभावे पन्नते । तंजहा-नेरइयाउए, तिरियाउए, मणुयाउए, देवाउए, जं वेण्ड पोग्गलं वा पोग्गले वा पोग्गलपरिणामं वा वीससा वा पोग्गलाणं परिणामं तेसि वा उदएणं आउयं कम्मं वेएइ. एस णं गोयमा ! आउए कम्मे, एस णं गोयमा ! आउयकम्मस्स जाव चडिवहे अणुभावे पन्नते ॥ ६०६ ॥ सहणामस्स णं भंते ! कम्मस्स जीवेणं पुच्छा । गोयमा ! सुहणामस्स णं कम्मस्स जीवेणं ...चउद्दस्तिहे अणुभावे पन्नते। तंजहा--इद्वा सद्दा १, इद्वा रूवा २, इद्वा गंघा २, इद्वा रसा ४, इद्वा फासा ५, इद्वा गई ६, इद्वा ठिई ७, इद्वे लावण्णे ८, इद्वा जसोकित्ती ९, इद्रे उद्घाणकम्मबलवीरियपुरिसक्कारपरक्कमे १०, इद्वस्सरया ११, कंतस्सरया १२, पियस्सरया १३, मणुण्णस्सरया १४, जं वेएइ पोग्गलं वा पोग्गले वा पोग्गल-परिणामं वा वीससा वा पोग्गलाणं परिणामं तेसिं वा उदएणं सहणामं कम्मं वेएइ, एस णं गोयमा ! सुहणामकम्मे, एस णं गोयमा ! सुहणामस्स कम्मस्स जाव चउदसविहे अणुभावे पन्नते । दुहनामस्स णं भंते ! पुच्छा । गोयमा ! एवं चेव.

णवरं अणिहा सहा जाव हीणस्सरया. दीणस्सरया, अकंतस्सरया, जं वेएइ सेसं तं चेव जाव चउद्दसविहे अणुभावे पन्नते ॥ ६०७ ॥ उच्चागोयस्स णं भंते ! कम्मस्स जीवेणं पच्छा । गोयमा ! उचागोयस्स णं कम्मस्स जीवेणं बद्धस्स जाव अट्टविहे अणभावे पन्नते । तंजहा-जाइविसिद्वया १, कुलविसिद्वया २, बलविसिद्वया ३, रूवविसिद्ध्या ४. तवविसिद्ध्या ५. स्यविसिद्ध्या ६. लाभविसिद्ध्या ७. इस्सरिय-विसिद्ध्या ८. जं वेएइ पोग्गलं वा पोग्गले वा पोग्गलपरिणामं वा वीससा वा पोग्गलाणं परिणामं तेसिं वा उदएणं जाव अद्वविहे अणुभावे पन्नते । णीयागोयस्स णं भंते ! पुच्छा । गोयमा ! एवं चेव, णवरं जाइविहीणया जाव इस्सरियदिहीणया. जं वेएड पुरगलं वा पोरगले वा पोरगलपरिणामं वा वीससा वा पोरगलाणं परिणामं तेसिं वा उदएणं जाव अद्भविहे अणुभावे पन्नते ॥ ६०८ ॥ अंतराइयस्स णं भंते ! कम्मस्स जीवेणं पुच्छा । गोयमा ! अंतराइयस्स णं कम्मस्स जीवेणं बद्धस्स जाव पंचिवहे अणुभावे पन्नते । तंजहा-दाणंतराए लाभंतराए भोगंतराए उवभोगंतराए वीरियंतराए, जं वेएइ पोग्गलं वा जाव वीससा वा पोग्गलाणं परिणामं तेसि वा उदएणं अंतराइयं कम्मं वेएइ, एस णं गोयमा ! अंतराइए कम्मे, एस णं गोयमा ! जाव पंचिवहे अणुभावे पन्नते ॥ ६०९ ॥ पन्नवणाए भगवईए तेवीसड-मस्स पयस्स पढमो उहेसो समत्तो॥

कह णं भंते! कम्मपगडीओ पन्नताओ ? गोयमा! अट्ठ कम्मपगडीओ पन्नताओ । तंजहा—णाणावरणिजं जाव अंतराह्यं। णाणावरणिजं णं भंते! कम्मे कहिवहे पन्नते ? गोयमा! पंचिवहे पन्नते । तंजहा—आभिणिबोहियनाणावरणिजं जाव केवलनाणावरणिजं ॥ ६१०॥ दंसणावरणिजं णं भंते! कम्मे कहिवहे पन्नते ? गोयमा! दुविहे पन्नते ! तंजहा—निहापंचए य दंसणचउक्कए य । निहापंचए णं भंते! कहिवहे पन्नते ? गोयमा! पंचिवहे पन्नते । तंजहा—निहा जाव शीणदी । दंसणचउक्कए णं पुच्छा । गोयमा! चउिवहे पन्नते । तंजहा—वम्खदंसणावरणिजं जाव केवलदंसणावरणिजं ॥ ६११॥ वेयणिजं णं भंते! कम्मे कहिवहे पन्नते ? गोयमा! दुविहे पन्नते । तंजहा—सायावेयणिजं य असायावेयणिजं य । सायावेयणिजं णं भंते! कम्मे पुच्छा । गोयमा! अट्ठिवहे पन्नते । तंजहा—मणुण्णा सहा जाव कायसहया । असायावेयणिजं णं भंते! कम्मे कहिवहे पन्नते ? गोयमा! अट्ठिवहे पन्नते । तंजहा—अमणुण्णा सहा जाव कायसहया ॥ ६१२॥ मोहिणिजं णं भंते! कम्मे कहिवहे पन्नते ? गोयमा! दुविहे पन्नते । तंजहा—अमणुण्णा सहा जाव कायसहया ॥ ६१२॥ मोहिणिजं णं भंते! कम्मे कहिवहे पन्नते ? गोयमा! दुविहे पन्नते । तंजहा—अमणुण्णा सहा जाव कायसहया । तंजहा—सम्मणुण्णा सहा जाव कायसहया । दंसणमोहिणिजं य चरित्तमोहिणिजं य । दंसणमोहिणिजं णं भंते! कम्मे कहिवहे

पन्नते १ गोयमा ! तिविहे पन्नते । तंजहा-सम्मत्तवेयणिजे, मिच्छत्तवेयणिजे सम्मामिन्छत्तवेयणिजे । चरित्तमोहणिजे णं भंते ! कम्मे कइविहे पन्नते ? गोयमा ! दिवहे पन्नते । तंजहा-कसायवेयणिजे, नोकसायवेयणिजे । कसायवेयणिजे णं भंते! कम्मे कडविहे पन्नते? गोयमा! सोलसविहे पन्नते। तंजहा-अणंताणवंधी कोहे. अणंताणबंधी माणे. अणन्ताणबंधी माया, अणन्ताणुबंधी लोमे. अपच-क्खाणे कोहे, एवं माणे, माया, लोमे, पचक्खाणावरणे कोहे, एवं माणे, माया, लोमे. संजलणकोहे, एवं माणे, माया, लोमे। नोकसायवेयणिज्जे णं मंते! कम्मे कडविहे पन्नते ? गोयमा ! णवविहे पन्नते । तंजहा-इत्थीवेयवेयणिजे, पुरिसवेय-वेयणिजे, नपुंसगवेयवेयणिजे, हासे, रई, अरई, भए, सोगे, दुगुंछा ॥ ६१३ ॥ आउए णं भंते ! कम्मे कड़विहे पन्नते ? गोयमा ! चउव्विहे पन्नते । तंजहा-नेरइयाउए जाव देवाउए ॥ ६१४॥ णामे णं भंते ! कम्मे कइविहे पन्नते १ गोयमा! वायालीसङ्बिहे पन्नते। तंजहा-गङ्णामे १, जाङ्णामे २, सरीरणामे ३. सरीरोवंगणामे ४, सरीरबंधणणामे ५, सरीरसंघयणणामे ६, संघायणणामे ७. संठाणणामे ८. वण्णणामे ९. गंधणामे १०. रसणामे ११. फासणामे १२. अगुरुलघुणामे १३, उवघायणामे १४, पराघायणामे १५, आणुपुव्विणामे १६, उस्सासणामे १७, आयवणामे १८, उज्जोयणामे १९, विहायगङ्गामे २०, तसणामे २१, थावरणामे २२, सहमणामे २३, बायरणामे २४, पज्जत्तणामे २५, अपजात्तणामे २६, साहारणसरीरणामे २७, पत्तेयसरीरणामे २८, थिरणामे २९, अथिरणामे ३०, सुभणामे ३१, असुभणामे ३२, सुभगणामे ३३, दुभग-णामे ३४, सूसरणामे ३५, दूसरणामे ३६, आदेजाणामे ३७, अणादेजाणामे ३८, जसोकित्तिणामे ३९, अजसोकित्तिणामे ४०. णिम्माणणामे ४१. तित्थ-गरणामे ४२ । गइनामे णं भंते ! कम्मे कइविहे पन्नते ? गोयमा ! चडिविहे पन्नते । तंजहा-निरयगइनामे, तिरियगइनामे, मण्यगइनामे, देवगइनामे । जाइणामे णं भंते ! कम्मे पुच्छा । गोयमा ! पंचिवहे पन्नते । तंजहा-एगिंदियजाइणामे जाव पंचिंदियजाडणामे । सरीरनामे णं भंते ! कम्मे कइविहे पन्नत्ते ? गोयमा ! पंचिविहे पन्नते। तंजहा-ओरालियसरीरनामे जाव कम्मगसरीरनामे। सरीरोवंगनामे णं भंते !० कडविहे पन्नते ? गोयमा ! तिविहे पन्नते । तंजहा-ओरालियसरीरोवंगनामे, वेउ-व्वियसरीरोवंगनामे, आहारगसरीरोवंगनामे । सरीरबंघणनामे णं भंते ! कडविहे पत्रते १ गोयमा ! पंचविहे पत्रते । तंजहा-ओरालियसरीरबंधणनामे जाव कम्मग-सरीरवंधणनामे । सरीरसंघायनामे णं भंते !० कडविहे पन्नते ? गोयमा ! पंचविहे

पन्नते । तंजहा-ओरालियसरीरसंघायनामे जाव कम्मगसरीरसंघायनामे । संघयण-नामे णं भंते !० कड़विहे पन्नते ? गोयमा ! छिव्विहे पन्नते । तंजहा-वड़रोस-भनारायसंघयणनामे, उसहनारायसंघयणनामे, नारायसंघयणनामे, अद्धनाराय-संघयणनामे, कीलियासंघयणनामे, छेवद्रसंघयणनामे । संठाणनामे णं भंते !० कडविहे पन्नते ? गोयमा ! छिविहे पन्नते । तंजहा-समचउरंससंठाणनामे. निम्गोहपरिमंडल-संठाणनामे, साइसंठाणनामे, वामणसंठाणनामे, खुज्जसंठाणनामे, हुं इसंठाणनामे । वण्णनामे णं भंते! कम्मे कडविहे पन्नते ? गोयमा! पंचविहे पन्नते । तंजहा-कालवण्णनामे जाव सक्किलवण्णनामे । गंधनामे णं भंते ! कम्मे पुच्छा । गोयमा ! दुविहे पन्नते । तंजहा-सुरभिगंधनामे, दुरभिगंधनामे । रसनामे णं पुच्छा । गोयमा ! पंचिवहे पन्नते । तंजहा-तित्तरसनामे जाव महुररसनामे । फासनामे णं पुच्छा । गोयमा ! अद्भविहे पन्नते । तंजहा-कक्खडफासनामे जाव लहयफासनामे । अगुरु-लहयनामे एगागारे पन्नते। जवघायनामे एगागारे पन्नते, पराघायनामे एगागारे पन्नते । आण्प्रव्वीणामे चडव्विहे पन्नते । तंजहा-नेरइयआण्पुव्वीणामे जाव देवाणुपुव्वीणामे । उस्सासनामे एगागारे पन्नते, सेसाणि सव्वाणि एगागाराइं पण्ण-त्ताइं जाव तित्थगरणामे । नवरं विहायगइनामे दुविहे पन्नते । तंजहा--पसत्थविहा-यगइनामे, अपसत्थविहायगइनामे य ॥ ६१५ ॥ गोए णं भंते ! कम्मे कइविहे पन्नते ? गोयमा ! दुविहे पन्नते । तंजहा—उच्चागोए य नीयागोए य । उच्चागोए णं भंते ! • कड्विहे पन्नते ? गोयमा ! अट्ठविहे पन्नते । तंजहा — जाड्विसिट्टया जाव इस्सरियविसिद्रया, एवं नीयागोए वि, णवरं जाइविहीणया जाव इस्सरियवि-हीणया ॥ ६१६ ॥ अंतराइए णं भंते ! कम्मे कड़विहे पन्नते ? गोयमा ! पंचिवहे पन्नत्ते । तंजहा-दाणंतराइए जाव वीरियंतराइए ॥ ६१७ ॥ णाणावरणिज्जस्स णं भंते ! कम्मस्स केवइयं कालं ठिई पन्नता ? गोयमा ! जहण्णेणं अंतोमुहत्तं, उक्कोसेणं तीसं सागरोवमकोडाकोडीओ, तिण्णि य वाससहस्साई अबाहा, अबाह्रणिया कम्म-ठिई कम्मनिसेगो ॥ ६१८ ॥ निहापंचगस्स णं भंते ! कम्मस्स केवइयं कालं ठिई पन्नता ? गोयमा ! जहन्नेणं सागरोवमस्स तिण्णि सत्तभागा पिल्ओवमस्स असंखे-जाइभागेणं ऊणिया, उक्कोसेणं तीसं सागरोवमकोडाकोडीओ. तिण्णि य वाससहस्साइं अबाहा, अबाहणिया कम्मद्रिई कम्मनिसेगो । दंसणचउकस्स णं भंते ! कम्मरस केव-इयं कालं ठिई पन्नता ? गोयमा ! जहन्नेणं अंतोमहत्तं, उक्कोसेणं तीसं सागरोवम-कोडाकोडीओ, तिण्णि य वाससहस्साइं अबाहा ॥ ६१९ ॥ सायावेयणिज्ञस्स इरिया-वितयं वंधगं पहुच अजहण्णमणुक्कोसेणं दो समया, संपराइयबंधगं पहुच जहन्नेणं

बारस मृहत्ता, उक्कोसेणं पण्णरस सागरोवमकोडाकोडीओ, पण्णरस वाससयाडं अबाहा । असायावेयणिजास्स जहन्नेणं सागरोवमस्स तिण्णि सत्तभागा पिलओवमस्स असंखेजहभागेणं ऊणया. उक्कोसेणं तीसं सागरोवमकोडाकोडीओ, तिण्णि य वास-सहस्साइं अबाहा ॥ ६२० ॥ सम्मत्तवेयणिजस्स पुच्छा । गोयमा ! जहन्नेणं अंतो-मुहत्तं, उक्कोसेणं छावद्विं सागरोवमाइं साइरेगाइं। मिच्छत्तवेयणिजस्स जहन्नेणं सागरोवमं पिलओवमस्स असंखेजइभागेण ऊणगं, उक्कोसेणं सत्तरि कोडाकोडीओ सत्त य वाससहस्साइं अबाहा, अबाह्णिया०। सम्मामिच्छत्तवेयणिज्ञस्स जहन्नेणं अंतोमहत्तं, उक्कोसेणं अंतोमहत्तं । कसायबारसगस्स जहन्नेणं सागरोवमस्स चतारि सत्तभागा प्रतिओवसस्स असंखेजाइभागेणं ऊणया, उक्कोसेणं चत्तालीसं सागरोवस-कोडाकोडीओ, चत्तालीसं वाससयाईं अबाहा जाव निसेगो। कोहसंजलणे पुच्छा। गोयमा! जहन्नेणं दो मासा, उक्कोसेणं चत्तालीसं सागरोवमकोडाकोडीओ. चत्तालीसं वाससयाइं अबाहा जाव निसेगो । माणसंजलणाए पुच्छा । गोयमा! जहन्नेणं मासं, उक्कोसेणं जहा कोहस्स । मायासंजलणाए पुच्छा । गोयमा ! जहन्नेणं अद्धं मासं. उक्कोसेणं जहा कोहस्स । लोहसंजलणाए पुच्छा । गोयमा ! जहन्नेणं अंतोमहत्तं. उक्कोसेणं जहा कोहस्स । इत्थिवेयस्स पुच्छा । गोयमा ! जहन्नेणं सागरोवमस्स दिवङ्गं सत्तभागं प्रतिओवमस्स असंखेजइभागेण ऊणयं. उक्कोरोणं पण्णरस सागरोवमकोडा-कोडीओ, पण्णरस वाससयाई अबाहा । पुरिसवेयस्स णं पुच्छा । गोयमा ! जहन्नेणं अद्र संवच्छराइं, उक्कोसेणं दस सागरोवमकोडाकोडीओ, दस वाससयाइं अबाहा जाव निसेगो । णपुंसगवेयस्स णं पुच्छा । गोयमा ! जहन्नेणं सागरोवमस्स दोण्णि सत्तभागा पिठओवमस्स असंखेजइभागेणं ऊणया, उक्कोसेणं वीसं सागरोवमकोडा-कोडीओ, वीसइ वाससयाई अबाहा । हासरईणं पुच्छा । गोयमा ! जहन्नेणं सागरोव-मस्स एकं सत्तभागं पिलओवमस्स असंखेजाइभागेणं ऊणं, उक्कोसेणं दस सागरोवम-कोडाकोडीओ, दस वाससयाई अबाहा । अरइभयसोगदुगुंछाणं पुच्छा । गोयमा ! जहन्नेणं सागरोवमस्स दोण्णि सत्तभागा पिलञोवमस्स असंखेजङ्भागेणं ऊणया. उक्कोसेणं वीसं सागरोवमकोडाकोडीओ, वीसं वाससयाइं अबाहा ॥ ६२१ ॥ नेरइयाजयस्स णं पुच्छा । गोयमा ! जहन्नेणं दस वाससहस्साइं अंतोमुहत्तमब्भिह-याइं, उक्कोसेणं तेत्तीसं सागरोवमाइं पुव्वकोडीतिभागमन्भिहयाइं । तिरिक्खजोणि-याउयस्स पुच्छा । गोयमा ! जहन्नेणं अंतोम्हत्तं, उक्कोसेणं तिण्णि पिल्ओवमाई पुन्वकोडीतिभागमन्भहियाई, एवं मणूसाजयस्स वि । देवाजयस्स जहा नेरइयाजयस्स ठिइत्ति ॥ ६२२ ॥ निरयगइनामए णं पुच्छा । गोयमा ! जहन्नेणं सागरोवमसह-

स्सरस दो सत्तभागा प्रतिओवमस्स असंखेजङभागेणं ऊणया. उद्घोसेणं वीसं साग-रोवमकोडाकोडीओ, वीसं वाससयाई अबाहा । तिरियगइनामए जहा नपुंसगवेयस्स । मणुयगइनामए पुच्छा। गो०! जहन्नेणं सागरोवमस्स दिवह्नं सत्तमागं पिलञोवमस्स असंखेजङ्भागेणं ऊणगं, उक्कोसेणं पण्णरस सागरोवमकोडाकोडीओ, पण्णरसवास-सयाइं अबाहा । देवगइनामए णं पच्छा । गोयमा ! जहन्नेणं सागरोवमसहस्सस्स एगं सत्तभागं पिलओवमस्स असंखेजाइभागेणं ऊणयं. उक्कोसेणं जहा प्रिरसवेयस्स । एगिंदियजाइनामए णं पुच्छा । गोयमा ! जहन्नेणं सागरोवमस्स दोण्णि सत्तभागा पिलओवमस्त असंखेजाइभागेणं ऊणया. उक्कोसेणं वीसं सागरोवमकोडाकोडीओ. वीसइ वाससयाइं अबाहा । बेइंदियजाइनामाए णं पुच्छा । गोयमा! जहन्नेणं सागरोवमस्स नव पणतीसङ्भागा पिल्ञोवमस्स असंखेजङभागेणं ऊणया. उक्कोसेणं अद्वारस सागरोवमकोडाकोडीओ, अद्वारस य वाससयाई अबाहा । तेईदियजाइ-नामए णं जहण्णेणं एवं चेव. उक्कोसेणं अद्वारस सागरोवमकोडाकोडीओ. अद्वारस वाससयाइं अबाहा । चर्डारेंदियजाइनामाए पुच्छा । गोयमा ! जहन्नेणं सागरोवमस्स णव पणतीसङ्भागा पलिओवमस्स असंखेजङभागेणं ऊणया. उक्कोसेणं अद्रारस सागरोवमकोडाकोडीओ. अद्भारस वाससयाई अबाहा । पंचिंदियजाइनामाए पुच्छा । गोयमा ! जहन्नेणं सागरोवमस्स दोण्णि सत्तभागा प्रतिओवमस्स असंखेज्जइभागेणं ऊणया, उक्कोंसेणं वीसं सागरोवमकोडाकोडीओ, वीस य वाससयाई अबाहा। ओरा-लियसरीरनामाए वि एवं चेव । वेडिव्वयसरीरनामाए णं भंते ! पुच्छा । गोयमा ! जहन्नेणं सागरोवमसहस्सस्स दो सत्तभागा पिल्ञोवमस्स असंखेजाइभागेणं छणया, उक्कोसेणं वीसं सागरोवमकोडाकोडीओ, वीसइ वाससयाइं अबाहा । आहारगसरीर-नामाए जहन्नेणं अंतोसागरोवमकोडाकोडीओ. उक्कोसेणं अंतोसागरोवमकोडाकोडीओ। तेयाकम्मसरीरनामाए जहण्णेणं दोण्णि सत्तभागा प्रतिओवमस्स असंखेजहभागेणं ऊणया. उक्कोसेणं वीसं सागरोवमकोडाकोडीओ. वीस य वाससयाई अबाहा। ओरालियवेड व्वियआहारगसरीरोवंगनामाए तिण्णि वि एवं चेव. सरीरबंधणनामाए वि पंचण्ह वि एवं चेव. सरीरसंघायनामाए पंचण्ह वि जहा सरीरनामाए कम्मस्स ठिइति. वइरोसभनारायसंघयणनामाए जहा रङ्नामाए । उसभनारायसंघयणनामाए पुच्छा । गोयमा ! ज॰ सागरोवमस्स छ पणतीसङ्भागा पिलओवमस्स असंखेजङ्भागेणं ऊणया. उक्कोसेणं बारस सागरोवमकोडाकोडीओ, बारस वाससयाइं अबाहा । नारायसंघ-यणनामस्स जहन्नेणं सागरोवमस्स सत्त पणतीसङ्भागा पिलओवमस्स असंखेज्जङ्-भागेणं ऊणया. उक्कोसेणं चोद्दस सागरोवमकोडाकोडीओ चउद्दस वाससयाई अबाहा । अद्भारायसंघयणनामस्स जहन्नेणं सागरोवमस्स अद्व पणतीसङ्भागा पिलओवमस्स असंखेज्ञहभागेणं ऊणया, उक्कोसेणं सोलस सागरोवमकोडाकोडीओ, सोलस वास-संगाई अबाहा । खीलियासंघयणे णं पुच्छा । गोयमा ! जहन्नेणं सागरोवमस्स नव पणतीसहभागा प्रतिओवसरस असंखेजहभागेणं ऊणया, उक्कोर्सणं अद्वारस सागरोव-मकोडाकोडीओ, अद्वारस वाससयाइं अबाहा । छेत्रद्वसंघयणनामस्स पुच्छा । गोयमा ! जहन्नेणं सागरोवमस्स दोण्णि सत्तभागा पिलओवमस्स असंखेजइभागेणं ऊणया. उक्कोसेणं वीसं सागरोवमकोडाकोडीओ, वीस य वाससयाई आबाहा, एवं जहा संघयणनामाए छन्भणिया एवं संठाणा वि छन्भाणियव्वा । सुक्किलवण्णणामए पुच्छा । गोयमा ! जहन्नेणं सागरोवमस्स एगं सत्तभागं पिठओवमस्स असंखेजाइभागेणं ऊणगं. उक्कोसेणं दस सागरोवमको डाकोडीओ, दस वाससयाई अबाहा। हालिइ-वण्णणामए णं पुच्छा । गोयमा ! जहन्नेणं सागरोवमस्स पंच अद्वावीसइभागा पिल-ओवमस्स असंखेजइभागेणं ऊणया, उद्घोसेणं अद्धतेरससागरोवमकोडाकोडी, अद्ध-तेरस वाससयाई अबाहा । लोहियवण्णणामए णं पुच्छा । गोयमा ! जहन्नेणं साग-रोवमस्स छ अद्वावीसङ्भागा पिठओवमस्स असंखेजङ्भागेहिं ऊणया, उक्कोसेणं पण्णरस सागरोवमकोडाकोडीओ, पण्णरस वाससयाई अबाहा । नीलवण्णनामाए पुच्छा । गोयमा ! जहन्नेणं सागरोवमस्स सत्त अद्भावीसङ्भागा पिठओवमस्स असं-खेजइभागेणं ऊणया, उक्कोसेणं अद्भद्वारस सागरोवमकोडाकोडीओ, अद्भद्वारस वास-सयाई अबाहा । कालवण्णनामाए जहा छेवद्रसंघयणनामस्स । सुब्भिगंधणामए पुच्छा । गोयमा ! जह सुक्किल्लवण्णामस्स, दुव्भिगंधणामाए जहा छेबद्रसंघयणस्स, रसाणं महराईणं जहा वण्णाणं भणियं तहेव परिवाडीए भाणियव्वं, फासा जे अपसत्था तेसिं जहा छेनद्रस्स, जे पसत्था तेसिं जहा मुक्किल्लवण्णनामस्स, अगुरुलह-नामाए जहा छेवहुस्स, एवं उवघायनामाए वि, पराघायनामाए वि एवं चेव । निरयाण-पुर्वीनामाए पुच्छा। गोयमा! जहन्नेणं सागरोवमसहस्सस्स दो सत्तभागा पिलओव-मस्स असंखेजइभागेणं ऊणया, उक्कोसेणं वीसं सागरोवमकोडाकोडीओ, वीसं वासस-याई अबाहा । तिरियाणुपुर्वीए पुच्छा । गोयमा ! जहन्नेणं सागरोवमस्स दो सत्तभागा पिलओवमस्स असंखेज्जइभागेणं ऊणया, उक्कोसेणं वीसं सागरोवमकोडाकोडीओ, वीसइ वाससयाइं अबाहा । मणुयाणुपुन्वीनामाए णं पुच्छा । गोयमा ! जहन्नेणं सागरोवमस्स दिवङ्कं सत्तभागं पिलओवमस्स असंखेज्जइभागेणं ऊणयं. उक्कोसेणं पण्णरस सागरोवमकोडाकोडीओ, पण्णरस वाससयाई अबाहा । देवाणुपुव्वीनामाए पच्छा । गोयमा ! जहन्नेणं सागरोवमसहस्सस्स एगं सत्तभागं पिलञ्जोवमस्स असं-

खेजाइभागेणं ऊणयं, उक्कोसेणं दस सागरोवमकोडाकोडीओ, दस य वाससयाई अबाहा । ऊसासनामाए पुच्छा । गोयमा ! जहा तिरियाणपुर्व्वीए, आयवनामाए वि एवं चेव । उज्जोयनामाए वि पसत्थविहायोगइनामाए वि पुच्छा । गोयमा ! जहन्नेणं एगं सागरोवमस्स सत्तभागं, उक्कोसेणं दस सागरोवमकोडाकोडीओ, दस वाससयाई अबाहा । अपसत्थविहायोगइनामस्स पुच्छा । गोयमा ! जहन्नेणं सागरोवमस्स दोण्णि सत्तभागा प्रतिओवमस्स असंखेजङ्भागेणं ऊणया. उक्कोसेणं वीसं सागरोवम-कोडाकोडीओ, वीस य वाससयाई अबाहा । तसनामाए थावरनामाए य एवं चेव । सहमनामाए पुच्छा । गोयमा! जहन्नेणं सागरोवमस्स णव पणतीसङ्भागा पिछओव-मस्स असंखेजइभागेणं ऊणया. उक्कोसेणं अद्वारस सागरोवमकोडाकोडीओ, अद्वारस य वाससयाई अबाहा । बायरनामाए जहा अपसत्थविहायोगइनामस्स । एवं पज्जत-नामाए वि, अपजतनामाए जहा सहमनामस्स । पत्तेयसरीरनामाए वि दो सत्तभागा, साहारणसरीरनामाए जहा सहमस्स. थिरनामाए एगं सत्तभागं, अथिरनामाए दो, सुभनामाए एगो, असुभनामाए दो, सुभगनामाए एगो, दूभगनामाए दो, सूसरनामाए एगो. दूसरनामाए दो. आदिज्जनामाए एगो. अणादिज्जनामाए दो. जसोकित्तिनामाए जहन्नेणं अद्र महत्ता. उक्कोसेणं दस सागरोवमकोडाकोडीओ, दस वाससयाई अबाहा। अजसोकित्तिनामाए पुच्छा । गोयमा ! जहा अपसत्थविहायोगइनामस्स, एवं निम्मा-णनामाए वि । तित्थगरणामाए णं पुच्छा । गोयमा ! जहन्नेणं अंतोसागरोवमकोडा-कोडीओ. उक्कोसेण वि अंतोसागरोवमकोडाकोडीओ । एवं जत्थ एगो सत्तभागो तत्थ उक्कोसेणं दस सागरोवमकोडाकोडीओ, दस वाससयाई अबाहा, जत्थ दो सत्तभागा तत्थ उक्कोसेणं वीसं सागरोवमकोडाकोडीओ वीस य वाससयाई अबाहा ॥ ६२३॥ उचागोयस्य णं पुच्छा । गोयमा ! जहन्नेणं अद्र महत्ता, उक्कोसेणं दस सागरोवम-कोडाकोडीओ. दस य वाससयाइं अबाहा । नीयागोत्तरस पुच्छा । गोयमा ! जहा अपसत्थविहायोगइनामस्स ॥ ६२४ ॥ अंतराइए णं पुच्छा । गोयमा ! जहन्नेणं अंतोम्हत्तं, उक्कोसेणं तीसं सागरीवमकोडाकोडीओ, तिण्णि य वाससहस्साइं अबाहा, अबाहूणिया कम्मिडिई कम्मिनिसेगो ॥ ६२५ ॥ एगिंदिया णं मंते ! जीवा णाणाव-रणिजस्स कम्मस्स किं बंधंति १ गोयमा ! जहन्नेणं सागरोवमस्स तिण्णि सत्तभागा पिलओवमस्स असंखेज्जइभागेणं ऊणया. उक्कोसेणं ते चेव पिडपुण्णे बंधंति । एवं निद्वापंचगर्स वि, दंसणचउक्करस वि । एगिंदिया णं भंते !० सायावेयणिज्ञरस कम्मस्स किं बंधंति ? गोयमा ! जहन्नेणं सागरोवमस्स दिवहं सत्तभागं पिलओवमस्स असंखेजइभागेणं ऊणयं. उक्कोसेणं तं चेव पिडपुणं बंधंति । असायावेयणिजस्स जहा णाणावरणिजस्स । एगिंदिया णं भेते ! जीवा सम्मत्तवेयणिजस्स किं बंधित ? गोयमा! णित्थ किंचि बंधंति। एगिंदिया णं भंते! जीवा मिच्छत्तवेयणिजस्स कम्मस्य कि बंधंति १ गोयमा ! जहन्नेणं सागरोवमं पिलओवमस्स असंखेजहभागेणं ऊणं. उक्कोसेणं तं चेत्र पिडपुण्णं बंधंति । एगिंदिया णं भंते ! जीवा सम्मामिच्छ-त्तवेयणिज्ञस्स ० किं बंधंति १ गोयमा ! णत्थि किंचि बन्धन्ति । एगिंदिया णं भंते ! जीवा कप्तायबारसगस्स किं बंधिति ? गोयमा ! जहन्नेणं सागरोवमस्स चतारि सत्तभागे पिलओवमस्स असंखेजइभागेणं ऊणए, उक्कोसेणं ते चेव पिडपुण्णे बंधंति. एवं जाव कोहसंजलणाए वि जाव लोभसंजलणाए वि । इत्थिवेयस्स जहा सायावे-यणिज्ञस्स । एगिंदिया पुरिसवेयस्स कम्मस्स जहन्नेणं सागरोवमस्स एगं सत्तमागं पिलुओवमस्स असंखेज्जङभागेणं ऊणयं, उक्कोसेणं तं चेव पिडपुण्णं बंधंति । एगिंदिया नपंसगवेयस्स कम्मस्स जहन्नेणं सागरोवमस्स दो सत्तभागे पिलओवमस्स असंखेजइभागेणं ऊणए, उक्कोसेणं ते चेव पिडपुण्णे बंधंति । हासरईए जहा पुरिसवेयस्स, अरङ्भयसोगदुगुंछाए जहा नपुंसगवेयस्स । नेरङ्याउयदेवाउयनिर-यगइनामदेवगइनामवेउविवयसरीरनामआहारगसरीरनामनेरइयाणुप्विवनामदेवाणुप्-विनामतित्थगरनाम-एयाणि णव पयाणि ण बंधंति । तिरिक्खजोणियाउयस्स जहन्नेणं अंतोमहत्तं, उक्कोसेणं पुव्वकोडी सत्तिहं वाससहस्सेहिं वाससहस्सइभागेण य अहियं बंधंति । एवं मणुस्साउयस्स वि । तिरियगइनामाए जहा नपुंसगवेयस्स । मण्यगइनामाए जहा सायावेयणिजस्त । एगिंदियनामाए पंचिंदियजाइनामाए य जहा नपुंसगवेयस्स । बेइंदियतेइंदियजाइनामाए पुच्छा । ०जहन्नेणं सागरोवमस्स नव पणतीसइभागे पिठओवमस्स असंखेजाइभागेणं ऊणए, उक्कोसेणं ते चेव पिडपुण्णे बंधंति । चडरिंदियनामाए वि जहन्नेणं सागरोवमस्स णव पणतीसङ्भागे पिछओव-मस्स असंखेजइभागेणं ऊणए, उक्कोसेणं ते चेव पिडपुण्णे बंधंति । एवं जत्थ जह-ण्णगं दो सत्तभागा तिन्नि वा चत्तारि वा सत्तभागा अद्वावीसङ्भागा भवंति, तत्थ णं जहण्णेणं ते चेव पिलओवमस्स असंखेजङ्भागेणं ऊणगा भाणियव्वा. उक्कोसेणं ते चेव पडिपुण्णे बंधंति । जत्थ णं जहण्णेणं एगो वा दिवड्ढी वा सत्तभागो तत्थ जहन्नेणं तं चेव भाणियव्वं उक्कोसेणं तं चेव पिडपुण्णं बंधंति । जसोकित्तिउचागोयाणं जहण्णेणं सागरोवमस्स एगं सत्तभागं पिठओवमस्स असंखेजइभागेणं ऊणं, उक्कोसेणं तं चेव पिडपुण्णं वंधंति । अंतराइयस्स णं भंते ! पुच्छा । गोयमा ! जहा णाणा-वरणिजस्स जाव उक्कोसेणं ते चेव पडिपुण्णे बंधंति ॥ ६२६ ॥ बेइंदिया णं भंते ! जीवा णाणावरणिजस्स कम्मस्स कि बंधिति ? गोयमा जहन्नेणं सागरोवसपणवीसाए

तिण्णि सत्तभागा पिलओवमस्स असंखेजइभागेणं ऊणया. उक्कोसेणं ते चेव पिडपुण्णे बंधंति. एवं निहापंचगस्स वि । एवं जहा एगिंदियाणं भणियं तहा वेइंदियाण वि भाणियव्वं. नवरं सागरोवमपणवीसाए सह भाणियव्वा पिलओवमस्स असंखेजाइभागेणं ऊणा, सेसं तं चेव पडिपुण्ण बंधंति । जत्थ एगिंदिया न बंधंति तत्थ एए वि न बंधंति । बेइंदिया णं भंते ! जीवा मिच्छत्तवेयणिजस्स० किं बंधंति १ गोयमा ! जहन्नेणं सागरोवमपणवीसं पिलओवमस्स असंखेजाइभागेणं ऊणयं, उक्कोसेणं तं चेव पिडपुण्णं चंधंति । तिरिक्खजोणियाउयस्स जहन्नेणं अंतोमुहत्तं, उक्कोसेणं पुञ्वकोडिं चर्रहिं वासेहिं अहियं वंधंति । एवं मण्याउयस्स वि, सेसं जहा एगिंदियाणं जाव अंतरा-इयस्स ॥६२७॥ तेइंदिया णं भंते ! जीवा णाणावरणिजस्स० किं बंधंति ? गोयमा ! जहन्नेणं सागरोवमपण्णासाए तिण्णि सत्तभागा परिओवमस्स असंखेजइभागेणं ऊणया. उक्कोसेणं ते चेव पिडपुण्णे बंधंति. एवं जस्स जइ भागा ते तस्स सागरोवमपण्णासाए सह भाणियव्वा । तेइंदिया णं भंते !० मिच्छत्तवेयणिजस्स कम्मस्स किं बंधंति ? गोयमा ! जहन्नेणं सागरोवमपण्णासं पिलओवमस्सासंखेजइभागेणं ऊणयं, उक्कोसेणं तं चेव पिडपुणं बंधंति । तिरिक्खजोणियाउयस्स जहन्नेणं अंतोमुहत्तं, उक्कोसेणं पुञ्चकोडिं सोलसेहिं राइंदिएहिं राइंदियतिभागेण य अहियं बंधंति. एवं मणुस्साउयस्स वि. सेसं जहा बेइंदियाणं जाव अंतराइयस्स ॥ ६२८॥ चउरिंदिया णं भंते! जीवा णाणावरणिज्ञस्स० किं बंधंति? गोयमा! जहन्नेणं सागरोवमसयस्स तिण्णि सत्तभागे पिलओवमस्स असंखेज्जइभागेणं ऊणए. उद्घोसेणं ते चेव पिडपुण्णे बंधंति, एवं जस्स जइ भागा तस्स सागरोवमसएण सह भाणि-यव्वा । तिरिक्खजोणियाउयस्स कम्मस्स जहन्नेणं अंतोमुहत्तं, उन्नोसेणं पुव्वकोडिं दोहिं मासेहिं अहियं । एवं मणुस्साउयस्स वि, सेसं जहा बेइंदियाणं, णवरं मिच्छत-वेयणिज्ञस्स जहन्नेणं सागरोवमसयं पिठ्योवमस्स असंखेज्ञइभागेणं ऊणयं. उद्योसेणं तं चेव पिंडपुण्णं बंधंति. सेसं जहा बेइंदियाणं जाव अंतराइयस्स ॥ ६२९ ॥ असण्णी णं भंते! जीवा पंचिंदिया णाणावरणिज्ञस्स कम्मस्स किं बंधांति? गोयमा! जहन्नेणं सागरोवमसहस्सस्स तिण्णि सत्तभागे पिलओवमस्सासंखेजाइभागेणं ऊगए, उक्कोसेणं ते चेव पिडपुण्णे बंधंति. एवं सो चेव गमो जहा बेइंदियाणं. णवरं सागरोवमसहस्सेण समं भाणियव्वं जस्स जड भागत्ति । मिच्छत्तवेयणिज्जस्स जहन्नेणं सागरोवमसहस्सं पिल्ओवमस्सासंखेजइभागेणं ऊणयं. उक्कोसेणं तं चेव पिंडपुण्णं । नेरङ्याउयस्स जहन्नेणं दस वाससहस्साइं अंतोमहत्तमञ्भिहयाइं. उक्को-सेणं पिलओवमस्स असंखेजइभागं पुव्वकोडितिभागव्महियं बंधंति । एवं तिरिक्ख-

जोणियाउयस्स वि, णवरं जहण्णेणं अंतोमुहुत्तं, एवं मणुयाउयस्स वि, देवाउयस्स जहा नेरइयाउयस्स । असण्णी णं भंते ! जीवा पंचिंदिया निरयगइनामाए कम्मस्स किं बंधंति ? गोयमा ! जहन्नेणं सागरीवमसहस्सस्स दो सत्तभागे पिलओवमस्स असंखेजइभागेणं ऊणए, उक्कोसेणं ते चेव पिडपुण्णे , एवं तिरियगइनामाए वि । मणुयगइनामाए वि एवं चेव, नवरं जहन्नेणं सागरोवमसहस्सस्स दिवहं सत्तभागं पिल-ओवमस्सासंखेजइभागेणं ऊणं, उक्कोसेणं तं चेव पडिपुण्णं बंधंति । एवं देवगइना-माए वि, नवरं जहन्नेणं सागरोवमसहस्सस्स एगं सत्तभागं पिठओवमस्सासंखेजङ्-भागेणं ऊणं, उक्कोसेणं तं चेव पडिपुण्णं बंधंति । वेउव्वियसरीरनामाए पुच्छा । गोयमा! जहन्नेणं सागरोवमसहस्सस्स दो सत्तभागे पल्लिओवमस्सासंखेजाइभागेणं ऊणे, उक्कोसेणं दो पिडपुण्णे बंधंति। सम्मत्तसम्मामिच्छत्तआहारगसरीरनामाए तित्थगरनामाए न किंचि वि बंधंति । अवसिद्धं जहा बेइंदियाणं, णवरं जस्स जत्तिया भागा तस्स ते सागरोवमसहस्सेण सह भाणियव्वा सव्वेसिं आणुपुव्वीए जाव अंत-राइयस्स ॥ ६३० ॥ सण्णी णं भंते ! जीवा पंचिंदिया णाणावरणिजस्स कम्मस्स कि बंधंति ? गोयमा ! जहन्नेणं अंतोमुहुत्तं, उक्कोसेणं तीसं सागरोवमकोडाकोडीओ, तिण्णि वाससहस्साइं अबाहा । सण्णी णं भंते !० पंचिंदिया णिद्दापंचगस्स किं बंधंति १ गोयमा ! जहन्नेणं अंतोसागरोवमकोडाकोडीओ, उक्कोसेणं तीसं सागरोवमकोडा-कोडीओ, तिण्णि य वाससहस्साई अबाहा । दंसणचउक्कस्स जहा णाणावरणिज्जस्स । सायावेयणिज्जस्स जहा ओहिया ठिई भणिया तहेव भाणियव्वा, इरियावहियबंधयं पडुच संपराइयबंधयं च । असायावेयणिज्ञस्स जहा णिद्दापंचगस्स । सम्मत्तवेयणि-जस्स सम्मामिच्छत्तवेयणिजस्स जा ओहिया ठिई भणिया तं वंधंति । मिच्छत्तवेयणि-जस्स जहन्नेणं अंतोसागरोवमकोडाकोडीओ, उक्कोसेणं सत्तरिं सागरोवमकोडाकोडीओ, सत्तारे य वाससहस्साइं अबाहा । कसायबारसगस्स जहन्नेणं एवं चेव, उक्कोसेणं चत्ता-लीसं सागरोवमकोडाकोडीओ, चत्तालीस य वाससयाई अबाहा । कोहमाणमायालोभ-संजलणाए य दो मासा, मासो, अद्धमासो, अंतोमुहुत्तो, एवं जहन्नगं; उक्कोसगं पुण जहा कसायबारसगस्स । चउण्ह वि आउयाणं जा ओहिया ठिई भणिया तं बंधंति । आहारगसरीरस्स तित्थगरनामाए य जहण्णेणं अंतोसागरोवमकोडाकोडीओ, उक्को-सेणं अंतोसागरोवमकोडाकोडीओ । पुरिसवेयणिज्जस्स जहन्नेणं अह संवच्छराइं, उक्को-सेणं दस सागरोवमकोडाकोडीओ, दस य वाससयाई अबाहा । जसोकित्तिणामाए उचागोत्तस्स एवं चेव, नवरं जहन्नेणं अट्ट मुहुत्ता । अंतराइयस्स जहा णाणावरणि-जरस, सेसएस सन्वेस ठाणेस संघयणेस संठाणेस वन्नेस गंधेस य जहनेणं अंतोसा-

गरोवमकोडाकोडीओ, उक्कोसेणं जा जस्स ओहिया ठिई भणिया तं बंधंति, णवरं इमं णाणतं-अबाहा अबाहूणिया ण वृच्चइ । एवं आणुपृव्वीए सव्वेसिं जाव अंतराइयस्स ताव भाणियव्वं ॥ ६३१ ॥ णाणावरणिज्ञस्स णं भंते ! कम्मस्स जहण्णिठिईबंधए के ? गोयमा ! अण्णयरे सुहमसंपराए उवसामए वा खवगए वा, एस णं गोयमा ! णाणावरणिज्ञस्स कम्मस्स जहण्णिठिईबंधर्ए. तन्बद्धरिते अजहण्णे, एवं एएणं अभिला-वेणं मोहाउयवजाणं सेसकम्माणं भाणियव्वं । मोहणिजस्स णं भंते ! कम्मस्स जह-ण्णिठिईवंधए के ? गोयमा ! अन्नयरे बायरसंपराए उवसामए वा खवए वा. एस णं गोयमा ! मोहणिज्ञस्स कम्मस्स जहण्णिठईबंधए, तन्वइरित्ते अजहण्णे । आउयस्स णं भंते! कम्मस्स जहण्णिठईवंघए के? गोयमा! जे णं जीवे असंखेप्पद्धापविदे. सन्वनिरुद्धे से आउए, सेसे सन्वमहंतीए आउयबंधदाए, तीसे णं आउयबंधदाए चरिमकालसमयंति सन्वजहण्णियं ठिइं पज्जतापज्जत्तियं निव्वतेइ. एस णं गोयमा ! आउयकम्मस्स जहण्णिठिईबंधए. तव्बइरित्ते अजहण्णे ॥ ६३२ ॥ उद्योसकालद्भिइयं णं भंते ! णाणावरणिज्ञं ० किं नेरइओ बंधइ, तिरिक्खजोणिओ बंधइ, तिरिक्खजो-णिणी वंधइ, मणुस्सो बंधइ, मणुस्सिणी बंधइ, देवो वंधइ, देवी बंधइ ? गोयमा ! नेरइओ वि बंधइ जाव देवी वि बंधइ। केरिसए णं भंते! नेरइए उक्कोसकालिह-इयं णाणावरणिजं कम्मं बंधइ ? गोयमा ! सण्णी पंचिंदिए सव्वाहिं पजनीहिं पजाते सागारे जागरे सुत्तो(ओ)वउत्ते मिच्छादिद्री कण्हलेसे य उक्कोससंकिलिद्रपरि-णामे ईसिमज्झिमपरिणामे वा, एरिसए णं गोयमा! नेरइए उक्कोसकालद्विड्यं णाणा-वरणिजं कम्मं बंधड । केरिसए णं भंते ! तिरिक्खजोणिए उक्कोसकालद्विडयं णाणा-वरणिजं कम्मं बंधइ ? गोयमा ! कम्मभूमए वा कम्मभूमगपळिभागी वा सण्णी पंचिंदिए सव्वाहिं पजनीहिं पजनाए सेसं तं चेव जहा नेरइयस्स । एवं तिरिक्ख-जोणिणी वि मणूसे वि मणूसी वि, देवदेवी जहा नेरइए, एवं आउयवजाणं सत्तण्हं कम्माणं । उक्कोसकालिह्रइयं णं भंते ! आउयं कम्मं किं नेरइओ बंधइ जाव देवी बंधइ ? गोयमा ! नो नेरइओ बंधइ, तिरिक्खजोणिओ बंधइ, नो तिरिक्खजोणिणी बंधइ, मणुस्से वि बंधइ, मणुस्सी वि बंधइ, नो देवो बंधइ, नो देवी बंधइ। केरिसए णं भंते! तिरिक्खजोणिए उक्कोसकालिह्ड्यं आउयं कम्मं बंध्र्ड्? गोयमा! कम्मभूमए वा कम्मभूमगपिलभागी वा सण्णी पंचिंदिए सव्वाहिं पज्जत्तीहिं पज्जत्तए सागारे जागरे सत्तोवउत्ते मिच्छिहिद्री परमकण्हलेसे उक्कोससंकिलिद्रपरिणामे, एरिसए णं गोयमा! तिरिक्खजोणिए उक्कोसकालद्भिश्यं आउयं कम्मं बंधइ। केरिसए णं भंते! मणूसे उक्कोसकालद्विइयं आउयं कम्मं बंधइ ? गोयमा ! कम्मभूमए वा कम्मभूमग- पिलभागी वा जाव सत्तो(तो)वउत्ते सम्मदिट्टी वा मिच्छिद्दिट्टी वा कण्हलेसे वा सक्किसे वा णाणी वा अण्णाणी वा उक्कोससंकिलिट्टपरिणामे वा असंकिलिट्टपरिणामे वा तप्पा- उग्गविसुज्झमाणपरिणामे वा, एरिसए णं गोयमा ! मणूसे उक्कोसकालिट्टिश्यं आउयं कम्मं बन्धइ । केरिसिया णं भंते ! मणुस्सी उक्कोसकालिट्टिश्यं आउयं कम्मं बन्धइ ? गोयमा ! कम्मभूमिया वा कम्मभूमगपिलभागी वा जाव सत्तोवउत्ता सम्मादिट्टी सुक्कलेसा तप्पाउग्गविसुज्झमाणपरिणामा, एरिसिया णं गोयमा ! मणूसी उक्कोसकालिट्टिश्यं आउयं कम्मं बन्धइ, अंतराइयं जहा णाणावरणिजं ॥ ६३३ ॥ बीओ उद्देसो समत्तो ॥ पन्नवणाए भगवईए तेवीसइमं कम्मपगडीपयं समत्तं ॥

कड णं भंते ! कम्मपगडीओ पण्णताओ ? गोयमा ! अड कम्मपगडीओ पण्ण-त्ताओ । तंजहा-णाणावरणिजं जाव अंतराइयं । एवं नेरइयाणं जाव वेमाणियाणं । जीवे णं भंते! णाणावरणिजं कम्मं बन्धमाणे कइ कम्मपगडीओ बन्धइ? गोयमा! सत्तविहबन्धए वा अट्ठविहबन्धए वा छिव्वहबन्धए वा । नेरइए णं भंते ! णाणा-वरणिजं कम्मं बन्धमाणे कइ कम्मपगडीओ बन्धइ ? गोयमा ! सत्तविहबन्धए वा अद्भविहबन्धए वा, एवं जाव वेमाणिए, णवरं मणुरसे जहा जीवे। जीवा णं भंते! णाणावरणिजं कम्मं बन्धमाणा कइ कम्मपगडीओ बन्धन्ति ? गोयमा ! सव्वे वि ताव होज सत्तविहबन्धगा य अद्भविहबन्धगा य, अहवा सत्तविहबन्धगा य अद्भ-विहबन्धगा य छिव्वहबन्धगे य, अहवा सत्तविहबन्धगा य अट्टविहबन्धगा य छिव्वहबन्धगा य । णेरइया णं भंते ! णाणावरणिजं कम्मं बन्धमाणा कइ कम्म-पगडीओ बन्धन्ति ? गोयमा ! सब्वे वि ताव होज्जा सत्तविहबन्धगा, अहवा सत्तविह-बन्यगा य अद्भविहबन्धगे य, अहवा सत्तविहबन्धगा य अद्भविहबन्धगा य तिणिण भंगा, एवं जाव थणियकुमारा । पुढविकाइया णं पुच्छा । गोयमा ! सत्तविहबन्धगा वि अट्ठविहबन्थगा वि, एवं जाव वणस्सइकाइया। विगलाणं पंचिंदियतिरिक्ख-जोणियाणं तियभंगो-सन्वे वि ताव होजा सत्तविहबन्धगा, अहवा सत्तविहबन्धगा य अद्रविहबन्धगे य. अहवा सत्तविहबन्धगा य अद्वविहबन्धगा य । मणूसा णं भंते ! गाणावरणिज्ञस्स पुच्छा । गोयमा! सब्वे वि ताव होज्जा सत्तविहबन्धगा १. अहवा सत्तिविहबन्धगा य अद्वविहबन्धगे य २, अहवा सत्तविहबन्धगा य अद्वविहबन्धगा य ३, अहवा सत्तविहबन्धगा य छिव्वहबन्धए य ४, अहवा सत्तविहबन्धगा य छिव्वहबन्धगा य ५, अहवा सत्तविहबन्धगा य अद्भविहबन्धगे य छिव्वहवन्धगे य ६, अहवा सत्तविहबन्धगा य अद्वविहबन्धगे य छव्विहबन्धगा य ७, अहवा सत्त-विहबन्धगा य अद्वविहबन्धगा य छिन्नहबन्धगे य ८, अहवा सत्तविहबन्धगा य

अद्भविह्वंघगा य छव्विह्बन्धगा य ९, एवं एए नव भंगा। सेसा वाणमंतराइया जाव वेमाणिया जहा नेरइया सत्तविहाइबन्धगा भणिया तहा भाणियव्वा । एवं जहा णाणावरणं बन्धमाणा जिहं भणिया दंसणावरणं पि बन्धमाणा तिहं जीवाइया एगत्तपोहत्तएहिं भाणियव्वा ॥ ६३४ ॥ वेयणिजं० बंधमाणे जीवे कह कम्मपगडीओ बन्धइ ? गोयमा ! सत्तविहबन्धए वा अट्ठविहबन्धए वा छव्विहबन्धए वा एगविह-बन्धए वा, एवं मणूसे वि । सेसा नारगाइया सत्तविहबन्धगा वा अट्टविहबन्धगा वा जाव वेमाणिए । जीवा णं भंते ! वेयणिजं कम्मं पुच्छा । गोयमा ! सब्वे वि ताव होजा सत्तविहबन्धगा य अद्वविहबन्धगा य एगविहबन्धगा य छव्विहबन्धए य अहवा सत्तविहबन्धगा य अद्भविहबन्धगा य एगविहबन्धगा य छिव्वहबन्धगा य, अवसेसा नारगाइया जाव वेमाणिया जाओ णाणावरणं बंधमाणा बंधन्ति ताहिं भाणियव्वा । नवरं मणूसा णं भंते ! वेयणिजं कम्मं बन्धमाणा कइ कम्मपगडीओ बंधंति ? गोयमा ! सन्वे वि ताव होज्जा सत्तविहबन्धगा य एगविहबन्धगा य १, अहवा सत्तविहबन्धगा य एगविहबन्धगा य अद्रविहबन्धगे य २. अहवा सत्तविह-बन्धगा य एगविहबन्धगा य अद्भविहबन्धगा य ३. अहवा सत्तविहबन्धगा य एगविहबन्धगा य छिव्वहबन्धगे य ४, अहवा सत्तविहबन्धगा य एगविहबन्धगा य छव्विहबन्धगा य ५, अहवा सत्तविहबन्धगा य एगविहबन्धगा य अद्भविहबन्धए य छिन्वहबन्धए य ६, अहवा सत्तविहबन्धगा य एगविहबन्धगा य अट्टविहबन्धए य छिव्वहबन्धगा य ७, अहवा सत्तविहबन्धगा य एगविहबन्धगा य अद्भविहबन्धगा य छव्विहबन्धगे य ८, अहवा सत्तविहबन्धगा य एगविहबन्धगा य अद्भविहबन्धगा य छव्विहबन्धगा य ९, एवं एए नव भंगा भाणियव्वा ॥ ६३५ ॥ मोहणिज्ञं० बन्धमाणे जीवे कइ कम्मपगडीओ बन्धइ ? गोयमा ! जीवेगिंदियवज्जो तियमंगो । जीवेगिंदिया सत्तविहबन्धगा वि अद्भविहबन्धगा वि । जीवे णं भंते ! आउयं कम्मं बन्धमाणे कइ कम्मपगडीओ बन्धइ ? गोयमा ! नियमा अद्व, एवं नेरइए जाव वेमा-णिए, एवं पुहत्तेण वि । णामगोयंतराइयं० बन्धमाणे जीवे कह कम्मपगडीओ बन्धइ ? गोयमा! जाओ णाणावरणिजं कम्मं बन्धमाणे बन्धइ ताहिं भाणियव्वो. एवं नेरइए वि जाव वेमाणिए, एवं पहत्तेण वि भाणियव्वं ॥ ६३६ ॥ पन्नवणाए भगवर्डए चउवीसडमं कम्मबन्धपयं समत्तं॥

कइ णं भंते! कम्मपगडीओ पन्नत्ताओ? गोयमा! अट्ठ कम्मपगडीओ पन्नत्ताओ। तंजहा—णाणावरणिजं जाव अंतराइयं, एवं नेरइयाणं जाव वेमाणियाणं। जीवे णं भंते! णाणावरणिजं कम्मं बन्धमाणे कइ कम्मपगडीओ वेएइ? गोयमा! नियमा अह कम्मपगडीओ वेएइ। एवं नेरइए जाव वेमाणिए, एवं पुहुत्तेण वि। एवं वेयणिजवर्जं जाव अंतराइयं। जीवे णं मंते! वेयणिजं कम्मं बन्धमाणे कह कम्मप्गडीओ वेदेह १ गोयमा! सत्तविहवेदए वा अहिवहवेदए वा चडिवहवेदए वा, एवं मण्से वि। सेसा नेरइयाई एग्तेणं पुहुत्तेण वि नियमा अह कम्मपगडीओ वेदेंति जाव वेमाणिया। जीवा णं मंते! वेयणिजं कम्मं बन्धमाणा कह कम्मपगडीओ वेदेंति १ गोयमा! सव्वे वि ताव होजा अहुविहवेदगा य चडिवहवेदगा य नु अहवा अहुविहवेदगा य चडिवहवेदगा य सत्तविहवेदगा य नु अहवा अहुविहवेदगा य सत्तविहवेदगा य स्तविहवेदगा स्ववंदगा स्ववंदग

कड णं भंते ! कम्मपगडीओ पन्नताओ ? गोयमा ! अट्र कम्मपगडीओ पन्नताओ । तंजहा---णाणावरणिजं जाव अंतराइयं । एवं नेरइयाणं जाव वेमाणियाणं । जीवे णं भंते ! णाणावरणिजं कस्मं वेयमाणे कइ कम्मपगडीओ बन्धइ ? गोयमा ! सत्तविहबन्धए वा अट्ठविहबन्धए वा छिन्वहबन्धए वा एगविहबन्धए वा । नेरइए णं भंते ! णाणावरणिक्कं कम्मं वेयमाणे कइ कम्मपगडीओ बन्धइ ? गोयमा ! सत्तविहबन्धए वा अट्टविहबन्धए वा, एवं जाव वेमाणिए, एवं मणूसे जहा जीवे। जीवा णं भंते! णाणावरणिजं कम्मं वेएमाणा कह कम्मपगडीओ बन्धन्ति? गोयमा ! सन्वे वि ताव होजा सत्तविहबन्धगा य अट्टविहबंधगा य १, अहवा सत्तविहबन्धगा य अद्भविहबन्धगा य छिव्वहबन्धगे य २, अहवा सत्तविहबन्धगा य अट्टविहबन्धगा य छिव्वहबन्धगा य ३, अहवा सत्तविहबन्धगा य अट्टविहबन्धगा य एगविहबन्धए य ४, अहवा सत्तविहबन्धगा य अद्रविहबन्धगा य एगविहबन्धगा य ५, अहवा सत्तविहबन्धगा य अट्ठविहबन्धगा य छिव्वहबन्धए य एगविहबन्धए य ६, अहवा सत्तविहबन्धगा य अद्वविहबन्धगा य छिव्वहबन्धए य एगविहबन्धगा य ७, अहवा सत्तविहबन्धगा य अद्वविहबन्धगा य छिव्वहबन्धगा य एगविहबन्धए य ८, अहवा सत्तविहबन्धगा य अद्वविहबन्धगा य छिव्वहबन्धगा य एगविहबन्धगा य ९, एवं एए नव भंगा । अवसेसाणं एगिंदियमणूसवज्जाणं तियभंगो जाव वेमा-णियाणं । एगिंदिया णं सत्तविहबन्धगा य अद्वविहबन्धगा य । मणूसाणं पुच्छा । गोयमा ! सन्वे वि ताव होज्ज सत्तविहबन्धगा १, अहवा सत्तविहबन्धगा य अट्टवि-हबन्धगे य २, अहवा सत्तविहबन्धगा य अद्वविहबन्धगा य ३, अहवा सत्तविहब-न्धगा य छिव्वहबन्धए य ४, एवं छिव्वहबन्धएण वि समं दो मंगा ५, एगविहब-न्धएण वि समं दो भंगा ६-७, अहवा सत्तविहबन्धगा य अद्रविहबन्धए य छव्वि-

हबन्धए य चउभंगो १, अहवा सत्तविहबन्धगा य अद्भविहबन्धए य एगविहबन्धगे य चडभंगो २, अहवा सत्तविहबन्धगा य छिव्वहवन्धए य एगविहबन्धए य चडभंगो ३, अहवा सत्तविहबन्धगा य अद्भविहबन्धए य छव्विहबन्धए य एगविहबन्धए य भंगा अह, एवं एए सत्तावीसं भंगा। एवं जहा णाणावरणिजं तहा दंसणावरणिजं पि अंतराइयं पि ॥ ६३८ ॥ जीवे णं भंते ! वेयणिजं कम्मं वेएमाणे कह कम्मपगडीओ बन्यइ ? गोयमा ! सत्तविहबंधए वा छिव्वहबन्धए वा एगविहबन्धए वा अबंधए वा, एवं मणूसे वि । अवसेसा णारयाइया सत्तविहबन्धगा अद्भविहबन्धगा य, एवं जाव वेमाणिया। जीवा णं भंते ! वेयणिजं कम्मं वेएमाणा कइ कम्मपगडीओ बन्धन्ति ? गोयमा! सन्वे वि ताव होजा सत्तविहबन्धगा य अद्रविहबन्धगा य एगविहबन्धगा य १, अहवा सत्तविहबन्धगा य अद्भविहबन्धगा य एगविहबन्धगा य छव्विहबंधगे य २. अहवा सत्तविहबन्धगा य अद्भविहबन्धगा य एगविहबन्धगा य छव्विहबन्धगा य ३, अबंधरोण वि समं दो भंगा भाणियव्वा ५, अहवा सत्तविहबन्धगा य अह-विहबन्धगा य एगविहबन्धगा य छिव्वहबन्धगे य अबंधगे य चडभंगो, एवं एए नव भंगा। एगिंदियाणं अभंगयं नारगाईणं तियभंगा जाव वेमाणियाणं। नवरं मणूसाणं पुच्छा । सन्वे वि ताव होजा सत्तविहबंधगा य एगविहबन्धगा य, अहवा सत्तविह-बन्धगा य एगविहबंधगा य छव्तिहबंधए य अद्रविहबंधए य अबंधए य. एवं एए सत्तावीसं भंगा भाणियव्वा. एवं जहा वेयणिजं तहा आउयं नामं गोयं च भाणि-यव्यं । मोहणिजं वेएमाणे जहा णाणावरणिजं तहा भाणियव्यं ॥ ६३९ ॥ पन्नव-णाए भगवईए छव्वीसडमं कम्मवेयवन्धपयं समत्तं ॥

कइ णं भंते ! कम्मपगडीओ पन्नताओ ? गोयमा ! अट्ठ कम्मपगडीओ पन्नताओ । तंजहा-णाणावरणं जाव अंतराइयं, एवं नेरइयाणं जाव वेमाणियाणं । जीवे णं भंते ! णाणावरणिजं कम्मं वेएमाणे कइ कम्मपगडीओ वेएइ ? गोयमा ! सत्तविहवेयए वा अट्ठविहवेयए वा, एवं मण्से वि । अवसेसा एगत्तेण वि पुहुत्तेण वि णियमा अट्ठ कम्मपगडीओ वेदेंति जाव वेमाणिया । जीवा णं भंते ! णाणावरणिजं० वेएमाणा कइ कम्मपगडीओ वेएंति ? गोयमा ! सक्वे वि ताव होजा अट्ठविहवेयगा १, अहवा अट्ठविहवेयगा य सत्तविहवेयगे य २, अहवा अट्ठविहवेयगा य सत्तविहवेयगे य २, प्रवं मण्सा वि । दिसणावरणिजं अंतराइयं च एवं चेव माणियव्वं । वेयणिजं आउयनामगोत्ताइं वेएमाणे कइ कम्मपगडीओ वेएइ ? गोयमा ! जहा बंधवेयगस्स वेयणिजं तहा भाणियव्वाणि । जीवे णं भंते ! मोहणिजं कम्मं वेएमाणे कइ कम्मपगडीओ वेएइ, एवं नेरइए जाव

वेमाणिए, एवं पुहुत्तेण वि ॥ ६४० ॥ **पन्नवणाए भगवईए सत्तावीसइमं** कम्मवेयवेयपयं समत्तं ॥

सिचताहारदी केवर किं वावि सञ्वओ चेव । करभागं सञ्वे खलु परिणामे चेव बोद्धव्वे ॥१॥ एगिंदियसरीराई लोमाहारो तहेव मणभक्खी । एएसिं तु पयाणं विभा-वणा होइ कायव्वा ॥२॥ नेरइया णं भंते ! किं सचित्ताहारा, अचित्ताहारा, मीसा-हारा १ गोयमा ! नो सचित्ताहारा, अचित्ताहारा, नो मीसाहारा, एवं असरकमारा जाव वेमाणिया । ओरालियसरीरा जाव मणसा सचित्ताहारा वि अचित्ताहारा वि मीसाहारा वि । नेरइया णं भंते ! आहारद्री ? हन्ता ! आहारद्री । नेरइया णं भंते ! केवडकालस्स आहारद्रे समुप्पज्जइ ? गोयमा ! नेरइयाणं दुविहे आहारे पन्नते । तंजहा-आभोगनिव्वत्तिए य अणाभोगनिव्वत्तिए य । तत्थ णं जे से अणाभोगनिव्य-त्तिए से णं अणुसमयमविरहिए आहारद्वे समुप्पज्जइ । तत्थ णं जे से आभोगनिव्व-त्तिए से णं असंखिजसमइए अंतोमहत्तिए आहारहे समुप्पजइ ॥ ६४१ ॥ नेरडया णं भंते! किमाहारमाहारेंति? गोयमा! दव्वओ अणंतपएसियाई, खेत्तओ असंखेज-पएसोगाढाई, कालओ अण्णयरद्भिड्याई, भावओ वण्णमंताई गंधमंताई रसमंताई: फासमंताई। जाई भंते! भावओ वण्णमंताई आहारेंति ताई कि एगवण्णाई आहारेंतिः जाव पंचवण्णाइं आहारेंति ? गोयमा ! ठाणमग्गणं पडुच एगवण्णाइं पि आहारेंति जाव पंचवण्णां पि आहारेंति, विहाणमग्गणं पडुच कालवण्णाः पि आहारेंति जाव सुक्किल्लाई पि आहारेंति । जाई० वण्णओ कालवण्णाई आहारेंति ताई कि एग-गुणकालाई आहारेंति जाव दसगुणकालाई आहारेंति, संखिजगुणकालाई, असं-खिजगुणकालाई, अणंतगुणकालाई आहारेंति ? गोयमा ! एगगुणकालाई पि आहा-रेंति जाव अणंतगुणकालाई पि आहारेंति, एवं जाव सुक्किल्लाई पि, एवं गंघओ वि रसओ वि । जाई भावओ फासमंताई आहारेंति ताई नो एगफासाई आहारेंति, नो दुफासाइं आहारेंति, नो तिफासाइं आहारेन्ति, चलफासाइं पि आहारेन्ति जाव अट्र-फासाइं पि आहारेन्ति, विहाणमग्गणं पडुच कक्खडाइं पि आहारेन्ति जाव लक्खाइं। जाइं॰ फासओ कक्खडाइं आहारेन्ति ताइं किं एगगुणकक्खडाइं आहारेन्ति जाव अणंतगुणकक्खडाई आहारेन्ति ? गोयमा! एगगुणकक्खडाई पि आहारेन्ति जाव अणंतगुणकक्खडाइं पि आहारेन्ति, एवं अट्ट वि फासा भाणियव्वा जाव अणंत-गुणळुक्खाई पि आहारेन्ति । जाई भंते ! अणंतगुणळुक्खाई आहारेन्ति ताई किं पुट्ठाई आहारेन्ति अपुट्ठाई आहारेन्ति १ गोयमा ! पुट्ठाई आहारेन्ति, नो अपुट्ठाई आहारेन्ति, जहा भासुद्देसए जाव णियमा छिद्दिसि आहारेन्ति, ओसण्णं कारणं

पडुच वण्णओ कालनीलाइं, गंघओ दुब्भिगधाइं, रसओ तित्तकडुयाइं, फासओ कक्खडगुरुयसीयलुक्खाइं, तेसिं पोराणे वण्णगुणे गंधगुणे रसगुणे फासगुणे विपरि-णामइत्ता परिपीलइत्ता परिसाडइत्ता परिविद्धंसङ्ता अण्णे अपुन्वे वण्णगुणे गंधगुणे रसगुणे फासगुणे उप्पाइत्ता आयसरीरखेत्तोगाढे पोग्गले सव्वप्पणयाए आहारं आहारेन्ति । नेरइया णं भंते ! सव्वओ आहारेन्ति, सव्वओ परिणामेंति, सव्वओ ऊससंति, सञ्ज्ञओ नीससंति, अभिक्खणं आहारेन्ति अभिक्खणं परिणामेंति, अभिक्खणं ऊससंति, अभिक्खणं नीससंति, आहच आहारेन्ति, आहच परिणा-मेंति, आहच ऊससंति, आहच नीससंति? हंता गोयमा! नेरइया सन्वओ आहारेन्ति एवं तं चेव जाव आहच नीससंति ॥ ६४२ ॥ नेरइया णं भंते ! जे पोग्गले आहारताए गिण्हंति ते णं तेसिं पोग्गलाणं सेयालंसि कड्भागं आहा-रेन्ति, कह्मागं आसाएंति ? गोयमा! असंखेजह्मागं आहारेन्ति, अणंतभागं अस्साएंति । नेरइया णं भंते ! जे पोग्गले आहारताए गिण्हंति ते किं सन्वे आहारेन्ति, नो सब्बे आहारेंति ? गोयमा! ते सब्बे अपरिसेसए आहारेन्ति । नेरइया णं भंते! जे पोग्गला आहारताए निण्हंति ते णं पोग्गला तेसिं कीसताए भुज्जो भुज्जो परिणमंति ? गोयमा! सोइंदियत्ताए जाव फासिंदियताए अणिहत्ताए अकंतत्ताए अप्पियत्ताए असुभत्ताए अमणुण्णताए अमणामत्ताए अणिच्छियताए अ(ण)भिज्झियताए अहत्ताए नो उडुताए दुक्खताए नो सहताए तेसिं भुजो मुज्जो परिणमंति ॥ ६४३ ॥ असुरकुमारा णं भंते ! आहारट्टी ? हंता ! आहारट्टी । एवं जहा नेरइयाणं तहा असुरकुमाराण वि भाणियव्वं जाव तेसिं भुजो भुजो परिणमंति । तत्थ णं जे से आभोगनिव्वत्तिए से णं जहण्णेणं चउत्थमत्तरस, उक्कोसेणं साइरेगवाससहरूसस्स आहारहे समुप्पज्जः । ओसण्णं कारणं पहुच वण्णओ हालिद्सुक्तिल्लाइं, गंधओ सुब्भिगंघाइं, रसओ अंबिलमहुराइं, फासओ मउयल्ह्य-निद्धुण्हाइं, तेसिं पोराणे वण्णगुणे जाव फासिंदियत्ताए जाव मणामत्ताए इच्छियत्ताए भिज्झियत्ताए उष्ट्रताए नो अहत्ताए सहताए नो दुहताए तेसि भुजो भुजो परिणमंति, सेसं जहा नेरइयाणं, एवं जाव थणियकुमाराणं, नवरं आभोगनिव्वत्तिए उक्रोसेणं दिवसपुहुत्तस्स आहारहे समुप्पज्जइ ॥ ६४४ ॥ पुढविकाइया णं भंते ! आहारट्टी ? हंता! आहारट्टी। पुढविकाइया णं भंते! केवइकालस्स आहारट्टे समुप्पज्जइ ? गोयमा ! अणुसमयमविरहिए आहारट्ठे समुप्पज्जइ । पुढविकाइया णं भंते ! किमाहारमाहारेन्ति ? एवं जहा नेरइयाणं जाव ताई कइदिसिं आहारेन्ति ? गोयमा ! निञ्चाचाएणं छिद्दिसिं, वाघायं पडुच सिय तिदिसिं सिय चउदिसिं सिय

पंचिदिसिं. नवरं ओसन्नकारणं न भण्णइ। वण्णओ कालनीललोहियहालिहसुिकलाई. गंघओ सब्भिगंघद्विभगंघाइं, रसओ तित्तरसक्दुयरसक्सायरसअंत्रिलमहराइं फासओ कम्खडफासमडयगुरुयलहुयसीयडण्हणिद्धलुक्खाई, तेसिं पोराणे वण्णगुणे सेसं जहा नेरइयाणं जाव आहच नीससंति । पुढविकाइया णं भंते ! जे पोग्गले आहारत्ताए गिण्हांति तेसिं भंते! पोग्गलाणं सेयालंसि कइभागं आहारेन्ति. कहभागं आसाएंति ? गोयमा ! असंखेजइभागं आहारेन्ति, अणंतभागं आसाएंति । प्रदिब-काइया णं भंते! जे पोग्गले आहारत्ताए गिण्हंति ते किं सव्वे आहारेन्ति. नो सब्वे आहारेन्ति ? जहेव नेरहया तहेव। पुढविकाइया णं भंते ! जे पोग्गले आहारत्ताए गिण्हंति ते णं पुग्गला तेसिं कीसत्ताए भुज्जो भुज्जो परिणमंति? गोयमा ! फासिंदियवेमायत्ताए तेसिं भुज्जो भुज्जो परिणमंति, एवं जाव वणस्सइकाइया ॥ ६४५ ॥ बेइंदिया णं भंते ! आहारही ? हन्ता ! आहारही । बेइंदिया णं भंते ! केवइकालस्स आहारट्टे समुप्पज्जइ ? जहा नेरइयाणं, नवरं तत्थ णं जे से आभोग-निव्वत्तिए से णं असंखिजसमइए अंतोमुहत्तिए वेमायाए आहारहे समुप्पजइ, सेसं जहा पढविकाइयाणं जाव आहच नीससंति, नवरं नियमा छहिसिं। बेइंदियाणं भंते! जे पोग्गले आहारताए गिण्हांति ते णं तेसिं पुग्गलाणं सेयालंसि कइ-भागं आहारेन्ति कइभागं आसाएंति ? एवं जहा नेरइयाणं । बेइंदिया णं भंते ! जे पोग्गला आहारताए गिण्हांति ते किं सब्वे आहारेन्ति, णो सब्वे आहारेन्ति? गोयमा ! बेइंदियाणं दुविहे आहारे पन्नते । तंजहा--लोमाहारे य पक्खेवाहारे य, जे पोगले लोमाहारताए गिण्हन्ति ते सब्वे अपरिसेसे आहारेन्ति, जे पोग्गले पक्खेवाहारत्ताए गेण्हंति तेसिमसंखेजाइमागमाहारेन्ति, अणेगाइं च णं भागसहस्साइं अफासाइज्जमाणाई अणासाइज्जमाणाई विद्धंसमागच्छंति । एएसि णं भंते ! पोग्ग-लाणं अणासाइज्जमाणाणं अफासाइज्जमाणाण य क्यरे क्यरेहिंतो अप्पा वा ४ ? गोयमा ! सन्वत्थोवा पोग्गला अणासाइज्जमाणा, अफासाइज्जमाणा अणंतगुणा । बेइंदिया णं भंते ! जे पोग्गला आहारताए-पुच्छा । गोयमा ! जिब्भिदियफासिंदिय-वेमायत्ताए तेसिं भुज्जो भुज्जो परिणमंति । एवं जाव चउरिंदिया, णवरं णेगाइं च णं भागसहस्साइं अणाघाइज्जमाणाइं अणासाइज्जमाणाइं अफासाइज्जमाणाइं विद्धंसमा-गच्छंति । एएसि णं भंते ! पोग्गलाणं अणाघाइज्जमाणाणं अणासाइज्जमाणाणं अफा-साइज्जमाणाण य कयरे कयरेहिंतो अप्पा वा ४ ? गोयमा! सन्वत्थोवा पोग्गला अणा-घाइजमाणा, अणासाइजमाणा अणंतगुणा, अफासाइजमाणा अणंतगुणा ॥ ६४६ ॥ तेइंदिया णं भंते ! जे पोग्गला-पुच्छा । गोयमा ! ते णं पोग्गला घाणिंदियजिन्धि- दियफासिंदियवेमायत्ताए तेसिं भुज्जो भुज्जो परिणमंति । चउरिंदियाणं चिनस्बिदय-घाणिंदियजिबिंभदियफासिंदियवेमायत्ताए तेसिं भुज्जो भुज्जो परिणमंति, सेसं जहा तेइंदियाणं । पंचिंदियतिरिक्खजोणियाणं जहा तेइंदियाणं, णवरं तत्थ णं जे से आभोगनिव्वत्तिए से जहण्णेणं अंतोसुहत्तस्स, उक्कोसेणं छट्टभत्तस्स आहारट्टे ससुप्प-ज्जइ। पंचिंदियतिरिक्खजोणिया णं भंते ! जे पोग्गला आहारत्ताए-पुच्छा। गोयमा! सोइंदियचिंखदियघाणिंदियजिन्भिदियफासिंदियवेमायत्ताए तेसि भुज्जो भुज्जो परि-णमंति । मणसा एवं चेव. नवरं आभोगनिन्वत्तिए जहन्नेणं अंतोमुहत्तस्स, उक्कोसेणं अट्टमभत्तस्स आहारहे समुप्पज्जइ । वाणमंतरा जहा नागकुमारा, एवं जोइसिया वि, नवरं आभोगनिव्वत्तिए जहन्नेणं दिवसपुहत्तस्स, उक्कोसेणं दिवसपुहत्तस्स आहारहे समप्पजइ, एवं वेमाणिया वि, नवरं आभोगनिव्वत्तिए जहन्नेणं दिवसपुहत्तस्स, उक्को-सेणं तेत्तीसाए वाससहस्साणं आहारहे समुप्पज्जइ, सेसं जहा असरक्रमाराणं जाव तेसिं भजो भजो परिणमंति । सोहम्मे आभोगनिव्वत्तिए जहन्नेणं दिवसपुहत्तस्स, उक्कोसेणं डोण्डं वाससहस्साणं आहारद्रे समुप्पजइ। ईसाणे पुच्छा। गोयमा! जहन्नेणं दिवस-प़हत्तस्स साइरेगस्स, उक्कोसेणं साइरेग दोण्हं वाससहस्साणं । सणंकुमाराणं पुच्छा । गोयमा ! जहन्नेणं दोण्हं वाससहस्साणं, उक्कोसेणं सत्तण्हं वाससहस्साणं। माहिंदे पुच्छा । गोयमा ! जहन्नेणं दोण्हं वाससहस्ताणं साइरेगाणं. उक्कोसेणं सत्तण्हं वाससहस्साणं साइरेगाणं । बंभलोए पुच्छा । गोयमा ! जहन्नेणं सत्तण्हं वाससह-स्साणं. उक्कोसेणं दसण्हं वाससहस्साणं। लंतए णं पुच्छा। गोयमा! जहन्नेणं दसण्हं वाससहस्साणं, उक्कोसेणं चउदसण्हं वाससहस्साणं । महासक्के णं पच्छा । गोयमा ! जहन्नेणं चउदसण्हं वाससहस्साणं, उक्कोसेणं सत्तरसण्हं वाससहस्साणं। सहस्सारे पुच्छा । गोयमा ! जहन्नेणं सत्तरसण्हं वाससहस्साणं, उक्कोसेणं अद्वारसण्हं वाससह-स्साणं । आणए णं पुच्छा । गोयमा ! जहन्नेणं अद्वारसण्हं वाससहस्साणं, उक्कोसेणं एगणवीसाए वाससहस्साणं । पाणए णं पुच्छा । गोयमा ! जहन्नेणं एगूणवीसाए वाससहस्साणं, उक्कोसेणं वीसाए वाससहस्साणं । आरणे णं पुच्छा । गोयमा ! जह-न्नेणं वीसाए वाससहस्साणं, उक्कोसेणं एकवीसाए वाससहस्साणं। अन्तुए णं पुच्छा । गोयमा ! जहन्नेणं एक्कवीसाए वाससहस्साणं, उक्कोसेणं बावीसाए वाससहस्साणं । हिद्रिमहिद्रिमगेविज्जगाणं पुच्छा । गोयमा! जहन्नेणं बावीसाए वाससहस्साणं. उक्कोसेणं तेवीसाए वाससहस्साणं, एवं सन्वत्थ सहस्साणि भाणियव्वाणि जाव सन्वद्रं। हिद्रिममज्झिमगाणं पुच्छा । गोयमा ! जहन्नेणं तेवीसाए, उक्कोसेणं चउवीसाए । हिद्रिमउवरिमाणं पुच्छा । गोयमा ! जहन्नेणं चउवीसाए, उक्कोसेणं पणवीसाए ।

मज्जिमहोद्रिमाणं पुच्छा । गोयमा ! जहन्नेणं पणवीसाए, उक्कोसेणं छ्वीसाए । मज्जिममज्जिमाणं पुच्छा । गोयमा ! जहन्नेणं छव्वीसाए, उक्कोसेणं सत्तावीसाए । मज्झिमउवरिमाणं पुच्छा । गोयमा ! जहन्नेणं सत्तावीसाए, उक्कोसेणं अद्भावीसाए । उवरिमहेदिमाणं पुच्छा । गोयमा ! जहन्नेणं अद्भावीसाए, उन्नोसेणं एगूणतीसाए । उवरिसमज्झिमाणं पुच्छा । गोयमा ! जहन्नेणं एगुणतीसाए, उक्कोसेणं तीसाए । उविरम् उविरमाणं पुच्छा । गोयमा ! जहन्नेणं तीसाए, उन्नोसेणं एगतीसाए । विजयवेजयंतजयंतअपराजियाणं पुच्छा । गोयमा ! जहन्नेणं एगतीसाए. उक्कोसेणं वेत्तीसाए । सञ्बद्धसिद्धगदेवाणं पुच्छा । गोयमा ! अजहण्णमणुक्कोसेणं वेत्तीसाए वाससहस्साणं आहारद्रे समप्पज्जइ ॥ ६४७ ॥ नेरइया णं भंते ! किं एगिंदियसरीराइं आहारेन्ति जाव पंचिंदियसरीराइं आहारेन्ति? गोयमा! पुरुवभावपण्णवणं पड़च एगिंदियसरीराइं पि आहारेन्ति जाव पंचिंदिय०, पडुप्पण्णभावपण्णवणं पडुच नियमा पंचिंदियसरीराइं आहारेन्ति. एवं जाव थणियक्सारा । पुढविकाइयाणं पुच्छा । गोयमा ! पुन्वभावपण्णवणं पहुच एवं चेव, पहुप्पण्णभावपण्णवणं पहुच नियमा एगिंदियसरीराइं आहारेन्ति । बेइंदिया पुव्वभावपण्णवणं पडुच एवं चेव, पडुप्पण्ण-भावपण्णवणं पड़च नियमा बेइंदियाणं सरीराइं आहारेन्ति. एवं जाव चडरिंदिया जाव पुर्व्वभावपण्णवणं पडुच, एवं पडुप्पण्णभावपण्णवणं पडुच नियमा जस्स जइ इंदियाइं तइइंदियाइं सरीराइं आहारेन्ति. सेसा जहा नेरइया. जाव वेसाणिया। नेरइया णं भंते ! किं लोमाहारा पक्खेवाहारा ? गोयमा ! लोमाहारा, नो पक्खेवा-हारा, एवं एगिंदिया सन्वे देवा य भाणियन्वा जाव वेमाणिया । बेइंदिया जाव मणूसा लोमाहारा वि पक्खेवाहारा वि ॥ ६४८ ॥ नेरइया णं भंते ! किं ओयाहारा मणभक्खी ? गोयमा ! ओयाहारा, णो मणभक्खी, एवं सब्वे ओरालियसरीरा वि । देवा सन्वे वि जाव वेमाणिया ओयाहारा वि मणभक्खी वि । तत्थ णं जे ते मण-भक्खी देवा तेसि णं इच्छामणे समुप्पजाइ 'इच्छामो णं मणभक्खणं करित्तए', तए णं तेहिं देवेहिं एवं मणसीकए समाणे खिप्पामेव जे पोग्गला इद्रा कंता जाव मणामा ते तेसिं मणभक्खताए परिणमंति, से जहानामए सीया पोग्गला सीयं पप्प सीयं चेव अड-वइत्ताणं चिद्रंति, उसिणा वा पोग्गला उसिणं पप्प उसिणं चेव अइवइत्ताणं चिद्रंति. एवामेव तेहिं देवेहिं मणभक्खीकए समाणे से इच्छामणे खिप्पामेव अवेइ ॥ ६४९ ॥ पन्नवणाए भगवईए अट्टावीसइमे आहारपए पढमो उद्देसो समत्तो॥ आहार भविय सण्णी लेसा दिट्टी य संजय कसाए । णाणे जोगुवओंगे वेए य सरीर पजत्ती। जीवे णं भंते! किं आहारए अणाहारए ? गोयमा! सिय आहारए, सिय

सुत्तागमे

अणाहारए, एवं नेरइए जाव असरक्रमारे जाव वेमाणिए। सिद्धे णं भंते ! कि आहारए अणाहारए ? गोयमा ! नो आहारए, अणाहारए । जीवा णं भंते ! किं आहारया अणाहारया ? गोयमा ! आहारया वि अणाहारया वि । नेरडयाणं पुच्छा । गोयमा ! सक्वे वि ताव होजा आहारया १, अहवा आहारगा य अणाहारए य २, अहवा आहारगा य अणाहारगा य ३, एवं जाव वेमाणिया, णवरं एगिंदिया जहा जीवा । सिद्धाणं पुच्छा । गोयमा ! नो आहारगा, अणाहारगा ॥ दारं १ ॥ भवसिद्धिए णं भंते ! जीवे किं आहारए अणाहारए ? गोयमा ! सिय आहारए, सिय अणा-हारए. एवं जाव वेमाणिए। भवसिद्धिया णं भंते ! जीवा किं आहारगा अणाहारगा ? गोयमा ! जीवेगिंदियवज्जो तियभंगो. अभवसिद्धिए वि एवं चेव । नोभवसिद्धिए-नोअभवसिद्धिए णं भंते ! जीवे किं आहारए अणाहारए ? गोयमा ! णो आहारए, अणाहारए, एवं सिद्धे वि । नोभवसिद्धियनोअभवसिद्धिया णं भंते ! जीवा किं आहारगा अणाहारगा ? गोयमा ! नो आहारगा, अणाहारगा, एवं सिद्धा वि ॥ दारं २ ॥ सण्णी णं भंते ! जीवे किं आहारए अणाहारए ? गोयमा ! सिय आहारए, सिय अणाहारए. एवं जाव वेमाणिए, नवरं एगिंदियविगर्लिदिया नो पुच्छिजंति । सण्णी णं भंते ! जीवा किं आहारगा अणाहारगा ? गोयमा ! जीवाइओ तियभंगो जाव वेमाणिया । असण्णी णं भंते ! जीवे किं आहारए अणाहारए ? गोयमा ! सिय आहारए, सिय अणाहारए, एवं णेरइए जाव वाणमंतरे । जोइसियवेमाणिया ण पुच्छिजंति । असण्णी णं भंते ! जीवा किं आहारगा अणाहारगा ? गोयमा ! आहारगा वि अणाहारगा वि एगो भंगो। असण्णी णं भंते! णेरझ्या किं आहारया अणाहारया ? गोयमा ! आहारगा वा १. अणाहारगा वा २, अहवा आहारए य अणाहारए य ३, अहवा आहारए य अणाहारया य ४, अहवा आहारगा य अणाहारए य ५, अहवा आहारगा य अणाहारगा य ६, एवं एए छन्भंगा, एवं जाव थणियकुमारा । एगिंदिएस अभंगयं, बेइंदिय जाव पंचिंदियतिरिक्खजोणिएस तियभंगो, मणूसवाणमंतरेसु छन्भंगा। नोसण्णीनोअसण्णी णं भंते! जीवे किं आहारए अणाहारए ? गोयमा ! सिय आहारए, सिय अणाहारए य, एवं मणूसे वि । सिद्धे अणाहारए, पुहुत्तेणं नोसण्णीनोअसण्णी जीवा आहारगा वि अणाहारगा वि. मणूसेसु तियभंगो, सिद्धा अणाहारगा ॥ दारं ३ ॥ ६५० ॥ सल्टेसे णं भंते ! जीवे किं आहारए अणाहारए ? गोयमा ! सिय आहारए. सिय अणाहारए. एवं जाव वेमाणिए । सलेसा णं भंते ! जीवा किं आहारगा अणाहारगा ? गोयमा ! जीवेगिं-दियवज्ञो तियमंगो. एवं कण्हलेसा वि नीललेसा वि काउलेसा वि जीवेगिंदियवज्ञो

तियभंगो । तेउलेसाए पुढविआउवणस्सइकाइयाणं छन्भंगा, सेसाणं जीवाइओ तियमंगो जेसिं अत्थि तेउलेसा, पम्हलेसाए सक्लेसाए य जीवाइओ तियमंगो. अलेसा जीवा मणुस्सा सिद्धा य एगत्तेण वि पुहुत्तेण वि नो आहारगा अणाहारगा ॥ दारं ४॥ ६५१ ॥ सम्मिहिट्री णं भंते ! जीवा किं आहारगा अणाहारगा ? गोयमा ! तिय आहारगा, तिय अणाहारगा । बेइंदिया तेइंदिया चउरिंदिया छन्भंगा, तिद्धा अणाहारगा. अवसेसाणं तियमंगो, मिच्छादिद्रीस जीवेगिंदियवज्जो तियमंगो। सम्मा-मिच्छादिद्री णं भंते ! • किं आहारए अणाहारए ? गोयमा ! आहारए, नो अणाहारए. एवं एगिंदियविगलिंदियवज्ञं जाव वेमाणिए, एवं पुहुत्तेण वि ॥ दारं ५ ॥ ६५२ ॥ संजए णं भंते ! जीवे किं आहारए अणाहारए ? गोयमा ! सिय आहारए, सिय अणाहारए, एवं मण्से वि, पुहुत्तेणं तियभंगो । असंजए पुच्छा । सिय आहारए, सिय अणाहारए, पहत्तेणं जीवेगिंदियवज्ञो तियभंगो, संजयासंजए णं जीवे पंचिंदिय-तिरिक्खजोणिए मणूसे य ३ एए एगत्तेण वि पुहुत्तेण वि आहारगा नो अणाहारगा, नोसंजए-नोअसंजए-नोसंजयासंजए जीवे सिद्धे य एए एगत्तेण पोहत्तेण वि नो आहा-रगा अणाहारगा ॥ दारं ६ ॥ ६५३ ॥ सकसाई णं भंते ! जीवे किं आहारए अणाहारए १ गोयमा ! सिय आहारए, सिय अणाहारए, एवं जाव वेमाणिया, पुहुत्तेर्णं जीवेगिंदियवज्जो तियमंगो, कोहकसाईस जीवाईस एवं चेव, नवरं देवेस छब्मंगा, माणकसाईस मायाकसाईस य देवनेरइएस छन्मंगा, अवसेसाणं जीवेगिंदियवज्जो तियभंगो, लोहकसाईस नेरइएस छन्मंगा, अवसेसेस जीवेगिंदियवज्जो तियभंगो. अकसाई जहा णोसण्णीणोअसण्णी ॥ दारं ७ ॥ ६५४ ॥ णाणी जहा सम्मिद्दिडी । आभिणिबोहियणाणी सुयणाणी य बेइंदियतेइंदियचउरिंदिएस छन्भंगा, अवसेसेस जीवाइओ तियमंगो जेसिं अत्थि । ओहिणाणी पांचिंदियतिरिक्खजोणिया आहारगा. णो अणाहारगा, अवसेसेसु जीवाइओ तियभंगो जेसिं अत्थि ओहिनाणं. मणपज्जवनाणी जीवा मणूसा य एगत्तेण वि पहत्तेण वि आहारगा, णो अणाहारगा। केवलनाणी जहा नोसण्णीनोअसण्णी ॥ दारं ८-१ ॥ अण्णाणी मङ्अण्णाणी सुयअण्णाणी जीवे-गिंदियत्रजो तियभंगो । विभंगणाणी पंचिंदियतिरिक्खजोणिया मणूसा य आहारगा, णो अणाहारगा, अवसेसेस जीवाइओ तियमंगो ॥ दारं ८-२ ॥ ६५५ ॥ सजोगीस जीवेगिंदियवज्जो तियभंगो । मणजोगी वइजोगी जहा सम्मामिच्छिद्दिही, नवरं वइ-जोगो विगलिंदियाण वि । कायजोगीस जीवेगिंदियवज्जो तियमंगो, अजोगी जीव-मण्ससिद्धा अणाहारगा ॥ दारं ९ ॥ सागाराणागारोवडत्तेस जीवेगिंदियवज्जो तियभंगो. सिद्धा अणाहारगा ॥ दारं १०॥ सवेयए जीवेगिंदियवज्जो तियभंगो, इत्थिवेययपुरिस-

वेयएस जीवाइओ तियभंगो. नपंसगवेयए य जीवेगिदियवज्जो तियभंगो. अवेयए जहा केवलणाणी ॥ दारं ११ ॥ ६५६ ॥ ससरीरी जीवेगिंदियवज्जो तियभंगो, ओरालिय-सरीरीजीवमणूसेस तियभंगो. अवसेसा आहारगा, नो अणाहारगा जेसिं अत्थि ओरालियसरीरं, वेउविवयसरीरी आहारगसरीरी य आहारगा, नो अणाहारगा जेसिं अत्थि, तेयकम्मसरीरी जीवेगिंदियवजो तियभंगो, असरीरी जीवा सिद्धा य नो आहारगा. अणाहारगा ॥ दारं १२ ॥ आहारपज्नतीए पज्नतए सरीरपज्नतीए पज्नतए इंदियपजनीए पजनए आणापाणुपजनीए पजनए भासामणपजनीए पजनए एयास पंचसु वि पजतीसु जीवेस मणसेस य तियभंगो. अवसेसा आहारगा. नो अणाहारगा. भासामणपज्जत्ती पंचिंदियाणं, अवसेसाणं नित्थ । आहारपज्जतीअपज्जत्तए णो आहारए, अणाहारए एगत्तेण वि पहत्तेण वि. सरीरपज्जतीअपज्जत्तए सिय आहारए सिय अणाहारए, उवरिक्षियास चउस अपज्जत्तीस नेरइयदेवमण्रसेस छब्भंगा. अवसेसाणं जीवेगिंदियवज्जो तियभंगो. भासामणपज्जत्तएस जीवेस पंचिंदियतिरिक्खजोणिएस य तियभंगो, नेरइयदेवमणुएस छब्भंगा । सन्वपुणस एगत्तपोहत्तेणं जीवाइया दंडगा पुच्छाए भाणियन्वा जस्स जं अत्थि तस्स तं पुच्छिजइ, जस्स जं णत्थि तस्स तं ण पुच्छिजइ जाव भासामणपजातीअपजात्तएस नेरइयदेवमण्एस छब्भंगा, सेसेस तियभंगो ॥ ६५७ ॥ दारं १३ ॥ बिइओ उद्देसो समत्तो ॥ पन्नवणाए भगवईए अट्टावीसइमं आहारपयं समत्तं॥

कहिवहे णं भंते! उवओंगे पन्नते? गोयमा! दुविहे उवओंगे पन्नते। तंजहा—सागारोवओंगे य अणागारोवओंगे य। सागारोवओंगे णं भंते! कहिवहे पन्नते? गोयमा! अट्ठविहे पन्नते। तंजहा—आभिणिबोहियणाणसागारोवओंगे, स्र्यणाणसागारोवओंगे, ओहिणाणसागारोवओंगे, मणपज्जवणाणसागारोवओंगे, केवलणाणसागारोवओंगे, अवेहणाणसागारोवओंगे, स्र्यअण्णाणसागारोवओंगे, विभंगणाणसागारोवओंगे, अणागारोवओंगे णं भंते! कहिवहे पन्नते? गोयमा! चउिवहे पन्नते। तंजहा—चक्खुदंसणअणागारोवओंगे, अचक्खुदंसणअणागारोवओंगे, ओहिदंसणअणागारोवओंगे, केवलदंसणअणागारोवओंगे य। एवं जीवाणं॥ ६५८॥ नेरइयाणं भंते! कहिवहे उवओंगे पन्नते! तंजहा—सागारोवओंगे य अणागारोवओंगे य। नेरइयाणं भंते! सागारोवओंगे कहिवहे पन्नते? गोयमा! छिववहे पन्नते? गोयमा!

तिविहे पन्नते । तंजहा-चक्खदंसणअणागारोवओगे, अचक्खदंसणअणागारोवओगे. ओहिदंसणअणागारोवओगे, एवं जाव थणियकुमाराणं । पुढविकाइयाणं पुच्छा । गोयमा ! दुविहे उवओगे पन्नते । तंजहा-सागारोवओगे अणागारोवओगे य । पुढवि-काइयाणं॰ सागारोवओंगे कइविहे पन्नते ? गोयमा ! दुविहे पन्नते । तंजहा-मङ्अण्णाण-सागारोवओगे. सुयअण्णाणसागारोवओगे य । पुढविकाइयाणं० अणागारोवओगे कइ-विहे पन्नते ? गोयमा ! एगे अचक्खुदंसणअणागारोवओगे पन्नते, एवं जाव वणस्सइ-काइयाणं । बेइंदियाणं पुच्छा । गोयमा ! दुविहे उवओगे पन्नते । तंजहा-सागारोव-ओगे अणागारोवओगे य। बेइंदियाणं भंते! सागारोवओगे कहविहे पन्नते? गोयमा! चउव्विहे पन्नते। तंजहा-आभिणिबोहियणाण०, सुयणाण०, मङ्अण्णाण०, सुय-अण्णाणसागारोवओगे । बेइंदियाणं भंते ! अणागारोवओगे कइविहे पन्नते ? गोयमा ! एगे अचक्खदंसणअणागारोवओगे, एवं तेइंदियाण वि । चजिरंदियाण वि एवं चेव. नवरं अणागारोवओगे द्विहे पन्नते । तंजहा-चक्खदंसणअणागारोवओगे, अचक्ख-दंसणअणागारोवओरो । पांचिंदियतिरिक्खजोणियाणं जहा नेरहयाणं । मणस्साणं जहा ओहिए उवओगे भणियं तहेव भाणियव्वं । वाणमंतरजोइसियवेमाणियाणं जहा णेरइयाणं ॥ ६५९ ॥ जीवा णं भंते ! किं सागारोवउत्ता अणागारोवउत्ता ? गोयमा ! सागारोवउत्ता वि अणागारोवउत्ता वि । से केणद्वेणं भंते ! एवं व्रचइ-'जीवा सागा-रोवउत्ता वि अणागारोवउत्ता वि' ? गोयमा ! जेणं जीवा आभिणिबोहियणाणसुयणाण-ओहिणाणमणपज्जवणाणकेवलणाणमञ्ज्ञणाणसुयअण्णाणविभंगणाणोवउत्ता जीवा सागारोवउत्ता, जेणं जीवा चक्खुदंसणअचक्खुदंसणओहिदंसणकेवलदंसणो-वउत्ता तेणं जीवा अणागारोवउत्ता, से तेणहेणं गोयमा! एवं वृच्चइ—'जीवा सागारोवउत्ता वि अणागारोवउत्ता वि'। नेरइया णं भंते ! किं सागारोवउत्ता अणा-गारोवउत्ता ? गोयमा ! नेरइया सागारोवउत्ता वि अणागारोवउत्ता वि । से केणट्रेणं मंते ! एवं वुचइ० ? गोयमा ! जेणं नेरइया आभिणिबोहियनाणसुयनाणओहिनाण-मइअन्नाणस्यअन्नाणविभंगनाणीवसत्ता तेणं नेरइया सागारोवसता. जेणं नेरइया चक्खदंसणअचक्खदंसणओहिदंसणोवडता तेणं नेरइया अणागारोवडता, से तेण-द्धेणं गोयमा ! एवं वुचइ-जाव 'सागारोवउत्ता वि अणागारोवउत्ता वि'. एवं जाव थणियकुमारा । पुढिविकाइयाणं पुच्छा । गोयमा ! तहेत्र जाव जेणं पुढिविकाइया मइअण्णाणसुयअण्णाणोवउत्ता तेणं पुढविकाइया सागारोवउत्ता, जेणं पुढविकाइया अचक्खदंसणोवउत्ता तेणं पुढविकाइया अणागीरोवउत्ता, से तेणहेणं गोयमा! एवं वुचइ जाव वणप्फइकाइया। बेइंदियाणं भंते! अट्ठसहिया तहेव पुच्छा।

गोयमा! जाव जेणं बेइंदिया आभिणिबोहियणाणसुयणाणमह्अण्णाणसुयणाणोवडत्ता तेणं बेइंदिया सागारोवउत्ता, जेणं बेइंदिया अचक्खुदंसणोवडत्ता तेणं अणा-गारोवउत्ता, से तेणहेणं गोयमा! एवं वुचह०, एवं जाव चर्डारेदिया, णवरं चक्खु-दंसणं अन्महियं चर्डारेदियाणं ति । पंचिंदियतिरिक्खजोणिया जहा नेरइया, मणूसा जहा जीवा, वाणमंतरजोइसियवेमाणिया जहा नेरइया॥ ६६०॥ पन्नवणाए भगवईए एगूणतीसइमं उच्चोगपयं समत्तं॥

कइविहा णं भंते ! पासणया पन्नता ? गोयमा ! दुविहा पासणया पन्नता । तंजहा-सागारपासणया, अणागारपासणया । साग्रारपासणया णं भंते ! कइविहा पन्नत्ता ? गोयमा ! छिव्वहा पन्नत्ता । तंजहा-सुयणाण०पासणया, ओहिणाण०पास-णया. मणपज्जवणाण०पासणया, केवलणाण०पासणया, सुयअण्णाणसागारपासणया. विभगणाणसागारपासणया । अणागारपासणया णं भंते ! कड्विहा पन्नता ? गोयमा ! तिविहा पन्नता । तंजहा-चक्खदंसणअणागारपासणया, ओहिदंसणअणागारपासणया, केवलदंसणअणागारपासणया, एवं जीवाणं पि । नेरइयाणं भंते ! कड्विहा पासणया पन्नता ? गोयमा ! द्विहा पन्नता । तंजहा-सागारपासणया, अणागारपासणया । नेरइयाणं भंते ! सागारपासणया कइविहा पन्नता ? गोयमा ! चडव्विहा पन्नता । तंजहा-सुयणाण ०पासणया, ओहिणाण ०पासणया, सुयअण्णाण ०पासणया, विभंगणा-ण॰पासणया। नेरइयाणं भंते ! अणागारपासणया ऋविहा पन्नता? गोयमा ! दुविहा पन्नत्ता । तंजहा-चक्खुदंसण० ओहिदंसण०, एवं जाव थणियकुमारा । पुढविकाइयाणं भंते ! कइविहा पासणया पन्नता ? गोयमा ! एगा सागारपासणया प० । पुढविकाइयाणं भंते ! सागारपासणया कङ्गिहा पन्नता ? गोयमा ! एगा सुयअञ्चाणसागारपासणया पन्नता, एवं जाव वणस्सइकाइयाणं । बेइंदियाणं भंते ! कइविहा पासणया पन्नता ? गोयमा ! एगा सागारपासणया पन्नता । बेइंदियाणं भंते ! सागारपासणया कइविहा पन्नता ? गोयमा ! द्विहा पन्नता । तंजहा-सुयणाणसागारपासणया, सुयअण्णाण-सागारपासणया, एवं तेइंदियाण वि । चडरिंदियाणं पुच्छा । गोयमा ! दुविहा पन्नत्ता । तंजहा-सागारपासणया य अणागारपासणया य । सागारपासणया जहा बेइंदियाणं । चउरिंदियाणं भंते ! अणागारपासणया कइविहा पन्नता ? गोयमा ! एगा चक्खदंसणअणागारपासणया पन्नता । मणूसाणं जहा जीवाणं, सेसा जहा नेर-इया जाव वेमाणियाणं ॥ ६६१ ॥ जीवा णं भंते ! किं सागारपस्सी, अणागार-पस्ती ? गोयमा ! जीवा सागारपस्ती वि अणागारपस्ती वि । से केणड्रेणं भंते ! एवं वृच्चइ-'जीवा सागारपस्सी वि अणागारपस्सी वि'? गोयमा ! जेणं जीवा ३३ सत्ता०

सुयणाणी ओहिणाणी मणपज्जवणाणी केवलणाणी सुयअण्णाणी विभंगणाणी तेणं जीवा सागारपस्सी, जेणं जीवा चक्खदंसणी ओहिदंसणी केवलदंसणी तेणं जीवा अणागारपस्सी, से एएणद्रेणं गोयमा ! एवं वुचइ-'जीवा सागारपस्सी वि अणागार-पस्सी वि'। नेरइया णं भंते ! किं सागारपस्सी, अणागारपस्सी १ गोयमा ! एवं चेव. नवरं सागारपासणयाए मणपज्जवनाणी केवलनाणी न वृच्चइ, अणागारपासण-याए केवलदंसणं नित्थ, एवं जाव थणियकुमारा । पुढिविकाइयाणं पुच्छा । गोयमा ! पुढविकाइया सागारपस्सी, णो अणागारपस्सी। से केणहेणं भंते ! एवं वुचइ० ? गोयमा ! पुढविकाइयाणं एगा सुयअण्णाणसागारपासणया पन्नता, से तेणहेणं गोयमा ! एवं बुचइ, एवं जाव वणस्सइकाइयाणं । बेइंदियाणं पुच्छा । गोयमा ! सागारपस्सी, णो अणागारपस्सी। से केण्ड्रेणं भंते! एवं वुच्चइ० ? गोयमा! बेइंदियाणं द्विहा सागारपासणया पन्नता । तंजहा-सुयणाणसागारपासणया, सुयअण्णाणसागार-पासणया, से एएणहेणं गोयमा ! एवं वुचइ०। एवं तेइंदियाण वि। चडरिंदियाणं पुच्छा। गोयमा ! चडरिंदिया सागारपस्सी वि अणागारपस्सी वि । से केणड्रेणं० ? गोयमा ! जेणं चडरिंदिया सुयणाणी सुयअण्णाणी तेणं चडरिंदिया सागारपस्सी, जेणं चडरिंदिया चक्खदंसणी तेणं चडरिंदिया अणागारपस्सी, से एएणहेणं गोयमा! एवं वृच्चइ०। मणूसा जहा जीवा, अवसेसा जहा नेरइया जाव वेमाणिया ॥ ६६२ ॥ केवली णं भंते! इमं रयणप्पभं पुढिवं आगारेहिं हेऊहिं उवमाहिं दिह्नेतेहिं वण्णेहिं संठाणेहिं पमाणेहिं पडोयारेहिं जं समयं जाणइ तं समयं पासइ, जं समयं पासइ तं समयं जाणइ ? गोयमा ! नो इणद्वे समद्वे । से केणद्वेणं भंते ! एवं वृच्चइ-'केवली णं इमं रयणप्पभं पुढविं आगारेहिं० जं समयं जाणइ नो तं समयं पासइ, जं समयं पासइ नो तं समयं जाणइ ? गोयमा ! सागारे से णाणे भवइ, अणागारे से दंसणे भवइ, से तेणहेणं जाव नो तं समयं जाणइ, एवं जाव अहेसत्तमं। एवं सोहम्मकप्पं जाव अचुयं, गेविज्जगविमाणा अणुत्तरविमाणा, ईसिप्पब्भारं पुढविं, परमाणुपोग्गलं दुपएसियं खंधं जाव अणंतपएसियं खंधं। केवली णं भंते! इमं रयणप्पमं पुढविं अणागारेहिं अहेऊहिं अणुवमाहिं अदिद्वंतिहिं अवण्णेहिं असंठाणेहिं अपमाणिहिं अपडोयारेहिं पासइ न जाणइ ? हंता गोयमा ! केवली णं इमं रयणप्पमं पुढविं अणागारेहिं जाव पासइ न जाणइ । से केणड्रेणं भंते ! एवं वुचइ-'केवली णं इमं रयणप्पमं पुढिवं अणागारेहिं जाव पासइ न जाणइ' ? गोयमा ! अणागारे से दंसणे भवइ, सागारे से नाणे भवइ, से तेणहेणं गोयमा! एवं वृच्चइ-'केवली णं इमं रयणप्पमं पुढिनं अणागारेहिं जाव पासइ न जाणइ', एवं जाव ईसिप्पब्भारं

पुढविं परमाणुपोग्गलं अणंतपएसियं खंधं पासइ, न जाणइ॥ ६६३॥ पन्नवणाप भगवईए तीसइमं पासणयापयं समत्तं ॥

जीवा णं भंते ! किं सण्णी, असण्णी, नोसण्णीनोअसण्णी ? गोयमा ! जीवा सण्णी वि असण्णी वि नोसण्णीनोअसण्णी वि । नेरइयाणं पुच्छा । गोयमा ! नेर-इया सण्णी वि असण्णी वि नो नोसण्णीनोअसण्णी । एवं असुरकुमारा जाव थणियकुमारा । पढविकाइयाणं पुच्छा । गोयमा ! नो सण्णी, असण्णी, नो नोसण्णी-नोअसण्णी । एवं बेइंदियतेइंदियचडरिंदिया वि, मणूसा जहा जीवा, पंचिंदिय-तिरिक्खजोणिया वाणमंतरा य जहा नेरइया, जोइसियवेमाणिया सण्णी, नो असण्णी. नो नोसण्णीनोअसण्णी । सिद्धाणं पुच्छा । गोयमा ! नो सण्णी. नो असण्णी, नोसण्णीनोअसण्णी । नेरइयतिरियमणया य वणयरगद्धराइ सण्णींऽसण्णी य। विगलिंदिया असण्णी जोइसवेमाणिया सण्णी ॥ ६६४॥ पन्नवणाप भगवर्डप इगतीसइमं सण्णीपयं समत्तं॥

जीवा णं भंते! किं संजया, असंजया, संजयासंजया, नोसंजयनोअसंजय-नोसंजयासंजया ? गोयमा ! जीवा संजया वि १, असंजया वि २, संजयासंजया वि ३. नोसंजयनोअसंजयनोसंजयासंजया वि ४ । नेरइया णं भंते ! पुच्छा । गोयमा! नेरइया नो संजया, असंजया, नो संजयासंजया, नो नोसंजयनोअसंजय-नोसंजयासंजया । एवं जाव चर्डारेदिया । पंचिंदियतिरिक्खजोणियाणं पुच्छा । गोयमा ! पंचिंदियतिरिक्खजोणिया नो संजया. असंजया वि. संजयासंजया वि. नो नोसंजयनोअसंजयनोसंजयासंजया वि । मणुस्ताणं पुच्छा । गोयमा ! मणुसा संजया वि असंजया वि संजयासंजया वि. नो नोसंजयनोअसंजयनोसंजयासंजया। वाण-मंतरजोइसियवेमाणिया जहा नेरइया । सिद्धाणं पुच्छा । गोयमा ! सिद्धा नो संजया १, नो असंजया २, नो संजयासंजया ३, नोसंजयनोअसंजयनोसंजयासंजया ४ । गाहा-"संजयअसंजयमीसगा य जीवा तहेव मणुया य। संजयरहिया तिरिया सेसा अस्संजया होति" ॥ ६६५ ॥ पन्नवणाए भगवर्डए बत्तीसहमं संजयपयं समसं ॥

भेयविसयसंठाणे अब्भितरबाहिरे य देसोही । ओहिस्स य खयवुद्धी पडिवाई चेव अपिडवाई।। कइविहा णं भंते ! ओही पन्नता ? गोयमा ! दुविहा ओही पन्नता। तंजहा-भवपचइया य खओवसमिया य, दोण्हं भवपचइया, तंजहा-देवाण य नेरइयाण य. दोण्हं खओवसमिया, तंजहा-मणूसाणं पंचिंदियतिरिक्खजोणियाण य ॥ ६६६ ॥ नेरइया णं भंते ! केवइयं खेत्तं ओहिणा जाणंति पासंति ? गोयमा ! जहन्नेणं अद्ध- गाउयं, उक्कोसेणं चत्तारि गाउयाइं ओहिणा जाणंति पासंति । रयणप्पभापढिव-नेरड्या णं भंते ! केवड्यं खेत्तं ओहिणा जाणंति पासंति ? गोयमा ! जहन्नेणं अद्ध-द्राइं गाउयाइं, उक्कोसेणं चत्तारि गाउयाइं ओहिणा जाणंति पासंति । सकरप्पभा-पढविनेरड्या जहन्नेणं तिण्णि गाउयाइं. उक्कोसेणं अद्भुद्वाइं गाउयाइं ओहिणा जाणंति पासंति । वाल्यप्पभापुढविनेरइया जहन्नेणं अन्नाइजाई गाउयाई, उक्नोसेणं तिष्णि गाउयाई ओहिणा जाणंति पासंति । पंकप्पभापुढविनेरइया जहन्नेणं दोष्णि गाउयाई, उक्कोसेणं अद्भाइजाई गाउयाई ओहिणा जाणंति पासंति । धूमप्पभापुढवि-नेरइया जहनेणं दिवहं गाउयाई, उक्कोसेणं दो गाउयाई ओहिणा जाणंति पासंति। तमापढविनेरडया जहनेणं गाउयं, उक्कोसेणं दिवकूं गाउयं ओहिणा जाणंति पासंति । अहेसत्तमाए पुच्छा । गोयमा ! जहन्नेणं अद्धं गाउयं, उक्कोसेणं गाउयं ओहिणा जाणंति पासंति ॥ ६६७ ॥ असुरकुमारा णं भंते ! ओहिणा केवड्यं खेत्तं जाणंति पासंति ? गोयमा ! जहन्नेणं पणवीसं जोयणाई, उक्कोसेणं असंखेजे दीवसमुहे ओहिणा जाणंति पासंति । नागकुमारा णं जहन्नेणं पणवीसं जोयणाइं, उक्कोसेणं संखेजे दीवसमुद्दे ओहिणा जाणंति पासंति, एवं जाव थणियकुमारा । पंचिंदियतिरिक्ख-जोणिया णं भंते ! केवइयं खेत्तं ओहिणा जाणंति पासंति ? गोयमा ! जहन्नेणं अंग्रलस्स असंखेजहमागं. उक्कोसेणं असंखेजे दीवसमुद्दे० । मणूसा णं भंते ! ओहिणा केवइयं खेतं जाणंति पासंति ? गोयमा ! जहन्नेणं अंग्रठस्स असंखेज्जइभागं, उक्कोसेणं असंखेजाइं अलोए लोयप्पमाणमेत्ताइं खंडाइं ओहिणा जाणंति पासंति । वाणमंतरा जहा नागकुमारा ॥ ६६८ ॥ जोइसिया णं भंते ! केवइयं खेत्तं ओहिणा जाणंति पासंति ? गोयमा ! जहन्नेणं संखेजे दीवसमुद्दे, उक्कोसेण वि संखेजे दीवसमुद्दे०। सोहम्मगदेवा णं भंते ! केवइयं खेतं ओहिणा जाणंति पासंति ? गोयमा ! जहन्नेणं अंगुलस्स असंखेजइभागं, उक्कोसेणं अहे जाव इमीसे रयणप्पभाए हिद्रिल्ले चरमंते. तिरियं जाव असंखेजे दीवसमुद्दे, उन्हें जाव सगाइं विमाणाइं ओहिणा जाणंति पासंति, एवं ईसाणगदेवा वि । सणंकुमारदेवा वि एवं चेव, नवरं जाव अहे दोचाए सकरप्पभाए पुढवीए हिद्रिक्षे चरमंते, एवं माहिंददेवा वि । बंभलोयलंतगदेवा० तचाए पुढवीए हिद्रिहे चरमंते, महासुकसहस्सारगदेवा॰ चउत्थीए पंकप्पभाए पुढवीए हेट्किले चरमंते, आणयपाणयआरणच्चयदेवा अहे जाव पंचमाए धूमप्प-भाए॰ हेट्टिक्षे चरमंते, हेट्टिममज्झिमगेवेजगदेवा अहे जाव छट्ठाए तमाए पुढवीए हेद्रिहे चरमंते । उनरिमगेविज्जगदेवा णं भंते ! केवइयं खेत्तं ओहिणा जाणंति पासंति ? गोयमा ! जहन्नेणं अंगुलस्स असंखेजङ्भागं, उक्कोसेणं अहेसत्तमाए०

हेट्टिले चरमंते, तिरियं जाव असंखेजे दीवसमुद्दे, उड्ढं जाव सयाई विमाणाई ओहिणा जाणंति पासंति । अणुत्तरोववाइयदेवा णं भंते ! केवइयं खेतं ओहिणा जाणंति पासंति ? गोयमा ! संभिन्नं लोगनालिं ओहिणा जाणंति पासंति ॥ ६६९ ॥ नेरइयाणं भंते ! ओही किंसंठिए पन्नते ? गोयमा ! तप्पागारसंठिए पन्नते । असर-कुमाराणं पुच्छा । गोयमा ! पह्लगसंठिए, एवं जाव थणियकुमाराणं । पंचिंदिय-तिरिक्खजोणियाणं पुच्छा । गोयमा ! णाणासंठाणसंठिए, एवं मणूसाण वि । वाणमंतराणं पुच्छा । गोयमा! पडहगसंठाणसंठिए । जोइसियाणं पुच्छा । गोयमा! झल्लरिसंठाणसंठिए पन्नते । सोहम्मगदेवाणं पुच्छा । गोयमा ! उड्ढमुयंगागारसंठिए पन्नत्ते, एवं जाव अज्ञ्ययदेवाणं । गेवेज्जगदेवाणं पुच्छा । गोयमा ! पुप्फचंगेरिसंठिए पन्नते । अणुत्तरोववाइयाणं पुच्छा । गोयमा! जवनालियासंठिए ओही पन्नते ॥ ६७० ॥ नेरइया णं भंते ! ओहिस्स किं अंतो, बाहिं ? गोयमा ! अंतो, नो बाहिं, एवं जाव थणियकुमारा । पंचिंदियतिरिक्खजोणियाणं पुच्छा । गोयमा ! नो अंतो, बाहिं । मणुसाणं पुच्छा । गोयमा ! अंतो वि बाहिं पि । वाणमंतरजोइसिय-वेमाणियाणं जहा नेरइयाणं ॥ ६७१ ॥ नेरइयाणं भंते ! किं देसोही, सब्बोही ? गोयमा! देसोही, नो सन्वोही, एवं जाव थणियकुमारा। पंचिंदियतिरिक्खजोणियाणं पुच्छा । गोयमा ! देसोही, नो सव्वोही । मणूसाणं पुच्छा । गोयमा ! देसोही वि सञ्बोही वि । वाणमंतरजोइसियवेमाणियाणं जहा नेरइयाणं ॥ ६७२ ॥ नेरइयाणं भंते ! ओही किं आणुगामिए, अणाणुगामिए, वहुमाणए, हीयमाणए, पडिवाई, अप्पडिवाई, अवद्विए, अणवद्विए ? गोयमा ! आणुगामिए, नो अणाणुगामिए, नो वहुमाणए, नो हीयमाणए, नो पिडवाई, अप्पिडवाई, अवद्रिए, नो अणवद्रिए, एवं जाव थणियकुमाराणं । पंचिंदियतिरिक्खजोणियाणं पुच्छा । गोयमा ! आणुगा-मिए वि जाव अणवृद्धिए वि, एवं मणूसाण वि। वाणमंतरजोइसियवेमाणियाणं जहा नेरइयाणं ॥ ६७३ ॥ पन्नवणाए भगवर्षेए तेत्तीसहमं ओहिपयं समत्तं ॥

अणंतरागयाहारे १ आहारे भोयणाइ य २ । पोग्गला नेव जाणंति ३ अज्झव-साणा ४ य आहिया ॥१॥ सम्मत्तस्साहिगमे ५ तत्तो परियारणा ६ य बोद्धव्वा । काए फासे रूवे सद्दे य मणे य अप्पबहुं ७ ॥२॥ नेरइया णं भंते ! अणंतराहारा, तओ निव्वत्तणया, तओ परियाइणया, तओ परिणामया, तओ परियारणया, तओ पच्छा विउव्वणया ? हंता गोयमा! नेरइया णं अणंतराहारा, तओ निव्वत्तणया, तओ परि-याइणया, तओ परिणामया, तओ परियारणया, तओ पच्छा विउव्वणया । असुरकु-मारा णं भंते ! अणंतराहारा, तओ निव्वत्तणया, तओ परियाइणया, तओ परिणा-

मया, तओ विउव्वणया, तओ पच्छा परियारणया १ हंता गोयमा ! असुरक्तमारा अणं-तराहारा. तओ निव्वत्तणया जाव तओ पच्छा परियारणया, एवं जाव थणियक्रमारा । पुढविकाइया णं भंते ! अणंतराहारा, तओ निव्वत्तणया, तओ परियाइणया. तओ परिणामया, तओ परियारणया, तओ विउव्वणया ? हंता गोयमा ! तं चेव जाव परियारणया. नो चेव णं विउव्वणया । एवं जाव चउरिंदिया, नवरं वाउकाइया पंचिदियतिरिक्खजोणिया मणसा य जहा नेरइया, वाणमंतरजोइसियवेमाणिया जहा असरकमारा ॥ ६७४ ॥ नेरइयाणं भंते ! आहारे किं आभोगनिव्वत्तिए. अणा-भोगनिव्वत्तिए ? गोयमा ! आभोगनिव्वत्तिए वि अणाभोगनिव्वत्तिए वि । एवं असरकमाराणं जाव वेमाणियाणं, णवरं एगिंदियाणं नो आभोगनिन्वत्तिए, अणा-भोगनिव्वत्तिए । नेरइया णं भंते ! जे पोग्गले आहारत्ताए गिण्हंति ते किं जाणंति पासंति आहारेंति, उदाह न जाणंति न पासंति आहारेंति ? गोयमा ! न जाणंति न पासंति आहारेंति, एवं जाव तेइंदिया । चर्डिरियाणं पुच्छा । गोयमा ! अत्थेग-इया न जाणंति पासंति आहारेंति. अत्थेगड्या न जाणंति न पासंति आहारेंति । पंचिदियतिरिक्खजोणियाणं पुच्छा । गोयमा ! अत्थेगइया जाणंति पासंति आहारेंति १. अत्थेगइया जाणंति न पासंति आहारेंति २. अत्थेगइया न जाणंति पासंति आहारेंति ३, अत्थेगइया न जाणंति न पासंति आहारेंति ४, एवं जाव मणस्साण वि । वाणमंतरजोइसिया जहा नेरइया । वेमाणियाणं पुच्छा । गोयमा ! अत्थेगइया जाणंति पासंति आहारेन्ति. अत्थेगइया न जाणंति न पासंति आहारेन्ति । से केणद्रेणं भंते ! एवं वृच्छ-'वेमाणिया अत्थेगइया जाणंति पासंति आहारेन्ति. अत्थेगइया न जाणंति न पासंति आहारेन्ति' ? गोयमा ! वेमाणिया दुविहा पन्नता। तंजहा-माइमिच्छिद्दिउववन्नगा य अमाइसम्मिद्दिउववन्नगा य, एवं जहा इंदिय-उद्देसए पढमे भणियं तहा भाणियव्वं जाव से एएणड्रेणं गोयमा ! एवं वृच्चइ० ॥ ६७५॥ नेरइयाणं भंते ! केवइया अञ्झवसाणा पन्नता ? गोयमा ! असंखेजा अञ्झवसाणा पन्नता । ते णं भंते ! किं पसत्था अपसत्था ? गोयमा ! पसत्था वि अपसत्था वि. एवं जाव वेमाणियाणं । नेरइया णं भंते ! किं सम्मत्ताभिगमी, मिच्छताभिगमी. सम्मामिच्छत्ताभिगमी ? गोयमा ! सम्मत्ताभिगमी वि मिच्छत्ताभिगमी वि सम्मा-मिच्छत्ताभिगमी वि. एवं जाव वेमाणियाण वि। नवरं एगिंदियविगिलेंदिया णो सम्मत्ताभिगमी. मिच्छत्ताभिगमी, नो सम्मामिच्छत्ताभिगमी ॥ ६७६ ॥ देवा णं भंते ! किं सदेवीया सपरियारा. सदेवीया अपरियारा, अदेवीया सपरियारा. अदेवीया अपरियारा ? गोयमा ! अत्थेगइया देवा सदेवीया सपरियारा, अत्थेगइया देवा

अदेवीया सपरियारा. अत्थेगड्या देवा अदेवीया अपरियारा. नो चेव णं देवा सदेवीया अपरियारा । से केणद्रेणं भंते ! एवं वचड-'अत्थेगड्या देवा सदेवीया सपरियारा, तं चेव जाव नो चेव णं देवा सदेवीया अपरियारा ? गोयमा ! भवण-वइवाणमंतरजोइससोहम्मीसाणेस कप्पेस देवा सदेवीया सपरियारा, सणंक्रमार-माहिंदबंभलोगलंतगमहासुक्कसहस्सारआणयपाणयआरणचुएस कप्पेस देवा अदेवीया सपरियारा, गेवेज्जअणुत्तरोववाइया देवा अदेवीया अपरियारा, नो चेव णं देवा सदेवीया अपरियारा, से तेणद्रेणं गोयमा ! एवं वृच्चइ-'अत्थेगइया देवा सदेवीया सपरियारा, तं चेव, नो चेव णं देवा सदेवीया अपरियारा'॥ ६७७॥ ऋइ-विहा णं भंते! परियारणा पन्नता? गोयमा! पंचविहा परियारणा पन्नता। तंजहा-कायपरियारणा, फासपरियारणा, स्वपरियारणा, सद्दपरियारणा, मणपरि-यारणा । से केणद्रेणं भंते ! एवं वृच्चइ-पंचिवहा परियारणा पन्नता । तंजहा-कायपरियारणा जाव मणपरियारणा ? गोयमा ! भवणवङ्वाणमंतरजोङ्ससोहम्मी-साणेसु कप्पेसु देवा कायपरियारगा, सणंकुमारमाहिंदेसु कप्पेसु देवा फासपरियारगा, बंभलोयलंतगेस देवा रूवपरियारगा. महासक्कसहस्सारेस देवा सहपरियारगा. आणयपाणयआरणच्चएस कप्पेस देवा मणपरियारगा, गेवेज्जअणुत्तरोववाइया देवा अपरियारगा, से तेणड्रेणं गोयमा ! तं चेव जाव मणपरियारगा । तत्थ णं जे ते कायपरियारगा देवा तेसि णं इच्छामणे समुप्पजइ-'इच्छामो णं अच्छराहिं सर्खि कायपरियारं करेत्तए', तए णं तेहिं देवेहिं एवं मणसीकए समाणे खिप्पामेव ताओ अच्छराओ ओरालाई सिंगाराई मण्ण्णाई मणोहराई मणोरमाई उत्तरवेडिवयस्वाई विउन्वंति विउन्वित्ता तेसिं देवाणं अंतियं पाउन्भवंति, तए णं ते देवा ताहिं अच्छराहिं सद्धिं कायपरियारणं करेंति । से जहाणामए सीया पोग्गला सीयं पप्प सीयं चेव अइवइत्ताणं चिद्नंति, उसिणा वा पोग्गला उसिणं पप्प उसिणं चेव अइवइत्ताणं चिद्रंति, एवमेव तेहिं देवेहिं ताहिं अच्छराहिं सिद्धं कायपरियारणे कए समाणे से इच्छामणे खिप्पामेव अवेइ ॥ ६७८ ॥ अत्थि णं भंते ! तेसिं देवाणं सक्रपोग्गला ? हंता! अत्थि। ते णं भंते! तासिं अच्छराणं कीसत्ताए भूजो भूजो परिणमंति? गोयमा! सोइंदियत्ताए चक्खुइंदियत्ताए घाणिंदियताए रसिंदियत्ताए फासिंदियत्ताए इट्टताए कंतत्ताए मणुन्नताए मणामताए सुभगताए सोहग्गरूवजोव्वणगुणलावन्नताए ते तासिं भुज्जो भुज्जो परिणमंति ॥ ६७९ ॥ तत्थ णं जे ते फासपरियारगा देवा तेसि णं इच्छामणे समुप्पज्जइ, एवं जहेव कायपरियारगा तहेव निरवसेसं भाणि--यव्वं । तत्थ णं जे ते रूवपरियारगा देवा तेसि णं इच्छामणे समप्पज्जड---

'इच्छामो णं अच्छराहिं सिद्धं रूवपरियारणं करेत्तए', तए णं तेहिं देवेहिं एवं मणसीकए समाणे तहेव जाव उत्तरवेडिव्याई रूवाई विउव्विता जेणामेव ते देवा तेणामेव उवागच्छीत उवागच्छिता तेसिं देवाणं अदरसामंते ठिचा ताइं उरालाइं जाव मणोरमाइं उत्तरवेउव्वियाइं रूवाइं उवदंसेमाणीओ २ चिट्ठंति, तए णं ते देवा ताहिं अच्छराहिं सिद्धं रूवपरियारणं करेंति. सेसं तं चेव जाव भुज्जो भुज्जो परिणमन्ति । तत्थ णं जे ते सहपरियारगा देवा तेसि णं इच्छामणे समुप्पजाइ---'इच्छामो णं अच्छराहिं सिद्धं सहपरियारणं करेत्तए', तए णं तेहिं देवेहिं एवं मणसीकए समाणे तहेव जाव उत्तरवेउव्वियाई रूवाई विउव्वंति विउव्वित्ता जेणामेव ते देवा तेणामेव उवागच्छंति उवागच्छिता तेसिं देवाणं अदूरसामंते ठिचा अणत्तराइं उचावयाइं सहाइं समुदीरेमाणीओ २ चिट्ठंति, तए णं ते देवा ताहिं अच्छराहिं सिद्धं सहपरियारणं करेन्ति, सेसं तं चेव जाव भुज्जो भुज्जो परिण-मंति । तत्थ णं जे ते मणपरियारगा देवा तेसिं इच्छामणे समप्पज्जइ-'इच्छामो णं अच्छराहिं सिद्धं मणपरियारणं करेत्तए', तए णं तेहिं देवेहिं एवं मणसीकए समाणे खिप्पामेव ताओ अच्छराओ तत्थ-गयाओ चेव समाणीओ अणत्तराई उचावयाई मणाई संपहारेमाणीओ २ चिह्नंति, तए णं ते देवा ताहिं अच्छराहिं सिद्धे मणपरियारणं करेंति, सेसं णिरवसेसं तं चेव जाव भुज्जो भुज्जो परिणमंति ॥ ६८० ॥ एएसि णं भंते ! देवाणं कायपरियारगाणं जाव मणपरियारगाणं, अपरियारगाण य कयरे कयरेहिंतो अप्पा वा ४ ? गोयमा ! सव्वत्थोवा देवा अपरियारगा. मणपरि-यारगा संखेजगुणा, सद्दपरियारगा असंखेजगुणा, रूवपरियारगा असंखेजगुणा, फासपरियारमा असंखेजगुणा, कायपरियारमा असंखेजगुणा ॥ ६८१ ॥ पन्नव-णाप भगवर्डेप चउत्तीसइमं परियारणापयं समत्तं॥

सीया य द्व सरीरा साया तह वेयणा भवइ दुक्खा। अब्भुवगमोवक्षिया निदा य अणिदा य नायव्वा॥ १॥ सायमसायं सव्वे सहं च दुक्खं अदुक्खमसुहं च । माणसरहियं विगालिदिया उ सेसा दुविहमेव॥ २॥ कइविहा णं मंते ! वेयणा पन्नता ? गोयमा! तिविहा वेयणा पन्नता। तंजहा—सीया, उसिणा, सीओसिणा। नेरइया णं मंते! किं सीयं वेयणं वेदेंति, उसिणं वेयणं वेदेंति, सीओसिणं वेयणं वेदेंति? गोयमा! सीयं पि वेयणं वेदेंति, उसिणं पि वेयणं वेदेंति, नो सीओसिणं वेयणं वेदेंति। केई एकेकपुढवीए वेयणाओ भणंति। रयणप्पभापुढविनेरइया णं मंते! पुच्छा। गोयमा! नो सीयं वेयणं वेदेंति, उसिणं वेयणं वेदेंति, नो सीओसिणं वेयणं वेदेंति, एवं जाव वाछयप्पभापुढविनेरइया। पंकप्पभापुढविनेरइयाणं प्रच्छा।

गोयमा! सीयं पि वेयणं वेदेंति, उत्तिणं पि वेयणं वेदेंति. नो सीओसिणं वेयणं वेदेंति । ते बहयतरागा जे उसिणं वेयणं वेदेंति. ते थोवतरागा जे सीयं वेयणं वेदेंति । धूमप्पभाए एवं चेव दुविहा, नवरं ते बहुतरागा जे सीयं वेयणं वेदेंति, ते थोवतरागा जे उसिणं वेयणं वेदेंति । तमाए य तमतमाए य सीयं वेयणं वेदेंति. नो उसिणं वेयणं वेदेंति. नो सीओसिणं वेयणं वेदेंति । असरक्रमाराणं पुच्छा । गोयमा ! सीयं पि वेयणं वेदेंति, उसिणं पि वेयणं वेदेंति, सीओसिणं पि वेयणं वेदेंति. एवं जाव वेमाणिया ॥ ६८२ ॥ कइविहा णं भंते ! वेयणा पन्नता ? गोयमा ! चउव्विहा वेयणा पन्नता । तंजहा-दव्वओ खेत्तओ कालओ भावओ । नेरइया णं भंते! किं दब्बओ वेयणं वेदेंति जाव भावओ वेयणं वेदेंति ? गोयमा! दव्वओ वि वेयणं वेदेंति जाव भावओ वि वेयणं वेदेंति. एवं जाव वेमाणिया । कडविहा णं भंते ! वेयणा पन्नता ? गोयमा ! तिविहा वेयणा पन्नता । तंजहा-सारीरा, माणसा, सारीरमाणसा । नेरइया णं भंते ! किं सारीरं वेयणं वेदेंति, माणसं वेयणं वेदेंति, सारीरमाणसं वेयणं वेदेंति ? गोयमा ! सारीरं पि वेयणं वेदेंति, माणसं पि वेयणं वेदेंति, सारीरमाणसं पि वेयणं वेदेंति । एवं जाव वेमाणिया. नवरं एगिंदियविगलिंदिया सारीरं वेयणं वेदेंति, नो माणसं वेयणं वेदेंति. नो सारीरमाणसं वेयणं वेदेंति । कडविहा णं भंते ! वेयणा पन्नता ? गोयमा ! तिविहा वेयणा पन्नता । तंजहा-साया, असाया, सायासाया । नेरङ्या णं भंते ! किं सायं वेयणं वेदेंति, असायं वेयणं वेदेंति, सायासायं वेयणं वेदेंति ? गोयमा ! तिविहं पि वेयणं वेदेंति, एवं सव्वजीवा जाव वेमाणिया । कड्विहा णं भंते ! वेयणा पन्नता ? गोयमा ! तिविहा वेयणा पन्नता । तंजहा-दुक्खा, सुहा, अदुक्लमसुहा । नेरइया णं भंते ! किं दुक्लं वेयणं वेदेंति पुच्छा । गोयमा ! दुक्खं पि वेयणं वेदेंति. सहं पि वेयणं वेदेंति. अदुक्खमसहं पि वेयणं वेदेंति, एवं जाव वेमाणिया ॥ ६८३ ॥ कडविहा णं भंते ! वेयणा पन्नता ? गोयमा ! दुविहा वेयणा पन्नता । तंजहा-अब्भोवगिमया य उवक्रमिया य । नेरइया णं भंते ! अब्भोवगमियं वेयणं वेदेंति, उवक्कमियं वेयणं वेदेंति ? गोयमा ! नो अब्भोवग-मियं वेयणं वेदेंति, उवक्कमियं वेयणं वेदेंति, एवं जाव चर्डारेदिया । पंचिंदियति-रिक्खजोणिया मणूसा य दुविहं पि वेयणं वेदेंति. वाणमंतरजोइसियवेमाणिया जहा नेरइया ॥ ६८४ ॥ कड़विहा णं भंते ! वेयणा पन्नत्ता ? गोयमा ! दुविहा वेयणा पन्नता । तंजहा-निदा य अणिदा य । नेरइया णं भंते ! किं निदायं वेयणं वेदेंति. अणिदायं वेयणं वेदेंति ? गोयमा ! निदायं पि वेयणं वेदेंति, अणिदायं पि वेयणं वेदेंति । से केणद्वेणं भंते ! एवं वुचइ-'नेरइया निदायं पि० अणिदायं पि वेयणं वेदेंति' ? गोयमा ! नेरइया दुविहा पन्नता । तंजहा-सण्णीभूया य असण्णीभया य । तत्थ णं जे ते सण्णीभूया ते णं निदायं नेयणं नेदेंति, तत्थ णं जे ते असण्णीभ्या ते णं अणिदायं वेयणं वेदेंति, से तेणहेणं गोयमा! एवं ... नेरइया निदायं पि वेयणं वेदेंति अणिदायं पि वेयणं वेदेंति, एवं जाव थणियकुमारा । पुढ-विकाइयाणं पुच्छा । गोयमा ! नो निदायं वेयणं वेदेंति, अणिदायं वेयणं वेदेंति । से केणट्टेणं भंते ! एवं वुचइ-'पुढिवकाइया नो निदायं वेयणं वेदेंति, अणिदायं वेयणं वेदेंति' शोयमा ! पुढविकाइया सन्वे असण्णी असण्णिभ्यं अणिदायं वेयणं वेदेंति, से तेणहेणं गोयमा ! एवं वृच्च - पुढ विकाइया नो निदायं वेयणं वेदेंति, अणिदायं वेयणं वेदेंति, एवं जाव चर्रिदिया। पंचिंदियतिरिक्खजोणिया मणूसा वाणमंतरा जहा नेरइया । जोइसियाणं पुच्छा । गोयसा ! निदायं पि वेयणं वेदेंति. अणिदायं पि वेयणं वेदेंति । से केणद्रेणं भंते ! एवं वृच्चइ-'जोइसिया निदा-यं पि वेयणं वेदेंति, अणिदायं पि वेयणं वेदेंति'? गोयमा! जोइसिया दुविहा पन्नता । तंजहा-माइमिच्छिहिद्रिउववण्णगा य अमाइसम्महिद्रिउववण्णगा य । तत्थ णं जे ते माइमिच्छिहिद्रिउववण्णगा ते णं अणिदायं वेयणं वेदेंति, तत्थ णं जे ते अमाइसम्मिद्दिहुउववण्णगा ते णं निदायं वेयणं वेदेंति, से एएणट्टेणं गोयमा! एवं वुचइ 'जोइसिया दुविहं पि वेयणं वेदेंति', एवं वेमाणिया वि ॥ ६८५ ॥ पन्नव-णाए भगवईए पणतीसहमं वेयणापयं समत्तं॥

वेयणकसायमरणे वेडिव्ययतेयए य आहारे । केविलए चेव भवे जीवमणुस्साण सत्तेव ॥ कइ णं भंते ! समुग्धाया पन्नता ? गोयमा ! सत्त समुग्धाया पन्नता । तंजहा-वेयणासमुग्धाए १, कसायसमुग्धाए १, मारणंतियसमुग्धाए १, वेडिव्ययसमुग्धाए ४, तेयासमुग्धाए ५, आहारगसमुग्धाए ६, केविलसमुग्धाए ७ । वेयणासमुग्धाए णं भंते ! कइसमइए पन्नते ? गोयमा ! असंखेजसमइए अंतोमुहुतिए पन्नते, एवं जाव आहारगसमुग्धाए । केविलसमुग्धाए णं भंते ! कइसमइए पन्नते ? गोयमा ! अट्टसमइए पन्नते । तंजहा-वेयणासमुग्धाए, कसायसमुग्धाए, मारणंतियसमुग्धाए, वेडिव्ययसमुग्धाए । अधुरकुमाराणं भंते ! कइ समुग्धाया पन्नता ? गोयमा ! पंच समुग्धाया पन्नता । तंजहा-वेयणासमुग्धाए, कसायसमुग्धाए, मारणंतियसमुग्धाए, वेडिव्ययसमुग्धाए, तेयासमुग्धाए, एवं जाव थिणयकुमाराणं । पुढिविकाइयाणं भंते ! कइ समुग्धाया पन्नता । प्रितियसमुग्धाए, वेडिव्ययसमुग्धाए, तेयासमुग्धाए, एवं जाव थिणयकुमाराणं । पुढिविकाइयाणं भंते ! कइ समुग्धाया पन्नता ।

तंजहा-वेयणासमुग्घाए, कसायसमुग्घाए, मारणंतियसमुग्घाए, एवं जाव चडरिंदि-याणं । नवरं वाउकाइयाणं चत्तारि समुग्घाया पन्नता । तंजहा-वेयणासमुग्घाए, कसायसमुग्घाए, मारणंतियसमुग्घाए, वेडव्वियसमुग्घाए । पंचिंदियतिरिक्खजो-णियाणं जाव वेमाणियाणं भंते ! कइ समुख्याया पन्नता ! गोयमा ! पंच समुख्याया पन्नता । तंजहा-वेयणासमुग्घाए, कसायसमुग्घाए, मारणंतियसमुग्घाए, वेउव्विय-समुग्घाए, तेयासमुग्घाए । नवरं मणूसाणं सत्तविहे समुग्घाए पन्नते । तंजहा-वेय-णासमुग्चाए, कसायसमुग्चाए, मार्णंतियसमुग्चाए, वेडव्वियसमुग्चाए, तेयासमु-ग्घाए, आहारगसमुग्घाए, केवलिसमुग्घाए॥ ६८६॥ एगमेगस्स णं भंते! नेरइयस्स केवइया वेयणासमुख्याया अतीता? गोयमा! अणंता. केवइया प्ररेक्खडा? गोयमा ! करसइ अत्थि करसइ नत्थि. जस्सत्थि तस्स जहण्णेणं एको वा दो वा तिण्णि वा, उक्कोसेणं संखेजा वा असंखेजा वा अणंता वा । एवमसुरकुमारस्स वि निरंतरं जाव वेमाणियस्स, एवं जाव तेयगसमग्धाए, एवमेए पंच चडवीसा दंडगा । एगमेगस्स णं भंते ! नेरइयस्स केवइया आहारगसमग्घाया अतीता ?० करसइ अत्थि करसइ नित्थ, जरस अत्थि तस्स जहन्नेणं एको वा दो वा, उक्कोसेणं तिण्णि । केवइया पुरेक्खडा १० कस्सइ अतिथ कस्सइ नित्य, जस्सित्थ जहन्नेणं एको वा दो वा तिष्णि वा, उक्कोसेणं चत्तारि, एवं निरंतरं जाव वेमाणियस्स. नवरं मणूसस्स अतीता वि परेक्खडा वि जहा नेरइयस्स पुरेक्खडा । एगमेगस्स णं भंते ! नेरइयस्स केवइया केवलिसमुखाया अतीता ? गोयमा ! नित्थ । केवइया परेक्खडा ? गोयमा ! करसइ अत्थि करसइ नित्थ, जरसिथ एक्को, एवं जाव वेमा-णियस्स, नवरं मणूसस्स अतीता कस्सइ अत्थि कस्सइ निरथ, जस्सित्थ एको. एवं पुरेक्खडा वि ॥ ६८७ ॥ नेरइयाणं भंते ! केवइया वेयणासमुग्घाया अतीता ? गोयमा ! अणंता । केवइया पुरेक्खडा ? गोयमा ! अणंता, एवं जाव वेमाणियाणं, एवं जाव तेयगसमुग्घाए, एवं एए वि पंच चडवीसदंडगा । नेरइयाणं भंते ! केवइया आहारगसमुग्घाया अतीता ? गोयमा ! असंखेजा । केवइया पुरेक्खडा ? गोयमा ! असंखेजा, एवं जाव वेमाणियाणं। नवरं वणस्सइकाइयाणं मणूसाण य इमं णाणत्तं-वणस्सइकाइयाणं भंते ! केवइया आहारगसमुग्घाया अतीता ? गोयमा ! अणंता । मणूसाणं भंते! केवइया आहारगसमुग्घाया अतीता? गोयमा! सिय संखेजा. सिय असंखेजा, एवं पुरेक्खडा वि । नेरइयाणं भंते! केवइया केविलसमुग्धाया अतीता ? गोयमा ! णत्थि । केवइया पुरेक्खडा ? गोयमा ! असंखेजा. एवं जाव वेमाणियाणं । नवरं वणस्सइमणूसेस इमं नाणतं-वणस्सइकाइयाणं भंते ! केवइया केविलिसमुग्वाया अतीता ? गोयमा ! णत्थि । केवइया पुरेक्खडा ? गोयमा ! अणंता। मणुसाणं भंते! केवड्या केविलसमुग्धाया अतीता? गोयमा! सिय अत्थि सिय निथि, जड अत्थि जहणोणं एको वा दो वा तिण्णि वा, उक्कोसेणं सयपहत्तं । केवइया पुरेक्खडा १० सिय संखेजा, सिय असंखेजा ॥ ६८८ ॥ एगमेगस्स णं भंते ! नेरइयस्स नेरइयत्ते केवइया वेयणासमुग्वाया अतीता १ गोयमा ! अणंता । केवड्या परेक्खडा ? गोयमा ! कस्सइ अत्थि कस्सइ नत्थि. जरस अत्थि जहन्नेणं एको वा दो वा तिण्णि वा, उक्कोसेणं संखेजा वा असंखेजा वा अणंता वा । एवं असुरकुमारते जाव वेमाणियते । एगमेगस्स णं भंते ! असर-कुमारस्स नेरइयत्ते केवइया वेयणासमुग्घाया अतीता १ गोयमा ! अणंता । केवइया परेक्खडा ? गोयमा ! करसङ अत्थि करसङ नत्थि, जस्सत्थि तस्स सिय संखेजा वा सिय असंखेजा वा सिय अणंता वा । एगमेगस्स णं भंते! असरकमारस्स असरकमारत्ते केवड्या वेयणासमुग्धाया अतीता ? गोयमा! अणंता । केवड्या परेक्खडा ? गोयमा ! करसइ अत्थि कस्सइ नत्थि, जस्सत्थि जहन्नेणं एको वा दो वा तिण्णि वा. उक्कोसेणं संखेजा वा असंखेजा वा अणंता वा, एवं नागकुमारते वि जाव वेमाणियत्ते, एवं जहा वेयणाससुरवाएणं असुरकुमारे नेरइयाइवेमाणियप-ज्ञवसाणेस भणिओ तहा नागकुमाराइया अवसेसेस सद्राणेस परद्राणेस भाणियव्वा जाव वेमाणियस्त वेमाणियत्ते। एवमेए चउन्वीसं चउन्वीसा दंडगा भवंति ॥६८९॥ एगमेगस्स णं भंते ! नेरइयस्स नेरइयत्ते केवइया कसायसमुग्धाया अतीता ? गोयमा! अणंता। केवइया पुरेक्खडा? गोयमा! करसइ अत्थि कस्सइ नित्थ. जस्सित्थ एगुत्तरियाए जाव अणंता । एगमेगस्स णं भंते ! नेरइयस्स असरकमारत्ते केवइया कसायसम्प्रधाया अतीता ? गोयमा ! अणंता, केवइया पुरेक्खडा ? गोयमा ! करसइ अत्थि करसइ नित्थ, जस्सित्थ सिय संखेजा, सिय असंखेजा, सिय अणंता, एवं जाव नेरइयस्स थणियकुमारते । पुढविकाइयते एगुत्तरियाए नेयव्वं. एवं जाव मणुयत्ते, वाणमंतरत्ते जहा असुरकुमारते । जोइसियत्ते अतीता अणंता. प्ररेक्खडा करसङ अत्थि करसङ नत्थि, जरसत्थि सिय असंखेजा, सिय अणंता, एवं वेमाणियत्ते वि सिय असंखेजा, सिय अणंता । असुरकुमारस्स नेरइयत्ते अतीता अणंता, पुरे-क्खडा करसाइ अत्थि करसाइ नत्थि, जस्सिथ सिय संखेजा, सिय असंखेजा, सिय अणंता । अमुरकुमारस्स अमुरकुमारते अतीता अणंता, पुरेक्खडा एगुत्तरिया, एवं नागकुमारते जाव निरंतरं वेमाणियते जहा नेरइयस्स भणियं तहेव भाणियव्वं, एवं जाव थणियकुमारस्स वि वेमाणियत्ते, नवरं सब्वेसिं सद्घाणे एगुत्तरियाए, परद्वाणे

जहेव असुरकुमारस्स । पुढविकाइयस्स नेरइयत्ते जाव थणियकुमारत्ते अतीता अणंता, पुरेक्खडा कस्सइ अत्थि कस्सइ नित्थ, जस्सित्थ सिय संखेजा, सिय असंखेजा, सिय अणंता । पुढविकाइयस्स पुढविकाइयत्ते जाव मण्यस्ते अतीता अणंता , पुरेक्खडा कस्सइ अत्थि कस्सइ नित्थ, जस्स अत्थि एगुत्तरिया । वाणमंतरत्ते जहा णेरइयते । जोइसियवेमाणियत्ते अतीता अणंता, पुरेक्खडा कस्सइ अत्थि कस्सइ नित्थ, जस्स अत्थि सिय असंखेजा, सिय अणंता, एवं जाव मणूसे वि नेयव्वं । वाणमंतरजोइ-सियवेमाणिया जहा असुरकुमारा, णवरं सट्टाणे एगुत्तरियाए भाणियव्वे जाव वेमाणियस्स वेमाणियत्ते । एवं एए चडव्वीसं चडव्वीसा दंडगा ॥६९०॥ मारणेति-यसमुग्घाओ सद्घाणे वि परद्वाणे वि एगुत्तरियाए नेयव्वो जाव वेमाणियस्स वेमाणियत्ते, एवमेए चउवीसं चउवीसदंडगा भाणियव्या । वेउव्वियसमुग्घाओ जहा कसायसमु-नघाओ तहा निरवसेसो भाणियव्वो, नवरं जस्स नत्थि तस्स न वृच्चइ, एत्थ वि चउ-वीसं चउवीसा दंडगा भाणियव्वा । तेयगसमुग्घाओ जहा मारणंतियसमुग्घाओ, णवरं जस्सऽित्य, एवं एए वि चडव्वीसं चडव्वीसा दंडगा भाणियव्वा ॥ ६९१ ॥ एगमेगस्स णं मंते! नेरइयस्स नेरइयत्ते केवइया आहारगसमुग्धाया अतीता? गोयमा ! णित्य । केवइया पुरेक्खडा ? गोयमा ! णित्य, एवं जाव वेमाणियत्ते, नवरं मणूसत्ते अतीता कस्सइ अत्थि कस्सइ नित्थि, जस्सित्थि जहन्नेणं एको वा दो वा, उक्कोसेणं तिन्नि । केवइया पुरेक्खडा ? गोयमा ! कस्सइ अत्थि कस्सइ नित्थ, जस्सित्थ जहन्नेणं एक्को वा दो वा तिण्णि वा, उक्कोसेणं चत्तारि, एवं सव्वजीवाणं मणुस्साणं भाणियव्वं । मणूसस्स मणूसत्ते अतीता कस्सइ अत्थि कस्सइ नित्थ, जस्सित्थ जहन्नेणं एको वा दो वा तिण्णि वा, उक्कोसेणं चत्तारि, एवं पुरेक्खडा वि । एवमेए चउवीसं चउवीसा दंडगा जाव वेमाणियत्ते ॥ ६९२ ॥ एगमेगस्स णं भंते ! नेरइयस्स नेरइयत्ते केवइया केवलिसमुग्घाया अतीता ? गोयमा ! णिथ । केवइया पुरेक्खडा ? गोयमा ! नत्थि, एवं जाव वेमाणियत्ते, नवरं मणूसत्ते अतीता नित्थ, पुरेक्खडा कस्सइ अत्थि कस्सइ नित्थ, जस्सित्थि इक्को, मणूसस्स मणूसत्ते अतीता करसइ अश्थि करसइ नितथ, जस्सित्थि एको, एवं पुरेक्खडा वि । एवमेए चउव्वीसं चउव्वीसा दंडगा॥ ६९३॥ नेरइयाणं भंते! नेरइयत्ते केवइया वेयणा-समुग्वाया अतीता ? गोयमा ! अणंता । केवइया पुरेक्खडा ? गोयमा ! अणंता, एवं जाव वेमाणियत्ते, एवं सन्वजीवाणं भाणियव्वं जाव वेमाणियाणं वेमाणियत्ते, एवं जाव तेयगसमुग्घाया, णवरं उवउ जिऊण णेयव्वं जस्सित्थि वेउव्वियतेयगा ॥ ६९४ ॥ नेरइयाणं भंते ! नेरइयत्ते केवइया आहारग्समुग्घाया अतीता ? गोयमा ! नित्थ ।

केवड्या प्रेक्खडा ? गोयमा ! णत्थि, एवं जाव वेमाणियते । णवरं मणूसत्ते अतीता असंखेजा, पुरेक्खडा असंखेजा, एवं जाव वेमाणियाणं । णवरं वणस्सइकाइयाणं मणुसत्ते अतीता अणंता, पुरेक्खडा अणंता । मणुसाणं मणुसत्ते अतीता सिय संखेजा. सिय असंखेजा, एवं पुरेक्खडा वि । सेसा सन्वे जहा नेरइया, एवं एए चउवीसं चउनीसा दंडगा ॥ ६९५ ॥ नेरइयाणं भंते ! नेरइयत्ते केनइया केनलिसमुग्धायाः अतीता ? गोयमा ! नत्थि । केवइया पुरेक्खडा ? गोयमा ! नत्थि, एवं जाव वेमाणियते । णवरं मणुसत्ते अतीता णित्य. पुरेक्खडा असंखेजा, एवं जाव वेमा-णिया, नवरं वणस्सइकाइयाणं मणूसत्ते अतीता नत्थि, पुरेक्खडा अणंता । मणूसाणं मणूसत्ते अतीता सिय अत्थि सिय णत्थि, जइ अत्थि जहन्नेणं एको वा दो वा तिण्णि वा, उक्कोसेणं सयपुहुतं । केवइया पुरेक्खडा ? गोयमा ! सिय संखेजा, सिय असंखेजा. एवं एए चडव्वीसं चडव्वीसा दंडगा सन्वे पुच्छाए भाणियव्वा जाव वेमाणियाणं वेमाणियत्ते ॥ ६९६ ॥ एएसि णं भंते ! जीवाणं वेयणासमुग्घाएणं कसायसमुखाएणं मारणंतियसमुखाएणं वेउ व्वियसमुखाएणं तेयगसमुखाएणं आहा-रगसमुग्घाएणं केवलिसमुग्घाएणं समोहयाणं असमोहयाण य कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा! सव्वत्थोवा जीवा आहारग-सम्ग्याएणं समोहया, केवलिसम्ग्याएणं समोहया संखेजगुणा, तेयगसमुग्याएणं समोहया असंखेजगुणा, वेउन्वियसमुग्घाएणं समोहया असंखेजगुणा, मारणंतिय-समुग्वाएणं समोह्या अणंतगुणा, कसायसमुग्वाएणं समोह्या असंखेजगुणा, वेयणासमुम्घाएणं समोहया विसेसाहिया, असमोहया असंखेजगुणा ॥ ६९७ ॥ एएसि णं भंते ! नेरइयाणं वेयणासमुग्घाएणं कसायसमुग्घाएणं मारणंतियसमुग्घाएणं वेउ व्वियसमुग्घाएणं समोहयाणं असमोहयाण य कयरे कयरेहिंतो अप्पा वा ४ ? गोयमा ! सन्वत्थोवा नेरइया मारणंतियसमुग्घाएणं समोहया, वेउन्वियसमुग्घाएणं समोहया असंखेजनुणा, कसायसमुग्घाएणं समोहया संखेजनुणा, वेयणासमुग्घाएणं समोहया संखेजगुणा, असमोहया संखेजगुणा। एएसि णं भंते! असुरकुमाराणं वेयणाससुग्घाएणं कसायससुग्घाएणं मारणंतियससुग्घाएणं वेडव्वियससुग्घाएणं तेयगसमुग्घाएणं समोहयाणं असमोहयाण य कयरे कयरेहिंतो अप्पा वा ४ ? गोयमा! सन्वत्थोवा असुरकुमारा तेयगसमुग्घाएणं समोहया, मार्णंतियसमुग्घाएणं समोहया असंखेजगुणा, वेयणासमुग्घाएणं समोहया असंखेजगुणा, कसायसमु-ग्घाएणं समोहया संखेजगुणा, वेउव्वियसमुग्घाएणं समोहया संखेजगुणा, असमो-हया असंखेजगुणा, एवं जाव थणियकुमारा। एएसि णं भंते! पुढविकाइयाणं

वेयणा० कसाय० मारणंतियसमुग्घाएणं समोहयाणं असमोहयाण य कयरे कयरेहिंतो अप्पा वा ४ १ गोयमा ! सन्वत्थोवा पुढविकाइया मारणंतियसमुग्घाएणं समोहया, कसायसमुग्घाएणं समोहया संखेजगुणा, वेयणासमुग्घाएणं समोहया विसेसाहिया, असमोहया असंखेजगुणा । एवं जाव वणस्सइकाइया, णवरं सव्वत्थोवा वाउकाइया वेड व्वियसमुग्चाएणं समोहया, मारणंतियसमुग्चाएणं समोहया असंखेजगुणा, कसायसमुग्घाएणं समोहया संखेजगुणा, वेयणासमुग्घाएणं समोहया विसेसाहिया. असमोहया असंखेजगुणा । बेइंदियाणं भंते ! वेयणासमुग्चाएणं कसायसमुग्चाएणं मारणंतियसमुग्घाएणं समोहयाणं असमोहयाण य कयरे कयरेहिंतो अप्पा वा ४ ? गोयमा! सव्वत्थोवा बेइंदिया मारणंतियसमुग्घाएणं समोहया, वेयणासमुग्घाएणं समोहया असंखेजगुणा, कसायससुरघाएणं समोहया असंखेजगुणा, असमोहया संखेजगुणा. एवं जाव चडरिंदिया । पंचिंदियतिरिक्खजोणियाणं भंते ! वेयणासमु-ग्घाएणं कसायसम्ग्याएणं मारणंतियसम्ग्याएणं वेडव्वियसम्ग्याएणं तेयासम्ग्या-एणं समोहयाणं असमोहयाण य कयरे कयरेहिंतो अप्पा वा ४ १ गोयमा ! सव्व-त्थोवा पंचिंदियतिरिक्खजोणिया तेयासस्रघाएणं समोहया, वेउव्वियसस्रघाएणं समोहया असंखेजगुणा, मारणंतियसमुग्घाएणं समोहया असंखेजगुणा, वेयणा-समुग्घाएणं समोहया असंखेजगुणा, कसायसमुग्घाएणं समोहया संखेजगुणा, असमोहया संखेजगुणा। मणुस्साणं भंते! वेयणासमुग्घाएणं कसायसमुग्घाएणं मारणंतियसमुग्चाएणं वेउन्वियसमुग्चाएणं तेयगसमुग्चाएणं आहारगसमुग्चाएणं केविलसमुख्याएणं समोहयाणं असमोहयाण य कयरे क्यरेहिंतो अप्पा वा ४ ? गोयमा! सन्वत्थोवा मणुस्सा आहारगसमुग्घाएणं समोहया, केवलिसमुग्घाएणं समोहया संखेजगुणा, तेयगसमुग्घाएणं समोहया संखेजगुणा, वेउव्वियसमुग्घाएणं समोहया संखेजगुणा, मारणंतियसम्भवाएणं समोहया असंखेजगुणा, वेयणासम्-ग्घाएणं समोहया असंखेजगुणा, कसायसमुग्घाएणं समोहया संखेजगुणा, असमोहया असंखेजगुणा । वाणमंतरजोइसियवेमाणियाणं जहा असरकमाराणं ॥ ६९८ ॥ कड णं भंते ! कसायसमुख्याया पन्नता ? गोयमा ! चत्तारि कसायसमुख्याया पन्नता । तंजहा–कोहसमुग्घाए, माणसमुग्घाए, मायासमुग्घाए, लोहसमुग्घाए । नेरइयाणं भंते ! कइ कसायसमुग्घाया पन्नता ? गोयमा ! चतारि कसायसमुग्घाया पन्नता ० एवं जाव वेमाणियाणं। एगमेगस्स णं भंते ! नेरइयस्स केवइया कोहसम्भ्याया अतीता ? गोयमा ! अणंता । केवइया पुरेक्खडा ? गोयमा ! कस्सइ अत्थि कस्सइ नित्थ. जस्सित्थि जहण्णेणं एको वा दो वा तिण्णि वा, उक्कोसेणं संखेजा वा असं-

496

खेजा वा अणंता वा. एवं जाव वेमाणियस्स, एवं जाव लोहसमुग्घाए, एए चत्तारि दंडगा। नेरइयाणं भंते! केवइया कोहससुग्चाया अतीता? गोयमा! अणंता। केवइया प्रेक्खडा? गोयमा! अणंता। एवं जाव वेमाणियाणं, एवं जाव लोहसम-ग्वाए. एवं एए वि चत्तारि दंडगा। एगमेगस्स णं भंते! नेरइयस्स नेरइयत्ते केवइया कोहसम्ग्घाया अतीता ? गोयमा ! अणंता । एवं जहा वेयणासमुग्घाओ भणिओ तहा कोहसमुग्घाओं वि निर्वसेसं जाव वेमाणियते । माणसमुग्घाए मायासमुग्घाए वि निरवसेसं जहा मारणंतियसमुग्चाए, लोहसमुग्चाओ जहा कसायसमुग्चाओ, नवरं सव्वजीवा असुराइनेरइएसु लोहकसाएणं एगुत्तरियाए नेयव्वा । नेरइयाणं भंते ! नेरइयत्ते केनइया कोहसमुग्घाया अतीता ? गोयमा ! अणंता । केनइया पुरेक्खडा ? गोयमा! अणंता, एवं जाव वेमाणियत्ते, एवं सद्घाणपरद्वाणेसु सव्वत्थ भाणियव्वा. सञ्वजीवाणं चत्तारि वि समुग्घाया जाव लोहसमुग्घाओ जाव वेमाणियाणं वेमाणियत्ते ॥ ६९९॥ एएसि णं भंते ! जीवाणं कोहससुग्घाएणं माणससुग्घाएणं मायाससुग्घाएणं लोभसमुग्चाएण य समोहयाणं अकसायसमुग्घाएणं समोहयाणं असमोहयाण य कयरे कयरेहिंतो अप्पा वा ४ ? गोयमा! सन्वत्थोवा जीवा अकसायसमुग्घाएणं समोहया. माणसमुग्चाएणं समोहया अणंतगुणा, कोहसमुग्चाएणं समोहया विसेसाहिया, मायासमुग्वाएणं समोहया विसेसाहिया, लोभसमुग्वाएणं समोहया विसेसाहिया, असमोहया संखेजगुणा। एएसि णं भंते! नेरइयाणं कोहससुग्वाएणं माणसमुग्वाएणं मायासमुग्घाएणं लोभसमुग्घाएणं समोहयाणं असमोहयाण य कयरे कयरेहिंतो अप्पा वा ४ १ गोयमा ! सन्वत्थोवा नेरइया लोभसमुग्घाएणं समोहया. माया-समुग्घाएणं समोहया संखेजगुणा, माणसमुग्घाएणं समोहया संखेजगुणा, कोहसम्-ग्घाएणं समोहया संखेजगुणा, असमोहया संखेजगुणा। असुरकुमाराणं पुच्छा। गोयमा! सन्वत्थोवा असुरकुमारा कोहसमुग्घाएणं समोहया, माणसमुग्घाएणं समो ह्या संखेजगुणा, मायासमुग्घाएणं समोहया संखेजगुणा, लोमसमुग्घाएणं समो-हया संखेजगुणा, असमोहया संखेजगुणा, एवं सव्वदेवा जाव वेमाणिया। पुढवि-काइयाणं पुच्छा । गोयमा ! सन्वत्थोवा पुढविकाइया माणसमुग्घाएणं समोहया, कोहसमुग्घाएणं समोहया विसेसाहिया, मायासमुग्घाएणं समोहया विसेसाहिया, लोभसमुम्घाएणं समोहया विसेसाहिया, असमोहया संखेजगुणा । एवं जाव पंचिं-दियतिरिक्खजोणिया, मणुस्सा जहा जीवा, णवरं माणसम्ग्याएणं समोहया असंखे-ज्गुणा ॥ ७०० ॥ क्इ णं भंते ! छाउमत्थिया समुग्घाया पन्नता ? गोयमा ! छ छाउ-मत्थिया समुग्घाया पन्नता । तंजहा-वेयणासमुग्घाए, कसायसमुग्घाए, मारणंतिय-

समुग्वाए, वेउ विवयसमुग्वाए, तेयासमुग्वाए, आहारगसमुग्वाए । नेरइयाणं भंते ! कड छाउमित्थया समुग्घाया पन्नता ? गोयमा ! चत्तारि छाउमित्थया समुग्घाया पन्नत्ता । तंजहा-वेयणासमुग्घाए, कसायसमुग्घाए, मारणंतियसमुग्घाए, वेडव्विय-समुखाए । असुरकुमाराणं पुच्छा । गोयमा ! पंच छाउमत्थिया समुखाया पन्नता । तंजहा-वेयणासमुग्घाए, कसायसमुग्घाए, मारणंतियसमुग्घाए, वेडव्वियसमुग्घाए, तेयासमुग्धाए । एगिंदियविगलिंदियाणं पुच्छा । गोयमा! तिण्णि छाउमत्थिया समु-बघाया पन्नता । तंजहा-वेयणासमुखाए, कसायसमुखाए, मारणंतियसमुखाए, णवरं बाउकाइयाणं चत्तारि समुग्घाया पन्नता । तं०-वे० क० मा० वेउ० । पं० पुच्छा । गो० ! पंच स० प० । तंजहा–वेयणासमुग्घाए, कसायसमुग्घाए, मारणंतियसमुग्घाए, वेडविवयसमुग्घाए, तेयगसमुग्घाए । मणूसाणं भेते ! कह छाउमत्थिया समुग्घाया पन्नता? गोयमा ! छ छाउमत्थिया समुग्चाया पन्नता । तंजहा-वेयणासमुग्चाए, कसाय-समुखाए, मारणंतियसमुखाए, वेडव्वियसमुखाए, तेयगसमुखाए, आहारगसमु-नघाए ॥ ७०१ ॥ जीवे णं भंते ! वेयणाससुनघाएणं समोहए समोहणिता जे पोग्गले निच्छभइ तेहि णं भंते ! पोग्गलेहिं केवइए खेत्ते अप्फुण्णे, केवइए खेत्ते फुडे ? गोयमा ! सरीरप्पमाणमेत्ते विक्खंभबाह्रहेणं नियमा छिद्दिसं एवइए खेत्ते अप्फुण्णे, एवइए खेत्ते फुडे। से णं भंते! खेते केवइकालस्स अप्फुण्णे, केवइकालस्स फुडे? गोयमा! एग-. समइएण वा दुसमइएण वा तिसमइएण वा विग्गहेणं एवइयकालस्स अप्फुण्णे, एवइय-कालस्स फुडे। ते णं भंते! पोग्गले केवइकालस्स निच्छुभइ ? गोयमा! जहण्णेणं अंतोमुहत्तस्स, उक्कोसेण वि अंतोमुहत्तस्स । ते णं भंते ! पोग्गला निच्छूडा समाणा जाइं तत्थ पाणाइं भूयाइं जीवाइं सत्ताइं अभिहणंति वत्तेंति लेसेंति संघाएंति संघटेंति परियावेंति किलामेंति उद्दवेंति तेहिंतो णं भंते ! से जीवे कड़किरिए ? गोयमा ! सिय तिकिरिए, सिय चडिकरिए, सिय पंचिकरिए । ते णं भंते ! जीवा ताओ जीवाओ कइकिरिया ? गोयमा ! सिय तिकिरिया, सिय चडिकरिया, सिय पंचकिरिया । से णं भंते ! जीवे ते य जीवा अण्णेसिं जीवाणं परंपराघाएणं कइकिरिया ? गोयमा ! तिकिरिया वि चउकिरिया वि पंचिकिरिया वि ॥ ७०२ ॥ नेरइए णं भंते ! वेयणाससुग्घाएणं समोहए एवं जहेव जीवे, नवरं नेरइयाभिलावो, एवं निरवसेसं जाव वेमाणिए। एवं कसायसमुग्घाओ वि भाणियव्वो । जीवे णं भेते ! मार्णितियसमुग्घाएणं समोहणइ समोहणिता जे पोग्गले णिच्छुभइ तेहि णं भंते ! पोग्गलेहिं केवइए खेते अप्फुण्णे, केवइए खेते फुडे ? गोयमा ! सरीरप्पमाणमेते विक्खंभबाहक्षेणं. आयामेणं जह-ण्णेणं अंगुलस्स असंखेजाइभागं, उक्कोसेणं असंखेजाई जोयणाई एगदिसिं एवइए

पण्णवणासुत्तं

खेते अप्फुण्णे, एवइए खेते फुडे। से णं भंते! खेते केवइकालस्स अप्फुण्णे. केवइ-कालस्स फडे ? गोयमा ! एगसमइएण वा दुसमइएण वा तिसमइएण वा चउसमइ-एण वा विमाहेणं एवइकालस्स अप्फुण्णे, एवइकालस्स फुडे, सेसं तं चेव जाव पंचिकिरिया वि । एवं नेरइए वि, णवरं आयामेणं जहण्णेणं साइरेगं जीयणसहस्सं उक्रोसेणं असंखेजाइं जोयणाइं एगदिसिं एवइए खेत्ते अप्फुल्णे, एवइए खेते फुडे विमाहेणं एगसमइएण वा दुसमइएण वा तिसमइएण वा, नवरं चउसमइएण वा न भन्नइ. सेसं तं चेव जाव पंचिकरिया वि । असुरकुमारस्स जहा जीव-पए. णवरं विगगहो तिसमइओ जहा नेरइयस्स, सेसं तं चेव जहा असुर-कुमारे. एवं जाव वेमाणिए, नवरं एगिंदिए जहा जीवे निरवसेसं ॥ ७०३ ॥ जीवे णं भंते ! वेडिव्वयसमुग्धाएणं समोहए समोहणिता जे पुग्गळे निच्छभड तेहि णं भंते! पोग्गलेहिं केवइए खेते अप्फुण्णे, केवइए खेते फुडे? गोयमा! सरीरप्पमाणमेत्ते विक्खंभबाहल्लेणं, आयामेणं जहन्नेणं अंगुलस्स संखेजइभागं, उक्कोसेणं संखेजाइं जोयणाइं एगदिसिं विदिसिं वा एवइए खेते अप्फूण्णे, एवइए खेत फडे । से णं भंते ! केवइकालस्स अप्फुण्णे, केवइकालस्स फुडे ? गोयमा ! एगसमङ्एण वा दुसमङ्एण वा तिसमङ्एण वा विग्गहेणं एवङ्कालस्स अप्फुण्णे. एवइकालस्स फ़डे, सेसं तं चेव जाव पंचिकरिया वि, एवं नेरइए वि, नवरं आया-मेणं जहन्नेणं अंगुलस्स असंखेजइमागं, उक्कोसेणं संखेजाई जोयणाई एगदिसिं। एवइए खेते केवइकालस्स ? तं चेव जहा जीवपए, एवं जहा नेरइयस्स तहा असरकुमारस्स. नवरं एगदिसिं विदिसिं वा. एवं जाव थणियकुमारस्स । वाउका-इयस्स जहा जीवपए, णवरं एगदिसिं । पंचिंदियतिरिक्खजोणियस्स निरवसेसं जहा नेरइयस्स । मणुसवाणमंतरजोइसियवेमाणियस्स निरवसेसं जहा असुरकुमा-रस्स ॥ ७०४ ॥ जीवे णं भंते ! तेयगसमुग्घाएणं समोहए समोहणिता जे पोग्गले निच्छुभइ तेहि णं भंते ! पोग्गलेहिं केवइए खेत्ते अप्फुण्णे, केवइए खेते फुडे ? एवं जहेव वेउव्विए समुग्घाए तहेव, नवरं आयामेणं जहन्नेणं अंगुलस्स असंखेजइभागं, सेसं तं चेव, एवं जाव वेमाणियस्स, णवरं पंचिंदियतिरिक्खजोणि-यस्स एगदिसिं एवइए खेत्ते अप्फुण्णे, एवइए खेत्ते फुडे ॥ ७०५ ॥ जीवे णं भंते ! आहारगसम्ग्याएणं समोहए समोहणिता जे पोग्गळे निच्छुभइ तेहि णं भंते! पोग्गलेहिं केवइए खेते अप्फुण्णे, केवइए खेते फुडे ? गोयमा! सरीरप्पमाणमेते विक्खंभबाहल्लेणं, आयामेणं जहण्णेणं अंगुलस्स असंखेजइभागं, उक्कोसेणं संखेजाई जोयणाई एगदिसिं, एवइए खेते एगसमइएण वा दुसमइएण वा तिसमइएण वा विगाहेणं एवइकालस्स अप्फुण्णे, एवइकालस्स फुडे। ते णं भंते! पोग्गला केवइ-कालस्स निच्छुक्भंति ? गोयमा ! जहन्नेणं अंतोमहत्तस्स, उन्नोसेण वि अंतोमह-त्तस्स ॥ ७०६ ॥ ते णं भंते ! पोग्गला निच्छुडा समाणा जाई तत्थ पाणाई भ्याइं जीवाइं सत्ताइं अभिहणंति जाव उइवेंति, ते(हि)णं भंते! जीवे कइ-किरिए ? गोयमा ! सिय तिकिरिए, सिय चडिकरिए, सिय पंचिकरिए । ते णं भंते !० जीवाओ कड़िकिरिया ? गोयमा ! एवं चेव । से णं भंते ! जीवे ते य जीवा अण्णेसिं जीवाणं परंपराघाएणं कड़िकरिया ? गोयमा ! तिकिरिया वि चडिकरिया वि पंचिकरिया वि. एवं मणूसे वि ॥ ७०७ ॥ अणगारस्स णं भंते ! भावियपणो केविलसमुग्घाएणं समोहयस्स जे चरमा णिजरापोग्गला सहमा णं ते पोग्गला पन्नत्ता समणाउसो ! सन्वलोगं पि य णं ते फुसित्ताणं चिद्रंति ? हंता गोयमा ! अणगारस्स भावियप्पणो केविलसमुग्घाएणं समोहयस्स जे चरमा णिजरापोग्गला महमा णं ते पोग्गला पन्नता समणाउसो ! सञ्बलोगं पि य णं ते फिसत्ताणं चिटंति ॥ ७०८ ॥ छउमत्थे णं भंते ! मणूसे तेसिं णिजरापोग्गलाणं किंचि वण्णेणं वण्णं गंधेणं गंधं रसेणं रसं फासेण वा फासं जाणइ पासइ ? गोयमा ! णो इण्डे समड़े। से केणड्रेणं भंते! एवं वृचइ-'छउमत्थे णं मणूसे तेसिं णिजरापोग्गलाणं णो किंचि वण्णेणं वण्णं गंधेणं गंधं रसेणं रसं फासेणं फासं जाणइ पासइ' ? गोयमा! अयण्णं जंबुद्दीवे दीवे सव्वदीवसमुद्दाणं सव्वब्भंतराए सव्वखुड्दाए वहे तेल्लापूयसंठाणसंठिए वहे रहचकवालसंठाणसंठिए वहे प्रक्खरकण्णियासंठाणसंठिए वट्टे पडिपुण्णचंदसंठाणसंठिए एगं जोयणसयसहस्सं आयामविक्खंभेणं तिण्णि जोय-णसयसहस्साई सोलस सहस्साई दोण्णि य सत्तावीसे जोयणसए तिण्णि य कोसे अद्वावीसं च धणुसयं तेरस य अंगुलाई अद्धंगुलं च किंचिविसेसाहिए परिक्खेवेणं पन्नत्ते । देवे णं महिष्ट्रिए जाव महासोक्खे एगं महं सविलेवणं गंधसम्मग्गयं गहाय तं अवदालेइ, तं महं एगं सविलेवणं गंधसमुग्गयं अवदालइत्ता इणामेव कट्ट केवलकप्पं जंबुद्दीवं दीवं तिहिं अच्छराणिवाएहिं तिसत्तखुत्तो अणुपरियद्वित्ताणं हव्वमागच्छेजा, से नूणं गोयमा! से केवलकप्पे जंबुद्दीवे दीवे तेहिं घाणपोग्गलेहिं फुडे ? हंता ! फुडे. छउमत्थे णं गोयमा ! मणूसे तेसिं घाणपुग्गलाणं किंचि वण्णेणं वण्णं गंधेणं गंधं रसेणं रसं फासेणं फासं जाणइ पासइ ? भगवं ! नो इणट्टे समट्टे, से एएणट्टेणं गोयमा ! एवं वृच्चइ-'छउमत्थे णं मणूसे तेसिं णिज-रापोग्गलाणं णो किंचि वण्णेणं वण्णं गंधेणं गंधं रसेणं रसं फासेणं फासं जाणइ पासइ, एस्ट्रमा णं ते पोग्गला पन्नत्ता समणाउसो! सब्वलोगं पि य णं फुसित्ता- णं चिद्रंति'॥ ७०९॥ कम्हा णं भंते ! केवली समुग्धायं गच्छइ १ गोयमा ! केव-लिस्स चतारि कम्मंसा अक्खीणा अवेइया अणिजिण्णा भवंति, तंजहा-वेयणिजे. आउए, नामे, गोए, सव्वबहुप्पएसे से वेयणिजे कम्मे हवइ, सव्वत्थोवे आउए कम्मे हवइ, विसमं समं करेइ बंघणेहिं ठिईहि य, विसमसमीकरणयाए बंघणेहिं ठिईहि य एवं खलु केवली समोहणइ, एवं खलु० समुग्घायं गच्छइ। सठ्वे वि णं भंते! केवली समोहणंति, सब्वे वि णं भंते ! केवली समुग्वायं गच्छंति ? गोयमा ! णो इणद्रे समद्धे । जस्साउएण तुल्लाइं, बंधणेहिं ठिईहि य । भवोवग्गहकम्माइं, समुघायं से ण गच्छइ ॥ १ ॥ अगंतूणं समुग्धायं, अणंता केवली जिणा । जरमरणविप्पमुका. सिद्धिं वरगईं गया ॥ २ ॥ ७१० ॥ कइसमइए णं भंते ! आउजीकरणे पन्नते ? गोयमा! असंखेजसमइए अंतोमुहुत्तिए आउज्जीकरणे पन्नते। कइसमइए णं भंते ! केविलसमुग्चाए पन्नते ? गोयमा ! अट्ठसमइए० पन्नते । तंजहा-पढमे समए दंडं करेइ, बीए समए कवाडं करेइ, तइए समए मंथं करेइ, चउत्थे समए लोगं पूरेइ, पंचमे समए लोगं पिडसाहरइ, छद्दे समए मंथं पिडसाहरइ, सत्तमए समए कवाडं पडिसाहरइ, अट्टमे समए दंडं पडिसाहरइ, दंडं पडिसाहरेत्ता तओ पच्छा सरीरत्थे भवइ ॥ ७११ ॥ से णं भंते ! तहा समुग्धायगए किं मणजोगं जुंजइ. वइजोगं जुंजइ, कायजोगं जुंजइ? गोयमा! नो मणजोगं जुंजइ, नो वइजोगं जुंजइ, कायजोगं जुंजइ। कायजोगं णं भंते ! जुंजमाणे किं ओरालियसरीरकायजोगं जुंजइ, ओरालियमीसासरीरकायजोगं जुंजइ, वेउव्वियसरीरकायजोगं जुंजइ, वेउव्वियमीसासरीरकायजोगं जुंजइ, आहारगसरीरकायजोगं०, आहारगमीसा-सरीरकायजोगं जुंजइ, कम्मगसरीरकायजोगं जुंजइ? गोयमा! ओरालियसरी-रकायजोगं पि जुंजइ, ओरालियमीसासरीरकायजोगं पि जुंजइ, नो वेउ व्वियसरीर-कायजोगं०. नो वेउव्वियमीसासरीरकायजोगं०, नो आहारगसरीरकायजोगं०, नो आहारगमीसासरीरकायजोगं०. कम्मगसरीरकायजोगं पि जुंजइ, पढमद्रमेस समएस ओरालियसरीरकायजोगं जुंजइ, बिइयछट्टसत्तमेसु समएसु ओरालियमीसासरीर-कायजोगं जुंजइ, तइयचउत्थपंचमेसु समएसु कम्मगसरीरकायजोगं जुंजइ ॥ ७१२ ॥ से णं भंते ! तहा समुग्घायगए सिज्झइ बुज्झइ मुच्चइ परिनिव्वाइ सव्बद्धक्खाणं अंतं करेड ? गोयमा ! नो इणद्रे समद्रे । से णं तओ पिडनियत्तड पिडिनियत्तइत्ता तओ पच्छा मणजोगं पि जुंजइ, वहजोगं पि जुंजइ, कायजोगं पि जुंजइ । मणजोगं जुंजमाणे किं सचमणजोगं जुंजइ, मोसमणजोगं जुंजइ, सचामो-समणजोगं जुंजइ, असचामोसमणजोगं जुंजइ १ गोयमा ! सचमणजोगं ०, नो मोसम-

णजोगं०, नो सचामोसमणजोगं जुंजइ, असचामोसमणजोगं जुंजइ, वहजोगं जुंजमाणे किं सचवइजोगं जुंजइ, मोसवइजोगं जुंजइ, सचामोसवइजोगं०, असचामोसवइजोगं जंजड ? गोयमा ! सचवइजोगं०, नो मोसवइजोगं०, नो सचामोसवइजोगं०, असचामो-सवइजोगं पि जुंजइ, कायजोगं जुंजमाणे आगच्छेज वा गच्छेज वा चिटेज वा निसीएज वा त्रयटेज वा उल्लंघेज वा पलंघेज वा, पाडिहारियं पीडफलगसेजा-संथारगं पच्चिप्पिणेजा ॥ ७१३ ॥ से णं भंते ! तहा सजोगी सिज्झड जाव अंतं करेड़ ? गोयमा ! नो इणट्टे समद्रे । से णं पुन्वामेव सण्णिस्स पंचिदियपजात्तयस्स जहण्णजोगिस्स हेट्टा असंखेजगुणपरिहीणं पढमं मणजोगं निरुंभइ. तओ अणंतरं बेइंदियपज्जत्तगस्स जहण्णजोगिस्स हेट्टा असंखेजगुणपरिहीणं दोचं वहजोगं निरुंभइ, तओ अणंतरं च णं सुहमस्स पणगजीवस्स अपज्जत्तयस्स जहण्णजोगिस्स हेद्रा असंखेजागुणपरिहीणं तचं कायजोगं निरुंभइ, से णं एएण उवाएणं-पढमं मणजोगं निरुंभइ, मणजोगं निरुंभित्ता वइजोगं निरुंभइ, वइजोगं निरुंभित्ता कायजोगं निरुंभइ, कायजोगं निरुंभित्ता जोगनिरोहं करेइ, जोगनिरोहं करेत्ता अजोगत्तं पाउणइ, अजोगत्तं पाउणिता ईसिं हस्सपंचक्खरुचारणद्धाए असंखेजसमइयं अंतोम्-हत्तियं सेलेसिं पडिवज्जइ, पुन्वरइयगुणसेढीयं च णं कम्मं, तीसे सेलेसिमद्धाए . असंखेजाहिं गुणसेढीहिं असंखेजे कम्मखंधे खवयइ, खवइत्ता वेयणिजाउणामगोत्ते इचेए चतारि कम्मंसे जुगवं खवेइ, जुगवं खवेता ओरालियतेयाकम्मगाइं सव्वाहिं विप्पजहणाहिं विप्पजहइ, विप्पजहित्ता उज्जुसेढीपडिवण्णो अफुसमाणगईए एगस-मएणं अविग्गहेणं उड्ढं गंता सागारोवउत्ते सिज्झइ बुज्झइ०, तत्थ सिद्धो भवइ। ते णं तत्थ सिद्धा भवंति असरीरा जीवघणा दंसणणाणोवउत्ता णिद्रियद्रा णीरया णिरेयणा वितिमिरा विसुद्धा सासयमणागयद्धं कालं चिहंति । से केणहेणं भंते ! एवं वचड-'ते णं तत्थ सिद्धा भवंति असरीरा जीवघणा दंसणणाणीवउत्ता णिड्रियदा णीरया णिरेयणा वितिमिरा विसुद्धा सासयमणागयद्धं कालं चिट्ठंति'? गोयमा ! से जहाणामए वीयाणं अग्गिदङ्काणं पुणरिव अंकुरुप्पत्ती ण भवइ, एवामेव सिद्धाण वि कम्मबीएस दब्देस पुणरवि जम्मुप्पत्ती ण भवइ, से तेणहेणं गोयमा! एवं वृच्चइ-'ते णं तत्थ सिद्धा भवंति असरीरा जीवघणा दंसणणाणीवउत्ता णिट्रियद्रा णीरया णिरेयणा वितिमिरा विसुद्धा सासयमणागयदं कालं चिद्रंति' ति । निच्छि-ण्णसव्वद्रक्खा जाइजरामरणबन्धणविमुका । सासयमव्वाबाहं चिट्टंति सुही सुहं पत्ता ॥ १ ॥ ७१४ ॥ **पन्नवणाए भगवईए छत्तीसइमं समुग्घायपयं** समत्तं ॥ पण्णवणासृत्तं समत्तं ॥



णमोऽत्यु णं समणस्स भगवओ णायपुत्तमहावीरस्स

सुत्तागमे

तत्थ णं जंब्रद्दीवपण्णत्ती

णमो अरिहंताणं णमो सिद्धाणं णमो आयरियाणं णमो उवज्झायाणं णमो लोए सन्वसाहूणं। तेणं कालेणं तेणं समएणं मिहिला णामं णयरी होत्था, रिद्धत्थिमिय-समिद्धा वण्णओ । तीसे णं मिहिलाए णयरीए बहिया उत्तरपुरिच्छमे दिसीभाए एत्थ णं माणिभेद्दे णामं उज्जाणे होत्था, वण्णओ । जियसत्त् राया, धारिणी देवी, वण्णओ । तेणं कालेणं तेणं समएणं सामी समोसहे, परिसा णिग्गया, धम्मो कहिओ, परिसा पडिगया ॥ १ ॥ तेणं कालेणं तेणं समएणं समणस्स भगवओ महावीरस्स जेद्रे अंतेवासी इंदभूई णामं अणगारे गोयमगोत्तेणं सत्तुस्सेहे समचउ-रंससंठाणे जाव विक्खुत्तो आयाहिणं पयाहिणं करेइ २ ता वंदइ णमंसइ वंदिता णमंसिता] एवं वयासी-किह णं भंते ! जंबुद्दीवे २ ? केमहालए णं भंते ! जंबुद्दीवे २ ? किसंठिए णं भंते ! जंबुद्दीवे २ ? किमायारभावपडोयारे णं भंते ! जंबुद्दीवे पण्णते ?, गोयमा ! अयण्णं जंब्रहीवे २ सव्वदीवसमृहाणं सव्वब्भंतराए सन्वखुराए वहे तेल्लापूयसंठाणसंठिए वहे रहचकवालसंठाणसंठिए वहे पुक्खरकण्णि-यासंठाणसंठिए वहे पिडपुण्णचंदसंठाणसंठिए एगं जोयणसयसहरूसं आयामवि-क्खंभेणं तिण्णि जोयणसयसहस्साइं सोलस सहस्साइं दोण्णि य सत्तावीसे जोयणसए ति णिण य कोसे अद्वावीसं च धणसयं तेरस य अंगुलाई अद्धंगुलं च किंचिविसेसाहिए परिक्खेवेणं पण्णते ॥ २-३ ॥ से णं एगाए वइरामईए जगईए सव्वओ समंता संपरिक्खिते, सा णं जगई अद्र जोयणाई उड्डं उचतेणं मूळे बारस जोयणाई विक्खंभेणं मज्झे अद्र जोयणाइं विक्खंभेणं उविरं चतारि जोयणाइं विक्खंभेणं मुले विच्छिन्ना मज्झे संखित्ता उवरिं तण्या गोपुच्छसंठाणसंठिया सव्ववहरामई अच्छा सण्हा लण्हा घट्टा नद्रा णीरया णिम्मला णिप्पंका णिक्कंडच्छाया सप्पभा समिरीया सउज्जोया पासादीया दरिसणिजा अभिरूवा पडिरूवा. सा णं जगई एगेणं महंतग-वक्खकडएणं सव्वओ समंता संपरिक्खिता, से णं गवक्खकडए अद्भजोयणं उष्टूं उच्चतेणं पंच धणसयाई विक्खंभेणं सव्वरयणामए अच्छे जाव पडिरूवे. तीसे णं जगईए उपि

बहमज्झदेसभाए एत्थ णं महई एगा पउमवरवेइया पण्णत्ता, अद्धजोयणं उड्डं उच्च-तेणं पंच धणुसयाई विक्खंभेणं जगईसमिया परिक्खेवेणं सव्वरयणामई अच्छा जाव पिंडह्वा । तीसे णं पडमवरवेइयाए अयमेयारूवे वण्णावासे पण्णते, तंजहा-वहराम्या णेमा एवं जहा **जीवाभिगमे** जाव अट्ठो जाव धुवा णियया सासया जाव णिचा ॥ ४॥ तीसे णं जगईए उप्पि बाहिं पउमवरवेइयाए एत्थ णं महं एगे वणसंडे पण्णते, देस्णाइं दो जोयणाइं विक्लंभेणं जगईसमए परिक्लेवेणं वणसंडवण्णओ णेयव्वो ॥ ५ ॥ तस्स णं वणसंडस्स अंतो बहुसमरमणिजे भूमिभागे पण्णते, से जहाणामए-आर्लिंगपुक्खरेइ वा जाव णाणाविहरंचवण्णेहिं मणीहिं तणेहिं उवसोभिए, तंजहा-किण्हेहिं एवं वण्णो गंधो रसो फासो सद्दो पुक्खरिणीओ पव्वयगा घरगा मंडवगा पुढिनिसिलावदृया य णेयव्वा, तत्थ णं बहवे वाणमंतरा देवा य देवीओ य आसयंति सयंति चिट्ठंति णिसीयंति तुयटंति रमंति ललंति कीलंति मोहंति पुरा-पोराणाणं सुपरक्कंताणं सुभाणं कल्लाणाणं कडाणं कम्माणं कल्लाणफलवित्तिविसेसं पचणुभवमाणा विहरंति । तीसे णं जगईए उप्पि अंतो पउमवरवेइयाए एत्थ णं एगे महं वणसंडे पण्णत्ते, देस्णाइं दो जोयणाइं विक्खंभेणं वेइयासमएण परिक्खे-वेणं किण्हे जाव तणविहूणे णेयव्वे ॥ ६ ॥ जंबुद्दीवस्स णं भंते ! दीवस्स कर् दारा पण्णत्ता ? गो०! चत्तारि दारा प०, तं०-विजए १ वेजयंते २ जयंते ३ अपराजिए ४॥ ७॥ कहि णं भंते ! जंबुद्दीवस्स दीवस्स विजए णामं दारे पण्णत्ते ? गो॰! जंबुद्दीवे दीवे मंदरस्स पव्वयस्स पुरित्थमेणं पणयालीसं जोयणसहस्साईं वीइवइत्ता जंबुद्दीवदीवपुरित्थिमपेरंते लवणसमुद्दपुरित्थिमद्धस्स पचित्थिमेणं सीयाए महाणईए उपि एत्थ णं जंबुद्दीवस्स० विजए णामं दारे पण्णत्ते, अह जोयणाई उड्हे उचतेणं चत्तारि जोयणाइं विक्खंभेणं तावइयं चेव पवेसेणं, सेए वरकणगथूभियाए जाव दारस्स वण्णओ जाव रायहाणी। एवं चत्तारि वि दारा सरायहाणिया भाणियव्वा ॥ ८ ॥ जंबुद्दीवस्स णं भंते ! दीवस्स दारस्स य दारस्स य केवइए अबाहाए अंतरे पण्णत्ते ? गो० ! अउणासीई जोयणसहस्साई बावण्णं च जोयणाई देसूणं च अद्वजोयणं दारस्स य २ अबाहाए अंतरे पण्णते, गाहा-अउणासीइ सहस्सा बावण्णं चेव जोयणा हुंति । ऊणं च अद्धजोयण दारंतर जंबुद्दीवस्स ॥ १ ॥ ९ ॥ किह णं भंते ! जंबुद्दीचे दीचे भरहे णामं वासे पण्णत्ते? गो॰! चुल्लहिमवंतस्स वासहरपव्वयस्स दाहिणेणं दाहिणलवणसमुद्दस उत्तरेणं पुरित्थमलवणसमुद्दस्स पचित्थमेणं पचित्थमलवणसमुद्दस्स पुरित्थमेणं एत्थ णं जंबुद्दीवे दीवे भरहे णामं वासे पण्णत्ते, खाणुबहुले कंटगबहुले विसमबहुले दुग्गबहुले

पव्वयवहुले पवायबहुले उज्झरबहुले णिज्झरवहुले खड्डाबहुले दरिबहुले णईबहुले दहबहुले स्क्लबहुले गुच्छबहुले गुम्मबहुले लयाबहुले वल्लीबहुले अडवीबहुले साव-यबहुले तणबहुले तक्करबहुले डिम्बबहुले डमरबहुले दुब्भिक्खबहुले दुक्कालबहुले पासंडवहुले किवणबहुले वणीमगबहुले ईतिबहुले मारिबहुले कुबुद्विबहुले अणाबुद्धि-बहुले रायवहुले रोगबहुले संकिलेसबहुले अभिक्खणं अभिक्खणं संखोहबहुले पाईण-पडीणायए उदीणदाहिणविच्छिण्णे उत्तरओ पलियंकसंठाणसंठिए दाहिणओ धणपिट्र-संठिए तिहा लवणसमुद्दं पुट्टे गंगासिंधूहिं महाणईहिं वेयङ्गेण य पव्वएण छव्भागपविभत्ते जंबुद्दीवदीवणउयसयभागे पंचछव्वीसे जोयणसए छच एगूणवीसइभाए जोयणस्स विक्खंभेण। भरहस्स णं वासस्स बहुमज्झदेसभाए एत्थ णं वेयङ्के णामं पव्वए पण्णत्ते. जे णं भरहं वासं दुहा विभयमाणे २ चिट्ठइ, तं०-दाहिणहूभरहं च उत्तरहूभरहं च ॥ १० ॥ कहि णं भंते ! जंबुद्दीवे दीवे दाहिणड्ढे भरहे णामं वासे पण्णते ? गो० ! वेयहूस्स पव्वयस्स दाहिणेणं दाहिणलवणसमुद्दस्स उत्तरेणं पुरितथमलवणसमुद्दस्स पचित्थिमेणं पचित्थिमलवणसमुहस्स पुरित्थिमेणं एत्थ णं जंबुहीवे दीवे दाहिणहूमरहे णामं वासे पण्णते, पाईणपडीणायए उदीणदाहिणविच्छिण्णे अद्भवंदसंठाणसंठिए तिहा लवणसमृहं पुट्टे गंगासिंधूहिं महाणईहिं तिभागपविभत्ते दोण्णि अद्वर्तीसे जोयणसए तिण्णि य एगूणवीसइभागे जोयणस्स विक्खंभेणं, तस्स जीवा उत्तरेणं पाईणपडीणायया दुहा लवणसमुद्दं पुद्वा पुरित्थिमिल्लाए कोडीए पुरित्थिमिल्लं लवणसमुद्दं पुद्वा पचित्थिमिल्लाए कोडीए पचित्थिमिल्लं लवणसमुद्दं पुट्ठा णव जोयणसहस्साइं सत्त य अडयाले जोयणसए दुवालस य एगूणवीसइभाए जोयणस्स आयामेणं, तीसे धणुपुट्टे दाहिणेणं णव जोयण-सहस्साइं सत्तछावट्टे जोयणसए इकं च एगूणवीसइभागे जोयणस्स किंचिविसेसाहियं परिक्खेवेणं पण्णत्ते, दाहिणङ्कभरहस्स णं भंते ! वासस्स केरिसए आयारभावपडोयारे पण्णते ? गो॰ ! बहुसमरमणिजे भूमिभागे पण्णते, से जहाणामए-आहिंगपुक्खरेइ वा जाव णाणाविहपञ्चवण्णेहिं मणीहिं तणेहिं उवसोभिए, तंजहा-कित्तिमेहिं चेव अकित्तिमेहिं चेव, दाहिणडूभरहे णं भंते ! वासे मणुयाणं केरिसए आयारभावपडो-यारे पण्णते ? गोयमा! ते णं मणुया बहुसंघयणा बहुसंठाणा बहुउचत्तपज्जवा बहुआउपज्जवा बहुई वासाई आउं पालेति पालित्ता अप्पेगइया णिरयगामी अप्पेगइया तिरियगामी अप्पेगइया मणुयगामी अप्पेगइया देवगामी अप्पेगइया सिज्झंति बुज्झंति मुचंति परिणिव्वायंति सव्वदुक्खाणमंतं करेंति ॥ ११ ॥ कहि णं भंते ! जंबुद्दीवे २ भरहे वासे वेयष्ट्रे णामं पव्वए पण्णते? गो०! उत्तरह्नभरहवासस्स दाहिणेणं दाहिणहु-भरहवासस्स उत्तरेणं पुरित्थमलवणसमुद्दस्स पचित्थिमेणं पचित्थमलवणसमुद्दस्स पुर-

स्थिमेणं एत्थ णं जंबद्दीवे २ भरहे वासे वेयद्गे णामं पव्वए पण्णत्ते, पाईणपडीणाया उदीणदाहिणविच्छिणे दुहा लवणसमुद्दं पुद्धे पुरित्थिमिल्लाए कोडीए पुरित्थिमिल्लं लवण-समहं पट्टे पचित्थिमिल्लाए कोडीए पचित्थिमिल्लं लवणसमुदं पुट्टे, पणवीसं जोयणाइं उदं उच्चेतणं इस्सकोसाइं जोयणाइं उन्वेहेणं पण्णासं जोयणाइं विक्खंभेणं, तस्स बाहा पुरिश्यमपचित्थिमेणं चत्तारि अद्वासीए जोयणसए सोलस य एगूणवीसइभागे जोयणस्य अद्भागं च आयामेणं पन्नता, तस्स जीवा उत्तरेणं पाईणपडीणायया दुहा लवणसमहं पुट्टा पुरत्थिमिल्लाए कोडीए पुरत्थिमिल्लं लवणसमुद्दं पुट्टा पचित्थिमिल्लाए कोडीए पच-त्थिमिल्लं लवणसमुद्दं पुद्धा दस जोयणसहस्साइं सत्त य वीसे जोयणसए दुवालस य एगुणवीसइमागे जोयणस्स आयामेणं, तीसे धणुपट्टे दाहिणेणं दस जोयणसहस्साइं सत्त य तेयाले जोयणसए पण्णरस य एगूणवीसइभागे जोयणस्स परिक्खेवेणं स्यगसंठाण-संठिए सव्वरययामए अच्छे सण्हे लड्डे घड्डे मड्डे णीरए णिम्मले णिप्पंके णिक्कंकड-च्छाए सप्पमे समिरीए पासाईए दरिसणिजे अभिरूवे पडिरूवे । उभओ पासिं दोहिं पउमवरवेइयाहिं दोहि य वणसंडेहिं सञ्वओ समंता संपरिक्खिते। ताओ णं पडमवरवेइयाओ अद्भजोयणं उद्गं उचतेणं पंचवणुसयाई विक्खंमेणं पव्वयसमियाओ आयामेणं वण्णओ भाणियव्वो । ते णं वणसंडा देस्एणाई दो जोयणाई विक्खंभेणं पउमवरवेइयासमगा आयामेणं किण्हा किण्होभासा वण्णओ । वेयहूस्स णं पव्वयस्स पुरिच्छमपचिच्छमेणं दो गुहाओ पण्णताओ, उत्तरदाहिणाययाओ पाईणपडीणविश्यिण्णाओं पण्णासं जोयणाई आयामेणं दुवालस जोयणाई विक्खंभेणं अंद्र जोयणाई उन्हें उन्नत्तेणं वहरामयकवाडोहाडियाओ जमलज्यलकवाडघणदप्प-वेसाओ णिचंधयारतिमिस्साओ ववगयगहचंदसरणक्खत्तजोइसपहाओ जाव पिड-रूवाओ, तंजहा-तमिसगुहा चेव खंडप्पवायगुहा चेव, तत्थ णं दो देवा महिड्डिया महज्ज्ञ्या महाबला महायसा महासुक्खा महाणुभागा पिलञोवमट्टिइया परिवसंति. तंजहा-कयमालए चेव णद्वमालए चेव। तेसि णं वणसंडाणं बहुसमरमणिजाओ भूमिभागाओं वेयहूस्स पन्वयस्स उभओ पासिं दस दस जोयणाई उड्ढूं उप्पइत्ता एत्य णं दुवे विज्ञाहरसेढीओ पण्णताओ, पाईणपडीणाययाओ उदीणदाहिणविच्छि-ण्णाओ दस दस जोयणाई विक्खंभेणं पव्वयसमियाओ आयामेणं उभओ पासिं दोहिं पडमवरवेइयाहिं दोहिं वणसंडेहिं संपरिक्खिताओ, ताओ णं पडमवरवेइयाओ अद्भजोयणं उद्दं उचतेणं पंच घणुसयाई विक्खंभेणं पव्वयसमियाओ आयामेणं बण्णओ णेयव्वो, वणसंडा वि परमवरवेइयासमगा आयामेणं वण्णओ । विज्ञाहर-सेढीणं भेते ! भूमीणं केरिसए आयारभावपडोयारे पण्णत्ते ? गोयमा ! बहुसमर-

मणिजे भूमिभागे पण्णते, से जहाणामए-आलिंगपुक्खरेइ वा जाव णाणाविह-पंचवण्णेहिं मणीहिं तणेहिं उवसोभिए, तंजहा-कित्तिमेहिं चेव अकित्तिमेहिं चेव. तत्थ णं दाहिणिह्याए विज्ञाहरसेढीए गगणवह्रभपामोक्खा पण्णासं विज्ञाहरण-गरावासा पण्णता, उत्तरिह्णाए विज्ञाहरसेढीए रहनेउरचक्कवालपामोक्खा सद्धि विजाहरणगरावासा पण्णत्ता, एवामेव सपुव्यावरेणं दाहिणिल्लाए उत्तरिल्लाए विजान हरसेढीए एगं दसुत्तरं विजाहरणगरावाससयं भवतीतिमक्खायं, ते विजाहरणगरा रिद्धितथिमियसमिद्धा प्रमुइयजणजाणवया जाव पिडस्वा, तेसु णं विज्जाहरणगरेसु विज्ञाहररायाणो परिवसंति महयाहिमवंतमलयमंदरमहिंदसारा रायवण्णओ भाणि-यव्वो । विज्ञाहरसेढीणं भंते ! मणुयाणं केरिसए आयारभावपडोयारे पण्णते ? गोयमा! ते णं मणुया बहुसंघयणा बहुसंठाणा बहुउचत्तपज्जवा बहुआउप-जावा जाव सव्वदुक्खाणमंतं करेंति, तासि णं विजाहरसेढीणं बहसमरमणि-जाओ भूमिभागाओ वेयहूरस पन्वयस्स उभओ पासिं दस दस जोयणाई उहूं उप्पइत्ता एत्थ णं दुवे आभिओगसेढीओ पण्णताओ, पाईणपडीणाययाओ उदीण-दाहिणविच्छिणाओ दस दस जोयणाई विक्खंभेणं पव्वयसमियाओ आयामेणं उभओ पासिं दोहिं पउमवरवेइयाहिं दोहि य वणसंडेहिं संपरिक्खिताओ वण्णओ दोण्ह वि पव्वयसमियाओं आयामेणं, आमिओगसेढीणं भंते ! केरिसए आयारभाव-पडोयारे पण्णते ? गोयमा ! बहुसमरमणिजे भूमिभागे पण्णते जाव तणेहिं उव-सोभिए वण्णाइं जाव तणाणं सद्दोत्ति, तासि णं आभिओगसेढीणं तत्थ तत्थ देसे २ तिहं तिहं जाव वाणमंतरा देवा य देवीओ य आसयंति संयति जाव फलवित्ति-विसेसं पचणभवमाणा विहरंति, तासु णं आभिओगसेढीस सक्कस्स देविंदस्स देवरण्णो सोमजमवरुणवेसमणकाइयाणं आभिओगाणं देवाणं बहवे भवणा पण्णता, ते णं भवणा बाहिं वहा अंतो चउरंसा वण्णओ जाव अच्छरघणसंघसंविकिण्णा जाव पिड-रूवा. तत्थ णं सक्कस्स देविंदस्स देवरण्णो सोमजमवरुणवेसमणकाइया बहवे आभि-ओगा देवा महिष्ट्रिया महजुड्या जाव महासुक्खा पिलेओवमट्टिड्या परिवसंति । तासि णं आभिओगसेढीणं बहुसमरमणिजाओ भूमिभागाओ वेयष्ट्रस्स पन्वयस्स उभओ पासि पंच २ जोयणाई उड्डं उप्पइत्ता एत्थ णं वेयड्डस्स पव्वयस्स सिहरतले पण्णते, पाईणपडीणायए उदीणदाहिणविच्छिण्णे दस जोयणाइं विक्खंभेणं पव्वयसमगे आयामेणं, से णं इकाए पडमवरवेइयाए इक्केणं वणसंडेणं सव्वओ समंता संपरि-क्खिते, पमाणं वण्णगो दोण्हंपि, वेयह्नस्स णं भंते ! पव्वयस्स सिहरतलस्स केरि-सए आगारभावपडोयारे पण्णते ? गोयमा ! बहुसमरमणिजे भूमिभागे पण्णते, से

जहाणामए-आलिंगपुक्खरेइ वा जाव णाणाविहपंचवण्णेहिं मणीहिं उवसोभिए जाव वावीओ पुक्खरिणीओ जाव वाणमंतरा देवा य देवीओ य आसयंति जाव भंजमाणा विहरंति, जंबहीवे णं भंते! दीवे भारहे वासे वेयहूपव्वए कड कूडा प॰ ? गो॰ ! णव कूडा प॰, तं॰-सिद्धकूडे १ दाहिणडूभरहकुडे २ खंडप्पवायगुहाकृडे ३ माणिभहकृडे ४ वेयह्नकृडे ५ पुण्णभहकूडे ६ तिमिस-गुहाकूडे ७ उत्तरहूभरहकूडे ८ वेसमणकूडे ९ ॥ १२ ॥ कहि णं भंते! जंबुद्दीवे २ भारहे वासे वेयहूपव्वए सिद्धकूडे णामं कूडे पण्णत्ते ? गो० ! प्ररिच्छ-मलवणसमुद्दस्स पचचिछमेणं दाहिणहूमरहकूडस्स पुरच्छिमेणं एतथ णं जंब्रदीवे दीवे भारहे वासे वेयड्डे पव्वए सिद्धकुडे णामं कूडे पण्णते, छ सक्कोसाइं जोयणाई उन्हें उन्नत्तेणं मूळे छ सक्कोसाई जोयणाई विक्खंभेणं मज्झे देस्णाई पंच जोयणाइं विक्खंभेणं उवरि साइरेगाइं तिण्णि जोयणाइं विक्खंभेणं मुले देस-णाइं वावीसं जोयणाइं परिक्खेवेणं मज्झे देसृणाइं पण्णरस जोयणाइं परिक्खेवेणं उविरं साइरेगाई णव जोयणाई परिक्खेवेणं, मूळे विच्छिण्णे मज्झे संखित्ते उपि तणुए गोपुच्छसंठाणसंठिए; सन्वरयणामए अच्छे सण्हे जाव पिडरूवे। से णं एगाए पउमवरवेइयाए एगेण य वणसंडेणं सन्वओ समंता संपरिक्खित्ते, पमाणं वणाओ दोण्हंपि, सिद्धकूडस्स णं उप्पि बहुसमरमणिजे भूमिभागे पण्णते, से जहाणामए-आर्लिंगपुक्खरेइ वा जाव वाणमंतरा देवा य जाव विहरंति ॥ १३ ॥ कहि णं भंते ! वेयह्रे पव्वए दाहिणहूभरहकृडे णामं कृडे पण्णत्ते ? गो० ! खंडप्पवायकृडस्स पुरिच्छमेणं सिद्धकूडस्स पचिच्छमेणं एत्थ णं वेयडूपव्वए दाहिणहूमरहकूडे णामं कूडे पण्णत्ते, सिद्धकूडप्पमाणसरिसे जाव तस्स णं बहुसमरमणिज्ञस्स भूमिभागस्स बहुमज्झदेसभाए एत्थ णं महं एगे पासायविंदसए पण्णते, कोसं उड्ढं उच्चतेणं अद्धकोसं विक्खंभेणं अब्भुग्गयमृत्तियपहत्तिए जाव पासाईए ४. तस्स णं पासायवर्डिसगस्स बहुमज्झदेसभाए एत्थ णं महं एगा मणिपेढिया पण्णता. पंच धणुसयाई आयामविक्खंभेणं अङ्काङ्जाई धणुसयाई बाहह्रेणं सव्वमणिमई०, तीसे णं मणिपेढियाए उप्पि सिंहासणं पण्णतं, सपरिवारं भाणियव्वं, से केणड्रेणं भंते! एवं वृच्च-दाहिणहूभरहकृडे २ ? गो० ! दाहिणहूभरहकूडे णं दाहिणहूभरहे णामं देवे महिष्ट्रिए जाव पलिओवमट्टिइए परिवसइ, से णं तत्थ चउण्हं सामाणियसाह-स्सीणं चडण्हं अगगमहिसीणं सपरिवाराणं तिण्हं परिसाणं सत्तण्हं अणियाणं सत्तण्हं अणियाहिवईणं सोलसण्हं आयरक्खदेवसाहस्सीणं दाहिणङ्कभरहकूडस्स दाहिणङ्काष् रायहाणीए अण्णेसिं च बहुणं देवाण य देवीण य जाव विहरइ ॥ कहि णं भंते !

दाहिणह्नभरहकूडस्स देवस्स दाहिणहूा णामं रायहाणी पण्णत्ता ? गो०! मंदरस्स पव्वयस्स दिक्खणेणं तिरियमसंखेजदीवसमुद्दे वीईवइत्ता अण्णंमि जंबुद्दीवे दीवे दिक्खणेणं बारस जोयणसहस्साइं ओगाहिता एत्थ णं दाहिणडूभरहकूडस्स देवस्स दाहिणह्नभरहा णामं रायहाणी भाणियव्वा जहा विजयस्स देवस्स, एवं सव्वकृडा णेयव्वा जाव वेसमणकुडे परोप्परं पुरच्छिमपचित्थमेणं, इमेसि वण्णावासे गाहा-मज्झे वेयहूरस उ कणयमया तिण्णि होति कुडा उ । सेसा पव्वयकुडा सव्वे रयणामया होंति ॥ १ ॥ माणिभद्दकूडे १ वेयहूकूडे २ पुण्णभद्दकूडे ३ एए तिण्णि कूडा कणगामया सेसा छप्पि रयणामया, दोण्हं विसरिसणामया देवा कयमालए चेव णहमालए चेव, सेसाणं छण्हं सरिसणामया-जण्णामया य कूडा तण्णामा खलु हवंति ते देवा । पलिओवमद्विईया हवंति पत्तेयपत्तेयं ॥ १ ॥ रायहाणीओ जंबुद्दीवे दीवे मंदरस्स पव्वयस्स दाहिणेणं तिरियं असंखेजदीवसमुद्दे वीईवइत्ता अण्णंमि जंबुद्दीवे दीवे बारस जोयणसहस्साइं ओगाहिता एत्य णं रायहाणीओ भाणियव्वाओ , विजयरायहाणीसरिसयाओ ॥ १४ ॥ से केणट्रेणं भंते ! एवं वृच्छ-वेयहे पव्वए वेय ड्रे पव्वए ? गोयमा ! वेय ड्रे णं पव्वए भरहं वासं दुहा विभयमाणे २ चिट्ठइ, तंजहा–दाहिणहुभरहं च उत्तरहुभरहं च, वेयहुगिरिकुमारे य …मिद्विष्ट्रिए जाव पिछओ-वसिट्टइए परिवसइ, से तेणद्वेणं गोयमा ! एवं वृचइ-वेयहे पव्वए २, अदुत्तरं च णं गोयमा ! वेयहुस्स पव्वयस्स सासए णामधेजे पण्णते जं ण कयाइ ण आसि ण कयाइ ण अत्थि ण कयाइ ण भविस्सइ भुविं च भवइ य भविस्सइ य धुवे णियए सासए अक्खए अव्वए अवट्टिए णिचे ॥ १५ ॥ कहि णं भंते ! जंब्रहीवे दीवे उत्तरह्रभरहे णामं वासे पण्णते ? गोयमा ! चुल्लहिमवंतस्स वासहरपव्वयस्स दाहिणेणं वेयद्भूस्स पञ्चयस्स उत्तरेणं पुरिच्छमलवणसमुद्दस्स पचिच्छमेणं पच-च्छिमलवणसमुद्दस्य पुरच्छिमेणं एत्थ णं जंबुद्दीवे दीवे उत्तरहृभरहे णामं वासे पण्णते, पाईणपडीणायए उदीणदाहिणविच्छिणे पलियंकसंठाणसंठिए दुहा लवणसमुहं पुट्टे पुरच्छिमिल्लाए कोडीए पुरच्छिमिल्लं लवणसमुद्दं पुट्टे पचच्छिमिल्लाए जाव पुट्टे गंगासिंधृहिं महाणईहिं तिभागपविभत्ते दोण्णि अहतीसे जोयणसए तिण्णि य एगूणवीसइभागे जोयणस्स विक्खंभेणं, तस्स बाहा पुरच्छिमपचचिछमेणं अट्ठारस बाणउए जोयणसए सत्त य एगूणवीसइभागे जोयणस्स अद्धभागं च आयामेणं. तस्स जीवा उत्तरेणं पाईणपडीणायया दुहा लवणसमुदं पुट्टा तहेव जाव चोइस जोयणस-हस्साइं चतारि य एकहत्तरे जोयणसए छच एगूणवीसइभाए जोयणस्स किंचिविसेस्णे आयामेणं पण्णत्ता, तीसे धणुपद्वे दाहिणेणं चोइस जोयणसहस्साइं पंच अद्वावीसे

जोयणसए एकारस य एगूणवीसहभाए जोयणस्स परिक्खेनेणं । उत्तरह्रभरहस्स णं भंते ! वासस्स केरिसए आयारभावपडोयारे पण्णते ? गोयमा ! बहुसमरमणिजे भूमि-भागे पण्णते, से जहाणामए-आलिंगपुक्खरेइ वा जाव कित्तिमेहिं चेव अकित्तिमेहिं चेव, उत्तरहृभरहे णं भंते ! वासे मणुयाणं केरिसए आयारभावपडोयारे पण्णते ? गोयमा ! ते णं मणुया बहुसंघयणा जाव अप्पेगइया सिज्झंति जाव सव्वदुक्खाणमंतं कैरेंति ॥ १६ ॥ कहि णं भंते ! जंब्रहीवे दीवे उत्तरहुभरहे वासे उसमकृडे णामं पव्वए पण्णते ? गोयमा ! गंगाकुंडस्स पचित्थिमेणं सिंधुकुंडस्स पुरच्छिमेणं चुल्लहि-मवंतस्स वासहरपव्वयस्स दाहिणिल्ले णियंबे एत्थ णं जंबुद्दीवे दीवे उत्तरहुभरहे वासे उसहकूडे णामं पव्वए पण्णते, अहु जोयणाई उद्धं उचतेणं, दो जोयणाई उन्वेहेणं, मूळे अद्र जोयणाई विक्खंभेणं मज्झे छ जोयणाई विक्खंभेणं उविर चत्तारि जोयणाइं विक्खंभेणं, मूळे साइरेगाइं पणवीसं जोयणाइं परिक्खेवेणं मज्झे साइरेगाइं अद्वारस जोयणाइं परिक्खेवेणं उवरिं साइरेगाइं दुवालस जोयणाइं परि-क्खेवेणं, (पाढंतरं-मूळे बारस जोयणाइं विक्खंभेणं मज्झे अद्र जोयणाइं विक्खंभेणं उप्पि चतारि जोयणाई विक्खंभेणं, मूले साइरेगाई सत्ततीसं जोयणाई परिक्खेवेणं मज्झे साइरेगाइं पणवीसं जोयणाइं परिक्खेवेणं उपिंप साइरेगाइं बारस जोयणाइं परिक्खेवेणं) मूळे विच्छिण्णे मज्झे संखिते उपिं तणुए गोपुच्छसंठाणसंठिए सन्वजंब्रणयामए अच्छे सण्हे जाव पिडरूवे, से णं एगाए परमवरवेइयाए तहेव जाव भवणं कोसं आयामेणं अद्धकोसं विक्खंमेणं देसऊणं कोसं उड्ढं उचतेणं, अद्वो तहेव, उप्पलाणि पउमाणि जाव उसभे य एत्थ देवे महिद्धिए जाव दाहिणेणं रायहाणी तहेव मंदरस्स पव्वयस्स जहा विजयस्स अविसेसियं ॥ १७ ॥ पत्रमो वक्खारो समत्तो ॥

जंबुद्दीवे णं भंते ! दीवे भारहे वासे कड्विहे काले पण्णत्ते ? गो० ! दुविहे काले पण्णत्ते , तंजहा-ओसप्पिणिकाले य उत्सिप्पिणिकाले य, ओसप्पिणिकाले णं भंते ! कड्विहे पण्णते , तं०-सुसमसुसमकाले १ सुसमाकाले २ सुसमदुस्समकाले ३ दुस्समदुस्समकाले ४ दुस्समदुस्समकाले

१ विज्ञाहरसमणदंसणओ, कम्माणं खओवसमविचित्तयाए जाइसर्णेणं, चक्कविक्टिकाळे अणुम्घाडियगुहाजुयलावद्वाणेणं (सयं गमणा), चिक्ककाळे य तत्थुववण्णा वि इह तित्थयराइपासे धम्मसवणाइणा लद्धबोही अणुक्कमेणं पत्तकेवला तत्थ वि सिज्झंति अहवा तव्वासवासिणो इहमागंतूण तहाविह्धम्ममायित्तु सिज्झंति अहवा साहरणं पड्डच तत्थ सिद्धी संभवेइति ।

६, उस्सप्पिणिकाले णं भंते ! कड़विहे प० ? गो० ! छव्विहे पण्णते, तं०-दुस्सम-दुस्समाकाले १ जाव सुसमसुसमाकाले ६। एगमेगस्स णं भंते! महत्तस्स केवझ्या उस्सासद्धा वियाहिया ? गोयमा ! असंखिजाणं समयाणं समदयसमिडसमागमेणं सा एगा आविलयित वृच्चइ संखिजाओ आविलयाओ ऊसासो संखिजाओ आविल-याओ नीसासो, गाहा-हट्टस्स अणवगह्रस्स, णिरुविकट्टस्स जंतुणो । एगे ऊसास-नीसासे, एस पाणुत्ति वृचई ॥ १ ॥ सत्त पाणुई से थोवे, सत्त थोवाई से लवे । लवाणं सत्तहत्तरीँए, एसं मुहत्तेत्ति आहिए ॥ २ ॥ तिण्णि सहस्सा सत्त य सयाइं तेवत्तरिं च ऊसासा । एस मुहुत्तो भणिओ सन्वेहिं अणंतनाणीहिं ॥ ३ ॥ एएणं मुहुत्तप्पमाणेणं तीसं मुहुत्ता अहोरत्तो पण्णरस अहोरत्ता पक्खो दो पक्खा मासो दो मासा उऊ तिण्णि उऊ अयणे दो अयणा संवच्छरे पंचसंवच्छरिए जुगे वीसं जुगाइं वाससए दस वाससयाइं वाससहस्से सयं वाससहस्साणं वाससयसहस्से चडरासीइं वाससयसहस्साइं से एगे पुब्वंगे चडरासीई पुब्वंगसयसहस्साइं से एगे पुरुवे एवं बिगुणं बिगुणं णेयव्वं तुडियंगे २ अडढंगे २ अववंगे २ हहयंगे २ उप्प-लंगे २ पडमंगे २ णिलणंगे २ अच्छिणिडरंगे २ अडयंगे २ नडयंगे २ पडयंगे २ च्रियंगे २ जाव चउरासीइं सीसपहेलियंगसयसहस्साइं सा एगा सीसपहेलिया एताव ताव गणिए एताव ताव गणियस्स विसए तेण परं ओविमिए ॥ १८ ॥ से किं तं ओविमए ? २ दुविहे पण्णते, तंजहा-पिल्ओवमे य सागरोवमे य, से किं तं पिलओवमे ? पिलओवमस्स परूवणं करिस्सामि, परमाणू दुविहे पण्णत्ते, तंजहा— सुहमे य वावहारिए य, अणंताणं सुहमप्रमाणुपुग्गलाणं समुद्यसमिइसमागमेणं वावहारिए परमाणू णिप्फज्जइ तत्थ गो सत्थं कमइ-सत्थेण सुतिक्खेणवि छेत्तं भित्तुं च जं ण किर सका । तं परमाणुं सिद्धा वयंति आई पमाणाणं ॥ १ ॥ वाव-हारियपरमाणूणं समुदयसिमइसमागमेणं सा एगा उस्सण्हसिण्हयाइ वा सण्हसिण्ह-याइ वा उड़रेणूइ वा तसरेणूइ वा रहरेणूइ वा वालग्गेइ वा लिक्खाइ वा जूयाइ वा जवमज्झेइ वा उस्सेहंगुलेइ वा, अड उस्सण्हसण्हियाओ सार्णगा सण्हसण्हिया अह सण्हसण्हियाओ सा एगा उन्हरेणू अह उन्हरेणूओ सा एगा तसरेणू अह तसरेणुओ सा एगा रहरेणू अट्ट रहरेणुओ से एगे देवकुरूत्तरकुराण मणुस्साणं वालग्गे अद्ग देवकुरूत्तरकुराण मणुस्साण वालग्गा से एगे हरिवासरम्मयवासाण मणस्साणं वालग्गे एवं हेमवयहेरण्णवयाण मणुस्साणं पुरुवविदेहअवरविदेहाणं मणुस्साण वालग्गा सा एगा लिक्खा अह लिक्खाओ सा एगा जूया अह ज्याओं से एगे जवमज्झे अद्र जवमज्झा से एगे अंगुले एएणं अंगुलप्पमाणेणं

छ अंगुलाई पाओ बारस अंगुलाई विहृत्थी चउवीसं अंगुलाई रयणी अडगालीसं अंगुलाई कुच्छी छण्णउइ अंगुलाई से एगे अक्खेड वा दंडेड वा धणूड वा जुगेड वा मुसलेइ वा णालियाइ वा, एएणं धणुप्पमाणेणं दो धणुसहस्साइं गाउयं चत्तारि गाउयाइं जोयणं, एएणं जोयणप्पमाणेणं जे पहें जोयणं आयामविक्खंभेणं जोयणं उन्नं उचतेणं तं तिगुणं सिवसेसं परिक्खेवेणं, से णं पहे एगाहियवेहियतेहिय उक्कोसेणं सत्तरत्तपरूढाणं संमद्वे सण्णिचिए भरिए वालग्गकोडीणं। ते णं वालग्गा णो कुत्थेजा णो परिविद्सेजा, णो अग्गी डहेजा, णो वाए हरेजा, णो पूर्ताए हव्वमागच्छेजा, तओ णं वाससए २ एगमेगं वालग्गं अवहाय जावइएणं कालेणं से पक्ले खीणे णीरए णिह्लेवे णिद्विए भवइ से तं पिलओवमे । एएसिं पल्लाणं कोडाकोडी हवेज दसगुणिया । तं सागरोवमस्स उ एगस्स भवे परीमाणं ॥ १ ॥ एएणं सागरोवमप्पमाणेणं चत्तारि सागरोवमकोडाकोडीओ कालो ससमससमा १ तिण्णि सागरोवमकोडाकोडीओ कालो सुसमा २ दो सागरोवमकोडाकोडीओ कालो सुसम-दुस्समा ३ एगा सागरोवमकोडाकोडी बायालीसाए वाससहस्सेहिं ऊणिया कालो दुस्समस्रसमा ४ एक्कवीसं वाससहस्साइं कालो दुस्समा ५ एक्कवीसं वाससहस्साइं कालो दुस्समदुस्समा ६, पुणरवि उस्सप्पिणीए एक्कवीस वाससहस्साई कालो दुस्स-मदुस्समा १ एवं पडिलोमं णेयव्वं जाव चतारि सागरोवमकोडाकोडीओ कालो कोडीओ कालो उस्सप्पिणी वीसं सागरोवमकोडाकोडीओ कालो ओसप्पिणीउस्स-प्पिणी ॥ १९ ॥ जंबुद्दीवे णं भंते ! दीवे भरहे वासे इमीसे उस्सप्पिणीए सुसम-होत्था ? गो० ! बहुसमरमणिजे भूमिभागे होत्था से जहाणामए-आलिंगपुक्खरेह वा जाव णाणाविह पंचवण्णेहिं तणेहि य मणीहि य उवसोभिए, तंजहा-किण्हेहिं जाव सुक्किल्लेहिं, एवं वण्णो गंधो फासो सद्दो य तणाण य मणीण य भाणियव्वी जाव तत्थ णं वहवे मणुस्सा मणुस्सीओ य आसयंति सयंति चिहंति णिसीयंति तुयद्वेति हसंति रमंति ललंति, तीसे णं समाए भरहे वासे बहवे उद्दाला कुद्दाला मुद्दाला क्यमाला ण्रहमाला दंतमाला नागमाला सिंगमाला संखमाला सेयमाला णामं दुमगणा पण्णत्ता, कुसविकुसविसुद्धरुक्खमूला मूलमंतो कंदमंतो जाव वीयमंतो पत्तेहि य पुष्फेहि य फलेहि य उच्छण्णपिडच्छण्णा सिरीए अईव २ उवसोभेमाणा २ चिट्ठंति, तीसे णं समाए भरहे वासे तत्थ तत्थ प्यान्वहवे भेरुतालवणाई हेरुतालवणाई मेस्तालवणाई पभयालवणाई सालवणाई सरलवणाई सत्तिवण्णवणाई पूयफलिवणाई

खज्जरीवणाइं णालिएरीवणाइं कुसविकुसविसुद्धस्क्खमूलाइं जाव चिद्रंति, तीसे णं समाए भरहे वासे तत्थ तत्थ ...बहवे सेरियागुम्मा णोमालियागुम्मा कोरंटयगुम्मा बंधजीवगगुम्मा मणोज्जगुम्मा बीयगुम्मा बाणगुम्मा कणइरगुम्मा कुजायगुम्मा सिंटबारगम्मा मोगगरगुम्मा जुहियागुम्मा मिह्नयागुम्मा वासंतियागुम्मा वत्थुलगुम्मा कत्थलग्रम्मा सेवालगुम्मा अगत्थिगुम्मा मगदंतियागुम्मा चंपगगुम्मा जाईगुम्मा णवणीइयागुम्मा कुंदगुम्मा महाजाइगुम्मा रम्मा महामेहणिउरंबभूया दसद्धवण्णं कसमं कुसुमेंति जे णं भरहे वासे बहुसमरमणिजं भूमिभागं वायविध्यग्गसाला मक्कपुप्फपुंजोवयारकलियं करेंति, तीसे णं समाए भरहे वासे तत्थ र…तिहं तिहं बहईओ पउमलयाओं जाव सामलयाओं णिचं कुसुमियाओं जाव लयावण्णओ, तीसे णं समाए भरहे वासे तत्थ २ ... तिहं २ बहुईओ वणराईओ पण्णताओ, किण्हाओ किण्होभासाओ जाव मणोहराओ रयमत्तगछप्पयकोरगभिंगारगकोंडलगजीवंजीवग-नंदीमुहकविलिपंगलक्खगकारंडवचक्कवायगकलहंसहंससारसअणेगसउणगणमिहणप-वियरियाओ सद्दुण्णइयमहुरसरणाइयाओ संपिंडिय० णाणाविह्गुच्छ० वावीपुक्ख-रिणीदीहियास अ सुणि० विचित्त० अविंभत० साउ० णिरोगक० स्वांडय-पुष्फफलसमिद्धाओं पिंडिम जाव पासाइयाओ ४। तीसे णं समाए भरहे वासे ु तत्थ तत्थ···तिह तिहं मत्तंगा णामं दुमगणा पण्णत्ता, से जहा० चंदप्पभा जाव छण्णपडिच्छण्णा चिद्वंति, एवं जाव अणिगणा णामं दुमगणा पण्णत्ता ॥ २०॥ तीसे णं भंते ! समाए भरहे वासे मणुयाणं केरिसए आयारभावपडोयारे पण्णत्ते? गो०! ते णं मणुया सुपइद्वियकुम्मचारुचलणा जाव लक्खणवंजणगु-णोववेया सुजायसुविभत्तसंगयंगा पासादीया जाव पिंडरूवा । तीसे णं भंते ! समाए भरहे वासे मणुईणं केरिसए आयारभावपडोयारे पण्णते ? गो०! ताओ णं मणुईओ सुजायसव्वंगसुंदरीओ पहाणमहिलागुणेहिं जुत्ताओ अइकंतविसप्पमाणमुख-याओ सुकुमालकुम्मसंठियविसिद्धचलणाओ उज्जमउयपीवरसुसाह्यंगुलीओ अञ्भूण्णय-रइयतिलणतंबसुइणिद्धणक्खाओ रोमरिहयवदृलडसंठियअजहण्णपसत्यलक्खणअको-प्पजंघजुयलाओ सुणिम्मियसुगृदसुजण्णुमंडलसुबद्धसंधीओ कयलीखंभाइरेगसंठियणि-व्वणसुकुमालम् यमंसलअविरलसमसंहियसुजायवदृपीवरणिरंतरोरू अद्वावयवीइयपद्र-संठियपसत्थविच्छिण्णपिहुलसोणीओ वयणायामप्पमाणदुगुणियविसालमंसलसुबद्धज-हणवरधारिणीओ वज्जविराइयपसत्थलक्खणनिरोदरतिवलियवलियतणुणयमज्झिमाओ उज़्यसमसहियजचतणुकसिणणिद्धआङ्जलडहसुजायस्विभत्तकंतसोभंतरुङ्लर्मणिज-रोमराईओ गंगावत्तपयाहिणावत्ततरंगभंगुररविकिरणतरुणबोहियआकोसायंतपडमगं-३५ सत्ता०

भीरविग्रहणाभीओ अणुब्भडपसत्थपीणकुच्छीओ सण्णयपासाओ संगयपासाओ सजायपासाओ नियमाइयपीणरइयपासाओ अकरंड्यकणगरुयगणिम्मलस्रजायणिरुव-हयगायलदीओ कंवणकलसप्पमाणसमसहियलद्रच्च्यामेलगजमलज्यलविद्यअब्स-णायपीणरहयपीवरपओहराओ भ्यंगअणुप्रव्वतणुयगोपुच्छवद्दसंहियणमियआइज्जल-लियवाहाओ तंबणहाओ मंसलग्गहत्थाओ पीवरकोमलवरंगुलियाओ णिद्धपाणिरेहाओ रविस सिसंखनकसोत्थियस्विभत्तस्विरइयपाणिलेहाओ पीणुण्णयकरकक्खनत्थिप्पा-साओ पडिपुण्णगलक्वोलाओ चउरंगुलसुप्पमाणकंबुवरसरिसगीवाओ मंसलसंठियप-सत्थहणुगाओ दाडिमपुप्फप्पगासपीवरपलंबकुंचियवराधराओ सुंदरुत्तरोहाओ दहि-दगरयचंदकंदवासंतिमजलधवलअच्छिद्दविमलद्सणाओ रक्तप्पलपत्तमजयसुकुमालता-लुजीहाओ कणवीरमु लकुडिलअब्भुगगयु जुतुंगणासाओ सार्यणवकमलकु मुयकुवल-यविमलदलणियरसरिसलक्खणपसत्थअजिम्हकंतणयणाओ पत्तलधवलाययआतंबलो-यणाओ आणामियचावरुइलकिण्हन्भराइसंगयसुजायभूमगाओ अल्लीणपमाणज्ञत्तसव-णाओ सुसवणाओ पीणमद्भगंडलेहाओ चडरंसपसत्थसमणिडालाओ कोमुईरयणिय-रविमलपडिपुण्णसोमवयणाओ छत्तुण्णयउत्तमंगाओ अकविलसुसिणिद्धसुगंवदीहसिर-याओ छत १ ज्झय २ जूय ३ दामणि ४ कमंडलु ५ कलस ६ वावि ७ सोत्थिय ८ पडाग ९ जव १० मच्छ ११ क्रम्म १२ रहवर १३ मगरज्झय १४ अंक १५ सुय १६ थाल १७ अंकुस १८ अहावय १९ सुपइह्रग २० मऊर २१ सिरिअभि-सेय २२ तोरण २३ मेइणि २४ उदिह २५ वरभवण २६ गिरि २७ वरआयंस २८ सलीलगय २९ उसभ ३० सीह ३१ चामर ३२ उत्तमपसत्थवत्तीसलक्खणघरीओ हंससारेसगईओ कोइलमहुरगिरसुस्सराओ कंताओ सव्वस्स अणुमयाओ ववगयविल-पिलयवंगदुव्वण्णवाहिदोह्रग्गसोगमुकाओ उचतेण य णराण थोव्णमुस्सियाओ सभा-वसिंगारचारवेसाओ संगयगयहसियभणियचिद्रियविलाससेलावणिउणज्ञत्तोवयारकस-लाओ संदर्यणजहणवयणकरचलणणयणलावणणस्वजोव्वणविलासकलियाओ णंदण-वणविवरचारिणीउव्व अच्छराओं भरहवासमाणुसच्छराओं अच्छेरगपेच्छणिजाओः पासाइयाओ जाव पिंडह्वाओ, ते णं मणुया ओहस्सरा हंसस्सरा कोंचस्सरा णंदि-स्सरा णंदिघोसा सीहस्सरा सीहघोसा सुस्सरा ससरणिग्घोसा छायायवोज्जोवियंगमंगा वज्जरिसहनारायसंघयणा समचउरंससंठाणसंठिया छविणिरायंका अण्लोमवाउवेगा कंकग्गहणी क्वोयपरिणामा सङ्गिपोसपिट्टंतरोहपरिणया छद्धणुसहस्समूसिया, तेसि णं मणुयाणं बे छप्पण्णा पिट्रकरंडगसया पण्णता समणाउसो !, पउमुप्पलगन्धसरि-सणीसासस्र भिवयणा. ते णं मण्या पगईउवसंता पगईपयणुकोहमाणमायालोसाः

मिउमहबसंपन्ना अल्लीणा भहगा विणीया अप्पिच्छा असण्णिहसंचया विडिमंतरपरि-वसणा जिहच्छियकामकामिणो ॥ २१ ॥ तेसि णं भंते ! मण्याणं केवइकालस्स आहारद्रे समुप्पज्जइ ? गोयमा ! अट्टमभत्तस्स आहारद्रे समुप्पज्जइ, पुढवीपुप्पप्रला-हारा णं ते मणुया पण्णता समणाउसो !. तीसे णं भंते !० पढवीए केरिसए आसाए पण्णते ? गो॰! से जहाणामए-गुलेइ वा खंडेइ वा सक्कराइ वा मच्छंडियाइ वा पप्पडमोयएइ वा भिसेइ वा पुष्फ़त्तराइ वा पउमुत्तराइ वा विजयाइ वा महावि-जयाड वा आगासियाड वा आदंसियाड वा आगासफालिओवमाड वा उग्गाड वा अणो-वमाइ वा इमेए अज्झोववणाए, भवे एयारूवे ?, णो इणट्टे समद्वे, सा णं पुढवी इत्तो इद्रतिरया चेव जाव मणामतिरया चेव आसाएणं पण्णता । तेसि णं भंते ! प्रप्फफ-लाणं केरिसए आसाए पण्णते ? गोयमा ! से जहाणामए-रण्णो चाउरंतचक्कवट्टिस कल्लाणे भोयणजाए सयसहस्सनिप्फन्ने वण्णेणववेए जाव फासेणं उववेए आसायणिजे विस्सायणिजे दिप्पणिजे दप्पणिजे मयणिजे [विग्यणिजे] बिंहणिजे सर्विदियगाय-पल्हायणिजे, भवे एयारूवे ?, णो इणहे समहे, तेसि णं पुष्फफलाणं एतो इहतराए चेव जाव आसाए पण्णते ॥ २२ ॥ ते णं भंते ! मणुया तमाहारमाहारेत्ता किंहं वसिंहं उर्वेति ? गोयमा ! रुक्खगेहालया णं ते मण्या पण्णत्ता समणाउसो !. तेसि णं भंते ! स्क्खाणं केरिसए आयारभावपडोयारे पण्णत्ते ? गोयमा ! कृडागारसंठिया पेच्छाछत्तज्झयतोरणगोयरवेइयाचोप्फालगअट्टालगपासायहम्मियगवक्खवालग्गपोइ-यावलभीघरसंठिया अत्थण्णे इत्थ बहवे वरभवणविसिद्धसंठाणसंठिया दुमगणा सुह-सीयलच्छाया पण्णता समणाउसो ! ॥ २३ ॥ अत्थि णं भंते ! तीसे समाए भरहे वासे गेहाइ वा गेहावणाइ वा ? गोयमा ! णो इणहे समहे, स्क्खगेहालया णं ते मण्या पण्णता समणाउसो !, अत्थि णं भंते ! तीसे समाए भरहे वासे गामाइ वा जाव संणिवेसाइ वा ? गोयमा ! णो इणद्रे समद्रे, जिहच्छियकामगामिणो णं ते मणुया पण्णता॰, अत्थि णं भंते !॰ असीइ वा मसीइ वा किसीइ वा विणिएत्ति वा पणिएत्ति वा वाणिजेड वा ? गो०! णो इणद्रे समद्रे. ववगयअसिमसिकिसिवणियपणिय-वाणिज्जा णं ते मणुया पण्णत्ता समणाउसो !, अत्थि णं भंते ! • हिरण्णेइ वा सुवण्णेइ वा कंसेइ वा दूसेइ वा मणिमोत्तियसंखिसलप्पवालरत्तरयणसावइजेइ वा? हंता! अत्थि, णो चेव णं तेसिं मुणयाणं परिभोगत्ताए हव्वमागच्छइ। अत्थि णं भंते !० भरहे ० रायाइ वा जुवरायाइ वा ईसरतलवरमाडंबियकोडंबियइब्भसेट्रिसेणावइस-त्थवाहाइ वा ? गोयमा ! णो इणहे समहे, ववगयइहिसकारा णं ते मणुया०, अत्थि णं भंते !० भरहे वासे दासेइ वा पेसेइ वा सिरसेइ वा भयगेइ वा भाइल्लएइ वा कम्मयरएइ वा ?० णो इणद्रे समद्रे, ववगयआभिओगा णं ते मणुया पण्णत्ता सम-णाउसो ! अत्थि णं भंते ! तीसे समाए भरहे वासे मायाइ वा पियाइ वा भाया॰ भगिणी० भजा० पुत्त० घूया० सुण्हाइ वा ? हंता ! अस्थि, णो चेव णं तिव्वे पेमा-बंघणे समप्पजड, अत्थ णं भंते !० भरहे वासे अरीइ वा वेरिएइ वा घायएइ वा वहएइ वा पिंडणीयएइ वा पचामित्तेइ वा १ गो० ! णो इणहे समहे, ववगयवेराणुसया णं ते मण्या पण्णत्ता समणाउसो !. अत्थि णं भंते !० भरहे वासे मिताइ वा वयंसाइ वा णायएड वा संघाडिएइ वा सहाइ वा सहीइ वा संगइएइ वा ? हंता ! अत्थि, णो चेव णं तेसिं मण्याणं तिन्वे रागबंधणे समुप्पज्जइ, अत्थि णं मंते !० भरहे वासे आवा-हाइ वा वीवाहाइ वा जण्णाइ वा सद्धाइ वा थालीपागाइ वा मियर्पिडनिवेयणाड वा ? णो इणद्वे समद्वे, वयगयआवाहवीवाहजण्णसद्धथालीपागमियपिंडनिवेयणा णं ते मण्या पण्णत्ता समणाउसो!. अत्थि णं भंते!० भरहे वासे इंदमहाइ वा खंद० णाग० जक्ख० भय० अगड० तडाग० दह० णइ० रुक्ख० पव्वयमहाइ वा ? गो० ! णो इण्ट्रे समद्रे, ववगयमहिमा णं ते मणुया प० स०, अत्थि णं भंते !० भरहे वासे णड-पेच्छाइ वा णदृ० जल्ल० मल्ल० मुट्टिय० वेलंबग० कहग० पवग० लासगपेच्छाइ वा १ गो॰ ! णो इणद्रे समद्रे, ववगयकोउह्ना णं ते मण्या पण्णता समणाउसो !. अत्थि णं भंते ! भरहे वासे सगडाइ वा रहाइ वा जाणाइ वा जुग्गा० गिल्ली० थिल्ली॰ सीया॰ संदमाणियाइ वा १० णो इणहे समहे, पायचारविहारा णं ते मणुया प॰ समणाउसो !, अत्थि णं भंते !॰ भरहे वासे गावीइ वा महिसीइ वा अयाइ वा एलगाइ वा ? हंता ! अत्थि, णो चेव णं तेसिं मणुयाणं परिभोगत्ताए हव्वमागच्छंति, अत्थि णं भंते ! भरहे वासे आसाइ वा हत्थी उद्या गोणा गवया अया । एलगा० पसया० मिया० वराहा० ६६० सरभा० चमरा० क्ररंगगोकण्णमाइया ? हंता! अत्थि, णो चेव णं तेसिं परिभोगत्ताए हव्वमागच्छंति, अत्थि णं भंते!० भरहे वासे सीहाइ वा वग्घाइ वा विगदीविगअच्छतरच्छितयालबिडालसणगकोकं-तियकोलसुणगाइ वा १ हंता ! अत्थि, णो चेव णं तेसिं मणुयाणं आबाहं वा वाबाहं वा छविच्छेयं वा उप्पाएंति, पगइभइया णं ते सावयगणा प० समणाउसो !. अत्थि णं भेते !० भरहे वासे सालीइ वा वीहिगोहमजवजवजवाइ वा कलममसूरसुगगमा-सतिलकुलत्थणिप्फानआलिसंदगअयसिकुसुंभकोद्दवकंगुवरगरालगसणसरिसवमूलगबी-याइ वा ? हंता ! अत्थि, णो चेव णं तेसिं मणुयाणं परिभोगत्ताए ह्व्वमागच्छंति. अत्थि णं भंते !० भरहे वासे गड्ढाइ वा दरीओवायपवायविसमविज्जलाइ वा १० णो इण्डे समडे, भरहे वासे बहुसमरमणिजे भूमिभागे पण्णते. से जहाणामए-आलिंग-

पुक्खरेइ वा॰, अत्थि णं भंते !० भरहे वासे खाणूइ वा कंटगतणकयवराइ वा पत्तकयवराइ वा १० णो इणहे समहे, ववगयलाणुकंटगतणकयवरपत्तकयवरा णं सा समा पण्णता॰, अत्थि णं भंते !० भरहे वासे डंसाइ वा मसगाइ वा ज्याइ वा लिक्खाइ वा ढिंकुणाइ वा पिसुयाइ वा ?० णो इणद्रे समद्रे. ववगयडंसमसगज्य-लिक्खिंकुणपिसुया उवद्विवरिहिया णं सा समा पण्णता०. अत्थि णं भंते !० भरहे० अहीइ वा अयगराइ वा ? हंता ! अत्थि, णो चेव णं तेसिं मण्याणं आबाहं वा जाव पगइभद्दया णं ते वालगगणा पण्णता०, अत्थि णं भंते !० भरहे० डिंबाइ वा डमराइ वा कलहबोलखारवइरमहाजुद्धाइ वा महासंगामाइ वा महासत्थपडणाइ वा महापरिसपडणाड वा ? गोयमा! णो डणडे समझे. ववगयवेराणबंधा णं ते मण्या पण्णत्ता स॰ !, अत्थि णं भंते !० भरहे वासे दुब्भूयाणि वा कुलरोगाइ वा गामरो-गाइ वा मंडलरोगाइ वा पोष्टवे॰ सीसवेयणाइ वा कण्णोद्रअच्छिणहदंतवेयणाइ वा कासाइ वा सासाइ वा सोसाइ वा दाहाइ वा अरिसाइ वा अजीरगाइ वा दओदराइ वा पंडरोगाइ वा भगंदराइ वा एगाहियाइ वा बेयाहियाइ वा तेयाहियाइ वा चड-त्थाहियाइ वा इंदरगहाइ वा धणुरगहाइ वा खंदरगहाइ वा कुमारगगहाइ वा जक्ख-ग्गहाइ वा भूयग्गहाइ वा मच्छस्लाइ वा हिययस्लाइ वा पोट्ट० कुच्छि० जोणिस्-लाइ वा गाममारीइ वा जाव सिणवेसमारीइ वा पाणिक्खया जणक्खया कुलक्खया वसणब्भयमणारिया ? गोयमा ! णो इणद्वे समद्वे, ववगयरोगायंका णं ते मणुया पण्णत्ता समणाउसो ! ॥ २४ ॥ तीसे णं भंते ! समाए भारहे वासे मणुयाणं केवइयं कालं ठिई पण्णता ? गोयमा ! जहण्णेणं देस,णाई तिण्णि पलिओवमाई उक्कोसेणं देस,-णाइं तिण्णि पल्लिओवमाइं, तीसे णं भंते ! समाए भारहे वासे मणुयाणं सरीरा केवइयं उच्चतेणं पण्णता ? गोयमा ! जहन्नेणं तिण्णि गाउयाई उक्कोसेणं तिण्णि गाउयाई, ते णं भंते! मण्या किसंघयणी पण्णता? गोयमा! वहरोसभणारायसंघयणी पण्णता. तेसि णं भंते ! मण्याणं सरीरा किंसंठिया पण्णता ? गोयमा ! समचडरंससंठाण-संठिया. तेसि णं मणुयाणं बेळप्पण्णा पिद्रकरंडयसया पण्णता समणाउसो!, ते णं भंते ! मण्या कालमासे कालं किचा किंह गच्छंति किंह उववजाति ? गो०! छम्मा-सावसेसाउया जयलगं पसवंति, एगूणपण्णं राइंदियाइं सारक्खंति संगोवेंति सा० २ त्ताः कासित्ता छीइता जंभाइता अक्रिट्ठा अव्वहिया अपरियाविया कालमासे कालं किचा देवलोएस उववजाति, देवलोयपरिग्गहा णं ते मणुया पण्णता॰, तीसे णं भंते! समाए भारहे वासे कड्विहा मणुस्सा अणुसज्जित्था ? गो०! छव्विहा प०. तं०-पम्हगंघा १ मियगंघा २ अममा ३ तेयतली ४ सहा ५ सणिचारी ६ ॥ २५ ॥ तीसे णं समाए

चउहिं सागरोवमकोडाकोडीहिं काले वीइकंते अणंतेहिं वण्णपज्जवेहिं अणंतिहि गंधपज्जवेहिं अणंतेहिं रसपज्जवेहिं अणंतेहिं फासपज्जवेहिं अणंतेहिं संघयणपज्जवेहिं अणंतिहिं संठाणपज्जवेहिं अणंतिहिं उचत्तपज्जवेहिं अणंतिहिं आउपज्जवेहिं अणंतिहि गुरुलहुपज्जवेहिं अणंतेहिं अगुरुलहुपज्जवेहिं अणंतेहिं उट्टाणकम्मबलवीरियपुरिसकार-परक्रमपज्जवेहिं अणंतगुणपरिहाणीए परिहायमाणे २ एत्थ णं ससमा णामं समाकाले पिडविज़िंसु समणाउसो!, जंबुद्दीवे णं भंते! दीवे इमीसे ओसप्पिणीए सुसमाए समाए उत्तमकद्रपत्ताए भरहस्स वासस्स केरिसए आयारभावपडोयारे होत्या? गोयमा! बहसमरमणिजे भूमिभागे होतथा, से जहाणामए-आलिंगपुक्खरेइ वा तं चेव जं ससमस्रमाए पुञ्चवण्णियं, णवरं णाणतं-चउधणुसहस्सम्सिया, एगे अद्वावीसे पिट्रकरंडयसए, छट्टभत्तस्स आहारहे, चउसिंहें राइंदियाई सारक्खंति. दो पिलुओवमाई आऊ, सेसं तं चेव, तीसे णं समाए चउव्विहा मणुस्सा अणुसिजात्था तंजहा-एगा १ पउरजंघा २ कुसमा ३ ससमणा ४ ॥ २६ ॥ तीसे णं समाए तिहिं सागरोवमकोडाकोडीहिं काले वीइक्कंते अणंतिहिं वण्णपज्जवेहिं जाव अणंतगुणपरि-हाणीए परिहायमाणी २ एत्थ णं सुसमदुस्समा णामं समा पिडवर्जिस समणाउसो ! सा णं समा तिहा विभजइ-पढमे तिभाए १ मिज्झिमे तिभाए २ पिच्छमे तिभाए ३. जंब़द्दीवे णं भंते ! दीवे इमीसे ओसप्पिणीए द्यसमदुस्समाए समाए पढममज्झिमेद्व तिभाएस भरहस्स वासस्स केरिसए आयारभावपडोयारे पुच्छा, गोयमा! बहसम-रमणिजे भूमिभागे होत्था, सो चेव गमो णेयव्वो णाणत्तं दो धणसहस्साइं उद्ध उचतेणं, तेसिं च मणुयाणं चउसद्विपिद्वकरंडगा चउत्थभत्तस्स आहारद्वे समुप्पज्जड ठिई पल्ञिवमं एगूणासीइं राइंदियाइं सारक्खंति संगोवेंति जाव देवलोगपरि-ग्गहिया णं ते मणुया पण्णत्ता समणाउसो !, तीसे णं भंते ! समाए पच्छिमे तिभाए-भरहस्स वासस्स केरिसए आयारभावपडोयारे होत्था ? गोयमा ! बहुसमरमणिजे भूमिभागे होत्था, से जहाणामए-आर्लिंगपुक्खरेइ वा जाव मणीहिं उवसोभिए, तंजहा-कित्तिमेहिं चेव अकित्तिमेहिं चेव, तीसे णं भंते ! समाए पच्छिमे तिभागे भरहे वासे मणुयाणं केरिसए आयारभावपडोयारे होत्था ? गोयमा ! तेसिं मणुयाणं छिविहे संघयणे छिविहे संठाणे बहूणि धणुसयाणि उड्ढूं उच्चत्तेणं जहण्णेणं संखिजाणि वासाणि उक्कोसेणं असंखिजाणि वासाणि आउयं पालंति पालित्ता अप्पेगइया णिरय-गामी अप्पेगइया तिरियगामी अप्पेगइया मणुस्सगामी अप्पेगइया देवगामी अप्पे-गइया सिज्झंति जाव सव्बद्धक्खाणमंतं करेंति ॥२७॥ तीसे णं समाए पच्छिमे तिभाए पिळओवमद्रभागावसेसे एत्थ णं इमे पण्णरस कुलगरा समुप्पिज्जत्था, तंजहा-सुमई १

पिटस्सुई २ सीमंकरे ३ सीमंधरे ४ खेमंकरे ५ खेमंधरे ६ विमलवाहणे ७ चक्खमं ८ जसमं ९ अभिचंदे १० चंदाभे ११ पसेणई १२ महदेवे १३ णाभी १४ उसमे १५ त्ति ॥ २८ ॥ तत्थ णं समइपिडस्सइसीमंकरसीमंघरखेमंकराणं एएसिं पंचण्हं कुलगराणं हक्कारे णामं दण्डणीई होत्था, ते णं मणुया हक्कारेणं दंडेणं हया समाणा लिजिया विलिजिया वेड्डा भीया तुसिणीया विणओणया चिट्ठेति, तत्थ णं खेमंघर-विमलवाहणचक्खुमजसमअभिचंदाणं एएसि णं पंचण्हं कुलगराणं मक्कारे णामं दंडणीई होत्था, ते णं मणुया मङ्कारेणं दंडेणं हया समाणा जाव चिद्रंति, तत्थ णं चंदाभपसेणइमहदेवणाभिउसभाणं एएसि णं पंचण्हं कुलगराणं धिकारे णामं दंडणीई होत्था, ते णं मणुया धिकारेणं दंडेणं हया समाणा जाव चिट्रंति ॥ २९ ॥ णाभिस्स णं कुलगरस्स मरुदेवाए भारियाए कुन्छिस एत्थ णं उसहे णामं अरहा . कोसलिए पढमराया पढमजिणे पढमकेवली पढमतित्थयरे पढमधम्मवरचक्कवद्दी समुप्पजित्था, तए णं उसमे अरहा कोसिटिए वीसं पुव्वसयसहस्साई कुमारवास-मज्झे वसइ वसइत्ता तेविंद्वं पुव्वसयसहस्साइं महारायवासमज्झे वसइ, तेविंद्वं पुव्व-सयसहस्साइं महारायवासमज्झे वसमाणे लेहाइयाओ गणियप्पहाणाओ सरुणस्य-पज्जवसाणाओं बावत्तरिं कलाओं चोसद्विं महिलागुणे सिप्पसयं च कम्माणं तिण्णिवि पयाहियाए उवदिसइ उवदिसिता पुत्तसयं रज्जसए अभिसिंचइ अभिसिंचित्ता तेसीई पुन्वसयसहस्साइं महारायवासमज्झे वसइ वसित्ता जे से गिम्हाणं पढमे मासे पढमे पक्खे चित्तबहुले तस्स णं चित्तबहुलस्स णवमीपक्खेणं दिवसस्स पच्छिमे भागे चइत्ता हिरण्णं चइत्ता सुवण्णं चइत्ता कोसं कोट्ठागारं चइता बलं चइत्ता वाहणं चइत्ता पुरं चइत्ता अंतेउरं चइत्ता विउलधणकणगरयणमणिमोत्तियसंखसिलप्पवाल-रत्तरयणसंतसारसावइजं विच्छड्डहत्ता विगोवइत्ता दायं दाइयाणं परिभाएता सुदंस-णाए सीयाए सदेवमणुयासुराए परिसाए समणुगम्ममाणमग्गे संखिदचिक्कयणंगिल-यसुहमंगलियपूसमाणववद्धमाणगआइक्खगलंखमंखघंटियगणेहिं ताहिं इट्ठाहिं कंताहिं पियाहिं मणुण्णाहिं मणामाहिं उरालाहिं कल्लाणाहिं सिवाहिं धन्नाहिं मंगल्लाहिं सिस्स-रीयाहिं हिययगमणिजाहिं हिययपल्हायणिजाहिं कण्णमणणिव्युइकराहिं अपुणस्ताहिं अट्ठसङ्याहिं वग्गूहिं अणवरयं अभिणंदंता य अभिथुणंता य एवं वयासी-जय जय नंदा! जय जय भद्दा! धम्मेणं अभीए परीसहोवसग्गाणं खंतिखमे भयभेरवाणं धम्मे ते अविग्धं भवउत्तिकहु अभिणंदंति य अभिथुणंति य । तए णं उसमे अरहा कोसलिए णयणमालासहस्सेहिं पिच्छिजमाणे २ एवं जाव णिग्गच्छइ जहा उववाइए जाव आउलबोलबहुलं णमं करंते विणीयाए रायहाणीए मज्झंमज्झेणं णिग्गच्छइ

आसियसंमजियसित्तसुइकपुप्फोवयारकिलयं सिद्धत्थवणविउलरायमग्गं करेमाणे हय-गयरहपहकरेण पाइकचडकरेण य मंदं २ उद्धतरेणुयं करेमाणे २ जेणेव सिद्धत्थ-वणे उजाणे जेणेव असोगवरपायवे तेणेव उवागच्छइ २ ता असोगवरपायवस्स अहे सीयं ठावेइ २ ता सीयाओ पचोरुहइ २ ता सयमेवाभरणालंकारं ओस्यइ २ ता सयमेव चर्डाहें मुद्रीहिं लोयं करेड़ २ ता छट्टेणं भत्तेणं अपाणएणं आसाढाहिं णक्खतेणं जोगमुवागएणं उग्गाणं भोगाणं राइन्नाणं खत्तियाणं चउहिं सहस्सेहिं सिद्धं एगं देवदूसमादाय मुंडे भवित्ता अगाराओ अणगारियं पव्वइए ॥ ३०॥ उसभे णं अरहा कोसलिए संवच्छरं साहियं चीवरधारी होतथा, तेण परं अचेलए । जप्पभिइं च णं उसमे अरहा कोसलिए मुंडे भवित्ता अगाराओ अणगारियं पव्वइए तप्पिमइं च णं उसमे अरहा कोसलिए णिचं वोसट्टकाए चियत्तदेहे जे केइ उवसमगा उप्पर्जात तं०-दिव्या वा जाव पडिलोमा वा अणुलोमा वा, तत्थ पडिलोमा चेत्रेण वा जाव कसेण वा काए आउद्देजा अणुलोमा वंदेज वा नमंसेज वा जाव पज्जवा-सेज वा ते (उप्पन्न) सन्वे सम्मं सहइ जाव अहियासेइ, तए णं से भगवं समणे जाए इरियासमिए जाव पारिद्वावणियासमिए मणसमिए वयसमिए कायसमिए मणगुत्ते जाव गुत्तबंभयारी अकोहे जाव अलोहे संते पसंते उवसंते परिणिव्युडे छिण्णसोए निरुवलेवे संखमिव निरंजणे जन्नकणगं व जायरूवे आदिरसपिडभागे इव पागडभावे कुम्मो इव गुत्तिंदिए पुक्खरपत्तमिव निरुवलेवे गगणमिव निरालंबणे अणिले इव णिरालए चंदो इव सोमदंसणे सरो इव तेयंसी विहग इव अपिडबद-गामी सागरो इव गंभीरे मंदरो इव अकंपे पुढवी विव सन्वफासविसहे जीवो विव अप्पृडिहयगइति । णत्थि णं तस्स भगवंतस्स कत्थइ पडिबंधे, से पडिबंधे चउ-विवहें भवइ, तंजहा-दव्वओ खित्तओ कालओ भावओ, दव्वओ इह खळ माया मे पिया में भाया में भिगणी में जाव संगंथसंध्या में हिर्ण्ण में सुवण्णं में जाव उवगरणं मे अहवा समासओ सचित्ते वा अचित्ते वा मीसए वा दव्वजाए सेवं तस्स ण भवइ, खित्तओ गामे वा णयरे वा अरण्णे वा खेते वा खळे वा गेहे वा अंगणे वा एवं तस्स ण भवइ, कालओ थोवे वा लवे वा महत्ते वा अहोरते वा पक्खे वा मासे वा उऊए वा अयणे वा संवच्छरे वा अण्णयरे वा दीहकालपिडबंधे एवं तस्स ण भवइ, भावओ कोहे वा जाव लोहे वा भए वा हासे वा एवं तस्स ण भवइ, से णं भगवं वासावासवजं हेमंतिगम्हास गामे एगराइए णगरे पंचराइए ववगयहाससोगअरइभयपरित्तासे णिम्ममे णिरहंकारे लहुभूए अगंथे वासीतच्छणे दुअंड्रे चंदणाणुलेवणे अरत्ते लेड्रंमि कंचणंमि य समे इह लोए अपडिबद्धे जीविय-

मरणे निरवकंखे संसारपारगामी कम्मसंगणिग्घायणद्वाए अञ्मद्विए विहरइ। तस्स णं भगवंतस्स एएणं विहारेणं विहरमाणस्स एगे वाससहस्से विइक्कंते समाणे पुरिम-तालस्स णयरस्स बहिया सगडमहंसि उज्जाणंसि णग्गोहवरपायवस्स अहे झाणंतरि-याए वष्टमाणस्स फरगुणबहलस्स इक्कारसीए पुव्वण्हकालसमयंसि अद्वमेणं भत्तेणं अपाणएणं उत्तरासाढाणक्यतेणं जोगमुवागएणं अणुत्तरेणं नाणेणं जाव चरितेणं अण्तरेणं तवेणं बलेणं वीरिएणं आलएणं विहारेणं भावणाए खंतीए गृतीए मत्तीए तुद्रीए अज्जवेणं महवेणं लाघवेणं सुचरियसोवचियफलनिव्वाणमग्गेणं अप्पाणं भावे-माणस्स अणंते अणुत्तरे णिव्वाघाए णिरावरणे कसिणे पडिपुण्णे केवळवरनाणदंसणे समुप्पणो जिणे जाए केवली सव्वण्णु सव्वदरिसी सणेरइयतिरियणरामरस्स लोगस्स पजावे जाणइ पासइ. तंजहा-आगई गई ठिइं उववायं भत्तं कडं पहिसेवियं आवीकम्मं रहोकम्मं तं तं कालं मणवयकाए जोगे एवमाई जीवाणवि सव्वसावे अजीवाणवि सन्वभावे मोक्खमगगस्स विसद्धतराए भावे जाणमाणे पासमाणे एस खळ मोक्खमगगे मम अण्णेसिं च जीवाणं हियसहिणस्सेसकरे सव्वदुक्खविमोक्खणे परमसहिसमाणणे भविस्सइ । तए णं से भगवं समणाणं णिग्गंथाण य णिग्गंथीण य पंच महव्वयाइं समावणगाई छच जीवणिकाए धम्मं देसमाणे विहरइ, तंजहा-पुढविकाइए भावणा-गमेणं पंच महव्वयाइं सभावणगाइं भाणियव्वाइं । उसभस्स णं अरहओ कोसल्चिस्स चडरासी गणा गणहरा होत्था. उसमस्स णं अरहओ कोसल्चिस्स उसभसेणपामो-क्खाओ चलसीइं समणसाहस्सीओ उक्कोसिया समणसंपया होत्था, उसभस्स णं० बंभी-संदरीपामोक्खाओ तिण्णि अज्जियासयसाहरसीओ उद्योसिया अज्जियासंप्या होत्था. उसभस्स णं० सेजंसपामोक्खाओ तिण्णि समणोवासगसयसाहस्सीओ पंच य साह-स्सीओ उक्कोसिया समणोवासगसंपया होत्था, उसभस्स णं॰ सुभद्दापामोक्खाओ पंच समणोवासियासयसाहस्सीओ चउपण्णं च सहस्सा उक्कोसिया समणोवासियासंपया होत्था. उसभस्स णं अरहओ कोसलियस्स अजिणाणं जिणसंकासाणं सव्वक्खरस-ण्णिवाईणं जिणो विव अवितहं वागरमाणाणं चत्तारि चउद्दसपुव्वीसहस्सा अद्धद्रमा य सया उक्कोसिया चउदसपुव्वीसंपया होत्था, उसभस्स णं॰ णव ओहिणाणि-सहरसा उक्कोसिया . उसभस्स णं ० वीसं जिणसहस्सा ० वीसं वेउ व्वियसहस्सा छच सया उद्योसिया॰ बारस विउलमईसहस्सा छच सया पण्णासा॰ बारस वाईसहस्सा छच सया पण्णासा०, उसभस्स णं० गइकल्लाणाणं ठिइकल्लाणाणं आगमेसिभहाणं बावीसं अणुत्तरोववाइयाणं सहस्ता णव य सया०, उसमस्स णं० वीसं समणसहस्ता सिद्धा, चत्तालीसं अज्जियासहस्सा सिद्धा, सिद्ध अंतेवासीसहस्सा सिद्धा, उसभस्स णं

अरहओ० वहवे अंतेवासी अणगारा भगवंतो अप्पेगइया मासपरियाया जहा उब-वाइए सव्वओ अणगारवण्णओ जाव उडूंजाणू अहोसिरा झाणकोद्घोवगया संजमेणं तवसा अप्पाणं भावेमाणा विहरंति. उसभस्स णं अरहओ॰ दुविहा अंतकरभूमी होत्था. तंजहा-ज्ञगंतकरभूमी य परियायंतकरभूमी य, जुगंतकरभूमी जाव असंखे-जाइं परिसज्जाइं, परियायंतकरभूमी अंतोमहत्तपरियाए अंतमकासी ॥ ३१॥ उसमे णं अरहा ॰ पंचउत्तरासाढे अभीइछद्रे होत्था, तंजहा-उत्तरासाढाहिं चए चडता गर्भं वकंते उत्तरासाढाहिं जाए उत्तरासाढाहिं रायाभिसेयं पत्ते उत्तरासाढाहिं मुंडे भवित्ता अगाराओ अणगारियं पव्वइए उत्तरासाढाहिं अणंते जाव समुप्पण्णे, अभी-इणा परिणिव्वए ॥ ३२ ॥ उसमे णं अरहा कोसलिए वजारिसहनारायसंघयणे समचडरंससंठाणसंठिए पंच धणुसयाई उड्ढं उचतेणं होत्था। उसमे णं अरहा० वीसं प्रव्वसयसहस्साइं कुमारवासमज्झे विसत्ता तेविद्वे प्रव्वसयसहस्साइं महारज-वासमज्झे वित्ता तेसीई पुव्यसयसहस्साई अगारवासमज्झे वित्ता मुंडे भवित्ता अगाराओ अणगारियं पव्वइए, उसभे णं अरहा० एगं वाससहस्सं छउमत्थपरियायं पाउणिता एगं पुव्वसयसहस्सं वाससहस्सूणं केवलिपरियायं पाउणिता एगं पुव्वस-यसहरसं बहपिडपुण्णं सामण्णपरियायं पाउणित्ता चउरासीइं पुन्वसयसहस्साइं सव्वाउयं पालइत्ता जे से हेमंताणं तचे मासे पंचमे पक्खे माहबहले तस्स णं माहबहलस्स तेरसीपक्खेणं दसिंहं अणगारसहस्सेहिं सिद्धं संपरिवृडे अद्रावयसेल-सिहरंसि चोइसमेणं भत्तेणं अपाणएणं संपिलयंकिणसण्णे पुव्वण्हकालसमयंसि अभी-इणा णक्खतेणं जोगमुवागएणं सुसमदूसमाए समाए एगूणणवउईहिं पक्खेहिं सेसेहिं कालगए वीइकंते जाव सव्वदुक्खप्पहीणे। जं समयं च णं उसमे अरहा कोसलिए कालगए वीइकंते समुजाए छिण्णजाइजरामरणबंधणे सिद्धे बुद्धे जाव सव्वदुक्खप्पहींणे तं समयं च णं सक्करस देविंदरस देवरण्णो आसणे चिछए. तए णं से सक्के देविंदे देवराया आसणं चिलयं पासइ पासित्ता ओहिं पउंजइ २ त्ता भयवं तित्थयरं ओहिणा आभोएइ २ त्ता एवं वयासी-परिणिव्वए खळु जंबहीवे दीवे भरहे वासे उसहे अरहा कोसलिए, तं जीयमेयं तीयपच्चपण्णमणागयाणं सक्काणं देनिंदाणं देवराईणं तित्थगराणं परिनिव्वाणमहिमं करेत्तए, तं गच्छामि णं अहंपि भगवओ तित्थगरस्स परिनिव्वाणमहिमं करेमित्तिकृहु वंदइ णमंसइ वं० २ त्ता चउरासीईए सामाणियसाहस्सीहिं तायत्तीसाए तायत्तीसएहिं चउहिं छोगपाछेहिं जाव चउहिं चउरासीईहिं आयरक्खदेवसाहस्सीहिं अण्णेहि य बहूहिं सोहम्मकप्पवासीहिं वेमाणिएहिं देवेहिं देवीहि य सिद्धं संपरिवुडे ताए उक्किट्ठाए जाव तिरियमसंखेजाणं

दीवसमुद्दाणं मज्झंमज्झेणं जेणेव अद्भावयपव्यए जेणेव भगवओ तित्थगरस्स सरीरए तेणेव उवागच्छइ उवागच्छिता विमणे णिराणंदे चिद्रह । तेणं कालेणं तेणं समएणं ईसाणे देविंदे देवराया उत्तरहृलोगाहिवई अद्रावीसविमाणसयसहस्साहिवई सूलपाणी वसहवाहणे सुरिंदे अर्यंबरवत्थघरे जाव विस्ताइं भोगभोगाइं भूंजमाणे विहरइ. तए णं तस्स ईसाणस्स देविंदस्स देवरण्णो आसणं चलड. तए णं से ईसाणे जाव देवराया आसणं चिलयं पासइ २ ता ओहिं पउंजइ २ ता भगवं तित्थगरं ओहिणा आभोएइ २ ता जहा सक्के नियगपरिवारेणं भाणेयव्वो जाव चिट्टइ, एवं सब्वे देविंदा जाव अच्चए णियगपरिवारेणं आणेयव्वा. एवं जाव भवण-वासीणं वीस इंदा वाणमंतराणं सोलस जोइसियाणं दोण्णि णियगपरिवारा णेयव्वा। तए णं सक्के देविंदे देवराया ते बहवे भवणवडवाणमंतरजोडसवेमाणिए देवे एवं वयासी-खिप्पामेव भो देवाणप्पिया! णंदणवणाओ सरसाई गोसीसवरचंदणकद्राई साहरह २ ता तओ चिइगाओ रएह-एगं भगवओ तित्थगरस्स एगं गणहराणं एगं अवसेसाणं अणगाराणं । तए णं ते० भवणवइ जाव वेमाणिया देवा णंदणवणाओ सरसाइं गोसीसवरचंदणकद्राइं साहरंति २ ता तओ चिइगाओ रएंति. एगं भगवओ तित्थगरस्स एगं गणहराणं एगं अवसेसाणं अणगाराणं, तए णं से सक्के देविंदे देवराया आभिओगे देवे सहावेइ २ ता एवं वयासी-खिप्पामेव भो देवाणप्पिया ! खीरोदगसमहाओ खीरोदगं साहरह, तए णं ते आभिओगा देवा खीरोदगसमहाओ खीरोदगं साहराति. तए णं से सक्के देविंदे देवराया तित्थगरसरीरगं खीरोदगेणं ण्हाणेइ २ त्ता सरसेणं गोसीसवरचंदणेणं अणुलिंपइ २ त्ता हंसलक्खणं पडसाडयं णियंसेइ २ ता सव्वालंकारविभूसियं करेइ, तए णं ते० भवणवइ जाव वेमाणिया० गणहरसरीरगाइं अणगारसरीरगाइंपि खीरोदगेणं ण्हावेंति २ त्ता सरसेणं गोसीसवर-चंदणेणं अणुलिंपंति २ ता अहयाइं दिव्वाइं देवदूसज्यलाइं णियंसेंति २ ता सव्वा-लंकारविभसियाई करेंति. तए णं से सक्के देविंदे देवराया ते बहवे भवणवह जाव वेमाणिए देवे एवं वयासी-खिप्पामेव भो देवाणिपया! ईहामिगउसभतुरय जाव वणलयभत्तिचित्ताओं तओ सिबियाओं विउव्बह्, एगं भगवओं तित्थगरस्स एगं गणहराणं एगं अवसेसाणं अणगाराणं, तए णं ते बहवे भवणवइ जाव वेमाणिया० तओ सिबियाओ विउव्वंति, एगं भगवओ तित्थगरस्स एगं गणहराणं एगं अव-सेसाणं अणगाराणं, तए णं से सक्के देविंदे देवराया विमणे णिराणंदे भगवओ तित्थगरस्स विणद्रजम्मजरामरणस्स सरीरगं सीयं आरुहेइ २ ता चिइगाए ठवेइ, तए णं ते बहवे भवणवड जाव वेमाणिया देवा गणहराणं अणगाराण य विणद्ध-

जम्मजरामरणाणं सरीरगाईं सीयं आरुहेंति २ ता चिइगाए ठवेंति, तए णं से सके देविंदे देवराया ते बहवे भवणवइ जाव वेमाणिए देवे एवं वयासी-खिप्पामेव भो देवाणपिया ! तित्थगरचिइगाए जाव अणगारचिइगाए अगुरुतुरुक्कघयं च कुंभगसो य भारमगसो य साहरह, तए णं ते० भवणवइ जाव वेमाणिया देवा तित्थगरचिइगाए जाव अणगारचिइगाए जाव भारग्गसो य साहरंति, तए णं से सक्के देविंदे देवराया अग्गिकुमारे देवे सहावेइ २ ता एवं वयासी-खिप्पामेव भो देवाणुप्पिया ! तित्थ-गरचिइगाए जाव अणगारचिइगाए अगणिकायं विख्वह २ ता एयमाणतियं पचिपपह. तए गं ते अग्गिकमारा देवा विमणा णिराणंदा तित्थगरचिङगाए जाव अणगारचिइगाए अगणिकायं विउव्वंति, तए णं से सक्के देविंदे देवराया वाउकुमारे देवे सहावेइ २ ता एवं वयासी-खिप्पामेव भो देवाणुप्पिया! तित्य-गरचिइगाए जाव अणगारचिइगाए वाउक्कायं विउव्वह २ ता अगणिकायं उजालेह तित्थगरसरीरगं गणहरसरीरगाइं अणगारसरीरगाइं च झामेह. तए णं ते वाउकुमारा देवा विमणा णिराणंदा तित्थगरचिइगाए जाव विउव्वंति अगणिकारं उजालेंति तित्थगरसरीरगं जाव अणगारसरीरगाणि य झामेंति, तए णं ते बहवे भवणवइ जाव वेमाणिया देवा तित्थगरस्स परिणिव्वाणमहिमं करेंति २ ता जेणेव साइं साइं विमाणाइं जेणेव साइं २ भवणाइं जेणेव साओ २ सभाओ सहम्माओ तेणेव उवागच्छंति २ त्ता विउलाइं भोगभोगाइं भंजमाणा विहरंति ॥ ३३ ॥ तीसे णं समाए दोहिं सागरीवमकोडाकोडीहिं काले वीइकंते अणंतिहिं वण्णपज्जवेहिं तहेव जाव अणंतेहिं उद्घाणकम्म जाव परिहायमाणे २ एत्थ णं दूसमसुसमा णामं समा-काले पडिवर्जिस समणाउसो !. तीसे णं भंते ! समाए भरहस्स वासस्स केरिसए आगारभावपडोयारे पण्णते ? गोयमा ! बहुसमरमणिजे भूमिभागे पण्णते, से जहाणामए-आर्लिंगपुक्खरेइ वा जाव मणीहिं उवसोभिए, तंजहा-कित्तिमेहिं चेव०. तीसे णं भंते ! समाए भरहे॰ मणुयाणं केरिसए आयारभावपडोयारे प० ? गोयमा ! तेसिं मणुयाणं छिव्वहे संघयणे छिव्वहे संठाणे बहुई घणुई उन्ने उन्नतेणं जहण्णेणं अंतोसहत्तं उक्कोसेणं पुव्यकोडीआउयं पालेंति २ ता अप्पेगइया णिरयगामी जाव देवगामी अप्पेगइया सिज्झंति बुज्झंति जाव सव्वदुक्खाणमंतं करेंति, तीसे णं समाए तओ वंसा समुप्पजित्था, तंजहा-अरहंतवंसे चक्कवट्टिवंसे दसारवंसे. तीसे णं समाए तेवीसं तित्थयरा इक्कारस चक्कवट्टी णव बलदेवा णव वासुदेवा समुप्पज्जित्था ॥ ३४ ॥ तीसे णं समाए एकाए सागरोवमकोडाकोडीए बायालीसाए वाससहस्सेहिं ऊणियाए काले वीइकंते अणंतेहिं वण्णपज्जवेहिं तहेव जाव परिहाणीए परिहायमाणे २

एत्थ णं दूसमा णामं समाकाले पडिवजिस्सइ समणाउसो!. तीसे णं भंते! समाए भरहस्स वासस्स केरिसए आगारभावपडोयारे भविस्सइ ? गोयमा ! बहुसम-रमणिजे भूमिभागे भविस्सइ से जहाणामए-आलिंगपुक्खरेइ वा मुइंगपुक्खरेइ वा जाव णाणार्माणपंचवण्णेहिं कित्तिमेहिं चेव अकित्तिमेहिं चेव, तीसे णं भंते ! समाए भरहस्स वासस्स मण्याणं केरिसए आयारभावपडोयारे पण्णते ? गो०! तेसिं मणुयाणं छिववहे संघयणे छिववहे संठाणे बहुईओ रयणीओ उष्टूं उचतेणं जहण्णेणं अंतोमहत्तं उक्कोसेणं साइरेगं वाससयं आउयं पालंति २ ता अप्पेगइया णिरयगामी जाव सव्वदुक्खाणमंतं करेंति, तीसे णं समाए पच्छिमे तिभागे गणधम्मे पासंड-थम्मे रायधम्मे जायतेए धम्मचरणे य वोच्छिजिस्सइ ॥ ३५ ॥ तीसे णं समाए एक्कवीसाए वाससहस्सेहिं काले विइक्कंते अणंतिहिं वण्णपज्जवेहिं गंध० रस० फासपज्जवेहिं जाव परिहायमाणे २ एत्थ णं दूसमदूसमा णामं समाकाले पडिव-जिस्सइ समणाउसो! तीसे णं भंते! समाए उत्तमकद्रपत्ताए भरहस्स वासस्स केरिसए आयारभावपडोयारे भविस्सइ ? गोयमा ! काले भविस्सइ हाहाभूए भंभाभूए कोलाहलभूए समाणुभावेण य खरफरसधूलिमइला दुव्विसहा वाउला भयंकरा य वाया संवद्गा य वाइंति, इह अभिक्खणं २ धूमाहिंति य दिसाओ समंता रउस्सला रेणुकळसतमपडलणिरालोया समयळुक्खयाए णं अहियं चंदा सीयं मोच्छिहिंति अहियं सूरिया तविस्संति, अदुत्तरं च णं गोयमा! अभिक्खणं २ अरसमेहा विरसमेहा खारमेहा खत्तमेहा अग्गिमेहा विज्रुमेहा विसमेहा अजवणि-जोदगा वाहिरोगवेयणोदीरणपरिणामसलिला अमणुण्णपाणियगा चंडाणिलपहयति-क्खधाराणिवायपउरं वासं वासिहिंति. जेणं भरहे वासे गामागरणगरखेडकञ्बडम-डंबदोणमुहपट्टणासमगयं जणवयं चउप्पयगवेलए खहयरे पिक्खसंघे गामारण्णप-यारणिरए तसे य पाणे बहुप्पयारे रुक्खगुच्छगुम्मलयवल्लिपवालंकुरमाइए तणवण-स्सइकाइए ओसहीओ य विद्धंसेहिंति पव्वयगिरिडोंगरुत्थलमद्विमाइए य वेयङ्कागिरि-वजे विरावेहिंति, सिललिबलिसमगत्ताणिण्युण्णयाणि य गंगासिंधुवजाई समीकरे-हिंति, तीसे णं भंते ! समाए भरहस्स वासस्स भूमीए केरिसए आगारभावपडोयारे भविस्सइ ? गोयमा ! भूमी भविस्सइ इंगालभूया मुम्मुरभूया छारियभूया तत्तकवेलु-यभूया तत्तसमजोइभूया धूलिबहुला रेणुबहुला पंकबहुला पणयबहुला चलणिबहुला बहूणं धरणिगोयराणं सत्ताणं दुन्निक्कमा यावि भविस्सइ । तीसे णं भंते ! समाए भरहे वासे मणुयाणं केरिसए आयारभावपडोयारे भविस्सइ? गोयसा! मणुया भविस्संति दुरूवा दुवण्णा दुगंघा दुरसा दुफासा अणिट्टा अकंता अप्पिया असुभा

अमणुण्णा अमणामा हीणस्सरा दीणस्सरा अणिद्वस्सरा अकंतस्सरा अप्पियस्सरा अमणामस्तरा अमणुण्णस्तरा अणादेज्ञवयणपचायाया णिल्लजा कृडकवडकलहबंध-वेरणिरया मजायाइक्षमप्पहाणा अकजाणिचुजया गुरुणिओगविणयरहिया य विक-लह्वा पहृदणहुकेसमंसुरोमा काला खर्फरूससमावण्णा फ़ुट्टसिरा कविलपलियकेसा बहुण्हारुणिसंपिणद्धदुईसणिज्जरूवा संकुडियवलीतरंगपरिवेढियंगमंगा जरापरिणयञ्च थेरगणरा पविरलपरिसडियदंतसेढी उब्भडघडमुहा विसमणयणवंकणासा वंकवली विगयभेसणमुहा दद्दविकिटिभित्ति भफुडियफहसच्छवी चित्तलंगमंगा कच्छूखसराभि-भया खरतिक्खणक्खकंड्रयविकयतण् टोलगइविसमसंधिबंधणा उक्कडुयद्वियविभत्त-दुब्बलकुसंघयणकुप्पमाणकुसंठिया कुरूवा कुट्ठाणासणकुसेज्जकुभोइणो असुइणो अणे-गवाहिपीलियंगमंगा खलंतविब्मलगई णिरुच्छाहा सत्तपरिविजया विगयचेहा नद्र-तेया अभिक्खणं २ सीडण्हखरफरुसवायविज्झिडियमलिणपंसुरओगुंडियंगमंगा बह-कोहमाणमायालोभा बहुमोहा असुभदुक्खभागी ओसण्णं धम्मसण्णसम्मत्तपरिभद्गा उक्कोसेणं रयणिप्पमाणमेता सोलसवीसङ्वासपरमाउसो बहुपुत्तणत्तुपरियालपणयबहुला गंगासिंधुओ महाणईओ वेयच्चं च पन्वयं णीसाए बावत्तरिं णिगोयवीयं बीयमेता बिलवासिणो मणुया भविस्संति, ते णं भंते! मणुया किमाहारिस्संति? गोयमा! तेणं कालेणं तेणं समएणं गंगासिंधुओ महाणईओ रहपहमित्तवित्थराओ अक्खसो-यप्पमाणमेत्तं जलं वोज्झिहिति, सेविय णं जले बहुमच्छकच्छभाइण्णे, णो चेव णं आउबहुले भविस्सइ, तए णं ते मणुया सूरुगमणमुहुत्तंसि य सूरत्थमणमुहुत्तंसि य विलेहिंतो णिद्धाइस्संति विले० २ ता मच्छकच्छभे थलाई गाहेहिंति मच्छकच्छभे थलाई गाहेता सीयायवतत्तेहिं मच्छकच्छभेहिं इक्कवीसं वाससहस्साई वित्तिं कप्पे-माणा विहरिस्संति । ते णं भंते ! मण्या णिस्सीला णिव्वया णिग्गुणा णिम्मेरा णिप्पचक्खाणपोसहोववासा ओसण्णं मंसाहारा मच्छाहारा खुड्डाहारा कुणिमाहारा कालमासे कालं किचा कहिं गच्छिहिंति कहिं उवविजिहिंति १ गो०! ओसण्णं णर-गतिरिक्खजोणिएसं उनविज्ञिहिति । तीसे णं भंते ! समाए सीहा वग्घा विगा दीविया अच्छा तरच्छा परस्सरा सरभिसयालबिरालसणगा कोलसणगा ससगा चित्तगा चिल्लल्या ओसण्णं मंसाहारा मच्छाहारा खोहाहारा कुणिमाहारा कालमासे कालं किचा किं गच्छिहिंति किं उवविज्ञिहिंति ? गो०! ओसण्णं णरगतिरिक्खजोणि-एमुं उनविज्ञिहित, ते णं भंते! ढंका कंका पीलगा मगुगा सिही ओसणां मंसाहारा जाव किहं गच्छिहिंति किहं उवविज्जिहिंति ? गोयमा ! ओसण्णं णरगतिरिक्खजोणिएसुं उनवज्जिहिंति ॥ ३६ ॥ तीसे णं समाए इक्कवीसाए वाससहस्सेहिं काले वीइक्कंते आगमिस्साए उस्सप्पिणीए सावणबहुलपिडवए बालवकरणंसि अभीइणक्खत्ते चोइसपढमसमए अणंतेहिं वण्णपज्जवेहिं जाव अणंतगुणपरिवृङ्गीए परिवृङ्गेमाणे २ एत्य णं दूसमद्समा णामं समाकाले पडिव-जिस्सइ समणाउसो ! । तीसे णं भंते ! समाए भरहस्स वासस्स केरिसए आगार-भावपडोयारे भविस्सइ ? गोयमा ! काले भविस्सइ हाहाभूए भंभाभूए एवं सो चेव दूसमदूसमावेढओ णेयव्वो, तीसे णं समाए एकवीसाए वाससहस्सेहिं काले विइक्तेते अणंतेहिं वण्णपज्जवेहिं जाव अणंतगुणपरिवृङ्कीए परिवृङ्केमाणे २ एत्थ णं दूसमा णामं समाकाले पिडविजिस्सइ समणाउसी ! ॥ ३७ ॥ तेणं कालेणं तेणं समएणं पुक्खलसंबद्दए णामं महामेहे पाउब्भविस्सइ भरहप्पमाणमित्ते आयामेणं तयणुरुवं च णं विक्खंभबाहक्षेणं, तए णं से पुक्खलसंबद्वए महामेहे खिप्पामेव पतणतणाइस्सइ खिप्पामेव पतणतणाइत्ता खिप्पामेव पविज्जुयाइस्सइ खिप्पामेव पविज्जुयाइता खिप्पामेव जुगमुसलम् द्विप्पमाणमित्ताहिं धाराहिं ओघमेघं सत्तरत्तं वासं वासिस्सइ, जेणं भरहस्स वासस्स भूमिभागं इंगालभूयं मुम्मुरभूयं छारियभ्यं तत्तकवेहुगभूयं तत्तसमजोइभूयं णिव्वाविस्सइ, तंसि च णं पुक्खलसंबद्धगंसि महा-मेहंसि संतरत्तं णिवइयंसि समाणंसि एत्थ णं खीरमेहे णामं महामेहे पाउच्मविस्सइ भरहप्पमाणमेत्ते आयामेणं तयणुरुवं च णं विक्खंभबाहहेणं. तए णं से खीरमेहे णामं महामेहे खिप्पामेव पतणतणाइस्सइ जाव खिप्पामेव जुगमुसलमुद्धि जाव सत्त-रत्तं वासं वासिस्सइ, जेणं भरहवासस्स भूमीए वण्णं गंधं रसं फासं च जणइस्सइ. तंसि च णं खीरमेहंसि सत्तरत्तं णिवइयंसि समाणंसि इत्थ णं घयमेहे णामं महामेहे पाउन्भविस्सइ, भरहप्पमाणमेत्ते आयामेणं. तयणहवं च णं विक्खंभबाहल्लेणं, तए णं से घयमेहे॰ महामेहे खिप्पामेव पतणतणाइस्सइ जाव वासं वासिस्सइ, जेणं भर-हस्स वासस्स भूमीए सिणेहभावं जणइस्सइ, तंसि च णं घयमेहंसि सत्तरत्तं णिवइयंसि समाणंसि एत्थ णं अमयमेहे णामं महामेहे पाउब्भविस्सइ भरहप्पमाणमित्तं आयामेणं जाव वासं वासिस्सइ, जेणं भरहे वासे रुक्खगुच्छगुम्मलयविष्ठतणपव्वगहरियग-ओसहिपवालंकुरमाइए तणवणस्सइकाइए जणइस्सइ, तंसि च णं अमयमेहंसि सत्त-रत्तं णिवइयंसि समाणंसि एत्थ णं रसमेहे णामं महामेहे पाउच्मविस्सइ भरहप्पमा-णमित्ते आयामेणं जाव वासं वासिस्सइ, जेणं तेसिं बहुणं रुक्खगुच्छगुम्मलयवहितण-पव्वयगहरियगओसहिपवालंकुरमाईणं तित्तकडुयकसायअंबिलमहरे पंचविहे रसविसेसे जणइस्सइ, तए णं भरहे वासे भविस्सइ परूढरुक्खगुच्छगुम्मलयविष्ठतणपव्वयगहरिय-गओसहिए, उवचियतयपत्तपवालंकुर्पुप्फफलसमुइए सुहोवभोगे यावि भविस्सइ ॥३८॥ तए णं ते मण्या भरहं वासं परूढरुक्खगुच्छगुम्मलयविष्ठतणपव्वयगहरियगओसिहयं उवचियतयपत्तपवालपलवंकुरपप्फफलसमुइयं सहोवभोगं जायं २ चावि पासिहिति पासित्ता विलेहिंतो णिद्धाइस्संति णिद्धाइत्ता हद्रतद्वा अण्णमण्णं सद्दाविस्संति २ ता एवं वइस्संति-जाए णं देवाणुप्पिया! भरहे वासे परूढरुक्खगुच्छगुम्मलयविह्नतण-पव्वयगहरियग जाव सहोवभोगे, तं जे णं देवाणुप्पिया ! अम्हं केइ अज्जप्पिभइ असभं कृणिमं आहारं आहारिस्सइ से णं अणेगाहिं छायाहिं वजाणिजेत्तिकह संठिडं ठवेस्संति २ त्ता भरहे वासे छहंछहेणं अभिरममाणा २ विहरिस्संति ॥ ३९ ॥ तींसे णं भंते ! समाए भरहस्स वासस्स केरिसए आयारभावपडोयारे भविस्सड ? गो०! बहसमरमणिजे भूमिभागे भविस्सइ जाव कित्तिमेहिं चेव अकित्तिमेहिं चेव. तीसे णं भंते ! समाए मणुयाणं केरिसए आयारभावपडोयारे भविस्सइ ? गोयमा ! तेसि णं मणुयाणं छिववहे संघयणे छिववहे संठाणे बहुईओ रयणीओ उह्नं उच्चतेणं जहण्णेणं अंतोसुहृत्तं उक्कोसेणं साइरेगं वाससयं आउयं पालेहिति २ ता अप्पेगइया णिरयगामी जाव अप्पेगइया देवगामी, ण सिज्झंति । तीसे णं समाए एकवीसाए वाससहस्सेहिं काले वीइकंते अणंतेहिं वण्णपज्जवेहिं जाव परिवृह्वेमाणे २ एत्थ णं दुसमसूसमा णामं समाकाले पिडविजास्सइ समणाउसो!, तीसे णं भंते! समाए भरहस्स वासस्स केरिसए आयारभावपडोयारे भविस्सइ ? गोयमा ! बहसमरमणिजे जाव अकित्तिमेहिं चेव, तेसि णं भंते ! मणुयाणं केरिसए आयारभावपडोयारे भवि-स्सइ ? गो॰ ! तेसि णं मणुयाणं छिव्वहे संघयणे छिव्वहे संठाणे बहुई घणुई उड्डे उचतेणं जहण्णेणं अंतोमुहुत्तं उक्कोसेणं पुव्वकोडीआउयं पालिहिंति २ त्ता अप्पेग-इया णिरयगामी जाव अंतं करेहिंति, तीसे णं समाए तओ वंसा समुप्पजिस्संति, तं०-तित्थगरवंसे चक्कविद्ववंसे दसारवंसे, तीसे णं समाए तेवीसं तित्थगरा एकारस चक्कवद्दी णव बलदेवा णव वासुदेवा समुप्पजिस्संति, तीसे णं समाए सागरोवम-कोडाकोडीए बायालीसाए वाससहस्सेहिं ऊणियाए काले वीइक्कंते अणंतेहिं वण्ण-पज्जवेहिं जाव अणंतगुणपरिवुद्दीए परिवुद्देमाणे २ एत्थ णं सुसमदूसमा णामं समा-काले पडिवजिस्सइ समणाउसो!, सा णं समा तिहा विभजिस्सइ, पढमे तिभागे मज्झिमे तिभागे पच्छिमे तिभागे, तीसे णं भंते ! समाए पढमे तिभाए भरहस्स वासस्स केरिसए आयारभावपडोयारे भविस्सइ? गोयमा ! बहुसमरमणिजे जाव भविस्सइ, मणुयाणं जा चेव ओसप्पिणीए पच्छिमे तिभागे वत्तव्वया सा भाणि-यन्वा, कुलगरवजा उसभसामिवजा, अण्णे पढंति-तीसे णं समाए पढमे तिभाए इमे पण्णरस कुलगरा समुप्पजिस्संति, तंजहा-सुमई जाव उसभे, सेसं तं चेव, दंड-

णीईओ पिडलोमाओ णेयव्वाओ, तीसे णं समाए पढमे तिभाए रायधम्मे जाव धम्मचरणे य वोच्छिजिस्सइ, तीसे णं समाए मिज्झिमपच्छिमेष्ठ तिभागेष्ठ जा पढममिज्झिमेष्ठ वत्तव्वया ओसिप्पिणीए सा भाणियव्वा, सुसमा तहेव सुसमास्रसमा-वि तहेव जाव छिव्वहा मणुस्सा अणुसिजिस्सति जाव सिणचारी ॥ ४०॥ बीओ वक्खारो समत्तो॥

से केणट्टेणं भंते ! एवं वुचइ-भरहे वासे २ ? गोयमा ! भरहे णं वासे वेयह्नस्स पव्वयस्स दाहिणेणं चोद्दसुत्तरं जोयणसयं एगारस य एगूणवीसइभाए जोयणस्स अबाहाए दाहिणलवणसमुद्दस्स उत्तरेणं चोद्दमुत्तरं जोयणसयं एकारस य एगूण-वीसइभाए जोयणस्स अबाहाए गंगाए महाणईए पचित्यमेणं सिंधूए महाणईए पुरत्थिमेणं दाहिणह्रभरहमज्ज्ञिल्लतिभागस्स बहुमज्ज्ञदेसभाए एत्थ णं विणीया णामं रायहाणी पण्णता, पाईणपडीणायया उदीणदाहिणविच्छिण्णा दुवालसजोयणायामा णवजोयणविच्छिण्णा धणवइमइणिम्माया चामीयरपागारा णाणामणिपञ्चवण्ण-कविसीसगपरिमंडियाभिरामा अलकापुरीसंकासा प्मुइयपक्षीलिया पचवन्खं देव-लोगभूया रिद्धित्थिमियसमिद्धा पमुइयजणजाणवया जाव पडिरूवा ॥ ४१ ॥ तत्थ णं विणीयाए रायहाणीए भरहे णामं राया चाउरंतचक्कवही समुप्पज्जित्था, महयाहिमवंतमहंतमलयमंदर जाव रज्जं पसासेमाणे विहरइ। विद्वओ गमो राय-**्ण्यादाइः इमो**-तत्थ असंखेजकालवासंतरेण उप्पज्जए जसंसी उत्तमे अभिजाए सत्तवीरियपरक्रमगुणे पसत्थवण्णसरसारसंघयणतणुगबुद्धिधारणमेहासंठाणसीलप्पगई पहाणगारवच्छायागइए अणेगवयणप्पहाणे तेयआउबलवीरियजुत्ते अझसिरघणणि-चियलोहसंकलणारायवइरउसहसंघयणदेहधारी झंस १ जुग २ भिंगार ३ वद्धमाणग ४ भहमाणग ५ संख ६ छत्त ७ वीयणि ८ पडाग ९ चक्क १० णंगल ११ मुसल १२ रह १३ सोत्थिय १४ अंकुस १५ चंदाइच १६-१७ अगि १८ जूय १९ सागर २० इंदज्झय २१ पहाव २२ पडम २३ कुंजर २४ सीहासण २५ दंड २६ फुम्भ २७ गिरिवर २८ तुर्गवर २९ वरमञ्ड ३० कुंडल ३१ णंदावत्त ३२ धणु ३३ कोंत ३४ गागर् ३५ भवणविमाण ३६-अणेगलक्खणपसत्थसुवि-भत्तचित्तकरचरणदेसभाए उड्ढामुहलोमजालसुकुमालणिद्धमउआवत्तपसत्थलोमविरइ-यसिरिवच्छच्छण्णविउलवच्छे देसखेतस्विभत्तदेहधारी तरुणरविरस्सिबोहियवरकमल-विबुद्धगन्भवण्णे हयपोसणकोससण्णिभपसत्थिपिट्ठंतणिरुवलेवे पउमुप्पलकुंदजाइजूहि-यवरचंपगणागपुष्फसारंगतुल्लगंघी छत्तीसाहियपसत्थपत्थिवगुणेहिं जुत्ते अव्वोच्छि-ण्णायवत्ते पागडउभयजोणी विसद्धणियगकुलगयणपुण्णचंदे चंदे इव सोमयाए णयण-३६ सत्ता०

मण्णिव्वइकरे अक्खोमे सागरो व थिमिए घणवइव्व भोगसमुदयसइव्वयाए समरे अपराइए परमविक्रमगुणे अमरवइसमाणसरिसरूवे मणुयवई भरहचक्कवटी भरहं भंजह पण्णद्रसत्त ॥ ४२ ॥ तए णं तस्स भरहस्स रण्णो अण्णया कयाइ आउहघरसालाए दिव्वे चक्करयणे समप्पजित्या, तए णं से आउहघरिए भरहस्स रण्णो आउहघरसालाए दिव्वं चक्करयणं समुप्पणं पासइ पासित्ता हद्वतद्वचित्तमाणंदिए णंदिए पीइमणे परमसोम-णस्सिए हरिसवसविसप्पमाणहियए आउहघरसालाओ पिडणिक्खमइ २ ता जेणामेव बाहिरिया उवद्राणसाला जेणामेव भरहे राया तेणामेव उवागच्छइ २ ता करयल जाव जएणं विजएणं वद्धावेइ २ ता एवं वयासी-एवं खलु देवाणुप्पियाणं आउह-घरसालाए दिञ्वे चक्करयणे समुप्पण्णे तं एयण्णं देवाणुप्पियाणं पियद्वयाए पियं णिवेणमि पियं मे भवड. तए णं से भरहे राया तस्स आउहघरियस्स अंतिए एयमट्टं सोचा णिसम्म हट्ट जाव सोमणस्सिए वियसियवरकमलणयणवयणे तस्स आउहघरियस्स अहामालियं मउडवजं ओमोयं दलयइ २ ता विउलं जीवियारिहं पीइदाणं दलयइ २ ता सक्कारेइ सम्माणेइ स॰ २ ता पडिविसज्जेइ । तए णं से भरहे राया कोड़ंबियपुरिसे सहावेइ २ ता एवं वयासी-खिप्पामेव भो देवाणुप्पिया! विणीयं रायहाणि साब्भेंतरबाहिरियं आसियसंमज्जियसित्तसुइगरत्थंतरवीहियं मंचाइ-मंचकलियं णाणाविहरागवसणऊसियझयपडागाइपडागमंडियं लाउल्लोइयमहियं गोसी-ससरसरत्तचंदणकलसं चंदणघडसुकय जाव गंधुद्धयाभिरामं सुगंधवरगंधियं गंधवट्टिभ्यं करेह कारवेह करेता कारवेता य एयमाणत्तियं पचिष्पणह । तए णं ते कोडंबिय-पुरिसा भरहेणं रण्णा एवं वुत्ता समाणा हट्ट० करयल जाव एवं सामित्ति आणाए विणएणं वयणं पिडसुणंति २ त्ता भरहस्स० अंतियाओ पिडणिक्खमंति २ त्ता विणीयं रायहाणि जाव करेता कारवेता य तमाणत्तियं पचप्पणंति । तए णं से भरहे राया जेणेव मजाणघरे तेणेव उवागच्छइ २ ता मजाणघरं अणपविसङ २ ता समत्तजा-लाकुलाभिरामे विचित्तमणिरयणकुट्टिमतले रमणिजे ण्हाणमंडवंसि णाणामणिरयणभ-तिचित्तंसि ण्हाणपीढंसि सहणिसण्णे सहोदएहि गंघोदएहिं पुष्फोदएहिं सद्घोदएहि य पुण्णे कल्लाणगपवरमज्जणविहीए मज्जिए तत्थ कोउयसएहिं बहुविहेहिं कल्लाणगपवर-मज्जणावसाणे पम्हलसुकुमालगंधकासाइयल्यहियंगे सरससुरहिगोसीसचंदणाणुलित्तगत्ते अह्यसुमह्ग्यदूसर्यणसुसंवुडे सुइमालावण्णगविलेवणे आविद्धमणिसुवण्णे किप्यहा-रद्धहारतिसरियपालंबपलंबमाणकडिसुत्तस्रक्यसोहे पिणद्धगेविज्ञगअंगुलिज्जगलियग-थललियकयाभरणे णाणामणिकडगतुडियथंभियभुए अहियसस्सिरीए कुंडलउज्जोइ-याणणे मउडदित्तसिरए हारोत्थयसुकयरइयवच्छे पालंबपलंबमाणसकयपडउत्तरिजे

महियापिंगलंगुलीए णाणामणिकणगविमलमहरिहणिउणोवियमिसिसिसितिविरइयस्-सिलिट्टविसिट्टलट्टसंठियपसत्यआविद्धवीरवलए, किं बहुणा ?, कप्परुक्खए चेव अलं-कियविभूसिए गरिंदे सकोरंट जाव चउचामरवालवीइयंगे मंगलजयजयसहकयालोए अणेगगणणायगदंडणायग जाव दूयसंधिवालसद्धिं संपरिवुडे धवलमहामेहणिग्गए इव जाव सिसव्व पियदंसणे णरवई मज्जणघराओ पिडिणिक्खमइ २ ता जेणेव आउहघरसाला जेणेव चक्करयणे तेणामेव पहारेत्थ गमणाए । तए णं तस्स भरहस्स रण्णो बहवे ईसरपभिइओ भरहं रायाणं पिद्वओ २ अणुगच्छंति । तए णं तस्स भरहस्स रण्णो बहुईओ-खुजा चिलाइ वामणिवडमीओ बब्बरी वउसियाओ । जोणियपल्हवियाओ ईसिणियथारुगिणियाओ ॥ १ ॥ लासियलउसियदमिली सिंहलि तह आरबी पुलिंदी य । पक्कणि बहलि मुहंडी सबरीओ पारसीओ य ॥ २ ॥ भरहं रायाणं पिट्रओ २ अणुगच्छंति, तए णं से भरहे राया सव्विङ्कीए सव्वजुईए सञ्वबलेणं सञ्वसमुद्रएणं सञ्वायरेणं सञ्वविभृईए सञ्वालंकारविभूसाए सञ्व-्तुडियसहसण्णिणाएणं महया इड्डीए जाव महया वर्तुडियजमगसमगप्पवाइएणं संखपणवपडहमेरिझहरिखरम्हिम्रयमुइंगदुंदुहिणिग्घोसणाइएणं जेणेव आउहघर-साला तेणेव उवागच्छइ उवागच्छिता चक्करयणं पासइ २ त्ता आउहघरसालाओ पिडणिक्खमइ २ ता जेणेव बाहिरिया उवट्ठाणसाला जेणेव सीहासणे तेणेव उवा-गच्छइ २ ता सीहासणवरगए पुरत्थाभिमुहे सण्णिसीयइ २ ता अद्वारस सेणिप्पसे-णीओ सहावेइ २ ता एवं वयासी-खिप्पामेव भो देवाणुप्पिया! उस्सुक्षं उक्करं उिक्कद्रं अदिजं अमिजं अभडप्पवेसं अदंडकोदंडिमं अधरिमं गणियावरणाडइज-कलियं अणेगतालायराणुचरियं अणुद्भयमुइंगं अमिलायमह्नदामं पमुइयपक्कीलियसपु-रजणजाणवयं विजयवेजइयं चक्करयणस्य अद्वाहियं महामहिमं करेह २ ता ममेय-माणत्तियं खिप्पामेव पचिप्पणह, तए णं ताओ अट्ठारस सेणिप्पसेणीओ भरहेणं रन्ना एवं वृत्ताओ समाणीओ हट्ट जाव विणएणं वयणं पडिसुणेंति २ त्ता भरहस्स रण्णो अंति-याओ पडिणिक्खमेन्ति २ त्ता उस्सुकं उक्करं जाव करेंति य कारवेंति य क॰ २ त्ता जेणेव भरहे राया तेणेव उवागच्छंति २ त्ता तमाणत्तियं पचप्पिणंति ॥ ४३॥ तए णं से दिव्वे चक्करयणे अद्वाहियाए महामहिमाए णिव्वत्ताए समाणीए आउह-घरसालाओ पडिणिक्खमइ २ त्ता अंतलिक्खपडिवण्णे जक्खसहस्ससंपरिवृडे दिव्व-तुडियसहसण्णिणाएणं आपूरेंते चेव अंबरतलं विणीयाए रायहाणीए मज्झंमज्झेणं णिग्गच्छइ २ ता गंगाए महाणईए दाहिणिक्षेणं कूळेणं पुरित्थमं दिसिं मागहतित्था-भिमहे प्याए यावि होत्था, तए णं से भरहे राया तं दिव्वं चक्करयणं गंगाए

महाणईए दाहिणिल्लेणं कूलेणं पुरित्थमं दिसिं मागहितत्थाभिमुहं पयायं पासइ २ ता हट्टतट जाव हियए कोडंबियपुरिसे सहावेइ २ ता एवं वयासी-खिप्पामेव भो देवाणप्पिया! आभिसेकं हत्थिरयणं पिडकप्पेह हयगयरहपवरजोहकलियं चाउरंगिण सेण्णं सण्णाहेह, एयमाणत्तियं पच्चिप्पणह, तए णं ते कोडुंबिय जाव पचप्पिणंति. तए णं से भरहे राया जेणेव मज्जणघरे तेणेव उवागच्छइ २ ता मज्जणघरं अणुपविसह २ ता समत्तजालाकुलाभिरामे तहेव जाव धवलमहामेहणिगगए इव जाव ससिव्व पियटंसणे णरवई मज्जणघराओ पिडणिक्खमइ २ ता हयगयरहपवरवाहणभडचडगरपहंगर-संकुलाए सेणाए पहियकित्ती जेणेव बाहिरिया उवडाणसाला जेणेव आभिसेके हिस्थरयणे तेणेव उवागच्छइ २ ता अंजणगिरिकूडसण्णिमं गयवई णरवई दुरूढे। तए णं से भरहाहिवे णरिंदे हारोत्थयसुकयरइयवच्छे कुंडलउजोइयाणणे मउडित-सिरए णरसीहे णरवई णरिंदे णरवसहे मरुयरायवसभकप्पे अब्भहियरायतेयळच्छीए दिप्पमाणे पसत्थमंगलसएहिं संथ्रव्यमाणे जय२सदृकयालोए हत्थिखंधवरगए सकोरंटम-ह्रदामेणं छत्तेणं धरिज्जमाणेणं सेयवरचामराहिं उद्भव्वमाणीहिं २ जक्खसहस्ससं-परिवृडे वेसमणे चेव धणवई अमरवइसण्णिभाइ इङ्गीए पहियकित्ती गंगाए महाणईए दाहिणिहेणं कूलेणं गामागरणगरखेडकब्बडमडंबदोणमुहपदृणासमसंबाहसहस्समंडियं थिमियमेइणीयं वसुहं अभिजिणमाणे २ अग्गाइं वराइं रयणाइं पडिच्छमाणे २ तं दिव्वं चक्करयणं अणुगच्छमाणे २ जोयणंतरियाहिं वसहीहिं वसमाणे २ जेणेव माग-हतित्थें तेणेव उवागच्छइ २ ता मागहतित्थस्स अदूरसामंते दुवालसजीयणायामं णवजोयणविच्छिण्णं वरणगरसरिच्छं विजयखंघावारणिवेसं करेइ २ त्ता बहुइरयणं सद्दावेइ सद्दावइत्ता एवं वयासी-खिप्पामेव भो देवाणुप्पिया! ममं आवासं पोसह-सीलं च करेहि करेता ममेयमाणत्तियं पचप्पिणाहि, तए णं से बहुइरयणे भरहेणं रण्णा एवं वृत्ते समाणे हद्वतुद्वचित्तमाणंदिए पीइमणे जाव अंजिं कट्टू एवं सामी तहत्ति आणाए विणएणं वयणं पडिसुणेइ २ ता भरहस्स रण्णो आवसहं पोसहसारुं च करेइ २ ता एयमाणत्तियं खिप्पामेव पचप्पिणइ, तए णं से भरहे राया आभि-सेकाओ हत्थिरयणाओ पचोरहइ २ ता जेणेव पोसहसाला तेणेव उवागच्छइ २ ता पोसहसालं अणुपविसइ २ ता पोसहसालं पमज्जइ २ ता दब्भसंथारगं संथरइ २ ता. दब्भसंथारगं दुरूहइ २ त्ता मागहतित्थकुमारस्स देवस्स अड्ठमभत्तं पगिण्हइ २ ता पोसहसालाए पोसाहिए इव बंभयारी उम्सक्सणिसुवण्णे ववगयमालावण्णगविलेवणे

१ रूढिसहोऽयं। २ णो पोसहिएत्ति अद्घो पोसहे तहाविहदेवचिंतणवज्जणि-जत्तणओ।

णिक्खित्तसत्थमुसले दञ्भसंथारोवगए एगे अबीए अट्टमभत्तं पडिजागरमाणे २ विहरइ। तए णं से भरहे राया अड्टमभत्तंति परिणममाणंसि पोसहसालाओ पिडणि-क्खमइ २ ता जेणेव बाहिरिया उवद्राणसाला तेणेव उवागच्छइ २ ता कोइंबिय-परिसे सहावेइ २ ता एवं वयासी-खिप्पामेव भो देवाणुप्पिया! हयगयरहपवरजो-हकलियं चाउरंगिणिं सेणं सण्णाहेह चाउरघंटं आसरहं पडिकप्पेहत्तिकह सज्जणघरं अणुपविसङ् २ त्ता समुत्त तहेव जाव धवलमहामेहणिग्गए जाव मज्जणघराओ पिडणि-क्खमइ २ त्ता हयगयरहपवरवाहण जाव पहियकित्ती जेणेव बाहिरिया उवद्राणसाला जेणेव चाउग्घंटे आसरहे तेणेव उवागच्छइ २ ता चाउग्घंटं आसरहं दुरूढे ॥ ४४ ॥ तए णं से भरहे राया चाउग्घंटं आसरहं दुरूढे समाणे हयगयरहपवरजोहकलियाए साद्धं संपरिवृडे महयाभडचडगरपहगरवंदपरिक्खिते चक्करयणदेसियमग्गे अणेगराय-वरसहस्साणुयायमग्गे महया उक्किद्विसीहणायबोलकलकलरवेणं पक्खुभियमहासमुहर-वभ्यं पिव करेमाणे पुरित्थमिदसाभिमुहे मागहतित्थेणं लवणसमुद्दं ओगाहड जाव से रहवरस्स कुप्परा उल्ला, तए णं से भरहे राया तुरगे निगिण्हइ २ ता रहं ठवेइ २ ता थणुं परामुसइ, तए णं तं अइरुग्गयबालचंदइंदधणुसंकासं वरमहिसदरियदप्पि-यदढघणसिंगरइयसारं उरगवरपवरगवलपवरपरहयभमर्कुलणीलिणिद्धधंतधोयपृष्टं णिडणोवियमिसिमिसितमणिरयणघंटियाजालपरिक्खितं तिडतरुणिकरणतवणिज्ञबद्ध-चिंधं दहरमलयगिरिसिहरकेसरचामरवालद्धचंदचिंधं कालहरियरत्तपीयस्क्रिछबहण्हा-राणसंपिणद्वजीवं जीवियंतकरणं चलजीवं धणुं गहिन्छण से णरवई उसुं च वरवइर-कोडियं वहरसारतोंडं कंचणमणिकणगरयणधोइहसुकयपुंखं अणेगमणिरयणविविहसु-विरइयणामचिंधं वहसाहं ठाइऊण ठाणं आययकणाययं च काऊण उसमुदारं इमाई वयणाई तत्थ भाणीअ से णरवई-इंदि सुणंतु भवंतो बाहिरओ खळ सरस्स जे देवा। णागासुरा स्रवण्णा तेसिं खु णमो पणिवयामि ॥ १ ॥ हंदि सुणंतु भवंतो अब्भित-रओ सरस्स जे देवा । णागासुरा सुवण्णा सब्वे मे ते विसयवासी ॥ २ ॥ इतिकष्ट उसं णिसिरइत्ति-परिगरणिगरियमज्झो वाउद्भयसोममाणकोसेज्जो । चित्तेण सोभए धणुवरेण इंदोव्व पच्चक्खं ॥ ३ ॥ तं चंचलायमाणं पंचमिचंदोवमं महाचावं। छजाइ वामे हत्थे णरवइणो तंमि विजयंमि ॥ ४॥ तए णं से सरे भरहेणं रण्णा णिसहे समाणे खिप्पामेव दुवालस जोयणाई गंता मागहतित्थाहिवइस्स देवस्स भव-णांसि निवइए, तए णं से मागहतित्थाहिवई देवे भवणंसि सरं णिवइयं पासइ २ ता आसुरुत्ते रुद्रे चंडिकिए कुविए मिसिमिसेमाणे तिवलियं भिउडिं णिडाले साहरइ २ ता एवं वयासी-केस णं भो ! एस अपत्थियपत्थए दुरंतपंतलक्खणे हीणपुण्णहसेउचा

हिरिसिरिपरिविजाए जे णं मम इमाए एयाणुरुवाए दिव्वाए देविच्चीए दिव्वाए देव-जुईए दिव्वेणं दिव्वाणुभावेणं लद्धाए पत्ताए अभिसमण्णागयाए उपिंप अप्पुस्सुए भव-णिस सरं णिसिरइत्तिकह सीहासणाओ अब्सुट्टेइ २ ता जेणेव से णामाहयंके सरे तेणेव उवागच्छड २ ता तं णामाहयंकं सरं गेण्हड णामंकं अणुप्पवाएड णामंकं अणुप्पवाएमाणस्स इमे एयाहवे अञ्मत्थिए चिंतिए पत्थिए मणोगए संकृप्पे सम-प्पजित्था-उप्पण्णे खळु भो ! जंबुद्दीवे दीवे भरहे वासे भरहे णामं राया चाउरंत-चक्कवद्दी तं जीयमेयं तीयपञ्चपपणमणागयाणं मागहतित्थकुमाराणं देवाणं राईण-मुवत्थाणियं करेत्तए, तं गच्छामि णं अहंपि भरहस्स रण्णो उवत्थाणियं करेमित्ति-कहू एवं संपेहेड संपेहेता हारं मउडं कुंडलाणि य कडगाणि य तुडियाणि य वत्थाणि य आभरणाणि य सरं च णामाहयंकं मागहतितथोदगं च गेण्हइ गिण्हित्ता ताए उक्किद्वाए तुरियाए चवलाए चंडाए जङ्णाए सीहाए सिग्घाए उद्ध्याए दिव्वाए देवगईए वीईवयमाणे २ जेणेव भरहे राया तेणेव उवागच्छइ २ ता अंतिलक्ख-पडिवण्णे सार्विखिणियाइं पंचवण्णाइं वत्थाइं पवरपरिहिए करयलपरिग्गहियं दसणहं सिर जाव अंजिं कहू भरहं रायं जएणं विजएणं वद्धावेह २ ता एवं वयासी-अभिजिए णं देवाणुप्पिएहिं केवलकप्पे भरहे वासे पुरिच्छमेणं मागहितत्थमेराए तं अहण्णं देवाणप्पियाणं विसयवासी अहण्णं देवाणप्पियाणं आणत्तीकिकरे अहण्णं देवाणप्पियाणं पुरिच्छिमिल्ले अंतवाले तं पिडच्छंतु णं देवाणुप्पिया ! ममं इमेयारूवं पीइदाणंतिकह हारं मउडं कुंडलाणि य कडगाणि य जाव मागहतित्थोदगं च उवणेड तए णं से भरहें राया मागहतित्थकमारस्स देवस्स इमेयारूवं पीइदाणं पिडच्छइ २ ता मागहतित्थक्रमारं देवं सक्कारेइ सम्माणेइ स०२ ता पिडविसजोइ, तए णंसे भरहे राया रहं परावतेइ २ ता मागहतित्थेणं लवणसमुद्दाओ पच्चत्तरइ २ ता जेणेव विजयसंधावारणिवेसे जेणेव बाहिरिया उवहाणसाला तेणेव उवागच्छइ २ ता तरए णिगिण्हइ २ ता रहं ठवेइ २ ता रहाओ पचोरुहइ २ ता जेणेव मजाणघरे तेणेव उवागच्छइ २ ता मजाणघरं अणुपविसइ २ ता जाव सिसव्व पियदंसणे णर्वई मज्जणघराओ पडिणिक्खमइ २ ता जेणेव भोयणमंडवे तेणेव उवागच्छइ २ ता भोय-णमंडवंसि सहासणवरगए अद्रमभत्तं पारेइ २ ता भोयणमंडवाओ पडिणिक्खमइ २ ता जेणेव बाहिरिया उवट्ठाणसाला जेणेव सीहासणे तेणेव उवागच्छइ २ त्ता सीहा-सणवरगए पुरत्थाभिमुहे णिसीयइ २ ता अद्वारस सेणिप्पसेणीओ सद्दावेइ २ ता एवं वयासी-खिप्पामेव भो देवाणुप्पिया ! उस्सुकं उकरं जाव मागहतित्थकुमारस्स देवस्स अद्राहियं महामहिमं करेह २ ता मम एयमाणत्तियं पचप्पिणह, तए णं ताओ अद्रारस

सेणिप्पसेणीओ भरहेणं रण्णा एवं वृत्ताओ समाणीओ हट्ट जाव करेंति २ ता एयमा-णत्तियं पचप्पणंति, तए णं से दिव्वे चक्करयणे वहरामयतुंबे लोहियक्खामयारए जंबू-णयणेर्नाए णाणामणिखुरप्यथालपरिगए मणिमुत्ताजालभूसिए सणंदिघोसे सर्खिखिणीए ढिव्वे तरुणरविमंडलणिमे णाणामणिरयणघंटियाजालपरिक्यिते सव्वोजयसरिकसम-आसत्तमल्लदामे अंतलिक्खपडिवण्णे जक्खसहस्ससंपरिवृडे दिव्वतुडियसहसण्णिणाएणं परेंते चेव अंबरतलं णामेण य सुदंसणे णरवइस्स पहमे चक्करयणे मागहतित्यकुमा-रस्स देवस्स अद्वाहियाए महामहिमाए णिव्वत्ताए समाणीए आउहघरसालाओ पिडणि-क्खमइ २ त्ता दाहिणपचित्थमं दिसिं वरदामितत्थाभिसहे पयाए यावि होत्था॥ ४५॥ तए णं से भरहे राया तं दिव्वं चक्करयणं दाहिणपचित्यमं दिसिं वरदामितत्थाभि-महं पयायं चावि पासइ २ ता हद्रतद्व० कोडंबियपरिसे सद्दावेइ २ ता एवं वयासी-खिप्पामेव भो देवाणुप्पिया ! हयगयरहपवर० चाउरंगिणि सेण्णं सण्णाहेह आभि-सेकं हत्थिरयणं पिकप्पेहत्तिकह मज्जणघरं अणुपविसइ २ ता तेणेव कमेणं जाव धवलमहामेहणिग्गए जाव सेयवरचामराहिं उद्भव्वमाणीहिं २ माइयवर्फलयपवर-परिगरखेडयवरवम्मकवयमाढीसहस्सकलिए उक्कडवरमङङतिरीडपडागझयवेजयंति-चामरचलंतछत्तंधयारकलिए असिखेवणिखग्गचावणारायकणयकप्पणिसूललउडभिंडि-मालवण्हतोणसरपहरणेहि य कालणीलरुहिरपीयसुक्किल्लअणेगर्चियसयसण्णिविद्रे अप्फोडियसीहणायछेलियहयहेसियहत्थिगुलुगुलाइयअणेगरहसयसहस्सघणघणेंतणी-हम्ममाणसहसहिएण जमगसमगमंभाहोरंभिकाणितखर्महिमुगुंदसंखियपरिलिवचगप-रिवाइणिवंसवेणविपंचिमहइकच्छिमिरिगिसिगियकलतालकंसतालकरघाणुत्थिएण महया सहसण्णिणाएण स्यलमवि जीवलोगं प्रयंते बलवाहणसमुदएणं एवं जक्खसहस्स-परिवृडे वेसमणे चेव धणवई अमरवइसण्णिभाइ इङ्कीए पहियिकत्ती गामागरणगर-खेडकब्बड तहेव सेसं जाव विजयखंधावारणिवेसं करेड २ ता वहुइरयणं सहावेड २ ता एवं वयासी-खिप्पामेव भो देवाणुप्पिया! मम आवसहं पोसहसालं च करेहि, ममेयमाणत्तियं पच्चिप्पणाहि ॥ ४६ ॥ तए णं से आसमदोणमुहगामपृहणपुरवर-खंधावारगिहावणविभागकुसले एगासीइपएस सव्वेस चेव वत्थूस णेगगुणजाणए पंडिए विहिण्ण पणयालीसाए देवयाणं वत्थपरिच्छाए णेमिपासेस भत्तसालास कोट्ट-णीस य वासघरेस य विभागकुसले छेजे वेज्झे य दाणकम्मे पहाणबुद्धी जलयाणं भूमियाण य भायणे जलथलगृहासु जंतेसु परिहासु य कालनाणे तहेव सहे वत्थुप्प-एसे पहाणे गब्भिणिकण्णरुक्खविहियगुणदोसवियाणए गुणङ्गे सोलसपासायकरण-कुसले चउसदिविकप्पवित्थियमई णंदावते य वद्धमाणे सोत्थियस्यग तह सव्वओ-

भइसण्णिवेसे य बहुविसेसे उइंडियदेवकोट्ठदारुगिरिखायवाहणविभागकुसल्रे–इय तस्स बहुगुणह्ने थवई रयणे णरिंदचंदस्स । तवसंजमणिव्विट्ठे किं करवाणीतुवहाई ॥ १॥ सो देवकम्मविहिणा खंघावारं णरिंदवयणेणं । आवसहभवणकलियं करेइ सव्वं मह-त्तेणं ॥ २ ॥ करेत्ता पवरपोसहघरं करेइ २ ता जेणेव भरहे राया जाव एयमाण-त्तियं खिप्पामेव पचप्पिणइ, सेसं तहेव जाव मज्जणघराओ पिडणिक्खमइ २ ता जेणेव बाहिरिया उबद्वाणसाला जेणेव चाउग्घंटे आसरहे तेणेव उवागच्छइ॥ ४७॥ तए णं तं धरणितलगमणलहुं तओ बहुलक्खणपसत्थं हिमवंतकंदरंतरणिवायसंबह्धि-यचित्ततिणिसद्तियं जंबूणयसुक्रयकूबरं कणयदंडियारं पुलयवरिंदणीलसासगपवाल-फलिह्वररयणलेट्ट्रमणिविद्दुमविभूसियं अडयालीसाररइयतवणिज्जपट्टसंगहियजुत्ततंबं पचिसयपिसयणिम्मियणवपदृपुटुपरिणिट्वियं विसिद्धलट्ठणवलोहबद्धकम्मं हरिपहरणर-यणसरिसचक्कं कक्केयणइंदणीलसासगसुसमाहियबद्धजालकडगं पसत्थविच्छिण्णसमधुरं पुरवरं च गुत्तं सुकिरणतवणिजाजुत्तकालियं कंकटयणिजुत्तकप्पणं पहरणाणुजायं खेड-गकणगध्णुमंडल्रगवरसत्तिकोंततोमरसरसयबत्तीसतोणपरिमंडियं जुत्तं हलीमुहबलागगयदंतचंदमोत्तियतणसोक्लियकुंदकुडयवरसिंदुवारकंदलवरफेणणि-गरहारकासप्पगासघवलेहिं अमरमणपवणजङ्गचवलसिभ्घगामीहिं चउहिं चामराकण-ग्विभूसियंगेहिं तुरगेहिं सच्छत्तं सज्झयं सघंटं सपडागं सुकयसंधिकम्मं सुसमाहि-यसमरकणगगंभीरतुल्लघोसं वरकृप्परं सुचकं वरणेमीमंडलं वरघारातोंडं वरवइरबद्ध-तंबं वरकंचणभूसियं वरायरियणिम्मियं वरतुरगसंपउत्तं वरसारहिसुसंपग्गहियं वर-पुरिसे वरमहारहं दुरूढे आरूढे पवररयणपरिमंडियं कणयिंखिलाजालसोभियं अउज्झं सोयामणिकणगतविथपंकयजासुयणजलणजलियसुयतोडरागं गुंजद्धबंधुजी-वगरत्तिंगुलगणिगरसिंदूरुइलकुंकुमपारेवयचलणणयणकोइलदसणावरणरइयाइरेगर-त्तासोगकणगकेसुयगयतालुसुरिंदगोवगसमप्पभप्पगासं विंवफलसिलप्पवालउद्वितसूर-सरिसं सव्वोउयसरहिकुसमआसत्तमह्रदामं ऊसियसेयज्झयं महामेहरसियगंभीरणिद्ध-घोसं सत्त्रहिययकंपणं पभाए य सस्सिरीयं णामेणं पुहविविजयलंभंति विस्छयं लोग-विस्सुयजसोऽहयं चाउग्घंटं आसरहं णरवई दुरूढे, तए णं से भरहे राया चाउग्घंटं आसरहं दुरूढे समाणे सेसं तहेव दाहिणाभिमुहे वरदामतित्थेणं ठवणसमुद्दं ओगा-हइ जाव से रहवरस्स कुप्परा उल्ला जाव पीइदाणं से, णवरं चूडामणिं च दिव्वं उर-त्थगेविज्जगं सोणियसुत्तगं कडगाणि य तुडियाणि य जाव दाहिणिल्ले अंतवाले जाव अद्वाहियं महामहिमं करेंति २ ता एयमाणत्तियं पचिप्पणिति, तए णं से दिव्वे चकर-यणे वरदामतित्थकुमारस्स देवस्स अद्वाहियाए महासहिमाए णिव्वत्ताए समाणीए

आउहघरसालाओ पडिणिक्खमइ २ ता अंतलिक्खपडिवण्णे जाव पूरंते चेव अंबर-तलं उत्तरपचित्थमं दिसिं पभासितत्थाभिसहे पयाए यावि होत्या. तए णं से भरहे राया तं दिव्वं चक्करयणं जाव उत्तरपचित्थमं दिसिं तहेव जाव पचित्थिमदिसाभिमहे पभासितत्थेणं लवणसमुद्दं ओगाहेइ २ ता जाव से रहवरस्स कृप्परा उल्लाजाव पीइदाणं से, णवरं मालं मडिंड मुत्ताजालं हेमजालं कडगाणि य तिड्याणि य आभ-रणाणि य सरं च णामाहयंकं पभासतित्थोदगं च गिण्हड २ ता जाव पच्चित्थमेणं पभासतित्थमेराए अहण्णं देवाणप्पियाणं विसयवासी जाव पचित्थिमिल्ले अंतवाले. सेसं तहेव जाव अद्राहिया णिव्वत्ता ॥४८-४९॥ तए णं से दिव्वे चक्करयणे प्रभासतित्थ-कुमारस्य देवस्य अद्वाहियाए महामहिमाए णिव्वत्ताए समाणीए आउहघरसालाओ पिडणिक्खमइ २ ता जाव पूरेंते चेव अंबरतलं सिंधूए महाणईए दाहिणिल्लेणं कुलेणं पुरिच्छमं दिसिं सिंधुदेवीभवणाभिमहे पयाए यावि होत्था । तए णं से भरहे राया तं दिव्वं चक्करयणं सिंधूए महाणईए दाहिणिक्षेणं कुलेणं पुरित्थमं दिसिं सिंधुदेवी-भवणाभिमुहं पयायं पासइ २ ता हद्भुतद्रचित्त तहेव जाव जेणेव सिंधए देवीए भवणं तेणेव उवागच्छइ २ ता सिंधुए देवीए भवणस्य अदूरसामंते दुवालसजीय-णायामं णवजोयणविच्छिण्णं वरणगरसारिच्छं विजयखंघावारणिवेसं करेइ जाव. सिंधदेवीए अद्रमभत्तं पिगण्हइ २ ता पोसहसालाए पोसहिए इव बंभयारी जाव दब्भसंथारोवगए अट्टमभत्तिए सिंध्रदेविं मणसि करेमाणे २ चिद्रइ । तए णं तस्स भरहस्स रण्णो अट्टमभत्तंसि परिणममाणंसि सिंधूए देवीए आसणं चलइ, तए णं सा सिंधुदेवी आसणं चिलयं पासइ २ ता ओहि पउंजइ २ ता भरहं रायं ओहिणा आभोएइ २ त्ता इमे एयाह्रवे अन्मत्थिए चिंतिए पत्थिए मणोगए संकप्पे समुप्प-जित्था-उप्पणे खलु भो ! जंबुद्दीवे दीवे भरहे वासे भरहे णामं राया चाउरंत-चक्कवद्दी, तं जीयमेयं तीयपच्चप्पणमणागयाणं सिंधूणं देवीणं भरहाणं राईणं उव-त्थाणियं करेत्तए, तं गच्छामि णं अहंपि भरहस्स रण्णो उवत्थाणियं करेमित्तिकह कंभद्रसहस्सं रयणिवतं णाणामणिकणगरयणभत्तिचित्ताणि य दुवे कणगभहासणाणि य कडगाणि य तुडियाणि य जाव आभरणाणि य गेण्हइ २ ता ताए उक्किट्राए जाव एवं वयासी-अभिजिए णं देवाणुप्पिएहिं केवलकप्पे भरहे वासे अहणां देवाणु-प्पियाणं विसयवासिणी अहण्णं देवाणुप्पियाणं आणत्तिकिंकरी तं पडिच्छंतु णं देवाणुप्पिया! मम इमं एयारूवं पीइदाणंतिक् हु कुंभद्वसहस्सं रयणचित्तं णाणामणिकणगकडगाणि य जाव सो चेव गमो जाव पडिविसज्जेइ. तए णं से भरहे राया पोसहसालाओ पिडणिक्खमड २ ता जेणेव मज्जणघरे तेणेव उवागच्छइ २ ता ण्हाए सुद्धप्पावेसाइं मंगलाइं वत्थाइं पवरपरिहिए अप्पमहम्बा-भरणालंकियसरीरे मज्जणघराओ पडिणिक्खमइ २ ता जेणेव भोयणमंडवे तेणेव उवागच्छ २ ता भोयणमंडवंसि सहासणवरगए अट्टमभत्तं परियादियइ जाव सीहासणवर्गए पुरत्थाभिमुहे णिसीयइ २ ता अद्वारस सेणिप्पसेणीओ सद्दावेइ २ ता जाव अट्ठाहियाए महामहिमाए तमाणत्तियं पचप्पिणंति ॥ ५०॥ तए णं से दिव्वे चक्करयणे सिंधुए देवीए अङ्घाहियाए महामहिमाए णिव्वत्ताए समाणीए आउहघर-सालाओ तहेव जाव उत्तरपुरच्छिमं दिसिं वेयहूपन्वयाभिमुहे पयाए यावि होत्था तए णं से भरहे राया जाव जेणेव वेयहूपव्वए जेणेव वेयहूरस पव्वयस्स दाहिणिहे णियंबे तेणेव उवागच्छइ २ ता वेयहूरस पव्वयस्स दाहिणिले णियंबे दुवालसजोय-णायामं णवजोयणविच्छिणं वरणगरसरिच्छं विजयखंधावारणिवेसं करेइ २ ता जाव वेयह्नगिरिकुमारस्स देवस्स अट्टमभत्तं पगिण्हइ २ ता पोसहसालाए जाव अट्टम-भत्तिए वेयडूगिरिक्मारं देवं मणिस करेमाणे २ चिट्टइ, तए णं तस्स भरहस्स रण्णो अद्रमभत्तंति परिणममाणंसि वेयङ्गगिरिकुमारस्य देवस्य आसणं चलइ, एवं सिंधुगमो णेयव्वो पीइदाणं आभिसेकं रयणालंकारं कडगाणि य तुडियाणि य वत्थाणि य आभर-णाणि य गेण्हइ २ ता ताए उक्किट्ठाए जाव अद्वाहियं जाव पचिष्पणंति । तए णं से दिव्वे चक्करयणे अद्वाहियाए महामहिमाए णिव्वत्ताए समाणीए जाव पचित्थमं दिसिं तिमिसगुहाभिमुहे पयाए यावि होत्था, तए णं से भरहे राया तं दिव्वं चक्करयणं जाव पचित्थमं दिसिं तिमिसगृहाभिमृहं पयायं पासइ २ ता हद्रतद्वचित्त जाव तिमि-सगुहाए अदूरसामंते दुवालसजोयणायामं णवजोयणविच्छिण्णं जाव कयमालस्स देवस्स अट्टमभत्तं पगिण्हइ २ ता पोसहसालाए पोसहिए इव बंभयारी जाव कयमालगं देवं मणिस करेमाणे २ चिद्रइ, तए णं तस्स भरहस्स रण्णो अद्रमभत्तंसि परिणममाणंसि कयमालस्स देवस्स आसणं चलइ तहेव जाव वेयहृगिरिकुमारस्स णवरं पीइदाणं इत्थीरयणस्स तिलगचोद्दसं भंडालंकारं कडगाणि य जाव आभरणाणि य गेण्हइ २ ता ताए उकिहाए जाव सकारेइ सम्माणेइ स॰ २ ता पिडविसजेइ जाव भोयणमंडवे, तहेव महामहिमा कयमालस्स पचपिणांति ॥ ५१ ॥ तए णं से भरहे राया कथमालस्स० अद्राहियाए महामहिमाए णिव्वताए समाणीए मुसेणं सेणावइं सहावेइ २ ता एवं वयासी-गच्छाहि णं भो देवाणप्पिया! सिंधए महाणईए पचित्थिमिल्लं णिक्खुडं ससिंधुसागर्गिरिमेरागं समविसमणिक्खुडाणि य ओअवेहि ओअवेता अग्गाइं वराइं रयणाइं पिडच्छाहि अग्गाइं० पिडच्छिता ममेय-माणत्तियं पचप्पिणाहि, तए णं से सेणावई बलस्स णेया भरहे वासंमि विस्सुयजसे

महाबलपरक्रमे महप्पा ओयंसी तेयलक्खणजत्ते मिलक्खभासाविसारए चित्तचारू-भासी भरहे वासंमि णिक्खडाणं णिण्णाण य दुग्गमाण य दुप्पवेसाण य वियाणए अत्यसत्यकसले रयणं सेणावई ससेणे भरहेणं रण्णा एवं वत्ते समाणे हद्रतद्रचित्त-माणंदिए जाव करयलपरिगाहियं दसणहं सिरसावत्तं मत्थए अंजलिं कृष्ट एवं सामी! तहत्ति आणाए विणएणं वयणं पिडसुणेइ २ ता भरहस्स रण्णो अंतियाओ पिडिण-क्खमइ २ ता जेणेव सए आवासे तेणेव उवागच्छइ २ ता कोइंबियपरिसे सहावेड २ ता एवं वयासी-खिप्पामेव भो देवाणप्पिया! आभिसेकं हत्थिरयणं पडिकप्पेह हयगयरहपवर जाव चाउरंगिणि सेण्णं सण्णाहेहत्तिकह जेणेव मज्जणघरे तेणेव उवागच्छइ २ ता मज्जणघरं अणुपविसइ २ ता ण्हाए सण्णद्भबद्धविम्मयकवए उप्पी-लियसरासणपट्टिए पिणद्धरोविज्ञबद्धआविद्धविमलवरचिंघपट्टे गहियाउहप्पहरणे अणे-गगणणायगदंडणायग जाव सिद्धं संपरिवृडे सकोरंटमह्नदामेणं छत्तेणं धरिज्जमाणेणं मंगलजय २ सहक्यालोए मज्जणघराओ पडिणिक्खमइ २ ता जेणेव बाहिरिया उवझ-णसाला जेणेव आभिसेके हत्थिरयणे तेणेव उवागच्छइ २ ता आभिसेकं हत्थिरयणं दुरूढे । तए णं से सुसेणे सेणावई हत्थिखंधवरगए सकोरंटमछदामेणं छत्तेणं धरिज-माणेणं हयगयरहपवरजोहकलियाए चाउरंगिणीए सेणाए सार्द्धं संपरिवृडे महयाभ-डचडगरपहगरवंदपरिक्खित महया उक्किद्रिसीहणायबोलकलकलसहेणं समृहरवभ्यं पिव करेमाणे सव्विद्शीए सव्वज्ञईए सव्वबलेणं जाव निग्घोसनाइएणं जेणेव सिंधु महाणई तेणेव उवागच्छइ २ ता चम्मरयणं परामुसइ, तए णं तं सिरिवच्छसरिसहवं मुत्ततारद्धचंदिचतं अयलमकंपं अभेजकवयं जंतं सिललासु सागरेसु य उत्तरणं दिव्वं चम्मरयणं सणसत्तरसाइं सव्वधण्णाइं जत्य रोहंति एगदिवसेण वावियाइं. वासं णाऊण चक्कविष्टणा परामुद्धे दिव्वे चम्मरयणे दुवालस जोयणाई तिरियं पवितथरइ तत्थ साहियाई, तए णं से दिव्वे चम्मरयणे सुसेणसेणावइणा परामुद्रे समाणे खिप्पामेव णावाभूए जाए यावि होत्था, तए णं से सुसेणे सेणावई सखंधा-वारवलवाहणे णावाभूयं चम्मरयणं दुरूहइ २ ता सिंधं महाणइं विमलजलतंगवीडं णावाभूएणं चम्मरयणेणं सबलवाहणे ससेणे समुत्तिण्णे, तओ महाणइमुत्तरित्त सिंधं अप्पिडहयसासणे सेणावई किहंचि गामागरणगरपव्वयाणि खेडकब्बडमडंबाणि पट्टणाणि सिंहलए बब्बरए य सन्वं च अंगलोयं बलायालोयं च परमरम्मं जवण-दीवं च पवरमणिरयणकणगकोसागारसमिद्धं आरबए रोमए य अलसंडविसयवासी य पिक्खुरे कालमुहे जोणए य उत्तरवेयहृसंसियाओ य मेच्छजाई बहुप्पगारा दाहिणअवरेण जाव सिंधुसागरंतोत्ति सव्वपवरकच्छं च ओअवेऊण पडिणियत्तो

बहुसमरमणिजे य भूमिभागे तस्स कच्छस्स सुहणिसण्णे, ताहे ते जणवयाण णगराण पर्रणाण य जे य तिहं सामिया पभ्या आगरवई य मंडलवई य पर्रणवई य सब्वे घेतूण पाहुडाई आभरणाणि य भूसणाणि य रयणाणि य वत्थाणि य महारेहाणि अण्णं च जं वरिद्रं रायारिहं जं च इच्छियव्वं एयं सेणावइस्स उवणेति मत्थयकयंजलिपुडा. पुणरवि काऊण अंजलिं मत्थयंमि पणया तुन्मे अम्हेऽत्थ सामिया देवयं व सरणा-गयां मो तुन्मं विसयवासिणोत्ति विजयं जंपमाणा सेणावइणा जहारिहं ठविय सकारिय विसिज्जिया णियत्ता सगाणि णगराणि पदृणाणि अणुपविद्वा, ताहे सेणावई सविणओ घेत्रण पाहुडाई आभरणाणि भूसणाणि रयणाणि य पुणरवि तं सिंधुणा-मधेजं उत्तिणी अणहसासणबले, तहेव भरहस्स रण्णो णिवेएइ णिवेइता य अप्प-णित्ता य पाहुडाई सक्कारियसम्माणिए सहरिसे विसि जिए सगं पडमंडवमइगए, तए णं सुसेणे सेणावई ण्हाए जिमियभुतुत्तरागए समाणे जाव सरसगोसीसचंदणुक्खि-त्तगायसरीरे उपि पासायवरगए फुट्टमाणेहिं मुइंगमत्थएहिं बत्तीसइबद्धेहिं णाडएहिं वरतरुणीसंपउत्तेहिं उवणचिजामाणे २ उवगिजामाणे २ उवलालि(लिभ)जामाणे २ महया हयणदृगीयवाइयतंतीतलतालतुडियघणमुइंगपडुप्पवाइयरवेणं इहे सद्दफरि-सरसह्वगंधे पंचिवहे माणुस्सए कामभोगे मुंजमाणे विहरइ ॥ ५२ ॥ तए णं से भरहे राया अण्णया कयाइ सुसेणं सेणावइं सहावेइ २ त्ता एवं वयासी-गच्छ णं खिप्पामेव भो देवाणुप्पिया! तिमिसगुहाए दाहिणि छस्स दुवारस्स कवाडे विहाडेहि २ त्ता मम एयमाणत्तियं पचपिपणाहित्ति, तए णं से सुसेणे सेणावई भरहेणं रण्णा एवं वुत्ते समाणे हद्वतद्वचित्तमाणंदिए जाव करयलपरिग्गहियं० सिरसावत्तं मत्थए अंजिंह कहू जाव पिंडसुणेइ २ त्ता भरहस्स रण्णो अंतियाओ पिंडणिक्खमइ २ त्ता जेणेव सए आवासे जेणेव पोसहसाला तेणेव उवागच्छइ २ ता दब्भसंथारगं संथ-रइ जाव कयमालस्स देवस्स अट्टमभत्तं पगिण्हइ पोसहसालाए पोसहिए इव बंभ-यारी जाव अट्टमभत्तंसि परिणममाणंसि पोसहसालाओ पिडणिक्खमइ २ ता जेणेव मजाणघरे तेणेव उवागच्छइ २ ता ण्हाए सुद्धप्पावेसाई मंगलाई वत्थाई पवरप-रिहिए अप्पमहम्घाभरणालंकियसरीरे मज्जणघराओ पिडणिक्खमइ २ ता जेणेव तिमिसगुहाए दाहिणि इस्स द्वारस्स कवाडा तेणेव पहारेत्थ गमणाए, तए णं तस्स स्रसेणस्स सेणावइस्स बहवे राईसरतलवरमाडंबिय जाव सत्थवाहप्पभियओ स्रसेणं सेणावइं पिट्ठओ २ अणुगच्छंति, तए णं तस्स स्रसेणस्स सेणावइस्स बहुईओ खुजाओ निलाइयाओ जाव इंगियचिंतियपत्थियवियाणियाओ णिउणकुसलाओ विणीयाओ जाव अणुगच्छंति । तए णं से सुसेणे सेणावई सव्विङ्गीए सव्वजुईए

जाव णिग्घोसणाइएणं जेणेव तिमिसगुहाए दाहिणिहरूस दुवारस्स कवाडा तेणेव उवागच्छइ २ ता दंडरयणं परामुसइ, तए णं तं दंडरयणं पंचलइयं वहरसारमइयं विणासणं सव्वसत्तुसेण्णाणं खंधावारे णरवइस्स गडुदरिविसमपञ्भारगिरिवरपवायाणं समीकरणं संतिकरं सुभकरं हियकरं रण्णो हियइच्छियमणोरहपूरगं दिव्वमप्पडिह्यं दंडर्यणं गहाय सत्तद्व पयाइं पचोसक्षइ पचोसिक्कता तिमिस्सगुहाए दाहिणिह्नस्स दुवारस्स कवाडे दंडरयणेणं महया २ सद्देणं तिक्खुत्तो आउडेइ, तए णं तिमिसगु-हाए दाहिणि हस्स दुवारस्स कवाडा सुसेणसेणावइणा दंडरयणेणं महया २ सहेणं तिखुत्तो आउडिया समाणा महया २ सद्देणं कोंचारवं करेमाणा सरसरस्स सगाइं २ ठाणाइं पचोसिकत्था. तए णं से सुसेणे सेणावई तिमिसगुहाए दाहिणिह्नस्स दुवारस्स कवाडे विहाडेइ २ ता जेणेव भरहे राया तेणेव उवागच्छइ २ ता जाव भरहं रायं करयलपरिग्गहियं जएणं विजएणं वद्धावेइ २ ता एवं वयासी-विहाडिया णं देवाण्पिया! तिमिसगुहाए दाहिणिह्नस्स दुवारस्स कवाडा एयण्णं देवाणुप्पियाणं पियं णिवेणि पियं मे भवड. तए णं से भरहे राया सुसेणस्य सेणावइस्स अंतिए एयमद्रं सोचा निसम्म हद्रुतद्वित्तमाणंदिए जाव हियए सुसेणं सेणावइं सकारेइ सम्मा-णेइ सङ्गारिता सम्माणिता कोइंबियपुरिसे सद्दावेइ २ ता एवं वयासी-खिप्पामेव भो देवाण्पिया ! आभिसेकं हत्थिरयणं पिडकप्पेह हयगयरहपवर तहेव जाव अंजण-गिरिकृडसिण्णभं गयवरं णरवई दुरूढे ॥ ५३ ॥ तए णं से भरहे राया मणिरयणं परा-मुसइ तोतं चउरंगळप्पमाणमित्तं च अणभ्यं तंसियं छळंसं अणोवमजुईं दिव्वं मणिरयण-पइसमं वेरुलियं सव्वभुयकंतं जेण य मुद्धागएणं दुक्खं ण किंचि जाव हवइ आरोग्गे य सव्वकालं तेरिच्छियदेवमाणुसकया य उवसम्मा सव्वे ण करेंति तस्स दुक्खं, संगा-मेऽवि असत्थवज्झो होइ णरो मणिवरं धरेंतो ठियजोव्वणकेसअवद्रियणहो हवइ य सञ्चमयविष्पमुको, तं मणिरयणं गहाय से णरवई हत्थिरयणस्स दाहिणिल्लाए कुंभीए णिक्खिवइ. तए णं से भरहाहिवे णरिंदे हारोत्थयसुक्यरइयवच्छे जाव अमरवइ-सण्णिभाए इङ्गीए पहियकित्ती मणिरयणकउज्जोए चक्करयणदेसियमग्गे अणेगरायसह-स्साणुयायमग्गे महया उक्किद्रिसीहणायबोलकलकलरवेणं समुद्दरवभूयं पिव करेमाणे जेणेव तिमिसगृहाए दाहिणिल्ले द्वारे तेणेव उवागच्छइ २ ता तिमिसगुहं दाहि-णिल्लेणं दुवारेणं अईइ ससिव्व मेहंधयारणिवहं । तए णं से भरहे राया छत्तलं दुवा-लसंसियं अद्रकण्णियं अहिगरणिसंठियं अद्वसोवण्णियं कागणिरयणं परामुसइ। तए णं तं चडरंगुरुप्पमाणमित्तं अद्भुष्पणं च विसहरणं अडलं चडरंससंठाणसंठियं समतलं माणम्माणजोगा जओ लोगे चरंति सञ्वजणपण्णवगा. ण इव चंदो ण इव

तत्थ सरे ण इव अग्गी ण इव तत्थ मणिणो तिमिरं णासेंति अंधयारे जत्थ तयं दिव्वं भावजतं दुवालसजीयणाई तस्स लेसाउ विवद्धंति तिमिरणिगरपिडसेहियाओ, रति च सव्वकालं खंधावारे करेइ आलोयं दिवसभ्यं जस्स पभावेण चक्कवही, तिमिसगृहं अईइ सेण्णसिहए अभिजेत्तं बिइयमद्भग्रहं रायवरे कागणि गहाय तिमिसगुहाए पर च्छिमिल्लपचित्यमिल्लेसं कडएसं जोयणंतरियाई पंचधणुसयविक्खंभाई जोयणुज्जोय-. कराइं चक्कणेमीसंठियाइं चंदमंडलपडिणिगासाइं एगूणपण्णं मंडलाइं आलिहमाणे २ अणुप्पविसइ. तए णं सा तिमिसगुहा भरहेणं रण्णा तेहिं जोयणंतरिएहिं जाव जोयणु-जोयकरेहिं एगुणपण्णाए मंडलेहिं आलिहिजमाणेहिं २ खिप्पामेव आलोगभूया उज्जो-यभ्या दिवसभ्या जाया यावि होत्था ॥ ५४ ॥ तीसे णं तिमिसगुहाए बहमज्झदेसभाए एत्थ णं उम्मागणिमागजलाओ णामं दुवे महाणईओ पण्णत्ताओ, जाओ णं तिमिस-गुहाए पुरच्छिमिल्लाओ भित्तिकडगाओ पवढाओ समाणीओ पचित्थिमेणं सिंधं महा-णइं समप्पेंति, से केणडेणं भंते! एवं वृच्चइ-उम्मरगणिमरगजलाओ महाणईओ? गोयमा! जण्णं उम्मग्गजलाए महाणईए तणं वा पत्तं वा कहं वा सक्करं वा आसे वा हत्थी वा रहे वा जोहे वा मणस्से वा पिक्खप्पड तुष्णं उम्मागगजला महाणई तिक्खत्तो आहणिय २ एगंते थलंसि एडेइ. जण्णं णिमग्गजलाए महाणईए तणं वा पत्तं वा कद्रं वा सक्करं वा जाव मणुस्से वा पिक्खप्पइ तण्णं णिमग्गजला महाणई तिक्खुत्तो आह-णिय २ अंतो जलंसि णिमजावेइ, से तेणद्वेणं गोयमा ! एवं वृच्छ-उम्मग्गणिमग्ग-जलाओ महाणईओ, तए णं से भरहे राया चक्करयणदेसियमग्गे अणेगराय० महया उक्किट्रिसीहणाय जाव करेमाणे सिंधए महाणईए प्रच्छिमिल्लेणं कुलेणं जेणेव उम्म-गगजला महाणई तेणेव उवागच्छइ २ ता बहुइरयणं सद्दावेइ २ ता एवं वयासी-खिप्पामेव भो देवाणुप्पया! उम्मग्गणिमग्गजलास महाणईस अणेगखंभसयसिण-विट्ठे अयलमकंपे अभेज्जकवए सालंबणबाहाए सव्वरयणामए सुहसंकमे करेहि करेता मम एयमाणत्तियं खिप्पामेव पचपिणाहि, तए णं से वडूहरयणे भरहेणं रण्णा एवं वृत्ते समाणे हद्वतद्वचित्तमाणंदिए जाव विणएणं० पडिसुणेई २ ता खिप्पामेव उम्मग्ग-णिमग्गजलासु महाणईसु अणेगखंभसयसण्णिविद्वे जाव सहसंक्रमे करेइ २ ता जेणेव भरहे राया तेणेव उवागच्छइ २ ता जाव एयमाणत्तियं पचप्पिणइ, तए णं से भरहे राया सखंघावारबले उम्मग्गणिमग्गजलाओ महाणईओ तेहिं अणेगखंभसयसण्णिव-द्वेहिं जाव सहसंक्रमेहिं उत्तरइ, तए णं तीसे तिमिस्सग्रहाए उत्तरिल्लस्स दुवारस्स कवाडा सयमेव महया २ कोंचारवं करेमाणा सरसरस्स सगाई २ ठाणाई पच्चोसिकतथा।।५५॥ तेणं कालेणं तेणं समएणं उत्तरहुभरहे वासे बहवे आवाडा णामं चिलाया परि-

वसंति अङ्गा दित्ता वित्ता विच्छिण्णविउलभवणसयणासणजाणवाहणाइण्णा बहधण-बहुजायरूवरयया आओगपओगसंपउत्ता विच्छड्डियपउरभत्तपाणा बहुदासीदासगो-महिसगवेलगप्पभूया बहुजणस्स अपरिभूया सरा वीरा विकंता विच्छिणाविउलवल-बाहणा बहस समरसंपराएस लढलक्खा यावि होत्या. तए णं तेसिमावाडचिलायाणं अण्णया क्याई विसर्येति बहुई उप्पाइयसयाई पाउन्भवित्था. तंजहा—अकाले गिज्जयं अकाले विज्ञया अकाले पायवा पुष्फंति अभिक्खणं २ आगासे देवयाओ णचंति. तए णं ते आवाडचिलाया विसयंसि बहुई उप्पाइयसयाई पाउब्भूयाई पासंति पासिता अण्णमण्णं सद्दावेंति २ त्ता एवं वयासी—एवं खलु देवाणुप्पिया! अम्हं विसयंसि बहुई उप्पाइयसयाई पाउञ्मूयाई तंजहा-अकाले गजियं अकाले विजया अकाले पायवा पुष्फंति अभिक्खणं २ आगासे देवयाओ णचंति. तं ण णजाइ णं देवाणु-प्पिया! अम्हं विसयस्स के मन्ने उवहवे भविस्सइत्तिकद्व ओहयमणसंकप्पा चिंतासोग-सागरं पविद्वा करयलपल्हत्थमुहा अङ्ग्झाणोवगया भूमिगयदिद्रिया झियायंति. तए णं से भरहे राया चक्करयणदेसियमग्गे जाव समुहरवभ्यं पिव करेमाणे तिमिस-गुहाओ उत्तरिक्षेणं दारेणं णीइ ससिव्य मेहंघयारणिवहा, तए णं ते आवाडचिलाया भरहस्स रण्णो अग्गाणीयं एजमाणं पासंति २ ता आसुरुत्ता रुद्रा चंडिक्सिया कुविया मिसिमिसेमाणा अण्णमण्णं सद्दावेंति २ त्ता एवं वयासी-एस णं देवाणुप्पिया ! केइ अपत्थियपत्थए दुरंतपंतलक्खणे हीणपुण्णचाउद्दसे हिरिसिरिपरिवज्जिए जे णं अम्हं विसयस्स उवरिं विरिएणं हव्वमागच्छइ तं तहा णं घत्तामो देवाणुप्पिया! जहा णं एस अम्हं विसयस्स उविरं विरिएणं णो हव्वमागच्छइत्तिकद्व अण्णमण्णस्स अंतिए एयमट्टं पडिसुणेति २ ता सण्णद्भबद्धवम्मियकवया उप्पीलियसरासणपट्टिया पिणद्धगे-विज्ञा बद्धआविद्वविमलवरचिंघपट्टा गहियाउहप्पहरणा जेणेव भरहस्स रण्णो अग्गा-णीयं तेणेव उवागच्छंति २ ता भरहस्स रण्णो अग्गाणीएण सिद्धं संपलग्गा यावि होत्था, तए णं ते आवाडचिलाया भरहस्स रण्णो अग्गाणीयं हयमहियपवरवीर-घाइयविविडियचिंधद्धयपडागं किच्छप्पाणोवगयं दिसोदिसिं पिडिसेहिंति ॥ ५६॥ तए णं से सेणाबलस्स णेया वेढो जाव भरहस्स रण्णो अग्गाणीयं आवाडचिलाएहिं हयमहियपवरवीर जाव दिसोदिसिं पिडसेहियं पासइ २ ता आसुरुत्ते रुद्वे चंडिकिए कुविए मिसिमिसेमाणे कमलामेलं आसरयणं दुरूहइ २ ता तए णं तं असीइमंगुल-मुसियं णवणउइमंगुलपरिणाहं अद्रसयमंगुलमाययं बत्तीसमंगुलमुसियसिरं चडरंगुल-कण्णागं वीसइअंगुलबाहागं चउरंगुलजाणूकं सोलसअंगुलजंघागं चउरंगुलम्सियखरं मत्तोलीसंवत्तवलियमञ्ज्ञं इसिं अंगुलपणयपट्टं संणयपट्टं संगयपट्टं सुजायपट्टं पसत्थ-

पद्रं विसिद्रपट्रं एणीजाणुण्णयवित्थयथद्भपद्धं वित्तलयकसणिवायअंकेल्लणपहार्परिविज्ञिः यंगं तवणिज्ञथासगाहिलाणं वरकणगसुफुल्लथासगविचित्तरयणरज्जुपासं कंचणमणिकण-गपयरगणाणाविह्यंटियाजालम् तियाजालएहिं परिमंडिएणं पट्टेण सोममाणेण सोममाणं क्क्रेयणइंदणीलमरगयमसारगल्लम्हमंडणरइयं आविद्धमाणिकस्रत्तगविभूसियं कणगाम-यपउमसुक्यतिलयं देवमइविगप्पियं सुरवरिंदवाहणजोग्गावयं सुरूवं दूर्ज्जमाणपंचचा-रुचामरामेलगं धरेंतं अणब्भवाहं अभेलणयणं कोकासियबहलपत्तलच्छं सयावरणणव-कणगतिवयतवणिज्जतालुजीहासयं सिरिआभिसेयघोणं पोक्खरपत्तमिव सलिलबिंदज्यं अचंचलं चंचलसरीरं चोक्खचरगपरिव्वायगो विव हिलीयमाणं २ खुरचलणचच्चपु-डेहिं घरणियलं अभिहणमाणं २ दोवि य चलणे जमगसमगं मुहाओ विणिगगमंतं व सिग्घयाए मुणालतंतुउद्गमिव णिस्साए पक्कमंतं जाइकुलक्वपचयपसत्थबारसा-वत्तर्गविसुद्धलक्खणं सुकुलप्पसूयं मेहाविभद्दयविणीयं अणुयतणुयसुकुमाललोमणिद्ध-च्छविं सुजायअमरमणपवणगरुलजङ्णचवलसिग्घगामिं इसिमिव खंतिखमए ससीस-मिव पच्चक्खयाविणीयं उदगहुयवहपासाणपंसुकद्दमससक्दरसवालुइल्लतङकङगविसमप्-ब्भारगिरिदरीसुरुंघणपिल्लणणित्थारणासमत्थं अचंडपाडियं दंडयाइं अणंसुपाइं अका-लतालुं च कालहेसिं जियणिइंगवेसगं जियपिरसहं जचजाईयं मिह्हिहाणिं सुगपत्तसुव-ण्णकोमलं मणाभिरामं कमलामेलं णामेणं आसरयणं सेणावई कमेण समभिरूढे कुवल-यदलसामलं च रयणियरमंडलणिमं सनुजणविणासणं कणगरयणदंडं णवमालियपुष्फ-सुरहिगंधि णाणामणिलयभित्तिचित्तं च पहोयमिसिसिसितितक्खधारं दिव्वं खग्गरयणं लोए अणोवमाणं तं च पुणो वंसस्क्लसिंगद्विदंतकालायसविउललोहदंडयवरवहरभेयगं जाव सन्वत्थअप्पिडहर्यं किं पुण देहेसु जंगमाणं गाहा-पण्णासंगुलदीहो सोलस से अंगुलाइं विच्छिण्णो । अद्भंगुलसोणीको जेद्वपमाणो असी भणिओ ॥ १ ॥ असिर-यणं णरवइस्स हत्थाओ तं गहिऊण जेणेव आवाडचिलाया तेणेव उवागच्छइ २ ता आवाडचिलाएहिं सिर्दे संपल्पने यावि होत्था। तए णं से सुसेणे सेणावई ते आवाडचिलाए हयमहियपवरवीरघाइय जाव दिसोदिसिं पडिसेहेइ ॥ ५७ ॥ तए णं ते आवाडिचकाया सुसेणसेणावइणा हयमहिय जाव पिडसेहिया समाणा भीया तत्था वहिया उव्चिग्गा संजायभया अत्थामा अवला अवीरिया अपुरिसकारपरकमा अधारणिजामितिकहु अणेगाई जोयणाई अवक्समंति २ ता एगयओ मिलायंति २ ता जेणेव सिंधू महाणई तेणेव उवागच्छंति २ ता वालुयासंथारए संथरेंति २ ता वाळुयासंयारए दुरूहाति २ त्ता अद्वमभत्ताई पगिण्हाति २ त्ता वाळुयासंथारी-वगया उत्ताणगा अवसणा अद्वमभत्तिया जे तेसिं कुळदेवया मेहसुहा णामं णागकु-

मारा देवा ते मणसीकरेमाणा २ चिट्ठंति । तए णं तेसिमावाडचिलायाणं अट्टम-भत्तंसि परिणममाणंसि मेहमुहाणं णागकुमाराणं देवाणं आसणाइं चलंति. तए णं ते मेहमुहा णागकुमारा देवा आसणाई चलियाई पासंति २ ता ओहिं पउंजंति २ ता आवाडचिलाए ओहिणा आभोएंति २ ता अण्णमण्णं सहावेंति २ ता एवं वयासी-एवं खलु देवाणुप्पिया! जंबुद्दीवे दीवे उत्तरहुभरहे वासे आवाडचिलाया सिंधए महाणईए वाळुयासंथारोवगया उत्ताणगा अवसणा अद्रमभत्तिया अम्हे कुलदेवए मेहमुहे णागकुमारे देवे मणसीकरेमाणा २ चिट्ठंति, तं सेयं खल्ल देवाणुप्पिया ! अम्हं आवाडचिलायाणं अंतिए पाउन्भवित्तएत्तिकृद्ध अण्गमण्णस्स अंतिए एयमट्टं पडिसुणेंति पिंडसुणेता ताए उक्किद्राए तरियाए जाव वीइवयमाणा २ जेणेव जंबहीवे दीवे उत्तर-ह्रभरहे वासे जेणेव सिंधू महाणई जेणेव आवाडचिलाया तेणेव उवागच्छंति २ त्ता अंतलिक्खपडिवण्णा सर्खिखिणियाई पंचवण्णाई वत्थाई पवरपरिहिया ते आवाड-चिलाए एवं वयासी-हं भो आवाडचिलाया! जण्णं तुन्भे देवाणुप्पिया! वालुया-संथारोवगया उत्ताणगा अवसणा अद्रमभत्तिया अम्हे कुलदेवए मेहमुहे णाग-कुमारे देवे मणसीकरेमाणा २ चिट्रह तए णं अम्हे मेहमुहा णागकुमारा देवा तुब्मं कुलदेवया तुम्हं अंतियण्णं पाउब्भ्या, तं वदह णं देवाणुप्पिया! किं करेमो के व मे मणसाइए ?, तए णं ते आवाडचिलाया मेहमुहाणं णागकुमाराणं देवाणं अंतिए एयमद्रं सोचा णिसम्म हद्रतद्रचित्तमाणंदिया जाव हियया उद्घाए उद्वेति २ ता जेणेव मेहमुहा णागकुमारा देवा तेणेव उवागच्छंति २ ता करयलपरिग्गहियं जाव मत्थए अंजिल किं मेहमुहे णागकुमारे देवे जएणं विजएणं वद्धावेंति २ ता एवं वयासी-एस णं देवाणुप्पिया! केइ अपत्थियपत्थए दुरंतपंतलक्खणे जाव हिरिसिरिपरिवजिए जे णं अम्हं विसयस्स उवरिं विरिएणं हव्वमागच्छइ, तं तहा णं घत्तेह देवाणुप्पिया ! जहा णं एस अम्हं विसयस्स उविरं विरिएणं णो हव्वमागच्छइ, तए णं ते मेहमुहा णागकुमारा देवा ते आवाडचिळाए एवं वयासी-एस णं भो देवाणुप्पिया! भरहे णामं राया चाउरंतचक्कवट्टी महिष्ट्रिए महज्जुइए जाव महासोक्खे. णो खळ एस सको केणइ देवेण वा दाणवेण वा किण्णरेण वा किंपुरिसेण वा महोरगेण वा गंध-ब्वेण वा सत्थप्पओगेण वा अग्गिप्पओगेण वा मंतप्पओगेण वा उद्दवित्तए पडिसेहि-त्तए वा, तहाविय णं तुब्भं पियद्वयाए भरहस्स रण्णो उवसग्गं करेमोत्तिक हू तेसिं आवाडचिलायाणं अंतियाओ अवक्रमंति २ ता वेडिव्वयससुग्घाएणं समोहणंति २ ता मेहाणीयं विउन्वंति २ ता जेणेव भरहस्स रण्णो विजयक्खंधावारणिवेसे तेणेव उवागच्छंति २ ता उपिं विजयक्खंधावारणिवेसस्स खिप्पामेव पतणतणायंति २ ता ३७ सत्ता०

खिप्पामेव विज्ञुयायंति २ ता खिप्पामेव जुगमुसलमुद्धिप्पमाणमेताहिं धाराहिं ओघमेघं सत्तरत्तं वासं वासिउं पवत्ता यावि होत्था ॥ ५८ ॥ तए णं से भरहे राया उप्पि विजयक्खंधावारस्स जुगमुसलमुट्टिप्पमाणमेत्ताहिं धाराहिं ओघमेघं सत्तरत्तं वासं वासमाणं पासइ २ ता चम्मरयणं परामुसइ, तए णं तं सिरिवच्छ-सरिसहवं वेढो भाणियव्वो जाव द्वालसजोयणाई तिरियं पवित्यरइ तत्थ साहि-याइं. तए णं से भरहे राया सर्खंधावारबले चम्मरयणं दुरूहइ २ ता दिव्वं छत्तरयणं परामुसइ, तए णं णवणउइसहस्सकंचणसलागपरिमंडियं महरिहं अउज्झं णिव्वणसुपसत्थविसिट्ठलट्टकंचणसुपुट्टदंडं मिउराययवट्टलट्टअरविंदकण्णियसमाणरूवं वित्थिपएसे य पंजरविराइयं विविह्मतिचित्तं मणिमुत्तपवालतत्ततवणिज्जपंचविणय-धोयरयणरूवरइयं रयणमरीईसमोप्पणाकप्पकारमणुरंजिए हिर्यं रायलच्छिचिंधं अज्ञ-णसुवण्णपंदुरपचत्थ्यपद्वदेसभागं तहेव तवणिज्जपद्वधम्मंतपरिगयं अहियसस्सिरीयं सारयरयणियरविमलपडिपुण्णचंदमंडलसमाणरूवं णरिंदवामप्पमाणपगइवित्थडं कुमय-संडथवलं रण्णो संचारिमं विमाणं सुरायववायवृद्धिदोसाण य खयकरं तवगुणेहिं लद्धं-अहयं बहगुणदाणं उक्रण विवरीयसुहकयच्छायं । छत्तरयणं पहाणं सुदुल्लहं अप्प-पुण्णाणं ॥ १ ॥ पमाणराईण तवगुणाण फल्लेगदेसभागं विमाणवासेवि दुल्लहतरं वग्घारियमञ्जदामकलावं सारयधवलब्भरययणिगरप्पगासं दिव्वं छत्तरयणं सहि-वइस्स धरणियलपुण्णइंदो । तए णं से दिव्वे छत्तरयणे भरहेणं रण्णा परामुद्रे समाणे खिप्पामेव दुवालस जोयणाई पवितथरइ साहियाई तिरियं ॥ ५९॥ तए णं से भरहे राया छत्तरयणं खंघावारस्सुवरिं ठवेइ २ ता मणिरयणं परामसङ वेडो जाव छत्तरयणस्स विश्वभागंसि ठवेइ, तस्स य अणइवरं चारुह्वं सिलिणिहि-अत्थमंतमेत्तसालिजवगोहूममुग्गमासतिलकुलत्थसिङ्गानिप्पावचणगकोद्दवकोत्श्रंभरिकं-गुवरगरालगअणेगधण्णावरणहारियगअल्लगमूलगहलिद्दलाउयतउसतुंबकालिंगकविद्वअं-बअंबिलियसव्विणप्पायए सुकुसले गाहावइरयणेति सव्वजणवीस्यगुणे। तए णं से गाहावइरयणे भरहस्स रण्णो तिह्वसप्पइण्णणिप्फाइयपूर्याणं सव्वधण्णाणं अणेगाई कुंभसहस्साइं उबट्टबेइ, तए णं से भरहे राया चम्मरयणसमारूढे छत्तरयणसमोच्छणो मणिरयणकरुजोए समुग्गयभूएणं सुहंसुहेणं सत्तरत्तं परिवसइ—णवि से खुहा ण विलियं णेव भयं णेव विज्ञए दुक्खं । भरहाहिवस्स रण्णो खंघावारस्सवि तहेव ॥ १ ॥ ६० ॥ तए णं तस्स भरहस्स रण्णो सत्तरत्तंसि परिणममाणंसि इमेयारूके अन्मत्यिए चितिए पत्थिए मणोगए संकप्पे समुप्पज्जित्था-केस णं भो ! अपत्थिय-पत्थए दुरंतपंतलक्खणे जाव परिवज्जिए जे णं ममं इमाए एयाणुरूवाए जाव

अभिसमण्णागयाए उप्पि विजयखंघावारस्स जुगमुसलमुद्रि जाव वासं वासइ। तए णं तस्स भरहस्स रण्णो इमेयाह्वं अन्भत्थियं चिंतियं पत्थियं मणोगयं संकप्पं समुप्पण्णं जाणिता सोलस देवसहस्सा सण्णज्ज्ञिउं पवत्ता यावि होतथा. तए णं ते देवा सण्णद्भबद्धवस्मियकवया जाव गहियाउहप्पहरणा जेणेव ते मेहमहा णाग-कुमारा देवा तेणेव उवागच्छंति २ ता मेहसहे णागकुमारे देवे एवं वयासी-हं भो मेहमुहा णागकुमारा देवा! अपत्थियपत्थगा जाव परिवर्जिया किण्णं तुब्से ण जाणह भरहं रायं चाउरंतचक्कविंटं महिष्ट्रियं जाव उद्दवित्तए वा पिडसेहित्तए वा तहा वि णं तुब्भे भरहस्स रण्णो विजयखंघावारस्स उप्पि जुगमुसलमुद्भिप-माणमित्ताहिं धाराहिं ओघमेघं सत्तरत्तं वासं वासह. तं एवमवि गए इत्तो खिप्पा-मेव अवक्रमह अहव णं अज्ज पासह चित्तं जीवलोगं, तए णं ते मेहमुहा णाग-कुमारा देवा तेहिं देवेहिं एवं वृत्ता समाणा भीया तत्था वृहिया उव्विग्गा संजाय-भया मेहाणीयं पडिसाहरंति २ ता जेणेव आवाडचिलाया तेणेव उवागच्छंति २ ता आवाडचिलाए एवं वयासी-एस णं देवाण्पिया! भरहे राया महिन्निए जाव णो खल एस सक्को केणइ देवेण वा जाव अग्गिप्पओगेण वा जाव उद्दवित्तए वा पडि-सेहित्तए वा तहावि य णं अम्हेहिं देवाणुप्पिया ! तुन्मं पियह्रयाए भरहस्स रण्णो उवसगो कए, तं गच्छह णं तुन्मे देवाणुप्पिया! ण्हाया उल्लपडसाडगा ओच्लगणि-यच्छा अग्गाइं वराइं रयणाइं गहाय पंजलिउडा पायविडया भरहं रायाणं सरणं उवेह, पणिवइयवच्छला खल उत्तमपुरिसा णत्यि मे भरहस्स रण्णो अंतियाओ भय-मितिकह एवं वइत्ता जामेव दिसिं पाउच्भया तामेव दिसिं पडिगया। तए णं ते आवाडचिलाया मेहमुहेहिं णागकुमारेहिं देवेहिं एवं वृत्ता समाणा उद्घाए उहेंति २ ता ण्हाया उल्लपडसाडगा ओचूलगणियच्छा अग्गाइं वराइं रयणाइं गहाय जेणेव भरहे राया तेणेव उवागच्छंति २ ता करयलपरिग्गहियं जाव मत्थए अंजिलं कट्ट भरहं रायं जएणं विजएणं वद्धाविति २ त्ता अग्गाइं वराइं रयणाइं उवणेति २ त्ता एवं वयासी-वसहर गुणहर जयहर, हिरिसिरिधीकित्तिधारगणरिंद । लक्खणसह-स्सधारग रायमिदं णे चिरं धारे ॥ १ ॥ हयवइ गयवइ णरवइ णवणिहिवइ भरह-वासपढमवई । बत्तीसजणवयसहस्सराय सामी चिरं जीव ॥ २ ॥ पढमणरीसर ईसर हियईसर महिलियासहस्साणं । देवसयसाहसीसर चोहसरयणीसर जसंसी ॥ ३ ॥ सागरगिरिमेरागं उत्तरवाईणमभिजियं तुमए । ता अम्हे देवाणुप्पियस्स विसए परि-वसामो ॥ ४ ॥ अहो णं देवाणुप्पियाणं इङ्गी जुई जसे बले वीरिए पुरिसकारपर-क्कमे दिव्वा देवजुई दिव्वे देवाणुभावे लद्धे पत्ते अभिसमण्णागए, तं दिह्रा णं देवा-

णुप्पियाणं इड्ढी एवं चेव जाव अभिसमण्णागए, तं खामेसु णं देवाणुप्पिया! खमंत णं देवाणुप्पिया ! खंतुमरहंति णं देवाणुप्पिया ! णाइ भुज्जो २ एवंकरणयाएत्तिकृष्ट पंजलिउडा पायविडिया भरहं रायं सरणं उविंति । तए णं से भरहे राया तेसिं आवाडचिलायाणं अग्गाइं वराइं रयणाइं पडिच्छइ २ ता ते आवाडचिलाए एवं वयासी-गच्छह णं भो तुब्भे ममं बाहुच्छायापरिग्गहिया णिब्भया णिरुव्विगा सहंसुहेणं परिवसह, णत्थि मे कत्तोवि भयमत्थित्तिकट्ट सकारेइ सम्माणेइ सक्तारेता सम्माणेता पडिविसजोइ। तए णं से भरहे राया स्रुसेणं सेणावई सद्दावेइ २ ता एवं वयासी--गच्छाहि णं भो देवाणुप्पिया! दोचंपि सिंधूए महाणईए पचित्यमं णिक्खुडं ससिंधुसागरगिरिमेरागं समविसमणिक्खुडाणि य ओअवेहि २ ता अगाई बराई रयणाई पिडच्छाहि २ ता मम एयमाणत्तियं खिप्पामेव पचिप्पणाहि जहा दाहिणिहस्स ओअवणं तहा सन्वं भाणियन्वं जाव पचणुभवमाणे विहर् ॥ ६१॥ तए णं दिव्वे चक्करयणे अण्णया कयाइ आउहघरसालाओ पडिणिक्खमइ २ त्ता अंतलिक्खपडिवण्णे जाव उत्तरपुरिच्छमं दिसिं चुल्लहिमवंतपव्वयाभिमुहे पयाए यावि होत्था, तए णं से भरहे राया तं दिव्वं चक्करयणं जाव चुल्लहिमवंतवासहरप-व्वयस्स अदूरसामंते दुवालसजोयणायामं जाव चुल्लहिमवंतिगिरिकुमारस्स देवस्स अट्टमभत्तं पिगण्हइ, तहेव जहा मागहतित्थस्स जाव समुद्दरवभूयं पिव करेमाणे उत्तरिसाभिमुहे जेणेव चुल्लहिमवंतवासहरपव्वए तेणेव उवागच्छइ २ ता चुल्लहि-मवंतवासहरपव्वयं तिक्खतो रहिसरेणं फुसइ फुसिता तुरए णिगिण्हइ णिगिण्हिता तहेव जाव आययकण्णाययं च काऊण उसुमुदारं इमाणि वयणाणि तत्थ भाणीअ से णरवई जाव सन्वे मे ते विसयवासित्तिकट्ट उहुं वेहासं उसुं णिसिरइ परिगरणिगरियमज्झे जाव तए णं से सरे भरहेणं रण्णा उड्ढं वेहासं णिसट्टे समाणे खिप्पामेव बावत्तरिं जोयणाइं गंता चुल्लहिमवंतिगिरिकुमारस्य देवस्स मेराए णिव-इए, तए णं से चुह्रहिमवंतिगिरिकुमारे देवे मेराए सरं णिवइयं पासइ २ ता आसु-स्ते रहे जाव पीइदाणं सव्वोसिहं मालं गोसीसचंदणं च कडगाणि जाव दहोदगं च गेण्हइ २ ता ताए उक्किट्ठाए जाव उत्तरेणं चुह्रहिमवंतिगिरिमेराए अहण्णं देवाणु-प्पियाणं विसयवासी जाव अहण्णं देवाण्पियाणं उत्तरिक्षे अंतवाले जाव पडिविस-जोइ ॥ ६२ ॥ तए णं से भरहे राया तुरए णिगिण्हइ २ ता रहं परावत्तेइ २ ता जेणेव उसहकूडे तेणेव उवागच्छइ २ ता उसहकूडं पव्वयं तिक्खुत्तो रहिसरेणं फुसइ २ ता तुरए निगिण्हइ २ ता रहं ठवेइ २ ता छत्तलं दुवालसंसियं अट्टक-ण्णियं अहिगरणिसंठियं सोवण्णियं कागणिरयणं परामुसइ २ त्ता उसमकूडस्स

पव्वयस्य पुरित्थिमिल्लंसि कडगंसि णामगं आउडेइ-ओसप्पिणीइमीसे तइयाएँ समाइ पच्छिमे भाए। अहमंसि चक्कवही भरहो इय नामधिजेणं॥ १ ॥ अहमंसि पढमराया अहयं भरहाहिवो णरवरिंदो । णत्थि महं पिडसत् जियं मए भारहं वासं ॥ २ ॥ तिकृ णामगं आउडेइ णामगं आउडिता रहं परावत्तेइ २ ता जेणेव विजयखंधावा-रणिवेसे जेणेव बाहिरिया उवझाणसाला तेणेव उवागच्छ २ ता जाव चळहिम-वंतिगिरिकुमारस्स देवस्स अट्ठाहियाए महामहिमाए णिव्वत्ताए समाणीए आउहघ-रसालाओ पिडणिक्खमइ २ त्ता जाव दाहिणदिसिं वेयङ्गप्व्वयाभिमुहे प्याए यावि होत्या ॥ ६३ ॥ तए णं से भरहे राया तं दिव्वं चक्करयणं जाव वेयडूस्स पव्व-यस्स उत्तरिहे णियंबे तेणेव उवागच्छइ २ ता वेयद्भस्स पव्वयस्स उत्तरिहे णियंबे दवालसजोयणायामं जाव पोसहसालं अणपविसङ् जाव णिमविणमीणं विज्जाहरराईणं अद्भभत्तं प्रिण्हड २ ता पोसहसालाए जाव णमिविणमिविजाहररायाणो मणसी-करेमाणे २ चिद्रइ. तए णं तस्स भरहस्स रण्णो अद्रमभत्तंसि परिणममाणंसि णमि-विणमीविजाहररायाणो दिव्वाए मईए चोइयमई अण्णमण्णस्स अंतियं पाउच्म-वंति २ ता एवं वयासी-उप्पण्णे खलु भो देवाणुप्पिया! जंबुहीवे दीवे भरहे वासे भरहे राया चाउरंतचक्कवद्दी तं जीयमेयं तीयपच्चपण्णमणागयाणं विजाहरराईणं चक्कवट्टीणं उवत्थाणियं करेताए, तं गच्छामो णं देवाणुप्पिया! अम्हेवि भरहस्स रण्णो उवत्थाणियं करेमोत्तिकह विणमी णाऊणं चक्कविंह दिव्वाए मईए चोइयमई माणु-म्माणप्पमाणज्ञत्तं तेयस्सि रूवलक्खणज्ञत्तं ठियज्ञव्वणकेसवद्भियणहं इच्छियसीउ-ण्हफासजुत्तं-तिस तण्यं तिस्र तंबं तिवलीगङ्डण्णयं तिगंभीरं । तिस्र कालं तिस्र सेयं तियाययं तिस्र य विच्छिण्णं ॥ १ ॥ समसरीरं भरहे वासंमि सन्वमहिलप्पहाणं संद-रथणजहणवरकरचळणणयणसिरसिजदसणजणहिययरमणमणहरिं सिंगारागार जाव जत्तोवयारकसलं अमरवहणं सुरूवं रूवेणं अणुहरंतिं सुभदं भदंमि जोव्वणे वहमाणि इत्थीरयणं णमी य रयणाणि य कडगाणि य तुडियाणि य गेण्हइ २ ता ताए उक्किट्ठाए तुरियाए जाव उद्भ्याए विजाहरगईए जेणेव भरहे राया तेणेव उवागच्छंति २ ता अंतिलक्खपडिवण्णा सिखंखिणियाइं जाव जएणं विजएणं वद्धावेंति २ ता एवं वयासी-अभिजिए णं देवाणुप्पिया! जाव अम्हे देवाणुप्पियाणं आणत्तिकंकरा इतिकट्ट तं पिडच्छंत णं देवाण्पिया! अम्हं इमं जाव विणमी इत्थीरयणं णमी रयणाणि ० समप्पेइ। तए णं से भरहे राया जान पडिनिसजोइ २ ता पोसहसालाओ पडिणिक्ख-मइ २ त्ता मज्जणघरं अणुपविसइ २ ता भोयणमंडवे जाव णमिविणमीणं विज्जाहर-राईणं अद्राहियमहामहिमा, तए णं से दिव्वे चक्करयणे आउहघरसालाओ पडिणि- क्खमइ जाव उत्तरपुरत्थिमं दिसिं गंगादेवीभवणाभिमुहे पयाए यावि होत्या सचेव सव्वा सिंधवत्तव्वया जाव णवरं कुंभद्रसहस्सं रयणचित्तं णाणामणिकणग-रयणभत्तिचित्ताणि य दुवे कणगसीहासणाइं सेसं तं चेव जाव महिमत्ति ॥ ६४ ॥ तए णं से दिव्वे चक्करयणे गंगाए देवीए अझहियाए महामहिसाए णिव्वताए समाणीए आउहघरसालाओ पडिणिक्खमइ २ ता जाव गंगाए महाणईए पचित्य-मिल्लेणं कुलेणं दाहिणदिसिं खंडप्पवायगुहाभिमुहे पयाए यावि होत्था, तए णं से भरहे राया जाव जेणेव खंडप्पवायगुहा तेणेव उवागच्छइ २ ता सव्वा क्यमालग-वत्तव्वया णेयव्वा णवरं णहमालगे देवे पीइदाणं से आलंकारियभंडं कडगाणि य सेसं सव्वं तहेव जाव अद्राहिया महाम॰। तए णं से भरहे राया णट्टमालगस्स देवस्स अद्राहियाए म० णिव्वताए समाणीए सुसेणं सेणावइं सहावेइ २ ता जाव सिंधुगमो णेयव्वो जाव गंगाए महाणईए पुरत्थिमिल्लं णिक्खुडं सगंगासागरगिरिमेरागं समविसमणिक्खडाणि य ओअवेइ २ ता अग्गाणि वराणि रयणाणि पडिच्छइ २ ता जेणेव गंगा महाणई तेणेव उवागच्छइ २ ता दोचंपि सक्खंयावारबले गंगा-महाणइं विमलजलतुंगवीइं णावाभूएणं चम्मरयणेणं उत्तरइ २ ता जेणेव भरहस्स रण्णो विजयखंघावारणिवेसे जेणेव बाहिरिया उवहाणसाला तेणेव उवाग-च्छ २ ता आभिसेकाओ हत्थिरयणाओ पचोरुहइ २ ता अग्गाइं वराइं रयणाइं गहाय जेणेव भरहे राया तेणेव उवागच्छ २ ता करयलपरिग्गहियं जाव अंजिलं कटू भरहं रायं जएणं विजएणं वद्धावेइ २ ता अग्गाई वराई रयणाई उवणेड । तए णं से भरहे राया सुसेणस्स सेणावइस्स अग्गाइं वराइं रयणाइं पिडच्छ २ ता सुसेणं सेणावइं सक्कारेइ सम्माणेइ स० २ ता पडिविसजेइ, तए णं से सुसेणे सेणावई भरहस्स रण्णो सेसंपि तहेव जाव विहरइ, तए णं से भरहे राया अण्णया कयाइ स्रसेणं सेणावइरयणं सहावेइ २ ता एवं वयासी-गच्छ णं भो देवाणुप्पिया ! खंडग-प्पवायग्रहाए उत्तरिष्ठस्स द्वारस्स कवाडे विहाडेहि २ ता जहा तिमिसगुहाए तहा भाणियव्वं जाव पियं भे भवउ सेसं तहेव जाव भरहो उत्तरिक्षेणं द्वारेणं अईड ससिव्व मेहंघयारणिवहं तहेव पविसंतो मंडलाइं आलिहइ, तीसे णं खंडगप्पवाय-गुहाए बहमज्झदेसभाए जाव उम्मग्गणिमग्गजलाओ णामं दुवे महाणईओ तहेव णवरं पचित्थिमिल्लाओ कडगाओ पवृहाओ समाणीओ पुरत्थिमेणं गंगं महाणंड समप्पेंति, सेसं तहेव णवरं पचित्थिमिल्लेणं कूलेणं गंगाए संकमवत्तव्वया तहेवति, तए णं खंडगप्पवायगुहाए दाहिणिह्रस्स दुवारस्स कवाडा सयमेव महया २ कींचारनं करेमाणा सरसरस्स सगाइं २ ठाणाइं पच्चोसिक्कतथा, तए णं से भरहे राया

चक्करयणदेसियमग्गे जाव खंडगप्पवायगुहाओ दिक्खणिह्रेणं दारेणं णीणेइ सिसव्व मेहंधयारणिवहाओ ॥ ६५ ॥ तए णं से भरहे राया गंगाए महाणईए पचित्थिमिल्ले कुले दुवालसजीयणायामं णवजीयणविच्छिण्णं जाव विजयक्खंधावारणिवेसं करेइ, अवसिद्धं तं चेव जाव णिहिरयणाणं अद्वमभत्तं पिगण्हइ, तए णं से भरहे राया पोसहसालाए जाव णिहिरयणे मणिस करेमाणे करेमाणे चिट्रह, तस्स य अपरि-मियरत्तरयणा ध्रयमक्खयमक्वया सदेवा लोकोपचयंकरा उवगया णव णिहओ कोगविस्सयजसा. तंजहा-णेसप्पे १ पंडुयए २ पिंगलए ३ सव्वरयण ४ मह-पउमे ५। काले ६ य महाकाले ७ माणवरे महाणिही ८ संखे ९॥ १॥ णेस-प्पंसि णिवेसा गामागरणगरपष्टणाणं च। दोणमुहमडंबाणं खंघावारावणगिहाणं ॥ १ ॥ गणियस्स य उप्पत्ती माणुम्माणस्स जं पमाणं च । धण्णस्स य बीयाण य उप्पत्ती पंडुए भणिया ॥ २ ॥ सव्वा आभरणविही पुरिसाणं जा य होइ महिलाणं । आसाण य हत्थीण य पिंगलगणिहिंमि सा भणिया ॥ ३ ॥ रयणाइं सव्वरयणे चउदसवि वराइं चक्कविहरूस । उप्पज्जंते एगिंदियाइं पंचिंदियाइं च ॥ ४ ॥ वत्थाण य उप्पत्ती णिप्फत्ती चेव सव्वभत्तीणं । रंगाण य घोव्वाण य सन्वाएसा महापउमे ॥ ५॥ काले कालण्णाणं सन्वपुराणं च तिस्ववि वंसेस् । सिप्पसर्यं कम्माणि य तिण्णि पयाए हियकराणि ॥ ६ ॥ लोहस्स य उप्पत्ती होइ महाकालि आगराणं च । रूपस्स सुवण्णस्स य मणिसुत्तसिलप्पवालाणं ॥ ७ ॥ जोहाण य उप्पत्ती आवरणाणं च पहरणाणं च । सव्वा य जुद्धणीई माणवगे दंडणीई य ॥ ८ ॥ णद्दविही णाडगविही कव्वस्स य चडव्विहस्स उप्पत्ती । संखे महाणिहिंमि तुडियंगाणं च सन्वेसिं॥ ९ ॥ चक्कट्ठपइट्ठाणा अट्टस्सेहा य णव य विक्खंभा । बारसदीहा मंजूससंठिया जण्हवीइ मुहे ॥ १० ॥ वेरुलियमणिकवाडा कणगम्या विविहरयणपिडपुण्णा । ससिस्रचक्कलक्खण अणुसमवयणोववत्ती या ।। १९ ।। पिलओवमिद्धिईया णिहिसरिणामा य तत्थ खलु देवा । जेसिं ते आवासा अकिज्जा आहिवचा य ॥ १२॥ एए णव णिहिरयणा पभूयधणरयणसंचयसमिद्धा । जे वसमुवगच्छंति भरहाहिवचकवट्टीणं ॥ १३ ॥ तए णं से भरहे राया अड्टमभत्तंसि परिणममाणंसि पोसहसालाओ पिडणिक्खमइ, एवं मज्जणघरपवेसो जाव सेणि-प्पसेणिसहावणया जाव णिहिरयणाणं अट्ठाहियं महामहिमं क॰, तए णं से भरहे राया णिहिरयणाणं अद्राहियाए महामहिमाए णिव्वत्ताए समाणीए सुसेणं सेणा-वइरयणं सहावेइ २ ता एवं वयासी-गच्छ णं भो देवाणुप्पिया ! गंगामहाणईए पुरतिथामिल्लं णिक्खुडं दुर्चिप सर्गगासागरगिरिमेरागं समविसमणिक्खुडाणि य

ओअवेहि २ ता एयमाणत्तियं पचपिणाहिति । तए णं से सुसेणे तं चेव पुठव-विणयं भाणियव्वं जाव ओअवित्ता तमाणत्तियं पचिप्पणइ ...पिडिविसक्केंड जाव भोगभोगाइं भुंजमाणे विहरइ । तए णं से दिव्वे चक्करयणे अन्नया कयाइ आउह-घरसालाओ पडिणिक्खमइ २ ता अंतलिक्खपडिवण्णे जक्खसहस्ससंपरिवृडे दिन्त-तुडिय जाव आपूरेंते चेव० विजयक्खंधावारणिवेसं मज्झंमज्झेणं णिगगच्छइ० दाहिण-पचित्थमं दिसिं विणीयं रायहाणि अभिमुहे पयाए यावि होत्था । तए णं से भरहे राया जाव पासइ २ ता हट्टतुट्ठ जाव कोडुंबियपुरिसे सहावेइ २ ता एवं वयासी-खिप्पामेव भो देवाणुप्पिया ! आभिसेकं जाव पचप्पिणंति ॥ ६६ ॥ तए णं से भरहे राया अज्जियरज्ञो णिजियसत्तू उप्पण्णसमत्तरयणे चक्करयणप्पहाणे णवणिहिवई समिद्धकोसे बत्तीसरायवरसहस्साणुयायमग्गे सडीए वरिससहस्सेहिं केवलकप्पं भरहं वासं ओअवेइ ओअवेत्ता कोडुंबियपुरिसे सद्दावेइ २ त्ता एवं वयासी--खिप्पामेव भो देवाणुप्पिया ! आभिसेक्कं हत्थिरयणं हयगयरह तहेव जाव अंजणगिरिकूडसिण्णमं गयवइं णरवई दुरूढे । तए णं तस्स भरहस्स रण्णो आभि-सेकं हित्थरयणं दुरूढस्स समाणस्स इमे अद्वद्वमंगलगा पुरओ अहाणपुन्नीए संपद्विया, तंजहा—सोत्थियसिरिवच्छ जाव दप्पणे, तयणंतरं च णं पुण्णकलस-भिंगार दिव्वा य छत्तपडागा जाव संपद्रिया, तयणंतरं च णं वेरुलियभिसंतविमलदंडं जाव अहाणुपुव्वीए संपद्वियं, तयणंतरं च णं सत्त एगिंदियरयणा पुरओ अहाण-. पुरुवीए संपद्गिया, तं०- चक्करयणे १ छत्तरयणे २ चम्मरयणे ३ दंडरयणे ४ असि-रयणे ५ मणिरयणे ६ कागणिरयणे ७, तयणंतरं च णं णव महाणिहुओ पुरुओ अहाणुपुन्वीए संपद्विया, तंजहा—णेसप्पे पंडुयए जाव संखे, तयणंतरं च णं सोलस देवसहस्सा पुरञ्जी अहाणुपुन्नीए संपिद्धया, तयणंतरं च णं बत्तीसं रायवर-सहस्सा पुरओ अहाणुपुन्वीए संपद्विया, तयणंतरं च णं सेणावइरयणे पुरओ अहा-णुपव्वीए संपद्विए, एवं गाहावइरयणे वहुइरयणे पुरोहियरयणे, तयणंतरं च णं इत्थिरयणे पुरओ अहाणुपुव्वीए०, तयणंतरं च णं बत्तीसं उडुकह्राणियासहस्सा पुरओ अहाणुपुव्वीए॰, तयणंतरं च णं बत्तीसं जणवयकहाणियासहस्सा पुरओ अहाणुपुव्वीए०, तयणंतरं च णं बत्तीसं बत्तीसइबद्धा णाडगसहस्सा पुरओ अहाणु-पुन्वीए॰, तयणंतरं च णं तिण्णि सद्घा सूचसया पुरओ अहाणुपुन्वीए॰, तयणंतरं च णं अद्वारस सेणिप्पसेणीओ पुरओ०, तयणंतरं च णं चउरासीइं आससयस-हस्सा पुरओ०, तयणंतरं च णं चउरासीइं हत्थिसयसहस्सा पुरओ अहाणुप्वीए०, त्यणंतरं च णं चउरासीइं रहसयसहस्सा पुरओ अहाणुपुन्वीए०, तयणंतरं च णं छण्णउई मणुस्सकोडीओ पुरओ अहाणुपुरवीए संपद्विया, तयणंतरं च णं बहवे राईसरतलवर जाव सत्थवाहप्पभिइओ पुरओ अहाणुपुन्वीए संपद्विया, तयणंतरं च णं बहवे असिरगाहा लिहिरगाहा कुंतरगाहा चावरगाहा चामररगाहा पासरगाहा फलगग्गाहा परसुग्गाहा पोत्थयग्गाहा वीणग्गाहा क्रयग्गाहा हडएफग्गाहा दीविय-ग्गाहा सएहिं सएहिं रूवेहिं, एवं वेसेहिं चिंधेहिं निओएहिं सएहिं २ वत्थेहिं पुरओ अहाणुप्न्वीए संपद्भिया, तयणंतरं च णं बहवे दंडिणो मंडिणो सिहंडिणो जडिणो पिच्छिणो हासकारगा खेडुकारगा दवकारगा चाडुकारगा कंदिप्पया कुक्इया मोहरिया गायंता य दीवंता य (वायंता) नचंता य हसंता य रमंता य कीलंता य सासेंता य सावेंता य जावेंता य रावेंता य सोभेंता य सोभावेंता य आलोयंता य जयजयसद्दं च पउंजमाणा पुरओ अहाणुपुर्वीए संपद्विया, एवं उववाइयगमेणं जाव तस्स रण्णो पुरओ महआसा आसधरा उभओ पासि णागा णागधरा पिद्रओ रहा रहसंगेल्ली अहाणुप्व्वीए संपद्मिया । तए णं से भरहाहिवे णरिंदे हारोत्थयसुक-यरइयवच्छे जाव अमरवइसण्णिभाए इङ्कीए पहियकित्ती चक्करयणदेसियमग्गे अणे-गरायवरसहस्साणुयायमग्गे जाव समृहरवभ्यं पिव करेमाणे सिव्वङ्गीए सव्वर्ज्जईए जाव णिग्घोसणाइयरवेणं गामागरणगरखेडकब्बडमडंब जाव जोयणंतरियाहिं वस-हीहिं वसमाणे २ जेणेव विणीया रायहाणी तेणेव उवागच्छइ उवागच्छिता विणी-याए रायहाणीए अदूरसामंते दुवालसजोयणायामं णवजोयणविच्छिण्णं जाव खंघा-वारणिवेसं करेइ २ त्ता वहूहरयणं सद्दावेइ २ त्ता जाव पोसहसालं अणुपविसइ २ त्ता विणीयाए रायहाणीए अद्रमभत्तं पिगण्हइ २ ता जाव अद्रमभत्तं पिडजागरमाणे २ विहरइ। तए णं से भरहे राया अद्रमभत्तंसि परिणममाणंसि पोसहसालाओ पिडणि-क्खमइ २ ता कोडुंबियपुरिसे सहावेइ २ ता तहेव जाव अंजणगिरिकृडसण्णिमं गय-वईं णरवई दुरूढे तं चेव सन्वं जहा हेट्टा णवरं णव महाणिहओ चत्तारि सेणाओ ण पविसंति सेसो सो चेव गमो जाव णिग्घोसणाइएणं विणीयाए रायहाणीए मज्झं-मज्झेणं जेणेव सए गिहे जेणेव भवणवरवाडिंसगपडिदुवारे तेणेव पहारेत्थ गमणाए, तए णं तस्स भरहस्स रण्णो विणीयं रायहाणि मज्झंमज्झेणं अणुपविसमाणस्स अप्पे-गइया देवा विणीयं रायहाणि सब्भंतरबाहिरियं आसियसम्माज्जिओविलत्तं करेंति. अप्पेगइया० मंचाइमंचकलियं करेंति, एवं सेसेसुवि पएस, अप्पेगइया० णाणाविहरागव-सणुस्सियधयपडागामंडियभूमियं०, अप्पेगइया० लाउल्लोइयमहियं करेंति, अप्पेगइया जाव गंधविष्टभूयं करेंति, अप्पेगइया० हिरण्णवासं वासिंति० सुवण्णरयणवहरआभरण-वासं वासेंति, तए णं तस्स भरहस्स रण्णो विणीयं रायहाणिं मज्झंमज्झेणं अणुपवि- समाणस्स सिंघाडग जाव महापहपहेसु बहवे अत्थितथया कामितथया भोगितथया लाम-त्थिया इद्धिसिया किब्बिसिया कारोडिया कारवाहिया संखिया चिक्कया णंगलिया महमं-गलिया पसमाणया वद्धमाणया लेखमंखमाइया ताहिं ओरालाहिं इद्वाहिं कंताहिं पियाहि मण्णणाहिं मणामाहिं सिवाहिं घण्णाहिं मंगल्लाहिं सस्सिरीयाहिं हिययगमणिजाहिं हिययपल्हायणिजाहिं वग्गहिं अणवरयं अभिणंदंता य अभिथुणंता य एवं वयासी— जय जय णंदा ! जय जय भदा ! भद्दं ते अजियं जिणाहि जियं पालयाहि जियमज्झे वसाहि इंदो विव देवाणं चंदो विव ताराणंचम रो विव असुराणं धरणो विव नागाणं बहुई पुन्वसयसहस्साई बहुईओ पुन्वकोडीओ बहुईओ पुन्वकोडाकोडीओ विणीयाए रायहाणीए चल्लहिमवंतिगिरिसागरमेरागस्स य केवलकप्पस्स भरहस्स वासस्स गामाग-रणगरखेडकब्बडमडंबदोणमुहपट्टणासमसण्णिवेसेस सम्मं पयापालणोवज्जियलद्धजसे महया जाव आहेवचं पोरेवचं जाव विहराहित्तिकह जयजयसदं पउंजंति, तए णं से भरहे राया णयणमालासहस्सेहिं पिच्छिजमाणे २ वयणमालासहस्सेहिं अभिथुव्वमाणे २ हिययमालासहस्सेहिं उण्णंदिजमाणे २ मणोरहमालासहस्सेहिं विच्छिप्पमाणे २ कंति-रूवसोहरगगुणेहिं पिच्छिजमाणे २ अंगुलिमालासहस्सेहिं दाइजमाणे २ दाहिणहत्थेणं बहुणं णरणारीसहस्साणं अंजलिमालासहस्साइं पिडच्छेमाणे २ भवणपंतीसहस्साइं समइच्छमाणे २ तंतीतलतुडियगीयवाइयरवेणं महरेणं मणहरेणं मंजुमंजुणा घोसेणं पडिबुज्झमाणे २ जेणेव सए गिहे जेणेव सए भवणवरवर्डिसयदुवारे तेणेव उचा-गच्छइ २ ता आभिसेकं हत्थिरयणं ठवेइ २ ता आभिसेकाओ हत्थिरयणाओ पचोरुहइ २ ता सोलस देवसहस्से सकारेइ सम्माणेइ स० २ ता बत्तीसं रायसहस्से सकारेइ सम्माणेइ स॰ २ ता सेणावइरयणं सकारेइ सम्माणेड स॰ २ ता एवं गाहावइरयणं वहुइरयणं पुरोहियरयणं सकारेइ सम्माणेइ स० २ ता तिण्णि सट्टे सूयसए सकारेइ सम्माणेइ स० २ ता अद्वारस सेणिप्पसेणीओ सक्कारेड सम्माणेड स॰ २ ता अण्णेवि बहवे राईसर जाव सत्थवाहप्पिनइओ सक्कारेइ सम्माणेइ स॰ २ ता पिडविसजेइ, इत्थीरयणेणं बत्तीसाए उडुकल्लाणियासहस्सेहिं बत्तीसाए जण-वयक्लाणियासहस्सेहिं वत्तीसाए बत्तीसइबद्धेहिं णाडयसहस्सेहिं सद्धिं संपरिवुडे भवणवरवर्डिसगं अईइ जहा कुबेरोव्व देवराया केळाससिहरिसिंगभयंति. तए णं से भरहे राया मित्तणाइणियगसयणसंबंधिपरियणं पचुनेक्खइ २ ता जेणेव मज्जणघरे तेणेव उवागच्छइ २ ता जाव मज्जणघराओ पडिणिक्खमइ २ ता जेणेव भोयणमंडवे तेणेव उवागच्छइ २ त्ता भोयणमंडवंसि सुहासणवरगए अट्टमभत्तं पारेइ २ ता उप्पि पासायवरगए फुट्टमाणेहिं मुइंगमत्थएहिं बत्तीसइबद्धेहिं णाडएहिं उवलालिजमाणे २ उवणचिज्रमाणे २ उवगिज्रमाणे २ महया जाव भंजमाणे विहरह ॥ ६७ ॥ तए णं तस्स भरहस्स रण्णो अण्णया कयाइ रज्जधरं चिंतेमाणस्स इमेयारूवे जाव समुप्पजित्था-अभिजिए णं भए णियगबलवीरियपुरिसकारपरक्रमेण चुळ्टिमवंत-गिरिसागरमेराए केवलकप्पे भरहे वासे तं सेयं खळ मे अप्पाणं महया २ रायाभि-सेएणं अभिसेएणं अभिसिंचावित्तएत्तिकदृ एवं संपेहेड २ ता कहं पाउप्पभायाए जाव जलंते जेणेव मज्जणघरे जाव पिडणिक्खमइ २ ता जेणेव बाहिरिया उवद्वाणसाला जेणेव सीहासणे तेणेव उवागच्छइ २ ता सीहासणवरगए प्रत्थाभिमहे णिसीयड णिसीइत्ता सोळस देवसहस्से बत्तीसं रायवरसहस्से सेणावइरयणे जाव प्ररोहियरयणे तिण्णि सद्गे सूयसए अद्वारस सेणिप्पसेणीओ अण्णे य बहुवे राईसरतलवर जाव सत्थवाहप्पभियओ सहावेइ २ ता एवं वयासी—अभिजिए णं देवाणुप्पिया ! मण णियगबलवीरिय जाव केवलकप्पे भरहे वासे तं तुरूसे णं देवाणप्पिया! ममं महयारायाभिसेयं वियरह, तए णं ते सोलस देवसहस्सा जाव पभिइओ भरहेणं रण्णा एवं वृत्ता समाणा हद्वतुद्व० करयल० मत्थए अंजलिं कृष्ट भरहस्स रण्णो एयमद्रं सम्मं विणएणं पिडसुणेंति. तए णं से भरहे राया जेणेव पोसहसाला तेणेव उवागच्छड २ ता जाव अद्रमभत्तिए पडिजागरमाणे २ विहरइ, तए णं से भरहे राया अद्रमभत्तंसि परिणममाणंसि आभिओगिए देवे सद्दावेइ २ त्ता एवं वयासी-खिप्पामेव भो देवाणप्पया! विणीयाए रायहाणीए उत्तरपुरच्छिमे दिसीभाए एगं महं अभिसेयमण्डवं विउव्वेह २ ता मम एयमाणत्तियं पचप्पिणह, तए णं ते आभिओगा देवा भरहेणं रण्णा एवं वृत्ता समाणा हट्टतुट्ट जाव एवं सामित्ति आणाए विणएणं वयणं पडिसुणेति पडिसुणिता विणीयाए रायहाणीए उत्तरपुरत्थिमं दिसीभागं अवक्रमंति २ ता वेउव्वियसमुग्घाएणं समोहणंति २ ता संखिजाई जोय-णाइं दंडं णिसिरंति, तंजहा-रयणाणं जाव रिट्राणं अहाबायरे पुरगले परिसाडेंति २ त्ता अहासुहमे पुग्गले परियादियंति २ ता दुर्चिप वेउन्वियसमुग्घाएणं जाव समोहणंति २ ता बहुसमरमणिजं भूमिभागं विउव्वंति से जहाणामए-आलिंगप-क्खरेइ वा॰, तस्स णं बहुसमरमणिजस्स भूमिभागस्स बहुमज्झदेसभाए एत्थ णं महं एगं अभिसेयमण्डवं विउव्वंति अणेगखंभसयसण्णिविद्रं जाव गंधविट्टभ्यं पेच्छाघ-रमंडववण्णगोत्ति, तस्स णं अभिसेयमंडवस्स बहुमज्झदेसभाए एत्थ णं महं एगं अभिसेयपेढं विउव्वंति अच्छं सण्हं०, तस्स णं अभिसेयपेढरस तिदिसिं तओ तिसोवा-णपडिरुवए विख्वंति, तेसि णं तिसोवाणपडिरुवगाणं अयमेयारूवे वण्णावासे पण्णते जाव तोरणा, तस्स णं अभिसेयपेढस्स बहुसमरमणिजे भूमिभागे पण्णते, तस्स णं बहसमरमणिजस्स भूमिभागस्स बहमज्झदेसभाए एत्थ णं महं एगं सीहासणं विज-व्वंति, तस्स णं सीहासणस्स अयमेयारूवे वण्णावासे पण्णते जाव दामवण्णगं सम-त्तंति। तए णं ते देवा अभिसेयमंडवं विउव्वंति २ त्ता जेणेव भरहे राया जाव पन्न-ष्पिणंति, तए णं से भरहे राया आभिओगाणं देवाणं अंतिए एयमद्रं सोचा णिसमा हद्रतद्र जाव पोसहसालाओ पिडणिक्खमइ २ ता कोडंबियपरिसे सहावेड २ ता एवं वयासी-खिप्पामेव भो देवाण्पिया! आभिसेकं हत्थिरयणं पडिकप्पेह २ ता हयगय जाव सण्णाहेता एयमाणत्तियं पचप्पिणह जाव पचप्पिणंति. तए णं से भरहे राया मज्जणघरं अणुपविसइ जाव अंजणगिरिकृडसण्णिमं गयवइं णरवई दुरूढे. तए णं तस्स भरहस्स रण्णो आभिसेकं हत्थिरयणं दुरूढस्स समाणस्स इमे अद्रद्रमंगलगा जो चेव गमो विणीयं पविसमाणस्स सो चेव णिक्खममाणस्सवि जाव पडिबुज्झमाणे २ विणीयं रायहाणिं मज्झंमज्झेणं णिगगच्छइ २ ता जेणेव विणी-याए रायहाणीए उत्तरपुरित्थमे दिसीभाए अभिसेयमंडवे तेणेव उवागच्छइ २ ता अभिसेयमंडवृद्वारे आभिसेकं हत्थिरयणं ठावेइ २ ता आभिसेकाओ हत्थिरयणाओ पचोरहइ २ ता इत्थीरयणेणं बत्तीसाए उड़कल्लाणियासहस्सेहिं बत्तीसाए जणवयक-ल्लाणियासहस्सेहिं बत्तीसाए बत्तीसइबद्धेहिं णाडगसहस्सेहिं सद्धिं संपरिवृडे अभिसेय-मंडवं अणपविसइ २ ता जेणेव अभिसेयपेढे तेणेव उवागच्छइ २ ता अभिसेयपेढं अणुप्पयाहिणीकरेमाणे २ पुरित्थिमिल्लेणं तिसोवाणपिडस्वएणं दुरूहइ २ ता जेणेव सीहासणे तेणेव उवागच्छइ २ ता पुरत्थाभिसहे सण्णिसण्णे । तए णं तस्स भर-हस्स रण्णो बत्तीसं रायसहस्सा जेणेव अभिसेयमण्डवे तेणेव उवागच्छंति २ ता अभिसेयमंडवं अणुपविसंति २ ता अभिसेयपेढं अणुप्पयाहिणीकरेमाणा २ उत्तरिक्रेणं तिसोवाणपडिरूवएणं जेणेव भरहे राया तेणेव उवागच्छंति २ ता करयल जाव अंजिल कट्ट भरहं रायाणं जएणं विजएणं वद्धावेंति २ ता भरहस्स रण्णो णचासण्णे णाइदूरे सुस्सूसमाणा जाव पज्जवासंति, तए णं तस्स भरहस्स रण्णो सेणावइरयणे जाव सत्थवाहप्पभिइओ तेऽवि तह चेव णवरं दाहिणिल्लेणं तिसोवाणपिडस्वएणं जाव पज्जवासंति, तए णं से भरहे राया आभिओगे देवे सहावेइ २ त्ता एवं वयासी-खिप्पामेव भो देवाणुप्पिया! ममं महत्थं महार्घं महरिहं महारायाभिसेयं उवद-वेह, तए णं ते आभिओइया देवा भरहेणं रण्णा एवं वृत्ता समाणा हद्रतद्वित जाव उत्तरपुरत्थिमं दिसीभागं अवक्रमंति अवक्रमित्ता वेउव्वियसमुग्चाएणं समोह-णंति, एवं जहा विजयस्स तहा इत्थंपि जाव पंडगवणे एगओ मिलायंति एगओ मिलाइत्ता जेणेव दाहिण इभरहे वासे जेणेव विणीया रायहाणी तेणेव उवागच्छंति २ ता

469

विणीयं रायहाणिं अणुप्पयाहिणीकरेमाणा २ जेणेव अभिसेयमंडवे जेणेव भरहे राया तेणेव उवागच्छंति २ ता तं महत्थं महग्धं महारिहं महारायाभिसेयं उव-द्रवेंति. तए णं तं भरहं रायाणं बत्तीसं रायसहस्सा सोभणंसि तिहिकरणदिवसण-क्खत्तमहत्तंसि उत्तरपोद्रवयाविजयंसि तेहिं साभाविएहि य उत्तरवेउव्विएहि य वर-कमलपइंद्राणेहिं सुरभिवरवारिपडिपुण्णेहिं जाव महया महया रायाभिसेएणं अभि-सिंचंति, अभिसेओ जहा विजयस्स, अभिसिंचित्ता पत्तेयं २ जाव अंजिलं कट्ट ताहिं इद्राहिं जहा पविसंतस्स॰ भणिया जाव विहराहित्तिकहु जयजयसद्दं परंजंति । तए णं तं भरहं रायाणं सेणावइरयणे जाव परोहियरयणे तिण्णि य सद्रा स्यसया अद्रारस सेणिप्पसेणीओ अण्णे य बहवे जाव सत्थवाहप्पभिइओ एवं चेव अभिसिंचंति तेहिं वरकमलपइद्राणेहिं तहेव जाव अभिथुणंति य सोलस देवसहस्सा एवं चेव णवरं पम्हलसुकुमालाए जाव मउडं पिणद्वेंति, तयणंतरं च णं दहरमलयसुगंधिएहिं गंधेहिं गायाई अब्सुक्खेंति दिन्वं च समणोदामं पिणद्धेंति, किं बहणा ?, गंठिमवेढिम जाव विभूसियं करेंति, तए णं से भरहे राया महया २ रायाभिसेएणं अभिसिंचिए समाणे कोडंबियपरिसे सहावेइ २ ता एवं वयासी-खिप्पामेव भो देवाणप्पिया! हत्थि-खंधवरगया विणीयाए रायहाणीए सिंघाडगतिगचउक्कचचर जाव महापहपहेसु महया २ संदेणं उग्घोसेमाणा २ उरसकं उक्करं उक्किट्रं अदिजं अमिजं अमडप्पवेसं अदंड-कोदंडिमं जाव सपुरजणजाणवयं दुवालससंवच्छरियं पमोयं घोसेह २ ता ममेयमाण-त्तियं पचिपपाहत्ति, तए णं ते को इंवियपरिसा भरहेणं रण्णा एवं वृत्ता समाणा हद्रतद्र-चित्तमाणंदिया पीइमणा० हरिसवसविसप्पमाणहियया विणएणं वयणं पिडसुणेति २ त्ता खिप्पामेव हत्थिखंधवरगया जाव घोसेंति २ ता एयमाणत्तियं पचप्पिणंति, तए णं से भरहे राया महया २ रायाभिसेएणं अभिसित्ते समाणे सीहासणाओ अब्सुट्टेइ २ त्ता इत्थिरयणेणं जाव णाडगसहस्सेहिं सिद्धं संपरिवृडे अभिसेयपेढाओ पुरित्थिमि-क्रेणं तिसोवाणपिड्रिवएणं पचोरहइ २ ता अभिसेयमंडवाओ पिड्रिणिक्खमइ २ ता जेणेव आभिसेक्के हत्थिरयणे तेणेव उवागच्छइ २ ता अंजणगिरिकृडसण्णिमं गयवइं जाव दुरूढे, तए णं तस्स भरहस्स रण्णो बत्तीसं रायसहस्सा अभिसेयपेटाओ उत्तरिक्षेणं तिसोवाणपिडिरूवएणं पचोरुहंति, तए णं तस्स भरहस्स रण्णो सेणावइर-यणे जाव सत्थवाहप्पभिइओ अभिसेयपेढाओ दाहिणिहेणं तिसोवाणपडिरूवएणं पचोरहंति. तए णं तस्स भरहस्स रण्णो आभिसेकं हत्थिरयणं दुरूदस्स समाणस्स इमे अद्रद्रमंगलगा पुरओ जाव संपद्रिया. जोऽविय अङ्गच्छमाणस्य गमो पढमो क़बेरावसाणों सो चेव इहंपि कसो सकारजढो णेयव्यो जाव क़बेरोव्य देवराया केलासं सिहरिसिंगभूयंति । तए णं से भरहे राया मज्जणघरं अणुपविसइ २ ता जाव भोयणमंडवंसि सहासणवरगए अद्वमभत्तं पारेइ २ ता भोयणमंडवाओ पिडणिक्ख-मइ २ ता उपिंप पासायवरगए फुद्धमाणेहिं मुइंगमत्थएहिं जाव भुंजमाणे विहरइ. तए णं से भरहे राया दुवालससंवच्छरियंसि पमोयंसि णिव्वत्तंसि समाणंसि जेणेव मजा-णघरे तेणेव उवागच्छा २ ता जाव मज्जणघराओ पिडणिक्खमइ २ ता जेणेव बाहि-रिया उवहाणसाला जाव सीहासणवरगए पुरत्थाभिमुहे णिसीयइ २ ता सोलस देव-सहस्से सकारेइ सम्माणेइ स॰ २ ता पिडविसजेइ २ ता बत्तीसं रायवरसहस्सा सकारेड सम्माणेइ स० २ ता० सेणावइरयणं सकारेइ सम्माणेइ स० २ ता जाव पुरोहियरयणं सकारेइ सम्माणेइ स० २ त्ता० एवं तिष्णि सहे सूयारसए अहारस सेणिप्पसेणीओ सका-रेइ सम्माणेइ स० २ ता० अण्णे य बहुवे राईसरतलवर जाव सत्थवाहप्पभिइओ सक्कारेड सम्माणेइ स॰ २ त्ता पडिविसजेइ २ त्ता उप्पि पासायवरगए जाव विहरइ ॥ ६८-१ ॥ भरहस्स रण्णो चक्करयणे १ दंडरयणे २ असिरयणे ३ छत्तरयणे ४ एए णं चत्तारि एगिंदियरयणा आउहघरसालाए समुप्पण्णा, चम्मरयणे १ मणिरयणे २ कागणि-रयणे ३ णव य महाणिहुओ एए णं सिरिघरंसि समुप्पण्णा, सेणावइरयणे १ गाहा-वइरयणे २ वहुइरयणे ३ पुरोहियरयणे ४ एए णं चत्तारि मणुयरयणा विणीयाए रायहाणीए समुप्पण्णा, आसरयणे १ हत्थिरयणे २ एए णं दुवे पंचिदियरयणा वेयहृगिरिपायमूळे समुप्पण्णा, सुभद्दा इत्थीरयणे उत्तरिल्लाए विज्ञाहरसेढीए सम्-प्पण्णे ॥ ६८-२ ॥ तए णं से भरहे राया चउदसण्हं रयणाणं णवण्हं महाणिहीणं सोलसण्हं देवसाहस्सीणं बत्तीसाए रायसहस्साणं बत्तीसाए उडुकल्लाणियासहस्साणं बत्तीसाए जणवयकल्लाणियासहस्साणं बत्तीसाए बत्तीसइबद्धाणं णाडगसहस्साणं तिण्हं सद्वीणं सूयारसयाणं अद्वारसण्हं सेणिप्पसेणीणं चउरासीईए आससयसहस्साणं चउरासीईए दंतिसयसहस्साणं चउरासीईए रहसयसहस्साणं छण्णउईए मणुस्स-कोडीणं वावत्तरीए पुरवरसहस्साणं बत्तीसाए जणवयसहस्साणं छण्णउईए गाम-कोडीणं णवणउईए दोणमुहसहस्साणं अडयालीसाए पृष्टणसहस्साणं चउन्वीसाए कुन्बडसहस्साणं चउन्वीसाए महंबसहस्साणं वीसाए आगरसहस्साणं सोलसण्हं खेडसहस्साणं चउदसण्हं संवाहसहस्साणं छःपण्णाए अंतरोदगाणं एगूणपण्णाए कुरजाणं विणीयाए रायहाणीए चुछ्रहिमवंतिगिरिसागरमेरागस्स केवळकप्पस्स भरहस्स वासस्स अण्णेसिं च बहुणं राईसरतलवर जाव सत्थवाहप्पभिईणं आहेवचं पोरेवचं भट्टितं सामित्तं महत्तरगत्तं आणाईसरसेणावचं कारेमाणे पालेमाणे ओहय-णिहएस कंटएस उद्धियमलिएस सन्वसत्तुस णिजिएस भरहाहिवे णरिंदे वरचंदण-

चिचयंगे वरहाररइयवच्छे वरमउडविसिद्वए वरवत्थभूसणघरे सन्वोउग्रसुरहिकुसुम-वरमळसोभियसिरे वरणाडगणाडइज्जवरइत्थिगुम्मसिद्धं संपरिवृडे सव्वोसिहसव्वरय-णसव्वसमिइसमग्गे संपुण्णमणोरहे ह्यामित्तमाणमहणे पुव्वक्यतवप्पभावणिविद्व-संचियफले भुंजइ माणुस्सए सहे भरहे णामधेजेति ॥ ६९ ॥ तए णं से भरहे राया अण्णया कयाइ जेणेव मज्जणघरे तेणेव उवागच्छइ २ ता जाव सिखव पियदंसणे णरवई मज्जणघराओ पिडिणिक्खमइ २ ता जेणेव आयंसघरे जेणेव सीहासणे तेणेव उवागच्छइ २ ता सीहासणवरगए पुरत्थाभिमुहे णिसीयइ २ ता आयंसघरंसि अत्ताणं देहमाणे २ चिट्ठई, तए णं तस्स भरहस्स रण्णो सुभेणं परिणामेणं पसत्थेहिं अञ्झवसाणेहिं लेसाहिं विसुञ्झमाणीहिं २ ईहापोहमग्गणगवे-सणं करेमाणस्स तयावरणिज्ञाणं कम्माणं खएणं कम्मरयविकिरणकरं अपुञ्वकरणं पविद्वस्स अणंते अणुत्तरे निव्वाघाए निरावरणे कसिणे पडिपुण्णे केवलवरनाणदंसणे समुप्पण्णे. तए णं से भरहे केवली सयमेवाभरणालंकारं ओर्मेयइ २ त्ता सयमेव पंचमुह्रियं लोयं करेइ २ ता आयंसघराओ पिडणिक्खमइ २ ता अंतेउरमज्झंमज्झेणं णिग्गच्छइ २ त्ता दसिंहं रायवरसहस्सेहिं सिंद्धं संपरिवृडे विणीयं रायहाणिं मज्झंमज्झेणं णिग्गच्छइ २ ता मज्झदेसे सुहंसुहेणं विहरइ २ ता जेणेव अट्ठावए पव्वए तेणेव उवागच्छइ २ ता अट्ठावयं पव्वयं सणियं २ दुरूहइ २ ता मेघघण-सिणगासं देवसिण्णवायं पुढविसिलावदृयं पिडलेहेइ २ ता संलेहणाझूसणाझूसिए भत्तपाणपडियाइक्खिए पाओवगए कालं अणवकंखमाणे विहरइ, तए णं से भरहे केवली सत्तत्तरिं पुञ्वसयसहस्साईं कुमारवासमज्झे वसित्ता एगं वाससहस्सं मंडलियरायमञ्झे वसित्ता छ पुर्वसयसहस्साइं वाससहस्सूणगाइं महारायमञ्झे वसित्ता तेसीइपुव्वसयसहरूसाइं अगारवासमज्झे वसित्ता एगं पुव्वसयसहरूसं देसूणगं केवलिपरियायं पाराणिता तमेव बहपडिपुण्णं सामण्णपरियायं पाराणिता चउरासीइपुव्वसयसहस्साइं सव्वाउयं पाउणित्ता मासिएणं भत्तेणं अपाणएणं सव-णेणं णक्खत्तेणं जोगमुवागएणं खीणे वेयणिज्ञे आउए णामे गोए कालगए वीइकंते समुजाए छिण्णजाइजरामरणबंधणे सिद्धे बुद्धे मुत्ते परिणिव्वुडे अंतगडे सव्वदुक्ख-प्पहीणे ॥ ७० ॥ इइ भरहचिक्कचरियं समत्तं ॥

१ तहिमप्पाणमवलोयंतस्स तस्सेगंगुलीए गलियमंगुलिज्यं, सो य तं पडंतं ण जाणइ, अणुक्तमेण बुंदिं पेहमाणे तमंगुलिमसोहंतियमवलोएइ ताहे हारक्रडगाइसव्व-माभरणमवणेइ । २ गत्तअसारत्तभावणारूवजीवपरिणईए । ३ सयमेवाभरणभूयम-लंकारं वत्थमहरूवमोमुयइत्ति अद्वो ।

भरहे य इत्थ देवे महिष्हिए महजुइए जाव पिल्ञोवमिट्टइए परिवसह, से एएणट्टेणं गोयमा ! एवं वुच्चइ—भरहे वासे २ इति । अदुत्तरं च णं गो॰! भरहस्स वासस्स सासए णामधेजे पण्णते जं ण कयाइ ण आसि ण कयाइ णतिथ ण कयाइ ण भविस्सइ भुविं च भवइ य भविस्सइ य धुवे णियए सासए अक्खए अव्वए अवट्टिए णिचे भरहे वासे ॥ ७१ ॥ तद्दशो वक्खारो समत्तो ॥

कहि णं भंते ! जम्बुद्दीवे २ चुल्लहिमवंते णामं वासहरपव्वए पण्णते ? गोयमां ! हेमवयस्स वासस्स दाहिणेणं भरहस्स वासस्स उत्तरेणं पुरत्थिमलवणसमुहस्स पचित्थमेणं पचित्थमलवणसमुद्दस्स पुरित्थमेणं एतथ णं जम्बुद्दीवे दीवे चुछ्रहिमवंते णामं वासहरपव्वए पण्णते, पाईणपडीणायए उदीणदाहिणविच्छिण्णे दुहा लवण-समुद्दं पुट्टे पुरित्थामिल्लाए कोडीए पुरित्थामिल्लं ठवणसमुद्दं पुट्टे पच्चित्थिमिल्लाए कोडीए पचित्थिमिह्नं लवणसमुद्दं पुट्टे एगं जोयणसयं उड्टं उच्चतेणं पणवीसं जोयणाई उन्वेहेणं एगं जोयणसहस्सं बावण्णं च जोयणाई दुवालस य एगूणवीसइभाए जोयणस्स विक्खंभेणंति, तस्स बाहा पुरत्थिमपचित्थिमेणं पंच जोयणसहस्साइं तिण्णि य पण्णासे जोयणसए पण्णरस य एगूणवीसइभाए जोयणस्स अद्भागं च आयामेणं, तस्स जीवा उत्तरेणं पाईणपडीणायया जाव पचित्थिमिछाए कोडीए पचित्थिमिल्लं लवणसमुद्दं पुद्वा चडव्वीसं जोयणसहस्साई णव य बत्तीसे जोयणसए अद्भागं च किंचिविसेस्णा आयामेणं पण्णत्ता, तीसे धणुपट्ठे दाहिणेणं पणवीसं जोयणसहस्साइं दोण्णि य तीसे जोयणसए चत्तारि य एगूणवीसइभाए जोयणस्स परिक्खेवेणं पण्णते, रुयगसंठाणसंठिए सन्वकणगामए अच्छे सण्हे तहेव जाव पडिह्ने, उभओ पासिं दोहिं पउमवरवेइयाहिं दोहि य वणसंडेहिं संपरिक्खित दुण्हवि पमाणं वण्णगोत्ति । चुल्लहिमवन्तस्स वासहरपव्वयस्स उवर्रि बहुसमर-मणिजे भूमिभागे पण्णत्ते, से जहाणामए-आलिंगपुक्खरेइ वा जाव बहवे वाणमंतरा देवा य देवीओ य आसयंति जाव विहरंति ॥ ७२ ॥ तस्स णं बहुसमरमणिजस्स भूमिभागरस बहुमज्झदेसभाए इत्थ णं इके महं पउमद्दहे णामं दहे पण्णते, पाईणपडीणायए उदीणदाहिणविच्छिण्णे इक्कं जोयणसहस्सं आयामेणं पंच जोयणसयाइं विक्खंभेणं दस जोयणाइं उन्वेहेणं अच्छे सण्हे रययामयकूळे जाव पासाईए जाव पडिरूवेत्ति, से णं एगाए पउमवरवेइयाए एगेण य वणसंडेणं सन्वओ समंता संपरिक्खिते वेइयावणसंडवण्णओ भाणियव्वोत्ति, तस्स णं पडमह-हस्स चउ हिर्सि चत्तारि तिसोवाणपडिरूवगा पण्णत्ता, वण्णावासो भाणियञ्वोत्ति । तेसि णं तिसोवाणपिडह्वगाणं पुरओ पत्तेयं २ तोरणा पण्णत्ता, ते णं तोरणा

णाणामणिमया॰, तस्त णं पडमइहस्त बहुमज्झदेसभाए एत्थं महं एगे पडमे पण्णत्ते, जोयणं आयामविक्खंभेणं अद्धजोयणं बाहहेणं दस जोयणाइं उन्वेहेणं दो कोसे ऊसिए जलंताओ साइरेगाइं दसजोयणाइं सन्वरगेणं पण्णते, से णं एगाए जगईए सन्वओ समंता संपरिक्खित्ते जम्बुद्दीवजगइप्पमाणा गवक्खकडएवि तह चेव पमाणे-णंति, तस्स णं पडमस्स अयमेयास्वे वण्णावासे प०, तं०-वइरामया मूला रिह्नामए कंदे वेरुलियामए णाले वेरुलियामया बाहिरपत्ता जम्बूणयामया अर्ध्भितरपत्ता तवणिज्ञमया केसरा णाणामणिमया पोक्खरवीयभाया कणगामई कण्णिया, सा णं० अद्धजोयणं आयामविक्खंभेणं कोसं वाहक्षेणं सव्वकणगामई अच्छा०, तीसे णं कण्णियाए उप्पि बहसमरमणिजे भूमिभागे पण्णते, से जहाणामए-आलिंग०, तस्स णं बहुसमरमणिज्ञस्स भूमिभागस्स बहुमज्झदेसभाए एत्थ णं महं एगे भवणे प० कोसं आयामेणं अद्धकोसं विक्खंभेणं देसूणगं कोसं उष्ट्रं उचतेणं अणेगखंभसय-सण्णिविद्वे पासाईए दरिसणिजे॰, तस्स णं भवणस्स तिदिसिं तओ दारा प॰, ते णं दारा पञ्चधणुसयाइं उड्ढं उचतेणं अड्ढाइजाइं धणुसयाइं विक्खंभेणं तावइयं चेव पवेसेणं सेया वरकणगथ्भियागा जाव वणमालाओ णेयव्वाओ, तस्स णं भवणस्स अंतो बहुसमरमणिजे भूमिभागे पण्णते, से जहाणामए-आलिंग॰, तस्स णं बहुमज्झदेसभाए एत्थ णं महई एगा मणिपेढिया प०, सा णं मणिपेढिया पंचधणुसयाई आयाम-विक्खंभेणं अङ्गाइजाइं धणसयाइं बाहल्लेणं सन्वमणिमई अच्छा ०. तीसे णं मणिपेहियाए डप्पि एत्थ णं महं एगे सयणिजे पण्णते, सयणिजवण्णओ भाणियन्वो । से णं पडमे अण्णेणं अट्ठसएणं परमाणं तद्दुचत्तप्पमाणमित्ताणं सव्वओ समंता संपरिक्खिते, ते णं परमा अद्भजोयणं आयामविक्खंभेणं कोसं वाहहेणं दसजोयणाइं उन्वेहेणं कोसं ऊसिया जलंताओ साइरेगाइं दसजोयणाइं उचतेणं. तेसि णं पउमाणं अयमेयाहवे वण्णावासे पण्णते. तंजहा-वइरामया मूला जाव कणगामई कण्णिया, सा णं कण्णिया कोसं आयामेणं अद्धकोसं वाह्नेहेणं सन्वकणगामई अच्छा इति. तीसे णं कण्णियाए उप्पि बहुसमरमणिजे जाव मणीहिं उवसोभिए, तस्स णं पउमस्स अवस्तरेणं उत्तरेणं उत्तरपुरित्थमेणं एतथ णं सिरीए देवीए चउण्हं सामाणियसाहस्सीणं चतारि पडम-साहस्सीओ पण्णत्ताओ, तस्स णं पडमस्स पुरित्थमेणं एत्थ णं सिरीए देवीए चडण्हं महत्तरियाणं चत्तारि पडमा प०. तस्स णं पडमस्स दाहिणपुरत्थिमेणं सिरीए देवीए अव्भितरियाए परिसाए अट्रण्हं देवसाहस्सीणं अट्र पउमसाहस्सीओ पण्णताओ, दाहिणेणं मज्झिमपरिसाए दसण्हं देवसाहस्सीणं दस पउमसाहस्सीओ पण्णत्ताओ, दाहिणपचित्थिमेणं बाहिरियाए परिसाए बारसण्हं देवसाहस्सीणं बारस पडमसाह-

स्सीओ पण्णताओ, पचित्थिमेणं सत्तण्हं अणियाहिवईणं सत्त पउमा पण्णता. तस्म णं पडमस्स चडिहिसं सव्वओ समंता इत्थ णं सिरीए देवीए सोलसण्हं आयरक्ख-देवसाहरसीणं सोलस पडमसाहरसीओ पण्णताओ, से णं तीहिं पडमपरिक्खेवेहिं सव्बओ समंता संपरिक्खिते. तं०-अब्भितरएणं मज्झिमएण बाहिरएणं, अब्भितरए पडमपरिक्खेवे बत्तीसं पडमसयसाहस्सीओ पण्णताओ मज्झिमए पडमपरिक्खेवे चत्तार्ठीसं पुरमसुयसाहरूसीओ पण्णताओ बाहिरए पुरमपरिक्खेवे अड्यार्ठीसं पुरम-सयसाहरूसीओ पण्णताओ, एवामेव सपुव्वावरेणं तिहिं पडमपरिक्खेवेहिं एगा पउमकोडी वीसं च पउमसयसाहरसीओ भवंतीति मक्खायं। से केणद्रेणं भंते ! एवं वुच्चइ-पउमहहे २ १ गोयमा ! पउमहहे णं० तत्थ २ देसे २ तिहं २ बहवे उप्पलाइं जाव सयसहस्सपत्ताइं पउमहहप्पभाइं पउमहहवण्णाभाइं सिरी य इत्थ देवी महिन्निया जाव पिलओवमद्रिझ्या परिवसइ, से एएणद्रेणं जाव अदुत्तरं च णं गोयमा ! पउमदृहस्स सासए णामधेजो पण्णते ण कयाइ णासि ण० ॥ ७३ ॥ तस्स णं पउमहहस्स पुरिक्थिमिल्लेणं तोरणेणं गंगा महाणई पवृद्धा समाणी पुरत्था-भिमुही पत्र जोयणसयाई पव्वएणं गंता गंगावत्तणकूडे आवत्ता समाणी पन्न तेवीसे जोयणसए तिष्णि य एगूणवीसङ्भाए जोयणस्स दाहिणाभिमुही पव्वएणं गंताः महया घडमहपवित्तिएणं मृताविलहारसंठिएणं साइरेगजोयणसङ्गणं प्रवाएणं प्रवडह गंगा महाणई जओ पवडइ इतथ णं महं एगा जिब्भिया पण्णता, सा णं जिब्भिया अद्भजोयणं आयामेणं छ सकोसाइं जोयणाइं विक्खंभेणं अद्भकोसं बाहक्षेणं मगर-महविउद्रसंठाणसंठिया सन्ववहरामई अच्छा सण्हा. गंगा महाणई जत्थ पवडड एत्थ णं महं एगे गंगप्पवायकुंडे णामं कुंडे पण्णत्ते सिद्धं जोयणाई आयामविक्खंभेणं णउयं जोयणसयं किंन्विविसेसाहियं परिक्खेवेणं दस जोयणाइं उठ्वेहेणं अच्छे सण्हे रययामयकूळे समतीरे वहरामयपासाणे वहरतळे सुवण्णसुब्भरययामयवाळ्याए वेह-लियमणिफालियपडलपचोयडे सहोयारे सहोत्तारे णाणामणितित्यसबद्धे वहे अणुपव्व-सुजायवप्पगंभीरसीयलजले संछण्णपत्तभिसमुणाले बहुउप्पलकुमुयणलिणसुभग-सोगंधियपोंडरीयमहापोंडरीयसयपत्तसहस्सपत्तसयसहस्सपत्तपप्फळकेसरोवचिए छप्प-यमहूयरपरिभुज्जमाणकमले अच्छविमलपत्थसलिले पुण्णे पिडहृत्थभमन्तमच्छकच्छ-भअणेगसउणगणमिहुणपवियरियसहुण्णइयमहुरसर्णाइए पासाईए० । से णं एगाए पडमवरवेइयाए एगेण य वणसण्डेणं सन्वओ समंता संपरिक्खित वेइयावणसंडगाणं पडमाणं वण्णओ भाणियव्वो, तस्स णं गंगप्पवायकुंडस्स तिदिसिं तओ तिसोवाण-पडिरूवगा प०, तंजहा-पुरित्थमेणं दाहिणेणं पचित्थमेणं, तेसि णं तिसोवाणपिड-

ह्ननगांणं अयमेयारूवे वण्णावासे पण्णते, तंजहा-वहरामया णेम्मा रिद्वामया पइडाणा वेरुलियामया खंभा सुवण्णरुप्पमया फलया लोहियक्खमईओ सईओ वयरामया संघी णाणामणिमया आलंबणा आलंबणबाहाओति. तेसि णं तिसोवाणपडिस्वगाणं पुरओ पत्तेयं पत्तेयं तोरणा पण्णता, ते णं तोरणा णाणामणिमया णाणामणिमएस खंभेस उवणिविद्रसंणिविद्रा विविहमत्तंतरोवचिया विविहताराह्वोवचिया ईहासियउसहतर-गणरमगरविहगवालगकिण्णररुस्सरभचमरकुंजरवणलयपउमलयभत्तिचित्ता खंभगगय-वइरवेइयापरिगयाभिरामा विजाहरजमलज्ञयलजंतुजुत्ताविव अश्वीसहस्समालणीया ह्वगसहस्सक्रिया भिसमाणा भिब्भिसमाणा चक्ख्रहोयणलेसा सहफासा सस्सिरी यरूवा घंटावलिचलियमहरमणहरसरा पासाईया॰, तेसि णं तोरणाणं उवरिं बहवे अट्टहमंगला प०, तं०-सोत्थिए सिरिवच्छे जाव पडिरुवा, तेसि णं तोरणाणं उवरिं बहवे किण्हचामरज्झया जाव सुक्किल्लचामरज्झया अच्छा सण्हा रूपपट्टा वहरामयदण्डा जलयामलगंधिया सुरम्मा पासाईया ४, तेसि णं तोरणाणं उप्पि बहवे छत्ताइच्छत्ता पडागाइपडागा घंटाजुयला चामरजुयला उप्पलहत्थगा पउमहत्थगा जाव सय-सहस्सपत्तहत्थगा सन्वरयणामया अच्छा जाव पिडरूवा. तस्स णं गंगप्पवायकंडस्स बहमज्झदेसभाए एत्थ णं महं एगे गंगादीवे णामं दीवे पण्णते अद्र जोयणाई आयामविक्खंभेणं साइरेगाइं पणवीसं जोयणाइं परिक्खेवेणं दो कोसे ऊसिए जलंताओ सन्ववयरामए अच्छे सण्हे॰, से णं एगाए पउमदरवेडयाए एगेण य वणसंडेणं सव्वओ समंता संपरिक्खित वण्णओ भाणियव्यो. गंगादीवस्स णं दीवस्स उप्पि बहुसमरमणिजे भूमिभागे पण्णत्ते, तस्स णं बहुमज्झदेसभाए एत्थ णं महं गंगाए देवीए एगे भवणे पण्णत्ते कोसं आयामेणं अद्धकोसं विक्खंभेणं देसूणगं च कोसं उड्डं उचतेणं अणेगखंभसयसण्णिविद्वे जाव बहुमज्झदेसभाए मणिपेढियाए सयणिजे, से केणद्वेण जाव सासए णामधेजे पण्णते, तस्स णं गंगप्पवायकंडस्स दिक्खणिलेणं तोरणेणं गंगामहाणई पवृदा समाणी उत्तरष्ट्रभरहवासं एजेमाणी २ सत्तिहिं सिल्लासहस्सेहिं आऊरेमाणी २ अहे खण्डप्पवायगुहाए वेयन्नपन्वयं दालइत्ता दाहिणडूभरहवासं एजेमाणी २ दाहिणडूभरहवासस्स देसभागं गंता पुरत्थाभिमुही आवत्ता समाणी चोइसिहं सिळलसहस्सेहं समग्गा अहे जगई दालइत्ता पुरित्थमेणं लवणसमुद्दं समप्पेइ, गंगा णं महाणई पवहे छ सकोसाई जोयणाई विक्खंभेणं अद्धकोसं उव्वेहेणं तयणंतरं च णं मायाए २ परिवहृमाणी २ मुहे बासिट्टं जोयणाइं अद्ध्जोयणं च विक्खंभेणं सकोसं जोयणं उव्वेहेणं उभओ पासिं दोहिं पउमवरवेइयाहिं दोहिं वणसंडेहिं

संपरिक्खिता वेइयावणसंडवण्णओ भाणियव्वो, एवं सिंधूएवि णेयव्वं जाव तस्स णं पउमदृहस्स पचित्थिमिल्लेणं तोरणेणं सिंधुआवत्तणकुढे दाहिणाभिमुही सिंधुप्पना-यकुंडं सिंधुद्दीवो अट्ठो सो चेव जाव अहेतिमिसगुहाए वेयहूपव्वयं दालङ्ता पचित्थमाभिमुही आवता समाणा चोद्दससिलेला अहे जगई पचित्थिमेणं लवणसमहं जाव समप्पेइ, सेसं तं चेव । तस्स णं पउमद्रहस्स उत्तरिक्षेणं तोरणेणं रोहियंसा महाणई पत्रुढा समाणी दोण्णि छावत्तरे जोयणसए छच एगूणवीसङ्भाए जोयणस्य उत्तराभिमुही पव्वएणं गंता महया घडमुहपवित्तिएणं मुत्ताविल्हारसंठिएणं साइरेग-जोयणसङ्गणं पवाएणं पवडङ्, रोहियंसा णामं महाणई जओ पवडङ् एत्थ णं महं एगा जिब्भिया पण्णता, सा णं जिब्भिया जोयणं आयामेणं अद्धतेरसजोयणाः विक्खंभेणं कोसं बाहक्षेणं मगरमहविउद्रसंठाणसंठिया सञ्ववहरामई अच्छा ०. रोहि-यंसा महाणई जिह पवडइ एत्थ णं महं एगे रोहियंसापवायकुण्डे णामं कुण्डे पण्णते सवीसं जोयणसयं आयामविक्खंभेणं तिण्णि असीए जोयणसए किंचिविसेसणे परिक्खेवेणं दसजोयणाई उन्वेहेणं अच्छे कुंडवण्णओ जाव तोरणा, तस्स णं रोहियंसापवायकंडस्स बहमज्झदेसभाए एत्थ णं महं एगे रोहियंसा णामं दीवे पण्णते सोलस जोयणाई आयामविक्खंभेणं साइरेगाई पण्णासं जोयणाई परिक्खेवेणं दो कोसे ऊसिए जलंताओ सव्वरयणामए अच्छे सण्हे सेसं तं चेव जाव भवणं अट्रो य भाणियव्वो, तस्स णं रोहियंसप्पवायकुंडस्स उत्तरिक्षेणं तोरणेणं रोहियंसा महाणई पबुढा समाणी हेमवयं वासं एजेमाणी २ चउइसिंहं सिळलासहस्सेहं आप्रेमाणी २ सद्दावइवट्टवेयहूपव्वयं अद्धजोयणेणं असंपत्ता समाणी पच्चत्थाभिमुही आवत्ता समाणी हेमवयं वासं दुहा विभयमाणी २ अडावीसाए सलिलासहस्सेहिं समग्गा अहे जगई दालइता पचित्थिमेणं लवणसमुद्दं समप्पेइ, रोहियंसा णं॰ पवहे अद्धतेर-सजोयणाई विक्खंभेणं कोसं उव्वेहेणं तयणंतरं च णं मायाए २ परिवडूमाणी २ मुह्मूले पणवीसं जोयणसयं विक्खंभेणं अड्डाइजाइं जोयणाइं उव्वेहेणं उभओ पासिं दोहिं परमवरवेइयाहिं दोहि य वणसंडेहिं संपरिक्खिता ॥ ७४ ॥ चुछहिमवन्ते णं भन्ते ! वासहरपव्वए कइ कूडा प० ? गोयमा ! इक्कारस कूडा प०, तं०-सिद्धकूडे १ चुछ्रहिमवन्तकूडे २ भरहकूडे ३ इठादेवीकूडे ४ गंगादेवीकूडे ५ सिरिकृडे ६ रोहियंसकुडे ७ सिन्धुदेवीकूडे ८ सुरदेवीकूडे ९ हेमवयकूडे १० वेसमणकूडे ११। कहि णं भन्ते ! चुल्लहिमवन्ते वासहरपञ्चए सिद्धकुडे णामं कुडे प॰ ? गोयमा! पुरिच्छमलवणसमुद्दस्स पचित्थिमेणं चुल्लहिमवन्तकूडस्स पुरित्थिमेणं एत्थ णं सिद्धकुडे णामं कृडे पण्णते पंच जोयणसयाइं उड्डं उच्चतेणं मूळे पंच जोय- णसयाइं विक्खंभेणं मज्झे तिण्णि य पण्णत्तरे जोयणसए विक्खंभेणं उप्पि अड्ढाइजे जोयणसए विक्खंभेणं मुळे एगं जोयणसहस्सं पंच य एगासीए जोयणसए किंचि-विसेसाहिए परिक्खेवेणं मज्झे एगं जोयणसहस्सं एगं च छलसीयं जोयणसयं किंचि-विसेस्णं परिक्खेवेणं उपिं सत्तर्क्काणउए जोयणसए किंचिविसेस्णे परिक्खेवेणं. मुळे विच्छिण्णे मज्झे संखिते उपिं तणुए गोपुच्छसंठाणसंठिए सन्वरयणामए अच्छे॰, से णं एगाए परमवरवेइयाए एगेण य वणसंडेणं सव्वओ समंता संपरिक्खिते. सिद्धस्स कुडस्स णं उपिंप बहसमरमणिजे भूमिभागे पण्णते जाव विहरंति । कहि णं भनते ! चुल्लहिमवन्ते वासहरपव्वए चुल्लहिमवन्तकुडे णामं कुडे पण्णत्ते ? गो॰! भरहकुडस्स पुरित्थमेणं सिद्धकृडस्स पचित्थमेणं एत्थ णं चुल्लहिमवन्ते वासहरपव्वए चुल्लहिमवन्त-कूडे णामं कूडे पण्णते, एवं जो चेव सिद्धकृडस्स उच्चत्तविक्खंभपरिक्खेवो जाव ब॰ भ्र॰ प॰ वण्णओ, तस्स णं बहुसमर्मणिजस्स भूमिभागस्स बहुमज्झदेसभाए एत्थ णं महं एगे पासायवडेंसए पण्णते बासद्विं जोयणाई अद्भजोयणं च उचतेणं इक्ततीसं जोयणाई कोसं च विक्खंभेणं अब्भुग्गयम्सियपहिसए विव विविहसणिरयणभित्तिचिते वाउद्धय-विजयवेजयंतीपडागच्छत्ताइच्छत्तकलिए तुंगे गगणतलमभिलंघमाणसिहरे जालंतररय-णपंजरुम्मीलिएव्व मणिरयणथुभियाए वियसियसयवत्तपंडरीयतिलयरयणद्धचंदचित्ते णाणामणिमयदामालंकिए अंतो बहिं च सण्हे वइरतवणिज्जरहरूवाल्यापत्थडे सुहफासे सस्सिरीयरूवे पासाईए जाव पडिरूवे, तस्स णं पासायवडेंसगस्स अंतो बहुसमरमणिजे भूमिभागे प० जाव सीहासणं सपरिवारं, से केणहेणं भन्ते! एवं वृच्च -चूळ्ळाहिमवन्त-कुडे २१ गो० !... चुल्लहिमवन्ते णामं देवे महिड्डिए जाव परिवसइ, कहि णं भन्ते ! चुछहिमवन्तगिरिकुमारस्स देवस्स चुछहिमवन्ता णामं रायहाणी प० १ गो० ! चुछ-हिमवन्तकूडस्स दिक्खणेणं तिरियमसंखेजे दीवसमुद्दे वीईवइत्ता अयण्णं जम्बुद्दीवं २ दिक्खणेणं बारस जोयणसहस्साइं ओगाहित्ता इत्थ णं चुह्रहिमवन्तस्स गिरिकुमारस्स देवस्स चुह्रहिमवन्ता णामं रायहाणी प॰ बारस जोयणसहस्साइं आयामविक्खं-भेणं, एवं विजयरायहाणीसरिसा भाणियव्वा,...एवं अवसेसाणवि कुडाणं वत्तव्वया णेयव्वा. आयामविक्खंभपरिक्खेवपासायदेवयाओ सीहासणपरिवारो अह्रो य देवाण य देवीण य रायहाणीओ णेयन्वाओ, चउसु देवा चुह्रहिमवन्त १ भरह २ हेमवय ३ वेसमणकुडेसु ४, सेसेसु देवयाओ, से केणद्रेणं भनते! एवं वृच्च चुह्रहिमवनते वासहरपव्वए २ ? गो० ! ... महाहिमवन्तवासहरपव्वयं पणिहाय आयामुचतुव्वे-हविक्लंभपरिक्खेवं पड़च ईसिं खुडूतराए चेव हस्सतराए चेव णीयतराए चेव, चुल्लहिमवनते य इत्थ देवे महिष्टिए जाव पलिओवमद्भिरए परिवसइ, से एएणद्रेणं

गो०! एवं वृच्च — चुल्लहिमवन्ते वासहरपव्वए २, अदुत्तरं च णं गो०! चुल्लहि-मवन्तस्स॰ सासए णामधेजे पण्णते जं ण कयाइ णासि॰॥ ७५॥ कहि णं भन्ते। जंबहीवे दीवे हेमवए णामं वासे प० ? गो०! महाहिमवन्तस्स वासहरपव्वयस्य दिक्खणेणं चुह्रहिमवन्तस्स वासहरपव्वयस्स उत्तरेणं पुरितथमलवणसमुहस्स पच त्थिमेणं पचित्थमलवणसमुद्दस्स पुरित्थिमेणं एत्थ णं जंबुद्दीवे दीवे हेमवए णामं वासे पण्णते. पाईणपडीणायए उदीणदाहिणविच्छिण्णे पलियंकसंठाणसंठिए दुहा लवणसमुद्दं पुट्टे पुरस्थिमिल्लाए कोडीए पुरस्थिमिल्लं लवणसमुद्दं पुट्टे प्रचित्थ-मिल्लाए कोडीए पचित्थिमिल्लं लवणसमुद्दं पुट्टे दोण्णि जोयणसहस्साइं एगं च पंचत्तरं जोयणसयं पंच य एगूणवीसइभाए जोयणस्स विक्खंभेणं, तस्स बाहा पुरस्थिमपचित्थिमेणं छजायणसहस्साइं सत्त य पणपण्णे जोयणसए तिण्णि य एगूणवीसइभाए जोयणस्स आयामेणं, तस्स जीवा उत्तरेणं पाईणपडीणायया दृहओ ळवणसमुद्दं पुट्ठा पुरित्थिमिल्लाए कोडीए पुरित्थिमिल्लं ळवणसमुद्दं पुट्ठा पच्चित्थिमिल्लाए जाव प्रद्रा सत्ततीसं जोयणसहस्साइं छच चउवत्तरे जोयणसए सोलस य एगूणवीस-इभाए जोयणस्स किंचिविसेस्णे आयामेणं, तस्स धणुं दाहिणेणं अट्टतीसं जोयण-सहस्साइं सत्त य चत्ताळे जोयणसए दस य एगूणवीसइभाए जोयणस्स परिक्खेवेणं. हेमवयस्स णं भन्ते ! वासस्स केरिसए आयारभावपडोयारे पण्णत्ते ? गो० ! बहुसमर-मणिजे भूमिभागे पण्णते, एवं तइयसमाणुभावो णेयव्वोत्ति ॥ ७६ ॥ कहि णं भनते ! हेमवए वासे सद्दावई णामं वृहवेयहूपव्वए पण्णते ? गोयमा ! रोहियाए महाणईए पचिन्छमेणं रोहियंसाए महाणईए पुरित्थमेणं हेमवयवासस्स बहमज्झदेसभाए एत्थ णं सहावई णामं वृहवेयहूपव्वए पण्णते एगं जोयणसहस्सं उड्ढं उच्चतेणं अङ्गाइजाइं जोयणसयाइं उन्वेहेणं सन्वत्थसमे पल्लगसंठाणसंठिए एगं जोयणसहस्सं आयामविक्खंभेणं तिण्णि जोयणसहस्साइं एगं च बावद्वं जोयणसयं किंचिविसेसा-हियं परिक्खेवेणं पण्णते, सन्वरयणामए अच्छे०, से णं एगाए पउमवरवेइयाए एगेण य वणसंडेणं सञ्बओ समंता संपरिक्खित, वेइयावणसंडवण्णओ भाणियञ्जो. सहावइस्स णं वहवेयहूपव्वयस्स उवरिं बहुसमरमणिजे भूमिभागे पण्णते, तस्स णं बहुसमरमणिजस्स भूमिभागस्स बहुमञ्झदेसभाए एत्थ णं महं एगे पासायवडेंसए पण्णते बाविं जोयणाई अद्भजोयणं च उडूं उचतेणं इकतीसं जोयणाई कोसं च आयामिवक्खंभेणं जाव सीहासणं सपरिवारं, से केण्डेणं भंते! एवं वुचइ-सहावई वष्टवेयहृपव्वए २ १ गोयमा! सहावइवद्वेयहृपव्वए णं खुड्डाखुड्डियासु वावीसु जाव निलपंतियासु नहवे उप्पलाइं परमाइं सहावहप्पभाइं सहावहवण्णाइं सहावहवण्णाभाइं

सहावई य इतथ देवे महिष्टिए जाव महाणुभावे पिलओवमद्भिरए परिवसइ, से णं तत्थ चउण्हं सामाणियसाहस्सीणं जाव रायहाणी मंदरस्स पव्वयस्स दाहिणेणं अण्णंमि जम्ब्रहीवे दीवे० ॥ ७७ ॥ से केणद्रेणं भन्ते ! एवं वचड-हेमवए वासे २ ? गोयमा ! : चु छहिमवन्तमहाहिमवन्ते हिं वासहरपव्वए हिं दुहओ समवगृढे णिचं हे मं दलड़ णिचं हेमं दलइत्ता णिचं हेमं पगासइ हेमवए य इत्य देवे महिड्डिए० प्रलिओव-मद्रिहर परिवसइ, से तेणद्रेणं गोयमा! एवं वृच्चइ-हेमवर वासे हेमवर वासे ॥ ७८॥ कहि णं भन्ते ! जम्बुद्दीवे २ महाहिमवन्ते णामं वासहरपव्वए प० ? गो० ! हरि-वासस्स दाहिणेणं हेमवयस्स वासस्स उत्तरेणं पुरितथमलवणसमृहस्स पचित्थिमेणं पचित्यमलवणसम्रहस्स पुरित्थमेणं एत्थ णं जम्बुद्दीवे दीवे महाहिमवंते णामं वासहरपञ्चए पण्णते, पाईणपडीणायए उदीणदाहिणविच्छिण्णे पलियंकसंठाणसंठिए दुहा लवणसमुद्दं पुट्टे पुरित्थिमिल्लाए कोडीए जाव पुट्टे पचित्थिमिल्लाए कोडीए पचित्यिमिलं लवणसमुद्दं पुद्रे दो जोयणस्याइं उच्चं उच्चतेणं पण्णासं जोयणाइं उव्वे-हेणं चत्तारि जोयणसहस्साइं दोण्णि य दस्तरे जोयणसए दस य एगणवीसङ्भाए जोयणस्स विक्खंभेणं, तस्स बाहा पुरितथमपचितथमेणं णव जोयणसहस्साइं दोण्णि य छावत्तरे जोयणसए णव य एगूणवीसइभाए जोयणस्स अद्भागं च आयामेणं. तस्स जीवा उत्तरेणं पाईणपडीणायया दुहा लवणसमुद्दं पुद्रा पुरित्थिमिल्लाए कोडीए पुरत्थिमिल्लं लवणसमुद्दं पुद्रा पचित्थिमिल्लाए जाव पुट्ठा तेवण्णं जोयणसहस्साइं णव य एगतींसे जोयणसए छच एगूणवीसङ्भाए जोयणस्स किंचिविसेसाहिए आयामेणं. तस्स ध्णुं दाहिणेणं सत्तावण्णं जोयणसहस्साइं दोण्णि य तेणउए जोयणसए दस य एगुणवीसइभाए जोयणस्स परिक्खेवेणं, ह्यगसंठाणसंठिए सव्वरयणामए अच्छे॰ उभओ पासिं दोहिं पउमवरवेइयाहिं दोहि य वणसंडेहिं संपरिक्खिते । महाहिमव-न्तस्स णं वासहरपव्वयस्स उपिं बहुसमरमणिजे भूमिभागे पण्णते जाव णाणावि-हपच्चवण्णेहिं मणीहि य तणेहि य उवसोभिए जाव आसयंति सयंति य ॥ ७९ ॥ महाहिमवंतस्स णं० बहमज्झदेसभाए एत्थ णं एगे महापडमदृहे णामं दृहे पण्णत्ते दो जोयणसहस्साइं आयामेणं एगं जोयणसहस्सं विक्खंभेणं दस जोयणाइं उव्वेहेणं अच्छे० रययामयकूळे एवं आयामविक्खंभविहूणा जा चेव पउमदृहस्स वत्तव्वया सा चेव णेयव्वा. पउमप्पमाणं दो जोयणाई अहो जाव महापउमदृहवण्णाभाई हिरी य इत्थ देवी जाव पिलओवमिट्टइया परिवसइ, से एएण्ड्रेणं गोयमा ! एवं वृचइ०, अदुत्तरं च णं गोयमा! महापडमद्दहस्स सासए णामधेजे प॰ जं ण कयाइ णासी ३ ..., तस्स णं महापडमदृहस्स दिक्खिणिहेणं तोरणेणं रोहिया महाणई पवृदा समाणी सोलस

पंचत्तरे जोयणसए पंच य एगूणवीसइभाए जोयणस्स दाहिणाभिसुही पव्चएणं गंता महया घडमहपवित्तिएणं मुताबिल्हारसंठिएणं साइरेगदोजीयणसइएणं पवाएणं पवडड रोहिया णं महाणई जओ पवडइ एत्थ णं महं एगा जिब्भिया प०, सा णं जिब्भिया जोयणं आयामेणं अद्धतेरसजोयणाइं विक्खंभेणं कोसं बाह्ह्रेणं मगर्मुह्विउद्भंठा-णसंठिया सव्ववहरामई अच्छा०, रोहिया णं महाणई जिंह पवडह एतथ णं महं एगे रोहियप्पवायकुंडे णामं कुंडे प० सवीसं जोयणसयं आयामविक्खंभेणं पण्णत्तं तिण्णि असीए जोयणसए किंचिविसेसूणे परिक्खेवेणं दस जोयणाईं उन्वेहेणं अच्छे सण्हे सो चेव वण्णओ वइरतले वहें समतीरे जाव तोरणा, तस्स णं रोहियप्पवायकुण्डस्स बहुमज्झदेसभाए एत्थ णं महं एगे रोहियदीवे णामं दीवे पण्णते सोलस जोयणाई आयामविक्खंभेणं साइरेगाइं पण्णासं जोयणाइं परिक्खेवेणं दो कोसे ऊसिए जलं-ताओ सव्ववइरामए अच्छे॰, से णं एगाए पउमवरवेइयाए एगेण य वणसंडेणं सञ्वओ समंता संपरिक्खित, रोहियदीवस्स णं दीवस्स उप्पि बहसमरमणिजे भूम-भागे पण्णते, तस्स णं बहुसमरमणिज्ञस्स भूमिभागस्स बहुमज्झदेसभाए एत्थ णं महं एगे भवणे पण्णते कोसं आयामेणं सेसं तं चेव पमाणं च अद्रो य भाणियव्वो । तस्स णं रोहियप्पवायकुण्डस्स दिक्खणिक्षेणं तोरणेणं रोहिया महाणई पवृदा समाणी हेमवयं वासं एजेमाणी २ सहावईं वहवेयहूपव्वयं अद्धजोयणेणं असंपत्ता पुरत्थाभि-मुही आवत्ता समाणी हेमवयं वासं दुहा विभयमाणी २ अट्ठावीसाए सिळलासहस्सेहिं समग्गा अहे जगइं दालइत्ता पुरित्थमेणं लवणसमुद्दं समप्पेइ, रोहिया णं० जहा रोहियंसा तहा पवाहे य मुहे य भाणियव्वा जाव संपरिक्खिता । तस्स णं महापडमदृहस्स उत्तरिक्षेणं तोरणेणं हरिकंता महाणई पवृढा समाणी सोलस पंचुत्तरे जोयणसए पंच य एगूणवीसइभाए जोयणस्स उत्तराभिमुही पव्वएणं गंता महया घडमुहपवित्तिएणं मुत्तावलिहारसंठिएणं साइरेगदुजोयणसङ्एणं पवाएणं पवडइ, हरिकंता णं महाणई जओ पवडइ एत्थ णं महं एगा जिब्भिया प० दो जोयणाई आयामेणं पणवीसं जोयणाई विक्खंभेणं अद्धं जोयणं बाह्हेणं मगर्मह-विउद्वसंठाणसंठिया सन्वरयणामई अच्छा ०, हरिकंता णं महाणई जिहं पवडड एत्थ णं महं एगे हरिकंतप्पवायकुंडे णामं कुंडे पण्णते दोण्णि य चताले जोयणसए आया-मिवक्खंभेणं सत्तअउणहे जोयणसए परिक्खेवेणं अच्छे एवं कुण्डवत्तव्वया सव्वा णेयव्वा जाव तोरणा, तस्स णं हरिकंतप्पवायकुण्डस्स बहुमज्झदेसभाए एत्थ णं महं एगे हरिकंतदीवे णामं दीवे प० बत्तीसं जोयणाई आयामविक्खंमेणं एगुत्तरं जोयण-सयं परिक्खेवेणं दो कोसे ऊसिए जलंताओ सन्वरयणामए अच्छे॰, से णं एगाए पड-

मवरवेइयाए एगेण य वणसंडेणं जाव संपरिक्खित वण्णओ भाणियव्वोत्ति. पमाणं च सयणिजं च अद्रो य भाणियव्वो । तस्स णं हरिकंतप्पवायकुण्डस्स उत्तरिक्षेणं तोरणेणं जाव पत्रहा समाणी हरिवरसं वासं एज्जेमाणी २ वियडावडं वहवेयडं जोयणेणं असं-पत्ता पचत्थाभिमुही आवत्ता समाणी हरिवासं दुहा विभयमाणी २ छप्पण्णाए सलि-लासहस्सेहिं समग्गा अहे जगइं दालइत्ता पचित्थिमेणं लवणसमुद्दं समप्पेइ, हरिकंता णं महाणई पवहे पणवीसं जोयणाइं विक्खम्भेणं अद्वजोयणं उव्वेहेणं तयणंतरं च णं मायाए २ परिवद्रमाणी २ महमुळे अङ्गाइजाइं जोयणसयाइं विक्खम्सेणं पञ्च जोय-णाइं उन्वेहेणं, उभओ पासिं दोहिं परमवरवेहयाहिं दोहि य वणसंडेहिं संपरिक्खिता ॥ ८० ॥ महाहिमवन्ते णं भन्ते ! वासहरपव्वए कड़ कूडा प० ^१ गो० ! अट्ठ कूडा प०, तं०-सिद्धकडे १ महाहिमवन्तकडे २ हेमवयकडे ३ रोहियकडे ४ हिरिकडे ५ हरि-कंतकृडे ६ हरिवासकृडे ७ वेरुलियकृडे ८, एवं चुल्लहिमवंतकृडाणं जा चेव वत्तव्वया सचेव णेयव्वा, से केणद्रेणं भनते! एवं वृच्चइ-महाहिसवंते वासहरपव्वए २ ? गोयमा ! महाहिमवंते णं वासहरपव्वए चुळ्ळहिमवंतं वासहरपव्वयं पणिहाय आया-मुचत्तुव्वेहविक्खम्भपरिक्खेवेणं महंततराए चेव दीहतराए चेव, महाहिमवंते य इत्थ देवे महिड्डिए जाव पिलओवमिड्रिइए परिवसह ...। ८१ ॥ किह णं भन्ते ! जम्ब्रहीवे दीवे हरिवासे णामं वासे प० ? गो०! णिसहरस वासहरपव्वयस्स दिक्खणेणं महाहिमवन्तवासहरपव्वयस्स उत्तरेणं पुरिश्यमलवणसमुद्दस्स पचित्थिमेणं पचित्थमलवणसमुद्दस्स पुरित्थमेणं एत्थ णं जम्बुद्दावे २ हरिवासे णामं वासे पण्णते एवं जाव पचित्थिमिल्लाए कोडीए पचित्थिमिल्लं लवणसमृद्दं पुद्रे अद्र जोयण-सहस्साइं चत्तारि य एगवीसे जोयणसए एगं च एगुणवीसइसागं जोयणस्स विक्खम्भेणं, तस्स बाहा पुरित्थमपचित्थमेणं तेरस जोयणसहस्साइं तिण्णि य एग-संदे जोयणसए छच एगणवीसङ्भाए जोयणस्य अद्भागं च आयामेणंति, तस्स जीवा उत्तरेणं पाईणपडीणायया दुहा ठवणसमुद्दं पुद्रा पुरित्थिमिल्लाए कोडीए पुरित्थिमिल्लं जाव लवणसमुद्दं पुद्रा तेवत्तरिं जोयणसहस्साइं णव य एगुत्तरे जोयणसए सत्तरस य एगुणवीसइभाए जोयणस्स अद्भागं च आयामेणं. तस्स धणं दाहिणेणं चउरासीइं जोयणसहस्साइं सोलस जोयणाइं चत्तारि एगूणवीसइभाए जोयणस्स परिक्खेवेणं । हरिवासस्स णं भन्ते ! वासस्स केरिसए आगारभावपडोयारे प॰ ? गोयमा ! वहसमर-मणिजे भूमिभागे पण्णते जाव मणीहिं तणेहि य उवसोभिए एवं मणीणं तणाण य वण्णो गन्धो फासो सहो भाणियव्वो, हरिवासे णं॰ तत्थ २ देसे २ तिहं २ बहवे खुड़ा-खुड्डियाओ एवं जो सुसमाए अणुभावो सो चेव अपरिसेसो वत्तव्वो । किह णं भन्ते !

हरिवासे वासे वियङावई णामं वहवेयहुपव्वए पण्णते १ गो० ! हरीए महाणईए प्रचित्रः मेणं हरिकंताए महाणईए पुरत्थिमेणं हरिवासस्स २ बहुमज्झ देसमाए एत्थ णं वियडावई णामं वृहवेयहूपव्वए पण्णते, एवं जो चेव सद्दावइस्स विक्खंभचनव्वेह-परिक्खेवसंठाण वण्णावासो य सो चेव वियडावइस्सवि भाणियव्वो, णवरं अरुणो देवो परमाइं जाव वियडावइवण्णाभाइं अरुणे य इत्थ देवे महिङ्किए एवं जाव दाहि-णेणं रायहाणी णेयव्वा, से केणहेणं भनते ! एवं वृच्चइ-हरिवासे हरिवासे ? गोयमा ! हरिवासे णं वासे मण्या अरुणा अरुणोभासा सेया णं संखदलसण्णिगासा हरिवासे य इत्थ देवे महिङ्किए जाव पलिओवमिट्टइए परिवसइ, से तेणट्टेणं गोयमा ! एवं वुच्चइ… ॥ ८२ ॥ कहि णं भन्ते ! जम्बुद्दीवे २ णिसहे णामं वासहरपव्वए पण्णत्ते ? गोयमा ! महाविदेहस्स वासस्स दिक्खणेणं हरिवासस्स उत्तरेणं पुरितथमलवणसमुद्दस्स पच-त्थिमेणं पचित्थिमलवणसमुहस्स पुरत्थिमेणं एत्थ णं जम्बुहीवे दीवे णिसहे णामं वासहरपव्वए पण्णते, पाईणपडीणायए उदीणदाहिणविच्छिण्णे दुहा लवणसमुहं पुट्रे पुरितथमिल्लाए जाव पुढे पचितथमिल्लाए जाव पुढे चत्तारि जोयणसयाई उड्डं उच-त्तेणं चत्तारि गाउयसयाइं उव्वेहेणं सोलस जोयणसहस्साइं अद्भ य बायाले जोयण-सए दोण्णि य एगूणवीसङ्भाए जोयणस्स विक्खम्भेणं, तस्स बाहा पुरित्थमपचित्थ-मेणं वीसं जोयणसहस्साइं एगं च पणद्वं जोयणसयं दुण्णि य एगूणवीसइभाए जोय-णस्स अद्भागं च आयामेणं. तस्स जीवा उत्तरेणं जाव चडणवइं जोयणसहस्साइं एगं च छप्पणं जोयणसयं दुण्णि य एगूणवीसइभाए जोयणस्स आयामेणंति. तस्स धणं दाहिणेणं एगं जोयणसयसहस्सं चउवीसं च जोयणसहस्साईं तिण्णि य छायाले जोयणसए णव य एगूणवीसइभाए जोयणस्स परिक्खेवेणं रुयगसंठाणसंठिए सञ्वतव-णिजमए अच्छे॰, उभओ पासिं दोहिं पउमवरवेइयाहिं दोहि य वणसंडेहिं जाव संप-रिक्खित, णिसहस्स णं वासहरपव्वयस्स उपिंप बहुसमरमणिजे भूमिभागे पण्णत्ते जाव आसयंति सयंति ..., तस्स णं बहुसमरमणिजस्स भूमिभागस्स बहु मञ्झदेसभाए एत्य णं महं एगे तिगिंछिइहे णामं दहे पण्णते, पाईणपडीणायए उदीणदाहिणविच्छिणो चत्तारि जोयणसहस्साइं आयामेणं दो जोयणसहस्साइं विक्खंभेणं दस जोयणाइं उठवेहेणं अच्छे सण्हे रययामयकूळे॰, तस्स णं तिगिच्छिद्दहस्स चउद्दिसिं चतारि तिसोवाणपिङक्वगा प॰ एवं जाव आयामविक्खम्भविहूणा जा चेव महापउमदृहस्स वत्तव्वया सा चेव तिर्गि-छिद्दस्सिव वत्तव्वया तं चेव पडमद्दहप्पमाणं अह्रो जाव तिगिंछिवण्णाइं, धिई य इत्थ देवी पलिओवमद्रिइया परिवसइ, से तेणद्वेणं गोयमा ! एवं वुच्चइ–तिगिंछिइहे तिगिंछिइहे ११८३॥ तस्स णं तिर्गिछिद्दहस्स दिक्खणिल्लेणं तोरणेणं हरिमहाणई पवढा समाणी सत्त

जोयणसहस्साइं चत्तारि य एक्कवीसे जोयणसए एगं च एगूणवीसइभागं जोयणस्स दाहिणाभिम्ही पव्वएणं गंता महया घडम्हपवित्तिएणं जाव साइरेगचउजोयण-सइएणं पवाएणं पवडइ. एवं जा चेव हरिकन्ताए वत्तव्वया सा चेव हरीएवि णेयव्वा, जिब्भियाए कुंडस्स दीवरस भवणस्स तं चेव पमाणं अद्रोऽवि भाणियव्वो जाव अहे जगइं दालइत्ता छप्पण्णाए सलिलासहस्सेहिं समग्गा पुरित्थमं लवणसमुहं समप्पेइ, तं चेव पवहे य मुहमूले य पमाणं उव्वेहो य जो हरिकन्ताए जाव वण-संडसंपरिक्खिता, तस्स णं तिगिंछिद्दस्स उत्तरिह्रेणं तोरणेणं सीओया महाणई पवढ़ा समाणी सत्त जोयणसहस्साईं चतारि य एगवीसे जोयणसए एगं च एगण-वीसइभागं जोयणस्स उत्तराभिम्ही पव्वएणं गंता महया घडमुहपवित्तिएणं जाव साइरेगचउजोयणसइएणं पनाएणं पनडइ, सीओया णं महाणई जओ पनडइ एत्थ णं महं एगा जिब्भिया पण्णता चत्तारे जोयणाइं आयामेणं पण्णासं जोयणाइं विक्खंभेणं जोयणं बाह्ह्रेणं मगर्मुह्विउद्वसंठाणसंठिया सञ्ववइरामई अच्छा ०, सीओया णं महाणई जिंह पवडइ एत्थ णं महं एगे सीओयप्पवायकुण्डे णामं कुण्डे पण्णते चत्तारि असीए जोयणसए आयामविक्खंभेणं पण्णरसअद्वारे जोयणसए किंचिविसेस्णे परिक्खेवेणं अच्छे एवं कुंडवत्तव्वया णेयव्वा जाव तोरणा। तस्स णं सीओयप्पवायकुण्डस्स बहुमज्झदेसभाए एत्थ णं महं एगे सीओयदीवे णामं दीवे पण्णत्ते चउसद्वि जोयणाइं आयामविक्खंभेणं दोण्णि बिउत्तरे जोयणसए परिक्खेवेणं दो कोसे ऊसिए जलंताओ सव्ववइरामए अच्छे सेसं तहेव वेइयावणसंडभूमिभाग-भवणसयणिज्ञअद्वो भाणियव्वो, तस्स णं सीओयप्पवायकुण्डस्स उत्तरिहेणं तोरणेणं सीओया महाणई पवृदा समाणी देवकुरुं एजेमाणी २ चित्तविचित्तकृडे पव्वए निसद-देवकुरुस्रसुलसविज्जुप्पभदहे य दुहा विभयमाणी २ चउरासीए सलिलासहस्सेहिं आपूरेमाणी २ भद्दसालवणं एजेमाणी २ मंदरं पन्वयं दोहिं जोयणेहिं असंपत्ता पचित्थमाभिमुही आवत्ता समाणी अहे विज्जुप्पभं वक्खारपव्वयं दारइत्ता मन्दरस्स पव्वयस्स पचित्थिमेणं अवरविदेहं वासं दृहा विभयमाणी २ एगमेगाओ चक्कविट-विजयाओं अद्वावीसाए २ सिळलासहरसेहिं आपूरेमाणी २ पश्चिहिं सिळलासयसहर्सेहिं दुतीसाए य सिललासहस्सेहिं समग्गा अहे जयंतस्स दारस्स जगइं दालइत्ता पचित्थिमेणं लवणसमुद्दं समप्पेइ, सीओया णं महाणई पवहे पण्णासं जोयणाई विक्खंभेणं जोयणं उव्वेहेणं. तयणंतरं च णं मायाए २ परिवष्ट्रमाणी २ महमूले पञ्च जोयणसयाइं विक्खम्भेणं दस जोयणाइं उन्वेहेणं उभओ पासिं दोहिं पउमवर-वेड्याहिं दोहि य वणसंडेहिं संपरिक्खिता। णिसढे णं भन्ते! वासहरपव्वए कइ कूडा पण्णता ? गोयमा ! णव कूडा पण्णत्ता, तंजहा-सिद्धकूडे १ णिसढकूडे २ हरिवासकूडे ३ पुन्वविदेहकूडे ४ हरिकूडे ५ धिईकूडे ६ सीओयाकूडे ७ अवर-विदेहकूडे ८ रुयगकूडे ९ जो चेव चुल्लहिमवंतकूडाणं उचत्तिक्खम्भपरिक्खेवो पुञ्चवण्णिओ रायहाणी य सच्चेव इहंपि णेयञ्चा, से केणद्वेणं भनते ! एवं वुचइ-णिसहे वासहरपव्वए २ ? गोयमा ! णिसहे णं वासहरपव्वए बहवे कूडा णिसह-संठाणसंठिया उसभसंठाणसंठिया, णिसहे य इतथ देवे महिह्रिए जाव पिलओवम-ड्रिइए परिवसइ, से तेणट्टेणं गोयमा ! एवं वुच्चइ-णिसहे वासहरपव्वए २…॥ ८४॥ किह णं भन्ते ! जम्बुद्दीवे दीवे महाविदेहे णामं वासे पण्णते ? गोयमा ! णील-वन्तस्स वासहरपव्वयस्स दिक्खणेणं णिसहस्स वासहरपव्वयस्स उत्तरेणं पुरितथ-मलवणसमुद्दस्य पचित्थिमेणं पचित्थिमलवणसमुद्दस्य पुरित्थिमेणं एत्थ णं जम्बुद्दीवे २ महाविदेहे णामं वासे पण्णते, पाईणपडीणायए उदीणदाहिणविच्छिण्णे पिलयंक-संठाणसंठिए दुहा लवणसमुद्दं पुट्टे पुरित्थम जाव पुट्टे पचित्थिमिल्लाए कोडीए पच-त्थिमिल्लं जाव पुट्टे तेत्तीसं जोयणसहस्साइं छच चुलसीए जोयणसए चतारि य एगूणवीसइभाए जोयणस्स विक्खम्भेणंति, तस्स बाहा पुरित्थमपचित्थिमेणं तेत्तीसं जोयणसहस्साइं सत्त य सत्तसद्वे जोयणसए सत्त य एगूणवीसइभाए जोयणस्स आयामेणंति, तस्स जीवा बहमज्झदेसमाए पाईणपडीणायया दुहा लवणसमृहं पुद्रा पुरित्थिमिल्लाए कोडीए पुरित्थिमिल्लं जाव पुद्रा एवं पचित्थिमिल्लाए जाव पुद्रा एगं जोयणसयसहस्सं आयामेणंति, तस्स धणुं उभओ पासिं उत्तरदाहिणेणं एगं जोय-णसयसहरूसं अद्वावण्णं जोयणसहरूसाई एगं च तेर्मुत्तरं जोयणसयं सोलस य एगूण-वीसइभागे जोयणस्स किंचिविसेसाहिए परिक्खेवेणंति, महाविदेहे णं वासे चउविवहे चउप्पडोयारे पण्णत्ते, तंजहा-पुव्वविदेहे १ अवरविदेहे २ देवकुरा ३ उत्तरकुरा ४. महाविदेहस्स णं भन्ते ! वासस्स केरिसए आगारभावपडोयारे पण्णते ? गोयमा ! बहसमरमणिजे भूमिभागे पण्णते जाव कित्तिमेहिं चेव अकित्तिमेहिं चेव। महाविदेहे णं भन्ते ! वासे मणुयाणं केरिसए आयारभावपडोयारे पण्णते १० तेसि णं मणुयाणं छिनहें संघयणे छिन्नहें संठाणे पश्चधणुसयाई उड्ढं उचत्तेणं जहण्णेणं अंतोमुहुत्तं उक्को-सेणं पुन्वकोडीआउयं पालेन्ति पालेत्ता अप्पेगइया णिरयगामी जाव अप्पेगइया सिज्झंति जाव अंतं करेन्ति । से केणट्टेणं भन्ते ! एवं व्यच्ड-महाविदेहे वासे २ ? गोयमा ! महाविदेहे णं वासे भरहेरवयहेमवयहेरण्णवयहरिवासरम्मगवासेहिंतो आयामविक्खम्भसंठाणपरिणाहेणं विच्छिण्णतराए चेव विपुलतराए चेव महंततराए चेव सुप्पमाणतराए चेव महाविदेहा य इत्थ मणूसा परिवसंति, महाविदेहे य इत्थ देवे महििहुए जाव पिलेओवमिट्टिइए परिवसइ, से तेणहेणं गोयमा ! एवं वुचइ-महा-विदेहे वासे २, अदुत्तरं च णं गोयमा ! महाविदेहस्स वासस्स सासए णामधेजे पण्णते जं ण क्याइ णासि ३ · · ।। ८५ ।। कहि णं भन्ते ! महाविदेहे वासे गन्ध-मायणे णामं वक्खारपञ्चए पण्णते ? गोयमा ! णीलवन्तस्स वासहरपञ्चयस्स दाहिणेणं मंदरस्त पन्वयस्त उत्तरपचित्थिमेणं गंधिलावइस्त विजयस्त परिच्छमेणं उत्तरकुराए पचित्थिमेणं एत्थ णं महाविदेहे वासे गन्धमायणे णामं वक्खारपव्वए पण्णते. उत्तरदाहिणायए पाईणपडीणविच्छिण्णे तीसं जोयणसहस्साइं दुण्णि य णउत्तरे जोयणसए छच य एगूणवीसइभाए जोयणस्स आयामेणं णीलवंतवासहर-पव्वयंतेणं चत्तारि जोयणसयाई उन्हं उच्चतेणं चत्तारि गाउयसयाई उव्वेहेणं पञ्च जोयणसयाइं विक्खम्भेणं तयणंतरं च णं मायाए २ उस्सेहव्वेहपरिवर्द्वीए परिवर्द्ध-माणे २ विक्खम्भपरिहाणीए परिहायमाणे २ मंदरपव्वयंतेणं पञ्च जोयणसयाइं उड्ढं उचतेणं पत्र गाउयसयाइं उव्वेहेणं अंगुलस्स असंखिजाइमागं विक्खम्भेणं पण्णते गयदन्तसंठाणसंठिए सन्वरयणामए अच्छे॰, उमओ पासिं दोहिं पउमवरवेडयाहिं दोहि य वणसंडेहिं सन्वओ समन्ता संपरिक्लिते, गन्यमायणस्य णं वक्खारपन्व-यस्स उप्पि बहुसमर्मणिजे भूमिभागे जाव आसयन्ति ।। गन्धमायणे णं० वक्खार-पव्वए कइ कृडा पण्णता १ गो०! सत्त कृडा प०, तंजहा-सिद्धकृडे १ गन्धमायणकृडे २ गंधिलावईकृडे ३ उत्तरकुरुकुडे ४ फलिहकूडे ५ लोहियक्खकूडे ६ आणंदकूडे ७। कहि णं भन्ते ! गंधमायणे वक्खारपव्वए सिद्धकुडे णामं कूडे पण्णते ? गोयमा! मंदरस्स पव्वयस्स उत्तरपचित्थिमेणं गंधमायणकृडस्स दाहिणपुरित्थिमेणं एत्थ णं गंधमायणे वक्खारपव्वए सिद्धकुडे णामं कुडे पण्णत्ते, जं चेव चुह्रहिमवन्ते सिद्धकृडस्स पमाणं तं चेव एएसिं सन्वेसिं भाणियन्वं, एवं चेव विदिसाहिं तिण्णि कूडा भाणियव्वा, चउरथे तइयस्स उत्तरपचित्थिमेणं पश्चमस्स दाहिणेणं, सेसा उ उत्तरदाहिणेणं, फलिहलोहियक्खेसु भोगंकरभोगवईओ देवयाओ सेसेस सारिसणा-मया देवा, छसुवि पासायवडेंसगा रायहाणीओ विदिसास, से केणड्रेणं भन्ते! एवं वृच्चइ-गंधमायणे वक्खारपव्वए २ १ गो० ! गंधमायणस्स णं वक्खारपव्ययस्स गंधे से जहाणामए-कोट्रपुडाण वा जाव पीसिज्जमाणाण वा उक्किरिज्जमाणाण वा विकिरिज्जमाणाण वा परिभुज्जमाणाण वा जाव ओराला मणुण्णा जाव गंधा अभि-णिस्सवन्ति, भवे एयारूवे ?, णो इणद्रे समद्रे, गंधमायणस्स णं इत्तो इद्वतराए चेव जाव गंधे पण्णते, से एएणद्वेणं गोयमा! एवं वृच्चइ-गंधमायणे वक्खारपञ्वए २. गंधमायणे य इत्थ देवे महिङ्किए ... परिवसइ, अदुत्तरं च णं० सासए णामधेजे •••॥ ८६ ॥ कहि णं भन्ते ! महाविदेहे वासे उत्तरकुरा णामं कुरा प० ? गो० ! मंदरस्स पन्वयस्स उत्तरेणं णीलवन्तस्स वासहरपन्वयस्स दक्खिणेणं गन्धमायणस्स वक्खारपव्वयस्स पुरित्थमेणं मालवन्तस्स वक्खारपव्वयस्स पचित्थमेणं एत्थ णं उत्तरकुरा णामं कुरा पण्णता, पाईणपडीणायया उदीणदाहिणविच्छिण्णा अद्भुचंद-संठाणसंठिया इकारस जोयणसहस्साई अट्ठ य बायाळे जोयणसए दोण्णि य एग्ण-वीसइभाए जोयणस्स विक्खम्भेणंति, तीसे जीवा उत्तरेणं पाईणपडीणायया दुहा वक्खारपन्वयं पुद्वा, तंजहा-पुरिक्षिमिल्लाए कोडीए पुरिक्षिमिल्लं वक्खारपन्वयं पुद्वा एवं पचित्थिमिल्लाए जाव पचित्थिमिल्लं वक्खारपव्वयं पुट्ठा तेवण्णं जोयणसहस्साइं आयामेणंति, तीसे णं धणुं दाहिणेणं सिंहं जोयणसहस्साइं चत्तारि य अद्वारसे जोयणसए दुवालस य एगूणवीसइभाए जोयणस्स परिक्खेवेणं, उत्तरकुराए णं भन्ते ! कुराए केरिसए आयारभावपडोयारे पण्णत्ते ? गोयमा ! बहसमरमणिजे भूमिभागे पण्णत्ते, एवं पुव्वविण्णया जन्नेव सुसमसुसमावत्तव्वया सन्नेव णेयव्वा जाव पडमगंधा १ मियगंधा २ अममा ३ सहा ४ तेयतली ५ सणिचारी ६ ॥ ८७ ॥ कहि णं भनते ! उत्तरकुराए २ जमगा णामं दुवे पव्वया पण्णता ? गोयमा ! णीलवंतस्स वासहरपव्ययस्य दिक्खणिल्लाओ चरिमन्ताओ अट्ठजोयणसए चोत्तीसे चत्तारि य सत्तभाए जोयणस्स अबाहाए सीयाए महाणईए उभओ कूळे एत्थ णं जमगा णामं दुवे पव्वया पण्णत्ता जोयणसहस्सं उड्हं उच्चतेणं अड्ढाइजाइं जोयणसयाइं उव्वेहेणं मूळे एगं जोयणसहस्सं आयामविक्खम्भेणं मज्झे अद्धट्टमाइं जोयणसयाइं आयाम-विक्खम्भेणं उवरिं पंच जोयणसयाइं आयामविक्खम्भेणं मूळे तिण्णि जोयणसह-स्साइं एगं च बावहुं जोयणसयं किंचिविसेसाहियं परिक्खेवेणं मज्झे दो जोयणसह-स्साइं तिण्णि बावत्तरे जोयणसए किंचिविसेसाहिए परिक्खेवेणं उवरि एगं जोयण-सहस्सं पञ्च य एकासीए जोयणसए किंचिविसेसाहिए परिक्खेवेणं मूळे विच्छिण्णा मज्झे संखित्ता उपिं तणुया जमगसंठाणसंठिया सन्वकणगामया अच्छा सण्हा० पत्तेयं २ पडमवरवेइयापरिक्खिता पत्तेयं २ वणसंडपरिक्खिता, ताओ णं पडम-वरवेइयाओ दो गाउयाई उहूं उचतेणं पञ्च धणुसयाई विक्खम्मेणं, वेइयावण-सण्डवण्णओ भाणियव्वो, तेसि णं जमगपव्वयाणं उपिंप बहुसमरमणिजे भूमिभागे पण्णते जाव तस्स णं बहुसमरमणिजस्स भूमिभागस्स बहुमज्झदेसभाए एत्थ णं दुवे पासायवडेंसगा प०, ते णं पासायवडेंसगा बावट्रिं जोयणाइं अद्वजोयणं च उद्दं उचतेणं इक्ततीसं जोयणाइं कोसं च आयामविक्खंभेणं पासायवण्णओ भाणियव्वो, सीहासणा सपरिवारा जाव एत्थ णं जमगाणं देवाणं सोलसण्हं

आयरक्खदेवसाहस्सीणं सोलस भद्दासणसाहस्सीओ पण्णताओ, से केणद्रेणं भंते! एवं वृच्चइ-जमगा पव्वया २ ? गोयमा ! जमगपव्वएसु णं तत्थ २ देसे २ तिहं २ . बहवे खड़ाखड़ियास वावीस जाव विलपंतियास बहवे उप्पलाइं जाव जमगवण्णा-भाइं जमगा य इत्थ दुवे देवा महिङ्किया॰, ते णं तत्थ चउण्हं सामाणियसाह-स्सीणं जाव भुझमाणा विहरंति, से तेणहेणं गो०! एवं वुचइ-जमगपव्वया २, अटुत्तरं च णं सासए णामघेजे जाव जमगपव्वया २ । कहि णं भन्ते ! जमगाणं देवाणं जिमगाओ रायहाणीओ पण्णताओ ? गोयमा ! जम्ब्रहीवे दीवे मन्दरस्स पव्वयस्स उत्तरेणं अण्णंमि जम्बुद्दीवे २ बारस जोयणसहस्साइं ओगाहिता एत्थ णं जमगाणं देवाणं जिमगाओ रायहाणीओ पण्णताओ बारस जोयणसहस्साइं आयामविक्खम्भेणं सत्ततीसं जोयणसहस्साइं णव य अडयाले जोयणसए किंन्विविसेसाहिए परिक्खेवेणं. पत्तेयं २ पायारपरिक्खिता. ते णं पागारा सत्ततीसं जोयणाइं अद्भजोयणं च उड्डं उच्चतेणं मुळे अद्धतेरसजोयणाइं विक्खम्भेणं मज्झे छ सकोसाइं जोयणाइं विक्खम्भेणं उवरिं तिण्णि सअद्धकोसाईं जोयणाईं विक्खम्भेणं मूळे विच्छिण्णा मज्झे संखिता उपिंप तणया बाहिं वहा अंतो चडरंसा सव्वरयणामया अच्छा०, ते णं पागारा णाणामणि-पञ्चवण्णेहिं कविसीसएहिं उवसोहिया, तंजहा-किण्हेहिं जाव सुक्किलेहिं, ते णं कवि-सीसगा अद्भकोसं आयामेणं देसूणं अद्भकोसं उट्टं उचतेणं पञ्च धणुसयाइं बाहल्लेणं सन्वमणिमया अच्छा०, जिमगाणं रायहाणीणं एगमेगाए बाहाए पणवीसं पणवीसं दारसयं पण्णत्तं, ते णं दारा बावट्टिं जोयणाइं अद्धजोयणं च उड्ढं उचतेणं इक्कतीसं जोयणाइं कोसं च विक्खम्भेणं तावइयं चेव प्रवेसेणं, सेया वरकणगथुभियागा एवं रायप्पसेणइज्जविमाणवत्तव्वयाए दारवण्णओ जाव अद्वद्वमंगलगाइंति, जिमयाणं रायहाणीणं चडिहिसं पञ्च पञ्च जोयणसए अबाहाए चत्तारि वणसण्डा पण्णता. तंजहा-असोगवणे १ सत्तिवण्णवणे २ चंपगवणे ३ चूयवणे ४, ते णं वणसंडा साइरेगाइं बारसजोयणसहस्साइं आयामेणं पञ्च जोयणसयाइं विक्खम्भेणं पत्तेयं २ पागारपरिक्खिता किण्हा वणसण्डवण्णओ भूमीओ पासायवडेंसगा य भाणियव्वा, जिमगाणं रायहाणीणं अंतो बहुसमरमणिजे भूमिभागे पण्णते वण्णगोत्ति, तेसि णं बहुसमरमणिजाणं भूमिभागाणं बहुम्ज्झदेसभाए एत्थ णं दुवे उवयारियालयणा पण्णत्ता बारस जोयणसयाइं आयामविक्खम्भेणं तिण्णि जोयणसहस्साइं सत्त य पञ्चाणउए जोयणसए परिक्खेवेणं अद्धकोसं च बाह्रह्रेणं सन्वजंबूणयामया अच्छा , पत्तेयं पत्तेयं पउमवरवेइयापरिक्खिता, पत्तेयं पत्तेयं वणसंडवण्णओ भाणियव्वो, तिसोवाणपिडक्वगा तोरणचउद्दिसिं भूमिभागा य भाणियव्वत्ति, तस्स णं बहुमज्झ- देसभाए एत्थ णं एगे पासायवडेंसए पण्णत्ते बाविट्ठं जोयणाइं अद्धजोयणं च उद्धं उच्चतेणं इक्तीसं जोयणाइं कोसं च आयामविक्खम्भेणं वण्णओ उल्लोया भूमिभागा सीहासणा सपरिवारा, एवं पासायपंतीओ एत्थ पढमा पंती ते णं पासायविडसगा एकतीसं जोयणाइं कोसं च उड्ढं उचतेणं साइरेगाइं अदसोलसजोयणाइं आयाम-विक्सम्भेणं बिड्यपासायपंती ते णं पासायवडेंसया साइरेगाई अद्धसोलसजोयणाई उड्डं उच्चत्तेणं साइरेगाइं अद्धुमाइं जोयणाइं आयामविक्खम्भेणं तइयपासायपंती ते णं पासायवडेंसया साइरेगाइं अद्धट्टमाइं जोयणाइं उन्हें उन्नत्तेणं साइरेगाइं अद्धट्ट-जोयणाडं आयामविक्खम्भेणं वण्णओ सीहासणा सपरिवारा, तेसि णं मूलपासाय-विंडिसयाणं उत्तरपुरिच्छमे दिसीमाए एत्थ णं जमगाणं देवाणं सहाओ सहम्माओ पण्णत्ताओ अद्धतेरसजोयणाइं आयामेणं छस्सकोसाइं जोयणाइं विक्खम्भेणं णव जोयणाडं उद्घं उचतेणं अणेगखम्भसयसण्णिविद्वा सभावण्णओ, तासि णं सभाणं सहम्माणं तिदिसिं तुओ दारा पण्णता. ते णं दारा दो जोयणाई उड्डं उचतेणं जोयणं विक्खम्भेणं तावइयं चेव पवेसेणं, सेया वण्णओ जाव वणमाला, तेसि णं दाराणं पुरओ पत्तेयं २ तओ मुहमंडवा पण्णता, ते णं मुहमंडवा अद्धतेरसजोयणाई आयामेणं छरसकोसाई जोयणाई विक्खम्भेणं साइरेगाई दो जोयणाइं उड्डं उच्चतेणं जाव दारा भूमिभागा य ति, पेच्छाघरमंडवाणं तं चेव पमाणं भूमिभागो मणिपेढियाओत्ति, ताओ णं मणिपेढियाओ जोयणं आयामवि-क्खम्भेणं अद्भजोयणं बाहल्लेणं सव्वमणिमङ्या सीहासणा भाणियव्वा, तेसि णं पेच्छाघरमंडवाणं परओ तओ मणिपेढियाओ पण्णत्ताओ, ताओ णं मणिपेढियाओ जोयणं आयामविक्खम्भेणं अद्भजोयणं बाहहेलं, तासि णं उप्पि पत्तेयं २ महिंदज्झया पण्णता, ते णं अद्धद्रमाइं जोयणाइं उड्डं उच्चत्तेणं अद्धकोसं उव्वेहेणं अद्धकोसं बाह्ह्रेणं वर्रामयवट्ट वण्णओ वेरयावणसंडितसोवाणतोरणा य भाणियव्वा. तासि णं सभाणं सहस्माणं छचमणोगुलियासाहस्सीओ पण्णताओ, तंजहा-पुरित्थमेणं दो साहस्सीओ पण्णताओ पचित्थिमेणं दो साहस्सीओ दिक्खणेणं एगा साहस्सी उत्तरेणं एगा जाव दामा चिद्वंतित्ति, एवं गोमाणसियाओ, णवरं ध्रवघडियाओत्ति, तासि णं मुहम्माणं सभाणं अंतो बहुसमरमणिजे भूमिभागे पण्णते, मणिपेढिया सीहासणा सपरिवारा विदिसाए सयणिज्ञवण्णओ, सयणिज्ञाणं उत्तरपुरितथमे दिसीमाए खुड्डग-महिंदज्झया मणिपेढियाविहणा महिंदज्झयप्पमाणा, तेसिं अवरेणं चोप्पाला पहर-णकोसा, तत्थ णं बहवे फलिहरयणपामुक्खा जाव चिट्ठंति, सुहम्माणं० उप्पि अट्ठट्ट-मंगलगा. एवं अवसेसाणवि सभाणं जाव उववायसभाए सयणिजं हरओ य.

अभिसेयसभाए वह आभिसेक्के भंडे, अलंकारियसभाए वह अलंकारियमंडे चिद्रइ, ववसायसभास पुत्थयरयणा, णंदा पुक्खरिणीओत्ति,-उववाओ जमगाणं अभिसे-यविहसणा य ववसाओ । अवरं च सहम्मगमो जहा य परिवारणाइङ्गी ॥ १ ॥ जावइयंमि पमाणंमि हंति जमगाओं णीलवंताओ । तावइयमन्तरं खळ जमगदहाणं दहाणं च ॥ २ ॥ ८८ ॥ कहि णं भनते ! उत्तरकुराए २ णीलवनतहहे णामं दहे पण्णते ? गोयमा ! जमगाणं० दक्खिणिहाओ चरिमन्ताओ अद्रसए चोत्तीसे चत्तारि य सत्तभाए जोयणस्स अवाहाए सीयाए महाणईए बहुमज्झदेसभाए एत्थ णं णीलवन्तद्दहे णामं दहे पण्णत्ते, दाहिणउत्तरायए पाईणपडीणविच्छिणो जहेव पउमद्दहे तहेव वण्णओ णेयव्वो. णाणतं दोहिं पडमवरवेइयाहिं दोहि य वणसंडेहिं संपरि-क्खिते, णीलवनते णामं णागकुमारे देवे सेसं तं चेव णेयव्वं, णीलवनतदृहरूस पुव्वावरे पासे दस २ जोयणाई अबाहाए एत्थ णं वीसं कंचणगपव्वया पण्णता, एगं जोयणसयं उड्ढं उचतेणं-मूलंमि जोयणसयं पण्णत्तरि जोयणाइं मज्झंमि । उवरितले कंचणगा यण्णासं जोयणा हंति ॥१॥ मूलंमि तिण्णि सोले सत्तत्तीसाई दुण्णि मञ्झंमि । अद्घावण्णं च सयं उवरितर्छे परिरओ होइ॥ २॥ पढिमित्थ नीलवन्तो १ बिइओ उत्तरकुरू २ मुणेयव्वो । चंदहहोत्थ तइओ ३ एरावय ४ मालवन्तो य ५ ॥ ३ ॥ एवं वण्णओ अद्रो पमाणं पिलओवमद्भिड्या देवा ॥ ८९ ॥ किह णं भन्ते ! उत्तरकुराए २ जम्ब्रपेढे णामं पेढे पण्गत्ते ? गोयमा ! णीलवन्तस्स वासहरपव्वयस्स दिक्खणेणं मन्दरस्स० उत्तरेणं मालवन्तरस वक्खारपञ्चयस्स पचित्थिमेणं सीयाए महाणईए पुरित्थमिल्ले कुले एत्थ णं उत्तरकुराए कुराए जम्बूपेढे णामं पेढे पण्णते पञ्च जोयण-सयाइं आयामविक्खम्भेणं पण्णरस एकासीयाइं जोयणसयाइं किंचिविसेसाहियाइं परिक्खेवेणं बहमज्झदेसभाए बारस जोयणाईं बाहक्षेणं तयणन्तरं च ण मायाए २ पएसपरिहाणीए परिहायमाणे २ सव्वेसु णं चरिमपेरंतेसु दो दो गास्याई बाहक्षेणं सन्वजम्बूणयामए अच्छे॰, से णं एगाए पडमवरवेइयाए एगेण य वणसंडेणं सन्वओ समन्ता संपरिक्खित दुण्हंपि वण्णओ, तस्स णं जम्बूपेटस्स चडिहसिं एए चत्तारि तिसोवाणपडिरूवगा पण्णता वण्णओ जाव तोरणाइं, तस्स णं जम्बूपेढस्स बहुमज्झ-देसभाए एत्थ णं मणिपेढिया पण्णता अद्भजोयणाई आयामविक्खम्भेणं चतारि जोय-णाइं बाहक्लेणं, तीसे णं मणिपेढियाए उप्पि एत्य णं जम्बूसुदंसणा पण्णता अद्र जोय-णाई उन्नें उन्नतेणं अद्धजोयणं उन्वेहेणं, तीसे णं खंधो दो जोयणाई उन्ने उन्नेतेणं अद्धजोयणं बाहह्रेणं. तीसे णं साला छ जोयणाई उन्हें उचतेणं बहुमज्झदेसभाए अह जोयणाई आयामविक्खंभेणं साइरेगाई अह जोयणाई सव्वग्गेणं, तीसे णं अय-३९ सत्ता०

मेयारूवे वण्णावासे प॰,तं॰—वइरामया मूला रययसुपइट्टियविडिमा जाव अहियमण-णिव्बुइकरी पासाईया दरिसणिजा०, जंबूए णं सुदंसणाए चउ दिसिं चतारि साला प॰, तत्थ णं जे से पुरिथिमिल्ले साले एत्थ णं भवणे पण्णते कोसं आयामेणं एवमेव णवरमित्थ सयणिजं सेसेसु पासायवडेंसया सीहासणा य सपरिवारा इति । जम्ब गं॰ बारसिंहं पडमवरवेइयाहिं सञ्बओ समन्ता संपरिक्खिता, वेइयाणं वण्णओ, जम्ब णं॰ अण्णेणं अट्टसएणं जम्बूणं तद्दुःचताणं सञ्वओ समन्ता संपरिक्खिता, तासि णं वण्णओ, ताओ णं जम्बूओ छहिं पउमवरवेइयाहिं संपरिक्खिता, जम्बूए णं सुदंसणाए उत्तरपरिथमेणं उत्तरेणं उत्तरपचित्थमेणं एत्थ णं अणािढयस्स देवस्स चउण्हं सामाणियसाहस्सीणं चत्तारि जम्बूसाहस्सीओ पण्णताओ, तीसे णं पुरित्थिमेणं चउण्हं अगगमहिसीणं चत्तारि जम्बूओ पण्णत्ताओ,-दाहिणपुरित्थमे दिक्खणेण तह अवरदिक्लणेणं च । अट्ठ दस बारसेव य भवन्ति जम्बूसहस्साइं ॥ १॥ अणियाहिवाण पचित्थिमेण सत्तेव होंति जम्बूओ। सोलस साहस्सीओ चउिहसिं आयरक्खाणं ॥ २ ॥ जम्बू णं॰ तिहिं सइएहिं वणसंडेहिं सव्वओ समन्ता संप-रिक्खिता, जम्बूए णं॰ पुरिक्थिमेणं पण्णासं जोयणाइं पढमं वणसंडं ओगाहिता एत्य णं भवणे एण्णते कोसं आयामेणं सो चेव वण्णओ सयणिजं च, एवं सेसास्रवि दिसास भवणा, जम्बूए णं॰ उत्तरपुरित्थमेणं पढमं वणसण्डं पण्णासं जोयणाई ओगाहिता एत्य णं चत्तारि पुक्खरिणीओ पण्णताओ, तंजहा-पउमा १ पडमप्पमा २ कुसया ३ कुसुयप्पमा ४, ताओ णं कोसं आयामेणं अद्धकोसं विक्खम्भेणं पञ्चवणुसयाई उन्वेहेणं वण्णओ, तासि णं मज्झे पासायवडेंसगा कोसं आयामेणं अद्दक्षीसं विक्खम्मेणं देसूणं कोसं उड्ढं उचतेणं वण्णओ सीहासणा सपरिवारा, एवं सेसासु विदिसासु, गाहा-पडमा पडमप्पभा चेव, कुसुया कुसुयप्पहा । उप्पल-गुम्मा णलिणा, उप्पला उप्पलुजला ॥ १ ॥ भिंगा भिंगप्पभा चेव. अंजणा कजलप्पमा । सिरिकंता सिरिमहिया, सिरिचंदा चेव सिरिणिलया ॥ २॥ जम्बूए णं॰ पुरिव्यमिह्नस्स भवणस्स उत्तरेणं उत्तरपुरित्थमिह्नस्स पासायवडेंसगस्स दिक्ख-णेणं एत्थ णं कूडे पण्णत्ते अहु जोयणाइं उन्हें उचतोणं दो जोयणाइं उन्वेहेणं सूळे अहु जोयणाई आयामविक्खम्भेणं बहुमज्झदेसभाए छ जोयणाई आयामविक्खम्भेणं उनिरं नतारि जोयणाई आयामविक्खम्भेणं-पणवीसद्वारस बारसेव मूळे य मजिझ उवरिं च । सविसेसाइं परिरओ कृडस्स इमस्स बोद्धव्वो ॥ १ ॥ मूळे विच्छिण्णे मज्झे संखिते उनिरं तणुए सव्वकणगामए अच्छे० वेइयावणसंडवण्णओ, एवं सेसावि कूडा इति । जम्बूए णं सुदंसणाए दुवालस णामधेजा प०, तं०-सुदंसणा १ अमोहाः

२ य, सुप्पबुद्धा ३ जसोहरा ४ । विदेहजम्यू ५ सोमणसा ६, णियया ७ णिच-मंडिया ८॥ १॥ सुभद्दा य ९ विसाला य १०, सुजाया ११ सुमणा १२ विया । सुदंसणाए जम्बूए, णामधेजा दुवालस ॥२॥ जम्बूए णं॰ अहुहुमंगलगा॰, से केणहेणं भन्ते ! एवं वृचइ-जम्बू सुदंसणा २ ? गोयमा ! जम्बूए णं सुदंसणाए अणाढिए णामं देवे जम्बुद्दीवाहिवई परिवसइ महिङ्किए०, से णं तत्थ चउण्हं सामाणिय-साहस्सीणं जाव आयरक्खदेवसाहस्सीणं जम्बुद्दीवस्स णं दीवस्स जम्बूए सुदंसणाए अणाढियाए रायहाणीए अण्णेसिं च बहुणं देवाण य देवीण य जाव विहरइ, से तेणहेणं गो॰! एवं वुचइ॰, अहुत्तरं च णं गोयमा! जम्बूसुदंसणा जाव भुविं च ३ धुवा णियया सासया अक्खया जाव अविद्वया । किह ण भन्ते ! अणाहियस्स देवस्स अणाढिया णामं रायहाणी पण्णता? गोयमा! जम्बुद्दीवे २ मन्दरस्स पव्वयस्स उत्तरेणं जं चेव पुव्वविणयं जिसगापमाणं तं चेव णेयव्वं जाव उववाओ अभिसेओ य निरवसेसोत्ति ॥ ९० ॥ से केणट्टेणं भन्ते ! एवं व्यच्ड-उत्तरकुरा २ ? गोयमा ! उत्तरकुराए० उत्तरकुरू णामं देवे परिवसइ महिङ्किए जाव पिछओ-वमहिइए, से तेणहेणं गोयमा एवं वुचइ-उत्तरकुरा २, अदुत्तरं च णं जाव सासए ... । किंह णं भन्ते ! महादिदेहे वासे मालवंते णामं वक्खारपव्वए पण्णत्ते ? गोयमा ! मंदरस्स पव्वयस्स उत्तरपुरित्थमेणं णीलवंतस्स वासहरपव्वयस्स दाहिणेणं उत्तरकुराए॰ पुरिथमेणं वच्छस्स चक्कविष्टिविजयस्स पचित्थिमेणं एत्थ णं महाविदेहे वासे मालवंते णामं वक्खारपव्वए पण्णते उत्तरदाहिणायए पाईणपडीणविच्छिण्णे जं चेव गंधमायणस्स पमाणं विक्खम्भो य णवरमिमं णाणत्तं सञ्ववेरुलियामए अवसिट्ठं तं चेव जाव गोयमा ! नव कूडा पण्णत्ता, तंजहा-सिद्धकूडे०, सिद्धे य मालवन्ते उत्तरकुरु कच्छसागरे रयए । सीओय पुण्णभद्दे हरिस्सहे चेव बोद्धव्वे ॥ १ ॥ कहि णं भन्ते ! मालवन्ते वक्खारपव्वए सिद्धकुडे णामं कुडे पण्णते? गोयमा! मन्दरस्स पव्वयस्स उत्तरपुरिक्षमेणं मालवंतस्स कूडस्स दाहिणपचित्थिमेणं एत्थ णं सिद्धकूडे णामं कृडे पण्णते पंच जोयणसयाई उड्डं उचतेणं अवसिद्धं तं चेव जाव रायहाणी. एवं माल-वन्तस्स कूडस्स उत्तरकुरुकूडस्स कच्छकूडस्स, एए चत्तारि कूडा दिसाहिं पमाणेहिं णेयव्वा,कृडसरिसणामया देवा,कहि णं भन्ते ! मालवन्ते ॰ सागरकृडे णामं कृडे पण्णत्ते ? गोयमा ! कच्छकुडस्स उत्तरपुरिथमेणं रययकुडस्स दिक्खणेणं एत्थ णं सागरकुडे णामं कूडे पण्णते पंच जोयणसयाइं उड्ढं उच्चतेणं अवसिद्धं तं चेव सुभोगा देवी रायहाणी उत्तरपुरित्थमेणं रययकूडे भोगमालिणी देवी रायहाणी उत्तरपुरित्थमेणं, अवसिद्रा कुडा उत्तरदाहिणेणं णेयव्वा एक्केणं पमाणेणं ॥ ९१ ॥ कहि णं भन्ते ! मालवन्ते हरिस्सहकूडे णामं कूडे पण्णते ? गोयमा ! पुण्णभद्दस्स उत्तरेणं णीलवन्तस्स दिक्खणेणं एतथ णं हरिस्सहकूडे णामं कूडे पण्णते एगं जोयणसहस्सं उड्डं उचतेणं जमगप्पमाणेणं णेयव्वं, रायहाणी उत्तरेणं असंखेजे दीवे अण्णंमि जम्बुद्दीवे दीवे उत्तरेणं वारसजोयणसहस्साइं ओगाहिता एत्थ णं हरिस्सहरूस देवस्स हरिस्सहा णामं रायहाणी पण्णता चउरासीइं जोयणसहस्साइं आयामविक्खम्भेणं वे जोयणसयसहस्साइं पण्णिट्टें च सहस्साइं छच छत्तीसे जोयणसए परिक्खेवेणं, सेसं जहा चमरचञ्चाए राय-हाणीए तहा पमाणं भाणियव्वं, महिड्डिए महज्जुइए, से केणडेणं भन्ते ! एवं वृच्छ-मालवन्ते वक्खारपव्वए २ ? गोयमा ! मालवन्ते णं वक्खारपव्वए तत्थ तत्थ देसे २ तिहं २ बहवे सेरियागुम्मा णोमालियागुम्मा जाव मगदन्तियागुम्मा, ते णं ग्रम्मा दसद्भवण्णं कुसुमं कुसुमेंति. जे णं तं मालवन्तस्स वक्खारपव्वयस्स बहसमरमणिजं भूमिभागं वायविध्यग्गसालामुक्तपुप्फपुंजोवयारकलियं करेन्ति, मालवंते य इत्थ देवे महिन्निए जाव पलिओवमद्विइए परिवसइ, से तेणद्वेणं गोयमा! एवं वुचइ०, अदुत्तरं च णं जाव णिचे ॥ ९२ ॥ कहि णं भन्ते ! जम्बुद्दीवे दीवे महाविदेहे वासे कच्छे णामं विजए पण्णते ? गोयमा ! सीयाए महाणईए उत्तरेणं णीलवंतस्स वासहरपव्वयस्स दिक्खणेणं चित्तकृडस्स वक्खारपव्वयस्स पचित्थिमेणं मालवंतस्स वक्खारपव्वयस्स पुरित्यमेणं एत्थ णं जम्बुद्दीवे २ महाविदेहे वासे कच्छे णामं विजए पण्णते. उत्तर-दाहिणायए पाईणपडीणविच्छिणो पिठयंकसंठाणसंठिए गंगासिंधृहिं महाणईहिं वेय-ड्रेण य पव्वएणं छन्भागपविभत्ते सोलस जोयणसहस्साइं पंच य बाणउए जोयणसए दोण्णि य एगूणवीसइभाए जोयणस्स आयामेणं दो जोयणसहस्साइं दोण्णि य तेरसत्तरे जोयणसए किंचिविसेसूणे विक्खंभेणंति । कच्छस्स णं विजयस्स बहमज्झदेसभाए एत्थ णं वेयड्रे णामं पव्वए पण्णते जे णं कच्छं विजयं दुहा विभयमाणे २ चिट्टइ, तंजहा—दाहिणद्दकच्छं च उत्तरद्धकच्छं चेति, किह णं भन्ते ! जम्बुईवि दीवे महाविदेहे वासे दाहिणद्भकच्छे णामं विजए प॰ ? गोयमा ! वेयहुस्स पव्वयस्स दाहिणेणं सीयाए महाणईए उत्तरेणं चित्तकृडस्स वक्खारपव्वयस्स पचित्यमेणं मालवंतस्स वक्खारपव्वयस्स पुरितथमेणं एत्थ णं जम्बुद्दीवे दीवे महाविदेहे वासे दाहिणद्भकच्छे णामं विजए प०, उत्तरदाहिणायए पाईणपडीणविच्छिणो अद्र जोयण-सहस्साइं दोण्णि य एगसत्तरे जोयणसए एकं च एगूणवीसइभागं जोयणस्स आयामेणं दो जोयणसहस्साइं दोण्णि य तेरसत्तरे जोयणसए किंचिविसेसूणे विक्खम्भेणं पिंठयंकसंठाणसंठिए, दाहिणद्धकच्छस्स णं भनते ! विजयस्स केरिसए आयारभावपं-डोयारे पण्णते? गोयमा! बहुसमरमणिजे भूमिभागे पण्णते. तंजहा-जाव कित्ति- मेहिं चेव अकित्तिमेहिं चेव, दाहिणद्धकच्छे णं भनते! विजए मणुयाणं केरिसए आयारभावपडोयारे पण्णते ? गोयमा ! तेसि णं मणुयाणं छिव्वहे संघयणे जाव सव्बद्धस्वाणमंतं करेंति । कहि णं भन्ते ! जम्ब्रहीवे दीवे महाविदेहे वासे कच्छे विजए वेयड्ढे णामं पव्वए प० १ गोयमा! दाहिणद्धकच्छविजयस्स उत्तरेणं उत्तरद्ध-कच्छस्स दाहिणेणं चित्तकूडस्स० पचितथमेणं मालवन्तस्स वक्खारपव्वयस्स पुरितथ-मेणं एत्य णं कच्छे विजए वेयड्डे णामं पव्वए पण्णत्ते, पाईणपडीणायए उदीणदाहि-णविच्छिण्णे दुहा वक्खारपव्वए पुट्टे पुरिश्यमिल्लाए कोडीए जाव दोहि वि पुट्टे भर-हवेयहूसरिसए णवरं दो बाहाओ जीवा धणुपट्टं च ण कायव्वं, विजयविक्खम्भसरिसे आयामेणं, विक्खम्भो उचतं उव्वेहो तहेव य विज्ञाहरआभिओगसेढीओ तहेव, णवरं पणपण्णं २ विज्ञाहरणगरावासा प०. आभिओगसेढीए उत्तरिहाओ सेढीओ सीयाए ईसाणस्स सेसाओ सक्करसत्ति, कृडा-सिद्धे १ कच्छे २ खंडग ३ माणी ४ वेयड ५ पुण्ण ६ तिमिसगृहा ७ । कच्छे ८ वेसमणे वा ९ वेयड्डे होंति कूडाइं ॥ १ ॥ किह णं भन्ते ! जम्बुद्दीवे २ महाविदेहे वासे उत्तरद्धकच्छे णामं विजए पण्णते ? गोयमा ! वेयहूरस पव्वयस्स उत्तरेणं णीलवन्तस्स वासहरपव्वयस्स दाहिणेणं माल-वन्तस्स वक्खारपव्वयस्स पुरत्थिमेणं चित्तकुडस्स वक्खारपव्वयस्स पचित्थिमेणं एत्थ णं जम्ब्रहीये दीवे जाव सिज्झनित तहेव णेयव्वं सव्वं, कहि णं भनते ! जम्ब्रहीये दीवे महाविदेहे वासे उत्तरद्धकच्छे विजए सिंधुकंडे णामं कुंडे पण्णते ? गोयमा ! मालवन्तस्स वक्खारपञ्चयस्स पुरित्थमेणं उसमकृडस्स० पचित्थमेणं णीलवन्तस्स वासहरपव्वयस्स दाहिणिल्ले णियंबे एत्थ णं जम्बुद्दीवे दीवे महाविदेहे वासे उत्तरद्धकच्छ-विजए सिंधुकुंडे णामं कुंडे पण्णते सिंद्धं जोयणाइं आयामविक्खम्मेणं जाव भवणं अद्रो रायहाणी य णेयव्वा, भरहसिंधुकुंडंसरिसं सव्वं णेयव्वं जाव तस्स णं सिंधुकुण्डस्स दाहिणिल्लेणं तोरणेणं सिंधुमहाणई पवृदा समाणी उत्तरद्धकच्छविजयं एजेमाणी २ सत्ताहिं सिळळासहस्सेहिं आपूरेमाणी २ अहे तिमिसगुहाए वेयहूपव्वयं दाळङ्ता दाहिणकच्छविजयं एज्जेमाणी २ चोइसिंहं सिल्लासहस्सेहिं समग्गा दाहिणेणं सीयं महाणइं समप्पेड. सिंधुमहाणई पवहे य मुले य भरहसिंधुसरिसा पमाणेणं जाव दोहिं वणसंडेहिं संपरिक्खिता । किह णं भन्ते ! उत्तरद्धकच्छविजए उसभकूडे णामं पव्वए पण्णते ? गोयमा ! सिंधुकुंडस्स पुरित्थमेणं गंगाकुण्डस्स पचित्थिमेणं णीलवन्तस्स वासहरपव्वयस्स दाहिणिल्ले णियंबे एत्थ णं उत्तरद्धकच्छविजए उसह-कुडे णामं पव्वए पण्णते अह जोयणाइं उड्डं उचतेणं तं चेव पमाणं जाव राय-हाणी से णवरं उत्तरेणं भाणियव्वा । कहि णं भन्ते ! उत्तरद्धकच्छे विजए गंगा- कुण्डे णामं कुण्डे पण्णत्ते ? गोयमा ! चित्तकृडस्स वक्खारपव्वयस्स पचित्रियेणं उसहकूडस्स पञ्चयस्स पुरित्थमेणं णीलवन्तस्स वासहरपञ्चयस्स दाहिणिले णियंबे एत्थ णं उत्तरद्धकच्छे॰ गंगाकुण्डे णामं कुण्डे पण्णते सिट्टं जोयणाई आयामविक्ख-म्मेणं तहेव जहा सिंधू जाव वणसंडेण य संपरिक्खिता। से केणहेणं भन्ते! एवं वुचइ-कच्छे विजए कच्छे विजए ? गोयमा ! कच्छे विजए वेयहुस्स पव्वयस्स दाहि-णेणं सीयाए महाणईए उत्तरेणं गंगाए महाणईए पचित्थिमेणं सिंध्रए महाणईए पुरित्थमेणं दाहिणद्भक्छविजयस्स बहुमज्झदेसभाए एत्थ णं खेमा णामं रायहाणी प॰ विणीयारायहाणीसरिसा भाणियव्वा, तत्थ णं खेमाए रायहाणीए कच्छे णामं राया समुप्पजाइ, महयाहिमवन्त जाव सन्वं भरहोअवणं भाणियन्वं णिक्ख-मणवज्जं सेसं सन्वं भाणियन्वं जाव भुंजए माणुस्सए सहे, कच्छणामधेजे य कच्छे इत्थ देवे महिष्टिए जाव पलिओवमद्भिड्ए परिवसङ्, से एएणद्रेणं गोयमा ! एवं वचड-कच्छे विजए कच्छे विजए जाव णिचे ॥ ९३ ॥ कहि णं भनते ! जम्ब्रहीवे दीवे महाविदेहे वासे चित्तकृडे णामं वक्खारपव्वए पण्णते ? गोयमा ! सीयाए महाणईए उत्तरेणं णीलवन्तस्स वासहरपव्वयस्स दाहिणेणं कच्छविजयस्स परस्थिमेणं सुकच्छविजयस्स पचित्थिमेणं एत्थ णं जम्बुद्दीवे दीवे महाविदेहे वासे चित्तकृडे णांमं वक्खारपव्वए पण्णत्ते, उत्तरदाहिणायए पाईणपडीणविच्छिण्णे सोलसजोयण-सहस्साइं पञ्च य बाणउए जोयणसए दुण्णि य एगूणवीसइभाए जोयणस्स आयामेणं पञ्च जोयणसयाइं विक्खम्भेणं णीलवन्तवासहरपव्वयंतेणं चत्तारि जोयणसयाइं उद्दे उचतेणं चत्तारि गाउयसयाई उव्वेहेणं तयणंतरं च णं मायाए २ उस्सेहव्वेहपरि-वुड्रीए परिवृह्माणे २ सीयामहाणईअंतेणं पञ्च जोयणसयाइं उड्हं उचत्तेणं पञ्च गाउय-सयाई उन्वेहेणं अस्सखन्धसंठाणसंठिए संन्वरयणामए अच्छे सण्हे जाव पडिरूवे उभओ पासिं दोहिं पउमवरवेइयाहिं दोहि य वणसंडेहिं संपरिक्खित्ते, वण्णओ दुण्हवि, चित्तकृडस्स णं वक्खारपव्वयस्स उप्पि बहुसमर्मणिजे भूमिभागे पण्णते जाव आस-यन्ति . चित्तकूडे णं भन्ते ! वक्खारपव्वए कइ कुडा पण्णता ? गोयमा ! चत्तारि कृडा पण्णता, तंजहा—सिद्धकृडे चित्तकृडे कच्छकृडे सुकच्छकृडे, समा उत्तरदाहि-णेणं परुष्परंति. पढमं सीयाए उत्तरेणं चडत्थए नीलवन्तस्स वासहरपव्वयस्स दाहिणेणं एतथ णं चित्तकूडे णामं देवे महिद्दिए जाव रायहाणी सेत्ति ॥ ९४ ॥ कहि णं भन्ते ! जम्बुद्दीवे दीवे महाविदेहे वासे सुकच्छे णामं विजए पण्णते ? गोयमा ! सीयाए महाणईए उत्तरेणं णीलवन्तस्स वासहरपव्वयस्स दाहिणेणं गाहा-वईए महाणईए पचित्थमेणं चित्तकूडस्स वक्खारपव्वयस्स पुरत्थिमेणं एत्थ णं

जम्ब्रहीवे दीवे महाविदेहे वासे सुकच्छे णामं विजए पण्णत्ते, उत्तरदाहिणायए जहेव कच्छे विजए तहेव सुकच्छे विजए, णवरं खेमपुरा रायहाणी सुकच्छे राया समुप्पजाइ तहेव सव्वं। किह णं भनते ! जम्बुद्दीवे २ महाविदेहे वासे गाहावड्कंडे॰ पण्णते ? गो॰! सुकच्छविजयस्स पुरित्थमेणं महाकच्छस्स विजयस्स पचित्थमेणं णीलवन्तस्स वासहरपन्वयस्स दाहिणिल्ले णियम्बे एत्थ णं जम्युद्दीवे दीवे महाविदेहे वासे गाहावइ-कुंडे णामं कुण्डे पण्णते, जहेव रोहियंसाकुण्डे तहेव जाव गाहावइदीवे भवणे, तस्स णं गाहावइस्स कुण्डस्स दाहिणिल्लेणं तोरणेणं गाहावई महाणई पवृदा समाणी सुकच्छमहाकच्छविजए दुहा विभयमाणी २ दाहिणेणं सीयं महाणइं समप्पेड्, गाहावई णं महाणई पवहे य मुहे य सन्वत्थ समा पणवीसं जोयणसयं विक्खम्भेणं अड्ढाइजाइं जोयणाइं उव्वेहेणं उभओ पासिं दोहिं पउमवरवेइयाहिं दोहि य वण-सण्डेहिं जाव दुण्हवि वण्णओ, कहि णं भन्ते ! महाविदेहे वासे महाकच्छे णामं विजए पण्णत्ते ? गोयमा ! णीलवन्तस्स वासहरपव्वयस्स दाहिणेणं सीयाए महाणईए उत्त-रेणं पम्हकूडस्स वक्खारपव्वयस्स पचित्यमेणं गाहावईए महाणईए पुरिथमेणं एत्थ णं महाविदेहे वासे महाकच्छे णामं विजए पण्णत्ते, सेसं जहा कच्छविजयस्स (णवरं अरिट्ठा रायहाणी) जाव महाकच्छे इत्थ देवे महिङ्किए...अट्ठो य भाणियव्वो । कहि णं भन्ते ! महाविदेहे वासे पम्हकूडे णामं वक्खारपव्वए पण्णत्ते ? गोयमा ! णील-वन्तस्स॰ दिक्खणेणं सीयाए महाणईए उत्तरेणं महाकच्छस्स पुरित्थमेणं कच्छावईए पचित्थमेणं एत्थ णं महाविदेहे वासे पम्हकूडे णामं वक्खारपव्वए पण्णते, उत्तर-दाहिणायए पाईणपडीणविच्छिण्णे सेसं जहा चित्तकृडस्स जाव आसयन्ति०, पम्हकृडे चतारि कृडा प०, तं०-सिद्धकृडे पम्हकृडे महाकच्छकृडे कच्छावइकूडे एवं जाव अद्रो, पम्हकूडे य इत्य देवे महिष्ट्रिए० पिठओवमिट्टिइए परिवसर्, से तेणहेणं गोयमा ! एवं वुचइ०। कहि णं भन्ते ! महाविदेहे वासे कच्छगावई णामं विजए प०? गो०! णीलवन्तस्स॰ दाहिणेणं सीयाए महाणईए उत्तरेणं दहावईए महाणईए पचित्यमेणं पम्हकूडस्स० पुरत्थिमेणं एत्थ णं महाविदेहे वासे कच्छगावई णामं विजए प०, उत्तर-दाहिणायए पाईणपडीणविच्छिण्णे सेसं जहा कच्छस्स विजयस्स जाव कच्छगावई य इत्थ देवे॰, कहि णं भन्ते ! महाविदेहे वासे दहावईकुण्डे णामं कुण्डे पण्णते ? गोयमा ! आवत्तस्स विजयस्स पचित्यमेणं कच्छगावईए विजयस्स पुरित्यमेणं णील-वन्तरस० दाहिणिल्ले णियंबे एत्थ णं महाविदेहे वासे दहावईकुण्डे णामं कुण्डे प० सेसं जहा गाहावईकुण्डस्स जाव अद्घो, तस्स णं दहावईकुण्डस्स दाहिणेणं तोरणेणं दहावई महाणई पवढ़ा समाणी कच्छावईआवत्ते विजए दुहा विभयमाणी २ दाहिणेणं

सीयं महाणइं समप्पेइ, सेसं जहा गाहावईए । कहि णं भन्ते ! महाविदेहे वासे आक्ते णामं विजए पण्णते ? गोयमा ! णीलवन्तस्स वासहरपव्वयस्स दाहिणेणं सीयाए महाणईए उत्तरेणं णिळणकूडस्स वक्खारपव्वयस्स पचित्थिमेणं दहावईए महाणईए पुरत्थिमेणं एत्थ णं महाविदेहे वासे आवत्ते णामं विजए पण्णत्ते, सेसं जहा कच्छत्स विजयस्स इति । कहि णं भन्ते ! महाविदेहे वासे णलिणकुडे णामं वक्खारपव्यक पण्णते ? गो० ! णीलवन्तस्स दाहिणेणं सीयाए उत्तरेणं मंगल।वइस्स विजयस्स पचित्यमेणं आवत्तस्स विजयस्स पुरित्थमेणं एत्थ णं महाविदेहे वासे णलिणकृडे णामं वक्खारपव्वए पण्णते, उत्तरदाहिणायए पाईणपडीणविच्छिण्णे सेसं जहा चित्तक्रडस्स जाव आसयन्ति॰, णलिणकुडे णं भन्ते !॰ कइ कुडा प॰ ? गोयमा ! चत्तारि कुडा पण्णता, तंजहा-सिद्धकडे णलिणकडे आवत्तकडे मंगलावत्तकडे, एए कडा पञ्चसङ्गा रायहाणीओ उत्तरेणं । किह णं भन्ते ! महाविदेहे वासे मंगलावत्ते णामं विज्ञा पण्णते ? गोयमा ! णीलवन्तस्स दिक्खणेणं सीयाए उत्तरेणं णिलणकुडस्स पुरित्थमेणं पंकावईए पचित्थिमेणं एत्थ णं मंगलावत्ते णामं विजए पण्णत्ते, जहा कच्छस्स विजए तहा एसो भाणियन्वो जाव मंगलावत्ते य इत्थ देवे० परिवसइ, से एएणट्रेणं०। कहि णं भनते ! महाविदेहे वासे पंकावईकंडे णामं कुण्डे पण्णते ? गोयमा ! मंगलावत्तस्स ० प्रत्थिमेणं पुक्खलविजयस्स पचित्थिमेणं णीलवन्तस्स दाहिणे णियंबे एतथ णं पंका-वई जाव कुण्डे पण्णते तं चेव गाहावद्कुण्डप्पमाणं जाव मंगलावत्तपुक्खलावत्त-विजए दुहा विभयमाणी २ अवसेसं तं चेव जं चेव गाहावईए । कहि णं भन्ते ! महाविदेहे वासे पुक्खलावत्ते णामं विजए पण्णते ? गोयमा ! णीलवन्तस्स दाहि-णेणं सीयाए उत्तरेणं पंकावईए पुरत्थिमेणं एगसेलस्स वक्खारपव्वयस्स पचित्थ-मेणं एत्थ णं पुक्खलावत्ते णामं विजए पण्णते जहा कच्छविजए तहा भाणियव्वं जाव पुक्खले य इत्थ देवे महिङ्गिए० पलिओवमिद्रइए परिवसइ, से एएणहेणं०, किह णं भन्ते ! महाविदेहे वासे एगसेले णामं वक्खारपव्वए प॰ ? गो॰ ! पुक्ख-लावत्तचक्कवद्विविजयस्स पुरत्थिमेणं पोक्खलावईचक्कवद्विविजयस्स पचित्थिमेणं णील-वन्तस्स दक्खिणेणं सीयाए उत्तरेणं एत्थ णं एगसेछे णामं वक्खारपव्वए पण्णतेः चित्तकृडगमेणं णेयव्यो जाव देवा आसयन्ति०, चत्तारि कृडा, तं०-सिद्धकृडे एग-सेलकुडे पुक्खलावत्तकुडे पुक्खलावईकुडे, कुडाणं तं चेव पञ्चसइयं परिमाणं जाव एगसेले य॰ देवे महिङ्किए॰। कहि णं भन्ते ! महाविदेहे वासे पुक्खलावई णामं चक्कवद्विविज् पण्णते ? गोयमा ! णीलवन्तस्स दिन्खणेणं सीयाए उत्तरेणं उत्तरि--**इस्स सीयामुह्वणस्स पञ्चित्थमेणं एगसेलस्स वक्खारपव्ययस्स प्रिथमेणं एत्थ णं.**

महाविदेहे वासे पुक्खलावई णामं विजए पण्णते, उत्तरदाहिणायए एवं जहा कच्छ-विजयस्स जाव पुक्खलावई य इत्थ देवे० परिवसइ, से एएणद्रेणं०। कहि णं भन्ते ! महाविदेहे वासे सीयाए महाणईए उत्तरिहें सीयामहवणे णामं वणे प० ? गोयमा ! णीलवन्तस्स दक्खिणेणं सीयाए उत्तरेणं परत्थिमलवणसमद्दस्स पच्चत्थिमेणं पक्ख-लावइचक्कवृद्धिवजयस्स पुरित्थमेणं एत्थ णं सीयामुहवणे णामं वणे पण्णत्ते. उत्तर-दाहिणायए पाईणपडीणविच्छिणे सोलसजोयणसहस्साई पञ्च य बाणउए जोयणसए दोण्णि य एगुणवीसइभाए जोयणस्स आयामेणं सीयाए महाणईए अन्तेणं दो जोयण-सहस्साइं णव य बावीसे जोयणसए विक्खम्भेणं तयणंतरं च णं मायाए २ परिहायमाणे २ णीलवन्तवासहरपव्वयंतेणं एगं एगूणवीसइभागं जोयणस्स विक्खंभेणंति. से णं एगाए पडमवरवेडयाए एगेण य वणसण्डेणं संपरिक्षिते वण्णओ सीयामुहवणस्य जाव देवा आसयन्ति०. एवं उत्तरिह्नं पासं समत्तं । विजया भणिया । रायहाणीओ इमाओ—खेमा १ खेमपुरा २ चेव, रिद्रा ३ रिद्रपुरा ४ तहा । खग्गी ५ मंजुसा ६ अविय, ओसही ७ पुंडरीगिणी ८ ॥ १ ॥ सोलस विजाहरसेढीओ तावइयाओ आभिओगसेढीओ सव्वाओ इमाओ ईसाणस्स. सव्वेस विजएसु कच्छवत्तव्वया जाव अद्रो रायाणो सरिसणामगा विजएसु सोलसण्हं वक्खारपव्वयाणं चित्तकुडवत्तव्वया जाव कुडा चत्तारि २ बारसण्हं णईणं गाहावइव-त्तव्वया जाव उमओ पासिं दोहिं परमवरवेइयाहिं वणसण्डेहि य० वण्णओ ॥ ९५ ॥ कहि णं भन्ते ! जम्ब्रुद्दीवे दीवे महाविदेहे वासे सीयाए महाणईए दाहिणिहे. सीयामुहवणे णामं वणे पण्णते ? एवं जह चेव उत्तरिह्नं सीयामुहवणं तह चेव दाहिणंपि भाणियन्वं, णवरं णिसहस्स वासहरपव्वयस्स उत्तरेणं सीयाए महाणईए दाहिणेणं पुरित्थमलवणसमुद्दस्स पचित्थिमेणं वच्छस्स विजयस्स पुरित्थमेणं एत्थ णं जम्ब्रहीवे दीवे महाविदेहे वासे सीयाए महाणईए दाहिणिहे सीयामहवणे णामं वणे प०, उत्तरदाहिणायए तहेव सव्वं णवरं णिसहवासहरपव्वयंतेणं एगमेगूणवीस-इभागं जोयणस्स विक्खम्भेणं किण्हे किण्होभासे जाव महया गन्धद्धणिं मुयंते जाव आसयन्ति० उभओ पासिं दोहिं पउमवरवेइयाहिं० वणवण्णओ इति । कहि णं भन्ते ! जम्ब्रुद्दीवे दीवे महाविदेहे वासे वच्छे णामं विजए पण्णते ? गोयमा ! णिसहस्स वासहरपव्वयस्स उत्तरेणं सीयाए महाणईए दाहिणेणं दाहिणिल्रस्स सीया-मुह्वणस्स पचित्थिमेणं तिउडस्स वक्खारपव्वयस्स पुरित्थिमेणं एत्थ णं जम्बुद्दीवे दीवे महाविदेहे वासे वच्छे णामं विजए पण्णत्ते तं चेव पमाणं सुसीमा रायहाणी १, तिउडे वक्खारपव्वए सुवच्छे विजए कुण्डला रायहाणी २, तत्तजला णई महा-

वच्छे विजए अपराजिया रायहाणी ३, वेसमणकुडे वक्खारपव्वए वच्छावई विजा पभंकरा रायहाणी ४, मत्तजला णई रम्मे विजए अंकावई रायहाणी ५. अंजो वक्खारपव्वए रम्मगे विजए पम्हावई रायहाणी ६, उम्मत्तजला महाणई रमणिजे विजए सुभा रायहाणी ७, मायंजणे वक्खारपव्वए मंगलावई विजए रयणसंचया रायहाणीति ८. एवं जह चेव सीयाए महाणईए उत्तरं पासं तह चेव दिक्खिणिहं भाणियव्वं, दाहिणिल्लसीयामुहवणाइ, इमे वक्खारकूडा, तं०-तिउडे १ वेसमणकडे २ अंजणे ३ मायंजणे ४, [णईड तत्तजला १ मत्तजला २ उम्मत्तजला ३] विजया, तं०-वच्छे सुवच्छे महावच्छे, चउत्थे वच्छगावई । रम्मे रम्मए चेव, रम-णिज मंगलावई ॥ १ ॥ रायहाणीओ, तंजहा-सुसीमा कुण्डला चेव, अवराड्य पहंकरा । अंकावई पम्हावई, सुभा रयणसंचया ॥ २ ॥ वच्छस्स विजयस्स णिसहे दाहिणेणं सीया उत्तरेणं दाहिणिल्लसीयासहवणं पुरितथमेणं तिउडे पचित्थिमेणं सुसीमा रायहाणी पमाणं तं चेवेति. वच्छाणंतरं तिउडे तओ सुवच्छे विजा एएणं कमेणं तत्तजला णई महावच्छे विजए वेसमणकृडे वक्खारपव्वए वच्छावई विजए मत्तजला णई रम्मे विजए अंजणे वक्खारपव्वए रम्मए विजए उम्मत्तजला गई रमणिजे विजए मायंजणे वक्खारपव्वए मंगलावई विजए ॥ ९६ ॥ किह णं भन्ते ! जम्बुद्दीवे दीवे महाविदेहे वासे सोमणसे णामं वक्खारपव्वए पण्णत्ते ? गो॰ ! णिसहस्स वासहरपव्वयस्स उत्तरेणं मन्दरस्स पव्वयस्स दाहिणपुरित्य-मेणं मंगलावईविजयस्स पचित्थिमेणं देवकुराए० पुरिथमेणं एत्थ णं जम्बुद्दीवे २ महाविदेहे वासे सोमणसे णामं वक्खारपव्वए पण्णत्ते, उत्तरदाहिणायए पाईणपडीण-विच्छिण्णे जहा मालवन्ते वक्खारपव्वए तहा णवरं सव्वरययामए अच्छे जाव पिडरूवे, णिसहवासहरपव्वयंतेणं चतारि जोयणसयाई उद्गं उच्चतेणं चतारि गाउय-सयाइं उन्वेहेणं सेसं तहेव सन्वं णवरं अट्टो से गोयमा ! सोमणसे णं वक्खारपव्वण बहवे देवा य देवीओ य सोमा सुमणा सोमणसे य इत्थ देवे महिङ्किए जाव परि-वसइ. से एएणट्रेणं गोयमा ! जाव णिचे। सोमणसे णं भंते ! वक्खारपव्वए कइ कूडा प॰ १ गो॰ ! सत्त कूडा प॰, तं॰-सिद्धे १ सोमणसे २ विय बोद्धव्वे मंगलावईकुडे ३ । देवकुरु ४ विमल ५ कंचण ६ वसिट्टकूडे ७ य बोद्धव्वे ॥ १ ॥ एवं सव्वे पश्चसङ्गा कृडा, एएसिं पुच्छा दिसिविदिसाए भाणियव्वा जहा गन्धमायणस्स, विमलक्ख्नण-कृडेसु णवरं देवयाओ सुवच्छा वच्छिमत्ता य अवसिद्रेसु कृडेसु सरिसणामया देवा रायहाणीओ दक्खिणेणात । किह णं भन्ते ! महाविदेहे वासे देवकुरा णामं कुरा पण्णता १ गोयमा ! मन्दरस्स पव्वयस्स दाहिणेणं णिसहस्स वासहरपव्वयस्स उत्तरेणं

विज्जुप्पहस्स वक्खारपव्वयस्स पुरिथमेणं सोमणसवक्खारपव्वयस्स पचित्रिमेणं एत्थ णं महाविदेहे वासे देवकुरा णामं कुरा पण्णत्ता, पाईणपडीणायया उदीण-दाहिणविच्छिण्णा इकारस जोयणसहस्साइं अट्ट य बायाले जोयणसए दुण्णि य एग्णवीसइभाए जोयणस्स विक्खम्भेणं जहा उत्तरकुराए वत्तव्वया जाव अणुसज्ज-माणा पम्हगन्धा मियगन्या अममा सहा तेयतली सणिचारीति ६ ॥ ९७ ॥ कहि णं भन्ते ! देवकुराए २ चित्तविचित्तकूडा णामं दुवे पव्वया प० ? गो० ! णिसहस्स वासहरपव्वयस्स उत्तरिल्लाओ चरिमंताओ अद्वचोत्तीसे जोयणसए चत्तारि य सत्तभाए जोयणस्स अबाहाए सीओयाए महाणईए पुरित्यमपचित्यमेणं उभओकूळे एत्थ णं चित्तविचित्तकूडा णामं दुवे पव्वया प०, एवं जच्चेव जमगपव्वयाणं० सच्चेव०. एएसिं रायहाणीओ दिक्लणेणाति ॥ ९८ ॥ किह णं भन्ते ! देवकुराए २ णिसदृहे णामं दहे पण्णते १ गो० ! तेसिं चित्तविचित्तकूडाणं पव्वयाणं उत्तरिहाओ चरिमन्ताओ अद्भवोत्तीसे जोयणसए चतारि य सत्तभाए जोयणस्स अबाहाए सीओयाए महाण-ईए बहुमज्झदेसभाए एत्थ णं णिसहृहहे णामं दहे पण्णत्ते, एवं जच्चेव णीलवंत-उत्तर्करुचन्देरावयमालवंताणं वत्तव्वया सचेव णिसहदेवकुरुस्रसुलसविज्जुप्पभाणं णेयव्वा, रायहाणीओ दिन्खणेणंति ॥ ९९ ॥ किह णं भन्ते ! देवकुराए २ कूड-सामलिपेढे णामं पेढे पण्णत्ते ? गोयमा ! मन्दरस्स पव्चयस्स दाहिणपचित्थिमेणं णिसहस्स वासहरपव्वयस्स उत्तरेणं विज्जुप्पभस्स वक्खारपव्वयस्स पुरिश्यमेणं सीओयाए महाणईए पचित्थमेणं देवकुरुपचित्थमद्भस्य बहुमज्झदेसभाए एत्थ णं देवकुराए कुराए कुडसामलीपेढे णामं पेढे प०, एवं जचेव जम्बूए सुदंसणाए वत्तव्वया सच्चेव सामलीएवि भाणियव्वा णामविहणा गरूलदेवे रायहाणी दक्खि-णेणं अवसिद्धं तं चेव जाव देवकुरू य इत्थ देवे० पिठओवमिद्धिइए परिवसइ, से तेणद्रेणं गो०! एवं वृच्च -देवकुरा २, अदुत्तरं च णं० देवकुराए०॥ १००॥ किह णं भनते ! जम्बुद्दीवे २ महाविदेहे वासे विज्जुप्पमे णामं वक्खारपव्वए पण्णते १ गो० ! णिसहस्स वासहरपव्वयस्स उत्तरेणं मन्दरस्स पव्वयस्स दाहिण-पचित्थमेणं देवकुराए० पचित्थमेणं पम्हस्स विजयस्स पुरित्थमेणं एत्थ णं जम्बु-हीवे २ महाविदेहे वासे विज्जुप्पभे० वक्खारपव्वए प०, उत्तरदाहिणायए एवं जहा मालवन्ते णवरि सन्वतवणिज्ञमए अच्छे जाव देवा आसयन्ति । विज्जुप्पमे णं भन्ते ! वक्खारपव्वए कइ कृडा प० ? गो० ! णव कृडा प०, तं०-सिद्धकृडे विज्जुप्पभक् डे देवकुरुकू डे पम्हकू डे कणगकू डे सोवित्ययकू डे सीओयाकू डे सयज्जल-कृडे हरिकृडे । सिद्धे य विज्जुणामे देवकुरू पम्हकणगसोवत्थी । सीओया य सयजा-

लहरिकृडे चेव बोद्धव्वे ॥ १ ॥ एए हरिकृडवजा पश्चसइया णेयव्वा, एएसि कृडाणं पुच्छा दिसिविदिसाओ णेयव्वाओ जहा मालवन्तस्स हरिस्सहकूडे तह चेव हरिकृडे रायहाणी जह चेव दाहिणेणं चमरचंचा रायहाणी तह णेयव्वा, कणग-सोवत्थियकृडेसु वारिसेणबलाहयाओ दो देवयाओ अवसिट्टेसु कृडेसु कृडसरिसणा-मया देवा रायहाणीओ दाहिणेणं, से केणड्डेणं भन्ते ! एवं वुचइ-विज्जुप्पमे वक्खार-पव्वए २ ? गोयमा ! विज्ञुप्पभे णं वक्खारपव्वए विज्जुमिव सव्वओ समन्ता ओभासेइ उज्जोवेइ पभासइ विज्जुप्पभे य इतथ देवे जाव पिलओवमिट्टिइए परिवसइ. से एएणद्रेणं गोयमा! एवं व्रचइ-विज्जुप्पभे० २, अदुत्तरं च णं जाव णिचे ॥ १०१॥ एवं पम्हे विजए अस्सपुरा रायहाणी अंकावई वक्खारपव्वए १, सुपम्हे विजए सीहपुरा रायहाणी खीरोया महाणई २, महापम्हे विजए महापुरा रायहाणी पम्हावई वक्खारपव्वए ३, पम्हगावई विजए विजयपुरा रायहाणी सीयसोया महाणई ४, संखे विजए अवराइया रायहाणी आसीविसे वक्खारपव्वए ५, कुमए विजए अरया रायहाणी अंतोवाहिणी महाणई ६, णिळणे विजए असोगा रायहाणी सहावहे वक्खारपञ्चए ७, णलिणावई विजए वीयसोगा रायहाणी ८ दाहिणिहे सीओयामुहवणसंडे, उत्तरिक्षेवि एमेव भाणियव्वे जहा सीयाए, वप्पे विजार विजया रायहाणी चन्दे वक्खारपव्वए १, सुवप्पे विजए जयन्ती रायहाणी उम्मिमालिणी णई २, महावप्पे विजए जयन्ती रायहाणी सूरे वक्खारपव्वए ३. वप्पावई विजए अपराइया रायहाणी फेणमालिणी णई ४, वग्गू विजए चक्कपुरा रायहाणी णागे वक्खारपव्वए ५, सुवग्गू विजए खग्गपुरा रायहाणी गंभीरमालिणी अंतरणई ६, गन्धिले विजए अवज्झा रायहाणी देवे वक्खारपव्वए ७. गंधिलावई विजए अओज्झा रायहाणी ८, एवं मन्दरस्स पव्वयस्स पच्चित्थिमिल्लं पासं भाणि-यव्वं तत्थ ताव सीओयाए णईए दिक्खणिहे णं कूळे इमे विजया, तं०-पम्हे सुपम्हे महापम्हे, चउत्थे पम्हगावई । संखे कुमुए णलिणे, अट्टमे णलिणावई ॥ १ ॥ इमाओ रायहाणीओ, तं०-आसपुरा सीहपुरा महापुरा चेव हवइ विजय-पुरा । अवराइया य अरया असोग तह वीयसोगा य ॥ २ ॥ इमे वक्खारा. तंजहा-अंके पम्हे आसीविसे सहावहे, एवं इत्थ परिवाडीए दो दो विजया कुडसार-सणामया भाणियव्वा दिसा विदिसाओ य भाणियव्वाओ, सीओयामुहवणं च भाणियव्वं सीओयाए दाहिणिहं उत्तरिहं च, सीओयाए उत्तरिहे पासे इमे विजया तंजहा-वप्पे सुवप्पे महावप्पे, चउत्थे वप्पयावई । वग्गू य सुवग्गू य, गंधिले गंधिलावई ॥ १ ॥ रायहाणीओ इमाओ, तंजहा-विजया वेजयन्ती जयन्ती अपरा-

जिया। चक्कपुरा खग्गपुरा हवइ अवज्झा अउज्झा य ॥ २ ॥ इमे वक्खारा, तंजहा-चन्दपन्वए १ सूरपन्वए २ णागपन्वए ३ देवपन्वए ४, इमाओ णईओ सीओयाए महाणईए दाहिणिहे कुळे-खीरोया सीहसोया अंतरवाहिणीओ णईओ ३. उम्मिमालिणी १ फेणमालिणी २ गंभीरमालिणी ३ उत्तरिक्वविजयाणन्तराउत्ति. इत्थ परिवाडीए दो दो कूडा विजयसरिसणामया भाणियव्वा, इमे दो दो कूडा अवद्विया, तंजहा-सिद्धकुडे पन्वयसरिसणामकुडे ॥ १०२ ॥ कहि णं भन्ते ! जम्ब्रहीवे २ महाविदेहे वासे मन्दरे णामं पव्वए पण्णते ? गोयमा ! उत्तरकुराए दिक्खणेणं देवकुराए उत्तरेणं पुञ्चविदेहस्स वासस्स पचित्यमेणं अवरविदेहस्स वासस्स पुरितथमेणं जम्बुद्दीवस्स २ बहुमज्झदेसभाए एत्थ णं जम्बुद्दीवे दीवे मन्दरे णामं पव्वए पण्णते णवणउइजोयणसहस्साइं उच्चे उच्चतेणं एगं जोयणसहस्सं उठ्वेहेणं मुळे दसजोयणसहस्साइं णवइं च जोयणाइं दस य एगारसभाए जोयणस्स विक्खम्भेणं धरणियले दस जोयणसहस्साइं विक्खम्भेणं तयणन्तरं च णं मायाए २ परिहायमाणे परिहायमाणे उवरितले एगं जोयणसहस्सं विक्खंभेणं मुले एकतीसं जोयणसहरसाइं णव य दसत्तरे जोयणसए तिण्णि य एगारसभाए जोयणस्स परि-क्खेवेणं धरणियले एकतीसं जोयणसहस्साइं छच तेवीसे जोयणसए परिक्खेवेणं उवरितले तिण्णि जोयणसहस्साइं एगं च बावट्रं जोयणसयं किंचिविसेसाहियं परिक्ले-वेणं मुळे विच्छिणो मज्झे संखिते उविरं तुणए गोपुच्छसंठाणसंठिए सव्वरयणामए अच्छे सण्हेत्ति । से णं एगाए पडमवरवेइयाए एगेण य वणसंडेणं सन्वओ समन्ता संपरिक्खित वण्णओत्ति. मन्दरे णं भन्ते ! पव्वए कइ वणा प० १ गो० ! चत्तारि वणा प॰, तं॰-भइसालवणे १ णन्दणवणे २ सोमणसवणे ३ पंडगवणे ४, कहि णं भन्ते ! मन्दरे पञ्चए भइसालवणे णामं वणे प० १ गोयमा ! धरणियले एत्थ णं मन्दरे प्रवए भद्दसालवणे णामं वणे पण्णते. पाईणपडीणायए उदीणदाहिणविच्छिण्णे सोमण-सविज्जुप्पहगंधमायणमालवंतिहिं वक्खारपव्वएहिं सीयासीओयाहि य महाणईहिं अद्भागपविभत्ते मन्दरस्स पव्वयस्स प्रतिथमपचित्थमेणं बावीसं बावीसं जोयणसह-स्साइं आयामेणं उत्तरदाहिणेणं अङ्गाइजाइं अङ्गाइजाइं जोयणसयाइं विक्खम्भेणंति, से णं एगाए पउमवरवेइयाए एगेण य वणसंडेणं सन्वओ समन्ता संपरिक्खिते दुण्हवि वण्णओ भाणियव्यो किण्हे किण्होभासे जाव देवा आसयन्ति सयन्ति , मन्दरस्स णं पव्वयस्स उत्तरपुरिथमेणं भद्दसालवणं पण्णासं जोयणाई ओगाहिता एत्थ णं चतारि णन्दापुक्खरिणीओ पण्णताओ, तं०-पडमा १ पडमप्पभा २ चेव, कुमुया ३ कुमु-यपमा ४. ताओ णं पुक्खरिणीओ पण्णासं जोयणाई आयामेणं पणवीसं जोयणाई विक्खम्भेणं दसजोयणाइं उन्वेहेणं वण्णओ वेइयावणसंडाणं भाणियन्वो. चउहिस तोरणा जाव तासि णं पुक्खरिणीणं बहमज्झदेसभाए एत्थ णं महं एगे ईसाणस्य देविंदस्स देवरण्णो पासायविंसए पण्णते पञ्चजोयणसयाइं उद्गं उच्चतेणं अन्नाइजाहं जोयणस्याइं विक्खंमेणं अन्भगगम्सिय एवं सपरिवारो पासायवर्डिसओ भाण-यन्त्रो. संदरस्स णं एवं दाहिणपुरत्थिमेणं पुक्खरिणीओ उप्पलगुम्मा णलिणा उप्पला उप्पळजाळा तं चेव प्रमाणं मज्झे पासायवडिंसओ सक्करस सपरिवारो तेणं चेव प्रमाणेणं दाहिणपचित्थिमेणवि पुक्खरिणीओ-सिंगा सिंगणिभा चेव, अंजणा अंजणप्रमा । पासायविंसओ सक्करस सीहासणं सपरिवारं। उत्तरपुरितथमेणं पुक्खरिणीओ-सिरि-कंता १ सिरिचन्दा २ सिरिमहिया ३ चेव सिरिणिलया ४ । पासायविंसओ ईसा-णस्स सीहासणं सपरिवारंति । मन्दरे णं भन्ते ! पव्वए भहसालवणे कङ दिसाहत्थि-कुडा प॰ ? गो॰ ! अद्र दिसाहत्थिकुडा पण्णता, तंजहा-पउमुत्तरे १ णीलवन्ते २. सहत्थी ३ अंजणागिरी ४। क्रमण य ५ पलासे य ६. विडिसे ७ रोयणागिरी ८ ॥ १ ॥ कहि णं भन्ते ! मन्दरे पव्वए भहसालवणे पउमुत्तरे णामं दिसाहत्यि-कूडे प॰ १ गोयमा ! मन्दरस्स पव्वयस्स उत्तरपुरित्थमेणं पुरित्थिमिल्लाए सीयाए उत्त-रेणं एत्थ णं पउसत्तरे णामं दिसाहत्थिकृडे पण्णते पञ्चजोयणसयाइं उड्हं उचतेणं पञ्चगाउयसयाइं उन्वेहेणं एवं विक्खम्भपरिक्खेवो भाणियन्वो चुल्लहिमवन्तसरिसो. पासायाण य तं चेव परुमुत्तरो देवो रायहाणी उत्तरपुरितथमेणं १. एवं णीलवन्त-दिसाहित्थकूडे मन्दरस्स दाहिणपुरित्थमेणं पुरित्थिमिल्लाए सीयाए दिक्खणेणं एय-स्सिव णीलवन्तो देवो रायहाणी दाहिणपुरित्थमेणं २, एवं सुहित्थिदिसाहित्थिकुडे मंदरस्स दाहिणपुरित्थमेणं दिक्खिणिह्याए सीओयाए पुरित्थमेणं एयस्सवि सहत्थी देवो रायहाणी दाहिणपुरिक्थमेणं ३, एवं चेव अंजणागिरिदिसाहित्थकुडे मन्दरस्स दाहिणपचित्थिमेणं दिक्खिणिल्लाए सीओयाए पचित्थिमेणं एयस्सिव अंजणागिरी देवो रायहाणी दाहिणपचित्थिमेणं ४, एवं कुमुए विदिसाहित्थकृडे मन्दरस्स दाहिणपचित्थ-मेणं पचित्थिमिल्लाए सीओयाए दिक्खिणेणं एयस्सिव कुमुओ देवो रायहाणी दाहिण-पचित्थमेणं ५, एवं पलासे विदिसाहित्थकूडे मन्दरस्स उत्तरपचित्थमेणं पचित्थिमिल्लाए सीओयाए उत्तरेणं एयस्सवि पलासो देवो रायहाणी उत्तरपचित्थिमेणं ६, एवं वडेंसे विदिसाहित्थकुडे मन्दरस्स० उत्तरपचित्थिमेणं उत्तरिल्लाए सीयाए महाणईए पचित्थिमेणं एयस्सवि वर्डेसो देवो रायहाणी उत्तरपचित्थिमेणं ७, एवं रोयणागिरी दिसाहत्थिकृडे मंदरस्स उत्तरपुरित्थमेणं उत्तरिह्नाए सीयाए पुरित्थमेणं एयस्सवि रोयणागिरी देवो रायहाणी उत्तरपुरस्थिमेणं ८ ॥ १०३ ॥ कहि णं भन्ते ! मन्दरे पव्वए णंदणवणे णामं

वणे पण्णत्ते ? गो॰ ! भद्दसालवणस्स बहुसमरमणिजाओ भूमिभागाओ पश्चजोयणसयाई उद्घं उप्पइत्ता एत्थ णं मन्दरे पव्वए जन्दणवणे जामं वणे पज्जत्ते पञ्चजोयणसयाई चक्कवालविक्खम्भेणं वृद्दे वलयागारसंठाणसंठिए जे णं मन्दरं पव्वयं सव्वओ समन्ता संपरिक्खिताणं चिद्रइति णवजोयणसहस्साइं णव य चडप्पण्णे जोयणसए दुचेगारसभाए जोयणस्य बाहिं गिरिविक्खम्भो एगत्तीसं जोयणसहस्साइं चत्तारि य अउणासीए जोयणसए किंचिविसेसाहिए बाहिं गिरिपरिरएणं अद्व जोयणसहस्साइं णव य चडप्पण्णे जोयणसए छन्नेगारसभाए जोयणस्स अंतो गिरिविक्खम्भो अट्ठावीसं जोयणसहस्साई तिण्णि य सोलसुत्तरे जोयणसए अहु य इक्कारसभाए जोयणस्स अंतो गिरिपरिरएणं, से णं एगाए पउमवरवेइयाए एगेण य वणसंडेणं सव्वओ समन्ता संपरिक्खिते वण्गओ जाव देवा आसयन्ति॰, मंदरस्स णं पन्वयस्स विदिसास पुक्खरिणीओ तं चेव पमाणं पुक्खरिणीणं पासायवर्डिसगा तह चेव सक्केसाणाणं तेणं चेव पमाणेणं, णंदणवणे णं भन्ते ! कइ कूडा प० ? गोयमा ! णव कूडा पण्णत्ता, तंजहा-णन्दण-वणकूडे १ मन्दरकूडे २ णिसहकूडे ३ हिमवयकूडे ४ रययकूडे ५ रयगकूडे ६ सागरचित्तकृडे ७ वइरकृडे ८ बलकृडे ९। किह णं भन्ते ! णन्दणवणे णंदणवणकृडे णामं कूडे प॰ ? गोयमा ! मन्दरस्स पव्वयस्स उत्तरपुरित्थिमिह्रस्स पासायवडेंसयस्स द्क्तिलणेणं एत्थ णं णन्दणवणे णंदणवणे णामं कूडे पण्णत्ते० पञ्चसङ्या कूडा पुव्व-विणया भाणियव्वा, देवी मेहंकरा रायहाणी विदिसाएति १ एयाहिं चेव पुव्वाभि-लावेणं णेयव्वा इमे कूडा इमाहिं दिसाहिं दाहिणपुरित्थिमिल्लस्स पासायवडेंसगस्स उत्तरेणं मन्दरे कूडे मेहवई देवी रायहाणी पुन्वेणं २ दाहिणपुरत्थिमिल्लस्स पासायवडेंसगस्स पचित्थमेणं णिसहे कूडे सुमेहा देवी रायहाणी दिक्खणेणं ३ दिक्खणपचित्थिमिह्रस्स पासायवडेंसगस्स पुरित्थमेणं हेमवए कूडे हेममालिणी देवी रायहाणी दिक्खणेणं ४ दाहिणपचित्थिमिह्रस्स पासायवडेंसगस्स उत्तरेणं रयए कूडे सुवच्छा देवी रायहाणी पच-त्थिमेणं ५ उत्तरपचर्त्थिमिन्नस्स पासायवर्डेसगस्स दक्क्लिणेणं रुयगे कूडे वच्छिमित्ता देवी रायहाणी पचत्थिमेणं ६ उत्तरपचत्थिमिह्नस्स पासायवर्डेसगस्स पुरिश्यमेणं सागरचित्ते कूडे वङ्रसेणा देवी रायहाणी उत्तरेणं ७ उत्तरपुरित्थिमिल्लस्स पासायवर्डेसगस्स पचित्थिमेणं वइरकूडे बलाह्या देवी रायहाणी उत्तरेणंति ८, किह णं भन्ते ! णन्दणवणे बलकूडे णामं कूडे पण्णत्ते ? गोयमा ! मन्दरस्स पन्वयस्स उत्तरपुरित्थमेणं एत्थ णं णन्दणवणे बलकूडे णामं कूडे पर्ः, एवं जं चेव हरिस्सहकूडस्स पमाणं रायहाणी य तं चेव बलकूडस्सवि, णवरं बलो देवो रायहाणी उत्तरपुरित्थिमेणंति ॥ १०४ ॥ कहि णं भंते ! मन्दरए पव्वए सोमणसवणे णामं वणे प०? गोयमा ! णन्दणवणस्स बहसमरमणिजाओ भूमिभागाओ अद्धतेविंहुं जोयणसहस्साईं उद्दं उप्पइता एत्य णं सन्दरे प्रवृत सोमणसवणे णामं वणे पण्णते पञ्चजोयणसयाई चक्कवालविक्खम्भेणं वट्टे बलयागारसंठाणसंठिए जे णं मन्दरं पव्वयं सव्वओ समन्ता संपरिक्खिताणं चिद्रइ चत्तारि जोयणसहस्साई दुण्णि य बावत्तरे जोयणसए अह य इक्कारसभाएं जोयणस्स बाहिं गिरिविक्खम्भेणं तेरस जोयणसहस्साइं पञ्च य एकारे जोयणसए छच इक्कारसभाए जोयणस्स बाहिं गिरिपरिरएणं तिण्णि जोयणसहस्साई दुण्णि य बावत्तरे जोयणसए अहु य इक्कारसमाए जोयणस्स अंतो गिरिविक्खम्भेणं दस जोयणसहस्साइं तिणिण य अउणापण्णे जोयणसए तिण्णि य इक्कारसभाए जोयणस्स अंतो गिरिपरिरएणंति । से णं एगाए पडमवरवेइयाए एगेण य वणसंडेणं सन्वओ समन्ता संपरिक्खित वण्णओ किण्हे किण्होभासे जाव आसयन्ति । एवं कूडवजा सचेव णन्दणवणवत्तव्वया भाणियव्वा. तं चेव ओगाहिऊण जाव पासायवडेंसगा सक्कीसाणाणंति ॥ १०५ ॥ कहि णं भंते ! मन्दरपव्वए पंडगवणे णामं वणे प० १ गो०! सोमणसवणस्य बहुसमरमणिजाओ भूमिभागाओ छत्तीसं जोयणसहस्साइं उद्दूं उप्पहत्ता एत्थ णं मन्दरे पव्वए सिहरतले पंडगवणे णामं वणे पण्णते चतारि चउणउए जोयणसए चक्कवालविक्खंभेणं वहे वलयागारसंठाणसंठिए, जे णं मंदर-चुलियं सञ्वओ समन्ता संपरिक्खिताणं चिद्रइ तिण्णि जोयणसहस्साई एगं च बावद्रं जोयणसयं किंचिविसेसाहियं परिक्खेवेणं, से णं एगाए पडमवरवेइयाए एगेण य वण-संडेणं जाव किण्हे॰ देवा आसयन्ति॰, पंडगवणस्स बहमज्झदेसभाए एत्थ णं मंदर-चूलिया णामं चूलिया पण्णता चत्तालीसं जोयणाइं उद्घं उचतेणं मूले बारस जोयणाइं विक्खंभेणं मज्झे अद्र जोयणाई विक्खंभेणं उपिं चत्तारि जोयणाई विक्खंभेणं मले साइरेगाइं सत्ततीसं जोयणाइं परिक्खेवेणं मज्झे साइरेगाइं पणवीसं जोयणाइं परि-क्खेवेणं उपिंप साइरेगाइं बारस जोयणाइं परिक्खेवेणं मूळे विच्छिण्णा मज्झे संखिता उपिंप तणुया गोपुच्छसंठाणसंठिया सन्ववेहलियामई अच्छा०, सा णं एगाए पडमवर-वेइयाए जाव संपरिक्खिता इति उपिंप बहुसमरमणिजे भूमिभागे जाव विहरंति, एवं जचेव सोमणसे पुरववणिणओ गमो पुक्खरिणीणं पासायवडेंसगाण य सो चेव णेयव्वो जाव सक्कीसाणवडेंसगा तेणं चेव परिमाणेणं ॥ १०६ ॥ पण्डगवणे णं भन्ते ! वर्णे कह अभिसेयसिलाओ पण्णताओं ? गोयमा ! चत्तारि अभिसेयसिलाओ प०, तं०-पंडसिला १ पण्डकंबलसिला २ रत्तसिला ३ रत्तकम्बलसिलेति ४। कहि णं भन्ते! पण्डगवणे पण्डसिला णामं सिला पण्णता? गोयसा! मन्दरच्लियाए पुरिक्षमेणं पंडगवणपुरिक्षमपेरंते एत्थ णं पंडगवणे पंडुसिला णामं सिला पण्णता, उत्तरदाहिणायया पाईणपडीणविच्छिण्णा अद्भचन्दसंठाणसंठिया पंचजोयणसयाई आयामेणं अहाइजाइं जोयणसयाइं विक्खम्भेणं चत्तारि जोयणाइं बाहल्लेणं सव्वक-णगामई अच्छा वेइयावणसंडेणं सव्वओ समन्ता संपरिक्खिता वण्णओ, तीसे णं पण्डसिलाए चर्डाहिसं चत्तारि तिसोवाणपिडस्वगा पण्णता जाव तोरणा वण्णओ. तीसे णं पण्डसिलाए उपिंप बहसमर्माणेजे भूमिभागे पण्णते जाव देवा आसयन्ति , तस्स णं बहसमरमणिजस्स भूमिभागस्स बहुमज्झदेसभाए उत्तरदाहिणेणं एत्थ णं दुवे सीहासणा पण्णत्ता पञ्च धणुसयाई आयामविक्खम्भेणं अङ्गाइजाई धणुसयाई बाहक्षेणं सीहासणवण्णओ भाणियव्यो विजयदसवज्जोत्ति । तत्थ णं जे से उत्तरिक्षे सीहासणे तत्थ णं बहुहिं भवणवृङ्गाणमन्तरजोइसियवेमाणिएहिं देवेहिं देवीहि य कच्छाइया तित्थयरा अभिसिचन्ति, तत्थ णं जे से दाहिणिहे सीहासणे तत्थ णं बहुिहं भवण जाव वेमाणिएहिं देवेहिं देवीहि य वच्छाइया तित्थयरा अभि-सिचन्ति । कहि णं भन्ते ! पण्डगवणे पण्डकंवलसिला णामं सिला पण्णता ? गोयमा! मन्दरचूलियाए दिक्खणेणं पण्डगवणदाहिणपेरंते एत्य णं पंडगवणे पंडुकंबलिला णामं सिला पण्णता, पाईणपडीणायया उत्तरदाहिणविच्छिण्णा एवं तं चेव पमाणं वत्तव्वया य भाणियव्वा जाव तस्स णं बहुसमरमणिज्ञस्स भूमिभागस्स बहुमज्झदेसभाए एत्थ णं महं एगे सीहासणे प० तं चेव सीहासणप्पमाणं तत्थ णं बहुहिं भवणवइ जाव भारहगा तित्थयरा अहिसिचन्ति, कहि णं भन्ते ! पण्डगवणे रत्तिला णामं सिला प० १ गो० ! मन्दरचूलियाए पचित्यमेणं पण्डगवणपचित्यम-पेरंते एत्थ णं पण्डगवणे रत्तसिला णामं सिला पण्णता, उत्तरदाहिणायया पाईण-पडीणविच्छिण्णा जाव तं चेव पमाणं सन्वतवणिजमई अच्छा० उत्तरदाहिणेणं एत्थ णं दुवे सीहासणा पण्णता, तत्थ णं जे से दाहिणिक्ले सीहासणे तत्थ णं बहुहिं भवण॰ पम्हाइया तित्थयरा अहिसिचन्ति, तत्थ णं जे से उत्तरिक्ले सीहासणे तत्थ णं बहुहिं भवण जाव वप्पाइया तित्थयरा अहिसिचंति, कहि णं भन्ते ! पण्डगवणे रत्तकंबलिसला णामं सिला पण्णता ? गोयमा ! मंदरचूलियाए उत्तरेणं पंडगवण-उत्तरचरिमंते एत्थ णं पंडगवणे रत्तकंबलसिला णामं सिला पण्णता, पाईणपडीणा-यया उदीणदाहिणविच्छिण्णा सन्वतवणिज्ञमई अच्छा जाव मज्झदेसमाए सीहासणं, तत्थ ण बहाहिं भवणवइ जाव देवेहिं देवीहि य एरावयगा तित्थयरा अहिसिचन्ति ॥ १०७ ॥ मन्दरस्स णंभन्ते ! पव्वयस्स कइ कण्डा पण्णता ? गोयमा ! तओ कंडा पण्णत्ता. तंजहा-हिद्रिल्ले कंडे मज्झिल्ले कण्डे उवरिल्ले कण्डे, मन्दरस्स णं भन्ते ! पव्वयस्स हिद्रिक्षे कण्डे कड़विहे पण्णते १ गोयमा ! चउ व्विहे पण्णते, तंजहा-पटवी १ उवले २ ४० सत्ता०

वडरे ३ सकरा ४. मजिझमिल्ले णं भन्ते ! कण्डे कड्विहे प० १ गोयमा ! चडिवहे पणाते. तंजहा-अंके १ फलिहे २ जायरूवे ३ रयए ४, उवरिक्ले॰ कण्डे कडिके पण्णते ? गोयमा ! एगागारे पण्णते सञ्वजम्बूणयामए, मन्दरस्स णं भन्ते ! पञ्चयस्स हेटिले कण्डे केवइयं बाहलेणं प० ? गोयमा ! एगं जोयणसहरूसं बाहलेणं पण्णते मज्झिमिल्ले॰ कण्डे पुच्छा, गोयमा ! तेवद्रिं जोयणसहस्साईं बाहल्लेणं प॰, उविक्रि पच्छा. गोयमा ! छत्तीसं जोयणसहस्साइं बाह्रहेणं प०, एवामेव सपुव्वावरेणं मन्दरे पञ्वए एगं जोयणसयसहरूसं सञ्वरगेणं पण्णत्ते ॥ १०८ ॥ मन्दरस्स णं भन्ते ! पव्वयस्स कइ णामधेजा पण्णता ? गोयमा ! सोलस णामधेजा पण्णता. तंजहा-मन्दर १ मेरु २ मणोरम ३ सुदंसण ४ सयंपमे य ५ गिरिराया ६ । रयणोचय ७ सिलोचय ८ मज्झे लोगस्स ९ णाभी य १०॥ १॥ अच्छे य ११ सरियावते १२. सरियावरणे १३ तिया । उत्तमे १४ य दिसादी य १५. वडेंसेति १६ य सोलसे ॥ २ ॥ से केणट्रेणं भन्ते ! एवं वुच्चइ-मन्दरे पव्वए २ १ गोयमा ! मन्दरे पव्वए मन्दरे णामं देवे परिवसइ महिङ्किए जाव पिलओवमिट्टिइए,से तेणहेणं गोयमा ! एवं वृचइ-मन्दरे पव्वए २, अदुत्तरं तं चेवत्ति ॥ १०९ ॥ कहि णं भन्ते ! जम्बुद्दीवे दीवे णीलवन्ते णामं वासहरपव्वए पण्णते ? गोयमा ! महाविदेहस्स वासस्स उत्तरेणं रम्मगवासस्स दक्खिणेणं पुरिश्यमिल्ललवणसमुद्दस्स पचित्थमेणं पचित्थमलवणसमुद्दस्स पुरित्थमेणं एत्थ णं जम्बुद्दीवे २ णीलवनते णामं वासहरपव्वए पण्णते, पाईणपडीणायए उदीणदाहिणविच्छिण्णे णिसहवत्तव्वयाः णीलवन्तरस भाणियव्वा, णवरं जीवा दाहिणेणं धणुं उत्तरेणं एत्थ णं केसरिहहो, दाहिणेणं सीया महाणई पवृदा समाणी उत्तरकुरुं एजेमाणी २ जमगपव्वए णील-वन्तउत्तरकुरुचन्देरावयमालवन्तदृहे य दुहा विभयमाणी २ चउरासीए सलिला-सहस्सेहिं आपूरेमाणी २ भइसाळवणं एज्जेमाणी २ मन्दरं पव्वयं दोहिं जोयणेहिं असंपत्ता पुरत्थाभिमही आवता समाणी अहे मालवन्तवक्खारपव्वयं दालङ्ता मन्दरस्य पव्वयस्य पुरिश्यमेणं पुव्वविदेहवासं दुहा विभयमाणी २ एगमेगाओ चक्क-विहिविजयाओं अद्वावीसाए २ सिळलासहरसेहिं आपूरेमाणी २ पञ्चिहिं सिळलासयसह-स्पेहिं बत्तीसाए य सिल्लासहस्पेहिं समग्गा अहे विजयस्स दारस्स जगइं दालइत्ता पुरितथमेणं लवणसमुद्दं समप्पेइ, अवसिद्धं तं चेवित्त । एवं णारिकंतावि उत्तराभिमुही णेयव्वा, णवरमिमं णाणत्तं गन्धावइवृहवेयङ्गप्ववयं जोयणेणं असंपत्ता पच्चत्थाभिमुही आवत्ता समाणी अवसिद्धं तं चेव पवहे य मुहे य जहा हरिकन्तासिलला इति । णीलवन्ते णं भन्ते ! वासहरपव्वए कइ कूडा पण्णत्ता ? गोयमा ! णव कूडा प०, तंजहा-सिद्धकूडे॰, सिद्धे १ णीले २ पुव्वविदेहे ३ सीया य ४ कित्ति ५ णारी य ६ । अवरिवदेहे ७ रम्मगकुडे ८ उवदंसणे चेव ९ ॥ १ ॥ सन्वे एए कूडा पञ्च-सङ्या रायहाणीउ उत्तरेणं । से केणड्रेणं भन्ते ! एवं वृचङ्-णीलवन्ते वासहरपव्वए २ ? गोयमा ! णीले णीलोभासे णीलवन्ते य इत्थ देवे महिङ्किए जाव परिवसइ सव्ववेरिटियामए णीटवन्ते जाव णिचेत्ति ॥ ११० ॥ किह णं भन्ते ! जम्बुद्दीवे २ रम्मए णामं वासे पण्णत्ते ? गो० ! णीळवन्तस्स उत्तरेणं रुप्पिस्स दक्खिणेणं पुरिक्षमलवणसमुद्दस्स पच्चित्थमेणं पचित्थमलवणसमुद्दस्स पुरित्थमेणं एवं जह चेव हरिवासं तह चेव रम्मयं वासं भाणियव्वं, णवरं दिक्खणेणं जीवा उत्तरेणं धणुं अवसेसं तं चेव । कहि णं भन्ते ! रम्मए वासे गन्यावई णामं वहवेयडू-पव्वए पण्णत्ते ? गोयमा ! णरकन्ताए पचित्थिमेणं णारीकन्ताए परितथमेणं रम्म-गवासस्स बहुमज्झदेसभाए एतथ णं गन्धावई णामं वृह्वेयह्रपञ्चए पण्णते, जं चेव वियडावहस्स तं चेव गन्यावहस्सवि वत्तव्वं. अद्यो बहवे उप्पलाई जाव गंधा-वईवण्णाइं गन्यावइप्पभाइं परुमे य इत्थ देवे महिन्निए जाव पलिओवमद्रिइए परिवसइ. रायहाणी उत्तरेणंति । से केणड्रेणं भन्ते ! एवं वृचइ-रम्मए वासे २ ? गोयमा ! रम्मगवासे णं रम्मे रम्मए रमणिजे रम्मए य इत्थ देवे जाव परिवसइ, से तेणड्रेणं०। कहि णं भन्ते ! जम्बुद्दीवे २ रुप्पी णामं वासहरपव्वए पण्णते ? गोयमा ! रम्मग-वासस्स उत्तरेणं हेरण्णवयवासस्स दिक्खणेणं पुरित्थमलवणसमुद्दस्स पचित्थिमेणं पचित्थमलवणसमुद्दस्स पुरित्थमेणं एत्थ णं जम्बुद्दीवे दीवे रुप्पी णामं वासहरपव्वए पण्णते, पाईणपडीणायए उदीणदाहिणविच्छिण्णे, एवं जा चेव महाहिमवन्तवत्तव्वया सा चेव रुप्पिश्सिव, णवरं दाहिणेणं जीवा उत्तरेणं धणं अवसेसं तं चेव महापण्डरीए दहे णरकन्ता णई दिक्खणेणं णेयव्वा जहा रोहिया पुरत्थिमेणं गच्छइ, रूपकूला उत्तरेणं णेयव्वा जहा हरिकन्ता पचित्यमेणं गच्छइ, अवसेसं तं चेवित्त । रुप्पिमि णं भन्ते ! वासहरपव्वए कइ कूडा प० ? गो० ! अट्ट कूडा प०, तं०-सिद्धे १ रुप्पी २ रम्मग ३ णरकन्ता ४ बुद्धि ५ रूपकुला य ६। हेरण्णवय ७ मणिकंचण ८ अद्भ य रुप्पिमि कुडाई ॥ १ ॥ सन्वेवि एए पंचसइया रायहाणीओ उत्तरेणं । से केणड्रेणं भन्ते ! एवं वुच्चइ-रूप्पी वासहरपव्वए २ १ गोयमा ! रूप्पीणामवासहरपव्वए रुप्पी रुप्पपेट्टे रुप्पोभासे सव्वरुप्पामए रुप्पी य इत्थ देवे...पलिओवमहिइए परिवसइ, से एएणट्रेणं गोयमा ! एवं वुचइत्ति । कहि णं भन्ते ! जम्बुद्दीवे २ हेरण्णवए णामं वासे पण्णते ? गो॰! रुप्पिस्स उत्तरेणं सिहरिस्स दिक्खणेणं पुरत्थिमलवणसमुद्दस्स पचित्थमेणं पचित्थमलवणसमुद्दस्स पुरित्थमेणं एत्थ णं जम्बुद्दीवे दीवे हेरण्णवए णामं वासे पण्णत्ते, एवं जह चेव हेमवयं तह चेव हेरण्णवयपि भाणियव्वं, णवरं जीवा दाहि-णेणं उत्तरेणं धणुं अवसिद्धं तं चेवत्ति । कहि णं भन्ते ! हेरण्णवए वासे मालवन्तपरियाए णामं वहवेयहृपव्वए प० १ गो० ! सुवण्णकृलाए पचित्थिमेणं रुप्पकूलाए पुरत्थिमेणं एत्थ णं हेरण्णवयस्स वासस्स बहुमज्झदेसभाए मालवन्तपरियाए णामं वृहवेयहूपव्वए पु जह चेव सहावइ॰ तह चेव मालवंतपरियाएवि, अट्ठो उप्पलाइं पउमाइं मालवन्त-प्पभाइं मालवन्तवण्णाइं मालवन्तवण्णाभाइं प्रभासे य इतथ देवे महिङ्किए...पिलओव-मिंड्डए परिवसइ, से एएणड्रेणं०, रायहाणी उत्तरेणंति । से केणड्रेणं भन्ते ! एवं वृच्चइ-हेरण्णवए वासे २ ? गोयमा ! हेरण्णवए णं वासे रुप्पीसिहरीहिं वासहर-पव्वएहिं दुहुओ समवगूढे णिचं हिरण्णं दलइ णिचं हिरण्णं मुंचइ णिचं हिरण्णं प्रगा-सइ हेरण्णवए य इत्थ देवे परिवसइ०, से एएण्ड्रेणंति । कहि णं भन्ते ! जम्बुद्दीवे दीवे सिहरी णामं वासहरपव्वए पण्णत्ते ? गोयमा! हेरण्णवयस्स उत्तरेणं एरावयस्स दाहि-णेणं पुरिक्षमलवणसमुद्दस्स० पचित्थिमलवणसमुद्दस्स पुरित्थिमेणं, एवं जह चेव चुल्लहि-मवन्तो तह चेव सिहरीवि णवरं जीवा दाहिणेणं धणुं उत्तरेणं अवसिद्धं तं चेव पुण्डरीए दहे सुवण्णकूला महाणई दाहिणेणं णेयव्वा जहा रोहियंसा पुरितथमेणं गच्छइ, एवं जह चेव गंगासिन्ध्ओ तह चेव रत्तारत्तवईओ णेयव्वाओ पुरित्थमेणं रत्ता पचित्थिमेणं रत्तवई अवसिद्धं तं चेव [अवसेसं भाणियव्वंति]। सिहरिम्मि णं भन्ते! वासह-रपव्वए कइ कुडा पण्णता? गो०! इकारस कुडा प०, तं०-सिद्धकुडे १ सिहरिकुडे २ हेरण्णवयकूडे ३ सुवण्णकूलाकूडे ४ सुरादेवीकूडे ५ रत्ताकूडे ६ लच्छीकूडे ७ रत्तवईकूडे ८ इलादेवीकूडे ९ एरवयकूडे १० तिगिच्छिकूडे ११, एवं सब्वेवि कृडा पंचसइया रायहाणीओ उत्तरेणं । से केणद्वेणं भनते ! एवमुचइ-सिहरिवासह-रपव्वए २ १ गोयमा ! सिहरिंमि वासहरपव्वए बहवे कूडा सिहरिसंठाणसंठिया सन्वरयणामया सिहरी य इत्थ देवे जाव परिवसइ, से तेणहेणं०, किह णं भन्ते! जम्बुद्दीवे दीवे एरावए णामं वासे पण्णते ? गोयमा ! सिहरिस्स० उत्तरेणं उत्तरलव-णसमुद्दस्स दिक्लणेणं पुरित्थमलवणसमुद्दस्स पचित्थिमेणं पचित्थिमलवणसमुद्दस्स पुरिक्षमेणं एत्थ णं जम्बुद्दीवे दीवे एरावए णामं वासे पण्णते, खाणुबहुले कंटग-बहुले एवं जचेव भरहस्स वत्तव्वया सचेव सव्वा णिरवसेसा णेयव्वा सओअवणा सणिक्खमणा सपरिनिव्वाणा णवरं एरावओ चक्कवट्टी एरावओ देवो, से तेणद्रेणं॰ एरावए वासे २ ॥ १११ ॥ चउत्थो वक्खारो समत्तो ॥

जया णं एक्समेक्के चक्कविद्विजए भगवन्तो तित्थयरा समुप्पज्जन्ति तेणं कालेणं तेणं समएणं अहोलोगवत्थव्वाओ अद्व दिसाकुमारीओ महत्तरियाओ सएहिं २ कूडेहिं सएहिं २ भवणेहिं सएहिं २ पासायवडेंसएहिं पत्तेयं २ चडिहं सामाणियसाहस्सीहिं चउहिं महत्तरियाहिं सपरिवाराहिं सत्तिहिं अणिएहिं सत्तिहं अणियाहिवईहिं सोलसएहिं आयरक्खदेवसाहस्सीहिं अण्णेहि य बहुहिं भवणवड्वाणमन्तरेहिं देवेहिं देवीहि य सिद्धं संपरिवडाओ महया हयणदृगीयवाइय जाव भोगभोगाइं भुंजमाणीओ विहरंति. तंजहा-भोगंकरा १ भोगवई २. सुभोगा ३ भोगमालिणी ४। तोयधारा ५ विचित्ता य ६, पुष्पमाला ७ अणिंदिया ८ ॥ १ ॥ तए णं तासिं अहेलोगवत्यव्वाणं अद्रण्हं दिसाकमारीणं मयहरियाणं पत्तेयं पत्तेयं आसणाइं चलंति, तए णं ताओ अहेलोग-वत्थव्वाओ अद्र दिसाकुमारीओ महत्तरियाओ पत्तेयं २ आसणाइं चलियाइं पासन्ति २ ता ओहिं परंजंति परंजिता भगवं तित्थयरं ओहिणा आभोएंति २ ता अण्ण-मण्णं सहाविंति २ ता एवं वयासी-उप्पण्णे खळु भो! जम्बुहीवे दीवे भयवं तित्थयरे तं जीयमेयं तीयपच्चपण्णमणागयाणं अहेलोगवत्थव्वाणं अद्रण्हं दिसाकु-मारीमहत्तरियाणं भगवओ तित्थगरस्स जम्मणमहिमं करेत्तए, तं गच्छामो णं अम्हे-वि भगवओ जम्मणमहिमं करेमोत्तिकृष्ट एवं वयंति २ ता पत्तेयं २ आभिओगिए देवे सहावेंति २ ता एवं वयासी-खिप्पामेव भो देवाणुप्पिया! अणेगखम्भसयस-ण्णिविद्रे लीलद्विय॰ एवं विमाणवण्णओ भाणियन्वो जाव जोयणविच्छिणो दिन्वे जाणविमाणे विउव्वित्ता एयमाणत्तियं पचिप्पणहत्ति, तए णं ते आभिओगा देवा अणेगखम्भसय जाव पच्चिप्पणंति, तए णं ताओ अहेलोगवत्थव्वाओ अट्ट दिसाकु-मारीमहत्तरियाओ हट्टतद्र० पत्तेयं २ चउहिं सामाणियसाहस्सीहिं चउहिं महत्तरि-याहिं जाव अण्णेहिं बहुहिं देवेहिं देवीहि य सिद्धं संपरिवृडाओ ते दिन्वे जाणविमाणे दुरूहंति दुरूहिता सिव्बिच्चीए सञ्बज्जईए घणमुइंगपणवपवाइयरवेणं ताए उक्किट्राए जाव देवगईए जेणेव भगवओ तित्थगरस्स जम्मणणगरे जेणेव० तित्थयरस्स जम्मणभवणे तेणेव उवागच्छन्ति २ ता भगवओ तित्थयरस्य जम्मणभवणस्य उत्तरपरिथमे दिसीमाए ईसिं चउरंगुलमसंपत्ते धरणियले ते दिव्वे जाणविमाणे ठविति ठवित्ता पत्तेयं २ चउहिं सामाणियसाहस्सीहिं जाव साद्धं संपरिवृडाओ दिव्वेहिंतो जाणविमा-णेहिंतो पचोरुहंति २ ता सब्बिङ्गीए जाव णाइएणं जेणेव भगवं तित्थयरे तित्थय-रमाया य तेणेव उवागच्छन्ति २ ता भगवं तित्थयरं तित्थयरमायरं च तिखुत्तो आयाहिणपयाहिणं करेंति २ त्ता पत्तेयं २ करयलपरिग्गहियं सिरसावत्तं मत्थए अंजिलं कहु एवं वयासी-णमोऽत्यु ते रयणकुच्छिधारिए जगप्पईवदाईए सव्वजग-मंगलस्स चक्खुणो य मृत्तस्स सव्वजगजीववच्छलस्स हियकारगमगगदेसियवागि-द्धिविभूपभरस जिणस्स णाणिस्स णायगस्स बहस्स बोहगस्स सव्वलोगणाहस्स णिम्ममस्स प्वरकुलसमुब्भवस्स जाईए खत्तियस्स जसि लोगुत्तमस्स जणणी धण्णानि तं पण्णासि कयत्थासि अम्हे णं देवाणुप्पिए ! अहेलोगवत्थव्वाओ अह दिसाक्रमा-रीमहत्तरियाओ भगवओ तित्थगरस्त जम्मणमहिमं करिस्सामो तण्णं तुब्भाहिं ण भाइयव्वंतिकद्व उत्तरप्रत्थिमं दिसीभागं अवक्रमन्ति २ ता वेउव्वियसम्भागाणं समोहणंति २ ता संखिजाई जोयणाई दंडं णिसिरंति, तंजहा-रयणाणं जाव संबद्ध-गवाए विउठ्वंति २ ता तेणं सिवेणं मुडएणं मारूएणं अणुद्धएणं भूमितलविमलका-णेणं मणहरेणं सन्वोउयसुरहिकुसुमगन्धाणुवासिएणं पिण्डिमणीहारिमेणं गन्युद्धएणं तिरियं पवाइएणं भगवओ तित्थयरस्स जम्मणभवणस्स सन्वओ समन्ता जोयणपरि-मण्डलं से जहाणामए-कम्मगरदारए सिया जाव तहेव जं तत्थ तणं वा पत्तं वा कटं वा क्यवरं वा असुइमचोक्खं पूर्यं दुब्भिगन्धं तं सब्वं आहणिय २ एगन्ते एडेंति २ ता जेणेव भगवं तित्थयरे तित्थयरमाया य तेणेव उवागच्छन्ति २ ता भगवओ तित्थ-यरस्स तित्थयरमायाए य अदूरसामन्ते आगायमाणीओ परिगायमाणीओ चिद्रंति ॥ ११२॥ तेणं कालेणं तेणं समएणं उन्नलोगवत्थव्वाओ अट्ट दिसाकुमारीमहत्तरियाओ सएहिं २ कृडेहिं सएहिं २ भवणेहिं सएहिं २ पासायवडेंसएहिं पत्तेयं २ चउहिं सामा-णियसाहस्सीहिं एवं तं चेव पुव्ववण्णियं जाव विहरंति, तंजहा-मेहंकरा १ मेहवई २, सुमेहा ३ मेहमालिणी ४। सुवच्छा ५ वच्छमित्ता य ६, वारिसेणा ७ बला-हगा ८ ॥ १ ॥ तए णं तासिं उड्डलोगवत्थन्वाणं अट्टण्हं दिसाकुमारीमहत्तरियाणं पत्तेयं २ आसणाइं चलन्ति, एवं तं चेव पुव्ववण्णियं भाणियव्वं जाव अम्हे णं देवाणुप्पिए ! उन्नलोगवत्थव्वाओ अट्ट दिसाकुमारीमहत्त्तरियाओ जेणं भगवओ तित्थगरस्स जम्मणमहिमं करिस्सामो तेणं तुब्साहिं ण भाइयव्वंतिकहु उत्तरपुरिथमं दिसीभागं अवक्रमन्ति २ ता जाव अब्भवदृरुए विउव्वन्ति २ ता जाव तं णिद्व-यरयं णहरयं महरयं पसंतरयं उवसंतरयं करेंति २ त्ता खिप्पामेव पञ्चवसमन्ति, एवं पुप्फवहलंसि पुप्फवासं वासंति वासित्ता जाव कालागुरुपवर जाव सुरवराभिगम-णजोगं करें दी २ ता जेणेव भयवं तित्थयरे तित्थयरमाया य तेणेव उवाग-च्छन्ति २ ता जाव आगायमाणीओ परिगायमाणीओ चिद्रंति ॥ ११३ ॥ तेणं कालेणं तेणं समएणं पुरत्थिमस्यगवत्थव्वाओ अह दिसाकुमारीमहत्तारेयाओ सएहिं २ कूडेहिं तहेव जाव विहरंति, तंजहा-णंदुत्तरा य १ णन्दा २ आणन्दा ३ णंदि-वद्धणा ४ । विजया य ५ वेजयन्ती ६, जयन्ती ७ अपराजिया ८ ॥ १ ॥ सेसं तं चेव जाव तुन्भाहिं ण भाइयव्वंतिकृष्टु भगवओ तित्थयरस्स तित्थयरमायाए य पुरत्थिमेणं आयंसहत्थगयाओ आगायमाणीओ परिगायमाणीओ चिद्रन्ति । तेणं कालेणं तेणं समएणं दाहिणस्यगवत्थव्वाओ अद्र दिसाकुमारीमहत्तरियाओ तहेव जाव विहरंति, तंजहा-समाहारा १ सुप्पइण्णा २, सुप्पबुद्धा ३ जसोहरा ४। लच्छि-सई ५ सेसवई ६, चित्तगुत्ता ७ वसुंघरा ८॥ १॥ तहेव जाव तुब्साहिं ण भाइ-यव्वंतिकद्व भगवओ तित्थयरस्स तित्थयरमाऊए य दाहिणेणं भिंगारहत्थगयाओ आगायमाणीओ परिगायमाणीओ चिद्रन्ति । तेणं कालेणं तेणं समएणं पचित्य-मरुयगवत्थव्वाओ अद्र दिसाकुमारीमहत्तरियाओ सएहिं २ जाव विहरंति. तं०-इलादेवी १ सुरादेवी २, पुहवी ३ पडमावई ४ । एगणासा ५ णवामिया ६, भहा ७ सीया य ८ अद्भा ॥ १ ॥ तहेव जाव तुन्भाहिं ण भाइयव्वंतिकह जाव भग-वओ तित्थयरस्स तित्थयरमाऊए य पचित्थिमेणं तालियंटहत्थगयाओ आगायमा-णीओ परिगायमाणीओ चिद्रन्ति । तेणं कालेणं तेणं समएणं उत्तरिह्नरयगवत्थ-व्वाओ जाव विहरंति, तंजहा-अलंबुसा १ मिस्सकेसी २, पुण्डरीया य ३ वारुणी ४। हासा ५ सव्वप्पभा ६ चेव. सिरि ७ हिरि ८ चेव उत्तरओ ॥ १ ॥ तहेव जाव वन्दित्ता भगवओ तित्थयरस्स तित्थयरमाऊए य उत्तरेणं चामरहत्थगयाओ आगायमाणीओ परिगायमाणीओ चिद्रन्ति । तेणं कालेणं तेणं समएणं विदिसि-रुयगवत्थव्वाओ चतारि दिसाकुमारीमहत्तरियाओ जाव विहरंति, तंजहा-चित्ता य १ चित्तकणगा २, सतेरा ३ य सोदामिणी ४। तहेव जाव ण भाइयव्वंतिकह भगवओ तित्थयरस्स तित्थयरमाऊए य चउस विदिसास दीवियाहत्थगयाओ आगायमाणीओ परिगायमाणीओ चिट्ठन्तित्ति । तेणं कालेणं तेणं समएणं मज्झि-मरुयगवत्थव्वाओ चत्तारि दिसाकुमारीमहत्तरियाओ सएहिं २ कुडेहिं तहेव जाव विहरंति, तंजहा-ह्या ह्यासिया चेव, सुह्या ह्यगावई । तहेव जाव तुन्भाहिं ण भाइयव्वंतिकह भगवओ तित्थयरस्स चउरंगुलवज्जं णाभिणालं कप्पन्ति कप्पेता विय-रगं खणन्ति खणिता वियरगे णाभिं णिहणंति णिहणिता रयणाण य वहराण य परेंति २ ता हरियालियाए पेढं बन्धंति २ ता तिदिसिं तओ कयलीहरए विउन्वंति. तए णं तेसिं कयलीहरगाणं बहमज्झदेसभाए तओ चाउस्सालए विउव्वन्ति, तए णं तेसिं चाउस्सालगाणं बहुमज्झदेसभाए तओ सीहासणे विउव्वन्ति, तेसि णं सीहासणाणं अयमेयारूवे वण्णावासे पण्णते सव्वो वण्णगो भाणियव्वो । तए णं ताओ रुयगमज्झवत्थव्वाओ चत्तारि दिसाकुमारीओ महत्तराओ जेणेव भयवं तित्थयरे तित्थयरमाया य तेणेव उवागच्छन्ति २ ता भगवं तित्थयरं करयल-संपुडेणं गिण्हन्ति तित्थयरमायरं च बाहाहिं गिण्हन्ति २ ता जेणेव दाहिणिले क्यळीहरए जेणेव चाउस्साळए जेणेव सीहासणे तेणेव उवागच्छन्ति २ ता भगवं

तित्थयरं तित्थयरमायरं च सीहासणे णिसीयावेंति २ ता सयपागसहस्सपागेहिं तिल्लेहिं अब्भंगेति २ ता सरभिणा गन्धवदृएणं उव्वहेंति २ ता भगवं तित्थयरं करयलसंपडेणं तित्थयरमायरं च बाहास गिण्हन्ति २ ता जेणेव पुरित्थिमिल्ले कयली-हरए जेणेव चाउस्सालए जेणेव सीहासणे तेणेव उवागच्छन्ति उवागच्छिता भगवं तित्थयरं तित्थयरमायरं च सीहासणे णिसीयावेंति २ ता तिहिं उदएहिं मजावेंति. तंजहा-गन्धोदएणं १ पुष्फोदएणं २ मुद्धोदएणं ३, मजावित्ता सन्वालंकारविभूसियं करेंति २ त्ता भगवं तित्थयरं करयलसंपुडेणं तित्थयरमायरं च बाहाहिं गिण्हन्ति २ त्ता जेणेव उत्तरिक्टे क्यलीहरए जेणेव चाउस्सालए जेणेव सीहासणे तेणेव उवा-गच्छन्ति २ ता भगवं तित्थयरं तित्थयरमायरं च सीहासणे णिसीयाविंति २ ता आभिओरो देवे सहाविन्ति २ त्ता एवं वयासी-खिप्पामेव भो देवाणप्पिया! चूळ-हिमवन्ताओ वासहरपव्वयाओ गोसीसचंदणकद्राई साहरह, तए णं ते आभिओगः देवा ताहिं रुयगमञ्झवत्थव्वाहिं चउहिं दिसाकुमारीमहत्तरियाहिं एवं वृत्ता समाणा हद्भुतद्भ जाव विणएणं वयणं पिडच्छन्ति २ ता खिप्पामेव चुह्रहिमवन्ताओ वास-हरपव्वयाओ सरसाइं गोसीसचन्दणकद्राइं साहरन्ति. तए णं ताओ मज्झिमरुयग-वत्थव्वाओ चतारि दिसाकुमारीमहत्तरियाओ सरगं करेन्ति २ ता अरणि घडेंतिः अर्णि घडिता सरएणं अर्णि महिंति २ ता अग्नि पाडेंति २ ता अग्नि संध-क्खंति २ ता गोसीसचन्दणकट्टे पक्खिवन्ति २ ता अग्गि उजालंति २ ता भूइकर्ममं करेंति २ ता रैक्खापोट्टलिंगं बंधन्ति बन्धेता णाणामणिरयणभत्तिचिते द्विहे पाहाणवर्द्दगे गहाय भगवओ तित्थयरस्स कण्णमूलंमि टिष्टियाविन्ति भवउ भयवं पव्वयाउए २ । तए णं ताओ स्यगमञ्झवत्थव्वाओ चत्तारि दिसाकुमारीमहत्तरि-याओ भयवं तित्थयरं करयळसंपडेणं तित्थयरमायरं च बाहाहिं गिण्हन्ति गिण्हित्ता जेणेव भगवओ तित्थयरस्स जम्मणभवणे तेणेव उवागच्छन्ति २ ता तित्थयरमायरं सयणिजंसि णिसीयाविति णिसीयावित्ता भयवं तित्थयरं माऊए पासे ठवेंति ठवित्ता आगायमाणीओ परिगायमाणीओ चिद्रन्तीति ॥ ११४ ॥ तेणं कालेणं तेणं समएणं सक्के णामं देविंदे देवराया वज्जपाणी प्रंदरे सयकेऊ सहस्सक्खे मघवं पागसासणे दाहिणहूरोगाहिवई बत्तीसविमाणावासस्यसहस्साहिवई एरावणवाहणे सुरिंदे अरयं-बरवत्थघरे आल्ड्यमालमुखे णवहेमचारुचित्तचंचलकुण्डलविलिहिजामाणगंडे भासर-बोंदी पलम्बवणमाले महिङ्किए महजुइए महाबले महायसे महाणुभागे महा-

१ जेण कम्मेण कट्ठाई भरसल्वाई भवंति तं तारिसं । २ भरसेति वा भप्पेति वा सूईति वा रक्खाति वा एगट्ठा । ३ जीयंति काऊण बंधिजंती भरसपोद्वलिया तं ।

सोक्खे सोहम्मे कप्पे सोहम्मविडंसए विमाणे सभाए सुहम्माए सक्कंसि सीहा-सणंति से णं तत्थ बत्तीसाए विमाणावाससयसाहस्सीणं चउरासीए सामाणि-यसाहरूसीणं तायत्तीसाए तायत्तीसगाणं चडण्हं लोगपालाणं अद्रण्हं अगगमहि-सीणं सपरिवाराणं तिण्हं परिसाणं सत्तण्हं अणियाणं सत्तण्हं अणियाहिवईणं चउण्हं चउरासीणं आयरक्खदेवसाहरसीणं अण्णेसिं च बहुणं सोहम्मकप्पवासीणं वेमाणियाणं देवाण य देवीण य आहेवचं पोरेवचं सामित्तं भट्टितं महत्तरगत्तं आणाईसरसेणावचं कारेमाणे पालेमाणे महया हयणदृगीयवाइयतंतीतलतालतुडियघणमुइंगपडुपडहवाइय-रवेणं दिव्वाइं भोगभोगाइं भुंजमाणे विहरइ। तए णं तस्स सक्करस देविंदरस देवरण्णो आसणं चलइ, तए णं से सक्के जाव आसणं चलियं पासइ २ ता ओहिं पउंजइ पउंजित्ता भगवं तित्थयरं ओहिणा आभोएइ २ ता हट्टतुट्टचित्ते आणंदिए पीइमणे परमसोमणस्सिए हरिसवसविसप्पमाणहियए भाराहयक्यंबकुसुमचंचुमालइय-ऊसवियरोमकृवे वियसियवरकमलणयणवयणे पयलियवरकडगत्रियकेऊरमउडे कुण्डलहारविरायंतवच्छे पालम्बपलम्बमाणघोलंतभूसणघरे ससंभमं तुरियं चवलं सुरिंदे सीहासणाओ अन्मद्रेइ २ ता पायपीढाओ पचोरुहइ २ ता वेरुलियवरिट्ठिरिट्ठअंजणणि-उणोवियमिसिमिसिंतमणिरयणमंडियाओ पाउयाओ ओमुयइ २ ता एगसाडियं उत्तरा-संगं करेड २ ता अंजलिमउलियग्गहत्ये तित्थयराभिमहे सत्तह पयाई अणुगच्छइ २ ता वामं जाणुं अंचेइ २ ता दाहिणं जाणुं धरणीयलंसि साहरू तिक्खुत्तो मुद्धाणं धरणियलंसि णिवेसेइ २ ता ईसिं पच्चण्णमइ २ ता कडगतुडियथंभियाओ भुयाओ साहरइ २ ता करयलपरिग्गहियं ० सिरसावत्तं मत्थए अंजिलं कह एवं वयासी---णमोऽत्थ णं अरहंताणं भगवन्ताणं, आइगराणं तित्थयराणं सयंसंबद्धाणं, पुरिसुत्तमाणं पुरिस-सीहाणं पुरिसवरपुण्डरीयाणं पुरिसवरगन्धहरथीणं, लोगुत्तमाणं लोगणाहाणं लोग-हियाणं लोगपईवाणं लोगपज्जोयगराणं, अभयदयाणं चक्खुदयाणं मगगदयाणं सरणदयाणं जीवदयाणं बोहिदयाणं, धम्मदयाणं धम्मदेसयाणं धम्मणायगाणं धम्मसारहीणं धम्मवरचाउरन्तचक्कवद्दीणं, दीवो ताणं सरणं गई पइहा अप्पिडहय-वरनाणदंसणधराणं वियद्वछउमाणं. जिणाणं जावयाणं तिण्णाणं तारयाणं बुद्धाणं बोह्याणं मुत्ताणं मोयगाणं, सन्वण्णूणं सन्वदरिसीणं सिवमयलमस्यमणन्तमक्खय-मव्याबाहमपुणरावित्तिसिद्धिगङ्णामधेयं ठाणं संपत्ताणं णमो जिणाणं जियभयाणं, णमोऽत्थु णं भगवओ तित्थगरस्स आइगरस्स जाव संपाविउकामस्स, वंदामि णं भगवन्तं तत्थगयं इहगए, पासउ मे भयवं ! तत्थगए इहगयंतिक्हू वन्दइ णमंसइ वं॰ २ ता सीहासणवरंसि प्रत्थाभिमहे सण्णिसण्णे. तए णं तस्स सक्कस्स देविंदस्स

देवरण्णो अयमेयारूवे जाव संकप्पे समुप्पज्जित्था-उप्पण्णे खलु भो ! जम्बुद्दीवे दीवे भगवं तित्थयरे तं जीयमेयं तीयप्रमूप्पण्णमणागयाणं सकाणं देविंदाणं देवराईणं तित्थयराणं जम्मणमहिमं करेत्तए, तं गच्छामि णं अहंपि भगवओ तित्थगरस्स जम्मणमहिमं करेमित्तिक्ट्टु एवं संपेहेइ २ ता हरिणेगमेसिं पायत्ताणीयाहिवइं देवं सहावेह २ ता एवं वयासी-खिप्पामेव भो देवाणुप्पिया ! सभाए सहम्माए मेघोघर-सियगंभीरमहुरयरसद्दं जोयणपरिमण्डलं सुघोसं सूसरं घंटं तिक्खुत्तो उल्लालेमाणे २ महया महया सद्देणं उग्घोसेमाणे २ एवं वयाहि-आणवेइ णं भो ! सके देविंदे देवराया गच्छइ णं भो! सक्ते देविंदे देवराया जम्ब्रहीवे २ भगवओ तित्थयरस्स जम्मणमहिमं करित्तए, तं तुब्भेवि णं देवाणुप्पिया ! सव्विद्शीए सव्वजुईए सव्वबलेणं सव्वससुद्एणं सव्वायरेणं सव्वविभृईए सव्वसंभमेणं सव्वणाडएहिं सव्वोवरोहेहिं सन्वालंकारविभूसाए सन्वदिन्वतुडियसहसण्णिणाएणं महया इड्डीए जाव रवेणं णिययपरियालसंपरिवृडा सयाई २ जाणविमाणवाहणाई दुरूढा समाणा अकाल-परिहीणं चेव सक्कस्स जाव अंतियं पाउच्भवह, तए णं से हरिणेगमेसी देवे पाय-त्ताणीयाहिवई सक्केणं ३ जाव एवं वृत्ते समाणे हद्भतद्व जाव एवं देवोत्ति आणाए विणएणं वयणं पिडसुणेइ २ ता सकस्स ३ अंतियाओ पिडिणिक्खमइ २ ता जेणेव सभाए मुहम्माए मेघोघरसियगम्भीरमृहरयरसङ्ग जोयणपरिमण्डला सुघोसा घण्टा तेणेव उवागच्छइ २ ता तं मेघोघरसियगम्भीरमहुर्यरसइं जोयणपरिमण्डलं सुघोसं घण्टं तिक्खुत्तो उल्लालेइ, तए णं तीसे मेघोघरसियगम्भीरमहरयरसद्दाए जोयणपरि-मण्डलाए सुघोसाए घण्टाए तिक्खुत्तो उल्लालियाए समाणीए सोहम्मे कप्पे अण्णेहिं एग्रेणेहिं बत्तीसविमाणावाससयसहस्सेहिं अण्णाइं एग्रेणाइं बत्तीसं घण्टासयसहस्साइं जमगसमगं कणकणारावं काउं पयत्ताइं चावि हत्था, तए णं सोहम्मे कप्पे पासाय-विमाणणिक्खुडाविडियसद्समुद्वियघण्टापंडसुयासयसहस्ससंकुळे जाए यावि होत्था, तए णं तेसिं सोहम्मकप्पवासीणं बहुणं वेमाणियाणं देवाण य देवीण य एगन्तरइपसत्तणिचप्पमत्तविसयसहम् च्छियाणं ससरघण्टारसियविउलबोलप्रियचवल-पिडबोहणे कए समाणे घोसणकोऊहलदिण्णकण्णएगगिचत्तउवउत्तमाणसाणं से पाय-त्ताणीयाहिवई देवे तंसि घण्टारवंसि णिसंतपिडसंतंसि समाणंसि तत्थ तत्थ देसे २ तिहं २ महया महया सहेणं उग्घोसेमाणे २ एवं वयासी-हन्त ! सुणंत भवंतो बहवे सोहम्मकप्पवासी वेमाणियदेवा देवीओ य सोहम्मकप्पवइणो इणमो वयणं हियसहत्थं-आणवेइ णं भो ! सक्के तं चेव जाव अंतियं पाउब्भवहत्ति, तए णं ते देवा देवीओ य एयमहं सोचा हद्वतृह जाव हियया अप्पेगइया वन्दणवत्तियं एवं णमंस-

णवत्तियं सक्कारवत्तियं सम्माणवत्तियं दंसणवत्तियं जिणभत्तिरागेणं अप्पेगइया तं जीयमेयं एवमाइत्तिकट्ट जाव पाउच्भवंतित्ति । तए णं से सक्के देविंदे देवराया ते वेमाणिए देवे देवीओ य अकालपरिहीणं चेव अंतियं पाउब्भवमाणे पासइ २ ता हद्र० पालयं णामं आभिओगियं देवं सहावेइ २ ता एवं वयासी-खिप्पामेव भो देवाण्पिया ! अणेगखम्भसयसण्णिवेहं लीलद्वियसालभंजियाकलियं ईहामियउसभ-तुरगणरमगरविहगवालगिकण्णरहरूसरभचमरकुंजरवणलयपडमलयभत्तिचित्तं खंभुगग-यवइरवेइयापरिगयाभिरामं विजाहरजमलजुयलजंतजुत्तंपिव अचीसहस्समालिणीयं रूवगसहस्सक्रियं भिसमाणं भिडिभसमाणं चक्खुल्लोयण्लेसं सहफासं सस्सिरीयरूवं घण्टावलियमहुरमणहरसरं सुहं कन्तं दरिसणिजं णिडणोवियमिसिमिसितमणिरयण-घंटियाजालपरिक्खितं जोयणसहस्सविच्छिणं पञ्चजोयणसयमुव्विद्धं सिग्घं तुरियं जइणणिव्वाहि-दिव्वं जाणविमाणं विउव्वाहि २ ता एयमाणत्तियं पचप्पिणाहि ॥११५॥ तए णं से पालयदेवे सक्केणं देविंदेणं देवरण्णा एवं वृत्ते समाणे हट्टतुट्ठ जाव वेउविवयसमुग्घाएणं समोहणित्ता तहेव करेइ इति, तस्स णं दिव्वस्स जाणविमाणस्स तिदिसिं तओ तिसोवाणपिडस्त्रगा वण्णओ, तेसि णं पिडस्त्रगाणं पुरओ पत्तेयं २ तोरणा वण्णओ जाव पडिल्वा, तस्स णं जाणविमाणस्स अंतो बहुसमरमणिजे भूमि-भागे॰, से जहाणामए-आलिंगपुक्खरेइ वा जाव दीवियचम्मेइ वा अणेगसंक्रकीलग-सहस्सवियए आवडपचावडसेढिप्पसेढिसुत्थियसोवत्थियवद्भाणपूसमाणवमच्छंडगम-गरंडगजारमार्फुळावििपडमपत्तसागर्तरंगवसंतलयपडमलयभित्तिचित्तेहिं सच्छाएहिं सप्पभेहिं समरीइएहिं सउज्जोएहिं णाणाविहपञ्चवण्णेहिं मणीहिं उवसोभिए, तेसि णं मणीणं वण्णे गन्धे फासे य भाणियव्वे जहा रायप्पसेण इज्जे. तस्स णं भूमिभागस्स बहुमज्झदेसभाए पेच्छाघरमण्डवे अणेगखम्भसयसण्णिविट्ठे वण्णओ जाव पडिरूवे, तस्स उल्लोए पउमलयभत्तिचित्ते जाव सव्वतवणिज्ञमए जाव पडिरूवे, तस्स णं मण्डवस्स बहुसमरमणिज्ञस्स भूमिभागस्स बहुमज्झ देसभागंसि महं एगा मणिपेढिया० अह जोयणाइं आयामविक्खम्भेणं चत्तारि जोयणाइं बाहहेलं सन्वमणिमई वण्णओ. त्तीए उवरिं महं एगे सीहासणे वण्णओ, तस्सुवरिं महं एगे विजयदूसे सव्वरयणामए वण्णओ, तस्स मज्झदेसभाए एगे वहरामए अंकुसे, एत्थ णं महं एगे कुम्भिके मुत्तादामे, से णं अण्णेहिं तद्दुचत्तप्पमाणमित्तेहिं चडिंहं अद्धकुम्भिक्केहिं मुत्तादामेहिं सन्वओ समन्ता संपरिक्खित्ते, ते णं दामा तवणिज्जलंबूसगा सुवण्णपयरगमण्डिया णाणामणिरयणविविद्दहारद्धहार् उवसोभियसमुद्या ईसिं अण्णमण्णमसंपत्ता पुन्वाइ-एहिं वाएहिं मन्दं २ एइज्जमाणा जाव निव्वुड्करेणं सद्देणं ते पएसे आपूरेमाणा २

जाव अईव २ उवसोभेमाणा २ चिट्ठंति, तस्स णं सीहासणस्स अवस्तरेणं उत्तरेणं उत्तरपुरिथमेणं एत्थ णं सक्करस० चउरासीए सामाणियसाहरूसीणं चउरासीइमहा-सणसाहस्सीओ पुरत्थिमेणं अद्रण्हं अग्गमहिसीणं एवं दाहिणपुरत्थिमेणं अव्भितर-परिसाए दुवालसण्हं देवसाहरूसीणं दाहिणेणं मज्झिमाए० चउदसण्हं देवसाहरूसीणं दाहिणपचित्थिमेणं बाहिरपरिसाए सोलसण्हं देवसाहस्सीणं पचित्थिमेणं सत्तण्हं अणियाहिवईणंति, तए णं तस्स सीहासणस्स चउद्दिसं चउण्हं चउरासीणं आयरक्ख-देवसाहस्सीणं एवमाई विभासियव्वं सूरियाभगमेणं जाव पचिपणन्तिति ॥ ११६॥ तए णं से सक्के हट्ट जाव हियए दिव्वं जिणेंदाभिगमणजुग्गं सव्वालंकारविभूसियं उत्तरवेउ व्वियं रूवं विउव्वइ २ ता अद्विहं अग्गमहिसीहिं सपरिवाराहिं णद्वाणीएणं गन्धव्वाणीएण य सिद्धं तं विमाणं अणुष्पयाहिणीकरेमाणे २ प्रव्विक्षेणं तिसोवाणेणं दुरूहइ २ ता जाव सीहासणंसि पुरत्थाभिसुहे सिण्णसण्णेत्ति, एवं चेव सामाणिया-वि उत्तरेणं तिसोवाणेणं दुरूहिता पत्तेयं २ पुन्वण्णत्थेस भद्दासणेस णिसीयंति, अवसेसा देवा य देवीओ य दाहिणिल्लेणं तिसोवाणेणं दुरूहित्ता तहेव जाव णिसीयंति, तए णं तस्स सकस्स तंसि॰ दुरूढस्स॰ इमे अट्टहमंगलगा पुरओ अहाणुप्न्वीए संपद्रिया॰. तयणंतरं च णं पुष्णकलसभिंगारं दिव्वा य छत्तपडागा सचामरा य दंसणरइय-आलोयदरिसणिजा वाउद्भयविजयवेजयन्ती य समूसिया गगणतलमणुलिहंती पुरओ अहाणुपुन्वीए संपद्विया, तयणन्तरं छत्तिभंगारं , तयणंतरं च णं वइरामयवृहलट्ट-संठियसुसिलिट्टपरिघट्टमद्रसुपइट्टिए विसिट्टे अणेगवरपञ्चवण्णकुडभीसहस्सपरिमण्डि-याभिरामे वाउद्भयविजयवेजयन्तीपडागाछताइच्छत्तकिए तुंगे गयणयलम्णुलिहंत-सिंहरे जोयणसहस्सम्सिए महइमहालए महिंदज्झए पुरओ अहाणुपुन्वीए संपद्विए, तयणन्तरं च णं सह्त्वणेवत्थपरियच्छियसुसज्जा सन्वालंकारविभूसिया पञ्च आणिया पञ्च अणियाहिवइणो जाव संपद्विया, तयणन्तरं च णं बहवे आभिओगिया देवा य देवीओ य सएहिं सएहिं रूवेहिं जाव णिओगेहिं सक्तं देविंदं देवरायं पुरक्षो य मगगओ य अहा, तयणन्तरं च णं बहवे सोहम्मकप्पवासी देवा य देवीओ य सव्बिङ्कीए जाव दुरूढा समाणा॰ मग्गओ य जाव संपद्विया, तए णं से सक्के तेणं पञ्चाणियपरिक्खितेणं जाव महिंदज्झएणं पुरओ पकड्रिजमाणेणं चउरासीए सामाणिय जाव परिवडे सिन्बड्डीए जाव रवेणं सोहम्मस्स कप्पस्स मज्झंमज्झेणं तं दिव्वं देविड्डिं जाव उनदंसेमाणे २ जेणेव सोहम्मस्स कप्पस्स उत्तरिक्वे निजाणमग्गे तेणेव उवागच्छइ उवागच्छिता जोयणसयसाहस्सिएहिं विग्गहेहिं ओवयमाणे २ ताए उक्किद्राए जाव देवगईए वीईवयमाणे २ तिरियमसंखिजाणं दीवसमुद्दाणं मज्झंमज्झेणं जेणेव

णान्दीसरवरे दीवे जेणेव दाहिणपुरिथिमिल्ले रइकरगपव्वए तेणेव उवागच्छइ २ ता एवं जा चेव स्रियाभस्स वत्तव्वया णवरं सक्काहिगारो वत्तव्वो जाव तं दिव्वं देविङ्किं जाव दिव्वं जाणविमाणं पिडसाहरमाणे २ जाव जेणेव भगवओ तित्थयरस्स जम्मणणगरे जेणेव भगवओ तित्थयरस्य जम्मणभवणे तेणेव उवागच्छइ २ ता भगवओ तित्थयरस्त जम्मणभवणस्त उत्तरपुरत्थिमे दिसीभागे चउरंगुलमसंपत्तं धरणियले तं दिव्वं जाणविमाणं ठवेइ २ ता अट्टाहें अगगमहिसीहिं दोहिं अणीएहिं गन्धव्वाणीएण य णहाणीएण य सिद्धं ताओ दिव्वाओ जाणविमाणाओ पुरित्थिमिल्लेणं तिसोवाणपिडह्वएणं पच्चोरुहइ. तए णं सक्कस्स देविंदस्स देवरण्णो चउरासीइ-सामाणियसाहरसीओ दिव्वाओ जाणविमाणाओ उत्तरिष्ठेणं तिसोवाणपडिरूवएणं पच्चोरुहंति. अवसेसा देवा य देवीओ य ताओ दिव्वाओ जाणविमाणाओ दाहिणिहेणं तिसोवाणपडिरूवएणं पच्चोरुहंतित्ति । तए णं से सक्के देविन्दे देवराया चउरासीए सामाणियसाहस्सिएहिं जाव सिद्धं संपरिवृद्धे सिव्विङ्गीए जाव दुंदुहिणिग्घोसणाइय-रवेणं जेणेव भगवं तित्थयरे तित्थयरमाया य तेणेव उवागच्छइ २ ता आलोए चेव पणामं करेइ २ त्ता भगवं तित्थयरं तित्थयरमायरं च तिक्खतो आयाहिण-पयाहिणं करेइ २ ता करयल जाव एवं वयासी-णमोऽत्यु ते रयणकुच्छियारिए एवं जहा दिसाकुमारीओ जाव घण्णासि पुण्णासि तं कयत्थासि, अहण्णं देवाणुप्पिए! सक्के णामं देविन्दे देवराया भगवओ तित्थयरस्स जम्मणमहिमं करिस्सामि, तं णं तुन्भाहिं ण भाइयव्वंतिकृडु ओसोवणिं दलयइ २ ता तित्थयरपिडस्वगं विउव्वइ २ ता तित्थयरमाजयाए पासे ठवेइ २ ता पश्च सक्के विउव्वड विउव्विता एगे सक्के भगवं तित्थयरं करयलसंपुडेणं गिण्हइ एगे सक्के पिद्रओ आयवत्तं धरेइ दुवे सक्का उभओ पासिं चामस्क्खेवं करेन्ति एगे सक्के पुरओ वज्जपाणी पकडूइति, तए णं से सक्के देविन्दे देवराया अण्णेहिं बहहिं भवणवइवाणमन्तरजोइसवेमाणिएहिं देवेहिं देवीहि य सिद्धं संपरिवृडे सिव्बङ्कीए जाव णाइयरवेणं ताए उक्किट्ठाए जाव वीईवयमाणे २ जेणेव मन्दरे पव्वए जेणेव पंडगवणे जेणेव अभिसेयसिला जेणेव अभिसेयसीहासणे तेणेव उवागच्छइ २ ता सीहासणवरगए पुरत्थाभिमुहे सिण्पसण्णेत्ति ॥ ११७॥ तेणं कालेणं तेणं समएणं ईसाणे देविन्दे देवराया सलपाणी वसभवाहणे सुरिन्दे उत्तरहूलोगाहिवई अद्वावीसविमाणवाससयसहस्साहिवई अर्यंबरवत्थयरे एवं जहा सक्के इमं णाणत्तं-महाघोसा घण्टा लहपरक्कमो पायत्ताणियाहिवई पुष्फओ विमाण-कारी दक्खिणे निजाणमभ्गे उत्तरपुरिश्यमिष्ठो रङ्करगपव्वओ मन्दरे समोसारिओ जाव पज्जवासइति, एवं अवसिद्घावि इंदा भाणियव्वा जाव अञ्चओत्ति, इमं णाणत्तं- चडरासीइ असीई बावतारे सत्तरी य सद्भी य । पण्णा चत्तालीसा तीसा वीसा दस सहस्सा ॥ १ ॥ एए सामाणियाणं, बत्तीसद्रावीसा बार्मह चडरो सयसहस्सा । पण्णा चतालीसा छच सहस्सा सहस्सारे ॥ १ ॥ आणयपाणयकप्पे चतारि सया-SSरणच् ति णिण । एए विसाणाणं. इसे जाणविसाणकारी देवा. तंजहा-पालय १ पुष्फे य २ सोमणसे ३ सिरिवच्छे य ४ णंदियावत्ते ५ । कामगमे ६ पीइगमे ७ मणोरमे ८ विमल ९ सव्वओसहे १०॥ १॥ सोहम्मगाणं सणंकुमारगाणं बंभ-लोयगाणं महासुक्क्याणं पाणयगाणं इंदाणं सुघोसा घण्टा हरिणेगमेसी पायत्ताणीया-हिवई उत्तरिहा णिजाणभूमी दाहिणपुरिथमिहे रइकरगपव्वए, ईसाणगाणं माहिंद-लंतगसहस्सारअच्चयगाण य इंदाण महाघोसा घण्टा लहुपरकमो पायत्ताणीयाहिवई द क्खिणिले णिजाणमग्गे उत्तरपुरिधामेले रइकरगपव्वए, परिसा णं जहा जीवाभि-गमे आयरक्खा सामाणियचङग्रणा सन्वेसिं जाणविमाणा सन्वेसिं जोयणसयसहस्स-विच्छिण्णा उच्चत्तेणं सविमाणप्पमाणा महिंदज्झया सन्वेसिं जोयणसाहरिसया, सक्-वजा मन्दरे समोयरंति जाव पज्जवासंतित्ति ॥ ११८ ॥ तेणं कालेणं तेणं समएणं चमरे असुरिन्दे असुरराया चमरचञ्चाए रायहाणीए सभाए सहम्माए चमरंसि सीहासणंसि चउसट्टीए सामाणियसाहस्सीहिं तायत्तीसाए तायत्तीसेहिं चउहिं लोग-पालेहिं पञ्चिहं अग्गमहिसीहिं सपरिवाराहिं तिहिं परिसाहिं सत्तिहं अणिएहिं सत्तिहं अणियाहिवईहिं चउहिं चउसद्रीहिं आयरक्खदेवसाहस्सीहिं अण्णेहि य जहा सक्के णवरं इमं णाणत्तं-दुमो पायत्ताणीयाहिवई ओघस्सरा घण्टा विमाणं पण्णासं जोयणसह-स्साइं महिन्दज्झओ पञ्चजोयणसयाइं विमाणकारी आभिओगिओ देवो अवसिद्धं तं चेव जाव मन्दरे समोसरइ पज्जवासइति । तेणं कालेणं तेणं समएणं बली असुरिन्दे असुरराया एवमेव णवरं सद्दी सामाणियसाहस्सीओ चउगुणा आयरक्खा महादुमो पायत्ताणीयाहिवई महाओहस्सरा घण्टा सेसं तं चेव परिसाओ जहा जीवाभिगमे । तेणं कालेणं तेणं समएणं धरणे तहेव णाणत्तं-छ सामाणियसाहस्सीओ छ अग्गमहि-सीओ चउग्गुणा आयरक्खा मेघस्सरा घण्टा भहसेणो पायत्ताणीयाहिवई विमाणं पण-वीसं जोयणसहस्साइं महिंदज्झओ अङ्काइजाइं जोयणसयाइं एवमसुरिन्दवज्जियाणं भव-णवासिइंदाणं, णवरं असुराणं ओघरसरा घण्टा णागाणं मेघरसरा सुवण्णाणं हंसरसरा विज्रुणं कोंचरसरा अग्गीणं मंजुरसरा दिसाणं मंजुघोसा उदहीणं सुरसरा दीवाणं महुरस्सरा वाऊणं णंदिस्सरा थणियाणं णंदिघोसा, चउसद्वी सद्वी खळु छच सहस्सा उ असुरवज्जाणं । सामाणिया उ एए चउन्गुणा आयरक्वा उ ॥ १ ॥ दाहिणिल्लाणं पायत्ताणीयाहिवई भद्दसेणो उत्तरिल्लाणं दक्खोत्ति । वाणमन्तरजोइसिया णेयव्वा, एवं

चेव, णवरं चतारि सामाणियसाहरसीओ चत्तारि अगगमिहसीओ सोलस आयरक्ख-सहस्सा विमाणा सहस्सं महिन्दज्झया पणवीसं जोयणसयं घण्टा दाहिणाणं मंजुस्सरा उत्तराणं मंजुघोसा पायताणीयाहिवई विमाणकारी य आभिओगा देवा जोइसियाणं सुस्सरा सुस्सरणिग्घोसाओ घण्टाओ मन्दरे समोसरणं जाव पज्जवासंतित्ति ॥ ११९॥ तए णं से अच्चए देविनदे देवराया महं देवाहिवे आभिओगे देवे सहावेइ २ ता एवं वयासी-खिप्पामेव भो देवाणुप्पिया! महत्थं महग्यं महारहं विउलं तित्थयराभिसेयं उवहवेह, तए णं ते अभिओगा देवा हहतुह जाव पिडसुणिता उत्तरपुरिथमं दिसीभागं अवक्रमन्ति २ त्ता वेड व्वियसमुग्घाएणं जाव समोहणित्ता अद्वसहरूसं सोवण्णियकल-साणं एवं रूप्पमयाणं मणिमयाणं सुवण्णरूप्पमयाणं सुवण्णमणिमयाणं रूप्पमणिमयाणं सुवण्णरूपमणिमयाणं अद्भसहस्सं भोमिज्जाणं अद्भसहस्सं चन्दणकलसाणं एवं भिंगाराणं आयंसाणं थालाणं पाईणं सुपइहुगाणं चित्ताणं रयणकरंडगाणं वाय-करगाणं विउव्वंति २ ता सीहासणछत्तचामरतेष्ठसमुग्ग जाव सरिसवसमुग्गा तालियंटा जाव वीयणा विजन्वंति विजन्वित्ता साहाविए वेजन्विए य कलसे जाव वीयणे य गिण्हित्ता जेणेव खीरोदए समुद्दे तेणेव आगम्म खीरोदगं गिण्हन्ति २ ता जाइं तत्थ उप्पलाइं पउमाइं जाव सहस्सपत्ताइं ताइं गिण्हंति, एवं पुक्खरोदाओ जाव भरहेरवयाणं मागहाइतित्थाणं उदगं मिहयं च गिण्हन्ति २ ता एवं गंगाईणं महाणईणं जाव चुह्रहिमवन्ताओ सञ्बतुवरे सञ्बपुष्फे सञ्बगन्धे सञ्बमह्रे जाव सन्वोसहीओ सिद्धत्थए य गिण्हिन्त २ त्ता पडमद्दहाओ दहोदगं उप्पलाईणि य०, एवं सञ्वकुलपव्वएस वृहवेयह्नेस सञ्वमहृहहेस सञ्ववासेस सञ्वचक्काहिविजएस वक्खार-पव्वएस अंतरणईस विभासिजा जाव उत्तरकुरूस जाव सदंसणभहसालवणे सव्वतुवरे जाव सिद्धत्थए य गिण्हन्ति, एवं णन्दणवणाओ सव्वतुवरे जाव सिद्धत्थए य सरसं च गोसीसचन्दणं दिव्वं च सुमणदामं गेण्हन्ति, एवं सोमणसपंडगवणाओ य सव्व-तुवरे जाव सुमणदामं दहरमलयसुगन्धे य गिण्हन्ति २ त्ता एगओ मिलंति २ त्ता जेणेव सामी तेणेव उवागच्छिन्त २ त्ता महत्थं जाव तित्थयराभिसेयं उवहवेंतित्ति ॥ १२० ॥ तए णं से अञ्चए देविन्दे दसिंहं सामाणियसाहस्सीिहं तायत्तीसाए तायत्तीसएहिं चडिं लोगपालेहिं तिहिं परिसाहिं सत्तिहं अणिएहिं सत्तिहं अणिया-हिवईहिं चत्तालीसाए आयरक्खदेवसाहस्सीहिं सिद्धं संपरिवृडे तेहिं साभाविएहिं वेउ व्विएहि य वरकमलपइट्ठाणेहिं सुरिभवरवारिपडिपुण्णेहिं चन्दणकयचचाएहिं आविद्धकण्ठेगुणेहिं पउमुप्पलपिहाणेहिं करयलसुकुमालपरिग्गहिएहिं अहुसहस्सेणं सोवण्णियाणं कलसाणं जाव अद्रसहस्सेणं भोमेजाणं जाव सन्वोदएहिं सन्वमिट-

याहिं सन्वतुवरेहिं जाव सन्वोसहिसिद्धत्थएहिं सन्विङ्कीए जाव रवेणं महया २ तित्थ-यराभिसेएणं अभिसिंचइ, तए णं सामिस्स महया २ अभिसेयंसि वहुमाणंसि इंदाइया देवा छत्तचामरकलसहत्थगया हद्वतुद्व जाव वज्जस्लपाणी पुरओ चिद्रंति पंजिल्डिडा इति, एवं विजयाणुसारेण जाव अप्पेगइया देवा आसियसंमिजओव-लित्तसित्तसुइसम्मद्भरत्थंतरावणवीहियं करेन्ति जाव गन्धविष्टभूयंति, हिरण्णवासं वासिंति एवं सुवण्णरयणवङ्रआभरणपत्तपुष्फफलबीयमह्रगन्धवण्ण जाव चुण्णवासं वासंति, अप्पेगइया हिरण्णविहिं भाइंति एवं जाव चुण्णविहिं भाइंति. अप्पेगइ्या चडिवहं वजं वाएन्ति, तंजहा-ततं १ विततं २ घणं ३ झुसिरं ४, अप्पेइया चडिवहं गेयं गायन्ति, तंजहा-डिक्खत्तं १ पायत्तं २ मन्दाइयं ३ रोइयावसाणं ४, अप्पेगइया चउन्विहं णृहं णचन्ति, तं०-अंचियं १ दुयं २ आरमडं ३ भसोलं ४, अप्पेगइया चडव्विहं अभिणयं अभिणएंति, तं०-दिहंतियं पाडिस्सइयं सामण्णोवणिवाइयं लोगमज्झावसाणियं, अप्पेगइया बत्तीसइविहं दिव्वं णदृविहिं उवदंसेन्ति, अप्पेगइया उप्पयनिवयं निवयउप्पयं संकुचियपसारियं जाव भन्तसंभन्तणामं दिव्वं णद्वविहिं उवदंसन्तीति, अप्पेगइया तंडवेंति अप्पेगइया लासेन्ति, अप्पेगइया पीणेन्ति, एवं बुक्तारेन्ति अप्फोडेन्ति वग्गन्ति सीहणायं णदन्ति अप्पे॰ सन्वाइं करेन्ति, अप्पे॰ हयहेसियं एवं हत्थिगुलुगुलाइयं रहघण-घणाइयं अप्पे॰ तिण्णिवि, अप्पे॰ उच्छोलिन्त अप्पे॰ पच्छोलिन्त अप्पे॰ तिवइं छिंदन्ति पायदहर्यं करेन्ति भूमिचवेडे दलयन्ति अप्पे॰ महया २ सहेणं रावेंति एवं संजोगा विभासियव्वा, अप्पे॰ हकारेन्ति, एवं प्रकारेन्ति थकारेन्ति ओवयंति उप्पर्यति परिवर्यति जलन्ति तवंति पतवंति गज्जंति विजुयायंति वासिंति ..., अप्पेगइया देवुक्कलियं करेंति एवं देवकहकहगं करेंति अप्पे० दुहदुहगं करेंति अप्पे॰ विकियभूयाई रूवाई विउव्वित्ता पणचंति एवसाइ विभासेजा जहा विजयस्स जाव सव्वओ समन्ता आधावेंति परिवावेंतित्ति ॥ १२१॥ तए णं से अचुइंदे सपरिवारे सामिं तेणं महया महया अभिसेएणं अभिसिंचइ २ ता करयलपरिग्गहियं जाव मत्थए अंजिं कहू जएणं विजएणं वद्धावेइ २ त्ता ताहिं इद्वाहिं जाव जयजयसदं पउंजइ पउंजिता जाव पम्हलसुकुमालाए सुरभीए गन्धकासाईए गायाई छहेइ २ ता एवं जाव कप्परुक्खगंपिव अलंकियविभूसियं करेइ २ त्ता जाव णद्टविहिं उवदंसेइ २ त्ता दसंगुलियं अंजलिं करिय मत्थयंमि पयओ अट्ठसयविसुद्धगन्थजुत्तेहिं महावित्तेहिं अपुणरुत्तेहिं अत्थजुत्तेहिं संथुणइ २ त्ता चामं जाणुं अंचेइ २ त्ता जाव करयलपरिग्गहियं० मत्थए अंजलिं कट्ट एवं वयासी-

णमोऽत्य ते सिद्धबुद्धणीरयसमणसमाहियसमत्तसमजोगिसल्लगत्तणणिब्भयणीरागदो-सणिम्ममणिस्संगणीसल्लमाणमूरणगुणर्यणसीलसागर्मणंतमप्पमेयभवियधम्मवरचा-उरंतचक्कवट्टी णमोऽत्थु ते अरहओत्तिकहु एवं वन्दइ णमंसइ वं० २ त्ता णचासण्णे णाइदूरे सुस्सूसमाणे जाव पज्जवासइ, एवं जहा अञ्चयस्स तहा जाव ईसाणस्स भाणियव्वं, एवं भवणवड्वाणमन्तर जोइसिया य सूरपज्जवसाणा सएणं परिवारेणं पत्तेयं २ अभिसिंचंति, तए णं से ईसाणे देविन्दे देवराया पञ्च ईसाणे विउव्वइ २ त्ता एगे ईसाणे भगवं तित्थयरं कर्यलसंपुडेणं गिण्हइ २ ता सीहासणवरगए पुरत्थाभिमुहे सण्णिसण्णे एगे ईसाणे पिट्टओ आयवत्तं धरेइ दुवे ईसाणा उभओ पासिं चामरुक्खेवं करेन्ति एगे ईसाणे पुरओ सूलपाणी चिट्ठइ, तए णं से सक्के देविन्दे देवराया आभिओगे देवे सहावेइ २ ता एसोवि तह चेव अभिसेयाणतिं देइ तेऽवि तह चेव उवणेन्ति, तए णं से सक्के देविन्दे देवराया भगवओ तित्थ-यरस्स चडिहसिं चतारि घवळवसभे विडन्वेइ सेए संखदलविमलणिम्मलद्धिघण-गोखीरफेणर्ययणिगरप्पासे पासाईए दरिसणिजे अभिरूवे पडिरूवे, तए णं तेसिं चउण्हं धवलवसभाणं अट्रहिं सिंगेहिंतो अट्र तोयधाराओ णिगगच्छन्ति. तए णं ताओ अद्ग तोयधाराओ उन्नं वेहासं उप्पयन्ति २ त्ता एगओ मिलायन्ति २ त्ता भगवओ तित्थयरस्स मुद्धाणंसि णिवयंति । तए णं से सक्के देविन्दे देवराया चउरासीईए सामाणियसाहरसीहिं एयस्सवि तहेव अभिसेओ भाणियव्यो जाव णमोऽत्यु ते अरहओत्तिकहू वन्दइ णमंसइ जाव पज्जवासइ ॥ १२२ ॥ तए णं से सके देविंदे देवराया पंच सके विउन्वइ २ ता एगे सके भयवं तित्थयरं करयल-संपुडेणं गिण्हइ एगे सक्के पिट्टओ आयवत्तं धरेइ दुवे सक्का उभओ पासिं चामरुक्खेवं करेंति एगे सक्के वज्जपाणी पुरओ पकड़इ, तए णं से सक्के चउरासीईए सामाणिय-साहस्सीहिं जाव अण्णेहि य॰ भवणवड्वाणमंतरजोइसवेमाणिएहिं देवेहिं देवीहि य सिद्धं संपरिवृडे सिव्विङ्गीए जाव णाइयरवेणं ताए उिक्कद्वाए ... जेणेव भगवओ तित्थ-यरस्स जम्मणणयरे जेणेव० जम्मणभवणे जेणेव तित्थयरमाया तेणेव उवागच्छइ २ ता भगवं तित्थयरं माऊए पासे ठवेइ २ ता तित्थयरपिडरूवगं पिडसाहरइ २ ता ओसोवाणि पिडसाहरइ २ ता एगं महं खोमजुयलं कुंडलजुयलं च भगवओ तित्थ-यरस्स उस्सीसगमूळे ठवेइ २ ता एगं महं सिरिदामगंडं तवणिज्जलंबूसगं सुवण्णपय-रगमंडियं णाणामणिरयणविविहहार्द्धहार्उवसोहियसमुद्यं भगवओ तित्थयरस्स उल्लोयंसि णिक्खिवइ तण्णं भगवं तित्थयरे अणिमिसाए दिद्वीए देहमाणे २ सुहंसुहेणं अभिरममाणे २ चिट्टइ, तए णं से सक्के देविंदे देवराया वेसमणं देवं सद्दावेइ २ त्ता ४१ सत्ता०

एवं वयासी-खिप्पामेव भो देवाणुप्पिया ! बत्तीसं हिरण्णकोडीओ बत्तीसं सुवण्णको-बीओ बत्तीसं णंदाइं बत्तीसं भट्टाइं सभगे सभगरूवज्ञव्वणलावण्णे य भगवओ तित्थ-यरस्य जम्मणभवणंसि साहराहि २ ता एयमाणत्तियं पचिप्पणाहि. तए णं से वेसमणे देवे सक्केणं जाव विणएणं वयणं पिडसुणेइ २ त्ता जंभए देवे सहावेइ २ त्ता एवं वयासी-खिप्पामेव भो देवाणुप्पिया! बत्तीसं हिरण्णकोडीओ जाव भगवओ तित्थयरस्स जम्मणभवणंसि साहरह साहरित्ता एयमाणत्तियं पचपिणह. तए णं ते जंभगा देवा वेसमणेणं देवेणं एवं वत्ता समाणा हद्द्राद्र जाव खिप्पामेव बत्तीसं हिरण्णकोडीओ जाव भगवओ तित्थगरस्स जम्मणभवणंसि साहरंति २ ता जेणेव वेसमणे देवे तेणेव जाव पच्चिप्पणंति, तए णं से वेसमणे देवे जेणेव सके देविंदे देवराया जाव पचपिपणइ। तए णंसे सक्के देविंदे देवराया ३ आभिओगे देवे. सद्दावेइ २ ता एवं वयासी-खिप्पामेव भो देवाणप्पिया! भगवओ तित्थयरस्य जम्मणणयरंसि सिंघाडग जाव महापहपहेसु महया २ सहेणं उग्घोसेमाणा २ एवं वदह-हंदि सुणंत भवंतो बहवे भवणवडवाणमंतरजोडसवेमाणिया देवा य देवीओ य जे णं देवाणुप्पिया !० तित्थयरस्स तित्थयरमाऊए वा असुभं मणं पधारेइ तस्स णं अज्जगमंजरिया इव सयहा मुद्धाणं फुहुउत्तिक हु घोसेह २ ता एयमाणत्तियं पचप्पिणहत्ति, तए णं ते आभिओगा देवा जाव एवं देवोत्ति आणाए विणएणं वयणं पिडसुणंति २ ता सक्कस्स देविंदरस देवरण्णो अंतियाओ पिडिणिक्खमंति २ ता खिप्पामेव भगवओ तित्थगर्स्स जम्मणणगरंसि सिंघाडग जाव एवं वयासी-हंदि छणंत भवंतो बहवे भवणवइ जाव जे णं देवाणिपया !० तित्थयरस्स जाव फुट्टिही-तिक हू घोसणगं घोसेंति २ त्ता एयमाणत्तियं पचिप्पणीत, तए णं ते बहवे भवणवडवा-णमंतरजोइसवेमाणिया देवा भगवओ तित्थगरस्स जम्मणमहिमं करेंति २ ता जामेव दिसिं पाउच्भूया तामेव दिसिं पिडिगया ॥ १२३ ॥ पंचमो वक्खारो समत्तो ॥

जंबुद्दीवस्स णं भंते ! दीवस्स पएसा लवणसमुद्दं पुट्टा ? हंता ! पुट्टा, ते णं भंते ! किं जंबुद्दीवे दीवे लवणसमुद्दे ? गोयमा ! जंबुद्दीवे णं दीवे णो खल्ल लवणसमुद्दे , एवं लवणसमुद्दस्सवि पएसा जंबुद्दीवे २ पुट्टा भाणियन्वा । जंबुद्दीवे णं भंते !० जीवा उद्दा-इत्ता २ लवणसमुद्दे पचायंति ? गो० ! अत्थेगइया पचायंति अत्थेगइया नो पचायंति, एवं लवणसमुद्दस्सवि जंबुद्दीवे दीवे णेयन्वमिति ॥ १२४ ॥ खंडा १ जोयण २ वासा ३ पव्वय ४ कूडा ५ य तित्थ ६ सेढीओ ० । विजय ८ हृह ९ सलिलाओ १० पिंडए होइ संगहणी ॥ १ ॥ जंबुद्दीवे णं भंते ! दीवे भरहप्पमाणमेत्तीहं खंडेहिं केवइयं खंडगणिएणं प० ? गो० ! णउयं खंडसयं खंडगणिएणं पण्णते । जंबुद्दीवे

णं भंते ! दीवे केवइयं जोयणगणिएणं पण्णत्ते ? गोयमा !-सत्तेव य कोडिसया णउया छप्पण्ण सयसहस्साइं। चउणवइं च सहस्सा सयं दिवहूं च गणियपयं॥ १॥ जंब्रहीवे णं भंते ! दीवे कइ वासा पण्णता ? गोयमा ! सत्त वासा प०. तंजहा-भरहे एरवए हेमवए हेरण्णवए हरिवासे रम्मगवासे महाविदेहे, जंबुद्दीवे णं भंते ! दीवे केवइया वासहरा पण्णता केवइया मंदरा पव्वया पण्णता केवइया चित्तकुडा केवइया विचित्तकृडा केवइया जमगपव्या केवइया कंचणगपव्या केवइया वक्खारा केवइया दीहवेयड्डा केवइया वहवेयड्डा पण्णता ? गोयमा ! जंबुद्दीवे २ छ वासहरपव्वया एगे मंदरे पव्वए एगे चित्तकुडे एगे विचित्तकुडे दो जमगपव्वया दो कंचणगपव्वयसया वीसं वक्खारपव्वया चोत्तीसं दीहवेयड्डा चत्तारि वृहवेयड्डा०, एवामेव सपुव्वावरेणं जंब्रहीवे दीचे दुण्णि अउणत्तरा पव्वयसया भवंतीतिमक्खायं । जंब्रहीवे णं भंते ! दीवे केवइया वासहरकुडा केवइया वक्खारकुडा केवइया वेयब्रुकुडा केवइया मंदरकुडा प॰ ? गो॰ ! ... छप्पण्णं वासहरकुडा छण्णउई वक्खारकुडा तिण्णि छळ्त्तरा वेयङ्गकुड-सया णव मंदरकूडा पण्णत्ता, एवामेव सपुव्वावरेणं जंबुद्दीवे २ चत्तारि सत्तद्वा कूड-सया भवन्तीतिमक्खायं । जंब्रहीवे णं भंते ! दीवे भरहे वासे कइ तित्था प० ? गो॰! तओ तित्था प॰, तं॰-मागहे वरदामे पभासे, जंबुद्दीवे॰ एरवए वासे कह तित्था प॰ १ गो॰ ! तओ तित्था प॰, तं॰-मागहे वरदामे पभासे, जंबुदीवे णं भंते ! दीवे महाविदेहे वासे एगमेगे चक्कविश्विजए कइ तित्या प॰ १ गो॰ ! तओ तित्था प०, तं०-मागहे वरदामे पभासे, एवामेव सप्ववावरेणं जंबुद्दीवे २ एगे बिउत्तरे तित्थसए भवतीतिमक्खायं। जंब्रहीवे णं भंते! दीवे केव्हयाओ विजा-हरसेढीओ केवइयाओ आमिओगसेढीओ प० १ गो० ! जंबहीवे दीवे अद्रसद्री विज्ञा-हरसेढीओ अद्वसद्वी आभिओगसेढीओ पण्णताओ, एवामेव सपुव्वावरेणं जंबुदीवे दीवे छत्तीसे सेढीसए भवतीतिमक्खायं, जंबुद्दीवे णं भंते ! दीवे केवइया चक्कवद्दिविजया केवइयाओ रायहाणीओ केवइयाओ तिमिसगुहाओ केवइयाओ खंडप्पवायगुहाओ केवइया क्यमालया देवा केवइया णहुमालया देवा केवइया उसमकुडा० प० १ गो० ! जंबुद्दीवे दीवे चोत्तीसं चक्कविद्विजया चोत्तीसं रायहाणीओ चोत्तीसं तिमिसगृहाओ चोत्तीसं खंडप्पवायगृहाओ चोत्तीसं कयमालया देवा चोत्तीसं णहुमालया देवा चोत्तीसं उसमकृडा पव्वया प०, जंबुद्दीवे णं भंते ! दीवे केवइया महदृहा प० १ गो० ! सोलस महद्दा पण्णता, जंबुद्दीवे णं भंते ! दीवे केवइयाओ महाणईओ वासहरपवहाओ केव-इयाओ महाणईओ कुंडप्पवहाओ पण्णताओ ? गोयमा ! जंबुद्दीवे २ चोहस महाणईओ वासहरपवहाओ छावत्तरिं महाणईओ कुंडप्पवहाओ०, एवामेव सप्ववावरेणं जंबदीवे

दीवे णउइं महाणईओ भवंतीतिमक्खायं। जंबुद्दीवे भरहेरवएस वासेस कइ महा-णईओ प॰ १ गोयमा ! चतारि महाणईओ पण्णताओ, तं०-गंगा सिंधू रता रत्तवई. तत्य णं एगमेगा महाणई चउइसहिं सिळ्ळासहस्सेहिं समग्गा पुरित्थमपचित्थमेणं लवणसमुद्दं समप्पेइ, एवामेव सपुन्वावरेणं जंबुद्दीवे दीवे भरहेरवएस वासेस छप्पण्णं सिळलासहस्सा भवंतीतिमक्खायं, जंबहीवे णं भंते ! दीवे हेमवयहेरण्णवएस वासेस कइ महाणईओ पण्णत्ताओं ? गो॰ ! चत्तारि महाणईओ पण्णत्ताओ, तंजहा—रोहिया रोहियंसा स्वण्णकला रूप्पकला, तत्थ णं एगमेगा महाणई अडावीसाए अडावीसाए सिळलासहस्सेहिं समग्गा पुरितथमपचितथमेणं लवणसमुद्दं समप्पेइ, एवामेव सपुन्वा-वरेणं जंबुद्दीवे २ हेमवयहेरण्णवएस वासेस बारसत्तरे सिळठासयसहस्से भवतीति-मक्खायं। जंबद्दीवे णं भंते ! दीवे हरिवासरम्मगवासेस कइ महाणईओ पण्णताओ ? गोयमा! चत्तारि महाणईओ पण्णत्ताओ,तंजहा—हरी हरिकंता णरकंता णारिकंता. तत्थ णं एगमेगा महाणई छप्पण्णाए २ सिललासहस्सेहिं समग्गा पुरित्थमपचित्थ-मेणं लवणसमुद्दं समप्पेइ. एवामेव सपुव्वावरेणं जंबुद्दीवे २ हरिवासरम्मगवासेस दो चउवीसा सिळळासथसहस्सा भवंतीतिमक्खायं, जंब्रहीवे णं भंते ! दीवे महा-विदेहे वासे कइ महाणईओ पण्णताओ? गोयमा! दो महाणईओ पण्णताओ. तंजहा—सीया य सीओया य. तत्थ णं एगमेगा महाणई पंचिहिं २ सिळळासय-सहस्सेहिं बत्तीसाए य सिळ्टासहस्सेहिं समग्गा पुरित्थमपचित्थमेणं लवणसमृहं समप्पेइ, एवामेव सपुव्वावरेणं जंबुद्दीवे दीवे महाविदेहे वासे दस सलिलासयसहस्सा चउसिंद्रं च सिळलासहस्सा भवन्तीतिमक्खायं। जंबुद्दीवे णं भंते! दीवे मंदरस्स पव्वयस्स दिक्लणेणं केवइया सिळलासयसहस्सा पुरितथमपचितथमाभिमहा लवण-समुद्दं समप्पेंति ? गो॰ ! एगे छण्णउए सलिलासयसहस्से पुरत्थिमपचित्थिमाभिमहे लवणसमुद्दं समप्पेइ, जंबुद्दीवे णं भंते ! दीवे मंदरस्स पव्वयस्स उत्तरेणं केवड्या सिळासयसहस्सा पुरित्थमपचित्थमाभिमुहा ठवणसमुद्दं समप्पेंति ? गो०! एगे छण्णउए सिललासयसहरूसे पुरिश्यमपचित्थमाभिमुहे जाव समप्पेइ, जंबुद्दीवे णं भंते ! दीवे केवइया सिळ्ठासयसहस्सा पुरत्थाभिमुहा लवणसमुद्दं समप्पेंति ? गोयमा ! सत्त सलिलासयसहरूसा अड्डावीसं च सहरूसा जाव समप्पेंति, जुंबुदीवे णं भंते ! दीवे केवइया सिळ्ठासयसहरूसा पचित्यमाभिसहा लवणसमुद्दं समप्पेंति ? गोयमा! सत्त सलिलासयसहस्सा अड्ठावीसं च सहस्सा जाव समप्पेंति, एवामेव सपुव्वावरेणं जंबुद्दीवे दीवे चोद्दस सिळळासयसहस्सा छप्पण्णं च सहस्सा भवंतीति-मक्खायं ॥ १२५ ॥ छद्दो वक्खारो समत्तो ॥

जंबहीवे णं भंते ! दीवे कइ चंदा पभासिंस पभासित पभासिस्संति कइ स्रिया तवइंस तवेंति तविस्संति केवइया णक्खता जोगं जोइंस जोयंति जोइस्संति केवइया महग्गहा चारं चरिंसु चरंति चरिस्संति केवइयाओ तारागणकोडाकोडीओ सोभिंसु सोमंति सोभिस्संति ? गोयमा ! दो चंदा पभासिंस ३ दो सरिया तवइंस ३ छप्पणं णक्खता जोगं जोइंसु ३ छावत्तरं महग्गहसयं चारं चरिस ३-एगं च सयसहरूसं तेत्तीसं खळ भवे सहस्साइं। णव य सया पण्णासा तारागणकोडिकोडीणं ॥ १॥ ति ॥ १२६ ॥ कइ णं भंते ! सरमंडला पण्णता ? गोयमा ! एगे चउरासीए मंडलसए पण्णत्ते । जंब्रद्दीवे णं भंते ! दीवे केवइयं ओगाहित्ता केवइया सूरमंडला पण्णत्ता ? गोयमा! जंबुद्दीवे २ असीयं जोयणसयं ओगाहिता एत्थ णं पण्णही सूरमंडला पण्णता, लवणे णं भंते! समुद्दे केवइयं ओगाहित्ता केवइया सूरमंडला पण्णता? गोयमा ! लवणे समुद्दे तिण्णि तीसे जोयणसए ओगाहिता एत्थ णं एगणवीसे सर-मंडलसए पण्णत्ते, एवामेव सप्ववावरेणं जंबहीवे दीवे ठवणे य समुद्दे एगे चुलसीए सरमंडलसए भवतीतिमक्खायं १ ॥ १२७ ॥ सन्वब्भंतराओ णं भंते ! सरमंडलाओ केवइयाए अबाहाए सन्वबाहिरए सरमंडले प० १ गोयमा! पंचदस्तरे जोयणसए अबाहाए सव्वबाहिरए सूरमंडले पण्णते २॥ १२८॥ स्रमंडलस्स णं भंते! सूर-मंडलस्स य केवइयं अबाहाए अंतरे पण्णते ? गोयमा ! दो जोयणाइं अबाहाए अंतरे पण्णत्ते ३ ॥ १२९ ॥ सरमंडले णं भंते ! केवइयं आयामविक्खंभेणं केवइयं परिक्खे-वेणं केवइयं बाह्हेणं पण्णते ? गोयमा ! अडयालीसं एगसिट्टभाए जोयणस्स आयाम-विक्खंभेणं तं तिगुणं सविसेसं परिक्खेवेणं चउवीसं एगसद्भिगए जोयणस्स बाहल्लेणं पण्णत्ते इति ४ ॥ १३० ॥ जंबुद्दीवे णं भंते ! दीवे मंदरस्स पव्वयस्स केवइयाए अबाहाए सन्वब्भंतरे सूरमंडले पण्णते ? गोयमा ! चोयालीसं जोयणसहस्साइं अट्ट य वीसे जोयणसए अबाहाए सन्वब्भंतरे सूरमंडले पण्णत्ते, जंब्रहीवे णं भंते ! दीवे मंदरस्स पन्वयस्स केवइअबाहाए सन्वन्भंतराणंतरे सूरमंडले पण्णत्ते ? गो०! चोया-लीसं जोयणसहस्ताइं अह य बावीसे जोयणसए अडयालीसं च एगसद्रिभागे जोय-णस्स अबाहाए अब्भंतराणंतरे सूरमंडले प०, जंबुद्दीवे णं भंते ! दीवे मंदरस्स पव्वयस्स केवऱ्याए अबाहाए अञ्मंतरतचे सूरमंडले पण्णते ? गो०! चोयालीसं जोयणसहस्साइं अट्ट य पणवीसे जोयणसए पणतीसं च एगसिट्टभागे जोयणस्स अबाहाए अब्मंतरतचे सूरमंडले पण्णत्ते, एवं खलु एएणं उवाएणं णिक्खममाणे सूरिए तयणंतराओ मंडलाओ तयणंतरं मंडलं संकममाणे २ दो दो जोयणाइं अडयालीसं च एगसद्रिभाए जोयणस्स एगमेगे मंडले अबाहावृड्डि अभिवड्डेमाणे २ सन्वबाहिरं

मंडलं उवसंक्रमित्ता चारं चरइति, जंबुद्दीवे णं भंते ! दीवे मंदरस्स पव्वयस्स केवइ-याए अबाहाए सन्वबाहिरे सूरमंडले प०? गो०! पणयालीसं जोयणसहस्साइं तिण्णि य तीसे जोयणसए अबाहाए सञ्चबाहिरे सूरमंडले प०, जंबहीवे णं भंते ! दीवे मंदरस्स पव्वयस्स केवझ्याए अबाहाए सव्वबाहिराणंतरे सूरमंडले पण्णते ? गोयमा ! पणयालीसं जोयणसहस्साइं तिण्णि य सत्तावीसे जोयणसए तेरस य एग-सदिभाए जोयणस्य अबाहाए बाहिराणंतरे सरमंडले पण्णत्ते, जंबुद्दीवे णं भंते ! दीवे मंदरस्स पन्वयस्स केवइयाए अबाहाए बाहिरतचे सूरमंडले पण्णते ? गो॰ ! पणया-लीसं जोयणसहस्साइं तिण्णि य चउवीसे जोयणसए छव्वीसं च एगसद्रिभाए जोय-णस्स अबाहाए बाहिरतचे सूरमंडले पण्णते, एवं खलु एएणं उवाएणं पविसमाणे सूरिए तयाणंतराओ मंडलाओ तयाणंतरं मंडलं संक्रममाणे संक्रममाणे दो दो जोयणाइं अडयालीसं च एगसिट्टभाए जोयणस्स एगमेगे मंडले अबाहावृद्धि णिवृह्वेमाणे २ सव्वब्मंतरं मंडलं उवसंकिमत्ता चारं चरइ ५॥ १३१॥ जंब-हीवे दीवे सव्वब्मंतरे णं भंते! सूरमंडले केवइयं आयामविक्खंभेणं केवइयं परिक्खेवेणं पण्णते ? गो॰! णवणउइं जोयणसहस्साइं छच चत्ताले जोयणसण आयामविक्खंभेणं तिण्णि य जोयणसयसहस्साइं पण्णरस य जोयणसहस्साइं एगूण-णउइं च जोयणाइं किंचिविसेसाहियाइं परिक्खेवेणं०. अब्भंतराणंतरे णं भंते! सूरमंडले केवइयं आयामविक्खंभेणं केवइयं परिक्खेवेणं पण्णते? गोयमा ! णवणउडं जोयणसहस्साइं छच पणयाले जोयणसए पणतीसं च एगसिट्टमाए जोयणस्स आया-मविक्खंभेणं तिण्णि जोयणसयसहस्साइं पण्णरस य जोयणसहस्साइं एगं सत्ततरं जोयणसयं परिक्खेवेणं पण्णते, अन्मंतरतचे णं भंते ! सूरमंडले केवइयं आयाम-विक्खंभेणं केवइयं परिक्खेवेणं प० ? गो० ! णवणउइं जोयणसहरूसाइं छच एकावण्णे जोयणसए णव य एगसद्रिभाए जोयणस्य आयामविक्खंभेणं तिण्णि य जोयणसय-सहस्साइं पण्णरस जोयणसहस्साइं एगं च पणवीसं जोयणसयं परिक्खेवेणं ०. एवं खळ एएणं उवाएणं णिक्खममाणे सूरिए तयाणंतराओ मंडलाओ तयाणंतरं मंडलं उव-संक्रममाणे २ पंच २ जोयणाई पणतीसं च एगसिट्टमाए जोयणस्स एगमेंगे मंडले विक्खंभवुद्धि अभिवद्देमाणे २ अद्वारस २ जोयणाई परिरयवृद्धि अभिवद्देमाणे २ सन्वबाहिरं मंडलं उवसंकिमत्ता चारं चरइ, सन्वबाहिरए णं भंते! सूरमंडले केव-इयं आयामविक्खंभेणं केवइयं परिक्खेवेणं पण्णते ? गोयमा ! एगं जोयणसयसहस्सं छच सट्ठे जोयणसए आयामविक्खंभेणं तिण्णि य जोयणसयसहरसाई अद्वारस य सहस्साइं तिण्णि य पण्णरसुत्तरे जोयणसए परिक्खेवेणं०. बाहिराणंतरे णं भंते !

सरमंडले केवइयं आयामविक्खंभेणं केवइयं परिक्खेवेणं पण्णते ? गोयमा ! एगं जोयणसयसहस्सं छच चउप्पण्णे जोयणसए छव्वीसं च एगसद्रिभागे जोयणस्स आयामविक्खंभेणं तिष्णि य जोयणसयसहस्साइं अद्वारस य सहस्साइं दोष्णि य सत्ताणउए जोयणसए परिक्खेवेणांति. बाहिरतचे णं भंते ! सरमंडले केवडयं आया-मविक्खंभेणं केवडयं परिक्खेवेणं पण्णत्ते ? गो०! एगं जोयणसयसहस्सं छच अड-याले जोयणसए बावण्णं च एगसद्विभाए जोयणस्स आयामविक्खंभेणं तिण्णि जोयणसयसहस्साइं अद्वारस य सहस्साइं दोण्णि य अउणासीए जोयणसए परिक्खे-वेणं , एवं खुळ एएणं उवाएणं पविसमाणे सूरिए तयाणंतराओ मंडलाओ तयाणंतरं मंडलं संक्रममाणे २ पंच पंच जोयणाई पणतीसं च एगसिट्रभाए जोयणस्स एगमेगे मंडले विक्खंभवृद्धिं णिवुङ्केमाणे २ अद्वारस २ जोयणाई परिरयवृद्धिं णिवुङ्केमाणे २ सन्वर्भतरं मंडलं उवसंक्रमित्ता चारं चरइ ६॥ १३२॥ जया णं भंते! सूरिए सव्वब्भंतरं मंडलं उवसंक्रमिता चारं चरइ तया णं एगमेगेणं मुहत्तेणं केवइयं खेतं गच्छइ ? गोयमा ! पंच पंच जोयणसहस्साई दोण्णि य एगावण्णे जोयणसए एगूण-तीसं च सदिभाए जोयणस्स एगमेगेणं महत्तेणं गच्छइ, तया णं इहगयस्स मणूसस्स सीयालीसाए जोयणसहस्सेहिं दोहि य तेवहेहिं जोयणसएहिं एगवीसाए य जोयणस्स सिद्रभाएहिं सूरिए चक्खुप्फासं हव्वमागच्छइ, से णिक्खममाणे स्रिरए णवं संवच्छरं अयमाणे पढमंसि अहोरत्तंसि सन्बन्भंतराणंतरं मंडलं उवसंक्रमित्ता चारं चरइ. जया णं भंते! सरिए अञ्भंतराणंतरं मंडलं उवसंक्रमित्ता चारं चरइ तया णं एगमेगेणं महत्तेणं केवइयं खेतं गच्छइ ? गोयमा ! पंच पंच जोयणसहस्साइं दोण्णि य एगावण्णे जोयणसए सीयालीसं च सिंहुभागे जोयणस्स एगमेगेणं मुहुत्तेणं गच्छड. तया णं इहगयस्स मण्रस्सस्स सीयालीसाए जोयणसहस्सेहिं एग्रणासीए जोयणसए सत्तावण्णाए य सिंहभाएहिं जोयणस्स सिंहभागं च एगसिंहहा छेता एगूणवीसाए चुण्णियाभागेहिं सूरिए चक्खुप्पासं हव्यमागच्छइ, से णिक्खममाणे सूरिए दोचंसि अहोरत्तंसि अञ्भंतरतचं मंडलं उवसंक्रमिता चारं चरइ, जया णं भंते! सरिए अञ्भंतरतचं मंडलं उवसंकिमत्ता चारं चरइ तया णं एगमेगेणं सुहु-त्तेणं केवइयं खेतं गच्छइ ? गोयमा ! पंच पंच जोयणसहस्साइं दोण्णि य बावण्णे जोयणसए पंच य सद्विभाए जोयणस्स एगमेगेणं महत्तेणं गच्छइ, तया णं इहगयस्स मणुस्सस्स सीयालीसाए जोयणसहस्सेहिं छण्णउईए जोयणेहिं तेत्तीसाए सिंहभागेहिं जोयणस्स सदिभागं च एगसदिहा छेता दोहिं चुण्णियाभागेहिं सूरिए चक्खुप्फासं इव्वमागच्छइ, एवं खलु एएणं उवाएणं णिक्खममाणे सूरिए तयाणंतराओं मंड- लाओ तयाणंतरं मंडलं संकममाणे संकममाणे अहारस २ सिट्टभागे जोयणस्स एगमेगे मंडले मुहुत्तगइं अभिवुहुमाणे अभिवुहुमाणे चुलसीइं २ सयाइं जोयणाइं पुरिसच्छायं णिवृह्देमाणे २ सव्वबाहिरं मंडलं उवसंक्रमिता चारं चरइ। जया णं भंते! सरिए सन्वबाहिरमंडलं उवसंक्रमित्ता चारं चरइ तया णं एगमेगेणं मुहुत्तेणं केवइयं खेतं गच्छइ? गोयमा! पंच पंच जोयणसहस्साइं तिण्णि य पंचुत्तरे जोयण-सए पण्णरस य सिट्टभाए जोयणस्स एगमेगेणं मुहुत्तेणं गच्छइ, तया णं इहगयस्स मणुस्सस्स एगतीसाए जोयणसहस्सेहिं अट्टाहि य एगत्तीसेहिं जोयणसएहिं तीसाए य सिंहभाएहिं जोयणस्स सूरिए चक्खुप्फासं हृव्वमागच्छइ, एस णं पढमे छम्मासे, एस णं पढमस्स छम्मासस्स पज्जवसाणे, से पविसमाणे सूरिए दोचे छम्मासे अयमाणे पढमंत्ति अहोरत्तंति बाहिराणंतरं मंडलं उवसंकमित्ता चारं चरइ, जया णं मंते! सूरिए बाहिराणंतरं मंडलं उवसंकमिता चारं चरइ तया णं एगमेगेणं मुहुत्तेणं केवइयं खेतं गच्छइ ? गोयमा ! पंच पंच जोयणसहस्साइं तिण्णि य चउरुत्तरे जोयणसए सत्तावण्णं च सिट्ठभाए जोयणस्स एगमेगेणं मुहुत्तेणं गच्छइ, तया णं इहगयस्स मणुस्तस्स एगत्तीसाए जोयणसहस्सेहिं णवहि य सोलस्तरेहिं जोयणसएहिं इगुणा-लीसाए य सिट्टभाएहिं जोयणस्स सिट्टभागं च एगसिट्टहा छेता सिट्टीए चुण्णियाभागेहिं सरिए चक्खुप्फासं हव्वमागच्छइ, से पविसमाणे सूरिए दोचंसि अहोरत्तंसि बाहिरतचं मंडलं उवसंकमित्ता चारं चरइ, जया णं भंते! सूरिए बाहिरतचं मंडलं उवसंकमित्ता चारं चरइ तया णं एगमेगेणं मुहुत्तेणं केवइयं खेतं गच्छइ ? गोयमा ! पंच पंच जोयणसहस्साइं तिण्णि य चउरुत्तरे जोयणसए इगुणालीसं च सिंद्धभाए जोयणस्स एगमेगेणं मुहुत्तेणं गच्छइ, तया णं इहगयस्स मणुयस्स एगाहिएहिं बत्तीसाए जोयण-सहस्सेहिं एगूणपण्णाए य सिट्टभाएहिं जोयणस्स सिट्टभागं च एगसिट्टहा छेता तेवीसाए चुण्णियाभाएहिं सूरिए चक्खुप्फासं हव्वमागच्छइ, एवं खल्ल एएणं उवाएणं पविसमाणे स्रिए तयाणंतराओं मंडलाओं तयाणंतरं मंडलं संकममाणे २ अद्वारस २ सिट्टमाए जोयणस्स एगमेगे मंडले मुहुत्तगई निवह्वेमाणे २ साइरेगाई पंचासीई २ जोयणाई पुरिसच्छायं अभिवङ्केमाणे २ सव्वब्मंतरं मंडलं उवसंक्रमिता चारं चरइ. एस णं दोचे छम्मासे, एस णं दोचस्स छम्मासस्स पज्जवसाणे, एस णं आइचे संवच्छरे, एस णं आइचस्स संवच्छरस्स पज्जवसाणे पण्णत्ते ७ ॥ १३३ ॥ जया णं भंते ! सुरिए सव्वब्भंतरं मंडलं उवसंक्रमित्ता चारं चरइ तया णं केमहालए दिवसे केमहालिया राई भवइ ? गोयमा ! तया णं उत्तमकट्ठपत्ते उक्कोसए अट्ठारसमुहुत्ते दिवसे भवइ जहण्णिया दुवालसमुहुत्ता राई भवइ, से णिक्खममाणे सूरिए णवं

संवच्छरं अयमाणे पढमंसि अहोरत्तंसि अब्मंतराणंतरं मंडलं उवसंक्रिमता चारं चरइ, जया णं भंते ! सूरिए अञ्भंतराणंतरं मंडलं उवसंक्रमित्ता चारं चरइ तया णं केमहालए दिवसे केमहालिया राई भवइ ? गोयमा ! तया णं अद्वारसमुहृत्ते दिवसे भवड़ दोहिं एगद्रिभागमृहत्तेहिं छणे दुवालसमृहत्ता राई भवड़ दोहि य एगद्रिभा-गम्हतेहिं अहियति, से णिक्खममाणे स्रिए दोचंसि अहोरतंसि जाव चारं चरइ तया णं केमहालए दिवसे केमहालिया राई भवड़ ? गोयमा! तया णं अद्रारसमृहत्ते दिवसे भवइ चउहिं एगद्विभागमुह्तेहिं ऊणे दुवालसमुह्ता राई भवइ चउहिं एगद्विभागमृहत्तेहिं अहियत्ति, एवं खलु एएणं उवाएणं णिक्खममाणे स्रिए तया-णंतराओं मंडलाओ तयाणंतरं मंडलं संकममाणे २ दो दो एगद्विभागमुहत्तेहिं मंडले दिवसखेत्तस्स निवृङ्गेमाणे २ रयणिखेत्तस्स अभिवृङ्गेमाणे २ सन्वबाहिरं मंडलं उवसंक्रमित्ता चारं चरइत्ति. जया णं सरिए सन्वन्भंतराओ मंडलाओ सन्वनाहिरं मंडलं उवसंकिमता चारं चरइ तया णं सव्वब्भंतरमंडलं पणिहाय एगेणं तेसीएणं राइंदियसएणं तिण्णि छावट्ठे एगद्विभागसृहत्तसए दिवसखेत्तस्स निवृङ्केता रयणि-खेत्तस्स अभिवृद्देता चारं चरइत्ति. जया णं भंते ! सरिए सन्वबाहिरं मंडलं उवसंक्रमित्ता चारं चरइ तया णं केमहालए दिवसे केमहालिया राई भवइ ? गोयमा! तया णं उत्तमकद्भपत्ता उक्कोसिया अद्वारसमुहत्ता राई भवइ जहण्णए दुवालसमुहत्ते दिवसे भवइत्ति, एस णं पढमे छम्मासे, एस णं पढमस्स छम्मासस्स पज्जवसाणे। से पविसमाणे सरिए दोचं छम्मासं अयमाणे पढमंसि अहोरत्तंसि बाहिराणंतरं मंडलं उवसंक्रमित्ता चारं चरइ, जया णं भंते ! सरिए बाहिराणंतरं मंडलं उवसंक्रमित्ता चारं चरइ तया णं केमहालए दिवसे केमहालिया राई भवइ ? गोयमा ! अट्टा-रसमृहत्ता राई भवइ दोहिं एगहिभागमुहत्तेहिं ऊणा दुवालसमुहत्ते दिवसे भवइ दोहिं एगट्टिभागमुहुत्तेहिं अहिए, से पविसमाणे स्रिए दोचंसि अहोरत्तंसि बाहिरतचं मंडलं उवसंक्रिमता चारं चरइ, जया णं भंते ! सुरिए बाहिरतचं मंडलं उवसंक्रिमता चारं चरइ तया णं केमहालए दिवसे केमहालिया राई भवइ ? गोयमा ! तया णं अद्वारसमृहत्ता राई भवइ चउहिं एगद्विभागमुहुत्तेहिं ऊणा दुवालसमुहुत्ते दिवसे भवइ चडिंह एगिट्टभागमुहुत्तेहिं अहिए इति, एवं खिंछ एएणं उवाएणं पविसमाणे सरिए तयाणंतराओं मंडलाओं तयाणंतरं मंडलं संकममाणे संकममाणे दो दो एगड्रिमागमहत्तेहिं एगमेगे मंडले रयणिखेत्तस्स निवृद्देमाणे २ दिवसखेत्तस्स अभिवृह्देमाणे २ सव्वञ्मंतरं मंडलं उवसंक्रमित्ता चारं चरइत्ति. जया णं सरिए सञ्बनाहिराओं मंडलाओं सञ्बन्भंतरं मंडलं उवसंक्रिमत्ता चारं चरइ तया णं

सब्वबाहिरं मंडलं पणिहाय एगेणं तेसीएणं राइंदियसएणं तिण्णि छावट्टे एगट्टि-भागमुहुत्तसए रयणिखेत्तस्स णिवुड्डेता दिवसखेतस्स अभिवड्डेता चारं चरइ. एस णं दोचे छम्मासे, एस णं दुचस्स छम्मासस्स पज्जवसाणे, एस णं आइचे संवच्छरे, एस णं आइचस्स संवच्छरस्स पज्जवसाणे पण्णत्ते ८ ॥ १३४ ॥ जया णं भंते ! सूरिए सव्वब्भंतरं मंडलं उवसंक्रिमा चारं चरइ तया णं किंसंठिया तावखेत्तसंठिई पण्णत्ता ? गोयमा ! उड्डीम्हकलंबुयापुप्फसंठाणसंठिया तावखेत-संठिई पण्णत्ता. अंतो संक्रया बाहिं वित्थडा अंतो वहा बाहिं पिहला अंतो अंक्स्मह-संठिया बाहिं सगड़द्धीमहसंठिया. उत्तरपासे णं तीसे दो बाहाओ अवद्वियाओ हवंति पणयालीसं २ जोयणसहस्साइं आयामेणं, दुवे य णं तीसे बाहाओ अण-विद्याओं हवंति, तंजहा-सव्वब्भंतिरिया चेव बाहा सव्वबाहिरिया चेव बाहा. तीसे णं सव्बब्भंतरिया बाहा मंदरपव्वयंतेणं णवजोयणसहस्साइं चत्तारि छलसीए जोयणसए णव य दसभाए जोयणस्स परिक्खेवेणं, एस णं भंते ! परिक्खेवविसेसे कओ आहिएति वएजा ? गोयमा ! जे णं मंदरस्स० परिक्खेवे तं परिक्खेवं तिहिं गुणेता दसिं छेता दसिं भागे हीरमाणे एस णं परिक्खेवविसेसे आहिएति वएजा, तीसे णं सन्वबाहिरिया बाहा लवणसमुद्देतेणं चडणवई जोयणसहस्साइं अद्भर्दे जोयणसए चत्तारि य दसभाए जोयणस्स परिक्खेवेणं, से णं भंते ! परिक्खेवविसेसे कओ आहिएति वएजा ? ग़ोयमा ! जे णं जंब़हीवस्स २ परिक्खेवे तं परिक्खेवं तिहिं गुणेत्ता दसिं छेता दसभागे हीरमाणे एस णं परिक्खेवविसेसे आहिएति वएजा । तया णं भंते ! तावखेते केवइयं आयामेणं प॰ ? गोयमा ! अट्टहत्तरिं जोयण-सहस्साई तिण्णि य तेत्तीसे जोयणसए जोयणस्स तिभागं च आयामेणं पण्णते. मेरुस्स मज्झयारे जाव य लवणस्स रुंदछन्भागो । तावायामो एसो सगङ्गद्वीसंठिओ णियमा ॥ १ ॥ तया णं भंते ! किंसंठिया अंधयारसंठिई पण्णता ? गोयमा ! उद्गीसुहकलंबुयापुप्फसंठाणसंठिया अंथयारसंठिई पण्णत्ता, अंतो संक्रया बाहिं वित्थडा तं चेव जाव तीसे णं सव्वब्भंतिरया बाहा मंदरपव्वयंतेणं छज्जोयणसहस्साई तिण्णि य चउवीसे जोयणसए छच दसभाए जोयणस्स परिक्खेवेणंति, से णं भंते ! परिक्खेवविसेसे कुओ आहिएति वएजा ? गोयमा ! जे णं मंदरस्स पव्वयस्स परिक्खेवे तं परिक्खेवं दोहिं गुणेत्ता दसहिं छेता दसहिं भागे हीरमाणे एस णं परिक्खेवविसेसे आहिएति वएजा, तीसे णं सन्वबाहिरिया बाहा ठवणसमुद्देतेणं तेसद्वी जोयणसह-स्साइं दोण्णि य पणयाले जोयणसए छच दसभाए जोयणस्स परिक्खेवेणं, से णं भंते ! परिक्खेविवसेसे कओ आहिएति वएजा ? गोयमा ! जे णं जंबहीवस्स २ परि-

क्खेवे तं परिक्खेवं दोहिं गुणेता जाव तं चेव तया णं भंते! अंधयारे केवइए आयामेणं प॰ १ गोयमा ! अद्रहत्तरिं जोयणसहस्साइं तिष्णि य तेत्तीसे जोयणसए तिभागं च आयामेणं प० । जया णं भेते ! सरिए सञ्वबाहिरमंडलं उवसंकिमता चारं चरइ तया णं किंसंठिया तावखेत्तसंठिई प० १ गो०! उद्गीमुहकलंब्यापुण्फ-संठाणसंठिया॰ पण्णता, तं चेव सन्वं णेयन्वं णवरं णाणत्तं जं अंधयारसंठिईए पव्वविण्यं पमाणं तं तावखेतसंठिईए णेयव्वं, जं तावखेतसंठिईए पुव्वविण्ययं पमाणं तं अंधयारसंठिईए णेयव्वंति ९ ॥ १३५ ॥ जंबुद्दीवे णं भंते ! दीवे सूरिया उग्गमणमुहुत्तंसि दूरे य मूले य दीसंति मज्झंतियमुहुत्तंसि मूले य दूरे य दीसंति अत्थमणमहत्तंसि द्रे य मूळे य दीसंति ? हंता गोयमा ! तं चेव जाव दीसंति, जम्बुद्दीवे णं भन्ते !० सूरिया उग्गमणमुहुत्तंसि य मज्झंतियमुहुत्तंसि य अत्थमण-महत्तंसि य सन्वत्थ समा उचतेणं ? हंता तं चेव जाव उचतेणं, जइ णं भन्ते ! जम्बुद्दीवे दीवे सूरिया उग्गमणसृहत्तंसि य मज्झं ० अत्थ ० सव्वत्थ समा उचतेणं कम्हा णं भनते! जम्बुद्दीवे दीवे सूरिया उग्गमणमुहृत्तंसि दूरे य मूळे य दीसंति०? गोयमा! लेसापिडघाएणं उग्गमणमुहुत्तंसि दूरे य मूले य दीसंति लेसाहितावेणं मज्झंतियमुहत्तंसि मूळे य दूरे य दीसंति लेसापिडघाएणं अत्थमणमुहत्तंसि दूरे य मूळे य दीसंति, एवं खलु गोयमा ! तं चेव जाव दीसंति १०॥ १३६॥ जम्बुद्दीवे णं भन्ते ! दीवे सारिया किं तीयं खेत्तं गच्छन्ति पडुप्पण्णं खेत्तं गच्छन्ति अणागयं खेत्तं गच्छिन्ति ? गोयमा ! णो तीयं खेत्तं गच्छिन्ति पहुप्पण्णं खेत्तं गच्छन्ति णो अणागयं खेतं गच्छन्तित्ति. तं भन्ते ! किं पुट्टं गच्छन्ति जाव नियमा छिइसिंति, एवं ओभासेंति, तं भन्ते ! किं पुट्टं ओभासेंति० १ एवं आहारपयाईं णेयव्वाइं पद्मोगाढमणंतरअण्महआइविसयाण्पव्वी य जाव णियमा छिहिसं, एवं उज्जोवेंति तवेंति पभासेंति ११ ॥ १३७ ॥ जम्बुद्दीवे णं भन्ते ! दीवे सूरियाणं किं तीए खेते किरिया कजइ पडुप्पणे॰ अणागए॰ ? गो॰ ! णो तीए खेते किरिया कजाइ पदुप्पण्णे॰ कजाइ णो अणागए॰, सा भन्ते ! किं पुट्ठा कजाइ॰ ? गोयमा ! पुट्ठा॰ णो अणापुद्रा कज्जइ जाव णियमा छिहिसे १२॥ १३८॥ जम्बुहीवे णं भन्ते ! दीवे सूरिया केवइयं खेतं उड्ढं तवयन्ति अहे तिरियं च ? गोयमा ! एगं जोयणसयं उड्ढं तवयन्ति अद्वारससयजोयणाई अहे तवयन्ति सीयालीसं जोयणसहस्साई दोण्णि य तेवद्वे जोयणसए एगवीसं च सिद्धभाए जोयणस्स तिरियं तवयन्तित्ति १३॥१३९॥ अंतो णं भनते ! माण्यत्तरस्स पव्वयस्स जे चंदिमस्रियगहगणणक्खत्तताराख्वा ते णं भन्ते ! देवा किं उड्ढोववण्णगा कप्पोववण्णगा विमाणोववण्णगा चारोववण्णगा चारद्विडया गइरइया गइसमावण्णगा १ गोयमा ! अंतो णं माणुसत्तरस्स पन्वयस्स जे चन्दिमसूरिय जाव तारारूवा ते णं देवा णो उड्डोववण्णगा णो कप्पोववण्णगा विमाणोववण्णगा चारोववण्णगा णो चारद्भित्या गहरहया गहसमावण्णगा उन्हीमह-कळंबुयापुष्फसंठाणसंठिएहिं जोयणसाहस्सिएहिं तावखेत्तेहिं साहस्सियाहिं वेउ विवयाहिं बाहिराहिं परिसाहिं महया हयणहुरीयबाइयतंतीतलतालतुडियघणसुइंगपडुप्पवाइयर-वेणं दिव्वाइं भोगभोगाइं भंजमाणा महया उक्किद्रिसीहणायबोलकलकलर्वेणं अच्छं पव्वयरायं प्रयाहिणावत्तमण्डलचारं मेरं अणुपरियद्वंति १४ ॥ १४० ॥ तेसि णं भन्ते ! देवाणं जाहे इंदे चुए भवइ से कहमियाणि पकरेंति ? गोयमा ! ताहे चत्तारि पंच वा सामाणिया देवा तं ठाणं उवसंपज्जिताणं विहरंति जाव तत्थ अण्णे इंदे उववण्णे भवइ । इंद्राणे णं भंते ! केवइयं कालं उववाएणं विरहिए ? गोयमा ! जहण्णेणं एगं समयं उक्कोसेणं छम्मासे उववाएणं विरहिए । बहिया णं भन्ते ! माण्यसत्तरस्य पव्वयस्य जे चंदिम जाव तारारूवा तं चेव णेयव्वं णाणत्तं विमाणीववण्णगा णो चारोववण्णगा चारद्विड्या णो गइरइया णो गइसमावण्णगा पिकद्भगसंठाणसंठिएहिं जोयणसयसाहस्सिएहिं तावखेतेहिं सयसाहस्सियाहिं वेउ विव-याहिं बाहिराहिं परिसाहिं महया हयणह जाव भुंजमाणा सहलेसा मन्दलेसा मन्दा-यवलेसा चित्तंतरलेसा अण्णोण्णसमोगाढाहिं लेसाहिं कूडाविव ठाणठिया सन्वओ समन्ता ते पएसे ओभासंति उज्जोवेंति पभासेन्तित्ति । तेसि णं भनते ! देवाणं जाहे इंदे चए भवइ से कहमियाणि पकरेन्ति जाव जहण्णेणं एकं समयं उक्कोसेणं छम्मासा इति १५॥ १४१॥ कइ णं भन्ते ! चंदमण्डला प० १ गो० ! पण्णरस चंदमण्डला पण्णता । जम्बुद्दीवे णं भनते ! दीवे केवइयं ओगाहिता केवइया चन्द-मण्डला प० १ गो० ! जम्बुद्दीवे २ असीयं जोयणसयं ओगाहिता पंच चंदमण्डला पण्णत्ता, लवणे णं भनते ! पुच्छा, गोयमा ! लवणे णं समुद्दे तिण्णि तीसे जोयण-सए ओगाहिता एत्थ णं दस चंदमण्डला पण्णता, एवामेव सपुव्वावरेणं जम्बुद्दीवे दीने लवणे य समुद्दे पण्णरस चंदमण्डला भवन्तीतिमक्खायं ॥ १४२ ॥ सन्ब-ब्मंतराओ णं भन्ते ! चंदमंडलाओ केवइयाए अबाहाए सञ्ववाहिरए चंदमंडले प॰ ? गोयमा ! पंचदसुत्तरे जोयणसए अबाहाए सव्वबाहिरए चंदमंडले पण्णते ॥ १४३॥ चंदमंडलस्स णं भन्ते ! चंदमंडलस्स य एस णं केवइयाए अबाहाए अंतरे प॰ ? गोयमा ! पणतीसं २ जोयणाइं तीसं च एगसहिभाए जोयणस्स एगसहिभागं च सत्तहा छेता चत्तारि चुण्णियाभाए चंदमंडलस्स चंदमंडलस्स अबाहाए अंतरे पण्णते ॥ १४४ ॥ चंदमंडले णं भन्ते ! केवइयं आयामविक्खंभेणं केवइयं परि-

क्खेवेणं केवइयं बाह्रह्रेणं पण्णते ? गोयमा ! छप्पण्णं एगसद्भिमाए जोयणस्स आयामविक्खम्भेणं तं तिगुणं सविसेसं परिक्खेवेणं अद्वावीसं च एगसद्विभाए जोयणस्स बाह्रहेणं० ॥ १४५ ॥ जम्ब्रहीवे णं भंते ! दीवे मन्दरस्स पव्वयस्स केव-ड्याए अबाहाए सन्वब्भंतरए चन्दमंडले पण्णत्ते ? गोयमा ! चोयालीसं जोयण-सहरसाइं अट्ट य वीसे जोयणसए अबाहाए सव्वब्भन्तरे चन्द्रमंडले पण्णते. जम्बुद्दीवे ... मन्दरस्स पन्वयस्स केवइयाए अबाहाए अन्मंतराणन्तरे चन्दमंडले पण्णते ? गोयमा ! चोयालीसं जोयणसहस्साइं अट्ट य छप्पण्णे जोयणसए पणवीसं च एगसिट्टभाए जोयणस्स एगसिट्टभागं च सत्तहा छेता चतारि चण्णियाभाए अबाहाए अब्मंतराणन्तरे चन्दमंडले पण्णते, जम्ब्रहीवे० दीवे मन्दरस्स पव्व-यस्स केवइयाए अबाहाए अब्भंतरतचे चंदमंडले प० ? गोयमा! चोयालीसं जोयणसहस्साई अट्ठ य बाणउए जोयणसए एगावण्णं च एगसिट्टभाए जोयणस्स एगसद्रिभागं च सत्तहा छेता एगं चुण्णियाभागं अबाहाए अञ्भंतरतचे चंदमंडले पण्णत्ते, एवं खलु एएणं उवाएणं णिक्खममाणे चंदे तयाणन्तराओ मंडलाओ तयाणन्तरं मंडलं संक्रममाणे २ छत्तीसं छत्तीसं जोयणाई पणवीसं च एगसद्भिमाए जोयणस्स एगसिद्रभागं च सत्तहा छेता चत्तारि चुण्णियाभाए एगमेगे मंडले अबा-हाए वृड्डिं अभिवड्डेमाणे २ सन्वबाहिरं मंडलं उवसंक्रमित्ता चारं चरइ। जम्बुद्दीवे० दीवे मन्दरस्य पव्वयस्य केवइयाए अबाहाए सव्वबाहिरे चंदमंडले प॰ ? गो॰ ! पणयालीसं जोयणसहस्साइं तिण्णि य तीसे जोयणसए अबाहाए सव्ववाहिरए चंदमंडले प०, जम्ब्रहीवे० दीवे मन्दरस्स पव्वयस्स केवइयाए अबाहाए बाहिरा-णन्तरे चंदमंडले पण्णते ? गो० ! पणयालीसं जोयणसहस्साइं दोण्णि य तेणउए जोयणसए पणतीसं च एगसङ्गिभाए जोयणस्स एगसङ्गिभागं च सत्तहा छेता तिण्णि चुण्णियाभाए अबाहाए बाहिराणन्तरे चंदमंडले पण्णत्ते, जम्बुद्दीवे० दीवे मन्द-रस्स प्वयस्स केवड्याए अबाहाए बाहिरतचे चंदमंडले प० ? गो० ! पणयालीसं जोयणसहस्साइं दोण्णि य सत्तावण्णे जोयणसए णव य एगसिद्रभाए जोयणस्स एगसद्भिगां च सत्तहा छेता छ चुण्णियाभाए अबाहाए बाहिरतचे चंदमंडले प० । एवं खल एएणं उवाएणं पविसमाणे चंदे तयाणंतराओ मंडलाओ तयाणंतरं मंडलं संक्रममाणे २ छत्तीसं २ जोयणाइं पणवीसं च एगसद्रिमाए जोयणस्स एगसट्टिमागं च सत्तहा छेता चत्तारि चुण्णियाभाए एगमेगे मंडले अवाहाए वुड्डिं णिवुड्डेमाणे २ सञ्वञ्मंतरं मंडलं उवसंकमित्ता चारं चरइ ॥ १४६ ॥ सञ्बद्भंतरे णं भन्ते ! चंदमंडले केवइयं आयामविक्खम्भेणं केवइयं परिक्खेवेणं

पण्णते ? गोयमा ! णवणउइं जोयणसहस्साइं छचचत्ताले जोयणसए आयामविक्ख-म्मेणं तिण्णि य जोयणसयसहस्साइं पण्णरस जोयणसहस्साइं अउणाणउइं च जोय-णाइं किंचिविसेसाहिए परिक्खेवेणं प०. अब्भन्तराणंतरे सा चेव पुच्छा. गोयमा ! णवणउइं जोयणसहस्साइं सत्त य बारसत्तरे जोयणसए एगावण्णं च एगद्रिभागे जोयणस्स एगद्रिभागं च सत्तहा छेता एगं चुण्णियाभागं आयामविक्खम्भेणं तिण्णि य जोयणसयसहस्साइं पण्णरस सहस्साइं तिण्णि य एगूणवीसे जोयणसए किंचिविसे-साहिए परिक्खेवेणं. अब्भन्तरतचे णं जाव प० १ गो० ! णवणउइं जोयणसहस्साइं सत्त य पञ्चासीए जोयणसए इगतालीसं च एगद्रिभाए जोयणस्स एगद्रिभागं च सत्तहा छेत्ता दोण्णि य चुण्णियाभाए आयामविक्खम्भेणं तिण्णि य जोयणसयसहस्साइं पण्णरस जोयणसहस्साइं पंच य इगुणापण्णे जोयणसए किंचिविसेसाहिए परिक्खे-वेणंति, एवं खलु एएणं उवाएणं णिक्खममाणे चंदे जाव संकममाणे २ बावत्तरिं २ जोयणाई एगावण्णं च एगद्रिभाए जोयणस्त एगद्रिभागं च सत्तहा छेता एगं च चुण्णियाभागं एगमेंगे मंडले विक्खम्भवृद्धि अभिवद्देमाणे २ दो दो तीसाई जोयण-सयाई परिरयवृष्ट्रिं अभिवृद्देमाणे २ सव्वबाहिरं मंडलं उवसंक्रमिता चारं चरड । सन्वबाहिरए णं भन्ते ! चन्दमंडले केवइयं आयामविक्खम्भेणं केवइयं परिक्खेवेणं पण्णत्ते १ गो० ! एगं जोयणसयसहस्सं छचसद्वे जोयणसए आयामविक्खम्मेणं तिष्णि य जोयणसयसहरूसाइं अद्वारस सहरूसाइं तिष्णि य पण्णरसुत्तरे जोयणसए परिक्खे-वेणं०, बाहिराणन्तरे णं पुच्छा, गो०! एगं जोयणसयसहस्सं पञ्च सत्तासीए जोयण-सए णव य एगडिभाए जोयणस्स एगडिभागं च सत्तहा छेता छ चुण्णियाभाए आयामविक्खम्भेणं तिण्णि य जोयणसयसहस्साइं अद्वारस सहस्साइं पंचासीइं च जोयणाइं परिक्खेवेणं०, बाहिरतचे णं भन्ते ! चन्दमण्डले० प० १ गो० ! एगं जोय-णसयसहस्सं पंच य चडदसुत्तरे जोयणसए एगूणवीसं च एगद्विभाए जोयणस्स एगद्विभागं च सत्तहा छेता पंच चुण्णियाभाए आयामविक्खम्भेणं तिण्णि य जोयण-सयसहस्साइं सत्तरस सहस्साइं अट्ट य पणपण्णे जोयणसए परिक्खेवेणं०, एवं खळ एएणं उवाएणं पविसमाणे चन्दे जाव संक्रममाणे २ बावत्तरिं २ जोयणाइं एगावण्णं च एगद्विभाए जोयणस्स एगद्विभागं च सत्तहा छेता एगं चुण्णियाभागं एगमेगे मण्डले विक्खम्भवुङ्खिं णिवुङ्केमाणे २ दो दो तीसाई जोयणसयाई परिरयवुङ्किं णिवुह्रेमाणे २ सन्वर्भातरं मंडलं उवसंक्रिता चारं चरइ ॥ १४७ ॥ जया णं भन्ते! चन्द्रे सव्बब्भन्तरमण्डलं उवसंक्रमित्ता चारं चरइ तया णं एगमेगेणं मुहुत्तेणं केवइयं खेत्तं गच्छइ ? गोयमा ! पंच जोयणसहस्साइं तेवत्तरिं च जोयणाइं सत्तत्तरिं

च चोयाले भागसए गच्छइ मण्डलं तेरसिंहं सहस्सेहिं सत्तिह य पणवीसेहिं सएहिं क्रेता इति. तया णं इहगयस्य मण्रसस्य सीयालीसाए जोयणसहस्सेहिं दोहि य तेबद्रेहिं जोयणसएहिं एगवीसाए य सिद्रभाएहिं जोयणस्स चन्दे चक्खप्कासं हव्व-मागच्छइ । जया णं भन्ते ! चन्दे अब्भन्तराणन्तरं मण्डलं उवसंकमित्ता चारं चरइ जाव केवइयं खेत्तं गच्छइ? गो०! पंच जोयणसहस्साइं सत्तत्तरिं च जोयणाइं छत्तीसं च चोवत्तरे भागसए गच्छड मण्डलं तेरसिंहं सहस्सेहिं जाव छेता. जया णं भन्ते! चन्दे अब्भंतरतचं मण्डलं उवसंकमित्ता चारं चरइ तया णं एगमेगेणं मुहत्तेणं केव-इयं खेत्तं गच्छइ ? गोयमा ! पंच जोयणसहस्साइं असीइं च जोयणाइं तेरस य भागसहस्साई तिण्णि य एगूणवीसे भागसए गच्छइ मण्डलं तेरसिंहं जाव छेता इति । एवं खळु एएणं उवाएणं णिक्खममाणे चन्दे तयाणनतराओ जाव संकममाणे २ तिण्णि २ जोयणाई छण्णउई च पंचावण्णे भागसए एगमेगे मण्डले महत्तगई अभिवड्टिमाणे २ सव्वबाहिरं मण्डलं उवसंकमित्ता चारं चरइ, जया णं भन्ते ! चन्दे सन्ववाहिरं मण्डलं उवसंक्रमित्ता चारं चरइ तया णं एगमेगेणं मुहत्तेणं केवइयं खेतं गच्छइ ? गोयमा ! पंच जोयणसहस्साइं एगं च पणवीसं जोयणसयं अउणत्तरिं च णउए भागसए गच्छइ मण्डलं तेरसिहं भागसहस्सेहिं सत्तिह य जाव छेता इति. तया णं इहगयस्य मणूसस्य एक्षतीसाए जोयणसहस्सेहिं अद्रहि य एगत्तीसेहिं जोयणसएहिं चन्दे चक्खुप्पासं हव्वमागच्छइ, जया णं भनते! बाहिराणन्तरं पुच्छा, गोयमा ! पंच जोयणसहस्साइं एकं च एकवीसं जोयणसयं एकारस य सट्टे. भागसहस्से गच्छइ मण्डलं तेरसिंहं जाव छेता, जया णं भंते! बाहिरतचं पुच्छा, गोयमा ! पंच जोयणसहस्साइं एगं च अद्वारसत्तरं जोयणसयं चोद्दस य पंचत्तरे भागसए गच्छा मंडलं तेरसिंहं सहस्सेहिं सत्तिहं पणवीसेहिं सएहिं छेता. एवं खल एएणं उवा-एणं जाव संक्रममाणे २ तिण्णि २ जोयणाई छण्णउई च पंचावण्णे भागसए एगमेगे मण्डले मुहत्तगई णिवुद्देमाणे २ सव्वब्भंतरं मण्डलं उवसंकमिता चारं चरइ।। १४८॥ कइ णं भंते ! णक्खतमण्डला प॰ ? गोयमा ! अट्ट णक्खतमण्डला पण्णता। जम्ब-हीवे णं भंते ! दीवे केवइयं ओगाहिता केवइया णक्खत्तमंडला पण्णता ? गोयमा ! जम्बुद्दीवे दीवे असीयं जोयणसयं ओगाहेता एत्थ णं दो णक्खत्तमंडला पण्णता, लवणे णं भंते! समुद्दे केवइयं ओगाहेता केवइया णक्खतमंडला पण्णता? गोयमा! लवणे णं समुद्दे तिण्णि तीसे जोयणसए ओगाहिता एत्थ णं छ णक्खत्तमंडला पण्णता, एवामेव सपुव्वावरेणं जम्बुद्दीवे दीवे लवणसमुद्दे अहु णक्खत्तमंडला भवंतीतिमक्खायं। सव्बब्भंतराओं णं भंते! णक्खत्तमंडलाओं केवडयाए अबाहाए सव्वबाहिरए णक्खत्तमंडले पण्णत्ते ? गोयमा ! पंचदस्ततरे जोयणसए अबाहाए सव्ववाहिरए णक्खतमंडले पण्णते, णक्खतमंडलस्स णं भन्ते! णक्खतमंडलस्स य एस णं केवइयाए अबाहाए अंतरे पण्णत्ते ? गोयमा ! दो जोयणाई णक्खत्तमंडलस्स य णक्खत्तमंडलस्य य अबाहाए अंतरे पण्णते । णक्खत्तमंडले णं भंते ! केवइयं आयामविक्खम्भेणं केवइयं परिक्खेवेणं केवइयं बाहक्षेणं पण्णते ? गोयमा ! गाउयं आयामविक्खम्भेणं तं तिगुणं सविसेसं परिक्खेवेणं अद्धगाउयं बाहल्लेणं पण्णते । जम्बद्दीवे णं भन्ते! दीवे मंदरस्स पव्वयस्स केवइयाए अबाहाए सव्वब्भंतरे णक्खत्तमंडले पण्णत्ते ? गोयमा ! चोयालीसं जोयणसहस्साइं अट्ट य वीसे जोयणसए अबाहाए सन्वन्भंतरे णक्खतमंडले पण्णते, जम्बुद्दीवे णं भंते ! दीवे मंदरस्स पव्व-यस्स केवड्याए अबाहाए सञ्बबाहिरए णक्खत्तमंडले पण्णते ? गोयमा ! पणया-लीसं जोयणसहस्साइं तिण्णि य तीसे जोयणसए अबाहाए सव्वबाहिरए णक्खत-मंडले पण्णते । सव्बब्भंतरे णं भंते ! णक्खत्तमंडले केवडयं आयामविक्खंभेणं केवइयं परिक्खेवेणं प॰ १ गोयमा ! णवणउइं जोयणसहस्साई छचचताले जोयणसए आयामविक्खंभेणं तिण्णि य जोयणसयसहस्साइं पण्णरस जोयणसहस्साइं एगूणणवइं च जोयणाइं किंचिविसेसाहिए परिक्खेवेणं पण्णत्ते. सव्वबाहिरए णं भंते ! णक्खत्त-मंडले केवइयं आयामविक्खंभेणं केवइयं परिक्खेवेणं पण्णते ? गोयमा ! एगं जोयण-सयसहस्सं छच सद्दे जोयणसए आयामविक्खंभेणं तिण्णि य जोयणसयसहस्साई अद्वारस य जोयणसहस्साइं तिण्णि य पण्णरसुत्तरे जोयणसए परिक्खेवेणं प०, जया णं भंते! णक्खते सव्वञ्भंतरमंडलं उवसंक्रमिता चारं चरइ तया णं एगमेगेणं मुहत्तेणं केवइयं खेतं गच्छइ ? गोयमा ! पंच जोयणसहस्साइं दोण्णि य पण्णेट्रे जोयणसए अद्वारस य भागसहस्से दोण्णि य तेवद्रे भागसए गच्छइ मंडलं एकवी-साए भागसहस्सेहिं णवहि य सद्देहिं सएहिं छेता । जया णं भंते ! णक्खते सव्व-बाहिरं मंडलं उवसंक्रमिता चारं चरइ तया णं एगमेगेणं मुहुत्तेणं केवइयं खेतं गच्छइ ? गोयमा ! पंच जोयणसहस्साइं तिष्णि य एगूणवीसे जोयणसए सोलस य भागसहस्सेहिं तिष्णि य पण्डे भागसए गच्छइ मंडलं एगवीसाए भागसहस्सेहिं णविह य सट्टोहिं सएहिं छेता, एए णं भंते ! अड णक्खत्तमंडला कइहिं चंदमंडलेहिं समोयरंति ? गोयमा ! अड्ठहिं चंदमंडलेहिं समोयरंति, तंजहा—पढमे चंदमंडले तइए॰ छद्रे॰ सत्तमे॰ अद्रमे॰ दसमे॰ इक्कारसमे॰ पण्णरसमे चंदमंडले. एगमेगेणं भन्ते ! मुह्तेणं केवइयाइं भागसयाइं गच्छइ ? गोयमा ! जं जं मंडलं उवसंकमित्ता चारं चरइ तस्स २ मंडलपरिक्खेवस्स सत्तरस अहे भागसए गच्छइ मंडलं सयसहस्सेणं

अद्घाणउईए य सएहिं छेत्ता इति । एगमेगेणं भन्ते ! मुहुत्तेणं सूरिए केवइयाई भाग-सयाइं गच्छइ ? गोयमा ! जं जं मंडलं उवसंक्रिता चारं चरइ तस्स २ मंडलपरि-क्खेवस्स अद्वारसतीसे भागसए गच्छइ मंडलं सयसहस्सेहि अद्वाणउईए य सएहिं छेता, एगमेगेणं भंते ! मुहुत्तेणं णक्खते केवइयाई भागसयाई गच्छइ ? गोयमा ! जं जं मंडलं उवसंकमिता चारं चरइ तस्स तस्स मंडलपरिक्खेवस्स अट्टारस पणतीसे भागसए गच्छइ मंडलं सयसहस्सेणं अद्वाणउईए य सएहिं छेत्ता ॥१४९॥ जम्बुद्दीवे णं भंते ! दीवे सूरिया उदीणपाईणमुग्गच्छ पाईणदाहिणमागच्छंति १ पाईणदाहिणमुग्गच्छ दाहिणपडीणमागच्छंति २ दाहिणपडीणमुग्गच्छ पडीणउदीण-मागच्छंति ३ पडीणउदीणसुगगच्छ उदीणपाईणमागच्छंति ४१ हंता गोयमा ! जहा पंचमसए पढमे उद्देसे जाव णेवित्थ ० उस्सप्पिणी अवद्विए णं तत्थ काळे प० समणा-उसो !, इचेसा जम्बुद्दीवपण्णती सूरपण्णती वत्थुसमासेणं सम्मत्ता भवइ। जम्बुद्दीवे णं मंते ! दीवे चंदिमा उदीणपाईणसुग्गच्छ पाईणदाहिणमागच्छंति जहा स्र्वत-व्वया जहा पंचमसयस्स दसमे उद्देसे जाव अवद्विए णं तत्थ काळे पण्णते समणा-उसो !, इचेसा जम्बुद्दीवपण्णत्ती चंदपण्णती वत्थुसमासेणं सम्मत्ता भवइ ॥ १५० ॥ कइ णं भन्ते ! संबच्छरा पण्णता ? गोयमा ! पंच संबच्छरा प०, तं०-णक्खत्तसंब-च्छरे जुगसंवच्छरे पमाणसंवच्छरे लक्खणसंवच्छरे सणिच्छरसंवच्छरे । णक्खत्त-संवच्छरे णं भन्ते ! कइविहे पण्णत्ते ? गोयमा ! दुवालसविहे प०, तं०-सावणे भद्वए आसोए जाव आसाढे, जं वा विहप्फई महम्महे दुवालसेहिं संवच्छरेहिं सञ्वणक्खत्तमंडलं समाणेइ सेत्तं णक्खत्तसंवच्छरे । जुगसंवच्छरे णं भन्ते ! कहविहे पण्णत्ते ? गोयमा ! पंचिवहे प॰, तंजहा—चंदे चंदे अभिवह्निए चंदे अभिवह्निए चेवेति, पढमस्स णं भन्ते ! चन्दसंवच्छरस्स कइ पव्वा पण्णत्ता ? गोयमा ! चउव्वीसं पव्वा पण्णत्ता, बिइयस्स णं भन्ते ! चन्दसंबच्छरस्स कइ पव्वा पण्णत्ता ? गोयमा ! चउन्वीसं पन्वा पण्णत्ता, एवं पुच्छा तइयस्स, गोयमा! अभिविद्धियसंवच्छरस्स छ्ळ्वीसं पञ्वा प०, चउत्थस्स० चन्दसंबच्छरस्स० चोव्वीसं पञ्वा०, पंचमस्स ण० अभिवड्ढियस्स० छव्वीसं पव्वा पण्णता, एवामेव सपुट्वावरेणं पंचसंवच्छरिए जुए एगे चडव्वीसे पव्वसए पण्णत्ते,सेत्तं जुगसंवच्छरे । पमाणसंवच्छरे णं भन्ते ! कहविहे पण्णत्ते ? गोयमा ! पंचविहे पण्णते, तंजहा---णक्खत्ते चन्दे उऊ आइचे अभिविहुए, सेत्तं

⁹ आइल्लदीवस्स जहाबद्वियसस्वणिस्विगा गंथपद्धई—तीए । २ सूरियाहिगारप-डिबद्धापयपद्धई । ३ मंडलसंखाईणं सूरियपण्णत्तीआइमहागंथावेक्खाए संखेवो तेण । ४ चंदाहिगार० । ५ मंडलसंखाईणं चंदपण्णत्तीआइ० ।

पमाणसंवच्छरे । लक्खणसंवच्छरे णं भन्ते ! कइविहे पण्णते ? गोयमा ! पंचविहे पण्णत्ते, तंजहा---''समयं णक्खत्ता जोगं जोयंति समयं उऊ परिणमंति । णञ्चण्ह णाइसीओ बहूदओ होइ णक्खते ॥ १ ॥ ससि समगपुण्णमासि जोएन्ति विसम-चारिणक्खता । कडुओ बहूदओ य तमाहु संवच्छरं चन्दं ॥ २ ॥ विसमं पवालिणो परिणमन्ति अणुऊस दिंति पुष्फफलं । वासं न सम्म वासइ तमाहु संवच्छरं कम्मं ॥ ३ ॥ पुढविद्गाणं च रसं पुष्फफलाणं च देइ आइचो । अप्पेणवि वासेणं सम्मं निष्फज्जए सस्सं ॥ ४ ॥ आइचतेयतिवया खणलविदवसा उऊ परिणमन्ति । पूरेइ य णिण्णथले तमाहु अभिविष्ट्रयं जाण ॥ ५ ॥" सणिच्छरसंवच्छरे णं भन्ते ! कइविहे पण्णत्ते ? गोयमा ! अद्वावीसइविहे पण्णत्ते, तंजहा—अभिई सवणे धणिद्वा सयभिसया दो य होंति भइवया । रेवइ अस्सिणि भरणी कत्तिय तह रोहिणी चेव ॥ १ ॥ जाव उत्तराओ आसाढाओ जं वा सणिचरे महग्गहे तीसाए संवच्छरेहिं सन्वं णक्खत्तमण्डलं समाणेइ सेत्तं सणिचरसंवच्छरे ॥ १५१ ॥ एगमेगस्स णं भन्ते ! संवच्छरस्स कइ मासा पण्णता ? गोयमा ! दुवालस मासा पण्णता, तेसि णं द्विहा णामधेजा प०, तं०-लोइया लोउत्तरिया य, तत्थ लोइया णामा इमे, तं - सावणे भद्दवए जाव आसाढे, लोउत्तरिया णामा इमे, तंजहा-अभिणंदिए पड़दे य, विजए पीइवद्धणे । सेयंसे य सिवे चेव, सिसिरे य सहेमवं ॥ १ ॥ णवमे वसंतमासे, दसमे कुसुमसंभवे । एकारसे निदाहे य, वणविरोहे य बारसे ॥ २ ॥ एगमेगस्स णं भन्ते ! मासस्स कइ पक्खा पण्णता ? गोयमा ! दो पक्खा पण्णता. तं - बहुलपक्खे य सुक्कपक्खे य । एगमेगस्स णं भन्ते ! पक्खस्स कइ दिवसा पण्णत्ता ? गोयमा ! पण्णरस दिवसा पण्णत्ता, तं ०-पिडवादिवसे विङ्यादिवसे जाव पण्णरसीदिवसे. एएसि णं भंते ! पण्णरसण्हं दिवसाणं कइ णामधेजा पण्णता ? गोयमा ! पण्णरस णामधेजा पण्णता, तं - पुर्वंगे सिद्धमणोरमे य तत्तो मणोरहे चेव । जसभद्दे य जसघरे छद्दे सव्वकामसमिद्धे ॥ १ ॥ इंद्मुद्धाभिसित्ते य सोमणस धणंजए य बोद्धव्वे । अत्यसिद्धे अभिजाए अचसणे सयंजए चेव ॥ २ ॥ अग्गिवेसे उनसमे दिवसाणं होंति णामाइं। एएसि णं मंते! पण्णरसण्हं दिवसाणं कइ तिही पण्णता ? गोयमा ! पण्णरस तिही पण्णता, तं०-णंद भद्दे जए तुच्छे पुण्णे पक्खस्स पंचमी, पुणरिव णंदे भेद्दे जए तुच्छे पुण्णे पक्खस्स दसमी, पुणरिव णंदे भद्दे जए तुच्छे पुण्णे पक्खस्स पण्णरसी, एवं ते तिगुणाओ तिहीओ सन्वेसिं दिवसा-णंति । एगमेगस्स णं भंते ! पक्खस्स कइ राईओ पण्णताओ ? गोयमा ! पण्णरस राईओ पण्णताओ, तं०-पडिवाराई जाव पण्णरसीराई, एयासि णं भंते ! पण्णरसण्हं राईणं कइ णामधेजा पण्णता ? गोयमा ! पण्णरस णामधेजा पण्णता. तंजहा-उत्तमा य सुणक्खता, एलावचा जसोहरा । सोमणसा चेव तहा. सिरिसंभया य बोद्धव्वा ॥ १ ॥ विजया य वेजयन्ति जयंति अपराजिया य इच्छा य । समाहारा चेव तहा तेया य तहा अईतेया ॥ २ ॥ देवाणंदा णिरई रयणीणं णामधिजाई। एयासि णं भंते ! पण्णरसण्हं राईणं कइ तिही प० ? गोयमा ! पण्णरस तिही प०. तं - उग्गवई भोगवई जसवई सव्वसिद्धा सहणामा, पुणरवि उग्गवई भोगवई जसवई मन्वसिद्धा सहणामा, पुणर्वि उग्गवई भोगवई जसवई सन्वसिद्धा सहणामा, एवं तिगुणा एए तिहीओ सब्वेसिं राईणं, एगमेगस्स णं भंते ! अहोरत्तस्स कइ महत्ता पण्णता ? गोयमा ! तीसं महत्ता प०, तं०-रहे सेए मित्ते वाउ सुबीए तहेव अभिचंदे। माहिंद बलव बंभे वहसचे चेव ईसाणे ॥ १ ॥ तद्वे य भावियणा वेसमणे वारुणे य आणंदे । विजए य वीससेणे पायावचे उवसमे य ॥ २ ॥ गंधव्व अग्गिवेसे सय-वसहे आयवे य अममे य । अणवं भोमे वसहे सव्वट्टे रक्खसे चेव ॥ ३॥ १५२॥ कड णं भन्ते ! करणा पण्णता ? गोयमा ! एकारस करणा पण्णता, तंजहा-बवं बालवं कोलवं थीविलोयणं गराइ वणिजं विद्री सउणी चउप्पयं णागं किथुग्वं, एएसि णं भन्ते ! एकारसण्हं करणाणं कड़ करणा चरा कड़ करणा थिरा पण्णत्ता ? गोयमा! सत्त करणा चरा चत्तारि करणा थिरा पण्णता. तंजहा-बवं बालवं कोलवं थीविलोयणं गराइ वणिजं विद्री, एए णं सत्त करणा चरा, चत्तारि करणा थिरा प०. तं०-सडणी चडप्पयं णागं किंथुग्वं, एए णं चत्तारि करणा थिरा पण्णता, एए णं भनते ! चरा थिरा वा कया भवन्ति ? गोयमा ! सुक्कपक्खस्स पडिवाए राओ बवे करणे भवइ, बिइयाए दिवा बालवे करणे भवइ, राओ कोलवे करणे भवड़, तडयाए दिवा थीविलोयणं करणं भवड़, राओ गराइकरणं भवड़, चउत्थीए दिवा वणिजं राओ विद्री पंचमीए दिवा बवं राओ बालवं छद्रीए दिवा कोलवं राओ थीविलोयणं सत्तमीए दिवा गराइ राओ वणिजं अद्रमीए दिवा विद्री राओ बवं णवमीए दिवा बालवं राओ कोलवं दसमीए दिवा थीविलोयणं राओ गराइ एकारसीए दिवा वणिजं राओ विद्री बारसीए दिवा बवं राओ बालवं तेरसीए दिवा कोलवं राओ थीविलोयणं चउहसीए दिवा गराइकरणं राओ वणिजं पुण्णिमाए दिवा विद्वीकरणं राओ ववं करणं भवइ, बहुलपन्खस्स पिडवाए दिवा बालवं राओ कोलवं बिइयाए दिवा थीविलोयणं राओ गराइ तइयाए दिवा वणिजं राओ विद्वी चउत्थीए दिवा बवं राओ बालवं पंचमीए दिवा कोलवं राओ थीविलोयणं छद्वीए दिवा गराइ राओ वणिजं सत्तमीए दिवा विद्री राओ बवं अद्रमीए दिवा बालवं राओ कोलवं णवमीए दिवा शीविलोयणं राओ गराइ दसमीए दिवा वणिजं राओ विट्ठी एकारसीए दिवा बवं राओ बालवं बारसीए दिवा कोलवं राओ थीविलोयणं तेरसीए दिवा गराइ राओ वणिजं चउहसीए दिवा विद्री राओ सउणी अमावासाए दिवा चउप्पयं राओ णागं सुक्कपक्खस्स पाडिवए दिवा किंथुग्धं करणं भवइ ॥ १५३ ॥ किमाइया णं भन्ते ! संवच्छरा किमाइया अयणा किमाइया उऊ किमाइया मासा किमाइया पक्खा किमाइया अहोरत्ता किमाइया महत्ता किमाइया करणा किमाइया णक्खता पण्णता ? गोयमा ! चंदाइया संवच्छरा दिक्खणाइया अयणा पाउसाइया उऊ सावणाइया मासा बहलाइया पक्खा दिवसाइया अहोरत्ता रोहाइया महत्ता बालवाइया करणा अभिजि-याइया णक्खता पण्णता समणाउसो ! इति । पंचसंवच्छरिए णं भनते ! जुगे केवइया अयणा केवइया उऊ एवं मासा पक्खा अहोरत्ता केवइया मुहुत्ता पण्णता ? गोयमा ! पंचसंवच्छरिए णं जुगे दस अयणा तीसं उऊ सद्वी मासा एगे वीस्तरे पक्खसए अद्वारसतीसा अहोरत्तसया चउप्पणं महत्तसहस्सा णव सया पण्णत्ता॥१५४॥ गाहा-जोगा १ देवय २ तारग्ग ३ गोत्त ४ संठाण ५ चंदरविजोगा ६ । कुल ७ पुण्णिम अमवस्सा य ८ सण्णिवाए ९ य णेया य १०॥ १॥ कइ णं भन्ते ! णक्खत्ता प० ? गोयमा ! अद्वावीसं णक्खत्ता प०, तं०-अभिई १ सवणो २ घणिद्रा ३ सयभिसया ४ पुन्वभद्दवया ५ उत्तरभद्दवया ६ रेवई ७ अस्सिणी ८ भरणी ९ कत्तिया १० रोहिणी ११ मियसिर १२ अद्दा १३ पुणव्वसू १४ पूसो १५ अस्सेसा १६ मघा १७ पुरुवफागुणी १८ उत्तरफागुणी १९ हत्थो २० चित्ता २१ साई २२ विसाहा २३ अणुराहा २४ जेट्टा २५ मूळं २६ पुव्वासाढा २७ उत्तरासाढा २८ इति ॥ १५५ ॥ एएसि णं भन्ते ! अद्वावीसाए णक्खत्ताणं कयरे णक्खता जे णं सया चन्दस्स दाहिणेणं जोयं जोएंति, कयरे णक्खता जे णं सया चंदस्स उत्तरेणं जोयं जोएंति, कयरे णक्खत्ता जे णं चंदस्स दाहिणेणवि उत्तरेणवि पमहंपि जोगं जोएंति. कयरे णक्खता जे णं चंदस्स दाहिणेणंपि पमहंपि जोयं जोएंति, कयरे णक्खता जे णं सया चन्दस्स पमद्दं जोयं जोएंति ? गोयमा ! एएसि णं अद्वावीसाए णक्खताणं तत्थ णं जे ते णक्खता जे णं सया चंदरस दाहि-णेणं जोयं जोएंति ते णं छ, तंजहा-संठाण १ अह २ प्रस्सो ३ ऽसिलेस ४ हत्थो ५ तहेव मूलो य ६ । बाहिरओ बाहिरमंडलस्स छप्पेत णक्खता ॥ १ ॥ तत्थ णं जे ते णक्खता जे णं सया चन्दस्स उत्तरेणं जोगं जोएंति ते णं बारस. तं०-अभिई सवणो धणिहा सयभिसया पुरुवभइवया उत्तरभइवया रेवई अस्सिणी भरणी पुरुवा-फरगुणी उत्तराफरगुणी साई. तत्थ णं जे ते णक्खत्ता जे णं सया चन्दस्स दाहिण-

ओवि उत्तरओवि पमदंपि जोगं जोएंति ते णं सत्त, तंजहा-कत्तिया रोहिणी प्रणव्वस मधा चित्ता विसाहा अणुराहा, तत्थ णं जे ते णक्खता जे णं सया चन्दस्स दाहिणओवि पमदंपि जोगं जोएंति ताओ णं दुवे आसाढाओ सन्वबाहिरए मंडले जोगं जोइंसु वा ३, तत्थ णं जे से णक्खते जे णं सया चन्दरस पमदृं० जोएड सा णं एगा जेट्रा इति ॥ १५६ ॥ एएसि णं भन्ते ! अट्ठावीसाए णक्खत्ताणं अभिई णक्खते किंदेवयाए पण्णते ? गोयमा! बम्हदेवयाए पण्णते, सवणे णक्खते विण्ह-देवयाए पण्णत्ते, धणिद्वा० वसुदेवयाए पण्णते, एएणं कमेणं णेयन्वा अणुपरिवाडी इमाओ देवयाओ-बम्हा विण्ह वस वरुणे अए अभिवड्डी पूसे आसे जमे अग्गी प्या-वई सोमे रहे अदिई वहस्सई सप्पे पिऊ भगे अज्जम सविया तद्रा वाऊ इंदग्गी मित्तो इंदे णिरई आऊ विस्सा य, एवं णक्खताणं एसा परिवाडी णेयव्वा जाव उत्तरासाढा किंदेवया पण्णता ? गोयमा ! विस्सदेवया पण्णता ॥ १५७ ॥ एएसि णं भन्ते ! अद्भावीसाए णक्खताणं अभिईणक्खते कहतारे पण्णते ? गोयमा ! तितारे प०, एवं णेयव्वा जस्स जइयाओ ताराओ, इमं च तं तारगं-तिगतिगपंच-गसयद्ग दुगबत्तीसगतिगं तह तिगं च । छप्पंचगतिगएक्कगपंचगतिग छक्कगं चेव ॥ १ ॥ सत्तगदुगदुग पंचग एक्केक्सग पंच चउतिगं चेव । एक्कारसग चउक्कं चउक्कगं चेव तारग्गं ॥ २ ॥ ति ॥ १५८ ॥ एएसि णं भन्ते ! अद्वावीसाए णक्खत्ताणं अभिई णक्खते किंगोत्ते प० ? गोयमा ! मोग्गलायणसगोत्ते०, गाहा-मोग्गलायण १ संखायणे २ य तह अगगभाव ३ कण्णिहे ४। तत्तो य जाउकण्णे ५ धणंजए ६ चेव बोद्धव्वे ॥ १ ॥ पुरुसायणे ७ य अरुसायणे य ८ भग्गवेसे ९ य अग्गिवेसे १० य। गोयम ११ भारहाए १२ लोहिचे १३ चेव वासिट्ठे १४॥ २॥ ओम-जायण १५ मंडव्वायणे १६ य पिंगायणे १७ य गोवल्ले १८। कासव १९ कोसिय २० दब्भा २१ य चामरच्छाय २२ सुंगा य २३ ॥ ३ ॥ गोवल्लायण २४ तेगि-च्छायणे २५ य कचायणे २६ हवइ मूले । तत्तो य विज्ञयायण २७ वग्घावचे य गोत्ताइं २८ ॥ ४ ॥ एएसि णं भन्ते ! अट्ठावीसाए णक्खताणं अभिईणक्खते किसंठिए पण्णत्ते ? गोयमा ! गोसीसावलिसंठिए प०, गाहा-गोसीसावलि १ काहार २ संजणि ३ पुप्फोवयार ४ वावी य ५-६। णावा ७ आसक्खंघग ८ भग ९ छुरघरए १० य सगडुद्धी ११॥१॥ मिगसीसावित १२ रुहिरबिंदु १३ तुह्र १४ वद्रमाणग १५ पडागा १६। पागारे १७ पलियंके १८-१९ हत्थे २० मुहफुलए २१ चेव ॥ २ ॥ खीलग २२ दामणि २३ एगावली २४ य गयदंत २५ विच्छुअयले य २६ । गयविक्रमे २७ य तत्तो सीहणिसीही य २८ संठाणा ॥ ३ ॥ १५९ ॥

एएसि णं भनते ! अद्वावीसाए णक्खताणं अभिईणक्खते कहमुहुते चनदेण सर्द्धि जोगं जोएइ ? गोयमा ! णव महत्ते सत्तावीसं च सत्तिद्वभाए महत्तस्स चन्देण सिद्धं जोगं जोएइ, एवं इमाहिं गाहाहिं अणुगन्तव्वं-अभिइस्स चन्दजोगो सत्तिद्वंबिओ अहोरत्तो । ते हुंति णव महत्ता सत्तावीसं कलाओ य ॥ १ ॥ सयभिसया भरणीओ अहा अस्सेस साइ जेट्टा य । एए छण्णक्खता पण्णरसमुहुत्तसंजोगा ॥ २ ॥ तिण्णेव उत्तराई पुणव्वस् रोहिणी विसाहा य । एए छण्णक्खत्ता पणयालसुहृत्तसंजोगा 11 ३ ॥ अवसेसा णक्खत्ता पण्णरसिव हुंति तीसइसुहृत्ता । चन्दंमि एस जोगो णक्खत्ताणं मुणेयन्वो ॥ ४ ॥ एएसि णं भन्ते ! अट्ठावीसाए णक्खत्ताणं अभिईण-क्खते ऋ अहोरते सूरेण सिंद्धं जोगं जोएइ ? गोयमा ! चतारि अहोरते छच मुहत्ते स्रेण सिद्धं जोगं जोएइ, एवं इमाहिं गाहाहिं गेयव्वं-अभिई छच मुहत्ते चत्तारि य केवले अहोरते । सरेण समं गच्छइ एत्तो सेसाण वोच्छामि ॥ १ ॥ सय-भिसया भरणीओ अहा अस्सेस साइ जेट्टा य । वचंति मुहुत्ते इक्कवीस छच्चेवऽहोरत्ते ॥ २ ॥ तिण्णेव उत्तराई पुणव्वसू रोहिणी विसाहा य । वश्वंति सुहृत्ते तिण्णि चेव वीसं अहोरत्ते ॥ ३ ॥ अवसेसा णक्खत्ता पण्णरसवि सूरसहगया जंति । बारस चेव मुहुत्ते तेरस य समे अहोरत्ते ॥ ४॥ १६०॥ कड् णं भन्ते ! कुला कइ उवकुला कइ कुलोवकुला पण्णत्ता ? गोयमा ! बारस कुला बारस उवकुला चतारि कुलोवकुला पण्णता, बारस कुला. तंजहा—धणिद्राकुलं १ उत्तरभहः वयाकुलं २ अस्सिणीकुलं ३ कत्तियाकुलं ४ मिगसिरकुलं ५ पुस्सो कुलं ६ मघा-कुळं ७ उत्तरफ्रगुणीकुळं ८ चिताकुळं ९ विसाहाकुळं १० मूळो कुळं ११ उत्तरा-साढाकुळं १२ । मासाणं परिणामा होंति कुला उनकुला उ हेड्डिमगा । होंति पुण कुळोवकुळा अमीइसय अद् अणुराहा ॥ १ ॥ बारस उवकुळा, तं०-सवणो उव-कुलं १ पुव्वभद्दवया उवकुलं २ रेवई उवकुलं ३ भरणी उवकुलं ४ रोहिणी उवकुलं ५ पुणव्वस् उवकुलं ६ अस्सेसा उवकुलं ७ पुव्वफरगुणी उवकुलं ८ हत्थो उवकुलं ९ साई उवकुलं १० जेट्टा उवकुलं ११ पुन्वासाढा उवकुलं १२ । चत्तारि कुलोव-कुला, तंजहा-अभिई कुलोवकुला १ सयभिसया कुलोवकुला २ अहा कुलोवकुला ३ अणुराहा कुलोवकुला ४। वह णं भनते ! पुण्णिमाओ कह अमावासाओ पण्ण-त्ताओ ? गोयमा ! बारस पुण्णिमाओ बारस अमावासाओ प०, तं०-साविद्री पोडवई आसोई कत्तिगी मग्गसिरी पोसी माही फरगुणी चेत्ती वहसाही जेद्रामुली आसाढी, साविद्विण्णं भन्ते ! पुण्णिमासिं कइ णक्खता जोगं जोएंति ? गोयमा ! तिण्णि णक्खता जोगं जोएंति, तं०-अभिई सवणो धणिद्वा । पोडवइण्णं भंते !

पुण्णिमं कइ णक्खत्ता जोगं जोएंति ? गोयमा ! तिण्णि णक्खत्ता० जोएंति, तं०-संयभिसया पुन्वभद्दया उत्तरभद्दया, अस्सोइण्णं भंते ! पुण्णिमं कइ णक्खता जोगं जोएंति ? गोयमा ! दो ... जोएंति, तं ० - रेवई अस्सिणी य, कत्तिइण्णं दो-भरणी कत्तिया य, मग्गसिरिण्णं दो-रोहिणी मग्गसिरं च, पोसिं णं तिण्णि-अहा पुणव्वस् पुरसो, माविण्णं दो-अस्सेसा मघा य, फागुणिं णं दो-पुन्वाफागुणी य उत्तरा-फागुणी य, चेत्तिण्णं दो-हत्थो चित्ता य, विसाहिण्णं दो-साई विसाहा य, जेट्टा-मलिण्णं तिण्णि-अणुराहा जेट्ठा मूलो, आसाढिण्णं दो-पुव्वासाढा उत्तरासाढा । साविद्विणं भनते! पुण्णिमं किं कुलं जोएइ उवकुलं जोएइ कुलोवकुलं जोएइ? गोयमा ! कुलं वा जोएइ उवकुलं वा जोएइ कुलोवकुलं वा जोएइ, कुलं जोएमाणे धणिद्रा णक्खते जोएइ उवकुलं जोएमाणे सवणे णक्खते जोएइ कुलोवकुलं जोए-माणे अभिई णक्खते जोएइ, साविद्विण्णं पुण्णिमासिं कुलं वा जोएइ जाव कुलो-बकुलं वा जोएइ, कुलेण वा जुत्ता उवकुलेण वा जुत्ता कुलोबकुलेण वा जुत्ता साविद्री पुण्णिमा जुत्तत्ति वत्तव्वं सिया, पोट्टवङ्ण्णं भते ! पुण्णिमं किं कुलं जोएइ ३ पुच्छा, गोयमा ! कुलं वा॰ उवकुलं वा॰ कुलोवकुलं वा जोएइ, कुलं जोएमाणे उत्तरभद्दवया णक्खते जोएइ उ० पुरुवभद्दवया० कुलोव० सयभिसया णक्खते जोएइ, पोट्टवइण्णं पुण्णिमं कुलं वा जोएइ जाव कुलोवकुलं वा जोएइ कुलेण वा जुता जाव कुलोवकुलेण वा जुता पोडवई पुण्णमासी जुत्तति वत्तव्वं सिया, अस्सोइण्णं भन्ते ! पुच्छा, गो० ! कुलं वा जोएइ उवकुलं वा जोएइ णो लब्भइ कलोवकलं, कुलं जोएमाणे अस्सिणीणक्खत्ते जोएइ उवकुल जोएमाणे रेवइणक्खत्ते जोएइ, अस्सोइण्णं पुण्णिमं कुलं वा जोएइ उवकुलं वा जोएइ कुलेण वा जुत्ता उवकुलेण वा जुत्ता अस्सोई पुण्णिमा जुत्तत्ति वत्तव्वं सिया, कतिइण्णं भंते ! पुण्णिमं किं कुलं ''पुच्छा, गोयमा! कुलं वा जोएइ उवकुलं वा जोएइ णो कुलोवकुलं जोएइ, कुलं जोएमाणे कत्तियाणक्खत्ते जोएइ उव० भरणी०, कत्तिइण्णं जाव वत्तव्वं , मरगसिरिण्णं भंते ! पुण्णिमं किं कुलं तं चेव दो जोएइ णो भवइ कुलोवकुलं, कुलं जोएमाणे मग्गसिरणक्खते जोएइ उ० रोहिणी०, मग्गसिरिण्णं पुण्णिमं जाव वत्तव्वं सिया इति । एवं सेसियाओऽवि जाव आसाढिं, पोसिं जेट्ठा-मूर्लि च कुलं वा उ॰ कुलोवकुलं वा, सेसियाणं कुलं वा उवकुलं वा कुलोवकुलं ण भण्णइ । साविद्विण्णं भंते ! अमावासं कइ णक्खता जोएंति ? गोयमा ! दो णक्खता जोएंति, तं०-अस्सेसा य महा य, पोट्टवङ्ण्णं भंते ! अमावासं कइ णक्खता जोएंति ? गोयमा ! दो ... पुरुवाफरगुणी उत्तराफरगुणी य, अस्सोइण्णं भंते !... दो-हत्थे चित्ता य, कत्तिइण्णं दो-साई विसाहा य, मग्गसिरिण्णं तिण्णि-अणुराहा जेट्ठा मूलो य, पोसिण्णं दो-पुन्वासाढा उत्तरासाढा, माहिण्णं तिण्णि-अभिईः सवणो विणद्धा, फरगुणि णं तिण्णि-सयभिसया पुव्यभद्दवया उत्तरभद्दवया, चेत्तिण्णं दो-रेवई अस्सिणी य, वहसाहिण्णं दो-भरणी कत्तिया य, जेट्टामूलिण्णं दो-रोहिणी मग्गसिरं च, आसाहिण्णं तिण्णि-अहा पुणव्वस् पुस्सो इति । साविद्विण्णं भंते ! अमावासं किं कुलं जोएइ उवकुलं जोएइ कुलोवकुलं जोएइ ? गोयमा ! कुलं वा जोएइ उवकुलं वा जोएइ णो लब्भइ कुलोवकुलं, कुलं जोएमाणे महाणक्खत्ते जोएइ उवकुलं जोएमाणे अस्सेसाणक्खत्ते जोएइ, साविद्विण्णं अमावासं कुलं वा जोएइ उवकुलं वा जोएइ, कुलेण वा जुत्ता उवकुलेण वा जुत्ता साविद्वी अमावासा जुत्तत्ति वत्तव्वं सिया, पोद्रवङ्ण्णं भंते ! अमावासं तं चेव दो जोएइ कुलं वा जोएइ उवकुलं॰, कुलं जोएमाणे उत्तराफरगुणी णक्खत्ते जोएइ उव० पुव्वाफरगुणी०, पोट्ठवइण्णं अमा-वासं जाव वत्तव्वं सिया, मग्गसिरिण्णं तं चेव कुलं मूले णक्खते जोएइ उ० जेट्टा० कुलोवकुलं अणुराहा जाव जुत्तत्ति वत्तव्वं सिया, एवं माहीए फरगुणीए आसाढीए कुलं वा उवकुलं वा कुलोवकुलं वा, अवसेसियाणं कुलं वा उवकुलं वा जोएइ।। जया णं भन्ते ! साविद्वी पुण्णिमा भवइ तया णं माही अमावासा भवइ जया णं माही पुण्णिमा भवइ तया णं साविद्री अमावासा भवइ ? हंता गोयमा ! जया णं साविद्वी तं चेव वत्तव्वं. जया णं भन्ते ! पोट्टवई पुण्णिमा भवइ तया णं फरगुणी अमावासा भवइ जया णं फरगुणी पुण्णिमा भवइ तया णं पोट्टवई अमा-वासा भवइ ? हंता गोयमा ! तं चेव, एवं एएणं अभिलावेणं इमाओ पुण्णिमाओ अमावासाओ णेयव्वाओ-अस्सिणी पुण्णिमा चेत्ती अमावासा कत्तिगी पुण्णिमा वइ-साही अमावासा मग्गसिरी पुण्णिमा जेट्टामूळी अमावासा पोसी पुण्णिमा आसाढी अमावासा ॥ १६१ ॥ वासाणं भंते ! पढमं मासं कड णक्खता णेंति ? गोयमा ! चत्तारि णक्खता णेंति, तं०-उत्तरासाढा अभिई सवणो धणिहा, उत्तरासाढा चउद्दस अहोरत्ते णेइ, अभिई सत्त अहोरत्ते णेइ, सवणो अट्टऽहोरत्ते णेइ, धणिट्टा एगं अहोरत्तं णेइ, तंसि च णं मासंसि चडरंगुलपोरिसीए छायाए सूरिए अणुपरियहइ, तस्स णं मासस्स चरिमदिवसे दो पया चत्तारि य अंगुला पोरिसी भवइ। वासाणं भनते ! दोचं मासं कइ णक्खत्ता णेति ? गोयमा ! चत्तारि ०, तं ० - धणिट्ठा सयभिसया पुव्वाभद्दवयाः उत्तराभद्दवया, धणिद्वा णं चउद्दस अहोरत्ते णेइ, सयभिसया सत्त अहोरत्ते णेइ, पुव्वा-भद्वया अंद्र अहोरत्ते णेइ, उत्तराभद्दवया एगं०, तंसि च णं मासंसि अट्टंगुलपोरिसीए छायाए सूरिए अणुपरियदृइ, तस्स णं मासस्स चरिमे दिवसे दो पया अद्र य अंगुला

पोरिसी भवइ । वासाणं भनते ! तइयं मासं कइ णक्खत्ता णेंति ? गोयमा ! तिण्णि णक्खता णेति, तं०-उत्तरभद्दवया रेवई अस्सिणी, उत्तरभद्दवया चउद्दस राइंदिए णेइ, रेवई पण्णरस० अस्सिणी एगं०, तंसि च णं मासंसि दुवालसंगुलपोरिसीए छायाए सरिए अणुपरियदृइ, तस्स णं मासस्स चरिमे दिवसे लेहद्वाइं तिण्णि पयाइं पोरिसी भवड़ । वासाणं भन्ते ! चडत्थं मासं कइ णक्खत्ता णेति ? गोयमा ! तिण्णि०, तं०-अस्सिणी भरणी कत्तिया, अस्सिणी चउद्दस० भरणी पण्णरस० कत्तिया एगं०. तंसि च णं मासंसि सोलसंगुलपोरिसीए छायाए सृरिए अणुपरियदृइ, तस्स णं मासस्स चरिमे दिवसे तिण्णि पयाइं चतारि अंगुलाइं पोरिसी भवइ । हेमन्ताणं भनते ! पढमं मासं कड णक्खता णेंति ? गोयमा ! तिण्णि ० . तं ० – कत्तिया रोहिणी मिगसिरं . कत्तिया चउद्दस ० रोहिणी पण्णरस० मिगसिरं एगं अहोरत्तं णेइ, तंसि च णं मासंसि वीसंगुलपोरिसीए छायाए सरिए अणुपरियदृइ, तस्स णं मासस्स जे से चरिमे दिवसे तंसि च णं दिवसंसि तिण्णि पयाई अट्ट य अंगुलाई पोरिसी भवइ, हेमंताणं भनते ! दोचं मासं कड णक्खत्ता णेंति ? गोयमा ! चत्तारि णक्खत्ता णेंति, तंजहा-मिगसिरं अहा पणव्वस पुस्सो, मिगसिरं चउद्दस राइंदियाइं णेइ, अहा अट्ट॰ णेइ, पुणव्वस सत्त राइंदियाइं०. पुस्सो एगं राइंदियं णेइ, तया णं चउव्वीसंगुलपोरिसीए छायाए सूरिए अणुपरियहूड, तस्स णं मासस्स जे से चरिमे दिवसे तंसि च णं दिवसंसि लेहह्राई

चत्तारि पयाइं पोरिसी भवइ, हेमन्ताणं भंते ! तच्चं मासं कइ णक्खता णेंति ? गोयमा! तिण्णि॰, तं०-पुस्सो असिलेसा महा, पुस्सो चोइस राइंदियाइं णेइ, असिलेसा पण्णरस० महा एकं०, तथा णं वीसंगुलपोरिसीए छायाए सूरिए अणुपरियदृइ. तस्स णं मासरस जे से चरिमे दिवसे तंसि च णं दिवसंसि तिण्णि पयाई अट्टंगुलाई पोरिसी भवड़ । हेमंताणं भनते ! चउत्थं मासं कड़ णक्खता णेंति ? गोयमा ! तिण्णि ण०, तं - महा पुव्वाफरगुणी उत्तराफरगुणी, महा चउदस राइंदियाई णेइ, पुव्वाफरगुणी पण्णरस राइंदियाइं णेइ, उत्तराफरगुणी एगं राइंदियं णेइ, तया णं सोलसंगुलपोरिसीए छायाए सूरिए अणुपरियदृइ, तस्स णं मासस्स जे से चरिमे दिवसे तंसि च णं दिवसंसि तिण्णि पयाइं चत्तारि अंगुलाइं पोरिसी भवइ । गिम्हाणं भन्ते ! पढमं मासं कइ णक्खत्ता णेंति ? गोयमा ! तिण्णि णक्खत्ता णेंति, तं०-उत्तराफरगुणी हत्थो चित्ता. उत्तराफरगुणी चउद्दस राइंदियाइं णेइ, हत्थो पण्णरस राइंदियाइं णेइ, चित्ता एगं राइंदियं णेइ. तया णं द्वालसंगुलपोरिसीए छायाए सूरिए अणुपरियहृइ, तस्स णं मासस्स जे से चरिमे दिवसे तंसि च णं दिवसंसि लेहद्वाइं तिण्णि पयाईं पोरिसी भवइ, गिम्हाणं भनते ! दोचं मासं कइ णक्खता णेंति ? गोयमा ! तिण्णि णक्खता णेंति, तं०-चित्ता साई विसाहा, चित्ता चउद्दस राइंदियाइं णेइ, साई पण्णरस राइंदि-याइं णेइ. विसाहा एगं राइंदियं णेइ. तया णं अट्टंग्रलपोरिसीए छायाए सूरिए अणु-परियदृह, तस्स णं मासस्स जे से चरिमे दिवसे तंसि च णं दिवसंसि दो पयाइं अट्रंगुलाइं पोरिसी भवड । गिम्हाणं भन्ते ! तचं मासं कइ णक्खत्ता णेंति ? गोयमा! चतारि णक्खता णेंति. तंजहा-विसाहाऽणराहा जेद्रा मूलो, विसाहा चउदस राइंदियाई णेइ. अणराहा अद्र राइंदियाई णेइ. जेट्रा सत्त राइंदियाई णेइ, मूलो एकं राइंदियं॰, तया णं चउरंगुलपोरिसीए छायाए सूरिए अणुपरियदृह्, तस्स णं मासस्स जे से चरिमे दिवसे तंसि च णं दिवसंसि दो पयाई चत्तारि य अंगुलाई पोरिसी भवड़ । गिम्हाणं भनते ! चउत्थं मासं कड णक्खत्ता णेति ? गीयमा ! तिण्णि णक्खत्ता णेति. तं ०-मलो प्रव्वासाढा उत्तरासाढा. मुलो चउद्दस राइंदियाई णेइ. प्रव्वा-साढा पण्णरस राइंदियाइं णेइ. उत्तरासाढा एगं राइंदियं णेइ. तया णं वद्वाए समचउरं-ससंठाणसंठियाए णग्गोहपरिमण्डलाए सकायमण्रंगियाए छायाए सरिए अण्परियहह. तस्स णं मासस्स जे से चरिमे दिवसे तंसि च णं दिवसंसि छेहद्राई दो पयाई पोरिसी भवइ। एएसि णं पुञ्चविणयाणं प्याणं इमा संगहणी, तं०—जोगो देवयतारग्ग-गोत्तसंठाण चन्दरविजोगो। कुलपुण्णिमअमवस्सा णेया छाया य बोद्धव्वा ॥१॥१६२॥ गाहा—हिट्ठिं ससिपरिवारो मन्दरऽबाहा तहेव लोगंते । धरणितलाओं अबाहा अंतो बाहिं च उड्डमहे ॥ १ ॥ संठाणं च पमाणं वहंति सीहगई इड्डिमन्ता य । तारंतरऽग्गमहिसी तुडिय पह ठिई य अप्पबह ॥ २ ॥ अत्थि णं भन्ते ! चंदिमस्रियाणं हिट्टिंपि तारारूवा अणुंपि तुल्लावि समेवि तारारूवा अणुंपि तुल्लावि उपिंपि तारारूवा अणंपि तुहावि ? हंता गोयमा! तं चेव उचारेयव्वं, से केणहेणं भन्ते ! एवं वुचइ-अत्थि णं॰ जहा जहा णं तेसि देवाणं तवणिय-मबंभचेराइं ऊसियाइं भवन्ति तहा तहा णं तेसि णं देवाणं एवं पण्णायए. तंजहा-अणुत्ते वा तुल्लते वा, जहा जहा णं तेसिं देवाणं तवणियमबंभचेराइं णो ऊसियाई भवंति तहा तहा णं तेसिं देवाणं एवं णो पण्णायए, तं०-अणुत्ते वा तुल्लत्ते वा ॥ १६३ ॥ एगमेगस्स णं भन्ते ! चन्दस्स केवइया महग्गहा परिवारो केवइया णक्खत्ता परिवारो केवइयाओ तारागणकोडाकोडीओ पण्णत्ताओ ? गोयमा ! अद्वासीड-महग्गहा परिवारो अट्टावीसं णक्खता परिवारो छावद्रिसहस्साई णव सया पण्णतरा तारागणकोडाकोडीओ पण्णताओ ॥ १६४॥ मन्दरस्स णं भनते ! पव्वयस्स केवइ-याए अबाहाए जोइसं चारं चरइ ? गोयमा ! इक्कारसिंहं इक्कवीसेहिं जोयणसएहिं अबाहाए जोइसं चारं चरइ, लोगंताओ णं भनते ! केवइयाए अबाहाए जोइसे पण्णते १ गोयमा ! एकारस एकारसेहिं जोयणसएहिं अबाहाए जोडसे पण्णते । धरणितलाओ णं भनते !० सत्तिहिं णडएहिं जोयणसएहिं जोइसे चारं चरइति, एवं सर्विमाणे अट्टिहं सएहिं, चंदिवमाणे अट्टिहं असीएहिं, उविरेक्षे ताराख्वे णविहं जोयणसएहिं चारं चरइ। जोइसस्स णं भन्ते! हेट्रिह्नाओ तलाओ केवइयाए अबाहाए सूरविमाणे चारं चरइ ? गोयमा ! द्सिहंं जोयणेहिं अबाहाए चारं चरइ, एवं चन्दिवमाणे णउईए जोयणेहिं चारं चरइ, उविरिक्षे तारारूवे दसुत्तरे जोयणसए चारं चरइ, सूरविमाणाओ चन्दविमाणे असीईए जोयणेहिं चारं चरइ, सूरविमा-णाओ जोयणसए उनरिक्षे तारारूवे चारं चरइ, चन्दविमाणाओ वीसाए जोयणेहिं उवरिक्ले णं तारारूवे चारं चरइ ॥ १६५ ॥ जम्बुद्दीवे णं भंते ! दीवे अड्ठावीसाए णक्खताणं कयरे णक्खते सव्वब्भंतरिष्ठं चारं चरइ ? कयरे णक्खते सव्वबाहिरं चारं चरइ ? कयरे० सव्वहिडिल्लं चारं चरइ ? कयरे० सव्वउवरिल्लं चारं चरइ ?, गोयमा! अभिई णक्खते सव्वब्भंतरं चारं चरइ, मूलो सव्वबाहिरं चारं चरइ, भरणी सञ्विहिद्धिल्यं॰ साई सञ्ज्विरिल्लं चारं चरइ। चन्दिवमाणे णं भंते! किसंठिए पण्णते? गोयमा! अद्भक्तविद्रसंठाणसंठिए सञ्वक्तालियामए अञ्भग्गयमसिए एवं सञ्वाई णेयव्वाइं, चन्दिवमाणे णं भन्ते ! केवइयं आयामविक्खंभेणं केवइयं बाहक्षेणं ? गो॰!-छप्पण्णं खलु भाए विच्छिण्णं चन्दमंडलं होइ । अद्रावीसं भाए बाहक्षं तस्स बोद्धव्वं ॥ १ ॥ अडयालीसं भाए विच्छिण्णं सूरमण्डलं होइ । चउवीसं खल भाए बाहरूं तस्स बोद्धव्वं ॥ २ ॥ दो कोसे य गहाणं णक्खत्ताणं तु हवह तस्सद्धं । तस्सद्धं ताराणं तस्सद्धं चेव बाहृष्ठं ॥ ३ ॥ १६६ ॥ चन्दविमाणं णं भनते ! कइ देवसाहरूसीओ परिवहंति ? गोयमा ! सोलस देवसाहरूसीओ परिवहंति । चन्दविमाणस्स णं पुरित्थमेणं सेयाणं सुभगाणं सुप्पभाणं संखतलविमलणिम्मल-दहिघणगोखीरफेणरययणिगरप्पगासाणं थिरलद्वपउद्ववद्वपीवरसुसिलिद्वविसिद्वतिक्ख-दाढाविडंबियमुहाणं रत्तुप्पलपत्तमउयसूमालतालुजीहाणं महुगुलियपिंगलक्खाणं पीवरवरोरुपडिपुण्णविजलखंधाणं मिजविसयसुहुमलक्खणपसत्थवरवण्णकेसरसडोव-सोहियाणं ऊसियसुणमियसुजायअप्पोडियलंगुलाणं वहरामयणक्खाणं वहरामय-दाढाणं वहरामयदन्ताणं तवणिजजीहाणं तवणिज्जतालुयाणं तवणिजजोत्तगसु-जोइयाणं कामगमाणं पीइगमाणं मणोगमाणं मणोरमाणं अमियगईणं अमिय-बलवीरियपुरिसक्कारपरक्कमाणं महया अप्फोडियसीहणायबोलकलकलरवेणं महरेणं मणहरेणं पूरेंता अंबरं दिसाओ य सोभयंता चतारि देवसाहस्सीओ सीहरूव-धारीणं पुरित्थिमिल्लं बाहं परिवहंति । चंदविमाणस्स णं दाहिणेणं सेयाणं सुभगाणं

सुप्पभाणं संखतलविमलणिम्मलद्हिघणगोखीरफेणर्ययणिगरप्पगासाणं वइराम-यकंभज्ञयलस्ट्रियपीवरवरवहरसोंडवट्टियदित्तसुरत्तपउमप्पगासाणं अब्भुण्णयसुहाणं तवणिज्ञविसालकण्णचंचलचलंतविमलुज्जलाणं महुवण्णभिसंतणिद्धपत्तलिनम्मलितव-ण्णमणिर्यणलोयणाणं अब्भुग्गयमज्लमिल्रयाधवलसरिससंठियणिव्वणद्दकसिणफा-लियामयस्जायदन्तम् सलोवसो भियाणं कंचणकोसीपविद्वदन्तग्गविमलमणिरयणरुइल-पेरंतचित्तरूवगविराइयाणं तवणिज्ञविसालतिलगप्पमृहपरिमण्डियाणं नाणामणिरयण-मुद्धगेविज्ञबद्धगलयवरभूसणाणं वेरुलियविचित्तदण्डणिम्मलवइरामयतिक्खलद्धअंकुस-कुंभज्ञयलयंतरोडियाणं तवणिजसुबद्धकच्छदप्पियबलुद्धराणं विमलघणमण्डलवइराम-यलालाललियतालणाणं णाणामणिरयणघण्टपासगर्ययामयबद्धलज्जुलंबियघंटाज्य-लमहरसरमणहराणं अल्लीणपमाणजुत्तवद्वियसुजायलक्खणपसत्थरमणिज्जवालगत्तपरि-पुंछणाणं उवचियपिडपुण्णकुम्मचलणलह् विक्समाणं अंकसयणक्खाणं तवणिज्जजीहाणं तवणिज्ञताळुयाणं तवणिज्ञजोत्तगसुजोइयाणं कामगमाणं पीइगमाणं मणोगमाणं मणोरमाणं अमियगईणं अमियबलवीरियपुरिसकारपरक्रमाणं महया गंभीरगुळुगुलाइय-रवेणं महरेणं मणहरेणं पूरेंता अंबरं दिसाओ य सोभयंता चत्तारि देवसाहस्सीओ गयरूवधारीणं देवाणं दिक्खणिल्लं बाहं परिवहंति । चन्दिवमाणस्स णं पचित्थिमेणं सेयाणं सुभगाणं सुप्पभाणं चलचवलककुहसालीणं घणणिचियसुबद्धलक्खणण्णयई-सियाणयवसभोद्वाणं चंक्रमियलिवयपुलियचलचवलगव्वियगईणं सण्णयपासाणं संगय-पासाणं सुजायपासाणं पीवरवृहियसुसंठियकडीणं ओलंबपलंबलक्खणपमाणजुत्तर-मणिजवालगण्डाणं समखुरवालिधाणाणं समलिहियसिंगतिक्खग्गसंगयाणं तणुसुहम-सुजायणिद्धलोमच्छविधराणं उवचियमंसलविसालपिडपुण्णखंघपएससंदराणं वेहलिय-भिसंतकडक्खसुणिरिक्खणाणं जुत्तपमाणपहाणलक्खणपसत्थरमणिज्जगगगरगल्लसोभि-याणं घरघरगसुसदृबद्धकंठपरिमण्डियाणं णाणामणिकणगरयणघण्टियावेगच्छिगसुकय-मालियाणं वरघण्टागलयमालुज्जलसिरिधराणं पडमुप्पलसगलसरिममालाविभसियाणं वइरखुराणं विविह्विक्खुराणं फालियामयदन्ताणं तवणिजाजीहाणं तवणिजातालयाणं तवणिज्जजोत्तगसुजोइयाणं कामगमाणं पीइगमाणं मणोगमाणं मणोरमाणं अमियगईणं अमियबलवीरियपुरिसक्कारपरकमाणं महया गज्जियगंभीररवेणं महुरेणं मणहरेणं पूरेंता अंबरं दिसाओ य सोभयंता चत्तारि देवसाहस्सीओ वसहरूवधारीणं देवाणं पचित्य-मिल्लं बाहं परिवहंति । चन्दिवमाणस्स णं उत्तरेणं सेयाणं सुभगाणं सुप्पभाणं तरमिल्ल-हायणाणं हरिमेलमउलमिल्लयच्छाणं चंचुचियलिलयपुलियचलचवलचंचलगईणं लंघ-णवग्गणधावणधोरणतिवइजइणसिक्खियगईणं ल्लंतलामगललायवरभूसणाणं सण्ण-

यपासाणं संगयपासाणं सुजायपासाणं पीवरविद्यसुसंठियकडीणं ओलंबपलंबलक्ख-गपमाणजुत्तरमणिज्जवालपुच्छाणं तणुसुहुमसुजायणिद्धलोमच्छविहराणं मिउविसयसुह-मलक्खणपसत्थविच्छिण्णकेसर्वालिहराणं ललंतथासगललाडवरभसणाणं महमण्डग-ओचलगचामरथासगपरिमण्डियकडीणं तवणिज्जखुराणं तवणिज्जजीहाणं तवणिज्जताल-याणं तवणिजजोत्तगसुजोइयाणं कामगमाणं जाव मणोरमाणं अमियगईणं अमिय-बलवीरियपुरिसकारपरकमाणं महया हयहेसियकिलकिलाइयरवेणं मणहरेणं पूरेंता अंबरं दिसाओ य सोभयंता चत्तारि देवसाहस्सीओ हयरूवधारीणं देवाणं उत्तरिहं बाहं परिवहंति । गाहा--सोलसदेवसहस्सा हवंति चंदेसु चेव सूरेसु । अट्रेव सह-स्साइं एकेकंमी गहविमाणे ॥ १ ॥ चत्तारि सहस्साइं णक्खत्तंमि य हवंति इक्कि । दो चेव सहस्साइं तारारूवेक्कमेकंमि ॥ २ ॥ एवं सूरविमाणाणं जाव तारारूवविमा-णाणं, णवरं एस देवसंघाएति ॥ १६७ ॥ एएसि णं भन्ते ! चंदिमस्रियगहगण-णक्खत्तताराख्वाणं कयरे सञ्वसिग्घगई कयरे सञ्वसिग्घतराए चेव ? गोयमा! चन्देहिंतो सूरा सिग्घगई, सूरेहिंतो गहा सिग्घगई, गहेहिंतो णक्खता सिग्घगई, गानखत्तेहिंतो तारारूवा सिग्घगई, सव्वप्पगई चंदा, सव्वसिग्घगई तारारूवा इति ॥१६८॥ एएसि णं भन्ते ! चंदिमस्रियगहगणणक्खत्तताराख्वाणं कयरे सव्वमहिद्धिया कयरे सन्वप्पड्टिया ? गो० ! तारारूवेहिंतो णक्खत्ता महिड्टिया, णक्खत्तेहिंतो गहा महिड्रिया, गहेहिंतो स्रीया महिड्रिया, स्रेहिंतो चन्दा महिड्रिया, सञ्विष्पिड्रिया तारारूवा, सव्वमहिङ्किया चन्दा॥ १६९॥ जम्बुद्दीवे णं भनते ! दीवे तारारूवस्स य नारारूवस्स य केवइए अवाहाए अंतरे पण्णत्ते ? गोयमा ! दुविहे प०, तं०-वाघाइए य निव्वाघाइए य, निव्वाघाइए जहण्णेणं पंचधणुसयाई उक्कोसेणं दो गाउयाई. वाघाइए जहण्णेणं दोण्णि छावद्वे जोयणसए उक्कोसेणं वारस जोयणसहस्साई दोण्णि य बायाले जोयणसए तारारूवस्स य २ अबाहाए अंतरे पण्णते ॥ १७० ॥ चन्दरस णं भंते! जोइसिंदरस जोइसरण्णो कइ अगगमिहसीओ पण्णताओ ? गोयमा! चत्तारि अगगमहिसीओ पण्णत्ताओ, तं०-चन्दप्पभा दोसिणाभा अचिमाली पभंकरा, तओ णं एगमेगाए देवीए चत्तारि २ देवीसहस्साइं परिवारो पण्णत्तो, पभू णं ताओ एगमेगा देवी अन्नं देवीसहस्सं विउविवत्तए, एवामेव सपुव्वावरेणं सोलस देवीसहस्सा, सेत्तं तुडिए। पहू णं भंते! चंदे जोइसिंदे जोइसराया चंदवडेंसए विमाणे चन्दाए रायहाणीए सभाए सहम्माए तुडिएणं सिर्दे महया हयणहगीय-वाइय जाव दिव्वाई भोगभोगाई भुंजमाणे विहरित्तए ? गोयमा ! णो इणहे समहे, पभू णं चंदे···सभाए सुहम्माए चउहिं सामाणियसाहरूसीहिं एवं जाव दिव्वाइं भोग- भोगाइं भुंजमाणे विहरित्तए केवलं परियारिष्ट्रीए, णो चेव णं मेहुणवित्तयं। विजया १ वेजयंती २ जयंती ३ अपराजिया ४ सन्वेसिं गहाईणं एयाओ अगगमिहसीओ छावत्तरस्मवि गृहस्यस्य एयाओ अगगमिहसीओ वृत्तव्वाओ, इमाहि गाहाहिति-इंगालए १ वियालए २ लोहियंके ३ सणिच्छरे चेव ४ । आहणिए ५ पाहणिए ६ कणगसणामा य पंचेव १९॥१॥ सोमे १२ सहिए १३ आसासणे य १४ कजी-वए १५ य कब्बुरए १६। अयकरए १७ दुंदुभए संखसणामेवि तिण्णेव २०॥ २॥ एवं भाणियव्वं जाव भावकेउस्स अगगमहिसीओत्ति ॥ १७१ ॥ गाहा-बम्हा विण्ह् य वसू वरुणे अय जुड़ीँ पूस आस जमे । अग्गि पयावइ सोमे रहे अदिई वहस्सई सप्पे ॥ १ ॥ पिउ भगअज्जमसविया तद्वा वाऊ तहेव इंदग्गी । मित्ते इंदे णिरई आऊ विस्सा य बोद्धव्वे ॥ २ ॥ १७२ ॥ चंदविमाणे णं भंते ! देवाणं केवइयं कालं ठिई पण्णता ? गो०! जहण्णेणं चउभागपिलओवमं उक्कोसेणं पिलओवमं वाससयसहस्सम्ब्भिह्यं. चंदविमाणे णं० देवीणं ''जहण्णेणं चउभागपिल्ओवमं उ० अद्भिष्टिओवमं पण्णासाए वाससहस्सेहिमन्भिहियं, सूरविमाणे देवाणं ज० चड-ब्मागपलिओवमं उक्कोसेणं पलिओवमं वाससहस्समब्भहियं, सूरविमाणे देवीणं जहण्णेणं चउञ्भागपिलओवमं उक्कोसेणं अद्भपलिओवमं पंचिहं वाससएहिं अन्महियं. गहविमाणे देवाणं जहण्णेणं चडन्भागपित्रओवमं उक्कोसेणं पित्रओ-वमं. गहविमाणे देवीणं जहण्णेणं चउन्भागपलिओवमं उक्कोसेणं अद्भपलिओ-वमं. णक्खत्तविमाणे देवाणं जहण्णेणं चउन्भागपितओवमं उक्कोसेणं अद्भपितओ-वमं, णक्खत्तविमाणे देवीणं जहण्णेणं चउन्भागपिलओवमं उक्कोसेणं साहियं चउन्भागपिलओवमं, ताराविमाणे देवाणं जहण्णेणं अद्भागपिलओवमं उक्कोसेणं चउब्भागपिलओवमं, ताराविमाणदेवीणं जहण्णेणं अद्भागपिलओवमं उक्कोसेणं साइरेगं अद्रभागपिलओवमं ॥ १७३॥ एएसि णं भंते ! चंदिमस्रियगहगणणक्खत्त-ताराख्वाणं कयरे र हिंतो अप्पा वा बहुया वा तुल्ला वा विसेसाहिया वा ? गो०! चंदिमस्रिया दुने तुल्ला सन्वत्थोवा, णक्खता संखेजगुणा, गहा संखेजगुणा, तारा-ह्वा संखेजगुणा इति ॥ १७४ ॥ जम्ब्रहीवे णं भन्ते ! दीवे जहण्णपण वा उक्रोसपए वा केवइया तित्थयरा सव्वर्गेणं प० ? गो० ! जहण्णपए चतारि उक्को-सपए चोत्तीसं तित्थयरा सन्वग्गेणं पण्णता । जम्बुद्दीवे णं भंते ! दीवे जहण्णपए वा उक्कोसपए वा केवड्या चक्कवट्टी सव्वर्गणं प० १ गो०! जहण्णपए चत्तारि उक्कोसपए तीसं चक्कवट्टी सञ्चरगेणं पण्णता इति, बलदेवा तत्तिया चेव जत्तिया चकवटी, वासुदेवावि तत्तिया चेवति । जम्ब्रहीवे णं भते ! दीवे केवद्या णिहिरयणा

सन्वरंगेणं प० १ गो० ! तिण्णि छलुत्तरा णिहिरयणसया सन्वरंगेणं प०, जम्बुदीवे णं भंते! दीवे केवड्या णिहिरयणसया परिभोगत्ताए हव्बमागच्छंति ? गो० । जद्रण्णपए छत्तीसं उद्घोसपए दोण्णि सत्तरा णिहिरयणसया परिभोगताए हव्यमा-गच्छंति. जम्ब्रहीवे० केवइया पंचिंदियरयणसया सव्वग्गेणं पण्णता १ गो० ! दो दसत्तरा पंचिदियरयणसया सन्वरगेणं पण्णता, जम्बुद्दीवे० जहण्णपए वा उक्कोस-पए वा केवइया पंचिदियरयणसया परिभोगताए हव्वमागच्छंति ? गो॰ ! जहण्णपए अद्वावीसं उक्कोसपए दोण्णि दसुत्तरा पंचिदियरयणसया परिभोगत्ताए हव्वमा-गच्छंति. जम्ब्रहीवे णं भन्ते ! दीवे केवइया एगिंदियरयणसया सव्वग्गेणं प० ? गो० ! दो दस्तरा एर्गिदियरयणसया सन्वरगेणं प०, जम्बुद्दीवे णं भन्ते ! दीवे केवडया एगिंदियरयणसया परिभोगत्ताए हव्वमागच्छन्ति ? गो॰ ! जहण्णपए अट्टा-वीसं उक्कोसेणं दोण्णि दस्ततरा एगिंदियरयणसया परिभोगत्ताए हव्वमागच्छंति ॥ १७५ ॥ जम्ब्रहीवे णं भन्ते ! दीवे केवइयं आयामविक्खंभेणं केवइयं परिक्खे-वेणं केवइयं उन्वेहेणं केवइयं उन्हें उन्नत्तेणं केवइयं सन्वरगेणं प० १ गो० ! जम्बु-द्दीवे २ एगं जोयणसयसहरसं आयामविक्खंभेणं तिष्णि जोयणसयसहस्साई सोलस . य सहस्साइं दोण्णि य सत्तावीसे जोयणसए तिण्णि य कोसे अद्रावीसं च धणसयं तेरस य अंगुलाइं अद्धंगुलं च किंचिविसेसाहियं परिक्खेवेणं प०, एगं जोयणसहस्सं उव्वेहेणं णवणउइं जोयणसहस्साइं साइरेगाइं उन्ने उच्चतेणं साइरेगं जोयणसय-सहरसं सव्वागेणं पण्णत्ते ॥ १७६ ॥ जम्ब्रहीवे णं भन्ते ! दीवे किं सासए असा-सए १ गोयमा ! सिय सासए सिय असासए. से केणद्रेणं भनते ! एवं वृच्छ-सिय सासए सिय असासए ? गो॰ ! दव्बद्वयाए सासए वण्णपज्जवेहिं गंध० रस० फास-पज्जवेहिं असासए. से तेणद्रेणं गो॰! एवं वृचइ-सिय सासए सिय असासए। जम्ब्रहीवे णं भनते ! दीवे कालओ केविचरं होइ ? गोयमा ! ण कयावि णासि ण कयावि णत्थि ण कयावि ण भविस्सइ भुविं च भवइ य भविस्सइ य धुवे णिइए सासए अव्वए अवद्रिए णिचे जम्बुद्दीवे दीवे पण्णते इति ॥ १७७ ॥ जम्बुद्दीवे णं भन्ते ! दीवे किं पुढविपरिणामे आउपरिणामे जीवपरिणामे पोग्गलपरिणामे ? गोयमा ! पुढविपरिणामेवि आउपरिणामेवि जीवपरिणामेवि पुग्गलपरिणामेवि । जम्बद्दीवे णं भन्ते ! दीवे सव्वपाणा सव्वजीवा सव्वभूया सव्वसत्ता पुढविकाइ-यत्ताए आउकाइयत्ताए तेउकाइयत्ताए वाउकाइयत्ताए वणस्सइकाइयत्ताए उववण्ण-पुन्वा ? हंता गो॰ ! असइं अदुवा अणंतखुत्तो ॥ १७८ ॥ से केणद्वेणं भन्ते ! एवं वृचइ-जम्बुद्दीवे २१ गो०! जम्बुद्दीवे णं दीवे तत्थ २ देसे २ तिहं २ बहवे जम्बूरुक्खा जम्बूवणा जम्बूवणसंडा णिचं कुसुमिया जाव पिंडिसमंज्ञरिवर्डेसगधरा सिरीए अईव २ उवसोमेमाणा २ चिट्ठंति, जम्बूए० सुदंसणाए अणाढिए णामं देवे महिन्निए जाव पिंछओवमिट्ठिइए परिवसह, से तेणट्ठेणं गोयमा! एयं बुच्चह—जम्बु-हीवे दीवे इति ॥ १७९ ॥ तए णं समणे भगवं महावीरे मिहिलाए णयरीए माणिमहे उज्जाणे बहूणं समणाणं बहूणं समणीणं बहूणं सावयाणं बहूणं सावियाणं बहूणं देवीणं मज्झगए एवमाइक्खइ एवं भासइ एवं पण्णवेइ एवं पर्वे जम्बूरीवपण्णत्ती णामित अजो! अज्झयणे अट्ठं च हेउं च पित्तणं च कारणं च वागरणं च भुजो २ उवदंसेइत्तिबेमि ॥ १८० ॥ सत्तमो वक्खारो समत्तो ॥ जंबुद्दीवपण्णत्तिसुत्तं समत्तं ॥



णमोऽत्थु णं समणस्स भगवओ णायपुत्तमहावीरस्स

युत्तागमे

तत्थ णं चंद्**प**ण्णत्ती

जयइ णवणिलणकुवलयवियसियसयवत्तपत्तलदलच्छो । वीरो गयंदमयगलसलि-यगयविक्सो भयवं ॥ १ ॥ निमऊण सुरअसुरगरूलभुयगपरिवंदिए गयकिलेसे । अरिहे सिद्धायरिए उवज्झाय सन्वसाहू य ॥ २ ॥ फुडवियडपागडत्थं वुच्छं पुन्व-स्रयसारणीसंदं । सुहमगणिणोवइट्ठं जोइसगणरायपण्णत्ति ॥ ३ ॥ णामेण इंदभूइति गोयमो वंदिऊण तिविहेणं । पुच्छइ जिणवरवसहं जोइसगणरायपण्णति ॥ ४ ॥ कइ मंडलाइ वच्चइ १, तिरिच्छा किं च गच्छइ २। ओभासइ केवइयं ३, सेयाई किं ते संठिई ४॥ ५॥ कहिं पिडहिया लेसा ५, किं ते ओयसंठिई ६। के सूरियं वर-यए ७, कहं ते उदयसंठिई ८ ॥ ६ ॥ कहं कहा पोरिसिच्छाया ९, जोगे कि ते व आहिए १०। किं ते संवच्छरेणाई ११, कइ संवच्छराइ य १२॥ ७॥ कहं चंद-मसो बुड्ढी १३, कया ते दोसिणा वह १४। केइ सिग्धगई वुत्ते १५, कहं दोसिण-लक्खणं १६ ॥ ८ ॥ चयणोववाय १७ उचते १८, सूरिया कइ आहिया १९ । अणुभावे के व संवृत्ते २०, एवमेयाई वीसई ॥ ९ ॥ वह्नोवह्नी मुहुत्ताणं १, अद्ध-मंडलसंठिई २ । के ते चिण्णं परियरइ ३, अंतरं किं चरंति य ४ ॥ १० ॥ उग्गा-हुइ केवइयं ५, केवइयं च विकंपइ ६। मंडलाण य संठाणे ७, विक्खंभो ८ अट्ट पाहुडा ॥ ११ ॥ छप्पंच य सत्तेव य अट्ट तिण्णि य हवंति पडिवत्ती । पढमस्स पाहुँडस्स हवंति एयाउ पिडवत्ती ॥ १२ ॥ पिडवत्तीओ उदए, तहा अत्थमणेसु य । भियवाए कण्णकला, मुहुत्ताण गईइ य ॥ १३ ॥ णिक्खममाणे सिग्वगई, पविसंते मंदगईइ य । चुलसीइसयं पुरिसाणं, तेसिं च पडिवत्तींओ ॥ १४॥ उदयम्मि अट्ट भणिया भेयग्घाए दुवे य पिडवत्ती । चत्तारि मुहुत्तगईए हुंति तइयम्मि पडिवत्ती ॥ १५ ॥ आविलय १ मुहत्तरंगे २, एवंभागा य ३ जोगस्सा ४ । कुलाई ५ पुण्णमासी ६ य, सण्णिवाए ७ य संठिई ८ ॥ १६ ॥ तार(य) गं च ९ णेया य १०, चंदमग्गत्ति ११ यावरे । देवयाण य अज्झयणे १२, मुहुत्ताणं णामया इय १३॥ १७॥ दिवसा राइ बुत्ता य १४, तिहि १५ गोत्ता १६ भोयणाणि १० य । ४३ सुत्ता०

आइचवार १८ मासा १९ य, पंच संवच्छरा इय २०॥ १८॥ जोइसस्स य दाराहं २१. णक्खत्तविजए विय २२। दसमे पाहुडे एए, बावीसं पाहुडपाहुडा ॥ १९॥ तेणं कालेणं तेणं समएणं मिहिला णामं णयरी होत्था रिख्तिथमियसमिद्धा पमुइय-जणजाणवया ...पासादीया ४ ॥ १ ॥ तीसे णं मिहिलाए णयरीए बहिया उत्तर-पुरच्छिमे दिसीभाए माणिभेंद्दे णामं उजाणे होत्था वण्णओ ॥ २॥ तीसे णं मिहिलाए णयरीए जियसत्तु णामं राया होत्था वण्णओ ॥ ३ ॥ तस्स णं जियसत्तुस्स रण्णो धारिणी णामं देवी होत्या वण्णओ ॥ ४॥ तेणं कालेणं तेणं समएणं तम्मि उज्जाणे सामी समोसढे, परिसा णिग्गया, धम्मो कहिओ, परिसा पडिगया जाव राया जामेव दिसिं पाउच्भए तामेव दिसिं पिडगए ॥ ५ ॥ तेणं कालेणं तेणं समएणं समणस्स भगवओ महावीरस्स जेट्ठे अंतेवासी इंदभूई णामं अणगारे गोयमे गोत्तेणं सत्तस्सेहे समचडरंससंठाणसंठिए वजारिसहणारायसंघयणे जाव एवं वयासी-ता कहं ते बह्रोबह्री महत्ताणं आहितेति वएजा ? ता अट्रएग्णवीसे महत्तसए सत्तावीसं च सद्रिभागे महत्तस्स आहितेति वएजा ॥ ६ ॥ ता जया णं सुरिए सव्वब्भंतराओ मंडलाओ सन्वबाहिरं मंडलं उवसंकमित्ता चारं चरइ सन्वबाहिराओ मंडलाओ सव्वब्भंतरं मंडलं उवसंकमित्ता चारं चरइ एस णं अद्धा केवइयं राइंदियगोणं आहितेति वएजा ? ता तिण्णि छावहे राइंदियसए राइंदियग्गेणं आहितेति वएजा ॥ ७॥ ता एयाए अद्धाए सूरिए कइ मंडलाई चरइ, कइ मंडलाई दुक्खुत्तो चरइ, कइ मंडलाइं एगक्खुत्तो चरइ? ता चुलसीयं मंडलसयं चरइ, बासीइ मंडलसयं दुक्खुत्तो चरइ, तंजहा-णिक्खममाणे चेव पविसमाणे चेव, दुवे य खल्ल मंडलाइं सइं चरइ, तंजहा-सन्वन्मंतरं चेव मंडलं सन्वनाहिरं चेव मंडलं ॥ ८ ॥ जइ खळु तस्सेव आइचस्स संवच्छरस्स सयं अट्ठारसमुहुते दिवसे भवइ सई अट्ठारसमुह्ता राई भवइ सयं दुवालसमुहुते दिवसे भवइ सई दुवालस-महत्ता राई भवइ, पढमे छम्मासे अत्थि अद्वारसमुहत्ता राई, णत्थि अद्वारसमुहत्ते दिवसे, अत्थि दुवालसमुहुत्ते दिवसे, णित्थ दुवालसमुहुत्ता राई भवइ, दोचे छम्मासे अत्थि अद्वारसमुहुत्ते दिवसे, णित्थि अद्वारसमुहुत्ता राई, अत्थि दुवालसमुहुत्ता राई, णित्य दुवालसमुहुत्ते दिवसे भवइ, पढमे वा छम्मासे दोचे वा छम्मासे णित्थ पण्णरसमुहत्ते दिवसे भवइ, णित्थ पण्णरसमुहत्ता राई भवइ, तत्थ णं कं हेउं वएजा ? ता अयण्णं जंबूदीचे २ सञ्बदीवसमुद्दाणं सञ्बञ्भंतराए जाव विसेसा-हिए परिक्खेनेणं पण्णत्ते, ता जया णं सूरिए सव्वब्भंतरमंडलं उवसंक्रिसता चारं चरइ तया णं उत्तमकट्टपत्ते उक्कोसए अट्ठारसमुहुत्ते दिवसे भवइ, जहण्णिया

दुवालसमुहृत्ता राई भवइ, से णिक्खममाणे सूरिए णवं संवच्छरं अयमाणे पढ-मंसि अहोरत्तंसि अब्भितराणंतरं मंडलं उवसंकिमत्ता चारं चरइ. ता जया णं सूरिए अब्भितराणंतरं मंडलं उवसंकमित्ता चारं चरइ तया णं अद्वारसमृहत्ते दिवसे भवइ दोहिं एगद्रिभागमुहत्तेहिं छणे, दुवालसमुहत्ता राई भवइ दोहिं एगद्रिभाग-मुहत्तेहिं अहिया, से णिक्खममाणे स्रिए दोचंसि अहोरत्तंसि अब्भितरं तचं मंडलं उवसंकिमत्ता चारं चरइ, ता जया णं सूरिए अब्भितरं तचं मंडलं उवसंकिमता चारं चरइ तया णं अद्वारसमुहत्ते दिवसे भवइ चउहिं एगद्रिभागमुहत्तेहिं ऊणे. दुवाल-समुहत्ता राई भवइ चडिहं एगद्विभागमुहत्तेहिं अहिया, एवं खळु एएणं उवाएणं णिक्खममाणे सूरिए तयाणंतराओ॰ मंडलाओं मंडलं संकममाणे २ दो २ एगद्विभागमुहत्ते एगमेगे मंडले दिवसखेतस्स णिवुड्ढेमाणे २ र्यणिखेत्तस्स अभिवुड्ढेमाणे २ सव्वबाहिर-मंडलं उवसंकिमत्ता चारं चरइ. ता जया णं सरिए सन्वब्मंतराओ मंडलाओ सन्व-बाहिरं मंडलं उवसंकिमत्ता चारं चरइ तया णं सन्वब्भंतरमंडलं पणिहाय एगेणं तेसीएणं राइंदियसएणं तिण्णिछावहुएगहिभागसृहुत्ते सए दिवसखेतस्स णिवुड्किता रयणिक्खेत्तस्स अभिवृङ्किता चारं चरइ, तया णं उत्तमकद्वपत्ता उक्कोसिया अद्वार-समुहत्ता राई भवइ, जहण्णए बारसमुहत्ते दिवसे भवइ, एस णं पढमे छम्मासे, एस णं पढमस्स छम्मासस्स पज्जवसाणे । से पविसमाणे सुरिए दोचं छम्मासं अयमाणे पढमंसि अहोरत्तंसि बाहिराणंतरं मंडलं उवसंकिमत्ता चारं चरइ. ता जया णं सरिए बाहिराणंतरं मंडलं उवसंक्रमित्ता चारं चरइ तया णं अट्ठारसमुहुत्ता राई भवइ दोहिं एगड्डिभागमुहुत्तेहिं ऊणा, दुवालसमुहुत्ते दिवसे भवइ दोहिं एगड्डिभागमुहुत्तेहिं अहिए, से पविसमाणे सूरिए दोचंसि अहोरतंसि बाहिरं तच्चं मंडलं उवसंकमित्ता चारं चरइ, ता जया णं सूरिए बाहिरं तचं मंडलं उवसंक्रिमता चारं चरइ तया णं अद्वारसमुहत्ता राई भवइ चउहिं एगद्विभागमुहत्तेहिं ऊणा, दुवालसमुहत्ते दिवसे भवइ चर्डाहें एगडिभागमुहुत्तेहिं अहिए । एवं खेळ एएणुवाएणं पविसमाणे सूरिए तयाणंतराओ तयाणंतरं मंडलाओ मंडलं संकममाणे २ दो दो एगद्विभागमुहत्ते एगमेगे मंडले रयणिखेत्तस्स णिवुङ्केमाणे २ दिवसखेत्तस्स अभिवङ्केमाणे २ सन्वन्भंतरं मंडलं उवसंकिमत्ता चारं चरइ, ता जया णं सूरिए सन्वबाहिराओ मंडलाओ सन्वब्भंतरं मंडलं उवसंक्रमित्ता चारं चरइ तया णं सन्वबाहिरं मंडलं पणिहाय एगेणं तेसीएणं राइंदियसएणं तिण्णिछावट्ठे एगद्विभागमुहुत्तसए रयणिखेतस्स निवुङ्किता दिवसखेत्तस्स अभिविद्यता चारं चरइ, तया णं उत्तमकद्वपत्ते उद्योसए अद्वारसमुहुते दिवसे भवइ, जहण्णिया दुवालसमुहुत्ता राई भवइ, एस णं दोचे छम्मासे, एस णं दुचस्स छम्मा- सरस पज्जवसाणे, एस णं आइचे संवच्छरे, एस णं आइचस्स संवच्छरस्स पज्जवसाणे, इइ खुळ तस्तेवं आइच्चस्स संवच्छरस्स सई अद्वारसमुहुत्ते दिवसे भवइ, सई अद्वार-समुहुत्ता राई भवइ, सयं दुवालसमुहुत्ते दिवसे भवइ, सयं दुवालसमुहुत्ता राई भवइ. पढमे छम्मासे अत्थि अद्वारसमुहत्ता राई भवइ, णत्थि अद्वारसमुहुत्ते दिवसे भवइ. अत्थि दुवालसमुहुत्ते दिवसे, णत्थि दुवालसमुहुत्ता राई भवइ, दोचे छम्मासे अत्थि अद्वारसमुहुत्ते दिवसे भवइ, णत्थि अद्वारसमुहुत्ता राई, अत्थि दुवालसमुहुत्ता राई, णित्य दुवालसमुहुत्ते दिवसे भवइ, पढमे वा छम्मासे दोचे वा छम्मासे णित्य पण्णर-समुहुत्ते दिवसे भवइ, णत्थि पण्णरसमुहुत्ता राई भवइ, णण्णत्थ राइंदियाणं वह्नोवह्नीए मुहुत्ताण वा चओवचएणं, णण्णत्थ वा अणुवायगईए० गाहाओ भाणियव्वाओ ॥ ९॥ पढमस्स पाइडस्स पढमं पाइडपाइडं समत्तं ॥ १-१ ॥

ता कहं ते अद्धमंडलसंठिई आहिताति वएजा ? तत्थ खलु इमा दुविहा अद्ध-मंडलसंठिई पण्णता, तंजहा-दाहिणा चेव अद्धमंडलसंठिई उत्तरा चेव अद्धमंडलसं-ठिई। ता कहं ते दाहिणअद्धमंडलसंठिई आहिताति वएजा? ता अयण्णं जंबूदीवे धीवे सव्वदीवसमुद्दाणं जाव परिक्खेवेणं०, ता जया णं सूरिए सब्भंतरं दाहिणं अद्ध-मंडलसंठिइं उवसंकिमत्ता चारं चरइ तथा णं उत्तमकट्ठपत्ते उक्कोसए अट्ठारसमुहुत्ते दिवसे भवइ, जहण्णिया दुवालसमुहत्ता राई भवइ, से णिक्खममाणे स्रिए णवं संवच्छरं अयमाणे पढमंसि अहोरत्तंसि दाहिणाए अंतराए भागाए तस्साइपएसाए अब्भितराणंतरं उत्तरद्धमंडलं संठिइं उवसंकमिता चारं चरइ, जया णं सूरिए अब्भि-तराणंतरं उत्तरं अद्भंडलसंठिइं उवसंकमिता चारं चरइ तया णं अद्वारसमृहत्ते(हिं) दिवसे भवइ दोहिं एगडिभागसहत्तेहिं ऊणे, दुवालसमुहुता राई० दोहिं एगडिभाग-मुहुत्तेहिं अहिया, से णिक्खममाणे सूरिए दोचंसि अहोरतंसि उत्तराए अंतराए भागाए तस्साइपएसाए अब्भितरं तचं दाहिणं अद्धमंडलं संठिइं उवसंक्रिमता चारं चरइ । ता जया णं सूरिए अब्भितरं तचं दाहिणं अद्भंडलं संठिइं उवसंक्रिमत्ता चारं चरइ तया णं अद्वारसमुहुत्ते दिवसे भवइ चउहिं एगद्विभागमुहत्तेहिं ऊणे. दुवालसमुहुत्ता राई भवइ चर्राहें एगडिभागमुहुत्तेहिं अहिया, एवं खलु एएणं उनाएणं णिक्खममाणे स्रिए तयणंतराओऽणंतरंसि तंसि २ देसंसि तं तं अद्ध-मंडलसंठिइं संकममाणे २ दाहिणाए २ अंतराए भागाए तस्साइपएसाए सव्व-बाहिरं उत्तरं अद्धमंडलसंठिइं उवसंक्रामित्ता चारं चरइ, ता जया णं सूरिए सव्व-बाहिरं उत्तरं अद्धमंडलसंठिईं उवसंक्रिमत्ता चारं चरइ तया णं उत्तमकद्वपत्ता उक्को-सिया अद्वारसमुहुत्ता राई भवइ, जहण्णए दुवालसमुहुत्ते दिवसे भवइ। एस णं

पढमे छम्मासे, एस णं पढमछम्मासस्स पज्जवसाणे, से पविसमाणे सृरिए दोचं छम्मासं अयमाणे पढमंसि अहोरत्तंसि उत्तराए अंतरभागाए तस्साइपएसाए बाहि-राणंतरं दाहिणं अद्धमंडलसंठिइं उवसंक्रिमता चारं चरइ. ता जया णं स्रिए बाहिराणंतरं दाहिणअद्धमंडलसंठिइं उवसंक्रिमत्ता चारं चरइ तया णं अद्वारसमु-हुत्ता राई भवइ दोहिं एगट्टिभागमुहुत्तेहिं ऊणा, दुवालसमुहुत्ते दिवसे भवइ दोहिं एगड्डिभागमुहुत्तेहिं अहिए, से पविसमाणे सूरिए दोचंसि अहोरत्तंसि दाहिणाए अंत-राए भागाए तस्साइपएसाए बाहिरंतरं तचं उत्तरं अद्धमंडलसंठिइं उवसंक्रिमत्ता चारं चरइ, ता जया णं सूरिए बाहिरं तचं उत्तरं अद्धमंडलसंठिइं उवसंक्रिमता चारं चरइ तया णं अहारसमुहुत्ता राई भवइ चउिहं एगिहिमागमुहुत्तेहिं अहिया. एवं खळु एएणं उवाएणं पविसमाणे सूरिए तयाणंतराओ तयाणंतरं तंसि २ देसंसि तं तं अद्धमंडलसंठिइं संकममाणे २ उत्तराए अंतराभागाए तस्साइपएसाए सव्वब्भं-तरं दाहिणं अद्धमंडलसंठिइं उवसंक्रमित्ता चारं चरइ, ता जया णं सूरिए सव्वब्भं-तरं दाहिणं अद्धमंडलसंठिइं उवसंकमित्ता चारं चरइ तया णं उत्तमकट्टपत्ते उक्कोसए अद्रारसमुहत्ते दिवसे भवइ, जहण्णिया दुवालसमुहत्ता राई भवइ, एस णं दोचे छम्मासे, एस णं दोचस्स छम्मासस्स पज्जवसाणे, एस णं आइचे संवच्छरे, एस णं आइचसंवच्छरस्स पज्जवसाणे ॥ १० ॥ ता कहं ते उत्तरा अद्धमंडलसंठिई आहि-ताति वएजा ? ता अयं णं जंबूदीवे दीवे सन्वदीव जाव परिक्खेवेणं. ता जया णं सूरिए सन्वब्भंतरं उत्तरं अद्धमंडलसंठिइं उवसंक्रमित्ता चारं चरइ तया णं उत्तम-कट्ठपते उक्कोसए अट्ठारसमुहुत्ते दिवसे भवइ, जहण्णिया दुवालसमुहत्ता राई भवइ, जहा दाहिणा तहा चेव णवरं उत्तरिहुओ अब्भितराणंतरं दाहिणं उब-संकमइ, दाहिणाओ अब्भितरं तचं उत्तरं उवसंकमइ, एवं खलु एएणं उवाएणं जाव सन्वबाहिरं दाहिणं उवसंकमइ सन्ववाहिरं दाहिणं उवसंकमित्ता दाहिणाओ बाहिराणंतरं उत्तरं उवसंकमइ, उत्तराओ बाहिरं तचं दाहिणं तचाओ दाहिणाओ संक्रममाणे २ जाव सञ्बब्भंतरं उवसंक्रमइ, तहेव। एस णं दोचे छम्मासे. एस णं दोचस्स छम्मासस्स पज्जवसाणे, एस णं आइचे संवच्छरे, एस णं आइचस्स संवच्छरस्य पज्जवसाणे, गाहाओ ॥ ११ ॥ पढमस्स पाइडस्स बीयं पाइड-पाइडं समत्तं॥ १-२॥

ता के ते चिण्णं पिंडचरइ आहितेति वएजा १ तत्थ खल इमे दुवे सूरिया पन्नत्ता, तंजहा-भारहे चेव सूरिए एरवए चेव सूरिए, ता एए णं दुवे सूरिया पत्तेयं २ तीसाए २ सुहुत्तेहिं एगमेगं अद्धमंडलं चरंति, सद्वीए २ सुहुत्तेहिं एगमेगं मंडलं संघायंति, ता णिक्खममाणा खलु एए दुवे सूरिया णो अण्णमण्णस्स चिण्णं पडिचरंति, पविसमाणा खळु एए दुवे सूरिया अण्णमण्णस्स चिण्णं पडिचरंति, तं सयमेगं चोयालं, तत्थ के हेऊ०ति वएजा ? ता अयण्णं जंबूदीवे २ जाव परिक्खे-वेणं . तत्थ णं अयं भारहए चेव सुरिए जंब्रदीवस्स २ पाईणपडीणाययउदीण-दाहिणाययाए जीवाए मंडलं चउवीसएणं सएणं छेता दाहिणपुरस्थिमिह्नंसि चउ-भागमंडलंसि बाणउइयस्रियमयाई जाई अप्पणा चेव चिण्णाई पडिचरइ, उत्तरपच-त्थिमिह्नंसि चउभागमंडलंसि एक्काणउइं सरियमयाई जाई स्रिए अप्पणो चेव चिष्णं पिडचरइ. तत्थ णं अयं भारहे स्रिए एरवयस्स स्रियस्स जंब्रदीवस्स २ पाईण-पडीणाययाए उदीणदाहिणाययाए जीवाए मंडलं चडवीसएणं सएणं छेता उत्तर-पुरित्थिमिह्नंसि चडभागमंडलंसि बाणडइं सूरियमयाइं जाव सूरिए परस्स चिण्णं पिडचरइ, दाहिणपचित्थिमिल्लंसि चडभागमंडलंसि एगूणणउई स्रियमयाई जाई सूरिए परस्स चेव चिण्णं पडिचरइ, तत्थ णं अयं एरवए सूरिए जंबूदीवस्स २ पाईणपडीणाययाए उदीणदाहिणाययाए जीवाए मंडलं चउवीसएणं सएणं छेता उत्तरपुरिव्यमिल्लंसि चडब्भागमंडलंसि बाणउई सूरियमयाई जाव सूरिए अप्पणो चेव चिण्णं पडिचरइ, दाहिणपुरस्थिमिल्लंस चउभागमंडलंस एकाणउई स्रियमयाई जाव सरिए अप्पणो चेव चिण्णं पडिचरइ, तत्थ णं अयं एरवइए स्रिए भारहस्स स्रियस्स जंब्रदीवस्स २ पाईणपडीणाययाए उदीणदाहिणाययाए जीवाए मंडलं चउवीसएणं सएणं छेत्ता दाहिणपचित्थिमिल्लंसि चउभागमंडलंसि वाणउइं स्रियमयाई सूरिए परस्स चिण्णं पडिचरइ, उत्तरपुरिथिमिश्लंसि चउभागमंडलंसि एकाणउई स्रियमयाई जाई स्रिरेए परस्स चेव चिण्णं पिडचरइ, ता णिक्खममाणा खल एए दुवे सूरिया णो अण्णमण्णस्स चिण्णं पिडचरंति, पविसमाणा खलु एए दुवे स्रिया अण्णमण्णस्स चिण्णं पिडचरंति, सयमेगं चोयालं । गाहाओ ॥ १२ ॥ पढमस्स पाहुडस्स तइयं पाहुडपाहुडं समत्तं ॥ १-३ ॥

ता केवइयं एए दुवे सूरिया अण्णमण्णस्स अंतरं कहु चारं चरंति आहिताति वएजा ? तत्थ खळ इमाओ छ पिडवत्तीओ पण्णताओ, तंजहा-तत्थ एगे एवमा-हंग्र-ता एगं जोयणसहस्सं एगं च तेत्तीसं जोयणसयं अण्णमण्णस्स अंतरं कहु सूरिया चारं चरंति आहिताति वएजा एगे एवमाहंग्र-१, एगे पुण एवमाहंग्र-ता एगं जोयणसहस्सं एगं च चउतीसं जोयणसयं अण्णमण्णस्स अंतरं कहु सूरिया चारं चरंति आहिताति वएजा एगे एवमाहंग्र-ता एगं जोयण-सहस्सं एगं च पणतीसं जोयणसयं अण्णमण्णस्स अंतरं कहु सूरिया चारं सहस्सं एगं च पणतीसं जोयणसयं अण्णमण्णस्स अंतरं कहु सूरिया चारं चरंति

आहिताति वएजा एगे एवमाहंसु ३, एवं एगं दीवं एगं समुद्दं अण्णमण्णस्स अंतरं कंट्र ४, एगे ... दो दीवे दो समुद्दे अण्णमण्णस्स अंतरं कट्ट्र सूरिया चारं चरंति आहिताति वएजा एगे एवमाहंद्व ५, एगे ... तिण्णि दीवे तिण्णि समुद्दे अण्णमण्णस्स अंतरं कह स्रिया चारं चरंति आहिताति वएजा एगे एवमाहंसु ६, वयं पुण एवं वयामो-ता पंच पंच जोयणाइं पणतीसं च एगद्विभागे जोयणस्स एगमेगे मंडले अण्णमण्णस्स अंतरं अभिवड्ढेमाणा वा निवड्ढेमाणा वा सूरिया चारं चरंति०। तत्थ णं को हेऊ आहिएति वएजा ? ता अयण्णं जंबूदीवे २ जाव परिक्खेवेणं पण्णते, ता जया णं एए दुवे सूरिया सन्वब्भंतरमंडलं उवसंकामिता चारं वरंति तया णं णवणउइजोयणसहस्साइं छचचताले जोयणसए अण्णमण्णस्स अंतरं कृष्ट चारं चरंति आहिताति वएजा, तया णं उत्तमकहपत्ते उक्कोसए अहारसमुहुते दिवसे भवइ, जहण्णिया दुवालसमुहत्ता राई भवइ, ते णिक्खममाणा सूरिया णवं संवच्छरं अयमाणा पढमंसि अहोरत्तंसि अब्भितराणंतरं मंडलं उवसंकमित्ता चारं चरंति. ता जया णं एए दुवे सूरिया अब्भितराणंतरं मंडलं उवसंक्रमित्ता चारं चरंति तया णं णवणवईं जोयणसहस्साइं छच पणयाले जोयणसए पणवीसं च एगिंहुभागे जोयणस्स अण्णमण्णस्स अंतरं कहु चारं चरंति आहिताति वएजा, तया णं अद्वार-समुहत्ते दिवसे भवइ दोहिं एगट्टिभागमुहत्तेहिं ऊणे, दुवालसमुहत्ता राई भवइ दोहिं एगद्रिभागमृहत्तेहिं अहिया, ते णिक्खममाणा सूरिया दोचंसि अहोरत्तंसि अब्भितरं तचं मंडलं उवसंकमित्ता चारं चरंति, ता जया णं एए दुवे सूरिया अब्भितरं तचं मंडलं उवसंक्रिमत्ता चारं चरंति तया णं वणणवइं जोयणसहस्साईं छचइकावणी जोयणसए णव य एगडिभागे जोयणस्स अण्णमण्णस्स अंतरं कहु चारं चरंति आहिताति वएजा, तया णं अद्वारसमुहत्ते दिवसे भवइ चडहिं एगद्विभागमुहुत्तेहिं ऊणे, दुवालसमुहत्ता राई भवइ चउहिं एगद्विभागमुहत्तेहिं अहिया, एवं खलु एएणु-वाएणं णिक्सममाणा एए दुवे सूरिया तओऽणंतराओ तयाणंतरं मंडलाओ मंडलं संकममाणा २ पंच २ जोयणाई पणतीसं च एगिट्टमारे जोयणस्स एगमेरे मंडले अण्णमण्णस्स अंतरं अभिवह्नेमाणा २ सव्वबाहिरं मंडलं उवसंक्रिमत्ता चारं चरंति, ता जया णं एए दुवे सूरिया सन्वबाहिरं मंडलं उवसंकमित्ता चारं चरंति तया णं एगं जोयणसयसहरसं छच सट्ठे जोयणसए अण्णमण्णस्स अंतरं कहु चारं चरंति, तया णं उत्तमकद्वपत्ता उक्नोसिया अद्वारसमुहुत्ता राई भवइ, जहण्णए दुवालसमुहत्ते दिवसे भवइ, एस णं पढमे छम्मासे, एस णं पढमस्स छम्मासस्स पज्जवसाणे. ते पविसमाणा सारिया दोचं छम्मासं अयमाणा पढमंसि अहोरत्तंसि

बाहिराणंतरं मंडलं उवसंक्रमिता चारं चरंति, ता जया णं एए दुवे सूरिया बाहि-राणंतरं मंडलं उवसंक्रिमता चारं चरंति तया णं एगं जोयणसयसहस्सं छच चड-प्पणो जोयणसए छत्तीसं च एगद्विभागे जोयणस्स अण्णमण्णस्स अंतरं कृट्ट चारं चरंति आहिताति वएजा, तया णं अहारसमुहत्ता राई भवइ दोहिं एगिंहभागमुह-त्तेहिं ऊणा, दुवालसमुहत्ते दिवसे भवइ दोहिं एगट्टिभागमुहत्तेहिं अहिए, ते पविस-माणा सूरिया दोचंसि अहोरत्तंसि बाहिरं तचं मंडलं उवसंकमिता चारं चरंति, ता जया णं एए दुवे सूरिया बाहिरं तचं मंडलं उवसंकामित्ता चारं चरंति तया णं एगं जोयणसयसहस्तं छच अडयाले जोयणसए बावण्णं च एगद्विभागे जोयणस्स अण्ण-मण्णस्स अंतरं कृष्ट् चारं चरंति, तया णं अद्वारसमुहुत्ता राई भवइ चउिहं एगिड्ड-भागमुहुत्तेहिं छणा, दुवालसमुहुत्ते दिवसे भवइ चउहिं एग हिभागमुहुत्तेहिं अहिए। एवं खळु एएणुवाएणं पविसमाणा एए दुवे सूरिया तओऽणंतराओ तयाणंतरं मंड-लाओ मंडलं उवसंकममाणा २ पंच २ जोयणाई पणतीसे एगद्विभागे जोयणस्स एगमेगे मंडले अण्णमण्णस्संतरं णिवुह्वेमाणा २ सन्वन्मंतरमंडलं उवसंकमित्ता चारं चरंति, ता जया णं एए दुवे सूरिया सन्वब्भंतरं मंडलं उवसंक्रमिता चारं चरंति तया णं णवणउइजोयणसहस्साई छच चत्ताले जोयणसए अण्णमण्णस्स अंतरं कट्ट चारं चरंति, तया णं उत्तमकहुपत्ते उक्कोसए अहारसमृहत्ते दिवसे भवइ, जहण्णिया दुवालसमृहत्ता राई भवइ, एस णं दोचे छम्मासे, एस णं दोचस्स छम्मासस्स पजावसाणे, एस णं आइचे संवच्छरे, एस णं आइचसंवच्छरस्स पजावसाणे ॥ १३॥ पढमस्स पाइडस्स चउत्थं पाइडपाइडं समत्तं ॥ १-४ ॥

ता केवइयं ते दीवं वा समुद्दं वा ओगाहिता सूरिए चारं चरइ आहिताति वएजा ? तत्थ खळु इमाओ पंच पडिवत्तीओ पण्णत्ताओ, तं०-तत्थ एगे एवमाहंस-ता एगं जोयणसहस्यं एगं च तेत्तीसं जोयणसयं दीवं वा समुद्दं वा ओगाहित्ता सूरिए चारं चरइ… १, एगे पुण एवमाहंसु-ता एगं जोयणसहस्सं एगं च चउत्तीसं जोयणसयं दीवं वा समुद्दं वा ओगाहित्ता स्तिए चारं चरइ० एगे एवमाहं छ २, एगे पुण एवमा-हंस्-ता एगं जोयणसहस्सं एगं च पणतीसं जोयणसयं दीवं वा समुद्दं वा ओगाहिता स्रिए चारं चरइ० एगे एवमाहंसु ३, एगे पुण एवमाहंसु-ता अवहूं दीवं वा समुद्दं वा ओगाहिता स्रिए चारं चरइ० एगे एवमाहंसु ४, एगे पुण एवमाहंसु-ता णो किंचि दीवं वा समुद्दं वा ओगाहिता सूरिए चारं चरइ ... ५, तत्थ जे ते एवमाहं छ-ता एगं जोयणसहस्सं एगं च तेत्तीसं जोयणसयं दीवं वा समुद्दं वा ओगाहित्ता सूरिए चारं चरइ, ते एवमाहंस-ता जया णं सूरिए सन्वब्भंतरं मंडलं उवसंक्रमित्ता चारं चरइ तया

चरइ, तया णं उत्तमकट्ठपत्ते उक्कोसए अट्ठारसमृहत्ते दिवसे भवइ, जहण्णिया दुवा-लसमृहत्ता राई भवइ, ता जया णं सूरिए सन्वबाहिरं मंडलं उवसंकिमत्ता चारं चरइ तथा णं ठवणसमुद्दं एगं जोयणसहस्सं एगं च तेत्तीसं जोयणस्यं ओगाहिता चारं चरइ, तया णं उत्तमकट्ठपता उक्कोसिया अट्ठारसमुहुता राई भवइ, जहण्णए दुवालसमुहत्ते दिवसे भवइ । एवं चोत्तीसं जोयणसयं । एवं पणतीसं जोयणसयं । तत्थ जे ते एवमाहंसु-ता अवहूं दीवं वा समुद्दं वा ओगाहिता सूरिए चारं चरइ, ते एवमाहंसु-ता जया णं सरिए सव्वब्भंतरं मंडलं उवसंकिमत्ता चारं चरइ तया णं अवडूं जंबूदीवं २ ओगाहित्ता चारं चरइ, तया णं उत्तमकद्वपत्ते उक्कोसए अद्वारसम्-हुत्ते दिवसे भवइ, जहण्णिया दुवालसमुहत्ता राई भवइ, एवं सव्वबाहिरएवि, णवरं अवडूं लवणसमुद्दं, तया णं राइंदियं तहेव, तत्थ जे ते एवमाहंसु-ता णो किंचि दीवं वा समुद्दं वा ओगाहिता सूरिए चारं चरइ, ते एवमाहंसु-ता जया णं सूरिए सव्वर्भतरं मंडलं उवसंक्रमिता चारं चरइ तया णं णो किंचि दीवं वा समुद्दं वा ओगाहित्ता सूरिए चारं चरइ, तया णं उत्तमकट्ठपत्ते उक्कोसए अट्ठारसमुहत्ते दिवसे भवइ तहेव एवं सन्वबाहिरए मंडले णवरं णो किंचि लवणसमुद्दं ओगाहिता चारं चरइ, राइंदियं तहेव, एगे एवमाहंसु ५॥ १४॥ वयं पुण एवं वयामो-ता जया णं स्रिए सन्वन्भंतरं मंडलं उवसंक्रिमत्ता चारं चरइ तया णं जंब्रदीवं २ असीयं जोयण-सयं ओगाहिता चारं चरइ, तया णं उत्तमकद्वपत्ते उक्कोसए अद्वारसमृहत्ते दिवसे भवइ, जहण्णिया दुवालसमुहत्ता राई भवइ, एवं सव्वबाहिरेवि, णवरं लवणसमुद्दं तिण्णि तीसे जोयणसए ओगाहिता चारं चरइ, तया णं उत्तमकट्टपत्ता उक्कोसिया अद्वारसमुहत्ता राई भवइ, जहण्णए दुवालसमुहत्ते दिवसे भवइ, गाहाओ भाणिय-व्याओ ॥ १५ ॥ पढमस्स पाहुडस्स पंचमं पाहुडपाहुडं समत्तं ॥१-५॥ ता केवइयं (ते) एगमेगेणं राइंदिएणं विकंपइत्ता २ सूरिए चारं चरइ आहितेति वएजा ? तत्थ खळु इमाओ सत्त पडिवत्तीओ पण्णत्ताओ, तं०—तत्थेगे एवमाहंसु-ता दो जोयणाई अद्भद्वन्तालीसं तेसीयसयभागे जोयणस्स एगमेगेणं राइंदिएणं विकंपइता २ सूरिए चारं चरइ० एगे एवमाहंसु १, एगे पुण एवमाहंसु-ता अड्डाइ-जाइं जोयणाइं एगमेगेणं राइंदिएणं विकंपइत्ता २ सूरिए चारं चरइ० एगे एवमाहंसु २, एगे पुण एवमाहं सु-ता तिभागूणाइं तिष्णि जोयणाइं एगमेरोणं राइंदिएणं विकंप-इता २ सूरिए चारं चरइ० एगे एवमाहंसु ३, एगे पुण एवमाहंसु-ता तिण्णि जोयणाइं अद्धसीयालीसं च तेसीइसयभागे जोयणस्स एगमेगेणं राइंदिएणं विकंप-

णं जंबूदीवं २ एगं जोयणसहस्सं एगं च तेत्तीसं जोयणसयं ओगाहिता सूरिए चारं

इत्ता २ सूरिए चारं चरइ० एगे एवमाहंसु ४, एगे पुण एवमाहंसु-ता अद्भदाहं जोयणाई एगमेगेणं राइंदिएणं विकंपइता २ सूरिए चारं चरइ० एगे एवमाहंस ५ एगे पुण एवमाहंसु-ता चउब्भागूणाई चत्तारि जोयणाई एगमेगेणं राइंदिएणं विकंपइता २ सूरिए चारं चरइ० एगे एवमाहंसु ६, एगे पुण एवमाहंसु-ता चत्तारि जोयणाइं अद्भवावण्णं च तेसीइसयभागे जोयणस्स एगमेगेणं राइंदिएणं विकंपइता २ सूरिए चारं चरइ० एंगे एवमाहंसु ७ । वयं पुण एवं वयामी-ता दो जोयणाइं अडयालीसं च एगद्विभागे जोयणस्स एगमेगं मंडलं एगमेगेणं राइंदिएणं विकंपइता २ सरिए चारं चरइ०. तत्थ णं को हेऊ०ित वएजा ? ता अयण्णं जंबूदीवे २ जाव परिक्खेवेणं पण्णत्ते, ता जया णं सूरिए सन्बन्भंतरं मंडलं उवसंक्रमित्ता चारं चरह तया णं उत्तमकद्रपत्ते उक्कोसए अद्वारसमुहत्ते दिवसे भवइ, जहण्णिया दुवालसमुहत्ता राई भवइ, से णिक्खममाणे सूरिए णवं संवच्छरं अयमाणे पढमंसि अहोरतंति अब्भितराणंतरं मंडलं उवसंक्रमित्ता चारं चरइ, ता जया णं सूरिए अब्भितराणंतरं मंडलं उवसंक्रमित्ता चारं चरइ तया णं दो जोयणाई अडयालीसं च एगद्रिभागे जोयणस्स एगेणं राइंदिएणं विकंपइत्ता चारं चरइ, तया णं अद्वारसमूहत्ते दिवसे भवइ दोहिं एगद्रिभागमहत्तेहिं ऊणे, दुवालसमुहत्ता राई भवइ दोहिं एगद्विभाग-मुहत्तेहिं अहिया । से णिक्खममाणे सूरिए दोचंसि अहोरत्तंसि अब्भितरं तच्चं मंडलं उवसंकिमत्ता चारं चरइ, ता जया णं सूरिए अब्भितरं तचं मंडलं उवसंकिमत्ता चारं चरइ तया णं पंच जोयणाइं पणतीसं च एगद्रिभागे जोयणस्स दोहिं राइंदिएहिं विकंपइत्ता २ चारं चरइ, तया णं अट्ठारसमुहुत्ते दिवसे भवइ चउहिं एगट्टिभागमु-हत्तेहिं ऊणे, दुवाळसमहत्ता राई भवइ चउहिं एगद्विभागमहत्तेहिं अहिया, एवं खल एएणं उवाएणं णिक्खममाणे सूरिए तयाणंतराओ तयाणंतरं मंडलाओ मंडलं संक-ममाणे २ दो २ जोयणाई अडयालीसं च एगट्टिमागे जोयणस्स एगमेगं मंडलं एगमेगेणं राइंदिएणं विकंपमाणे २ सञ्ववाहिरं मंडलं उवसंकमिता चारं चरइ. ता जया णं सूरिए सव्वब्भंतराओं मंडलाओं सव्वबाहिरं मंडलं उवसंक्रमित्ता चारं चरइ तया णं सन्बन्भंतरं मंडलं पणिहाय एगेणं तेसीएणं राइंदियसएणं पंचदसुत्तर-जोयणसए विकंपइता २ चारं चरइ, तया णं उत्तमकहपत्ता उक्कोसिया अट्ठारसमूहत्ता राई भवइ, जहण्णए दुवालसमुहत्ते दिवसे भवइ, एस णं पढमछम्मासे, एस णं पढमछम्मासस्स पज्जवसाणे, से य पविसमाणे सूरिए दोचं छम्मासं अयमाणे पढमंसि अहोरत्तंसि बाहिराणंतरं मंडलं उवसंकिमता चारं चरइ, ता जया णं सूरिए बाहिराणंतरं मंडलं उवसंकिमत्ता चारं चरइ तया णं दो दो जोयणाई अडयालीसं

च एगट्ठिभागे जोयणस्स एगेणं राइंदिएणं विकंपहत्ता २ चारं चरइ, तया णं अद्वारसमुहुत्ता राई भवइ दोहिं एगट्ठिभागमुहुत्तेहिं ऊणा, दुवालसमुहुत्ते दिवसे भवइ दोहिं एगट्ठिभागमुहुत्तेहिं अहिए, से पविसमाणे स्रिए दोचंसि अहोरत्तंसि वाहिरतचंसि मंडलंसि उवसंकिमत्ता चारं चरइ, ता जया णं स्रिए बाहिरतचं मंडलं उवसंकिमत्ता चारं चरइ तया णं पंच जोयणाइं पणतीसं च एगट्ठिभागे जोयणस्स दोहिं राइंदिएहिं विकंपइत्ता २ चारं चरइ, राइंदिए तहेव, एवं खलु एएणुवाएणं पविसमाणे स्रिए तओऽणंतराओ तयाणंतरं च णं मंडलं संकममाणे २ दो २ जोयणाइं अडयालीसं च एगट्ठिभागे जोयणस्स एगमेगेणं राइंदिएणं विकंपमाणे २ सव्वब्मंतरं मंडलं उवसंकिमत्ता चारं चरइ, ता जया णं स्रिए सव्ववाहिर राओ मंडलओ सव्वब्मंतरं मंडलं उवसंकिमत्ता चारं चरइ, ता जया णं स्विण् सव्ववाहिर मंडलं पणिहाय एगेणं तेसीएणं राइंदियसएणं पंचदमुत्तरे जोयणसए विकंपइत्ता २ चारं चरइ, तया णं उत्तमकट्ठपत्ते उक्कोसए अट्ठारसमुहुत्ते दिवसे भवइ, जहण्यिया दुवालसमुहुत्ता राई भवइ, एस णं दोचे छम्मासे, एस णं दोचस्स छम्मासस्स पज्जवसाणे, एस णं आइचे संवच्छरे, एस णं आइचस्स संवच्छरस्स पज्जवसाणे॥ १६॥ पटमस्स पाइडस्स छई पाइडपाइडं समत्तं॥ १-६॥

ता कहं ते मंडलसंठिई आहिताति वएजा ? तत्थ खल्ल इमाओ अट्ट पिड-वत्तीओ पण्णत्ताओ, तं०-तत्थेगे एवमाहंस्र-ता सन्वावि णं मंडलवया समचडरंस-संठाणसंठिया पण्णता एगे एवमाहंस्र १, एगे पुण एवमाहंस्र-ता सन्वावि णं मंडलवया विसमचडरंससठाणसंठिया पण्णत्ता एगे एवमाहंस्र २, एगे पुण एवमाहंस्र-ता सन्वावि णं मंडलवया समचडकोणसंठिया पण्णत्ता एगे एवमाहंस्र ३, एगे पुण एवमाहंस्र-ता सन्वावि णं मंडलवया विसमचडकोणसंठिया पण्णत्ता एगे एवमाहंस्र ४, एगे पुण एवमाहंस्र-ता सन्वावि णं मंडलवया समचक्रवालसंठिया पण्णत्ता एगे एवमाहंस्र ५, एगे पुण एवमाहंस्र-ता सन्वावि णं मंडलवया विसमचक्रवालसंठिया पण्णत्ता एगे एवमाहंस्र ५, एगे पुण एवमाहंस्र-ता सन्वावि णं मंडलवया विसमचक्रवालसंठिया पण्णत्ता एगे एवमाहंस्र-ता सन्वावि णं मंडलवया चक्रद्धचक्रवालसंठिया पण्णत्ता एगे एवमाहंस्र ५, एगे पुण एवमाहंस्र-ता सन्वावि णं मंडलवया छत्तागारसंठिया पण्णत्ता एगे एवमाहंस्र ८, तत्थ जे ते एवमाहंस्र-ता सन्वावि णं मंडलवया छत्तागारसंठिया पण्णत्ता एएणं णएणं णायव्वं, णो चेव णं इयरेहिं, पाहुङगाहाओ भाणियव्वाओ ॥ १७ ॥ पढमस्स पाहुडस्स सन्तमं पाहुङपाहुङं समन्तं ॥ १-७ ॥

ता सन्वावि णं मंडलवया केवइयं बाह्हेणं केवइयं आयामविक्खंभेणं केवइयं

परिक्खेंबेणं आहिताति वएजा ? तत्थ खळ इमाओ तिण्णि पडिवत्तीओ पण्णताओ. तंजहा-तत्थेरो एवमाहंस-ता सन्वावि णं मंडलवया जोयणं बाहल्लेणं एगं जोयण-सहस्सं एगं च तेत्तीसं जोयणसयं आयामविक्खंभेणं तिण्णि जोयणसहस्साइं तिण्णि य णवणउए जोयणसए परिक्खेवेणं पण्णता एगे एवमाहंसु १, एगे पुण एवमा-हंस-ता सञ्चावि णं मंडलवया जोयणं बाहल्लेणं एगं जोयणसहस्सं एगं च चउ-तीसं जोयणसयं आयामविक्खंभेणं तिष्णि जोयणसहरसाई चत्तारि विउत्तरे जोयण-सए परिक्खेवेणं पण्णता एगे एवमाहंसु २, एगे पुण एवमाहंसु-ता० जोयणं बाह-हेणं एगं जोयणसहस्सं एगं च पणतीसं जोयणसयं आयामविक्खंभेणं तिण्णि जोयण-सहस्साइं चतारि य पंचत्तरे जोयणसए परिक्खेवेणं पण्णत्ता एगे एवमाहंसु ३. वयं पण एवं वयामो-ता सन्वावि णं मंडलवया अडयालीसं च एगद्रिभागे जोयणस्स बाहहेणं अणियया आयामविक्खंभेणं परिक्खेवेणं आहिताति वएजा, तत्थ णं को हेऊ०ति वएजा ? ता अयण्णं जंबूदीवे २ जाव परिक्खेवेणं०, ता जया णं स्रिरेए सन्बन्भंतरं मंडलं उवसंक्रमित्ता चारं चरइ तया णं सा मंडलवया अडयालीसं च एगद्रिभागे जोयणस्स बाहक्षेणं णवणउइं जोयणसहस्साई छच चत्ताले जोयणसए आयामविक्खंभेणं तिण्णि जोयणसयसहस्साइं पण्णरसजोयणसहस्साइं एगूणणउइं जोयणाइं किंचिविसेसाहिए परिक्खेवेणं ०. तया णं उत्तमकद्रपत्ते उक्कोसए अद्वारस-महत्ते दिवसे भवइ, जहण्णिया दुवाळसमहत्ता राई भवइ, से णिक्खममाणे सरिए णवं संवच्छरं अयमाणे पढमंसि अहोरत्तंसि अब्भितराणंतरं मंडलं उवसंक्रिमता चारं चरइ, ता जया णं सूरिए अब्भितराणंतरं मंडलं उवसंक्रमिता चारं चरड तया णं सा मंडलवया अडयालीसं च एगद्रिभागे जोयणस्स बाहल्लेणं णवणउइ-जोयणसहस्साइं छच पणयाले जोयणसए पणतीसं च एगद्विभागे जोयणस्स आयामविक्खंभेणं तिण्णि जोयणसयसहस्साइं पन्नरस य सहस्साइं एगं चउत्तरं जोयणसयं किंचिविसेस्णं परिक्खेवेणं०, तया णं दिवसराइप्पमाणं तहेव।से णिक्खममाणे सूरिए दोचंसि अहोरत्तंसि अब्भितरं तचं मंडलं उवसंकिमत्ता चारं चरइ, ता जया णं सूरिए अब्भितरं तचं मंडलं उवसंक्रमित्ता चारं चरइ तया णं सा मंडलवया अडयालीसं च एगद्विभागे जोयणस्स बाहल्लेणं णवणउइजोयण-सहस्साइं छच एकावण्णे जोयणसए णव य एगद्रिभागा जोयणस्स आयामविक्खं-भेणं तिण्णि जोयणसयसहस्साइं पण्णरस य सहस्साइं एगं च पणवीसं जोयणसयं परिक्खेवेणं पण्णत्ता, तया णं दिवसराई तहेव, एवं खळु एएणं णएणं णिक्खममाणे सुरिए तयाणंतराओ तयाणंतरं मंडलाओ मंडलं उवसंक्रममाणे २ पंच जोयणाई

पणतीसं च एगद्विभागे जोयणस्स एगमेगे मंडले विक्खंभवृद्धि अभिवद्देमाणे २ अद्वारस २ जोयणाई परिरयवुङ्कि अभिवङ्केमाणे २ सव्वबाहिरं मंडलं उवसंक-मित्ता चारं चरइ, ता जया णं सूरिए सन्ववाहिरमंडलं उवसंकमित्ता चारं चरइ तया णं सा मंडलवया अडयालीसं च एगद्विभागा जोयणस्स बाहल्लेणं एगं जोयण-सयसहरसं छच सद्दे जोयणसए आयामविक्खंभेणं तिण्णि जोयणसयसहस्साइं अद्वारस सहस्साइं तिण्णि य पण्णरस्तरे जोयणसए परिक्खेवेणं०, तया णं उक्कोसिया अट्टा-रसमुहुत्ता राई भवइ, जहण्णए दुवालसमुहुते दिवसे भवइ, एस णं पढमे छम्मासे, एस ण पढमस्स छम्मासस्स पज्जवसाणे, से पविसमाणे सूरिए दोचं छम्मासं अय-माणे पढमंसि अहोरत्तंसि बाहिराणंतरं मंडलं उवसंक्रमित्ता चारं चरइ, ता जया णं सूरिए बाहिराणंतरं मंडलं उवसंकमित्ता चारं चरइ तया णं सा मंडलवया अडया-लीसं च एगद्रिभागे जोयणस्स बाहर्रेणं एगं जोयणसयसहस्सं छच चडप्पणो जोयणसए छन्वीसं च एगद्रिभागे जोयणस्य आयामविक्खंभेणं तिण्णि जोयणसय-सहस्साइं अट्ठारससहस्साइं दोण्णि य सत्ताणउए जोयणसए परिक्खेवेणं पण्णता, तया णं राइंदियं तहेव, से पविसमाणे सूरिए दोचंसि अहोरत्तंसि वाहिरं तच्चं मंडलं उवसंक्रमित्ता चारं चरइ, ता जया णं सारिए बाहिरं तचं मंडलं उवसंक्रमित्ता चारं चरइ तया णं सा मंडलवया अडयालीसं च एगद्रिभागे जोयणस्य बाहक्षेणं एगं जोयणसयसहस्सं छच अडयाले जोयणसए बावण्णं च एगद्रिभागे जोयणस्स आया-मविक्खं मेणं तिण्णि जोयणसयसहस्साइं अद्वारससहस्साइं दोण्णि य अउयणातीसे जोयणसए परिक्खेवेणं पण्णत्ता, दिवसराई तहेव, एवं खळ एएणुवाएणं से पवि-समाणे सूरिए तयाणंतराओं तयाणंतरं मंडलाओं मंडलं संक्रममाणे २ पंच २ जोयणाई पणतीसं च एगद्विभागे जोयणस्स एगमेगे मंडले विक्खंभवृष्ट्रिं णिवृष्ट्रे-माणे २ अद्वारस जोयणाइं परिरयवुष्ट्वं णिवुड्ढेमाणे २ सव्वब्भंतरं मंडलं उव-संक्रमित्ता चारं चरइ, ता जया णं स्रिए सन्वन्भंतरं मंडलं उवसंक्रमित्ता चारं चरइ तया णं सा मंडलवया अडयालीसं च एगद्रिभागे जोयणस्स बाह्रेलें णवणउई जोयणसहस्साई छच चत्ताले जोयणसए आयामविक्खंभेणं तिण्णि जोयणसयसहस्साई पण्णरस य सहस्साई अउणाउई च जोयणाई किंचिविसेसाहियाई परिक्खेवेणं पण्णता. तया णं उत्तमकट्ठपत्ते उक्कोसए अट्ठारसमुहत्ते दिवसे भवइ, जहण्णिया दुवालसमुहत्ता राई भवइ, एस णं दोचे छम्मासे, एस णं दोचस्स छम्मासस्स पज्जवसाणे, एस णं आइचे संवच्छरे, एस णं आइचस्स संवच्छरस्स पज्जवसाणे, ता सन्वावि णं मंडल-वया अडयालीसं च एगद्विभागे जोयणस्स बाह्रेहेणं, सव्वावि णं मंडलंतरिया दो जोयणाइं विक्खंभेणं, एस णं अद्धा तेसीयसयपहुप्पणो पंचदसत्तरे जोयणसए आहिताति वएजा, ता अब्भितराओ मंडलवयाओ बाहिरं मंडलवयं बाहिराओ वा॰ अब्भितरं मंडलवयं एस णं अद्धा केवइयं आहिताति वएजा? ता पंचदस्तरजोयणसए आहिताति वएजा, ता अब्भितराए मंडलवयाए बाहिरा मंडलवया बाहिराओ मंडलवयाओ अब्भितरा मंडलवया एस णं अद्धा केवइयं आहिताति वएजा? ता पंचदस्तरे जोयणसए अडयालीसं च एगट्टिभागे जोयणस्स आहिताति वएजा, ता अब्भितराओ मंडलवयाओ बाहिरमंडलवया बाहिराओ॰ अब्भितरमंडलवया एस णं अद्धा केवइयं आहिताति वएजा, ता अब्भितराओ मंडलवयाओ बाहिरमंडलवया बाहिराओ॰ अब्भितरमंडलवया एस णं अद्धा केवइयं आहिताति वएजा, ता अब्भितराए मंडलवयाए वाहिरा मंडलवया बाहिराए मंडलवयाए अब्भितरमंडलवया एस णं अद्धा केवइयं आहिताति वएजा, ता अब्भितराए मंडलवयाए बाहिरा मंडलवया वाहिराए मंडलवयाए अब्भितरमंडलवया एस णं अद्धा केवइयं आहिताति वएजा? ता पंचदस्तरे जोयणसए आहिताति वएजा ॥ १८॥ पटमस्स पाहुडस्स अट्टमं पाहुडपाहुडं समत्तं॥ १–८॥ पटमं पाहुडं समत्तं॥ १॥

ता कहं तेरिच्छगई आहिताति वएजा ? तत्य खलु इमाओ अहु पडिवत्तीओ पण्णत्ताओ, तं०-तत्थेगे एवमाहंसु-ता पुरच्छिमाओ लोयंताओ पाओ मरीई आगा-संसि उत्तिद्वइ, से णं इमं तिरियं लोयं तिरियं करेइ तिरियं करेत्ता पचि त्थिमंसि लोयंतंसि सायंमि रायं आगासंसि विद्धंसइ एगे एवमाहंसु १, एगे पुण एवमाहंसु-ता पुरच्छि-माओ लोयंताओ पाओ सूरिए आगासंसि उत्तिद्वइ, से णं इमं तिरियं लोयं तिरियं करेड़ करिता पचित्थमंसि लोयंतंसि सूरिए आगासंसि विद्धंसइ एगे एवमाहंसु २. एगे पुण एवमाहंस्र-ता पुरित्थमाओ लोयंताओ पाओ सूरिए आगासंसि उत्तिद्रहरू से णं इमं तिरियं लोयं तिरियं करेड़ करिता पचित्थमंसि लोयंसि सायं सरिए आगासं अणुपविसइ २ त्ता अहे पिडयागच्छइ अहे पिडयागच्छेता पुणरवि अवरभुपुरिय-माओ लोयंताओ पाओ सारिए आगासंसि उत्तिद्वह एगे एवमाहंसु ३, एगे पुण एवमाहंस्र-ता पुरित्थमाओ लोगंताओ पाओ सूरिए पुढविकायंसि उत्तिद्वह, से णं इमं तिरियं लोयं तिरियं करेइ करेत्ता पचित्थिमिल्लंसि लोयंतीस सायं सूरिए पुढविकायंसि विद्धंसइ एगे एवमाहंस्र ४, एगे पुण एवमाहंस्र-ता पुरस्थिमाओ लोयंताओ पाओ सरिए पढिविकायंसि उत्तिद्रह, से णं इमं तिरियं लोयं तिरियं करेड़ करेता पचित्यमंसि लोयंतंसि सायं सूरिए पुढविकायंसि अणुपविसइ अणुपविसित्ता अहे पिडयागच्छइ २ ता पुणरिव अवरभुपुरित्थमाओ लोयंताओ पाओ सूरिए पुढविकायंसि उत्तिद्वह एगे एवमाहंस ५, एगे पुण एवमाहंस-ता पुरित्थिमिल्लाओ लोयंताओ पाओ सरिए आउ-कार्यसि उत्तिद्वह, से णं इमं तिरियं लोयं तिरियं करेइ करेता पचित्थमंसि लोयंतंसि

पाओ सूरिए आउकायंसि विद्धंसइ एगे एवमाहंसु ६, एगे पुण एवमाहंसु-ता पुरित्थ-माओ लोगंताओ पाओ सूरिए आउकायंसि उत्तिद्वहर्, से णं इमं तिरियं लोयं तिरियं करेड करेत्ता पचित्थमंसि लोगंतांसि सायं सूरिए आउकायंसि अणुपविसइ २ त्ता अहे पिडियागच्छइ २ त्ता पुणरिव अवरभूपुरित्यमाओ स्रोयंताओ पाओ स्रिए आउ-कार्यति उत्तिद्वइ एगे एवमाहंसु ७, एगे पुण एवमाहंसु-ता पुरत्थिमाओ लोयंताओ बहुई जोयणाई बहुई जोयणसयाई बहुई जोयणसहस्साई उहुं दूरं उप्पहत्ता एत्थ णं पाओ सूरिए आगासंसि उत्तिहुइ, से णं इमं दाहिणहुं लोयं तिरियं करेइ करेता उत्तरहुलोयं तमेव राओ, से णं इमं उत्तरहुलोयं तिरियं करेइ २ ता दाहिणहुलोयं तमेव राओ, से णं इमाइं दाहिणुत्तरहुलोयाइं तिरियं करेइ करेता पुरित्थमाओ लोयंताओ बहूई जोयणाई बहूई जोयणसयाई बहूई जोयणसहस्साई उड्ढं दूरं उप्प-इत्ता एत्थ णं पाओ स्रिए आगासंसि उत्तिष्ठइ एगे एवमाहंसु ८ । वयं पुण एवं वयामो-ता जंबूदीवस्स २ पाईणपडीणाययउदीणदाहिणाययाए जीवाए मंडलं चउ-व्वीसेणं सएणं छेता दाहिणपुरच्छिमंसि उत्तरपचित्थिमंसि य चउव्भागमंडलंसि इमीसे रयणप्पभाए पुढवीए बहुसमरमणिजाओ भूमिभागाओ अट्ठ जोयणसयाई उन्हं उप्प-इत्ता एत्थ णं पाओ दुवे सूरिया० उत्तिद्वंति, ते णं इमाइं दाहिणुत्तराइं जंबूदीव-भागाइं तिरियं करेंति २ त्ता पुरित्थमपचित्थिमाइं जंबूदीवभागाइं तामेव राओ, ते णं इमाइं पुरच्छिमपचित्थिमाइं जंबूचीवभागाइं तिरियं करेंति २ ता दाहिणुत्तराईं जंबू-दीवभागाइं तामेव राओ, ते णं इमाइं दाहिणुत्तराइं पुरिच्छमपचित्थिमाइं च जंबू-दीवभागाई तिरियं करेंति २ ता जंबूदीवस्स २ पाईणपडीणाययउदीणदाहिणाययाए जीवाए मंडलं चउव्वीसेणं सएणं छेता दाहिणपुरच्छिमिल्लंसि उत्तरपचित्थिमिल्लंसि य चउभागमंडलंसि इमीसे रयणप्पभाए पुढवीए बहुसमरमणिजाओ भूमिभागाओ अट्ट. जोयणसयाइं उद्वं उप्पइत्ता एत्य णं पाओ दुवे स्रिया आगासंसि उत्तिद्वंति ॥ १९॥ विइयस्स पाहुडस्स पढमं पाहुडपाहुडं समत्तं ॥ २-१ ॥

ता कहं ते मंडलाओ मंडलं संकममाणे २ स्रिए चारं चरइ आहिताति वएजा ? तत्थ खल्ल इमाओ दुवे पिडवत्तीओ पण्णत्ताओ, तं०-तत्थेगे एवमाहंसु-ता मंडलाओ मंडलं संकममाणे २ स्रिए भेयघाएणं संकमइ० एगे एवमाहंसु १, एगे पुण एवमाहंसु-ता मंडलाओ मंडलं संकममाणे २ स्रिए कण्णकलं णिव्वेढेइ ... २, तत्थ (णं) जे ते एवमाहंसु-ता मंडलाओ मंडलं संकममाणे २ स्रिए भेयघाएणं संकमइ, तेसि णं अयं दोसे, ता जेणंतरेणं मंडलाओ मंडलं संकममाणे २ स्रिए भेयघाएणं संकमइ एवइयं च णं अद्धं पुरओ ण गच्छइ, पुरओ अगच्छमाणे मंडलकालं परिहवेइ, तेसि

णं अयं दोसे, तत्थ जे ते एवमाहंसु-ता मंडलाओ मंडलं संकममाणे २ सरिए कण्णकलं णिन्वेढेइ, तेसि णं अयं विसेसे, ता जेणंतरेणं मंडलाओ मंडलं संकम-माणे २ स्रिए कण्णकलं णिव्वेढेइ एवइयं च णं अदं पुरओ गच्छइ, पुरओ गच्छमाणे मंडलकालं ण परिहवेइ, तेसि णं अयं विसेसे, तत्थ जे ते एवमाहंसु–ता मंडलाओ मंडलं संकममाणे २ सूरिए कण्णकलं णिव्वेढेइ, एएणं णएणं णेयव्वं, णो चेव णं इयरेणं ॥ २० ॥ विइयस्स पादुडस्स विइयं पादुडपादुडं समत्तं ॥ २-२ ॥

ता केवइयं ते खेतं स्रिए एगमेगेणं मुहुत्तेणं गच्छइ आहिताति वएजा ? तत्थ खल इमाओ चत्तारि पडिवत्तीओ पण्णत्ताओ, तं०-तत्थ एगे एवमाहंसु-ता छ छ जोयणसहस्साइं सूरिए एगमेगेणं मुहुत्तेणं गच्छइ० एगे एवमाहंसु १, एगे पुण एवमाहंस-ता पंच पंच जोयणसहस्साइं सूरिए एगमेगेणं मुहुत्तेणं गच्छइ० एगे एवमाहंस २, एगे पुण एवमाहंस-ता चत्तारि २ जोयणसहस्साइं सूरिए एगमेगेणं मुहुत्तेणं गच्छइ० एगे एवमाहंसु ३, एगे पुण एवमाहंसु-ता छवि पंचवि चत्तारिवि जोयणसहस्साइं स्रिए एगमेगेणं मुहुत्तेणं गच्छइ० एगे एवमाहंसु ४, तत्थ खलु जे ते एवमाहंस-ता छ छ जोयणसहस्साइं स्रिए एगमेगेणं मुहुत्तेणं गच्छइ, ते एव-माहंसु-ता जया णं स्रिए सन्वन्मंतरं मंडलं उवसंकिमत्ता चारं चरइ तया णं उत्तमक्ट्रपत्ते उक्कोसए अट्ठारसमुहत्ते दिवसे भवइ, जहण्णिया दुवालसमुहत्ता राई भवइ, तंसि च णं दिवसंसि एगं जोयणसयसहस्सं अह य जोयणसहस्साइं तावक्खेत्त पण्णते, ता जया णं सूरिए सव्वबाहिरं मंडलं उवसंकिमत्ता चारं चरइ तया णं उत्तमकट्टपत्ता उक्कोसिया अट्टारसमुहत्ता राई भवइ, जहण्णए दुवालसमुहुत्ते दिवसे भवइ, तंसि च णं दिवसंसि बावत्तरिं जोयणसहस्साइं तावक्खेते पण्णत्ते, तया णं छ छ जोथणसहस्साइं सूरिए एगमेगेणं मुहुत्तेणं गच्छइ, तत्थ जे ते एवमाहंसु-ता पंच पंच जोयणसहस्साइं सूरिए एगमेगेणं मुहुत्तेणं गच्छइ, ते एवमाहंसु-ता जया णं सूरिए सन्बब्भंतरं मंडलं उवसंकमित्ता चारं चरइ, तहेव दिवसराइप्पमाणं, तंसि च णं दिवसंसि तावक्खेतं णउइजोयणसहस्साइं, ता जया णं सूरिए सन्ववाहिरं मंडलं उवसंकमित्ता चारं चरइ तया णं तं चेव राइंदियप्पमाणं, तंसि च णं दिवसंसि सिंड जोयणसहस्साइं तावक्खेत्ते पण्णते, तया णं पंच पंच जोयणसहस्साइं स्रिए एगमेगेणं मुहुत्तेणं गच्छइ, तत्थ जे ते एवमाहंसु-ता चत्तारि २ जोयणसहस्साइं स्रिए एगमेगेणं मुहुत्तेणं गच्छइ, ते एवमाहंस्र-ता जया णं स्रिए सव्वब्भंतरं मंडलं उवसंक्रिमत्ता चारं चरइ तया णं दिवसराई तहेव, तंसि च णं दिवसंसि बावत्तरिं

जोयणसहस्साइं तावक्खेते पण्णते. ता जया णं स्रिए सव्वबाहिरं मंडलं उवसंकिमता चारं चरइ तया णं राइंदियं तहेव. तंसि च णं दिवसंसि अड्यालीसं जोयणसह-स्साइं तावक्खेते पण्णते. तया णं चत्तारि २ जोयणसहस्साइं स्रिरेए एगमेगेणं महत्तेणं गच्छइ. तत्थ जे ते एवमाहंसु–ता छवि पंचिव चत्तारिवि जोयणसहस्साइं सूरिए एगमेगेणं महत्तेणं गच्छइ, ते एवमाहंसु-ता सूरिए णं उग्गमणमुहत्तंसि य अत्थमणमुहत्तं-सि य सिग्धगई भवइ, तया णं छ छ जोयणसहस्साइं एगमेगेणं मुहत्तेणं गच्छइ, मज्झिमतावक्खेतं समासाएमाणे २ सूरिए मज्झिमगई भवइ, तया णं पंच पंच जोयणसहस्साइं एगमेगेणं मुहत्तेणं गच्छइ, मज्झिम २ तावक्खेत्तं संपत्ते सूरिए मंदगई भवइ, तया णं चत्तारि जोयणसहस्साइं एगमेगेणं मुहत्तेणं गच्छइ, तत्थ को हेऊ ० ति वएजा १ ता अयण्णं जंबुद्दीवे २ जाव परिक्खेवेणं ०, ता जया णं सूरिए सञ्बब्भेतरं मंडलं उवसंकमिता चारं चरइ तया णं दिवसराई तहेव, तंसि च णं दिवसंसि एकाणउइं जोयणसहस्साइं तावक्खेते पण्णते, ता जया णं सूरिए सन्वबाहिरं मंडलं उवसंकमित्ता चारं चरइ तया णं राइंदियं तहेव, तिरंस च णं दिवसंसि एग-द्रिजोयणसहस्साइं तावक्खेते पण्णते. तया णं छवि पंचवि चत्तारिवि जोयणसहस्साइं सूरिए एगमेगेणं मुहत्तेणं गच्छइ एगे एवमाहंस । वयं पुण एवं वयामो-ता साइरेगाई पंच पंच जोयणसहस्साई स्रिए एगमेगेणं मुहुत्तेणं गच्छइ०, तत्थ को हेऊ०ित वएजा ? ता अयण्णं जंब्रहीवे २ · · परिक्खेवेणं ०, ता जया णं सूरिए सव्वब्भंतरं मंडलं उवसंक्रमिता चारं चरइ तया णं पंच २ जोयणसहस्साइं दोण्णि य एकावण्णे जोयणसए एगूणतीसं च सद्विमागे जोयणस्स एगमेगेणं मुहुत्तेणं गच्छइ, तया णं इहगयस्स मणुस्सम्स सीयालीसाए जोयणसहस्सेहिं दोहि य तेवड्रेहिं जोयणसएहिं एकवीसाए य सिद्धभागेहिं जोयणस्य स्रिए चक्खुप्फासं हव्वमागच्छइ, तया णं दिवसे राई तहेव, से णिक्खममाणे सूरिए णवं संवच्छरं अयमाणे पढमंसि अहोरत्तंसि अब्भितराणंतरं मंडलं उवसंकमित्ता चारं चरइ, ता जया णं सूरिए अब्भितराणंतरं मंडलं उवसंक्रिमत्ता चारं चरइ तया णं पंच पंच जोयणसहस्साई दोण्णि य एकावण्णे जोयणसए सीयाठीसं च सद्रिमागे जोयणस्य एगमेगेणं महत्तेणं गच्छइ. तया णं इहगयस्स मणूसस्स सीयालीसाए जोयणसहस्सेहिं अउणासीए य जोयणसए सत्तावण्णाए सिट्टमागेहिं जोयणस्स सिट्टमागं च एगद्रिहा छेता अउणावीसाए चुण्णियाभागेहिं सूरिए चक्खुप्फासं हव्वमागच्छइ, तया णं दिवसराई तहेव, से णिक्खममाणे सरिए दोचंसि अहोरत्तंसि अब्भितरतचं मंडलं उवसंकमिता चारं चरइ, ता जया णं सूरिए अब्भितरतचं मंडलं उवसंक्रमित्ता चारं चरइ तया णं ४४ सत्ता०

पंच २ जोयणसहस्साइं दोण्णि य बावण्णे जोयणसए पंच य सिद्धभागे जोयणस्स एगमेगेणं मुहुत्तेणं गच्छइ, तया णं इहगयस्य मणूसस्स सीयालीसाए जोयणसहस्सेहिं छण्णउईए य जोयणेहिं तेत्तीसाए य सिट्टमागेहिं जोयणस्स सिट्टमागं च एगद्रिहा होता दोहिं चुण्णियामागेहिं सुरिए चक्खुप्फासं हव्वमागच्छइ, तया णं दिवसराई तहेव. एवं खळ एएणं उवाएणं णिक्खममाणे सरिए तयाणंतराओ तयाणंतरं मंड-लाओं मंडलं संकममाणे २ अद्वारस २ सिद्वभागे जोयणस्स एगमेगे मंडले महत्तगई अभिवृङ्गेमाणे २ चुलसीइं साइरेगाइं जोयणाइं पुरिसच्छायं णिवुङ्गेमाणे २ सव्व-बाहिरं मंडलं उवसंक्रमिता चारं चरइ, ता जया णं सूरिए सन्वबाहिरमंडलं उवसंक-मिता चारं चरइ तया णं पंच २ जोयणसहस्साइं तिण्णि य पंचतरे जोयणसए पण्णरस य सद्विभागे जोयणस्स एगमेगेणं सुहुत्तेणं गच्छइ, तया णं इहगयस्स मणू-सस्स एकतीसाए जोयणसहस्सेहिं अद्रहिं एकतीसेहिं जोयणसएहिं तीसाए य सद्रि-भागेहिं जोयणस्य सूरिए चक्खण्फासं हव्वमागच्छइ, तया णं उत्तमकट्ठपत्ता उक्को-सिया अद्वारसमुहत्ता राई भवइ, जहण्णए दुवालसमुहत्ते दिवसे भवइ, एस णं पढमे छम्मासे, एस णं पढमस्स छम्मासस्स पज्जवसाणे । से पविसमाणे सूरिए दोचं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमित्ता चारं चरइ. ता जया णं सूरिए बाहिराणंतरं मंडलं उवसंक्रमित्ता चारं चरइ तया णं पंच २ जोयणसह-स्साइं तिण्णि य चउरुत्तरे जोयणसए सत्तावण्णं च सिट्टमाए जोयणस्स एगमेगेणं मुहत्तेणं गच्छइ, तथा णं इहगयस्स मणूसस्स एकतीसाए जोयणसहस्सेहिं णवहि य सोलेहिं जोयणसएहिं एगूणयालीसाए सिट्टमागेहिं जोयणस्स सिट्टमागं च एगट्टिहा छेत्ता सद्विए चण्णियाभागे सूरिए चक्खुप्फासं हव्वमागच्छइ, तया णं राइंदियं तहेव. से पविसमाणे सूरिए दोचंसि अहोरत्तंसि बाहिरं तचं मंडलं उवसंकमित्ता चारं चरड. ता जया णं सूरिए बाहिरतचं मंडलं उवसंक्रमित्ता चारं चरइ तया णं पंच पंच जोयणसहस्साइं तिण्णि य चउत्तरे जोयणसए ऊयालीसं च सिट्टभागे जोयणस्स एग-मेरोणं सहत्तेणं गच्छइ, तया णं इहगयस्स मणूसस्स एगाहिरोहिं बत्तीसाए जोयण-सहस्सेहिं एकावण्णाए य सिट्टभागेहिं जोयणस्य सिट्टभागं च एगट्रिहा छेता तेवी-साए चुण्णियाभागेहिं सूरिए चक्खुप्फासं हव्वमागच्छइ, राइंदियं तहेव, एवं खलु एएणुवाएणं पविसमाणे स्रिए तयाणंतराओ त्याणंतरं मंडलाओ मंडलं संकममाणे २ अद्वारस २ सद्विमागे जोयणस्स एगमेगे मंडले मुहत्तगई णिवुङ्केमाणे २ साइरेगाई पंचासीई २ जोयणाई पुरिसच्छायं अभिवुह्रेमाणे २ सव्वब्मंतरं मंडलं उवसंकिमत्ता चारं चरइ, ता जया णं सूरिए सव्बन्भंतरं मंडलं उवसंकमित्ता चारं चरइ तया णं

पंच २ जोयणसहस्साइं दोण्णि य एक्कावण्णे जोयणसए अट्टतीसं च सिट्टभागे जोय-णस्स एगमेगेणं मुहुत्तेणं गच्छइ तया णं इहगयस्स मण्सस्स सीयालीसाए जोयणसह-स्सेहिं दोहि य दोबट्टेहिं जोयणसएहिं एक्कवीसाए य सिट्टभागेहिं जोयणस्स सूरिए चक्खण्फासं हव्यमागच्छइ, तया णं उत्तमक्ट्टपत्ते उक्कोसए अट्टारसमुहुत्ते दिवसे भवइ, जहण्णिया दुवालसमुहुत्ता राई भवइ, एस णं दोचे छम्मासे, एस णं दोचस्स छम्मा-सस्स पज्जवसाणे, एस णं आइचे संबच्छरे, एस णं आइचस्स संबच्छरस्स पज्जव-साणे॥ २१॥ विद्यस्स पाहुडस्स तद्यं पाहुडपाहुडं समत्तं॥ २-३॥ विद्यं पाहुडं समत्तं॥ २॥

ता केवइयं खेत्तं चंदिमसरिया ओभासंति उज्जोवेंति तवेंति पगासंति आहिताति वएजा ? तत्थ खळ इमाओ बारस पडिवत्तीओ पण्णत्ताओ. तं०-तत्थेगे एवमाहंसु-ता एगं दीवं एगं समुद्दं चंदिमस्रिया ओभासंति उज्जोवेंति तवेंति पगासेंति ... १, एगे पुण एवमाहंसु-ता तिण्णि दीवे तिण्णि समुद्दे चंदिमसूरिया ओभासंति ... एगे एवमाहंसु २, एगे पुण एवमाहंसु-ता अद्धचउत्थे दीवसमुद्दे चंदिमस्रिया ओमा-संति ... एगे एवमाहंसु ३, एगे पुण एवमाहंसु-ता सत्त दीवे सत्त समुद्दे चंदिमस्-रिया ओभासंति ... एगे एवमाहंसु ४, एगे पुण एवमाहंसु-ता दस दीवे दस समुद्दे चंदिमसरिया ओभासंति ... एगे एवमाहंसु ५, एगे पुण एवमाहंसु-ता बारस दीवे बारस समुद्दे चंदिमसूरिया ओभासंति ...६, एगे पुण एवमाहंसु–ता बायाठीसं दीवे बायाळीसं समहे चंदिमस्रिया ओभासंति ... एगे एवमाहंस ७, एगे पुण एवमाहंस-ता बावत्तरिं दीवे बावत्तरिं समुद्दे चंदिमस्रिया ओभासंति ... एगे एवमाहंस ८, एगे पुण एवमाहंसु–ता बायालीसं दीवसयं बायालीसं समुद्दसयं चंदिमस्रिया ओभासंति ···एगे एवमाहंसु ९, एगे पुण एवमाहंसु-ता बावत्तरिं दीवसयं बावत्तरिं समुद्दसयं चंदिमस्रिया ओभासंति ... एगे एवमाहंसु १०, एगे पुण एवमाहंसु-ता बायाठीसं दीवसहस्सं बायालं समुद्दसहस्सं चंदिमस्रिया ओभासंति एगे एवमाहंस्र ११, एगे पुण एवमाहंसु-ता बावत्तरिं दीवसहरूसं बावत्तरिं समुद्दसहरूसं चंदिमस्रिया ओमा-संति ... एगे एवमाहंसु १२, वयं पुण एवं वयामो-ता अयण्णं जंबुद्दीवे २ सव्वदी-वससुद्दाणं जाव परिक्खेवेणं पण्णत्ते, से णं एगाए जगईए सव्वओ समंता संपरि-क्खित्ते, सा णं जगई तहेव जहा जंबृदीवपण्णत्तीए जाव एवामेव सपुन्वावरेणं जंबुद्दीवे २ चोद्दससिळलासयसहस्सा छप्पण्णं च सिळलासहस्सा भवंतीति मक्खाया, जंबुद्दीवे णं दीवे पंचचक्सभागसंठिए आहिएति वएजा, ता कहं जंबुद्दीवे २ पंचचक-भागसंठिए आहिएति वएजा? ता जया णं एए दुवे सूरिया सन्वब्भंतरं मंडलं उवसंकिमिता चारं चरंति तया णं जंबुद्दीवस्स २ तिण्णि पंचचक्कभागे ओभासंति ..., तंजहा—एगेवि एगं दिवहुं पंचचक्कभागं ओभासह..., एगेवि एगं दिवहुं पंचचक्कभागं ओभासह..., एगेवि एगं दिवहुं पंचचक्कभागं ओभासह..., तया णं उत्तमकट्ठपत्ते उक्कोसए अट्ठारसमुहुत्ते दिवसे भवइ, जहण्णिया दुवालसमुहुत्ता राई भवइ, ता जया णं एए दुवे स्रिया सञ्चवाहिरं मंडलं उवसं-किमिता चारं चरंति तया णं जंबुद्दीवस्स २ दोण्णि चक्कभागे ओभासंति...ता एगेवि स्रिए एगं पंचचक्कवालभागं ओभासइ उज्जोवेइ तवेइ पभासेइ, एगेवि एगं पंचचक्कवालभागं ओभासइ..., तया णं उत्तमकट्ठपता उक्कोसिया अट्ठारसमुहुत्ता राई भवइ, जहण्णए दुवालसमुहुत्ते दिवसे भवइ॥ २२॥ तइयं पाहुं समत्तं॥ ३॥

ता कहं ते सेयाए संठिई आहिताति वएजा? तत्थ खु इमा दुविहा संठिई पण्णता, तंजहा-चंदिमसूरियसंठिई य तावक्खेत्तसंठिई य, ता कहं ते चंदिमसूरिय-संठिई आहिताति वएजा ? तत्थ खुल इमाओ सोलस पडिवत्तीओ पण्णताओ. तं०-तत्थेगे एवमाहंस-ता समचउरंससंठिया णं चंदिमसूरियसंठिई० एगे एवमाहंस १, एगे पुण एवमाहंसु-ता विसमचउरंससंठिया णं चंदिमसूरियसंठिई पण्णत्ता० २. एवं एएणं अभिलावेणं समचउक्कोणसंठिया ३, विसमचउक्कोणसंठिया ४, समचक्क-वालसंठिया ५, विसमचक्कवालसंठिया ६, ... ता चक्कद्रचक्कवालसंठिया ... पण्णता एगे एवमाहंस ७, एगे पुण एवमाहंस-ता छत्तागारसंठिया णं चंदिमसूरियसंठिई पण्णत्ता० ८, एवं गेहसंठिया ९, गेहावणसंठिया १०, पासायसंठिया ११, गोपुर-संठिया १२, पेच्छाघरसंठिया १३, वलभीसंठिया १४, हम्मियतलसंठिया १५, एगे पुण एवमाहंस-ता वालग्गपोइयासंठिया णं चंदिमसूरियसंठिई पण्णता० १६. तत्थ जे ते एवमाहंस-ता समचउरंससंठिया णं चंदिमसूरियसंठिई पण्णता०, एवं एएणं गएणं णेयव्वं णो चेव णं इयरेहिं। ता कहं ते तावक्खेत्तसंठिई आहिताति वएजा? तत्थ खल्ल इमाओ सोलस पडिवत्तीओ पण्णत्ताओ, तं०-तत्थ णं एगे एवमाहंसु-ता गेह-संठिया णं तावक्खेत्तसंठिई पण्णता एवं जाव वालग्गपोइयासंठिया णं तावक्खेत्त-संठिई॰, एगे पुण एवमाहंस-ता जस्संठिए णं जंबुद्दीवे २ तस्संठिया णं तावक्खेत्तसंठिई पण्णत्ता एगे एवमाहंसु ९, एगे पुण एवमाहंसु-ता जस्संठिए णं भारहे वासे तस्संठिया० पण्णता॰ १०, एवं उजाणसंठिया निजाणसंठिया एगओ णिसहसंठिया दृहओ णिसहसंठिया सेयणगसंठिया॰ एगे एवमाहंस १५, एगे पुण एवमाहंस-ता सेणग-पद्वसंठिया णं तावक्खेत्तसंठिई पण्णत्ता एगे एवमाहंसु १६, वयं पुण एवं वयामो-ता उद्दीमुहकलंबुयापुष्फसंठिया णं तावक्खेतसंठिई पण्णत्ता, अंतो संकुडा बाहिं वित्थडा अंतो वट्टा बाहिं पिहुला अंतो अंक्सुहसंठिया बाहिं सत्थिमुहसंठिया, उभओ पासेणं

तीसे दुवे बाहाओ अवद्वियाओ भवंति पणयालीसं २ जोयणसहस्साइं आयामेणं, तीसे दुवे बाहाओ अणवद्वियाओ भवंति, तंजहा-सव्वब्भंतिरया चेव बाहा सव्व-बाहिरिया चेव बाहा, तत्थ को हेऊ०ति वएजा ? 'ता अयण्णं जंबुद्दीवे २ जाव परिक्खेवेणं , ता जया णं स्रिए सन्बन्भंतरं मंडलं उवसंक्रमित्ता चारं चरइ तया णं उड्डीमहकलंब्यापुप्फसंठिया णं तावक्खेत्तसंठिई आहिताति वएजा, अंतो संकुडा बाहिं वित्यडा अंतो वहा बाहिं पिहला अंतो अंकमहसंठिया बाहिं सत्थिमहसंठिया. दहओ पासेणं तीसे तहेव जाव सव्वबाहिरिया चेव बाहा, तीसे णं सव्वब्मंतरिया बाहा मंदरपव्वयंतेणं णव जोयणसहस्साइं चत्तारि य छलसीए जोयणसए णव य दसभागे जोयणस्स परिक्खेवेणं आहिताति वएजा. तासे णं परिक्खेवविसेसे कओ आहिएति वएजा ? ता जे णं मंदरस्स पव्वयस्स परिक्खेवे तं परिक्खेवं तिहिं गुणिता दसहिं छेता दसिं भागे हीरमाणे एस णं परिक्खेवविसेसे आहिएति वएजा, तीसे णं सन्वबाहिरिया बाहा लवणसमुद्देतेणं चलणलई जोयणसहस्साई अद्भय अद्भरहे जोयणसए चत्तारि य दसभागे जोयणस्स परिक्खेवेणं आहिताति वएजा, तासे णं परिक्खेवविसेसे कओ आहिएति वएजा? ता जे णं जंबद्दीवस्स २ परिक्खेवे · · तिहिं गणिता दसिं छेता दसिं भागे हीरमाणे एस णं परिक्खेवविसेसे आहिएति वएजा. तीसे णं तावक्खेत्ते केवइयं आयामेणं आहिएति वएजा ? ता अद्वत्तरिं जोयणसहस्साइं तिण्णि य तेत्तीसे जोयणसए जोयणतिभागे य आयामेणं आहिएति वएजा. तया णं किंसंठिया अंधयारसंठिई आहिताति वएजा? ता उड्डीमहक्लंबयापुप्फसंठिया तहेव जाव बाहिरिया चेव बाहा, तीसे णं सव्वब्भंतरिया बाहा मंदरपव्वयंतेणं छज्जोयणसहस्साइं तिण्णि य चउवीसे जोयणसए छच्च दसभागे जोयणस्स परिक्खे-वेणं आहिताति वएजा. तीसे णं परिक्खेवविसेसे कओ आहिएति वएजा? ता जे णं मंदरस्स पञ्चयस्स परिक्खेवे तं परिक्खेवं दोहिं गुणेत्ता सेसं तहेव. तीसे णं सञ्बबाहिरिया बाहा लवणसमुद्दंतेणं तेवद्विजोयणसहस्साइं दोण्णि य पणयाले जोयणसए छच दसभागे जोयणस्स परिक्खेवेणं आहिताति वएजा, तासे णं परि-क्खेवविसेसे कओ आहिएति वएजा? ता जे णं जंबुद्दीवस्स २ परिक्खेवे तं परि-क्खेवं दोहिं गुणिता दसिं छेता दसिं भागे हीरमाणे एस णं परिक्खेवविसेसे आहि-एति वएजा, ता से णं अंधयारे केवइयं आयामेणं आहिएति वएजा? ता अद्रत्तिरं जोयणसहस्साइं तिण्णि य तेत्तीसे जोयणसए जोयणतिभागं च आयामेणं आहिएति वएजा, तया णं उत्तमकट्ठपत्ते अट्ठारसमुहुत्ते दिवसे भवइ, जहण्णिया दुवालसमुहुत्ता राई भवइ, ता जया णं सूरिए सन्वबाहिरं मंडलं उवसंकमित्ता चारं चरइ तया णं

किसंठिया तावक्खेत्तसंठिई आहिताति वएजा ? ता उड्ढीमुहकलंबुयापुप्फसंठिया तावक्खेतसंठिई आहिताति वएजा, एवं जं अब्भितरमंडले अध्यारसंठिईए पमाणं तं वाहिरमंडले तावक्खेत्तसंठिईए जं तिहं तावक्खेत्तसंठिईए तं वाहिरमंडले अध्यारसंठिईए माणियव्वं जाव तया णं उत्तमकद्वपत्ता उक्कोसिया अद्वारसमुहुत्ता राई भवइ, जहण्णए दुवालसमुहुत्ते दिवसे भवइ, ता जंबुद्दीवे २ सूरिया केवइयं खेतं उड्ढं तवंति केवइयं खेतं अहे तवंति केवइयं खेतं तिरियं तवंति ? ता जंबुद्दीवे णं दीवे सूरिया एगं जोयणसयं उड्ढं तवंति अद्वारस जोयणसयाइं अहे तवंति सीयालीसं जोयणसहस्साइं दुण्णि य तेवद्वे जोयणसए एगवीसं च सिंद्वमागे जोयणस्स तिरियं तवंति ॥ २३ ॥ चउत्थं पाइडं समत्तं ॥ ४॥

ता कस्सि णं सिरियस्स लेस्सा पिडहया आहिताति वएजा ? तत्थ खलु इमाओ वीसं पडिवत्तीओ पण्णताओ, तं - तत्थेगे एवमाहंस-ता मंदरंसि णं पव्वयंसि सूरि-यस्स लेस्सा पिंडहया आहिताति वएजा एगे एवमाहंसु १, एगे पुण एवमाहंसु-ता मेरुंसि णं पन्वयंसि सूरियस्स लेस्सा पिडहया आहिताति वएजा एगे एवमाहंसु २, एवं एएणं अभिलावेणं भाणियव्वं-ता मणोरमंसि णं पव्वयंसि, ता सुदंसणंसि णं पव्वयंसि, ता सयंपभंसि णं पव्वयंसि, ता गिरिरायंसि णं पव्वयंसि, ता रयण्चयंसि णं पव्वयंसि, ता सिल्लुचयंसि णं पव्वयंसि, ता लोयमज्झंसि णं पव्वयंसि, ता लोयणाभिंसि णं पव्वयंसि, ता अच्छंसि णं पव्वयंसि, ता सूरियावत्तंसि णं पव्वयंसि, ता स्रियावरणंसि णं पव्वयंसि, ता उत्तमंसि णं पव्वयंसि, ता दिसाइंसि णं पव्व-यंसि, ता अवयंसंसि णं पव्वयंसि, ता धरणिखीलंसि णं पव्वयंसि, ता धरणिसिंगंसि णं पव्वयंसि, ता पव्वइंदंसि णं पव्वयंसि, ता पव्वयरायंसि णं पव्वयंसि सूरियस्स लेस्सा पिंडहया आहिताति वएजा, एगे एवमाहंसु २०। वयं पुण एवं वयामो-ता मंदरेवि पतुच्चइ जाव पव्वयराया० पतुच्चइ, ता जे णं पुग्गला स्वियस्स लेस्सं फुसंति ते णं पुग्गला स्रियस्स लेस्सं पडिहणंति, अदिद्वावि णं पोग्गला सरियस्स लेस्सं पिंडहणंति, चरिमलेस्संतरगयावि णं पोग्गला सूरियस्स लेस्सं पिंडहणंति०॥ २४॥ पंचमं पाइडं समत्तं ॥ ५॥

ता कहं ते ओयसंठिई आहिताति वएजा ? तत्थ खलु इमाओ पणवीसं पडिवत्तीओ पण्णत्ताओ, तं०-तत्थेगे एवमाहंसु-ता अणुसमयमेव सूरियस्स ओया अण्णा उप्पज्जइ अण्णा अवेइ एगे एवमाहंसु १, एगे पुण एवमाहंसु-ता अणुमुहुत्तमेव सूरियस्स ओया अण्णा उप्पज्जइ अण्णा अवेइ०२, एवं एएणं अभिलावेणं णेयव्वा-ता अणुराइंदियमेव, ता अणुपक्खमेव, ता अणुमासमेव, ता अणुउडुमेव, ता अणु-

अयणमेव, ता अणुसंवच्छरमेव, ता अणुजुगमेव, ता अणुवाससयमेव, ता अणुवास-सहस्समेव, ता अणुवाससयसहस्समेव, ता अणुपुव्वमेव, ता अणुपुव्वसयमेव, ता अणुपुन्वसहस्समेव, ता अणुपुन्वसयसहस्समेव, ता अणुपिलओवममेव, ता अणुपिल-ओवमसयमेव, ता अणुपिलओवमसहस्समेव, ता अणुपिलओवमसयसहस्समेव, ता अणुसागरोवममेव, ता अणुसागरोवमसयमेव, ता अणुसागरोवमसहस्समेव, ता अणुसागरोवमसयसहस्समेव, एगे पुण एवमाहंसु-ता अणुउस्सप्पिणिओसप्पिणिमेव सूरियस्स ओया अण्णा उप्पज्जइ अण्णा अवेइ, एगे एवमाहंसु २५। वयं पुण एवं वयामो-ता तीसं २ मुहत्ते स्रियस्स ओया अवद्विया भवइ, तेण परं सूरियस्स ओया अणवद्विया भवइ, छम्मासे सूरिए ओयं णिवुड्डेइ छम्मासे सूरिए ओयं अभिवड्ढेइ, णिक्खममाणे सूरिए देसं णिवुङ्केड पविसमाणे सूरिए देसं अभिवुङ्केड, तत्थ को हेऊ०ति वएजा ? ता अयण्णं जंबुद्दीवे २ सव्वदीवसमु० जाव परिक्खेवेणं०, ता जया णं सरिए सव्वब्भंतरं मंडलं उवसंकमित्ता चारं चरइ तया णं उत्तमकट्ठपत्ते उक्कोसए अद्वारसमुहत्ते दिवसे भवइ, जहण्णिया दुवालसमुहत्ता राई भवइ, से णिक्खममाणे सरिए णवं संवच्छरं अयमाणे पढमंसि अहोरत्तंसि अब्भितराणंतरं मंडलं उवसंक्रमित्ता चारं चरइ, ता जया णं स्रिए अब्भितराणंतरं मंडलं उवसंकमित्ता चारं चरइ तया णं एगेणं राइंदिएणं एगं भागं ओयाए दिवसखेत्तस्स णिवुङ्किता रयणिखेत्तस्स अभि-विद्वता चारं चरइ मंडलं अद्वारसिंहं तीसेहिं सएहिं छेता, तया णं अद्वारसमृहत्ते दिवसे भवइ दोहिं एगड्डिभागमुहत्तेहिं ऊणे, दुवालसमुहत्ता राई भवइ दोहिं एगड्डिभागमुह्तेहिं अहिया, से णिक्खममाणे सूरिए दोचंसि अहोरत्तंसि अब्भितरतचं मंडलं उवसंकमित्ता चारं चरइ, ता जया णं सूरिए अब्भितरतचं मंडलं उवसंकमित्ता चारं चरइ तया णं दोहिं राइंदिएहिं दो भागे ओयाए दिवसखेत्तरस णिवृङ्किता रयणिखेत्तस्स अभिवड्ढेता चारं चरइ मंडलं अद्वारसतीसेहिं सएहिं छेता, त्या ण अद्वारसमुहुत्ते दिवसे भवइ चउहिं एगद्विभागमुहुत्तेहिं ऊणे, दुवालसमुहुत्ता राई भवइ चडहिं एगहिभागमुहुत्तेहिं अहिया, एवं खलु एएणुवाएणं णिक्खममाणे सरिए तयाणंतराओ तयाणंतरं मंडलाओ मंडलं संकममाणे २ एगमेगे मंडले एग-मेरोणं राइंदिएणं एगमेगं भागं ओयाए दिवसखेत्तस्स णिवुड्ढेमाणे २ रयणिखे-त्तरस अभिवङ्केमाणे २ सन्वबाहिरं मंडलं उवसंकमित्ता चारं चरइ, ता जया णं स्रिए सन्वन्भंतराओ मंडलाओ सन्वनाहिरं मंडलं उनसंकिमता चारं चरइ तया णं सञ्वञ्भंतरं मंडलं पणिहाय एगेणं तेसीएणं राइंदियसएणं एगं तेसीयं भागसयं ओयाए दिवसखेत्रस्स णिवुङ्केता रयणिखेतस्स अभिवुङ्केता चारं चरइ मंडलं अट्टा-

रसिंह तीसेहिं छेता, तया णं उत्तमकहपत्ता उक्कोसिया अद्वारसमुहता राई भवड जहण्णए द्वालसमृहत्ते दिवसे भवड, एस णं पढमङम्मासे, एस णं पढमस्स छम्मा-सस्स पज्जवसाणे, से पविसमाणे सूरिए दोचं छम्मासं अयमाणे पढमंसि अहोरत्तंसि बाहिराणंतरं मंडलं उवसंक्रमित्ता चारं चरइ. ता जया णं सूरिए बाहिराणंतरं मंडलं उवसंक्रिमत्ता चारं चरइ तया णं एगेणं राइंदिएणं एगं भागं ओयाए रयणिक्खेतस्स णिवृष्ट्रेता दिवसखेतस्स अभिवृष्ट्रेता चारं चरइ मंडलं अट्ठारसिंहं तीसेहिं० छेता. तया णं अद्वारसमृहत्ता राई भवइ दोहिं एगद्विभागमृहत्तेहिं ऊणा, दुवालसमृहत्ते दिवसे भवइ दोहिं एगद्विभागमुहत्तेहिं अहिए, से पविसमाणे स्रिए दोचंसि अहो-रत्तंसि बाहिरं तच्चं मंडलं उवसंक्रमिता चारं चरइ, ता जया णं सूरिए बाहिरतचं मंडलं उवसंकिमत्ता चारं चरइ तया णं दोहिं राइंदिएहिं दो भाए ओयाए रयणि-खेत्तस्स णिवुङ्गेता दिवसखेतस्स अभिवुङ्गेता चारं चरइ मंडलं अट्टारसिंहं तीसेहिं० छेता, तया णं अद्वारसमुहत्ता राई भवइ चउहिं एगद्विभागमुहत्तेहिं ऊणा, द्वा-लसमुहुत्ते दिवसे भवइ चर्राहें एगड्विभागमुहुत्तेहिं अहिए, एवं खल्ल एएणुवाएणं पविसमाणे सूरिए तयाणंतराओ तयाणंतरं मंडलाओ मंडलं संक्रममाणे २ एग-मेगेणं राइंदिएणं एगमेगं भागं ओयाए रयणिखेत्तस्स णिवुड्रेमाणे २ दिवसखेत्तस्स अभिवद्रेमाणे २ सव्वब्मंतरं मंडलं उवसंक्रिमता चारं चरइ, ता जया णं सूरिए सञ्ववाहिराओं मंडलाओं सञ्वब्मंतरं मंडलं उवसंकिमत्ता चारं चरइ तया णं सञ्व-बाहिरं मंडलं पणिहाय एगेणं तेसीएणं राइंदियसएणं एगं तेसीयं भागसयं ओयाए रयणिखेत्तस्स णिवुङ्केता दिवसखेतस्स अभिवृङ्केता चारं चरइ मंडलं अट्टारसतीसेहिं सएहिं छेता, तथा णं उत्तमकहुपते उक्कोसए अहारसमुहुते दिवसे भवइ, जहण्णिया दुवालसमुहत्ता राई भवइ, एस णं दोचे छम्मासे. एस णं दोचस्स छम्मासस्स पजाव-साणे, एस णं आइचे संवच्छरे, एस णं आइचरस संवच्छरस्स पज्जवसाणे॥ २५॥ छद्रं पाहुडं समत्तं ॥६॥

ता के ते सूरियं वरंति आहिताति वएजा ? तत्थ खलु इमाओ वीसं पिड-वत्तीओ पण्णताओ, तं०-तत्थेंगे एवमाहंसु-ता मंदरे णं पव्वए सूरियं वरयह आहितेति वएजा एगे एवमाहंसु १, एगे पुण एवमाहंसु-ता मेरू णं पव्वए सूरियं वरह आहितेति वएजा० २, एवं एएणं अभिलावेणं णेयव्वं जाव पव्व-यराए णं पव्वए सूरियं वरयह आहितेति वएजा एगे एवमाहंसु २०, वयं पुण एवं वयामो-ता मंदरेवि पनुचह तहेव जाव पव्वयराएवि पनुचह, ता जे णं पोग्गला सूरियस्स लेसं फुसंति ते णं पोग्गला सूरियं वरयंति, अदिझावि णं पोग्गला सूरियं वरयंति, चरमलेसंतरगयावि णं पोग्गला सूरियं वरयंति ।। २६ ॥ सत्तमं पाहुडं समत्तं ॥ ७॥

ता कहं ते उदयसंठिई आहितेति वएजा ? तत्थ खलु इमाओ तिण्णि पडि-वत्तीओ पण्णत्ताओ, तं०-तत्थेगे एवमाहंसु-ता जया णं जंबुद्दीवे २ दाहिणङ्के अट्ठारसमुहुत्ते दिवसे भवइ तया णं उत्तरङ्कृवि अट्ठारसमुहुत्ते दिवसे भवइ, जया णं उत्तरहुं अट्ठारसमुहुत्ते दिवसे भवइ तया णं दाहिणहुवि अट्ठारसमुहुत्ते दिवसे भवइ, जया णं जंबुद्दीवे २ दाहिणहें सत्तरसमुहुते दिवसे भवइ तया णं उत्तरहेंवि सत्तरसमुहुते दिवसे भवइ, जया णं उत्तरह्वे सत्तरसमुहुते दिवसे भवइ तया णं दाहिणहेवि सत्तरसमुहत्ते दिवसे भवइ, एवं (एएणं अभिकावेणं) परिहावेयव्वं, सोल-समुहुत्ते दिवसे पण्णरसमुहुत्ते दिवसे चउइसमुहुत्ते दिवसे तेरसमुहुत्ते दिवसे जाव जया णं जंबुद्दीवे २ दाहिणहे बारसमुहुत्ते दिवसे० तया णं उत्तरहेवि बारसमुहुत्ते दिवसे भवइ, जया णं उत्तरहें बारसमुहुते दिवसे भवइ तया णं दाहिणहेंवि बारस-मुहुत्ते दिवसे भवइ, जया णं दाहिणहे बारसमुहुत्ते दिवसे भवइ तया णं जंबुद्दीवे २ मंदरस्त पव्वयस्स पुरच्छिमपचित्थिमेणं सया पण्णरसमुहुत्ते दिवसे भवइ, सया पण्णरसमुहुत्ता राई भवइ, अवद्विया णं तत्थ राइंदिया पण्णता समणाउसो! एगे एवमाहंसु १, एगे पुण एवमाहंसु-ता जया णं जंबुदीवे २ दाहिणहे अद्वारसमुहुत्ता-णंतरे दिवसे भवइ तया णं उत्तरह्वेवि अद्वारसमुहुत्ताणंतरे दिवसे भवइ, जया णं उत्तरहें अद्वारसमुहुत्ताणंतरे दिवसे भवइ तया णं दाहिणहेवि अद्वारसमुहुत्ताणंतरे दिवसे भवइ, एवं परिहावेयव्वं, सत्तरसमुहुत्ताणंतरे दिवसे भवइ सोलसमुहुत्ता-णंतरे०, पण्णरसमुहुत्ताणंतरे दिवसे भवइ चोद्दसमुहुत्ताणंतरे०, तेरसमुहुत्ता-णंतरे०, जया णं[ँ] जंबुद्दीवे २ दाहिणड्ढे बारसमुहुत्ताणंतरे दिवसे भवइ तया णं उत्तरहेवि बारसमुहुत्ताणंतरे दिवसे०, जया णं उत्तरहे बारस-मुहुत्ताणंतरे दिवसे भवइ तया णं दाहिणहेवि बारसमुहुत्ताणंतरे दिवसे भवइ, तया णं जंबुद्दीवे २ मंदरस्स पव्वयस्स पुरित्थमपचित्थिमेणं णो सया पण्णरसमु<u>ह</u>त्ते दिवसे भवइ, णो सया पण्णरसमुहत्ता राई भवइ, अणवद्विया णं तत्थ राइंदिया प० समणा-उसो ! एगे एवमाहंसु २, एगे पुण एवमाहंसु-ता जया णं जंबुद्दीवे २ दाहिणहे अट्ठारसमुहुत्ते दिवसे भवइ तया णं उत्तरह्वे दुवालसमुहुत्ता राई भवइ, जया णं उत्तरह्वे अद्वारसमुहुत्ते दिवसे भवइ तया णं दाहिणहे बारसमुहुत्ता राई भवइ, जया णं दाहि-णड्डे अद्वारसमुहत्ताणंतरे दिवसे भवइ तया णं उत्तरहें बारसमुहत्ता राई भवइ, जया णं उत्तरहे अद्वारसमृहत्ताणंतरे दिवसे भवइ तया णं दाहिणहे बारसमृहत्ता राई

भवइ, एवं णेयव्वं सगलेहि य अणंतरेहि य एक्केंक्रे दो दो आलावगा सन्वेहिं दुवाल-समुहुत्ता राई भवइ जाव ता जया णं जंबुद्दीवे २ दाहिणहे बारसमुहुत्ताणंतरे दिवसे भवइ तया णं उत्तरहे दुवालसमुहत्ता राई भवइ, जया णं उत्तरहे दुवासलमुहत्ताणंतरे दिवसे भवइ तया णं दाहिणहे द्वालसमुहत्ता राई भवइ, तया णं जंबुद्दीवे २ मंद-रस्स पव्वयस्स पुरत्थिमपचित्थिमेणं णेवत्थि पण्णरसमुहुत्ते दिवसे भवइ, णेवत्थि पण्णरसमुहुत्ता राई भवइ, वोच्छिण्णा णं तत्थ राइंदिया प० समणाउसो! एगे एवमा-हंस ३ । वयं पुण एवं वयामो-ता जंबुद्दीवे २ सूरिया उदीणपाईणमुग्गच्छंति पाईण-दाहिणमागच्छंति पाईणदाहिणमुगगच्छंति दाहिणपडीणमागच्छंति दाहिणपडीणमुगग-च्छंति पडीणउदीणमागच्छंति पडीणउदीणमुग्गच्छंति उदीणपाईणमागच्छंति, ता जया णं जंबुद्दीवे २ दाहिणहे दिवसे भवइ तया णं उत्तरहे ० दिवसे भवइ, जया णं उत्तरहें तया णं जंबुद्दीवे २ मंदरस्स पव्वयस्स पुरच्छिमपचच्छिमेणं राई भवइ. ता जया णं जंबुद्दीवे २ मंदरस्स पव्वयस्स पुरितथमेणं दिवसे भवइ तया णं पच-च्छिमेणवि दिवसे भवइ, जया णं पचित्थिमेणं दिवसे भवइ तया णं जंबुद्दीवे २ मंद-रस्स पन्वयस्स उत्तरदाहिणेणं राई भवइ, ता जया णं० दाहिणङ्के उक्कोसए अट्टार-समुहुते दिवसे भवइ तया णं उत्तरहेवि उक्कोसए अद्वारसमुहुते दिवसे भवइ, जया णं उत्तरहु० तया णं जंबुद्दीवे २ मंदरस्स पव्वयस्स पुरत्थिमपचित्थिमेणं जहण्णिया दुवालसमुहुत्ता राई भवइ, ता जया णं जंबुद्दीवे २ मंदरस्स पन्वयस्स पुरच्छिमेणं उक्कोसए अट्ठारसमुहुते दिवसे भवइ तया णं पचित्थिमेणवि उक्कोसए अट्ठारसमुहत्ते दिवसे भवइ, जया णं पचित्थिमेणं उक्कोसए अद्वारसमुहुत्ते दिवसे भवइ तया णं जंबुद्दीवे २ मंदरस्स पव्वयस्स उत्तरदाहिणेणं जहण्णिया दुवालसमुहुत्ता राई भवइ, एवं एएणं गमेणं णेयव्वं, अद्वारसमुहुत्ताणंतरे दिवसे भवर, साइरेगदुवालसमुहुत्ता राई भवइ, सत्तरसमुहुत्ते दिवसे तेरसमुहुत्ता राई, सत्तरसमुहुत्ताणंतरे दिवसे भवइ, साइरेगतेरसमुहुत्ता राई भवइ, सोलसमुहुत्ते दिवसे भवइ, चोइसमुहुत्ता राई भवइ, सोलसमुहुत्ताणंतरे दिवसे भवइ, साइरेगचोइसमुहुत्ता राई भवइ, पण्णरसमुहुत्ते दिवसे पण्णरसमुहुत्ता राई, पण्णरसमुहुत्ताणंतरे दिवसे० साइरेगपण्णरसमुहुत्ता राई भवइ, चडइसमुहुत्ते दिवसे सोलसमुहुत्ता राई, चोइसमुहुत्ताणंतरे दिवसे साइरेगसोलसमु-हुत्ता राई, तेरसमुहुत्ते दिवसे सत्तरसमुहुत्ता राई, तेरसमुहुत्ताणंतरे दिवसे साइरेग-सत्तरसमुहुत्ता राई, ता जया णं जंबुद्दीवें दीवे दाहिणहें जहण्णए दुवालसमुहुत्तए दिवसे भवइ तया णं उत्तरहुं॰ जहण्णए दुवालसमुहुत्ते दिवसे भवइ, ता जया णं उत्तरहें जहण्णए दुवालसमुहुते दिवसे भवइ तया णं जंबुद्दीवे २ मंदरस्स पव्वयस्स

पुरित्थमपचित्थमेणं उक्कोसिया अद्वारसमुहुत्ता राई भवइ, ता जया णं जंबुद्दीवे २ मंदरस्स पव्वयस्स पुरित्थमेणं जहण्णए दुवालसमुहृत्ते दिवसे भवइ तया णं पच्चित्य-मेणवि जहण्णए दुवालसमुहुत्ते दिवसे भवर, जया णं पचित्थिमेणं जहण्णए दुवाल-समुहुत्ते दिवसे भवइ तया णं जंबुद्दीवे २ मंदरस्स० उत्तरदाहिणेणं उक्कोसिया अद्वार-समृह्ता राई भवइ, ता जया णं जंबुद्दीवे २ दाहिणड्ढे वासाणं पढमे समए पिवकाइ तया णं उत्तरहेवि वासाणं पढमे समए पडिवज्जइ, जया णं उत्तरहे वासाणं पढमे समए पिडवजाइ तया णं जंबुद्दीवे २ मंदरस्स पव्वयस्स पुरच्छिमप्चित्थिमेणं अंगतरपुरक्खडकालसमयंसि वासाणं पढमे समए पडिवजाइ, ता जया णं जंबुद्दीवे २ मंदरस्स पव्वयस्स पुरच्छिमेणं वासाणं पढमे समए पडिवज्जइ तया णं पच्चत्थि-मेणवि वासाणं पढमे समए पडिवजाइ, जया णं पचित्थिमेणं वासाणं पढमे समए पडिवज्जइ तया णं जंबुद्दीवे २ मंदरउत्तरदाहिणेणं अणंतरपच्छाकडकालसमयंसि वासाणं पढमे समए पडिवण्णे भवइ, जहा समओ एवं आविलया आणापाणू थोवे लवे महत्ते अहोरत्ते पक्खे मासे ऊऊ, एवं दस आलावगा जहा वासाणं एवं हेमंताणं गिम्हाणं च भाणियव्वा, ता जया णं जंबुद्दीवे २ दाहिणहूं पढमे अयणे पडिवज्जइ तया णं उत्तरह्वेवि पढमे अयणे पडिवज्जइ, जया णं उत्तरह्वे पढमे अयणे पडिवज्जइ तया णं दाहिणड्रेवि पढमे अयणे पडिवज्जइ, जया णं उत्तरह्रे पढमे अयणे पडि-वजाइ तया णं जंबुद्दीवे २ मंदरस्स पव्वयस्स पुरित्थमपचित्थिमेणं अणंतरपुर-क्खडकालसमयंसि पढमे अयणे पडिवज्जइ, ता जया णं जंबुद्दीवे २ मंदरस्स पव्व-यस्स पुरित्थमेणं पढमे अयणे पिडवज्जइ तया णं पचित्थिमेणवि पढमे अयणे पिड-वजाइ, जया णं पचित्थिमेणं पढमे अयणे पिडविजाइ तया णं जंब्रहीवे २ मंदरस्स पव्वयस्स उत्तरदाहिणेणं अणंतरपच्छाकडकालसमयंसि पढमे अयणे पडिवण्णे भवइ. जहा अयणे तहा संवच्छरे जुगे वाससए, एवं वाससहस्से वाससयसहस्से पुन्वंगे पुन्वे एवं जाव सीसपहेलिया पलिओवमे सागरोवमे, ता जया णं जंबुदीवे २ दाहिणड्रे उस्सप्पिणी पडिवजड् तया णं उत्तरड्ढेवि उस्सप्पिणी पडिवजड्, जया णं उत्तरह्रे उस्सप्पिणी पडिवज्जइ तया णं जंबुद्दीवे २ मंदरस्स पव्वयस्स पुरित्थम-पचित्थमेणं णैवित्थ उस्सप्पिणी णेव अत्थि ओसप्पिणी अवद्विए णं तत्थ काले पण्णते समणाउसो !० एवं ओस्सप्पिणीवि । ता जया णं लवणे समुद्दे दाहिणङ्के दिवसे भवइ तया णं लवणसमुद्दे उत्तरहें दिवसे भवइ, जया णं उत्तरहें दिवसे भवइ तया णं लवणसमुद्दे पुरच्छिमपचित्थिमेणं राई भवइ, जहा जंबूदीवे २ तहेव जाव उस्सप्पिणी॰, तहा धायइसंडे णं दीवे स्रिया उदीण॰ तहेव, ता जया णं धायइसंडे दीवे दाहिणहें दिवसे भवइ तया णं उत्तरहें वि दिवसे भवइ, जया णं उत्तरहें दिवसे भवइ तया णं धायइसंडे दीवे मंदराणं पव्वयाणं पुरित्थिमपचित्थिमेणं राई भवइ, एवं जबुद्दीवे २ जहा तहेव जाव उस्सप्पिणी॰, कालोए णं जहा लवणे समुद्दे तहेव, ता अब्भंतरपुक्खरद्धे णं सूरिया उदीणपाईणमुग्गच्छ तहेव, ता जया णं अब्भंतरपुक्खरद्धे णं दाहिणहें दिवसे भवइ तया णं उत्तरहें वि दिवसे भवइ, जया णं उत्तरहें दिवसे भवइ तया णं अब्भंतरपुक्खरद्धे मंदराणं पव्ययाणं पुरित्थिमपचित्थिमेणं राई भवइ, सेसं जहा जंबुद्दीवे २ तहेव जाव उस्सप्पिणीओसिप्पिणीओ ॥ २७ ॥ अहुमं पाइडं समत्तं ॥ ८ ॥

ता कइकट्टं ते सूरिए पोरिसिच्छायं णिव्वत्तेइ आहितेति वएजा ? तत्थ खलु इमाओ तिण्णि पडिवत्तीओ पण्णताओ, तं०-तत्थेगे एवमाहंसु-ता जे णं पोग्गला सरियस्स हेसं फ़संति ते णं पोग्गहा संतप्पंति, ते णं पोग्गहा संतप्पमाणा तयणं-तराइं बाहिराइं पोग्गलाइं संतावेंतीति एस णं से समिए तावक्खेते एगे एवमाहंस १. एगे पुण एवमाहंसु-ता जे णं पोग्गला सूरियस्स लेसं फुसंति ते णं पोग्गला णो संतप्पंति. ते णं पोग्गला असंतप्पमाणा तयणंतराइं बाहिराईं पोग्गलाईं णो संता-वेंतीति एस णं से समिए तावक्खेते एगे एवमाहंसु २, एगे पुण एवमाहंसु-ता जे णं पोग्गला सूरियस्स लेसं फ़संति ते णं पोग्गला अत्थेगइया संतप्पंति अत्थेगइया णो संतप्पंति, तत्थ अत्थेगइया संतप्पमाणा तयणंतराई बाहिराई पोग्गलाई संतावेंति अत्थेगइया असंतप्पमाणा तयणंतराइं बाहिराइं पोग्गलाइं णो संतावेंति, एस णं से समिए तावक्खेते एगे एवमाहंसु ३ । वयं पुण एवं वयामो-ता जाओ इमाओ चंदिमस्रियाणं देवाणं विमाणेहिंतो लेसाओ बहिया [उच्छूढा] अभिणिसद्वाओ पतावेंति, एयासि णं लेसाणं अंतरेस अण्णयरीओ छिण्णलेसाओ संमुच्छंति, तए णं ताओ छिण्णलेसाओ संमुच्छियाओ समाणीओ तयणंतराइं बाहिराइं पोग्गलाइं संतावेंति इइ एस णं से समिए तावक्खेते ॥ २८ ॥ ता कइकट्ठे ते सूरिए पोरिसि-च्छायं णिव्वत्तेइ आहितेति वएजा ? तत्थ खळ इमाओ पणवीसं पडिवत्तीओ पण्णताओ, तं ० - तत्थेगे एवमाहंसु-ता अणुसमयमेव सूरिए पोरिसिच्छायं णिव्वत्तेइ आहितेति वएजा एगे एवमाहंसु १, एगे पुण एवमाहंसु-ता अणुमहत्तमेव सूरिए पोरिसिच्छायं णिव्वतेइ आहितेति वएजा० २, एवं एएणं अभिलावेणं णेयव्वं, ता जाओ चेव ओयसंठिईए पणवीसं पडिवत्तीओ ताओ चेव णेयव्वाओ जाव अणु-उस्सिप्पणी॰मेव सूरिए पोरिसिच्छायं णिव्वतेइ आहिताति वएजा, एगे एवमाहंसु २५ । वयं पुण एवं वयामो-ता सूरियस्स णं उचतं च लेसं च पडुच छाउद्देसे

उचतं च छायं च पडुच लेसुद्देसे लेसं च छायं च पडुच उचतुद्देसे, तत्थ खलु इमाओ दुवे पिडवत्तीओ पण्णताओ, तं०-तत्थेगे एवमाहंस्र-ता अस्थि णं से दिवसे जंसि च णं दिवसंसि सूरिए चडपोरिसिच्छायं णिव्वत्तेइ, अत्थि णंसे दिवसे जंसि च णं दिवसंसि सूरिए दुपोरिसिच्छायं णिव्वत्तेइ० एगे एवमाहंसु १, एगे पुण एवमा-हंस-ता अत्थि णं से दिवसे जंसि च णं दिवसंसि सूरिए दुपोरिसिच्छायं णिव्वतेइ, अत्थि णं से दिवसे जंसि॰ दिवसंसि सूरिए णो किंचि पोरिसिच्छायं णिव्वत्तेइ० २. तत्थ जे ते एवमाहंग्र-ता अत्थि णं से दिवसे जंसि च णं दिवसंसि सूरिए चउपोरिसियं छायं णिव्वत्तेइ, अत्थि णं से दिवसे जंसि च णं दिवसंसि सरिए दोपोरिसियं छायं णिव्वत्तेइ, ते एवमाहंसु–ता जया णं सूरिए सव्वब्मंतरं मंडलं उवसंकमित्ता चारं चरइ तया णं उत्तमकट्टपते उक्कोसए अट्ठारसमुहुत्ते दिवसे भवइ, जहण्णिया दुवा-लसमुहत्ता राई भवइ, तंसि च णं दिवसंसि सूरिए चउपोरिसियं छायं णिव्वतेइ, तं ० - उग्गमणमुहुत्तंसि य अत्थमणमुहुत्तंसि य, लेसं अभिवड्ढेमाणे णो चेव णं णिवुड्ढेमाणे, ता जया णं सूरिए सन्वबाहिरं मंडलं उवसंकिमत्ता चारं चरइ तया णं उत्तमकद्वपत्ता उक्कोसिया अद्वारसमुहुत्ता राई भवइ, जहण्णए दुवालस-मुहत्ते दिवसे भवइ, तंसि च णं दिवसंसि सूरिए दुपोरिसियं छायं णिव्वतेइ, तं०-उग्गमणमुहत्तंसि य अत्थमणमुहत्तंसि य, लेसं अभिवृह्नेमाणे णो चेव णं णिवृह्ने-माणे॰ १, तत्थ णं जे ते एवमाहंसु-ता अत्थि णं से दिवसे जंसि च णं दिव-संसि सूरिए दुपोरिसियं छायं णिव्वत्तेइ, अत्थि णं से दिवसे जंसि च णं दिवसंसि सूरिए णो किंचि पोरिसियं छायं णिव्वत्तेइ, ते एवमाहंसु-ता जया णं सूरिए सव्व-ब्मंतरं मंडलं उवसंकमित्ता चारं चरइ तया णं उत्तमकद्रपत्ते उक्कोसए अद्वारसमृहत्ते दिवसे भवइ, जहण्णिया दुवालसमुहत्ता राई भवइ, तंसि च णं दिवसंसि सूरिए दुपोरिसियं छायं णिव्वत्तेइ, तं०-उग्गमणमुहुत्तंसि य अत्थमणमुहुतंसि य, छेसं अभिवड्ढेमाणे णो चेव णं णिवुड्ढेमाणे०, ...ता जया णं सूरिए सन्ववाहिरं मंडलं उवसंकिमत्ता चारं चरइ तया णं उत्तमकट्ठपत्ता उक्कोसिया अट्ठारसमुहत्ता राई भवइ, जहण्णए दुवालसमुहुत्ते दिवसे भवइ, तंसि च णं दिवसंसि सूरिए णो किंचि पोरि-सिच्छायं णिव्वत्तेइ, तं०-उग्गमणमुहत्तंसि य अत्थमणमुहत्तंसि य, णो चेव णं लेसं अभिवृद्धेमाणे वा णिवृद्धेमाणे वा॰ २, ता कइकट्ठं ते सूरिए पोरिसिच्छायं णिव्वत्तेइ आहिताति वएजा ? तत्थ खलु इमाओ छण्णउई पडिवत्तीओ पण्णत्ताओ. तं०-तत्थेगे एवमाईं चु-ता अत्थि णं से देसे जंसि च णं देसंसि सूरिए एगपोरिसियं छायं णिव्व-त्तेइ॰ एगे एवमाहंसु, एगे पुण एवमाहंसु-ता अत्थि णं से देसे जंसि च णं देसंसि

स्रिरेए दुपोरिसियं छायं णिव्वत्तेइ०, एवं एएणं अभिलावेणं णेयव्वं जाव छण्णाउई पोरिसिच्छायं णिव्वत्तेइ, तत्थ जे ते एवमाहंसु–ता अत्थि णं से देसे जंसि च णं देसंसि सूरिए एगपोरिसियं छायं णिव्वत्तेइ, ते एवमाहंसु-ता सूरियस्स णं सव्वहेद्रिमाओ सूरप्पडिहीओ बहिया अभिणिसद्वाहिं लेसाहिं ताडिज्जमाणीहिं इमीसे रयणप्पभाए पुढवीए बहसमरमणिजाओ भूमिभागाओ जावइयं सूरिए उन्नं उच्चत्तेणं एवइयाए एगाए अद्धाए एगेणं छायाणुमाणप्पमाणेणं उमाए तत्थ से सूरिए एगपोरिसियं छायं णिव्वतेइ, तत्थ जे ते एवमाहंसु-ता अत्थि णं से देसे जंसि च णं देसंसि सूरिए दुपोरिसियं छायं णिव्वत्तेद्, ते एवमाहंस्र-ता सूरियस्स णं सव्वहेहिमाओ सूरियप्पिडिहीओ बहिया अभिणिसिट्टियाहिं लेसाहिं ताडिज्जमाणीहिं इमीसे रयणप्प-भाए पुढवीए बहसमरमणिजाओ भूमिभागाओ जावइयं सूरिए उड्ढं उचत्तेणं एवड-याहिं दोहिं अद्धाहिं दोहिं छायाणुमाणप्यमाणेहिं उमाए एत्थ णं से सूरिए द्रपोरिसियं छायं णिव्वतेइ, एवं णेयव्वं जाव तत्थ जे ते एवमाहंसु-ता अत्थि णं से देसे जंसि च णं देसंसि सूरिए छण्णडई पोरिसियं छायं णिव्वत्तेइ, ते एवमाहंस्र-ता सूरियस्स णं सन्वहिद्विमाओ सूरप्पिडिहीओ बहिया अभिणिसद्वाहिं लेसाहिं तािडजमाणीहिं इमीसे रयणप्पभाए पुढवीए बहुसमर्मणिजाओ भूमिभागाओ जावइयं सूरिए उड्डं उचतेणं एवइयाहिं छण्णवईए छायाणुमाणप्पमाणाहिं उमाए एतथ णं से सूरिए छण्णउई पोरिसियं छायं णिव्वत्तेइ एगे एवमाहंसु, वयं पुण एवं वयामो-ता साइरेगअउणिह-पोरिसीणं स्रिए पोरिसिच्छायं णिव्वत्तेइ०, ता अवहूपोरिसी णं छाया दिवसस्स किं गए वा सेसे वा ? ता तिभागे गए वा सेसे वा, ता पोरिसी णं छाया दिवसस्स किं गए वा सेसे वा? ता चडन्भागे गए वा सेसे वा, ता दिवहूपोरिसी णं छाया दिवसस्स किं गए वा सेसे वा ? ता पंचमभागे गए वा सेसे वा, एवं अद्धपोरिसिं छोढ़ं पुच्छा दिवसस्स भागं छोढ़ं वागरणं जाव ता अद्धअउणासद्विपोरिसीछाया दिवसस्स किं गए वा सेसे वा ? ता एगूणवीससयभागे गए वा सेसे वा, ता अउणा-सिंहिपोरिसी णं छाया दिवसस्स किं गए वा सेसे वा ? ता बाबीससहस्सभागे गए वा सेसे वा, ता साइरेगअउणासद्विपोरिसी णं छाया दिवसस्स किं गए वा सेसे वा? ता णित्य किंचि गए वा सेसे वा, तत्य खलु इमा पणवीसणिविद्वा छाया प०, तं०-खंभच्छाया रज्जच्छाया पागारच्छाया पासायच्छाया उक्रगच्छाया उक्रतच्छाया अण्लोमच्छाया आरुभिया समा पडिह्या खीलच्छाया पक्खच्छाया पुरओउदया परिमकंठभाउवगया पच्छिमकंठभाउवगया छायाणुवाइणी किट्ठाणुवाइणीछाया छाय-छाया १० गोलछाया, तत्थ णं गोलच्छाया अद्वविहा पण्णत्ता,तंजहा-गोलच्छाया अवङ्ग-

गोलच्छाया गाढलगोलच्छाया अवहृगाढलगोलच्छाया गोलाविलच्छाया अवहृगोला-विलच्छाया गोलपुंजच्छाया अवहृगोलपुंजच्छाया २५॥ २९॥ **णवमं पाहुउं** समर्त्ता ॥ ९ ॥

ता जोगेति वत्थुस्स आवित्याणिवाए आहितेति वएजा, ता कहं ते जोगेति वत्थुस्स आवित्याणिवाए आहितेति वएजा? तत्थ खलु इमाओ पंच पिडवत्तीओ पण्णताओ, तं०-तत्थेगे एवमाहंस्र—ता सन्वेवि णं णक्खत्ता कित्तिथाइया भरणिपज्ञवसाणा प० एगे एवमाहंस्र १, एगे पुण एवमाहंस्र—ता सन्वेवि णं णक्खत्ता महाइया अस्सेसपज्जवसाणा पण्णत्ता एगे एवमाहंस्र २, एगे पुण एवमाहंस्र—ता सन्वेवि णं णक्खत्ता अस्सिणीआइया ऐवइपज्जवसाणा प० एगे एवमाहंस्र—ता सन्वेवि णं णक्खत्ता अस्सिणीआइया रेवइपज्जवसाणा प० एगे एवमाहंस्र ४, एगे पुण एवमाहंस्र ५, वयं पुण एवं वयामो—ता सन्वेवि णं णक्खत्ता अभिईआइया उत्तरासाढापज्जवसाणा पण्णत्ता, तंजहा—अभिई सवणो जाव उत्तरासाढा ॥ ३०॥ दसमस्स पादुडस्स पढमं पादुडपादुडं समत्तं ॥ १०-१॥

ता कहं ते मुहुत्ता आहितेति वएजा ? ता एएसि णं अट्ठावीसाए णक्खत्ताणं अत्थि णक्खते जे णं णव मुहुत्ते सत्तावीसं च सत्ति हुभागे मुहुत्तस्स चंदेण सिद्धं जोयं जोएइ, अत्थि णक्खता जे णं पण्णरस मुहुत्ते चंदेण सद्धिं जोयं जोएंति, अत्थि णक्खता जे णं तीसं मुहुत्ते चंदेण सिद्धं जोयं जोएंति, अत्थि णक्खता जे णं पणयालीसे मुहुत्ते चंदेण साद्धें जोयं जोएंति, ता एएसि णं अद्वावीसाए णक्ख-त्ताणं कयरे णक्खते जे णं णवमुहुते सत्तावीसं च सत्तिष्टिभाए मुहुत्तस्स चंदेण सर्दि जोयं जोएइ, कयरे णक्खता जे णं पण्णरसमुहुत्ते चंदेण साद्धें जोयं जोएंति, कयरे णक्खता जे णं तीसं मुहुत्ते चंदेण सिद्धं जोयं जोएंति, कयरे णक्खता जे णं पणयाठीसं मुहुत्ते चंदेण सिद्धं जोयं जोएंति ? ता एएसि णं अद्वावीसाए णक्खताणं तत्थ जे से णक्खत्ते जे णं णव मुहुत्ते सत्तावीसं च सत्तद्विभागे मुहुत्तस्स चंदेण सिद्धं जोयं जोएइ से णं एगे अभीई, तत्थ जे ते णक्खत्ता जे णं पण्णरसमुहुते चंदेण सिंद्धं जोयं जोएंति ते णं छ, तं०-सयभिसया भरणी अहा अस्सेसा साई जेट्टा, तत्थ जे ते णक्खत्ता जे णं तीसं मुहुत्तं चंदेण सिद्धं जोयं जोएंति ते णं पण्णरस, तं०-सुवणे घणिद्वा पुव्वाभद्वया रेवई अस्सिणी कत्तिया मिगसिरपुस्सा महा पुटवाप्त्रगुणी हत्थो चित्ता अणुराहा मूलो पुट्यासाढा, तत्थ जे ते णक्खता जे णं पणयालीसं मुहत्ते चंदेण सिद्धं जोयं जोएंति ते णं छ, तंजहा-उत्तराभद्दवया रोहिणी पुणव्वस् उत्तराफगुणी विसाहा उत्तरासाढा ॥ ३१ ॥ ता एएसि णं अट्टावीसाए णक्खताणं अस्थि णक्खते जे णं चतारि अहोरते छच मुहुते सूरिएण सिद्धं जोयं जोएइ. अश्यि णक्खता जे णं छ अहोरते एक्कवीसं च मुहुते सूरिएण सिर्द्ध जोयं जोएंति. अत्थि णक्खता जे णं तेरस अहोरत्ते बारस य महत्ते सूरेण सिद्धं जोयं जोएंति, अत्थि णक्खता जे णं वीसं अहोरत्ते तिण्णि य मुहुत्ते सूरेण सर्दि जोयं जोएंति. ता एएसि णं अद्रावीसाए णक्खताणं कयरे णक्खते जे णं चत्तारि अहोरते छच मुहुते सूरेण सिद्धें जोयं जोएइ, कयरे णक्खता जे णं छ अहोरते एकवीस-महत्ते सूरेण सर्दि जोयं जोएंति, कयरे णक्खता जे णं तेरस अहोरते बारस मुहते सूरेण सिंद्धं जोयं जोएंति, कयरे णक्खता जे णं वीसं अहोरते तिण्णि य महत्ते सूरेण सिंद जोयं जोएंति, ता एएसि णं अद्वावीसाए णक्खत्ताणं तत्थ जे से णक्खते जे णं चतारि अहोरत्ते छच मुहुते सूरेण सिद्धं जोयं जोएइ से णं एगे अभीई. तत्थ जे ते णक्खता जे णं छ अहोरते एकवीसं च मुहते सूरिएण सिद्धं जोयं जोएंति ते णं छ. तंजहा-सयभिसया भरणी अहा अस्सेसा साई जेट्रा, तत्थ जे ते ... तेरस अहोरते दुवालस य महत्ते स्रिएण सिंद्धं जोयं जोएंति ते णं पण्णरस, तंजहा-सवणो धणिद्रा पुव्वाभद्दवया रेवई अस्सिणी कत्तिया मिगसिरं पूसो महा पुव्वाफ-ग्गुणी हत्थो चित्ता अणुराहा मूलो पुव्वासाढा, तत्थ जे ते णक्खता जे णं वीसं अहोरते तिण्णि य मुहते सूरेण सिंद्धं जोयं जोएंति ते णं छ, तंजहा-उत्तराभद्दवया रोहिणी पुणव्वस् उत्तराफग्गुणी विसाहा उत्तरासाढा ॥ ३२ ॥ दसमस्स पाइडस्स बिइयं पाइडपाइडं समत्तं॥ १०-२॥

ता कहं ते एवंभागा आहिताति वएजा ? ता एएसि णं अट्ठावीसाए णक्खत्ताणं अत्थि णक्खता पुव्वंभागा समक्खेता तीसइमुहुत्ता प०, अत्थि णक्खता पच्छंभागा समक्खेता तीसइमुहुत्ता प०, अत्थि णक्खता पच्छंभागा समक्खेता तीसइमुहुत्ता प०, अत्थि णक्खता उभयंभागा दिवहुक्खेता पणयालीसं मुहुत्ता प०, ता एएसि णं अट्ठावीसाए णक्खताणं कयरे णक्खता० पुव्वंभागा समक्खेता तीसइमहुत्ता प० जाव कयरे णक्खताणं कयरे णक्खता। दिवहुक्खेता पणयालीसइमुहुत्ता प०? ता एएसि णं अट्ठावीसाए णक्खताणं तत्थ जे ते णक्खता पुव्वंभागा समक्खेता तीसइमुहुत्ता प० ते णं छ, तंजहा—पुव्वापोट्टवया कत्तिया महा पुव्वापकगुणी मूलो पुव्वासाटा, तत्थ जे ते णक्खता० पच्छंभागा समक्खेता तीसइमुहुत्ता प० ते णं दस, तंजहा—अभिई सवणो धणिट्ठा रेवई अस्सिणी मिगसिरं पूसो हत्थो चित्ता अणुराहा, तत्थ जे ते णक्खता० णत्तंभागा अवहुक्खेता पण्णरसमुहुत्ता प० ते णं छ, तंजहा—

सयभिसया भरणी अहा अस्सेसा साई जेट्ठा, तत्थ जे ते णक्खता॰ उभयंभागा दिवहृक्खेता पणयालीसं मुहुता प॰ ते णं छ, तंजहा–उत्तरापोट्ठवया रोहिणी पुणव्वस् उत्तराफग्गुणी विसाहा उत्तरासाढा ॥ ३३ ॥ दसमस्स पाहुडस्स तइयं पाहुडपाहुडं समत्तं ॥ १०-३ ॥

ता कहं ते जोगस्स आई आहिताति वएजा? ता अभीईसवणा खलु दुवे णक्खत्ता पच्छाभागा समक्खेता साइरेगऊयालीसइसुहृत्ता तप्पडमयाए सायं चंदेण सिंद्धं जोयं जोएंति, तओ पच्छा अवरं साइरेयं दिवसं, एवं खळु अभिईसवणा दुवे णक्खता एगराइं एगं च साइरेगं दिवसं चंदेण सिद्धं जोयं जोएंति जोयं जोएता जोयं अणुपरियहंति जोयं अणुपरियहिता सायं चंदं धणिहाणं समप्पेंति, ता धणिहा खळु णक्खत्ते पच्छंभागे समक्खेते तीसइसहत्ते तप्पडमयाए सायं चंदेण सिद्धं जोयं जोएइ २ त्ता तओ पच्छा राइं अवरं च दिवसं. एवं खल धणिद्रा णक्खते एगं च राइं एगं च दिवसं चंदेण सिद्धं जोयं जोएइ जोएता जोयं अणुपरियदृह जोयं अणुपरि-यहिता सायं चंदं सयभिसयाणं समप्पेइ, ता सयभिसया खळ णक्खते णत्तंभागे अवडूक्खेते पण्णरसमुहत्ते तप्पढमयाए सायं चंदेण सिद्धं जोयं जोएड णो लभड अवरं दिवसं, एवं खळु सयभिसया णक्खते एगं राई चंदेण सिद्धं जोयं जोएइ जोयं जोएता जोयं अणुपरियदृइ जोयं अणुपरियद्विता पाओ चंदं पुव्वाणं पोद्ववयाणं सम-प्पेइ, ता पुन्वापोट्टवया खलु णक्खत्ते पुन्वंभागे समक्खेते तीसइमुहुत्ते तप्पढमयाए पाओ चंदेण सिंद जोयं जोएइ, तओ पच्छा अवरराइं, एवं खर्ख पुन्वापोद्भवया णक्खते एगं च दिवसं एगं च राइं चंदेण सिद्धं जोयं जोएइ २ ता जोयं अणुपरि-यदृइ २ ता पाओ चंदं उत्तरापोद्रवयाणं समप्पेइ, ता उत्तरापोद्रवया खलु णक्खते उभयंभागे दिवहृक्खेते पणयालीसइमुहत्ते तप्पढमयाए पाओ चंदेण सिद्धं जोयं जोएइ अवरं च राइं तओ पच्छा अवरं दिवसं, एवं खळु उत्तरापोद्ववया णक्खते दो दिवसे एगं च राइं चंदेण सिद्धं जोयं जोएइ अवरं च राइं तओ पच्छा अवरं दिवसं, एवं खल उत्तरापोद्रवया णक्खते दो दिवसे एगं च राइं चंदेण सिद्धं जोयं जोएइ जोइता जोयं अणुपरियदृइ २ त्ता सायं चंदं रेवईणं समप्पेइ, ता रेवई खळु णक्खते पच्छंभागे समक्खेते तीसइमुहुत्ते तप्पढमयाए सायं चंदेण सिद्धं जोयं जोएइ, तओ पच्छा अवरं दिवसं, एवं खलु रेवई णक्खते एगं राइं एगं च दिवसं चंदेण सिद्धं जोयं जोएइ २ ता जोयं अणुपरियदृइ २ ता सायं चंदं अस्सिणीणं समप्पेइ, ता अस्सिणी खळु णक्खते पच्छंभागे समक्खेते तीसइमुहते तप्पढमयाए सायं चंदेण सिंद्धं जोयं जोएइ, तओ पच्छा अवरं दिवसं, एवं खळु अस्सिणी णक्खते एगं च ४५ सत्ता०

राइं एगं च दिवसं चंदेण सिद्धं जोयं जोएइ २ त्ता जोयं अणुपिरयदृइ २ ता सायं चंदं भरणीण समप्पेइ, ता भरणी खल्ल णक्कते णत्तंभागे अवहृक्खेते पण्णरसमुहुते तप्पढमयाए सायं चंदेण सिद्धं जोयं जोएइ, णो लभइ अवरं दिवसं, एवं खल्ल भरणी णक्कते एगं राइं चंदेण सिद्धं जोयं जोएइ २ त्ता जोयं अणुपिरयदृइ २ ता पाओ चंदं कित्तयाणं समप्पेइ, ता कित्तया खल्ल णक्कते पुन्वंभागे समक्केते तीसइमुहुते तप्पढमयाए पाओ चंदेण सिद्धं जोयं जोएइ, तओ पच्छा राइं, एवं खल्ल कित्तया णक्कते एगं च दिवसं एगं च राइं चंदेण सिद्धं जोयं जोएइ २ ता जोयं अणुपिरयदृइ २ ता पाओ चंदं रोहिणीणं समप्पेइ, रोहिणी जहा उत्तरभह्वया मिगसिरं जहा धणिद्वा अहा जहा सयभिसया पुणव्वस् जहा उत्तरभह्वया पुस्सो जहा धणिद्वा अस्सेसा जहा सयभिसया महा जहा पुव्वाफरगुणी पुव्वाफरगुणी जहा पुव्वाभह्वया उत्तराफरगुणी जहा उत्तराभह्वया उत्तराफरगुणी जहा स्थिभसया विसाहा जहा उत्तराभह्वया अणुराहा जहा धणिद्वा सयभिसया मूला पुव्वासाढा य जहा पुव्वाभह्वया उत्तरासाढा जहा उत्तराभह्वया ॥ ३४ ॥ दस्तमस्स पादुलस्स चउत्थं पादुलपादुलं समन्तं ॥ १०-४॥

ता कहं ते कुला उवकुला कुलोवकुला आहिताति वएजा ? तत्थ खलु इमे बारस कुला बारस उवकुला चतारि कुलोवकुला प०, बारस कुला०, तंजहा—धणिद्वाकुलं उत्तरामद्वयाकुलं अस्सिणीकुलं कित्त्याकुलं संठाणाकुलं पुस्साकुलं महाकुलं उत्तरामप्त्रयाकुलं विसाहाकुलं मूलाकुलं उत्तरासाढाकुलं, बारस उवकुला०, तंजहा—सवणो उवकुलं पुन्वापुट्टवयाउवकुलं रेवईउवकुलं भरणीउवकुलं रोहिणीउवकुलं पुण्व्यसूउवकुलं अस्सेसाउवकुलं पुव्वाफगुणीउवकुलं हत्थाउवकुलं साईउवकुलं अद्याप्टवकुलं पुव्वासाढाउवकुलं अल्वासि कुलोवकुला०, तंजहा—अभीईकुलोवकुलं सयिभस्याकुलोवकुलं अहाकुलोवकुलं अणुराहाकुलोवकुलं॥ ३५॥ दसमस्स पाहुडस्स पंचमं पाहुडपाहुडं समत्तं॥ १०-५॥

ता कहं ते पुण्णिमासिणी आहितेति वएजा ? तत्थ खल्ल इमाओ बारस पुण्णिमासिणीओ बारस अमावासाओ पण्णत्ताओ, तंजहा—साविद्वी पोट्ठवई आसोया कित्तया मग्गसिरी पोसी माही फग्गुणी चेत्ती वेसाही जेट्ठामूली आसाढी, ता साविद्विण्णं पुण्णिमासिं कइ णक्खत्ता जोएंति ? ता तिण्णि णक्खत्ता जोएंति , तंजहा—अभिई सवणो धणिट्ठा, ता पुट्ठवइण्णं पुण्णिमं कइ णक्खत्ता जोएंति ? ता तिण्णि णक्खत्ता जोएंति , तंजहा—सयभिसया पुन्वापोट्ठवया उत्तरायोट्ठवया, ता आसोइण्णं पुण्णिमं कइ णक्खत्ता जोएंति ? ता दोण्णि णक्खत्ता जोएंति , तंजहा—

रेवई य अस्सिणी य, ता कत्तियण्णं पुण्णिमं कइ णक्खत्ता जोएंति ? ता दोण्णि णक्खता जोएंति, तंजहा-भरणी कत्तिया य, ता मग्गसिरीपुण्णिमं कइ णक्खता जोएंति ? ता दोण्णि णक्खत्ता जोएंति, तंजहा-रोहिणी मिगसिरो य, ता पोसिण्णं पुण्णिमं कइ णक्खता जोएंति ? ता तिण्णि णक्खता जोएंति, तंजहा-अहा पुण-व्वसू पुस्सो, ता माहिण्णं पुण्णिमं कइ णक्खत्ता जोएंति ? ता दोण्णि णक्खत्ता जोएंति, तं०-अस्सेसा महा य, ता फरगुणिण्णं पुण्णिमं कइ णक्खता जोएंति ? ता दुण्णि णक्खता जोएंति, तं०-पुव्वाफगुणी उत्तराफगुणी य, ता चेत्तिण्णं पुण्णिमं कइ णक्खत्ता जोएंति ? ता दोण्णि॰, तं०-हत्थो चित्ता य, ता वेसाहिण्णं पुण्णिमं कइ णक्खत्ता जोएंति ? ता दोण्णि णक्खत्ता जोएंति, तं०-साई विसाहा य, ता जेट्टामूलिणां पुण्णिमासिणिं कइ णक्खता जोएंति ? ता तिण्णि णक्खता जोएंति, तं०-अणुराहा जेट्टा मूलो, ता आसाढिण्णं पुण्णिमं कइ णक्खत्ता जोएंति ? ता दो णक्खत्ता जोएंति, तंजहा-पुन्वासाढा उत्तरासाढा ॥ ३६ ॥ [णाउमिह अमावासं जइ इच्छिस कम्मि होइ रिक्खम्मि । अवहारं ठाविज्जा तित्तयरूवेहि संगुणए ॥ १ ॥ छावडी य मुहुत्ता त्रिसिंडभागा य पंच पिंडपुण्णा । बासिंडिभाग-सत्तद्विगो य इक्को हवइ भागो ॥ २ ॥ एयमवहाररासिं इच्छअमावाससंगुणं कुज्जा । णक्खत्ताणं एत्तो सोहणगविहिं णिसामेह ॥ ३ ॥ बावीसं च मुहुत्ता छायालीसं विसिद्धभागा य । एयं पुणव्वसुस्स य सोहयव्वं हवइ वुच्छं ॥ ४ ॥ बावत्तरं सयं फरगुणीणं वाणउइय वे विसाहासु । चत्तारि य वायाला सोज्झा उ उत्तरासाढा ॥ ५ ॥ एयं पुणव्वसुस्स य बिसिट्टभागसिट्टयं तु सोहणगं । इत्तो अभिईआई बिइयं वुच्छामि सोहणगं ॥ ६ ॥ अभिइस्स णव मुहुत्ता विसिद्धिभागा य हुंति चउवीसं । छावद्वी असमत्ता भागा सत्तद्रिछेयकया ॥ ७ ॥ उगुणद्रं पोद्रवयाइस चेव णवोत्तरं च रोहिणिया । तिसु णवणवएसु भवे पुणव्वसू फग्गुणीओ य ॥ ८ ॥ पंचेव उगुणपण्णं सयाइ उगुणुत्तराइं छचेव । सोज्झाणि विसाहासुं मूळे सत्तेव चोयाला ॥ ९ ॥ अद्रसय उगुणवीसा सोहणगं उत्तराण साढाणं । चउवीसं खळ भागा छावट्टी चुण्णियाओ य ॥ १० ॥ एयाइ सोहइत्ता जं सेसं तं हवेइ णक्खत्तं । इत्थं करेइ उडुवइ सूरेण समं अमावासं ॥ ११ ॥ इच्छापुण्णिमगुणिओ अवहारो सोत्थ होइ कायव्वो । तं चेव य सोहणगं अभिईआई तु कायव्वं ॥ १२ ॥ सुद्धंमि य सोहणगे जं सेसं तं भविज्ज णक्खत्तं । तत्थ य करेइ उडुवइ प**डि**पुण्णो पुण्णिमं विउलं ॥ १३ ॥] ता साविद्विण्णं पुण्णिमासिणि किं कुलं जोएइ उवकुलं जोएड कुलोवकुलं जोएड ? ता कुलं वा जोएड उवकुलं वा जोएड कुलोवकुलं वा

जोएइ. कुळं जोएमाणे धणिद्रा णक्खते०, उवकुळं जोएमाणे सवणे णक्खते जोएइ. कुलोवकुलं जोएमाणे अभिई णक्खत्ते जोएइ, ता साविद्वि॰ पुण्णिमं कुलं वा जोएइ उवकुलं वा जोएइ कुलोवकुलं वा जोएइ, कुळेण वा जुत्ता उवकुलेण वा जुत्ता कुलोव-कुलेण वा जुत्ता साविद्री पुण्णिमा जुत्ताति वत्तव्वं सिया, ता पोद्ववङ्ण्णं पुण्णिमं किं कुलं जोएइ उवकुलं जोएइ कुलोवकुलं वा जोएइ ? ता कुलं वा जोएइ उवकुलं वा जोएइ कुलोवकुलं वा जोएइ, कुलं जोएमाणे उत्तरापोट्टवया णक्खत्ते जोएइ, उब-कुलं जोएमाणे पुन्वापुद्ववया णक्खत्ते जोएइ, कुलोवकुलं जोएमाणे सयभिसया णक्खते जोएइ, पोद्रवङ्णं पुण्णमासिणि कुलं वा जोएइ उवकुलं वा जोएइ कुलोव-कुलं वा जोएइ, कुलेण वा जुत्ता ३ पुहुवया पुण्णिमा जुत्ताति वत्तव्वं सिया, ता आसोइं णं पुण्णिमासिणिं किं कुलं जोएइ उवकुलं जोएइ कुलोवकुलं जोएइ? ता कुरुंपि जोएइ उवकुरुंपि जोएइ णो लब्भइ कुलोवकुलं, कुलं जोएमाणे अस्सिणी णक्खते जोएइ, उवकुलं जोएमाणे रेवई णक्खते जोएइ, आसोइं णं पुण्णिमं कुलं वा जोएइ उवकुलं वा जोएइ, कुलेण वा जुत्ता उवकुलेण वा जुत्ता अस्सोई णं पुण्णिमा जुत्ताति वत्तव्वं सिया, एवं णेयव्वाउ, पोसं पुण्णिमं जेट्टामूरुं पुण्णिमं च कुलोवकुलंपि जोएइ, अवसेसासु णत्थि कुलोवकुलं जाव आसाढी पुण्णिमा जुत्ताति वत्तव्वं सिया । ता साविट्टिं णं अमावासं कइ णक्खत्ता जोएंति ? ता दुष्णि णक्खता जोएंति, तंजहा-अस्सेसा य महा य, एवं एएणं अभिलावेणं णेयव्वं. पोट्टवयं दो णक्खत्ता जोएंति, तंजहा-पुन्वाफग्गुणी उत्तराफग्गुणी, अस्सोइं दो० हत्थो चित्ता य, कत्तियं॰ साई विसाहा य, मग्गसिरं॰ अणुराहा जेट्टा मूलो, पोसिं॰ पुन्वासाढा उत्तरासाढा, माहिं० अभीई सवणो धणिह्ना, फरगुणिं० सयभिसया पुव्वापोद्ववया उत्तरापोद्ववया, चेत्तिं० रेवई अस्सिणी य, विसाहिं० भरणी कत्तिया य, जेडामूलं० रोहिणी मिगसिरं च, ता आसाढिं णं अमावासिं कइ णक्खता जोएंति ? ता तिण्णि णक्खत्ता जोएंति, तं०-अहा पुणव्वसू पुरुसो, ता साविट्टिं णं अमावासं किं कुलं जोएइ उवकुलं जोएइ कुलोवकुलं जोएइ ? ता कुलं वा जोएइ उवकुलं वा जोएइ णो लब्भइ कुलोबकुलं, कुलं जोएमाणे महा णक्खते जोएइ, उव-कुलं जोएमाणे असिल्टेसा० जोएइ, कुल्रेण वा जुत्ता उवकुल्रेण वा जुत्ता साविट्ठी अमावासा जुत्ताति वत्तव्वं सिया, एवं णेयव्वं, णवरं मग्गसिराए माहीए फग्गुणीए आसाढीए य अमावासाए कुलोवकुलंपि जोएइ, सेसेस णत्थि जाव आसाढी अमावासा जुत्ताति वत्तव्वं सिया ॥ ३७ ॥ द्समस्स पाहुडस्स छट्टं पाहुड-पाइडं समत्तं ॥ १०-६॥

ता कहं ते सिण्णवाए आहिएति वएजा ? ता जया णं साविद्री पुण्णिमा भवइ तया णं माही अमावासा भवइ, जया णं माही पुण्णिमा भवइ तया णं साविद्वी अमावासा भवइ, जया णं पुद्रवई पुण्णिमा भवइ तया णं फरगुणी अमावासा भवइ, जया णं फरगुणी पुण्णिमा भवइ तया णं पुद्धवई अमावासा भवइ, जया णं आसोई पुण्णिमा भवइ तया णं चेत्ती अमावासा भवइ, जया णं चेत्ती पुण्णिमा भवइ तया णं आसोई अमानासा भनइ, जया णं कित्तई पुण्णिमा भनइ तया णं वेसाही अमानासा भवइ, जया णं वेसाही पुण्णिमा भवइ तया णं कत्तिया अमावासा भवइ, जया णं मग्गितरी पुण्णिमा भवइ तया णं जेट्ठामूली अमावासा भवइ, जया णं जेट्ठामूली पुण्णिमा भवइ तया णं मग्गिसरी अमावासा भवइ, जया णं पोसी पुण्णिमा भवइ तया णं आसाढी अमावासा भवइ, जया णं आसाढी पुण्णिमा भवइ तया णं पोसी अमावासा भवइ ॥ ३८ ॥ दसमस्स पाइडस्स सत्तमं पाइडपाइडं समत्तं ॥ १०-७ ॥

ता कहं ते णक्खत्तसंठिई आहितेति वएजा? ता एएसि णं अट्टावीसाए णक्खताणं अभीईणक्खते किसंठिए पण्णते? ता गोसीसावलिसंठिए पण्णते, ता सवणे णक्खत्ते किंसंठिए पण्णत्ते ? ता काहारसंठिए प०, धणिद्वाणक्खत्ते सउणि-पलीणगसंठिए, सयभिसयाणक्खते पुष्फोवयारसंठिए, पुन्वापोट्टवयाणक्खते अवडू-वाविसंठिए, एवं उत्तरावि, रेवईणक्खते णावासंठिए. अस्सिणीणक्खते आसक्खंध-संठिए, भरणीणक्खत्ते भगसंठिए, कत्तियाणक्खत्ते छुरघरगसंठिए, रोहिणीणक्खते सगड़िद्धसंठिए, मिगसिराणक्खते मिगसीसावलिसंठिए, अद्दाणक्खते रुहिरबिंदु-संठिए, पुणव्वस्णक्खत्ते तुलासंठिए, पुप्फे णक्खत्ते वद्धमाणसंठिए, अस्सेसाणक्खत्ते पडागसंठिए, महाणक्खते पागारसंठिए, पुन्वाफरगुणीणक्खते अद्धपलियंकसंठिए, एवं उत्तरावि, हत्ये णक्खते हत्यसंठिए, चित्ताणक्खते मुहफुळसंठिए, साईणक्खते खीलगसंठिए, विसाहाणक्खत्ते दामणिसंठिए, अणुराहाणक्खत्ते एगावलिसंठिए, जेट्ठाणक्खत्ते गयदंतसंठिए, मूळे णक्खत्ते विच्छुयलंगोलसंठिए, पुव्वासाढाणक्खत्ते गयविक्रमसंठिए, उत्तरासाढाणक्खते साइयसंठिए प०॥ ३९॥ दसमस्स पाइ-डस्स अहमं पाहुडपाहुडं समत्तं॥ १०-८॥

ता कहं ते तारगे आहिएति वएजा ? ता एएसि णं अद्वावीसाए णक्खताणं अभीईणक्खते कहतारे प० ? ता तितारे पण्णते, सवणे णक्खते तितारे, धणिद्वाणक्खते पणतारे, सयभिसयाणक्खत्ते सयतारे, पुव्वापोद्ववयाणक्खत्ते दुतारे, एवं उत्तरावि, रेवई० बत्तीसइतारे, अस्सिणीणक्खते तितारे, भरणी तितारे, कत्तिया छतारे, रोहिणी पंचतारे, मिगसिरे तितारे, अहा एगतारे, पुणव्वस् पंचतारे, पुस्से तितारे, अस्सेसा छतारे, महा सत्ततारे, पुव्वाफगुणी दुतारे, एवं उत्तरावि, हत्थे पंचतारे, चित्ता एगतारे, साई एगतारे, विसाहा पंचतारे, अणुराहा चउतारे, जेडा तितारे, मूछे एगतारे, पुव्वासादा चउतारे, उत्तरासादा चउत्तारे ॥ ४० ॥ दसमस्स पाइडस्स णवमं पाइडपाइडं समत्तं ॥ १०-९॥

ता कहं ते णेया आहितोति वएजा? ता वासाणं पढमं मासं कइ णक्खता णेंति ? ता चत्तारि णक्खत्ता णेंति, तंजहा-उत्तरासाढा अभिई सवणो धणिहा, उत्तरासाढा चोहस अहोरत्ते णेइ, अभिई सत्त अहोरत्ते णेइ, सवणे अह अहोरत्ते णेइ, धणिड्डा एगं अहोरत्तं णेइ, तंसि च णं मासंसि चडरंगुलपोरिसीए छायाए सुरिए अणुपरियहृइ, तस्स णं मासस्स चरिमे दिवसे दो पायाइं चत्तारि य अंगुलाइं पोरिसी भवइ, ता वासाणं दोचं मासं कइ णक्खता णेंति? ता चतारि णक्खता णेंति, तंजहा-धणिद्वा सयभिसया पुन्वापोद्ववया उत्तरापोद्ववया, धणिद्वा चोहस अहोरत्ते णेइ, सयभिसया सत्त अहोरत्ते णेइ, पुन्वापोद्ववया अह अहोरत्ते णेइ, उत्तरापोट्टवया एगं अहोरत्तं णेइ, तंसि च णं मासंसि अट्टंगुलपोरिसीए छायाए स्रिए अणुपरियहइ, तस्स णं मासस्स चरिमे दिवसे दो पयाई अट्ट य अंगुलाई पोरिसी भवइ, ता वासाणं तइयं मासं कइ णक्खत्ता णेंति? ता तिण्णि णक्खत्ता णेंति. तं ० - उत्तरापोद्ववया रेवई अस्सिणी, उत्तरापोद्ववया चोइस अहोरते णेइ, रेवई पण्णरस अहोरत्ते णेइ, अस्सिणी एगं अहोरत्तं णेइ, तंसि च णं मासंसि दुवालसं-गुळाए पोरिसीए छायाए सूरिए अणुपरियदृइ, तस्स णं मासस्स चरिमदिवसे छेहट्टाई तिण्णि पयाई पोरिसी भवइ, ता वासाणं चउत्थं मासं कइ णक्खत्ता णेंति ? ता तिण्णि णक्खता णेंति, तं०-अस्सिणी भरणी कत्तिया, अस्सिणी चउद्दस अहोरते णेइ, भरणी पण्णरस अहोरत्ते णेइ, कत्तिया एगं अहोरत्तं णेइ, तंसि च णं मासंसि सोलसंगुलाए पोरिसिच्छायाए सूरिए अणुपरियष्ट्रइ, तस्स णं मासस्स चरिमे दिवसे तिण्णि पयाई चत्तारिय अंगुलाई पोरिसी भवइ। ता हेमंताणं पढमं मासं कइ णक्खता णेंति ? ता तिण्णि णक्खत्ता णेंति, तं०-कत्तिया रोहिणी संठाणा, कत्तिया चोइस अहोरत्ते णेइ, रोहिणी पण्णरस अहोरत्ते णेइ, संठाणा एगं अहोरत्तं णेइ, तंसि च णं मासंसि वीसंगुलपोरिसीए छायाए स्रिए अणुपरियदृइ, तस्स णं मासस्स चरिमे दिवसे तिण्णि पयाई अह य अंगुलाई पोरिसी भवइ, ता हेमंताणं दोचं मासं कड णक्खता गेंति ? ता चत्तारि णक्खता गेंति, तं ०-संठाणा अहा पुणव्वसू पुस्तो, संठाणा चोद्दस अहोरत्ते णेइ, अहा सत्त अहोरत्ते णेइ, पुणव्वसू अट्ट अहोरत्ते णेइ,

पुस्से एगं अहोरत्तं णेइ, तंसि च णं मासंसि चडवीसंग्रह्मोरिसीए छायाए सरिए अणुपरियदृइ, तस्स णं मासस्स चरिमे दिवसे लेहद्राई चतारि प्याई पोरिसी भवड. ता हेमंताणं तहयं मासं कड णक्खत्ता णेंति ? ता तिण्णि णक्खत्ता णेंति. तं०-पुस्से अस्सेसा महा, पुस्से चोद्दस अहोरत्ते णेड. अस्सेसा पंचदस अहोरत्ते णेड. महा एगं अहोरत्तं णेइ, तंसि च णं मासंसि वीसंग्रलाए पोरिसीए छायाए सरिए अणपरियहडू. तस्स णं मासस्स चरिमे दिवसे तिण्णि पयाइं अद्भग्नाइं पोरिसी भवड, ता हेमंताणं चउत्थं मासं कड णक्खता णेंति ? ता तिण्णि णक्खता णेंति, तं०-महा पुन्वा-फर्गुणी उत्तराफर्गुणी, महा चोद्दस अहोरते णेइ, पुव्वाफर्गुणी पण्णरस अहोरते णेइ, उत्तराफरगुणी एगं अहोरत्तं णेइ, तंसि च णं मासंसि सोलसअंगुलाए पोरिसीए छायाए स्रिए अणुपरियदृइ, तस्स णं मासस्स चरिमे दिवसे तिण्णि पयाई चत्तारि य अंगुलाइं पोरिसी भवइ । ता गिम्हाणं पढमं मासं कह णक्खता णेति ? ता तिण्णि णक्खता णेति. तं०-उत्तराफग्गणी हत्थो चित्ता. उत्तराफग्गणी चोद्दस अहोरत्ते णेइ. हत्थो पण्णरस अहोरत्ते णेइ, चित्ता एगं अहोरतं णेइ, तंसि च णं मासंसि दवाल-संग्रलपोरिसीए छायाए सरिए अणपरियहइ, तस्स णं मासस्स चरिमे दिवसे लेहटाई तिण्णि पयाई पोरिसी भवइ, ता गिम्हाणं बिडयं मासं कड णक्खता णेति ? ता तिण्णि णक्खता णेंति, तं०-चित्ता साई विसाहा. चित्ता चोहस अहोरत्ते णेड. साई पण्णरस अहोरते णेइ, विसाहा एगं अहोरतं णेइ. तंसि च णं मासंसि अट्टंगळाए पोरिसीए छायाए सरिए अणुपरियद्वड, तस्स णं मासस्स चरिमे दिवसे दो पयाडं अद्भ य अंग्रलाई पोरिसी भवइ, ता गिम्हाणं तइयं मासं कड णक्खता णेंति ? ता तिणक्खत्ता णेंति, तं०-विसाहा अणुराहा जेट्रामूलो, विसाहा चोहस अहोरत्ते णेइ. अण्राहा पण्णरस०, जेंद्रामुलो एगं अहोरत्तं णेइ, तंसि च णं मासंसि चडरंगुलपो-रिसीए छायाए सरिए अणुपरियदृइ. तस्स णं मासस्स चरिमे दिवसे दो पयाणि य चतारि अंगुलाणि पोरिसी भवइ, ता गिम्हाणं चडत्थं मासं कइ णक्खता णेंति ? ता तिण्णि णक्खता णेति, तं०-मूलो पुव्वासाढा उत्तरासाढा, मूलो चोद्दस अहोरत्ते णेइ, पुरवासाढा पण्णरस अहोरत्ते णेइ. उत्तरासाढा एगं अहोरत्तं णेइ. तंसि च णं मासंसि वहाए समचडरंससंठियाए णग्गोहपरिमंडलाए सकायमणुरंगिणीए छायाए सरिए अण्परियदृइ. तस्स णं मासस्स चरिमे दिवसे लेहद्वाइं दो पयाइं पोरिसी भवइ ॥ ४९ ॥ दसमस्स पाइडस्स दसमं पाइडपाइडं समत्तं ॥ १०-१० ॥

ता कहं ते चंदमग्गा आहितेति वएँजा ? ता एएसि णं अट्ठावीसाए णक्खत्ताणं अत्थि णक्खत्ता जे णं सया चंदस्स दाहिणेणं जोयं जोएंति, अत्थि णक्खत्ता जे णं

सया चंदरस उत्तरेणं जोयं जोएंति, अत्थि णक्खता जे णं चंदरस दाहिणेणवि उत्तरेणवि पमद्दंपि जोयं जोएंति, अत्थि णक्खत्ता जे णं चंदरस दाहिणेणवि पमद्दंपि जोयं जोएंति, अत्थि णक्खते जे णं सया चंदरस पमद्दं जोयं जोएइ, ता एएसि णं अद्रावीसाए णक्खताणं कयरे णक्खता जे णं सया चंदस्स दाहिणेणं जोयं जोएंति तहेव जाव कयरे णक्खते जे णं सया चंदरस पमइं जोयं जोएइ ? ता एएसि णं अद्रावीसाए णक्खत्ताणं जे णं णक्खता सया चंदस्स दाहिणेणं जोयं जोएंति ते णं छ, तं०-संठाणा अद्दा पुस्सो अस्सेसा हत्थो मूलो, तत्थ जे ते णक्खता जे णं सया चंदस्स उत्तरेणं जोयं जोएंति ते णं बारस, तंजहा-अभिई सवणो धणिद्रा सयभिसया पुरुवाभद्दवया उत्तरापोद्घवया रेवई अस्सिणी भरणी पुरुवाफरगुणी उत्तराफरगुणी साई १२, तत्थ जे ते णक्खता जे णं चंदरस दाहिणेणवि उत्तरेणवि पमइंपि जोयं जोएंति ते णं सत्त, तंजहा-कत्तिया रोहिणी पुणव्वसू महा चित्ता विसाहा अणुराहा, तत्थ जे ते णक्खता जे णं चंदरस दाहिणेणवि पमदंपि जोयं जोएंति ताओ णं दो आसाढाओ सन्वबाहिरे मंडले जोयं जोएंसु वा जोएंति वा जोए-स्संति वा, तत्थ जे से णक्खते जे णं सया चंदरस पमद्दं जोयं जोएइ सा णं एगा जेंद्रा ॥ ४२ ॥ ता कइ ते चंदमंडला पण्णत्ता ? ता पण्णरस चंदमंडला पण्णत्ता. ता एएसि णं पण्णरसण्हं चंदमंडलाणं अत्थि चंदमंडला जे णं सया णक्खतेहिं अविरहिया॰, अत्थि चंदमंडला जे णं रविससिणक्खताणं सामण्णा भवंति, अत्थि चंदमंडला जे णं सया आइचेहिं विरहिया, ता एएसि णं पण्णरसण्हं चंदमंडलाणं कयरे चंदमंडला जे णं सया णक्खतेहिं अविरहिया जाव कयरे चंदमंडला जे णं सया आइचविरहिया? ता एएसि णं पण्णरसण्हं चंदमंडलाणं तत्थ जे ते चंदमंडला जे णं सया णक्खत्तेहिं अविरहिया ते णं अट्ट, तंजहा-पडमे चंदमंडले तइए चंदमंडले छ्ट्ठे चंदमंडले सत्तमे चंदमंडले अट्टमे चंदमंडले दसमे चंदमंडले एक्कारसमे चंदमंडले पण्णरसमें चंदमंडले, तत्थ जे ते चंदमंडला जे णं सया णक्खत्तेहिं विरहिया ते णं सत्त, तंजहा–बिइए चंदमंडले चउत्थै चंदमंडले पंचमे चंदमंडले णवमे चंदमंडले बारसमे चंदमंडले तेरसमे चंदमंडले चउइसमे चंदमंडले, तत्थ जे ते चंदमंडला जे णं रविससिणक्खताणं सामण्णा भवंति ते णं चतारि, तंजहा-पढमे चंदमंड छे बीए चंदमंडले इक्कारसमे चंदमंडले पण्णरसमे चंदमंडले, तत्थ जे ते चंदमंडला जे णं सया आइचविरहिया ते णं पंच, तंजहा-छट्ठे चंदमंडले सत्तमे चंदमंडले अट्टमे चंदमंडले णवमे चंदमंडले दसमे चंदमंडले॥ ४३॥ द्समस्स पाहुडस्स एकारसमं पाइडपाइडं समत्तं ॥ १०-११॥

ता कहं ते देवयाणं अज्झयणा आहिताति वएजा ? ता एएसि णं अद्वावीसाए णक्खत्ताणं अभिईणक्खत्ते किंदेवयाए पण्णत्ते ? ता बंमदेवयाए पण्णत्ते, सवणे० विण्हु०, धणिद्वाणक्खत्ते वस्रदेवयाए०, सयभिसयाणक्खत्ते वरुण०, पुट्वापोट्ठ० अयदे०, उत्तरापोट्ठवयाणक्खत्ते अभिविह्व०, एवं सव्वेवि पुच्छिजंति, रेवई पुस्सदेवया०, अस्सिणी अस्सदेवया०, भरणी जमदेवया०, कित्तया अग्गिदेवया०, रोहिणी पया-वइदेवया०, संठाणा सोमदेवयाए०, अहा रुद्देवयाए०, पुण्व्वसू अदिति०, पुस्सो बह्रस्सइ०, अस्सेसा सप्प०, महा पिइ०, पुञ्वाफ्रगुणी भग०, उत्तराफ्रगुणी अजम०, हत्थे सविया०, चित्ता तद्व०. साई वाउ०, विसाहा इंद्रगि०, अणुराहा मित्त०, जेट्टा इंद०, मूळे णिरइ०, पुव्वासाटा आउ०, उत्तरासाटा० विस्सदेवयाए पण्णत्ते ॥ ४४॥ दसमस्स पाहुडस्स वारसमं पाहुडपाहुडं समत्तं ॥ १०-१२॥

ता कहं ते मुहुत्ताणं नामधेजा आहिताति वएजा ? ता एगमेगस्स णं अहोरत्तस्स तीसं मुहुत्ता प०, तंजहा-रुद्दे सेए मित्ते वाउ सुगी(पी)ए तहेव अभिचंदे। माहिंद बलव बंभे बहुसचे चेव ईसाणे॥ १॥ तहे य भावियपा वेसमणे वारणे य आणंदे। विजए य वीससेणे पयावई चेव उवसामे॥ २॥ गंधव्व अग्गिवेसे सयिरसहे आयवं च अममे य। अणवं भोमे रिसहे सव्वहे रक्खसे चेव॥ ३॥ ४५॥ दसमस्स पाहुडस्स तेरसमं पाहुडपाहुडं समत्तं॥ १०-१३॥

ता कहं ते दिवसा आहिताति वएजा ? ता एगमेगस्स णं पक्खस्स पण्णरस दिवसा पण्णता, तं०-पिडवादिवसे बिइयादिवसे जाव पण्णरसीदिवसे, ता एएसि णं पण्णरसण्हं दिवसाणं पण्णरस णामधेजा प०, तं०-पुठवंगे सिद्धमणोरमे य तत्तो मणोरहे(हरे) चेव । जसभेद्दे य जसोधर य सन्वकामसिमेद्धे ॥ १ ॥ इंद्मुद्धाभि-सित्ते य सोमणस धणंजए य बोद्धव्वे । अत्थिसिद्धे अभिजाए अच्चसणे सयंजए चेव ॥ २ ॥ अग्गिवेसे उवसमे दिवसाणं णामधेजाइं । ता कहं ते राईओ आहिताति वएजा ? ता एगमेगस्स णं पक्खस्स पण्णरस राईओ पण्णताओ, तंजहा-पिडवाराई बिइयाराई जाव पण्णरसीराई, ता एयासि णं पण्णरसण्हं राईणं पण्णरस णामधेजा पण्णत्ता, तं०-उत्तमा य सणक्त्यत्ता, एठावचा जसोधरा । सोमणसा चेव तहा सिरिसंभूया य बोद्धव्वा ॥ १ ॥ विजया य वेजयंति जयंति अपराजिया य इच्छा य । समाहारा चेव तहा तेया य तहा य अइतेया ॥ १ ॥ देवाणंदा णिरई रयणीणं णामधेजाइं ॥ ४६ ॥ दसमस्स पाहुडस्स चउद्दसमं पाहुडपाहुडं समनं ॥ १०-१४॥

ता कहं ते तिही आहितेति वएजा? तत्थ खल्ल इमा दुविहा तिही पण्णता,

तंजहा-दिवसितही य राईतिही य, ता कहं ते दिवसितही आहितेति वएजा? ता एगमेगस्स णं पक्खस्स पण्णरस २ दिवसितही पण्णता, तं०-णंदे मेहे जए तुच्छे पुण्णे पक्खस्स पंचमी पुणरिव णंदे मेहे जए तुच्छे पुण्णे पक्खस्स दसमी पुणरिव णंदे मेहे जए तुच्छे पुण्णे पक्खस्स दसमी पुणरिव णंदे मेहे जए तुच्छे पुण्णे पक्खस्स दसमी पुणरिव णंदे मेहे जए तुच्छे पुण्णे पक्खस्स पण्णरित तिरुणा तिर्हीओ सव्वेसि दिवसाणं, ता कहं ते राईतिही आहितेति वएजा? ता एगमेगस्स णं पक्खस्स पण्णरिस राईतिही प०, तं०-उगगवई भोगवई जसवई सव्वसिद्धा सहणामा पुणरिव उगगवई भोगवई जसवई सव्वसिद्धा सहणामा पुणरिव उगगवई भोगवई जसवई सव्वसिद्धा सहणामा, एए तिगुणा तिर्हीओ सव्वासि राईणं॥ ४७॥ दसमस्स पाहुडस्स पण्णरसमं पाहुडपाहुडं समन्तं॥ १०-१५॥

ता कहं ते गोता आहिताति वएजा? ता एएसि णं अट्ठावीसाए णक्खताणं अभिईणक्खते किंगोते प०? ता मोग्गह्रायणसगोत्ते पण्णते, सवणे० संखायण०, घणिट्ठा० अग्गितावस०, सयभिसया० कण्णिलायणसगोत्ते, पुग्वापोट्ठवया० जोडक-ण्णियसगोत्ते, उत्तरापोट्ठवया० धणंजयसगोत्ते, रेवईणक्खते पुरसायणसगोत्ते, अस्सि-णीणक्खते अरसायणसगोत्ते, भरणीणक्खते भग्गवेससगोत्ते, कित्तयाणक्खते अग्गिवेससगोत्ते, रोहिणीणक्खते गोयम०, संठाणाणक्खते भारहायसगोत्ते, अहाणक्खते लेहिचायणसगोत्ते, पुणव्यस्णक्खते वासिट्ठसगोत्ते, पुस्से० उमजायणसगोत्ते, अस्से-साणक्खते मंडव्वायणसगोत्ते, महाणक्खते विमायणसगोत्ते, पुव्वाफग्गुणीणक्खते गोवह्रायणसगोत्ते, उत्तराफग्गुणीणक्खते कासव०, हत्थे० कोसिय०, चित्ताणक्खते दिभायणसगोत्ते, साईणक्खते वामरच्छायणसगोत्ते, विसाहाणक्खते संगायणसगोत्ते, अणुराहाणक्खते गोलव्वायणसगोत्ते, जेट्ठाणक्खते तिगिच्छायणसगोत्ते, मूले णक्खते कच्चायणसगोत्ते, पुव्वासाढाणक्खते विज्ञ्यायणसगोत्ते, उत्तरासाढाणक्खते वग्चा-वच्चसगोते ॥ ४८ ॥ दसमस्स पाद्युडस्स सोलसमं पाद्युडपाहुडं समनं ॥ १०-१६॥

ता कहं ते भोयणा आहिताति वएजा ? ता एएसि णं अट्ठावीसाए णक्खताणं कित्तयाहिं दहिणा भोचा कजं सार्धेति, रोहिणीहिं मुग्गं भोचा कजं सार्धेति, संठा-णाहिं कत्थूरिं भोचा कजं सार्धेति, अदाहिं णवणीएण भोचा कजं सार्थेति, अप्तेसाए चएण भोचा कजं सार्थेति, पुस्सेणं खीरेण भोचा कजं सार्थेति, अस्सेसाए णालिएरं भोचा कजं सार्थेति, महाहिं कसीतिं भोचा कजं सार्थेति, पुन्वाहिं फग्गु-णीहिं एलाफूलं भोचा कजं सार्थेति, उत्तराफगुणीहिं दुद्देणं भोचा कजं सार्थेति,

१ पके हुए मूंग, २ नारियलकी गिरी, ३ खाद्यविशेष, ४ आबजोश इलायची।

हत्थेणं वत्थाणीएणे भोचा कर्जं साधेंति, चित्ताहिं मुग्गस्वेणं भोचा कर्जं साधेंति, साइणा फलेंइं भोचा कर्जं साधेंति, विसाहािंदं आसित्तियाओ भोचा कर्जं साधेंति, अणुराहािंदं मिस्साकृरं भोचा कर्जं साधेंति, जेट्ठािंदं ठाट्ठिएँणं भोचा कर्जं साधेंति, मूलेणं मूलेगंणं भोचा कर्जं साधेंति, पुव्वािंदं आसाडािंदं आमलगं भोचा कर्जं साधेंति, उत्तरािंदं आसाडािंदं विल्लफेलेिंदं [णिम्मियं] भोचा कर्जं साधेंति, अभीइणा पुँप्फेिंदं [निम्मयं] भोचा कर्जं साधेंति, धणिट्ठािंदं जूसेणं भोचा कर्जं साधेंति, स्वर्मिसयाए तुवराउ भोचा कर्जं साधेंति, पुव्वािंदं पुटुवयािंदं कारियंह्रएिंदं भोचा कर्जं साधेंति, उत्तरापुटुवयािंदं वंसरें।यणं भोचा कर्जं साधेंति, रिवईिंदं सिंधींडगं भोचा कर्जं साधेंति, अस्सिणीिंदं तित्तेषेलं भोचा कर्जं साधेंति, भरणीिंदं तिलतेंदुलयं भोचा कर्जं साधेंति, अस्सिणीिंदं तित्तेषेलं भोचा कर्जं साधेंति, भरणीिंदं तिलतेंदुलयं भोचा कर्जं साधेंति, अस्सिणीिंदं तित्तेषेलं भोचा कर्जं साधेंति, भरणीिंदं तिलतेंदुलयं भोचा कर्जं साधेंति ॥ ४९ ॥ दसमस्स पादुडस्स सत्तरसमं पादुडपाइडं समत्तं॥ १०-१७॥

ता कहं ते चारा आहिताति वएजा? तत्थ खलु इमे दुविहा चारा पण्णता, तं०—आइचचारा य चंदचारा य, ता कहं ते चंदचारा आहिताति वएजा? ता पंच संवच्छिरए णं जुगे अभीइणक्खते सत्तसिष्टचारे चंदेण सिद्धं जोयं जोएइ, सवणे णक्खते सत्तसिष्टचारे चंदेण सिद्धं जोयं जोएइ, एवं जाव उत्तरासाढा-णक्खते सत्तसिष्टचारे चंदेण सिद्धं जोयं जोएइ। एवं जाव उत्तरासाढा-णक्खते सत्तसिष्टचारे चंदेण सिद्धं जोयं जोएइ। ता कहं ते आइचचारा आहितेति वएजा? ता पंच संवच्छिरए णं जुगे अभीईणक्खते पंचचारे स्रेण सिद्धं जोयं जोएइ, एवं जाव उत्तरासाढाणक्खते पंचचारे स्रेण सिद्धं जोयं जोएइ, एवं जाव उत्तरासाढाणक्खते पंचचारे स्रेण सिद्धं जोयं जोएइ। ५०॥ दसमस्स पाइडस्स अट्टारसमं पाइडपाइडं समत्तं॥ १०-१८॥

ता कहं ते मासा आहिताति वएजा? ता एगमेगस्स णं संवच्छरस्स बारस मासा पण्णता, तेसिं च दुविहा णामधेजा पण्णता, तं०-लोइया य लोउत्तरिया य, तत्थ लोइया णामा०, तं०-सावणे भद्दवए आसोए जाव आसाढे, लोउत्तरिया णामा०, तं०-अभिणंदे पइट्ठे य, विजए पीइवद्धणे । सेजंसे य सिवे यावि, सिसिरेवि य हेमवं ॥ १ ॥ णवमे वसंतमासे, दसमे कुसुमसंभवे । एक्कारसमे णिदाहो, वणविरोही य बारसे ॥ २ ॥ ५१ ॥ द्समस्स पाहुडस्स एग्णवीसइमं पाहुड-पाहुडं समत्तं ॥ १०-१९॥

ता कहं ते संवच्छरा आहिताति वएजा? ता पंच संवच्छरा आहिताति वएजा,

⁹ खाद्यविशेष, २ त्रिफला, ३ खाद्यविशेष, ४ खाद्यविशेष, ५ शाकविशेष, ६ बेलफलका मुरब्बा, ७ गुलकंद, ८ करेले का शाक, ९ वंशलोचन, १० स्खा सिंघाडा, ११ त्रिकुटा सोंठ-काली मिंच-पीपल।

तं०-णक्खत्तसंवच्छरे जुगसंवच्छरे पमाणसंवच्छरे लक्खणसंवच्छरे सणिच्छरसंव-च्छरे ॥ ५२ ॥ ता णक्खत्तसंवच्छरे णं ऋविहे प० ? ता णक्खत्तसंवच्छरे णं दुवालसविहे पण्णत्ते, तं०-सावणे भइवए जाव आसाढे, जं वा बहस्सइमहग्गहे दुवालसिंहं संवच्छरेहिं सन्वं णक्खत्तमंडलं समाणेइ ॥ ५३ ॥० ता जुगसंवच्छरे णं पंचिवहे पण्णते, तंजहा-चंदे चंदे अभिवड्टिए चंदे अभिवड्टिए चेव, ता पढमस्स णं चंदसंवच्छरस्स चडवीसं पन्वा प०, दोचस्स णं चंदसंवच्छरस्स चडवीसं पव्वा प०, तच्चस्स णं अभिविष्ट्रियसंवच्छरस्स छव्वीसं पव्वा प०, चउत्थस्स णं चंदसंवच्छरस्स चडवीसं पन्वा प०, पंचमस्स णं अभिविष्ट्रयसंवच्छरस्स छन्वीसं पव्वा पण्णत्ता. एवामेव सपुव्वावरेणं पंचसंवच्छरिए जुगे एगे चडवीसे पव्वसए भवतीति मक्खायं ॥ ५४ ॥० ता पमाणसंवच्छरे णं पंचिवहे प०, तंजहा-णक्खते चंदे उडू आइचे अभिविद्विए॥ ५५॥० ता लक्खणसंवच्छरे णं पंचिविहे प०, तं - समगं णक्खत्ता जोयं जोएंति समगं उऊ परिणमंति । णञ्चण्ह णाइसीए बह-उदए होइ णक्खते ॥ १ ॥ ससि समग पुण्णिमासि जोइंता विसमचारिणक्खता । कडुओ बहूदओ य तमाहु संवच्छरं चंदं ॥ २ ॥ विसमं पवालिणो परिणमंति अणु-ऊस दिंति पुष्फफलं । वासं न सम्म वासइ तमाहु संवच्छरं कम्मं ॥ ३ ॥ पुढावेद-गाणं च रसं पुप्फफलाणं च देइ आइचे । अप्पेणिव वासेणं सम्मं निष्फजाए सस्सं ॥ ४॥ आइचतेयतिवया खणलवदिवसा उऊ परिणमंति । पूरेइ णिण्णथलए तमाहु अभिवड्ढियं जाण ॥ ५ ॥० ता सणिच्छरसंवच्छरे णं अद्वावीसइविहे प०, तं ०-अभीई सवणे जाव उत्तरासाढा, जं वा सणिच्छरे महग्गहे तीसाए संवच्छरेहिं सव्वं णक्खत्तमंडलं समाणेइ॥ ५६॥ दसमस्स पाहुडस्स वीसइमं पाहुड-पाहुई समत्तं ॥ १०-२०॥

ता कहं ते जोइसस्स दारा आहिताति वएजा १ तत्थ खलु इमाओ पंच पिड-वत्तीओ पण्णत्ताओ, तं०-तत्थेंगे एवमाहंसु-ता कित्तयाइया णं सत्त णक्खता पुव्व-दारिया पण्णता एगे एवमाहंसु १, एगे पुण एवमाहंसु-ता महाइया णं सत्त णक्खता पुव्वदारिया पण्णता एगे एवमाहंसु २, एगे पुण एवमाहंसु-ता धणिद्वाइया णं सत्त णक्खता पुव्वदारिया पण्णता एगे एवमाहंसु ३, एगे पुण एवमाहंसु-ता अस्तिणी-आइया णं सत्त णक्खता पुव्वदारिया पण्णता एगे एवमाहंसु ४, एगे पुण एव-माहंसु-ता भरणीआइया णं सत्त णक्खता पुव्वदारिया पण्णता० ५। तत्थ जे ते एवमाहंसु-ता कित्तयाइया णं सत्त णक्खता पुव्वदारिया पण्णता, ते एवमाहंसु-तं०-कित्तया रोहिणी संठाणा अहा पुण्व्वस् पुस्सो अस्सेसा, महाइया णं सत्त णक्खता

दाहिणदारिया पण्णता, तंजहा-महा पुर्वाफरगुणी उत्तराफरगुणी हत्थो चित्ता साई विसाहा, अणुराहाइया णं सत्त णक्खता पच्छिमदारिया पण्णता, तंजहा-अणुराहा जेट्टा मूलो पुव्वासाढा उत्तरासाढा अभिई सवणो, धणिद्वाइया णं सत्त णक्खता उत्तरदारिया पण्णता, तंजहा-धणिद्रा सयभिसया पुव्वापोद्रवया उत्तरा-पोद्ववया रेवई अस्सिणी भरणी। तत्थ जे ते एवमाहंसु-ता महाइया णं सत्त णक्खत्ता पुव्वदारिया पण्णत्ता, ते एवमाहंसु-तंजहा-महा पुव्वाफरगुणी हत्थो चित्ता साई विसाहा, अणुराहाइया णं सत्त णक्खता दाहिणदारिया पण्णत्ता, तंजहा-अणुराहा जेट्टा मूले पुरुवासाढा उत्तरासाढा अभिई सवणे, धणिट्टाइया णं सत्त णक्खत्ता पच्छिमदारिया पण्णत्ता, तंजहा-धणिट्ठा सयभिसया पुव्वापोडवया उत्तरापोद्ववया रेवई अस्सिणी भरणी, कत्तियाइया णं सत्त णक्खता उत्तरदारिया पण्णत्ता, तंजहा-कत्तिया रोहिणी संठाणा अदा पुणव्वस् पुरुसो अरुसेसा । तत्थ जे ते एवमाहंसु-ता धणिद्वाइया णं सत्त णक्खत्ता पुन्वदारिया पण्णता, ते एवमाहंसु-तंजहा-धणिट्टा सयभिसया पुरुवाभद्दवया उत्तराभद्दवया रेवई अस्सिणी भरणी, कत्तियाइया णं सत्त णक्खता दाहिणदारिया पण्णता, तंजहा-कत्तिया रोहिणी संठाणा अहा पुणव्वसू पुरसो अस्सेसा, महाइया णं सत्त णक्खता पच्छिमदारिया पण्णता, तंजहा-महा पुव्वाफरगुणी उत्तराफरगुणी हत्थो चित्ता साई विसाहा, अणुराहाइया णं सत्त णक्खता उत्तरदारिया पण्णता, तंजहा-अणुराहा जेट्टा मूलो पुन्वासाढा उत्तरासाढा अभीई सवणो । तत्थ जे ते एवमाहंस्र-ता अस्सिणी-आइया णं सत्त णक्खता पुन्वदारिया पण्णता ते एवमाहंसु-तंजहा-अस्सिणी भरणी कत्तिया रोहिणी संठाणा अहा पुणव्वस्, पुरसाइया णं सत्त णक्खता दाहिणदारिया पण्णता, तंजहा-पुस्सा अस्सेसा महा पुव्वाफरगुणी उत्तराफरगुणी हृत्थो चित्ता, साईआइया णं सत्त णक्खता पिच्छमदारिया पण्णता, तंजहा-साई विसाहा अणुराहा जेट्टा मूलो पुन्वासाढा उत्तरासाढा, अभीईआइया णं सत्त णक्खता उत्तरदारिया पण्णता, तंजहा-अभिई सवणो धणिष्ठा सयभिसया पुव्वा-भद्दवया उत्तराभद्दवया रेवई । तत्थ जे ते एवमाहं छ-ता भरणीआ इया णं सत्त णक्खत्ता पुरवदारिया पण्णता, ते एवमाहंसु-तंजहा-भरणी कत्तिया रोहिणी संठाणा अहा पुणव्वस् पुरसो, अस्सेसाइया णं सत्त णक्खता दाहिणदारिया पण्णता, तंजहा-अस्सेसा महा पुव्वाफागुणी उत्तराफागुणी हत्थो चित्ता साई, विसाहाइया णं सत्त णक्खता पच्छिमदारिया पण्णता, तं०-विसाहा अणुराहा जेट्टा मूलो प्रव्वासाढा उत्तरासाढा अभिई. सवणाइया णं सत्त णक्खता उत्तरदारिया पण्णता.

तं०-सवणो धणिद्वा सयिभसया पुव्वापोद्ववया उत्तरापोद्ववया रेवई अस्सिणी, एए एवमाहंड, वयं पुण एवं वयामो-ता अभिईआइया णं सत्त णक्खता पुव्वदारिया प०, तंजहा-अभिई सवणो धणिद्वा सयिभसया पुव्वापोद्ववया उत्तरापोद्ववया रेवई, अस्सिणीआइया णं सत्त णक्खता दाहिणदारिया पण्णत्ता, तं०-अस्सिणी भरणी कित्तया रोहिणी संठाणा अहा पुणव्वस्, पुस्साइया णं सत्त णक्खता पिट्छम-दारिया पण्णत्ता, तं०-पुस्सो अस्सेसा महा पुव्वाफग्गुणी उत्तराफग्गुणी हत्थो चित्ता, साईआइया णं सत्त णक्खता उत्तरदारिया पण्णत्ता, तं०-साई विसाहा अणुराहा जेट्टा मूळे पुव्वासाढा उत्तरासाढा ॥ ५७ ॥ दसमस्स पादुडस्स पक्कवीसइमं पाइडपाइडं समत्तं ॥ १०-२१॥

ता कहं ते णक्खत्तविजए आहिएति वएजा ? ता अयण्णं जंबुद्दीवे २ जाव परिक्खेवेणं , ता जंबुद्दीवे णं दीवे दो चंदा पभासेंसु वा पभासेंति वा पभासिस्संति वा, दो स्रिया तर्विं वा तर्वेति वा तविस्संति वा, छप्पण्णं णक्खत्ता जोयं जोएंसु वा ३, तंजहा-दो अभीई दो सवणा दो धणिहा दो सयभिसया दो पुव्वा-पोड़वया दो उत्तरापोड़वया दो रेवई दो अस्सिणी दो भरणी दो कत्तिया दो रोहिणी दो संठाणा दो अहा दो पुणव्वसू दो पुस्सा दो अस्सेसाओ दो महा दो पुव्वा-फरगुणी दो उत्तराफरगुणी दो हत्था दो चित्ता दो साई दो विसाहा दो अणुराहा दो जेट्टा दो मूला दो पुरुवासाढा दो उत्तरासाढा, ता एएसि णं छप्पण्णाए णक्ख-त्ताणं अत्थि णक्खता जे णं णव मुहत्ते सत्तावीसं च सत्ति द्विभागे मुहत्तस्स चंदेण सिंद्धं जोयं जोएंति, अत्थि णक्खता जे णं पण्णरस मुहत्ते चंदेण सिंद्धं जोयं जोएंति, अत्थि णक्खता जे णं तीसमुहुत्ते चंदेण सिद्धं जोयं जोएंति, अत्थि णक्खता जे णं पणयाठीसं मुहुत्ते चंदेण सिद्धं जोयं जोएंति, ता एएसि णं छप्प-ण्णाए णक्खताणं कयरे णक्खता जे णं णव मुहुते सत्तावीसं च सत्तिष्ट्रभागे मुहुत्तस्स चंदेण सद्धिं जोयं जोएंति, कयरे णक्खता जे णं पण्णरसमुहुत्ते चंदेण सर्दि जोयं जोएंति, कयरे णक्खता जे णं तीसं मुहुत्ते चंदेण सर्दि जोयं जोएंति, क्यरे णक्खता जे णं पणयालीसं मुहुते चंदेण सिंद्धं जोयं जोएंति? ता एएसि णं छपण्णाए णक्खताणं तत्थ जे ते णक्खता जे णं णव मुहत्ते सत्तावीसं च सत्तिह-भागे मुहुत्तस्स चंदेण सिंद्धं जोयं जोएंति ते णं दो अभीई, तत्थ जे ते णक्खता जे णं पण्णरस मुहुत्ते चंदेण सिद्धं जोयं जोएंति ते णं बारस, तंजहा-दो सयिभ-सया दो भरणी दो अहा दो अस्सेसा दो साई दो जेट्टा, तत्थ जे ते णक्खत्ता जे णं तीसं मुहत्ते चंदेण सिद्धं जोयं जोएंति ते णं तीसं. तंजहा-दो सवणा दो

धणिद्रा दो पुन्वाभद्दवया दो रेवई दो अस्सिणी दो कत्तिया दो संठाणा दो पुस्सा दो महा दो पुव्वाफरगुणी दो हत्था दो चित्ता दो अणुराहा दो मुळा दो पुव्वा-साहा, तत्थ जे ते णक्खता जे णं पणयालीसं महत्ते चंदेण सद्धि जोयं जोएंति ते णं बारस, तंजहा-दो उत्तरापोद्ववया दो रोहिणी दो पुणव्वस दो उत्तराफरगुणी दो विसाहा दो उत्तरासाढा, ता एएसि णं छप्पण्णाए णक्खत्ताणं अत्थि णक्खत्ता जे णं चत्तारि अहोरते छच महते सरिएण सिंद्धं जोयं जोएंति. अत्थि णक्खता जे णं छ अहोरत्ते एक्कवीसं च मुहत्ते सूरेण सिद्धं जोयं जोएंति, अत्थि णक्खता जे णं तेरस अहोरते बारसमुहते सूरेण सिंद्धं जोयं जोएंति, अत्थि णक्खता जे णं वीसं अहोरते तिण्णि य महत्ते सूरेण सिद्धं जोयं जोएंति, ता एएसि णं छप्पण्णाए णक्खताणं कयरे णक्खता जे णं तं चेव उचारेयव्वं. ता एएसि णं छप्पण्णाए णक्खताणं तत्थ जे ते णक्खता जे णं चतारि अहोरते छच महत्ते सूरेण सिद्धं जोयं जोएंति ते णं दो अभीई, तत्थ जे ते णक्खता जे णं छ अहोरत्ते एक्कवीसं च मुहुत्ते सूरेण सिद्धं जोयं जोएंति ते णं बारस, तंजहा-दो सुयभिसया दो अहा दो अस्सेसा दो साई दो विसाहा दो जेट्टा, तत्थ जे ते णक्खता जे णं तेरस अहोरते बारसमुहत्ते सूरेण सिद्धं जोयं जोएंति ते णं तीसं, तंजहा-दो सवणा जाव दो पुन्वासाढा, तत्थ जे ते णक्खता जे णं वीसं अहोरते तिण्णि य महत्ते सूरेण साद्धें जोयं जोएंति ते णं बारस, तंजहा-दो उत्तरापोद्भवया जाव दो उत्तरा-साढा ॥ ५८ ॥ ता कहं ते सीमाविक्खंमे आहिएति वएजा ? ता एएसि णं छप्पण्णाए णक्खताणं अत्थि णक्खता जेसि णं छ सया तीसा सत्ति हुभागती-सइभागाणं सीमाविक्खंभो, अश्थि णक्खत्ता जेसि णं सहस्सं पंचोत्तरं सत्तद्भि-भागतीसइभागाणं सीमाविक्खंभो, अस्थि णक्खता जेसि णं दो सहस्सा दसुत्तरा सत्तद्विभागतीसङ्भागाणं सीमाविक्खंभो. अत्थि णक्खत्ता जेसि णं तिसहस्सं पंच-दसत्तरं सत्तद्रिभागतीसइभागाणं सीमाविक्खंभो. ता एएसि णं छप्पण्णाए णक्ख-त्ताणं कयरे णक्खता जैसि णं छ सया तीसा तं चेव उचारेयव्वं जाव कयरे णक्खता जेसि णं तिसहस्सं पंचदसुत्तरं सत्तिह्रभागतीसङ्भागाणं सीमाविक्खंभो? ता एएसि ण छप्पण्णाए णक्खताणं तत्थ जे ते णक्खत्ता जेसि णं छ सया तीसा सत्तद्भिगगतीसङ्भागाणं सीमाविकखंभो ते णं दो अभीई. तत्थ जे ते णक्खता जेसि णं सहस्सं पंचतरं सत्तद्विभागतीसइभागाणं सीमाविक्खंभो ते णं बारस, तंजहा-दो सयभिसया जाव दो जेड्रा, तत्थ जे ते णक्खता जेसि णं दो सहस्सा दसत्तरा सत्तद्भागतीसङ्भागाणं सीमाविक्खंभो ते णं तीसं तंजहा-दो सवणा जाव दो पुन्वासाहा, तत्थ जे ते णक्खत्ता जेसि णं तिण्णि सहस्सा पण्णरस्तरा सत्तद्भिगगतीसङ्भागाणं सीमाविक्खंभो ते णं बारस, तं०-दो उत्तरापोद्भवया जाव दो उत्तरासाढा ॥ ५९ ॥ ता एएसि णं छप्पण्णाए णक्खत्ताणं किं सया पाओ चंदेण सिद्धं जोयं जोएंति. किं सया सायं चंदेण सिद्धं जोयं जोएंति. किं सया दुहुओ पविसिय २ चंदेण सिद्धं जोयं जोएंति ? ता एएसि णं छप्पण्णाए णक्ख-त्ताणं ण किमवि तं जं सया पाओ चंदेण सिद्धं जोयं जोएंति. णो सया सायं चंदेण सिंदं जोयं जोएंति, णो सया दुहुओ पविसित्ता २ चंदेण सिंदं जोयं जोएंति, णित्थ राइंदियाणं बुङ्गोबुङ्गीए मुहत्ताणं च चओवचएणं णण्णत्थ दोहिं अभीईहिं, ता एएणं दो अभीई पायंचिय पायंचिय चोत्तालीसं २ अमावासं जोएंति. णो चेव णं पुण्णिमासिणि ॥ ६० ॥ तत्थ खळु इमाओ बावहिं पुण्णिमासिणीओ बाविं अमावासाओ पण्णताओ. ता एएसि णं पंचण्हं संबच्छराणं पढमं पुण्णिमासिणि चंदे कंसि देसंसि जोएइ ? ता जंसि णं देसंसि चंदे चिरमं बाविह पुण्णिमासिणि जोएइ ताओ पुण्णिमासिणिह्राणाओं मंडलं चउन्वीसेणं सएणं छेता दुवत्तीसं भागे उवाइणावेता एत्थ णं से चंदे पढमं पुण्णिमासिणिं जोएइ, ता एएसि णं पंचण्हं संवच्छराणं दोचं पुण्णिमासिणिं चंदे कंसि देसंसि जोएइ ? ता जंसि णं देसंसि चंदे पढमं पुण्णिमासिणिं जोएइ ताओ पुण्णिमासिणिद्राणाओं मंडलं चडवीसेणं सएणं छेता दुबत्तीसं भागे उवाइणावेत्ता एत्थ णं से चंदे दोचं पुण्णिमासिणि जोएइ, ता एएसि णं पंचण्हं संवच्छराणं तच्चं पुण्णिमासिणिं चंदे कंसि देसंसि जोएड ? ता जंसि णं देसंसि चंदो दोश्वं पुण्णिमासिणिं जोएइ ताओ पुण्णिमासिणिद्वाणाओ मंडलं चउ-व्वीसेणं सएणं छेता दुवतीसं भागे उवाइणावेता एत्थ णं से चंदे तच्चं पुण्णिमा-सिणिं जोएइ, ता एएसि णं पंचण्हं संबच्छराणं दुवालसमं पुण्णिमासिणिं चंदे कंसि देसंसि जोएइ ? ता जंसि णं देसंसि चंदे तचं पुण्णिमासिणिं जोएइ ताओ पुण्णिमा-सिणिद्वाणाओं मंडलं चउन्वीसेणं सएणं छेता दोण्णि अद्वासीए भागसए उवाइणा-वेता एत्थ णं से चंदे दुवालसमं पुण्णिमासिणि जोएइ, एवं खळ एएणवाएणं ताओ २ पुण्णिमासिणिद्वाणाओं मंडलं चउन्वीसेणं सएणं छेता दुवतीसं भागे उवाइणावेता तंसि २ देसंसि तं तं पुण्णिमासिणिं चंदे जोएइ, ता एएसि णं पंचण्हं संवच्छराणं चरिमं बाविष्टं पुण्णिमासिणिं चंदे कंसि देसंसि जोएइ ? ता जंबुद्दीवस्स णं० पाईण-पडीणाययाए उदीणदाहिणाययाए जीवाए मंडलं चउव्वीसेणं सएणं छेता दाहिणि-क्रंसि चडब्भागमंडलंसि सत्तावीसं चडभागे उवाइणावेत्ता अद्वावीसइभागे वीसहा छेता अट्ठारसभागे उवाइणावेत्ता तिहिं भागेहिं दोहि य कलाहिं पचित्थिमिल्लं चउ-

न्भागमंडलं असंपत्ते एत्थ णं से चंदे चरिमं बावट्विं पुण्णिमासिणिं जोएइ ॥ ६१ ॥ ता एएसि णं पंचण्हं संवच्छराणं पढमं पुण्णिमासिणिं सूरे कंसि देसंसि जोएइ ? ता जंसि णं देसंसि सूरे चरिमं बाविहें पुण्णिमासिणि जोएइ ताओ पुण्णिमासिणिद्राणाओ मंडलं चडव्वीसेणं सएणं छेता चडणवइं भागे उवाइणावेत्ता एत्थ णं से सूरिए पढमं पुण्णिमासिणिं जोएइ, ता एएसि णं पंचण्हं संवच्छराणं दोचं पुण्णिमासिणिं सरे कंसि देसंसि जोएइ ? ता जंसि णं देसंसि सूरे पढमं पुण्णिमासिणि जोएइ ताओ पुण्णिमासिणिद्राणाओ मंडलं चडवीसेणं सएणं छेता दो चडणवइभागे उवाइणावेता एत्थ णं से सरे दोचं प्राण्णिमासिणिं जोएइ. ता एएसि णं पंचण्हं संवच्छराणं तचं पुण्णिमासिणिं सूरे कंसि देसंसि जोएइ ? ता जंसि णं देसंसि सूरे दोचं पुण्णिमासिणिं जोएइ ताओ पुण्णिमासिणिद्राणाओं मंडलं चउन्वीसेणं सएणं छेता चउणउइभागे उवाइणावेता एत्थ णं से सूरे तचं पुण्णिमासिणिं जोएइ, ता एएसि णं पंचण्हं संबच्छराणं दुवालसमं पुण्णिमासिणिं सरे कंसि देसंसि जोएइ ? ता जंसि णं देसंसि सूरे तचं पुण्णिमासिणिं जोएइ ताओ पुण्णिमासिणिहाणाओ मंडलं चउव्वीसेणं सएणं छेता अड्डलताले भागसए उवाइणावेता एत्थ णं से सूरे दुवालसमं पुण्णि-मासिणिं जोएइ, एवं खलु एएणुवाएणं ताओ २ पुण्णिमासिणिद्वाणाओ मंडलं चउन्वीसेणं सएणं छेता चडणडइ २ भागे उवाइणावेता तंसि २ देसंसि तं तं पुण्णिमासिणिं सरे जोएइ, ता एएसि णं पंचण्हं संवच्छराणं चरिमं बाविंहु पुण्णिमासिणिं सूरे कंसि देसंसि जोएइ ? ता जंबुद्दीवस्स णं० पाईणपडीणाययाए उदीणदाहिणाययाए जीवाए मंडलं चउव्वीसेणं सएणं छेत्ता पुरिच्छिमिल्लंसि चउभागमंडलंसि सत्तावीसं भागे उवाइणावेता अद्रावीसइमं भागं वीसहा छेता अद्रारसभागे उवाइणावेता तिहिं भागेहिं दोहि य कलाहिं दाहिणिल्लं चडभागमंडलं असंपत्ते एत्थ णं सरे चरिमं बाविहें पुण्णिमं जोएइ ॥ ६२ ॥ ता एएसि णं पंचण्हं संवच्छराणं पढमं अमावासं चंदे कंसि देसंसि जोएइ ? ता जंसि णं देसंसि चंदे चरिमबावट्टिं अमावासं जोएइ ताओ अमावासद्राणाओं मंडलं चउन्वीसेणं सएणं छेता दुवत्तीसं भागे उवाइणावेता एत्थ णं से चंदे पढमं अमावासं जोएइ, एवं जेणेव अभिलावेणं चंदरस पुण्णि-मासिणीओ० तेणेव अभिलावेणं अमावासाओवि भाणियव्वाओ-बिइया तइया दुवालसमी, एवं खुल एएणुवाएणं ताओ २ अमावासद्वाणाओ मंडलं चउन्वीसेणं सएणं छेता दुबत्तीसं २ भागे उवाइणावेता तंसि २ देसंसि तं तं अमावासं० चंदे जोएइ, ता एएसि णं पंचण्हं संवच्छराणं चरिमं बाविंद्वं अमावासं चंदे कंसि देसंसि जोएइ ? ता जंसि णं देसंसि चंदे चरिमं बावद्रिं पुण्णिमासिणिं जोएइ ताओ ४६ सत्ता०

पुण्णिमासिणिद्वाणाओ मडलं चउन्वीसेणं सएणं छेता सोलसभागे उक्कोवइत्ता एत्थ णं से चंदे चरिमं बाविहें अमावासं जोएइ ॥ ६३ ॥ ता एएसि णं पंचण्हं संबच्छ-राणं पढमं अमावासं सूरे कंसि देसंसि जोएइ ? ता जंसि णं देसंसि सूरे चिरमं बाविट्टं अमावासं जोएइ ताओ अमावासद्राणाओ मंडलं चउन्वीसेणं सएणं छेता चउणउइभागे उवाइणावेता एत्थ णं से सूरे पढमं अमावासं जोएइ, एवं जेणेव अभि-लावेणं स्रियस्स पुण्णिमासिणीओ० तेणेव अमावासाओवि०, तंजहा-बिइया तडया दुवालसमी, एवं खुळ एएणुवाएणं ताओ अमावासहाणाओ मंडलं चउन्वीसेणं सएणं छेता चडणडइं २ भागे उवाइणावेता तंसि २ देसंसि तं २ अमावासं० सरे जोएइ, ता एएसि णं पंचण्हं संवच्छराणं चरिमं बाविहं अमावासं पुच्छा, ता जंसि णं देसंसि सूरे चरिमं बाविं पुण्णिमासिणिं जोएइ ताओ पुण्णिमासिणिद्राणाओ मंडलं चडव्वीसेणं सएणं छेता सत्तालीसं भागे उक्कोवइत्ता एत्थ णं से सूरे चिरमं बाविंडं अमावासं जोएइ॥ ६४॥ ता एएसि णं पंचण्हं संवच्छराणं पढमं पुण्णमासिणिं चंदे केणं णक्खतेणं (जोयं) जोएइ ? ता धणिद्वाहिं, धणिद्वाणं तिण्णि मुहुता एगूणवीसं च बावद्विभागा मुहुत्तस्स बावद्विभागं च सत्तद्विहा छेता पण्णिट्वं चुण्णियाभागा सेसा, तं समयं च णं स्रिए केणं णक्खत्तेणं जोएइ ? ता पुव्वाफग्गुणीहिं, पुव्वाफग्गुणीणं अद्वावीसं मुह्ता अद्वतीसं च बावद्विभागा मुह्तस्य बावद्विभागं च सत्तद्विहा छेता दुबत्तीसं चुण्णियाभागा सेसा, ता एएसि णं पंचण्हं संवच्छराणं दोचं पुण्णिमासिणिं चंदे केणं णक्खत्तेणं जोएइ ? ता उत्तराहिं पोड्ठवयाहिं, उत्तराणं पोड्ठवयाणं सत्तावीसं मुहत्ता चोइस य बावद्विभागे मुहत्तस्स बावद्विभागं च सत्तद्विहा छेता बावद्विं चुण्णियाभागा सेसा, तं समयं च णं सूरे केणं णक्खतेणं जोएइ ? ता उत्तराहिं फरगुणीहिं, उत्तरा-फग्गुणीणं सत्त मुहत्ता तेत्तीसं च बावद्विभागा मुहत्तस्स बावद्विभागं च सत्तद्विहा छेता एक्रवीसं चुण्णियाभागा सेसा, ता एएसि णं पंचण्हं संवच्छराणं तचं पुण्णिमासिणि चंदे केणं णक्खत्तेणं जोएइ? ता अस्सिणीहिं, अस्सिणीणं एक्कवीसं मुहुत्ता णव य एगिट्ट-भागा मुहत्तस्स बावद्विभागं च सत्तिहिहा छेता तेविहें चुण्णियाभागा सेसा, तं समयं च णं सूरे केणं णक्खत्तेणं जोएइ ? ता चित्ताहिं, चित्ताणं एको मुहत्तो अहावीसं च बावद्विमागा मुहत्तस्स बावद्विभागं च सत्तद्विहा छेता तीसं चुण्णियाभागा सेसा, ता एएसि प्रं पंचण्हं संवच्छराणं दुवालसमं पुण्णिमासिणि चंदे केणं णक्खतेणं जोण्ड १ ता उत्तराहिं आसाढाहिं, उत्तराणं आसाढाणं छदुवीसं मुहुत्ता छदुवीसं च बाविट्ट-भागा मुह्तस्स बावद्विभागं च सत्तद्विहा छेता चउपपण्णं चुण्णियाभागा सेसा, तं समयं च णं सूरे केणं णक्खत्तेणं जोएइ ? ता पुणव्वसुणा, पुणव्वसुस्स सोलसमु-

हुता अह य बाबिट्टभागा मुहुत्तस्स बाबिट्टभागं च सत्तिद्वहा छेता वीसं चुण्णिया-भागा सेसा, ता एएसि णं पंचण्हं संबच्छराणं चरिमं बावहिं पुण्णिमासिणि चंदे केणं णक्खत्तेणं जोएइ ? ता उत्तराहिं आसाढाहिं, उत्तराणं आसाढाणं चरमसमए. तं समयं च णं सूरे केणं णक्खत्तेणं जोएइ? ता पुस्सेणं, पुस्सस्स एगूणवीसं मुहुत्ता तेयालीसं च बाविहिभागा मुहत्तरस बाविहिभागं च सत्तिहिहा छेता तेत्तीसं चुण्णिया-भागा सेसा ॥ ६५ ॥ ता एएसि णं पंचण्हं संवच्छराणं पढमं अमावासं चंदे केणं णक्खत्तेणं जोएइ १ ता अस्सेसाहिं, अस्सेसाणं एक्के मुहुत्ते चत्तालीसं च बाविट्ठ-भागा मुहुत्तस्स बाबद्विभागं च सत्तद्विहा छेता बाबिंह चुण्णियाभागा सेसा, तं समयं च णं सूरे केणं णक्खत्तेणं जोएइ ? ता अस्सेसाहिं चेव, अस्सेसाणं एक्को मुहुत्तो चत्तालीसं च बाविहिभागा मुहुत्तस्स बाविहिभागं च सत्तिहिहा छेता बाविहि चुण्णियाभागा सेसा, ता एएसि णं पंचण्हं संवच्छराणं दोचं अमावासं चंदे केणं णक्खत्तेणं जोएइ ? ता उत्तराहिं फग्गुणीहिं, उत्तराणं फग्गुणीणं चतालीसं मुहुत्ता पणतीसं बाविह्नभागा मुहुत्तस्स बाविह्नभागं च सत्तिहिहा छेता पण्णिहें चुण्णियाभागा सेसा, तं समयं च णं सूरे केणं णक्खत्तेणं जोएइ ? ता उत्तराहिं चेव फरगुणीहिं, उत्तराणं फरगुणीणं जहेव चंदस्स । ता एएसि णं पंचण्हं संवच्छराणं तच्चं अमावासं चंदे केणं णक्खत्तेणं जोएइ ? ता हत्थेणं, हत्थस्स चत्तारि मुहुत्ता तीसं च बाविड-भागा मुहुत्तस्स बाविहभागं च सत्तिहिहा छेता बाविहें चुण्णियाभागा सेसा, तं समयं च णं सूरे केणं णक्खत्तेणं जोएइ ? ता हृत्थेणं चेव, हृत्थस्स जहा चंदस्स. ता एएसि णं पंचण्हं संवच्छराणं दुवालसमं अमावासं चंदे केणं णक्खत्तेणं जोएइ ? ता अहाहिं, अहाणं चत्तारि मुहुत्ता दस य बाविद्वभागा मुहुत्तस्स बाविद्वभागं च सत्त-हिहा छेता चडप्पण्णं चुण्णियाभागा सेसा, तं समयं च णं सूरे केणं णक्खत्तेणं जोएइ? ता अहाहिं चेव, अहाणं जहा चंदरस । ता एएसि णं पंचण्हं संवच्छराणं चरिमं बाविहें अमावासं चंदे केणं णक्खत्तेणं जोएइ? ता पुणव्वसुणा, पुणव्वसुस्स बावीसं मुहुत्ता बायाठीसं च बासद्विभागा मुहुत्तस्स सेसा, तं समयं च णं सूरे केणं णक्खतेंणं जोएइ ? ता पुणव्वसुणा चेव, पुणव्वसुस्स णं जहा चंदस्स ॥ ६६ ॥ ता जेणं अज्जणक्खत्तेणं चंदे जोयं जोएइ जंसि देसंसि से णं इमाइं अट्ठ एगूणवीसाइं मुहुत्त-सयाइं चउवीसं च बाविष्टमागे मुहत्तस्स बाविष्टमागं च सत्तिष्टहा छेत्ता बाविष्टें चुण्णियाभागे उवाइणावेत्ता पुणरवि से चंदे अण्णेणं सरिसएणं चेव णक्खतेलं जोयं जोएइ अण्णंसि देसंसि, ता जेणं अज्जणक्खतेणं चंदे जोयं जोएइ जंसि देसंसि से णं इमाइं सोलस अट्टतीसे मुहुत्तसयाइं अउणापण्णं च बावट्टिभागे मुहुत्तस्स बावट्टिभागं च सत्तिहृहा छेता पण्णिहुं चुण्णियाभागे उवाइणावेता पुणर्वि से णं चंदे तेणं चेव णक्खतेणं जोयं जोएइ अण्णंसि देसंसि. ता जेणं अजणक्खतेणं चंदे जोयं जोएइ जंसि देसंसि से णं इमाइं चउप्पण्णमृहत्तसहस्साइं णव य मुहुत्तसयाई उवाइणावेता पुण-रवि से चंदे अण्णेणं तारिसएणं चेव० जोयं जोएइ तंसि देसंसि, ता जेणं अज्जणक्खत्तेणं चंदे जोयं जोएइ जंसि देसंसि से णं इमाइं एगं लक्खं णव य सहस्से अद्भ य मुहुत्तसए उवाइणावेता पुणरवि से चंदे तेणं चेव णक्खतेणं जोयं जोएइ तंसि देसंसि, ता जेणं अज्जणक्खतेणं सूरे जोयं जोएइ जंसि देसंसि से णं इमाइं तिण्णि छावड्डाई राइंदियसयाई उवाइणावेता पुणरवि से सूरिए अण्णेणं तारिसएणं चेव णक्खत्तेणं जोयं जोएइ तंसि देसंसि, ता जेणं अज्जणक्खत्तेणं सूरे जोयं जोएइ तंसि देसंसि से णं इमाइं सत्तदुवीसं राइंदियसयाइं उवाइणावेत्ता पुणरिव से सूरे तेणं चेव णक्खतेणं जोयं जोएइ तंसि देसंसि, ता जेणं अजणक्खतेणं सूरे जोयं जोएइ जंसि देसंसि से णं इमाइं अद्वारस वीसाइं राइंदियसयाइं उवाइणावेत्ता पुणरवि से सूरे अण्णेणं चेव णक्खत्तेणं जोयं जोएइ तंसि देसंसि, ता जेणं अज्जणक्खत्तेणं सूरे जोयं जोएइ जंसि देसंसि तेणं इमाइं छत्तीसं सद्घाइं राइंदियसयाईं उवाइणावेता पुणरवि से सूरे तेणं चेव णक्खतेणं जोयं जोएइ तंसि देसंसि ॥ ६७ ॥ ता जया णं इमे चंदे गइसमावण्णए भवइ तया णं इयरेवि चंदे गइसमावण्णए भवइ, जया णं इयरे चंदे गइसमावण्णए भवइ तया णं इमेवि चंदे गइसमावण्णए भवइ, ता जया णं इमे सूरिए गइसमावण्णे भवइ तया णं इयरेवि सूरिए गइसमावण्णे भवइ. जया णं इयरे सूरिए गइसमावण्णे भवइ तया णं इमेवि सूरिए गइसमावण्णे भवइ, एवं गहेवि णक्खतेवि, ता जया णं इमे चंदे जुते जोगेणं भवइ तया णं इयरेवि चंदे जुत्ते जोगेणं भवइ, जया णं इयरे चंदे जुत्ते जोगेणं भवइ तया णं इमेवि चंदे ' जुत्ते जोगेणं भवइ, एवं स्रेवि गहेवि णक्खतेवि, सयावि णं चंदा जुत्ता जोगेहिं सयावि णं सूरा जुत्ता जोगेहिं सयावि णं गहा जुत्ता जोगेहिं सयावि णं णक्खत्ता जुत्ता जोगेहिं दुहओवि णं चंदा जुत्ता जोगेहिं दुहओवि णं सूरा जुत्ता जोगेहिं दुहओवि णं गहा जुता जोगेहिं दुहओवि णं णक्खता जुत्ता जोगेहिं, मंडलं सय-सहस्सेणं अद्वाणउयाए सएहिं छेता । इचेस णक्खते खेतपरिभागे णक्खत्तविजए पाहुडेति आहिएत्ति-बेमि ॥ ६८ ॥ द्समस्स पाहुडस्स बावीसङ्मं पाहुड-पाहुडं समत्तं ॥ १०-२२ ॥ दसमं पाहुडं समत्तं ॥ १० ॥

ता कहं ते संवच्छराणाई आहिएति वएजा? तत्थ खलु इमे पंच संवच्छरा पण्णता, तंजहा-चंदे २ अभिवह्निए चंदे अभिवह्निए, ता एएसि णं पंचण्हं संवच्छ- राणं पढमस्स चंदसंवच्छरस्स के आई आहिएति वएजा? ता जे णं पंचमस्स अभिविष्ट्रियसंवच्छरस्स पज्जवसाणे से णं पढमस्स चंदसंवच्छरस्स आई अणंतर-पुरक्खडे समए, ता से णं किं पज्जवित आहिएति वएजा? ता जे णं दोचरस चंदसंबच्छरस्स आई से णं पढमस्स चंदसंबच्छरस्स पज्जवसाणे अणंतरपच्छाकडे समए, तं समयं च णं चंदे केणं णक्खत्तेणं (जोगं) जोएइ ? ता उत्तराहिं आसा-ढाहिं, उत्तराणं आसाढाणं छदुवीसं मुहुत्ता छदुवीसं च बावद्विभागा मुहुत्तस्स बाव-हिभागं च सत्तिहिहा छेता चडप्पण्णं चुण्णियाभागा सेसा, तं समयं च णं सूरे केणं णक्खत्तेणं जोएइ ? ता पुणव्वसुणा, पुणव्वसुस्स सोलस मुहत्ता अड य बाव-हिभागा मुहत्तस्स बावहिभागं च सत्तिहृहा छेता वीसं चुण्णियाभागा सेसा । ता एएसि णं पंचण्हं संवच्छराणं दोचस्स चंदसंवच्छरस्स के आई आहिएति वएजा ? ता जे णं पढमस्स चंदसंवच्छरस्स पज्जवसाणे से णं दोचस्स चंदसंवच्छरस्स आई अणंतरपुरक्खडे समए, ता से णं किं पजनिसए आहिएति वएजा? ता जे णं तचरस अभिव ड्रियसंवच्छरस्स आई से णं दोचस्स चंदसंवच्छरस्स पज्जवसाणे अणंतरपच्छाकडे समए, तं समयं च णं चंदे केणं णक्खतेणं जोएइ ? ता प्रव्वाहिं आसाढाहिं, पुव्वाणं आसाढाणं सत्त मुहुत्ता तेवण्णं च बाविद्वभागा मुहुत्तस्स बाविहिभागं च सत्तिहिहा छेता इगतालीसं चुण्णियाभागा सेसा, तं समयं च णं सूरे केणं णक्खत्तेणं [जोयं] जोएइ ? ता पुणव्वसुणा, पुणव्वसुस्स णं बायालीसं सुहृत्ता पणतीसं च बाविहभागा मुहत्तस्स बाविहभागं च सत्तिहिहा छेता सत्त चुण्णिया-भागा सेसा। ता एएसि णं पंचण्हं संवच्छराणं तच्चस्स अभिविष्ट्रियसंवच्छरस्स के आई आहिएति वएजा? ता जे णं दोचस्स चंदसंवच्छरस्स पज्जवसाणे से णं तचस्स अभिवड्टियसंवच्छरस्स आई अणंतरपुरक्खडे समए, ता से णं किं पज्जविसए आहिएति वएजा ? ता जे णं चउत्थस्स चंदसंवच्छरस्स आई से णं तचस्स अभि-विद्वयसंवच्छरस्स पज्जवसाणे अणंतरपच्छाकडे समए, तं समयं च णं चंदे केणं णक्खतेणं जोएइ ? ता उत्तराहिं आसाढाहिं, उत्तराणं आसाढाणं तेरस मुहुत्ता तेरस य बावद्विभागा मुहुत्तस्स बावद्विभागं च सत्तद्विहा छेता सत्तावीसं च चुण्णि-याभागा सेसा, तं समयं च णं सूरे केणं णक्खतेणं जोएइ ? ता पुणव्वसुणा, पुण-व्यसस्य दो मुहुत्ता छप्पण्णं च बावद्विभागा मुहुत्तस्स बावद्विभागं च सत्तद्विहा छेता सद्री चुण्णियाभागा सेसा । ता एएसि णं पंचण्हं संवच्छराणं चउत्थस्स चंद्संवच्छ-रस्स के आई आहिएति वएजा ? ता जे णं तचस्स अभिविष्ट्रियसंवच्छरस्स पज्जव-साणे से णं चउत्थरस चंदसंबच्छरस्स आई अणंतरपुरक्खडे समए. ता से णं किं पज्जवसिए आहिएति वएजा ? ता जे णं चरिमस्स अभिविष्ट्वयसंवच्छरस्स आई से णं चडत्थस्स चंदसंवच्छरस्स पज्जवसाणे अणंतरपच्छाकडे समए, तं समयं च णं चंदे केणं णक्खत्तेणं जोएइ ? ता उत्तराहिं आसाढाहिं, उत्तराणं आसाढाणं चत्ता-ठीसं मुहुत्ता चत्ताठीसं च बासद्विभागा मुहुत्तस्स बावद्विभागं च सत्तद्विहा छेता चउसद्वी चुण्णियाभागा सेसा, तं समयं च णं सूरे केणं णक्खत्तेणं जोएइ? ता पुणव्वसुणा, पुणव्वसुस्स अउणतीसं मुहुत्ता एक्क्वीसं बावद्विभागा मुहुत्तस्स बावद्वि-भागं च सत्तिहिहा छेता सीयालीसं चुण्णियाभागा सेसा। ता एएसि णं पंचण्हं संवच्छराणं पंचमस्स अभिविष्ट्रियसंवच्छरस्स के आई आहिएति वएजा ? ता जे णं चउत्थस्स चंदसंवच्छरस्स पज्जवसाणे से णं पंचमरस अभिविष्ट्रियसंवच्छरस्स आई अणंतरपुरक्खंडे समए, ता से णं किं पज्जवितए आहिएति वएजा? ता जे णं पढमस्त चंदसंवच्छरस्स आई से णं पंचमस्स अभिविह्नयसंवच्छरस्स पज्जवसाणे अणंतरपच्छाकडे समए, तं समयं च णं चंदे केणं णक्खत्तेणं जोएइ? ता उत्तराहिं आसाढाहिं, उत्तराणं० चरमसमए, तं समयं च णं सूरे केणं णक्खत्तेणं जोएइ ? ता पुरुसेणं, पुरुसत्स णं एकवीसं मुहुता तेयालीसं च बाविहिभागे मुहुत्तरस बाविह-भागं च सत्ति द्विहा छेता तेतीसं चुण्णियाभागा सेसा ॥ ६९ ॥ एकारसमं पाइडं समत्तं ॥ ११ ॥

ता कह णं संबच्छरा आहिताति वएजा ? तत्थ खल्ल इमे पंच संबच्छरा पण्णता, तंजहा—णक्खते चंदे उड्ल आह्चे अभिविद्धिए, ता एएसि णं पंचण्हं संबच्छराणं पढमस्स णक्खत्तसंबच्छरस्स णक्खत्तमासे तीसइमुहुत्तेणं अहोरत्तेणं मिजमाणे केवइए राइंदियग्गेणं आहिएति वएजा ? ता सत्तावीसं राइंदियाइं एक्कवीसं च सत्त- हिमागा राइंदियस्स राइंदियग्गेणं आहिएति वएजा, ता से णं केवइए मुहुत्तग्गेणं आहिएति वएजा ? ता अहुसए एगूण्वीसे मुहुत्ताणं सत्तावीसं च सत्तिष्ठिमागे मुहुत्तस्स मुहुत्तग्गेणं आहिएति वएजा, ता एस णं अद्धा दुवालसक्खत्तकडा णक्खते संवच्छरे, ता से णं केवइए राइंदियग्गेणं आहिएति वएजा ? ता तिण्णि सत्तावीसे राइंदियसए एक्कावण्णं च सत्तिष्ठभागे राइंदियस्स राइंदियग्गेणं आहिएति वएजा, ता से णं केवइए मुहुत्तग्गेणं आहिएति वएजा ? ता णव मुहुत्तसहस्सा अट्ठ य बत्तीसे मुहुत्तसए छप्पण्णं च सत्तिष्ठभागे मुहुत्तस्स मुहुत्तग्गेणं आहिएति वएजा। ता एएसि णं पंचण्हं संवच्छराणं दोचस्स चंदसंवच्छरस्स चंदे मासे तीसइमुहुत्तेणं अहोरत्तेणं गणिजमाणे केवइए राइंदियग्गेणं आहिएति वएजा ? ता एगूणतीसं राइंदियाई बत्तीसं बाविष्ठभागा राइंदियस्स राइंदियग्गेणं आहिएति वएजा, ता से णं केवइए मुहुत्तन्तं

गोणं आहिएति वएजा ? ता अट्टपंचासए मुहत्ते तेत्तीसं च छावद्विभागे मुहुत्तग्गेणं आहिएति वएजा, ता एस णं अद्धा दुवालसक्खुत्तकडा चंदे संवच्छरे, ता से णं केव-इए राइंदियगोणं आहिएति वएजा? ता तिण्णि चउप्पणो राइंदियसए दुवालस य बावद्विभागा राइंदियग्गेणं आहिएति वएजा, ता से णं केवइए मुहुत्तग्गेणं आहिएति वएजा ? ता दस मुहुत्तसहस्साइं छच पणवीसे मुहुत्तसए पण्णासं च बावहिभागे मुहुत्तरगेणं आहिएति वएजा। ता एएसि णं पंचण्हं संवच्छराणं तचस्स उडुसंवच्छरस्स उडुमासे तीसइमुहुत्तेणं० गणिजमाणे केवइए राइंदियग्गेणं आहिएति वएजा ? ता तीसं राइंदियाणं राइंदियागेणं आहिएति वएजा, ता से णं केत्रइए मुहुत्तागेणं आहि-एति वएजा ? ता णव मुहत्तसयाई मुहत्तरगेणं आहिएति वएजा, ता एस णं अद्धा दुवालसक्खुत्तकडा उडू संवच्छरे, ता से णं केवइए राइंदियग्गेणं आहिएति वएजा ? ता तिण्णि सहे राइंदियसए राइंदियग्गेणं आहिएति वएजा, ता से णं केवइए मुहुत्तग्गेणं आहिएति वएजा ? ता दस मुहुत्तसहस्साइं अह य सयाइं मुहुत्तरगेणं आहिएति वएजा । ता एएसि णं पंचण्हं संबच्छराणं चउत्थस्स आइचसंबच्छरस्स आइचे मासे तीसइमुहत्तेणं अहोरत्तेणं गणिज्ञमाणे केवइए राइंदियग्गेणं आहिएति वएज्जा? ता तीसं राइंदियाइं अवहृभागं च राइंदियस्स राइंदियग्गेणं आहिएति वएजा. ता से णं केवइए मुहुत्तरगेणं आहिएति वएजा ? ता णव पण्णरस मुहुत्तसए मुहुत्त-गोणं आहिएति वएजा, ता एस णं अद्धा दुवालसक्खुत्तकडा आइचे संबच्छरे, ता से णं केवइए राइंदियग्गेणं आहिएति वएजा ? ता तिण्णि छावट्ठे राइंदियसए राइं-दियग्गेणं आहिएति वएजा, ता से णं केवइए मुहुत्तग्गेणं आहिएति वएजा ? ता दस मुहुत्तस्स सहस्साइं णव असीए मुहुत्तसए मुहुत्तरगेणं आहिएति वएजा । ता एएसि णं पंचण्हं संवच्छराणं पंचमस्स अभिवड्ढियसंवच्छरस्स अभिवड्ढिए मासे तीसइमुहुत्तेणं गणिजमाणे केवइए राइंदियग्गेणं आहिएति वएजा ? ता एकतीसं राइंदियाइं एगूणतीसं च मुहुत्ता सत्तरस बावद्विभागे मुहुत्तस्स राइंदियग्गेणं आहिएति वएजा, ता से णं केवइए मुहुत्तरगेणं आहिएति वएजा ? ता णव एगूणसहे मुहुत्तसए सत्तरस बावद्विभागे मुहुत्तरस मुहुत्तरगेणं आहिएति वएजा, ता एस णं अद्धा दुवाल-सक्खुत्तकडा अभिविष्ट्रियसंवच्छरे, ता से णं केवइए राइंदियग्गेणं आहिएति वएजा ? ता ति णि तेसीए राइंदियसए एक्स्वीसं च मुहुत्ता अद्वारस बावद्विभागे मुहुत्तस्स राइंदियरगेणं आहिएति वएजा, ता से णं केवइए मुहुत्तरगेणं आहिएति वएजा ? ता एकारस मुहुत्तसहस्साइं पंच य एकारस मुहुत्तसए अट्ठारस बावद्विभागे मुहुत्तस्स मुहुत्तरगेणं आहिएति वएजा ॥ ७० ॥ ता केवइयं ते नोजुगे राइंदियरगेणं आहिएति

वएजा ? ता सत्तरस एक्काणउए राइंदियसए एगूणवीसं च मुहुत्तं सत्तावण्णे बाविट्ट-भागे मुहुत्तस्स बावद्विभागं च सत्तद्विहा छेत्ता पणपण्णं चुण्णियाभागे राइंदियग्गेणं आहिएति वएजा, तासे णं केवइए मुहुत्तग्गेणं आहिएति वएजा ? ता तेपण्णमुहुत्त-सहस्साई सत्त य अउणापण्णे मुहुत्तसए सत्तावण्णं बावद्विभागे मुहुत्तस्स बाविह-भागं च सत्तिद्वहा छेता पणपण्णं चुण्णियाभागा मुहुत्तग्गेणं आहिएति वएजा, ता केवइए णं ते जुगप्पत्ते राइंदियग्गेणं आहिएति वएजा ? ता अद्वतीसं राइंदियाइं दस य मुहुत्ता चत्तारि य बावट्टिभागे मुहुत्तस्स बावट्टिभागं च सत्तद्विहा छेत्ता दुवालस चुण्णि-याभागे राइंदियग्गेणं आहिएति वएजा, ता से णं केवइए मुहुत्तग्गेणं आहिएति वएजा ? ता एकारस पण्णासे मुहुत्तसए चत्तारि य बावट्टिभागे बावट्टिभागं च सत्तद्विहाः छेत्ता दुवालस चुण्णियामार्गे मुहुत्तरगेणं आहिएति वएजा, ता केवइयं जुगे राइंदिय-ग्गेणं आहिएति वएजा ?ता अद्वारसतीसे राइंदियसए राइंदियग्गेणं आहिएति वएजा, ता से णं केवइए मुहुत्तरगेणं आहिएति वएजा ? ता चउप्पण्णं मुहुत्तसहस्साइं णव य मुहुत्तसयाई मुहुत्तरगेणं आहिएति वएजा, ता से णं केवइए बावद्विभागमुहुत्तरगेणं आहिएति वएजा ? ता चउत्तीसं सयसहस्साई अट्टतीसं च बाविद्वभागमुहुत्तसए बावद्विभागमुहुत्तरगेणं आहिएति वएजा॥ ७१॥ ता कया णं एए आइचचंद-संबच्छरा समाइया समपज्जवसिया आहितेति वएजा ? ता सिट्टें एए आइचमासा बाविट्ठं एए चंदमासा, एस णं अद्धा छक्खत्तकडा दुवालसभइया तीसं एए आइच-संवच्छरा एकतीसं एए चंदसंवच्छरा, तया णं एए आइचचंदसंवच्छरा समाइया समपज्जविसया आहिताति वएजा । ता कया णं एए आइचउडुचंदणक्खता संवच्छरा समाइया समपज्जवसिया आहितेति वएजा ? ता सिट्टें एए आइचमासा एगर्डि एए उडुमासा बावर्डि एए चंदमासा सत्तर्डि एए णक्खत्तमासा, एस णं अद्धा दुवालसक्खुत्तकडा दुवालसमझ्या सिंट्ठं एए आइचा संवच्छरा एगिंट्ठं एए उडुसंवच्छरा बाविड्डें एए चंदा संवच्छरा सत्तिष्ठें एए णक्खत्ता संवच्छरा, तया णं एए आइच-उडुचंदणक्खता संवच्छरा समाइया समपज्जवसिया आहितेति वएजा।ता कया णं एए अभिविष्ट्वियआइचउडुचंदणक्खत्ता संवच्छरा समाइया समपज्जविसया आहितेति वएजा ? ता सत्तावण्णं मासा सत्त य अहोरत्ता एकारस य मुहुत्ता तेवीसं बावद्विभागा मुहुत्तस्स एए अभिविद्वया मासा सिट्ठं एए आङ्चमासा एगिट्ठं एए उडुमासा बावद्वी एए चंदमासा सत्तिष्टुं एए णक्खत्तमासा, एस णं अद्धा छप्पण्णसयक्खुत्तकडा दुवालसभइया सत्त सया चोत्ताला एए णं अभिवड्ढिया संवच्छरा, सत्त सया असीया एए णं आङ्चा संवच्छरा, सत्त सया तेणउया एए णं उडुसंवच्छरा अद्वसया छछुत्तराः

एए णं चंदा संवच्छरा, एकसत्तरी अट्टसया एए णं णक्खता संवच्छरा, तया णं एए अभिवड्टिया आङ्चउडुचंदणक्खत्ता संवच्छरा समाझ्या समपज्जवसिया आहितेति वएजा. ता णयद्रयाए णं चंदे संवच्छरे तिण्णि चउप्पणे राइंदियसए द्वालस य बावट्टिभागे राइंदियस्स आहिएति वएजा, ता अहातचेणं चंदे संवच्छरे तिण्णि चउप्पण्णे राइंदियसए पंच य मुहत्ते पण्णासं च बाविष्टभागे मुहत्तस्स आहिएति वएजा ॥ ७२ ॥ तत्थ खलु इमे छ उडू पण्णत्ता, तंजहा-पाउसे वरिसारते सरए हेमंते वसंते गिम्हे, ता सब्वेवि णं एए चंदउडू दुवे २ मासाइ चडप्पण्णेणं २ आयाणेणं गणिजमाणा साइरेगाइं एगूणसद्धि २ राइंदियाइं राइंदियग्गेणं आहितेति वएजा. तत्थ खल्ल इमे छ ओमरत्ता पण्णत्ता, तंजहा-तइए पव्वे सत्तमे पव्वे एकार-समे पन्वे पण्णरसमे पन्वे एगूणवीसइमे पन्वे तेवीसइमे पन्वे, तत्थ खलु इमे छ अइरत्ता प०, तं०-चउत्थे पव्वे अद्वमे पव्वे बारसमे पव्वे सोलसमे पव्वे वीसङ्मे पव्वे चउवीसइमे पव्वे । छच्चेव य अइरता आइचाओ हवंति माणाइं । छच्चेव ओम-रत्ता चंदाहि हवंति माणाहिं॥ १॥ ७३॥ तत्थ खळु इमाओ पंच वासिकीओ पंच हेमंताओ आउट्टीओ पण्णत्ताओ, ता एएसि णं पंचण्हं संवच्छराणं पढमं वासिकिं आउद्दिं चंदे केणं णक्खत्तेणं जोएइ ? ता अभीइणा, अभीइस्स पढमसमएणं, तं समयं च णं सूरे केणं णक्खत्तेणं जोएइ ? ता पूसेणं, पूसस्स एगूणवीसं मुहुत्ता तेत्तालीसं च बावद्विभागा मुहुत्तस्स बावद्विभागं च सत्तद्विहा छेता तेत्तीसं चुण्णिया-भागा सेसा, ता एएसि णं पंचण्हं संवच्छराणं दोचं वासिक्किं आउट्टिं चंदे केणं णक्खत्तेणं जोएइ ? ता संठाणाहिं, संठाणाणं एकारसमुहत्ते ऊयाछीसं च बावद्विभागा महत्तस्स बावद्विभागं च सत्तद्विहा छेता तेपण्णं चुण्णियाभागा सेसा, तं समयं च णं सूरे केणं णक्खत्तेणं जोएइ ? ता पूसेणं, पूसस्स णं तं चेव जं पढमाए, ता एएसि णं पंचण्हं संवच्छराणं तच्चं वासिक्षिं आउट्टिं चंदे केणं णक्खतेणं जोएइ ? ता विसाहाहिं, विसाहाणं तेरस मुहुत्ता चउप्पण्णं च बाविड्ठभागा मुहुत्तस्स बाविड्ठभागं च सत्तिहा छेता चतालीसं चिण्णयाभागा सेसा. तं समयं च णं सरे केणं णक्ख-त्तेणं जोएइ ? ता पूसेणं, पूसस्स तं चेव, ता एएसि णं पंचण्हं संवच्छराणं चउत्थं वासिकिं आउर्हे चंदे केणं णक्खत्तेणं जोएइ ? ता रेवईहिं, रेवईणं पणवीसं मुहत्ता बासिट्टभागा मुहत्तस्स बाविट्टभागं च सत्तिहिहा छेता बत्तीसं चुण्णियाभागा सेसा, तं समयं च णं सूरे केणं णक्खतेणं जोएइ ? ता पूसेणं, पूसस्स तं चेव, ता एएसि णं पंचण्हं संवच्छराणं पंचमं वासिक्षं आउिहं चंदे केणं णक्खत्तेणं जोएइ ? ता पुन्वाहिं फरगुणीहिं, पुन्वाफरगुणीणं बारस महत्ता सत्तालीसं च बाविड्ठभागा

मृहत्तस्स वावद्विभागं च सत्तद्विहा छेता तेरस चुण्णियाभागा सेसा, तं समयं च णं स्रे केणं णक्खत्तेणं जोएइ ? ता पूसेणं, पूसस्स तं चेव ॥ ७४ ॥ ता एएसि णं पंचण्हं संवच्छराणं पढमं हेमंतिं आउट्टिं चंदे केणं णक्खत्तेणं जोएइ ? ता हत्थेणं हत्थस्स णं पंच मुहुत्ता पण्णासं च बावद्विभागा मुहुत्तस्स बावद्विभागं च सत्तद्विहा छेता सिंह चुण्णियाभागा सेसा, तं समयं च णं सूरे केणं णक्खत्तेणं जोएइ ? ता उत्तराहिं आसाढाहिं, उत्तराणं आसाढाणं चरिमसमए, ता एएसि णं पंचण्हं संवच्छ-राणं दोचं हेमंतिं आउहिं चंदे केणं णक्खतेणं जोएइ ? ता सयभिसयाहिं, सयभि-सयाणं दुण्णि मुहत्ता अद्वावीसं च बावद्विभागा मुहत्तस्स बावद्विभागं च सत्तद्विहा छेता छत्तालीसं चुण्णियाभागा सेसा, तं समयं च णं सूरे केणं णक्खत्तेणं जोएइ ? ता उत्तराहिं आसाढाहिं, उत्तराणं आसाढाणं चरिमसमए, ता एएसि णं पंचण्हं संवच्छराणं तचं हेमंतिं आउिंह चंदे केणं णक्खत्तेणं जोएइ ? ता पूसेणं, प्रसस्स एगूणवीसं मुहुत्ता तेयालीसं च बावद्विभागा मुहुत्तस्स बावद्विभागं च सत्तिहिहा छेता तेत्तीसं चुण्णियाभागा सेसा, तं समयं च णं सूरे केणं णक्खत्तेणं जोएइ ? ता उत्तराहिं आसाढाहिं, उत्तराणं आसाढाणं चरिमसमए, ता एएसि णं पंचण्हं संवच्छ-राणं चडितथ हेमंतिं आडिंह चंदे केणं णक्खत्तेणं जोएइ ? ता मूळेणं, मूलस्स छ मुहुता अट्ठावण्णं च बावद्विभागा मुहुत्तस्स बावद्विभागं च सत्तद्विहा छेता वीसं चुण्णियाभागा सेसा, तं समयं च णं सूरे केणं णक्खत्तेणं जोएइ ? ता उत्तराहिं आसाढाहिं, उत्तराणं आसाढाणं चरिमसमए, ता एएसि णं पंचण्हं संवच्छराणं पंचमं हेमंतिं आर्डीहं चंदे केणं णक्खतेणं जोएइ ? ता कत्तियाहिं, कत्तियाणं अहारस मुहुत्ता छत्तीसं च बावद्विभागा मुहुत्तस्स बावद्विभागं च सत्तद्विहा छेता छ चुण्णियाभागा सेसा, तं समयं च णं सूरे केणं णक्खत्तेणं जोएइ? ता उत्तराहिं आसाढाहिं, उत्तराणं आसाढाणं चरिमसमए ॥ ७५ ॥ तत्थ खलु इमे दसविहे जोए पण्णते, तंजहा-वस-भाणुजोए वेणुयाणुजोए मंचे मंचाइमंचे छत्ते छत्ताइछत्ते जुयणदे घणसंमद्दे पीणिए मंडगप्पुत्ते णामं दसमे, ता एएसि णं पंचण्हं संवच्छराणं छताइच्छतं जोयं चंदे कंसि देसंसि जोएइ ? ता जंबुद्दीवस्स २ पाईणपडीणाययाए उदीणदाहिणाययाए जीवाए मंडलं चउव्वीसेणं सएणं छेता दाहिणपुरच्छिमिल्लंस चडभागमंडलंस सत्तावीसं भागे उवा-इणावेता अद्वावीसइभागं वीसहा छेता अद्वारसभागे उवाइणावेता तिहिं भागेहिं दोहिं कलाहिं दाहिणपुरच्छिमिल्लं चउन्भागमंडलं असंपत्ते एत्थ णं से चंदे छत्ताइच्छत्तं जोयं जोएइ, उप्पि चंदो मज्झे णक्खते हेट्टा आइचे, तं समयं च णं चंदे केणं णक्खतेणं जोएइ ? ता चित्ताहिं,० चरमसमए ॥ ७६ ॥ **बारसमं पाहुइं समत्तं ॥१२॥**

ता कहं ते चंदमसो वड्ढोवड्ढी आहितेति वएजा ? ता अह पंचासीए मुहुत्तसए तीसं च बाविहिमागे मुहुत्तरस, ता दोसिणापक्खाओ अंधयारपक्खमयमाणे चंदे चत्तारि बायालसए छत्तालीसं च बावद्विभागे मुहुत्तस्स जाई चंदे रज्जइ, तंजहा-पढ़माए पढ़मं भागं बिइयाए बिइयं भागं जाव पण्णरसीए पण्णरसमं भागं, चरिम-समए चंदे रते भवइ, अवसेसे समए चंदे रते य विरत्ते य भवइ, इयण्णं अमा-वासा. एत्थ णं पढमे पव्वे अमावासा, ता अंधयारपक्खो, तो णं दोसिणापक्खं अयमाणे चंदे चतारे बायाले मुहत्तसए छायालीसं च बाविहिभागा मुहत्तस्स जाई चंदे विरज्जइ, तं०-पडमाए पडमं भागं विइयाए बिइयं भागं जाव पण्णरसीए पण्णरसमं भागं, चरिमे समए चंदे विरत्ते भवइ, अवसेससमए चंदे रत्ते य विरत्ते य भवइ, इयण्णं पुण्णिमासिणी, एत्थ णं दोचे पृष्णिमासिणी ॥ ७७ ॥ तत्थ खलु इमाओ बाविट्टं पुण्णिमासिणीओ बाविट्टं अमावासाओ पण्णत्ताओ, बाविट्टं एए कसिणा रागा, बाविट्ठं एए कसिणा विरागा, एए चडव्वीसे पव्वसए, एए चडव्वीसे कसिणरागविरागसए, जावइया णं पंचण्हं संवच्छराणं समया एगेणं चउव्वीसेणं समयसएणूणगा एवइया परित्ता असंखेजा देसरागविरागसया भवंतीति मक्खाया. ता अमावासाओ णं पुण्णिमासिणी चत्तारि बायाले मुहुत्तसए छत्तालीसं च बाविड्ड-भागे मुहुत्तस्स आहितेति वएजा, ता पुण्णिमासिणीओ णं अमावासा चत्तारि बायाले मुहत्तसए छत्तालीसं च बाविह्नभागे मुहत्तस्स आहितेति वएजा, ता अमा-वासाओ णं अमावासा अट्ठपंचासीए मुहत्तसए तीसं च बावट्टिभागे मुहुत्तस्स आहितेति वएजा, ता पुण्णिमासिणीओ णं पुण्णिमासिणी अट्ठपंचासीए मुहुत्तसए तीसं च बाविहिभागे मुहुत्तस्स आहितेति वएजा, एस णं एवइए चंदे मासे एस णं एवइए सगले जुगे ॥ ७८ ॥ ता चंदेणं अद्भासेणं चंदे कइ मंडलाई चरइ ? ता चोद्दस चउन्भागमंडलाइं चरइ, एगं च चउन्वीससयभागं मंडलस्स, ता आइचेणं अद्भासेणं चंदे कइ मंडलाइं चरइ ? ता १४ ६८८ मंडलाई चरइ, ता णक्खतेणं अद्भासेणं चंदे कह मंडलाइं चरइ? ता तेरस मंडलाइं चरइ, तेरस सत्तिद्वभागं मंडलरस, तया अवराइं खलु दुवे अट्टगाइं जाइं चंदे केणइ असामण्णगाइं सयमेव पविद्विता २ चारं चरइ, कयराइं खलु ताइं दुवे अट्टगाइं जाइं चंदे केणइ असा-मण्णगाइं सयमेव पविद्विता २ चारं चरइ ? ता इमाइं खळ ते वे अद्भगाइं जाइं चंदे केणइ असामण्णगाइं सयमेव पविद्विता २ चारं चरइ, तंजहा-णिक्खममाणे चेव अमावासंतेणं पविसमाणे चेव पुण्णिमासिंतेणं, एयाई खल्ल दुवे अट्टगाई जाई चंदे केणड असामण्णगाई सयमेव पविद्रिता २ चारं चरइ, ता पढमायणगए चंदे

दाहिणाए भागाए पविसमाणे सत्त अद्धमंडलाई जाई चंदे दाहिणाए भागाए पविसमाणे चारं चरइ, कयराई खळु ताई सत्त अद्धमंडलाई जाई चंदे दाहिणाए भागाए पविसमाणे चारं चरइ ? इमाइं खळ ताइं सत्त अद्भंडलाइं जाइं चंहे दाहिणाए भागाए पविसमाणे चारं चरइ, तंजहा-बिइए अद्धमंडले चउत्थे अद्ध-मंडले छट्टे अद्धमंडले अद्भमे अद्धमंडले दसमे अद्धमंडले बारसमे अद्धमंडले चउदसमे अद्धमंडले, एयाई खलु ताई सत्त अद्धमंडलाई जाई चंदे दाहिणाए भागाए पवि-समाणे चारं चरइ, ता पढमायणगए चंदे उत्तराए भागाए पविसमाणे छ अद्ध-मंडलाइं तेरस य सत्तद्विभागाइं अद्धमंडलस्य जाइं चंदे उत्तराए भागाए पवि-समाणे चारं चरइ, कयराई खलु ताई छ अद्धमंडलाई तेरस य सत्तिहिभागाई अद्धमं-डलस्स जाइं चंदे उत्तराए भागाए पविसमाणे चारं चरइ ? इमाइं खलु ताइं छ अद्ध-मंडलाई तेरस य सत्तद्भिगाई अद्धमंडलस्स जाई चंदे उत्तराए भागाए पविसमाणे चारं चरइ, तंजहा-तइए अद्धमंडले पंचमे अद्धमंडले सत्तमे अद्धमंडले णवमे अद्धमं-डले एकारसमे अद्भांडले तेरसमे अद्भांडले पण्णरसमस्स अद्भांडलस्स तेरस सन-हिभागाइं, एयाई खलु ताई छ अद्धमंडलाई तेरस य सत्तिहिभागाई अद्धमंडलस्स जाइं चंदे उत्तराए भागाए पविसमाणे चारं चरइ, एतावता य पढमे चंदायणे समत्ते भवइ. ता णक्खते अद्धमासे नो चंदे अद्धमासे नो चंदे अद्धमासे णक्खते अद्धमासे, ता णक्खताओ अद्धमासाओ से चंदे चंदेणं अद्धमासेणं किमहियं चरइ ? ता एगं अद्धमंडलं चरइ चतारि य सद्विभागाईं अद्धमंडलस्स सत्तद्विभागं एगतीसाए छेता णव भागाइं, ता दोचायणगए चंदे पुरच्छिमाए भागाए णिक्ख-ममाणे सचउप्पण्णाइं जाइं चंदे परस्स चिण्णं पिडचरइ, सत्त तेरसगाइं जाइं चंदे अप्पणो चिण्णं पिडचरइ, ता दोचायणगए चंदे पचिक्थिमाए भागाए णिक्खम-माणे चउप्पण्णाइं जाइं चंदे परस्स चिण्णं पिडचरइ. छ तेरसगाइं० चंदे अप्पणो चिण्णं पिडचरइ, अवरगाईं खल्ल दुवे तेरसगाईं जाईं चंदे केणइ असामण्णगाईं सयमेव पविद्विता २ चारं चरइ, कयराइं खळु ताइं दुवे तेरसगाइं जाइं चंदे केणइ असामण्णगाइं सयमेव पविद्विता २ चारं चरइ १ इमाइं खळु ताइं दुवे तेरसगाइं जाइं चंदो केणइ असामण्णगाइं सयमेव पविद्विता २ चारं चरइ, तं०-सव्व-ब्मंतरे चेव मंडले सव्ववाहिरे चेव मंडले, एयाई खलु ताई दुवे तेरसगाई जाई चंदे केणइ जाव चारं चरइ, एतावता दोचे चंदायणे समत्ते भवइ, ता णक्खते मासे णो चंदे मासे चंदे मासे णो णक्खते मासे, ता णक्खते मासे चंदेणं मासेणं किं अहियं चरइ ? ता दो अद्धमंडलाई चरइ अद्र य सत्तद्रिभागाई अद्धमंडलस्स

सत्तिद्विभागं च एकतीसहा छेता अद्वारस भागाइं. ता तचायणगए चंदे पचित्थिमाए भागाए पविसमाणे बाहिराणंतरस्स पचित्थिमिल्लस्स अद्भंडलस्स ईयालीसं सत्तिष्ट-भागाई जाई चंदे अप्पणो परस्स य चिण्णं पिडचरइ. तेरस सत्तद्विभागाई जाई चंदे परस्स चिण्णं पिडचरइ, तेरस सत्तद्रिभागाई चंदे अप्पणो परस्स चिण्णं पिड-चरइ. एतावता बाहिराणंतरे पचित्थिमिल्ले अद्धमंडले समत्ते भवइ, ता तचायणगए चंदे पुरच्छिमाए भागाए पविसमाणे बाहिरतचस्स पुरच्छिमिल्लस्स अद्धमंडलस्स ईयालीसं सत्तिद्विभागाइं जाइं चंदे अप्पणो परस्स य चिण्णं पिडचरइ, तेरस सत्त-द्विभागाई जाई चंदे परस्स चिण्णं पडिचरइ. तेरस सत्तद्विभागाई जाई चंदे अप्पणो परस्स चिण्णं पिंडचरइ. एतावताव बाहिरतचे प्रच्छिमिल्ले अद्भमंडले समत्ते भवइ. ता तचायणगए चंदे पचित्थमाए भागाए पविसमाणे बाहिरचउत्थरस पचित्थिमिछस्स अद्धमंडलस्स अद्धसत्तद्विभागाइं च एक्षतीसहा छेता अद्वारस भागाइं जाइं चंदे अप्पणो परस्स य चिण्णं पिडचरइ, एतावताव बाहिरचउत्थपचितथिमिल्ले अद्धमंडले समत्ते भवइ । एवं खलु चंदेणं मासेणं चंदे तेरस चउप्पणगाई दुवे तेरसगाई जाई चंदे परस्स चिण्णं पिडचरइ. तेरस तेरसगाइं जाइं चंदे अप्पणो चिण्णं पिडचरइ. दुवे ईयालीसगाइं अद्र सत्तद्रिभागाइं सत्तद्रिभागं च एकतीसहा छेता अद्वारसभागाईं जाइं चंदे अप्पणो परस्स य चिण्णं पिडचरइ, अवराइं खळु दुवे तेरसगाइं जाइं चंदे केणइ असामण्णगाइं सयमेव पविद्विता २ चारं चरइ, इचेसो चंदमासोऽभि-गमणणिक्खमणवृद्धिणिवृद्धिअणविद्यसंठाणसंठिईविउव्वणगिद्धिपत्ते रूवी चंदे देवे २ आहिएति वएजा ॥ ७९ ॥ तेरसमं पाहुडं समत्तं ॥ १३ ॥

ता कया ते दोसिणा बहू आहितेति वएजा ? ता दोसिणापक्खे णं दोसिणा बहू आहितेति वएजा ता कहं ते दोसिणापक्खे दोसिणा बहू आहितेति वएजा ? ता अंधयारपक्खाओ णं॰ दोसिणा बहू आहिताित वएजा ता कहं ते अंधयारपक्खाओ दोसिणापक्खे दोसिणा बहू आहिताित वएजा ? ता अंधयारपक्खाओ णं दोसिणापक्खे दोसिणा बहू आहिताित वएजा ? ता अंधयारपक्खाओ णं दोसिणापक्खं अयमाणे चंदे चत्तारि वायाळे मुहुत्तसए छत्ताळीसं च बाविष्टमाणे मुहुत्तस्स जाइं चंदे विरज्जइ, तं०-पढमाए पढमं भागं बिइयाए बिइयं भागं जाव पण्णरसीए पण्णरसमं भागं, एवं खळु अंधयारपक्खाओ दोसिणापक्खे दोसिणा बहू आहिताित वएजा ता केवइया णं दोसिणापक्खे दोसिणा बहू आहिताित वएजा ता कंघयारपक्खे वाहिणाति वएजा ? ता अंधयारपक्खे णं अंधयारे बहू आहिएित वएजा, ता कहं ते अंधयारपक्खे॰ बहू आहिएित वएजा ? ता दोसिणापक्खाओ णं अंधयारपक्खे अंधयारे बहू आहिएित वएजा, ता दोसिणापक्खाओ णं अंधयारपक्खे अंधयारे बहू आहिएित वएजा,

ता कहं ते दोसिणापक्खाओं अंधयारपक्खें अंधयारे बहू आहिएति वएजा ? ता दोसिणापक्खाओं णं अंधयारपक्खं अयमाणे चंदे चत्तारि बायाळे मुहुत्तसए बायाळीसं च बाबद्विमागे मुहुत्तस्स जाइं चंदे रज्जइ, तं०-पढमाए पढमं भागं बिइयाए बिइयं भागं जाव पण्णरसीए पण्णरसमं भागं, एवं खळु दोसिणापक्खाओं अंधयारपक्खें अंधयारे बहू आहिएति वएजा, ता केवइए णं अंधयारपक्खें अंधयारे बहू आहिएति वएजा, ता केवइए णं अंधयारपक्खें अंधयारे बहू आहिएति वएजा ? ता परित्ता असंखेजा भागा ॥ ८०॥ चोहसमं पाहुडं समतं ॥१४॥

ता कहं ते सिग्घगई वत्थू आहितेति वएजा? ता एएसि णं चंदिमस्रियगह-गणणक्खत्ततारारूवाणं चंदेहिंतो सूरा सिग्धगई सूरेहिंतो गहा सिग्धगई गहेहिंतो णक्खत्ता सिग्धगई णक्खत्तेहिंतो तारा० सिग्धगई, सव्वप्पगई चंदा सव्वसिग्धगई तारा॰. ता एगमेगेणं मुहत्तेणं चंदे केवइयाइं भागसयाइं गच्छइ ? ता जं जं मंडलं उवसंक्रमित्ता चारं चरइ तस्स २ मंडलपरिक्खेवस्स सत्तरस अडसिंह भागसए गच्छइ मंडलं सयसहस्सेणं अट्ठाणउईसएहिं छेता, ता एगमेगेणं मुहत्तेणं सूरिए केवइयाई भागसयाई गच्छइ १ ता जं जं मंडलं उवसंक्रमित्ता चारं चरइ तस्स २ मंडल-परिक्खेवस्स अद्वारस तीसे भागसए गच्छइ मंडलं सयसहस्सेणं अद्वाणडईसएहिं छेता. ता एगमेगेणं महत्तेणं णक्खते केवइयाइं भागसयाइं गच्छइ ? ता जं जं मंडलं उव-संक्रिमत्ता चारं चरड तस्स २ मंडलपरिक्खेवस्स अट्ठारस पणतीसे भागसए गच्छड मंडलं सयसहरूसेणं अद्वाणउईसएहिं छेता ॥ ८१ ॥ ता जया णं चंदं गइसमावण्णं सरे गइसमावण्णे भवइ से णं गइमायाए केवइयं विसेसेइ ? ता बावद्विभागे विसेसेइ. ता जया णं चंदं गइसमावण्णं णक्खत्ते गइसमावण्णे भवइ से णं गइमायाए केवइयं विसेसेइ १ ता सत्तिष्टिं भागे विसेसेइ, ता जया णं सूरं गइसमावण्णं णक्खत्ते गइ-समावण्णे भवइ से णं गइमायाए केवइयं विसेसेइ ? ता पंचभागे विसेसेइ, ता जया णं चंदं गइसमावण्णं अभीईणक्खते गइसमावण्णे पुरच्छिमाए भागाए समासादेइ पुरच्छिमाए भागाए समासादिता णव मुहुत्ते सत्तावीसं च सत्ति हिभागे मुहुत्तस्स चंदेण सिंदं जोयं जोएइ जोयं जोएता जोयं अणुपरियहृइ जोयं अणुपरियहृता विप्य-जहइ २ ता विगयजोई यावि भवइ, ता जया णं चंदं गइसमावण्णं सवणे णक्खते गइसमावण्णे पुरच्छिमाए भागाए समासादेइ पुरच्छिमाए भागाए समासादेता तीसं मुहुत्ते चंदेण सिद्धं जोयं जोएइ २ ता जोयं अगुपरियदृह जो० २ ता विप्पजहृइ० विगयजोई यावि भवइ, एवं एएणं अभिलावेणं णेयव्वं, पण्णरसमुहृत्ताइं तीसइमुहृत्ताइं पणयालीसमुहत्ताई भाणियव्वाई जाव उत्तरासाढा० । ता जया णं चंदं गइसमावण्णं गहे गइसमावण्णे पुरच्छिमाए भागाए समासादेइ पुर० २ ता चंदेणं सद्धिं जोगं

जुंजइ २ ता जोगं अणुपरियट्टइ २ ता विष्पजहड० विगयजोई यावि भवड । ता जया णं सूरं गइसमावण्णं अभीईणक्खते गइसमावण्णे पुरच्छिमाए भागाए समासादेइ पुर० २ ता चत्तारि अहोरते छच मुहते सूरेण सिंद्धं जोयं जोएइ २ ता जोयं अणपरियदृह २ ता विप्पजहइ० विगयजोई यावि भवइ, एवं अहोरत्ता छ एक्कवीसं मुहुत्ता य तेरस अहोरत्ता बारस मुहुत्ता य वीसं अहोरत्ता तिण्णि मुहुत्ता य सब्वे भाणियव्वा जाव जया णं सूरं गइसमावण्णं उत्तरासाढाणक्खते गइसमावण्णे पुरच्छि-माए भागाए समासादेइ पु॰ २ ता वीसं अहोरते तिण्णि य मुहते सूरेण सिद्धं जोयं जोएइ जो॰ २ त्ता जोयं अणुपरियष्टइ जो॰ २ त्ता विप्पजहइ॰ विगयजोई यावि भवइ. ता जया णं सरं गइसमावण्णं णक्खते गइसमावण्णे पुरच्छिमाए भागाए समासादेइ पु॰ २ ता सूरेण सिद्धं जोयं जुंजइ २ ता जोयं अणुपरियदृह २ ता जाव विगय-जोई यावि भवइ॥ ८२॥ ता णक्खत्तेणं मासेणं चंदे कइ मंडलाइं चरइ? ता तेरस मंडलाइं चरइ तेरस य सत्ति हुभागे मंडलस्स, ता णक्खत्तेणं मासेणं सरे कड़ मंडलाई चरइ? ता तेरस मंडलाई चरइ चोत्तालीसं च सत्तद्विभागे मंडलस्स. ता णक्खत्तेणं मासेणं णक्खत्ते कइ मंडलाइं चरइ ? ता तेरस मंडलाइं चरइ अद्ध-सीयाठीसं च सत्तद्विभागे मंडलस्स, ता चंदेणं मासेणं चंदे कइ मंडलाइं चरइ ? ता चोद्दस चउभागाइं मंडलाइं चरइ एगं च चउव्वीससयभागं मंडलस्स. ता चंदेणं मासेणं सूरे कइ मंडलाई चरइ? ता पण्णरस चउभागूणाई मंडलाई चरइ एगं च चडवीससयभागं मंडलस्स, ता चंदेणं मासेणं णक्खते कह मंडलाइं चरह? ता पण्णरस चडभागणाई मंडलाई चरइ छच चडवीससयभागे मंडलस्स. ता उडणा मासेणं चंदे कइ मंडलाईं चरइ? ता चोद्दस मंडलाईं चरइ तीसं च एगट्टिमागे मंडलस्स, ता उडुणा मासेणं सूरे कइ मंडलाई चरइ? ता पण्णरस मंडलाई चरइ. ता उडुणा मासेणं णक्खते कइ मंडलाइं चरइ? ता पण्णरस मंडलाइं चरइ पंच य बावीससयभागे मंडलरूस, ता आइचेणं मासेणं चंदे कइ मंडलाइं चरइ? ता चोहस मंडलाई चरइ एकारसभागे मंडलस्स, ता आइचेणं मासेणं सूरे कइ मंडलाई चरइ ? ता पण्णरस चउभागाहियाइं मंडलाईं चरइ, ता आइचेणं मासेणं णक्खते कइ मंडलाई चरइ ? ता पण्णरस चडभागाहियाई मंडलाई चरइ पंचतीसं च चड-वीससयभागमंडलाइं चरइ, ता अभिविष्ट्रिएणं मासेणं चंदे कह मंडलाइं चरह ? ता पण्णरस मंडलाइं॰ तेसीइं छलसीयसयभागे मंडलस्स, ता अभिविष्ट्रिएणं मासेणं सरे कइ मंडलाई चरइ ? ता सोलस मंडलाई चरइ तिहिं भागेहिं ऊणगाई दोहिं अडया-लेहिं सएहिं मंडलं छेता, ता अभिविष्ट्रिएणं मासेणं णक्खते कइ मंडलाई चरइ ? ता सोलस मंडलाई चरइ सीयालीसएहिं भागेहिं अहियाई चोदसहिं अहासीएहिं मंडलं छेता ॥ ८३ ॥ ता एगमेगेणं अहोरतेणं चंदे कइ मंडलाई चरइ? ता एगं अद-मंडलं चरइ एक्कतीसाए भागेहिं ऊणं णविंह पण्णरसेहिं अद्धमंडलं छेता, ता एगमेगेणं अहोरत्तेणं सूरिए कइ मंडलाई चरइ? ता एगं अद्धमंडलं चरइ, ता एगमेगेणं अहो-रत्तेणं णक्खते कइ मंडलाइं चरइ? ता एगं अद्धमंडलं चरइ दोहिं भागेहिं अहियं सत्ताहिं बत्तीसेहिं सएहिं अद्धमंडलं छेता, ता एगमेगं मंडलं चंदे कहिं अहोरत्तेहिं चरइ ? ता दोहिं अहोरत्तेहिं चरइ एक्सतीसाए भागेहिं अहिएहिं चउहिं चोयालेहिं सएहिं राइंदिएहिं छेता, ता एगमेगं मंडलं सूरे कहिं अहोरत्तेहिं चरइ? ता दोहिं अहोरत्तेहिं चरइ, ता एगमेगं मंडलं णक्खत्ते कइहिं अहोरत्तेहिं चरइ? ता दोहिं अहोरत्तेहिं चरइ दोहिं ऊणेहिं तिहिं सत्तसद्वेहिं सएहिं राइंदिएहिं छेता, ता जुगेणं चंदे कइ मंडलाइं चरइ ? ता अहु चुल्लसीए मंडलसए चरइ, ता जुगेणं स्रे कह मंडलाई चरह ^१ ता णवपण्णरसमंडलसए चरइ, ता जुगेणं णक्खत्ते कइ मंडलाई चरइ ? ता अद्वारस पणतीसे दुभागमंडलसए चरइ । इचेसा मुहुत्तगई रिक्खाइमा-सराइंदियजुगमंडलपविभत्ता सिग्घगई वत्थू आहितेति (वएजा) बेमि ॥ ८४॥ पण्णरसमं पाहुडं समत्तं ॥ १५॥

ता कहं ते दोसिणालक्खणे आहिएति वएजा? ता चंदलेसाइ य दोसिणाइ य दोसिणाइ य चंदलेसाइ य के अट्ठे किं लक्खणे ?, ता एगट्ठे एगलक्खणे, ता कहं ते स्रलक्खणे आहिएति वएजा ? ता स्रलेस्साइ य आयवेइ य आयवेइ य स्रलेस्साइ य के अट्टे किं लक्खणे ?, ता एगट्टे एगलक्खणे, ता कहं ते छायालक्खणे आहिएति वएजा ? ता अंधयारेइ य छायाइ य छायाइ य अंधयारेइ य के अहे किं लक्खणे ?. ता एगड्डे एगलक्खणे ॥ ८५ ॥ **सोलसमं पाहुडं समत्तं ॥ १६ ॥**

ता कहं ते चयणोववाया आहितेति वएजा? तत्य खलु इमाओ पणवीसं पडि-वत्तीओ पण्णताओ, तं०-तत्थ एगे एवमाहंसु-ता अणुसमयमेव चंदिमस्रिया अण्णे चयंति अण्णे उववजांति० एगे एवमाहंस १, एगे पुण एवमाहंस-ता अणुसुहृत्तमेव चंदिमसूरिया अण्णे चयंति अण्णे उववजांति ... २, एवं जहेव हेट्ठा तहेव जाव ता एगे पुण एवमाहंस-ता अणुउस्सप्पिणिओसप्पिणिमेव चंदिमस्रिया अण्णे चयंति अण्णे उनवजांति ० एगे एनमाहंसु २५, नयं पुण एवं नयामो-ता चंदिमस्रिया णं जोइसिया देवा महिड्डिया महजुइया महाबला महाजसा महासोक्खा महाणुभावा वरवत्थवरा वरमह्रवरा वरगंधवरा वराभरणवरा अवोच्छित्तिणयद्वयाए काले अण्णे चयंति अण्णे उनवजंति ।। ८६ ॥ सत्तरसमं पाइडं समत्तं ॥ १७ ॥

ता कहं ते उचते आहितेति वएजा ? तत्थ खळ इमाओ पणवीसं पडिवत्तीओ प०. तं०-तत्थेगे एवमाहंस-ता एगं जोयणसहस्सं सूरे उन्ने उन्नत्तेणं दिवन्नं चंदे एगे एवमाहंसु १, एगे पुण एवमाहंसु-ता दो जोयणसहस्साइं सूरे उड्डूं उच्चतेणं अड्ढाइजाइं चंदे एगे एवमाहंसु २, एगे पुण एवमाहंसु-ता तिष्णि जोयणसहस्साइं सरे उड़ उचतेणं अद्भुद्धाइं चंदे एगे एवमाहंसु ३, एगे पुण एवमाहंसु-ता चत्तारि जोयणसहस्साइं सूरे उड्ढं उचतेणं अद्धपंचमाइं चंदे एगे एवमाहंसु ४. एगे पुण एवमाहंसु-ता पंच जोयणसहस्साइं सूरे उड्डं उच्चत्तेणं अद्ध्छद्वाईं चंदे एगे एवमाहंस ५. एगे पुण एवमाहंसु-ता छ जोयणसहस्साइं सूरे उड्डं उचतेणं अद्धसत्तमाइं चंदे एगे एवमाहंस ६.एगे पुण एवमाहंस-ता सत्त जोयणसहस्साइं सूरे उन्ने उन्नतेणं अद्धद्रमाइं चंदे एगे एवमाहंसु ७. एगे पुण एवमाहंसु-ता अड जोयणसहस्साई सुरे उड्डं उच्चतेणं अद्भणवमाइं चंदे एगे एवमाहंसु ८, एगे पुण एवमाहंसु-ता णवजोयणसहस्साइं सूरे उड्डं उचतेणं अद्भदसमाई चंदे एगे एवमाहंसु ९, एगे पुण एवमाहंसु-ता दस जोयणसहस्साई सूरे उड्ढं उचतेणं अदएकारस चंदे एगे एवमाहंसु १०, एगे पुण एवमाहंसु-ता एकारस जोयणसहस्साइं सूरे उड्डं उचत्तेणं अद्धबारस चंदे ... ११, एएणं अभिलावेणं णेयव्वं बारस सूरे अद्धतेरस चंदे १२, तेरस सूरे अद्धचोहस चंदे १३, चोहस सूरे अद्धपण्णरस चंदे १४. पण्णरस सरे अद्धसोलस चंदे १५, सोलस सूरे अद्धसत्तरस चंदे १६, सत्तरस सूरे अद्वअहारस चंदे १७, अहारस सूरे अद्वएगूणवीसं चंदे १८, एगूण-वीसं सरे अद्भवीसं चंदे १९, वीसं सरे अद्धएकवीसं चंदे २०. एकवीसं सरे अद्ध-बावीसं चंदे २१, बावीसं सूरे अद्धतेवीसं चंदे २२, तेवीसं सूरे अद्धच उवीसं चंदे २३. चउवीसं सूरे अद्धपणवीसं चंदे एगे एवमाहंसु २४, एगे पुण एवमाहंसु-ता पणवीसं जोयणसहस्साइं सूरे उड्ढं उचतेणं अद्भद्धव्वीसं चंदे एगे एवमाइंस २५। वयं पुण एवं वयामो-ता इमीसे रयणप्पभाए पुढवीए बहुसमरमणिजाओ भूमिभागाओ सत्तणउइजोयणसए उड्ढं उप्पइता हेट्रिले ताराविमाणे चारं चरइ अट्रजोयणसए उड्ढं उप्पइत्ता सूरविमाणे चारं चरइ अट्ठअसीए जोयणसए उड्ढं उप्पइत्ता चंदविमाणे चारं चरइ णव जोयणसयाई उड्डं उप्पइत्ता उविरं ताराविमाणे चारं चरइ. हेद्रिलाओ ताराविमाणाओ दसजोयणाई उद्गं उप्पइत्ता सूरविमाणे चारं चरइ णउई जोयणाई उडूं उप्पइत्ता चंदविमाणे चारं चरइ दसोत्तरं जोयणसयं उडूं उप्पइत्ता उविरिक्ते तारारूवे चारं चरइ, सूरविमाणाओं असीइं जोयणाई उद्ग्रं उप्पइत्ता चंदविमाणे चारं चरइ जोयणसयं उड्ढं उप्पइता उवरिल्ले तारारूवे चारं चरइ. चंदविमाणाओ णं वीसं जोयणाई उद्धं उप्पहत्ता उवरिक्षे तारारूवे चारं चरइ, एवामेव सपुन्वावरेणं दसुत्तर-

जोयणसयं बाह्रे तिरियमसंखेजे जोइसविसए जोइसं चारं चरइ आहितेति वएजा ॥ ८७ ॥ ता अत्थि णं चंदिमस्रियाणं देवाणं हिट्टंपि ताराह्वा अणुंपि त्रहावि समंपि ताराह्वा अणुंपि तुह्नावि उपिंपि ताराह्वा अणुंपि तुह्नावि ? ता अत्थि ता कहं ते चंदिमसूरियाणं देवाणं हिद्वंपि ताराख्वा अणुंपि तुल्लावि समंपि ताराख्वा अणंपि तल्लावि उपिंपि ताराख्वा अणंपि तल्लावि ? ता जहा जहा णं तेसि णं देवाणं तवणियमबंभचेराइं उस्सियाइं भवंति तहा तहा णं तेसिं देवाणं एवं भवड. तंजहा-अणुत्ते वा तुल्लत्ते वा, ता एवं खलु चंदिमसूरियाणं देवाणं हिट्टंपि तारारूवा अणुंपि तुल्लावि तहेव जाव उप्पिपि तारारूवा अणुंपि तुल्लावि ॥ ८८ ॥ ता एगमेगस्स णं चंदस्स देवस्स केवइया गहा परिवारो प०, केवइया णक्खता परिवारो पण्णत्तो, केवइया तारा परिवारो पण्णत्तो? ता एगमेगस्स णं चंदस्स देवस्स अट्ठासीइगहा परिवारो पण्णत्तो, अट्ठावीसं णक्खत्ता परिवारो पण्णत्तो, छावद्धि-सहस्साइं णव चेव सयाइं पंचुत्तराइं [पंचसयराइं]। एगससीपरिवारो तारागण-कोडिकोडीणं ॥ १ ॥ परिवारो प० ॥ ८९ ॥ ता मंदरस्स णं पव्वयस्स केवडयं अबाहाए जोइसे चारं चरइ ? ता एकारस एकवीसे जोयणसए अबाहाए जोइसे चारं चरइ, ता लोयंताओं णं केवइयं अबाहाए जोइसे प० ? ता एकारस एकारे जोयण-सए अबाहाए जोइसे प० ॥ ९० ॥ ता जंबुद्दीवे णं दीवे कयरे णक्खत्ते सव्वब्भंतरिह्नं चारं चरइ, कयरे णक्खत्ते सञ्बबाहिरिक्षं चारं चरइ, कयरे णक्खते सञ्बविरिक्षं चारं चरइ, क्यरे णक्खते सव्वहिद्विष्ठं चारं चरइ? ता अभीई णक्खते सव्व-बिंभतरिल्लं चारं चरइ, मूळे णक्खते सव्वबाहिरिल्लं चारं चरइ, साई णक्खते सव्व-वरिल्लं चारं चरइ, भरणी णक्खते सन्वहेद्विल्लं चारं चरइ ॥ ९१ ॥ ता चंदविमाणे णं किसंठिए प॰ ? ता अद्भक्तिवहगसंठाणसंठिए सन्वफालियामए अब्भुगगयम्सिय-पहसिए विविह्मणिरयणभत्तिचित्ते जाव पडिरूवे, एवं सूर्विमाणे गहविमाणे णक्खत-विमाणे ताराविमाणे । ता चंदविमाणे णं केवइयं आयामविक्खंभेणं केवइयं परि-क्खेवेणं केवइयं बाहहेलं प० ? ता छप्पणं एगद्रिभागे जोयणस्स आयामविक्खंभेणं तं तिगुणं सविसेसं परिरएणं अड्डावीसं एगड्डिभागे जोयणस्स बाहुहेणं पण्णते, ता स्रविमाणे णं केवइयं आयामविक्खंभेणं पुच्छा, ता अडयाठीसं एगद्विभागे जोय-णस्स आयामविक्खंभेणं तं तिगुणं सविसेसं परिरएणं चउव्वीसं एगद्विभागे जोयणस्स बाह्हेणं प॰, ता णक्खत्तविमाणे णं केवइयं पुच्छा, ता कोसं आयामविक्खंभेणं तं तिगुणं सविसेसं परिरएणं अद्धकोसं बाहक्षेणं प०, ता ताराविमाणे णं केवइयं पुच्छा, ता अद्धकोसं आयामविक्खंभेणं तं तिगुणं सविसेसं परिरएणं पंचधणस्याई बाहल्लेणं

प॰ । ता चंदविमाणं णं कड देवसाहरूसीओ परिवहंति ? ता सोलस देवसाहरूसीओ परिवहंति, तं०-परच्छिमेणं सीहरूवधारीणं चत्तारि देवसाहस्सीओ परिवहंति, दाहि-णेणं गयरूवधारीणं चत्तारि देवसाहस्सीओ परिवहंति. पचित्थिमेणं वसहरूवधारीणं चत्तारि देवसाहरसीओ परिवहंति, उत्तरेणं तुरगरुवधारीणं चत्तारि देवसाहरसीओ परिवहंति, एवं सरविमाणंपि, ता गहविमाणे णं कइ देवसाहस्सीओ परिवहंति ? ता अट्ठ देवसाहरसीओ परिवहंति, तं०-परच्छिमेणं सीहरूवधारीणं देवाणं दो देवसाह-स्सीओ परिवहंति, एवं जाव उत्तरेणं तरगहवधारीणं०. ता णक्खत्तविमाणे णं कड देवसाहरसीओ परिवहंति ? ता चत्तारि देवसाहरसीओ परिवहंति. तं०-परिच्छमेणं सीहरूवधारीणं देवाणं एका देवसाहस्सी परिवहइ, एवं जाव उत्तरेणं तरगरूवधारीणं देवाणं॰, ता ताराविमाणे णं कइ देवसाहस्सीओ परिवहाति ? ता दो देवसाहस्सीओ परिवहंति, तं०-परच्छिमेणं सीहरूवधारीणं देवाणं पंच देवसया परिवहंति, एवं जावत्तरेणं तरगरूवधारीणं ।। ९२ ॥ ता एएसि णं चंदिमस्रियगहगणणक्खत्तता-राख्वाणं कयरे २ हिंतो सिग्धगई वा मंदगई वा ? ता चंदेहिंतो सरा सिग्धगई. सूरेहिंतो गहा सिग्घगई, गहेहिंतो णक्खता सिग्घगई, णक्खतेहिंतो तारा० सिग्घ-गई, सन्वप्पगई चंदा, सन्विस्थिगई तारा०। ता एएसि णं चंदिमसरियगहगण-णक्खत्तताराख्वाणं कयरे २ हिंतो अप्पिड्टिया वा महिड्टिया वा ? ता तारा०हिंतो णक्खत्ता महिड्डिया, णक्खतेहिंतो गहा महिड्डिया, गहेहिंतो सूरा महिड्डिया, सूरे-हिंतो चंदा महिष्ट्रिया, सन्वप्पष्ट्रिया तारा॰, सन्वमहिष्ट्रिया चंदा ॥ ९३ ॥ ता जंबुद्दीवे णं दीवे तारारूवस्स य २ एस णं केवइए अबाहाए अंतरे पण्णते ? ता दुविहे अंतरे प०. तं०-वाघाइमे य निव्वाघाइमे य. तत्थ णं जे से वाघाइमे से णं जहण्णेणं दोण्णि बाबद्रे जोयणसए उक्कोसेणं बारस जोयणसहरसाइं दोण्णि बायाले जोयणसए तारारूवस्स य २ अबाहाए अंतरे पण्णत्ते, तत्थ णं जे से निव्वाघाइमे से णं जहण्णेणं पंच घणुसयाइं उक्कोसेणं अद्भजोयणं तारारूवस्स य २ अबाहाए अंतरे प०॥ ९४॥ ता चंदस्स णं जोइसिंदस्स जोइसरण्णो कइ अगगमिहसीओ पण्ण-त्ताओ ? ता चत्तारि अगगमहिसीओ पण्णताओ, तं०-चंदप्पभा दोसिणाभा अचिमाली पमंकरा, तत्थ णं एगमेगाए देवीए चत्तारि देवीसाहस्सी परिवारी पण्णत्तो. पम णं ताओ एगमेगा देवी अण्णाइं चत्तारि २ देवीसहस्साइं परिवारं विउव्वित्तए, एवामेव सपुव्वावरेणं सोलस देवीसहस्सा, सेत्तं तुडिए, ता पभू णं चंदे जोइसिंदे जोइसराया चंदविंसए विमाणे सभाए सहम्माए तुडिएणं सिद्धं दिव्वाइं भोगभोगाई भुजमाणे विहरित्तए ? णो इणद्रे समद्वे, पभू णं चंदे जोइसिंदे जोइसराया चंदविंसए विमाणे

सभाए सहम्माए चंदंसि सीहासणंसि चउहिं सामाणियसाहस्सीहिं चउहिं अगगमिह-सीहिं सपरिवाराहिं तिहिं परिसाहिं सत्तिहं अणिएहिं सत्तिहं अणियाहिवईहिं सोलसिंहं आयरक्खदेवसाहस्सीहिं अण्णेहि य बहुहिं जोइसिएहिं देवेहिं देवीहि य सिद्धं महया हयणद्रगीयवाइयतंतीतलतालतुडियघणमुइंगपडुप्पवाइयरवेणं दिव्वाइं भोग-भोगाई भुंजमाणे विहरित्तए केवलं परियारणिङ्कीए णो चेव णं मेहुणवित्तयाए । ता सूरस्स णं जोइसिंदस्स जोइसरण्णो कइ अगगमिहसीओ प० ? ता चत्तारि अगग-महिसीओ प॰, तंजहा-स्रप्पभा आयवा अचिमाला पमंकरा, सेसं जहा चंदस्स णवरं सूरवडेंसए विमाणे जाव णो चेव णं मेहणवत्तियाए ॥ ९५ ॥ ता जोइसिया-णं देवाणं केवइयं कालं ठिई पण्णता ? ता जहण्णेणं अडभागपलिओवमं उक्कोसेणं पिलओवमं वाससयसहस्समन्भिहियं, ता जोइसिणीणं देवीणं केवइयं कालं ठिई प॰ ? ता जहण्णेणं अडुभागपिळओवमं उक्कोसेणं अद्धपिळओवमं पण्णासाए वास-सहस्सेहिं अब्भहियं, ता चंदविमाणे णं देवाणं केवइयं कालं ठिई पण्णत्ता ? ता जहण्णेणं चउन्भागपलिओवमं उक्कोसेणं पलिओवमं वाससयसहरूसमन्भहियं, ता चंदविमाणे णं देवीणं केवइयं कालं ठिई प॰ ? ता जहण्णेणं चउन्भागपलिओवमं उक्कोसेणं अद्धपित्रओवमं पण्णासाए वाससहस्सेहिं अञ्भहियं, ता सूरविमाणे णं देवाणं केवइयं कालं ठिई पण्णता ? ता जहण्णेणं चउन्भागपलिओवमं उक्कोसेणं पिळिओवमं वाससहस्समब्भिहियं, ता सूर्विमाणे णं देवाणं केवइयं काळं ठिई प० ? ता जहण्णेणं चउन्भागपिलओवमं उक्कोसेणं अद्धपिलओवमं पंचिहं वाससएहिं अन्महियं, ता गहविमाणे णं देवाणं केवइयं कालं ठिई प० ? ता जहण्णेणं चउ-च्मागपिलओवमं उक्कोसेणं पिलेओवमं, ता गहिवमाणे णं देवीणं केवइयं कालं ठिई प॰? ता जहण्णेणं चउब्भागपिलओवमं उक्कोसेणं अद्धपिलओवमं, ता णक्खत्तविमाणे णं देवाणं केवइयं कालं ठिई प०? ता जहण्णेणं चउच्भागपिल-ओवमं उक्कोसेणं अद्धपिलओवमं, ता णक्खत्तविमाणे णं देवीणं केवड्यं कालं ठिई प॰ ? ता जहण्णेणं अट्टभागपल्लिओवमं उक्कोसेणं चडब्भागपल्लिओवमं, ता तारा-विमाणे णं देवाणं पुच्छा, ता जहण्णेणं अट्ठभागपल्लिओवमं उक्कोसेणं चउन्भाग-पिठओवमं, ता ताराविमाणे णं देवीणं पुच्छा, ता जहण्णेणं अद्वभागपिठओवमं उक्कोसेणं साइरेगअट्टभागपलिओवमं ॥ ९६ ॥ ता एएसि ःणं चंदिमस्रियगहगण-णक्खत्तताराख्वाणं कयरे २ हिंतो अप्पा वा बहुया वा तुल्ला वा विसेसाहिया वा? ता चंदा य सूरा य एए णं दो वि तुल्ला सन्वत्थोवा, णक्खत्ता संखिजागुणा, गहा संखिजगुणा, तारा॰ संखिजगुणा ॥ ९७ ॥ अट्ठारसमं पाहुडं समत्तं ॥ १८॥

ता कइ णं चंदिमसूरिया सन्वलोयं ओभासंति उज्जोएंति तवेंति पभासेंति आहि-तेति वएजा ? तत्थ खळ इमाओ दुवालस पडिवत्तीओ पण्णत्ताओ, तं०-तत्थेगे एवमाहंसु-ता एगे चंदे एगे सूरे सव्वलोयं ओमासइ उज्जोएइ तवेइ प्रमासेइ० एगे एवमाहंसु १, एगे पुण एवमाहंसु-ता तिष्णि चंदा तिष्णि सूरा सन्वलोयं ओभासेंति ४...एगे एवमाहंसु २, एगे पुण एवमाहंसु-ता आउहिं चंदा आउहिं सूरा सव्वलोयं ओमासेंति ४...एगे एवमाहंसु ३, एगे पुण एवमाहंसु-एएणं अभिलावेणं णेयव्वं सत्त चंदा सत्त सूरा दस चंदा दस सूरा बारस चंदा बारस सूरा बायालीसं चंदा २ बावत्तरिं चंदा २ बायालीसं चंदसयं २ बावत्तरं चंदसयं बावत्तरं सूरसयं बायालीसं चंदसहरसं बायालीसं स्रसहरसं बावत्तरं चंदसहरसं बावत्तरं स्रसहरसं सव्वलोयं ओभासेंति ४...एगे एवमाहंसु १२, वयं पुण एवं वयामी-ता अयण्णं जंबुद्दीवे २ जाव परिक्खेवेणं०, ता जंबुद्दीवे २ केवइया चंदा पभासिंसु वा पभासिंति वा पभासिस्संति वा ? केवइया सूरा तविंसु वा तवेंति वा तविस्संति वा ? केवइया णक्खता जोयं जोइंसु वा जोएंति वा जोइस्संति वा ? केवइया गहा चारं चरिंस वा चरंति वा चरिस्संति वा ? केवइयाओ तारागणकोडिकोडीओ सोभं सोभेंस वा सोमेंति वा सोमिस्संति वा ? ता जंबुद्दीवे २ दो चंदा पभासेंसु वा ३, दो सूरिया तवइंस वा ३, छप्पण्णं णक्खता जोयं जोएंस वा ३. छावत्तरि गहसयं चारं चरिस वा ३. एगं सयसहस्सं तेत्तीसं च सहस्सा णव य सया पण्णासा तारागणकोडिको-डीणं सोमं सोमेंसु वा ३, "दो चंदा दो सूरा णक्खता खळु हवंति छप्पण्णा । छावत्तरं गहसयं जंब्रहीवे विचारीणं॥ १॥ एगं च सयसहस्सं तेत्तीसं खळ भवे सहस्साइं। णव य सया पण्णासा तारागणकोडिकोडीणं॥ २ ॥" ता जंबहीवं णं दीवं ठवणे णामं समुद्दे वहे वलयागारसंठाणसंठिए सव्वओ समंता संपरिक्खिताणं चिद्रइ, ता लवणे णं समुद्दे किं समचक्कवालसंठिए विसमचक्कवालसंठिए ? ता लवणसमुद्दे समचक्कवालसंठिए णो विसमचक्कवालसंठिए, ता लवणसमुद्दे केवइयं चक्कवाल-विक्खंभेणं केवइयं परिक्खेवेणं आहिएति वएजा ? ता दो जोयणसयसहस्साई चक्कवालविक्खंभेणं पण्णरस जोयणसयसहस्साइं एक्कासीयं च सहस्साइं सयं च ऊयालं किंन्विविसेसूणं परिक्खेवेणं आहिएति वएजा, ता लवणसमुद्दे केवइयं चंदा पभासेंस वा ३ १ एवं पुच्छा जाव केवइयाउ तारागणकोडिकोडीओ० सोभिंस वा ३ १, ता लवणे णं समुद्दे चतारि चंदा पभासेंसु वा ३, चतारि सूरिया तवइंसु वा ३, बारस णक्खत्तसयं जोयं जोएं वा ३, तिण्णि बावण्णा महग्गहसया चारं चरिंसु वा ३, दो सयसहस्सा सत्ति च सहस्सा णव य सया तारागणको डिकोडीणं० सोभिंस

वा ३। पण्णरस सयसहस्सा एकासीयं सयं च ऊगालं। किंचिविसेसेणुणो लवणो-द्हिणो परिक्खेवो ॥ १ ॥ चत्तारि चेव चंदा चत्तारि य स्रिया ठवणतीए। बारस णक्खत्तसयं गहाण तिण्णेव बावण्णा ॥ २ ॥ दो चेव सयसहस्सा सत्तिष्टिं खल भवे सहस्साइं। णव य सया लवणजले तारागणकोडिकोडीणं ॥ ३ ॥ ता लवणसमृहं० धायईसंडे णामं दीवे वहे वलयागारसंठाणसंठिए तहेव जाव णो विसमचक्कवालसंठिए. धार्या संखे णं दीवे केवड्यं चक्कवालविक्खंभेणं केवड्यं परिक्खेवेणं आहिएति वएजा ? ता चतारि जोयणसयसहस्साई चक्कवालविक्खंभेणं ईयालीसं जोयणसयसहस्साई दस य सहस्साइं णव य एगड्डे जोयणसए किंचिविसेसूणे परिक्खेवेणं आहिएति वएजा. धायईसंडे॰ दीवे केवइया चंदा पभासेंख वा ३ पुच्छा तहेव, ता धायईसंडे णं दीवे बारस चंदा पभासेंसु वा ३, बारस सूरिया तवेंसु वा ३, तिण्णि छत्तीसा णक्खत्तसया जोयं जोएंस वा ३. एगं छप्पण्णं महग्गहसहस्सं चारं चरिंस वा ३. अद्भेव सयसहस्सा तिण्णि सहस्साई सत्त य सयाई। एगससीपरिवारो तारागण-कोडिकोडीओ ॥ १ ॥ सोमं सोमेंसु वा ३-धायईसंडपरिरओ ईयाल दसुत्तरा सय-सहस्सा । णव सया य. एगद्रा किंचिविसेसपरिहीणा ॥ १ ॥ चडवीसं सिसरिविणो णक्खत्तसया य तिण्णि छत्तीसा । एगं च गहसहस्सं छप्पण्णं धायईसंडे ॥ २ ॥ अट्ठेव सयसहस्सा तिण्णि सहस्साइं सत्त य सयाइं। धायईंसंडे दीवे तारागणकोडि-कोडीणं ॥ ३ ॥ ता धायईसंडं णं दीवं कालोए णामं समुद्दे वहे वलयागारसंठाण-संठिए जाव णो विसमचक्कवालसंठाणसंठिए. ता कालोए णं समुद्दे केवइयं चक्क-वालविक्खंभेणं केवइयं परिक्खेवेणं आहिएति वएजा ? ता कालोए णं समुद्दे अह जोयणसयसहस्साइं चक्कवालविक्खंभेणं पण्णते एकाणउइं जोयणसयसहस्साइं सत्तरिं च सहस्साइं छच पंचुत्तरे जोयणसए किंचिविसेसाहिए परिक्खेवेणं आहिएति वएजा. ता कालोए णं समुद्दे केवइया चंदा पभासेंसु वा ३ पुच्छा, ता कालोए समुद्दे बायालीसं चंदा पभासेंस वा ३, बायालीसं सूरिया तवेंसु वा ३, एकारस बावत्तरा णक्खत्तसया जोयं जोइंस वा ३, तिण्णि सहस्सा छच छण्णउया महग्गहसया चारं चरिंस वा ३, बारस सयसहस्साइं अद्वावीसं च सहस्साइं णव य सयाइं पण्णासा तारागणकोडिकोडीओ सोमं सोमें वा सोमंति वा सोमिस्संति वा, ''एक्काणउई सयराई सहस्साई परिरओ तस्स । अहियाई छच पंचुत्तराई कालोयहिवरस्स ॥ १ ॥ बायालीसं चंदा बायालीसं च दिणयरा दिता। कालोयहिंमि एए चरंति संबद्धलेसागा ॥ २ ॥ णक्खत्तसहरसं एगमेव छावत्तरं च सयमण्णं । छच सया छण्णउया मह-ग्गहा तिण्णि य सहस्सा ॥ ३ ॥ अद्वावीसं कालोयहिंमि बारस य सहस्साईं । णव

य सया पण्णासा तारागणकोडिकोडीणं॥ ४॥" ता कालोयं णं समुद्दं पुक्खरवरे णामं दीवे वहे वलयागारसंठाणसंठिए सव्वओ समंता संपरिक्खिताणं चिद्रइ, ता पुक्खरवरे णं दीवे किं समचक्कवालसंठिए विसमचक्कवालसंठिए ? ता समचक्कवाल-संठिए णो विसमचक्कवालसंठिए, ता पुक्खरवरे णं दीवे केवइयं समचक्कवालविक्खं-भेणं केवइयं परिक्खेवेणं०? ता सोलस जोयणसयसहस्साइं चक्कवालविक्खंभेणं एगा जोयणकोडी बाणउइं च सयसहस्साइं अउणावण्णं च सहस्साइं अद्भचउणउए जोयणसए परिक्खेवेणं आहिएति वएजा, ता पुक्खरवरेणं दीवे केवइया चंदा पभासेंसु वा ३ पुच्छा तहेव, ता चोयालचंदसयं पभासेंसु वा ३, चोत्तालं सूरियाणं सयं तवइंस वा ३, चतारि सहस्साइं बत्तीसं च णक्खता जोयं जोएंस वा ३, बारस सहस्साई छच बावत्तरा महग्गहसया चारं चरिस्र वा ३. छण्णजडसयसहस्साई चोयालीसं सहस्साइं चत्तारि य सयाइं तारागणकोडिकोडीणं सोमं सोमिंसु वा ३, ''कोडी बागउई खल्ल अउणाणउई भवे सहस्साई । अद्रसया चउणउया य परिरओ पोक्खरवरस्स ॥ १ ॥ चोत्तालं चंदसयं चत्तालं चेव सूरियाण सयं । पोक्खरवर-दीवम्मि चरंति एए पभासंता ॥ २ ॥ चत्तारि सहस्साई छत्तीसं चेव हुंति णक्खता । छच सया बावत्तर महग्गहा बारह सहस्सा ॥ ३॥ छण्णउइ सयसहस्सा चोत्तालीसं खळु भवे सहस्साइं। चत्तारि य सया खळु तारागणकोडिकोडीणं ॥ ४॥" ता पुक्खरवरस्स णं दीवस्स० बहुमज्झदेसभाए माणुसुत्तरे णामं पव्वए वलयागार-संठाणसंठिए जे णं पुक्खरवरं दीवं दुहा विभयमाणे २ चिट्ठइ, तंजहा-अब्भितर-पुक्खरदं च बाहिरपुक्खरदं च, ता अब्भितरपुक्खरदे णं कि समचक्कवालसंठिए विसमचक्कवालसंठिए ? ता समचक्कवालसंठिए णो विसमचक्कवालसंठिए, ता अब्भि-तरपुक्खरद्धे णं केवइयं चक्कवालविक्खंभेणं केवइयं परिक्खेवेणं आहिएति वएजा ? ता अद्र जोयणसयसहस्साइं चक्कवालविक्खंभेणं एक्का जोयणकोडी बायालीसं च स्यसहस्साइं तीसं च सहस्साइं दो अउणापण्णे जोयणसए परिक्खेवेणं आहिएति वएजा, ता अब्भितरपुक्खरद्धे णं केवइया चंदा पभासेंसु वा ३ केवइया सूरा तविंसु वा ३ पुच्छा, ता बावत्तरिं चंदा पभासिंस वा ३, बावत्तरिं सूरिया तवइंस वा ३, दोण्णि सोला णक्खत्तसहरूसा जोयं जोएंस वा ३, छ महग्गहसहरूसा तिण्णि य बत्तीसा चारं चरेंसु वा ३. अडयाठीससयसहस्सा बावीसं च सहस्सा दोण्णि य सया तारागणकोडिकोडीणं सोभं सोभिंस वा ३। ता समयक्खेते णं केवइयं आयाम-विक्खंभेणं केवइयं परिक्खेवेणं आहिएति वएजा? ता पणयालीसं जोयणसयसह-स्साइं आयामविक्खंभेणं एगा जोयणकोडी बायालीसं च सयसहस्साइं दोण्णि य 880

य ॥ १८ ॥ णक्खत्ततारगाणं अवद्विया मंडला मुणेयव्वा । तेवि य पयाहिणा-वत्तमेव मेरं अणुचरंति ॥ १९ ॥ रयणियरदिणयराणं उद्घं च अहे व संक्रमो णत्थि । मंडलसंक्रमणं पुण सर्ब्सितरबाहिरं तिरिए ॥ २० ॥ रयणियरदिणयराणं णक्खताणं महग्गहाणं च । चारविसेसेण भवे सहद्रक्खविही मणुस्साणं ॥ २१ ॥ तेसिं पविसंताणं तावक्खेत्तं त वहूए णिययं । तेणेव कमेण पुणो परिहायइ णिक्ख-मंताणं ॥ २२ ॥ तेसिं कलंब्यापुप्फसंठिया हुंति तावखेतपहा । अंतो य संकुडा बाहि वित्थडा चंदसराणं ॥ २३ ॥ केणं वहुइ चंदो ? परिहाणी केण होइ चंदस्स ? । कालो वा जोण्हो वा केणऽणुभावेण चंदस्स ॥ २४ ॥ किण्हं राहविमाणं णिचं चंदेण होइ अविरहियं । चउरंगुलमसंपत्तं हिचा चंदस्स तं चरइ ॥ २५॥ बावद्वि २ दिवसे २ उ सुक्षपक्रवस्स । जं परिवड्डइ चंदो खवेइ तं चेव कालेणं ॥ २६॥ पण्णरसङ्भागेण य चंदं पण्णरसमेव तं वरह । पण्णरसइभागेण य पुणोवि तं चेव वक्कमइ ॥ २७ ॥ एवं वहुइ चंदो परिहाणी एव होइ चंदस्स । कालो वा जुण्हो वा एवऽणुभावेण चंदस्स ॥ २८ ॥ अंतो मणुरूसखेत्ते हवंति चारोवगा उ उववण्णा । पंचविहा जोइ-सिया चंदा सूरा गहगणा य ॥ २९ ॥ तेण परं जे सेसा चंदाइचगहतारणक्खता । णित्य गई णिव चारो अवद्विया ते मुणेयव्वा ॥ ३० ॥ एवं जंबुद्दीवे दुगुणा लवणे चउग्गणा हंति । लावणगा य तिग्रणिया सिससरा धायईसंडे ॥ ३१ ॥ दो चंदा इह दीवे चत्तारि य सायरे लवणतोए । धायइसंडे दीवे बारस चंदा य सूरा य ॥ ३२ ॥ धायइसंडप्पिमइसु उद्दिहा तिगुणिया भवे चंदा । आइल्लचंदसिहया अणंतराणंतरे खेते ॥ ३३ ॥ रिक्खग्गहतारगं दीवसमुद्दे जिहच्छसी णाउं । तस्ससीहिं तग्गुणियं रिक्खनगहतारगर्गं त ॥ ३४ ॥ बहिया उ माणुसणगस्स चंदसूराणऽवद्विया जोण्हा। चंदा अभीइज़त्ता सरा पुण हंति पुरसेहिं ॥ ३५ ॥ चंदाओ स्रस्स य सरा चंदरस अंतरं होइ । पण्णाससहस्साइं तु जोयणाणं अणूणाइं ॥ ३६ ॥ सूरस्स य २ सिरिणो २ य अंतरं होइ । बाहिं तु माणुसणगस्स जोयणाणं सयसहस्सं ॥ ३७ ॥ सूरंतिरिया चंदा चंदंतिरिया य दिणयरा दित्ता । चित्तंतरलेसागा सहलेसा मंदलेसा य ॥ ३८ ॥ अट्ठासीइं च गहा अट्ठावीसं च हुंति णक्खता । एगससीपरिवारो एत्तो ताराण वोच्छामि ॥ ३९ ॥ छावद्विसहस्साइं णव चेव सयाइं पंचसयराइं । एगससीपरिवारो तारागणकोडिकोडीणं ॥ ४०॥ ता अंतो मणुस्सखेते जे चंदिमसरिया गहगणणक्खत्तताराख्वा ते णं देवा किं उड्डोववण्णगा कप्पोववण्णगा विमाणोव-वण्णगा चारोववण्णगा चारिहइया गइरहया गइसमावण्णगा ? ता ते णं देवा णो उद्भोववण्णगा णो कप्पोववण्णगा विमाणोववण्णगा चारोववण्णगा णो चारद्विइया गइरइया गइसमावण्णगा उद्गुामुहक्लंबुयापुप्फसंठाणसंठिएहिं जोयणसाहस्सिएहिं तावक्खेत्तेहिं साहरिसएहिं बाहिराहि य वेउव्वियाहिं परिसाहिं महया हयणह-गीयवाइयतंतीतलतालतुडियघणसुइंगपडुप्पवाइयरवेणं महया उक्किद्विसीहणायकल-

कलरवेणं अच्छं पव्वयरायं पयाहिणावत्तमंडलचारं मेहं अणुपरियद्वंति. ता तेसि णं देवाणं जाहे इंदे चयइ से कहमियाणि पकरेति? ता चतारि पंच सामाणिय-देवा तं ठाणं उवसंपिजित्ताणं विहरंति जाव अण्णे इत्थ इंदे उववण्णे भवड ता इंदराणे णं केवइएणं कालेणं विरिहए पण्णत्ते ? ता जहण्णेणं इकं समयं उक्कोसेणं छम्मासे, ता बहिया णं माणुस्सक्खेत्तस्स जे चंदिमस्रियगृह जाव ताराह्वा ते णं देवा किं उद्भोववण्णगा कप्पोववण्णगा विमाणोववण्णगा चारद्रिडया गडरडया गइसमावण्णगा ? ता ते णं देवा णो उद्गोववण्णगा णो कप्पोववण्णगा विमाणोव-वण्णगा णो चारोववण्णगा चारद्रिइया णो गइरइया णो गइसमावण्णगा पिक्करूग-संठाणसंठिएहिं जोयणसयसाह स्सिएहिं तावक्खेत्तेहिं सयसाह स्सियाहिं बाहिराहिं वेउ विवयाहिं परिसाहिं महया हयणहुगीयवाइय जाव रवेणं दिव्वाइं भोगभोगाइं भुंजमाणा विहरंति, सुहलेसा मंदलेसा मंदायवलेसा चित्तंतरलेसा अण्णोण्णसमो-गाडाहिं लेसाहिं कुडा इव ठाणि ठ्या ते पएसे सन्वओ समंता ओभासंति उज्जोवेंति तवेंति पभासेंति, ता तेसि णं देवाणं जाहे इंदे चयइ से कहमियाणि पकरेंति ? ता चतारि पंच सामाणियदेवा तं ठाणं तहेव जाव छम्मासे ॥ ९८ ॥ ता पुक्खरवरं णं दीवं पुक्खरोदे णामं समुद्दे वहे वलयागारसंठाणसंठिए सन्व जाव चिद्रइ. ता पुरुखरोदे णं समुद्दे कि समचक्कवालसंठिए जाव णो विसमचक्कवाल-संठिए, ता पुक्खरोदे णं समुद्दे केवइयं चक्कवालविक्खंभेणं केवइयं परिक्खेवेणं आहिएति वएजा ? ता संखेजाई जोयणसहस्साई आयामविक्खंभेणं संखेजाई जोयणसहस्साइं परिक्खेवेणं आहिएति वएजा, ता पुक्खरवरोदे णं समुद्दे केवइया चंदा पभासेंस वा ३ पुच्छा तहेव, ता पुक्खरोदे णं समुद्दे संखेजा चंदा पभासेंस वा ३ जाव संखेजाओ तारागणकोडिकोडीओ सोमं सोमें हु वा ३। एएणं अभिलावेणं वरुणवरे दीवे वरुणोदे समुद्दे ४ खीरवरे दीवे खीरवरे समुद्दे ५ घयवरे दीवे घओदे समुद्दे ६ खोयवरे दीवे खोओदे समुद्दे ७ णंदिस्सरे दीवे णंदिस्सरवरे समुद्दे ८ अरू-णोदे दीवे अरुणोदे समुद्दे ९ अरुणवरे दीवे अरुणवरे समुद्दे १० अरुणवरोभासे दीवे अरुणवरोभासे समुद्दे ११ कुंडले दीवे कुंडलोदे समुद्दे १२ कुंडलवरे दीवे कुंडलवरोदे समुद्दे १३ कुंडलवरोभासे दीवे कुंडलवरोभासे समुद्दे १४ सन्वेसिं विक्खंभपरिक्खेवो जोइसाइं पुक्खरोदसागरसरिसाइं । ता कुंडलवरोभासण्णं समुद्दं रुयए दीवे वहे वलयागारसंठाणसंठिए सन्वओ जाव चिद्रह, ता रुयए णं दीवे किं समचक्कवाल जाव णो विसमचक्कवालसंठिए, ता रुयए णं दीवे केवइयं समचक्कवाल-विक्खंभेणं केवइयं परिक्खेवेणं आहिएति वएजा ? ता असंखेजाइं जोयणसह-

स्साइं चक्कवालविक्खंभेणं असंखेजाइं जोयणसहस्साइं परिक्खेवेणं आहिएति वएजा. ता स्यगे णं दीवे केवइया चंदा पभासेंसु वा ३ पुच्छा, ता स्यगे णं दीवे असं-खेजा चंदा पभासेंस वा ३ जाव असंखेजाओ तारागणकोडिकोडीओ सोमं सोमेंस वा ३, एवं स्यगे समुद्दे स्यगवरे दीवे स्यगवरोदे समुद्दे स्यगवरोभासे दीवे स्यग-वरोभासे समुद्दे, एवं तिपडोयारा णेयव्वा जाव सूरे दीवे सूरोदे समुद्दे सूरवरे दीवे सूरवरे समुद्दे सूरवरोभासे दीवे सूरवरोभासे समुद्दे. सन्वेसिं विक्खंभपरिक्खेवजोड-साइं रुयगवरदीवसरिसाइं, ता सूरवरोभासोदण्णं समुद्दं देवे णामं दीवे वट्टे वलया-गारसंठाणसंठिए सन्वओ समंता संपरिक्खिताणं चिद्रइ जाव णो विसमचक्कवाल-संठिए, ता देवे णं दीवे केवइयं चक्कवालविक्खंभेणं केवइयं परिक्खेवेणं आहिएति वएजा ? ता असंखेजाइं जोयणसहस्साइं चक्कवालिवक्खंमेणं असंखेजाइं जोयण-सहस्साइं परिक्खेवेणं आहिएति वएजा. ता देवे णं दीवे केवइया चंदा पभासेंस वा ३ पुच्छा तहेव, ता देवे णं दीवे असंखेजा चंदा पभासेंसु वा ३ जाव असं-खेजाओ तारागणकोडिकोडीओ० सोभेंसु वा ३। एवं देवोदे समुद्दे णागे दीवे णागोदे समुद्दे जक्खे दीवे जक्खोदे समुद्दे भूए दीवे भूओदे समुद्दे सयंभुरमणे दीवे सयंभुर-मणे समुद्दे सब्वे देवदीवसरिसा ॥ ९९-१००-१०१ ॥ एगूणवीसइमं पाइडं समत्तं ॥ १९ ॥

ता कहं ते अणुभावे आहिएति वएजा १ तत्थ खलु इमाओ दो पिडवित्तीओ पण्णताओ, तं०-तत्थेगे एवमाहंसु-ता चंदिमस्रिया णं णो जीवा अजीवा णो घणा झिसरा णो बादरबोंदिघरा कलेवरा णिथ णं तेसिं उद्घाणेइ वा कम्मेइ वा बलेइ वा वीरिएइ वा पुरिसक्कारपरक्कमेइ वा ते णो विज्ञुं लवंति णो असिण लवंति णो थिणं लवंति, अहे य णं बायरे वाउकाए संमुच्छिद अहे य णं बायरे वाउकाए संमुच्छिता विज्ञुंपि लवंति असिणिप लवंति थिणयंपि लवंति एगे एवमाहंसु १, एगे पुण एवमाहंसु—ता चंदिमस्रिया णं जीवा णो अजीवा घणा णो झिसरा बादर- बुंदिधरा कलेवरा अत्थि णं तेसिं उद्घाणेइ वा० ते विज्ञुंपि लवंति ३ एगे एवमाहंसु २, वयं पुण एवं वयामो—ता चंदिमस्रिया णं देवा मिहिष्ट्या जाव महाणुभागा वरवत्थधरा वरमहधरा० वराभरणधारी अवोच्छित्तिणयद्व- याए अण्णे चयंति अण्णे उववज्ञंति०॥ १०२॥ ता कहं ते राहुकम्मे आहि- एति वएजा १ तत्थ खलु इमाओ दो पिडवित्तीओ पण्णत्ताओ, तं०-तत्थेगे एवमाहंसु—ता अत्थि णं से राहू देवे जे णं चंदं वा स्रं वा गिण्हइ एगे एवमाहंसु १, एगे पुण एवमाहंसु—ता णित्थ णं से राहू देवे जे णं चंदं वा स्रं वा गिण्हइ एगे एवमाहंसु १, एगे पुण एवमाहंसु—ता णित्थ णं से राहू देवे जे णं चंदं वा स्रं वा गिण्हइ एगे एवमाहंसु १, एगे पुण एवमाहंसु—ता णित्थ णं से राहू देवे जे णं चंदं वा स्रं वा गिण्हइ ०२,

तत्थ जे ते एवमाहं सु-ता अत्थि णं से राहू देवे जे णं चंदं वा सूरं वा गिण्हइ. ते एवमाहंस-ता राहू णं देवे चंदं वा सूरं वा गेण्हमाणे बुद्धंतेणं गिण्हिता बुद्धं-तेणं सुयइ बुद्धंतेणं गिण्हिता सुद्धंतेणं सुयइ सुद्धंतेणं गिण्हिता सुद्धंतेणं सुयइ. वामभुयंतेणं गिण्हित्ता वामभुयंतेणं मुयइ वामभुयंतेणं गिण्हित्ता दाहिणभुयंतेणं मुयइ दाहिणभुयंतेणं गिण्हित्ता वामभुयंतेणं मुयइ दाहिणभुयंतेणं गिण्हित्ता दाहिण-भ्यंतेणं भ्यइ, तत्थ जे ते एवमाहंसु-ता णितथ णं से राहू देवे जे णं चंदं वा सूरं वा गेण्हइ, ते एवमाहंसु-तत्थ णं इमे पण्णरस कसिणपोग्गला प०, तं०-सिंघाणए जिंडलए खरए खयए अंजणे खंजणे सीयले हिमसीयले केलासे अरुणामे परिजा णभसरए कविलए पिंगलए राह. ता जया णं एए पण्णरस कसिणा पोग्गला सया चंदरस वा सूरस्य वा लेसाणुबद्धचारिणो भवंति तया णं माणुसलोयंसि माणसा एवं वयंति-एवं खलु राह चंदं वा सूरं वा गेण्हइ २, ता जया णं एए पण्णरस किसणा पोग्गला णो सया चंदरस वा स्रस्स वा लेसाणुबद्धचारिणो भवंति तया णं माणुस-लोयम्मि मणुस्सा एवं वयंति-एवं खलु राह्र चंदं वा सूरं वा गेण्हइ०, एए एवमाहंसु. वयं पुण एवं वयामो-ता राह णं देवे महिह्निए० महाणुभावे वरवत्थघरे जाव वराभरणधारी, राहस्स णं देवस्स णव णामधेजा प॰, तं०-सिंघाडए जडिलए खरए खेत्तए ढड्डरे मगरे मच्छे कच्छभे किण्हसप्पे, ता राहुस्स णं देवस्स विमाणा पंच-वण्णा प॰, तं॰-किण्हा णीला लोहिया हालिद्दा सुक्किल्ला, अत्थि कालए राहुविमाणे खंजणवण्णामे प॰, अत्थि णीलए राहुविमाणे लाउयवण्णामे पण्णत्ते, अत्थि लोहिए राहुविमाणे मंजिद्वावण्णाभे पण्णते, अत्थि हालिइए राहुविमाणे हालिइावण्णाभे प०. अत्यि सुक्किल्लए राहुविमाणे भासरासिवण्णाभे प०, ता जया णं राहुदेवे आगच्छमाणे वा गच्छमाणे वा विउव्वेमाणे वा परियारेमाणे वा चंदरस वा सूरस्स वा छेरसं पुरच्छि-मेणं आवरित्ता पचित्थिमेणं वीईवयइ तया णं पुरिच्छिमेणं चंदे वा सूरे वा उवदंसेइ पचित्थिमेणं राहू, जया णं राहुदेवे आगच्छेमाणे वा गच्छेमाणे वा विउन्वेमाणे वा परियारेमाणे वा चंदस्स वा सूरस्स वा लेसं दाहिणेणं आवरित्ता उत्तरेणं वीईवयइ तया णं दाहिणेणं चंदे वा सूरे वा उवदंसेइ उत्तरेणं राहू, एएणं अभिळावेणं पचित्यमेणं आविरता पुरच्छिमेणं वीईवयइ उत्तरेणं आविरता दाहिणेणं वीईवयइ, जया णं राहू देवे आगच्छमाणे वा गच्छमाणे वा विउव्वेमाणे वा परियारेमाणे वा चंदरस वा स्रस्स वा लेसं दाहिणप्रच्छिमेणं आवरिता उत्तरपचित्थिमेणं वीईवयड तया णं दाहिणपुरच्छिमेणं चंदे वा सूरे वा उवदंसेइ उत्तरपचित्थिमेणं राह . जया मं राह देवे आगच्छमाणे वा गच्छमाणे वा विउव्वमाणे वा परियारेमाणे वा चंदस्स

वा सुरस्स वा लेसं दाहिणपचित्थमेणं आवरित्ता उत्तरपुरिच्छमेणं वीईवयइ तया णं दाहिणपचित्थिमेणं चंदे वा सूरे वा उवदंसेइ उत्तरपुरच्छिमेणं राहू, एएणं अभि-लावेणं उत्तरपचित्थिमेणं आवरेता दाहिणपुरिच्छमेणं वीईवयइ, उत्तरपुरिच्छमेणं आवरेत्ता दाहिणपचित्थमेणं वीईवयइ, ता जया णं राहू देवे आगच्छमाणे वा॰ चंदस्स वा स्रस्स वा लेसं आवरेमाणे चिट्ठइ [आवरेत्ता वीईवयइ], तया णं मणुस्स-लोए मणुस्सा वयंति-एवं खलु राहुणा चंदे वा सरे वा गहिए॰, ता जया णं राह देवे आगच्छमाणे वा॰ चंदस्स वा सूरस्स वा लेसं आवरेता पासेणं वीईवयइ तया णं मणुस्सलोयंमि मणुस्सा वयंति-एवं खलु चंदेण वा सूरेण वा राहुस्स कुच्छी भिण्णा०, ता जया णं राहदेवे आगच्छमाणे वा चंदस्स वा सूरस्स वा छेसं आवरेता पचोसकइ तया णं मणुस्सलोए मणुस्सा वयंति-एवं खलु राहुणा चंदे वा सूरे वा वंते॰ राहुणा॰ २, ता जया णं राहु देवे आगच्छमाणे वा॰ चंदस्स वा सरस्स वा लेसं आवरेता मज्झंमज्झेणं वीईवयइ तया णं मणुस्सलोए मणुस्सा वयंति० राहुणा चंदे वा सूरे वा वीइयरिए० राहणा० २, ता जया णं राहू देवे आगच्छमाणे० चंदरस वा सूरस्स वा छेसं आवरेताणं अहे सपिक्खं सपिडिदिसिं चिद्रड तया णं मणुस्सलोयंसि मणुस्सा वयंति० राहुणा चंदे वा० घत्थे० राहुणा० २ । ता कइविहे णं राहू प॰ ? ता दुविहे प॰, तं॰-धुवराहू य पव्वराहू य, तत्थ णं जे से धवराह से णं बहलपक्खस्स पाडिवए पण्णरसङ्भागेणं भागं चंदस्स छेसं आवरे-माणे॰ चिद्रइ. तं॰-पढमाए पढमं भागं जाव पण्णरसमं भागं. चरमे समए चंदे रत्ते भवइ. अवसेसे समए चंदे रत्ते य विरत्ते य भवइ, तमेव सुक्रपक्खे उवदंसेमाणे २ चिद्रइ. तं०-पदमाए पदमं भागं जाव चंदे विरत्ते भवइ, अवसेसे समए चंदे रत्ते य विरत्ते य भवइ, तत्थ णं जे से पव्वराह से जहण्णेणं छण्हं मासाणं, उक्कोसेणं बायालीसाए मासाणं चंदस्स अडयालीसाए संवच्छराणं स्रस्स ॥ १०३ ॥ ता कहं ते चंदे ससी २ आहिएति वएजा ? ता चंदस्स णं जोइसिंदस्स जोइसरण्णो मियंके विमाणे कंता देवा कंताओ देवीओ कंताइं आसणसयणखंभभंडमत्तोवगरणाइं अप्प-णावि य णं चंदे देवे जोइसिंदे जोइसराया सोमे कंते समगे पियदंसणे सुरूवे ता एवं खलु चंदे ससी चंदे ससी आहिएति वएजा । ता कहं ते सरिए आइचे सरे २ आहिएति वएजा ? ता सूराइया णं समयाइ वा आविलयाइ वा आणापाणूइ वा थोवेइ वा जाव उस्सिप्पिणिओसप्पिणीइ वा, एवं खळु सूरे आइचे २ आहिएति वएजा ॥ १०४ ॥ ता चंदस्स णं जोइसिंदस्स जोइसरण्णो कइ अगगमिहसीओ पण्णताओ ? ता चंदस्स० चतारि अगगमहिसीओ पण्णताओ, तं०-चंदप्पभा

दोसिणाभा अचिमाली पर्भकरा, जहा हेट्रा तं चेव जाव णो चेव ण मेहणवत्तियं, एव सरस्सवि णेयव्वं. ता चंदिमस्रिया णं जोइसिंदा णं जोइसरायाणो केरिसए कामभोगे पञ्चणभवमाणा विहरति १ ता से जहाणामए-केइ परिसे पढमजोव्वणुद्राणबलसमत्थे पढमजोव्वणुद्वाणबलसमत्थाए भारियाए सद्धि अचिरवत्तविवाहे अत्थत्थी अत्थगवे-सणयाए सोलसवासविष्पवसिए से णं तओ लब्द्रें क्यकजे अणहसमग्गे पुणरवि णियघरं हव्वमागए ण्हाए सद्भप्पावेसाई मंगलाई वत्थाई पवरपरिहिए अप्पमहग्घाभरणालंकिय-सरीरे मणुण्णं थालीपागसुद्धं अद्वारसवंजणाउलं भोयणं भुते समाणे तंसि तारिसगंसि वासघरंसि अंतो बाहिरओ दूमियघट्टमहे विचित्तउल्लोयचिल्लियतले बहुसमसुविभत्तभू-मिभाए मणिरयणपणासियंधयारे कालागरुपवरकंदुरुकतुरुकध्वमघमघंतगंधुद्धयाभिरामे सुगंधवरगंधिए गंधवट्टिभूए तंसि तारिसगंसि सयणिजंसि दृहओ उण्णए मज्झो-णयगंभीरे सालिंगणवट्टिए पण्णत्तगंडविञ्बोयणे सरम्मे गंगापुलिणवालयाउद्दालसालि-सए सुविरइयरयत्ताणे ओयवियखोमियखोमदगुलपद्दपिडच्छायणे रत्तंस्यसंवृडे सरम्मे आईणगरूयवरणवणीयत्लकासे सुगंधवरकसम्बण्णसयणोवयारकलिए ताए तारिसाए भारियाए सर्द्धि सिंगारागारचारुवेसाए संगयगयहसियभणियचिद्वियसंलावविलासणि-उणजुत्तोवयारकुसलाए अणुरत्ताविरत्ताए मणाणुकूलाए एगंतरइपसत्ते अण्णत्थ कच्छइ मणं अकुव्वमाणे इद्वे सहफरिसरसह्वगंघे पंचविहे माणुस्सए कामभोगे पच्णुभव-माणे विहरिजा, ता से णं पुरिसे विडसमणकालसमयंसि केरिसयं सायासोक्खं पचण-भवमाणे विहरइ ? उरालं समणाउसो !, ता तस्स णं पुरिसस्स कामभोगेहिंतो एत्तो अणंतगुणविसिद्धतरा चेव वाणमंतराणं देवाणं कामभोगा. वाणमंतराणं देवाणं काम-भोगाहिंतो अणंतगुणविसिद्धतरा चेव असुरिंदव जियाणं भवणवासीणं देवाणं कामभोगा असुरिंदवज्जियाणं० देवाणं कामभोगेहिंतो अणंतगुणविसिद्वतरा चेव असुरकुमाराणं इंदभूयाणं देवाणं कामभोगा, असुरकुमाराणं० देवाणं कामभोगेहिंतो० गहगणण-क्खत्तताराह्वाणं कामभोगा, गहगणणक्खत्तताराह्वाणं कामभोगेहिंतो अणंतगण-विसिद्धतरा चेव चंदिमसूरियाणं देवाणं कामभोगा, ता एरिसए णं चंदिमसरिया जोइसिंदा जोइसरायाणो कामभोगे पचणुभवमाणा विहरंति ॥ १०५ ॥ तत्थ खळ इमे अट्ठासीई महग्गहा पण्णत्ता, तं०-इंगालए वियालए लोहियंके सणिच्छरे आह-णिए पाहणिए कणे कणए कणकणए कणवियाणए १० कणगसंताणे सोमे सहिए आसासणे कज्जोवए कव्वरए अयकरए दुंदुभए संखे संखणामे २० संखवण्णामे कंसे कंसणाभे कंसवण्णामे णीले णीलोभासे रूपे रूपोभासे भासे भासरासी ३० तिले तिलपुप्फवण्णे दगे दगवण्णे काए बंधे इंदग्गी धूमकेऊ हरी पिंगलए ४० बुहे

स्रके बहस्सई राहू अगत्थी माणवए कामफासे धुरे पमुहे वियडे ५० विसंधी कप्पेह्रण पइहें जिंडियालए अरुणे अग्गिह्रण काले महाकाले सोत्थिए सोवित्थिए ६० वसमाणगे पलंबे णिचालोए णिचुजोए सयंपमे ओभासे सेयंकरे खेमंकरे आमंकरे
पमंकरे ५० अरए विरए असोगे विसोगे विमले विवत्ते विवत्थे विसाले साले
सन्वए ८० अणियही अणाविए एगजडी दुजडी करकारिए रायग्गले पुष्फकेऊ
भावकेऊ ८८॥ १०६॥ वीसइमं पाहुडं समतं॥ २०॥

इइ एस पाहुडतथा अभव्वजणिह्ययदुह्रहा इगमो। उिक्कित्तिया भगवया जोइसरा-यस्स पण्णत्ती ॥ १ ॥ एस गिह्यावि संता थिद्धे गारवियमाणिपिडणीए । अबहुस्सुए ण देया तिव्ववरीए भवे देया ॥ २ ॥ सद्धाधिइउद्वाणुच्छाहकम्मबलवीरियपुरि-सकारेहिं । जो सिक्खिओवि संतो अभायणे परिकहेज्जाहि ॥ ३ ॥—सो पवयणकुलगण-संघबाहिरो णाणविणयपरिहीणो । अरहंतथेर्रगणहरमेरं किर होइ वोलीणो ॥ ४ ॥ तम्हा धिइउद्वाणुच्छाहकम्मबलवीरियसिक्खियं णाणं । धारेयव्वं णियमा ण य अविणीएसु दायव्वं ॥ ५ ॥ वीरवरस्स भगवओ जरमरणिकलेसदोसरिह्यस्स । वंदामि विणयपणओ सोक्खुप्पाए सया पाए ॥ ६ ॥ १००॥ वंदपण्णत्ती समत्ता॥





णमोऽत्थु णं समणस्स भगवओ णायपुत्तमहावीरस्स

सुत्तागमे

तत्थ णं सूरियपण्णत्ती

णमो अरिहंताणं णमो सिद्धाणं णमो आयरियाणं णमो उवज्झायाणं णमो लोए सन्वसाहुणं । तेणं कालेणं तेणं समएणं मिहिला णामं णयरी होत्था रिद्धित्थ-मियसमिद्धा पमुइयजणजाणवया ... पासादीया ४। तीसे णं मिहिलाए णयरीए बहिया उत्तरपुरच्छिमे दिसीभाए माणिभद्दे णामं उजाणे होत्था वण्णओ । तीसे णं मिहिलाए णयरीए जियसत्तृ णामं राया होत्था वण्णओ । तस्स णं जिय-सत्तरस रण्णो धारिणी णामं देवी होत्था वण्णओ। तेणं कालेणं तेणं समएणं तिम्म उज्जाणे सामी समोसढे, परिसा णिग्गया, धम्मो कहिओ, परिसा पिडगया जाव राया जामेव दिसिं पाउब्भूए तामेव दिसिं पिडगए ॥ १ ॥ तेणं कालेणं तेणं समएणं समणस्स भगवओ महावीरस्स जेट्ठे अंतेवासी इंदभूई णामं अणगारे गोयमे गोत्तेणं सत्त्रसिहे समचडरंससंठाणसंठिए वजारिसहणारायसंघयणे जाव एवं वयासी-कइ मंडलाइ वच्चइ १. तिरिच्छा किंच गच्छइ २। ओभासइ केवइयं ३. सेयाई किं ते संठिई ४ ॥ १ ॥ किहं पिडह्या छैसा ५, किहं ते ओयसंठिई ६ । के सूरियं वरयए ७, कहं ते उदयसंठिई ८ ॥ २ ॥ कहं कहा पोरिसिच्छाया ९. जोगे किं ते व आहिए १०। किं ते संवच्छराणाई ११, कइ संवच्छराइ य १२॥३॥ कहं चंदमसो बुड्ढी १३, कया ते दोसिणा बहू १४। केइ सिग्घगई बुत्ते १५, कहं दोसिणलक्खणं १६॥ ४॥ चयणोववाय १७ उचते १८, स्रिया कइ आहिया १९। अणुभावे के व संवृत्ते २०, एवमेयाइं वीसई ॥ ५ ॥ २ ॥ वड्ढोवड्ढी मुहत्ताणं १, अद्धमंडलसंठिई २ । के ते चिण्णं परियरइ ३, अंतरं किं चरंति य ४ ॥ ६ ॥ उग्गाहइ केवइयं ५, केवइयं च विकंपइ ६। मंडलाण य संठाणे ७. विक्खंभो ८ अट्ठ पाहुडा ॥ ७ ॥ छप्पंच य सत्तेव य अट्ठ तिण्णि य हवंति पडिवत्ती । पढमस्स पाहुडस्स हवंति एयाउ पडिवत्ती ॥ ८ ॥ ३ ॥ पडिवत्तीओ उदए, तहा अत्थमणेसु य । भियवाए कण्णकला, मुहुत्ताण गईइ य ॥ ९ ॥ णिक्खममाणे सिग्वगई, पविसंते मंदगईइ य । चुलसीइसयं पुरिसाणं, तेसिं च पिडवर्तीओ ॥ १० ॥ उदयम्मि अट्र ४८ सत्ता०

भणिया भेयम्बाए दुवे य पिडवत्ती । चत्तारि मुहुत्तगईए हुंति तइयम्मि पिडवित्ती ॥ ११ ॥ ४ ॥ आवित्य १ मुहुत्तगे २, एवंभागा य ३ जोगस्सा ४ । कुलाई ५ पुण्णमासी ६ य, सिण्णवाए ७ य संठिई ८ ॥ १२ ॥ तार(य)गं च ९ णेया य १०, चंदमग्गित्त ११ यावरे । देवयाण य अज्झयणे १२, मुहुत्ताणं णामया इय १३ ॥ १३ ॥ दिवसा राइ बुत्ता य १४, तिहि १५ गोत्ता १६ भोयणाणि १७ य । आइचवार १८ मासा १९ य, पंच संवच्छरा २० इय ॥ १४ ॥ जोइसस्स दाराइं २१, णक्खत्तविजए विय २२। दसमे पाहुडे एए बावीसं पाहुडपाहुडा ॥ १५॥ एसो कमविसेसो ताव सूरियपण्णत्तीए अवसेसो अपरिसेसो भावियव्वो जहा चंद्पण्णत्तीए जाव अंतिमा गाहित्त ॥ सूरियपण्णत्ती समत्ता ॥



णमोऽत्थु णं समणस्स भगवओ णायपुत्तमहावीरस्स

सुत्तागमे

तत्थ णं निरयावलियाओ [कप्पिया]

तेणं कालेणं तेणं समएणं रायगिहे नामं नयरे होत्था, रिद्धित्थिमियसमिद्धे।… गुणसिलए नामं उज्जाणे '''वण्णओ। असोगवरपायवे। पुढविसिलापट्टए वण्णओ।। १।। तेणं कालेणं तेणं समएणं समणस्य भगवओ महावीरस्य अन्तेवासी अज्जसहम्मे नामं अणगारे जाइसंपन्ने जहा केसी जाव पश्चिहं अणगारसएहिं सिद्धं संपरिवृद्धे पुव्वाणुपुर्विं चरमाणे ... जेणेव रायगिहे नयरे जाव अहापडिरूवं उग्गहं ओगि-ण्हिता संजमेणं जाव विहरइ । परिसा निग्गया । धम्मो कहिओ । परिसा पिंडगया ॥ २ ॥ तेणं कालेणं तेणं समएणं अजसहम्मस्स अणगारस्स अन्तेवासी जम्ब नामं अणगारे समचउरंससंठाणसंठिए जाव संखित्तविउलतेउलेस्से अजसहम्मस्स अणगारस्स अदूरसामन्ते उद्गृंजाणू जाव विहरइ । तए णं से जम्बू जायसङ्गे जाव पज़्वासमाणे एवं वयासी-उवङ्गाणं भन्ते ! समणेणं जाव संपत्तेणं के अट्ठे पन्नते ? एवं खलु जम्बू ! समणेणं भगवया जाव संपत्तेणं एवं उवङ्गाणं पञ्च वग्गा पन्नता. तंजहा-निरयावलियाओ, कप्पविंसियाओ, पुष्फियाओ, पुष्फचूलियाओ, विष्हु, दसाओ ॥ ३ ॥ जइ णं भनते ! समणेणं जाव संपत्तेणं उवङ्गाणं पञ्च वगगा पन्नता. तंजहा-निरयावलियाओ जाव विष्हिदसाओ, पढमस्स णं भनते ! वग्गस्स उवङ्गाणं निरयावित्याणं समणेणं भगवया जाव संपत्तेणं कइ अज्झयणा पन्नता ? एवं खलु जम्बू ! समणेणं जाव संपत्तेणं उवङ्गाणं पढमस्स वग्गस्स निरयावित्याणं दस अज्झयणा पन्नता, तंजहा--काले सुकाले महाकाले कण्हे सुकण्हे तहा महा-कण्हे । वीरकण्हे य बोद्धव्वे रामकण्हे तहेव य ॥ १ ॥ पिउसेणकण्हे नवमे दसमे महासेणकण्हे उ । जइ णं भन्ते ! समणेणं जाव संपत्तेणं उवङ्गाणं पढमस्स वग्गस्स निरयाविष्याणं दस अज्झयणा पन्नता, पढमस्स णं भन्ते ! अज्झयणस्स निर-याविलयाणं समणेणं जाव संपत्तेणं के अट्ठे पन्नत्ते ? एवं खलु जम्बू! तेणं कालेणं तेणं समएणं इहेव जम्बुद्दीवे दीवे भारहे वासे चम्पा नामं नयरी होत्था.

रिद्धः। पुष्णभद्दे उज्जाणे । तत्थ णं चम्पाए नयरीए सेणियस्स रन्नो पुत्ते चेछ-णाए देवीए अत्तए कृणिए नामं राया होत्था, महया । तस्स णं कृणियस्स रन्नो पडमावई नामं देवी होत्था, सोमालपाणिपाया जाव विहरइ॥ ४॥ तत्थ णं चम्पाए नयरीए सेणियस्स रत्नो भजा कृणियस्स रत्नो चुल्लमाख्या काली नामं देवी होत्था, सोमाल॰ जाव सुरूवा। तीसे णं कालीए देवीए पुत्ते काले नामं कुमारे होत्था, सोमाल॰ जाव ग्रुरूवे ॥ ५ ॥ तए णं से काले कुमारे अन्नया कयाइ तिहिं दन्तिसहस्सेहिं तिहिं रहसहस्सेहिं तिहिं आससहस्सेहिं तिहिं मणुयकोडीहिं गरूलवृहे एकारसमेणं खण्डेणं कणिएणं रन्ना सिद्धं रहमुसलं संगामं ओयाए ॥ ६ ॥ तए णं तीसे कालीए देवीए अन्नया कयाइ कुदुम्बजागरियं जागरमाणीए अयमेयारूवे अज्झित्थए जाव समुप्पजित्था-एवं खलु ममं पुत्ते कालकुमारे तिहिं दन्तिसह-स्सेहिं जाव ओयाए, से मन्ने किं जइस्सइ ? नो जइस्सइ ? जीविस्सइ ? नो जीविस्सइ ? पराजिणिस्सइ ? नो पराजिणिस्सइ ? काले णं कुमारे अहं जीवमाणं पासिजा ? ओहयमण० जाव झियाइ ॥ ७ ॥ तेणं कालेणं तेणं समएणं समणे भगवं महावीरे समोसरिए। परिसा निग्गया। तए णं तीसे कालीए देवीए इमीसे कहाए लद्धहाए समाणीए अयमेयाह्वे अज्झत्थिए जाव समुप्पजित्था—एवं खल समणे भगवं० पुन्वाणुपुर्विव जाव विहरइ, तं महाफलं खलु तहारूवाणं जाव विउलस्स अहस्स गहणयाए, तं गच्छामि णं समणं जाव पज्जवासामि, इमं च णं एयारूवं वागरणं पुच्छिस्सामित्तिक हु एवं संपेहेइ २ ता कोडुम्बियपुरिसे सद्दावेइ २ ता एवं वयासी-खिप्पामेव भो देवाणुप्पिया ! धम्मियं जाणप्पवरं जुत्तामेव उवह्रवेह उवह्रवित्ता जाव पचिपणन्ति ॥ ८ ॥ तए णं सा काली देवी ण्हाया अप्पमहरघामरणालंकिय-सरीरा बहुहिं खुजाहिं जाव महत्तरगविन्दपरिक्खिता अन्तेउराओं निग्गच्छः २ ता जेणेव बाहिरिया उवद्वाणसाला जेणेव धम्मिए जाणप्पवरे तेणेव उवागच्छइ २ ता धम्मियं जाणप्पवरं दुरूहइ २ त्ता नियगपरियालसंपरिवृडा चम्पं नयिरं मज्झंमज्झेणं निग्गच्छइ २ ता जेणेव पुण्णभद्दे उज्जाणे तेणेव उवागच्छइ २ ता छत्ताईए जाव धिम्मयं जाणप्पवरं ठवेइ २ त्ता धिम्मयाओ जाणप्पवराओ पच्चोरुहड २ त्ता बहुहिं खुजाहिं जाव ०विन्दपरिक्खिता जेणेव समणे भगवं महावीरे तेणेव उवागच्छइ २ ता समणं भगवं महावीरं तिक्खतो वन्दइ २ ता ठिया चेव सपरि-वारा सुस्सूसमाणी नमंसमाणी अभिमुहा विणएणं पञ्जलिउडा पज्जुवासइ॥ ९॥ तए णं समणे भगवं जाव कालीए देवीए तीसे य महइमहालियाए धम्मकहा भाणि-यव्वा जाव समणोवासए वा समणोवासिया वा विहरमाणे आणाए आराहए भवड ॥ १० ॥ तए णं सा काली देवी समणस्स भगवओ महावीरस्स अन्तियं धम्मं सोचा निसम्म हद्र जाव हियया समणं भगवं तिक्खत्तो जाव एवं वयासी--एवं खल भन्ते ! मम पत्ते काले कमारे तिहिं दन्तिसहस्सेहिं जाव रहमुसलं संगामं ओयाए. से णं भन्ते! किं जहस्सह ? नो जहस्सह जाव काले णं कुमारे अहं जीवमाणं पासिजा? कालीइ समणे भगवं० कालि देविं एवं वयासी-एवं खल काली! तव पत्ते काले कुमारे तिहिं दन्तिसहरूसेहिं जाव कूणिएणं रन्ना सिद्धं रहमुसलं संगामं संगामेमाणे हयमहियपवरवीरघाइयनिवडियचिन्धज्झयपडागे निरालोयाओ दिसाओ करेमाणे चेडगस्त रन्नो सपक्खं सपडिदिसिं रहेणं पडिरहं हव्वमागए, तए णं से चेडए राया कालं क्रमारं एजमाणं पासइ २ ता आसुरुत्ते जाव मिसिमिसेमाणे धणं परामसइ २ ता उसं परामुसइ २ ता वइसाहं ठाणं ठाइ २ ता आययकण्णाययं उसं करेइ २ ता कालं कुमारं एगाहचं कूडाहचं जीवियाओं ववरोवेंड, तं कालगए णं काली! काले कुमारे. नो चेव णं तुमं कालं कुमारं जीवमाणं पासिहिसि ॥ ११ ॥ तए णं सा काली देवी समणस्स भगवओ महावीरस्स अन्तियं एयमद्रं सोचा निसम्म महया पुत्तसोएणं अप्पुत्ना समाणी परसुनियत्ता विव चम्पगलया घसत्ति घरणीयलंसि सन्वङ्गेहिं संनिवडिया। तए णं सा काली देवी मुहत्तन्तरेणं आसत्था समाणी उड्डाए उद्रेड २ ता समणं भगवं० वन्दइ नमंसइ वं० २ ता एवं वयासी-एवमेयं भनते ! तहमेयं भन्ते ! अवितहमेयं भन्ते ! असंदिद्धमेयं भन्ते ! सच्चे णं भन्ते ! एसमट्रे जहेयं तुब्भे वयहत्तिकदृ समणं भगवं॰ वन्दइ नमंसइ वं॰ २ ता तमेव धम्मियं जाणप्यवरं दुरुहइ २ ता जामेव दिसिं पाउब्भूया तामेव दिसिं पिडिगया ॥ १२ ॥ भन्ते ! ति भगवं गोयमे जाव वन्दइ नमंसइ वं० २ ता एवं वयासी-काले णं भन्ते! कुमारे तिहिं दन्तिसहस्सेहिं जाव रहमुसलं संगामं संगामेमाणे चेडएणं रन्ना एगाहचं कुडाहचं जीवियाओ ववरोविए समाणे कालमासे कालं किचा किहं गए कहिं उववन्ने १ गोयमाइ समणे भगवं० गोयमं एवं वयासी-एवं खळ गोयमा! काले कमारे तिहिं दन्तिसहस्सेहिं जाव जीवियाओ ववरोविए समाणे कालमासे कालं किचा चउतथीए पङ्कप्पभाए पुढवीए हेमाभे नरगे दससागरोवमट्टिइएस नेरइएस नेरइयत्ताए उववन्ने ॥ १३॥ काले णं भन्ते! कुमारे केरिसएहिं आरम्भेहिं केरिसएहिं समारम्भेहिं केरिसएहिं आरम्भसमारम्भेहिं केरिसएहिं भोगेहिं केरिसएहिं संभोगेहिं केरिसएहिं भोगसंभोगेहिं केरिसेण वा असुभकडकम्मपन्भारेणं कालमासे कालं किचा चउत्थीए पङ्कप्पभाए पुढवीए जाव नेरइयत्ताए उववन्ने ? एवं खलु गोयमा । तेणं कालेणं तेणं समएणं रायगिहे नामं नयरे होत्था, रिद्धत्थिमियसमिद्धे ।

तत्थ णं रायगिहे नयरे सेणिए नामं राया होतथा, महया । तस्स णं सेणियस्स रन्नो नन्दा नामं देवी होत्था, सोमाल॰ जाव विहरइ। तस्स णं सेणियस्स रन्नो पत्ते नन्दाए देवीए अत्तए अभए नामं क्रमारे होत्था, सोमाल० जाव सुरूवे, साम-दाणभेयदण्ड० जहा चित्तो जाव रज्जधराए चिन्तए यावि होत्था । तस्स णं सेणि-यस्स रन्नो चेल्लणा नामं देवी होत्था, सोमाल॰ जाव विहरइ ॥ १४ ॥ तए णं सा चेह्रणा देवी अन्नया क्याइ तंसि तारिसयंसि वासघरंसि जाव सीहं सुमिणे पासित्ताणं पडिबुद्धा. जहा पभावई जाव सुमिणपादगा पडिविस जिया जाव चेछणा से वयणं पिंडिच्छिता जेणेव सए भवणे तेणेव अणुपिवद्वा ॥ १५ ॥ तए णं तीसे चेल्लणाए देवीए अन्नया कयाई तिण्हं मासाणं बहुपिडपुण्णाणं अयमेयारूवे दोहले पाउन्भूए-धन्नाओं णं ताओं अम्मयाओं जाव जम्मजीवियफले जाओं णं सेणियस्स रन्नो उयर-वलीमंसेहिं सोब्लेहि य तलिएहि य भिजाएहि य सुरं च जाव पसन्नं च आसाएमा-णीओ जाव परिभाएमाणीओ दोहलं पविणेन्ति । तए णं सा चेल्लणा देवी तंसि दोहलंसि अविणिजमाणंसि सुका भुक्खा निम्मंसा ओळुग्गा ओळुग्गसरीरा नित्तेया दीणविमणवयणा पण्डइयम्ही ओमन्थियनयणवयणकमला जहोचियं पुष्फवत्थगन्ध-मल्लालंकारं अपरिभुज्जमाणी करयलमलियन्व कमलमाला ओहयमणसंकप्पा जाव झियाइ ॥ १६ ॥ तए णं तीसे चेल्लणाए देवीए अङ्गपिडयारियाओ चेल्लणं देविं सक्रं भुक्खं जाव झियायमाणिं पासन्ति २ ता जेणेव सेणिए राया तेणेव उवागच्छन्ति २ ता करयलपरिग्गहियं सिरसावत्तं मत्थए अङ्गलिं कट्टु सेणियं रायं एवं वयासी–एवं खलु सामी! चेल्लणा देवी न याणामो केणइ कारणेणं सुक्का भुक्खा जाव झियाइ ॥ १७ ॥ तए णं से सेणिए राया तासिं अङ्गपडियारियाणं अन्तिए एयमहं सोचा निसम्म तहेव संभन्ते समाणे जेणेव चेह्रणा देवी तेणेव उवागच्छइ २ ता चेह्रणं देविं सुकः भुक्खं जाव झियायमाणिं पासित्ता एवं वयासी-किं णं तुमं देवाणुप्पिए! सुका भुक्खा जाव झियासि ? ॥ १८ ॥ तए णंसा चेछणा देवी सेणियस्स रज्ञो एयमहं नो आढाइ नो परिजाणाइ, तुसिणीया संचिद्धइ। तए णं से सेणिए राया चेल्लणं देविं दोचंपि तचंपि एवं वयासी-किं णं अहं देवाणुप्पिए! एयमहस्स नो अरिहे सवणयाए जं णं तुमं एयमट्टं रहस्सीकरेसि ? ॥ १९ ॥ तए णं सा चेल्लणा देवी सेणिएणं रन्ना दोचंपि तचंपि एवं बुत्ता समाणी सेणियं रायं एवं वयासी-नित्थ णं सामी! से केइ अंड्रे जस्स णं तुब्भे अणिरहा सवणयाए, नो चेव णं इमस्स अट्ठस्स सवणयाए, एवं खळु सामी! ममं तस्स ओरालस्स जाव महासुमिणस्स तिण्हं मासाणं बहुपडिपुण्णाणं अयमेयारूवे दोहल्ने पाउन्भूए-धन्नाओ णं ताओ

अम्मयाओ जाओ णं तुन्मं उयर्विलमंसेहिं सोल्लएहि य जाव दोहलं विणेन्ति, तए णं अहं सामी! तंसि दोहलंसि अविणिज्जमाणंसि सुक्का भुक्खा जाव झियामि॥२०॥ तए णं से सेणिए राया चेह्नणं देविं एवं वयासी-मा णं तुमं देवाणुप्पिए ! ओहय० जाव झियाहि, अहं णं तहा जित्तहामि जहा णं तव दोहलस्स संपत्ती भविस्सइत्ति-कडु चेल्लणं देविं ताहिं इट्ठाहिं कन्ताहिं पियाहिं मणुन्नाहिं मणामाहिं ओरालाहिं कल्लाणाहिं सिवाहिं धन्नाहिं मङ्गलाहिं मियमहर्सिसरीयाहिं वग्गूहिं समासासेइ २ त्ता चेल्लणाए देवीए अन्तियाओ पिडनिक्खमइ २ ता जेणेव बाहिरिया उवद्वाणसाला जेणेव सीहासणे तेणेव उवागच्छइ २ ता सीहासणवरंसि पुरत्थाभिमुहे निसीयइ २ ता तस्स दोहलस्स संपत्तिनिमित्तं बहुिहं आएिहं उवाएिह य उप्पत्तियाए य वेणइ-याए य कम्मियाए य पारिणामियाए य परिणामेमाणे २ तस्स दोहलस्स आयं वा उवायं वा ठिइं वा अविन्दमाणे ओहयमणसंकप्पे जाव झियाइ ॥ २१ ॥ इमं च णं अभए कुमारे ण्हाए अप्पमहम्घाभरणालंकियसरीरे सयाओ गिहाओ पिंडिनिक्खमइ २ ता जेणेव बाहिरिया उवद्वाणसाला जेणेव सेणिए राया तेणेव उवागच्छइ २ त्ता सेणियं रायं ओहय० जाव झियायमाणं पासइ २ त्ता एवं वयासी-अन्नया ण ताओ! तुन्मे ममं पासित्ता हट्ट जाव हियया भवह कि णं ताओ ! अज तुन्मे ओहय० जाव झियाह ? तं जइ णं अहं ताओ ! एयमट्टस्स अरिहे सवणयाए तो णं तुन्मे मम एयमट्ठं जहाभूयमवितहं असंदिखं परिकहेह, जा णं अहं तस्स अट्टस्स अन्तगमणं करेमि॥ २२॥ तए णं से सेणिए राया अभयं क़मारं एवं वयासी-नित्थ णं पुत्ता! से केइ अट्ठे जस्स णं तुमं अणिरहे सवणयाए, एवं खळु पुत्ता ! तव चुळमाउयाए चेळणाए देवीए तस्त ओरालस्स जाव महासुमिणस्स तिण्हं मासाणं बहुपिडपुण्णाणं जाव जाओ णं मम उयरवली-मंसेहिं सोक्लेहि य जाव दोहलं विणेन्ति, तए णं सा चेल्लणा देवी तंसि दोहलंसि अविणिजमाणंसि सक्ता जाव झियाइ, तए णं अहं पुत्ता ! तस्स दोहलस्स संपत्ति-निमित्तं बहाहें आएहि य जाव ठिइं वा अविन्दमाणे ओह्य० जाव झियामि ॥ २३ ॥ तए णं से अभए कुमारे सेणियं रायं एवं वयासी-मा णं ताओ ! तुब्भे ओहय॰ जाव झियाह, अहं णं तहा जितहामि जहा णं मम चुल्लमाउयाए चेल्लणाए देवीए तस्स दोहलस्स संपत्ती भविस्सइत्तिकृट्ट सेणियं रायं ताहिं इद्वाहिं जाव वग्गृहिं समासासेइ २ त्ता जेणेव सए गिहे तेणेव उवागच्छइ २ त्ता अब्भिन्तरए रहस्सियए ठाणिजे पुरिसे सद्दावेइ २ ता एवं वयासी-गच्छह णं तुब्मे देवाणुप्पिया ! स्णाओ अहं मंसं रुहिरं बत्थिपुडगं च गिण्हह ॥ २४ ॥ तए णं ते ठाणिजा पुरिसा अभएणं कुमारेणं एवं वृत्ता समाणा हद्रतद्र० जाव पिडसुणेता अभयस्स कुमारस्स अन्तियाओ पिडनिक्खमन्ति २ ता जेणेव सूणा तेणेव उवागच्छन्ति २ ता अहं मंसं रुहिरं बत्थिपुडगं च गिण्हन्ति २ ता जेणेव अभए कुमारे तेणेव उवागच्छन्ति २ ता करयल तं अल मंसं रुहिरं बत्थिपुडगं च उवणेन्ति ॥ २५॥ तए णंसे अभए कुमारे तं अल्लं मंसं रुहिरं कप्पणी अप्प किप्पियं करेइ २ ता जेणेव सेणिए राया तेणेव उवागच्छइ २ ता सेणियं रायं रहस्सिगयं सयणिजांसि उत्ताणयं निवजावेइ २ ता सेणियस्स उयरवलीस तं अहं मंसं रुहिरं विरवेइ २ ता बत्थि-पुडएणं वेढेड २ त्ता सवन्तीकरणेणं करेइ २ ता चेल्लणं देविं उप्पि पासाए अव-लोयणवरगयं ठवावेइ २ ता चेल्लणाए देवीए अहे सपक्खं सपडिदिसिं सेणियं रायं सयणिजंसि उत्ताणगं निवजावेइ. सेणियस्स रन्नो उयरव्लिमंसाई कप्पणिणी-कप्पियाइं करेड २ ता से य भायणंसि पिक्खवड । तए णं से सेणिए राया अलिय-मुच्छियं करेइ २ ता मुहत्तन्तरेणं अन्नमन्नेण सिद्धं संलवमाणे चिद्रह । तए णं से अभयक्रमारे सेणियस्स रन्नो उयरवलिमंसाई गिण्हेइ २ ता जेणेव चेल्लणा देवी तेणेव उवागच्छइ २ ता चेळणाए देवीए उवणेइ । तए णं सा चेळणा देवी सेणि-यस्स रन्नो तेहिं उयरविलमंसेहिं सोक्लेहिं जाव दोहलं विणेइ । तए णं सा चेल्लणा देवी संपुण्णदोहला एवं संमाणियदोहला विच्छिन्नदोहला तं गब्मं सुहंसहेणं परि-वहइ ॥ २६ ॥ तए णं तीसे चेल्लणाए देवीए अन्नया कयाइ पुन्वरत्तावरत्तकाल-समयंसि अयमेयारूवे जाव समुप्पजित्था-जइ ताव इमेणं दारएणं गब्भगएणं चेव पिडणो उयरविलमंसाणि खाइयाणि, तं सेयं खळ मए एयं गब्सं साडितए वा पाडित्तए वा गालित्तए वा विद्धंसित्तए वा, एवं संपेहेड २ ता तं गब्भं बहुहिं गब्भसाडणेहि य गब्भपाडणेहि य गब्भगालणेहि य गब्भविद्धंसणेहि य इच्छइ तं गन्भं साडिताए वा पाडिताए वा गालिताए वा विद्धंसिताए वा, नो चेव णं से गन्भे सडइ वा पडइ वा गलइ वा विद्धंसइ वा। तए णं सा चेल्लणा देवी तं गर्का जाहे नो संचाएइ बहूहिं गब्भसाडणेहि य जाव गब्भविद्धंसणेहि य साडित्तए वा जाव विदंसितए वा ताहे सन्ता तन्ता परितन्ता निव्विण्णा समाणी अकामिया अव-सवसा अद्ववसद्भवहा तं गच्मं परिवहइ ॥ २७ ॥ तए णं सा चेल्लणा देवी नवण्हं मासाणं बहुपडिपुण्णाणं जाव सोमालं सुरूवं दारगं पयाया । तए णं तीसे चेळणाए देवीए इमे एयारूवे जाव समुप्पजित्था-जइ ताव इमेणं दारएणं गब्भगएणं चेव पिउणो उयरविलेमंसाई खाइय इं, तं न नजाइ णं एस दारए संबह्नमाणे अम्हं कुलस्स अन्तकरे भविस्सइ, तं सेयं खल्ल अम्हं एयं दारगं एगन्ते उक्कुरुडियाए

उज्झावित्तए, एवं संपेहेइ २ ता दासचेडिं सद्दावेइ २ ता एवं वयासी-गच्छ णं तुमं देवाणुप्पिए! एयं दारगं एगंते उक्कुरुडियाए उज्झाहि ॥ २८ ॥ तए णं सा दासचेडी चेल्लणाए देवीए एवं वृत्ता समाणी करयल जाव कडू चेल्लणाए देवीए एयमट्टं विणएणं पडिसुणेइ २ ता तं दारगं करयलपुडेणं गिण्हइ २ ता जेणेव असोगवणिया तेणेव उवागच्छइ २ त्ता तं दारगं एगन्ते उक्करिडयाए उज्झाइ। तए णं तेणं दारगेणं एगन्ते उक्कुरुडियाए उज्झिएणं समाणेणं सा असोगवणिया उज्जोविया यावि होत्था ॥ २९ ॥ तए णं से सेणिए राया इमीसे कहाए लड्डें समाणे जेणेव असोगवणिया तेणेव उवागच्छइ २ ता तं दारगं एगन्ते उक्क-रुडियाए उज्झियं पासेइ २ ता आसुरुत्ते जाव मिसिमिसेमाणे तं दार्गं कर्यलपुडेणं गिण्हइ २ ता जेणेव चेल्लणा देवी तेणेव उवागच्छइ २ ता चेल्लणं देविं उचावयाहिं आओसणाहिं आओसइ २ ता उचावयाहिं निब्भच्छणाहिं निब्भच्छेइ एवं उद्धं-सणाहिं उद्धंसेइ २ ता एवं वयासी-किस्स णं तुमं मम पुत्तं एगन्ते उक्कुरुडियाए उज्झावेसि ? त्तिकट्ट चेल्लणं देविं उचावयसवहसावियं करेइ २ ता एवं वयासी-तुमं णं देवाणुप्पिए! एयं दारगं अणुपुन्वेणं सारक्खमाणी संगोवेमाणी संबङ्केहि ॥ ३०॥ तए णं सा चेल्लणा देवी सेणिएणं रन्ना एवं वृत्ता समाणी लिज्ज्या विलिया विड्डा करयलपरिग्गहियं० सेणियस्स रन्नो विणएणं एयमद्रं पडिसुणेइ २ ता तं दारगं अणुपुन्वेणं सारक्खमाणी संगोवेमाणी संबह्नेइ ॥ ३१ ॥ तए णं तस्स दारगस्स एगंते उक्क्रांडियाए उज्झिजमाणस्स अग्गङ्खित्या कुक्कुडिपच्छएणं दूमिया यावि होत्था, अभिक्खणं अभिक्खणं पूर्यं च सोणियं च अभिनिस्सवइ । तए णं से दारए वेयणाभिभूए समाणे महया महया सद्देणं आरसइ । तए णं सेणिए राया तस्स दारगस्स आरसियसद्दं सोचा निसम्म जेणेव से दारए तेणेव उवागच्छइ २ त्ता तं दारगं करयलपुडेणं गिण्हइ २ ता तं अग्गङ्गिलयं आसयंसि पिक्खवइ २ ता पूरं च सोणियं च आसएणं आमुसइ। तए णं से दारए निव्वुए निव्वेयणे तुसिणीए संचिद्रइ । जाहे वि य णं से दारए वेयणाए अभिभूए समाणे महया महया सहेणं आरसइ ताहे विय णं सेणिए राया जेणेव से दारए तेणेव उवागच्छइ २ ता तं दारगं करयलपुडेणं गिण्हइ तं चेव जाव निव्वेयणे तुसिणीए संचिद्रइ ॥ ३२ ॥ तए णं तस्स दारगस्स अम्मापियरो तइए दिवसे चन्दसूरदिरसणियं करेन्ति जाव संपत्ते बारसाहे दिवसे अयमेयारूवं गुणनिष्फन्नं नामधेजं करेन्ति-जम्हा णं अम्हं इमस्स दारगस्स एगन्ते उक्किडियाए उजिझजमाणस्स अङ्ग्रिलया कुक्कुडपिच्छएणं दूमिया तं होउ णं अम्हं इमस्स दारगस्स नामधेजं कृणिए २ । तए णं तस्स दार-

गस्स अम्मापियरो नामधेजं करेन्ति 'कृणिय'ति । तए णं तस्स कृणियस्स आणु-पुरुवेणं ठिइविडयं च जहां मेहस्स जाव उपिंप पासायवरगए विहरइ, अट्टट्टओ दाओ ॥ ३३ ॥ तए णं तस्स कृणियस्स कुमारस्स अन्नया० पुन्वरत्ता० जाव समुप्पिक्वत्था-एवं खळ अहं सेणियस्स रन्नो वाघाएणं नो संचाएमि सयमेव रजासिरिं करेमाणे पालेमाणे विहरित्तए, तं सेयं खलु मम सेणियं रायं नियलबन्धणं करेता अप्पाणं महया महया रायाभिसेएणं अभिसिञ्चावित्तएत्तिकृह एवं संपेहेइ २ ता सेणियस्स रन्नो अन्त-राणि य छिड्डाणि य विरहाणि य पिडजागरमाणे २ विहरइ ॥ ३४ ॥ तए णं से कृणिए कुमारे सेणियस्स रन्नो अन्तरं वा जाव मम्मं वा अलभमाणे अन्नया कयाइ कालाईए दस कुमारे नियघरे सहावेइ २ ता एवं वयासी-एवं खल्ल देवाणुप्पिया! अम्हे सेणियस्स रन्नो वाघाएणं नो संचाएमो सयमेव रजासिरिं करेमाणा पालेमाणा विहरित्तए, तं सेयं खलु देवाणुप्पिया ! अम्हं सेणियं रायं नियलबन्धणं करेता रज्जं च रहं च बलं च वाहणं च कोसं च कोट्रागारं च जणवयं च एक्कारसभाए विरि-श्चित्ता सयमेव रज्जसिरिं करेमाणाणं पालेमाणाणं जाव विहरित्तए ॥ ३५ ॥ तए णं ते कालाईया दस कुमारा कृणियस्स कुमारस्स एयमद्वं विणएणं पिडसुणन्ति । तए णं से कृणिए कुमारे अन्नया कयाइ सेणियस्स रन्नो अन्तरं जाणइ २ ता सेणियं रायं नियलबन्धणं करेइ २ ता अप्पाणं महया महया रायाभिसेएणं अभिसिञ्चावेइ। तए णं से कृणिए कुमारे राया जाए महया॰ ॥ ३६ ॥ तए णं से कृणिए राया अन्नया कयाइ ण्हाए सञ्वालंकारविभसिए चेल्लणाए देवीए पायवन्दए हञ्बमागच्छइ । तए णं से कृणिए राया चेल्लणं देविं ओहय॰ जाव झियायमाणिं पासइ २ त्ता चेल्लणाए देवीए पायग्गहणं करेइ २ ता चेल्लणं देविं एवं वयासी--किं णं अम्मो ! तुम्हं न तुद्री वा न ऊसए वा न हरिसे वा न आणन्दे वा, जं णं अहं सयमेव रजासिरिं जाव विहरामि ? ॥ ३७ ॥ तए णं सा चेछणा देवी कृणियं रायं एवं वयासी—कहं णं पुत्ता ! ममं तुट्टी वा ऊसए वा हरिसे वा आणन्दे वा भविरसइ जं णं तुमं सेणियं रायं पियं देवयं गुरुजणगं अचन्तनेहाणुरागरत्तं नियलबन्धणं करिता अप्पाणं महया २ रायाभिसेएणं अभिसिञ्चावेसि ? ॥ ३८ ॥ तए णं से कृणिए राया चेळणं देविं एवं वयासी-- घाएउकामे णं अम्मो ! मम सेणिए राया, एवं मारेउ० बन्धिउ० निच्छ-भिउकामे णं अम्मो! ममं सेणिए राया, तं कहं णं अम्मो! ममं सेणिए राया अचन्तनेहाणुरागरत्ते ? ॥ ३९ ॥ तए णं सा चेल्लणा देवी कूणियं कुमारं एवं वयासी-एवं खछ पुत्ता ! तुमंसि ममं गन्भे आभूए समाणे तिण्हं मासाणं बहुपडिपुण्णाणं ममं अयमेयारुवे दोहले पाउच्भए-धन्नाओ णं ताओ अम्मयाओ जाव अंगपडिचारि-

याओं निरवसेसं भाणियव्वं जाव जाहे वि य णं तुमं वेयणाए अभिभूए महया जाव तुसिणीए संचिद्वसि, एवं खळु तव पुत्ता ! सेणिए राया अचन्तनेहाणुरागरते ॥४०॥ तए णं से कृणिए राया चेल्लणाए देवीए अन्तिए एयमहं सोचा निसम्म चेल्लणं देविं एवं वयासी-- दुट्ट णं अम्मो ! मए कयं सेणियं रायं पियं देवयं गुरुजणगं अच-न्तनेहाणुरागरत्तं नियलबन्धणं करन्तेणं. तं गच्छामि णं सेणियस्स रन्नो सयमेव नियलाणि छिन्दामित्तिकद् परसुहत्थगए जेणेव चारगसाला तेणेव पहारेत्थ गमणाए ॥ ४१ ॥ तए णं सेणिए राया कृणियं कुमारं पर्सुहत्थगयं एजामाणं पासइ २ ता एवं वयासी-एस णं कृणिए क़मारे अपत्थियपत्थिए जाव सिरिहिरिपरिवज्जिए पर-सुहत्थगए इह हव्वमागच्छइ, तं न नजाइ णं ममं केणइ कुमारेणं मारिस्सइत्तिकृट्ट भीए जाव संजायभए ताळपुडगं विसं आसगंसि पिक्खवइ । तए णं से सेणिए राया तालपुडगविसंसि आसगंसि पक्खिते समाणे मुहुत्तन्तरेणं परिणममाणंसि निप्पाणे निचेट्ठे जीवविप्पजढे ओइण्णे ॥ ४२ ॥ तए णं से कृणिए कुमारे जेणेव चारगसाला तेणेव उवागए, सेणियं रायं निप्पाणं निचेद्वं जीवविप्पजढं ओइण्णं पासइ २ त्ता महया पिइसोएणं अप्फुल्णे समाणे परस्रिनयते विव चम्पगवरपायवे धसति धरणी-यलंसि सन्बङ्गेहिं संनिवडिए। तए णं से कृणिए कुमारे मुहत्तन्तरेण आसत्थे समाणे रोयमाणे कन्दमाणे सोयमाणे विलवमाणे एवं वयासी-अहो णं मए अधन्नेणं अपुण्णेणं अकयपुण्णेणं दुट्ठकयं सेणियं रायं पियं देवयं अच्चन्तनेहाणुरागरत्तं नियलबन्धणं करन्तेणं, मममूलागं चेव णं सेणिए राथा कालगएत्तिकहू ईसरतलवर जाव संधि-वालसिद्धं संपरिवृडे रोयमाणे ३ महया इङ्गीसकारसमुद्रएणं सेणियस्स रन्नो नीहरणं करेइ २ त्ता बहुई लोइयाई मयिकचाई करेइ। तए णं से कूणिए कुमारे एएणं महया मणो-माणसिएणं दुक्खेणं अभिभूए समाणे अन्नया कयाइ अन्तेउरपरियालसंपरिवृडे सभ-ण्डमत्तोवगरणमायाए रायगिहाओ पिडिनिक्खमइ २ ता जेणेव चम्पा-नयरी तेणेव उवा-गच्छइ, तत्थिव णं विजलभोगसमिइसमन्नागए कालेणं अप्पसोए जाए यावि होत्था ॥ ४३॥ तए णं से कूणिए राया अन्नया कयाइ कालाईए दस कुमारे सद्दावेइ २ त्ता रज्जं च जाव जणवयं च एकारसभाए विरिञ्चइ २ त्ता सयमेव रज्जिसिरें करेमाणे पालेमाणे विहरइ ॥ ४४ ॥ तत्थ णं चम्पाए नयरीए सेणियस्स रन्नो पुत्ते चेल्लणाए देवीए अत्तए कृणियस्स रन्नो सहोयरे कणीयसे भाया वेहल्ले नामं कुमारे होत्था, सोमाले जाव सुरूवे। तए णं तस्स वेहल्लस्स कुमारस्स सेणिएणं रन्ना जीवंतएणं चेव सेयणए गन्धहत्थी अट्टार-सवंके य हारे पुव्विदेशे । तए णं से वेहहें क्रमारे सेयणएणं गन्धहत्थिणा अन्तेउर-परियालसंपरिवृडे चम्पं नयरिं मज्झंमज्झेणं निग्गच्छइ २ ता अभिक्खणं २ गङ्गं महाणइं मज्जणयं ओयरइ । तए णं सेयणए गन्धहत्थी देवीओ सोण्डाए गिण्हइ २ ता अप्पेगइयाओ पुद्रे ठवेइ, अप्पेगइयाओ खन्धे ठवेइ, एवं कुम्भे ठवेइ, सीसे ठवेइ, दन्तमसले ठवेइ, अप्पेगइयाओ सोंडाए गहाय उड्ढ वेहासं उव्विहइ, अप्पे-गइयाओ सोण्डागयाओ अन्दोलावेइ, अप्पेगइयाओ दन्तन्तरेसु नीणेइ, अप्पेगइयाओ सीभरेणं ण्हाणेइ, अप्पेगइयाओ अणेगेहिं कीलावणेहिं कीलावेइ। तए णं चम्पाए नयरीए सिंघाडगतिगचउक्कचचरमहापहपहेस बहजणो अन्नमनस्स एवमाइक्खड जाव पहुंचेइ-एवं खळ देवाणुप्पिया! वेहहें कुमारे सेयणएणं गन्धहत्थिणा अन्तेउर० तं चेव जाव अगेगेहिं कीलावणएहिं कीलावेइ, तं एस णं वेहले कुमारे रजासिरिफलं पचणभवमाणे विहरइ. नो कृणिए राया ॥ ४५ ॥ तए णं तीसे पडमावईए देवीए इमीसे कहाए लद्धद्राए समाणीए अयमेयारूवे जाव समुप्पजित्था-एवं खळु वेहल्ले कुमारे सेयणएणं गन्यहत्थिणा जाव अणेगेहिं कीलावणएहिं कीलावेइ. तं एस णं वेहल्ले कुमारे रज्जसिरिफलं पचणुभवमाणे विहरइ, नो कूणिए राया, तं किं णं अम्हं रज़ेण वा जाव जणवएण वा जइ णं अम्हं सेयणगे गन्धहतथी नितथ ? तं सेयं खळ ममं कृणियं रायं एयमट्ठं विन्नवित्तएत्तिक्ट्ट एवं संपेहेइ २ ता जेणेव कूणिए राया तेणेव उवागच्छइ २ ता करयल० जाव एवं वयासी-एवं खल सामी! वेहक्रे कुमारे सेयणएणं गन्धहत्थिणा जाव अणेगेहिं कीलावणएहिं कीलावेइ. तं किं णं अम्हं रज्जेण वा जाव जणवएण वा जइ णं अम्हं सेयणए गन्धहत्थी नित्थ ? ॥ ४६ ॥ तए णं से कृणिए राया पउमावईए० एयमद्वं नो आढाइ नो परिजाणाइ. तुसिणीए संचिद्धइ । तए णं सा पउमावई देवी अभिक्खणं २ कृणियं रायं एयमद्रं विन्नवेइ । तए णं से कृणिए राया पउमावईए देवीए अभिक्खणं २ एयमद्वं विन्न-विज्ञमाणे अन्नया कयाइ वेहल्लं कुमारं सद्दावेइ २ ता सेयणगं गन्धहर्त्थि अद्वारसवंकं च हारं जायइ ॥ ४७ ॥ तए णं से वेहले कुमारे कृणियं रायं एवं वयासी-एवं खळ सामी ! सेणिएणं रन्ना जीवनतेणं चेव सेयणए गन्धहतथी अद्वारसवंके य हारे दिन्ने, तं जइ णं सामी ! तुन्भे ममं रजास्स य जाव जणवयस्स य अद्धं दलयह तो णं अहं तुन्मं सेयणगं गन्धहर्त्थि अद्वारसवंकं च हारं दलयामि । तए णं से कृणिए राया वेहल्लस्स कुमारस्स एयमद्रं नो आढाइ नो परिजाणइं. अभिक्खणं २ सेयणगं गन्यहर्त्थि अट्ठारसवंकं च हारं जायह ॥ ४८ ॥ तए णं तस्स वेहल्लस्स क्रमारस्स कूणिएणं रन्ना अभिक्खणं २ सेयणगं गन्धहरिंय अद्वारसवंकं च हारं ... एवं खळ अक्खिविडकामे णं गिण्हिडकामे णं उद्दालेडकामे णं ममं कूणिए राया सेयणगं गन्ध-हिस्थ अद्वारसवंकं च हारं, तं जाव न उद्दालेइ ममं कृणिए राया ताव (सेयं मे)

सेयणगं गन्धहर्त्थि अद्वारसवंकं च हारं गहाय अन्तेउरपरियालसंपरिवुडस्स सभण्डम-त्तोवगरणमायाए चम्पाओ नयरीओ पिडिनिक्खिमत्ता वेसालीए नयरीए अज्जगं चेडयं रायं उवसंपिजताणं विहारेत्तए, एवं संपेहेइ २ ता कृणियस्स रन्नो अन्तराणि जाव पडिजागरमाणे २ विहरइ । तए णं से वेहले कुमारे अन्नया कयाइ कृणियस्स रन्नो अन्तरं जाणइ २ त्ता सेयणगं गन्धहर्त्थि अट्ठारसवंकं च हारं गहाय अन्तेउरपरियाल-संपरिवृदे सभण्डमत्तोवगरणमायाए चम्पाओ नयरीओ पिडिनिक्खमइ २ ता जेणेव वेसाली नयरी तेणेव उवागच्छइ २ ता वेसालीए नयरीए अजागं चेडयं रायं उवसंपिजताणं विहरह ॥ ४९ ॥ तए णं से कृणिए राया इमीसे कहाए लद्धद्वे समाणे-एवं खळ वेहहे क़मारे ममं असंविदिएणं सेयणगं गन्धहरिंथ अद्वारसवंकं च हारं गहाय अन्तेउरपरियालसंपरिवृडे जाव अज्ञगं चेडयं रायं उवसंपिज्ञत्ताणं विहरइ, तं सेयं खलु ममं सेयणगं गन्धहरिंथ अद्वारसवंकं च हारं आणेउं द्यं पेसित्तए, एवं संपेहेइ २ ता दूयं सहावेइ २ ता एवं वयासी--गच्छह णं तुमं देवाणुप्पिया ! वेसालिं नयरिं, तत्थ णं तुमं ममं अज्ञं चेडगं रायं करग्रल० वद्धावेता एवं वयाहि-एवं खल सामी! कृणिए राया विश्ववेइ-एस णं वेहले कुमारे कृणि-यस्स रन्नो असंविदिएणं सेयणगं० अद्वारसवंकं च हारं गहाय इह हव्वमागए, तए णं तुब्भे सामी ! कृणियं रायं अणुगिण्हमाणा सेयणगं० अद्वारसवंकं च हारं कृणियस्स रन्नो पचप्पिणह वेहल्लं कुमारं च पेसेह ॥ ५० ॥ तए णं से दूए कूणिएणं० करयल० जाव पडिसुणिता जेणेव सए गिहे तेणेव उवागच्छइ २ ता जहा चित्तो जाव वदावेता एवं वयासी-एवं खलु सामी! कृणिए राया विजवेइ-एस णं वेहले कुमारे तहेव भाणियव्वं जाव वेहहं कुमारं च पेसेह ॥ ५१ ॥ तए णं से चेडए राया तं दूयं एवं वयासी-जह चेव णं देवाणुप्पिया ! कृणिए राया सेणियस्स रज्ञो पत्ते चेल्लणाए देवीए अत्तए ममं नतुए तहेव णं वेहल्लेवि कुमारे सेणियस्स रन्नो पुत्ते चेल्लणाए देवीए अत्तए मम नत्तुए, सेलिएणं रन्ना जीवन्तेणं चेव वेहल्लस्स कुमारस्स सेयणगे गन्धहतथी अद्वारसवंके य हारे पुन्वविङ्णो, तं जइ णं कूणिए राया वेहल्लस्स रजारस य॰ जणवयस्स य अद्धं दलयइ तो णं अहं सेयणगं॰ अद्वारसवंकं च हारं कृणियस्स रन्नो पचपिणामि वेहल्लं च कुमारं पेसेमि। तं द्यं सक्कारेइ संमाणेइ पिडविसजोइ ॥ ५२ ॥ तए णं से दूए चेडएणं रन्ना पिडविसजिए समाणे जेणेव चाउग्घण्टे आसरहे तेणेव उवागच्छइ २ ता चाउग्घण्टं आसरहं दुरूहइ २ ता वेसालिं नयरिं मज्झंमज्झेणं निग्गच्छइ २ ता सुमेहिं वसहीहिं पायरासेहिं जाव वद्धावेत्ता एवं वयासी--एवं खल्ल सामी! चेलए राया आणवेइ--जह चेव णं

कूणिए राया सेणियस्स रन्नो पुत्ते चेल्लणाए देवीए अत्तए मम नत्तर, तं चेव भाणि-यव्वं जाव वेहळूं च कुमारं पेसेमि. तं न देइ णं सामी ! चेडए राया सेयणगं० अद्वारसवंकं च हारं वेहलं च नो पेसेइ ॥ ५३ ॥ तए णं से कृणिए राया दोचंपि दूरं सद्दावेत्ता एवं वयासी-गच्छह णं तुमं देवाणुप्पिया ! वेसालिं नयरिं, तत्थ णं तुमं मम अज्जगं चेडगं रायं जाव एवं वयाहि-एवं खळु सामी! कूणिए राया विश्ववेइ—जाणि काणि रयणाणि समप्पजनित सन्वाणि ताणि रायकुलगामीणि. सेणियस्स रन्नो रज्जसिरिं करेमाणस्स पालेमाणस्स दुवे रयणा समुप्पन्ना, तंजहा-सेयणए गन्धहत्थी अद्वारसवंके हारे. तं णं तुब्भे सामी! रायकुलपरंपरागयं ठिइयं अलोवेमाणा सेयणगं गन्धहरिंथ अद्वारसवंकं च हारं कृणियस्स रन्नो पचप्पिणह. वेहछं कुमारं पेसेह ॥ ५४ ॥ तए णं से दूए कृणियस्स रन्नो तहेव जाव वदावेता एवं वयासी-एवं खळ सामी! कृणिए राया विश्ववेइ-जाणि काणि जाव वेहळं कुमारं पेसेह । तए णं से चेडए राया तं द्यं एवं वयासी--जह चेव णं देवाण-प्यिया ! कृणिए राया सेणियस्स रन्नो पुत्ते चेह्रणाए देवीए अत्तए जहा पढमं जाव वेहलं च कमारं पेसेमि । तं द्यं सकारेड संमाणेड पडिविसजोड ॥ ५५ ॥ तए णं से दूर जाव कृणियस्स रन्नो वद्धावेता एवं वयासी-चेडए राया आणवेड-जह चेव णं देवाणुप्पिया ! कृणिए राया सेणियस्स रन्नो पुत्ते चेल्लणाए देवीए अत्तए जाव वेहल्लं कुमारं पेसेमि. तं न देइ णं सामी ! चेडए राया सेयणगं गन्धहर्तिथ अद्वार-सवंकं च हारं, वेहछं कुमारं नो पेसेइ ॥ ५६ ॥ तए णं से कृणिए राया तस्स दूयस्स अन्तिए एयमट्टं सोचा निसम्म आसुरुते जाव मिसिमिसेमाणे तचं द्यं सद्दावेइ २ ता एवं वयासी-गच्छह णं तुमं देवाणुप्पिया ! वेसालीए नयरीए चेडगस्स रन्नो वामेणं पाएणं पाय[वी]पीढं अक्समाहि २ ता कुन्तरगेणं लेहं पणावेहि २ ता आसुरुत्ते जाव मिसिमिसेमाणे तिवलियं भिउडिं निडाले साहर् चेडगं रायं एवं वयाहि-हं भो चेडगराया ! अपत्थियपत्थिया ! दुरन्त० जाव ०परिवृज्जिया ! एस णं क्रणिए राया आणवेइ-पचप्पिणाहि णं कृणियस्स रन्नो सेयणगं० अट्ठारसवंकं च हारं वेहहंं च कुमारं पेसेहि अहवा जुद्धसज्जो चिट्ठाहि, एस णं कृणिए राया सबले सवाहणे सखन्यावारे णं जुद्धसज्जे इह हव्वमागच्छइ ॥ ५७ ॥ तए णं से दूए करयल॰ तहेव जाव जेणेव चेडए॰ तेणेव उवागच्छइ २ त्ता करयल॰ जाव वद्धावेत्ता एवं वयासी-एस णं सामी ! ममं विणयपिडवत्ती, इयाणिं कृणियस्स रन्नो आणित चेडगस्स रन्नो वामेणं पाएणं पायपीढं अक्कमइ २ ता आसुरुत्ते कुन्तग्गेण लेहं पणावेइ तं चेव सबलखन्धावारे णं इह हव्वमागच्छइ ॥ ५८ ॥ तए णं से

चेडए राया तस्स दूयस्स अंतिए एयमट्टं सोचा निसम्म आसुरुत्ते जाव साह्र एव वयासी-न अप्पिणामि णं कृणियस्स रज्ञो सेयणगं अद्वारसवंकं हारं वेहहं च कुमारं नो पेसेमि. एस णं जुद्धसज्जे चिट्ठामि । तं दूयं असकारियं असंमाणियं अवहारेणं निच्छुहावेइ ॥ ५९ ॥ तए णं से कृणिए राया तस्स दूयस्स अन्तिए ए[अ]यमद्धं सोचा निसम्म आसुरुते कालाईए दस कुमारे सद्दावेइ २ ता एवं वयासी-एवं खलु देवाणुप्पिया ! वेहळे कुमारे ममं असंविदिएणं सेयणगं गन्धहरिंथ अड्ठारसवंकं हारं अन्तेउरं सभण्डं च गहाय चम्पाओ पिडिनिक्खमइ २ ता वेसािलं अजगं जाव उवसंपिजनाणं विहरइ. तए णं मए सेयणगस्स गन्धहत्थिस्स अद्वारसवंकस्स० अद्वाए द्या पेसिया. ते य चेडएण रन्ना इमेणं कारणेणं पडिसेहिया, अदुत्तरं च णं ममं तचे दए असकारिए असंमाणिए अवहारेणं निच्छहावेइ, तं सेयं खलु देवाणुप्पिया ! अम्हं चेडगस्स रन्नो जुत्तं गिण्हित्तए । तए णं कालाईया दस कुमारा कृणियस्स रन्नो एयमद्रं विणएणं पडिस्रणेन्ति ॥ ६० ॥ तए णं से कृणिए राया कालाईए दस कुमारे एवं वयासी-गच्छह णं तुब्भे देवाणुप्पिया ! सएसु सएसु रज्जेसु पत्तेयं पत्तेयं ण्हाया हत्थिखन्धवरगया पत्तेयं पत्तेयं तिहिं दन्तिसहस्सेहिं एवं तिहिं रहसहस्सेहिं तिहिं आससहस्सेहिं तिहिं मणुस्सकोडीहिं सिद्धं संपरिवडा सिव्वड्रीए जाव रवेणं सएहिन्तो २ नयरेहिन्तो पिंडनिक्खमह २ ता ममं अन्तियं पाउब्भवह ॥ ६१ ॥ तए णं ते कालाईया दस कुमारा कृणियस्स रन्नो एयमद्वं सोचा सएस सएस रजेस पत्तेयं २ ण्हाया हत्थि जाव तिहिं मणुस्सकोडीहिं सिद्धं संपरिवृडा सिव्बङ्कीए जाव रवेणं सएहिन्तो २ नयरेहिन्तो पिडिनिक्खमन्ति २ ता जेणेव अङ्गा जणवए जेणेव चम्पा नयरी जेणेव कृणिए राया तेणेव उवागया करयल० जाव वदावेन्ति ॥ ६२ ॥ तए णं से कूणिए राया कोडुम्बियपुरिसे सद्दावेइ २ ता एवं वयासी-खिप्पामेव भो देवाणुप्पिया ! आभिसेकं हत्थिरयणं पिडकप्पेह, हयगयरहजोहचाउरिक्कणिं सेणं संनाहेह, ममं एयमाणत्तियं पचप्पिणह जाव पचप्पिणन्ति । तए णं से कूणिए राया जेणेव मज्जणघरे तेणेव उवागच्छइ जाव पिडिनिग्गच्छित्ता जेणेव बाहिरिया उबद्रा-णसाला जाव नरवई दुरूढे ॥ ६३ ॥ तए णं से कृणिए राया तिहिं दन्तिसहस्सेहिं जाव रवेणं चम्पं नयरिं मज्झंमज्झेणं निग्गच्छइ २ ता जेणेव कालाईया दस कुमारा तेणेव उवागच्छइ २ ता कालाइएहिं दसिंह कुमारेहिं सिद्धं एगओ मेला-यन्ति । तए णं से कृणिए राया तेत्तीसाए दन्तिसहस्सेहिं तेत्तीसाए आससहस्सेहिं वेत्तीसाए रहसहस्सेहिं वेत्तीसाए मणुस्सकोडीहिं सिद्धं संपरिवृडे सिव्बङ्कीए जाव रवेणं सुभेहिं वसहीहिं सुभेहिं पायरासेहिं नाइविगिद्वेहिं अन्तरावासेहिं वसमाणे २

अङ्गजणवयस्य मज्झंमज्झेणं जेणेव विदेहे जणवए जेणेव वेसाली नयरी तेणेव पहारेत्थ गमणाए ॥ ६४ ॥ तए णं से चेडए राया इमीसे कहाए लब्हे समाणे नव मर्ल्ड नव लेच्छई कासीकोसलगा अद्वारसिव गणरायाणो सहावेइ २ ता एवं वयासी-एवं खळ देवाणप्पया! वेहल्ले कुमारे कृणियस्स रन्नो असंविदिएणं सेयणगं० अद्वारसवंकं च हारं गहाय इहं हव्वमागए, तए णं कृणिएणं सेयणगस्स अद्वारसवंकस्स य अद्वाए तओ द्या पेसिया, ते य मए इमेणं कारणेणं पिडसेहिया, तए णं से कृणिए ममं एयमहं अपिडसुणमाणे चाउरिङ्गणीए सेणाए सिंद संपरिवृडे जुज्झ-सजे इहं हव्यमागच्छइ. तं किं णं देवाणुप्पिया ! सेयणगं अद्वारसवंकं (च) कृणियस्स रत्नो पचिप्पणामो ? वेहहं कुमारं पेसेमो ? उदाह जुज्झितथा ॥ ६५ ॥ तए णं नव मल्लई नव लेच्छई कासीकोसलगा अद्वारसवि गणरायाणो चेडगं रायं एवं वयासी-न एयं सामी! जुत्तं वा पत्तं वा रायसरिसं वा जंणं सेयणगं अद्वार-सवंकं कृणियस्स रन्नो पचिपिणिज्ञइ वेहले य कुमारे सरणागए पेसिज्जइ, तं जइ णं कृणिए राया चाउरिङ्गणीए सेणाए सिद्धं संपरिवृद्धे जुजझसजे इहं हव्वमागच्छइ, तए णं अम्हे कृणिएणं रज्ञा सद्धिं जुज्ज्ञामो ॥ ६६ ॥ तए णं से चेडए राया ते नव मल्लई नव लेच्छई कासीकोसलगा अद्वारसिव गणरायाणो एवं वयासी-जइ णं देवाणुप्पिया ! तुब्मे कृणिएणं रन्ना सिद्धं जुज्झह तं गच्छह णं देवाणुप्पिया ! सएस २ रज़ेस ण्हाया जहा कालाईया जाव जएणं विजएणं वद्धावेन्ति । तए णं से चेडए राया कोडिम्बयपुरिसे सहावेइ २ ता एवं वयासी-आभिसेकं जहा कृणिए जाव दुरूढे ।। ६७ ।। तए णं से चेडए राया तिहिं दन्तिसहस्सेहिं जहा कृणिए जाव वेसालिं नयरिं मज्झेंमज्झेणं निग्गच्छइ २ ता जेणेव ते नव मल्लई नव लेच्छई कासीकोसलगा अद्वारसवि गणरायाणो तेणेव उवागच्छइ। तए णं से चेडए राया सत्तावन्नाए दन्तिसहस्सेहिं सत्तावन्नाए आससहस्सेहिं सत्तावन्नाए रहसहस्सेहिं सत्तावन्नाए मणुस्सकोडीहिं सिद्धं संपरिवृडे सिव्बङ्गीए जाव रवेणं सुभेहिं वसहीहिं पायरासेहिं नाइविगिट्ठेहिं अन्तरेहिं वसमाणे २ विदेहं जणवयं मज्झंमज्झेणं जेणेव देसपन्ते तेणेव उवागच्छइ २ ता खन्धावारनिवेसणं करेइ २ ता कृणियं रायं पंडिवालेमाणे जुज्झसजे चिद्रह ॥ ६८ ॥ तए णं से कृणिए राया सविबुडीए जाव रवेणं जेणेव देसपन्ते तेणेव उवागच्छइ २ ता चेडयस्स रन्नो जोयणन्तरियं खन्यावारनिवेसं करेइ ॥ ६९ ॥ तए णं ते दोन्निवि रायाणो रणभूमिं सज्जावेन्ति २ त्ता रणभूमिं जयन्ति । तए णं से कृणिए राया तेत्तीसाए दन्तिसहस्सेहिं जाव मणुस्सकोडीहिं गरुलवृहं रएइ २ ता गरुलवृहेणं रहमुसलं संगामं उवायाए । तए

णं से चेडगे राया सत्तावन्नाए दन्तिसहस्सेहिं जाव सत्तावन्नाए मणुस्सकोडीहिं सगडवृहं रएइ २ ता सगडवृहेणं रहमुसलं संगामं उवायाए । तए णं ते दोण्हवि राईणं अणीया संनद्धः जाव गहियाउहपहरणा मंगइएहिं फलएहिं निकट्ठाहिं असीहिं अंसागएहिं तोणेहिं सजीवेहिं धणूहिं समुक्कित्तेहिं सरेहिं समुछालियाहिं डावाहिं ओसारियाहिं ऊरुघण्टाहिं छिप्पतूरेणं वज्जमाणेणं महया उिकद्रसीहनाय-बोलकलकलरवेणं समुद्दरवभूयं पिव करेमाणा सन्विङ्कीए जाव रवेणं हयगया हय-गएहिं गयगया गयगएहिं रहगया रहगएहिं पायत्तिया पायत्तिएहिं अन्नमन्नेहिं सिंदं संपलग्गा यावि होत्था। तए णं ते दोण्हवि रायाणं अणीया नियगसामी-सासणाणुरत्ता मह[या]न्तं जणक्खयं जणवहं जणप्पमदं जणसंवट्टकप्पं नचन्तकबन्ध-वारभीमं रुहिरकदृमं करेमाणा अन्नमन्नेणं सिद्धं जज्ज्ञनित ॥ ७० ॥ तए णं से काले कुमारे तिहिं दन्तिसहस्सेहिं जाव मणूसकोडीहिं गरुलवृहेणं एक्कारसमेणं खन्धेणं कृणिएणं रज्ञा सर्दि रहुमुसलं संगामं संगामेमाणे हयमहिय० जहा भग-वया कालीए देवीए परिकहियं जाव जीवियाओ ववरोविए ॥ ७१ ॥ तं एयं खलु गोयमा! काले कुमारे एरिसएहिं आरम्भेहिं जाव एरिसएणं असुभकडकम्मपब्भा-रेणं कालमासे कालं किचा चउत्थीए पङ्कप्पभाए पुढवीए हेमाभे नरए नेरइयत्ताए उववन्ने ॥ ७२ ॥ काले णं भन्ते ! क्रमारे चउत्थीए पढवीए...अणन्तरं उव्व-हिता किं गच्छिहिइ किं उवविजिहिइ ? गोयमा ! महाविदेहे वासे जाई कुलाई भवन्ति अङ्गाइं जहा दढपइन्नो जाव सिज्झिहिइ बुज्झिहिइ जाव अन्तं काहिइ ॥ ७३ ॥ तं एवं खळु जम्बू ! समणेणं भगवया जाव संपत्तेणं निर्यावलियाणं पढमस्स अज्ज्ञयणस्स अयमद्रे पन्नते-त्तिबेमि ॥ ७४ ॥ पढमं अज्ज्ञयणं समत्तं॥१।१॥

जइ णं भन्ते ! समणेणं जाव संपत्तेणं निरयावित्याणं पढमस्स अञ्झयणस्स अयमद्वे पन्नते ! अञ्झयणस्स निरयावित्याणं समणेणं भगवया जाव संपत्तेणं के अद्वे पन्नते ? एवं खल्ल जम्बू ! तेणं कालेणं तेणं समएणं चम्पा नामं नयरी होत्था । पुण्णभद्दे उज्जाणे । कृणिए राया । पउमावई देवी । तत्थ णं चम्पाए नयरीए सेणियस्स रन्नो भजा कृणियस्स रन्नो चुल्लमाउया स्रकाली नामं देवी होत्था, स्रकुमाल० । तीसे णं सुकालीए देवीए पुत्ते सुकाले नामं कुमारे होत्था, स्रकुमाल० । तए णं से सुकाले कुमारे अन्नया कयाइ तिहिं दन्तिसहस्सेहिं जहा कालो कुमारो निरवसेसं तं चेव भाणियव्वं जाव महाविदेहे वासे...अन्तं काहिइ । निक्खेवो ॥ ७५ ॥ वीयं अञ्झयणं समत्तं ॥ १ । २ ॥

एवं सेसावि अट्ट अञ्झयणा नेयव्वा पढमसिरसा, नवरं मायाओ सिरसनामाओ। निक्खेवो सव्वेसिं भाणियव्वो तहा ॥ ७६ ॥ १। १०॥ निरयाविष्ठयाओ समत्ताओ॥ पढमो वग्गो समत्तो ॥ १॥



णमोऽत्थु णं समणस्स भगवओ णायपुत्तमहावीरस्स

रुद्धाणसे

_{तत्थ} णं कप्पवडिंसियाओ

जइ णं भन्ते! समणेणं भगवया जाव संपत्तेणं उवङ्गाणं पढमस्स वग्गस्स निरयाव-लियाणं अयमद्रे पन्नते, दोचस्स णं भनते ! वग्गस्स कप्पविंधियाणं समणेणं जाव संपत्तेणं कइ अज्झयणा पन्नता? एवं खळ जम्ब ! समणेणं भगवया जाव संपत्तेणं कप्पविं सियाणं दस अज्झयणा पन्नता, तंजहा-पडमे १, महापडमे २, भेद्दे ३, सुभेद्दे ४, पडमभद्दे ५, पडमसेणे ६, पडमगुम्मे ७, नलिणिगुम्मे ८, आणन्दे ९, नन्दणे १० ॥७७॥ जइ णंभन्ते ! समणेणं जाव संपत्तेणं कप्पविंसियाणं दस अज्झयणा पन्नता. पढमस्स णं भन्ते ! अज्झयणस्स कप्पविंसियाणं समणेणं भगवया जाव संपत्तेणं के अद्रे पन्नते ? एवं खल जम्बू ! तेणं कालेणं तेणं समएणं चम्पा नामं नयरी होत्था । पुण्णभहे उजाणे । कृणिए राया । पुजमावई देवी । तत्थ णं चम्पाए नयरीए सेणियस्स रन्नो भजा कृणियस्स रन्नो चुल्लमाउया काली नामं देवी होत्था. सुउमाल । तीसे णं कालीए देवीए पुत्ते काले नामं कुमारे होत्था, सुउमाल । तस्स णं कालस्स कुमारस्स पडमावई नामं देवी होत्था, सोमाल० जाव विहरइ ॥ ७८ ॥ तए णं सा पडमावई देवी अन्नया कयाई तंसि तारिसगंसि वासघरंसि अब्भिन्तरओ सचित्तकम्मे जाव सीहं सुमिणे पासित्ताणं पडिबुद्धा । एवं जम्मणं जहा महाबलस्स जाव नामधेजं—जम्हा णं अम्हं इमे दारए कालस्स कुमारस्स पुत्ते पउमावईए देवीए अत्तए तं होउ णं अम्हं इमस्स दारगस्स नामधेजं पउमे पडमे, सेसं जहा महाबलस्स, अद्वओ दाओ जाव उप्पि पासायवरगए विहर् । सामी समोसरिए। परिसा निरगया। कृणिए निरगए। पडमेवि जहा महाबले निरगए तहेव अम्मापिइआपुच्छणा जाव पव्वइए अणगारे जाए जाव गुत्तबम्भयारी ॥ ७९॥ तए णं से पडमे अणगारे समणस्स भगवओ महावीरस्स तहारूवाणं थेराणं अन्तिए सामाइयमाइयाई एकारस अङ्गाई अहिजाइ २ ता वहहिं चउत्थछह्रह्म • जाव विह-रइ ॥ ८० ॥ तए णं से पउमे अणगारे तेणं ओरालेणं जहा मेहो तहेव धम्मजाग-रिया चिन्ता एवं जहेव मेहो तहेव समणं भगवं० आपुच्छित्ता विउले जाव पाओ- वगए समाणे तहारूवाणं थेराणं अन्तिए सामाइयमाइयाई एक्कारस अङ्गाइं बहुपिड-पुण्णाई पश्च वासाई सामण्णपियाए, मासियाए संलेहणाए सिट्टें भत्ताई आणुपुव्वीए कालगए। थेरा ओइण्णा। भगवं गोयमे पुच्छइ, सामी कहेइ जाव सिट्टें भत्ताई अणसणाए छेइता आलोइयपिडक्कन्ते उड्ढं चिन्दिम सोहम्मे कप्पे देवत्ताए उववन्ने। दो सागराई॥ ८९॥ से णं भन्ते! पउमे देवे ताओ देवलोगाओ आउक्खएणं पुच्छा। गोयमा! महाविदेहे वासे जहा दहपइन्नो जाव अन्तं काहिइ। तं एवं खलु जम्बू! समणेणं जाव संपत्तेणं कप्पविदित्याणं पढमस्स अञ्झयणस्स अयमद्वे पन्नते-त्तिविमि॥ ८२॥ पढमं अज्झयणं समत्तं॥ २ | १॥

जइ णं भन्ते! समणेणं भगवया जाव संपत्तेणं कप्पविंसियाणं पटमस्स अजझ-यणस्स अयमद्वे पन्नते, दोचस्स णं भन्ते! अज्झयणस्स के अद्वे पन्नते? एवं खलु जम्बू! तेणं कालेणं तेणं समएणं चम्पा नामं नयरी होत्था। पुण्णभद्दे उज्जाणे। कृणिए राया। पडमावई देवी। तत्थ णं चम्पाए नयरीए सेणियस्स रन्नो भज्जा कृणियस्स रन्नो चुल्लमाउया सुकाली नामं देवी होत्था०। तीसे णं सुकालीए पुत्ते सुकाले नामं कुमारे०। तस्स णं सुकालस्स कुमारस्स महापडमा नामं देवी होत्था, सुडमाल०॥ ८३॥ तए णं सा महापडमा देवी अन्नया कयाइं तंसि तारिसगंसि एवं तहेव महापडमे नामं दारए जाव सिज्ज्ञिहिइ, नवरं ईसाणे कप्पे उववाओ उक्कोसिड्डइओ। निक्खेवो॥ ८४॥ वीयं अज्ञ्चयणं समत्तं॥ २।२॥

एवं सेसावि अह नेयव्वा। मायाओ सिरसनामाओ। कालाईणं दसण्हं पुत्ताणं अणुपुव्वीए—दोण्हं च पन्न चत्तारि तिण्हं तिण्हं च होन्ति तिण्णेव। दोण्हं च दोन्नि वासा सेणियनत्तूण परियाओ॥१॥ उववाओ आणुपुव्वीए-पढमो सोहम्मे, बिइओ ईसाणे, तइओ सणंकुमारे, चउत्थो माहिन्दे, पन्नमो बम्मलोए, छट्ठो लन्तए, सत्तमो महाइके, अट्टमो सहस्सारे, नवमो पाणए, दसमो अच्चुए। सव्वत्थ उक्को-सिट्टई माणियव्वा। महाविदेहे सिज्झिहिति ॥ ८५॥ २। १०॥ कप्पवार्डे-सियाओ समत्ताओ॥ बीओ वग्गो समत्तो॥ २॥



णमोऽत्थु णं समणस्स भगवओ णायपुत्तमहावीरस्स

सुत्तागमे

तत्थ णं पुष्फियाओ

जइ णं भंते ! समणेणं भगवया जाव संपत्तेणं उवङ्गाणं दोचस्स० कप्पवडिंसियाणं अयमद्वे पन्नते, तचस्स णं भनते ! वग्गस्स उवङ्गाणं पुष्फियाणं के अद्रे पन्नते ? एवं खळु जम्बू! समणेणं जाव संपत्तेणं उवङ्गाणं तच्चस्स वग्गस्स पुष्फियाणं दस अज्झयणा पन्नता, तंजहा—चंदे सूरे सुक्के बहुपुत्तिय पुण्ण माणिभद्दे य । दत्ते सिवे बले या अणाहिए चेव बोद्धव्वे ॥ १ ॥ जड्ड णं भन्ते ! समणेणं जाव संपत्तेणं पुष्फियाणं दस अज्झयणा पन्नता, पढमस्स णं भन्ते ! ... समणेणं जाव संपत्तेणं के अहे पन्नते ? एवं खलु जम्बू ! तेणं कालेणं तेणं समएणं रायगिहे नामं नयरे । गुणसिलए उजाणे । सेणिए राया । तेणं कालेणं तेणं समएणं सामी समोसढे । परिसा निग्गया । तेणं कालेणं तेणं समएणं चन्दे जोइसिन्दे जोइसराया चन्द-वर्डिसए विमाणे सभाए सुहम्माए चन्दंसि सीहासणंसि चउहिं सामाणियसाहरसीहिं जाव विहरइ। इमं च णं केवलकप्पं जम्बुद्दीवं दीवं विउलेणं ओहिणा आभोएमाणे २ यासइ २ ता समणं भगवं महावीरं जहा सरियाभे आभिओगे देवे सहावेता जाव सुरिन्दाभिगमणजोग्गं करेता तमाणत्तियं पचप्पिणन्ति । सूसरा घण्टा जाव विउव्वणा, नवरं जाणविमाणं जोयणसहस्सवित्थिण्णं अद्धतेवद्विजोयणसम्सियं. महिन्दज्झओ पणुवीसं जोयणमूसिओ, सेसं जहा सूरियाभस्स जाव आगओ, नदृविही तहेव पिंडगओ ॥ ८६ ॥ भन्ते ! त्ति भगवं गोयमे समणं भगवं० पुच्छा । कुडागारसाला । सरीरं अणुपविद्रा । पुव्वभवो । एवं खल्ल गोयमा ! तेणं कालेणं तेणं समएणं सावत्थी नामं नयरी होत्था । कोट्रए उज्जाणे । तत्थ णं सावत्थीए० अङ्गई नामं गाहावई होतथा, अङ्गे जाव अपरिभूए। तए णं से अङ्गई गाहावई साव-त्थीए नयरीए बहुणं नगरनिगम० जहा आणन्दो ॥ ८७ ॥ तेणं कालेणं तेणं समएणं पासे णं अरहा परिसादाणीए आइगरे जहा महावीरो नवस्सेहे सोलसेहिं समणसाहरूसीहिं अट्टतीसाए अज्जियासहस्सेहिं जाव कोट्रए समोसढे । परिसा ानिगाया ॥ ८८ ॥ तए णं से अङ्गई गाहावई इमीसे कहाए लख्दे समाणे हट्टे जहा कत्तिओ सेट्टी तहा निग्गच्छइ जाव पजुवासइ, धम्मं सोचा निसम्म० जं नवरं देवाणुिष्या! जेट्टपुत्तं कुडुम्बे ठावेमि, तए णं अहं देवाणु-िपयाणं जाव पव्वयामि, जहा
गङ्गदत्ते तहा पव्वइए जाव गुत्तबम्भयारी ॥ ८९॥ तए णं से अङ्गई अणगारे पासस्स
अरहओ तहास्वाणं धेराणं अन्तिए सामाइयमाइयाइं एकारस अङ्गई अहिजइ २ ता
बहूहिं चउत्थ जाव भावेमाणे बहूइं वासाइं सामण्णपियागं पाउणइ २ ता अद्धमासियाए संलेहणाए तीसं भत्ताइं अणसणाए छेइत्ता विराहियसामण्णे कालमासे कालं
किचा चन्दविसए विमाणे उववा(य)इयाए सभाए देवसयणिजंसि देवदूसन्तिरए
चन्दे जोइसिन्दत्ताए उववन्ने ॥ ९०॥ तए णं से चन्दे जोइसिन्दे जोह्[िस]सराया
अहुणोववन्ने समाणे पञ्चविहाए पज्जतीए पज्तीभावं गच्छइ, तंजहा—आहारपज्जतीए
सरीरपज्जतीए इन्दियपज्जतीए सासोसासपज्जतीए भासामणपज्जतीए ॥ ९१॥
चन्दस्स णं भन्ते! जोइसिन्दस्स जोइसरन्नो केवइयं कालं ठिई पन्नता? गोयमा!
पिल्ठओवमं वाससयसहस्समञ्भिहयं। एवं खलु गोयमा! चन्दस्स जाव जोइसरन्नो
सा दिव्वा देविन्द्री०। चन्दे णं भन्ते! जोइसिन्दे जोइसराया ताओ देवलोगाओ
आउक्खएणं ३ चइत्ता किहं गच्छिहिइ २१गोयमा! महाविदेहे वासे सिज्ज्ञिहिइ ५।
निक्खेवओ।। ९२॥ पद्धमं अज्झयणं समत्तं॥ ३।१॥

जइ णं भन्ते ! समणेणं भगवया जाव पुष्फियाणं पढमस्स अज्झयणस्स अयमहे पन्नते , दोचस्स णं भन्ते ! अज्झयणस्स पुष्फियाणं समणेणं भगवया जाव संपत्तेणं के अहे पन्नते ? एवं खल्ल जम्बू ! तेणं कालेणं तेणं समएणं रायगिहे नामं नयरे । गुणसिलए उज्जाणे । सेणिए राया । समोसरणं । जहा चन्दो तहा स्रोवि आगओ जाव नहिविहिं उवदंसिता पिंडिंगओ । पुत्र्वभवपुच्छा । सावत्थी नयरी । सप्राध्ये नामं गाहावई होत्या, अहे जहेव अर्ज्जई जाव विहरह । पासो समोसहो, जहा अर्ज्जई तहेव पन्वइए, तहेव विराहियसामण्णे जाव महाविदेहे वासे सिज्झिहिइ जाव अन्तं करेहिइ । निक्खेवओ ॥ ९३ ॥ विह्यं अञ्झयणं समत्तं ॥ ३ । २ ॥ जइ णं भंते ! जाव संपत्तेणं उक्खेवओ भाणियव्यो । रायगिहे नयरे । गुणसिलए उज्जाणे । सेणिए राया । सामी समोसढे । परिसा निग्गया । तेणं कालेणं तेणं समएणं सुक्के महग्गहे सुक्कविंसए विमाणे सुक्कंसि सीहासणंसि चउिहं सामाणियसाहर्सीहिं जहेव चन्दो तहेव आगओ, नद्दविहं उवदंसित्ता पिंगओ। भन्ते ! ति । कूडागार-साला । पुव्यभवपुच्छा । एवं खल्ल गोयमा ! तेणं कालेणं तेणं समएणं वाणारसी नामं नयरी होत्या । तत्थ णं वाणारसीए नयरीए सोमिले नामं माहणे परिवसइ, अट्टे जाव अपरिभूए, रिउन्वेय जाव सुपरिनिद्विष्ठ । पासे समोसढे । परिसा पज्जुवासइ ॥ ९४ ॥

तए णं तस्स सोमिलस्स माहणस्स इमीसे कहाए लद्धद्रस्स समाणस्स इमे एयारूवे अज्झरिथए ० – एवं खळु पासे अरहा परिसादाणीए प्रव्वाणपविव जाव अम्बसालवणे विहरइ, तं गच्छामि णं पासस्स अरहओ अन्तिए पाउब्भवामि, इमाइं च णं एयारूवाई अट्टाई हेऊई जहा पण्णत्तीए। सोमिलो निग्गओ खण्डियविहणो जाव एवं वयासी-जत्ता ते भनते ! जवणिजं च ते ? पुच्छा । सरिसवया मासा कुलस्था एगे भवं जाव संबुद्धे सावगधम्मं पडिवजित्ता पडिगए॥ ९५॥ तए णं पासे णं अरहा अन्नया कयाइ वाणारसीओ नयरीओ अम्बसालवणाओ उज्जाणाओ पिडिनिक्खमइ २ त्ता बहिया जणवयिवहारं विहरइ। तए णं से सोमिले माहणे अन्नया कयाइ असाहदंसणेण य अपज्जुवासणयाए य मिच्छत्तपज्जवेहिं परिवड्डमाणेहिं २ सम्मत्तपज्जवेहिं परिहाय-माणेहिं २ मिच्छत्तं च पडिवन्ने ॥ ९६ ॥ तए णं तस्स सोमिलस्स माहणस्स अन्नया कयाइ पुन्वरत्तावरत्तकालसमयंसि कुडुम्बजागरियं जागरमाणस्स अयमेयारूवे अज्झ-त्थिए जाव समुप्पजित्था—एवं खल्ल अहं वाणारसीए नयरीए सोमिले नामं माहणे अचन्तमाहणकुरुप्पसूर, तर णं मर वयाई चिण्णाई, वेया य अहीया, दारा आहया, पुत्ता जणिया, इङ्गीओ समाणीयाओ, पसुन[बन]धा कया, जन्ना जेट्टा, दक्खिणा दिन्ना, अतिही प्रया, अग्गी ह्या, जूना निक्खिता, तं सेयं खलु मम इयाणि कल्लं जान जलन्ते वाणारसीए नयरीए बहिया बहवे अम्बारामा रोवावित्तए, एवं माउलिङ्गा बिल्ला कविद्वा चिश्चा पुष्फारामा रोवावित्तए, एवं संपेहेड २ ता कहं जाव जलनते वाणारसीए नयरीए बहिया अम्बारामे य जाव पुष्फारामे य रोवावेइ । तए णं बहवे अम्बारामा य जाव पुष्फारामा य अणुपुन्वेणं सार्क्खिजमाणा संगोविजमाणा संविष्ठजमाणा आरामा जाया किण्हा किण्होभासा जाव रम्मा महामेहनिकुरम्बभूया पत्तिया पुष्फिया फलिया हरियगरेरिजामाणसिरीया अईव २ उवसोभेमाणा २ चिद्रन्ति ॥ ९७ ॥ तए णं तस्स सोमिलस्स माहणस्स अन्नया क्याइ प्रव्वरत्तावरत्तकालसमयंसि कुडुम्बजाग-रियं जागरमाणस्स अयमेयारूवे अज्झित्थए जाव समुप्पि जाया—एवं खळ अहं वाणारसीए नयरीए सोमिले नामं माहणे अचन्तमाहणकुलप्पसूए, तए णं मए वयाई चिण्णाई जाव जुवा निक्खिता. तए णं मए वाणारसीए नयरीए बहिया बहवे अम्बा-रामा जाव पप्फारामा य रोवाविया, तं सेयं खल्ज ममं इयाणि कल्लं जाव जलन्ते सुबहं लोहकडाहकडुच्छ्यं तम्बियं तावसभण्डं घडावेत्ता विउलं असणं पाणं खाइमं साइमं ... मित्तनाइ ... आमन्तेत्ता तं मित्तनाइनियग० विउरुणं असण० संमाणेता तस्सेव मित्त० जाव जेट्रपुत्तं कुडुम्बे ठवेता तं मित्तनाइ जाव आपुच्छिता सुबहं लोहकडाहकडुच्छयं तम्बियं तावसभण्डगं गहाय जे इमे गङ्गाकला वाणपत्था

तावसा भवन्ति, तंजहा-होत्तिया पोत्तिया कोत्तिया जन्नई सष्ट्रई थालई हम्बउट्टा दन्तुक्खिया उम्मजागा संमजागा निमजागा संपक्खालगा दिक्खणकूला उत्तरकुला संखधमा कुलधमा मियळुद्धया हत्थितावसा उद्दण्डा दिसापीक्खिणो वक्कवासिणो विलवासिणो जलवासिणो स्वयम्लिया अम्ब्रभिक्खणो वाउभिक्खणो सेवालभिक्खणो मूलाहारा कन्दाहारा तयाहारा पत्ताहारा प्रप्काहारा फलाहारा बीयाहारा परिसंडिय-कन्दमूलतयपत्तपुष्फफलाहारा जलाभिसेयकढिणगायभूया आयावणाहि पञ्चिगितावेहिं इङ्गालसोक्षियं कन्द्रसोक्षियं पिव अप्पाणं करेमाणा विहरन्ति, तत्थ णं जे ते दिसा-पोक्खिया तावसा तेसिं अन्तिए दिसापोक्खियत्ताए पव्वइत्तए, पव्वइए वि य णं समाणे इमं एयाह्रवं अभिगाहं अभिगिण्हिस्सामि-कप्पइ मे जावजीवाए छट्टंछट्रेणं अणिक्खित्तणं दिसाचक्कवालेणं तवोकम्मेणं उड्ढं बाहाओ पगिज्झिय २ सूराभिसहस्स आयावणभूमीए आयावेमाणस्स विहरित्तएत्तिकट्ट एवं संपेहेइ २ ता कल्लं जाव जलन्ते सुबहं लोह॰ जाव दिसापोक्खियतावसत्ताए पव्वइए। पव्वइए वि य णं समाणे इमं एयारूवं अभिगाहं जाव अभिगिण्हिता पढमं छद्रक्खमणं उवसंपिजिताणं विहरइ॥ ९८॥ तए णं सोमिले माहणे रिसी पढमछद्रक्खमणपारणंसि आयावणभूमीए पचोरुहइ २ त्ता वागलवत्थनियत्थे जेणेव सए उडए तेणेव उवागच्छइ २ त्ता किंढिणसंकाइयं गेण्हइ २ ता पुरित्थमं दिसिं पुक्खेइ २ ता पुरित्थमाए दिसाए सोमे महाराया पत्थाणे पत्थियं अभिरक्खड सोमिलमाहणरिसिं, जाणि य तत्थ कन्दाणि य मूलाणि य तयाणि य पत्ताणि य पुष्फाणि य फलाणि य बीयाणि य हरियाणि य ताणि अणुजाणउत्तिकृद्ध पुरित्थमं दिसं पसरइ २ ता जाणि य तत्थ कन्दाणि य जाव हरियाणि य ताइं गेण्हइ २ ता किहिणसंकाइयगं भरेइ २ ता दब्भे य कसे य पत्तामोडं च समिहाकद्वाणि य गेण्हइ २ ता जेणेव सए उडए तेणेव उवागच्छइ २ ता कि ढिणसंकाइयगं ठवेइ २ ता वेई वहूं २ ता उवलेवणसंमज्जणं करेइ २ ता दब्भकलसहत्थगए जेणेव गङ्गा महाणई तेणेव उवागच्छइ २ ता गङ्गं महाणई ओगा-हइ २ ता जलमज्जणं करेइ २ ता जलकिङ्कं करेइ २ ता जलाभिसेयं करेड २ ता आयन्ते चोक्खे परमसुइभूए देविपिस्कयकजे दन्भकलसहत्थगए गङ्गाओ महाणईओ पच्चत्तरइ २ ता जेणेव सए उडए तेणेव उवागच्छइ २ ता दब्मेहि य कुसेहि य वाछ-याए य वेई रएइ २ ता सरयं करेइ २ ता अर्गि करेइ २ ता सरएणं अर्गि महेइ २ ता अग्गि पाडेइ २ ता अग्गि संधुक्खेइ २ ता सिमहाकट्ठाईं पक्खिवइ २ ता अग्गि उज्जा-छेइ २ त्ता अग्गिस्स दाहिणे पासे सत्तङ्गाइं समादहे। तंजहा–सकत्यं वक्कलं ठाणं, सेजा-भण्डं कमण्डलुं। दण्डदारं तहप्पाणं, अह ताइं समादहे॥ १॥ महुणा य घएण य तन्दु-

लेहि य अग्गि हुणइ, चर्रु साहेइ २ त्ता बलिवइस्सदेवं करेइ २ त्ता अतिहिपूर्यं करेइ २ त्ता तओ पच्छा अप्पणा आहारं आहारेइ ॥ ९९ ॥ तए णं से सोमिले माहणरिसी दोचंसि छद्रक्खमणपारणगंसि तं चेव सन्वं भाणियन्वं जाव आहारं आहारेइ. नवरं इमं नाणत्तं-दार्हिणाए दिसाए जमे महाराया पत्थाणे पत्थियं अभिरक्खड सोमिलं माहणरिसिं, जाणि य तत्थ कन्दाणि य जाव अणुजाणउत्तिकहु दाहिणं दिसिं पस-रइ। एवं पचित्थिमेणं वरुणे महाराया जाव पचित्थिमं दिसिं पसरइ। उत्तरेणं वेसमणे महाराया जाव उत्तरं दिसिं पसरइ । पुन्वदिसागमेणं चत्तारि विदिसाओ भाणिय-व्वाओ जाव आहारं आहारेइ ॥ १०० ॥ तए णं तस्स सोमिलमाहणरिसिस्स अन्नया क्याइ पुर्वरत्तावरत्तकालसमयंसि अणिचजागरियं जागरमाणस्स अथमेयाह्वे अज्झ-त्थिए जाव समुप्पज्जित्था-एवं खळु अहं वाणारसीए नयरीए सोमिले नामं माह-णरिसी अचनतमाहणकुलप्पसूए, तए णं मए वयाइं चिण्णाइं जाव जुवा निक्खिता. तए णं मए वाणारसीए जाव पुष्फारामा य जाव रोविया, तए णं मए सुबहुं लोह० जाव घडावेत्ता जाव जेट्टपुत्तं कुडुंबे ठवेता जाव जेट्टपुत्तं आपुच्छिता सुबहं लोह० जाव गहाय मुण्डे जांव पव्वइए, पव्वइए वि य णं समाणे छद्वंछद्वेणं जाव विहरामि, तं सेयं खलु ममं इयाणि कल्लं जाव जलन्ते बहवे तावसे दिद्राभद्रे य पुव्वसंगइए य परियायसंगइए य आपुच्छिता आसमसंसियाणि य बहुई सत्तसयाई अणुमाणइता वागलवत्थनियत्थस्स किढिणसंकाइयगहियसभण्डोवगरणस्स कद्रमुद्दाए मुहं बन्धित्ता उत्तरिसाए उत्तराभिसुहस्स महपत्थाणं पत्थावेत्तए; एवं संपेहेइ २ ता कल्लं जाव जलन्ते बहुवे तावसे य दिहामद्रे य पुव्वसंगइए य तं चेव जाव कहुमुहाए मुहं बन्धइ २ ता अयमेयारूवं अभिगाहं अभिगिण्हइ-जत्थेव णं अहं जलंसि वा एवं थलंसि वा दुर्गिस वा निर्न्नास वा पव्वयंसि वा विसमंसि वा गड्ढाए वा दरीए वा पक्खिल वा पविद्या वा, नो खल में कप्पइ पच्चिद्रित्तएत्तिकृष्ट अयमेयारूवं अभिग्गहं अभिगिण्हइ २ ता उत्तराए दिसाए उत्तराभिमुहपत्थाणं पत्थिए से सोमिले माहणरिसी प्रव्वावरण्हकालसमयंसि जेणेव असोगवरपायवे तेणेव उवागए. असोगवरपायवस्स अहे किढिणसंकाइयं ठवेइ २ ता वेइं वड्रेड २ ता उवलेवण-संमज्जणं करेड २ ता दब्भकलसहत्थगए जेणेव गङ्गा महाणई जहा सिवो जाव गङ्गाओ महाणईओ पच्चत्तरइ २ ता जेणेव असोगवरपायवे तेणेव उवागच्छइ २ ता दब्भेहि य कुसेहि य वालुयाए य वेइं रएइ २ ता सरगं करेइ २ ता जाव बलि-वइस्सदेवं करेइ २ ता कट्टमुद्दाए मुहं बन्धइ २ ता तुसिणीए संचिद्वइ ॥ १०१ ॥ तए णं तस्स सोमिलमाहणरिसिस्स पुन्वरत्तावरत्तकालसमयंसि एगे देवे अन्तियं पाउच्मए । तए णं से देवे सोमिलमाहणं एवं वयासी-हं भो सोमिलमाहणा! पव्वड्या! द्रप्पव्वड्यं ते । तए णं से सोमिले तस्स देवस्स दोचंपि तचंपि एय-मदं नो आढाइ नो परिजाणइ जाव तुसिणीए संचिद्ध । तए णं से देवे सोमिलेणं माहणरिसिणा अणाढाइज्जमाणे जामेव दिसिं पाउच्भए तामेव दिसिं पाडिगए। तए णं से सोमिले कल्लं जाव जलन्ते वागलवत्थिनियत्थे किंढिणसंकाइयं गहाय गहियभण्डोवगरणे कद्वमुद्दाए सुहं बन्धइ २ ता उत्तराभिसुहे संपत्थिए ॥ १०२ ॥ तए णं से सोमिले बिइयदिवसम्मि पुन्वावरण्हकालसमयंसि जेणेव सत्तवण्णे तेणेव उवागए, सत्तवण्णस्स अहे किढिणसंकाइयं ठवेइ २ त्ता वेइं वहूइ जहा असोग-वरपायवे जाव अग्गि हुणइ, कट्टसुद्दाए सुहं बन्धइ, तुसिणीए संचिद्रइ । तए गं तस्स सोमिलस्स पुन्वरत्तावरत्तकालसमयंसि एगे देवे अन्तियं पाउन्भए । तए णं से देवे अन्तलिक्खपडिवन्ने जहा असोगवरपायवे जाव पडिगए । तए णं से सोमिले कक्षं जाव जलन्ते वागलवत्थनियत्थे किहिणसंकाइयं गेण्हइ २ ता कहमुहाए मुहं बन्धइ २ त्ता उत्तरदिसाए उत्तराभिमुहे संपत्थिए ॥ १०३ ॥ तए णं से सोमिले तइयदिवसम्मि पुन्ना(पच्छा)वरण्हकालसमयंसि जेणेव असोगवरपायचे तेणेव उवागच्छइ २ ता असोगवरपायवस्स अहे किढिणसंकाइयं ठवेइ २ ता वेइं वहुइ जाव गङ्गं महाणइं पञ्चत्तरइ २ ता जेणेव असोगवरपायवे तेणेव उवागच्छइ २ ता असोगवरपायवस्स अहे कि डिणसंकाइयं ठवेइ २ ता वेइं रएइ २ ता कद्रमहाए महं बन्धइ २ ता त्रुसिणीए संचिद्रइ । तए णं तस्स सोमिलस्स पुव्वरत्तावरत्तकाले एगे देवे अन्तियं पाउब्भवित्था. तं चेव भणइ जाव पडिगए । तए णं से सोमिले जाव जलनते वागलवत्थिनियत्थे किंडिणसंकाइयं जाव कद्रमुद्दाए मुहं बन्धइ २ ता उत्तराए दिसाए उत्तराभिमुहे संपत्थिए ॥ १०४ ॥ तए णं से सोमिले चउत्थ-दिवसपुन्वावरण्हकालसमयंसि जेणेव वडपायवे तेणेव उवागए, वडपायवस्स अहे कि ढिण० ठवेइ २ ता वेइं वहूइ, उवलेवणसंमज्जणं करेइ जाव कहुमुद्दाए मुहं बन्धइ, तुसिणीए संचिद्धः । तए णं तस्स सोमिलस्स पुव्वरत्तावरत्तकाले एगे देवे अन्तियं पाउब्भवित्था, तं चेव भणइ जाव पडिगए। तए णं से सोमिले जाव जलन्ते वाग-लवत्थनियत्थे कि ढिणसंकाइयं जाव कहमुद्दाए मुहं बन्धइ ... उत्तराए० उत्तराभिमुहे संपत्थिए ॥ १०५ ॥ तए णं से सोमिले पञ्चमदिवसम्मि पञ्चावरण्हकालसमयंसि जेणेव उम्बरपायवे तेणेव उवागच्छइ, उम्बरपायवस्स अहे किढिणसंकाइयं ठवेड. वेइं वहूह जाव कट्टमुद्दाए मुहं बन्धइ जाव तुसिणीए संचिद्रइ। तए णं तस्स सोमिलमाहणस्स पुञ्बरत्तावरत्तकाले एगे देवे जाव एवं वयासी-हं भो सोमिला!

पव्वइया! दुप्पव्वइयं ते. पढमं भणइ तहेव तुर्तिणीए संचिद्वइ । देवो दोचंपि तचंपि वयइ-सोमिला! पव्वइया! दुप्पव्वइयं ते । तए णं से सोमिले तेणं देवेणं दोचंपि तचंपि एवं वृत्ते समाणे तं देवं एवं वयासी-कहं णं देवाण्पिया! मम दुप्प-व्वइयं ?। तए णं से देवे सोमिलं माहणं एवं वयासी-एवं खळु देवाणुप्पिया ! तमं पासस्स अरहओ पुरिसादाणीयस्स अन्तियं पश्चाणुव्वए सत्तसिक्खावए दुवालसविहे सावयधम्मे पडिवन्ने, तए णं तव अन्नया कयाइ असाहदंसणेण० पुव्वरत्तावरत्तकाल-समयंसि कुडुम्बजागरियं जाव पुन्वचिन्तियं देवो उचारेइ जाव जेणेव असो-गवरपायवे तेणेव उवागच्छिस २ ता किढिणसंकाइयं जाव तुसिणीए संचिद्रसि, तए णं पुञ्वरत्तावरत्तकाले तव अन्तियं पाउन्भवामि, हं भो सोमिला ! पञ्वइया ! दुप्पव्वइयं ते, तह चेव देवो नियवयणं भणइ जाव पञ्चमदिवसम्मि प्रव्वावरण्हकालसमयंसि जेणेव उम्बरपायवे तेणेव उवागए किहिणसंकाइयं ठवेसि, वेइं वड्ढेसि, उवलेवणं ० करेसि २ त्ता कट्टमुद्दाए मुद्दं बन्धेसि २ ता तुसिणीए संचिद्वसि, तं एवं खलु देवा-णुप्पिया ! तव दुप्पव्वइयं ॥ १०६ ॥ तए णं से सोमिले तं देवं एवं वयासी-कहं णं देवाणुप्पिया ! मम सुपव्वइयं ? । तए णं से देवे सोमिलं एवं वयासी—जड णं तमं देवाणुप्पिया ! इयाणि पुरुवपिडवन्नाइं पञ्च अणुव्ययाइं० सयमेव उवसंपिजित्ताणं विह-रसि तो णं तुज्झ इयाणिं सुपव्वइयं भवेजा । तए णं से देवे सोमिलं वन्दइ नमं-सइ वं॰ २ ता जामेव दिसिं पाउन्भूए तामेव दिसिं पडिगए । तए णं सोमिले माहणरिसी तेणं देवेणं एवं वृत्ते समाणे पुन्वपिववृत्ताइं पञ्च अणुन्वयाइं० सयमेव उवसंपिजताणं विहरइ ॥ १०७ ॥ तए णं से सोमिले बहुिहं चउत्थछहुद्वम जाव मासद्भासखमणेहिं विचित्तेहिं तवोवहाणेहिं अप्पाणं भावेमाणे बहुई वासाई समणो-वासगपरियागं पाउणइ २ ता अद्धमासियाए संलेहणाए अत्ताणं झुसेइ २ ता तीसं भत्ताइं अणसणाए छेएइ २ ता तस्स ठाणस्स अणालोइयपडिक्कनते विराहियसम्मत्ते कालमासे कालं किचा सक्कविंसए विमाणे उववायसभाए देवसयणिजंसि जाव ओगाहणाए सक्कमहग्गहत्ताए उववन्ने ॥ १०८ ॥ तए णं से सुक्के महग्गहे अहणीव-वन्ने समाणे जाव भासामणपज्जतीए । एवं खलु गोयमा ! सुक्केणं० सा दिव्वा जाव अभिसमन्नागया । एगं पिल्ञोवमं ठिई । सुक्के णं भन्ते ! महम्गहे तओ देवलोगाओ आउक्खएणं० किंहं गच्छितिइ २ १ गोयमा ! महाविदेहे वासे सिज्झि-हिइ ५ । निक्खेवओ ॥ १०९ ॥ तइयं अज्झयणं समत्तं ॥ ३ । ३ ॥

जइ णं भंते ! उक्खेवओ । एवं खळु जंबू ! तेणं कालेणं तेणं समएणं रायिगहे नामं नयरे । गुणसिलए उजाणे । सेणिए राया । सामी समोसढे । परिसा निग्गया

ओगिण्हित्ता संजमेणं तवसा० विहरन्ति ॥ ११४ ॥ तए णं तासिं सुव्वयाणं अज्जाणं एगे संघाडए वाणारसीनयरीए उचनीयमज्ज्ञिमाइं कुलाइं घरसमुदाणस्स भिक्खा-यरियाए अडमाणे भहस्स सत्थवाहस्स गिहं अणुपविट्ठे । तए णं सुभद्दा सत्थवाही ताओ अजाओ एजमाणीओ पासइ २ ता हट्र० खिप्पामेव आसणाओ अञ्भ-हें २ ता सत्तद्वपयाई अणुगच्छइ २ ता वन्दइ नमंसइ वं० २ ता विउल्हेणं असणपाणखाइमसाइमेणं पडिलाभेत्ता एवं वयासी—एवं खलु अहं अज्ञाओ ! भद्देणं सत्थवाहेणं सिद्धं विउलाइं भोगभोगाइं भुजनाणी विहरामि, नो चेव णं अहं दारगं वा दारियं वा पयायामि, तं भन्नाओं णं ताओं अम्मयाओं जाव एत्तो एगमवि न पत्ता, तं तुन्मे अजाओ! बहणायाओ बहपिंडयाओ बहणि गामागरनगर जाव संनिवेसाई आहिण्डह, बहुणं राईसरतलवर जाव सत्थवाहप्पिमिईणं गिहाई अण-पविसह, अत्थि से केइ किहीचि विजापओए वा मन्तप्पओए वा वमणं वा विरेयणं वा बत्थिकम्मं वा ओसहे वा भेसजे वा उवलदे, जेणं अहं दारगं वा दारियं वा पयाएजा ? ॥ ११५ ॥ तए णं ताओ अजाओ सुभद्दं सत्थवाहिं एवं वयासी-अम्हे णं देवाणुप्पिए! समणीओ निग्गन्थीओ इरियासमियाओ जाव गुत्तबम्भया-रिणीओ, नो खल कप्पड अम्हं एयमद्रं कण्णेहिवि निसामेत्तए किमङ्ग पण उहिसित्तए वा समायरित्तए वा, अम्हे णं देवाणुप्पिए! नवरं तव विचित्तं केवलिपन्नत्तं धम्मं परिकहेमो ॥ ११६ ॥ तए णं सा सुभद्दा सत्थवाही तासिं अज्जाणं अन्तिए धम्मं सोचा निसम्म हट्टतृद्वा ताओ अजाओ तिक्खुत्तो वन्दइ नमंसइ वं० २ त्ता एवं वयासी—सदृहामि णं अज्जाओ! निग्गन्थं पावयणं, पत्तियामि णं रोएमि णं अजाओ! निग्गन्थं पावयणं, एवमेयं तहमेयं अवितहमेयं जाव सावगधम्मं पडिवजाए. अहासुहं देवाणुप्पए! मा पडिबन्धं करेह, तए णं सा सुभद्दा सत्थवाही तासिं अज्ञाणं अन्तिए जाव पिडवज्जइ २ त्ता ताओ अज्जाओ वन्दइ नमंसइ वं० २ त्ता पिडविसज्जइ। तए णं सा सुभद्दा सत्थवाही समणीवासिया जाया जाव विहरइ ॥ ११७ ॥ तए णं तीसे सुभद्दाए समणोवासियाए अन्नया कयाइ पुव्वरत्तावरत्त-कालसमयंति कुडुम्बजागरियं जागरमाणीए अयमेयारूवे अज्झात्थिए जाव समुप्प-जित्था—एवं खल अहं भद्देणं सत्थवाहेणं० विउलाई भोगभोगाई जाव विहरामि, नो चेव णं अहं दारगं वा..., तं सेयं खळ ममं कळं जाव जलन्ते भद्दस्स आपुच्छिता सुव्वयाणं अज्जाणं अन्तिए अज्जा भवित्ता आगाराओ जाव पव्वइत्तए, एवं संपेहेइ २ ता कल्ले ... जेणेव भद्दे सत्थवाहे तेणेव उवागया करयल जाव एवं वयासी-एवं खल अहं देवाणप्पिया! तुन्भेहिं सिद्धं बहुईं वासाई विउलाई भोगभोगाइं जाव विहरामि, नो चेव णं दारगं वा दारियं वा पयायामि, तं इच्छामि णं देवाणुप्पिया ! तुब्भेहिं अब्भणुन्नाया समाणी सुव्वयाणं अज्जाणं जाव पव्वइत्तए ॥ ११८ ॥ तए णं से भेंद्रे सत्थवाहे सुभद्दं सत्थवाहिं एवं वयासी-मा णं तुमं देवाणपिए! इयाणि मुण्डा जाव पव्वयाहि, भुजाहि ताव देवाणपिए! मए सिंद्धं विउलाइं भोगभोगाइं, तओ पच्छा भुत्तभोई सुव्वयाणं अज्जाणं जाव पव्वयाहि । तए णं सुभद्दा सत्थवाही भद्दस्स० एयमद्वं नो० परियाणइ । दोचंपि तचंपि सुभद्दा सत्थवाही भद्दं सत्थवाहं एवं वयासी-इच्छामि णं देवाणुप्पिया ! तुन्भेहिं अन्भणु-न्नाया समाणी जाव पव्वइत्तए । तए णं से भद्दे सत्थवाहे जाहे नो संचाएइ वहूहिं आघवणाहि य एवं पन्नवणाहि य सन्नवणाहि य विन्नवणाहि य आघवित्तए वा जाव विन्नवित्तए वा ताहे अकामए चेव सुभद्दाए निक्खमणं अणुमन्नित्था ॥ ११९ ॥ तए णं से भहे सत्थवाहे विउलं असणं ४ उवक्खडावेइ, मित्तनाइ० ... तओ पच्छा भोयण-वेलाए जाव मित्तनाइ…सकारेइ संमाणेइ, सुभद्दं सत्थवाहिं ण्हायं सन्वालंकारविभ्-सियं पुरिससहस्सवाहिणिं सीयं दुरूहेइ । तओ सा सुभद्दा सत्थवाही मित्तनाइ जाव संबिन्धसंपरिवृडा सिव्बङ्गीए जाव रवेणं वाणारसीनयरीए मज्झंमज्झेणं जेणेव सुव्वयाणं अज्जाणं उवस्सए तेणेव उवागच्छइ २ ता पुरिससहस्सवाहिणिं सीयं ठवेइ, सुभद्दं सत्थवाहिं सीयाओ पचोरुहेइ ॥ १२० ॥ तए णं भद्दे सत्थवाहे सुभदं सत्थवाहिं पुरओ काउं जेणेव सुन्वया अजा तेणेव उवागच्छइ २ ता सुन्वयाओ अजाओ वन्दइ नमंसइ वं० २ ता एवं वयासी-एवं खळु देवाणुप्पिया! सुभद्दा सत्थवाही मम भारिया इद्रा कन्ता जाव मा णं वाइया पित्तिया सिम्भिया संनि-वाइया विविहा रोगायङ्का फुसन्तु, एस णं देवाणुप्पिया ! संसारभडव्विग्गा भीया जम्म(ण)मरणाणं देवाणुप्पियाणं अन्तिए मुण्डा भवित्ता जाव पव्वयाइ, तं एयं अहं देवाणुप्पियाणं सीसिणीभिक्खं दलयामि, पडिच्छन्तु णं देवाणुप्पिया! सीसिणी-भिक्खं । अहासहं देवाण्पिया ! मा पडिबन्धं करेह ॥ १२१ ॥ तए णं सा समहा सत्थवाही सुव्वयाहिं अजाहिं एवं वृत्ता समाणी हृद्र॰ सयमेव आभरणमह्रालंकारं ओसुयइ २ ता सयमेव पञ्चमुद्रियं लोयं करेइ २ ता जेणेव सुव्वयाओ अजाओ तेणेव उवागच्छइ २ ता सुव्वयाओ अजाओ तिक्खुत्तो आयाहिणपयाहिणेणं वन्दइ नमंसइ वं॰ २ त्ता एवं वयासी-आलिते णं भन्ते ... जहा देवाणन्दा तहा पव्वइया जाव अजा जाया जाव गुत्तबम्भयारिणी ॥ १२२ ॥ तए णं सा सुभद्दा अजा अन्नया क्याइ बहुजणस्स चेडह्रवे संमुच्छिया जाव अज्झोववन्ना अञ्भङ्गणं च उव्बद्दणं च कासुयपाणं च अलत्तगं च कङ्कणाणि य अञ्जणं च वण्णगं च चुण्णगं च खेळणगाणि

य खज्जलगाणि य खीरं च पुष्फाणि य गवेसइ गवेसित्ता बहुजणस्स दारए वा दारिया वा कुमारे य कुमारियाओ य डिम्भए य डिम्भियाओ य अप्पेगइयाओ अब्भक्केइ, अप्पेगइयाओ उन्बेहेड, एवं फास्रयपाणएणं ण्हाबेड, अप्पेगइयाणं पाए रयइ,० ओद्रे रयइ,० अच्छीणि अञ्जेइ.० उसुए करेइ.० तिलए करेइ. अप्पेगइयाओ दिगिंदलए करेइ, अप्पेगइयाणं पन्तियाओं करेइ, अप्पेगगाई छिजाई करेइ, अप्पेगइया वण्णएणं समालभइ,० चुण्णएणं समालभइ, अप्पेगइयाणं खेल्लणगाइं दलयइ,० खज्जलगाईं दलयइ, अप्पेगइयाओ खीरभोयणं भुजावेइ, अप्पेगइयाणं पुष्फाइं ओमुयइ, अप्पे-गइयाओ पाएसु ठवेइ, जंघासु करेइ, एवं ऊह्सु उच्छेङ्गे कडीए पिट्ठे उरिस खन्धे सीसे य करयलपुडेणं गहाय हलउलेमाणी २ आगायमाणी २ परिगायमाणी २ पुत्तपिवासं च ध्यपिवासं च नत्त्यपिवासं च नत्तिपिवासं च पचणुभवमाणी विहरह ॥ १२३ ॥ तए णं ताओ सुव्वयाओ अजाओ सुभद्दं अजं एवं वयासी-अम्हे णं देवाणुप्पिए! समणीओ निग्गनथीओ इरियासमियाओ जाव गुत्तबम्भयारिणीओ, नो खलु अम्हं कप्पइ जातककम्मं करेत्तए, तुमं च णं देवाणुप्पिए! बहुजणस्स चेडरूवेसु मुच्छिया जाव अज्झोववन्ना अब्सङ्गणं जाव नित्तिपिवासं वा पचणुमवमाणी विहरसि, तं णं तुमं देवाणुप्पिए ! एयस्स ठाणस्स आलोएहि जाव पाय[प]च्छित्तं पडिवजाहि ॥ १२४ ॥ तए णं सा सुभहा अजा सुव्वयाणं अजाणं एयमद्वं नो आढाइ नो परिजाणइ अणाढायमाणी अपरिजाणमाणी विहरइ। तए णं ताओ समणीओ निग्गन्थीओ सुभहं अर्ज हीलेन्ति निन्दन्ति खिंसन्ति गरहन्ति अभिक्खणं २ एयमट्टं निवारेन्ति ॥ १२५ ॥ तए णं ती[ए]से सुभद्दाए अजाए समणीहिं निग्गन्थीहिं हीलिजमाणीए जाव अभिक्खणं २ एयमट्टं निवारिज्ञमाणीए अयमेयारूवे अज्झत्थिए जाव समु-प्पजित्था—जया णं अहं अगारवासं वसामि तया णं अहं अप्पवसा, जप्पभिइं च णं अहं मण्डा भवित्ता आगाराओ अणगारियं पव्वड्या तप्पभिइं च णं अहं परवसा, पुर्वि च समणीओ निग्गन्थीओ आढेन्ति परिजाणेन्ति इयाणि नो आढाएन्ति नो परिजाणन्ति, तं सेयं खलु मे कल्लं जाव जलन्ते सुन्वयाणं अज्ञाणं अन्तियाओ पिडिनिक्खमित्ता पाडिएकं उवस्सयं उवसंपिजिताणं विहरित्तए, एवं संपेहेइ २ त्ता कल्लं जाव जलन्ते सुन्वयाणं अज्ञाणं अन्तियाओ पिडिनिक्खमइ २ ता पाडिएकं उवस्सयं उवसंपजिताणं विहरइ। तए णं सा सुभद्दा अजा अजाहिं अणोहिंद्रया अणि-वारिया सच्छन्दमई बहुजणस्स चेडरूवेसु मुच्छिया जाव अब्मङ्गणं च जाव नित्त-पिवासं च पचणुभवमाणी विहरह ॥ १२६ ॥ तए णं सा सुभद्दा पासत्था पासत्थविहा-रिणी एवं ओसन्ना ओसन्नविहारिणी कुसीला कुसीलविहारिणी संसत्ता संसत्तविहारिणी

अहालन्दा अहालन्दविहारिणी बहुई वासाई सामण्णपरियागं पाउणइ २ ता अद्भा-सियाए संलेहणाए अत्ताणं ... तीसं भत्ताइं अणसणाए छेइता तस्स ठाणस्स अणा-लोइयपिडक्कन्ता कालमासे कालं किचा सोहम्मे कप्पे बहुपत्तियाविमाणे उववायसभाए देवसयणिर्जास देवदूसन्तरिया अङ्गुलस्स असंखेजभागमेत्ताए ओगाहणाए बहुपुत्तिय-देवित्ताए उववन्ना ॥ १२७ ॥ तए णं सा बहुपुत्तिया देवी अहुणोववन्नमेत्ता समाणी पञ्चविहाए पज्जतीए जाव भासामणपज्जतीए, एवं खळु गोयमा! बहुपुत्तियाए देवीए सा दिव्वा देविष्ट्री जाव अभिसमन्नागया ॥ १२८ ॥ से केणद्वेणं भन्ते ! एवं वृचइ-बहुपुत्तिया देवी २ ? गोयमा ! बहुपुत्तिया णं देवी जाहे जाहे सकस्स देविन्दस्स देवरन्नो उवत्याणियणं करेइ ताहे २ बहवे दारए य दारियाओ य डिम्भए य डिम्भियाओ य विउव्वड २ ता जेणेव सक्के देविनदे देवराया तेणेव उवागच्छइ २ ता सक्करस देविन्दरस देवरन्नो दिव्वं देविङ्कि दिव्वं देवजुई दिव्वं देवाणुभावं उवदंसेइ. से तेणहेणं गोयमा ! एवं वृचइ-बहपुत्तिया देवी २। बहुपुत्तियाए णं भन्ते ! देवीए केवइयं कालं ठिई पन्नता ? गोयमा ! चत्तारि पलिओवमाई ठिई पन्नता । बहुपुत्तिया णं भन्ते ! देवी ताओ देवलोगाओ आउक्खएणं ठिइक्खएणं भवक्खएणं अणन्तरं चयं चइत्ता किहं गच्छिहिइ किहं उवविजिहिइ ? गोयमा ! इहेव जम्बुद्दीवे दीवे भारहे वासे विञ्झगिरिपायमुळे विभेळसंनिवेसे माहणकुळंसि दारियत्ताए पचायाहिइ ॥ १२९॥ तए णं तीसे दारियाए अम्मापियरो एकारसमे दिवसे वीइक्कन्ते जाव बारसेहिं दिवसेहिं वीइक्रन्तेहिं अयमेयारूवं नामधेजं करेन्ति—होउ णं अम्हं इमीसे दारियाए नामधेजं सोमा ॥ १३०॥ तए णं सोमा उम्मुकबालभावा विन्नयपरिणयमेता जोव्वणगमणुप्पता रूवेण य जोव्वणेण य लावण्णेण य उक्किट्ठा उक्किट्ठसरीरा जाव भविस्सइ। तए णं तं सोमं दारियं अम्मापियरो उम्मुक्कबालभावं विश्वयपरिणयमेतं जोव्वणगमणुप्पत्तं पडिकृविएणं सुकेणं पडिरूवएणं नियगस्स भाइणेजस्स रद्वकृडस्स भारियत्ताए दलइस्सइ। सा णं तस्स भारिया भविस्सइ इट्ठा कन्ता जाव भण्डकरण्डगसमाणा तेल्लकेला इव सुसंगोविया चेलपे(ला)डा इव सुसंपरिग्गहिया रयणकरण्डगो विव सुसारिक्खया सुसंगोविया मा णं सीयं जाव विविहा रोगायङ्का फुसन्तु ॥ १३१ ॥ तए णं सा सोमा माहणी रहकुडेणं सिद्धं विउलाई भागभोगाई भुझमाणी संवच्छरे २ जयलगं पयायमाणी सोलसेहिं संवच्छरेहिं बत्तीसं दारगरूवे पयायइ। तए णंसा सोमा साहणी तेहिं बहाहिं दारगेहि य दारियाहि य कुमारेहि य कुमारियाहि य डिम्भएहि य डिम्भियाहि य अप्पेगइएहिं उत्ताणसेजाएहि य अप्पेगइएहिं थणिया-एहि य अप्पेगएहिं पीहगपाएहिं अप्पेगइएहिं परंगणएहिं अप्पेगइएहिं परक्कममाणेहिं अप्पेगइएहिं पक्खोलणएहिं अप्पेगइएहिं थणं मग्गमाणेहिं अप्पेगइएहिं खीरं मग्ग-माणेहिं अप्पेगइएहिं खेळ्ळणयं मग्गमाणेहिं अप्पेगइएहिं खज्जगं मग्गमाणेहिं अप्पेगइ-एहिं कुरं मग्गमाणेहिं पाणियं मग्गमाणेहिं हसमाणेहिं रूसमाणेहिं अक्कोसमाणेहिं अक्कुस्समाणेहिं हणमाणेहिं विप्पलायमाणेहिं अणुगम्ममाणेहिं रोवमाणेहिं कन्दमाणेहिं विलवमाणेहिं कूवमाणेहिं उक्कूवमाणेहिं निद्दायमाणेहिं पलंबमाणेहिं दहमाणेहिं दंसमाणेहिं वसमाणेहिं छेरमाणेहिं सत्तमाणेहिं सत्तपुरीसविमयसुलित्तोविलता मङ्ल-वसणपुच्छा जाव असुइबीभच्छा परमदुग्गन्धा नो संचाएइ रहुकूडेणं सर्द्धि विउलाई भोगभोगाइं भुझमाणी विहरित्तए ॥ १३२ ॥ तए णं तीसे सोमाए माहणीए अन्नया कयाइ पुव्वरत्तावरत्तकालसमयंति कुद्धम्बजागरियं जागरमाणीए अयमेयारूवे जाव समुप्पजित्था-एवं खलु अहं इमेहिं बहूहिं दारगेहि य जाव डिम्भियाहि य अप्पेग-इएहिं उत्ताणसेजाएहि य जाव अप्पेगइएहिं सुत्तमाणेहिं दुज्जाएहिं दुज्जम्मएहिं ह्यविप्पह्यभागेहिं एगप्पहारपिडएहिं जेणं मुत्तपुरीसविमयस्रिल्तोविलत्ता जाव परम-दुद्भिगन्या नो संचाएमि रद्वकृडेणं सद्धि जाव भुजमाणी विहरित्तए. तं धन्नाओ णं ताओ अम्मयाओ जाव जीवियफले जाओ णं वञ्झाओ अवियाउरीओ जाणकोप्पर-मायाओ सरभिस्रगन्थगन्धियाओ विउलाई माणुस्सगाई भोगभोगाई भुजनाणीओ विहरन्ति. अहं णं अधन्ना अपुण्णा अकयपुण्णा नो संचाएमि रहुकूडेणं सर्दि विउलाई जाव विहरित्तए ॥१३३॥ तेणं कालेणं तेणं समएणं सुव्वयाओ नाम अजाओ इरियासिमयाओ जाव बहुपरिवाराओ पुन्वाणुपुन्वि ... जेणेव विभेले संनिवेसे ... अहापिडस्वं उग्गहं जाव विहरन्ति । तए णं तासिं सुव्वयाणं अजाणं एगे संघाडए विभेले संनिवेसे उचनीय • जाव अडमाणे रहुकूडस्स गिहं अणुपविद्वे । तए णं सा सोमा माहणी ताओ अजाओ एजमाणीओ पासइ २ त्ता हट्ट० खिप्पामेव आसणाओ अञ्भट्टेइ २ ता सत्तद्वपयाई अणुगच्छइ २ ता वन्दइ नमंसइ वं० २ ता विख्लेणं असण ४ पडिलामेइ २ ता एवं वयासी-एवं खलु अहं अजाओ ! रद्वकूडेणं सिद्धं विउलाई जाव संवच्छरे २ जुगलं पयामि, सोलसिंहं संवच्छरेहिं बत्तीसं दारगरूवे पयाया, तए णं अहं तेहिं बहहिं दारएहि य जाव डिम्भियाहि य अप्पेगइएहिं उत्ताणसेजपहिं जाव मुत्तमाणेहिं दुजाएहिं जाव नो संचाएमि "विहरित्तए, तं इच्छामि णं अहं अज्जाओ ! तुम्हं अन्तिए धम्मं निसामेत्तए । तए णं ताओ अज्जाओ सोमाए माहणीए विचित्तं केवलिपन्नत्तं धम्मं परिकहेन्ति ॥ १३४॥ तए णं सा सोमा माहणी तासिं अजाणं अन्तिए धम्मं सोचा निसम्म हट्ट जाव हियया ताओ अजाओ वन्दइ नमंसइ वं० २ ता एवं वयासी-सद्दामि णं अजाओ ! ५० सत्ता०

निमान्थं पावयणं जाव अब्भुद्धेमि णं अजाओ ! निमान्थं पावयणं, एवमेयं अजाओ ! जाव से जहेरं तुब्से वयह, जं नवरं अजाओ ! रहुकूडं आपुच्छामि, तए णं अहं देवाणप्पियाणं अन्तिए मुण्डा जाव पन्वयामि । अहासुहं देवाणुप्पिए ! मा पिड-बन्धं…। तए णं सा सोमा माहणी ताओ अजाओ वन्दइ नमंसइ वं० २ ता पडिविसज्जेड ॥ १३५ ॥ तए णं सा सोमा माहणी जेणेव रहकूडे तेणेव उवागया करयल॰ ... एवं वयासी-एवं खल्च मए देवाणुप्पिया ! अज्जाणं अन्तिए धम्मे निसन्ते. से वि य णं धम्मे इच्छिए जाव अभिरुइए, तए णं अहं देवाणुप्पिया ! तुब्भेहिं अञ्भणुन्नाया सुव्वयाणं अज्जाणं जाव पव्वइत्तए ॥ १३६ ॥ तए णं से रह्वकूडे सोमं माहणिं एवं वयासी-मा णं तुमं देवाणुप्पिए! इयाणि मुण्डा भवित्ता जाव पव्वयाहि. भुजाहि ताव देवाणुप्पए! मए सिंद्धं विउलाईं भोगभोगाईं, तओ पच्छा भूत्रभोई सुव्वयाणं अज्जाणं अन्तिए मुण्डा जाव पव्वयाहि ॥ १३७ ॥ तए णं सा सोमा माहणी ण्हाया अप्पमहम्घाभरणालंकियसरीरा चेडियाचक्कवालपरिकिण्णा साओ गिहाओ पिडनिक्खमइ २ त्ता विभेलं संनिवेसं मज्झंमज्झेणं जेणेव सुव्वयाणं अज्जाणं उवस्सए तेणेव उवागच्छइ २ ता सुव्वयाओ अज्जाओ वनदइ नमंसड पज्जवासइ। तए णं ताओ सुन्वयाओ अजाओ सोमाए माहणीए विचित्तं केविलपन्नतं धम्मं परिकहेन्ति जहा जीवा बज्झन्ति । तए णं सा सोमा माहणी सुव्वयाणं अज्ञाणं अन्तिए जाव दुवालसविहं सावगधम्मं पडिवज्जइ २ ता सुव्वयाओ अज्जाओ वन्दइ नमंसइ वं० २ त्ता जामेव दिसिं पाउच्भूया तामेव दिसिं पाडिगया । तए र्णः सा सोमा माहणी समणोवासिया जाया अभिगय० जाव अप्पाणं भावेमाणी विहरह। तए णं ताओ सुव्वयाओ अजाओ अन्नया कयाइ विभेलाओ संनिवेसाओ पिडिनिक्ख-मन्ति २ त्ता बहिया जणवयविहारं विहरन्ति ॥ १३८ ॥ तए णं ताओ सुव्वयाओ अजाओ अन्तया कयाइ पुव्वाणुपविं ...जाव विहरन्ति । तए णं सा सोमा माहणी इमीसे कहाए लख्द्रा समाणी हट्ट० ण्हाया तहेव निग्गया जाव वन्दइ नमंसड वं०२ त्ता धम्मं सोचा जाव नवरं रहकूडं आपुच्छामि, तए णं पव्वयामि। अहासहं ...। तए णं सा सोमा माहणी सुन्वयं अजं वन्दइ नमंसइ वं० २ त्ता सुन्वयाणं अन्तियाओ पडिनिक्खमइ २ ता जेणेव सए गिहे जेणेव रद्रकुडे तेणेव उवाग-च्छइ २ त्ता करयल॰ तहेव आपुच्छइ जाव पन्वइत्तए । अहासुहं देवाणुप्पिए ! मा पिडबर्म्धं ...। तए णं से रहकूडे विउलं असणं तहेव जाव पुग्वभवे सुभद्दा जाव अज्जा जाया इरियासिमया जाव गुत्तबम्भयारिणी ॥ १३९॥ तए णं सा सोमा अजा सुव्वयाणं अजाणं अन्तिए सामाइयमाइयाइं एकारस

अज्ञाइं अहिज्जइ २ ता बहूहिं छट्टटमदसमदुवालस जाव भावेमाणी बहूइं वासाइं सामण्णपरियागं पाउणइ २ ता मासियाए संलेहणाए सिंहुं भत्ताइं अणसणाए छेइता आलोइयपिङक्किन्ता समाहिपत्ता कालमासे कालं किचा सक्कस्स देविन्दस्स देवरको सामाणियदेवत्ताए उवविज्ञिहिइ । तत्थ णं अत्थेगइयाणं देवाणं दो सागरोवमाइं ठिई पन्नता, तत्थ णं सोमस्सिव देवस्स दो सागरोवमाइं ठिई पन्नता ॥ १३९ ॥ से णं भन्ते ! सोमे देवे ताओ देवलोगाओ आउक्खएणं जाव चयं चइत्ता किंहं गच्छिहिइ किंहं उवविज्ञिहिइ ! गोयमा ! महाविदेहे वासे जाव अन्तं काहिइ । निक्खेवओ ॥ १४० ॥ चड्यन्थं अज्ञयणं समत्तं ॥ ३ । ४ ॥

जइ णं भंते ! समणेणं० उक्खेवओ । एवं खळ जम्ब्र ! तेणं कालेणं तेणं समएणं रायगिहे नामं नयरे । गुणसिलए उज्जाणे । सेणिए राया । सामी समोसरिए । परिसा निग्गया ॥ १४१ ॥ तेणं कालेणं तेणं समएणं पुण्णभद्दे देवे सोहम्मे कप्पे पुण्णभद्दे विमाणे सभाए सुहम्माए पुण्णभद्दंसि सीहासणंसि चडिंह सामाणियसाह-स्सीहिं जहा सरियामो जाव बत्तीसइविहं नद्दविहिं उवदंसिता जामेव दिसिं पाउच्भए तामेव दिसिं पडिगए। कूडागारसाला। पुन्वभवपुच्छा। एवं खलु गोयमा! तेणं कालेणं तेणं समएणं इहेव जम्बुहीवे दीवे भारहे वासे मणिवइया नामं नयरी होत्था, रिद्धः । चन्दो राया । ताराइण्णे उज्जाणे । तत्थ णं मणिवइयाए नयरीए एण्णभहे नामं गाहावई परिवसइ, अङ्गे । तेणं कालेणं तेणं समएणं थेरा भगवन्तो जाइ-संपन्ना जाव जीवियासमरणभयविष्पमुका बहस्सुया बहुपरिवारा पुन्वाणुपुन्वि जाव समोसडा । परिसा निग्गया । तए णं से पुण्णभहे गाहावई इमीसे कहाए लख्देर हट्ट॰ जाव जहा पण्णाचीए गङ्गदत्ते तहेव निग्गच्छ जाव निक्खन्तो जाव गुत्त-बम्भयारी ॥ १४२ ॥ तए णं से प्रण्णभहे अणगारे भगवन्ताणं अन्तिए सामाइय-माइयाइं एक्कारस अङ्गाइं अहिजाइ २ ता बहाहिं चउत्थछद्रद्वम जाव भाविता बहाईं वासाइं सामण्णपरियागं पाउणइ २ ता मासियाए संलेहणाए सिद्धं भत्ताइं अणसणाए छेइत्ता आलोइग्रपडिक्सन्ते समाहिपते कालमासे कालं किचा सोहम्मे कप्पे पुण्णभद्दे विमाणे उववायसभाए देवसयणिजंसि जाव भासामणपजन्तीए ॥ १४२ ॥ एवं खलु गोयमा ! पुण्णभद्देणं सा दिव्वा देविङ्गी जाव अभिसमन्नागया । पुण्णभद्दस्स णं भन्ते ! देवस्स केवइयं कालं ठिई पन्नता ? गोयमा ! दो सागरोवमाइं ठिई पन्नता । पुण्णभद्दे णं भन्ते ! देवे ताओ देवलोयाओ जाव कहिं गच्छिहिइ कहिं उवविजाहिइ ? गोयमा ! महाविदेहे वासे सिज्झिहिइ जाव अन्तं काहिइ । निक्खेवओ ॥ १४३ ॥ पंचमं अज्झयणं समत्तं ॥ ३ । ५ ॥

जह णं भंते! समणेणं० उक्खेवओ। एवं खळु जम्बू! तेणं कालेणं तेणं समएणं रायिगिहे नयरे। गुणिसलए उज्जाणे। सेणिए राया। सामी समोसिए॥ १४४॥ तेणं कालेणं तेणं समएणं माणिभेहे देवे सभाए सहस्माए माणिभहेस सीहासणंसि चउिंह सामाणियसाहस्सीिहं जहा पुण्णभद्दो तहेव आगमणं, नष्टविही, पुव्वभव-पुच्छा। मणिवई नयरी, माणिभेहे गाहावई, थेराणं अन्तिए पव्वजा, एकारस अङ्गाई अहिजाइ, बहूई वासाइं परियाओ, मासिया संलेहणा, सिंह भत्ताई०, माणिभेहे विमाणे उववाओ, दो सागरोवमाइं ठिई, महाविदेहे वासे सिज्झिहिइ। निक्खे-वओ॥ १४५॥ छुट्टं अज्झ्यणं समतं॥ ३।६॥

एवं दत्ते ७, सिवे ८, बले ९, अणाहिए १०, सन्वे जहा पुण्णभद्दे देवे । सन्वेसिं दो सागरोवमाइं ठिई । विमाणा देवसरिसनामा । पुन्वभवे दत्ते चन्दणानामाए, सिवे मिहिलाए, बले हत्थिणपुरे नयरे, अणाहिए काकन्दीए । उज्जाणाइं जहा संगह-णीए ॥ १४६ ॥ ३ । १० ॥ पुष्फियाओ समत्ताओं ॥ तइओ वग्गो समत्तो ॥ ३ ॥



णमोऽत्थु णं समणस्स भगवक्षो णायपुत्तमहावीरस्स

सुत्तागमे तत्थ णं पुष्फचूलियाओ

जइ णं भन्ते ! समणेणं भगवया "उक्खेवओ जाव दस अज्झयणा पन्नता. तंजहा-सिरि-हिरि-धिइ-कित्तीओ बुद्धी लच्छी य होइ बोद्धव्वा। इलादेवी सुरादेवी रसदेवी गन्धदेवी य ॥ १ ॥ जइ णं भन्ते ! समणेणं भगवया जाव संपत्तेणं उवङ्गाणं चउत्थस्स वगगस्स पुष्फचूलियाणं दस अज्झयणा पन्नता, पढमस्स णं भन्ते ! उक्खेवओ । एवं खळु जम्बू ! तेणं कालेणं तेणं समएणं रायगिहे नयरे. गुणसिलए उज्जाणे, सेणिए राया । सामी समोसढे, परिसा निग्गया । तेणं कालेणं तेणं समएणं सिरिदेवी सोहम्मे कप्पे सिरिवर्डिसए विमाणे सभाए सहम्माए सिरिसि सीहासणंसि चर्राहें सामाणियसाहरूसीहिं चर्राहें महत्तरियाहिं० जहा बहपत्तिया जाव नष्टविहिं उवदंसित्ता पिंडगया। नवरं [दारय]दारियाओं नत्थि। पुरुवभवपुच्छा। एवं खलु गोयमा! तेणं कालेणं तेणं समएणं रायगिहे नयरे, गुणसिलए उज्जाणे, जिय-सत्तू राया । तत्थ णं रायगिहे नयरे सुदंसणे नामं गाहावई परिवसइ, अड्रे० । तस्स णं सुदंसणस्स गाहावइस्स पिया नामं भारिया होत्था, सोमाल०। तस्स णं सुदंसणस्स गाहावइस्स ध्रया पियाए गाहावइणीए अत्तिया भूया नामं दारिया होत्था वृ[बु]ड्रा वुहुकुमारी जुण्णा जुण्णकुमारी पिडयपुयत्थणी वरगपरिविज्जया यावि होत्था ॥१४७॥ तेणं कालेणं तेणं समएणं पासे अरहा पुरिसादाणीए जाव नवरयणिए वण्णओ सो चेव. समोसरणं। परिसा निग्गया ॥ १४८ ॥ तए णं सा भूया दारिया इमीसे कहाए लद्धद्रा समाणी हद्भतद्व० जेणेव अम्मापियरो तेणेव उवागच्छइ २ ता एवं वयासी-एवं खळु अम्मताओ ! पासे अरहा पुरिसादाणीए पुन्वाणुपुर्वि चरमाणे जाव गणपरिवृडे विहर्इ, तं इच्छामि णं अम्मताओ ! तुब्भेहिं अब्भणुन्नाया समाणी पासस्स अरहओ पुरिसादाणीयस्स पायवन्दिया गमित्तए । अहासुहं देवाणुप्पिए ! मा पिडबन्धं ...॥ १४९ ॥ तए णं सा भूया दारिया ण्हाया अप्पमहम्घाभरणालंकिय-सरीरा चेडीचक्कवालपरिकिण्णा साओ गिहाओ पडिनिक्खमइ २ ता जेणेव बाहिरिया उवद्वाणसाला तेणेव उवागच्छइ २ ता धम्मियं जाणप्पवरं दुरूढा । तए णं सा

भूया दारिया निययपरिवारपरिवुडा रायगिहं नयरं मज्झंमज्झेणं निग्गच्छइ २ ता जेणेव गुणसिलए उज्जाणे तेणेव उवागच्छइ २ ता छत्ताईए तित्थयराइसए पासइ २ ता धम्मियाओ जाणप्पवराओ पचोर्हाभि हिइ २ ता चेडीचक्कवालपरिकिण्णा जेणेव पासे अरहा प्रिरसादाणीए तेणेव उवागच्छइ २ ता तिक्खत्तो जाव पञ्जुवासइ ॥ १५० ॥ तए णं पासे अरहा पुरिसादाणीए भूयाए दारियाए महइ० धम्मकहा. धम्मं सोचा निसम्म हट्ट० वन्दइ नमंसइ वं० २ ता एवं वयासी-सदृहामि णं भन्ते ! निग्गन्थं पावयणं जाव अब्भुद्वेमि णं भन्ते ! निग्गन्थं पावयणं, से जहेयं तुब्से वयह, जं नवरं भनते ! अम्मापियरो आपुच्छामि, तए णं अहं जाव पन्वइत्तर । अहासुहं देवाणुप्पिए । १५१ ॥ तए णं सा भूया दारिया तमेव धम्मियं जाणप्पवरं जाव दुरूहइ २ ता जेणेव रायगिहे नयरे तेणेव उवागया. रायगिहं नयरं मज्झंमज्झेणं जेणेव सए गिहे तेणेव उवागया, रहाओ पचोरुहिता जेणेव अम्मापियरो तेणेव उवागया, करयल० जहा जमाली आपुच्छइ। अहा-सुहं देवाणुप्पिए ! ॥ १५२ ॥ तए णं से सुदंसणे गाहावई विडलं असणं ४ डव-क्खडावेइ मित्तनाइ० आमन्तेइ २ ता जाव जिमियभृतत्तरकाले सुईभूए निक्खम-णमाणेत्ता कोडम्बियपुरिसे सहावेइ २ ता एवं वयासी-खिप्पामेव भो देवाणुप्पिया ! भ्यादारियाए परिससहस्सवाहिणीयं सीयं उवद्रवेह २ त्ता जाव पचिप्पणह । तए णं ते जाव पचिप्पणन्ति ॥ १५३ ॥ तए णं से सुदंसणे गाहावई भूयं दारियं ण्हायं स॰ विभूसियसरीरं पुरिससहस्सवाहिणिं सीयं दुरूहेइ २ ता मित्तनाइ० जाव रवेणं रायगिहं नयरं मज्झंमज्झेणं जेणेव गुणसिलए उज्जाणे तेणेव उवागए छत्ताईए तित्थयराइसए पासइ २ ता सीयं ठावेइ २ ता भूयं दारियं सीयाओ पचोरुहेइ ॥ १५४ ॥ तए णं तं भूयं दारियं अम्मापियरो पुरओ काउं जेणेव पासे अरहा प्रिरेसादाणीए तेणेव उवागया तिक्खत्तो वन्दन्ति नमंसन्ति वं० २ ता एवं वयासी-एवं खलु देवाणुप्पिया ! भूया दारिया अम्हं एगा ध्र्या इहा०, एस णं देवाणुप्पिया ! संसारभङ व्विग्गा भीया जाव देवाणुप्पियाणं अन्तिए मुण्डा जाव पव्व[या]यइ, तं एयं णं देवाणुप्पिया ! सिस्सिणिभिक्खं दलयामो, पडिच्छन्तु णं देवाणुप्पिया ! सिरिसणिभिक्लं । अहासुहं देवाणुप्पिया ! ।। १५५ ॥ तए णं सा भया दारिया पासेणं अरहया ... एवं वृत्ता समाणी हृद्द० उत्तरपुरत्थिमं सयमेव आभरणमूळालंकारं ओ[उम]मुयइ जहा देवाणन्दा पुष्फचूलाणं अन्तिए जाव गुत्तबम्भयारिणी ॥ १५६॥ तए णं सा भूया अजा अन्नया कयाइ सरीरबाओसिया जाया यावि होत्था. अभिक्खणं २ हत्ये धोवइ, पाए धोवइ, एवं सीसं धोवइ, मुहं धोवइ, थणगन्तराइं

धोवइ, कम्खन्तराइं धोवइ, गुज्झन्तराइं धोवइ, जत्थ जत्थ वि य णं ठाणं वा सेजं वा निसीहियं वा चेएइ, तत्थ तत्थ वि य णं पुव्वामेव पाणएणं अब्भुक्खेइ, तओ पच्छा ठाणं वा सेजां वा निसीहियं वा चेएइ ॥ १५७ ॥ तए णं ताओ पुष्फचूलाओ अज्जाओ भूयं अज्जं एवं वयासी-अम्हे णं देवाणुष्पिए! समणीओ निग्गन्थीओ इरियासमियाओ जाव गृत्तबम्भयारिणीओ. नो खळ कप्पड अम्हं सरीरबाओसियाणं होत्तए. तुमं च णं देवाणुप्पिए! सरीरबाओसिया अभि-क्खणं २ हत्थे धोवसि जाव निसीहियं चेएसि. तं णं तुमं देवाणुप्पिए! एयस्स ठाणस्स आलोएहित्ति. सेसं जहा सुभद्दाए जाव पाडिएकं उवस्सयं उवसंपिजिताणं विहरइ । तए णं सा भूया अजा अणोहिष्ट्रिया अणिवारिया सच्छन्दमई अभिक्खणं २ हत्थे घोवइ जाव चेएइ ॥ १५८ ॥ तए णं सा भूया अज्जा बहूहिं चउत्थछट्ट० बहुई वासाई सामण्णपरियागं पाउणित्ता तस्स ठाणस्स अणालोइयपडिक्कन्ता कालमासे कालं किचा सोहम्मे कप्पे सिरिवर्डिसए विमाणे उववायसभाए देवसयणिजंसि जाव ओगाहणाए सिरिदेवित्ताए उववन्ना पञ्चविहाए पजत्तीए जाव भासामणपज्जतीए पजाता। एवं खलु गोयमा! सिरीए देवीए एसा दिव्वा देविह्नी लद्धा पत्ता। एगं पिलेओवमं ठिई। सिरी णं भन्ते! देवी जाव किहं गच्छिहिइ० १ ... महाविदेहे वासे सिज्झिहिइ । निक्खेवओ ॥ १५९ ॥ पढमं अज्झयणं समत्तं ॥ ४ । १ ॥

एवं सेसाणवि नवण्हं भाणियव्वं । सरिसनामा विमाणा । सोहम्मे कप्पे । पुव्वभवे नयरउज्जाणियमाईणं अप्पणो य नामाई जहा संगहणीए । सन्वा पासस्स अन्तिए निक्बन्ता । ताओ पुष्फचूलाणं सिरिसणियाओ सरीरवाओसियाओ सव्वाओ अणन्तरं चयं चइत्ता महाविदेहे वासे सिज्झिहिन्ति ।। १६०॥ ४ । १०॥ पुष्फचू-[ला]लियाओ समत्ताओ॥ चउत्थो वग्गो समत्तो॥ ४॥



णमोऽत्थु णं समणस्स भगवओ णायपुत्तमहावीरस्स

सुत्तागमे

्र तत्थ णं

वण्हिद्साओ

जइ णं भन्ते ! उक्खेवओ जाव दुवालस अज्झयणा पन्नता, तंजहा---निसढे मायणि-वह-वहे पगया जुत्ती दसरहे दहरहे य । महाधणू सत्तथणू दसधणू नामे संयथण य ॥ १ ॥ जइ णं भन्ते ! समणेणं जाव दुवालस अज्झयणा पन्नत्ता, पढमस्स णं भन्ते ! . . . उक्खेवओ । एवं खलु जम्बू ! तेणं कालेणं तेणं समएणं बारवई नामं नयरी होत्था. द्वालसजोयणायामा जाव पच्चक्खं देवलोयभूया पासा-दीया दरिसणिजा अभिरूवा पडिरूवा ॥ १६१ ॥ तीसे णं बारवईए नयरीए बहिया उत्तरपुरिक्षमे दिसीभाए एत्थ णं रेवए नामं पव्वए होत्था, तुङ्गे गयणयलमण्-लिहन्तसिहरे नाणाविहरुक्खगुच्छगुम्मलयावल्लीपरिगयाभिरामे हंसमियमयुरकोञ्चसार-सचक्कवागमयणसालाकोइलकलोववेए तडकडगवियरओज्झरपवायपञ्भारसिहरपउरे अच्छरगणदेवसंघचारणविजाहरमिहणसंनिचिण्णे निचच्छणए दसारवरवीरपरिस-तेस्रोक्कबलवगाणं सोमे सुभए पियदंसणे सुरूवे पासाईए जाव पिडरूवे॥ १६२॥ तस्स णं रेवयगस्स पव्वयस्स अदूरसामन्ते एत्थ णं नन्दणवणे नामं उज्जाणे होत्था, सञ्वोजयपुष्फ॰ जाव दरिसणिजे ॥ १६३ ॥ तत्थ णं बारवईए नयरीए कण्हे नामं वास देवे राया होतथा जाव पसासेमाणे विहरइ । से णं तत्थ समुद्दविजयपामोक्खाणं दसण्हं दसाराणं, बलदेवपामोक्खाणं पश्चण्हं महावीराणं, उग्गसेणपामोक्खाणं सोल-सण्हं राईसाहस्सीणं, पज्जुण्णपामोक्खाणं अद्धद्वाणं कुमारकोडीणं, सम्बपामोक्खाणं सद्रीए दृइन्तसाहस्सीणं, वीरसेणपामोक्खाणं एक्कवीसाए वीरसाहस्सीणं, महासेण-पामोक्खाणं छप्पन्नाए बलवगसाहरूसीणं, रुप्पिणिपामोक्खाणं सोलसण्हं देवीसाह-रसीणं, अन्नेसिं च बहुणं राईसर जाव सत्थवाहप्पिभईणं वेयद्भगिरसागरमेरागरस दाहिणद्वभरहस्स आहेवचं जाव विहरइ॥ १६४॥ तत्थ णं बारवईए नयरीए बलदेवे नामं राया होत्था, महया जाव रज्जं पसासेमाणे विहरइ। तस्स णं बलदेवस्स रन्नो रेवई नामं देवी होत्था, सोमाल० जाव विहरइ। तए णं सा रेवई देवी अन्नया क्याइ तंसि तारिसगंसि सयणिजांसि जाव सीहं सुमिणे पासिताणं ..., एवं सुमिणदंसण-

परिकहणं, कलाओ जहा महाबलस्स, पन्नासओ दाओ, पन्नासरायकन्नगाणं एगदिव-सेणं पाणिग्गहणं..., नवरं निसढे नामं जाव उप्पि पासाए विहरइ ॥ १६५ ॥ तेणं कालेणं तेणं समएणं अरहा अरिट्टनेमी आइगरे ... दस धणूई वण्णओ जाव समोसरिए । परिसा निग्गया ॥ १६६ ॥ तए णंसे कण्हे वासुदेवे इमीसे कहाए लब्हें समाणे हट्टतुद्वे० कोडुम्बियपुरिसं सद्दावेइ २ ता एवं वयासी-खिप्पामेव देवाणुप्पिया ! सभाए सुहम्माए सामुदाणियं भेरिं तालेह। तए णं से कोडुम्बियपुरिसे जाव पिडसुणिता जेणेव सभाए सहम्माए सामुदाणिया भेरी तेणेव उवागच्छः २ ता सामुदाणियं भेरिं महया २ सद्देणं तालेइ ॥ १६७॥ तए णं तीसे सामुदाणियाए भेरीए महया २ सद्देणं तालियाए समाणीए समुद्दविजयपामोक्खा दस दसारा ''देवीओ(उण) भाणियव्वाओ, अने य बहवे राईसर जाव सत्थवाहप्पभिइओ ण्हाया सन्वालंकारविभूसिया जहाविभव-इड्डीसक्कारसमुदएणं अप्पेगइया हयगया जाव पुरिसवग्गुरापरिक्खिता जेणेव कण्हे वासुदेवे तेणेव उवागच्छन्ति २ त्ता करयल० कण्हं वासुदेवं जएणं विजएणं वद्धावेन्ति। तए णं से कण्हे वासुदेवे कोडुम्बियपुरिसे एवं वयासी-खिप्पामेव भो देवाणुप्पिया! आभिसेक्हित्थरयणं पडिकप्पेह हयगयरहपदर जाव पचप्पिणन्ति । तए णं से कण्हे वासुदेवे मजाणघरे जाव दुरूढे, अट्टह मङ्गलगा, जहा कृणिए, सेयवरचामरेहिं उद्भव्वमाणेहिं २ समुद्दविजयपामोक्खेहिं दसहिं दसारेहिं जाव सत्थवाहप्पिमिईहिं सार्द्धि संपरिवृढे सिव्वद्गीए जाव रवेणं बारावइं नयिरं मज्झंमज्झेणं ...सेसं जहा कूणिओ जाव पज्जुवासइ ॥ १६८ ॥ तए णं तस्स निसढस्स कुमारस्स उपिंप पासा-यवरगयस्स तं महया जणसद्दं च ... जहा जमाली जाव धम्मं सोचा निसम्म वन्दइ नमंसइ वं॰ २ ता एवं वयासी-सद्दहामि णं भन्ते! निग्गन्थं पावयणं जहा चित्तो जाव सावगधम्मं पडिवजड २ ता पडिगए॥ १६९॥ तेणं कालेणं तेणं समएणं अरहओ अरिद्रनेमिस्स अन्तेवासी वरदत्ते नामं अणगारे उराले जाव विहरइ। तए णं से वरदत्ते अणगारे निसढं कुमारं पासइ २ ता जायसङ्के जाव पज़्वासमाणे एवं वयासी-अहो णं भनते ! निसढे कुमारे इद्वे इट्ठहवे कन्ते कन्तहवे, एवं पिए॰ मणुन्नए॰ भणामे मणामरूवे सोमे सोमरूवे पियदंसणे सुरूवे, निसढेणं भन्ते ! कुमारेणं अयमेयारूवा माणुयइङ्गी किण्णा लद्धा किण्णा पत्ता ? पुच्छा जहा सूरियाभरस । एवं खलु वरदत्ता ! तेणं कालेणं तेणं समएणं इहेव जम्ब्रहीवे दीवे भारहे वासे रोहीडए नामं नयरे होतथा, रिद्ध० । मेहवण्णे उज्जाणे । तत्थ णं रोहीडए नयरे महञ्बले नामं राया, परमावई नामं देवी, अन्नया कयाइ तंसि तारिसगंसि सयणिजंसि सीहं सुमिणे.... एवं जम्मणं भाणियव्वं जहा महाबलस्स,

नवरं वीरङ्गओ नामं बत्तीसओ दाओ, बत्तीसाए रायवरकन्नगाणं पाणि जाव उव-गिजामाणे २ पाउसवरिसारत्तसर्यहेमन्तवसन्तगिम्हपजान्ते छप्पि उऊ जहाविभवेणं भंजमाणे २ कालं गालेमाणे इद्रे सह जाव विहरइ ॥ १७० ॥ तेणं कालेणं तेणं समएणं सिद्धत्था नाम आयरिया जाइसंपन्ना जहा केसी, नवरं बहुस्सुया बहुपरिवारा जेणेव रोहीडए नयरे जेणेव मेहवण्णे उज्जाणे तेणेव उवागया अहापिडक्वं जाव विहरन्ति । परिसा निग्गया ॥ १७१ ॥ तए णं तस्स वीरङ्गयस्स कुमारस्स उपि पासायवरगयस्य तं महया जणसङ्गः जहा जमाली निग्गओ धम्मं सोचा ः जं नवरं देवाण्पिया ! अम्मापियरो आपुच्छामि जहा जमाली तहेव निक्खन्तो जाव अणगारे जाए जाव गुत्तबम्भयारी ॥ १७२ ॥ तए णं से वीरङ्गए अणगारे सिद्धत्थाणं आयरियाणं अन्तिए सामाइयमाइयाइं एकारस अङ्गाइं अहिज्जइ २ ता बहाहीं चउत्य जाव अप्पाणं भावेमाणे बहुपिडपुण्णाई पणयालीसवासाई सामण्णपिरयागं पाउणिता दोमासियाए संलेहणाए अत्ताणं झूसिता सवीसं भत्तसयं अणसणाए छेडता आलोइयपिडक्कन्ते समाहिपत्ते कालमासे कालं किचा बम्भलोए कप्पे मणोरमे विमाणे देवताए उववन्ने । तत्थ णं अत्थेगइयाणं देवाणं दससागरीवमाइं ठिई पन्नता ॥ १७३ ॥ से णं वीरङ्गए देवे ताओ देवलोगाओ आडक्खएणं जाव अणन्तरं चयं चइत्ता इहेव बारवईए नयरीए बलदेवस्स रन्नो रेवईए देवीए कुचिंछिस पुत्तताए उववन्ने । तए णं सा रेवई देवी तंसि तारिसगंसि सयणिजंसि स्रामिणदंसणं जाव उप्पि पासायवरगए विहरइ । तं एवं खळु वरदत्ता ! निसढेणं कुमा-रेणं अयमेयारूवा उराला मणुयङ्ही लद्धा ३॥ १७४॥ पभू णं भन्ते! निसढे कुमारे देवाणुप्पियाणं अन्तिए जाव पव्वइत्तए ? हन्ता ! पभू । से एवं भन्ते ! २ इय वरदत्ते अणगारे जाव अप्पाणं भावेमाणे विहरइ। तए णं अरहा अरिट्र-नेमी अन्नया कयाइ बारवईओ नयरीओ जाव बहिया जणवयविहारं विहरइ। निसढे क़मारे समणोवासए जाए अभिगयजीवाजीवे जाव विहरइ ॥ १७५॥ तए णं से निसढे क्रमारे अन्नया कयाइ जेणेव पोसहसाला तेणेव उवागच्छइ २ ता जाव दब्भसंथारोवगए विहरइ । तए णं तस्स निसदस्स कुमारस्स पुव्वरत्तावरत्त-कालसमयंसि धम्मजागरियं जागरमाणस्स इमेयारूवे अज्झित्थए जाव समुप्प-जित्था—धन्ना णं ते गामागर जाव संनिवेसा जत्थ णं अरहा अरिद्रनेमी विहरइ. धन्ना णं ते राईसर जाव सत्थवाहप्पभिइओ जे णं अरिट्टनेमिं वन्दन्ति नमंसन्ति जाव पज्जुवासन्ति, जइ णं अरहा अरिट्टनेमी पुरुवाणुपुर्विव...नन्दणवणे विहरेजा तो णं अहं अरहं अरिद्रनेमिं वन्दिजा जाव पज्जुवासिजा॥ १७६॥ तए णं अरहा

अरिट्टनेमी निसहस्स कुमारस्स अयमेयास्वमज्झत्थियं जाव वियाणिता अद्वारसिंहं समणसहस्सेहिं जाव नन्दणवणे उज्जाणे समोसहे। परिसा निग्गया। तए णं निसहे क्रमारे इमीसे कहाए लद्धद्वे समाणे हद्र० चाउग्घण्टेणं आसरहेणं निग्गए जहा जमाली जाव अम्मापियरो आपुच्छित्ता पव्वइए अणगारे जाए जाव गुत्तबम्भयारी ॥१७७॥ तए णं से निसढे अणगारे अरहओ अरिद्रनेमिस्स तहारूवाणं थेराणं अन्तिए सामाइयमाइयाई एकारस अङ्गाई अहिजाइ २ ता बहु हिं चउत्थछट्ट जाव विचित्तेहिं तवोकम्मेहिं अप्पाणं भावेमाणे बहुपिंडपुण्णाइं नव वासाइं सामण्णपिरयागं पाउणइ २ ता बायाठीसं भत्ताई अणसणाए छेएइ, आलोइयपडिक्कन्ते समाहिपत्ते आणुपुर्व्वीए कालगए ॥ १७८ ॥ तए णं से वरदत्ते अणगारे निसढं अणगारं कालगयं जाणिता जेणेव अरहा अरिद्रनेमी तेणेव उवागच्छइ २ ता जाव एवं वयासी-एवं खल देवाण-प्पियाणं अन्तेवासी निसढे नामं अणगारे पगइभहए जाव विणीए. से णं भन्ते! निसढे अणगारे कालमासे कालं किचा किहं गए किहं उववन्ने १॥ १७९॥ वरदत्ताइ अरहा अरिद्रनेमी वरदत्तं अणगारं एवं वयासी—एवं खळु वरदत्ता ! ममं अन्ते-वासी निसढे नामं अणगारे पगइभेंद्दे जाव विणीए ममं तहारूवाणं थेराणं अन्तिए सामाइयमाइयाइं एकारस अङ्गाइं अहिजित्ता बहपिडपुण्णाइं नव वासाइं सामण्णपरि-यागं पाडणिता बायालीसं भत्ताइं अणसणाए छेइता आलोइयपिडक्कन्ते समाहिपत्ते कालमासे कालं किचा उड्डं चन्दिमसरियगहगणणक्खत्तताराख्वाणं सोहम्मीसाणं जाव अञ्चए तिण्णि य अद्वारसत्तरे गेविज्जविमाणावाससए वीइवइत्ता सञ्बद्धसिद्धविमाणे देवत्ताए उववन्ने, तत्थ णं देवाणं तेत्तीसं सागरोवमाइं ठिई पन्नता, तत्थ णं निसहस्सवि देवस्स तेत्तीसं सागरोवमाइं ठिई पण्णत्ता ॥ १८० ॥ से णं भन्ते ! निसढे देवे ताओ देवलोगाओ आउक्खएणं भवक्खएणं ठिइक्खएणं अणन्तरं चयं चइत्ता किं गच्छिहिइ, किं उवविजिहिइ ? वरदत्ता ! इहेव जम्ब्रहीवे दीवे महाविदेहे वासे उन्नाए नयरे विद्युद्धपिइवंसे रायकुले पुतत्ताए पचायाहिइ । तए णं से उम्मुक्कबाल-भावे विज्ञयपरिणयमेत्रे जोव्वणगमणुप्पत्ते तहारूवाणं थेराणं अन्तिए केवलबोहिं बुज्झिहिइ २ त्ता अगाराओ अणगारियं पव्विज्ञिहिइ । से णं तत्थ अणगारे भविस्सइ इरियासमिए जाव गुत्तबम्भयारी । से णं तत्थ बहु हिं चउत्थछहुहुमदसमदुवालसेहिं मासद्धमासखमणेहिं विचित्तेहिं तवोकम्मेहिं अप्पाणं भावेमाणे बहइं वासाइं सामण्ण-परियागं पाउणिस्सइ २ ता मासियाए संलेहणाए अत्ताणं झूसिहिइ २ ता सिद्धं भत्ताई अणसणाए छेइहिइ, जस्सद्राए कीरइ थेरकप्पभावे जिणकप्पभावे मुण्डभावे अण्हाणए जाव अदन्तवणए अच्छत्तए अणोवाहणए फलहसेजा कट्टसेजा केसलोए बम्भचेर-

वासे परघरपवेसे पिण्डवाओ लढावलढे उचावया य गामकण्टगा अहियासिज्जन्ति तमहं आराहेइ २ ता चिरमेहिं उस्सासिनस्सासेहिं सिज्झिहिइ बुज्झिहिइ जाव सव्व-दुक्खाणं अन्तं काहिइ । निक्खेवओ ॥ १८१ ॥ पढमं अज्झयणं समत्तं ॥५।१॥ एवं सेसावि एक्कारस अज्झयणा नेयव्वा संगहणीअणुसारेण अहीणमहिर्त्तं एक्कारसम्रवि त्तिबेमि ॥ १८२ ॥ ५ । १२ ॥ विण्हद्साओ समत्ताओ ॥ पञ्चमो वग्गो समत्तो ॥ ५ ॥ निरयावित्याइसुयक्खन्धो समत्तो ॥

समत्ताणि उवङ्गाणि ॥ निरियावलियाइउवङ्गाणं एगो सुयक्खन्धो, पञ्च वग्गा, पञ्चस दिवसेस उद्दि-स्सन्ति, तत्थ चउसु वग्गेसु दस दस उद्देसगा, पञ्चमवग्गे बारस उद्देसगा ॥

> ।। निरयावलियाइसुत्ताइं समत्ताइं ।। तेसिं समत्तीए

बारस उवंगाइं समत्ताइं

॥ सन्वसिलोगसंखा २५००० ॥



णमोऽत्थु णं समणस्स भगवओ णायपुत्तमहावीरस्स

सुत्तागमें चउछेयसुत्ताइं तत्थ णं ववहारो

पढमो उद्देसओ

जे भिक्खू मासियं परिहारद्वाणं पडिसेवित्ता आलोएजा. अपलिउंचिय आलोए-माणस्स मासियं, पिछंचिय आलोएमाणस्स दोमासियं ॥ १ ॥ जे भिक्ख दोमासियं परिहारद्वाणं पडिसेवित्ता आलोएजा. अपलिउंचिय आलोएमाणस्स दोमासियं. पिठडंचिय आलोएमाणस्स तेमासियं ॥ २ ॥ जे भिक्खू तेमासियं परिहारद्वाणं पिडसेविता आलोएजा. अपिलडंचिय आलोएमाणस्स तेमासियं, पिलडंचिय आलोए-माणस्य चाउम्मासियं ॥ ३ ॥ जे भिक्खू चाउम्मासियं परिहारद्वाणं पडिसेवित्ता आलोएजा. अपलिउंचिय आलोएमाणस्स चाउम्मासियं, पलिउंचिय आलोएमाणस्स पंचमासियं ॥ ४ ॥ जे भिक्खू पंचमासियं परिहारहाणं पडिसेविता आलोएजा, अपलिउंचिय आलोएमाणस्स पंचमासियं. पिलउंचिय आलोएमाणस्स छम्मासियं ॥ ५ ॥ तेण परं पलिउंचिए वा अपलिउंचिए वा ते चेव छम्मासा ॥ ६ ॥ जे भिक्ख बहसो वि मासियं परिहारद्वाणं पडिसेवित्ता आलोएजा. अपलिउंचिय आलोए-माणस्स मासियं, पिठंडंचिय आलोएमाणस्स दोमासियं ॥ ७ ॥ जे भिक्खू बहुसो वि दोमासियं परिहारद्वाणं पडिसेवित्ता आलोएजा. अपलिउंचिय आलोएमाणस्स दोमासियं, पिंठंचिय आलोएमाणस्स तेमासियं ॥ ८॥ जे भिक्खू बहुसो वि तेमासियं परिहारद्वाणं पिडसेविता आलोएजा, अपलिउंचिय आलोएमाणस्स तेमा-सियं, पिछंचिय आलोएमाणस्स चाउम्मासियं ॥ ९ ॥ जे भिक्खू बहुसो वि चाउम्मासियं परिहारद्वाणं पिडसेवित्ता आलोएजा, अपलिउंचिय आलोएमाणस्स चाउम्मासियं, पिठउंचिय आलोएमाणस्स पंचमासियं ॥ १० ॥ जे भिक्खू बहुसो वि पंचमासियं परिहारद्राणं पडिसेवित्ता आलोएजा, अपिलउंचिय आलोएमाणस्स पंचमासियं. पिछंचिय आलोएमाणस्स छम्मासियं ॥ ११ ॥ तेण परं पिछंचिए

वा अपिलडंचिए वा ते चेव छम्मासा ॥ १२ ॥ जे भिक्खू मासियं वा दोमासियं वा तेमासियं वा चाउम्मासियं वा पंचमासियं वा एएसिं परिहारद्वाणाणं अण्णयः परिहारद्वाणं पिडसेवित्ता आलोएजा. अपिलउंचिय आलोएमाणस्स मासियं वा दोमासियं वा तेमासियं वा चाउम्मासियं वा पंचमासियं वा, पिछंचिय आलोग-माणस्स दोमासियं वा तेमासियं वा चाउम्मासियं वा पंचमासियं वा छम्मासियं वा. तेण परं पिल्डंचिए वा अपलिडंचिए वा ते चेव छम्मासा ॥ १३ ॥ जे भिक्ख बहुसो वि मासियं वा बहुसो वि दोमासियं वा बहुसो वि तेमासियं वा बहुसो वि चाउम्मासियं वा बहुसो वि पंचमासियं वा एएसिं परिहारद्वाणाणं अण्णयरं परिहारद्वाणं पिंडसेविता आलोएजा, अपिलडंचिय आलोएमाणस्स मासियं वा दोमासियं वा तेमासियं वा चाउम्मासियं वा पंचमासियं वा, पिठडंचिय आलोएमाणस्स दोमासियं वा तेमासियं वा चाउम्मासियं वा पंचमासियं वा छम्मासियं वा, तेण परं पिछउंचिए वा अपलिउंचिए वा ते चेव छम्मासा ॥ १४ ॥ जे भिक्खू चाउम्मासियं वा साइरे-गचाउम्मासियं वा पंचमासियं वा साइरेगपंचमासियं वा एएसिं परिहारद्वाणाणं अण्णयरं परिहारद्वाणं पडिसेवित्ता आलोएजा, अपलिउंचिय आलोएमाणस्स चाउ-म्मासियं वा साइरेगचाउम्मासियं वा पंचमासियं वा साइरेगपंचमासियं वा. पिल-उंचिय आलोएमाणस्स पंचमासियं वा साइरेगपंचमासियं वा छम्मासियं वा. तेण परं पिलंडेचिए वा अपलिडंचिए वा ते चेव छम्मासा ॥ १५ ॥ जे भिक्खू बहुसो वि चाउम्मासियं वा बहुसो वि साइरेगचाउम्मासियं वा बहुसो वि पंचमासियं वा बहुसो वि साइरेगपंचमासियं वा एएसिं परिहारद्वाणाणं अण्णयरं परिहारद्वाणं पिड-सेवित्ता आलोएजा, अपलिउंचिय आलोएमाणस्स चाउम्मासियं वा साइरेगचाउम्मा-सियं वा पंचमासियं वा साइरेगपंचमासियं वा. पिलडंचिय आलोएमाणस्स पंचमासियं वा साइरेगपंचमासियं वा छम्मासियं वा, तेण परं पिलडंचिए वा अपलिडंचिए वा ते चेव छम्मासा ॥ १६ ॥ जे भिक्खू चाउम्मासियं वा साइरेगचाउम्मासियं वा पंचमासियं वा साइरेगपंचमासियं वा एएसिं परिहारहाणाणं अण्णयरं परिहारहाणं पिंडसेवित्ता आलोएजा, अपलिउंचिय आलोएमाणे ठवणिजं ठवइत्ता कर्णिजं वेयाविडयं, ठविए वि पिडसेवित्ता से वि किसणे तत्थेव आरुहेयव्वे सिया, पुव्वि पिंडेसेवियं पुर्वि आलोइयं, पुर्विव पिंडिसेवियं पच्छा आलोइयं, पच्छा पिंडिसेवियं पुर्विव आलोइयं, पच्छा पिडसेवियं पच्छा आलोइयं, अपलिउंचिए अपलिउंचियं, अपिंठंचिए पिंठंचियं, पिंठंचिए अपिंठंचियं, पिंठंचिए पिंठंचियं, अपिंठ-उंचिए अपिंडंचियं आलोएमाणस्स सव्वमेयं सक्यं साहणिय जे एयाए पट्टवणाए

पट्टविए निव्विसमाणे पिंडसेवेइ से वि किसणे तत्थेव आरुहेयव्वे सिया ॥ १७ ॥ जे भिक्ख् चाउम्मासियं वा साइरेगचाउम्मासियं वा पंचमासियं वा साइरेगपंचमासियं वा एएसिं परिहारद्राणाणं अण्णयरं परिहारद्राणं पिंसेवित्ता आलोएजा. पलिउंचिय आलोएमाणे ठवणिजं ठवइत्ता करणिजं वेयाविडयं, ठविए वि पिडसेवित्ता से वि कसिणे तत्थेव आरुहेयन्वे सिया, पुव्चि पिडसेवियं पुन्वि आलोइयं, पुन्वि पिडसेवियं पच्छा आलोइयं, पच्छा पिडसेवियं पुव्चि आलोइयं, पच्छा पिडसेवियं पच्छा आलोइयं. अपलिउंचिए अपलिउंचियं, अपलिउंचिए पलिउंचियं, पलिउंचिए अपलिउंचियं, पिठंडेचिए पिठंडेचियं, पिठंडेचिए पिठंडेचियं आलोएमाणस्स सन्वमेयं सक्यं साहणिय जे एयाए पट्टवणाए पट्टविए निव्विसमाणे पिडसेवेइ से वि कसिणे तत्थेव आरुहेयन्वे सिया ॥ १८ ॥ जे भिक्ख् बहुसो वि चाउम्मासियं वा बहुसो वि साइरेगचाउम्मासियं वा बहुसो वि पंचमासियं वा बहुसो वि साइरेगपंचमासियं वा एएसिं परिहारद्वाणाणं अण्णयरं परिहारद्वाणं पिडसेविता आलोएजा, अपलिउंचिय आलोएमाणे ठवणिजं ठवइत्ता करणिजं वेयाविडयं, ठविए वि पिडसेवित्ता से वि कसिणे तत्थेव आरहेयव्वे सिया, पुव्वि पडिसेवियं पुव्वि आलोइयं, पुव्वि पडिसेवियं पच्छा आलोइयं, पच्छा पिडसेवियं पुव्विं आलोइयं, पच्छा पिडसेवियं पच्छा आलोइयं, अपलिउंचिए अपलिउंचियं, अपलिउंचिए पलिउंचियं, पलिउंचिए अपलिउंचियं, पिलडंचिए पिलडंचियं आलोएमाणस्स सन्वमेयं सक्यं साहणिय जे एयाए पट्टवणाए पद्मविए निव्विसमाणे पिडसेवेइ से वि किसणे तत्थेव आरुहेयव्वे सिया ॥ १९॥ जे भिक्ख् बहुसो वि चाउम्मासियं वा बहुसो वि साइरेगचाउम्मासियं वा बहुसो वि पंचमासियं वा बहुसो वि साइरेगपंचमासियं वा एएसिं परिहारहाणाणं अण्णयरं परिहारद्वाणं पिंडसेवित्ता आलोएजा, पिंठउंचिय आलोएमाणे ठवणिजं ठवइत्ता करणिजं वेयाविडयं, ठविए वि पिडसेवित्ता से वि कसिणे तत्थेव आरुहेयव्वे सिया, पुव्वि पिडसेवियं पुव्वि आलोइयं, पुव्वि पिडसेवियं पच्छा आलोइयं, पच्छा पडिसेवियं पुनिव आलोइयं, पच्छा पडिसेवियं पच्छा आलोइयं, अपलिउंचिए अपलिउंचियं, अपलिउंचिए पलिउंचियं, पलिउंचिए अपलिउंचियं, पलिउंचिए पिलउं चियं आलोएमाणस्स सन्वमेयं सक्यं साहणिय जे एयाए पद्ववणाए पद्वविए निवित्रसमाणे पिंडसेवेइ से वि किसणे तत्थेव आरुहेयव्वे सिया ॥ २०॥ बहवे पारिहारिया बहवे अपारिहारिया इच्छेजा एगयओ अभिनिसेजं वा अभिनि-सीहियं वा चेएतए, नो ण्हं कप्पइ थेरे अणापुच्छिता एगयओ अभिनिसेजं वा अभिनिसीहियं वा चेएत्तए, कप्पइ ण्हं थेरे आपुच्छित्ता एगयओ अभिनिसेजं वा

अभिनिसीहियं वा चेएत्तए, थेरा य ण्हं से वियरेजा एव ण्हं कप्पइ एगयओ अभिनिसेर्ज वा अभिनिसीहियं वा चेएत्तए, थेरा य ण्हं से नो वियरेजा एव ण्हं नो कप्पइ एगयओ अभिनिसेजं वा अभिनिसीहियं वा चेएत्तए, जो णं थेरेहिं अविडणो अभिनिसेकं वा अभिनिसीहियं वा चेएइ. से संतरा छेए वा परिहारे वा ॥ २१ ॥ परिहारकप्पट्रिए भिक्ख बहिया थेराणं वेयाविडयाए गच्छेजा, थेरा य से सरेजा, कप्पइ से एगराइयाए पिडमाए जण्णं २ दिसं अण्णे साहम्मिया विहरंति तण्णं २ दिसं उवलित्तए, नो से कप्पइ तत्थ विहारवित्तयं वत्थए, कप्पइ से तत्थ कारणवत्तियं वत्थए, तंसि च णं कारणंसि निट्टियंसि परो वएजा-वसाहि अज़ो ! एगरायं वा दुरायं वा. एवं से कप्पइ एगरायं वा दुरायं वा वस्थए, नो से कप्पइ परं एगरायाओ वा दुरायाओ वा वत्थए, जं तत्थ परं एगरायाओ वा दुरायाओं वा वसइ से संतरा छेए वा परिहारे वा ॥ २२ ॥ परिहारकप्पद्भिए भिक्ख बहिया थेराणं वेयाविडयाए गच्छेजा, थेरा य नो सरेजा, कप्पइ से निन्विसमा-णस्स एगराइयाए पडिमाए जण्णं जण्णं दिसिं अन्ने साहम्मिया विहरंति तण्णं तण्णं दिसं उविलत्तए. नो से कप्पइ तत्थ विहारवत्तियं वत्थए, कप्पइ से तत्थ कारणवत्तियं वत्थए, तंसि च णं कारणंसि नि ड्रियंसि परो वएजा-वसाहि अजो! एगरायं वा दुरायं वा. एवं से कप्पइ एगरायं वा दुरायं वा वत्थए, नो से कप्पइ परं एगरायाओ वा दुरायाओ वा वतथए, जं तत्थ परं एगरायाओ वा दुरायाओ वा वसइ, से संतरा छेए वा परिहारे वा ॥ २३ ॥ परिहारक पट्टिए भिक्खू बहिया थेराणं वेयाविडयाए गच्छेजा. थेरा य से सरेजा वा नो सरेजा, कप्पइ से निन्विसमाणस्स एगराइयाए पिडमाए जण्णं जण्णं दिसं अन्ने साहम्मिया विहरंति तण्णं तण्णं दिसं उविलत्तए, नो से कप्पइ तत्थ विहारवित्तयं वत्थए, कप्पइ से तत्थ कारणवत्तियं वत्थए, तंसि च णं कारणंसि निद्वियंसि परो वएज्जा-वसाहि अजो ! एगरायं वा दुरायं वा, एवं से कप्पइ एगरायं वा दुरायं वा वत्थए, नो से कप्पइ परं एगरायाओ वा दुरायाओ वा वत्थए, जंतत्थ परं एगरायाओ वा दुरायाओ वा वसइ, से संतरा छेए वा परिहारे वा ॥ २४ ॥ जे भिक्खू य गणाओ अवकम्म एगल्लविहारपिडमं उवसंपिजाताणं विहरेजा से य नो संथरेजा से य इच्छेजा दोचं पि तमेव गणं उवसंपज्जिताणं विहरित्तए, पुणो आलोएजा पुणो पिकक्रमेजा पुणो छेयपरिहारस्स उवद्वाएजा ॥ २५ ॥ गणावच्छेइए य गणाओ अनक्षम्म एगह्रविहारपिडमं उवसंपिजताणं विहरेजा से य नो संथरेजा से य इच्छेजा दोचं पि तमेव गणं उवसंपजिताणं विहरित्तए, पुणो आलोएजा पुणो पडिक्रमेजा पुणो छेयपरिहारस्स उवद्राएजा ॥ २६ ॥ एवं आयरियउवज्झाए य गणाओं अवक्षम्म एगल्लविहारपिडमं उवसंपिजताणं विहरेजा. से य इन्छेजा दोचं पि तमेव गणं उवसंपिजताणं विहरित्तए. पुणो आलोएजा पुणो पिडक्रमेजा पुणो छेयपरिहारस्स उवद्राएजा ॥ २७ ॥ भिक्ख य गणाओ अवक्रम्म पासत्थविहारं उवसंपजिताणं विहरेजा. से य इच्छेजा दोचं पि तमेव गणं उवसंपजिताणं विहरित्तए, अत्थि याइं थ सेसे. पुणो आलोएजा पुणो पडिक्सेजा पुणो छेयपरि-हारस्स उवद्वाएजा ॥ २८ ॥ भिक्ख य गणाओ अवक्षम्म अहाछंदविहारं उव-संपजिताणं विहरेजा. से य इच्छेजा दोचं पि तमेव गणं उवसंपजिताणं विहरि-त्तए, अत्थि याई थ सेसे, पुणो आलोएजा पुणो पिडक्कमेजा पुणो छेयपरिहारस्स उवहाएजा ॥ २९ ॥ भिक्खु य गणाओ अवक्रम्म क्रसीलविहारं उवसंपिजाताणं विहरेजा. से य इच्छेजा दोचं पि तमेव गणं उवसंपिजताणं विहरित्तए, अत्थि याइं थ सेसे, पुणो आलोएजा पुणो पिडक्समेजा पुणो छेयपरिहारस्स उवहाएजा ॥ ३०॥ भिक्खू य गणाओ अवक्रम्म ओसण्णविहारं उवसंपिक्तिताणं विहरेका से य इच्छेजा दोचं पि तमेव गणं उवसंपिजताणं विहरित्तए. अत्थि याइं थ सेसे. पुणो आलोएजा पुणो पिङक्रमेजा पुणो छेयपरिहारस्स उवहाएजा ॥ ३१ ॥ भिक्ख य गणाओ अवकम्म संसत्तविहारं उवसंपिजताणं विहरेजा. से य इच्छेजा दोचं पि तमेव गणं उवसंपिजताणं विहरित्तए, अत्थि याई थ सेसे, पणो आलोएजा पुणो पडिक्समेजा पुणो छेयपरिहारस्स उवट्ठाएजा ॥ ३२-१ ॥ भिक्ख य गणाओ अशकम्म परपासंडं उवसंपजित्ताणं विहरेजा, से य इच्छेजा दोचं पि तमेव गणं उवसंपिजनाणं विहरित्तए. नित्थ णं तस्स तप्पत्तियं केइ छेए वा परिहारे वा णण्णत्थ एगाए आलोयणाएँ ॥ ३२-२ ॥ भिक्ख य गणाओ अवकम्म ओहावेजा. से य इच्छेजा दोचं पि तमेव गणं उवसंपिजताणं विहरित्तए. नित्थ णं तस्स केइ छेए वा परिहारे वा णण्णत्य एगाए सेहोबद्रावणियाए ॥ ३३ ॥ भिक्ख य अण्णयरं अिकचहाणं (पिड)सेविता इच्छेजा आलोएत्तए, जत्थेव अप्पणो आयरियउवज्झाए पासेजा, तेसंतियं आलोएजा पिडक्समेजा निदेजा गरहेजा विउट्टेजा विसोहेजा अकरणयाए अब्भुद्वेजा अहारिहं तवोकम्मं पायच्छितं पडिवजेजा ॥ ३४॥ नो चेव अप्पणो आयरियउवज्झाए पासेजा. जत्थेव संभोइयं साहम्मियं पासेजा बहस्सयं

१ फुडीकरणमेयस्स विवाहपण्णत्तिपणवीसइमसयणियंठवत्तव्वया-ठाणचडमंगीओ तह इमस्स चेव ववहारस्स दसमुद्देसाओ णायव्वं। २ पाढंतरं-कप्पइ से तस्संतियं आलोइत्तए वा पडिक्रमित्तए वा जाव पडिवज्जित्तए ।

५१ सत्ता०

बब्भागमं, तस्संतियं आलोएजा जाव पिडवजेजा ॥ ३५ ॥ नो चेव णं संभोइयं साहिम्मयं पासेजा बहुस्सुयं बब्भागमं, तस्संतियं आलोएजा जाव पिडवजेजा ॥ ३६ ॥ नो चेव णं अन्नसंभोइयं पासेजा बहुस्सुयं बब्भागमं, तस्संतियं आलोएजा जाव पिडवजेजा ॥ ३६ ॥ नो चेव णं अन्नसंभोइयं पासेजा बहुस्सुयं बब्भागमं, तस्संतियं आलोएजा जाव पिडवजेजा ॥ ३७-९ ॥ नो चेव णं सारूवियं पासेजा बहुस्सुयं बब्भागमं, जत्थेव समणोवासगं पच्छाकडं पासेजा बहुस्सुयं बब्भागमं, कप्पइ से तस्संतिए आलोएतए वा पिडक्षमेत्तए वा जाव पायच्छितं पिडवजेत्तए वा ॥ ३७-२ ॥ नो चेव णं समणोवासगं पच्छाकडं पासेजा बहुस्सुयं बब्भागमं, जत्थेव समभावियं णाणिं पासेजा, कप्पइ से तस्संतिए आलोएतए वा पिडक्षमेत्तए वा जाव पायच्छितं पिडवजेत्तए वा ॥ ३८ ॥ नो चेव समभावियं णाणिं पासेजा, कप्पइ से तस्संतिए आलोएतए वा पिडक्षमेत्तए वा जाव पायच्छितं पिडवजेत्तए वा ॥ ३८ ॥ नो चेव समभावियं णाणिं पासेजा, बहिया गामस्स वा नगरस्स वा निगमस्स वा रायहाणीए वा खेडस्स वा कब्बडस्स वा मडंबस्स वा पष्टणस्स वा दोणमुहस्स वा आसमस्स वा संवाहस्स वा संनिवेसस्स वा पाईणाभिमुहे वा उदीणाभिमुहे वा करयलपिग्गिह्यं सिरसावत्तं मत्थए अंजिल कहु एवं वएजा—एवइया मे अवराहा, एवइक्खतो अहं अवरद्धो । अरहंताणं सिद्धाणं अंतिए आलोएजा जाव पिडवजेजासि ॥ ३९॥ ति-बेमि ॥ ववहारस्स पढमो उद्देसओ समनो ॥ १॥

ववहारस्स बिइओ उद्देसओ

दो साहम्मिया एगयओ विहरंति, एगे तत्थ अण्णयरं अकिच्हाणं पिंसेवेता आलोएजा, ठवणिजं ठवइता करणिजं वेयाविडयं ॥ ४०॥ दो साहम्मिया एगयओ विहरंति, दो वि ते अण्णयरं अिकच्हाणं पिंडसेवेता आलोएजा, एगं तत्थ कप्पागं ठवइता एगे निव्विसेजा, अह पच्छा से वि निव्विसेजा॥ ४१॥ बहवे साहम्मिया एगयओ विहरंति, एगे तत्थ अण्णयरं अिकच्हाणं पिंडसेवेता आलोएजा, ठवणिजं ठवइत्ता करणिजं वेयाविडयं॥ ४२॥ बहवे साहम्मिया एगयओ विहरंति, सव्वे वि ते अण्णयरं अिकच्हाणं पिंडसेवेता आलोएजा, एगं तत्थ कप्पागं ठवइत्ता अवसेसा निव्विसेजा, अह पच्छा से वि निव्विसेजा॥ ४३॥ परिहार-कप्पिट्टए भिक्च गिलायमाणे अण्णयरं अिकच्हाणं पिंडसेवेत्ता आलोएजा, से य संथेरजा ठविजां ठवइत्ता करणिजं वेयाविडयं॥ ४४॥ से य नो संथरेजा अणु-परिहारिएणं करणिजं वेयाविडयं, से तं अणुपरिहारिएणं करणिजं वेयाविडयं साइ-जेजा, से वि किसणे तत्थेव आरहेयव्वे सिया॥ ४५॥ परिहारकप्पिट्टयं भिक्खं गिलायमाणं नो कप्पइ तस्स गणावच्छेइयस्स निज्विहत्ता, अगिलाए तस्स

१ गिहत्यं अदुवा देवं पुव्वपालियसंजमाणुभावा जाणियपायचिछत्तविहिं ।

करणिजं वेयावडियं जाव तओ रोगायंकाओ विप्पमुक्को, तओ पच्छा तस्स अहा-लहुसए नामं ववहारे पट्टवियन्वे सिया ॥ ४६ ॥ अणवट्टप्पं भिक्खं गिलायमाणं नो कप्पइ तस्स गणावच्छेइयस्स निज्नृहित्तए, अगिलाए तस्स करणिजं वेयाविडयं जाव तओ रोगायंकाओ विप्पमुक्को, तओ पच्छा तस्स अहालहसए नामं ववहारे पद्ववियव्वे सिया ॥ ४७ ॥ पारंचियं भिक्खं गिलायमाणं नो कप्पइ तस्स गणा-वच्छेइयस्स निज्नृहित्तए, अगिलाए तस्स करणिजं वेयावडियं जाव तओ रोगायंकाओ विप्पमुक्को, तओ पच्छा तस्स अहालहुसए नामं ववहारे पट्टवियव्वे सिया ॥ ४८ ॥ खित्तचित्तं भिक्खं गिलायमाणं नो कप्पइ तस्स गणावच्छेइयस्स निज्जृहित्तए, अगि-लाए तस्स करणिजं वेयाविडयं जाव तओ रोगायंकाओ विप्पमुको. तओ पच्छा तस्स अहालहसए नामं ववहारे पद्मवियव्वे सिया ॥ ४९ ॥ दित्तचित्तं भिक्खं गिलायमाणं नो कप्पइ तस्स गणावच्छेइयस्स निज्नृहित्तए, अगिलाए तस्स करणिजं वेयावडियं जाव तओ रोगायंकाओ विप्पमुक्को, तओ पच्छा तस्स अहालहुसए नामं ववहारे पद्रवियव्वे सिया ॥ ५० ॥ जक्खाइद्रं भिक्खुं गिलायमाणं नो कप्पइ तस्स गणावच्छेइयस्स निज्जहित्तए, अगिलाए तस्स करणिजं वेयाविडयं जाव तओ रोगायंकाओ विप्पमुको, तओ पच्छा तस्स अहालहुसए नामं ववहारे पट्टवियव्वे सिया ॥ ५१ ॥ उम्मायपत्तं भिक्खं गिलायमाणं नो कप्पइ तस्स गणावच्छेइयस्स निज्नहित्तए, अगिलाए तस्स करणिजं वैयावडियं जाव तओ रोगायंकाओ विप्पमुक्को, तओ पच्छा तस्स अहालहसए नामं ववहारे पद्मवियव्वे सिया ॥ ५२ ॥ उवसग्गपत्तं भिक्खं गिलायमाणं नो कप्पइ तस्स गणावच्छेइयस्स निज्जृहित्तए, अगिलाए तस्स करणिजं वेयाविडयं जाव तओ रोगायंकाओ विष्पमुक्को, तओ पच्छा तस्स अहालहु-सए नामं ववहारे पट्टवियव्वे सिया ॥ ५३ ॥ साहिगरणं भिक्खुं गिलायमाणं नो कप्पइ तस्स गणावच्छेइयस्स निजाहित्तए, अगिलाए तस्स करणिजं वेयाविखयं जाव तओ रोगायंकाओ विप्पमुक्को, तओ पच्छा तस्स अहालहुसए नामं ववहारे पट्टवियव्वे सिया ॥ ५४ ॥ सपायच्छित्तं भिक्खुं गिलायमाणं नो कप्पइ तस्स गणावच्छेइयस्स निज्जृहित्तए, अगिलाए तस्स करणिजं वेयाविडयं जाव तओ रोगायंकाओ विप्पमुक्को, तओ पच्छा तस्स अहालहुसए नामं ववहारे पट्टवियव्वे सिया ॥ ५५ ॥ भत्त-पाणपिडयाइक्खित्तं भिक्खुं गिलायमाणं नो कप्पइ तस्स गणावच्छेइयस्स निज्-हित्तए, अगिलाए तस्स करणिजं वेयाविडयं जाव तओ रोगायंकाओ विप्पमुक्को, तओ पच्छा तस्स अहालहुसए नामं ववहारे पट्ठवियव्वे सिया ॥ ५६ ॥ अट्ठजायं भिक्खुं गिलायमाणं नो कप्पइ तस्स गणावच्छेइयस्स निज्नहित्तए, अगिलाए तस्स

करणिजं वेयाविडयं जाव तओ रोगायंकाओ विष्पमुक्को, तओ पच्छा तस्स अहा-लहसए नामं ववहारे पद्ववियव्वे सिया ॥ ५७ ॥ अणवट्ठप्पं भिक्खुं अगिहिभ्यं नो कप्पइ तस्स गणावच्छेइयस्स उवडावेत्तए ॥ ५८ ॥ अणवडप्पं भिक्खं गिहिभ्यं कप्पइ तस्स गणावच्छेइयस्स उवहावेत्तए॥ ५९॥ पारंचियं भिक्खं अगिहिभ्यं नो कप्पइ तस्स गणावच्छेइयस्स उवद्वावेत्तए ॥ ६० ॥ पारंचियं भिक्खुं गिहिभ्यं कप्पइ तस्स गणावच्छेइयस्स उवद्वावेत्तए॥ ६१ ॥ अणवद्वप्पं भिक्खं अगिहिभ्यं वा गिहिभूयं वा कप्पइ तस्स गणावच्छेइयस्स उवट्ठावेत्तए, जहा तस्स गणस्स पत्तियं सिया ॥ ६२ ॥ पारंचियं भिक्खं अगिहिभूयं वा गिहिभूयं वा कप्पइ तस्स गणावच्छे-इयस्स उवद्वावेत्तए, जहा तस्स गणस्स पत्तियं सिया ॥ ६३ ॥ दो साहम्मिया एगओ विहरंति, एगे तत्थ अण्णयरं अकिचट्ठाणं पडिसेवित्ता आलोएजा-अहं णं भंते! अमुगेणं साहुणा सिद्धं इमिम्म कारणिम्म पिडसेवी, से य पुच्छियव्वे, किं पिडसेवी? से य वएजा-पिडसेवी, परिहारपत्ते, से य वएजा-नो पिडसेवी, नो परिहारपत्ते. जं से पमाणं वयइ से पमाणाओं घेयव्वे, से किमाहु भंते (!)? सचपइचा ववहारा ॥६४॥ भिक्खू य गणाओ अवकम्म ओहाणुप्पे(हिए)ही वजे(गच्छे)जा, से य (आहच्च) अणोहाइए इच्छेजा दोचं पि तमेव गणं उवसंपिजताणं विहरित्तए, तत्थ णं थेराणं इमेयाब्वे विवाए समुप्पजित्था-इमं भो! जाणह किं पडिसेवी ? से य पुच्छियव्वे, किं पिंडसेवी ? से य वएजा-पिंडसेवी, पिरहारपत्ते, से य वएजा-नो पिंडसेवी, नो परिहारपत्ते, जं से पमाणं वयइ से पमाणाओ घेयव्वे, से किमाह भंते ? सच-पद्दशा ववहारा ॥ ६५ ॥ एगपिक्खयस्स भिक्खस्स कप्पइ आयरियउवज्झायाणं इत्तरियं दिसं वा अणुदिसं वा उद्दिसित्तए वा धारेत्तए वा, जहा वा तस्स गणस्स पत्तियं सिया ॥ ६६ ॥ बहवे परिहारिया बहवे अपरिहारिया इच्छेजा एगयओ एगमासं वा दुमासं वा तिमासं वा चडमासं वा पंचमासं वा छम्मासं वा वत्थए, ते अण्णमण्णं संभुंजंति अण्णमण्णं नो संभुंजंति (एग) मासं(... मासंते), तओ पच्छा सन्वे वि एगयओ संभुंजंति ॥ ६० ॥ परिहारकप्पट्वियस्स भिक्खुस्स नो कप्पइ असणं वा पाणं वा खाइमं वा साइमं वा दाउं वा अणुप्पदाउं वा, थेरा य णं वएजा-इमं ता अजो ! तुमं एएसिं देहि वा अणुप्पएहि वा, एवं से कप्पइ दाउं वा अणुप्पदाउं वा, कप्पइ से छेवं अणुजाणावेत्तए, अणुजाणह तं छेवाए ? एवं से कप्पइ छेवं अणुजाणावेत्तए ॥ ६८ ॥ परिहारकप्पद्विए भिक्खू सएणं पडिग्गहेणं बहिया थेराणं वेयाविडयाए गच्छेजा, थेरा य णं वएजा-पिडग्गाहे(हि) अजो! अहं पि भोक्खामि वा पाहामि वा, एवं से कप्पइ पिडग्गाहेत्तए, तत्थ नो कप्पइ अपरिहारिएणं परिहारियस्स पिडम्गहंसि असणं वा पाणं वा खाइमं वा साइमं वा भोत्तए वा पायए वा, कप्पइ से संयंसि वा पिडम्गहंसि पाणिसि वा उद्धृ उद्धृ भोत्तए वा पायए वा, एस कप्पो अपरिहारियस्स परिहारियाओ ॥ ६९ ॥ परिहार-कप्पिडिए भिक्ख थेराणं पिडम्गहएणं बिह्या थेराणं वेयाविडयाए गच्छेजा, थेरा य णं वएजा-पिडम्गाहे अजो ! तुमं पि पच्छा भोक्खिस वा पाहिसि वा, एवं से कप्पइ पिडम्गाहित्तए, तत्थ नो कप्पइ परिहारिएणं अपरिहारियस्स पिडम्गहंसि असणं वा पाणं वा खाइमं वा साइमं वा भोत्तए वा पायए वा, कप्पइ से संयंसि वा पिडम्गहंसि पाणिसि वा उद्धृ उद्धृ भोत्तए वा पायए वा, एसिट्सि कप्पो परिहारियस्स अपरिहारियाओ ॥ ७०॥ ति-बेमि॥ ववहारस्स विद्यो उद्देसओ समत्तो॥ २॥

ववहारस्स तइओ उद्देसओ

भिक्ख य इच्छेजा गणं धारेत्तए. भगवं च से अपिलच्छ(शे)ए. एवं नो से कप्पइ गणं धारेत्तए, भगवं च से पिलच्छने, एवं से कप्पइ गणं धारेत्तए ॥ ७१ ॥ भिक्खू य इच्छेजा गणं धारेत्तए. नो से कप्पड़ थेरे अणापुच्छिता गणं धारेत्तए. कप्पड़ से थेरे आपुच्छिता गणं धारेत्तए. थेरा य से वियरेजा. एवं से कप्पइ गणं धारेत्तए. थेरा य से नो वियरेजा, एवं से नो कप्पइ गणं धारेत्तए, जण्णं थेरेहिं अविइण्णं गणं धारेजा, से संतरा छेओ वा परिहारो वा (:: साहम्मिया उद्घाए विहरंति नित्थ णं तेसिं केइ छेए वा परिहारे वा) ॥ ७२ ॥ तिवासपरियाए समणे णिग्गंथे आयार-कुसले संजमकुसले पवयणकुसले पण्णतिकुसले संगहकुसले उवग्गहकुसले अक्खयायारे अभिन्नायारे असबलायारे असंकिलिद्वायारचि(चरि)ते बहस्सुए बब्भागमे जहण्णेणं आयारपकप्पधरे कप्पइ उवज्झायताए उद्दिसित्तए ॥ ७३ ॥ सच्चेव णं से तिवास-परियाए समणे णिग्गंथे नो आयारकसहे नो संजमकुसहे नो पवयणकुसहे नो पण्णतिकुसले नो संगहकुसले नो उवग्गहकुसले खयायारे भिन्नायारे सबलायारे संकिलिद्रायारचित्ते अप्पस्रए अप्पागमे नो कप्पइ उवज्झायताए उहिसत्तए॥ ७४॥ पंचवासपरियाए समणे णिगांथे आयार्क्सले संजमकुसले पवयणकुसले पण्णतिकुसले संगहकुसले उवग्गहकुसले अक्खयायारे अभिनायारे असबलायारे असंकिलिद्वायार-चित्ते बहुस्सुए बब्भागमे जहण्णेणं द[स]साकप्पववहारधरे कप्पइ आयरियउवज्झाय-त्ताए उद्दिसित्तए ॥ ७५॥ सच्चेव णं से पंचवासपरियाए समणे णिग्गंथे नो आयारक़सले नो संजमकुसले नो पवयणकुसले नो पण्णत्तिकसले नो संगहकुसले नो उवग्गहकुसले खयायारे भिन्नायारे सबलायारे संकिलिद्रायारचित्ते अप्पसुए अप्पागमे नो कप्पइ

आयरियउवज्झायत्ताए उद्दिसित्तए ॥ ७६ ॥ अट्टवासपरियाए समणे णिग्गंथे आयार-कुसले संजमकुसले प्वयणकुसले पण्णतिकुसले संगहकुसले उवग्गहकुसले अक्खयायारे अभिन्नायारे असबलायारे असंकिलिद्वायारचित्ते बहुस्सुए बब्भागमे जहण्णेणं ठाण-समवायधरे कप्पइ आयरियत्ताए जाव गणावच्छेइयत्ताए उद्दिसित्तए ॥ ७७ ॥ सच्चेव णं से अद्रवासपरियाए समणे णिग्गंथे नो आयारकुसले नो संजमकुसले नो पवयण-कुसले नो पण्णत्तिकुसले नो संगहकुसले नो उवग्गहकुसले खयायारे भिन्नायारे सब-लायारे संकिलिद्वायारचिते अप्पसुए अप्पागमे नो कप्पइ आयरियत्ताए जाव गणाव-च्छेडयत्ताए उहिसित्तए ॥ ७८ ॥ निरुद्धपरियाए समणे णिग्गंथे कप्पइ तहिवसं आय-रियउवज्झायत्ताए उद्दिसित्तए, से किमाहु भंते [?] अत्थि णं थेराणं तहारूवाणि कुलाणि कडाणि पत्तियाणि थेजाणि वेसासियाणि संमयाणि सम्मुइकराणि अणुमयाणि बहु-मयाणि भवंति, तेहिं कडेहिं तेहिं पत्तिएहिं तेहिं थेजेहिं तेहिं वेसासिएहिं तेहिं संमएहिं तेहिं सम्मुइकरेहिं तेहिं अणुमएहिं तेहिं बहुमएहिं जं से निरुद्धपरियाए समणे णिरगंथे कप्पइ आयरियउवज्झायताए उद्दिसित्ताए तद्दिवसं ॥ ७९ ॥ निरुद्ध-वासपरियाए समणे णिग्गंथे कप्पइ आयरियडवज्झायत्ताए उद्दिसित्तए समुच्छेय-कप्पंसि, तस्स णं आयारपकप्पस्स देसे अवद्विए, से य अहिजिस्सामित्ति अहिजेजा, एवं से कप्पइ आयरियडवज्झायत्ताए उहिसित्तए, से य अहिजिस्सामित्ति नो अहिजेजा. एवं से नो कप्पइ आयरियउवज्झायताएँ उद्दिसित्तए ॥ ८० ॥ णिग्गंथस्स णं नवड-हरतरुगस्स आयरियउवज्झाए वी(सं)संभेजा, नो से कप्पइ अणायरियउवज्झायस्स होत्तए, कप्पइ से पुन्वं आयरियं उद्दिसावेता तओ पच्छा उवज्झायं, से किमाह भंते ? दुसंगहिए समणे णिग्गंथे, तंजहा—आयरिएणं उवज्झाएण य ॥ ८१ ॥ णिग्गंथीए णं नवडहरतरुणीए आयरियउवज्झाए प(वि)वत्तिणी य वीसंमेजा, नो से कप्पइ अणा-यरियउवज्झाइयाए अपवत्तिणीए होत्तए, कप्पइ से पुव्वं आयरियं उद्दिसावेत्ता तओ उवज्झायं तओ पच्छा पवत्तिणि, से किमाह भंते ? तिसंगहिया समणी णिग्गंथी, तंजहा—आयरिएणं उवज्झाएणं पवत्तिणीए य ॥ ८२ ॥ भिक्ख् गणाओ अणिक्खि-वित्ता मेहुणधम्मं पिडसेविजा, जावजीवाए तस्स तप्पत्तियं नो से कप्पइ आयरियत्तं वा उवज्झायत्तं वा पवित्तत्तं वा थेरत्तं वा गणित्तं वा गणावच्छेइयत्तं वा उद्दिसित्तए वा धारित्तए वा ॥ ८३ ॥ भिक्ख् य गणाओ अवकस्म मेहणधम्मं पिडसेवेजा, तिण्णि संवच्छराणि तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा, तिहिं संवच्छरेहिं वीइक्केंतेहिं चउत्थगंसि संवच्छरंसि प(उव)द्वियंति ठियस्स उवसंतस्स उवरयस्स पिडविरयस्स (णिव्विकारस्स) एवं से

कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ॥ ८४ ॥ गणावच्छेइए गणावच्छेइयत्तं अणिक्खिवतत्ता मेहणधम्मं पिडसेवेजा, जावजीवाए तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ॥ ८५ ॥ गणावच्छेइए गणावच्छेइयत्तं णिक्खिवता मेहणधम्मं पिडसेवेजा, तिण्णि संवच्छराणि तस्स तप्पत्तियं नो कप्पइ आयरियत्तं वा जाव गणावच्छेडयत्तं वा उद्दिसित्तए वा धारेत्तए वा. तिहिं संवच्छरेहिं वीइकंतेहिं चउत्थगंसि संवच्छरंसि पद्वियंसि ठियस्स उवसंतस्स उवरयस्स पिडविरयस्स एवं से कप्पइ आयरियत्तं वा जाव गणावच्छेइयत्तं वा उहिंसित्तए वा धारेत्तए वा ॥ ८६ ॥ आयरियउवज्झाए आयरियउवज्झायत्तं अणिक्खिवत्ता मेहणधम्मं पिडसेवेजा, जावजीवाए तस्स तप्पत्तियं नो कप्पइ आयरियत्तं वा जाव गणावच्छेडयत्तं वा उद्दिसित्तए वा धारेत्तए वा ॥ ८७ ॥ आयरियउवज्झाए आयरियउवज्झायतं णिक्खिवता मेहणधम्मं पिड-सेवेजा, तिण्णि संवच्छराणि तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा. तिहिं संवच्छरेहिं वीइक्रंतेहिं चउत्थगंसि संवच्छरंसि पद्रियंसि ठियस्स उवसंतस्स उवरयस्स पडिविरयस्स एवं से कप्पड आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ॥ ८८ ॥ भिक्खू य गणाओं अवक्रम्म ओहायइ, तिण्णि संवच्छराणि तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा, तिहिं संवच्छरेहिं वीइकंतेहिं चउत्थगंसि संवच्छरंसि पद्मियंसि ठियस्स उवसंतस्स उवरयस्स पिडविरयस्स एवं से कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ॥ ८९॥ गणावच्छेइए गणावच्छेइयत्तं अणिक्खिवता ओहाएजा. जावजीवाए तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ॥ ९०॥ गणावच्छेइए गणावच्छेइयत्तं णिक्खिवत्ता ओहाएजा, तिण्णि संवच्छराणि तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा. तिहिं संवच्छरेहिं वीइकंतेहिं चउत्थगंसि संवच्छरंसि पद्मियंसि ठियस्स उवसंतस्स उवरयस्स पिडविरयस्स एवं से कप्पइ आयरियत्तं वा जाव गणावच्छेइयत्तं वा उद्दि-सित्तए वा धारेत्तए वा ॥ ९१ ॥ आयरियउवज्झाए आयरियउवज्झायत्तं अणिक्खि-वित्ता ओहाएजा, जावजीवाए तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उहिसित्तए वा धारेत्तए वा ॥ ९२ ॥ आयरियउवज्झाए आय-रियउवज्झायतं णिक्खिवता ओहाएजा. तिण्णि संवच्छराणि तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा. तिहिं

संवच्छरेहिं वीइकंतेहिं चउत्थगंसि संवच्छरंसि पट्टियंसि ठियस्स उवसंतस्स उवर-थस्स पिडविरयस्स एवं से कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ॥ ९३ ॥ भिक्ख् य बहुस्छए बन्भागमे बहुसो बहुआगाढागाढेस कारणेसु माई मुसावाई असुई पावजीवी, जावजीवाए तस्स तप्पत्तियं नो कप्पड आयरियतं वा जाव गणावच्छेइयतं वा उद्दिसित्तए वा धारेत्तए वा ॥ ९४॥ गणावच्छेइए बहुस्सुए बब्भागमे बहुसो बहुआगाढागाढेसु कारणेसु माई मुसावाई असुई पावजीवी, जावजीवाए तस्स तप्पत्तियं नो कप्पइ आयरियत्तं वा जाव गणा-वच्छेइयत्तं वा उद्दिसित्तए वा धारेत्तए वा ॥ ९५ ॥ आयरियउवज्झाए बहुस्सुए बब्भागमे बहुसो बहुआगाढागाढेसु कारणेसु माई मुसावाई असुई पावजीवी. जावजीवाए तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ॥ ९६ ॥ बहवे भिक्खणो बहुस्सुया बब्भागमा बहुसो बहुआगाढागाढेसु कारणेसु माई सुसावाई असुई पावजीवी, जावजीवाए तेसिं तप्पत्तियं नो कप्पइ आयरियतं वा जाव गणावन्छेइयतं वा उद्दिसित्तए वा घारेत्तए वा ॥ ९७ ॥ बहवे गणावच्छेऱ्या बहुस्सुया बब्भागमा बहुसो बहुआगाढागाढेसु कारणेष्ठ माई मुसावाई असुई पावजीवी, जावजीवाए तेसिं तप्पत्तियं नो कप्पइ आयरियतं वा जाव गणावच्छेइयत्तं वा उद्दिसित्तए वा धारेत्तए वा ॥ ९८ ॥ बहवे आयरियउवज्झाया बहस्सुया बब्भागमा बहुसो बहुआगाढागाढेसु कार्णेसु माई मसावाई असुई पावजीवी, जावजीवाए तेसिं तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ॥ ९९ ॥ बहवे भिक्खुणो बहने गणावच्छेइया बहने आयरियउवज्झाया बहुस्सुया बब्भागमा बहुसो बहु-आगाढागाढेस कारणेस माई मुसावाई असुई पावजीवी, जावजीवाए तेसि तप्प-त्तियं नो कप्पइ आयरियत्तं वा जाव गणावच्छेइयत्तं वा उद्दिसित्तएं वा घारेत्तए वा॥ १००॥ ति-बेमि॥ ववहारस्स तड्ओ उद्देसओ समत्तो॥ ३॥

ववहारस्स चउत्थो उद्देसओ

नो कप्पइ आयरियं उवज्झायस्स एगाणियस्स हेमन्तिगिम्हासु चिरि(त्त)ए॥ १०१॥ कप्पइ आयरियं उवज्झायस्स अप्पिबिइयस्स हेमंतिगिम्हासु चिरि(चार)ए॥ १०२॥ नो कप्पइ गणावच्छेइयस्स अप्पिबिइयस्स हेमंतिगिम्हासु चिरिए॥ १०३॥ कप्पइ गणावच्छेइयस्स अप्पितइयस्स हेमंतिगिम्हासु चिरिए॥ १०४॥ नो कप्पइ आयरियं उवज्झायस्स अप्पिबिइयस्स वासावासं वत्थए॥ १०५॥ कप्पइ आयरियं उवज्झायस्स अप्पितइयस्स वासावासं वत्थए॥ १०५॥ कप्पइ गणावच्छेइयस्स

अप्पतइयस्स वासावासं वत्थए॥ १०७॥ कप्पइ गणावच्छेइयस्स अप्पचउत्थस्स वासावासं वत्थए ॥ १०८ ॥ से गामंसि वा नगरंसि वा निगमंसि वा रायहाणीए वा खेडंसि वा कब्बडंसि वा मडंबंसि वा पष्टणंसि वा दोणमहंसि वा आसमंसि वा संवाहंसि वा संनिवेसंसि वा बहुणं आयरियउवज्झायाणं अप्पिबड्याणं बहुणं गणावच्छेइयाणं अप्पतइयाणं कप्पइ हेमंतिगम्हास चरिए अण्णमण्णं निस्साए ॥ १०९ ॥ से गामंसि वा नगरंसि वा निगमंसि वा रायहाणीए वा खेडंसि वा कब्बडंसि वा मडंबंसि वा पर्रणंसि वा दोणमुहंसि वा आसमंसि वा संवाहंसि वा संणिवेसंसि वा बहुणं आयरियउवज्ङ्यायाणं अप्पतइयाणं बहुणं गणावच्छेइयाणं अप्पचरत्थाणं कप्पइ वासावासं वत्थए अण्णमण्णं निस्साए ॥ ११० ॥ गामाण्-गामं दूड्जमा(णे)णो भिक्ख्य जं पुरओ कट्टू विह्(रेजा से य)रइ आहच वीसंभेजा, अत्थि याई थ अण्णे केइ उवसंप्रजणारिहे कप्पइ से(०) उवसंप्रजि(ताणं विहरित्तए)यव्वे. नित्थ याइं थ अण्णे केइ उवसंपज्जणारिहे, तस्स अप्पणो कप्पाए असमत्ते कप्पइ से एगराइयाए पिडमाए जण्णं जण्णं दि(सिं)सं अण्णे साहम्मिया विहरंति तण्णं तण्णं दिसं उवितत्तए, नो से कप्पइ तत्थ विहारवत्तियं वत्थए. कप्पइ से तत्थ कारणवत्तियं वत्थए, तंसि च णं कारणंसि निद्वियंसि परो वएजा-वसाहि अजो ! एगरायं वा दुरायं वा, एवं से कप्पइ एगरायं वा दुरायं वा वत्थए. नो से कप्पइ परं एगरायाओ वा दुरायाओ वा वत्थए, जं तत्थ परं एगरायाओ वा दुरायाओ वा वसइ, से संतरा छेए वा परिहारे वा ॥ १११ ॥ वासावासं पज्जो-सवि(ए)ओ भिक्ख य जं पुरओ कहू विहरइ आहच वीसंभेजा, अत्थि याई थ अण्णे केइ उवसंपज्जणारिहे से उवसंप्रज्जियव्वे, नित्थ याई थ अण्णे केइ उवसंप्रज्जणा-रिहे, तस्स अप्पणो कप्पाए असमत्ते कप्पइ से एगराइयाए पिडमाए जण्णं जण्णं दिसं अण्णे साहम्मिया विहरंति तण्णं तण्णं दिसं उवित्तिए, नो से कप्पइ तत्थ विहारवत्तियं वत्थए. कप्पइ से तत्थ कारणवत्तियं वत्थए, तंसि च णं कारणंसि निद्धि-यंसि परो वएजा-वसाहि अजो ! एगरायं वा दुरायं वा, एवं से कप्पइ एगरायं वा दुरायं वा वत्थए, नो से कप्पइ परं एगरायाओ वा दुरायाओ वा वत्थए, जं तत्थ परं एगरायाओ वा दुरायाओ वा वसइ, से संतरा छेए वा परिहारे वा ॥ ११२ ॥ आयरिय-उवज्ह्याए गिलायमाणे अण्णयरं वएजा-अज्जो! ममंसि णं कालगर्यसि समाणंसि अयं संमुक्कसियन्वे, से य समुक्कसणारिहे समुक्कसियन्वे से य नो समुक्कसणारिहे नो समुक्कसियव्वे, अत्थि याई थ अण्णे केइ समुक्कसणारिहे से समुक्कसियव्वे, नित्थ याई-थ अण्णे केइ समुकसणारिहे से चेव समुक्कसियव्वे, तंसि च णं समुक्किद्रंसि परो वएजा-दुस्सम् किट्टं ते अजो! निक्खिवाहि, तस्स णं निक्खिवमाणस्स नित्थ केड छेए वा परिहारे वा, जे (तं) साहम्मिया अहाकप्पेणं नो उद्घाए विहरं(अञ्सूटें)-ति (तेसिं) सब्वेसिं तेसिं तप्पत्तियं छेए वा परिहारे वा ॥ ११३ ॥ आयरिय-उवज्झाए ओहायमाणे अण्णयरं वएजा-अजो! ममंसि णं ओहावियंसि समाणंसि अयं समक्रिसयव्वे. से य समक्रसणारिहे समक्रिसयव्वे, से य नो समक्रसणारिहे नो समुक्कसियव्वे. अत्थि याइं थ अण्णे केइ समुक्कसणारिहे समुक्कसियव्वे. नित्य याई थ अण्णे केइ समुक्कसणारिहे से चेव समुक्कसियव्वे, तंसि च णं समुक्किद्रंसि परो वएजा-दरसमुक्किद्वं ते अजो! निक्खिवाहि, तस्स णं निक्खिवमाणस्स नित्थ केइ छेए वा परिहारे वा, जे साहम्मिया अहाकप्पेणं नो उद्घाए विहरंति सन्वेसिं तेसिं तप्पत्तियं छेए वा परिहारे वा ॥ ११४ ॥ आयरियडवज्झाए सरमाणे (परं) जाव चउरायपंचरायाओ कप्पागं भिक्खं नो उवद्वावेइ, कप्पाए अत्थि याई थ से केइ माणणिजे कप्पाए. नित्थ से केइ छेए वा परिहारे वा, नित्थ याई थ से केइ माणणिजे कप्पए, से संतरा छेए वा परिहारे वा ॥ ११५ ॥ आयरियउवज्झाए असरमाणे परं चड (पंच) रायाओ कप्पागं भिक्खं नो उबहावेइ, कप्पाए अस्थि याडं थ से केइ माणणिजे कप्पाए, नित्थ से केइ छेए वा परिहारे वा, नित्य याइं थ से केइ माणि जो कप्पाए, से संतरा छेए वा परिहारे वा ॥ ११६ ॥ आयरिय-उवज्झाए सरमाणे वा असरमाणे वा परं दसरायकप्पाओ कप्पागं भिक्खं नो उनद्रावेड. कप्पाए अत्थि याई थ से केड माणिणजे कप्पाए, नित्थ से केड छेए वा परिहारे वा, निथ याई थ से केइ माणिणजे कप्पाए, संवच्छरं तस्स तप्पत्तियं नो कप्पइ आयरियत्तं (जाव) उद्दिसित्तए (०)॥ ११७॥ भिक्खू य गणाओ अवक्रम्म अण्णं गैणं उवसंपज्जित्ताणं विहरेजा. तं च केइ साहम्मिए पासित्ता वएजा-कं अजो! उवसंपज्जिताणं विहरसि ? जे तत्थ सञ्बराइणिए तं वएजा, राइणिए तं वएजा । अह भंते ! कस्स कप्पाए ? जे तत्थ सव्वबहस्सुए तं वएजा, जं वा से भगवं वक्खड तस्स आणाउववायवयणणिद्देसे चिद्विस्सामि ॥ ११८ ॥ बहवे साहम्मिया इच्छेजा एगयओ अभिणिचारियं चारए, कप्पइ नो ण्हं थेरे अणापुच्छिता एगयओ अभिणि-चारियं चारए, कप्पइ ण्हं थेरे आपुच्छिता एगयओ अभिणिचारियं चारए, थेरा य से वियरेजा ए(वं)वण्हं कप्पइ एगयओ अभिणिचारियं चारए. थेरा य से नो वियरेजा एव ण्हं नो कप्पइ एगयओ अभिणिचारियं चारए, जं तत्थ थेरेहिं अवि-इण्णे अभिणिचारियं चरंति, से संतरा छेए वा परिहारे वा ॥ ११९ ॥ चरियापविद्रे

१ णाणाइयणिमित्तं ।

भिक्ख जाव चउरायपंचरायाओं थेरे पासेजा. सच्चेव आलोगणा सच्चेव पडिक्रमणा सचेव ओग्गहस्स पुर्वाणुण्णवणा चिट्ठइ अहालंदमवि ओग्गहे ॥ १२० ॥ चरियापविद्वे भिक्ख परं चउरायपंचरायाओ थेरे पासेजा, पुणो आलोएजा पुणो पिडक्रमेजा पुणो छेयपरिहारस्स उवद्वाएजा, भिक्खुभावस्स अद्वाए दोचं पि ओग्गहे अणुण्ण-वेयव्वे सिया, अणुजाणह भंते ! मिओग्गहं अहालंदं धुवं नि(च्छइ)तियं वेउ हियं, तओ पच्छा कायसंफासं ॥ १२१ ॥ चरियानियहे भिक्ख जाव चडरायपंचरायाओ थेरे पासेजा. सचेव आलोयणा सचेव पडिङ्ममणा सचेव ओग्गहस्स पुन्वाणुणवणा चिद्रइ अहालंदमवि ओग्गहे ॥ १२२ ॥ चरियानियहे भिक्खू परं चउरायपंचरायाओ थेरे पासेजा, पुणो आलोएजा, पुणो पडिक्समेजा, पुणो छेयपरिहारस्स उवट्ठाएजा, भिक्खभावस्स अद्राए दोचं पि ओग्गहे अणुण्णवेयव्वे सिया । अणुजाणह भंते ! मिओग्गहं अहालंदं ध्वं नितियं वेउट्टियं, तओ पच्छा कायसंफासं ॥ १२३ ॥ दो साहम्मिया एगयओ विहरंति, तंजहा-सेहे य राइणिए य. तत्थ सेहतराए पिल-च्छणो, राइणिए अपलिच्छणो, सेहतराएणं राइणिए उवसंपिजयञ्वे, भिक्खोववायं च दलयइ कप्पागं ॥ १२४ ॥ दो साहम्मिया एगयओ विहरंति, तंजहा-सेहे य राइणिए य, तत्थ राइणिए पलिच्छण्णे, सेहतराए अपलिच्छण्णे, इच्छा राइणिए सेहतरागं उवसंपजाइ इच्छा नो उवसंपजाइ, इच्छा भिक्खोववायं दलयइ कप्पागं इच्छा नो दलयइ कप्पागं ॥ १२५ ॥ दो भिक्खणो एगयओ विहरंति. नो ण्हं कप्पइ अण्णमण्णं उवसंपिजाताणं विहरित्तए, कप्पइ ण्हं अहाराइणियाए अण्ण-मण्णं उवसंपिजाताणं विहरित्तए ॥ १२६ ॥ दो गणावच्छेइया एगयओ विहरंति, नो ण्हं कप्पइ अण्णमण्णं उवसंपजिताणं विहरित्तए, कप्पइ ण्हं अहाराइणियाए अण्णमण्णं उवसंपज्जिताणं विहरित्तए ॥ १२७ ॥ दो आयरियउवज्झाया एगयओ विहरंति. नो ण्हं कप्पइ अण्णमण्णं उवसंपिजनाणं विहरित्तए, कप्पइ ण्हं अहाराइ-णियाए अण्णमण्णं उवसंपिजाताणं विहरित्तए ॥ १२८ ॥ बहवे भिक्खुणो एगयओ विहरंति, नो ण्हं कप्पइ अण्णमण्णं उवसंपिजताणं विहरित्तए, कप्पइ ण्हं अहाराइ-णियाए अण्णमण्णं उवसंपिजित्ताणं विहरित्तए ॥ १२९ ॥ बहवे गणावच्छेइया एगयओ विहरंति, नो ण्हं कप्पइ अण्णमण्णं उवसंपज्जित्ताणं विहरित्तए, कप्पइ ण्हं अहाराइणियाए अण्णमण्णं उवसंपिजनाणं विहरित्तए ॥ १३० ॥ बहवे आय-रियउवज्झाया एगयओ विहरंति, नो ण्हं कप्पइ अण्णमण्णं उवसंपिजित्ताणं विहरि-त्तए. कप्पड ण्हं अहाराइणियाए अण्णमण्णं उवसंपिजताणं विहरित्तए ॥ १३१ ॥ बहवे भिक्खुणो बहवे गणावच्छेइया बहवे आयरियउवज्झाया एगयओ विहरंति. नो ण्हं कप्पइ अण्णमण्णं उवसंपि जिताणं विहरित्तए (वासावासं वत्थए कप्पइ प०), कप्पइ ण्हं अहाराइणियाए अण्णमण्णं उवसंपि जिताणं विहरित्तए (हेमंतिमिम्हासु)।। १३२॥ ति-बेमि॥ ववहारस्स चउत्थो उद्देसओ समतो॥ ४॥ ववहारस्स पंचमो उद्देसओ

नो कप्पइ पवत्तिणीए अप्पिबिइयाए हेमंतिगिम्हासु चारए ॥ १३३ ॥ कप्पइ पवित्तणीए अप्पतइयाए हेमंतिगिम्हासु चारए॥ १३४॥ नो कप्पइ गणावच्छेइणीए अप्पतइयाए हेमंतगिम्हासु चारए ॥ १३५॥ कप्पइ गणावच्छेइणीए अप्पचउत्थाए हेमंतगिम्हासु चारए ॥ १३६ ॥ नो कप्पइ पवित्तणीए अप्पतइयाए वासावासं वत्थए ॥ १३७ ॥ कप्पइ पवत्तिणीए अप्पचउत्थाए वासावासं वत्थए ॥ १३८ ॥ नो कप्पइ गणावच्छेडणीए अप्पचउत्थाए वासावासं वत्थए ॥ १३९॥ कप्पड गणावच्छेइणीए अप्पपंचमाए वासावासं वत्थए॥ १४०॥ से गामंसि वा नगरंसि वा निगमंसि वा रायहाणिंसि वा बहूणं पवत्तिणीणं अप्पतइयाणं बहूणं गणावच्छेइ-णीणं अप्पचडत्थाणं कप्पइ हेमंतिगम्हासु चारए अण्णमण्णं नी(निस्)साए ॥ १४१॥ से गामंसि वा नगरंसि वा निगमंसि वा रायहाणिंसि वा बहुणं पवत्तिणीणं अप्प-चउत्थाणं बहुणं गणावच्छेइणीणं अप्पपंचमाणं कप्पइ वासावासं वत्थए अण्णमण्णं नीसाए ॥ १४२ ॥ गामाणुगामं दूइज्जमाणी णिग्गंथी य जं पुरक्षो (कट्ट) काउं विह(रेजा)रइ सा आहच वीसंभेजा, अथि याई थ काइ अण्णा उवसंपर्जणारिहा सा उवसंपज्जियव्वा, नित्थ याई थ काइ अण्णा उवसंपज्जणारिहा तीसे य अप्पणो कप्पाए असमते (एवं) कप्पइ सा एगराइयाए पिडमाए जण्णं जण्णं दिसं अण्णाओ साहम्मिणीओ विहरंति तण्णं तण्णं दिसं उविहत्तए, नो सा कप्पइ तत्थ विहार-वत्तियं वत्थए, कप्पइ सा तत्थ कारणवत्तियं वत्थए, तंसि च णं कारणंसि निट्ठियंसि परो वएजा-वसाहि अजो! एगरायं वा दुरायं वा, एवं सा कप्पइ एगरायं वा दुरायं वा वत्थए, नो सा कप्पइ परं एगरायाओ वा दुरायाओ वा वत्थए, जं तत्थ परं एगरायाओ वा दुरायाओ वा वसइ, सा संतरा छेए वा परिहारे वा ॥ १४३॥ वासावासं पज्जोसविया णिग्गंथी य जं पुरओ काउं विहरइ सा आहच वीसंभेजा, अस्थि याई थ काइ अण्णा उवसंपज्जणारिहा सा उवसंपज्जियन्वा, नस्थि याई थ काइ अण्णा उवसंपज्जणारिहा तीसे य अप्पणो कप्पाए असमत्ते कप्पइ सा एगराइ-याए पिडमाए जण्णं जण्णं दिसं अण्णाओ साहिम्मणीओ विहरंति तण्णं तण्णं दिसं उविलत्तिए, नो सा कप्पइ तत्थ विहारवत्तियं वत्थए, कप्पइ सा तत्थ कारणवत्तियं वत्थए, तंसि च णं कारणंसि निष्टियंसि परो वएजा-वसाहि अजो! एगरायं वा

दुरायं वा, एवं सा कप्पइ एगरायं वा दुरायं वा वत्थए, नो सा कप्पइ परं एग-रायाओं वा दुरायाओं वा वत्थए, जं तत्थ परं एगरायाओं वा दुरायाओं वा वसइ, सा संतरा छेए वा परिहारे वा ॥ १४४ ॥ पवत्तिणी य गिलायमाणी अण्णयरं वएजा-मए णं अजो! कालगयाए समाणीए अयं समक्कतियन्वा. सा य समक्क-सणारिहा समुक्कासियव्वा, सा य नो समुक्कसणारिहा नो समुक्कासियव्वा, अत्थि याई थ अण्णा काइ समुक्कसणारिहा सा समुक्कसियव्वा, नित्थ याई थ अण्णा काइ समुक्कसणारिहा सा चेव समक्कसियव्वा. ताए व णं समक्रिद्राए परो वएजा-इस्स-मुक्किहं ते अजे ! निक्खिवाहि ताए णं निक्खिवमाणाए नत्थि केइ छेए वा परिहारे वा, जाओ साहम्मिणीओ अहाकप्पं नो उद्घाए विहरंति सव्वासिं तासिं तप्पत्तियं छेए वा परिहारे वा ॥ १४५ ॥ पवत्तिणी य ओहायमाणी अण्णयरं वएज्जा-मए णं अजो ! ओहावियाए समाणीए अयं समक्कासियव्वा. सा य समक्कारणारिहा समक्क-सियव्वा. सा य नो समकसणारिहा नो समकसियव्वा. अत्थि याई थ अण्णा काइ समुक्कसणारिहा सा समुक्कसियव्वा, नित्थ याई थ अण्णा काड समुक्कसणारिहा सा चेव समुक्कासियव्वा, ताए व णं समुक्किद्वाए परो वएजा-इस्सम्किद्वं ते अजे! निक्खिवाहि, ताए णं निक्खिवमाणाए नत्थि केइ छेए वा परिहारे वा, जाओ साहम्मिणीओ अहाकप्पं नो उद्राए विहरंति सव्वासिं तासिं तप्पत्तियं छेए वा परिहारे वा ॥ १४६ ॥ निग्गंथस्स (णं) नवडहरतरुण(ग)स्स आयारपकप्पे नामं अज्झयणे परिब्भट्टे सिया, से य पुच्छियव्वे, केण ते अज्जो! कारणेणं आयार-पकप्पे नामं अज्झयणे परिब्मद्रे, किं आबाहेणं पमाएणं ? से य वएजा-नो आबा-हेणं पमाएणं, जावजी(वाए)वं तस्स तप्पत्तियं नो कप्पइ आयरियतं वा जाव गणावच्छेइयत्तं वा उद्दिसित्तएवा धारेत्तए वा. से य वएजा-आबाहेणं नो पमाएणं, से य संठवेस्सामीति संठवेजा, एवं से कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा. से य संठवेस्सामीति नो संठवेजा. एवं से नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ॥ १४७ ॥ निग्गंथीए (णं) नवडहरतरु(णिया)णाए आयारपरुप्पे नामं अज्झयणे परिन्मद्वे सिया, सा य पुच्छियव्वा, केण भे कारणेणं (अजा!) आयारपकप्पे नामं अज्झयणे परिब्महे, किं आबाहेणं पमाएणं १ सा य वएजा-नो आबाहेणं पमाएणं, जावजीवं तींसे तप्पत्तियं नो कप्पइ पवत्तिणित्तं वा गणावच्छेइणित्तं वा उद्दिसित्तए वा धारेत्तए वा. सा य वएजा-आबाहेणं नो पमाएणं, सा य संठवेस्सामीति संठवेज्जा, एवं से कप्पड़ पवत्तिणित्तं वा गणावच्छेडणित्तं वा उद्दिसित्तए वा धारेत्तए वा. सा य संठवेस्सा-

मीति नो संठवेजा, एवं से नो कप्पइ पवत्तिणित्तं वा गणावच्छेइणित्तं वा उहिसित्तए वा धारेत्तए वा॥ १४८॥ थेराणं थेरभूमिपत्ताणं आयारपकप्पे नामं अज्झयणे परिब्सट्टे सिया. कप्पइ तेसिं संठवेताण वा असंठवेताण वा आयरियत्तं वा जाव गणावच्छेइयत्तं वा उहिसित्तए वा धारेत्तए वा ॥ १४९ ॥ थेराणं थेरभूमिपत्ताणं आयारपकप्पे नामं अज्झयणे परिन्महे सिया, कप्पइ तेसिं संनिसण्णाण वा संतुयद्वाण वा उत्ताणयाण वा पासिल्लयाण वा आयारपकप्पं नामं अज्झयणं दोचं पि तचं पि पडिपुच्छित्तए वा पडि-सारेत्तए वा ॥ १५० ॥ जे णिरगंथा य णिरगंथीओ य संभोडया सिया. नो ण्हं कप्पड अण्णमण्णस्स अंतिए आलोएत्तए, अत्थि याई (थ) ण्हं केइ आलोयणारिहे, कप्पइ ण्हं तस्स अंतिए आलोइत्तए. नत्थि याइं ण्हं केइ आलोयणारिहे, एव ण्हं कप्पइ अण्ण-मण्णस्स अंतिए आलोएत्तए ॥ १५१ ॥ जे णिरगंथा य णिरगंथीओ य संभोइया सिया. नो ण्हं कप्पइ अण्णम(ण्णरस अंतिए)ण्णेणं वेयावचं कारवेत्तए, अत्थि याइं ण्हं केइ वेयावचकरे कप्पइ ण्हं वेयावचं कारवेत्तए, नित्य याई ण्हं केइ वेयावचकरे एव ण्हं कप्पइ अण्णमण्णेणं वेयावचं कारवेत्तए ॥ १५२॥ णिग्गंथं च णं राओ वा वियाले वा दीहपट्टो छुसेजा, इतथी वा पुरिसस्स ओमावेजा पुरिसो वा इतथीए ओमावेजा, एवं से कप्पइ, एवं से चिद्रइ, परिहारं च से न(णो) पाउणइ-एस कप्(पो)पे थेरकप्पियाणं. एवं से नो कप्पइ. एवं से नो चिद्रइ, परिहारं च नो पाउणइ-एस कप्पे जिणकप्पि-याणं ॥ १५३ ॥ ति-बेमि ॥ ववहारस्स पंचमो उद्देसओ समत्तो ॥ ५ ॥

ववहारस्स छट्टो उद्देसओ

गमणेणं पुव्वाउत्ते से कप्पइ पिडिग्गाहेत्तए ॥ १६१ ॥ जे से तत्थ पुव्वागमणेणं पच्छाउत्ते नो से कप्पइ पडिग्गाहेत्तए ॥ १६२ ॥ आयरियउवज्झायस्स गणंसि पंच अइसेसा पण्णता, तंजहा-(१) आयरियजवज्झाए अंतो जवस्सयस्स पाए निगिज्झिय २ पप्फोडेमाणे वा पमज्रेमाणे वा नो अ(णा)इक्समइ ॥ १६३॥ (२) आयरियउवज्झाए अंतो उवस्सयस्स उच्चारपासवणं विगिंचमाणे वा विसोहेमाणे वा नो अइक्रमइ॥ १६४॥ (३) आयरियउवज्झाए पभू वेयाविडयं इच्छा करेजा इच्छा नो करेजा ॥ १६५ ॥ (४) आयरियडवज्झाए अंतो उवस्सयस्स एगरायं वा दुरायं वा वसमाणे नो अइक्रमइ॥ १६६॥ (५) आयरियजवज्झाए बाहिं उवस्सयस्स एगरायं वा दुरायं वा वसमाणे नो अइक्समइ ॥ १६७ ॥ गणावच्छेइयस्स णं गणंसि दो अइसेसा प०, तं०-(१) गणावच्छेइए अंतो उवस्सयस्स एगरायं वा दुरायं वा वसमाणे नो अइक्रमइ॥ १६८॥ (२) गणावच्छेइए बाहिं उवस्सयस्स एगरायं वा दुरायं वा वसमाणे नो अइक्कमइ॥ १६९॥ से गामंसि वा जाव रायहाणि-(सिण्णवेसं)सि वा एगवगडाए एगदुवाराए एगणिक्खमणपवेसाए णो कप्पइ बहुणं अगडसुयाणं एगयओ वत्थए, अत्थि याइं ण्हं केइ आयारपकप्पधरे णितथ याइं ण्हं केइ छेए वा परिहारे वा, णित्थ याई ण्हं केइ आयारपकप्पधरे से (सब्वेसिं तेसिं) संतरा छेए वा परिहारे वा ॥ १७० ॥ से गामंसि वा जाव रायहाणिसि वा अभि-णिव्वगडाए अभिणिद्वाराए अभिणिक्खमणपवेसणाए णो कप्पइ बहण वि अगड-सुयाणं एगयओ वत्थए, अत्थि याइं ण्हं केइ आयारपकप्पधरे जे तत्तियं रयणि संवसइ णित्थ याडं ण्हं केड छेए वा परिहारे वा. णित्थ याडं ण्हं केड आयारपकप्पघरे जे तत्तियं रयणि संवसइ सब्वेसिं तेसिं तप्पत्तियं छेए वा परिहारे वा ॥ १७१ ॥ से गामंसि वा जाव रायहाणिंसि वा अभिणिव्वगडाए अभिणिदुवाराए अभिणिक्ख-मणपवेसणाए णो कप्पइ वहसुयस्स वन्भागमस्स एगाणियस्स भिक्खुस्स वत्थए, किमंग-पुण अप्पागमस्स अप्पस्सुयस्स ? ॥ १७२ ॥ से गामंसि वा जाव रायहाणिंसि वा एगवगडाए एगद्रवाराए एगणिक्खमणपवेसाए कप्पइ बहुसुयस्स बब्भागमस्स एगाणियस्स भिक्खुस्स वत्थए दुह्(उभ)ओ काठं भिक्खुभावं पडिजागरमाणस्स ॥ १७३ ॥ ज(जे त)त्थ एए बहवे इत्थीओ य पुरिसा य पण्हावेंति तत्थ से समणे णिग्गंथे अण्णयरंसि अचित्तंसि सोयंसि सुक्कपोग्गले णिग्घाएमाणे हत्थकम्मपडि-सेवणपत्ते आवज्जइ मासियं परिहारद्वाणं अणुग्वाइयं ॥ १७४॥ जत्थ एए बहवे इत्थीओ य पुरिसा य पण्हावेंति तत्थ से समणे णिग्गेथे अण्णयरंसि अचित्तंसि सोयंसि सुक्रपोग्गले णिग्घाएमाणे मेहणपिंसेवणपत्ते आवज्जइ चाउम्मासियं परि- हारद्वाणं अणुग्घाइयं ॥ १७५ ॥ णो कप्पइ णिगंथाण वा णिगंथीण वा णिगंथी (अण्णगणाओ आगयं) खुयायारं सवलायारं भिन्नायारं संकिलिद्वायारचित्तं तस्स ठाणस्स अणालोयावेता अपिडकमावेता अनिंदावेता अगरहावेता अविउद्दावेता अविसोहावेता अपिडकमावेता अनिंदावेता अगरहावेता अविउद्दावेता अविसोहावेता अकरणाए अणब्भुद्वावेता अहारिहं पायच्छितं अपिडवजावेता (पुच्छितए वा वाइतए वा) उवद्वावेत्तए वा संभुंजित्तए वा संवसित्तए वा तेसिं (तीसे) इत्तरियं दिसं वा अणुदिसं वा उद्दिसित्तए वा धारेत्तए वा ॥ १७६ ॥ कप्पइ णिगंथाण वा णिगंथीण वा णिगंथिं अण्णगणाओ आगयं खुयायारं सबलायारं भिन्नायारं संकिलिद्वायारचित्तं तस्स ठाणस्स आलोयावेता पिडकमावेता निंदावेता गरहावेता विउद्दावेत्ता अकरणाए अब्भुद्वावेत्ता अहारिहं पायच्छितं पिडवजावेता उवद्वावेत्तए वा संभुंजित्तए वा संवसित्तए वा तेसिं इत्तरियं दिसं वा अणुदिसं वा उद्दिसत्तए वा धारेत्तए वा। १७७॥ ति–वेमि॥ ववहारस्स छद्वो उद्देसओ सममत्तो ॥ ६॥

ववहारस्य सत्तमो उद्देसओ

जे णिगंथा य णिगंथीओ य संभोइया सिया, नो कप्पइ णिगंथीणं णिगंथे अणापुच्छिता णिगंथी अण्णगणाओ आगयं खुयायारं सबलायारं भिन्नायारं संकिलिद्वायारचित्तं तस्स ठाणस्स अणालोयावेता जाव पायच्छितं अपिववजावेता पुच्छित्तए वा वाएतए वा उवद्वावेतए वा संभुंजितए वा संवसित्तए वा तीसे इत्तरियं दिसं वा अणुदिसं वा उिह्सित्तए वा धारेत्तए वा ॥ १०८॥ जे णिगंथा य णिगंथीओ य संभोइया सिया, कप्पइ णिगंथीणं णिगंथी आपुच्छिता णिगंथी अण्णगणाओ आगयं खुयायारं सबलायारं भिन्नायारं संकिलिद्वायारचित्तं तस्स ठाणस्स आलोयावेता जाव पायच्छितं पिडवजावेता पुच्छित्तए वा वाएतए वा उवद्वावेत्तए वा धारेत्तए वा ॥ १०९॥ जे णिगंथा य णिगंथीओ य संभोइया सिया, कप्पइ णिगंथीओ आपुच्छिता वा अणापुच्छिता वा णिगंथीं अण्णगणाओ आगयं खुयायारं सबलायारं भिण्णायारं संकिलिद्वायारचित्तं तस्स ठाणस्स आलोयावेता जाव ॥ १०९॥ जे णिगंथा य णिगंथीओ य संभोइया सिया, कप्पइ णिगंथाणं णिगंथीओ आपुच्छिता वा अणापुच्छिता वा णिगंथीं अण्णगणाओ आगयं खुयायारं सबलायारं भिण्णायारं संकिलिद्वायारचित्तं तस्स ठाणस्स आलोयावेत्ता जाव पायच्छितं पिडवजावेता पुच्छित्तए वा वाएत्तए वा उवद्वावेत्तए वा संभुंजित्तए वा संवसित्तए वा तीसे इत्तरियं दिसं वा अणुदिसं वा उवद्वावेत्तए वा संभुंजित्तए वा संवसित्तए वा तीसे इत्तरियं दिसं वा अणुदिसं वा उवद्वावेत्तए वा संग्त्तए वा, तं च णिगंथीओ नो इच्छेजा, सेव(सय)मेव नियं ठाणं

१ अण्णे आयरिसे सुत्तदुगमहिगमुवलब्भइ १७६-१७७ सरिसं, णवरं ''णिगांथिं'' ठाणे ''णिगांथं' ति ।

॥ १८० ॥ जे णिग्गंथा य णिग्गंथीओ य संमोइया सिया, नो ण्हं कप्पइ (णिग्गंथे) पारोक्खं पाडिएकं संभोइयं विसंभोगं करेत्तए, कप्पइ ण्हं पचक्खं पाडिएकं संभोइयं विसंभोगं करेत्तए, जत्थेव अण्णमण्णं पासेजा तत्थेव एवं वएजा-अह णं अजो! तु(म)माए सर्द्धि इमिम्म कारणिम्म पचक्खं संभोगं विसंभोगं करेमि, से य पडितप्पेजा एवं से नो कप्पइ पचक्खं पाडिएकं संभोइयं विसंभोगं करेत्तए, से य नो पडित-प्पेजा एवं से कप्पइ पचक्खं पाडिएकं संभोइयं विसंभोगं करेत्तए ॥ १८१ ॥ जाओ णिग्गंथीओ वा णिग्गंथा वा संभोइया सिया, नो ण्हं कप्पइ (णिग्गंथीओ) पचक्खं पाडिएकं संभोइयं विसंभोगं करेताए, कप्पड ण्हं पारोक्खं पाडिएकं संभोइयं विसंभोगं करेत्तए, जत्थेव ताओ अप्पणो आयरियडवज्झाए पासेजा, तत्थेव एवं वएजा-अह णं मंते ! अमुगीए अजाए सिंद्धं इमिन्म कारणिन्म पारोक्खं पाडिएकं संभोगं विसंभोगं करेमि, सा य से पडितप्पेजा एवं से नो कप्पइ पारोक्खं पाडिएकं संभोइयं विसंभोगं करेत्तए, सा य से नो पडितप्पेजा एवं से कप्पइ पारोक्खं पाडिएकं संभोइयं विसंभोगं करेत्तए ॥ १८२ ॥ नो कप्पइ णिग्गंथाणं णिग्गंथिं अप्पणो अद्वाए पव्वावेत्तए वा मुंडावेत्तए वा (सिक्खावेत्तए वा) सेहावेत्तए वा उवडावेत्तए वा संविसत्तए वा संभंजित्तए वा तीसे इत्तरियं दिसं वा अणुदिसं वा उद्दिसित्तए वा धारेत्तए वा ॥ १८३ ॥ कप्पइ णिग्गंथाणं णिग्गंथि अण्णेसिं अट्ठाए पव्वावेत्तए वा जाव संभुंजित्तए वा तीसे इत्तरियं दिसं वा अण्यदिसं वा उहिसित्तए वा धारेत्तए वा ॥ १८४ ॥ नो कप्पइ णिग्गंथीणं णिग्गंथं अप्पणो अद्वाए पव्वावेत्तए वा मुंडावेत्तए वा जाव उद्दिसित्तए वा धारेत्तए वा ॥ १८५ ॥ कप्पइ णिग्गंथीणं णिग्गंथं णिग्गंथाणं अद्वाए पन्वावेत्तए वा मुंडावेत्तए वा जाव उद्दिसित्तए वा धारेत्तए वा ॥ १८६॥ नो कप्पइ णिग्गंथीणं विइकिद्वियं दिसं वा अणुदिसं वा उहिसत्तए वा धारे-त्तए वा ॥ १८७ ॥ कप्पइ णिग्गंथाणं विइकिट्रियं दिसं वा अण्दिसं वा उद्दिसित्तए वा धारेत्तए वा ॥ १८८ ॥ नो कप्पइ णिग्गंथाणं विइकिहाइं पाहुडाइं विओसवेत्तए ॥१८९॥ कप्पइ णिग्गंथीणं विइकिद्वाइं पाहडाइं विओसवेत्तए ॥ १९०॥ नो कप्पइ णिग्गंथा-(ण वा णिग्गंथीण वा)णं विइकिद्रए काले सज्झायं (उद्दिसित्तए वा) करेत्तए (वा) ॥ १९१ ॥ कप्पइ णिग्गंथीणं विइकिद्वए काले सज्झायं करेत्तए णिग्गंथणिस्साए ॥ १९२ ॥ नो कप्पइ णिग्गंथाण वा णिग्गंथीण वा असज्झाइए सज्झायं करेत्तए ॥ १९३ ॥ कप्पड़ णिग्गंथाण वा णिग्गंथीण वा सज्झाइए सज्झायं करेत्तए ॥ १९४ ॥ नो कप्पड णिगगंथाण वा णिगगंथीण वा अप्पणो असज्झाइए सज्झायं करेत्तए, कप्पइ ण्हं अण्णमण्णस्स वायणं दलइत्तए ॥ १९५ ॥ तिवासपरियाए समणे णिगांथे ५२ सत्ता०

तीसं वासपरियाए समणीए णिग्गंथीए कप्पइ उवज्झायत्ताए उद्दिसित्तए ॥ १९६ ॥ पंचवासपरियाए समणे णिग्गंथे सद्भिवासपरियाए समणीए णिग्गंथीए कप्पइ आय-रिय(ताए) उवज्झायताए उहिसित्तए ॥ १९७॥ गामाणुगामं दृड्जमाणे भिक्खू य आहच वीसंभेजा तं च सरीरगं केइ साहम्मिए पासेजा, कप्पइ से तं सरीरगं से न (मा) सागारियमिति कह (...एगंते अचित्ते०) थंडिले बहुफासुए पडिलेहित्ता पमजित्ता परिद्वेत्तए. अत्थि याई थ केइ साहम्मियसंतिए उवगरणजाए परि-हरणारिहे, कप्पइ से सागारकडं गहाय दोचं पि ओग्गहं अणुण्णवेत्ता परिहारं परि-हारेत्तए ॥ १९८ ॥ सागारिए उवस्सयं वक्कएणं पउंजेजा, से य वक्कइयं वएजा-इमं(म्हि)मि य इमंमि य ओवासे समणा णिग्गंथा परिवसंति, से सागारिए पारिहा-रिए, से य नो (एवं) वएजा, वक्कइए वएजा(०), से सागारिए पारिहारिए, दो वि ते (एवं) वएजा (जाव), दो वि सागारिया पारिहारिया ॥ १९९ ॥ सागारिए उव-स्सयं विक्रिणेजा, से य कड्यं वएजा-इमंमि य इमंमि य ओवासे समणा णिग्गंथा परिवसंति, से सागारिए पारिहारिए, से य नो वएजा, कहए वएजा, से सागारिए पारिहारिए, दो वि ते वएजा, दो वि सागारिया पारिहारिया ॥ २०० ॥ विहवधया ना(नि)यकुळवासिणी, सा वि यावि ओग्गहं अणुण्णवेयव्वा, किमंग-पुण पिया वा भाया वा पुत्ते वा, से (य) वि या(दो)वि ओ(उ)ग्ग(हं)हे ओगेण्हिय(व्वा)व्वे ॥ २०१ ॥ पहिए वि ओग्गहं अणुण्णवेयव्वे ॥ २०२ ॥ से रज्ज(राय)परियद्वेस संथडेस अन्वोगडेस अन्वोच्छिण्णेस अपरपरिग्गहिएस सच्चेव ओग्गहस्स पन्वाणण्ण-वणा चिद्रह अहालंदमवि ओग्गहे ॥ २०३ ॥ से रज्जपरियहेस असंथडेस वोगडेस वोच्छिण्णेसु परपरिग्गहिएसु भिक्खुभावस्स अट्ठाए दोचं पि ओग्गहे अणुण्णवेयव्वे सिया ॥ २०४ ॥ ति-बेमि ॥ ववहारस्स सत्तमो उद्देसओ समत्तो ॥ ७ ॥

ववहारस्स अट्टमो उद्देसओ

गाहा(गिह) उ(डु) दूपज्ञोसविए, ताए गाहाए ताए पएसाए ताए उवासंतराए जिमणं २ से जासंथारगं रुभेज्ञा तिमणं तिमणं ममेव सिया, थेरा य से अणुजाणेज्ञा, तस्सेव सिया, थेरा य से नो अणुजाणेज्ञा, (णो तस्सेव सिया) एवं से कप्पइ आहाराइणियाए सेज्ञासंथारगं पिडिग्गाहेत्तए ॥ २०५ ॥ से अहारुहुसगं सेज्ञासंथारगं गवेसेज्ञा, जं चिक्कया एगेणं हत्थेणं ओगि(ज्ञिय २) ज्ञ जाव एगाहं वा दुयाहं वा तियाहं वा (अद्धाणं) परिविहत्तए, एस मे हेमंतिगम्हासु भविस्सइ ॥ २०६ ॥ से य अहारुहुसगं सेज्ञासंथारगं गवेसेज्ञा, जं चिक्कया एगेणं हत्थेणं ओगिज्ञ जाव एगाहं (०) अद्धाणं परिविहत्तए, एस मे वासावासासु भविस्सइ

॥ २०७ ॥ से अहालहुसगं सेजासंथारगं जाए(गवेसे)जा जं चिक्कया एगेणं हत्थेणं ओगिज्झ जाव एगाहं वा दुयाहं वा तियाहं वा चउयाहं वा पं(चाहं वा दूरमिव)चगाहं वा अद्धाणं परिवहित्तए, एस मे बुड्डावासास भविस्सइ॥ २०८॥ थेराणं थेरभूमिपत्ताणं कप्पइ दंडए वा भंडए वा मत्तए वा चेले वा चेलचिलमिली वा अविरहिए ओवासे ठवेता गाहावर्कुलं पिंडवायपिंडया(भत्ताए वा पाणा)ए (वा) पविसित्तए वा णिक्खमित्तए वा, कप्पइ ण्हं संणियदृचारीणं दोचं पि ओग्गहं अणुण्णवेत्ता (परिहारं) परिहरित्तए ॥ २०९ ॥ नो कप्पइ णिग्गंथाण वा णिग्गंथीण वा पाडिहारियं वा सागारियसंतियं वा सेजासंथारगं दोचं पि ओग्गहं अण्णुण्ण-वेत्ता वहिया नीहरित्तए ॥ २१०॥ कप्पइ णिग्गंथाण वा णिग्गंथीण वा पाडि-हारियं वा सागारियसंतियं वा सेज्जासंथारगं दोचं पि ओग्गहं अणुण्णवेत्ता बहिया नीहरित्तए ॥ २११ ॥ नो कप्पड णिग्गंथाण वा णिग्गंथीण वा पाडिहारियं वा सागारियसंतियं वा सेजासंथारगं सव्वप्पणा अ(पच)प्पिणिता दोचं पि (तमेव) ओगगहं अणणुण्णवेता अहिद्वित्तए, कप्पइ (०) अणुण्णवेता (०)॥ २१२॥ नो कप्पइ णिगगंथाण वा णिगगंथीण वा पुन्वामेव ओग्गहं ओगिण्हित्ता तओ पच्छा अणुण्णवेत्तए ॥ २१३ ॥ कप्पइ णिग्गंथाण वा णिग्गंथीण वा पुव्वामेव ओग्गहं अणुण्णवेत्ता तओ पच्छा ओगिण्हित्तए ॥ २१४ ॥ अह पुण एवं जाणेजा, इह खलु णिग्गंथाण वा णिग्गंथीण वा नो सुलमे पाडिहारिए सेज्जासंथारए ति कट्टू एव ण्हं कप्पइ पुन्वामेव ओग्गहं ओगिण्हित्ता तओ पच्छा अणुण्णवेत्तए, मा व(दु)ह(ओ)उ अज्जो॰ व(त्तियं)इ अणुलोमेणं अणुलोमेयन्वे सिया ॥ २१५॥ णिरगंथस्स णं गाहावइकुलं पिंडवायपडियाए अणुपविद्वस्स अहालहुसए उवगरणजाए परिब्भट्टे सिया, तं च केइ साहम्मिए पासेजा, कप्पइ से सागारकडं गहाय जत्थेव (ते) अण्णमण्णं पासेज्ञा तत्थेव एवं वएज्ञा-इ(मं ते)मे भे अज्जो ! किं परिण्णाए ? से य वएजा-परिण्णाए, तस्सेव पिडणिजाएयव्वे सिया, से य वएजा-नो परिण्णाए, तं नो अप्पणा परिमुं(जए)जेजा नो अ(ण्णेसिं)ण्णमणस्स दावए, एगंते बहुफासुए (पएसे पिंडेलेहिता) थंडिले परिद्ववेयव्वे सिया ॥ २१६॥ णिग्गंथस्स णं बहिया वियारभूमिं वा विहारभूमिं वा णिक्खंतस्स अहालहसए उवगरणजाए परिन्मद्वे सिया, तं च केइ साहम्मिए पासेजा, कप्पइ से सागारकडं गहाय जत्थेव अण्णमण्णं पासेजा तत्थेव एवं वएजा-इमे (ते) भे अजा ! किं परिण्णाए ? से य वएजा-परिण्णाए, तस्सेव पिडिणिजाएयव्वे सिया, से य वएजा-नो परिण्णाए, तं नो अप्पणा परिभुंजेजा नो अण्णमण्णस्स दावए, एगंते बहुफासुए थंडिल्ले परिद्ववेयव्वे सिया ॥ २१७॥

णिगंथस्स णं गामाणुगामं दृइजामाणस्स अण्णयरे उवगरणजाए परिव्महे सिया, तं च केइ साहम्मिए पासेजा, कप्पइ से सागारकडं गहाय दर(मिव)मेवयद्धाणं परि-वहित्तए, जत्थेव अण्णमण्णं पासेजा तत्थेव एवं वएजा-इमे भे अज्जो! किं परि-ण्णाए ? से य वएजा-परिण्णाए. तस्सेव पडिणिजाएयव्वे सिया, से य वएजा-नो परिण्णाए, तं नो अप्पणा परिभंजेजा नो अण्णमण्णस्स दावए, एगंते बहुफासुए थंडिल्ले परिद्रवेयव्वे सिया ॥ २१८ ॥ कप्पइ णिग्गंथाण वा णिग्गंथीण वा अइरेग-पिडागहं अण्णमण्णस्स अद्वाए (दूरमिव अद्धाणं परिवहित्तए) धारेत्तए वा परिगगहित्तए वा सो वा णं धारेस्सइ अहं वा णं धारेस्सामि अण्णो वा णं धारेस्सइ, नो से कप्पइ ते अणापच्छिय अणामंतिय अण्णमण्णेसिं दाउं वा अणुप्पयाउं वा, कप्पइ से ते आपुन्छिय आसंतिय अण्णमण्णेसिं दाउं वा अणुप्पयाउं वा ॥ २१९ ॥ अट्ट कवलप्पमाणमेत्ते आहारं आहारेमाणे (समणे) णिग्गंथे अप्पाहारे, बार(दुवाल)स कवलप्पमाणमेत्ते आहारं आहारेमाणे णिगंथे अवङ्गोमोयरिया, सोलस कवलप्पमाण-मेत्ते आहारं आहारेमाणे णिग्गंथे दुभागपत्ते, चउवीसं कवलप्पमाणमेत्ते आहारं आहारेमाणे णिग्गंथे ओ(पत्तो)मोयरिया, एगतीसं कवलप्पमाणमेत्ते आहारं आहारे-माणे णिरगंथे किंचूणोमोयरिया, बत्तीसं कवलप्पमाणमेत्ते आहारं आहारेमाणे णिरगंथे पमाणपत्ते, एत्तो एगेण वि कडले(घासे)णं ऊणगं आहारं आहारेमाणे समणे णिग्गंथे णो पकामरसभोइ-ति वत्तव्वं सिया ॥ २२० ॥ ति-बेमि ॥ ववहारस्स अहुमो उद्देसओ समत्तो ॥ ८॥

ववहारस्स णवमो उद्देसओ

सागारियस्स आएसे अंतो वगडाए भुंजइ निट्ठिए नि(सि)सट्ठे पाडिहारिए, तम्हा दावए, नो से कप्पइ पडिगाहेत्तए ॥ २२१ ॥ सागारियस्स आएसे अंतो वगडाए भुंजइ निट्ठिए निसट्ठे अपाडिहारिए, तम्हा दावए, एवं से कप्पइ पडिगाहेत्तए ॥ २२२ ॥ सागारियस्स आएसे बाहिं वगडाए भुंजइ निट्ठिए निसट्ठे पाडिहारिए, तम्हा दावए, नो से कप्पइ पडिगाहेत्तए ॥ २२३ ॥ सागारियस्स आएसे बाहिं वगडाए भुंजइ निट्ठिए निसट्ठे अपाडिहारिए, तम्हा दावए, एवं से कप्पइ पडिगाहेत्तए ॥ २२४ ॥ सागारियस्स दासे वा वेसे वा भयए वा भइण्णए वा अंतो वगडाए भुंजइ निट्ठिए निसट्ठे पाडिहारिए, तम्हा दावए, नो से कप्पइ पडिगाहेत्तए ॥ २२५ ॥ सागारियस्स दासे (इ) वा वेसे वा भयए वा भइण्णए (पेसे) वा अंतो वगडाए भुंजइ निट्ठिए निसट्ठे अपाडिहारिए, तम्हा दावए, एवं से कप्पइ पडिगाहेत्तए ॥ २२६ ॥ सागारियस्स दासे वा वेसे वा भयए वा भइण्णए वा बाहिं वगडाए

भुंजइ निट्ठिए निसट्टे पाडिहारिए, तम्हा दावए, नो से कप्पइ पडिगाहेत्तए ॥ २२७॥ सागारियस्स दासे वा वेसे वा भयए वा भइण्णए वा बाहिं वगडाए भुंजइ निट्रिए निसहे अपाडिहारिए, तम्हा दावए, एवं से कप्पइ पडिगाहेत्तए ॥ २२८ ॥ सागारिय(स्स)णायए सिया सागारियस्स एगवगडाए अंतो (सागारियस्स) एगपयाए सागारियं चो(च उ)वजीवइ, तम्हा दावए, णो से कप्पइ पिडगाहेत्तए ॥ २२९ ॥ सागारियणायए सिया सागारियस्स एगवगडाए अंतो अभिणिपयाए सागारियं चोव-जीवइ, तम्हा दावए, णो से कप्पइ पडिगाहेत्तए ॥ २३० ॥ सागारियणायए सिया सागारियस्स एगवगडाए बाहिं एगपयाए सागारियं चोवजीवइ, तम्हा दावए, णो से कप्पइ पडिगाहेत्तए ॥ २३१ ॥ सागारियणायए सिया सागारियस्स एगवगडाए बाहिं अभिणिपयाए सागारियं चोवजीवइ, तम्हा दावए, णो से कप्पइ पडिगाहेत्तए ॥ २३२ ॥ सागारियणायए सिया सागारियस्स अभिणिव्वगडाए एगदुवाराए एग-णिक्खमणपवेसाए अंतो एगपयाए सागारियं चोवजीवइ, तम्हा दावए, णो से कप्पइ पिंडगाहेत्तए ॥ २३३ ॥ सागारियणायए सिया सागारियस्स अभिणिव्वगडाए एग-दुवाराए एगणिक्खमणपवेसाए अंतो अभिणिपयाए सागारियं चोवजीवइ, तम्हा दावए, णो से कप्पइ पिंडगाहेत्तए ॥ २३४ ॥ सागारियणायए सिया सागारियस्स अभिणिव्वगडाए एगदुवाराए एगणिक्खमणपवेसाए बाहिं एगपयाए सागारियं चोव-जीवइ, तम्हा दावए, णो से कप्पइ पिडगाहेत्तए ॥ २३५ ॥ सागारियणायए सिया सागारियस्स अभिणिव्वगडाए एगदुवाराए एगणिक्खमणपवेसाए वाहिं अभिणिपयाए सागारियं चोवजीवइ, तम्हा दावए, णो से कप्पइ पडिगाहेत्तए ॥ २३६ ॥ सागा-रियस्स चिक्कयासाला साहारणवक्कयपउत्ता, तम्हा दावए, णो से कप्पइ पिडगाहेत्तए ॥ २३७ ॥ सागारियस्स चिक्कयासाला णिस्साहारणवक्कयपउत्ता, तम्हा दावए, एवं से कप्पड़ पडिगाहेत्तए ॥ २३८ ॥ सागारियस्स गोलियसाला साहारणवक्कयपउत्ता, तम्हा दावए, णो से कप्पइ पिंडगाहेत्तए ॥ २३९ ॥ सागारियस्स गोलियसाला णिस्साहारणवक्तयपउत्ता, तम्हा दावए, एवं से कप्पइ पिडगाहेत्तए॥ २४०॥ सागारियस्स वो(बो)धियसाला साहारणवक्तयपउत्ता, तम्हा दावए, णो से कप्पइ पडिगाहेत्तए ॥ २४१ ॥ सागारियस्स वोधियसाला णिस्साहारणवक्कयपउत्ता, तम्हा दावए, एवं से कप्पइ पडिगाहेत्तए ॥ २४२ ॥ सागारियस्स दोसियसाला साहारण-वक्कयपउत्ता, तम्हा दावए, णो से कप्पइ पिंडगाहेत्तए ॥ २४३ ॥ सागारियस्स दोसियसाला णिस्साहारणवक्षयपउत्ता, तम्हा दावए, एवं से कप्पइ पडिगाहेत्तए ॥ २४४ ॥ सागारियस्स सोत्तियसाला साहारणवक्कयपउत्ता, तम्हा दावए, णो से

कप्पइ पिडगाहेत्तए ॥ २४५ ॥ सागारियस्स सोत्तियसाला णिस्साहारणवक्षयपउत्ता, तम्हा दावए, एवं से कप्पइ पिडगाहेत्तए ॥ २४६ ॥ सागारियस्स बोडियसाला साहारणवक्रयपउत्ता. तम्हा दावए, णो से कप्पइ पिडगाहेत्तए ॥ २४७ ॥ सागा-रियस्स बोडियसाला णिस्साहारणवक्कयपउत्ता, तम्हा दावए, एवं से कप्पइ पडि-गाहेत्तए ॥ २४८ ॥ सागारियस्स गंधियसाला साहारणवक्कयपडता, तम्हा दावए, णो से कप्पइ पडिगाहेत्तए ॥ २४९ ॥ सागारियस्स गंधियसाला णिस्साहारणवक्कय-पउत्ता. तम्हा दावए, एवं से कप्पइ पिडगाहेत्तए ॥ २५० ॥ सागारियस्स सोडिय-साला साहारणवक्कयपउत्ता, तम्हा दावए, णो से कप्पइ पडिगाहेत्तए ॥ २५१ ॥ सागारियस्स सोडियसाला णिस्साहारणवक्कयपउत्ता, तम्हा दावए, एवं से कप्पइ पिडगाहेत्तए ॥ २५२ ॥ सागारियस्स ओसहीओ संथडाओ, तम्हा दावए, णो से कप्पइ पडिगाहेत्तए ॥ २५३ ॥ सागारियस्स ओसहिओ असंथडाओ, तम्हा दावए. एवं से कप्पइ पडिगाहेत्तए ॥ २५४ ॥ सागारियस्स अंबफला संथडा, तम्हा दावए. णो से कप्पइ पिडगाहेत्तए ॥ २५५ ॥ सागारियस्स अंबफला असंथडा, तम्हा दावए, एवं से कप्पइ पिडगाहेत्तए ॥ २५६ ॥ सागारियणायए सिया सागारियस्स एगवगडाए एगदुवाराए एगणिक्खमणपवेसाए सागारियस्स एगवयू सागारियं च उवजीवइ. तम्हा दावए, णो से कप्पइ पिंडगाहेत्तए ॥ २५० ॥ सागारियणायए सिया सागारियस्स एगवगडाए एगदुवाराए एगणिक्खमणपवेसाए सागारियस्स अभिणिवय सागारियं च उवजीवइ, तम्हा दावए, णो से कप्पइ पिडगाहेत्तए॥ २५८॥ सागारियणायए सिया सागारियस्स अभिणिव्वगडाए अभिणिद्वाराए अभिणिक्ख-मणपवेसाए सागारियस्स एगवय् सागारियं च उवजीवइ, तम्हा दावए, णो से कप्पइ पडिगाहेत्तए ॥ २५९ ॥ सांगारियणायए सिया सागारियस्स अभिणिव्वगडाए अभिणिद्वाराए अभिणिक्खमणपवेसाए सागारियस्स अभिणिवयु सागारियं च उवजीवइ, तम्हा दावए, णो से कप्पइ पिडगाहेत्तए ॥ २६० ॥ सत्तसत्तमिया णं भिक्खपडिमा (णं) एगूणपण्णाए राइंदिएहिं एगेण छण्णउएणं भिक्खासएणं अहासत्तं अहाकप्पं अहामग्गं अहातचं अहासम्(मकाएणं)मं फासि(त्ता)या पालिया (साहित्ता) तीरिया किष्टिया (आणाए) अणुपालिया भवइ ॥ २६१ ॥ अहअद्वरिया णं भिक्ख-पिडमा चरसद्वीए राइंदिएहिं दोहि य अद्वासीएहिं भिक्खासएहिं अहासुत्तं अहाकप्पं अहामग्गं अहातचं अहासम्मं फासिया पालिया तीरिया किट्टिया अणुपालिया भवड ॥ २६२ ॥ णवणविमया णं भिक्खपिडमा एगासीए राइंदिएहिं चउिह य पंचतरेहिं भिक्खासएहिं अहासुत्तं अहाकप्पं अहामग्गं अहातचं अहासम्मं फासिया पालिया

तीरिया किट्टिया अणुपालिया भवइ ॥ २६३ ॥ दसदसमिया णं भिक्खपिडिमा एगेणं राइंदियसएणं अद्बछद्रेहि य भिक्खासएहिं अहासत्तं अहाकप्पं अहामग्गं अहातचं अहा-सम्मं फासिया पालिया तीरिया किट्टिया अणुपालिया भवड ॥ २६४ ॥ दो पिडमाओ पण्णत्ताओ, तंजहा-खुड्डिया वा (चेव) मोयपिडमा महस्रिया वा मोयपिडमा, खुड्डियण्णं मोयपिडमं पिडवण्णस्स अणगारस्स कप्पइ पढ(मेसरद)मणिदाहकालसमयंसि वा चरिमणिदाहकालसमयंसि वा बहिया गामस्स वा जाव रायहाणीए (संणिवेसंसि) वा वणंसि वा वणदुर्गासि वा पन्वयंसि वा पन्वयदुर्गासि वा, भोचा आरुभइ चोइसमेणं पारेइ, अभोचा आरुभइ सोलसमेणं पारेइ, एवं खलु एसा खुड्डिया मोयपिडमा अहा-सुत्तं जाव अगुपालिता भवइ॥ २६५॥ महल्लियण्णं मोयपिडमं पिडवण्णस्स अणगारस्स कप्पइ से पढमणिदाहकालसमयंसि वा चरिमणिदाहकालसमयंसि वा बहिया गामस्स वा जाव रायहाणीए वा वणंसि वा वणदुर्गासे वा पञ्चयंसि वा पञ्चयदुर्गासे वा, भोचा आरुभइ, सोलसमेणं पारेइ, अभोचा आरुभइ, अद्वारसमेणं पारेइ, एवं खलु एसा मह-हिया मोयपिंडमा अहासुत्तं जाव अणुपालित्ता भवइ ॥ २६६ ॥ संखादित्तियस्स णं (भिक्खुस्स पडिग्गहधारिस्स गाहावइकुलं पिंडवायपडियाए अणुप्पविद्रस्स) जावइयं केइ अंतो पडिग्गहंसि उ(विता)वइत्त दलएजा तावइयाओ (ताओ) दत्तीओ वत्तव्वं सिया, तत्थ से केइ छ प्यविष्ण वा द्(दुर्)सएण वा वालएण वा अंतो पडिग्गहंसि उवित्ता दलएजा, सा (सन्वा) वि णं सा एगा दत्ती वत्तन्वं सिया, तत्थ से बहवे भुंज-माणा सन्वे ते सयं (२) पिं(डसाहणियं)डं अंतो पडिग्गहंसि उवित्ता दलएजा, सव्या वि णं सा एगा दत्ती वत्तव्वं सिया ॥ २६७॥ (संखादत्तियस्स णं भिक्खुस्स) पाणि-पिंडिगगहियस्स णं (गा॰) जावइयं केइ अंतो पाणिसि उवइत्तु दलएजा तावइयाओ दत्तीओ वत्तव्वं सिया, तत्थ से केंद्र छव्वएण वा दूसएण वा वालएण वा अंतो पाणिसि उवित्ता दलएजा, सा वि णं सा एगा दत्ती वृत्तव्वं सिया, तत्थ से वहवे भुंजमाणा सब्वे ते सयं (... एगं) पिं(ड) डं अंतो पाणिंसि उवित्ता दलएजा, सन्ना वि णं सा एगा दत्ती वत्तव्वं सिया ॥ २६८ ॥ तिविहे उवहडे पण्णते, तंजहा-मुद्धोवहडे फलिओवहडे संसद्घोवहडे ॥ २६९ ॥ तिविहे ओग्गहिए पण्णते, तंजहा-जं च ओगिण्हड्, जं च साहरइ, जं च आसगंसि पिक्खवइ, एगे एवमाहंसु ॥ २०० ॥ (एगे पुण एव माहंसु) दुविहे ओग्गहिए पण्णत्ते, तंजहा–जं च ओगिण्हइ, जं च आसगंसि पक्खिवइ॥२०१॥ त्ति-बेमि ॥ ववहारस्स णवमो उद्देसओ समत्तो ॥ ९॥

ववहारस्स दसमो उद्देसओ

दो पिडमाओ पण्णताओ, तंजहा-जवमज्झा य चंदपिडमा वहरमज्झा य

चंदपिडमा, जवमञ्झण्णं चंदपिडमं पिडवण्णस्स अणगारस्स निर्च (मासं) वोसहकाए चियत्तदेहे जे केइ परीसहो(उ)वसग्गा सम्(उ)प्पजांति दिव्वा वा माणुस्सगा वा तिरिक्खजोणिया वा(अणुलोमा वा…), ते (सन्वे) उप्पण्णे सम्मं स(हेजा)हइ खमइ तितिक्खेइ अहियासेइ ॥ २७२ ॥ जवमज्झण्णं चंदपिडमं पिडवण्णस्स अणगारस्स सुक्रपक्खस्स से पाडिवए कप्पइ एगा दत्ती भोयणस्स पडिगाहेत्तए एगा पाणस्स, (सन्वेहिं दुपयचउप्पयाइएहिं आहारकंखीहिं सत्तेहिं पिडिणियत्तेहिं) अण्णायउंछं मुद्धोवहडं णिज्जूहिता बहवे समणमाहणअइहिकिवणवणीमगा, कप्पइ से एगस्स मुंजमाणस्स पडिगाहेत्तए, णो दोण्हं णो तिण्हं णो चउण्हं णो पंचण्हं, णो गुव्वि-णीए णो बालवत्थाए णो दारगं पेज्जमाणीए, णो (से कप्पइ) अंतो एलुयस्स दो वि पाए साहडू दलमाणीए, (पडिगाहित्तए अह पुण एवं जाणिजा) णो बाहिं एल्रयस्स दो वि पाए साहदू दलमाणीए, एगं पायं अंतो किचा एगं पायं बाहिं किचा एल्लयं विक्खंभइत्ता (एयाए एसणाए एसमाणे लब्भेजा आहारे॰ एयाए एसणाए एस-माणे णो लब्सेजा णो आहारेजा) एवं दलयइ, एवं से कप्पइ पडिगाहेत्तए, एवं णो दलयइ, एवं से णो कप्पइ पिडगाहेत्तए, बिइजाए से कप्पइ दोण्णि दत्तीओ भोयणस्स पंडिगाहेत्तए दोण्णि पाणस्स (सञ्चेहिं ...), तइयाए से कप्पइ तिण्णि दत्तीओ भोयणस्स पडिगाहेत्तए तिण्णि पाणस्स, चउत्थीए से कप्पइ चउदत्तीओ भोयणस्स पडिगाहेत्तए चडपाणस्स. पंचमीए से कप्पइ पंचदत्तीओ भोयणस्स पडिगाहेत्तए पंचपाणस्स, छद्वीए से कप्पइ छ दत्तीओ भोयणस्स पडिगाहेत्तए छ पाणस्स, सत्तमीए से कप्पइ सत्त दत्तीओ भोयणस्स पडिगाहेत्तए सत्त पाणस्स, अद्रमीए से कप्पइ अद्र दत्तीओ भोयणस्स पिंडगाहेत्तए अट्ठ पाणस्स, णवभीए से कप्पइ णव दत्तीओ भोयणस्स पिंडगाहेत्तए णव पाणस्स, दसमीए से कप्पइ दस दत्तीओ भोयणस्स पिंडगाहेत्तए दस पाणस्स, एगार(सी)समीए से कप्पइ एगारस दत्तीओ भोयणस्स पडिगाहेत्तए एगारस पाणस्स, बारसमीए से कप्पइ बारस दत्तीओ भोयणस्स पिंडगाहेत्तए बारस पाणस्स, तेरसमीए से कप्पइ तेरस दत्तीओ भोयणस्स पिडगाहेत्तए तेरस पाणस्स, चोहसमीए से कप्पइ चोहस दत्तीओ भोयणस्स पडिगाहेत्तए चोहस पाणस्स, पण्णरसमी(पुण्णिमा)ए से कप्पइ पण्णरस दत्तीओ भोयणस्स पडिगाहेत्तए पण्णरस पाणस्स, बहुलपक्खस्स से पाडिवए कप्पंति चोद्दस (दत्तीओ भोयणस्स पडिगाहेत्तए चोइस पाणस्स सन्वेहिं दुप्पय जाव णो आहारेजा), बिइयाए कप्पइ तेरस दत्तीओ भोयणस्स पिडगाहेत्तए तेरस पाणस्स जाव णो आहारेजा, तझ्याए कप्पइ बारस दत्तीओ भोयणस्स पडिगाहेत्तए बारस पाणस्स जाव णो आहारेजा, चउत्थीए

कप्पड एकारस दत्तीओ भोयणस्य जाव णो आहारेजा. पंचमीए कप्पइ दस दत्तीओ भोगणस्स जाव णो आहारेजा. छद्रीए कप्पइ णव दत्तीओ भोगणस्स जाव णो आहारेजा, सत्तमीए कप्पइ अट्ट दत्तीओ भोयणस्य जाव णो आहारेजा, अट्टमीए कप्पइ सत्त दत्तीओ भोयणस्स जाव णो आहारेजा. णवमीए कप्पइ छ दत्तीओ भोयणस्स जाव णो आहारेजा. दसमीए कप्पइ पंच दत्तीओ भोयणस्स जाव णो आहारेजा, एकारसीए कप्पइ चउदत्तीओ भोयणस्स जाव णो आहारेजा, बारसीए कप्पइ तिदत्तीओ भोयणस्य जाव णो आहारेजा, तेरसीए कप्पइ दो दत्तीओ भोयणस्स जाव णो आहारेजा. चउदसीए कप्पइ एगा दत्ती भोयणस्स जाव णो आहारेजा. अमावासाए से य अभत्तद्वे भवइ, एवं खलु एसा जवमज्झचंदपिडमा अहासुत्तं अहाकप्पं जाव अणुपालित्ता भवइ ॥ २७३ ॥ वहरमज्झण्णं चंदपिडमं पिडवण्णस्स अणगारस्स मासं वोसद्रकाए चियत्तदेहे जे केइ परिसहोवसग्गा सम्-प्पजाति, तंजहा-दिव्वा वा माणुरसगा वा तिरिक्खजोणिया वा अणुलोमा वा पिंडलोमा वा, तत्थ अणुलोमा वा ताव वंदेजा वा नमंसेजा वा सकारेजा वा सम्माणेजा वा कल्लाणं मंगलं देवयं चेइयं पज्जवासेजा, तत्थ पडिलोमा वा अण्णयरेणं दंडेण वा लहीण वा मुहीण वा जोत्तेण वा वेत्तेण वा कसेण वा काए आउट्टेजा, ते सब्वे उपाणी सम्मं सहेजा खमेजा तिइक्खेजा अहियासेजा ॥ २७४ ॥ वहरमज्झाणां चंदपडिमं पडिवण्णस्स अणगारस्स बहुलपन्खस्स पाडिवए कप्पइ पण्णरस दत्तीओ भोयणस्स पडिगाहेत्तए पण्णरस पाणगरस सन्वेहिं दुप्पयचडप्पयाइएहिं आहारकंखेहिं जाव णो आहारेजा, बिइयाए से कप्पइ चउइस दत्तीओ भोयणस्स पडिगाहेत्तए जाव णो आहारेजा, तइयाए कप्पइ तेरस दत्तीओ भोयणस्स जाव णो आहारेजा, चउत्थीए कप्पइ बारस दत्तीओ भोयणस्स जाव णो आहारेजा, पंचमीए कप्पइ एगारस दत्तीओ भोयणस्स जाव णो आहारेजा, छद्वीए कप्पइ दस दत्तीओ भोयणस्स जाव णो आहारेजा, सत्तमीए कप्पइ णव दत्तीओ भोयणस्स जाव णो आहारेजा, अट्टमीए कप्पइ अट्ट दत्तीओ भोयणस्स जाव णो आहारेजा, णवमीए कप्पइ सत्त दत्तीओ भोयणस्स जाव णो आहारेजा, दसमीए कप्पइ छ दत्तीओ भोयणस्य जाव णो आहारेजा. एगारसीए कप्पइ पंच दत्तीओ भोयणस्य जाव णो आहारेजा, बारसीए कप्पइ चडदत्तीओ भोयणस्स जाव णो आहारेजा, तेरसीए कप्पइ तिण्णि दत्तीओ भोयणस्स जाव णो आहारेजा, चउदसीए कप्पइ दो दत्तीओ भोयणस्स जाव णो आहारेजा, अमावासाए कप्पइ एगा दत्ती भोयणस्स पडिगाहेत्तए जाव णो आहारेजा, सुक्रपक्खस्स पाडिवए से कप्पइ दो

दत्तीओ भोयणस्स जाव णो आहारेजा. बिडयाए से कप्पइ तिण्णि दत्तीओ भोय-णस्स जाव णो आहारेजा. तझ्याए से कप्पड़ चउदत्तीओ भोयणस्स जाव णो आहारेजा. चउत्थीए से कप्पइ पंचदत्तीओ भोयणस्स जाव णो आहारेजा, पंचमीए कप्पइ छ दत्तीओ भोयणस्स जाव णो आहारेजा, छद्रीए कप्पइ सत्त दत्तीओ भोयणस्य जाव णो आहारेजा. सत्तमीए कप्पइ अद्र दत्तीओ भोय-णस्स जाव णो आहारेजा. अदमीए कप्पड णव दत्तीओ भोयणस्स जाव णो आहारेजा, णवमीए कप्पइ दस दत्तीओ भोयणस्स जाव णो आहारेजा, दसमीए कप्पइ एगारस दत्तीओ भोयणस्स जाव णो आहारेजा, एगारसीए कप्पइ बारस दत्तीओ भोयणस्स जाव णो आहारेजा. बारसीए कप्पड तेरस दत्तीओ भोय-णस्स जाव णो आहारेजा, तेरसीए कप्पइ चउद्दस दत्तीओ भोयणस्स जाव णो आहारेजा, चउइसीए कप्पड पण्णरस दत्तीओ भोयणस्स पिडगाहेत्तए, पण्णरस पाणगस्स पडिगाहेत्तए, सन्वेहिं दुप्पयचउप्पय जाव णो लभेजा णो आहारेजा. पुण्णिमाए अभत्तद्वे भवइ, एवं खळु एसा वइरमज्झा चंदपिडमा अहासुत्तं अहाकप्पं जाव अणुपालिता भवइ॥ २७५॥ पंचिवहे ववहारे पण्णते, तंजहा-आगमे सुए आणा धारणा जीए । जत्थेव तत्थ आगमे सिया, आगमेणं ववहारं पद्भवेजा, णो से तत्थ आगमे सिया, जहां से तत्थ सुए सिया, सुएणं ववहारं पट्टवेजा, णो से तत्थ सुए सिया, जहा से तत्थ आणा सिया, आणाए ववहारं पट्टवेजा, णो से तत्थ आणा सिया, जहा से तत्थ धारणा सिया, धारणाए ववहारं पट्टवेजा, णो से तत्थ धारणा सिया, जहा से तत्थ जीए सिया, जीएणं ववहारं पद्भवेजा, एएहिं पंचिहें ववहारेहिं ववहारं पट्टवेजा, तंजहा-आगमेणं सुएणं आणाए धारणाए जीएणं. जहा से आगमे सुए आणा धारणा जीए तहा तहा ववहारे पह्रवेजा, से किमाह भंते ? आगमबलिया समणा निग्गंथा. इचेयं पंचिवहं ववहारं जया जया जिहं जिहं तहा तहा तहिं तिहं अणिसिओविस्सियं ववहारं ववहारेमाणे समणे णिग्गंथे आणाए आराहए भवड ॥ २७६ ॥ चत्तारि पुरिसिजािजाया पण्णता, तंजहा-अट्टकरे णा(ममे)मं एगे णो माणकरे, माणकरे णामं एगे णो अड्रकरे, एगे अड्रकरे वि माण-करे वि, एगे णो अट्ठकरे णो माणकरे ॥ २७७ ॥ चत्तारि पुरिसजाया पण्णत्ता, तंजहा-गणद्रकरे णामं एगे णो माणकरे. माणकरे णामं एगे णो गणद्रकरे. एगे गणहकरे वि माणकरे वि. एगे णो गणहकरे णो माणकरे ॥ २७८ ॥ चत्तारि पुरिसजाया पण्णता, तं०-गणसंगहकरे णामं एगे णो माणकरे. माणकरे णामं एगे णो गणसंगहकरे, एगे गणसंगहकरे वि माणकरे वि, एगे णो गणसंगहकरे णो

माणकरे ॥ २७९ ॥ चत्तारि पुरिसजाया पण्णता, तंजहा-गणसो(भ)हकरे णामं एगे णो माणकरे, माणकरे णामं एगे णो गणसोहकरे, एगे गणसोहकरे वि माणकरे वि, एगे णो गणसोहकरे णो माणकरे ॥ २८० ॥ चत्तारि पुरिसजाया पण्णत्ता, तं०-गणसोहिकरे णामं एगे णो माणकरे, माणकरे णामं एगे णो गणसोहिकरे. एगे गण-सोहिकरे वि माणकरे वि, एगे णो गणसोहिकरे णो माणकरे ॥ २८१ ॥ चत्तारि पुरिसजाया पण्णता, तंजहा-रूवं णामेगे जहइ णो धम्मं, धम्मं णामेगे जहइ नो हवं, एगे हवं पि जहइ धम्मं पि जहइ, एगे णो हवं जहइ णो धम्मं जहइ॥ २८२॥ चत्तारि प्रिसजाया पण्णता. तंजहा-धम्मं णामेगे जहइ णो गणसंठिइं. गणसंठिइं णामेंगे जहइ णो धम्मं, एगे गणसंठिइं पि जहइ धम्मं पि जहइ, एगे णो गणसंठिइं जहइ णो धम्मं जहइ ॥ २८३ ॥ चत्तारि पुरिसजाया पण्णता, तंजहा-पियधम्मे णामेंगे णो दढधम्मे. दढधम्मे णामेगे णो पियधम्मे, एगे पियधम्मे वि दढधम्मे वि. एगे णो पियधम्मे णो दढधम्मे ॥ २८४ ॥ चतारि आयरिया पण्णता, तंजहा-पव्वावणायरिए णामेरो णो उवझावणायरिए, उवझावणायरिए णामेरो णो पव्वावणा-यरिए, एगे पन्वावणायरिए वि उवद्वावणायरिए वि, एगे णो पन्वावणायरिए णो उवहावणायरिए ॥ २८५ ॥ चत्तारि आयरिया पण्णता, तंजहा-उद्देसणायरिए णामेगे णो वायणायरिए. वायणायरिए णामेगे णो उद्देसणायरिए. एगे उद्देसणायरिए वि वायणायरिए वि. एगे णो उद्देसणायरिए णो वायणायरिए ॥ २८६ ॥ धम्मायरियस्स चत्तारि अंतेवासी पण्णता. तंजहा-पञ्चावणंतेवासी णामेगे णो उवझावणंतेवासी. उबद्रावणंतेवासी णामेगे णो पव्यावणंतेवासी, एगे पव्यावणंतेवासी वि उव-द्वावणंतेवासी वि. एगे णो पव्वावणंतेवासी णो उवद्वावणंतेवासी ॥ २८७ ॥ चत्तारि अंतेवासी पण्णत्ता. तं०-उद्देसणंतेवासी णामेगे णो वायणंतेवासी. वायणंतेवासी णामेंगे णो उद्देसणंतेवासी, एगे उद्देसणंतेवासी वि वायणंतेवासी वि. एगे णो उद्दे-सणंतेवासी णो वायणंतेवासी ॥ २८८ ॥ चत्तारि धम्मायरिया पण्णता. तंजहा-पव्वावणधम्मायरिए णामेगे णो उवहावणधम्मायरिए, उवहावणधम्मायरिए णामेगे णो पव्वावणधम्मायरिए, एगे पव्वावणधम्मायरिए वि उवद्रावणधम्मायरिए वि. एगे णो पन्वावणधम्मायरिए णो उवहावणधम्मायरिए ॥ २८९ ॥ चत्तारि धम्मायरिया पण्णत्ता, तं०-उद्देसणधम्मायरिए णामेगे णो वायणधम्मायरिए, वायणधम्मायरिए णामेंगे णो उद्देसणधम्मायरिए, एगे उद्देसणधम्मायरिए वि वायणधम्मायरिए वि, एगे णो उद्देसणधम्मायरिए णो वायणधम्मायरिए ॥ २९० ॥ चत्तारि धम्मंतेवासी पण्णता, तंजहा-पञ्चावणधम्मंतेवासी णामेगे णो उवद्रावणधम्मंतेवासी, उवद्रावण-

धम्मंतेवासी णामेगे णो पव्वावणधम्मंतेवासी. एगे पव्वावणधम्मंतेवासी वि उवहा-वणधम्मंतेवासी वि, एगे णो पव्वावणधम्मंतेवासी णो उवहावणधम्मंतेवासी ॥ २९१ ॥ चत्तारि धम्मंतेवासी पण्णत्ता. तंजहा-उद्देसणधम्मंतेवासी णामेगे णो वायणधम्मंतेवासी. वायणधम्मंतेवासी णामेगे णो उद्देसणधम्मंतेवासी, एगे उद्दे-सणधम्मंतेवासी वि वायणधम्मंतेवासी वि. एगे णो उद्देसणधम्मंतेवासी णो वायण-धम्मंतेवासी ॥ २९२ ॥ तओ थेरभुमीओ पण्णताओ, तंजहा-जाइथेरे सुयथेरे प(वजा)रियायथेरे । सद्विवा(विर)सजाए (समणे णिग्गंथे) जाइथेरे, (ठाण)समवा-यंगं जाव सुयधारए सुयथेरे. वीसवासपरियाए परियायथेरे ॥ २९३ ॥ तओ सेह-भमीओ पण्णताओ. तं०-सत्तराइंदिया चाउम्मासिया छम्मासिया, छम्मासिया उक्कोसिया, चाउम्मासिया मज्झिमया, सत्तराइणो जहण्णिया ॥ २९४ ॥ णो कप्पइ णिग्गंथाण वा णिग्गंथीण वा खुड्डगं वा खुड्डियं वा ऊणहवासजायं उवहावेत्तए वा संभंजितए वा ॥ २९५ ॥ कप्पइ णिगंथाण वा णिगंथीण वा खुड्रगं वा खुड्रियं वा साइरेगट्टवासजायं उवद्रावेत्तए वा संभंजित्तए वा ॥ २९६ ॥ णो कप्पइ णिग्गंथाण वा णिरगंथीण वा खुडुगस्स वा खुड्डियाए वा अन्वंजणजायस्स आयारपकप्पे णामं अज्झयणे उद्दिसित्तए ॥ २९७ ॥ कप्पइ णिग्गंथाण वा णिग्गंथीण वा खुडूगरूस वा खिंड्रियाए वा वंजणजायस्स आयारपकप्पे णामं अज्झयणे उद्दिसित्तए ॥ २९८ ॥ तिवासपरियायस्स समणस्स णिगांथस्स कप्पइ आयारपकप्पे णामं अज्झयणे उहि-सित्तए ॥ २९९ ॥ चउवासपरिया(यस्स ...)ए कप्पइ सूयगडे णामं अंगे उहिसित्तए ॥ ३०० ॥ पंचवासपरियाए कप्पइ दसाकप्पववहारे (णाममज्झयणे) उहिसित्तए ॥ ३०१ ॥ अट्टवासपरियाए कप्पइ ठाणसमवाए (णामं अंगे) उद्दिसित्तए ॥ ३०२ ॥ दसवासपरियाए कप्पइ वि(वाहे)याहे णामं अंगे उद्दिसित्तए ॥ ३०३ ॥ एक्कारस-वासपरियाए कप्पइ खुड्डिया विमाणपविभत्ती महस्रिया विमाणपविभत्ती अंगचूलिया वर्ग(वं)गचूलिया वियाहचूलिया णामं अज्झयणे उद्दिसित्तए॥ ३०४॥ बारसवास-परियाए कप्पइ गरुलोवनाए धरणोवनाए वेसमणोवनाए वेलंघरोवनाए णामं अज्झ-यणे उद्दिसित्तए ॥ ३०५ ॥ तेरसवासपरियाए कप्पइ उद्घाण(म्र)परियावणिए समु-द्राणसुए देविंदोववाए णागपरियावणिए णामं अज्झयणे उद्दिसित्तए ॥ ३०६॥ चोइ(चउद)सवासपरियाए कप्पइ सि(सु)मिणभावणा णामं अज्झयणे उहिसित्तए ॥ ३०७ ॥ पण्णरसवासपरियाए कप्पइ चार(णा)णभावणा णामं अज्झयणे उद्दि-सित्तए ॥ ३०८ ॥ सोलसवासपरियाए कप्पइ तेयणीसंगे णामं अज्झयणे उहिसित्तए ॥ ३०९ ॥ सत्तरसवासपरियाए कप्पइ आसीविसभावणा णामं अज्झयणे उद्दिसित्तए

॥ ३१० ॥ अद्वारसवासपरियागस्स समणस्स णिग्गंथस्स कप्पइ दिद्वीविसभावणा णामं अज्झयणे उद्दिसित्तए॥ ३११॥ एगूणवीसवासपरियाए कप्पइ दिद्विवाए णामं अंगे उद्दिसित्तए ॥ ३१२ ॥ वीसवासपरियाए समणे णिग्गंथे सन्वसुयाणुवाई भवइ ॥ ३१३ ॥ दसविहे वेयावचे पण्णत्ते, तंजहा-आयरियवेयावचे उवज्झायवेयावचे थेरवेयावचे सेहवेयावचे गिलाणवेयावचे तवस्सिवेयावचे साहम्मियवेयावचे कुल-वेयावचे गणवेयावचे संघवेयावचे ॥ ३१४॥ आयरियवेयावचं करेमाणे समणे णिग्गंथे महाणिजारे महापजावसाणे भवइ॥ ३१५॥ उवज्झायवेयावचं करेमाणे समणे णिग्गंथे महाणिजारे महापज्जवसाणे भवइ ॥ ३१६ ॥ थेरवेयावचं करेमाणे समणे णिग्गंथे महाणिजारे महापजावसाणे भवइ ॥ ३१७ ॥ तवस्सिवेयावचं करेमाणे समणे णिग्गंथे महाणिज्जरे महापज्जवसाणे भवइ ॥ ३१८ ॥ सेहवेयावचं करेमाणे समणे णिग्गंथे महाणिजारे महापजावसाणे भवइ॥ ३१९॥ गिलाणवेयावचं करेमाणे समणे णिग्गंथे महाणिज्ञरे महापज्जवसाणे भवइ ॥ ३२० ॥ साहम्मियवेयावचं करेमाणे समणे णिग्गंथे महाणिजरे महापज्जवसाणे भवइ॥ ३२१॥ कुलवेयावचं करेमाणे समणे णिग्गंथे महाणिजारे महापज्जवसाणे भवइ॥ ३२२॥ गणवेयावचं करेमाणे समणे णिग्गंथे महाणिजारे महापज्जवसाणे भवइ॥ ३२३॥ संघवेयावचं करेमाणे समणे णिग्गंथे महाणि जरे महापज्जवसाणे भवइ ॥ ३२४ ॥ ति-बेमि ॥ ववहारस्स दसमो उद्देसओ समत्तो ॥ १० ॥ ववहारसुत्तं समत्तं ॥



णमोऽत्थु णं समणस्स भगवओ णायपुत्तमहावीरस्स

सुत्तागमे

तत्थ णं बिहक्रप्पसुत्तं पढमो उद्देसओ

नो कप्पइ निग्गन्थाण वा निग्गन्थीण वा आमे तालप्लेम्बे अभिन्ने पडि(गाहि)-ग्गाहेत्तए ॥ १ ॥ कप्पइ निग्गन्थाण वा निग्गन्थीण वा आमे तालपलम्बे भिन्ने पिडमगाहेत्तए ॥ २ ॥ कप्पइ निम्गन्थाणं पक्के तालपलम्बे भिन्ने वा अभिन्ने वा पडिग्गाहेत्तए ॥ ३ ॥ नो कप्पइ निग्गन्थीणं पक्के तालपलम्बे अभिन्ने पडिग्गाहेत्तए ॥ ४ ॥ कप्पइ निग्गन्थीणं पक्के तालपलम्बे भिन्ने पडिग्गाहेत्तए, से वि य विहिभिन्ने, नो (चेव-णं) अविहिभिन्ने ॥ ५ ॥ से गामंसि वा नगरंसि वा खेडंसि वा कव्वडंसि वा मडम्बंसि वा पृष्टणंसि वा आगरंसि वा दोणमुहंसि वा निगमंसि वा रायहाणिंसि वा आसमंसि वा संनिवेसंसि वा संवाहंसि वा घोसंसि वा अंसियंसि वा पुडमेयणंसि वा सपरिक्खेवंसि अबाहिरियंसि कप्पइ निग्गन्थाणं हेमन्तिगम्हासु एगं मासं वत्थए ॥ ६ ॥ से गामंसि वा जाव रायहाणिंसि वा सपरिक्खेवंसि सबाहिरियंसि कप्पइ निग्गन्थाणं हेमन्तगिम्हासु दो मासे वत्थए, अन्तो एगं मासं वाहिं एगं मासं; अन्तो वसमाणाणं अन्तोभिक्खायरिया बाहिं वसमाणाणं बाहिंभिक्खायरिया ॥ ७ ॥ से गामंसि वा जाव रायहाणिंसि वा सपरिक्खेवंसि अवाहिरियंसि कप्पइ निग्गन्थीणं हेमन्तिगिम्हासु दो मासे वत्थए॥ ८॥ से गामंसि वा जाव रायहार्णिसि वा सप-रिक्खेवंसि सवाहिरियंसि कप्पइ निग्गन्थीणं हेमन्तगिम्हासु चत्तारि मासे वत्थए, अन्तो दो मासे, बाहिं दो मासे; अन्तो वस(न्ती)माणीणं अन्तोभिक्खायरिया बाहिं वसमाणीणं बाहिंभिक्खायरिया ॥ ९ ॥ से गामंसि वा जाव रायहाणिंसि वा एगवगडाए एगदुवाराए एगनिक्खमणपवेसाए नो कप्पइ निग्गन्थाण य निग्गन्थीण य एगयओ वत्थए ॥ १० ॥ से गामंसि वा जाव रायहाणिंसि वा अभिनिव्वगडाए अभिनिद्वाराए अभिनिक्खमणपवेसाए कप्पइ निग्गन्थाण य निग्गन्थीण य एगयओ

वत्थए ॥ १९ ॥ नो कप्पइ निग्गन्थीणं आवणगिहंसि वा र(त्था)च्छामुहंसि वा सिङ्गाडगंसि वा तियंसि वा चउक्कंसि वा चचरंसि वा अन्तरावणंसि वा वत्थए॥१२॥ कप्पद्व निम्मन्थाणं आवणगिहंसि वा जाव अन्तरावणंसि वा वत्थए ॥ १३ ॥ नो कप्पइ निग्गन्थीणं अवङ्कयदुवारिए उवस्सए वत्थए, एगं पत्थारं अन्तो किचा एगं पत्थारं बाहिं किचा ओहाडिय(चेल)चिलिमिलियागंसि ए(वं णं)व ण्हं कप्पइ वत्थए ॥ १४ ॥ कप्पइ निमान्थाणं अवङ्गयद्वारिए उवस्सए वत्थए ॥ १५ ॥ कप्पइ निग्गन्थीणं अन्तोलित्तयं घडिमत्तयं धारेत्तए वा परिहरित्तए वा ॥ १६ ॥ नो कप्पइ निगन्थाणं अन्तोलित्तयं घडिमत्तयं धारेत्तए वा परिहरित्तए वा ॥ १७ ॥ कप्पइ निग्गन्थाण वा निग्गन्थीण वा चेलचिलिमि(लि)णियं धारेत्तए वा परिहरित्तए वा ॥ १८ ॥ नो कप्पइ निरगन्थाण वा निरगन्थीण वा दगतीरंसि चिहित्तए वा निसी-इत्तए वा तुयद्वितए वा निहाइत्तए वा पयलाइत्तए वा, असणं वा पाणं वा खाइमं वा साइमं वा आहारमाहा(रि)रेत्तए(वा), उचारं वा पासवणं वा खेलं वा सिङ्घाणं वा परिद्व(वि)वेत्तए, सज्झायं वा करेत्तए, (धम्मजागरियं वा जाग(रे)रित्तए) झाणं वा झाइत्तए, काउस्सग्गं वा ठाणं वा ठाइत्तए ॥ १९ ॥ नो कप्पइ निग्गन्थाण वा निग्गन्थीण वा सचित्तकम्मे उवस्सए वत्थए॥ २०॥ कप्पइ निग्गन्थाण वा निग्गन्थीण वा अचित्तकम्मे उवस्सए वत्थए॥ २१॥ नो कप्पड निग्गन्थीणं सागारियअनिस्साए वत्थए॥ २२॥ कप्पइ निग्गन्थीणं सागारियनिस्साए वत्थए ॥ २३ ॥ कप्पइ निम्मन्थाणं सामारियनिस्साए वा अनिस्साए वा वत्थए ॥ २४ ॥ नो कप्पइ निग्गन्थाण वा निग्गन्थीण वा सागारिए उवस्सए वत्यए॥ २५॥ कप्पइ निग्गन्थाण वा निग्गन्थीण वा अप्पसागारिए उवस्सए वतथए॥ २६॥ नो कप्पइ निग्गन्थाणं इत्थिसागारिए उवस्सए वत्थए॥ २०॥ कप्पइ निग्गन्थाणं पुरिससागारिए उवस्सए वत्थए॥ २८॥ नो कप्पइ निग्गन्थीणं पुरिससागारिए उवस्सए वत्थए ॥ २९ ॥ कप्पइ निम्गन्थीणं इत्थिसागारिए उवस्सए वत्थए ॥ ३० ॥ नो कप्पइ निग्गन्थाणं पडिब(द्ध)द्वाए सेजाए वत्थए ॥ ३१ ॥ कप्पइ निग्गन्थीणं पडिबद्धाए सेजाए वत्थए ॥ ३२ ॥ नो कप्पड निग्गन्थाणं गाहावडकलस्स मज्झं-मज्झेणं गन्तुं वत्थए ॥ ३३ ॥ कप्पइ निग्गन्थीणं गाहावइकुलस्स मज्झंमज्झेणं गन्तुं वत्थए ॥ ३४ ॥ भिक्ख् य अहिगरणं कहू तं अहिगरणं अविओसवेता अवि-ओसवियपाहुंडे-इच्छाए परो आढाएजा, इच्छाए परो नो आढाएजा; इच्छाए परो अब्सुट्ठेजा, इच्छाए परो नो अब्सुट्टेजा; इच्छाए परो वन्देजा, इच्छाए परो नो वन्देजा; इच्छाए परो संभुक्षेजा, इच्छाए परो नो संभुक्षेजा; इच्छाए परो संवसेजा,

इच्छाए परो नो संवसेजा: इच्छाए परो उवसमेजा, इच्छाए परो नो उवसमेजा; जे (जो) उवसमइ तस्स अत्थि आराहणा, जे न उवसमइ तस्स नत्थि आराहणा; तम्हा अप्पणा चेव उवसमियव्वं, से किमाह भन्ते (!) ? उवसमसारं सामण्णं ॥ ३५॥ नो कप्पइ निग्गन्थाण वा निग्गन्थीण वा वासावासास चार(चरित्त)ए ॥ ३६ ॥ कप्पइ निग्गन्थाण वा निग्गन्थीण वा हेमन्तगिम्हास चारए ॥ ३७ ॥ नो कप्पइ निग्गन्थाण वा निग्गन्थीण वा वेरज्जविरुद्धरजांसि सर्ज्जं गमणं सर्ज्जं आगमणं सर्जं गमणागमणं क(रि)रेत्तए जे (जो) खलु निग्गर्नथो)थे वा निग्गन्थी वा वेरजविरुद्ध-रजांति सर्जा गमणं सर्जा आगमणं सर्जा गमणागमणं करेइ क(रं-रिं)रेन्तं वा साइजाइ, से दुहओ(वि) वीइक्समाणे आवजाड चाउम्मासियं परिहारद्वाणं अणुरघाड्यं ॥ ३८॥ निग्गन्थं च णं गाहावइकुलं पिण्डवायपिडयाए अणुष्पविद्वं केइ वत्थेण वा पिडग्गहेण वा कम्बलेण वा पायपुञ्छणेण वा उवनिमन्तेजा. कप्पड से सागारकडं गहाय आयरि-यपायमूळे ठवेता दोचं पि ओग्गहं अणुन्नवेत्ता परिहारं परिहरित्तए ॥ ३९॥ निग्गन्थं च णं बहिया वियारभूमिं वा विहारभूमिं वा निक्खन्तं समाणं केइ वत्थेण वा पिडग्गहेण वा कम्बलेण वा पायपुञ्छणेण वा उवनिमन्तेज्जा, कप्पइ से सागारकडं गहाय आयरियपायमूळे ठवेता दोचं पि ओग्गहं अणुच्चवेत्ता परिहारं परिहरित्तए ॥ ४० ॥ निग्गन्थि च णं गाहावङ्कलं पिण्डवायपडियाए अण्प्पविद्वं केइ वत्थेण वा पडिग्गहेण वा कम्बलेण वा पायपुञ्छणेण वा उवनिमन्तेजा, कप्पइ से सागारकडं गहाय प(वि)वित्त(णि)णीपायमूळे ठवेता दोचं पि ओग्गहं अणुन्नवेत्ता परिहारं परिहरित्तए ॥ ४९ ॥ निग्गन्थि च णं बहिया वियारभूमिं वा विहारभूमिं वा निक्खन्तं समाणि केइ वरथेण वा पडिरगहेण वा कम्बलेण वा पायपुञ्छणेण वा उवनिमन्तेजा, कप्पइ से सागारकडं गहाय पवत्तिणीपायमुळे ठवेता दोचं पि ओग्गहं अणुन्नवेता परिहारं परिहरित्तए ॥ ४२ ॥ नो कप्पड निग्गन्थाण वा निग्गन्थीण वा राओ वा वियाले वा असणं वा ४ पडिग्गाहेत्तए नन्नत(थे)थ एगेणं पुन्वपिडलेहिएणं सेज्जासंथारएणं ॥ ४३ ॥ नो कप्पइ निग्गन्थाण वा निग्गन्थीण वा राओ वा वियाले वा वत्थं वा पडिग्गहं वा कम्बलं वा पायपुञ्छणं वा पिडग्गाहेत्तए, नन्नत्थ एगाए हरियाह(रि)-डियाए, सा वि (य) याई परिभुत्ता वा धोया वा रत्ता वा घट्टा वा महा वा संपध्निया वा ॥ ४४ ॥ नो कप्पइ निम्मन्थाण वा निम्मन्थीण वा राओ वा वियाले वा अद्धा-णगम(णाए)णं एत्तए, (नो...) संखार्डे संखाडिपडियाए एत्तए ॥ ४५ ॥ नो कप्पइ निग्गन्थस्स एगाणियस्स राओ वा वियाले वा वहिया वियारभूमिं वा विहारभूमिं वा निक्खमित्तए वा पविसित्तए वा, कप्पइ से अप्पन्निइयस्स वा अप्पतइयस्स वा राओ ५३ सत्ता०

वा वियाले वा बहिया वियारभूमिं वा विहारभूमिं वा निक्खमित्तए वा पविसित्तए वा ॥ ४६॥ नो कप्पइ निम्गन्थीए एगाणियाए राओ वा वियाले वा बहिया वियारभूमिं वा विहारभूमिं वा निक्खमित्तए वा पविसित्तए वा, कप्पइ से अप्पिबिइयाए वा अप्पतइयाए वा अप्पचडत्थीए वा राओ वा वियाले वा बहिया वियारभूमि वा विहारभूमिं वा निक्खमित्तए वा पविसित्तए वा ॥ ४७ ॥ कप्पइ निग्गन्थाण वा निग्गन्थीण वा पुरत्थिमेणं जाव अङ्गमगहाओ एत्तए, दिक्खणेणं जाव कोसम्बीओ एत्तए, पचित्थिमेणं जाव थूणाविसयाओ एत्तए, उत्तरेणं जाव कुणालाविसयाओ एत्तए; एयावयाव कप्पइ, एयावयाव आरिए खेते; नो से कप्पइ एत्तो बाहिं, तेण परं जत्थ नाणदंसणचरित्ताइं उस्प्रप्पन्ति ॥ ४८ ॥ त्ति-बेमि ॥ विहक्कप्पे पढमो उद्देसओ समत्तो ॥१॥

विइओ उद्देसओ उवस्सयस्स अन्तो वगडाए सालीणि वा वीहीणि वा मुग्गाणि वा मासाणि वा तिलाणि वा कुलत्थाणि वा गोहूमाणि वा जवाणि वा जवजवाणि वा ओखि(त्ता)-ण्णाणि वा वि(कि)क्सिंखण्णाणि वा विइगिण्णाणि वा विप्पइण्णाणि वा, नो कप्पइ निमान्थाण वा निमान्थीण वा अहालन्दमवि वत्थए ॥ ४९ ॥ अह पुण एवं जाणेजा-नो ओखिण्णाइं नो विक्खिण्णाइं नो विइगिण्णाइं नो विप्पइण्णाइं, रासिकडाणि वा पुजकडाणि वा भित्तिकडाणि वा कुलियकडाणि वा लिष्छियाणि वा मुद्दियाणि वा पिहियाणि वा, कप्पइ निग्गन्थाण वा निग्गन्थीण वा हेमन्तगिम्हासु वत्थए॥५०॥ अह पुण एवं जाणेजा-नो रासिकडाईं नो पुजकडाईं नो भित्तिकडाईं नो कुलिय-कडाइं, कोद्राउत्ताणि वा पश्लाउत्ताणि वा मञ्जाउत्ताणि वा मालाउत्ताणि वा ओलि-त्ताणि वा विलित्ताणि वा लिञ्ज्याणि वा मुद्दियाणि वा पिहियाणि वा, कप्पइ निग्गन्थाण वा निग्गन्थीण वा वासावासं वतथए ॥ ५१ ॥ उवस्सयस्स अन्तो वगडाए सुरावियडकुम्भे वा सोवीरयवियडकुम्भे वा उवनिक्खिते सिया, नो कप्पइ निग्गन्थाण वा निग्गन्थीण वा अहालन्दमवि वत्थए, हरतथा य उवस्सयं पडिलेह-माणे नो लभेजा, एवं से कप्पइ एगरायं वा दुरायं वा वत्थए, नो से कप्पइ परं एगरायाओ वा दुरायाओ वा वत्थए, जे तत्थ एगरायाओ वा दुरायाओ वा परं व(सइ)सेजा, से सन्तरा छेए वा परिहारे वा ॥ ५२ ॥ उवस्सयस्स अन्तो वगडाए सीओदगवियडकुम्भे वा उतिणोदगवियडकुम्भे वा उवनिक्खित्ते सिया, नो कप्पइ निग्गन्थाण वा निग्गन्थीण वा अहालन्दमवि वत्थए, हुरत्था य उवस्सयं पडिलेह-माणे नो लभेजा, एवं से कप्पइ एगरायं वा दुरायं वा वतथए, नो से कप्पइ परं

एगरायाओ वा दुरायाओ वा वत्थए, जे तत्थ एगरायाओ वा दुरायाओ वा परं वसेजा, से सन्तरा छेए वा परिहारे वा ॥ ५३ ॥ उवस्सयस्स अन्तो वगडाए सव्वरा(ई)इए जोई झियाएजा, नो कप्पइ निम्मन्थाण वा निम्मन्थीण वा अहा-लन्दमवि वत्थए, हरत्था य उवस्सयं पिडलेहमाणे नो लभेजा, एवं से कप्पइ एग-रायं वा दुरायं वा वत्थए, नो से कप्पइ परं एगरायाओ वा दुरायाओ वा वत्थए, जे तत्थ एगरायाओ वा दुरायाओ वा परं वसेजा, से सन्तरा छेए वा परिहारे वा ॥ ५४ ॥ उवस्सयस्स अन्तो वगडाए सन्वराइए पईचे दिप्पेजा. नो कप्पड निग्ग-न्थाण वा निग्गन्थीण वा अहालन्दमवि वत्थए, हरत्या य उवस्सयं पिछलेहमाणे नो लभेजा, एवं से कप्पइ एगरायं वा दुरायं वा वत्थए, नो से कप्पइ परं एग-रायाओं वा दुरायाओं वा वत्थए, जे तत्थ एगरायाओं वा दुरायाओं वा परं वसेजा. से सन्तरा छेए वा परिहारे वा ॥ ५५॥ उवस्सयस्स अन्तो वगडाए पिण्डए वा लोयए वा खी(रे)रं वा दिहं वा सिप्पं वा नवणीए वा तेहे वा फाणि(ए)यं वा पूर्व वा सक्कली वा सिहरिणी वा ओखिण्णाणि वा विक्खिण्णाणि वा विइंगिण्णाणि वा विष्पइण्णाणि वा, नो कप्पइ निम्नान्थाण वा निम्मन्थीण वा अहालन्दमवि वत्थए ॥ ५६ ॥ अह पुण एवं जाणेज्जा-नो ओखिल्णाइं ४, रासिकडाणि वा पुञ्जकडाणि वा भित्तिकडाणि वा कुलियकडाणि वा लिब्छियाणि वा मुद्दियाणि वा पिहियाणि वा, कप्पइ निग्गन्थाण वा निग्गन्थीण वा हेमन्तिगिम्हास वत्थए ॥ ५०॥ अह पुण एवं जाणेजा-नो रासिकडाइं ४, कोट्राउत्ताणि वा पह्नाउत्ताणि वा मञ्जाउत्ताणि वा मालाउत्ताणि वा क्रिम्भिउत्ताणि वा करिभेउत्ताणि वा ओलिताणि वा विलित्ताणि वा लिक्छियाणि वा सुद्दियाणि वा पिहियाणि वा, ऋपइ निमान्थाण वा निमान्थीण वा वासावासं वत्थए ॥ ५८ ॥ नो कप्पड निग्गन्थीणं अहे आगमणगिईसि वा वियडगिहंसि वा वंसीमूळंसि वा स्वत्वमूलंसि वा अन्भावगासियंसि वा वत्थए॥ ५९॥ कप्पइ निग्गन्थाणं अहे आगमणगिहंसि वा वंसीमूलंसि वा स्वन्खमूलंसि वा अब्भान वगासियंसि वा वत्थए ॥ ६० ॥ एगे सागारिए पारिहारिए, दो(न्नि) तिणि चत्तारि पश्च सागारिया पारिहारियाः एगं तत्थ कप्पागं ठवइत्ता अवसेसे निव्विसेजा ॥ ६१॥ नो कप्पइ निग्गन्थाण वा निग्गन्थीण वा सागारियपिण्डं बहिया अनीहडं (असंसद्रं वा) संसद्घं-पडिग्गाहेत्तए ॥ ६२ ॥ नो कप्पइ निग्गन्थाण वा निग्गन्थीण वा सागारियपिण्डं बहिया अनीहडं असंसद्धं पिडमगहेत्तए ॥ ६३ ॥ नो कप्पइ निग्ग-न्थाण वा निग्गन्थीण वा सागारियपिण्डं बहिया नीहडं असंसद्घं पडिग्गाहेत्तए ॥ ६४ ॥ कप्पइ निग्गन्थाण वा निग्गन्थीण वा सागारियपिण्डं वहिया नीहडं संसद्धं पडिग्गाहेत्तए ॥ ६५ ॥ नो कप्पइ निग्गन्थाण वा निग्गन्थीण वा सागारियपिण्डं बहिया नीहडं असंसद्घं संसद्घं करेत्तए, जे खलु निग्गन्थे वा निग्गन्थी वा सागा-रियपिण्डं बहिया नीहडं असंसद्घं संसद्घं करेड करेन्तं वा साइजाइ, से दुहओ वीइक्क-ममाणे आवज्जइ चाउम्मासियं परिहारद्वाणं अणुभ्घाइयं ॥ ६६ ॥ सागारियस्स आहुडिया सागारिए(ण)णं पडिग्गाहि(या)ता, तम्हा दावए, नो से कप्पइ पडिग्गाहे-त्तए ॥ ६७ ॥ सागारियस्स आहडिया सागारिएणं अपडिग्गाहिता, तम्हा दावए, एवं से कप्पइ पडिग्गाहेत्तए ॥ ६८ ॥ सागारियस्स नीहडिया परेण अपडिग्गाहिता, तम्हा दावए, नो से कप्पइ पिडम्गाहेत्तए ॥ ६९ ॥ सागारियस्स नीहिडया परेण पडिग्गाहित्ता, तम्हा दावए, एवं से कप्पइ पडिग्गाहेत्तए ॥ ७० ॥ सागारियस्स अंसियाओ अविभत्ताओ अव्वोच्छिबाओ अव्वोगडाओ अनिजूढाओ, (एवं से) तम्हा दावए, नो से कप्पइ पिडग्गाहेत्तए॥ ७९॥ सागारियस्स अंसियाओ विभत्ताओ वोच्छित्राओ वोगडाओ निज्रुढाओ, तम्हा दावए, एवं से कप्पइ पडिग्गाहेत्तए ॥ ७२ ॥ सागारियस्स पूँचाभत्ते उद्देसिए चेईए पाहुडियाए, सागारियस्स उवगरण-जाए निट्ठिए निसट्टे प(पा)डिहारिए, तं सागारिओ दे(जा)इ, सागारियस्स परिजणो देइ, तम्हा दावए, नो से कप्पइ पिडग्गाहेत्तए ॥ ७३ ॥ सागारियस्स पूयाभत्ते उद्देसिए चेइए पाहडियाए, सागारियस्स उवगरणजाए निट्रिए नि(सि)सट्टे पडिहारिए. तं नो सागारिओ देइ, नो सागारियस्स परिजणो देइ, सागारियस्स प्या देइ, तम्हा दावए, नो से कप्पइ पडिग्गाहेत्तए॥ ७४॥ सागारियस्स पूयाभत्ते उद्देसिए चेइए पाह्डियाए, सागारियस्स उवगरणजाए निद्धिए निसद्धे अपिडहारिए, तं सागारिओ देइ, सागारियस्स परिजणो देइ, तम्हा दावए, नो से कप्पइ पडिग्गाहेत्तए॥ ७५॥ सागारियस्स पूयाभत्ते उद्देसिए चेइए पाहुडियाए, सागारियस्स उवगरणजाए निद्विए निसट्ठे अपिडहारिए, तं नो सागारिओ देइ, नो सागारियस्स परिजणो देइ, सागा-रियस्स पूरा देइ, तम्हा दावर, एवं से कप्पइ पिडागाहेत्तर ॥ ७६ ॥ कप्पइ निग्गन्थाण वा निग्गन्थीण वा (पश्चिमाणि) इमाइं पञ्च वत्था(णि)इं धारेत्तए वा परिहरित्तए वा, तंजहा-जङ्गिए खोमिए साणए पोत्तए तिरीडपट्टे ना(मं)म पञ्चमे ॥ ७०॥ कप्पइ निग्गन्थाण वा निग्गन्थीण वा इमाइं प(श्वेव)म्ब रयहरणाइं धारेत्तए वा परिहरित्तए वा, तंजहा-अोण्णिए ओद्वि(उद्दि)ए साणए बब्बापिचि(वचा-चिप्प)ए मुझपिचिए नाम पञ्चमे ॥ ७८ ॥ ति-बेमि ॥ विहक्कप्पे विद्रओ उद्देसओ समत्तो ॥ २ ॥

१ पूर्या-सामिकलायरियाइणो तयद्रा भत्ते प्रयाभत्ते । २ कए ।

तइओ उद्देसओ

नो कप्पइ निग्गन्थाणं निग्गन्थीणं उवस्स(यंसि)ए आसइत्तए वा चिट्टित्तए वा निसीइत्तए वा तुयद्वित्तए वा निद्दाइत्तए वा पयलाइत्तए वा, असणं वा ४ आहार-माहारेत्तए, उच्चारं वा पासवणं वा खेलं वा सिङ्घाणं वा परिद्ववेत्तए, सज्झायं वा करेत्तए, झाणं वा झाइत्तए, काउस्सग्गं वा ठाणं वा ठाइत्तए॥ ७९॥ नो कप्पइ निग्गन्थीणं निग्गन(थ)थाणं उवस्सए आसइत्तए जाव ठाइत्तए ॥ ८० ॥ नो कप्पइ निग्गन्थाण वा निग्गन्थीण वा कसिणाइं वत्थाइं धारेत्तए वा परिहरित्तए वा ॥ ८९ ॥ कप्पइ निग्गन्थाण वा निग्गन्थीण वा अकसिणाइं वत्थाइं धारेत्तए वा परिहरित्तए वा ॥ ८२ ॥ नो कप्पड निग्गन्थाण वा निग्गन्थीण वा अभिन्नाइं वत्थाइं धारेत्तए वा परिहरित्तए वा ॥ ८३ ॥ कप्पइ निग्गन्थाण वा निग्गन्थीण वा भिन्नाइं वत्थाइं धारेत्तए वा परिहरित्तए वा ॥ ८४ ॥ नो कप्पइ निग्गन्थाणं ओ(उ)ग्गहणन्तगं वा ओग्गहणपट्टगं वा घारेत्तए वा परिहरित्तए वा ॥ ८५ ॥ कप्पइ निग्गन्थीणं ओग्ग-हणन्तगं वा ओग्गहणपट्टगं वा धारेत्तए वा परिहरित्तए वा ॥ ८६ ॥ निग्गन्थीए य गाहावइकुलं पिण्डवायपडियाए अणुप्पविद्वाए चेलट्टे समुप्पजेजा, नो से कप्पइ अप्पणो नीसाए चेलं पडिग्गाहेत्तए; कप्पइ से पवित्तणीनीसाए चेलं पडिग्गाहेत्तए ॥ ८७ ॥ नो (य से) ज(त)त्थ पवत्तिणी समा(णा)णी सिया, जे तत्थ समाणे आयरिए वा उवज्झाए वा प(वि)वत्ती वा थेरे वा गणी वा गणहरे वा गणावच्छेइए वा (जं चऽन्नं पुरओ कहु विहरइ), कप्पइ से तं(तेसिं)नी(निस्)साए चेलं पडि-ग्गाहेत्तए ॥ ८८ ॥ निग्गन्थस्स (य) णं तप्पढमयाए संपव्वयमाणस्स कप्पइ रय-हरणपिडग्गहगोच्छगमायाए ति(हिं)हि य किसणेहिं वत्थेहिं आयाए संपव्वइत्तए, से य पुट्योवहविए सिया, एवं से नो कप्पइ रयहरणपडिग्गहगोच्छगमायाए तिहि य कसिणेहिं वत्येहिं आयाए संपव्वइत्तए; कप्पइ से अहापिरिगाहियाईं वत्थाईं गहाय आयाए संपव्वइत्तए ॥ ८९ ॥ निम्मन्थीए णं तप्पढमयाए संपव्वयमाणीए कप्पइ रयहरणपडिग्गहगोच्छगमायाए चउहि य कसिणेहिं वत्थेहिं आयाए संपव्वइत्तए, सा य पुन्नोबद्रविया सिया. एवं से नो कप्पइ रयहरणपडिग्गहगोच्छगमायाए चउहि य किसणेहिं वत्थेहिं आयाए संपव्वइत्तए; कप्पइ से अहापरिग्गहियाई वत्थाई गहाय आयाए संपव्वइत्तए ॥ ९० ॥ नो कप्पइ निग्गन्थाण वा निग्गन्थीण वा पढमसमो-सर्ण्हेसपत्ताइं चेला(चीवरा)इं पिडिग्गाहेत्तए ॥ ९१ ॥ कप्पइ निग्गन्थाण वा निग्ग-न्थीण वा दोचसमोसर्णदेसपत्ताइं चेलाइं पडिग्गाहेत्तए ॥ ९२ ॥ कप्पइ निग्गन्थाण वा निग्गन्थीण वा आ(अ)हाराइणियाए चेलाई पडिग्गाहेत्तए॥ ९३॥ कप्पइ निग्ग- न्थाण वा निग्गन्थीण वा आहाराइणियाए सेजासंथारयं पडिग्गाहेत्तए॥ ९४॥ कप्पड निमान्थाण वा निमान्थीण वा आहाराइणियाए किइकम्मं करेत्तए ॥ ९५ ॥ नो कप्पड निग्गन्थाण वा निग्गन्थीण वा अन्त(रा)रगिहंसि आसइत्तए वा चिट्ठितए वा निसीइत्तए वा त्यहित्तए वा निहाइत्तए वा पयलाइत्तए वा, असणं वा ४ आहार-माहारेत्तए, उचारं वा ४ परिद्रवेत्तए. सज्झायं वा करेत्तए, झाणं वा झाइत्तए. काउरसम्गं वा ठाणं वा ठाइत्तए, अह पुण एवं जाणेजा-जराजुण्णे वाहिए (थेरे) तवस्सी दुब्बले किलन्ते (... जजारिए) मुच्छेज वा पवडेज वा, एवं से कप्पइ अन्तरगिहंसि आसइत्तए वा जाव ठाणं वा ठाइत्तए ॥ ९६ ॥ नो कप्पद निग्गन्थाण वा निग्गन्थीण वा अन्तरगिहंसि जाव चउगाहं वा पञ्चगाहं वा आइक्खित्तए वा विभावेत्तए वा किष्टित्तए वा पवेइत्तए वा. नन्नत्थ एगनाएण वा एगवागरणेण वा एगगाहाए वा एगसिलोएण वा, से विय ठिचा, नो चेव णं अद्विचा॥ ९७॥ नो कप्पइ निग्गन्थाण वा निग्गन्थीण वा अन्तरगिहंसि इमाइं (च णं) पश्च महव्वयाइं सभावणाइं आइक्खिताए वा जाव पवेइताए वा, नन्नत्थ एगनाएण वा जाव एगसिलोएण वा, से वि य ठिचा, नो चेव णं अ(ठि)हिचा ॥ ९८ ॥ नो कप्पइ निग्गन्थाण वा निग्गन्थीण वा पडिहारियं (वा सागारियसंतियं) सेजासंथारयं आयाए अपडिहर् संपव्वइत्तए॥ ९९॥ नो कप्पइ निग्गन्थाण वा निग्गन्थीण वा सागारियसन्तियं सेजासंथारयं आयाए अहिगरणं कहु संपन्वइत्तए ॥ १०० ॥ कप्पइ निग्गन्थाण वा निग्गन्थीण वा पिडहारियं वा सागारियसन्तियं वा सेज्जा-संथारयं आयाए विगरणं कट्ट संपव्वइत्तए ॥ १०१ ॥ इह खलु निग्गन्थाण वा निग्गन्थीण वा पडिहारिए वा सागारियसन्तिए वा सेजासंथारए (विप्पण(से)सिजा) परिन्महे सिया, से य अणुगवेसियव्वे सिया; से य अणुगवेसमाणे लभेजा, तस्सेव अणुप्प(पिड) दायन्वे सिया; से य अणुगवेसमाणे नो लभेजा, एवं से कप्पइ दोचं पि ओग्गहं ओगिण्हि(अणुन्न(१)वि)त्ता परिहारं परिहरित्तए ॥ १०२ ॥ जिह्(जं दि)वसं च णं समणा निग्गन्था सेजासंथारयं विष्पजहन्ति, तिह्(तं दि)वसं च णं अवरे समणा निग्गन्था हव्वमागच्छेजः; सचेव ओग्गहस्स पुव्वाणु(न्ना-व)न्नवणा चिद्रह अहालन्दमवि ओग्गहे॥ १०३॥ अत्थि याइं थ केइ उवस्तयपरियाव(न्नाए)ने अचित्ते परिहरणारिहे, सच्चेव ओग्गहस्स पुव्वाणुन्नवणा चिट्ठइ अहालन्दमवि ओग्गहे॥१०४॥ से वत्थुम्र अन्वावडेसु अन्वोगडेसु अपरपरिग्गहिएसु अमरपरिग्गहिएसु सच्चेव ओग्गहस्स पुन्वाणुन्नवणा चिट्ठइ अहालन्दमवि ओग्गहे ॥ १०५ ॥ से वत्थस वावडेस वोगडेस परपरिग्गहिएस भिक्खभावस्सद्वाए दोचं पि ओग्गहे अणुन्नवेयव्वे

सिया (अहालंदमिव उग्गहे) ॥ १०६ ॥ से अणुकुड्डेसु वा अणुभित्तीसु वा अणुचिरि-यासु वा अणुफिरहासु वा अणुपन्थेसु वा अणुमेरासु वा सच्चेव ओग्गहरस पुठ्वाणु-ज्ञवणा चिट्ठह अहालन्दमिव ओग्गहे ॥ १०० ॥ से गा(मस्स)मंसि वा जाव (रायहाणीए) संनिवेसंसि वा बहिया सेणं संनिविद्धं पेहाए कप्पइ निग्गन्थाण वा निग्गन्थीण वा तिह्वसं भिक्खायरियाए गन्तूणं पिड(ए)नियत्तए, नो से कप्पइ (सा रयणी) तं रयणि तत्थेव उवा(य)इणा(वि)वेत्तए, जे खलु निग्गन्थे वा निग्गन्थी वा तं रयणि तत्थेव उवाइणावेह उवाइणावेन्तं वा साइज्जह, से दुहओ वीइक्षममाणे आवज्जइ चाउम्मासियं परिहारद्वाणं अणुम्बाइयं ॥ १०८ ॥ से गामंसि वा जाव संनिवेसंसि वा कप्पइ निग्गन्थाण वा निग्गन्थीण वा सव्वओ समन्ता सकोसं जोयणं ओग्गहं ओगिण्हित्ताणं परिहारं परिहिर(चिट्ठि)त्तए ॥ १०९ ॥ ति–वेमि ॥ विहक्कप्पे तह्यो उद्देस्यो समन्तो ॥ ३॥

चउत्थो उद्देसओ

तओ अणुग्चाइ(मा)या पन्नता, तंजहा-हत्थकम्मं करेमाणे, मेहुणं पिडसेवमाणे, राईभोयणं भुजमाणे ॥ ११०॥ तओ पारिश्चया पन्नता, तंजहा-दुद्दे पारिश्चए, पमत्ते पारिच्चए. अन्नमन्नं करेमाणे पारिच्चए ॥ १११ ॥ तओ अणवट्टप्पा पन्नत्ता, तंजहा-साहम्मि(य)याणं ते(णियं)नं करेमाणे, अन्नय(पर-ह)म्मि(य)याणं तेन्नं करेमाणे. हत(थता)थायालं दलमाणे ॥ ११२ ॥ तओ नो कप्पन्ति पव्वावेत्तए, तंजहा-पण्डए कीवे वा(हि) इए, एवं मुण्डावेत्तए सिक्खावेत्तए उवट्टावेत्तए संभुक्षित्तए सं(वा)वसित्तए॥ ११३॥ तओ नो कप्पन्ति वा(इ)एत्तए, तंजहा-अविणीए विगई-पडिबद्धे अविओसवियपाहुडे ॥ ११४ ॥ तओ कप्पन्ति वाएत्तए, तंजहा-विणीए नो विगईपडिवद्धे विओसवियपाहुडे ॥ ११५ ॥ तओ दुस्सचप्पा पन्नत्ता, तंजहा-दुद्रे मुढे वुग्गाहिए ॥११६-१॥ तओ सुस्सन्नण्या पन्नता, तंजहा-अदुद्धे अमूढे अवुग्गा-हिए ॥११६-२॥ निग्गरिंथ च णं गिलायमाणि माया वा भगिणी वा ध्रया (पिया वा भाया वा पुत्ते) वा पलिस्सएजा, तं च निग्गन(थी)थे साइज्(जइ)जेजा, मेहुणपिंड-सेवणप(ता)ते आवजाइ चाउम्मासियं परिहारहाणं अणुग्घाइयं॥ ११७ ॥ निग्गन्थं च णं गिलायमाणं पिया वा भाया वा पुत्ते वा (माया वा भगिणी वा धूया वा) पिलस्स-एजा, तं च निग्गन(थे)थी साइजेजा, मेहुणपिडसेवणप(ते)ता आवजइ चाउम्मासियं परिहारद्राणं अणुरघाइयं ॥ ११८ ॥ नो कप्पइ निरगन्थाण वा निरगन्थीण वा असणं वा ४ पढमाए पो(रि-र)हसीए पडिग्गाहेत्ता (चउ-त्थं-त्थि) पच्छिमं पोहसिं उवाइणावेत्तए, से य आहच उवाइणाविए सिया, तं नो अप्पणा भुक्षेजा नो अन्नेसिं

अणुप्पदेजा; एग(न्तम)न्ते बहुफासुए (पएसे) थण्डिंच्रे पडिलेहित्ता पमजित्ता परिट्व-वेयव्वे सियाः तं अप्पणा भुजनाणे अन्नेसि वा अणुप्पदेमाणे आवजाइ चाउम्मासियं परिहारद्वाणं उ(अणु)म्घाइयं ॥ ११९ ॥ नो कप्पइ निम्मन्थाण वा निम्मन्थीण वा असणं वा ४ परं अद्भजोयणमे(रं)राए उवाइणावेत्तए, से य आहच उवाइणाविए सिया, तं नो अप्पणा भुक्षेजा नो अन्नेसिं अणुप्पदेजा, एगन्ते बहुफासुए थण्डिले पडिलेहित्ता पमजित्ता परिद्रवेयन्वे सियाः तं अप्पणा भुजमाणे अन्नेसि वा अणुप्प-देमाणे आवजाइ चाउम्मासियं परिहारह्माणं उम्घाइयं ॥ १२० ॥ निग्गन्थेण य गाहावर्कुलं पिण्डवायपिडयाए अणुप्पविद्रेणं अन्नयरे अचित्ते अणेसणिजे पाणभोयणे पिंडिगगोहिए सिया, अत्थि याइं थ केइ सेह(न)तराए अणुवहावियए, कप्पइ से तस्स दाउं वा अणुप्पदाउं वा; नित्थ याई थ केइ सेहतराए अणुवद्वावियए (सिया), तं नो अप्पणा भुक्केजा नो अन्नेसिं अणुप्पदेजा; एगनते बहुफासुए थण्डिले पडिलेहिता पमजित्ता परिद्ववेयक्वे सिया ॥ १२१ ॥ जे कडे कप्पद्वियाणं नो से कप्पइ कप्पद्वि-याणं, जे कडे कप्पद्वियाणं कप्पइ से अकप्पद्वियाणं; जे कडे अकप्पद्वियाणं नो से कप्पइ कप्पद्वियाणं, जे कडे अकप्पद्वियाणं कप्पइ से अकप्पद्वियाणं; कप्पद्विया विकप्पे ठिया कप्पद्विया, अकप्पे ठिया अकप्पद्विया॥ १२२॥ भिक्ख् य गणा(ओ अ)य-. वक्रम्म इच्छेजा अ(न्न)न्नं गणं उवसंपज्जिताणं विहरित्तए, नो से कप्पइ अणा-पुच्छिता(णं) आयरियं वा उवज्झायं वा पवतिं वा थेरं वा गणिं वा गणहरं वा गणावच्छेइयं वा अन्नं गणं उवसंपिजताणं विहरित्तए; कप्पइ से आपुच्छिता आय-रियं वा जाव गणावच्छेइयं वा अन्नं गणं उवसंपिजित्ताणं विहरित्तए. ते य से विय(रेजा)रन्ति. एवं से कप्पइ अन्नं गणं उवसंपिजताणं विहरित्तए; ते य से नो वियरन्ति. एवं से नो कप्पड अन्नं गणं उवसंपिजताणं विहरित्तए ॥ १२३ ॥ गणा-वच्छेड्ए य गणायवक्रम्म इच्छेजा अन्नं गणं उवसंपजिताणं विहरित्तए, नो कप्पड गणावच्छेइयस्स गणावच्छेइयत्तं अनिक्खिवता अन्नं गणं उवसंपिज्जिताणं विहरित्तएः कप्पइ गणावच्छेडयस्स गणावच्छेडयत्तं निक्खिवता अन्नं गणं उवसंपिजताणं विहरित्तए, नो से कप्पइ अणापुच्छिता आयरियं वा जाव गणावच्छेड्यं वा अन्नं गणं उवसंपज्जित्ताणं विहरित्तए; कप्पइ से आपुच्छित्ता आयरियं वा जाव गणावच्छेइयं वा अनं गणं उवसंपाजिताणं विहरित्तए, ते य से वियरन्ति, एवं से कप्पइ अनं गणं उवसंपज्जिताणं विहरितए: ते य से नो वियरन्ति, एवं से नो कप्पड अन्नं गणं उवसंपज्जिताणं विहरित्तए ॥ १२४ ॥ आयरियजवज्झाए य गणायवकस्म इच्छेजा अन्नं गणं उवसंपिजताणं विहरित्तण, नो कप्पड आयरियजवज्झायस्स आयरिय-

उवज्झायत्तं अनिक्खिवत्ता अन्नं गणं उवसंपिजताणं विहरित्तए: कप्पइ आयरिय-उवज्झायस्स आयरियउवज्झायत्तं निक्खिवता अन्नं गणं उवसंपिजाताणं विहरित्तए. नो से कप्पड अणापच्छिता आयरियं वा जाव गणावच्छेड्यं वा अन्नं गणं उवसंप-जित्ताणं विहरित्तए: कप्पड से आपच्छिता आयरियं वा जाव गणावच्छेडयं वा अन्नं गणं उवसंपिजाताणं विहरित्तए. ते य से वियरितत, एवं से कप्पइ अन्नं गणं उव-संपज्जिताणं विहरित्तए: ते य से नो वियरन्ति, एवं से नो कप्पइ अन्नं गणं उव-संपज्जिताणं विहरित्तए ॥ १२५ ॥ भिक्खू य गणायवक्कम्म इच्छेजा अन्नं गणं संभोगपिडयाए उवसंपिजताणं विहरित्तए, नो से कप्पइ अणापिच्छता आयरियं वा उवज्झायं वा पवत्तिं वा थेरं वा गणि वा गणहरं वा गणावच्छेड्यं वा अन्नं गणं संभोगपिडयाए उवसंपिकत्ताणं विहरित्तएः कप्पइ से आपुच्छिता आयरियं वा जाव गणावच्छेइयं वा अनं गणं संभोगपिडयाए उवसंपिजित्ताणं विहरित्तए, ते य से वियरन्ति. एवं से कप्पड अन्नं गणें संभोगपिडियाए उवसंपिजित्ताणं विहरित्तए: ते य से नो वियरित. एवं से नो कप्पड़ अन्नं गणं संभोगपडियाए उवसंपिजताणं विहरित्तए: जत्थत्तरियं धम्मविणयं लभेजा. एवं से कप्पइ अन्नं गणं संभोगपिडयाए उवसंपिजाताणं विहरित्तए: जत्युत्तरियं धम्मविणयं नो लभेजा. एवं से नो कप्पड अन्नं गणं संभोगपिडयाए उवसंपिजाताणं विहरित्तए ॥ १२६ ॥ गणावच्छेडए य गणायवक्रम्म इच्छेजा अन्नं गणं संभोगपडियाए उवसंपज्जिताणं विहरित्तए, नो कप्पड गणावच्छेडयस्स गणावच्छेडयत्तं अनिक्खिवत्ता अन्नं गणं संभोगपडियाए उवसंपिजताणं विद्वरित्तएः कप्पड गणावच्छेडयस्स गणावच्छेडयत्तं निक्खिवित्ता अत्रं गणं संभोगपडियाए उवसंपज्जिताणं विहरित्तए. नो से कप्पड अणापुच्छिता आयरियं वा जाव गणावच्छेड्यं वा अन्नं गणं संभोगपिडयाए उवसंपिजताणं विहरित्तए: कप्पड से आपुच्छिता आयरियं वा जाव गणावच्छेइयं वा अन्नं गणं संभोगपडियाए उवसंपिजताणं विहरित्तए. ते य से वियरन्ति. एवं से कप्पड अन्नं गणं संभोगपिड-याए उवसंपज्जिताणं विहरित्तणः ते य से नो वियरन्ति. एवं से नो कप्पइ अन्नं गणं संभोगपिडयाए उवसंपिजनाणं विहरित्तए: जत्थुत्तरियं धम्मविणयं लभेजा. एवं से कप्पइ अन्नं गणं संभोगपिडयाए उवसंपिजित्ताणं विहरित्तएः जत्युत्तरियं धम्मविणयं नो लमेजा, एवं से नो कप्पइ अन्नं गणं संभोगपडियाए उवसंपिजनाणं विहरित्तए ॥ १२७ ॥ आयरि(ओ)यउवज्झाए य गणायवक्कम्म इच्छेजा अन्नं गणं संभोगपडि-याए उवसंपजिताणं विहरित्तए, नो कप्पइ आयरियउवज्झायस्य आयरियउवज्झायत्तं अनिक्खिवता अन्नं गणं संभोगपिडयाए उवसंपिजिताणं विहरित्तए: कप्पइ आयरि-

यज्वज्ञायस्स आयरियजवज्ञायतं निक्खिवता अन्नं गणं संभोगपिडयाए जव-संपज्जिताणं विहरित्तए, नो से कप्पइ अणापुच्छिता आयरियं वा जाव गणावच्छेडयं वा अन्नं गणं संभोगपडियाए उवसंपजिताणं विदृरित्तए; कप्पइ से आपुच्छिता आग्ररियं वा जाव गणावच्छेड्यं वा अन्नं गणं संभोगपिडयाए उवसंपिजिताणं विद्वरित्तए, ते य से वियरन्ति, एवं से कप्पड़ अन्नं गणं संभोगपिडयाए उवसंपिजित्ताणं विहरित्तए; ते य से नो वियरन्ति. एवं से नो कप्पइ अन्नं गणं संभोगपिडयाए उवसंपजिताणं विदृरित्तए; जत्थुत्तरियं धम्मविणयं लभेजा, एवं से कप्पड अन्नं गणं संभोगपिडयाए उवसंपिजजताणं विहरित्तएः जत्थुत्तरियं धम्मविणयं नो लभेजा. एवं से नो कपड अनं गणं संभोगपिडयाए उवसंपिजताणं विहरित्तए ॥ १२८ ॥ भिक्खू य इच्छेजा अन्नं आयरियउवज्झायं उद्दिसावेत्तए, नो से कप्पइ अणापुच्छिता आयरियं वा जाव गणावच्छेडयं वा अन्नं आयरियउवज्झायं उद्दिसावेत्तए; कप्पइ से आपन्छिता आयरियं वा जाव गणावच्छेडयं वा अनं आयरियउवज्झायं उहिसावेत्तए. ते य से वियरन्ति. एवं से कप्पइ अन्नं आयरियउवज्ज्ञायं उद्दिसावेत्तए; ते य से नो वियरन्ति, एवं से नो कप्पइ अन्नं आयरियजवज्ज्ञायं उदिसावेत्तए; नो से कप्पइ तेसिं कारणं अदीवेता अन्नं आयरियजवज्झायं उद्दिसावेत्तए. कप्पद्र से तेसिं कारणं दीवेता अन्नं आयरियउवज्झायं उद्दिसावेत्तए ॥ १२९ ॥ गणावच्छेइए य इच्छेजा अन्नं आयरियउवज्झायं उद्दिसावेत्तए. (…) नो से कप्पइ अणापुच्छिता आयरियं वा जाव गणावच्छेड्यं वा अन्नं आयरियउवज्झायं उद्दिसावेत्तए: कप्पद्द से आप्रच्छिता आयरियं वा जाव गणावच्छेइयं वा अन्नं आयरियउवज्झायं उद्दिसावेत्तए. ते य से वियरन्ति. एवं से कप्पइ अन्नं आयरियउवज्झायं उद्दिसावेत्तएः ते य से नो वियरन्ति. एवं से नो कप्पइ अन्नं आयरियउवज्झायं उद्दिसावेत्तए; नो से कप्पइ तेसिं कारणं अदीवेता अन्नं आयरियउवज्झायं उद्दिसावेत्तए, कप्पइ से तेसिं कारणं दीवेता अन्नं आयरियउवज्झायं उद्दिसावेत्तए॥ १३०॥ आयरियउवज्झाए य इच्छेजा अर्घ आयरियंडवज्झायं उद्दिसावेत्तए, (…) नो से कप्पइ अणापुच्छिता आयरियं वा जाव गणावच्छेइयं वा अन्नं आयरियउवज्झायं उद्दिसावेत्तएः कप्पद्र से आपच्छिता आयरियं वा जाव गणावच्छेइयं वा अन्नं आयरियउवज्झायं उद्दिसावेत्तए. ते य से वियरन्ति, एवं से कप्पइ अन्नं आयरियउवज्झायं उद्दिसावेत्तए; ते य से नो वियरन्ति, एवं से नो कप्पइ अन्नं आयरियउवज्झायं उद्दिसावेत्तए; नो से कप्पइ तेसिं कारणं अदीवेता अन्नं आयरियडवज्झायं उहिसावेत्तए. कप्पद्र से तेसिं कारणं दीवेता अन्नं आयरियजवज्झायं उद्दिसावेत्तए ॥ १३९ ॥ भिक्खू य राओ वा वियाले

वा आहच वीसुम्(भि)भेजा, तं च सरीरगं (केइ) वेयावचक(रा-रे भिक्ख्)रा इ(च्छि)च्छेजा एगन्ते बहुफासुए (पएसे) थण्डिले परिद्ववेत्तए, अत्थि याई थ केइ सागारियसन्तिए उवगरणजाए अचित्ते परिहरणारिहे, कप्पइ से सागा(रि)रकडं गहाय तं सरीरगं एगन्ते बहुफासुए थण्डिले परिट्वेता तत्थेव उवनिक्खेवियव्वे सिया ॥ १३२ ॥ भिक्ख् य अहिगरणं कहु तं अहिगरणं अविओसवेता-नो से कप्पइ गाहावइकुलं (पिण्डवायपिडयाए) भत्ताए वा पाणाए वा निक्खमित्तए वा पविसित्तए वा. नो से कप्पड़ बहिया वियारभूमिं वा विहारभूमिं वा निक्खमित्तए वा पविसित्तए वा, नो से कप्पड़ गामाणुगामं (वा) दूइजित्तए, (गणाओ वा गणं संकमित्तए वासावासं वा वत्थए) जत्थेव अप्पणो आयरि(ओ)यउवज्झायं पासेजा बहुस्सुयं बब्भागमं, कपइ से तस्स(अ)न्ति(यं)ए आलो(इजा)एत्तए पडिक्कमित्तए निन्दित्तए गरहित्तए विउट्टित्तए विसोहित्तए अकरणाए अब्भुद्वित्तए अहारिहं पायच्छितं (तवो-कम्मं) पडिवज्जित्तए; से य सुएणं पट्टविए आइयव्वे सिया, से य सुएणं नो पट्टविए नो आइयव्वे सिया; से य सुएणं पट्टविज्जमाणे नो आइयइ, से निज्जूहियव्वे सिया ॥ १३३ ॥ परिहारकप्पडियस्स णं भिक्खुस्स कप्पइ (आयरियडवज्झा(या)एणं) तिह्वसं ए(गंसि)-गिरहिंसि पिण्डवायं दवावे(पिडिग्गाहे) तए, तेण परं नो से कप्पइ असणं वा ४ दाउं वा अणुप्पदाउं वा, कप्पइ से अन्नयरं वेयाविषयं करेत्तए. तंजहा-उद्रावणं वा अणुद्रावणं वा निसीयावणं वा तुयद्वावणं वा, उचा(रं)रपासवणखेळजल्लसिङ्घाणविगि-ब्रणं वा विसोहणं वा करेत्तए, अह पुण एवं जाणेजा-छिन्नावाएस पन्थेस (आउरे जज्जरि(झिंझि)ए पिवासिए) तवस्सी दुब्बले किलन्ते मु(च्छि)च्छेज वा पव(डि)डेज वा, एवं से कप्पइ असणं वा ४ दाउं वा अणुप्पदाउं वा ॥ १३४ ॥ नो कप्पइ निग्गन्थाण वा निग्गन्थीण वा इमाओ पञ्च (महण्णवाओ) महानईओ उद्दिष्ठाओ गणियाओ विज्ञयाओ अन्तो मासस्स दुक्खुत्तो वा तिक्खुत्तो वा उत्तरित्तए वा संतरि-त्तए वा, तंजहा-गङ्गा जउणा सरयू (एरावई) कोसिया मही, अह पुण एवं जाणेजा-ए(रा)रवई कुणालाए-जत्थ चिक्कया एगं पायं जले किचा एगं पायं थले किचा, एवं से कप्पइ अन्तो मासस्स दुक्खुत्तो वा तिक्खुत्तो वा उत्तरित्तए वा संतरित्तए वा; जत्थ नो एवं चिक्कया, एवं से नो कप्पइ अन्तो मासस्स दुक्खुत्तो वा तिक्खुत्तो वा उत्तरित्तए वा संतरित्तए वा ॥ १३५ ॥ से तणेसु वा तणपुञ्जेसु वा पलालेसु वा पलारुपुंडेसु वा अप्पण्डेसु अप्पपाणेसु अप्पन्नीएसु अप्पहरिएसु अप्पोस्सेसु अप्पुत्तिङ्ग-पणगदगमिट्ट(य)यामक्क(डग)डासंताणएस अहेसवणमायाए नो कप्पइ निग्गन्थाण वा निग्गन्थीण वा तहप्पगारे उवस्सए हेमन्तगिम्हासु वत्थए ॥ १३६ ॥ से तणेसु वा जाव ॰संताणएछः उप्पिसवणमायाए कप्पइ निग्गन्थाण वा निग्गन्थीण वा तहप्पगारे उवस्सए हेमन्तिगम्हाछ वत्थए ॥ १३० ॥ से तणेछ वा जाव ॰संताण-एस अहेरयणिमुक्कमउडे(स्र) नो कप्पइ निग्गन्थाण वा निग्गन्थीण वा तहप्पगारे उवस्सए वासावासं वत्थए ॥ १३८ ॥ से तणेस वा जाव ॰संताणएस उप्पिरयणिमुक्कमउडे कप्पइ निग्गन्थाण वा निग्गन्थीण वा तहप्पगारे उवस्सए वासावासं वत्थए ॥ १३९ ॥ ति–वेमि ॥ विहक्कप्पे चउत्थो उद्देसओ समत्तो ॥ ४॥ पश्चमो उद्देसओ

देवे य इत्थिरूवं विडिव्वता निग्गन्थं पिडिग्गाहे(गेण्हे)जा, तं च निग्गन्थे साइज(जइ)जेजा, मेहणपडिसेवणपत्ते आवजाइ चाउम्मासियं परिहारहाणं अणुग्घाइयं ॥ १४० ॥ देवे य पुरिसरूवं विज्ञ विवत्ता निग्गन्थि पिडिग्गाहेजा, तं च निग्गन्थी साइजेजा, मेहणपिडसेवणपत्ता आवज्जइ चाउम्मासियं परिहारद्वाणं अणुग्घाइयं ॥ १४१ ॥ देवी य इत्थिरूवं विउविवत्ता निग्गन्थं पडिग्गाहेजा, तं च निग्गन्थे साइजेजा. मेहणपिं सेवणपत्ते आवज्जइ चाउम्मासियं परिहारट्टाणं अणुग्घाइयं ॥ १४२ ॥ देवी य परिसल्वं विउविवत्ता निग्गरिंथ परिगाहेजा. तं च निग्गर्नथी साइजेजा, मेहणपिंडसेवणपत्ता आवज्जइ चाउम्मासियं परिहारद्वाणं अणुग्घाइयं ॥ १४३ ॥ भिक्ख् य अहिगरणं कहु तं अहिगरणं अविओसवेत्ता इच्छेजा अ(न्न)न्नं गणं उनसंप जित्ताणं निहरित्तए, कप्पइ तस्स पञ्च राइन्दि(यं)याइं छेयं कट्ट परि-णि(व्वा)व्वविय २ तामेव गणं पडिनिजाएयव्वे सिया, जहा वा तस्स गणस्स पत्तियं सिया ॥ १४४ ॥ भिक्खू य उग्गयवित्तीए अणत्थमियसंकप्पे संथिडिए निव्विड-(गिंछा-गिच्छा-समावन्ने)गिच्छे असणं वा ४ पडिग्गाहेत्ता आहारमाहारेमाणे अह पच्छा जाणेजा-अणुग्गए सूरिए अत्यमिए वा, से जं च (आसयंसि) मुहे जं च पाणिसि जं च पडिग्ग(हयंसि)हे तं विगिञ्चमाणे (वा) विसोहेमाणे ना(नो अ)इक्षमइ; तं अप्पणा भुजमाणे अन्नेसिं वा (दलमाणे) अणुप्पदेमाणे (राइभोयणपिंडसेणपवत्ते) आवज्जइ चाउम्मासियं परिहारद्वाणं अणुग्घाइयं ॥ १४५ ॥ भिक्खू य उगगयवित्तीए अणत्थिमियसंकप्पे संथडिए विइगिच्छासमावन्ने असणं वा ४ पडिग्गाहेत्ता आहार-माहारेमाणे अह पच्छा जाणेजा-अणुग्गए सूरिए अत्थमिए वा, से जं च सुहे जं च पाणिंसि जं च पडिग्गहे तं विगिन्नमाणे विसोहेमाणे नाइक्समइ; तं अप्पणा भुज्जमाणे अन्नेसि वा अणुप्पदेमाणे आवज्जइ चाउम्मासियं परिहारद्वाणं अणुग्घाइयं ॥ १४६ ॥ भिक्ख् य उग्गयवित्तीए अणत्थमियसंकप्पे असंथडिए निव्विङ्गिच्छे असणं वा ४ पंडिग्गाहेत्ता आहारमाहारेमाणे अह पच्छा जाणेजा-अणुग्गए सूरिए

अत्थिमिए वा, से जं च महे जं च पाणिंसि जं च पडिग्गहे तं विगिञ्चमाणे विसोहे-माणे नाइक्साइ; तं अप्पणा भुजनाणे अनेसिं वा अण्प्पदेमाणे आवज्जइ चाउम्मासियं परिहारद्वाणं अणुम्बाइयं ॥ १४७ ॥ भिक्ख य उम्मयवित्तीए अणुत्यमियसंकप्पे असंथिडिए विद्विग्च्छासमावन्ने असणं वा ४ पिडिग्गाहेत्ता आहारमाहारेमाणे अह पच्छा जाणेजा-अणुगण सुरिए अत्थिमिए वा. से जं च मुहे जं च पाणिसि जं च पडिग्गहे तं विगिञ्चमाणे विसोहेमाणे नाइक्रमइः तं अप्पणा भन्नमाणे अनेसिं वा अणुप्पदेमाणे आवजह चाउम्मासियं परिहारद्राणं अणुग्वाहयं ॥ १४८ ॥ इह खळ निग्गन्थस्स वा निग्गन्थीए वा राओ वा वियाले वा सपाणे सभोयणे उग्गाले आग-च्छेजा, तं विगिन्नमाणे विसोहेमाणे नाइक्समः; तं उग्गिलिता पचीगिलमाणे राइ-भोयणपिं सेवणपत्ते आवज्जइ चाउम्मासियं परिहारद्वाणं अणुग्घाइयं ॥ १४९ ॥ निग्गन्थस्स य गाहावइकुलं पिण्डवायपडियाए अणुप्पविद्वस्स अन्तो (०) पडिग्गहंसि पा(णाणि)णे वा बी(याणि)ए वा रए वा परियावजेजा. तं च संचाएइ विगिश्चित्तए वा विसोहेत्तए वा, (तं प्रव्वामेव आलो॰ विसोहि-य-या-तं) तओ संजयामेव भुक्षेज वा पिएजा वाः तं च नो संचाएइ विगिश्चित्तए वा विसोहेत्तए वा. तं नो अप्पणा भुक्केजा (तं) नो अन्नेसिं अणुप्पदेजा; एगनते बहुफासुए थण्डिले पडिलेहित्ता पमजित्ता परिद्ववेयव्वे सिया ॥ १५० ॥ निग्गन्थस्स य गाहावङकलं पिण्डवाय-पिडियाए अणुप्पविद्रस्स अन्तो पिडिग्ग(हगं)हंसि दए वा दगरए वा दगफुिसए वा परियावजेजा, से य उसि(ण)णभोयणजाए, परिभोत्तव्वे सिया: से य (नो उसिण) सीयभोयणजाए, तं नो अप्पणा भुक्षेजा नो अन्नेसिं अणुप्पदेजाः; एगन्ते वहफासुए थण्डिले पिडलेहित्ता पमिजाता परिट्वेयव्वे सिया ॥ १५१ ॥ निग्गन्थीए य राओ वा वियाले वा उच्चारं वा पासवणं वा विशिव्यमाणीए वा विसोहेमाणीए वा अन्नयरे पस्तजाईए वा पिन्खजाईए वा अन्नयरइन्दियजाए तं परामसेजा. तं च निग्गन्थी साइजेजा, हत्थकम्मपिडसेवणपत्ता आवज्जइ चाउम्मासियं परिहारद्राणं अणुम्बाइयं ॥ १५२ ॥ निम्मन्थीए य राओ वा वियाले वा उचारं वा पासवणं वा विगिन्नमाणीए वा विसोहेमाणीए वा अन्नयरे पस्जाईए वा पक्खिजाईए वा अन्नयरंसि सोयंसि ओगाहेजा, तं च निग्गन्थी साइज(जइ)जेजा, मेहणपिडसेवणपत्ता आवजाइ चाउम्मासियं परिहारद्वाणं अणुग्घाइयं ॥ १५३ ॥ नो कप्पइ निग्गन्थीए एगाणियाए होत्तए ॥ १५४ ॥ नो कप्पइ निम्मन्थीए एमाणियाए माहावइकुलं भत्ताए वा पाणाए वा निक्खमित्तए वा पविसित्तए वा ॥ १५५ ॥ नो कप्पइ निग्गन्थीए एगाणियाए बहिया वियारभूमिं वा विहारभूमिं वा निक्खमित्तए वा पविसित्तए वा ॥ १५६ ॥

८४६

नो कप्पइ निम्मन्थीए एगाणियाए गामाणुगामं दूइजित्तए (वासावासं (वा) वत्थए) ॥ १५७ ॥ नो कप्पइ निग्गन्थीए अचेलियाए होत्त(हुंत)ए ॥ १५८ ॥ नो कप्पइ निग्गन्थीए अपाइयाए होत्तए॥ १५९॥ नो कप्पइ निग्गन्थीए वोसट्टकाइयाए होत्तए॥ १६०॥ नो कप्पइ निग्गन्थीए बहिया गामस्स वा जाव (रायहाणीए) संनिवेसस्स वा उद्दं बाहाओ पगिज्झिय २ सूराभिमु(ही)हाए एगपाइयाए ठिचा आयावणाए आयावेत्तए ॥ १६९ ॥ कप्पइ से उवस्सयस्स वगडाए संघाडिपडिबद्धाए समतलपाइयाए ठिचा आयावणाए आयावेत्तए ॥ १६२ ॥ नो कप्पइ निग्गन्थीए ठाणाइयाए होत्तए ॥ १६३ ॥ नो कप्पइ निग्गन्थीए पडिमहावियाए होत्तए॥ १६४॥ नो कप्पइ निग्गन्थीए ठाणुक्कडि-यासणियाए होत्तए॥ १६५॥ नो कप्पइ निग्गन्थीए ने(सि)सजियाए होत्तए ॥ १६६ ॥ नो कप्पइ निग्गन्थीए वीरासणियाए होत्तए ॥ १६७ ॥ नो कप्पइ निग्गन्थीए दण्डा(ई)सणियाए (पलम्बियबाहाए) होत्तए ॥ १६८ ॥ नो कप्पइ निग्गन्थीए लगण्डसाइयाए होत्तए॥ १६९॥ नो कप्पइ निग्गन्थीए ओमंथि-याए होत्तए ॥ १७० ॥ नो कप्पइ निम्मन्थीए उत्ता(णसाइ)णियाए होत्तए ॥ १७१ ॥ नो कप्पइ निग्गन्थीए अम्बखुज्जियाए होत्तए॥ १७२॥ नो कप्पइ निग्गन्थीए एगपासियाए होत्तए ॥ १७३ ॥ नो कप्पइ निग्गन्थीणं आउञ्चणपट्टगं धारेत्तए वा परिहरित्तए वा ॥ १७४ ॥ कप्पइ निग्गन्थाणं आउञ्चणपट्टगं धारेत्तए वा परिहरि(वहि)त्तए वा ॥ १७५ ॥ नो कप्पइ निग्गन्थीणं सा(वा)वस्सयंसि आस(णयं)णंसि आसइ(चिद्वि)त्तए वा तुयिहि(निसिइ)त्तए वा ॥ १७६ ॥ कप्पइ निग्गन्थाणं सावस्सर्यंसि आसणंसि आसइत्तए वा तुयिहित्तए वा ॥ १७७ ॥ नो कप्पइ निग्गन्थीणं सविसा(णयं)णंसि फलगंसि वा पी(ढगं)ढंसि वा चिद्वित्तए वा निसीइत्तए वा (आसइत्तए वा तुयद्वितए वा) ॥ १७८ ॥ कप्पइ निगगन्थाणं जाव निसीइत्तए वा ॥ १७९ ॥ नो कप्पइ निग्गन्थीणं (सना(ला)लयाइं पायाइं अहिड्रित्तए) सवेण्टयं लाउयं धारेत्तए वा परिहरित्तए वा ॥ १८० ॥ कप्पइ निग्ग-न्थाणं सवेण्टयं लाउयं घारेत्तए वा परिहरित्तए वा ॥ १८१ ॥ नो कप्पइ निग्गन्थीणं स(विष्ट)वे(ढिया-ओ)ण्टैयं पायकेसरि(याओ)यं धारेत्तए वा परिहरित्तए वा ॥ १८२ ॥ कप्पइ निग्गन्थाणं संवेण्टयं पायकेसरियं धारेत्तए वा परिहरित्तए वा ॥ १८३ ॥ नो

१ जत्थाभिणवसंकडमुहं अलाउए हत्थो ण माइ तस्स अलाउणो जमुचत्तं तप्पमाणो दंडो किजाइ, तस्सम्मभागे बद्धा जा पच्चवेक्खणिया सा पायकेसरिया सर्विटया भण्णह।

कप्पइ निग्गन्थीणं दारुदण्डयं पायपुञ्छणं धारेत्तए वा परिहरित्तए वा ॥ १८४ ॥ कप्पइ निग्गन्थाणं दारुदण्डयं पायपुञ्छणं धारेत्तएं वा परिहरित्तएं वा ॥ १८५ ॥ नो कप्पइ निग्गन्थाण वा निग्गन्थीण वा पारियासि(ए भोयणजाए)यस्स आहारस्स जाव त(इ)यप्पमाणमेत्तमवि भूइप्पमाणमेत्तमवि बिन्दुप्पमाणमेत्तमवि आहारमाहारे-त्तए, नन्नतथ आ(गाढा)गाढे(सु)हिं रोगायङ्केहिं ॥ १८६ ॥ नो कप्पइ निग्गन्थाण वा निग्गन्थीण वा पारियासिएणं आलेवणजाएणं गा(यं)याइं आलिम्पित्तए वा विलिमिपत्तिए वा, नन्नत्थ आगाढेहिं रोगायङ्केहिं ॥ १८७ ॥ नो कप्पड निग्गन्थाण वा निग्गन्थीण वा पारियासिएणं तेह्रेण वा घएण वा गायाइं अञ्भङ्गेत्तए वा म(क्खि)क्खेत्तए वा, नन्नतथ आगाढेहिं रोगायङ्केहिं ॥ १८८ ॥ नो कप्पइ निग्ग-न्थाण वा निरगन्थीण वा कक्केण वा लोद्धेण वा अन्नयरेण वा आलेवणजाएणं गायाइं उन्वलेत्तए वा उन्वहित्तए वा, नन्नतथ आगाढेहिं रोगायङ्केहिं॥ १८९॥ परिहारकप्पद्रिए णं भिक्खू बहिया थेराणं वेयाविडयाए गच्छेजा, से य आहच अडक्रमेजा. तं च थेरा जाणेज अप्पणो आगमेणं अन्नेसिं वा अन्तिए सोचा, तओ पच्छा तस्स अहालहुसए नाम ववहारे पट्टवियव्वे सिया ॥ १९० ॥ निग्गन्थीए य गाहावइक्कलं पिण्डवायपडियाए अण्प्यविद्वाए अन्नयरे पुैलागभत्ते पडिग्गाहिए सिया, सा य संथरेजा, एवं से कप्पइ (तं दिवसं) तेणेव भत्तद्रेणं पज्जोसवेत्तए: सा य नो संथरे, एवं से कप्पइ दोचं पि गाहावहकुरूं (पिण्डवायपिडयाए अ०) भत्ताए वा पाणाए वा निक्खामित्तए वा पविसित्तए वा ॥ १९१ ॥ ति-बेमि ॥ बिहक्रप्पे पञ्चमो उद्देसओ समत्तो॥ ५॥

छट्टो उद्देसओ

नो कप्पइ निग्गन्थाण वा निग्गन्थीण वा इमाइं छ अव(यणा)त्तव्वाइं वइत्तए, तंजहा—अलियवयणे हीलियवयणे खिंसियवयणे फरुसवयणे गारिथयवयणे, वि(उ)-ओसिवयं वा पुणो उदी(रि)रेत्तए ॥ १९२ ॥ छ कप्पस्स पत्थारा पन्नता, तंजहा—पाणाइवायस्स वायं वयमाणे, मुसावायस्स वायं वयमाणे, अदिन्नादाणस्स वायं वयमाणे, अविरइ(य)यावायं वयमाणे, अपुरिसवायं वयमाणे, दासवायं वयमाणे, इच्चेए कप्पस्स छप्पत्थारे पत्थरेता सम्मं अप्पिडपूरेमाणे तद्वाणपत्ते सिया ॥ १९३ ॥ निग्गन्थस्स य अहे पायंसि खा(णू)णुए वा क(णू)ण्टए वा ही(सक्)रे वा परियावजेजा, तं च निग्गन्थे नो संचाएइ नीहरित्तए वा विसोहेत्तए वा, तं (च) निग्गन्थी नीहरमाणी वा विसोहेमाणी वा नाइक्कमइ ॥ १९४ ॥ निग्गन्थस्स य

१ नीरसे भोयणे।

अचिंछिस पाणे वा बीए वा रए वा परियावजेजा, तं च निग्गन(थो)थे नो संचाए-(जा)इ नीहरित्तए वा विसोहेत्तए वा, तं निम्मन्थी नीहरमाणी वा विसोहेमाणी वा नाइक्कमइ ॥ १९५ ॥ निग्गन्थीए य अहे पायंसि खाणूए वा कण्टए वा ही(रए)रे वा (सक्करे वा) परियावजेजा, तं च निग्गन्थी नो संचाएइ नीहरित्तए वा विसोहेत्तए वा, तं निग्गन्थे नीहरमाणे वा विसोहेमाणे वा नाइक्कमइ ॥ १९६ ॥ निग्गन्थीए य अच्छिंसि पाणे वा बीए वा रए वा परियावजेजा, तं च निग्गन्थी नो संचाएइ नीहरित्तए वा विसोहेत्तए वा, तं निम्मन्थे नीहरमाणे वा विसोहेमाणे वा नाइक्सइ ॥ १९७ ॥ निग्गन्थे निग्गन्थि दुग्गंसि वा विसमंसि वा पव्वयंसि वा पक्(ख)खल-माणि वा पवडमाणि वा गेण्हमाणे वा अवलम्बमाणे वा नाइक्सम ॥ १९८॥ निग्गन्थे निग्गन्थि सेयंसि वा पद्धंसि वा पणगंसि वा उदयंसि वा ओक(उक्क)समाणि वा ओव्(ज्झ)ब्भमाणि वा गेण्हमाणे वा अवलम्बमाणे वा नाइक्समइ ॥ १९९ ॥ निग्गन्थे निग्गन्थि नावं आ(रोह)हममाणि वा ओ(उ-रोह)हममाणि वा गेण्हमाणे वा अवलम्बमाणे वा नाइक्कमइ ॥ २००॥ खित्तचित्तं निग्गन्थि निग्गन्थे गे(गि)ण्ह-माणे वा अवलम्बमाणे वा नाइक्कमइ ॥ २०१ ॥ दित्तचित्तं निरगन्थि निरगन्थे गेण्हमाणे वा अवलम्बमाणे वा नाइक्कमइ ॥ २०२ ॥ जक्खाइट्टं (०) उम्मायपत्तं (०) उनसम्गपत्तं (०) साहिगरणं (०) सपायच्छित्तं (०) भत्तपाणपिडयाइिक्खयं (०) अट्ठजा(यम्मि)यं निग्गन्थि निग्गन्थे गेण्हमाणे वा अवलम्बमाणे वा नाइक्सइ ॥ २०३॥ छ कप्पस्स पलिमन्थू पन्नता, तंजहा–कोक्कुइए संजमस्स पलिमन्थू, मोहरिए सच्चवयणस्स पिलमन्थू, तिन्ति(णी)णिए एसणागोयरस्स पिलमन्थू, चक्खुलोछए इरियावहियाए पलिमन्थू, इच्छालो(भ-ल-ए)भे मुत्तिमग्गरस पलिमन्थू, (भिजा) भुजो भुजो नियाणकरणे सिद्धि(मोक्ख)मग्गस्स पलिमन्थू, सव्यत्थ भगवया अनि-याणया पसत्था ॥ २०४॥ छन्विहा कप्पद्विई पन्नता, तंजहा-सामाइयसंजयकपद्विई, छेओवट्ठावणियसंजयकप्पद्विई, निव्विसमाणकप्पद्विई, निव्विट्ठकाइयकप्पद्विई, जिण-कप्पद्विई, थेरकप्पद्विई ॥ २०५ ॥ ति-बेमि ॥ बिहक्कप्पे छट्टो उद्देसओ समतो॥६॥ विहक्षपसुत्तं समत्तं॥



णमोऽत्थु णं समणस्स भगवओ णायपुत्तमहावीरस्स

सुत्तागमे

तत्थ णं णिसीहसुत्तं पढमो उद्देसो

जे भिक्ख हत्थकम्मं करेइ करेंतं वा साइजइ ॥ १ ॥ जे भिक्ख् अंगादाणं कट्ठेण वा किलिंचेण वा अंगुलियाए वा सलागाए वा संचालेइ संचालेंतं वा साइजाइ॥२॥ जे भिक्खू अंगादाणं संवाहेज वा पितमहेज वा संवाहेंतं वा पितमहेतं वा साइजाइ ॥ ३॥ जे भिक्खु अंगादाणं तेल्लेण वा घएण वा णवणीएण वा अब्मंगेज वा मक्खेज वा मिलिंगेज वा अञ्मंगेंतं वा मक्खेंतं वा भिलिंगेंतं वा साइजाइ ॥ ४ ॥ जे भिक्ख अंगादाणं कक्केण वा लोद्धेण वा परमचुण्णेण वा ण्हाणेण वा सिणाणेण वा चुण्णेहिं वा वण्णेहिं वा उव्वट्टेड वा परिवट्टेड वा उव्वट्टेंतं वा परिवट्टेंतं वा साइज्जड ॥ ५ ॥ जे भिक्खु अंगादाणं सीओदगवियडेण वा उसिणोदगवियडेण वा उच्छोलेज वा पधो-वेज वा उच्छोठेंतं वा पधोवेंतं वा साइजाइ ॥ ६ ॥ जे भिक्खू अंगादाणं णिच्छहेड णिच्छक्तेंतं वा साइजाइ ॥ ७॥ जे भिक्ख अंगादाणं जिं(जिर)घइ जिंघंतं वा साइजाइ ॥ ८॥ जे भिक्खू अंगादाणं अण्णयरंसि अचित्तंसि सोयंसि अणुप्पवेसेता सुक्रपोग्गले णिग्घाएइ णिग्घायंतं वा साइजाइ ॥ ९ ॥ जे भिक्खू सचि(त्तं)त्तपइद्वियं गंधं जिंघइ जिंघंतं वा साइजाइ ॥ १० ॥ जे भिक्ख पयमग्गं वा संकमं वा अवलंबणं वा अण्णउत्थिएण वा गारत्थिएण वा कारेइ कारेंतं वा साइजाइ ॥ ११ ॥ जे भिक्ख दगवीणियं अण्णउत्थिएहिं वा गारत्थिएहिं वा कारेड कारेंतं वा साइजाइ ॥ १२ ॥ जे भिक्ख सिक्कगं वा सिक्कगणंतगं वा अण्णउत्थिएण वा गारिथएण वा कारेइ कारेंतं वा साङ्जइ ॥ १३ ॥ जे भिक्खू सोत्तियं वा रज्ज्यं वा चिलिमिलिं वा अण्णउत्थिएण वा गारित्थएण वा कारेइ कारेंतं वा साइजाइ ॥ १४॥ जे भिक्खू सुईए उत्तरकरणं अण्ण डितथएण वा गारितथएण वा कारेइ कारेंतं वा साइजाइ ॥ १५ ॥ जे भिक्ख पिप्पलगस्स उत्तरकरणं अण्णडित्थएण वा गारित्थएण वा कारेइ कारेंतं वा साइ-जाइ ॥ १६ ॥ जे भिक्ख णखच्छेयणगस्सुत्तरकरणं अण्णउत्थिएण वा गारत्थिएण ५४ सता०

वा कारेड कारेंतं वा साइजाइ।। १७॥ जे भिक्खू कण्णसोहणगस्सुत्तरकरणं अण्ण-उत्थिएण वा गारित्थएण वा कारेइ कारेंतं वा साइज्जइ ॥ १८ ॥ जे भिक्ख अणद्वाए सइं जायुइ जायंतं वा साइजाइ ॥ १९॥ जे भिक्खू अणद्वाए पिप्पलगं जायु जायंतं वा साइजाइ ॥ २०॥ जे भिक्ख अणद्वाए कृणसोहणगं जायइ जायंतं वा साइजाइ ॥ २०॥ जे भिक्ख अणद्वाए णखच्छेयणगं जायइ जायंतं वा साइजइ ॥ २२ ॥ जे भिक्खु अविहीए सूईं जायइ जायंतं वा साइजइ ॥ २३ ॥ जे भिक्ख् अविहीए पिप्पलगं जायइ जायंतं वा साइजाइ ॥ २४ ॥ जे भिक्ख अविहीए णहच्छेयणगं जायइ जायंतं वा साइज्जइ ॥ २५ ॥ जे भिक्ख अविहीए कण्णसोहणयं जायइ जायंतं वा साइजाइ ॥ २६ ॥ जे भिक्खू पाडिहारियं सूइं जाइता वत्थं सिव्विस्सामित्ति पायं सिव्वइ सिव्वंतं वा साइजाइ ॥ २०॥ जे भिक्ख पाडिहारियं पिप्पलयं जाइता वत्थं छिंदिस्सामित्ति पायं छिंदइ छिंदंतं वा साइजाइ ॥ २८ ॥ जे भिक्खू पाडिहारियं णहच्छेयणयं जाइता श्णहं छिंदिस्सामित्ति सह़द्धरणं करेइ करेंतं वा साइजइ ॥ २९ ॥ जे भिक्ख पाडिहारियं कण्णसोहणगं जाइता कण्णमलं णीहरिस्सामित्ति दंतमलं वा णखमलं वा णीहरेइ णीहरेंतं वा साइजाइ ॥ ३० ॥ जे भिक्ख अप्पणी एकस्स अद्वाए सुइं जाइता अण्णमण्णस्स अणुप्पदेइ अणुप्पदेतं वा साइजाइ ॥ ३१ ॥ जे भिक्ख अप्पणो एक्स्स अद्वाए पिप्पलयं जाइता अण्णमण्णस्स अणुप्पदेइ अणुप्पदेतं वा साइजाइ ॥ ३२ ॥ जे भिक्ख अप्पणो एकस्स अद्राए णहच्छेयणयं जाइता अण्णमण्णस्स अणुप्पदेइ अणुप्पदेतं वा साइजाइ ॥ ३३ ॥ जे भिक्ख अप्पणो एकस्स अहाए कण्णसोहणयं जाइता अण्णमण्णस्स अणुप्पदेइ अणुप्पदेतं वा साइजाइ ॥ ३४॥ जे भिक्ख सूइं अविहीए पचप्पिणइ पचप्पिणंतं वा साइजाइ ॥ ३५ ॥ जे भिक्ख अविहीए पिप्पलगं पचप्पिणइ पचप्पिणंतं वा साइज्जइ ॥ ३६ ॥ जे भिक्खू अविहीए णहच्छेयणगं पच्चिपणइ पच्चिपणंतं वा साइजाइ ॥ ३७ ॥ जे भिक्खू अविहीए कण्णसोह-णयं पचप्पिणइ पचप्पिणंतं वा साइजइ ॥ ३८ ॥ जे भिक्खू लाउयपायं वा दारुपायं वा महियापायं वा अण्णउत्थिएण वा गारत्थिएण वा परिघट्टावेइ वा संठवेइ वा जमावेइ वा अलमप्पणो कारणयाए सुहुममवि णो कप्पइ जाणमाणे सरमाणे अण्ण-मण्णस्स वियरइ वियरंतं वा साइज्जइ ॥ ३९ ॥ जे भिक्ख दं डेयं वा अवलेहणियं वा वेणुस्इयं वा अण्णजित्थएण वा गारित्थएण वा परिघट्टावेड वा संठवेड वा जमावेइ वा अलमप्पणो कारणयाए सहममवि णो कप्पइ जाणमाणे सरमाणे अण्ण-मण्णस्स वियरइ वियरंतं वा साइजाइ॥ ४०॥ जे भिक्खू पायस्स एकं तुंडियं

१ थेरावेक्खाए, तेसिं कप्पइ ति ।

तहुँ तहुँतं वा साइजाइ ॥ ४१ ॥ जे भिक्ख पायस्स परं तिण्हं तुहुयाणं तहुँ तहुँतं वा साइजाइ ॥ ४२ ॥ जे भिक्ख पायं अविहीए बंधड बंधंतं वा साइजाड ॥ ४३ ॥ जे भिक्ख पायं एगेण बंघेण बंधइ बंधंतं वा साइजाइ ॥ ४४ ॥ जे भिक्ख पायं परं तिण्ह वंघाणं वंधइ वंधंतं वा साइजाइ ॥ ४५ ॥ जे भिक्ख अइरेगवंधणं पायं दिवङ्काओ मासाओ परेण धरेइ धरेंतं वा साइजाइ ॥ ४६ ॥ जे भिक्खू वतथस्स एगं पिडयाणियं देइ देंतं वा साइजाइ ॥ ४७ ॥ जे भिक्खू वत्थस्स परं तिण्हं पिड-याणियाणं देइ देंतं वा साइजाइ ॥ ४८ ॥ जे भिक्ख अविहीए वत्थं सिव्वइ सिन्वंतं वा साइजाइ ॥ ४९ ॥ जे भिक्ख वत्यस्सेगं फालियगंठियं करेइ करेंतं वा साइजइ ॥ ५० ॥ जे भिक्खू वत्थस्स परं तिण्हं फालियगंठियाणं करेइ करेंतं वा साइजाइ ॥ ५१ ॥ (…वि॰ दे॰ साइजाइ…परं तिण्हं …) जे भिक्खू वत्थं अविहीए गंठेइ गंठंतं वा साइजाइ ॥ ५२ ॥ जे भिक्ख अतजाएणं गहेइ गहंतं वा साइजाइ ॥ ५३ ॥ जे भिक्खू अइरेगगहियं वत्थं परं दिवहूाओ मासाओ धरेइ धरेंतं वा साइजाइ ॥ ५४ ॥ जे भिक्ख गिहधमं अण्णउत्थिएण वा गारिथएण वा परिसाडावेंड परिसाडावेंतं वा साइजाइ ॥ ५५ ॥ जे भिक्ख पडकम्मं भंजइ भंजंतं वा साइज्जइ । तं सेवमाणे आवज्जइ मासियं परिहारद्वाणं अणुग्चाइयं ॥ ५६ ॥ णिसीहऽज्झयणे पढमो उद्देसो समत्तो ॥ १॥

विइओ उद्देसो

जे भिक्ख् दारुदंडयं पायपुंछणयं करेइ करेंतं वा साइजाइ॥ ५०॥ जे भिक्ख् दारुदंडयं पायपुंछणं गेण्हह गेण्हंतं वा साइजाइ॥ ५८॥ जे भिक्ख् देगुरुदंडयं पायपुंछणं धरेइ धरेंतं वा साइजाइ॥ ५९॥ जे भिक्ख् दारुदंडयं पायपुंछणं वियरइ वियरंतं वा साइजाइ॥ ६०॥ जे भिक्ख् दारुदंडयं पायपुंछणं पिरभाएइ पिरभाएंतं वा साइजाइ॥ ६०॥ जे भिक्ख् दारुदंडयं पायपुंछणं पिरभुंजइ पिरभुंजतं वा साइजाइ॥ ६०॥ जे भिक्ख् दारुदंडयं पायपुंछणं परिभुंजह पिरभुंजतं वा साइजाइ॥ ६२॥ जे भिक्ख् दारुदंडयं पायपुंछणं परं दिवह्वाओ मासाओ धरेइ धरेंतं वा साइजाइ॥ ६३॥ जे भिक्ख् दारुदंडयं पायपुंछणयं विद्ययावेइ विद्ययावेंतं वा साइजाइ॥ ६४॥ जे भिक्ख् अचित्तपइद्वियं गंधं जिंघइ जिंघतं वा

१ णणु विहक्कप्पे 'कप्पइ णिग्गंथाणं दारुदंडयं पायपुंछणयं धारित्तए' ति एत्थ धारगस्स पायच्छितं ति विरोहाभासो, णेवं, तत्थ 'दारुदंडयं पायपुंछणयं' इच्चेयस्स सदंडियं रयहरणिं ति अद्घो, जा साहूणं कप्पइ णो साहुणीणं, 'पूंजणी' ति भासाए, इत्थ दारुदंडएण पायपुंछणेण वत्थावेडणरहियस्स रयहरणस्स गहणं ति । र सकारणं कप्पइ दिवद्ममासदारुदंडयपायपुंछणयधारणं ति ।

साइजाइ।। ६५ ॥ जे भिक्ख पयमग्गं वा संक्रमं वा आलंबणं वा सयमेव करेइ करेंतं वा साइजाइ ॥ ६६ ॥ जे भिक्खू दगवीणियं सयमेव करेइ करेंतं वा साइजाइ ॥ ६७ ॥ जे भिक्ख सिक्कां वा सिक्कगणंतां वा सयमेव करेड करेंतं वा साइजाइ ॥ ६८ ॥ जे भिक्खू सोत्तियं वा रज्ज्यं वा चिलिमिलिं वा सयमेव करेइ करेंतं वा साइजाइ ॥ ६९ ॥ जे भिक्खू सुईए उत्तरकरणं सयमेव करेइ करेंतं वा साइजाइ ॥ ७० ॥ जे भिक्खू पिप्पलयस्स उत्तरकरणं सयमेव करेंद्र करेंतं वा साइज्जइ॥ ७९ ॥ जे भिक्खू णहच्छेयणगस्स उत्तरकरणं सयमेव करेइ करेंतं वा साइजइ ॥ ७२ ॥ जे भिक्ख कण्णसोहणयस्स उत्तरकरणं सयमेव करेइ करेंतं वा साइजाइ ॥ ७३ ॥ जे भिक्ख लहसगं फरसं वयइ वयंतं वा साइजाइ ॥ ७४॥ जे भिक्ख लहसगं मुसं वयइ वयंतं वा साइजाइ ॥ ७५ ॥ जे भिक्ख लहसगं अदत्तं आदियइ आदियंतं वा साइजाइ ॥ ७६ ॥ जे भिक्ख लहसएण सीओदगवियडेण वा उसिणोदगवियडेण वा हत्थाणि वा पायाणि वा कण्णाणि वा अच्छीणि वा दंताणि वा णहाणि वा (मुहं वा) उच्छोलेज वा पथोवेज वा उच्छोलेंतं वा पघोवेंतं वा साइजाइ ॥ ७७ ॥ जे भिक्खू किसणाई वत्थाई धरेइ धरेंतं वा साइजाइ ॥ ७८ ॥ जे भिक्ख अभिण्णाई वत्थाई धरेड़ धरेंतं वा साइजड़ ॥ ७९ ॥ जे भिक्ख लाउयपायं वा दारुयपायं वा महिया-पायं वा सयमेवें परिघट्टेड वा संठवेड वा जमावेड वा परिघट्टेंतं वा संठवेंतं वा जमावेंतं वा साइजाइ ॥ ८० ॥ जे भिक्ख दंडगं वा अवलेहणं वा वेणसङ्गं वा सयमेव परियट्टेड वा संठवेड वा जमावेड वा परियट्टेंत वा संठवेंत वा जमावेंत वा साइजाइ ॥ ८१ ॥ जे भिक्खें णियगवेसियगं पिडिग्गहगं धरेह धरेंतं वा साइजाइ ॥ ८२ ॥ जे भिक्ख परगवेसियगं पडिग्गहगं धरेड धरेंतं वा साइजाइ ॥ ८३ ॥ जे भिक्ख वरगवेसियगं पिडग्गहगं धरेड धरेंतं वा साइजाइ ॥ ८४ ॥ जे भिक्ख बलगवेसियगं पडिग्गहगं धरेइ धरेंतं वा साइजइ ॥ ८५ ॥ जे भिक्खू लवंगवेसियगं पिडिग्गहगं धरेइ धरेंतं वा साइजाइ ॥ ८६ ॥ जे भिक्खू नितियं अग्गपिंडं भुंजइ भुंजंतं वा साइजाइ ॥ ८७ ॥ जे भिक्खू नितियं पिंडं भुंजाइ भुंजंतं वा साइजाइ ॥ ८८ ॥ जे भिक्ख नितियं अवद्भागं भंजइ भंजंतं वा साइजाइ ॥ ८९ ॥ जे भिक्ख नितियं भागं भुंजइ भुंजंतं वा साइजाइ॥ ९०॥ जे भिक्खू नितियं उवहृभागं भुंजइ भुंजंतं वा साइजाइ ॥ ९१ ॥ जे भिक्ख नितियावासं वसइ वसंतं वा साइजाइ ॥ ९२ ॥ जे भिक्खू पुरेसंथवं वा पच्छासंथवं वा करेइ करेंतं वा साइजाइ ॥ ९३ ॥ जे भिक्ख समाणे वा वसमाणे वा गामाणुगामं वा दूर्जमाणे पुरेसंथु-

१ विभूसाए । २ सोहाए । ३ गुरुआणाइ विणा ।

याणि वा पच्छासंथ्रयाणि वा कुलाइं पुव्वामेव भिक्खायरियाए अणुपविसइ अणुप-विसंतं वा साइजाइ ॥ ९४ ॥ जे भिक्ख अण्णउत्थिएण वा गार्थिएण वा अपरि-हारिए वा अपरिहारिएण सिद्धं गाहावङ्कुलं पिंडवायपिंडयाए णिक्खमः वा अण्प-विसइ वा णिक्खमंतं वा अणुपविसंतं वा साइज्जइ ॥ ९५ ॥ जे भिक्खू अण्णउत्थिएण वा गारितथएण वा परिहारिओ वा अपरिहारिएण सिद्धं बहिया विहारभूमि वा वियारभूमि वा णिक्खमइ वा पविसइ वा णिक्खमंतं वा पविसंतं वा साइजाइ॥ ९६॥ जे भिक्ख अण्णउत्थिएण वा गारस्थिएण वा परिहारिओ अपरिहारिएहिं सर्द्धि गामाणुगामं दृइज्जइ दृहुज्जंतं वा साइज्जइ ॥ ९७ ॥ जे भिक्खू अण्णयरं पाणगजायं पिडगाहिता पुष्फगं पुष्फगं आइयइ कसायं २ परिद्ववेइ परिद्ववेंतं वा साइजाइ ॥ ९८ ॥ जे भिक्ख अण्णयरं भोयणजायं पिडगाहिता सुब्भि २ भुंजइ दुब्भि २ परिटुवेइ परिटुवेंतं वा साइजइ ॥ ९९ ॥ जे भिक्खू मणुण्णं भोयणजायं पडिगाहेत्ता बहुपरियावण्णं सिया अदूरे तत्थ साहम्मिया संभोइया समणुण्णा अपरिहारिया संता परिवसंति ते अणाप-च्छि(य)या अणिमंतिया परिद्ववेइ परिद्ववेंतं वा साइज्जइ ॥१ ०० ॥ जे भिक्खू सागारियं पिंडं गिण्हइ गिण्हंतं वा साइजाइ ॥ १०१ ॥ जे भिक्खू सागारियं पिंडं भुंजइ भंजंतं वा साइजाइ॥ १०२॥ जे भिक्खू सागारियं कुलं अजाणिय अपुच्छिय अगवेसिय पुन्वामेव पिंडवायपिडयाए अणुप्पविसइ अणुप्पविसंतं वा साइजाइ ॥ १०३ ॥ जे भिक्खू सागारियनीसाए असणं वा पाणं वा खाइमं वा साइमं वा ओभासिय २ जायइ जायंतं वा साइज्जइ ॥ १०४॥ जे भिक्ख उडुबिद्धयं सेजासंथारयं परं पज्जोसवणाओ उवाइणाइ उवाइणंतं वा साइजाइ ॥ १०५ ॥ जे भिक्ख वासा-वासियं सेज्जासंथारयं परं दसरायकप्पाओ उवाइणाइ उवाइणंतं वा साइज्जइ ॥ १०६ ॥ जे भिक्ख उड़बद्धियं वा वासावासियं वा सेज्जासंथारगं उविर सिज्ज-माणं पेहाए न ओसारेइ न ओसारेंतं वा साइजाइ ॥ १०७ ॥ जे भिक्ख पाडि-हारियं सेज्जासंथारयं अणणुण्णवेत्ता बाहिं णीणेइ णीणेतं वा साइज्जइ ॥ १०८ ॥ जे भिक्ख सागारियसंतियं सेज्जासंथारयं अण्णुण्णवेता वाहिं णीणेइ णीणेतं वा साइज्जइ ॥ १०९ ॥ जे भिक्खु पाडिहारियं सागारियसंतियं वा सेज्जासंथारयं दोचंपि अणगुण्णवेत्ता बाहिं णीणेइ णीणेतं वा साइजाइ ॥ ११० ॥ जे भिक्ख पाडिहारियं सेजासंथारयं आदाय अप्पडिहृह् संपव्वयइ संपव्वयंतं वा साइजाइ ॥ १९१ ॥ जे भिक्खू सागारियसंतियं सेजासंथारयं आदाय अहिगरणं कट्ट अण-प्पिणेत्ता संपन्वयइ संपन्वयंतं वा साइजाइ ॥ ११२ ॥ जे भिक्ख पाडिहारियं वा सागारियसंतियं वा सेजासंथारयं विष्पणदं ण गवेसड ण गवेसंतं वा साइजाइ ॥ ११३ ॥ जे भिक्ख् इत्तरियंपि उवहिं ण पिडलेहेइ ण पिडलेहेंतं वा साइजाइ। तं सेवमाणे आवजाङ् मासियं परिहारद्वाणं उग्घाइयं ॥ ११४ ॥ णिसीहऽज्झ-यणे बीओ उद्देसो समत्तो ॥ २ ॥

तइओ उद्देसो

जे भिक्ख आगंतारेस वा आरामागारेस वा गाहावइकुलेस वा परियावसहेस वा अण्ण उत्थियं वा गारत्थियं वा असणं वा ४ ओभासिय २ जायइ जायंतं वा साइजाइ ॥ ११५॥ एवं अण्णउत्थिया वा गारित्थया वा, अण्णउत्थिणी वा गारित्थणी वा. अण्णउत्थिणीओ वा गारित्थणीओ वा असणं वा ४ ओभासिय २ जायइ जायंतं वा साइजाइ॥ ११६-११७-११८॥ जे भिक्ख आगंतारेस वा आरामागारेस वा गाहावइकुलेस वा परियावसहेस वा कोउहल्लपडियाए पडियागयं समाणं अण्णउत्थियं वा गारत्थियं वा. अण्णउत्थिया वा गारत्थिया वा, अण्ण-उत्थिणी वा गारत्थिणी वा, अण्णउत्थिणीओ वा गारत्थिणीओ वा असणं वा ४ ओमासिय २ जायइ जायंतं वा साइजइ ॥ ११९-१२०-१२१-१२२ ॥ जे जे भिक्ख आगंतारेस वा आरामागारेस वा गाहावहकुलेस वा परियावसहेस वा अण्ण तथएण वा गारत्थिएण वा, अण्ण तथिएहि वा गारत्थिएहि वा, अण्ण-उत्थिणीए वा गारत्थिणीए वा. अण्णउत्थिणीहि वा गारत्थिणीहि वा असणं वा ४ अभिहडं आहृष्ट दिज्जमाणं पडिसेहेत्ता तमेव अणुवत्तिय २ परिवेढिय २ परि-जविय २ ओभासिय २ जायइ जायंतं वा साइज्जइ ॥ १२३-१२४-१२५-१२६ ॥ जे भिक्ख गाहावरकुलं पिंडवायपडियाए पविद्वे पडियारक्खिए समाणे दोचं(पि) तमेव कुलं अणुप्पविसइ अणुप्पविसंतं वा साइज्जइ ॥ १२७ ॥ जे भिक्खू संख-डिपलोयणाए असणं वा ४ पडिग्गाहेइ पडिग्गाहेंतं वा साइजाइ॥ १२८॥ जे भिक्ख गाहावइकुलं पिंडवायपिंडयाए अणुपविद्रे समाणे परं तिघरंतराओ असणं वा ४ अभिहर्ड आहृष्ट दिजामाणं पडिग्गाहेड पडिग्गाहेतं वा साइजाइ॥ १२९॥ जे भिक्ख अप्पणी पाएँ आमजेज वा पमजेज वा आमजंतं वा पमजंतं वा साइजइ ॥ १३० ॥ जे भिक्ख अप्पणो पाए संवाहेज वा पलिमदेज वा संवाहेंतं वा पलिमहेंतं वा साइज्जइ ॥ १३१ ॥ जे भिक्खू अप्पणो पाए तेल्लेण वा घएण वा णवणीएण वा मक्खेज वा अञ्भंगेज वा मक्खेंतं वा अञ्भंगेतं वा साइजइ ॥ १३२ ॥ जे भिक्ख अप्पणो पाए लोद्धेण वा कक्केण वा (०) उल्लोलेज वा उन्बहेज वा उल्लोठेंतं वा उन्बहेंतं वा साइजइ ॥ १३३ ॥ जे भिक्खू अप्पणो

१ सोभाए।

पाए सीओदगवियडेण वा उसिणोदगवियडेण वा उच्छोलेज वा पधोवेज वा उच्छोठेंतं वा पधोवेंतं वा साइजाइ ॥ १३४ ॥ जे भिक्खू अप्पणी पाए फूमेजा वा रएज वा फ्रमेंतं वा रएंतं वा साइजइ ॥ १३५॥ जे भिक्ख अप्पणो कायं आमजीज वा पमजीज वा आमजीतं वा पमजीतं वा साइजाइ ॥ १३६ ॥ जे भिक्ख अप्पणो कायं संवाहेजा वा पिलमेहेज वा संवाहेतं वा पिलमेहेतं वा साइजाइ ॥ १३७ ॥ जे भिक्ख अप्पणो कायं तेल्लेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेतं वा साइजइ ॥ १३८॥ जे भिक्ख अप्पणो कायं लोद्धेण वा कक्केण वा उल्लोलेज वा उल्लेहेज वा उल्लेहेज वा उव्वहेंतं वा साइजाइ ॥ १३९ ॥ जे भिक्ख अप्पणो कायं सीओदग-वियडेण वा उसिणोदगवियडेण वा उच्छोलेज वा पधोवेज वा उच्छोलेंतं वा पधोवेंतं वा साइजाइ ॥ १४० ॥ जे भिक्ख अप्पणो कार्य फूमेज वा रएज वा फूमेंतं वा रएंतं वा साइजाइ॥ १४१॥ जे भिक्खू अप्पणो कार्यसि वणं आमजेज वा पमजेज वा आमजेतं वा पमजेतं वा साइजाइ ॥ १४२ ॥ जे भिक्ख अप्पणो कार्यसि वणं संवाहेज वा पिलमहेज वा संवाहेतं वा पिलमहेतं वा साइजाइ ॥ १४३ ॥ जे भिक्खू अप्पणो कार्यसि वर्ण तेहिण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेतं वा साइजइ ॥ १४४ ॥ जे भिक्ख अप्पणो कायंसि वर्ण लोद्धेण वा कक्केण वा उल्लोलेज वा उन्बहेज वा उल्लोठेंतं वा उन्बहेंतं वा साइजाइ ॥ १४५ ॥ जे भिक्ख् अप्पणो कार्यंसि वणं सीओदगवियडेण वा उसिणोदगवियडेण वा उच्छोळेज वा पधोवेज वा उच्छोठंतं वा पधोवेंतं वा साइजाइ ॥ १४६ ॥ जे भिक्खू अप्पणो कार्यसि वर्णं फ्रमेज वा रएज वा फ़र्मेंतं वा रएंतं वा साइजाइ ॥ १४७ ॥ जे भिक्खू अप्पणो कायंसि गंडं वा पलियं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदेज वा विच्छिदेज वा अच्छिदंतं वा विच्छिदंतं वा साइजइ ॥ १४८ ॥ जे भिक्ख अप्पणो कार्यसि गंडं वा पिलयं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अचिछिदित्ता विचिछिदित्ता प्रयं वा सोणियं वा णीहरेज वा विसोहेज वा णीहरेंतं वा विसोहेंतं वा साइजाइ ॥ १४९ ॥ जे भिक्खू अप्पणो कार्यंसि गंडं वा प्रलियं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदित्ता विच्छिदिता (पू०) णीहरित्ता विसोहेत्ता सीओदगवियडेण वा उसिणोदगवियडेण वा उच्छोलेज वा पधोवेज वा उच्छोलेतं वा पधोवेंतं वा साइजइ ॥ १५० ॥ जे भिक्ख अप्पणो कार्यसि गंडं वा पिलयं वा अरइयं वा अंसियं वा

भगंदलं वा अण्णयरेणं तिक्खेणं सत्थजाएणं अच्छिदिता विच्छिदिता णीहरिता विसोहेता पधोइता अण्णयरेणं आलेवणजाएणं आलिंपेज वा विलिंपेज वा आलिंपंत वा विलिंपंतं वा साइजाई ॥ १५१ ॥ जे भिक्ख अप्पणो कार्यस गंडं वा पलियं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदिता विच्छिदिता णीहरिता विसोहेता पधोइता विलिंपिता तेल्लेण वा घएण वा णवणीएण वा अन्मंगेज वा मक्खेज वा अन्मंगेतं वा मक्खेतं वा साइजइ ॥ १५२ ॥ जे भिक्ख अप्पणो कार्यसि गंडं वा पिलयं वा अरडयं वा अंसियं वा भगंदलं वा अण्णयरेणं तिक्खेणं सत्थजाएणं अचिंछदिता विचिंछदिता णीहरिता विसोहेता पघोइत्ता विलिंपित्ता मक्खेता अण्णयरेणं ध्वणजाएणं ध्वेज वा पध्वेज वा ध्वेंतं वा पध्वेंतं वा साइजइ ॥ १५३ ॥ जे भिक्ख अप्पणो पालकिमियं वा क्रिच्छिकिमियं वा अंगुलीए णिवेसिय २ णीहरइ णीहरंतं वा साइजाइ ॥ १५४ ॥ जे भिक्ख अप्पणो दीहाओ णहसिहाओ कप्पेज वा संठवेज वा कप्पेंतं वा संठवेंतं वा साइजाइ॥ १५५॥ जे भिक्ख अप्पणो दीहाइं जंघरोमाइं कप्पेज वा संठवेज वा कप्पेंतं वा संठवेंतं वा साइजाइ ॥ १५६ ॥ जे भिक्खू अप्पणो दीहाइं कक्खरोमाइं कप्पेज वा संठवेज वा कप्पेंतं वा संठवेंतं वा साइजाइ ॥ १५७ ॥ जे भिक्खू अप्पणो दीहाई मंसुरोमाई कप्पेज वा संठवेज वा कप्पेतं वा संठवेंतं वा साइज्जइ ॥ १५८ ॥ जे भिक्खू अप्पणो दीहाइं णासारोमाइं कप्पेज वा संठवेज वा कप्पेतं वा संठवेंतं वा साइजाइ ॥ १५९॥ जे भिक्ख अप्पणो दीहाई चक्खरोमाई कप्पेज वा संठवेज वा कप्पेंतं वा संठवेंतं वा साइजाइ ॥ १६० ॥ जे भिक्ख अप्पणो दीहाई कण्णरोमाई कप्पेज वा संठवेज वा कप्पेंतं वा संठवेंतं वा साइजइ ॥ १६१ ॥ जे भिक्खू अप्पणो दंते आघंसेज वा पघंसेज वा आघंसंतं वा पघंसंतं वा साइजइ ॥ १६२ ॥ जे भिक्खू अप्पणो दंते^३ सीओदगवियडेण वा उसिणोदगवियडेण वा उच्छोलेज वा पधोवेज वा उच्छोलेतं वा पथोवेंतं वा साइजइ ॥ १६३ ॥ जे भिक्खू अप्पणो दंते फूमेज वा रएज वा फूमेंतं वा रएंतं वा साइजइ॥ १६४॥ जे भिक्ख अप्पणो उद्वे आमजेज वा पमजेज वा आमजंतं वा पमजंतं वा साइजइ॥ १६५॥ जे भिक्खू अप्पणो उट्टे संवाहेज वा पलिमहेज वा संवाहेतं वा पलिमहेतं वा साइजाइ ॥ १६६ ॥ जे भिक्खू अप्पणी उद्वे तेल्लेण वा घएण वा णवणीएण वा मक्खेज वा भिलिंगेज वा मक्खेंतं वा मिलिगेंतं वा साइजाइ ॥ १६७ ॥ जे भिक्ख अप्पणो उद्वे लोद्धेण

१ गंडाइछेयणे क्याइ घाओ, असज्झाइयं, रोगवित्थाराइदोस ति पायच्छित्तठाणं । २ सोहाणिमित्तं । ३ विहसाए ।

वा कक्केण वा उल्लेखेज वा उल्वेहेज वा उल्लेखेतं वा उल्वेहेतं वा साइजाइ ॥ १६८ ॥ जे भिक्ख अप्पणो उद्गे सीओदगवियडेण वा उसिणोदगवियडेण वा उच्छोळेज वा पधोवेज वा उच्छोठेंतं वा पधोवेंतं वा साइजइ ॥ १६९ ॥ जे भिक्ख अप्पणो उद्वे फ़ुमेज वा रएज वा फ़ुमेंतं वा रएंतं वा साइजाइ॥ १७०॥ जे मिक्खू अप्पणो दीहाई उत्तरोद्ररोमाई कप्पेज वा संठवेज वा कप्पेंत वा संठवेंत वा साइजइ ॥ १७१ ॥ जे भिक्ख अप्पणो दीहाइं अच्छिपत्ताइं कप्पेज वा संठवेज वा कप्पेंतं वा संठवेंतं वा साइजाइ ॥ १७२ ॥ जे भिक्खू अप्पणो अच्छीणि आमजेज वा पमजेज वा आमजंतं वा पमजंतं वा साइजाइ ॥ १७३ ॥ जे भिक्ख अपणो अच्छीणि संवाहेज वा पिलमहेज वा संवाहेंतं वा पिलमहेंतं वा साइजाइ ॥ १७४॥ जे भिक्ख अप्पणो अच्छीणि तेहेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेंतं वा साइजइ ॥ १७५ ॥ जे भिक्खू अप्पणो अच्छीणि लोढेण वा ककेण वा उल्लोकेज वा उन्बंदेज वा उल्लोकेतं वा उन्बंदेतं वा साइजाइ ॥ १७६ ॥ जे भिक्ख अप्पणो अच्छीणि सीओदगवियडेण वा उसिणोदग-वियडेण वा उच्छोलेज वा पधोवेज वा उच्छोलेतं वा पधोवेंतं वा साइजाइ ॥ १७७॥ जे भिक्खू अप्पणो अच्छीणि फूमेज वा रएजा वा फूमेंतं वा रएंतं वा साइजाइ ॥ १७८ ॥ जे भिक्खू अप्पणो दीहाइं भुमगरोमाइं कप्पेज वा संठवेज वा कप्पेंतं वा संठवेंतं वा साइजाइ ॥ १७९ ॥ जे भिक्खू अप्पणो दीहाइं पासरोमाईं कप्पेज वा संठवेज वा कप्पेंतं वा संठवेंतं वा साइजाइ ॥ १८० ॥ जे भिक्ख अप्पणो दीहाई केसरोमाइं कप्पेज वा संठवेज वा कप्पेंतं वा संठवेंतं वा साइजाइ ॥ १८१ ॥ जे भिक्ख अप्पणो कायाओ सेयं वा जहां वा पंकं वा मलं वा णीहरेजा वा विसोहेजा वा णीहरेंतं वा विसोहेंतं वा साइजाइ ॥ १८२ ॥ जे भिक्ख अप्पणो अच्छिमलं वा कण्णमलं वा दंतमलं वा णहमलं वा णीहरेज वा विसोहेज वा णीहरेंतं वा विसोहेंतं वा साइजाइ ॥ १८३ ॥ जे भिक्खू गामाणुगामं दूरुजामाणे अप्पणो सीसदुवारियं करेड़ करेंतं वा साइजाइ ॥ १८४॥ जे भिक्खू सणकप्पा(सा)सओ वा उण्णकप्पासओ वा पोण्डकप्पासओ वा अमिलकप्पासओ वा वसीकरणसोत्तियं करेइ करेंतं वा साइजाइ ॥ १८५ ॥ जे भिक्ख गिहंसि वा गिहमुहंसि वा गिहदुवारियंसि वा गिहपडि-दुवारियंसि वा गिहेळुयंसि वा गिहंगणंसि वा गिहवर्चंसि वा उचारं वा पासवणं वा परिद्रवेइ परिद्रवेंतं वा साइजाइ ॥ १८६ ॥ जे भिक्ख महगगिहंसि वा महगछारियंसि वा मङगथुभियंसि वा मङगासयंसि वा मङगलेणंसि वा मङगथंडिलंसि वा मङगवचंसि वा उचारं वा पासवणं वा परिद्रवेइ परिद्रवेंतं वा साइजाइ ॥ १८७ ॥ जे भिक्ख

इंगालदाहंसि वा खारदाहंसि वा गायदाहंसि वा तुसदाहंसि वा ऊसदाहंसि वा उचारं वा पासवणं वा परिद्रवेड परिद्रवेंतं वा साइजाइ ॥ १८८ ॥ जे भिक्ख अभिणवियास वा गोलेहणियास अभिणवियास वा महियाखाणीस वा परिभुज्जमाणियास वा अपरि-भुजमाणियासु वा उच्चारं वा पासवणं वा परिद्ववेइ परिद्ववेंतं वा साइजाइ ॥ १८९ ॥ जे भिक्खू सेयायणंसि वा पंकंसि वा पणगंसि वा उचारं वा पासवणं वा परिद्रवेड परिद्रवेंतं वा साइजाइ ॥ १९० ॥ जे भिक्ख उंबरवचंसि वा णग्गोहवचंसि वा अस्सत्थवचंसि वा उचारं वा पासवणं वा परिद्ववेइ परिद्ववेंतं वा साइजाइ॥ १९१॥ जे भिक्ख डागवचंसि वा सागवचंसि वा मूलयवचंसि वा कोत्थं(बरी)भरिवचंसि वा खारवचंसि वा जीरयवचंसि वा दमण(ग)वचंसि वा मरुगवचंसि वा उचारं वा पासवणं वा परिट्ठवेइ परिट्ठवेंतं वा साइजाइ ॥ १९२ ॥ जे भिक्खू इक्खुवणंसि वा सालिवणंसि वा क्रसंभवणंसि वा कप्पासवणंसि वा उचारं वा पासवणं वा परिद्रवेइ परिद्ववेंतं वा साइजाइ ॥ १९३ ॥ जे भिक्खू असोगवणंसि वा सत्तिवण्णवणंसि वा चंपगवणंसि वा च्यवणंसि वा अण्णयरेस वा तहप्पगारेस वा पत्तोवएस प्रप्शोवएस फलोवएसु बी(छाओ)योवएसु उचारं वा पासवणं वा परिद्ववेइ परिद्ववेंतं वा साइजाइ ॥ १९४ ॥ जे भिक्ख सपायंसि वा परपायंसि वा दिया वा राओ वा वियाले वा उब्बा-हिज्जमाणे सपायं गहाय परपायं जाइता वा उचारं पासवणं वा परिद्ववेत्ता अणुरगए सूरिए एडेइ एडेंतं वा साइजाइ । तं सेवमाणे आवजाइ मासियं परिहारद्वाणं उग्चाइयं ॥ १९५ ॥ णिसीहऽज्झयणे तड्डओ उद्देसो समत्तो ॥ ३ ॥

चउत्थो उद्देसो

जे भिक्ख् रायं अत्तीकरेइ अत्तीकरेंतं वा साइजाइ॥ १९६॥ जे भिक्ख् राया-रिक्खयं अत्तीकरेइ अत्तीकरेंतं वा साइजाइ॥ १९०॥ जे भिक्ख् णगरारिक्खयं अत्तीकरेइ अत्तीकरेंतं वा साइजाइ॥ १९८॥ जे भिक्ख् णगमारिक्खयं अत्तीकरेइ अत्तीकरेंतं वा साइजाइ॥ १९९॥ जे भिक्ख् देसारिक्खयं अत्तीकरेंदं आत्तीकरेंतं वा साइजाइ॥ १००॥ जे भिक्ख् सन्वारिक्खयं अत्तीकरेंतं वा साइजाइ॥ २००॥ जे भिक्ख् सन्वारिक्खयं अत्तीकरेंतं वा साइजाइ॥ २०२॥ जे भिक्ख् रायारिक्खयं अचीकरेंदं अचीकरेंतं वा साइजाइ॥ २०२॥ जे भिक्ख् रायारिक्खयं अचीकरेंदं अचीकरेंतं वा साइजाइ॥ २०४॥ जे भिक्ख् णगमारिक्खयं अचीकरेंदं अचीकरेंतं वा साइजाइ॥ २०५॥ जे भिक्ख् रीमरिक्खयं अचीकरेंदं अचीकरेंतं वा साइजाइ॥ २०६॥ जे भिक्ख् रीमरिक्खयं अचीकरेंदं वा साइजाइ॥ २०६॥ जे भिक्ख् सन्वारिक्खयं अचीकरेंदं वा साइजाइ॥

१ पसंसेइ।

॥ २०७ ॥ जे भिक्खू रायं अत्थीकरेइ अत्थीकरेंतं वा साइजाइ ॥ २०८ ॥ जे भिक्ख रायारिक्खयं अत्थीकरेइ अत्थीकरेंतं वा साइज्जइ ॥ २०९ ॥ जे भिक्ख णगरारिक्खयं अत्थीकरेइ अत्थीकरेंतं वा साइज्जइ ॥ २१० ॥ जे भिक्खू णिगमा-रिक्खयं अत्थीकरेइ अत्थीकरेंतं वा साइजइ ॥ २११ ॥ जे भिक्ख् देसारिक्खयं अत्थीकरेइ अत्थीकरेंतं वा साइज्जइ ॥ २१२ ॥ जे भिक्खू सव्वारक्खियं अत्थीकरेइ अत्थीकरेंतं वा साइजइ॥ २१३॥ जे भिक्ख् कसिणाओ ओसहीओ आहारेइ आहारेंतं वा साइज्जइ ॥ २१४ ॥ जे भिक्ख् आयरिएहिं अदिण्णं आहारेइ आहारेंतं वा साइज्जइ ॥ २१५ ॥ जे भिक्खू आयरियोवज्झाएहिं अविदिण्णं विगईं आहारेड आहारेंतं वा साइजाइ ॥ २१६ ॥ जे भिक्ख् ठवणाकुलाई अजाणिय अपुच्छिय अग-वेसिय पुन्वामेव पिंडवायपिडयाए अणुप्पविसइ अणुप्पविसंतं वा साइज्जइ ॥ २१७ ॥ जे भिक्ख णिग्गंथीणं उवस्सयंसि अविहीए अणुप्पविसइ अणुप्पविसंतं वा साइजड ॥ २१८ ॥ जे भिक्खू णिगंथीणं आगमणपहंसि दंडगं वा रयहरणं वा मुहपोत्तियं वा अण्णयरं वा उवगरणजायं ठवेइ ठवेंतं वा साइजाइ ॥ २१९ ॥ जे भिक्खू णवाई अणुप्पण्णाई अहिगरणाई उप्पाएइ उप्पाएंतं वा साइजाइ ॥ २२० ॥ जे भिक्ख पोराणाइं अहिगरणाइं खामिय विओसवियाइं पुणो उदीरेइ उदीरेंतं वा साइज्जड ॥ २२१ ॥ जे भिक्ख् सुहं विष्फालिय हसइ हसंतं वा साइज्जइ ॥ २२२ ॥ जे भिक्ख पासत्थरस संघाडयं देइ देंतं वा साइज्जइ ॥ २२३ ॥ जे भिक्ख पास-त्थस्स संघाडयं पडिच्छइ पडिच्छंतं वा साइजइ ॥ २२४ ॥ जे भिक्खू ओसण्णस्स संघाडयं देइ देंतं वा साइजइ ॥ २२५ ॥ जे भिक्खू ओसण्णस्स संघाडयं पिडच्छइ पिंड-च्छंतं वा साइजाइ ॥ २२६ ॥ जे भिक्ख क़सीलस्स संघाडयं देइ देंतं वा साइज्जइ ॥ २२७ ॥ जे भिक्ख् कुसीलस्स संघाडयं पिडच्छइ पिडच्छंतं वा साइज्जइ ॥ २२८ ॥ जे भिक्ख नितियस्स संघाडयं देइ देंतं वा साइजाइ ॥ २२९ ॥ जे भिक्ख नितियस्स संघाडयं पडिच्छइ पडिच्छंतं वा साइजाइ ॥ २३० ॥ जे भिक्खु संसत्तस्स संघाडयं देइ देंतं वा साइजइ ॥ २३१ ॥ जे भिक्खू संसत्तस्स संघाडयं पिंडच्छइ पिंडच्छंतं वा साइजइ ॥ २३२ ॥ जे भिक्ख उदओहेण वा सिंसिणिद्धेण वा हत्थेण वा दव्वीए वा भायणेण वा असणं वा ४ पडिग्गाहें पडिग्गाहेंतं वा साइज्जइ ॥ २३३ ॥ जे भिक्ख् ससर्क्खेण वा मिट्टियासंसद्वेण वा ऊसासंसद्वेण वा लोणियसंसद्वेण वा हरियालसंसद्वेण वा मणोसिलसंसद्वेण वा लोद्धसंसद्वेण वा गेरुय-संसद्रेण वा सेढियसंसद्वेण वा हिंगुलसंसद्वेण वा अंजणसंसद्वेण वा कुक्कुससंसद्वेण वा पिट्टसंसट्टेण वा कंतवसंसट्टेण वा कंदमूलसंसट्टेण वा सिंगवेरसंसट्टेण वा पुष्फसंसट्टेण वा उक्कद्वसंसट्टेण वा असंसट्टेण वा हत्थेण वा दव्वीए वा भायणेण वा असणं वा ४ पडिग्गाहेड पडिग्गाहेंतं वा साइजाइ ॥ २३४ ॥ जे भिक्ख गामारिक्खयं अत्ती-करेड अत्तीकरेंतं वा साइजाइ ॥ २३५ ॥ जे भिक्खू गामारिक्खियं अचीकरेड अचीकरेंतं वा साइजाइ ॥ २३६ ॥ जे भिक्ख गामारिक्खयं अत्थीकरेंइ अत्थीकरेंतं वा साइजाइ॥ २३७॥ जे भिक्ख सीमारिक्खयं अत्तीकरेइ अत्तीकरेंतं वा साइजाइ ॥ २३८ ॥ जे भिक्ख सीमारिक्खयं अचीकरेइ अचीकरेंतं वा साइजाइ ॥ २३९ ॥ जे मिक्क सीमारिक्खयं अत्थीकरेड अत्थीकरेंतं वा साइज्जइ ॥ २४० ॥ जे भिक्ख रण्णारिक्खयं अत्तीकरेइ अत्तीकरेंतं वा साइज्जइ ॥ २४१ ॥ जे भिक्खू रण्णारिक्खयं अचीकरेइ अचीकरेंतं वा साइजाइ ॥ २४२ ॥ जे भिक्खू रण्णारिक्खयं अत्थीकरेइ अत्थीकरेंतं वा साइज्जइ ॥ २४३ ॥ जे भिक्ख अण्णमण्णस्स पाए आमजेज वा पमजेज वा आमजंतं वा पमजंतं वा साइजड ॥ २४४ ॥ जे भिक्खू अण्णमण्णस्स पाए संवाहेज वा पलिमहेज वा संवाहेतं वा पिलमहेंतं वा साइजाइ ॥ २४५ ॥ जे भिक्खू अण्णमण्णस्स पाए तेल्लेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेंतं वा साइजइ ॥ २४६ ॥ जे भिक्ख अण्णमण्णस्स पाए लोद्धेण वा कक्षेण वा उल्लोलेज वा उन्बेहेज वा उल्लोलेंतं वा उन्बेहेंतं वा साइजाइ 🛭 २४७ ॥ जे भिक्खू अण्णमण्णस्स पाए सीओदगवियडेण वा उसिणोदगवियडेण वा उच्छोलेज वा पधोएज वा उच्छोलेंतं वा पधोएंतं वा साइजइ ॥ २४८ ॥ जे भिक्खू अण्णमण्णस्स पाए फूमेज वा रएज वा फूमेंतं वा रएंतं वा साइजइ ॥ २४९ ॥ जे भिक्खू अण्ण-मण्णस्स कायं आमजेज वा पमजेज वा आमजंतं वा पमजंतं वा साइजइ ॥ २५०॥ जे भिक्ख अण्णमण्णस्स कार्य संवाहेज्ज वा पिलमहेज्ज वा संवाहेतं वा पिलमहेतं वा साइजइ ॥ २५१ ॥ जे भिक्खू अण्णमण्णस्स कार्यं तेक्षेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेंतं वा साइजइ ॥ २५२ ॥ जे भिक्ख अण्णमण्णस्स कायं लोद्धेण वा कक्केण वा उल्लोळेज वा उव्वहेज वा उल्लोळेतं वा उन्बहेंतं वा साइजइ ॥ २५३ ॥ जे भिक्ख अण्णमण्णस्स कायं सीओदगवियडेण वा उसिणोद्गवियडेण वा उच्छोलेंज वा पधोएज वा उच्छोलेंतं वा पधोएंतं वा साइजाइ ॥ २५४ ॥ जे भिक्खू अण्णमण्णस्स कायं फूमेजा वा रएजा वा फूमेंतं वा रएंतं वा साइजइ ॥ २५५ ॥ जे भिक्खू अण्णमण्णस्स कारंसि वणं आमजेज वा पमजेज वा आमजंतं वा पमजंतं वा साइजइ ॥ २५६ ॥ जे भिक्ख अणामणास्स कार्यसि वणं संवाहेज वा पलिमहेज वा संवाहेंतं वा पलिमहेंतं वा साइजइ॥ २५०॥

जे भिक्ख अण्णमण्णस्स कार्यसि वर्णं तेल्लेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेतं वा साइजइ ॥ २५८ ॥ जे भिक्ख अण्णमण्णस्स कार्यसि वर्ण लोद्धेण वा कक्केण वा उल्लोलेज वा उल्लोहेज वा उल्लोहेतं वा साइज्जइ ॥ २५९ ॥ जे भिक्ख अण्णमण्णस्स कार्यसि वणं सीओदगवियडेण वा उसिणोदगवियडेण वा उच्छोलेज वा पधोएज वा उच्छोलेंतं वा पधोएंतं वा साइ-जाइ ॥ २६० ॥ जे भिक्ख अण्णमण्णस्स कायंसि वर्ण फूमेज वा रएज वा फूमेंतं वा रएंतं वा साइजाइ ॥ २६१ ॥ जे भिक्ख अण्णमण्णस्स कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदेजा वा विच्छिदेज वा अच्छिदेंतं वा विच्छिदेंतं वा साइजाइ ॥ २६२ ॥ जे भिक्ख अण्णमण्णस्स कायंसि गंडं वा पिलयं वा अरइयं वा अंसियं वा भगंदलं वा अण्ण-यरेणं तिक्खेणं सत्थजाएणं अच्छिदिता विच्छिदिता पूर्यं वा सोणियं वा णीहरेज वा विसोहेज वा णीहरेंतं वा विसोहेंतं वा साइजाइ ॥ २६३ ॥ जे भिक्ख अण्णमण्णस्स कार्यसि गंडं वा पिलयं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अचिछिदिता विचिछिदिता णीहरिता विसोहिता सीओदगवियडेण वा उसिणोदगवियडेण वा उच्छोलेज वा पधोएज वा उच्छोलेंतं वा पधोएंतं वा साइजाइ ॥ २६४ ॥ जे भिक्ख अण्णमण्णस्स कार्यस गंडं वा पिलयं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदित्ता विच्छिदिता णीहरित्ता विसोहेता उच्छोलेता पधोएता अण्णयरेणं आलेवणजाएणं आलिंपेज वा विर्लिपेज वा आलिपेंतं वा विलिपेंतं वा साइजइ ॥ २६५ ॥ जे भिक्ख अण्णमण्णस्स कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्य-जाएणं अच्छिदित्ता विाच्छेंदितां णीहरित्ता विसोहेता उच्छोलेता पधोएता आर्लिपिता विलिंपिता तेहिण वा घएण वा णवणीएण वा अब्भंगेज वा मक्खेज वा अब्भंगेतं वा मक्खेंतं वा साइजाइ ॥ २६६ ॥ जे भिक्ख अण्णमण्णस्स कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदित्ता विच्छिदित्ता णीहरित्ता विसोहेता उच्छोलेता पधोएता आलिंपित्ता विलिंपिता अञ्भंगेता मक्खेता अण्णयरेणं ध्रवणजाएणं ध्रवेज वा पध्रवेज वा ध्रवंतं वा पध्रवंतं वा साइजाइ ॥ २६७ ॥ जे भिक्खू अण्णमण्णस्स पालुकिमियं वा कुच्छिकिमियं वा अंगुलीए णिवेसिय २ णीहरइ णीहरंतं वा साइजइ ॥ २६८ ॥ जे भिक्ख अण्णमण्णस्स दीहाओ णहसिहाओ कप्पेज वा संठवेज वा कप्पेंतं वा संठवेंतं वा साइजाइ ॥ २६९ ॥ जे भिक्खू अण्णमण्णस्स दीहाई जंघ-

रोमाई कप्पेज वा संठवेज वा कप्पेंतं वा संठवेंतं वा साइजड ॥ २७०॥ जे भिक्ख अण्णमण्णस्स दीहाइं कक्खरोमाइं कप्पेज वा संठवेज वा कप्पेंतं वा संठवेंतं वा साइजाइ ॥ २७१ ॥ जे भिक्ख अण्णमण्णस्स दीहाइं मंसुरोमाइं कप्पेज वा संठवेज वा कप्पेंतं वा संठवेंतं वा साइजाइ ॥ २०२ ॥ जे भिक्ख अण्णमण्णस्स दीहाई णासारोमाई कप्पेज वा संठवेज वा कप्पेंतं वा संठवेतं वा साइज्जइ ॥ २७३ ॥ जे भिक्ख अण्णमण्णस्स दीहाइं चक्खुरोमाइं कप्पेज वा संठवेज वा कप्पेंतं वा संठवेंतं वा साइजाइ ॥ २७४-१ ॥ जे भिक्ख अण्णमण्णस्स दीहाई कण्णरोमाई कप्पेज वा संठवेज वा कप्पेंतं वा संठवेंतं वा साइजइ ॥ २७४-२ ॥ जे भिक्ख अण्णमण्णस्स दंते आघंसेज वा पघंसेज वा आघंसंतं वा पधंसंतं वा साइजाइ ॥ २७५ ॥ जे भिक्खू अण्णमण्णस्स दंते उच्छोलेज वा पधोएज वा उच्छोलेंतं वा पधोएंतं वा साइजइ ॥ २०६ ॥ जे भिक्ख अण्णमण्णस्स दंते फ्रमेज वा रएज वा फ्रमेंतं वा रएंतं वा साइजाइ ॥ २७७ ॥ जे भिक्खू अण्णमण्णस्स उद्दे आमजेज वा पमजेज वा आमजंतं वा पमजंतं वा साइजाइ ॥ २७८ ॥ जे भिक्खू अण्णमण्णस्स उद्वे संवाहेज वा पिलमहेज वा संवाहेंतं वा पिलमहेंतं वा साइज्जइ ॥ २७९ ॥ जे भिक्खू अण्ण-मण्णस्स उद्दे तेहेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेंतं वा साइजइ ॥ २८०॥ जे भिक्खू अण्णमण्णस्स उद्दे लोखेण वा नक्केण वा उल्लोहेज वा उन्वहेज वा उल्लोहेतं वा साइजाइ ॥ ३८१ ॥ जे भिक्ख अण्णमण्णस्स उद्रे सीओदगवियडेण वा उसिणोदगवियडेण वा उच्छोलेज वा पधोवेज वा उच्छोलेंतं वा पधोवेंतं वा साइजइ ॥ २८२ ॥ जे भिक्ख अण्णमण्णस्स उद्दे फूमेज वा रएज वा फूमेंतं वा रएंतं वा साइजइ ॥ २८३ ॥ जे भिक्ख अण्णमण्णस्स दीहाई उत्तरोद्वरोमाई कप्पेज वा संठवेज वा कप्पेंतं वा संठवेंतं वा साइजइ ॥ २८४ ॥ जे भिक्ख अण्णमण्णस्स दीहाइं अच्छि-पत्ताई कप्पेज वा संठवेज वा कप्पेंतं वा संठवेंतं वा साइजाइ ॥ २८५ ॥ जे भिक्ख अण्णमण्णस्त अच्छीणि आमजेज वा पमजेज वा आमजंतं वा पमजंतं वा साइजाइ ॥ २८६ ॥ जे भिक्खू अण्णमण्णस्स अच्छीणि संवाहेज वा पिल-महेज वा संवाहेंतं वा पिलमेहेंतं वा साइजइ ॥ २८७ ॥ जे भिक्खू अण्णमण्णस्स अच्छीणि तेह्रेण वा घएण वा णवणीएण वा मक्खेज वा मिलिंगेज वा मक्खेंतं वा भिर्किंगेंतं वा साइजइ ॥ २८८ ॥ जे भिक्ख् अण्णमण्णस्स अच्छीणि लोद्धेण वा कक्केण वा उल्लोळेज वा उल्लेहेज वा उल्लोठेंतं वा उल्लेहेतं वा साइज्जइ

॥ २८९ ॥ जे भिक्ख अण्णमण्णस्स अच्छीणि सीओदगवियडेण वा उसिणोदग-वियडेण वा उच्छोळेज वा पधोएज वा उच्छोळेंतं वा पधोएंतं वा साइजइ ॥ २९० ॥ जे भिक्ख अण्णमण्णस्स अच्छीणि फुमेज वा रएज वा फुमेंतं वा रएंतं वा साइजाइ ॥ २९१ ॥ जे भिक्ख अण्णमण्णस्स दीहाई भुमगरोमाई कप्पेज वा संठवेज वा कप्पेंतं वा संठवेंतं वा साइजाइ ॥ २९२ ॥ जे भिक्ख अण्णमण्णस्स दीहाइं पासरोमाइं कप्पेज वा संठवेज वा कप्पेंतं वा संठवेंतं वा साइजइ ॥ २९३-१॥ '''केसरोमाइं''।। २९३-२॥ जे भिक्ख अण्णमण्णस्स अच्छिमलं वा कण्णमलं वा दंतमलं वा णहमलं वा णीहरेज वा विसोहेज वा णीहरेंतं वा विसोहेंतं वा साइजड ॥ २९४ ॥ जे भिक्खू अण्णमण्णस्स कायाओ सेयं वा जल्लं वा पंकं वा मलं वा णीहरेजा वा विसोहेज वा णीहरेंतं वा विसोहेंतं वा साइजाइ ॥ २९५ ॥ जे भिक्ख् गामाणुगा-[मियं]मं दृहुज्जमाणे अण्णमण्णस्स सीसदुवारियं करेड करेंतं वा साइज्जइ ॥ २९६ ॥ जे भिक्ख साणुप्पए उच्चारपासवणभूमिं साणुप्पए ण पडिलेहइ ण पडिलेहतं वा साइजइ ॥ २९७॥ जे भिक्ख् तओ उचारपासवणभूमीऔ ण पडिलेहेंइ ण पडिलेहंतं वा साइज्जइ ॥ २९८॥ जे भिक्खू खुडुागंसि थंडिलंसि उच्चारपासवणं परिट्ठवेइ परिट्ठवेंतं वा साइज्जइ ॥ २९९॥ जे भिक्ख उच्चारपासवणं अविहीए परिद्ववेइ परिद्ववेंतं वा साइज्जइ ॥ ३००॥ जे भिक्खू उच्चारपासवणं परिद्ववेत्ता ण पुंछइ ण पुंछतं वा साइजाइ ॥ ३०१ ॥ जे भिक्खू उचारपासवर्ण परिद्ववेत्ता कट्ठेण वा किलिंचेण वा अंगुलियाए वा सलागाए वा पुंछइ पुंछतं वा साइजाइ ॥ ३०२ ॥ जे भिक्ख उचारपासवणं परिद्ववेत्ता णायमइ णायमंतं वा साइज्जइ ॥ ३०३ ॥ जे भिक्ख उच्चारपासवर्ण परिद्ववेत्ता तत्थेव आयमइ आय-मंतं वा साइजाइ ॥ ३०४ ॥ जे भिक्ख उचारपासवणं परिद्ववेत्ता दूरे आयमइ आय-मंतं वा साइजाइ ॥ ३०५ ॥ जे भिक्ख उच्चारपासवणं परिद्ववेत्ता णावापूराणं आय-मइ आयमंतं वा साइजाइ ॥ ३०६ ॥ जे भिक्ख अपरिहारिएण परिहारियं वएजा-एहि अजो! तुमं च अहं च एगओ असणं वा ४ पडिग्गाहेता तओ पच्छा पत्तेयं २ भोक्खामो वा पाहामो वा, जे तं एवं वयइ वयंतं वा साइजाइ। तं सेवमाणे आवज्जइ मासियं परिहारद्वाणं उग्चाइयं ॥ ३०० ॥ णिसीहऽज्झयणे चउत्थो उद्देसो समत्तो ॥ ४ ॥

पंचमो उद्देसो

जे भिक्ख सचित्तस्क्खमूलंसि ठिचा आलोएज वा पलोएज वा आलोएंतं वा १ कयाइ एगट्ठाणे केण वि कारणेण पारिट्ठावणाऽवसरो ण होज तो दोचं तचं ठाणं उवओगी होउ ति तिण्णि ठाणाइं वृत्ताइं ति ।

परोएंतं वा साइजाइ ॥ ३०८ ॥ जे भिक्ख सचित्तस्क्खमूलंसि ठिचा ठाणं वा सेजं वा निसीहियं वा त्रयष्टणं वा चेएइ चेएंतं वा साइजाइ ॥ २०९॥ जे भिक्खू सचित्तरुक्ख-मुळंसि ठिचा असणं वा ४ आहारेड आहारेंतं वा साइजाइ॥ ३१०॥ जे भिक्खू सचित्त-क्ष्मखमूलंसि ठिचा उचारपासवणं परिद्ववेद्द परिद्ववेतं वा साइजाइ ॥ ३११ ॥ जे भिक्ख सचित्तरक्खमूलंति ठिचा सज्झायं करेइ करेंतं वा साइज्जइ ॥ ३१२ ॥ जे भिक्ख सचित्तरुक्खमूळे ठिचा सज्झायं उद्दिसइ उद्दिसेतं वा साइजइ ॥ ३१३ ॥ जे भिक्खू सचित्तरुक्खमूळे ठिचा सज्झायं समुद्दिसइ समुद्दिसंतं वा साइजाइ ॥ ३१४ ॥ जे भिक्ख सचित्तरक्खमूलंसि ठिचा सज्झायं अणुजाणह अणुजाणंतं वा साइज्जइ ३१५॥ जे भिक्ख सचित्तस्क्यस्लंसि ठिचा सज्झायं वाएइ वाएंतं वा साइजइ ॥ ३१६॥ जे भिक्ख सचित्तरुक्खमलंसि ठिचा सज्झायं पडिच्छइ पडिच्छंतं वा साइजाइ ॥ ३१७॥ जे भिक्ख सचित्तरुक्खमुलंसि ठिचा सज्झायं परियट्टेंड परियट्टेंतं वा साइजाइ ॥ ३१८ ॥ जे भिक्खू अप्पणो संघािंड अण्णउत्थिएण वा गारित्थएण वा सागारिएण वा सिव्वावेइ सिव्वावेंतं वा साइजइ ॥ ३१९ ॥ जे भिक्खू अप्पणो संघाडिए दीहसत्ताइं करेड करेंतं वा साइजाइ ॥ ३२०॥ जे भिक्खू पिउमंदपलासयं वा पडोलपलासरं वा बिलपलासरं वा सीओदगवियडेण वा उसिणोदगवियडेण वा संफाणिय २ आहारें आहारेंतं वा साइजाइ ॥ ३२१ ॥ जे भिक्खू पाडिहारियं पायपंछणं जाइता तमेव रयणिं पचप्पिणिस्सामित्ति सए पचप्पिणइ पचप्पिणंतं वा साइजाइ ॥ ३२२ ॥ जे भिक्ख पाडिहारियं पायपुंछणं जाइता सुए पचिपिणिस्सामिति तमेव रयणि पचप्पिणइ पचप्पिणतं वा साइज्जइ ॥ ३२३ ॥ जे भिक्ख सागारिय-संतियं पायपंछणं जाइता तमेव रयणि पचिपिणिस्सामित्ति सुए पचिपिणइ पचिपि-णंतं वा साइजाइ ॥ ३२४ ॥ जे भिक्ख सागारियसंतियं पायपंछणं जाइता सए पचिपिणिस्सामिति तमेव रयणि पचिपिणाइ पचिपिणांतं वा साइजाइ ॥ ३२५ ॥ जे भिक्ख पाडिहारियं दंडयं वा अवलेहणियं वा वेलुसूइं वा जाइता तमेव रयणि पचिपिणिस्सामिति सुए पचिपिणइ पचिपिणंतं वा साइजाइ ॥ ३२६ ॥ जे भिक्ख पाडिहारियं दंडयं वा अवलेहणियं वा वेल्रस्रइं वा जाइता सुए पञ्चिपिणिस्सामिति तमेव रयणि पचप्पिणइ पचप्पिणंतं वा साइज्जइ ॥ ३२७ ॥ जे भिक्खू सागारिय-संतियं दंडयं वा अवलेहणियं वा वेलुसुइं वा जाइता तमेव रयणि पचप्पिणिस्सामित्ति सुए पचप्पिणइ पचप्पिणंतं वा साइजाइ ॥ ३२८ ॥ जे भिक्खू सागारियसंतियं दंडयं वा अवलेहणियं वा वेळुसूईं वा जाइता सुए पचिष्पिणस्सामित्ति तमेव रयणि

१ संझं ।

पचप्पिणइ पचप्पिणंतं वा साइजाइ ॥ ३२९ ॥ जे भित्रखू पाडिहारियं वा सागा-रियसंतियं वा सेजासंथारयं पचिपणिता दोचंपि अण्णुण्णविय अहिद्रेइ अहिद्रेतं वा साइजइ ॥ ३३० ॥ जे भिक्ख सणकप्पासओ वा उण्णकप्पासओ वा पोण्डकप्पासओ वा अमिलकप्पासओ वा दीहसत्ताइं करेइ करेंतं वा साइजाइ ॥ ३३९ ॥ जे भिक्ख सचित्ताइं दारुदंडाणि वा वेलुदंडाणि वा वेत्तदंडाणि वा करेड करेंतं वा साइज्जड ॥ ३३२॥ जे भिक्ख सचित्ताइं दारुदंडाणि वा वेल्वदंडाणि वा वेत्तदंडाणि वा धरेइ घरेंतं वा साइजाइ ॥ ३३३ ॥ जे भिक्ख चित्ताइं दारुदंडाणि वा वेलुदंडाणि वा वेत्तदंडाणि वा करेइ करेंतं वा साइजाइ ॥ ३३४ ॥ जे भिक्ख चित्ताई दारुदंडाणि वा वेलुदंडाणि वा वेत्तदंडाणि वा धरेड धरेंतं वा साइजाड ॥ ३३५ ॥ जे भिक्ख विचित्ताइं दारुदंडाणि वा वेलुदंडाणि वा वेत्तदंडाणि वा करेइ करेंतं वा साइज्जड ॥ ३३६ ॥ जे भिक्ख विचित्ताई दारुदंडाणि वा वेछुदंडाणि वा वेत्तदंडाणि वा धरेड धरेंतं वा साइजाइ ॥ ३३७॥ जे भिक्ख सचिताइं दारुदंडाणि वा वेळदंडाणि वा वेत्तदंडाणि वा परिभंजइ परिभंजंतं वा साइजइ ॥ ३३८ ॥ जे भिक्ख चित्ताई दारुदंडाणि वा वेल्रदंडाणि वा वेत्तदंडाणि वा परिभंजइ परिभंजंतं वा साइज्जइ 11 ३३९ ।। जे भिक्खू विचित्ताई दारुदंडाणि वा वेल्लदंडाणि वा वेत्तदंडाणि वा परिभंजइ परिभंजंतं वा साइजाइ ॥ ३४० ॥ जे भिक्ख णवगणिवेसंसि वा गामंसि वा जाव सांण्णवेसंसि वा अणुप्पविसित्ता असणं वा ४ पडिग्गाहेड पडिग्गाहेतं वा साइजाइ ॥ ३४९ ॥ जे भिक्ख णवगणिवेसंसि वा अयागरंसि वा तंत्रागरंसि वा तज्यागरंसि वा सीसागरंसि वा हिरण्णागरंसि वा सुवण्णागरंसि वा (स्यणागरंसि वा) वइरागरंसि वा अणुप्पविसित्ता असणं वा ४ पडिग्गाहेड पडिग्गाहेतं वा साइजड ॥ ३४२ ॥ जे भिक्खू महवीणियं करेइ करेंतं वा साइजाइ ॥ ३४३ ॥ जे भिक्खू दंतवीणियं करेइ करेंतं वा साइजाइ ॥ ३४४ ॥ जे भिक्ख उद्ववीणियं करेइ करेंतं वा साइज्जइ ॥ ३४५ ॥ जे भिक्खु णासावीणियं करेइ करेंतं वा साइज्जइ ॥ ३४६॥ जे भिक्ख कक्खवीणियं करेड़ करेंतं वा साइजाइ ॥ ३४७ ॥ जे भिक्ख हत्थ-वीणियं करेड़ करेंतं वा साइजाइ ॥ ३४८ ॥ जे भिक्खू णहवीणियं करेड़ करेंतं वा साइजाइ ॥ ३४९ ॥ जे भिक्ख पत्तवीणियं करेइ करेंतं वा साइजाइ ॥ ३५० ॥ जे भिक्ख पुष्फवीणियं करेइ करेंतं वा साइज्जइ ॥ ३५१ ॥ जे भिक्ख फल-वीणियं करेड़ करेंतं वा साइजाइ ॥ ३५२ ॥ जे भिक्खू बीयवीणियं करेड़ करेंतं वा साइजाइ ॥ ३५३ ॥ जे भिक्ख हरियवीणियं करेड करेंतं वा साइजाइ ॥ ३५४॥ जे भिक्ख महवीणियं वाएइ वाएंतं वा साइजाइ ॥ ३५५॥ जे ५५ सत्ता०

भिक्ख दंतवीणियं वाएइ वाएंतं वा साइजाइ ॥ ३५६ ॥ जे भिक्ख उद्ववीणियं वाएइ वाएंतं वा साइजाइ ॥ ३५७ ॥ जे भिक्खू णासावीणियं वाएइ वाएंतं वा साइजाइ ॥ ३५८ ॥ जे भिक्ख क्रक्खवीणियं वाएइ वाएंतं वा साइजाइ ॥ ३५९ ॥ जे भिक्ख हत्थवीणियं वाएइ वाएंतं वा साइजाइ ॥ ३६० ॥ जे भिक्ख णहवीणियं वाएइ वाएंतं वा साइजाइ ॥ ३६१ ॥ जे भिक्ख पत्तवीणियं वाएइ वाएंतं वा साइज्जइ ॥ ३६२ ॥ जे भिक्खू पुष्फवीणियं वाएइ वाएंतं वा साइज्जइ ॥ ३६३ ॥ जे भिक्ख फलवीणियं वाएइ वाएंतं वा साइजाइ ॥ ३६४॥ जे भिक्ख बीयवीणियं वाएइ वाएंतं वा साइजाइ ॥ ३६५ ॥ जे भिक्खू हरियवीणियं वाएइ वाएंतं वा साइजाइ (एवं अण्णयराणि वा तहप्पगाराणि वा अणुदिण्णाइं सद्दाईं उदीरेइ उदीरेंतं वा साइजाइ) ॥ ३६६ ॥ जे भिक्खू उद्देसियं सेजं अणुपविसइ अणुपविसंतं वा साइजाइ ॥ ३६७ ॥ जे भिक्खू सपाहुडियं सेजं अणुपविसइ अणुपविसंतं वा साइजाइ ॥ ३६८ ॥ जे भिक्ख् सपरिकम्मं सेज्जं अणुपविसइ अणुपविसंतं वा साइज्जड ॥ ३६९ ॥ जे भिक्ख णत्थि संभोगवत्तिया किरियत्ति वयइ वयंतं वा साइज्जइ ॥ ३७० ॥ जे भिक्खू लाउयपायं वा दारपायं वा महियापायं वा अलं थिरं ध्रवं धारणिजं परिभिदिय परिछिदिय परिट्रवेइ परिट्रवेंतं वा साइज्जइ ॥ ३७१ ॥ जे भिक्ख वत्थं वा पडिग्गहं वा कंबलं वा पायपुंछणं वा अलं थिरं धुवं भारणिजं पलिछिंदिय परिद्ववेइ परिद्ववेंतं वा साइजाइ ॥ ३७२ ॥ जे भिक्खू दंडगं वा अवले-हणियं वा वेळुसूई वा पलिभंजिय २ परिद्ववेइ परिद्ववेंतं वा साइजाइ ॥ ३७३ ॥ जे भिक्ख अडरेयपमाणं रयहरणं घरेइ घरेंतं वा साइजाइ ॥ ३७४ ॥ जे भिक्ख सुहमाइं रयहरणसीसाइं करेइ करेंतं वा साइजाइ ॥ ३७५ ॥ जे भिक्खू रयहरणस्स एकं बंधं देइ देंतं वा साइजाइ ॥ ३७६ ॥ जे भिक्खू रयहरणं कंड्सगबंधेणं वंधड बंधंतं वा साइजाइ ॥ ३७७ ॥ जे भिक्खू रयहरणं अविहीए बंधइ बंधंतं वा साइजाइ ॥ ३७८ ॥ जे भिक्खू रयहरणं एगेण बंधेण बंधइ बंधंतं वा साइजाइ ॥ ३७९ ॥ जे भिक्ख रयहरणस्स परं तिण्हं बंघाणं देइ देंतं वा साइजाइ ॥ ३८० ॥ जे भिक्खू रयहरणं अणिसट्टं धरेइ धरेंतं वा साइजइ ॥ ३८१ ॥ जे भिक्खू रयहरणं वोसट्टं घरेंद्र घरेंत्रं वा साइज्जइ ॥ ३८२ ॥ जे भिक्खू रयहरणं अभिक्खणं २ अहिट्ठेइ अहिट्ठेंतं वा साइजाइ ॥ ३८३ ॥ जे भिक्ख रयहरणं उस्सीसमूळे ठवेइ ठवेंतं वा साइजइ ॥ ३८४ ॥ जे भिक्ख रयहरणं तुयट्टेंह तुयट्टेंतं वा साइजाइ । तं सेवमाणे आवज्जइ मासियं परिहारद्वाणं उग्घाइयं ॥ ३८५॥ णिसीहऽज्झयणे पंचमो उहेसो समत्तो ॥ ५॥

छट्टो उद्देसो

जे भिक्खू माउग्गामं मेहुणपिडयाए विण्णवेइ विण्णवेतं वा साइजाइ ॥ ३८६ ॥ जे भिक्खु माउग्गामस्स मेहणपिडयाए हत्थकम्मं करेड करेंतं वा साइजाइ ॥ ३८७॥ जे भिक्ख माउग्गामस्स मेहणपिडयाए अंगादाणं कट्टेण वा किलिंचेण वा अंगुलि-याए वा सलागाए वा संचालेइ संचालेतं वा साइजाइ ॥ ३८८ ॥ जे भिक्खू माउग्गामस्स मेहुणपिडयाए अंगादाणं संवाहेज वा पिलमहेज वा संवाहेतं वा पिलमहेतं वा साइजाइ ॥ ३८९ ॥ जे भिक्खू माउग्गामस्स मेहणविडयाए अंगादाणं तेहिण वा घएण वा णवणीएण वा अब्भंगेज वा सक्खेज वा अब्भंगेतं वा मक्खेंतं वा साइजाइ ॥ ३९० ॥ जे भिक्ख् माउग्गामस्स मेहुणविडयाए अंगादाणं कक्केण वा लोद्धेण वा परमञ्जूणोण वा ण्हाणेण वा सिणाणेण वा जुण्णेहिं वा वण्णेहिं वा उन्बट्टेड वा परिबट्टेड वा उन्बट्टेंतं वा परिबट्टेंतं वा साइजाइ ॥ ३९१ ॥ जे भिक्खू माउग्गामस्स मेहुणविडयाए अंगादाणं सीओद्गवियडेण वा उसिणोद्गवियडेण वा उच्छोळेज वा पधोएज वा उच्छोळेंतं वा पधोएंतं वा साइजइ ॥ ३९२ ॥ जे भिक्खू माउग्गामस्स मेहणविडयाए अंगादाणं णिच्छ्लेड णिच्छलेंतं वा साइजाइ॥ ३९३॥ जे भिक्ख माउग्गामस्स मेहणविडयाए अंगादाणं जिग्घइ जिग्घंतं वा साइज्जइ ॥ ३९४ ॥ जे भिक्खू माउग्गामस्स मेहणविडयाए अंगादाणं अण्णयरंसि अचित्तंसि सोयंसि अणुपवेसेता सक्कपोरगले णिरघायङ णिरघायंतं वा साइजाइ ॥ ३९५ ॥ जे भिक्ख माउग्गामं मेहणवडियाए (अवाउडिं) सयं कुज्जा सयं वृया करेंतं वा (वृएंतं वा) साइजाइ ॥ ३९६ ॥ जे भिक्खू माङग्गामस्स मेहणवडियाए कलहं कुजा कलहं ब्रया कलहवडियाए गच्छइ गच्छंतं वा साइजाइ ॥ ३९७ ॥ जे भिक्खू माउग्गामस्स मेहुणविडयाए लेहं लिहइ लेहं लिहावेइ लेहविडयाए वा गच्छइ गच्छतं वा साइजइ ॥ ३९८ ॥ जे भिक्ख् माउग्गामस्स मेहुणविडयाए पिट्ठंतं वा सोयं(तं) वा पोसंतं वा भ(हि)हायएण उप्पाएइ उप्पाएंतं वा साइजइ ॥ ३९९ ॥ जे भिक्ख् माउग्गामस्स मेहणविडयाए पिट्टंतं वा सोयं वा पोसंतं वा मल्लायएण उप्पाएता सीओदगवियडेण वा उसिणोदगवियडेण वा उच्छोलेज वा पधोएज वा उच्छोलेतं वा पधोएंतं वा साइजइ ॥ ४०० ॥ जे भिक्ख माउग्गामस्स मेहणवडियाए पिट्ठंतं वा सोयं वा पोसंतं वा उच्छोळेता पधोएता अण्णयरेण आलेवणजाएणं आलिंपेज वा विलिंपेज वा आर्लिपंतं वा विलिपंतं वा साइजाइ ॥ ४०१ ॥ जे भिक्खू माउग्गामस्स मेहण-विडियाए पिद्रंतं वा सोर्यं वा पोसंतं वा उच्छोलेता पधोएता आलिंपेता विलिंपेता तेहेण वा घएण वा णवणीएण वा अन्भंगेज वा मक्खेज वा अन्भंगेतं वा मक्खेंतं वा साइजाइ ॥ ४०२ ॥ जे भिक्खू माउग्गामस्स मेहुणविडियाए पिट्टंतं वा सोयं वा पोसंतं वा उच्छोलेता पधोएता आलिंपेता विलिंपेता अन्भंगेता मक्खेता अण्णयरेणं ध्वणजाएणं ध्रवेज वा पध्वेज वा ध्रवेतं वा पध्वेतं वा साइजाइ ॥ ४०३ ॥ जे भिक्ख माउग्गामस्स मेहणविडियाए किसणाई वत्थाई धरेइ धरेंतं वा साइजाइ ॥ ४०४ ॥ जे भिक्ख माउग्गामस्स मेहणविडयाए अहयाई वत्थाई धरेई घरेंतं वा साइजइ ॥ ४०५ ॥ जे भिक्ख् माउग्गामस्स मेहुणविडयाए धोवरत्ताइं वत्थाइं धरेइ धरेंतं वा साइजइ ॥ ४०६ ॥ जे भिक्ख माउग्गामस्स मेहणविषयाए चित्ताइं वत्थाइं धरेइ धरेंतं वा साइजाइ॥ ४०७॥ जे भिक्ख माउग्गामस्स मेहणविषयाए विचित्ताइं वत्थाई घरेइ घरेतं वा साइजड ॥ ४०८ ॥ जे भिक्ख् माउग्गामस्स मेहुणविडयाए अप्पणो पाए आमजेज वा पमजेज वा आमजंतं वा पमजंतं वा साइजइ ॥ ४०९ ॥ जे भिक्ख माउग्गा-मस्स मेहणविडयाए अप्पणो पाए संवाहेज वा पिलमहेज वा संवाहेंतं वा पिल-महेंतं वा साइजाइ ॥ ४१० ॥ जे भिक्ख माउग्गामस्स मेहणविडयाए अप्पणो पाए तेह्रेण वा घएण वा गवणीएण वा मक्खेज वा मिठिंगेज वा मक्खेंतं वा भिलिंगेंतं वा साइजाइ ॥ ४११ ॥ जे भिक्खू माउग्गामस्स मेहणविडयाए अप्पणो पाए लोद्रेण वा कक्केण वा उल्लोलेज वा उल्लेहेज वा उल्लोलेंत वा उल्लोहेत वा साइजइ ॥ ४१२ ॥ जे भिक्ख माउग्गामस्स मेहुणविडयाए अप्पणो पाए सीओदगवियडेण वा उसिणोदगवियडेण वा उच्छोलेज वा पधोएज वा उच्छोलेंतं वा पधोएंतं वा साइजाइ ॥ ४१३ ॥ को भिक्खू माउग्गामस्स मेहणविडयाए अप्पणो पाए फूमेज वा रएज वा फुमेंतं वा रएंतं वा साइजाइ ॥ ४१४ ॥ जे भिक्खू माउग्गामस्स मेहणविडयाए अप्पणो कार्य आमजेज वा पमजेज वा आमज्जंतं वा पमज्जंतं वा साइजइ ॥ ४१५ ॥ जे भिक्खू माउग्गामस्स मेहण-विडियाए अप्पणो कार्य संवाहेज वा पिलमहेज वा संवाहेंतं वा पिलमहेतं वा साइजाइ ॥ ४१६ ॥ जे भिक्ख् माउग्गामस्स मेहुणविडयाए अप्पणो कायं तेह्रेण वा घएण वा णवणीएण वा मक्खेज वा भिलिंगेज वा मक्खेंत वा भिलिंगेत वा साइजड ॥ ४१७॥ जे भिक्ख माउग्गामस्स मेहणविडयाए अप्पणो कायं लोद्धेण वा ककेण वा उल्लेखेज वा उल्वेहेज वा उल्लेखेतं वा उल्वेहेतं वा साइजाइ ॥ ४१८ ॥ जे भिक्ख माउग्गामस्स मेहुणविडयाए अप्पणो कायं सीओद्गवियडेण वा उसि-णोदगवियडेण वा उच्छोळेज वा पघोएज वा उच्छोळेंतं वा पघोएंतं वा साइजइ ॥ ४१९ ॥ जे भिक्खू माउग्गामस्स मेहणविडयाए अप्पणो कार्य फ्रमेज वा रएज वा फूमेंतं वा रएंतं वा साइजाइ ॥ ४२० ॥ जे भिक्खू माउग्गामस्स मेहणविडयाए अप्पणो कायंति वणं आमजोज वा पमजोज वा आमजोतं वा पमजोतं वा साइजाइ ॥ ४२१ ॥ जे भिक्खू माउग्गामस्स मेहणविडयाए अप्पणो कार्यस वणं संवाहेज वा पिलमेहेज वा संवाहेंतं वा पिलमेहेतं वा साइजाइ ॥ ४२२ ॥ जे भिक्खू माउग्गामस्स मेहणविडयाए अप्पणो कार्यसे वणं तेल्लेण वा घएण वा णवणीएण वा मक्खेज वा मिलिंगेज वा मक्खेंतं वा मिलिंगेतं वा साइजइ ॥ ४२३ ॥ जे भिक्ख माउग्गामस्स मेहणविडयाए अप्पणो कार्यस वर्ण लोद्धेण वा कक्केण वा उल्लोलेज वा उन्बहेज वा उल्लोलेतं वा उन्बहेतं वा साइज्जइ ॥ ४२४ ॥ जे भिक्खू माउग्गामस्स मेहणविडयाए अप्पणो कायंसि वणं सीओदगवियडेण वा उसिणो-दगवियडेण वा उच्छोळेज वा पघोएज वा उच्छोळेंतं वा पघोएंतं वा साइजाइ ॥ ४२५ ॥ जे भिक्खू माउग्गामस्स मेहणविडयाए अप्पणो कार्यसि वर्ण फूमेज वा रएज वा फुमेंतं वा रएंतं वा साइजाइ ॥ ४२६ ॥ जे भिक्ख माउग्गामस्स मेहणवडियाए अप्पणो कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदेज वा विच्छिदेज वा अच्छिदेतं वा विच्छिदेंतं वा साइजाइ ॥ ४२७ ॥ जे भिक्खू माउग्गामस्स मेहुणविडयाए अप्पणो कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदिता विच्छिदिता पूर्व वा सोणियं वा णीहरेज वा विसोहेज वा णीहरेंतं वा विसोहेंतं वा साइजाइ ॥ ४२८ ॥ जे भिक्ख माउग्गा-मस्स मेहणविडयाए अप्पणो कायंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्यजाएणं अच्छिदिता विच्छिदिता णीहरित्ता विसोहेत्ता सीओदगवियडेण वा उसिणोदगवियडेण वा उच्छोळेजा वा पथोएज वा उच्छोठेंतं वा पथोएंतं वा साइजइ ॥ ४२९ ॥ जे भिक्ख् माउग्गा-मस्स मेहणविडयाए अप्पणो कार्यसि गंडं वा पिलगं वा अरइयं वा अंसियं वा भगं-दलं वा अण्णयरेणं तिक्खेणं सत्यजाएणं अचिछिदित्ता विचिछिदित्ता णीहरित्ता विसोहेत्ता पघोएता अण्णयरेणं आलेवणजाएणं आलिपेज वा विलिपेज वा आलिपेतं वा विलिपेतं वा साइजाइ ॥ ४३० ॥ जे भिक्ख माउग्गामस्स मेहणविडयाए अप्पणो कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदित्ता विच्छिदिता णीहरिता विसोहेता उच्छोलेता पधोएताः आिंपेता विलिंपेता तेहेण वा घएण वा णवणीएण वा अन्मेंगेज्ञ वा मक्खेजा वा अब्भंगेतं वा मक्खेंतं वा साइजइ ॥ ४३१ ॥ जे भिक्ख माउग्गामस्स मेहण-

विद्याण अप्पणी कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदित्ता विच्छिदिता णीहरिता विसोहेता उच्छो-लेता पधोएता आलिंपेता विलिंपेता अब्भिगेता मक्खेता अण्णयरेणं ध्वणजाएणं ध्वेज वा पध्वेज वा ध्वेंतं वा पध्वेंतं वा साइजइ॥ ४३२॥ जे भिक्ख् माउग्गा-मस्स मेहणविडयाए अप्पणो पालुकिमियं वा कुच्छिकिमियं वा अंगुलीए णिवेसिय २ णीहरेइ णीहरेंतं वा साइजाइ॥ ४३३॥ जे भिक्खू माछग्गामस्स मेहणविड-याए अप्पणो दीहाओ णहसिहाओ कप्पेज वा संठवेज वा कप्पेंतं वा संठवेंतं वा साइजइ ॥ ४३४ ॥ जे भिक्ख् माउग्गामस्स मेहुणविडयाए अप्पणो दीहाई जंघ-रोमाइं कप्पेज वा संठवेज वा कप्पेंतं वा संठवेंतं वा साइजइ ॥ ४३५ ॥ जे भिक्ख माउग्गामस्स मेहणविडयाए अप्पणो० कक्खरोमाई कप्पेज वा संठवेज वा कप्पेंतं वा संठवेंतं वा साइजाइ ॥ ४३६ ॥ जे भिक्खू माउग्गामस्स मेहुणविडयाए अप्पणो॰ मंसुरोमाई कप्पेज वा संठवेज वा कप्पेतं वा संठवेंतं वा साइजइ ॥ ४३७ ॥ जे भिक्ख माउग्गामस्स मेहुणविडयाए अप्पणो० णासारोमाई कप्पेज वा संठवेज वा कप्पेंतं वा संठवेंतं वा साइजइ ॥ ४३८ ॥ जे भिक्ख माउग्गामस्स मेहण-विडियाए अप्पणो॰ चक्खरोमाईं कप्पेज वा संठवेज वा कप्पेंतं वा संठवेंतं वा साइजइ ॥ ४३९-१ ॥ जे भिक्ख् माउग्गामस्स मेहुणविडयाए अप्पणो० कण्णरोमाइं कप्पेज वा संठवेज वा कप्पेंतं वा संठवेंतं वा साइजइ॥ ४३९-२॥ जे भिक्खू माउग्गा-मस्स मेहणविडयाए अप्पणो दंते आघंसेज वा पघंसेज वा आघंसंतं वा पघंसंतं वा साइजइ ॥ ४४० ॥ जे भिक्ख माउग्गामस्स मेहणविडयाए अप्पणो दंते उच्छोळेज वा प्रघोएज वा उच्छोठेंतं वा प्रघोएंतं वा साइजाइ ॥ ४४१ ॥ जे भिक्ख माउग्गामस्स मेहणविडयाए अप्पणो दंते फूमेज वा रएज वा फूमेंतं वा रएंतं वा साइजइ ॥ ४४२ ॥ जे भिक्ख् माउग्गामस्स मेहुणविडयाए अप्पणो उद्वे आमजेज वा पमजेज वा आमजंतं वा पमजंतं वा साइजइ ॥ ४४३ ॥ जे भिक्ख माउग्गा-मस्स मेहणविडयाए अप्पणो उद्वे संवाहेज वा पिलमहेज वा संवाहेंतं वा पिलमहेतं वा साइजाइ ॥ ४४४ ॥ जे भिक्ख माउग्गामस्स मेहणविडयाए अप्पणो उद्वे तेल्लेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेतं वा साइजइ ॥ ४४५ ॥ जे भिक्खू माउग्गामस्य मेहुणविडयाए अप्पणो उद्ने लोबेण वा कक्केण वा उल्लोलेज वा उल्वहेज वा उल्लोलेतं वा उल्वहेतं वा साइजड ॥ ४४६ ॥ जे भिक्ख् माउग्गामस्स मेहणविडयाए अप्पणो उद्दे सीओदगवियडेण वा उसिणोदगवियडेण वा उच्छोलेज वा पघोएज वा उच्छोलेंतं वा पघोएंतं वा

साइजइ ॥ ४४७ ॥ जे भिक्ख माउग्गामस्स मेहणविडयाए अप्पणो उद्वे फ्रमेज वा रएज वा फ़र्मेतं वा रएंतं वा साइजाइ ॥ ४४८ ॥ जे भिक्खू माउग्गामस्स मेहण-विडयाए अप्पणो दीहाई उत्तरोद्वरोमाई कप्पेज वा संठवेज वा कप्पेंतं वा संठवेंतं वा साइजाइ ॥ ४४९ ॥ जे भिक्खु माउग्गामस्स मेहणविडयाए अप्पणो दीहाई अच्छि-पत्ताइं कप्पेज वा संठवेज वा कप्पेंतं वा संठवेंतं वा साइजाइ ॥ ४५० ॥ जे भिक्ख माउग्गामस्य मेहणविडयाए अप्पणो अच्छीणि आमजेज वा पमजेज वा आमजंतं वा पमज्जंतं वा साइजइ ॥ ४५१ ॥ जे भिक्खू माउग्गामस्स मेहुणविडयार अप्पणो अच्छीणि संवाहेज वा पिलमहेज वा संवाहेंतं वा पिलमहेतं वा साइजाइ॥ ४५२॥ जे भिक्ख माउग्गामस्स मेहणविडयाए अप्पणो अच्छीणि तेह्रेण वा घएण वा णवणी-एण वा मक्खेज वा भिलिंगेज वा मक्खेंतं वा भिलिंगेतं वा साइजाइ ॥ ४५३ ॥ जे भिक्ख माउग्गामस्स मेहणविडयाए अप्पणो अच्छीणि लोद्धेण वा कक्केण वा उल्लोलेज वा उन्बहेज वा उल्लोरेंतं वा उन्बहेंतं वा साइजइ ॥ ४५४ ॥ जे भिक्खू माउ-गगामस्स मेहणविडयाए अप्पणो अच्छीणि सीओदगवियडेण वा उसिणोदगवियडेण चा उच्छोलेज वा पघोएज वा उच्छोलेंतं वा पघोएंतं वा साइजइ ॥ ४५५ ॥ जे भिक्खू माउग्गामस्स मेहणवडियाए अप्पणो अच्छीणि फूमेज वा रएज वा फूमेंतं वा रएंतं वा साइजाइ ॥ ४५६ ॥ जे भिक्खू माउग्गामस्स मेहणविडयाए अप्पणो दीहाई भुमगरोमाइं कप्पेज वा संठवेज वा कप्पेतं वा संठवेतं वा साइजाइ ॥ ४५०॥ जे भिक्ख माउग्गामस्स मेहणविडयाए अप्पणो दीह इं पासरोमाई कप्पेज वा संठवेज वा कप्पेतं वा संठवेंतं वा साइजइ ॥ ४५८-१ ॥ कसरामाइं । ॥ ४५८-२ ॥ जे भिक्ख माउग्गामस्स मेहणवडियाए अप्पणो अच्छिमलं वा कण्णमलं वा दंतमलं वा गहमलं वा णीहरेज वा विसोहेज वा णीहरेंतं वा विसोहेंतं वा साइजाइ ॥ ४५९ ॥ जे भिक्ख माउग्गामस्स मेहणविडयाए अप्पणो कायाओ सेयं वा जहं वा पंकं वा मलं वा णीहरेज वा विसोहेज वा णीहरेंतं वा विसोहेंतं वा साइजइ ॥ ४६० ॥ जे भिक्खू माउग्गामस्स मेहणविडयाए गामाणुगामं दृङ्जमाणे सीसदुवारियं करेइ करेंतं वा साइ-जाइ ॥ ४६१ ॥ जे भिक्खू माउग्गामस्स मेहणविडयाएँ खीरं वा दिहें वा णवणीयं वा सर्पि वा गुलं वा खंडं वा सक्करं वा मच्छंडियं वा अण्णयरं वा पणीयं आहारं आहारेइ आहारेंतं वा साइजाइ । तं सेवमाणे आवजाइ चाउम्मासियं परिहारद्वाणं अणुग्चाइयं ॥ ४६२ ॥ णिसीहऽज्झयणे छहो उद्देसो समत्तो ॥ ६ ॥ सत्तमो उहेसो

जे भिक्ख माउग्गामस्स मेहणविषयाए तणमालियं वा मुंजमालियं वा वेत-

मालियं वा मयणमालियं वा पिंछमालियं वा पोंडियदंतमालियं वा सिंगमालियं वा संखमालियं वा हडूमालियं वा भिंडमालियं वा कट्टमालियं वा पत्तमालियं वा प्रप्फ-मालियं वा फलमालियं वा बीयमालियं वा हरियमालियं वा करेड करेंतं वा साइजाड ॥ ४६३ ॥ जे भिक्ख माउग्गामस्स मेहणविडयाए तणमालियं वा मुंजमालियं वा वेत्तमालियं वा मयणमालियं वा पिंछमालियं वा पोंडियदंतमालियं वा सिंगमालियं वा संखमालियं वा हड्डमालियं वा भिंडमालियं वा कट्टमालियं वा पत्तमालियं वा पुष्फमालियं वा फलमालियं वा बीयमालियं वा हरियमालियं वा धरेइ धरेंतं वा साइजाइ ॥ ४६४ ॥ जे भिक्खू माउग्गामस्स मेहणविडयाए तणमालियं वा मुंज-मालियं वा वेत्तमालियं वा मयणमालियं वा पिंछमालियं वा पोंडियदंतमालियं वा सिंगमालियं वा संखमालियं वा हडूमालियं वा भिंडमालियं वा कट्टमालियं वा पत्त-मालियं वा पुष्फमालियं वा फलमालियं वा बीयमालियं वा हरियमालियं वा पिण[ङ्क]द्धइ पिणद्धंतं वा साइज्जइ॥ ४६५॥ जे भिक्खू माउग्गामस्स मेहणविडयाए अयलोहाणि वा तंबलोहाणि वा तउयलोहाणि वा सीसगलोहाणि वा रूपलोहाणि वा मुवण्णलोहाणि वा करेइ करेंतं वा साइजाइ॥ ४६६॥ जे भिक्ख माउग्गामस्स मेहणवडियाए अयलोहाणि वा तंबलोहाणि वा तउयलोहाणि वा सीसगलोहाणि वा रुप्पलोहाणि वा सुवण्णलोहाणि वा धरेइ धरेंतं वा साइज्जइ ॥ ४६७ ॥ जे भिक्खू माउग्गामस्स मेहुणविडयाए अयलोहाणि वा तंबलोहाणि वा तज्यलोहाणि वा सीसगलोहाणि वा रूपलोहाणि वा सुवण्णलोहाणि वा परिभुंजइ परिभुंजंतं वा साइज्जइ ॥ ४६८ ॥ जे भिक्ख् माउग्गामस्स मेहुणविडयाए हाराणि वा अद्धहाराणि वा एगावली वा मुत्तावली वा कणगावली वा रयणावली वा कडगाणि वा तुडियाणि वा केऊराणि वा कुंडलाणि वा पद्वाणि वा मउडाणि वा पलंबसुत्ताणि वा सुवण्ण-मुत्ताणि वा करेइ करेंतं वा साइजइ ॥ ४६९ ॥ जे भिक्खू माउग्गामस्स मेहण-विडियाए हाराणि वा अद्धहाराणि वा एगावठी वा मुत्तावठी वा कणगावठी वा रयणावली वा कडगाणि वा तुडियाणि वा केऊराणि वा कुंडलाणि वा पट्टाणि वा मउडाणि वा पलंबसुताणि वा सुवण्णसुत्ताणि वा धरेइ घरेंतं वा साइज्जइ ॥ ४७० ॥ जे भिक्ख, माउग्गामस्स मेहुणविडयाए हाराणि वा अद्धहाराणि वा एगावली वा मुत्तावली वा कणगावली वा रयणावली वा कडगाणि वा तुडियाणि वा केऊराणि वा कुंडलाणि वा पद्माणि वा मंउडाणि वा पलंबसत्ताणि वा सुवण्णसत्ताणि वा परिभुंजइ परिभुंजंतं वा साइजाइ ॥ ४७१ ॥ जे भिक्ख् माउग्गामस्स मेहुणविडयाए आईणाणि वा आईणपावराणि वा कंबलाणि वा कंबलपावराणि वा कोयरा(वा)णि

वा कोयर(व)पावराणि वा कालमियाणि वा णीलमियाणि वा सामाणि वा मि(मा)हा-सामाणि वा उद्दाणि वा उद्देलेस्साणि वा वाचाणि वा विवाधाणि वा परवंगाणि वा सहिणाणि वा सहिणकल्लाणि वा खोमाणि वा दुगुल्लाणि वा (तिरीडपद्वाणि वा) पतु-[ल्ला]ण्णाणि वा आवरंताणि वा वी(ची)णाणि वा अंसुयाणि वा कणककंताणि वा कणग-खिचयाणि वा कणगिचताणि वा कणगिविचित्ताणि वा आभरणविचित्ताणि वा करेड करेंतं वा साइजाइ ॥ ४७२ ॥ जे भिक्ख् माउग्गामस्स मेहुणविडयाए आईणाणि वा आईणपावराणि वा कंबलाणि वा कंबलपावराणि वा कोयराणि वा कोयरपाव-राणि वा कालमियाणि वा णीलमियाणि वा सामाणि वा मिहासामाणि वा उद्दाणि वा उड्टलेस्साणि वा वग्घाणि वा विवग्घाणि वा परवंगाणि वा सहिणाणि वा सहिणक-ल्लाणि वा खोमाणि वा दुगुल्लाणि वा पतुण्णाणि वा (पणलाणि वा) आवरंताणि वा वीणाणि वा अंसुयाणि वा कणककंताणि वा कणगचित्ताणि वा कणगविचित्ताणि वा आभरणविचित्ताणि वा धरेइ धरेंतं वा साइज्जइ॥ ४७३॥ जे भिक्ख् माउग्गा-मस्स मेहुणविडयाए आईणाणि वा आईणपावराणि वा कंबलाणि वा कंबलपावराणि वा कोयराणि वा कोयरपावराणि वा कालमियाणि वा णीलमियाणि वा सामाणि वा मिहासामाणि वा उद्दाणि वा उद्देलेस्साणि वा वनघाणि वा विवनघाणि वा पर-वंगाणि वा सहिणाणि वा सहिणकल्लाणि वा खोमाणि वा दुगुल्लाणि वा पतुण्णाणि वा आवरंताणि वा वीणाणि वा अंसुयाणि वा कणककंताणि वा कणगचित्ताणि वा कणगविचित्ताणि वा आभरणविचित्ताणि वा परिभुंजइ परिभुंजंतं वा साइजइ ॥ ४७४ ॥ जे भिक्ख् माउग्गामस्स मेहुणविडयाए अ(विंख)क्खंसि वा ऊरंसि वा उयरंसि वा थणंसि वा गहाय संचालेइ संचालेंतं वा साइजइ ॥ ४७५॥ जे भिक्ख माउग्गामस्स मेहुणविडयाए अण्णमण्णस्स पाए आमजेज वा पमजेज वा आमज्जंतं वा पमज्जंतं वा साइजाइ ॥ ४७६ ॥ जे भिक्ख् माउग्गामस्स मेहुण-विडियाए अण्णमण्णस्स पाए संवाहेज वा पिलमेहेज वा संवाहेतं वा पिलमेहेतं वा साइज्जइ ॥ ४७७ ॥ जे भिक्ख् माउग्गामस्स मेहुणविडयाए अण्णमण्णस्स पाए तेल्लेण वा घएण वा णवणीएण वा मक्खेज वा मिलिंगेज वा मक्खेंत वा भिलिंगेंतं वा साइजइ ॥ ४७८ ॥ जे भिक्ख माउग्गामस्स मेहुणविडियाए अण्णमण्णस्स पाए लोद्धेण वा कक्केण वा उल्लोलेज वा उल्वेहेज वा उल्लोलेतं वा उव्वहेंतं वा साइजाइ ॥ ४७९ ॥ जे भिक्ख् माउग्गामस्स मेहुणविडयाए अण्ण-मण्णस्स पाए सीओदगवियडेण वा उसिणोदगवियडेण वा उच्छोळेज वा पधोएज वा उच्छोलेतं वा पधोएंतं वा साइजाइ ॥ ४८० ॥ जे भिक्खू माउग्गामस्स मेहण-

विडियाए अण्णमण्णस्स पाए फूमेज वा रएज वा फूमेंतं वा रएंतं वा साइजइ 11 ४८१ ॥ जे भिक्ख माउग्गामस्स मेहणविडयाए अण्णमण्णस्स कार्य आमजेज वा पमजेज वा आमजंतं वा पमजंतं वा साइजइ ॥ ४८२ ॥ जे भिक्ख् माउग्गा-मस्स मेहुणविडयाए अण्णमण्णस्स कायं संवाहेज वा पिलमेहेज वा संवाहेंतं वा पिलमेंद्रेतं वा साइजाइ ॥ ४८३ ॥ जे भिक्खू माउग्गामस्स मेहणविडयाए अण्ण-मण्णस्स कार्य तेहिण वा घएण वा णवणीएण वा मक्खेज वा भिलिंगेज वा मक्खेंतं वा मिलिंगेंतं वा साइजाइ ॥ ४८४ ॥ जे भिक्खू माउग्गामस्स मेहणविड-याए अण्णमण्णस्स कायं लोद्धेण वा कक्केण वा उल्लोलेज वा उल्लाहेज वा उल्लोलेतं वा उब्बहेंतं वा साइजाइ ॥ ४८५ ॥ जे भिक्खू माउग्गामस्स मेहणविडयाए अण्णमण्णस्स कायं सीओदगवियडेण वा उसिणोदगवियडेण वा उच्छोळेज वा पधो-एज वा उच्छोठेंतं वा पधोएंतं वा साइजाइ ॥ ४८६ ॥ जे भिक्ख, माउग्गामस्स मेहुणविडयाए अण्णमण्णस्स कायं फूमेज वा रएज वा फूमेंतं वा रएंतं वा साइजइ ॥ ४८७॥ जे भिक्ख माउग्गामस्स मेहणविडयाए अण्णमण्णस्स कार्यसि वर्ण आम-जेज वा पमजेज वा आमजंतं वा पमजंतं वा साइजइ॥ ४८८॥ जे भिक्खू माउग्गा-मस्स मेहणविडयाए अण्णमण्णस्स कायंसि वणं संवाहेज वा पिलमहेज वा संवाहेतं वा पिलमहेतं वा साइजाइ ॥ ४८९ ॥ जे भिक्खू माउग्गामस्स मेहणविडयाए अण्ण-मण्णस्स कार्यसि वणं तेह्रेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेंतं वा साइजाइ॥ ४९०॥ जे भिक्खू माउग्गामस्स मेहणविडयाए अण्णमण्णस्य कार्यसि वर्ण लोद्धेण वा कक्केण वा उल्लेखेज वा उल्लेहेज वा उल्लेखेतं वा उन्बहेंतं वा साइजाइ ॥ ४९१ ॥ जे भिक्खू माउग्गामस्स मेहणविडयाए अण्ण-मण्णस्स कायंसि वणं सीओदगवियडेण वा उत्तिणोदगवियडेण वा उच्छोळेज वा पधोएज वा उच्छोलेंतं वा पधोएंतं वा साइजइ ॥ ४९२ ॥ जे भिक्खू माउग्गामस्स मेहुणविडयाए अण्णमण्णस्स कायंसि वणं फूमेज वा रएज वा फूमेंतं वा रएंतं वा साइजइ ॥ ४९३ ॥ जे भिक्खू माउग्गामस्स मेहणविडयाए अण्णमण्णस्स कायंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्यजाएणं अच्छिदेज वा विच्छिदेज वा अच्छिदेतं वा विच्छिदेतं वा साइजइ ॥ ४९४ ॥ जे भिक्ख माउग्गामस्स मेहणविडयाए अण्णमण्णस्स कार्यसे गंडं वा पिलगं वा अरइयं वा अंसियं वा भगंद्रुं वा अण्णयरेणं तिक्खेणं सत्थजाएणं अच्छिदिता विच्छिदिता पूरं वा सोणियं वा णीहरेज वा विसोहेज वा णीहरेंतं वा विसोहेंतं वा साइजइ ॥ ४९५ ॥ जे भिक्खू माउग्गामस्स मेहणवडियाए अण्णमण्णस्स कार्यंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अर्च्छिदित्ता विर्च्छिदित्ता णीहरित्ता विसोहेत्ता सीओद्गवियडेण वा उसिणोद्गवियडेण वा उच्छोलेज वा पधोएज वा उच्छोलेंतं वा पधोएंतं वा साइजइ ॥ ४९६ ॥ जे भिक्खू माउग्गामस्स मेहणविडयाए अण्णमण्णस्स कायंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदिता विच्छिदिता णीहरित्ता विसोहेत्ता उच्छोलेता पधोएता अण्णयरेणं आलेवणजाएणं आलिंपेज वा विलिंपेज वा आलिंपंतं वा विलिंपंतं वा साइजाइ ॥ ४९७॥ जे भिक्खू माउग्गामस्स मेहुणविडयाए अण्णमण्णस्स कायंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदित्ता विच्छिदित्ता णीहरित्ता विसोहेत्ता उच्छोलेता पथोएता आलिंपिता विलिंपिता तेल्लेण वा घएण वा णवणीएण वा अब्मंगेज वा मक्खेज वा अब्मंगेंतं वा मक्खेंतं वा साइजइ ॥ ४९८॥ जे भिक्ख् माउग्गामस्स मेहणवडियाए अण्णमण्णस्स कायंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अचिछदिता विचिछिदिता णीहरेता विसोहेत्ता उच्छोळेत्ता पधोएता आलिंपेता अन्भंगेता अण्णयरेणं ध्वणजाएणं ध्रुवेज वा पध्वेज वा धूवेंतं वा पध्वेंतं वा साइजइ॥ ४९९ ॥ जे भिक्ख् माउग्गामस्स मेहुण-विडयाए अण्णमण्णस्स पालुिकिमियं वा कुच्छिकिमियं वा अंगुलीए णिवेसिय २ णीहरइ णीहरंतं वा साइजाइ ॥ ५०० ॥ जे भिक्ख् माउग्गामस्स मेहणविडयाए अण्णमण्णस्स दीहाओ णहसिहाओ कप्पेज वा संठवेज वा कप्पेतं वा संठवेंतं वा साइजइ॥ ५०९॥ जे भिक्ख माउग्गामस्स मेहणविडयाए अण्णमण्णस्स दीहाई जंघरोमाई कप्पेज वा संठवेज वा कप्पेंतं वा संठवेंतं वा साइजइ ॥ ५०२ ॥ जे भिक्ख् माउग्गामस्स मेहुण-विडयाए अण्णमण्णस्स दीहाई कक्खरोमाई कप्पेज वा संठवेज वा कप्पेतं वा संठवेतं वा साइजाइ ॥ ५०३ ॥ जे भिक्ख माउग्गामस्स मेहणविडयाए अण्णमण्णस्स दीहाई मंसुरोमाई कप्पेज वा संठवेज वा कप्पेंतं वा संठवेंतं वा साइजइ ॥ ५०४॥ जे भिक्ख माउग्गामस्स मेहुणविडयाए अण्णमण्णस्स दीहाई णासारोमाई कप्पेज वा संठवेज वा कप्पेंतं वा संठवेंतं वा साइजाइ ॥ ५०५ ॥ जे भिक्ख् माउग्गामस्स मेहुणविड-याए अण्णमण्णस्स दीहाई चक्खुरोमाई कप्पेज वा संठवेज वा कप्पेंतं वा संठवेंतं वा साइज्जइ ॥ ५०६-१ ॥ जे भिक्ख् माउग्गामस्स मेहणविडयाए अण्णमण्णस्स दीहाई कणरोमाई कप्पेज वा संठवेज वा कप्पेतं वा संठवेतं वा साइजइ॥ ५०६-२॥ जे भिक्खू माउग्गामस्स मेहुणविडयाए अण्णमण्णस्स दंते आवंसेज वा पघंसेज वा आघंसंतं वा पघंसंतं वा साइजइ॥ ५००॥ जे भिक्खू माउग्गामस्स मेहुणविडयाए अणामणास्स दंते उच्छोलेज वा पधोएज वा उच्छोलेंतं वा पधोएंतं वा साइजइ ॥ ५०८ ॥ जे भिक्ख् माउग्गामस्स मेहुणविडयाए अण्णमण्णस्स दंते फूमेज वा रएज वा फूमेंतं वा रएंतं वा साइजइ ॥ ५०९ ॥ जे भिक्ख् माउग्गामस्स मेहण-विडियाए अण्णमण्णस्स उद्वे आमजेज वा पमजेज वा आमजंतं वा पमजंतं वा साइज्जइ ॥ ५१० ॥ जे भिक्ख् माउग्गामस्स मेहुणविडयाए अण्णमण्णस्स उद्रे संवाहेज वा पलिमहेज वा संवाहेंतं वा पलिमहेंतं वा साइजइ ॥ ५११ ॥ जे भिक्खू माउग्गामस्स मेहुणविडयाए अण्णमण्णस्स उद्वे तेल्लेण वा घएण वा णवणीएण वा मक्खेज वा भिर्लिगेज वा मक्खेंतं वा भिर्लिगेंतं वा साइज्जइ ॥ ५१२॥ जे भिक्खू माउग्गामस्स मेहुणविडयाए अण्णमण्णस्स उद्वे लोद्धेण वा कक्केण वा उल्लोकेज वा उठ्वट्टेज वा उल्लोरेंतं वा उठ्वट्टेंतं वा साइजइ ॥ ५१३ ॥ जे भिक्खू माउग्गामस्स मेहणविडयाए अण्णमण्णस्स उद्वे सीओदगवियडेण वा उसिणोदगवियडेण वा उच्छो-लेज वा पधोएज वा उच्छोलेंतं वा पधोएंतं वा साइजइ ॥ ५१४ ॥ जे भिक्खू माउग्गामस्स मेहणविडयाए अण्णमण्णस्स उट्ठे फूमेज वा रएज वा फूमेंतं वा रएंतं वा साइज्जइ ॥ ५९५॥ जे भिक्ख् माउग्गामस्स मेहुणविडयाए अण्णमण्णस्स दीहाई उत्तरोद्वरोमाइं कप्पेज वा संठवेज वा कप्पेंतं वा संठवेंतं वा साइजइ ॥ ५१६॥ जे भिक्ख माउग्गामस्स मेहुणविडयाए अण्णमण्णस्स दीहाई अच्छिपताई कप्पेज वा संठवेज वा कप्पेंतं वा संठवेंतं वा साइजइ ॥ ५१७ ॥ जे भिक्ख माउग्गामस्स मेहु-णविडयाए अण्णमण्णस्स अच्छीणि आमजेज वा पमजेज वा आमजंतं वा पमजंतं वा साइजइ॥ ५१८॥ जे भिक्ख् माउग्गामस्स मेहुणविडयाए अण्णमण्णस्स अच्छीणि संवाहेज वा पलिमहेज वा संवाहेंतं वा पलिमहेंतं वा साइजाइ ॥ ५१९ ॥ जे भिक्ख् माउग्गामस्स मेहुणविडयाए अण्णमण्णस्स अच्छीणि तेह्रेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेतं वा साइजइ ॥ ५२० ॥ जे भिक्ख् माउग्गामस्स मेहुणविडयाए अण्णमण्णस्स अच्छीणि लोद्धेण वा ककेण वा उल्लेखन वा उल्वेहेन वा उल्लेखेंतं वा उल्वेहेतं वा साइनाइ ॥ ५२१ ॥ जे भिक्ख् माउग्गामस्स मेहुणविड्याए अण्णमण्णस्स अच्छीणि सीओद्गवियडेण वा उसिणोदगवियडेण वा उच्छोळेज वा पघोएज वा उच्छोळेतं वा पघोएंतं वा साइ-जइ ॥ ५२२ ॥ जे भिक्ख माउग्गामस्स मेहणविडयाए अण्णमण्णस्स अच्छीणि फूमेज वा रएज वा फूमेंतं वा रएंतं वा साइजइ ॥ ५२३ ॥ जे भिक्खू माउग्गा-मस्स मेहुणविडयाए अण्णमण्णस्स दीहाई भुमगरोमाई कप्पेज वा संठवेज वा कप्पेतं वा संठ्वेंतं वा साइजाइ ॥ ५२४ ॥ जे भिक्ख् माउग्गामस्स मेहणविडयाए

अण्णमण्णस्स दीहाइं पासरोमाइं कप्पेज वा संठवेज वा कप्पेंतं वा संठवेंतं वा साइजाइ ॥ ५२५-१॥ …केसरोमाइं …॥ ५२५-२॥ जे भिक्ख् माउग्गामस्स मेहुणवडियाए अण्णमण्णस्स अच्छिमलं वा कण्णमलं वा दंतमलं वा णहमलं वा णीहरेज वा विसोहेज वा णीहरेंतं वा विसोहेंतं वा साइजाइ ॥ ५२६ ॥ जे भिक्खू माउग्गामस्स मेहुणविडयाए अण्णमण्णस्स कायाओ सेयं वा जहं वा पंकं वा मलं वा णीहरेज वा विसोहेज वा णीहरेंतं वा विसोहेंतं वा साइजाइ॥ ५२७॥ जे भिक्ख् माउग्गामस्स मेहुणविडयाए अण्णम-ण्णस्स गामाणुगामं दूड्जमाणे सीसदुवारियं करेइ करेंतं वा साइजइ ॥ ५२८॥ जे भिक्ख् माउग्गामस्स मेहुणविडयाए अणंतरिहयाए पुढवीए णिसीयावेज वा तुयद्वावेज वा णिसीयावेंतं वा तुयद्वावेंतं वा साइजाइ ॥ ५२९ ॥ जे भिक्खू माउग्गामस्स मेहण-विडियाए सिसणिद्धाए पुढवीए णिसीयावेज वा तुयहावेज वा णिसीयावेंतं वा तुयहावेंतं वा साइजाइ ॥ ५३० ॥ जे भिक्ख् माउग्गामस्स मेहुणविडयाए ससरक्खाए पुढ-वीए णिसीयावेज वा तुयहावेज वा णिसीयावेंतं वा तुयहावेंतं वा साङ्जइ ॥ ५३१ ॥ जे भिक्ख् माउग्गामस्स मेहुणविडयाए म[ह] द्वियाकडाए पुढवीए णिसीयावेज वा तयद्वावेज वा णिसीयावेतं वा तुयद्वावेतं वा साइजइ ॥ ५३२ ॥ जे भिक्ख माउग्गा-मस्स मेहणविडयाए चित्तमंताए पुढवीए णिसीयावेज वा तुयद्दावेज वा णिसीया-वेंतं वा तुयद्ववेंतं वा साइज्जइ ॥ ५३३ ॥ जे भिक्खू माउग्गामस्स मेहुणविडयाए चित्तमंताए सिलाए णिसीयावेज वा तुयहावेज वा णिसीयावेंतं वा तुयहावेंतं वा साइज्जइ ॥ ५३४ ॥ जे भिक्ख् माउग्गामस्त मेहुणवडियाए चित्तमंताए छेळूए णिसीयावेज वा तुयद्वावेज वा णिसीयावेंतं वा तुयद्वावेंतं वा साइजइ ॥ ५३५ ॥ जे भिक्खू माउग्गामस्स मेह्णविडयाए कोलावासंसि वा दारुए जीवपइद्विए सअंडे सपाणे सबीए सहिरए सओसे सउद्र सउत्तिंगपणगद्गमिष्टियमक्दासंताणगंसि णिसी-यावेज वा तुयहावेज वा णिसीयावेंतं वा तुयहावेंतं वा साइजाइ ॥ ५३६ ॥ जे भिक्खू माउग्गामस्स मेहणविडयाए अंकंसि वा पिलयंकंसि वा णिसीयावेज वा त्यद्वावेज वा णिसीयावेंतं वा तुयद्वावेंतं वा साइजाइ ॥ ५३० ॥ जे भिक्खू माउजगामस्स मेहुण-विडियाए अंकंसि वा पिलयंकंसि वा णिसीयावेत्ता वा तुयद्वावेत्ता वा असणं वा ४ अणुग्घासेज वा अणुपाएज वा अणुग्घासेतं वा अणुपाएंतं वा ॥ ५३८॥ जे भिक्ख् माउग्गामस्स मेहुणवडियाए आगंतागारेस वा आरामा-गारेसु वा गाहावइकुलेसु वा परियावसहेसु वा णिसीयावेज वा तुयहावेज वा णिसीयावेंतं वा तुयद्वावेंतं वा साइज्जइ ॥ ५३९ ॥ जे भिक्खू माउग्गामस्स मेहुण-विडयाए आगंतागारेसु वा आरामागारेसु वा गाहावहकुलेसु वा परियावसहेसु

वा णिसीयावेता वा तयहावेता वा असणं वा ४ अणुग्घासेज वा अणुपाएज वा अणुग्घासेंतं वा अणुपाएंतं वा साइजाइ ॥ ५४० ॥ जे भिक्ख् माउग्गामस्स मेहण-विडियाए अण्णयरं तेइच्छं आउदृह आउदृतं वा साइजइ ॥ ५४१ ॥ जे भिक्खू माउग्गामस्स मेहुणविडियाए अमणुण्णाइं पोग्गलाइं अवणीहरइ णीहरंतं वा साइजइ ॥ ५४२ ॥ जे भिक्ख् माउग्गामस्स मेहुणविडयाए मणुण्णाई पोग्गलाई उविकरइ उविकरंतं वा साइजाइ ॥ ५४३ ॥ जे भिक्खु माउग्गामस्स मेहणविडयाए अण्णयरं पसुजाई वा पिक्खजाई वा पायंसि वा पक्खांसि वा पुंछंसि वा सीसंसि वा गहाय (उजिहइ वा पव्यिहइ वा) संचालेइ (उजिहेंतं वा पव्यिहेंतं वा) संचालेंतं वा साइजाइ ॥ ५४४ ॥ जे भिक्ख् माउग्गामस्स मेहुणविडयाए अण्णयरं पसुजायं वा पिक्खजारं वा सोयंसि कहं वा किंचं वा अंगुलियं वा सलागं वा अणुप्पवेसित्ता संचालेंड संचालेंतं वा साइजाइ ॥ ५४५ ॥ जे भिक्खू माउग्गामस्स मेहणविडयाए अण्णयरं पसुजायं वा पक्खिजायं वा अयमित्थित्तिकहु आलिंगेज वा परिस्सएज वा परिचुंबेज वा विच्छेदेज वा आलिंगतं वा परिस्तयंतं वा परिचुंबंतं वा विच्छेदंतं वा साइजाइ ॥ ५४६ ॥ जे भिक्खू माउग्गामस्स मेहुणविडयाए असणं वा ४ देइ देंतं वा साइजाइ ॥ ५४७ ॥ जे भिक्खु माउग्गामस्स मेहणविडयाए असणं वा ४ पिडच्छइ पिडच्छंतं वा साइजाइ ॥ ५४८ ॥ जे भिक्खू माउग्गामस्स मेहणविडयाए वत्यं वा पिडिग्गहं वा कंबलं वा पायपुंछणं वा देइ देंतं वा साइजाइ ॥ ५४९ ॥ जे भिक्ख माउग्गामस्स मेहणविडयाए वत्थं वा ४ पिडच्छइ पिडच्छंतं वा साइजइ ॥ ५५० ॥ जे भिक्ख माउग्गामस्स मेहणविडयाए सज्झायं वाएइ वाएंतं वा साइज्जइ ॥ ५५१ ॥ जे भिक्खू माउग्गामस्स मेहणविडयाए सज्झायं पिडच्छइ पिडन्छंतं वा साइजाइ ॥ ५५२ ॥ जे भिक्खू माउग्गामस्स मेहणविडयाए अण्णयरेणं इंदिएणं आकारं करेइ करेंतं वा साइजाइ। तं सेवमाणे आवजाइ चाउम्मासियं परिहारहाणं अणुग्वाइयं ॥ ५५३ ॥ णिसीहऽज्झयणे सत्तमो उदेसो समतो॥७॥

अहमो उद्देसो

जे भिक्ख् आगंतारेस वा आरामागारेस वा गाहावइकुलेस वा परियावसहेस वा एगो एगाए इत्थीए सिंद विहारं वा करेइ सज्झायं वा करेइ असणं वा ४ आहारेइ उच्चारं वा पासवणं वा परिद्ववेइ अण्णयरं वा अणारियं णिडुरं (पिहुणं) अस्सव(म)णपाओग्गं कहं कहेइ कहेंतं वा साइजाइ॥ ५५४॥ जे भिक्ख् उज्जाणंसि वा उज्जाणिनहंसि वा उज्जाणसालंसि वा एगो

एगाए इत्थीए सिद्धं विहारं वा करेइ सज्झायं वा करेइ असणं वा ४ आहारेइ उचारं वा पासवणं वा परिद्ववेइ अण्णयरं वा अणारियं पिहुणं अस्समणपाओगं कहं कहेड कहेंतं वा साइजाइ ॥ ५५५ ॥ जे भिक्ख अहंसि वा अहालयंसि वा चारियंसि वा पागारंसि वा दारंसि वा गोपुरंसि वा एगो० इतथीए सर्द्धि विहारं वा करेड सज्झायं वा करेड असणं वा ४ आहारेड उच्चारं वा पासवणं वा परिट्ववेड अण्णयरं वा अणारियं पिहुणं अस्समणपाउग्गं कहं कहेइ कहेंतं वा साइज्जइ ॥ ५५६ ॥ जे भिक्खू द्गंसि वा दगमगंसि वा दगपहंसि वा दगतीरंसि वा दगठाणंसि वा एगो॰ इत्थीए सिद्धं विहारं वा करेइ सज्झायं वा करेइ असणं वा ४ आहारेइ उच्चारं वा पासवणं वा परिद्रवेइ अण्णयरं वा अणारियं पिहणं अस्समण-पाउग्गं कहं कहेइ कहेंतं वा साइजाइ ॥ ५५७ ॥ जे भिक्ख सुण्णगिहंसि वा सणासालंसि वा भिण्णगिहंसि वा भिण्णसालंसि वा कुडागारंसि वा कोद्रागारंसि वा एगो० इत्थीए सिद्धं विहारं वा करेड सज्झायं वा करेड असणं वा ४ आहारेड उचारं वा पासवणं वा परिद्ववेइ अण्णयरं वा अणारियं पिहणं अस्समणपाउग्गं कहं कहेड कहेंतं वा साइजाइ ॥ ५५८॥ जे भिक्ख तणगिहंसि वा तणसालंसि वा तसगि-हंसि वा तुससालंसि वा भुसगिहंसि वा भुससालंसि वा एगो० इत्थीए सर्द्धि विहारं वा करेड सज्झायं वा करेड असणं वा ४ आहारेड उचारं वा पासवणं वा परिट्ठ-वेइ अण्णयरं वा अणारियं पिहणं अस्समणपाउगं कहं कहें तं वा साइजइ ॥ ५५९ ॥ जे भिक्खू जाणसालंसि वा जाणगिहंसि वा जुग्गसालंसि वा जुग्गगिहंसि वा एगो० इत्थीए सिद्धें विहारं वा करेइ सज्झायं वा करेइ असणं वा ४ आहारेइ उचारं वा पासवणं वा परिद्ववेइ अण्णयरं वा अणारियं पिहुणं अस्समणपाउग्गं कहं कहेड कहेंतं वा साइजाइ ॥ ५६०॥ जे भिक्ख पणियसालंसि वा पणियगिहंसि वा परियासालंसि वा परियागिहंसि वा कम्मियसालंसि वा कम्मियगिहंसि वा एगो० इत्थीए सिद्धं विहारं वा करेड सज्झायं वा करेड असणं वा ४ आहारेड उचारं वा पासवणं वा परिद्रवेड अण्णयरं वा अणारियं पिहणं अस्समणपाउग्गं कहं कहेइ कहेतं वा साइजाइ ॥ ५६१ ॥ जे भिक्ख गोणसालंसि वा गोणगिहंसि वा महाकुलंसि वा महागिहंसि वा एगो० इत्थीए सिद्धं विहारं वा करेइ सज्झायं वा करेइ असणं वा ४ आहारेड उच्चारं वा पासवणं वा परिद्रवेड अण्णयरं वा अणारियं पिहणं अस्स-मणपाउगं कहं कहेड कहेंतं वा साइजाइ ॥ ५६२ ॥ जे भिक्ख राओ वा वियाले वा इत्थिमज्झगए इत्थिसंसत्ते इत्थिपरिवुडे कहं कहेइ कहेंतं वा साइजइ ॥ ५६३ ॥ जे भिक्ख सगणिचियाए वा परगणिचियाए वा णिग्गंथीए सर्खि

गामाणुरगामं दुइज्जमाणे पुरओ गच्छमाणे पिट्ठओ रीयमाणे ओहयमणसंकप्पे चिंता-सोयसागरसंपविद्वे करयलपल्हत्थमुहे अङ्ग्झाणोवगए विहारं वा करेइ सज्झायं वा करेड़ असणं वा ४ आहारेड़ उचारं वा पासवणं वा परिद्रवेड अण्णयरं वा अणारियं पिहुणं अस्समणपाउगं कहं कहेइ कहेंतं वा साइजाइ ॥ ५६४ ॥ जे भिक्ख णायगं वा अणायगं वा उवासयं वा अणवासयं वा अंतो उवस्सयस्स अदं वा राई किसणं वा राइं संवसावेइ (तं न पिडयाइक्खइ तं पहुच निक्खमइ वा पिवसइ वा) संव-सावेंतं वा साइजाइ ॥ ५६५ ॥ जे भिक्ख णायगं वा अणायगं वा उवासयं वा अण्वासयं वा अंतो उवस्सयस्स अद्धं वा राइं कसिणं वा राइं संवसावेइ तं पड़च निक्खमइ वा पविसइ वा निक्खमंतं वा पविसंतं वा साइजाइ ॥ ५६६ ॥ जे भिक्ख रण्णो खत्तियाणं मुदियाणं मुद्धाभिसित्ताणं संवायमहेस वा पिंडमहेस वा जाव असणं वा ४ पडिग्गाहेइ पडिग्गाहेंतं वा साइजाइ ॥ ५६७ ॥ जे भिक्खू रण्णो खत्तियाणं मुदियाणं मुद्धाभिसित्ताणं उत्तरसालंसि वा उत्तरिहंसि वा रीयमाणं असणं वा ४ पडिग्गाहेइ पडिग्गाहेंतं वा साइजइ ॥ ५६८ ॥ जे भिक्खू रण्णो खत्तियाणं मदियाणं मुद्धाभितित्ताणं हयसालागयाण वा गयसालागयाण वा मंतसालागयाण वा गुज्झसालागयाण वा रहस्ससालागयाण वा मेहणसालागयाण वा असणं वा ४ पिडिग्गाहेइ पिडिग्गाहेंतं वा साइजाइ ॥ ५६९ ॥ जे भिक्ख रण्णो खत्तियाणं सदियाणं सद्धाभिसित्ताणं सिन्निहिसंनिचयाओ खीरं वा दिहें वा णवणीयं वा सिंप वा गुलं वा खंडं वा सक्करं वा मच्छंडियं वा अण्णयरं वा भोयणजाणं पडिग्गाहेड पडिग्गाहेंतं वा साइजइ ॥ ५७० ॥ जे भिक्खू रण्णो खत्तियाणं मुदियाणं मुद्धाभि-सित्ताणं उस्सद्वपिंडं वा संसद्वपिंडं वा अणाहपिंडं वा किविणपिंडं वा वणीमगपिंडं वा पडिग्गाहेइ पडिग्गाहेंतं वा साइजइ। तं सेवमाणे आवज्जइ चाउम्मासियं परिहार-डाणं अणुग्घाइयं ॥ ५७१ ॥ णिसीहऽज्झयणे अट्टमो उद्देसो समत्तो ॥ ८॥

णवमो उद्देसो

जे भिक्खू रायपिंडं गेण्हइ गेण्हंतं वा साइजाइ ॥ ५०२ ॥ जे भिक्खू रायपिंडं भुंजइ भुंजंतं वा साइजाइ ॥ ५०३ ॥ जे भिक्खू रायंतेउरं पिवसइ पिवसंतं वा साइजाइ ॥ ५०४ ॥ जे भिक्खू रायंतेपुरियं वदेजा—'आउसो! रायंतेपुरिए णो खिंछ अम्हं कप्पइ रायंतेपुरं णिक्खिमित्तए वा पिवसित्तए वा, इमम्हं तुमं पिडिग्गहगं गहाय रायंतेपुराओ असणं वा ४ अभिहृं आहृ दुल्याहिं' जो तं एवं वयइ वयंतं वा साइजाइ ॥ ५०५ ॥ जे भिक्खू णो वएजा, रायंतेपुरिया वएजा—'आउसंतो! समणा णो खिंछ तुज्झं कप्पइ रायंतेपुरं णिक्खिमित्तए वा पिवसित्तए वा, आहरेयं

पडिग्गहगं जाए अम्हं रायंतेपुराओ असणं वा ४ अभिहडं आहृ इ दलयामि' जो तं एवं वयंतं पडिसुणेइ पडिसुणेंतं वा साइजाइ ॥ ५०६ ॥ जे भिक्ख रण्णो खत्तियाणं मुदियाणं मुद्धाभिसित्ताणं दुवारियभत्तं वा पसुभत्तं वा भयगभत्तं वा बलभत्तं वा कयगभत्तं वा हयभत्तं वा गयभत्तं वा कंतारभत्तं वा दुब्भिक्खभत्तं वा दमगभत्तं वा गिलाणभत्तं वा वहिलयाभत्तं वा पाहुणभत्तं वा पडिग्गाहेइ पडिग्गाहेतं वा साइजइ ॥ ५०० ॥ जे भिक्खू रण्णो खतियाणं मुदियाणं मुदाभिसित्ताणं इमाइं छद्दोसाय-यणाई अजाणि(य)ता अपुच्छिय अगवेसिय परं चउरायपंचरायाओ गाहावइकुलं पिंड-वायपिडयाए णिक्खमइ वा पविसइ वा णिक्खमंतं वा पविसंतं वा साइजाइ, तंजहा-कोहागारसालाणि वा भंडागारसालाणि वा पाणसालाणि वा खीरसालाणि वा गंज-सालाणि वा महाणससालाणि वा ॥ ५७८ ॥ जे भिक्ख रण्णो खत्तियाणं मुदियाणं मुद्धाभिसित्ताणं अइगच्छमाणाण वा णिगगच्छमाणाण वा पयमवि चक्खुदंसणपडि-याए अभिसंघारेइ अभिसंघारेंतं वा साइजइ ॥५७९॥ जे भिक्खू रण्णो खत्तियाणं मुदियाणं मुद्धाभिसित्ताणं इत्थीओ सन्वालंकारविभुसियाओ प्रयमवि चक्खदंसण-पडियाए अभिसंधारेइ अभिसंधारेंतं वा साइज्जइ ॥ ५८० ॥ जे भिक्खू रण्णो खत्तियाणं मुदियाणं मुद्धाभिसित्ताणं मंस(क)खाया[णं]ण वा मच्छखायाण वा छवि-खायाण वा बहिया णिग्गयाणं असणं वा ४ पिङ्गाहेड पिङ्गाहेतं वा साइज्जइ ॥ ५८१ ॥ जे भिक्खू रण्णो खत्तियाणं मृदियाणं मुद्धाभिसित्ताणं अण्णयरं उववृहणियं समीहियं पेहाए तीसे परिसाए अणुद्धियाए अभिण्णाए अन्वोच्छिण्णाए जो तमण्णं पिडम्माहेर पिडम्माहेतं वा साइजाइ ॥ ५८२ ॥ अह पुण एवं जाणेज 'इहज रायखत्तिए परिवृत्तिए' जे भिक्खू ताए गिहाए ताए पएसाए ताए उवासंतराए विहारं वा करेड़ सज्झायं वा करेड असणं वा ४ आहारेड उचारं वा पासवणं वा परिद्रवेड अण्णयरं वा अणारियं पिहुणं अस्समणपाउगं कहं कहेड कहेंतं वा साइजाइ ॥ ५८३ ॥ जे भिक्ख् रण्णो खत्तियाणं मुदियाणं मुद्धाभिसित्ताणं बहिया जत्तासं(पट्टि)ठियाणं असणं वा ४ पडिग्गाहेइ पडिग्गाहेंतं वा साइज्जइ ॥ ५८४ ॥ जे भिक्खू रण्णो खत्तियाणं मुदियाणं मुद्धाभिसित्ताणं बहिया जत्तापिडिणियत्ताणं असणं वा ४ पिड-ग्गाहेइ पडिग्गाहेंतं वा साइजाइ ॥ ५८५ ॥ जे भिक्खू रण्णो खत्तियाणं मुदियाणं मुद्धाभिसित्ताणं णइजत्ता(सं)पट्टियाणं असणं वा ४ पडिग्गाहेड पडिग्गाहेतं वा साइ-जाइ ॥ ५८६ ॥ जे भिक्ख रण्णो खत्तियाणं मुदियाणं मुद्धाभिसित्ताणं णइजत्तापिड-णियत्ताणं असणं वा ४ पडिग्गाहेइ पडिग्गाहेतं वा साइज्जइ ॥ ५८७ ॥ जे भिक्खू रण्णो खत्तियाणं मुदियाणं मुद्धाभिसित्ताणं गिरिजतापद्वियाणं असणं वा ४ पडिग्गा-५६ सत्ता०

हेइ पडिग्गाहेंतं वा साइजइ ॥ ५८८ ॥ जे भिक्खू रण्णो खत्तियाणं मुदियाणं मुद्धा-भिसित्ताणं गिरिजत्तापिडणियत्ताणं असणं वा ४ पिडग्गाहें पिडिग्गाहेंतं वा साइ-जाइ ॥ ५८९ ॥ जे भिक्खू रण्णो खत्तियाणं मुदियाणं मुद्धाभिसित्ताणं महाभिसेयंसि वृहमाणंति णिक्खमइ वा पविसइ वा णिक्खमंतं वा पविसंतं वा साइजाइ ॥ ५९० ॥ जे भिक्खू रण्णो खत्तियाणं मुदियाणं मुद्धाभिसित्ताणं इमाओ दस अभिसेयाओ रायहाणीओ उद्दिद्राओ गणियाओ विजयाओ अंतो मासस्स दुक्खुत्तो वा तिक्खुत्तो वा णिक्खमइ वा पविसइ वा णिक्खमंतं वा पविसंतं वा साइजइ, तंजहा-चंपा महरा वाणारसी सावत्थी साएयं कंपिल्लं कोसंबी मिहिला हित्थ(णा)णपुरं रायगिहं॥ ५९१॥ जे भिक्ख रण्णो खत्तियाणं मुदियाणं मुद्धाभिसित्ताणं असणं वा ४ परस्स णीहडं पडिग्गाहेइ पडिग्गाहेंतं वा साइजाइ, तंजहा-खत्तियाण वा राईण वा कुराईण वा रायसंसियाण वा रायपेसियाण वा ॥ ५९२ ॥ जे भिक्खू रण्णो खत्तियाणं मुदियाणं मुद्धाभिसित्ताणं असणं वा ४ परस्स णीहडं पडिग्गाहेइ पडिग्गाहेंतं वा साइज्जइ. तंजहा-णडाण वा णद्याण वा कच्छयाण वा जल्लाण वा मल्लाण वा महियाण वा वेलंबगाण वा कहुगाण वा पवगाण वा लासगाण वा दोखलयाण वा छताणुयाण वा ॥ ५९३ ॥ जे भिक्खू रण्णो खत्तियाणं मुदियाणं मुद्धाभिसित्ताणं असणं वा ४ परस्स णीहर्डं पिडग्गाहेड् पिडग्गाहेंतं वा साइजइ, तंजहा-आसपोसयाण वा हिर्थ-पोसयाण वा महिसपोसयाण वा वसहपोसयाण वा सीहपोसयाण वा वस्वपोसयाण वा अयपोसयाण वा पोयपोसयाण वा मिगपोसयाण वा सुण्हपोसयाण वा सृयरपोस-याण वा मेंढपोसयाण वा कुक्कुडपोसयाण वा तित्तिरपोसयाण वा वहयपोसयाण वा लावयपोसयाण वा चीर[ल्ल]ल्लपोसयाण वा हंसपोसयाण वा मऊरपोसयाण वा सुय-पोसयाण वा ॥ ५९४ ॥ जे भिक्खू रण्णो खत्तियाणं मुदियाणं मुद्धाभिसित्ताणं असणं वा ४ परस्स णीहडं पिडग्गाहेइ पिडग्गाहेतं वा साइज्जइ, तंजहा-आस(महा)दम-गाण वा हिश्यदमगाण वा ॥ ५९५ ॥ जे भिक्खू रण्णो खत्तियाणं मुदियाणं मुद्धा-भिसित्ताणं असणं वा ४ परस्स णीहडं पडिग्गाहेइ पडिग्गाहेंतं वा साइजाइ, तंजहा-आसर्मिठाण वा हिश्थमिठाण वा ॥ ५९६ ॥ जे भिक्खू रण्णो खत्तियाणं मदियाणं मुद्धाभिसित्ताणं असणं वा ४ परस्स णीहडं पडिग्गाहेइ पडिग्गाहेंतं वा साइजाइ, तंजहा-आसरोहाण वा हत्थिरोहाण वा ॥ ५९७ ॥ जे भिक्खू रण्णो खत्तियाणं मुदियाणं मुद्धाभिसित्ताणं असणं वा ४ परस्स णीहुडं पडिग्गाहेइ पडिग्गाहेतं वा साइजइ, तंजहा-सत्थवाहाण वा संवाहावयाण वा अब्भंगावयाण वा उव्वद्वावयाण वा मजावयाण वा मंडावयाण वा छत्तरगहाण वा चमररगहाण वा हडप्परगहाणः

वा परियद्वयगहाण वा दीवियगहाण वा असिगहाण वा धणुगहाण वा सित्तगहाण वा कोंतगहाण वा ॥ ५९८॥ जे भिक्खू रण्णो खित्तयाणं मुद्दियाणं मुद्धाभिसित्ताणं असणं वा ४ परस्स णीहडं पडिग्गाहेइ पडिग्गाहेंतं वा साइज्जइ, तंजहा—विरसधराण वा कंचुइज्जाण वा दोवारियाण वा दं[डं]डारिक्खयाण वा ॥ ५९९॥ जे भिक्खू रण्णो खित्तयाणं मुदियाणं मुद्धाभिसित्ताणं असणं वा ४ परस्स णीहडं पडिग्गाहेइ पडिग्गाहेंतं वा साइज्जइ, तंजहा—खुज्जाण वा चिलाइयाण वा वामणीण वा वडभीण वा बब्बरीण वा प[पा]उसीण वा जोणियाण वा पल्हिवयाण वा ईसणीण वा थारुगिणीण वा लउसीण वा लासीण वा दिस्लीण वा सिंहलीण वा आलवीण वा पुलिंदीण वा सवसीण वा पारसी[परिसिणी]ण वा। तं सेवमाणे आवज्जइ चाउम्मासियं परिहारद्वाणं अणुग्घाइयं॥ ६००॥ णिसीहऽज्झ्यणे णवमो उद्देसो समत्तो॥ ९॥

दसमो उद्देसो

जे भिक्ख् भदंतं आगाढं वयइ वयंतं वा साइजाइ ॥ ६०१ ॥ जे भिक्ख् भदंतं फरसं वयइ वयंतं वा साइजाइ ॥ ६०२ ॥ जे भिक्खू भदंतं आगाढं फरुसं वयइ वयंतं वा साइजाइ ॥ ६०३ ॥ जे भिक्खू भदंतं अण्णयरीए अचासायणाए अचासाएइ अचासाएंतं वा साइजइ ॥ ६०४ ॥ जे भिक्खू अणंतकायसंजुत्तं आहारं आहारेइ आहारेंतं वा साइजइ ॥ ६०५ ॥ जे भिक्ख आहाकम्मं भुंजइ भुंजंतं वा साइजाइ।। ६०६॥ (···लाभातित्तं नि॰ कहेइ कहंतं वा सा॰) जे भिक्खू पहुप्पणां निमित्तं वागरेंद्र वागरेंतं वा साइजइ ॥ ६०७॥ जे भिक्खु अणागयं निमित्तं वागरेड वागरेंतं वा साइजइ ॥ ६०८ ॥ जे भिक्खू सेहं अवहरइ अवहरंतं वा साइज्जइ ॥ ६०९ ॥ जे भिक्ख् सेहं विप्परिणामेइ विप्परिणामेंतं वा साइज्जइ ॥ ६१० ॥ जे भिक्ख् दिसं अवहरइ अवहरंतं वा साइजइ ॥ ६११ ॥ जे भिक्ख् दिसं विप्परिणा-मेइ विष्परिणामेंतं वा साइजाइ ॥ ६१२ ॥ जे भिक्खू बहियावासियं आएसं परं तिरायाओ अविफालेत्ता संवसावेइ संवसावेंतं वा साइज्जइ ॥ ६१३ ॥ जे भिक्खू साहिगरणं अविओसवियपाहुडं अकडपायच्छितं परं तिरायाओं विष्फालिय अविष्फा-लिय संभुंजइ संभुंजंतं वा साइज्जइ॥ ६१४॥ जे भिक्खू उग्घाइयं अणुग्घाइयं वयइ वयंतं वा साइज्जइ ॥ ६१५ ॥ जे भिक्खू अणुग्घाइयं उग्घाइयं वयइ वयंतं वा साइजाइ ॥ ६१६ ॥ जे भिक्ख उग्घाइयं अणुग्घाइयं देइ देंतं वा साइजाइ ॥ ६१७ ॥ जे भिक्ख अणुम्घाइयं उम्घाइयं देइ देंतं वा साइजाइ ॥ ६१८ ॥ जे भिक्खू उग्घाइयं सोचा णचा संभुंजइ संभुंजंतं वा साइज्जइ ॥ ६१९ ॥ जे भिक्खू उग्घाइयहेर्ड सोचा णचा संभुंजइ संभुंजंतं वा साइजाइ॥ ६२०॥ जे भिक्खू

उग्घाइयसंकप्पं सोचा णचा संभंजइ संभंजंतं वा साइजइ ॥ ६२१ ॥ जे भिक्ख उग्घाइयं उग्घाइयहेउं वा उग्घाइयसंकर्पं वा सोचा णचा संभंजइ संभंजंतं वा साइजाइ ॥ ६२२ ॥ जे भिक्खू अणुग्घाइयं सोचा णचा संभंजइ संभुंजंतं वा साइजाइ ॥ ६२३ ॥ जे भिक्ख अणुग्घाइयहेउं सोचा णचा संभुंजइ संभंजंतं वा साइजाइ ॥ ६२४ ॥ जे भिक्ख अणुग्घाइयसंकप्पं सोचा णचा संभुंजइ संभुंजंतं वा साइजाइ ॥ ६२५ ॥ जे भिक्खू अणुग्घाइयं अणुग्घाइयहेउं वा अणुग्घाइयसंकप्पं वा सोचा णचा संभुंजइ संभुंजतं वा साइजइ ॥ ६२६ ॥ जे भिक्ख उग्घाइयं वा अणुग्घाइयं वा सोचा णचा संभंजइ संभंजंतं वा साइज्जड ॥ ६२७ ॥ जे भिक्ख उग्घाइयहेउं वा अणुग्घाइयहेउं वा सोचा णचा संभुंजइ संभंजंतं वा साइजाइ ॥ ६२८ ॥ जे भिक्ख उग्घाइयसंकप्पं वा अणुग्घाइयसंकप्पं वा सोचा णचा संभुंजइ संभुंजंतं वा साइजइ ॥ ६२९ ॥ जे भिक्खू उग्घाइयं वा अणुग्चाइयं वा उग्चाइयहेउं वा अणुग्चाइयहेउं वा उग्चाइयसंकप्पं वा अणुग्चाइय-संकप्पं वा सोचा णचा संभुंजइ संभुंजतं वा साइजइ॥ ६३०॥ जे भिक्खू उगगयवित्तीए अणत्थमियमणसंकप्पे संथिष्ठए णिव्वितिगिच्छासमावण्णेणं अप्पाणेणं असणं वा ४ पडिग्गाहेत्ता संभुंजइ संभुंजंतं वा साइजइ। अह पुण एवं जाणेजा ''अणुग्गए सूरिए अत्थिमिए वा'' से जं च (आसयंसि) मुहे जं च पाणिंसि जं च पडिग्गहे तं विगिंचिय विसोहिय तं परिट्रवेमाणे (धम्मं) णाइकमइ । जो तं भुंजइ भुंजंतं वा साइजाइ ॥ ६३१ ॥ जे भिक्खू उग्गयवित्तीए अणत्थ-मियसंकप्पे संथिष्ठिए वितिगिच्छाए समावण्णेणं अप्पाणेणं असणं वा ४ पिडिग्गाहेत्ता संभुंजह संभुंजंतं वा साइजाइ । अह पुण एवं जाणेजा "अणुग्गए स्रिए अत्थ-मिए वा" से जं च मुहे जं च पाणिंसि जं च पडिग्गहे तं विगिंचिय विसोहिय तं परिष्ठवेमाणे णाइक्समइ । जो तं भुंजइ भुंजंतं वा साइज्जइ ॥ ६३२ ॥ जे भित्रख् उग्गयवित्तीए अणत्थमियसंकप्पे असंथडिए णिव्वितिगिच्छासमावण्णेणं अप्पाणेणं असणं वा ४ पडिग्गाहेता संभुंजइ संभुंजंतं वा साइजाइ । अह पुण एवं जाणेजा ''अणुग्गए सूरिए अत्थिमिए वा'' से जं च मुहे जं च पाणिंसि जं च पडिगगहे तं विगिंचिय विसोहिय तं परिट्वेमाणे णाइक्समइ । जो तं मुंजइ भुंजंतं वा साइजाइ ॥ ६३३ ॥ जे भिक्ख उग्गयवित्तीए अणत्यमियसंकृपे असंथिडिए विति-गिच्छासमावणोणं अप्पाणेणं असणं वा ४ पडिग्गाहेत्ता संभुंजइ संभुंजंतं वा साइ-जाइ। अह पुण एवं जाणेजा "अणुग्गए सूरिए अत्थामिए वा" से जं च मुहे जं च पाणिंसि जं च पिडम्गहे तं विगिंचिय विसोहिय तं परिट्ठवेमाणे णाइक्रमइ। (तं

अप्पणा भुंजमा० अण्णेसिं वा दलमाणे राइभोयणपिंडसेवणपत्ते) जो तं भुंजइ भुंजंतं वा साइजाइ ॥ ६३४ ॥ जे भिक्खू राओ वा वियाले वा सपाणं सभीयणं उग्गालं उग्गिलित्ता पचोगिलइ पचोगिलंतं वा साइजाइ ॥ ६३५ ॥ जे भिक्ख गिलाणं सोचा ण गवेसइ ण गवेसंतं वा साइजइ ॥ ६३६ ॥ जे भिक्ख गिलाणं सोचा उम्मग्गं वा पिडपहं वा गच्छइ गच्छंतं वा साइजाइ ॥ ६३७ ॥ जे भिक्ख गिला-णवेयावचे अब्मुहियस्स सएण लाभेण असंथरमाणस्स जो तस्स न पडितप्पइ न पिंतप्पंतं वा साइजाइ ॥ ६३८ ॥ जे भिक्ख गिलाणवेयावचे अब्मुहिए गिलाण-पाउग्गे दव्यजाए अलब्भमाणे जो तं न पडियाइक्खइ न पडियाइक्खंतं वा साइज्जइ ॥ ६३९ ॥ जे भिक्खू पढमपाउसिम्म गामाणुग्गामं दृइजाइ दृइजांतं वा साइजाइ ॥ ६४० ॥ जे भिक्ख वासावासं पज्जोसवियंसि दृइज्जइ दृइजंतं वा साइज्जइ ॥ ६४१ ॥ जे भिक्ख अपज्जोसवणाए पज्जोसवेइ पज्जोसवेंतं वा साइज्जइ ॥ ६४२ ॥ जे भिक्ख पज्जोसवणाए ण पज्जोसवेइ ण पज्जोसवेंतं वा साइजाइ ॥ ६४३ ॥ जे भिक्ख पज्जोसवणाए गोलोमाइं-पि वा(बा)लाइं उवाइणाइ उवाइणंतं वा साइज्जइ ॥ ६४४ ॥ जे भिक्खू पज्जोसवणाए इत्तिरियं पा(पि-आ)हारं आहारेंह आहारेंतं वा साइजाइ ॥ ६४५ ॥ जे भिक्ख गारित्थयं पज्जोसवेई पज्जोसवेंतं वा साइजाइ ॥ ६४६ ॥ जे भिक्ख पढमसमोसरणहेसे पत्ताई चीवराई पडिग्गाहेड पडिग्गाहेतं वा साइजाइ। तं सेवमाणे आवजाइ चाउम्मासियं परिहारद्वाणं अणुभ्याइयं॥ ६४०॥

णिसीहऽज्झयणे दसमो उद्देसो समत्तो ॥ १० ॥ एक्कारसमो उद्देसो

जे भिक्ख अयपायाणि वा तंबपायाणि वा तउयपायाणि वा कंसपायाणि वा हप्पपायाणि वा सुवण्णपायाणि वा जायरूवपायाणि वा मणिपायाणि वा कायपायाणि वा दंतपायाणि वा सिंगपायाणि वा चम्मपायाणि वा चेळपायाणि वा संखपायाणि वा वहरपायाणि वा करेइ करेंतं वा साइज्जइ ॥ ६४८ ॥ जे भिक्ख अयपायाणि वा तंबपायाणि वा तउयपायाणि वा कंसपायाणि वा रूपपायाणि वा सुवण्णपायाणि वा जायरूवपायाणि वा मणिपायाणि वा कायपायाणि वा दंतपायाणि वा सिंग-पायाणि वा चम्मपायाणि वा चेळपायाणि वा संखपायाणि वा वहरपायाणि वा घरेइ धरेंतं वा साइज्जइ ॥ ६४९ ॥ जे भिक्ख अयपायाणि वा तंबपायाणि वा तउयपायाणि वा नम्मपायाणि वा स्पपायाणि वा सुवण्णपायाणि वा जायरूवपायाणि वा मणिपायाणि वा कंसपायाणि वा दंतपायाणि वा सिंगपायाणि वा नम्मपायाणि वा संग्रिपायाणि वा नम्मपायाणि

१ पज्जोसवणाए (संवच्छरीए) पडिक्कमणं करावेइ करावेंतं…।

वा चेळपायाणि वा संखपायाणि वा वहरपायाणि वा परिभंजइ परिभंजंतं वा साइ-जाड ॥ ६५० ॥ जे भिक्ख अयबंधणाणि वा तंबबंधणाणि वा तउयबंधणाणि वा कंसबंधणाणि वा रुप्पबंधणाणि वा स्वण्णबंधणाणि वा जायस्वबंधणाणि वा मणि-बंधणाणि वा कायबंधणाणि वा दंतबंधणाणि वा सिंगबंधणाणि वा चम्मबंधणाणि वा चेलबंघणाणि वा संखबंघणाणि वा वइरबंघणाणि वा करेइ करेंतं वा साइज्जड ॥ ६५१ ॥ जे भिक्ख अयबंधणाणि वा तंबबंधणाणि वा तउयबंधणाणि वा कंस-बंधणाणि वा रुप्पबंधणाणि वा सवण्णबंधणाणि वा जायरूवबंधणाणि वा मणिबंध-णाणि वा कायबंधणाणि वा दंतबंधणाणि वा सिंगबंधणाणि वा चम्मवंधणाणि वा चेलबंघणाणि वा संखबंघणाणि वा वहरबंघणाणि वा धरेइ धरेंतं वा साइज्जड ॥ ६५२ ॥ जे भिक्ख अयबंधणाणि वा तंबबंधणाणि वा तज्यबंधणाणि वा कंस-बंघणाणि वा रूप्यबंघणाणि वा स्वण्णबंघणाणि वा जायरूववंघणाणि वा मणिबंघणाणि वा कायबंधणाणि वा दंतबंधणाणि वा सिंगबंधणाणि वा चम्मबंधणाणि वा चेल-बंधणाणि वा संखबंधणाणि वा वहरबंधणाणि वा परिभंजह परिभंजंतं वा साइज्जड ॥ ६५३ ॥ जे भिक्ख परं अद्भजोयणमेराओ पायपिडयाए गच्छइ गच्छंतं वा साइजइ ॥ ६५४ ॥ जे भिक्खु परमद्धजोयणमेराओ सपचवायंसि पायं अभिहुङं आहृष्ट दिज्जमाणं पडिग्गाहेइ पडिग्गाहेंतं वा साइजइ ॥ ६५५ ॥ जे भिक्ख धम्मस्स अवण्णं वयइ वयंतं वा साइजइ ॥ ६५६ ॥ जे भिक्खू अधम्मस्स वण्णं वयइ वयंतं वा साइजाइ ॥ ६५७ ॥ जे भिक्खू अण्णडित्थयस्स वा गारित्थियस्स वा पाए आमजेज वा पमजेज वा आमजंतं वा पमजंतं वा साइजड ॥ ६५८॥ जे भिक्ख अण्णउत्थियस्स वा गारित्थियस्स वा पाए संवाहेज वा पिलमहेज वा संवाहेंतं वा पिलमेंहेतं वा साइजाइ ॥ ६५९ ॥ जे भिक्ख अण्णउत्थियस्स वा गारिश्यस्स वा पाए तेल्लेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेतं वा साइजइ ॥ ६६० ॥ जे भिक्खू अण्णउत्थियस्स वा गारित्थयस्स वा पाए लोद्धेण वा कक्केण वा उल्लोलेज वा उल्लेहेज वा उल्लोलेतं वा उन्नेहेंतं वा साइजइ ॥ ६६१ ॥ जे भिक्खू अण्णउत्थियस्स वा गारत्थियस्स वा पाए सीओदगवियडेण वा उसिणोदगवियडेण वा उच्छोळेज वा पधोएज वा उच्छोठेंतं वा पघोएंतं वा साइजइ ॥ ६६२ ॥ जे भिक्खू अण्णउत्थियस्स वा गारत्थियस्स वा पाए फूमेज वा रएज वा फूमेंतं वा रएंतं वा साइजइ ॥ ६६३ ॥ जे भिक्ख, अण्णडित्ययस्स वा गारित्थयस्स वा कार्य आमजेज वा पमजेज वा आमजंतं वा पमजंतं वा साइजाइ ॥ ६६४ ॥ जे भिक्ख् अण्णउत्थियस्स वा

गारितथयस्स वा कायं संवाहेजा वा पिलमहेज वा संवाहेतं वा पिलमहेतं वा साइज्जइ ॥ ६६५ ॥ जे भिक्ख अण्णउत्थियस्स वा गारत्थियस्स वा कायं तेहेण वा घएण वा णवणीएण वा सक्खेज वा भिलिंगेज वा सक्खेंतं वा भिलिंगेतं वा साङजङ ॥ ६६६ ॥ जे भिक्ख अण्णडितथयस्स वा गारितथयस्स वा कायं लोद्धेण वा ककेण वा उल्लोकेज वा उन्बहेज वा उल्लोकेंतं वा उन्बहेंतं वा साइजाइ ॥ ६६७ ॥ जे भिक्ख अण्णरिथयस्स वा गारित्थयस्स वा कायं सीओदगवियडेण वा उत्तिणो-दगवियडेण वा उच्छोलेज वा पधोएज वा उच्छोलेंतं वा पधोएंतं वा साइजइ ॥ ६६८ ॥ जे भिक्ख् अण्णडित्थयस्स वा गारित्थयस्स वा कायं फ्रमेज वा रएज वा फ़मेंतं वा रएंतं वा साइजइ ॥ ६६९ ॥ जे भिक्ख अण्णउत्थियस्स वा गारत्थियस्स वा कायंसि वणं आमजेज वा पमजेज वा आमजंतं वा पमजंतं वा साइजाइ ॥ ६७० ॥ जे भिक्ख अण्णउत्थियस्स वा गारत्थियस्स वा कार्यस वणं संवाहेजा वा पलिमहेजा वा संवाहेंतं वा पलिमहेतं वा साइजाइ ॥ ६०९ ॥ जे भिक्ख अण्णडित्थयस्स वा गारित्थयस्स वा कायंसि वर्ण तेहिण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेंतं वा साइजाइ ॥ ६७२ ॥ जे भिक्ख अण्णडित्थयस्स वा गारित्थयस्स वा कार्यस वणं लोडेण वा कक्केण वा उल्लोलेज वा उन्वहेज वा उल्लोलेतं वा उन्वहेंतं वा साइजाइ ॥ ६७३ ॥ जे भिक्ख अण्ण उत्थियस्स वा गारत्थियस्स वा कार्यसि वणं सीओदगवियडेण वा उसि-णोदगवियडेण वा उच्छोळेज वा पघोएज वा उच्छोळेंतं वा पघोएंतं वा साइजइ ॥ ६०४॥ जे भिक्खू अण्णरुत्थियस्स वा गारत्थियस्स वा कार्यस वर्णं फूमेज वा रएजा वा फ़र्मेतं वा रएंतं वा साइजाइ ॥६७५॥ जे भिक्खु अण्णरु त्थियस्स वा गारत्थियस्स वा कार्यस गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्य-जाएणं अच्छिदेज वा विच्छिदेज वा अच्छिदेतं वा विच्छिदेतं वा साइजाइ ॥ ६७६ ॥ जे भिक्ख अण्णडित्ययस्स वा गारित्थयस्स वा कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदित्ता विच्छिदित्ता प्रयं वा सोणियं वा णीहरेज वा विसोहेज वा णीहरेंतं वा विसोहेतं वा साइजाइ ॥ ६००॥ जे भिक्ख अण्णउत्थियस्स वा गारत्थियस्स वा कायंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अचिछिदित्ता विचिछिदित्ता प्यं वा सोणियं वा णीहरेता विसोहेता सीओदगवियडेण वा उसिणोदगवियडेण वा उच्छोळेज वा पंघोएज वा उच्छोळेंतं वा पंघोएंतं वा साइजइ ॥ ६७८ ॥ जे भिक्ख अण्णडित्ययस्य वा गारित्ययस्य वा कायंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदिता विच्छिदिता प्रयं वा सोणियं वा णीहरेता विसोहेता सीओदगवियडेण वा उसिणोदगवियडेण वा उच्छो-लेता प्रधोएता अण्णयरेणं आलेवणजाएणं आलिंपेज वा विलिंपेज वा आलिंपंत वा विलिपंतं वा साइजाइ ॥ ६७९ ॥ जे भिक्ख अण्णउत्थियस्स वा गारत्थियस्स वा कार्यंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदिता विच्छिदिता पर्यं वा सोणियं वा णीहरेता विसोहेता सीओदगवियडेण वा उसिणोदगवियडेण वा उच्छोलेता पघोएता अण्णयरेणं आले-वणजाएणं आलिंपिता विलिंपिता तेल्लेण वा घएण वा णवणीएण वा अञ्भंगेज वा मक्खेज वा अन्भंगेंतं वा मक्खेंतं वा साइजइ ॥ ६८० ॥ जे भिक्ख अण्णउत्थि-यस्स वा गारित्थयस्स वा कारंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदित्ता विच्छिदिता पूर्यं वा सोणियं वा णीहरेता विसोहेता सीओदगवियडेण वा उसिणोदगवियडेण वा उच्छोळेता पधोएता अण्णयरेणं आलेवणजाएणं आलिंपिता विलिंपिता तेल्लेण वा घएण वा णवणीएण वा अब्भंगेता मक्खेता अण्णयरेणं ध्रवणजाएणं ध्रवेज वा पध्रवेज वा ध्रवेतं वा पध्वेंतं वा साइजाइ ॥ ६८१ ॥ जे भिक्खू अण्णउत्थियस्स वा गारित्थियस्स वा पालुकिमियं वा कुच्छिकिमियं वा अंगुलीए णिवेसिय २ णीहरेइ णीहरेंतं वा साइज्जड ॥ ६८२ ॥ जे भिक्ख अण्णउत्थियस्स वा गारित्थयस्स वा दीहाओ णहसिहाओ कप्पेज वा संठवेज वा कप्पेतं वा संठवेंतं वा साइजइ ॥ ६८३ ॥ जे भिक्ख अण्ण-उत्थियरस वा गारत्थियस्स वा दीहाई जंघरोमाई कप्पेज वा संठवेज वा कप्पेंतं वा संठवेंतं वा साइजाइ ॥ ६८४ ॥ जे भिक्खू अण्णउत्थियस्स वा गारत्थियस्स वा दीहाइं कक्खरोमाइं कप्पेज वा संठवेज वा कप्पेंतं वा संठवेंतं वा साइजइ ॥ ६८५ ॥ जे भिक्ख अण्णउत्थियस्स वा गारत्थियस्स वा दीहाइं मंद्वरोमाइं कप्पेज वा संठवेज वा कप्पेतं वा संठवेंतं वा साइजाइ ॥ ६८६ ॥ जे भिक्ख अण्णउत्थियस्स वा गारित्थयस्स वा दीहाइं णासारोमाइं कप्पेज वा संठवेज वा कप्पेंतं वा संठवेंतं वा साइजइ ॥ ६८७ ॥ जे भिक्ख् अण्णउत्थियस्स वा गारिथयस्स वा दीहाई चक्खु-रोमाई कप्पेज वा संठवेज वा कप्पेतं वा संठवेतं वा साइजइ ॥ ६८८-१ ॥ जे भिक्ख अण्णडितथयस्य वा गारितथयस्य वा दीहाई कण्णरोमाई कप्पेज वा संठवेज वा कप्पैतं वा संठवेंतं वा साइजाइ ॥ ६८८-२ ॥ जे भिक्खू अण्णजित्थयस्य वा गारित्थयस्स वा दंते आघंसेज वा पघंसेज वा आघंसंतं वा पघंसंतं वा साइजाइ ॥ ६८९ ॥ जे भिक्ख अण्णडित्थयस्स वा गारित्थयस्स वा दंते उच्छोळेज वा

पधोएज वा उच्छोठेंतं वा पघोएंतं वा साइजाइ ॥ ६९० ॥ जे भिक्ख अण्णडित्य-यस्स वा गारत्थियस्स वा दंते फूमेज वा रएज वा फूमेंतं वा रएंतं वा साइजइ ॥ ६९१ ॥ जे भिक्ख अण्णडित्थयस्स वा गारित्थयस्स वा उद्रे आमजेज वा पमजोज वा आमजंतं वा पमजंतं वा साइजइ ॥ ६९२ ॥ जे भिक्ख अण्णउत्थि-यस्स वा गारित्थयस्स वा उद्वे संवाहेज वा पलिमहेज वा संवाहेतं वा पलिमहेतं वा साइजाइ ॥ ६९३ ॥ जे भिक्ख अण्णडितथयस्स वा गारितथयस्स वा उद्रे तेल्लेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेंतं वा साइजाइ॥ ६९४॥ जे भिक्खू अण्णउत्थियस्स वा गारत्थियस्स वा उद्रे लोद्धेण वा क्क्रेण वा उल्लेखेज वा उन्वहेज वा उल्लेखेतं वा उन्वहेंतं वा साइजाइ ॥ ६९५ ॥ जे भिक्ख अण्णउत्थियस्स वा गार्तथियस्स वा उद्वे सीओदगिवयडेण वा उसिणोदगवियडेण वा उच्छोलेज वा पधीएज वा उच्छोलेंतं वा पधीएंतं वा साइजाइ ॥ ६९६ ॥ जे भिक्ख् अण्णउत्थियस्स वा गारित्थयस्स वा उद्वे फूमेज वा रएजा वा फ्रमेंतं वा रएंतं वा साइजाइ॥ ६९७॥ जे भिक्ख अण्णउत्थियस्स वा गार तथ्ययस्य वा दीहाई उत्तरोहरोमाई कप्पेज वा संठवेज वा कप्पेतं वा संठवेंतं वा साइज्जङ ॥ ६९८॥ जे भिक्ख् अण्णउत्थियस्स वा गारत्थियस्स वा दीहाई अच्छिपत्ताई कप्पेज वा संठवेज वा कप्पेंतं वा संठवेंतं वा साइजइ॥ ६९९॥ जे भिक्ख अण्ण उत्थियस्स वा गारत्थियस्स वा अच्छीणि आमजेज वा पमजेज वा आमजंतं वा पमज्जंतं वा साइजाइ॥ ७००॥ जे भिक्ख् अण्णउत्थियस्स वा गारत्थियस्स वा अर्च्छाणि संवाहेज वा पिलमेहेज वा संवाहेतं वा पिलमेहेतं वा साइजाइ॥ ७०१ ॥ जे भिक्रव् अण्ण उत्थियस्स वा गारित्थयस्स वा अच्छीणि तेह्रेण वा घएण वा णवणीएण वा मक्खें जा वा मिलिंगेजा वा मक्खेंतं वा मिलिंगेतं वा साइजाइ॥ ७०२॥ जे भिक्ख अण्ण उत्थियस्स वा गारितथयस्स वा अच्छीणि लोद्वेण वा कक्केण वा उल्लोलेज वा उन्बहेन वा उन्नोलंतं वा उन्बहेतं वा साइजइ॥ ७०३॥ जे भिक्ख् अण्णउत्थि-यस वा गारतिथयस्स वा अच्छीणि सीओदगवियडेण वा उसिणोदगवियडेण वा क्योंलेज वा प्रधीएज वा उच्छोठंतं वा प्रधोएंतं वा साइजाइ ॥ ७०४ ॥ जे भिक्ख् क्षणडिश्यस्स वा गारित्थयस्स वा अच्छीणि फूमेज वा रएज वा फूमेंतं वा रएंतं ब साइज्जङ् ॥ ७०५ ॥ जे भिक्ख् अण्णडित्थयस्स वा गारित्थयस्स वा दीहाइं भुगगरों माइं कृष्पेज्ज वा संठवेज वा कप्पेतं वा संठवेतं वा साइजइ ॥ ७०६ ॥ जे मिन अण्य उत्थियस्स वा गारत्थियस्स वा दीहाई पासरोमाई कप्पेज वा संठवेज **॥ क**प्पेनं वा संठवेतं वा साइजइ ॥ ७०७-१ ॥ ... केसरोमाइं ...॥ ७०७-२ ॥

जे भिक्ख अण्णउत्थियस्स वा गारत्थियस्स वा अच्छिमलं वा कण्णमलं वा दंतमलं वा णहमलं वा णीहरेज वा विसोहेज वा णीहरेंतं वा विसोहेंतं वा साइजाइ ॥ ७०८॥ जे भिक्ख अण्णडित्थयस्य वा गारित्थयस्य वा कायाओ सेयं वा जल्लं वा पंकं वा मलं वा णीहरेजा वा विसोहेजा वा णीहरेंतं वा विसोहेंतं वा साइजाइ ॥ ७०९ ॥ जे भिक्ख गामाणगामं दुइजामाणे अण्णउत्थियस्स वा गारत्थियस्स वा सीसदुवारियं करेड़ करेंतं वा साइजाड़ ॥ ७१० ॥ जे भिक्ख अप्पाणं बीभावेड़ वीभावेंतं वा साइजाइ ॥ ७१९ ॥ जे भिक्ख परं बीभावेइ बीभावेंतं वा साइजाइ ॥ ७१२ ॥ जे भिक्ख अप्पाणं विम्हावेइ विम्हावेंतं वा साइजाइ॥ ७१३॥ जे भिक्ख परं विम्हावेइ विम्हावेंतं वा साइजाइ ॥ ७१४ ॥ जे भिक्ख अप्पाणं विष्परियासेइ विष्परियासेतं वा साइजाइ ॥ ७१५ ॥ जे भिक्ख परं विप्परियासें विष्परियासेंतं वा साइजाइ ॥ ७१६ ॥ जे भिक्ख महवण्णं करेइ करेंतं वा साइजाइ ॥ ७१७ ॥ जे भिक्ख वेरजाविरुद्धरजांसि सजां गमणं सजां आगमणं सजां गमणागमणं करेइ करेंतं वा साइज्जइ ॥ ७१८ ॥ जे भिक्ख दियाभोयणस्स अवण्णं वयइ वयंतं वा साइज्जइ ॥ ७९९ ॥ जे भिक्ख राइभोयणस्स वण्णं वयइ वयंतं वा साइजाइ ॥ ७२० ॥ जे भिक्ख दिया असणं वा ४ पिडम्माहेता दिया भुंजइ भुजंतं वा साइज्जइ ॥ ७२१॥ जे भिक्ख दिया असणं वा ४ पडिग्गाहेता रतिं भुंजइ भुजंतं वा साइजाइ ॥ ७२२॥ जे भिक्ख रितं असणं वा ४ पडिग्गाहेता दिया भुंजइ भुजंतं वा साइजाइ ॥ ७२३॥ जे भिक्ख रत्ति असणं वा ४ पडिग्गाहेत्ता रत्ति भुंजइ …॥ ७२४ ॥ जे भिक्ख असणं वा ४ परिवासेइ परिवासेंतं वा साइजाइ ॥ ७२५॥ जे भिक्ख परिवासियस्से असणस्स वा ४ तयप्पमाणं वा भ्इप्पमाणं वा बिंदुप्पमाणं वा आहारं आहारेई आहारेंतं वा साइजाइ ॥ ७२६ ॥ जे भिक्खू आहेणं वा पहेणं वा संमेलं वा हिंगोलं वा अण्णयरं वा तहप्पगारं विरूवरूवं हीरमाणं पेहाए ताए आसाए ताए पिवासाए तं रयणि अण्णत्थ उवाइणावेंइ उवाइणावेंतं वा साइजाइ ॥ ७२७ ॥ जे भिक्खू णिवेयणपिंडं भुंजइ भुंजतं वा साइजाइ ॥ ७२८ ॥ जे भिक्ख अहाछंदं पसंसइ पसंसंतं वा साइजाइ ॥ ७२९ ॥ जे भिक्ख अहाछंदं वंदइ वंदंतं वा साइज्जइ ॥ ७३० ॥ जे भिक्खू णायगं वा अणायगं वा उवासगं वा अणुवासगं वा अणलं पन्वावेइ पन्वावेतं वा साइजाइ ॥ ७३१ ॥ जे भिक्खू णायगं वा अणायगं वा उवासगं वा अणवासगं वा अगलं उवहावेइ उवहावेंतं वा साइजाइ ॥ ७३२ ॥ जे भिक्ख अणलेणं वेयावचं

कारावेद कारावेंतं वा साइजाइ ॥ ७३३ ॥ जे भिक्खू सचेले सचेलगाँणं मज्झे संवसइ संवसंतं वा साइजाइ ॥ ७३४ ॥ जे भिक्खू सचेले अचेलगाँणं मज्झे संवसइ संवसंतं वा साइजाइ ॥ ७३५ ॥ जे भिक्खू अचेले सचेलगाँणं मज्झे संवसइ संवसंतं वा साइजाइ ॥ ७३६ ॥ जे भिक्खू अचेले अचेलगाणं मज्झे संवसइ संवसंतं वा साइजाइ ॥ ७३६ ॥ जे भिक्खू अचेले अचेलगाणं मज्झे संवसइ संवसंतं वा साइजाई ॥ ७३० ॥ जे भिक्खू पारियासियं पिप्पलिं वा पिप्पलिचुण्णं वा सिंगवेरं वा सिंगवेरचुण्णं वा विलं वा लोणं उिक्तयं वा लोणं आहारेइ आहारेंतं वा साइजाइ ॥ ७३८ ॥ जे भिक्खू गिरिपडणाणि वा मरुपडणाणि वा भिगुपडणाणि वा तरुपडणाणि वा गिरिपक्खंदणाणि वा मरुपडणाणि वा भिगुपडणाणि वा तरुपक्खंदणाणि वा जलण्यवसाणि वा जलप्यवसाणि वा जलप्यवसाणि वा जलप्यवसाणि वा जलप्यवसाणि वा वसहाणि वा तरुपक्खंदणाणि वा अलोसहाणि वा वेहणपसाणि वा गिद्धिष्ठाणि वा जाव अण्णयराणि वा तरुपक्खंदणाणि वा ललमरणाणि पसंसइ पसंसंतं वा साइजाइ । तं सेवमाणे आवजाइ चाउम्मासियं परिहारहाणं अणुग्वाइयं ॥ ७३९ ॥ णिसीहऽज्झयणे एकार-समो उद्देसो समत्तो ॥ ११ ॥

बारसमो उद्देसो

जे भिक्ख् अण्णयिं तसपाणजाइं तणपासएण वा मुंजपासएण वा कट्ठपासएण वा चम्मपासएण वा वेत्रपासएण वा सुत्तपासएण वा रज्जुपासएण वा वंधइ बंधंतं वा साइज्जइ ॥ ७४०-१ ॥ जे भिक्ख् अण्णयिं तसपाणजाइं तणपासएण वा मुंजपासएण वा कट्ठपासएण वा चम्मपासएण वा वेत्तपासएण वा सुत्तपासएण वा रज्जुपासएण वा कट्ठपासएण वा चम्मपासएण वा वेत्तपासएण वा सुत्तपासएण वा रज्जुपासएण वा वेद्धलयं मुंच(मुय)इ मुंचं(-यं)तं वा साइज्जइ ॥ ७४०-२ ॥ जे भिक्ख् अभिक्खणं २ पच्चक्खाणं भंजइ भंजंतं वा साइज्जइ ॥ ७४९ ॥ जे भिक्ख् पित्तकाय-संजुत्तं० आहारेइ आहारेंतं वा साइज्जइ ॥ ७४२ ॥ जे भिक्ख् तणपीढगं वा पलल्पिढगं वा छगणपीढगं वा कट्ठपीढगं वा परेंवत्थेणोच्छण्णं अहिट्ठेइ अहिट्ठेंतं वा साइज्जइ ॥ ७४३ ॥ जे भिक्ख् पुढवीकायस्स वा साइज्जइ ॥ ७४४ ॥ जे भिक्ख् पुढवीकायस्स वा आउक्कायस्स वा अगणिकायस्स वा वाउकायस्स वा वणप्फइकायस्स वा कलमा-यमिव समा(रं)रभइ समारभंतं वा साइज्जइ ॥ ७४५ ॥ जे भिक्ख् सचित्तरक्खं दुह्हइ दुह्हंतं वा साइज्जइ ॥ ७४६ ॥ जे भिक्ख् पिहमत्ते मुंजह मुंजंतं वा

१ संजईणं । २ जिणकप्पीणं । ३ थेरकप्पीणं । ४ जिणकप्पिणो कस्स वि साहेजं गेच्छंति अओ एगहा विहरंति त्ति । ५ 'गिहत्थ' ।

साइजाइ ॥ ७४७ ॥ जे भिक्खू गिहिवत्थं परिहेद परिहेतं वा साइजाइ ॥ ७४८ ॥ जे भिक्ख गिहिणिसेजं वाहेइ वाहेंतं वा साइजाइ ॥ ७४९ ॥ जे भिक्ख गिहिते-इन्छं करेड करेंतं वा साइजाइ ॥ ७५० ॥ जे भिक्खू पुराकम्मकडेण हत्थेण वा मत्तेण वा द[व्विवविष्ण वा भायणेण वा असणं वा ४ पडिम्माहेइ पडिम्माहेतं वा साइजाइ ॥ ७५१ ॥ जे भिक्खू गिहत्थाण वा अण्ण(उ)तित्थियाण वा सीओदगपरि-भोगेण हत्थेण वा मत्तेण वा दव्वीएण वा भायणेण वा असणं वा ४ पडिग्गाहेड पंडिग्गाहेंतं वा साइजंड ॥ ७५२ ॥ जे भिक्ख वप्पाणि वा फलिहाणि वा उप्पलाणि वा पहलाणि वा उज्झराणि वा णिज्झराणि वा वावीणि वा पोक्खराणि वा दीहि-याणि वा सराणि वा सरपंतियाणि वा सरसरपंतियाणि वा चक्खुदंसणपडियाए अभिसंधारेड अभिसंधारेंतं वा साइजाड ॥ ७५३ ॥ जे भिक्ख कच्छाणि वा गहणाणि वा णुसाणि वा वणाणि वा वणविदुरगाणि वा पञ्चयाणि वा पञ्चयविद-ग्गाणि वा चक्खदंसणपडियाए अभिसंघारेइ अभिसंघारेंतं वा साइजाइ ॥ ७५४ ॥ जे भिक्ख गामाणि वा णगराणि वा खेडाणि वा कब्बडाणि वा मडंबाणि वा दोणमहाणि वा पदृणाणि वा आगराणि वा संवाहाणि वा सण्णिवेसाणि वा चक्ख[दं]-दंसणपडियाए अभिसंघारेइ अभिसंघारेंतं वा साइज्जइ ॥ ७५५ ॥ जे भिक्खू गाममहाणि वा णगरमहाणि वा खेडमहाणि वा कब्बडमहाणि वा मुखंबमहाणि वा दोणमुहमहाणि वा पष्टणमहाणि वा आगरमहाणि वा संवाहमहाणि वा सण्णिवेस-महाणि वा चक्खुदंसणपडियाए अभिसंघारेइ अभिसंघारेंतं वा साइजाइ ॥ ७५६ ॥ जे भिक्ख गामवहाणि वा णगरवहाणि वा खेडवहाणि वा कब्बडवहाणि वा मडंबवहाणि वा दोणमुह्वहाणि वा पष्टणवहाणि वा आगरवहाणि वा संवाहवहाणि वा संणिवेसवहाणि वा चक्खुदंसणपिडयाए अभिसंघारेइ अभिसंघारेतं वा साइजाइ ॥ ७५७ ॥ जे भिक्ख गामपहाणि वा णगरपहाणि वा खेडपहाणि वा कञ्बडपहाणि वा मडंबपहाणि वा दोणमुहपहाणि वा पष्टणपहाणि वा आगरपहाणि वा संवाहपहाणि . वा सिण्णवेसपहाणि वा चक्खुदंसणपिडयाए अभिसंघारेइ अभिसंघारेतं वा साइज्जइ ॥ ७५८ ॥ जे भिक्ख गामदाहाणि वा जाव सण्णिवेसदाहाणि वा चक्ख्रदंसणपिंड-याए अभिसंघारेइ अभिसंघारेंतं वा साइजाइ ॥ ७५९ ॥ जे भिक्खू आसकरणाणि वा हित्थकरणाणि वा उद्दकरणाणि वा गोणकरणाणि वा महिसकरणाणि वा सूयरक-रणाणि वा चक्खुदंसणपिडयाए अभिसंघारेइ अभिसंघारेतं वा साइजाइ ॥ ७६० ॥ जे भिक्ख आसजुद्धाणि वा हत्थिजुद्धाणि वा उद्वजुद्धाणि वा गोणजुद्धाणि वा महिसजुद्धाणि वा स्यरजुद्धाणि वा चक्खुदंसणपिडयाए अभिसंघारेइ अभिसंघारेतं

वा साइज्जइ ॥ ७६१ ॥ जे भिक्ख उज्जूहिय[द्वा]ठाणाणि वा हयजूहियठाणाणि वा गयज्ञहियठाणाणि वा चक्खुदंसणपिडयाए अभिसंधारेड अभिसंधारेतं वा साइजइ ॥ ७६२ ॥ जे भिक्ख अ(भिसे)म्घायठाणाणि वा अक्खाइयठाणाणि वा माणुम्मा-णियठाणाणि वा महया हयणदृगीयवाइयतंतीतलतालत् डियपद्धप्पवाइयठाणाणि वा चक्खुदंसणपिडयाए अभिसंघारेइ अभिसंघारेतं वा साइजाइ ॥ ७६३ ॥ जे भिक्खू कद्रकम्माणि वा चित्तकम्माणि वा (लेवकम्माणि वा) पोत्थकम्माणि वा दंतकम्माणि वा मणिकम्माणि वा सेलकम्माणि वा गंठिमाणि वा वेढिमाणि वा पूरिमाणि वा संघाइमाणि वा पत्तच्छेजाणि वा वाहीणि वा वेहिमाणि वा चक्खुदंसण-पंडियाए अभिसंघारेड अभिसंघारेंतं वा साइज्जइ ॥ ७६४ ॥ जे भिक्ख डिम्बाणि वा डमराणि वा खाराणि वा वेराणि वा महाज़ुद्धाणि वा महासंगा-माणि वा कलहाणि वा बोलाणि वा चक्खुदंसणपडियाए अभिसंघारेइ अभि-संघारेंतं वा साइजाइ ॥ ७६५ ॥ जे भिक्खू विरूवरूवेसु महस्सवेसु इत्थीणि वा पुरिसाणि वा थेराणि वा मज्झिमाणि वा डहराणि वा अणलंकियाणि वा सुअलंकि-याणि वा गायंताणि वा वायंताणि वा णचंताणि वा हसंताणि वा रमंताणि वा मोहंताणि वा विङलं असणं वा ४ परिभायंताणि वा परिभंजंताणि वा चक्खदंसण-पिडयाए अभिसंधारेइ अभिसंघारेतं वा साइजाइ ॥ ७६६ ॥ जे भिक्ख् इहलोइएसु वा रुवेस परलोइएस वा रुवेस दिद्रेस वा रुवेस अदिदेस वा रुवेस सएस वा रुवेस असुएसु वा रूवेसु विण्णाएसु वा रूवेसु अविण्णाएसु वा रूवेसु सज्जइ रज्जइ गिज्झइ अज्झोववजाइ सर्ज्ञंतं र्ज्जंतं गिज्झंतं अज्झोववज्(जमाणं)जंतं वा साइजाइ ॥ ७६७ ॥ जे भिक्ख पढमाए पोरिसीए असणं वा ४ पडिग्गाहेत्ता पच्छिमं पोरिसिं उवाइणावेइ उवाइणावेंतं वा साइजाइ ॥ ७६८ ॥ जे भिक्ख परं अद्धजोयणमेराओ असणं वा ४ उवाइणावेइ उवाइणावेंतं वा साइजाइ ॥ ७६९ ॥ जे भिक्खू दिया गोमयं पिडग्गा-हेत्ता दिया कार्यसि वणं आलिंपेज वा विलिंपेज वा आलिंपंतं वा विलिंपंतं वा साइजाइ ॥ ७७० ॥ जे भिक्खू दिया गोमयं पिडम्गाहेता रित्तं कार्यंसि वर्ण आर्लिपेज वा विलिंपेज वा आर्लिपंतं वा विलिंपंतं वा साइजाइ ॥ ७७१ ॥ जे भिक्ख रितं गोमयं पडिग्गाहेता दिया कार्यंसि वर्ण आर्लिपेज वा विलिपेज वा आर्लिपंतं वा विलिपंतं वा साइजाइ ॥ ७७२ ॥ जे भिक्खू रित गोमयं पिडिग्गाहेत्ता रतिं कार्यसि वर्ण आलिंपेज वा विलिंपेज वा आलिंपेतं वा विलिंपेतं वा साइ-जाइ ॥ ७७३ ॥ जे भिक्ख दिया आलेवणजायं पिडग्गाहेत्ता दिया कार्यसि वणं आर्लिपेज वा विलिंपेज वा आलिंपंतं वा विलिंपंतं वा साइजाइ ॥ ७७४॥ जे भिक्ख् दिया आलेवणजायं पिडिग्गाहेता रितं कायंसि वणं आलिंपेज वा विलिंपेज वा आलिंपेज वा विलिंपेतं वा साइज्जइ॥ ७०५॥ जे भिक्ख् रितं आलेवणजायं पिडिग्गाहेता दिया कायंसि वणं आलिंपेज वा विलिंपेज वा आलिंपेज वा विलिंपेज वा आलिंपेज वा विलिंपेज वा साइज्जइ॥ ७०६॥ जे भिक्ख् रितं आलेवणजायं पिडिग्गाहेता रितं कायंसि वणं आलिंपेज वा विलिंपेज वा आलिंपेतं वा विलिंपेतं वा साइज्जइ॥ ७००॥ जे भिक्ख् अण्णउत्थिएण वा गारत्थिएण वा उविहं वहावेइ वहावेंतं वा साइज्जइ॥ ७००॥ जे भिक्ख् अण्णउत्थिएण वा गारत्थिएण वा उविहं वहावेइ वहावेंतं वा साइज्जइ॥ ७००॥ जे भिक्ख् इमाओ पंच महण्णवाओ महाणईओ उिह्झाओ गणियाओ विज्याओ अंतो मासस्स दुक्खुत्तो वा तिक्खुत्तो वा उत्तरइ वा संतरइ वा उत्तरंतं वा साइज्जइ, तंजहा—गंगा जउणा सरऊ एरावई मही। तं सेवमाणे आवज्जइ चाउम्मासियं परिहारद्वाणं उ[अणु]ग्घाइयं॥ ७८०॥ णिसीह-

ऽज्झयणे बारसमो उद्देसो समत्तो ॥ १२ ॥ तेरहमो उद्देसो

जे भिक्ख अणंतरहियाए पढ़वीए ठाणं वा सेजं वा अणिसेजं वा णिसीहियं वा चेएइ चेएंतं वा साइजाइ ॥ ७८९ ॥ जे भिक्खू सिसणिद्धाए पुढवीए ठाणं वा … साइज्जइ ॥ ७८२ ॥ जे भिक्खू मिट्टयाकडाए पुढवीए ठाणं वा ''साइज्जड ॥ ७८३ ॥ जे भिक्ख संसरक्खाए पढ़वीए ठाणं वा साइजाइ ॥ ७८४ ॥ जे भिक्ख चित्तमंताए पुढवीए ठाणं वा · · साइजइ ॥ ७८५ ॥ जे भिक्ख चित्तमंताए सिलाए ठाणं वा ''साइजाइ ॥ ७८६ ॥ जे भिक्ख चित्तमंताए छेल्लए ठाणं वा '' साइजाइ ॥ ७८७ ॥ जे भिक्ख कोलावासंसि वा दारुए जीवपइद्रिए सअंडे सपाणे सबीए सहिरए सओस्से सउदए सउत्तिंगपणगदगम[ही]हियमक्कडासंताणगंसि ठाणं वा · · साइजाइ।। ७८८।। जे भिक्खू थूर्णसे वा गिहेलुयंसि वा उसु का यालंसि वा काम-जलंसि वा दुब्बद्धे दुण्णिक्खित्ते अणिकंपे चलाचले ठाणं वा ''साइज्जइ ॥ ७८९ ॥ जे भिक्ख कुलियंसि वा भित्तिंसि वा सिलंसि वा लेलुंसि वा अंतरिक्खजायंसि वा दुब्बद्धे दुण्णिक्खिते अणिकंपे चलाचले ठाणं वा ''साइजाइ ॥ ७९०॥ जे भिक्ख खंधंसि वा फलिहंसि वा मंचंसि वा मंडवंसि वा मालंसि वा पासायंसि वा हम्म-तलंसि वा दुब्बद्धे दुण्णिक्खित्ते अणिकंपे चलाचले ठाणं वा · · साइज्जइ ॥ ७९१ ॥ जे भिक्ख अण्णडित्थयं वा गारित्थयं वा सिप्पं वा सिलोगं वा अद्रावयं वा ककडगं वा वर्गगा गर्हसि वा सलाहत्थयंसि वा सिक्खावेइ सिक्खावेंतं वा साइजाइ॥ ७९२॥ जे भिक्ख अण्णउत्थियं वा गारित्थयं वा आगाढं वयइ वयंतं वा साइजाइ

॥ ७९३ ॥ जे भिक्ख अण्णउत्थियं वा गारत्थियं वा फरसं वयद वयंतं वा साइज्जड ॥ ७९४ ॥ जे भिक्ख अण्णडित्थयं वा गारित्थयं वा आगाढं फरुसं वयइ वयंतं वा साइजाइ ॥ ७९५ ॥ जे भिक्ख अण्णउत्थियं वा गारितथयं वा अण्णयरीए अचा-सायणाए अचासाएइ अचासाएंतं वा साइजाइ ॥ ७९६ ॥ जे भिक्ख् अण्णउत्थि-याण वा गारित्थयाण वा कोउगकम्मं करेइ करेंतं वा साइजाइ॥ ७९७॥ जे भिक्ख् अण्णडित्थयाण वा गारित्थयाण वा भूइकम्मं करेइ करेंतं वा साइजाइ ॥ ७९८ ॥ जे भिक्ख अण्णउत्थियाण वा गारत्थियाण वा पिसणं करेइ करेंतं वा साइज्जइ ॥ ७९९ ॥ जे भिक्खू अण्णउत्थियाण वा गारत्थियाण वा परिणा-पसिणं करेड करेंतं वा साइजाइ ॥ ८०० ॥ (जे ... पसिणं कहेड कहेंतं ... पसि-णापसिणं…) जे भिक्खू अण्णउत्थियाण वा गारत्थियाण वा तीयं निमित्तं क(है)रेइ करेंतं वा साइज्जइ ॥ ८०९ ॥ (...पडुप्पण्णं ... आगमिस्सं ...) जे भिक्ख अण्णडित्थयाण वा गारित्थयाण वा लक्खणं करेड करेतं वा साइज्जड ॥ ८०२ ॥ जे भिक्ख अण्णडित्थयाण वा गारित्थयाण वा वंजणं करेइ करेंतं वा साइजाइ ॥ ८०३ ॥ जे भिक्ख अण्णउत्थियाण वा गारत्थियाण वा सुमिणं करेइ करेंतं वा साइजाइ ॥ ८०४ ॥ जे भिक्ख अण्णउत्थियाण वा गारत्थियाण वा विजं परंजर परंजंतं वा साइजार ॥ ८०५ ॥ जे भिक्ख अण्णरिथयाण वा गारित्थयाण वा मंतं पउंजइ पउंजंतं वा साइजाइ ॥ ८०६ ॥ जे भिक्ख अण्णउत्थियाण वा गारत्थियाण वा जोगं पउंजइ पउंजंतं वा साइजाइ ॥ ८०० ॥ जे भिक्ख् अण्णडित्थयाण वा गारित्थयाण वा मग्गं वा पवेएइ संधि वा पवेएइ (मग्गाओ वा संधिं पवेएइ) संधीओ वा मग्गं पवेएइ पवेएंतं वा साइज्जइ ॥ ८०८ ॥ जे भिक्ख अण्णउत्थियाण वा गारत्थियाण वा धाउं प्रवेएइ पवेएंतं वा साइजाइ ॥ ८०९ ॥ जे भिक्ख अण्णडित्थयाण वा गारित्थयाण वा णिहिं पवेएइ पवेएंतं वा साइजाइ ॥ ८१० ॥ जे भिक्खू मत्तए अ(प्पा)ताणं देहइ देहंतं वा (पलोएइ पलोएंतं वा) साइज्जइ ॥ ८११ ॥ जे भिक्ख अहाए अप्पाणं देहड देहंतं वा साइजाड ॥ ८१२ ॥ जे भिक्ख असीए अप्पाणं देहड देहंतं वा साइजाइ ॥ ८१३ ॥ जे भिक्ख मणीए अप्पाणं देहइ देहंतं वा साइजाइ ॥ ८१४ ॥ जे भिक्ख कुंडपाणिए अप्पाणं देहड देहंतं वा साइजाइ ॥ ८१५ ॥ जे भिक्ख तेल्ले अप्पाणं देहइ देहंतं वा साइजइ ॥ ८१६ ॥ जे भिक्ख सप्पिए अप्पाणं देहड़ देहंतं वा साइजाइ ॥ ८१७ ॥ जे भिक्खू फाणिए अप्पाणं देहड़ देहंतं वा

१ फ़ुडीकरणमेयस्सायारबिइयसुयक्खंधिरियज्झयणाओ णायव्वं ।

साइजाइ ॥ ८१८ ॥ जे भिक्खू वमणं करेइ करेंतं वा साइजाइ ॥ ८१९ ॥ जे भिक्ख विरेयणं करेइ करेंतं वा साइजाइ॥ ८२०॥ जे भिक्ख वमणविरेयणं करेड़ करेंतं वा साइजाइ ॥ ८२१ ॥ जे भिक्खू अरोगियपडिकम्मं करेड़ करेंतं वा साइजाइ ॥ ८२२ ॥ जे भिक्ख पासत्थं वंदइ वंदंतं वा साइजाइ ॥ ८२३ ॥ जे भिक्ख पासत्थं पसंसइ पसंसंतं वा साइजाइ ॥ ८२४ ॥ जे भिक्ख कुसीलं वंदइ वंदंतं वा साइजाइ ॥ ८२५ ॥ जे भिक्ख कसीलं पसंसइ पसंसंतं वा साइजाइ ॥ ८२६ ॥ जे भिक्ख ओसण्णं वंदइ वंदंतं वा साइज्जइ ॥ ८२७ ॥ जे भिक्ख ओसण्णं पसंसइ पसंसंतं वा साइजाइ ॥ ८२८ ॥ जे भिक्ख संसत्तं वंदइ वंदंतं वा साइजाड ॥ ८२९ ॥ जे भिक्ख संसत्तं पसंसद पसंसतं वा साइजाइ ॥ ८३० ॥ जे भिक्खू नितियं वंदइ वंदंतं वा साइजाइ ॥ ८३१ ॥ जे भिक्खू नितियं पसंसइ पसंसंतं वा साइजाइ ॥ ८३२ ॥ जे भिक्ख काहियं वंदइ वंदंतं वा साइजाइ ॥ ८३३ ॥ जे भिक्ख काहियं पसंसइ पसंसंतं वा साइजाइ ॥ ८३४ ॥ जे भिक्ख पासिणयं वंदइ वंदंतं वा साइजाइ ॥ ८३५ ॥ जे भिक्ख पासिणयं पसंसइ पसंसंतं वा साइज्जइ ॥ ८३६ ॥ जे भिक्खू मामगं वंदइ वंदंतं वा साइज्जइ ॥ ८३७ ॥ जे भिक्ख मामगं पसंसइ पसंसंतं वा साइजाइ ॥ ८३८ ॥ जे भिक्ख संपसारियं वंदइ वंदंतं वा साइजाइ ॥ ८३९ ॥ जे भिक्खू संपसारियं पसंसइ पसंसंतं वा साइज्जइ ॥ ८४० ॥ जे भिक्खू धा(इ)ईपिंडं भुंजइ भुंजंतं वा साइज्जइ ॥ ८४१ ॥ जे भिक्ख दूईपिंडं मुंजइ भुंजंतं वा साइजइ ॥ ८४२ ॥ जे भिक्ख णिमित्तपिंडं भुंजइ भुंजंतं वा साइजाइ ॥ ८४३ ॥ जे भिक्ख आजीवियपिंडं भंजह भंजंतं वा साइजाइ ॥ ८४४ ॥ जे भिक्ख वणीमगपिंडं भुंजाइ भुंजंतं वा साइजाइ ॥ ८४५ ॥ जे भिक्ख तिगिच्छापिंडं भुंजइ भुंजतं वा साइजाइ ॥ ८४६ ॥ जे भिक्खू को(ह)वर्षिडं भुंजह भुंजंतं वा साइजइ ॥ ८४७ ॥ जे भिक्खू माणपिंडं भुंजइ भुंजंतं वा साइजइ ॥ ८४८ ॥ जे भिक्खू मायापिंडं भुंजइ भुंजंतं वा साइजइ ॥ ८४९ ॥ जे भिक्खू लोभपिंडं भुंजइ भुंजतं वा साइजइ ॥ ८५० ॥ जे भिक्खू विजापिंडं भंजइ भंजंतं वा साइजाइ ॥ ८५१ ॥ जे भिक्ख् मंतपिंडं भुंजइ भुंजंतं वा साइजइ ॥ ८५२ ॥ जे भिक्खू चुण्णयपिंडं भुंजइ भुंजंतं वा साइजड ॥ ८५३ ॥ जे भिक्ख अंतद्धाणपिंडं भुंजइ भुंजतं वा साइजाइ ॥ ८५४ ॥ जे भिक्ख जोगपिंडं भुंजइ भुंजंतं वा साइजाइ। तं सेवमाणे आवजाइ चाउम्मासियं परिहारद्वाणं उन्धाइयं ॥ ८५५ ॥ णिसीहऽज्झयणे तेरहमो उहेसो समतो॥ १३॥

चडदसमो उद्देसो

जे भिक्ख् पडिग्गहं किणइ किणावेइ कीयमाहृहु दिज्जमाणं पडिग्गाहेइ पडि-गगाहेंतं वा साइजाइ ॥ ८५६ ॥ जे भिक्खू पडिग्गहं पामिचेइ पामिचावेड पामिचमाहरू दिजामाणं पडिग्गाहेइ पडिग्गाहेंतं वा साइजाइ ॥ ८५०॥ जे भिक्ख पडिग्गहं परियद्वेह परियद्वावेइ परियद्वियमाहृ दिज्जमाणं पडिग्गाहेद वा साइजाइ ॥ ८५८ ॥ जे भिक्ख पडिग्गहें अ(च्छि)च्छेजं अणिसिट्टं अभिहड-माहर् दि[दे]जमाणं पिडम्गाहेइ पिडम्गाहेतं वा साइज्जइ ॥ ८५९ ॥ जे भिक्खू अइरेगपिडम्गहं गणिं उद्दिसिय गणिं सम्दिसिय तं गणिं अणापुच्छिय अणामंतिय अण्णमण्णस्स वियरइ वियरंतं वा साइजाइ ॥ ८६० ॥ जे भिक्ख अइरेगं पडिग्गहं खुङ्गस्स वा खुड्टियाए वा थेरगस्स वा थेरियाए वा अहत्थिच्छिण्णस्स अपायच्छि-ण्णस्स अणासाछिण्णस्स अकण्णच्छिण्णस्स अणोद्रच्छिण्णस्स सत्तस्स देइ देंतं वा साइज्जइ ॥ ८६१ ॥ जे भिक्खू अइरेगं पडिग्गहं खुडुगस्स वा खुड्डियाए वा थेर-गस्स वा थेरियाए वा [अ]हत्थच्छिण्णस्स [अ]पायच्छिण्णस्स [अ]णासाछिण्णस्स [अ]कण्णच्छिण्णस्स [अण]ोद्रच्छिण्णस्स असकस्स न देइ न देंतं वा साइज्जइ ॥ ८६२ ॥ जे भिक्खू पहिग्गहं अणलं अथिरं अधुवं अधारणिज्ञं धरेइ धरेंतं वा साइजाइ ॥ ८६३ ॥ जे भिक्ख पडिग्गहं अलं थिरं ध्वं धारणिजं न धरेइ न धरेंतं वा साइजाइ ॥ ८६४ ॥ जे भिक्ख वण्णमंतं पडिग्गहं विवण्णं करेइ करेंतं वा साइ-जाइ ॥ ८६५ ॥ जे भिक्ख विवण्णं पिडिग्गैहं वण्णमंतं करेइ करेंतं वा साइजाइ ॥ ८६६ ॥ जे भिक्खूणो णवए मे पिडिग्गहे लद्धेत्तिकहु तेल्लेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेतं वा साइजाइ ॥ ८६७ ॥ जे भिक्ख णो णवए मे पडिग्गहे लद्धेत्तिकडू लोद्धेण वा कक्केण वा चुण्णेण वा वण्णेण वा उच्छोलेज वा उन्वलेज वा उच्छोलेंतं वा उन्वलेंतं वा साइजाइ ॥ ८६८ ॥ जे भिक्खू णो णवए मे पिडग्गहे लद्धेत्तिकह सीओदगवियडेण वा उसिणोदगवियडेण वा उच्छोलेज वा पधोएज वा उच्छोलेंतं वा पधोएंतं वा साइजाइ ॥ ८६९ ॥ जे भिक्खू णो णवए मे पडिग्गहे लद्धेत्तिकहु बहु(दि)देवसिएण [वा] तेह्रेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेतं वा साइजाइ ॥ ८७० ॥ जे भिक्ख णो णवए मे पडिग्गहे लढेतिकह बहुदेवसिए(णं)ण लोदेण वा कक्केण वा चण्णेण वा वण्णेण वा उल्लेखेज वा उन्बलेज वा उल्लेखेतं वा उन्बलेतं वा साइजाइ ॥ ८७१ ॥ जे भिक्खू णो णवए मे पडिग्गहे लद्धेत्तिकह बहदेवसिएण

१ सोभाणिमित्तं।

५७ सुत्ता०

सीओद्गवियडेण वा उसिणोद्गवियडेण वा उच्छोळेज वा पधोएज वा उच्छोळेतं वा पंथोएंतं वा साइजाइ ॥ ८७२ ॥ जे भिक्ख दुब्भिगंधे मे पंडिग्गहे लखेत्तिकह तेह्रेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेत वा साइजाइ ॥ ८७३ ॥ जे भिक्ख दुविभगंधे मे पडिग्गहे लेखे तिकह लोखेण वा कक्केण वा चुण्णेण वा वण्णेण वा उल्लोलेज वा उल्वलेज वा उल्लोलेंतं वा उन्वलेंतं वा साइजाइ ॥ ८७४ ॥ जे भिक्ख दुब्भिगंधे मे पिडागहे लेखेत्तिकह सीओदगवियडेण वा उत्तिणोदगवियडेण वा उच्छोलेज वा पधोएज वा उच्छोलेंतं वा पधोएंतं वा साइजाइ ॥ ८७५ ॥ जे भिक्खू दुब्भिगंधे मे पडिग्गहे लद्धेत्तिकट्ट बहुदेवसिएण तेह्रेण वा घएण वा णवणीएण वा मक्खेज वा भिलिंगेज वा मक्खेंतं वा भिलिंगेंतं वा साइजाइ ॥ ८७६ ॥ जे भिक्खू दुब्भिगंधे मे पडिग्गहे लद्धेत्तिकटू वह-देवसिएण लोद्धेण वा कक्केण वा चण्णेण वा वण्णेण वा उल्लेखन वा उच्चलेखन वा उल्लोठेंतं वा उन्वरेंतं वा साइजइ ॥ ८७७ ॥ जे भिक्खू दुव्भिगंधे मे पडिग्गहे लद्धेत्तिकद्दृ बहुदेवसिएण सीओदगवियडेण वा उसिणोदगवियडेण वा उच्छोलेज वा पंचीएज वा उच्छोठेंतं वा पंघीएंतं वा साइजइ ॥ ८७८ ॥ जे भिक्ख अणंत-रहियाए पुढवीए दुब्बद्धे दुण्णिक्खित अणिकंपे चलाचले पिडागहं आयावेजा वा पयावेज वा आयावेंतं वा पयावेंतं वा साइजइ ॥ ८७९ ॥ जे भिक्खू सिसणिद्धाए पढ़वीए दुब्बद्धे दुण्णिक्खित्ते अणिकंपे चलाचले पहिन्गहं आयावेज वा पयावेजा वा आयावेंतं वा पयावेंतं वा साइजाइ ॥ ८८० ॥ जे भिक्ख ससरक्खाए पढवीए दब्बद्धे दुण्णिक्खित्ते अणिकंपे चलाचले पिडिगाहं आयावेज वा पयावेज वा आयावेतं वा पयावेंतं वा साइजाइ ॥ ८८१ ॥ जे भिक्खू महियाकडाए पुढवीए दुब्बद्धे दण्णिक्खित्ते अणिकंपे चलाचले पिडम्महं आयावेज वा पयावेज वा आयावेंतं वा पयावेंतं वा साइजाइ ॥ ८८२ ॥ जे भिक्खू चित्तमंताए पढवीए दुब्बंधे दुण्णिक्खित अणिकंपे चलाचले पिडिगाहं आयावेजा वा पयावेजा वा आयावेंतं वा पयावेंतं वा साइजाइ ॥ ८८३ ॥ जे भिक्खं चित्तमंताए सिलाए दुब्बंधे दुण्णिक्खित अणिकंपे चलाचले पिडिगाहं आयावेज वा पयावेज वा आयावेतं वा पयावेतं वा साइजाइ ॥ ८८४ ॥ जे भिक्ख चित्तमंताए लेळूए दुन्बंधे दुण्णिक्खिते अणिकंपे चलाचले पडिग्गहं आयावेज वा पयावेज वा आयावेंतं वा पयावेंतं वा साइजाइ ॥ ८८५ ॥ जे भिक्ख कोलावासंसि वा दारुए जीवपइद्रिए सअंडे सपाणे सवीए सहरिए सओस्से सउदए सउतिंगपणगदगमिहयमकडासंताण(ए)गंसि दुब्बंधे दुण्णिकखिते अणिकंपे चलाचले पिडम्गहं आयांवेज वा पयावेज वा आयावेंतं वा पयावेंतं वा

साइजाइ ॥ ८८६ ॥ जे भिक्खू थूणंसि वा गिहेलुयंसि वा उसुयालंसि वा का[झा]म[व]-जलंसि वा दुन्बद्धे दुण्णिक्खित अणिकंपे चलाचले पडिग्गहं आयावेज वा पयावेज वा आयावेंतं वा पयावेंतं वा साइज्जइ ॥ ८८७ ॥ जे भिक्ख् कुलियंसि वा भित्तिंसि वा सिलंसि वा लेलुंसि वा अंत(रि)लिक्खजायंसि वा दुब्बद्धे दुण्णिक्खित्ते अणिकंपे चलाचले पडिगगहं आयावेज वा पयावेज वा आयावेतं वा पयावेतं वा साइजइ ॥ ८८८ ॥ जे भिक्ख खंघंसि वा फलहंसि वा मंचंसि वा मंडवंसि वा मालंसि वा पासायंसि वा दुन्बद्धे दुण्णिक्खित अणिकंपे चलाचले पिडग्गहं आयावेज वा पयावेज वा आयावेंतं वा पयावेंतं वा साइज्जइ ॥ ८८९ ॥ जे भिक्खू पडिग्गहाओ पुढवी-कायं णीहरइ णीहरावेइ णीहिरयं आहृ हु देजमाणं पिडग्गाहेइ पिडग्गाहेतं वा साइजइ ॥ ८९० ॥ जे भिक्ख् पडिग्गहाओं आउकायं णीहरइ णीहरावेइ णीहरियं आहटू देजमाणं पडिग्गाहेइ पडिग्गाहेंतं वा साइजइ ॥ ८९१ ॥ जे भिक्ख् पडिग्गहाओ तेजकायं णीहरइ णीहरावेइ णीहरियं आहट्ट देजमाणं पडिग्गाहेइ पडिग्गाहेतं वा साइजाइ ॥ ८९२ ॥ जे भिक्खू पिडम्गहाओ कंदाणि वा मूलाणि वा पत्ताणि वा पुष्फाणि वा फलाणि वा णीहरइ णीहरावेइ णीहरियं आहट्ट देजमाणं पडिग्गाहेइ पडिग्गाहेंतं वा साइज्जइ ॥ ८९३ ॥ जे भिक्खू पडिग्गहाओं ओसहिबीयाणि णीहरइ णीहरावेइ णीहरियं आहरू देजमाणं पडिग्गाहेइ पडिग्गाहेंतं वा साइज्जइ ॥ ८९४॥ जे भिक्ख् पडिग्गहाओ तसपाणजाइं णीहरइ णीहरावेइ णीहरियं आहट्ट देजमाणं पडिग्गाहेइ पडिग्गाहेंतं वा साइजइ ॥ ८९५ ॥ जे भिक्ख् पडिग्गहर्ग कोरेइ कोरावेइ कोरियं आहट्ट देजामाणं पिडनगाहेड पिडनगाहेतं वा साइजाइ ॥ ८९६ ॥ जे भिक्खू णायगं वा अणायगं वा उवासगं वा अणुवासगं वा गामंतरंसि वा गाम-पहंतरंसि वा पडिग्गहं ओभासिय २ जायइ जायंतं वा साइज्जइ ॥ ८९७ ॥ जे भिक्खू णायगं वा अणायगं वा उवासगं वा अणुवासगं वा परिसामज्झाओ उट्ठवेत्ता पडिग्गहं ओभासिय २ जायइ जायंतं वा साइजइ॥ ८९८॥ जे भिक्ख् पडिग्गहणीसाए उडुबढं वसइ वसंतं वा साइजइ॥ ८९९॥ जे भिक्खू पडिग्गहणीसाए वासावासं वसइ वसंतं वा साइज्जइ । तं सेवमाणे आवज्जइ चाउम्मासियं परिहारद्वाणं उग्घाइयं ॥ ९०० ॥ णिसीहऽज्झयणे चउइसमो उदेसो समत्तो॥ १४॥

पण्णरसमो उद्देसो

जे भिक्ख् भिक्ख्णं आगाढं वयइ वयंतं वा साइज्जइ ॥ ९०१ ॥ जे भिक्ख्० फरुसं वयइ वयंतं वा साइज्जइ ॥९०२ ॥ जे भिक्ख् भिक्ख्णं आगाढं फरुसं वयइ वयंतं वा साइज्जइ ॥९०३ ॥ जे भिक्ख् भिक्ख्णं अण्णयरीए अचासायणाए

अचासाएइ अचासाएंतं वा साइजाइ ॥ ९०४ ॥ जे भिक्खू सचित्तं अंबं भुंजइ भंजंतं वा साइजाइ॥ ९०५॥ जे भिक्ख सचित्तं अंबं वि(डं)डसइ विडसंतं वा साइजाइ ॥ ९०६ ॥ जे भिक्ख सचित्तपइद्रियं अंबं भुंजइ भुंजंतं वा साइजइ ॥ ९०७ ॥ जे भिक्खु सचित्तपइद्वियं अंबं विडसइ विडसंतं वा साइज्जइ ॥ ९०८ ॥ जे भिक्खु सचित्तं अंबं वा अंबपे(सियं)सिं वा अंबभि(तिं)तं वा अंबसालगं वा अंबडालगं वा अंबचोयगं वा भुंजइ भुंजंतं वा साइजाइ ॥ ९०९ ॥ जे भिक्खू सचित्तं अंबं वा अंब-पेसिं वा अंबभित्तं वा अंबसालगं वा अंबडालगं वा अंबचोयगं वा विडसइ विडसंतं वा साइजाइ ॥ ९१० ॥ जे भिक्ख सचित्तपइहियं अंबं वा अंबपेसिं वा अंबभित्तं वा अंबसालगं वा अंबडालगं वा अंबचीयगं वा भुंजइ भुंजंतं वा साइजाइ ॥ ९११॥ जे भिक्खू सचित्तपइट्रियं अंबं वा अंबपेसिं वा अंबभित्तं वा अंबसालगं वा अंब-डालगं वा अंबचोयगं वा विडसइ विडसंतं वा साइजइ ॥ ९१२ ॥ जे भिक्ख अण्णडित्थएण वा गारित्थएण वा अप्पणो पाए आमजानेज वा पमजानेज वा आमजावेंतं वा पमजावेंतं वा साइजइ ॥ ९१३ ॥ जे भिक्खू अण्णउत्थिएण वा गारत्थिएण वा अप्पणो पाए संवाहावेज वा पिलमहावेज वा संवाहावेंतं वा पिल-महावेंतं वा साइजाइ ॥ ९१४ ॥ जे भिक्ख अण्णउत्थिएण वा गारत्थिएण वा अप्पणो पाए तेल्लेण वा घएण वा णवणीएण वा मक्खावेज वा भिलिंगावेज वा मक्खावेंतं वा भिलिंगावेंतं वा साइज्जइ ॥ ९९५ ॥ जे भिक्ख् अण्णडित्थएण वा गारत्थिएण वा अप्पणो पाए लोद्धेण वा कक्केण वा उल्लोलावेज वा उव्वहावेज वा उल्लोळावेंतं वा उव्बहावेंतं वा साइजाइ ॥ ९१६ ॥ जे भिक्खू अण्णउत्थिएण वा गारिथएण वा अप्पणो पाए सीओदगवियडेण वा उसिणोदगवियडेण वा उच्छोला-वेज वा पधोवावेज वा उच्छोलावेंतं वा पधोवावेंतं वा साइजाइ ॥ ९१७ ॥ जे भिक्ख अण्णडित्थएण वा गारित्थएण वा अप्पणो पाए फ्रमावेज वा रयावेज वा फुमावेंतं वा रयावेंतं वा साइजाइ ॥ ९१८॥ जे भिक्ख अण्णडित्थएण वा गारित्थ-एण वा अप्पणो कायं आमजावेज वा पमजावेज वा आमजावेंतं वा पमजावेंतं वा साइजाइ ॥ ९ १९ ॥ जे भिक्ख अण्णउत्थिएण वा गारत्थिएण वा अप्पणो कार्य संवाहावेज वा पिलमहावेज वा संवाहावेंतं वा पिलमहावेंतं वा साइजाइ ॥ ९२० ॥ जे भिक्ख अण्णडित्थएण वा गारित्थएण वा अप्पणो कार्य तेहिण वा घएण वा णवणीएण वा मक्खावेज वा मिलिंगावेज वा मक्खावेंते वा मिलिंगावेंते वा साइ-जइ ॥ ९२१ ॥ जे भिक्खू अण्णउत्थिएण वा गारत्थिएण वा अप्पणो कार्य लोद्धेण वा कक्केण वा उल्लोलावेज वा उन्बहावेज वा उल्लोलावेंतं वा उन्बहावेंतं वा साइजाइ

॥ ९२२ ॥ जे भिक्खू अण्णडित्थएण वा गारित्थएण वा अप्पणो कायं सीओदग-वियडेण वा उसिणोदगवियडेण वा उच्छोलावेज वा पधोवावेज वा उच्छोलावेंतं वा पधोवावेंतं वा साइजइ ॥ ९२३ ॥ जे भिक्ख अण्णडित्थएण वा गारित्थएण वा अप्पणो कायं फूमावेज वा रयावेज वा फूमावेंतं वा रयावेंतं वा साइजइ ॥ ९२४ ॥ जे भिक्ख अण्णडित्थएण वा गारित्थएण वा अप्पणो कार्यसि वणं आमजावेज वा पमजावेज वा आमजावेंतं वा पमजावेंतं वा साइजइ ॥ ९२५ ॥ जे भिक्ख अण्णउत्थिएण वा गारत्थिएण वा अप्पणो कार्यसि वणं संवाहावेज वा पिलमहावेज वा संवाहावेंतं वा पिलमहावेंतं वा साइजाइ ॥ ९२६ ॥ जे भिक्खू अण्णउत्थिएण वा गारत्थिएण वा अप्पणो कायंसि वणं तेह्रेण वा घएण वा णवणी-एण वा मक्खावेज वा भिलिंगावेज वा मक्खावेंतं वा भिलिंगावेंतं वा साइजइ ॥ ९२७ ॥ जे भिक्ख अण्णउत्थिएण वा गारत्थिएण वा अप्पणो कार्यसि वणं लोद्धेण वा कक्केण वा उल्लोलावेजा वा उन्वहावेज वा उल्लोलावेंतं वा उव्वहावेंतं वा साइजाइ ॥ ९२८ ॥ जे भिक्खू अण्णउत्थिएण वा गारत्थिएण वा अप्पणो कार्यसि वणं सीओदगवियडेण वा उसिणोदगवियडेण वा उच्छोलावेज वा पधोवावेज वा उच्छोलावेंतं वा पधोवावेंतं वा साइजाइ ॥ ९२९ ॥ जे भिक्ख् अण्णडित्थएण वा गारित्थएण वा अप्पणो कायंसि वणं फ्रमावेज वा रयावेज वा फ्रमावेंतं वा रयावेंतं वा साइज्जइ ॥ ९३० ॥ जे भिक्खू अण्णडित्थएण वा गारित्थएण वा अप्पणो कार्यित गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदावेज वा विच्छिदावेज वा अच्छिदावेतं वा विच्छिदावेतं वा साइज्जड् ॥ ९३१ ॥ जे भिक्ख अण्णउत्थिएण वा गारत्थिएण वा अप्पणो कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अचिंछदावित्ता विचिंछदावित्ता पूर्य वा सोणियं वा णीहरावेज वा विसोहावेज वा णीहरावेंतं वा विसोहावेंतं वा साइजाइ ॥ ९३२ ॥ जे भिक्ख् अण्णडित्थएण वा गारत्थिएण वा अप्पणो कायंसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदावेत्ता विच्छिदावेत्ता पूर्यं वा सोणियं वा णीहरावेत्ता विसोहावेत्ता सीओदगवियडेण वा उसिणोदगवियडेण वा उच्छोठावेज वा पथोयावेजा वा उच्छोलावेंतं वा पथोयावेंतं वा साइजाइ ॥ ९३३ ॥ जे भिक्ख् अण्णडित्थएण वा गारित्थएण वा अप्पणो कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्यजाएणं अच्छिदावेत्ता विच्छिदावेता पूर्यं वा सोणियं वा णीहरावेत्ता विसोहावेता सीओदगिवयडेण वा उसिणोदगिवयडेण वा उच्छोलावेता पधोयावेता अण्णयरेणं आलेवणजाएणं आलिंपावेज वा विलिंपा-वेज वा आर्लिपावेंतं वा विलिंपावेंतं वा साइजाइ ॥ ९३४ ॥ जे भिक्खू अण्ण-इत्थिएण वा गारत्थिएण वा अप्पणो कार्यस गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्यजाएणं अच्छिदावेता विच्छिदावेता प्यं वा सोणियं वा णीहरावेत्ता विसोहावेत्ता सीओदगवियडेण वा उसिणोदगवियडेण वा उच्छोळावेता पधोयावेता अण्णयरेणं आलेवणजाएणं आलिंपावेता विलिंपावेता तेहिण वा घएण वा णवणीएण वा अञ्भंगावेज वा सक्खावेज वा अञ्भंगावेंतं वा मक्खावेंतं वा साइजाइ ॥ ९३५ ॥ जे भिक्ख अण्णउत्थिएण वा गारत्थिएण वा अप्पणो कार्यसि गंडं वा पिलगं वा अरइयं वा अंसियं वा भगंदलं वा अण्णयरेणं तिक्खेणं सत्थजाएणं अच्छिदावेता विच्छिदावेता पूर्यं वा सोणियं वा णीहरावेता विसोहावेता सीओदगवियडेण वा उसिणोदगवियडेण वा उच्छोलावेता पधोयावेता अण्णयरेणं आलेवणजाएणं आलिंपावेत्ता विलिंपावेत्ता तेल्लेण वा घएण वा णवणीएण वा अब्संगावेत्ता मक्खावेत्ता अण्णयरेणं धृवणजाएणं धृवावेज्ज वा पध्रवावेज्ज वा धूनावेंतं वा पधूनावेंतं वा साइज्जइ ॥ ९३६ ॥ जे भिक्ख अण्णउत्थिएण वा गारिश्यएण वा॰ पालुकिमियं वा कुच्छिकिमियं वा अंगुलीए णिवेसाविय २ णीहरावेइ णीहरावेंतं वा साइजाइ ॥ ९३७ ॥ जे भिक्ख अण्णउत्थिएण वा गारत्थिएण वा० दीहाओ गहसिहाओ कप्पावेज वा संठवावेज वा कप्पावेंतं वा संठवावेंतं वा साइजाइ ॥ ९३८ ॥ जे भिक्ख अण्णडित्थएण वा गारित्थएणा वा० दीहाई जंघरोमाई कप्पावेज वा संठवावेज वा कप्पावेंतं वा संठवावेंतं वा साइजाइ ॥ ९३९ ॥ जे भिक्ख अण्ण-उत्थिएण वा गारित्थएण वा॰ दीहाई कक्खरोमाई कप्पावेज वा संठवावेज वा कप्पा-वेंतं वा संठवावेंतं वा साइजाइ ॥ ९४० ॥ जे भिक्ख अण्णउत्थिएण वा गारत्थिएण वा॰ दीहाई मंसुरोमाई कप्पावेज वा संठवावेज वा कप्पावेंतं वा संठवावेंतं वा साइजड ।। ९४१ ॥ जे भिक्ख् अण्णउत्थिएण वा गारित्थएण वा० दीहाइं णासारोमाइं कप्पानेज वा संठवावेज वा कप्पावेंतं वा संठवावेंतं वा साइजाइ ॥ ९४२ ॥ जे भिक्ख् अण्णउत्थिएण वा गारत्थिएण वा॰ दीहाइं चक्खुरोमाइं कप्पावेज वा संठवा-वेज वा कप्पावेंतं वा संठवावेंतं वा साइजइ॥ ९४३-१॥ जे भिक्खः दीहाइं कण्ण-रोमाइं…साइजइ॥ ९४३-२॥ जे भिक्ख अण्णउत्थिएण वा गारत्थिएण वा अप्पणो दंते आघंसावेज वा पघंसावेज वा आघंसावेंतं वा पघंसावेंतं वा साइजाइ ॥ ९४४॥ जे भिक्ख् अण्णडित्यएण वा गारित्यएण वा अप्पणो दंते उच्छोलावेज वा पंधोया-वेज वा उच्छोलावेंतं वा पधोयावेंतं वा साइजइ ॥ ९४५ ॥ जे भिक्ख अण्णउत्थिएण

वा गारित्थएण वा अप्पणो दंते फूमावेज वा रयावेज वा फमावेंतं वा रयावेंतं वा साइजाइ ॥ ९४६ ॥ जे भिक्ख अण्णडित्यएण वा गारित्यएण वा अप्पणो उट्टे आमजावेज वा पमजावेज वा आमजावेतं वा पमजावेतं वा साइजाइ ॥ ९४७॥ जे भिक्ख अण्णउत्थिएण वा गारित्थएण वा अप्पणो उद्रे संवाहावेज वा पलिमहा-वेज वा संवाहावेंतं वा पलिमहावेंतं वा साइजाइ ॥ ९४८ ॥ जे भिक्खू अण्णउत्थिएण वा गारित्थएण वा अप्पणो उद्घे तेल्लेण वा घएण वा णवणीएण वा मक्खावेज वा भिलिंगावेज वा मक्खावेंतं वा भिलिंगावेंतं वा साइजइ॥ ९४९॥ जे भिक्ख अण्णउत्थिएण वा गारत्थिएण वा अप्पणो उद्रे लोद्धेण वा कक्केण वा उल्लोलावेज वा उन्वद्यावेज वा उल्लोलावेंतं वा उन्वद्यावेंतं वा साइजाइ ॥ ९५० ॥ जे भिक्ख अण्णउत्थिएण वा गारत्थिएण वा अप्पणो उद्रे सीओदगवियडेण वा उसिणोदगवियडेण वा उच्छोलावेज वा पधोयावेज वा उच्छोलावेंतं वा पधोयावेंतं वा साइजाइ ॥ ९५१॥ जे भिक्ख अण्णउत्थिएण वा गारत्थिएण वा अप्पणो उट्टे फूमावेज वा रयावेज वा फुमावेंतं वा रयावेंतं वा साइजाइ॥ ९५२॥ जे भिक्खू अण्णउत्थिएण वा गार-त्थिएण वा अप्पणो दीहाइं उत्तरोहरोमाइं कप्पावेज वा संठवावेज वा कप्पावेंतं वा संठवावेंतं वा साइजाइ ॥ ९५३ ॥ जे भिक्खू अण्णउत्थिएण वा गारत्थिएण वा अप्पणो दीहाई अच्छिपताई कप्पावेज वा संठवावेज वा कप्पावेंतं वा संठवावेतं वा साइजइ ॥ ९५४ ॥ जे भिक्खू अण्णउत्थिएण वा गारत्थिएण वा अप्पणो अच्छीणि आमजावेज वा पमजावेज वा आमजावेंतं वा पमजावेंतं वा साइजाइ ॥ ९५५ ॥ जे भिक्ख अण्णडित्थएण वा गारत्थिएण वा अप्पणो अच्छीणि संवाहावेज वा पिलमहावेज वा संवाहावेंतं वा पिलमहावेंतं वा साइजाइ ॥ ९५६ ॥ जे भिक्खू अण्णडित्यएण वा गारित्यएण वा अप्पणो अच्छीणि तेक्षेण वा घएण वा णवणीएण वा मक्खावेज वा भिलिंगावेज वा मक्खावेंतं वा भिलिंगावेंतं वा साइजइ॥ ९५७॥ जे भिक्ख अण्णडित्यएण वा गारित्यएण वा अप्पणो अच्छीणि लोद्धेण वा क्क्रेण वा उल्लोलावेज वा उन्बहावेज वा उल्लोलावेंतं वा उन्बहावेंतं वा साइजाइ ॥ ९५८ ॥ जे भिक्ख अण्णउत्थिएण वा गारत्थिएण वा अप्पणो अच्छीणि सीओदगिवयडेण वा उसिणोदगिवयडेण वा उच्छोलावेज वा पधोयावेज वा उच्छोलावेंतं वा पधोयावेंतं वा साइजाइ ॥ ९५९ ॥ जे भिक्ख अण्णजित्थएण वा गारित्यएण वा अप्पणो अच्छीणि फुमावेज वा रयावेज वा फुमावेंतं वा रयावेंतं वा साइज्जइ ॥ ९६० ॥ जे भिक्खू अण्णउत्थिएण वा गारत्थिएण वा अप्पणो दीहाई भमगरोमाइं कप्पावेज वा संठवावेज वा कप्पावेतं वा संठवावेतं वा साइजाइ

॥ ९६१ ॥ जे भिक्ख अण्णउत्थिएण वा गारत्थिएण वा अप्पणो दीहाई पासरोमाई कप्पावेज वा संठवावेज वा कप्पावेंतं वा संठवावेंतं वा साइजाइ ॥ ९६२-१ ॥ • केसरो-माइं ...।। ९६२-२ ॥ जे भिक्खू अण्णउत्थिएण वा गारत्थिएण वा अप्पणो अच्छिमलं वा कण्णमलं वा दंतमलं वा णहमलं वा णीहरावेज वा विसोहावेज वा णीहरावेंतं वा विसोहा वेंतं वा साइजाइ॥ ९६३॥ जे भिक्ख अण्ण उत्थिएण वा गार त्थिएण वा अप्पणो कायाओं सेयं वा जहुं वा पंकं वा मलं वा णीहरावेज वा विसोहावेज वा णीहरावेंतं वा विसोहावेंतं वा साइज्जइ॥ ९६४॥ जे भिक्ख अण्णउत्थिएण वा गारिथएण वा गामाण्-गामं दृहज्जमाणे अप्पणो सीसद्वारियं कारवेड कारवेंतं वा साइज्जइ ॥ ९६५ ॥ जे भिक्ख आगंतागारेस वा आरामागारेस वा गाहावडक़लेस वा परियावसहेस वा उचारपास-वणं परिद्रवेड परिद्रवेंतं वा साइजाइ ॥ ९६६ ॥ जे भिक्ख उज्जाणंसि वा उज्जाण-गिहंसि वा उज्जाणसालंसि वा णिजाणंसि वा णिजाणगिहंसि वा णिजाणसालंसि वा उचारपासवर्ण परिद्ववेड परिद्ववेतं वा साइजाइ ॥ ९६७ ॥ जे भिक्ख अट्टंसि वा अद्दालयंसि वा चरियंसि वा पागारंसि वा दारंसि वा गोपुरंसि वा उच्चारपासवणं परिट्ठवेइ परिट्ठवेंतं वा साइजाइ ॥ ९६८ ॥ जे भिक्खू दगंसि वा दगमगंसि वा दगपहंसि वा दगतीरंसि वा दग[द्वा]ठाणंसि वा उचारपासवणं परिद्ववेइ परिद्ववेंतं वा साइजाइ ॥ ९६९ ॥ जे भिक्ख सुण्णगिहंसि वा सुण्णसालंसि वा भिन्नगिहंसि वा भिण्णसालंसि वा कुडागारंसि वा कोद्रागारंसि वा उच्चारपासवणं परिद्रवेड परिद्रवेतं वा साइजाइ ॥ ९७० ॥ जे भिक्ख तणगिहंसि वा तणसालंसि वा तसगिहंसि वा तस-सालंसि वा छ(भ्)सगिहंसि वा छससालंसि वा उचारपासवणं परिद्रवेड परिद्रवेंतं वा साइजाइ ॥ ९७१ ॥ जे भिक्ख जाणगिहंसि वा जाणसालंसि वा जुरगगिहंसि वा जुग्गसालंसि वा उच्चारपासवणं परिद्ववेइ परिद्ववेंतं वा साइज्जइ ॥९७२॥ जे भिक्खू पणियसालंसि वा पणियगिहंसि वा परियासालंसि वा परियागिहंसि वा कुवियसालंसि वा कुवियगिहंसि वा उचारपासवणं परिद्ववेह परिद्ववेंतं वा साइजाइ ॥ ९७३ ॥ जे भिक्ख् गोणसालंसि वा गोणगिहंसि वा महाकु(लसा)लंसि वा महागिहंसि वा उचार-पासवणं परिट्ठवेंह परिट्ठवेंतं वा साइज्जइ ॥ ९७४ ॥ जे भिक्ख अण्णउत्थियस्स वा गारित्थयस्स वा असणं वा ४ देइ देंतं वा साइजाइ ॥ ९७५ ॥ जे भिक्ख पास-त्थस्स अस्। णस्स । णं वा ४ देइ देंतं वा साइजाइ ॥ ९७६ ॥ जे भिक्खू पासत्थस्स असणं वा ४ पडिच्छइ पडिच्छंतं वा साइजइ ॥ ९७७ ॥ जे भिक्खू ओसण्णस्स असणं वा ४ देइ देंतं वा साइजाइ ॥ ९७८ ॥ जे भिक्ख ओसण्णस्स असणं वा ४ पिडच्छइ पिडच्छतं वा साइजइ ॥ ९७९ ॥ जे भिक्खू कुसीलस्स असणं वा

४ देइ देंतं वा साइजाइ ॥ ९८० ॥ जे भिक्खू कुसीलस्स असणं वा ४ पडिच्छइ पिंडच्छंतं वा साइजाइ ॥ ९८१ ॥ जे भिक्ख णितियस्स असणं वा ४ देइ देंतं वा साइज्जइ ॥ ९८२ ॥ जे भिक्खू णितियस्स असणं वा ४ पडिच्छइ पडिच्छंतं वा साइजाइ ॥ ९८३ ॥ जे भिक्खू संसत्तस्स असणं वा ४ देइ देंतं वा साइजाइ ॥ ९८४ ॥ जे भिक्खू संसत्तरस असणं वा ४ पडिच्छइ पडिच्छंतं वा साइजाङ ॥ ९८५ ॥ जे भिक्ख अण्णडितथयस्स वा गारितथयस्स वा वत्थं वा पिडम्महं वा कंवलं वा पायपुंछणं वा देइ देंतं वा साइजाइ ॥ ९८६ ॥ जे भिक्ख पासत्थस्स वत्थं वा ४ देइ देंतं वा साइजाइ ॥ ९८७ ॥ जे भिक्ख पासत्थस्स वत्थं वा ४ पिंडच्छइ पिंडच्छंतं वा साइजाइ ॥ ९८८ ॥ जे भिक्खू ओसण्णस्स वत्थं वा ४ देइ देंतं वा साइजाइ ॥ ९८९ ॥ जे भिक्खू ओसण्णस्स वत्थं वा ४ पिडच्छइ पिडच्छंतं वा साइजाइ ॥ ९९० ॥ जे भिक्ख क़सीलस्स वत्यं वा ४ देइ देंतं वा साइजाइ ॥ ९९१ ॥ जे भिक्ख् कुसीलस्स वत्थं वा ४ पडिच्छइ पडिच्छंतं वा साइजाइ ॥ ९९२ ॥ जे भिक्ख नितियस्स वत्थं वा ४ देइ देंतं वा साइजाइ ॥ ९९३ ॥ जे भिक्खू नितियस्स वत्थं वा ४ पडिच्छइ पडिच्छंतं वा साइजाइ॥ ९९४॥ जे भिक्खू संसत्तस्स वत्थं वा ४ देइ देंतं वा साइजइ ॥ ९९५ ॥ जे भिक्खू संसत्तस्स वत्थं वा ४ पडिच्छइ पडिच्छंतं वा साइजइ ॥ ९९६ ॥ जे भिक्खू जायणवत्थं वा णिमं-तणावत्थं वा अजाणिय अपुच्छिय अगवेसिय पुडिग्गाहेड पुडिग्गाहेतं वा साइजाइ से य वत्थे चरण्हं अण्णयरे सिया, तंजहा-णिचणियंसणिए मिज्झिण्हे जिणिए छण्सविए रायदुवारिए ॥ ९९७ ॥ जे भिक्ख विभसापिडयाए अप्पणो पाए आमजेज वा पमजोज वा आमजातं वा पमजातं वा साइजाइ ॥ ९९८ ॥ एवं जाव सीसदुवारियं करेड़ करेंतें वा साइजाइ ॥ १०५१ ॥ जे भिक्ख विभसापिंडयाए वत्थं वा ४ अण्णयरं वा उवगरणजायं घरेइ घरेंतं वा साइजाइ ॥ १०५२ ॥ जे भिक्ख विभसा-पिडयाए वत्थं वा ४ अण्णयरं वा उवगरणजायं धोवेइ धोवेंतं वा साइजाइ। तं सेवमाणे आवज्जइ चाउम्मासियं परिहारद्राणं उग्घाइयं ॥ १०५३ ॥ णिसीहऽज्झ-यणे पण्णरसमो उद्देसो समत्तो ॥ १५ ॥

सोलसमो उद्देसो

जे भिक्खू सागारियसेजं अणुपिवसइ अणुपिवसंतं वा साइजाइ ॥ १०५४ ॥ जे भिक्ख् स(सी)उदगं सेजं उवागच्छइ उवागच्छतं वा साइजाइ ॥ १०५५ ॥ जे भिक्ख् सअगिणिसेजं अणुपिवसइ अणुपिवसंतं वा साइजाइ ॥ १०५६ ॥ जे भिक्ख् सिक्तं उच्छुं भुंजइ भुंजतं वा साइजाइ ॥ १०५७ ॥ जे भिक्ख् सिचत्तं

उच्छं विडसइ विडसंतं वा साइजइ ॥ १०५८ ॥ जे भिक्खू सचित्तपइट्टियं उच्छुं भंजह भंजंतं वा साइजाइ ॥ १०५९ ॥ जे भिक्खू सचित्तपइट्टियं उच्छुं विडसइ विडसंतं वा साइजाइ ॥ १०६० ॥ जे भिक्खू सचित्तं अंतरुच्छुयं वा उच्छुखंडियं वा उच्छुचोयगं वा उच्छुमेरगं वा उच्छुसालगं वा उच्छुडालगं वा भुंजइ भुंजंतं वा साइजइ ॥ १०६१ ॥ जे भिक्खू सचित्तं अंतरुच्छ्यं वा ''उच्छुडालगं वा विडसइ विडसंतं वा साइजाइ ॥ १०६२॥ जे भिक्खू सचित्तपइट्टियं अंतरुच्छ्यं वा '''उच्छुडालगं वा भंजइ भंजंतं वा साइजाइ॥ १०६३॥ जे भिक्खू सन्वित्तपइहियं अंतरुच्छ्यं वा · · ः उच्छ-डालगं वा विडसइ विडसंतं वा साइजाइ ॥ १०६४ ॥ जे भिक्खु आरण्णाणं वण्णंघाणं अडवीजत्तासंप[इ]द्रियाणं असणं वा ४ पडिगगहेड् पडिगगहेंतं वा ॥ १०६५ ॥ जे भिक्खू आ(अ)रण्ण(य)ाणं वण्णंघाणं अडवीजत्ताओ पडिणियत्ताणं असणं वा ४ पडिग्गाहेइ पडिग्गाहेंतं वा साइजाइ ॥ १०६६ ॥ जे भिक्खू वसु-(वृत्ति)राइयं अ(वृत्ति)वसुराइयं वयइ वयंतं वा साइजइ ॥ १०६७॥ जे भिक्ख अवसिराइयं वसिराइयं वयइ वयंतं वा साइज्जइ ॥ १०६८ ॥ जे भिक्खू वसिराइ-यगणाओ अवसिराइयं गणं संकमइ संकमंतं वा साइजाइ ॥ १०६९ ॥ जे भिक्ख वुग्गहवक्कंताणं असणं वा ४ देइ देंतं वा साइजाइ ॥ १०७० ॥ जे भिक्ख वुग्गहव-कंताणं असणं वा ४ पडिच्छइ पडिच्छंतं वा साइजाइ ॥ १०७१ ॥ जे भिक्ख् वुग्गहबक्कंताणं वत्थं वा ४ देइ देंतं वा साइजाइ ॥ १०७२ ॥ जे भिक्खू वुग्गहव-कंताणं वत्थं वा ४ पडिच्छइ पडिच्छंतं वा साइजाइ ॥ १००३ ॥ जे भिक्ख वग्गहवक्कंताणं वसिंह देइ देंतं वा साइजइ ॥ १०७४ ॥ जे भिक्खू वृग्गहवक्कंताणं वसिंह पिडिच्छइ पिडिच्छंतं वा साइजाइ ॥ १०७५ ॥ जे भिक्खू वुगगहवक्तंताणं वसिंहं अणुपविसइ अणुपविसंतं वा साङ्जइ ॥ १०७६ ॥ जे भिक्ख वुग्गहवक्कंताणं सज्झायं देइ देंतं वा साइजाइ ॥ १०७० ॥ जे भिक्खू वुग्गहवक्कंताणं सज्झायं पिडच्छइ पिडच्छंतं वा साइजाइ ॥ १०७८ ॥ जे भिक्ख विहं अणेगाहगमणिजं सइ लाढे विहाराए संथरमाणेसु जणवएसु विहारपिडयाए अभिसंघारेइ अभिसंघारेतं वा साइजाइ ॥ १०७९ ॥ जे भिक्खू विरूवरूवाइं दसुयायणाइं अणारियाइं मिल-क्खुई पचंतियाइ सइ लाढे विहाराए संथरमाणेसु जणवएसु विहारपडियाए अभिसं-धारेइ अभिसंधारेंतं वा साइजइ ॥ १०८० ॥ जे भिक्खू दुगुंछियकुलेस असणं वा ४ पडिग्गाहेइ पडिग्गाहेंतं वा साइजइ ॥ १०८१ ॥ जे भिक्खू दुगुंछियुक्छेसु नत्थं वा ४ पडिग्गाहेइ पडिग्गाहेंतं वा साइजइ ॥ १०८२ ॥ जे भिक्ख दुगुंछि-यकुलेस वसिंह पिडिग्गाहेइ पिडिग्गाहेंतं वा साइजाइ ॥ १०८३ ॥ जे भिक्खू

दुगुंछियकुलेसु सज्झायं करेइ करेंतं वा साइजइ ॥ १०८४ ॥ जे भिक्ख दुगुंछिय-कुळेसु सज्झायं उद्दिसइ उद्दिसंतं वा साइज्जइ ॥ १०८५ ॥ (...समुद्दिसइ... अण्जाणइ…) जे भिक्खू द्र्गुंछियकुलेस सज्झायं वाएइ वाएंतं वा साइजइ ॥ १०८६ ॥ जे भिक्ख दुगुंछियकुलेस सज्झायं पिडच्छइ पिडच्छतं वा साइजइ ॥ १०८७ ॥ (...परियद्वड ...) जे भिक्ख असणं वा ४ पढ़वीए णिक्खिवड णिक्खिवंतं वा साइजाइ ॥ १०८८ ॥ जे भिक्ख असणं वा ४ संथारए णिक्खिवइ णिक्खिवंतं वा साइजाइ ॥ १०८९ ॥ जे भिक्ख असणं वा ४ वेहासे णिक्खिवड णिक्खिनंतं वा साइजाइ ॥ १०९० ॥ जे भिक्ख अण्ण(उत्थिएण)तित्थीहिं वा गार(रिथएण)त्थीहिं वा सिद्धं भंजइ भंजंतं वा साइजाइ ॥ १०९१ ॥ जे भिक्ख अण्णतिरथीहिं वा गारतथीहिं वा सिद्धं आवेढिय परिवेढिय भंजइ भंजंतं वा साइजाइ ॥ १०९२ ॥ जे भिक्ख आयरियजवज्झायाणं सेजासंथारगं पाएणं संघट्टेता हत्थेणं अणणुण्णवेत्ता धा(रे)रयमा(णे)णो गच्छइ गच्छंतं वा साइजाइ ॥ १०९३ ॥ जे भिक्ख पमाणाइरित्तं वा गणणाइरित्तं वा उविहं धरेड धरेंतं वा साइजड ॥ १०९४ ॥ जे भिक्ख अणंतरहियाए पुढवीए जीवपइहिए सअंडे सपाणे सबीए सहिरए सओस्से सउदए सउत्तिंगपणगदगमहियमकडासंताणगंसि चलाचले उचार-पासवणं परिट्टवेइ परिट्टवेंतं वा साइजाइ ॥ १०९५ ॥ जे भिक्खू सिर्णिद्धाए पुढवीए जाव साइज्जइ ॥ १०९६ ॥ जे भिक्खु ससरक्खाए पुढवीए जाव साइज्जइ ॥ १०९७ ॥ जे भिक्ख महियाकडाए पढ़वीए जाव साइज्जइ ॥ १०९८ ॥ जे भिक्ख चित्तमंताए पुढवीए जाव साइज्जइ ॥ १०९९ ॥ जे भिक्ख चित्तमंताए सिलाए जाव साइज्जइ ।। १९०० ।। जे भिक्ख चित्तमंताए लेलूए जाव साइजाइ ॥ १९०१ ॥ जे भिक्ख कोलावासंसि वा दारुए जाव साइजाइ ॥ ११०२ ॥ जे भिक्ख थ्रणंसि वा गिहेलुयंसि वा उस्रयालंसि वा कामजलंसि वा चलाचले उच्चारपासवणं परिट्ठवेइ परिट्ठवेंतं वा साइजाइ ॥ ११०३ ॥ जे भिक्ख कुलियंसि वा भित्तिसि वा सिलंसि वा लेलंसि वा अन्तिलिक्खजायंसि वा चलाचले उचारपासवणं परिद्ववेइ परिद्ववेंतं वा साइजइ ॥ ११०४॥ जे भिक्खू खंधंसि वा फलहंसि वा मंचंसि वा मंडवंसि वा मालंसि वा पासायंसि वा (अण्णयरंसि वा अंतरिक्खजायंसि) उच्चारपासवणं परिद्ववेइ परिद्ववेंतं वा साइजाइ । तं सेवमाणे आवजाइ चाउम्मासियं परिहारद्वाणं उग्घाइयं ॥ ११०५॥ णिसीहऽज्झयणे सोलसमो उद्देसो समत्तो ॥ १६ ॥

सत्तरसमो उद्देसो

जे भिक्ख कोउह्छपडियाए अण्णयरं तसपाणजायं तणपासएण वा मुंजपासएण

वा कट्टपासएण वा चम्मपासएण वा वेत्तपासएण वा रज्जपासएण वा स्तपासएण वा बंधइ बंधंतं वा साइजाइ ॥ ११०६ ॥ जे भिक्खू कोउहल्लपिडयाए अण्णयरं तसपाणजायं तणपासएण वा जाव सत्तपासएण वा बंघेल्लगं मुयइ मुयंतं वा साइजाड ॥ ११०७ ॥ जे भिक्ख कोउहळपडियाए तणमालियं वा मंजमालियं वा भिंड-मालियं वा मयणमालियं वा पिंछमालियं वा दंतमालियं वा सिंगमालियं वा संख-मालियं वा हडूमालियं वा कहूमालियं वा पत्तमालियं वा प्रप्पमालियं वा फलमालियं वा बीयमालियं वा हरियमालियं वा करेड़ करेंतं वा साइजाइ ॥ ११०८ ॥ जे भिक्ख कोउहल्लपिडयाए तणमालियं वा जाव हरियमालियं वा धरेइ धरेंतं वा साइजाइ ॥ १९०९ ॥ जे भिक्ख कोउहल्लपियाए तणमालियं वा जाव हरियमालियं वा पिणद्धइ पिणद्धंतं वा साइजाइ ॥ १११० ॥ (...पिभुंजइ ...) जे भिक्ख् कोउ-हल्लपडियाए अयलोहाणि वा तंबलोहाणि वा तउयलोहाणि वा सीसलोहाणि वा रुप्पलोहाणि वा सुवण्णलोहाणि वा करेड करेंतं वा साइजाइ ॥ ११११ ॥ जे भिक्ख कोउद्दल्लपिडयाए अयलोहाणि वा जाव सवण्णलोहाणि वा धरेड धरेंतं वा साइज्जड ॥ १९१२ ॥ जे भिक्ख कोउह्रह्मपिडयाए अयलोहाणि वा जाव सुवण्णलोहाणि वा परिभुंज[पिणद्ध]इ परिभुंजंतं वा साङ्जङ् ॥ १११३ ॥ जे भिक्खू कोउह्छपडि-याए हाराणि वा अद्धहाराणि वा एगाविलं वा मत्ताविलं वा कणगाविलं वा रयणाविलें वा कडगाणि वा तुडियाणि वा केऊराणि वा कुंडलाणि वा पद्याणि वा मउडाणि वा पलंबसुत्ताणि वा सुवण्णसुत्ताणि वा करेइ करेंतं वा साइजाइ ॥ १९१४ ॥ जे भिक्ख कोउहहरपिडयाए हाराणि वा जाव सुवण्णसत्ताणि वा धरेइ धरेंतं वा साइजइ ॥ १११५॥ जे भिक्ख कोउह्रप्राडियाए हाराणि वा जाव सुवण्णसत्ताणि वा पिणद्धर पिणदंतं वा साइजाइ ॥ १११६ ॥ जे भिक्खू कोउहल्लपिडयाए आईणाणि वा आईणपावराणि वा कंबलाणि वा कंबलपावराणि वा कोयराणि वा कोयरपावराणि वा कालमियाणि वा णीलमियाणि वा सामाणि वा मिहासामाणि वा उद्दाणि वा उद्द-रेस्साणि वा वग्घाणि वा विवग्घाणि वा परवंगाणि वा सहिणाणि वा सहिणकछाणि वा खोमाणि वा दुगूलाणि वा पतुण्णाणि वा आवरंताणि वा वीणाणि वा अंस्रयाणि वा कणगकंताणि वा कणगखिचयाणि वा कणगिचत्ताणि वा० आभरणविचित्ताणि वा करेइ करेंतं वा साइजइ ॥ १११७ ॥ जे भिक्ख कोउहल्लपडियाए आईणाणि वा जान आभरणविचित्ताणि वा धरेइ धरेंतं वा साइज्जइ॥ १११८॥ जे भिक्ख कोउहल्लपिडयाए आईणाणि वा जाव आभरणिविचित्ताणि वा परिभुंजइ परिभुंजंतं वा साइज्जइ ॥ १११९ ॥ जा (जे भिक्ख्) णि(नि)ग्गं(थे)थी णि-गंथरस पाए अण्ण-

उत्थिएण वा गारिथएण वा आमजावेज वा पमजावेज वा आमजावेतं वा पमजावेतं वा साइजाइ ॥ ११२० ॥ जाव जा णिग्गंथी : सीसदुवारियं कारवेइ कारवेंतं वा साइजाइ ॥ ११७२ ॥ जे णिग्गंथे णिग्गंथीए पाए अण्ण उत्थिएण वा गारिथएण वा जाव सीसदुवारियं कारवेइ कारवेंतं वा साइजाइ॥ १२२५॥ जे णिग्गंथे णिग्गंथस्स सरिसगस्स संते ओवासे अंते ओवासे ण देइ ण देंतं वा साइजाइ ॥ १२२६ ॥ जा णिगंथी णिगंथीए सरिसियाए संते ओवासे अंते ओवासे ण देइ ण देंतं वा साइजाइ ॥ १२२७ ॥ जे भिक्ख मालोहडं असणं वा ४ उब्मिदिय देजमाणं पडिग्गाहेड पडिग्गाहेंतं वा साइजाइ ॥ १२२८॥ जे भिक्ख कोट्रियाउत्तं असणं वा ४ उक्कुजिय निक्कजिय उहरिय देजमाणं पडिग्गाहेइ पडिग्गाहेतं वा साइजइ॥ १२२९॥ जे भिक्खू मट्टिओलित्तं असणं वा ४ उब्भिदिय णिब्भिदिय देजमाणं पिडम्गाहेड पडिग्गाहेंतं वा साइजाइ ॥ १२३० ॥ जे भिक्ख (असणं वा …) पुढाविपइट्टियं पडिग्गाहेइ पडिग्गाहेंतं वा साइजइ॥ १२३१॥ जे भिक्खू आउपइट्टियं पडिग्गाहेइ पडिग्गाहेंतं वा साइजइ ॥ १२३२ ॥ जे भिक्खू तेडपइद्रियं पडिग्गाहेइ पडिग्गाहेंतं वा साइजाइ ॥ १२३३ ॥ जे भिक्ख वणस्सइकायपइद्वियं पडिग्गाहेइ पडिग्गाहेंतं वा साइजाइ ॥ १२३४ ॥ जे भिक्ख अञ्चितिणं असणं वा ४ सुप्पेण वा विहुयणेण वा तालियंटेण वा पत्तेण वा पत्तमंगेण वा साहाए वा साहामंगेण वा पिहणेण वा पिहणहत्थेण वा चेलेण वा चेलकण्णेण वा हत्थेण वा मुहेण वा फूमित्ता वीइता आहृष्ट देजमाणं पिड्रगाहेड पिड्रगाहेतं वा साइजाइ ॥ १२३५ ॥ जे भिक्ख् असणं वा ४ उत्तिणुत्तिणं पढिगगाहेइ पडिग्गाहेतं वा साइजाइ ॥ १२३६ ॥ जे भिक्ख् उस्सेडमं वा संसेडमं वा चाउलोदगं वा वालोदगं वा तिलोदगं वा तुसोदगं वा जवोदगं वा आयामं वा सोवीरं वा अंबकंजियं वा सुद्धवियडं वा अहणाधीयं अणंबिलं अपरिणयं अवक्कंतजीवं अविद्धत्यं पडिग्गाहेह पडिग्गाहेंतं वा साइजइ ॥ १२३७॥ जे भिक्ख अप्पणो आयरियत्ताए लक्खणाइं वागरेह वागरेंतं वा साइजइ ॥ १२३८ ॥ जे भिक्ल गाएज वा (हसेज वा) वाएज वा णचेज वा अभिणवेज वा ह्रयहेसियं वा हिथ्गुलगुलाइयं वा उ[क़्(क्रि)ह]क्रहिसीहणायं वा करेइ करेंतं वा साइ-जाइ ॥ १२३९ ॥ जे भिक्ख भेरिसद्दाणि वा पडहसद्दाणि वा मुखसद्दाणि वा मुइंगसहाणि वा णंदिसहाणि वा झळ्ठारेसहाणि वा वळ्ठारेसहाणि वा डमरु(य)गसहाणि वा मङ्गयसद्दाणि वा सदुयसद्दाणि वा पएससद्दाणि वा गोल्लइसद्दाणि वा अण्णयराणि वा तहृप्पगाराणि वितयाणि सद्दाणि कण्णसोयपिडयाए अभिसंघारेइ अभिसंघारेतं वा साइजाइ ॥ १२४० ॥ जे भिक्खू वीणासद्दाणि वा विवंचिसद्दाणि वा तुणसद्दाणि

वा वन्वीसगसहाणि वा वीणाइयसहाणि वा तुंबवीणासहाणि वा झोडयसहाणि वा ढंकुणसद्दाणि वा अण्णयराणि वा तहप्पगाराणि तयाणि सद्दाणि कण्णसोयपिडयाण अभिसंघारेइ अभिसंघारेतं वा साइजाइ ॥ १२४१ ॥ जे भिक्ख तालसहाणि वा कंसतालसद्दाणि वा लित्तियसद्दाणि वा गोहियसद्दाणि वा मकरियसद्दाणि वा कच्छभिसहाणि वा महइसहाणि वा सणालियासहाणि वा वालियासहाणि वा अण्ण-यराणि वा तहप्पगाराणि घणाणि सहाणि कण्णसोयपिडयाए अभिसंधारेइ अभि-संघारेंतं वा साइजाइ ॥ १२४२ ॥ जे भिक्ख संखसहाणि वा वंससहाणि वा वेण-सद्दाणि वा खरम्हिसद्दाणि वा परिलिसद्दाणि वा वेवासद्दाणि वा अण्णयराणि वा तहप्पगाराणि झसिराणि सहाणि कण्णसोयपिडयाए अभिसंधारेइ अभिसंघारेतं वा साइजाइ ॥ १२४३ ॥ जे भिक्ख वप्पाणि वा फलिहाणि वा उप्पलाणि वा पहन लाणि वा उज्झराणि वा णिज्झराणि वा वावीणि वा पोक्खराणि वा दीहियाणि वा सराणि वा सरपंतियाणि वा सरसरपंतियाणि वा कण्णसोयपिडयाए अभिसंधा-रेइ अभिसंघारेतं वा साइजाइ ॥ १२४४ ॥ जे भिक्खू कच्छाणि वा गहणाणि वा णूमाणि वा वणाणि वा वणविदुरगाणि वा पव्वयाणि वा पव्वयविदुरगाणि वा कण्णसोयपिडयाए अभिसंघारेइ अभिसंघारेतं वा साइजाइ ॥ १२४५ ॥ जे भिक्ख गामाणि वा णगराणि वा खेडाणि वा कञ्बडाणि वा मडंबाणि वा दोणमुहाणि वा पष्टणाणि वा आगराणि वा संवाहाणि वा संणिवेसाणि वा कण्णसोयपिडयाए अभि-संघारेइ अभिसंघारेंतं वा साइजाइ ॥ १२४६ ॥ जे भिक्खू गाममहाणि वा जाव सण्णिवेसमहाणि वा कण्णसोयपिडयाए अभिसंघारेड अभिसंघारेतं वा साइज्जड ॥ १२४७ ॥ जे भिक्ख गामवहाणि वा णगरवहाणि वा खेडवहाणि वा कब्बड-वहाणि वा जाव सिणवेसवहाणि वा कण्णसोयपिडयाए अभिसंधारेड अभिसंधारेतं वा साइजाइ ॥ १२४८ ॥ जे भिक्ख गामपहाणि वा जाव सिण्णवेसपहाणि वा कण्णसोयपिडयाए अभिसंघारेइ अभिसंघारेतं वा साइजाइ ॥ १२४९-१ ॥… गामदाहाणि वा जाव सण्णिवेसदाहाणि वा ...॥१२४९-२ ॥ जे भिक्क्बू आसकर-णाणि वा हत्थिकरणाणि वा उद्दकरणाणि वा गोणकरणाणि वा महिसकरणाणि वा मऊ(सूय)रकरणाणि वा कण्णसोयपिडयाए अभिसंधारेइ अभिसंधारेंतं वा साइजाइ ॥ १२५० ॥ जे भिक्ख आसजुद्धाणि वा हित्यजुद्धाणि वा उद्वजुद्धाणि वा गोणजुद्धाणि वा महिसजुद्धाणि वा० कण्णसोयपिडयाए अभिसंघारेइ अभिसंघारेतं वा साइजइ ॥ १२५१ ॥ जे भिक्ख् उज्जूहियद्वाणाणि वा हयजूहियद्वाणाणि वा गयज्रहियद्वाणाणि वा कण्णसोयपिडयाए अभिसंघारेइ अभिसंघारेतं वा साइजङ

॥ १२५२॥ जे भिक्ख् अभिसेय(ठा)द्वाणाणि वा अक्खाइयद्वाणाणि वा माणुम्माणद्वाणाणि वा महया हयणद्वगीयवाइयतंतीतलतालतुडियपड्उपपवाइयद्वाणाणि वा कण्णसोयपडियाए अभिसंधारें इअभिसंधारेंतं वा साइज्जइ॥ १२५३॥ जे भिक्ख् हिंबाणि वा डमराणि वा खाराणि वा वेराणि वा महाजुद्धाणि वा महासंगामाणि वा कल्लहाणि वा बोलाणि वा कण्णसोयपडियाए अभिसंधारें इ अभिसंधारेंतं वा साइज्जइ॥ १२५४॥ जे भिक्ख् विरूवरूवेसु महुस्सवेसु इत्थीणि वा पुरिसाणि वा थेराणि वा मज्ज्ञिमाणि वा डहराणि वा अणलंकियाणि वा सुअलंकियाणि वा गायंताणि वा वायंताणि वा णचंताणि वा हसंताणि वा रमंताणि वा मोहंताणि वा विउलं असणं वा ४ परिभायंताणि वा परिभुंजंताणि वा कण्णसोयपडियाए अभिसंधारें वा साइज्जइ॥ १२५५॥ जे भिक्ख् इहलोइएस वा सदेसु अभिसंधारेंतं वा साइज्जइ॥ १२५५॥ जे भिक्ख् इहलोइएस वा सदेसु अस्र परलोइएस वा सदेसु विष्णाएस वा सदेसु आदिहुसु वा सदेसु अण्डोववज्जइ सज्जंतं एज्झतं अज्ङ्योववज्जइ सज्जंतं राज्जतं गिज्झतं अज्ङ्योववज्जदं वा साइज्जइ। तं सेवमाणे आवज्जइ चाजम्मासियं परिहारट्ठाणं उग्धाइयं॥ १२५६॥ णिसीहऽज्झयणे सत्तरसमो उद्देसो समन्तो॥ १७॥

अहारसमो उद्देसो

जे भिक्ख् अण्डाए णावं दुरुह्द दुरुह्तं वा साइज्जइ ॥ १२५० ॥ जे भिक्ख् णावं किणइ किणावेइ कीयं आहर्ट्ट देज्जमाणं दुरुह्द दुरुह्तं वा साइज्जइ ॥ १२५८ ॥ जे भिक्ख् णावं पामिच्च पामिच्चावेइ पामिच्चं आहर्ट्ट देज्जमाणं दुरुह्द दुरुह्तं वा साइज्जइ ॥ १२५८ ॥ जे भिक्ख् णावं परियद्देइ परियद्दावेइ परियद्दं आहर्ट्ट देज्जमाणं दुरुह्द दुरुह्तं वा साइज्जइ ॥ १२६० ॥ जे भिक्ख् णावं अच्छेज्जं अणिसिद्धं आहर्ट्ट देज्जमाणं दुरुह्द दुरुह्तं वा साइज्जइ ॥ १२६० ॥ जे भिक्ख् थलाओ णावं जले ओकसावेइ ओकसावेंतं वा साइज्जइ ॥ १२६१ ॥ जे भिक्ख् अलाओ णावं वले ओकसावेद अकसावेंतं वा साइज्जइ ॥ १२६२ ॥ जे भिक्ख् जलाओ णावं थले उक्कसावेद उक्कसावेंतं वा साइज्जइ ॥ १२६३ ॥ जे भिक्ख् पुण्णं णावं उरिसच्द उरिसचंतं वा साइज्जइ ॥ १२६४ ॥ जे भिक्ख् पुण्णं णावं उरिसच्द उरिसचंतं वा साइज्जइ ॥ १२६४ ॥ जे भिक्ख् सण्णं णावं उपिलावेद उपिलावेतं वा साइज्जइ ॥ १२६५ ॥ जे भिक्ख् पण्णं वा पाएण वा असिपत्तेण वा कुसपत्तेण वा मद्दियाए वा चेलेण वा पिडिपहेंद पिडिपिहेंतं वा साइज्जइ ॥ १२६ ॥ जे भिक्ख् पिहेंद पिडिपिहेंतं वा साइज्जइ ॥ १२६ ॥ जे भिक्ख् पहणावियं कट्ट णावाए दुरुह्द दुरुह्तं वा साइज्जइ ॥ १२६० ॥ जे भिक्ख् पहणावियं कट्ट णावाए दुरुह्द दुरुह्तं वा साइज्जइ ॥ १२६० ॥ जे भिक्ख् उह्नगामिणि वा णावं अहोगामिणिं वा णावं दुरुह्द दुरुह्तं

वा साइजाइ ॥ १२६८ ॥ जे भिक्खू जोयणवेलागामिणिं वा अद्धजोयणवेलागामिणिं वा णावं दुरुहुइ दुरुहुंतं वा साइजाइ ॥ १२६९ ॥ जे भिक्खू णावं आकसइ आक-सावेइ आकसावेंतं वा साइजाइ ॥ १२७० ॥ जे भिक्खू णावं खेवावेइ खेवावेंतं वा साइजाइ ॥ १२७१ ॥ जे भिक्खू णावं रज्जुणा वा कट्टेण वा कट्टूह कट्टूंतं वा साइजाइ ॥ १२७२ ॥ जे भिक्ख णावं अलित्तएण वा पिफडएण वा वंसेण वा बलेण वा वाहेइ वाहेंतं वा साइजाइ ॥ १२७३ ॥ जे भिक्खू णावाओ उदगं भायणेण वा पडिग्गहणेण वा मत्तेण वा णावाउसिंसचणेण वा उसिंसचइ उसिंसचैतं वा साइज्जड ॥ १२७४ ॥ जे भिक्ख णावं उत्तिंगेण उद्गं आसवमाणं उवस्वरिं कज्जलावेमाणं (पेहाए) पलोय हत्थेण वा पाएण वा आसत्थ(असि)पत्तेण वा कुसपत्तेण वा महियाए वा चेलकण्णेण वा पिडिपिहेंइ पिडिपिहेंतं वा साइजाइ ॥ १२७५ ॥ जे भिक्खू णावाओ णावागयस्स असणं वा ४ पडिग्गाहेइ पडिग्गाहेतं वा साइज्जइ ॥ १२०६ ॥ जे भिक्ख णावाओ जलगयस्स असणं वा ४ पिडगगहेड पिडगगहेतं वा साइजड ॥ १२७७॥ जे भिक्ख णावाओ पंकगयस्स असणं वा ४ पडिग्गाहेड पडिग्गाहेतं वा साइजइ ॥ १२७८ ॥ जे भिक्ख णावाओ थलगयस्स असणं वा ४ पडिग्गाहेइ पडिग्गाहेंतं वा साइजाई ॥ १२७९ ॥ जे भिक्खू वत्थं किणइ किणावेइ कीयं आहट्ट देजमाणं पडिग्गाहेइ पडिग्गाहेंतं वा साइजइ ॥ १२८० ॥ (इओ आरब्भ चउद्दस-महेसस्स सयलाणिवि सत्ताणि पडिग्गहठाणे वत्थमुवजुंजिय वत्तव्वाणि जाव) जे भिक्ख वत्थणीसाए वासावासं वसइ वसंतं वा साइज्जइ । तं सेवमाणे आवज्जड चाउ-म्मासियं परिहारद्वाणं उग्घाइयं ॥ १३२४ ॥ णिसीहऽज्झयणे अद्वारसमो उद्देसो समत्तो ॥ १८ ॥

एगूणहोसस्यः । उद्देसो

जे भिक्ख् चउहिं संझाहिं सज्झायं करेड् करेंतं वा साइजाइ, तंजहा-पुन्वाए संझाए पिन्छमाए संझाए अवरण्हे अहुरते ॥ १३२५ ॥ जे भिक्ख् कालियसुयस्स परं तिण्हं पुन्छहाणं पुन्छइ पुन्छंतं वा साइजाइ ॥ १३२६ ॥ जे भिक्ख् दिद्विवायस्स परं सत्तण्हं पुन्छणं पुन्छइ पुन्छंतं वा साइजाइ ॥ १३२० ॥ जे भिक्ख् चउसु महापाडिवएस सज्झायं करेड् करेंतं वा साइजाइ तंजहा-सुगिम्हय(चेत्तपुण्णिमा-ओ-वइसाहिकण्ह)पाडिवए, आसाढी(पुण्णिमाओ-सावणिकण्ह)पाडिवए, (भद्दवय-

१ अण्णे आयिरिसे सोलसभंगा । २ पुच्छा-अपुणहत्तं जावइयं किंद्रुं पुच्छंति सा एगा पुच्छा । अहवा जित्तयं आयिरिएण तरइ उच्चारियं घेत्तुं सा एगा पुच्छा । अहवा जत्थ पगयं समप्पइ थोवं वा बहुं वा सा एगा पुच्छा ।

पुण्णिमाओ-)आसोय(किण्ह)पाडिवए, कत्तिय(पुण्णिमाओ-मग्गसिरिकण्ह)पाडिवए [वा] ॥ १३२८ ॥ जे भिक्ख पोरिसिं सज्झायं उवाइणावेड उवाइणावेंतं वा साइजाइ ॥ १३२९ ॥ जे भिक्खू चउकालं सज्झायं न करेइ न करेंतं वा साइजाइ ॥ १३३० ॥ जे भिक्ख असज्झाइए सज्झायं करेड करेंतं वा साइजइ ॥ १३३१ ॥ जे भिक्ख अप्पणो असज्झाइए सज्झायं करेड करेंतं वा साइजाइ ॥ १३३२ ॥ जे भिक्ख हेडिल्लाइं समोसरणाइं अवाएता उवरिल्लाइं समोसरणाइं वाएइ वाएंतं वा साइज्जइ ॥ १३३३ ॥ जे भिक्खू णव बंभचेराइं अवाएत्ता उविर सुयं वाएइ वाएंतं वा साइज्जइ ॥ १३३४ ॥ जे भिक्ख अपत्तं वाएड वाएंतं वा साइज्जड ॥ १३३५ ॥ जे भिक्खू पत्तं ण वाएइ वाएंतं वा साइजाइ ॥ १३३६ ॥ जे भिक्खू अव्वत्तं वाएइ वाएंतं वा साइजाइ ॥ १३३७ ॥ जे भिक्ख वत्तं ण वाएइ ण वाएंतं वा साइजाइ ॥ १३३८ ॥ जे भिक्खू दोण्हं सरिसगाणं एकं सं(सि)चिक्खावेइ एकं ण संचिक्खावेइ एकं वाएइ एकं ण वाएइ तं करंतं वा साइजाइ ॥ १३३९ ॥ जे भिक्ख आयरिय-उवज्झाएहिं अविदिण्णं गिरं आइयइ आइयंतं वा साइज्जइ ॥ १३४० ॥ जे भिक्ख् अण्णडित्थयगारित्थयं वाएइ वाएंतं वा साइजाई ॥ १३४१ ॥ जे भिक्ख् अण्णडित्ययगारित्ययं (वायणं) पिडच्छइ पिडच्छंतं वा साइजाई ॥ १३४२ ॥ जे भिक्खू पासत्यं वाएइ वाएंतं वा साइजइ ॥ १३४३ ॥ जे भिक्खू पासत्यं पडिच्छइ पिंडच्छंतं वा साइजाइ ॥ १३४४॥ जे भिक्ख ओसण्णं वाएइ वाएंतं वा साइजाइ ॥ १३४५॥ जे भिक्खु ओसण्णं पडिच्छइ पडिच्छंतं वा साइज्जइ॥ १३४६॥ जे भिक्खू कुसीलं वाएइ वाएंतं वा साइजाइ॥ १३४०॥ जे भिक्ख कुसीलं पडिच्छइ पडिच्छंतं वा साइज्जइ॥ १३४८॥ जे भिक्खु णितियं वाएइ वाएंतं वा साइज्जइ ॥ १३४९ ॥ जे भिक्ख णितियं पडिच्छइ पडिच्छंतं वा साइज्जइ ॥ १३५० ॥ जे भिक्खू संसत्तं वाएइ वाएंतं वा साइजाइ॥ १३५१॥ जे भिक्ख संसत्तं पिडच्छाइ पिडच्छंतं वा साइजाइ । तं सेवमाणे आवजाइ चाउम्मासियं परिहारद्वाणं उग्घाइयं ॥ १३५२ ॥

णिसीहऽज्झयणे एगूणवीसइमो उद्देसो समत्तो ॥ १९ ॥ वीसइमो उद्देसो

जे भिक्ख् मासियं परिहारद्वाणं पिडसेवित्ता आलोएजा, अपिलउंचिय आलोएमा-णस्स मासियं, पिलउंचिय आलोएमाणस्स दोमासियं ॥ १३५३ ॥ जे भिक्ख्

१ अण्णधम्मिओ वाइजंतो वायणाए दुरुवओगं करेजित्त पायिच्छित्तठाणं ।
 २ आगमद्वो दुरिहगमो परहम्मिओ आगमाणमणिहगमणिजा अट्ठविवजासं कुणे-जित्त पायिच्छतं ।

५८ सत्ता०

दोमासियं परिहारद्वाणं पिडसेविता आलोएजा, अपलिउंचिय आलोएमाणस्स दोमा-सियं, पिठउंचिय आलोएमाणस्स ते(ति)मासियं ॥ १३५४ ॥ जे भिक्ख् तेमासियं परिहारद्वाणं पिडसेवित्ता आलोएजा. अपलिउंचिय आलोएमाणस्स तेमासियं. पिल-उंचिय आलोएमाणस्स चउमासियं ॥ १३५५ ॥ जे भिक्खू चाउम्मासियं परिहार-द्वाणं पिडसेविता आलोएजा. अपलिउंचिय आलोएमाणस्स चउमासियं, पिलडंचिय आलोएमाणस्स पंचमासियं ॥ १३५६ ॥ जे भिक्खू पंचमासियं परिहारद्राणं पिड-सेवित्ता आलोएजा, अपलिउंचिय आलोएमाणस्स पंचमासियं, पलिउंचिय आलोए-माणस्स छम्मासियं ॥ १३५७ ॥ तेण परं पिलडंचिए वा अपलिडंचिए वा ते (तं) चेव छम्(मासियं)मासा ॥ १३५८ ॥ जे भिक्खू बहुसोवि मासियं परिहारहाणं पिडसेविता आलोएजा, अपिलडंचिय आलोएमाणस्स मासियं, पिलडंचिय आलोए-माणस्स दोमासियं ॥ १३५९ ॥ जे भिक्ख बहुसोवि दोमासियं परिहारद्वाणं पडि-सेवित्ता आलोएजा, अपलिउंचिय आलोएमाणस्स दोमासियं, पलिउंचिय आलोए-माणस्स तेमासियं ॥ १३६० ॥ जे भिक्ख् बहुसोवि तेमासियं परिहारद्वाणं पिड-सेविता आलोएजा, अपलिउंचिय आलोएमाणस्स तेमासियं, पलिउंचिय आलोए-माणस्स चडमासियं ॥ १३६१ ॥ जे भिक्खू बहुसोवि चाउम्मासियं परिहारद्वाणं पडिसेवित्ता आलोएजा, अपलिडंचिय आलोएमाणस्स चडमासियं, पलिडंचिय आलोए-माणस्स पंचमासियं ॥ १३६२ ॥ जे भिक्खू बहुसोवि पंचमासियं परिहारह्याणं पिड-सेवित्ता आलोएजा, अपलिउंचिय आलोएमाप्स्स पंचमासियं, पलिउंचिय आलोए-माणस्स छम्मासियं ॥ १३६३ ॥ तेण परं पलिउंचिए वा अपलिउंचिए वा ते चेव छम्मासा ॥ १३६४ ॥ जे भिक्ख मासियं वा दोमासियं वा तेमासियं वा चाउम्मा-सियं वा पंचमासियं वा एएसिं परिहारहाणाणं अण्णयरं परिहारहाणं पडिसेवित्ता आलोएजा, अपलिउंचिय आलोएमाणस्स मासियं वा दोमासियं वा तेमासियं वा चउमासियं वा पंचमासियं वा. पिठडंचिय आलोएमाणस्स दोमासियं वा तेमासियं वा चडमासियं वा पंचमासियं वा छम्मासियं वा ॥ १३६५-१॥ तेण परं पिलडंचिए वा अपलिउंचिए वा ते चेव छम्मासा ॥ १३६५-२ ॥ जे भिक्खू बहुसोवि मासियं वा बहुसोवि दोमासियं वा बहुसोवि तेमासियं वा बहुसोवि चाउम्मासियं वा बहुसोवि पंचमासियं वा एएसिं परिहारद्वाणाणं अण्णयरं परिहारद्वाणं पडिसेवित्ता आलोएजा, अपलिउंचिय (बहुसोवि) आलोएमाणस्स मासियं वा दोमासियं वा तेमासियं वा चउ-मासियं वा पंचमासियं वा, पलिउंचिय (बहुसोवि) आलोएमाणस्स दोमासियं वा तेमा-सियं वा चउमासियं वा पंचमासियं वा छम्मासियं वा ॥ १३६६ ॥ जे भिक्खू चाउम्मा-

सियं वा साइरेगचाउम्मासियं वा पंचमासियं वा साइरेगपंचमासियं वा एएसिं परिहार-द्राणाणं अण्णयरं परिहारद्राणं पडिसेवित्ता आलोएजा. अपलिउंचिय आलोएमाणस्र्यं चाउम्मासियं वा साइरेगं वा पंचमासियं वा साइरेगं वा. पिछडंचिय आलोएमाणस्स पंचमासियं वा साइरेगं वा छम्मासियं वा ॥ १३६७-१ ॥ तेण परं पलिउंचिए वा अपलिउंचिए वा ते चेव छम्मासा ॥ १३६७-२ ॥ जे भिक्खू बहसोवि चाउम्मासियं वा बहुसोवि साइरेगचाउम्मासियं वा बहुसोवि पंचमासियं वा बहुसोवि साइरेगपंचमा-सियं वा एएसिं परिहारद्राणाणं अण्णयरं परिहारद्वाणं पडिसेवित्ता आलोएजा, अपलिउं-चिय आलोएमाणस्स वहुसोवि चाउम्मासियं वा बहुसोवि साइरेगं वा बहुसोवि पंचमा-सियं वा बहुसोवि साइरेगं वा, पिछंचिय आलोएमाणस्स बहुसोवि पंचमासियं वा बहसोवि साइरेगं वा बहुसोवि छम्मासियं वा ॥ १३६८-१ ॥ तेण परं पलिउंचिए वा अपलिउंचिए वा ते चेव छम्मासा ॥ १३६८-२ ॥ जे भिक्खू चाउम्मासियं वा साइरेगचाउम्मासियं वा पंचमासियं वा साइरेगपंचमासियं वा एएसिं परिहारद्राणाणं अण्णयरं परिहारद्वाणं पडिसेवित्ता आलोएजा, अपलिउंचिय आलोएमाणे ठवणिजं ठवडत्ता करणिजं वेयाविष्ठयं, ठविएवि पिडसेवित्ता सेवि किसणे तत्थेव आरुहेयञ्वे सिया, पुन्नि पिडसेनियं पुन्नि आलोइयं, पुन्नि पिडसेनियं पच्छा आलोइयं, पच्छा पडिसेवियं पुन्नि आलोइयं, पच्छा पडिसेवियं पच्छा आलोइयं. अपलिउंचिए अपलि-उंचियं, अपलिउंचिए पलिउंचियं, पलिउंचिए अपलिउंचियं, पलिउंचिए पलिउंचियं आलोएमाणस्स सन्वमेयं सक्यं साहणिय जे एयाए पहुवणाए पहुविए णिन्विसमाणे पडिसेवेइ सेवि कसिणे तत्थेव आरुहेयव्वे सिया ॥ १३६९ ॥ जे भिक्खू बहुसोवि चाउम्मासियं वा बहुसोवि साइरेगचाउम्मासियं वा (जहा हेट्ठा णवरं बहुसोवि) जाव आरुहेयव्वे सिया एयं पिलडंचिए॥ १३७०॥ जे भिक्ख चाउम्मासियं वा ''आलोएजा, पिलंडंचिय आलोएमाणे (जहा हेट्टा) जाव पिलंडंचिए पिलंडंचियं, पिलडंचिए पिलडंचियं आलोएमाणस्स '''आरहेयन्वे सिया ॥ १३७१ ॥ जे भिक्खू वहसोवि चाउम्मासियं वा (जहा हेट्टा णवरं बहुसोवि) जाव आरुहेयव्वे सिया ॥ १३७२ ॥ छम्मासियं परिहारद्वाणं पद्मविए अणगारे अंतरा दोमासियं परिहार-द्राणं पडिसेवित्ता आलोएजा, अहावरा वीसइराइया आरोवणा आइमज्झावसाणे सअद्वं सहेउं सकारणं अहीणमइरित्तं, तेण परं सवीसइराइया दो मासा ॥ १३७३॥ पंचमासियं परिहारहाणं (जहा हेट्ठा) जाव दो मासा ॥ १३७४ ॥ चाउम्मासियं परिहारद्वाणं (जहा हेट्ठा) जाव दो मासा ॥ १३७५ ॥ तेमासियं परिहारद्वाणं (जहा हेट्टा) जाव दो मासा ॥ १३७६ ॥ दोमासियं परिहारद्वाणं (जहा हेट्टा) जाव दो मासा ॥ १३७७ ॥ मासियं परिहारट्ठाणं (जहा हेट्ठा) जाव दो मासा ॥ १३७८ ॥ सवीसइराइयं दोमासियं परिहारद्वाणं पट्टविए अणगारे (जहा हेट्टा) जाव अहीणमइरित्तं, तेण परं सदसराया तिण्णि मासा ॥ १३७९ ॥ सदसराय-तेमासियं परिहारद्वाणं (जहा हेट्टा) जाव तेण परं चतारि मासा ॥ १३८०॥ चाउम्मासियं परिहारद्वाणं (जहा हेट्टा) जाव तेण परं सवीसइराया चत्तारि मासा ॥ १३८१ ॥ सवीसइरायचाउम्मासियं परिहारट्ठाणं (जहा हेट्टा) जाव तेण परं सदसराया पंच मासा ॥ १३८२ ॥ सदसरायपंचमासियं परिहारद्वाणं (जहा हेद्रा) जाव तेण परं छम्मासा ॥ १३८३ ॥ छम्मासियं परिहारद्वाणं पद्मविए अणगारे अंतरा मासियं परिहारद्वाणं पिडसेवित्ता आलोएजा, अहावरा पिक्खया आरोवणा आइमज्झावसाणे सअट्टं सहेउं सकारणं अहीणमइरित्तं, तेण परं दिवड्टो मासो ॥ १३८४ ॥ पंचमासियं परिहारद्वाणं (जहा हेट्टा) जाव दिवड्टो मासो ॥ १३८५ ॥ चाउम्मासियं परिहारद्वाणं (जहा हेट्टा) जाव दिवड्टो मासो ॥ १३८६ ॥ तेमासियं परिहारद्वाणं (जहा हेट्टा) जाव दिवड्टो मासो ॥ १३८७ ॥ दोमासियं परिहारद्वाणं (जहा हेट्टा) जाव दिवड्ढो मासो ॥ १३८८ ॥ मासियं परिहारद्वाणं (जहा हेट्टा) जाव दिवड्टी मासो ॥ १३८९ ॥ दिवड्टमासियं परिहारद्वाणं पद्वविए अणगारे अंतरा मासियं परिहारट्टाणं पिडसेवित्ता आलोएजा, अहावरा पिक्खया आरोवणा आइमज्झावसाणे सअहं सहेउं सकारणं अहीणमइरित्तं, तेण परं दो मासा ॥ १३९० ॥ दोमासियं परिहारहाणं (जहा हेट्ठा) णवरं अङ्गाइजा मासा ॥ १३९१ ॥ अह्नाइज्जमासियं परिहारट्ठाणं (जहा हेट्ठा) णवरं तिण्णि मासा ॥ १३९२ ॥ तेमा-सियं परिहारद्वाणं (जहा हेट्टा) णवरं अद्भुद्धा मासा ॥ १३९३ ॥ अद्भुद्धमासियं परिहारट्टाणं (जहा हेट्टा) णवरं चत्तारि मासा ॥ १३९४ ॥ चाउम्मासियं परिहार-द्वाणं (जहा हेट्टा) णवरं अडूपंचमा मासा ॥ १३९५ ॥ अडूपंचमासियं परि-हारडाणं (जहा हेडा) णवरं पंच मासा ॥ १३९६ ॥ पंचमासियं परिहारडाणं (जहा हेट्टा) णवरं अद्धछ्टा मासा ॥ १३९७ ॥ अद्धछ्ट्टमासियं परिहारद्वाणं (जहा हेट्टा) णवरं छम्मासा ॥ १३९८ ॥ दोमासियं परिहारहाणं पहुविए अणगारे अंतरा मासियं परिहारद्वाणं पिंडसेवित्ता आलोएजा, अहावरा पिंक्खया आरोवणा आइमज्झावसाणे सअद्रं सहेउं सकारणं अहीणमइरित्तं, तेण परं अङ्काइज्जा मासा ॥ १३९९ ॥ अङ्का-इज्जमासियं ... अंतरा दोमासियं ... अहावरा वीसिया आरोवणा (जहा हेट्टा), तेण परं सपंचराइया तिण्णि मासा ॥ १४००॥ सपंचरायतेमासियं अंतरा मासियं ···अहावरा पक्खिया आरोवणा (जहा हेट्ठा), तेण परं सवीसङ्राङ्या तिण्णि मासा ॥ १४०१ ॥ सवीसइरायतेमासियं अंतरा दोमासियं अहावरा वीसइराइया अरोवणा (जहा हेट्टा), तेण परं सदसराया चत्तारि मासा ॥ १४०२ ॥ सदसराय-चाउम्मासियं अंतरा मासियं अहावरा पिक्खया आरोवणा (जहा हेट्टा), तेण परं पंचूणा पंच मासा ॥ १४०३ ॥ पंचूणपंचमासियं अंतरा दोमासियं अहावरा वीसहराइया आरोवणा (जहा हेट्टा), तेण परं अद्धछ्टा मासा ॥ १४०४ ॥ अद्धछ्टमासियं अंतरा मासियं अहावरा पिक्खया आरोवणा (जहा हेट्टा), तेण परं छम्मासा ॥ १४०५ ॥ णिसीहऽज्झयणे वीसइमो उद्देसो समत्तो ॥ २०॥ णिसीहसुत्तं समत्तं ॥



णमोऽत्थु णं समणस्स भगवथो णायपुत्तमहावीरस्स

र तागम

तत्थ णं द्सार् यक्खंघो

पढमा दसा

सुर्यं मे आउसं! तेणं भगवया एवमक्खायं, इह खळु थेरेहिं भगवंतेहिं वी[बी]सं असमाहि[ठा]द्वाणा पण्णता, कयरे खळ ते थेरेहिं भगवंतेहिं बीसं असमाहिद्वाणा पण्णत्ता ? इमे खलु ते थेरेहिं भगवंतिहिं वीसं असमाहिद्वाणा पण्णता । तंजहा-दवदवचारी यावि भवइ ॥ १ ॥ अ(ए)पमज्जियचारी यावि भवइ ॥ २ ॥ दुपमाज्जियचारी यावि भवइ ॥ ३ ॥ अइरित्तसेज्जासणिए ॥ ४ ॥ राइणि-यपरिभासी ॥ ५ ॥ थेरोवघाइए ॥ ६ ॥ भूओवघाइए ॥ ७ ॥ संजलणे ॥ ८ ॥ कोहणे ॥ ९ ॥ पिद्विमंसिए ॥ १० ॥ अभिक्खणं अभिक्खणं ओहा(रि)रइत्ता भवइ ॥ ११ ॥ णवाणं अहिगरणाणं अणुप्पण्णाणं उप्पाइता भवइ ॥ १२ ॥ पोराणाणं अहिगरणाणं खामिय विउसवियाणं पुणो(उ)दी(रि)रेत्ता भवइ॥ १३॥ अकालसज्झायकारए यावि भवइ ॥ १४ ॥ संसरक्खंपाणिपाए ॥ १५ ॥ सहकरे (मेयकरे) ॥ १६ ॥ झंझकरे ॥ १७ ॥ कलहकरे ॥ १८ ॥ सूरप्पमाणभोई ॥ १९ ॥ एसणाऽसमिए यावि भवइ ॥ २० ॥ एए खळु ते थेरेहिं भगवंते हिं वीसं असमाहिट्टाणा पण्णता ॥ २१ ॥ ति-बेमि ॥ पढमा दसा समत्ता ॥१॥

बिइया दसा

सुयं मे आउसं ! तेणं भगवया एवमक्खायं, इह खलु थेरेहिं भगवंतेहिं एगवीसं सबला पण्णता, कयरे खलु ते थेरेहिं भगवंतिहिं एगवीसं सबला पण्णता ? इमे खल ते थेरेहिं भगवंतेहिं एगवीसं सबला पण्णता । तंजहा-हत्थकम्मं करेमाणे सबले ॥ २२ ॥ मेहुणं पिडसेवमाणे सबले ॥ २३ ॥ राइमोयणं भुंजमाणे सबले ॥ २४॥ आहाकम्मं भुंजमाणे सवले ॥ २५॥ रायपिंडं भुंजमाणे सबले ॥ २६॥ (उद्देसियं) कीयं वा पामिचं वा अच्छिजं वा अणिसिद्धं वा आहट्ट दिजामाणं वा भुंजमाणे सबले ॥ २० ॥ अभिक्खणं अभिक्खणं पिडयाइक्खेत्ताणं भुजमाणे सबले ॥ २८ ॥

१ अण्णे आयरिसे पारंभे पंच णमोक्कारोऽहिगो लब्भइ।

अंतो छण्हं मासाणं गणाओ गणं संक्रममाणे सबले ॥ २९ ॥ अंतो मासस्स तओ दगलेवे करेमाणे सबले ॥ ३० ॥ अंतो मासस्स तओ मा[ईठा]इड्डाणे करे(सेव)माणे सबले ॥ ३१ ॥ सा[ग]गारियपिंडं भुंजमाणे सबले ॥ ३२ ॥ आउद्दियाए पाणा-इवार्य करेमाणे सबले ॥ ३३ ॥ आउट्टियाए मुसावार्य वयमाणे सबले ॥ ३४ ॥ आउड़ियाए अदिण्णादाणं गिण्हमाणे सबले ॥ ३५ ॥ आउड़ियाए अणंतरहियाए पढवीए ठाणं वा सेंजं वा निसीहियं वा चेितिएमाणे सबले ॥ ३६ ॥ एवं सिसिणि-द्धाए पुढवीए एवं ससरक्खाए पुढवीए ॥ ३७ ॥ एवं आउद्दियाए चित्तमंताए सिलाए चित्तमंताए लेळ्ए कोलावासंसि वा दारुए जीवपइट्टिए सअंडे सपाणे सवीए सहरिए सउस्से सउदगे सउतिंगे पणगदगम(हिय)हीए मक्क असंताणए तह प्पगारं ठाणं वा सिज्जं वा निसीहियं वा चेएमाणे सबले ॥ ३८ ॥ आउ दियाए मूलभोयणं वा कंद्रभोयणं वा खंघभोयणं वा तयाभोयणं वा पवालभोयणं वा पत्तभोयणं वा प्रप्क-भोयणं वा फलभोयणं वा बीयभोयणं वा हरियभोयणं वा भुंजमाणे सबले ॥ ३९॥ अंतो संवच्छरस्स दस दगलेवे करेमाणे सबले ॥ ४० ॥ अंतो संवच्छरस्स दस माइद्वाणाई करेमाणे सबले ॥ ४१ ॥ आउट्टियाए सीओदयवियडवग्घारिय(पाणिणा)-हत्थेण वा मत्तेण वा द विण्ण विवीए वा भायणेण वा असणं वा पाणं वा खाइमं वा साइमं वा पडिगाहिता भुंजमाणे सबले ॥ ४२ ॥ एए खळु ते थेरेहिं भगवंतेहिं एगवीसं सबला पण्णता ॥ ४३ ॥ ति-बेमि ॥ विद्या दसा समत्ता ॥ २ ॥

तइया दसा

मुयं मे आउसं! तेणं भगवया एवमक्खायं, इह खळु थेरेहिं भगवंतेहिं ते[ती]त्तीसं आसायणाओ पण्णत्ताओ, कयरा खळु ताओ थेरेहिं भगवंतेहिं तेत्तीसं असायणाओ पण्णत्ताओ ? इमाओ खळु ताओ थेरेहिं भगवंतेहिं तेत्तीसं असायणाओ पण्णत्ताओ ! तंजहा—सेहे रा[य]इणियस्स पुरओ गंता भवइ आसायणा सेहस्स ॥ ४४–४५ ॥ सेहे राइणियस्स सपक्खं गंता भवइ आसायणा सेहस्स ॥ ४० ॥ सेहे राइणियस्स आसन्नं गंता भवइ आसायणा सेहस्स ॥ ४० ॥ सेहे राइणियस्स सपक्खं विद्वित्ता भवइ आसायणा सेहस्स ॥ ४८ ॥ सेहे राइणियस्स सपक्खं विद्वित्ता भवइ आसायणा सेहस्स ॥ ४९ ॥ सेहे राइणियस्स आसन्नं (ठिचा) विद्वित्ता भवइ आसायणा सेहस्स ॥ ५० ॥ सेहे राइणियस्स पुरओ निसीइत्ता भवइ आसायणा सेहस्स ॥ ५० ॥ सेहे राइणियस्स पुरओ निसीइत्ता भवइ आसायणा सेहस्स ॥ ५० ॥ सेहे राइणियस्स सपक्खं निसीइता भवइ आसायणा सेहस्स ॥ ५० ॥ सेहे राइणियस्स सपक्खं निसीइता भवइ आसायणा सेहस्स ॥ ५२ ॥ सेहे राइणियस्स सपक्खं निसीइता भवइ आसायणा सेहस्स ॥ ५२ ॥ सेहे राइणियस्स आसन्नं निसीइता भवइ आसायणा सेहस्स ॥ ५२ ॥ सेहे राइणियस्स आसन्नं निसीइता भवइ आसायणा सेहस्स ॥ ५३ ॥ सेहे राइणिएणं सिद्धं बिट्या वियारभूमिं [वा] निक्खंते समाणे तत्थ सेहे

पुव्वतरागं आयमइ पच्छा राइणिए भवइ आसायणा सेहस्स ॥ ५४ ॥ सेहे राइ-णिएणं सिद्धं बिहिया वियारभूमिं वा विहारभूमिं वा निक्खंते समाणे तत्थ सेहे पुन्वत-रागं आलोएइ पच्छा राइणिए भवइ आसायणा सेहस्स ॥ ५५ ॥ केइं राइणियस्स पुव्वसंलवित्तए सिया, तं सेहे पुव्वतरागं आलवइ पच्छा राइणिए भवइ आसायणा सेहस्स ॥ ५६ ॥ सेहे राइणियस्स राओ वा वियाले वा वाहरमाणस्स अज्जो ! के सु(त्ते)ता के जाग(रे)रा ? तत्थ सेहे जागरमाणे राइणियस्स अपिडसुणेता भवइ आसायणा सेहस्स ॥ ५० ॥ सेहे असणं वा पाणं वा खाइमं वा साइमं वा पिड-गाहित्ता तं पु[व्व]व्वामेव,सेहतरागस्स आलोएइ पच्छा राइणियस्स भवइ आसा-यणा सेहस्स ॥ '९८ ॥ सेंहे असणं वा पाणं वा खाइमं वा साइमं वा पडिगाहिता तं पुव्वामेव सेहतरागस्स उवदंसेइ पच्छा राइणियस्स भवइ आसायणा सेहस्स ॥ ५९ ॥ सेहे असणं वा ... पिडिगाहिता तं पुन्वामेव सेहतरागं उविणमंतेइ पच्छा राइणि[ए]यं भवइ आसायणा सेहस्स ॥ ६० ॥ सेहे राइणिएण सिद्धं असणं वा पाणं वा खाइमं वा साइमं वा पिडगाहिता तं राइणियं अणापुच्छिता जस्स जस्स इच्छइ तस्स तस्स खद्धं [खंधं] २ तं दलयइ आसायणा सेहस्स ॥ ६१ ॥ सेहे असणं वा ४ पडिगाहिता राइणिएणं सिद्धं भुंजमाणे तत्थ सेहे खद्धं २ डागं डागं ऊसढं ऊसढं रसियं रसियं मणुन्नं मणुन्नं मणामं मणामं निद्धं निद्धं छक्खं छक्खं आहारिता भवइ आसायणा सेहस्स ॥ ६२ ॥ सेहे राइणियस्स वाहर(आलव)माणस्स अपिंद्रमणिता भवइ आसायणा सेहस्स ॥ ६३ ॥ सेहे राइ-णियस्स वाहरमाणस्स तत्थ गए चेव पडिसुणित्ता भवइ आसायणा सेहस्स ॥ ६४॥ सेहे राइणियस्स किंति-वत्ता भवड आसायणा सेहस्स ॥ ६५ ॥ सेहे राइणियं तुमंति-वत्ता भवइ आसायणा सेहस्स ॥ ६६ ॥ सेहे राइणियं खद्धं खद्धं वत्ता भवड आसायणा सेहस्स ॥ ६७ ॥ सेहे राइणियं तज्जाएणं [२] पिंडहणित्ता भवइ आसा-यणा सेहस्स ॥ ६८ ॥ सेहे राइणियस्स कहं कहेमाणस्स इति एवं वत्ता भवइ आसायणा सेहस्स ॥ ६९ ॥ सेहे राइणियस्स कहं कहेमाणस्स णो समरसीति वत्ता भवइ आसायणा सेहस्स ॥ ७० ॥ सेहे राइणियस्स कहं कहेमाणस्स णो सुमणसे भवड़ आसायणा सेहस्स ॥ ७१ ॥ सेहे राइणियस्स कहं कहेमाणस्स परिसं भेता भवइ आसायणा सेहस्स ॥ ७२ ॥ सेहे राइणियस्स कहं कहेमाणस्स कहं अर्चिछ-दित्ता भवइ आसायणा सेहस्स ॥ ७३ ॥ सेहे राइणियस्स कहं कहेमाणस्स तीसे परिसाए अणुद्वियाए अभिन्नाए अवुच्छिन्नाए अवोगडाए दो(दु)चंपि तचंपि तमेव कहं कहित्ता भवइ आसायणा सेहस्स ॥ ७४ ॥ सेहे राइणियस्स सिजासंथारगं पाएणं संघित हस्येण अणणुतावित्ता (अणणु(ण्णवे)वित्ता) गच्छइ भवइ आसा-यणा सेहस्स ॥ ०५ ॥ सेहे राइणियस्स सिजासंथारए चिद्वित्ता वा निसीइता वा तुयदित्ता वा भवइ आसायणा सेहस्स ॥ ०६ ॥ सेहे राइणियस्स उच्चासणंसि वा समासणंसि वा चिद्वित्ता वा निसीइत्ता वा तुयदिता वा भवइ आसायणा सेहस्स ॥ ०० ॥ एयाओ खळु ताओ थेरेहिं भगवंतिहिं तेत्तीसं आसायणाओ पण्णत्ताओ ॥ ०८ ॥ ति–बेमि ॥ तइया दसा समत्ता ॥ ३ ॥

चउत्था दसा

सुयं में आउसं! तेणं भगवया एवमक्खायं, इह खळु थेरेहिं भगवंतेहिं अद्भविहा गणिसंपया पण्णता, कयरा खळ अड्रविहा गणिसंपया पण्णता? इमा खळ अड्रविहा गणिसंपया पण्णता । तंजहा-अायारसंपया १, स्रथसंपया २, सरीरसंपया ३. वयणसंपया ४, वायणासंपया ५, मइसंपया ६, पओगसंपया ७, संगहपरिन्ना(नाम) अद्रमा ८। से किंतं आयारसंपया ? आयारसंपया चडव्विहा पण्णता । तंजहा-संजम्धवजोगज़ते यावि भवइ, असंपगहियअप्पा, अणिययवित्ती, बहुसीले यावि भवड । से तं आयारसंपया ॥ ७९ ॥ से किं तं सुयसंपया ? सुयसंपया चडव्विहा पण्णत्ता । तंजहा-बहस्र(ते)ए यावि भवइ, परिचियसुए यावि भवइ, विचित्तसुए यावि भवइ. घोसविस दिकारए यावि भवड । से तं स्रथसंपया ॥ ८० ॥ से किं तं सरीरसंपया १ सरीरसंपया चउव्विहा पण्णत्ता। तंजहा-आरोहपरिणाहसंपन्ने यावि भवइ, अणोतप्प-सरीरे, थिरसंघयणे, बहुपडिपुण्णिदिए यावि भवइ । से तं सरीरसंपया ॥ ८१ ॥ से किं तं वयणसंपया ? वयणसंपया चडव्विहा पण्णता। तंजहा-आदेयवयणे यावि भवइ, महरवयणे यावि भवइ, अणिरिसयवयणे यावि भवइ, असंदिद्धवयणे यावि भवइ । से तं वयणसंपया ॥ ८२ ॥ से किं तं वायणासंपया १ वायणासंपया चडिव्वहा पण्णत्ता । तंजहा-विजयं उद्दिसइ, विजयं वाएइ, परिनिव्वावियं वाएइ, अत्यनिजा-वए यावि भवइ। से तं वायणासंपया ॥ ८३ ॥ से किं तं मइसंपया ? मइसंपया चंडिवहा पण्णता । तंजहा-उग्गहमइसंपया, ईहामइसंपया, अवायमइसंपया. धारणामइसंपया । से किं तं उग्गहमइसंपया ? उग्गहमइसंपया छिव्वहा पण्णता । तंजहा-खिप्पं उगिण्हेइ, बहु उगिण्हेइ, बहुविहं उगिण्हेइ, धुवं उगिण्हेइ, अणिस्सियं उगिण्हेइ, असंदिदं उगिण्हेइ। से तं उग्गहमइसंपया। एवं ईहामइवि। एवं अवाय-मइवि । से किं तं धारणामइसंपया ? धारणामइसंपया छविवहा पण्णता । तंजहा-बहु घरेइ, बहुविहं घरेइ, पोराणं घरेइ, दुद्धरं घरेइ, अणिस्सियं घरेइ, असंदिद्धं धरेइ। से तं धारणामइसंपया ॥ ८४ ॥ से कि तं प्रओगमइसंप्या ? प्रओगमइसंप्या

चउ व्विहा पण्णत्ता । तंजहा-आयं विदाय वायं पउंजित्ता भवइ, परिसं विदाय वायं पउंजित्ता भवइ, खेतं विदाय वायं पउंजित्ता भवइ, वत्थ्र विदाय वायं पउंजित्ता भवइ । से तं पओगमइसंपया ॥ ८५ ॥ से कि तं संगहपरिन्ना नामं संपया? संगह-परिन्ना नामं संपया चडव्विहा पण्णता । तंजहा-वासावासेसु खेतं पिडलेहित्ता भवइ बहुजणपाउग्गयाए, बहुजणपाउग्गयाए पाडिहारियपीढफलगसेजासंथारयं उगिण्हिता भवइ, कालेणं कालं समाणइत्ता भवइ, अहागुरु संपूर्ता भवइ। से तं संगहपरिन्ना नामं संपया ॥ ८६ ॥ आयरिओ अंतेवासी इमाए चउव्विहाए विणयपडिवत्तीए विणइत्ता भवइ निरणत्तं गच्छइ । तंजहा-आयारविणएणं, सुयविणएणं, विक्खेवणाविणएणं, दोसनिग्घायणविणएणं ॥ ८७ ॥ से किं तं आयारविणए ? आयारविणए चडिवहे पण्णते। तंजहा-संजमसा(स)मायारी यावि भवइ, तवसामायारी यावि भवइ, गणसा-मायारी यावि भवइ, एगळविहारसामायारी यावि भवइ। से तं आयारविणए॥ ८८॥ से किं तं सुयविणए ? सुयविणए चउव्विहे पण्णते । तंजहा–सुत्तं वाएइ, अत्थं वाएइ, हियं वाएइ, निस्सेसं वाएइ। से तं सुयविणए॥ ८९॥ से किं तं विक्खे-वणाविणए ? विक्खेवणाविणए चडिव्बहे पण्णते । तंजहा-अदिहधम्मं दिद्वपुव्व-गत्ताए विणएइता भवइ, दिद्वपुव्वगं साहम्मियत्ताए विणएइता भवइ, चय-धम्माओ थम्मे ठावइत्ता भवइ, तस्सेव थम्मस्स हियाए सुहाए खमाए निस्सेसाए अणुगामिय-त्ताए अब्सुद्वेत्ता भवइ । से तं विक्खेवणाविणए ॥ ९० ॥ से किं तं दोसनिग्घायणा-विणए ? दोसनिग्घायणाविणए चडिव्वहे पण्णते । तंजहा-कुद्धस्स कोहविणएता भवइ, द्रहरस दोसं णिगिण्हिता भवइ, कंखियस्स कंखं छिंदिता भवइ, आयासुप्प-णिहिए यावि भवइ। से तं दोसनिग्घायणाविणए ॥ ९१ ॥ तस्सेवं गुणजाइयस्स अंतेवासिस्स इमा चडव्विहा विणयपिडवत्ती भवइ । तंजहा-उवगरणउप्पायणया, साहिल्लया, वण्णसंजलणया, भारपचोहहणया ॥ ९२ ॥ से किं तं उवगरणउप्पाय-णया ? उवगरणउप्पायणया चउन्विहा पण्णत्ता । तंजहा-अणुप्पण्णाणं उवगरणाणं उप्पाइता भवइ, पोराणाणं उवगरणाणं सार्विखत्ता संगोवित्ता भवइ, परित्तं जाणिता पच्चद्धरित्ता भवइ, अहाविहि संविभइत्ता भवइ । से तं उवगरणउप्पायणया ॥ ९३ ॥ से किं तं साहिल्लया ? साहिल्लया चउव्विहा पण्णत्ता । तंजहा-अणुलोमवइसहिए यावि भवइ, अणुलोमकायिकरियत्ता, पिडस्विकायसंफासणया, सव्वत्थेस अपिड-लोमया । से तं साहिल्लया ॥ ९४ ॥ से किं तं वण्णसंजलणया ? वण्णसंजलणया चउव्विहा पण्णत्ता । तंजहा-अहातचाणं वण्णवाई भवइ, अवण्णवाई पिहहिणित्ता भवइ, वण्णवाई अणुबृहित्ता भवइ, आयवुष्ट्रसेवी यावि भवइ। से तं वण्णसंजलणया ॥९५॥ से किं तं भारपचोरुहणया ? भारपचोरुहणया चडिवहा पण्णत्ता। तंजहा—असंगिह्यपिरजणसंगिहिता भवइ, सेहं आयारगोयर—संगाहिता भवइ, साहिम्मयस्स गिलायमाणस्स अहाथामं वेयावचे अब्भुद्धिता भवइ, साहिम्मयाणं अहिगरणंसि उप्पण्णंसि तत्थ अणिस्सिओवस्सिए [विसत्तो] अपवन्खर[गिहिय]गाही मञ्झत्थभावभूए सम्मं ववहरमाणे तस्स अहिगरणस्स खमावणाए विउसमणयाए सयासियं अब्भुद्धिता भवइ, कहं नु साहिम्मया अप्पत्स् अप्पत्नंतुमा संजमबहुला संवरबहुला समाहिबहुला अप्पमत्ता संजमेणं तवसा अप्पाणं भावेमाणाणं एवं च णं विहरेजा। से तं भारपचोरुहणया॥ ९६॥ एसा खलु थेरेहिं भगवंतिहं अद्विहा गणिसंपया पण्णत्ता॥ ९७॥ ति—बेमि॥ चउत्था दसा समत्ता॥ ४॥

पंचमा दसा

सुयं मे आउसं ! तेणं भगवया एवमक्खायं, इह खलु थेरेहिं भगवंतिहिं दस चित्तसमाहिठाणा पण्णता, कयरे खळ ते थेरेहिं भगवंतिहिं दस चित्तसमाहिठाणा पण्णता ? इमे खल ते थेरेहिं भगवंतिहिं दस चित्तसमाहिठाणा पण्णता। तंजहा-तेणं कालेणं तेणं समएणं वाणियगामे णयरे होत्या. एत्थं णयरवण्णओ भाणियव्वो। तस्स णं वाणियगामस्स णयरस्स बहिया उत्तरपुरिच्छमे दिसीभाए दूइपलासए णामं उज्जाणे होत्था, वण्णओ। जियसत्त् राया, तस्स धारणी नामं देवी, एवं सन्वं समोसरणं भाणियव्वं जाव पुढवीसिलापट्टए सामी समोसढे, परिसा निरगया, धम्मो कहिओ, परिसा पडिगया॥ ९८॥ अज्जो ! [इ]ति समणे भगवं महावीरे समणा निग्गंथा निग्गंथीओ य आमंतिता एवं वयासी-"इह खळु अज्जो ! निग्गं-थाण वा निग्गंथीण वा इरियासिमयाणं भासासिमयाणं एसणासिमयाणं आयाण-भंडमत्तनिक्खेवणासमियाणं उचारपासवणखेलजङ्गसिंघाणपारिठावणियासमियाणं मण-समियाणं व[वा]यसमियाणं कायसमियाणं मणगुत्तीणं वायगुत्तीणं कायगुत्तीणं गुत्तिदि-याणं गुत्तबंभयारीणं आयद्रीणं आयहियाणं आयजोईणं आयपरकसाणं ससमाहि-पत्ताणं झियायमाणाणं इमाइं दस चित्तसमाहिठाणाइं असमुप्पण्णपुव्वाइं समुप्प-जेजा। तंजहा-धम्मचिंता वा से असमुप्पणपुरवा समुप्पजेजा सन्वं धम्मं जाणित्तए ॥ ९९ ॥ सुमिणदंसणे वा से असमुप्पण्णपुन्वे समुप्पजेजा अहातचं स्रमिणं पासित्तए ॥ १०० ॥ सण्णिजाइसरणेणं सण्णिणा(णे)णं वा से असमुप्पण्णपुटवे समुप्पजेजा (पुन्वभवे) अप्पणो पोराणियं जाइं सुमरित्तए ॥ १०१ ॥ देवदंसणे वा से असमुप्पण्णपुर्वे समुप्पजेजा दिवं देविष्ट्रं दिव्वं देवजुई दिव्वं देवाणुभावं पासित्तए ॥ १०२ ॥ ओहिणाणे वा से असमुप्पन्नपुर्वे समुप्पनेजा ओहिणा लोगं जाणित्तए

11 १०३ ॥ ओहिदंसणे वा से असमुप्पण्णपुन्वे समुप्पजेजा ओहिणा लोयं पासि-त्तए ॥ १०४ ॥ मणपज्जवणाणे वा से असमुप्पण्णपुरुवे समुप्पजेजा अंतो मणुस्स-क्लितेस अङ्गाइजेस दीवसमुहेस सण्णीणं पांचिंदियाणं पज्जत्तगाणं मणोगए भावे जाणित्तए ॥ १०५॥ केवलणाणे वा से असमुप्पण्णपुर्वे समुप्पजेजा केव(लं)लकप्पं लो(गं)यालोयं जाणित्तए ॥ १०६ ॥ केवलदंसणे वा से असमुप्पण्णपुन्वे समुप्पजेजा केवलकप्पं लोयालोयं पासित्तए ॥ १०७॥ केव(लि)लमर(णं)णे वा से असमुप्पण्णपुरुवे समुप्पजे(मरि)जा सव्वदुक्खपही[हा]णाए॥ १०८॥ ओयं चित्तं समादाय, झाणं स-मुप्पज्जइ। धम्मे ठिओ अविमणो, निव्वाणमिभगच्छइ॥ १०९॥ ण इमं चित्तं समादाय, भुजो लोयंसि जायइ। अप्पणो उत्तमं ठाणं, सण्णिणाणेण जाणइ॥ ११०॥ अहातचं तु सुमिणं, खिप्पं पासेइ संवुडे । सन्वं वा ओहं तरइ, दुक्खदोय विमुच्च ।। १११ ॥ पंताइं भयमाणस्स, विवित्तं सयणासणं । अप्पाहारस्स दंतस्स, देवा दंसेति ताइणो ॥ ११२ ॥ सन्वकामविरत्तस्स, खमणो भयभेरवं । तओ से ओही भवइ, संजयस्स तविस्सणो ॥ ११३ ॥ तवसा अवह दृलेस्सस्स, दंसणं परिसुज्झइ । उड्ढं अहे तिरियं च, सन्वं समणुपस्सइ॥ ११४॥ दुसमाहियलेस्सस्स, अवितकस्स भिक्खणो। सन्वओ विष्पमुक्तस्स, आया जाणाइ पज्जवे ॥ ११५ ॥ जया से णाणावरणं. सन्वं होइ खयं गयं। तओ लोगमलोगं च, जिणो जाणइ केवली ॥ ११६ ॥ जया से दरिसणावरणं, सन्वं होइ खयं गयं। तओ लोगमलोगं च, जिणो पासइ केवली ॥ ११७ ॥ पडिमाए विसुद्धाए, मोहणिजं खयं ग[यं]ए। असेसं लोगमलोगं च, पासेइ सुसमाहिए ॥ ११८ ॥ जहा मत्थय-सईए, हंताए हम्मइ तले। एवं कम्माणि हम्मंति, मोहणिजे खर्यं गए ॥ ११९ ॥ सेणावइंमि निहए, जहा सेणा पणस्सइ । एवं कम्माणि णस्संति, मोहणिजे खयं गए॥ १२०॥ ध्रमहीणो जहा अग्गी, खीयइ से निरिंधणे। एवं कम्माणि खीयंति, मोहणिजे खयं गए॥ १२१॥ सकमूले जहा रक्खे, सिंचमाणे ण रोहइ। एवं कम्मा ण रोहंति, मोहणिजे खयं गए ॥ १२२ ॥ जहा दङ्काणं वीयाणं, न जायंति पुणंकुरा। कम्मवीएस दङ्केस, न जायंति भवंकरा ॥ १२३ ॥ चिचा ओरालियं वोंदिं, नामगो(त्तं)यं च केवली। आउयं वेयणिजं च, छित्ता भवइ नीरए ॥ १२४॥ एवं अभिसमागम्मं, चित्तमादाय आउसो । सेणिसुद्धिमुवागम्म, आया सुद्धि(सोहि)मुवागइ ॥ १२५ ॥ त्ति-बेमि ॥ पंचमा दसा समत्ता॥५॥

छट्टा दसा

सुयं मे आउसं! तेणं भगवया महावीरेणं एवमक्खायं, इह खलु थेरेहिं भगवंतेहिं

ए(इ)क्कारस उवासगपिडमाओ पण्णताओ, कयरा खल ताओ थेरेहिं भगवंतेहिं एकारस उवासगपडिमाओ पण्णत्ताओ ? इमाओ खलु ताओ थेरेहिं भगवंतिहिं एकारस उवास-गपडिमाओ पण्णताओ। तंजही-अिकरियवाई यावि भवइ, नाहियवाई, नाहियपण्णे, नाहियदिद्री, णो सम्मावाई, णो णितियावाई, ण संति परलोगवाई, णित्थ इहलोण. णित्य परलोए, णित्य माया, णित्य पिया, णित्य अरिहंता, णित्य चक्कवट्टी, णित्य बलदेवा, णत्थि वासुदेवा, णिथ णिरया, णिथ णेरइया, णिथ सकडद़क्कडाणं फलवि-त्तिविसेसो, णो सचिष्णा कम्मा सचिष्णा फला भवंति, णो दुचिष्णा कम्मा दुचिष्णा फला भवंति, अफले कल्लाणपावए, णो पचायंति जीवा, णत्थि णिरए, णत्थि सिद्धी. से एवंवाई एवंपण्णे एवंदिद्री एवंछंदरागमइणिविद्वे यावि भवइ ॥ १२६ ॥ से भवइ महि^{ड्}छे महारंभे महापरिगाहे अहम्मिए अहम्माणुए अहम्मसेवी अहम्मिद्वे अहमक्खाई अहम्म-रागी अहम्मपलोई अहम्मजीवी अहम्मपलजाणे अहम्मसीलसम्दायारे अहम्मेणं चेव वित्तिं कप्पेमाणे विरहइ ॥ १२७॥ ''हण छिंद भिंद'' विकत्तए लोहियपाणी चंडे रहे खुद्दे असमिक्खियकारी साहस्सिए उक्कंचणवंचणमाइनियडिकूड०साइसंपओगबहुले दुस्सीले दुप्परिचए दुचरिए दुर्णुणेए दुव्वए दुप्पडियाणंदे निस्सीले निव्वए निग्गुणे निम्मेरे निप्पचक्खाणपोसहोववासे असाह ॥ १२८ ॥ सन्वाओ पाणाइवायाओ अप्पडिविरया जावजीवाए जाव सन्वाओ परिग्गहाओ, एवं जाव सन्वाओ कोहाओ सञ्जाओं माणाओं सञ्जाओं मायाओं सञ्जाओं लोभाओं पेजाओं दोसाओं कलहाओं अब्भक्खाणाओं पेसण्णपरपरिवायाओं अरहरहमायामोसाओं मिच्छादंसणसङ्खाओ अप्पिडिविर्या जावज्जीवाए ॥ १२९ ॥ सव्वाओ कसायदंतकद्वण्हाणमहणविलेवण-सहफरिसरसह्वगंधमल्लाऽलंकाराओ अप्पडिविरया जावजीवाए. सन्वाओ सग-अप्पिडिविरया जावजीवाए ॥ १३० ॥ असमिक्खियकारी सव्वाओ आसहत्थिगोम-हिसाओ गवेलयदासदासीकम्मकरपोरुस्साओ अप्पडिविरया जावजीवाए, सव्वाओ क्यविक्यमासद्भासस्वगसंववहाराओ अप्पिडविरया जांवजीवाए. सव्वाओ हिरण्ण-सुवण्णधणधन्नमणिमोत्तियसंखसिलप्पवालाओ अप्पडिविरया जावज्जीवाए. सन्वाओ कृडतुलकृडमाणाओं अप्पडिविरया जावजीवाए, सव्वाओं आरंभसमारंभाओं अप्प-डिविरया जावजीवाए, सन्वाओ पयणपयावणाओ अप्पडिविरया जावजीवाए. सन्वाओ करणकरावणाओ अप्पडिविरया जावजीवाए, सन्वाओ कुट्टणपिट्टणाओ

पासह एकारसमं समवायं । २ विसेसो स्यगडिबइयस्यक्षंधिबइयऽज्झयण-पडमिकिरियद्वाणऽहम्मपक्खाओ णायव्यो ।

तज्जणतालणाओ वहबंघपरिकिलेसाओ अप्पडिविरया जावजीवाए, जेयावण्णे तहप्प-गारा सावजा अबोहिया कम्मा कजंति परपाणपरियावणक[डा]रा कजंति तओवि य अप्पिडविरया जावजीवाए।। १३१॥ से जहानामए-केइ पुरिसे कलममसूरतिल-मुग्गमासनिष्फावकुलत्थआलिसंदगजवजवा एवमाइएहिं अयत्ते कृरे मिच्छादंडं पउं-जइ एवामेव तहप्पगारे पुरिसजाए तित्तिरवदृगलावयकवोयकविंजलमियमहिसवराह-गाहगोहकुम्मसरिसवाइएहिं अयत्ते क्रेर मिच्छादंडं पउंजइ ॥ १३२ ॥ जावि य से वाहिरिया परिसा भवइ, तंजहा-दासेइ वा पेसेइ वा भितएइ वा भाइल्लेइ वा कम्म-करेइ वा भोगपुरिसेइ वा तेसिंपि य णं अण्णयरगंसि अहालहुयंसि अवराहंसि सय-मेव गरुयं दंडं वत्तेइ, तंजहा-इमं दंडेह, इमं मुंडेह, इमं तजेह, इमं तालेह, इमं अंदुयबंघणं करेह, इमं नियलबंघणं करेह, इमं हडिबंघणं करेह, इमं चारगबंधणं करेह, इमं नियलज्ञुयलसंकोडियमोडियं करेह, इमं हत्यछिन्नयं करेह, इमं पायछि-न्नयं करेह, इमं कन्नछिन्नयं करेह, इमं नक्कछिन्नयं करेह, इमं उद्घछिन्नयं करेह, इमं सीसछिन्नयं करेह, इमं महछिन्नयं करेह, इमं वेयछिन्नयं करेह, इमं हियउप्पाडियं करेह, एवं नयण-वसण-दंसण-वयण-जिब्(भु)भ-उप्पाडियं करेह, इमं उल्लंबियं करेह, इमं घासियं॰, इमं घोलियं॰, इमं स्ला[का(पो)यत]इयं॰, इमं स्लाभिन्नं॰, इमं खारवत्तियं करेह, इमं दब्भवत्तियं करेह, इमं सीहपुच्छयं करेह, इमं वसभपुच्छयं करेह, इमं दवग्गिदह्वयं करेह, इमं काक(णि)णीमंसखावियं करेह, इमं भत्तपाण-निरुद्धयं करेह, जावजीववंघणं करेह, इमं अन्नयरेणं असुभकुमारेणं मारेह ॥ १३३॥ जावि य से अव्भितरिया परिसा भवइ, तंजहा-मायाइ वा पियाइ वा भायाइ वा भगिणीइ वा भजाइ वा धूयाइ वा सुण्हाइ वा तेसिंपि य णं अण्णयरंसि अहाल-हुयंसि अवराहंसि सयमेव गरुयं दंडं वत्तेइ, तंजहा-सीओदगवियडंसि कायं बोलित्ता . भवइ, उसिणोदगवियडेण कार्यं सिंचित्ता भवइ, अगणिकाएण कार्यं उड्डहित्ता भवइ, जोत्तेण वा वेत्तेण वा नेत्तेण वा कसेण वा छिवाडीए वा लयाए वा पासाई उद्दालिता भवइ, दंडेण वा अद्वीण वा मुद्रीण वा लेलुएण वा कवालेण वा कार्य आउदिता भवइ, तहप्पगारे पुरिसजाए संवसमाणे दुम्मणा भवंति, तहप्पगारे पुरिसजाए विप्पवसमाणे समणा भवंति ॥ १३४ ॥ तहप्पगारे पुरिसजाए दंडमासी दंडगरुए दंडपुरेक्खडे अहिए अस्सि लोयंसि अहिए परंसि लोयंसि । ते दुक्खेंति सोयंति एवं इस्रंति तिप्पंति पिट्टेंति परितप्पंति, ते दुक्खणसोयणझूरणतिप्पणपिष्टणपरितप्पण-वहवंधपरिकिलेसाओ अप्पडिविरया भवंति ॥ १३५ ॥ एवामेव ते इत्थिकामभोगेहिं मुच्छिया गिद्धा गढिया अज्झोनवन्ना जान वासाइं चडपंच[मा]छदसमाणि वा

अप्पतरो वा भुज्जतरो वा कालं भुंजिता कामभोगाइं पसेवित्तावे राययणाइं संचिणित्ता बहुयं पावाइं कम्माइं उसन्नं संभारकडेण कम्मुणा से जहानामए-अयगोलेड वा सेल-गोलेंड वा उद्यंसि पिक्खते समाणे उद्गतलमङ्बङ्ता अहे धर(णि)णीयले पडट्राणे भवइ एवामेव तहप्पगारे पुरिसजाए वज्जबहुले धुत्तबहुले पंकबहुले वेरबहुले दंभ-नियडिसाइबहुले आसायणाबहुले अयसबहुले अप्पत्तियबहुले उस्सण्णं तसपाणघाई कालमासे कालं किचा धरणीयलमङ्बङ्ता अहे नरगधरणीयले पङ्घाणे भवड ॥ १३६ ॥ ते णं नरगा अंतो वहा बाहिं चडरंसा अहे खरप्पसंठाणसंठिया निचंध-यारतमसा ववगयगहचंदसूरणक्खत्तजोइसप्पहा मेदवसामंसरुहिरपूयपडलचिक्खल्ल-· िताणुळेवणतळा असु(ई)ह[वि]वीसा परमदुब्भिगंधा काउयअगणिवण्णाभा कक्खड-फासा दुरिहयासा असुमा नरगा असुमा नरएसु वेयणा, नो चेव णं नरए नेरइया निहायंति वा पयलायंति वा सुइं वा रइं वा धिइं वा मईं वा उवलमंति, ते णं तत्थ उजलं विउलं पगाढं कक्कसं कड़यं चंडं दुक्खं दुग्गं तिक्खं तिव्वं दुक्खि।रहियासं नरएस नेरइया नरयवेयणं पचणुभवमाणा विहरंति ॥ १३०॥ से जहानागए-रुक्खे सिया पव्वयग्गे जाए मूलछिन्ने अग्गे गरुए जओ निन्नं जओ दुग्गं जओ विसमं तओ पवडइ एवामेव तहप्पगारे पुरिसजाए गब्भाओ गब्मं जम्माओ जम्मं माराओ मारं दुक्खाओ दुक्खं दाहिणगामिनेरइए कण्हपिक्खए आगमे-स्साणं दुल्लभबोहिए यावि भवइ । से तं अकिरियावाई [यावि भवइ] ॥ १३८ ॥ से किं तं किरियावाई [यावि भवइ]? तंजहा-आहियावाई, आहियपण्णे, आहिय-दिह्वी, सम्मावाई, नियावाई, संवि परलोगवाई, अत्थि इहलोगे, अत्थि परलोगे. अत्थि माया, अत्थि पिया, अत्थि अरिहंता, अत्थि चक्कवट्टी, अत्थि बलदेवा. अत्थि वासुदेवा, अत्थि सुकडदुक्कडाणं कम्माणं फलवित्तिविसेसे, सुचिण्णा कम्मा स्रचिण्णा फला भवंति, दुचिण्णा कम्मा दुचिण्णा फला भवंति, सफले कल्लाणपावए, पचायंति जीवा, अत्थि नेरइया जाव अत्थि देवा, अत्थि सिद्धी, से एवंवाई एवं-पन्ने एवंदिद्वीछंदरागमइनिविद्वे यावि भवइ । से भवइ महिच्छे जाव उत्तरगामिए नेरइए सुक्रपिक्खए आगमेस्साणं सुलभबोहिए यावि भवड् । से तं किरियावाई ॥ १३९ ॥ सन्वधम्मरुई यावि भवइ, तस्स णं बहुई सीलवयगुणवेरमणपचक्खाण-पोसहोववासाइं नो सम्मं पद्भवियपुव्वाइं भवंति, एवं उवासगर्स पढमा दंसण-पडिमा ॥ १४० ॥ अहावरा दोचा उवासगपडिमा-सन्वधम्मरुई यावि भवइ, तस्स णं बहुई सीलवयगुणवेरमणपचक्खाणपोसहोववासाई सम्मं पद्रवियाई भवंति, से णं सामाइयं देसावगासियं नो सम्मं अणुपालिता भवइ, दोचा उवासग-

पडिमा ॥ १४२-१ ॥ अहावरा तचा उवासगपडिमा-सव्वधम्मरुई यावि भवइ, तस्स णं बहुईं सीलवयगुणवेरमणपचक्खाणपोसहोववासाईं सम्मं पद्रवियाई भवंति, से णं सामाइयं देसावगासियं सम्मं अणुपालिता भवइ, से णं चड(इ)दसि-अट्टमिउ द्दिपुण्णमासिणीसु पडिपुण्णं पोसहोववासं नो सम्मं अणुपालिता भवइ, तचा उवासगपडिमा ॥ १४२-२ ॥ अहावरा चउर्ताथी था उवासगपडिमा-सन्वधम्मरुई यावि भवइ, तस्स णं बहुई सीलवयगुणवेरमणपच्चक्खाणपोसहोववा-साइं सम्मं पह्नवियाइं भवंति, से णं सामाइयं देसावगासियं सम्मं अणुपालिता भवड. से णं चउइसिअद्रमिउ हिद्रपुण्णमासिणीसु पिडपुण्णं पोसहं सम्मं अणुपालिता भवइ, से णं एगराइयं उवासगपिडमं नो सम्मं अणुपालिता भवइ, चउतथा उवासग-पिंडमा ॥ १४३ ॥ अहावरा पंचमा उवासगपिंडमा-सव्वधम्मरुई यावि भवड. तस्स णं बहुई सीलवय · जाव सम्मं अणुपालिता भवड्, से णं सामाइयं · · · तहेव. से णं चउद्देसि...तहेव, से णं एगराइयं उवासगपिडमं सम्मं अणुपालित्ता भवइ, से णं असिणाणए वियडभोई मुडिलकडे दिया वंभयारी रित्तपरिमाणकडे. से ण एयारुवे [ण]णं विहारेणं विहरमाणे जहण्णेणं एगाहं वा द्याहं वा तियाहं वा उक्तोसेणं पंच मा[सं]से विहरइ, पंचमा उवासगपडिमा ॥ १४४ ॥ अहावरा छ द्वीदा उवासगपडिमा-सन्वधम्मरुई यावि भवइ जाव से णं एगराइयं उवा-सगपडिमं० अणुपालिता भवइ, से णं असिणाणए वियडभोई मडलिकडे दिया वा राओ वा वंभयारी, सचित्ताहारे से अपरिण्णाए भवइ, से णं एयाहवेणं विहारेणं विहर-माणे जहन्नेणं एगाहं वा द्याहं वा तियाहं वा [जाव] उक्कोसेणं छमासे विहरेजा, छट्टा उवासगपडिमा ॥ १४५ ॥ अहावरा सत्तमा उवासगपडिमा-सन्वधम्म-रुई यावि भवइ जाव राओवरायं वा वंभयारी, सचित्ताहारे से परिण्णाए भवइ. से णं एयाह्वेणं विहारेणं विहरमाणे जहनेणं एगाहं वा दुयाहं वा तियाहं वा उक्कोसेणं सत्त मासे विहरेजा, से तं सत्तमा उवासगपडिमा ॥ १४६ ॥ अहावरा अद्भा उवासगपडिमा-सव्वधम्मरुई यावि भवइ जाव राओवरायं वंभयारी, सचित्ताहारे से परिण्णाए भवइ, आरंभे से परिण्णाए भवइ, पेसारंभे से अपरिण्णाए भवइ, से णं एयारुवेणं विहारेणं विहरमाणे [जाव] जहन्नेणं एगाहं वा दुयाहं वा तियाहं वा उक्कोसेणं अह मासे विहरेजा, से तं अद्भा उवासगपिडमा ॥ १४७ ॥ अहावरा **नवमा उवासगपडिमा**-सव्वधम्मरुई यावि भवइ जाव राओवरायं वंभयारी, सचिताहारे से परिण्णाए भवइ, आरंभे से परिण्णाए भवइ, पेसारंभे से परिण्णाए भवइ, उद्दिह्नभत्ते से अपरिण्णाए भवइ, से णं एयारुवेणं ५९ सत्ता०

विहारेणं विहरमाणे जहन्नेणं एगाहं वा दुयाहं वा तियाहं वा उक्कोसेणं नव मासे विहरेजा. से तं नवमा उवासगपिडमा ॥ १४८ ॥ अहावरा दसमा उवा-सगपडिमा-सन्वधम्मरुई यावि भवइ जाव उहिद्रभत्ते से परिण्णाए भवइ, से णं खुरमुंडए वा सिहाधारए वा, तस्स णं आभट्टस्स समाभट्टस्स वा कप्पंति दुवे भासाओ भासित्तए, जहा-जाणं वा जाणं अजाणं वा णो जाणं, से णं एयारूवेणं विहारेणं विहरमाणे जहनेणं एगाहं वा दुयाहं वा तियाहं वा उक्कोसेणं दस मासे विहरेजा, से तं दसमा उवासगपडिमा ॥ १४९ ॥ अहावरा ए काद कारसमा उवा-सगपिडमा-सन्वधम्मरुई यावि भवइ जाव उद्दिद्वभत्ते से परिण्णाए भवइ, से णं खुरमुंडए वा छत्तसिरए वा गहियायारमंडगनेवत्थे, जारिसे समणाणं निग्गंथाणं धम्मे पण्णत्ते । तंजहा–सम्मं काएण फासेमाणे पाळेमाणे पुरओ जुगमायाए पेहमाणे दडूण तसे पाणे उद्धहु पाए री(रि)एजा, साहहु पाए रीएजा, तिरिच्छं वा पायं कहु रीएजा, सइ परक्रमे[जा,] संजयामेव परक्रमेजा. नो उज्जयं गच्छेजा, केवलं से नायए पेज्जबंधणे अवोच्छिन्ने भवइ, एवं से कप्पइ नायविहिं वइत्तए ॥ १५०॥ तत्थ से पुन्वागमणेणं पुन्वाउत्ते चाउलोदणे पच्छाउत्ते भिलिंगसूवे, कप्पइ से चाउलोदणे पिडिग गोगाहित्तए, नो से कप्पइ भिलिंगसूचे पिडिग्गाहित्तए । तत्थ [णं] से पुन्वागम-णेणं पुव्वाउत्ते भिलिंगसूवे पच्छाउत्ते चाउलोदणे, कप्पइ से भिलिंगसूवे पडिग्गाहि-त्तए, नो से कप्पइ चाउलोदणे पडिग्गाहित्तए। तत्थ से पुन्वागमणेणं दोवि पुन्वाउत्ताइं कप्पंति दोवि पिडिग्गाहित्तए । तत्थ से पच्छागमणेणं दोवि पच्छा-उत्ताईं णो से कप्पंति दोवि पिडिम्पाहित्तए । जे से तत्थ पुव्वागमणेणं पुव्वाउत्ते से कप्पइ पडिग्गाहित्तए। जे से तत्थ पुव्वागमणेणं पच्छाउत्ते से नो कप्पइ पडि-ग्गाहित्तए ॥ १५१ ॥ तस्स णं गाहाबद्दकुलं पिंडवायपडियाए अणुप्पविद्वस्स कप्पड एवं वइत्तए ''समणोवासगस्स पडिमापडिवन्नस्स भिक्खं दलयह'' तं चेव एयारूवेणं विहारेणं विहरमाणे णं केइ पासित्ता वङ्जा-''केइ आउसो! तुमं वत्तव्वं सिया'' ''समणोवासए पडिमापडिवन्नए अहमंसीति'' वत्तव्वं सिया, से णं एयारूवेणं विहा-रेणं विहरमाणे जहन्नेणं एगाहं वा दुयाहं वा तियाहं वा उक्कोसेणं एक्कारस मासे विहरेजा, ए(गा)कारसमा उवासगपडिमा ॥ १५२ ॥ एयाओ खलु ताओ थेरेहिं भगवंतेहिं एकारस उवासगपडिमाओ पण्णताओ ॥ १५३ ॥ ति-बेमि ॥ छ(ड्री)ड्रा दसा समत्ता ॥ ६॥

सत्त[मी]मा दसा

खुयं मे आउसं! तेणं भगवया एवमक्खायं, इह खुळु थेरेहिं भगवंतिहिं बारसः

भिक्खुपडिमाओ पण्णत्ताओ, कयरा खल ताओ थेरेहिं भगवंतेहिं बारस भिक्खु-पिडमाओ पण्णत्ताओ ? इमाओ खळु ताओ थेरेहिं भगवंतेहिं बारस भिक्खपिडमाओ पण्णताओ । तंजहा-मासिया भिक्खुपिडमा १, दोमासिया भिक्खुपिडमा २, तिमासिया भिक्खपिडमा ३, च(ा)उ(म)मासिया भिक्खपिडमा ४, पंचमासिया भिक्खपडिमा ५, छ(म)मासिया भिक्खपडिमा ६, सत्तमासिया भिक्खपडिमा ७, पढमा सत्तराइंदिया भिक्खपिडमा ८, दोचा सत्तराइंदिया भिक्खपिडमा ९, तचा सत्तराइं-दिया भिक्खपिडमा १०, अहोरा(इ)इंदिया भिक्खपिडमा ११, एगराइया भिक्ख-पिडमा १२॥ १५४॥ मासियं णं भिक्खपिडमं पिडवन्नस्स अणगारस्स निर्च वोसहकाए चियत्तदेहे जे केइ उवसम्मा उववजांति. तंजहा-दिव्वा वा, माणसा वा. तिरिक्खजोणिया वा, ते उप्पण्णे सम्मं (काएणं) सहइ खमइ तितिक्खइ अहियासेइ ॥ १५५ ॥ मासियं णं भिक्खुपिडमं पिडवन्नस्स अणगारस्स कप्पइ एगा दत्ती भोयणस्स पडिगाहित्तए एगा पाणगस्स, अण्णायउञ्छं सुद्धोवहडं निज्जहित्ता बहवे दु[प]पयचउप्पयसमणमाहणअतिहिकिवणवणीमगा, कप्पइ से एगस्स भुंजमाणस्स पडिगाहित्तए, णो दुण्हं णो तिण्हं णो चउण्हं णो पंचण्हं, णो गुव्विणीए, णो बालवच्छाए, णो दारगं पेजामाणीए, णो अंतो एछ्यस्स दोवि पाए साहदू दलमाणीए, णो बा[व]हिं एलुयस्स दोवि पाए सादृष्ट्र दलमाणीए, एगं पायं अंतो किचा एगं पायं वाहिं किचा एछ्यं विक्खंभइता एवं दलयइ एवं से कप्पइ पडिगाहित्तए, एवं से नो दलयइ एवं से नो कप्पइ पडिगाहित्तए ॥ १५६ ॥ मासियं णं भिक्खपडिमं पडिवन्नस्स अणगारस्स तओ गोयरकाला पन्नता । तंजहा-आ[दि]इमे म[ज्झे]ज्झिमे चरिमे, आइमे चरेजा, नो मज्झे चरेजा, नो चरिमे चरेजा १, मज्झे चरेजा, नो आइमे चरेजा, नो चिरमे चरेजा २, चिरमे चरेजा, नो आइमे चरेजा, नो मज्झिमे चरेजा ३ ॥ १५७ ॥ मासियं णं भिक्खपिडमं पिडवन्नस्स अणगारस्स छिबहा गो-यर-चरिया पन्नता । तंजहा-पेला, अद्धपेला, गोमृत्तिया, पतंगवीहिया, संवुकावद्दा, गत्तु (गंतु)पचागया ॥ १५८ ॥ मासियं णं भिक्खपिडमं पिडवन्नस्स अणगारस्स जत्थ णं केइ जाणइ कप्पइ से तत्थ एगरा(इं)इयं वसित्तए, जत्थ णं केइ न जाणइ कप्पइ से तत्थ एगरायं वा दुरायं वा वसित्तए, नो से कप्पइ एग-रायाओं वा दुरायाओं वा परं वत्थए, जे तत्थ एगरायाओं वा दुरायाओं वा परं वसइ से संतरा छेए वा परिहारे वा ॥ १५९ ॥ मासियं णं भिक्खपिडमं पिड-वन्नस्स॰ कप्पइ चत्तारि भासाओ भासित्तए, तंजहा-जायणी, पुच्छणी, अणुण्णवणी,

१ वण्णणविसेसमेयासिं ठाणतच्चठाणभगवईअंतगडाईहिंतो जाणियव्वं ।

पद्रस्स वागरणी ॥ १६० ॥ मासियं णं भिक्खुपडिमं पडिवन्नस्स० कप्पइ तओ उवस्सया पडिलेहित्तए, तंजहा-अहे आरामगिहंसि वा. अहे वियडगिहंसि वा. अहे रुक्खमलगिहंसि वा । मासियं णं भिक्खपिडमं पिडवन्नस्स० कप्पइ तओ उवस्सया अणुण्णवेत्तए, तं०-अहे आरामगिहं, अहे वियडगिहं, अहे रुक्खमूलगिहं। मासियं णं भिक्खपिडमं पिडवन्नस्स॰ कप्पइ तओ उवस्सया उवाइ(णावि)णित्तए, तं चेव ॥ १६१ ॥ मासियं णं भिक्खपिडमं पिडवन्नस्स० कप्पइ तओ संथारगा पिडलेहि-त्तए. तंजहा-पुढवीसिलं वा. कड्रसिलं वा. अहासंथडमेव । मासियं णं भिक्खपडिमं पडिवन्नस्स॰ कप्पइ तओ संथारगा अणुण्णवेत्तए, तं चेव । मासियं णं भिक्खुपिडमं पिडवन्नस्स० कप्पइ तओ संथारगा उवाइणित्तए, तं चेव ॥ १६२ ॥ मासियं णं भिक्खुपिडमं पिडवन्नस्स० इतथी वा पुरिसे वा उवस्सयं उवागच्छेजा, से इतथी वा प्रिंसे वा नो से कपड़ तं पड़च निक्खामित्तए वा पविसित्तए वा ॥ १६३ ॥ मासियं णं भिक्खपिडिमं पिडवन्नस्स० केइ उवस्सयं अगणिकाएणं झामेजा नो से कप्पइ तं पड़च निक्खिमत्तए वा पविसित्तए वा, तत्थ णं केइ बाहाए गहा[ए]य आगसेज्जा नो से कप्पइ तं अवलंबित्तए वा पलंबित्तए वा. कप्पइ से अहारियं रीइ[रिय]त्तए॥ १६४॥ मासियं णं भिक्खपडिमं पडिवन्नस्स० पायंसि खाणू वा कंटए वा हीरए वा सकरए वा अणुपविसेजा नो से कप्पइ नीहरित्तए वा विसोहित्तएं वा, कप्पइ से अहारियं रीइत्तए॥ १६५॥ मासियं णं भिक्खपिडमं पिडवन्नस्स जाव अच्छिति पाणा-णि]णे वा बी[याणि]ए वा रए वा परियावजेजा. नो से कप्पइ नीहरित्तए वा विसोहि-त्तए वा, कप्पइ से अहारियं रीइत्तए ॥ १६६॥ मासियं णं भिक्खपडिमं पडिवन्नस्स० जत्थेव स्रिए अत्थमेजा तत्थ एव जलं(सुक्कजलासयं)िस वा थलंसि वा दुग्गंसि वा निन्नंसि वा पव्वयंसि वा विसमंसि वा गड्डाए वा दरीए वा कप्पइ से तं रयणी तत्थेव. उवायणावित्तए नो से कप्पइ पयमवि गमित्तए, कप्पइ से कहं पाउप्पभाए रयणीए जाव ज्लंते पाईणाभिमुहस्स वा दाहिणाभिमुहस्स वा पडीणाभिमुहस्स वा उत्तराभिमुहस्स वा अहारियं रीइत्तए ॥ १६७ ॥ मासियं णं भिक्खपडिमं पडिवण्णस्स णो से कप्पइ अणंतरिहयाए पुढवीए निद्दाइत्तए वा पयलाइत्तए वा, केवली बूया आयाण-मेयं, से तत्थ निद्दायमाणे वा पयलायमाणे वा हत्येहिं भूमिं परामुसेजा, अहाविहि-मेव ठाणं ठाइत्तए णिक्खमित्तए वा, उच्चारपासवणेणं उ[प्पा]ब्बाहिज्जा नो से कप्पइ उगिण्हित्तए [वा], कप्पइ से पुव्वपिङ्केहिए थंडिले उचारपासवणं परिठिवत्तए. तमेव उवस्सयं आगम्म अहाविहि ठाणं ठाइत्तए ॥ १६८ ॥ मासियं णं भिक्खु-पडिमं पडिवन्नस्स॰ नो कप्पइ ससरक्खेणं काएणं गाहावहकुलं भत्ताए वा पाणाए

वा निक्खमित्तए वा पविसित्तए वा. अह पुण एवं जाणेज्जा ससरक्खे से अत्ताए वा जलताए वा मलताए वा पंकताए वा विद्धत्थे से कप्पइ गाहावइकुलं भत्ताए वा पाणाए वा निक्खिमित्तए वा पविसित्तए वा ॥ १६९ ॥ मासियं णं भिक्खुपिडमं पडिवन्नस्स० नो कप्पइ सीओदगिवयडेण वा उसिणोदगिवयडेण वा हत्थाणि वा पायाणि वा दंताणि वा अच्छीणि वा सहं वा उच्छोलित्तए वा पघोइत्तए वा, णण्णत्थ लेवालेवेण वा भत्तमासेण वा ॥ १७० ॥ मासियं णं भिक्खुपिडमं पिडवन्नस्स० नो कप्पइ आसस्स वा हत्थिस्स वा गोणस्स वा महिसस्स वा कोरुसुणगस्स वा मुणस्स वा वग्यस्स वा दुद्वस्स वा आवयमाणस्स पयमवि पत्रोसिक्तत्तए, अदुद्वस्स आवयमाणस्स कप्पइ जुगमित्तं पच्चोसिकक्तिए॥ १७१॥ मासियं णं भिक्खपिडमं पडिवन्नस्स॰ नो कप्पइ छायाओ सीयंति उण्हं इयत्तए, उण्हाओ उण्हंति छायं इयत्तए । जं जत्थ जया सिया तं तत्थ तया अहियासए ॥ १७२ ॥ एवं खलु मासियं भिक्खपडिमं अहासुत्तं अहाकप्पं अहासम्मं अहातचं सम्मं काएणं फासित्ता पालित्ता सोहित्ता तीरिता किट्टिता आराहइत्ता आणाए अणुपा(ले)लित्ता भवइ ॥ १ ॥ १७३ ॥ दोमासियं णं भिक्खुपडिमं पडिवन्नस्स० निचं वोसट्टकाए जाव दो दत्तीओ ॥ २ ॥ १७४ ॥ तिमासियं ति ण्णि दत्तीओ ॥ ३ ॥ १७५ ॥ चडमासियं चत्तारि दत्तीओ ॥ ४ ॥ १७६ ॥ पंचमासियं पंच दत्तीओ ॥ ५ ॥ १७७ ॥ छमासियं छ दत्तीओ ॥ ६ ॥ १७८ ॥ सत्तमासियं सत्त दत्तीओ ॥ ७ ॥ जेत्तिया मासिया तेत्तिया दत्तीओ ॥ १७९ ॥ पढमं सत्तराइंदियं भिक्खपडिमं पडिवन्नस्स अणगारस्स निचं वोसट्टकाए जाव अहियासेइ, कप्पइ से चउत्थेणं भत्तेणं अपाणएणं बहिया गामस्स वा जाव रायहाणीए वा उत्ताणगस्स वा पासिल्लगस्स वा नेसिज्जियस्स वा ठाणं ठाइत्तए, तत्थ दिव्वा वा माणुसा वा तिरिक्खजोणिया वा उवसम्गा समुप्पजेजा तेणं उवसम्गा पयलिजा वा पवडेज वा णो से कप्पइ पयलित्तए वा पवडित्तए वा, तत्थ णं उचारपासवणं उब्बाहिजा णो से कप्पइ उचारपासवणं उगिण्हित्तए, कप्पइ से पुन्वपिक्छिहियंसि थंडिलंसि उचारपासवणं परिठवित्तए, अहाविहिमेव ठाणं ठाइत्तए, एवं खळु एसा पढमा सत्तराइंदिया भिक्खुपिडमा अहासु[यं]तं जाव आणाए अणुपालित्ता भवइ ॥ ८ ॥ १८० ॥ एवं दोचा सत्तराइंदिया [या]वि नवरं दंडा[य]इयस्स वा लग[डसाइ]डाइयस्स वा उक्कुडुयस्स वा ठाणं ठाइत्तए, सेसं तं चेव जाव अणुपालित्ता भवइ ॥ ९ ॥ १८१ ॥ एवं तचा सत्तराइंदियावि, नवरं गोदोहियाए वा वीरासणियस्स वा अंबखुज्जस्स वा ठाणं ठाइत्तए तं चेव जाव अणुपालित्ता भवइ ॥ १०॥ १८२ ॥ एवं अहोराइंदियावि, नवरं छट्टेणं भत्तेणं अपाणएणं बहिया गामस्स वा जाव रायहाणीए वा ईसिं दोवि पाए साहट्ट वरघारियपाणिस्स ठाणं ठाइत्तए, सेसं तं चेव जाव अणु-पालिता भवइ ॥ ११ ॥ १८३ ॥ एगराइयं णं भिक्खपडिमं पडिवन्नस्स अणगारस्स निचं वोसद्रकाए णं जाव अहियासेइ, कप्पइ से [णं] अट्टमेणं भत्तेणं अपाणएणं बहिया गामस्स वा जाव रायहाणीए वा ईसिं पब्भारगएणं काएणं एगपोग्गल[ठिती]गयाए दिद्रीए अणिमिसनयणे अहापणिहिएहिं गाएहिं सर्विविदएहिं गुत्तेहिं दोवि पाए साहद्र वग्वारियपाणिस्स ठाणं ठाइत्तए, तत्थ से दिव्वा माणुस्सा तिरिक्खजोणिया जाव अहियासेइ, से णं तत्थ उच्चारपासवणं उब्बाहिज्जा नो से कप्पइ उच्चारपासवणं उगिण्हित्तए, कप्पइ से पुव्वपिडलेहियंसि थंडिलंसि उच्चारपासवणं परिठवित्तए. अहाविहिमेव ठाणं ठाइत्तए ॥ १८४ ॥ एगराइयं णं भिक्खपडिमं अणणुपालेमाणस्स अणगारस्स इमे तओ ठाणा अहियाए असुभाए अक्खमाए अणिस्सेसाए अणाणु-गामियत्ताए भवंति, तंजहा-उम्मायं वा लिबोभेजा, दीहकालियं वा रोगायंकं पाउणेजा. केवलिपण्णताओ धम्माओ मं[सि]सेजा ॥१८५ ॥ एगराइयं णं भिक्ख-पिंडमं सम्मं अणुपालेमाणस्स अणगारस्स इमे तओ ठाणा हियाए सहाए खमाए निस्सेसाए अणुगामियत्ताए भवंति, तंजहा-ओहिनाणे वा से समुप्पजेजा, मणपज्जव-नाणे वा से समुप्पजेजा, केवलनाणे वा से असमुप्पन्नपुर्वे समुप्पजेजा, एवं खल एसा एगराइया भिक्खपडिमा अहासुत्तं अहाकप्पं अहासग्गं अहातचं सम्मं काएण फासित्ता पालिता सोहित्ता तीरित्ता किष्टिता आराहित्ता आणाए अणुपालिता [यावि] भवइ ॥ १८६ ॥ एयाओ खलु ताओं थेरेहिं भगवंतेहिं बारस भिक्खपिड माओं पण्णताओ ॥ १८० ॥ ति-बेमि ॥ इति भिक्खुपडिमा णामं सत्तमा दसा समता॥७॥

अट्टमा दसा

तेणं कालेणं तेणं समएणं समणे भगवं महावीरे पंचहत्थुत्तरे यावि होत्था, तंजहा-हत्थुत्तराहिं चुए चइता गब्भं वक्कंते १ हत्थुत्तराहिं गब्भाओ गब्भं साहरिए २ हत्थुत्तराहिं जाए ३ हत्थुत्तराहिं मुंडे भवित्ता आगाराओ अणगारियं पव्वइए ४ हत्थुत्तराहिं अणंते अणुत्तरे नि(अ)व्वाघाए निरावरणे कसिणे पिडपुण्णे केवलवरनाण-दंसणे समुप्पण्णे ५ साइणा परिणिव्वुए भगवं जाव भुजो २ उवदंसेइ ॥ १८८ ॥ ति-बेमि ॥ इति पज्जोस(णं)णा णामं अद्गा दसा समत्ता ॥ ८॥

नवमा दसा

तेणं कारुणं तेणं समएणं चंपा ना[म]मं नयरी होत्था, वण्णओ । पुण्णभहे नामं उजाणे, वण्णओ । कोणियराया, धारिणी देवी, सामी समोसढे, परिसा निग्गया, धम्मो

कहिओ, परिसा पडिगया॥ १८९॥ अज्जो ! ति समणे भगवं महावीरे बहवे निग्गंथा य निग्गंथीओ य आमंतेत्ता एवं वयासी-''एवं खल्ल अज्जो! तीसं मोहणिज्जठाणाई जाइं इमाइं इत्थी [ओ] वा पुरिसो वा अभिक्खणं अभिक्खणं आ यारे यरमाणे वा समायरमाणे वा मोहणिजात्ताए कम्मं पकरेइ, तंजहा-जे (यावि) केइ तसे पाणे, वारि-मज्झे विगाहिया । उदएणकम्म मारे(ई)इ, महामोहं पकुव्वइ ॥ १९० ॥ पाणिणा संपिहित्ताणं. सोयमावरिय पाणिणं । अंतोनदंतं मारेइ, महामोहं पकुव्वइ ॥ १९१ ॥ जायतेयं समारब्म, बहुं ओहंभिया जणं। अंतो धूमेण मारे(जा)इ, महामोहं पकु-व्यइ॥ १९२॥ सीसम्मि जो (जे) पहणइ, उ(त्ति)त्तमंगम्मि चेयसा। विभज्ज मत्थयं फाले. महामोहं प्कव्वड ॥ १९३ ॥ सीसं वेढेण जे केइ, आवेढेइ अभिक्खणं । तिव्वासुभसमायारे, महामोहं पकुव्वइ ॥ १९४ ॥ पुणो पुणो पणिहिए, हणिता उवहसे जणं । फलेणं अदुव दंंडेणं, महामोहं पकुव्वइ ॥ १९५ ॥ ग्रहायारी निग्-हिजा. मार्यं मायाए छायए । असचवाई णिण्हाइ, महामोहं पकुव्वइ ॥ १९६ ॥ धंसेइ जो अभूएणं, अक्रमं अत्तकम्मुणा। अदुवा तुमकासित्ति, महामोहं पकुव्वइ ॥ १९७॥ जाणमाणो परि[सओ]साए, सचामोसाणि भासइ। अक्खीणझंझे प्ररिसे. महामोहं पुकुव्वइ ॥ १९८ ॥ अणायगस्स नयवं, दारे तस्सेव घंसिया । विउलं विक्खोभइत्ताणं, किचा णं पडिवाहिरं ॥ १९९ ॥ उवगसंतंपि झंपित्ता, पडिलोमाहिं वग्गृहिं। भोगभोगे वियारेइ, महामोहं पकुन्वइ ॥ २०० ॥ अकुमारभूए जे केइ, कुमारभुएति हं वए । इत्थीविसयगेहीए, महामोहं पकुव्वइ ॥ २०१ ॥ अवंभयारी जे केइ. बंभयारित्ति हं वए । गद्दहेव गवां मज्झे, विस्सरं नयई नदं ॥ २०२ ॥ अप्पणो अहिए बाले, मायामोसं वहं भसे। इत्थीविसयगेहीए, महामोहं पक्ववड ॥ २०३॥ जं निस्सिए उव्वहइ, जससाहिगमेण वा । तस्स छुब्भइ वित्तंमि, महा-मोहं पकुव्वइ ॥ २०४ ॥ ईसरेण अदुवा गामेणं, अणि(र)सरे ईसरीकए । तस्स संपयहीणस्स. सिरी अत्लमागया ॥ २०५ ॥ ई(इर)सादोसेण आविट्टे, क्लुसाविल-चेयसे । जे अंतरायं चेएइ. महामोहं पकुव्वइ ॥ २०६ ॥ सप्पी जहा अंडउडं, भत्तारं जो विहिंसइ । सेणावइं पसत्थारं, महामोहं पकुव्वइ ॥ २०७ ॥ जे नायगं च रद्रस्त. नेयारं निगमस्स वा । सेट्ठिं बहुरवं हंता, महामोहं पकुव्वइ ॥ २०८ ॥ वहजणस्स णेयारं, दी(वं)वताणं च पाणिणं । एयारिसं नरं हंता, महामोहं पकुव्वइ ॥ २०९ ॥ उवड्रियं पडिविरयं, संजयं सुतवस्सियं । विउ(वु)कम्म धम्माओ भंसेइ, महामोहं पक्वव ॥ २१०॥ तहेवाणंतणाणीणं, जिणाणं वरदंसिणं। तेसिं अवण्णवं बाले. महामोहं पकुन्वइ ॥ २११ ॥ नेया(इ) उयस्स मग्गस्स, दुट्टे अवयरई वहुं ।

तं तिप्पर्यंतो भावेइ, महामोहं पकुव्वइ ॥ २९२ ॥ आयरियउवज्झाएहिं, सुयं विणयं च गाहिए। ते चेव खिंसइ बाले, महामोहं प्कुव्वइ॥ २१३॥ आयरियउवज्झा-याणं, सम्मं नो पडितप्पइ। अप्पडिपूयए थद्धे, महामोहं पकुव्वइ॥ २१४॥ अवहु-स्सुए य जे केइ, सुएण पविकत्थइ। सज्झायवायं वयइ, महामोहं पकुव्वइ॥ २१५॥ अतवस्सी[ए] य जे केइ, तवेण पविकत्थइ। सन्वलोयपरे तेणे, महामोहं पकुन्वइः ॥ २१६॥ साहारणट्ठा जे केइ, गिलाणम्मि उवद्विए। पभू न कुणइ किचं, मज्झंपि से न कुन्वइ ॥ २१७ ॥ सढे नियडीपण्णाणे, कळुसाउलचेयसे । अप्पणो य अवो-ही(य)ए, महामोहं पकुव्वइ ॥ २१८ ॥ जे कहाहिगरणाइं, संपउंजे पुणो पुणो । सन्वतित्थाण मेयाणं, महामोहं पकुन्वइ॥ २१९॥ जे य आहम्मिए जोए, संप-(ओ)उंजे पुणो पुणो । सहाहेउं सहीहेउं, महामोहं पकुव्वइ ॥ २२०॥ जे य माणु-स्सए भोए, अदुवा पारलोइए। तेऽतिप्पयंतो आसयइ, महामोहं पकुव्वइ ॥ २२१॥ इङ्की जुई जसो वण्णो, देवाणं बलवीरियं। तेसि अवण्णवं वाले, महामोहं पकुव्वइ ॥ २२२ ॥ अपस्समाणो पस्सामि, दे(वे)वजक्खे य गुज्झगे । अण्णाणी जिणपूयद्वी महामोहं पकुव्वइ ॥ २२३ ॥ एए मोहगुणा वृत्ता, कम्मंता चित्तवद्धणा । जे उ भिक्खू विवज्जेजा, चरिजत्तगवेसए ॥ २२४ ॥ जंपि जाणे इओ पुन्वं, किचाकिचं बहु जढं। तं वंता ताणि सेविज्जा, जेहिं आयारवं सिया ॥ २२५ ॥ आयारगुत्तो सुद्धप्पा, धम्मे ठिचा अणुत्तरे । तओ वमे सए दोसे, विसमासीविसो जहा ॥२२६॥ सुचत्तदोसे सुद्धप्पा, धम्मद्वी विदितापरे। इहेव ल(ब)भए कित्तिं, पेचा य सुगईं वरं ॥ २२०॥ एवं अभिसमागम्म, सूरा द्ढपरकमा । सन्वमोहविणिम्मुका, जाइमर-णमइच्छिया ॥ २२८ ॥ ति-बेमि ॥ मोहणिज्जठाणणामं नवमा दसा समत्ता॥९॥

दसमा दसा

तेणं कालेणं तेणं समएणं रायिगेहे नामं नयरे होत्था, वण्णओ । गुणसिलए उज्जाणे सिणिए राया होत्था, रायवण्णओ जहा उववाइए जाव चेल्लणाए विहरइ । तए णं से सेणिए राया अण्णया कयाइ ण्हाए कंठे मालकडे आविद्धमणिसुवण्णे किप्यहारद्धहारतिसरयपालंबपलंबमाणकडिस्रत्तयसुक्यसोभे पिणद्धगेवेज्जअंगुलेज्जग जाव कप्परुक्खण चेव अलंकियविभूसिए णिरंदे सकोरंटमल्ल्हामेणं छत्तेणं धरिज्ञमाणेणं जाव सिस्व पियदंसणे नरवई जेणेव बाहिरिया उवद्वाणसाला जेणेव सिंहासणे तेणेव उवागच्छइ २ ता सिं(सी)हासणवरंसि पुरत्थाभिमुहे निसीयइ २ ता कोडंबियपुरिसे सहावेइ २ ता एवं वयासी-गच्छह णं तु० देवाणुप्पिया! जाई

इमाइं रायगिहस्स णयरस्स बहिया तंजहा-आरामाणि य उज्जाणाणि य आएस-णाणि य सभाओ य पवाओ य पणियगिहाणि य पणियसालाओ य छुहाक-म्मंताणि य वाणियकम्मंताणि य कद्रकम्मंताणि य इंगालकम्मंताणि य वणकम्मं-ताणि य दब्भकम्मंताणि य जे तिथेवित्य महत्तरगा अण्णया चिद्रंति ते एवं वयह—एवं खळ देवाणुप्पिया! सेणिए राया भंभसारे आणवेइ-जया णं समणे भगवं महावीरे आइगरे तित्थयरे जाव संपाविओकामे पुव्वाणुपृथ्वि चिरोसाणे गामाणुगामिन द्(द)इज्जमाणे सुहंसहेणं विहरमाणे संजमेणं तवसा अप्पाणं भावेमाणे विहार(इह आगच्छेजा इह समोसरे)जा तया णं तुम्हे भगवओ महा-वीरस्स अहापडिरूवं उग्गहं अण्जाणह अहापडिरूवं उग्गहं अण्जाणेता सेणि-यस्स रज्ञो मंभसारस्स एयमद्रं पियं णिवेएह ॥ २२९ ॥ तितो ए णं ते कोइं-वियपरिसा सेणिएणं रन्ना भंभासारेणं एवं वृत्ता समाणा हद्रतद्र जाव हियया जाव एवं सामि(तह)त्ति आणाए विणएणं पडिस्रणेति २ त्ता [एवं-ते] सेणियस्स रक्नो अंतियाओ पिडिनिक्खमंति २ त्ता रायगिहं नयरं मज्झंमज्झेणं निग्गच्छंति २ त्ता जाइं [इमाइं-भवंति] रायगिहस्स बहिया आरामाणि वा जाव जे तत्थ महत्तरगा अण्णया चिट्रंति ते एवं वयंति जाव सेणियस्स रन्नो एयम्ट्रं पियं निवेएजा पियं भे भवउ दोचंपि तचंपि एवं वयंति २ ता [जाव] जामेव दि[सं]सिं पाउन्भूया तामेव दिसिं पिडिगया ॥ २३० ॥ तेणं कालेणं तेणं समएणं समणे भगवं महावीरे आइगरे तित्थयरे जाव गामाणुगामं दृङ्जमाणे जाव अप्पाणं भावेमाणे विहरङ । तए णं रायगिहे णयरे सिंघाडगतियचउक्कचचर एवं जाव परिसा निग्गया जाव पज्जवा(से)सइ ॥ २३१ ॥ तए णं ते महत्तरगा जेणेव समणे भगवं महावीरे तेणेव उवागच्छंति २ ता समणं भगवं महावीरं तिकखतो वंदंति नमंसंति वंदिता नमंसिता नामगोयं पुच्छंति नामगोयं पुच्छिता नामगोयं प्रधारंति० प्रधारिता एगओ मिलंति एगओ मिलिता एगंतमवक्कमंति एगंतमवक्कमिता एवं वयासी-जस्स णं देवाणुप्पिया! सेणिए राया भंभसारे दंसणं कंखइ जस्स णं देवाणुप्पिया! सेणिए राया दंसणं पीहेइ जस्स णं देवाणुप्पिया! सेणिए राया दंसणं पत्थेइ ... अभिलसइ जस्स णं देवाणुप्पिया ! सेणिए राया नामगोत्तरसवि सवणयाए हद्वतुद्व जाव भवइ से णं समणे भगवं महावीरे आइगरे तित्थयरे जाव सव्वण्णु सव्वदंसी पुव्वाणुपुर्विव चरमाणे गामाणगामं दड़ज्जमाणे सहंसहेणं विहरमाणे इह आगए इह समोसढे इह संपत्ते जाव अप्पाणं भावेमाणे [सम्मं] विहरइ, तं गच्छामो णं देवाणुप्पिया! सेणियस्स रण्णो एयमद्रं निवेएमो पियं मे भवडत्तिकह अण्णमण्णस्स वयणं

पिडसुणंति २ ता रायगिहं नगरं मज्झंमज्झेणं जेणेव सेणियस्स रन्नो गिहे जेणेव सेणिए राया तेणेव उवागच्छंति २ त्ता सेणियं रायं करयलपरिग्गहियं जाव जएणं विजएणं वद्धावेंति वद्धावित्ता एवं वयासी-"जस्स णं सामी! दंसणं कंखड़ जाव से णं समणे भगवं महावीरे गुणसि छि|छए उज्जाणे जाव विहरड. एयं [तस्स] णं देवाणुप्पियाणं पियं निवेएमो पियं मे भवउ'' ॥ २३२ ॥ तए णं से सेणिए राया तेसिं पुरिसाणं अंतिए एयमहं सोचा निसम्म हहुतुह जाव हियए सीहासणाओ अञ्भुद्धेइ २ ता जहा कोणिओ जाव वंदइ नमंसइ वंदित्ता नमंसिता ते पुरिसे सकारेइ सम्माणेइ सक्कारिता सम्माणिता विङ्ळं जीविया-रिहं पीइदाणं दलयइ २ ता पिडविसजेइ पिडविसजिता नगरगुत्तियं सहावेइ २ ता एवं वयासी-खिप्पामेव भो देवाणुप्पिया! रायगिहं नगरं सिँभतरबाहिरयं आसियसंमज्जिओविलितं जाव करिता० पचिष्णंति ॥ २३३ ॥ तए णं से सेणिए राया बलवाउयं सहावेड २ ता एवं वयासी-खिप्पामेव भो देवाणुप्पिया! हयगयरह-जोहकलियं चाउरंगिणिं सेणं सण्णाहेह जाव से वि पचिप्पणइ ॥ २३४ ॥ तए णं से सेणिए राया जाणसालियं सद्दावेइ २ ता एवं वयासी-''भो देवाणुप्पिया! खिप्पा-मेव धम्मियं जाणप्पवरं जुतामेव उवद्ववेह उवद्ववित्ता मम एयमाणतियं पचप्प-णह"। तए णं से जाणसालिए सेणिएणं रज्ञा एवं वृत्ते समाणे हहतुह जाव हियए जेणेव जाणसाला तेणेव उवागच्छइ २ ता जाणसालं अणुप्पविसइ २ ता जाणगं पच्चवेक्खइ २ ता जाणं पचोरुभइ २ ता दूसं पवी पिहि णेइ २ ता जाणगं संपम-जइ संपमजिता जाणगं णीणेइ २ ता जाणाई समलंकरेइ २ ता जाणाइं वरमंडि-याइं करेइ २ ता जाणाइं संवेढेइ २ ता जेणेव वाहणसाला तेणेव उवागच्छइ २ ता वाहणसाठं अणुप्पविसइ २ ता वाहणाइं पञ्चवेक्खइ २ ता वाहणाइं संपमज्जइ २ ता वाहणाई अप्फालेड २ त्ता वाहणाई णीणेइ २ ता दूसं पवीणेइ २ ता वाहणाई समलंकरें २ ता वरभंडगमंडियाइं करें २ ता वाहणाइं जाणगं जोएइ २ ता वहमग्गं गाहेइ २ त्ता पञ्जोयलिंद्वे पञ्जोयघरे य समं आरोहइ २ त्ता अंतरासमपयंसि जेणेव सेणिए राया तेणेव उवागच्छइ २ ता करयल जाव एवं वयासी-जुत्ते ते सामी! धम्मिए जाणप्पवरे आइंद्वे भइंतु वग्गृहिं गाहिता॥२३५॥ तए णं सेणिए राया भंभसारे जाणसालियस्स अंतिए एयमट्टं सोचा निसम्म हट्टतुट्ट जाव मज्जण-घरं अगुप्पविसइ २ त्ता जाव कप्परुक्खे चेव अलंकियविभूसिए गरिंदे जाव मज्जण-घराओ पिंडनिक्खमइ २ ता जेणेव चे(चि)ह्रणादेवी तेणेव उवागच्छइ २ ता चेह्र(णं)णादेविं एवं वयासी-एवं खल्ज देवाणुप्पिए! समणे भगवं महावीरे आइगरे

तित्थयरे जाव पुव्वाणुपृव्विं चरमाणे जाव संजमेणं तवसा अप्पाणं भावेमाणे विहरइ, तं म(हा)हप्फलं॰ देवाणुप्पिए! तहास्त्राणं अ[र]रिहंताणं जाव तं गच्छामो णं देवाणुप्पिए! समणं भगवं महावीरं वंदामो नमंसामो सक्कारेमो सम्माणेमो कल्लाणं मंगलं देवयं चेइयं पज्जवासामो, एयं णे इहमवे य परभवे य हियाए सहाए समाए निस्से(य)साए जाव अणुगामियत्ताए भविस्सइ। तए णं सा चेह्रणादेवी सेणियस्स रण्णो अंतिए एयमहं सोचा निसम्म हहुतुहु जाव पिडसुणेइ २ त्ता जेणेव मज्जण-घरे तेणेव उवागच्छइ २ ता ण्हाया किं ते वरपायपत्तनेउरा मणिमेहलाहाररइय-उवचिया कडगखड्डगएगाविलकंठसुत्तमरगवितसरयवरवलयहेमसुत्तयकुंडलउज्जोविया-णणा रयणविभूसियंगी चीणंसुयवत्थपरिहिया दुगुह्रसुकुमालकंतरमणिजउत्तरिजा सन्वोउयसुरभिकुसुमसुंदररइयपलंबसोहणकंतविकसंतचित्तमाला वरचंदणचित्रया वराभरणविभूसियंगी कालागुरुधृवधृविया सिरिसमाणवेसा बहूहिं खुज्जाहिं॰ चिलाइ-याहिं जाव महत्तरगविंदपरिक्खिता जेणेव बाहिरिया उवद्वाणसाला जेणेव सेणि[य]ए राया तेणेव उवागच्छइ। तए णं से सेणिए राया चेह्नणादेवीए सर्द्धि धम्मियं जाणप्पवरं दुरूहइ २ ता सकोरिंटमहरदामेणं छत्तेणं धरिज्जमाणेणं उववाइ(य)गमेणं णेयव्वं जाव पजुवासइ, एवं चेह्नणादेवी जाव महत्तरगपरिक्खिता जेणेव समणे भगवं महावीरे तेणेव उवागच्छइ २ ता समणं भगवं महावीरं वंदइ नमंसइ सेणियं रायं पुरओ काउं ठिइया चेव जाव पज़्वासइ ॥ २३६ ॥ तए णं समणे भगवं महावीरे सेणियस्स रन्नो भंभसारस्स चेळणादेवीए तीसे य महइमहालियाए परिसाए इसिपरिसाए मुणिपरि-साए मणु(य)स्सपरिसाए देवपरिसाए अणेगसयाए जाव धम्मो कहिओ, परिसा पिड-गया, सेणि[य]ओ राया पडिगओ ॥२३७॥ तत्थेगद्याणं निग्गंथाणं निग्गंथीण य सेणियं रायं चेळणं च देविं पासिताणं इमे एयारूवे अज्झत्थिए जाव संकप्पे समु-प्पजित्था-अहो णं सेणिए राया महिङ्किए जाव महासुक्खे जे णं ण्हाए सन्वालं-कारविभूसिए चेल्लणादेवीए सर्द्धि उरालाइं माणुस्सगाइं भोगभोगाइं भुंजमाणे विहरइ, जइ इमस्स सुचरियस्स तवनियमसंजमवंभचेरगुत्तिफलवित्तिविसेसे अत्थि तया वय-मवि आगमेस्साणं इमाइं ताइं उरालाइं एयास्वाइं माणुस्सगाइं भोगभोगाइं भुंजमाणा विहरामो, से तं साहु ॥ २३८ ॥ अहो णं चेल्लणादेवी महिन्निया जाव महासुक्खा जा णं ण्हाया सव्वालंकारविभूसिया सेणिएणं रण्णा सिद्धं उरालाई माणुस्सगाई भोगभोगाई मुंजमाणी विहरह, जइ इमस्स सुचरियस्स तवनियमसंजमवंभचेरवासस्स कल्लाणे फलवित्तिविसेसे अत्थि वयमवि आगमिस्साणं इमाइं एयारूवाइं उरालाइं जाव विहरामो, से तं साह[णी]॥ २३९॥ अज्जो! ति समणे भगवं महावीरे ते बहवे निग्गं-

था (य) निग्गंथीओ य आमंतेत्ता एवं वयासी-''सेणियं रायं चेह्रणादेविं पासित्ता इमेयाहवे अज्झत्थिए जाव समुप्पजित्था-अहो णं सेणिए राया महिन्हिए जाव सेत्तं साह. अहो णं चेह्रणादेवी महिड्डिया सुंदरा जाव साह, से णूणं अज्जो! अहे समहे १'' हंता ! अत्थि ॥ २४० ॥ एवं खळु समणाउसो ! मए धम्मे पण्णत्ते, इ[णा]णमेव निग्गंथे पावयणे सचे अणुत्तरे पडिपुण्णे केव[ले]लिए संसुद्धे णेयाउए सल्लगत्तणे सिद्धिमग्गे मत्तिमरगे निजाणमरगे निव्वाणमरगे अवितहमविसंदिद्धे सव्वदुक्खप्पहीणमरगे इत्थं ठिया जीवा सिज्झंति बुज्झंति मुचंति परिनिव्वायंति सव्बदुक्खाणमंतं क(रं)रेंति ॥ २४१ ॥ जस्स णं धम्मस्स निग्गंथे सिक्खाए उवट्टिए विहरमाणे पुरा-दिगिंछाए परा-पिवासाए परा-वायाऽयवेहिं परा-पद्मे विरुवरूवेहिं परिसहोवसगोहिं उदिण्ण-कामजाए विहरिजा, से य परक्रमेजा, से य परक्रममाणे पासेजा-जे इमे उग्गपत्ता महामाउया भोगपत्ता महामाउया, तेसिं अण्णयरस्स अङ्जायमाणस्स निजायमाणस्स पुरओ महं दासीदासिकंकरकम्मकरपुरिसाणं अं(तो)ते परिक्खित्तं छत्तं भिंगारं गहाय निमाच्छंति॥ २४२॥ तयाणंतरं च णं पुरओ म(हं)हाआसा आस(ध)वरा उमओ ते(पा)सिं नागा नाग-वरा पिट्ठओ र(ह)हा रहवरा संगेष्ठि से तं उ(च्छि)द्धरियसेय-(च)छत्ते अब्भुगगयभिंगारे पग्गहियतालियंटे प(वीइय)वियन्न सेयचामरा बालवीयणीए अभिक्खणं अभिक्खणं अइजाइ य निजाइ य, सप्पभा सपुरवावरं च णं ण्हाए सर्वेवा-लंकारविभूसिए महइमहालियाए कृडागारसालाए महइमहालयंसि सिंहासणंसि जाव सन्वरा [त्तिणी]इ(णि)एणं जोइणा झियायमाणेणं इत्थिग्रम्मपरिवडे महारवे हयनहगी-यवाइयतंतीतलतालतुडियघणमु(यं)इंगमदृलपडुप्पवाइयरवेणं उरालाइं माणुरसगाइं कामभोगाई भुजमाणे विहरइ॥ २४३ ॥ तस्स णं एगमवि आणवेमाणस्स जाव चतारि पंच अवृत्ता चेव अब्भुद्वेति-भण देवाणुप्पिया ! किं करेमो ? किं उवणेमो ? किं आहरेमो ? किं आविद्धामो ? किं मे हियइच्छियं ? किं ते आसगस्स सयइ ? जं पासिता णिग्गंथे णियाणं करेइ-जइ इमस्स तवनियमसंजमबंभचेरवासस्स तं चेव जाव साह। एवं खल्ल समणाउसो ! णिग्गंथे णियाणं किचा तस्स ठाणस्स अणालोइय अप्पिडकंते कालमासे कालं किचा अण्णयरे देवलोएस देवताए उनवत्तारो भवइ महिष्ट्रिएस जाव चिरद्विइएस, से णं तत्थ देवे भवइ म[ह]हिह्हिए जाव चिरद्विइए, तओ देवलोगाओ आउक्खएणं भवक्खएणं ठिइक्खएणं अणंतरं चयं चइता जे इमे उम्मपुत्ता महा माउया भोगपुत्ता महामाउया एएसि णं अन्नयरंसि कुलंसि पुत्तत्ताए पचायाइ ॥ २४४ ॥ से णं तत्थ दारए भवइ सकुमालपाणिपाए जाव सुरूवे, तए णं से दारए

१ विसेसद्वा देक्खह सूयगडदोच्चस्यक्खंधदुइयज्झयणं ।

उम्मुक्कबालभावे विण्णायपरिणय[मि]मेत्ते जोव्वणगमणुप्पत्ते सयमेव पेइयं पडिवज्जड. तस्स णं अङ्जायमाणस्स वा॰ पुरओ महं दासीदास जाव किं ते आसगस्स सयइ १ ॥ २४५ ॥ तस्स णं तहप्पगारस्स पुरिसजायस्स तहारूवे समणे वा मीहणे वा उभओ कालं केवलिपवर्त्त धम्ममाइक्खेजा? हंता! आइक्खेजा. से णं पडि-सणेजा १ णो इणद्रे समद्रे, अभविए णं से तस्स धम्मस्स सव[णा]णयाए, से य भवड महिच्छे महारंभे महापरिग्गहे अहम्मिए जाव दाहिणगामी नेरइए आग(मे)मिस्साणं दल्लहबोहिए यावि भवइ, तं एवं खलु समणाउसो! तस्स णियाणस्स इमेयारूवे ०फलविवागे जं णो संचाएइ केवलिपन्नत्तं धम्मं पडिसुणित्तए ॥ २४६ ॥ एवं खलु समणाउसो ! मए धम्मे पण्णते, इणमेव णिग्गंथे पावयणे जाव सन्बदुक्खाणमंतं करेंति जस्स णं धम्मस्स निग्गंथी सिकवाए उवद्विया विहरमाणी पुरा-दिगिंछाए ... उदिण्णकामजाया विहरेजा, सा य परक्समेजा, सा य परक्समाणी पासेजा-से जा इमा इत्थिया भवड एगा एगजाया एगाभरणिपिहिणा तेल्लपेला इव सुसंगोविया चेलपेला इव ससंपरिकाहिया रयणकरंडगसमा[णी]णा, तीसे णं अङ्जायमाणीए वा निजायमाणीए वा पुरओ महं दासीदास तं चेव जाव किं मे आसगस्स सयह ? जं पासित्ता णिग्गंथी णियाणं करेड-जइ इमस्स सुचरियस्स तवनियमसंजमवंभचेर जाव भुंजमाणी विहरामि, से (तं) तं साह । एवं खल समणाउसो ! णिग्गंथी णियाणं किचा तस्स ठाणस्स अणा-लोइय अप्पिडक्कंता कालमासे कालं किचा अण्णयरेस देवलोएस देवताए उववतारो भवड़ महिद्भिएस जाव सा णं तत्थ देवे भवइ जाव भुंजमाणी विहरइ, सा णं ताओ देवलोगाओ आउक्खएणं भवक्खएणं ठिइक्खएणं अणंतरं चयं चइत्ता जे इमे भवंति उग्गपुत्ता महामाउया भोगपुत्ता महामाउया एएसि णं अण्णयरंसि कुलंसि दारियत्ताए पचायाइ, सा णं तत्थ दारिया भवइ सुकुमाला जाव सुरूवा ॥ २४७ ॥ तए णं तं दारियं अम्मापियरो उम्[आ]मुक्कबालभावं विण्णायपरिणयमेत्तं जोव्वण-गमणप्यत्तं पिंडरूवेण सुक्केण पिंडर्वस्य भत्तारस्य भारियत्ताए दलयंति. सा णं तस्य भारिया भवड एगा एगजाया इट्टा कंता जाव रयणकरंडगसमाणा, तीसे णं अदजायमाणीए वा निजायमाणीए वा पुरओ महं दासीदास जाव किं ते आस-गस्स सम्बद्ध ? ॥ २४८ ॥ तीसे णं तहप्पगाराए इत्थियाए तहारूवे समणे वा माहणे वा उभयकालं केवलिपन्नतं धम्मं आइक्खेजा १ हंता! आइक्खेजा, सा णं भंते! पिंडिन्सणेजा १ जो इणहे समहे, अभविया णं सा तस्स धम्मस्स सवणयाए, सा य भवड महिच्छा महारंभा महापरिग्गहा अहम्मिया जाव दाहिणगामि० णेरइ० आगमि-

१ सावए ति अट्टो।

स्साए दुल्लभबोहिया यावि भवइ, एवं खलु समणाउसो ! तस्स णियाणस्स इमेयास्त्रे पावकम्मफलविवागे जं णो संचाएइ केवलिपण्णतं धम्मं पिडसुणित्तए ॥ २४९ ॥ एवं खळु समणाउसो! मए धम्मे पण्णत्ते, इणमेव निग्गंथे पावयणे जाव अंतं करेंति, जस्स णं धम्मस्स सिक्खाए निग्गंथे उवद्रिए विहरमाणे परा-दिगिंछाए जाव से य परक्कममाणे पासिजा- : इतथया भवइ एगा एगजाया जाव किं ते आसगरस सग्रह १ जं पासिता निग्गंथे निगाणं करेड-दुक्खं खळु पुमताए, जे इमे उग्गपत्ता महामाउया भोगपत्ता महामाउया एएसि णं अण्णयरेसु उचावएस महा-समरसंगामेस उचावयाइं सत्थाइं उ(रं)रिस चेव पडिसंवेदेति, तं दुक्खं खलु पुमत्ताए. इत्थि[तणयं]त्तं साह, जइ इमस्स तवनियमसंजमबंभचेरवासस्स फलवित्तिविसेसे अत्थि वयमवि आगमेस्साणं इमेयारूवाइं उरालाइं इत्थिभोगाइं भुंजिस्सामो, से तं साह । एवं खळु समणाउसो ! णिग्गंथे णियाणं किचा तस्स ठाणस्स अणालोइय अप्पडिकंते जाव अपडिवजित्ता कालमासे कालं किचा अण्णयरेस देवलोएस देवताए उववत्तारो भवइ..., से णं तत्थ देवे भवइ महिड्डिए जाव विहरइ, से णं ताओ देवलोगाओ आडक्खएणं भवक्खएणं जाव अणंतरं चयं चइता अण्णयरंसि कुलंसि दारियत्ताए पचायाइ जाव तेणं तं दारियं जाव भारियताए दलयंति, सा णं तस्स भारिया भवड एगा एगजाया जाव तहेव सव्वं भाणियव्वं. तीसे णं अङ्जायमाणीए वा निजायमाणीए वा जाव किं ते आसगस्स सयइ ? ॥ २५० ॥ तीसे णं तहप्पगाराए इत्थियाए तहारूवे समणे वा माहणे वा॰ धम्मं आइक्खेजा? हंता! आइक्खेजा. सा णं पडिसुणेजा ? णो इणद्रे समद्रे, अभविया णं सा तस्स धम्मस्स सवणयाए. सा य भवइ महिच्छा जाव दाहिणगामि० णेरइ० आगमेस्साणं दुल्लभवोहिया यावि भवइ, एवं खलु समणाउसो! तस्स णियाणस्स इमेयारूवे पावए फलविवागे जं णो संचाएइ केवलिपण्णत्तं धम्मं पडिस्रणित्तए ॥ २५१ ॥ एवं खळ समणाउसो ! मए धम्मे पण्णत्ते, इणमेव णिग्गंथे पावयणे सच्चे सेसं तं चेव जाव अंतं करेंति. जस्स णं श्रम्मस्स णिगंथी सिक्खाए उवद्विया विहरमाणी पुरा-दिगिंछाए पुरा जाव उदिण्णकामजाया विहरेजा, सा य परक्रमेजा, सा य परक्रममाणी पासेजा-जे इमे उगगपुत्ता महा-माउया भोगपुत्ता महामाउया, तेसि णं अण्णयरस्स अङ्जायमाणस्स वा जाव किं ते आसगस्स सयइ ? जं पासित्ता णिगगंथी णियाणं करेइ-दुक्खं खळ इत्यि त(त्त)-णए तं, दुस्संचराइं गामंतराइं जाव सिववेसंतराइं, से जहानामए-अंवपेसियाइ वा माउछुंगपेसियाइ वा अंबाडगपेसियाइ वा उच्छुखंडियाइ वा संबलि फा फिलयाइ वा बहुजणस्स आसायणिजा पत्थणिजा पीहणिजा अभिलसणिजा एवामेव इत्थियावि

बहुजणस्स आसायणिजा जाव अभिलसणिजा, तं दुक्खं खलु इत्थित्तं, पुमिताए णं]-त्तणयं साह, जइ इमस्स तवनियम जाव अत्थि वयमवि आगमेस्साणं इमेयारूवाई ओरालाई परिसभोगाई भंजमाणा विहरिस्सामो. से तं साह । एवं खळु समणाउसो ! णिग्गंथी णियाणं किचा तस्स ठाणस्स अणालोइय अप्पिडकंता जाव अपिडविजित्ता कालमासे कालं किचा अण्णयरेस देवलोएस देवताए उववत्तारो भवइ, सा णं तत्थ देवे भवइ महिड्डिए जाव महासुक्खे, सा णं ताओ देवलोगाओ आउक्खएणं · · अणंतरं चयं चड़त्ता जे इमे भवंति उग्गपुत्ता तहेव दारए जाव किं ते आसगस्स सयह ? ॥ २५२ ॥ तस्स णं तहप्पगरस्स परिस्रजायस्स जाव अभविए णं से तस्स घम्मस्स सवणयाए, से य भवड़ महिच्छे जाव दाहिणगामिए जाव दछभबोहिए यावि भवड. एवं खळु जाव पडिसुणित्तए ॥ २५३ ॥ एवं खळ समणाउसो ! मए धम्मे पण्णते, इणमेव निग्गंथे पावयणे तहेव, जस्स णं धम्मस्स निग्गंथे वा निग्गंथी वा सिक्खाए उवद्रिए विहरमाणे पुरा-दिगिंछाए जाव उदिण्णकामभोगे विहरेजा, से य परक्रमेजा, से य परक्रममाणे माणुरुसेहिं कामभोगेहिं निव्वेयं गच्छेजा, माणुरुसगा खळ कामभोगा अध्वा अणितिया असासया सङ्णपङ्णविद्धंसणधम्मा उच्चारपासवणखेळजळ-सिंघाणगवंतपित्तसुक्कसोणियसमुब्भवा दुरूवउस्सासनिस्सासा दुरंतमृत्तपुरीसपुण्णा वंतासवा पित्तासवा खेळासवा (जल्ला०) पच्छा पुरं च णं अवस्सं विप्पजहणिजा, संति उडूं देवा देवलोगंसि ते णं तत्थ अण्णेसिं देवाणं देवीओ अभिज़ंजिय २ परियारेंति. अप्पणो चेव अप्पाणं विडिव्वय २ परियारेंति, अप्पणिज्जियाओ देवीओ अभिजुंजिय २ परियारेंति. [संति] जड इमस्स तवनियम जाव तं चेव सव्वं भाणियव्वं जाव वयमवि आगमेस्साणं इमाइं एयारूवाइं दिव्वाइं भोगभोगाइं भुंजमाणा विहरामो, से तं साह । एवं ख़ुळ समणाउसो ! निग्गंथो वा निग्गंथी वा नियाणं किचा तस्स ठाणस्स अणालोइय अप्पिडक्कंते कालमासे कालं किचा अण्णयरेस देवलोएस देवताए उवव-तारो भवइ, तंजहा-महििद्धारु महज्जइएस जाव पभासमाणे अण्णेसि देवाणं अण्णं देविं तं चेव जाव परियारेइ से णं ताओ देवलोगाओ आउक्खएणं तं चेव जाव पुमत्ताए पचायाइ जाव किं ते आसगस्स सयइ ? ॥ २५४ ॥ तस्स णं तहप्पगारस्स परिसजायस्य तहारूवे समणे वा माहणे वा जाव पहिस्रणिजा ? हंता ! पहिस्रणिजा. से णं सहहेजा पत्तिएजा रोएजा ? णो इणद्रे समद्रे. अभविए णं से तस्स० सहहणयाए०, से य भवड़ महिच्छे जाव दाहिणगामी णेरइए आगमेस्साणं दुह्नभवोहिए यावि भवइ, एवं खलु समणाउसो ! तस्स णियाणस्स इमेयारूवे पावए फलविवागे जं णो संचाएइ केवलिपण्णतं धम्मं सहहित्तए वा पत्ति योइत्तए वा रोइत्तए वा ॥ २५५ ॥

एवं खद्ध समणाउसो ! मए धम्मे पण्णत्ते तं चेव, से य परक्रमेजा, ... परक्रममाणे माणस्सरस कामभोगेस निव्वेयं गच्छेजा. माणस्सगा खलु कामभोगा अधुवा अणितिया तहेव जाव संति उड्डं देवा देवलोगंसि ते णं तत्थ णो अण्णेसि देवाणं अण्णं देविं अभिजंजिय २ परियारेंति. अप्पणो चेव अप्पाणं विउव्वित्ता परियारेंति. अप्पणिजियाओवि देवीओ अभिजंजिय २ परियारेंति, जइ इमस्स तवनियम तं चेव सन्वं जाव से णं सद्दहेजा पत्तिएजा रोएजा ? णो इणद्रे समद्रे ॥ २५६ ॥ अण्णरुई रुइमादाए से य भवइ. से जे इमें आर्णिया आवसहिया गामंतिया कण्हड रहस्सिया णो बहुसंजया णो बहुविरया सन्वपाणभूयजीवसत्तेसु अप्पणो सचामोसाई एवं विपडिवदंति-अहं ण हंतव्यो अण्णे हंतव्या अहं ण अजावेयव्यो अण्णे अजावे-्यव्वा अहं ण परियावेयव्वो अण्णे परियावेयव्वा अहं ण परिघेत्तव्वो अण्णे परिघेत्तव्वा अहं ण उ[व]हवेयन्वो अण्णे उहवेयन्वा, एवामेव इत्थिकामेहिं मुच्छिया गढिया गिद्धा अञ्झोववन्ना जाव कालमासे कालं किचा अण्णयराइं असुराइं किव्विसियाइं ठाणाइं उववत्तारो भवंति, तओ वि(प्प)मुचमाणा भुज्जो २ एलमूयत्ताए पचायंति. एवं खलु समणाउसो ! तस्स णियाणस्स जाव णो संचाएइ केवलिपण्णत्तं धम्मं सहिहत्तए वा० ॥ २५७ ॥ एवं खळ समणाउसो ! मए धम्मे पण्णते जाव माणुस्सगा खळु कामभोगा अधुवा तहेव, संति उडूं देवा देवलोगंसि० णो अण्णेसिं देवाणं ∫अण्णे देवे। अण्णं देविं अभिज़ंजिय २ परियारेंति, णो अप्पणो चेव अप्पाणं विउव्विय परियारेंति, अप्पणिजियाओ० देवीओ अभिजंजिय २ परियारेंति, जइ इमस्स तव-नियम ... तं चेव सन्वं जाव एवं खलु समणाउसो! णिग्गंथो वा णिग्गंथी वा णियाणं किचा तस्स ठाणस्स अणालोइय अप्पडिक्कंते तं चेव जाव विहरइ, से णं तत्थ णो अण्णेसिं देवाणं अण्णं देविं अभिजुंजिय २ परियारेइ, णो अप्पणा चेव अप्पाणं विडिव्विय परियारेइ, अप्पणिजाओ देवीओ अभिज़ंजिय २ परियारेइ, से णं तओ आउक्खएणं भवक्खएणं ठिइक्खएणं तहेव वत्तव्वं, णवरं हंता ! सह-हेजा पत्तिएजा रोएजा, से णं सीलव्ययगुणवेरमणपचक्खाणपोसहोववासाइं पडि-वजेजा ? णो इणद्रे समद्रे, से णं दंसणसावए भवइ-अभिगयजीवाजीवे जाव अद्विमिंजपेम्माणुरागरत्ते अयमाउसो ! निग्गंथे पावयणे अद्वे एस (अयं) परमट्टे सेसे अणहे, से णं एयारूवेणं विहारेणं विहरमाणे बहुई वासाई समणोवासगपरियागं पाउणइ २ ता कालमासे कालं किचा अण्णयरेस देवलोगेस देवताए उववतारो भवइ, एवं खलु समणाउसो! तस्स णियाणस्स इमेयारुवे पावए फलविवागे जं

१ विसेसाय सूयगडे २ सु० अ० २ वारसमं किरियहाणं दहुव्वं ।

गो संचाएइ सीलव्वयगुण[व्वय]वेरमणपचक्खाणपोसहोववासाई पडिवज्जित्तए ॥ २५८ ॥ एवं खल्ल समणाउसो ! मए धम्मे पण्णते तं चेव सब्वं जाव से य परक्रममाणे दिव्वमाणुस्सएहिं कामभोगेहिं निव्वेयं गच्छेजा, माणुस्सगा खळु कामभोगा अधुवा जाव विष्पजहणिज्जा, दिव्वावि खल्ल काममोगा अधुवा अणितिया असासया चलाचल[ण]धम्मा पुणरागमणिजा पच्छा पुव्वं च णं अवस्सं विष्पजहणिजा, जइ इमस्स तवनियम जाव आगमेस्साणं जे इमे भवंति उग्गपुत्ता महामाउया जाव प्रम-त्ताए पचायंति तत्थ णं समणोवासए भविस्सामि-अभिगयजीवाजीवे उवलद्धपुण्णपावे फासुयएसणिज्जं असणपाणखाइमसाइमं पिङलाभैमाणे विहरिस्सामि, से तं साह। एवं खळ समणाउसो ! निग्गंथो वा निग्गंथी वा नियाणं किचा तस्स ठाणस्स अणालोइय जाव देवलोएस देवताए उववज्जड जाव किं ते आसगस्स सयड ? ॥ २५९ ॥ तस्स गं तहप्पगारस्स पुरिसजायस्स जाव पडिसुणिजा ? हंता ! पडिसुणिजा, से णं सहहेजा जाव रोएजा? हंता! सद्दहेजा०, से णं सीलव्वय जाव पोसहोववासाइं पडिवजेजा? हंता ! पडिवजेजा, से णं मुंडे भवित्ता अ[आ]गाराओ अणगारियं पव्वएजा ? णो इणट्ठे समट्टे ॥ २६० ॥ से णं समणोवासए भवइ-अभिगयजीवाजीवे जाव पिंडलाभेमाणे विहरइ, से णं एयारूवेणं विहारेणं विहरमाणे बहुणि वासाणि समणोवासगपरियागं पाउणइ २ ता वहुई भत्ताई पचक्खाइ? हंता! पचक्खाइ २ ता आबाहंसि उप्पन्नंसि वा अणुप्पन्नेसि वा बहुई भत्ताई अणसणाई छेएइ २ त्ता आलोइयपडिकंते समाहिपत्ते कालमासे कालं किचा अण्णयरेसु देवलोएसु देवताए उववत्तारो भवइ, एवं खलु समणाउसो! तस्स णियाणस्स इमेयारूवे पावफलविवागे जेणं णो संचाएइ सन्वओ सन्वत्ताए मुंडे भवित्ता अगाराओ अणगारियं पन्वइत्तए ॥ २६१ ॥ एवं खळु समणाउसो! मए धम्मे पण्णत्ते जाव से य परक्रममाणे दिव्वमाणुरूसएहिं कामभोगेहिं निव्वेयं गच्छेजा, माण्रस्सगा खळ कामभोगा अधुवा० असासया जाव विष्पजह-णिजा, दिव्वावि खलु कामभोगा अधुवा जाव पुणरागमणिजा, जइ इमस्स तवनियम जाव वयमवि आगमेस्साणं जाइं इमाइं (कुलाइं) भवंति (तं०)-अंतकुलाणि वा पंतकुलाणि वा तुच्छकुलाणि वा दरिहकुलाणि वा किवणकुलाणि वा भिक्खागकुलाणि वा, एसि णं अण्णयरंसि कुलंसि पुमत्ताए एस मे आया परियाए सुणीहडे भविस्सइ, से तं साहु । एवं खलु समणाउसो ! निग्गंथो वा निग्गंथी वा नियाणं किचा तस्स ठाणस्स अणालोइय अप्पडिकंते सन्वं तं चेव, से णं मुंडे भवित्ता अगाराओ अ[णा]ण-गारियं पव्वडजा ? हंता ! पव्वडजा . से णं तेणेव भवग्गहणेणं सिज्झेजा जाव सव्व-दुक्खाणं अंतं करेजा ? णो इणद्वे समद्वे ॥ २६२ ॥ से णं भवइ से जे अणगारा भगवंतो

इरियासमिया भासासमिया जाव बंभयारी तेणं विहारेणं विहरमाणे बहुई वासाई परियागं पाउणइ २ ता आबाहंसि उप्पन्नंसि वा जाव भत्ताइं पच्चक्खाएजा ? हंता ! पचक्खाएजा, बहूई भत्ताई अणसणाई छेइजा ? हंता! छेइजा, आलोइयपडिकंते समाहिपत्ते कालमासे कालं किचा अण्णयरेसु देवलोएस देवताए उववत्तारो भवइ, एवं खळु समणाउसो! तस्स णियाणस्स इमेयारूवे पावफलविवागे जं णो संचाएड तेणेव भवग्गहणेणं सिज्झित्तए जाव सव्वदुक्खाणमंतं करित्तए ॥ २६३ ॥ एवं खळु समणाउसो ! मए धम्मे पण्णते. इणमेव णिग्गंथे पावयणे जाव से य परक्रमेजा. सञ्वकामविरत्ते सञ्वरागविरत्ते सञ्वसंगातीते सञ्वहा सञ्वसिणेहाइकंते सञ्ब-चरित्तपरिवृद्धि ।। २६४ ।। तस्स णं भगवंतस्स अणुत्तरेणं नाणेणं अणुत्तरेणं दंसणेणं अणुत्तरेणं परिनिव्वाणमग्गेणं अप्पाणं भावेमाणस्स अणंते अणुत्तरे निव्वाघाए निरा-वरणे कसिणे पडिपुण्णे केवलवरनाणदंसणे समुप्पजेजा ॥ २६५ ॥ तए णं से भगवं अरहा भवइ जिणे केवली सव्वण्णू सव्व(दरि)दंसी, सदेवमणुयासुराए जाव बहुई वासाई केवलिपरियागं पाउणइ २ ता अप्पणो आउसेसं आभोएइ २ ता भत्तं पचक्खाएइ २ ता बहुई भत्ताई अणसणाई छेएइ २ ता तओ पच्छा चरमेहिं ऊसास-नीसासेहिं सिज्झइ जाव सव्बद्धक्खाणमंतं करेइ, एवं खलु समणाउसो ! तस्स अणि-याणस्स इमेयारूवे कल्लाणफलविवागे जं तेणेव भवग्गहणेणं सिज्झइ जाव सञ्बद्धक्या-णमंतं करेइ ॥ २६६ ॥ तए णं बहवे निग्गंथा य निग्गंथीओ य समणस्य भगवओ महावीरस्स अंतिए एयमद्रं सोचा निसम्म समणं भगवं महावीरं वंदंति नमंसंति वंदित्ता नमंसित्ता तस्स ठाणस्स आलोयंति पडिक्रमंति जाव अहारिहं पायच्छितं तवोकम्मं पडिवर्जाति ॥ २६७ ॥ तेणं कालेणं तेणं समएणं समणे भगवं महावीरे रायगिहे नयरे गुणसिलए उज्जाणे बहूणं समणाणं बहूणं समणीणं बहुणं सावयाणं बहूणं सावियाणं बहूणं देवाणं बहूणं देवीणं सदेवमणुयासुराए परिसाए मज्झगए एवमाइक्खइ एवं भासइ एवं परूवेइ आयइठाणं णामं अज्जो ! अज्झयणं सअद्रं सहेउं सकारणं सुत्तं च अत्थं च तदुभयं च भुजो भुजो उवदंसेइ ॥ २६८॥ त्ति-वेमि ॥ आयइठाणं णामं दसमा दसा समत्ता ॥ १० ॥

।। दसासुयक्खंघसुत्तं समत्तं ।।
तस्समत्तीए

चउछेयसुत्ताइं समत्ताइं

॥ सन्वसिलोगसंखा ४५०० ॥

णमोऽत्थु णं समणस्स भगवओ णायपुत्तमहावीरस्स

सुत्तागमे

चत्तारि मूलसुत्ताइं तत्थ णं दसवेयालियसुत्तं

दुमपुष्पिया णामं पढममज्झयणं

धम्मो मंगलमुिक हुं, अहिंसा संजमो तवो। देवा वि तं नमंसंति, जस्स धम्मे सया मणो ॥ १॥ जहा दुमस्स पुप्फेस, भमरो आवियइ रसं। न य पुप्फं किलामेइ, सो य पीणेइ अप्पयं॥ २॥ एमेए समणा मुत्ता, जे लोए संति साहुणो। विहंगमा व पुप्फेस, दाणभत्तेसणे रया॥ ३॥ वयं च वित्तिं लब्भामो, न य कोइ उवहम्मइ। अहागडेस रीयंते, पुप्फेस भमरा जहा॥ ४॥ महुगारसमा बुद्धा, जे भवंति अणिस्सिया। नाणापिंडरया दंता, तेण बुचंति साहुणो॥ ५॥ ति-बेमि॥ इति दुम-पुप्फिया णामं पढममज्झयणं समत्तं॥ १॥

अह सामण्णपुव्वयं णामं दुइयमज्झयणं

कहं नु कुजा सामण्णं, जो कामे न निवारए। पए पए विसीयंतो, संकप्पस्स वसं गओ।। १।। वत्थगंधमलंकारं, इत्थीओ सयणाणि य। अच्छंदा जे न भुंजंति, न से चाइति बुच्ह।। २।। जे य कंते पिए भोए, लखे विपिष्टि—कुव्वइ। साहीणे चयइ भोए, से हु चाइति बुच्ह।। ३।। समाइ पेहाइ परिव्वयंतो, सिया मणो निस्सरई वहिद्धा। ''न सा महं नो वि अहं पि तीसे'', इचेव ताओ विणएज रागं ।। ४।। आयावयाही चय सोगमळं, कामे कमाही कमियं खु दुक्खं। छिंदाहि दोसं विणएज रागं, एवं सुही होहिसि संपराए।। ५॥ पक्खंदे जिलयं जोइं, धूमकें दुरासयं। नेच्छंति वंतयं भोतुं, कुले जाया अगंधणे।। ६॥ धिरत्थु तेऽजसोकामी, जो तं जीवियकारणा। वंतं इच्छिति आवेउं, सेयं ते मरणं भवे॥ ७॥ अहं च भोगरायस्स, तं चऽित अंघगविष्हणो। मा कुछे गंधणा होमो, संजमं निहुओ चर ॥ ८॥ जइ तं काहिति भावं, जा जा दिच्छित नारिओ। वायाविद्धोव्य हडो, अद्विअप्पा भविस्सिति॥ ९॥ तीसे सो वयणं सोचा, संजयाइ सुभातियं। अंकुसेण जहा नागो, धम्मे संपिडवाइओ॥ १०॥ एवं करेंति संबुद्धा, पंडिया पवियक्खणा। विणियद्वंति भोगेसु, जहा से पुरिस्तमो॥ १९॥ त्ति-बेमि॥ इति सामण्णपु-व्वयं णामं दुइयमज्झयणं समत्तं॥ २॥

अह खुड्डियायारकहा णामं तइयमज्झयणं

संजमे सुद्धिअप्पाणं, विप्पमुक्काण ताइणं। तेसिमेयमणाइण्णं, निर्गथाणं महेसिणं ॥ १॥ उंद्देसियं कीयगैंडं, नियागं अभिहर्डीणि य। राइभेत्ते सिर्णाणे य, गंध महे य वीर्यणे ॥ २ ॥ सिन्नही गिहिमत्ते य, रायपिंडे किमिच्छए । संवाहणे दंतपहोयणी य, संपुच्छणी देहपलोयणी य ॥ ३ ॥ अड्ठावैर्ए य नीलीए, छत्तस्सँ य धारणडाए । रेवे तेगिच्छं पाहणा पाए, समारंभं च जोइणो ॥ ४ ॥ सेजायर पिण्डं च, आसंदीपिल-यंकें । गिहंतरनिसेर्की य, गायरसुव्वहेणाणि य ॥ ५ ॥ गिहिणो वेर्येविडियं, जा य आजीववत्तियाँ । तत्तानिव्बुँडमोइत्तं, आउरस्सरणाणि य ॥ ६ ॥ मूलए सिंगबेरे बुर बुर अहें । य, उच्छुखंडे अनिव्युडे । केंद्रे मूले य सिचते, फले बीए य आमए ॥ ७ ॥ सोव-चर्छे सिंधवे लोणे, रोमालोणे य आमए। सींसुद्दे पंतुर्खीरे य, कार्लीलोणे य आमए ॥ ८॥ धूवणेत्ति वमणे य, वत्थीकम्म विरेयणे । अंजणे दंतवणे य, गायब्मंग विभूसणे ॥ ९ ॥ सन्वमेयमणाइण्णं, निग्गंथाण महेसिणं । संजमम्मि य ज़त्ताणं. लहभ्यविहारिणं ॥ १० ॥ पंचासवपरिण्णाया, तिगुत्ता छसु संजया । पंचनिग्गहणा धीरा, निग्गंथा उज़्दंसिणो ॥ ११ ॥ आयावयंति गिम्हेसु, हेमंतेसु अवाउडा । वासास्र पिंडसंलीणा, संजया ससमाहिया॥ १२॥ परीसहरिऊदंता, धूयमोहा जिङ्-दिया । सन्वदुक्खप्पहीणद्वा, पक्कमंति महेसिणो ॥ १३ ॥ दुकराइं करित्ताणं, दुस्स-हाइं सिहतु य । केइऽत्थ देवलोएस, केइ सिज्झंति नीरया ॥ १४ ॥ खिवत्ता पुन्व-कम्माइं, संजमेण तवेण य । सिद्धिमग्गमणुप्पत्ता, ताइणो परिणिव्युडा ॥ १५ ॥ ति-बेमि ॥ इति खुड्डियायारकहा णामं तइयमज्झयणं समत्तं ॥ ३ ॥

अह छज्जीवणिया णामं चउत्थमज्झयणं

सुयं मे आउसं ! तेणं भगवया एवमक्खायं, इह खलु छज्जीवणिया नामज्झयणं समणेणं भगवया महावीरेणं कासवेणं पवेइया सुअक्खाया सुपन्नता सेयं मे अहिज्जिङं अज्झयणं धम्मपण्णत्ती ॥ १ ॥ कयरा खलु सा छजीवणिया नामज्झयणं समणेणं भगवया महावीरेणं कासवेणं पवेइया सुअक्खाया सुपन्नत्ता सेयं मे अहि जिडं अज्झयणं धम्मपण्णती ॥ २ ॥ इमा खल्ल सा छज्जीवणिया नामज्झयणं समणेणं भगवया महावीरेणं कासवेणं पवेइया सुअक्खाया सुपन्नता सेयं मे अहिज्जिउं अज्झ-यणं धम्मपण्णत्ती । तंजहा-पुढिवकाइया १, आउकाइया २, तेउकाइया ३, वाउ-काइया ४, वणस्सइकाइया ५, तसकाइया ६ । पुढवी चित्तमंतमक्खाया अणेगजीवा पढ़ोसत्ता अन्नत्य सत्थपरिणएणं १ । आऊ चित्तमंतमक्खाया अणेगजीवा पढ़ोसत्ता अन्नत्य सत्यपरिणएणं २ । तेऊ चित्तमंतमक्खाया अणेगजीवा पढोसत्ता अन्नत्य सत्थपरिणएणं ३ । वाऊ चित्तमंतमक्खाया अणेगजीवा पुढोसत्ता अन्नत्थ सत्थ-परिणएणं ४ । वणस्सई चित्तमंतमक्खाया अणेगजीवा पुढोसत्ता अन्नत्य सत्थपरि-णएणं । तंजहा—अगगबीया, मूलवीया, पोरबीया, खंधबीया, बीयरुहा, सम्मु-च्छिमा, तणलया वणस्सइकाइया, सबीया, चित्तमंतमक्खाया अणेगजीवा पुढोसत्ता अन्नत्य सत्थपरिणएणं ५। से जे पुण इमे अणेगे बहवे तसा पाणा तंजहा-अंडया. पोयया, जराउया, रसया, संसेइमा, संमुच्छिमा, उब्भिया, उववाइया, जेसिं केसिं च पाणाणं, अभिकंतं, पडिकंतं, संक्रचियं, पसारियं, स्यं, भंतं, तसियं, पळाइयं, आगइगइविनाया, जे य कीडपयंगा जा य कुंयुपिपीलिया, सब्वे बेइंदिया, सब्वे तेइं-दिया. सन्वे चर्डारेदिया सन्वे पंचिंदिया. सन्वे तिरिक्खजोणिया. सन्वे नेरइया. सन्वे मणुया, सन्वे देवा, सन्वे पाणा परमाहम्मिया, एसो खल छट्टो जीवनिकाओ तसकाउत्ति पवचइ ६॥३॥ इचेसिं छण्हं जीवनिकायाणं नेव सयं दंडं समारंभिज्जा, नेवन्नेहिं दंडं समारंभाविजा, दंडं समारंभंते वि अन्ने न समणुजाणिजा। जावजीवाए तिविहं तिविहेणं मणेणं वायाए काएणं न करेमि न कारविमि करंतं पि अन्नं न सम-णुजाणामि । तस्स भंते ! पिडकमामि निंदामि गरिहामि अप्पाणं वोसिरामि ॥ ४ ॥ पढमे भंते ! महन्वए पाणाइवायाओ वेरमणं । सन्वं भंते ! पाणाइवायं पच-क्खामि । से सुहमं वा, बायरं वा, तसं वा, थावरं वा, नेव सयं पाणे अइवाइजा, नेवऽनेहिं पाणे अइवायाविजा, पाणे अइवायंते वि अने न समणुजाणिजा। जाव-जीवाए तिविहं तिविहेणं मणेणं वायाए काएणं न करेमि न कारवेमि करंतं पि

अन्नं न समणुजाणामि । तस्स भंते ! पिडकमामि निंदामि गरिहामि अप्पाणं वोसिरामि । पढमे भंते ! महन्वए उवद्रिओमि सन्वाओ पाणाइवायाओ वेरमणं ॥ १ ॥ ५ ॥ अहावरे दुचे भंते ! महन्वए मुसावायाओ वेरमणं । सन्वं भंते ! मसावायं पचक्खामि । से कोहा वा. लोहा वा, भया वा, हासा वा, नेव सयं मुसं वइजा. नेवऽन्नेहिं मुसं वायाविजा. मुसं वयंते वि अन्ने न समणुजाणिजा। जाव-जीवाए तिविहं तिविहेणं मणेणं वायाए काएणं न करेमि न कारवेमि करंतं पि अन्नं न समणुजाणामि । तस्स भंते ! पडिक्समामि निंदामि गरिहामि अप्पाणं वोसिरामि । दचे भंते ! महव्वए उवद्रिओमि सव्वाओ मसावायाओ वेरमणं ॥ २ ॥ ६ ॥ अहावरे तच्चे भंते! महव्वए अदिन्नादाणाओ वेरमणं। सव्वं भंते! अदिन्ना-दाणं पच्चक्खामि । से गामे वा, नगरे वा, रण्णे वा, अप्पं वा, बहुं वा, अण् वा. थलं वा. चित्तमंतं वा. अचित्तमंतं वा. नेव सयं अदिशं गिण्हिजा. नेवऽन्नेहिं अदिन्नं गिण्हाविज्ञा. अदिन्नं गिण्हंते वि अन्ने न समणुजाणिज्ञा । जावजीवाए तिविहं तिविहेणं मणेणं वायाए काएणं न करेमि न कारवेमि करंतं पि अन्नं न समण्जाणामि । तस्स भंते ! पडिक्समामि निंदामि गरिहामि अप्पाणं वोसिरामि । तचे भंते ! महन्वए उवद्विओमि सन्वाओ अदिन्नादाणाओ वेरमणं ॥ ३ ॥ ७ ॥ अहावरे चउत्थे भंते! महव्वए मेहुणाओ वेरमणं । सव्वं भंते! मेहणं पचक्खामि । से दिव्वं वा, माणुसं वा, तिरिक्खजोणियं वा, नेव सयं मेहणं सेविजा, नेवडन्नेहिं मेहुणं सेवाविजा, मेहुणं सेवंते वि अन्ने न समणुजाणिजा। जावजीवाए तिविहं तिविहेणं मणेणं वायाएं काएणं न करेमि न कारविम करंतं पि अन्नं न समणुजाणामि । तस्स भंते ! पिङक्षमामि निंदामि गरिहामि अप्पाणं वोसि-रामि । चउत्थे भंते ! महन्वए उवद्विओमि सन्वाओ मेहणाओ वेरमणं ॥ ४ ॥ ८ ॥ अहावरे पंचमे भंते! महव्वए परिग्गहाओ वेरमण । सव्वं भंते! परिग्गहं पचक्खामि । से अप्पं वा, बहुं वा, अणुं वा, शूलं वा, चित्तमंतं वा, अचित्तमंतं वा, नेव सयं परिग्गहं परिगिण्हिजा, नेवऽन्नेहिं परिग्गहं परिगिण्हाविजा. परिग्गहं परिगिण्हंते वि अन्ने न समणुजाणिजा। जानजीनाए तिविहं तिविहेणं मणेणं वायाए काएणं न करेमि न कारवेमि करंतं पि अन्नं न समण्जाणामि । तस्स भंते ! पडिकमामि निंदामि गरिहामि अप्पाणं वोसिरामि । पंचमे भंते ! महत्वए उवड्डिओमि सन्वाओ परिग्गहाओ वेरमणं ॥ ५ ॥ ९ ॥ अहावरे छट्ठे भंते ! वए राइभोयणाओ वेरमणं । सन्वं भंते ! राइभोयणं पचक्खामि । से असणं वा, पाणं वा, खाइमं वा, साइमं वा, नेव सयं राइं भुंजिज्जा, नेवऽन्नेहिं राइं भुंजाविज्जा, राइं

भंजंते वि अन्ने न समण्जाणिजा । जावजीवाए तिविहं तिविहेणं मणेणं वायाए काएणं न करेमि न कारवेमि करंतं पि अन्नं न समणजाणामि । तस्स भंते ! पडिक्रमामि निंदामि गरिहामि अप्पाणं वोसिरामि । छद्रे भंते ! वए उवद्विओमि सन्वाओ राइभोयणाओ वेरमणं ॥ ६ ॥ १० ॥ इचेयाइं पंच महन्वयाइं राइभोयण-वेरमणछद्राइं अत्तिहियद्रयाए उवसंपिजताणं विहरामि ॥ ११ ॥ से भिक्ख वा, भिक्खणी वा. संजयविरयपडिहयपचक्कायपावकम्मे, दिआ वा, राओ वा, एगओ वा, परिसागओ वा, सुत्ते वा, जागरमाणे वा, से पुढविं वा, भित्तिं वा, सिलं वा, लेलुं वा, ससरक्खं वा कायं, ससरक्खं वा वत्थं, हत्थेण वा, पाएण वा. कट्ठेण वा, किलिंचेण वा, अंगुलियाए वा, सलागाए वा, सलागहत्थेण वा, न आलिहिजा, न विलिहिजा, न घटिजा, न भिंदिजा, अन्नं न आलिहाविजा, न विलिहाविजा, न घट्टाविजा, न भिंदाविजा, अन्नं आलिहंतं वा, विलिहंतं वा, घट्टंतं वा, भिंदंतं वा, न समणुजाणिजा । जावजीवाए तिविहं तिविहेणं मणेणं वायाए काएणं न करेमि न कारवेमि करंतं पि अन्नं न समण्जाणामि । तस्स भंते ! पिडकमामि निंदामि गरिहामि अप्पाणं वोसिरामि ॥ १ ॥ १२ ॥ से भिक्ख् वा, भिक्खुणी वा, संजयविर्यपिडहयपचक्खायपावकम्मे, दिआ वा, राओ वा, एगओ वा, परिसागओ वा, सुत्ते वा, जागरमाणे वा, से उदगं वा, ओसं वा, हिमं वा, महियं वा, करगं वा, हरितणुगं वा, सुद्धोदगं वा, उदउल्लं वा कायं, उदउल्लं वा वत्थं, सिसणिद्धं वा कायं, ससिणिदं वा वत्थं, न आमुसिजा, न संफुसिजा, न आवीलिजा, न पवीलिजा, न अक्खोडिजा, न पक्खोडिजा, न आयाविजा, न पयाविजा, अन्न न आमुसाविज्ञा, न संफुसाविज्ञा, न आवीलाविज्ञा, न पवीलाविज्ञा, न अक्खो-डाविजा, न पक्खोडाविजा, न आयाविजा, न पयाविजा, अन्नं आमुसंतं वा, संफुसंतं वा, आवीलंतं वा, पवीलंतं वा, अक्खोडंतं वा, पक्खोडंतं वा, आयावंतं वा, पयावंतं वा, न समणुजाणिज्जा । जावज्जीवाए तिविहं तिविहेणं मणेणं वायाए काएणं न करेमि न कारवेमि करंतं पि अन्नं न समणुजाणामि । तस्स भंते ! पिडकमामि निंदामि गरिहामि अप्पाणं वोसिरामि ॥ २ ॥ १३ ॥ से भिक्खू वा, भिक्खुणी वा, संजयविरयपडिहयपचक्कायपावकम्मे, दिआ वा, राओ वा, एगओ वा, परिसा-गओ वा, सुत्ते वा, जागरमाणे वा, से अगणि वा, इंगालं वा, मुम्मुरं वा, अर्चि वा, जालं वा, अलायं वा, सुद्धागणि वा, उक्कं वा, न उंजिजा, न घटिजा, न भिंदिजा, न उजालिजा, न पजालिजा, न निव्वाविजा, अनं न उंजाविजा, न घट्टाविज्ञा, न भिंदाविज्ञा, न उज्जालाविज्ञा, न पज्जालाविज्ञा, न निन्वाविज्ञा, अन्नं उर्जातं वा, घट्टंतं वा, भिंदंतं वा, उज्जालंतं वा, पज्जालंतं वा, निव्वावंतं वा, न समणुजाणिजा । जावजीवाए तिविहं तिविहेणं मणेणं वायाए काएणं न करेमि न कारवेमि करंतं पि अन्नं न समण्जाणामि । तस्स भंते ! पिडकमामि निंदामि गरिहामि अप्पाणं वोसिरामि ॥ ३ ॥ १४ ॥ से भिक्ख वा. भिक्खणी वा. संजयविरयपडिहयपचक्खायपावकम्मे, दिआ वा, राओ वा, एगओ वा, परिसागओ वा, सुत्ते वा, जागरमाणे वा, से सिएण वा, विह्यणेण वा, तालियंटेण वा, पत्तेणः वा, पत्तभंगेण वा, साहाए वा, साहाभंगेण वा, पिहणेण वा, पिहणहत्थेण वा, चेलेण वा, चेलकण्णेण वा, हत्थेण वा, मुहेण वा, अप्पणो वा कायं, बाहिरं वावि पुरगलं, न फूमिजा, न वीइजा, अन्नं न फूमाविजा, न वीयाविजा, अन्नं फूमंतं वा. वीयंतं वा, न समणुजाणिजा । जावजीवाए तिविहं तिविहेणं मणेणं वायाए काएणं न करेमि न कारवेमि करंतं पि अन्नं न समणुजाणामि । तस्स भंते ! पडिक्रमामि निंदामि गरिहामि अप्पाणं वोसिरामि ॥ ४ ॥ १५ ॥ से भिक्ख वा. भिक्खुणी वा, संजयविरयपडिहयपचक्खायपावकम्मे, दिआ वा, राओ वा, एगओ वा, परिसागओ वा, सुत्ते वा, जागरमाणे वा, से बीएसु वा, बीयपइड्रेसु वा, रूढेस वा. रूढपइद्रेस वा. जाएस वा. जायपइद्रेस वा. हरिएस वा. हरियपइद्रेस वा, छिन्नेसु वा, छिन्नपइद्रेसु वा, सचित्तेसु वा, सचित्तकोलपडिनिस्सिएसु वा, न गच्छिजा, न चिद्रिजा, न निसीइजा, न तुयद्विजा, अन्नं न गच्छाविजा, न चिट्ठाविजा, न निसीयाविजा, न तुयहाविजा, अन्नं गच्छंतं वा, चिट्ठंतं वा, निसीयंतं वा, तुयदृंतं वा, न समणुजाणिजा । जावजीवाए तिविहं तिविहेणं मणेणं वायाए काएणं न करेमि न कारवेमि करंतं पि अन्नं न समणुजाणामि । तस्स भंते ! पिडक्समामि निंदामि गरिहामि अप्पाणं वोसिरामि ॥ ५ ॥ १६ ॥ से भिक्ख वा. भिक्छणी वा. संजयितरयपिडहयपचक्खायपावकम्मे, दिआ वा, राओ वा, एगओ वा, परिसागओ वा. सुत्ते वा, जागरमाणे वा, से कीडं वा, परंगं वा, कुंशुं वा, पिपीलियं वा, हत्थंसि वा, पायंसि वा, बाहुंसि वा, उरुंसि वा, उदरंसि वा, सीसंसि वा, वत्थंसि वा, पडिग्गहंसि वा, कंबलंसि वा, पायपुच्छणंसि वा, रयहरणंसि वा, गुच्छगंसि वा, उडुगंसि वा, दंडैगंसि वा, पीढगंसि वा, फलगंसि वा, सेंज्ञंसि वा, संथारगंसि वा, अन्नयरंसि वा तहप्पगारे उवगरणजाए तओ संजयामेव पिडलेहिय पिडलेहिय पमज्जिय पमज्जिय एगंतमवणिजा, नो णं संघायमावज्जिजा ॥ ६॥ १७ ॥ अजयं चरमाणो (य) उ, पाणभूयाई हिंसइ। बंधइ पावयं कम्मं, तं से होइ कडुयं फलं

१ फुडीकरणमेयस्स णिसीहऽज्झयणाओ णायव्वं ।

॥ १ ॥ अजयं चिद्रमाणो उ. पाणभूयाइं हिंसइ । बंधइ पावयं कम्मं, तं से होइ कडुयं फलं ॥ २ ॥ अजयं आसमाणो उ. पाणभ्याइं हिंसइ । बंधइ पावयं कम्मं, तं से होइ कड़यं फलं।। ३ ।। अजयं सयमाणो उ. पाणभयाई हिंसइ । बंधइ पावयं कम्मं, तं से होइ कड़यं फलं ॥ ४ ॥ अजयं भुंजमाणो उ, पाणभूयाई हिंसइ । वंधइ पावयं कम्मं, तं से होइ कडुयं फलं ॥ ५ ॥ अजयं भासमाणो उ, पाणभूयाइं हिंसइ । बंधइ पावयं कम्मं, तं से होइ कहुयं फलं ॥ ६ ॥ कहं चरे ? कहं चिट्ठे ?, कहमासे ? कहं सए ?। कहं भुंजंतो भासंतो, पावकम्मं न बंधइ ?॥ ७॥ जयं चरे जयं चिट्ठे, जयमासे जयं सए। जयं भुंजंतो भासंतो, पावकम्मं न बंधइ॥ ८॥ सन्वभूयप्पभूयस्स, सम्मं भूयाइ पासओ । पिहियासवस्स दंतस्स, पावकम्मं न बंधड ॥ ९ ॥ पढमं नाणं तओ दया, एवं चिद्रइ सव्वसंजए । अन्नाणी किं काही?, किं वा नाहिइ सेयपावगं [?] ॥ १० ॥ सोचा जाणइ कल्लाणं, सोचा जाणइ पावगं । उभयं पि जाणइ सोचा, जं सेयं तं समायरे ॥ ११ ॥ जो जीवे वि न याणेइ, अजीवे वि न याणइ । जीवाजीवे अयाणंतो. कहं सो नाहिइ संजमं ? ॥ १२ ॥ जो जीवे वि वियाणेइ, अजीवे वि वियाणइ । जीवाजीवे वियाणंतो, सो ह नाहिइ संजमं ॥ १३ ॥ जया जीवमजीवे य, दो वि एए वियाणइ । तया गई बहुविहं, सब्व-जीवाण जाणइ ॥ १४ ॥ जया गईं बहविहं, सन्वजीवाण जाणइ । तया पुण्णं च पावं च, वंधं मुक्खं च जाणइ॥ १५॥ जया पुण्णं च पावं च, बंधं मुक्खं च जाणइ । तया निर्विदए भोए, जे दिव्वे जे य माणुसे ॥ १६ ॥ जया निर्विदए भोए, जे दिन्वे जे य माणुसे । तया चयइ संजोगं, सब्भितरबाहिरं ॥ १७ ॥ जया चयइ संजोगं, सब्भितरबाहिरं । तया मुंडे भवित्ताणं, पन्वइए अणगारियं ॥ १८ ॥ जया मुंडे भवित्ताणं, पन्वइए अणगारियं। तया संवरमुक्किहं, धम्मं फासे अणुत्तरं ॥ १९ ॥ जया संवर्मुकिट्ठं, धम्मं फासे अणुत्तरं । तया धुणइ कम्मरयं, अवोहि-कळुसं कडं ॥ २० ॥ जया धुणइ कम्मरयं, अवोहिकळुसं कडं । तया सन्वत्तगं नाणं, दंसणं चाभिगच्छइ ॥ २१ ॥ जया सव्वत्तगं नाणं, दंसणं चाभिगच्छइ । तया लोगमलोगं च, जिणो जाणइ केवली ॥ २२ ॥ जया लोगमलोगं च, जिणो जाणइ केवली । तया जोगे निरंभित्ता, सेलेसिं पिडवजाइ ॥ २३ ॥ जया जोगे निरंभित्ता, सेलेसिं पडिवज्जइ। तया कम्मं खिवताणं, सिर्द्धि गच्छइ नीरओ ॥ २४ ॥ जया कम्मं खिवताणं, सिद्धिं गच्छइ नीरओ। तया लोगमत्थयत्थो, सिद्धो हवइ सासओ ॥ २५ ॥ सुहसायगस्स समणस्स, सायाउलगस्स निगामसाइस्स । उच्छोलणापहोयस्स, दुल्लहा सुगइ तारिसगस्स ॥ २६ ॥ तवोगुणपहाणस्स, उज्- मइ-खंतिसंजमरयस्स । परीसहे जिणंतस्स, सुलहा सुगइ तारिसगस्स ॥ २०॥ पच्छा वि ते पयाया, खिप्पं गच्छंति अमरभवणाइं। जेसिं पिओ तवो संजमो य, खंती य बंभचेरं च ॥ २८॥ इचेयं छजीवणियं, सम्मिद्दृद्वी सया जए। दुल्लहं लहित्तु सामण्णं, कम्मुणा न विराहिजासि ॥ २९॥ ति-बेमि ॥ इति छजी-वणिया णामं चउत्थमज्झयणं समत्तं ॥ ४॥

अह पिंडेसणा णामं पंचममज्झयणं

पढमो उद्देसो

संपत्ते भिक्खकालम्मि, असंभंतो अमुच्छिओ । इमेण कमजोगेण, भत्तपाणं गवे-सए ॥ १ ॥ से गामे वा नगरे वा. गोयरगगगओ मुणी । चरे मंदमणुव्यिगो, अव-क्खित्तेण चेयसा ॥ २ ॥ पुरओ जुगमायाए. पेहमाणो महिं चरे । वजंतो वीयहरि-याईं, पाणे य दगमद्वियं ॥ ३ ॥ ओवायं विसमं खाणुं, विज्जलं परिवज्जए । संक्रमेण न गच्छिजा, विज्ञमाणे परक्रमे ॥ ४ ॥ पवडंते व से तत्थ, पक्खलंते व संजए । हिंसेज पाणभूयाई, तसे अदुव थावरे ॥ ५ ॥ तम्हा तेण न गच्छिजा, संजए सुस-माहिए। सइ अन्नेण मग्गेण, जयमेव परक्कमे ॥ ६॥ इंगालं छारियं रासिं, तुसरासिं च गोमयं। ससरक्खेहिं पाएहिं, संजओ तं नइक्कमे ॥ ७॥ न चरेजा वासे वासंते, महियाए व पडंतिए । महावाए व वायंते, तिरिच्छसंपाइमेस वा ॥ ८ ॥ न चरेज वेससामंते, वंभचेरवसाणुए । बंभयारिस्स दंतस्स, होज्जा तत्थ विसोत्तिया ॥ ९ ॥ अणायणे चरंतस्स, संसम्मीए अभिक्खणं । होज्ज वयाणं पीला, सामण्णम्मि य संसओ ॥ १० ॥ तम्हा एयं वियाणित्ता, दोसं दुम्गइवहृणं । वज्जए वेससामंतं, मुणी एगंतमिस्सिए ॥ ११ ॥ साणं सूड्यं गाविं, दित्तं गोणं ह्यं गयं । संडिब्भं कलहं जुद्धं, दूरओ परिवजाए ॥ १२ ॥ अणुन्नए नावणए, अप्पहिद्वे अणाउले । इंदियाई जहा-भागं, दमइत्ता मुणी चरे ॥ १३ ॥ दवदवस्स न गच्छेजा, भासमाणो य गोयरे । हसंतो नाभिगच्छेजा, कुलं उचावयं सया ॥ १४ ॥ आलोयं थिगगलं दारं, संधिं दगभवणाणि य । चरंतो न विणिज्झाए, संकट्ठाणं विवज्जए ॥ १५ ॥ रक्नो निहवईणं च, रहस्सारिक्खियाणि य। संकिलेसकरं ठाणं, दूरओ परिवजाए ॥ १६॥ पिड-कुट्टकुलं न पविसे, मामगं परिवज्जए। अचियत्तकुलं न पविसे, चियत्तं पविसे कुलं । ৭৩ ॥ साणीपावारपिहियं, अप्पणा नावपंगुरे । कवार्ड नो पणुङ्खिजा, उग्गहंसि

अजाइया ॥ १८ ॥ गोयरग्गपिवद्वो य, वचमुत्तं न धारए । ओगासं फासुयं नचा, अणुन्नविय वोसिरे ॥ १९ ॥ नीयं दुवारं तमसं. कुट्टगं परिवज्जए । अचक्खुविसओ जत्थ, पाणा दुप्पडिलेहगा ॥ २०॥ जत्थ पुष्फाइं बीयाइं, विष्पइण्णाइं कोट्टए । अहुणोविलत्तं उन्नं, दट्टुणं परिवज्जए ॥ २१॥ एलगं दारगं साणं, वच्छगं वावि कोट्टए। उद्यंविया न पविसे, विउहित्ताण व संजए ॥ २२ ॥ असंसत्तं पलोइजा, नाइदूराव-लोयए । उप्पुत्लं न विणिज्झाए, नियङ्कि अयंपिरो ॥ २३ ॥ अइभूमिं न गच्छेजा, गोयरगगओ मुणी । कुलस्स भूमिं जाणिता, मियं भूमिं परक्कमे ॥ २४ ॥ तत्थेव पडिलेहिजा, भूमिभागं वियक्खणो । सिणाणस्स य वचस्स, संलोगं परिवज्जए ॥ २५ ॥ दगमट्टियआयाणे, वीयाणि हरियाणि य । परिवर्जनो चिट्ठिजा, सन्विदियसमाहिए ॥ २६ ॥ तत्थ से चिद्रमाणस्स, आहरे पाणभोयणं । अकप्पियं न गिण्हिजा, पिंड-गाहिज्ज कप्पियं ॥ २० ॥ आहरंती सिया तत्थ, परिसाडिज्ज भोयणं । दिंतियं पिंड-याइक्खे, "न मे कप्पइ तारिसं" ॥ २८ ॥ संमद्दमाणी पाणाणि, बीयाणि हरियाणि य । असंजमकरिं नचा, तारिसिं परिवज्जए ॥ २९ ॥ साहट्टु निक्खिवित्ताणं, सचित्तं घटियाणि य । तहेव समणद्वाए, उद्गं संपणु क्लिया ॥ ३० ॥ ओगाह इत्ता चलइत्ता, आहरे पाणभोयणं । दिंतियं पडियाइक्खे, "न मे कप्पइ तारिसं" ॥ ३१ ॥ पुरेक-म्मेण हत्थेण, दव्वीए भायणेण वा । दिंतियं पिडयाइक्खे, "न मे कप्पइ तारिसं" ॥ ३२ ॥ एवं उदउल्ले ससिणिद्धे, ससरक्खे महिया ऊसे । हरियाले हिंगुलए, मणो-सिला अंजणे लोणे ॥ ३३ ॥ गेरुय विष्णय सेढिय, सोरिद्रिय पिट्ठ कुक्स कए य । उक्किट्रमसंसहे, संसहे चेव बोद्धव्वे ॥ ३४ ॥ असंसहेण हत्थेण, दव्वीए भायणेण वा । दिज्जमाणं न इच्छिजा, पच्छाकम्मं जिहं भवे ॥ ३५ ॥ संसद्वेण य हत्येण, द्व्वीए भायणेण वा । दिज्जमाणं पिडच्छिजा, जं तत्थेसणियं भवे ॥ ३६ ॥ दुण्हं तु भुंजमाणाणं, एगो तत्थ निमंतए। दिजमाणं न इच्छिजा, छंदं से पडिलेहए ॥ ३७ ॥ दुण्हं तु भुंजमाणाणं, दो वि तत्थ निमंतए । दिज्जमाणं पडिच्छिजा, जं तत्थेसणियं भवे ॥ ३८ ॥ गुव्विणीए उवज्ञत्थं, विविहं पाणभोयणं । भुंजमाणं विव-जिजा, भुत्तसेसं पडिच्छए ॥ ३९ ॥ सिया य समणद्वाए, गुव्विणी कालमासिणी । उद्विया वा निसीइजा, निसन्ना वा पुणुद्वए ॥ ४० ॥ तं भवे भत्तपाणं तु, संजयाण अकप्पियं । दिंतियं पडियाइक्खे, "न में कप्पइ तारिसं" ॥ ४१ ॥ थणगं पिज-माणी, दारगं वा कुमारियं । तं निक्खिवतु रोअंतं, आहरे पाणभोयणं ॥ ४२ ॥ तं भवे भत्तपाणं तु. संजयाण अकप्पियं । दितियं पडियाइक्खे, "न मे कप्पइ तारिसं" ॥ ४३ ॥ जं भवे भत्तपाणं तु, कप्पाकप्पम्मि संकियं । दिंतियं पडियाइक्खे, "न मे

कप्पइ तारिसं" ॥ ४४ ॥ दगवारेण पिहियं, नीसाए पीडएण वा । लोडेण वावि लेवेण. सिलेसेण व केणड ॥ ४५ ॥ तं च उब्सिदिया दिजा, समणद्वाए व दावए । दिंतियं पडियाइक्खे. "न मे कप्पइ तारिसं" ॥ ४६ ॥ असणं पाणगं वावि, खाइमं साइमं तहा। जं जाणिज्ज सुणिज्जा वा, ''दाणद्वा पगडं इमं'' ॥ ४७ ॥ तं भवे भत्त-पाणं तु. संजयाण अकप्पियं । दिंतियं पडियाइक्खे, "न मे कप्पइ तारिसं"।। ४८॥ असणं पाणगं वावि, खाइमं साइमं तहा । जं जाणिज सुणिजा वा, "पुण्णद्वा पगडं इमं" ॥ ४९ ॥ तं भवे भत्तपाणं तु, संजयाण अकप्पियं । दिंतियं पिडयाइक्खे. "न मे कप्पइ तारिसं" ॥ ५० ॥ असणं पाणगं वावि. खाइमं साइमं तहा । जं जाणिजा स्रणिजा वा. "विणिमद्रा पगडं इमं" ॥ ५१ ॥ तं भवे भत्तपाणं त्र, संजयाण अक-प्पियं। दिंतियं पिडयाइक्खे. "न मे कप्पइ तारिसं"।। ५२ ॥ असणं पाणगं वा-वि. खाइमं साइमं तहा । जं जाणिज सुणिजा वा, "समणद्रा पगडं इमं" ॥ ५३ ॥ तं भवे भत्तपाणं तु, संजयाण अकप्पियं । दिंतियं पडियाइक्खे, "न मे कप्पइ तारिसं" ॥ ५४ ॥ उद्देसियं कीयगडं, पूइकम्मं च आहुडं । अज्झोयर पामिचं, मीस-जायं विवजाए ॥ ५५ ॥ उग्गमं से य पुच्छिजा, करसङ्घा केण वा कडं ? । सुचा निस्संकियं सुद्धं, पिडगाहिज्ज संजए ॥ ५६ ॥ असगं पाणगं वावि, खाइमं साइमं तहा । पुष्फेस हज्ज उम्मीसं, बीएस हरिएस वा ॥ ५० ॥ तं भवे भत्तपाणं त. संजयाण अकप्पियं । दिंतियं पिडयाइक्खे, "न मे कप्पइ तारिसं" ॥ ५८ ॥ असणं पाणगं वावि, खाइमं साइमं तहा । उदगंमि हजा निक्खितं, उत्तिंगपणगेसु वा ॥ ५९ ॥ तं भवे भत्तपाणं त. संजयाण अकप्पयं । दिंतियं पडियाइक्खे. "न मे कप्पड तारिसं" ॥ ६० ॥ असणं पाणगं वावि, खाइमं साइमं तहा । अगणिम्मि होज निक्खित्तं, तं च संघिट्टया दए ॥ ६१ ॥ तं भवे भत्तपाणं त. संजयाण अकप्पियं । दिंतियं पिड-याइक्खे, "न मे कप्पइ तारिसं" ॥ ६२ ॥ एवं उस्सक्किया ओसक्रिया, उज्जालिया पजालिया निन्वाविया । उस्सिचिया निस्सिचिया, उन्वत्तिया ओयारिया दए ॥ ६३ ॥ तं भने भत्तपाणं तु, संजयाण अकप्पियं । दिंतियं पिडयाइक्खे, "न मे कप्पइ तारिसं"॥ ६४॥ हुज्ज कहं सिलं वावि, इट्टालं वावि एगया। ठवियं संकमद्राए, तं च हुज चलाचलं ॥ ६५ ॥ न तेण भिक्खू गच्छिजा, दिहो तत्थ असंजमो । गंभीरं झुसिरं चेव, सिंवदियसमाहिए ॥ ६६ ॥ निस्सेणि फलगं पीढं, उस्सवित्ता-णमारुहे । मंचं कीलं च पासायं, समणद्वाए व दावए ॥ ६० ॥ दुरुहमाणी पविडज्जा, हत्थं पायं व द्रसए । पुढविजीवे वि हिंसेजा, जे य तं निस्सिया जगे ॥ ६८ ॥ एयारिसे महादोसे, जाणिऊण महेसिणो । तम्हा मालोहडं भिक्खं, न पिडिगिण्हंति

संजया ॥ ६९ ॥ कंदं मूलं पलंबं वा, आमं छिन्नं च सिन्नरं । तुंबागं सिंगबेरं च, आमगं परिवजाए ॥ ७० ॥ तहेव सत्तुचुण्णाइं, कोलचुण्णाइं आवणे । सङ्कुलिं फाणियं प्यं, अन्नं वावि तहाविहं ॥ ७१ ॥ विकायमाणं पसदं, रएण परिफासियं । दिंतियं पिडियाइक्खे, "न मे कप्पइ तारिसं"॥ ७२॥ बहुअद्विअं पुग्गरें, अणिमसं वा बहुकंटर्यं। अत्थियं तिंदुयं बिल्लं, उच्छुखंडं व सिंवर्लि॥ ७३॥ अप्पे सिया भोय-गजाए, बहुउज्झियधम्मिए। दिंतियं पडियाइक्खे, "न मे कप्पइ तारिसं"।। ७४॥ तहेवुचावयं पाणं, अदुवा वारधोयणं । संसेइमं चाउलोदगं, अहुणाधोयं विवज्जए ॥ ७५ ॥ जं जाणेज चिराधोयं, मईए दंसणेण वा । पिडपुच्छिऊण सचा वा, जं च निस्संकियं भवे ॥ ७६ ॥ अजीवं परिणयं नचा, पडिगाहिज संजए । अह संकियं भविज्जा, आसाइत्ताण रोयए ॥ ७७ ॥ "थोवमासायणद्वाए, हत्थगम्मि दलाहि मे । मा में अचंबिलं पूर्य, नालं तिण्हं विणित्तए" ॥ ७८ ॥ तं च अचंबिलं पूर्य, नालं तिण्हं विणित्तए । दिंतियं पिडयाइक्खे, "न मे कप्पइ तारिसं" ॥ ७९ ॥ तं च हुज अकामेणं. विमणेण पडिच्छियं। तं अप्पणा न पिबे, नो वि अन्नस्स दावए॥ ८०॥ एगंतमवक्कमित्ता, अचित्तं पडिलेहिया। जयं परिट्ठविज्जा, परिट्ठप्प पडिक्क्मे ॥ ८१ ॥ सिया य गोयरग्गओ, इच्छिजा परिभुत्तुयं। कुट्टगं भित्तिमूलं वा, पिडलेहिताण फासुयं ॥ ८२ ॥ अणुत्रवित्तु मेहावी, पिडच्छन्नम्मि संबुढे । हत्थगं संपमिजिता, तत्य भुंजिज्ज संजए ॥ ८३ ॥ तत्थ से भुंजमाणस्स, अट्टिअं कंटओ सिया । तणक-द्रसक्करं वावि, अन्नं वावि तहाविहं ॥ ८४ ॥ तं उक्खिवित्ता न निक्खिवे, आस-एण न छुरू । हत्थेण तं गहेऊण, एगंतमवक्कमे ॥ ८५ ॥ एगंतमवक्कमित्ता, अचित्तं पडिलेहिया। जयं परिद्वविजा, परिद्वप्प पडिक्समे ॥ ८६ ॥ सिया य भिक्ख इच्छिजा, सिजामागम्म भुत्तुयं। सपिंडपायमागम्म, उंडुयं पडिलेहिया॥ ८०॥ विणएण पविसित्ता, सगासे गुरुणो मुणी । इरियावहियमायाय, आगओ य पडिक्रमे ॥ ८८ ॥ आभोइत्ताण नीसेसं, अङ्यारं जहक्कमं । गमणागमणे चेव, भत्तपाणे व संजए ॥ ८९ ॥ उज्जुपन्नो अणुव्विग्गो, अव्विक्खत्तेण चेयसा । आलोए गुरुसगासे, जं जहा गहियं

१ बहुअद्विअं=बहुगद्वियं-गद्विया 'गुठली' ति भासाए, बहुईओ गद्वियाओ ठियाओ जिम्म तं व ०,गकारयकारलोवो, एवं बहुअद्विअस्स निष्फत्ती । बहुबीयगं ति अट्ठो । अहवा बहुअद्विअं=बहुअ+द्विअं=बहुअहुअं=बहुअं=वहुयाई बीयाई ठियाई जंसि तं तारिसं फलं । २ पुग्गलं=प+ उग्गलं-पगरिसेण उग्गलणारिहं-पक्खेवणजुग्गं विज्ञाए जंसि तं तारिसं फलविसेसं । ३ अणिमसं ति वा अणण्णासं ति वा एगद्वा । ४ पणसफलाइयं । ५ अगत्थियस्क्खफलं, अगत्थियस्सऽज्झाहारो अत्थियं । ६ सिद्धी जहा हेट्ठा, णवरं लिंगभेओ पाइयत्तणओ ।

भवे ॥ ९० ॥ न सम्ममालोइयं हुजा, पुर्लिंव पच्छा व जं कडं । पुणो पिडिक्कमे तस्स, वोसट्ठो चिंतए इमं ॥ ९२ ॥ अहो जिणेहिऽसावजा, वित्ती साहूण देसिया । मुक्ख-साहणहेउस्स, साहुदेहस्स धारणा ॥ ९२ ॥ नमुकारेण पारिता, करित्ता जिणसंथवं । सज्झायं पट्टवित्ताणं, वीसमेज खणं मुणी ॥ ९३ ॥ वीसमंतो इमं चिंते, हियमट्टं लाभमिट्ठओ । जह मे अणुग्गहं कुजा, साहू हुजामि तारिओ ॥ ९४ ॥ साहवो तो चियत्तेणं, निमंतिज जहकमं । जह तत्थ केह इच्छिजा, तेहिं सिद्धं तु मुंजए ॥ ९५ ॥ अह कोइ न इच्छिजा, तओ मुंजिज एगओ । आलोए भायणे साहू, जयं अपरि-साडियं ॥ ९६ ॥ तित्तगं व कहुयं व कसायं, अंबिलं व महुरं लवणं वा । एयलद्ध-मज्ञत्थपउत्तं, महुघयं व मुंजिज संजए ॥ ९७ ॥ अरसं विरसं वावि, सह्इयं वा अस्हूयं । उहं वा जह वा सुक्कं, मंथकुम्मासभोयणं ॥ ९८ ॥ उप्पन्नं नाइहीलिजा, अप्पं वा बहु फासुयं । मुहालद्धं मुहाजीवी, मुंजिजा दोसवज्जियं ॥ ९९ ॥ दुह्रहा उ मुहादाई, मुहाजीवी वि दुह्रहा । मुहादाई मुहाजीवी, दो वि गच्छंति सुग्गई ॥ ९०० ॥ ति-बेमि ॥ इति पिंडेसणाए पढमो उद्देसो समत्तो ॥ ५-१ ॥

——्रक्च अह पिंडेसणाए बीओ उद्देसो

पिडिग्गहं संलिहित्ताणं, लेवमायाइ संजए। दुगंधं वा सुगंधं वा, सव्वं भुंजे न छड्डए॥ १॥ सेजा निसीहियाए, समावन्नो य गोयरे। अयावयद्वा भुचाणं, जइ तेणं न संथरे॥ २॥ तओ कारणसमुप्पन्ने, भत्तपाणं गवेसए। विहिणा पुव्वउत्तेणं, इमेणं उत्तरेण य॥ ३॥ कालेण निक्खमे भिक्ख्, कालेण य पिडिक्कमे। अकाले च विविज्ञित्ता, काले कालं समायरे ॥ ४॥ "अकाले चरिस भिक्ख्, कालं न पिडिलेहिस। अप्पाणं च किलामेसि, सिन्नवेसं च गरिहिसि"॥ ५॥ सइ काले चरे भिक्ख्, कुज्जा पुरिसकारियं। "अलाभो" ति न सोइज्जा, "तवो" ति अहियासए॥ ६॥ तहेनुच्चावया पाणा, भत्तद्वाए समागया। तं उज्जुयं न गच्छिज्जा, जयमेव परक्कमे॥ ७॥ गोयरग्गपविद्वो य, न निसीइज्ज कत्थइ। कहं च न पवंधिज्जा, चिडित्ताण व संजए॥ ८॥ अग्गलं फिलहं दारं, कवाडं वावि संजए। अवलंबिया न चिडिज्जा, गोयरग्गओ मुणी॥ ९॥ समणं माहणं वावि, किविणं वा वणीमगं। उवसंकमंतं भत्तद्वा, पाणद्वाए व संजए॥ १०॥ तं अइक्कमित्तु न पविसे, न चिडे चक्ख्योयरे। एगंतमवक्कमित्ता, तत्थ चिडिज्ज संजए॥ १९॥ वणीमगस्स वा तस्स, दायगस्सुभयस्स वा। अप्पत्तियं सिया हुज्जा, लहुत्तं पवयणस्स वा॥ १२॥

पडिसेहिए व दिन्ने वा. तओ तम्मि नियत्तिए । उवसंकिमिज भत्तहा, पाणहाए व संजए ॥ १३ ॥ उप्पलं पडमं वावि, कुस्यं वा मगदंतियं । अन्नं वा पुप्फसिचतं, तं च संळुंचिया दए ॥ १४ ॥ तं भवे भत्तपाणं तु. संजयाण अकप्पियं । दिंतियं पडियाइक्खे, "न में कप्पइ तारिसं"॥ १५॥ उप्पलं पउमं वावि, कुमुयं वा मगदंतियं । अन्नं वा पुष्फसचितं, तं च संमद्दिया दए ॥ १६ ॥ तं भवे भत्तपाणं तु, संजयाण अकप्पियं । दिंतियं पडियाइक्खे, ''न मे कप्पइ तारिसं" ॥ १७ ॥ साछुयं वा विरालियं, कुसुयं उप्पलनालियं। सुणालियं सासवनालियं, उच्छुखंडं अनिन्बुडं ॥ १८ ॥ तरुणगं वा पवालं, स्क्खस्स तणगस्स वा । अन्नस्स वावि हरियस्स, आमगं परिवज्जए ॥ १९ ॥ तरुणियं वा छिवाडिं, आमियं भज्जियं सई । दिंतियं पडियाइक्खें, "न में कप्पइ तारिसं" ॥ २०॥ तहा कोलमणुस्सिन्नं, वेलुयं कासवनालियं । तिलपप्पडगं नीमं, आमगं परिवज्जए ॥ २१ ॥ तहेव चाउलं पिट्टं, वियडं वा तत्तनिब्बुडं । तिल्पिट्टपूड्पिण्णागं, आमगं परिवज्जए ॥ २२ ॥ कविद्वं माउलिंगं च, मूलगं मूलगत्तियं । आमं असत्थपरिणयं, मणसा वि न पत्थए ॥ २३ ॥ तहेव फलमंथूणि, वीयमंथूणि जाणिया । बिहेलगं पियालं च, आमगं परिवज्जए ॥ २४ ॥ समुयाणं चरे भिक्ख्, कुलं उच्चावयं सया । नीयं कुलमइ-कम्म, ऊसढं नाभिधारए ॥ २५॥ अदीणो वित्तिमेसिज्जा, न विसीएजा पंडिए। अमुच्छिओ मोयणिम्म, मायन्ने एसणारए॥ २६॥ बहुं परघरे अत्थि, विविहं खाइमसाइमं । न तत्थ पंडिओ कुप्पे, इच्छा दिज्ज परो न वा ॥ २७ ॥ सयणा-सणवत्थं वा, भत्तं पाणं च संजए । अदिंतस्स न कुप्पिजा, पच्चक्खे वि य दीसओ ॥ २८ ॥ इत्थियं पुरिसं वावि, डहरं वा महक्रगं । वंदमाणं न जाइजा, नो य णं फरुसं वए ॥ २९ ॥ जे न वंदे न से कुप्पे, वंदिओ न समुक्क्से । एवमन्नेसमाणस्स, सामण्णमणुचिट्टइ ॥ ३० ॥ सिया एगइओ लद्धुं, लोभेण विणिगृहइ । "मामेयं दाइयं संतं, दट्टूणं सयमायए'' ॥ ३१ ॥ अत्तट्ठा गुरुओ छद्धो, बहुं पावं पकुव्वइ । दुत्तोसओ य से होइ, निव्वाणं च न गच्छइ ॥ ३२ ॥ सिया एगईओ लखुं, विविहं पाणभोयणं । भद्दं भद्दं भोचा, विवण्णं विरसमाहरे ॥ ३३ ॥ जाणंतु ता इमे समणा, ''आययद्वी अयं मुणी । संतुद्वो सेवए पंतं, ल्रह्वित्ती स्रतोसओ'' ॥ ३४ ॥ पूर्यणट्टा जसोकामी, माणसंमाणकामए। वहुं पसवई पावं, माथासछं च कुव्वइ ॥ ३५ ॥ सुरं वा मेरगं वावि, अन्नं वा मर्ज्जगं रसं । ससक्खं न पिबे भिक्खू, जसं सारक्खमप्पणो ॥ ३६ ॥ पियए एगओ तेणो, "न मे कोइ वियाणइ"। तस्स परसह दोसाइं, नियडिं च सुणेह मे ॥ ३७ ॥ वहृह सुंडिया तस्स, मायामोसं

च भिक्खणो । अयसो य अनिव्वाणं, सययं च असाहुया ॥ ३८ ॥ निच्चवित्रगो जहा तेणो, अत्तकम्मेहिं दुम्मई । तारिसो मरणंते वि, नाराहेइ संवरं ॥ ३९ ॥ आयरिए नाराहेइ, समणे यावि तारिसो । गिहत्था वि णं गरिहंति, जेण जाणंति तारिसं ॥ ४० ॥ एवं तु अगुणप्पेही, गुणाणं च विवजाए । तारिसो मरणंते वि. नाराहेइ संवरं ॥ ४१ ॥ तवं कुव्वइ मेहावी, पणीयं वजाए रसं । मजाप्पमाय-विरओ. तवस्सी अइउक्कसो ॥ ४२ ॥ तस्स परसह कल्लाणं, अणेगसाहपूर्यं । विउलं अत्थसंज्ञतं. कित्तइस्सं सुणेह मे ॥ ४३ ॥ एवं तु गुणप्पेही, अगुणाणं च विवज्जए । तारिसो मरणंते वि, आराहेइ संवरं ॥ ४४ ॥ आयरिए आराहेइ, समणे यावि तारिसो । गिहत्था वि णं पूर्यति, जेण जाणंति तारिसं ॥ ४५ ॥ तवतेणे वयतेणे. ह्वतेणे य जे नरे । आयारभावतेणे य, कुव्वइ देविकव्विसं ॥ ४६ ॥ लद्धण वि देवत्तं, उववन्नो देविकिव्विसे। तत्थावि से न याणाइ, ''किं मे किचा इमं फलं ?'' ॥ ४७ ॥ तत्तो वि से चइत्ताणं, लब्भइ एलमूयगं। नरगं तिरिक्खजोणि वा. बोही जत्थ सुदुल्लहा ॥ ४८ ॥ एयं च दोसं दृहुणं, नायपुत्तेण भासियं । अणुमायं पि मेहावी, मायामोसं विवजाए॥ ४९॥ सिक्खिऊण भिक्खेसणसोहिं, संजयाण बुद्धाण सगासे । तत्थ भिक्ख सुप्पणिहिंदिए, तिव्वलज्जगुणवं विहारेजासि ॥ ५० ॥ त्ति-बेमि ॥ इति पिंडेसणाए बीओ उद्देसो समत्तो ॥ ५-२ ॥ इति र्पिडेसणा णामं पंचममज्झयणं समत्तं ॥ ५॥

@(**@**)@@

अह महस्त्रियायारकहा(धम्मत्थकाम)णामं छट्टमज्झयणं

नाणदंसणसंपन्नं, संजमे य तवे रयं। गणिमागमसंपन्नं, उज्जाणिम्म समोसढं ॥ १॥ रायाणो रायमचा य, माहणा अदुव खत्तिया। पुच्छंति निहुयपाणो, कहं मे आयारगोयरो १॥ २॥ तेसिं सो निहुओ दंतो, सन्वभूयमुहावहो। सिक्खाए मुसमाउत्तो, आयक्खइ वियक्खणो ॥ ३॥ हंदि धम्मत्यकामाणं, निग्गंथाणं मुणेह मे । आयारगोयरं भीमं, सयलं दुरिहिट्ठियं ॥ ४॥ नन्नत्थ एरिसं दुत्तं, जं लोए परमदुचरं। विउल्हाणभाइस्स, न भूयं न भविस्सई ॥ ५ ॥ सखुइगवियत्ताणं, वाहियाणं च ने गुणा। अखंडफुडिया कायन्वा, तं मुणेह जहा तहा ॥ ६ ॥ दस अद्व य ठाणाई, जाई बालोऽवरज्झइ। तत्थ अण्णयरे ठाणे, निग्गंथत्ताओ भस्सइ॥ ७॥ वयर्छकं कार्येछकं, अकप्पो गिहिभायणं। पिल्यंक निसिजा य,

सिणाणं सोहवजाणं ॥ ८ ॥ (१) तित्थमं पढमं ठाणं, महावीरेण देसियं । अहिंसा निउणा दिहा, सन्वभूएसु संजमो ॥ ९ ॥ जावंति लोए पाणा, तसा अदव थावरा । ते जाणमजाणं वा. न हणे नो वि घायए॥ १०॥ सब्वे जीवा वि इच्छंति, जीविडं न मरिजिडं । तम्हा पाणिवहं घोरं, निग्गंथा वज्जयंति णं ॥ १९॥ (२) अप्पणद्वा परहावा, कोहा वा जइ वा भया। हिंसगं न मुसं वया, नो वि अन्नं वयावए ॥ १२ ॥ मुसावाओ य लोगंमि, सन्वसाहृहिं गरिहिओ । अविस्सासो य भूयाणं, तम्हा मोसं विवजाए ॥ १३ ॥ (३) चित्तमंतमचित्तं वा, अप्पं वा जइ वा वहुं । दंतसोहणमित्तं पि, उग्गहंसि अजाइया ॥ १४ ॥ तं अप्पणा न गिण्हंति, नो वि गिण्हावए परं । अन्नं वा गिण्हमाणं पि, नाणुजाणंति संजया ॥ १५॥ (४) अवंभचारेयं घोरं, पमायं दुरहिहियं । नायरंति मुणी लोए, भेयाययणविज्ञणो ॥ १६ ॥ मूलमेयमहम्मस्स, महादोससमुस्सयं । तम्हा मेहणसंसग्गं, निग्गंथा वज्जयंति णं ॥ १७ ॥ (५) विडसुङमेईमं लोणं, तिल्लं सप्पिं च फाणियं । न ते सन्निहिमिच्छंति, नायपुत्तवओरया ॥ १८ ॥ लोहस्सेस अणुष्कासे, मन्ने अन्नय-रामिव । जे सिया सिन्नहीकामे, गिही पव्वइए न से ॥ १९ ॥ जं पि वत्थं व पायं वा, कंबलं पायपुंछणं । तं पि संजमलजहा, धारंति परिहरंति य ॥ २० ॥ न सो परिग्गहो वृत्तो, नायपुत्तेण ताइणा । "मुच्छा परिग्गहो वृत्तो", इइ वृत्तं महेसिणा ॥ २१ ॥ सन्वत्थुवहिणा बुद्धा, संरक्खणपरिग्गहे । अवि अप्पणो वि देहंमि. नायरंति ममाइयं ॥ २२ ॥ (६) अहो निचं तवोकम्मं, सव्वव्येढेहिं विष्णयं । जा य ळजासमा वित्ती, एगभत्तं च भोयणं ॥ २३ ॥ संतिमे सहमा पाणा, तसा अदव थावरा । जाइं राओ अपासंतो, कहमेसणियं चरे ॥ २४ ॥ उदउहं बीयसंसत्तं. पाणा निव्विडिया मिहें । दिया ताइं विविज्ञिजा, राओ तत्थ कहं चरे ॥ २५॥ एयं च दोसं दहुणं, नायपुत्तेण भासियं । सन्वाहारं न भुंजंति, निग्गंथा राइभोयणं ॥ २६ ॥ (१) पुढविकायं न हिंसंति, मणसा वयसा कायसा । तिविहेण करणजो-एण, संजया सुसमाहिया ॥ २७ ॥ पुढविकायं विहिंसंतो, हिंसई उ तयस्सिए । तसे य विविहे पाणे, चक्खुसे य अचक्खुसे ॥ २८ ॥ तम्हा एयं वियाणिता, दोसं दुरगद्वहूणं । पुढविकायसमारंमं, जावजीवाए वजाए ॥ २९ ॥ (२) आउकायं न हिंसंति. मणसा वयसा कायसा । तिविहेण करणजोएण, संजया सुसमाहिया ॥ ३० ॥ आउकायं विहिंसंतो, हिंसई उ तयस्सिए । तसे य विविहे पाणे. चक्खसे य अचक्खुसे ॥ ३१ ॥ तम्हा एयं वियाणिता, दोसं दुगगइवहूणं । आउकायसमा-

१ फासुयं।

६१ सुत्ता०

रंभं, जावजीवाए वजाए ॥ ३२ ॥ (३) जायतेयं न इच्छंति, पावगं जलइत्तए । तिक्खमन्नयरं सत्थं, सन्वओ वि दुरासयं ॥ ३३ ॥ पाईणं पिडणं वावि, उन्ने अणुदिसामवि । अहे दाहिणओ वावि, दहे उत्तरओ वि य ॥ ३४ ॥ भूयाण-मेसमाघाओ, हव्ववाहो न संसओ । तं पईवपयावहा, संजया किंचि नारभे ॥ ३५ ॥ तम्हा एयं वियाणिता, दोसं दुग्गइवहृणं । तेउकायसमारंभं, जावजीवाए वजाए ॥ ३६ ॥ (४) अणिलस्स समारंभं, बुद्धा मन्नति तारिसं । सावजावहुलं चेयं, नेयं ताईहिं सेवियं ॥ ३७ ॥ तालियंटेण पत्तेण, साहाविहयणेण वा । न ते वीइडिमिच्छंति, वीयावेऊण वा परं ॥ ३८॥ जंपि वत्थं व पायं वा, कंबलं पायपुंछणं । न ते वायमुईरंति, जयं परिहरंति य ॥ ३९ ॥ तम्हा एयं वियाणिता, दोसं दुग्गइवहूणं। वाउकायसमारंभं, जावजीवाए वजाए ॥ ४० ॥ (५) वणस्सइं न हिंसंति, मणसा वयसा कायसा । तिविहेण करणजोएण, संजया सुसमाहिया ॥ ४१ ॥ वणस्सइं विहिंसंतो, हिंसई उ तयस्सिए । तसे य विविहे पाणे, चक्खुसे य अचक्खुसे ॥ ४२ ॥ तम्हा एयं वियाणिता, दोसं दुग्गइवहूणं । वणस्सइ-समारंभं, जावजीवाए वजाए ॥ ४३ ॥ (६-१२) तसकायं न हिंसंति, मणसा वयसा कायसा । तिविहेण करणजोएण, संजया सुसमाहिया ॥ ४४ ॥ तसकायं विहिंसंतो, हिंसई उ तयस्सिए। तसे य विविहे पाणे, चक्खुसे य अचक्खुसे ॥ ४५ ॥ तम्हा एयं वियाणिता, दोसं दुग्गइवङ्गणं । तसकायसमारंभं, जावजीवाए वजाए ॥ ४६॥ (१३) जाइं चत्तारिऽभुजाइं, इसिणाहारमाइणि । ताइं तु विवज्जंतो, संजमं अणुपालए ॥ ४७ ॥ पिंडं सिजां च वत्थं च, चउत्थं पायमेव य । अकप्पियं न इच्छिजा, पडिगाहिज किपयं ॥ ४८ ॥ जे नियागं ममायंति, कीयमुद्देसियाहडं । वहं ते समणुजाणंति, इइ वृत्तं महेसिणा ॥ ४९ ॥ तम्हा असणपाणाइं, कीयमुहे-सियाहर्डं । वज्जयंति ठियप्पाणो, निग्गंथा धम्मजीविणो ॥ ५० ॥ (१४) कंसेसु कंसपाएस, कुंडमोएस वा पुणो। भुंजंतो असणपाणाई, आयारा परिभस्सइ॥ ५१॥ सीओदगसमारंभे, मत्तधोयणछङ्गणे। जाइं छंनंति भूयाइं, दिह्रो तत्य असंजमो ॥ ५२ ॥ पच्छाकम्मं पुरेकम्मं, सिया तत्थ न कप्पइ । एयमट्टं न भुंजंति, निग्गंथा गिहिभायणे ॥ ५३॥ (१५) आसंदीपलियंकेस्र, मंचमासालएस्र वा । अणायरि-यमजाणं, आसइत्तु सइत्तु वा ॥ ५४ ॥ नासंदीपितयंकेस, न निसिज्जा न पीढए । निग्गंथाऽपिकलेहाए, बुद्धवृत्तमिहिहुगा ॥ ५५ ॥ गंभीरिविजया एए, पाणा दुप्पिडि-ल्रेहगा। आसंदी-पलियंको य, एयमट्टं विवज्जिया॥ ५६॥ (१६) गोयरग्गपविट्ठस्स, निसिजा जस्स कप्पइ। इमेरिसमणायारं, आवज्जइ अबोहियं ॥ ५० ॥ विवत्ती बंभचेरस्स, पाणाणं च वहे वहो। वणीमगपडिग्घाओ, पडिकोहो अगारिणं॥ ५८॥ अगुत्ती वंभचेरस्स, इत्थीओ वावि संकणं। क्रसीलवृह्गणं ठाणं, दूरओ परिवज्जए ॥ ५९ ॥ तिण्हमन्त्रयरागस्स. निसिज्जा जस्स कप्पइ । जराए अभिभूयस्सै, वाहियैस्स तवस्सिणो ॥ ६० ॥ (१७) वाहिओ वा अरोगी वा, सिणाणं जो उ पत्थए। वकंतो होइ आयारो. जहाे हवइ संजमो ॥ ६१ ॥ संतिमे सहमा पाणा, घसासु भिलगासु य । जे य भिक्खू सिणायंतो, वियडेणुप्पिलावए ॥ ६२ ॥ तम्हा ते न सिणायंति, सीएण उसिणेण वा । जावजीवं वयं घोरं, असिणाणमहिह्नगा ॥ ६३ ॥ सिणाणं अदुवा ककं. लोढ़ं पर मगाणि य । गायस्तव्वदृणद्राए. नायरंति कयाइ वि ॥ ६४ ॥ (१८) नगिणस्स वावि मुंडस्स, दीहरोमनहंसिणो । मेहुणा उवसंतस्स किं विभूसाए कारियं ॥ ६५ ॥ विभूसावत्तियं भिक्खु, कम्मं बंधइ चिक्कणं । संसारसायरे घोरे, जेणं पडइ दुरुत्तरे ॥ ६६ ॥ विभूसावत्तियं चेयं, बुद्धा मन्नेति तारिसं । सावज्जबहुलं चेयं, नेयं ताईहिं सेवियं ॥ ६० ॥ खवेंति अप्पाणममोह-दंसिणो, तवे रया संजमअज्जवे गुणे । धुणंति पावाई पुरेकडाई, नवाई पावाई न ते करेंति ॥ ६८ ॥ सओवसंता अममा अकिंचणा, सविज्ञविज्ञाणुगया जसंसिणो । उउप्पसन्ने विमले व चंदिमा, सिद्धि विमाणाई उवेंति ताइणो ॥ ६९ ॥ त्ति-बेमि ॥ इति महल्लियायारकहा णामं छद्रमञ्झयणं समत्तं ॥ ६॥

و المالية المالية

अह सुवक्कसुद्धी णामं सत्तममज्झयणं

चउण्हं खल भासाणं, परिसंखाय पन्नवं । दुण्हं तु विणयं सिक्खे, दो न भासिज सव्वसो ॥ १ ॥ जा य सच्चा अवत्तव्वा, सच्चामोसा य जा मुसा । जा य बुद्धेहि-ऽणाइण्णा, न तं भासिज पन्नवं ॥ २ ॥ असचमोसं सचं च, अणवजमककसं । समुप्पेहमसंदिद्धं, गिरं भासिज पन्नवं ॥ ३ ॥ एयं च अट्टमन्नं वा, जं तु नामेइ सासयं। स भासं सच्चमोसं च, तं पि धीरो विवजाए ॥ ४ ॥ वितहं पि तहामुत्तिं, जं गिरं भासए नरो। तम्हा सो पुट्ठो पावेणं, किं पुण जो सुसं वए ॥ ५॥ तम्हा ''गच्छामो वक्खामो, अमुगं वा णे भविस्सइ । अहं वा णं करिस्सामि, एसो वा णं करिस्सइ''॥ ६॥ एवमाइ उ जा भासा, एसकालम्मि संकिया। संपयाईयमद्रे वा, तं पि धीरो विवजाए ॥ ७ ॥ अईयम्मि य कालम्मि, पञ्चपत्रमणागए । जमहं तु न जाणिजा, ''एवमेयं'' ति नो वए ॥ ८ ॥ अईयम्मि य कालम्मि, पच्चुप्पन्नमणा-गए। जत्थ संका भवे तं त. "एवमेयं" ति नो वए॥ ९॥ अईयम्मि य कालिम्म, पच्चपन्नमणागए । निस्संकियं भवे जं तु, "एवमेयं" ति निह्सि ॥ १० ॥ तहेव फरुसा भासा, गुरुभूओवचाइणी । सच्चा वि सा न वत्तव्वा, जओ पावस्स आगमो ॥ ११॥ तहेव काणं "काणे" त्ति, पंडगं "पंडगे" ति वा। वाहियं वावि "रोगि" त्ति, तेणं "चोरे" ति नो वए ॥ १२ ॥ एएणन्नेण अट्ठेण, परो जेणुवहम्मइ । आया-रभावदोसन्, न तं भासिज पन्नवं ॥ १३ ॥ तहेव ''होले'' ''गोलि'' त्ति, ''साणे'' वा ''वसुले'' ति य । ''दमए'' ''दुहए'' वावि, न तं भासिज पन्नवं ॥ १४ ॥ अजिए पिजए वावि, अम्मो माउसियत्ति य । पिउसिए भाइणिजित्ति, धूए नत्त-णियत्ति य ॥ १५ ॥ हले हले ति अशे ति, भट्टे सामिणि गोमिणि । होले गोले वसुले त्ति, इत्थियं नेवमालवे ॥ १६ ॥ नामधिजेण णं बूया, इत्थीगुत्तेण वा पुणो । जहा-रिहमभिगिज्झ, आलविज लविज वा ॥ १७ ॥ अजए पजए वावि, बप्पो चुछपिउ-त्ति य । माउलो भाइणिजात्ति, पुत्ते नतुणियत्ति य ॥ १८ ॥ हे हो हलित्ति अन्नि-त्ति, भट्टा सामिय गोमिय । होल गोल वसुलित्ति, पुरिसं नेवमालवे ॥ १९ ॥ नाम-धिजेण णं बूया, पुरिसगुत्तेण वा पुणो । जहारिहमभिगिज्झ, आलविज्ज लविज्ज वा ॥ २०॥ पंचिंदियाण पाणाणं, "एस इतथी अयं पुमं"। जाव णं न विजाणिजा, ताव जाइत्ति आलवे ॥ २१ ॥ तहेव माणुसं पसुं, पिक्कि वावि सरीसिवं। ''थूले पमेइले वज्झे, पायिम" ति य नो वए ॥ २२ ॥ परिवृद्धत्ति णं वृया, वृया उविचए त्ति य। संजाए पीणिए वावि, महाकायत्ति आलवे ॥ २३॥ तहेव गाओ दुज्झाओ, दम्मा गोरहगत्ति य। वाहिमा रहजोग्गत्ति, नेवं भासिज पन्नवं ॥ २४॥ जुवं गवि-त्ति णं ब्रया. घेणं रसदयत्ति य । रहस्से महळ्ए वावि. वए संवहणित्ति य ॥ २५ ॥ तहेव गंतुमुजाणं, पव्वयाणि वणाणि य । रुक्खा महल्ल पेहाए, नेवं भासिजा पन्नवं ॥ २६ ॥ अलं पासायखंभाणं, तोरणाणि गिहाणि य । फलिहुग्गलनावाणं, अलं उद-गदोणिणं ॥ २७ ॥ पीढए चंगबेरे य, नंगले मझ्यं सिया । जंतलद्वी व नाभी वा, गंडिया व अलं सिया ॥ २८ ॥ आसणं सयणं जाणं, हुज्जा वा किंचुवस्सए । भूओ-वघाइणि भासं, नेवं भासिज पन्नवं ॥ २९ ॥ तहेव गंतुमुज्जाणं, पव्वयाणि वणाणि य । रुक्खा महल्ल पेहाए, एवं भासिज पन्नवं ॥ ३० ॥ जाइमंता इमे रुक्खा, दीहवट्टा महालया । पयायसाला विडिमा, वए दरिसणित्ति य ॥ ३१ ॥ तहा फलाई पक्काई. पायखजाईं नो वए। वेलोइयाइं टालाईं, वेहिमाइं ति नो वए॥ ३२॥ असंथडा इमे अंबा, बहुनिव्विडिमा फला। वइज बहुसंभूया, भूयरूवित्त वा पुणो ॥ ३३ ॥ तहेवो-सहीओ पक्काओ, नीलियाओ छवी इ य । लाइमा भिजमाउत्ति, पिहखजित्ति नो वए ॥ ३४ ॥ रूढा बहुसंभ्या, थिरा ऊसढा वि य । गब्भियाओ पस्याओ, संसाराउ- त्ति आलवे ॥ ३५ ॥ तहेव संखिंड नचा. किचं कर्ज ति नो वए । तेणगं वावि विज्ञित्ति, सुतित्थित्ति य आवगा ॥ ३६ ॥ संखिं संखिं वया, पणियद्वति तेणगं । बहुसमाणि तित्थाणि, आवगाणं वियागरे ॥ ३०॥ तहा नईओ पुण्णाओ, कायतिजत्ति नो वए । नावाहिं तारिमाउत्ति, पाणिपिजात्ति नो वए ॥ ३८ ॥ बहुवाहुडा अगाहा, बहुसिलिङुप्पिलोदगा । बहुवित्थडोदगा यावि, एवं भासिज्ज पन्नवं ॥ ३९ ॥ तहेव सावजं जोगं, परस्तहाए निहियं। कीरमाणं ति वा नचा, सावजं नालवे मणी ॥ ४० ॥ सुकडित्ति सुपिकत्ति, सुच्छिन्ने सहडे मडे । सुनिद्रिए सुलद्वित्ति, सावजं वजाए मुणी ॥ ४२ ॥ पयत्तपक्कत्ति व पक्कमालवे, पयत्तछिन्नति व छिन्नमालवे । पयत्त-लिंदित्ति व कम्महेउयं, पहारगाढति व गाढमालवे ॥ ४२ ॥ सन्वक्कसं परग्धं वा. अडलं नित्थ एरिसं। अविक्रियमवत्तव्वं, अचियत्तं चेव नो वए॥ ४३॥ "सव्वमेयं वइस्सामि, सन्वमेयं" ति नो वए । अणुवीइ सन्वं सन्वत्थ, एवं भासिज पन्नवं ॥ ४४ ॥ सुक्रीयं वा सुविक्कीयं, अकिजं किजामेव वा । ''इमं गिण्ह इमं मुंच, पणियं'' नो वियागरे ॥ ४५ ॥ अप्पाघे वा महाघे वा, कए वा विकाए वि वा। पणियहे समु-प्पन्ने, अणवज्जं वियागरे ॥ ४६ ॥ तहेवासंजयं धीरो, "आस एहि करेहि वा। सयं चिट्ठ वयाहि" ति. नेवं भासिज पन्नवं ॥ ४७ ॥ बहवे इमे असाह . लोए वचंति साहुणो । न लवे असाहुं साहुत्ति, साहुं साहुत्ति आलवे ॥ ४८ ॥ नाणदंसणसंपन्नं, संजमे य तवे रयं। एवं गुणसमाउत्तं, संजयं साहुमाठवे॥ ४९॥ देवाणं मणुयाणं च, तिरियाणं च वुग्गहे । असुगाणं जओ होउ, मा वा होउ ति नो वए ॥ ५०॥ वाओ वहं व सीउण्हं, खेमं धायं सिवं ति वा । कया णु हुज्ज एयाणि, मा वा होउ त्ति नो वए ॥ ५१ ॥ तहेव मेहं व णहं व माणवं, न देव देवत्ति गिरं वइजा । संमु-च्छिए उन्नए वा पओए, वड्ज वा वृद्घ बलाहयत्ति ॥ ५२ ॥ अंतलिक्खत्ति णं बूया, गुज्झाणुचरियत्ति य । रिद्धिमंतं नरं दिस्स, रिद्धिमंतं ति आलवे ॥ ५३ ॥ तहेव साव-जणुमोयणी गिरा, ओहारिणी जा य परोवघाइणी । से कोहलोहभयहासमाणओ, न हासमाणो वि गिरं वइजा ॥ ५४ ॥ सुवक्तसुद्धिं समुपेहिया मुणी, गिरं च दुहुं परि-वज्जए सया । मित्रं अदुट्टं अणुवीइ भासए, सयाण मज्झे लहुई पसंसणं ॥ ५५ ॥ भासाइ दोसे य गुणे य जाणिया, तीसे य दुहे परिवज्जए सया । छसु संजए सामणिए सया जए, वर्ज बुद्धे हियमाणुलोमियं ॥ ५६॥ परिक्खभासी सुसमाहिइंदिए, चउक्क-सायावगए अणिस्सिए। स निद्धुणे धुन्नमलं पुरेकडं, आराहए लोगमिणं तहा परं॥ ५०॥ ति-वेमि ॥ इति सवकसदी णामं सत्तममज्झयणं समत्तं ॥ ७ ॥

अह आयारपणिही णामं अद्वममज्झयणं

आयारपणिहिं ठद्धं, जहा कायव्व भिक्खुणा । तं भे उदाहरिस्सामि, आणुपृव्वि सुणेह मे ॥ १ ॥ पुढविद्गअगणिमास्य, तणस्क्खसबीयगा । तसा य पाणा जीव-त्ति, इइ वृत्तं महेसिणा ॥ २ ॥ तेसिं अच्छणजोएण, निचं होयव्वयं सिया । मणसा काय वक्केण, एवं हवइ संजए॥ ३॥ पुढविं भित्तिं सिलं छेलुं, नेव भिंदे न संलिहे। तिविहेण करणजोएण, संजए सुसमाहिए॥ ४॥ सुद्धपुढविं न निसीए, ससरक्खम्मि य आसणे । पमज्जितु निसीइजा, जाइत्ता जस्स उग्गहं ॥ ५ ॥ सीओदगं न सेविज्जा. सिलावुद्रं हिमाणि य । उसिणोद्गं तत्तफासुयं, पिडगाहिज संजए ॥ ६ ॥ उद्उल्लं अप्पणो कार्य, नेव पुंछे न संलिहे। समुप्पेह तहाभूयं, नो णं संघट्टए मुणी।। ७॥ इंगालं अगणि अचिं, अलायं वा सजोइयं। न उंजिज्जा न घट्टिजा, नो णं निव्यावए मुणी ॥ ८ ॥ तालियंटेण पत्तेण, साहाए विह्नयणेण वा । न वीइज अप्पणो कायं, बाहिरं वावि पुग्गलं ॥ ९ ॥ तणस्वखं न छिंदिजा, फलं मूलं च कस्सइ । आमर्ग विविहं बीयं, मणसा वि न पत्थए ॥ १० ॥ गहणेसु न चिट्ठिजा, वीएसु हारिएस वा । उदगंमि तहा निचं, उत्तिंगपणगेस वा ॥ ११ ॥ तसे पाणे न हिंसिजा, वाया अदुव कम्मुणा । उवरओ सन्वभूएस, पासेज्ज विविहं जगं ॥ १२ ॥ अद्व सुहमाइं पेहाए, जाई जाणितु संजए । दयाहिगारी भूएस, आस चिट्ठ सएहि वा ॥ १३ ॥ कयराइं अद्घ सहुमाइं ?, जाइं पुच्छिज संजए। इमाइं ताइं मेहावी, आइक्खिज वियक्खणो ॥ १४ ॥ सिणेहं पुष्फसहुमं च, पाणुतिंगं तहेव य। पणगं वीय हरियं च, अंडर्सुह्मं च अहमं ॥ १५ ॥ एवमेयाणि जाणिता, सन्वभावेण संजए । अप्पमत्तो जए निचं, सिंवदियसमाहिए ॥ १६ ॥ धुवं च पिडलेहिजा, जोगसा पायकंवलं । सिजामुचारभूमिं च, संथारं अदुवासणं ॥ १७ ॥ उचारं पासवणं, खेलं सिंघाण-जिल्ल्यं । फासुर्यं पिडल्रेहित्ता, परिद्वाविज्ज संजए ॥ १८॥ पविसित्तु परागारं, पाणद्वा भोयणस्स वा । जयं चिट्ठे मियं भासे, न य रूवेस मणं करे ॥ १९ ॥ बहुं सुणेइ कण्णेहिं, बहं अच्छीहिं पिच्छइ । न य दिष्टं सुयं सन्वं, भिक्खू अक्खाउमरिहइ ।। २० ॥ सुर्यं वा जइ वा दिद्धं, न लविज्जोवघाइयं । न य केण उवाएणं, गिहिजोगं समायरे ॥ २१ ॥ निद्वाणं रसनिज्जूढं, भइगं पावगं ति वा । पुट्टो वावि अपुट्टो वा, लाभालामं न निहिसे ॥ २२ ॥ न य भोयणिमा गिद्धो, चरे उंछं अयंपिरो । अफासुयं न मुंजिजा, कीयमुद्देरियाहडं ॥ २३ ॥ सन्निहिं च न कुव्विजा, अणुमायं पि संजए । मुहाजीवी असंबद्धे, हविज्ञ जगनिस्सिए ॥ २४ ॥ छहवित्ती ससंतुद्धे,

अप्पिच्छे सुहरे सिया । आसुरत्तं न गच्छिजा. सुचा णं जिणसासणं ॥ २५ ॥ कण्णसुक्खेहिं सहेहिं, पेमं नाभिनिवेसए। दारुणं कक्कसं फासं, काएण अहियासए ॥ २६ ॥ खहं पिवासं दुस्सिजं, सीउण्हं अरइं भयं । अहियासे अन्वहिओ, देहदुक्खं महाफलं ॥ २७ ॥ अत्थंगयंमि आइचे, परत्था य अणगण । आहारमाइयं सन्वं, मणसा वि न पत्थए ॥ २८ ॥ अतिंतिणे अचवले, अप्पमासी मियासणे । हविज उयरे दंते. थोवं लद्धं न खिसए ॥ २९॥ न बाहिरं परिभवे, अत्ताणं न समुक्कसे । सुयलाभे न मजिजा, जचा तवस्सिबुद्धिए ॥ ३० ॥ से जाणमजाणं वा, कहु आह-म्मियं पयं । संवरे खिप्पमप्पाणं, बीयं तं न समायरे ॥ ३१ ॥ अणायारं परक्रम्म. नेव गहे न निण्हवे । सुई सया वियडभावे. असंसत्ते जिइंदिए ॥ ३२ ॥ अमोहं वयणं कुजा. आयरियस्स महप्पणो । तं परिगिज्झ वायाए, कम्सुणा उववायए ॥ ३३ ॥ अथवं जीवियं नचा, सिद्धिमगं वियाणिया । विणियहिज भोगेसु, आउं परिमियमप्पणो ॥ ३४ ॥ बलं थामं च पेहाए, सद्धामारूगमप्पणो । खेत्तं कालं च विन्नाय. तहप्पाणं निजुंजए ॥ ३५ ॥ जरा जाव न पीडेइ, वाही जाव न बहुइ । जाविंदिया न हायंति. ताव धम्मं समायरे ॥ ३६ ॥ कोहं माणं च मायं च. लोमं च पाववहूणं । वमे चत्तारि दोसे उ, इच्छंतो हियमप्पणो ॥ ३० ॥ कोहो पीइं पणासेइ, माणो विणयनासणो। माया मित्ताणि नासेइ, लोभो सव्वविणासणो॥ ३८॥ उवसमेण हणे कोहं, माणं मद्दवया जिणे । मायं चज्जवभावेण, लोमं संतोसओ जिणे ॥ ३९ ॥ कोहो य माणो य अणिग्गहीया, माया य लोभो य पवहूमाणा । चत्तारि एए कसिणा कसाया. सिंचंति मूलाई पुणब्भवस्स ॥ ४० ॥ राइणिएसु विणयं पउंजे, ध्रवसीलयं सययं न हावइजा। कुम्मुव्व अल्लीणपलीणगुत्तो, परक्कमिज्जा तवसंजमम्मि ॥ ४१ ॥ निद्दं च न बहु मन्निजा, सप्पहासं विवजाए । मिहो कहाहिं न रमे. सज्झायम्मि रओ सया ॥ ४२ ॥ जोगं च समणधम्मिम्म, जुंजे अणलसो धवं । जत्तो य समणधम्मम्मि, अद्वं लहइ अणुत्तरं ॥ ४३ ॥ इहलोगपारत्तिहयं, जेणं गच्छइ सुगगईं। बहुसुयं पज्जवासिजा, पुच्छिजत्थिविणिच्छयं॥ ४४॥ हत्थं पायं च कायं च, पणिहाय जिइंदिए। अल्लीणगुत्तो निसिए, सगासे गुरुणो मुणी ॥ ४५ ॥ न पक्खओ न पुरओ, नेव किचाण पिद्रओ । न य ऊरं समासिजा. चिद्रिजा गुरुणंतिए ॥ ४६ ॥ अपुच्छिओ न भासिजा. भासमाणस्य अंतरा । पिट्रिमंसं न खाइजा, मायामोसं विवजाए ॥ ४७ ॥ अप्पत्तियं जेण सिया. आस कुप्पिज वा परो । सन्वसो तं न भासिजा, भासं अहियगामिणि ॥ ४८ ॥ दिहं मियं असंदिद्धं, पिडपुण्णं वियं जियं। अयंपिरमणुव्विग्गं, भासं निसिर अत्तवं

॥ ४९ ॥ आयारपन्नतिधरं, दिद्विवायमहिज्जगं । वायविक्खलियं नचा, न तं उवहसे मणी ॥ ५० ॥ नक्खत्तं सुमिणं जोगं. निमित्तं मंत्रभेसजं । गिहिणो तं न आइक्खे. भूयाहिगरणं पर्य ॥ ५१ ॥ अन्नह्रं पगडं लयणं, भइज्ज सयणासणं । उचारभूमि-संपन्नं. इत्थीपसुविविज्ञयं ॥ ५२ ॥ विवित्ता य भवे सिजा, नारीणं न लवे कहं। गिहिसंथवं न कुजा, कुजा साहूहिं संथवं ॥ ५३ ॥ जहा कुकुडपोयस्स, निचं कुललओ भयं । एवं खु बंभयारिस्स, इत्थीविग्गहओ भयं ॥ ५४ ॥ चित्तभित्तिं न निज्झाए. नारिं वा सुअलंकियं । भक्खरं पिव दङ्कूणं, दिद्धिं पडिसमाहरे ॥ ५५ ॥ हत्थपाय-पिंडिच्छिन्नं, कण्णनासिंबिगप्पियं । अवि वाससयं नारिं, वंभयारी विवजाए ॥ ५६ ॥ विभूसा इत्थिसंसग्गो, पणीयरसभोयणं। नरस्सत्तगवेसिस्स, विसं तालउडं जहा ॥ ५७ ॥ अंगपचंगसंठाणं, चारुळवियपेिहयं । इतथीणं तं न निज्झाए, कामराग-विवडूणं ॥ ५८ ॥ विसएस मणुनेस, पेमं नाभिनिवेसए । अणिचं तेसिं विन्नाय, परिणामं पोग्गलाण य ॥ ५९ ॥ पोग्गलाणं परिणामं, तेसिं नचा जहा तहा । विणीयतण्हो विहरे, सीईभूएण अप्पणा ॥ ६०॥ जाइ सद्धाइ निक्खंतो, परियाय-ह्राणमुत्तमं । तमेव अणुपालिजा, गुणे आयरियसम्मए ॥ ६१ ॥ तवं चिमं संजम-जोगयं च. सज्झायजोगं च सया अहिद्वए। सूरे व सेणाइ समत्तमाउहे, अलमप्पणो होइ अलं परेसिं ॥ ६२ ॥ सज्झायसज्झाणरयस्स ताइणो, अपावभावस्स तवे रयस्स । विद्युज्झई जं सि मलं पुरेकडं, समीरियं रूप्पमलं व जोइणा ॥ ६३ ॥ से तारिसे दुक्खसहे जिइंदिए, सुएण जुत्ते अममे अकिंचणे। विरायई कम्मघणिमा अवगए, कसिणब्भपुडावगमे व चंदिमे ॥ ६४ ॥ त्ति-बेमि ॥ इति आयारपणिही णामं अट्रममज्झयणं समत्तं ॥ ८॥

अह विणयसमाही णामं णवममज्झयणं पदमो उद्देसो

थंभा व कोहा व मयप्पमाया, गुरुस्सगासे विणयं न सिक्खे । सो चेव उ तस्स अभूइभावो, फलं व कीयस्स वहाय होइ ॥ १ ॥ जे यावि मंदित्ति गुरुं विइत्ता. डहरे इमे अप्पसुए त्ति नचा । हीलंति मिच्छं पडिवज्जमाणा, करंति आसायणं ते गुरूणं ॥ २ ॥ पगईए मंदा वि भवंति एगे, डहरा वि य जे सुयबुद्धोववेया । आयारमंता गुणसुद्रियप्पा, जे हीलिया सिहिरिव भास कुजा ॥ ३ ॥ जे यावि नागं डहरं ति नचा, आसायए से अहियाय होइ। एवायरियं पि हु हीलयंतो, नियच्छई जाइपहं खु मंदो ॥ ४ ॥ आसीविसो वावि परं सुरुद्रो, किं जीवनासाउ परं नु कुजा। आयरियपाया पुण अप्पसन्ना, अबोहिआसायण निश्य मुक्खो॥ ५॥ जो पावगं जिलयमवक्षमिजा, आसीविसं वावि ह कोवङ्जा। जो वा विसं खायङ जीवियही, एसोवमाऽऽसायणया गुरूणं ॥ ६ ॥ सिया हु से पावय नो डहिजा, आसी-विसो वा कुविओ न भक्खे । सिया विसं हालहलं न मारे, न यावि मुक्खो गुरुही-लणाए ॥ ७ ॥ जो पव्वयं सिरसा भित्तुमिच्छे, सुत्तं व सीहं पडिबोहङ्जा । जो वा दए सत्तिअग्गे पहारं, एसोवमाऽऽसायणया गुरूणं ॥ ८ ॥ सिया ह सीसेण गिरिं पि भिंदे, सिया ह सीहो कुविओ न भक्खे। सिया न भिंदिज व सत्तिअग्गं, न यावि मुक्खो गुरुहीलणाए ॥ ९ ॥ आयरियपाया पुण अप्पसन्ना, अबोहिआसायण नित्थ मुक्खो । तम्हा अणाबाह्मुहाभिकंखी, गुरुपसायाभिमुहो रमिजा ॥ १० ॥ जहा-हिअग्गी जलणं नमंसे, नाणाहुईमंतपयाभिसित्तं । एवायरियं उवचिट्टइजा, अणंत-नाणोवगओ वि संतो ॥ ११ ॥ जस्संतिए धम्मपयाई सिक्खे, तस्संतिए वेणइयं पछंजे । सकारए सिरसा पंजलीओ, कायग्गिरा भो मणसा य निर्चं ॥ १२ ॥ लज्जादयासंज-मबंभचेरं, कल्लाणभागिस्स विसोहिठाणं । जे मे गुरू सययमणुसासयंति, ते हं गुरू सययं पूर्यामि ॥ १३ ॥ जहा निसंते तवणिचमाली, पभासई केवलभारहं तु । एवायरिओ सुयसीलबुद्धिए, विरायई सुरमज्झे व इंदो ॥ १४ ॥ जहा ससी कोसुइ-जोगजुत्तो, नक्खत्ततारागणपरिवृद्धपा। खे सोहई विमले अब्भमुक्के, एवं गणी सोहइ भिक्खमज्झे ॥ १५ ॥ महागरा आयरिया महेसी, समाहिजोगे सुयसीलबुद्धिए। संपाविष्ठकामे अणुत्तराइं आराहए तोसइ धम्मकामी ॥ १६ ॥ सुचाण मेहावि सुभा-सियाइं, मुस्सूसए आयरियऽप्पमत्तो । आराहइत्ताण गुणे अणेगे, सो पावई सिद्धिम-णुत्तरं ॥ १७ ॥ ति-बेमि ॥ इति विणयसमाहिणामणवमज्झयणे पढमो उद्देसो समत्तो ॥ ९-१ ॥

अह णवमज्झयणे बीओ उद्देसो ——ः

मृलांड खंधप्पभवो दुमस्स, खंधांड पच्छा समुविति साहा। साहप्पसाहा विर-हंति पत्ता, तओ सि पुप्फं च फलं रसो य ॥ १ ॥ एवं धम्मस्स विणओ, मूलं परमो से मुक्खो। जेण कित्तिं सुयं सिग्धं, निस्सेसं चाभिगच्छइ ॥ २ ॥ जे य चंडे मिए थद्धे, दुव्वाई नियडी सढे। युज्झइ से अविणीयप्पा, कहुं सोयगयं जहा ॥ ३ ॥ विणयं पि जो उवाएणं, चोइओ कुप्पई नरो । दिव्वं सो सिरिमिज्ञंतिं, दंडेण पिडसेहए ॥ ४॥ तहेव अविणीयप्पा, उववज्झा ह्या गया । दीसंति दुहमेहंता, आभिओगमुवद्विया ॥ ५ ॥ तहेव सुविणीयप्पा, उववज्झा हया गया । दीसंति सहमेहंता, इड्डिं पत्ता महायसा ॥ ६ ॥ तहेव अविणीयप्पा, लोगंसि नर-नारिओ । दीसंति दुहमेहंता, छाया ते विगर्लिदिया ॥ ७ ॥ दंडसत्थपरिजण्णा, असन्भवयणेहि य । क्छणा विवन्नछंदा, खुप्पिवासाइपरिगया ॥ ८ ॥ तहेव सुविणीयप्पा, लोगंसि नरनारिओ । दीसंति सहमेहंता, इड्हिं पत्ता महायसा ॥ ९ ॥ तहेव अविणीयप्पा, देवा जक्खा य गुज्झगा। दीसंति दुहमेहंता, आभिओग-मुबद्धिया ॥ १० ॥ तहेव सुविणीयप्पा, देवा जक्खा य गुज्झगा । दीसंति सुहमेहंता. इड्डिं पत्ता महायसा ॥ ११ ॥ जे आयरियउवज्झायाणं, सुरूससा-वयणंकरा । तेसिं सिक्खा पवडूंति, जलसित्ता इव पायवा ॥ १२ ॥ अप्पणद्वा परहा वा, सिप्पा नेउणियाणि य । गिहिणो उवभोगद्वा, इहलोगस्स कारणा ॥ १३ ॥ जेण बंधं वहं घोरं, परियावं च दारुणं । सिक्खमाणा नियच्छंति, जुता ते लिल्डिंदिया ॥ १४ ॥ ते वि तं गुरुं पूर्यति, तस्स सिप्पस्स कारणा । सक्कारंति णमंसंति, तुद्धा निद्देसवत्तिणो ॥ १५ ॥ किं पुण जे सुयग्गाही, अणंतिहियकामए । आयरिया जं वए भिक्खू, तम्हा तं नाइवत्तए ॥ १६ ॥ नीयं सिक्जं गइं ठाणं, नीयं च आसणाणि य। नीयं च पाए वंदिजा, नीयं कुजा य अंजिलिं॥ १७॥ संघद्दत्ता काएणं, तहा उवहिणामवि। "खमेह अवराहं मे", वड्ज "न पुणु" त्ति य ॥ १८ ॥ दुग्गओ वा पओएणं, चोइओ वहइ रहं । एवं दुबुद्धि किचाणं, वुत्तो वुत्तो पकुन्वइ ॥ १९ ॥ आलवंते लवंते वा, न निसिज्जाए पडिस्सुणे । मुत्तूण आसणं धीरो, सुस्सूसाए पिंडस्सुणे ॥ २०॥ कालं छंदोवयारं च, पिंडलेहित्ताण हेउहिं। तेहिं तेहिं उवाएहिं, तं तं संपडिवायए॥ २१॥ विवत्ती अविणीयस्स. संपत्ती विणियस्स य । जस्सेयं दुहुओ नायं, सिक्खं से अभिगच्छइ ॥ २२ ॥ जे यावि चंडे मइइड्लिगारवे, पिसुणे नरे साहसहीणपेसणे । अदिद्वयम्मे विणए अकोविए, असंविभागी न हु तस्स मुक्खो ॥ २३ ॥ णिद्देसवत्ती पुण जे गुरूणं, स्रयत्थधम्मा विणयंमि कोविया । तरितु ते ओहमिणं दुरुत्तरं, खवितु कम्मं गइ_ मुत्तमं गया ॥ २४ ॥ ति-बेमि ॥ इति विणयसमाहिणामणवमज्ययणे बीओ उद्देखो समत्तो ॥ ९-२ ॥

अह णवमज्झयणे तइओ उदेसो

आयरियग्गिमिवाहिअग्गी, सुस्सूसमाणो पिंडजागरिजा । आलोइयं इंगियमेव नचा, जो छंदमाराहयई स पुज्जो ॥ १ ॥ आयारमङ्घा विणयं पउंजे, सुस्तूसमाणो परिगिज्झ वक्कं । जहोवइट्टं अभिकंखमाणो, गुरुं तु नासाययई स पुज्जो ॥ २ ॥ राइणिएसु विणयं परंजे, डहरा वि य जे परियायजिहा । नीयत्तणे वदृह सचवाई, ओवायवं वक्ककरे स पुज्जो ॥ ३ ॥ अन्नायउंछं चरई विसुद्धं, जवणहुया समुयाणं च निचं। अलद्धुयं नो परिदेवइजा, लद्धुं न विकत्थयई स पुजा।। ४॥ संथारसिजाऽऽसण-भत्तपाणे, अप्पिच्छया अइलाभे वि संते । जो एवमप्पाणभितोसङ्जा, संतोसपाहन्न-रए स पुजा ॥ ५ ॥ सका सहेउं आसाइ कंटया, अओमया उच्छह्या नरेणं। अणासए जो उ सहिज कंटए, वईमए कण्णसरे स पुजी ॥ ६ ॥ मुहत्तदुक्खा उ हवंति कंटया, अओमया ते वि तओ सुउद्धरा। वायादुरुत्ताणि दुरुद्धराणि, वेराणु-वंधीणि महब्भयाणि ॥ ७॥ समावयंता वयणाभिघाया, कण्णं गया दुम्मणियं जणंति। धम्मति किचा परमग्गसूरे, जिइंदिए जो सहई स पुज्जो ॥ ८ ॥ अवण्णवायं च परंमहस्स, पचक्खओ पडिणीयं च भासं । ओहारिणि अप्पियकारिणि च, भासं न भारिज संया स पुजो ॥ ९ ॥ अलोलुए अकुहए अमाई, अपिसुणे यार्व अदीण-वित्ती । नो भावए नो वि य भावियप्पा, अकोउहहें य सया स पुजा ॥ १० ॥ गुणेहि साह् अगुणेहिऽसाहू, गिण्हाहि साहू गुण मुंचऽसाहू। वियाणिया अप्पग-मप्पएणं. जो रागदोसेहिं समो स पुज्जो ॥ ११ ॥ तहेव डहरं च महस्रगं वा, इतथी पुमं पव्वइयं गिहिं वा। नो हीलए नो विय खिंसइजा, थंभं च कोहं च चए स पुज्जो ॥ १२ ॥ जे माणिया सययं माणयंति, जत्तेण कन्नं व निवेसयंति । ते माणए माणरिहे तवस्सी, जिइंदिए सचरए स पुज्जो ॥ १३ ॥ तेसिं गुरूणं गुणसायराणं. सुचाण मेहावि सुभासियाई । चरे मुणी पंचरए तिगुत्तो, चडकसायावगए स पुजो ॥ १४ ॥ गुरुमिह सययं पडियारेय मुणी, जिणवयनिङ्णे अभिगमकुसले । धुणिय रयमलं पुरेकडं, भाषुरमछलं गईं गय ॥ १५ ॥ त्ति-बेमि ॥ इति विणयसमाहि-णामणवमज्झयणे तइओ उद्देसो समत्तो ॥ ९-३ ॥

अह णवमज्झयणे चउत्थो उदेसो

सुयं मे आउसं! तेणं भगवया एवमक्खायं, इह खलु थेरेहिं भगवंतेहिं चत्तारि

विणयसमाहिद्वाणा पन्नत्ता, कयरे खलु ते थेरेहिं भगवंतेहिं चत्तारि विणयसमाहिद्वाणा पन्नता ? इमे खलु ते थेरेहिं भगवंतिहिं चत्तारि विणयसमाहिद्वाणा पन्नता, तंजहा-विणयसमाही १, सुयसमाही २, तवसमाही ३, आयारसमाही ४। विणए सुए य तवे, आयारे निच पंडिया । अभिरामयंति अप्पाणं, जे भवंति जिइंदिया ॥ १ ॥ चउ व्विहा खलु विणयसमाही भवइ, तंजहा-अणुसासिज्जंतो सुस्स्सइ १, सम्मं संपडिवज्जइ २, वेयमाराहयइ ३, न य भवइ अत्तसंपग्गहिए ४ चउत्थं पयं भवइ। भवइ य इत्थ सिलोगो-पेहेइ हियाणुसासणं, सुस्स्सइ तं च पुणो अहिद्विए । न य माणमएण मजाइ, विणयसमाही आययद्विए ॥ २ ॥ चउन्विहा खलु सुयसमाही भवइ, तंजहा-सुयं मे भविस्सइ त्ति अज्झाइयव्वं भवइ १, एगग्गचित्तो भविस्सामि त्ति अज्झाइयव्वं भवइ २, अप्पाणं ठावइस्सामि त्ति अज्झाइयव्वं भवइ ३, ठिओ परं ठावइस्सामि ति अज्झाइयव्वं भवइ ४ चउत्थं पयं भवइ । भवइ य इतथ सिलोगो-नाणमेगग्गचित्तो य, ठिओ य ठावइ परं । सुयाणि य अहिजित्ता, रओ सुयसमा-हिए ॥ ३ ॥ चउन्विहा खळु तवसमाही भवइ, तंजहा-नो इहलोगट्टयाए तवमहि-हिजा १, नो परलोगट्टयाए तवमहिट्ठिजा २, नो कित्तिवन्नसद्दिलोगट्टयाए तव-महिडिजा २, नन्नत्थ निजारह्याए तवमहिडिजा ४ चउत्थं पयं भवइ । भवइ य इत्थ सिलोगो-विविह्गुणतवोरएं निचं, भवइ निरासए निज्जरिष्ठए। तवसा धुणइ पुराणपावगं, जुत्तो सया तवसमाहिए ॥ ४ ॥ चउव्विहा खळु आयारसमाही भवइ. तंजहा-नो इहलोगट्टयाए आयारमहिङ्जिजा १, नो परलोगट्टयाए आयारमहिट्टिजा २, नो कित्तिवन्नसद्दसिलोगद्वयाए आयारमहिडिजा ३, नन्नतथ आरहंतेहिं हेऊहिं आयारमहिद्विजा ४ चउत्थं पयं भवइ । भवइ य इतथ सिलोगो-जिणवयणरए अतिंतिणे, पडिपुण्णाययमाययद्विए । आयारसमाहिसंवुडे, भवइ य दंते भावसंघए ॥ ५ ॥ अभिगम चडरो समाहिओ, सुविसुद्धो सुसमाहियप्पओ । विउल्रहियं सहावहं पुणो, कुव्वइ सो पयखेममप्पणो ॥ ६ ॥ जाइमरणाओ मुच्चइ, इत्थत्थं च चएइ सन्वसो। सिद्धे वा हवइ सासए, देवे वा अप्परए महिष्हिए।। ७॥ त्ति-बेमि॥ इति विणयसमाहिणामणवमज्झयणे चउत्थो उद्देसो समत्तो॥ ९-४॥ णवममज्झयणं समत्तं ॥ ९॥

्र्र्र्णमञ्जूष् अह सभिक्खू णामं दसममज्झयणं

निक्खम्ममाणाइ य बुद्धवयणे, णिचं चित्तसमाहिओ हविजा । इत्थीण वसं न

यावि गच्छे. वंतं नो पडिआयइ जे स भिक्ख् ॥ १ ॥ पुढविं न खणे न खणावए, सीओदगं न पिए न पियावए । अगणिसत्थं जहा सुनिसियं, तं न जले न जलावए जे स भिक्ख् ॥ २ ॥ अनिलेण न वीए न वीयावए, हरियाणि न छिंदे न छिंदावए । बीयाणि सया विवज्जयंतो. सचित्तं नाहारए जे स भिक्खू ॥ ३ ॥ वहणं तसथावराण होइ, पुढवीतणकद्वनिस्सियाणं । तम्हा उद्देसियं न भुंजे, नो वि पए न पयावए जे स भिक्खु ॥ ४ ॥ रोइयनायपुत्तवयणे, अप्पसमे मन्निज छप्पि काए । पंच य फासे महन्वयाइं, पंचासवसंवरे जे स भिक्खू ॥ ५ ॥ चत्तारि वमे सया कसाए, धुवजोगी य हिवज बुद्धवयणे । अहणे निजायरूवरयए, गिहिजोगं परिवज्जए जे स भिक्खू ॥ ६ ॥ सम्मदिद्वी सया अमूढे, ''अत्थि हु नाणे तवे संजमे य''। तवसा धुणइ पुराणपावगं, मणवयकायसुसंबुंडे जे स भिक्खु ॥ ७ ॥ तहेव असणं पाणगं वा. विविहं खाइमसाइमं लिभता। "होही अट्टो सुए परे वा," तं न निहे न निहावए जे स भिक्खू ॥ ८ ॥ तहेव असणं पाणगं वा, विविहं खाइमसाइमं लभित्ता । छंदिय साहम्मियाण भुंजे. भोचा सज्झायरए जे स भिक्खु ॥ ९ ॥ न य व्यगिहियं कहं कहिजा, न य कुप्पे निहुइंदिए पसंते । संजमधुवजोगजुत्ते, उवसंते अविहेडए जे स भिक्ख् ॥ १० ॥ जो सहइ हु गामकंटए, अक्कोसपहारतज्जणाओ य । भयभेरव-सहसप्पहासे, समसुहदुक्खसहे य जे स भिक्खु ॥ ११ ॥ पडिमं पडिवर्जिया मसाणे, नो भीयए भयभेरवाइं दिस्स । विविह्गुणतवोरए य निचं, न सरीरं चाभिकंखए जे स भिक्खु ॥ १२ ॥ असई वोसट्टचत्तदेहे, अक्टूड्रे व हए व ल्रुसिए वा । पुढविसमे मुणी हविजा, अनियाणे अकोउहहें जे स भिक्खू ॥ १३ ॥ अभिभ्य काएण परीसहाइं, समुद्धरे जाइपहाउ अप्पयं । विइत्तृ जाईमरणं महन्भयं, तवे रए सामणिए जे स भिक्खू ॥ १४ ॥ हत्थसंजए पायसंजए, वायसंजए संजईदिए । अज्झप्परए सुसमाहियप्पा, सुत्तत्थं च वियाणइ जे स भिक्ख् ॥ १५ ॥ उवहिम्मि अमुच्छिए अगिद्धे, अन्नायउच्छं पुलनिप्पुलाए । क्रयविक्रयसन्निहिओ विरए, सव्वसंगावगए य जे स भिक्खु ॥ १६॥ अलोल भिक्खु न रसेसु गिज्झे, उंछं चरे जीविय नाभिकंखे। इड्डिंच सक्कारणपूराणं च, चए ठियप्पा अणिहे जे स भिक्ख ॥ १७ ॥ न परं वइजासि "अयं कुसीले", जेणं च कुप्पिज न तं वइजा । जाणिय पत्तेयं पुण्णपावं, अत्ताणं न समुक्क्से जे स भिक्खू ॥ १८ ॥ न जाइमत्ते न य रूवमत्ते, न लाभमत्ते न सुएण मत्ते। मयाणि सव्वाणि विवज्जइता, धम्मज्झाणरए जे स भिक्ख्॥ १९॥ पर्वेयए अज्जपयं महामुणी, धम्मे ठिओ ठावयई परं पि। निक्खम्म विजिज क़सीलिलेंगं, न यावि हासं क़हए जे स भिक्खू ॥ २० ॥ तं देहवासं असुई असासयं, सया चए निच्चहियद्वियप्पा । छिंदित्तु जाईमरणस्स बंघणं, उवेइ भिक्ख् अपुणागमं गइं॥२१॥ति-बेमि॥**इति सभिक्ख् णामं दसममज्झयणं समत्तं॥१०॥**

अह रइवका णामा पढमा चूलिया

इह खळु भो ! पव्वइएणं उप्पन्नदुक्खेणं संजमे अरइसमावन्नचित्तेणं ओहाणुप्पे-हिणा अणोहाइएणं चेव हयरस्सिगयंकुसपोयपडागाभूयाइं इमाइं अद्घारस ठाणाइं सम्मं संपडिलेहियव्वाइं भवंति, तंजहा—हं भो ! दुस्समाए दुप्पजीवी १, लहस्सगा इत्तरिया गिहीणं कामभोगा २, भुजो य साइबहुला मणुस्सा ३, इमे य मे दुक्खे न चिरकालोवद्राई भविस्सइ ४, ओमजणपुरकारे ५, वंतस्स य पडिआयणं ६, अहरगइ-वासोवसंपया ७, दुछहे खलु भो ! गिहीणं धम्मे गिहिवासमज्झे वसंताणं ८, आयंके से वहाय होइ ९, संकप्पे से वहाय होइ १०, सोवकेसे गिहिवासे निरुवक्केसे परियाए ११, बंधे गिहिवासे मुक्खे परियाए १२, सावजे गिहिवासे अणवज्जे परियाए १३, बहुसाहारणा गिहीणं कामभोगा १४, पत्तेयं पुण्णपावं १५, अणिचे खलु भो ! मणुयाण जीविए कुसम्गजलविंदुचंचले १६, बहुं च खलु भो ! पावं कम्मं पगडं १७, पावाणं च खछु भो ! कडाणं कम्माणं पुर्व्वि दुच्चिण्णाणं दुप्पडिकंताणं वेइत्ता मुक्खो नित्थ अवेइता तवसा वा झोसइत्ता १८ अद्वारसमं पयं भवइ । भवइ य इत्थ सिलोगो—जया य चयई धम्मं, अणजो भोगकारणा । से तत्थ मुच्छिए बाले, आयइं नाववुज्झई ॥ १ ॥ जया ओहाविओ होइ, इंदो वा पडिओ छमं । सव्वधम्मपरिब्महो, स पच्छा परितप्पई ॥ २ ॥ जया य वंदिमो होइ, पच्छा होइ अवंदिमो । देवया व चुया ठाणा, स पच्छा परितप्पई ॥ ३ ॥ जया य पूड्मो होइ, पच्छा होइ अपूड्मो । राया व रज्जपञ्मद्वो, स पच्छा परितप्पई ॥ ४ ॥ जया य माणिमो होइ, पच्छा होइ अमाणिमो । सेट्टिव्व कब्बडे छूहो, स पच्छा परितप्पई ॥ ५ ॥ जया य थेरओ होइ, समइक्कंतजुञ्चणो । मच्छुञ्च गर्ल गिलित्ता, स पच्छा परितप्पई ॥ ६ ॥ जया य कुकुडंबस्स, कुतत्तीहिं विहम्मई । हृत्थी व बंधणे बद्धो, स पच्छा परितप्पई ॥ ७ ॥ पुत्तदारपरिकिण्णो, मोहसंताण-संतओ । पंकोसन्नो जहा नागो, स पच्छा परितप्पई ॥ ८ ॥ ''अज्ज याहं गणी हुंतो, भावियप्पा बहुस्सुओ । जइ हं रमंतो परियाए, सामण्णे जिणदेसिए'' ॥ ९ ॥ देवलोगसमाणो य, परियाओ महेसिणं। रयाणं अरयाणं च, महानरयसारिसो॥ १०॥ अमरोवमं जाणिय सुक्खमुत्तमं, रयाण परियाए तहारयाणं । निरओवमं जाणिय

दुक्खमुत्तमं, रिमज्ज तम्हा परियाए पंडिए॥ ११॥ धम्माउ भट्ठं सिरिओववेयं, जन्नागि विज्ञायमिवप्पतेयं। हीलंति णं दुव्विहियं कुसीला, दाद्विह्न्यं घोरविसं व नागं॥ १२॥ इहेवऽधम्मो अयसो अकित्ती, दुन्नामधिजं च पिहुज्जणिमा। चुयसस धम्माउ अहम्मसेविणो, संभिन्नवित्तस्स य हिट्ठओ गई॥ १३॥ भुंजित्तु भोगाइं पसज्झ चेयसा, तहाविहं कहु असंजमं बहुं। गइं च गच्छे अणिहिज्ज्ञ्चियं दुहं, बोही य से नो सुलहा पुणो पुणो॥ १४॥ "इमस्स ता नेरइयस्स जंतुणो, दुहोवणीयस्स किल्ठेसवित्तणो। पिल्ठओवमं झिज्झइ सागरोवमं, किमंग पुण मज्झ इमं मणोदुहं?॥ १५॥ न मे चिरं दुक्खिमणं भविस्सइ, असासया भोगिपवास जंतुणो। न चे सरीरेण इमेणऽविस्सइ, अविस्सई जीवियपज्जवेण मे"॥ १६॥ जस्सेवमप्पा उ हिक्ज निच्छिओ, चइज्ज देहं न हु धम्मसासणं। तं तारिसं नो पहलिति इंदिया, उवितिवाया व सुदंसणं गिरिं॥ १०॥ इच्चेव संपस्सिय बुद्धिमं नरो, आयं उवायं विविहं वियाणिया। काएण वाया अहु माणसेणं, तिगुत्तिगुत्तो जिणवयणमहिट्ठिज्ञासि॥ १८॥ ति—वेसि॥ इय रइवक्का णामा पढमा चूलिया समत्ता॥ १॥

अह विवित्तचरिया णामा बीया चूलिया

चृतियं तु पवक्खामि, सुयं केवित्रभासियं। जं सुणितु सुपुण्णाणं, धम्मे उप्पजए मई॥ १॥ अणुसोयपट्टिए बहुजणिम्म, पिंसोयलद्धलक्खेणं। पिंसोयमेव
अप्पा, दायव्वो होउ कामेणं॥ २॥ अणुसोयसहो लोओ, पिंसोओ आसवो
सिविहियाणं। अणुसोओ संसारो, पिंसोओ तस्स उत्तारो॥ ३॥ तम्हा आयारपरक्षमेण, संवरसमाहिवहुलेणं। चिरया गुणा य नियमा य, हुंति साहूण दह्वा
॥ ४॥ अणिएयवासो समुयाणचिरया, अन्नायउंछं पहिस्क्या य। अप्पोवही
कलहिविवज्जणा य, विहारचिरया इसिणं पसत्था॥ ५॥ आङ्ण्णओमाणिविवज्जणा
य, ओसन्नदिष्टाह्डमत्तपाणे। संसद्वकप्पेण चिरज्ज मिक्ख्, तज्जायसंसद्व जई
जइज्जा॥ ६॥ अमज्जमंसासि अमच्छरीया, अभिक्खणं निव्वगइं गया य।
अभिक्खणं काउस्सग्नकारी, सज्झायजोगे पयओ हिवजा॥ ७॥ न पिंच्नविज्जा
सयणासणाइं, सिज्जं निसिज्जं तह भत्तपाणं। गामे कुले वा नगरे व देसे, ममत्तभावं न किंदि पि कुज्जा॥ ८॥ गिहिणो वेयाविडयं न कुज्जा, अभिवायणं वंदणपूर्यणं वा। असंकिलिटेहिं समं विस्जा, मुणी चिरत्तस्स जओ न हाणी॥ ९॥
न या लमेजा निउणं सहायं, गुणाहियं वा गुणओ समं वा। इक्को वि पावाइं

विवज्जयंतो, विहरिज कामेस असजामाणो ॥ १० ॥ संवच्छरं वावि परं पमाणं, वीयं च वासं न तिहं विसिज्जा । सुत्तस्स मग्गेण चरिज्ज भिक्ख्, सुत्तस्स अत्थो जह आणवेइ ॥ ११ ॥ जो पुन्वरत्तावरत्तकाले, संपेहए अप्पगमप्पएणं । "िकं मे कडं ? िकं च मे किच्चसेसं ?, िकं सक्कणिजं न समायरामि ? ॥ १२ ॥ िकं मे परो पासइ िकं च अप्पा, िकं वाहं खिलयं न विवज्जयामि ?" । इच्चेव सम्मं अणुपास-माणो, अणागयं नो पिडवंघ कुज्जा ॥ १३ ॥ जत्थेव पासे कह दुप्पउत्तं, काएण वाया अदु माणसेणं । तत्थेव धीरो पिडसाहरिज्जा, आइण्णओ खिप्पिमिव क्खलीणं ॥ १४ ॥ जस्सेरिसा जोग जिइंदियस्स, धिईमओ सप्परिसस्स निच्चं । तमाहु लोए "पिडिखुद्धजीवी", सो जीवइ संजमजीविएणं ॥ १५ ॥ अप्पा खलु सययं रिक्खिय्वको, सिव्विदिएिहं सुसमाहिएिहं । अरिक्खओ जाइपहं उवेइ, सुरिक्खओ सव्विद्धण सुच्च ॥ १६ ॥ ित-बेमि ॥ इय विवित्तचरिया णामा बीया चूलिया समत्ता ॥ २॥

॥ दसवेयालियसुत्तं समत्तं ॥



णमोऽत्थु णं समणस्स भगवओ णाट्यपुन्तराहाटीहरूहर

सुत्तागमे

^{तत्थ णं} उत्तरज्झयणसुत्तं

~G\$

अह विणयरुयं णामं पढममज्झयणं

संजोगा विष्पमुक्तस्स, अणगारस्स भिक्खुणो । विणयं पाउकरिस्सामि, आणुपुर्व्वि सुणेह मे ॥ १ ॥ आणानिद्देसकरे, गुरूणमुववायकारए । इंगियागारसंपन्ने, से विणीए ति वुचई ॥ २ ॥ आणाऽनिदेसकरे, गुरूणमणुववायकारए । पडिणीए असंबुद्धे, अविणीए ति वुचई ॥ ३ ॥ जहा सुणी प्इकण्णी, निकक्तिजाई सन्वसो । एवं दुस्सीलपडिणीए, मुहरी निकसिजाई ॥ ४ ॥ कणकुण्डगं चइत्ताणं, विद्वं भुंजह स्यरे । एवं सीलं चइत्ताणं, दुस्सीले रमई मिए ॥ ५ ॥ सुणिया भावं साणस्स, सूय-रस्स नरस्स य । विणए ठवेज अप्पाणं, इच्छंतो हियमप्पणो ॥ ६ ॥ तम्हा विणय-मेसिजा, सीलं पडिलमेजओ । बुद्धपुत्त नियागद्वी, न निक्कसिज्जइ कण्हुई ॥ ७ ॥ निस्संते सियाऽसहरी, बुद्धाणं अंतिए सया । अडुजुत्ताणि सिक्खिजा, निरट्ठाणि उ वजाए ॥ ८ ॥ अणुसासिओ न कुप्पिजा, खंतिं सेविज पंडिए । खुड्डेहिं सह संसर्गिंग, हासं कीडं च वज्जए॥९॥ मा य चंडालियं कासी, बहुयं मा य आलवे। कालेण य अहि जित्ता, तओ झाइज एगगो ॥ १०॥ आहच चंडालियं कट्ट, न निण्हविज कयाइ वि । कडं कडे ति भासेजा, अकडं नो कडे ति य ॥ ११ ॥ मा गलियस्सेव कसं, वयणमिच्छे पुणो पुणो। कसं व दहुमाइण्णे, पावगं परिवज्जए॥ १२॥ अणासवा थ्लवया कुसीला, मिउं पि चंडं पकरंति सीसा। चित्ताणुया लह दक्खोव-वेया, पसायए ते हु दुरासयं पि ॥ १३ ॥ नापुट्ठो वागरे किंचि, पुट्ठो वा नालियं वए । कोहं असचं कुन्वेजा, धारेजा पियमप्पियं ॥ १४ ॥ अप्पा चेव दमेयन्वो. अप्पा हु खल्ज दुइमो । अप्पा दंतो सही होइ, अस्ति लोए परत्थ य ॥ १५ ॥ वरं मे अप्पा दंतो, संजमेण तवेण य। माहं परेहि दम्मंतो, बंधणेहिं बहेहि य॥ १६॥ पिंडणीयं च बुद्धाणं, वाया अदुव कम्मुणा । आवी वा जइ वा रहस्से, नेव कुजा ६२ सत्ता०

कयाइ वि ॥ १७ ॥ न पक्खओ न पुरओ, नेव किचाण पिट्ठओ । न जुंजे ऊरुणा ऊहं, सयणे नो पडिस्सुणे ॥ १८ ॥ नेव पल्हित्थयं कुजा, पक्खिपेंडं च संजए । पाए पसारिए वावि, न चिट्ठे गुरुणंतिए ॥ १९ ॥ आयरिएहिं वाहित्तो, तुसिणीओ न कयाइ वि । पसायपेही नियागद्वी, उवचिद्वे गुरुं सया ॥ २० ॥ आलवंते लवंते वा, न निसीएज कयाइ वि । चइऊणमासणं धीरो, जओ जुत्तं पडिस्सुणे ॥ २१ ॥ आसणगओ न पुच्छेजा, नेव सेजागओ कयाइ वि । आगम्मुकुडुओ संतो, पुच्छिजा पंजलीउडो ॥ २२ ॥ एवं विणयजुत्तस्स, सुत्तं अत्थं च तदुभयं । पुच्छमाणस्स सीसस्स, वागरिज जहासुयं ॥ २३ ॥ मुसं परिहरे भिक्खू, न य ओहारिणि वए । भासादोसं परिहरे, मार्यं च वजाए सया ॥ २४ ॥ न लवेज पुट्टो सावजं, न निरहं न मम्मयं । अप्पणहा परहा वा, उभयस्पंतरेण वा ॥ २५ ॥ समरेसु अगारेस, संधीस य महापहे। एगो एगित्थिए सिद्धं, नेव चिट्ठे न संलवे॥ २६॥ जं में बुद्धाऽणसासंति. सीएण फरसेण वा । मम लाभो ति पेहाए, पयओ तं पिड-स्सुणे ॥ २७ ॥ अणुसासणमोवायं, दुक्कडस्स य चोयणं । हियं तं मण्णई पण्णो. वेसं होइ असाहुणो ॥ २८ ॥ हियं विगयभया बुद्धा, फरुसं पि अणुसासणं । वेसं तं होइ मुहाणं, खंतिसोहिकरं पयं ॥ २९ ॥ आसणे उवचिद्रेजा, अणुचे अकुए थिरे । अप्पुटाई निरुद्वाई, निसीएजप्पकुकुए ॥ ३० ॥ कालेण निक्खमे भिक्ख्, कालेण य पंडिक्समे। अकालं च विवज्जित्ता, काले कालं समायरे॥ ३१॥ परिवाडीए न चिट्ठेजा, भिक्खू दत्तेसणं चरे । पिड्हिवेण एसिता, मियं कालेण भक्खए ॥ ३२ ॥ नाइदूरमणासन्ने, नऽन्नेसिं चक्खुफासओ । एगो चिट्ठेज भत्तद्वा, लंघिता तं नऽइक्कमे ॥ ३३ ॥ नाइउचे व नीए वा, नासन्ने नाइदूरओ । फासुयं परकडं पिंडं, पिंडगाहेज संजए ॥ ३४ ॥ अप्पपाणेऽप्पवीयम्मि, पिंडच्छन्नम्मि संवुदे । समयं संजए भुंजे, जयं अपरिसाडियं ॥ ३५॥ सुकडित्ति सुपिक्कित्ति, सुच्छिन्ने सुहडे मडे। सुणिट्ठिए सुलट्टित्ति, सावजं वजाए मुणी ॥ ३६ ॥ रमए पंडिए सासं, ह्यं भद्दं व वाहए। बालं सम्मइ सासंतो, गलियस्सं व वाहए॥ ३०॥ खङ्कया मे चवेडा मे. अक्रोसा य वहा य मे । कल्लाणमणुसासंतो, पावदिद्वित्ति मर्न्नई ॥ ३८ ॥ पुत्तों में भाय नाइत्ति, साहू कल्लाण मन्नई । पावदिद्वि उ अप्पाणं, सासं दासित्ति मन्नई ॥ ३९ ॥ न कोवए आयरियं, अप्पाणं पि न कोवए । बुद्धोवघाई न सिया, न सिया तोत्तगवेसए ॥ ४० ॥ आयरियं कुवियं नचा, पत्तिएण पसायए । विज्झवेज पंजलीउडो, वएज न पुणो ति य ॥ ४१ ॥ धम्म जियं च ववहारं. बुदेहायरियं सया । तमायरंतो ववहारं, गरहं नाभिगच्छई ॥ ४२ ॥ मणोगयं

वक्रगयं, जाणित्तायरियस्स उ । तं परिगिज्झ वायाए, कम्मुणा उववायए ॥ ४३ ॥ वित्ते अचोइए निचं, खिप्पं हवइ सुचोइए । जहोवइट्टं सुकरं, किचाइं कुव्वई सया ॥ ४४ ॥ नचा नमइ मेहावी, लोए कित्ती से जायए। हवई किचाणं सरणं. भयाणं जगई जहा ॥ ४५ ॥ पुजा जस्स पसीयंति, संबुद्धा पुन्वसंथुया । पसन्ना लाभइस्संति, विडलं अद्वियं सुयं ॥ ४६ ॥ स पुजासत्ये सुविणीयसंसए, मणोरुई चिद्वइ कम्म-संपया । तनोसमायारिसमाहिसंतुडे, महजुई पंच नयाइं पालिया ॥ ४७ ॥ स देव-गंधव्वमणुस्सपूइए, चइ्तु देहं मलपंकपुव्वयं । सिद्धे वा हवइ सासए, देवे वा अप्परए महिन्निए॥ ४८॥ त्ति-बेमि॥ इति विणयसयं णामं पढममज्झयणं समतं॥१॥

——्र* अह परिसहणामं दुइयमज्झयणं

सुयं मे आउसं! तेणं भगवया एवमक्खायं, इह खळु बावीसं परीसहा समणेणं भगवया महावीरेणं कासवेणं पवेइया जे भिक्ख सोचा नचा जिचा अभिभूय भिक्खायरियाए परिव्वयंतो पुट्टो नो विनिहन्नेजा, कयरे खळु ते बावीसं परीसहा समणेणं भगवया महावीरेणं कासवेणं पवेइया जे भिक्खू सोचा नचा जिचा अभि-भूय भिक्खायरियाए परिव्वयंतो पुद्रो नो विनिष्टन्नेजा ? इमे खलु ते बावीसं परीसहा समणेणं भगवया महावीरेणं कासवेणं पवेइया जे भिक्ख सोचा नचा जिचा अभिभूय भिक्खायरियाए परिव्वयंतो पुद्रो नो विनिहन्नेजा, तंजहा-दिगिंछा-परीसहे १, पिवासापरीसहे २, सीयपरीसहे ३, उसिणपरीसहे ४, दंसमसयपरी-सहे ५, अचेलपरीसहे ६, अरइपरीसहे ७, इत्थीपरीसहे ८, चरियापरीसहे ९, निसीहियापरीसहे १०, सेजापरीसहे ११, अक्रोसपरीसहे १२, वहपरीसहे १३, जायणापरीसहे १४, अलाभपरीसहे १५, रोगपरीसहे १६, तणफासपरीसहे १७, जल्लपरीसहे १८, सकारपुरकारपरीसहे १९, पन्नापरीसहे २०, अन्नाणपरीसहे २१, दंसणपरीसहे २२ । परीसहाणं पविभत्ती, कासवेणं पवेइया । तं भे उदाहरिस्सामि, आणुपुर्वि सुणेह मे ॥ १ ॥ (१) दिगिछापरिगए देहे, तवस्सी भिक्ख् थामवं । न छिंदे न छिंदावए, न पए न पयावए ॥ २ ॥ कालीपव्वंगसंकासे, किसे धमणि-संतए । मायन्ने असणपाणस्स, अदीणमणसो चरे ॥ ३ ॥ (२) तओ पुट्टो पिना-साए, दोगुंछी लज्जसंजए । सीओदगं न सेविज्जा, वियडस्सेसणं चरे ॥ ४ ॥ छिन्ना-वाएस पंथेस, आउरे सुपिवासिए। परिसुक्समहाऽदीणे, तं तितिक्खे परीसहं ॥ ५॥ (३) चरंतं विरयं ऌहं, सीयं फुसइ एगया । नाइवेलं मुणी गच्छे, सोचाणं जिण-सासणं ॥ ६ ॥ न मे निवारणं अत्थि. छवित्ताणं न विजाई । अहं त अगिंग सेवामि. इइ भिक्खू न चिंतए ॥ ७ ॥ (४) उसिणं परियावेणं, परिदाहेण तिज्जए । घिंदु वा परियावेणं, सायं नो परिदेवए ॥ ८ ॥ उण्हाहितत्तो मेहावी, सिणाणं नो वि पत्थए। गायं नो परिसिंचेजा, न वीएजा य अप्पयं ॥ ९ ॥ (५) पुट्टो य दंसमसएहिं, समरे व महामुणी। नागो संगामसीसे वा, सूरो अभिहणे परं॥ १०॥ न संतसे न वारेजा. मणं पि न पओसए । उवेहे न हणे पाणे, भुंजंते मंससोणियं ॥ ११ ॥ (६) परिजुण्णेहिं वत्येहिं, होक्खामि ति अचेलए । अदुवा सचेले होक्खामि, इइ भिक्खू न चिंतए॥ १२॥ एगयाऽचेलए होइ, सचेले आवि एगया। एयं धम्मं हियं नचा, नाणी नो परिदेवए॥ १३॥ (७) गामाणुगामं रीयंतं, अणगारं अकिंचणं । अरई अणुप्पवेसेजा, तं तितिक्खे परीसहं ॥ १४ ॥ अरई पिद्रओ किचा, विरए आयरिक्खए । धम्मारामे निरारम्भे, उवसंते मुणी चरे ॥ १५॥ (८) संगो एस मणुसाणं, जाओ लोगम्मि इत्थिओ । जस्स एया परि-न्नाया, सुकडं तस्स सामण्णं ॥ १६ ॥ एवमादाय मेहावी, पंकभ्या उ इत्थिओ । नो ताहिं विणिहन्नेजा, चरेजऽत्तगवेसए॥ १७॥ (९) एग एव चरे लाढे, अभिभूय परीसहे। गामे वा नगरे वावि, निगमे वा रायहाणिए॥ १८॥ असमाणे चरे भिक्खू. नेव कुजा परिग्गहं । असंसत्तो गिहत्थेहिं, अणिएओ परिव्वए ॥ १९ ॥ (१०) मुसाणे मुन्नगारे वा, रुक्खमूले व एगओ । अकुक्कओ निसीएजा. न य वित्तासए परं ॥ २० ॥ तत्थ से चिट्टमाणस्स, उवसम्माभिधारए । संकाभीओ न गच्छेजा, उद्वित्ता अन्नमासणं ॥ २१ ॥ (११) उचावयाहिं सेजाहिं, तवस्सी भिक्खू थामवं । नाइवेलं विहन्निजा, पावदिद्वी विहन्नई ॥ २२ ॥ पइरिक्कवस्सयं लद्धं, कल्लाणमदुव पावयं । किमेगराइं करिस्सइ, एवं तत्थऽहियासएँ।। २३ ॥ (१२) अक्रोसेजा परे भिक्खं, न तेसिं पडिसंजले । सरिसो होइ वालाणं. तम्हा भिक्ख न संजले ॥ २४ ॥ सोचाणं फरुसा भासा, दारुणा गामकंटगा । तुसिणीओ उवेहेजा, न ताओ मणसीकरे ॥ २५ ॥ (१३) हुओ न संजले भिक्खु, मणं पि न प्रओसए। तितिक्खं परमं नचा, भिक्ख् धम्मं विचित्तए ॥ २६ ॥ समणं संजयं दंतं. हणिजा कोइ कत्थई । नित्य जीवस्स नास्ति, एवं पेहेज संजए ॥ २० ॥ (१४) दुकरं ख़लु भो निचं, अणगारस्स भिक्खुणो । सन्वं से जाइयं होइ, नित्थ किंचि अजाइयं ॥ २८ ॥ गोयरग्गपविद्वस्स, पाणी नो सुप्पसारए । सेओ अगारवासत्ति, इइ भिक्ख न चिंतए ॥ २९ ॥ (१५) परेसु घासमेसेजा, भोयणे परिणिट्रिए । लद्धे पिंडे अलद्धे

वा, नाणुतप्पेज पंडिए ॥ ३० ॥ अजेवाहं न लब्भामि, अवि लाभो सुए सिया । जो एवं पडिसंचिक्खे, अलाभो तं न तजाए ॥ ३१ ॥ (१६) नचा उप्पइयं दुक्खं, वेयणाए दुहृद्विए । अदीणो थावए पन्नं, पुट्ठो तत्थऽहियासए ॥ ३२ ॥ तेइच्छं नाभिनंदेजा. संचिक्खऽत्तगवेसए। एवं ख तस्स सामण्णं, जं न कुजा न कारवे ॥ ३३ ॥ (१७) अचेलगस्स ॡ्रहस्स, संजयस्स तवस्सिणो । तणेस सयमाणस्स. हजा गायविराहणा ॥ ३४ ॥ आयवस्स निवाएण, अउला हवइ वेयणा । एवं नचा न सेवंति, तंतुजं तणतज्जिया ॥ ३५ ॥ (१८) किलिन्नगाए मेहावी, पंकेण व रएण वा । घिंसु वा परियावेण, सायं नो परिदेवए ॥ ३६ ॥ वेएज निजारापेही, आरियं धम्मऽणुत्तरं । जाव सरीरमेउत्ति, जहं काएण धारए ॥ ३०॥ (१९) अभिवायण-मञ्भद्राणं. सामी कृजा निमंतणं। जे ताइं पिडसेवंति, न तेसिं पीहए मुणी॥ ३८॥ अणकसाई अप्पिच्छे. अन्नाएसी अलोलए । रसेस नाणगिज्झेजा, नाणुतप्पेज पन्नवं ॥ ३९ ॥ (२०) से नूणं मए पुब्वं, कम्माऽणाणफला कडा । जेणाहं नाभिजाणामि. पुट्टो केणइ कण्हुई ॥ ४० ॥ अह पच्छा उइजाति, कम्माऽणाणफला कडा । एव-मस्सासि अप्पाणं, नचा कम्मविवागयं॥ ४१॥ (२१) निरहुगम्मि विरओ, मेहुणाओ सुसंवडो । जो सक्खं नाभिजाणामि, धम्मं कल्लाणपावगं ॥ ४२ ॥ तवोवहाणमादाय, पंडिमं पंडिवज्जओ। एवं पि विहर्र्ओ मे, छउमं न नियट्टई ॥ ४३ ॥ (२२) निर्त्थ नूणं परे लोए, इड्ढी वावि तवस्सिणो । अदुवा वंचिओमित्ति, इइ भिक्ख् न चिंतए ॥ ४४ ॥ अमू जिणा अत्थि जिणा, अदुवा वि भविस्सइ । मुसं ते एवमाहंसु, इई भिक्ख न चिंतए ॥ ४५ ॥ एए परीसहा सब्वे, कासवेण पवेइया । जे भिक्खू न विहन्नेजा, पुट्टो केणइ कण्हुई ॥ ४६ ॥ ति-बेमि ॥ इति परिसहणामं दुइय-मज्झयणं समत्तं ॥ २ ॥

अह चाउरंगिजं णाम तइयमज्झयणं

चतारि परमंगाणि, दुल्लहाणीह जंतुणो । माणुसत्ते सुई सद्धाँ, संजमिम य वीरियं ॥ १ ॥ समावन्नाण संसारे, नाणागोत्तास जाइस । कम्मा नाणाविहा कट्टु, पुढो विस्संभया पया ॥ २ ॥ एगया देवलोएस, नरएस वि एगया । एगया आसुरं कायं, अहाकम्मेहिं गच्छइ ॥ ३ ॥ एगया खत्तिओ होइ, तओ चंडालबुकसो । तओ कीडपयंगो य, तओ कुंसुपिवीलिया ॥ ४ ॥ एवमावहजोणीस, पाणिणो कम्म-किव्विसा । न निविज्ञंति संसारे, सव्वद्वेस व खत्तिया ॥ ५ ॥ कम्मसंगेहिं संसूढा,

दुक्खिया बहुवेयणा । अमाणुसास्र जोणीस्र, विणिहम्मंति पाणिणो ॥ ६ ॥ कम्माणं तु पहाणाए, आणुपुन्वी कयाइ उ । जीवा सोहिमणुप्पत्ता, आययंति मणुस्सयं ॥ ७ ॥ माणुस्सं विग्गहं लद्भं, सुई धम्मस्स दुल्लहा । जं सोचा पडिवजंति, तवं खंतिमहिंसयं ॥ ८ ॥ आहुच सवणं लुद्धं, सद्धा परमदुल्लहा । सोचा नेयाउयं मग्गं, बहवे परिभस्सई ॥ ९ ॥ छुईं च लुद्धं सद्धं च, वीरियं पुण दुछहं । बहवे रोयमाणा वि, नो य णं पडिवजाए ॥ १० ॥ माणुसत्तंमि आयाओ, जो धम्मं सोच सद्दहे । तवस्सी वीरियं लद्धुं, संवुडे निद्धुणे रयं ॥ ११ ॥ सोही उज्जय-भूयस्स, धम्मो सुद्धस्स चिट्ठई । निव्वाणं परमं जाइ, घयसित्तिन्व पावए ॥ १२ ॥ विगिच कम्मुणो हेउं, जसं संचिणु खंतिए। सरीरं पाढवं हिचा, उहुं पक्कमई दिसं ॥ १३ ॥ विसालिसेहिं सीलेहिं, जक्खा उत्तरउत्तरा । महासुका व दिप्पंता, मन्नंता अपुणचवं ॥ १४ ॥ अप्पिया देवकामाणं, कामह्वविड व्विणो । उष्टं कप्पेस चिह्नंति, पुव्वा वाससया बहू ॥ १५ ॥ तत्थ ठिचा जहाठाणं, जक्खा आउक्खए चुया । उवेंति माणुसं जोणिं, से दसंगेऽभिजायए ॥ १६ ॥ खेतं वत्थुं हिरणें च, पसवो दासपोरुस । चतारि कामखंघाणि, तत्थ से उववजाई ॥ १७ ॥ मित्तवें ेट ९ १० नायवं होइ, उच्चागोए य वण्णवं । अप्पायंके महापन्ने, अभिजाए जसो बळे ॥ १८॥ भुचा माणुस्सए भोए, अप्पिडिरूवे अहाउयं । पुन्वं विसुद्धसद्धम्मे, केवलं वोहि बुज्झिया ॥ १९ ॥ चउरंगं दुह्रहं नचा, संजमं पडिवजिया । तवसा धुयकम्मंसे, सिद्धे हवइ सासए ॥ २०॥ त्ति-वेमि ॥ इति चाउरंगिज्ञं णाम तइय-मज्झयणं समत्तं ॥ ३॥

अह असंखयं णाम चउत्थमज्झरणं ——>>>>%%

असंखयं जीविय मा पमायए, जरोवणीयस्स हु निश्य ताणं। एवं वियाणाहि जणे पमत्ते, िकं नु विहिंसा अजया गिहिति॥ १॥ जे पावकम्मेहिं धणं मणूसा, समाययंती अमइं गहाय। पहाय ते पासपयिष्टिए नरे, वेराणुबद्धा नरयं उवेंति॥ १॥ तेणे जहा संधिमुहे गहीए, सकम्मुणा किचइ पावकारी। एवं पया पेच इहं व लोए, कडाण कम्माण न मुक्ख अत्थि॥ १॥ संसारमावन्न परस्स अद्घा, साहारणं जं च करेइ कम्मं। कम्मस्स ते तस्स उ वेयकाले, न बंधवा बंधवयं उवेंति॥ ४॥ वित्तेण ताणं न लमे पमत्ते, इमंमि लोए अदुवा परत्था। दीवप्य-णंद्वेष अणंतमोहे, नेयाउयं दहुमदहुमेव॥ ५॥ सुत्तेस्त यावी पिडबुद्धजीवी, न

वीससे पंडिऍ आद्युपणे । घोरा मुहुता अबलं सरीरं, भारंडपक्खीव चरेऽप्पमत्ते ॥ ६ ॥ चरे पयाइं परिसंक्माणो, जं किंचि पासं इह मन्नमाणो । लामंतरे जीविय बूहइत्ता, पच्छा परिन्नाय मलावधंसी ॥ ७ ॥ छंदं निरोहेण उवेइ मोक्खं, आसे जहा सिक्खियवम्मधारी । पुव्वाइं वासाइं चरेऽप्पमत्तो, तम्हा मुणी खिप्पमुवेइ मोक्खं ॥ ८ ॥ स पुव्वमेवं न लभेज पच्छा, एसोवमा सासयवाइयाणं । विसीयई सिढिले आउयम्मि, कालोवणीए सरीरस्स भेए ॥ ९ ॥ खिप्पं न सकेइ विवेगमेछं, तम्हा समुद्धाय पहाय कामे । सिमच लोयं समया महेसी, आयाणुरक्खी चरे-ऽप्पमत्तो ॥ १० ॥ मुहुं मुहुं मोहगुणे जयंतं, अणेगस्वा समणं चरंतं । फासा फुसंति असमंजसं च, न तेसि भिक्ख् मणसा पउस्से ॥ ११ ॥ मंदा य फासा वहुलोहणिजा, तहप्पगरिम्रु मणं न कुजा । रिक्खिज कोहं विणएज माणं, मायं न सेवेज पहेज लोहं ॥ १२ ॥ जेऽसंखया तुच्छपरप्पवाई, ते पिजदोसाणुगया परज्झा । एए अहम्मे त्ति दुगुंछमाणो, कंखे गुणे जाव सरीरमेउ ॥ १३ ॥ ति–वेमि ॥ इति असंखयं णाम चउत्थमज्झयणं समन्तं ॥ ४ ॥

अह अकाममरणिजं णामं पंचममज्झयणं

अण्णवंसि महोहंसि, एगे तिण्णे दुरुत्तरे । तत्थ एगे महापन्ने, इमं पण्हमुदाहरे ॥ १ ॥ संतिमे य दुवे ठाणा, अक्खाया मरणंतिया । अकाममरेणं चेव, सकाममरेणं तहा ॥ २ ॥ वालाणं अकामं तु, मरणं असई भवे । पंडियाणं सकामं तु, उक्कोसेण सई भवे ॥ ३ ॥ तिथ्यमं पढमं ठाणं, महावीरेण देसियं । कामिगद्धे जहा बाले, भिसं कूराइं कुव्वई ॥ ४ ॥ जे गिद्धे कामभोगेष्ठ, एगे कूडाय गच्छई । न मे दिट्ठे परे लोए, चक्खिदहा इमा रई ॥ ५ ॥ हत्थागया इमे कामा, कालिया जे अणागया । को जाणइ परे लोए, अत्थि वा नित्य वा पुणो ॥ ६ ॥ जणेण सिद्धं होक्खामि, इइ वाले पगव्मई । कामभोगाणुराएणं, केसं संपिडवर्जाई ॥ ७ ॥ तओ से दंडं समारभई, तसेष्ठ थावरेष्ठ य । अद्वाए य अणद्वाए, भूयगामं विहिंसई ॥ ८ ॥ हिंसे वाले मुसावाई, माइले पिछणे सढे । मुंजमाणे छरं मंसं, सेयमेयं ति मन्नई ॥ ९ ॥ कायसा वयसा मत्ते, वित्ते गिद्धे य इत्थिष्ठ । दुहुओ मलं संविणइ, सिछुणागुव्व मिट्टियं ॥ १० ॥ तओ पुद्वो आयंकेणं, गिलाणो परितप्पई । अभीओ परलोगस्स, कम्माणुप्पेहि अप्पणो ॥ ११ ॥ सुया मे नरए ठाणा, असीलाणं च जा गई । वालाणं कूरकम्माणं, पगाढा जत्थ वेयणा ॥ १२ ॥ तत्थोववाइयं ठाणं, जहा

मेयमणुरसुयं । अहाकम्मेहिं गच्छंतो, सो पच्छा परितप्पई ॥ १३ ॥ जहा सागडिओ जाणं, समं हिचा महापहं । विसमं मग्गमोइण्णो, अक्खे भग्गम्मि सोयई ॥ १४ ॥ एवं धम्मं विउक्तम्म, अहम्मं पडिविज्ञिया। बाले मञ्जुमुहं पत्ते, अक्खे भग्गे व सोयई ॥ १५॥ तओ से मरणंतिम्म, बाले संतसई भया । अकाममरणं मरइ, धुत्ते व कलिणा जिए ॥ १६ ॥ एयं अकाममरणं, बालाणं तु पवेइयं। इत्तो सकाममरणं, पंडियाणं सुणेह मे ॥ १० ॥ मरणं पि सपुण्णाणं, जहा मेयमणुस्सुयं । विष्पसण्ण-मणाघायं, संजयाण वसीमओ ॥ १८ ॥ न इमं सन्वेसु भिक्खुसु, न इमं सन्वे-चुडगारिस । नाणासीला अगारत्था, विसमसीला य भिक्खुणो ॥ १९ ॥ संति एगेहिं भिक्खृहिं, गारत्था संजमुत्तरा । गारत्थेहि य सन्वेहिं, साहवो संजमुत्तरा ॥ २० ॥ चीराजिणं निगणिणं, जडी संघाडि मुंडिणं। एयाणि वि न तायंति, दुस्सीलं परिया-गयं ॥ २१ ॥ पिंडोलएव्व दुस्सीले, नरगाओ न मुचई । भिक्खाए वा गिहत्थे वा. सुव्वए कम्मई दिवं ॥ २२ ॥ अगारि सामाइयंगाणि, सङ्की काएण फासए । पोसहं दुहुओ पक्खं, एगरायं न हावए ॥ २३ ॥ एवं सिक्खासमावन्ने, गिहिवासे वि सुन्वए । मुच्चई छविपन्वाओ, गच्छे जक्खसलोगयं ॥ २४ ॥ अह जे संवुडे भिक्ख, दोण्हं अन्नयरे सिया । सन्वदुक्खपहीणे वा, देवे वावि महिह्हिए ॥ २५ ॥ उत्तराइं विमोहाइं, जुईमंताऽणुपुव्वसो । समाइण्णाइं जक्खेहिं, आवासाइं जसंसिणो ॥ २६ ॥ दीहाउया इङ्क्रिमंता, सिमद्धा कामरूविणो । अहुणोववन्नसंकासा, भुज्जो अचिमालिप्पभा ॥ २० ॥ ताणि ठाणाणि गच्छंति, सिक्खिता संजमं तवं । भिक्खाए वा गिहत्थे वा, जे संति परिनिव्वुडा ॥ २८ ॥ तेसिं सोचा सपुज्जाणं, संजयाण वसीमओ । न संतसंति मरणंते, सीलवंता बहुस्सुया ॥ २९ ॥ तुलिया विसेसमादाय, दयाधम्मस्स खंतिए। विप्पसीएज मेहावी, तहाभूएण अप्पणा ॥ ३०॥ तओ काले अभिप्पेए, सङ्घी तालिसमंतिए। विणएजा लोमहरिसं, भेयं देहस्स कंखए ॥ ३१॥ अह कालम्मि संपत्ते, आघायाय समुस्सयं। सकाममरणं मरई, तिण्हमन्नयरं मुणी ॥ ३२॥ ति-वेमि ॥ इति अकाममरणिज्ञं णामं पंचममज्झयणं समत्तं ॥ ५॥

अह खुड्डागणियंठिजं णामं छट्टमज्झयणं

जावंतऽविजापुरिसा, सन्वे ते दुक्खसंभवा। छप्पंति बहुसो मूढा, संसारंसि अपातए॥ १॥ समिक्ख पंडिए तम्हा, पासजाइपहे बहू। अप्पणा सच्चमेसेजा, मेर्ति भूएस कप्पए॥ २॥ माया पिया ण्हुसा भाया, भजा पुता य ओरसा। नारुं ते मम ताणाए, लुप्पंतस्स सकम्मुणा ॥ ३ ॥ एयमट्टं सपेहाए, पासे समिय-दंसणे । छिंदे गिर्द्धि सिणेहं च, न कंखे पुव्वसंथवं ॥ ४ ॥ गवासं मणिकुंडलं, पसवो दासपोरुसं । सन्वमेयं चइत्ताणं, कामरूवी भविस्सिस ॥ ५ ॥ (थावरं जंगमं चेव, धणं धन्नं उवक्खरं । पचमाणस्स कम्मेहिं, नालं दुक्खाओ मोयणे॥) अज्झत्थं सन्वओ सन्वं, दिस्स पाणे पियायए । न हणे पाणिणो पाणे, भयवेराओ उवरए ॥ ६ ॥ आयाणं नरयं दिस्स, नायएज तणामवि । दोगुंछी अपणो पाए, दिन्नं मुंजेज भोयणं ॥ ७ ॥ इहमेगे उ मन्नंति, अप्पचक्काय पावगं । आयरियं विदित्ताणं, सव्वदुक्खा विमुचई ॥ ८ ॥ भणंता अकरेंता य, बंधमोक्खपइण्णिणो । वायाविरियमेत्तेण, समासासेंति अप्पयं ॥ ९ ॥ न चित्ता तायए भासा, कुओ विजाणुसासणं । विसन्ना पावकम्मेहिं, बाला पंडियमाणिणो ॥ १०॥ जे केइ सरीरे सत्ता. वण्णे रूवे य सव्वसो । मणसा कायवक्षेणं, सव्वे ते दुक्खसंभवा ॥ ११ ॥ आवन्ना दीहमद्धाणं, संसारंमि अणंतए । तम्हा सन्वदिसं पस्सं, अप्पमत्तो परिन्वए ॥ १२ ॥ बहिया उड्डमादाय, नावकंखे कयाइ वि । पुन्वकम्मक्खयद्वाए, इमं देहं समुद्धरे ॥ १३ ॥ विर्गिच कम्मुणो हेउं, कालकंखी परिव्वए । मार्य पिंडस्स पाणस्स, कडं लखूण भक्खए॥ १४॥ सिन्निहिं च न कुव्वेजा, लेवमायाए संजए। पक्खीपत्तं समादाय, निरवेक्खो परिव्वए॥ १५॥ एसणासमिओ लज्जू, गामे अणियओ चरे । अप्पमत्तो पमत्तेहिं, पिंडवायं गवेसए ॥ १६॥ एवं से उदाह अणुत्तरनाणी, अणुत्तरदंसी अणुत्तरनाणदंसणधरे । अरहा नायपुत्ते भगवं, वेसालिए वियाहिए ॥ १७ ॥ त्ति-बेमि ॥ इति खुडुागणियंठिज्ञं णामं छट्टमज्झयणं समत्तं ॥ ६॥

अह एऌइज्जणामं सत्तममज्झयणं

जहाएसं समुिह्स्स, कोइ पोसेजा एलयं । ओयणं जवसं देजा, पोसेजा वि सयंगणे ॥ १ ॥ तओ से पुट्टे परिवृद्धे, जायमेए महोदरे । पीणिए विडले देहे, आएसं परिकंखए ॥ २ ॥ जाव न एइ आएसे, ताव जीवइ से दुर्ही । अह पत्तिम्म आएसे, सीसं छेतृण भुजाई ॥ ३ ॥ जहा से खल्ल उरब्मे, आएसाए समीिहए । एवं वाले अहम्मिट्टे, ईहई नरयाउयं ॥ ४ ॥ हिंसे बाले मुसावाई, अद्धाणंमि विलोवए । अन्वदत्तहरे तेणे, माई कं नु हरे सढे ॥ ५ ॥ इत्थीविसयगिद्धे य, महारंभपरिग्गहे । भुंजमाणे सुरं मंसं, परिवृद्धे परंदमे ॥ ६ ॥ अयकक्षरमोई य, तुंदिले चियलोहिए ।

आउयं नरए कंखे, जहाएसं व एलए ॥ ७ ॥ आसणं सयणं जाणं, वित्तं कामाणि भुंजिया । दुस्साहडं घणं हिचा, बहुं संचिणिया रयं ॥ ८ ॥ तओ कम्मगुरू जंत . पञ्चपन्नपरायणे । अयन्व आगयाएसे, मरणंतम्मि सोयई ॥ ९ ॥ तओ आउप-रिक्खीणे, चुयदेहा विहिंसगा। आसुरीयं दिसं बाला, गच्छंति अवसा तमं॥ १०॥ जहा कागिणिए हेर्ड, सहस्सं हारए नरो । अपत्थं अंबगं भोचा, राया रजंत हारए ॥ ११ ॥ एवं माणुस्सगा कामा, देवकामाण अंतिए । सहस्सगुणिया भुजा आउं कामा य दिव्विया ॥ १२ ॥ अणेगवासानउया, जा सा पन्नवओ ठिई । जाणि जीयंति दुम्मेहा, ऊणे वाससयाउए ॥ १३ ॥ जहा य तिन्नि वाणिया, मुलं घेतुण निग्गया । एगोऽत्य लहई लाभं, एगो मूलेण आगओ ॥ १४ ॥ एगो मूलं पि हारित्ता. आगओ तत्थ वाणिओ । ववहारे उवमा एसा, एवं धम्मे वियाणह ॥ १५ ॥ माणसत्तं भवे मुळं. लाभो देवगई भवे । मूलच्छेएण जीवाणं, नरगतिरि-क्खत्तणं धुवं ॥ १६ ॥ दुहुओ गई बालस्स, आवई वहमूलिया । देवतं माणुसत्तं च. जं जिए लोलयासढे ॥ १७ ॥ तओ जिए सई होइ, दुविहं दुग्गईं गए । दुह्रहा तस्स उम्मग्गा, अद्धाए सुचिरादवि ॥ १८ ॥ एवं जियं सपेहाए, तुलिया वालं च पंडियं । मूलियं ते पवेसंति, माणुसिं जोणिमेंति जे ॥ १९ ॥ वेमायाहिं सिक्खाहिं, जे नरा गिहिसुव्वया। उर्वेति माणुसं जोणिं, कम्मसचा हु पाणिणो ॥ २०॥ जेसिं तु विउला सिक्खा, मूलियं ते अइच्छिया। सीलवंता सविसेसा, अदीणा जंति देवयं ॥ २१ ॥ एवमदीणवं भिक्खू, अगारिं च वियाणिया । कहण्ण जिचमे-लिक्खं, जिन्नमाणे न संविदे ॥ २२ ॥ जहा कुसग्गे उदगं, समुद्देण समं मिणे । एवं माणुस्सगा कामा, देवकामाण अंतिए ॥ २३ ॥ कुसरगमेत्ता इमे कामा, सन्नि-रुद्धिम्म आउए । कस्स हेउं पुराकाउं, जोगक्खेमं न संविदे ॥ २४ ॥ इह कामा-णियदृस्स, अत्तहे अवरज्झई । सोचा नेयाउयं मग्गं, जं भुजो परिभस्सई ॥ २५ ॥ इह कामाणियहस्स, अत्तेष्ट्रे नावरज्झई । पूड्देहनिरोहेणं, भवे देवे ति में मुयं ॥ २६ ॥ इड्ढी जुई जसो वण्णो, आउं सुहमणुत्तरं । भुज्जो जत्थ मणुरसेसु, तत्थ से उववर्जाई ॥ २७ ॥ बालस्स पस्स बालतं, अहम्मं पडिवर्ज्जिया । चिचा धम्मं अहम्मिद्रे. नरएसूववजाई ॥ २८ ॥ घीरस्स पस्स घीरत्तं, सन्वधम्माणुवत्तिणो । चिचा अधम्मं धम्मिट्ठे, देवेसु उववर्जाई ॥ २९ ॥ तुलियाण बालभावं, अबालं चेव पंडिए। चइऊण बालभावं, अवालं सेवए मुणि॥ ३०॥ त्ति—वेमि॥ **इति एलइज्ज**-णामं सत्तममज्न्यणं समत्तं ॥ ७ ॥

अह काविलियं णामं अट्टममज्झयणं ——००%०——

अधुवे असासयम्मि, संसारंमि दुक्खपउराए। किं नाम होज तं कम्मयं, जेणाहं दुग्गइं न गच्छेजा ? ॥ १ ॥ विजहित्तु पुन्वसंजोयं, न सिणेहं किहंचि कुन्वेजा । असि-णेहिसणेहकरेहिं, दोसपओसेहि मुच्चए भिक्ख् ॥ २ ॥ तो नाणदंसणसमग्गो, हियनि-स्सेसाए सन्वजीवाणं । तेसिं विमोक्खणद्वाए भासइ मुणिवरो विगयमोहो ॥ ३ ॥ सन्वं गंथं कलहं च, विप्पजहे तहाविहं भिक्खू। सन्वेसु कामजाएसु, पासमाणी न लिप्पई ताई ॥ ४॥ भोगामिसदोसविसन्ने, हियनिस्सेयसबुद्धिवोच्तथे। वाले य मंदिए मूढ़े, बज्झइ मच्छिया व खेलम्मि॥ ५॥ दुप्परिचया इमे कामा, नो मुजहा अधी-रपुरिसेहिं। अह संति सुन्वया साहू, जे तरंति अतरं विणया वा ॥ ६॥ समणा मु एगे वयमाणा, पाणवहं मिया अयाणंता । मंदा निरयं गच्छंति, बाला पावियाहिं दिद्वीहिं ॥ ७ ॥ न हु पाणवहं अणुजाणे, मुचेज कयाइ सव्बदुक्खाणं । एवमायरिएहिं अक्खायं, जेहिं इमो साहुधम्मो पन्नत्तो ॥ ८ ॥ पाणो य नाइवाएजा, से समीइति बुचई ताई। तओ से पावयं कम्मं, निजाइ उदगं व थलाओ ॥ ९ ॥ जगनिस्सिएहिं भूएहिं, तसनामेहिं थावरेहिं च । नो तेसिमारभे दंडं, मणसा वयसा कायसा चेव ॥ १० ॥ सुद्धेसणाओ नचाणं, तत्थ ठवेज भिक्ख् अप्पाणं । जायाए घासमेसेजा, रसगिद्धे न सिया भिक्खाए ॥ ११ ॥ पंताणि चेव सेवेजा, सीयपिंडं पुराणकुम्मासं । अद् बुक्सं पुलागं वा, जवणद्वाए निसेवए मंथुं ॥ १२ ॥ जे लक्खणं च सुविणं च, अंगविजं च जे पउंजंति । न हु ते समणा वृधंति, एवं आयरिएहिं अक्लायं ॥ १३॥ इह जीवियं अणियमेत्ता, पन्भद्वा समाहिजोएहिं। ते कामभोगरसिंगद्धा, उववजांति आमुरे काए ॥ १४ ॥ तत्तो वि य उच्चिहिता, संसारं बहु अणुपरियडंति । बहुकम्म-लेवलिताणं, बोही होइ सुदुल्लहा तेसिं॥ १५॥ कसिणं पि जो इमं लोयं, पर्डिपुण्णं दलेज इकस्स । तेणावि से न संतुस्से, इद दुप्पूरए इमे आया ॥ १६ ॥ जहा लाही तहा लोहो, लाहा लोहो पवसूई। दोमासकयं कर्ज, कोडीए वि न निट्टियं॥ १७॥ नो रक्खसीसु गिज्झेजा, गंडवच्छासुऽणेगचित्तासु । जाओ पुरिसं पलोभित्ता, खेळंति जहा व दासेहिं ॥ १८ ॥ नारीमु नोवगिज्सेजा, इत्थी विप्पजहे अणागारे । धम्मं च पेसलं नचा, तत्थ ठवेज भिक्ख् अप्पाणं ॥ १९ ॥ इइ एस धम्मे अक्खाए, ऋवि-रुणं च विमुद्धपन्नेणं। तरिहिंति जे उ काहिंति, तेहिं आराहिया दुवे लोग ॥ २०॥ ति-बेमि ॥ इति काविलियं णामं अटुममज्झयणं समत्तं ॥ ८॥

अहः सम्पर्यका नामं नवममज्झयणं

चइऊण देवलोगाओ, उववन्नो माणुसंमि लोगंमि । उवसंतमोहणिज्जो, सरई पोराणियं जाई ॥ १ ॥ जाई सरित् भयवं, सयंसंबुद्धो अणुत्तरे धम्मे । पुत्तं ठवेतु रजे, अभिणिक्खमई नमी राया॥ २ ॥ सो देवलोगसरिसे, अंतेउरवरगओ वरे भोए। मुंजित्तु नमी राया, बुद्धो भोगे परिचयई।। ३।। मिहिलं सपुरजणवयं, बलमोरोहं च परियणं सन्वं । चिचा अभिनिक्खंतो, एगंतमहिद्विओ भयवं ॥ ४॥ कोलाहलगभूयं, आसी मिहिलाए पव्ययंतिम । तइया रायरिसिंमि, निमंमि अभिणिक्खमेर्तमि ॥ ५ ॥ अब्भुद्वियं रायरिसिं, पवजाठाणमुत्तमं । सक्को माहण-रूवेण, इमं वयणमञ्जवी ॥ ६ ॥ किं नु भो! अज मिहिलाए, कोलाहलगसंकुला । सुव्वंति दारुणा सद्दा, पासाएस गिहेस य ॥ ७ ॥ एयमहं निसामित्ता, हेऊकारण-चोइओ । तओ नमी रायरिसी, देविंदं इणमञ्जवी ॥ ८ ॥ मिहिलाए चेईए वच्छे. सीयच्छाए मणोरमे । पत्तपुष्फफलोवेए, बहुणं बहुगुणे सया ॥ ९ ॥ वाएण हीर-माणिम्म, चेड्रैयम्मि मणोरमे । दृहिया असरणा अत्ता, एए कंदंति भो! खगा ॥ १० ॥ एयमई निसामित्ता, हेऊकारणचोइओ । तओ निमं रायरिसिं, देविंदो इणमञ्जवी ॥ ११ ॥ एस अग्गी य वाऊ य, एयं डज्झइ मंदिरं । भयवं अंतेउरं तेणं. कीस णं नावपेक्खह ॥ १२ ॥ एयमद्रं निसामित्ता, हेऊकारणचोइओ । तओ नमी रायरिसी, देविंदं इणमञ्जवी ॥ १३ ॥ सहं वसामो जीवामो, जेसि मो नित्थ किंचणं । मिहिलाए डज्झमाणीए, न में डज्झइ किंचणं ॥ १४ ॥ चत्त-पुत्तकलत्तरस, निव्वावारस्स भिक्खुणो । पियं न विज्जई किंचि, अप्पियं पि न विजाई ॥ १५ ॥ बहुं खु मुणिणो भद्दं, अणगारस्स भिक्खुणो । सन्वओ विप्प-मुकस्स. एगंतमणुपरसञ्जो ॥ १६ ॥ एयमट्ठं निसामित्ता, हेऊकारणचोइओ । तओ निमं रायरिसिं, देविंदो इणमञ्बवी ॥ १७ ॥ पागारं कारइत्ताणं, गोपुरहालगाणि य । उस्सूलगसयग्वीओ, तओ गच्छिस खत्तिया ! ॥ १८ ॥ एयमट्टं निसामित्ता. हेऊकारणचोइओ । तओ नमी रायरिसी, देविंदं इणमञ्बवी ॥ १९ ॥ सद्धं नगरं किचा, तवसंवरमग्गलं । खंतिं निडणपागारं, तिगुत्तं दुप्पधंसयं॥ २०॥ धणुं परकमं किचा, जीवं च इरियं सया। धिई च केयणं किचा, सच्चेणं पिलमंथए ॥ २१ ॥ तवनारायजुत्तेण, भित्तूणं कम्मकंचुयं । मुणी विगयसंगामो, भवाओ परिमुचए ॥ २२ ॥ एयमट्टं निसामित्ता, हेऊकारणचोइओ । तओ नर्मि रायरिसिं.

१ उजाणे। २ 'रुक्ख'।

देविंदो इणमञ्बवी ॥ २३ ॥ पासाए कारइत्ताणं, वद्धमाणगिहाणि य । वालग्ग-पोइयाओ य, तओ गच्छिस खत्तिया ! ॥ २४ ॥ एयमद्रं निसामित्ता, हेऊकारण-चोइओ । तओ नमी रायरिसी, देविंदं इणमब्बवी ॥ २५ ॥ संसयं खलु सो कुणई, जो मग्गे कुणई घरं । जत्थेव गंतुमिच्छेजा, तत्थ कुव्वेज सासयं ॥ २६ ॥ एयमट्टं निसामित्ता, हेऊकारणचोइओ । तओ निमं रायरिसिं, देविंदो इणमञ्चवी ॥ २७॥ आमोसे लोमहारे य. गंठिमेए य तक्करे । नगरस्स खेमं काऊणं. तओ गच्छिस खत्तिया ! ॥ २८ ॥ एयमद्रं निसामित्ता. हेऊकारणचोइओ । तओ नमी रायरिसी, देविंदं इणमञ्बवी ॥ २९ ॥ असई तु मणुस्सेहिं, मिच्छा दंडो पजुजाई । अकारिणोऽत्थ बज्झंति, मुचई कारओ जणो ॥ ३० ॥ एयमद्वं निसामित्ता, हेऊ-कारणचोइओ । तओ नर्मि रायरिसिं. देविंदो इणमञ्चवी ॥ ३१ ॥ जे केड पत्थिया तुज्झं, नानमंति नराहिवा । वसे ते ठावइत्ताणं, तुओ गच्छिस खत्तिया ! ॥ ३२ ॥ एयमद्रं निसामित्ता, हेऊकारणचोइओ । तओ नमी रायरिसी, देविंदं इणमञ्जवी ॥ ३३ ॥ जो सहस्सं सहस्साणं, संगामे दुजाए जिणे । एगं जिणेजा अप्पाणं, एस से परमो जओ ॥ ३४ ॥ अप्पाणमेव जुज्झाहि, किं ते जुज्झेण वज्झओ। अप्पाणमेव अप्पाणं, जङ्ता सहमेहए ॥ ३५ ॥ पंचिंदियाणि कोहं, माणं मायं तहेव लोहं च । दुज्जयं चेव अप्पाणं, सन्वमप्पे जिए जियं ॥ ३६ ॥ एयमद्रं निसामिता, हेऊकारणचोड्ओ । तुओ निम रायरिसि, देविंदो इणमञ्जवी ॥ ३७ ॥ जड़ता विडले जने, भोड़ता समणमाहणे । दचा भोचा य जिहा य. तओ गन्छसि खत्तिया ! ॥ ३८ ॥ एयमद्रं निसामित्ता, हेऊकारणचोइओ । तओ नमी रायरिसी, देविंदं डणमब्बवी ॥ ३९ ॥ जो सहस्सं सहस्साणं, मासे मासे गवं दए । तस्स वि संजमो सेओ, अर्दितस्स वि किंचणं ॥ ४० ॥ एयमद्रं निसामित्ता, हेऊकारण-चोइओ । तओ निम रायरिसिं, देविंदो इणमञ्चवी ॥ ४१ ॥ घोरासमं चइताणं, अन्नं पत्थेसि आसमं । इहेव पोसहरओ, भवाहि मणुयाहिवा ! ॥ ४२ ॥ एयमट्टं निर्धामत्ता, हेऊकारणचोइओ । तओ नमी रायरिसी, देविंदं इणमच्यवी ॥ ४३ ॥ मासे मास त जो वालो, कसम्मेणं तु भुंजए । न सो मुअवसायधम्मस्य, कलं अम्घः सोलिम् ॥ ४४ ॥ एयमट्टं निसामित्ता, हेळकारणचोड्ओ । तओ निमं रायरिसं, देविंदो उणमञ्जवी ॥ ४५ ॥ हिरण्णं सुवर्णं मणिसुत्तं, कंसं दसं च वाहणं । कोसं वङ्कावटनाणं, तओ गच्छित खत्तिया ! ॥ ४६ ॥ एयमद्रं निसामित्ता, हेऊकारणचोठओ । तओ नमी रायरिसी, देविंदं इणमञ्चवी ॥ ४७ ॥ सुवण्णरूपस्स उ पन्वया भवे, भिया ह केळाससमा असंख्या । नरस्स लद्धस्स न तहि किंचि, उच्छा ह आगायगमा अणंतिया ॥ ४८ ॥ पुढवी साली जवा चेव, हिरण्णं पसुभिस्सह । पिडपुण्णं नालमेगस्स, इइ विजा तवं चरे ॥ ४९ ॥ एयमट्टं निसामित्ता, हेऊकारणचोइओ । तओ निमं रायरिसिं, देविंदो इणमञ्चवी ॥ ५० ॥ अच्छेरयमञ्भुदए, भोए चयसि पत्थिवा । असंते कामे पत्थेसि, संकप्पेण विहम्मसि ॥ ५१ ॥ एयमद्वं निसामिता, हेऊकारणचोइओ । तओ नमी रायरिसी, देविंदं इणमब्बवी ॥ ५२ ॥ सहं कामा विसं कामा, कामा आसीविसोवमा । कामे पत्थेमाणा, अकामा जंति दोग्गई ॥ ५३ ॥ अहे वयइ कोहेणं, माणेणं अहमा गई । माया गईपडिग्घाओ, लोभाओ दृहओ भयं ॥ ५४ ॥ अवउज्झिऊण माहणरूवं, विउव्विऊण इंदत्तं । वंदइ अभि-त्युणंतो इमाहिं महुराहिं वग्गूहिं ॥ ५५ ॥ अहो ते निजिओ कोहो, अहो माणो पराजिओ । अहो ते निरक्षिया माया, अहो लोभो वसीकओ ॥ ५६ ॥ अहो ते अज्जवं साहु, अहो ते साहु मद्दवं । अहो ते उत्तमा खंती, अहो ते मुत्ति उत्तमा ॥ ५७ ॥ इहं सि उत्तमो भंते !. पच्छा होहिसि उत्तमो । लोगुत्तमुत्तमं ठाणं, सिर्द्धि गच्छिस नीरओ ॥ ५८ ॥ एवं अभित्थुणंतो, रायरिसिं उत्तमाए सद्धाए । पयाहिणं करेंतो, पुणो पुणो वंदई सक्को ॥ ५९ ॥ तो वंदिऊण पाए, चक्कंकुसलक्खणे मुणिवरस्स । आगासेणुप्पइओ, लिळयचवलकुंडलितरीडी ॥ ६०॥ नमी नमेइ अप्पाणं, सक्खं सक्केण चोइओ । चइऊण गेहं च वेदेही, सामण्णे पज्जवद्रिओ ॥ ६१ ॥ एवं करेंति संबुद्धा, पंडिया पवियक्खणा । विणियदृंति भोगेस, जहा से नमी रायरिसि ॥ ६२ ॥ त्ति-बेमि ॥ इति नमिपव्यज्जा नामं नवममज्झयणं समत्तं॥ ९॥

अह दुमपत्तयं णामं दसममज्झयणं

दुमपत्तए पंडुयए जहा, निवडइ राइगणाण अचए । एवं मणुयाण जीवियं, समयं गोयम ! मा पमायए ॥ १ ॥ कुसग्गे जह ओसविंदुए, थोवं चिट्ठइ लंबमाणए। एवं मणुयाण जीवियं, समयं गोयम ! मा पमायए ॥ २ ॥ इइ इत्तरियम्मि आउए, जीवियए बहुपच्चवायए। विहुणाहि रयं पुरे कडं, समयं गोयम ! मा पमायए ॥ ३ ॥ दुळ्ळहे खळु माणुसे भवे, चिरकालेण वि सन्वपाणिणं। गाढा य विवाग कम्मुणो, समयं गोयम ! मा पमायए ॥ ४ ॥ पुढविकायमइगओ, उक्कोसं जीवो उ संवसे । कालं संखाईयं, समयं गोयम ! मा पमायए ॥ ५ ॥ आउक्कायमइगओ, उक्कोसं जीवो उ संवसे । कालं संखाईयं, समयं गोयम ! मा पमायए ॥ ५ ॥ तेउक्कायमइगओ.

उद्योसं जीवो उ संवसे। कालं संखाईयं, समयं गोयम! मा पमायए॥ ७॥ वाउकायमइगओ, उक्कोसं जीवो उ संवसे । कालं संखाईयं, समयं गोयम! मा पमायए ॥ ८ ॥ वणस्सइकायमङ्गओ, उक्कोसं जीवो उ संवसे । कालमणंतद्धरंतयं, समयं गोयम ! मा प्रमायण ॥ ९ ॥ बेइंदियकायमङ्गओ, उक्कोसं जीवो उ संवसे । कालं संखिजासित्रयं. समयं गोयम! मा पमायए ॥ १० ॥ तेइंदियकायमङ्गओ. उक्कोसं जीवो उ संबसे। कालं संखिजसिन्नयं, समयं गोयम ! मा पमायए॥ ११॥ चर्टारेंदियकायमङ्गओ, उद्घोसं जीवो उ संवसे। कालं संखिजसन्नियं, समयं गोयम! मा पमायए ॥ १२ ॥ पंचिंदियकायमइगओ, उक्कोसं जीवो उ संवसे । सत्तहभवगहणे, समयं गोयम ! मा पमायए ॥ १३ ॥ देवे नेरइए य अङ्गओ, उद्योसं जीवो उ संवसे । इक्केक्सभवगहणे. समयं गोयम ! मा पमायए ॥ १४ ॥ एवं भवसंसारे. संसर्इ सुहासुहेहिं कम्मेहिं। जीवो पमायवहलो, समयं गोयम! मा पमायए ॥ १५ ॥ लद्भण वि माणुसत्तणं, आरियतं पुणरवि दुल्लहं । वहवे दसुया मिलक्कुया, समयं गोयम ! मा पमायए ॥ १६ ॥ लब्रूण वि आरियत्तर्ण, अहीणपंचेंदियया हु दुछहा । विगलिंदियया ह दीसई, समयं गोयम ! मा पमायए ॥ १७ ॥ अहीणपंचेंदियत्तं पि से लहे, उत्तमधम्मसुई हु दुछहा। कुतित्थिनिसेवए जणे, समयं गोयम! मा पमायए ॥ १८ ॥ लद्भण वि उत्तमं सुई, सदृहणा पुणरावि दुल्लहा । मिच्छत्तनिसेवए जणे, समयं गोयम ! मा पमायए ॥ १९ ॥ धम्मं पि हु सहहंतया, दुछहया काएण फासया। इहकामगुणेहि मुच्छिया, समयं गोयम! मा पमायए॥ २०॥ परिज्रह ते सरीर्यं, केसा पंडरया हवंति ते। से सोयवले य हायई. समयं गोयम! मा पमायए ॥ २१ ॥ परिजरङ ते सरीरयं, केसा पंडरया हवंति ते । से चक्खबले य हायई, समयं गोयम ! मा पमायए ॥ २२ ॥ परिजृरइ ते सरीरयं, केसा पंडरया हवंति ते । से घाणबळे य हायई, समयं गोयम ! मा पमायए ॥ २३ ॥ परिज्रूर ते सरीरयं, केसा पंदुरया हवंति ते । से जिन्भवछे य हायई, समयं गोयम! मा पमायए ॥ २४ ॥ परिजुर्इ ते सरीरयं, केसा पंडरया हवंति ते । से फासवरे य हायई, समयं गोयम! मा पमायए ॥ २५ ॥ परिज्ञरङ ते सरीरयं, केसा पंडरया हवंति ते । से सब्बब्छे य हायई, समयं गोयम ! मा प्रमायए ॥ २६ ॥ अर्र्ड गंडं विसुद्या, आयंका विविहा फुसंति ते । विहड्ड विद्धंसङ ते सरीरयं, समयं गोयम ! मा पमायए ॥ २७ ॥ वोच्छिद सिणेहमपणो, कुम्यं सार्ट्यं व पाणियं । सं सम्बन्धित्वज्ञिए, समयं गोयम ! मा प्रमायए ॥ २८ ॥ चित्राण घणं च भारियं, पव्यक्तओं हि सि अणगारियं। मा बंतं पुणो वि आवित, समयं गोयम ! मा प्रमायत ॥ २९॥ अवडिज्झय मित्तबंधवं, विडलं चेव धणोहसंचयं। मा तं विइयं गवेसए, समयं गोयम! मा पमायए॥ ३०॥ न हु जिणे अज्ञ दिस्सई, बहुमए दिस्सइ मग्गदेसिए। संपइ नेयाउए पहे, समयं गोयम! मा पमायए॥ ३१॥ अवसोहिय कंटगापहं, ओइण्णो सि पहं महालयं। गच्छिस मग्गं विसोहिया, समयं गोयम! मा पमायए॥ ३२॥ अवले जह भारवाहए, मा मग्गे विसमेऽवगाहिया। पच्छा पच्छाणुतावए, समयं गोयम! मा पमायए॥ ३३॥ तिण्णो हु सि अण्णवं महं, किं पुण चिट्ठिसि तीरमागओ। अभितुर पारं गमित्तए, समयं गोयम! मा पमायए॥ ३४॥ अवलेवरसेणि उस्सिया, सिद्धिं गोयम! लोयं गच्छिसि। खेमं च सिवं अणुत्तरं, समयं गोयम! मा पमायए॥ ३५॥ बुद्धे परिनिव्वुडे चरे, गामगए नगरे व संजए। संतीमगं च बृहए, समयं गोयम! मा पमायए॥ ३६॥ बुद्धस्स निसम्म भासियं, सुकहियमहप्रभावसोहियं। रागं दोसं च छिंदिया, सिद्धिगहं गए गोयमे॥ ३०॥ ति–बेमि॥ इति दुमपत्तयं णामं द्सममज्झयणं समत्तं॥ १०॥

अह बहुस्सुयपुज्ञं णामं एगारसममज्झयणं

संजोगा विष्पमुक्कस्स, अणगारस्स भिक्खुणो। आयारं पाउकरिस्सामि, आणु-पुर्विं सुणेह मे॥ १॥ जे यावि होइ निक्तिजे, यद्धे छुद्धे अणिगहे। अभिक्खणं उछ्लवई, अविणीए अबहुस्सुए॥ २॥ अह पंचिहं ठाणेहिं, जेहिं सिक्खा न ठव्मई। यम्भा कोहा पमाएणं, रोगेणांऽलस्सएणं य॥ ३॥ अह अट्ठिहं ठाणेहिं, सिक्खासीले ति वुचई। अहस्सिरे सया दंते, न य मम्ममुदाहरे॥ ४॥ नासीले न विसीले, न सिया अइलोहुएँ। अँकोहणे सचर्एं, सिक्खासीले ति वुचई॥ ५॥ अह चोह्सिर ठाणेहिं, वहमाणे उ संजए। अविणीए वुचई सो उ, निव्वाणं च न गच्छई॥ ६॥ अभिक्खणं कोही हवई, पबंधं च पकुर्विं। मेतिज्ञमाणो वर्मई, मुयं लद्ध्ण मर्जोई॥ ७॥ अवि पावपरिकेखेवी, अवि मित्तेषु कुर्ण्यई। सुप्पियस्सावि मित्तस्स, रहे भासइ पावयं॥ ८॥ पइण्णवाई दुहिले, यद्धे छुद्धे अणिग्गहे। असंविमाणी अवियत्ते, अविणीए ति बुचई॥ ९॥ अह पत्रस्साहि ठाणेहिं, सुविणीए ति बुचई। नीयावित्ती अचवेले, अमाई अकुरुहें ॥ १०॥ अप्यं च अहिक्खिवेई, पबंधं च न कुर्ल्यई। मेत्तिज्जमाणो भयँई, सुयं लद्धं न मर्जाई॥ १९॥ न य पाव-परिकेखेवी, न य मित्तेषु कुर्ण्यई। अपियस्सावि मित्तस्स, रहे कछाण भासिई॥ १२॥

कळहडमरवर्जिए, बुद्धे अभिजाइए । हिरिमं पडिसंठीणे, सुविणीए त्ति बुचई ॥ १३ ॥ वसे गुरुकुले निचं, जोगवं उवहाणवं । पियंकरे पियंवाई, से सिक्खं लद्धमरिहई ॥ १४ ॥ जहा संखंमि पयं, निहियं दुहुओ वि विरायइ । एवं बहुस्सुए भिक्खू, धम्मो कित्ती तहा सुयं ॥ १५ ॥ जहा से कंबोयाणं, आइण्णे कंथए सिया । आसे जवेण पवरे, एवं हवइ बहस्सए ॥ १६ ॥ जहाइण्णसमारूढे, स्रे दटपरक्रमे । उभओ नंदिघोसेणं, एवं हवइ बहुस्सुए ॥ १७ ॥ जहा करेणुपरिकिण्णे, कुंजरे सिद्धहायणे । बलवंते अप्पिडहिए, एवं हवइ वहस्सुए ॥ १८ ॥ जहा से तिक्ख-सिंगे, जायखंधे विरायई । वसहे जृहाहिवई, एवं हवइ वहुस्छए ॥ १९ ॥ जहां से तिक्खदाढे, उदग्गे दुप्पहंसए । सीहे मियाण पवरे, एवं हवइ वहस्युए ॥ २० ॥ जहां से वासुदेवे, संखचक्रगयाधरे । अप्पिडहयवले जोहे, एवं हवइ वह-स्खए ॥ २१ ॥ जहा से चाउरंते, चक्कवट्टी महिष्ट्रिए । चोद्दसरयणाहिवई, एवं हवड् वहुस्सुए ॥ २२ ॥ जहां से सहस्सक्खे, वज्जपाणी पुरंदरे । सक्के देवाहिवई, एवं हवइ वहुस्सुए ॥ २३ ॥ जहां से तिमिरविदंसे, उचिद्वंते दिवायरे । जलंते इव तेएण, एवं हवइ बहुस्सुए ॥ २४ ॥ जहा से उड़बई चंदे, नक्खत्तपरिवारिए । पडिपुण्णो पुण्णमासीए, एवं हवइ वहस्सुए ॥ २५ ॥ जहा से सामाइयाणं, कोट्टा-गारे सरक्खिए। नाणाधन्नपिष्ठपुण्णे, एवं हवइ वहुस्सुए ॥ २६ ॥ जहा सा दुमाण पवरा, जंबू नाम सुदंसणा । अणाहियस्स देवस्स, एवं हवइ वहस्सुए ॥ २०॥ जहां सा नईण पवरा, संलिला सागरंगमा । सीया नीलवंतपवहा, एवं हवइ वहस्सए ॥ २८॥ जहां से नगाण पबरे, सुमहं मंदरे गिरी। नाणोसहिपजालिए, एवं हवड वह-स्मुए ॥ २९ ॥ जहां से सर्यभुरमणे, उदही अक्खओदए । नाणार्यणपिंडपुण्णे, एवं हवइ बहुस्सुए ॥ ३० ॥ समुद्दगंभीरसमा दुरासया, अचिकिया केणड दुप्पहंसया । सुयस्य पुण्णा विडलस्य ताइणो, खविनु कम्मं गइमुत्तमं गया ॥ ३१ ॥ तम्हा सुयमहिद्विजा, उत्तमद्वगवेसए। जेणप्पाणं परं चेव, सिद्धं संपाडणेजासि ॥ ३२ ॥ ति–वेमि ॥ इति वहुस्सुयपुज्जं णामं एगारसममज्झयणं समत्तं ॥ ११ ॥

अह हरिएसिजं णामं दुवालसममज्झयणं

सोवागकुळसंभुओ, गुणुत्तरथरो मुणी । हरिएसवळो नाम, आसि भिक्स जिई-दिओ ॥ १ ॥ इरिएसणभासाए, उचारसिम्दिस य । जओ आयार्णानक्येचे, संजओ सुसमाहिओ ॥ २ ॥ मणगुत्तो वयगुत्तो, कायगुत्तो जिद्दिओ । भिक्सहा चेभ-६३ सत्ता०

इज्जम्मि, जन्नवाडे उवद्विओ ॥ ३ ॥ तं पासिऊणमेर्ज्जंतं, तवेण परिसोसियं । पंतोवहि-उवगरणं, उवहसंति अणारिया ॥ ४ ॥ जाइमयपिडथद्धा, हिंसगा अजिइंदिया । अबंभचारिणो बाला, इमं वयणमञ्बवी ॥ ५ ॥ कयरे आगच्छइ दित्तरूवे, काले विकराळे फोक्कनासे । ओमचेलए पंसुपिसायभूए, संकरदूसं परिहरिय कंटे ॥ ६॥ कयरे तुमं इय अदंसणिजे ?, काए व आसा इहमागओ सि ?। ओमचेलया पंसुपिसाय-भ्या, गच्छक्खलाहि किमिहं ठिओ सि ?॥ ७॥ जक्खे तिहं तिंदुयस्क्खवासी, अणु-कंपओ तस्स महामुणिस्स । पच्छायइता नियगं सरीरं, इमाइं वयणाइमुदाहरित्था ॥ ८ ॥ समणो अहं संजओ बंभयारी, विरओ धणपयणपरिग्गहाओ । परप्पवित्तस्स उ भिक्खकाले, अन्नस्स अद्वा इहमागओमि ॥ ९ ॥ वियरिज्ञ खज्जई भुजाई य, अन्नं पभूयं भवयाणमेयं । जाणाहि मे जायणजीविणुत्ति, सेसावसेसं लभऊ तवस्सी ॥ १० ॥ उवक्खडं भोयण माहणाणं, अत्तद्वियं सिद्धमिहेगपक्खं । न ऊ वयं एरिस-मन्नपाणं. दाहाम् तुज्झं किमिहं ठिओ सि ? ॥ ११ ॥ थलेस बीयाइ ववंति कासगा, तहेव निन्नेसु य आससाए। एयाए सद्धाए दलाह मज्झं, आराहए पुण्णमिणं खु खित्तं ॥ १२ ॥ खेताणि अम्हं विझ्याणि लोए, जिहं पिकण्णा विरुहंति पुण्णा । जे माहणा जाइविज्ञोववेया, ताइं तु खेताइं सुपेसलाइं ॥ १३ ॥ कोहो य माणो य वहों य जेसिं, मोसं अदत्तं च परिग्गहं च । ते माहणा जाइविज्ञाविहणा, ताइं त खेताइं सुपावयाइं ॥ १४ ॥ तुन्मेत्थ भो ! भारधरा गिराणं, अद्रं न जाणेह अहिजा वेए। उचावयाइं मुणिणो चरंति, ताइं तु खेत्ताइं सुपेसलाइं ॥ १५ ॥ अज्झावयाणं पिडकूलभासी, पभाससे किं नु सगासि अम्हं ?। अवि एयं विणस्सउ अन्नपाणं, न य णं दाहामु तुमं नियंठा ॥ १६ ॥ समिईहि मज्झं सुसमाहियस्स, गुत्तीहि गुत्तस्स जिइंदियस्स । जइ में न दाहित्य अहेसणिजं, किमज जन्नाण लहित्य लाहं ॥ १७ ॥ के इत्थ खत्ता उवजोइया वा, अज्ज्ञावया वा सह खंडिएहिं। एयं खु दंडेण फलेण हंता, कंठंमि घेत्तूण खलेज जो णं ॥ १८॥ अज्ज्ञावयाणं वयणं सुणेत्ता, उद्धाइया तत्थ वहू कुमारा । दंडेहिं वितेहिं कसेहिं चेव. समागया तं इसि तालयंति ॥ १९ ॥ रन्नो तिहं कोसल्यिस्स धूया, भइति नामेण अणिंदियंगी । तं पासिया संजय हम्ममाणं, कुद्धे कुमारे परिनिव्ववेह ॥ २०॥ देवाभिओगेण निओइएणं, दिन्नामु रन्ना मणसा न झाया । नरिंददेविंदभिवंदिएणं, जेणामि वंता इसिणा स एसो ॥ २१ ॥ एसो हु सो उग्गतवो महप्पा, जिइंदिओ संजओ बंभयारी। जो में तया नेच्छइ दिज्जमाणिं, पिउणा सयं कोसलिएण रन्ना ॥ २२ ॥ महाजसो एस महाणुभागो, घोरव्वओ घोरपरक्रमो य । मा एयं हीलेह

अहीलणिजं. मा सब्वे तेएण भे निदृहेजा ॥ २३ ॥ एयाई तीसे वयणाई सोचा, पत्तीइ भहाइ सुभासियाई । इसिस्स वैयाविडयद्रयाए, जक्खा कुमारे विणिवारयंति ॥ २४ ॥ ते घोरस्वा ठिय अंतिलक्खे, ऽसुरा तिहं तं जण तालयंति । ते भिन्नदेहे रहिरं वमंते, पासित भहा इणमाह भुज्जो ॥ २५ ॥ गिरिं नहेहिं खणह, अयं दंतेहिं खायह । जायतेयं पाएहि हणह, जे भिक्खं अवमन्नह ॥ २६ ॥ आसीविसो उग्ग-तवो महेसी, घोरव्वओ घोरपरक्रमो य । अगणि व पक्खंद पयंगसेणा, जे भिक्खुयं भत्तकाले वहेह ॥ २७ ॥ सीसेण एयं सरणं उवेह, समागया सन्वजणेण तुब्भे । जइ इच्छह जीवियं वा धणं वा. लोगं पि एसो कुविओ डहेजा ॥ २८ ॥ अवहेडिय-पिद्विसडत्तमंगे, पसारिया बाह अकम्मचिद्वे । निब्भेरियच्छे रुहिरं वमंते, उर्ह्रमहे निग्गयजीहनेते ॥ २९ ॥ ते पासिया खंडिय कट्टभूए, विमणो विसण्णो अह माहणो सो । इसि पसाएइ सभारियाओ, हीलं च निंदं च खमाह भंते ! ॥ ३०॥ वालेहिं मुढेहिं अयाणएहिं, जं हीलिया तस्स खमाह भंते ! । महप्पसाया इसिणो हवंति, न ह मुणी कोवपरा हवंति ॥ ३१ ॥ पुटिंव च इण्हि च अणागयं च, मणप्पओसो न मे अत्थि कोइ। जक्खा हु वेयाविडयं करेंति, तम्हा हु एए निहया कुमारा ॥ ३२ ॥ अत्थं च धम्मं च वियाणमाणा, तुन्मे न वि कुप्पह भूइपन्ना । तुब्भं तु पाए सर्णं उवेमो, समागया सन्वजणेण अम्हे ॥ ३३ ॥ अचेम ते महाभाग!, न ते किंचि न अचिमो। मुंजाहि सालिमं कृरं, नाणा-वंजणसंजुरं ॥ ३४ ॥ इमं च मे अत्थि पभयमन्नं, तं भुंजस् अम्ह अणुग्ग-हट्टा । बाढं ति पडिच्छइ भत्तपाणं, मासस्य ऊ पार्णए महप्पा ॥ ३५ ॥ तहियं गंधोदयपुण्फवासं, दिव्वा तहिं वसहारा य बद्धा । पहयाओ दंदहीओ सुरेहिं, आगासे अहो दाणं च घदं ॥ ३६ ॥ सक्लं ख दीसड तवोबिसेसो, न दीसई जाइविसेस कोई। सोवागपुत्तं हरिएससाहं, जरसेरिया इक्कि महाणुभागा॥ ३०॥ कि माहणा ! जोइसमारभंता, उदएण सोहिं बहिया विमग्गहा ? । जं मग्गहा बाहि-रियं विसोहि, न तं सुइटं कुसला वयंति ॥ ३८ ॥ कुसं च जुवं तणकट्टमभिंग, सायं च पायं उद्गं फुसंता । पाणाइ भूयाइ विहेडयंता, भुजो वि मंदा ! पकरेह पार्व ॥ ३९ ॥ कहं चरे भिक्ख ! वयं जवामो. पावाइ कम्माइ पण्डयामो । अक्खाहि णे संजय ! जक्खपूड्या, कहं सुजट्टं क्सका वयंति ॥ ४० ॥ छजीवकाए असमारभंता, मोसं अदत्तं च असेवमाणा । परिगदं अध्यक्षो माणमार्थ, एवं परिचाय चरंति दंता ॥ ४९ ॥ सुसंबुडा पंचिंहं संबरेहिं, इह जीवियं अणवकंतमाणा । बोसह-काया सङ्चलदेहा. महाजयं जयड जन्नसिद्धं ॥ ४२ ॥ के ते जोई के व ते जोइठाण ८.

का ते सुया किं च ते कारिसंगं?। एहा य ते कयरा संति भिक्ख्?, कयरेण होमेण हुणासि जोई? ॥ ४३ ॥ तवो जोई जीवो जोइठाणं, जोगा सुया सरीरं कारिसंगं। कम्मेहा संजमजोगसंती, होमं हुणामि इसिणं पसत्यं॥ ४४ ॥ के ते हरए के य ते संतितित्ये?, किंह सिणाओ व रयं जहासि?। आइक्ख णे संजय! जक्खप्ह्या, इच्छामो नाउं भवओ सगासे॥ ४५ ॥ धम्मे हरए बंभे संतितित्ये, अणाविळे अत्तपसच्छसे। जिंह सिणाओ विमलो विसुद्धो, सुसीइभूओ पजहामि दोसं॥ ४६ ॥ एयं सिणाणं कुसलेहि दिद्धं, महासिणाणं इसिणं पसत्यं। जिंह सिणाया विमला विसुद्धा, महारिसी उत्तमं ठाणं पत्ता॥ ४७ ॥ ति-वेमि ॥ इति हरिएसिजं णामं दुवालसममज्झयणं समत्तं॥ १२ ॥

अह चित्तसंभूइज्जणामं तेरहममज्झयणं

जाईपराजिओ खल्ल, कासि नियाणं तु हत्थिणपुरिम्म । चुलणीए बंभदत्तो, उव-वन्नो पडमगुम्माओ ॥ १ ॥ कंपिल्ले संभूओ, चित्तो पुण जाओ पुरिमतालम्मि । सेड्रिकुलम्मि विसाले, धम्मं सोऊण पव्वइओ ॥ २ ॥ कंपिल्लम्मि य नयरे, समागया दो वि चित्तसंभ्या । सहदुक्खफलविवागं, कहेंति ते एकमेकस्स ॥ ३ ॥ चक्कवट्टी महिङ्गीओ, बंभदत्तो महायसो । भायरं बहुमाणेणं, इमं वयणमञ्बवी ॥ ४ ॥ आसिमो भायरा दो वि. अन्नमन्नवसाणुगा । अन्नमन्नमणूरता, अन्नमन्नहिएसिणो ॥ ५ ॥ दासा दसण्णे आसी. मिया कालिंजरे नगे। हंसा मयंगतीरे, सोवागा कासिभूमिए॥ ६॥ देवा य देवलोगम्मि, आसि अम्हे महिङ्किया। इमा णो छट्ठिया जाई, अन्नमन्नेण जा विणा ॥ ७ ॥ कम्मा नियाणपगडा, तुमे राय ! विचितिया । तेसिं फलविवागेण, विप्पओगमुवागया ॥ ८ ॥ सचसोयप्पगडा, कम्मा मए पुरा कडा । ते अज्ञ परि-भुंजामो, किं न चित्ते वि से तहा ? ॥ ९ ॥ सव्वं सचिण्णं सफलं नराणं, कडाण कम्माण न मोक्ख अत्थि। अत्थेहि कामेहि य उत्तमेहिं, आया ममं पुण्णफलोववेए ॥ १०॥ जाणासि संभूय! महाणुभागं, महिङ्कियं पुण्णफलोववेयं। चित्तं पि जाणाहि तहेव रायं!, इड्डी जुई तस्स वि य प्पभूया ॥ ११ ॥ महत्थल्वा वयणऽ-प्पभ्या, गाहाणुगीया नरसंघमज्झे। जं भिक्खुणो सीलगुणोववेया, इह जयंते समणो-मि जाओ ॥ १२ ॥ उच्चोयए महु कक्के य बंभे, पवेइया आवसहा य रम्मा । इमं गिहं चित्त ! धणप्पभूयं, पसाहि पंचालगुणोववेयं ॥ १३ ॥ नहेहि गीएहि य वाइएहिं, नारीजणाई परिवारयंतो । भुंजाहि भोगाइ इमाइ भिक्खू !, मम रोयई पव्यज्जा ह

दुक्खं ॥ १४ ॥ तं पुन्वनेहेण कयाणुरागं, नराहिवं कामगुणेसु गिद्धं । धम्मस्सिओ तस्त हियाणुपेही, चित्तो इमं वयणमुदाहरित्था ॥ १५ ॥ सव्वं विलवियं गीयं, सब्वं नट्टं विडंबियं। सब्वे आभरणा भारा, सब्वे कामा दुहावहा ॥ १६॥ वालाभिरामेसु दुहावहेसु, न तं सुहं कामगुणेसु रायं!। विरत्तकामाण तवोधणाणं, जं भिक्खणं सीलगुणे रयाणं ॥ १७ ॥ नरिंद ! जाई अहमा नराणं, सोवागजाई दुहुओ गयाणं । जिहं वयं सञ्वजणस्स वेस्सा, वसीअ सोवागनिवेसणेसु ॥ १८ ॥ तीसे य जाईइ उ पावियाए, बुच्छामु सोवागनिवेसणेसु । सन्वस्स लोगस्स दुगंछ-णिजा, इहं त कम्माइं पुरे कडाइं ॥ १९ ॥ सो दाणिसिं राय ! महाणुभागो. महिङ्किओ पुण्णफलोववेओ । चइत्त भोगाइं असासयाइं, आदाणहेउं अभिणिक्खमाहि ॥ २० ॥ इह जीविए राय ! असासयम्मि, धणियं त प्रण्णाइं अकृव्वमाणो । से सोयई मच्चमुहोवणीए, धम्मं अकाऊण परंमि लोए ॥ २१ ॥ जहेह सीहो व मियं गहाय, मच्च नरं नेइ हु अंतकाले। न तस्स माया व पिया व भाया, कालम्मि तम्मंसहरा भवंति ॥ २२ ॥ न तस्स दुक्खं विभयंति नाइओ, न मित्तवग्गा न सुया न वंभवा । एको सयं पचणुहोइ दुक्खं, कत्तारमेव अणुजाइ कम्मं ॥ २३ ॥ चिचा दुपयं च चडप्पयं च. खेतं गिहं धणधन्नं च सब्वं। सक्रम्मवीओ अवसो पयाइ, परं भवं सुंदर पावगं वा ॥ २४ ॥ तं एक्शं तुच्छसरीरगं से, चिईगयं दहिय उ पावगेणं । भजा य पत्तो वि य नायओ वा, दायारमञ्चं अणुसंकर्मति ॥ २५ ॥ उवणिज्जई जीवियमप्पमायं, वण्णं जरा हरइ नरस्स रायं!। पंचालराया! वयणं सुणाहि, मा कासि कम्माइं महालयाइं ॥ २६ ॥ अहं पि जाणामि जहेह साह, जं मे तमं साहसि वक्षमेयं। भोगा इमे संगकरा हवंति, जे दुज्जया अज ! अम्हारिसेहिं ॥ २७ ॥ हत्थिणपुरम्मि चित्ता !, दहुणं नरवर्ड् महिङ्कियं । कामभोगेमु गिद्धेणं, नियाणमसुहं कडं ॥ २८ ॥ तस्स मे अप्पडिकंतस्स, इमं एयारिसं फलं । जाणमाणो वि जं धम्मं, कामभोगेनु मुच्छिओ ॥ २९ ॥ नागो जहा पंकजलावसन्नो, दहं थलं नामिसमेइ तीरं। एवं वयं कामगुणेख गिद्धा, न मिक्खुणो मग्गमणुब्वयामो॥ ३०॥ अचेड कालो तरंति राडओ, न यावि भोगा पुरिसाण निमा । उविम भोगा परिसं चर्यात, दुमं जहा खीणफलं व पक्खी ॥ ३१ ॥ जह तंसि भोगे चट्टं असतो, अजाइं कम्माइं करेहि रायं । थम्मे ठिओ सब्वपयाणुकंपी, तो होहिसि देवो उओ विउच्वी ॥ ३२ ॥ न तुज्य भोगे चडकण वृद्धी, गिद्धो सि आरंभपरिगहेस् । मोहं क्ओ एत्ति इ विष्यलायो, गच्छामि रायं ! आमंतिओ नि ॥ ३३ ॥ पंचालराया वि य वंभदत्तो, साहस्स तस्स वयणं अकाउं। अणुनरे भुंजिय कामगोगे, अणुनरे

सो नरए पविद्वो ॥ ३४ ॥ चित्तो वि कामेहि विरत्तकामो, उदग्गचारित्ततवो महेसी । अणुत्तरं संजम पालइत्ता, अणुत्तरं सिद्धिगईं गओ ॥ ३५ ॥ त्ति-बेमि ॥ इति चित्तसंभूइज्जणामं तेरहममज्झयणं समत्तं ॥ १३ ॥

्रें अह उसुयारिजं णामं चडद्दसममज्झयणं

देवा भवित्ताण पुरे भविमा, केई चुया एगविमाणवासी । पुरे पुराणे उसुयार-नामे. खाए समिद्धे सुरलोगरम्मे ॥ १ ॥ सकम्मसेसेण पुराकएणं, कुलेस दग्गेस य ते पसूया । निव्विण्णसंसारभया जहाय, जिणिंदमग्गं सरणं पवन्ना ॥ २ ॥ पुमत्त-मागम्म कुमार दो वी, पुरोहिओ तस्स जसा य पत्ती। विसालकित्ती य तहे-सुयारो, रायत्थ देवी कमलावई य ॥ ३ ॥ जाईजरामच्चभयाभिभूया, बहिं विहा-राभिनिविद्वचित्ता । संसारचक्रस्स विमोक्खणहा, दङ्गण ते कामगुणे विरत्ता ॥ ४ ॥ पियपत्तगा दोन्नि वि माहणस्स, सकम्मसीलस्स पुरोहियस्स । सरितु पोराणिय तत्थ जाइं, तहा सुचिण्णं तवसंजमं च ॥ ५ ॥ ते कामभोगेसु असज्जमाणा, माणुस्स-एसं जे यावि दिव्वा । मोक्खाभिकंखी अभिजायसङ्खा, तायं उवागम्म इमं उदाहु ॥ ६ ॥ असासयं दट्ट इमं विहारं, बहुअंतरायं न य दीहमाउं । तम्हा गिहंसि न रइं लभामो, आमंतयामो चरिस्सामु मोणं ॥ ७ ॥ अह तायगो तत्थ मुणीण तेसिं, तवस्स वाघायकरं वयासी । इमं वयं वेयविओ वयंति, जहा न होई असुयाण लोगो ॥ ८॥ अहिज वेए परिविस्स विप्पे, पुत्ते परिद्वप्प गिहंसि जाया !। भोचाण भोए सह इत्थियाहिं, आरण्णगो होह मुणी पसत्था ॥ ९ ॥ सोयग्गिणा आयगुणिंधणेणं, मोहाणिला पज्जलणाहिएणं। संतत्तभावं परितप्पमाणं, लालप्पमाणं बहहा बहं च ॥ १० ॥ पुरोहियं तं कमसोऽणुणंतं, निमंतयंतं च सुए धणेणं । जहक्कमं कामगुणेहिं चेव, कुमार्गा ते पसिमक्ख वक्कं ॥ ११ ॥ वेया अहीया न भवंति ताणं, भूता दिया निंति तमं तमेणं। जाया य पुत्ता न हवंति ताणं, को णाम ते अणुमन्नेज एयं॥ १२॥ खणमित्तसुक्खा बहुकालदुक्खा, पगामदुक्खा अणिगामसुक्खा । संसारमोक्खस्स विपक्खभूया, खाणी अणत्थाण उ कामभोगा ॥ १३ ॥ परिव्वयंते अणियत्तकामे. अहो य राओ परितप्पमाणे । अन्नप्पमत्ते धणमेसमाणे, पप्पोति मच्चं पुरिसे जरं च ॥ १४ ॥ इमंच मे अत्थि इमंच नत्थि, इमंच मे किच इमं अकि चं। तं एवमेवं लालप्पमाणं, हरा हराति ति कहं पमाओ ॥ १५॥ घणं प्रमयं सह इत्थियाहि, सयणा तहा कामगुणा पगामा । तवं कए तप्पड जस्स लोगो, तं सब्ब-

साहीणमिहेव तुब्मं ॥ १६ ॥ धणेण किं धम्मधुराहिगारे, सयणेण वा कामगुणेहिं चेव । समणा भविस्साम् गुणोहधारी, वहिंविहारा अभिगम्म भिक्खं ॥ १० ॥ जहा य अग्गी अरणी असंतो. खीरे घयं तेल्लमहातिलेस । एमेव जाया सरीरंसि सत्ता, संमुच्छई नासइ नावचिद्रे ॥ १८ ॥ नो इंदियग्गेज्झ अमृत्तभावा, अमृत्तभावा वि य होइ निचो । अज्झत्थहेउं निययस्स वंधो, संसारहेउं च वयंति वंधं ॥ १९ ॥ जहा वयं धम्ममजाणमाणा, पावं पुरा कम्ममकासि मोहा । ओरुब्ममाणा परिरक्खयंता, तं नेव भुज्जो वि समायरामो ॥ २० ॥ अब्भाहयम्मि लोगम्मि, सञ्बओ परिवारिए। अमोहाहिं पडंतीहिं, गिहंसि न रइं लभे ॥ २१॥ केण अब्भाहओ लोगो ?, केण वा परिवारिओ ? । का वा अमोहा वृत्ता ?, जाया चिंतावरो हुमे ॥ २२ ॥ मच्चणाऽब्माहओ लोगो, जराए परिवारिओ । अमोहा रयणी वृत्ता, एवं ताय विजाणह ॥ २३ ॥ जा जा वच्चइ रयणी, न सा पिडिनि-यत्तई । अहम्मं कुणमाणस्स, अफला जंति राइओ ॥ २४ ॥ जा जा वच्चइ रयणी, न सा पडिनियत्तई । धम्मं च कुणमाणस्स, सफला जंति राइओ ॥ २५ ॥ एगओ संवित्ताणं, दृहओ सम्मत्तसंज्या । पच्छा जाया । गिमस्सामो, भिक्खमाणा दृष्टे कुले ॥ २६ ॥ जस्सित्थि मच्चणा सक्खं, जस्स वऽत्थि पलायणं । जो जाणे न मरिस्सामि, सो ह कंखे सुए सिया ॥ २० ॥ अजीव धम्मं पडिवज्जयामो, जिंह पवना न पुणब्मवामो । अणागयं नेव य अत्थि किंची, सद्धाखमं णे विणडत रागं ॥ २८ ॥ पहीणपुत्तस्स हु नित्थ वासो, वासिद्धि! भिक्खायरियाइ कालो । साहाहि रक्खो लहुई समाहिं, छिन्नाहि साहाहि तमेव खाणुं ॥ २९ ॥ पंखाविहणोव्य जहेव पक्खी, भिचन्विहणोव्व रणे नरिंदो। विवन्नसारो वणिओव्य पोए, पहीणप्रत्नोमि तहा अहं पि ॥ ३० ॥ ससंभिया कामग्रणा इमे ते. संपिंडिया अगगरसप्यभया । भंजाम ता कामगुणे पगामं, पच्छा गमिस्सामु पहाणमग्गं ॥ ३१ ॥ भुता रसा भोड़! जहाड़ णे वओ, न जीवियद्वा पजहामि भोए। लाभं अलाभं च धहं च दुक्खं, संचिक्खमाणो चरिस्सामि मोणं॥ ३२॥ मा ह तुमं सोयरियाण संमरे, जुण्णो व हंगो पिंडसोत्तगामी । भुंजाहि भोगाइ मए समाणं, दुक्खं ख भिक्खायरियाविहारो ॥ ३३॥ जहा य भोई तणुयं भयंगो, निम्मोयणि हिच पलेइ मुत्तो । एमेए जाया पयहंति भोए, ते हं कहं नाणुगमिस्समेको ? ॥ ३४ ॥ छिंदित्त जालं अवलं व रोहिया, मन्छा जहा कामगुणे पहाय । घोरेयसीला तवसा उदारा, घीरा ह भिक्लायारयं चर्रत ॥ ३५ ॥ नहेव कुंचा समइक्षमंता, तयाणि जालाणि दलित् हंसा । पर्लित पुता य पई य मज्ज्ञं, ते हं कहं नाणुगिससमेका ? ॥ ३६ ॥ प्ररोहियं तं समुयं सदारं,

सोचाऽभिनिक्खम्म पहाय भोए । कुडुंबसारं विउल्जतमं च, रायं अभिक्खं समुवाय देवी ॥ ३० ॥ वंतासी पुरिसो रायं !, न सो होइ पसंसिओ । माहणेण परिचत्तं, धणं आदाउमिच्छिस ॥ ३८ ॥ सन्वं जगं जइ तुहं, सन्वं वावि धणं भवे । सन्वं पि ते अपज्जतं, नेव ताणाय तं तव ॥ ३९ ॥ मरिहिसि रायं! जया तया वा, मणोरमे कामगुणे पहाय । एको हु धम्मो नरदेव ! ताणं, न विज्ञई अन्निमिहेह किंचि ॥ ४० ॥ नाहं रमे पिक्खिण पंजरे वा. संताणि छन्ना चरिस्सामि मोणं। अकिंचणा उज्ज्ञकडा निरामिसा. परिगहारंभनियत्तदोसा ॥ ४१ ॥ दवग्गिणा जहा रण्णे, डज्झमाणेसु जंतुसु । अन्ने सत्ता पमोयंति, रागद्दोसवसं गया ॥ ४२ ॥ एवमेव वयं मूढा, कामभोगेसु मुच्छिया। डज्झमाणं न बुज्झामो, रागद्दोसग्गिणा जगं॥ ४३॥ भोगे भोचा विमत्ता य, लहुभूयविहारिणो । आमोयमाणा गच्छंति, दिया कामकमा इव ॥ ४४ ॥ इमे य बद्धा फंदंति, मम हत्थऽज्जमागया । वयं च सत्ता कामेसु, भविस्सामो जहा इमे ॥ ४५ ॥ सामिसं कुललं दिस्स, बज्झमाणं निरामिसं । आमिसं सव्वमु ज्झिता, विहरिस्सामि निरामिसा ॥ ४६ ॥ गिद्धोवमा उ नचाणं. कामे संसारवहूणे । उरगो सुवण्णपासेव्व, संकमाणो तणुं चरे ॥ ४७ ॥ नागोव्व बंधणं छित्ता, अप्पणो वसिहं वए । एयं पत्थं महारायं, उस्सुयारित्ति मे सुयं ॥ ४८ ॥ चइता विउलं रजं, कामभोगे य दुचए। निव्विसया निरामिसा, निजेहा निप्परिग्गहा ॥ ४९ ॥ सम्मं धम्मं वियाणिता, चिचा कामगुणे वरे । तवं पगिज्झहक्खायं, घोरं घोरपरक्कमा ॥ ५०॥ एवं ते कमसो बुद्धा, सन्वे धम्मपरायणा । जम्ममञ्चभउ व्विगगा. दुक्खस्संतगवेसिणो ॥ ५१ ॥ सासणे विगयमोहाणं, पुन्वि भावणभाविया । अचिरेणेव कालेण, दुक्खस्संतमुवागया ॥ ५२ ॥ राया सह देवीए, माहणो य पुरोहिओ । माहणी दारगा चेव, सन्वे ते परिनिन्वुडा ॥ ५३ ॥ ति-बेमि ॥ इति उसुयारिजं णामं चउद्सममज्झयणं समत्तं ॥ १४ ॥

अह सभिक्खू णामें पण्णरसममज्झयणं

मोणं चरिस्सामि समिच धम्मं, सिहए उज्जुकडे नियाणछिन्ने । संथवं जहिज्ज अकामकामे, अन्नायएसी परिव्वए स भिक्खू ॥ १ ॥ राओवरयं चरेज लाढे, विरए वेयवियायरिक्खए । पन्ने अभिभूय सव्वदंसी, जे किम्ह वि न मुच्छिए स भिक्खू ॥ २ ॥ अक्कोसवहं विइत्तु धीरे, मुणी चरे लाढे निचमायगुत्ते । अव्वग्गमणे असं-

१ वेयं-णेयं (ज्ञेयं) जाणइ सो । २ समपासी ।

पहिट्ठे, जे कसिणं अहियासए स भिक्खु ॥ ३ ॥ पंतं सयणासणं भइत्ता, सीउण्हं विविहं च दंसमसगं । अव्वग्गमणे असंपहिद्वे, जे कसिणं अहियासए स भिक्ख् ॥ ४ ॥ नो सक्कामिच्छई न पूर्य, नो वि य वंदणगं कुओ पसंसं । से संजए सुव्वए तवस्सी, सहिए आयगवेसए स भिक्खु ॥ ५ ॥ जेण पुण जहाइ जीवियं, मोहं वा कसिणं नियच्छई। नरनारिं पजहे सया तवस्सी, न य कोऊहलं उवेइ स भिक्ख् ॥ ६ ॥ छिन्नं सरं भोमं अंतलिक्खं, सुमिणं लक्खणदंडवत्थ्विजं । अंगवियारं सरस्स विजयं, जे विजाहिं न जीवइ स भिक्खु ॥ ७ ॥ मंतं मूलं विविहं वेजचितं, वमणविरेयणध्रमणेत्रसिणाणं । आउरे सरणं तिगिच्छियं च. तं परिनाय परिव्वए स भिक्खु ॥ ८ ॥ खत्तियगणउग्गरायपुत्ता, माहण भोइय विविहा य सिप्पिणो । नो तेसिं वयड सिलोगप्रयं. तं परिचाय परिव्वए स भिक्खू ॥ ९ ॥ गिहिणो जे पव्वइएण दिहा, अप्पव्वइएण व संथुया हविजा । तेसिं इहलोइयफलहा, जो संथर्व न करेड् स भिक्ख् ॥ १० ॥ सयणासणपाणभोयणं, विविहं खाइमं साइमं परेसि । अदए पडिसेहिए नियंठ, जे तत्थ न परस्सई स भिवखु ॥ ११ ॥ जं किंचि आहारपाणगं, विविहं खाइमं साइमं परेसिं लद्धं । जो तं तिविहेण नाणुकंपे, मण-वयकायसुसंबुडे स भिक्खु ॥ १२ ॥ आयामगं चेव जवोदणं च. सीयं सोवीर जवोदगं च । नो हीलए पिंडं नीरसं तु, पंतकुलाई परिव्वए स भिक्ख ॥ १३ ॥ सद्दा विविद्या भवंति लोए, दिव्या माणुरसगा तिरिच्छा । भीमा भयभेरवा उराला, जो सोचा न विहिज्जई स भिक्खू ॥ १४ ॥ वायं विविहं समिच छोए, सहिए खेयाणुगए य कोवियप्पा । पन्ने अभिभूय सन्बदंसी, उवसंते अविहेडए स भिक्खू ॥ ५१८ ॥ असिप्पजीवी अगिहे अमिते, जिइंदिए सन्वओ विष्पमुके । अणुक्रमाई लहुअप्प-भक्खी, चिचा गिहं एगचरे स भिक्ख्॥ १६॥ ति-वेमि ॥ इति समिक्ख णामं पण्णरसममज्ज्ञयणं समत्तं ॥ १५ ॥

अह वंभचेरसमाहिठाणा णामं सोलसममज्झयणं

सूर्य में आउसं ! तेणं भगवया एवमकसार्य । इह साह धेरेहिं भगवेतीहं दस वंभचेरसमाहिठाणा पत्रता, जे भिक्त सोना निसम्म संजमवहुळे संवरवहुळ

१ न स भिक्खुत्ति सेरो, अहवा नाणुकंपे=ना+अणुकंपे "ना" साहुपुरिसो गिहत्थिसिहुबल्द्धिसिद्धाहाराइणा वालबुद्धुरिग्लाणसंजयाणसृविसिणुकंपं काकण वेयाव्वकं करेड् ति । २ मिनसन्तुविज्ञिष् रागदीसर्राहिए ति अहो ।

समाहिबहले गुत्ते गुत्तिंदिए गुत्तबंभयारी सया अप्पमत्ते विहरेजा । कयरे खुलु ते थेरेहिं भगवंतिहिं दस बंभचेरसमाहिठाणा पन्नता. जे भिक्ख सोचा निसम्म संजम-बहुले संवरबहुले समाहिबहुले गुत्ते गुत्तिंदिए गुत्तबंभयारी सया अप्पमत्ते विहरेजा? इमे ख़लू ते थेरेहिं भगवंतेहिं दस बंभचेरसमाहिठाणा पन्नता, जे भिक्खू सोचा निसम्म संजमबहले संवरबहले समाहिबहले गुत्ते गुत्तिंदिए गुत्तवंभयारी सया अप्पमत्ते विहरेजा । तंजहा-विवित्ताई सयणासणाई सेविता हवइ से निग्गंथे । नो इत्थीपसुपंडगसंसत्ताईं सयणासणाईं सेवित्ता हवइ से निग्गंथे। तं कहिमिति चे। आयरियाह । निग्गंथरस खलु इत्थीपसपंडगसंसत्ताई सयणासणाई सेवमाणस्स बंभयारिस्स बंभचेरे संका वा कंखा वा विइगिच्छा वा समुप्पज्जिजा, भेदं वा लभेजा, उम्मायं वा पाउणिजा, दीहकालियं वा रोगायंकं हवेजा, केवलिपन्नताओ वा धम्माओ भंसेजा। तम्हा नो इत्थीपस्रपंडगसंसत्ताइं सयणासणाइं सेवित्ता हवइ से निग्गंथे ॥ १ ॥ नो इत्थीणं कहं कहित्ता हवइ से निग्गंथे । तं कहिमिति चे । आयरियाह । निग्गंथस्स खद्ध इत्थीणं कहं कहेमाणस्स वंभयारिस्स वंभचेरे संका वा कंखा वा विइगिच्छा वा समुप्पिजजा, भेदं वा लभेजा, उम्मायं वा पाउणिजा, दीहकालियं वा रोगायंकं हवेजा. केवलिपन्नताओ धम्माओ मंसेजा। तम्हा खिळु नो इत्थीणं कहं कहेजा ॥ २ ॥ नो इत्थीणं सद्धिं सिन्नसेजागण विहरिता हवइ से निग्गंथे। तं कहमिति चे। आयरियाह। निग्गंथस्स खळ इत्थीहिं सिंदें सिन्नसेजागयस्स बंभयारिस्स बंभचेरे संका वा कंखा वा विइगिच्छा वा समुप्पज्जिजा. मेदं वा लमेजा. उम्मायं वा पाउणिजा. दीहकालियं वा रोगायंकं हवेजा. केवलिपन्नताओ धम्माओ भंसेजा । तम्हा खल्ल नो निग्गंथे इत्थीहिं सिंदं सिन्नसेजागए विहरेजा ॥ ३ ॥ नो इत्थीणं इंदियाइं मणोहराइं मणोरमाइं आलोइता निज्झाइत्ता हवइ से निग्गंथे । तं कहमिति चे । आयरियाह । निग्गंथस्स खळु इत्थीणं इंदियाइं मणोहराइं मणोरमाइं आलोएमाणस्स निज्झाय-माणस्स बंभयारिस्स बंभचेरे संका वा कंखा वा विइगिच्छा वा समुप्पजिजा, भेदं वा लमेजा, उम्मायं वा पाउणिजा, दीहकालियं वा रोगायंकं हवेजा, केवलि-पन्नत्ताओ धम्माओ भंसेजा । तम्हा खल्ज नो निग्गंथे इत्थीणं इंदियाई मणोहराई मणोरमाइं आलोएजा निज्झाएजा ॥ ४ ॥ नो इत्थीणं कुडूंतरंसि वा दूसंतरंसि वा भित्तंतरंसि वा कूइयसदं वा रुइयसदं वा गीयसदं वा हिसयसदं वा थणियसदं वा कंदियस इं वा विलवियस इं वा सुणेता हवइ से निग्गंथे। तं कह मिति चे। आयरियाह । निग्गंथस्स खळ इत्थीणं कुड़तरंसि वा दुसंतरंसि वा भित्तंतरंसि वा

कृड्यसहं वा रुडयसहं वा गीयसहं वा हिस्यसहं वा थणियसहं वा कंदियसहं वा विलवियसहं वा सुणेमाणस्स वंभयारिस्स वंभचेरे संका वा कंखा वा विइगिच्छा वा समुप्पजिजा, भेदं वा लभेजा, उम्मायं वा पाउणिजा, दीहकालियं वा रोगायंकं हवेजा, केवलिपन्नताओ धम्माओ भंसेजा । तम्हा खलु नो निग्गंथे इत्थीणं ऋई-तरंसि वा दसंतरंसि वा भित्तंतरंसि वा कृडयसहं वा रुडयसहं वा गीयसहं वा हसियसहं वा थणियसहं वा कंदियसहं वा विलवियसहं वा सुणेमाणे विहरेजा ॥ ५॥ नो इत्थीणं पुरुवरयं पुरुवकीलियं अणुसरिता हवइ से निग्गंथे। तं कहमिति चे। आयरियाह । निग्गंथस्स खलु इत्थीणं पुन्वरयं पुन्वकीलियं अणुसरमाणस्स वंभया-रिस्स बंभचेरे संका वा कंखा वा विइगिच्छा वा समुप्पज्जिजा, भेदं वा लभेजा, उम्मायं वा पाउणिजा, दीहकालियं वा रोगायंकं हवेजा, केवलिपन्नताओ धम्माओ भंसेजा । तम्हा खलु नो निग्गंथे इत्थीणं पुञ्चरयं पुञ्चकीलियं अणुसरेजा ॥ ६ ॥ नो पणीयं आहारं आहारित्ता हवड से निरगंथे। तं कहमिति चे। आयरियाह। निरगं-थस्स खल पणीयं आहारं आहारेमाणस्स वंभयारिस्स वंभचेरे संका वा कंखा वा विड-गिच्छा वा समुप्पजिजा, भेदं वा लभेजा, उम्मायं वा पाउणिजा, दीहकालियं वा रोगायंकं हवेजा. केवलिपन्नताओ धम्माओ भंसेजा । तम्हा खल नो निग्गंथे पणीयं आहारं आहारेजा ॥ ७ ॥ नो अइमायाए पाणभोयणं आहारेता हवइ से निग्गंथे। तं कहमिति चे। आयरियाह। निग्गंथस्स खळ अडमायाए पाणभोयणं आहारेमाणस्स बंभयारिस्स बंभचेरे संका वा कंखा वा विडिंगिच्छा वा समुर्पाजजा. मेदं वा लभेजा, उम्मायं वा पाउणिजा, दीहकालियं वा रोगायंकं हवेजा, कर्वाल-पत्रताओ धम्माओं भंसेजा। तम्हा खळ नो निगांथे अदमायाए पाणभोयणं आहारेजा ॥ ८ ॥ नो विभूसाणवाई हवड से निगांथे । तं कहामिति चे । आयरियाह । विभूसावतिए विभूसियसरीरे इत्थिजणस्स अभिलसणिको हवड । तओ णं इत्थिजणेणं अभिलसिजमाणस्स वंभयारिस्स वंभचेरे संका वा कंखा वा विडागच्छा वा समध्य-जिजा, मेदं वा लभेजा, उम्मायं वा पाडणिजा, दीहकालियं वा रोगायंकं हवेजा. केविकप्राताओं धम्माओं भंसेजा । तमहा खलु नो निरगंथे विभूसाणुवाई हर्वेजा ॥ ९ ॥ नो सहस्वरसगंबकासाणुवाई हवट से निगांथे। तं कहमिति चे। आयारियाह । निर्माथस्य खलु सहरूबरसगंघफासाणवाडस्य वंभयारिस्य वंभचेरे संका या क्रंका वा विद्गिच्छा वा समुप्पजिजा, भेदं वा लभेजा, उम्मायं वा पाउणिजा, वीष्ट-कालियं वा रोगायंकं हवेजा, कंवलिपनताओ धम्माओ भंसेजा । तमहा खल नो मह-रुवरसर्गधकासाणुवाई भवेजा से निर्गर्थे। दसमें वंभचेरसमाहिठाणे इवट ॥ १०॥

हवंति इत्थ सिलोगा। तंजहा—जं विवित्तमणाइण्णं, रहियं इत्थिजणेण य। वंभचेरस्स रक्खट्टा, आलयं तु निसेवए ॥ १ ॥ मणपल्हायजणणी, कामरागविवष्टुणी । बंभचेररओ भिक्खू, थीकहं तु विवजाए॥ २॥ समं च संथवं थीहिं, संकहं च अभिक्खणं । बंभचेररओ भिक्खू, निचसो परिवज्जए ॥ ३ ॥ अंगपचंगसंठाणं चारुळवियपेहियं। बंभचेररओ थीणं, चक्खुगिज्झं विवजाए॥४॥ कृइयं रहयं गीयं, हसियं थणियकंदियं । बंभचेररओ थीणं, सोयगिज्झं विवजाए ॥ ५ ॥ हासं किइं रई दप्पं, सहसावित्तासियाणि य । बंभचेररओ थीणं, नाणुचिंते कयाइ वि ॥ ६ ॥ पणीयं भत्तपाणं तु, खिप्पं मयविवडूणं । बंभचेररओ भिक्खू, निचसो परिवजाए ॥ ७ ॥ धम्मलद्धं मियं काले, जत्तत्थं पणिहाणवं । नाइमत्तं तः भंजेजा. बंभचेररओ सया ॥ ८ ॥ विभूसं परिवजेजा, सरीरपरिमंडणं । बंभचेररओ भिक्ख . सिंगारत्थं न धारए॥ ९॥ सहे हवे य गंधे य, रसे फासे तहेव य। पंचविहे कामगुणे, निच्चसो परिवजाए ॥ १० ॥ आलओ थीजणाइण्णो, थीकहा य मणोरमा । संथवो चेव नारीणं, तासिं इंदियदरिसँणं ॥ ११ ॥ कृड्यं रुड्यं पीयं, हासभुत्ताऽऽ-सिर्याणि य । पणीयं भत्तपाणं च, अइमायं पाणभोर्यणं ॥ १२ ॥ गत्तभूसर्णमिट्टं च, कामभोगा य दुर्ज्जर्या । नरस्सत्तगवेसिस्स, विसं तालउडं जहा ॥ १३ ॥ दुज्जए कामभोगे य, निचसो परिवजाए। संकद्राणाणि सव्वाणि, वज्जेजा पणिहाणवं ॥ १४॥ धम्मारामे चरे भिक्खु. धिइमं धम्मसारही । धम्मारामे रए दंते, बंभचेरसमाहिए ॥ १५ ॥ देवदाणवगंधव्वा, जक्खरक्खसिकन्तरा । वंभयारिं नमंसंति, दुक्करं जे करंति तं ॥ १६ ॥ एस धम्मे धुवे निचे, सासए जिणदेसिए । सिद्धा सिज्झंति चाणेण, सिज्झिस्संति तहावरे॥ १७॥ त्ति-बेमि॥ इति वंभचेरसमाहिठाणा णामं सोलसममज्ज्ञयणं समत्तं॥ १६॥

अह पावसमणिज्ञं णाम सत्तरसममज्झयणं

जे केइ उ पव्वहए नियंठे, धम्मं स्रणिता विणओववन्ने । सुदुछहं छहिउं वोहिलामं, विहरेज पच्छा य जहासुहं तु ॥ १ ॥ सेजा दढा पाउरणंमि अत्यि, उप्पज्जई
भोतु तहेव पाउं । जाणामि जं वृष्टइ आउसुत्ति, किं नाम काहामि सुएण मंते !
॥ २ ॥ जे केई उ पव्वहए, निहासीछे पगामसो । भुचा पिचा सुहं सुवई, पावसमणे
ति बुचई ॥ ३ ॥ आयरियउवज्झाएहिं, सुयं विणयं च गाहिए । ते चेव खिंसई
बाले, पावसमणे ति बुचई ॥ ४ ॥ आयरियउवज्झायाणं, सम्मं न पडितप्पई ।

अप्पडिपूयए थद्धे, पावसमणे ति वृचई ॥ ५ ॥ सम्मद्दमाणे पाणाणि, वीयाणि हरियाणि य । असंजए संजयमन्त्रमाणे, पावसमणे ति वृच्चई ॥ ६ ॥ संथारं फलगं पीढं, निसेज्जं पायकंवलं । अपमज्जियमारुहई, पावसमणे ति बुच्चई ॥ ७ ॥ दवदवस्स चरई. पमते य अभिक्खणं । उल्लंघणे य चंडे य. पावसमणे ति वृचई ॥ ८ ॥ पिंडलेहेड पमत्ते. अवरज्झड पायकंवलं । पिंडलेहा अणाउत्ते. पावसमणे ति वृचई ॥ ९ ॥ पडिलेहेइ पमत्ते, से किंचि ह निसामिया । गुरुपरिभावए निर्च, पावसमणे त्ति वुचई ॥ १० ॥ वहमाई पमुहरी, थद्धे लुद्धे अणिग्गहे । असंविभागी अवियत्ते, पावसमणे ति वृचई ॥ ११ ॥ विवादं च उदीरेड. अहम्मे अत्तपन्नहा । वृग्गहे कलहे रत्ते, पावसमणे ति वृचई ॥ १२ ॥ अथिरासणे कुकुइए, जत्थ तत्थ निसीयई । आसणम्मि अणाउत्ते, पावसमणे ति वृच्चई ॥ १३ ॥ संसरक्खपाए सुवई, सेज्जं न पिंडेलेहई । संथारए अणाउत्ते, पावसमणे ति वृचई ॥ १४ ॥ दृद्धदही विगईओ, आहारेड अभिक्खणं । अरए य तवोकम्मे, पावसमणे त्ति वृचई ॥ १५ ॥ अत्थंतिम्म य सरम्मि, आहारेइ अभिक्खणं । चोइओ पडिचोएइ, पावसमणे ति बुचई ॥ १६॥ आयरियपरिचाई, परपासंडसेवए । गाणंगणिए दुब्भूए, पावसमणे त्ति बुचई ॥ १०॥ सयं गेहं परिचज, परगेहंसि वावरे । निमित्तेण य ववहरई, पावसमणे ति वुचई ॥ १८ ॥ सन्नाइपिंडं जेमेइ, नेच्छइ सामुदाणियं । गिहिनिसेजं च बाहेइ, पाव-समणे ति वृचई ॥ १९ ॥ एयारिसे पंचक्रसीलसंबुडे, स्वंधरे सुणिपवराण हे हिमे । अयंसि लोए विसमेव गरहिए, न से इहं नेव परत्य लोए ॥ २० ॥ जे बजाए एए सया उ दोसे, से सुव्वए होइ सुणीण मज्झे । अयंसि लोए अमर्य व पट्टए, आरा-हए लोगमिणं तहा परं ॥ २० ॥ ति-वेमि ॥ इति पावसमणिज्ञं णाम सत्तरसममज्झयणं समत्तं॥ १७॥

अह संजइज्जणामं अहारसममज्झयणं

कंपिछे नयरे राया, उदिण्णबळवाहणे । नामेणं संज्ञए नामं, मिगब्बं उर्वाणस्मए ॥ १ ॥ हयाणीए गयाणीए, रहाणीए तहेव य । पायताणीए महया, सब्यओं परिवारिए ॥ २ ॥ मिए छुहित्ता ह्यगओं, कंपिछुजाणकेसरे । भीए संते मिए तह्य, बहेद रसमुच्छिए ॥ ३ ॥ अह केसरम्मि उज्जाणे, अणगारे नवीषणे । सञ्जाय-ज्ञाणसंजुत्ते, अम्मज्ञाणं झियायद ॥ ४ ॥ अण्कोवमंडवंमि, आयद कर्मावयागवं । तस्सागए मिने पासं, बहेद से नराहिवे ॥ ४ ॥ अह आसमओं राया, सिण्यमागम्म

सो तिहं। हए मिए उ पासित्ता, अणगारं तत्थ पासई ॥ ६ ॥ अह राया तत्थ संभंतो, अणगारो मणाहुओ । मए उ मंदपुण्णेणं, रसगिद्धेण घतुणा ॥ ७ ॥ आसं विसज्जइत्ताणं, अणगारस्स सो निवो । विणएण वंदए पाए, भगवं ! एतथ मे खमे ॥ ८॥ अह मोणेण सो भगवं, अणगारे झाणमस्सिए। रायाणं न पडिमंतेइ. तओ राया भयहुओ ॥ ९ ॥ संजओ अहमम्मीति, भगवं ! वाहराहि मे । कुद्धे तेएण अणगारे, डहेज नरकोडिओ ॥ १०॥ अभओ पत्थिवा! तुब्भं, अभयदाया भवाहि य । अणिचे जीवलोगंमि, किं हिंसाए पसजसी ? ॥ ११ ॥ जया सन्वं परिचज, गंतव्वमवसस्स ते । अणिचे जीवलोगंमि, किं रजंमि पसजासी ? ॥ १२ ॥ जीवियं चेव रूवं च, विज्ञुसंपायचंचलं । जत्थ तं मुज्झसी रायं !, पेचतथं नाववज्झसे ॥ १३ ॥ दारामि य स्रया चेव. मित्ता य तह बंधवा । जीवंतमणुजीवंति, मयं नाणुव्वयंति य ॥ १४ ॥ नीहरंति मयं पुत्ता, पियरं परमदुक्खिया । पियरो वि तहा पत्ते. बंध रायं! तवं चरे ॥ १५ ॥ तओ तेणजिए दव्वे. दारे य परि-रिक्खए । कीलंतिऽन्ने नरा रायं!, हद्वतद्वमलंकिया ॥ १६ ॥ तेणावि जं कयं कम्मं, सहं वा जइ वा दहं। कम्मुणा तेण संजुत्तो, गच्छई उ परं भवं।। ९७॥ सोऊण तस्स सो धम्मं, अणगारस्स अंतिए। महया संवेगनिन्वेयं, समावन्नो नराहिवो ॥ १८ ॥ संजओ चइउं रजं, निक्खंतो जिणसासणे । गहभालिस्स भग-वओ, अणगारस्स अंतिए ॥ १९ ॥ चिचा रद्धं पव्वइए, खत्तिए परिभासई । जहा ते दीसई रूवं, पसन्नं ते तहा मणो ॥ २० ॥ किं नामे किं गोत्ते, करसद्राए व माहणे । कहं पडियरसी बुद्धे, कहं विणीए ति वुचसी ? ॥ २१ ॥ संजओ नाम नामेणं, तहा गोत्तेण गोयमो । गहभाली ममायरिया, विजाचरणपारगा ॥ २२ ॥ किरियं अकिरियं विणयं, अञ्चाणं च महामुणी । एएहिं चउहिं ठाणेहिं, मेयन्ने किं पभासई ॥ २३ ॥ इइ पाउकरे बुद्धे, नायए परिणिव्वए । विज्ञाचरणसंपन्ने, सचे सचपरकमे ॥ २४ ॥ पडंति नरए घोरे, जे नरा पावकारिणो । दिव्वं च गइं गच्छंति, चरित्ता धम्ममारियं ॥ २५ ॥ मायाबुइयमेयं तु, मुसा भासा निरित्थया । संजममाणो वि अहं, वसामि इरियामि य ॥ २६ ॥ सव्वेए विइया मज्झं, मिच्छा-दिही अणारिया । विज्ञमाणे परे लोए, सम्मं जाणामि अप्पर्य ॥ २७ ॥ अहमासि महापाणे, जुइमं वरिससओवमे । जा सा पालिमहापाली, दिव्वा वरिससओवमा ॥ २८ ॥ से चुए बंभलोगाओ, माणुसं भवमागए । अप्पणो य परेसिं च, आउं जाणे जहा तहा ॥ २९ ॥ नाणारुई च छंदं च. परिवज्जेज संजए । अणद्रा जे य सव्वत्था, इह विज्ञामणुसंचरे ॥ ३० ॥ पडिक्रमाणि पसिणाणं, परमंतेहिं वा पुणो ।

अहो उद्विए अहोरायं, इइ विजा तवं चरे ॥ ३१ ॥ जं च मे पुच्छसी काले, सम्मं मुद्धेण चेयसा । ताइं पाउकरे बुद्धे, तं नाणं जिणसासणे ॥ ३२ ॥ किरियं च रोयई धीरे, अकिरियं परिवज्जए । दिद्रीए दिद्रिसंपन्ने, धम्मं चर सुदुचरं ॥ ३३ ॥ एयं पुण्णपयं सोचा, अत्यधम्मोवसोहियं। भरहो वि भारहं वासं, चिचा कामाइ पव्वए ॥ ३४ ॥ सगरो वि सागरंतं, भरहवासं नराहिवो । इस्सरियं केवलं हिचा, दयाइ परिनिव्वडे ॥ ३५ ॥ चइता भारहं वासं, चक्कवट्टी महिद्रिओ । पव्यज्ज-मञ्भुवराओ, मघवं नाम महाजसो ॥ ३६॥ सणंकुमारो मणुस्सिदो, चक्कवही महिङ्किओ। पुत्तं रज्जे ठवेऊणं, सो वि राया तवं चरे ॥ ३० ॥ चइता भारहं वासं, चक्कवट्टी महिष्ट्रिओ । संती संतिकरे लोए, पत्तो गइमणुत्तरं ॥ ३८ ॥ इक्खा-गरायवसभो, कुंथ नाम नरीसरो । विक्खायिकत्ती भगवं, पत्तो गडमणुत्तरं ॥ ३९ ॥ सागरंतं चइत्ताणं, भरहं नरवरीसरो । अरो य अरयं पत्तो, पत्तो गडमणत्तरं ॥ ४०॥ चइता भारहं वासं, चइता वलवाहणं। चइता उत्तमे भोए, महापउमे तवं चरे ॥ ४१ ॥ एगच्छतं पसाहिता, महिं माणनिसरणो । हरिसेणो मणुस्सिदो, पत्तो गइमणुत्तरं ॥ ४२ ॥ अन्निओ रायसहस्सेहिं, सुपरिचाई दमं चरे । जयनामो जिणक्खायं, पत्तो गइमणुत्तरं ॥ ४३ ॥ दसण्णरः मुदियं, चइताणं मुणी चरे । दसण्णमहो निक्खंतो, सक्खं सक्षेण चोइओ ॥ ४४ ॥ नमी नमेइ अप्पाणं, सक्खं सक्षेण चोइओ । चइऊण गेहं वइदेही, सामण्णे पज्जवद्विओ ॥ ४५ ॥ करकंड किंगेमु, पंचालेमु य दुम्मुहो । नमी राया विदेहेमु, गंधारेमु य नम्गई ॥ ४६ ॥ एए नरिंदवसभा, निक्खंता जिणसासणे । पत्ते रजे ठवेऊणं, सामण्णे पज्जुवद्विया ॥ ४७ ॥ सोवीररायवसभो, चडताणं मणी चरे । उदायणो पव्वदओ, पत्तो गट-मणुत्तरं ॥ ४८ ॥ तहेव कासिराया वि. सेओ समपरक्रमे । कामभोगे परिगजा, पहुणे कम्ममहावर्णे ॥ ४९ ॥ तहेव विजओ राया, अणद्राकित्ति पव्वए । रज्ञं त गुणसमिद्धं, पयहिन् महाजसो ॥ ५० ॥ तहेव्यमं तवं किचा, अव्यक्तिनेण चेयसा । महच्यलो रायरिसी, आदाय सिरसा सिरिं॥ ५१ ॥ ऋहं शीरो अहेऊहिं, उम्मनो व महिं चरे ?। एए विसेसमादाय, सरा दटपरक्रमा ॥ ५२ ॥ अधिन-नियाणसमा, सचा में भासिया वंड । अवस्यि तरंतेंगे, तरिस्संति अणागया ॥ ५३ ॥ कहिं धीरे अहेऊहिं, अनाणं परियावसं । सव्वसंगधिनिम्भके, सिद्धे भवड नीरए ॥ ५४ ॥ ति-वेमि ॥ इति संजङ्जणामं अट्टारसममज्ययणं समत्तं ॥ १८॥

अह मियापुत्तीयं णामं एग्णवीसइमं अज्झयणं

स्रगीवे नयरे रम्मे. काणणुजाणसोहिए। राया बलभिहत्ति, मिया तस्सग्गमा-हिसी ॥ १ ॥ तेसिं प्रते बलसिरी, मियापुत्ते ति विस्सुए । अम्मापिऊण दइए, जबराया दमीसरे ॥ २ ॥ नंदणे सो उ पासाए, कीलए सह इत्यिहिं । देवे दोगुंदगे चेव, निचं मुइयमाणसो ॥ ३ ॥ मणिरयणको द्विमतले, पासायालीयण द्रिओ । आलोएइ नगरस्स, चउकत्तियचचरे ॥ ४ ॥ अह तत्थ अइच्छंतं, पासई समणसंजयं। तवनियमसंजमधरं, सीलङ्कं गुणआगरं ॥ ५ ॥ तं देहई मियापुत्ते, दिहीए अणि-मिसाए उ । किंह मन्नेरिसं रूवं, दिद्वपुर्वं नए पुरा ॥ ६ ॥ साहुस्स दरिसणे तस्स, अज्ज्ञवसाणिम्म सोहणे । मोहं गयरस संतरस, जाईसरणं समुप्पन्नं ॥ ७ ॥ दिव-लोगचुओ संतो, माणुसं भवमागओ। सन्निनाणे समुप्पन्ने, जाइं सरइ पुराणियं ॥] जाईसरणे समुप्पन्ने, मियापुत्ते महिङ्किए । सर्इ पोराणियं जाई, सामण्णं च पुरा कयं ॥ ८ ॥ विसएहि अरजंतो, रजंतो संजमंमि य । अम्मापियर्मुवागम्म, इमं वयणमञ्बवी ॥ ९ ॥ सुयाणि मे पंच महव्वयाणि, नरएसु दुक्खं च तिरिक्ख-जोणिसु । निव्विष्णकामोमि महण्णवाओ, अणुजाणह पव्वइस्सामि अम्मो ! ॥ १०॥ अम्सताय! मए भोगा, भूता विसफलोवमा । पच्छा कडुयविवागा, अणुवंधदुहावहा ॥ ११ ॥ इमं सरीरं अणिचं, असुई असुइसंभवं । असासयावासमिणं, दुक्खकेसाण भायणं ॥ १२ ॥ असासए सरीरंमि, रइं नोवलभामहं । पच्छा पुरा व चडयव्वे. फेणबुब्बयसिन्नमे ॥ १३ ॥ माणुसत्ते असारंमि, वाहीरोगाण आळए । जरामरण-घत्थंमि, खणं पि न रमामहं ॥ १४ ॥ जम्मं दुक्खं जरा दुक्खं, रोगा य मरणाणि य । अहो दुक्खो ह़ संसारो, जत्थ कीसंति जंतुणो ॥ १५ ॥ खेतं वत्थुं हिरण्णं च, पुत्तदारं च बंधवा । चइत्ताणं इमं देहं, गंतव्वमवसस्स मे ॥ १६ ॥ जहा किंपाग-फळाणं, परिणामो न सुंदरो । एवं भुत्ताण भोगाणं, परिणामो न सुंदरो ॥ १७॥ अद्धाणं जो महंतं तु, अप्पाहेओ पवजई । गन्छंतो सो दुही होइ, छुहातण्हाए पीडिओ ॥ १८ ॥ एवं धम्मं अकाऊणं, जो गच्छइ परं भवं । गच्छंतो सो दुही होइ, वाहीरोगेहिं पीडिओ ॥ १९ ॥ अद्धाणं जो महंतं तु, सपाहेओ पवर्जाई । गच्छंतो सो सही होइ, छुहातण्हाविवज्जिओ ॥ २०॥ एवं धम्मं पि काऊणं, जो गच्छइ परं भवं। गच्छंतो सो सही होइ, अप्पकम्मे अवेयणे ॥ २१ ॥ जहा गेहे पिलतिम्मि, तस्स गेहस्स जो पह । सारभंडाणि नीणेइ, असारं अवउज्झइ॥ २२॥ एवं लोए पलित्तिम्म, जराए मरणेण य । अप्पाणं तारइस्सामि, तुन्भेहिं अणुमन्त्रिओ

॥ २३ ॥ तं बिंतम्मापियरो, सामण्णं पुत्त ! दुचरं । गुणाणं तु सहस्साइं, धारेय-व्वाइं भिक्खुणा ॥ २४ ॥ समया सव्वभूएसु, सत्तुमित्तेसु वा जगे । पाणाइवायविरई, जावजीवाए दुक्करं ॥ २५ ॥ निचकालऽप्पमत्तेणं, मुसावायविवज्जणं । भासियव्वं हियं सचं, निचाउत्तेण दुकरं ॥ २६ ॥ दंतसोहणमाइस्स, अदत्तस्स वित्रज्जणं । अणवज्जेसणिज्जस्स, गिण्हणा अवि दुक्करं ॥ २७ ॥ विरई अवंभचेरस्स, कामभोगर-सन्नणा । उग्गं महञ्बयं वंभं, धारेयव्वं सुदुक्करं ॥ २८ ॥ धणधन्नपेसवग्गेसु, परि-गगहविवज्जणं । सञ्वारंभपरिचाओ, निम्ममत्तं सुदुक्करं ॥ २९ ॥ चरुन्विहे वि आहारे, राईभोयणवज्जणा । सिन्नहीसंचओ चेव. वज्जेयन्वो सुदुक्करं ॥ ३० ॥ छुहा तण्हा य सीउण्हं. दंसमसगवेयणा । अक्कोसा दुक्खसेजा य, तणफासा जल्लमेव य ॥ ३१ ॥ तालणा तज्जणा चेव, वहवंघपरीसहा । दुक्खं भिक्खायरिया, जायणा य अलाभया ।। ३२ ॥ कावोया जा इमा वित्ती, केसलोओ य दारुणो । दुक्खं बंभव्वयं घोरं. थारेडं च महप्पणो ॥ ३३ ॥ सहोइओ तुमं पुत्ता !, सुकुमालो समज्जिओ । न ह सि पभू तुमं पुत्ता!, सामण्णमणुपालिया ॥ ३४ ॥ जावज्जीवमविस्सामो, गुणाणं तु महन्मरो । गुरुओ लोहभारूव्व, जो पुत्ता होइ दुव्वहो ॥ ३५ ॥ आगासे गंगसोउव्व, पिंडसोउव्य दत्तरो । वाहाहिं सागरो चेव, तरियव्यो गुणोदही ॥ ३६ ॥ वालुया कवले चेव. निरस्साए उ संजमे। असिधारागमणं चेव, दुकरं चरिउं तवो ॥ ३०॥ अहीवेगंतिदद्वीए, चरित्ते पुत्त ! दुक्करे । जवा लोहमया चेव, चावेयव्वा सद्वक्षरे ॥ ३८॥ जहा अग्गिसिहा दिता, पाउं होइ मुदुकरा। तहा दुकरं करेउं जे, तारुणे समणत्तणं ॥ ३९ ॥ जहा दुक्खं भरेउं जे, होइ वायस्स कोत्थळो । तहा दुक्खं करेडं जे, की विवेचेणं समणत्तणं ॥ ४० ॥ जहा तुलाए तोलेडं, दुकरो मंदरो गिरी । तहा निहुयं नीसंकं, दुकरं समणत्तणं ॥ ४१ ॥ जहा भुयाहिं तरिष्ठं, दुकरं रयणायरो । तहा अणुवसंतेणं, दुक्तरं दमसागरो ॥ ४२ ॥ भुंज माणुस्सए भोए, पंचलक्खणए तुमं । भुत्तभोगी तओ जाया !, पच्छा धम्मं चरिस्सिस ॥ ४३ ॥ सो बेइ अम्मा-पियरो, एवमेयं जहा फुडं। इह लोए निष्पिवासस्स, निर्ध्य किंचिवि दुक्करं ॥ ४४ ॥ सारीरमाणसा चेव, वेयणाओ अणंतसो । मए सोढाओ भीमाओ. असइं दुक्खभयाणि य ॥ ४५ ॥ जरामरणकंतारे, चाउरंते भयागरे । मया सोटाणि भीमाणि, जम्माणि मरणाणि य ॥ ४६ ॥ जहा इहं अगणी उण्हो, एत्तोऽणंतगुणो तहिं । नरएम् वैयणा उण्हा, असाया वेडया मए ॥ ४७ ॥ जहा इहं इमं सीयं, एतों ऽणंतगुणों नहिं। नरएसु वेयणा सीया, असाया वेइया मए ॥ ४८ ॥ कंदंतो कंदुकुंभीस, उङ्कपाओ अहोसिरो । हुयासणे जलंतिम्म, पक्षपुञ्चो अणंतमो ॥ ४९ ॥ महादविग्सिकासे. ६४ मुता०

मरुंमि वहरवालुए। कलंबवालुयाए य, दह्नपुन्नो अणंतसो॥ ५०॥ रसंतो कंदुकुंभीसु, उड़ं बद्धो अबंधवो । करवत्तकरकयाईहिं, छिन्नपुर्वो अणंतसो ॥ ५१ ॥ अइतिक्ख-कंटगाइण्णे, तुंगे सिंबलिपायवे। खेवियं पासबद्धेणं, कन्नोकन्नाहिं दुक्करं॥ ५२॥ महाजंतेषु उच्छ वा, आरसंतो सुभेरवं। पीलिओमि सकम्मेहिं, पावकम्मो अणंतसो ॥ ५३ ॥ कृवंतो कोलसुणएहिं, सामेहिं सबलेहि य। पाडिओ फालिओ छिन्नो, विप्फ़रंतो अणेगसो ॥ ५४ ॥ असीहि अयसिवण्णाहिं, भक्लेहिं पष्टिसेहि य । छिन्नो भिन्नो विभिन्नो य, ओइण्णो पावकम्मुणा ॥ ५५ ॥ अवसो लोहरहे जुत्तो, जलंते समिलाजुए । चोइओ तोत्तजुत्तेहिं, रोज्झो वा जह पाडिओ ॥ ५६ ॥ ह्यासणे जलंतिम्स, चियास महिसो विव। दच्चो पक्को य अवसो, पावकम्मेहि पाविओ॥ ५०॥ बला संडासतुंडेहिं, लोहतुंडेहिं पिनखिहं। विल्लतो विलवंतो हं, ढंकिगिद्धेहिंऽणंतसो ॥ ५८ ॥ तण्हाकिलंतो धावंतो, पत्तो वेयरणि नई । जलं पाहिं ति चिंतंतो, खर-धाराहिं विवाइओ ॥ ५९ ॥ उण्हाभितत्तो संपत्तो, असिपत्तं महावणं । असिपत्तेहिं पडंतेहिं, छिन्नपुन्नो अणेगसो ॥ ६० ॥ सुग्गरेहिं सुसंदीहिं, स्लेहिं सुसलेहि य । गयासंभगगत्तेहिं, पत्तं दुक्खं अणंतसो ॥ ६१ ॥ खुरेहिं तिक्खधाराहिं, छरियाहिं कप्पणीहि य । कप्पिओ फालिओ छिन्नो, उक्कित्तो य अणेगसो ॥ ६२ ॥ पासेहिं कूडजालेहिं, मिओ वा अवसो अहं। वाहिओ बद्धरुद्धो वा, बहसो चेव विवाइओ ॥ ६३ ॥ गलेहिं मगरजालेहिं, मच्छो वा अवसो अहं । उक्लिओ फालिओ गहिओ, मारिओ य अणंतसो ॥ ६४ ॥ वीदंसएहिं जालेहिं, लेप्पाहिं सरणो विव । गहिओ लग्गो बद्धो य, मारिओ य अणंतसो ॥ ६५ ॥ कुहाडफरसुमाईहिं, वहुईहिं दुमो विव । कुट्टिओ फालिओ छिन्नो, तिन्छओ य अणंतसो ॥ ६६ ॥ चवेडमुट्टि-माईहिं. क्रमारेहिं अयं पिव। ताडिओ कुट्टिओ भिन्नो, चुण्णिओ य अणंतसो॥ ६०॥ तत्ताइं तंबलोहाइं, तज्याइं सीसयाणि य । पाइओ कलकलंताइं, आरसंतो सुमेरवं ॥ ६८ ॥ तहं पियाइं मंसाइं, खंडाइं सोल्लगाणि य । खाविओमि समंसाइं, अग्गिव-ण्णाइंऽणेगसो ॥ ६९ ॥ तुहं पिया सुरा सीहू , मेरओ य महूणि य । पाइओमि जलं-तीओ, वसाओ रुहिराणि य ॥ ७० ॥ निचं भीएण तत्थेण, दुहिएण वहिएण य । परमा दुहसंबद्धा, वेयणा वेइया मए ॥ ७१ ॥ तिव्वचंडप्पगाडाओ. घोराओ अइट्-स्सहा । महन्भयाओ भीमाओ, नरएसु वेइया मए ॥ ७२ ॥ जारिसा माणुसे लोए, ताया ! दीसंति वेयणा । एत्तो अणंतगुणिया, नरएसु दुक्खवेयणा ॥ ७३ ॥ सव्ब-भनेसु अस्साया, वेयणा वेइया मए। निमेसंतर्मित्तं पि, जं साया नित्थ वेयणा ॥ ७४ ॥ तं बिंतम्मापियरो, छंदेणं पुत्त ! पन्वया । नवरं पुण सामण्णे, दुक्खं

निप्पडिकम्मया ॥ ७५ ॥ सो बेइ अम्मापियरो !, एवमेयं जहा फुडं । पडिकम्मं को कुणई, अरण्णे मियपिक्खणं ॥ ७६ ॥ एगञ्जूए अरण्णे व, जहा उ चरई मिगे। एवं धम्मं चरिस्सामि, संजमेण तवेण य ॥ ७७ ॥ जहा मिगस्स आयंको, महार-ण्णंमि जायई। अच्छंतं स्क्लमूलंमि, को णं ताहे तिगिच्छई॥ ७८॥ को वा से ओसहं देइ ?, को वा से पुच्छई सुहं ?। को से भत्तं च पाणं वा, आहरित पणामए ? ॥ ७९ ॥ जया य से सुही होइ, तया गच्छइ गोयरं । भत्तपाणस्स अद्वाए, वहराणि सराणि य ॥ ८० ॥ खाइता पाणियं पाउं. वह्नरेहिं सरेहि य । मिगचारियं चरित्ताणं. गच्छई मिगचारियं ॥ ८१ ॥ एवं समुद्रिओ भिक्खू, एवमेव अणेगए । मिगचारियं चरित्ताणं, उष्टुं पक्षमई दिसं ॥ ८२ ॥ जहा मिए एग अणेगचारी, अणेगवासे ध्रवगो-यरे य । एवं मुणी गोयरियं पविद्वे, नो हीलए नो वि य खिंसएजा ॥ ८३ ॥ मिग-चारियं चरिस्सामि, एवं पुत्ता! जहासुहं। अम्मापिऊहिंऽणुवाओ, जहाइ उवहिं तहा ॥ ८४ ॥ मिगचारियं चरिस्सामि, सन्वदुक्खविमोक्खणि । तुन्मेहिं अन्मणुन्नाओ, गच्छ पुत्त ! जहासुहं ॥ ८५ ॥ एवं सो अम्मापियरो, अणुमाणिताण बहुविहं । ममत्तं छिंदई ताहे, महानागोव्य कंचुयं ॥ ८६ ॥ इष्ट्री वित्तं च मित्ते य, पुत्तदारं च नायओ । रेणुयं व पडे लग्गं, निद्धणित्ताण निग्गओ ॥ ८७ ॥ पंचमहव्वयजुत्तो, पंचसमिओ तिगुत्तिगुत्तो य । सब्भितरबाहिरए, तबोकम्मंमि उज्जुओ ॥ ८८ ॥ निम्ममो निरहं-कारो, निस्संगो चत्तगारवो। समो य सव्वभूएस, तसेस थावरेस य॥ ८९॥ लाभा-लाभे मुहे दुक्खे, जीविए मरणे तहा। समो निंदापसंसाम, तहा माणावमाणओ ॥ ९०॥ गारवेमु कंसाएसु, दंडसहभएसु य। नियत्तो हाससोगाओ, अनियाणो अवंधणो ॥ ९.१ ॥ अणिस्सिओ इहं लोए, परलोए अणिस्सिओ । वासीचंदणकप्पो य, असणे अणसणे तहा ॥ ९२ ॥ अप्पसत्येहिं दारेहिं, सन्वओ पिहियासवे । अज्झप्पज्झाणजोगेहिं, पसत्थदमसासणे ॥ ९३ ॥ एवं नाणेण चरणेण, दंसणेण तवेण य । भावणाहि य सुद्धाहिं, सम्मं भावित्तु अप्पर्य ॥ ९४ ॥ बहुयाणि उ वासाणि, सामण्णमणुपालिया । मासिएण उ भत्तेण, सिद्धिं पत्तो अणुतरं ॥ ९५ ॥ एवं करेति संयुद्धा, पंडिया पविय-क्खणा । विणियद्वंति भोगेम्, मियापुत्ते जहा रिसी ॥ ९६ ॥ महापभावस्य महाज-सस्स, मियाइपुत्तस्स निसम्म भासियं । तबप्पहाणं चरियं च उत्तमं, गइप्पहाणं च तिलोगविस्सुयं ॥ ९७ ॥ वियाणिया दुवस्त्रविवद्भणं घणं, ममत्तवंधं च महाभयावहं । सहायहं धम्मधुरं अणुत्तरं, धारेज निव्याणगुणायहं महं ॥ ९८ ॥ ति-वेर्मि ॥ इति मियापुत्तीयं णामं प्रगूणवीसइमं अज्झयणं समत्तं ॥ १९ ॥

अह महानियंठिज्ञनामं नीयः हमं अज्झयणं

सिद्धाणं नमो किचा, संजयाणं च भावओ। अत्थधम्मगईं तचं, अणुसिद्धं सुणेह मे ॥ १ ॥ पभूयर्यणो राया, सेणिओ मगहाहिवो । विहारजतं निजाओ, मंडि-कुच्छिसि चेईए॥ २॥ नाणादुमलयाइण्णं, नाणापिक्खिनसेवियं। नाणाकुसुमसंछन्नं, उजाणं नंदणोवमं ॥ ३ ॥ तत्थ सो पासई साहुं, संजयं सुसमाहियं । निसन्नं स्क्खमूलिमा, सुकुमालं सुहोइयं ॥ ४ ॥ तस्स रूवं त पासित्ता, राइणो तिम्म संजए । अचंतपरमो आसी, अउलो रूवविम्हओ ॥ ५ ॥ अहो! वण्णो अहो! रूवं. अहो! अज्जस्स सोमया। अहो! खंती अहो! मुत्ती, अहो! भोगे असंगया॥ ६॥ तस्स पाए उ वंदित्ता, काऊण य पयाहिणं । नाइद्रमणासन्ने, पंजली पडिपच्छई ॥ ७ ॥ तरुणो सि अजो ! पव्वइओ, भोगकालम्मि संजया । उवद्रिओ सि सामण्णे, एयमद्रं सुणेमि ता ॥ ८ ॥ अणाहोमि महाराय!, नाहो मज्झ न विज्जई । अणुकंपगं सहिं वावि. कंचि नाभिसमेमहं ॥ ९ ॥ तओ सो पहिसओ राया, सेणिओ मगहा-हिवो । एवं ते इहिमंतस्स, कहं नाहो न विज्जई ॥ १० ॥ होमि नाहो भयंताणं. भोगे भुंजाहि संजया ! । मित्तनाईपरिवृडो, माणुरसं खु सुदुह्रहं ॥ ११ ॥ अप्पणा वि अणाहो सि. सेणिया! मगहाहिवा!। अप्पणा अणाहो संतो, कहं नाहो भवि-स्सप्ति! ॥ १२ ॥ एवं वृत्तो नरिंदो सो, सुसंभंतो सुविम्हिओ । वयणं अस्सुयपुर्व्यः साहणा विम्हयन्त्रिओ ॥ १३ ॥ अस्सा हृत्थी मणुस्सा मे, पुरं अंतेउरं च मे । भंजामि माणसे भोए, आणा इस्सरियं च मे ॥ १४ ॥ एरिसे संपयग्गम्मि, सब्ब-कामसमप्पिए। कहं अणाहो भवई, मा हु भंते ! मुसं वए ॥ १५॥ न तुमं जाणे अणाहरूस, अत्थं पोत्थं च पत्थिवा!। जहा अणाहो भवई, सणाहो वा नराहिवा! ॥ १६ ॥ स्पोह मे महाराय!. अन्विक्खत्तेण चेयसा । जहा अणाहो भवई, जहा मेर्य पवत्तियं ॥ १७ ॥ कोसंबी नाम नयरी, पुराणपुरभेयणी । तत्थ आसी पिया मज्झ. पभूयवणसंचओ ॥ १८ ॥ पढमे वए महाराय!, अउला मे अच्छिवेयणा । अहोत्था विज्लो दाहो, सन्वगत्तेस पत्थिवा ! ॥ १९ ॥ सत्यं जहा परमतिकखं, सरीरविवरं-तरे । आवीलिज अरी क़द्धो, एवं में अच्छिवेयणा ॥ २० ॥ तियं में अंतरिच्छं च उत्तमंगं च पीडई । इंदासणिसमा घोरा, वेयणा परमदारुणा ॥ २१ ॥ उबद्विया में आयरिया, विजामंततिगिच्छमा । अबीया सत्थकुसला, मंतमूलविसार्या ॥ २२ ॥ ते मे तिगिच्छं कुन्वंति, चाउप्पायं जहाहियं । न य दुक्खा विमोयंति, एसा मज्झ

१ उज्जाणे ।

अणाह्या ॥ २३ ॥ पिया मे सव्वसारं पि, दिजाहि मम कारणा । न य दुक्खा विमोएइ, एसा मज्झ अणाहया ॥ २४ ॥ माया वि मे महाराय !, पुत्तसोगदुह हिया । न य दुक्खा विमोएइ, एसा मज्झ अणाह्या ॥ २५ ॥ भायरा मे महाराय!, सगा जेड्रकणिङ्गा । न य दुक्खा विमोयंति, एसा मज्झ अणाह्या ॥ २६ ॥ भइणीओ में महाराय!, सगा जेट्टकणिट्टगा। न य दुक्खा विमोयंति, एसा मज्झ अणाह्या ॥ २० ॥ भारिया मे महाराय !, अणुरत्ता अणुव्वया । अंसुपुण्णेहिं नयणेहिं, उरं मे परिसिंचई ॥ २८ ॥ अन्नं पाणं च ण्हाणं च, गंधमळविलेवणं । मए नायमनायं वा, सा बाला नेव भुंजई ॥ २९ ॥ खणं पि में महाराय !, पासाओ वि न फिट्टई । न य दुक्खा विमोएइ, एसा मज्झ अणाहया ॥ ३० ॥ तओ हं एवमाहंस्र, दुक्खमा हु पुणो पुणो । वेयणा अणुभविउं जे, संसारम्मि अणंतए ॥ ३१ ॥ सइं च जड मुचेजा, वेयणा विजला इओ । खंतो दंतो निरारंभो, पञ्चए अणगारियं ॥ ३२ ॥ एवं च चिंतइत्ताणं, पस्तोमि नराहिवा ! । परियत्तंतीए राईए, वेयणा मे खयं गया ॥ ३३ ॥ तओ कहे पभायंमि, आपुच्छिताण बंधवे । खंतो दंतो निरारंभो, पव्व-इओऽणगारियं ॥ ३४ ॥ तो हं नाहो जाओ. अप्पणो य परस्स य । सन्वेर्सि चेव भूयाणं, तसाणं थावराण य ॥ ३५ ॥ अप्पा नई वेयरणी, अप्पा मे कृडसामली । अप्पा कामदृहा धेणू, अप्पा मे नंदणं वणं॥ ३६॥ अप्पा कत्ता विकता य, दुहाण य सहाण य । अप्पा मित्तममित्तं च, दुप्पद्विय सुपद्विओ ॥ ३० ॥ इमा हु अन्ना वि अणाह्या निवा! तमेगचित्तो निहुओ सुणेहि । नियंठधम्मं लहियाण वी जहा, सीयंति एगे वहकायरा नरा॥ ३८॥ जो पव्वइत्ताण महव्वयाइं, सम्मं च नो फासयई पमाया। अनिग्गहप्पा य रसेसु गिद्धे, न मूलओ छिन्नइ वंघणं से ॥ ३९॥ आउत्तया जस्स न अस्यि काइ, इरियाए भासाए तहेसणाए । आयाणनिक्खेव-दुगुंछणाए, न वीरजायं अणुजाइ मग्गं ॥ ४०॥ चिरं पि से मुंडरुई भवित्ता. अथिरव्यए तयनियमेहिं भट्टे। चिरं पि अप्पाण किलेयइता, न पारए होइ हु संपराए ॥ ४१ ॥ पोक्रे व मुद्री जह से असारे, अयंतिए कृडकहावणे वा। राहामणी वेरुलियप्पगासे, अमहम्घए होइ हु जाणएमु ॥ ४२ ॥ कुसीलर्लिगं इह धारदत्ता, इसिज्झयं जीविय बृहद्ता । असंजए संजयलप्पमाणे, विणिघायमागच्छद से चिरं पि ॥ ४३ ॥ विसं तु पीयं जह कालकुडं, हणाइ सत्यं जह कुम्महीयं । एसो वि धम्मो विसओववन्नो, हणाइ वेयाल इवाधिवन्नो ॥ ४४ ॥ जं लक्खणं सुविण परंजमाणे. निमित्तकोऊहलसंपगाढे । ऋहेडविजासबदारजीवी, न गच्छई सरणं तम्मि काले ॥ ४५ ॥ तमंतमेणेव उ से असीले. सया दृही विप्परियामवेट । संधावटे नरगति-

रिक्खजोणि, मोणं विराहेतु असाहुरूवे ॥ ४६ ॥ उद्देसियं कीयगडं नियागं, न मुंचई किंचि अणेसणिजं । अग्गी विवा सव्वभक्खी भविता, इत्तो चुए गच्छइ कृ पावं ॥ ४७ ॥ न तं अरी कंठछेत्ता करेइ, जं से करे अप्पणिया दुरप्पया । से नाहिई मचुमुहं तुं पत्ते, पच्छाणुतावेण दयाविहूणो ॥ ४८ ॥ निरिष्ट्रिया नग्गरुई उँ तस्स, जे उत्तमद्रे विवजासमेइ। इमे वि से नित्थ परे वि लोए, दुहओ वि से झिज्झइ तत्थ लोए ॥ ४९ ॥ एमेवऽहाछंदकुसीलरूवे, मग्गं विराहित् जिणुत्तमाणं । कुररी विवा भोगरसाणुगिद्धा, निरद्वसोया परियावमेइ ॥ ५० ॥ सोचाण मेहावि ! सुभासियं इमं, अणुसासणं नाणगुणोववेयं । मन्गं कुसीलाण जहाय सव्वं, महानियंठाण वए पहेणं ॥ ५१ ॥ चरित्तमायारगुणन्निए तओ, अणुत्तरं संजम पालियाणं । निरासवे संखिवयाण कम्मं, उवेइ ठाणं विउलुत्तमं धुवं ॥ ५२ ॥ प्रुगगदंते वि महातवोधणे, महामुणी महापइने महायसे । महानियंठिजामिणं महासुयं, से कहेई महया वितथ-रेणं ॥ ५३ ॥ तुद्वो य सेणिओ राया, इणमुदाहु कयंजली । अणाहत्तं जहाभूयं, सुद्ध में उवदंसियं ॥ ५४ ॥ तुष्झं सुलद्धं ख मणुस्सजम्मं, लाभा सुलद्धा य तुमे महेसी । तुब्से सणाहा य सर्वधवा य, जं से ठिया मार्गे जिणुत्तमाणं ॥ ५५ ॥ तं सि नाहो अणाहाणं, सव्वभूयाण संजया । खामेमि ते महाभाग !, इच्छामि अण्-सासिउं ॥ ५६ ॥ प्रच्छिऊण मए तुब्भं, झाणविग्यो उ जो कुओ । निमंतिया य भोगेहिं, तं सब्वं मरिसेहि मे ॥ ५० ॥ एवं शुणिताण स रायसीहो, अणगारसीहं परमाड भक्तिए। सओरोहो सपरियणो सबंधवो, धम्माणुरत्तो विमलेण चेयसा॥ ५८॥ ऊससियरोमकृवो, काऊण य पयाहिणं । अभिवंदिऊण सिरसा, अइयाओ नराहिवो ॥ ५९ ॥ इयरो वि गुणसमिद्धो, तिगुत्तिगुत्तो तिदंडविरओ य । विहग इव विप्पमुक्को, विहरइ वसुहं विगयमोहो ॥ ६०॥ त्ति-वेमि ॥ इति महानियंठिज्ञनामं वीसइमं अज्झयणं समत्तं ॥ २० ॥

अह सः ६५।लीयं णामं एगवीसइमं अज्झयणं

चंपाए पालिए नाम, सावए आसि वाणिए । महावीरस्स भगवओ, सीसे सो उ महप्पणो ॥ १ ॥ निग्गंथे पावयणे, सावए से वि कोविए । पोएण ववहरंते, पिहुंडं नगरमागए ॥ २ ॥ पिहुंडे ववहरंतस्स, वाणिओ देइ धूयरं । तं ससत्तं पइगिज्झ, सदेसमह पत्थिओ ॥ ३ ॥ अह पालियस्स घरणी, समुद्दिम्म पसवई । अह वालए

१ निरट्टओ जिणकप्पो वि ।

तिहं जाए, समुद्दपालिति नामए ॥ ४ ॥ खेमेण आगए चंपं, सावए वाणिए घरं। संबहुई तस्स घरे, दारए से मुहोइए ॥ ५ ॥ बावत्तरी कलाओ य, सिक्खई नीइ-कोविए । जोव्वणेण य संपन्ने, सुरूवे पियदंसणे ॥ ६ ॥ तस्स रुववइं भजां, पिया आणेइ रूविणि । पासाए कीलए रम्मे, देवो दोगुंदओ जहा ॥ ७ ॥ अह अन्नया कयाई, पासायालीयणे ठिओ । वज्झमंडणसोभागं, वज्झं पासइ वज्झगं ॥ ८ ॥ तं पासिऊण संविग्गो, समुद्दपालो इणमञ्चवी । अहोऽसुभाण कम्माणं, निजाणं पावगं इमं ॥ ९ ॥ संबुद्धो सो तिहं भयवं, परमसंवेगमागओ । आपुच्छऽम्मा-पियरो, पव्वए अणगारियं ॥ १०॥ जहित्तु सम्गंथ महाकिलेसं, महंतमोहं क्रसिणं भयावहं। परियायधम्मं चऽभिरोयएजा, वयाणि सीलाणि परीसहे य ॥ ११॥ अहिंससचं च अतेणगं च, तत्तो य वंभं अपरिग्गहं च । पिडविज्जिया पंचमहव्व-याणि, चरिज धम्मं जिणदेसियं विद् ॥ १२ ॥ सन्वेहिं भूएहिं दयाणुकंपी, खंति-क्समे संजयवंभयारी । सावजजोगं परिवज्यंतो, चरिज भिक्खू सुसमाहिइंदिए ॥ १३ ॥ काळेण कालं विहरेज रहे. वलावलं जाणिय अप्पणो य । सीहो व सद्देण न संतसेजा, वयजोग सुचा न असब्भमाहु ॥ १४ ॥ उवेहमाणो उ परिव्वएजा, पियमप्पियं सन्व तितिकखएजा। न सन्व सन्वत्थऽभिरोयएजा, न यावि पूर्य गरहं च संजए ॥ १५ ॥ अणेगछंदा इह माणवेहिं, जे भावओ संपगरेइ भिक्ख । भयभेरवा तत्थ उइंति भीमा, दिव्वा मणुस्सा अदुवा तिरिच्छा ॥ १६ ॥ परीसहा दुव्यिसहा अणेगे, सीयंति जत्था बहुकायरा नरा । से तत्थ पत्ते न वहिज भिक्ख, संगामसीसे इव नागराया ॥ १७ ॥ सीओसिणा दंसमसा य फासा, आयंका विविद्या फसंति देहं। अकुक्कओ तत्यऽहियासएजा, रयाइं खेवेज पुराकयाइं ॥ १८ ॥ पहाय रागं च तहेव दोसं, मोहं च भिक्ख सययं वियक्खणो । मेरूव वाएण अकंपमाणो, परीसहे आयुगुत्ते सहेजा ॥ १९ ॥ अणुत्रए नावणए महेसी, न यावि पूर्य गरहं च संजए। स उज्जुभावं पिडवज्ज संजए, निव्वाणमग्गं विरए उचेइ॥ २०॥ अरइ-रइसहे पहीणसंथवे, विरए आयहिए पहाणवं । परमद्वपएहिं चिद्वई, छिन्नसोए अममे अकिंचणे ॥ २१ ॥ विवित्तलयणाइ भएज ताई, निरोवलेवाइ असंथडाई । इसीहिं चिण्णाइं महायसेहिं, काएण फासेज परीसहाइं ॥ २२ ॥ सन्नाणनाणोवगए महेसी. अणतरं चरिउं धम्मसंचयं । अणुत्तरे नाणधरे जसंसी, ओभासई स्रिए वंतिळक्ले ॥ २३ ॥ दुविहं खवेऊण य पुण्णपावं, निरंगणे सव्वओ विष्पमुद्धे । तरिता समुदं व महाभवीषं, समुद्रपाले अपुणागमं गए॥ २४॥ ति–त्रेमि॥ इति समह-पालीयं णामं पग्वीसइमं अज्ययणं समसं॥ २१॥

अह रहनेमिजानामं बाबीसइमं अज्झयणं

सोरियपुरम्मि नयरे, आसि राया महिङ्किए । वसुदेवति नामेणं, रायलक्खण-संजुए ॥ १ ॥ तस्स भजा दुवे आसी, रोहिणी देवई तहा । तासिं दोण्हं दुवे पुत्ता, इट्टा रामकेसवा ॥ २ ॥ सोरियपुरम्मि नयरे, आसि राया महिङ्किए । समुद्दविजए नामं, रायलक्खणसंजुए॥ ३॥ तस्स भजा सिवा नाम, तीसे पुत्तो महायसो। भगवं अरिद्रनेमित्ति, लोगनाहे दमीसरे ॥ ४ ॥ सोऽरिद्रनेमिनामो उ, लक्खणस्सर-संजुओ । अद्रसहस्सलक्खणधरो, गोयमो कालगच्छवी ॥ ५ ॥ वज्जरिसहसंघयणो. समचउरंसो झसोयरो । तस्स रायमईकन्नं, भजं जायइ केसवो ॥ ६ ॥ अह सा रायवरकज्ञा, सुसीला चारुपेहणी । सन्वलक्खणसंपन्ना, विज्ञसोयामणिप्पमा ॥ ७ ॥ अहाह जणओ तीसे, वासुदेवं महिड्डियं । इहागच्छउ कुमारो, जा से कन्नं ददामि हं ॥ ८॥ सन्वोसहीहिं ण्हविओ, कयकोउयमंगैको । दिन्वजुयलपरिहिओ, आभरणेहिं विभृतिओ ॥ ९ ॥ मत्तं च गंघहत्यं च, वासुदेवस्स जेट्टगं । आरूढो सोहए अहियं, सिरे चुडामणी जहा ॥ १० ॥ अह ऊसिएण छत्तेण, चामराहि य सोहिओ। दसार-चक्केण य सो, सन्वओ परिवारिओ ॥ ११ ॥ चडरंगिणीए सेणाए, रइयाए जहक्कमं । तुरियाण सन्निनाएणं, दिव्वेणं गगणं फुसे ॥ १२ ॥ एयारिसीए इङ्कीए, जुत्तीए उत्त-माइ य । नियगाओ भवणाओ, निजाओ वण्हिपुंगवो ॥ १३ ॥ अह सो तत्थ निज्जंतो, दिस्स पाणे भयदुए । वाडेहिं पंजरेहिं च, संनिरुद्धे सुदुक्खिए ॥ १४ ॥ जीवियंतं तु संपत्ते, मंसद्वा भिक्खयव्वए । पासित्ता से महापन्ने, सारहिं इणमव्ववी ॥ १५ ॥ करुस अट्ठा इमे पाणा, एए सन्वे सुहेसिणो। वाडेहिं पंजरेहिं च, सन्निरुद्धा य अच्छिहिं॥ १६॥ अह सारही तओ भणइ, एए भद्दा उ पाणिणो । तुज्झं विवाहकज्जम्मि, भोयावेउं वहं जणं ॥ १७ ॥ सोऊण तस्स वयणं, बहुपाणिविणासणं । चितेइ से महापन्ने, साणुक्रोसे जिएहि ऊ॥ १८॥ जइ मज्झ कारणा एए, हम्मंति सुबह जिया। न मे एयं तु निस्सेसं, परलोगे भविस्सई ॥ १९ ॥ सो कुंडलाण जुयलं, सुत्तगं च महायसो । आभरणाणि य सन्वाणि, सारहिस्स पणामए ॥ २० ॥ मणपरिणामो य कओ, देवा य जहोइयं समोइण्णा । सिव्बिच्चीइ सपरिसा, निक्खमणं तस्स काउं जे ॥ २१ ॥ देवमणुस्स-परिवृडो, सीयारयणं तओ समारूढो। निक्खिमय बारगाओ, रेवययम्मि ठिओ भगवं ॥ २२ ॥ उज्जाणं संपत्तो, ओइण्णो उत्तमाउ सीयाओ । साहस्सीइ परिवृद्धो,

१ कोउयं-मुसलाइणा णिलाडफासो, मंगलं-दहिअक्खयदुव्वाचंदणाइणा किर्जातं. विहाणं, तस्समयपचलियवेवाहियरीइकुलमेराणुसारकयकिचो त्ति अद्रो।

अह निक्खमई उ चित्ताहिं ॥ २३ ॥ अह से सुगंधगंधीए, तुरियं मजयकुंचिए । सयमेव छुंचई केसे, पंचमुद्रीहिं समाहिओ ॥ २४ ॥ वासुदेवो य णं भणइ, छत्तकेसं जिइंदियं । इच्छियमणोरहं तरियं, पावसु तं दमीसरा ! ॥ २५ ॥ नाणेणं दंसणेणं च, चिरत्तेण तहेव य। खंतीए मुत्तीए, वहुमाणो भवाहि य॥ २६॥ एवं ते राम-केसवा, दसारा य वह जणा । अरिट्ठणेमिं वंदित्ता, अइगया वारगापुरिं ॥ २० ॥ सोऊण रायकना, पव्यजं सा जिणस्स उ। नीहासा य निराणंदा, सोगेण उ समु-च्छिया ॥ २८ ॥ राईमई विचितेइ, धिरत्थु मम जीवियं । जाऽहं तेण परिचत्ता, सेयं पव्वइउं मम ॥ २९ ॥ अह सा भमरसन्निमे, कुचफणगसाहिए। सयमेव छंचई केसे, धिइमंता ववस्सिया ॥ ३० ॥ वासुदेवो य णं भणइ, छुत्तकेसं जिइंदियं । संसारसागरं घोरं, तर कन्ने ! लहुं लहुं ॥ ३१ ॥ सा पव्वइया संती, पव्वावेसी तिहं वहुं । सयणं परियणं चेव, सीलवंता वहुस्सुया ॥ ३२ ॥ गिरिं रेवययं जंती. वासे श्रहा उ अंतरा । वासंते अंधयारंमि, अंतो लयणस्य सा ठिया ॥ ३३ ॥ चीवराइं विसारंती, जहाजायत्ति पासिया। रहनेमी भग्गचित्तो, पच्छा दिद्रो य तीइ वि॥ ३४॥ भीया य सा तहिं दहुं, एगंते संजयं तयं। वाहाहिं काउं संगोप्कं, वेवमाणी निसीयई ॥ ३५ ॥ अह सो वि रायपुत्तो, समुद्दविजयंगओ । भीयं पवेवियं दहं, इमं वक्तमुदाहरे ॥ ३६ ॥ रहनेमी अहं भद्दे !, सुरूवे ! चारुभासिणी ! । ममं भयाहि सुयणु !, न ते पीला भविस्तई ॥ ३० ॥ एहि ता भुंजिमो भोए, माणुस्सं खु बुदुछहं । भुत्तभोगी तओ पच्छा, जिणमग्गं चरिस्समो ॥ ३८ ॥ दहूण रहनेमि तं. भरगुजोयपराजियं । राईमई असंभंता, अप्पाणं संवरे तहिं ॥ ३९ ॥ अह सा रायवरकता, सुद्विया नियमव्वए । जाई कुलंच सीलंच, रक्खमाणी तयं वए ॥ ४० ॥ जइऽसि रूबेण वेसमणो, लिलएण नलकुवरो । तहा वि ते न इन्छामि, जइऽसि सक्खं पुरंदरो ॥ ४१ ॥ पक्खंदं जिल्यं जोइं, भ्रमकेषं दुरासयं । नेच्छंति वंतयं भोतुं, कुळे जाया अगंयणे ॥ ४२ ॥ धिरत्यु तेंऽजसोकामी, जो तं जीविय-कारणा । वंतं इच्छिति आवेडं, सेयं ते मरणं भवे ॥ ४३ ॥ अहं च भोगरायस्त. तं च सि अंधगवण्हिणो । मा कुछे गंधणा होमो, संजमं निहुओ चर ॥ ४४ ॥ जट् तं काहिसि भावं, जा जा दिच्छिस नारिओ । वायाविद्वीव्व हटो, अद्रिअप्पा भाव-स्सप्ति ॥ ४५ ॥ गोवालो भंडवालो वा, जहा तद्दव्यणिस्सरो । एवं अणिस्परो सं पि. सामण्णस्स भविस्तिस ॥ ४६ ॥ कोहं माणं निर्गिण्डता, मायं लोभं च सव्वगो । इंदियाइं वसे काउं, अप्पाणं उवसंहरे ॥ ४० ॥ तीस सो वयणं सोचा, संजयाण सुभासियं । अंकुसेण जहा नागो, धम्मे संपिडवाइओ ॥ ४८ ॥ मणगुनो वयगतो. कायगुत्तो जिइंदिओ । सामण्णं निचलं फासे, जावजीवं दढव्वओ ॥ ४९ ॥ उग्गं तवं चित्ताणं, जाया दोण्णि वि केवली । सव्वं कम्मं खिवत्ताणं, सिद्धिं पत्ता अणुत्तरं ॥ ५० ॥ एवं करेंति संबुद्धा, पंडिया पवियक्खणा । विणियदंति भोगेसु, जहा सो पुरिसोत्तमो ॥ ५१ ॥ ति–वेमि ॥ इति रहनेसिज्जनामं बावीसइमं अज्झयणं समत्तं ॥ २२ ॥

अह केसिगोयमिज्जणामं तेवीसइमं अज्झयणं

जिणे पासित्ति नामेणं, अरहा लोगपूड्ओ। मुंबुद्धप्पा य सव्वन्नू, धम्मतित्थयरे जिणे ॥ १ ॥ तस्स लोगपईवस्स, आसि सीसे महायसे । केसी कुमारसमणे. विजाचरणपारगे ॥ २ ॥ ओहिनाणसुए बुद्धे, सीससंघसमाउछे । गामाणुगामं रीयंते. सावत्थि पुरमागए ॥ ३ ॥ तिंदुयं नाम उज्जाणं, तम्मी नगरमंडले । फासुए सिज्ज-संथारे, तत्थ वासमुवागए ॥ ४ ॥ अह तेणेव कालेणं, धम्मतित्थयरे जिणे । भगवं वद्धमाणित्ति, सञ्वलोगंमि विस्सुए ॥ ५ ॥ तस्स लोगपईवस्स, आसि सीसे महायसे । भगवं गोयमे नामं. विज्ञाचरणपारए ॥ ६ ॥ वारसंगविङ बुद्धे, सीस-संघसमाउछे । गामाणुगामं रीयंते, सो वि साविधमागए॥ ७॥ कोद्रगं नाम उज्जाणं, तम्मी नगरमंडले । फासुए सिज्जसंथारे, तत्थ वासमुवागए ॥ ८ ॥ केसी कुमारसमणे, गोयमे य महायसे । उभओ वि तत्थ विहरिंस, अलीणा सुसमाहिया ॥ ९ ॥ उभओ सीससंघाणं, संजयाणं तवस्सिणं । तत्थ चिंता समुप्पन्ना, गुण-वंताण ताइणं ॥ १० ॥ केरिसो वा इमो धम्मो, इमो धम्मो व केरिसो । आयार-धम्मपणिही, इसा वा सा व केरिसी? ॥ १९ ॥ चाउजामो य जो धम्मो. जो इमो पंचिसिक्खिओ । देसिओ वद्धमाणेण, पासेण य महामुणी ॥ १२ ॥ अचेलओ य जो धम्मो, जो इसो संतरुत्तरो । एग कज्जपवन्नाणं, विसेसे किं न कारणं ? ॥ १३ ॥ अह ते तत्थ सीसाणं, विज्ञाय पवितिक्कयं । समागमे कयमई, उभओ केसिगोयमा ॥ १४॥ गोयमे पडिरूवचू , सीससंघसमाउछे। जेट्ठं कुलमवेक्खंतो, तिंदुयं वणमागओ ॥ १५॥ केसी कुमारसमणे, गोयमं दिस्समागयं। पडिल्वं पडिवत्ति, सम्मं संपडिवज्जई ॥ १६ ॥ पलालं फासुयं तत्थ, पंचमं कुसतणाणि य । गोयमस्स निसेज्जाए, खिप्पं संपणामए ॥ १७ ॥ केसी कुमारसमणे, गोयमे य महायसे । उसओ निसण्णा सोहंति, चंदस्रसमप्पभा ॥ १८ ॥ समागया बहु तत्थ, पासंडा कोउगा मिया ।

१ संताणीयसिस्से ति अहो । २ अण्णाणिणो ।

गिहत्थाणं अणेगाओ, साहरुसीओ समागया ॥ १९ ॥ देवदाणवगंधव्वा, जकख-रक्खसिकन्नरा । अदिस्साणं च भूयाणं, आसी तत्थ समागमो ॥ २० ॥ पुच्छामि ते महाभाग!, केसी गोयममञ्बवी। तओ केसि वुवंतं तु, गोयमो इणमञ्ववी ॥ २१ ॥ पुच्छ भंते! जहिच्छं ते, केसिं गोयममब्बवी । तओ केसी अणुन्नाए, गोयमं इणमञ्बवी ॥ २२ ॥ चाउजामो य जो धम्मो, जो इमो पंचसिक्खिओ । देसिओ वद्धमाणेण, पासेण य महासुणी ॥ २३ ॥ एगकज्जपवन्नाणं, विसेसे किं नु कारणं ?। धम्मे दुविहे मेहावी, कहं विष्णचओ न ते ?।। २४।। तओ केसिं बुनंतं तु, गोयमो इणमञ्चवी । पन्ना समिक्खए धम्मं, तत्तं तत्तविणिच्छियं ॥ २५ ॥ पुरिमा उज्जुजडा उ. वंकजडा य पच्छिमा । मज्झिमा उज्जुपन्ना उ, तेण थम्मे दुहा कए ॥ २६ ॥ पुरिमाणं दुव्विसोज्झो उ, चरिमाणं दुरणुपालओ । कप्पो मज्झिमगाणं तु, सुविसोज्झो सुपालओ ॥ २० ॥ साहु गोयम! पन्ना ते, छिन्नो में संसओ इमो। अन्नो वि संसओ मज्झं, तं मे कहसु गोयमा! ॥ २८॥ अचेलगो य जो धम्मो, जो इमो संतरुत्तरो । देसिओ वद्धमाणेण, पासेण य महाजसा ॥ २९ ॥ एगकजापवन्नाणं, विसेसे किं नु कारणं । िंगे दुविहे मेहावी, कहं विष्पचओ न ते ? ॥ ३० ॥ केसिमेवं बुवाणं तु, गोयमो इणमब्ववी । विन्नाणेण समागम्म, धम्म-साहणमिच्छियं ॥ ३१ ॥ पचयत्थं च लोगस्स, नाणाविहविगप्पणं । जत्तत्थं गहणत्थं च, लोगे लिंगपओयणं ॥ ३२ ॥ अह भवे पदना उ, मोक्खसन्भूयसाहणा । नाणं च दंसणं चेव, चरित्तं चेव निच्छए ॥ ३३ ॥ साह गोयम! पन्ना ते, छिन्नो मे संसओ इमो । अन्नो वि संसओ मज्झं, तं मे कहमु गोयमा! ॥ ३४ ॥ अणगाणं सहस्साणं, मज्हें चिद्वसि गोयमा!। ते य ते अहिगच्छंति, कहं ते निजिया तुमे? ॥ ३५ ॥ एगे जिए जिया पंच, पंच जिए जिया दस । दसहा उ जिणिताणं, सव्वसत् जिणामहं ॥ ३६ ॥ सत्तृ य इह के बुत्ते १, केसी गोयममब्बवी । तओ केसिं बुवंतं तु, गोयमो इणमञ्चवी ॥ ३० ॥ एगप्पा अजिए सत्तु, कसाया इंदियाणि य । ते जिणितु जहानायं, विहरामि अहं मुणी ॥ ३८ ॥ साहु गोयम! पन्ना ते, छिनों में संसओ इमें । अन्नों वि संसओ मज्ज्ञं, तं में कहनु गोयमा! ॥ ३९ ॥ दीसंति वहवे लोए, पासवद्धा सरीरिणो । मुक्कपासो लहुन्मूओ, कहं तं विहरसी मुणी ? ॥ ४० ॥ ते पासे सब्बसो छित्ता, निहंत्ण उवायओ । मुक्कपासी लहुव्सूओ, विहरामि अहं मुणी! ॥ ४९ ॥ पासा य इइ के बुत्ता?, केसी गोयममञ्जवी। केसिमेवं दुवंतं तु, गोयमो इणमञ्बवी ॥ ४२ ॥ रागद्दोसादओ तिन्वा, नेहपासा भयंकरा । ते छिंदित् जहानायं, विहरामि जहकर्म ॥ ४३ ॥ साह गोयम ! पन्ना

ते. छिन्नो में संसओ इसो । अन्नो वि संसओ मज्झं, तं में कहसु गोयमा ! ॥ ४४ ॥ अंतोहिययसंभूया, लया चिट्ठइ गोयमा!। फलेइ विसभक्खीणि, सा उ उद्धरिया कहं? ॥ ४५ ॥ तं लयं सव्वसो छिता. उद्धरिता सम्लियं । विहरामि जहानायं. मुक्कोमि विसभक्खणं ॥४६॥ लया य इइ का वृत्ता ?, केसी गोयममञ्बवी । केसिमेवं बुवंतं त. गोयमो इणमञ्जवी ॥ ४७ ॥ भवतण्हा लया वृत्ता, भीमा भीमफलोदया । तमुच्छित् जहानायं, विहरामि जहासुहं ॥ ४८ ॥ साहु गोयम ! पन्ना ते, छिन्नो मे संसओ इमो । अन्नो वि संसओ मज्झं, तं मे कहसु गोयमा ! ॥ ४९ ॥ संपज्जिलया घोरा, अग्गी चिद्रइ गोयमा!। जे डहंति सरीरत्था, कहं विज्झाविया तुमे ?॥ ५०॥ महामेहप्पस्याओ, गिज्झ वारि जलतमं। सिंचामि सययं देहं, सित्ता नो डहंति मे ॥ ५१ ॥ अग्गी य इइ के वृत्ता ?, केसी गोयममञ्बवी । केसिमेव ब्रवंतं तु, गोयमो इण-मञ्जवी ॥ ५२ ॥ कसाया अग्गिणो वृत्ता, सुयसीलतवो जलं । सुयधाराभिह्या संता. भिन्ना हु न डहंति मे ॥ ५३ ॥ साहु गोयम! पन्ना ते, छिन्नो मे संसओ इसो । अन्नो वि संसओ मज्झं, तं मे कहसु गोयमा ! ॥ ५४ ॥ अयं साहसिओ भीमो, दुद्रस्सो परि-धावई । जंसि गोयम! आरूढो, कहं तेण न हीरसि? ॥ ५५ ॥ पधावंतं निगिण्हामि सुयरस्सीसमाहियं। न मे गच्छइ उम्मग्गं, मग्गं च पडिवर्जाई॥ ५६॥ आसे य इइ के वृत्ते ?, केसी गोयममञ्जवी । केसिमेवं बुवंतं तु, गोयमो इणमञ्जवी ॥ ५० ॥ मणो साहसिओ भीमो, दुहस्सो परिधावई । तं सम्मं तु निगिण्हामि, धम्मसिक्खाइ कंथगं ॥ ५८ ॥ साह गोयम ! पन्ना ते, छिन्नो में संसओ इमो । अन्नो वि संसओ मज्ज्ञं. तं में कहसु गोयमा ! ॥ ५९ ॥ कुप्पहा बहवो लोए, जेहिं नासंति जंत्रणो । अद्धाणे कह वहुंतो, तं न नासिस गोयमा ? ॥ ६० ॥ जे य मग्गेण गच्छंति, जे य उम्मग्ग-पहिया। ते सब्वे वेह्या मज्झं, तो न नस्सामहं मुणी ! ॥ ६१ ॥ मग्गे य इड के वृत्ते ?, केसी गोयममञ्चवी । केसिमेवं बुवंतं तु, गोयमो इणमञ्चवी ॥ ६२ ॥ कुप्पवयणपासंडी, सन्वे उम्मग्गपद्विया। सम्मग्गं तु जिणक्खायं, एस मग्गे हि उत्तमे ॥ ६३ ॥ साह गोयम ! पन्ना ते, छिन्नो मे संसओ इमो । अन्नो वि संसओ मज्झं, तं मे कहसु गोयमा ! ॥ ६४ ॥ महाउदगवेगेण, वुज्झमाणाण पाणिणं. सरणं गई पइद्वा य, दीवं कं मन्नसी मुणी ? ॥ ६५ ॥ अत्थि एगो महादीवो, वारिमज्झे महालओ । महाउदगवेगस्स, गई तत्थ न विज्ञई ॥ ६६॥ दीवे य इइ के वृत्ते ?. केसी गोयममञ्बवी । केसिमेवं बुवंतं तु, गोयमो इणमञ्बवी ॥ ६७ ॥ जरा-मरणवेगेणं, वुज्झमाणाण पाणिणं । धम्मो दीवो पइद्वा य, गई सरणमुत्तमं ॥ ६८॥ साह गोयम ! पन्ना ते, छिन्नो में संसओ इमो। अन्नो वि संसओ मज्नं, तं में कहस

गोयमा ! ॥ ६९ ॥ अण्णवंसि महोहंसि, नावा विपरिधावई । जंसि गोयम ! आरूढो, कहं पारं गमिस्सिस ? ॥ ७० ॥ जा उ अस्साविणी नावा. न सा पारस्स गामिणी । जा निरस्साविणी नावा, सा उ पारस्स गामिणी ॥ ७१ ॥ नावा य इइ का वृत्ता ? । केसी गोयममञ्ज्ञवी । केसिमेवं ब्रुवंतं तु. गोयमो इणमञ्ज्ञवी ॥ ७२ ॥ सरीरमाह नावत्ति, जीवो वृच्चइ नाविओ। संसारो अण्णवो वृत्तो, जं तरंति महेसिणो॥ ७३॥ साह गोयम ! पन्ना ते. छिन्नो में संसओ इसो। अन्नो वि संसओ मज्झं, तं में कहन गोयमा ! ॥ ७४ ॥ अंधयारे तमे घोरे, चिद्वंति पाणिणो वह । को करिस्सइ उज्जोयं ?, सन्वलोयम्मि पाणिणं ॥ ७५ ॥ उग्गओ विमलो भाण् . सन्वलोयपभंकरो । सो करिस्सइ उज्जोयं. सव्वलोयंमि पाणिणं ॥ ७६ ॥ भाणू य इइ के वृत्ते १, केसी गोयममञ्ज्ववी । केसिमेवं व्रवंतं त. गोयमो इणमञ्ज्ववी ॥ ७७ ॥ उग्गओ खीणसंसारो. सन्वन्न जिणभक्खरो । सो करिस्सइ उज्जोयं, सन्वलोयंमि पाणिणं ॥ ७८ ॥ साह गोयम ! पन्ना ते, छिन्नो में संसओ इमो । अन्नो वि संसओ मज्झं, तं में कहस गोयमा ! ॥ ७९ ॥ सारीरमाणसे दुक्खे, वज्झमाणाण पाणिणं । खेमं सिवमणावाहं, ठाणं कि मन्नसी मुणी ? ॥ ८० ॥ अत्थि एगं ध्रुवं ठाणं, लोगगंमि दुरारुहं । जत्थ नित्थ जरा मच्च, वाहिणो वेयणा तहा ॥ ८१ ॥ ठाणे य इइ के बुत्ते १, केसी गोयममञ्ज्यी। केसिमेवं व्यंतं तु. गोयमो इणमञ्ज्यवी ॥ ८२ ॥ निञ्वाणं ति अवाहं ति, सिद्धी लोगगगमेव य । खेमं सिवं अणावाहं, जं चरंति महेसिणो ॥ ८३ ॥ तं ठाणं सासयं वासं, लोयगगंमि दुरारुहं। जं संपत्ता न सोयंति, भवोहंतकरा मुणी! ॥ ८४ ॥ साह गोयम ! पन्ना ते. छिन्नो में संसओ इसो । नमो ते संसयातीत !. सब्बसुत्तमहोयही ॥ ८५ ॥ एवं तु संसए छिन्ने, केसी घोरपरक्षमे । अभिवंदित्ता सिरसा, गोयमं तु महायसं ॥ ८६ ॥ पंचमहव्वयधम्मं, पडिवज्जइ भावओ । परिमरस पच्छिमंमि, मग्गे तत्थ सहावहे ॥ ८७॥ केसीगोयमओ निचं, तंमि आसि समागमे। सुयसीलसमुक्करिसो, महत्थत्थविणिच्छओ ॥ ८८ ॥ तोसिया परिसा सन्वा, सम्मभ्गं समुवद्विया । संथुया ते पसीयंत, भयवं केसिगोयमे ॥ ८९ ॥ ति–वेमि ॥ इति केसिगोयमिज्जणामं तेवीसइमं अज्ययणं समत्तं ॥ २३ ॥

अह समिईओ णामं चउवीसइमं अज्झयणं

अह पवयणमायाओ, समिई गुत्ती तहेव य । पंचेव य समिईओ, तओ गुर्नाउ आहिया॥ १ ॥ इरियाभासेसणीर्दाणे, उचीरे समिई इय । मणगृती वयगुती, कायगृती

य अद्रमा॥ २ ॥ एयाओ अद्र समिईओ, समासेण वियाहिया। दुवालसंगं जिणक्खायं, मायं जत्थ उ पवयणं ॥ ३ ॥ (१) आलंबणेणं कालेणं, मागेणं जयणाई य । चडका-रणपरिसुद्धं, संजए इरियं रिए ॥ ४ ॥ तत्थ आलंबणं नाणं, दंसणं चरणं तहा । काले य दिवसे वृत्ते, मग्गे उप्पहवर्जिए ॥ ५ ॥ दव्वंओ खेत्तंओ चेव, कालंओ भावंआ तहा । जयणा चडव्विहा वृत्ता, तं मे कित्तयओ सुण ॥ ६ ॥ दव्वओ चक्खुसा पेहे, जुगमित्तं च खेत्तओ । कालओ जाव रीइजा, उवउत्ते य भावओ ॥ ७ ॥ इंदियत्थे विविज्जित्ता, सज्झायं चेव पंचहा । तम्मुत्ती तप्पुरकारे, उवउत्ते रियं रिए ॥ ८॥ (२) कोहे माणे य मायाएँ, लोर्भे य उवउत्तया । होसे भएँ मोहरिएँ, विकहार्स्ड तहेव य ॥ ९ ॥ एयाई अट्ठठाणाइं, परिविज्जितु संजए । असावज्जं मियं कार्ले, भासं भासिज्ज पन्नवं ॥ १० ॥ (३) गवेसणाएँ गहेंणे य, परिभोगेसणा य जा। आहीरोवेहिसेजाएँ, एए तिश्च विसोहए ॥ ११ ॥ उग्गमुप्पायणं पढमे, बीए सोहेज एसणं । परिभोयम्मि चउक्कं, विसोहेज जयं जई ॥ १२ ॥ (४) ओहोवैहोवग्गैहियं, भंडगं दुविहं मुणी । गिण्हंतो निक्खिवतो य, परंजेज इमं विहिं॥ १३॥ चक्खुसा पडिलेहित्ता, पमजेज जयं जई। आइए निक्खिवेज्जा वा, दुहओऽवि समिए सया॥ १४॥ (५) उच्चारं पासवणं, खेलं सिंघाणजिल्लयं। आहारं उविहं देहं, अन्नं वावि तहाविहं ॥ १५॥ अणावायमसंलोर्ए, अणावाए चेव होइ संलोऐं। आवायमसंलोऐं, आवाए चेव संलोऍं॥ १६॥ अणावाय-मसंलोए, परस्सऽणुवघाइए । समे अज्झसिरे वावि, अचिरकालकयम्मि य ॥ १७ ॥ वित्थिण्णे दूरमोगाढे, नासन्ने विलविज्ञाए । तसपाणबीयरहिए, उच्चाराईणि वोसिरे ॥ १८ ॥ एयाओ पंच समिईओ, समासेण वियाहिया। एत्तो य तओ गुत्तीओ, वोच्छामि अणुपुव्वसो ॥ १९ ॥ (६) सच्ची तहेव मोसी य, सचामोसी तहेव य । चडत्थी अस-चमोसी य, मणगुत्ती चउव्विहा ॥ २० ॥ संरंभसमारंभे, आरंभिम तहेव य । मणं पवत्तमाणं तु, नियत्तेज जयं जई ॥ २१ ॥ (७) सची तहेव मोसी य, सचामोसी तहेव य । चउत्थी असचमोर्सा य, वहगुत्ती चउन्विहा ॥ २२ ॥ संरंभसमारंभे, आरं-भिम्म तहेव य । वयं पवत्तमाणं तु, नियत्तेज जयं जई ॥ २३॥ (८) ठाणे निसीयणे चेव, तहेव य तुयहणे । उह्रंघणपह्रंघणे, इंदियाण य जुंजणे ॥ २४ ॥ संरंभसमारंभे, आरंभिम तहेव य । कार्य पवत्तमाणं तु, नियतेज जयं जई ॥ २५ ॥ एयाओ पंच समिईओ, चरणस्स य पवत्तणे । गुत्ती नियत्तणे वृत्ता, असुभत्येसु सन्वसो ॥ २६ ॥ एया पवयणमाया, जे सम्मं आयरे मुणी। सो खिप्पं सव्वसंसारा, विप्पमुच्चइ पंडिए॥ २०॥ ति वेमि ॥ इति समिईओ णामं चउवीसइमं अज्झयणं समत्तं ॥ २४ ॥

अह जन्नइज्जनामं पंचवीसइमं अज्झयणं

माहणकुलसंभूओ, आसि विप्पो महायसो । जायाई जमजन्नंमि, जयघोसित्ति नामओ ॥ १ ॥ इंदियग्गामनिग्गाही, मग्गगामी महामुणी । गामाणुगामं रीयंते, पत्तो वाणारसिं पुरिं ॥ २ ॥ वाणारसीए बहिया, उज्जाणंमि मणोरमे । फासुए सेज्जसंथारे, तत्थ वासमुवागए॥ ३॥ अह तेणेव कालेणं, पुरीए तत्थ माहणे। विजयघोसित्ति नामेण, जन्नं जयइ वेयवी ॥ ४॥ अह से तत्थ अणगारे, मासक्ख-मणपारणे । विजयघोसस्स जन्नंमि, भिक्खमद्वा उवद्विए ॥ ५ ॥ ससुवद्वियं तर्हि संतं, जायगो पिडसेहए। न हु दाहामि ते भिक्खं, भिक्ख् ! जायाहि अन्नओ॥ ६॥ जे य वेयविऊ विप्पा, जन्नद्वा य जे दिया । जोइसंगविऊ जे य, जे य धम्माण पारगा ॥ ७ ॥ जे समत्था समुद्धतुं, परमप्पाणमेव य । तेसि अन्नमिणं देयं, भो भिक्ख् ! सव्वकामियं ॥ ८ ॥ सो तत्थ एवं पिडसिद्धो, जायगेण महामुणी । निव रहो नवि तुहो, उत्तमद्रगवेसओ ॥ ९ ॥ नन्नद्रं पाणहेउं वा, नवि निव्वाहणाय वा । तेसिं विमोक्खणद्वाए, इमं वयणमञ्जवी ॥ १०॥ नवि जाणासि वेयमुहं, नवि जन्नाण जं मुहं । नक्खताण मुहं जं च, जं च धम्माण वा मुहं ॥ ११ ॥ जे समत्था समद्भनं, परमप्पाणमेव य । न ते तुमं वियाणासि, अह जाणासि तो भण ॥ १२ ॥ तस्सक्खेवपमोक्खं तु, अचयंतो तहिं दिओ। सपरिसो पंजली होउं, पुन्छई तं महामुणि ॥ १३ ॥ वेयाणं च मुहं वृहि, वृहि जन्नाण जं मुहं । नक्खताण मुहं बूहि, बृहि धम्माण वा मुहं ॥ १४ ॥ जे समत्था समुद्धनं, परमप्पाणमेव य । एयं में संगयं सन्वं, साह ! कहमु पुच्छिओ ॥ १५ ॥ अभिगृहत्तमुहा वेया, जन्नद्वी वेयसा मुहं । नक्खताण मुहं चंदो, धम्माणं कासवी मुहं ॥ १६ ॥ जहा चंदं गहाइंया, चिट्ठंति पंजलीउडा । वंदमाणा नमंसंता, उत्तमं मणहारिणो ॥ १७॥ अजाणगा जन्नवाई, विज्ञामाहणसंपया । गृहा सञ्झायतवसा, भासच्छवा इवस्मिणो ॥ १८ ॥ जो लोए बंभणो वृत्तो, अग्गी व महिओ जहा । सया कुसलसंदिहं, नं वयं वृस माहणं ॥ १९ ॥ जो न सज्जड आगंतुं, पव्वयंतो न सोयड । रमड अज-वयणंमि, तं वयं वूम माहणं ॥ २० ॥ जायस्वं जहामद्वं, निद्धंतमलपावगं । राग-दोसभयाईयं, तं वयं वृम माहणं ॥ २१ ॥ तवस्तियं किसं दंतं, अविचयमंससोणियं । सुव्वयं पत्तनिव्वाणं, ते वयं वृम माहणं ॥ २२ ॥ तसपाणे वियाणता, संगहेण य थावरे । जो न हिंसड् तिबिहेण, तं वयं बूम माहणं ॥ २३ ॥ कोहा वा जड वा हासा, लोहा वा जद वा भया। मुसं न वयई जो उ, तं वयं वृम माटणं ॥ २४॥

चित्तमंतमचित्तं वा, अप्पं वा जइ वा बहुं। न गिण्हइ अदत्तं जे, तं वयं वूम माहणं ॥ २५ ॥ दिव्वमाणुस्सतेरिच्छं, जो न सेवइ मेहुणं । मणसा कायवकेणं, तं वयं बूम माहणं ॥ २६ ॥ जहा पोमं जले जायं, नोवलिप्पइ वारिणा । एवं अलित्तं कामेहिं, तं वयं वूम माहणं ॥ २७ ॥ अलोलुयं मुहाजीविं, अणगारं अकिंचणं । असंसत्तं गिहत्थेसु, तं वयं ब्रम माहणं ॥ २८ ॥ जहित्ता पुरुवसंजोगं, नाइसंगे य बंधवे । जो न सज्जइ भोगेसु, तं वयं बूम माहणं ॥ २९ ॥ पसुबंधा सन्ववेया, जहं च पावकम्मुणा । न तं तायंति दुस्सीलं, कम्माणि बलवंति हि ॥ ३० ॥ न वि मुंडिएण समणो, न ओंकारेण बंभणो । न मुणी रण्णवासेणं, कुसचीरेण न तावसो ॥ ३१ ॥ समयाए समणो होइ, बंभचेरेण बंभणो । नाणेण य मुणी होइ, तवेण होइ तावसो ॥ ३२ ॥ कम्मुणा बंभणो होइ, कम्मुणा होइ खत्तिओ । वहस्सो कम्मुणा होइ, सुद्दो हवइ कम्मुणा ॥ ३३ ॥ एए पाउकरे बुद्धे, जेहिं होइ सिणायओ। सव्वकम्मविणिम्सुकं, तं वयं बूम माहणं ॥ ३४ ॥ एवं गुणसमाउत्ता, जे भवंति दिउत्तमा । ते समत्था समुद्धतुं, परमप्पाणमेव य ॥ ३५ ॥ एवं तु संसए छिन्ने, विजयघोसे य माहणे । समुदाय तओ तं तु, जयघोसं महामुणि ॥ ३६ ॥ तुद्वे य विजयघोसे, इणमुदाहु कयंजली। माहणत्तं जहाभूयं, सुट्टु मे उवदंसियं॥ ३०॥ तुब्भे जइया जन्नाणं, तुब्भे वेयविक विक । जोइसंगविक तुब्भे, तुब्भे धम्माण पारगा ॥ ३८ ॥ तुब्भे समत्था उद्धत्तं, परमप्पाणमेव य । तमणुग्गहं करेहऽम्हं, भिक्खेणं भिक्खुउत्तमा !॥ ३९ ॥ न कजं मज्झ भिक्खेण, खिप्पं निक्खमस् दिया !। मा भिमहिसि भयावट्टे, घोरे संसारसागरे ॥ ४० ॥ उवलेवो होइ भोगेष्ठ, अभोगी नोविलप्पई। मोगी ममइ संसारे, अमोगी विप्पमुचई॥ ४१॥ उल्लो सुक्खो य दो छुडा, गोलया महियामया। दो वि आविडिया कुड्डे, जो उल्लो सोऽत्थ लग्गई॥ ४२॥ एवं लग्गंति दुम्मेहा, जे नरा कामलालसा । विरत्ता उ न लग्गंति, जहा से सुक्रगो-लए ॥ ४३ ॥ एवं से विजयघोसे, जयघोसस्स अंतिए । अणगारस्स निक्खंतो, धम्मं सोचा अणुत्तरं ॥ ४४ ॥ खितता पुव्वकम्माइं, संजमेण तवेण य । जयघोसविजय-घोसा, सिद्धिं पत्ता अणुत्तरं ॥ ४५ ॥ ति-ब्रेमि ॥ इति जन्नडज्जनामं पंचवी-सइमं अज्झयणं समत्तं ॥ २५ ॥

अह सामायारी णामं छव्वीसइमं अज्झयणं

सामायारिं पवक्खामि, सव्वदुक्खविमोक्खणिं । जं चरित्ताण निग्गंथा, तिण्णा

संसारसागरं ॥ १ ॥ पढमा आवस्सिया नाम, विइया य निसीहिया । आपुच्छणा य तइया, चउत्थी पिडपुच्छणा ॥ २ ॥ पंचमी छंदणा नाम, इच्छाकारो य छट्टओ । सत्तमो मिच्छाकारो य. तहकारो य अहमो ॥ ३ ॥ अब्भुहाणं च नवमं, दसमी उवसंपया । एसा दसंगा साहणं. सामायारी पवेइया ॥ ४ ॥ गमणे आवस्सियं कुजा, ठाणे कुजा निसीहियं । आपुच्छणं सयंकरणे, परकरणे पिडपुच्छणं ॥ ५ ॥ छंदणा दव्वजाएणं, इच्छाकारो य सारणे। मिच्छाकारो य निंदाए, तहकारो पिंडस्सुए ॥ ६ ॥ अब्भुद्वाणं गुरुपूया, अच्छणे उवसंपया । एवं दुपंचसंजुत्ता, सामा-यारी पवेड्या ॥ ७ ॥ पुव्विछंमि चउन्भाए. आइचंमि समुद्रिए । भंडयं पडिलेहिता, वंदिता य तओ गुरुं ॥ ८ ॥ पुच्छिज पंजलीउडो, किं कायव्वं मए इह । इच्छे निओइउं भंते !, वेयावचे व सज्झाए ॥ ९ ॥ वेयावचे निउत्तेण, कायव्वं अगि-लायओ । सज्झाए वा निउत्तेण, सव्वदुक्खविमोक्खणे ॥ १० ॥ दिवसस्स चउरो भागे, भिक्ख कुजा वियक्खणो। तओ उत्तरगुणे कुजा, दिणभागेस चउस वि ॥ ११ ॥ पडमं पोरिसि सज्झायं, बीयं झाणं झियायई । तइयाए भिक्खायरियं, पुणो चडत्थीइ सज्झायं ॥ १२ ॥ असाढे मासे दुपया, पोसे मासे चडप्पया । चित्तासोएस मासेस, तिप्पया हवइ पोरिसी ॥ १३ ॥ अंगुलं सत्तरत्तेणं, पक्खेणं च दुअंगुलं । वष्ट्रए हायए वावि, मासेणं चउरंगुलं ॥ १४ ॥ आसाहबहल-पक्खे, भदृवए कत्तिए य पोसे य । फरगुणवडसाहेसु य, वोद्धव्वा ओमरत्ताओ ॥ १५ ॥ जेट्टाम्ले आसाहसावणे, छिहं अंगुलेहिं पडिलेहा । अट्टहिं वीयतयंमि, तइए दस अद्वृहिं चउत्थे ॥ १६ ॥ रितं पि चउरो भागे, भिक्खू कृजा विय-क्खणो । तओ उत्तरगुणे कुजा, राइभाएस चउस वि ॥ १७ ॥ पढमं पोरिसि सज्झायं, यीयं झाणं झियायई । तदयाए निहमोक्खं तू, चउत्थी भुजो वि सज्झायं ॥ १८ ॥ जं नेइ जया रितं. नक्खतं तंमि नहचडब्भाए । संपत्ते विरमेजा, सज्झायं पओसकालंमि ॥ १९ ॥ तम्मेव य नक्खते, गयणचउच्भाग-सावसेसंमि । वेरतियं पि कालं, पि छेहिता मुणी कृजा ॥ २०॥ पुव्विछंमि चउच्भाए, पिललेहिताण भंडयं । गुरुं वंदित्त सञ्ज्ञायं, कुजा दुक्खविमोक्खणं ॥ २१ ॥ पोरिसीए चउच्भाए, बंदिताण तओ गुरुं । अपडिक्रमित्ता काळस्मै, भायणं पडिलेहए ॥ २२ ॥ मुद्दपोत्तिं पडिलेहित्ता, पडिलेहिजा गोच्छगं । गोच्छग-लड्यंगुलिओ, वत्थाइं पडिलेहए ॥ २३ ॥ उ**ष्ट्रं यिरं** अतुरियं, पृथ्वं ता वत्थमेव पडिलेहे । तो विदयं पप्तोडे, तहयं च पुणी पमजिजा ॥ २४ ॥ अणचावियं

९ सज्झायकालाओ अणिवित्तो होऊण । सत्ता ० ६५

अवलियं, अणाणुबंधिममोसलिं चेव । छप्पुरिमा नव खोडा, पाणीपाणिविसोहणं ॥ २५ ॥ आरभडा सम्महा, वज्जेयव्वा य मोसली तह्या। पप्फोडणा चडत्थी, विक्खिता वेइया छद्वी ॥ २६ ॥ पिसढिलपलंबलोला, एगामोसा अणेगस्वधुणा । कुणइ पमाणपमायं, संकिय गणणोवगं कुज्जा ॥ २० ॥ अणूणाइरित्तपडिलेहा, अविवचासा तहेव य । पढमं पयं पसत्यं, सेसाणि उ अप्पसत्थाइं ॥ २८ ॥ पडिलेहणं कुणतो, मिहो कहं कुणइ जणवयकहं वा । देइ व पचक्खाणं, वाएइ सयं पडिच्छइ वा ॥ २९ ॥ पुढवीआउकाए, तेऊवाऊवणस्सइतसाणं । पडिलेहणापमत्तो, छण्हं पि विराहओ होइ ॥ ३० ॥ पुढवीआउक्काए, तेऊवाऊवणस्सइतसाणं । पडिलेहणाआउत्तो, छण्हं संरक्खओ होइ॥ ३१॥ तझ्याए पोरिसीए, भत्तं पाणं गवेसए । छण्हं अन्नयरागंमि, कारणंमि समुद्रिए ॥ ३२ ॥ वेयण वेयावचे, इरियद्वाए य संजमहाए । तह पाणवत्तियाए, छहुं पुण धम्मचिंताए ॥ ३३ ॥ निग्गंथो धिइमंतो, निगंथी वि न करेज छिंहं चेव । ठाणेहिं उ इमेहिं, अणइक्समणाइ से होइ ॥ ३४ ॥ आयंके उवसम्गे, तितिकखया बंभचेरगुत्तीछ । पाणिदया तवहेउं, सरीरवोच्छेयणद्वाए ॥ ३५ ॥ अवसेसं भंडगं गिज्झ, चक्खुसा पडिलेहए । परम-द्धजोयणाओ, विहारं विहरए मुणी ॥ ३६ ॥ चडतथीए पोरिसीए, निक्खिवित्ताण भायणं । सज्झायं तओ कुजा, सन्वभावविभावणं ॥ ३७ ॥ पोरिसीए चडन्भाए, वंदित्ताण तओ गुरुं। पिडकिमित्ता कालस्स, सेजं तु पिडलेहए ॥ ३८॥ पासवणु-चारभूमिं च, पडिलेहिजा जयं जई। काउस्सम्गं तओ कुजा, सन्वदुक्खविमोक्खणं ॥ ३९ ॥ देवसियं च अइयारं, चिंतिजा अणुपुन्वसो । नाणे य दंसणे चेव, चरित्तंमि तहेव य ॥ ४० ॥ पारियकाउरसम्मो, वंदित्ताण तओ गुरुं । देवसियं तु अइयारं, आलोएज जहकमं ॥ ४९ ॥ पडिकमित्तु निस्सल्लो, वंदिताण तओ गुरुं । काउस्सरगं तओ कुजा, सन्वदुक्खिवमोक्खणं ॥ ४२ ॥ पारियकाउस्सरगो, वंदित्ताण तओ गुरुं । थुइमंगलं च काऊण, कालं संपिडलेहए ॥ ४३ ॥ पढमं पोरिसि सज्झायं, बिइयं झाणं झियायई । तइयाए निद्दमोक्खं तु, सज्झायं तु चउत्थिए ॥ ४४ ॥ पोरिसीए चउत्थीए, कालं तु पिंडलेहिया । सज्झायं तु तओ कुजा, अबोहंतो असंजए ॥ ४५ ॥ पोरिसीए चउन्भाए, वंदिऊण तओ गुरुं । पडिक्रमित्त कालस्स, कालं तु पिडलेहए ॥ ४६ ॥ आगए कायवोस्सग्गे, सव्वदुक्खविमोक्खणे । काउरसग्गं तओ कुजा, सन्वदुक्खिवमोक्खणं ॥ ४० ॥ राइयं च अईयारं, चिंतिज अणुपुव्वसो । नाणंमि दंसणंमि य, चरित्तंमि तवंमि य ॥ ४८ ॥ पारियकाउस्सग्गो. वंदिताण तओ गुरुं। राइयं तु अईयारं, आलोएज जहक्कमं ॥ ४९॥ पडिक्रामित्त

निस्सल्लो, वंदित्ताण तओ गुर्रं । काउस्सरगं तओ कुज्जा, सव्वदुक्खविमोवखणं ॥ ५०॥ किं तवं पडिवजामि, एवं तत्थ विचिंतए । काउस्सम्मं तु पारित्ता, करिजा जिणसंथवं ॥ ५१ ॥ पारियकाउस्सग्गो, वंदित्ताण तओ गुरुं । तवं संपडिवजीता, कुजा सिद्धाण संथवं ॥ ५२ ॥ एसा सामायारी, समासेण वियाहिया । जं चरित्ता बहू जीवा, तिण्णा संसारसागरं ॥ ५३ ॥ ति-वेमि ॥ इति सामायारी णामं छव्वीसइमं अज्झयणं समत्तं ॥ २६॥

अह खलुंकिजाणामं सत्तवीसइमं अज्झयणं

थेरे गणहरे गग्गे, मुणी आसि विसारए । आइण्णे गणिभावंमि, समाहिं पिंडसंघए ॥ १ ॥ वहणे वहमाणस्स, कंतारं अङ्वत्तई । जोगे वहमाणस्स, संसारो अइवत्तई ॥ २ ॥ खल्लंके जो उ जोएइ, विहम्माणो किलिस्सई । असमाहिं च वेएइ, तोत्तओ से य भजाई ॥ ३ ॥ एगं उसइ पुच्छंमि, एगं विंधइऽभिक्खणं । एगो भंजइ समिलं, एगो उप्पद्दपद्विओ ॥ ४ ॥ एगो पडइ पासेणं, निवेसइ निवर्ज्जई । उक्कदृई उप्फिड्ई, सढे बालगवी वए ॥ ५ ॥ माई मुद्धेण पडईं, कुद्धे गच्छइ पिंड-पहं । मयलक्खेण चिद्रई. वेगेण य पहावई ॥ ६ ॥ छिन्नाले छिंदई सेिहं, दुइंतो भंजए जुगं । से वि य सुरसुयाइत्ता, उज्जहिता पठायए ॥ ७ ॥ खलुंका जारिसा जोजा, दुस्सीसा वि हु तारिसा । जोइया धम्मजाणंमि, भजंती धिद्दुव्वला ॥ ८ ॥ इङ्गीगारविष् एगे, एगेऽत्थ रसगारवे । सायागारविष् एगे, एगे मुन्विरकोहणे ॥ ९ ॥ भिक्खालसिए एगे, एगे ओमाणभीरुए। थद्धे एगेऽणुसासंमि, हेऊहिं कारणेहि य ॥ १० ॥ सो वि अंतरभासिल्लो, दोसमेव पकुटवई । आयरियाणं तु वयणं, पिंड-कूलेंड्ऽभिक्खणं ॥ ११ ॥ न सा ममं वियाणाइ, न वि सा मज्झ दाहिई । निग्गया होहिई मन्ने, साह अन्नोऽत्थ व[ज]चउ ॥ १२ ॥ पेसिया पलिउंचंति, ते परियंति समंतओ । रायवेद्धिं च मन्नता, करेंति भिउडिं मुहे ॥ १३ ॥ वाइया संगहिया चेव, भत्तपाणेण पोसिया । जायपक्खा जहा हंसा, पक्षमंति दिसो दिसिं॥ १४॥ अह सारही विचितेद, खलुंकेहिं समागओ । किं मज्झ दुद्वसीसेहिं, अप्पा मे अव-सीयई ॥ १५ ॥ जारिसा मम सीसा उ, तारिसा गलिगद्दा । गलिगद्दे जहिताणं, दृढं पिगण्हिई तवं ॥ १६ ॥ मिउमह्वसंपन्नो, गंभीरो सुसमाहिओ । विहरद महिं महप्पा, सीलभूएण अप्पणा ॥ १७॥ ति-वेमि ॥ इति खल्ट्रेकिज्जणामं सत्त-वीसइमं अज्झयणं समत्तं ॥ २७ ॥

अह मोक्खमग्गगई णामं अट्टावीसइमं अज्झयणं

मोक्खमगगइं तचं, सुणेह जिणभासियं। चडकारणसंजुत्तं, नाणदंसणलक्खणं १। १ ।। नाणं च दंसणं चेव, चरित्तं च तवो तहा । एस मग्गुत्ति पन्नतो, जिणेहिं बरदंसिहिं ॥ २ ॥ नाणं च दंसणं चेव, चरित्तं च तवो तहा । एयं मग्गमणुप्पत्ता, जीवा गच्छंति सोगगई ॥ ३ ॥ तत्थ पंचविहं नाणं, सुयं आभिनिवोहियं । ओहि-नाणं तु तइयं, मणनाणं च केवलं ॥ ४ ॥ एयं पंचिवहं नाणं, दव्वाण य गुणाण य । पजावाणं च सब्वेसिं, नाणं नाणीहि देसियं ॥ ५ ॥ गुणाणमासओ दब्वं, एगद्व्वस्सिया गुणा । लक्खणं पज्जवाणं तु, उभओ अस्सिया भवे ॥ ६ ॥ धम्मो अहम्मो आगासं, कालो पुग्गलजंतवो। एस लोगो ति पन्नतो, जिणेहिं वरदंसिहिं ॥ ७॥ धम्मो अहम्मो आगासं, दव्वं इक्किक्माहियं । अणंताणि य दव्वाणि, कालो पुग्गलजंतवो ॥ ८ ॥ गइलक्खणो उ धम्मो, अहम्मो ठाणलक्खणो । भायणं सञ्बदञ्वाणं, नहं ओगाहलक्खणं ॥ ९ ॥ वत्तणालक्खणो कालो, जीवो उवओग-लक्खणो । नाणेणं दंसणेणं च, सुहेण य दुहेण य ॥ १० ॥ नाणं च दंसणं चेव, चरित्तं च तवो तहा । वीरियं उवओगो य. एयं जीवस्स लक्खणं ॥ ११ ॥ सहं-धयारङजोओ, पहा छायाऽऽतवो इ वा । वण्णरसगंधफासा, पुरगलाणं तु लक्खणं ॥ १२ ॥ एगत्तं च पुहत्तं च, संखा संठाणमेव य । संजोगा य विभागा य, पजन वाणं त लक्खणं ॥ १३ ॥ जीवाजीवा य बंधो य, पुण्णं पावाऽऽसवो तहा । संवरो निजारा मोक्खो, संतेए तहिया नव ॥ १४॥ तहियाणं तु भावाणं, सब्भावे उवएसणं । भावेणं सहहंतस्स, सम्मत्तं तं विद्याहियं ॥ १५ ॥ निस्सग्गुवएसरुई, आणरुई सुत्तबीयरुइमेव । अभिगम-वित्थारुई, किरिया-संखेव-धम्मरुई ॥ १६ ॥ भूयत्थेणाहिगया, जीवाजीवा य पुण्णपावं च । सहसम्मइयासवसंवरो य, रोएइ उ निस्सम्मो ॥ १७ ॥ जो जिणदिद्रे भावे, चउव्विहे सहहाइ सयमेव । एमेव नन्नहत्ति य, स निसम्मरुइत्ति नायव्वो ॥ १८ ॥ एए चेव उ भावे, उवइद्वे जो परेण सहहर्इ । छउमस्थेण जिणेण व, उवएसरुइत्ति नायन्वो ॥ १९ ॥ रागो दोसो मोहो, अन्नाणं जस्स अवगयं होइ । आणाए रोयंतो, सो खळ आणारुई नामं ॥ २० ॥ जो सुत्त-महिजंतो, ग्रुएण ओगाहई उ सम्मत्तं । अंगेण बाहिरेण व, सो मुत्तरुइत्ति नायव्यो ।। २१ ।। एगेण अणेगाइं, पयाइं जो पसर्इ उ सम्मत्तं । उदएव्व तेल्लबिंद्. सो बीयरुइत्ति नायव्वो ॥ २२ ॥ सो होइ अभिगमरुई, सुयनाणं जेण अत्थओ दिद्रं । एकारस अंगाइं. पडण्णगं दिद्रिवाओ य ॥ २३ ॥ दव्वाण सव्वभावा, सव्वपमाणेहिं

जस्स उवलद्धा । सन्वाहिं नयविहीहिं, वित्थारहहत्ति नायन्वो ॥ २४ ॥ दंसणनाण-चरित्ते, तवविणए सचसमिइगुत्तीसु । जो किरियाभावरुई, सो खलु किरियारुई नाम ॥ २५ ॥ अणभिग्गहियकुदिद्री, संखेवरहत्ति होइ नायव्वो । अविसारओ पवयणे. अणभिग्गहिओ य सेसेसु ॥ २६ ॥ जो अत्थिकायधम्मं, सुयधम्मं खलु चरित्तधम्मं च । सदृहद् जिणाभिहियं, सो धम्मरुइत्ति नायव्वो ॥ २७ ॥ परमत्थसंथवो वा, सुदिद्वपरमत्थसेवणं वावि । वावन्नकुदंसणवज्जणा, य सम्मत्तसदृहणा ॥ २८ ॥ नित्थ चरित्तं सम्मत्तविहणं, दंसणे उ भइयव्वं । सम्मत्तचरित्ताइं, जुगवं पुव्वं व सम्मत्तं ॥ २९ ॥ नादंसणिस्स नाणं, नाणेण विणा न हुंति चरणगुणा । अगुणिस्स नत्थि मोक्खो, निथ अमोक्खरस निव्वाणं ॥ ३० ॥ निरसंकिय निक्कंखिय, निव्विति-गिच्छा अमूढदिद्री य । उववृह थिरीकरणे, वच्छ्छ प्रभावणे अद्र ॥ ३१ ॥ सामा-इयत्थ पढमं, छेओवद्रावणं भवे वीयं । परिहारविसुद्धीयं, सहमं तह संपरायं च ॥ ३२ ॥ अकसायमहक्खायं, छउमत्थस्त जिणस्त वा । एयं चयरित्तकरं, चारितं होइ आहियं ॥ ३३ ॥ तवो य दुविहो वृत्तो, वाहिरञ्भंतरो तहा । बाहिरो छिविहो वृत्तो, एवमब्भंतरो तवो ॥ ३४ ॥ नाणेण जाणई भावे, दंसणेण य सहहे । चरि-त्तेण निगिण्हाइ, तवेण परिसुज्झई ॥ ३५ ॥ खवेत्ता पुव्वकम्माई, संजमेण तवेण य । सव्यद्क्यपहीणद्वा, पक्षमंति महेसिणो ॥ ३६ ॥ त्ति-बेमि ॥ इति मोक्ख-मगगाई णामं अट्टावीसइमं अञ्चयणं समत्तं ॥ २८॥

अह सम्मत्तपरक्षमणामं एग्णतीसइमं अञ्झयणं

मुयं मे आउसं! तेणं भगवया एवमक्खायं। इह खलु सम्मत्तपरक्षमे नाम अञ्झयणे समणेणं भगवया महावीरेणं कासवेणं पवेइए जं सम्मं सहिह्ता पत्तिइता रोयइता फासिता पालइता तीरिता कित्तइता सोहइता आराहिता आणाए अणुपालइता बहवे जीवा सिञ्झंति बुज्झंति मुश्चंति परिनिव्वायंति सव्बदुक्खाणमंतं करेंति। तस्स णं अयमहे एवमाहिज्जइ। तंजहा—संवेगे १ निव्वेए २ धम्मसद्धा ३ गुरुसाहम्मियसुस्सुसणया ४ आलोयणया ५ निंदणया ६ गरिहणया ७ सामाइए ८ चउव्यीमत्थवे ९ वंदणे १० पिडकमणे ११ काउस्सग्ने १२ पश्चक्खाणे १३ थवधुदमंगळे १४ कालपिडळेहणया १५ पायच्छित्तकरणे १६ खमावणया १७ सज्झाए १८ वायणया १९ पुन्छणया २० परियष्टणया २१ अणुप्पेहा २२ धम्मकहा २३ सुयस्स आराहणया २४ एगगममणसंनिवेसणया २५ संजमे २६

तवे २७ वोदाणे २८ सुहसाए २९ अप्पिडबद्ध्या ३० विवित्तसयणासणसेवणया ३१ विणियष्टणया ३२ संभोगपचक्खाणे ३३ उवहिपचक्खाणे ३४ आहारपच-क्खाणे ३५ कसायपचक्खाणे ३६ जोगपचक्खाणे ३७ सरीरपचक्खाणे ३८ सहायपचक्खाणे ३९ भत्तपचक्खाणे ४० सब्भावपचक्खाणे ४१ पडिस्वणया ४२ . वेयावचे ४३ सव्वगुणसंपन्नया ४४ वीयरागया ४५ खंती ४६ मुत्ती ४७ महवे ४८ अजवे ४९ भावसचे ५० करणसचे ५१ जोगसचे ५२ मणगुत्तया ५३ वयगुत्तया ५४ कायगुत्तया ५५ मणसमाधारणया ५६ वयसमाधारणया ५७ कायसमाधारणया ५८ नाणसंपन्नया ५९ दंसणसंपन्नया ६० चरित्तसंपन्नया ६१ सोइंदियनिग्गहे ६२ चिन्खिदियनिग्गहे ६३ घाणिदियनिग्गहे ६४ जिन्भिदिय-निग्गहे ६५ फासिंदियनिग्गहे ६६ कोहविजए ६० माणविजए ६८ मायाविजए ६९ लोहविजए ७० पेजदोसमिन्छादंसणविजए ७१ सेलेसी ७२ अकम्मया ७३॥ संवेगेणं भंते ! जीवे किं जणयइ ? संवेगेणं अणुत्तरं धम्मसद्धं जणयइ । अणुत्तराए धम्मसद्धाए संवेगं हव्वमागच्छइ । अणंताणुबंधिकोहमाणमायालोभे खवेइ। नवं च कम्मं न बंघइ । तप्पचइयं च णं मिच्छत्तविसोहिं काऊण दंसणाराहए भवइ । दंसणविसोहीए य णं विसुद्धाए अत्थेगइए तेणेव भवग्गहणेणं सिज्झइ। विसोहीए य णं विसुद्धाए तच्चं पुणो भवग्गहणं नाइक्षमइ ॥ १ ॥ निव्वेएणं भंते ! जीवे किं जणयङ ? निव्वेएणं दिव्यमाणुसतेरिच्छिएस कामभोगेस निव्वेयं हव्यमागच्छ । सन्वविसएसु विरज्जइ । सन्वविसएसु विरज्जमाणे आरंभपरिचार्यं करेइ। आरंभ-परिचारं करेमाणे संसारमग्गं वोच्छिदइ, सिद्धिमग्गं पडिवन्ने य हवइ ॥ २ ॥ धम्मसद्धाए णं भंते ! जीवे किं जणयइ ? धम्मसद्धाए णं सायासोक्खेस रज्जमाणे विरज्जइ । आगारधम्मं च णं चयइ । अणगारिए णं जीवे सारीरमाणसाणं दुक्खाणं क्रेयणभेयणसंजोगाईणं वोच्छेयं करेड । अन्वाबाहं च सहं निन्वत्तेइ ॥ ३ ॥ गुरुसाहम्मियसुरुस्सणयाए णं भंते ! जीवे किं जणयइ ? गुरुसाहम्मियसुरुस्णयाए णं विणयपडिवत्तिं जणयइ। विणयपडिवन्ने य णं जीवे अणचासायणसीले नेरइय-तिरिक्खजोणियमणुस्सदेवदुरगईओ निरुंभइ । वण्णसंजलणभत्तिबहुमाणयाए मणुस्स-देवसगईओ निबंधइ । सिर्द्धि सोग्गई च विसोहेइ । पसत्थाई च णं विणयमूलाई सञ्वकजाई साहेइ । अने य बहवे जीवा विणिइत्ता भवइ ॥ ४ ॥ आलोयणाए णं भंते ! जीवे किं जणयइ ? आलोयणाए णं मायानियाणमिच्छादंसणसञ्चाणं मोक्ख-मगगविग्घाणं अणंतसंसारबंघणाणं उद्धरणं करेइ । उज्जुभावं च जणयइ । उज्जुभा-वपडिवन्ने य णं जीवे अमाई इत्थीवेयनपुंसगवेयं च न बंधइ। पुन्वबद्धं च णं

निजारेइ ॥ ५॥ निंदणयाए णं भंते ! जीवे किं जणयह ? निंदणयाए णं पच्छाणुतावं जणयइ । पच्छाणुतावेणं विरज्जमाणे करणगुणसेढिं पडिवज्जइ । करणगुणसेढीपडिवन्ने य णं अणगारे मोहणिजं कम्मं उग्घाएइ ॥ ६ ॥ गरहणयाए णं भंते ! जीवे किं जणयइ ? गरहणयाए णं अपुरक्कारं जणयइ । अपुरक्कारगए णं जीवे अप्पसत्थेहिंतो जोगेहिंतो नियत्तेइ, पसत्ये य पिडवज्जइ। पसत्थजोगपिडवन्ने य णं अणगारे अणंतघा-इपज्जवे खवेइ ॥ ७ ॥ सामाइएणं भंते ! जीवे किं जणयइ १ सामाइएणं सावज्जजोगविरइं जणयइ॥८॥ चउव्वीसत्थएणं भेते ! जीवे किं जणयइ ? चउव्वीसत्थएणं दंसणविसोहिं जणयइ ॥ ९ ॥ वंदणएणं भंते ! जीवे किं जणयह ? वंदणएणं नीयागीयं कम्मं खवेड । उचागोयं कम्मं निवंधइ । सोहग्गं च णं अपिडहयं आणापतं निव्वत्तेइ । दाहिणभावं च णं जणयइ ॥ १० ॥ पिङक्रमणेणं भंते ! जीवे किं जणयइ ? पडिक्कमणेणं वयछिद्दाणि पिहेद् । पिहियवयछिद्दे पुण जीवे निरुद्धासवे असवलचरित्ते अद्भय पत्रयणमायास उवउत्ते अपुहत्ते सुप्पणिहिए विहरइ ॥ ११ ॥ काउस्सगोणं भंते ! जीवे किं जणयह ? काउस्समोणं तीयपद्धपन्नं पायच्छितं विसोहेड । विसद्ध-पायच्छित्ते य जीवे निव्वयहियए ओहरियमरुव्य भारवहे पसत्यञ्चाणोवगए सुहं-मुहेणं विहरद् ॥ १२ ॥ पचक्खाणेणं भंते ! जीवे किं जणयद् ? पचक्खाणेणं आसवदाराइं निरंमइ । पचकलाणेणं इच्छानिरोहं जणयइ । इच्छानिरोहं गए य णं जीवे सन्वदन्वेस विणीयतण्हे सीइभूए विहरइ ॥ १३ ॥ थवशुरुमंगलेणं भंते ! जीवे कि जणयद ? थवथुरमंगलेणं नाणदंसणचरित्तवोहिलाभं जणयइ । नाणदंसणचरि-त्तवोहिलाभसंपन्ने य णं जीवे अंतिकारियं कर्णावमाणीववत्तियं आराहणं आराहेड ॥ १४ ॥ कालपिछिहेणयाए णं भेते ! जीवे कि जणयह ? कालपिछिहेणयाए णं नाणावरणिजं कम्मं खवेइ ॥ १५ ॥ पायच्छित्तकरणेणं भंते ! जीवे किं जणयह ? पायन्छित्तकरणेणं पावकम्मविसोहि जणयइ, निरहयारे यावि भवड । सम्मं च णं पायच्छितं पडिवजमाणे मग्गं च मग्गफलं च विसोहेद, आयारं च आयारफलं च आराहेडु ॥ १६॥ समावणयाए णं भंते! जीवे कि जणयड ? समा-वणयाए णं पल्हायणभावं जणयइ । पल्हायणभावस्वगए य सञ्वपाणभयजीव-सत्तेन मित्तीभावमुप्पाएइ । मित्तीभावमुवगए य जीवे भावविसोहिं काळण निव्भए भवट ॥ १७ ॥ सञ्झाएणं भंते ! जीवे कि जणयद ? सञ्झाएणं नाणावरणिजं कम्मं खबेड ॥ १८ ॥ वायणाए णं भेते ! जीवे कि जणयद ? वायणाए णं निजरं जणयदः । सुयस्स य अणुसज्जणाए अणासायणाए वद्रए । सुयस्स अणुसज्जणाए अणासायणाए वर्द्माणे तित्थधम्मं अवलंबङ । तित्थधम्मं अवलंबमाणे महानिज्ञरे महापज्जवसाणे भवड ॥ १९ ॥ पिडपुच्छणयाए णं भंते ! जीवे किं जणयह १ पिडपच्छणयाए णं सत्तत्थतदुभयाई विसोहेइ । कंखामोहणिजं कम्मं वोच्छिदङ ॥ २० ॥ परियद्वणयाए णं भंते ! जीवे किं जणयइ ? परियद्वणयाए णं वंजणाइं जणयड. वंजणलिंद्धं च उप्पाएइ ॥ २१ ॥ अणुप्पेहाए णं भंते ! जीवे किं जणयह? अणुप्पेहाए णं आउयवजाओ सत्तकम्मप्पगडीओ धणियवंधणबद्धाओ सिहिलवंधण-बद्धाओ पकरेइ । दीहकालद्भिड्याओ हस्सकालद्भिड्याओ पकरेइ । तिव्वाणमावाओ मंदाणभावाओ पकरेड । बहपएसम्गाओ अप्पपएसम्गाओ पकरेड । आउयं च णं कम्मं सिया बंधड, सिया नो बंधड। असायावेयणिजं च णं कम्मं नो भुज्जो भुज्जो उवचिणाड। अणाइयं च णं अणवद्रगं दीहमद्धं चाउरंतं संसारकंतारं खिप्पामेव वीइवयइ ॥ २२ ॥ धम्मकहाए णं भंते ! जीवे किं जणयह ? धम्मकहाए णं निजारं जणयह । धम्म-कहाए णं पवयणं प्रभावेइ। पवयणप्रभावेणं जीवे आगमेसस्स भहताए कम्मं निबंधइ ॥ २३ ॥ सुयस्स आराहणयाए णं भंते ! जीवे किं जणयइ ? सुयस्स आराहणयाए णं अञ्चाणं खवेइ. न य संकिलिस्सइ।। २४॥ एगग्गमणसंनिवेसणयाए णं भंते! जीवे किं जणयह १ एगग्गमणसंनिवेसणयाए णं चित्तनिरोहं करेइ ॥ २५ ॥ संजमेणं भंते ! जीवे किं जणयड ? संजमेणं अणण्हयत्तं जणयइ ॥ २६ ॥ तवेणं भंते ! जीवे किं जणयह ? तवेणं वोदाणं जणयह ॥ २० ॥ वोदाणेणं भंते ! जीवे किं जणयह ? वोदाणेणं अकिरियं जणयइ । अकिरियाए भवित्ता तओ पच्छा सिज्झइ व्रज्झइ मुच्छ परिनिव्वायइ सव्वदुक्खाणमंतं करेइ ॥ २८ ॥ सुहसाएणं भंते ! जीवे किं जणयइ १ सुहसाएणं अणुस्सुयत्तं जणयइ । अणुस्सुयाए णं जीवे अणुकंपए अणुब्भडे विगयसोगे चरित्तमोहणिजं कम्मं खवेइ ॥ २९ ॥ अप्पडिबद्धयाए णं भंते ! जीवे किं जणयह ? अप्पडिबद्धयाए णं जीवे निस्संगत्तं जणयइ । निस्संगत्तेणं जीवे एगग्गचित्ते दिया य राओ य असज्जमाणे अप्पडिबद्धे यावि विहरइ॥ ३०॥ विवित्तसयणासणयाए णं भंते ! जीवे किं जणयह ? विवित्तसयणासणयाए णं जीवे चरित्तगृतिं जणयह । चरित्तगते य णं जीवे विवित्ताहारे दढचरित्ते एगंतरए मोक्खभावपिडवन्ने अद्भविह-कम्मगंठिं निजारेड ॥ ३१ ॥ विणियदृणयाए णं भंते ! जीवे किं जणयइ ? विणियदृण-याए णं जीवे पावकम्माणं अकरणयाए अब्सुद्वेइ । पुन्वबद्धाण य निज्जरणयाए पावं नियत्तेइ । तओ पच्छा चाउरंतं संसारकंतारं वीइवयइ ॥ ३२ ॥ संभोगपचक्खाणेणं भंते ! जीवे किं जणयह ? संभोगपचक्खाणेणं जीवे आलंबणाई खवेइ । निरालंबणस्स य आययद्विया योगा भवंति । सएणं लाभेणं संतुरसङ्, परलाभं नो आसाएइ नो तकेड नो पीडेड नो पत्थेड नो अभिलसङ । परलामं अणस्साएमाणे अतकेमाणे

अपीहेमाणे अपत्थेमाणे अणभिलसमाणे दुचं सुहसेजं उवसंपिजिताणं विहरइ॥३३॥ उवहिपचक्काणेणं भंते! जीवे किं जणयह ? उवहिपचक्काणेणं जीवे अपलिमंथं जणयइ। निस्वहिए णं जीवे निकंखी उवहिमंतरेण य न संकिलिस्सइ॥ ३४॥ आहारपचक्खाणेणं भंते ! जीवे किं जणयह ? आहारपचक्खाणेणं जीवे जीविया-संसप्पओगं वोच्छिदइ । जीवियासंसप्पओगं वोच्छिदित्ता जीवे आहारमंतरेण न संकिलिस्सइ ॥ ३५ ॥ कसायपचक्खाणेणं भंते ! जीवे कि जणयइ १ कसायपच-क्खाणेणं जीवे वीयरागभावं जणयइ। वीयरागभावपिडवन्ने वि य णं जीवे समस्रह-दुक्खे भवइ ॥ ३६ ॥ जोगपचक्खाणेणं भंते ! जीवे किं जणयह ? जोगपचक्खाणेणं जीवे अजोगत्तं जणयइ। अजोगी णं जीवे नवं कम्मं न बंधइ, पुन्वबद्धं निजारेइ ॥ ३७ ॥ सरीरपचक्खाणेणं भंते ! जीवे किं जणयइ ? सरीरपचक्खाणेणं जीवे सिद्धाइसयगुणिकत्तणं निव्वत्तेद् । सिद्धाइसयगुणसंपन्ने य णं जीवे लोगग्गमुवगए परमसुही भवइ ॥ ३८ ॥ सहायपचक्खाणेणं भंते ! जीवे किं जणयइ ? सहायपच-क्खाणेणं जीवे एगीभावं जणयइ। एगीभावभूए वि य णं जीवे एगत्तं भावेमाणे अप्पसंदे अप्पझंझे अप्पकलहे अप्पकसाए अप्पतुमंतुमे संजमबहुले संवरबहुले समा-हिए यावि भवद ॥ ३९ ॥ भत्तपचकखाणेणं भंते ! जीवे किं जणयद ? भत्तपचकखा-णेणं जीवे अणेगाइं भनसयाइं निरंभइ ॥ ४० ॥ सब्भावपच्चक्खाणेणं भंते ! जीवे किं जणयइ ? सब्भावपचक्त्वाणेणं जीवे अनियष्टिं जणयह । अनियष्टिपडिवचे य अणगारे चत्तारि केवलिकम्मंसे खवेइ। तंजहा—वयणिजं आउर्य नामं गोयं। तओ पच्छा सिज्झइ बुज्झइ मुच्चइ परिनिव्वायइ सन्वद्वक्खाणमंतं करेइ ॥ ४९ ॥ पिंडहिवयाए णं भंते ! जीवे कि जणयः १ पिंडहिवयाए णं जीवे लाघवियं जणयः । लघुभुषु णं जीवे अण्यमत्ते पागडलिंगे पसत्यलिंगे विसद्धसम्मत्ते सत्तसमिइसमत्ते सन्वपाणभूयजीवसत्तेषु वीससणिजारुवे अप्पिडिलेहे जिउंदिए विजल्पतवसमिइसमन्नागए याचि भवइ॥ ४२॥ वेयावधेणं भंते ! जीवे कि जणयद १ वेयावखेणं जीवे तित्थयर-नामगोत्तं कम्मं निबंधद् ॥ ४३ ॥ सन्वगुणसंपन्नयाए णं भंते ! जीवे कि जणयह ? सव्वगुणसंपन्नयाए णं जीवे अपुणरावितं जणयह । अपुणरावितं पत्तए य णं जीवे सारीरमाणसाणं दुक्खाणं नो भागी भवड़ ॥ ४४॥ वीयरागचाद णं भंते ! जीवे कि जणयह ? वीयरागयाए णं जीवे नेहाणुवंधणाणि तण्हाणुवंधणाणि य वोच्छिदइ, मणुषामणुषेतु सद्दफरिसहबरसगंधेनु (सचिताचित्तमीसएनु) अव विरज्जह ॥ ४५॥ खंतीए णं भंते ! जीवे कि जणयड ? खंतीए णं जीवे परीसहे जिणाइ ॥ ४६ ॥ मुत्तीए णं भंते ! जीवे कि जणयह ? मुत्तीए णं जीवे अकिचणं जणयह । अकिचणे य जीवे

अत्थलोलाणं पुरिसाणं अपत्थणि(जे)जो भवइ ॥ ४० ॥ अज्जवयाए णं भंते ! जीवे किं जणयह १ अजनयाए णं जीवे कार्ज्ययं भावज्ययं भावज्ययं अविसंवायणं जण-यइ । अविसंवायणसंपन्नयाए णं जीवे धम्मस्स आराहए भवइ ॥ ४८ ॥ मद्दवयाए णं भंते! जीवे किं जणयइ ? महवयाए णं जीवे अणुस्सियत्तं जणयइ। अणुस्सियत्तेण जीवे मिउमहवसंपन्ने अद्भगयद्वाणाइं निद्रावेइ ॥ ४९ ॥ भावसच्चेणं भंते ! जीवे किं जणयङ ? भावसच्चेणं जीवे भावविसोहिं जणयह । भावविसो[ही]हिए वदृमाणे जीवे अरहंतपन्नत्तस्स धम्मस्स आराहणयाए अब्भद्रेइ । अरहंतपन्नतस्स धम्मस्स आरा-हणग्राए अन्भद्रिता परलोगधम्मस्स आराहए भवइ ॥ ५० ॥ करणसच्चेणं भंते ! जीवे किं जणयइ ? करणसचेणं जीवे करणसत्तिं जणयइ । करणसचे वहमाणे जीवे जहावाई तहाकारी यावि भवड़ ॥ ५१ ॥ जोगसच्चेणं भंते ! जीवे किं जणयड ? जोगसच्चेणं जीवे जोगं विसोहेड ॥ ५२ ॥ मणगुत्तयाए णं भंते ! जीवे किं जणयुड ? मणगुत्तयाए णं जीवे एगग्गं जणयइ। एगग्गचित्ते णं जीवे मणगुत्ते संजमाराहए भवइ ॥ ५३ ॥ वयगत्त्रयाए णं भंते ! जीवे किं जणयह ? वयगत्त्रयाए णं जीवे निव्वियारत्तं जणयइ । निव्वियारे णं जीवे वङ्गते अज्झप्पजोगसाहणज्ते यावि भवड़ ॥ ५४ ॥ कायगुत्तयाए णं भंते ! जीवे किं जणयह ? कायगुत्तयाए णं जीवे संवरं जणयइ । संवरेणं कायग्रते पुणो पावासवनिरोहं करेइ ॥ ५५ ॥ मणसमा-हारणयाए णं भंते ! जीवे किं जणयइ ? मणसमाहारणयाए णं जीवे एगरगं जणयड । एगरगं जणइता नाणपज्जवे जणयह । नाणपज्जवे जणइता सम्मत्तं विसोहेड, मिच्छत्तं च निजारेइ ॥ ५६ ॥ वयसमाहारणयाए णं भंते ! जीवे किं जणयइ ? वयसमा-हारणयाए णं जीवे वयसाहारणदंसणपज्जवे विसोहेइ । वयसाहारणदंसणपज्जवे विसोहिता सुलहबोहियतं निव्वत्तेइ, दुल्लहबोहियत्तं निजरेइ ॥ ५० ॥ कायसमा-हारणयाए णं भंते ! जीवे किं जणयइ ? कायसमाहारणयाए णं जीवे चरित्तपज्जवे विसोहेइ। चरित्तपज्जवे विसोहित्ता अहक्खायचरित्तं विसोहेइ। अहक्खायचरित्तं विसोहेता चतारि केविकम्मंसे खवेइ। तओ पच्छा सिज्झइ बुज्झइ मचड परि-निव्वायइ सव्वदुक्खाणमंतं करेइ ॥ ५८ ॥ नाणसंपन्नयाए णं भंते ! जीवे कि जणयह ? नाणसंपन्नयाए णं जीवे सव्वभावाहिगमं जणयह । नाणसंपन्ने णं जीवे चाउरंते संसारकंतारे न विणस्सइ। गाहा—जहा सई समुत्ता, पिडया न विणस्सइ। तहा जीवे सस्ते, संसारे न विणस्सइ ॥ १ ॥ नाणविणयतवचरित्तजोगे संपाउणइ. ससमयपरसमयविसारए य असंघायणिजे भवइ ॥ ५९ ॥ दंसणसंपन्नयाए णं भंते ! जीवे किं जणयह ? दंसणसंपन्नयाए णं जीवे भविमच्छत्तछेयणं करेइ, परं न विज्झायह।

परं अविज्ञाएमाणे अणुत्तरेणं नाणदंसणेणं अप्पाणं संजोएमाणे सम्मं भावेमाणे विहरइ ॥ ६० ॥ चरित्तसंपन्नयाए णं भंते ! जीवे किं जणयइ ? चरित्तसंपन्नयाए णं जीवे सेलेसीभावं जणयह । सेलेसिं पिडवन्ने य अणगारे चत्तारि केवलिकम्मंसे खनेइ । तओ पच्छा सिज्झइ बुज्झइ मुच्चइ परिनिव्वायइ सव्वदुक्खाणमंतं करेइ ॥ ६१ ॥ सोइंदियनिग्गहेणं भंते ! जीवे किं जणयइ ? सोइंदियनिग्गहेणं जीवे मणुत्रामणुत्रेसु सद्देसु रागदोसनिगगहं जणयइ। तप्पचइयं च णं कम्मं न वंधइ, पुव्ववद्धं च निज्जरेइ ॥ ६२ ॥ चर्क्सिविदयनिग्गहेणं भंते ! जीवे किं जणयह ? चर्क्सिविदयनिग्गहेणं जीवे मणुन्नामणुनेसु रुवेसु रागदोसनिग्गहं जणयइ। तप्पचइयं च णं क्रम्मं न वंधइ, पुक्वबद्धं च निजारेइ ॥ ६३ ॥ घाणिंदियनिग्गहेणं भंते ! जीवे किं जणयड ? घाणिदियनिग्गहेणं जीवे मणुन्नामणुनेसु गंधेसु रागदोसनिग्गहं जणयह । तप्पचह्यं च णं कम्मं न वंधइ, पुरुवबद्धं च निजारेइ ॥ ६४ ॥ जिहिंभदियनिग्गहेणं भंते ! जीवे किं जणयह ? जिटिंभदियनिग्गहेणं जीवे मणुन्नामणुनेषु रसेषु रागदोसनिग्गहं जणयइ। तप्पचइयं च णं कम्मं न वंधइ, पुव्वबद्धं च निज्जरेइ॥ ६५॥ फासिं-दियनिग्गहेणं भंते ! जीवे किं जणयइ ? फासिंदियनिग्गहेणं जीवे मणुत्रामणुनेस फासेस रागदोसनिग्गहं जणयइ। तप्पचइयं च णं कम्मं न वंधइ, पुव्ववद्धं च निजारेइ ॥ ६६ ॥ कोहविजएणं भंते ! जीवे किं जणयह ? कोहविजएणं जीवे खंति जणयइ । कोहवेयणिजं कम्मं न वंघड, पुव्ववद्धं च निजरेड ॥ ६७ ॥ माणविज-एणं भंते ! जीवे किं जणयइ ? माणविजएणं जीवे महवं जणयइ । माणवेयणिजं कम्मं न वंधइ, पुव्वबद्धं च निजारेइ ॥ ६८ ॥ मायाविजएणं भंते ! जीवे कि जणयड ? मायाविजएणं जीवे अज्जवं जणयह। मायावेयणिजं कम्मं न वंधह, प्रव्यवद्धं च निज्ज-रेड़ ॥ ६९ ॥ लोमविजएणं भंते ! जींचे किं जणयड ? लोमविजएणं जींचे संतोसं जण-यइ । लोभवेयणिजं कम्मं न वंधइ, पुव्ववद्धं च निजारेइ ॥ ७० ॥ पिजादोसिमच्छा-दंसणविजएणं भंते ! जीवे किं जणयइ ? पिजादोसिमच्छादंसणविजएणं जीवे नाणदंसण-चरिताराहणयाए अब्भुद्वेइ । अर्द्घावहस्त कम्मस्त कम्मगंठिविमोयणयाए तप्पटमयाए जहाणुपुन्वीए अद्वावीसइविहं मोहणिजं कम्मं उग्घाएइ, पंचविहं नाणावरणिजं, नव-विहं दंसणावरणिजं, पंचविहं अंतराइयं, एए तिन्नि वि कम्मंसे जुगवं खर्वेड । तओ पच्छा अणुत्तरं कसिणं पिडपुणं निरावरणं वितिमिरं विसुद्धं लोगालोगप्पभावं केवलवरनाणदंसणं सम्पाडेइ। जाव सजोगी भवट ताव इरियावहियं कम्मं निवंधड् सहफरिसं दुसमयठिइयं, तं पडमसमए बद्धं विडयसमए वेडयं तदयसमए निज्जिणं तं बद्धं प्रद्रं उदीरियं वेड्यं निजिण्णं सेयाले य अकम्मं चावि भवद् ॥ ७१॥

अह आउयं पालङ्त्ता अंतोमुहुत्तद्धावसेसाए जोगिनरोहं करेमाणे सुहुमिकिरियं अप्पिडवाइं सुक्कज्झाणं झायमाणे तप्पढमयाए मणजोगं निरुंभइ, वइजोगं निरुंभइ, कायजोगं निरुंभइ, आणपाणिनरोहं करेइ । ईसि-पंचरहस्सक्खरुचारणद्धाए य णं अणगारे समुच्छिन्निकिरियं अनियिद्विस्त्रज्ञ्झाणं झियायमाणे वेयणिजं आउयं नामं गोत्तं च एए चत्तारि कम्मंसे जुगवं खवेइ ॥ ७२ ॥ तओ ओराल्यितेयकम्माइं सव्वाहिं विप्पजहणाहिं विप्पजित्ता उज्जुसेदिपत्ते अफुसमाणगई उद्धं एगसमएणं अविग्गहेणं तत्थ गंता सागारोवउत्ते सिज्झइ बुज्झइ मुच्ह परिनिव्वायइ सव्वदुक्खाणमंतं करेइ ॥ ७३ ॥ एस खलु सम्मत्तपरक्षमस्स अज्झयणस्स अद्धे समणेणं भगवया महावीरेणं आघविए पन्नविए पन्नविए दंसिए निदंसिए उवदंसिए ॥ ति-बेमि ॥ इति सम्मत्तपरक्षमणामं पगुणतीसइमं अज्झयणं समत्तं ॥ २९ ॥

अह तवमग्गणामं तीसइमं अज्झयणं

जहा उ पावगं कम्मं, रागदोससमज्जियं । खवेइ तवसा भिक्खू, तमेगगगमणो सुण ॥ १ ॥ पाणिवहसुसावाया, अदत्तमेहुणपरिग्गहा विरओ । राईभोयणविरओ. जीवो भवइ अणासवो ॥ २ ॥ पंचसमिओ तिग्रत्तो, अकसाओ जिडंदिओ । अगारवो य निस्सल्लो, जीवो होइ अणासवो ॥ ३ ॥ एएसिं तु विवचासे, रागदोस-समज्जियं । खवेइ उ जहा भिक्खु , तमेगग्गमणो सुण ॥ ४ ॥ जहा महातलायस्स. संनिरुद्धे जलागमे । उस्सिचणाए तवणाए, कमेणं सोसणा भवे ॥ ५॥ एवं त संजयस्सावि. पावकम्मिनरासवे । भवकोडीसंचियं कम्मं, तवसा निजारिजाइ ॥ ६ ॥ सो तवो द्विहो वृत्तो, बाहिरब्भंतरो तहा । बाहिरो छिव्वहो वृत्तो, एवमब्भंतरो तवो ॥ ७ ॥ अणसणैमूणोयरियो, भिक्खायरियो य रसपरिचीओ । कार्यकिलेसो संलीणयाँ, य बज्झो तवो होइ ॥ ८ ॥ (१) इत्तरियै मरणकालौ य, अणसणा दुविहा भवे । इत्तरिय सावकंखा, निरवकंखा उ विइज्जिया ॥ ९ ॥ जो सो इत्तरि-यतवो. सो समासेण छिववहो । सेहितवो पयरतेवो, घैणो य तह होइ वर्गी य ॥ १० ॥ तत्तो य वग्गवर्गो, पंचमो छट्ठओ पङ्ण्यत्वो । मणङ्च्छियचित्तत्थो. नायव्वो होइ इत्तरिओ ॥ ११ ॥ जा सा अणसणा मरणे, दुविहा सा वियाहिया । सवियारैमवियारौ, कायचिद्वं पई भवे ॥ १२ ॥ अहवा सपरिकम्मौ, अपरिकम्मौ य आहिया । नीहाँरिमनीहाँरी, आहारच्छेओ दोस्र वि ॥ १३ ॥ (२) ओमोयरणं पंचहा. समासेण वियाहियं । दर्बेओ खेत्तैकालेणं. भाँवेणं पर्जवेहि य ॥ १४॥

जो जस्स उ आहारो, तत्तो ओमं तु जो करे। जहन्नेणेगसित्थाई, एवं दव्वेण ऊ भवे ॥ १५ ॥ गामे नगरे तह रायहाणि, निगमे य आगरे पछी । खेडे कब्बडदो-णमह-, पष्टणमडंबसंबाहे ॥ १६ ॥ आसमपए विहारे, सिन्नवेसे समायघोसे य । थलिसेणाखंधारे, सत्ये संबद्धकोट्टे य ॥ १७ ॥ वाडेस व रत्यास व. घरेस वा एविमित्तियं खेत्तं । कप्पइ उ एवमाई, एवं खेत्तेण ऊ भवे ॥ १८ ॥ पेडी य अद्धपेडो, गोमै तिपयंगवीहियाँ चेव । संबुक्कावडोंयय-, गंतं पचागर्या छदा ॥ १९ ॥ दिवसस्स पोरुसीणं, चडण्हं पि उ जित्तओ भवे कालो । एवं चरमाणो खलु, कालोमाणं मुणेयव्वं ॥ २० ॥ अहवा तऱ्याए पोरिसीए, ऊणाइ घासमेसंतो । चडभाग्रणाए वा. एवं कालेण ऊभवे॥ २१॥ इतथी वा प्रिसो वा, अलंकिओ वा नलंकिओ वावि । अन्नयरवयत्थो वा. अन्नयरेणं व वत्थेणं ॥ २२ ॥ अन्नेण विसेसेणं, वण्णेणं भावमणुसुयंते उ । एवं चरमाणो खळ्. भावोमाणं सुणेयव्वं ।। २३ ॥ दव्वे खेते काले. भावंमि य आहिया उ जे भावा । एएहि ओमचरओ, पज्जवचरओ भवे भिक्खु ॥ २४ ॥ (३) अद्भविहगोयरगं त. तहा सत्तेव एसणा । अभिग्गहा य जे अन्ने, भिक्खायरियमाहिया ॥ २५ ॥ (४) खीरदहि-सप्पिमाई, पणीयं पाणभोयणं । परिवज्जणं रसाणं तु, भणियं रसविवज्जणं ॥ २६ ॥ (५) ठाणा वीरासणाईया, जीवस्स उ मुहावहा । उग्गा जहा धरिजंति, कायकिलेसं तमाहियं ॥ २० ॥ (६) एगंतमणावाए, इत्थीपसुविवज्जिए । सयणा-सणसेवणया, विवित्तसयणासणं ॥ २८ ॥ एसो बाहिरगं तवो, समासेण वियाहिओ । अर्दिभतरं तवं एत्तो, बुच्छामि अणुपुव्यसो ॥ २९ ॥ पायच्छितं विणैओ. वेया-वैंचं तहेव सज्झॉओ । झॉंणं च विउस्सर्गगो. एसो अस्भितरो तवो ॥ ३०॥ (१) आलोयणारिहाईयं, पायच्छितं तु दसविहं । जे भिक्ख वहई सम्मं, पायच्छितं तमाहियं ॥ ३१ ॥ (२) अब्भुद्वाणं अंजलिकरणं, तहेवासणदायणं । गुरुभत्ति-भावसुस्सुसा, विणओ एस वियाहिओ ॥ ३२ ॥ (३) आयरियमाईए, वेयावचंमि दसयिहे । आसेवणं जहाथामं, वेयावचं तमाहियं ॥ ३३ ॥ (४) वायणी पुच्छणी चैव. तहेव परियद्वणा । अणुप्पेही धम्मकही, सञ्झाओ पंचहा भवे ॥ ३४॥ (५) अर्टरहोणि वजिता, झाएजा सुसमाहिए । धम्मैस्क्वांड खाणाडं, झाणं तं तु बुहा वए ॥ ३५ ॥ (६) सयणासणठाणे वा, जे उ भिक्खू न वावरे । कायस्म विउरसम्मो, छट्ठो सो परिकित्तिओ ॥ ३६ ॥ एवं तवं त दुविहं, जे सम्मं आयरे मुणी । सो खिप्पं सञ्चसंसारा, विष्यमुच्छः पंडिओ ॥ ३७ ॥ ति-चेमि ॥ इति तवमग्गणामं तीसहमं अज्झयणं समन्तं ॥ ३०॥

अह चरणविहिणामं एगतीसइमं अज्झयणं

चरणविहिं पवक्खामि, जीवस्स उ सहावहं। जं चरित्ता बहु जीवा, तिण्णा संसारसागरं ॥ १ ॥ एगओ विरइं कुजा. एगओ य पवत्तणं । असंजमे नियत्तिं च. संजमे य पवत्तणं ॥ २ ॥ रागदोसे य दो पावे. पावकम्मपवत्तणे । जे भिक्ख रंभई निचं. से न अच्छड़ मंडले ॥ ३ ॥ दंडाणं गारवाणं च. सल्लाणं च तियं तियं । जे भिक्खू चयई निचं, से न अच्छइ मंडले॥ ४॥ दिन्वे य जे उवसग्गे, तहा तेरिच्छमाणुसे । जे भिक्खू सहई निचं, से न अच्छइ मंडले ॥ ५ ॥ विगहाकसाय-सन्नाणं, झाणाणं च दुयं तहा। जे भिक्ख वर्जाई निर्चं, से न अच्छइ मंडले॥ ६॥ वएस इंदियत्थेस, समिईस किरियास य । जे भिक्ख जयई निचं, से न अच्छड मंडले ॥ ७ ॥ लेसासु छसु काएसु, छक्के आहारकारणे । जे भिक्खू जयई निर्च. से न अच्छइ मंडले ॥ ८ ॥ पिंडोग्गहपडिमास, भयद्राणेस सत्तसु । जे भिक्खू जयई निचं, से न अच्छइ मंडले ॥ ९ ॥ मएस वंभग्रतीस, भिक्ख्यम्मिम्म दसविहे । जे भिक्ख जयई निचं, से न अच्छइ मंडले ॥ १० ॥ उवासगाणं पिडमास, भिक्खणं पडिमास य । जे भिक्ख जयई निचं, से न अच्छइ मंडले ॥ ११ ॥ किरियास भूयगामेसु, परमाहम्मिएसु य । जे भिक्खू जयई निचं, से न अच्छइ मंडले ॥ १२ ॥ गाहासोलसएहिं. तहा असंजमांनि य । जे भिक्खू जयई निर्च, से न अच्छइ मंडले ॥ १३ ॥ बंभंमि नायज्झयणेस, ठाणेस असमाहिए । जे भिक्ख जयई निचं. से न अच्छइ मंडले ॥ १४ ॥ एगवीसाए सबले, बावीसाए परीसहे । जे भिक्ख जयई निचं, से न अच्छइ मंडले ॥ १५ ॥ तेवीसाइ सूयगडे, रूवाहिएसु सुरेस य । जे भिक्खू जयई निचं, से न अच्छइ मंडले ॥ १६ ॥ पणवीसभावणासु, उद्देसेसु दसाइणं । जे भिक्ख जयई निचं, से न अच्छइ मंडले ॥ १७ ॥ अणगार्गुणेहिं च, पगप्पंमि तहेव य । जे भिक्खू जयई निचं, से न अच्छइ मंडले ॥ १८॥ पावसुयपसंगेस, मोहठाणेसु चेव य । जे भिक्ख जयई निचं, से न अच्छड मंडले ॥ १९ ॥ सिद्धाइगुणजोगेसु, तेत्तीसासायणासु य । जे भिक्खू जयई निचं, से न अच्छइ मंडले ॥ २० ॥ इय एएसु ठाणेसु, जे भिक्खू जयई सया । खिप्पं सो सव्वसंसारा, विष्पमुच्चइ पंडिओ ॥ २१ ॥ त्ति-बेसी ॥ इति चरणविहिणामं एगतीसइमं अज्झयणं समत्तं ॥ ३१ ॥

अह पमायहाणणामं बत्तीसइमं अज्झयणं

अचंतकालस्य समूलगस्स, सन्वस्स दुक्खस्स उ जो पमोक्खो । तं भासओ मे पडिपुण्णचित्ता, सुणेह एगंतहियं हियत्थं ॥ १ ॥ नाणस्स सन्वस्स पगासणाए, अन्नाणमोहस्स विवज्जणाए । रागस्स दोसस्स य संखएणं, एगंतसोक्खं समुवेइ मोक्खं ॥ २ ॥ तस्सेस मग्गो गुरुविद्धसेवा, विवज्जणा वालजणस्स दूरा । सज्झाय-एगंतिनसेवणा य, सुत्तत्थसंचिंतणया धिई य ॥ ३ ॥ आहारमिच्छे मियमेसणिजं, सहायमिच्छे निउणत्थवृद्धि । निकेयमिच्छेज विवेगजोग्गं, समाहिकामे समणे तवस्सी ॥ ४॥ न वा लमेजा निउणं सहायं, गुणाहियं वा गुणओ समं वा। एगो वि पावाइं विवज्जयंतो, विहरेज कामेसु असज्जमाणो ॥ ५॥ जहा य अंडप्पभवा बलागा. अंडं बलागप्पभवं जहा य। एमेव मोहाययणं खु तण्हा, मोहं च तण्हाय-यणं वयंति ॥ ६ ॥ रागो य दोसो वि य कम्मवीयं, कम्मं च मोहप्पभवं वयंति । कम्मं च जाईमरणस्स मूलं, दुक्खं च जाईमरणं वयंति ॥ ७॥ दुक्खं हयं जस्स न होइ मोहो, मोहो हुओ जस्स न होइ तण्हा। तण्हा हुया जस्स न होइ लोहो, लोहो हुओ जस्स न किंचणाई।। ८।। रागं च दोसं च तहेव मोहं, उद्धन्तकामेण समृलजालं। जे जे उवाया पडिवज्जियव्वा, ते कित्तइस्सामि अहाणुपूर्विव ॥ ९॥ रसा पगामं न निसेवि-यव्या. पार्य रसा दित्तिकरा नराणं । दित्तं च कामा समभिद्वंति, दुमं जहा साउफलं व पक्खी ॥ १०॥ जहा दवग्गी पर्डारेंधणे वणे, समारुओ नोवसमं उवेइ । एविंदियग्गी वि पगामभोइणो, न वंभयारिस्स हियाय करसई ॥ ११ ॥ विवित्तसेज्ञासणजंतियाणं, ओमासणाणं दिमइंदियाणं । न रागसत् घरिसेइ चित्तं, पराइओ वाहिरिवोसहेहिं ॥ १२ ॥ जहा बिराळावसहस्स मूळे, न मुसगाणं वसही पसत्था। एमेव इत्थीनिलयस्स मज्झे, न बंभयारिस्स खमो निवासो ॥ १३ ॥ न रुवलावण्णविलासंहासं, न जंपियं इंगियपेहियं वा । इत्थीण चित्तंसि निवेसइत्ता, दहुं ववस्से समणे तवस्सी ॥ १४ ॥ अदंसणं चेव अपत्थणं च, अचिंतणं चेव अकित्तणं च। इत्थीजणस्सारियझाणज्ञमां, हियं सया वंभवए रयाणं ॥ १५॥ कामं तु देवीहिं विभूसियाहिं, न चाइया खोभ-इंड तिगुत्ता । तहा वि एगंतहियं ति नचा, विवित्तवासी मुणिणं पसत्थो ॥ १६ ॥ मोक्खाभिकंखिस्स उ माणवस्स, संसारभीहस्स ठियस्स धम्मे । नेयारिसं दुत्तरमिथ लोए, जहित्यओ बालमणोहराओ ॥ १७ ॥ एए य संगे समदक्षमित्ता, सदनरा चेव भवंति सेसा । जहा महासागरमुत्तरित्ता, नई भवे अवि गंगासमाणा ॥ १८ ॥ कामाणुगिद्धिप्पभवं ख दुक्खं, सञ्बस्त छोगस्स सदेवगस्त । जं काठयं माणिसयं

च किंचि. तस्संतगं गच्छइ वीयरागो ॥ १९ ॥ जहा य किंपागफला मणोरमा, रसेण वण्णेण य भूजमाणा । तं खुडूए जीविय पचमाणा, एओवमा कामगुणा विवागे ॥ २० ॥ जे इंदियाणं विसया मणुन्ना, न तेसु भावं निसिरे कयाइ । न यामणुजेस मणं पि कुजा, समाहिकामे समणे तबस्सी ॥ २१ ॥ (१) चक्खुस्स ह्वं गहणं वयंति, तं रागहेउं तु मणुन्नमाह । तं दोसहेउं अमणुन्नमाह, समो य जो तेसु स वीयरागो ॥ २२ ॥ रूवस्स चक्खुं गहणं वयंति, चक्खुस्स रूवं गहणं वयंति । रागस्स हेउं समणुनमाह, दोसस्स हेउं अमणुनमाह ॥ २३ ॥ रूवेसु जो गिद्धिमुवेइ तिन्वं, अकालियं पावइ से विणासं । रागाउरे से जह वा पयंगे, आलो-यलोले समुवेइ मच्चं ॥ २४ ॥ जे यावि दोसं समुवेइ तिन्वं, तंसि क्खणे से उ उवेइ दुक्खं । दुइंतदोसेण सएण जंतू, न किंचि रूवं अवरज्झई से ॥ २५ ॥ एगंतरत्ते रहरंसि रूवे, अतालिसे से कुणई पओसं। दुक्खरस संपीलमुवेड वाले. न लिप्पई तेण मुणी विरागो ॥ २६ ॥ ह्वाणुगासाणुगए य जीवे, चराचरे हिंस-इऽणेगरूवे। चित्तेहि ते परितावेइ बाले, पीलेइ अत्तद्वगुरू किलिट्टे ॥ २०॥ स्वाणु-वाएण परिग्गहेण, उप्पायणे रक्खणसिन्नओंगे । वए विओगे य कहं सहं से, संभोगकाले य अतित्तलाभे ॥ २८॥ रूवे अतित्ते य परिगाहंमि, सत्तोवसत्तो न उवेइ तुर्हि । अतुहिदोसेण दुही परस्स, लोभाविले आययई अदत्तं ॥ २९ ॥ तण्हाभिभूयस्स अदत्तहारिणो, रूवे अतित्तस्स परिग्गहे य । मायामुसं वहुद लोभदोसा, तत्थावि दुक्खा न विमुचई से ॥ ३० ॥ मोसस्स पच्छा य पुरत्थओ य, पओगकाले य दुही दुरंते । एवं अदत्ताणि समाययंतो, रूवे अतित्तो दुहिओ अणिस्सो ॥ ३१ ॥ रूवाणुरत्तस्स नरस्स एवं. कत्तो सहं होज कयाइ किंचि । तत्थोवभोगे वि किलेसदुक्खं, निव्वत्तई जस्स कएण दुक्खं ॥ ३२ ॥ एमेव ह्वंमि गओ पओसं, उवेइ दुक्खोहपरंपराओ । पदुद्वचित्तो य चिणाइ कम्मं. जं से पणो होइ दुहं विवागे ॥ ३३ ॥ रूवे विरत्तो मणुओ विसोगो, एएण दुक्खोहपरंपरेण । न लिप्पए भवमज्झे वि संतो, जलेण वा पोक्खरिणीपलासं ॥ ३४ ॥ (२) सोयस्स सद्दं गहणं वयंति, तं रागहेउं तु मणुन्नमाहु । तं दोसहेउं अमणुन्नमाहु, समो य जो तेस्र स वीयरागो ॥ ३५ ॥ सहस्स सोयं गहणं वयंति, सोयस्स सहं गहणं वयंति । रागस्स हेउं समणुन्नमाहु, दोसस्स हेउं अमणुन्नमाहु ॥ ३६॥ सद्देस जो गिद्धिमुवेइ तिव्वं, अकालियं पावइ से विणासं। रागाउरे हरिणमिगे व मुखे, सद्दे अतित्ते समुवेइ मच्चं ॥ ३० ॥ जे यावि दोसं समुवेइ तिव्वं, तंसि क्खणे से उ उवेइ दुक्खं । दुइंतदोसेण सएण जंतू , न किंचि सहं अवरज्झई से ॥ ३८ ॥

एगंतरत्ते हडरंसि सहे, अतालिसे से कुणई पओसं । दुक्खस्स संपीलस्वेइ वाले, न लिप्पई तेण मुणी विरागो ॥ ३९ ॥ सहाणुगासाणुगए य जीवे, चराचरे हिंसइऽणे-गरूवे । चित्तेहि ते परितावेइ वाले. पीलेइ अत्तहगुरू किलिट्टे ॥ ४० ॥ सद्दाणुवाएण परिगाहेण, उप्पायणे रक्खणसन्निओंगे। वए विओगे य कहं सहं से, संभोगकाले य अतित्तळाभे ॥ ४९ ॥ संहे अतित्ते य परिगगृहंमि, सत्तोवसत्तो न उवेइ तुर्हि । अतुहि-दोसेण दुही परस्स, लोभाविले आयगई अदत्तं ॥ ४२ ॥ तण्हाभिभूयस्स अदत्तहारिणो, सद्दे अतित्तस्य परिग्गहे य । मायामुसं वहूइ लोभदोसा, तत्थावि दुक्खा न विमुचई से ॥ ४३ ॥ मोसस्स पच्छा य पुरत्थओ य, पओगकाले य दुही दुरंते । एवं अदत्ताणि समाययंतो, संहे अतित्तो दृहिओ अणिस्सो ॥ ४४ ॥ सद्दाणुरत्तस्स नरस्स एवं. कत्तो सहं होज्ज कयाड किंचि। तत्थोवभोगे वि किलेसदुक्खं, निव्वत्तई जस्त कएण दुक्खं ॥ ४५ ॥ एमेव सहंमि गओ पओसं, उवेइ दुक्खोहपरंपराओ । पदुद्वित्तो य चिणाइ कम्मं, जं से पुणो होइ दुहं विवागे ॥ ४६ ॥ सद्दे विरत्तो मणुओ विसोगो, एएण दक्खोहपरंपरेण । न लिप्पए भवमज्झे वि संतो, जलेण वा पोक्खरिणीपलासं ॥ ४७ ॥ (३) घाणस्स गंधं गहणं वयंति, तं रागहेउं तु मणुन्नमाहु । तं दोसहेउं अमणुन्नमाहु, समो य जो तेस स वीयरागो ॥ ४८ ॥ गंधरस वाणं गहणं वयंति. घाणस्स गंधं गहणं वयंति । रागस्स हेउं समण्जमाह. दोसस्स हेउं अमणुत्रमाह ॥ ४९ ॥ गंधेस जो गिद्धिमुवेइ तिव्वं, अकालियं पावइ से विणासं । रागाउरे ओसहगंधगिद्धे. सप्पे विलाओ विव निक्खमंते ॥ ५० ॥ जे यावि दोसं समुवेद तिव्वं, तंसि क्खणे से उ उवेद दुक्खं। दुइंतदोसेण सएण जंतू, न किंचि गंधं अवरज्झ हे से ॥ ५१ ॥ एगंतरते रुटरंसि गंधे, अतालिसे से कुणई पओसं । दुक्खस्स संपीलमचेद वाले. न लिप्पई तेण मणी विरागो ॥ ५२ ॥ गंधाणुगामाणुगए य जीवे, चराचरे हिंसइऽणेगस्वे। चित्तेहि ते परितावेऽ वाले. पीछेड् अत्तहगुरू किलिहे ॥ ५३ ॥ गंधाणुवाएण परिग्गहेण, उप्पायणे रक्खण-सिंबओंगे । वए विओगे य कहं सहं से, संभोगकाले य अतित्तलामे ॥ ५४ ॥ गंधे अतिते य परिग्गहंमि, सत्तोवसत्तो न उवेइ तुद्धि । अतुद्धिदोसेण दुही परस्स, लोभाविले आययई अदत्तं ॥ ५५ ॥ तण्हाभिभयस्य अदत्तहारिणो, गंधे अतिनस्त परिगाहे य । मायामुसं वहुइ लोभदोसा, तत्थावि दुक्खा न विमुचई से ॥ ५६ ॥ मोसस्स पच्छा य पुरत्थओ य. पओगकाले य दृही दुरंते । एवं अदृताणि समाय-यतो. गंधे अतितो दृहिओ अणिस्सो ॥ ५० ॥ गंधाणुरत्तस्य नरस्य एवं, कतो सहं होज क्याइ किंचि । तत्थोवभोगे वि किलेपदक्खं, निव्वत्तई जरून कएण ६६ सुता०

दुक्खं ॥ ५८ ॥ एमेव गंधंमि गओ पओसं, उवेइ दुक्खोहपरंपराओ । पदुट्वचित्तो य चिणाइ कम्मं, जं से पुणो होइ दुहं विवागे ॥ ५९ ॥ गंधे विरत्तो मणुओ विसोगो. एएण दुक्खोहपरंपरेण । न लिप्पई भवमज्झे वि संतो, जलेण वा पोक्ख-रिणीपलासं ॥ ६० ॥ (४) जिब्साए रसं गहणं वयंति, तं रागहेउं तु मणुन्नमाह । तं दोसहेउं अमणुन्नमाहु, समो य जो तेसु स वीयरागो ॥ ६१ ॥ रसस्स जिन्मं गहणं वयंति, जिब्भाए रसं गहणं वयंति । रागस्स हेउं समणुन्नमाह, दोसस्स हेउं अमणुन्नमाह ॥ ६२ ॥ रसेसु जो गिद्धिमुवेइ तिव्वं, अकालियं पावइ से विणासं। रागाउरे विडसविभिन्नकाए, मच्छे जहा आमिसभोगगिद्धे ॥ ६३ ॥ जे यावि दोसं समुवेइ तिव्वं, तंसि क्खणे से उ उवेइ दुक्खं । दुइंतदोसेण सएण जंतू, न किंचि रसं अवरज्झई से ॥ ६४ ॥ एगंतरते रहरंसि रसे, अतालिसे से कुणई पओसं। दुक्खरस संपीलमुवेइ बाले, न लिप्पई तेण मुणी विरागो ॥ ६५ ॥ रसाणुगासा-णुगए य जीवे. चराचरे हिंसइऽणेगरूवे। चित्तेहि ते परितावेइ बाले, पीलेइ अत्तह्रगुरू किलिद्रे ॥ ६६ ॥ रसाणवाएण परिग्गहेण, उप्पायणे रक्खणसन्निओंगे । वए विओगे य कहं सहं से. संभोगकाले य अतित्तलाभे ॥ ६७ ॥ रसे अतित्ते य परिग्गहंमि, सत्तोवसत्तो न उवेइ तुट्टिं। अतुट्टिदोसेण दुही परस्स, लोभाविले आययई अदत्तं ॥ ६८ ॥ तण्हाभिभयस्स अदत्तहारिणो, रसे अतित्तस्स परिग्गहे य । मायामुसं वहूह लोभदोसा, तत्थावि दुक्खा न विमुचई से ॥ ६९ ॥ मोसस्स पच्छा य पुरत्थओ य, पओगकाले य दुही दुरंते । एवं अदत्ताणि समाययंतो. रसे अतित्तो दृहिओ अणिस्सो ॥ ७० ॥ रसाणुरत्तस्स नरस्स एवं, कत्तो सुहं होज कयाइ किंचि। तत्थोवभोगे वि किलेसदुक्खं, निव्वत्तई जस्स कएण दुक्खं ॥ ७१ ॥ एमेव रसम्मि गओ पओसं, उवेइ दुक्खोहपरंपराओ । पदुट्टचित्तो य चिणाइ कम्मं, जं से पुणो होइ दुहं विवागे ॥ ७२ ॥ रसे विरत्तो मणुओ विसोगो, एएण दुक्खोहपरंपरेण । न लिप्पई भवमज्झे वि संतो, जलेण वा पोक्खरिणी-पलासं ॥ ७३ ॥ (५) कायस्स फासं गहणं वयंति, तं रागहेउं तु मणुत्रमाह । तं दोसहेउं अमणुन्नमाह, समो य जो तेस स वीयरागो ॥ ७४॥ फासरस कायं गहणं वयंति, कायस्स फासं गहणं वयंति । रागस्स हेउं समणुत्रमातु, दोसस्स हेउं अमणुन्नमाहु ॥ ७५ ॥ फासेसु जो गिद्धिमुवेइ तिब्बं, अकालियं पावइ से विणासं । रागाउरे सीयजलावसन्ने, गाहग्गहीए महिसे विवन्ने ॥ ७६ ॥ जे यावि दोसं समुवेइ तिन्वं, तंसि क्खणे से उ उवेइ दुक्खं । दुइंतदोसेण सएण जंतू, न किंचि फासं अवरज्झई से ॥ ७७ ॥ एगंतरत्ते रुइरंसि फासे, अतालिसे से

कुणई पओसं । दुक्खस्स संपीलमुवेइ वाले, न लिप्पई तेण मुणी विरागो ॥ ७८ ॥ फासाणुगासाणुगए य जीवे. चराचरे हिंसइऽणेगरूवे । चित्तेहि ते परितावेड बाले. पीलेइ अत्तहगुरू किलिट्रे ॥ ७९ ॥ फासाणवाएण परिग्गहेण, उप्पायणे स्क्खणसन्नि-ओगे । वए विओगे य कहं सुहं से, संभोगकाले य अतित्तलाभे ॥ ८०॥ फासे अतित्ते य परिग्गहंमि, सत्तोवसत्तो न उवेइ तुर्द्धि । अतुद्धिदोसेण दुही परस्स, लोभा-विले आययई अदत्तं ॥ ८१ ॥ तण्हाभिभूयस्स अदत्तहारिणो, फासे अतित्तस्स परि-ग्गहे य । मायामुसं वहूह लोभदोसा, तत्थावि दुक्खा न विमुचई से ॥ ८२ ॥ मोसस्स पच्छा य परत्थओ य. प्रओगकाले य दृही दुरंते । एवं अदत्ताणि समाय-यंतो, फासे अतित्तो दृहिओ अणिस्सो ॥ ८३ ॥ फासाणुरत्तस्स नरस्स एवं, कत्तो सहं होज कयाइ किंचि । तत्थोवभोगे वि किलेसदुक्खं, निव्वत्तई जस्स कएण दुक्खं ॥ ८४ ॥ एमेव फासंमि गओ पओसं, उवेइ दुक्खोहपरंपराओ । पदुद्वचित्तो य चिणाइ कम्मं, जं से पुणो होइ दुहं विवागे ॥ ८५ ॥ फासे विरत्तो मणुओ विसोगो, एएण दुक्खोहपरंपरेण । न लिप्पई भवमज्झे वि संतो, जलेण वा पोक्खरिणीपलासं ॥ ८६॥ (६) मणस्स भावं गहणं वयंति, तं रागहेउं तु मणुन्नमाहु । तं दोसहेउं अमणुन्नमाहु, समी य जो तेसु स वीयरागो ॥ ८७ ॥ भावस्स मणं गहणं वयंति, मणस्स भावं गहणं वयंति । रागस्स हेउं समणुत्रमाह, दोसस्स हेउं अमणुत्रमाह ॥ ८८॥ भावेमु जो गिद्धिमुवेइ तिव्वं, अकालियं पावइ से विणासं। रागाउरे कामगुणेसु गिद्धे, करेणुमग्गाविहए गजे वा ॥ ८९ ॥ जे यावि दोसं समुवेइ तिव्वं, तंसि क्खणे से उ उचेइ दुक्खं । दुइंतदोसेण सएण जंतू, न किंचि भावं अवरज्झई से ॥ ९० ॥ एगंतरते रुइरंसि भावे, अतालिसे से कुणई पओसं । दुक्खरस संपीलमुवंइ बाले, न लिप्पंड तेण मणी विरागो ॥ ९१ ॥ भावाणुगासाणुगए य जीवे, चराचरे हिंस-इऽणगरूवे । चित्तेहि ते परितावेइ बाले, पीलेइ अत्तद्वगुरू किलिद्वे ॥ ९२ ॥ भावाणु-वाएण परिगाहेण, उप्पायणे रक्खणसन्त्रिओंगे । वए विओगे य कहं सहं से, संभोग-काल य अतित्तलाभे ॥ ९३ ॥ भावे अतिते य परिगार्हमि, सत्तोवसत्तो न उवेड तुर्दि । अतुद्विदोसेण दृही परस्त, लोभाविले आययई अदर्त्त ॥ ९४ ॥ तण्हाभिभयस्य अदत्तहारिणो, भावे अतित्तस्स परिग्गहे य । मायामुसं वहूद छोभदोसा, तत्थावि दुक्खा न विमुचई से ॥ ९५ ॥ मोसस्स पच्छा य पुरत्यओ य, पओगकाटे य दुही दुरंते । एवं अदत्ताणि समाययंतो, भावे अतित्तो दृहिओ अणिस्सो ॥ ९६ ॥ भावा-णुरत्तस्य नरस्स एवं, कत्तो सहं होज कयाइ किंचि । तत्थोवभोगे वि किलेसदक्खं, निव्वत्तई जस्त कएण दुक्खं ॥ ९७ ॥ एमेव भावंमि गओ पओसं. उवेड दुक्खोह-

परंपराओ । पदुद्वचित्तो य चिणाइ कम्मं, जं से पुणो होइ दुहं विवागे ॥ ९८ ॥ भावे विरत्तो मणुओ विसोगो, एएण दुक्खोहपरंपरेण। न लिप्पई भवमज्झे वि संतो. जलेण वा पोक्खरिणीपळासं ॥ ९९ ॥ एविंदियत्था य मणस्स अत्था, दुक्खस्स हेउं मणु-यस्स रागिणो। ते चेव थोवं पि कयाइ दुक्खं, न वीयरागस्स करेंति किंचि॥ १००॥ न कामभोगा समयं उनेंति, न यावि भोगा विगई उनेंति । जे तप्पओसी य परिग्गही य, सो तेसु मोहा विगई उवेइ॥ १०१॥ कोहं च माणं च तहेव मायं, लोहं दुगुंछं अरइं रइं च। हासं भयं सोगपुमित्थिवेयं, नपुंसवेयं विविहे य भावे ॥ १०२॥ आवजाई एवमणेगरूवे, एवंविहे कामगुणेस सत्तो । अन्ने य एयप्पभवे विसेसे. कारुण्णदीणे हिरिमे वइस्से ॥ १०३ ॥ कप्पं न इच्छिज सहायलिच्छू, पच्छाणुतावे न तवप्पभावं । एवं वियारे अमियप्पयारे, आवर्जाई इंदियचोरवस्से ॥ १०४ ॥ तओ से जायंति पओयणाइं, निमज्जिउं मोहमहण्णवंमि । सुहेसिणो दुक्खविणोयणद्वा, तप्पचयं उज्जमए य रागी ॥ १०५ ॥ विरज्जमाणस्स य इंदियत्था, सहाइया ताव-इयप्पगारा । न तस्स सन्वे वि मणुन्नयं वा, निन्वत्तयंती अमणुन्नयं वा ॥ १०६ ॥ एवं ससंकप्पविकप्पणासुं, संजायई समयमुविद्वयस्स । अत्ये य संकप्पयओ तओ से, पहीयए कामगुणेस तण्हा ॥ १०७ ॥ स वीयरागो कयसव्विकचो, खवेइ नाणावरणं खणेणं । तहेव जं दंसणमावरेइ, जं चंतरायं पकरेइ कम्मं ॥ १०८ ॥ सन्वं तओ जाणइ पासए य, अमोहणे होइ निरंतराए । अणासने झाणसमाहिजुत्ते, आउनखए मोक्खमुवेइ सुद्धे ॥ १०९ ॥ सो तस्स सव्वस्स दुहस्स मुक्को, जं वाहई सययं जंतुमेयं । दीहामयं विष्पमुक्को पसत्थो, तो होइ अचंतस्रही कयत्थो ॥ ११०॥ अणाइकालप्पभवस्स एसो, सन्वस्स दुक्खस्स पमोक्खमग्गो। वियाहिओ जं समुविच सत्ता, कमेण अचंतसुही भवंति ॥ १९९ ॥ त्ति-बेमि ॥ इति पमायद्राणणामं बत्तीसइमं अज्झयणं समत्तं ॥ ३२ ॥

अह कम्मप्पयडी णामं तेत्तीसहमं अज्झयणं ——>>>>

अट्ठ-कम्माइं वोच्छामि, आणुपुविंव जहक्कमं । जेहिं बद्धो अयं जीवो, संसारे परि-वहर्दे ॥ १ ॥ नाणस्सावरणिं जं, दंसणावरेणं तहा । वेयणिं जं तहा मोहं, आडकर्मेमं तहेव य ॥ २ ॥ नामकर्ममं च गोयं च, अंतरायं तहेव य । एवमेयाइ कम्माइं, अट्ठेव उ समासओ ॥ ३ ॥ (१) नाणावरणं पंचिवहं, सुंयं आभिणिबोहियं । ओहि-नौणं च तइयं, मणनौंणं च केवेंठं ॥ ४ ॥ (२) निहीं तहेव पयळो, निहानिहैं। पय- लपयला य । तत्तो य थीणगिद्धी उ. पंचमा होइ नायव्वा ॥ ५ ॥ चक्खुमचक्खु-ओहिस्सै, दंसणे केवँले य आवरणे । एवं तु नवविगप्पं, नायव्वं दंसणावरणं ॥ ६ ॥ (३) वेयणीयं पि य दुविहं, सार्यमसौयं च आहियं । सायस्स उ बहू भेया, एमेव . . . असायस्स वि ॥ ७ ॥ (४) मोहणिजं पि दुविहं, दंसैणे चरेंणे तहा । दंसणे तिविहं वृत्तं, चरणे दुविहं भवे ॥ ८ ॥ सम्मैतं चेव मिच्छेतं, सम्मामिच्छत्तमेवै य । एयाओ तिन्नि पयडीओ, मोहणिज्जस्स दंसणे ॥ ९ ॥ चरित्तमोहणं कम्मं, दुविहं तु वियाहियं । कसायमोहणिकां तु. नोकसायं तहेव य ॥ १० ॥ सोलसविहभएणं, कम्मं तु कसा-यजं । सत्तविहं नवविहं वा, कम्मं च नोकसायजं ॥ ११ ॥ (५) नेरइयैतिरिक्खांजं, मण्रस्साँ ं तहेव य । देवाउँयं चउत्थं तु, आउकम्मं चउन्विहं ॥ १२ ॥ (६) नाम-कम्मं तु दुविहं, सुर्दमसुँहं च आहियं । सुहस्स उ बहू भेया, एमेव असहस्स वि ॥ १३॥ (७) गोयं कम्मं दुविहं, उैचं नीयं च आहियं। उच्चं अडविहं होइ, एवं नीयं पि आहियं ॥ १४ ॥ (८) दीणे ठामे य भौगे य, उर्वभोगे वीरिए तहा । पंचिवहमंतरायं, समासेण वियाहियं ॥ १५ ॥ एयाओ मूलपयडीओ, उत्तराओ य आहिया। पएसरगं खेतकाले य. भावं च उत्तरं सुण ॥ १६ ॥ सब्वेसिं चेव कम्माणं. पएसम्गमणंतगं । गंठियसत्ताईयं, अंतो सिद्धाण आहियं ॥ १०॥ सव्वजीवाण कम्मं तु, संगहे छिहसागयं । सन्वेसु वि पएसेसु, सन्वं सन्वेण बद्धगं ॥ १८॥ उदहीसरिसनामाण, तीसई कोडिकोडिओ । उद्योसिया ठिई होइ, अंतोमुहत्तं जहनिया ॥ १९ ॥ आवरणिजाण दुण्हं पि, वेयणिजे तहेव य । अंतराए य कम्मिम्म, ठिई एसा वियाहिया ॥ २०॥ उदहीसरिसनामाण, सत्तरिं कोडिको-डिओ । मोहणिजस्स उक्कोसा, अंतोमुहुत्तं जहन्निया ॥ २१ ॥ तेत्तीससागरोवमा. उक्कोसेण वियाहिया । ठिई उ आउकम्मस्स, अंतोमुहुत्तं जहिनया ॥ २२ ॥ उदहीसरियनामाण, वीसई कोडिकोडिओ । नामगोत्ताणं उक्कोसा, अद्वसहत्ता जह, चिया ॥ २३ ॥ सिद्धाणणंतभागो य, अणुभागा हवंति उ । सन्वेसु वि पएसगं सव्यजीये अइच्छियं ॥ २४ ॥ तम्हा एएसि कम्माणं, अणुभागा वियाणिया । एएसि संबरे चेव, खबणे य जए बहो ॥ २५ ॥ ति-बेमि ॥ इति कम्मप्पयङी णामं तेसीसइमं अज्ययणं समत्तं ॥ ३३ ॥

अह छेसज्झयणणामं चोत्तीसइमं अज्झयणं

---ON#KOO---

लेसज्ज्ञयणं पवक्खामि, आणुपुब्वि जहक्सं । छण्हं पि कम्मलेसाणं, अणुभावे

सुणेह मे ॥ १ ॥ नामाइं वण्णरसगंध-, फासपरिणामलक्खणं । ठाणं ठिइं गइं चाउं. रुसाणं तु सुणेह मे ॥ २ ॥ किण्ही नीठा य कार्ड य. तेर्ड पम्ही तहेव य । सुक्रेर्ट्सा य छट्ठा य, नामाइं तु जहक्कमं ॥ ३ ॥ (९) जीमूयनिद्धसंकासा, गवलारेट्ठगसन्निभा। खंजंजणनयणिनमा, किण्हळेसा उ वण्णओ ॥ ४॥ (२) नीलासोगसंकासा. चासपिच्छसमप्पभा । वेरुलियनिद्धसंकासा, नीललेसा उ वण्णओ ॥ ५ ॥ (३) अयसीपुप्फसंकासा, कोइलच्छदसन्निमा। पारेवयगीवनिमा, काउलेसा उ वण्णओ ॥ ६ ॥ (४) हिंगुलयधाउसंकासा, तरुणाइचसिन्नमा । सुयतुंडपईवनिमा, तेऊ-ल्रेसा उ वण्णओ ॥ ७॥ (५) हरियालभेयसंकासा, हलिहाभेयसमप्पभा । सणासणकुसमनिभा, पम्हलेसा उ वण्णओ ॥८॥ (६) संखंककुंदसंकासा, खीरपूरसमप्पमा । रययहारसंकासा, सुक्कलेसा उ वण्णेओ ॥ ९ ॥ (१) जह कडुयतुंबगरसो. निंबरसो कडुयरोहिणिरसो वा। एत्तो वि अणंतगुणो, रसो य किण्हाए नायव्वो ॥ १० ॥ (२) जह तिगडुयस्स य रसो, तिक्खो जह हर्त्थि-पिप्पलीए वा । एत्तो वि अणंतगुणो, रसो उ नीलाए नायव्वो ॥ ११ ॥ (३) जह तरुणअंबगरसो, तुवरकविद्रस्स वावि जारिसओ। एत्तो वि अणंतगुणो. रसो . उ काऊए नायव्वो ॥ १२ ॥ (४) जह परिणयंबगरसो, पक्ककविट्ठस्स वावि जारिसओ। एत्तो वि अणंतगुणो, रसो उ तेऊए नायव्यो ॥ १३॥ (५) जह वारुणीए व रसो, विविहाण व आसवाण जारिसओ । महमेरयस्स व रसो, एतो पम्हाए परएणं ॥ १४ ॥ (६) खज्रमु द्वियरसो, खीररसो खंडसकररसो वा। एत्तो वि अणंतगुणो, रसो उ सुक्काए नायव्यो ॥ १५ ॥ जह गोमडस्स गंधो, सुणगमडस्स व जहा अहि-महस्स । एत्तो वि अणंतगुणो, लेसाणं अप्पसत्थाणं ॥ १६ ॥ जह सुरहिकुसुमगंधो, गंधवासाण पिस्समाणाणं । एत्तो वि अणंतगुणो, पसत्थलेसाण तिण्हं पि ॥ १७ ॥ जह करगयस्स फासो, गोजिब्भाए य सागपत्ताणं । एतो वि अणंतगुणो, लेसाणं अप्पसत्थाणं ॥ १८ ॥ जह बूरस्स व फासो, नवणीयस्स व सिरीसकुमुमाणं । एत्तो वि अणंतगुणो, पसत्थलेसाण तिण्हं पि ॥ १९ ॥ तिविहो व नवविहो वा. सत्तावीसड-विहेकसीओ वा। दुसओ तेयालो वा, लेसाणं होइ परिणामो ॥ २०॥ (१) पंचासवप्प-वत्तो. तीहिं अगुत्तो छस्रं अविरओ य । तिन्वारंभपरिणओ, खुद्दो साहसिओ नरो ॥ २१ ॥ निदंघसपरिणामो, निस्संसो अजिइंदिओ । एयजोगसमाउत्तो, किण्हलेसं तु परिणमे ॥ २२ ॥ (२) इस्सा अमरिस अतवो, अविज्ञमाया अहीरिया । गिद्धी पओसे य सढे, पमत्ते रसलोछए ॥ २३ ॥ सायगवेसए ये । आरंभाओ अविरओ, खुहो

१ 'गजपीपल' इति भासाए । २ गाहाहिगपयमिणं ।

साहेस्सिओ नरो । एयजोगसमाउत्तो, नीलहेसं तु परिणमे ॥ २४ ॥ (३) वंके वंकसमायारे नियडिले अण्जाए । पिलउंचगओवहिए, मिच्छादिद्री अणारिए ॥ २५॥ उप्पालगदुद्ववाई य, तेणे यावि य मच्छरी । एयजोगसमाउत्तो, काउलेसं त परिणमे ॥२६॥ (४) नीयावित्ती अचवले. अमाई अङ्गऊहले । विणीयविणए दंते, जोगवं उवहाणवं ॥ २० ॥ पियधम्मे दढधम्मे, ऽवजाभीरू हिएसए । एयजोगसमाउत्तो, तेऊलेसं त परिणमे ॥ २८ ॥ (५) पयणुकोहमाणे य, मायालोभे य पयणुए। पसंतचित्ते दंतप्पा, जोगवं उवहाणवं ॥ २९ ॥ तहा पयणुवाई य. उवसंते जिइं-दिए । एयजोगसमाउत्तो, पम्हल्लेसं तु परिणमे ॥ ३०॥ (६) अदृरुद्दाणि विजता, धम्मसुक्काणि झायए । पसंतिचित्ते दंतप्पा, सिमए गुत्ते य गुत्तिसु ॥ ३१ ॥ सरागे वीयरागे वा, उवसंते जिइंदिए। एयजोगसमाउत्तो, सुक्कलेसं त परिणमे ॥ ३२ ॥ असंखिजाणोसिपणीण, उत्सिपणीण जे समया । संखाईया लोगा, लेमाण हवंति ठाणाई ॥ ३३ ॥ महत्तद्धं तु जहन्ना, तेत्तीसा सागरा मुहत्तहिया। उक्कोसा होइ ठिई. नायव्या किण्हलेसाए ॥ ३४ ॥ महत्तदं तु जहना, दस उदही पिळयमसंखभागमञ्भिहिया । उक्कोसा होइ ठिई, नायव्या नीललेसाए ॥ ३५ ॥ मुहत्तद्धं तु जहना, तिण्णुदही पित्यमसंखभागमन्भिहिया । उक्कोसा होइ ठिई, नायव्या काउलेसाए ॥ ३६ ॥ मुहुतद्धं तु जहना, दोण्णुदही पलियमसंखभाग-मञ्महिया । उक्कोसा होइ ठिई, नायन्वा तेउलेसाए ॥ ३० ॥ मुहत्तद्धं तु जहन्ना, दस होंति य सागरा सहत्तिहया । उक्कोसा होइ ठिई, नायव्या पम्हरुमाए ॥ ३८ ॥ महत्तद्धं तु जहन्ना, तेत्तीसं सागरा मुहत्तहिया । उक्कोसा होइ ठिई, नायव्या सुक्कलेसाए ॥ ३९ ॥ एसा सालु लेसाणं, ओहेण ठिई उ वण्णिया होड । चउमु वि गईसु एत्तो, लेमाण ठिउँ तु बोच्छामि ॥ ४० ॥ दस वाससहस्माउँ. काऊए ठिई जहन्निया होड़ । तिण्णुदही पिठओवम-, असंखभागं च उछोसा ॥ ४१ ॥ तिण्णुदही पिलओवम-, असंखमागो जहन्नेण नीलिठिई । दस उदही पिलओवम-, असंखभागं च उन्होता ॥ ४२ ॥ दसउदही पिलओवम-,असंखभागं जहाभिया होड् । तेत्तीयसागराई उक्कोसा, होड् किण्हाए छेगाए ॥ ४३ ॥ एगा नेरडयाणं, लेसाण ठिई उ वण्णिया होइ। तेण परं बोच्छामि, तिरियमणुस्साण देवाणं ॥ ४४ ॥ अंतोमुहत्तमद्भं, छेमाण ठिई जहिं जहिं जा उ । तिरियाण नराणं वा, विज्ञता केवलं लेसं ॥ ४५ ॥ मुहुत्तदं तु जहन्ना, उक्कोसा होद पुव्य-कोडीओ । नवहि वरिसेहि ऊणा, नायव्वा मुक्कलेमाए ॥ ४६ ॥ एमा तिरिय-नराणं, लेमाण ठिई उ विष्णिया होड । तेण परं बोच्छामि, लेमाण ठिई उ देवाणं

॥ ४७ ॥ दस वाससहरूसाइं, किण्हाए ठिई जहन्निया होइ । पिलयमसंखिज्जडमो. उकोसो होइ किण्हाए ॥ ४८ ॥ जा किण्हाए ठिई खछ, उक्कोसा सा उ समयम-ब्मिहिया। जहन्नेणं नीलाए, पिलयमसंखं च उक्कोसा ॥ ४९ ॥ जा नीलाए ठिई खलु, उक्कोसा सा उ समयमन्भिहिया। जहन्नेणं काऊए, पलियमसंखं च उक्कोसा ॥ ५०॥ तेण परं वोच्छामि, तेऊलेसा जहा सुरगणाणं। भवणवङ्वाणमंतर-, जोइसवेमाणियाणं च ॥ ५१ ॥ पिलओवमं जहन्ना, उक्कोसा सागरा उ दुन्नहिया। पिलयमसंखेजेणं, होइ भागेण तेऊए ॥ ५२ ॥ दसवाससहस्साई, तेऊए ठिई जहन्निया होइ। दुन्नुदही पिलओवम-,असंखभागं च उक्कोसा ॥ ५३॥ जा तेऊए ठिई खल्ल, उक्कोसा सा उ समयमञ्भिहया। जहन्नेणं पम्हाए, दस उ मुहत्ताहियाई उक्कोसा ॥ ५४ ॥ जा पम्हाए ठिई खळु, उक्कोसा सा उ समयमञ्भिहया। जहन्नेणं सुकाए, तेत्तीसमुहृत्तमब्भिहिया ॥ ५५ ॥ किण्हा नीला काऊ, तिन्नि वि एयाओ अहम्मलेसाओ । एयाहि तिहि वि जीवो, दुग्गईं उववजाई ॥ ५६ ॥ तेऊ पम्हा सुका, तिन्नि वि एयाओ धम्मलेसाओ। एयाहि तिहि वि जीवो, सुग्गई उववजाई ॥ ५७ ॥ लेसाहिं सव्वाहिं, पढमे समयंमि परिणयाहिं तु । न ह करसइ उववाओ. परे भवे अत्थि जीवस्स ॥ ५८ ॥ लेसाहिं सन्वाहिं, चरिमे समयंमि परिणयाहिं तु । न हु कस्सइ उववाओ, परे भवे होइ जीवस्स ॥ ५९ ॥ अंतसुहुत्तंमि गए, अंतमुहुत्तंमि सेसए चेव । लेसाहिं परिणयाहिं, जीवा गच्छंति परलोयं ॥ ६० ॥ तम्हा एयासि लेसाणं, आणुभावे वियाणिया । अप्पसत्थाओ वज्जित्ता. पसत्थाओऽहिड्डिए मुणि ॥ ६१ ॥ ति-बेमि ॥ इति लेसज्झयणणामं चोत्तीसइमं अज्झयणं समत्तं ॥ ३४ ॥

अह अणगारज्झयणं णाम पंचतीसइमं अज्झयणं

सुणेह मे एगग्गमणा, मग्गं बुद्धेहि देसियं। जमायरंतो भिक्खू, दुक्खाणंतकरे भवे॥ १॥ गिहवासं परिच्ज, पवजामिस्सिए मुणी। इमे संगे वियाणिजा, जेहिं सर्ज्जृति माणवा॥ २॥ तहेव हिंसं अलियं, चोजं अवंभसेवेंणं। इच्छाकामं च लोभं च, संजओ परिवजए॥ ३॥ मणोहरं चित्तघरं, मल्लधूनेण वासियं। सकवाडं पंडुक्लोयं, मणसा वि न पत्थए॥ ४॥ इंदियाणि उ भिक्खुस्स, तारिसंमि उवस्सए। दुक्तराइं निवारेजं, कामरागविवहृणे॥ ५॥ सुसाणे सुन्नगारे वा, इक्ख्मूले व एगओ। पइरिक्के परकडे वा, वासं तत्थाभिरोयए॥ ६॥ फासुयंमि

अणावाहे, इत्थीहिं अणभिद्भु । तत्थ संकप्पए वासं, भिक्खू पर्मसंजए ॥ ७॥ न सयं गिहाइं कुव्विजा, णेव अन्नेहिं कारए । गिहकम्मसमारंभे, भूयाणं दिस्सए वहो ॥ ८ ॥ तसाणं थावराणं च, सुहमाणं वादराण य । तम्हा गिहसमारंभं, संजओ परिवजाए ॥ ९ ॥ तहेव भत्तपाणेसु, पयणे प्यावणेसु य । पाणभ्यदयद्वाए, न पए न पयावए ॥ १० ॥ जलधन्ननिस्सिया जीवा, पढ़वीकद्वनिस्सिया । हम्मंति भत्तपाणेसु, तम्हा भिक्खू न प्यावए ॥ ११ ॥ विसप्पे सन्वओ धारे, बहुपाणि-विणासणे । नित्थ जोइसमे सत्थे, तम्हा जोइं न दीवए ॥ १२ ॥ हिरण्णं जायरूवं च, मणसा वि न पत्थए । समलेट्टकंचणे भिक्ख्, विरए कयविकए ॥ १३॥ किणंतो कडओ होड, विक्विणंतो य बाणिओ । कयविक्कयंमि वहंतो, भिक्ख न भवड तारिसो ॥ १४ ॥ भिक्खियव्वं न केयव्वं. भिक्खणा भिक्खवत्तिणा । कयविक्ओ महादोसो, भिक्खावित्ती सुहावहा ॥ १५ ॥ समुयाणं उंछमेसिजा, जहासुत्तम-णिंदियं। लाभालाभंमि संतुद्धे, पिंडवायं चरे मुणी ॥ १६ ॥ अलोले न रसे गिद्धे, जिब्भादंते अमुच्छिए । न रसद्वाए मुंजिजा, जवणद्वाए महामुणी ॥ १७॥ अचणं रयणं चेव, वंदणं पूयणं तहा । इङ्गीसकारसम्माणं, मणसा वि न पत्थए ॥ १८ ॥ सक्कज्झाणं झियाएजा, अणियाणे अकिंचणे । वोसद्रकाए विहरेजा, जाव कालस्स पजाओ ॥ १९ ॥ निजाहिऊण आहारं, कालधम्मे उवद्रिए । जहिऊण माणुसं वोंदिं, पह दुक्खा विमुचई ॥ २० ॥ निम्ममे निरहंकारे, वीयरागो अणासवो । संपत्तो केवलं नाणं, सासयं परिणिव्युए ॥ २१ ॥ ति-वेमि ॥ इति अणगारज्ञयणं णाम पंचतीसडमं अज्जयणं समत्तं ॥ ३५ ॥

अह जीवाजीवविभत्ती णामं छत्तीसइमं अज्झयणं

जीवाजीविभित्ति में, सुणेहेगमणा इओ। जं जाणिऊण भिक्ख, सम्मं जयइ संजमें ॥ १ ॥ जीवा चेव अजीवा य, एस टोए वियाहिए । अजीवदेसमागासे, अलोगे से वियाहिए ॥ २ ॥ द्व्यओं खेत्तओं चेव, कालओं भावओं तहा । परवणा तिभि भये, जीवाणमजीवाण य ॥ ३ ॥ रूबिणों चेवऽरूवी य, अजीवा दुविहा भवे । अस्वी दसहा बुत्ता, स्विणों य चउव्विहा ॥ ४ ॥ धम्मस्थिकाए तद्देसे, तप्पएसे य, आहिए । अहम्में तस्स देसे य, तप्पएसे य आहिए ॥ ५ ॥ आगासे तस्स देसे य, तप्पएसे य आहिए । अद्वासमए चेव, अस्वी दसहा भवे ॥ ६ ॥ धम्माधम्मे य दो चेव, लोगमिता वियाहिया । लोगालोंगे य आगासे, समए समयखेतिए ॥ ७ ॥

धम्माधम्मागासा, तिन्नि वि एए अणाइया। अपज्जवसिया चेव, सन्वदं तु वियाहिया ॥ ८॥ समए वि संतई पप्प, एवमेव वियाहिए। आएसं पप्प साईए, सपज्ज-वसिए वि य ॥ ९ ॥ खंघा य खंघदेसा य, तप्पएसा तहेव य । परमाणुणो य बोघव्वा, रूबिणो य चउव्विहा ॥ १० ॥ एगत्तेण पुहत्तेण, खंघा य परमाणु य । लोगेगदेसे लोए य. भइयव्वा ते उ खेत्तओ ॥ १९ ॥ सहमा सन्वलोगंमि, लोगदेसे य बायरा । इत्तो कालविभागं तु, तेसिं वुच्छं चडिव्वहं ॥ १२ ॥ संतई पप्प तेऽणाई, अपज्जवसिया वि य । ठिइं पडुच साईया, सपज्जवसिया वि य ॥ १३ ॥ असंखकालमुक्कोसं, एक्को समओ जहन्नयं । अजीवाण य रूवीणं, ठिई एसा वियाहिया ।। १४ ।। अणंतकालमुक्कोसं, एक्को समओ जहन्नयं । अजीवाण य रुवीणं, अंतरेयं वियाहियं ॥ १५॥ वण्णओ गंधओ चेव, रसओ फासओ तहा । संठाणओ य विन्नेओ. परिणामो तेसि पंचहा ॥ १६॥ वण्णओ परिणया जे उ, पंचहा ते पिकत्तिया । किण्हा नीला य लोहिया, हलिहा सुक्तिला तहा ॥ १७ ॥ गंधओ परिणया जे उ. दुविहा ते वियाहिया । सुब्भिगंघपरिणामा, दुब्भिगंघा तहेव य ॥ १८ ॥ रसओ परिणया जे उ, पंचहा ते पिकत्तिया । तित्तकडुयकसाया, अंबिला महुरा तहा ॥ १९॥ फासओ परिणया जे उ, अट्रहा ते पिकत्तिया । कक्खडा मउया चेव, गरुया लहुया तहा ॥ २०॥ सीया उण्हा य निद्धा य, तहा छुक्खा य आहिया । इय फासपरिणया एए, प्रगला समुदाहिया ॥ २१ ॥ संठाणओ परिणया जे उ. पंचहा ते पिकत्तिया । परिमंडला य वहा य, तंसा चडरंसमायया ॥ २२ ॥ वण्णओ जे भवे किण्हे, भइए से उ गंधओ। रसओ फासओ चेव, भइए संठाणओ वि य ॥ २३ ॥ वण्णओ जे भवे नीले, भइए से उ गंधओ। रसओ फासओ चेव, भइए संठाणओ वि य ॥ २४ ॥ वण्णओ लोहिए जे उ. भइए से उ गंधओ। रसओ फासओ चेव, भइए संठाणओ वि य ॥ २५ ॥ वण्णओ पीयए जे उ, भइए से उ गंधओ । रसओ फासओ चेव. भइए संठाणओं वि य ॥ २६ ॥ वण्णओं सुक्तिले जे उ, भइए से उ गंधुओं । रसओं फासओं चेव, भइए संठाणओं वि य ॥ २७ ॥ गंधओं जे भवे सुब्भी, भइए से उ वण्णओ । रसओ फासओ चेव. भइए संठाणओ विय ॥ २८ ॥ गंधओ जे भवे द़ब्भी, भइए से उ वण्णओ । रसओ फासओ चेव, भइए संठाणओ वि य ॥ २९ ॥ रसओ तित्तए जे ड, भइए से ड वण्णओ । गंधओ फासओ चेव, भइए संठाणओ विय ॥ ३० ॥ रसओ कहुए जे उ, भइए से उ वण्णओ । गंधओ फासओ चेव. भइए संठाणओ विय ॥ ३१ ॥ रसओ कसाए जे उ, भइए से उ वण्णओ । गंधओ फासओ चेव, भइए संठाणओ वि य ॥ ३२ ॥ रसओ अंबिछे जे उ, भइए से उ

वण्णओ । गंधओ फासओ चेव, भइए संठाणओ वि य ॥ ३३ ॥ रसओ महुरए जे उ, भइए से उ वण्णओ । गंधओ फासओ चेव. भइए संठाणओ वि य ॥ ३४ ॥ फासओ कक्खडे जे उ. भइए से उ वण्णओ । गंधओ रसओ चेव. भइए संठाणओ विय ॥ ३५ ॥ फासओ मउए जे उ. भइए से उ वण्णओ । गंधओ रसओ चेव, भइए संठाणओ वि य ॥ ३६ ॥ फासओ गुरुए जे उ. भइए से उ वण्णओ : गंधओ रसओ चेव, भइए संठाणओ वि य ॥ ३७ ॥ फासओ लहए जे उ, भइए से उ वण्णओ । गंधओ रसओ चेव, भइए संठाणओ वि य ॥ ३८ ॥ फासओ सीयए जे उ, भइए से उ वण्णओ । गंधओ रसओ चेव, भइए संठाणओ वि य ॥ ३९ ॥ फासओ उण्हए जे ड, भइए से ड वण्णओ । गंधओ रसओ चेव, भइए संठाणओ वि य ॥ ४० ॥ फासओ निद्धए जे उ, भइए से उ वण्णओ । गंधओ रसओ चेव, भइए संठाणओ वि य ॥ ४१ ॥ फासओ छुक्खए जे उ, भइए से उ वण्णओ । गंधओ रसओ चेव. भइए संठाणओ वि य ॥ ४२ ॥ परिमंडलसंठाणे, भइए से उ वण्णओ । गंधओ रसओ चेव, भइए फासओ वि य ॥ ४३ ॥ संठाणओ भवे वहे, भइए से उ वण्णओ । गंधओ रसओ चेव, भइए फासओ वि य ॥ ४४ ॥ संठाणओ भवे तंसे. भइए से उ वण्णओ । गंधओ रसओ चेव, भइए फासओ वि य ॥ ४५ ॥ संठाणओं जे चडरंसे. भइए से उ वण्णओं । गंधओं रसओं चेव, भइए फासओं वि य ॥ ४६ ॥ जे आययसंठाणे, भइए से उ वण्णओ । गंधओ रसओ चेव, भइए फासओ वि य ॥ ४७ ॥ एसा अजीवविभत्ती, समासेण वियाहिया । इत्तो जीववि-भत्ति, बच्छामि अणुपुञ्वसो ॥ ४८ ॥ संसारत्था य सिद्धा य, दुविहा जीवा विमा-हिया । सिद्धा णेगविहा बुत्ता, तं मे कित्तयओ सुण ॥ ४९ ॥ इत्थी-पुरिससिद्धा य, तहेव य नपुंसगा । सिंठेंगे अन्निलंगे य, गिहिलिंगे तहेव य ॥ ५० ॥ उक्कोसोगाह-णाए य, जहन्त्रमज्यिमाइ य । उड्डं अहे य तिरियं च, गमुद्दंमि जलंमि य ॥ ५१ ॥ दस य नपुंसएसु, वीसं इत्थियामु य । पुरिसेमु य अहुसयं, समएणेरोण सिज्झई ॥ ५२॥ चत्तारि य गिहलिंगे, अन्नलिंगे दसेव य । सलिंगेण अद्वसयं, समएणेगेण सिज्झई ॥ ५३ ॥ उद्योसोगाहणाए य, सिज्यंते जुगवं दुवे । चत्तारि जहन्नाए, मज्झे अट्टत्तरं सयं ॥ ५४ ॥ चडरहुलोए य दुवे समुद्दे, तओ जले थीसमहं तहेव य । सयं च अट्टनरं तिरियलोए, समएगेरोण सिज्यई धुवं ॥ ५५ ॥ किं पिडेहया सिदा १, कीं सिदा पइद्विया ? । कहि बोंदिं चइत्ताणं ?, कत्य गंतृण सिज्झई ? ॥ ५६॥ अलोए पिंडहया सिद्धा, टोयमो य पइद्विया । इहं बोदिं चडताणं, तत्थ गंतण सिज्यहे ॥ ५० ॥ बारसिंह जोथणाहि, सब्बद्धस्यवरि भवे । ईसिपब्भारनामा उ, पुटवी छत्तसंठिया

॥ ५८ ॥ पणयालसयसहस्सा, जोयणाणं तु आयया । तावइयं चेव वित्थिण्णा. तिगुणो साहियपरिरओ ॥ ५९ ॥ अङ्गजोयणबाह्रहा, सा मज्झंमि वियाहिया । परिहायंती चरिमंते. मच्छिपत्ताउ तणुयरी ॥ ६० ॥ अज्जूणसुवण्णगमई, सा पुढवी निम्मला सहावेण । उत्ताणगच्छत्तगसंठिया य. भणिया जिणवरेहिं ॥ ६१॥ संखंककुंदसंकासा, पंडरा निम्मला सहा । सीयाए जोयणे तत्तो, लोयंतो उ वियाहिओ ॥ ६२ ॥ जोयणस्स उ जो तत्थ, कोसो उवरिमो भवे । तस्स कोसस्स छन्भाए, सिद्धाणोगाहणा भवे ॥ ६३ ॥ तत्थ सिद्धा महाभागा, लोगग्गंमि पइट्टिया । भव-पवंचओ मुक्का, सिद्धिं वरगईं गया ॥ ६४ ॥ उस्सेहो जस्स जो होइ, भवंमि चरिमंमि उ। तिभागहीणो तत्तो य. सिद्धाणोगाहणा भवे॥ ६५॥ एगत्तेण साईया, अपज-वसिया वि य । पुहत्तेण अणाईया, अपज्जवसिया वि य ॥ ६६ ॥ अरूविणो जीव-घणा, नाणदंसणसन्निया। अउलं सुहं संपत्ता, उवमा जस्स नित्थ उ॥ ६७॥ लोगेगदेसे ते सब्वे. नाणदंसणसन्निया । संसारपारनित्थिण्णा, सिर्द्धि वरगइं गया ॥ ६८ ॥ संसारत्था उ जे जीवा, दुविहा ते वियाहिया । तसा य थावरा चेव. थावरा तिविहा तिहं ॥ ६९ ॥ पुढवी आउजीवा य, तहेव य वणस्सई । इचेए थावरा तिविहा, तेसिं भेए सुणेह मे ॥ ७० ॥ दुविहा य पुढवीजीवा, सुहुमा बायरा तहा । पजन्तमपजन्ता, एवमेव दुहा पुणो ॥ ७१ ॥ बायरा जे उ पजन्ता, दुविहा ते वियाहिया। सण्हा खरा य बोधव्वा, सण्हा सत्तविहा तिहें ॥ ७२ ॥ किण्हा नीला य रुहिरा य. हालिहा सुक्किला तहा । पंद्भपणगमष्टिया, खरा छत्तीसईविहा ॥ भा ३ ॥ पुढवी य सकरा वाछ्या य. उवले सिला य लोणूसे । अयतंबतउयसीसग⊸. रुप्पसुवण्णे य वहरे य ॥ ७४ ॥ हरियाले हिंगुळुए, मणोसिला सासगंजणपवाले । अन्भपडलन्भवालुय, बायरकाए मणिविहाणे ॥ ७५ ॥ गोमेज्जए य रुयगे. अंके फलिहे य लोहियक्खे य । मरगयमसारगहे, भुयमोयगइंदनीळे य ॥ ७६॥ चंदणगेहयहंसगब्भे, पुलए सोगंधिए य बोधव्वे । चंदप्पहवेरुलिए, जलकंते स्रकंते य ॥ ७७ ॥ एए खरपुढवीए, भेया छत्तीसमाहिया । एगविह्मणाणत्ता, मुहुमा तत्थ वियाहिया ॥ ७८ ॥ मुहुमा सन्वलोगंमि, लोगदेसे य बायरा । इत्तो कालविभागं तु, वुच्छं तेसिं चउव्विहं ॥ ७९ ॥ संतइं पप्पऽणाईया, अपज्जविसया वि य । ठिइं पडुच साईया, सपज्जवसिया वि य ॥ ८० ॥ बावीससहस्साई. वासाणुक्कोसिया भने । आउठिई पुढवीणं, अंतोमुहुत्तं जहन्निया ॥ ८९ ॥ असंख-कालमुकोसा, अंतोमुहुत्तं जहन्निया । कायठिई पुढवीणं, तं कायं तु अमुंचओ ॥ ८२ ॥ अर्णतकालमुक्कोसं, अंतोमुहत्तं जहन्नयं । विजर्डमि सए काए, पुढविजीवाण

अंतरं ॥ ८३ ॥ एएसिं वण्णओ चेव, गंधओ रसफासओ । संठाणादेसओ वावि विहाणाई सहस्ससो ॥ ८४ ॥ दुविहा आउजीवा उ, सुहुमा वायरा तहा । पज्जत-मपज्जता, एवमेए दुहा पुणो ॥ ८५ ॥ वायरा जे उ पज्जता, पंचहा ते पिकत्तिया । चुद्धोदए य उस्से य, हरतण्रू महिया हिमे ॥ ८६ ॥ एगविहमणाणत्ता, चुहुमा तत्थ वियाहिया । सहमा सन्वलोगंमि, लोगदेसे य बायरा ॥ ८७ ॥ संतर्ड पप्पडणाईया, अपज्जवसिया वि य । ठिइं पहुच्च साईया, सपज्जवसिया वि य ॥ ८८ ॥ सत्तेव सहरूसाई. वासाणुक्कोसिया भवे । आउठिई आऊणं, अंतोमुहुत्तं जहन्निया ॥ ८९ ॥ असंख-कालमुक्कोसा, अंतोमुहुत्तं जहन्निया। कायिटिई आऊणं, तं कायं तु अमुंचओ ॥ ९०॥ अणंतकालमुक्कोसं, अंतोमुहुत्तं जहन्नयं। विजढंमि सए काए, आऊजीवाण अंतरं ॥ ९१ ॥ एएसिं वण्णओ चेव, गंघओ रसफासओ । संठाणादेसओ वावि, विहाणाई सहस्ससो ॥ ९२ ॥ दुविहा वणस्सईजीवा, सहुमा बायरा तहा । पज्जत्तमपज्जत्ता, एवमेए दुहा पुणो ॥ ९३ ॥ बायरा जे उ पज्जत्ता, दुविहा ते वियाहिया । साहा-रणसरीरा य, पत्तेगा य तहेव य ॥ ९४ ॥ पत्तेगसरीराओ, ऽणेगहा ते पिकत्तिया । स्कला गुच्छा य गुम्मा य, लया वल्ली तणा तहा ॥ ९५ ॥ वलया पव्वगा कुहुणा, जलरुहा ओसही तहा । हरियकाया वोद्भव्वा, पत्तेगाइ वियाहिया ॥ ९६ ॥ साहा-रणसरीराओ, ऽणेगहा ते पिकत्तिया। आलुए मृलए चेव, सिंगबेरे तहेव य॥ ९७॥ हरिली सिरिली सस्सिरिली, जावई केयकंदली। पलंडुलसणकंदे य, कंदली य कुहुव्वए ॥ ९८ ॥ लोहिणी ह्यथी ह्य, कुहगा य तहेव य । कण्हे य वज्जकंदे य, कंदे सरणए तहा ॥ ९९ ॥ अस्सकण्णी य बोधव्वा, सीहकण्णी तहेव य । मुसुंढी य हिलिहा य,ऽणेगहा एवमायओ ॥ १०० ॥ एगविहमणाणत्ता, सहुमा तत्थ वियाहिया । सहमा सञ्बलोगंमि, लोगदेसे य बायरा ॥ १०१ ॥ संतई पप्पऽणाईया, अपज्जव-सिया वि य । ठिई पद्धम साईया, सपज्जवसिया वि य ॥ १०२ ॥ दस चेव सहस्माई, वासाणुकोसिया भवे । वणप्फईण आउं तु, अंतोमुहुत्तं जहन्निया ॥ १०३ ॥ अणंतकालमुक्कोसा, अंतोमुहुत्तं जहिश्वया । कायिठई पणगाणं, तं कायं तु असुंचओ ॥ १०४ ॥ असंखकालमुक्कोसं, अंतोमुहुतं जहन्नयं । विजर्डमि सए काए, पणग-जीवाण अंतरं ॥ १०५ ॥ एएसिं वण्णओ चेव, गंघओ रसफासओ । संठाणादेसओ वाबि, विहाणाइं सहस्ससो ॥ १०६ ॥ इचेए थावरा तिविहा, समासेण विद्याहिया । इतो उ तसे तिबिहे, बुच्छामि अणुपुन्वसो ॥ १०० ॥ तेऊ वाऊ य बोधन्वा, उराला य तसा तहा। इचेए तसा तिविहा, तेसि भेए सुणेह मे ॥ १०८ ॥ दुविहा तेऊजीवा छ, सहमा वायरा तहा । पजनमपजनाः एवमेए दहा पुणो ॥ १०५ ॥

बायरा जे उ पजता, Sणेगहा ते वियाहिया । इंगाले मुम्मुरे अगणी, अचि जाला तहेव य ॥ ११० ॥ उक्का विज्जू य बोधव्वा, ८ णेगहा एवमायओ । एग-विहमणाणत्ता, सुहुमा ते वियाहिया ॥ १११ ॥ सुहुमा सन्वलोगंमि, लोगदेसे य बायरा । इत्तो कालविभागं तु, तेसिं वुच्छं चउन्त्रिहं ॥ ११२ ॥ संतर्हं पप्पऽणा-ईया, अपज्जवसिया वि य । ठिइं पहुच साईया, सपज्जवसिया वि य ॥ ११३ ॥ तिण्णेव अहोरत्ता, उक्कोसेण वियाहिया। आउठिई तेऊणं, अंतोमुहुत्तं जहन्निया ॥ ११४॥ असंखकालमुक्कोसा, अंतोमुहुत्तं जहन्निया। कायठिई तेऊणं, तं कायं तु अमुंचओ ॥ ११५ ॥ अणंतकालमुक्कोसं, अंतोमुहुत्तं जहन्नयं । विजर्ढमि सए काए, तेऊजीवाण अंतरं ॥ ११६ ॥ एएसिं वण्णओ चेव, गंधओ रसफासओ । संठाणादेसओ वावि, विहाणाई सहस्ससो ॥ ११७ ॥ दुविहा वाउजीवा उ, सुहुमा बायरा तहा । पज्जत्तमपज्जता, एवमेए दुहा पुणो ॥ ११८ ॥ वायरा जे उ पज्जता. पंचहा ते पिकत्तिया। उक्कलिया मंडलिया, घणगुंजा सुद्धवाया य ॥ ११९॥ संबद्दगवाया य, ऽणेगहा एवमायओ । एगविहमणाणत्ता, सुहुमा तत्थ वियाहिया ॥ १२० ॥ सहमा सन्वलोगंमि, लोगदेसे य वायरा । इत्तो कालविभागं तु, तेर्सि वुच्छं चडिवहं ॥ १२१ ॥ संतइं पप्पऽणाईया, अपज्जवसिया वि य । ठिइं पहुच साईया, सपज्जवसिया वि य ॥ १२२ ॥ तिण्णेव सहस्साई, वासाणुक्कोसिया भवे । आउठिई वाऊणं, अंतोमुहुत्तं जहन्निया ॥ १२३ ॥ असंखकालमुक्कोसा, अंतोमुहुत्तं जहिनया । कायिठेई वाऊणं, तं कायं तु अमुंचओ ॥ १२४॥ अणंतकाल-मुकोसं, अंतोमुहुत्तं जहन्नयं । विजढंमि सए काए, वाऊजीवाण अंतरं ॥ १२५ ॥ एएसिं वण्णओ चेव, गंधओ रसफासओ । संठाणादेसओ वावि, विहाणाई सहस्ससो ॥ १२६ ॥ उराला तसा जे उ, चउहा ते पिकत्तिया । बेइंदिय तेइंदिय, चउरो पंचिंदिया तहा ॥ १२७ ॥ बेइंदिया उ जे जीवा, दुविहा ते पिकत्तिया । पज्जत-मपज्जता, तेसिं भेए सुणेह मे ॥ १२८ ॥ किमिणो सोमंगला चेव, अलसा माइ-वाहया । वासीमुहा य सिप्पिया, संखा संखणगा तहा ॥ १२९ ॥ पह्लोयाणुह्नया चेव. तहेव य वराङगा । जॡगा जालगा चेव, चंदणा य तहेव य ॥ १३०॥ इइ बेइंदिया एए,ऽणेगहा एवमायओ । लोगेगदेसे ते सन्वे, न सव्वत्थ वियाहिया ॥ १३१ ॥ संतर्इ पप्पऽणाईया, अपज्जनसिया वि य । ठिइं पहुच साईया, सपज्ज-विसया वि य ॥ १३२ ॥ वासाई बारसा चेव, उक्कोसेण वियाहिया । वेइंदियआउ-ठिई, अंतोमुहुत्तं जहनिया ॥ १३३ ॥ संखिजकालमुकोसा, अंतोमुहुत्तं जहन्निया। बेइंदियकायठिई, तं कायं तु अमुंचओ ॥ १३४ ॥ अणंतकालमुक्कोसं, अंतोमुहत्तं

जहन्नयं । वेइंदियजीवाणं, अंतरं च वियाहियं ॥ १३५ ॥ एएसिं वण्णओ चेव, गंधओ रसफासओ । संठाणादेसओ वावि, विहाणाई सहस्ससो ॥ १३६॥ तेईदिया उ जे जीवा, दुविहा ते पिकत्तिया। पजनसपज्जता, तेसिं भेए सुणेह मे ॥ १३७॥ कुंश्रुपिवीलिउइंसा, उक्कलुंद्देहिया तहा । तणहारकद्रहारा य, माल्गा पत्तहारगा ॥ १३८ ॥ कप्पासित्थिमिजा य, तिंदुगा तडसमिजगा । सदावरी य गुम्मी य, वोधव्वा इंदगाइया ॥ १३९ ॥ इंदगोवगमाईया, ८णेगहा एवमायओ । लोगेगदेसे ते सब्वे, न सन्वत्थ वियाहिया ॥ १४० ॥ संतई पप्पडणाईया. अपज्जवसिया वि य । ठिइं पड्ड साईया, सपज्जवसिया वि य ॥ १४१ ॥ एगुणपण्णहोरत्ता, उद्धो-सेण वियाहिया । तेइंदियआउठिई, अंतोमुहुत्तं जहन्निया ॥ १४२ ॥ संखिजकाल-मुक्कोसा, अंतोमहत्तं जहिन्नया। तेइंदियकायिठिई, तं कायं तु अमुंचओ॥ १४३॥ अणंतकालमुक्कोसं, अंतोमुहत्तं जहन्नयं । तेइंदियजीवाणं, अंतरं तु वियाहियं ॥ १४४ ॥ एएसिं वण्णओ चेव, गंधओ रसफासओ । संठाणादेसओ वावि, विहाणाइं सहस्मरो ॥ १४५ ॥ चडरिंदिया उ जे जीवा, दुविहा ते पिकत्तिया । पज्जत्तम-पजता, तेसिं भेए सुणेह मे ॥ १४६ ॥ अंधिया पोत्तिया चेव, मच्छिया मसगा तहा । भमरे कीडपयंगे य, हिंकुणे कंक्रणे तहा ॥ १४७ ॥ कुक्कडे सिंगिरीडी य, नंदावत्ते य विच्छए । डोले भिंगिरीडी य, विरली अच्छिवेहए ॥ १४८ ॥ अच्छिले माहए अच्छि(रोडए), विचित्ते चित्तपत्तए । उहिंजिलिया जलकारी य. नीयया तंबगाइया ॥ १४९ ॥ इय चडरिंदिया एए, डणेगहा एवमायओ । लोगेगदेसे ते सब्वे. न सब्वत्थ वियाहिया ॥ १५० ॥ संतइं पप्पऽणाईया. अपज्जवसिया वि य । ठिइं पद्मच साईया, सपजावसिया वि य ॥ १५१ ॥ छच्चेव य मासाऊ, उक्कोसेण वियाहिया । चडरिंदियआडठिई, अंतोमुहुत्तं जहन्निया ॥ १५२ ॥ संखिजकाल-मुक्कोसा, अंतोमहत्तं जहन्निया । चउरिंदियकायिटई, तं कायं तु अमुंचओ ॥ १५३ ॥ अर्णतकालमुक्कोसं, अंतोमुहुत्तं जहन्नयं । चडरिंदियजीवाणं. अंतरं च वियाहियं ॥ १५४ ॥ एएसिं वण्णओ चंव, गंधओ रसफासओ । संठाणादंसओ वावि, विहाणाई सहस्ससो ॥ १५५ ॥ पंचिदिया उ जे जीवा, चडविहा ते वियाहिया। नेरइया तिरिक्ला य, मणुया देवा य आहिया ॥ १५६ ॥ नेरइया सत्तिवहा, प्रवित्व सत्तत्व भवे । रयणाभसकराभा, वाल्याभा य आहिया ॥ १५७ ॥ पंकाभा धमाभा, तमा तमतमा तहा । इड् नेरइया एए, अनहा परिकित्तिया ॥ १५८ ॥ लोगस्स एगदेसंमि, ते मध्ये उ वियाहिया । एनी काल-

पाढंतरं-१ लोगस्स एगदेसंमि, ते सन्वे परिकित्तिआ । २ विजर्हाम्म सए काए ।

विभागं त. वोच्छं तेसिं चउ व्विहं ॥ १५९ ॥ संतइं पप्पऽणाईया, अपज्जवसिया विया ठिइं पड़च साईया. सपज्जवसिया विया ॥ १६० ॥ सागरोवममेगं तु, उक्कोसेण वियाहिया । पढमाए जहन्नेणं, दसवाससहस्सिया ॥ १६१ ॥ तिण्णेव सागरा ऊ. उक्कोसेण वियाहिया । दोचाए जहन्नेणं, एगं तु सागरोवमं ॥ १६२ ॥ सत्तेव सागरा ऊ, उक्कोसेण वियाहिया । तइयाए जहन्नेणं, तिण्णेव सागरोवमा ॥ १६३ ॥ दससागरोवमा ऊ, उक्कोसेण वियाहिया । चउत्थीए जहन्नेणं, सत्तेव सागरोवमा ॥ १६४ ॥ सत्तरससागरा ऊ, उक्कोसेण वियाहिया । पंचमाए जहन्नेणं, दस चेव सागरोवमा ॥ १६५ ॥ बावीससागरा ऊ, उक्कोसेण वियाहिया । छद्रीए जहन्नेणं, सत्तरससागरोवमा ॥ १६६ ॥ तेत्तीससागरा ऊ, उक्कोसेण वियाहिया । सत्तमाए जहन्नेणं. बावीसं सागरोवमा ॥ १६७ ॥ जा चेव य आउठिई, नेरदयाणं वियाहिया। सा तेसिं कायि के जह त्रकोसिया भवे॥ १६८॥ अणंतकालमुकोसं, अंतोमहत्तं जहन्नयं । विजर्डामे सए काए, नेरइयाणं तु अंतरं ॥ १६९ ॥ एएसिं वण्णओं चेव, गंघओ रसफासओ । संठाणादेसओ वावि, विहाणाई सहस्ससो ॥ १७० ॥ पंचिंदियतिरिक्खाओ, दुविहा ते वियाहिया । संमुच्छिमतिरिक्खाओ, गब्भवकंतिया तहा ॥ १७१ ॥ द्विहा ते भवे तिविहा, जलयरा थलयरा तहा। नहयरा य बोधव्वा, तेसिं भेए सुणेह मे ॥ १७२ ॥ मच्छा य कच्छमा य, गाहा य मगरा तहा । संस्मारा य बोधव्वा, पंचहा जलयराहिया ॥ १७३ ॥ लोएगदेसे ते सन्वे. न सन्वत्थ वियाहिया। इत्तो कालविभागं तू, वोच्छं तेसिं चडन्विहं १०४ ॥ संतइं पप्पऽणाईया, अपज्जविसया वि य । ठिइं पहच साईया, सपज्ज-वसिया वि य ॥ १७५ ॥ एगा य पुव्वकोडी, उक्कोसेण वियाहिया । आउठिई जलयराणं, अंतोमुहत्तं जहन्निया ॥ १७६ ॥ प्रव्वकोडिपहत्तं त. उक्कोसेण विया-हिया। कायिठई जलयराणं, अंतोसहत्तं जहन्निया।। १७७॥ अणंतकालसङ्कोसं. अंतोसहत्तं जहन्नयं । विजडंमि सए काए, जलयराणं तु अंतरं ॥ १७८॥ एएसिं वण्णओ चेव, गंधओ रसफासओ । संठाणादेसओ वावि, विहाणाइं सहस्ससो 1। १७९ ॥ चडप्पया य परिसप्पा, दुविहा थलयरा भवे । चडप्पया चडविहा, ते मे कित्तयओ सुण ॥ १८० ॥ एगखुरा दुखुरा चेव, गंडीपयसणप्पया । हयमाई गोण-माई, गयमाइसीहमाइणो ॥ १८१ ॥ भुओरगपरिसप्पा य, परिसप्पा दुविहा भवे। गोहाई अहिमाई य. एकेकाऽणेगहा भवे ॥ १८२ ॥ लोएगदेसे ते सब्वे, न सन्वत्थ वियाहिया। एत्तो कालविभागं तु, वोच्छं तेसिं चडव्विहं ॥ १८३॥ संतर्डं पप्पऽणाईया. अपज्जवसिया वि य । ठिइं पड़च साईया. सपज्जवसिया वि य

॥ १८४॥ पलिओवमाइं तिण्णि उ, उक्कोसेण वियाहिया। आउठिई थलयराणं, अंतोमुहुत्तं जहन्निया ॥ १८५ ॥ पुन्वकोडिपुहुत्तेणं, उक्कोसेण वियाहिया । कायठिई थलयराणं, अंतोमुहुत्तं जहन्निया ॥ १८६ ॥ कालमणंतमुक्कोसं, अंतोमुहुत्तं जहन्नयं । विजडंमि सए काए, थलयराणं तु अंतरं ॥ १८७ ॥ एएसिं वण्णओ चेव, गंधओ रसफासओ । संठाणादेसओ वावि, विहाणाई सहस्ससो ॥ १८८॥ चम्मे उ लोमपक्खी य, तइया समुगगपिक्खया । विययपक्खी य वोधव्वा, पिक्खणो य चउ व्विहा ॥ १८९ ॥ लोगेगदेसे ते सब्वे, न सब्वत्थ वियाहिया । इत्तो कालवि-भागं तु, तेसिं वोच्छं चडिवहं ॥ १९० ॥ संतइं पप्पऽणाईया, अपज्जवसिया वि य । ठिइं पहुच साईया, सपजावसिया वि य ॥ १९१ ॥ पलिओवमस्स भागो, असंखेजइमो भवे । आउठिई खहयराणं, अंतोमुहुत्तं जहन्निया ॥ १९२॥ असंखभागो पिलयस्स, उक्कोसेण उ साहिया। पुन्वकोडीपुहत्तेणं, अंतोमुहुत्तं जहन्निया ॥ १९३ ॥ कायठिई खहयराणं, अंतरं तेसिमं भवे । अणंतकालमुक्कोसं, अंतोमुहुत्तं जहन्नयं ॥ १९४ ॥ एएसिं वण्णओ चेव, गंधओ रसफासओ । संठाणादेसओ वावि, विहाणाई सहस्ससो ॥ १९५ ॥ मणुया दुविहभेया उ, ते मे कित्तग्रओ मुण । संमुच्छिमा य मणुया, गब्भवक्वंतिया तहा ॥ १९६ ॥ गब्भवक्वंतिया जे उ, तिविहा ते वियाहिया । कम्मअकम्मभूमा य, अंतरदीवया तहा ॥ १९७ ॥ पत्ररसतीसविहा, भेया अद्ववीसई। संखा उ कमसो तेसिं, इइ एसा वियाहिया ॥ १९८ ॥ संमुच्छिमाण एसेव, मेओ होइ वियाहिओ । लोगस्स एगर्दसंमि, त सब्बे वि वियाहिया ॥ १९९ ॥ संतई पष्पऽणाईया, अपज्जवसिया वि य । ठिई पहुच साईया, सपजनविसया वि य ॥ २०० ॥ पिलओवमाई तिण्णि वि, उक्कोसेण वियाहिया । आउठिई मणुयाणं, अंतोमुहुत्तं जहन्निया ॥ २०१ ॥ पिलेओवमाई तिण्णि उ, उक्कोसेण वियाहिया। पुन्वकोडिपुहत्तेणं, अंनोमुहुतं ॥ २०२ ॥ कायठिई मणुयाणं, अंतरं तेसिमं भवे । अणंतकालमुक्कोसं, अंतोमुहुत्तं जहम्बरं ॥ २०३ ॥ एएसिं वण्णओ चेव, गंधओ रसफासओ । संठाणादेसओ वावि, विहाणाई सहस्ससो ॥ २०४ ॥ देवा चउन्विहा बुत्ता, ते मे कित्तयओ सुण । भोमिज वाणमंतर, जोइस वेमाणिया तहा ॥ २०५ ॥ दसहा उ भवणवासी, अहहा वणचारिणो । पंचविद्दा जोइसिया, दुविद्दा वेमाणिया तहा ॥ २०६ ॥ असुरा नाग-मुवण्णा, विज्जू अग्णी वियाहिया । दीवोदहिदिसा वाया, थणिया भवणवासिणो ॥ २०७ ॥ पिसायभूया जक्खा य, रक्खसा किन्नरा किंपुरिसा । महोरगा य गंधव्वा, अद्वविद्दा वाणमंतरा ॥ २०८ ॥ चंदा स्रा य नक्खता, गहा तारागणा तहा । ६७ मुत्ता०

दिसा विचारिणो चेव, पंचहा जोइसालया ॥ २०९ ॥ वेमाणिया उ जे देवा, दुविहा ते वियाहिया । कप्पोवगा य वोधव्वा, कप्पाईया तहेव य ॥ २१० ॥ कप्पोवगा बारसहा, सोहम्मीसाणगा तहा । सणंक्रमारमाहिंदा, वंभलोगा य लंतगा ॥ २११॥ महासुक्का सहस्सारा, आणया पाणया तहा । आरणा अचुया चेव, इइ कप्पोवगा सुरा ॥ २१२ ॥ कप्पाईया उ जे देवा, दुविहा ते वियाहिया । गेविजाणुत्तरा चेव, गेविज्जा नवविहा तिहं ॥ २१३ ॥ हेट्टिमाहेट्टिमा चेव, हेट्टिमामिज्झमा तहा । हेद्रिमाउवरिमा चेव, मज्झिमाहेद्रिमा तहा ॥ २१४ ॥ मज्झिमामज्झिमा चेव, मज्झिमाउवरिमा तहा । उवरिमाहेट्टिमा चेव, उवरिमामज्झिमा तहा ॥ २१५ ॥ उवरिमाउवरिमा चेव, इय गेविज्जगा सुरा । विजया वेजयंता य. जयंता अपरा-जिया ॥ २१६ ॥ सव्वत्थसिद्धगा चेव, पंचहाणुत्तरा सुरा । इय वेमाणिया एए, Sणेगहा एवमायओ ॥ २१७ ॥ लोगस्स एगदेसंमि, ते सन्वे वि वियाहिया । इत्तो कालविभागं तु, तेसिं वुच्छं चडव्विहं ॥ २१८ ॥ संतर्डं पप्पऽणाईया, अपज्जव-सिया वि य । ठिइं पडुच साईया, सपज्जवसिया वि य ॥ २१९ ॥ साहियं सागरं एकं, उक्कोसे(णं)ण ठिई भवे । भोमेजाणं जहन्नेणं, दसवाससहस्सिया ॥ २२० ॥ [पिलेओवम दो ऊणा, उक्कोसेण वियाहिया । असु(रें)रिंदवज्जेताण, जहन्ना दससहस्सगा ॥] पिलञ्जोवसमेगं तु, उक्कोसेण ठिई भवे । वंतराणं जहन्नेणं, दसवाससहस्सिया ॥ २२१ ॥ पिलओवममेगं तु, वासलक्खेण साहियं । पिलओ-वमहभागो, जोइसेसु जहन्निया ॥ २२२ ॥ दो चेव सागराइं, उक्कोसेण वियाहिया । सोहम्मिम्म जहन्नेणं, एगंच पिठओवमं ॥ २२३ ॥ सागरा साहिया दुन्नि, उद्घोरेण वियाहिया । ईसाणम्मि जहन्नेणं, साहियं पलिओवमं ॥ २२४ ॥ सागराणि य सत्तेव, उक्कोसेण ठिई भवे । सणंकुमारे जहन्नेणं, दुन्नि ऊ सागरोवमा ॥ २२५ ॥ साहिया सागरा सत्त, उक्कोसेण ठिई भवे । माहिंदिम्म जहन्नेणं, साहिया दुन्नि सागरा ॥ २२६ ॥ दस चेव सागराई, उक्कोसेण ठिई भवे । वंभलोए जहन्नेणं. सत्त ऊ सागरोवमा ॥ २२७ ॥ चउइस सागराई, उक्कोसेण ठिई भवे । छंतुगम्मि जहन्नेणं, दस उ सागरोवमा ॥ २२८ ॥ सत्तरस सागराईं, उक्कोसेण ठिई भवे । महासुके जहन्नेणं, चोइस सागरोवमा ॥ २२९ ॥ अट्ठारस सागराइं, उक्कोसेण ठिई भवे । सहस्सारम्मि जहन्नेणं, सत्तरस सागरोवमा ॥ २३० ॥ सागरा अउणवीसं तु, उक्कोसेण ठिई भवे । आणयम्मि जहन्नेणं, अद्वारस सागरोवमा ॥ २३१ ॥ वीसं तु सागराइं, उक्कोसेण ठिई भवे । पाणयम्मि जहन्नेणं, सागरा अउणवीसई ॥ २३२ ॥ सागरा इक्कवीसं त. उक्कोसेण ठिई भवे । आरणस्मि जह-

क्षेणं, वीसई सागरोवमा ॥ २३३॥ वावीसं सागराई, उक्कोसेण ठिई भवे । अञ्चयम्मि जहन्नेणं, सागरा इक्कवीसई ॥ २३४ ॥ तेवीस सागराई, उक्कोसेण ठिई भवे । पढ-मंमि जहन्नेणं, वावीसं सागरोवमा ॥ २३५॥ चडवीस सागराइं, उक्कोसेण ठिई भवे । विइयंमि जहन्नेणं, तेवीसं सागरोवमा ॥ २३६ ॥ पणवीस सागराई, उक्कोसेण ठिई भवे । तइयंमि जहन्नेणं, चडवीसं सागरोवमा ॥ २३७ ॥ छव्वीस सागराइं, उक्कोसेण ठिई भवे। चडत्थंमि जहन्नेणं, सागरा पणुवीसई ॥ २३८ ॥ सागरा सत्तवीसं तु, उक्कोसेण ठिई भवे । पंचमंमि जहन्नेणं. सागरा उ छवीसई ॥ २३९ ॥ सागरा अट्टवीसं तु, उक्कोसेण ठिई भवे । छद्रंमि जहन्नेणं. सागरा सत्तवीसई ॥ २४० ॥ सागरा अडणतीसं तु, उक्कोसेण ठिई भवे । सत्तमंमि जहन्नेणं, सागरा अद्ववीसई ॥ २४१ ॥ तीसं त सागराइं. उद्घोसेण ठिई भवे । अद्भंमि जहन्नेणं, सागरा अउ-णतीसई ॥ २४२ ॥ सागरा इक्कतीसं तु, उक्कोसेण ठिई भवे । नवमंमि जहनेणं, तीसई सागरोवमा ॥ २४३ ॥ तेत्तीसा सागराइं. उक्कोसेण ठिई भवे । चउसुं पि विजयाईसु, जहन्नेणेक्षतीसई ॥ २४४ ॥ अजहन्नमणुक्रोसा, तेत्तीसं सागरोवमा । महाविमाणे सन्बहे, ठिई एसा वियाहिया ॥ २४५ ॥ जा चेव उ आउठिई, देवाणं तु वियाहिया। सा तेसिं कायठिई, जहन्नमुक्कोसिया भवे॥ २४६॥ अणंतकाल-मुकोसं, अंतोमुहुत्तं जहन्नयं । विजढंमि सए काए, देवाणं हुज्ज अंतरं ॥ २४७ ॥ अणंतकालमुक्कोसं, वासपुहुत्तं जहन्नयं । आणयाईण कप्पाण, गेविज्ञाणं तु अंतरं ॥ २४८ ॥ संखिजसागरकोसं, वासपुहुत्तं जहन्नयं । अणुत्तराणं देवाणं, अंतरेयं वियाहियं ॥ २४९ ॥ एएसिं वण्णओ चेव, गंधओ रसफासओ । संठाणादेसओ वावि, विहाणाईं. सहस्पसो ॥ २५० ॥ संसारत्था य सिद्धा य, इय जीवा वियाहिया। र्ह्मवणो चेवऽह्वी य, अजीवा दुविहा वि य ॥ २५१ ॥ इय जीवमजीवे य, सोचा सद्दृहिऊण य । सन्वनयाणमणुमए, रमेज संजमे मुणी ॥ २५२ ॥ तओ वहूणि वासाणि, सामण्णमणुपालिया । इमेण कमजोगेण, अप्पाणं संलिहे मुणी ॥ २५३ ॥ वारसेव उ वासाई, संस्रेहकोसिया भवे । संवच्छरं मज्ज्ञिमिया, छम्मासा य जहिन्नया ॥ २५४ ॥ पटमे वासचेउद्यंमि, विगईनिज्जृहणं करे । विद् वासचेउद्यंमि, विवित्तं तु तवं चरे ॥ २५५ ॥ एगंतरमायामं, कहु संबच्छरे दुवे । तओ संबच्छरसं तु, नाइविभिट्टं तवं चरे ॥ २५६ ॥ तओ संवच्छरदं तु, विभिट्टं तु तवं चरे । परिमियं चेव आयामं, तंमि संवच्छरे करे ॥ २५०॥ कोडीयहियमायामं, कर् संवच्छरे मुणी । मासद्वमासिएणं तु, आहारेण तवं चरे ॥ २५८ ॥ कंदप्पमाभिओगं च, किव्विसियं मोहमासुरत्तं च । एयाउ दुग्गईओ, मरणंमि विराहिया होति ॥ २५९ ॥

मिच्छादंसणरत्ता. सनियाणा उ हिंसगा । इय जे मरंति जीवा, तेसिं पुण दुछहा बोही ॥ २६० ॥ सम्महंसणरत्ता, अनियाणा सुक्रलेसमोगाढा । इय जे मरंति जीवा, तेसिं सुलहा भवे बोही ॥ २६१ ॥ मिच्छादंसणरत्ता, सनियाणा कण्हलेसमोगाढा । इय जे मरंति जीवा, तेसिं पुण दुछहा बोही ॥ २६२ ॥ जिणवयणे अणुरत्ता, जिणवयणं जे करेंति भावेण । अमला असंकिलिट्टा, ते होंति परित्तसंसारी ॥ २६३ ॥ वालमर-णाणि बहुसो, अकाममरणाणि चेव य बहूणि । मरिहंति ते वराया, जिणवयणं जे न जाणंति ॥ २६४ ॥ बहुआगमविद्याणा, समाहिउप्पायगा य गुणगाही । एएणं कार-णेणं, अरिहा आलोयणं सोउं ॥ २६५ ॥ कंदप्पकुकुयाईं, तह सीलसहावहासविगहाईं। विम्हावेंतो य परं, कंदप्पं भावणं कुणइ ॥ २६६ ॥ मंताजोगं काउं, भूईकम्मं च जे पउंजंति । सायरसङ्हिहेर्ड, अभिओगं भावणं कुणङ् ॥ २६७ ॥ नाणस्स केवलीणं, धम्मायरियस्स संघसाहूणं । माई अवण्णवाई, किव्विसियं भावणं कुणइ ॥ २६८ ॥ अणबद्धरोसपसरो. तह य निमित्तंमि होइ पिडसेवी । एएहिं कारणेहिं, आसुरियं भावणं कुणइ ॥ २६९ ॥ सत्थगहणं विसभक्खणं च. जलणं च जलपवेसो य । अणायार-भंडसेवी. जम्मणमरणाणि बंधंति ॥ २०० ॥ इइ पाउकरे बुद्धे, नायए परिनिव्बुए । छत्तीसं उत्तरज्झाए, भवसिद्धीयसं[बुडे]मए॥ २०१॥ त्ति-बेमि ॥ इति जीवा-जीवविभत्ती णामं छत्तीसइमं अज्झयणं समत्तं ॥ ३६ ॥

॥ उत्तरज्झयणसुत्तं समत्तं ॥



णमोऽत्थु णं समणस्स भगवओ णायपुत्तमहावीरस्स

सुत्तागमे

तत्थ णं नंदीसुत्तं

जयइ जगजीवजोणी-,वियाणओ जगगुरू जगाणंदो । जगणाहो जगबंधू , जयइ जगप्पियामहो भयवं ॥ १ ॥ जयइ सुआणं पभवो, तित्थयराणं अपच्छिमो जयइ। जयइ गुरू लोगाणं, जयइ महप्पा महावीरो ॥ २ ॥ भद्दं सव्यजगुज्जोयगस्स, भद्दं जिणस्य वीरस्त । भद्दं सुरासुरनमंत्तियस्स, भद्दं धुयरयस्स ॥ ३ ॥ गुणभवणगद्दण सुयरयणभारेय, दंसणविसुद्धरत्थागा । संघनगर! भद्दं ते, अखंडचारित्तपागारा ॥ ४ ॥ संजमतवतुंवारयस्स, नमो सम्मत्तपारियहरूस । अप्पडिचक्कस्स जओ, होउ सया संघचक्करस ॥ ५ ॥ भद्दं सीलपडागूसियस्स, तवनियमतुरयजुत्तस्स । संघरहरस भगवओ, सज्झायसुनंदिघोसस्स ॥ ६ ॥ कम्मरयजलोहविणिग्गयस्स, सुयरयणदीह-नालस्स । पंचमहव्वयथिरकन्नियस्स, गुणकेसरालस्स ॥ ७॥ सावगजणमहआरि-परिवुडस्स, जिणस्रतेयवुद्धस्स । संघपउमस्स भद्दं, समणगणसहस्सपत्तस्स ॥ ८ ॥ तवसंजममयलंछण !, अकिरियराहुमुहदुद्धरिस ! निचं । जय संघचंद ! निम्मल-, सम्मत्तविमुद्धजोण्हागा ! ॥ ९ ॥ परतित्थियगहपहनासगस्स, तवतेयदित्तछेसस्स । नाणुजोयस्स जए, भद्दं दमसंघस्रस्स ॥ १० ॥ भद्दं धिइवेळापरिगयस्स, सज्झाय-जोगमगरस्स । अक्खोहस्स भगवओ, संवसमुद्दस्स रुंदस्स ॥ ११ ॥ सम्मद्दंसण-वरवडरदडरूढगाढावगाढपेढस्स । धम्मवररयणमंडियचामीयरमेहलागस्स ॥ १२ ॥ नियमसियकणयसिलायळज्जलजलंतचित्तकृङस्य । नंदणवणमणहरसुरभिसीलगंधुद्धु-मायस्य ॥ १३ ॥ जीवदयासुंदरकंदरुद्दरियमुणिवरमईंदइज्रस्य । हेउसयधाउपगळं-तरयणदित्तोसहिगुहस्स ॥ १४ ॥ संवरवर् जलपगलियङज्झरपविरायमाणहारस्स । सावगजणपडररवंतमोरनचंतकुहरस्स ॥ १५ ॥ विणयनयपवरमुणिवरफुरंतविज्जन ठंतसिहरस्स । विविद्गुणकप्परुक्खगफलभर<u>कुसु</u>माउलवणस्स ॥ १६ ॥ नाणवर्र-यणदिप्पंत-, कंतवेरुलियविमलचूलस्स । वंदामि विणयपणओ, संघमहामंदरगिरिस्स ॥ १७ ॥ गुणरयणुज्जलकडयं, सीलमुगंधितवमंडिउद्देसं । मुख्यारसंगसिहरं, संघ-महामंदरं वंदे ॥ १८ ॥ नगररहचकपडमे, चंदे सुरे समुद्दमेरिम्म । जो उविमज्जद

सययं तं संघगणायरं वंदे ॥ १९ ॥] [वंदे] उसमं अजियं संभव-,मिभनंदणसुमइ-सप्पर्भसपासं । ससिपुप्फदंतसीयल-,सिजांसं वासुपुजां च ॥ २० ॥ विमलमणंत य धम्मं, संतिं कुंथुं अरं च मिल्लं च। मुनिसुव्वयनिमनेमिं, पासं तह वद्धमाणं च ॥ २१ ॥ पढिमत्थ इंदभूई, बीए पुण होइ अग्गिभूइति । तइए य वाउभूई, तओ वियत्ते सहम्मे य ॥ २२ ॥ मंडियमोरियपुत्ते, अकंपिए चेव अयलमाया य । मेयजे य पहासे [य], गणहरा हुंति वीरस्स ॥ २३ ॥ निव्युइपहसासणयं, जयइ सया सव्वभावदेसणयं । कुसमयमयनासणयं, जिणिंदवरवीरसासणयं ॥ २४ ॥ सहम्मं अग्गिवेसाणं, जंब्रनामं च कासवं। पभवं कचायणं वंदे, वच्छं सिजंभवं तहा ॥ २५ ॥ जसभहं तुंगियं वंदे, संभूयं चेव माढरं । भद्दबाहुं च पाइन्नं, थ्लभद्दं च गोयमं ॥ २६ ॥ एळावचसगोत्तं, वंदामि महागिरिं सहस्थि च । तत्तो कोसियगोत्तं, बहुलस्स सरिव्वयं वंदे ॥ २० ॥ हारियगुत्तं साइं, च वंदिमो हारियं च सामजं । वंदे कोसियगोत्तं. संडिल्लं अजजीयधरं ॥ २८ ॥ तिसमुद्दखायकिर्ति, दीवसमुद्देस गहियपेयालं । वंदे अजसमुद्दं, अक्खुभियसमुद्दगंभीरं ॥ २९ ॥ भणगं करगं झरगं. पभावगं णाणदंसणगुणाणं । वंदामि अज्जमंगुं, सुयसागरपारगं धीरं ॥ ३०॥ विंदामि अजधम्मं, तत्तो वंदे य भद्दगुत्तं च । तत्तो य अजवदरं, तवनियमगुणेहिं वइरसमं ॥ ३१ ॥ वंदामि अज्जरिक्खय-,खमणे रिक्खयचरित्तसव्वस्से । रयण-करंडगभूओ, अणुओगो रिक्खओ जेहिं ॥ ३२ ॥] नाणिम दंसणिम य, तर्वावणए णिचकालमुद्धत्तं । अर्जं नंदिलखमणं, सिरसा वंदे पसन्नमणं ॥ ३३ ॥ वष्ट्रट वाय-गवंसो. जसवंसो अज्जनागहत्थीणं । वागरणकरणभंगिय-.कम्मप्पयडीपहाणाणं ॥ ३४ ॥ जचंजणधाउसमप्पहाण, मुद्दियकुवलयनिहाणं । वहूछ वायगवंसो, रेव-इनक्खत्तनामाणं ॥ ३५ ॥ अयलपुरा णिक्खंते, कालियसुयआणुओगिए धीरे । बंभद्दीवगसीहे, वायगपयमुत्तमं पत्ते ॥ ३६ ॥ जेसि इमो अणुओगो, पयरइ अजावि अड्रभरहम्मि । बहुनयरनिग्गयजसे, ते वंदे खंदिलायरिए ॥ ३०॥ तत्तो हिम-वंतमहंतविक्समे, धिइपरक्सममणंते । सज्झायमणंतधरे, हिमवंते वंदिमो सिरसा ॥ ३८ ॥ कालियसुयअणुओगस्स धारए, धारए य पुन्वाणं । हिमवंतखमासमणे, वंदे णागज्जुणायरिए ॥ ३९ ॥ मिउमद्दवसंपन्ने, आणुपुन्विवायगत्तणं पत्ते । ओह-सुयसमायारे, नागज्जुणवायए वंदे ॥ ४० ॥ [गोविंदाणंपि नमो, अणुओगे विज्ञ-लघारिणिंदाणं । णिचं खंतिदयाणं, परूवणे दुल्लभिंदाणं ॥ ४१ ॥ तत्तो य भ्यदिनं. निचं तवसंजमे अनि व्विण्णं । पंडियजणसामण्णं, वंदामो संजमविहिण्णु ॥ ४२ ॥] वरकणगतवियचंपग-,विमउलवरकमलगब्भसरिवन्ने। भवियजणहिययदइए, दयागुण-

विसारए धीरे ॥ ४३ ॥ अड्डभरहप्पहाणे, वहुविहसज्झायसुमुणियपहाणे । अणु-ओगियवरवसभे, नाइलकुलवंसनंदिकरे ॥ ४४ ॥ भूयहियअप्पगब्भे, वंदेऽहं भूय-दिन्नमायरिए । भवभयवृच्छेयकरे, सीसे नागज्जणरिसीणं ॥ ४५ ॥ सुमुणियनिचा-निचं, सुमुणियसुत्तत्थघारयं वंदे । सब्भावबभावणया-,तत्थं लोहिचणामाणं ॥ ४६॥ अत्थमहत्थक्खाणि, सुसमणवक्खाणकहणनिव्वाणि । पर्याष्ट्रण महरवाणि, पयओ पणमामि दूसगणि ॥ ४७ ॥ तिवनियमसच्चसंजम- विणयज्जवखंतिमदृवरयाणं । सील-गुणगद्दियाणं, अणुओगजुगप्पहाणाणं ॥ ४८ ॥] सुकुमालकोमलतले. तेसिं पणमामि लक्खणपसत्ये । पाए पावयणीणं, पिडच्छयसएहिं पणिवइए ॥ ४९ ॥ जे अन्ने भगवंते, कालियस्यआणुओगिए धीरे। ते पणमिऊण सिरसा, नाणस्स पहवणं वोच्छं ॥ ५० ॥ सेलघण १ कुडग २ चालणि ३, परिपूणग ४ हंस ५ महिस ६ मेसे ७ य। मसग ८ जळूग ९ विराली १०, जाहग ११ गो १२ भेरी १३ आभीरी १४॥ ५१॥ सा समासओ तिविहा पन्नता, तंजहा-जाणिया, अजाणिया, दुव्वि-यहा । जाणिया जहा-खीरिमव जहा हंसा, जे घुट्टंति इह गुरुगुणसिमद्धा । दोसे य विवजंति, तं जाणसु जाणियं परिसं ॥ ५२ ॥ अजाणिया जहा-जा होइ पगइ-महरा, मियछावयसीहकुकुडयभुया । रयणमिव असंठविया, अजाणिया सा भवे परिसा ॥ ५३ ॥ दुव्वियङ्का जहा-न य कत्थइ निम्माओ, न य पुच्छइ परिभवस्स दोसेणं । वस्थिव्व वायपुण्णो, फ़ट्ट गामिलय(दुव्वि)वियङ्को ॥ ५४॥ नाणं पंचविहं पन्नतं, तंजहा-आभिणियोहियनाणं, सुयनाणं, ओहिनाणं, मणपज्जवनाणं, केवळनाणं ॥ १ ॥ तं समासओ दुविहं पण्णतं, तंजहा-पचक्खं च परोक्खं च ॥ २ ॥ से किं तं पचक्खं ? पचक्खं दुविहं पण्णत्तं, तंजहा-इंदियपचक्खं नोइंदियपचक्खं च ॥ ३ ॥ से किं तं इंदियपचक्खं ? इंदियपचक्खं पंचिवहं पण्णतं, तंजहा–सोइंदियपचक्खं चिक्तिवियपचक्तं घाणिदियपचक्तं जिन्भिदियपचक्तं फासिदियपचक्तं. से तं इंदिय-पचक्खं ॥ ४॥ से कि तं नोइंदियपचक्खं ? नोइंदियपचक्खं तिविहं पण्णतं. नंजहा-ओहिनाणपचक्खं मणपज्जवनाणपचक्खं केवळनाणपचक्खं ॥ ५॥ से किं तं ओहिनाण-पन्नक्वं ? ओहिनाणपचक्खं दुविहं पण्णत्तं, तंजहा-भवपच्डयं च खाओवसिमयं च ॥ ६ ॥ से किं तं भवपचड्यं? भवपचड्यं दुण्हं, तंजहा-देवाण य नेरड्याण य ॥ ७ ॥ से कि तं खाओवसमियं ? खाओवसमियं दुण्हं, तंजहा-मणूसाण य पंचंदिय-तिरिक्खजोणियाण य । को हेऊ खाओवसमियं ? खाओवसमियं तयावरणिजाणं कम्माणं उदिण्णाणं खएणं अणुदिण्णाणं उवसमेणं ओहिनाणं समुप्पज्जरु ॥ ८ ॥ अहवा गुणपिडवन्नस्स अणगारस्स ओहिनाणं समुप्पज्ञठ, तं समासओ छन्त्रिहं पण्णत्तं. तंजहा-आणुगामियं १, अणाणुगामियं २, बहुमाणयं ३, हीयमाणयं ४. पंडिवाइयं ५. अपडिवाइयं ६ ॥ ९ ॥ से किं तं आणुगामियं ओहिनाणं? आणुगामियं ओहिनाणं दुविहं पण्णतं, तंजहा-अंतगयं च मज्झगयं च । से किं तं अंतगयं ? अंतगयं तिविहं पण्णत्तं, तंजहा-पुरओ अंतगयं, मग्गओ अंतगयं, पासओ अंतगर्य। से किं तं पुरओ अंतगर्य ? पुरओ अंतगर्य-से जहानामए केंड परिसे उक्कं वा चड़िलयं वा अलायं वा मणिं वा पड़ेवं वा जोड़ं वा पुरओ काउं पण्छेमाणे २ गच्छेजा. से तं परओ अंतगरं। से किं तं मग्गओ अंतगरं? मग्गओ अंतगरं-से जहानामए केइ पुरिसे उक्कं वा चड़िलयं वा अलायं वा मणि वा पईवं वा जोइं वा मगाओ काउं अणकड्रेमाणे २ गच्छिजा. से तं मंगाओ अंतगयं। से किं तं पासओं अंतगर्यं ? पासओं अंतगर्यं-से जहानामए केइ प्रिसे उक्कं वा चड़िलयं वा अलायं वा मणिं वा पईवं वा जोइं वा पासओ काउं परिकट्टमाणे २ गच्छिजा. से तं पासओ अंतगर्यः से तं अंतगर्यः। से किं तं मज्झगर्यः? मज्झगर्यं-से जहानामण केड परिसे उक्ते वा चड़िलयं वा अलायं वा मणि वा पड़ेवं वा जोड़ं वा मत्थए काउं समन्वहमाणे २ गच्छिजा. से तं मज्झगयं । अंतगयस्य मज्झगयस्य य को पड-विसेसो १ पुरओ अंतगएणं ओहिनाणेणं पुरओ चेव संखिजाणि वा असंखिजाणि वा जोयणाइं जाणइ पासइ । मग्गओ अंतगएणं ओहिनाणेणं मग्गओ चेव संखिजाणि वा असंखिजाणि वा जोयणाई जाणइ पासइ। पासओ अंतगएणं ओहिनाणेणं पासओ चेव संखिजाणि वा असंखिजाणि वा जोयणाई जाणइ पासइ । मज्झगएणं ओहिना-णेणं सन्वओ समंता संखिजाणि वा असंखिजाणि वा जोयणाडं जाणड पासड । से तं आणुगामियं ओहिनाणं ॥ १० ॥ से किं तं अणाणुगामियं ओहिनाणं ? अणाणुगामियं ओहिनाणं से जहानामए केंद्र पुरिसे एगं महंतं जोइह्राणं काउं तस्सेव जोइह्राणस्स परिपेरंतेहिं परिपेरंतेहिं परिघोलेमाणे परिघोलेमाणे तमेव जोइद्राणं पासइ. अन्नत्थ गए [न जाणइ] न पासइ, एवामेव अणाणुगामियं ओहिनाणं जत्येव समुप्पज्जङ तत्थेव संखेजाणि वा असंखेजाणि वा संबद्धाणि वा असंबद्धाणि वा जोयणाइं जाणइ पासइ; अन्नत्थ गए ण पासइ। सेत्तं अणाणुगामियं ओहिनाणं॥ ११॥ से किं तं वहू-माणयं ओहिनाणं ? वहूमाणयं ओहिनाणं पसत्येसु अज्झवसायद्वाणेसु वृद्रमाणस्स वब्रुमाणचरित्तस्स विद्युज्झमाणस्स विद्युज्झमाणचरित्तस्स सव्वओ समंता ओही वह्नुद-जावइया तिसमयाहारगस्स, सुहमस्स पणगजीवस्स । ओगाहणा जहन्ना, ओहीखित्तं जहनं तु ॥ ५५ ॥ सन्वबहुअगणिजीवा, निरंतरं जत्तियं भरिजंसु । खित्तं सन्विदिसागं. परमोही खेत्तनिहिद्दो ॥ ५६ ॥ अंगुलमावलियाणं, भागमसंखिज दोस संखिजा ।

अंगुलमावलियंतो, आवलिया अंगुलपुहत्तं ॥ ५०॥ हत्थिम मुहुत्तंतो, दिवसंतो गाउयम्मि बोद्धव्वो । जोयणदिवसपुर्हत्तं, पक्खंतो पन्नवीसाओ ॥ ५८ ॥ भरहम्मि अद्भगासो, जम्बूदीवम्मि साहिओ मासो । वासं च मणुयलोए, वासपुहुत्तं च स्यगम्मि ॥ ५९ ॥ संखिजम्मि उ काले, दीवसमुद्दावि हंति संखिजा । कालम्मि असंखिजे, दीवसमुद्दा उ भइयव्वा ॥ ६० ॥ काले चउण्ह वुष्ट्री, कालो भइयव्व खित्तवुष्ट्रीए । वुङ्किए दव्वपज्जव, भइयव्वा खित्तकाला उ ॥ ६१ ॥ सहमो य होइ कालो, तत्तो सुहमयरं हवइ खित्तं । अंगुळसेढीमित्ते, ओसप्पिणिओ असंखिजा ॥ ६२ ॥ सेत्तं वहुमाणयं ओहिनाणं ॥ १२ ॥ से किं तं हीयमाणयं ओहिनाणं ? हीयमाणयं ओहिनाणं अप्पसत्येहिं अज्झवसायद्वाणेहिं वद्टमाणस्स वद्टमाणचरित्तस्स संकिलिस्स-माणस्स संकिलिस्समाणचरित्तस्य सव्वओ समंता ओही परिहायइ । सेत्तं हीयमाणयं ओहिनाणं ॥ १३ ॥ से किं तं पिडवाइओहिनाणं १ पिडवाइओहिनाणं जहण्णेणं अंगुलस्स असंखिजयभागं वा संखिजयभागं वा, वालग्गं वा वालग्गपुहुत्तं वा, लिक्खं वा लिक्खपुहुत्तं वा, ज्यं वा ज्यपुहुत्तं वा, जवं वा जवपुहुत्तं वा, अंगुरुं वा अंगुलपुहुत्तं वा, पायं वा पायपुहुत्तं वा, विहरिंथ वा विहरिथपुहुत्तं वा, रयणि वा रयणिपुहुत्तं वा, कुचिंछ वा कुच्छिपुहुत्तं वा, घणुं वा धणुपुहुत्तं वा, गाउयं वा गाडयपुहुत्तं वा, जोयणं वा जोयणपुहुत्तं वा, जोयणसयं वा जोयणसयपुहुत्तं वा, जोयणसहस्सं वा जोयणसहस्सपुहुत्तं वा, जोयणलक्खं वा जोयणलक्खपुहुत्तं वा, [जोयणकोडिं वा जोयणकोडिपुहत्तं वा, जोयणकोडाकोडिं वा जोयणकोडाकोडिपुहत्तं वा, जोयणसंखिजं वा जोयणसंखिजपुहुत्तं वा, जोयणअसंखेजं वा जोयणअसंखेज-पहत्तं वा] उक्कोसेणं लोगं वा पासित्ताणं पडिवडजा। सेत्तं पडिवाडओहिनाणं॥ १४॥ से कि तं अपिडवाइओहिनाणं ? अपिडवाइओहिनाणं जेणं अलोगस्स एगर्माव आगासपएसं जाणइ पासइ, तेण परं अपडिवाडओहिनाणं। सेत्तं अपडिवाडओहिनाणं ॥ ९७ ॥ तं समासओ चडव्विहं पण्णतं, तंजहा-दव्वओ, खित्तओ, काळओ, भावओं । तत्थ द्व्यओं णं ओहिनाणी जहनेणं अणंताइं रूविद्व्याइं जाणड् पासद्, उद्योसेणं सन्वाइं रुविद्ववाइं जाणइ पासइ । खित्तओ णं ओहिनाणी जहन्नेणं अंगुळस्स असंखिजइभागं जाणइ पासद, उद्योसेणं असंखिजादं अलोगे लोगप्पमाणमितादं खंडाइं जाणइ पासइ । कालओ णं ओहिनाणी जहन्नेणं आवलियाए असंस्त्रिजड्मागं जाणड् पासङ्, उक्कोर्सेणं असंखिजाओ उस्यप्पिणीओ अवसप्पिणीओ अर्डेयमणागयं च कालं जाणड् पासइ। भावओं णं ओहिनाणी जहन्नेणं अणंते भावे जाणड पासड. उद्योसेणवि अणंते भावे जाणड पासड । सन्वभावाणमणंतभागं जाणड् पासड ॥ १६ ॥

ओही भवपचइओ, गुणपचइओ य वण्णिओ दुविहो । तस्स य बहू विगप्पा, दव्वे खिते य काले य ॥ ६३ ॥ नेरइयदेवितत्थंकरा य, ओहिस्सऽवाहिरा हुंति । पासंति सव्वओ खलु, सेसा देसेण पासंति ॥ ६४ ॥ सेत्तं ओहिनाणपच्चक्खं ॥ से किं तं मणपज्जवनाणं ? मणपज्जवनाणे णं भंते ! किं मणुस्साणं उप्पज्जइ अमणुस्साणं ? गोयमा ! मणुस्साणं नो अमणुस्साणं । जइ मणुस्साणं किं संमुच्छिममणुस्साणं गब्भवक्कंतियमणुरसाणं १ गोयमा ! नो संमुच्छिममणुरसाणं उप्पज्जइ गब्भवक्कंतिय-मणुस्साणं । जइ गब्भवक्वंतियमणुस्साणं, किं कम्मभूमियगब्भवक्वंतियमणुस्साणं. अकम्मभूमियगब्भवक्कंतियमणुस्साणं, अंतरदीवगगब्भवक्कंतियमणुस्साणं ? गोयमा ! कम्मभूमियगब्भवक्कंतियमणुस्साणं, नो अकम्मभूमियगब्भवक्कंतियमणुस्साणं, नो अंतरदीवगगब्भवक्रंतियमणुस्साणं । जइ कम्मभूमियगब्भवक्रंतियमणुस्साणं. किं संखिज्जवासाउयकम्मभूमियगब्भवक्कंतियमणुस्साणं, असंखिज्जवासाउयकम्मभूमिय-गञ्भवकंतियमणुस्साणं ? गोयमा ! संखेजजासाउयकम्मभूमियगञ्भवकंतियमणुस्साणं . नो असंखेजवासाउयकम्मभूमियगब्भवकंतियमणुस्साणं । जइ संखेजवासाउयकम्म-भूमियगब्भवक्वंतियमणुस्साणं, किं पज्जतगसंखेजवासाउयकस्मभूमियगब्भवक्वंतियमणु-स्साणं, अपज्जतगसंखेजवासाउयकम्मभूमियगब्भवकंतियमणुस्साणं ? गोयमा ! पज्जत-गसंखेजवासाउयकम्मभूमियगब्भवकंतियमणुरसाणं, नो अपजत्तगसंखेजवासाउयक-म्मभूमियगब्भवक्वंतियमणुस्साणं । जइ पज्जत्तगसंखेज्जवासाउयकम्मभूमियगब्भवक्वंति-यमणुरसाणं, किं सम्महिद्रिपजन्तगसंखेजवासाउयकम्मभूमियगब्भवकंतियमणुरसाणं, मिच्छिहिद्रिपज्जत्तगसंखेज्जवासाउयकम्मभूमियगब्भवकंतियमणुस्साणं, सम्मामिच्छिद्दि-द्रिपज्जत्तगसंखेजवासाउयकम्मभूमियगञ्भवकंतियमणुस्साणं ? गोयमा! सम्मदिद्वि-पजातगसंखेजवासाउयकम्मभूमियगब्भवक्षंतियमणुरुसाणं, नो मिच्छिद्दिद्विपजात्तग-संखेजवासाउयकम्मभूमियगब्भवकंतियमणुस्साणं, नो सम्मामिच्छिद्दिद्विपजत्तग-संखेजजासाज्यकम्मभूमियगच्भवकंतियमणुरसाणं, जइ सम्मदिद्विपजत्तगसंखेज-वासाउयकम्मभूमियगब्भवक्षंतियमणुस्साणं, किं संजयसम्मदिद्विपज्जतगसंखेजवासा-उयकम्मभूमियगब्भवक्वंतियम्णुस्साणं. असंजयसम्मदिद्विपज्जत्तगसंखेजवासाउय-कम्मभूमियगब्भवक्षंतियमणुस्साणं, संजयासंजयसम्महिद्विपज्जत्तगसंखेजवासाउय-कम्मभूमियगब्भवकंतियमणुस्साणं ? गोयमा ! संजयसम्महिद्विपज्जत्तगसंखेजवासा-उयकम्मभूमियगब्भवक्कंतियमणुस्साणं, नो असंजयसम्महिद्रिपज्जत्तगसंखेजवासाउय-कम्मभूमियगञ्भवक्षंतियमणुस्साणं, नो संजयासंजयसम्महिद्विपज्जत्तगसंखेजजवासा-उयकम्मभूमियगब्भवक्षंतियमणुस्साणं । जइ संजयसम्महिद्रिपज्जत्तगसंखेजवासाउय-

कम्मभूमियगब्भवकंतियम्णुस्साणं, किं पमत्तसंजयसम्महिद्रिपज्जत्तगसंखेजवासाउय-कम्मभूमियगब्भवकंतियमणुरसाणं, अपमत्तसंजयसम्मिद्दिष्टिपज्जत्तगसंखेजवासाउय-कम्मभृमियगव्भवकंतियमणुस्साणं १ गोयमा ! अपमत्तसंजयसम्महिद्रिपज्जतगसंखेज-वासाउयकम्मभूमियगञ्भवकंतियमणुरुसाणं, नो पमत्तसंजयसम्महिद्रिपज्जतगसंखेज-वासाउयकम्मभूमियगब्भवक्षंतियमणुस्साणं । जइ अपमत्तसंजयसम्मद्विद्विपज्जत्तग-संखेजवासाउयकम्मभूमियगब्भवकंतियमणस्साणं. कि उन्नीपत्तअपमत्तसंजयसम्महिद्रि-पजन्तगसंखेजवासाउयकम्मभूमियगब्भवकंतियमणस्याणं. अणिङ्रीपत्तअपमत्तसंजय-सम्महिद्रिपज्जत्तगसंखेजवासाउयकम्मभियगब्भवक्वंतियमणस्साणं ? गोयमा ! इडी-पत्तअपमत्तसंजयसम्मिद्दिपज्जत्तगसंखेजवासाउयकम्मभूमियगब्भवकंतियमणुरुसाणं, नो अणिङ्गीपत्तअपमत्तसंजयसम्महिद्रिपज्जतगसंखेजवासाउयकम्मभूमियगब्भवक्षंतिय-मणुस्साणं मणपज्जवनाणं समुप्पज्जइ ॥ १७ ॥ तं च द्विहं उपपज्जइ, तंजहा-उज्जमई य विउलमई य. तं समासओ चडिवहं पन्नतं, तंजहा-दव्वओ, खित्तओ, कालओ, भावओ । तत्थ दव्वओ णं उज्जुमई अणंते अणंतपएसिए खंघे जाणइ पासइ. ते चेव विजलमई अब्भहियतराए विजलतराए विसुद्धतराए वितिमिरतराए जाणह पासइ। खित्तओ णं उज्जमई य जहन्नेणं अंगुरुस्त असंखेजयभागं, उक्कोसेणं अहे जाव इमीसे रयणप्पभाए पुढवीए उवारेमहेद्विल खुडगपयरे, उन्हं जाव जोइसस्स उवरिमतले, तिरियं जाव अंतोमणुस्सिखेते अङ्गाइजेस दीवसमुद्देस पन्नरसस् कम्म-भूमिस तीसाए अकम्मभूमिस छप्पन्नाए अंतरदीवगेस सन्निपंचंदियाणं पजन्नयाणं मणोगए भावे जाणइ पासइ. तं चेव विडलमई अन्नाइजेहिमंगुलेहिं अन्भहियतरं विरुठतरं विमुद्धतरं वितिमिरतरागं खेतं जाणइ पासइ । कालओं ण रजुमई जहन्नेणं परिओवमस्य असंखिजयभागं उद्घोसेणवि परिओवमस्स असंखिजयभागं अडेयमणागर्यं वा कालं जाणइ पासइ, तं चेव विडलमई अब्भहियतरागं विडल-तरागं विसुद्धतरागं वितिमिरतरागं जाणइ पासड । भावओ णं उज्जमई अणंत भावे जाणद पासइ, सञ्बनावाणं अणंतमागं जाणड पासइ, तं चेव विउलमई अब्महिय-तरागं विउठतरागं विसद्धतरागं वितिमिरतरागं जाणइ पासइ । मणपज्जवनाणं पुण, जणमणपरिचितियत्थपागडणं । माणुसखित्तिनवद्धं, गुणपचडयं चरित्तवओ ॥ ६५ ॥ सेतं मणपज्जवनाणं ॥ १८ ॥ सं कि तं केवलनाणं ? केवलनाणं दुविहं पन्ननं, तंजहा-भवत्थकेवलनाणं च सिद्धकेवलनाणं च । से किं तं भवत्थकेवलनाणं ? भवत्थकेवलनाणं दुविहं पण्णत्तं, तंजहा-सजोगिभवत्थकेवलनाणं च अजोगिभवत्थ-केवलनाणं च । से कि तं सजोगिमवत्थकेवलनाणं ? सजोगिमवत्थकेवलनाणं दुधिहं पण्णत्तं. तंजहा—पढमसमयसजोगिभवत्थकेवलनाणं च अपडमसमयसजोगिभवत्थ-केवलनाणं च, अहवा चरमसमयसजोगिभवत्थकेवलनाणं च अचरमसमयसजोगि-भवत्थकेवलनाणं च. सेत्तं सजोगिभवत्थकेवलनाणं । से किं तं अजोगिभवत्थ-केवलनाणं ? अजोगिभवत्थकेवलनाणं दविहं पन्नत्तं, तंजहा-पदमसमयअजोगिभव-त्थकेवलनाणं च अपढमसमयअजोगिभवत्थकेवलनाणं च. अहवा चरमसमयअजोगि-भवत्थकेवलनाणं च अचरमसमयअजोगिभवत्थकेवलनाणं च. सेत्तं अजोगिभवत्थ-केवलनाणं, सेत्तं भवत्थकेवलनाणं ॥ १९ ॥ से किं तं सिद्धकेवलनाणं ? सिद्ध-केवलनाणं दुविहं पण्णत्तं. तंजहा-अणंतरसिद्धकेवलनाणं च परंपरसिद्धकेवलनाणं च ॥ २०॥ से किं तं अणंतरसिद्धकेवलनाणं ? अणंतरसिद्धकेवलनाणं पन्नरसिद्धहे पण्णत्तं, तंजहा-तित्थसिद्धा १ अतित्थसिद्धा २ तित्थयरसिद्धा ३ अतित्थयरसिद्धा ४ सयंब्रुद्धसिद्धा ५ पत्तेयब्रुद्धसिद्धा ६ ब्रुद्धबोहियसिद्धा ७ इत्थिलिंगसिद्धा ८ पुरि-सिंठंगसिद्धा ९ नपुंसगिंठंगसिद्धा १० सिंठंगसिद्धा ११ अन्निलेंगसिद्धा १२ गिहि-लिंगसिद्धा १३ एगसिद्धा १४ अणेगसिद्धा १५, सेत्तं अणंतरसिद्धकेवलनाणं। से किं तं परंपरसिद्धकेवलनाणं ? परंपरसिद्धकेवलनाणं अणेगविहं पण्णत्तं. तंजहा-अपढ-मसमयसिद्धा, दुसमयसिद्धा, तिसमयसिद्धा, चडसमयसिद्धा जाव दससमयसिद्धा, संखिज्जसमयसिद्धा, असंखिज्जसमयसिद्धा, अणंतसमयसिद्धा, सेत्तं परंपरसिद्धकेवल-नाणं । सेत्तं सिद्धकेवलनाणं ॥ २१ ॥ तं समासओ चडव्विहं पण्णत्तं, तंजहा-दव्यओ, खित्तओ, कालओ, भावओ । तत्थ दव्यओ णं केवलनाणी सव्वदव्याइं जाणइ पासइ। खित्तओ णं केवलनाणी सव्वं खित्तं जाणइ पासइ। कालओ णं केवल-नाणी सन्वं कालं जाणइ पासइ। भावओं णं केवलनाणी सन्वे भावे जाणइ पासइ। अह सव्वदव्यपरिणाम–,भावविण्णत्तिकारणमणंतं । सासयमप्पिडवाई, एगविहं केवरुं नाणं ॥ ६६ ॥ २२ ॥ केवलनाणेणऽत्थे. नाउं जे तत्थ पण्णवणजोगे । ते भासड तित्थयरो, वइजोगसुयं हवइ सेसं ॥ ६७ ॥ सेत्तं केवलनाणं । सेत्तं नोइंदियपचक्खं । सेत्तं पचक्खनाणं ॥ २३ ॥ से किं तं परोक्खनाणं ? परोक्खनाणं दुविहं पन्नत्तं. तंजहा-आभिणिबोहियनाणपरोक्खं च सुयनाणपरोक्खं च, जत्थ आभिणिवोहि-यनाणं तत्थ सुयनाणं, जत्थ सुयनाणं तत्थाभिणिबोहियनाणं, दोऽवि एयाइं अण्ण-मण्णमणुगयाइं, तहवि पुण इत्थ आयरिया नाणत्तं पण्णवयंति-अभिनिसुज्झहत्ति आभिणिबोहियनाणं, सुणेइत्ति सुयं, मद्दपुव्वं जेण सुयं, न मई सुयपुव्विया ॥ २४ ॥ अविसेसिया मई-मइनाणं च मइअन्नाणं च । विसेसिया-सम्महिद्विस्स मई मइनाणं, मिच्छिद्दिहिस्स मई मइअञ्चाणं । अविसेसियं सुयं-सुयनाणं च सुयअञ्चाणं च । विसे-

सियं सुयं-सम्मिद्दिह्स सुयं सुयनाणं, मिच्छिद्दिह्स सुयं सुयअन्नाणं ॥ २५ ॥ से किं तं आभिणिवोहियनाणं ? आभिणिवोहियनाणं दुविहं पण्णत्तं, तंजहा-सुयनिस्सियं च. अस्स्यिनिस्सियं च। से किं तं अस्स्यिनिस्सियं ? अस्स्यिनिस्सियं चडिवहं पण्णत्तं. तंजहा-उप्पत्तिया १ वेणइया २, कम्मया ३, परिणामिया ४ । ब्रद्धी चडव्विहा वृत्ता, पंचमा नोवलन्भइ॥ ६८॥ २६॥ पुव्वमदिद्वमस्युय-,मवेइयतक्खणविसुद्धगहियत्था। अव्वाहयफळजोगा, बुद्धी उप्पत्तिया नाम ॥ ६९ ॥ भरहसिल १ मिंढ २ कुकुड ३, तिल ४ वालुय ५ हृत्थि ६ अगड ७ वणसंडे ८ । पायस ९ अइया १० पत्ते ११, खाडहिला १२ पंच पियरो य १३॥ ७०॥ भरहसिल १ पणिय २ रुक्खे ३, खुडूग ४ पड ५ सरड ६ काय ७ उचारे ८। गय ९ घयण १० गोल ११ खंभे १२, खुडूग १३ मग्गि १४ तथ १५ पइ १६ पुत्ते १७ ॥ ७१ ॥ महुसित्थ १८ मुद्दि १९ अंके २०, य नाणए २१ भिक्ख २२ चेडगनिहाणे २३। सिक्ला २४ य अत्थसत्ये २५, इतथी य महं २६ सयसहस्से २७ ॥ ७२ ॥ भर-नित्थरणसमत्था, तिवग्गसत्तत्थगहियपेयाला । उभओ-लोगफलवई, विणयसमृत्था हुवड़ बुद्धी ॥ ७३ ॥ निमित्ते १ अत्थसतथे य २, लेहे ३ गणिए ४ य कूव ५ अस्से ६ य। गद्दम ७ लक्खण ८ गंठी ९, अगए १० रहिए ११ य गणिया १२ य ॥ ७४ ॥ सीया साढी दीहं, च तणं अवसव्वयं च कुंचस्स १३ । निव्वोदए १४ य गोणे, घोडगपडणं च स्क्खाओ १५॥ ७५॥ उवओगदिद्वसारा, कम्मपसंगपरि-घोलणविसाला । साहुक्कारफलवई, कम्मसमुत्था हवइ बुद्धी ॥ ७६ ॥ हेरण्णिए १ करिसए २, कोलिय ३ डोवे ४ य मुत्ति ५ घय ६ पवए ७ । तुन्नाए ८ वष्ट्रइय ९, पृयद १० घड ११ चित्तकारे १२ य ॥ ७७ ॥ अणुमाणहेउदिद्वंतसाहिया, वर्याववा-गपरिणामा । हियनिस्सेयसफलवई, बुद्धी परिणामिया नाम ॥ ७८ ॥ अभए १ सिद्धि २ कुमारे ३, देवी ४ उदिओदए हवइ राया ५ । साहू य नंदिसेणे ६, धण-दसे ७ सावग ८ अमचे ९ ॥ ७९ ॥ खमए १० अमचपुत्ते ११, चाणके १२ चेव थूलमहे १३ य । नासिकसुंदरिनंद १४, वड्रे १५ परिणामिया बुद्धी ॥ ८० ॥ चलणाहण १६ आमंडे १७, मणी १८ य सप्पे १९ य खग्गि २० जाणिजा । परिणामियबुद्धीए, एवमाई उदाहरणा ॥ ८१ ॥ सेनं अस्सुयनिस्सियं ॥ से कि तं सुयनिस्सियं ? सुयनिस्सियं चड व्विहं पण्णतं, तंजहा-उम्महे १, ईहा २, अवाओं ३, थारणा ४ ॥ २७ ॥ से कि तं उग्गहे ? उग्गहे दुविहे पण्णते, तंजहा-अत्युग्गहे य वंजणुरमहे य ॥ २८ ॥ से किं तं वंजणुरमहे ? वंजणुरमहे चडव्विहे पण्णते, तंजहा-सोइंदियवंजणुरगहे, घाणिदियवंजणुरगहे, जिन्भिदियवंजणुरगहे, फार्सिदियवं-

जणुमाहे । सेत्तं वंजणुमाहे ॥ २९ ॥ से किं तं अत्युमाहे ? अत्युमाहे छिविहे पण्णत्ते, तंजहा-सोइंदियअत्युग्गहे, चिक्ंखिदियअत्युग्गहे, घाणिंदियअत्युग्गहे, जिविंभिदियअत्युग्गहे, फासिंदियअत्युग्गहे, नोइंदियअत्युग्गहे ॥ ३० ॥ तस्स णं इमे एगद्रिया नाणाघोसा नाणावंजणा पंच नामधिजा भवंति, तंजहा-ओगेण्हणया, उवधारणया, सवणया, अवलंबणया, मेहा । सेत्तं उग्गहे ॥ ३१ ॥ से किं तं ईहा ? ईहा छिव्वहा पण्णत्ता, तंजहा-सोइंदियईहा, चिंखिदियईहा, घाणिंदियईहा. जिबिंभदियईहा, फासिंदियईहा, नोइंदियईहा । तीसे णं इमे एगद्विया नाणाघोसा नाणावंजणा पंच नामधिजा भवंति. तंजहा-आभोगणया, मग्गणया, गवेसणया. चिंता, वीमंसा । सेत्तं ईहा ॥ ३२ ॥ से किं तं अवाए ? अवाए छिन्विहे पण्णत्ते, तंजहा-सोइंदियअवाए, चिंक्किदियअवाए, घाणिदियअवाए, जिन्भिदियअवाए. फासिंदियअवाए, नोइंदियअवाए । तस्स णं इमे एगडिया नाणाघोसा नाणावंजणा पंच नामधिजा भवन्ति, तंजहा-आउद्दणया, पञ्चाउद्दणया, अवाए, बुद्धी, विण्णाणे । सेत्तं अवाए ॥ ३३ ॥ से किं तं धारणा ? धारणा छिववहा पण्णता, तंजहा-सोइंदियधारणा, चिंक्किवियधारणा, घाणिंदियधारणा, जिन्भिदियधारणा, फासिंदि-यधारणा, नोइंदियधारणा । तीसे णं इमे एगद्विया नाणाघोसा नाणावंजणा पंच नामधिजा भवंति, तंजहा-धारणा, साधारणा, ठवणा, पइहा, कोहे। सेनं धारणा ॥ ३४ ॥ उग्गहे इकसमइए, अंतोमुहुत्तिया ईहा, अंतोमुहुत्तिए अवाए, धारणा संखेजं वा कालं असंखेजं वा कालं ॥ ३५ ॥ एवं अट्टावीसइविहस्स आभिणियो-हियनाणस्स वंजणुग्गहस्स परूवणं करिस्सामि पिडवोहगदिद्वंतेणं, मल्लगदिद्वंतेण य । से किं तं पडिबोहगदिद्वंतेणं ? पडिवोहगदिद्वंतेणं से जहानामए केइ पुरिसे कंचि पुरिसं सुत्तं पिडवोहिजा, असुगा असुगत्ति, तत्थ चोयगे पन्नवयं एवं वयासी-किं एगसमयपविद्वा पुग्गला गहणमागच्छंति ? दुसमयपविद्वा पुग्गला गहणमागच्छंति जाव दससमयपविद्वा पुग्गला गहणमागच्छंति ? संखिज्जसमयपविद्रा पुग्गला गहणमागच्छंति ? असंखिजसमयपविद्वा पुग्गला गहणमागच्छंति ?, एवं वयंतं चोयगं पण्णवए एवं वयासी-नो एगसमयपविद्वा पुग्गला गहणमागच्छंति, नो दुस-मयपविद्वा पुग्गला गहणमागच्छंति जाव नो दससमयपविद्वा पुग्गला गहणमागच्छंति, नो संखिजसमयपविद्वा पुग्गला गहणमागच्छंति, असंखिजसमयपविद्वा पुग्गला गहणमागच्छंति, सेत्तं पिडवोहगदिइंतेणं । से किं तं मल्लगदिइंतेणं ? मल्लगदिइंतेणं से जहानामए केइ पुरिसे आवागसीसाओ मह्नगं गहाय तत्थेगं उदगविंदुं पक्खे-विजा, से नहे, अण्णेऽवि पिक्खत्ते, सेऽवि नहे, एवं पिक्खप्पमाणेसु पिक्खप्पमाणेसु

होही से उदगविंदू जे णं तं महनां रावेहिइत्ति, होही से उदगविंदू जे णं तिंस मऋगंसि ठाहिइ, होही से उदगविंदू जेणं तं मछगं भरिहिइ, होही से उदगविंद् जेणं तं महर्गं पवाहेहिइ, एवामेव पिक्खप्पमाणेहिं पिक्खप्पमाणेहिं अणंतेहिं पुग्गलेहिं जाहे तं वंजणं पूरियं होइ ताहे हुंति करेड, नो चेव णं जाणइ के वेस सहाइ? तओ ईहं पविसइ, तओ जाणइ अमुगे एस सहाइ; तओ अवायं पविसइ, तओ से उवगयं हवइ; तओ धारणं पविसइ, तओ णं धारेइ संखिजं वा कालं असंखिजं वा कालं। से जहानामए केइ पुरिसे अव्वत्तं सद्दं सुणिजा, तेणं सद्दोत्ति उग्गहिए, नो चेव णं जाणइ के वेस सद्दाइ; तओ ईहं पविसइ, तओ जाणइ अमुगे एस सद्दे; तओ अवायं पविसड्, तओ से उवगयं हवड्; तओ धारणं पविसइ, तओ णं धारेइ संखेजं वा कालं असंखेजं वा कालं। से जहानामए केइ पुरिसे अव्वत्तं रूवं पासिजा, तेणं रूवित उग्गहिए, नो चेव णं जाणड़ के वेस स्वित्तः; तओ ईहं पविसद्, तओ जाणइ अमुगे एस स्वे; तओ अवायं पविसइ, तओ से उवगर्य हवइ; तओ घारणं पविसइ, तओ णं घारेइ संखेजं वा कालं असंखेजं वा कालं । से जहानामए केइ पुरिसे अव्वत्तं गंधं अग्वाइजा, तेणं गंधत्ति उग्गहिए, नो चेव णं जाणड के वेस गंधित्ति; तओ ईहं पविसड, तओ जाणड अमुगे एस गंधे; तओ अवायं पविसइ, तओ से उवगयं हवइ; तओ घारणं पविसइ, तओ गं धारेड संखेजं वा कालं असंखेजं वा कालं। से जहानामए केड प्रिरेसे अव्वत्तं रसं आसाइजा, तेणं रसोत्ति उग्गहिए, नो चेव णं जाणइ के वेस रसेत्ति; तओ ईहं पविसद, तओ जाणड अमुगे एस रसे; तओ अवायं पविसद, तओ से उवगयं हवड़; तओ धारणं पविसइ, तओ णं धारेइ संखिजं वा काळं असंखिजं वा काळं। से जहानामए केइ पुरिसे अव्वतं फासं पिंडसंबेइजा, तेणं फासेति उग्गहिए, नो चेव णं जाणड के वेस फासओत्ति: तओ ईहं पथिसड तओ जाणड असरो एस फासे: तओं अत्रायं पविसङ्, तओं से उवगयं हवड़: तओ धारणं पविसङ्, तओं णं धारेड् संखेजं वा कालं असंखेजं वा कालं । से जहानामए केंद्र पुरिसे अञ्चतं सुमिणं पासिजा, तेणं सुमिणेति उग्गहिए, नो चंव णं जाणइ के वेस सुमिणितिः तओ ईहं पविसइ, तओ जाणइ असुगे एस सुमिणे; तओ अवायं पविसइ, तओ से उवगयं हवडः तओ धारणं पविसङ, तओ णं धारेड संखेजं वा कालं असंखेजं वा कालं । सेतं मछगदिष्टंतेणं ॥ ३६ ॥ तं समासओ चडव्यिहं पण्यतं, तंजहा-द्व्यओ, खित्तओ, कालओ, भावओ । तत्थ द्व्वओ णं आभिणियोहियनाणी आएसेणं सव्वाई द्व्वारं जाणइ, न पासइ । खेत्तओ णं आभिणिबोहियनाणी आएसेणं सव्वं खेत्तं

जाणइ. न पासइ। कालओ णं आभिणिबोहियनाणी आएसेणं सन्त्रं कालं जाणइ. न पासइ । भावओ णं आभिणिबोहियनाणी आएसेणं सन्वे भावे जाणइ, न पासइ । उगगह ईहाऽवाओ, य धारणा एव हंति चत्तारि । आभिणिवोहियनाणस्स. भेय-वत्थु समासेणं ॥ ८२ ॥ अतथाणं उग्गहणम्मि उग्गहो, तह वियालणे ईहा । ववसा-यम्मि अवाओ, घरणं पुण धारणं बिंति ॥ ८३ ॥ उग्गह इक्कं समयं, ईहावाया महत्तमद्भं तु । कालमसंखं संखं, च धारणा होइ नायव्या ॥ ८४ ॥ पुट्ठं सुणेइ सई, रूवं पुण पासइ अपुट्टं तु । गंधं रसं च फासं च, वद्धपुट्टं वियागरे ॥ ८५ ॥ भासासममेढीओ, सहं जं सुणइ मीसियं सुणइ। वीसेढी पुण सहं, सुणेइ नियमा पराघाए ॥ ८६ ॥ ईहा अपोह वीमंसा, मग्गणा य गवेसणा । सन्ना सई मई पन्ना, सव्वं आभिणिबोहियं ॥ ८७ ॥ सेत्तं आभिणिबोहियनाणपरोक्खं [सेत्तं मइनाणं] ॥ ३०॥ से किं तं स्यनाणपरोक्खं ? स्यनाणपरोक्खं चोद्दसविहं पण्णत्तं, तंजहा-अक्खरस्यं १, अणक्खरसुयं २, सिणासुयं ३, असिणासुयं ४, सम्मसुयं ५, मिच्छसुयं ६, साइयं ७, अणाइयं ८. सपज्जवसियं ९. अपज्जवसियं १०. गमियं ११. अगमियं १२, अंगप-विद्रं १३. अणंगपविद्रं १४॥ ३८॥ से किं तं अक्खरसुयं १ अक्खरसुयं तिविहं पण्णत्तं. तंजहा–सन्नक्खरं, वंजणक्खरं, लद्धिअक्खरं। से किंतं सन्नक्खरं ? सन्नक्खरं अक्ख-रस्स संठाणागिई. सेत्तं सन्नक्खरं । से किं तं वंजणक्खरं ? वंजणक्खरं अकखरस्स वंजणाभिलावो, सेत्तं वंजणक्खरं । से किं तं लिद्धअक्खरं ? लिद्धअक्खरं अक्खर-लद्भियस्स लद्भिअक्खरं समुप्पजाइ. तंजहा-सोइंदियलद्भिअक्खरं. चिक्खिदियल-द्धिअक्खरं, घाणिंदियलद्धिअक्खरं, रसणिंदियलद्धिअक्खरं, फासिंदियलद्धिअक्खरं, नोइंदियलद्धिअक्खरं, सेत्तं लद्धिअक्खरं। सेत्तं अक्खरसुयं।। से किं तं अणक्खरसुयं १ अणक्खरसुयं अणेगविहं पण्णत्तं, तंजहा-ऊसिसयं नीसिसयं, निच्छूढं खासियं च छीयं च । निस्सिवियमणसारं, अणक्खरं छेलियाईयं ॥ ८८ ॥ सेत्तं अणक्खरसयं ॥ ३९ ॥ से किं तं सण्णिसुयं ? सण्णिसुयं तिविहं पण्णत्तं, तंजहा-कालिओव-एसेणं, हेऊवएसेणं, दिद्रिवाओवएसेणं । से किं तं कालिओवएसेणं ? कालिओवएसेणं जस्स णं अत्थि ईहा, अवोहो, मग्गणा, गवेसणा, चिंता, वीमंसा, से णं सण्णीति रुब्भइ, जस्स णं नित्थ ईहा, अवोहो, मग्गणा, गवेसणा, चिंता, वीमंसा, से णं असण्णीति लब्भइ, सेत्तं कालिओवएसेणं । से किं तं हेऊवएसेणं ? हेऊवएसेणं जस्स णं अत्थि अभिसंधारणपु विवया करणसत्ती से णं सण्णीति लब्भइ, जरूस णं निर्थ

⁹ **पाढंतरगाहा**-अत्याणं उग्गहणं, च उग्गहं तह वियालणं ईहं। ववसायं च अवायं, घरणं पुण धारणं बिंति ॥ ९ ॥

अभिसंधारणपुव्विया करणसत्ती से णं असण्णीति लब्भइ. सेत्तं हेऊवएसेणं। से किं तं दिद्विवाओवएसेणं ? दिद्विवाओवएसेणं सण्णिसुयस्स खओवसमेणं सण्णी लब्भइ, असण्णिसुयस्स खओवसमेणं असण्णी लब्भइ, सेत्तं दिद्विवाओवएसेणं । सेत्तं सण्णिसुयं । सेतं अस्णिणसुयं ॥ ४० ॥ से किं तं सम्मसुयं १ सम्मसुयं जं इमं अरहंतेहिं भगवंतेहिं उपपण्णनाणदंसणधरेहिं तेल्कानिरिक्लियमहियपृइएहिं तीयप-द्धप्पणमणागयजाणएहिं सन्वण्णूहिं सन्वदिस्तिहिं पणीयं द्वालसंगं गणिपिडगं, तंजहा-आयारो १ सयगडो २ ठाणं ३ समवाओ ४ विवाहपण्णत्ती ५ नायाध-म्मकहाओ ६ उवासगदसाओ ७ अंतगडदसाओ ८ अणुत्तरोववाइयदसाओ ९ पण्हावागरणाइं १० विवागसुयं ११ दिद्विवाओ १२, इचेयं दुवालसंगं गणिपिडगं चोद्दसपुव्विस्स सम्मसुयं, अभिण्णदसपुव्विस्स सम्मसुयं, तेण परं भिण्णेसु भयणा, सेत्तं सम्मसुयं ॥ ४९ ॥ से किं तं मिच्छासुयं ? मिच्छासुयं जं इमं अण्णाणिएहिं मिच्छादिद्विएहिं सच्छंदबुद्धिमइविगप्पियं, तंजहा-भारहं, रामायणं, भीमासुरुक्खं, कोडिल्लयं, सगडभिद्याओ, खोड(घोडग)मुहं, कप्पासियं, नागसुहमं, कणगसत्तरी, वदसेसियं, बुद्धवयणं, तेरासियं, काविलियं, लोगाययं, सद्दितंतं, माढरं, पुराणं, वागरणं, भागवयं, पायंजली, पुस्सदेवयं, लेहं, गणियं, सउणस्यं, नाडयाइं, अहवा वावत्तरिकलाओ. चत्तारि य वेया संगोवंगा. एयाई मिच्छदिद्विस्स मिच्छत्तपरिगग-हियाइं मिन्छासुर्यं, एयाइं चेव सम्मदिद्रिस्स सम्मत्तपरिग्गहियाइं सम्मसुर्यं, अहवा-मिन्छादिद्विस्सवि एयाइं चेव सम्मसुयं. क्रम्हा ? सम्मत्तहेउत्तणओ जम्हा ते मिन्छा-दिद्विया तेहिं चेव समएहिं चोइया समाणा केइ सपक्खदिद्रीओ चयंति, सेत्तं मिच्छासूर्य ॥ ४२ ॥ से किं तं साइयं सपज्जवसियं, अणाइयं अपज्जवसियं च ? इचेइयं द्वालसंगं गणिपिडगं वृच्छित्तिनयद्वयाए साइयं सपज्जवसियं, अबुच्छित्ति-नयद्वयाए अणाइयं अपज्जवसियं, तं समासओ चडव्विहं पण्णत्तं, तंजहा-दव्वओ खित्तओ कालओ भावओ. तत्थ दव्यओं णं सम्मसुयं एगं पुरिसं पद्मच साइयं सपजनसियं, बहुवे पुरिसे य पड़च अणाड्यं अपजनसियं, खेत्तओ णं पंच भरहाइं पंचेरवयाई पडुच साइयं सपज्जवसियं, पंच महाविदेहाई पटुच अणाइयं अपज्जवसियं. कालओं णं उस्मिष्पिणि ओसप्पिणि च पडच साइयं सपज्जवसियं, नोउस्सिष्पिणि नोओसप्पिणि च पडुच अणाइयं अपज्जवसियं, भावओ णं जे जया जिणपजता भावा आघविजंति, पत्रविजंति, पर्यवजंति, दंसिजंति, निदंसिजंति, उत्रदंसिजंति, ते तथा भावे पहुच माइयं सपज्जवसियं, खाओवसमियं पुण भावं पहुच अणाइयं अपज्जवसियं, अहवा भवसिद्धियस्स सुयं साइयं सपज्जवसियं च, अभवसिद्धियस्म ६८ मता०

सयं अणाइयं अपज्जवसियं च. सन्वागासपएसागं सन्वागासपएसेहिं अणंतगुणियं पज्जवक्खरं निष्फज्जइ, सन्वजीवाणंपि य णं अक्खरस्स अणंतभागो निच्चग्वाडिओ जइ पण सोऽवि आवरिजा तेणं जीवो अजीवत्तं पाविजा,-''सुहवि मेहससुदए, होइ पमा चंदसराणं'' सेत्तं साइयं सपज्जवसियं, सेत्तं अणाइयं अपज्जवसियं ॥ ४३ ॥ से किं तं गिमयं ? गिमयं दिट्टिवाओ, से किं तं अगिमयं ? अगिमयं कालियं सुयं. सेत्तं गमियं, सेत्तं अगमियं । अहवा तं समासओ दुविहं पण्णत्तं, तंजहा-अंगपविद्वं, अंगबाहिरं च । से किं तं अंगबाहिरं ? अंगबाहिरं दुविहं पण्णत्तं, तंजहा-आवस्सयं च, आवस्सयवइरित्तं च। से किं तं आवस्सयं? आवस्सयं छिव्वहं पण्णत्तं. तंजहा-सामाइय, चउवीसत्थओ, वंदणयं, पिडक्कमणं, काउस्सग्गो, पचक्खाणं; सेत्तं आव-स्सयं। से किं तं आवस्सयवइरित्तं ? आवस्सयवइरित्तं दुविहं पण्णत्तं, तंजहः(-कालियं च उक्कालियं च । से किं तं उक्कालियं ? २ अणेगविहं पण्णत्तं, तंजहा-दसवेयालियं, कप्पियाकप्पियं, चुल्लकप्पसुयं, महाकप्पसुयं, उववाइयं, रायपसेणियं, जीवाभिगमो. पण्णवणा, महापण्णवणा, पमायप्पमायं, नंदी, अणुओगदाराइं, देविंदत्थओ, तंदुल-वेयालियं, चंदाविज्झयं, सरपण्णती, पोरिसिमण्डलं, मण्डलपवेसो, विज्ञाचरणविणि-च्छओ, गणिविज्जा, झाणविभत्ती, मरणविभत्ती, आयविसोही, वीयरागसुयं, संलेहणा-सुयं, विहारकप्पो, चरणविही, आउरपचक्खाणं, महापचक्खाणं, एवमाइ; सेत्तं उकालियं। से किंतं कालियं? कालियं अणेगविहं पण्णतं, तंजहा-उत्तरज्झयणाइं, दसाओ, कप्पो, ववहारो, निसीहं, महानिसीहं, इसिभासियाइं, जम्बूदीवपन्ननी, दीवसागरपन्नती, चंदपन्नती, खुड्डिया-विमाणपविभत्ती, महस्रिया-विमाणपविभत्ती, अंगचूलिया, वग्गचूलिया, विवाहचूलिया, अरुणोववाए, वरुणोववाए, गरूलोववाए, धरणोववाए, वेसमणोववाए, वेलंधरोववाए, देविंदोववाए, उट्टाणसुए, समुद्राणसुए, नागपरियावलियाओ, निर्यावलियाओ, कप्पियाओ, कप्पविंसियाओ, पुष्पियाओ, पुप्फचूलियाओ, वण्हीदसाओ, आसीविसभावणाणं, दिद्विवसभावणाणं, सुमिणभाव-णाणं. महासमिणभावणाणं, तेयग्गिनिसग्गाणं, एवमाइयाइं चउरासीइं पइन्नगसह-स्साइं भगवओ अरहओ उसहसामिस्स आइतित्थयरस्स, तहा संखिजाइं पइन्नगसह-स्साइं मज्झिमगाणं जिणवराणं, चोद्दस-पङ्चगसहस्साइं भगवओ वद्धमाणसामिस्स. अहवा जस्स जत्तिया सीसा उप्पत्तियाए वेणइयाए कम्मयाए पारिणामियाए चउ व्विहाए ब्रद्धीए उववेया तस्स तत्तियाई पङ्ण्णगसहस्साई, पत्तेयवुद्धावि तत्तिया चेव, सेत्तं कालियं, सेत्तं आवस्सयवइरित्तं, सेत्तं अणंगपविद्वं ॥ ४४ ॥ से कि तं अंगपविद्वं ? अंगपविद्वं दुवालसविद्वं पण्णत्तं, तंजहा-आयारो १. सयगडो २.

ठाणं ३, समवाओ ४, विवाहपन्नत्ती ५, नायाधम्मकहाओ ६, उवासगदसाओ ७, अंतगडदसाओ ८, अणुत्तरोववाइयदसाओ ९, पण्हावागरणाइं १०, विवागसुयं ११, दिद्विवाओ १२॥ ४५॥ से किं तं आयारे ? आयारे णं समणाणं निग्गंथाणं आयारगोयरविणयवेणइयसिक्खाभासाअभासाचरणकरणजायामायावित्तीओ आघवि-जंति, से समासओ पंचिवहे पण्णत्ते, तंजहा-नाणायारे, दंसणायारे, चरित्तायारे, तवायारे, वीरियायारे, आयारे णं परित्ता वायणा, संखेजा अणुओगदारा, संखेजा वेटा, संखेजा सिलोगा, संखिजाओ निजुत्तीओ, संखिजाओ संगहणीओ, संखि-जाओ पडिवत्तीओ, से णं अंगद्वयाए पढमे अंगे, दो सुयक्खंघा, पणवीसं अज्झ-यणा, पंचासीइ उद्देसणकाला, पंचासीइ समुद्देसणकाला, अद्वारस पयसहस्साई पयग्गेणं, संखिजा अक्खरा, अणंता गमा, अणंता पज्जवा, परित्ता तसा, अणंता थावरा, सासयकडनिवद्धनिकाइया जिणपण्णत्ता भावा आघविजाति, पन्नविजाति, परूविजंति, दंसिजंति, निदंसिजंति, उवदंसिजंति, से एवं आया, एवं नाया, एवं विण्णाया, एवं चरणकरणपस्वणा आघविजाइ, सेत्तं आयारे १ ॥ ४६ ॥ से किं तं स्यगडे १ स्यगडे णं लोए स्इ्जइ, अलोए स्इ्जइ, लोयालोए स्ट्र्जइ, जीवा स्ट्र्-जांति, अजीवा सृङ्जांति, जीवाजीवा सृङ्जांति, ससमए सृङ्जाङ, परसमए सृङ्जाङ, ससमयपरसमए स्ट्जइ, स्यगडे णं असीयस्स किरियावाइसयस्स, चडरासीईए अकिरियावाईणं, सत्तद्वीए अण्णाणियवाईणं, वत्तीसाए वेणइयवाईणं, तिण्हं तेसद्वाणं पासंडियसयाणं वृहं किचा ससमए ठाविजाइ, स्यगडे णं परित्ता वायणा, संखेजा अणुओगदारा, संखेजा वेडा, संखेजा सिलोगा, संखिजाओ निजुत्तीओ, संखि-जाओ संगहणीओ, संखिजाओ पडिवत्तीओ, से णं अंगद्वयाए बिइए अंगे, दो सुयक्रतंत्रा, तेवीसं अज्झयणा, तित्तीसं उद्देसणकाला, तित्तीसं समुद्देसणकाला, छत्तीसं पयसहस्साइं पयग्गेणं, संखिजा अक्खरा, अणंता गमा, अणंता पज्जवा, परित्ता तसा, अणंता थावरा, सासयकङनिवद्धनिकाइया जिणपण्णत्ता भावा आघ-विजंति, पन्नविजंति, पर्हावेजंति, दंसिजंति, निदंसिजंति, उवदंसिजंति, से एवं आया, एवं नाया, एवं विण्णाया, एवं चरणकरणपस्वणा आघविज्जइ, सेत्तं स्यगडे २ ॥ ४७ ॥ से कि तं ठाणे ? ठाणे णं जीवा ठाविज्जंति, अजीवा ठाविज्जंति, जीवाजीवा ठाविजाति, ससमए ठाविजाइ, परसमए ठाविजाइ, ससमयपरसमए ठाविजाइ, लोए ठाविजाइ, अलोए ठाविजाइ, लोयालोए ठाविजाइ। ठाणे णं टंका, कूडा, सेळा, सिहरिणो, पञ्भारा, कुंडाई, गुहाओ, आगरा, दहा, नईओ, आघ-विजंति । ठाणे णं एगाइयाए एगुत्तरियाए बुद्धीए दसद्वाणगविवद्धियाणं भावाणं

परुवणा आघविजाइ । ठाणे णं परित्ता वायणा, संखेजा अणुओगदारा, संखेजा वेढा, संखेजा सिलोगा, संखेजाओ निजुत्तीओ, संखेजाओ संगहणीओ, संखेजाओ पडिवत्तीओ । से णं अंगद्वयाए तइए अंगे, एगे सुयक्खंघे, दस अज्झयणा, एगवीसं उद्देसणकाला, एकवीसं समुद्देसणकाला, बावत्तरि पयसहस्सा पयग्गेणं, संखेजा अक्खरा, अणंता गमा, अणंता पज्जवा, परित्ता तसा, अणंता थावरा, सासयकड-निबद्धनिकाइया जिणपण्णता भावा आघविजाति, पन्नविजाति, पस्विजाति, दंसिजाति, निदंसिजांति, उवदंसिजांति । से एवं आया, एवं नाया, एवं विण्णाया, एवं चरणक-रणपरूवणा आघविजाइ । सेत्तं ठाणे ३ ॥ ४८ ॥ से किं तं समवाए ? समवाए णं जीवा समासिजंति, अजीवा समासिजंति, जीवाजीवा समासिजंति, ससमए समा-सिजइ, परसमए समासिजइ, ससमयपरसमए समासिजइ, लोए समासिजइ, अलोए समासिज्जइ, लोयालोए समासिज्जइ। समवाए णं एगाइयाणं एगुत्तरियाणं ठाणसयविविष्ट्रियाणं भावाणं परूवणा आघविज्ञइ, दुवालसविहरूस य गणिपिङ-गस्स पळव[ग]गे समासिजाइ । समवायस्स णं परित्ता वायणा, संखिजा अणुओगदारा, संखिजा वेढा, संखिजा सिलोगा, संखिजाओ निज़्तीओ, संखिजाओ संगहणीओ, संखिजाओ पडिवत्तीओ । से णं अंगद्वयाए चउत्थे अंगे, एगे सुयक्खंघे, एगे अज्झयणे, एगे उद्देसणकाले, एगे समुद्देसणकाले, एगे चोयाले सयसहस्से पयग्गेणं, संखेजा अक्खरा, अणंता गमा, अणंता पज्जवा, परित्ता तसा, अणंता थावरा, सासयकडनिबद्धनिकाइया जिणपण्णता भावा आघविजंति, पन्नविजंति, पर्वविजंति, दंसिजंति, निदंसिजंति, उनदंसिजंति । से एवं आया, एवं नाया, एवं विण्णाया, एवं चरणकरणपरुवणा आघविजाइ। सेत्तं समवाए ४॥ ४९॥ से किं तं विवाहे? विवाहे णं जीवा वियाहि जंति, अजीवा वियाहि जंति, जीवाजीवा वियाहि जंति, ससमए वियाहिज्जइ, परसमए वियाहिज्जइ, ससमयपरसमए वियाहिज्जइ, छोए वियाहिजाइ, अलोए वियाहिजाइ, लोयालोए वियाहिजाइ, विवाहस्स णं परित्ता वायणा, संखिजा अणुओगदारा, संखिजा वेढा, संखिजा सिलोगा, संखिजाओ निजुत्तीओ, संखिजाओ संगहणीओ, संखिजाओ पडिवत्तीओ, से णं अंगड्याए पंचमे अंगे, एगे सुयक्खंघे, एगे साइरेगे अज्झयणसए, दस उद्देसगसहस्साइं, दस समुद्देसगसहस्साइं, छत्तीसं वागरणसहस्साइं, दो लक्खा अड्डासीइं पयसहस्साइं पयग्गेणं, संखिजा अक्खरा, अणंता गमा, अणंता पज्जवा, परिता तसा, अणंता थावरा, सासयकडनिबद्धनिकाइया जिणपण्णत्ता भावा आघविज्ञंति. पन्नविज्ञंति. परूविजाति, दंसिजाति, निदंसिजाति, उवदंसिजाति, से एवं आया, एवं नाया, एवं

विण्णाया, एवं चरणकरणपरूवणा आघविज्ञइ, सेत्तं विवाहे ५ ॥ ५० ॥ से किं तं नायाधम्मकहाओ ? नायाधम्मकहासु णं नायाणं नगराइं, उज्जाणाइं, समोसरणाइं, रायाणो, अम्मापियरो, धम्मायरिया, धम्मकहाओ, इहलोइयपरलोइया इङ्गिविसेसा, भोगपरिचाया, पव्यजाओ, परियाया, सुयपरिग्गहा, तवोवहाणाई, संलेहणाओ, भत्तपचक्खाणाइं, पाओवगमणाइं, देवलोगगमणाइं, सुकुलपचायाईओ, पुणवोहि-लाभा. अंतिकिरियाओ य आघविजाति, दस धम्मकहाणं वग्गा, तत्थ णं एगमेगाए धम्मकहाए पंच पंच अक्लाइयासयाइं, एगमेगाए अक्लाइयाए पंच पंच उवक्लाइ-यासयाई, एगमेगाए उवक्खाइयाए पंच पंच अक्खाइयउवक्खाइयासयाई, एवामेव सपुरुवावरेणं अद्भद्राओ कहाणगकोडीओ हवंतित्ति समक्खायं । नायाधम्मकहाणं परित्ता वायणा, संखिजा अणुओगदारा, संखिजा वेढा, संखिजा सिलोगा, संखिजाओ निज्तीओ, संखिजाओ संगहणीओ, संखिजाओ पडिवत्तीओ। से णं अंगद्रयाए छट्टे अंगे, दो सुयक्खंधा, एग्णवीसं अञ्झयणा, एग्णवीसं उद्देसण-काला, एग्णवीसं समुद्देसणकाला, संखेजा पयसहस्सा पयग्गेणं, संखेजा अक्खरा, अणंता गमा, अणंता पज्जवा, परित्ता तसा, अणंता थावरा, सासयकडनिवद्ध-निकाइया जिणपण्णता भावा आघविजांति, पन्नविजांति, पह्नविजांति, दंसिजांति, निदं-सिजंति, उवदंशिजंति । से एवं आया, एवं नाया, एवं विण्णाया, एवं चरणकरण-पस्त्रणा आघविजाइ । सेत्तं नायाधम्मकहाओ ६ ॥ ५१ ॥ से किं तं उवासगद-साओं ? उवासगदसासुणं समणोवासयाणं नगराइं, उज्जाणाइं, समोसरणाइं, रायाणो, अम्मापियरो, धम्मायरिया, धम्मकहाओ, इहलोइयपरलोइया इन्निविसेसा, भोगपरि-श्चाया, पव्यजाओ, परियागा, सुयपरिग्गहा, तवीवहाणाई, सीलव्ययगुणवेरमण-पचक्काणपोसहोववासपडिवज्जणया, पडिमाओ, उनसम्मा, संलेहणाओ, भक्तपच-क्लाणाइं, पाओवगमणाइं, देवलोगगमणाठं, सुकुलपचायाईओ, पुणबोहिलाभा, अंतिकिरियाओ य आघविजांति । उवासगदसाणं परिता वायणा, संखेजा अणुओ-गदारा, संखेजा वेटा, संखेजा सिलोगा, संखेजाओ निजनीओ, संखेजाओ संगद्दणीओ, संखेजाओ पडिवत्तीओ। से णं अंगद्वयाए सत्तमे अंगे, एगे नुय-क्लंघे, दस अज्झयणा, दस उद्देसणकाला, दस समुद्देसणकाला, संखेजा पय-सहस्या पयग्गेणं, संखेजा अक्लरा, अणंता गमा, अणंता पजवा, परिता तसा, अणंता थावरा,सासयकडनिबद्धनिकाड्या जिणपण्णता भावा आघविजांति. पश्चविजांति. परुविजाति, दंसिजाति, निदंसिजाति, उवदंसिजाति । से एवं आया, एवं नाया, एवं विण्णाया. एवं चरणकरणपस्त्रणा आधविज्ञह । सेतं उवासगदसाओ ७॥ ५२ ॥ से

किं तं अंतगडदसाओं ? अंतगडदसासु णं अंतगडाणं नगराइं, उज्जाणाइं, समोसर-णाई. रायाणो, अम्मापियरो, धम्मायरिया, धम्मकहाओ, इहलोइयपरलोइया इङ्कि-विसेसा, भोगपरिचागा, पव्वजाओ, परियागा, सुयपरिग्गहा, तवोवहाणाई, संलेह-णाओ. भत्तपचक्खाणाई, पाओवगमणाई, अंतिकरियाओ आघविजंति, अंतगडद-सासु णं परित्ता वायणा, संखेजा अणुओगदारा, संखेजा वेढा, संखेजा सिलोगा, संखेजाओ निज्तीओ, संखेजाओ संगहणीओ, संखेजाओ पडिवत्तीओ, से णं अंग-हुयाए अहुमे अंगे, एगे सुयक्खंघे, अहु वग्गा, अहु उद्देसणकाला, अहु समुद्देसण-काला. संखेजा पयसहस्सा पयग्गेणं, संखेजा अक्खरा, अणंता गमा, अणंता पज्जवा, परिता तसा, अणंता थावरा, सासयकडनिबद्धनिकाइया जिणपण्णत्ता भावा आघविजांति, पन्नविजांति, परुविजांति, दंसिजांति, निदंसिजांति, उवदंसिजांति, से एवं आया. एवं नाया, एवं विण्णाया, एवं चरणकरणपरूवणा आघविज्जइ, सेत्तं अंतगड-दसाओ ८॥ ५३॥ से किं तं अणुत्तरोववाइयदसाओ? अणुत्तरोववाइयदसास णं अणुत्तरोववाइयाणं नगराइं, उज्जाणाइं, समोसरणाइं, रायाणो, अम्मापियरो, धम्मा-यरिया, धम्मकहाओ, इहलोइयपरलोइया इष्ट्रिविसेसा, भोगपरिचागा, पव्वजाओ, परियागा, सुयपरिग्गहा, तवोवहाणाई, पडिमाओ, उवसग्गा, संलेहणाओ, भत्तप-चक्खाणाई, पाओवगमणाई, अणुत्तरोववाइयत्ति उववत्ती, सुकुलपचायाईओ, पुण-बोहिलामा, अंतिकरियाओ आधिवजाति, अणुत्तरोववाइयदसासु णं परिता वायणा, संखेजा अणुओगदारा, संखेजा वेढा, संखेजा सिलोगा, संखेजाओ निज्तीओ, संखेजाओ संगहणीओ, संखेजाओ पडिवत्तीओ, से णं अंगद्वयाए नवमे अंगे. एगे सुय-क्लंघे, तिन्नि वग्गा, तिन्नि उद्देसणकाला, तिन्नि समुद्देसणकाला, संखेजाइं पयसह-स्साइं पयग्गेणं, संखेजा अक्खरा, अणंता गमा, अणंता पजना, परिता तसा. अणंता थावरा, सासयकडनिबद्धनिकाइया जिणपण्णत्ता भावा आध्विज्ञंति. पन्नविजाति, पर्नविजाति, दंसिजाति, निदंसिजाति, उवदंसिजाति, से एवं आया, एवं नाया, एवं विण्णाया, एवं चरणकरणपरूवणा आघविज्ञइ, सेनं अणुत्तरोव-वाइयदसाओ ९॥ ५४॥ से किं तं पण्हावाश्वरणाई १ पण्हावागरणेसु णं अट्रुत्तरं पसिणसयं, अडुत्तरं अपसिणसयं, अडुत्तरं पसिणापसिणसयं, तंजहा-अंगुडुपसिणाई, बाहुपसिणाइं, अद्दागपसिणाइं, अन्नेवि विचित्ता विजाइसया, नागसुवण्णेहिं सर्दिः दिव्वा संवाया आघविजाति, पण्हावागरणाणं परिता वायणा, संखेजा अणुओगदारा, संबेजा वेढा, संबेजा सिलोगा, संबेजाओ निजुत्तीओ, संबेजाओ संगहणीओ, संखेजाओ पडिवत्तीओ, से णं अंगड्याए दसमे अंगे, एगे सुयक्खंधे, पणयालीसं

अज्झयणा, पणयालीसं उद्देसणकाला, पणयालीसं समुद्देसणकाला, संखेजाइं पय-सहस्साइं पयरगेणं, संखेजा अक्खरा, अणंता गमा, अणंता पजावा, परिता तसा, अणंता थावरा, सासयकडनिबद्धनिकाइया जिणपण्यत्ता भावा आघविज्ञंति, पन्न-विजाति, परुविजाति, दंसिजाति, निदंसिजाति, उनदंसिजाति, से एवं आया, एवं नाया, एवं विण्णाया, एवं चरणकरणपरूवणा आघविज्जइ, सेत्तं पण्हावागरणाइं १०॥ ५५ ॥ से किं तं विवागसुयं ? विवागसुए णं सुकडदुक्कडाणं कम्माणं फल-विवागे आध्विज्जइ, तत्थ णं दस दुहविवागा दस सुहविवागा । से किं तं दहविवागा ? दुहविवागेसु णं दुहविवागाणं नगराइं, उज्जाणाइं, समोसरणाइं, रायाणी, अम्मा-पियरो, धम्मायरिया, धम्मकहाओ, इहलोइयपरलोइया इङ्गिवेसेसा, निरयगमणाई, संसारभवपवंचा, दुहपरंपराओ, दुकुलपचायाईओ, दुल्लहबोहियत्तं आघविज्जइ, सेत्तं दुहविवागा । से किं तं मुहविवागा ? मुहविवागेसु णं मुहविवागाणं नगराई, उज्जाणाई, समोसरणाई, रायाणो, अम्मापियरो, धम्मायारेया, धम्मकहाओ, इहलोइयपरलोइया इङ्किविसंसा, भोगपरिचागा, पव्यजाओ, परियागा, सुयपरिग्गहा, तवोवहाणाई, संछेहणाओ, भत्तपचक्खाणाइं, पाओवगमणाइं, देवलोगगमणाइं, सहपरंपराओ, सुकुलपचायाईओ, पुणबोहिलाभा, अंतिकारियाओ आघविजाति । विवागसुयस्स णं परिता वायणा, संखेजा अणुओगदारा, संखेजा वेडा, संखेजा सिलोगा, संखिजाओ निज्तीओ, संखिजाओ संगहणीओ, संखिजाओ पडिवत्तीओ। से णं अंगद्वयाए इकारसमे अंगे, दो सुयक्खंघा, वीसं अज्झयणा, वीसं उद्देसणकाला, वीसं ससुद्दे-सणकाला, संखिजाइं पयसहस्साइं पयग्गेणं, संखेजा अक्खरा, अणंता गमा, अणंता पज्जवा, परित्ता तसा, अणंता थावरा, सासयकडनिबद्धनिकाइया जिणपण्णता भावा आर्घावजंति, पन्नविजंति, पर्मावजंति, दंसिजंति, निदंसिजंति, उवदंसिजंति, से एवं आया, एवं नाया, एवं विष्णाया, एवं चरणकरणपस्त्रणा आघविज्ञेड्, सेत्तं विवागसुर्य १९॥ ५६॥ से किं नं दिद्विवाए १ दिद्विवाए णं सव्वभावपस्वणा आघविज्ञह, सं समासओ पंचविहे पण्णते, तंजहा-परिकम्मे १, सत्ताई २, पुच्चगए ३, अणुओंगे ४, चूलिया ५ । से किं तं परिक्रम्मे ? पनिक्रम्मे सत्तविहे पण्णते, तंजहा-सिद्धसेणियापरिकम्मे १, मणुस्ससेणियापरिकम्मे २, पुट्टसेणियापरिकम्मे ३, ओगाढ-संणियापरिकम्मे ४, उवसंपज्जणसेणियापरिकम्मे ५, विष्पजहणसेणियापरिकम्मे ६, चुयाचुयसेणियापरिकम्मे 😕 । से किं तं सिद्धसेणियापरिकम्मे ? सिद्धसेणियापरिकम्मे चउद्दर्सविहे पण्णेने, तंजहा-माउगापयाउं १ एगद्वियपयाउं २ अहपयाइं ३ पाटो-आगासपयाइं ४ केडभूयं ५ रासिबद्धं ६ एगगुणं ७ दुगुणं ८ तिगुणं ९ केडभूयं १०

पिडिगहो ११ संसारपिडिग्गहो १२ नंदावत्तं १३ सिद्धावत्तं १४, सेत्तं सिद्ध-सेणियापरिकम्मे १ । से किं तं मणुरससेणियापरिकम्मे ? मणुरससेणियापरिकम्मे चउद्दसविहे पण्णते, तंजहा-माउयापयाइं १ एगद्वियपयाइं २ अद्वपयाइं ३ पाढो-आगासपयाई ४ केउभ्यं ५ रासिबद्धं ६ एगगुणं ७ दुगुणं ८ तिगुणं ९ केउभूयं १० पडिग्गहो ११ संसारपडिग्गहो १२ नंदावत्तं १३ मणुस्सावत्तं १४, सेत्तं मण्रससेणियापरिकम्मे २ । से किं तं प्रहसेणियापरिकम्मे ? प्रहसेणियापरिकम्मे इक्कारसिवहे पण्णते. तंजहा-पाढोआगासपयाइं १ केउभूयं २ रासिवद्धं ३ एगगुणं ४ दुगुणं ५ तिगुणं ६ केउभूयं ७ पिडम्महो ८ संसारपिडम्महो ९ नंदावत्तं १० पुद्रावतं ११, सेत्तं पुद्रसेणियापरिकम्मे ३ । से किं तं ओगाढसेणियापरि-कम्मे ? ओगाढसेणियापरिकम्मे इक्कारसिवहे पण्णते, तंजहा-पाढोआगासपयाइं १ केउभूयं २ रासिबद्धं ३ एगगुणं ४ दुगुणं ५ तिगुणं ६ केउभूयं ७ पिडग्गहो ८ संसारपडिग्गहो ९ नंदावत्तं १० ओगाढावत्तं ११. सेत्तं ओगाढसेणियापरिकम्मे ४। से किं तं उवसंपज्जणसेणियापरिकम्मे ? उवसंपज्जणसेणियापरिकम्मे रसविहे पण्णत्ते, तंजहा-पाढोआगासपयाइं १ केडभूयं २ रासिवद्धं ३ एगगुणं ४ दुगुणं ५ तिगुणं ६ केउभूयं ७ पडिग्गहो ८ संसारपडिग्गहो ९ नंदावत्तं १० उवसंपज्जणावत्तं ११, सेत्तं उवसंपज्जणसेणियापरिकम्मे ५। से किं तं विप्पजहण-सेणियापरिकम्मे ? विष्पजहणसेणियापरिकम्मे इक्कारसविहे पण्णते, तंजहा-पाहो-आगासपयाई १ केउभूयं २ रासिबद्धं ३ एगगुणं ४ दुगुणं ५ तिगुणं ६ केउभयं ७ पिडिग्गहो ८ संसारपिडिग्गहो ९ नंदावत्तं १० विप्पजहणावृत्तं ११. सेत्तं विष्प-जहणसेणियापरिकम्मे ६। से किं तं चुयाच्यसेणियापरिकम्मे ? चुयाच्यसेणियापरिकम्मे इक्कारसिवहे पन्नते, तंजहा-पाढोआगासपयाइं १ केउभूयं २ रासिबद्धं ३ एगगुणं ४ दुगुणं ५ तिगुणं ६ केउभूयं ७ पडिग्गहो ८ संसारपडिग्गहो ९ नंदावतं १० चुया-चयवत्तं ११, सेत्तं च्याच्यसेणियापरिकम्मे ७। छ चडक्कनइयाई, सत्त तेरासि-याई, सेत्तं परिकम्मे १ । से किं तं सुताई? सुत्ताई बावीसंपन्नताई, तंजहा–उज्नुसुयं १ परिणयापरिणयं २ बहुर्भगियं ३ विजयचरियं ४ अणंतरं ५ परंपरं ६ मासाणं ७ संज्रहं ८ संभिण्णं ९ आहचायं १० सोवत्थियावत्तं ११ नंदावत्तं १२ बहुरुं १३ पद्राप्टं १४ वियावतं १५ एवंभ्यं १६ दुयावतं १७ वत्तमाणप्पयं १८ सम-भिरूढं १९ सन्वओभद्दं २० पस्सासं २१ दुप्पिडग्गहं २२, इच्चेइयाइं बावीसं सुत्ताई छिन्नच्छेयनइयाणि ससमयसुत्तपरिवाडीए, इचेइयाई बावीसं सुत्ताई अच्छिन्न-च्छेयनइयाणि आजीवियसुत्तपरिवाडीए, इचेइयाइं बावीसं सुत्ताइं तिगणइयाणि

तेरासियसुत्तपरिवाडीए, इचेइयाइं वावीसं सुत्ताइं चउक्कनइयाणि ससमयसुत्तपरि-वाडीए, एवामेव सपुन्वावरेणं अद्वासीई सुत्ताई भवंतित्ति मक्खायं, सेत्तं सुत्ताई २। से किं तं पुन्वगए ? पुन्वगए चउद्दसविहे पण्णते, तंजहा—उप्पायपुन्वं १, अगगा-णीयं २, वीरियं ३, अत्थिनत्थिप्पवायं ४, नाणप्पवायं ५, सचप्पवायं ६, आयप्पवायं ७, कम्मप्पवायं ८, पच्चक्खाणप्पवायं (पच्चक्खाणं) ९, विज्ञाणुप्पवायं १०, अवंझं ११, पाणाऊ १२, किरियाविसालं १३, लोकबिंदुसारं १४। उप्पायपुन्वस्स णं दस वत्थ्, चत्तारि चूलियावत्थू पण्णत्ता । अग्गाणीयपुन्वस्स णं चोद्दस वत्थ्, दुवालस चूलियावत्थ् पण्णत्ता । वीरियपुग्वस्स णं अट्ठ वत्थृ, अट्ठ चूलियावत्थ् पण्णत्ता । अत्थिनत्थिप्पवायपुन्वस्स णं अद्वारस वत्थृ, दस चूलियावत्थू पण्णता । नाणप्प-वायपुव्वस्स णं वारस वत्थू पण्णत्ता । सच्चप्पवायपुव्वस्स णं दोष्णि वत्थू पण्णत्ता । आयप्पवायपुन्वस्स णं सोलस वत्थू पण्णता । कम्मप्पवायपुन्वस्स णं तीसं वत्थू पण्णता । पचक्खाणपुरुवस्स णं वीसं वत्थू पण्णता । विज्ञाणुप्पवायपुरुवस्स णं पन्न-रस वत्थू पण्णत्ता । अवंझपुन्वस्स णं वारस वत्थू पण्णत्ता । पाणाउपुन्वस्स णं तेरस वत्थ् पण्णत्ता । किरियाविसालपुव्यस्स णं तीसं वत्थ् पण्णत्ता । लोकविंदुसारपुव्यस्स णं पणुवीसं वत्थू पण्णता, गाहा-दस १ चोइस २ अट्ट ३ Sट्टा-,रसेव ४ बारस ५ दुवे ६ य वत्थृणि । सोलस ७ तीसा ८ वीसा ९, पन्नरस १० अणुप्पवायम्मि ॥ ८९ ॥ वारस इक्कारसमे, वारसमे तेरसेव वत्थूणि । तीसा पुण तेरसमे, चोइसमे पण्णवीसाओ ॥ ९० ॥ चत्तारि १ दुवालस २ अहु ३ चेव, दस ४ चेव चुछ-वत्थ्णि । आइल्लाण चउण्हं, सेसाणं चुलिया नत्थि ॥ ९१ ॥ सेतं पुव्वगए ३ ॥ से कि तं अणुओगे ? अणुओगे दुविहे पण्णते, तंजहा-मूळपटमाणुओगे, गंडि-याणुओंगे य । से कि तं मुळपढमाणुओंगे ? मुळपढमाणुओंगे णं अरहंताणं भग-वंताणं पुन्यभवा, देवगमणाइं, आउं, चवणाइं, जम्मणाणि, अभिसेया. रायवर-सिरीओ, पव्यजाओ, तवा य उग्गा, केवलनाणुप्पयाओ, तित्थपवत्तणाणि य, सीसा, गणा, गणहरा, अज्ञपवित्तणीओ, संघरस चडव्विहस्स जं च परिमाणं, जिणमणपज्जवओहिनाणी, सम्मत्तसुयनाणिणो य, वाई, अणुत्तरगई य, उत्तरवेड-व्विणों य मुणिणो, जतिया सिद्धा, सिद्धिपहों जह देसिओ, जिचरं च कालं. पाओवगया जे जिंह जित्तयाई भत्ताई अणसणाए छेड्ता अंतगडे, मुणिवरुत्तमे, तिमिरओघविष्पमुके, मुक्खमहमणुत्तरं च पत्ते, एवमन्ने य एवमाइमावा मृलपढ-माणुओंगे कहिया, सेत्तं मूळवडमाणुओंगे । से कि तं गंडियाणुओंगे ? गंडियाणुओंगे कुळगरगंडियाओ, तित्थयरगंडियाओ, चक्कविट्रगंडियाओ, दसारगंडियाओ, वळ-

देवगंडियाओ, वासुदेवगंडियाओ, गणधरगंडियाओ, भद्दबाहुगंडियाओ, तवोकम्म-गंडियाओ, हरिवंसगंडियाओ, उस्सप्पिणीगंडियाओ, ओसप्पिणीगंडियाओ, चित्तं-तरगंडियाओ. अमरनरतिरियनिरयगङ्गमणविविद्दपरियष्टणेसु एवमाङ्याओ गंडि-याओ आघविजांति, पन्नविजांति, सेत्तं गंडियाणुओगे, सेत्तं अणुओगे ४ । से किं तं चूलियाओ ? चूलियाओ-आइल्लाणं चउण्हं पुन्वाणं चूलिया, सेसाइं पुन्वाइं अचुलियाई, सेत्तं चुलियाओ ५ । दिद्विवायस्स णं परित्ता वायणा, संखेजा अण्-ओगदारा, संखेजा वेढा, संखेजा सिलोगा, संखेजाओ पडिवत्तीओ, संखेजाओ निज्तीओ, संखेजाओ संगहणीओ। से णं अंगद्वयाए बारसमे अंगे, एगे सुय-क्खंघे, चोह्स पुन्वाई, संखेजा वत्थू, संखेजा चूलवत्थू, संखेजा पाहुडा, संखेजा पाहुडपाहुडा, संखेजाओ पाहुडियाओ, संखेजाओ पाहुडपाहुडियाओ, संखेजाई पयसहस्साई पयरगेणं, संखेजा अक्खरा, अणंता गमा, अणंता पजवा, परिता तसा, अणंता थावरा, सासयकडनिबद्धनिकाइया जिणपण्णत्ता भावा आघविजांति. पन्नविजंति, परूविजंति, दंसिजंति, निदंसिजंति, उवदंसिजंति । से एवं आया, एवं नाया, एवं विण्णाया, एवं चरणकरणपरूवणा आघविज्जइ । सेत्तं दिहिवाए १२ ॥ ५७ ॥ इचेइयंमि दुवालसंगे गणिपिडगे अणंता भावा, अणंता अभावा. अणंता हेऊ, अणंता अहेऊ, अणंता कारणा, अणंता अकारणा, अणंता जीवा. अणंता अजीवा, अणंता भवसिद्धिया, अणंता अभवसिद्धिया, अणंता सिद्धा, अणंता असिद्धा पण्णत्ता-भावमभावा हेउमहेऊ, कारणमकारणे चेव । जीवार्जावा भविय-,मभविया सिद्धा असिद्धा य ॥ ९२ ॥ इचेइयं दुवालसंगं गणिपिडगं तीए काले अणंता जीवा आणाए विराहित्ता चाउरंतं संसारकंतारं अणुपरियर्हिसु । इच्छेडयं दुवालसंगं गणिपिडगं पडुप्पण्णकाले परिता जीवा आणाए विराहिता चाउरंतं संसारकंतारं अणुपरियद्वंति । इच्चेइयं दुवालसंगं गणिपिडगं अणागए काले अणंता जीवा आणाए विराहित्ता चाउरंतं संसारकंतारं अणुपरियद्विस्संति । इच्चेइयं दुवालसंगं गणिपिडगं तीए काले अणंता जीवा आणाए आराहिता चाउरंतं संसार-कंतारं वीईवइंसु । इच्चेइयं द्ववालसंगं गणिपिडगं पहुप्पण्णकाले परित्ता जीवा आणाए आराहिता चाउरंतं संसारकंतारं वीईवयंति । इचेइयं दुवालसंगं गणिपिङगं अणागए काले अणंता जीवा आणाए आराहिता चाउरंतं संसारकंतारं वीईवइ-स्संति । इचेइयं द्वालसंगं गणिपिडगं न कयाइ नासी, न कयाइ न भवइ, न कयाइ न भविस्सइ, भुविं च, भवइ य, भविस्सइ य, धुवे, नियए, सासए, अक्खए, अन्वए, अवद्विए, निचे । से जहानामए पंचित्थकाए न कयाइ नासी, न कयाइ

नित्थ, न कयाइ न भविस्सइ, भुविं च, भवइ य, भविस्सइ य, धुवे, नियए, सासए, अक्खए, अव्वए, अवद्विए, निचे, एवामेव दुवालसंगं गणिपिडगं न कयाइ नासी, न कयाइ नित्थ, न कयाइ न भिवस्सइ, भुविं च, भवइ य, भविस्सइ य, धुवे, नियए, सासए, अक्खए, अव्वए, अवद्विए, निचे । से समासओ चउन्विहे पण्णते, तंजहा—द्व्वओ, खित्तओ, कालओ, भावओ। तत्थ द्व्यओ णं सुयनाणी उवउत्ते सन्वदन्वाइं जाणइ पासइ। खित्तओ णं सुयनाणी उवउत्ते सन्वं खेत्तं जाणइ पासइ । कालओं णं सुयनाणी उवउत्ते सन्वं खेत्तं जाणइ पासइ । भावओं णं सुयनाणी उवउत्ते सन्वे भावे जाणइ पासइ॥ ५८॥ अक्खर सन्नी सम्मं, साइयं खलु सपज्जवसियं च । गमियं अंगपविद्वं, सत्तवि एए सपडिवक्खा ॥ ९३ ॥ आगमसत्थग्गहणं, जं बुद्धिगुणेहिं अट्टिहं दिद्रं। विंति सुयनाणलंभं, तं पुन्विव-सारया धीरा ॥ ९४ ॥ सुस्स्सइ १ पडिपुच्छइ २ सुणेइ ३ गिण्हइ ४ य ईहए यावि ५। तत्तो अपोहए ६ वा, धारेइ ७ करेइ वा सम्मं ८ ॥ ९५॥ मूर्यं हुंकारं वा, बाढकारं पिडिपुच्छ वीमंसा । तत्तो पसंगपारायणं च, परिणिष्ठ सत्तमए ॥ ९६ ॥ मुत्तत्थो खलु पढमो, बीओ निज्नुत्तिमीसिओ भणिओ । तङ्ओ य निरव-सेसो, एस विही होइ अणुओगे ॥ ९० ॥ सेत्तं अंगपविद्वं। सेत्तं सुयनाणं । सेत्तं परोक्खनाणं । सेत्तं नंदी ॥ ५९ ॥

॥ नंदीसुत्तं समत्तं ॥





णमोऽत्थु णं समणस्स भगवओ णायपुत्तमहावीरस्स

<u>ुद्धागमे</u>

_{तत्थ} णं अणुओगदारसुत्तं

नाणं पंचविहं पण्णत्तं। तंजहा—आभिणियोहियनाणं १ सुयनाणं २ ओहिनाणं ३ मणपज्जवनाणं ४ केवलनाणं ५ ॥ १ ॥ तत्थ चत्तारि नाणाइं ठप्पाइं ठवणिज्जाइं. णो उद्दिसिजांति, गो समुद्दिसिजांति, गो अणुण्णविजांति । सुयनाणस्स उद्देसो, समुद्देसो, अणुण्णा, अणुओगो य पवत्तइ ॥ २ ॥ जइ सुयनाणस्स उद्देसो, समुद्देसो, अणुण्णा, अणुओगो य पवत्तइ, किं अंगपविद्रस्य उद्देसो, समुद्देसो, अणुण्णा, अणुओगो य पवत्तइ ? किं अंगबाहिरस्स उद्देसो, समुद्देसो, अणुण्णा, अणुओगो य पवत्तइ ? अंगपविद्वस्स वि उद्देसो जाव पवत्तइ, अँगंगपविद्वस्स वि उद्देसो जाव पवत्तइ । इमं पुण पद्रवणं पद्धच अणंगपविद्वस्तें अणुओगो ॥ ३ ॥ जङ् अँणंगप-विद्रस्स अणुओगो, किं कालियस्स अणुओगो ? उद्यालियस्स अणुओगो ? कालियस्स वि अणुओगो, उक्कालियस्स वि अणुओगो । इमं पुण पट्टवणं पडुच उक्कालियस्स अणुओगो ॥ ४ ॥ जद उक्कालियस्स अणुओगो, किं आवस्सगस्स अणुओगो ? आवस्सगवडरित्तस्स अणुओगो ? आवस्सगस्स वि अणुओगो, आवस्सगवड्रित्तस्स वि अणुओगो । इमं पुण पट्टवणं पडुच आवस्सगस्स अणुओगो ॥ ५ ॥ जड् आवस्तगस्त अणुओगो, किं णं अंगं ? अंगाइं ? सुयखंघो ? सुयखंघा ? अज्झयणं ? अज्झयणाइं ? उद्देसो ? उद्देसा ? आवस्सँयं णं नो अंगं, नो अंगाइं, सुयखंधो, नो सुयखंधा, नो अज्झयणं, अज्झयणाइं, नो उद्देसो, नो उद्देसा ॥ ६ ॥ तम्हा आवस्सर्यं निक्खिवस्सामि, सुयं निक्खिवस्सामि, खंधं निक्खिवस्सामि, अज्ययणं निक्खिवस्सामि । गाहा--जत्थ य जं जाणेजा, निक्खेवं निक्खिवे निरवसेसं । जरथ वि य न जाणेजा, चडकरां निक्खिये तत्थ ॥ १ ॥ ७ ॥ से किं तं आवस्सयं ? आवस्सयं चडिंबहं पण्णत्तं । तंजहा-नामावस्सयं १ ठवणावस्सयं २ द्वावस्तरं ३ भावावस्तरं ४ ॥ ८ ॥ से कि तं नामावस्तरं? नामावस्तरं—

पार्ढतरं-१ उद्दिसंति । २ समुद्दिसंति । ३ अंगवाहिरस्य वि । ४ अंगवाहि-रस्स । ५ अंगवाहिरस्स । ६ आवस्सयं किं । ७ आवस्सयस्य ।

जस्स णं जीवस्स वा, अजीवस्स वा, जीवाण वा, अजीवाण वा, तदुभयस्स वा, तदुभयाण वा, 'आवस्सए' ति नामं कज्जइ । सेतं नामावस्सयं ॥ ९ ॥ से किं तं ठवणावस्तयं ? ठवणावस्तयं — जं णं कट्ठकम्मे वा, पोत्थकम्मे वा, चित्तकम्मे वा, लेप्पकम्मे वा, गंथिमे वा, वेढिमे वा, पूरिमे वा, संघाइमे वा, अक्खे वा, वराडए वा, एगो वा, अणेगो वा, सब्भावठवणा वा, असब्भावठवणा वा, 'आवस्सए' त्ति ठवणा ठविजाइ । सेत्तं ठवणावस्सयं ॥ १० ॥ नामह्रवणाणं को पइविसेसो ? नामं आवकहियं, ठवणा इत्तरिया वा होजा, आवकहिया वा ॥ ११ ॥ से कि तं द्व्वावस्तयं ? द्व्वावस्तयं दुविहं पण्णत्तं । तंजहा--आगमओ य १ नोआगमओ य २ ॥ १२ ॥ से किं तं आगमओ दन्वावस्सयं ? आगमओ दन्वावस्सयं-जस्स णं 'आवस्सए' ति पयं सिक्खियं, ठियं, जियं, मियं, परिजियं, नामसमं, घोससमं. अहीणक्खरं, अणचक्खरं, अञ्चाइद्धक्खरं, अक्खलियं, अमिलियं, अवचामेलियं, पडिपुण्णं, पडिपुण्णघोसं, कंठोद्वविष्पमुक्कं, गुरुवायणोवगयं, से णं तत्थ वायणाए, पुच्छणाए, परियदृणाए, धम्मकहाए, णो अणुप्पेहाए । कम्हा ? 'अणुवओगो' दव्यमिति कहू । नेगमस्स णं एगो अणुवउत्तो, आगमओ एगं दव्यावस्सयं, दोण्णि अणुवउत्ता, आगमओ दोण्णि दन्वावस्सयाई, तिण्णि अणुवउत्ता, आगमओ तिण्णि दव्यावस्तयाइं, एवं जावहया अणुवजत्ता आगमओ तावहयाइं दव्यावस्तयाइं। एवमेव ववहारस्स वि । संगहस्स णं एगो वा अणेगो वा अणुवउत्तो वा अणुवउत्ता वा आगमओ दव्वावस्तयं दव्वावस्तयाणि वा, से एगे दव्वावस्तए । उज्नुसुयस्त एगो अणुवउत्तो आगमओ एगं दव्वावस्सयं, पुहुत्तं नेच्छइ । तिण्हं सद्दनयाणं जाणए अणुवरुत्तं अवत्थु। कम्हा ? जइ जाणए, अणुवरुत्तं न भवद्, जइ अणुवरुत्तं, जाणए न भवइ, तम्हा णित्थ आगमओ दन्वावस्सयं । सेत्तं आगमओ दन्वावस्सयं ॥ १३-१४॥ से किं तं नोआगमओ दन्वावस्सयं ? नोआगमओ दन्वावस्सयं तिविहं पण्णतं । तंजहा--जाणयसरीरदव्वावस्सयं १ भवियसरीरदव्वावस्सयं २ जाणयसरी-रभवियसरीरवइरित्तं दव्वावस्सयं ३ ॥ १५ ॥ से किं तं जाणयसरीरदव्वावस्सयं ? जाणयसरीरदव्वावस्सयं- 'आवस्सए' ति पयत्थाहिगारजाणयस्स जं सरीरयं ववगयचुयचावियचत्तदेहं, जीवविष्पजढं, सिज्जागयं वा, संथारगयं वा, निसीहियागयं वा, सिद्धसिठातलगर्यं वा पासित्ता णं कोई भणे(वए)जा-अहो ! णं इमेणं सरीरस-मुस्सएणं जिणदिद्वेणं भावेणं 'आवस्सए' ति पयं आववियं, पण्णवियं, परूवियं, दंसियं, निदंसियं, उवदंसियं। जहा को दिहुंतो ? अयं महुकुंमे आसी, अयं घयकुंमे आसी । से तं जाणयसरीरदव्वावस्सयं ॥ १६ ॥ से किं तं भवियसरीरदव्वावस्सयं ?

भवियसरीरदव्यावस्सयं-जे जीवे जोणिजम्मणनिक्खंते. इमेणं चेव आत्तएणं सरीर-समुस्सएणं जिणोवदिद्रेणं भावेणं 'आवस्सए' ति पयं सेयकाले सिक्खिस्सइ न ताव सिक्खइ । जहा को दिइंतो ? अयं महकुंमे भविस्सइ, अयं घयकुंमे भविस्सइ । सेत्तं भवियसरीरद्व्यावस्सयं ॥ १७ ॥ से कि तं जाणयसरीरभवियसरीरवइरित्तं दव्याव-स्सयं ? जाणयसरीरभवियसरीरवइरित्तं दव्वावस्सयं तिविहं पण्णत्तं । तंजहा—लोइयं १ कुप्पावयणियं २ लोउत्तरियं ३ ॥ १८ ॥ से किं तं लोडयं दव्वावस्सयं १ लोडयं दव्यावस्सर्य-जे इमे राईसरतलवरमाङंबियकोङंवियइब्मसेद्रिसेणावइसत्थवाहपभि-इओ कहं पाउप्पभायाए रयणीए सुविमलाए फुहुप्पलकमलकोमलुम्मिलियम्मि अहा-पंडुरे पभाए रत्तासोगपगासिकंसुयसुयमुहगुंजद्धरागसिरसे कमलागरनलिणिसंडवोहए उद्वियम्मि स्रे सहस्सरस्सिम्मि दिणयरे तेयसा जलंते मुहधोयणदंतपक्खालण-तेस्रफणिहसिद्धत्थयहरियालियअद्दागधूनपुष्फमस्रगंधतंबोलवत्थाइयाइं द्वावस्सयाई करेंति, तओ पच्छा रायकुलं वा देवकुलं वा आरामं वा उजाणं वा समं वा पवं वा गच्छंति । सेत्तं लोइयं दव्वावस्सयं ॥ १९ ॥ से किं तं कृष्पावयणियं दव्वाव-स्सयं ? कुप्पावयणियं दव्वावस्सयं-जे इमे चरगचीरिगचम्मखंडियभिक्खोंडपंडरंग-गोयमगोव्यद्यगिहिधम्मधम्मचितगअविरुद्धविरुद्धवृष्ट्रसावगैपभिद्दओ पासंडत्था कहं पाडप्पभायाए रयणीए जाव तेयसा जलंते. इंदरस वा. खंदरस वा. रहस्स वा. सिवस्स वा, वेसमणस्स वा, देवस्स वा, नागस्स वा, जक्खरस वा, भूयस्स वा, सुगुंदस्य वा, अजाए वा, दुरगाए वा, कोट्टकिरियाए वा, उबलेवणसंमज्जणआवरि-सणध्वपुष्फगंधमहाइयाइं दव्वावस्तयाइं करेंति । सेत्तं कृष्पावयणियं दव्वावस्तयं ॥ २० ॥ से किं तं लोगुत्तरियं द्वावस्सयं ? लोगुत्तरियं द्वावस्सयं-जे इमे समण-गुणमुक्जोगी, छकायनिर्णुकंपा, हया उव उद्दामा, गया उव निरंकुसा, घट्टा, मट्टा, तुष्पोद्वा, पंदरपडपाउरणा, जिणाणमणाणाए सच्छंदं विहरिक्रण उभओ-कालं आव-स्मयस्य उवहंति । सेतं लोगुत्तरियं दव्वावस्पयं । सेतं जाणयसरीरभवियसरीरवडरितं दञ्चावस्सयं । सेतं नोआगमओ दञ्चावस्सयं । सेतं दञ्चावस्सयं ॥ २१ ॥ से किं तं भावावस्ययं ? भावावस्ययं दुविहं पण्णतं । तंजहा-आगमओ य १ नोआगमओ य २ ॥ २२ ॥ से कि तं आगमओ भावावस्पयं ? आगमओ भावावस्पयं जाणए उवडते । सेतं आगमओ भावावस्त्रयं ॥ २३ ॥ से कि तं नोआगमओ भावावस्त्रयं ? नोआगमओ भावावस्सयं तिविहं पण्णतं । तंजहा-लोइयं १ कृप्पावयणियं २ लोगु-

१ भरहसमए जेण कड्चया सावया पच्छा बंभणा जाया तेण बंभणा बुहुसाव-गति बुखंति । २ देवीणामिममं ।

त्तरियं ३ ॥ २४ ॥ से किं तं लोइयं भावावस्सयं ? लोइयं भावावस्सयं-प्रव्वण्हे भारहं. अवरण्हे रामायणं । सेत्तं लोइयं भावावस्तयं ॥ २५ ॥ से किं तं कुप्पावयणियं भावा-वस्सर्य १ कप्पावयणियं भावावस्सर्य-जे इमे चरगचीरिंग जाव पासंडत्था इज्जंजिल-होभजपोन्द्रुक्कनमुक्कारमाइयाईं भावावस्स्याईं करेंति । सेत्तं कुप्पावयणियं भावावस्ययं ॥ २६॥ से किं तं लोगुत्तरियं भावावस्सयं ? लोगुत्तरियं भावावस्सयं-जे (जण)णं इमे-समणे वा. समणी वा. सावओ वा. साविया वा. तिचते. तम्मणे, तहेसे, तदज्झविसए. तत्तिव्वज्झवसाणे. तदद्रोवउत्ते तदिप्यकर्णे. तब्भावणाभाविए, अण्णत्य कत्थइ मणं अकरेमाणे उभओ-कालं आवस्सयं करे[न्ति]इ । सेत्तं लोगुत्तरियं भावावस्सयं । सेत्तं नोआगमओ भावावस्सयं । सेत्तं भावावस्सयं ॥ २० ॥ तस्स णं इमे एगद्रिया णाणाघोसा णाणावंजणा णामधेजा भवंति. तंजहा-गाहा-आवस्सैयं अवस्संकर-णिजं ध्विनिग्गहो विसीही य । अञ्झयणछक्वंगगो, नाओ आराहणा मग्गो ॥ १ ॥ समणेणं सावएण य, अवस्स कायन्वयं हवइ जम्हा । अंतो अहोनिसस्स य. तम्हा 'आवस्सयं' नाम ॥ २ ॥ **सेन् आवस्सयं** ॥ २८ ॥ से किंतं सुयं ? सुयं चडव्विहं पण्णत्तं। तंजहा-नामस्यं १ ठवणास्यं २ दव्यस्यं ३ भावस्यं ४ ॥ २९ ॥ से किं तं नामसुयं ? नामसुयं-जस्स णं जीवस्स वा जाव 'सुए' त्ति नामं कजाइ। सेत्तं नामसुयं ॥ ३०॥ से किं तं ठवणासुयं ? ठवणासुयं-जं णं कद्रकम्मे वा जाव ठवणा ठविजाउ । सेत्तं ठवणास्तयं ॥ ३१ ॥ नामठवणाणं को पहविसेसो १ नामं आवकहियं, ठवणा इत्तरिया वा होजा, आवकहिया वा ॥ ३२ ॥ से किं तं दव्यस्यं ? दव्यस्यं द्विहं पण्णत्तं। तंजहा-आगमओ य १ नो आगमओ य २ ॥ ३३ ॥ से किं तं आगमओ दन्वसुर्य ? आगमओ दन्वसुर्य-जस्स णं 'सुए' ति पयं सिक्खियं. ठियं. जियं जाव णो अणुप्पेहाए । कम्हा ? 'अणुवओगो' दव्यमिति कृष्टु । नेगमस्स णं एगो अणुवउत्तो आगमओ एगं दव्वसुयं जाव तिण्हं सद्दनयाणं जाणए अणुवउत्ते अवत्थु । कम्हा ? जइ जाणए, अणुव़उत्ते न भवइ, जइ अणुवजत्ते, जाणए न भवइ, तम्हा णिश्व आगमओ दव्यस्यं। सेत्तं आगमओ दव्यस्यं ॥ ३४ ॥ से किं तं नोआगमओ द्व्वसुयं ? नोआगमओ द्व्यसुयं तिविहं पण्णत्तं । तंजहा-जाणयसरीरद्व्वस्यं १ भवियसरीरदन्वसुयं २ जाणयसरीरभवियसरीरवइरित्तं दन्वसुयं ३ ॥ ३५ ॥ सं कि तं जाणयसरीरदव्वसुयं ? जाणयसरीरदव्वसुयं - 'सुय' ति पयत्थाहिगारजाणयस्स जं सरीरयं ववगयच्यचावियचंत्तदेहं जाव पासित्ता णं कोई भणेजा-अहो ! णं इमेणं सरीरसमुस्सएणं जिणदिट्ठेणं भावेणं 'सुय' ति पयं आघवियं जाव अयं

१ जिणवयणधम्माणुरागरत्तमणे ।

घयकुंभे आसी । सेत्तं जाणयसरीरदव्यसुयं ॥ ३६ ॥ से किं तं भवियसरीरदव्यसुयं ? भवियसरीरदव्वसुयं-जे जीवे जोणिजम्मणनिक्खंते जाव जिणोवदिद्वेणं भावेणं 'सुय' ति पयं सेयकाले सिक्खिस्सइ जाव अयं घयकंभे भविस्सइ। सेत्तं भवियसरीरदव्वसुयं ॥ ३७ ॥ से किं तं जाणयसरीरभवियसरीरवइरित्तं द्ववसुयं ? जाणयसरीरभविय-सरीरवइरित्तं दव्वसुयं पत्तयपोत्थयलिहियं । अहवा जाणयसरीरभवियसरीरवइरित्तं दव्यसुयं पंचिवहं पण्णतं। तंजहा-अंडयं १ वोंडयं २ कीडयं ३ वालयं ४ वागयं ५ । से किं तं अंडयं ? अंडयं हंसगब्भाइ। से किं तं बोंडयं ? बोंडयं कप्पासमाइ। से किं तं कीडयं ? कीडयं पंचविहं पण्णत्तं। तंजहा-पट्टे १ मलए २ अंसुए ३ चीणंसुए ४ किमि-रागे ५ । से किं तं वालयं ? वालयं पंचिवहं पण्णत्तं । तंजहा-उण्णिए १ उद्दिए २ मिय-लोमिए ३ कोतवे ४ किहिसे ५। से किं तं वागयं? वागयं सैणमाइ। सेत्तं जाणयस-रीरभवियसरीरवइरित्तं दव्वसुयं । सेत्तं नोआगमओ दव्वसुयं । सेत्तं दव्वसुयं ॥ ३८ ॥ से किं तं भावसुयं ? भावसुयं द्विहं पण्णत्तं । तंजहा-आगमओ य १ नोआगमओ य २ ॥ ३९ ॥ से किं तं आगमओ भावसुयं ? आगमओ भावसुयं जाणए उवउत्ते । सेत्तं आगमओ भावसुयं ॥ ४० ॥ से किं तं नोआगमओ भावसुयं ? नोआगमओ भावसुयं द्विहं पण्णत्तं। तंजहा-लोइयं १ लोगुत्तरियं च २ ॥ ४१ ॥ से किं तं लोइयं नोआगमओ भावसुयं ? होइयं नोआगमओ भावसुयं-जं इमं अण्णाणिएहिं मिच्छ-दिद्वीहिं सच्छंदबुद्धिमइविगप्पियं तंजहा-भारहं, रामायणं, भीमासुरुक्षं, कोडिल्लयं, घोडयमुहं, सगडभद्दियाउ, कप्पासियं, णागसुहमं, कणगसत्तरी, वेसियं, वइसेसियं, बुद्धसासणं, काविलं, लोगायतं, सिट्टयंतं, माडरपुराणवागरणनाडगाइं, अहवा वाव-त्तरिकलाओ, चत्तरि वेया संगोवंगा । सेत्तं लोडयं नोआगमओ भावसुयं ॥ ४२ ॥ से किं तं लोडत्तरियं नोआगमओ भावसुयं १ लोडत्तरियं नोआगमओ भावसुयं-जं इमं अरिहंतेहिं भगवंतिहिं, उप्पण्णणाणदंसणधरेहिं, तीयपञ्चप्पण्णमणागयजाणएहिं. सव्वण्णूहिं सव्वदरिसीहिं, तिलुक्वविर्यमित्रयपुद्रपहिं, अप्पिडहयवरनाणदंसणधरेहिं, पणीयं द्वालसंगं गणिपिङगं । तंजहा-आयारो १ सयगडो २ ठाणं ३ समवाओ ४ थिवाहपण्णत्ती ५ णायाधम्मकहाओ ६ उवासगदसाओ ॰ अंतगडदसाओ ८ अ<u>ण</u>ुत्त-रोववाइयदसाओ ९ पण्हावागरणाउं १० विवागसुर्य ११ दिद्रिवाओ य १२ । सेत्तं लोउत्तरियं नोआगमओ भावसुयं । सेतं नोआगमओ भावसुयं । सेतं भावसुयं ॥ ४३॥ तस्य णं इमे एगद्रिया णाणाघोषा णाणावंजणा नामधेजा भवंति, तंजहा-गाहा-गृथमृत्तगंथमिद्धंतसामणे, आणवयण उवएसे । पचवण आगमे वि य, एगहा

१ अलसिमाइ। २ 'निरिक्किय'।

६९ मुत्ता०

पजावा सत्ते ॥ १॥ सेतं सुयं ॥ ४४ ॥ से किं तं खंधे ? खंधे चडिवहे पण्णते । तंजहा-नामखंधे १ ठवणाखंधे २ दन्वखंधे ३ भावखंधे ४ ॥ ४५ ॥ नामद्रवणाओ पुन्वभणियाणुक्रमेण भाणियन्वाओ ॥ ४६ ॥ से किं तं दन्वखंधे ? दन्वखंधे दुविहे पण्णते । तंजहा-आगमओ य १ नोआगमओ य २ । से किं तं आगमओ दव्वखंधे ? आगमओ दन्वखंघे-जस्स णं 'खंघे' त्ति पयं सिक्खियं जाव सेत्तं भवियसरीरदन्वखंघे नवरं खंधाभिलावो । से किं तं जाणयसरीरभवियसरीरवहरित्ते दव्वखंधे ? जाणय-सरीरमवियसरीरवइरिते दव्वखंधे तिविहे पण्णते । तंजहा-सचित्ते १ अचिते २ मीसए ३ ॥ ४७ ॥ से किं तं सचित्ते दन्वखंधे ? सचित्ते दन्वखंधे अणेगविहे पण्णते। तंजहा-हयखंधे, गयखंधे, किन्नरखंधे, किंपुरिसखंधे, महोरगखंधे, गंधव्वखंधे, उसभखंधे। सेतं सचिते दव्यखंधे ॥ ४८ ॥ से किं तं अचित्ते दव्यखंधे ? अचित्ते दव्यखंधे अणेगविहे पण्णते । तंजहा-दुपएसिए, तिपएसिए जाव दसपएसिए, संखिजपएसिए, असंखिजपएसिए, अणंतपएसिए । सेत्तं अचित्ते दव्वखंधे ॥ ४९ ॥ से किं तं मीतए द्व्वसंधे ? मीसए द्व्वसंधे अणेगविहे पण्णते। तंजहा-सेणाए अग्गिमे संधे, सेणाए मज्ज्ञिमे खंधे. सेणाए पच्छिमे खंधे । सेत्तं मीसए दव्वखंधे ॥ ५० ॥ अहवा जाण-यसरीरभवियसरीरवइरित्ते दन्वखंघे तिविहे पण्णते। तंजहा-कसिणखंघे १ अकसिण-खंघे २ अणेगदवियखंघे ३ ॥ ५१ ॥ से किं तं कसिणखंघे ? कसिणखंघे –से चेव हयखंघे, गयखंघे जाव उसभखंघे। सेत्तं कसिणखंघे।। ५२ ॥ से किं तं अकसिणखंघे? अकसिणखंधे-से चेव दुपएसियाइ खंधे जाव अणंतपएसिए खंधे। सेतं अकसिणखंधे ॥ ५३ ॥ से किं तं अणेगदवियखंधे ? अणेगदवियखंधे—तस्स चेव देसे अवचिए तस्स चेव देसे उवचिए । सेत्तं अणेगद्वियखंधे । सेत्तं जाणयसरीरभवियसरीरवडरित्ते दव्व-खंधे। सेत्तं नोआगमओ दन्वखंधे। सेत्तं दन्वखंधे॥ ५४॥ से किं तं भावखंधे? भावखंधे द्विहे पण्णते । तंजहा-आगमओ य १ नोआगमओ य २ ॥ ५५ ॥ से किं तं आगमओ भावखंधे ? आगमओ भावखंधे जाणए उवउत्ते । सेतं आगमओ भावखंधे ॥ ५६ ॥ से किं तं नोआगमओ भावखंधे ? नोआगमओ भावखंधे-एएसिं चेव सामाइयमाइयाणं छण्हं अज्झयणाणं समुदयसमिइसमागमेणं आवस्सय-सुयखंघे 'भावखंघे' ति लब्भइ । सेतं नोआगमओ भावखंघे । सेतं भावखंघे ॥ ५०॥ तस्स णं इमे एगद्रिया णाणाघोसा णाणावंजणा नामधेजा भवंति, तंजहा-गाहा-गण काए य निकाए, खंधे वग्गे तहेव रासी य। पुंजे पिंडे निगरे, संघाए आउल समूहे ॥ १ ॥ सेन्तं खंधे ॥ ५८ ॥ आवस्सगरस णं इमे अत्थाहियारा भवंति, तंजहा-गाहा-सावजजोगविरई, उक्तित्तण गुणवश्रो य पडिवत्ती । खिळयस्स हिंदणा, वणतिगिच्छ गुणधारणा चेव ॥ १ ॥ ५९ ॥ **गाहा**-आवस्सयस्स एसो, पिंडत्यो विष्णओ समासेणं । एत्तो एक्केकं पुण, अज्झयणं कित्तइस्सामि ॥ १ ॥ तंजहा-सामाइयं १ चउवीसत्थओ २ वंदणयं ३ पिडक्रमणं ४ काउरसम्मो ५ पचक्खाणं ६ । तत्थ पढमं अज्झयणं सामाइयं । तस्स णं इमे चत्तारि अणुओगदारा भवंति. तंजहा-उवक्कमे १ निक्खेवे २ अणुगमे ३ नए ४ ॥ ६० ॥ से किं तं उवक्रमे ? उवक्रमे छिविहे पण्णते । तंजहा-णामोवक्रमे १ ठवणोवक्रमे २ दव्योवक्रमे ३ खेत्तोवक्रमे ४ कालोवक्रमे ५ भावोवक्रमे ६ । णामठवणाओ गयाओ । से किं तं दव्वोवक्कमे ? दव्वोवक्कमे दुविहे पण्णत्ते । तंजहा-आगमओ य १ नोआगमओ य २ जाव सेत्तं भवियसरीरद्ववीवक्रमे । से किं तं जाणगसरीर-भवियसरीरवडरित्ते दव्वोवक्कमे ? जाणगसरीरभवियसरीरवडरित्ते दव्वोवक्कमे तिविहे पण्णते । तंजहा-सचिते १ अचिते २ मीसए ३ ॥ ६१ ॥ से किं तं सचिते दव्वो-वक्समे ? सचित्ते दव्योवक्समे तिविहे पण्णते । तंजहा-दुप(ए)याणं १ चउप्पयाणं २ अपयाणं ३ । एकेके पुण दुविहे पण्णते । तंजहा-परिकामे य १ वत्थ्विणासे य २ ॥ ६२ ॥ से किं तं दुपयाणं उवक्कमे ? दुपयाणं-नडाणं, नहाणं, जल्लाणं, मल्लाणं, सुद्वियाणं, वेलंबगाणं, कहगाणं, पवगाणं, लासगाणं, आइवखगाणं, लंखाणं, मंखाणं, त्णइङ्घाणं, तुंबवीणियाणं, का(विडि)वोयाणं, मागहाणं । सेतं दुपयाणं उवक्कमे । ॥ ६३ ॥ से कि तं चडप्पयाणं उवक्कमे ? चडप्पयाणं-आसाणं, हत्थीणं, इचाइ । सेतं चडप्पयाणं उवक्से ॥ ६४ ॥ से किं तं अपयाणं उवक्से ? अपयाणं-अंवाणं, अंबाडगाणं, इचाइ । सेतं अपओवक्षमे । सेतं सचित्तदन्वीवक्षमे ॥ ६५ ॥ से किं तं अचित्तदव्योवक्रमे ? अचित्तदव्योवक्रमे- खंडाईणं, गुडाईणं, मच्छंडीणं । सेत्तं अचित्तदृश्योवक्षमे ॥ ६६ ॥ से किं तं मीसए दृश्योवक्षमे ? मीसए दृश्योवक्षमे – से चेत्र थासगआयंसगाइमंडिए आसाइ। सेतं मीसए दव्योवक्रमे । सेतं जाणय-सरीरभवियसरीरवर्डारेते दव्वोवक्षमे । सेतं नोआगमओ दव्वोवक्षमे । सेत्तं दव्वो-वक्समे ॥ ६७ ॥ से किं तं खेतीवक्समे ? खेतीवक्समे-जं णं हलकलियाईहिं खेताउं उवक्रमिजंति । सेतं खेत्तोवक्रमे ॥ ६८ ॥ से किं तं कालोवक्रमे ? कालोवक्रमे – जं णं नालियाईहिं कालस्सोवक्रमणं कीरइ । सेत्तं कालोवक्रमे ॥ ६९ ॥ से किं तं भावोत्रक्षमे ? भावोत्रक्षमे दुविहे पण्णते । तंजहा-आगमओ य १ नोआगमओ य २ । तत्य आगमओ जाणए उवउत्ते । से कि तं नोआगमओ भावीवक्रमे ? नोआगमओ भावीवक्रमे द्विहे पण्णते । तंजहा-पसत्ये य १ अपसर्ये य २ । से किं तं अपसर्ये नोआगमओं भावोत्रहमें ? अपसरथे नोआगमओं भावोत्रहमें डोडिणिगणियाअमचा-

क्वेणं । से कि तं पसत्थे नोआगमओ भावोवक्रमे ^१ पसत्थे ॰ गुरुमाईणं । सेत्तं नोआगमओ भावोवक्कमे । सेत्तं भावोवक्कमे । सेत्तं उवक्कमे ॥ ७० ॥ अहवा उवक्कमे छव्विहे पण्णत्ते । तंजहा-आणुप्ववी १ नामं २ पमाणं ३ वत्तव्वया ४ अत्थाहिगारे ५ समोयारे ६ ॥ ७९ ॥ से किं तं आणुपुन्वी ? आणुपुन्वी दसविहा पण्णत्ता। तंजहा-नामाणुपुन्वी १ ठवणाणुपुन्वी २ दन्वाणुपुन्वी ३ खेत्ताणुपुन्वी ४ कालाणुपुन्वी ५ उक्कित्तणाणुपुन्वी ६ गणणाणुपुन्वी ७ संठाणाणुपुन्वी ८ सामायारीआणुपुन्वी ९ भावाणुपुन्वी १० ॥ ७२ ॥ नामठवणाओ गयाओ । से किं तं दन्वाणुपुन्वी ? दन्वाणुपुन्वी दुविहा पण्णता । तंजहा-आगमओ य १ नोआगमओ य २ । से किं तं आगमओ दव्वाणुपुव्वी ? आगमओ द्वाणुपुव्वी-जस्स णं 'आणुपुव्वि' त्ति पयं सिक्खियं, ठियं, जियं, मियं. परिजियं जाव नो अणुप्पेहाए। कम्हा ? 'अणुवओगो' दव्विमिति कहु । णेगमस्स णं एगो अणुवउत्तो आगमओ एगा दव्वाणुपव्वी जाव जागए अणुवउत्ते अवत्थु । कम्हा ? जइ जाणए, अणुवउत्ते न भवइ, जइ अणुवउत्ते, जाणए न भवइ, तम्हा नित्थ आगमओ द्वाणुपुव्वी । सेत्तं आगमओ द्वाणुपुव्वी । से किं तं नोआगमओ द्व्वाणुपुव्वी ? नोआगमओ द्व्वाणुपुव्वी तिविहा पण्णत्ता । तंजहा-जाणयसरीर-द्वाण्युव्वी १ भवियस्रीरद्वाण्युव्वी २ जाणयस्रीरभवियस्रीरवइरित्ता दव्वाण्-पुव्वी ३। से किं तं जाणयसरीरदव्वाणुप्व्वी १ 'आणुप्विव' पयत्थाहिगारजाणयस्स जं सरीरयं ववगयच्चयचावियचत्तदेहं सेसं जहा दव्वावस्सए तहा भाणियव्वं जाव सेत्तं जाणयसरीरदव्वाणुपुव्वी । से किं तं भवियसरीरदव्वाणुपुव्वी ? भवियसरीर-द्वाणपुर्वी-जे जीवे जोणीजम्मणनिक्खंते सेसं जहा द्वावस्सए जाव सेनं भविय-सरीरदव्वाणपव्वी । से किं तं जाणयसरीरभवियसरीरवइरित्ता दव्वाणुप्ववी ? जाणय-सरीरभवियसरीरवइरिता दव्वाणुपुव्वी दुविहा पण्णत्ता । तंजहा-उविणिहिया य १ अणोवणिहिया य २ । तत्थ णं जा सा उवणिहिया सा ठप्पा । तत्थ णं जा सा अणोवणिहिया सा दुविहा पण्णता । तंजहा-नेगमववहाराणं १ संगहस्स य २ ॥ ७३ ॥ से किं तं नेगमववहाराणं अणोवणिहिया द्वाणुपुन्वी ? नेगमववहाराणं अणोवणि-हिया दव्वाणुपुच्वी पंचिवहा पण्णता। तंजहा-अडपयपह्वणया १ भंगसम् क्रित्तणया २ भंगोवदंसणया ३ समोयारे ४ अणुगमे ५ ॥ ७४ ॥ से किं तं नेगमववहाराणं अद्भप्यपह्नवणया ? नेगमववहाराणं अद्भप्यपह्नवणया-तिपएसिए जाव दसपएसिए आणुप्रवी, संविज्जपएसिए आणुप्रवी, असंखिजपएसिए आणुप्रवी, अणंतपएसिए आणुपूर्वी, परमाणुपोग्गले अणाणुपुर्वी, दुपएसिए अवत्तव्वए, तिपएसिया आणु-पुन्वीओ जाव अणंतपएसियाओ आणुपुन्वीओ, परमाणुपोग्गला अणाणुपन्वीओ.

दुपएसियाई अवत्तव्वयाई । सेत्तं नेगमववहाराणं अद्वपयपस्वणया ॥ ७५ ॥ एयाए णं नेगमववहाराणं अद्वपयपह्रवणयाए किं पओयणं? एयाए णं नेगमवव-हाराणं अट्ठपयपस्वणयाए भंगसम् क्कित्तणया कज्जइ ॥ ७६ ॥ से किं तं नेगमवव-हाराणं भंगसमुक्कित्तणया ? नेगमववहाराणं भंगसमुक्कित्तणया-अस्थि आणु-पुरुवी १ अत्थि अणाणुपुरुवी २ अत्थि अवत्तरुवए ३ अत्थि आणुपुरुवीओ ४ अत्थि अणाणुपुव्वीओ ५ अत्थि अवत्तव्वयाई ६ । अहवा अत्थि आणुपुव्वी य अणाणुपुन्वी य १ अहवा अत्थि आणुपुन्वी य अणाणुपुन्वीओ य २ अहवा अत्थि आणुपुरवीओ य अणाणुपुरवी य ३ अहवा अत्थि आणुपुरवीओ य अणाणुपुरवीओ य ४ अह्वा अत्थि आणुपुन्वी य अवत्तव्वए य ५ अह्वा अत्थि आणुपुन्वी य अवत्तव्वयाई च ६ अहवा अत्थि आणुपुव्वीओ य अवत्तव्वए य ७ अहवा अत्थि आणुपुन्त्रीओ य अवत्तन्त्रयाइं च ८ अहवा अत्थि अणाणुपुन्त्री य अवत्तन्त्रण य ९ अह्वा अत्थि अणाणुपुव्वी य अवत्तव्ययाईं च १० अहवा अत्थि अणाणुपुव्वीओ य अवत्तव्वए य ११ अहवा अत्थि अणाणुपुरुवीओ य अवत्तव्वयाई च १२। अह्वा अत्थि आणुपुरवी य अणाणुपुरवी य अवत्तव्वए य १ अहवा अत्थि आणुपुन्वी य अणाणुपुन्वी य अवत्तन्वयाई च २ अहवा अत्थि आणुपुन्वी य अणाणुपुन्वीओ य अवत्तन्वए य ३ अहवा अत्थि आणुपुन्वी य अणाणुपुन्वीओ य अवत्तव्ययाइं च ४ अहवा अत्थि आणुपुव्वीओ य अणाणुपुव्वी य अवत्तव्वए य ५ अहवा अत्थि आणुपुरवीओ य अणाणुपुरवी य अवत्तरवयाई च ६ अहवा अत्थि आणुपुरवीओ य अणाणुपुरवीओ य अवत्तव्वए य ७ अहवा अत्थि आणु-पुरुवीओं य अणाणुपुरुवीओं य अवत्तव्ययाईं च ८ तिसंजोगे एए अ(ङ)हुभंगा। एवं सब्वेSवि छव्वीसं भंगा । सेत्तं नेगमववहाराणं भंगसमुक्तिताया ॥ ७७ ॥ एयाए णं नेगमववहाराणं भंगसमुक्कित्तणयाए कि पओयणं ? एयाए णं नेगमवव-हाराणं भंगसमुक्तित्रणयाए भंगोवदंसणया कीरइ ॥ ७८ ॥ से किं तं नेगमवव-हाराणं भंगोवदंसणया ? नेगमववहाराणं भंगोवदंसणया-तिपएसिए आणुपुच्वी १ परमाणुपोग्गले अणाणुपुरवी २ दुपएसिए अवत्तव्वए ३ अहवा तिपएसिया आणुपु-व्वीओ ४ परमाणुपोम्मला अणाणुपुव्वीओ ५ द्वपएसिया अवत्तव्वयाइं ६ । अहवा तिपर्पासए य परमाणुपुम्गले य आणुपुच्ची य अणाणुपुच्ची य चडभंगो ४ । अह्वा तिपएसिए य दुपएसिए य आणुपुन्त्री य अवत्तन्त्रए य चडभंगो ८ । अहता परमा-णुपोरगले य दुपएसिए य अणाणुपुरवी य अवत्तव्वए य चर्डभंगो १२। अहवा

१ अण्णायरिसे वारसमंगुहेहो लब्भइ ।

तिपएसिए य परमाणुपोग्गले य दुपएसिए य आणुपुन्नी य अणाणुपुन्नी य अवत्तव्वए य १ अहवा तिपएसिए य परमाणुपोग्गले य दुपएसिया य आणुपुव्वी य अणाणुपुन्वी य अवत्तन्वयाई च २ अहवा तिपएसिए य परमाणुपुग्गला य दुपएसिए य आणुपुन्नी य अणाणुपुन्नीओ य अनत्तन्नए य ३ अहना तिपएसिए य परमाणुपोग्गला य दुपएसिया य आणुपुन्नी य अणाणुपुन्नीओ य अवत्तन्नयाई च ४ अहवा तिपएसिया य परमाणुपोग्गले य दुपएसिए य आणुपुव्वीओ य अणाणुपुन्वीओ य अवत्तव्वए य ५ अहवा तिपएसिया य परमाणुपोग्गले य द्रपए-सिया य आण्पव्वीओ य अणाण्पव्वी य अवत्तव्वयाई च ६ अहवा तिपएसिया य परमाणुपोग्गला य दुपएसिए य आणुपुन्वीओ य अणाणुपुन्वीओ य अवत्तन्वए य ७ अहवा तिपएसिया य परमाणुपोग्गला य दुपएसिया य आणुपुन्वीओ य अणाणपुरवीओ य अवत्तव्वयाई च ८ । सेत्तं नेगमववहाराणं भंगोवदंसणया ॥ ७९ ॥ से किं तं समोयारे ? समोयारे (भिणजाइ) । नेगमवनहाराणं आणुपुव्वीदव्वाइं कहिं समीयरंति ? किं आणुपुन्वीद्न्वेहिं समीयरंति ? अणाणुपुन्वीद्न्वेहिं समीय-रंति ? अवत्तव्वयदव्वेहिं समोयरंति ? नेगमववहाराणं आणुप्ववीदव्याई आणुप्-व्वीदव्वेहिं समोयरंति, नो अणाणुप्ववीदव्वेहिं समोयरंति, नो अवत्तव्वयद्व्वेहिं समोयरंति । नेगमववहाराणं अणाणुप्ववीदव्वाइं किहं समोयरंति ? किं आणुप्ववी-द्वेहिं समोयरंति ? अणाणुप्ववीद्वेहिं समोयरंति ? अवत्तव्वयद्वेहिं समोयरंति ? नो आणुप्रव्वीद्वेहिं समोयरंति, अणाणुप्रव्वीद्वेहिं समोयरंति, नो अवत्तव्यय-दव्वेहिं समोयरंति । नेगमववहाराणं अवत्तव्वयदव्वाइं किहं समोयरंति ? आणुपव्वी-दव्वेहिं समोयरंति ? अणाणुप्ववीदव्वेहिं समोयरंति ? अवत्तव्वयदव्वेहिं समोयरंति ? नो आणपुर्वीद्वेहिं समीयरंति, नो अणाणपुर्वीद्वेहिं समीयरंति, अवस्वय-दव्वेहिं समोयरंति । सेतं समोयारे ॥ ८० ॥ से किं तं अणुगमे ? अणुगमे नवविहे पण्णते । तंजहा-गाहा-संतपयपरूवणयी, दव्वपमीणं च खित्तै फुसणी य । कीलो य अंर्तरं भाग, भावे अप्पार्बहुं चेव ॥ १ ॥ ८१ ॥ नेगमववहाराणं आणुप्रव्वी-दव्वाई किं अत्थि नित्थ ? णियमा अत्थि । नेगमववहाराणं अणाणुपुव्वीदव्वाई किं अत्थि नत्थि ? णियमा अत्थि । नेगमववहाराणं अवत्तव्वयदव्वाइं किं अत्थि नित्थ ? णियमा अत्थि ॥ ८२ ॥ नेगमववहाराणं आणुपुन्वीदन्वाइं किं संखिजाइं ? असंखिजाइं ? अणंताइं ? नो संखिजाइं, नो असंखिजाइं, अणंताइं । एवं अणा-णुपुर्वीद्वाइं अवत्तव्वगद्वाइं च अणंताइं भाणियव्वाइं ॥ ८३ ॥ नेगमववहाराणं आणुपुर्वीद्वाई लोगस्स किं संखिजइभागे होजा ? असंखिजइभागे होजा ?

संखेजेस भागेस होजा ? असंखेजेस भागेस होजा ? सन्वलीए होजा ? एगं दन्वं पडुच संखिजइभागे वा होजा, असंखिजइभागे वा होजा, संखेजेस भागेस वा होजा, असंखेजेमु भागेमु वा होजा, सब्बलोए वा होजा । णाणादव्वाइं पहुच नियमा सन्वलोए होजा । नेगमववहाराणं अणाणुपुन्वीदन्वाइं किं लोयस्स संखिजन इभागे होजा जाव सव्वलोए होजा ? एगं दव्वं पड्डच नो संखिज्जइभागे होजा. असंखिजइभागे होजा, नो संखेजेस भागेस होजा, नो असंखेजेस भागेस होजा. नो सन्वलोए होजा । णाणादन्वाइं पड्डच नियमा सन्वलोए होजा । एवं अवत्तन्व-गदव्वाइं भाणियव्वाइं ॥ ८४ ॥ नेगमववहाराणं आणुपव्वीदव्वाइं लोगस्स किं संखेजइभागं फुसंति ? असंखेजइभागं फुसंति ? संखेजे भागे फुसंति ? असंखेजे भागे फ़संति ? सव्वलोगं फ़संति ? एगं दव्वं पडुच लोगस्स संखेज्जइभागं वा फ़संति जाव सव्वलोगं वा फ़संति । णाणादव्वाइं पहुच नियमा सव्वलोगं फ़ुसंति । नेगमववहाराणं अणाणुपुन्वीद्व्वाइं लोगस्स किं संखिजाइभागं फ़ुसंति जाव सन्वलोगं फ़संति ? एगं दव्वं पड़च नो संखिजइभागं फ़ुसंति, असंखिजइभागं फ़ुसंति, नो संखिजी भागे फ़संति. नो असंखिजी भागे फ़संति, नो सन्वलोयं फ़ुसंति। णाणादन्वाई पदुच नियमा सन्वलोयं फुसंति । एवं अवत्तन्वगद्वाइं भाणियन्वाइं ॥ ८५ ॥ णेगमववहाराणं आणुपुरवीदव्वाइं कालओ केविचरं होंति ? एगं दव्वं पहुच जहण्णेणं एगं समयं, उक्कोसेणं असंखेजं कालं । णाणादव्याइं पडुच णियमा सव्यद्धा । अणाणुपुरवीद्वाइं अवत्तव्यगद्व्याइं च एवं चेव भाणियव्याइं ॥ ८६ ॥ णेगम-ववहाराणं आण्पववीदव्वाणं अंतरं कालओ केविचरं होड ? एगं दव्वं पड़च जहणोणं एगं समयं, उक्कोसेणं अणं(तं)तकालं । णाणादव्वाइं पडुच णस्थि अंतरं । गेगमववहाराणं अणाणुप्रव्वीदव्वाणं अंतरं कालओ केविषरं होइ? एगं दव्वं पटुच जहण्णेणं एगं समयं, उक्कोसेणं असंखेजं कालं। णाणादन्त्राइं पड्च णत्थि अंतरं। र्णगमवबहाराणं अवतव्वगद्व्वाणं अंतरं कालओ केविचरं होइ ? एगं दव्वं पडच जहण्णेणं एगं समयं, उद्दोसेणं अणंतकालं । णाणादव्वाइं पड्ड णरिथ अंतरं ॥ ८७ ॥ णेगमववहाराणं आणुप्ववीदव्वाइं सेसदव्वाणं कडमागे होजा ? किं संखिजडभागे होजा? असंखिजडभागे होजा? संखेजेष्ठ भागेष्ठ होजा? असंखेजेष्ठ भागेम होजा ? नो संखिजडभागे होजा. नो असंखिजडभागे होजा. नो संखेजेस भागेम होजा, नियमा असंखेजेस भागेन होजा । णेगमववहाराणं अणाणुप्य्वी-दव्वाइं सेसदव्वाणं कडमागे होजा? किं संखेजडभागे होजा? असंखेजडभागे होजा ? संखेजेन भागेन होजा ? असंखेजेन भागेन होजा ? नो संखेजडभागे

होजा. असंखेजइभागे होजा, नो संखेजेस भागेस होजा, नो असंखेजेस भागेस होजा । एवं अवत्तव्वगद्व्वाणि वि भाणियव्वाणि ॥ ८८ ॥ णेगमववहाराणं आण्-पुरुवीदन्वाई कयरंमि भावे होजा ? किं उदइए भावे होजा ? उवसमिए भावे होजा ? खड़ए भावे होजा ? खओवसिमए भावे होजा ? पारिणामिए भावे होजा ? सन्निवाइए भावे होज्जा ? णियमा साइपारिणामिए भावे होज्जा । अणाणुपुन्वीदव्वाणि अवत्तव्यगदव्याणि य एवं चेव भाणियव्याणि ॥ ८९ ॥ एएसिं भंते ! णेगमववहा-राणं आणुपुन्वीदव्वाणं अणाणुपुन्वीदन्वाणं अवत्तन्वगदन्वाण य दन्बहुयाए पएसह्र-याए दव्बद्रपएसद्रयाए कयरे कयरेहिंतो अप्पा वा बहुया वा तुल्ला वा विसेसाहिया वा ? गोयमा ! सन्वत्थोवाइं णेगमववहाराणं अवत्तव्वगदव्वाइं दव्बद्भयाए, अणाणु-पुन्वीदन्वाइं दन्बहुयाए विसेसाहियाईं, आणुपुन्वीदन्वाइं दन्बहुयाए असंखेजगुणाइं। पएसद्वयाए-णेगमववहाराणं सन्वत्थोवाइं अणाणुपुन्वीदन्वाइं पएसद्वयाए, अवत्तन्व-गद्व्वाइं पएसद्वयाए विसेसाहियाइं, आणुपुव्वीद्व्वाइं पएसद्वयाए अणंतगुणाइं। दव्बद्वप्रसद्व्याए-सव्बत्थोवाइं णेगमवबहाराणं अवत्तव्वगदव्वाइं दव्बद्वयाए, अणा-णुप्ववीदव्वाइं दव्बद्वयाए अपएसद्वयाए विसेसाहियाई, अवत्तव्वगदव्वाई पएसद्वयाए विसेसाहियाइं, आणुपुन्वीद्न्वाइं द्न्वह्याए असंखेजगुणाइं, ताइं चेव पएसह्याए अणंतगुणाई । सेत्तं अणुगमे । सेत्तं णेगमववहाराणं अणोवणिहिया दव्वाणुपुव्वी ॥ ९० ॥ से किं तं संगहस्स अणोवणिहिया द्वाणुपुव्वी १ संगहस्स अणोवणिहिया द्वाणुप्वी पंचविहा पण्णता । तंजहा-अट्ठपयपस्वणया १ भंगसमुक्कितणया २ भंगोवदंसणया ३ समोयारे ४ अणुगमे ५ ॥ ९१ ॥ से किं तं संगहरस अद्भप्य-परूवणया ? संगहस्स अद्वपयपरूवणया-तिपएसिए आणुपुन्वी, चउप्पएसिए आणु-पुन्वी जाव दसपएसिए आणुपुन्वी, संखिजपएसिए आणुपुन्वी, असंखिजपएसिए आणुपुन्नी, अणंतपएसिए आणुपुन्नी, परमाणुपोग्गले अणाणुपुन्नी, द्वपएसिए अवत्त-व्वए । सेत्तं संगहस्स अट्ठपयपस्वणया ॥ ९२ ॥ एयाए णं संगहस्स अट्ठपयपस्व-णयाए किं पओयणं १ एयाए णं संगहस्स अहुपयपरूवणयाए भंगसमुक्कितणया कजाइ । से किं तें संगहस्स भंगसमुक्तित्तणया ? संगहस्स भंगसमुक्रित्तणया-अत्थि आणुपुन्नी १ अत्थि अणाणुपुन्नी २ अत्थि अनतन्नए ३ अहवा अत्थि आणुपन्नी य अणाणुपुन्नी य ४ अह्वा अत्थि आणुपुन्नी य अवत्तन्नए य ५ अह्वा अत्थि अणाणुपुरवी य अवत्तव्वए य ६ अहवा अत्थि आणुपुरवी य अणाणुपुरवी य अवत्तव्वए य ७ एवं सत्तभंगा । सेत्तं संगहस्स भंगसमुक्कित्तणया । एयाए णं संगहस्स भंगसम्बित्तणयाए कि पञ्जायणं ? एयाए णं संगहस्स भंगसम्बित्तणयाए भंगोवदं-

सणया कीरइ ॥ ९३ ॥ से कि तं संगहस्स भंगोवदंसणया ? संगहस्स भंगोवदंसणया-तिपएसिया आणुप्रवी १ परमाणुपोग्गला अणाणुप्रवी २ दुपएसिया अवत्तव्वए ३ अहवा तिपएसिया य परमाणुप्रगला य आणुप्रव्वी य अणाणुप्रव्वी य ४ अहवा तिपएसिया य दुपएसिया य आणुपूरवी य अवत्तव्वए य ५ अहवा परमाणु-पोग्गला य दुपएसिया य अणाणपुर्वी य अवत्तव्वए य ६ अहवा तिपएसिया य परमाणपोग्गला य दपएसिया य आणपन्नी य अणाणपन्नी य अनुतन्नए य ७। सेतं संगहस्य भंगोवदंसणया ॥ ९४ ॥ से किं तं संगहस्य समोयारे १ संगहस्य समोयारे (भणिजाइ) । संगहस्त आणुप्वविद्वाइं किंहं समोयरंति ? किं आण-प्रविद्वेहिं समोयरंति ? अणाणप्रवीदव्वेहिं समोयरंति ? अवत्तव्वयदव्वेहिं समो-यरंति ? संगहस्स आण्पव्वीदव्वाई आण्पव्वीदव्वेहिं समोयरंति, नो अण्ण-पुरुवीदरुवेहिं समीयरंति, नो अवत्तव्ययदुरुवेहिं समीयरंति । एवं दोन्नि वि सद्राणे सद्वाणे समोयरंति । सेत्तं समोयारे ॥ ९५ ॥ से किं तं अणुगमे ? अणुगमे अद्भविहे पण्गत्ते । तंजहा-गाहा-संतैपयपस्वणया, दैव्यपमाणं च खित्तै फुसर्णा य । काँठो य अंर्तरं भागँ, भीवे अप्पावहं नित्थ ॥ १ ॥ संगहस्स आणुपृन्वीदन्वाई किं अत्थि नित्थ १ णियमा अत्थि । एवं दोन्नि वि । संगहस्स आणुप्ववीदव्वाई किं संखि-जाइं ? असंखिजाइं ? अणंताइं ? नो संखिजाइं, नो असंखिजाइं. नो अणंताइं. नियमा एगो रासी। एवं दोन्नि वि । संगहस्स आणुपुव्वीदव्वाइं छोगस्स कडमागे होजा ? कि संखिजइभागे होजा ? असंखिजइभागे होजा ? संखेजेस भागेस होजा ? असंखेजेम भागेम होजा ? सन्वलोए होजा ? नो संखिजडभागे होजा' नो असंखिजदभागे होजा, नो संखेजेषु भागेषु होजा, नो असंखेजेषु भागेषु होजा. नियमा सन्वलोए होजा। एवं दोन्नि वि । संगहरस आणपुरवीदन्वाई लोगस्य कि संखेजहमार्ग फसंति ? असंखेजहमार्ग फसंति ? संखेजे भागे फसंति ? असंखंजे भागे फुसंति ? सव्वलोगं फुसंति ? नो संखेजाइभागं फुसंति जाव णियमा सञ्बलोगं फुसंति । एवं दोच्चि वि । संगहस्स आणुपञ्बीदञ्बाइं कालओ केविसरं होंति ? (नियमा) सन्बद्धा । एवं दोन्नि वि । संगहस्स आणुपन्वीदन्वाणं कालओ केविचरं अंतरं होड ? पश्चि अंतरं । एवं दोन्नि वि । संगहस्स आणुप्ववीद्ववाडं सेमदव्याणं कडमागे होजा ? कि संखिजडभागे होजा ? असंखिजडभागे होजा ? संखंजित भागेम होजा? असंखेजेम भागेम होजा? नो संखिजदभागे होजा. नो असंखिजदभागे होजा, नो संखेजेस भागेस होजा, नो असंखेजेस भागेस होजा, नियमा तिभागे होजा । एवं दोक्षि वि । संगहरूस आणुपव्वीदव्याउं

कयरम्मि भावे होजा ? नियमा साइपारिणामिए भावे होजा। एवं दोन्नि वि। अप्पाबहं नित्थ । सेत्तं अणुगमे । सेत्तं संगहस्स अणोवणिहिया दव्वाणुपुव्वी । सेत्तं अणोवणिहिया दव्वाणुप्ववी ॥ ९६ ॥ से किं तं उवणिहिया दव्वाणुप्ववी ? उवणिहिया दव्वाणुपुर्वी तिविहा पण्णता । तंजहा-पुर्वाणुपुर्वी १ पच्छाणुपुर्वी २ अणाणपुरुवी य ३ ॥९७॥ से किं तं पुरुवाणपुरुवी ? पुरुवाणुपुरुवी∹थम्मत्थिकाए १ अधम्मत्थिकाए २ आगासत्थिकाए ३ जीवत्थिकाए ४ पोग्गलत्थिकाए ५ अद्धा-समए ६। सेनं पुरुवाणपुरुवी। से किं तं पच्छाणपुरुवी ? पच्छाणुपुरुवी-अद्धासमए ६ पोग्गलत्थिकाए ५ जीवत्थिकाए ४ आगासत्थिकाए ३ अधम्मत्थिकाए २ धम्म-त्थिकाए १। सेत्तं पच्छाणपुरुवी । से किं तं अणाणुपुरुवी ? अणाणुपुरुवी-एयाए चेव एगाइयाए एगुत्तरियाए छगच्छैगयाए सेढीए अण्णमण्णब्सासी दुस्वूणो । सेत्तं अणाणपुरुवी ॥ ९८ ॥ अहवा उवणिहिया दव्वाणपुरुवी तिविहा पण्णता । तंजहा-पुरुवाणपुरुवी १ परछाणपुरुवी २ अणाणपुरुवी ३ । से किंतं पुरुवाणपुरुवी ? पुरुवा-णुपुव्वी-परमाणुपोग्गले १ द्वपएसिए २ तिपएसिए ३ जाव दसपएसिए १० संखि-जपएसिए ११ असंखिजपएसिए १२ अणंतपएसिए १३। सेत्तं प्रव्वाणुप्रव्वी। से किं तं पच्छाणपुरुवी १ पच्छाणपुरुवी-अणंतपएसिए १३ जाव परमाणुपोग्गछे १। सेत्तं परछाणुपुरवी । से किं तं अणाणुपुरवी ? अणाणुपुरवी-एयाए चेव एगाइयाए एगुत्तरियाए अणंतगच्छगयाए सेढीए अण्णमण्णव्भासो दुरुव्रणो । सेत्तं अणाणुप्रव्वी । सेत्तं उवणिहिया दव्वाणुपुव्वी । ^२सेत्तं जाणयसरीरभवियसरीरवइरित्ता दव्वाणुपुव्वी । सेत्तं नोआगमओ द्वाणुप्ववी । सेत्तं द्वाणुप्ववी ॥ ९९ ॥ से किं तं खेता-णुपुन्वी ? खेताणुपुन्वी दुविहा पण्णता । तंजहा-उविणिहिया य अणोविणिहिया य ॥ १०० ॥ तत्थ णं जा सा उवणिहिया सा ठप्पा । तत्थ णं जा सा अणीवणि-हिया सा दुविहा पण्णत्ता । तंजहा-णेगमववहाराणं १ संगहस्स य २ ॥ १०१ ॥ से किं तं णेगमववहाराणं अणोवणिहिया खेताणुपुव्वी १ णेगमववहाराणं अणोवणि-हिया खेताणुप्ववी पंचविहा पण्णता । तंजहा-अद्रपयपस्वणया १ भंगसम् क्कित-णया २ भंगोवदंसणया ३ समोयारे ४ अणुगमे ५ । से किं तं णेगमववहाराणं अद्वपयपरूवणया ? णेगमववहाराणं अद्वपयपरूवणया-तिपएसोगाढे आणुपव्वी जाव दसपएसोगाढे आणुपुन्नी, संखिजपएसोगाढे आणुपुन्नी, असंखिजपएसोगाढे आणु-पुन्वी, एगपएसोगाढे अणाणुपुन्वी, दुपएसोगाढे अवत्तन्वए, तिपएसोगाढा आणु-पुन्वीओ जाव दसपएसोगाढा आणुपुन्वीओ, असंखिज्जपएसोगाढा आणुपुन्वीओ.

१ 'समूह'। २ पचंतरे एसो पाडो नित्थ।

एगपएसोगाढा अणाणुपुव्वीओ, दुपएसोगाढा अवत्तव्वगाई । सेत्तं णेगमववहाराणं अद्वपयपस्वणया । एयाए णं णेगमववहाराणं अद्वपयपस्वणयाए किं पओयणं ? एयाए० णेगमववहाराणं अद्भपयपस्वणयाए णेगमववहाराणं भंगसमुक्कित्तणया कजाइ । से किं तं णेगमववहाराणं भंगसमुक्कित्तणया ? णेगमववहाराणं भंगसमुक्कित्तणया-अस्थि आणुपुर्वी १ अस्थि अणाणुपुर्वी २ अस्थि अवत्तव्वए ३ एवं दव्वाणुपुर्वी-गमेणं खेताणुपुरवीए वि ते चेव छव्वीसं भंगा भाणियव्वा जाव सेतं णेगम-ववहाराणं भंगसम् क्कित्तणया । एयाए णं णेगमववहाराणं भंगसम् क्कित्तणयाए किं पओयणं ? एयाए णं णेगमववहाराणं भंगसमुक्कित्तणयाए भंगोवदंसणया कीरइ। से किं तं णेगमववहाराणं भंगोवदंसणया ? णेगमववहाराणं भंगोवदंसणया-तिपएसोगाढे आणुपुर्वी १ एगपएसोगाढे अणाणुपुर्वी २ दुपएसोगाढे अवत्तव्वए ३ तिपएसोगाढा आणुपुन्वीओ ४ एगपएसोगाढा अणाणुपुन्वीओ ५ द्रपएसोगाढा अवत्तन्वगाई ६ अहवा तिपएसोगाढे य एगपएसोगाढे य आण्पुव्वी य अणाणुप्ववी य एवं तहा चेव दव्वाणपव्वीगमेणं छव्वीसं भंगा भाणियव्वा जाव सेत्तं णेगमववहाराणं भंगो-वदंसणया । से किं तं समोयारे ? समोयारे-णेगमववहाराणं आणुप्रव्वीदव्वाइं किंहं समोयरंति ? किं आणुपुर्वीदन्वेहिं समोयरंति ? अणाणुपुर्वीदन्वेहिं समोयरंति ? अवत्तव्वयद्वविहं समीयरंति ?० आण्पुव्वीद्ववाइं आण्पुव्वीद्वविहं समीयरंति, नो अणाणपुर्वीद्वेहिं समीयरंति. नो अवत्तव्ययद्वेहिं समीयरंति । एवं दोन्नि वि सद्राणे सद्राणे समोयरंति । सेतं समोयारे । से किं तं अणुगमे ? अणुगमे नवविहे पण्णते । तंजहा-गाहा-संतेपयपहवणया. दैव्वपमाणं च खित्त फुसणी य । काँठो य अंतैरं भाग, भावे अप्पार्वहं चव ॥ ३ ॥ णेगमववहाराणं आणुप्ववीदव्याइं कि अत्थि नत्थि? णियमा अतिथ । एवं दोनि वि । णेगमववहाराणं आणुप्ववीदव्वाइं किं संखिजाइं ? असंखिजाई ? अणंताई ? नो संखिजाई, नो असंखिजाई, अणंताई । एवं दोन्नि वि । णेगमववहाराणं आणपुर्वीद्वां लोगस्स कि संखिज्जडभागे होजा ? असंखिज्जडभागे होजा ? जाव सन्बरोए होजा ? एगं दन्यं पडुच संखिजाइमारे वा होजा, असं-खिजडभागे वा होजा, संखेजेमु भागेमु वा होजा, असंखेजेमु भागेमु वा होजा, देसणे वा लोए होजा। णाणादव्वाइं पड्डम नियमा सन्वलोए होजा। णेगमवव-हाराणं अणाणुप्रवीदव्वाणं पुच्छाए-एगं दथ्वं पद्ध नो संखिजदभागे होजा. असंखिजदभागे होजा, नो संखेजेन भागेन होजा, नो असंखेजेन भागेन होजा. नो सन्बलोए होजा । णाणादन्बाइं पडुन्न नियमा सन्बलोए होजा । एवं अवत्तन्ब-गद्भव्याणि वि भाणियव्याणि । णेगमववहाराणं आणुपुर्वीद्व्याइं लोगस्स कि संखि-

जाइमार्ग फुसंति ? असंखिजाइभागं फुसंति ? संखेजे भागे फुसंति ? असंखेजे भागे फसंति ? सन्वलोगं फ़संति ? एगं दन्वं पडुच संखिजाइभागं वा फुसइ, असंखिजाइ-भागं वा फुसइ, संखेजे भागे वा फुसइ, असंखेजे भागे वा फुसइ, देस्णं वा छोगं फुसइ । णाणादव्वाइं पडुच नियमा सव्वलोयं फुसंति । अणाणुपुव्वीदव्वाइं अवत्त-व्वयद्व्वाइं च जहा खेतं नवरं फुसणा भाणियव्वा । णेगमववहाराणं आणुप्व्वी-दव्वाई कालओ केविचरं होंति १ एगं दव्वं पहुच जहण्णेणं एगं समयं, उक्कोसेणं असं-खेजं कालं । णाणादव्वाइं पडुच णियमा सन्वद्धा । एवं दुण्णि वि । णेगमववहाराणं आणुपुव्वीदव्वाणमंतरं कालओ केवचिरं होइ ? एगं दव्वं पडुच जहण्णेणं एगं समयं, उक्कोसेणं असंखेजं कालं । नाणाद्वाइं पडुच णित्थ अंतरं । णेगमववहाराणं आण-पुरुवीदव्वाइं सेसदव्वाणं कइभागे होजा ? तिष्णि वि जहा दव्वाणपुरुवीए । णेगम-ववहाराणं आणुपुव्वीदव्वाइं कयर्मिम भावे होजा ? नियमा साइपारिणामिए भावे होजा । एवं दोन्नि वि । एएसि णं भंते ! णेगमववहाराणं आणुप्वीदव्वाणं अणाण-पुव्वीद्वाणं अवत्तव्वगद्वाणं च द्व्वह्याए पएसह्याए द्व्वहुपएसह्याए क्यरे क्यरे-हिंतो अप्पा वा बहुया वा तुल्ला वा विसेसाहिया वा ? गोयमा ! सव्वत्थोवाई णेगम-ववहाराणं अवत्तव्वगदव्वाइं दव्बद्वयाए, अणाणुपुव्वीदव्वाइं दव्बद्वयाए विसेसाहियाइं, आणुपुन्वीदन्वाइं दन्वह्याए असंखेजगुणाइं, पएसहयाए-सन्वत्थोवाइं णेगमववहाराणं अणाणुपुन्वीदन्वाइं अपएसह्रयाए, अवत्तन्वगदन्वाइं पएसह्रयाए विसेसाहियाइं, आणुपन्वीदन्वाइं पएसहयाए असंखेजगुणाइं, दन्वह्रपएसह्याए-सन्वत्थोवाइं णेगम-ववहाराणं अवत्तव्वगदव्वाइं दव्बद्रयाए, अणाणपुर्वीदव्वाइं दव्बद्रयाए अपएसद्रयाए विसेसाहियाइं, अवत्तव्वगदव्वाइं पएसद्रयाए विसेसाहियाइं, आण्प्रव्वीदव्वाइं दव्यद्व-याए असंखेजगुणाई, ताई चेव पएसद्रयाए असंखेजगुणाई । सेत्तं अणुगमे । सेत्तं णेगमववहाराणं अणोवणिहिया खेत्ताणुपुव्वी ॥ १०२ ॥ से किं तं संगहस्स अणो-वणिहिया खेत्ताणुपुन्वी ? संगहरस अणोवणिहिया खेत्ताणुपुन्वी पंचविद्दा पण्णता । तंजहा-अट्ठपयपह्वणया १ भंगसमुक्कित्तणया २ भंगोवदंसणया ३ समोयारे ४ अणुगमे ५ । से किं तं संगहस्स अड्ठपयपरूवणया ? संगहस्स अड्ठपयपरूवणया-तिपएसोगाढे आणुपुन्नी, चडप्पएसोगाढे आणुपुन्नी जाव दसपएसोगाढे आणुपुन्नी. संखिजपएसोगाढे आणुपुन्वी, असंखिजपएसोगाढे आणुपुन्वी, एगपएसोगाढे अणा-णुप्व्वी, दुपएसोगाढे अवत्तव्वए । सेत्तं संगहस्स अट्ठपयपह्वणया । एयाए णं संगहस्स अद्रपयपरूवणयाए किं पओयणं ^१० संगहस्स अद्रपयपरुवणयाए संगहस्स भंगसमुक्तित्तणया कजाइ। से किं तं संगहस्स भंगसमुक्तित्तणया ? संगहस्स भंग-

समुक्तित्तणया-अत्थि आणुपुरवी १ अत्थि अणाणुपव्वी २ अत्थि अवत्तव्वए ३ अहवा अत्थि आणुपुरवी य अणाणुपुरवी य एवं जहा दव्वाणुपुरवीए संगहस्स तहा भाणियव्वा जाव सेत्तं संगहस्स भंगसमुकित्तणया । एयाए णं संगहस्स भंगसमु-कित्तणयाए कि पओयणं ? एयाए णं संगहस्स भंगसमुकित्तणयाए भंगोवदंसणया कजाइ । से किं तं संगहस्स भंगोवदंसणया ? संगहस्स भंगोवदंसणया-तिपएसोगाढे आणुपुच्वी १ एगपएसोगाढे अणाणुपुच्वी २ दुपएसोगाढे अवत्तव्वए ३ अहवा तिपएसोगाढे य एगपएसोगाढे य आणुपुन्नी य अणाणुपन्नी य एवं जहा दन्नाणु-पुर्वीए संगहस्स तहा खेताणपुरवीए वि भाणियव्वं जाव सेत्तं संगहस्स भंगोवदं-सणया । से किं तं समीयारे ? समीयारे-संगहस्स आणुपुव्वीदव्वाईं किहं समीय-रंति ? किं आणुप्ववीद्वेहिं समोयरंति ? अणाणुप्ववीद्वेहिं समोयरंति ? अवत्त-व्वयदव्वेहिं समीयरंति ? तिण्णि वि सद्राणे समीयरंति । सेत्तं समीयारे । से किं तं अणुगमे ? अणुगमे अद्वविहे पण्णते । तंजहा-गाहा-संतैपयपहवणया, दैव्वपमाणं च खित्तै फुसर्णा य । कीलो य अंतरं भाग, भीवे अप्पावहं णित्य ॥ १ ॥ संगहस्स आणुपुच्वीदव्वाइं किं अतिथ गतिथ ? णियमा अतिथ । एवं दुण्णि वि । सेसग-दाराइं जहा दव्वाणुप्ववीए संगहस्स तहा खेताणुप्ववीए वि भाणियव्वाइं जाव सेत्तं अणुगमे । सेत्तं संगहस्स अणोवणिहिया खेत्ताणुपुन्वी । सेत्तं अणोवणिहिया खेत्ताणुपुव्वी ॥ १०३ ॥ से किं तं उवणिहिया खेत्ताणुपुव्वी ? उवणिहिया खेत्ताणु-पुर्वी तिविहा पण्णता । तंजहा-पुर्वाणपुर्वी १ पच्छाणपुर्वी २ अणाणपुर्वी य ३ । से किं तं पुर्वाणपुर्वी १ पुरवाणपुर्वी-अहोलोए १ तिरियलोए २ उ**ह**लोए ३ । सेत्तं पुरुवाणुपुरुवी । से किं तं पच्छाणुपुरुवी ? पच्छाणपुरुवी –उन्नुलोए ३ तिरियलोए २ अहोलोए १ । सेत्तं पच्छाणपुरवी । से किं तं अणाणपुरवी ? अणाणपुरवी-एयाए चेव एगाइयाए एगुत्तरियाए तिगच्छगयाए सेढीए अण्णमण्णब्भासो दुरुवृणो । सेत्तं अणाणुप्न्वी । अहोत्रोयखेताणुप्न्वी तिबिहा पण्णता । तंजहा-प्रन्वाणुप्न्वी १ पच्छाणुपव्वी २ अणाणुप्व्यी ३ । से कि तं प्रव्याणुपुव्वी १ पुव्याणुपुव्वी-रयणप्पभा १ सकरप्पमा २ वालुयप्पमा ३ पंकप्पमा ४ ध्रमप्पमा ५ तमप्पमा ६ तमतमप्पमा ७ । सेत्तं पुञ्चाणुपूर्वी । से किं तं पच्छाणुपूर्वी ? पच्छाणुपुर्वी-तमतमप्पभा ७ जाव रयणप्पमा १। सेतं पच्छाणपुर्व्या । से कि तं अणाणपुर्व्या ? अणाणपुर्व्या-गयाए चैव एगाइयाए एयत्तरियाए सत्तगच्छगयाए सेढीए अण्णमण्णवभासी दुरुवणी। सेतं अणाणुपुब्धी । तिरियलोयखेताणुपुब्बी तिबिहा पण्णता । तंजहा-पुब्बाणुपुब्बी १ पच्छाणुपव्यी २ अणाणुपव्यी ३ । से कि तं प्रव्याणपुर्वी ? प्रव्याणुप्रवी-

गाहाओ-जंबूदीवे लवणे, धायइ कालोय पुक्खरे वरुणे। खीर घय खोय नंदी, अरुणवरे कुंडले रुयगे ॥ १ ॥ अभरण वत्य गंधे, उप्पल तिलए य पुढवि निहि रयणे । वासहर दह नईओ, विजया वक्खार कपिंदा ॥ २ ॥ कुरु मंदर आवासा. कृडा नक्खत चंद सरा य । देवे नागे जक्खे, भूए य सयंभुरमणे य ॥ ३ ॥ सेत्तं पुट्वाणुपुट्वी । से किं तं पच्छाणुपुट्वी ? पच्छाणुपुट्वी सयंभूरमणे य जाव जंबूदीवे । सेत्तं पच्छाणुपुव्वी । से किं तं अणाणुपुव्वी ? अणाणुपुव्वी – एयाए चेव एगाइयाए एगुत्तरियाए असंखेजनच्छगयाए सेढीए अण्णमण्णव्भासो दुस्वूणो। सेत्तं अणाणुपुन्वी । उद्गुलोयखेताणुपुन्वी तिविहा पण्णता । तंजहा-पुन्वाणुपुन्वी १ पच्छाण्पव्वी २ अणाण्पव्वी ३ । से किं तं पुव्वाणुप्व्वी १ पुव्वाणुपुव्वी-सोहम्मे १ ईसाणे २ सणंक्रमारे ३ माहिंदे ४ बंभलोए ५ लंतए ६ महासुके ७ सहस्सारे ८ आणए ९ पाणए १० आरणे ११ अञ्चए १२ गेवेजविमाणे १३ अणुत्तरिवमाणे १४ ईसिपन्भारा १५ । सेत्तं पुरुवाणुपुरुवी । से किं तं पच्छाणुपुरुवी ? पच्छाणपुरवी-ईसिपब्सारा १५ जाव सोहम्मे १। सेत्तं पच्छाणुपुरवी । से किं तं अणाणुपुन्वी ? अणाणुपुन्वी-एयाए चेव एगाइयाए एगुत्तरियाए पन्नरसगच्छगयाए सेढीए अण्णमण्णव्भासो दुरूवूणो । सेत्तं अणाणुपुन्नी । अहवा उवणिहिया खेताणु-पुरुवी तिविहा पण्णत्ता । तंजहा-पुरुवाणुपुरुवी १ पच्छाणुपुरुवी २ अणाणुपुरुवी य ३ । से किं तं पुन्वाणुपुन्वी ? पुन्वाणुपुन्वी-एगपएसोगाढे, दुपएसोगाढे जात्र दसपएसोगाढे जाव संखिजपएसोगाढे, असंखिजपएसोगाढे । सेत्तं पुरवाणुपुरवी । से किं तं पच्छाणुपुरवी ? पच्छाणुपुरवी-असंखिजपएसोगाढे, संखिजपएसोगाढे जाव एगपएसोगाढे । सेत्तं पच्छाणुपुन्वी । से किं तं अणाणुपुन्वी ? अणाणुपुन्वी-एयाए चेव एगाइयाए एगुत्तरियाए असंखिजगच्छगयाए सेढीए अण्णमण्णन्मासो दुस्वूणो । सेत्तं अणाणुपुन्नी । सेत्तं उनिणहिया खेताणुपुन्नी । **सेत्तं खेताणुपुन्नी ॥ १०४ ॥** से किंतं कालाणुप्ववी ? कालाणुप्ववी दुविहा पण्णत्ता। तंजहा—उविणिहिया य १ अणोवणिहिया य २ ॥ १०५ ॥ तत्थ णं जा सा उवणिहिया सा ठप्पा । तत्थ णं जा सा अणोवणिहिया सा दुविहा पण्णता । तंजहा-णेगमववहाराणं १ संगहरूस य २ ॥ १०६ ॥ से किं तं णेगमववहाराणं अणोवणिहिया कालाणुपुन्वी ? णेगमवव-हाराणं अणोवणिहिया कालाणुपुन्वी पंचविहा पण्णता । तंजहा-अद्रपयपुरुवणया १ भंगसमुक्कित्तणया २ भंगोवदंसणया ३ समोयारे ४ अणुगमे ५ ॥ १०७ ॥ से कि

१ जंबुद्दीवाओ खळु, निरंतरा सेसया असंखद्दमा । भुयगवर कुसवराविय, कॉच-वराभरणमाई य ॥ वायणंतरे एसा गाहा वि लब्भइ ।

तं णेगमववहाराणं अद्भपयपहवणया ? णेगमववहाराणं अद्भपयपहवणया-तिसमय-हिइए आणुपुन्वी जाव दससमयहिइए आणुपुन्वी, संखिजसमयहिइए आणुपुन्वी, असंखिजसमयद्विइए आणुप्ववी, एगसमयद्विइए अणाणुप्ववी, दुसमयद्विइए अवत्तव्वए, तिसमयद्भिष्टयाओं आणुपुरवीओं, एगसमयद्भिष्टयाओं अणाणुपुरवीओं, दुसमयद्रिङ्याइं अवत्तव्वगाइं । सेत्तं णैगमववहाराणं अद्भुपयपह्वणया । एयाए णं णेगमववहाराणं अद्रपयपस्वणयाए किं पओयणं १० णेगमववहाराणं अद्रपयपस्व-णयाए णेगमववहाराणं भंगसमुक्तित्तणया कज्जइ ॥ १०८ ॥ से किं तं णेगमवव-हाराणं भंगसमुक्तित्तणया ? णेगमववहाराणं भंगसमुक्तित्तणया-अत्थि आणुपुव्वी १ अत्थि अणाणुप्रव्वी २ अत्थि अवत्तव्वए ३ एवं दव्वाणुपुव्वीगमेणं कालाणु-पुरुवीए वि ते चेव छन्त्रीसं भंगा भाणियन्त्रा जाव सेत्तं णेगमववहाराणं भंगसम-कित्तणया । एयाए णं णेगमववहाराणं भंगसमुक्कित्तणयाए किं पओयणं ? एयाए णं णेगमववहाराणं भंगसम् क्रित्तणयां ए णेगमववहाराणं भंगोवदंसणया कज्जड ॥ १०९ ॥ से किं तं णेगमववहाराणं भंगोवदंसणया ? णेगमववहाराणं भंगोवदं-सणया-तिसमयद्रिहए आणुप्ववी १ एगसमयद्रिहए अणाणुप्ववी २ दुसमयद्विहए अवत्तव्यए ३ तिसमयद्विद्याओ आणुप्वतीओ ४ एगसमयद्विदयाओ अणाणुप्वतीओ ५ दुसमयद्विइयाइं अवत्तव्वगाइं ६ । अहवा तिसमयद्विइए य एगसमयद्विइए य आणुपुरुवी य अणाणुपुरुवी य एवं तहा द्वाणुपुरुवीगमेणं छन्वीसं भंगा भाणियव्या जाव संतं णेगमववहाराणं भंगोवदंसणया ॥ ११० ॥ से किं तं समोयारे ? समोयारे-णेगमववहाराणं आणुपव्वीदव्वाइं किंहं समोयरंति ? किं आणुपुव्वीदव्वेहिं समो-यरंति ? अणाणपुरवीदव्वेहिं समीयरंति ? अवत्तव्वयदव्वेहिं समीयरंति ? एवं तिण्णि वि सहाणे समोयरंति इति भाणियव्वं । सेत्तं समोयारे ॥ १११ ॥ से किं तं अणुगमे ? अणुगमे नवविहे पण्णते । तंजहा-गाहा-संतपयपस्वणयी, दव्वपमीणं च खितै पुसणा य । कीलो य अंतर्र भाग, भावे अप्पावंह चेव ॥ १ ॥ णेगमववहाराणं आणुपुन्वी-दव्याउं कि अध्यि णरिध ? णियमा तिर्णिण वि अध्यि । णेगमववहाराणं आणुपव्वी-दव्याउं कि संखिजाउं ? असंखिजाउं ? अणंताउं ? नो संखिजाउं, नियमा असं-खिजाई, मो अणंताई । एवं द्रण्णि वि । णेगमववहाराणं आणुपव्यीदव्वाई लोगस्स कि संखिजडभागे होजा ? असंखिजडभागे होजा ? संखेजेसु भागेसु होजा ? असं-खेजेंग भागेम होजा ? सव्वलीए होजा ? एगं दव्यं पड़च संखिजइभागे वा होजा, असंखिजहमारे वा होजा, संखेजेम भारेमु वा होजा, असंखेजेमु भारेमु वा होजा, (प)दंस्णे वा लोए होजा। णाणादव्याई पद्मच नियमा सव्यलोए होजा। (आए-

संतरेण वा सन्वपुच्छास होजा) एवं अणाणुपुर्वीदव्वाणि अवत्तर्वगद्वाणि वि जहा खेताणुपुव्वीए। एवं फुसणा कालाणुपुव्वीए वि तहा चेव भाणियव्वा। णेगम-ववहाराणं आणुप्ववीदव्वाइं कालओं केविचरं होंति ? एगं दव्वं पद्धच जहण्णेणं तिण्णि समया. उक्कोसेणं असंखेजं कालं। णाणादव्वाउं पड्य सव्वद्धाः णेगमववहा-राणं अणाणुपुन्वीदन्वाइं कालओ केवचिरं होंति ? एगं दन्वं पडुच अजहण्णमणु-कोसेणं एकं समयं, णाणादन्वाइं पड़च सन्वद्धा । अवत्तव्वगदन्वाणं पुच्छा ? एगं दव्वं पहुच अजहण्णमणुक्कोसेणं दो समया, णाणादव्वाइं पहुच सव्वद्धा । णेगम-ववहाराणं आणुप्रव्वीदव्वाणमंतरं कालओ केविचरं होड १ एगं दव्वं पडच जहण्णेणं एगं समयं, उक्कोसेणं दो समया। णाणाद्वाइं पहुच णित्य अंतरं। णेगमववहाराणं अणाणुपुन्वीदन्वाणं अंतरं कालओ केविचरं होइ? एगं दन्वं पडुच जहण्णेणं दो समयं, उक्कोसेणं असंखेजं कालं। णाणादव्वाइं पहुच णत्थि अंतरं। णेगमववहाराणं अवत्तव्वगद्वाणं पुच्छा ? एगं दव्वं पहुच जहणोणं एगं समयं, उक्कोसेणं असंखेजं कालं । णाणाद्व्वाइं पहुच णितथ अंतरं । भागभावअप्पाबहुं चेव जहा खेताणुप्व्वीए तहा भाणियन्वाइं जाव सेत्तं अणुगमे । सेत्तं णेगमववहाराणं अणोवणिहिया काला-णुपुरुवी ॥ ११२ ॥ से किं तं संगहस्स अणोवणिहिया कालाणुपुरुवी ? संगहस्स अणोवणिहिया कालाणुपुन्वी पंचिवहा पण्णता । तंजहा-अट्ठपयपरुवणया १ भंगसम्-क्कित्तणया २ भंगोवदंसणया ३ समोयारे ४ अणुगमे ५ ॥ १९३ ॥ से किं तं संग-हस्स अट्ठपयपरूवणया ? संगहस्स अट्ठपयपरूवणया-एयाई पंच वि दाराइं जहा खेत्ताणुपुन्वीए संगहस्स कालाणुपुन्वीए वि तहा भाणियन्वाणि । णवरं ठिइ-अभि-लावो जाव सेत्तं अणुगमे । सेत्तं संगहस्स अणोवणिहिया कालाणुप्रव्यी ॥ ११४ ॥ से किं तं उवणिहिया कालाणुपुच्वी ? उवणिहिया कालाणुपुच्वी तिविहा पण्णता। तंजहा-पुन्वाणुपुन्वी १ पच्छाणुपुन्वी २ अणाणुपुन्वी ३ । से किं तं पुन्वाणुपुन्वी १ पुन्वाणुपुन्वी-समए १ आविलया २ आणापाणू ३ थोवे ४ लवे ५ सुहृत्ते ६ अहो-रते ७ पक्खे ८ मासे ९ उऊ १० अयणे ११ संवच्छरे १२ जुगे १३ वाससए १४ वाससहस्से १५ वाससयसहरूसे १६ पुन्वंगे १७ पुन्वे १८ तुष्डियंगे १९ तुष्डिए २० अडडंगे २१ अडडे २२ अववंगे २३ अववे २४ हुहुयंगे २५ हुहुए २६ उप्पलंगे २७ उप्पले २८ पडमंगे २९ पडमे ३० णलिणंगे ३१ णलिणे ३२ अत्थ-निउरंगे ३३ अत्थनिउरे ३४ अउयंगे ३५ अउए ३६ नउयंगे ३७ नउए ३८ पडयंगे ३९ पडए ४० चूलियंगे ४१ चूलिया ४२ सीसपहेलियंगे ४३ सीसपहेलिया ४४ पिलओवमे ४५ सागरोवमे ४६ ओसप्पिणी ४० उस्सप्पिणी ४८ पोगगलपरि-

येंट्रे ४९ अतीतद्धा ५० अणागयद्धा ५१ सन्बद्धा ५२ । सेत्तं पुन्वाणुपुन्वी । से किंतं पच्छाणुपुव्वी ? पच्छाणुपुव्वी – सव्बद्धा ५२ अणागयद्धा ५१ जाव समए १। सेत्तं पच्छा-णुपव्वी । से किं तं अणाणुपुव्वी ? अणाणुपुव्वी-एयाए चेव एगाइयाए एगुत्तरियाए अणंतगच्छगयाए सेढीए अण्णमण्णब्भासो दुरुवृणो । सेत्तं अणाणुपुब्वी । अहवा उवणि-हिया कालाणुपुन्वी तिविहा पण्णत्ता। तंजहा-पुन्वाणुपुन्वी १ पच्छाणुपुन्वी २ अणाणु-पुट्वी ३। से किं तं पुट्वाणुपुट्वी १ पुट्वाणुपुट्वी-एगसमयहिइए, दुसमयहिइए, तिसमय-द्रिङए जाव दससमयद्विङ्ए, संखिजसमयद्विङ्ए, असंखिजसमयद्विङ्ए । सेत्तं पुव्वाणु-पत्र्वी। से किं तं पन्छाणुप्रवी ? पन्छाणुप्रवी-असंखिजसमयद्विइए जाव एगसमयद्वि-इए । सेत्तं पच्छाणुपुर्वी । से किं तं अणाणुपुर्वी ? अणाणुपुर्वी –एयाए चेव एगाइयाए एगुत्तरियाए असंखिजगन्छगयाए सेढीए अण्णमण्णब्भासो दुस्वूणो । सेत्तं अणाणु-पुव्वी । सेत्तं उवणिहिया कालाणुपुव्वी । **सेत्तं कालाणुपुव्वी** ॥ १९५ ॥ से किं नं उक्कित्तणाणुपुब्बी १ उक्कित्तणाणुपुब्बी तिविहा पण्णत्ता । तंजहा-पुब्बाणुपुब्बी १ पच्छाणुपुब्बी २ अणाणुपुब्बी य ३ । से किं तं पुब्बाणुपुब्बी ? पुब्बाणुपुब्बी-उसभे १ अजिए २ संभवे ३ अभिणंदणे ४ सुमई ५ पडमप्पहे ६ सुपासे ७ चंदप्पहे ८ मुविही ९ सीयले १० सेजंसे ११ वासुपुजे १२ विमले १३ अणंते १४ धम्मे १५ संती १६ कुंध १० अरे १८ मछी १९ मुणिसुव्वए २० णमी २१ अरिट्टणेमी २२ पासे २३ वद्भमाणे २४ । सेत्तं पुव्वाणुपुव्वी । से किं तं पच्छाणुपुव्वी ? पच्छाणु-पुर्वी-वडमाणे २४ जाव उसमे १ । सेत्तं पच्छाणुपुर्वी । से किं तं अणाणुपुर्वी ? अणाणुपृन्वी-एयाए चेव एगाइयाए एगुत्तरियाए चडवीसगच्छगयाए सेढीए अण्ण-मण्णवभासो दुल्कृणो । सेत्तं अणाणुपुव्यी । सेत्तं उक्कित्तणाणुपुट्यी ॥ ११६ ॥ से कि नं गणणाणुपुरवी १ गणणाणुपुरवी तिविहा पण्णता । नंजहा-पुरवाणुपुरवी १ पच्छा-णुपव्यी २ अणाणुप्रव्यी ३। से किं तं पुरुवाणुप्रव्यी ? पुरुवाणुपुर्व्यी-एगो, दस, सयं, सहरमं, दसमहरमाइं, सयसहरसं, दससयसहरसाइं, कोडी, दसकोडीओ, कोडीसयं, दसकोडिसयाई । सेत्तं पुट्याणुपट्यी । से किं तं पच्छाणुपट्यी ? पच्छाणुपुट्यी – दसकोडिसयाई जाव ए(को)मो । सेत्तं पच्छाणुपव्यी । से किं तं अणाणुप्व्यी ! अणाणुपुन्वी-एयाए चेव एगाइयाए एगुत्तरियाए दसकोडिसयगच्छगयाए सेठीए अण्णमण्णव्भासो दुहतूणो । सेत्तं अणाणुपुन्त्री । **सेत्तं गणणाणुपुन्त्री** ॥ ११७ ॥ से कि तं संठाणाणुपुन्वी ? संठाणाणुपुन्वी तिविहा पण्णता । नेजहा-पुरुवाणुपुरुवी ९ पच्छाणुपुरुवी २ अणाणुपुरुवी ३ । से किं तं पुरुवाणुपुरुवी १ पुन्ताणुपुन्त्री-समच उरंसे १ निग्गोहमंडले २ साई ३ लुजे ४ वामणे ५ हंडे ६ । ७० मसा०

सेत्तं पुव्वाणुपुव्वी । से किं तं पच्छाणुपुव्वी ? प०-हुंडे ६ जाव समचउरंसे १ । सेत्तं पच्छाणपुर्वी । से किं तं अणाणपुर्वी ? अणाणपुर्वी-एयाए चेव एगाइयाए एगुत्तरियाए छगच्छगयाए सेढीए अण्णमण्णञ्मासो दुरुवृणो । सेत्तं अणाणुप्ववी । सेतं संठाणाणुप्टवी ॥ ११८॥ से किं तं सामायारीआणुपुटवी ^१ सामायारीआ-णुपुन्वी तिविहा पण्णता । तंजहा-पुन्वाणुपुन्वी १ पच्छाणुपुन्वी २ अणाणुपुन्वी ३। से किं तं पुरुवाणुपुरुवी ? पुरुवाणुपुरुवी -गाहा-इच्छी-सिच्छी-तहकारी, आवस्सिया य निसीहिया। आपुच्छर्णा य पिडपुच्छा, छंदर्णा य निमंतर्णा॥ १॥ उवसंपर्यी य काले. समायारी भवे दसविहा उ । सेत्तं पुव्वाणुपुव्वी । से किं तं पच्छाणुपुव्वी १ पच्छाणु-पुन्वी-उवसंपर्या जाव इच्छागारी । सेतं पच्छाणुपन्वी । से किं तं अणाणुपन्वी ? अणाणुपुन्वी-एयाए चेव एगाइयाए एगुत्तरियाए दसगच्छगयाए सेढीए अण्णमण्ण-ब्भासो दुरुवूणो। सेत्तं अणाणुपुव्वी। सेत्तं सामायारीआणुपुव्वी॥ ११९॥ से किं तं भावाणुप्ववी ? भावाणुप्ववी तिविहा पण्णता। तंजहा-प्ववाणुप्ववी १ पच्छाणुप्ववी २ अणाणुपुन्वी ३ । से किं तं पुन्वाणुपुन्वी ? पुन्वाणुपुन्वी-उदइए १ उनसमिए २ खाइए ३ खओवसमिए ४ पारिणामिए ५ सन्निवाइए ६ । सेत्तं पुरुवाणुपुरुवी । से किं तं पच्छाणपुर्वी ? पच्छाणपुर्वी-सन्निवाइए ६ जाव उदहए १ । सेनं पच्छाणपुर्वी । से किं तं अणाणपुरवी ? अणाणपुरवी-एयाए चेव एगाइयाए एगुत्तरियाए छगच्छग-याए सेढीए अण्णमण्णन्मासो दुस्वृणो । सेत्तं अणाणुपुन्वी । **सेत्तं भावाणुपुन्वी ।** सेत्तं आणुप्रव्वी ॥ १२० ॥ 'आणुप्रव्वी' ति पयं समत्तं ॥

से किं तं णामे १ णामे दसविहे पण्णते । तंजहा-एगणामे १ दुणामे २ तिणामे ३ चडणामे ४ पंचणामे ५ छणामे ६ सत्तणामे ७ अहुणामे ८ नवणामे ९ दमणामे १० ॥ १२१ ॥ से किं तं एगणामे १ एगणामे - गाहा-णामाणि जाणि काणि वि, द्व्याण गुणाण पज्जवाणं च । तेसिं आगमनिहसे, 'नामं' ति पह्नविया सण्णा ॥ १ ॥ सेसं एगणामे ॥ १२२ ॥ से किं तं दुणामे १ दुणामे दुविहे पण्णते । तंजहा-एगक्खरिए य १ अणेगक्खरिए य २ । से किं तं एगक्खरिए १ एगक्खरिए अणेगविहे पण्णते । तंजहा- कीं, श्री, श्री, श्री । सेत्तं एगक्खरिए । से किं तं अणेगक्खरिए १ अणेगक्खरिए -क्झा, वीणा, लया, माला । सेत्तं अणेगक्खरिए । अहवा दुणामे दुविहे पण्णते । तंजहा- जीवणामे य १ अजीवणामे य २ । से किं तं जीवणामे १ जीवणामे अणेगविहे पण्णते । तंजहा- देवदत्तो, जण्णदत्तो, विण्हुदत्तो, सोमदत्तो । सेत्तं जीवणामे । से किं तं अजीव- णामे १ अजीवणामे अणेगविहे पण्णते । तंजहा- देवदत्तो, रहो । सेत्तं अजीव- णामे १ अजीवणामे अणेगविहे पण्णते । तंजहा- इडो, पडो, कडो, रहो । सेत्तं अजीव-

१ ही, २ सी (अवब्भंसे), ३ घी, ४ थी।

णामे । अहवा दुणामे दुविहे पण्णते । तंजहा-विसेसिए य १ अविसेसिए य २ । अवि-सेसिए-दन्वे। विसेसिए-जीवदन्वे, अजीवदन्वे य। अविसेसिए-जीवदन्वे। विसेसिए-णेरइए, तिरिक्खजोणिए, मणुरसे, देवे। अविसेसिए-णेरइए। विसेसिए-रयणप्पहाए, सकरप्पहाए, वाळ्यप्पहाए, पंकप्पहाए, धूमप्पहाए, तमाए, तमतमाए। अविसेसिए-रयणपहापुढविणेरइए । विसेसिए-पज्जत्तए य, अपज्जत्तए य । एवं जाव अविसेसिए-तमतमापुडविणेरइए । विसेसिए-पजत्तए य, अपजत्तए य । अविसेसिए-तिरिक्ख-जोणिए । विसेसिए-एगिंदिए, वेइंदिए, तेइंदिए, चडिरंदिए, पंचिंदिए । अविसेसिए-एगिंदिए। विसेसिए-पृढविकाइए, आजकाइए, तेजकाइए, वाजकाइए, वणस्सङ्काइए। अविसेसिए-पुडविकाइए । विसेसिए-सुहमपुडविकाइए य. वायरपुढविकाइए य । अविसेसिए-सुहुमपुढविकाइए । विसेसिए-पज्जत्तयसुहुमपुढविकाइए य, अपज्जत्तय-सुह्रमपुढविकाइए य । अविसेसिए-बायरपुढविकाइए । विसेसिए-पज्जत्तयबायरपुढ-विकाइए य, अपज्जत्तयवायरपुढविकाइए य। एवं आउकाइए, तेउकाइए, वाउकाइए, वणस्सङ्काङ्ए, अविसेसियविसेसियपज्जत्तयअपज्जत्तयभेएहिं भाणियव्वा । अविसेसिए-वेइंदिए। विसेसिए-पजात्तयवेइंदिए य, अपजात्तयवेइंदिए य। एवं तेइंदियचडरिंदिया वि भाणियव्वा । अविसेसिए-पंचिंदियतिरिक्खजोणिए । विसेसिए-जलयरपंचिंदिय-तिरिक्खजोणिए, थलयरपंचिदियतिरिक्खजोणिए, खहयरपंचिदियतिरिक्खजोणिए। आविसेसिए-जलयरपंचिदियतिरिक्खजोणिए । विसेसिए-संमुच्छिमजलयरपंचिदिय-तिरिक्कजोणिए य, गब्भवक्वंतियज्ञलयरपंचिंदियतिरिक्खजोणिए य । अविसेसिए-संमुच्छिमजलयरपंचिदियतिरिक्खजोणिए । विसेसिए-पज्जत्तयसंमुच्छिमजलयरपंचि-दियतिरिक्खजोणिए य, अपजत्तयसंमुच्छिमजलयरपंचिदियतिरिक्खजोणिए य । र्आवमेनिए-गब्भवक्षंतियज्ञलयरपंचिंदियतिरिक्खजोणिए । विसेसिए-पज्जत्तयगब्भ-वर्षातयज्ञलयरपंचिदियतिरिक्खजोणिए य, अपज्जत्तयगब्भवर्षतियज्जलयरपंचिदिय-तिरिक्खजोणिए य । अविसेसिए-थलयरपंचिंदियतिरिक्खजोणिए । विसेसिए-चडप्पय-थलगरपंचिदियतिरिक्सजोणिए य. परिसप्पथलगरपंचिदियतिरिक्सजोणिए य । अविसेतिए-चउप्पयथलयरपंचिदियतिरिक्खजोणिए । विसेतिए-सम्मुच्छमचउ-प्पयथलयरपंचिदियतिरिक्कजोणिए य, गब्भवक्षंतियच उप्पयथलयरपंचिदियतिरि-क्लाजाणिए य । अविसेसिए-सम्मुच्छिमचउप्पयथलगरपंचिदियतिरिक्लजोणिए । विसेतिए-पजनयसम्मुच्छिमचङ्पयथलयरपंचिदियतिरिक्खजोणिए य, अपजन्तय-सम्मन्द्रमच उप्पयथलयरपंचिदियतिरिक्खजोणिए य । अविसेसिए-गब्भवद्वंतिय-चउप्पयथलयरपंचिदियतिरिक्खजोणिए । विसेसिए-पजनयगब्भवद्यंतियचउप्पयथल-

यरपंचिंदियतिरिक्खजोणिए य. अपज्जत्तयगब्भवक्षंतियचउप्पयथलयरपंचिंदियति-रिक्खजोणिए य । अविसेसिए-परिसप्पथलयरपंचिदियतिरिक्खजोणिए । विसेसिए-उरपरिसप्पथलयरपंचिंदियतिरिक्खजोणिए य. भूयपरिसप्पथलयरपंचिंदियतिरिक्ख-जोणिए य । एए वि सम्मन्छिमा पज्जत्तगा अपज्जत्तगा य गञ्भवक्वंतिया वि पज्जत्तगा अपज्जत्तगा य भाणियव्वा । अविसेसिए-खहयरपंचिंदियतिरिक्खजोणिए । विसेसिए-सम्मुच्छिमखहयरपंचिंदियतिरिक्खजोणिए य. गञ्भवक्रंतियखहयरपंचिंदियतिरिक्ख-जोणिए य । अविसेसिए-सम्मुच्छिमखहयरपंचिंदियतिरिक्खजोणिए । विसेसिए-पज-त्तयसम्मुच्छिमखहयरपंचिंदियतिरिक्खजोणिए य. अपज्जत्तयसम्मुच्छिमखहयरपंचिं-दियतिरिक्खजोणिए य । अविसेसिए-गब्भवक्कंतियखह्यरपंचिंदियतिरिक्खजोणिए । विसेसिए-पज्जत्तयगब्भवकंतियखहयरपंचिंदियतिरिक्खजोणिए य, अपज्जत्तयगब्भ-वकंतियखह्यरपंचिंदियतिरिक्खजोणिए य । अविसेसिए-मणुस्से । विसेसिए-सम्म-च्छिममणुस्से य, गब्भवक्षंतियमणुस्से य। अविसेसिए-सम्मुच्छिममणुस्से। विसेसिए-पजतगराम्मुच्छिममणुस्से य. अपजतगरामम् च्छिममणुस्से य । अविसेसिए-गच्भ-वकंतियमणुरसे । विसेसिए-कम्मभूमिओ य. अकम्मभूमिओ य. अंतरदीवओ य. संखिज्जवासाउय, असंखिज्जवासाउय, पजतापजतओ। अविसेसिए-देवे। विसंसिए-भवणवासी, वाणमंतरे, जोइसिए, वेमाणिए य । अविसेसिए-भवणवासी । विसंसिए-असुरकुमारे १ नागकुमारे २ सुवण्णकुमारे ३ विज्ञुकुमारे ४ अग्गिकुमारे ५ दीवकुमारे ६ उदहिकुमारे ७ दिसाकुमारे ८ वाउकुमारे ९ थणियकुमारे १०। सब्वेसिं पि अविसेसियविसेसियपज्जत्तगअपज्जत्तगभेया भाणियव्वा । अविसेसिए-वाणमंतरे । विसेसिए-पिसाए १ भए २ जक्खे ३ रक्खसे ४ किण्णरे ५ किंपरिसे ६ महोरगे ७ गंधन्वे ८ । एएसिं पि अविसेसियविसेसियपज्जतगअपज्जतगभेया भाणियव्वा । अविसेसिए-जोइसिए । विसेसिए-चंदे १ सूरे २ गहगणे ३ नक्कित ४ तारारूवे ५ । एएसिं पि अविसेसियविसेसियपज्जतयअपज्जतयभेया भाणियव्या । अविसेसिए-वेमाणिए । विसेसिए-कप्पोवगे य. कप्पातीतए य । अविसेसिए-कप्पोवगे । विसेसिए-सोहम्मए १ ईसाणए २ सणंकुमारए ३ माहिंदए ४ बंभलोयए ५ लंतयए ६ महासुक्कए ७ सहस्सारए ८ आणयए ९ पाणयण १० आरणए ११ अञ्चयए १२ । एएसिं अविसेसियविसेसियअपज्जतगप्जतगभेया भाषि-यन्वा । अविसेसिए-कप्पातीतए । विसेसिए-गेवेज्जए य, अणुत्तरोववाइए य। अविसेसिए-गेवेजए । विसेसिए-हेड्रिमगेवेजए १ मज्झिमगेवेजए २ उवरिमगे-वेजए ३ । अविसेसिए-हेद्रिमगेवेजए । विसेसिए-हेद्रिमहेद्रिमगेवेजए १ हेद्रिमम-

जिझमगेवेजाए २ हेट्रिमउवरिमगेवेजाए ३ । अविसेसिए-मजिझमगेवेजाए । विसे-सिए-मिज्झमहेद्रिमगेवेजाए १ मिज्झममिज्झमगेवेजाए २ मिज्झमउवरिमगेवेजाए ३ । अविसेसिए-उवरिमगेवेजाए । विसेसिए-उवरिमहेद्रिमगेवेजाए १ उवरिममज्झि-मगेवेजाए २ उवरिमउवरिमगेवेजाए ३ । एएसिं सन्वेसिं अविसेसियविसेसियअपज-त्तगपजात्तगभेया भाणियव्वा । अविसेसिए-अणुत्तरोववाइए । विसेसिए-विजयए १ वेजयंतए २ जयंतए ३ अपराजियए ४ सव्बद्धसिद्धए य ५ । एएसिं पि सव्वेसिं अविसेसियविसेसियअपज्जत्तगपज्जत्तगभेया भाणियव्वा । अविसेसिए-अजीवदव्वे । विसेसिए-धम्मित्थिकाए १ अधम्मित्थिकाए २ आगासित्थिकाए ३ पोग्गळिथिकाए ४ अद्धासमए ५ । अविसेतिए-पोग्गलिथकाए । विसेतिए-परमाणुपोग्गले, दुपएसिए, तिपएसिए जाव अणंतपएसिए य। सेतं दुणामे ॥ १२३ ॥ से किं तं तिणामे ? तिणामें तिबिहे पण्णते । तंजहा-दव्यणामे १ गुणणामे २ पज्जवणामे य ३ । से किं तं दव्यणामे ? दव्यणामे छव्यिहे पण्णते । तंजहा-धम्मत्थिकाए १ अधम्मत्थिकाए २ आगासित्थकाए ३ जीवत्थिकाए ४ प्रग्गलिकाए ५ अद्धासमए य ६ । सेतं द्व्यणामे । से किं तं गुणणामे ? गुणणामे पंचिवहे पण्णते । तंजहा-वण्णणामे १ गंधणामे २ रसणामे ३ फासणामे ४ संठाणणामे ५। से किं तं वण्णणामे ? वण्णणामे पंचित्रहे पण्णते । तंजहा-कालवण्णणामे १ नीलवण्णणामे २ लोहियवण्ण-णामे ३ हालिइवण्णणामे ४ सुक्किल्लवण्णणामे ५ । सेत्तं वण्णणामे । से किं तं गंधणामे ? गंधणामे द्विहे पण्णते। तंजहा-सुरिभगंधणामे य १ दुरिभगंधणामे य २ । सेतं गंधणामे । से किं तंरसणामे ?रसणामे पंचिवहे पण्णते। तंजहा-तित्तरस-णामे १ कट्यरसणामे २ कसायरसणामे ३ अंबिलरसणामे ४ महररसणामे य ५ । सेत्तं रसणामे । से किंतं फासणामे ? फासणामे अट्टविहे पण्णते । तंजहा-कक्खडफासणामे १ मज्यकाराणामे २ गरुयकाराणामे ३ लहुयकाराणामे ४ सीयकाराणामे ५ उसिणकारा-णामे ६ णिद्धफासणामे ७ छक्रखफासणामे य ८ । सेत्तं फासणामे । से किं तं संठाण-णामे ? संठाणणामे पंचविहे पण्णते । तंजहा-परिमंडलसंठाणणामे १ वहसंठाणणामे २ तंससंठाणणामे ३ चडरंससंठाणणामे ४ आययसंठाणणामे ५ । सेतं संठाणणामे । सेनं गुणणाम । से किं तं पज्जवणामे १ पज्जवणामे अणेगविहे पण्णते । तंजहा-एगगुण-कारत, दुगुणकारुए, तिगुणकारुए जाव द्यगुणकारुए, संखिजगुणकारुए, असंखिज-गुणकालए, अणंतगुणकालए । एवं नीललोहियहालिहमुकिछा वि भाणियव्या । एगगुण-तुर्भिगंधे, दुगुणमुर्भिगंधे, तिगुणमुर्भिगंधे जाव अणंतगुणमुर्भिगंधे। एवं दुर्भि-गंधों वि भाणियव्यो । एगगुणतिते जाव अणंतगुणतिते । एवं कद्वयकसायअंबिल-

महरा वि भाणियव्वा । एगगुणकक्खडे जाव अणंतगुणकक्खडे । एवं मउयगस्य-लहुयसीयउसिणणिद्धलक्का वि भाणियव्वा । सेतं पज्जवणामे । गाहाओ-तं पण णामं तिविहं, इत्थी पुरिसं णपुंसगं चेव। एएसिं तिण्हं पि(य), अंतिम्म य पहवणं बोच्छं ॥ १ ॥ तत्थ पुरिसस्स अंता, आ ई ऊ ओ हवंति चत्तारि । ते चेव इत्थि-याओ. हवंति ओकारपरिहीणा ॥ २ ॥ अंतिय इंतिय उंतिय, अंताउ णपंसगस्स बोद्धव्वा । एएसिं तिण्हं पि य, बोच्छामि निदंसणे एत्तो ॥ ३ ॥ आगारंतो 'राया', इंगारंतो 'गिरी' य 'सिहरी' य । ऊगारंतो 'विण्हु', 'दुमो' य अंता उ पुरिसाणं ॥ ४॥ आगारंता 'माला', ईगारंता 'सिरी' य 'लच्छी' य। ऊगारंता 'जंबू', 'वह' य अंताउ इत्थीणं ॥ ५ ॥ अंकारंतं 'घन्नं', इंकारंतं नपुंसगं 'अत्थि' । उंकारं-तो 'पीछुं', 'महुं' च अंता णपुंसाणं ॥ ६ ॥ सेत्तं तिणामे ॥ १२४ ॥ से किं तं चडणामे १ चडणामे चडव्विहे पण्णते । तंजहा-आगमेणं १ लोवेणं २ पयईए ३ विगारेणं ४। से किं तं आगमेणं ? आगमेणं-पद्मीनि, पैयांसि, कुण्डानि । सेत्तं अगमेणं। से किं तं लोवेणं १ लोवेणं-तें अत्र=तेऽत्र, पटो अत्र=पटोऽत्र, घटो अन=घटोऽन । सेत्तं लोवेणं । से किं तं पगईए ? पगईए-अमी एता, पट्ट इमी, शाले एते. माले इँमे । सेत्तं पगईए । से िकं तं विगारेणं ? विगारेणं-र्दण्डस्य+अप्रं=दंडाग्रं, सा+आगता=साऽऽगता, दिधि+इदं=दधीदं, नैदी+इह=नवीह, मैधे+उदकं=मध्-दकं. वध्रै+ऊहः=वधृहः। सेत्तं विगारेणं। सेत्तं चउणामे ॥ १२५ ॥ से किं तं पंचणामे ? पंचणामे पंचिवहे पण्णते । तंजहा-नीमिकं १ नैपातिकं २ आख्यातिकं ३ औपसर्गिकं ४ मिश्रम् ५ । 'अश्व' इति नामिकं, 'खल्ल' इति नैपातिकं, 'धावति' इति आख्यातिकं, 'परि' इत्यौपसर्गिकं, 'संयत' इति मिश्रम् । सेत्तं पंचणामे ॥ १२६॥ से किं तं छण्णामे ? छण्णामे छिव्वहे पण्णते। तंजहा-उदइए १ उवसमिए २ खड्ए ३ खओवसमिए ४ पारिणामिए ५ सन्निवाइए ६। से किं तं उदइए? उदइए दुविहे पण्णते । तंजहा-उदइए य १ उदयनिष्मण्णे य २ । से किं तं उदइए ? उदइए-

१ पोम्माइं, २ पयाइं, ३ कुंडाइं। ४ ते+अत्थ=तेऽत्थ, ५ पडो+अत्थ=पडोऽत्थ, ६ घडो+अत्थ=घडोऽत्थ। ७ सक्सयउदाहरणाइमिमाइं, अद्धमागहीए-बे+इंदिया= बेइंदिया, एवमाइ। ८ 'सक्कए' पाइए-दंड+अरण्णं=दंडारण्णं एवमाइ, ९ सा+आग्या=साऽऽगया, १० दिह+इदं=दहीदं, ११ नई+इह=नईह, १२ महु+उदगं= महूदगं, १३ वहू+ऊहो=वहूहो। १४ णामियं १ णेवाइयं २ अक्खाइयं ३ ओवसरिगयं ४ मिस्सं ५। 'आस'ति णामियं, 'खल्ल' ति णेवाइयं, 'धावइ' ति अक्खाइयं, 'परि' ति ओवसिगियं, 'संजय' ति मिस्सं।

अद्रण्हं कम्मपयडीणं उदएणं । सेत्तं उदइए । से किं तं उदयनिष्फन्ने ? उदयनिष्फन्ने दुविहे पण्णत्ते । तंजहा-जीवोदयनिष्फन्ने य १ अजीवोदयनिष्फन्ने य २ । से किं तं जीवोदयनिष्फन्ने ? जीवोदयनिष्फन्ने अणेगविहे पण्णते । तंजहा-णेरइए, तिरिक्ख-जोणिए, मणुस्से, देवे, पुढविकाइए जाव तसकाइए, कोहकसाई जाव छोहकसाई, इत्थीवेयए, प्रिसवेयए, णपुंसगवेयए, कण्हळेसे जाव सुक्छेसे, मिच्छादिद्री, सम्म-दिद्री. सम्मामिच्छादिद्री, अविरए, असण्णी, अण्णाणी, आहारए, छउमत्थे, सजोगी. संसारत्थे, असिद्धे । सेत्तं जीवोदयनिष्फन्ने । से किं तं अजीवोदयनिष्फन्ने ? अजी-वोदयनिष्फन्ने अणेगिविहे पण्णते । तंजहा-उरालियं वा सरीरं, उरालियसरीरपओग-परिणामियं वा दव्वं, वेडव्वियं वा सरीरं, वेडव्वियसरीरपओगपरिणामियं वा दव्वं. एवं आहारगं सरीरं तेयगं सरीरं कम्मगसरीरं च भाणियव्वं । पञ्जोगपरिणामिए वण्णे, गंधे, रसे, फासे । सेत्तं अजीवोदयनिष्फन्ने । सेत्तं उदयनिष्फन्ने । सेत्तं उदइए । से किं तं उवसमिए ? उवसमिए दुविहे पण्णते । तंजहा-उवसमे य १ उवसमिनिष्फण्णे य २ । से किं तं उवसमें ? उवसमे मोहणिज्ञस्स कम्मस्स उवसमेणं । सेत्तं उवसमे । से किं तं उवसमनिप्फण्णे ? उवसमनिप्फण्णे अणेगविहे पण्णते । तंजहा-उवसंतकोहे जाव उवसंतलोभे, उवसंतपेजे, उवसंतदोसे, उवसंतदंसणमोहणिजे, उवसंतचरित्त-मोहणिजे, उवसामिया सम्मत्तलद्धी, उवसामिया चरित्तलद्धी, उवसंतकसायछउमत्थ-वीयरागे । सेत्तं उवसमनिष्फण्णे । सेत्तं उवसमिए । से किं तं खड्ए ? खड्ए दुविहे पण्णते । तंजहा-खइए य १ खयनिष्फण्णे य २ । से किं तं खइए ? खइए-अट्टण्हं कम्मपयडीणं खएणं । सेत्तं खड्ए । से किं तं खयनिप्फण्णे ? खयनिप्फण्णे अणेगविहे पण्णते । तंजहा-उपपण्णाणदंसणघरे, अरहा, जिणे, केवली; खीणआभिणिवोहिय-णाणावरणे, खीणसुयणाणावरणे, खीणओहिणाणावरणे, खीणमणपज्जवणाणावरणे, स्वीणकेवलणाणावरणे, अणावरणे, निरावरणे, खीणावरणे, णाणावरणिजाकम्मविष्प-मुक्के; केवलदंसी, सन्वदंसी, खीणनिहे, खीणनिहानिहे, खीणपयले, खीणपयलापयले, खीणथीणगिद्धी, खीणचक्खुदंसणावरणे, खीणअचक्खुदंसणावरणे, खीणओहिदंसणा-वरणे, खीणकेवलदंसणावरणे, अणावरणे, निरावरणे, खीणावरणे, दरिसणावरणिज-कम्मविष्यमुक्तेः खीणसायावेयणिजे, खीणअसायावेयणिजे, अवेयणे, निव्वेयणे, खीण-वयण, सुभासुभवयणिज्ञकम्मविष्पसुकः; खीणकोहे जाव खीणलोहे. खीणपेजे. खीण-दोसं. खीणदंसणमोहणिजे. खीणचरित्तमोहणिजे, अमोहे, निम्मोहे, खीणमोहे, मोहणिजकम्मविष्पमुद्धः; खीणणेरइयआउए, खीणतिरिक्खजोणियाउए, खीणमण-स्साउए, खीणदेवाउए, अणाउए, निराउए, खीणाउए, आउकम्मविप्पमुके; गङ्जाइ-

सरीरंगोवंगवंधणसंघायणसंघयणसंठाणअणेगबोंदिविंदसंघायविष्पमुक्के, खीगसुभणामे, खीणअसभणामे, अणामे, निण्णामे, खीणणामे, सुभासुभणामकम्मविष्पसुक्के; खीण-उचागोए, खीणणीयागोए, अगोए, निग्गोए, खीणगोए, उचणीयगोत्तकम्मविष्पस्केः खीणदाणंतराए, खीणलाभंतराए, खीणभोगंतराए, खीणउवभोगंतराए, खीणवीरि-यंतराए, अणंतराए, निरंतराए, खीणंतराए, अंतरायकम्मविष्पमुक्के; सिद्धे, बुद्धे, मुत्ते, परिणिव्वुए, अंतगडे, सव्वदुक्खपहीणे । सेत्तं खयनिप्फण्णे । सेत्तं खडए । से किं तं खओवसमिए ? खओवसमिए दुविहे पण्णत्ते । तंजहा-खओवसमे य १ खओ-वसमनिष्कण्णे य २ । से किं तं खओवसमे ? खओवसमे-चडण्हं घाइकम्माणं खओ-वसमेणं, तंजहा-णाणावरणिज्जस्स १ दंसणावरणिज्जस्स २ मोहणिज्जस्स ३ अंत-रायस्स खओवसमेणं ४ । सेत्तं खओवसमे । से किं तं खओवसमनिप्फण्णे ? खओ-वसमनिष्फणो अणेगविहे पण्णते । तंजहा-खओवसमिया आभिणिबोहियणाणलद्धी जाव खओवसमिया मणपज्जवणाणलद्धी. खओवसमिया मइअण्णाणलद्धी, खओवस-मिया सुयअण्णाणलद्धी. खओवसमिया विभंगणाणलद्धी. खओवसमिया चक्खदंसण-लद्धी, खओवसमिया अचक्खदंसणलद्धी, खओवसमिया ओहिदंसणलद्धी, एवं सम्म-दंसणलद्धी मिच्छादंसणलद्धी सम्ममिच्छादंसणलद्धी, खओवसमिया सामाइयचरित्त-लदी, एवं छेदोवहावणलद्धी परिहारविसुद्धियलद्धी सुहमसंपरायचरित्तलद्धी, एवं चरित्ताचरित्तलद्धी, खओवसमिया दाणलद्धी, एवं लाभलद्धी भोगलद्धी उवभोगलद्धी, खओवसमिया वीरियळदी, एवं पंडियवीरियळदी बालवीरियळदी बालपंडियवीरि-यलद्धी, खओवसमिया सोइंदियलद्धी जाव फासिंदियलद्धी, खओवसमिए आयारंग-धरे. एवं सुयगडंगधरे ठाणंगधरे समवायंगधरे विवाहपण्णतिधरे णायाधम्मकहाधरे उवासगदसा॰ अंतगडदसा॰ अणुत्तरोववाइयदसा॰ पण्हावागरणधरे विवाग-सुयधरे, खओवसमिए दिहिवायधरे, खओवसमिए णवपुन्वी जाव चउइसपुन्वी, खओवसमिए गणी, खओवसमिए वायए । सेत्तं खओवसमनिप्फणो । सेत्तं खओव-समिए । से किं तं पारिणामिए ? पारिणामिए दुविहे पण्णते । तंजहा-साइपारि-णामिए य १ अणाइपारिणामिए य २ । से किं तं साइपारिणामिए ? साइपारिणामिए अणेगविहे पण्णते । तंजहा-गाहा-जुण्णसुरा जुण्णगुलो, जुण्णघयं जुण्णतंदला चेव । अब्भा य अब्भरुक्खा, सण्णा गंधव्वणगरा य ॥ १ ॥ उक्कावाया, दिसादाहा, गजियं, विज्, णिग्घाया, जूवया, जक्खादिता, धूमिया, महिया, रउग्घाया, चंदो-वरागा, सूरोवरागा, चंदपरिवेसा, सूरपरिवेसा, पडिचंदा, पडिस्टा, इंदधणू, उदगमच्छा. कविहसिया, अमोहा, वासा, वासघरा, गामा, णगरा, घरा, पव्वया,

पायाला, भवणा, निरया-रयणपहा, सक्करप्पहा, वालयप्पहा, पंकप्पहा, ध्रमप्पहा, तमप्पहा, तमतमप्पहा, सोहम्मे जाव अञ्चए, गेवेजे, अणुत्तरे, ईसिप्पब्भारा, परमाणुपोग्गले, दुपएसिए जाव अणंतपएसिए । सेत्तं साइपारिणामिए । से किं तं अणाडपारिणामिए? अणाइपारिणामिए-धम्मत्थिकाए, अधम्मत्थिकाए, आगासत्थिः काए, जीवत्थिकाए, प्रग्गळित्थिकाए, अद्धासम्प, लोए, अलोए, भवसिद्धिया, अभव-सिद्धिया । सेत्तं अणाडपारिणामिए । सेत्तं पारिणामिए । से किं तं सिन्नवाडए ? सन्निवाइए-एएसिं चेव उद्दयुखसमियखद्यखओवसमियपारिणामियाणं भावाणं दगसंजोएणं तिगसंजोएणं चडकसंजोएणं पंचगसंजोएणं जे निष्फर्जाति सब्वे ते सिन्नवाइए नामे । तत्थ णं दस दुयसंजोगा, दस तियसंजोगा, पंच चउकसंजोगा, एगे पंचकसंजोगे । तत्थ णं जे ते दस दुगसंजोगा ते णं इमे-अत्थि णामे उदइय-उवसमनिष्फण्णे १ अत्थि णामे उदहयखाइगनिष्फण्णे २ अत्थि णामे उदहयखओ-वसमनिष्कण्णे ३ अत्थि णामे उददयपारिणामियनिष्कण्णे ४ अत्थि णामे उव-समियखयनिष्फणो ५ अत्थि णामे उवसमियखओवसमनिष्फणो ६ अत्थि णामे उवसमियपारिणामियनिष्फण्णे ७ अत्थि णामे खड्यखओवसमनिष्फण्णे ८ अत्थि णामे खड्यपारिणामियनिष्फणो ९ अत्थि णामे खओवसमियपारिणामियनिष्फणो १०। कयरे से णामे उददयउवसमनिष्फणो ? उददए ति मणस्से, उवसंता कसाया. एस णं से णामे उददयउवसमनिष्फण्णे । कयरे से णामे उददयखयनिष्फण्णे ? उददण ति मणस्से, खद्रयं सम्मतं, एस णं से णामे उदद्ययख्यतिप्पण्णे । कयरे से णामे उद्भवस्थानेत्राचे १ उद्भव ति मण्रसे, खओवसमियाई इंदियाई, एस णं सं णामे उददयखओवयमनिष्फणो । कयरे से णामे उददयपारिणामियनिष्फणो ? उद्युप् ति मणुरुसे, पारिणामिए जीवे, एस णं से णामे उद्दर्यपारिणामियनिष्फणो । क्रयरं मं णामे उवसमियखयनिष्पणो ? उवसंता कसाया, खड्यं सम्मत्तं, एस णं से णामे उत्रसमियस्वयनिष्पण्यै । क्यरे से णामे उवसमियस्वओवसमनिष्पण्णे ? उव-संता कसाया, खओवसमियाइं इंदियाइं, एस णं सं णामे उवसमियखओवसमिन-प्फण्णं । अयरे से णामे उवसमियपारिणामियनिष्फण्णे ? उवसंता कसाया, पारिणा-मिए जीवे. एस णें से णामे उवसमियपारिणामियनिष्फणों। क्यरे से णामे खड्य-खओवसमनिष्कणो १ खड्यं सम्मत्तं, खओवसमियाइं इंदियाइं, एस णं से णामे खड्यसओवसम्बिष्कर्णे । क्यरे से णामे खड्यपारिणामियनिष्कर्णे ? खड्यं सम्मत्तं. पारिणामिए जीये, एस णं से णामे खड्यपारिणामियनिष्पण्णे । कयरे से णामे सञ्जावसमियपारिणामियनिष्कण्णे १ खओवसमियाउं उदियाउं, पारिणामिए जीचे, एस

णं से णामे खओवसमियपारिणामियनिष्फण्णे । तत्थ णं जे ते दस तिगसंजोगा ते णं इमे-अत्थि णामे उदइयउवसमियखयनिप्फणो १ अत्थि णामे उदइयउवसमियख-ओवसमनिष्फण्णे २ अतिय णामे उद्दर्यउवसमियपारिणामियनिष्फण्णे ३ अतिय णामे उदइयखइयखओवसमनिष्फणो ४ अत्थि णामे उदइयखइयपारिणामियनिष्फणो ५ अत्थि णामे उदइयखओवसमियपारिणामियनिष्फणो ६ अत्थि णामे उवसमियस्व-इयखओवसमनिष्फण्णे ७ अत्थि णामे उवसमियखइयपारिणामियनिष्फण्णे ८ अत्थि णामे उवसमियखओवसमियपारिणामियनिष्फण्णे ९ अत्थि णामे खइयखओवसमिय-पारिणामियनिष्फण्णे १०। कयरे से णामे उदइयउवसमियखयनिष्फण्णे ? उदइए त्ति मणस्से, उवसंता कसाया, खइयं सम्मत्तं, एस णं से णामे उदइयउवसमियख-यनिष्फण्णे । कयरे से णामे उदइयउवसमियखओवसमनिष्फण्णे ? उदइए ति मणस्से. उवसंता कसाया. खओवसमियाई इंदियाई. एस णं से णामे उदस्यउवस-मियखओवसमनिष्फण्णे । कयरे से णामे उदय उवसमियपारिणामियनिष्फण्णे ? उदइए ति मणुस्से, उवसंता कसाया, पारिणामिए जीवे, एस णं से णामे उददय-उवसमियपारिणामियनिष्फण्णे । कयरे से णामे उदहयखङ्यखओवसमनिष्फण्णे ? उदइए ति मणस्से. खड्यं सम्मत्तं, खओवसमियाई इंदियाई, एस णं से णामे उदइयखङ्यखओवसमनिष्फण्णे । कयरे से णामे उदङ्यखङ्यपारिणामियनिष्फण्णे ? उदइए ति मणुस्से, खड्यं सम्मत्तं, पारिणामिए जीवे, एस णं से णामे उददयसाइ-यपारिणामियनिष्फण्णे । कयरे से णामे उदइयखओवसमियपारिणामियनिष्फण्णे ? उदइए ति मणुस्से, खओवसिमयाई इंदियाई, पारिणामिए जीवे, एस णं से णामे उदइयखओवसमियपारिणामियनिष्फण्णे। कयरे से णामे उवसमियखङ्यख्ओवसमिन-प्फण्णे ? उवसंता कसाया, खइयं सम्मत्तं, खओवसिमयाइं इंदियाइं, एस णं से णामे उवसमियखइयखओवसमनिष्फण्णे । कयरे से णामे उवसमियखइयपारिणामि-यनिष्फण्णे ? उवसंता कसाया. खझ्यं सम्मत्तं. पारिणाम्बिए जीवे. एस णं से णामे उनसमिय खड्यपारिणामियनिष्फण्णे । कयरे से णामे उनसमिय खओवसमियपारिणा-मियनिष्फण्णे ? उवसंता कसाया. खओवसमियाइं इंदियाइं. पारिणामिए जीवे. एस णं से णामे उवसमियखओवसमियपारिणामियनिप्फण्णे । कयरे से णामे खइयखओ-वसमियपारिणामियनिप्फण्णे ? खड्यं सम्मत्तं, खओवसमियाइं इंदियाइं, पारिणामिए जीवे. एस णं से णामे खड्यखओवसमियपारिणामियनिष्कण्णे । तत्थ णं जे ते पंच चउक्संजोगा ते णं इमे-अत्थि णामे उदइयउनसमियखइयखओवसमनिष्फण्णे १ अत्थि णामे उदइयउवसामियखइयपारिणामियनिष्फणो २ अत्थि णामे उदइय-

उवसमियखओवसमियपारिणामियनिप्फण्णे ३ अत्थि णामे उदहयखहयखओवस-मियपारिणामियनिष्कण्णे ४ अतिथ णामे उवसमियखङ्गयखओवसमियपारिणामियनि-प्फण्णे ५ । कयरे से णामे उदइयउवसमियखडयखओवसमनिष्फण्णे ? उदइए ति मणुस्से, उवसंता कसाया, खड्यं सम्मत्तं, खओवसिमयाडं इंदियाइं, एस णं से णामे उदइयउवसमियखइयखओवसमनिप्फणो । कयरे से णामे उदइयउवसमियखइयपा-रिणामियनिष्फण्णे ? उदइए ति मणुस्से, उवसंता कसाया, खड्यं सम्मत्तं, पारिणा-मिए जीवे, एस णं से णामे उदइयउवसमियखड्यपारिणामियनिष्फण्णे । कयरे से णामे उदइयउवसमियखओवसमियपारिणामियनिष्फण्णे ? उदइए ति मणुस्से, उवसंता कसाया. खओवसमियाई इंदियाई, पारिणामिए जीवे, एस णं से णामे उदइयउवस-मियखओवसमियपारिणामियनिप्फणो । कयरे से णामे उदइयखइयखओवसमिय-पारिणामियनिष्फण्णे ? उदइए ति मण्रस्से, खड्यं सम्मत्तं, खओवसमियाडं इंदियाइं, पारिणामिए जीवे. एस णं से णामे उदइयखड्यखओवसमियपारिणामियनिष्कण्णे। कयरे से णामे उवसमियखङ्यखओवसमियपारिणामियनिष्कण्णे ? उवसंता कसाया. खड्यं सम्मतं. खओवसमियांडं इंदियांडं, पारिणामिए जीवे. एस णं से णामे उवसमिय-खइयखओवसियपारिणामियनिप्फण्णे । तत्थ णं जे से एक्के पंचगसंजीए से णं इमे-अत्थि णामे उददयउवसमियखदयखओवसमियपारिणामियणिप्पण्णे । कथरे से णामे उददयउवसमियखदयखओवसमियपारिणामियणिष्फण्णे ? उददए ति मणुस्से, उवसंता कसाया, खड्यं सम्मत्तं, खओवसमियाइं इंदियाइं, पारिणामिए जीवे, एस णं से णामे उददयउवसमियखड्यखओवसमियपारिणामियणिप्रण्णे । सेतं सन्निवाइए । सेनं छण्णामे ॥ १२०॥ से किंतं सत्तणामे ? सत्तणामे सत्तसरा पण्णता । तंजहा-साहा-सज़े रिसहे गंधारे. मज्झिमे पंचमे सरे । धे(रे)वए चेव नेसाए, सरा सत्त वियाहिया ॥ १ ॥ एएसि णं सत्तण्हं सराणं सत्त सरहाणा पण्णता । तंजहा-गाहाओ-युजं च अगर्जाहाए, उरेण रिसहं सरं । कंठ्रगएण गंधारं, मज्यजीहाएँ मिजिसमं ॥ १ ॥ नासाए पंचमं ब्रुया, दंतोद्रेण य धेवयं । भम्हक्खेवेण णेसायं, सरद्वाणा वियाहिया ॥ २ ॥ सत्तसरा जीवणिस्यिया पण्णता । तंजहा-गाहा-सजं रवड मऊरो, क्षक्रडो रिसमं सरं। हंसो स्वर् गंधारं, मज्जिमं च गवेलगा ॥ १ ॥ अह कममसंभवे काले. कोडला पंचमं सरं। छदं च सारसा कुंचा, नेसायं सत्तमं गओ ॥ २ ॥ सत्तसरा अजीवणिस्सिया पण्णता । तंजहा-सज्जं रवड मुयंगी, गीमुही रिसहं सरं । मंखो रवड गंधारं, मज्झिमं पुण झहरी ॥ १ ॥ चडचरणपदहाणा, गोहिया पंचमं सरं । आडंबरो रेवइयं, महाभेरी य सत्तमं ॥ २ ॥ एएसि णं सत्तण्हं

सराणं सत्त सरलक्खणा पण्णता । तंजहा-गाहाओ-सजेणं लहई विति, कयं च न विणस्सइ। गावो पुत्ता य मित्ता य, नारीणं होइ वल्लहो ॥ १ ॥ रिसहेण उ एस-(पसे)जं, सेणावचं धणाणि य । वत्थगंधमलंकारं, इत्थिओ सयणाणि य ॥ २ ॥ गंघारे गीयजुत्तिण्णा, वज्जवित्ती कलाहिया। हवंति कङ्णो घण्णा, जे अण्णे सत्थ-पारगा ॥ ३ ॥ मज्झिमसरमंता उ, हवंति सुहजीविणो । खायई पियई देई. मज्झिमसरमस्सिओ ॥ ४ ॥ पंचमसरमंता उ. हवंति पहुनीपई । सुरा संगहकत्तारो, अणेगगणनायगा ॥ ५ ॥ रेवयसरमंता उ, हवंति दृहजीविणो । सीउणिया वाउ-रिया, सोयरिया य मुहिया ॥ ६ ॥ णिसायसरमंता उ, होंति कलहकारगा । जंघा-चराँ लेहवाहा, हिंडगा भारवाहगा ॥ ७ ॥ एएसि णं सत्तण्हं सराणं तओ गामा पण्णता । तंजहा-सज्जगामे १ मज्ज्जिमगामे २ गंधारगामे ३ । सज्जगामस्स णं सत्त मुच्छणाओ पण्णत्ताओ । तंजहा - गाहा - मैग्गी कोरविया हरिया, रर्यणी य सारकंता य । छद्री य सार्रंसी नाम, सद्धसज्जा य सत्तमा ॥ १ ॥ मज्ज्ञिमगामस्स णं सत्त मुच्छणाओ पण्णत्ताओ । तंजहा-उत्तरमंदी रयेणी, उत्तरी उत्तरीसमा । समोक्षंती य सोवीर्रा, अभिरूवाँ होइ सत्तमा ॥ १ ॥ गंधारगामस्य णं सत्त मुच्छणाओ पण्णताओ । तंजहा-नंदी य खुड्डिया पूरिमा य, चडतथी य सुद्धगंधारा । उत्तरगंधारा वि य, सा पंचिमया हवइ मुच्छा ॥ १ ॥ सुटूत्तरमायामा, सा छद्वी सव्वओ य णायव्वा । अह उत्तरायया कोडिमा य, सा सत्तमी मुच्छा ॥ २ ॥ सत्तसरा कओ हवंति ?, गीयस्स का हवइ जोणी ?। कइसमया ओसांसा ?, कह वा गीयस्स आगारा ?॥ १॥ सत्तसरा नाभीओ, हवंति गीयं च रहयजोणी । पायसमा ऊसासा, तिण्णि य गीयस्स आगारा ॥ २ ॥ आइमड आर्भता, समुव्वहंता य मज्झयारिम्म । अवसाणे उज्झंता, तिण्णि य गीयस्स आगारा ॥ ३ ॥ छद्दोसे अद्वरुणे, तिण्णि य वित्ताइं दो य भणिईओ। जो नाही सो गाहिइ, स्रिक्खिओ रंगमज्झिम्म ॥ ४ ॥ भीयं दुयं डिप्पैच्छं, उत्तालं च कमसो मुणेयव्वं । कागस्सरमणुणासं, छहोसा होति गेयस्स ॥ ५॥ पुण्णं रेतं च अलंकियं च, वैंतं च तहेवमविंधुंद्वं । महैंरं समं सुर्लित्यं, अद्वराणा होंति गेयस्स ॥ ६ ॥ उरैकंठेंसिरैविसुद्धं च. गिजंते मुट्येंरिभियेपयर्वद्धं । समतालपडुक्लेवं, सत्तस्सरसीभरं गीयं ॥ ७ ॥ अक्खरसीमं पयसैमं, तालसैमं लय-र्सैमं च गेहर्सेमं । नीसरिओससियर्समं, संचारसँमं सरा सत्त ॥ ८ ॥ निहोसं सारेंमंतं च, हेउजुत्तैर्मेलंकियं। उर्वेणीयं सोवर्यारं च, मियं महरमेर्वं य॥ ९॥ सैमं अद्भर्समं चेव. सन्वत्थ विसँमं च जं । तिण्णि वित्तपयाराइं, चउत्थं नोवलब्भइ

१ पाढंतरं-कुचेला य कुवित्ती य, चोरा चंडालमुहिया। २ पायचारित्ति अहो।

॥ १० ॥ सक्क्या पायया चेव, भणिईओ होंति दोण्णि वा । सरमंडलम्मि गिजंते, पसत्था इसिभासिया ॥ ११ ॥ केसी गायइ महुरं, केसी गायइ खरं च रुक्खं च । केसी गायइ चउरं, केसी य विलंबियं दुवं केसी ॥ १२ ॥ विसेरं पुण केरिसी ? । गोरी गायइ महरं, सामा गायइ खरं च स्क्खं च । काली गायइ चलरं, काणा य विलंबियं दुयं अंघा ॥ १३ ॥ विस्सैरं पुण पिंगला । सत्तसरा तओ गामा, मुच्छणा इक्कवीसई। ताणा एगूणपण्णासं, सम्मत्तं सरमंडलं॥ १४॥ **सेत्तं सत्तणामे** ।। १२८।। से कि तं अहणामे ? अहणामे–अद्वविहा वयणविभत्ती पण्णता । तंजहा–निद्देसे पटमा होइ, विइया उवएसणे। तहया करणिम्म कया, चउत्थी संपयावणे॥ १॥ पंचमी य अवायाणे, छट्टी सस्सामिवायणे । सत्तमी सण्णिहाणत्ये, अद्वमाऽऽमंतणी भवे ॥ २ ॥ तत्थ पढमा विभत्ती, निद्देसे 'सो इमो अहं व' ति । बिइया पुण उवएसे 'भण कुणस इमं व तं व' ति ॥ ३ ॥ तइया करणम्मि कया 'भणियं च क्यं च तेण व मए' वा । 'हंदि णमो साहाए' हवइ चउत्थी पयाणस्मि ॥ ४ ॥ 'अवणय गिण्ह य एत्तो, इउ' ति वा पंचमी अवायाणे । छद्वी तस्स इमस्स वा, गयस्स वा सामिसंबंधे ॥ ५ ॥ हवइ पुण सत्तमी तं, इमम्मि आहारकालभावे य । आमंतणी भवे अद्वमी उ, जह 'हे जुवाण' ति ॥ ६॥ सेत्तं अट्रणामे ॥ १२९॥ से किं तं नवणामे ? नवणामे - नवकव्वरसा पण्णता । तंजहा - गाहाओ - वीरो सिंगारो अञ्भुओ य, रोहो य होइ वोद्भव्यो । बेलणओ बीभच्छो, हासो कलुणो पसंतो य ॥ १ ॥ (१) तत्थ परिचायम्मि य, (दाण)तवचरणसत्तुजणविणासे य । अण्णुसय-श्विदपरक्रम-, िंगो वीरो रसो होइ॥ १॥ वीरो रसो जहा-सो नाम महावीरो, जो रजं पयहिऊण पव्यद्भो । कामकोहमहासत्तु-, पक्त्यनिग्वायणं कुणइ ॥ २॥ (२) सिंगारो नाम रसो, रइसंजोगाभिलाससंजणणो। मंडणविलासविब्बोय-, हासली-. लारमणलिंगो ॥ १ ॥ सिंगारो रसो जहा-महुरविलाससललियं, हियडम्मायणकरं जुवाणाणं। सामा सहुदामं, दाएई मेहलादामं ॥ २॥ (३) विम्हयकरो अपुब्बो, अनु-भयपुच्ची य जो रसी होइ। हरिसांबसाउप्पत्ति-, लक्खणो अब्भुओ नाम ॥ १ ॥ अब्भुओ रंगो जहा-अब्भुयतरमिह एत्तो, अत्रं कि अस्थि जीवलोगम्मि ? । जं जिण-वयणे अत्था, तिकालजुत्ता मुणिजंति ॥ २॥ (४) भयजणणस्वसद्देशयार-, चिंता-कहारामुष्पण्णो । संमोहसंभमविसाय,-सर्णार्छगो रसो रोहो ॥ १ ॥ रोहो रसो जहा-भिडिंडिवियमुहो, संदहोद्व इय रुहिरमाकिण्णो । हणसि पसं असुरणिभो, भीमरसिय अइरोद् ! रोद्दोऽसि ॥ २ ॥ (५) विणओवयारगुज्यगुक-, दारमेरावङ्क-

१-२ गाहाहिगपथाइमेयाई।

मुप्पण्णो। वेलणओ नाम रसो, लज्जा संकाकरणर्लिगो।। १।। वेलणओ रसो . जहा−िकं लोइयकरणीओ, लज्जणीयतरं ति लज्जयामु त्ति । वारिज्जम्मि गुरुयणो परिवंदइ जं वहप्पोत्तं॥ २॥ (६) असुइकुणिमदुद्दंसण-, संजोगन्भासगंधनिप्फण्णो । निन्वेयऽविहिंसालक्खणो, रसो होइ बीभच्छो ॥ १ ॥ बीभच्छो रसो जहा-अस-इमलभरियनिज्झर-, सभावदुग्गंधिसव्वकालं पि । धण्णा उ सरीरकलिं, बहुमलक-हुसं विमुंचंति ॥ २ ॥ (७) स्ववयवेसभासा−, विवरीयविरुंवणासमुप्पण्णो । हासो मणप्पहासो, पगासिलंगो रसो होइ॥ १॥ हासो रसो जहा-पामुत्तमसीमंडिय-, पिड-वुद्धं देवरं पलोयंती । ही जह थणभरकंपण-, पणमियमज्झा हसइ सामा ॥ २ ॥ (८) पियविष्पओगबंध-, वहवाहिविणिवायसंभमुप्पण्णो । सोइयविलवियपम्हाण-रुण्णिलंगो रसो करुणो ॥ १ ॥ करुणो रसो जहा-पज्झायकिलामिययं, बाहागयपप्पुय-च्छियं बहुसो । तस्स विओगे पुत्तिय!, दुब्बलयं ते मुहं जायं ॥ २ ॥ (९) निद्दोसमणसमाहाण-, संभवो जो पसंतभावेणं । अविकारलक्खणो सो. रसो पसंतो ति णायव्वा ॥ १ ॥ पसंतो रसो जहा-सञ्भावनिवियगारं, उवसंतपसंतसोम-दिट्ठीयं। ही जह मुणिणो सोहइ, मुहकमलं पीवरिसरीयं॥ २॥ एए नव कव्वरसा. बत्तीसादोसविहिसमुप्पण्णा । गाहाहिं मुणियन्वा, हवंति सुद्धा वा मीसा वा ॥ ३ ॥ सेत्तं नवणामे ॥ १३०॥ से किंतं दसणामे ? दसणामे दसविहे पण्णते । तंजहा-गोणो १ नोगोणो २ आयाणपएणं ३ पिडवक्खपएणं ४ पहाणयाए ५ अणाउय-सिद्धंतेणं ६ नामेणं ७ अवयवेणं ८ संजोगेणं ९ पमाणेणं १०। से किं तं गोण्णे ? गोण्णे-खमइ ति खमणो, तवइ ति तवणो, जलइ ति जलणो, पवड ति पवणो । सेत्तं गोण्णे। से किं तं नोगोण्णे? अकुंतो सकुंतो, अमुग्गो समुग्गो, अमुद्दो समुद्दो, अलालं पलालं, अकुलिया सकुलिया, नो पलं असइ ति पलासो, अमाइवाहए माइवाहए, अबीयवावए बीयवावए, नो इंदगोवए इंदगोवे । सेत्तं नोगोणो । से किं तं आयाणपएणं ? आयाणपएणं–(धम्मोमंगलं चूलिया) आवंती, चाउरंगिजं, असं-खयं, अहातत्थिजं, अह्डजं, जण्णइजं, पुरिसइजं (उसुयारिजं), एलइजं. वीरियं, धम्मो, मग्गो, समोसरणं, जम्मइयं । सेत्तं आयाणपएणं । से कि तं पिडविक्खपएणं? पडिवक्खपएणं-नवसु गामागरणगरखेडकच्बडमडंबदोणमुह्पट्टणासमसंवाहसिन्नेवेसेनु सिन्निविस्समाणेस-असिवा सिवा, अग्गी सीयलो, विसं महुरं, कल्लालघरेस अंविलं साउयं, जे रत्तए से अलत्तए, जे लाउए से अलाउए, जे सुंभए से कुसुंभए, आलवंते विवलीयभासए । सेत्तं पिडवक्खपएणं । से किं तं पाद्दण्णयाए ? पाद्दण्णयाए-असोगवणे, सत्तवण्णवणे, चंपगवणे, चूयवणे, नागवणे, पुन्नागवणे, उच्छुवणे,

दक्खवणे, सालिवणे। सेत्तं पाहण्णयाए। से किंतं अणाइयसिद्धंतेणं ? अणाइय-सिद्धंतेणं-धम्मित्थिकाए, अधम्मित्थिकाए, आगासित्थिकाए, जीवित्थिकाए, पुग्गलिथ-काए, अद्धासमए । सेत्तं अणाइयसिद्धंतेणं । से किं तं नामेणं ? नामेणं-पिडपिया-महस्स नामेणं उन्नामिज(ए)इ। सेत्तं नामेणं। से किं तं अवयवेणं? अवयवेणं-सिंगी सिही विसाणी, दाढी पक्खी खुरी नहीं वाली। दुपय चउप्पय वहुप्पय, नंगुली केसरी कडही ॥ १ ॥ परियरवंधेण भडं, जाणिजा महिल्ठियं निवसणेणं । सित्थेण दोणवायं, कविं च इक्षाए गाहाए॥ २ ॥ सेत्तं अवयवेणं । से किं तं संजोएणं ? संजोगे चडिवहे पण्णते । तंजहा-दव्वसंजोगे १ खेत्तसंजोगे २ कालसंजोगे ३ भावसंजोगे ४। से किं तं दव्वसंजोगे? दव्वसंजोगे तिविहे पण्णते। जहा-सचिते १ अचित्ते २ मीसए ३ । से किं तं सचित्ते ? सचित्ते-गोहिं गोमिए, महिसीहिं महिसए, अरणीहिं अरणीए. उट्टीहिं उट्टीवाले । सेत्तं सचिते । से किं नं अचित्ते ? अचित्ते-छत्तेणं छत्ती, दंडेणं दंडी, पडेणं पडी, घडेणं घडी, कडेणं कडी। सेत्तं अचिते। से किंतं मीसए ? मीसए-हल्लेणं हालिए, सगडेणं सागडिए, रहेणं रहिए, नावाए नाविए । सेत्तं मीसए । सेत्तं दव्वसंजोगे । से किं तं खेत्तसंजोगे ? खेत्तसंजोगे-भारहे. एरवए, हेमवए, एरण्णवए, हरिवासए, रम्म-गवासए, देवकुरुए, उत्तरकुरुए, पुञ्चविदेहुए, अवरविदेहुए । अहवा-मागहे, माल-वए, सोरहए, मरहहए, कुंकणए। सेत्तं खेतसंजोगे। से किं तं काळसंजोगे? कालमंजोगे-सुसमनुसमाए १ सुसमाए २ सुसमदृसमाए ३ दृसमनुसमाए ४ दूसमाए ५ दूसमदूसमाए ६। अहवा-पावसए १ वासारत्तए २ सरदए ३ हेमंतए ४ वसंतए ५ गिम्हए ६ । सेत्तं कालसंजोगे । से किं तं भावसंजोगे ? भावसंजोगे दुर्विहे पण्णत्ते । तंजहा-पसत्ये य १ अवसत्ये य २ । से किं तं पसत्ये १ पसत्ये-नाणेणं नाणी, दंसणेणं दंसणी, चिरत्तेणं चिरत्ती । सेतं पसत्ये । से किं तं अप-सर्थे ! अपसरथे-कोहेणं कोही, माणेणं माणी, मायाए माई, लोहेणं लोही । सेतं अपसद्ये । सेतं भावसंजोगे । सेतं संजोएणं । से किं तं पमाणेणं ? पमाणे चडिवहे पण्णेस । तंजहा-नामप्पमाणे १ ठवणप्पमाणे २ दव्वप्पमाणे ३ भावप्पमाणे ४ । से कि तं नामप्पमाणे ? नामप्पमाणे-जस्स णं जीवस्स वा, अजीवस्स वा, जीवाण वा, अजीवाण वा, तदुभयस्स वा, तदुभयाण वा, 'पमाणे' ति नामं कज्जद । सेतं नामप्पमाणे । से किं तं ठवणप्पमाणे ? ठवणप्पमाणे सत्तविहे पण्णते । तंजहा-गाहा-णक्यती देवये कुँठे, पासंई गेंण य जीवियाहेडं । आभिष्पाद्यणामे ठवणा-णामं त सत्तविहं ॥ १ ॥ से किं तं णक्खतणामें ? णक्खतणामे-कित्तियाहिं जाए-

कित्तिए, कित्तियादिण्णे, कित्तियाधम्मे, कित्तियासम्मे, कित्तियादेवे, कित्तियादासे, कित्तियासेणे, कित्तियारिक्खए। रोहिणीहिं जाए-रोहिणिए, रोहिणिदिन्ने, रोहिणि-धम्मे, रोहिणिसम्मे, रोहिणिदेवे, रोहिणिदासे, रोहिणिसेणे, रोहिणिरिक्खए य । एवं सव्वनक्खत्तेसु नामा भाणियव्वा । एत(थं)थ **संगहणिगाहाओ**-कित्तिर्य रोहिंणि मिगसरै, अहाँ य पुणव्यसू य पुँस्से य । तत्तो य औरसल्या, मही उ दो फर्गुणीओ य ॥ १ ॥ हैरीयो चित्ती सीई, विसाहीं तह य होइ अणुर्राही । जेट्टा म्लें पुन्वा-, सोर्डी तह उत्तरीं चेव ॥ २ ॥ अभिई सर्वेण धणिह्री, सयभिसर्थी दो य होति भेद्देवया । रेवेई अस्सिणि भरणी, एसा णक्खत्तपरिवाडी ॥ ३ ॥ सेत्तं णक्खत्तणामे । से किं तं देवयाणामे ? देवयाणामे -अग्निदेवयाहिं जाए -अग्निए, अग्निदिण्णे, अग्गिधम्मे, अग्गिसम्मे, अग्गिदेवे, अग्गिदासे, अग्गिसेणे, अग्गिरिक्खए । एवं सन्त्र-नक्खत्तदेवयानामा भाणियव्वा । एत्थं पि **संगहणिगाहाओ**-अंग्गि पयावदे सोमे, र्रेंद्दों अंदिती विहर्स्सई सँप्पे । पिर्ति भंग अर्जीम सविधी, तद्वीं वार्जे य इंदेरेंगी ॥ १ ॥ मित्तों इंदो निरई, ऑर्ड विस्सो य बैंभ विण्हें य । वर्से वर्रेंग अर्थ विवदी, प्रम आस र्जिम चेव ॥ २ ॥ सेत्तं देवयाणामे । से किं तं कुलनामे ? कुलनामे-उग्गे, भोगे, रायण्णे, खत्तिए, इक्खागे, णाए, कोरव्वे । सेतं कुळनामे । से किंतं पासंडनामे ? पासंड-नामे-'समणे य पंडुरंगे भिक्खें कावालिए य तावसए। परिवायगे' सेतं पासंडनामे। से किं तं गणनामे ? गणनामे - मल्ले, मल्लदिण्णे, मलक्षम्मे, मलसम्मे, मलदेवे, मल-दासे, मल्लसेणे, मल्लरिक्खए । सेत्तं गणनामे । से किंतं जीवियनामे ? जीविय-(हेर्ड)नामे-अवकरए, उक्कुरुडए, उज्झियए, कज्जवए, सुप्पए । सेत्तं जीवियनामे । से किं तं आभिप्पाइयनामे ? आभिप्पाइयनामे-अंबए, निवए, वकुळए, पळासए, सिणए, पिछुए, करीरए । सेत्तं आभिप्पाइयनामे । सेत्तं ठवणप्पमाणे । से किं तं दव्व-प्पमाणे १ दव्वप्पमाणे छिव्वहे पण्णते। तंजहा-धम्मत्थिकाए १ जाव अद्भासमण् ६। सेत्तं दन्वप्पमाणे । से किं तं भावप्पमाणे ? भावप्पमाणे चडव्विहे पण्णते । तंजहा-सामासिए १ तद्धियए २ घाउए ३ निरुत्तिए ४। से किं तं सामासिए ? सामासिए-सत्त समासा भवंति, तंजहा-गाहा-दंदे य बहुँ व्वीही, क्रम्मधारय दिनगु र्यं। तप्पुरिसं अव्वईर्भावे, एकँसेसे य सत्तमे ॥ १ ॥ से कि तं दंदे ? दंदे-दंन्ताश्च ओष्ठौ च=दन्तोष्ठम्, स्तनौ च उदरं च=स्तनोदरम्, वैस्त्रं च पात्रं च=वस्त्र-

^{9 &#}x27;सु'। २ बुद्धदंसणिस्सओ। १ दंता य ओद्घा य=दंतोद्घं, २ थणा य उयरं च=थणोयरं, ३ वत्यं च पायं च=वत्थपत्तं, ४ आसा य महिसा य=आसमिहसं, ५ अही य नडलो य=अहिनडलं।

पात्रम्, अर्थाथ महिषाथ=अथमहिषम्, अहिथ नकुलथ=अहिनकुलम् । सेत्तं दंदे समासे। से किं तं बहुव्वीही समासे ? बहुव्वीही समासे-फुळा इमिन्म गिरिन्मि कुडयकयंवा सो इमो गिरी फुल्लियकुडयकयंवो । सेत्तं बहव्वीही समासे । से किं तं कम्मधारए ? कम्मधारए-धवलो वसहो=धवलवसहो, किण्हो मिओ=किण्हामिओ, सेओ पडो=सेयपडो, रत्तो पडो=रत्तपडो । सेत्तं कम्मधारए । से किं तं दिगुसमासे ? दिगु-समासे-तिण्णि कद्वगाणि=तिकद्वगं, तिण्णि महराणि=तिमहुरं, तिण्णि गुणाणि=तिगुणं, तिण्ण पुराणि=तिपुरं, तिण्णि सराणि=तिसरं, तिण्णि पुक्सराणि=तिपुक्सरं, तिण्णि विंदुयाणि=तिविंदुयं, तिण्णि पहाणि=तिपहं, पंच णईओ=पंचणयं, सत्त गया=सत्तगयं. नव तुरंगा=नवतुरंगं, दस गामा=दसगामं, दस पुराणि=दसपुरं । सेत्तं दिगुसमासे। से कि तं तप्परिसे ? तप्परिसे -तित्थे कागो=तित्थकागो, वणे हत्थी=वणहत्थी, वणे वराहो=वणवराहो, वणे महिसो=वणमहिसो, वणे मऊरो=वणमऊरो । सेत्तं तप्प-रिसे । से किं तं अव्वईभावे ? अव्वईभावे-अणुगामं, अणुगाइयं, अणुफरिहं, अणु-चरियं । सेतं अव्वईभावे समासे । से किं तं एगसेसे ? एगसेसे-जहा एगो परिसो तहा यहवे पुरिसा, जहा वहवे पुरिसा तहा एगो पुरिसो; जहा एगो करिसावणो तहा बहवे करिसावणा, जहा बहवे करिसावणा तहा एगो करिसावणो; जहा एगो साली तहा बहुवे साली, जहा बहुवे साली तहा एगो साली । सेत्तं एगसेसे समासे । सेतं सामासिए। से किं तं तिहतए ? तिहतए अट्टविहे पण्णते। तंजहा-गाहा-करेमे सिएँ मिलोएँ, संजोर्ग समीर्थेओ य संज्हि। इस्सिरयँ अवचेर्ण य, तिद्धितणामं तु अट्ट-बिहं ॥ १ ॥ से किं तं कम्मनामे ^१ कम्मनामे-तणहारए, कट्टहारए, पत्तहारए, दोसिए, सोत्तिए, कप्पासिए, भंडवेयालिए, कोलालिए। सेत्तं कम्मनामे। से कि तं सिप्पनामे? सिप्पनामे-(विश्विण, नंतिण,) तुण्णण्, तंतुवाण्, पृष्टकारे, उएहे, वरुडे, मुंजकारे, कद्रकारे, छत्तकारे, बञ्जकारे, पोत्थकारे, चित्तकारे, दंतकारे, छेप्पकारे, सेएकारे, कोटिमकारे । सेतं सिप्पनामे । से कि तं सिलोयनामे ? जिलोयनामे-समणे, माहणे, सब्बातिही । सेतं सिलोयनामे । से किं तं संजोगनामे ? संजोगनामे-रण्णो ससुरए, रण्णो जामाउए, रण्णो साले, रण्णो भाउए, रण्णो भगिणीवई । सेत्तं संजोगनामे । से कि तं समावनामें ? समीवनामे-गिरिसमीवे णयरं=गिरिणयरं, विदिसासमीवे णयरं=विदिसं णयरं, वेजाए समीवे णयरं=वेजायधं, तगराए समीवे णयरं=तगरायडं। मेर्स समावनामे । से कि तं संज्ञहनामे १ संज्ञहनामे-तरंगवडकारे, मलयवडकारे, अताणसद्विकारे, विद्कारे । सेतं संबद्धनामे । से कि तं उसरियनामे ! ईसरियनामे-राईसरे, तलबरे, माउंबिए, कोइंबिए, इब्मे, सेट्टी, सत्थवाहे, सेणावई । सेत्तं ७१ मता०

ईसिरियनामे । से किं तं अवचनामे १ अवचनामे - अरिहंतमाया, चक्कविष्टिमाया, वल-देवमाया, वाखदेवमाया, रायमाया, मुणिमाया, वायगमाया । सेत्तं अवचनामे । सेत्तं तिद्धयए । से किं तं घाडए १ घाडए - भू सत्तायां परस्मेभाषा, एघँ बृद्धौ, स्पैर्द्ध संवर्षे, गार्थे प्रतिष्ठालिष्सयोर्थन्थे च, वार्थे लोडने । सेत्तं घाडए । से किं तं निरुत्तिए १ निरुत्तिए - मैद्यां शेते = मिहिषः, अमिति च राति च = अमरः, मुँहु- भुंडुर्लसतीति = मुसलं, कैंपेरिव लम्बते त्थेति च करोति = करोति = क्येवित करोति खल्लं च भवति = चिक्खलं, कैंपेरिव लम्बते त्थेति च करोति = मिलाए । सेत्तं नामे । सेत्तं भावप्पमाणे । सेत्तं पमाणनामे । सेत्तं दसनामे । सेत्तं नामे ॥ १३३॥ नामेति पयं समत्तं ॥

से किं तं पमाणे ? पमाणे चडिवहे पण्णते । तंजहा-दव्वप्पमाणे १ खेतपमाणे २ कालप्पमाणे ३ भावप्पमाणे ४॥ १३२ ॥ से किं तं दव्यप्पमाणे ? दव्वप्पमाणे द्विहे पण्णते । तंजहा-पएसनिष्फण्णे य १ विभागनिष्फण्णे य २ ।. से कि तं पर्सनिष्फणो १ पर्सनिष्फणो-परमाणुपोम्गले, दुपर्सिए जाव दसपर्सिए, संखिजपएसिए, असंखिजपएसिए, अणंतपएसिए । सेतं पएसिनप्रण्णे। से किंतं विभागनिष्फण्णे ? विभागनिष्फण्णे पंचविहे पण्णते । तंजहा-माणं १ उम्माणे २ अवसाणे ३ गणिमे ४ पडिसाणे ५। से किंतं माणे ? माणे दुविहे पण्णते। तंजहा-धन्नमाणप्पमाणे य १ रसमाणप्पमाणे य २ । से किं तं धन्नमाणप्पमाणे १ धन्नमाणप्पमाणे-दो असईओ=पसई, दो पसईओ=सेइया, चतारि सेइयाओ=कुळओ. चत्तारि कुलया=पत्थो, चत्तारि पत्थया=आढगं, चत्तारि आढगाइं=दोणो, सद्धि आढयाइं=जहन्नए कुंभे, असीइ आढयाइं=मज्झिमए कुंभे, आढयसयं=उक्कोयए कुंभे, अद्र य आढयसइए=वाहे । एएणं धण्णमाणपमाणेणं किं पओयणं ? एएणं धण्ण-माणपमाणेणं र्मुत्तोलीमुखइदुरअलिंदओचारसंसियाणं धण्णाणं धण्णमाणप्यमाणनि-व्वित्तिलक्खणं भवड् । सेत्तं धण्णमाणपमाणे । से किं तं रसमाणप्पमाणे ? रसमाण-प्पमाणे-धण्णमाणप्पमाणाओ चडभागविवङ्किए अब्भितरसिद्दाजुते रसमाणप्पमाणे विहिजाइ, तंजहा-चउसद्विया (चउपलपमाणा ४), बत्तीसिया (अद्वपलपमाणा ८),

१ भू सत्ताए 'परस्मै॰' अद्धमागहीए नित्थ, २ एह वुष्ट्वीए, ३ फद्ध संघरिसे, ४-५ एए 'सक्कए' अद्धमागहीए एएसिं ठाणे अण्णा पउजाति । १ महीए सुनद्र= मिहसो, २ भमइ य रवइ य=भमरो, ३ मुहुं मुहुं लसइ ति मुसलं, ४-५ 'सक्कए' अद्धमागहीए जहा हेट्ठा, ६ उद्दुकण्णो=उल्ल्ञो, ७ मेखरस माला=मेखला । ८ सा कोद्विया जा उविरं हेट्ठा संकिण्णा मज्हो विसाला ।

सोलसिया (सोलसपलपमाणा १६), अद्वभाइया (बत्तीसपलपमाणा ३२), चडभाइया (चडसद्रिपलपमाणा ६४), अद्भाणी (सयाहियअद्राइसपलपमाणा माणी (दुसयाहियळपणणपलपमाणा २५६), दो चउसद्वियाओ=वत्तीसिया, दो बत्तीसियाओ=सोलसिया, दो सोलसियाओ=अद्रभाइया, दो अद्रभाइयाओ=चउभा-इया, दो चडभाइयाओ=अद्धमाणी, दो अद्धमाणीओ=माणी। एएणं रसमाणपमाणेणं किं प्रओयणं १ एएणं रसमाणेणं-वारकघडककरककलसियगागरिदइयकरोडियकंडिय-(दो)संसियाणं रसाणं रसमाणप्पमाणनिव्वित्तिलक्खणं भवइ । सेत्तं रसमाणपमाणे । सेतं माणे । से किं तं उम्माणे ? उम्माणे-जं णं उम्मिणिजइ, तंजहा-अद्धकरिसो, करिसो, अद्भप्लं, पलं, अद्भुतला, तुला, अद्धभारो, भारो । दो अद्धकरिसा=करिसो, दो करिसा=अद्भप्तं, दो अद्भपलाइं=पलं, पंच पलसङ्या=तुला, दस तुलाओ=अदभारो, वी[वी]सं तुलाओ=भारो। एएणं उम्माणपमाणेणं किं पओयणं १ एएणं उम्माण-पमाणेणं पत्ताऽगरतगरचोययकंकुमखंडगुळमच्छंडियाईणं दव्वाणं उम्माणपमाण-निव्यित्तिलक्खणं भवड । सेत्तं उम्माणपमाणे । से किं तं ओमाणे ? ओमाणे-जं णं ओमिणिजाइ. तंजहा-हत्थेण वा, दंडेण वा, धणुक्केण वा, जुगेण वा, नालियाए वा, अक्खेण वा, मुसलेण वा। गाहा-दंड धणू जुग नालिया य. अक्ख मुसलं च चउहरथं । दसनालियं च रजं, वियाण ओमाणसण्णाए ॥ १ ॥ वत्थमिम हत्थमेजं. खिते दंडं धर्णं च पत्थिम्म । खायं च नालियाए, वियाण ओमाणसण्णाए ॥ २ ॥ एएणं अवसाणप्रमाणेणं कि प्रओयणं ? एएणं अवसाणप्रमाणेणं खायचियरइय-करकचियकउपद्रभित्तिपरिक्खेवसंसियाणं दव्वाणं अवसाणपमाणनिव्वित्तिस्वक्खणं भवट । सेतं अवसाणे । से किं तं गणिमे ? गणिमे-जं णं गणिजाइ, तंजहा-एगो, दम, सयं, महस्सं, दसमहस्साई, सयसहस्सं, दससयसहस्ताई, कोडी। एएणं गणिमण्यमाणेणं कि प्ओयणं १ एएणं गणिमण्यमाणेणं भितगभितिभत्तवेयणआय-व्ययसंसियाणं दव्याणं गणिमप्पमाणनिव्यित्तिलक्खणं भवदः । सेत्तं गणिमे । से किं तं पडिमाणे ? पडिमाणे-जं णं पडिमिणिज्ञ तंजहा-गंजा, कागणी, निष्फावो, कम्ममासओ, मंडलओ, सवण्णो । पंच गुंजाओ=कम्ममासैओ, चत्तारि कागणीओ= कम्ममासओ तिष्णि निष्पावा=कम्ममासओ. एवं चउको कम्ममासेओ। वारस कम्ममासया=मंडल्ओ, एवं अडयालीसं कागणीओ=मंडलओ, सोलम कम्ममासया= मुबण्णो, एवं चउसद्धि कागणीओ=मुबण्णो । एएणं पिडमाणप्पमाणेणं कि पओयणं ? एएणं परिमाणप्यमाणेणं सुवण्णर्ययमणिमोत्तियसंखितिरुपवारुाईणं द्व्वाणं

१ कागणीअवेक्खाए । २ कागणीअवेक्खाए सि अहो ।

पिडमाणप्पमाणनिविवत्तिलक्खणं भवइ। सेतं पिडमाणे। सेतं विभागनिप्फण्णे। सेतं द्ववप्पमाणे ॥ १३३ ॥ से किं तं खेत्तपमाणे ? खेत्तपमाणे दुविहे पण्णते । तंजहा-पण्सनिष्फणो य १ विभागनिष्फणो य २। से किं तं पएसनिष्फणो ? पएस-निष्फणे-एगपएसोगाढे, दुपएसोगाढे, तिपएसोगाढे, संखिजपएसोगाढे, असंखिजप-एसोगाढे । सेत्तं पएसनिप्फण्णे । से किं तं विभागनिप्फण्णे ? विभागनिप्फण्णे-गाहा-अंगुल विहस्थि रयणी, कुच्छी धणु गाउयं च बोद्धव्वं । जोयण सेढी पयरं, लोगम-स्रोगे वि य तहेव ॥ १ ॥ से किंतं अंगुरुं ? अंगुरुं तिविहे पण्णत्ते। तंजहा-आयंगुरुं १ उस्सेहंगुले २ पमाणंगुले ३। से किं तं आयंगुले ? आयंगुले—जे णं जया मणुस्सा भवंति तेसि णं तया अप्पणो अंगुलेणं दुवालसअंगुलाई मुहं, नवमुहाई पुरिसे प्रमाणजुत्ते भवइ, दोण्णिए पुरिसे माणजुत्ते भवइ, अद्धभारं तुल्लमाणे पुरिसे उम्माण-ज़त्ते भवइ । गाहाओ-माणुम्माणपमाणजुत्ता(णय), लक्खणवंजणगुणेहिं उववया । उत्तमकुलप्पस्या, उत्तमपुरिसा मुणेयन्वा ॥ १ ॥ होति पुण अहियपुरिसा, अद्वययं अंगुलाण उव्विद्धा । छण्णउइ अहमपुरिसा, चउरत्तर मज्झिमिल्ला उ ॥ २ ॥ त्रीणा वा अहिया वा, जे खलु सरसत्तसार्परिहीणा । ते उत्तमपुरिसाणं, अवस्स पेसत्तण-मुचेंति ॥ ३ ॥ एएणं अंगुलपमाणेणं-छ अंगुलाइं=पाओ, दो पाया=विहत्थी, दो विहत्थीओ=रयणी, दो रयणीओ=कुच्छी, दो कुच्छीओ=दंडं घण, जुगे नालिया अक्खे मुसले. दो धणुसहस्साई=गाउयं, चत्तारि गाउयाई=जोयणं । एएणं आयंगुलपमाणेणं किं पओयणं ? एएणं आयंगुळेणं जे णं जया मणुस्सा हवंति तेसि णं त्या णं आयंगुलेणं अगडतलागदहनईवाविपुक्खरिणीदीहियगुंजालियाओ सरा सरपंतियाओ सरसरपंतियाओ बिलपंतियाओ आरामुज्जाणकाणणवणवणसंडवणराईओ, सभापवा-खाइयपरिहाओ पागारअद्वालयचरियदारगोपुरपासायघरसरणलयणआवणसिंघाडग-तिगचडकचचरचडम्मुहमहापहपहसगडरहजाणजुगगगिल्लिथिल्लिसिवयसंदमाणियाओ लोहीलोहकडाहकडिल्लयभंडमत्तोवगरणमाईणि अज्जकालियाइं च जोयणाइं मविज्ञंति । से समासओ तिविहे पण्णते । तंजहा-सुईअंगुले १ पयरंगुले २ घणंगुले ३ । अंगुला-यया एगपएसिया सेढी सूईअंगुले, सूई सूईगुणिया पयरंगुले, पयरं सुईए गुणियं घणं-गुले। एएसि णं भंते! सहअंगुलपयरंगुलघणंगुलाणं कयरे कयरेहिंतो अप्पा वा वहया वा तुल्ला वा विसेसाहिया वा ? सन्वत्थोंचे सूड्अंगुले, पयरंगुले असंखेजागुणे, घणंगुले असंखेजगुणे। सेत्तं आयंगुळे। से किं तं उस्सेहंगुळे १ उस्सेहंगुळे अणेगविहे पण्णते। तंजहा-गाहा-परमाणु तसरेणु , रहरेणु अग्गयं च वालस्स । लिक्खा ज्या य जवो अहुगुण-विविद्विया कमसो॥ १॥ से किं तं परमाणू १ परमाणू दुविहे पण्णते । तंजहा-

सुहुमे य १ ववहारिए य २। तत्थ णं जे से सुहुमे से ठप्पे। तत्थ णं जे से ववहारिए से णं अणंताणंताणं सुहमपोग्गलाणं समुदयसमिइसमागमेणं ववहारिए परमाणुपोग्गले निष्फजाइ। से णं भंते ! असिधारं वा खुरधारं वा ओगाहेजा ? हंता ! ओगाहेजा। से णं तत्थ छिज्जेज वा भिजेज वा ? नो इणद्वे समद्वे, नो खल्ल तत्थ सत्यं कमइ । से णं भंते ! अगणिकायस्स मज्झंमज्झेणं वीइवएजा ? हंता ! वीइवएजा । से णं भंत ! तत्थ डहेजा ? नो इण्हे समद्वे, नो खलु तत्थ सत्थं कमइ । से णं भंते ! पुक्खरसंबद्दगस्स महामेहस्स मञ्झेमज्झेणं वीइवएजा ? हंता ! वीइवएजा । से णं तत्थ उदउहे सिया १ नो इणहे समहे, नो खलु तत्थ सत्थं कमइ। से णं मंते ! गंगाए महाणईए पिंडसोयं हव्वमागच्छेजा ? हंता ! हव्वमागच्छेजा । से णं तत्थ विणिघाय-मावजेजा ? नो इणद्रे समद्वे, नो खलु तत्थ सत्थं कमइ । से णं भंते ! उदगावत्तं वा उदगर्विदं वा ओगाहेजा ? हंता ! ओगाहेजा । से णं तत्थ कुच्छेजा वा परि-यात्रजेज वा ? नो इणहे समहे, नो खलु तत्थ सत्यं कमइ। गाहा-सत्येण सुतिव्खेण वि, छित्तं भेत्तं च जं न किर सका। तं परमाणुं सिद्धा, वयंति आई पमाणाणं॥ १॥ अणंताणं ववहारियपरमाणुपोग्गलाणं समुद्यसमिइसमागमेणं-सा एगा उसण्ह-सण्हियाड वा, सण्हसण्हियाइ वा, उन्हरेणूड वा, तसरेणूड वा, रहरेणूड वा। अह उसन्हसन्हियाओ=सा एगा सन्हसन्हिया, अट्ठ सन्हसन्हियाओ=सा एगा उ**ह**रेण्, अह उन्हरेणुओ=सा एगा तसरेण्, अह तसरेणुओ=सा एगा रहरेण्, अह रहरेण्ओ= देवक्रउत्तरकुरुणं मणुयाणं से एगे वालग्गे, अट्ट देवकुरुउत्तरकुरुणं मणुयाणं वालग्गा=हरिवासरम्मगवासाणं मणुयाणं से एगे वालग्गे, अह हरिवासरम्मगवासाणं मणस्माणं वालग्गा=हेमवयहेरण्णवयाणं मणुस्साणं से एगे वालग्गे, अह हेमवय-हेरण्णवयाणं मणुस्साणं वालग्गा=पुन्वविदेहअवर्विदेहाणं मणुस्साणं से एगे वालग्गे, अट पुर्वविदेहअवरविदेहाणं मणुस्साणं वालग्गा=भरहएरवयाणं मणुस्साणं से एगे वालगी, अद्र भरहेरवयाणं मणुस्साणं वालग्गा=सा एगा लिक्खा, अद्र लिक्खाओ= सा एगा ज्या, अह ज्याओ=से एगे जवमज्झे, अह जवमज्झे=से एगे अंगुले। ποσί अंगुलाण पमाणेणं छ अंगुलाइं=पाओ, वारस अंगुलाइं=बिहत्थी, चडवीसं अंगुलाइं=रयणी, अडयालीसं अंगुलाइं=कुन्छी, लचवइ अंगुलाइं=से एगे दंखेद वा, धणुड वा, जुगेड वा, नालियाइ वा, अक्लेड वा, मुसलेड वा । एएणं धणुप्पमाणेणं दो धणुसहस्साइं=गाउयं, चतारि गाउयाइं=जोयणं। एएणं उस्सेहंगुरुणं कि प्रजोयणं ? एएणं उस्सेहंगुरुणं णेरइयितिरिक्खजोणियमणुस्सदेवाणं सरीरोगाहणा मबिजार । णेरहयाणं भंते ! केमहालिया सरीरोगाहणा पण्णता ? गोयमा ! दुविहा

पण्णत्ता । तंजहा-भवधारणिजा य १ उत्तरवेउव्विया य २ । तत्थ णं जा सा भवधारणिजा सा णं-जहण्णेणं अंगुलस्स असंखेजङ्भागं, उक्कोसेणं पंचधणुसयाइं। तत्थ णं जा सा उत्तरवेउविवया सा—जहण्णेणं अंगुलस्स संखेज्जइभागं, उक्कोसेणं धणसहर्सं । रयणप्पहाए पुडवीए णेरइयाणं भंते ! केमहालिया सरीरोगाहणा पण्णत्ता ? गोयमा ! दुविहा पण्णत्ता । तंजहा-भवधारणिज्जा य १ उत्तरवेउव्विया य २ । तत्थ णं जा सा भवधारणिजा सा—जहण्णेणं अंगुलस्स असंखेजङभागं. उक्कोसेणं सत्त्रघणुइं तिण्णि रयणीओ छच अंगुलाई । तत्थ णं जा सा उत्तरवेउ विवया सा—जहण्णेणं अंगुलस्स संखेजङ्भागं, उक्कोसेणं पण्णरसधणूईं दोण्णि रयणीओ बारस अंगुलाइं। सैक्करपहापुढवीए णेरइयाणं भंते ! केमहालिया सरीरोगाहणा पण्णत्ता ? गोयमा ! दुविहा पण्णत्ता । तंजहा-भवधारणिजा य उत्तरवेडिवया य । तत्थ णं जा सा भवधारणिजा सा-जहण्णेणं अंगुलस्स असंखेजइभागं, उद्दोसेणं पण्णरस्रधणुई दुण्णि रयणीओ बारसअंगुलाई । तत्य णं जा सा उत्तरवेडिवया सा-जहण्णेणं अंगुलस्स संखेजाइमागं, उक्कोसेणं एकतीसं भणूइं इक्करयणी य । वालु-यप्पहापुढवीए णेरइयाणं भंते ! केमहालिया सरीरोगाहणा पण्णता ? गोयमा ! दुविहा पण्णता । तंजहा-भवधारणिजा य १ उत्तरवेउ व्विया य २ । तत्थ णं जा सा भवधारणिजा सा-जहण्णेणं अंगुलस्स असंखेजइभागं, उक्कोसेणं एकतीसं धणुई इक्करयणी य । तत्थ णं जा सा उत्तरवेडिवया सा-जहण्णेणं अंगुलस्स संखेज्जडभागं. उक्कोसेणं बासद्रिधणुई दो रयणीओ य । एवं सन्वासि पुढवीणं पुच्छा भाणियव्या । पंकप्पहाए पुढवीए भवधारणिजा--जहण्णेणं अंगुलस्स असंखेजइभागं, उद्दोसेणं बासद्विधणूई दो रयणीओ य । उत्तरवेउव्विया-जहण्णेणं अंगुलस्स संखेजाइभागं, उक्कोसेणं पणवीसं धणुसयं । धूमप्पहाए भवधारणिजा-जहण्णेणं अंगुलस्स असं-खेजइभागं, उक्कोसेणं पणवीसं धणसयं । उत्तरवेउव्वया-जहण्णेणं अंगुरुस्स संखेजइभागं, उक्कोसेणं अङ्गाइजाइं धणुसयाइं। तमाए भवधारणिजा-जहण्णेणं अंगुलस्स असंखेजइभागं, उक्कोसेणं अङ्गाइजाइं धणुसयाइं । उत्तरवेउव्यिया-जहण्णेणं अंगुलस्स संखेजाइभागं, उक्कोसेणं पंचथणुसयाई । तमतमाए पुढवीए णेरइयाणं भंते ! केमहालिया सरीरोगाहणा पण्णत्ता ? गोयमा ! दुविहा पण्णता । तंजहा- भवधारणिजा य १ उत्तरवेउव्विया य २ । तत्थ णं जा सा भवधारणिजा सा-जहण्णेणं अंगुलस्स असंखेजइभागं, उक्कोसेणं पंचधणुसयाइं । तत्थ णं जा सा उत्तरवेउव्विया सा-जहण्णेणं अंगुलस्स संखेजइभागं, उद्योसेणं यणसहस्साई।

१ एवं सञ्वाणं दुविहा भवधारणिजा-

असुरकुमाराणं भंते ! केमहालिया सरीरोगाहणा पण्णता ? गोयमा ! दुविहा पण्णता। तंजहा--भवधारणिजा य १ उत्तरवेउव्विया य २। तत्थ णं जा सा भवधारणिजा सा-जहण्णेणं अंगुलस्स असंखेजाइमागं, उक्कोसेणं सत्तरयणीओ। तत्थ णं जा सा उत्तरवेउव्विया सा–जहण्णेणं अंगुलस्स संखेजइभागं, उक्कोसेणं जोयणसयसहस्सं । एवं असुरकुमारगमेणं जाव थणियकुमाराणं भाणियन्वं। पुढविकाइयाणं भंते ! केमहालिया सरीरोगाहणा पण्णत्ता ? गोयमा ! जहण्णेणं अंगुलस्स असंखेजाइभागं, उक्कोसेण वि अंगुलस्स असंखेजाइभागं । एवं सुहुमाणं ओहियाणं अपजात्तगाणं पज्जत्तगाणं च भाणियव्वं । एवं जाव वायरवाउकाइयाणं पज्जत्तगाणं भाणियव्वं । वणस्पद्काइयाणं भंते ! केमहालिया सरीरोगाहणा पण्णता ? गोयमा ! जहण्णेणं अंगुलस्स असंखेजहभागं, उक्कोसेणं साइरेगं जोयणसहस्सं । सुहुमवणस्सद्काइयाणं ओहियाणं अपजन्तगाणं पजनगाणं तिण्हं पि-जहणोणं अंगुलस्स असंखेजइभागं, उक्कोसेण वि अंगुलस्स असंखेजङ्भागं । वायरवणस्सङ्काङ्याणं ओहियाणं-जहणोणं अंगुलस्स असंखेजइभागं, उद्घोरीणं साइरेगं जोयणसहस्सं । अपजत्ताणां-जहण्णेणं अंगुलस्स असंखेजङ्भागं, उद्योसेण वि अंगुलस्स असंखेजङ्भागं। पजत्तगाणं-जहण्णेणं अंगुलस्स असंखेजङ्मागं, उक्कोसेणं साइरेगं जोयणसहस्सं। वेइंदियाणं पुच्छा । गोयमा ! जहण्णेणं अंगुलस्स असंखेजदभागं, उक्कोर्सणं वारस-जोयणार् । अपजन्तगाणं-जहण्णेणं अंगुलस्स असंखेजदभागं, उक्कोसेण वि अंगुलस्स अमंग्रेजटभागं । पजत्तगाणं-जहणोणं अंगुलस्स संखेजइभागं, उक्कोसेणं वारसजोय-णारं । तर्रदियाणं पुच्छा । गोयमा ! जहणोणं अंगुरुस्य असंखेजहभागं, उक्कोसेणं तिष्णि गाउयार्ड् । अपजत्तगाणं-जहण्णेणं अंगुरुस्स असंखेजइभागं, उद्दोसेण वि अंगुलस्य असंखेजङ्भागं । पजत्तगाणं-जहण्णेणं अंगुलस्य संखेजङ्भागं, उक्कोसेणं र्तिण्णि गाउयाई । चउरिंदियाणं पुच्छा । गोयमा ! जहण्णेणं अंगुलस्स असंखेजाइभागं , उद्योसेणं चतारि गाउयारं। अपजत्तगाणं-जहण्णेणं० उद्योसेण वि अंगुलस्स असंखेजरभागं । पजत्तगाणं-जहण्णेणं अंगुळस्म संखेजरभागं, उद्योसेणं चत्तारि गाउयारं । पंचिदियतिरिक्षत्रजोणियाणं भंते ! केमहालिया सरीरोगाहणा पण्णत्ता ? गोयमा ! जहण्णेणं अंगुलस्य असंखेजहमागं, उक्कोसेणं जोयणसहस्सं । जलयर-पंचिदियतिरिक्खजोणियाणं पुच्छा । गोयमा ! एवं चेव । सम्मुच्छिमजलयरपंचिदि-यतिरिक्खजोणियाणं पुष्छा। गोयमा ! जहण्णेणं अंगुळस्स असंखेजइभागं, उद्दोसेणं जोयणसहस्सं । अपजन्तगसम्मु न्छिमजलयरपंचिदियतिरिक्तजोणियाणं पुच्छा । गो॰ ! जहण्णेणं अंगुलस्स असंखेजदभागं, उक्कोसेण वि अंगुलस्स असंखेजदभागं।

पज्जतगसम्मुच्छिमजलयरपंचिंदियतिरिक्खजोणियाणं पुच्छा । गीयमा ! जहण्णेणं अंगुलस्स संखेजङ्भागं, उक्कोसेणं जोयणसहस्सं । गब्भवक्कंतियजलयरपंचिंदिय-पुच्छा । गोयमा ! जहण्णेणं अंगुलस्स असंखेजइभागं, उद्योसेणं जोयणसहस्सं । अपज्जत्तगगब्भवक्षंतियजलयरपंचिंदियपुच्छा । गोयमा! जहण्णेणं असंखेजइभागं, उक्कोसेण वि अंगुलस्स असंखेजइभागं । पजत्तगगटभवक्कंतिय-जलयरपुच्छा । गोयमा ! जहण्णेणं अंगुलस्स संखेजइभागं, उक्कोसेणं जोयण-सहस्सं । चउप्पयथलयरपंचिंदियपुच्छा । गोयमा ! जहण्णेणं अंगुलस्स असंखे-जङ्भागं, उक्कोसेणं छ गाउयाइं । सम्मुच्छिमचउप्पयथलयरपुच्छा । गोयमा ! जहणोणं अंगुलस्स असंखेजइभागं, उक्कोसेणं गाउयपुरुतं । अपजन्तगसम्मुच्छिम-चउप्पयथलयरपुच्छा । गोयमा ! जहण्णेणं अंगुलस्स असंखेजाइभागं, उक्कोसेण वि अंगुलस्त असंखेजइभागं । पजतगसम्मुच्छिमचउप्पयथलयरपुच्छा । गोयमा! जहण्णेणं अंग्रलस्स संखेजइभागं. उद्घोरोणं गाउयपुहत्तं । गव्भवक्वंतियचउप्पय-थलयरपुच्छा। गोयमा ! जहण्णेणं अंगुलस्स असंखेज्जर्भागं, उक्कोसेणं छ गाउयाउं। अपजात्तगगन्भवक्वंतियचउप्पयथलयरपुच्छा । गोयमा ! जहणोणं अंगुलस्स असं-खेजइभागं, उक्कोसेण वि अंगुलस्त असंखेजङभागं । पजनगगन्भवक्कंतियचउप्पय-थलयरपुच्छा । गोयमा ! जहण्णेणं अंगुलस्स संखेज्जइभागं, उक्कोसंणं छ गाउयाइं । उरपरिसप्पथलयरपंचिंदियपुच्छा । गोयमा ! जहणोणं अंगुलस्स असंखेजउभागं. उक्कोसेणं जोयणसहरूसं । सम्मुच्छिमउरपरिसप्पथलयरपुच्छा । गोयमा ! जहण्णेणं अंग्रलस्स असंखेज्जइभागं, उक्कोसेणं जोयणपुहृत्तं । अपजत्तगसम्मुच्छिमउरपरिसप्प-थलयरपुच्छा। गोयमा! जहण्णेणं अंगुलस्स असंखेज्जइभागं, उक्कोसेण वि अंगुलस्स असंखेजङ्भागं । पजनगसम्मुच्छिमउरपरिसप्पथलयरपुच्छा । गोयमा ! जहण्णेणं अंगुलस्स संखेजइभागं, उक्कोसेणं जोयणपुहत्तं । गब्भवक्कंतियउरपरिसप्पथलयर-पुच्छा । गोयमा ! जहण्णेणं अंगुलस्स असंखेजङ्भागं, उङ्कोसेणं जोयणसहस्सं । अपज्जत्तगगब्भवक्कंतियउरपरिसप्पथलयर्पुच्छा । गोयमा ! जहण्णेणं अंगुलस्स असं-खेजाइभागं, उक्कोसेण वि अंगुलस्स असंखेजाइभागं । पजतागगब्भवक्वंतियउरपरि-सप्पथलयर्पच्छा । गोयमा ! जहण्णेणं अंगुलस्स संखेजाइभागं, उक्कोसेणं जोयण-सहरसं । भुयपरिसप्पथलयरपंचिंदियाणं पुच्छा । गोयमा ! जहण्णेणं अंगुलस्स असंखेजइभागं, उक्कोसेणं गाउयपहत्तं । सम्मुच्छिमभूयपरिसप्पथलयरपंचिदियाणं पुच्छा । गोयमा ! जहण्णेणं अंगुलस्स असंखेजइभागं, उक्कोसेणं धणुपृहत्तं । अपजनगसम्मुच्छिमभूयपरिसप्पथलयराणं पुच्छा। गोयमा! जहुण्णेणं अंगुलस्स

असंखेजइभागं, उक्कोसेण वि अंगुलस्स असंखेजइभागं । पजत्तगसम्म च्छिमभूय-परिमप्पाणं पुच्छा । गोयमा ! जहण्णेणं अंगुलस्स संखेजङभागं, उक्वोसेणं धणु-पुहत्तं । गब्भवक्षंतियभुयपरिसप्पथलयराणं पुच्छा । गोयमा ! जहण्णेणं अंगुलस्स असंखेजहभागं, उक्कोसेणं गाडयपुहत्तं । अपजत्तगभुयपरिसप्पाणं पुच्छा । गोयमा ! जहण्णेणं अंगुलस्स असंखेजइभागं, उक्कोसेण वि अंगुलस्स असंखेजइभागं । पज-त्तगभुयपरिसण्पाणं पुच्छा । गोयमा ! जहण्णेणं अंगुलस्स संखेजहमागं, उद्योसेणं गाउयपृहत्तं । खहयरपंचिदियपुच्छा । गोयमा ! जहण्णेणं अंगुलस्स असंखेजाइ-भागं, उक्कोसेणं वणुपुहुतं । सम्मुच्छिमखह्यराणं जहा भुयगपरिसप्पसम्मुच्छिमाणं तिस वि गमेस तहा भाणियव्वं । गब्भवकंतियखहयरपुच्छा । गोयमा ! जहण्णेणं अंगुलस्स असंखेजइभागं, उक्कोसेणं धणुपृहत्तं । अपज्जत्तगगब्भवकंतियखह्यरपुच्छा । गोयमा ! जहण्णेणं अंगुलस्स असंखेजइभागं, उद्घोरोण वि अंगुलस्स असंखेजइ-भागं । पजात्तगगबभवकंतियखहयरपुच्छा । गोयमा ! जहण्णेणं अंगुरुस्स संखेजाइ-भागं, उद्योसेणं धणुपहत्तं। एतथ संगहणिगाहाओ हवंति, तंजहा-जोयणसहस्य गाउयपुहत्त, तत्तो य जोयणपुहत्तं। दोण्हं तु धणुपुहत्तं, समुच्छिमे होइ उच्चतं ॥ १॥ जोयणसहस्स छग्गाउयाइं, तत्तो य जोयणसहस्सं । गाउयपृहत्त भुयगे, पक्खीनु भवे धणुपुहत्तं ॥ २ ॥ मणुस्साणं भंते ! केमहालिया सरीरोगाहणा पण्णना ? गोयमा ! जहण्णेणं अंगुलस्स असंखेजहभागं, उद्योसेणं तिण्णि गाउ-यारं । सम्मन्छिममणुरुसाणं प्रच्छा । गोयमा ! जहण्णेणं अंगुळस्स असंखेजाइ-भागं, उद्योसेण वि अंगुळस्स असंखेजाइभागं। अपजात्तगगब्भवक्षंतियमणुस्साणं पुन्छ। गोयमा ! जहण्णेणं अंगुलस्स असंखेजहभागं, उद्योसेण वि अंगुलस्स असंन्यज्ञद्रभागं । पजत्तगगब्भवकंतियमण्ड्साणं पुच्छा । गोयमा ! जहण्णेणं अंगु-रुस्य संयेजःभागं, उद्योसंणं तिण्णि गाउयारं। वाणमंतराणं भवधारणिजा य उत्तरवंद्रविवया य जहा अस्रकुमाराणं तहा भाणियव्या । जहा वाणमंतराणं तहा ओडिंगियाण वि । मोहम्मे कप्पे देवाणं भेते ! केमहाछिया सरीरोगाहणा पण्णत्ता ? गोयमा । द्विहा पण्णता । तंजहा-भवधारणिजा य १ उत्तरवेडव्विया य २ । तत्थ णं जा सा भवधारणिजा सा-जहण्णेणं अंगुलस्य असंखेजङभागं, उक्कोसेणं सत्तर-यणीओ । तत्थ णं जा सा उत्तरवेडिंवया सा-जहण्णेणं अंगुलस्य संखेजाइभागं, उद्देशिणं जोयणसयसहस्यं । एवं ईसाणकप्पे वि भाणियव्यं । जहा सोहम्मकप्पाणं देवाणं पुरुष्ठा तहा सेसकप्पदेवाणं पुरुष्ठा भाणियव्या जाव अञ्चयकप्पो । सणेकुमारे भवधारणिजा-जहण्णेणं अंगलस्य असंखेजटभागं, उक्षेसेणं छ रयणीओ । उत्तर-

वेउ विवया जहा सोहम्मे तहा भाणियव्या । जहा सणंकुमारे तहा माहिंद वि भाणियव्वा । वंभलंतगेस भवधारणिजा-जहण्णेणं अंगुलस्स असंखेजइभागं, उक्को-मेणं पंचरयणीओ । उत्तरवेडिवया जहा सोहम्मे । महासुक्ससहस्सारेसु भवधार-णिजा-जहण्णेणं अंगुलस्स असंखेजाइभागं. उक्कोसेणं चतारि रयणीओ । उत्तरवेडः विवया जहा सोहम्मे । आणयपाणयआरणअञ्चएस चरसु वि भवधारणिजा-जहण्णेणं अंगुलस्स असंखेजङ्भागं, उक्कोसेणं तिण्णि रयणीओ । उत्तरवेउन्त्रिया जहा सोहम्मे । गेवेजजगदेवाणं भंते ! केमहालिया सरीरोगाहणा पण्णता ? गोयमा ! एगे भवधारणिजे सरीरगे पण्णते । से जहण्णेणं अंगुलस्स असंखेजहमार्ग, डक्कोसेणं दुण्णि रयणीओ । अणुत्तरोववाइयदेवाणं भंते ! केमहालिया सरीरोगाहणा पण्णत्ता ? गोयमा ! एगे भवधारणिजे सरीरगे पण्णते । से जहण्णेणं अंगुलस्स असं-खेजडभागं, उक्कोसेणं एगा रयणी उ। से समासओ तिविहे पण्णते। तंजहा-सडअंगुले १ पयरंगुले २ घणंगुले ३ । एगंगुलायया एगपएसिया सेढी सङ्अंगुले, सई सईए गुणिया पयरंगुले, पयरं सईए गुणियं घणंगुले । एएसि णं सङ्अंगुलपयरंगुलघणं-गुलाणं कयरे कयरेहिंतो अप्पे वा बहुए वा तुल्ले वा विसेसाहिए वा ? सन्वत्थोवे सइअंगुले, पयरंगुले असंखेजगुणे, घणंगुले असंखेजगुणे । सेतं उस्सेहंगुले । से कि तं पमाणंगळे १ पमाणंगळे-एगमेगस्स रण्णो चाउरंतचक्कविष्टस्स अद्रसोविण्णए कागणीरयणे छत्तले दुवालसंसिए अट्टकण्णिए अहिगरणसंठाणसंठिए पण्णत्ते, तस्स णं एगमेगा कोडी उस्सेहंगुलविक्खंभा, तं समणस्स भगवओ महावीरस्स अद्भंगुलं, तं सहस्तगुणं पमाणंगुळं भवइ । एएणं अंगुळपमाणेणं छ अंगुळाई=पाओ, दुवाळ-सअंगुलाइं=विहतथी, दो विहतथीओ=रयणी, दो रयणीओ=क्रच्छी, दो क्रूच्छीओ= थणू, दो धणुसहस्साइं=गाउयं, चत्तारि गाउयाइं=जोयणं । एएणं पमाणंगुलेणं कि पओयणं १ एएणं प्रमाणंगुरुणं पुढवीणं कंडाणं पायालाणं भवणाणं भवणपत्थडाणं निरयाणं निरयावलीणं निरयपत्थडाणं कप्पाणं विमाणाणं विमाणावलीणं विमाणपत्य-डाणं टंकाणं कडाणं सेलाणं सिहरीणं पञ्भाराणं विजयाणं वक्खाराणं वासाणं वास-हराणं वासहरपव्वयाणं वेला(वलया)णं वेइयाणं दाराणं तोरणाणं दीवाणं समहाणं आयामविक्खंभोचत्तोव्वेहपरिक्खेवा मविजाति । से समासओ तिविहे पण्णते । तंजहा-सेढीअंगुले १ पयरंगुले २ घणंगुले ३ । असंखेजाओ जोयणकोडाकोडीओ सेढी. सेढी सेढीए गुणिया पयरं, पयरं सेढीए गुणियं लोगो, संखेजाएणं लोगो गुणिओ संखेजा लोगा, असंखेजएणं लोगो गुणिओ असंखेजा लोगा. अणंतेणं लोगो गुणिओ अणंता लोगा । एएसि णं सेढीअंगुलपयरंगुलवणंगुलाणं कयरे क्यरेहिंतो

अप्पे वा बहुए वा तुहे वा विसेसाहिए वा ? सन्वत्थोवे सेढीअंगुले. पयरंगुले असंखेजगुणे, घणंग्रहे असंखेजगुणे । सेत्तं पमाणंगुहे । सेत्तं विभागनिष्फण्णे । सेत्तं खेत्तप्पमाणे ॥ १३४ ॥ से किं तं कालप्पमाणे ? कालप्पमाणे दुविहे पण्णते । तंजहा-पएसनिष्फण्णे य १ विभागनिष्फण्णे य २ ॥ १३५ ॥ से किं तं पएसनिष्फण्णे ? पएसनिप्फण्णे-एगसमयद्विईए, दुसमयद्विईए, तिसमयद्विईए जाव दससमयद्विईए, संखिजसमयद्विईए, असंखिजसमयद्विईए । से तं पएसनिष्कण्णे ॥ १३६ ॥ से किं तं विभागनिष्फण्णे ? विभागनिष्फण्णे-गाहा-समयाविष्य मुहुत्ता, दिवस अहोरत्त पक्ख मासा य । संवच्छर जुग पिलया, सागर ओसप्पि परियद्या ॥ १ ॥ १३७ ॥ से किं तं समए ? समयस्स णं पहवणं करिस्सामि-से जहानामए तुल्णागदारए सिया-तरुणे, वलवं, जुगवं, जुवाणे, अप्पायंके, थिरगगहत्थे. दहपाणिपायपास-पिद्रंतरोरुपरिणए. तलजमलजुयलपरिघणिभवाह, चम्मेट्ठगद्रहणसुद्वियसमाहयनि-चियगत्तकाए, उरस्सवलसमण्णागए, लंघणपवणजङ्गवायामसमत्थे. छेए, दक्खे. पत्तद्रे. कुसले, मेहावी, निउणे, निउणिसप्पोवगए, एगं महइं पडसाडियं वा पटसा-डियं वा गहाय सयराहं हत्थमेतं ओसारेजा, तत्थ चोयए पण्णवयं एवं वयासी-जेणं कालेणं तेणं तुण्णागदारएणं तीसे पडसाडियाए वा पटसाडियाए वा सयराहं हत्थमेते ओसारिए से समए भवड़ ? नो इणडे समद्रे । कम्हा ? जम्हा संखेजाणं तंतृणं नमुद्यसमितिसमागमेणं एगा पडसाडिया निष्फजाइ, उवारेह्निम तंतुमिम अन्त्रिणो हिद्रिहे तंत् न छिजाइ, अण्णाम्मि काले उविरिष्टे तंत् छिजाइ, अण्णाम्म काल हिद्रिहे तंत् छिजाइ, तम्हा से समए न भवइ। एवं वयंतं पण्णवयं चोयए एवं वयासी-जेणं कालेणं तेणं तण्णागदारएणं तीसे पडसाडियाए वा पट्टसाडियाए वा उविरिष्टे तंत् छिण्णे से समए भवड़ ? न भवड़ । कम्हा ? जम्हा संखेजाणं पम्हाणं समुद्यसमिइसमागमेणं एगे तंत् निष्फजाइ, उवरिक्षे पम्हे अच्छिण्णे हिद्रिक्ष पम्हे न हिजार, अण्णिम्म काले उविरिष्ठ पम्हे हिजार, अण्णिम्म काले हिद्रिक्षे प्रमहे छिजाइ, तम्हा से समए न भवड़ । एवं वयंतं पण्णवयं चोयए एवं वयासी-जेणं कालेणं तेणं तण्णागदारएणं तस्य तंत्रस्य उवरिक्षे पम्हे लिण्णे सं समए भवद १ न भवद । कम्हा १ जम्हा अणंताणं संघायाणं समुदयसमिइसमा-गमेणं एगे पम्हे निष्फज्जइ, उविरिष्ठे संघाए अविसंघाइए हेट्रिक्षे संघाए न विसंघा-इजाइ, अण्णाम्म काले उवरिष्ठे संघाए विसंधाइजाइ, अण्णाम्म काले हेट्टिके संघाए विसंघाइजाइ, तम्हा से समए न भवइ। एती वि य णं मुहमतराए समए पण्णते समणाउसो !, असंखिजाणं समयाणं समुद्रयसमिइसमागमेणं सा एगा 'आविलय'ति वुचह, संखिजाओ आविलयाओ=ऊसासो, संखिजाओ आविलयाओ=नीसासो। गाहाओ-हट्टस्स अणवगल्लस्स, निरुविक्षट्टस्स जंतुणो । एगे ऊसासनीसासे, एस पाणुत्ति वुच्चइ ॥ १ ॥ सत्तपाणूणि से थोवे, सत्त थोवाणि से लवे । लवाणं सत्तह-त्तरींए, एस मुहत्ते वियाहिए ॥ २ ॥ तिण्णि सहस्सा सत्त य, सयाई तेहृत्तरिं च ऊसासा । एस मुहत्तो भणिओ, सन्वेहिं अणंतनाणीहिं ॥ ३ ॥ एएणं मुहत्तपमाणेणं तीसं महत्ता=अहोरत्तं, पण्णरस अहोरत्ता=पक्खो, दो पक्खा=मासो, दो मासा=उऊ, तिणिण उऊ=अयणं, दो अयणाइं=संवच्छरे, पंच संवच्छराइं=जुगे, वीसं जुगाइं= वाससयं, दस वाससयाई=वाससहस्सं, सयं वाससहस्साणं=वाससयसहस्सं, चोरा-सीइं वाससयसहस्साइं=से एगे पुन्वंगे, चउरासीइं पुन्वंगसयसहस्साइं=से एगे पुन्वे, चउरासीइं पुन्वसयसहस्साइं=से एगे तुिंडयंगे, चउरासीइं तुिंडयंगसयसह-स्साइं=से एगे तुडिए, चउरासीइं तुडियसयसहस्साइं=से एगे अडडंगे, चउरासीइं अडडंगसयसहरसाइं-से एगे अडड़े, एवं अववंगे, अववे, हुहुयंगे, हुहुए, उप्पलंगे, उप्पले, परमंगे, परमे, नलिणंगे, नलिणे, अच्छनिरंगे, अच्छनिरं, अरयंगे, अउए, पडयंगे, पडए, नडयंगे, नडए, चूलियंगे, चूलिया, सीसपहेलियंगे, चडरा-सीइं सीसपहेलियंगसयसहस्साइं=सा एगा सीसपहेलिया । एयावया चेव गणिए. एयावया चेव गणियस्स विसए, एत्तो परं ओविमए पवत्तइ ॥ १३८ ॥ से िकं तं ओविमए ? ओविमए दुविहे पण्णते। तंजहा-पिलेओविमे य १ सागरीविमे य २। से किं तं पिल्ओवमे ? पिल्ओवमे तिविहे पण्णत्ते । तंजहा-उद्धारपिल्ओवमे १ अद्धापिठओवमे २ खेत्तपिठओवमे य ३ । से किं तं उद्धारपिठओवमे ? उद्धारप-लिओवमे दुविहे पण्णते । तंजहा-सुहमे १ वावहारिए य २ । तत्थ णं जे से सुहमे से ठप्पे। तत्थ णं जे से वावहारिए-से जहानामए पहें सिया-जोयणं आयामविक्खं-भेणं, जोयणं उद्घं उचतेणं, तं तिगुणं सिवसेसं परिक्खेवेणं, से णं पक्षे एगाहिय-वेयाहियतेयाहिय जाव उक्कोसेणं सत्तरत्तपरूढाणं संसद्घे संनिचिए भरिए वालग्गकोडीणं ते णं वालग्गा नो अग्गी डहेजा, नो वाऊ हरेजा, नो कुहेजा, नो पलिविद्धंसिजा, नो प्रताए हव्वमागच्छेजा, तओ णं समए समए एगमेगं वालग्गं अवहाय जावइ-एणं कालेणं से पल्ले खीणे नीरए निल्लेवे निष्टिए भवइ से तं वावहारिए उद्धारपिलओ-वमे । गाहा-एएसिं पल्लाणं, कोडाकोडी हवेज दसग्रणिया । तं ववहारियस्स उद्धार-सागरोवमस्स, एगस्स भवे परिमाणं ॥ १ ॥ एएहिं वावहारियङद्धारपलिओवमसागरोव-मेहिं किं पओयणं १ एएहिं वावहारियउद्धारपिठओवमसागरोवमेहिं–णित्य किंचिप्पओ-यणं. केवलं पण्णवणा पण्णविज्ञइ । सेत्तं वावहारिए उद्धारपलिओवमे । से किं तं

मुहुमे उद्धारपिलओवमे ? मुहुमे उद्धारपिलओवमे-से जहानामए पल्ले सिया-जोयणं आयामविक्खंभेणं, जोयणं उन्वेहेणं, तं तिगुणं सविसेसं परिक्खेवेणं, से णं पहें एगा-हियवेयाहियतेयाहिय जाव उक्कोसेणं सत्तरत्तपस्टाणं संसद्दे संनिचिए भरिए वालग्ग-कोडीणं, तत्थ ण एगमेगे वालग्गे असंखिजाई खंडाई कजह, ते णं वालग्गा दिट्टि-ओगाहणाओ असंखेजइभागमेत्ता सुहमस्स पणगजीवस्स सरीरोगाहणाउ असंखेज-गुणा, ते णं वालग्गा णो अग्गी डहेजा, णो वाऊ हरेजा, णो कुहेजा, णो पिल-विद्वंसिजा, णो पूड्ताए हव्यमागच्छेजा, तओ णं समए समए एगमेगं वालगंगं अवहाय जावइएणं कालेणं से पहे खींणे नीरए निहेंचे निद्विए भवइ सेत्तं सहुमे उदारपिल्ओवमे । गाहा-एएसि पहाणं, कोडाकोडी हवेज दसगुणिया । तं सहमस्स उद्धारसागरोवमस्स, एगस्स भवे परिमाणं ॥ २ ॥ एएहिं सहमउद्धारपिळओवम-सागरोवमेहिं किं पओयणं ? एएहिं सहमउद्धारपलिओवमसागरोवमेहिं दीवससुद्दाणं उद्धारो घेप्पइ । केवड्या णं भंते ! दीवसमुद्दा उद्धारेणं पण्णता ? गोयमा ! जावड्-या णं अन्नाइज्जाणं उद्धारसागरोवमाणं उद्धारसमया एवइयाणं दीवसमुद्दा उद्धारेणं पण्णत्ता । सेत्तं सुहुमे उद्धारपिलञोवमे । सेतं उद्धारपिलञोवमे । से किं तं अद्धापिल-ओवमे ? अद्भापलिओवमे दुविहे पण्णते । तंजहा-सुहमे य १ वावहारिए य २ । तत्थ णं जे से मुहुमे से ठप्पे । तत्थ णं जे से वावहारिए-से जहानामए पल्ले सिया-जोयणं आयामविक्खंभेणं, जोयणं उन्वेहेणं, तं तिगुणं सविसेसं परिक्खेवेणं, से णं पहे एगाहियवेयाहियतेयाहिय जाव भरिए वालग्गकोडीणं, ते णं वालग्गा नो अग्गी उहेजा जाव नो पलिविद्धंसिजा, नो पूइताए हव्यमागच्छेजा, तओ णं वाससए वाससए एगमेगं वालग्गं अवहाय जावइएणं कालेणं से पहे खीणे नीरए निहेंचे निट्टिए भवड् से तं वावहारिए अद्धापितओवमे । गाहा-एएसि पहाणं, कोडाकोडी भविज्ञ दसग्णिया । तं ववहारियस्स अद्वासागरोवमस्स, एगस्स भवे परिमाणं ॥ ३॥ एएहिं वावहारियअद्धापलिओवमसागरोवमेहिं किं पओयणं ? एएहिं वावहारिय-अद्भापतिओवमसागरीयमेहिं णात्थि किंचिप्पओयणं, केवलं पण्णवणा पण्णविज्ञह । संतं वावहारिए अद्धापिठओवमे । से किं तं सहसे अद्धापिठओवमे ? सहमे अद्धा-पिळओवमे-से जहानामए पहे सिया-जोयणं आयामेणं, जोयणं उच्वेहेणं, तं तिगुणं संविसेसं परिक्खेवेणं, से णं पहे एगाहियवेयाहियतेयाहिय जाव भरिए वालग्ग-कोडीणं, तत्थ णं एगमेंगे वालग्गे असंखिजाइं खंडाइं कजइ, ते णं वालग्गा दिहि-ओगाहणाओ असंखेजङभागमेत्ता महमस्य पणगजीवस्य सरीरोगाहणाओ असंखेज-गुणा, ते णं वालग्गा नो अग्गी उहेजा जाव नो पलिविदंसिजा. नो पडताए हव्व-

मागच्छेजा. तओ णं वाससए वाससए एगमेगं वालग्गं अवहाय जावइएणं कालेणं से पहें खीणे नीरए निहेंवे निद्विए भवइ सेत्तं सुहुमे अद्धापिठओवमे। गाहा-एएसिं पहाणं. कोडाकोडी भवेज दसगुणिया । तं सहसरसं अद्धासागरोवमस्स, एगस्स भवे परिमाणं ॥ ४ ॥ एएहिं सहमेहिं अद्धापिलओवमसागरोवमेहिं किं पओयणं ? एएहिं सहमेहिं अद्धापिलओवमसागरोवमेहिं णेरइयतिरिक्खजोणियमणुस्सदेवाणं आउयं मविज्जड ॥ १३९ ॥ णेरइयाणं भेते ! केवइयं कालं ठिई पण्णत्ता ? गोयमा ! जहण्णेणं दस-वाससहस्साइं, उक्कोसेणं तेत्तीसं सागरोवमाइं। रयणप्पहापुढविणेरइयाणं भंते! केवडयं कालं ठिई पण्णता ? गोयमा ! जहण्णेणं दसवाससहस्साइं, उक्कोसेणं एगं सागरोवमं । अपज्जत्तगरयणप्पहापुढविणेरइयाणं भंते ! केवइयं कालं ठिई पण्णत्ता ? गोयमा! जहण्णेण वि अंतोमुहुत्तं, उक्कोसेण वि अंतोमुहुत्तं । पजत्तगरयणप्पहा-पढ़िवणरइयाणं भंते ! केवड्यं कालं ठिई पण्णता ? गोयमा ! जहण्णेणं दसवास-सहस्साइं अंतोमुहत्तृणाइं, उक्कोसेणं एगं सागरोवमं अंतोमुहत्तृणं । सक्करप्पहापुढ-विणेरइयाणं भंते ! केवइयं कालं ठिई पण्णता ? गोयमा ! जहण्णेणं एगं सागरो-वमं, उक्कोसेणं तिण्णि सागरोवमाइं । एवं सेसपुढवीस पुच्छा भाणियव्या । वालु-यप्पहापुढविणेरइयाणं-जहण्णेणं तिण्णि सागरोवमाई, उक्कोसेणं सत्तसागरोवमाई। पंकप्पहापुढविणेरइयाणं-जहण्णेणं सत्तसागरोवमाइं, उक्कोसेणं दससागरोवमाइं। धूमप्पहापुढविणेरइयाणं-जहण्णेणं दससागरोवमाई, उक्कोसेणं सत्तरससागरोवमाई। तमप्पहापुढविणेरइयाणं-जहण्णेणं सत्तरससागरोवमाइं, उक्कोसेणं वावीससागरोव-माइं। तमतमापुढविणेरइयाणं भंते! केवइयं कालं ठिई पण्णता? गोयमा! जह-ण्णेणं बावीसं सागरोवमाइं. उक्कोसेणं तेत्तीसं सागरोवमाइं। असुरक्कमाराणं भंते ! केवइयं कालं ठिई पण्णत्ता ? गोयमा ! जहण्णेणं दसवाससहस्साइं, उक्कोसेणं साइरेगं सागरोवमं । असुरकुमारदेवीणं भंते ! केवइयं कालं ठिई पण्णता ? गोयमा ! जहण्णेणं दसवाससहस्साइं, उक्रोसेणं अद्धपंचमाइं पिलओवमाइं। नागकुमाराणं भंते! केवड्यं कालं ठिई पण्णत्ता ? गोयमा ! जहण्णेणं दसवाससहस्साइं, उक्कोसेणं देसूणाइं दुण्णि पिलेओवमाई । नागकुमारीणं भंते ! केवड्यं कालं ठिई पण्णता ? गोयमा ! जहण्णेणं दसवाससहस्साई, उक्कोसेणं देसूणं पिछओवमं । एवं जहा णागकमारदेवाणं देवीण य तहा जाव थणियकुमाराणं देवाणं देवीण य भाणियव्वं । पुढवीकाइयाणं भंते ! केवइयं कालं ठिई पण्णत्ता ? गोयमा ! जहण्णेणं अंतोमुहुत्तं, उक्कोसेणं वावीसं वाससहस्साइं । स्रहुमपुढवीकाइयाणं ओहियाणं अपजात्तयाणं पजात्तयाण य । तिस्र वि पुच्छा। गोयमा! जहण्णेणं अंतोमुहुत्तं, उक्कोसेण वि अंतोमुहुत्तं। बायरपुढवि- काइयाणं पुच्छा । गोयमा ! जहण्णेणं अंतोमुहुत्तं, उक्कोसेणं बावीसं वाससहस्साइं । अपजत्तगबायरपुढिविकाइयाणं पुच्छा । गोयमा ! जहण्णेण वि अंतोमुहुत्तं, उक्कोसेण वि अंतोमुहुत्तं । पज्जत्तगवायरपुढविकाइयाणं पुच्छा । गोयमा ! जहण्णेणं अंतोमुहुत्तं, उक्कोसेणं वावीसं वाससहस्साइं अंतोमुहुनुणाइं । एवं सेसकाइयाण वि पुच्छावयणं भाणियव्वं । आउकाइयाणं-जहण्णेणं अंतोमुहुत्तं, उक्कोसेणं सत्तवाससहस्साइं। सुहमआउकाइयाणं ओहियाणं अपज्जतगाणं पज्जतगाणं तिण्ह वि-जहण्णेण वि अंतोमुहुत्तं, उक्कोसेण वि अंतोमुहुत्तं । बायरआउकाइयाणं जहा ओहियाणं । अपज्जत-गवायरआउकाइयाणं-जहण्णेण वि अंतोमुहुत्तं, उक्कोसेण वि अंतोमुहुत्तं । पजत्तगबा-यरआउकाइयाणं-जहण्णेणं अंतोमुहुत्तं, उक्कोसेणं सत्तवाससहस्साई अंतोमुहुत्तृणाई। तेजकाइयाणं-जहण्णेणं अंतोमुहुत्तं, उक्कोसेणं तिण्णि राइंदियाइं । सुहुमतेजकाइयाणं ओहियाणं अपजत्तगाणं पजत्तगाणं तिण्ह वि-जहण्णेण वि अंतोमुहुत्तं, उद्घोसेण वि अंतोस्हतं । वायरतेखकाइयाणं-जहण्णेणं अंतोसुहत्तं, उक्कोसेणं तिण्णि राइंदियाइं । अपजत्तगबायरतेषकाइयाणं-जदृण्णेण वि अंतोमुहुत्तं, उक्कोसेण वि अंतोमुहुत्तं । पजनगबायरतेउकाइयाणं-जहण्णेणं अंतोमुहुत्तं, उद्योसेणं तिण्णि राइंदियाई अंतो-मुहुत्तूणाई । वाउकाइयाणं-जहण्णेणं अंतोमुहुत्तं, उक्कोसेणं तिण्णि वाससहस्साइं । सुहुमवाउकाइयाणं ओहियाणं अपज्जत्तगाणं पज्जत्तगाण य तिण्ह वि-जहण्णेण वि अंतोमुहुनं, उक्कोसेण वि अंतोमुहुनं । वायरवाउकाइयाणं-जहण्णेणं अंतोमुहुनं, उक्रोमेणं तिष्णि वाससहस्साइं । अपजात्तगवायरवाउकाइयाणं-जहण्णेण वि अंनो-मुहुत्तं, उक्कोरेण वि अंतोमुहुत्तं । पजन्तगवायरवाउकाइयाणं-जहण्णेणं अंतोमुहुत्तं, उक्कोसेणं तिण्णि वाससहस्साइं अंतोमुहुनूणाइं । वणस्तइकाइयाणं-जहण्णेणं अंतो· मुहुत्तं, उक्कोसेणं दसवासमहरूसाई । मुहुमवणस्मदकाइयाणं ओहियाणं अपज्जतगाणं पजनगाण य तिण्ह वि-जहण्णेण वि अंतोसुहुत्तं, उक्कोसंण वि अंतोसुहुत्तं। वायर-वणस्यद्काइयाणं-जहण्णेणं अंतोमुहुत्तं, उक्षांसेणं दसवाससहस्साई । अपजत्तग-बायरवणस्मद्काद्याणं-जहण्णेणं अंतोमुहुत्तं, उक्कोसेण वि अंतोमुहुत्तं । पजत्तग-वायरवणस्मद्कादयाणं-जहण्णेणं अंतोमुहुत्तं, उद्योसेणं दसवासमहस्मादं अंतो-मुहत्तुणाई । बेइंदियाणं भंते ! केवइयं कालं ठिई पण्णता ? गोयमा ! जहण्णेणं अंतोमृहुनं, उद्योसेणं वारयसंवच्छराणि । अपजनगवेइंदियाणं पुच्छा । गोयमा ! जहण्णेण वि अंतोमुहुत्तं, उद्दोसेण वि अंतोमुहुत्तं । पजतगबेइंदियाणं ० । गोयमा ! जदृण्णणं अंतोमुहुत्तं, उक्रोसेणं वारससंवच्छराइं अंतोमुहुत्तृणाइं । तदंदियाणं पुच्छा । गोयमा ! जहण्णेणं अंतोमुहुतं, उक्कोसेणं एगूणपण्णासं राइंदियाणं । अपजनगतदं-

दियाणं पुच्छा । गोयमा ! जहण्णेण वि अंतोमुहुत्तं, उक्रोसेण वि अंतोमुहुत्तं । पज्ज-त्तगतेइंदियाणं पुच्छा । गोयमा ! जहण्णेणं अंतोमुहुत्तं, उक्कोसेणं एगूणपण्णासं राइंदियाइं अंतोमुहुत्तूणाइं। चडरिंदियाणं भंते! केवइयं कालं ठिई पण्णता? गोयमा! जहण्णेणं अंतोमुहुत्तं, उक्कोसेणं छम्मासा । अपजत्तगचर्डारिदियाणं पुच्छा । गोयमा ! जहण्णेण वि अंतोमुहत्तं, उक्कोसेण वि अंतोमुहुत्तं । पज्जतगचउरिंदियाणं पुच्छा । गोयमा! जहण्णेणं अंतोमुहुत्तं, उक्कोसेणं छम्मासा अंतोमुहुतृणा । पंचिदिय-तिरिक्खजोणियाणं भंते! केवइयं कालं ठिई पण्णता? गोयमा! जहण्णेणं अंतोस्हत्तं, उक्कोसेणं तिण्णि पलिओवमाइं । जलयरपंचिंदियतिरिक्खजोणियाणं भंते! केवइयं कालं ठिई पण्णता १ गोयमा! जहण्णेणं अंतोमुहुत्तं, उक्कोसेणं पुव्वकोडी । सम्मुच्छिमजलयरपंचिंदियपुच्छा । गोयमा ! जहण्णेणं अंतोमुहुत्तं, उक्कोसेणं पुब्वकोडी । अपजत्तयसम्मु च्छिमजलयरपंचिदियपुच्छा । गोयमा ! जह-ण्णेण वि अंतोमुहुत्तं, उक्कोसेण वि अंतोमुहुत्तं । पज्जत्तयसम्मुच्छिमजलयरपंचि-दियपुच्छा । गोयमा ! जहण्णेणं अंतोमुहुत्तं, उक्कोसेणं पुन्वकोडी अंतोमुहुतूणा । गब्भवकंतियजलयरपंचिंदियपुच्छा । गोयमा! जहण्णेणं अंतोमुहुतं, उक्षोसेणं पुव्वकोडी । अपज्जत्तगगब्भवक्कंतियजलयरपंचिंदियपुच्छा । गोयमा ! जहण्णेण वि अंतोमुहुत्तं, उक्कोसेण वि अंतोमुहुत्तं । पज्जत्तगगब्भवक्कंतियज्ञलयरपंचिंदियपुच्छा । गोयमा ! जहण्णेणं अंतोमुहुत्तं, उक्कोसेणं पुन्वकोडी अंतोमुहुतूणा । चडप्पयथलयर-पंचिंदियपुच्छा । गोयमा ! जहण्णेणं अंतोमुहुत्तं, उक्कोसेणं तिण्णि पिलओवमाइं । सम्मुच्छिमचउप्पयथलयरपंचिंदियपुच्छा । गोयमा ! जहणोणं अंतोमुहुत्तं, उक्कोसेणं चउरासीइं वाससहस्साइं । अपज्जतयसम्मुच्छिमचउप्पयथलयरपंचिंदियपुच्छा । गोयमा ! जहण्णेण वि अंतोमुहुत्तं, उक्कोसेण वि अंतोमुहुत्तं । पज्जत्तयसम्मुन्छिमचड-प्पयथलयरपंचिंदियपुच्छा । गोयमा ! जहण्णेणं अंतोमुहुत्तं, उक्कोसेणं चउरासीइं वाससहस्साई अंतोमुहुतूणाई।गब्भवक्रंतियचडप्पयथलयरपंचिदियपुच्छा।गोयमा ! जहण्णेणं अंतोमुहुत्तं, उक्कोसेणं तिण्णि पिठेओवमाइं । अपजात्तगगव्भवक्षंतियचउ-प्पयथलयरपंचिंदियपुच्छा । गोयमा ! जहण्णेण वि अंतोमुहुत्तं, उक्कोसेण वि अंतो-मुह्तं । पजत्तगगब्भवकंतियचउप्पयथलयरपंचिंदियपुच्छा । गोयमा ! जहण्णेणं अंतोमुहुत्तं, उक्कोसेणं तिण्णि पल्लिओवमाइं अंतोमुहुत्तूणाइं। उरपरिसप्पथलयरपंचिंदि-यपुच्छा । गोयमा ! जहण्णेणं अंतोसुहुत्तं, उक्कोसेणं पुव्वकोडी । सम्मुच्छिमउरपरि-सप्पथलयरपंचिंदियपुच्छा । गोयमा ! जहण्णेणं अंतोमुहुत्तं, उक्कोसेणं तेवन्नं वास-सहस्साई । अपजन्तयसम्मु च्छिमउरपरिसप्पथलयरपंचिदियपुच्छा । गोयमा ! जहण्णेण

वि अंतोमुहुत्तं, उक्कोसेण वि अंतोमुहुत्तं। पज्जत्तयसम्मु च्छिमउरपरिसप्पथलयरपंचिदि-यपुच्छा । गोयमा ! जहण्णेण वि अंतोमुहुत्तं, उक्कोसेण वि अंतोमुहुत्तं । पज्जत्तयसम्मु-च्छिमउरपरिसप्पथलयरपंचिदियपुच्छा । गोयमा ! जहण्णेणं अंतोमुहुत्तं, उक्कोसेणं तेवण्णं वाससहस्याइं अंतोमुहुत्तूणाइं। गब्भवक्षंतियङरपरिसप्पथलयरपंचिंदियपुच्छा। गोयमा ! जहण्णेणं अंतोमुहुत्तं, उक्कोसेणं पुव्वकोडी । अपज्जत्तगगब्भवक्कंतियडरपरि-सप्पथलयरपंचिदियपुच्छा । गोयमा ! जहण्णेण वि अंतोमुहुत्तं, उक्कोसेण वि अंतो-मुहुत्तं । पज्जत्तगगव्भवक्रंतियउरपरिसप्पथलयरपंचिंदियपुच्छा । गोयमा ! जहण्णेणं अंतोमुहुत्तं, उक्कोसेणं पुव्यकोडी अंतोमुहुत्तूणा । भुयपरिसप्पथलयरपंचिंदियपुच्छा । गोयमा ! जहण्णेणं अंतोमुहुत्तं, उक्कोसेणं पुव्वकोडी । सम्मु च्छिमसुयपरिसप्पथलयर-पंचिदियपुच्छा । गोयमा ! जहण्णेणं अंतोमुहुत्तं, उक्कोसेणं वायालीसं वाससहस्साइं । अपज्जत्तयसम्मु च्छिमभुयपरिसप्पथलयरपंचिंदियपुच्छा । गोयमा ! जहण्णेण वि अंतोमुहुत्तं, उद्घोसेण वि अंतोमुहुत्तं । पजत्तयसम्मुच्छिमभुयपरिसप्पथलयरपंचिंदिय-पुच्छा । गोयमा ! जहण्णेणं अंतोमुहुत्तं, उक्कोसेणं वायाळीसं वाससहस्साइं अंतो-मुहुत्तृणाई । गब्भवकंतियभुयपरिसप्पथलयरपंचिदियपुच्छा । गोयमा ! जहण्णेणं अंतोमुहुत्तं, उक्कोसेणं पुट्यकोडी । अपज्जतयगब्भवक्कंतियभुयपरिसप्पथलयरपंचिदिय-पुच्छा । गोयमा ! जहण्णेण वि अंतोमुहुत्तं, उक्कोसेण वि अंतोमुहुत्तं । पज्जत्तयगब्भ-वकंतियभुयपरिसप्पथलयरपंचिदियपुच्छा । गोयमा ! जहण्णेणं अंतोमुहुत्तं, उक्कोसेणं पुञ्वकोषी अंतोमुहुत्त्णा । स्वह्यरपंचिदियपुच्छा । गोयमा ! जहण्णेणं अंतोमुहुत्तं, उक्रोसणं पळिओवमस्स असंखेज्जइभागो। सम्मुच्छिमखह्यरपंचिदियपुच्छा।गोयमा! जहण्णेणं अंतोमुहुत्तं, उक्कोसंणं वावत्तरिं वाससदस्साइं। अपजत्तगसम्मुच्छिमखह-यरपंचिदियपुच्छा । गोयमा ! जहण्णेण वि अंतोमुहुत्तं, उक्कोर्सण वि अंतोमुहुत्तं । पजनगसम्मुच्छिमखहयरपंचिदियपुच्छा । गोयमा ! जहण्णेणं अंतोमुहुत्तं, उक्षोसंणं वावत्तरि वाससहस्याइं अंतोमुहुत्तृणाइं । गब्भवकंतियस्वहयरपंचिदियपुच्छा । गोयमा ! जहर्णणं अंतोमुहुत्तं, उक्कोसणं पिलओवमस्य असंखेजङ्भागो । अपज्ञत्तगगच्भ-वर्कनियखहयरपंचिदियपुच्छा । गोयमा ! जहण्णेण वि अंतोमुहुनं, उद्धोसेण वि अंतोमुहुत्तं । पज्जतगगब्भवकंतियखहयरपंचिदियतिरिक्खजोणियाणं भेते ! केवड्यं कालं ठिई पण्णता ? गोयमा ! जहण्णेणं अंतोमुहुत्तं, उक्कोरीणं पालओवमस्य असंखेजरभागी अंतोमुहुनूणो । एत्थ एएसि णे संगद्यणिगाहाओ भवंति, तंजहा— सम्मुच्छिम पुव्यकोडी, चडरासीट्ं भवे सहस्साट्ं । तेवण्णा वायाला, त्रावत्तरिमेव पक्लीणं ॥ १ ॥ गर्ब्समि पुब्बकोडी, तिण्णि य पलिओवमाई परमाऊ । ७२ सत्ता०

उर्ग भुय पुन्वकोडी, पिलओवमासंखभागो य ॥ २ ॥ मणुस्साणं भंते ! केनइयं कालं ठिई पण्णता ? गोयमा ! जहण्णेणं अंतोसुहृत्तं, उक्कोसेणं तिण्णि पलिओवमाई। सम्मन्छिममण्स्साणं पुच्छा । गोयमा ! जहण्णेण वि अंतोमुहत्तं, उद्घोसेण वि अंतोसुहृतं । गब्भवकंतियमणुस्साणं पुच्छा । गोयमा! जहण्णेणं अंतोसुहृतं, उक्कोसेणं तिण्णि पिलओवमाइं । अपज्जत्तगगच्भवकंतियमणुस्साणं भंते ! केवइयं कालं ठिई पण्णता ? गोयमा! जहण्णेणं अंतोमुहत्तं, उक्कोसेण वि अंतोमुहत्तं। पज्जतगगब्भवकंतियमणुस्माणं भंते ! केवइयं कालं ठिई पण्णता ? गोयमा ! जह-ण्णेणं अंतोमुहत्तं, उक्कोसेणं तिण्णि पिलओवमाई अंतोमुहुत्तृणाई । वाणमंतराणं देवाणं भंते ! केवइयं कालं ठिई पण्णता ? गोयमा ! जहण्णेणं दसवाससहस्साइं. उक्कोसेणं पलिओवमं । वाणमंतरीणं देवीणं भंते ! केवइयं कालं ठिई पण्णता ? गोयमा ! जहण्णेणं दसवाससहस्साइं, उक्कोसेणं अद्धपित्रओवमं । जोइसियाणं भंते ! देवाणं केवइयं कालं ठिई पण्णता ? गोयमा ! जहण्णेणं साइरेगं अद्रभागपितओ-वमं, उक्कोसेणं पिलओवमं वाससयसहस्समञ्मिहयं । जोइसियदेवीणं भंते ! केवइयं कालं ठिई पण्णता ? गोयमा ! जहण्णेणं अद्भागपिलओवमं, उद्योसेणं अद्भपिल-ओवमं पण्णासाए वाससहरूसेहिं अब्भिहयं । चंदविमाणाणं भंते ! देवाणं केवडयं कालं ठिई पण्णता ? गोयमा ! जहण्णेणं चउमागपलिओवमं, उद्योसेणं पलिओवमं वाससयसहस्समञ्महियं । चंदविमाणाणं भंते ! देवीणं पुच्छा । गोयमा ! जहण्णेणं चडभागपिलओवमं, उक्कोसेणं अद्भपतिओवमं पण्णासाए वाससहस्सेहिं अब्भिहियं। सूरविमाणाणं भंते ! देवाणं पुच्छा । गोयमा ! जहण्णेणं चउभागपिठओवमं, उक्कोसेणं पिलञ्जोवमं वाससहस्समब्भिहयं । सूर्यविमाणाणं देवीणं पुच्छा । गोयमा ! जहण्णेणं चउभागपलिओवमं, उक्कोसेणं अद्भपलिओवमं पंचिहं वाससएहिं अञ्भ-हियं। गहविमाणाणं भंते ! देवाणं केवड्यं कालं ठिई पण्णता ? गोयमा ! जहण्णेणं चडभागपलिओवमं, उक्कोसेणं पिलओवमं । गहविमाणाणं भंते ! देवीणं पुच्छा । गोयमा ! जहण्णेणं चउभागपिलओवमं, उक्कोसेणं अद्भुपिलओवमं । णक्खत्तिवमा-णाणं भंते ! देवाणं पुच्छा । गोयमा ! जहण्णेणं चउभागपलिओवमं, उद्योसेणं अद्भप्तिओवमं । णक्खत्तविमाणाणं देवीणं पुच्छा । गोयमा ! जहुण्णेणं चउभाग-पिलओवमं, उक्कोसेणं साइरेगं चडभागपिलओवमं । ताराविमाणाणं भंते ! देवाणं पुच्छा । गोयमा ! जहण्णेणं साइरेगं अहुभागपिलओवमं, उक्कोसेणं चटुभागपिल-ओवमं । ताराविमाणाणं भंते ! देवीणं केवइयं कालं ठिई पण्णता ? गोयमा ! जहणोणं अद्वभागपितओवमं, उक्कोसेणं साइरेगं अद्वभागपितओवमं । वेमाणियाणं

भंते ! देवाणं केवइयं कालं ठिई पण्णता ? गोयमा ! जहण्णेणं पलिओवमं, उक्षोसेणं तेत्तीसं सागरोवमाइं। वेमाणियाणं भंते ! देवीणं केवडयं कालं ठिई पण्णता ? गोयमा ! जहण्णेणं पिठओवमं, उक्कोसेणं पणपण्णं पिठओवमाउं । सोहम्मे णं भंते ! कप्पे देवाणं पुच्छा । गोयमा ! जहण्णेणं पिलञ्जोवमं, उक्कोसेणं दो सागरो-वमाइं। सोहम्मे णं भंते ! कप्पे परिग्गहियादेवीणं पुच्छा । गोयमा ! जहण्णेणं पिंठओवमं, उक्कोसेणं सत्तपिंठओवमाइं । सोहम्मे णं भंते ! कप्पे अपरिग्गहिया-देवीणं केवड्यं कालं ठिई पण्णता? गोयमा! जहण्णेणं पलिओवमं, उक्कोसेणं पण्णासं पिठओवमं । ईसाणे णं भंते ! कप्पे देवाणं केवडयं कालं ठिई पण्णत्ता ? गोयमा ! जहण्णेणं साइरेगं पिलओवमं, उक्तोसेणं साइरेगाउं दो सागरोबमाउं। ईसाणे णं भंते ! कप्पे परिग्गहियादेवीणं केवइयं कालं ठिई पण्णता ? गोयमा ! जहण्णेणं साउरेगं पिलओवमं, उद्योसेणं नवपिलओवमाइं । ईसाणे णं भंते ! कप्पे अपरिगाहियादेवीणं केवडयं कालं ठिई पण्णता ? गोयमा ! जहण्णेणं साडरेगं पिलिओवमं, उन्नोसेणं पणपण्णं पिलिओवमाइं। सणंक्रमारे णं भंते! कप्पे देवाणं पच्छा । गोयमा ! जहण्णेणं दो सागरीवमाई, उक्कोसेणं सत्तसागरीवमाई । माहिंदे णं उद्योसेणं साइरेगाइं सत्तसागरोवमाइं। वंभलोए णं भंते ! कप्पे देवाणं पुच्छा। गोयमा ! जहण्णेणं सत्तसागरोवमाइं, उद्घोसेणं दससागरोवमाइं । एवं कप्पे कप्पे केवडवं कालं ठिई पण्णत्ता ? गोयमा ! एवं भाणियव्वं-लंतुए-जहण्णेणं दससागरो-वमाइं, उद्योसेणं चउद्दस सागरोवमाइं । महामुक्के-जहण्णेणं चउद्दस सागरोवमाइं, उद्योगणं सत्तरस सागरीवमाई । सहस्सारे-जहण्णेणं सत्तरस सागरीवमाठं, उद्योसेणं अद्वारस सागरोवमाइं । आणए-जहण्णेणं अद्वारस सागरोवमाइं, उक्कोसेणं एगूण-वीसं सागरोवमाउं । पाणए-जहण्णेणं एगूणवीसं सागरोवमाउं, उक्कोसेणं वीसं सागरोबमाई । आरणे-जहण्णेणं वीसं सागरोबमाई, उद्घोसेणं एकवीसं सागरो-वमार्ट । अञ्चल-जहण्णेणं एकवीसं सागरीवमार्ट, उद्योरंणं वाबीसं सागरीवमार्ट । हेद्रिमहेद्रिमगेविज्ञविमाणेसु णं भेते ! देवाणं केवड्यं कालं ठिई पण्णता ? गोयमा ! जदण्णणं वावीसं सागरोवमाइं, उद्योसेणं तेवीसं सागरोवमाइं । हेद्रिममज्जिमगेवि-ज्जियमाणेंग णं भेते ! देवाणं० ? गोयमा ! जहण्णेणं तेत्रीसं सागरोवमाउं, उद्घोसेणं चडवीसं सागरीवमाइं । हेद्रिमडवरिमगैविजविमाणेसु णं भंते ! द्वाणं० ? गोयमा ! जदण्णेणं चडवीसं सागरीवमाइं, उक्कोसेणं पणवीसं सागरीवमाइं । मज्खिमहेद्रिम-गेवैजाविमाणस णं भंते ! देवाणं० ? गोयमा ! जहण्णेणं पणवीसं सागरोवमाउं.

उक्कोसेणं छव्वीसं सागरोवमाइं । मज्झिममज्झिमगेवेज्जविमाणेसु णं भंते ! देवाणं ० १ गोयमा! जहण्णेणं छव्वीसं सागरोवमाई, उक्कोसेणं सत्तावीसं सागरोवमाई । मज्ज्ञिमउवरिमगेवेजाविमाणेस णं भंते ! देवाणं ० ? गोयमा ! जहण्णेणं सत्तावीसं सागरोवमाइं. उक्कोसेणं अद्वावीसं सागरोवमाइं। उवारमहेद्विमगेविज्ञविमाणम् णं भंते ! देवाणं ० १ गोयमा ! जहण्णेणं अद्वावीसं सागरोवमाइं, उद्योसेणं एगणतीसं सागरोवमाइं । उवरिममज्ज्ञिमगेविज्जविमाणेसु णं भंते ! देवाणं ० ? गोयमा ! जह-ण्णेणं एगुणतीसं सागरोवमाइं, उक्कोसेणं तीसं सागरोवमाइं । उवरिमउवरिमगेविज्ञ-विमाणेस णं भंते ! देवाणं० ? गोयमा ! जहण्णेणं तीसं सागरोवमाइं, उद्घोसेणं इक्-तीसं सागरोवमाइं। विजयवेजयंतजयंतअपराजियविमाणेसु णं भंते ! देवाणं केव-इयं कालं ठिई पण्णता ? गोयमा ! जहण्णेणं इक्कतीसं सागरोवमाइं. उक्कोसेणं तेत्तीसं सागरोवमाइं। सव्बद्धसिद्धे णं भंते! महाविमाणे देवाणं केवइयं कालं ठिई पण्णता? गोयमा! अजहण्णमणुक्कोसेणं तेत्तीसं सागरोवमाइं । सेत्तं सुहुमे अद्धापितओवमे । सेत्तं अद्धापिलओवमे ॥ १४० ॥ से किं तं खेत्तपिलओवमे ? खेत्तपिलओवमे दुविहे पण्णते । तंजहा-सुहमे य १ वावहारिए य २ । तत्थ णं जे से सुहमे से ठप्पे । तत्थ णं जे से वावहारिए-से जहानामए पहे सिया-जोयणं आयामविक्खंभेणं, जोयणं उव्वेहेणं, तं तिगुणं सविसेसं परिक्खेवेणं, से णं पल्ले एगाहियवेयाहियतेयाहिय जाव भरिए वालग्मकोडीणं, ते णं वालग्मा णो अग्मी इहेजा जाव णो पूर्ताए हव्वमाग-च्छेजा. जे णं तस्स पहरसे आगासपएसा तेहिं वालग्गेहिं अप्फुण्णा तओ णं समए समए एगमेगं आगासपएसं अवहाय जावइएणं कालेणं से पहे खीणे जाव णिद्रिए भवड से तं वावहारिए खेतपिलओवमे । गाहा-एएसिं पृष्ठाणं, कोडाकोडी भवेज दस-गुणिया । तं ववहारियस्स खेत्तसागरोवमस्स, एगस्स भवे परिमाणं ॥ १ ॥ एएहि वाव-हारिएहिं खेत्तपलिओवमसागरोवमेहिं किं पओयणं ? एएहिं वावहारिएहिं खेत्तपलिओ-वमसागरोवमेहिं णत्थि किंचिप्पओयणं, केवलं पण्णवणा पण्णविज्ञइ । सेतं वावहारिए खेतपिलओवमे । से किं तं सहमे खेतपिलओवमे ? सहमे खेतपिलओवमे-से जहाणा-मए पहे सिया-जोयणं आयामविक्खंमेणं जाव तं तिराणं सविसेसं परिक्खेवेणं. से णं पल्ले एगाहियवेयाहियतेयाहिय जाव भरिए वालग्गकोडीणं. तत्थ णं एममेगे वालग्गे असंखिजाइं खंडाइं कजइ, ते णं वालग्गा दिद्विओगाह्रणाओ असंखेजह-भागमेत्ता सहमस्स पणगजीवस्स सरीरोगाहणाओ असंखेजगुणा, ते णं वालग्गा नो अग्गी डहेजा जाव नो पूइताए हव्वमागच्छेजा, जे णं तस्स पल्लस्स आगासपएसा तेहिं वालग्गेहिं अप्फुण्णा वा अणाफुण्णा वा तओ णं समए समए एगमेगं आगास-

पएसं अवहाय जावइएणं कालेणं से पहें खीणे जाव निद्धिए भवइ सेत्तं सहमे खेत-पिठओवमे । तत्थ णं चोयए पण्णवगं एवं वयासी-अत्थि णं तस्स पहरूस आगास-पएमा जे णं तेहिं वालग्गेहिं अणाफुण्णा ? हंता ! अत्थि । जहा को दिहंतो ? से जहाणामए कोद्रए सिया कोहंडाणं भरिए, तत्थ णं माउलिंगा पक्खिता ते वि माया. तत्थ णं त्रिहा पक्खित्ता ते वि माया, तत्थ णं आमलगा पक्खिता ते वि माया. तत्थ णं वयरा पक्खिता ते वि माया. तत्थ णं चणगा पक्खिता ते वि माया, तत्थ णं मुग्गा पक्खिता ते वि माया, तत्थ णं सरिसवा पक्खिता ते वि माया, तत्थ णं गंगावालुया पिन्खत्ता सा वि माया, एवमेव एएणं दिद्वेतेणं अत्थि णं तस्त पहरूस आगासपएसा जे णं तेहिं वालग्गेहिं अणाफुण्णा । **गाहा**-एएसिं पहाणं, कोडाकोडी भवेज दसगुणिया । तं सुहमस्स खेत्तसागरोवमस्स, एगस्स भवे परिमाणं ॥ २ ॥ एएहिं सहमेहिं खेत्तपिठओवमसागरोवमेहिं किं पओयणं ? एएहिं मुहमेहिं खेत्तपिलओवमसागरोवमेहिं दिद्रिवाए दव्वा मविज्ञंति ॥ १४१ ॥ कइविहा णं भंते ! दव्वा पण्णता ? गोयमा ! द्विहा पण्णता । तंजहा-जीवदव्वा य १ अजीवदच्वा य २। अजीवदच्वा णं भंते ! ऋदिहा पण्णत्ता ? गोयमा ! द्विहा पण्णत्ता । तंजहा-स्वीअजीवद्वा य १ अस्वीअजीवद्वा य २ । अस्वीअजीव-दव्वा णं भंते ! कड़विहा पण्णत्ता ? गोयमा ! दसविहा पण्णत्ता । तंजहा---थम्मित्थकाए १ थम्मित्थकायस्स देसा २ धम्मित्थकायस्स पएसा ३ अधम्मित्थ-काए ४ अधम्मात्थिकायस्य देसा ५ अधम्मात्थिकायस्य पर्पसा ६ आगासत्थिकाए ७ आगायस्थिकायस्य देसा ८ आगासस्थिकायस्य पएसा ९ अद्धासमए १० । स्वी-अजीवद्व्या णं भंते ! कडविहा पण्णता १ गोयमा ! चडव्विहा पण्णता । तंजहा-खंबा १ खंबदेसा २ खंबपणसा ३ परमाणपोग्गला ४। ते णं भंते ! कि संखिजा असंखिजा अणंता १ गोयमा ! नो संखिजा, नो असंखिजा, अणंता । से केणद्रेणं भंत ! एवं वुचड्-नो संखिजा, नो असंखिजा, अणंता ? गोयमा ! अणंता परमा-णुपोग्गळा, अणंता दुपएसिया खंघा जाव अणंता अणंतपएसिया खंघा, से एए-णद्रेणं गोयमा! एवं व्चड-नो संखिजा, नो असंखिजा, अणंता। जीवद्व्वा णं भंते ! किं संखिजा अमेखिजा अणेता ? गोयमा ! नो संखिजा, नो असंखिजा, अणेता । से केणद्वेणं भेते ! एवं वचा नो संखिजा, नो असंखिजा, अणंता १ गोयमा ! असंग्रिजा गेरट्या, असंग्रिजा अन्रकुमारा जाव असंग्रिजा थणियकुमारा, असं-खिजा पुर्टावकाड्या जाव असंखिजा वाडकाड्या, अणंता वणस्यट्काइया, असंखिजा बेडंदिया जाव असंशिका चर्डारेदिया, असंशिका पंचिंदियतिरिक्खजोणिया, असं-

खिजा मणुस्सा, असंखिजा वाणमंतरा, असंखिजा जोइसिया, असंखिजा वेमाणिया अणंता सिद्धा. से एएणट्रेणं गोयमा! एवं वृच्चइ-नो संखिजा, नो असंखिजा. अणंता॥ १४२॥ कड्विहा णं भंते ! सरीरा पण्णता ? गोयमा ! पंच सरीरा पण्णता । तंजहा-ओरालिए १ वेडव्विए २ आहारए ३ तेयए ४ कम्मए ५। णेरइयाणं भंते ! कद सरीरा पण्णता ? गोयमा ! तओ सरीरा पण्णता । तंजहा-वेउन्विए १ तेयए २ कम्मए ३ । असुरकुमाराणं भंते ! कइ सरीरा पण्णता ? गोयमा ! तओ सरीरा पण्णता । तंजहा-वेडव्विए १ तेयए २ कम्मए ३ । एवं तिष्णि तिण्णि एए चेव सरीरा जाव थणियकुमाराणं भाणियव्वा । पुढविकाइयाणं भंते ! कइ सरीरा पण्णत्ता ? गोयमा ! तओ सरीरा पण्णता । तंजहा-ओरालिए १ तेयए २ कम्मए ३ । एवं आउतेउवणस्सइकाइयाण वि एए चेव तिण्णि सरीरा भाणियव्वा । वाउकाइ-याणं भंते ! कइ सरीरा पण्णता ? गोयमा ! चत्तारि सरीरा पण्णता । तंजहा-ओरा-लिए १ वेडव्विए २ तेयए ३ कम्मए ४ । बेइंदियतेइंदियचडरिंदियाणं जहा पढ-वीकाइयाणं । पंचिंदियतिरिक्खजोणियाणं जहा वाउकाइयाणं । मण्रस्साणं भंते ! कड सरीरा पण्णता ? गोयमा ! पंच सरीरा पण्णता । तंजहा-ओरालिए १ वेडविवए २ आहारए ३ तेयए ४ कम्मए ५। वाणमंतराणं जोइसियाणं वेमाणियाणं जहा णेरइयाणं। केवड्या णं भते ! ओरालियसरीरा पण्णता ? गोयमा द्विहा पण्णता । तंजहा-बद्धेल्लगा य १ मुक्केल्लगा य २ । तत्थ णं जे ते बद्धेल्लगा ते णं असंखिज्जा. असंखिजाहिं उस्सप्पिणीओसप्पिणीहिं अवहीरंति कालओ, खेत्तओ असंखेजा लोगा । तत्थ णं जे ते मुक्केलगा ते णं अणंता, अणंताहिं उस्सप्पिणीओसप्पिणीहिं अवहीरंति कालओ. खेत्तओ अणंता लोगा, दन्वओ अभवसिद्धिएहिं अणंतगुणा. सिद्धाणं अणंतभागो । केवइया णं भंते ! वेउन्वियसरीरा पण्णता ? गोयमा ! दुविहा पण्णता । तंजहा-बद्धेल्लगा य १ मक्केल्लगा य २ । तत्थ णं जे ते बद्धेल्लगा ते णं असंखिजा, असंखेजाहिं उस्सिप्पिणओसप्पिणीहिं अवहीरंति कालओ, खेत्तओ असंखिजाओ सेढीओ पयरस्स असंखेजइभागो । तत्थ णं जे ते मुक्केलगा ते णं अणंता. अणंताहिं उस्सप्पिणओसप्पिणीहिं अवहीरंति कालओ, सेसं जहा ओरालि-यस्स मुद्रेष्ट्रगा तहा एए वि भाणियव्वा । केवड्या णं भंते ! आहारगसरीरा पण्णत्ता ? गोयमा ! दुविहा पण्णता । तंजहा-बद्धे छया य १ मुक्के छया य २ । तत्थ णं जे ते बद्धेल्लया ते णं सिय अत्थि सिय णित्थ, जइ अत्थि जहण्णेणं एगो वा दो वा तिण्णि वा, उक्कोसेणं सहस्सपुहत्तं । मुक्केलया जहा ओरालिया तहा भाणियव्वा ।

१ कडविहाणं।

केवइया णं भंते ! तेयगसरीरा पण्णता ? गोयमा ! दुविहा पण्णता । तंजहा-वद्धे-ह्या य १ मुक्केह्रया य २ । तत्थ णं जे ते बद्धेह्रया ते णं अणंता, अणंताहिं उस्सप्पिणीओसप्पिणीहिं अवहीरंति कालओ, खेत्तओ अणंता लोगा, दन्वओ सिद्धेहिं अणंतगुणा, सन्वजीवाणं अणंतभागृणा । तत्थ णं जे ते मुक्केल्लया ते णं अणंता. अणंताहिं उस्सिप्पणीओसप्पिणीहिं अवहीरंति कालओ. खेत्तओ अणंता लोगा. दव्वओ सव्वजीवेहिं अणंत्गुणा. सव्वजीववग्गस्स अणंतभागो । केवइ्या णं भेते ! कम्भगसरीरा पण्णता ? गोयमा ! दुविहा पण्णता। तंजहा-बद्धेह्रया य १ मुकेलया य २ । जहा तेयगसरीरा तहा कम्मगसरीरा वि भाणियव्वा । णेरऱ्याणं भंते ! केवड्या ओरालियसरीरा पण्णत्ता ? गोयमा ! दुविहा पण्णत्ता । तंजहा-बद्धे-ह्याय १ मुकेहयाय २ । तत्थणं जे ते बदेहहया ते णंणित्थ । तत्थणं जे ते मकेल्ल्या ते जहा ओहिया ओरालियसरीरा तहा भाणियव्या । णेरइयाणं भंते ! केवड्या वेडव्वियसरीरा पण्णता १ गोयमा ! द्विहा पण्णता । तंजहा-बद्धेष्ठया य १ मकेलया य २ । तत्थ णं जे ते वदेखया ते णं असंखिजा. असंखिजाहिं उस्स-प्पिणीओसप्पिणीहिं अवहीरंति कालओ. खेतओ असंखेजाओ सेढीओ पयरस्स असंखिज्जडभागो, तासि णं सेढीणं विक्खंभसई अंगुलपढमवग्गमूलं विइयवग्गमूल-पुडुप्पणं, अहवा णं अंगुलविङ्यवगम्लघणपमाणमेत्ताओ सेढीओ । तत्थ णं जे ते मुक्केल्लया ते णं जहा ओहिया ओरालियसरीरा नहा भाणियव्या। णेरइयाणं भंते! केनड्या आहारगसरीरा पण्णता ? गोयमा ! दुविहा पण्णता । तंजहा-बद्धेख्या य १ मुकेलयाय २ । तत्थ णंजे ते बद्धेलया ते णंणित्थ । तत्थ णंजे ते मुके-छ्या ते जहा ओहिया तहा भाणियव्या । तेयगकम्मगसरीरा जहा एएसिं चेव वेड व्यियसरीरा तहा भाणियव्वा । असुरक्रमाराणं भंते ! केवइया ओरालियसरीरा पण्णत्ता १ गोयमा ! जहा णेरइयाणं ओरालियसरीरा तहा भाणियव्वा । असुर-कुमाराणं भंते ! केवइया वेडव्वियसरीरा पण्णता ! गोयमा ! द्विहा पण्णता । तंजहा-बद्धेल्लया य १ मुकेल्लया य २ । तत्थ णं जे ते बद्धेल्लया ते णं असंखिजा. असंखिजाहिं उस्सिप्पिणीओसप्पिणीहिं अवहीरंति कालओ, खेतओ असंखेजाओ सेढीओ पयरस्य असंखिजाइभागो, तासि णं सेढीणं विक्खंभस्ई अंगुलपढमवग्गमृलस्स असंखिजडभागो । मुक्केलया जहा ओहिया ओरालियसरीरा । अनुरक्कमाराणं भंते ! केवड्या आहारगसरीरा पण्णता ? गोयमा ! दुविहा पण्णता । तंजहा-बद्धेल्लया य १ मुकेल्लया य २ । जहा एएसिं चेव ओरालियसरीरा तहा भाणियव्वा । तेयगकम्म-गसरीरा जहा एएसिं चेव वेउव्वियसरीरा तहा भाणियव्वा । जहा असुरसुमाराणं

तहा जाव थणियकुमाराणं ताव भाणियव्वा । पुढविकाइयाणं भंते ! केवइया ओरा-लियसरीरा पण्णता ? गोयमा ! दुविहा पण्णता । तंजहा-बद्धेल्लया य १ मुक्केल्लया य २ । एवं जहा ओहिया ओरालियसरीरा तहा भाणियन्वा । पुढविकाइयाणं भंते ! केवड्या वेउव्वियसरीरा पण्णता ? गोयमा ! दुविहा पण्णता। तंजहा-बद्धेस्रया य १ मकेलया य २ । तत्थ णं जे ते बद्धेलया ते णं णित्थ । मुकेलया जहा ओहियाणं ओरालियसरीरा तहा भाणियव्वा । आहारगसरीरा वि एवं चेव भाणियव्वा । तेयग-कम्मसरीरा जहा एएसिं चेव ओरालियसरीरा तहा भाणियन्वा । जहा पुढविकाइयाणं एवं आउकाइयाणं तेउकाइयाण य सन्वसरीरा भाणियन्वा । वाउकाइयाणं भंते ! केवइया ओरालियसरीरा पण्णता ? गोयमा ! दुविहा पण्णता। तंजहा-वदेखया य १ मुक्केल्लया य २। जहा पुढविकाइयाणं ओरालियसरीरा तहा भाणियव्वा । वाउ-काइयाणं ० केवइया वेउ विवयसरीरा पण्णता ? गोयमा ! दुविहा पण्णता । तंजहा-बद्धेष्ठगा य १ मुकेष्ठगा य २ । तत्थ णं जे ते बद्धेष्ठगा ते णं असंखिजा. समए समए अवहीरमाणा खेत्रपलिओवमस्स असंखिजाइभागमेत्तेणं कालेणं अव-हीरंति, नो चेव णं अवहिया सिया। मुक्केष्ठगा वेडव्वियसरीरा आहारगसरीरा य जहा पुढविकाइयाणं तहा भाणियव्वा । तेयगकम्मसरीरा जहा पुढविकाइयाणं तहा भाणियव्वा । वणस्सइकाइयाणं ओरालियवेउव्वियआहारगसरीरा जहा पुढविकाइयाणं तहा भाणियव्वा । वणस्सङ्काइयाणं भंते ! केवड्या तेयगसरीरा पण्णता ? गोयमा दुविहा पण्णता । जहा ओहिया तेयगकम्मसरीरा तहा वणस्सइ-काइयाण वि तेयगकम्मगसरीरा भाणियव्वा । बेइंदियाणं भंते ! केवडया ओरा-लियसरीरा पण्णता ? गोयमा ! दुविहा पण्णता । तंजहा-वदेळया य १ मक्केलया य २ । तत्थ णं जे ते बद्धेलया ते णं असंखिजा, असंखिजाहिं उस्सिपणी-ओसप्पिणीहिं अवहीरंति कालओ, खेत्तओ असंखेजाओ सेढीओ प्यरस्स असंखिजड-भागो. तासि णं सेढीणं विक्खंभसूई असंखेजाओ जोयणकोडाकोडीओ. असंखिजाई सेढिवग्गम्लाइं, वेइंदियाणं ओरालियवदेखलएहिं पयरं अवहीरइ असंखिजाहिं उस्सप्पिणीओसप्पिणीहिं कालओ, खेत्तओ अंगुलपयरस्स आवलियाए असंखिजाइ-भागपिडभागेणं । मुक्केल्लया जहा ओहिया ओरालियसरीरा तहा भाणियव्वा। वेउव्वियआहारगसरीरा वदेखया नित्थ । मुक्केख्रया जहा ओहिया ओरालियसरीरा तहा भाणियव्वा । तेयगकम्मगसरीरा जहा एएसिं चेव ओरालियसरीरा तहा भाणियव्या । जहा बेइंदियाणं तहा तेइंदियचउरिंदियाण वि भाणियव्या । पांचिंदियतिरिक्खजोणियाण वि ओरालियसरीरा एवं चेव भाणियव्वा । पंचिंदियति-

रिक्खजोणियाणं भंते ! केवइया वेउव्वियसरीरा पण्णता ? गोयमा ! द्विहा पण्णता। तंजहा-बद्धेष्ठया य १ मुक्केल्लया य २ । तत्थ णं जे ते बद्धेल्लया ते णं असंखिजा. असंखिजाहिं उस्सिपिणीओसिपिणीहिं अवहीरंति कालओ, खेत्तओ असंखेजाओ सेढीओ पयरस्य असंखिजाइभागो. तासि णं सेढीणं विक्खंभसई अंगळपढमवग्ग-मलस्य असंखिजहभागो । मकेळ्या जहा ओहिया ओरालिया तहा भाणियव्या । आहारयसरीरा जहा वेइंदियाणं तेयगकम्मसरीरा जहा ओरालिया । मणस्साणं भंते ! केवडया ओरालियसरीरा पण्णता ? गोयमा ! दुविहा पण्णता। तंजहा-बद्धेलया य १ मुकेलया य २ । तत्थ णं जे ते वद्धेलया ते णं सिय संखिजा सिय असंखिजा. जहण्णपए संखेजा, संखिजाओं कोडाकोडीओ, एगुणतीसं ठाणाई तिजमलपयस्स उवरि चरजमरुपयस्स हेद्रा, अहव णं छद्रो वग्गो पंचमवग्गपङ्गपण्णो, अहव णं छण्णउइछेयणगदाइरासी, उक्कोसपए असंखेजा, असंखेजाहिं उस्सिप्पणीओसिप्प-णीहिं अवहीरंति कालओ, खेत्तओ उद्योसपए स्वपिक्खत्तेहिं मण्स्सेहिं सेढी अवहीरइ कालओ असंखिजाहि उस्सप्पिणीओसप्पिणीहिं, खेत्तओ अंगुलपडमवग्गमूलं तइय-वग्गमलपदुष्पणां । मुक्केलया जहा ओहिया ओरालिया तहा भाणियव्या । मणुस्साणं भंते ! केवइया वेउव्वियसरीरा पण्णता १ गोयमा ! द्विहा पण्णता । तंजहा-वद्धे ह्वया य १ मुकेष्टया य २ । तत्थ णं जे ते बद्धेष्टया ते णं संखिजा, समए समए अव हीरमाणा अवहीरमाणा संखेजिणं कालेणं अवहीरंति, नो चेव णं अवहिया सिया । मुक्केलया जहा ओहिया ओरालियाणं मुक्केलया तहा भाणियव्या । मण्रसाणं भंते ! केवडया आहारगसरीरा पण्णता ? गोयमा ! द्विहा पण्णता । तंजहा-बद्धे स्था य १ मकेल्या य २ । तत्थ णं जे ते वदेल्या ते णं सिय अत्थि सिय णित्थ, जड अत्थि जहण्णेणं एको वा दो वा तिष्णि वा. उक्कोर्सणं सहस्सपहत्तं । सक्केलया जहा ओहिया ओरालिया तहा भाणियच्या । तेथगकम्मगसरीरा जहा एएसि चेव ओरालिया तहा भाणियव्वा । वाणमंतराणं ओरालियसरीरा जहा णेरदयाणं । वाणमंतराणं भंते ! केवः या वेड व्वियसरीरा पण्णता ? गोयमा ! दुविहा पण्णता । तंजहा-वदेखया य १ मुक्केलया य २ । तत्थ णं जे ते बद्धेलया ते णं असंखेजा, असंखेजाहि उस्सप्पिणी-ओर्सापणीहिं अवहीरंति कालओ, खेत्तओ असंखिजाओ सेढीओ पयरस्य असं-यंज्ञडभागो, तासि णं सेढीणं विक्खंभसुई संखेजजोयणसयवगापितभागो पयरस्स । मुक्केन्नया जहा ओहिया ओरालिया तहा भाणियव्वा । आहारयसरीरा दुविहा वि जहा अनुरक्तमाराणं तहा भाणियव्या । वाणमंतराणं भंते ! केवइया तेयगकम्मसरीरा पण्णता १ गोयमा ! जहा एएसिं चेव वेउव्वियसरीरा तहा तेयगकम्मसरीरा भाण- यन्ता । जोडसियाणं भंते ! केवड्या वेउ व्वियसरीरा पण्णत्ता ? गोयमा ! द्विहा पण्णता। तंजहा-बद्धेल्लगा य १ मुक्केल्लगा य २ । तत्थ णं जे ते बद्धेल्लगा जाव तासि णं सेढीणं विक्खंभसई, बेछप्पण्णंगुलसयवग्गपलिभागो पयरस्स । सुक्केलया जहा ओहिया ओरालिया तहा भाणियव्वा । आहारयसरीरा जहा णेरइयाणं तहा भाणियव्वा । तेयगकम्मगसरीरा जहा एएसिं चेव वेडव्विया तहा भाणियव्वा । वेमाणियाणं भंते ! केवइया ओरालियसरीरा पण्णता ? गोयमा ! जहा णेरइयाणं तहा भाणियव्वा । वेमाणियाणं भंते ! केवड्या वेउव्वियसरीरा पण्णता ? गोयमा ! दुविहा पण्णता । तंजहा-बद्धेल्लया य १ सुकेल्लया य २ । तत्था णं जे ते बद्धेल्लया ते णं असंखिजा, असंखिजाहिं उस्मिपणीओसिप्पणीहिं अवहीरंति कालओ. खेत्तओ असंखिजाओ सेढीओ पयरस्स असंखेजाइभागो. तासि णं सेढीणं विक्खंभ-सई अंगूलबीयवग्गम्लं तइयवग्गम्लप्डप्पणं. अहव णं अंगुलतइयवग्गम्लघण-पमाणमेत्ताओ सेढीओ । मुक्केलया जहा ओहिया ओरालिया तहा भाणियन्वा । आहारगसरीरा जहा णेरइयाणं । तेयगकम्मगसरीरा जहा एएसिं चेव वेडव्वियसरीरा तहा भाणियव्वा । सेत्तं सुहमे खेत्तपिठओवमे । सेत्तं खेत्तपिठओवमे । सेत्तं पिठ-ओवमे । सेत्तं विभागनिष्फण्णे । सेत्तं कालप्पमाणे ॥ १४३ ॥ से किं तं भावष्पमाणे ? भावप्पमाणे तिविहे पण्णते । तंजहा-गुणप्पमाणे १ नयप्पमाणे २ संखप्पमाणे ३ ॥ १४४ ॥ से किं तं गुणप्पमाणे ? गुणप्पमाणे दुविहे पण्णते । तंजहा-जीवगुणप्पमाणे १ अजीवगुणप्पमाणे य २। से किं तं अजीवगुणप्पमाणे ? अजीवगुणप्पमाणे पंचिवहे पण्णते। तंजहा-वण्णगुणप्पमाणे १ गंधगुणप्पमाणे २ रसगुणप्पमाणे ३ फासगुणप्प-माणे ४ संठाणगुणप्पमाणे ५। से किं तं वण्णगुणप्पमाणे ? वण्णगुणप्पमाणे पंचविहे पण्णते । तंजहा-कालवण्णगुणप्पमाणे १ जाव सक्किल्लवण्णगुणप्पमाणे ५ । सेत्तं वण्णगुणप्पमाणे । से किं तं गंधगुणप्पमाणे ? गंधगुणप्पमाणे दुविहे पण्णते । तंजहा-सरभिगंधगुणप्पमाणे १ दुरभिगंधगुणप्पमाणे २ । सेत्तं गंधगुणप्पमाणे । से किं तं रसगुणप्पमाणे ? रसगुणप्पमाणे पंचविहे पण्णते । तंजहा-तित्तरसगुणप्पमाणे १ जाव महर्रसगुणप्पमाणे ५। सेत्तं रसगुणप्पमाणे। से किं तं फासगुणप्पमाणे ? फासगुणप्प-माणे अद्वविहे पण्णते । तंजहा-कक्खडफासगुणप्पमाणे १ जाव छक्खफासगुणप्पमाणे ८ । सेत्तं फासगुणप्पमाणे । से किं तं संठाणगुणप्पमाणे ? संठाणगुणप्पमाणे पंचिवहे पण्णते । तंजहा-परिमंडलसंठाणगुणप्पमाणे १ वहसंठाणगुणप्पमाणे २ तंससंठाणगुण-प्पमाणे ३ चडरंससंठाणगुणप्पमाणे ४ आययसंठाणगुणप्पमाणे ५ । सेतं संठाणगुण-प्पमाणे । सेत्तं अजीवगुणप्पमाणे । से किं तं जीवगुणप्पमाणे ? जीवगुणप्पमाणे तिविहे

पण्णते। तंजहा-णाणगुणप्पमाणे १ दंसणगुणप्पमाणे २ चरित्तगुणप्पमाणे ३।से किंतं णाणगुणप्पमाणे ? णाणगुणप्पमाणे चउव्विहे पण्णते । तंजहा-पचकखे १ अणुमाणे २ ओवम्मे ३ आगमे ४। से किंतं पचक्खे १ पचक्खे दुविहे पण्णते । तंजहा-इंदिय-पचक्खे य १ णोइंदियपचक्खे य २ । से किं तं इंदियपचक्खे ? इंदियपचक्खे पंचिवहे पण्णते । तंजहा-सोइंदियपच्चक्खे १ चक्खरिंदियपचक्खे २ घाणिंदियपचक्खे ३ जिन्भिदियपचक्खे ४ फासिंदियपचक्खे ५ । सेत्तं इंदियपचक्खे । से कि तं णोइं-दियपचक्खे ? णोइंदियपचक्खे तिविहे पण्णते । तंजहा-ओहिणाणपचक्खे १ मण-पज्जवणाणपचक्खे २ केवलणाणपचक्खे ३ । सेत्तं णोडंदियपचक्खे । सेतं पचक्खे । से किं तं अणुमाणे ? अणुमाणे तिविहे पण्णत्ते । तंजहा-पुन्ववं १ सेसवं २ दिइ-साहम्मवं २। से किं तं पुन्ववं ? पुन्ववं-गाहा-माया पुत्तं जहा नहुं, जुवाणं पुणरागयं । काइ पचिभिजाणेजा, पुव्वितिंगेण केणइ ॥ १ ॥ तंजहा-खएण वा, वण्णेण वा, लंखणेण वा, मसेण वा, तिलएण वा। सेत्तं पुव्ववं। से किं तं सेसवं ? सेसवं पंचिवहं पण्णतं । तंजहा-क्रजेणं १ कारणेणं २ गुणेणं ३ अवयवेणं ४ आस-एणं ५। से किं तं कजोणं ? कजोणं-संखं सहेणं, भेरिं ताडिएणं, वसमं ढिक्कएणं, मोरं किंकाइएणं, हयं हेसिएणं, गयं गुळगुळाइएणं. रहं घणघणाइएणं । सेत्तं कज्जेणं । से किं तं कारणेणं ? कारणेणं-तंतवो पडस्स कारणं, ण पडो तंतुकारणं; वीरणा कडस्स कारणं, ण कडो वीरणाकारणं: मिप्पिंडो घडस्स कारणं. ण घडो मिप्पिंड-कारणं । सेत्तं कारणेणं । से किं तं गुणेणं ? गुणेणं-सुवण्णं निकसेणं, पुप्कं गंधेणं, लवणं रसेणं. घयं आसायएणं. वत्थं फासेणं । सेत्तं गुणेणं । से किं तं अवयवेणं ? अवयवेणं-महिसं सिंगेणं, ककडं सिहाएणं, हत्थि विसीणेणं, वराहं दाढाए, मोरं पिच्छेणं, आसं खुरेणं, वम्घं नहेणं, चमिरं वालम्गेणं, वाणरं लंगलेणं, दुपयं मणुस्साइ. चउ पयं गव[या]माइ, वह पयं गोमियाइ, सीहं केसरेणं, वसहं ककुहेणं, महिलं वलयवाहाए, गाहा-परियरवंधेण भडं, जाणिजा महिलियं निवसणेणं । सित्थेण दोणपार्ग, कविं च एकाए गाहाए ॥ २ ॥ सेत्तं अवयवेणं । से किं तं आसएणं ? आसएणं-अगिंग धूमेणं, सिललं बलागेणं, वृद्धि अब्भविगारेणं, कुलपुत्तं सीलसमाया-रेणं । सेत्तं आसएणं । सेत्तं सेसवं । से कि तं दिइसाहम्मवं ? दिइसाहम्मवं दुविहं पण्णत्तं। तंजहा-सामण्णदिद्वं च १ विसेसदिद्वं च २। से किं तं सामण्णदिद्वं ? सामण्णदिद्वं-जहा एगो पुरिसो तहा बहवे पुरिसा, जहा बहवे पुरिसा तहा एगो परिसो; जहा एगो करिसावणो तहा बहवे करिसावणा, जहा बहवे करिसावणा तहा

१ दंतेणं ति अहो।

एगो करिसावणो। सेत्तं सामण्णदिद्धं। से किं तं विसेसदिद्धं ? विसेसदिद्धं—से जहाणामए केड परिसे कंचि परिसं बहुणं पुरिसाणं मज्झे पुन्वदिहं पचिभिजाणेजा-'अयं से पुरिसे', बहुणं करिसावणाणं मज्झे पुन्वदिट्टं करिसावणं पचिभाजाणेजा-'अयं से करिसावणे । तस्स समासओ तिविहं गहणं भवइ, तंजहा-अतीयकालगहणं १ प्रडपण्णकालगहणं २ अणागयकालगहणं ३ । से किं तं अतीयकालगहणं ? अतीयकालगहणं-उत्तणाणि वणाणि निष्फण्णसस्सं वा मेइणि पुण्णाणि य कंड-सरणईदीहियातडागाइं पासित्ता तेणं साहिज्जइ जहा-सुबृही आसी । सेत्तं अतीय-कालगहणं । से किं तं पड़प्पण्णकालगहणं १ पड़प्पण्णकालगहणं-साहं गोयरगगगयं विच्छिड्डियपउरभत्तपाणं पासित्ता तेणं साहिज्जइ जहा-सुभिक्खे वट्टइ। सेत्तं पुडप्पणकालगहणं । से किं तं अणागयकालगहणं ? अणागयकालगहणं-अब्सस्स निम्मलत्तं, कसिणा य गिरी सविज्ञया मेहा। थणियं वाउब्भामो, संझा रत्ता पणि(हा)द्धा य ॥ ३ ॥ वारुणं वा महिंदं वा अण्णयरं वा पसत्थं उप्पायं पासित्ता तेणं साहिज्जइ जहा-सुबुद्दी भविस्सइ। सेत्तं अणागयकालगहणं । एएसिं चेव विवजासे तिविहं गहणं भवइ, तंजहा-अतीयकालगहणं १ पद्भपणकालगहणं २ अणागयकालगहणं ३। से किं तं अतीयकालगहणं १ २नित्तिणाइं वणाइं अनिप्फण्णसस्सं वा मेइणि सुकाणि य कुंडसरणईदीहियातडागाई पासिता तेणं साहिजाइ जहा-कुनुद्री आसी। सेत्तं अतीयकालगहणं। से किंतं पडुप्पण्णकालगहणं? पडुप्पण्णकालगहणं— साहं गोयरगगयं भिक्खं अलभमाणं पासित्ता तेणं साहिज्जइ जहा-दुन्भिक्खे वष्ट्ड । सेत्तं पद्धप्पणकालगहणं । से किं तं अणागयकालगहणं ? अणागयकालगहणं-गाहा-धूमायंति दिसाओ, संविय-मेइणी अपडिवद्धा । वाया णेरइया खळ. कुवद्रिमेवं निवेयंति ॥ ४ ॥ अग्गेयं वा वायव्वं वा अण्णयरं वा अप्पसत्थं उप्पायं पासित्ता तेणं साहिजाइ जहा-कुनुद्री भविस्सइ। सेत्तं अणागयकालगहणं। सेत्तं विसेसदिद्रं । सेत्तं दिद्रसाहम्मवं । सेत्तं अणुमाणे । से किं तं ओवम्मे ? ओवम्मे दुविहे पण्णते । तंजहा-साहम्मोवणीए १ वेहम्मोवणीए य २ । से किं तं साहम्मो-वणीए ? साहम्मोवणीए तिविहे पण्णते । तंजहा-िकंचिसाहम्मोवणीए १ पायसाहम्मो-वणीए २ सन्वसाहम्मोवणीए ३। से किं तं किंचिसाहम्मोवणीए ? किंचिसाहम्मो-वणीए-जहा मंदरो तहा सरिसवो, जहा सरिसवो तहा मंदरो; जहा समुद्दो तहा गोप्पयं, जहा गोप्पयं तहा समुद्दोः जहा आङ्चो तहा खजोओ, जहा खजोओ तहा आइचो; जहा चंदो तहा कुमुदो, जहा कुमुदो तहा चंदो । सेत्तं किंचिसाहम्मो-वणीए । से किं तं पायसाहम्मोवणीए ? पायसाहम्मोवणीए-जहा गो तहा गवओ.

जहा गवओ तहा गो। सेत्तं पायसाहम्मोवणीए। से किं तं सव्वसाहम्मोवणीए ? सन्वसाहम्मे ओवम्मे णत्थि. तहावि तेणेव तस्स ओवम्मं कीरइ, जहा-अरिहंतेहिं अरिहंतसरिसं क्यं. चक्रविष्णा चक्रविष्यरिसं क्यं. बलदेवेण वलदेवसरिसं क्यं. वासुदेवेण वासुदेवसिरसं कयं, साहणा साहसिरसं कयं। सेत्तं सव्वसाहम्मे। सेत्तं साहम्मोवणीए । से किं तं वेहम्मोवणीए ? वेहम्मोवणीए तिविहे पण्णत्ते । तंजहा-किंचिवेहम्मे १ पायवेहम्मे २ सव्ववेहम्मे ३। से किं तं किंचिवेहम्मे १ किंचिवेहम्मे-जहां सामलेरों न तहा बाहलेरों, जहां बाहलेरों न तहा सामलेरों। सेत्तं किंचिवेहम्में। से किं तं पायवेहम्मे ? पायवेहम्मे-जहा वायसो न तहा पायसो, जहा पायसो न तहा बायसो। सेत्तं पायवेहम्मे। से किंतं सब्बवेहम्मे १ सब्बवेहम्मे ओवम्मे णित्थ, तहावि तेणेव तस्स ओवम्मं कीरइ, जहाः णीएणं णीयसरिसं कयं, दासेणं दाससरिसं कयं, काकेणं काकसरिसं कयं, साणेणं साणसरिसं कयं, पाणेणं पाणसरिसं क्यं । सेत्तं सब्बवेहम्मे । सेत्तं वेहम्मोवणीए । सेत्तं ओवम्मे । से किं तं आगमे १ आगमे दुविहे पण्णते । तंजहा-लोइए य १ लोउत्तरिए य २ । से किं तं लोइए ? लोइए-जं णं इमं अण्णाणिएहिं मिच्छादिद्रिएहिं सच्छंदबुद्धिमइविगप्पियं, तंजहा-भारहं, रामायणं जाव चतारि वेया संगोवंगा । सेतं लोइए आगमे । से किं तं लोउत्तरिए ? लोउत्तरिए-जं णं इमं अरिहंतेहिं भगवंतेहिं उप्पण्णणाणदंसणधरेहिं तीयप्चप्पण्णमणागयजाणएहिं तिलक्षविद्यमिहयपुर्एहिं सव्वण्णहिं सव्वदिरसीहिं पणीयं दुवालसंगं गणिपिडगं. तंजहा-आयारो जाव दिद्रिवाओ । अहवा आगमे तिविहे पण्णते । तंजहा-सत्तागमे १ अत्थागमे २ तदुभयागमे ३ । अहवा आगमे तिविहे पण्णते । तंजहा-अत्तागमे १ अणंतरागमे २ परंपरागमे ३ । तित्थगराणं अत्थस्य अत्तागमे: गणहराणं सत्तस्य अत्तागमे, अत्यस्स अणंतरागमे; गणहरसीसाणं सत्तरस अणंतरागमे, अत्यस्स परंपरागमे; तेण परं सत्तस्य वि अत्थस्स वि णो अत्तागमे, णो अणंतरागमे. परंपरागमे । सेतं लोगत्तरिए । सेतं आगमे । सेतं णाणग्रणप्यमाणे । से किं तं दंसण-गुणप्पमाणे १ दंसुणगुणप्पमाणे चडिवहे पण्णते । तंजहा-चक्खदंसणगुणप्पमाणे १ अचक्खदंसणगुणप्पमाणे २ ओहिदंसणगुणप्पमाणे ३ केवलदंसणगुणप्पमाणे ४। चक्खुदंसणं चक्खुदंसणिस्स घडपडकडरहाउएसु दव्वेस, अचक्खुदंसणं अचक्खुदं-सणिस्स आयभावे. ओहिदंसणं ओहिदंसणिस्स सन्बर्धविदन्वेस न पुण सन्वपज्जवेस, केवलदंसणं केवलदंसणिस्स सव्वदव्वेस य सव्वपज्जवेस थ । सेत्तं दंसणगुणप्पमाणे । से कि तं चरित्राणप्यमाणे ? चरित्राणप्यमाणे पंचिवहे पण्णते । तंजहा-सामाइय-चरित्तगुणप्पमाणे १ हेओबद्धावणचरित्तगुणप्रमाणे २ परिहार्यसद्धियचरित्तगुण-

प्पमाणे ३ सहमसंपरायचरित्तगुणप्पमाणे ४ अहक्खायचरित्तगुणप्पमाणे ५ । सामाइयचरित्तगुणप्पमाणे दुविहे पण्णते । तंजहा-इत्तरिए य १ आवकहिए य २ । छेओवद्रावणचरित्तगुणप्पमाणे द्विहे पण्णते । तंजहा-साइयारे य १ निरइयारे य २ । परिहारविसुद्धियचरित्तगुणप्पमाणे दुविहे पण्णते । तंजहा-णिव्विसमाणए य १ णिव्विद्वकाइए य २ । सुहमसंपरायचिरत्तगुणप्पमाणे द्विहे पण्णते । तंजहा-संकिलि-स्समाणए य १ विसुज्झमाणए य २ । अहवा सुहमसंपरायचरित्तगुणप्पमाणे दुविहे पण्णते । तंजहा-पिडवाई य १ अपिडवाई य २ । अहक्खायचरित्तगुणप्पमाणे दविहे पण्णते । तंजहा-पिडवाई य १ अपिडवाई य २ । अहवा अहक्सायचरित्त-गुणप्पमाणे दुविहे पण्णते । तंजहा-छउमत्थिए य १ केवलिए य २ । सेत्तं चरित्त-गुणप्यमाणे । सेत्तं जीवगुणप्पमाणे । सेत्तं गुणप्पमाणे ॥ १४५ ॥ से किं तं नयप्प-माणे ? नयप्पमाणे तिविहे पण्णत्ते । तंजहा-पत्थगदिद्वंतेणं १ वसहिदिद्वंतेणं २ पएसदिइंतेणं ३ । से किं तं पत्थगदिइंतेणं ? पत्थगदिइंतेणं-से जहाणामए केइ पुरिसे पर्सं गहाय अडविसमहत्तो गच्छेजा, तं पासित्ता केइ वएजा-"किहं भवं गच्छित ?" अविसुद्धो णेगमो भणइ-"पत्थगस्स गच्छामि"। तं च केइ छिंदमाणं पासित्ता वएजा-"कि भवं छिंदसि ?" विसुद्धो पेगमो भणइ-"पत्थयं छिंदामि"। तं च केइ तच्छमाणं पासिता वएजा-"किं भवं तच्छिस ?" विसद्धतराओ णेगमो भणइ-''पत्थयं तच्छामि''। तं च केइ उक्कीरमाणं पासित्ता वएजा-''कि भवं उक्कीरिस ?'' विद्युद्धतराओ णेगमो भणइ-"पत्थयं उक्कीरामि"। तं च केड विलि-हमाणं पासित्ता वएजा-''किं भवं विलिहसि ?'' विद्यद्धतराओ णेगमो भणइ-''पत्थयं विलिहामि"। एवं विसद्धतरस्स णेगमस्स नामाउडिओ पत्थओ । एवमेव ववहा-रस्स वि । संगहस्स चियमियमेजसमारूढो पत्थओ । उजासुयस्स पत्थओ वि पत्थओ, मेर्जं पि पत्थओ । तिण्हं सद्दनयाणं पत्थयस्स अत्थाहिगारजाणओ जस्स वा वसेणं पत्थओ निष्फज्जइ । सेत्तं पत्थयदिइंतेणं । से किं तं वसहिदिइंतेणं ? वसहिदिद्वंतेणं-से जहानामए केइ पुरिसे कंचि पुरिसं वएजा-"किहं भवं वसिस ?" तं अविसुद्धो णेगमो भणइ-''लोगे वसामि''। ''लोगे तिविहे पण्णते तंजहा-उड्डलोए १ अहोलोए २ तिरियलोए ३ तेसु सब्वेसु भवं वसित ?" विसुद्धो णेगमो भणइ-''तिरियलोए वसामि''। ''तिरियलोए जंबुद्दीवाइया सयंभूरमणपज्जवसाणा असं-खिजा दीवसमुद्दा पण्णत्ता तेस्र सन्वेस भवं वसिस ?'' विसुद्धतराओ णेगमो भणइ-''जंबुद्दीवे वसामि''। "जंबुद्दीवे दस-खेता पण्णता तंजहा-भरहे १ एरवए २ हेमवए ३ एरण्णवए ४ हरिवस्से ५ रम्मगवस्से ६ देवकुरू ७ उत्तरकुरू ८ पुव्व-

विदेहे ९ अवरविदेहे १० तेस सब्वेस भवं वसिस ?" विसुद्धतराओ णेगमो भणइ-"भरहे वासे वसामि" । "भरहे वासे दुविहे पण्णते तंजहा-दाहिणह्नुभरहे १ उत्तरहृभरहे य २ तेसु सन्वे(दो)सु भवं वसिस ?'' विसुद्धतराओ णेगमो भणइ-''दाहिणडूभरहे वसामि'' । ''दाहिणडूभरहे अणेगाइं गामागरणगरखेडकब्बड-मडंवदोणमुहपट्टणासमसंवाहसण्णिवेसाइं, तेसु सब्वेसु भवं वसिस ?" विसुद्धतराओ णेगमो भणइ-''पाडलिपुत्ते वसामि''। ''पाडलिपुत्ते अणेगाइं गिहाईं, तेसु सन्वेसु भवं वसिस ?'' विसुद्धतराओ णेगमो भणइ-''देवदत्तस्स घरे वसामि''। ''देवद-त्तरस घरे अणेगा कोट्रगा, तेस सब्वेस भवं वसिस ?'' विसद्धतराओ णेगमो भणइ-"गव्भवरं वसामि" । एवं विसुद्धस्स णेगमस्स वसमाणो । एवमेव ववहारस्स वि । संगहस्स संथारसमारुढो वसइ । उज्जुसुयस्स जेसु आगासपएसेसु ओगाढो तेसु वसइ । तिण्हं सद्दणयाणं आयभावे वसइ । सेत्तं वसिहदिद्वंतेणं । से किं तं पएसिद-ट्टंतेणं ? पएसदिट्टंतेणं-णेगमो भणइ-''छण्हं पएसो. तंजहा-धम्मपएसो, अधम्म-पएसो, आगासपएसो, जीवपएसो, खंधपएसो, देसपएसो" । एवं वयंतं णेगमं संगहो भणइ-''जं भणसि-छण्हं पएसो तं न भवइ''। ''कम्हा ?'' ''जम्हा जो देसपएसो सो तस्सेंव दव्यस्स"। "जहा को दिद्वंतो ?" "दासेण मे खरो कीओ. दासो वि मे खरो वि मे । तं मा भणाहि-छण्हं पएसो, भणाहि पंचण्हं पएसो, तंजहा-धम्मपएसो, अधम्मपएसो, आगासपएसो, जीवपएसो, खंधपएसो"। एवं वयंतं संगहं ववहारो भणड-''जं भणसि-पंचण्हं पएसो तं न भवइ''। ''कम्हा ?'' ''जइ जहा पंचण्हं गोहियाणं पुरिसाणं केइ दव्वजाए सामण्णे भवइ, तंजहा-हिरण्णे वा सुवण्णे वा धणे वा भण्णे वा, तं न ते जुत्तं वतुं जहा पंचण्हं पएसो, तं मा भणाहि-पंचण्हं पएसो, भणाहि-पंचविहो पएसो. तंजहा-धम्मपएसो. अधम्मपएसो. आगासपएसो, जीवप-एसो, खंधपएसो"। एवं वयंतं ववहारं उज्जासुओ भणइ-"जं भणसि-पंचिवहो पएसो तं न भवइ"। "कम्हा ?" "जइ ते पंचिवहो पएसो, एवं ते एकेको पएसो पंच-विहो, एवं ते पणवीसर्विहो पएसो भवर्ड, तं मा भणाहि-पंचविहो पएसो, भणाहि-भइयव्वो पएसो-सिय धम्मपएसो, सिय अधम्मपएसो, सिय आगासपएसो, सिय जीवपएसो, सिय खंघपएसो"। एवं वयंतं उज्जन्तुयं संपद्द सदनओ भणइ-"जं भणसि-भइयव्यो पएसो तं न भवइ" । "कम्हा ?" "जइ भइयव्यो पएसो एवं ते धम्मपएसो वि-सिय थम्मपएसो सिय अधम्मपएसो सिय आगासपएसो सिय जीवपएसो सिय खंबपएसो, अधम्मपएसो वि सिय बम्मपएसो जाव सिय खंबपएसो, जीवपएसो वि सिय धम्मपएसो जाव सिय खंधपएसो. खंधपएसो वि सिय धम्मपएसो जाव सिय खंधपएसो, एवं ते अणवत्था भविस्सइ, तं मा भणाहि-भइयव्वो पएसो, भणाहि-धम्मे पुरसे से पुरसे धम्मे. अहम्मे पुरसे से पुरसे अहम्मे. आगासे पुरसे से पुरसे आगासे. जीवे पएसे से पएसे नोजीवे. खंधे पएसे से पएसे नोखंधे"। एवं वयंतं सहनयं समभिरूढो भणइ-''जं भणसि-धम्मपएसे से पएसे धम्मे जाव जीवे पएसे से पएसे नोजीवे खंधे पएसे से पएसे नोखंधे तं न भवड" । "कम्हा ?" "इत्थं खळ दो समासा भवंति, तंजहा-तप्परिसे य १ कम्मधारए य २ । तं ण णज्जड कयरेणं समासेणं भणसि ? किं तप्परिसेणं. किं कम्मधारएणं ? जइ तप्परिसेणं भणसि तो मा एवं भणाहि. अह कम्मधारएणं भणिस तो विसेसओ भणाहि-धम्मे य से पएसे य से पएसे धम्मे. अधम्मे य से पएसे य से पएसे अधम्मे. आगासे य से पएसे य से पएसे आगासे. जीवे य से पएसे य से पएसे नोजीवे. खंधे य से पएसे य से पएसे नोखंधे''। एवं वयंतं समिमहृढं संपइ एवंभूओ भणइ-''जं जं भणिस तं तं सन्वं कसिणं पर्डिपण्णं निरवसेसं एगगहणगहियं देसे वि मे अवत्थ . पएसे वि मे अवत्थ''। सेतं पएसदिद्वंतेणं । सेतं नयप्पमाणे ॥ १४६ ॥ से किं तं संखप्पमाणे ? संखप्पमाणे अद्भविहे पण्णते । तंजहा-नामसंखा १ ठवणासंखा २ दव्यसंखा ३ ओवम्मसंखा ४ परिमाणसंखा ५ जाणणासंखा ६ गणणासंखा ७ भावसंखा ८। से किं तं नामसंखा १ नामसंखा-जरस णं जीवस्य वा जाव सेत्तं नामसंखा। से किं तं ठवणासंखा? ठवणासंखा-जं णं कद्रकम्मे वा पोत्थकम्मे वा जाव सेत्तं ठवणासंखा । नामठवणाणं को पड़विसेसो १ नामं आवकहियं, ठवणा इत्तरिया वा होज्जा आवकहिया वा होजा। से किं तं दव्यसंखा? दव्यसंखा दविहा पण्णता। तंजहा-आगमओ य १ नोआगमओ य २ जाव से किं तं जाणयसरीरभवियसरीरवङ्गिता दृश्वसंखा? जाणयसरीर-भवियसरीरवइरित्ता दव्वसंखा तिविहा पण्णता । तंजहा-एगभविए १ बद्धाउए २ अभिसहनामगोत्ते य ३। एगभविए णं भंते! 'एगभविए' ति कालओ केविचरं होइ ? जहण्णेणं अंतोमहत्तं, उक्कोसेणं पुव्वकोडी । वदाउए णं भंते ! 'वदाउए' ति कालओ केविचरं होइ? जहण्णेणं अंतोसहत्तं, उक्कोसेणं प्रव्वकोडीतिभागं। अभिमहनामगोत्ते णं भंते ! 'अभिमहनामगोए' ति कालओ केवचिरं होइ ? जह-ण्णेणं एकं समयं, उक्कोसेणं अंतोसहत्तं । इयाणिं को नओ कं संखं इच्छइ ? तत्थ णेगमसंगहववहारा तिविहं संखं इच्छंति. तंजहा-एगभवियं १ वदाउयं २ अभिमह-नामगोत्तं च ३। उज्जुसुओ दुविहं संखं इच्छइ, तंजहा-बद्धाउयं च १ अभिमुह-नामगोत्तं च २ । तिण्णि सहनया अभिमहनामगोत्तं संखं इच्छंति । सेतं जाणय-सरीरभवियसरीरवइरित्ता दन्वसंखा। सेत्तं नोआगमओ दन्वसंखा। सेत्तं दन्वसंखा।

से किं तं ओवम्मसंखा ? ओवम्मसंखा चउव्विहा पण्णता । तंजहा-अत्थि संतयं संत-एणं उविभिज्जह १ अतिथ संतयं असंतएणं उविभिज्जह २ अतिथ असंतयं संतएणं उविमिज्जइ ३ अत्थि असंतयं असंतएणं उविमिज्जइ ४ । तत्थ संतयं संतएणं उविमिज्जइ. जहा-संता अरिहंता संतएहिं प्रवरेहिं संतएहिं क्वाडेहिं संतएहिं वच्छेहिं उविमज्जंति, तंजहा-गाहा-प्रवरकवाडवच्छा, फलिहभ्या दंदहित्थणियघोसा । सिरिवच्छंकिय-वच्छा, सन्वे वि जिणा चउन्वीसं ॥ १ ॥ संतयं असंतएणं उविमजाइ, जहा-संताई नेरइयतिरिक्खजोणियमणस्सदेवाणं आउयाइं असंतएहिं पिल्ओवमसागरीवमेहिं उवामिजंति । असंतयं संतएणं उवामिजाइ, तंजहा-गाहाओ-परिज्रियपेरंतं, चलं-तविंटं पढंतिनच्छीरं । पत्तं व वसणपत्तं, कालप्पत्तं भणइ गाहं ॥ १ ॥ जह तुब्से तह अम्हे, तुम्हे वि य होहिहा जहा अम्हे । अप्पाहेड पढंतं, पंडयपत्तं किसलयाणं ॥ २॥ णवि अस्थि णवि य होही, उछावो किसलपंडपत्ताणं । उवमा खुल एस कया, भवियजणिववोहणद्वाए ॥ ३ ॥ असंतयं असंतएहिं उविमज्जड-जहा खरिवसाणं तहा ससविसाणं । सेतं ओवम्मसंखा । से किं तं परिमाणसंखा ? परिमाणसंखा द्विहा पण्णता । तंजहा-कालियस्यपरिमाणसंखा १ दिद्रिवायस्यपरिमाणसंखा य २ । से किं तं कालियसयपरिमाणसंखा ? कालियसयपरिमाणसंखा अणेगविहा पण्णत्ता । तंजहा-पज्जवसंखा, अक्खरसंखा, संघायसंखा, पयसंखा, पायसंखा, गाहासंखा, सिलोगसंखा, वेदसंखा, निज्ञृत्तिसंखा, अणुओगदारसंखा, उद्देसगसंखा, अज्झयण-संखा, नुयखंधसंखा, अंगसंखा। सेत्तं कालियसयपरिमाणसंखा। से किं तं दिद्रि-वायस्यपरिमाणसंखा ? दिद्रिवायस्यपरिमाणसंखा अणेगविहा पण्णता । तंजहा-पज्जवसंखा जाव अणुओगदारसंखा, पाहुडसंखा, पाहुडियासंखा, पाहुडपाहुडिया-संखा, वत्थ्रसंखा। सेत्तं दिद्रिवायस्यपरिमाणसंखा। सेत्तं परिमाणसंखा। से किं तं जाणणासंखा ? जाणणासंखा-जो जं जाणइ, तंजहा-सदं सद्दिओ, गणियं गणिओ, निमित्तं नेमित्तिओ, कालं कालणाणी, वेज्जयं वेज्जो । सेत्तं जाणणासंखा । से किं तं गणणासंखा ? गणणासंखा-एको गणणं न उवेइ, द्रप्यभिइ संखा, तंजहा-संखेजए, असंखेजए, अणंतए । से किं तं संखेजए ? संखेजए तिविहे पण्णते । तंजहा-जहण्णए १ उक्कोसए २ अजहण्ण्यमकोसए ३ । से किं तं असंखेजए ? असंखेजए तिविहे पण्णते । तंजहा-परितासंखेजए १ जनासंखेजए २ असंखेजासंखेजए ३ । से किं तं परिता-संखेजए ? परितासंखेजए तिविहे पण्णते। तंजहा-जहण्णए १ उक्कोसए २ अजहण्ण-मणुक्कोसए ३। से किं त जत्तासंखेजए ? जत्तासंखेजए तिविहे पण्णते । तंजहा-जह-ण्णए १ उक्कोसए २ अजहण्णमणुक्कोसए ३। से किं तं असंखेजासंखेजए ? असंखेजा-७३ सत्ता०

संखेजए तिविहे पण्णते । तंजहा-जहण्णए १ उक्कोसए २ अजहण्णमणुकोसए ३ । से किं तं अणंतए ? अणंतए तिविहे पण्णते । तंजहा-परिताणंतए १ जुत्ताणंतए २ अणंताणंतए ३ । से किं तं परित्ताणंतए ? परित्ताणंतए तिविहे पण्णते । तंजहा-जह-णाए १ उक्कोसए २ अजहण्णमणुक्कोसए ३ । से किं तं जुत्ताणंतए ? जुताणंतए तिविहे पण्णते । तंजहा-जहण्णए १ उक्कोसए २ अजहण्णमणुक्कोसए ३ । से किं तं अणंताणंतए ? अणंताणंतए दुविहे पण्णत्ते। तंजहा-जहण्णए १ अजहण्णमणुक्कोसए २ । जहण्णयं संखेज्जयं केवइयं होइ ? दोस्वयं। तेणं परं अजहण्णमणुकोसयाइं ठाणाइं जाव उक्कोसयं संखेजयं न पावड । उक्कोसयं संखेज्जयं केवडयं होड ? उक्कोसयस्स संखेज-यस्स परूवणं करिस्सामि-से जहानामए पहे सिया-एगं जोयणसयसहस्सं आयाम-विक्खंभेणं. तिण्णि जोयणसयसहस्साइं सोलससहस्साइं दोण्णि य सत्तावीसे जोयण-सए तिण्णि य कोसे अद्वावीसं च धणुसयं तेरस य अंगुलाई अद्धं अंगुलं च किंचि विसेसाहियं परिक्खेवेणं पण्णत्ते, से णं पहे सिद्धत्थयाणं भरिए, तओ णं तेहिं सिद्ध-त्थएहिं दीवसमुद्दाणं उद्धारो घेप्पइ, एगे दीवे एगे समुद्दे एवं पिक्खप्पमाणेणं पिक्ख-प्पमाणेणं जावइया दीवसमुद्दा तेहिं सिद्धत्थएहिं अप्फुण्णा एस णं एवइए खेते पहे (आइट्टा) पढमा सलागा, एवडयाणं सलागाणं असंलप्पा लोगा भरिया तहा वि उक्कोसयं संखेजयं न पावइ । जहा को दिहुंतो ? से जहानामए मंचे सिया आमल-गाणं भरिए, तत्थ एगे आमलए पिक्खत्ते सेऽवि माए, अण्णेऽवि पिक्खत्ते सेऽवि माए, एवं पिक्खप्पमाणेणं पिक्खप्पमाणेणं होही सेऽवि आमलए जंसि पिक्खिते से मंचए भरिजिहिइ, जे तत्थ आमलए न माहिइ, एवामेव उक्कोसए संखेजए हवे पिक्सित जहण्णयं परित्तासंखेज्जयं भवह । तेण परं अजहण्णमणुक्कोसयाइं ठाणाइं जाव उक्कोसयं परित्तासंखेज्जयं न पावड । उक्कोसयं परित्तासंखेज्जयं केवडयं होड ? जहण्णयं परित्तासंखेजयं जहण्णयं परित्तासंखेजयमेत्ताणं रासीणं अण्णमण्णव्भासो स्वणो उकोसं परित्तासंखेज्जयं होइ । अहवा जहण्णयं जुत्तासंखेज्जयं रुवूणं उक्कोसयं परित्ता-संखेजयं होइ । जहण्णयं जुत्तासंखेजयं केवइयं होइ ? जहण्णयपरितासंखेजयमेताणं रासीणं अण्णमण्णब्भासो पिंडपुण्णो जहण्णयं जुत्तासंखेळ्यं होइ । अहवा उद्योसए परितासंखेजए रूवं पिक्खतं जहण्णयं जुत्तासंखेजयं होइ । आविलया वि तित्तया चेव । तेण परं अजहण्णमणुकोसयाइं ठाणाइं जाव उक्कोसयं जुत्तासंखेज्जयं न पावइ । उक्कोसयं जुत्तासंखेजयं केवइयं होइ ? जहण्णएणं जुत्तासंखेजएणं आविलया गुणिया अण्णमण्णब्भासो रूवूणो उक्कोसयं जुत्तासंखेज्ञयं होइ । अहवा जहण्णयं असंखेज्जा-संखेजयं रूवणं उक्कोसयं जत्तासंखेजयं होइ । जहण्णयं असंखेजासंखेजयं केवडयं

होइ ? जहण्णएणं ज़त्तासंखेजएणं आवलिया गुणिया अण्णमण्णव्मासो पिष्रपूर्णो जहण्णयं असंखेजासंखेजयं होइ । अहवा उक्कोसए जत्तासंखेजए रूवं पिक्खत्तं जह-ण्णयं असंखेजासंखेजयं होइ । तेण परं अजहण्णमणुक्कोसयाइं ठाणाइं जाव उक्कोसयं असंखेजासंखेजयं ण पावड । उक्कोसयं असंखेजासंखेजयं केवडयं होड ? जहण्णयं असंखेजासंखेजयमेताणं रासीणं अण्णमण्णब्सासो स्वूणो उक्कोसयं असंखेजासंखेजयं होइ। अहवा जहण्णयं परित्ताणंतयं रुवूणं उक्कोसयं असंखेजासंखेजयं होइ। जह-ण्णयं परित्ताणंतयं केवइयं होइ ? जहण्णयं असंखेजासंखेजयमेत्ताणं रासीणं अण्ण-मण्णब्भासो पडिपुण्णो जहण्णयं परिताणंतयं होइ । अहवा उक्कोसए असंखेजासंखे-जाए स्वं पक्कित्तं जहण्णयं परिताणंतयं होइ। तेण परं अजहण्णमणुक्कोसयाइं ठाणाईं जाव उक्कोसयं परित्ताणंतयं ण पावड । उक्कोसयं परित्ताणंतयं केवइयं होइ ? जहण्णय-परित्ताणंतयमेत्ताणं रासीणं अण्णमण्णब्भासो रुव्रणो उक्कोसयं परित्ताणंतयं होइ। अहवा जहण्णयं जुत्ताणंतयं रुवूणं उक्कोसयं परित्ताणंतयं होइ । जहण्णयं जुत्ताणंतयं केवड्यं होड् ? जहण्णयपरित्ताणंत्यमेत्ताणं रासीणं अण्णमण्णव्भासो पिडपण्णो जहण्णयं जुत्ताणंतयं होइ। अहवा उद्योसए परित्ताणंतए रूवं पक्खितं जहण्णयं जुत्ताणंतयं होइ । अभवसिद्धिया वि तत्तिया होति । तेण परं अजहण्णमण्कोसयाई ठाणाइं जाव उक्कोसयं जुत्ताणंतयं ण पावइ । उक्कोसयं जुत्ताणंतयं केवडयं होइ ? जहण्णएणं जुताणंतएणं अभवसिद्धिया गुणिया अण्णमण्णब्भासो रूवणो उद्योसयं जुत्ताणंतयं होइ । अहवा जहण्णयं अणंताणंतयं ह्वणं उक्कोसयं जुत्ताणंतयं होइ । जहण्णयं अणंताणंतयं केवडयं होइ ? जहण्णएणं जताणंतएणं अभवसिद्धिया गुणिया अण्णमण्णब्भासो पिंडपुण्णो जहण्णयं अणंताणंतयं होइ । अहवा उक्कोसए जुत्ताणंतए हवं पक्खितं जहण्णयं अणंताणंतयं होइ । तेण परं अजहण्णमणुक्कोसयाइं ठाणाउं । सेतं गणणासंखा । से किं तं भावसंखा? भावसंखा-जे इमे जीवा संखगड्नामगोत्ताई कम्माई वेदेंति । सेत्तं भावसंखा । सेत्तं संखापमाणे । सेत्तं भावप्पमाणे । सेत्तं पमाणे ॥ १४७ ॥ पमाणे त्ति पयं समत्तं ॥

से किं तं वत्तव्वया १ वत्तव्वया तिविहा पण्णता । तंजहा-ससमयवत्तव्वया १ परसमयवत्तव्वया २ ससमयपरसमयवत्तव्वया ३ । से किं तं ससमयवत्तव्वया १ ससमयवत्तव्वया १ ससमयवत्तव्वया १ ससमयवत्तव्वया – जत्थ णं ससमए आघविज्जइ, पण्णविज्जइ, पर्विज्जइ, दंसिज्जइ, निदंसिज्जइ, उवदंसिज्जइ । सेत्तं ससमयवत्तव्वया । से किं तं परसमयवत्तव्वया १ परसमयवत्तव्वया – जत्थ णं परसमय वत्तव्वया । से किं तं ससमयपरसमयवत्तव्वया ।

ससमए परसमए आधविज्ञइ जाव उवदंसिज्जइ। सेत्तं ससमयपरसमयवत्तव्यया। इयाणीं को णओ कं वत्तव्वयं इच्छइ? तत्थ णेगमसंगहववहारा तिविहं वत्तव्वयं इच्छंति, तंजहा-ससमयवत्तव्वयं ९ परसमयवत्तव्वयं २ ससमयपरसमयवत्तव्वयं ३। उज्यसओ दुविहं वत्तन्वयं इच्छइ, तंजहा-ससमयवत्तन्वयं १ परसमयवत्तन्वयं २ । तत्थ णं जा सा ससमयवत्तव्वया सा ससमयं पविद्वा, जा सा परसमयवत्तव्वया सा परसमयं पविद्वा, तम्हा दुविहा वत्तव्वया, निथ तिविहा वत्तव्वया । तिण्णि सद्द-णया एगं ससमयवत्तन्वयं इच्छंति, नित्थ परसमयवत्तन्वया । कम्हा ? जम्हा परसम् अण्ड्रे अहेऊ असब्भावे अकिरिए उम्मग्गे अणुवएसे मिच्छादंसणमितिक्ड्र । तम्हा सन्वा ससमयवत्तन्वया, णिथ परसमयवत्तन्वया, णिथ ससमयपरसमय-वत्तव्वया । सेतं वत्तव्वया ॥ १४८ ॥ से किं तं अत्थाहिगारे ! अत्थाहिगारे-जो जस्स अज्झयणस्स अत्थाहिगारो, तंजहा-गाहा-सावजजोगविरई. उकित्तण गुणवओ य पडिवत्ती । खिळयस्स निंदणा वण-, तिगिच्छ गुणधारणा चेव ॥ १ ॥ सेतं अत्थाहिगारे ॥ १४९ ॥ से किं तं समोयारे ? समोयारे छिविहे पण्णते । तंजहा-णामसमोयारे १ ठवणासमोयारे २ दन्वसमोयारे ३ खेतसमोयारे ४ कालसमोयारे ५ भावसमोयारे ६ । णामठवणाओ पुन्वं विणयाओ जाव सेत्तं भवियसरीरदव्वसमीयारे । से किं तं जाणयसरीरभवियसरीरवइरित्ते दव्वसमीयारे ? जाणयसरीरभवियसरीरवइरित्ते दव्वसमोयारे तिविहे पण्णते । तंजहा-आयसमो-यारे १ परसमोयारे २ तदुभयसमोयारे ३ । सन्वदन्वा वि णं आयसमोयारेणं आयभावे समोयरंति। परसमोयारेणं जहा कुंडे बदराणि। तदुभयसमोयारे जहा घरे खंभो आयभावे य. जहा घडे गीवा आयभावे य । अहवा जाणयसरीरभवियसरीर-वइरित्ते दव्यसमोयारे दुविहे पण्णते । तंजहा-आयसमोयारे य १ तद्भयसमोयारे य २ । चउसद्विया आयसमोयारेणं आयभावे समोयरइ: तद्रभयसमोयारेणं बत्ती-सियाए समोयरइ आयमावे य । बत्तीसिया आयसमोयारेणं आयमावे समोयरइ. तदुभयसमोयारेणं सोलसियाए समोयरइ आयभावे य । सोलसिया आयसमो-यारेणं आयभावे समोयरइ, तदुभयसमोयारेणं अद्वभाइयाए समोयरइ आय-भावे य । अद्भाइया आयसमोयारेणं आयभावे समोयरइ, तद्भयसमोयारेणं चउभाइयाए समीयरइ आयभावे य । चउभाइया आयसमीयारेणं आयभावे समोयरइ. तद्भयसमोयारेणं अद्धमाणीए समोयरइ आयभावे य । अद्धमाणी आय-समोयारेणं आयभावे समोयरइ, तद्भयसमोयारेणं माणीए समोयरइ आयभावे य। सेतं जाणयसरीरभवियसरीरवडरिते दव्वसमीयारे । सेतं नोआगमओ दव्वसमीयारे ।

सेत्तं दव्वसमोयारे । से किं तं खेत्तसमोयारे ? खेत्तसमोयारे द्विहे पण्णते । तंजहा-आयसमोयारे य १ तदुभयसमोयारे य २। भरहे वासे आयसमोयारेणं आयभावे समीयरइ, तदुभयसमीयारेणं जंब्रहीवे समीयरइ आयभावे य । जंब्रहीवे आयसमी-यारेणं आयमावे समीयरइ, तदुभयसमीयारेणं तिरियलीए समीयरइ आयमावे य। तिरियलोए आयसमोयारेणं आयभावे समोयरइ, तदुभयसमोयारेणं लोए समोयरइ आयभावे यै। सेत्तं खेत्तसमोयारे। से किं तं कालसमोयारे ? कालसमोयारे द्विहे पण्णते । तंजहा-आयसमोयारे य १ तदुभयसमोयारे य २ । समए आयसमोयारेणं आयभावे समोयरइ, तदुभयसमोयारेणं आविलयाए समोयरइ आयभावे य। एवमाणापाणू थोवे लवे मुहत्ते अहोरते पक्खे मासे उऊ अयणे संवच्छरे जुगे वाससए वाससहस्से वाससयसहस्से पुन्वंगे पुन्वे तुडियंगे तुडिए अडडंगे अडडे अववंगे अववे हुहुयंगे हुहुए उप्पलंगे उप्पले पडमंगे पडमे नलिणंगे नलिणे अत्थिनिडरंगे अत्थिनिडरे अडयंगे अडए नडयंगे नडए पडयंगे पडए चूलियंगे चूलिया सीसपहेलियंगे सीसपहेलिया पलिओवमे सागरीवमे-आयसमोयारेणं आयमावे समोयरइ, तदुभयसमोयारेणं ओसप्पिणीउस्सप्पिणीच समोयरइ आयभावे य। ओसप्पिणीउरसप्पिणीओ आयसमोयारेणं आयभावे समोयरंति, तदुभयसमोयारेणं पोग्गलपरियहे समोयरंति आयभावे य । पोग्गलपरियहे आयसमोयारेणं आयभावे समोयरइ, तदुभयसमोयारेणं तीतद्धाअणागतद्धास समोयरइ । तीतद्धाअणागतद्धार आयसमोयारेणं आयभावे समोयरंति, तदुभयसमोयारेणं सव्बद्धाए समोयरंति आयभावे य । सेतं कालसमोयारे । से किं तं भावसमोयारे १ भावसमोयारे दुविहे पण्णते । तंजहा-आयसमोयारे य १ तदुभयसमोयारे य २ । कोहे आयसमो-यारेणं आयभावे समीयरइ, तदुभयसमीयारेणं माणे समीयरइ आयभावे य । एवं माणे माया लोमे रागे मोहणिजे । अद्रुकम्मपयडीओ आयसमोयारेणं आयभावे समोयरंति, तद्भयसमोयारेणं छिवहे भावे समोयरंति आयभावे य । एवं छिवहे भावे । जीवे जीवत्थिकाए आयसमोयारेणं आयभावे समोयरङ, तद्भयसमोयारेणं सन्बद्व्वेनु समोयर्ड आयभावे य। एत्य संगहणीगाहा-कोहे माणे माया, लोभे रागे य मोहणिजे य । पगडी भावे जीवे, जीवित्थकाय दव्वा य ॥ १ ॥ सेत्तं भावसमीयारे । सेतं समीयारे । सेतं उवक्रमे ॥ १५० ॥ उवक्रम इति पढमं दारं॥

१ लोए आयसमोयारेणं आयभावे समोयरइ, तदुभयसमोयारेणं अलोए समोयरइ आयभावे य । इसहियं पश्चंतरे ।

से किंतं निक्खेवे ? निक्खेवे तिविहे पण्णते । तंजहा-ओहनिप्फण्णे १ नामनिष्फण्णे २ सत्तालावगनिष्फण्णे ३। से किंतं ओहनिष्फण्णे ? ओहनिष्फण्णे चडविवहे पण्णते। तंजहा-अज्झयणे १ अज्झीणे २ आया ३ खवणा ४। से किं तं अज्झयणे ? अज्झयणे चडिवहे पण्णते। तंजहा-णामज्झयणे १ ठवणज्झयणे २ दव्वज्झयणे ३ भाव-ज्झयणे ४। णामठवणाओ पुन्वं विणयाओ। से किं तं दन्वज्झयणे ? दन्वज्झयणे दुविहे पण्णते। तंजहा-आगमओ य १ णोआगमओ य २। से किं तं आगमओ द्व्वज्झयणे ? आगमओ द्व्वज्झयणे-जस्स णं 'अज्झयण' त्ति पयं सिक्खियं, ठियं, जियं, मियं, परिजियं जाव एवं जावइया अणुवडत्ता आगमओ तावइयाइं दव्वज्झय-णाई। एवमेव ववहारस्स वि। संगहस्स णं एगो वा अणेगो वा जाव सेतं आगमओ द्रव्यज्ज्ञयणे। से किं तं णोआगमओ द्रव्यज्ज्ञयणे ? णोआगमओ द्रव्यज्ज्ञयणे तिविहे पण्णते। तंजहा-जाणयसरीरदव्यज्झयणे १ भवियसरीरदव्यज्झयणे २ जाणयसरीर-भवियसरीरवइरित्ते दव्वज्झयणे ३।से किं तं जाणयसरीरदव्वज्झयणे १२ अज्झयण-पयत्थाहिगारजाणयस्स जं सरीरं ववगयच्ययचावियचत्तदेहं, जीवविष्पजढं जाव अहो णं इमेणं सरीरसम्सरणं जिणदिद्रेणं भावेणं 'अज्झयणे' ति पयं आघवियं जाव उवदंसियं। जहा को दिहंतो ? अयं घयकुंमे आसी, अयं महकुंमे आसी। सेत्तं जाणयसरीरदव्वज्झयणे। से किं तं भवियसरीरदव्वज्झयणे? भवियसरीरदव्वज्झयणे-जे जीवे जोणिजम्मणनिक्खंते, इमेणं चेव आयत्तएणं सरीरसमुरुसएणं जिणदिद्रेणं भावेणं 'अज्झयणे' त्ति पर्य सेयकाले सिक्खिस्सइ न ताव सिक्खइ। जहा को दिद्रंतो ? अयं महकुं मे भविस्सइ, अयं घयकुं मे भविस्सइ। सेत्तं भवियसरीरदव्यज्झयणे। से किं तं जाणयसरीरभवियसरीरवइरित्ते दव्वज्झयणे ? २ पत्तयपोत्थयिकहियं । सेत्तं जाणयसरीरभवियसरीरवडारेत्ते दव्वज्झयणे । सेत्तं णोआगमओ दव्वज्झयणे । सेत्तं द्व्वज्झयणे । से किं तं भावज्झयणे ? भावज्झयणे द्विहे पण्णते । तंजहा-आगमओ य १ नोआगमओ य २ । से किं तं आगमओ भावज्झयणे ? आगमओ भावज्झयणे जाणए उवउत्ते । सेत्तं आगमओ भावज्झयणे । से किं तं नोआगमओ भावज्झयणे ? नोआगमओ भावज्झयणे-गाहा-अज्झप्पस्साणयणं, कम्माणं अवचओ उवचियाणं। अणुवचओ य नवाणं, तम्हा अज्झयणमिच्छंति ॥ १ ॥ सेत्तं नोआगमओ भावज्झयणे । सेत्तं भावज्झयणे । सेत्तं अज्झयणे । से किं तं अज्झीणे ? अज्झीणे चउव्विहे पण्णते । तंजहा-णामज्झीणे १ ठवणज्झीणे २ दव्वज्झीणे ३ भावज्झीणे ४। णामठवणाओ पुर्वं वण्णियाओ । से किं तं दव्यज्झीणे ? दव्यज्झीणे दुविहे पण्णते । तंजहा-आगमओ य १ नोआगमओ य २। से किं तं आगमओ दव्बज्झीणे ?

आगमओ दव्यज्झीणे-जरस णं 'अज्झीणे' ति पयं सिक्खियं ठियं, जियं, मियं, परिजियं जाव सेत्तं आगमओ दव्यज्झीणे । से किं तं नोआगमओ दव्यज्झीणे ? नोआगमओ दव्यज्झीणे तिविहे पण्णते । तंजहा-जाणयसरीरदव्यज्झीणे १ भवियसरीरदव्वज्झीणे २ जाणयसरीरभवियसरीरवइरित्ते दव्वज्झीणे ३ । से किं तं जाणयसरीरदव्यज्झीणे । जाणयसरीरदव्यज्झीणे-'अज्झीण' पयत्थाहिगारजाण-यस्स जं सरीरयं ववगयच्यचावियचत्तदेहं जहा दव्वज्झयणे तहा भाणियव्वं जाव सेत्तं जाणयसरीरदव्वज्झीणे । से किं तं भवियसरीरदव्वज्झीणे ? भवियसरी-रदव्यज्झीण-जे जीवे जोणिजम्मणनिक्खंते जहा दव्यज्झयणे जाव सेत्तं भविय-सरीरदव्वज्झीणे । से किं तं जाणयसरीरभवियसरीरवडरित्ते दव्वज्झीणे ? जाण-यसरीरभवियसरीरवडरित्ते दन्वजङ्गीणे सन्वागाससेढी । सेत्तं जाणयसरीरभविय-सरीरवइरित्ते दव्वज्झीणे। सेत्तं नोआगमओ दव्वज्झीणे। सेत्तं दव्वज्झीणे। से किं तं भावज्झीणे ? भावज्झीणे दुविहे पण्णते । तंजहा-आगमओ य १ नोआगमओ य २। से किं तं आगमओ भावज्झीणे ? आगमओ भावज्झीणे जाणए उवउत्ते । सेत्तं आगमओ भावज्झीणे । से किं तं नोआगमओ भावज्झीणे ? नोआगमओ भावज्झीणे-गाहा-जह दीवा दीवसयं पर्प्यइ, दिप्पए य सो दीवो । दीवसमा आयरिया, दिप्पंति परं च दीवंति ॥ १ ॥ सेत्तं नोआगमओ भावज्झीणे । सेत्तं भावज्झीणे । सेनं अज्झीणे । से किं तं आए ? आए चउ व्विहे पण्णते । तंजहा-नामाए १ ठवणाए २ दव्वाए ३ भावाए ४। नामठवणाओ पुरुवं भणियाओ। से किं तं दव्याए १ दव्वाए द्विहे पण्णते । तंजहा-आगमओ य १ नोआगमओ य २ । से किं तं आगमओं दन्त्राए ? आगमओं दन्त्राए-जस्त णं 'आए' ति पयं सिक्खियं, ठियं, जियं, मियं, परिजियं जाव कम्हा ? 'अणवओगो' दव्वमिति कह । णेगमस्स णं जावड्या अण्यवस्ता आगमओ तावड्या ते दन्वाया जाव सेत्तं आग-मओ दव्वाए । से किं तं नोआगमओ दव्वाए ? नोआगमओ दव्वाए तिविहे पण्णते । तंजहा-जाणयसरीरद्वाए १ भवियसरीरद्वाए २ जाणयसरीरभवियसरी-रवडरित्ते दव्वाए ३ । से किं तं जाणयसरीरदव्वाए ? जाणयसरीरदव्वाए-'आय' पयत्थाहिगारजाणयस्स जं सरीरयं ववगयच्ययचावियचत्तदेहं जहा दव्वज्झयणे जाव सेत्तं जाणयसरीरदव्वाए । से किं तं भवियसरीरदव्वाए ? भवियसरीरदव्वाए-जे जीवे जोणिजम्मणणिक्खंते जहा दव्वज्झयणे जाव सेत्तं भवियसरीरदव्वाए । से किं तं जाणयसरीरभवियसरीरवइरित्ते दव्वाए ? जाणयसरीरभवियसरीरवइरित्ते द्वाए तिविहे पण्णते । तंजहा-लोइए १ कप्पावयणिए २ लोगत्तरिए ३ । से किं तं

लोइए १ लोइए तिविहे पण्णते । तंजहा-सचित्ते १ अचित्ते २ मीसए य ३ । से कि तं सचित्ते ? सचित्ते तिविहे पण्णते। तंजहा-दुपयाणं १ चउप्पयाणं २ अपयाणं ३। दुपयाणं-दासाणं दासीणं. चउप्पयाणं-आसाणं हत्थीणं, अपयाणं-अंबाणं अंबाङगाणं आए । सेतं सचिते । से किं तं अचिते ? अचित्ते-स्ववण्णरययमणिमोत्तियसंख-सिलप्पवालरत्तरयणाणं (संतसावएज्जस्स) आए । सेत्तं अचिते । से किं तं मीसए १ मीसए-दासाणं दासीणं आसाणं हत्थीणं समाभरियाउज्जालंकियाणं आए। से तं मीसए । से तं लोइए । से किं तं कृप्पावयणिए ? कृप्पावयणिए तिविहे पण्णते । तंजहा-सचिते १ अचिते २ मीसए य ३ । तिण्णि वि जहा लोइए जाव से तं मीसए । से तं कप्पावयणिए । से किं तं लोगुत्तरिए ? लोगुत्तरिए तिविहे पण्णते । तंजहा-सचित्ते १ अचित्ते २ मीसए य ३ । से किं तं सचित्ते ? सचित्ते-सीसाणं सि[रस]स्सिणियाणं । सेतं सचित्ते । से किं तं अचित्ते ? अचित्ते-पडिग्गहाणं वत्थाणं कंबलाणं पायपंछणाणं आए। सेत्तं अचित्ते। से किंतं मीसए? मीसए-सिस्साणं सिस्सिणियाणं सभंडोवगरणाणं आए। से तं मीसए। से तं लोगुत्तरिए। से तं जाण-यसरीरभवियसरीरवइरित्ते दव्वाए । सेतं नोआगमओ दव्वाए । से तं दव्वाए । से किं तं भावाए १ भावाए द्विहे पण्णते । तंजहा-आगमओ य १ नोआगमओ य २ । से किं तं आगमओ भावाए ? आगमओ भावाए जाणए उवउत्ते । से तं आगमओ भावाए । से किं तं नोआगमओ भावाए ? नोआगमओ भावाए दुविहे पण्णते । तंजहा-पसत्थे य १ अपसत्थे य २ । से किं तं पसत्थे ? पसत्थे तिविहे पण्णते । तंजहा-णाणाए १ दंसणाए २ चिरताए ३ । सेत्तं पसत्ये । से किं तं अपसत्ये ? अपसत्थे चडिवहे पण्णते । तंजहा-कोहाए १ माणाए २ मायाए ३ लोहाए ४ । से तं अपसत्थे । से तं नोआगमओ भावाए । से तं भावाए । से तं आए । से किं तं झवणा ? झवणा चउव्विहा पण्णत्ता । तंजहा-नामज्झवणा १ ठवणज्झवणा २ दव्वज्झवणा ३ भावज्झवणा ४ । नामठवणाओ प्रव्वं भणियाओ । से किं तं दव्व-ज्झवणा ? दञ्वज्झवणा द्विहा पण्णता । तंजहा-आगमओ य १ नोआगमओ य २ । से किं तं आगमओ दव्वज्झवणा ? आगमओ दव्वज्झवणा-जरस णं 'झवणे' ति पर्यं सिक्खियं, ठियं, जियं, मियं, परिजियं जाव सेत्तं आगमओ दव्यज्झवणा । से किं तं नोआगमओ दन्वज्झवणा ? नोआगमओ दन्वज्झवणा तिविहा पण्णता। तंजहा-जाणयसरीरदव्वज्झवणा १ भवियसरीरदव्वज्झवणा २ जाणयसरीरभविय-ंसरीरवइरित्ता दव्वज्झवणा ३ । से किं तं जाणयसरीरदव्वज्झवणा ? २ 'झवणा' पयस्थाहिगारजाणयस्स जं सरीरयं ववगयच्यचावियचत्तदेहं सेसं जहा दव्वज्झयणे

जाव सेत्तं जाणयसरीरदव्वज्झवणा । से किं तं भवियसरीरदव्वज्झवणा ? २ जे जीवे जोणिजम्मणिक्खंते सेसं जहा दव्वज्झयणे जाव सेत्तं भवियसरीरदव्वज्झवणा । से किं तं जाणयसरीरभवियसरीरवइरित्ता दव्वज्झवणा ? २ जहा जाणयसरीरभविय-सरीरवइरिते दव्वाए तहा भाणियव्वा जाव से तं मीसिया । से तं छोगुत्तरिया । से तं जाणयसरीरभवियसरीरवइरित्ता दव्वज्झवणा । से तं नोआगमओ दव्वज्झवणा । से तं दव्यज्झवणा । से किं तं भावज्झवणा ? भावज्झवणा द्विहा पण्णता । तंजहा--आगमओ य १ नोआगमओ य २ । से किं तं आगमओ भावज्झवणा 2 आगमओ भावज्झवणा जाणए उवउत्ते । से तं आगमओ भावज्झवणा । से किं तं नोआग-मओ भावज्झवणा ? नोआगमओ भावज्झवणा द्विहा पण्णता । तंजहा-पसत्था य १ अपसत्था य २ । से किं तं पसत्था ? पसत्था तिविहा पण्णत्ता । तंजहा-नाण-ज्झवणा १ दंसणज्झवणा २ चिरत्तज्झवणा ३ । सेत्तं पसत्था । से किं तं अपसत्था ? अपसत्था चड विवहा पण्णता। तंजहा-कोहज्झवणा १ माणज्झवणा २ मायज्झवणा ३ लोहज्झवणा ४। से तं अपसत्था। से तं नोआगमओ भावज्झवणा। से तं भावज्झवणा । से तं झवणा । से तं ओहनिएफण्णे । से किं तं नामनिष्फण्णे ? नामनिष्फणो सामाइए । से समासओ चउव्विहे पण्णते । तंजहा-णामसामाइए १ ठवणासामाइए २ दव्वसामाइए ३ भावसामाइए ४ । णामठवणाओ पुरुवं भणि-याओ । द्व्यसामाइए वि तहेव जाव सेत्तं भवियसरीरदव्वसामाइए । से किं तं जाणयसरीरभवियसरीरवइरिते द्व्वसामाइए ? २ पत्तयपोत्थयिलहियं । से तं जाणय-सरीरभवियसरीरवइरित्ते दन्त्रसामाइए । से तं नोआगमओ दन्त्रसामाइए । से तं दव्वसामाइए । से किं तं भावसामाइए ? भावसामाइए द्विहे पण्णत्ते। तंजहा-आगमओ य १ नोआगमओ य २ । से किं तं आगमओ भावसामाइए ? आगमओ भावसामाइए जाणए उवउत्ते । से तं आगमओ भावसामाइए । से किं तं नोआगमओ भावसामाइए? नोआगमओ भावसामाइए-गाहाओ-जस्स सामाणिओ अप्पा. संजमे णियमे तवे । तस्स सामाइयं होइ, इइ केविलमासियं ॥ १ ॥ जो समो सन्वभएस, तसेस थावरेस य । तस्स सामाइयं होइ, इइ केविल-भासियं ॥ २ ॥ जह मम ण पियं दुक्खं, जाणिय एमेव सव्वजीवाणं । न हणइ न हणावेड य. सममणइ तेण सो समणो ॥ ३ ॥ णत्थि य से कोइ वेसो, पिओ य सर्वेम चेव जीवेसु । एएण होइ समणो, एसो अन्नोऽवि पजाओ ॥ ४ ॥ उरग-गिरिजलणसागर-, नद्दतलतरुगणसमो य जो होइ। भमरमियधरणिजलरुह-, रवि-पवणसमो य सो समणो ॥ ५ ॥ तो समणो जइ सुमणो, भावेण य जइ ण होइ

पावमणो । संयणे य जणे य समो, समो य माणावमाणेस ॥ ६ ॥ से तं नोआगमओ भावसामाइए । से तं भावसामाइए । से तं सामाइए । से तं नामनिष्फण्णे । से किं तं सत्तालावगनिष्फण्णे ? इयाणि सत्तालावयनिष्फण्णं निक्खेवं इच्छावेइ, से य पत्त-लक्खणे वि ण णिक्खिप्पइ । कम्हा ? लाघवत्थं । अत्थि इओ तहए अणुओगदारे अगुगमे ति । तत्थ णिक्खते इहं णिक्खिते भवड़ । इहं वा णिक्खिते तत्थ णिक्खिते भवइ। तम्हा इहं ण णिक्खिप्पइ, तिहं चेव णिक्खिप्पइ। से तं णिक्खेवे॥ १५१॥ से किं तं अणुगमे ? अणुगमे दुविहे पण्णत्ते। तंजहा-सुत्ताणुगमे य १ निज्जृत्तिअणुगमे य २ । से किं तं निज्जृत्तिअणुगमे ? निज्जृत्तिअणुगमे तिविहे पण्णते । तंजहा-निक्खेव-निज्जृत्तिअणुगमे १ उवग्वायनिज्जृत्तिअणुगमे २ सुत्तप्फासियनिज्जृत्तिअणुगमे ३ । से किं तं निक्खेवनिज्जृत्तिअणुगमे ? निक्खेवनिज्जित्तिअणुगमे अणुगए । से तं निक्खेव-निजुत्तिअणुगमे । से किं तं उवम्घायनिजुत्तिअणुगमे ? २ इमाहिं दोहिं मूलगाहाहिं अणुगंतव्वो, तंजहा-गाहाओ-उद्देसे निद्देसे य, निग्गमे खेत काल पुरिसे य। कारण पचय लक्खण, नए समोयारणाणुमए॥ १॥ किं कहविहं कस्स किंह, केसु सेत्तं उवग्घायनिजुत्तिअणुगमे । से किं तं सुत्तप्फासियनिजुत्तिअणुगमे ? सुत्तप्फासिय-निज़ुत्तिअणुगमे—सुतं उचारेयव्यं—अक्खलियं, अमिलियं, अवचामेलियं, पडिपुण्णं, पिंडपुण्णघोसं, कंठोद्वविष्पमुक्कं, गुरुवायणोवगयं । तओ तत्थ णिज्जिहिइ ससमयपयं वा परसमयपयं वा. बंधपयं वा मोक्खपयं वा, सामाइयपयं वा नोसामाइयपयं वा। तओ तम्म उचारिए समाणे केसिं च णं भगवंताणं केइ अत्थाहिगारा अहिगया भवंति, केइ अत्थाहिगारा अणहिगया भवंति । तओ तेसिं अणहिगयाणं अहिगमणद्वार पयं पएणं वण्णइस्सामि-गाहा-संहिया य पयं चेव, पयत्थो पयविग्गहो । चालणा य पसिद्धी य, छिव्वहं विद्धि लक्खणं ॥ १ ॥ से तं सुत्तप्कासियनिज्नृत्तिअणुगमे । से तं निज़त्तिअणुगमे । से तं अणुगमे ॥ १५२ ॥ से कि तं नए ? सत्त मलणया पण्णता। तंजहा-णेगमे १ संगहे २ ववहारे ३ उज्रुसुए ४ सहे ५ सम्भिरुढे ६ एवं-भूए ७। तत्थ गाहाओ-णेगेहिं माणेहिं, मिणइत्ति णेगमस्त य निरुत्ती। सेसाणं पि नयाणं, लक्खणमिणमो सुणह वोच्छं॥ १॥ संगहियपिंडियत्थं, संगहवयणं समासओ बिंति । वच्चइ विणिच्छियत्यं, ववहारो सन्वद्न्वेसु ॥ २ ॥ पच्चपन्नगगाही, उज्जुसुओ णयविही मुणेयव्वो । इच्छइ विसेसियतरं, पञ्चपपणं णओ सहो ॥ ३ ॥ ·नत्थुओ संक्रमणं, होइ अवत्थू नए समभिरूढे । वंजणअत्थतद्भयं, एवंभुओ विसेसेड ॥ ४ ॥ णायम्मि गिण्हियन्वे, अगिण्हियन्विम्म चेव अत्यम्मि । जङ्यन्वमेव इड

जो, उवएसो सो नओ नाम ॥ ५ ॥ सन्वेसिं पि नयाणं, बहुविह्वत्तन्वयं निसामित्ता । तं सन्वनयविसुद्धं, जं चरणगुणद्विओ साहू ॥ ६ ॥ सेतं नए ॥ १५३ ॥ अणु-ओगद्दारा समत्ता ॥ सोलससयाणि चउरुत्तराणि, होंति उ इमंमि गाहाणं । दुसहस्स मणुद्धुभ-, छंदवित्तपमाणओ भणिओ ॥ १ ॥ णयरमहादारा इव, उवक्कमदाराणुओगवरदारा । अक्खरविंदुगमत्ता, लिहिया दुक्खक्खयद्वाए ॥ २ ॥

।। अणुओगदारसुत्तं समत्तं ।। तस्समत्तीए

चत्तारि मूलसुत्ताइं समत्ताइं

॥ सन्वसिलोगसंखा ५५०० ॥



णमोऽत्थु णं समणस्स भगवओ णायपुत्तमहावीरस्स

सुत्तागमे

_{तत्थ} णं आवस्सयसुत्तं

©

अह पढमं सामाइयावस्सयं

अंग्रह्सही इच्छाकारेण संदिसह भगवं! देव(सी)सियंपिडक्कमणं ठाएमि, देव-सियणाणदंसणचिरत्ततवअइयारचितवणद्वं करेमि काउसम्गं॥ १॥ णमो अरिहंताणं, णमो सिद्धाणं, णमो आयिरयाणं, णमो उवज्झायाणं, णमो लोए सन्वसाहूणं ॥ २॥ कैरेमि भंते! सामाइयं सन्वं सावज्ञं जोगं पच्चक्खामि, जावज्ञीवाए तिविहं तिविहेणं मणेणं वायाए काएणं न करेमि न कारवेमि करंतिप अण्णं न समणु-जाणामि, तस्स मंते! पिडक्कमामि निंदामि गरिहामि अप्पाणं वोसिरामि ॥ ३॥ इच्छामि (पिडक्कमिउं-ओ) ठामि काउसम्गं, जो मे देवसिओ अइयारो कओ काइओ वाइओ माणसिओ उस्मुत्तो उम्मम्मो अकप्पो अकरणिज्ञो दुज्झाओ दुविचितिओ अणायारो अणिच्छियन्वो असमणपाउग्मो नाणे तह दंसणे चरित्ते सुए सामाइए तिण्हं गुत्तीणं चउण्हं कसायाणं पंचण्हं महन्वयाणं छण्हं जीवनिकायाणं सत्तण्हं

१ विही-पुर्वि 'तिक्खुत्तो आयाहिणं पयाहिणं करेमि वंदामि नमंसामि सक्कारेमि सम्माणेमि कल्लाणं मंगलं देवयं चेइयं पजुवासामि मत्थएण वंदामि।' इच्चणेण
पाटेण गुरुवंदणा किज्जइ। पच्छा णमोक्कारुचारो 'एसो पंच णमोक्कारो, सव्वपावप्पणानणो। मंगलाणं च सव्वेसिं, पढमं हवइ मंगलं॥' जुत्तो। पुणो 'तिक्खुत्तो०'
तओ 'इच्छाकारेण०' 'तस्मुत्तरीकरणेणं०' जाव 'ठाणेणं' फुडुचारणं किचा
'मोणेणं०' अप्फुडं अव्वत्तं मणंसि 'इरियावहियाए' मगगविसोही कीरइ। णमोकारुचारणेण झाणं पारिज्जइ, पच्छा 'लोगस्स०' फुडुचारो, तओ दुण्णि 'णमोऽत्थु
णं०'। पच्छा सामाइयं पढमावस्सयं पार्ठभइ। पत्तेयावस्सयसमत्तीए 'तिक्खुत्तो०'
टश्चणण गुरुं वंदितु अण्णस्सावस्सयस्साणा घेप्पइ ति विसेसो। २ 'राइय' 'पिक्च्यय' 'चाउम्मासिय' 'संवच्छरिय'। ३ केइ विहीए 'तिक्खुत्तो०' पच्छा केवलं
णमोकारं णवपयमिच्छंति, 'करेमि भंते!०' इच्चणेण पढमावस्सयं पार्ठ्मिति य।

पिंडेसणाणं अट्ठण्हं पवयणमाऊणं नवण्हं वंभचेरगुत्तीणं दसविहे समणधम्मे समणाणं जोगाणं जं खंडियं जं विराहियं तस्स मिच्छामि दुक्कडं ॥ ४ ॥ तस्स उत्तरीकरणेणं पायच्छित्तकरणेणं विसोहीकरणेणं विसक्षीकरणेणं पावाणं कम्माणं णिग्धायणद्वाए ठामि काउसग्गं, अन्नत्थ ऊससिएणं नीससिएणं खासिएणं छीएणं जंभाइएणं उड्डुएणं वायनिसग्गेणं भमलिए पित्तमुच्छाए सहुमेहिं अंगसंचालेहिं सहुमेहिं खेलसंचालेहिं सहुमेहिं विद्विसंचालेहिं एवमाइएहिं आगारेहिं अमग्गो अविराहिओ
हुज्ज मे काउसग्गो, जाव अरिहंताणं भगवंताणं नमोक्कारेणं न पारेमि ताव कायं
ठाणेणं मोणेणं झाणेणं अप्पाणं वोसिरीमि ॥ ५ ॥ इइ पढमं सामाइयावस्सयं समत्तं ॥ १ ॥

अह बीयं चउवीसत्थवावस्सयं

लोगस्स उज्जोयगरे, धम्मतित्थयरे जिणे। अरिहंते कित्तइस्सं, चउवीसंपि केवली ॥ १॥ उसममिजयं च वंदे, संभवमिणंदणं च सुमइं च। पउमप्पहं सुपासं, जिणं च चंदप्पहं वंदे ॥ २॥ सुविहं च पुष्पदंतं, सीयलिस जंसं वासुपुजं च। विमलमणंतं च जिणं, धम्मं संतिं च वंदामि ॥ ३॥ कुंधुं अरं च मिल्लं, वंदे मुणिसुब्वयं निमिजिणं च। वंदामिऽरिट्ठनेमिं, पासं तह वद्धमाणं च॥ ४॥ एवं मए अभित्युआ, विहूयस्यमला पहीणजरमरणा। चउवीसंपि जिणवरा, तित्थयरा मे पसीयंतु ॥ ५॥ कित्तियवंदियमिहया, जे ए लोगस्स उत्तमा सिद्धा। आरुगवोहिलामं, समाहिवरसुत्तमं दिंतु ॥ ६॥ चंदेसु निम्मलयरा, आइचेसु अहियं पयासयरा। सागरवरगंभीरा, सिद्धा सिद्धिं मम दिसंतु ॥ ७॥ इइ वीयं चउवीसत्थ-वा(उक्तित्तणा)वस्सयं समत्तं ॥ २॥

^{9 &#}x27;आगमे तिविहे जाव मूलगुण पंच ०' 'इच्छामि ठामि०' 'सव्वस्स वि देव-सियं दुचितियं दुभासियं दुचिट्ठियं दुपालियं०' एए सव्वे पाढा मोणेणं पढमावस्स-यज्झाणे झाइजांति, पुणो तइयावस्सयस्स पच्छा चउत्थावस्सयस्साइंसि ठिचा फुडु-चारणपुव्वगं उचारिजांति । एएस 'आगमे०' 'इच्छामि ठामि०' एए दुण्णि अद्धमा-गहीए 'सव्वस्स वि०' अद्धमद्धमागहीए अद्धं भासाए । सेसा भिण्णभिण्णभासाए लब्भंति तत्तोऽवसेया ।

अह तइयं वंदणावस्सयं

इच्छामि खमासमणो! वंदिउं जावणिजाए निसीहियाए, अणुजाणह में मिडग्गहं, निसीहि अहोकायं कायसंफासं, खमणिजो में किलामो, अप्पिकलंताणं वहुसुमेण में दिवसो वहकंतो? जत्ता में? जवणिजं च में? खामेमि खमासमणो! देवसियं वहकमं, आवस्सियाए पिडक्कमामि खमासमणाणं देवसियाए आसायणाए तेत्तीसचयराए जं किंचि मिच्छाए मणदुक्कडाए वयदुक्कडाए कायदुक्कडाए कोहाए माणाए मायाए लोहाए सव्वकालियाए सव्वमिच्छोवयाराए सव्वधम्माइक्कमणाए आसायणाए जो में देवैसिओ अइयारो कओ तस्स खमासमणो! पिडक्कमामि निंदामि गरिंहामि अप्पाणं वोसिरामि॥ इड तइयं चंदणाचस्सयं समत्तं॥ ३॥

अह चउत्थं पडिक्कमणावस्सयं

चैतारि मंगलं-अरिहंता मंगलं, सिद्धा मंगलं, साहू मंगलं, केवलिपन्नतो धम्मो मंगलं। चत्तारि लोगुत्तमा-अरिहंता लोगुत्तमा, सिद्धा लोगुत्तमा, साहू लोगुत्तमा, केवलिपन्नतो धम्मो लोगुत्तमो। चत्तारि सरणं पवजामि-अरिहंता सरणं पवजामि, सिद्धा सरणं पवजामि, साहू सरणं पवजामि, केवलिपन्नतं धम्मं सरणं पवजामि।। १॥ इच्छामि पिक्किमिछं इरियाविह्याए विराहणाए गमणागमणे पाणकमणे वीयकमणे हरियकमणे ओसाउत्तिंगपणगदगमद्दीमकडासंताणासंकमणे जे मे जीवा विराहिया एगिंदिया वेदंदिया वेदंदिया चडरिंदिया पंचिदिया अभिह्या वत्त्त्या लेखास्या किलामिया उद्दिया पंचिदिया अभिह्या वत्त्त्या लेखियासंघा-इया संघित्र्या परियाविया किलामिया उद्दिया गणाओ ठाणं संकामिया जीवियाओ ववरोविया तस्स मिच्छामि दुक्कडं॥ २॥ इच्छामि पिक्किमिछं पगामसिज्जाए निगामसिज्जाए संथाराउव्वदृणाए परियदृणाए आउंटणाए पसारणाए छप्पइसंघदृणाए कृद्ध कक्कराइए छीए जंभाइए आमोसे ससरक्वामोसे आउलमाउलाए सोवणवित्तियाए इत्थीविप्परियासियाए दिद्वीविप्परियासियाए मणविष्परियासियाए पाणभोयणविप्परियासियाए जो मे देवसिओ अइयारो कओ तस्स मिच्छामि दुक्कडं॥ ३॥ पिकक्मामि गोयरचरियाए भिक्खायरियाए उप्धाडकवाडउग्धाडणाए साणावच्छान

१ 'राइओ' 'पिक्खओ' 'चाउम्मासिआं' 'संवच्छिरओ' । २ 'तिक्खुत्तो० इच्चणेण वंदणं किचा पच्छा पंचणमोक्कारं तओ 'करेमि भंते०!' तओ 'चत्तारि मंगलं०' । ३ 'चत्तारि मंगलं०' पच्छा 'इच्छामि०' पिढयव्वं ति केइ ।

दारासंघट्टणाए मंडीपाहुडियाए बलिपाहुडियाए ठवणापाहुडियाए संकिए सहसागारिए अंगेसणाए पांगेसणाए पांगभोयणाए बीयभोयणाए हरियभोयणाए पच्छाकमिमयाए पुरेकम्मियाए अदिद्वहङाए दगसंसद्वहङाए रयसंसद्वहङाए पारिसाङणियाए पारिद्वाव-णियाए ओहासणभिक्खाए जं उग्गमेणं उप्पायणेसणाए अपरिसुद्धं परिग्गहियं परिभूत्तं वा जं न परिद्रवियं तस्स मिच्छामि दुक्कडं ॥ ४ ॥ पडिक्रमामि चाउकालं सज्झायस्स अकरणयाए उभओकालं भंडोवगरणस्य अप्पिकलेहणाए दुप्पिकलेहणाए अप्पमजन णाए दुप्पमज्जणाए अइक्से वइक्से अइयारे अणायारे जो मे देवसिओ अइयारो कओ तस्य मिच्छामि दुक्कडं ॥ ५ ॥ पडिक्रमामि एगविहे असंजमे । पडिक्रमामि दोहिं बंधणेहिं-रागबंधणेणं, दोसबंधणेणं। पिडक्समामि तिहिं दंडेहिं-मणदंडेणं, वयदंडेणं, कायदंडेणं। पडिकमामि तिहिं गुत्तीहिं-मणगुत्तीए, वयगुत्तीए, काय-गुत्तीए । पिडकमामि तिहिं सहेहिं-मायासहेणं, नियाणसहेणं, मिच्छादंसणसहेणं । पिडकमामि तिहिं गारवेहिं-इन्द्रीगारवेणं, रसगारवेणं, सायागारवेणं। पिडक्समामि तिहिं विराहणाहिं-णाणविराहणाए. दंसणविराहणाए, चरित्तविराहणाए। पिडक्रमामि कसाएहिं-कोहकसाएणं, माणकसाएणं, मायाकसाएणं, लोभकसाएणं। पिडकमामि चर्हा सण्णाहि-आहारसण्णाए, भयसण्णाए, मेहुणसण्णाए, परिग्गह-सण्णाए । पडिक्रमामि चउहिं विकहाहिं-इत्थीकहाए, भत्तकहाए, देसकहाए, राय-कहाए । पिडकसामि चउहिं झाणेहिं-अट्टेणं झाणेणं, रहेणं झाणेणं, धम्मेणं झाणेणं, सुक्रेणं झाणेणं । पडिकमामि पंचिहं किरियाहिं-काइयाए, अहिगरणियाए, पाउसि-याए, परितावणियाए, पाणाइवायिकरियाए । पिडकमामि पंचिहं कामगुणेहिं-सहेणं. रूवेणं, गंधेणं, रसेणं, फासेणं । पडिक्रमामि पंचिहं महन्वएहिं-सन्त्राओ पाणाइवा-याओ वेरमणं, सन्वाओ मुसावायाओ वेरमणं, सन्वाओ अदिण्णादाणाओ वेरमणं, सव्वाओ मेहुणाओ वेरमणं, सव्वाओ परिग्गहाओ वेरमणं । पिडकिमामि पंचिहिं समिईहिं-इरियासमिईए, भासासमिईए, एसणासमिईए, आयाणभंडमत्तनिक्खेवणा-समिईए. उचारपासवणखेलजल्लसिंघाणपारिठावणियासमिईए । पिडक्समामि छिंहं जीव-निकाएहिं-पुढविकाएणं, आडकाएणं, तेडकाएणं, वाडकाएणं, वणस्सहकाएणं. तसकाएणं । पिडकमामि छिहं छेसाहिं-किण्ह्छेसाए, णीलछेसाए, काउछेसाए, तेउ-लेसाए, पम्हलेसाए, सुकलेसाए । पिडकमामि सत्तिहिं भयद्वाणेहिं, अद्विहें मयद्वाणेहिं, णविं बंभचेरगुत्तीहिं, दसविहे समणधम्मे, एगारसिं उवासगपडिमाहिं, बारसिंह भिक्(ख्) खुपडिमाहिं, तेरसिंहं किरियाठाणेहिं, चउ(द)इसिंहं भूयगामेहिं, पण्णरसिंहं परमाहम्मिएहिं, सोलसिंहं गाहासोलस(ए)हिं, सत्तरसिवहे असंजमे, अद्वारसिवहे

अवंभे, एगूणवीसाए णायज्झयणेहिं, वीसाए असमाहि(ट्टा)ठाणेहिं, एगवीसाए सबलेहिं, बावीसाए परीसहेहिं, तेवीसाए स्यगडज्झयणेहिं, चउवीसाए देवेहिं, पणवीसाए भावणाहिं, छन्वीसाए दसाकप्पववहाराणं उद्देसणकाले(णं)हिं, सत्तावीसाए अण-गारगुणेहिं, अडावीसाए आयारपकप्पेहिं, एगूणतीसाए पावस्य(६)पसंगेहिं, तीसाए महामोहणीयद्वाणेहिं, एगतीसाए सिद्धा-इ-गुणेहिं, बत्तीसाए जोगसंगहेहिं, तेत्तीसाए आसायणाहिं; अरिहंताणं आसायणाए, सिद्धाणं आसायणाए, आयरियाणं आसा-यणाए, उवज्झायाणं आसायणाए, साहूणं आसायणाए, साहुणीणं आसायणाए, सावयाणं आसायणाए, सावियाणं आसायणाए, देवाणं आसायणाए, देवीणं आसायणाए, इहलोगस्स आसायणाए, परलोगस्स आसायणाए, केवलीणं आसा-यणाए, केवलिपण्णत्तस्य धम्मस्य आसायणाए, सदेवमणुयासुरस्य लोगस्य आसायणाए, सव्वपाणभूयजीवसत्ताणं आसायणाए, कालस्स आसायणाए, सुयस्स आसायणाए, सुयदेवयाए आसायणाए, वायणायरियस्स आसायणाए; जं वाइद्धं, वचामेलियं, हीणक्खरं, अचक्खरं, पयहीणं, विणयहीणं, जोगहीणं, घोसहीणं, सुद्रदिण्णं, दुद्रपिडिच्छियं, अकाले कओ सज्झाओ, काले न कओ सज्झाओ, अस-ज्झाइए सज्झाइयं, सज्झाइए न सज्झाइयं; तस्त मिच्छामि दुक्कडं ॥ ६ ॥ नमो चडवीसाए तित्थयराणं उसभाइमहावीरपज्जवसाणाणं । इणमेव णिग्गंथं पावयणं सचं, अणुत्तरं, केवलियं, पडिपुण्णं, नेयाउयं, संसुद्धं, सल्लगत्तणं, सिद्धिमग्गं, मुत्ति-सम्गं, निजाणसम्गं, निव्वाणसम्गं, अवितहमविसं(दिखं)धि, सव्वदुक्खपहीणसम्गं। इत्थं ठिया जीवा सिज्झंति, बुज्झंति, मुचंति, परिनिव्वायंति, सव्वदुक्खाणमंतं करेंति । तं धम्मं सहहामि, पत्तियामि, रोएमि, फासेमि, पालेमि, अणुपालेमि । तं धम्मं सहहंतो, पत्तियंतो, रोयंतो, फासंतो, पाछंतो, अणुपाछंतो । तस्स धम्मस्स केवलिपण्णतस्स अब्भुद्धिओमि आराहणाए, विरओमि विराहणाए । असंजमं परिया-णामि, संजमं उवसंपजामि । अवंभं परियाणामि, वभं उवसंपजामि । अकप्पं परिया-णामि. कप्पं उवसंपज्जामि । अञ्चाणं परियाणामि, नाणं उवसंपज्जामि । अकिरियं परि-याणामि, किरियं उवसंपजामि । मिच्छत्तं परियाणामि, सम्मत्तं उवसंपजामि । अवोहिं परियाणामि, वोहिं उवसंवजामि। अमर्गं परियाणामि, मर्गं उवसंवजामि। जं संभरामि जं च न संभरामि, जं पिङक्रमामि जं च न पिङक्रमामि, तस्स सन्वरस देवसियस्स अङ्यारस्य पिङक्रमामि । समणोर्डहं संजयविरयपिङहयपचक्खायपावकम्मे अनियाणो दिद्विसंपण्णो मायामोसविवज्जिओ, अङ्गाइजेस दीवसमुद्देस पण्णरसस कम्मभूमिस

१ समणीओ 'समणी हं' '°कम्मा' '°णा' '°णा' '°था' ति बोह्रंति । ७४ सत्ता•

जावंति केंद्र साहू रयहरणगुच्छगपिडमगहधारा पंचमहव्वयधारा अद्वारससहस्ससीछंगधारा अक्खयायारचिरता ते सक्वे सिरसा मणसा मत्थएण वंदामि॥०॥
[औयिरयउवज्झाए, सीसे साहम्मिए कुछगणे य। जे मे केंद्र कसाया, सक्वे तिविहेण खामेमि॥१॥ स्व्वस्स समणसंघस्स, भगवओ अंजिलं करिय सीसे । सक्वं खमावइत्ता, खमामि सक्वस्स अहयंपि॥२॥ सब्वस्स जीवरासिरस, भावओ धम्मिनिहियनियचित्तो। स०॥३॥] खामेमि सक्वजीवे, सक्वे जीवा खमंतु मे ।
मित्ती मे सक्वभूएसु, वेरं मज्झं न केणइ॥१॥ एवमहं आलोइय, निर्दिय गरिहय दुगंछिउं सम्मं । तिविहेण पिडकंतो, वंदामि जिणे चउँक्वीसं॥२॥ इस्चित्रस्य समत्ते॥४॥
खमासमणो! वंदिउं जाव अप्पाणं वोसिरामि। [दुक्खतो]॥ इस्च चउत्थं पिडकमणावस्सयं समत्तं॥४॥

अह पंचमं काउस्सग्गावस्सयं

औवस्सही । करेमि भंते ! । इच्छामि ठामि काउसम्गं जाव समणाणं जोगाणं ... तस्स मिच्छामि दुक्कडं । तस्स उत्तरीकरणेणं जाव अप्पाणं वोसिरीमि ॥ इइ पंचमं काउस्सग्गायस्सयं समत्तं ॥ ५॥



अह छट्टं पचक्लाणावस्सयं

दसविहे प्चक्खाणे प० तं०-अणागयमइकंतं, कोडीसिहयं नियंटियं चेव । सागारमणागारं, परिमाणकडं निरवसेसं ॥ १ ॥ संकेयं चेव अद्धाए, पचक्खाणं भवे दसहा । **णमोक्कारसिहियपचक्खाणं**-उग्गए सूरे णमुकारसिहयं पचक्खामि, चडिवहंपि आहारं असणं पाणं खाइमं साइमं अण्णत्थऽणाभोगेणं

9 कोट्ठगगयाओ गाहाओ पचन्तरेऽहिगाओ छन्मंति । २ तओ चउरासीलक्स्व-जीवजोणिखमावणापाढं पढिज्ञइ । तओ –। अन्नमओऽन्नतोऽन्नसेओ । ३ अस्स ठाणे केट् 'इच्छामि णं मंते ! तुन्मोहं अन्मणुण्णाए समाणे देवसिय० विसोहणट्ठं करेमि काउ-सग्गं' ति उचारंति । ४ ति पढितु काउरसग्गं कुजा, तत्थ 'लोगस्स उज्जोयगरे०' वारचउकं मणसा संसमिरतु सणमोकारं काउरसग्गं पारितु पुणर्वि 'लोगस्स उज्जो-यगरे०' फुडमुचारेज, तओ 'इच्छामि खमासमणो०' दुक्खुत्तो पढिऊण गुरुसमीवे पचक्खेज-ति विही ।

सहसागारेणं वोसिरामि ॥ १ ॥ पोरिसीपचक्वाणं-उग्गए सूरे पोरिसिं पचक्खामि, चडिव्वहंपि आहारं असणं पाणं खाइमं साइमं अण्णत्थऽणाभोगेणं सहसागारेणं पच्छण्णकालेणं दिसामोहेणं साहुवयणेणं सव्वसमाहिवत्तियागारेणं वोसिरामि [एवं सहूपोरिसियं] ॥ २ ॥ प्रिमहृपचक्खाणं - उग्गए स्रे पुरिमहुं पचक्खामि, चडिवहंपि आहारं असणं पाणं खाइमं साइमं अण्णत्थऽणाभोगेणं सहसागारेणं पच्छण्णकालेणं दिसामोहेणं साहवयणेणं महत्तरागारेणं सव्वसमा-हिवतियागारेणं वोसिरामि ॥ ३ ॥ एगासण[वेआसण]=पञ्चक्खाणं-[उग्गए सूरे] एगासणं [बेआसणं] पचक्खामि, [दुविहं] तिविहंपि आहारं असणं [पाणं] खाइमं साइमं अण्णत्यऽणाभोगेणं [सहसागारेणं] सागारियागारेणं आ[उर्ह]उंटणपसारणेणं गुरुअब्भुट्टाणेणं पारिद्वावणियागारेणं महत्तरागारेणं सन्वसमाहिवत्तियागारेणं वोसिरामि ॥ ४ ॥ एगद्राणपचवन्त्वाणं-एगट्ठाणं पचक्खामि, चडव्विहंपि आहारं असणं पाणं खाइमं साइमं अण्णत्थऽणाभोगेणं सहसागारेणं सागारियागारेणं गुरुअब्भुडाणेणं पारिद्वावणियागारेणं महत्तरागारेणं सन्वसमाहिवत्तियागारेणं वोसिरामि ॥ ५ ॥ आयंबिल्यचक्खाणं-आयंबिलं पचनखामि, [तिविहंपि आहारं असणं खाइमं साइमं] अण्णत्थऽणाभोगेणं सहसा-गारेणं लेवालेवेणं गिहत्थसंसद्वेणं उक्खित्तविवेगेणं पारिद्वावणियागारेणं महत्त-रागारेणं सव्वसमाहिवत्तियागारेणं वोसिरामि ॥ ६ ॥ अभन्तद्विचडिवहा-हार पचक्लाणं-उग्गए सूरे अभत्तहं पचक्लामि, चउव्विहंपि आहारं असणं पाणं खाइमं साइमं अण्णत्थऽणाभोगेणं सहसागारेणं पारिद्वावणियागारेणं महत्तरा-गारेणं सव्वसमाहिवत्तियागारेणं वोसिरामि॥ ७-१ ॥ अभत्तद्ग तिविहाहार]-पश्चक्लाणं-उग्गए सुरे अभत्तहं पचक्लामि तिविहंपि आहारं असणं खाइमं साइमं अण्णत्थऽणाभोगेणं सहसागारेणं पारिहावणियागारेणं महत्तरागारेणं सव्व-समाहिवत्तियागारेणं पाणस्स लेवेण वा अच्छेण वा बहुलेण वा ससित्थेण वा असित्थेण वा वोसिरामि ॥ ७-२ ॥ दिवसचरिम[भवचरिम]पचक्खाणं-दिवसचरिमं [भवचरिमं वा] पचक्खामि, चडव्विहंपि आहारं असणं पाणं खाइमं साइमं अण्णत्थऽणाभोगेणं सहसागारेणं महत्तरागारेणं सन्त्रसमाहिवत्तियागारेणं वोसिरामि ॥ ८ ॥ अभिग्गहपचक्खाणं-[उग्गए सूरे गंठिसहियं मुहिसहियं] अभिगाहं पचक्खामि, चडिवहंपि आहारं असणं पाणं खाइमं साइमं अण्ण-त्थऽणाभोगेणं सहसागारेणं महत्तरागारेणं सन्वसमाहिवत्तियागारेणं वोसिरामि ॥ ९ ॥ निव्यिगइयपचक्खाणं-छि० स्०ो निव्यगइयं पचक्खामि चि०

आ॰ अ॰ ४] अण्णत्थऽणाभोगेणं सहसागारेणं लेवालेवेणं गिहत्थसंसहेणं उक्कित्वत्तिविगेणं पहुचमिक्खएणं पारिद्वाविणयागारेणं महत्तरागारेणं सव्यसमाहि-वित्तियागारेणं वोसिरीमि ॥ १० ॥ [पच्चक्खाणपारणिविही—उग्गए सरेणमुक्कारसिहयं ' जांव पच्चक्खाणं कयं तं सम्मं काएण फासियं पालियं सोहियं तीरियं किष्टियं आराहियं अणुपालियं भवइ जं च न भवइ तस्स मिच्छामि दुक्कडं ।] णमोऽत्थु णं अरिहंताणं भगवंताणं आइगराणं तित्थयराणं सयंसंबुद्धाणं पुरिस्तत्माणं पुरिससीहाणं पुरिसवरपुंडरियाणं पुरिसवरगंधहत्थीणं लोगुत्तमाणं लोगनाहाणं लोगिह्याणं लोगपईवाणं लोगपज्ञीयगराणं अभयदयाणं चक्चुदयाणं मग्गदयाणं सरणदयाणं जीवदयाणं बोहिदयाणं धम्मदयाणं धम्मदेसयाणं धम्मनायगाणं धम्मतारहीणं धम्मवरचाउरंतचक्कवद्दीणं, दी(वो)त्रता(णं)णसरणगइषद्दुाणं अप्पिक्टिह्यवराणं मुत्ताणं वियद्दल्डमाणं जिणाणं जावयाणं तिण्णाणं तार्याणं बुद्धाणं बुद्धाणं मुत्ताणं मोयगाणं सव्वण्णूणं सव्वदिरिसीणं सिवमयलमस्यमणंतमक्खयम् व्वाबाहमपुणरावित्तिसिद्धिगइनामधेयं ठाणं संपत्ताणं नमो जिणाणं जियभयाणं [ठाणं संपाविञ्जा(मस्स)माणं] ॥ इइ छट्ठं पच्चक्काणावस्सयं समेतं॥ ६॥

॥ आवस्सयसुत्तं समत्तं ॥
तस्समत्तीए
वत्तीसं सुत्ताइं समत्ताइं
तेसिं समत्तीए
सुत्तागमे समत्ते

॥ सन्वसिलोगसंखा ७२००० ॥

⁹ एएसिं दसण्हं पच्चक्खाणाणं अण्णयरं पच्चक्खाणं पचिक्खता सामाइयाणं छण्हमावस्सयाणमङ्यारसंबिधिमिच्छामि—दुक्कडं दचा दुक्खतो 'णमोऽत्यु णं॰' दाहिणं जाणुं भूमीए संठिवतु वामं जाणुं उद्घं किचा पंजिलउडेग पिट जह । राइए पचक्खाणे जहाधारणित विसेसो । २ अरिहापक्खे । ३ पचंतरे छद्वावस्सयपच्छा एसो पाढोऽहिगो लब्भइ—इच्छाकारेण संदिसह भगवं अ॰ अिंभतरं देवसियं खामेड इच्छं खामेमि देवसियं जं किंचि य अपित्तयं प॰ भत्तपाणे विणए वेवावचे आलावे संलावे उच्चासणे समासणे अंतरभासाए अपरभासाए जं किंचि मज्झं विणयपरिहीणं छहुमं (थोवं) वा बायरं (बहुं) वा तुब्भे जाणह अहं न जाणामि तस्स मिच्छामि दुक्कडं । ४ सावयावस्सयविसए परिसिट्टं दट्टव्वं।

णमोऽत्थु णं समणस्स भगवओ णायपुत्तमहावीरस्स

पढमं परिसिइं

द्सासुयक्बंधस्स अट्टममज्झयणं

अहवा

न्**रम्यस्ट्रा**स

नमो अरिहंताणं, नमो सिद्धाणं, नमो आयरियाणं, नमो उवज्झायाणं, नमो लोए सन्वसाहणं । एसो पंचनसुकारो, सन्वपावप्पणासणो । मंगलाणं च सन्वेसिं, पढमं हवड मंगलं ॥ १ ॥ तेणं कालेणं तेणं समएणं समणे भगवं महावीरे पंच-हत्थुत्तरे हृत्था, तंजहा-हत्थुत्तराहिं चुए चइत्ता गब्भं वक्कंते १ हत्थुत्तराहिं गब्भाओ गर्क साहरिए २ हत्थुत्तराहिं जाए ३ हत्थुत्तराहिं मुंडे भवित्ता अगाराओ अणगारियं पव्वइए ४ हत्थुत्तराहिं अणंते अणुत्तरे निव्वाघाए निरावरणे कसिणे पिडपुण्णे केव-लवरनाणदंसणे समुप्पन्ने ५ साइणा परिनिव्वए भयवं ६ ॥ २ ॥ तेणं कालेणं तेणं समएणं समणे भगवं महावीरे जे से गिम्हाणं चडत्थे मासे अद्वमे पक्खे आसाढसुद्धे तस्स णं आसाढसुद्धस्स छद्वीपक्खेणं महाविजयपुप्फुत्तरपवरपुंडरीयाओ महाविमा-णाओ वीसंसागरोवमद्विइयाओ आउक्खएणं भवक्खएणं ठिइक्खएणं अणंतरं चयं चड़ता इहेव जंब़द्दीवे दीवे भारहे वासे दाहिण हू भरहे इमीसे ओसप्पिणीए सुसम-**खसमाए समाए विइक्नंताए १ खसमाए समाए विइक्नंताए २ खसमदुसमाए समाए** विइक्कंताए ३ दुसमसुसमाए समाए वहुविइक्कंताए-सागरोवमकोडाकोडीए बायाळी-(साए)सवाससहस्सेहिं ऊणियाए पंचहत्तरिवासेहिं अद्भनवमेहि य मासेहिं सेसेहिं-इक्कवीसाए तित्थयरेहिं इक्खागकुलसमुप्पन्नेहिं कासवगुत्तेहिं, दोहि य हरिवंसकुल-समुप्पन्नेहिं गोयमसगुत्तेहिं, तेवीसाए तित्थयरेहिं विइक्कंतेहिं, समणे भगवं महावीरे च(रिम)रमतित्थयरे पुव्यतित्थयरनिद्दिहे माहणकुंडग्गामे नयरे उसभदत्तस्स माह-णस्स कोडालसगुत्तस्स भारियाए देवाणंदाए माहणीए जालंघरसगुत्ताए पुन्वरत्ता-वरत्तकालसमयंसि हत्थत्तराहिं नक्खत्तेणं जोगमुवागएणं आहारवक्कंतीए भववक्कंतीए सरीरवक्षंतीए कुच्छिस गव्भताए वक्षंते ॥ ३ ॥ समणे भगवं महावीरे तिन्नाणो-वगए यावि हुत्था-चइस्सामित्ति जाणइ, चयमाणे न जाणइ, चुएमित्ति जाणइ। जं १ परि०

रयणिं च णं समणे भगवं महावीरे देवाणंदाए माहणीए जालंघरसगुत्ताए कुच्छिसि गब्भत्ताए वक्कंते तं रयणि च णं सा देवाणदा माहणी सयणिजंसि सुतजागरा ओहीरमाणी २ इमेयारूवे उराले कल्लाणे सिवे धन्ने मंगले सस्सिरीए चउद्दसमहा-सुमिणे पासित्ताणं पिडवुदा, तंजहा-गर्य-वसहे-सीहे-अभिसेर्य-दामं-र्सस-दिणयँरं र्झयं कुंभं। पडमसेर-सागर-विमाणभवंग-रयणुचैय-सिहिं च ॥ १ ॥ ४ ॥ तए णं सा देवा-णंदा माहणी इमे एयारूवे उराले कल्लाणे सिवे धन्ने मंगल्ले सस्सिरीए चउदसमहासुमिणे पासित्ताणं पिडवुद्धा समाणी हट्टतुहुचित्तमाणंदिया पीइमणा परमसोमणस्सिया हरि-सवसविसप्पमाणिहयया धाराहयकैलंबुगंपिव समुस्सिसयरोमकृवा सुमिणुग्गहं करेड् सुमिणुग्गहं करित्ता सयणिजाओ अब्मुद्देइ अब्मुद्धिता अतुरियमचवलमसंभंताए रायहं-ससरिसीए गईए जेणेव उसभदत्ते माहणे तेणेव उवागच्छइ उवागच्छिता उसभदत्तं माहणं जएणं विजएणं वद्धावेइ बद्धावित्ता भहासणवरगया आसत्था वीसत्था सहा-सणवरगया करयलपरिग्गहियं दसनहं सिरसावत्तं मत्थए अंजलिं कट्ट एवं वयासी-एवं खळु अहं देवाणुप्पिया! अज्ज सयणिजंसि सत्तजागरा ओहीरमाणी २ इमेया-रूवे उराले जाव सस्सिरीए चउइसमहासुमिणे पासित्ताणं पडिव्रद्धा. तंजहा-गय जाव सिहिं च । एएसिं देवाणुप्पिया ! उरालाणं जाव चउइसण्हं महासुमिणाणं के मन्ने कल्लाणे फलवित्तिविसेसे भविस्सइ ? ॥ ५-६ ॥ तए णं से उसभदत्ते माहणे देवाणंदाए माहणीए अंतिए एयमहं सुचा निसम्म हट्टतुट्ट जाव हियए धाराहयकलं-ब्रयंपिव समस्सित्यरोमकृवे सुमिणुग्गहं करेइ करित्ता ईहं अणुपविसइ अणुपविसित्ता अप्पणो साहाविएणं महपूर्वएणं बुद्धिविण्णाणेणं तेसिं समिणाणं अत्युगाहं करेड २ ता देवाणंदं माहणि एवं वयासी-उराला णं तुमे देवाणुप्पिए! सुमिणा दिट्टा, कल्लाणा (णं) सिवा घन्ना मंगला सस्सिरीया आरुगतुद्विदीहाउकलाणमंगलकारगा णं तुमे देवाणुप्पिए! सुमिणा दिद्वा, तंजहा-अत्थलाभो देवाणुप्पिए! भोगलाभो देवाणुप्पि ए! पुत्तलाभो देवाणुप्पिए! सुक्खलाभो देवाणुप्पिए! एवं खल तुमं देवाणुप्पिए! नवण्हं मासाणं बहु पिडिपुञ्चाणं अद्धट्टमाणं राइंदियाणं विइक्कंताणं सुकुमालपाणिपायं अहीणपिडपुन्नपंचिदियसरीरं लक्खणवंजणगुणोववेयं माणुम्माणपमाणपिडपुन्नसजाय-सन्वंगसंदरंगं सिससोमाकारं कंतं पियदंसणं सुरूवं देवकुमारोवमं दारयं पयाहिसि ॥ ७-८ ॥ से वि य णं दारए उम्मुक्कबालभावे विन्नायपरिणयमित्ते जोव्वणगमणुप्पत्ते रिउव्वेयजउव्वेयसामवेयअथव्वणवेय-इतिहासपंचमाणं नि(ग)घंदुछद्वाणं संगोवं-गाणं सरहस्साणं चडण्हं वेयाणं सारए, पारए (वारए), धारए, सडंगवी, सद्वितंतिव

१ कयंबपुप्फगंपिव ।

सारए, संखाणे [सिक्खाणे] सिक्खाकप्पे वागरणे छंदे निस्ते जोइसामयणे अन्नेस य बहुसु बंभण्णएसु परिव्वायएसु नएसु सुपरिनिद्रिए यावि भविस्सइ ॥ ९ ॥ तं उराला णं तुमे देवाणुप्पिए ! सुमिणा दिद्वा जाव आरुग्गतुद्विदीहाउयमंगहकल्लाणकारगा णं तुमे देवाणुप्पिए ! सुमिणा दिद्वत्तिकृष्ट भुज्जो २ अणुबृहृइ ॥ १० ॥ तए णं सा देवा-णंदा माहणी उसभदत्तस्स माहणस्स अंतिए एयमद्रं सुचा निसम्म हट्टतुट्ट जाव हियया जाव करयलपिगगिहयं दसनहं सिरसावत्तं मत्थए अंजिलं कट्ट उसभदत्तं माहणं एवं वयासी-एवमेयं देवाणुप्पिया! तहमेयं देवाणुप्पिया! अवितहमेयं देवा-णुप्पिया ! असंदिद्धमेयं देवाणप्पिया ! इच्छियमेयं देवाणुप्पिया ! पिडच्छियमेयं देवाणुप्पिया ! इच्छियपिडिच्छियमेयं देवाणुप्पिया !, सच्चे णं एस(अ)मट्टे से जहेयं तुन्भे वयहत्तिकट्ट ते सुमिणे सम्मं पिडच्छइ २ ता उसभदत्तेणं माहणेणं सिर्द्ध उरालाई माणुस्सगाई भोगभोगाई भुंजमाणी विहरइ ॥ ११-१२ ॥ तेणं कालेणं तेणं समएणं सक्के देविंदे देवराया वज्जपाणी पुरंदरे सयक्कऊ सहस्सक्खे मघवं पागसासणे दाहिणब्रलोगाहिवई बत्तीसविमाणसयसहस्साहिवई एरावणवाहणे सुरिंदे अरयंबरवत्थवरे आलङ्यमालमज्डे नवहेमचारुचित्तचंचलकुंडलविलिहिजामाणगहे महिष्ट्रिए महज्बहए महाबले महायसे महाणुभावे महासुक्खे भासुर(बों)वंदी पलंब-वणमालधरे सोहम्मे कप्पे सोहम्मविंसए विमाणे सहम्माए सभाए सक्तंसि सीहा-सणंसि. से णं तत्थ वत्तीसाए विमाणावाससयसाहस्सीणं, चडरासीए सामाणिय-साहस्सीणं, तायत्तीसाए तायत्तीसगाणं, चउण्हं लोगपालाणं, अट्ठण्हं अग्गमहिसीणं सपरिवाराणं, तिण्हं परिसाणं, सत्तण्हं अणीयाणं, सत्तण्हं अणीयाहिवईणं, चडण्हं चउरासी(ए)णं आयरक्खदेवसाहस्सीणं, अन्नेसिं च बहुणं सोहम्मकप्पवासीणं वेमा-णियाणं देवाणं देवीण य आहेवचं पोरेवचं सामित्तं भट्टितं महत्तरगत्तं आणाईसर-सेणावचं कारेमाणे पालेमाणे महया हयनहगीयवाइयतंतीतलतालत्रियघणम्इंगपड-पडह्वाइयरवेणं दिव्वाइं भोगभोगाइं भुंजमाणे विहरइ ॥ १३ ॥ इमं च णं केवल-कप्पं जंबुद्दीवं दीवं विजलेणं ओहिणा आभोएमाणे २ विहरद्द, तत्थ णं समणं भगवं महावीरं जंब्रद्दीवे दीवे भारहे वासे दाहिणकूभरहे माहणकुंडग्गामे नयरे उसम-दत्तस्स माहणस्य कोडालसगुत्तस्स भारियाए देवाणंदाए माहणीए जालंधरसगुत्ताए कुर्च्छिसि गब्भताए वक्कंतं पासइ २ ना हद्वतुद्वचित्तमाणंदिए णंदिए परमाणंदिए पीइमणे परमसोमणस्सिए हरिसवसविसप्पमाणहियए धाराहय(कयंब)नीवसुरभिकु-सुमचंचुमालइयऊससियरोमकूवे वियसियवरकमलनयणवयणे पयलियवरकडगतुडि-यकेऊरमङङकंडलहारविरायंतवच्छे पालंबपलंबमाणघोलंतभसणधरे ससंभमं तरियं

चवलं सरिंदे सीहासणाओ अब्भुद्धेइ २ ता पायपीढाओ पचोरुहइ २ ता वेरुलि-यवरिद्वरिद्वंजणनिउणो(वचि)वियमिसिमिसितमणिर्यणमंडियाओ पाउयाओ ओमु-यइ २ ता एगसाडियं उत्तरासंगं करेइ २ ता अंजलिमडलियग्गहत्थे तित्थयराभिमुहे सत्तद्वपयाइं अणुगच्छइ २ ता वामं जाणुं अंचेइ २ ता दाहिणं जाणुं धरणियलंसि साह ट्ट तिक्खत्तो मुद्धाणं धरणियलंसि निवेसे इर ता ईसिं पञ्चनम इर ता करयल-परिग्गहियं दसनहं सिरसावत्तं मत्थए अंजिंछं कट्टू एवं वयासी–नमुत्थु णं अरिहंताणं भगवंताणं, आइगराणं तित्थयराणं सयंसंबुद्धाणं, पुरिसुत्तमाणं पुरिससीहाणं पुरिसवर-पुंडरीयाणं पुरिसवरगंधहत्थीणं, लोगुत्तमाणं लोगनाहाणं लोगहियाणं लोगपईवाणं लोगपज्जोयगराणं, अभयद्याणं चक्खुद्याणं मगगद्याणं सरणद्याणं जीवद्याणं बोहिदयाणं, धम्मदयाणं धम्मदेसयाणं धम्मनायगाणं धम्मसारहीणं धम्मवरचाउरंत-चक्कवट्टीणं, दीवो ताणं सरणं गई पइड्रा अप्पिडहयवरनाणदंसणधराणं वियद्वछउमाणं. जिणाणं जावयाणं तिन्नाणं तारयाणं बुद्धाणं बोहयाणं मुत्ताणं मोयगाणं सव्वण्णूणं सव्वदरिसीणं. सिवमयलमस्यमणंतमक्खयमन्वाबाह्मपुणरावित्तिसिद्धिगइनामधेयं ठाणं संपत्ताणं, नमो जिणाणं जियभयाणं । नमुत्थु णं समणस्स भगवओ महावीरस्स आइगरस्स चरमतित्थयरस्स पुर्वातित्थयर्निहिद्धस्स जाव संपाविउकामस्स । वंदामि णं भगवंतं तत्थगयं इहगए, पास(इ)उ मे भगवं तत्थगए इहगयंतिकद्व समणं भगवं महावीरं वंदइ नमंसइ वं० २ ता सीहासणवरंसि पुरत्थाभिमुहे सिन्नसन्ने ॥ १४-१५॥ तए णं तस्स सक्करस देविंदरस देवरन्नो अयमेयारूवे अज्झत्थिए चिंतिए पत्थिए मणोगए संकप्पे समुप्पजित्था-न खलु एयं भूयं, न एयं भव्वं, न एयं भविस्सं, जं णं अरहंता वा चक्कवट्टी वा वलदेवा वा वासुदेवा वा अंतकुलेस वा जाव भिक्खागकुळेसु वा माहणकुळेसु वा आयाइंसु वा आयाइंति वा आयाइस्संति वा ॥ १६ ॥ एवं खल्ल अरहंता वा चक्कवट्टी वा बलदेवा वा वासुदेवा वा उगगकुलेस वा भोगकुलेसु वा राइण्णकुलेसु वा इक्खागकुलेसु वा खत्तियकुलेसु वा हरिवंसकुलेसु वा अन्नयरेसु वा तहप्पगारेसु विसुद्धजाइकुलवंसेसु आयाइंसु वा आयाइंति वा आयाइस्संति वा ॥ १७ ॥ अत्थि पुण एसे वि भावे लोगच्छेरयभूए अणंताहिं उस्सप्पिणीओसप्पिणीहिं विइक्कंताहिं समुप्पज्जइ, नामगुत्तस्स वा कम्मस्स अवस्ती-णस्स अवेइयस्स अणिजिण्णस्स उदएणं, जं णं अरहंता वा चक्कवट्टी वा बलदेवा वा वासुदेवा वा अंतकुलेस वा जाव माहणकुलेस वा आयाईस वा ३, कुचिछिस गब्भत्ताए वक्कमिंस वा वक्कमंति वा वक्कमिस्संति वा, नो चेव णं जोणीजम्मणनिक्खम-णेणं निक्खर्मिष्ठ वा निक्खमंति वा निक्खमिस्संति वा ॥ १८ ॥ अयं च णं समणे

भगवं महावीरे जंबुद्दीवे दीवे भारहे वासे माहणकुंडग्गामे नयरे उसभदत्तस्स माह-णस्स कोडालसगुत्तस्स भारियाए देवाणंदाए माहणीए जालंधरसगुत्ताए कुच्छिसि गब्भताए वक्तेते ॥ १९ ॥ तं जीयमेयं तीयपञ्चपनमणागयाणं सक्काणं देविंदाणं देवरा(ई)याणं अरहंते भगवंते तहप्पगारेहिंतो अंतकुलेहिंतो जाव कि(वि)वण-कुलेहितो॰ तहप्पगारेस उग्गकुलेस वा जाव राइण्णकुलेस वा नाय(०)खत्तियह-रिवंगकुलेमु वा अन्नयरेमु वा तहप्पगारेमु विमुद्धजाइकुलवंसेमु (जाव रज्जसिरिं कारेमाणेसु पाळेमाणेसु) वा साहरावित्तए, तं सेयं खलु मम वि समणं भगवं महावीरं चरमितत्थयरं पुव्वतित्थयरिनिहिट्टं माहणकुंडग्गामाओ नयराओ उसमदत्तस्स माह-णस्य कोडालसगुत्तस्स भारियाए देवाणंदाए माहणीए जालंधरसगुत्ताए कुच्छीओ सिन्यकंडरगामे नयरे नायाणं खत्तियाणं सिद्धत्थस्स खत्तियस्स कासवगुत्तस्स भारि-याए तिसलाए खत्तियाणीए वासिट्टसगुत्ताए कुच्छिसि गब्भत्ताए साहरावित्तए। जे र्धिय णं से तिसलाए खत्तियाणीए गब्भे तं पिय णं देवाणंदाए माहणीए जालं-धररागृत्ताए कुर्च्छिसि गब्भत्ताए साहरावित्तएत्तिकहु एवं संपेहेइ २ ता हरिणेगमेसिं अग्गा(पायत्ता)णीयाहिवइं देवं सहावेइ २ ता एवं वयासी-एवं खळु देवाणुप्पिया ! न एवं भ्यं, न एयं भव्वं, न एयं भविस्सं, जं णं अरहंता वा चक्कवट्टी वा बलदेवा वा यामुदेत्रा वा अंतकुलेसु वा जाव भिक्खागकुलेसु वा॰ आयाईसु वा ३, एवं खलु अ(रि)रहंता वा चक्कवट्टी वा वलदेवा वा वासुदेवा वा उग्गकुलेसु वा जाव हरिवंस-कुळेगु वा अञ्चयरेसु वा तहप्पगारेसु विसुद्धजाइकुलवंसेसु आयाईसु वा ३ ॥ २०–२१ ॥ अस्थि पुण एसे वि भावे लोगच्छेरयभूए अर्णताहिं उस्सप्पिणीओसप्पिणीहिं विइक्कं-तार्हि समुष्यज्ञह, नामगुत्तस्स वा कम्मस्स अक्खीणस्स अवेहयस्स अणिजिण्णस्स उद्गणां, जं णं अरहंता वा चक्कवट्टी वा वलदेवा वा वासुदेवा वा अंतकुलेसु वा जाय भिन्नवागकुलेस वा० आयाईस वा ३, कुच्छिसि गब्भताए वक्समेंस वा ३, नो चैत्र णं ओणी जम्मणनिक्खमणेणं निक्खमिंस वा ३ ए २२ ॥ अयं च णं समणे भगवं महायोर जंबुद्दीचे दीचे भारहे वासे माहणकुंडग्गामे नयरे उसभदत्तस्स माहणस्स कोडालमगुनस्य भारियाए देवाणंदाए माहणीए जालंबरसगुताए कुर्न्छिस गब्भताए कारं। ।। २३ ।। तं जीयमेयं तीयपञ्च पण्णमणागयाणं सक्काणं देविंदाणं देवराईणं अर-हेत मगानि तहप्पगारेहिंतो अंतकुळेहिंतो जाव माहणकुळेहिंतो तहप्पगारेस उमाकु-तेम या भोगकुळेसु वा जाव हरिवंसकुलेस वा अन्नयरेस वा तहप्पगारेस विसुद्धजाइ-कुरुंभेग नाहरावित्तए ॥ २४ ॥ तं गच्छ णं तुमं देवाणुप्पिया ! समणं भगवं महा-वीरं भारण कंडरगामाओ नयराओ उसमदत्तस्स माहणस्स कोडालसगुत्तस्स भारियाए

देवाणंदाए माहणीए जालंधरसगुत्ताए कुच्छीओ खत्तियकुंडग्गामे नयरे नायाणं खित्रयाणं सिद्धत्थस्स खितयस्स कासवगुत्तस्स भारियाए तिसलाए खित्रयाणीए वासिद्रसग्रताए कुच्छिसि गब्भताए साहराहि, जे वि य णं से तिसलाए खत्तियाणीए गब्भे तं पि य णं देवाणंदाए माहणीए जालंधरसगुताए कृच्छिसि गब्भताए साहराहि साहरित्ता मम एयमाणत्तियं खिप्पामेव पचप्पिणाहि ॥ २५ ॥ तए णं से हरिणेगमेसी अग्गाणीयाहिवई देवे सक्केणं देविंदेणं देवरन्ना एवं वृत्ते समाणे हद्रतद्र जाव हियए करयल जाव त्तिकहू एवं जं देवो आणवेइत्ति आणाए विणएणं वयणं पडिस्रणेड २ ता सक्करस देविंदरस देवरत्रो अंतियाओ पडिनिक्खमड २ ता उत्तरपुरच्छिमं दिसीभागं अवक्रमइ २ ता वेउव्वियसमुग्घाएणं समोहणइ २ ता संखिजाइं जोयणाइं दंडं निसिरइ, तंजहा-रयणाणं वहराणं वेरुलियाणं लोहियक्खाणं मसारगल्लाणं हंसगब्भाणं पुलयाणं सोगंधियाणं जोईरसाणं अंजणाणं अंजणपुलयाणं जायरूवाणं सुभगाणं अंकाणं फलिहाणं रिद्राणं. अहावायरे पुरगले परिसाडेइ २ ता अहासुहुमे पुरगले परिया(ए)दियइ २ ता दुर्चिप वेउविवयसमुख्याएणं समोहणइ २ ता उत्तरवेउविवयहवं विउव्वइ २ ता ताए उक्किद्राए तुरियाए चवलाए चंडाए ज(य)इणाए उद्ध्याए सिग्घाए दिव्वाए देवगईए वीइवयमाणे २ तिरियमसंखिजाणं दीवसमुद्दाणं मज्झेमज्झेणं जेणेव जंबदीवे दीवे भारहे वासे जेणेव माहणकुंडग्गामे नयरे जेणेव उसभदत्तस्स माह-णस्स गिहे जेणेव देवाणंदा माहणी तेणेव उवागच्छा २ ता आलोए समणस्स भगवओ महावीरस्स पणामं करेइ २ ता देवाणंदाए माहणीए सपरिजणाए ओसो-विण दलइ २ ता असुमे पुग्गले अवहरइ २ ता सुमे पुग्गले पिक्खवइ २ ता अणुजाणड मे भ(य)गवंतिकद्भ समणं भगवं महावीरं अव्वाबाहं अव्वाबाहेणं दिन्वेणं पहावेणं करयलसंपुडेणं गिण्हइ २ ता जेणेव खत्तियकुंडग्गामे नयरे जेणेव सिद्धत्थरस खत्तियस्स गिहे जेणेव तिसला खत्तियाणी तेणेव उवागच्छड २ ता तिसलाए खत्तियाणीए सपरिजणाए ओसोवणिं दलइ २ ता असुमे पुग्गले अवहरइ २ ता सुमे पुग्गले पिक्खवइ २ ता समणं भगवं महावीरं अव्वाबाहं अव्वाबाहेणं तिसलाए खित्रयाणीए कुच्छिसि गब्भताए साहरइ (२ त्ता), जे वि य णं से तिसलाए खत्तियाणीए गन्भे तं पि य णं देवाणेदाए माहणीए जालंघरसगुत्ताए क्रिट्छिस गब्भत्ताए साहरइ २ ता जामेव दिसिं पाउब्भूए तामेव दिसिं पिडिगए ॥ २६-२७॥ ताए उक्किद्वाए तुरियाए चवलाए चंडाए जवणाए उद्भुयाए सिग्घाए दिव्वाए देव-गईए तिरियमसंखिजाणं दीवसमुद्दाणं मज्झंमज्झेणं जोयणसाह स्सिएहिं विमाहेहिं

उप्पयमाणे २ जेणामेव सोहम्मे कप्पे सोहम्मविंसए विमाणे सक्कंसि सीहासणंसि सक्ते देविंदे देवराया तेणामेव उवागच्छइ २ ता सक्तस्स देविंदस्स देवरन्नो एयमा-णत्तियं खिप्पामेव पचप्पिणइ ॥ २८ ॥ तेणं कालेणं तेणं समएणं समणे भगवं महावीरे जेसे वासाणं तचे मासे पंचमे पक्खे आसोयबहुळे तस्स णं आ(अस)सो-यवहुलस्स तेरसीपक्खेणं बासीइराइंदिएहिं विइक्कंतेहिं तेसीइमस्स राइंदियस्स अंतरा वद्रमा(णस्स)णे हियाणुकंपएणं देवेणं हरिणेगमेसिणा सक्कवयणसंदिद्रेणं माहणकुंड-ग्गामाओ नयराओ उसभदत्तस्स माहणस्स कोडालसगुत्तस्स भारियाए देवाणंदाए माहणीए जालंधरसगुत्ताए कुच्छीओ खत्तियकुंडग्गामे नयरे नायाणं खत्तियाणं सिद्धत्थस्य खत्तियस्य कासवगुत्तस्य भारियाए तिसलाए खत्तियाणीए वासिद्धसगुत्ताए पुरुवरत्तावरत्तकालसमयंसि हत्थ्रत्तराहिं नक्खत्तेणं जोगमुवागएणं अव्वावाहं अव्वा-वाहेणं कुच्छिसि गब्भताए साहरिए ॥ २९ ॥ तेणं कालेणं तेणं समएणं समणे भगवं महावीरे तिञ्चाणोवगए यावि हृत्था, तंजहा-साहरिजिस्सामित्ति जाणइ. साहरिजमाणे न जाणइ, साहरिएमित्ति जाणइ॥ ३०॥ जं रयणि च णं समणे भगवं महावीरे देवाणंदाए माहणीए जालंधरसगुत्ताए कुच्छीओ तिसलाए खत्तिया-णीए वासिद्वसगुत्ताए कुच्छिसि गब्भत्ताए साहरिए तं रयणि च णं सा देवाणंदा भाहणी सयणिजंसि सत्तजागरा ओहीरमाणी २ इमेयारूवे उराले कल्लाणे सिवे धन्ने मंगहें सस्सिरीए चउइसमहासुमिणे तिसलाए खत्तीयाणीए हडेति पासिताणं पडिबुद्धा. तंजहा-गय जाव सिहिं च ॥ ३१ ॥ जं स्यणि च णं समणे भगवं महावीरे देवाणंदाए माहणीए जालंघरसगुत्ताए कुच्छीओ तिसलाए खत्तियाणीए वासिद्रस-गुताए कुच्छिस गब्भताए साहरिए तं रयणि च णं सा तिसला खत्तियाणी तंसि तारिसगंसि वासघरंसि अब्भितरओ सचित्तकम्मे बाहिरओ दूमियघट्टमट्ठे विचित्तड-ह्रोयचिह्नियत्हे मणिर्यणपणासियंत्रयारे बहुसमसुविभत्तभूमिभागे पंचवन्नसरसस्र-भिमुक्षपुष्पपुंजीवयारकलिए कालागुरुपवरकुंदुरुकतुरुक्षडज्झंतध्रवमधमघंतगंधुद्धया-भिरामे सुगंधवरगंधिए गंधवट्टिभए तंसि तारिसगंसि सयणिजंसि सालिंगणवट्टिए उमओ विब्बोयणे उमओ उन्नए मज्झे णयगंभीरे गंगापुलिणवालुयाउद्दालसालिसए ओयवियखोमियद्गुल्लपट्टपिडच्छन्ने सुविरइयर्यताणे रत्तंस्यसंव्ए सरम्मे आइणगस्य-वूरनवणीयत्लतुल्रफासे सुगंधवरकुसुमचुन्नसयणोवयारकलिए, पुन्वरत्तावरत्तकालसम-यंसि सुत्तजागरा ओहीरमाणी २ इमेयास्वे उराले जाव चउदसमहासुमिणे पासित्ताणं

९ हिएण-अप्पणो इंदरस य हियकारिणा तहा अणुकंपएणं-भगवओ भत्तेणं ति अहो।

पडिबुद्धा, तंजहा-गर्य-वसहै-सीहै-अभिसेर्य-दार्म-र्सस-दिणयँरं झर्यं कुंभें। पउ-मसेर्र-सार्गर-विमाणभवण-रयणुचेय-सिहिं च ॥ १ ॥ ३२ ॥ तए णं सा तिसला खत्तियाणी तप्पडमयाए तिओ योचउद्दंतमृसियगलियविपुलजलहरहारनिकरखीरसा-गरससंक्रकरणदगरयरययमहासेलपंडु(रं)रतरं समागयमहयरसुगंथदाणवासियक्(पो)-वोलमूलं देवरायकुंज(रं)र(व)वरप्पमाणं पिच्छइ सजलघणविपुलजलहरगज्जियगंभी-रचारुघोसं इमं सुमं सब्वलक्खणकयंबियं वरोरं १ ॥ ३३ ॥ तओ पुणो धवल-कमलपत्तपयराइरेगरूवप्पभं पहासमुदओवहारेहिं सन्वओ चेव दीवयंतं अइसिरि-भरपिल्लणाविसप्पंतकंतसोहंतचारककुहं तणुसु(द्ध)इसकुमाललोमनिद्धच्छविं थिरसव-द्धमंसलोवचियलद्रसुविभत्तसुंदरंगं पिच्छइ घणवद्दलद्वउक्विद्वविसिद्वतुप्पग्गतिक्खसिंगं दंतं सिवं समाणसोहंतसुद्धदंतं वसहं अमियगुणमंगलमुहं २ ॥ ३४ ॥ तओ पणो हारनिकरखीरसागरससंककिरणदगरयरययमहासेलपंडु(रतरं)रंगं रमणिजापिच्छणिजं थिरलद्रपउद्रवदृपीवर्सुसिलिट्ठविसिट्ठतिक्खदाढाविडंबियसुहं परिकम्मियजचकमलको-मलपमाणसोहंतलहुउद्गं रत्तुप्पलपत्तमस्यसुकुमालताळुनिळालियग्गजीहं मसागयपवर-कणगतावियआवत्तायंतवदृति डियविमलसरिसनयणं विसालपीवरवरोहं पडिपन्नविम-लखंधं मिउविसयसुहुमलक्खणपसत्थविच्छित्रकेसराडोवसोहियं ऊसियसुनिम्मियसु-जायअप्फोडियलंगूलं सोमं सोमाकारं लीलायंतं नहयलाओ ओवयमाणं नियगवय-णमइवयंतं पिच्छइ सा गाडतिकखग्गनहं सीहं वयणसिरीप(लंब) छवपत्तचारु औहं ३ ॥ ३५ ॥ तओ पुणो पुण्णचंदवयणा उचागयठाणलहसंठियं पसत्यस्वं सुपइहिय-कणग(मय)कुम्मसरिसोवमाणचलणं अच्चन्नयपीणरइयमंसलउ(वचि)न्नयतणुतंविन-द्धनहं कमलपलाससुकुमालकरचरणकोमलवरंगुलिं कुरुविंदावत्तवट्टाणुपुञ्वजंघं निगृह-जाणं गयवरकरसरिसपीवरोरं चामीकररइयमेहलाजुत्तकंतविच्छित्रसोणिचक्कं जर्च-जणभमरजलयपयरउज्जयसमसंहियतणुयआइज्जलडहसुकुमालमउयरमणिज्जरोमराङ् . नाभीमंडलसंदरविसालपसत्यजघणं करयलमाइयपसत्यतिवलियमज्झं नाणामणिक-णगरयणविमलमहातवणिज्जाभरणभूसणविराइ(यमंगु)यंगोवंगि हारविरायंतकुंदमालप-रिणद्भजलजलितथणज्ञयलिमलकलसं आइयपत्तियविभूसिएणं सुभगजालुजलेणं मुत्ताकलावएणं उरत्थदीणारमा(ल)लियविराइएण कंठमणिमुत्तएण य कुंडलजुयलुलु-संतअंसोवसत्तसोभंतसप्पभेणं सोभागुणसमुदएणं आणणकुडुंबिएणं कमलामलविसा-लरमणिज्ञलोय(णि)णं कमलपज्जलंतकरगहियमुक्कतोयं लीलावायकयपन्खएणं सुवि-संदकसिणघणसण्हलंबंतकेसहत्थं पडमदृहकमलवासिणि सिर्रि भगवइं पिच्छइ हिम-वंतसेलसिहरे दिसागइंदोरुपीवरकराभिसिचमाणि ४ ॥ ३६ ॥ तओ पुणो सरस-

कुसुममंदारदामरमणिज्ञभूयं चंपगासोगपुत्रागनागिपयंगुसिरीसमुगगरगमिलयाजाइ-ज्हिअंकोल्रकोज्जकोरिंटपत्तदमणयनवमालियवउलतिलयवासंतियपउमुप्पलपाडलकुं-दाइम् त्तर्संहकारसरभिगंधिं अणुवममणोहरेणं गंधेणं दसदिसाओवि वासयंतं सन्वो-उयसुरभिकुसुममळ्यवलविलसंतकंतवहवण्णभत्तिचित्तं छप्पयमहयरिभमरगणगुमगु-मायंतनिळितगुंजंतदेसभागं दामं पिच्छइ नहंगणतळाओ ओवयंतं ५॥ ३०॥ ससिं च गोखीरफेणदगरयरययकलसपंड्ररं सुभं हिययनयणकंतं पडिपुण्णं तिमिरनिकरघण-गुहिरवितिमिरकरं पमाणपक्खंतरायलेहं कुमुयवणविवोहगं निसासोहगं सुपरिमद्ध-दप्पणतलोवमं हंसपडुवण्णं जोइसमुहमंडगं तमरिपुं मयणसरापूरगं समृहदगपूरगं दुम्मणं जणं दइयवज्जियं पायएहिं सोसयंतं पुणो सोमचारुहवं पिच्छइ सा गगण-मंडलविसालसोमचंक्रममाणतिल(गं)यं रोहिणिमणहिययवल्लहं देवी पुण्णचंदं समुल्ल-संतं ६ ॥ ३८ ॥ तओ पणो तमपडलपरिप्फडं चेव तेयसा पज्जलंतरूवं रत्तासोग-पगासिकः सुयसुयसहरां जद्धरागसरिसं कमलवणालंकरणं अंकणं जोइसस्स अंबरतल-पईवं हिमपडलगलग्गहं गहगणोरुनायगं रत्तिविणासं उदयत्थमणेसु महत्तसह-दंसणं दुन्निरिक्खरूवं रत्तिसुद्धंतदुप्पयारप्पमदृणं सीयवेगमहृणं पिच्छइ मेरुगिरि-सययपरियदृयं विसालं स्रं रस्सीसहस्सपयलियदित्तसोहं ७ ॥ ३९ ॥ तओ पुणो जचकणगलद्रिपइद्रियं समहनीलरत्तपीयसुक्किल्लसुकुमाञ्जलसियमोरपिच्छकयमुद्धयं धयं अहियसस्मिरीयं फालियसंखंककंददगरयरययकलसपंडरेण मत्थयत्थेण सीहेण राय-माणेण रायमाणं भित्तं गगणतलमंडलं चेव ववसिएणं पिच्छइ सिवमडयमास्यल-याहयकंपमाणं अइप्पमाणं जणिपच्छणिज्ञह्वं ८॥४०॥ तओ पुणो जचकंचणुज्जलं-तस्त्रं निम्मलजलपुण्णमुत्तमं दिप्पमाणसोहं कमलकलावपरिरायमाणं पिडपुण्ण[य]-सब्वमंगलभेयसमागमं पवररयणप(रि)रायंतकमलद्वियं नयणभूसणकरं पभासमाणं सञ्बओ चेव दीवयंतं सोमलच्छीनिभेलणं सञ्बपावपरिव ज्ञियं सुभं भासुरं सिरिवरं सञ्बो-उयमुरभिकुमुभआसत्तमहृदामं पिच्छइ सा रययपुण्णकलसं ९ ॥ ४१ ॥ तओ पुणो (पुणर्चि) रविकिरणतरुणवोहियसहस्सपत्तसुरभितर्पिजरजळं जळचरपहकरपरिहृत्थ-गमच्छपरिभुजमाणजलसंचयं महंतं जलंतमिव कमलक्षवलयउप्पलतामरसपुंडरीय-उरुसप्पमाणसिरिसमुदएणं रमणिजस्वसोहं पमुइयंतभमरगणमत्तमहुयरिगणुक्तरो-लि(ह्रि)ज्ञमाणकमलं कायंबगबलाहयचक्ककलहंससारसगव्वियसङणगणमिहुणसेविज्ञ-माणसिललं पडिमणिपत्तोवलग्गजलविंदुनिचयचित्तं पिच्छइ सा हिययनयणकंतं पड-

भंदारपारिजातियचंपगविज्ञलमचकुंदपाङलजायज्हियसुगंधगंधपुष्फमाला० ।
 परसमयाविक्खाए ।

मसरं नामसरं सरहहाभिरामं १०॥ ४२॥ तओ पुणो चंदकिरणरासिसरिससिरि-वच्छसोहं चउ(गु)गमणपवहूमाणजलसंचयं चवलचंचलुचायप्पमाणकल्लोललोलंततोयं पडपवणाहयच लिय्चवलपागडतरंगरंगंतभंगखोखब्भमाणसोभंतिनम्मलुक्कडउम्मीसह-संबंधधावमा(णाव)णोनियत्तमासुरतराभिरामं महामगरमच्छतिमितिमिंगिलनिरुद्धति-ळितिलियाभिघायकप्परफेणपसरं महानईत्रियवेगसमागयभमगंगावत्तगुप्पमाणुचळंत-पचोनियत्तमममाणलोलसिललं पिच्छइ खीरोयसायरं सा रयणिकरसोमवयणा ११ ॥ ४३ ॥ तओ पुणो तरुणसूरमंडलसमप्पहं दिप्पमाणसोहं उत्तमकंचणमहामणिस-महपवरतेयअद्रसहस्सदिप्पंतनहप्पईवं कणगपयरलंबमाणमुत्तासमुज्जलं जलंतदि-व्बदामं ईहामिगउसभतुरगनरमगरविहगवालगिकन्नरुरुसरभचमरसंसत्तकंजरवणल-यपउमलयभत्तिचित्तं गंधव्वोपवज्जमाणसंपुण्णघोसं निचं सजलघणविउलजलहरग-जियसदाणुणाइणा देवदुंदुहिमहार्वेणं सयलमवि जीवलोयं पूरयंतं कालागुरुपव-रकुंद्रुकतुरुक्कडज्झंतध्रव(सार)वासंग(यं)उत्तममधमधंतगंधुद्धयाभिरामं सेयं सेयप्पमं सुरवराभिरामं पिच्छइ सा साओवभोगं वरविमाणपुंडरीयं १२ ॥ ४४ ॥ तओ पुणो पुलगवेरिंदनीलसासगकक्षेयणलोहियक्खमरगयमसारगहपवा-लफलिहसोगंधियहंसगब्भअंजणचंदप्पहवररयणेहिं महियलपइद्वियं गगणमंडलंतं पभासयंतं तुंगं मेहिगिरिसंनि(गा)कासं पिच्छइ सा रयणनिकररासिं १३॥ ४५॥ सिहिं च-सा विउल्जालपिंगलमहघयपरिसिचमाणनिद्धमधगधगाइयजलंतजालुजाला-भिरामं तरतमजोगजुत्तेहिं जालपयरेहिं अण्णुण्णमिव अणुप्पइण्णं पिच्छइ जालु-जलण(ग)गं अंबरं व कत्थइ पयंतं अइवेगचंचलं सिहिं १४॥ ४६॥ इमे एयारिसे सुभे सोमे पियदंसणे सुरूवे सुमिणे दृहुण सयणमज्झे पिडवुद्धा अरविंदलोग्रणा हरिसपुलङ्यंगी। एए चउदससुमिणे, सन्वा पासेइ तित्थयरमाया। जं रयणि वक्रमई, कुच्छिसि महायसो अरहा ॥ १ ॥ ४७ ॥ तए णं सा तिसला खत्तियाणी इमे एयारुवे उराले चउइसमहासुमिणे पासित्ताणं पडिवुद्धा समाणी हद्वतुद्व जाव हियया धाराहयकयंबपुप्फगंपिव समुस्सिसयरोमकूवा सुमिणुग्गहं करेइ २ ता सयणिजाओ अब्भुद्वेइ २ ता पायपीढाओ पचोरुहइ २ ता अतुरियमचवलमसंमंताए अविलंबियाए रायहंससिरसीए गईए जेणेव सयणिजे जेणेव सिद्धत्थे खतिए तेणेव उवागच्छइ २ ता सिद्धत्थं खत्तियं ताहिं इट्टाहिं कंताहिं पियाहिं मणुण्णाहिं मणोरमाहिं उरालाहिं कल्लाणाहिं सिवाहिं धन्नाहिं मंगलाहिं सस्सिरीयाहिं हियय-गमणिजाहिं हिययपल्हायणिजाहिं मिउमहरमंजुलाहिं गिराहिं संलवमाणी २ पिंडबोहेंड् ॥ ४८ ॥ तए णं सा तिसला खत्तियाणी सिद्धत्थेणं रण्णा अन्भणूण्णाया

समाणी नाणामणिकणगर्यणभत्तिचित्तंसि भद्दासणंसि निसीयइ २ त्ता आसत्था वीसत्था सहासणवरगया सिद्धत्थं खत्तियं ताहिं इद्राहिं जाव संलवमाणी २ एवं वयासी-एवं खळु अहं सामी! अज्ज तंसि तारिसगंसि सयणिजंसि वण्णओ जाव पिडवादा. तंजहा-गय(उ)वसह० गाहा।तं एएसिं सामी! उरालाणं चउदसण्हं महा-सुमिणाणं के मन्ने कल्लाणे फलवित्तिविसेसे भविस्सइ ? ॥ ४९-५० ॥ तए णं से सिद्धत्ये राया तिसलाए खत्तियाणीए अंतिए एयमट्टं सुचा निसम्म हट्टतुट्टचित्ते जाव हियए धाराहयनीवसुरभिकुसुमचंचुमालइयरोमकृवे ते सुमिणे ओगिण(ह)हेइ २ त्ता ईहं अणुपविसइ २ ता अप्पणो साहाविएणं मइपुव्वएणं वुद्धिविण्णाणेणं तेसिं सुमिणाणं अत्थुरगहं करेड २ ता तिसलं खत्तियाणि ताहिं इद्राहिं जाव मंगलाहिं मिय-महरसिस्तिरीयाहिं वग्गृहिं संलवमाणे २ एवं वयासी-उराला णं तुमे देवाणुप्पिए! सुमिणा दिद्रा, कळाणा णं तुमे देवाणुप्पिए! सुमिणा दिद्रा, एवं सिवा, धन्ना, मंगला, सस्सिरीया, आरुगगत्रद्विदीहाउकलाणमंगलकारगा णं तुमे देवाण्पिए! सुमिणा दिहा, तंजहा-अत्थलाभो देवाणुप्पिए! भोगलाभो देवाणुप्पिए! पुत्तलाभो देवाणुप्पिए! सुक्खलाभो देवाणुप्पिए! रज्जलाभो देवाणुप्पिए!, एवं खलु तुमे देवाणुप्पिए ! नवण्हं मासाणं वहुपिडपुण्णाणं अद्धट्ठमाणं राइंदियाणं विइक्तंताणं अम्हं कुलकेउं, अम्हं कुलदीवं, कुलपव्वयं, कुलविंसयं, कुलतिलयं, कुलकित्तिकरं, कुलवित्तिकरं, कुलदिणयरं, कुलाधारं, कुलनंदिकरं, कुलजसकरं, कुलपायवं, कुलविव-द्भणकरं, सुकुमालपाणिपायं, अहीण(सं)पडिपुण्णपंचिंदियसरीरं, लक्खणवंजणगुणोव-वेयं, माणुम्माणप्यमाणपिडपुण्णसुजायसव्वंगसंदरंगं, सिससोमाकारं, कंतं, पियदं-सणं, सुरुवं दारयं पयाहिसि॥५१-५२॥से विय णं दारए उम्मुक्कवालभावे विण्णा-यपरिणयमित्ते जुञ्वणगमणुप्पत्ते सुरे वीरे विक्कंते वि(च्छि) त्थिण्णविउलबलवाहणे रज्जवई राया भविस्सइ ॥ ५३ ॥ तं उराला णं तुमे देवाणुप्पि०! जाव दुर्चिप तकंपि अणु(बू)बृहइ। तए णं सा तिसला खत्तियाणी सिद्धत्थस्स रण्णो अंतिए एयमट्टं सुचा निसम्म हद्वतुद्व जाव हियया करयलपरिग्गहियं दसनहं सिरसावत्तं मत्थए अंजिल कटू एवं वयासी-एवमेयं सामी! तहमेयं सामी! अवितहमेयं सामी! असंदिद्धमेयं सामी! इच्छियमेयं सामी! पिडच्छियमेयं सामी! इच्छियपिड-च्छियमेयं सामी! सन्त्रेणं एसमद्वे-से जहेयं तुब्से वयहत्तिकट्ट ते सुमिणे सम्मं पिडच्छइ २ ता सिद्धत्थेणं रण्णा अन्भणुण्णाया समाणी नाणामणि(कणग)रयण-भित्तचित्ताओ भद्दासणाओ अन्भद्रेइ २ ता अतुरियमचवलमसंभंताए अविलंबियाए रायहंससरिसीए गईए जेणेव सए सयणिजे तेणेव उवागच्छड २ ता एवं वयासी-

मा मे ते (एएच) उत्तमा पहाणा मंगल्ला सुमिणा दिहा अन्नेहिं पावसुमिणेहिं पिडहम्मिरसंति त्तिकट्ट देवयगुरुजणसंबद्धाहिं पसत्थाहिं मंगल्लाहिं धम्मियाहिं लट्टाहिं कहाहिं सुमिणजागरियं जागरमाणी पिंडजागरमाणी विहरइ ॥ ५४-५६ ॥ तए णं सिद्धत्थे खिताए पच्चसकालसमयंसि कोडुंबियपुरिसे सद्दावेइ २ ता एवं वयासी-बिप्पामेव भो देवाणुप्पिया! अज सेसं बाहिरियं उवडाणसालं गंधोदयसित्तं सुइय-संमज्जिओविलत्तं सुगंधवर्पंचवण्णपुष्फोवयारकलियं कालागुरुपवरकुंदुरुकतुरुकडज्झंत-ध्वमघमघंतगंधुद्धयाभिरामं सुगंधवरगंधियं गंधविष्टभ्यं करेह कारवेह करिता कारवित्ता य सीहासणं रयावेह रयावित्ता ममेयमाणत्तियं खिप्पामेव पचप्पिणह ॥ ५७-५८ ॥ तए णं ते कोडुंबियपुरिसा सिद्धत्थेणं रण्णा एवं वृत्ता समाणा हट्टतुट्ठ जाव हियया करयल जाव कड़ एवं सामित्ति आणाए विणएणं वयणं पिडसणंति पिडसणिता सिद्धत्थस्स खत्तियस्स अंतियाओ पिडनिक्खमंति पिडनिक्ख-मित्ता जेणेव बाहिरिया उवट्ठाणसाला तेणेव उवागच्छंति (तेणेव) उवागच्छिता खिप्पामेव सिवसेसं वाहिरियं उवट्ठाणसालं गंधोदयसि(त्तसुइय)तं जाव सीहासणं रयाविति रयाविता जेणेव सिद्धत्थे खत्तिए तेणेव उवागच्छंति उवागच्छिता कर-यलपरिग्गहियं दसनहं सिरसावत्तं मत्थए अंजलिं कृट्ट सिद्धत्थस्स खत्तियस्स तमाण-त्तियं पचप्पणंति ॥ ५९ ॥ तए णं सिद्धत्ये खत्तिए कल्लं पाउप्पभाए रयणीए फुळुप्पलकमलकोमलुम्मीलियंमि अहापंडुरे पभाए, रत्तासोगप्पगासिकंसुयसुयमुहगुंज-द्धरागबंधुजीवगपारावयचलणनयणपरहयसुरत्तलोयणजासुयणकुसुमरासिहिंगुलयनिय-राइरेयरेहंतसिरसे कमलायरसंडवोहए उद्रियंमि सरे सहस्सरस्सिमि दिणयरे तेयसा जलंते. तस्स य करपहरापरद्वंमि अंधयारे वालायवकुंकुमेणं खचियव्य जीवलोए, सयणिजाओ अन्मुद्रेह ॥ ६० ॥ सयणिजाओ अन्मुद्रिता पायपीढाओ पचोरुहइ २ ता जेणेव अदृणसाला तेणेव उवागच्छइ २ ता अदृणसालं अणुपविसङ् २ ता अणेग-वायामजोगवग्गणवामदृणमल्लजुद्धकरणेहिं संते परिस्संते सयपागसहस्सपागेहिं सुगंध-वरतिल्लमाइएहिं पीणणिजेहिं दीवणिजेहिं मयणिजेहिं विं(विं)हणिजेहिं दप्पणिजेहिं सर्विविदयगायपल्हायणि जेहिं अञ्मंगिए समाणे तिल्लचम्मंसि निडणेहिं पिडपुण्ण-पाणिपायसुकुमालकोमलतलेहिं अन्भंगणपरिभद्दणुव्वलणकरणगुणनिम्माएहिं छेएहिं दक्खेहिं पट्टेहिं कुसलेहिं मेहावीहिं जियपरिस्समेहिं पुरिसेहिं अद्विसुहाए मंससुहाए तयासुहाए रोमसुहाए चउ व्विहाए सुहपरिक्रमणाए सं[वा]बाहणाए संवाहिए समाणे अनगय(खेय)परिस्समे अदृणसालाओ पडिनिक्खमइ ॥ ६१ ॥ अदृणसालाओ पिंडिनिक्खिमत्ता जेणेव मज्जणघरे तेणेव उवागच्छइ २ ता मज्जणघरं अणुपिवसइ २ ता

समृत्तजालाकुलाभिरामे विचित्तमणिर्यणकुट्टिमतले रमणिजे ण्हाणमंडवंसि नाणा-मणिरयणभत्तिचित्तंसि ण्हाणपीढंसि सुहनिसण्णे पुष्फोदएहि य गंधोदएहि य उण्होदएहि य सुहोदएहि य सुद्धोदएहि य कल्लाणकरणपवरमज्जणविहीए मज्जिए, त्तत्थ कोउयसएहिं बहविहेहिं कल्लाणगपवरमज्जणावसाणे पम्हलसुकुमालगंधकासाइ-यल्रहियंगे अहैयसुमहग्चदूसर्यणसुसंवुडे सरससुर्भिगोसीसचंदणाणुलित्तगत्ते सुइमा-लावण्णगविलेवणे आविद्धमणिसवण्णे कप्पियहारद्धहारतिसरयपालंवपलंबमाणकिष्य-त्तसुक्रयसोमे पिणद्धगेविज्जे अंगुलिज्जगललियकयाभरणे वरकडगतुडियथंभियभुए अहि-यह्वसिस्सरीए कुंड(छ)लडजोइयाणणे मडडदित्तसिरए हारोत्थयसुक्रयरइयवच्छे मु हि-यापिंगलंगु(लि)लीए पालंबपलंबमाणसुकयपडडत्तरिजे नाणामणिकणगरयणविमलम-हरिहनिउणोवचियमिसिमिसिंतविरइयसुसिलिद्वविसिट्ठलङ्गाविद्ववीरवलए, किं बहुणा ? कप्परक्खए विव अलंकियविभूसिए नरिंदे, सकोरिंटमह्नदामेणं छत्तेणं धरिज्जमाणेणं सेयवरचामराहिं उद्भव्वमाणीहिं मंगलजय(जय)सद्दक्यालोए अणेगगणनायगदंडना-यगराईसरतलवरमाडंवियकोडंवियमंतिमहामंतिगणगदोवारियअमचचेडपीढमइनगर-निगमसेद्रिसेणावइसत्थवाहद्यसंधिवालसर्द्धि संपरिवृडे धवलमहामेहनिग्गए इव गहगणदिप्पंतरिक्खतारागणाण मज्झे ससिव्य पियदंसणे नरवई नरिंदे नरवसहे नरसीहे अब्भहियरायतेयलच्छीए दिप्पमाणे मज्जणघराओ पिडनिक्खमइ ॥ ६२ ॥ मजणघराओ पडिनिक्खमिता जेणेव बाहिरिया उवहाणसाला तेणेव उवागच्छइ २ ता सीहासणंसि पुरत्थाभिमुहे निसीयइ २ ता अप्पणो उत्तरपुर(त्थि)च्छिमे दिसीभाए अद्भ भहासणाइं सेयवत्थपम्चत्थ्ययाइं सिद्धत्थयकयमंगलोवयाराइं रयावेइ २ त्ता अप्पणो अदूरसामंते नाणामणिरयणमंडियं अहियपिच्छणिजं महग्ववरपदृणुग्गयं सण्हपदृभत्ति-सयचित्तताणं ईहामियउसभतुरगनरमगर्विहगवालगकिन्नररुस्सरभचमरकुंजरवणलय-पडमलयभत्तिचित्तं अव्भितरियं जवणियं अंछावेइ २ ता नाणामणिरयणभत्तिचित्तं अत्थ-रयमिडमस्र्(गो)गुत्थयं सेयवत्थपचुत्थुयं समडयं अंगसहस्रिर(सगं)सं विसिट्टं तिस-काए खत्तियाणीए भदासणं रयावेड २ ता कोडं वियपुरिसे सद्दावेद २ ता एवं वयासी-खिप्पामेव भो देवाणुप्पिया ! अट्ठंगमहानिमित्तमुत्तत्थधारए विविहसत्थकुसले सुविण-ळक्खणपाढए सहाबेह । तए णं ते कोडुंबियपुरिसा सिद्धत्थेणं रण्णा एवं युत्ता समाणा हट्टनुट्ट जाव हियया करयल जाव पडिसुणंति पडिसुणित्ता सिद्धत्थस्स खत्तियस्य अंतियाओ पडिनिक्खमंति पडिनिक्खमित्ता कुंड(ग्गामं)पुरं नगरं मज्झंम-

नासानीसासवायवोज्झचक्खुहरवण्णफरिसजुत्तहयलालापेलवाइरेगधवलकणग-खचियंतकम्मद्स० ।

ज्झेणं जेणेव स्विणलक्खणपाडगाणं गेहाइं तेणेव उवागच्छंति उवागच्छिता स्विण-लक्खणपाढए सहाविति ॥ ६३-६६॥ तए णं ते स्विणलक्खणपाड(गा)या सिद्ध-त्थस्य खत्तियस्य कोडंबियपुरिसेहिं सहाविया समाणा हद्वतुद्व जाव हियया ण्हाया सुद्धप्पावेसाई मंगल्लाइं वत्थाई पवराई परिहिया अप्पमहग्घाभरणालंकियसरीरा सिद्धत्थ-यहरियालियाक्यमंगलमुद्धाणा सएहिं सएहिं गेहेहिंतो निग्गच्छंति निग्गच्छता खत्तियकुंडग्गामं नगरं मञ्झंमञ्झेणं जेणेव सिद्धत्थस्स रण्णो भवणवरविंसगपिड-दुवारे तेणेव उवागच्छंति उवागच्छिता भवणवरविंसगपिंदुवारे एगयओ मिलंति मिलिता जेणेव बाहिरिया उवद्राणसाला जेणेव सिद्धत्ये खतिए तेणेव उवागच्छंति उवागच्छिता करयलपरिगाहियं जाव कट्ट सिद्धत्यं खत्तियं जएणं विजएणं वद्धाविति ॥ ६७ ॥ तए णं ते सुविणलक्खणपाडगा सिद्धत्थेणं रण्णा वंदियपूर्वेयसङ्गारियसम्मा-णिया समाणा पत्तेयं पत्तेयं प्रव्वन्नत्थेस भहासणेस निसीयंति ॥ ६८ ॥ तए णं सिद्धत्थे खत्तिए तिसलं खत्तियाणि जवणियंतरियं ठावेइ ठावित्ता पुष्फफलपिडपुण्णहत्थे परेणं विणएणं ते सुविणलक्खणपाडए एवं वयासी-एवं खलु देवाणुप्पिया! अज तिसला खत्तियाणी तंसि तारिसगंसि जाव सत्तजागरा ओहीरमाणी २ इमे एयारूवे उराले चउइसमहास्रमिणे पासित्ताणं पिडवुद्धा. तंजहा-गय-वसह० गाहा, तं एएसिं चउइ-सण्हं महासुमिणाणं देवाणुप्पिया! उरालाणं के मन्ने कलाणे फलवित्तिविसेसे भवि-स्सइ ? ॥ ६९-७१ ॥ तए णं ते सुमिणलक्खणपाडगा सिद्धत्थस्स खत्तियस्स अंतिए एयमहं सोचा निसम्म हहतुह जाव हियया ते सुमिणे (सम्मं) ओगिण्हंति ओगिण्हिता ईहं अगुपविसंति अगुपविसित्ता अन्नमन्नेणं सिद्धं सं(लावें)चालेंति २ ता तेसिं सुमिणाणं लद्दहा गहियहा पुच्छियहा विणिच्छियहा अहिगयहा सिद्धत्थस्स रण्णो पुरओ सुमि-णसत्थाई उच्चारेमाणा २ सिद्धत्थं खत्तियं एवं वयासी-एवं खलु देवाणुप्पिया ! अम्हं सुमिणसत्थे बायालीसं सुमिणा तीसं महासुमिणा बावत्तरिं सन्वसुमिणा दिद्वा. तत्थ णं देवाणुप्पिया! अरहंतमायरो वा चक्कविद्यायरो वा अरहंतंसि वा चक्कहरंसि वा गन्मं वक्कममाणंसि एएसिं तीसाए महासुमिणाणं इमे चउइसमहासुमिणे पासिताणं पिडवुज्झंति, तंजहा-गय-वसह० गाहा । वासुदेवमायरो वा वासुदेवंसि गब्मं वक्क-ममाणंसि एएसिं चउदसण्हं महासुमिणाणं अन्नयरे सत्त महासुमिणे पासिताणं पिड-बुज्झेति । बलदेवमायरो वा बलदेवंसि गब्भं वक्कममाणंसि एएसिं चउदृसण्हं महा-सुमिणाणं अन्नयरे चत्तारि महासुमिणे पासित्ताणं पडिबुज्झंति । मंडलियमायरो वा मंडिलियंसि गर्ने वक्कममाणंसि एएसिं चउद्दसण्हं महासुमिणाणं अन्नयरं एगं महा-

१ 'कयसागय'।

सुमिणं पासित्ताणं पडिबुज्झंति ॥ ७२-७७ ॥ इमे य णं देवाणुप्पिया ! तिसलाए खत्तियाणीए चउद्दस महासुमिणा दिद्रा. तं उराला णं देवाणणिया ! तिसलाए खत्तियाणीए सुमिणा दिद्रा जाव मंगळकारगा णं देवाणुप्पिया ! तिसलाए खत्तियाणीए सुमिणा दिद्रा. तंजहा-अत्थलाभो देवाणुप्पिया ! भोगलाभो देवाणुप्पिया ! पुत्तलाभो देवाणिपया! सुक्खलाभो देवाणिपया! रज्जलाभो देवाणिपया!. एवं खल्ल देवाणुप्पिया! तिसला खत्तियाणी नवण्हं मासाणं बहुपडिपुण्णाणं अद्धट्टमाणं राइं-दियाणं विद्कंताणं तुम्हं कुलकेउं, कुलदीवं, कुलपव्ययं, कुलविडंसयं, कुलतिलयं, कुल-कित्तिकरं, कुलवित्तिकरं, कुलदिणयरं, कुलाधारं, कुलनंदिकरं, कुलजसकरं, कुलपायवं, क्लतंत्रसंताणविवद्धणकरं, सक्रमालपाणिपायं, अहीणपिडपुण्णपंचिदियसरीरं, लक्ख-णवंजणगुणोववेयं, माणुम्माणप्पमाणपिडपुण्णसुजायसव्वंगसुंदरंगं, सिसोमाकारं, कंतं, पियदंसणं, सुरूवं दारयं पयाहिसि ॥ ७८॥ से विय णं दारए उम्मुककालभावे विण्णायपरिणयमिते जुन्वणगमणुप्पत्ते स्रे वीरे विकंते विच्छिण्णविपुलवलवाहणे चाउरंतचक्कवटी रजवई राया भविस्सइ, जिणे वा तेलुक्क[तिलोग]नायगे धम्मवर-चाउरंतचकवट्टी ॥ ७९ ॥ तं उराला णं देवाणिपया ! तिसलाए खत्तियाणीए समिणा दिद्रा जाव आरुगतद्विदीहाउक्छाणमंगछकारगा णं देवाणुप्पिया! तिसळाए खित्तयाणीए सुमिणा दिद्वा ॥ ८० ॥ तए णं सिद्धत्थे राया तेसिं सुविणलक्खणपाड-गाणं अंतिए एयमद्रं सोचा निसम्म हद्वतद्र जाव हियए करयल जाव ते सुविण-लक्खणपाढए एवं वयासी-एवमेयं देवाणुप्पिया ! तहमेयं दे०! अवितहमेयं दे०! इच्छियमेयं दे० ! पिंडच्छियमेयं दे० ! इच्छियपिंडच्छियमेयं दे० !. सच्चे णं एसमद्रे से जहेरं तुब्भे वयहत्तिकरू ते सुमिणे सम्मं पिडन्छइ २ ता ते सुविणलक्खणपाढए विउलेणं असणेणं पुष्फवत्थगंधमलालंकारेणं सकारेइ सम्माणेइ सकारिता सम्मा-णिता विडलं जीवियारिहं पीइदाणं दलयह २ ता पिडविसजोइ ॥ ८१-८२ ॥ तए णं से सिद्धत्थे खिताए सीहासणाओ अञ्भुद्धेह २ ता जेणेव तिसला खितायाणी जविणयंतिरया तेणेव उवागच्छइ २ ता तिसलं खत्तियाणि एवं वयासी-एवं खलु देवाणुष्पिए! सुविणसत्थंसि बायालीसं सुमिणा तीसं महासुमिणा जाव एगं महा-सुमिणं पासित्ताणं पिडवुज्झंति । इमे य णं तुमे देवाणुप्पिए ! चउद्स महासुमिणा दिहा, तं उराला णं तुमे जाव जिणे वा तेलुक्कनायगे धम्मवरचाउरंतचक्कवट्टी ॥ ८३-८५ ॥ तए णं सा तिसला खत्तियाणी एयमहं सो(सु)चा निसम्म इहनुद्व जाव हियया करयल जाव ते सुमिणे सम्मं पिडच्छाइ २ ता सिद्धत्थेणं रण्णा अब्भ-णुण्णाया समाणी नाणामणिरयणमत्तिचित्ताओ भहासणाओ अन्मद्रेइ २ ता अत्-

रियमचवलमसंभंताए अविलंबियाए रायहंससरिसीए गईए जेणेव सए भवणे तेणेव उवागच्छइ २ ता सयं भवणं अणुपविद्रा ॥ ८६-८७ ॥ जप्पभिइं च णं समणे भगवं महावीरे तंसि ना(रा)यकुलंसि साहरिए तप्पिभेडं च णं वहवे वेसमणकंड-धारिणो तिरियजंभगा देवा सक्कवयणेणं से जाइं इमाइं पुरापोराणाइं महानिहाणाई भवंति, तंजहा-पहीणसामियाइं पहीणसेउयाइं पहीण(ग्र)गोत्तागाराइं, उच्छित्रसामि-याइं उच्छिन्नसेउयाइं उच्छिन्नगोत्तागाराइं. गामागरनगरखेडकब्बडमडंबदोणमह-पट्रणासमसं-वाहसंनिवेसेस सिंघाडएस वा तिएस वा चउकेस वा चचरेन वा चउम्महेसु वा महापहेसु वा गामद्राणेसु वा नगरद्राणेसु वा गामनिद्धमणेसु वा नगरनिद्धमणेसु वा आवणेसु वा देवकुलेसु वा सभासु वा पवासु वा आरामेसु वा उजाणेस वा वणेस वा वणसंडेस वा ससाणसुन्नागारगिरिकंदरसंतिसेलोवद्राणभवण-गिहेस वा सिन्निक्खताई चिद्रंति ताई सिद्धत्थरायभवणंसि साहरंति ॥ ८८ ॥ जं रयणि च णं समणे भगवं महावीरे नायकुलंसि साहरिए तं रयणि च णं नाय-कुलं हिरणोणं विष्ट्रित्या. सुवणोणं विष्ट्रित्या. धणेणं धन्नेणं राजेणं राहेणं वलेणं वाह-णेणं कोसेणं कोद्रागारेणं परेणं अंतेडरेणं जणवएणं जसवाएणं विश्वत्था. विपुल-धणकणगरयणमणिमोत्तियसंखिसलप्पवालरत्तरयणमाइएणं संतसारसावडक्रेणं पीड-सकारसमुद्रएणं अईव अईव अभिविद्धत्या ॥ ८९ ॥ तए णं समणरस भगवओ महावी-रस्स अम्मापिऊणं अयमेयारुवे अन्भत्थिए चिंतिए पत्थिए मणोगए संकप्पे समुप्प-जित्था-जप्पभिइं च णं अम्हं एस दारए कुच्छिसि गब्भताए वक्कंते तप्पभिइं च णं अम्हे हिरण्णेणं वह्नामो, सुवण्णेणं वह्नामो, धणेणं जाव संतसारसावइज्जेणं पीइसका-रेणं अईव अईव अभिवृहामो. तं जया णं अम्हं एस दारए जाए भविस्सइ तया णं अम्हे एयस्स दारगस्स एयाणुरूवं गुण्णं गुणीनप्पन्नं नामधिजं करिस्सामी-वदमाणत्ति ॥ ९० ॥ तए णं समणे भगवं महावीरे माउअणकंपणद्राए निचले निप्फंदे निरेयेणे अल्लीणपल्लीणगत्ते यावि होत्या ॥ ९१ ॥ तए णं तीसे तिसलाए खत्तियाणीए अयमेयारूवे जाव संकप्पे समुप्पजित्था-हडे मे से गब्भे, मडे मे से गब्मे, चुए में से गब्भे, गलिए में से गब्भे, एस में गब्भे पुर्वि एयह. इयाणि नो एयइत्तिकद्व ओहयमणसंकप्पा चिंतासोगसागरसंपविद्रा करयलपल्हत्थमही अट्ट-ज्झाणीवगया भूमीगयदिद्विया झियायइ, तं पि य सिद्धत्यरायवरभवणं उवरयमुइंग-तंतीलतालनाडइज्जजणमणु(जं)नं दीणविमणं विहरइ ॥ ९२ ॥ तए णं से समणे भगवं महावीरे माऊए अयमेयारूवं अब्भित्थयं पितथयं मणोगयं संकर्पं समुप्पन्नं

[़] १ 'आयत्तया' । २ निकंपे ।

वियाणिता एगदेसेण एयइ, तए णं सा तिसला खत्तियाणी हट्टतुट्ट जाव हियया एवं वयासी-नो खलु मे गब्भे हडे जाव नो गलिए. मे गब्भे पुर्विव नो एयइ, इयाणि एयइत्तिकृष्ट हद्वतुद्व जाव हियया एवं विहरइ ॥ ९३ ॥ तए णं समणे भगवं महावीरे गब्भत्थे चेव इमेयारूवं अभिग्गहं अभिगिण्हड्-नो खलु मे कप्पइ अम्मा-पिऊहिं जीवंतेहिं मुंडे भवित्ता अगाराओं अणगारियं पव्वइत्तए ॥ ९४ ॥ तए णं सा तिसला खत्तियाणी ण्हाया सव्वालंकारविभूसिया तं गब्भं नाइसीएहिं नाइउण्हेहिं नाइतित्तेहिं नाइकडुएहिं नाइकसाएहिं नाइअंबिलेहिं नाइमहरेहिं नाइनिद्धेहिं नाइ-छक्खेहिं नाइउक्षेहिं नाइसुक्रेहिं सव्वत्तगभयमाणसुहेहिं भोयणच्छायणगंधमहिहिं ववगयरोगसोगमोहभयपरिस्समा सा जं तस्स गब्भस्स हियं मियं पत्थं गब्भपोसणं तं देसे य काले य आहारमाहारेमाणी विचित्तमउएहिं सयणासणेहिं पइरिक्कसुहाए मणोऽणुकुळाए विहारभूमीए पसत्थदोहला संपुण्णदोहला संमाणियदोहला अविमाणि-यदोहला वृच्छिन्नदोहला ववणीयदोहला सुहंसुहेणं आसइ, सयइ, चिद्रइ, निसीयइ, तुयदृइ, विहर्इ, मुहंमुहेणं तं गब्भं परिवहइ ॥ ९५ ॥ तेणं कालेणं तेणं समएणं समणे भगवं महावीरे जे से गिम्हाणं पढमे मासे दुचे पक्खे चित्तसुद्धे तस्स णं चित्तसद्धस्य तेरसीदिवसेणं नवण्हं मासाणं वहुपिडपुण्णाणं अद्वहमाणं राइंदियाणं विइक्कंताणं उचद्राणगएस गहेस पढमे चंदजोगे सोमास दिसास वितिमिरास विसदास जइएसु सव्वसरुणेसु प्याहिणाणुकूलंसि भूमिसप्पंसि मारुयंसि प्वायंसि निप्फन्नमेइ-णीयंसि कालंसि पमुदयपक्कीलिएस जणवएस पुव्वरत्तावरत्तकालसमयंसि हत्थत्तराहिं नक्खतेणं जोगम्बागएणं आ(ह)रोग्गा(आह)रोग्गं दारयं पयाया ॥ ९६ ॥ जं रयणि च णं समणे भगवं महावीरे जाए सा णं रयणी बहुहिं देवेहिं देवीहि य ओवयंतेहिं उप्पयंतेहि य उप्पिजलमाणभूया कहकहगभूया यावि हत्था ॥ ९७ ॥ जं रयणि च णं समणे भगवं महावीरे जाए तं रयणि च णं वहवे वेसमणकुंडधारी तिरियजंभगा देवा सिद्धत्यरायभवणंसि हिरण्णवासं च सुवण्णवासं च वयरवासं च वत्थवासं च आभरणवासं च पत्तवासं च प्रत्यासं च फलवासं च वीयवासं च मछवासं च गंधवासं च चण्णवासं च वण्णवासं च वसुहारवासं च वासिंसु ॥ ९८ ॥ तए णं से सिद्धत्थे खत्तिए भवणवड्वाणमंतरजोड्सवेगाणिएहिं देवेहिं तित्थयरजम्म-णाभिसेयमहिमाए क्याए समाणीए पच्छसकालसमयंसि नगर्गुतिए सद्दावेइ २ ता एवं वयासी-खिप्पामेव भो देवाणप्पिया! (खतिय)कुंड(ग्गामे)पुरे नगरे चारग-सोहणं करेह करित्ता माणुम्माणवद्धणं करेह करित्ता कुंडपुरं नगरं सब्भितरबाहिरियं आसियसम्म जिओविलत्तं सिंघाडगित(ग)यचउक्कचचरचउम्मुहमहापहपहेसु सित्तसुइ-२ परि०

संमद्भरत्थंतरावणवीहियं मंचाइमंचकलियं नाणाविहरागभूसियज्झयपडागमंडियं लाउ-ल्लोइयमहियं गोसीससरसरत्तचंदणदद्दरिवन्नपंचंगुलितलं उवचियचंदणकलसं चंदणघड-सुकयतोरणपिडदुवारदेसभागं आसत्तोसत्तविपुलवृहवग्घारियमछदामकलावं पंचवण्ण-सरसद्धरभिमुक्कपुष्पपुंजोवयारकलियं कालागुरुपवरकुंदुरुक्कतुरुक्कडज्झंतध्वमघमघंतगं-धुद्धयाभिरामं सुगंधवरगंधियं गंधवट्टिभ्यं नडनट्टगजल्लमल्लमुद्रियवेलंबगकहर्गा(पाढ)-पवगलासगआ(इ)रक्खगलंखमंखतूणइह्नतुंबवीणियअणेगतालायराणुचरित्रं करेह् कार-वेह करित्ता कारवित्ता य जुर्येसहस्सं मुसलसहस्सं च उस्सवेह उस्सवित्ता मम एयमाणत्तियं पचिष्पणह ॥ ९९-१०० ॥ तए णं ते कोइंबियप्रिसा सिद्धत्थेणं रण्णा एवं वृत्ता समाणा हड्डतुट्ट जाव हियया करयल जाव पिडसुणिता खिप्पामेव कुंडपुरे नगरे चारगसोहणं जाव उस्सवित्ता जेणेव सिद्धत्थे (खित्तए) राया तेणेव उवागच्छंति २ ता करयल जाव कट्ट सिद्धत्थस्स खत्तियस्स रण्णो एयमाणतियं पच-प्पिणंति ॥ १०१ ॥ तए णं से सिद्धत्थे राया जेणेव अदृणसाला तेणेव उवागच्छा २ ता जाव सन्वोरोहेणं सन्वपुप्फगंधवत्थमल्लालंकारविभूसाए सन्वतुडियसद्दिननाएणं महया इष्ट्रीए महया जुईए महया बलेणं महया वाहणेणं महया समुदएणं महया वर-तुडियजमगसमगप्पवाइएणं संखपणवपडहभेरिझहरिखरमहिहडुक्कमुरयमुइंगदुंदहिनि-ग्घोसनाइयरवेणं उस्सुकं उकरं उक्किद्रं अदिजं अमिजं अभडप्पवेसं अदंडिमकोदंडिमं अधिरमं गणियावरनाडइज्जकलियं अणेगतालायराणुचरियं अणुद्धयमुदंगं अमिलाय-मल्लदामं पमुद्यपक्कीलियपुरज(णाभिरामं)णजाणवयं दसदिवसं ठिइवडियं करेड ॥ १०२ ॥ तए णं सिद्धत्थे राया दसाहियाए ठिइविडयाए वहुमाणीए सइए य साहस्सिए य सयसाहस्सिए य जाए य दाए य भाए य दलमाणे य दवावेमाणे य सइए य साहस्सिए य सयसाहस्सिए य लंभे पडिच्छमाणे य पडिच्छावेमाणे य एवं [वा] विहरइ ॥ १०३ ॥ तए णं समणस्स भगवओ महावीरस्स अम्मापियरो पढमे दिवसे ठिइवडियं क(रिं)रेंति, तइए दिवसे चंदस्रदंसणियं करेंति, छट्टे दिवसे धम्मजागरियं जागरें(करिं)ति, ए(इ)कारसमे दिवसे विइक्कंते निव्वतिए असुइजम्मकम्मकरणे संपत्ते वारसा(हे)हदिवसे विउलं असणं पाणं खाइमं साइमं उवक्खडा(विं)वेंति २ ता मित्तनाइनिय(य)गसयणसंबंधिपरिजणं नायए खतिए य आमंतेंति २ त्ता तओ पच्छा ण्हाया सुद्धप्पावेसाई मंगळाई पवराई वर्त्याई परि-हिया अप्पमहन्याभरणालंकियसरीरा भोयणवेलाए भोयणमंडवंसि सहासणवरगया तेणं मित्तनाइनियगसयणसंबंधिपरिजणेणं नायएहिं खत्तिएहिं सद्धिं तं विउलं असणं

१ जूया-जुगाई तेसिं सहस्सं । २ असणपाणखाइमसाइमं ।

पाणं खाइमं साइमं आसाएमाणा विसाएमाणा परिभुंजेमाणा परिभाएमाणा एवं वा विहरंति ॥ १०४ ॥ जिमियभुत्तत्तरागया वि य णं समाणा आयंता चोक्खा परमसु(इ) ईभूया तं मित्तनाइनियगसयणसंबंधिपरिजणं नायए खत्तिए य विउल्लेणं पुप्फवत्थगंधमञ्जालंकारेणं सक्कारेंति सम्माणेंति सक्कारित्ता सम्माणिता तस्सेव मित्त-नाइनियगसयणसंबंधिपरि(य)जणस्स नाया(ण य)णं खत्तियाण य पुरओ एवं वयासी-पुर्विव पि (य) णं देवाणुप्पिया ! अम्हं एयंसि दारगंसि गन्भं वक्कंतंसि समाणंसि इमे एयाहवे अन्भित्थए जाव समुप्पजित्था-जप्पिभिः च णं अम्हं एस दारए कुच्छिसि गब्भत्ताए वक्कंते तप्पभिइं च णं अम्हे हिर्ण्णेणं वृष्ट्वामो, सुवण्णेणं धणेणं धन्नेणं रजेणं जाव सावइजेणं पीइसकारेणं अईव अईव अभिवष्ट्रामो, सामंतरायाणो वस-मागया य । तं जया णं अम्हं एस दारए जाए भविस्सइ तया णं अम्हे एयस्स दारगस्स इमं एयाणुरुवं गुण्णं गुणनिष्फन्नं नामधिजं करिस्सामी वद्धमाणुत्ति, ता अज अम्ह मणारहसंपत्ती जाया, तं होउ णं अम्हं कुमारे वद्धमाणे नामेणं ॥ १०५-१०७ ॥ समणे भगवं महावीरे कासव्युत्तेणं, तस्स णं तओ नामधिजा एवमाहिजंति, तंजहा-अम्मापिउसंतिए वद्धमाणे, सहसंमुद्दयाए समणे, अयले भयभेरवाणं प(री)रिसहोवसम्गाणं खंतिखमे पडिमाण पालए धीमं अरइरइसहे द्विए वीरियसंपन्ने देवेहिं से नामं कयं 'समणे भगवं महावीरे' ॥ १०८ ॥ सम-णस्य णं भगवओ महावीरस्स पिया कासवगुत्तेणं, तस्स णं तओ नामधिजा एव-माहिजांति, तंजहा-सिद्धत्थेइ वा, सिजांसेइ वा, जसंसेइ वा। समणस्स णं भगवओ महावीरस्स माया वासि(इस)ट्टी गुत्तेणं, तीसे तओ नामधिज्जा एवमाहिज्जंति, तंजहा-तिसलाइ वा, विदेहदिनाइ वा, पीइकारिणीइ वा। समणस्य णं भगवओ महावीरस्य पित्तिजे सुपासे, जिद्रे भाया नंदिवद्धणे, भगिणी सुदंसणा, भारिया जसोया कोडिना गुत्तेणं । समणस्स णं भगवओ महावीरस्स धूया कास(व)वी गुत्तेणं, तीसे दो नामधिजा एवमाहिजंति, तंजहा-अणोजाइ वा, पियदंसणाइ वा। सम-णस्स णं भगवओ महावीरस्स नत्तुई कोसिय(कासव)गुत्तेणं, तीसे णं दो नामधिजा एवमाहिजाति, तंजहा-सेसवईइ वा, जसवईइ वा ॥ १०९ ॥ समणे भगवं महावीरे दक्खे दक्खपड्ने पिहरूने आलीणे भद्दए विणीए नाए नायपुत्ते नायकुलचंदे विदेहे विदेहिद्शे विदेहजचे विदेहसमाले तीसं वासाइं विदेहंसि कह अम्मापिऊहिं देवत्त-गएहिं गुरुमहत्तरएहिं अञ्भणण्णाए समत्तपद्धे पुणर्वि छोगंतिएहिं जीयकप्पिएहिं देवेहि ताहि इद्वाहि जाव वग्गृहि अणवर्य अभिनंदमाणा य अभिथुव्वमाणा य एवं वयासी-जय जय नंदा!, जय जय भहा! भहं ते, जय जय खित्तयवरवसहा!. बुज्झाहि भगवं लोगनाहा !, सयलजगज्जीवहियं पवत्तेहि धम्मतित्थं, हियसहनिस्से-यसकरं सव्वलोए सव्वजीवाणं भविस्सइत्तिकृट्ट जयजयसदं पर्उजंति ॥ ११०-१११ ॥ पुर्वित पि णं समणस्स भगवओ महावीरस्स माणुस्सगाओ गिहत्थधम्माओ अणुत्तरे आहोइए अप्पिडवाई नाणदंसणे हो(हु)त्था। तए णं समणे भगवं महावीरे तेणं अणुत्तरेणं आहोइएणं नाणदंसणेणं अप्पणो निक्खमणकालं आभोएइ २ ता चिचा हिरण्णं, चिचा सुवण्णं, चिचा धणं, चिचा रजं, चिचा रहं, एवं वलं वाहणं कोसं कोद्रागारं, चिचा पुरं, चिचा अंतेउरं, चिचा जणवयं, चिचा विपुलधणकणगरयण मणि(म्)मोत्तियसंखसिलप्पवालरत्तरयणमाइयं संतसारसावइज्जं, विच्छ्यइत्ता. विगो-वइत्ता, दाणं दायारेहिं परिभाइता, दाणं दाइयाणं परिभाइता ॥ ११२ ॥ तेणं कालेणं तेणं समएणं समणे भगवं महावीरे जे से हेमंताणं पढमे मासे पढमे पक्खे मग्गसिरबहुले तस्स णं मग्गसिरबहुलस्स दसमीपक्खेणं पाईणगामिणीए छायाए पोरिसीए अभिनिविद्याए पमाणपत्ताए सुव्वएणं दिवसेणं विजएणं महत्तेणं चंदप्पभाए सीयाए सदेवमणुयासुराए परिसाए समणुगम्ममाणमग्गे संखियचक्किय(लं)नंगलिय-मुहमंगिलयवद्धमाणपूसमाणघंटियगणेहिं ताहिं इद्वाहिं जाव वग्गृहिं अभिनंदमाणा (य) अभिथुव्वमाणा य एवं वयासी-जय जय नंदा!, जय जय भद्दा! भद्दं ते, ि खत्तिय-वरवसहा !] अभग्गेहिं नाणदंसणचरितेहिं अजियादं जिणाहि इंदियाइं, जियं च पालेहि समणधम्मं, जियविग्घो वि य वसाहि तं देव! सिद्धिमज्झे, निहणाहि रागदोसमल्ले तवेणं धिइधणियबद्धकच्छे, मद्दाहि अट्ठकम्मसत्तू झाणेणं उत्तमेणं सुक्रेणं. अप्पमत्तो हराहि आराहणपडागं च वीर! तेलुक्ररंगमज्झे, पावय वितिमिर-मणुत्तरं केवलवरनाणं, गच्छ य मुक्खं प(रम)रं पयं जिणवरोवइहुणं मग्नेणं अकुडिलेणं हंता परीसहचमुं, जय जय खत्तियवरवसहा! बहुई दिवसाई बहुई पक्खाई बहुई मासाइं बहुइं उऊइं बहुईं अयणाईं बहुईं संवच्छराइं अभीए परीसहोवसम्गाणं खंतिखमे भयभेरवाणं. धम्मे ते अविग्धं भवउत्तिकट्ट जयजयसदं पउंजंति ॥ ११३-११४ ॥ तए णं समणे भगवं महावीरे नयणमालासहस्सेहिं पिच्छिजा-माणे पिच्छिजमाणे. वयणमालासहस्सेहिं अभिथुव्वमाणे अभिथुव्वमाणे, हियय-मालासहस्सेहिं उन्नंदिज्जमाणे उन्नंदिज्जमाणे, मणोरहमालासहस्सेहिं विच्छिप्पमाणे विच्छिप्पमाणे, कंतिरूवगुणेहिं पत्थिजमाणे पत्थिजमाणे, अंगुलिमालासहस्सेहिं दाइजमाणे दाइजमाणे, दाहिणहृत्थेणं बहूणं नरनारीसहस्साणं अंजलिमालास-हस्साई पडिच्छमाणे पडिच्छमाणे, भवणपंतिसहस्साई समइच्छमाणे समइच्छमाणे.

१ अजेयाइं ति अद्वो ।

तंतीतलतालतुडियगीयवाइयरवेणं महुरेण य मणहरेणं जयजयसद्घोसमीसिएणं मंजुमंजुणा घोसेण य पिडवुज्झ(आपुच्छिज)माणे पिडवुज्झमाणे, सिव्बिङ्गीए सन्वजुईए सन्ववरेणं सन्ववाहणेणं सन्वसमुदएणं सन्वायरेणं सन्वविभूईए सन्व-विभूसाए सन्वसंभमेणं सन्वसंगमेणं सन्वपगईहिं सन्वनाडएहिं सन्वतालायरेहिं सव्(वाव)वोरोहेणं सव्वपुप्फगंधवत्थमल्लालंकारविभूसाए सव्वतु डियसहसिन नाएणं महया इन्ह्रीए महया जुईए महया बलेणं महया वाहणेणं महया समुद्रएणं महया वरतुडियजमगसमगप्पवाइएणं संखपणवपडहभेरिझहरिखर्महिहदुकदुंदुहिनिग्घोस-नाइयरवेणं कुंडपुरं नगरं मज्झंमज्झेणं निग्गच्छइ २ त्ता जेणेव नायसंडवणे उज्जाणे जेणेव असोगवरपायवे तेणेव उवागच्छइ उवागच्छिता असोगवरपायवस्स अहे सीयं ठावेइ २ त्ता सीयाओ पचोरुहइ २ त्ता सयमेव आभरणमल्लालंकारं ओसुयइ २ त्ता सय-मेव पंचमुद्धियं लोयं करेड़ २ ता छट्टेणं भत्तेणं अपाणएणं हत्थुत्तराहिं नक्खत्तेणं जोग-मुवागएणं एगं देवदूसमादाय एगे अबीए मुंडे भवित्ता अगाराओ अणगारियं पव्वइए ॥ ११५-११६ ॥ समणे भगवं महावीरे संवच्छरं साहियं मासं जाव चीवरधारी होतथा, तेण परं अचेले पाणिपिंडगिहिए । समणे भगवं महावीरे साइरेगाइं द्वालसवासाईं निम्नं वोसद्रकाए चियत्तदेहे जे केइ उवसम्मा उप्पर्जात, तंजहा-दिव्वा वा माणुसा वा तिरिक्खजोणिया वा अणुलोमा वा पिडलोमा वा ते उप्पन्ने सम्मं सहड खमड तितिक्खइ अहियासेइ ॥ ११७॥ तए णं समणे भगवं महावीरे अणगारे जाए-इ(ई)-रियासमिए, भासासमिए, एसणासमिए, आयाणभंडमत्तनिक्खेवणासमिए, उच्चारपास-वणखेळजळ्ळासिंघाणपारिद्वावणियासमिए, मणसमिए, वयसमिए, कायसमिए, मणगुत्ते, वयगृते, कायगृते, गृते, गुत्तिदिए, गृत्तवंभयारी, अकोहे, अमाणे, अमाए, अलोहे, संत, पसंत, उवसंते, परिनिव्युडे, अणासवे, अममे, अकिंचणे, छिन्न(सोए)गंथे, निरुवलेवे, कंसपाई इव मुक्कतोए १, संखे इव निरंजणे २, जीवे इव अप्पिडहयगई ३, गगणमिव निरालंबणे ४, वा(ऊ इव)उव्व अपडिवदे ५, सारयसिललं व सुद्ध-हियए ६. प्रक्खरपत्तं व निरुवछेव ७, कुम्मे इव गुत्तिंदिए ८, खग्गिविसाणं व एगजाए ९, विहग इव विष्पमुक्ते १०, भारंडपक्खी इव अष्पमत्ते ११. कुंजरे इव सोंडीरे १२, वसहो इव जायथामे १३, सीहो इव दुद्धरिसे १४, मंदरो इव निकं-(अष्पकं)पे १५, सागरो इव गंभीरे १६, चंदो इव सोमलेसे १७, सुरो इव दित्त-तेए १८, जचकणगं व जायरुवे १९, वसुंधरा इव सब्वफासविसहे २०, सहयह-यामणो इव तेयसा जलते २१। इमेसि पयाणं दुन्नि संगहणिगाहाओ-कंसे संखे जींव, गगणे वाऊ य सरयसिळळे य । पुक्खरपत्ते कुम्मे, विहुगे खग्गे य भारंडे ॥ १ ॥ कुंजर वसहे सीहे, नगराया चेव सागरमखोहे । चंदे सूरे कणगे, वसंघरा चेव हयवहे ॥ २ ॥ नित्थ णं तस्स भगवंतस्स कत्यइ पिडवंधे, से य पिडवंधे चडिवहे पन्नते, तंजहा-दव्वओ खित्तओ कालओ भावओ, दव्वओ णं सचित्ता-चित्तमीसिएस दव्वेस. खित्तओ णं गामे वा नगरे वा अरण्णे वा खित्ते वा खले वा घरे वा अंगणे वा नहे वा. कालओ णं समए वा आवलियाए वा आणापाणुए वा थोवे वा खणे वा लवे वा महत्ते वा अहोरते वा पक्खे वा मासे वा उ(ऊ)उए वा अयणे वा संवच्छरे वा अन्नयरे वा दीहकालसंजीए, भावओ णं कोहे वा माणे वा मायाए वा लोभे वा भए वा हासे वा पिजे वा दोसे वा कलहे वा अब्भक्खाणे वा पेसुन्ने वा परपरिवाए वा अरइरई(ए) वा मायामोसे वा मिच्छादंसणसहे वा. तस्स णं भगवंतस्स नो एवं भवइ ॥ ११८ ॥ से णं भगवं वासावासवज्जं अड गिम्हहेमंतिए मासे गामे एगराइए नगरे पंचराइए वासीचंदणसमाणकप्पे समतिणमणिलेद्वकंचणे सम-सुहदुक्खे इहलोगपरलोगअप्पडिबद्धे जीवियमर(णे य)णनिरवकंखे संसारपारगामी कम्मसत्तिनिग्वायणद्वाए अन्भुद्विए एवं च णं विहर् ॥ ११९॥ तस्स णं भगवंतस्स अण्तरेणं नाणेणं अण्तरेणं दंसणेणं अण्तरेणं चरित्तेणं अण्तरेणं आळएणं अण्तरेणं विहारेणं अणुत्तरेणं वीरिएणं अणुत्तरेणं अज्ञवेणं अणुत्तरेणं महवेणं अणुत्तरेणं लाववेणं अणतराए खंतीए अणतराए मत्तीए अणतराए ग्रतीए अणतराए तुझीए अणतरेणं सच्चसंजमतवसुचरियसोवचियफलनिव्वाणमग्गेणं अप्पाणं भावेमाणस्य दुवालस-संबच्छराई विइक्कंताई. तेरसमस्स संबच्छरस्स अंतरा बट्टमाणस्स जे से गिम्हाणं दुचे मासे चउत्थे पक्खे वइसाहसुद्धे तस्स णं वइसाहसुद्धस्स दसमीपक्खेणं पाईण-गामिणीए छायाए पोरिसीए अभिनिविद्वाए पमाणपत्ताए सुव्वएणं दिवसेणं विजएणं मुहत्तेणं जभियगामस्स नगरस्स बहिया उज्जवालियाए नईए तीरे वेयावत्तस्स चेइयस्स अदूरसामंते सामागस्स गाहावइस्स कद्रकरणंसि सालपायवस्स अहे गोदो-हियाए उक्क(डि)डुयनिसिज्जाए आयावणाए आयावेमाणस्स छट्टेणं भत्तेणं अपाणएणं हृत्युत्तराहिं नक्खतेणं जोगमुवागएणं झाणंतरियाए वदृमाणस्स अणंते अणुत्तरे निव्वा-घाए निरावरणे कसिणे पडिपुन्ने केवलवरनाणदंसणे समुप्पन्ने ॥ १२० ॥ तए णं समणे भगवं महावीरे अरहा जाए जिणे केवली सन्वन्नू सन्वदरिसी सदेवमणुयासुरस्स लोगस्स परियायं जाणइ पासइ, सन्वलोए सन्वजीवाणं आगई गई ठिइं चवणं उव-वायं तकं मणोमाणसियं भुत्तं कडं पडिसेवियं आवीकम्मं रहोकम्मं, अरहा अरहस्त-भागी, तं तं कालं मणवयणकायजोगे वष्टमाणाणं सन्वलीए सन्वजीवाणं सन्वभावे

१ तेणं कालेणं तेणं समएणं।

जाणमाणे पासमाणे विहरइ ॥ १२१ ॥ तेणं कालेणं तेणं समएणं समणे भगवं महावीरे अडियगामं नीसाए पढमं अंतरावासं वासावासं उवागए १, चंपं च पिट्र-चंपं च नीसाए तओ अंतरावासे वासावासं उवागए ४. वेसालि नगिरं वाणियगामं च नीसाए दुवालस अंतरावासे वासावासं उवागए १६, रायगिहं नगरं नालंदं च वाहिरियं नीसाए चउइस अंतरावासे वासावासं उवागए ३०, छ मिहि(लिया)लाए ३६ दो भिह्याए ३८ एगं आलंभियाए ३९ एगं सावत्थीए ४० एगं पणियभूमीए ४१ एगं पावाए मज्झिमाए हत्थिवालस्स रण्णो रज्जुगसभाए अपच्छिमं अंतरावासं वासावासं उवागए ४२ ॥ १२२ ॥ तत्थ णं जे से पावाए मज्झिमाए हत्थिवालस्स रण्णो रज्जगसभाए अपच्छिमं अंतरावासं वासावासं उवागए तस्स णं अंतरावाससस जे से वासाणं चउत्थे मासे सत्तमे पक्खे कत्तियबहुले तस्स णं कत्तियबहुलस्स पण्ण-रसीपक्खेणं जा सा चरमा रयणी तं रयणि च ण समणे भगवं महावीरे कालगए विङ्कंते समुजाए छिन्नजाइजरामरणवंघणे सिद्धे बुद्धे मुत्ते अंतगढे परिनिव्बुढे सव्बदुक्खप्पहीणे, चंदे नामं से दो(दु)चे संबच्छरे, पीइबद्धणे मासे, नंदिबद्धणे पक्खे, अग्गिवेसे नामं से दिवसे उवसमित्ति पवुचइ, देवाणंदा नामं सा रयणी निरतित्ति पबुचइ, अचे लवे, मुहुत्ते पाणू, थोवे सिद्धे, नागे करणे, सव्बह्नसिद्धे मुहुत्ते, साइणा नक्खत्तेणं जोगमुवागएणं कालगए विइक्कंते जाव सव्वदुक्खप्पहीणे॥ १२३-१२४॥ जं रयणि च णं समणे भगवं महावीरे कालगए जाव सव्वद्कखप्पहीणे सा णं रयणी बहाहिं देवेहिं देवीहि य ओवयमाणेहि य उप्पयमाणेहि य उज्जोविया यावि हुत्था ॥ १२५॥ जं रयणि च णं समणे भगवं महावीरे कालगए जाव सव्वदुक्खप्पहीणे सा णं रयणी वहूहिं देवे(हिय)हिं देवीहिय ओवयमाणेहिं उप्पयमाणेहि य उप्पिजलगमाणभूया कहकहग-भया यावि हत्था।। १२६॥ जं रयणि च णं समणे भगवं महावीरे कालगए जाव सव्वदु-क्खप्पहींण तं रयाणं च णं जिद्रस्स गोयमस्स इंदभ्रहस्स अणगारस्स अंतेवासिस्स नायए पिज्जवंयणे वृच्छिन्ने अणंते अणुत्तरे जाव केवलवरनाणदंसणे समुप्पन्ने ॥१२७॥ जं रयणि च णं समणे भगवं महावीरे कालगए जाय सन्वदुक्खप्पहीणे तं रयणि च णं नव मछई नव लेच्छई कासीकोसलगा अद्वारसवि गणरायाणो अमावासाए पा(वा)राभो(ए)यं पोसहोववासं पद्वविंसु, गए से भावुजीए दव्वुजीयं करिस्सामो ॥ १२८ ॥ जं रयणि च णं समणे भगवं महावीरे जाव सन्वद्वस्यप्पहीणे तं रयणि च णं खुद्दाए भासरासी नाम महम्गहे दोवाससहस्सठिई समणस्स भगवओ महावीरस्स जम्मनक्खतं संकंते ॥ १२९ ॥ जप्पभिइं च णं से खुद्दाए भासरासी महग्गहे दो-वाससहस्सिठिई समणस्स भगवओ महावीरस्स जम्मनक्खतं संकंते तप्पभिइं च

णं समणाणं निरगंथाणं निरगंथीण य नो उदिए उदिए प्यासकारे पवत्तइ ॥ १३० ॥ जया णं से खुद्दाए जाव जम्मनक्खताओ विइक्कंते भविस्सइ तया णं समणाणं निम्गंथाणं निम्गंथीण य उदिए उदिए प्यासकारे भविस्सइ ॥ १३१ ॥ जं रयणि च णं समणे भगवं महावीरे जाव सव्वद्वनखप्पहीणे तं रयणि च णं कुंध अणुद्धरी नामं सम्पन्ना, जा ठिया अचलमाणा छउमत्थाणं निग्गंथाणं निग्गंथीण य नो चक्खुफासं हव्यमागच्छइ, जा अठिया चलमाणा छउमत्थाणं निग्गंथाणं निग्गं-थीण य चक्ख़फासं हव्वमागच्छड ॥ १३२ ॥ जं पासित्ता वहहिं निगांथेहिं निगां-थीहि य भत्ताइं पच्चक्खायाइं, से किमाह् भंते ! (१) अज्जप्पभिइ संजमे दुरारा(हे)हए भविस्सइ ॥ १३३ ॥ तेणं कालेणं तेणं समएणं समणस्स भगवओ महावीरस्स इंद्भृइपामुक्खाओ चउद्दससमणसाह्स्सीओ उक्कोसिया समणसंपया हृत्था ॥ १३४ ॥ समणस्य भगवओ महावीरस्स अज्जचंदणापासुक्खाओ छत्तीसं अज्जियासाहस्सीओ उक्कोसिया अजियासंपया हुत्था ॥ १३५ ॥ समणस्स [णं] भगवओ महावीरस्स संखसयगपामुक्खाणं समणोवासगाणं एगा सयसाहस्सी अउणद्वि च सहस्सा उक्कोसिया समणोवासगाणं संपया हृत्था ॥ १३६ ॥ समणस्स भगवओ महावीरस्स सुलसारेवईपामुक्खाणं समणोवासियाणं तिन्नि सयसाहरूसीओ अद्रारससहरूसा उक्कोसिया समणोवासियाणं संपया हुत्था ॥ १३७ ॥ समणस्स-भगवओ महा-वीरस्स तिन्नि सया चउद्दसपुर्वाणं अजिणाणं जिणसंकासाणं सन्वक्खरसन्निवाईणं जिणो विव अवितहं वागरमाणाणं उक्कोसिया चउइसपुरवीणं संपया हत्था ॥ १३८ ॥ समणस्स णं भगवओ महावीरस्स तेरस सया ओहिनाणीणं अइसेसैपताणं उद्घोसिया ओहिना(णीणं)णिसंपया हत्था ॥ १३९ ॥ समणस्स णं भगवओ महावीरस्य सत्त सया केवलनाणीणं संभिन्नवरनाणदंसणधराणं उक्कोसिया केवलना-णिसंपया हत्था ॥ १४० ॥ समणस्स णं भगवओ महावीरस्स सत्त सया वेउव्वीणं अदेवाणं देवि-**ड्रि**पत्ताणं उक्कोसिया वेडिवयसंपया हत्था ॥ १४१ ॥ समणस्स णं भगवओ महावीरस्स पंच सया विउलमईणं अष्ट्राइजेसु दीवेसु दोसु य समुद्देमु सन्नीणं पंचिंदियाणं पज्जतगाणं मणोगए भावे जाणमाणाणं उद्योसिया विउलमईणं संपया हत्था ॥ १४२ ॥ समणस्स णं भगवओ महावीरस्स चत्तारि सया वार्डणं सदेवम-णुयासराए परिसाए वाए अपराजियाणं उक्कोसिया वाइसंपया हुत्था ॥ १४३ ॥ समणस्स णं भगवओ महावीरस्स सत्त अंतेवासिसयाई सिद्धाई जाव सव्यद्कख-प्पहीणाइं, चरहस अजियासयाइं सिद्धाइं ॥ १४४ ॥ समणस्स णं भगवओ महा-

१ 'आमोसहिआइलिंद'।

वीरस्स अद्व सया अणुत्तरोववाइयाणं गइकछाणाणं ठिइकछाणाणं आगमेसिभद्दाणं उक्कोसिया अणुत्तरोववाइयाणं संपया हत्था ॥ १४५ ॥ समणस्स णं भगवओ महा-वीरस्स द्विहा अंतगडभूमी हृत्था, तंजहा-जुगंत(ग)कडभूमी य परियायंतकड-भूमी य, जाव तचाओ पुरिसजुगाओ जुगंतकडभूमी, चउवासपरियाए अंतमकासी ॥ १४६ ॥ तेणं काळेणं तेणं समएणं समणे भगवं महावीरे तीसं वासाइं अगार-वासमज्झे वसित्ता साइरेगाइं दुवालस वासाइं छउमत्थपरियागं पाउणित्ता देसूणाइं तीसं वासाइं केवलिपरियागं पाउणिता वायालीसं वासाइं सामण्णपरियागं पाउणिता बावत्त(रिं)रि वासाइं सव्वाउयं पालइत्ता खीणे वेयणिज्ञाउयनामग्रते इमीसे ओस-पिगीए दूसमसुसमाए समाए वहविइक्रंताए तिहिं वासेहिं अद्भनवमेहि य मासेहिं सेसेहिं पावाए मज्झिमाए हित्थवालस्स रण्णो रज्जु(य)गसभाए एगे अबीए छट्टेणं भत्तेणं अपाणएणं साइणा नक्खत्तेणं जोगमुवागएणं पच्चसकालसमयंसि संपिलयं-कनियण्णे पणपन्नं अज्झयणाइं कल्लाणफलविवागाइं पणपन्नं अज्झयणाइं पावफल-विवागाइं छत्तीसं च अपुद्रवागरणाइं वागरिता पहाणं नाम अज्झयणं विभावेमाणे विभावेमाणे कालगए विइक्कंते समुजाए छिन्नजाइजरामरणवंघणे सिद्धे बुद्धे मुत्ते अंतगडे परिनिव्वडे सव्वदुक्खपदीणे ॥ १४७ ॥ सैमणस्स भगवओ महावीरस्स जाव सञ्बद्धन्खप्पहीणस्य नव वाससयाई विडक्कंताई, दसमस्य य वाससयस्य अयं असीडमें संबच्छरे काले गच्छड़ । वायणंतरे पुण अयं तेणउए संबच्छरे काले गच्छड़ इइ दीसइ ॥ १४८ ॥ २४ ॥ इइ सिरिमहावीरचरियं समत्तं ॥

तंणं कालेणं तेणं समएणं पासे [णं] अरहा पुरिसादाणीए पंचिवसाहे हुत्था, तंजहा-विसाहािं चुए चइता गब्भं वकंते १, विसाहािं जाए २, विसाहािं मुंडे भिवता अगाराओ अणगारियं पव्यइए ३, विसाहािं अणंते अणुत्तरे निव्याघाए निरायरणे किसणे पिंडपुण्णे केवलवरनाणदंसणे समुप्पन्ने ४, विसाहािं परिनिव्यु(उ)ए ५॥ १४९॥ तेणं कालेणं तेणं समएणं पासे अरहा पुरिसादाणीए जे से गिम्हाणं पढमे मासे पढमे पक्खे चित्तवहुले तस्स णं चित्तवहुलस्स चडत्थीपक्खेणं पाणयाओं कप्पाओं वीसंसागरोत्रमिट्टइयाओं अणंतरं चयं चइता इहेव जंबुद्दीवे दीवे भारहे वासे वाणारसीए नयरीए आससेणस्स रण्णो वामाए देवीए पुव्यरत्तावरत्त-कालगमयंसि विसाहािं नक्खतेणं जोगमुवागएणं आहारवकंतीए भववकंतीए सरीर-

५ कप्पमुत्तस्स पुत्थयिव्हणकाळजाणावणद्वा मुत्तिमणं देविष्टुगणिखमासमणेहिं विद्वां, वीर्तिव्वाणाओ नवसयअसीइविरिस पुत्थयारुढो सिद्धंतो जाओ तया कप्पो वि पुत्थयारुढो जाओ ति अहो । एवं सव्विजणंतरेमु अवगंतव्वं ।

वकंतीए कुच्छिसि गब्भत्ताए वकंते ॥ १५० ॥ पासे णं अरहा पुरिसादाणीए तिन्ना-णोवगए यावि हत्था. तंजहा-चइस्लामित्ति जाणइ, चयमाणे न जाणइ, चुएमित्ति जाणइ, तेणं चेव अभिलावेणं सुविणदंसणविहाणेणं सव्वं जाव नियगं गिहं अणुपविद्वा जाव सुहंसुहेणं तं गब्भं परिवहइ ॥ १५१ ॥ तेणं कालेणं तेणं समएणं पासे अरहा पुरिसादाणीए जे से हेमंताणं दुचे मासे तचे पक्खे पोसबहुळे तस्स णं पोसवहलस्स दसमीपक्खेणं नवण्हं मासाणं बहुपडिपुण्णाणं अद्बहुमाणं राइं-दियाणं विइक्कंताणं पुन्वरत्तावरत्तकालसमयंसि विसाहाहिं नक्खत्तेणं जोगमुवागएणं आरोगगा(आ)रोगं दारयं पयाया॥ १५२॥ जं रयणि च णं पासे अरहा पुरिसादाणीए जाए (तं रयणि च णं) सा (णं) रयणी बहू हिं देवे हिं देवी हि य जाव उप्पिजलगभूया कहकहगभूया यावि हत्था ॥ १५३ ॥ सेसं तहेव, नवरं जम्मणं पासाभिलावेणं भाणियव्वं जाव तं होउ णं कुमारे पासे नामेणं ॥ १५४ ॥ पासे णं अरहा परिसादाणीए दक्खे दक्खपइन्ने पडिरूवे अल्लीणे भद्दए विणीए तीसं वासाइं अगारवासमज्झे वसित्ता पुणरवि लोगंतिएहिं जीयकप्पिएहिं देवेहिं ताहिं इहाहिं जाव एवं वयासी-जय जय नन्दा!, जय जय भद्दा! जाव जयजयसहं पउंजीत ॥ १५५-१५६ ॥ पुन्ति पि णं पासस्स णं अरहःओ पुरिसादाणीयस्स माणुस्तगाओ गिहत्थधम्माओ अणुत्तरे आहोइए तं चेव सन्वं जाव दाणं दाइयाणं परिभाइता जे से हेमंताणं दुचे मासे तचे पक्खे पोसबहुले तस्स णं पोसबहुलस्स इकारसीदिवसेणं पुन्वण्हकालसमयंसि विसालाए सि(वि)वियाए सदेवमणुयासराए परिसाए तं चेव सव्वं नवरं वाणारसिं नगरिं मज्झंमज्झेणं निगगच्छइ २ ता जेणेव आसमपए उजाणे जेणेव असोगवरपायवे तेणेव उवागच्छइ २ ता असोगवरपायवस्स अहे सीयं ठावेइ २ ता सीयाओ पचोरुहइ २ ता सयमेव आभरणमळालंकारं ओमु-यइ २ ता सयमेव पंचमद्वियं लोयं करेइ २ ता अद्वमेणं भत्तेणं अपाणएणं विसा-हाहिं नक्खतेणं जोगमुवागएणं एगं देवदूसमादाय तिहिं प्रिससएहिं सिद्धं मंडे भवित्ता अगाराओ अणगारियं पव्वइए ॥ १५० ॥ पासे णं अरहा परिसादाणीए तेसीइं राइंदियाइं निचं वोसद्वकाए चियत्तदेहे जे केइ उवसग्गा उप्पजंति. तंजहा-दिव्या वा माणसा वा तिरिक्खजोणिया वा अण्लोमा वा पिडलोमा वा ते उप्पन्ने सम्मं सहइ खमइ तितिक्खइ अहियासेइ ॥ १५८ ॥ तए णं से पासे भगवं अणगारे जाए इरियासमिए जाव अप्पाणं भावेमाणस्स तेसीइं राइंदियाइं विइक्क्ताइं, चउरा-

⁹ पहुंसि गब्भत्थे सइ सयणिज्जत्थाए माऊए पासे सप्पंतो कण्हसप्पो दिह्नो, तेण 'पासे' ति नामं कयं।

सीइ(मे)मस्स राइंदि(ए)यस्स अंतरा वृहमा(णे)णस्स जे से गिम्हाणं पढमे मासे पढमे पक्खे चित्तबहुळे तस्स णं चित्तबहुळस्स चउत्थीपक्खेणं पुन्वण्हुकाळसमयंसि धाय(ई)इपायवस्स अहे छट्टेणं भत्तेणं अपाणएणं विसाहाहिं नक्खत्तेणं जोगमुवागएणं झाणंतरियाए वदृमाणस्स अणंते जाव जाणमाणे पासमाणे विहरइ ॥ १५९ ॥ पासस्स णं अरहओ पुरिसादाणीयस्स अद्र गणा अद्र गणहरा हत्था. तंजहा-सुभे १ य अजाघोसे २ य. वसिट्टे ३ बंभयारि ४ य। सोमे ५ सिरिहरे ६ चेव. वीरभेंहे ७ जसे वि य ८ ॥ १ ॥ १६० ॥ पासस्स णं अरहओ पुरिसादाणीयस्स अज्जदिन-पामुक्खाओ सोलस समणसाहस्सीओ उक्कोसिया समणसंपया हुत्था ॥ १६१ ॥ पासस्स णं अरहओ पुरिसादाणीयस्य पुष्फचूळापामुक्खाओ अद्वतीसं अजियासाहस्सीओ उक्नोसिया अजियासंपया हृत्था ॥ १६२ ॥ पासस्स णं अरहुओ पुरिसादाणीयस्स सुव्वयपासुक्खाणं समणोवासगाणं एगा सयसाहस्सी [ओ] चउसिंह च सहस्सा उक्को-सिया समणोवास(ग)गाणं संपया हत्था ॥ १६३ ॥ पासस्स णं अरहओ पुरिसादा-णीयस्स मुनंदापामुक्खाणं समणोवासियाणं तिण्णि सयसाहरूसीओ सत्तावीसं च सहस्सा उक्कोसिया समणोवासियाणं संपया हुत्था ॥ १६४ ॥ पासस्स णं अरहओ पुरिसादाणीयस्स अद्भुद्वसया चउइसपुव्वीणं अजिणाणं जिणसंकासाणं सव्वक्खर-सिनवाईणं जाव चडहसपुर्वीणं संपया हत्था ॥ १६५ ॥ पासस्स णं अरहओ प्रिरिसादाणीयस्य चडहस सया ओहिनाणीणं, दस सया केवलनाणीणं, ए(इ)कार-स सया वेड(व्विया)व्वीणं, छस्सया रिडमईणं, दस समणसया सिद्धा, वीसं अजि-यासया सिद्धा, अद्रह-म-सया विउलमईणं, छ(रू)सया वाईणं, वारस सया अणुत्तरोव-बाइयाणं ॥ १६६ ॥ पासस्स णं अरहओ पुरिसादाणीयस्स दुविहा अंतगडभूमी हुत्था, तंजहा-जुगंतकडभूमी य परियायंतकडभूमी य, जाव चउत्थाओ पुरिसजु-गाओ जुगंतकडभूमी, तिवासपरियाए अंतमकासी ॥ १६७ ॥ तेणं कालेणं तेणं समएणं पासे अरहा प्रिसादाणीए तीसं वासाइं अगारवासमज्झे वसित्ता तेसीइं राइंदियाइं छउमत्थपरियायं पाडणिता देस्णाइं सत्तरि वासाइं केवलिपरियायं पाउणिता पिडपुत्राइं सत्तरि वासाइं सामण्णपरियायं पाउणिता एकं वाससयं सन्वाउयं पालडता खीणे वेयणिजाउयनामगुत्ते इमीसे ओसप्पिणीए दूसमसुसमाए समाए बहु-विइक्कंताए जे से वासाणं पढमे मासे दुचे पक्खे सावणसुद्धे तस्स णं सावणसुद्धस्स अद्वमीपक्खेणं उपि सम्मेयसेलसिहरंसि अपचउत्तीसइमे मासिएणं भत्तेणं अपाणएणं विसाहाहिं नक्खतेणं जोगमुवागएणं पुन्व(रत्तावरत्त)ण्हकालसमयंसि वग्घारियपाणी कालगए विद्रकृते जाव सव्बद्धक्खप्पहीणे ॥ १६८ ॥ पासस्स णं अरहओ जाव सञ्बद्दक्खप्पहीणस्स द्वालस वाससयाइं विइक्कताइं, तेरसमस्य (णं) य अयं तीसहमे संबच्छरे काले गच्छइ॥ १६९॥ २३॥ इ**इ सिरिपास जिणचरियं समत्तं॥** तेणं कालेणं तेणं समएणं अरहा अरिट्टनेमी पंचित्ते हत्था, तंजहा-चित्ताहिं चए चइत्ता गब्भं वक्कंते. तहेव उक्खेवो जाव चित्ताहिं परिनिव्वए ॥ १७० ॥ तेणं कालेणं तेणं समएणं अरहा अरिद्रनेमी जे से वासाणं चउत्थे मासे सत्तमे पक्खे कत्तियबहुळे तस्स णं कत्तियबहुळस्स बारसीपक्खेणं अपराजियाओ महाविमाणाओ बत्तीसं सागरोवमद्भिइयाओ अणंतरं चयं चइता इहेव जंवहीवे दीवे भारहे वासे सोरियपरे नयरे समद्वविजयस्स रण्णो भारियाए सिवाए देवीए पुव्वरत्तावरत्तकाळ-समयंसि जाव चित्ताहिं गब्भत्ताए वक्कंते, सब्बं त(मे)हेव सुविणदंसणद्विणसंहरणाइयं इत्थ भाणियव्वं ॥ १७१ ॥ तेणं कालेणं तेणं समएणं अरहा अरिद्रनेमी जे से वासाणं पढमे मासे दुचे पक्खे सावणसुद्धे तस्स णं सावणसुद्धस्स पंचनीपक्खेणं नवण्हं मासाणं बहुपडिपुण्णाणं जाव चित्ताहिं नक्खतेणं जोगमुवागएणं आरोग्गारोग्गं दारयं पयाया । जम्मणं समुद्दविजयाभिलावेणं नेयव्वं जाव तं होउ णं कुमारे अरिर्द्रनेमी नामेणं । अरहा अरिद्रनेमी दक्खे जाव ति णिण वाससयाई कुमारे अगारवासमज्झे वसित्ताणं पुणरवि लोगंतिएहिं जीयकप्पिएहिं देवेहिं तं चेव सव्वं भाणियव्वं जाव दाणं दाइयाणं परिभाइत्ता ॥ १७२ ॥ जे से वासाणं पढमे मासे दच्चे पक्खे सावण-सुद्धे तस्स णं सावणसुद्धस्स छद्रीपक्खेणं पुव्वण्हकालसमयंसि उत्तरकुराए सिवि(सी)-याए सदेवमण्यासराए परिसाए अणुगम्ममाणमग्गे जाव वारवईए नयरीए मञ्जं-मज्झेणं निग्गच्छइ २ ता जेणेव रेवयए उजाणे तेणेव उवागच्छइ २ ता असोग-वरपायवस्स अहे सीयं ठावेड २ त्ता सीयाओ पचोरहड २ त्ता सयमेव आभरणमहालं-कारं ओसुयइ २ ता सयमेव पंचमुद्रियं लोयं करेइ २ ता छद्रेणं भत्तेणं अपाणएणं चित्ता(हिं)नक्खत्तेणं जोगमुवागएणं एगं देवदसमादाय एगेणं प्ररिससहरूसेणं सिंद मुंडे भवित्ता अगाराओ अणगारियं पव्वइए ॥ १७३ ॥ अरहा णं अरिट्रनेमी चट-प्पन्नं राइंदियाइं निष्मं वोसद्रकाए चियत्तदेहे तं चेव सन्वं जाव पणपन्नगरस राइंदियरस अंतरा वृहमाणस्स जे से वासाणं तचे मासे पंचमे पक्खे आसोयवहरे तस्य णं आसोयबहुलस्स पण्णरसीपक्खेणं दिवसस्स पच्छिमे भा(ए)गे उज्जितसेलसिंहरे वेड-सपायवस्स अहे अडमे(छड्रे)णं भत्तेणं अपाणएणं चित्तानक्खतेणं जोगमुवागएणं

⁹ भगवंतंसि गब्भत्ये माऊए रिट्टरयणमया नेमी-चक्कधारा सुविणे दिट्टा तओऽरि-इनेमी, अकारस्स अमंगलपरिहारट्ठत्तणओ अरिट्टनेमित्ति, रिट्टसहो अमंगलवाचित्ति । २ अपरिणीयत्तणओ ।

भ्राणंतरियाए वद्दमाणस्स अणंते अणुत्तरे निव्वाघाए निरावरणे जाव केवलवरनाण-दंसणे समुप्पन्ने जाव सन्वजीवाणं सन्वभावे जाणमाणे पासमाणे विहरइ ॥ १७४ ॥ अरहओ णं अरिद्रनेमिस्स अद्वारस गणा अद्वारस गणहरा हत्था ॥ १७५॥ अरह-ओ णं अरिट्टनेमिस्स वरदत्तपामुक्खाओ अद्वारस समणसाहस्सीओ उक्कोसिया समण-संपया हृत्था ॥ १७६ ॥ · · अज्जजिक्खणीपामुक्खाओ चत्तालीसं अज्जियासाहरूसीओ उक्रोसिया अज्जियासंपया हत्था ॥ १७७ ॥ ... नंदपासुक्खाणं समणोवासगाणं एगा सयसाहस्सीओ अउणत्तरिं च सहस्सा उक्कोसिया समणोवासगाणं संपया हत्था ॥ १७८ ॥ महासुव्वयापामुक्खाणं समणोवासि(गा)याणं तिण्णि सयसाहस्सीओ छत्तीसं च सहस्सा उक्कोसिया समणोवासियाणं संपया हत्था ॥ १ ७९ ॥ ः चत्तारि सया चउद्दसपुर्वीणं अजिणाणं जिणसंकासाणं सव्वक्खरसन्निवाईणं जाव संपया हृत्था ॥ १८० ॥ पन्नरस सया ओहिनाणीणं, पन्नरस सया केवलनाणीणं, पन्नरस सया वेउव्वियाणं, दस सया विउलमईणं, अद्र सया वाईणं, सोलस सया अणुत्तरोववाइ-याणं, पन्नरस समणसया सिद्धा. तीसं अजियासयाइं सिद्धाइं ॥ १८१ ॥ अरहओ णं अरिट्ठनेमिस्स दुविहा अंतगडभूमी हृत्था, तंजहा-जुगंतकडभूमी य परियायंत-कडभूमी य, जाव अद्वमाओ पुरिसजुगाओ जुगंतकडभूमी, दुवा(ल)सपरियाए अंत-मकासी ॥ १८२ ॥ तेणं कालेणं तेणं समएणं अरहा अरिट्टनेमी तिण्णि वाससयाई कुमारवासमज्झे वसिता चडण्पन्नं राइंदियाइं छडमत्थपरियायं पाडणिता देस्णाइं सत्त वाससयाइं केवलिपरियायं पाडणित्ता पडिपुण्णाइं सत्त वाससयाइं सामण्ण-परियायं पाउणिता एगं वाससहस्सं सव्वाउयं पालइत्ता खीणे वेयणिजाउय-नामगुत्ते इमीसे ओसप्पिणीए दूसममुसमाए समाए बहुविइक्कंताए जे से गिम्हाणं चउरथे मासे अट्टमे पक्खे आसाढमुद्धे तस्स णं आसाढमुद्धस्स अट्टमीपक्खेणं उपिं उज्जितसेलिसहरंसि पंचिहं छत्तीसेहिं अणगारसएहिं सिद्धं मासिएणं भत्तेणं अपाणएणं चित्तानक्खत्तेणं जोगमुवागएणं पुत्र्वरत्तावरत्तकालसमयंसि नेसज्जिए कालगए जाव सव्बद्धक्यप्पतीणे ॥ १८३ ॥ अरहओ णं अरिट्टनेमिस्स कालगयस्स जाव सव्ब-दुक्खप्पहीणस्स चउरासीइं वाससहस्साइं विइक्कंताइं, पंचासीइमस्स वाससहस्सस्स नव वाससयाई विइक्कताई, दसमस्स य वाससयस्स अयं असीइमे संवच्छरे काले गच्छ ॥ १८४ ॥ २२ ॥ इइ सिरिनेमिनाहचरियं समत्तं ॥

निमस्स णं अरहओ कालगयस्स जाव सन्बदुक्खण्पहीणस्स पंच वाससयसह-स्साइं चडरासीइं च वाससहस्साइं नव य वाससयाइं विइक्कंताइं, दसमस्स य वाससयस्स अयं असीइमे संवच्छरे काले गच्छइ ॥ १८५ ॥ २१ ॥ सृणिसुव्व- यस्स णं अरह्ओ जाव सव्वदुक्खप्पहीणस्स इक्कार्स वाससयसहस्साइं चडरासीइं च वाससहस्साइं नव वाससयाइं विइक्कंताइं, दसमस्स य वाससयस्स अयं असीइमे संबच्छरे काले गच्छइ ॥ १८६ ॥ २० ॥ मिहहस्स णं अरहुओ जाव सञ्बदुक्खण-हीणस्स पण्णिद्वे वाससयसहस्साइं चडरासीइं च वाससहस्साइं नव वाससयाइं विडक्कंताइं, दसमस्स य वाससयस्स अयं असीइमे संवच्छरे काले गच्छड ॥ १८७ ॥ १९ ॥ अरस्स णं अरहओ जाव सन्बदुक्खप्पहीणस्स एगे वासकोडि-सहस्से विइक्कंते, सेसं जहा मिहहस्स, तं च एयं-पंचसिद्धं ठक्खा चउरासी(इं) (वास)सहस्सा(इं) विइक्कंता(इं), तम्मि समए महावीरो निन्वुओ, तओ परं नव वाससया(इं) विइक्कंता(इं), दसमस्स य वाससयस्स अयं असीइमे संवच्छरे काले गच्छइ। एवं अग्गओ जाव सेयंसो ताव दट्ठव्वं ॥ १८८ ॥ १८ ॥ कुंधुस्स णं अरहओ जाव सन्वदुक्खप्पहीणस्स एगे चउभागपिलओवमे विद्वस्तंते पंचसद्वि च सयसहस्सा, सेसं जहा मिह्रस्स ॥ १८९ ॥ १७ ॥ संतिस्स णं अरहुओ जाव सन्वदुक्खप्पहीणस्स एगे चउभागूणे पलिओवमे विइक्कंते पण्णाट्टें च. सेसं जहा मिहिस्स ॥ १९० ॥ १६ ॥ धम्मस्स णं अरहओ जाव सञ्बद्धक्खप्पहीणस्स तिण्णि सागरोवमाइं पण्णिद्धं च, सेसं जहा मिहहस्स ॥ १९१ ॥ १५ ॥ अणंतस्स णं अरहओ जाव सञ्बद्धक्खप्पहीणस्स सत्त सागरोवमाई पण्णिद्धं च, सेसं जहा मिह्रस्स ॥ १९२ ॥ १४ ॥ विमलस्स णं अरहुओ जाव सव्वदुक्खप्पहीणस्स सोलस सागरोवमाइं विइक्कंताइं पण्णद्भिं च. सेसं जहा मिहिस्स ॥ १९३ ॥ १३ ॥ वासुपुजस्स णं अरहओ जाव सञ्बद्धकखप्पहीणस्स छायालीसं सागरोवमाइं विइ-कंताइं पण्णाट्टें च, सेसं जहा मिहिस्स ॥ १९४ ॥ १२ ॥ सिजंसस्स णं अरहुओ जाव सन्वदुक्खप्पहीणस्स एगे सागरोवमसए विइक्कंते पण्पिट्टं च, सेसं जहा मिल्रिस्स ॥ १९५ ॥ ११ ॥ सीयलस्स णं अरहओ जाव सन्वद्दक्खप्पहीणस्स एगा सागरोवमकोडी तिवासअद्धनवमासाहियबायालीसवाससहस्सेहिं ऊणिया विइक्षंता. एयंमि समए महावीरो निव्युओ, तओ (वि य णं) परं नव वाससयाई विद्क्षंताई, दसमस्स य वाससयस्स अयं असीइमे संबच्छरे काले गच्छइ ॥ १९६ ॥ १० ॥ सुविहिस्स णं अरहओ पुष्फदंतस्स जाव सव्वदुक्खप्पहीणस्स दस सागरीवमकोडीओ विइक्कंताओ, सेसं जहा सीयलस्स, तं च इमं-तिवासअद्धनवमासाहियवायालीस-वाससहस्सेहिं ऊणिया(इं) विइक्कंता(इं) इचाइ(यं) ॥ १९७ ॥ ९ ॥ चंदप्पहस्स णं अरहओ जाव पहीणस्स एगं सागरोवमकोडिसयं विइक्कंतं, सेसं जहा सीयलस्स, तं च इमं-तिवासअद्धनवमासाहियबायालीसवाससहस्सेहिं ऊणगिम्बाइ ॥ १९८ ॥ ८ ॥

सुपासस्स णं अरहओ जाव पहीणस्स एगे सागरोवमकोडिसहस्से विइक्कंते, सेसं जहा सीयलस्स, तं च इमं-तिवासअद्धनवमासाहियबायालीसवाससहस्सेहिं ऊणिया (विइक्कंता) इचाइ॥ १९९॥ ७॥ पउमप्पहस्स णं अरहओ जाव पहीणस्स दस सागरोवमकोडिसहस्सा विइकंता, तिवासअद्धनवमासाहियबायालीसवाससहस्सेहिं इचाइयं, सेसं जहा सीयलस्स॥ २००॥ ६॥ सुमइस्स णं अरहओ जाव पहीणस्स एगे सागरोवमकोडिसयसहस्से विइक्कंते, सेसं जहा सीयलस्स, तिवासअद्धनवमासाहियवायालीसवाससहस्सेहिं इचाइयं॥ २०१॥ ५॥ अभिनंदणस्स णं अरहओ जाव पहीणस्स एगे सागरोवमकोडिसयसहस्से विइक्कंतो, सेसं जहा सीयलस्स, तिवासअद्धनवमासाहियवायालीसवाससहस्सेहिं इचाइयं॥ २०१॥ ५॥ अभिनंदणस्स णं अरहओ जाव पहीणस्स वीसं सागरोवमकोडिसयसहस्सा विइक्कंता, सेसं जहा सीयलस्स, तिवासअद्धनवमासाहियवायालीसवाससहस्सेहिं इचाइयं॥ २०२॥ ४॥ संभवस्स णं अरहओ जाव पहीणस्स वीसं सागरोवमकोडिसयसहस्सा विइक्कंता, सेसं जहा सीयलस्स, तिवासअद्धनवमासाहियवायालीसवाससहस्सेहिं इचाइयं॥ २०३॥ ३॥ अजियस्स णं अरहओ जाव पहीणस्स पन्नासं सागरोवमकोडिसयसहस्सा विइक्कंता, सेसं जहा सीयलस्स, तं च इमं-तिवासअद्धनवमासाहियवायालीसवाससहस्सेहिं इचाइयं॥ २०४॥ २॥ इइ जिणंतराइं समन्ताइं॥

तेणं कालेणं तेणं समएणं उसमे णं अरहा कोसलिए चउउत्तरासाढे अभीइपंचमे हत्था. तंजहा-उत्तरासाढाहिं चए चइता गब्भं वक्कंते जाव अभीडणा परिनिव्वए ॥ २०५ ॥ तेणं कालेणं तेणं समएणं उसभे णं अरहा कोसलिए जे से गिम्हाणं चउरथे मासे सत्तमे पक्खे आसाडबहुले तस्स णं आसाडबहुलस्स चउत्थीपक्खेणं सव्बद्धसिद्धाओं महाविमाणाओं तित्तीसं सागरोवमद्भिड्याओं अणंतरं चयं चड्ता इहेच जंबुद्दीवे दीवे भारहे वासे इक्खागभूमीए नाभिकुलगरस्स मरुदे(वा)वीए भारियाए पुव्वरत्तावरत्तकालसमयंसि आहारवद्वंतीए जाव गब्भताए वद्वंते ॥ २०६॥ उसमे णं अरहा कोसलिए तिन्नाणोवगए यावि हुत्था, तंजहा-चइरुसामित्ति जाणइ जाव सुमिणे पासइ, तंजहा-गय-वसह० गाहा । सव्वं तहेव, नवरं पढमं उसभं सहेणं अइंतं पासाइ, सेसाओ गयं। नाभिकुलगरस्स सा(ह)हेइ, सुविणपाढगा नित्थ, नाभिकुलगरो सबमेव वागरेइ ॥ २०७ ॥ तेणं कालेणं तेणं समएणं उसभे णं अरहा कोसलिए जे से गिम्हाणं पढमे मासे पढमे पक्खे चित्तबहुले तस्स णं चित्तवहुलस्स अद्वमीपक्खेणं नवण्हं मासाणं बहुपिडपुण्णाणं अद्भद्वमाणं राइंदियाणं जाव आसाडाहिं नक्खत्तेणं जोगमुवागएणं आरोग्गारोग्गं दार्यं पयाया ॥ २०८ ॥ तं चेव सव्वं जाव देवा देवीओ य वसुहारवासं वासिसु, सेसं तहेव चारगसोहण-माणुम्माणव(द) द्वाणुरुसुक्षमाइयद्भिडविडयज्यवजं सन्वं भाणियव्वं ॥ २०९ ॥ उसभे णं अरहा कोसलिए कासवगुत्तेणं, तस्स णं पंच नामधिजा एवमाहिजंति, तंजहा-उसभेइ वा, पढमरायाइ वा, पढमभिक्खायरेइ वा, पढमजिणेइ वा, पढम-तित(थंक)थयरे इ वा ॥ २१० ॥ उसभे णं अरहा कोसलिए दक्खे दक्खपड्णी पडिरूवे अल्लीणे भद्दए विणीए वीसं पुन्वसयसहस्साई कुमारवासमज्झे वसइ वसित्ता तेवद्वि पुरुवसयसहस्साइं रज्जवासमज्झे वसइ, तेवद्वि च पुरुवसयसहस्साइं रज्जवा-समज्झे वसमाणे लेहाइयाओ गणियप्पहाणाओ सउणस्यपज्जवसाणाओ बावतारि कलाओ चउसिंद्वें महिलागुणे सिप्पसयं च कम्माणं तिम्नि वि पयाहियाए उविदसद उवदिसित्ता पुत्तसयं रज्जसए अभिसिंचइ अभिसिंचिता पुणर्वि लोयंतिएहिं जीयक-प्पिएहिं देवेहिं ताहिं इद्राहिं जाव वग्गृहिं सेसं तं चेव सन्वं भाणियन्वं जाव दाणं दाइयाणं परिभाइता जे से गिम्हाणं पढमे मासे पढमे पक्खे चित्तबहुले तस्स णं चित्तबहलस्स अद्रमीपक्खेणं दिवसस्स पच्छिमे भागे सुदंसणाए सिवियाए सदेवम-णुयासुराए परिसाए सम्णुगम्ममाणमग्गे जाव विणीयं रायहाणि मज्झंमज्झेणं निग्गच्छइ निग्गच्छित्ता जेणेव सिद्धत्थवणे उज्जाणे जेणेव असोगवरपायवे तेणेव उवागच्छइ उवागच्छिता असोगवरपायवस्स अहे जाव सयमेव चउमुद्वियं लोयं करेड़ करिता छद्रेणं भत्तेणं अपाणएणं आसाढाहिं नक्खतेणं जोगमुवागएणं उग्गाणं भोगाणं राइण्णाणं खत्तियाणं चडिहं प्रितसहस्सेहिं सिद्धं एगं देवदूसमादाय मुंडे भवित्ता अगाराओ अणगारियं पव्वइए ॥ २११ ॥ उसभे णं अरहा कोसलिए एगं वाससहस्सं निचं वोसद्रकाए चियत्तदेहे जाव अप्पाणं भावेमाणस्स (इक्कं) एगं वासस-हस्सं विद्वंतं, तओ णं जे से हेमंताणं चडत्ये मासे सत्तमे पक्खे फागुणवहुले तस्स णं फग्गुणबहुळस्स ए(इ)क्वारसीपक्खेणं पुच्चण्हकाळसमयंसि पुरिमताळस्स नगरस्स बहिया सगडमुहंसि उजाणंसि नग्गोहवरपायवस्स अहे अद्वमेणं भत्तेणं अपाणएणं आसाढाहिं नक्खत्तेणं जोगमुवागएणं झाणंतरियाए वदृमाणस्स अणंते जाव जाण-माणे पासमाणे विहरइ ॥ २१२ ॥ उसमस्स णं अरहओ कोसिळयस्स चडरासीई गणा चउरासीई गणहरा हुत्था॥ २१३॥ उसभस्स णं अरहओ कोर्सालयस्स उसमसेणपामुक्खा(ओ)णं चउरासी(इ)ओ समणसाहस्सीओ उक्कोसिया समणसंपया हृत्था ॥ २१४ ॥ उसभस्स णं अरहओ कोसिटयस्स बंभीसुंदरीपामुक्खाणं अजि-याणं तिण्णि सयसाहरूसीओ उक्कोसिया अजियासंपया हत्था ॥ २१५ ॥ उस-भस्स णं ''सिजंसपामुक्खाणं समणोवासगाणं तिण्णि सयसाहरसीओ पंच सहस्सा उक्कोसिया समणोवास(ग)गाणं संपया हत्था ॥ २१६ ॥ उसभस्स णं ... सुभद्दापा-सक्खाणं समणोवासियाणं पंच सयसाहस्सीओ चडप्पन्नं च सहस्सा उद्योसिया सम-

णोवासियाणं संपया हुत्था ॥ २१७ ॥ उसभस्स णं · · चत्तारि सहस्सा सत्त सया पण्णासा चडद्सपुर्व्वीणं अजिणाणं जिणसंकासाणं जाव उक्कोसिया चडद्दसपुर्व्वि-संपया हुत्था ॥ २१८ ॥ उसभस्स णं…नव सहस्सा ओहिनाणीणं० उक्कोसिया ओहि-नाणिसंपया हुत्था ॥ २१९ ॥ उसभस्स णं ः वीससहस्सा केवलनाणीणं० उक्कोसिया केवलनाणिसंपया हुत्था ॥ २२० ॥ उसभस्स णं ''वीससहस्सा छच सया वेउ-व्वियाणं ॰ उक्कोसिया वेउव्विय(समण)संपया हुत्था ॥ २२१ ॥ उसभस्स णं · · · वारस सहस्सा छच सया पण्णासा विउलमईणं अहुार्जेस दी(वेस दोस य)वसमुद्देस सन्नीणं पंचिदियाणं पज्जत्तगाणं मणोगए भावे जाणमाणाणं (पासमाणाणं)विउलमइसंपया हुत्था ॥ २२२ ॥ उसभस्स णं ः वारस सहस्सा छच सत्रा पण्णासा वाईणं ॰ उद्घो-सिया वाइसंपया हुत्था ॥ २२३ ॥ उसभस्स णं ःवीसं अंतेवासिसहस्सा सिद्धा, चत्तालीसं अज्जिया(स)साहर(सा)सीओ सिद्धाओ ॥ २२४ ॥ उसभस्स ण · · वावीस-सहस्सा नव सया अणुत्तरोववाइयाणं गइकल्लाणाणं जाव भद्दाणं उक्कोसिया अणुत्तरोव-वाइयसंपया हुत्था ॥ २२५ ॥ उसभस्स णं अरहओ कोसिळियस्स दुविहा अंतगडभूमी हुत्था, तंजहा-जुगंतगडभूमी य परियायंतगडभूमी य, जाव असंखिजाओ पुरिसजु-गाओ जुगंतगडभूमी, अंतोसुहुत्तपरियाए अंतमकासी ॥ २२६ ॥ तेणं कालेणं तेणं समएणं उसभे णं अरहा कोसलिए वीसं पुव्वसयसहस्साइं कुमारवासमज्झे वसित्ता(णं) तेत्रिद्धं पुव्वसयसहस्साइं रज्जवासमञ्झे विसत्ता तेसीइं पुव्वसयसहस्साइं अगारवास-मज्झे वसित्ता एगं वाससहरूसं छउमत्थपरिया(यं)गं पाउणित्ता एगं पुव्वसयसहरूसं वाससहस्सृणं केवलिपरियागं पाउणित्ता पिड(सं)पुण्णं पुव्वसयसहस्सं सामण्णपरियागं पाउणित्ता चडरासीइं पुव्वसयसहस्साइं सव्वाडयं पालइत्ता खीणे वेयणिज्जाडयनामगुत्ते इमीसे ओसप्पिणीए सुसमदूसमाए समाए बहुविइकंताए तिहिं वासेहिं अद्धनवमेहि य मासेहिं सेसेहिं जे से हेमंताणं तचे मासे पंचमें पक्खे माहबहुळे तस्स णं माहबहुळस्स तरसीपक्खेणं उपि अद्वावयसेलसिहरंसि दसिंहं अणगारसहस्सेहिं सिद्धं चउ(चो)इ-समेणं भत्तेणं अपाणएणं अभीइणा नक्खत्तेणं जोगमुवागएणं पुव्वण्हकालसमयंसि संप-लियंकनिसण्णे कालगए जाव सन्बदुक्खप्पहीणे ॥ २२७॥ उसभस्स णं अरहओ कोस-लियस्य कालगयस्य जाव सन्वदुक्खप्पहीणस्य तिण्णि वासा अद्भनवमा य मासा विइ-कंता, तओ वि परं एगा सागरोवमकोडाकोडी तिवासअद्भनवमासाहियबायालीसाए वाससहरसिहिं ऊणिया विद्क्षंता, एयंमि समए समणे भगवं महावीरे परिनिव्वु(डे)ए, नओ वि परं नववाससया विद्यंहता, दसमस्स य वाससयस्स अयं असीइमे संवच्छरे कारुं गच्छ् ॥ २२८ ॥ १ ॥ इइ सिरिडसहजिणचरियं समत्तं ॥ ३ परि०

तेणं कालेणं तेणं समएणं समणस्य भगवओ महावीरस्य नव गणा, इक्कारस गणहरा हुत्था ॥ १ ॥ से केणट्रेणं भंते ! एवं वुचइ-समणस्स भगवओ महावीरस्स नव गणा, इक्कारस गणहरा हुत्था ? ॥ २ ॥ समणस्स भगवओ महावीरस्स जिद्रे इंद्रभई अणगारे गोयम(स)गुत्तेणं पंच समणसयाई वाएइ, मज्झिमए अग्गिभृई अणगारे गोयमगुत्तेणं पंच समणसयाइं वाएइ, कणीयसे अणगारे वाउभूई नामेणं गोयमगुत्तेणं पंच समणसयाई वाएइ, थेरे अज्जवियत्ते भारहाए गुत्तेणं पंच समणसयाई वाएइ, थेरे अजासहरमे अग्गिवेसाय(णे)णगुत्तेणं पंच समणसयाइं वाएइ, थेरे मंडियपुत्ते वासि-(हे)हसगुत्तेणं अद्भुहाइं समणसयाइं वाएइ, थेरे मोरियपुत्ते कास(वे)वगुत्तेणं अद्भुहाइं समणसयाई वाएइ, थेरे अकंपिए गोय(मे)मसगुत्तेणं-थेरे अयलभाया हारियाय(णे)-णगुत्तेणं. एए दुण्णिव थेरा तिण्णि तिण्णि समणसयाई वाएंति, थेरे अज्जमे(इ)यजे-थेरे अज्जपभासे, एए दुण्णिव थेरा कोडिन्ना-गुत्तेणं तिण्णि तिण्णि समणसयाइं वाएंति । से तेणट्टेणं अज्जो ! एवं वृच्चइ-समणस्स भगवओ महावीरस्स नव गणा, इकारस गणहरा हुत्था ॥ ३ ॥ सन्वे वि णं एए समणस्स भगवओ महावीरस्स ए(इ)क्कारस वि गणहरा दुवालसंगिणो चड(इ)दसपुव्विणो समत्तगणिपिडगधारगा रायगिहे नगरे मासिएणं भत्तेणं अपाणएणं काळगया जाव सव्वदुक्खप्पहीणा । थेरे इंदर्भुई थेरे अज्जसुहम्मे य सिद्धिगए महावीरे पच्छा दुण्णिव थेरा परिनिव्वया । जं इमे अज्जत्ताए समणा निग्गंथा विहरंति एए णं सव्वे अज्जसहम्मस्स अणगारस्य आविचिजा, अवसेसा गणहरा निरवचा वुच्छिना ॥ ४ ॥ समणे भगवं महावीरे कासवगुत्तेणं । समणस्य णं भगवओ महावीरस्य कासवगुत्तस्य अजसहम्मे थेरे अंत-वासी अग्गिवेसायणगुत्ते । थेरस्स णं अज्जसहम्मस्स अग्गिवेसायणगुत्तस्स अज-जंबूनामे थेरे अंतेवासी कासवगुत्तेणं । थेरस्स णं अज्जंबूनामस्स कासवगुत्तस्स अज्ञप्पभवे थेरे अंतेवासी कचायणसगत्ते । थेरस्स णं अज्जप्पभवस्स कचायणस-गुत्तस्स अज्जसिजंभवे थेरे अंतेवासी मणगपिया वच्छसग्रते । थेरस्स णं अजसिजं-भवस्स मणगपिउणो वच्छसगुत्तस्स अज्जजसभेद्दे थेरे अंतेवासी तुंगियायणसर्गृते ॥ ५ ॥ इइ गणहराइथेरावली समत्ता ॥

तेणं काळेणं तेणं समएणं समणे भगवं महावीरे वासाणं सवीसदराए मासे विद्कृतं वासावासं पज्जोसवेद ॥ १ ॥ से केणद्वेणं भंते ! एवं वुच्चद्र-समणे भगवं महावीरे वासाणं सवीसदराए मासे विद्कृतं वासावासं पज्जोसवेद ? जओ णं पाएणं अगारीणं

१ अम्हाणमङ्पाईणायिरसे एत्तिओ चेव पाढो लब्भइ जो 'अज्ञभद्द्याहुणा इमरुख़ रयणा कया' अस्स पुढिं करेइ ।

अगाराइं किडयाइं उक्कं(वि)पियाइं छन्नाइं िित्ताइं गुत्ताइं घट्ठाइं मट्टाइं संपध्नियाइं खाओदगाइं खायनिद्धमणाइं अप्पणो अद्वाए कडाइं परिभुत्ताइं परिणामियाइं भवंति, से तेणट्टेणं एवं वुच्चइ-समणे भगवं महावीरे वासाणं सवीसइराए मासे विइक्कंते वासावासं पज्जोसवेइ ॥ २ ॥ जहा णं समणे भगवं महावीरे वासाणं सवीसइराए मासे विड्कंत वासावासं पज्जोसवेड तहा णं गणहरावि वासाणं सवीसडराए मासे विड्कंते वासावासं पज्जोसविति ॥ ३ ॥ जहा णं गणहरा वासाणं सवीसङ्राए जाव पज्जोसविति तहा णं गणहरसीसावि वासाणं जाव पज्जोसविंति ॥ ४ ॥ जहा णं गणहरसीसा वासाणं जाव पज्जोसविंति तहा णं थेरावि वा(सावासं)साणं जाव पज्जोसविंति ॥ ५॥ जहा णं थेरा वासाणं जाव पज्जोसविंति तहा णं जे इमे अज्जत्ताए समणा निग्गंथा विहरंति ते (एए) वि य णं वासाणं जाव पज्जोस(वें)विंति ॥ ६ ॥ जहा णं जे इमे अज्ज-त्ताए समणा निग्गंथा वासाणं सवीसइराए मासे विडकंते वासावासं पज्जोसविंति तहा णं अम्हंपि आयरिया उवज्झाया वासाणं जाव पज्जोसविंति ॥ ७ ॥ जहा णं अम्हं(पि) आयरिया उवज्झाया वासाणं जाव पज्जोसविंति तहा णं अम्हेवि वासाणं सवीसइ-राए मासे विदक्षंते वासावासं पज्जोसवेमो. अंतरा वि य से कप्पइ[पज्जोसवित्तए], नो से कप्पड़ तं रयाणि उवाइणावित्तए ॥ ८ ॥ वासावासं पज्जोसवियाणं कप्पइ निग्गंथाण वा निग्गंथीण वा सव्वओ समंता सक्कोसं जोयणं उग्गहं ओगिण्हित्ताणं चिद्रिडं अहालंदमवि उग्गहे ॥ ९ ॥ वासावासं पज्जोसवियाणं कप्पइ निग्गंथाण वा निग्गंथीण वा सव्वओ समंता सक्कोसं जोयणं भिक्खायरियाए गंतुं पिडनियत्तए ॥ १० ॥ जत्य नई निचोयगा निचसंदणा, नो से कप्पइ सब्वओ समंता सकोसं जोयणं भिक्खायरियाए गंतुं पिडिनियत्तए ॥ ११ ॥ एरावई कुणालाए, जत्थ चिक्कया सिया एगं पायं जले किचा एगं पायं थले किचा, एवं चिक्किया एवं णं कप्पइ सव्वओ समंता सक्कोसं जोयणं गंत्रं पिडिनियत्तए ॥ १२ ॥ एवं च नो चिक्किया, एवं से नो कप्पड सब्बओ समंता सङ्गोसं जोयणं गंतुं पिडिनियत्तए ॥ १३ ॥ वासावासं पज्जो-सावयाणं अत्थेगदयाणं एवं वृत्तपुरुवं भवद्-'दावे भंते !' एवं से कप्पद दावित्तए, नो से ऋष्वड पिंडिगाहित्तए ॥ १४ ॥ वासावासं पज्जोसवियाणं अत्येगइयाणं एवं वृत्त-पुब्यं भवड्-'पिंडगाहे(हि) भंते !' एवं से कप्पइ पिंडगाहित्तए, नो से कप्पइ दावित्तए ॥ १५ ॥ वासावासं पज्जोसवियाणं अत्थेगदयाणं एवं वृत्तपुर्व्वं भवड्-'दावे भंते ! पिंडिगाहे भंते !' एवं से कप्पड दावित्तर्णव पिंडिगाहित्तर्णव॥ १६॥ वासावासं पज्जोस-वियाणं नो कप्पड निरगंथाण वा निरगंथीण वा हद्राणं तुद्राणं आ(क्)रोग्गाणं विख्य-सरीराणं इमाओ विगईओ अभिक्खणं अभिक्खणं आहारित्तए, तंजहा-खीरं, दहिं, सिंप, तिल्लं, गुडं ॥ १७ ॥ वासावासं पज्जोसवियाणं अत्येगइयाणं एवं वृत्तपृथ्वं भवइ-'अद्रो भंते! गिलाणस्स ?' से य वएजा-'अद्रो', से य पुच्छियव्वे 'केवड-एणं अद्रो ?' से (य) वएजा-'एवडएणं अद्रो गिलाणस्स', जं से पमाणं वयट से य पमाणओ वित्तव्वे, से य विन्नविजा, से य विन्नवेमाणे लिभजा, से य पमाणपत्ते 'होड अलाहि' इय वत्तव्वं सिया, से किमाह भंते !. एवइएणं अद्गो गिलाणस्स, सिया णं एवं वयंतं परो वङ्जा-'पिडगाहेहि अजो! पच्छा तुमं भुक्खिस वा पाहिसि वा,' एवं से कप्पड़ पिंडगाहित्तए, नो से कप्पड़ गिलाणनीसाए पिंडगाहितए॥ १८॥ वासावासं पज्जोसवियाणं अत्थि णं थेराणं तहप्पगाराइं कुलाइं कडाइं पत्तियाइं थिजाइं वेसासियाइं संमयाइं बहुमयाइं अणुमयाइं भवंति, त(ज)त्थ से नो कप्पइ अदक्ख वइत्तए-.अस्थि ते आउसो! इमं वा इमं वा ?' से किमाहु भंते!, सङ्गी गिही गिण्हड वा. तेणियंपि कुजा ॥ १९ ॥ वासावासं पज्जोसवियस्स निच्चभित्तयस्स भिक्खस्स कप्पइ एगं गोयरकालं गाहावइक्कलं भत्ताए वा पाणाए वा निक्खमितए वा पविसित्तए वा. नन्नत्थाऽऽयरियवेयावचेण वा एवं उवज्झायवेयावचेण वा तवस्सिवेयावचेण वा गिळाणवेयावचेण वा खुइएण वा खुइयाए वा अवंजण-जायएण वा ॥ २०॥ वासावासं पज्जोसवियस्स चडत्थभत्तियस्स भिक्तवस्स अयं एवडए विसेसे-जं से पाओ निक्खम्म पुव्वामेव वियडगं भूचा पिचा पिड-गाहगं संलिहिय संपमाज्जिय से य संथरिजा कप्पड़ से तिहवसं तेणेव भनाद्रेणं पज्जोसवित्तए, से य नो संथरिजा एवं से कप्पइ दुर्चिप गाहावइकुलं भताए वा पाणाए वा निक्खमित्तए वा पविसित्तए वा ॥ २१ ॥ वासावासं पज्जोर्मावयस्य छद्रभत्तियस्स भिक्खस्स कप्पंति दो गोयरकाला गाहावङ्कलं भत्ताए वा पाणाए वा निक्खमित्तए वा पविसित्तए वा ॥ २२ ॥ वासावासं पज्जोसवियस्य अद्भ-भत्तियस्स भिक्खस्स कप्पंति तओ गोयरकाला गाहावङ्कलं भत्ताए वा पाणाए वा निक्खमित्तए वा पविसित्तए वा ॥ २३ ॥ वासावासं पज्जोर्सावयस्य विगिद्र-भत्तियस्स भिक्खुस्स कप्पंति सन्वेवि गोयरकाला गाहाबद्दुक्लं भताए वा पाणाए वा निक्खमित्तए वा पविसित्तए वा ॥ २४ ॥ वासावासं पज्जोसवियस्य निमभित्त-यस्स भिक्खुरस कप्पंति सन्वाई पाणगाई पिडगाहित्तए । वासावासं पानांगि यस्स चडत्थभत्तियस्स भिक्खस्स कप्पंति तओ पाणगाई पिडेगाहित्तए, नंजहा-ओसेइमं(वा), संसेइमं, चाउलोदगं । वासावासं पज्जोसवियस्य छद्रमांनयस्म भिक्खस्स कप्पंति तओ पाणगाइं पिंडगाहित्तए, तंजहा-तिलोदगं वा, तसोदगं वा. जवोदगं वा । वासावासं पज्जोसवियस्य अद्रमभत्तियस्य भिकल्यस्य करपंति तओ

पाणगाइं पिडगाहित्तए, तंजहा-आयामं वा, सोवीरं वा, सुद्धवियडं वा । वासावासं पज्जोसवियस्स वि(कि)गिद्रभत्तियस्स भिक्खस्स कप्पइ एगे उसिणवियडे पडिगाहित्तए. से वि य णं असित्थे नो (चेव) वि य णं सिस्थे। वासावासं पज्जोसवियस्स भत्त-पडियाडक्खियस्स भिक्खस्स कप्पड एगे उत्तिणवियडे पडिगाहित्तए, से वि य णं असितथे, नो चेव णं सिस्तथे, से वि य णं परिपृष्, नो चेव णं अपरिपृष्, से वि य णं परिमिए, नो चेव णं अपरिमिए, से वि य णं वहसंपन्ने, नो चेव णं अवहसंपन्ने ॥ २५ ॥ वासावासं पज्जोसवियस्य संखादत्तियस्य भिक्खस्य कपंति पंच दत्तीओ भोयणस्स पडिगाहित्तए पंच पाणगस्स, अहवा चतारि भोयणस्स पंच पाणगस्स, अहुवा पंच भोयणस्स चत्तारि पाणगस्स. तत्थ णं एगा दत्ती लोणासायणमित्तमवि पिंडगाहिया सिया कप्पइ से तिह्वसं तेणेव भत्तद्रेणं पज्जोसवित्तए. नो से कप्पइ दच्चेपि गाहाबद्धकं भत्ताए वा पाणाए वा निक्खमित्तए वा पविसित्तए वा ॥ २६ ॥ वासा-वासं पज्जोसवियाणं नो कप्पड निर्गाथाण वा निर्गाशीण वा जाव उवस्सयाओ सत्त्रघरंतरं संखर्डि संनियहचारिस्स इत्तए, एगे (प्रण) एवमाहंसु-नो कप्पइ जाव उवस्तयाओ परेण सत्तघरंतरं संखर्डि संनियहचारिस्स इत्तए, एगे पुण एवमाहंसु-नो कप्पड जाव उवस्सयाओ परंपरेणं संखिंड संनियहचारिस्स इत्तए ॥ २०॥ वासावासं पज्जोसवियस्स नो कप्पइ पाणिपडिग्गहियस्स भिक्खुस्स कणगफुसियै-मित्तमिव वद्रिकायंसि निवयमाणंसि गाहावङ्कुलं भत्ताए वा पाणाए वा निक्ख-मित्तए वा पविसित्तए वा ॥ २८ ॥ वासावासं पज्जोसिवयस्स पाणिपिङग्गिहियस्स भिक्यस्य नो कप्पइ अगिहंसि पिंडवायं पिंडगाहिता पज्जोसवित्तए, पज्जोसवेमाणस्स सहसा बृद्धिकाए निवइजा देसं भुचा देसमादाय से पाणिणा पाणि परिपिहिता उरंसि वा णं निलिजिजा, कक्खंसि वा णं समाह डिजा, अहा छत्राणि वा लेणाणि वा उवागच्छिजा, स्वस्वमुलाणि वा उवागच्छिजा, जहा से पाणिसि दए वा दगरए वा दगफ़्रांसया वा नो परियावजाइ ॥ २९ ॥ वासावासं पज्जोसवियस्स पाणिपिङिग्ग-हियस्स भिक्खुस्स जं किंचि कणगफुसियमित्तंपि निवडेइ, नो से कप्पइ गाहावइ-बुळं भत्ताए वा पाणाए वा निक्खमित्तए वा पविसित्तए वा ॥ ३०॥ वासावासं पज्जोस-वियस्य पिडिग्गहधारिस्स भिक्खुस्य नो कप्पइ वन्वारियवृद्धिकायंसि गाहावइक्षलं भत्ताए वा पाणाए वा निक्खमित्तए वा पविसित्तए वा, कप्पइ से अप्पवृद्धिकार्यस संतरुत-रंसि 30 ॥ ३१ ॥ वासावासं पज्जोसवियस्स निग्गंथस्स निग्गंथीए वा गाहावडकलं पिंड-

१ आयामे वा, सोवीरे वा, मुद्धवियडे वा । २ 'फ़ुसार' । ३ वियारभूमिगमणे-ऽववाओ ।

बायपिडियाए अणुपविद्वस्स निगिज्झिय निगिज्झिय वृद्विकाए निवइजा, कप्पइ से अहे आरामंति वा अहे उवस्सयंति वा अहे वियडगिहंति वा अहे रुक्खमुलंति वा उवागच्छित्तए ॥ ३२ ॥ तत्थ से पुरुवागमणेणं पुरुवाउत्ते चाउलोदणे पच्छाउत्ते भिलिंगसूने, कपइ से चाउलोदणे पिडगाहित्तए, नो से कपइ भिलिंगसूने पिड-गाहित्तए ॥ ३३ ॥ तत्थ से पुरुवागमणेणं पुरुवाउत्ते भिलिंगसूवे पच्छाउत्ते चाउ-लोदणे, कप्पइ से भिलिंगसबे पडिगाहित्तए, नो से कप्पइ चाउलोदणे पडिगाहित्तए ॥ ३४ ॥ तत्थ से पुन्वागमणेणं दोऽवि पुन्वाउत्ताइं (वहंति), कप्पंति से दोऽवि पडि-गाहित्तए. तत्थ से पुव्वागमणेणं दोऽवि पच्छाउत्ताई, एवं नो से कप्पंति दोऽवि पडि-गाहित्तए, जे से तत्थ पुन्तागमणेणं पुन्वाउत्ते से कप्पइ पडिगाहित्तए, जे से तत्थ पुव्वागमणेणं पच्छाउत्ते नो से कप्पइ पिडगाहितए ॥ ३५ ॥ वासावासं फजोस-वियस्स निग्गंथस्स निग्गंथीए वा गाहावङ्कलं पिंडवायपिंडयाए अणपिवद्रस्स निगिज्झिय निगिज्झिय वृद्धिकाए निवइजा, कप्पइ से अहे आरामंसि वा अहे उवस्सर्यसि वा अहे वियडगिहंसि वा अहे स्क्लम्लंसि वा उवागच्छितए. नो से कप्पड पुरुवगहिएणं भत्तपाणेणं वेलं उवायणावित्तए, कप्पड् से पुरुवामेव वियडगं भुचा (पिचा) पडिग्गहगं संलिहिय संलिहिय संपमजिय संपमजिय ए[गाययं]गओ भंडगं कट्ट सावसेसे सुरे जेणेव उवस्सए तेणेव उवागच्छित्तए, नो से कप्पड़ तं रयणि तत्थेव उवायणावित्तए ॥ ३६ ॥ वासावासं पज्जोसवियस्स निग्गंथस्स निग्गंथीए वा गाहाबङ्कुळं पिंडवायपडियाए अणुपविद्वस्स निगिज्झिय निगिज्झिय बृद्धिकाए निवडजा. कप्पड़ से अहे आरामंसि वा अहे उवस्सर्यास वा० वियडगिहांसि वा अहे स्कखमळंसि वा उवागच्छित्तए ॥ ३० ॥ तत्थ नो कप्पइ एगस्स निग्गंथस्य एगाए य निग्गंथीए एगयओ चिद्रित्तए १, तत्थ नो कप्पइ एगस्य निग्गंथस्य दुण्हं निग्गंथीणं एगयओ चिद्धित्तए २, तत्थ नो कप्पइ दुण्हं निग्गंथाणं एगाए य निग्गंथीए एगयओ चिद्रित्तए ३, तत्थ नो कप्पइ दुण्हं निग्गंथाणं दुण्हं निग्गंथीण य एगयओ चिद्वित्तए ४, अत्थि य इत्थ केइ पंचमे खुरूए वा खुरूया(इ) वा अन्नेसिं वा संलोए सपिंडद्वारे एवं ण्हं कप्पड एगयओ चिद्रित्तए ॥ ३८ ॥ वासावासं पज्जोसवियस्स निग्गंथस्स गाहावङ्कुलं पिंडवायपिंडयाए अणुपविद्वस्स निगिज्अिय निगिज्झिय वृद्धिकाए निवइजा, कप्पइ से अहे आरामंसि वा अहे उवस्पर्यसि वा अहे वियडिगिहंसि वा अहे रुक्खमूलंसि वा उवागच्छित्तए, तत्थ नो कप्पइ एगस्स निग्गंथस्स एगाए य अगारीए एगयओ चिद्रित्तए, एवं चडभंगी, अत्थि णं इतथ केइ पंचमए थेरे वा थेरिया(इ)वा अन्नेसि वा संलोए सपडिद्वारे, एवं कप्पइ एगयओ

चिद्रित्तए । एवं चेव निगांथीए अगारस्स य भाणियव्वं ॥ ३९॥ वासावासं पज्जो-सवियाणं नो कप्पइ निग्गंथाण वा निग्गंथीण वा अपरिण्णएणं अपरिण्णयस्स अद्राण असणं वा १ पाणं वा २ खाइमं वा ३ साइमं वा ४ जाव पिडगाहित्तए ॥ ४० ॥ से किमाह भंते !, इच्छा परो अपरिण्णए भुंजिजा. इच्छा परो न भुंजिजा ॥ ४१ ॥ वासावासं पज्जोसवियाणं नो कप्पड निरगंथाण वा निरगंथीण वा उद्डेंह्रण वा ससिणिद्धेण वा काएणं असणं वा १ पाणं वा २ खाइमं वा ३ साइमं वा ४ आहारितए ॥ ४२ ॥ से किसाह भंते !, सत्त सिणेहाययणा पण्णत्ता, तंजहा-पाणी १ पाणिलेहा २ नहा ३ नहसिंहा ४ भमहा ५ अहरोद्रा ६ उत्तरोद्रा ७। अह पुण एवं जाणिजा-विगओदंगे में काए छिन्नसिणेहे, एवं से कप्पइ असणं वा १ पाणं वा २ खाइमं वा ३ साइमं वा ४ आहारित्तए ॥ ४३ ॥ वासावासं पज्जोस-वियाणं उह खल निग्गंथाण वा निग्गंथीण वा इमाइं अह सुहुमाइं जाइं छउमत्थेणं निरगंथेण वा निरगंथीए वा अभिक्खणं अभिक्खणं जाणियव्वाइं पासियव्वाइं पडि-लेहियव्याउं भवंति, तंजहा-पाणसुहमं १ पणगसुहमं २ बीयसुहमं ३ हरियसुहमं ४ पुष्फमहमं ५ अंडमहमं ६ लेणसहमं ७ सिणेहसुहमं ८ ॥ ४४ ॥ से किं तं पाण-सहमें ? पाणमृहमें पंचिवहें पण्णते, तंजहा-किण्हें १, नीले २, लोहिए ३, हालिंहे ४, र्गुक्किंहे ५ । अत्थि कुंथु अणुद्धरी ना(म समुप्पना)मं, जा ठिया अचलमाणा छउम-त्थाणं निरगंथाण वा निरगंथीण वा नो चक्खफासं हव्वमागच्छइ, जा अठिया चल-माणा छत्रमत्थाणं निर्माथाण वा निर्माथीण वा चक्खुफासं हव्यमागच्छइ, जा छउ-मत्थेणं निरगंथेण वा निरगंथीए वा अभिक्खणं अभिक्खणं जाणियन्वा पासियन्वा पिंडिलेहियव्या हुयर । से तं पाणसहमे १ ॥ से किं तं पणगसहमे १ पणगसहमे पंच-थिह पणाते, तंजहा-किण्हे, नीले, लोहिए, हालिहे, सुकिले । अत्थि पणगसुहमे तद्द-ध्यसमाणवर्ण्य नामं पण्णते, जे छउमत्थेणं निग्गंथेण वा निग्गंथीए वा जाव पिड-लेहियव्यं भवर । से तं पणगमुहमे २ ॥ से किं तं वीयमुहमे ? वीयमुहमे पंचिवहे पण्णते, तंत्रहा-किण्हे जाव सुक्षित्रे । अत्थि वीयसहमे कणियासमाणवण्णए नामं पण्णते, ज छउमत्थेणं निरगंथेण वा निरगंथीए वा जाव पिडलेहियववे भवइ। से तं वीयसहुमे ३ ॥ से कि नं हरियसहुमे ? हरियसहुमे पंचविहे पण्णते, तंजहा-किण्हे जाव सुक्तिहै । अस्थि हरियसहुमे पुढवीसमाणवण्णए नामं पण्णत्ते, जे निग्गंथेण वा ांनागंथीए वा अभिवन्वणं अभिक्खणं जाणियव्वे पात्तियव्वे पडिलेहियव्वे भवइ । सं नं हरियमुहुमं ४ ॥ से कि तं पुष्फमुहुमे १ पुष्फमुहुमे पंचिवहे पण्णत्ते, तंजहा-किण्हं जाव मुक्किते। अस्थि पुण्फसुहुमे स्क्लसमाणवण्णे नामं पण्णत्ते, जे छउमस्थेणं निग्गंथेण वा निग्गंथीए वा जाणियव्वे जाव पडिछेहियव्वे भवर । से तं पुष्कतु-हुमे ५॥ से किं तं अंडसुहुमे ? अंडसुहुमे पंचिवहे पण्णते, तंजहा-उद्संडे, उक्कि-यंडे, पिपीलियंडे, हलियंडे, हल्लोहलियंडे, जे निरगंथेण वा निरगंथीए वा जाव पिट-लेहियव्वे भवइ । से तं अंडसहमे ६ ॥ से किं तं लेणसहमे ? लेणसहमे पंचिवह पण्णते, तंजहा-उत्तिंगलेणे, भिंगुलेणे, उज़्ए, तालम्लए, संवुकावटे नामं पंचमे, जे छउमत्थेणं निरगंथेण वा निरगंथीए वा जाणियव्वे जाव पडिलेहियव्वे भवड । से नं लेणसहमे ७ ॥ से किं तं सिणेहसहमे ? सिणेहसहमे पंचविहे पण्णते, तंजहा-उस्या, हिमए, महिया, करए, हरतणुए । जे छउमत्थेणं निग्गंथेण वा निग्गंथीए वा अभि-क्खणं अभिक्खणं जाव पडिलेहियव्वे भवइ। से तं सिणेहसुहमे ८॥ ४५॥ वासा-वासं पज्जोसविए भिक्ख इच्छिजा गाहावइकुलं भत्ताए वा पाणाए वा निक्खिमनए वा पविसित्तए वा नो से कप्पइ अणापुच्छिता आयरियं वा उवज्झायं वा थेरं (वा) पवित्तिं गणिं गणहरं गणावच्छेययं जं वा पुरओ काउं विहरइ, कप्पट से आपुच्छिउं आयरियं वा जाव जं वा परओ काउं विहरइ-इच्छामि णं भंते ! तुब्भेहिं अब्भण-ण्णाए समाणे गाहावडकुलं भत्ताए वा पाणाए वा निकखमितए वा पश्चितिता वा. ते य से वियरिजा एवं से कप्पइ भत्ताए वा पाणाए वा निकखिमत्तए वा पविसित्तए वा. ते य से नो वियरिजा एवं से नो कप्पइ भत्ताए वा पाणाए वा निक्खमित्तए वा पविसित्तए वा। से किमाह भंते !, आयरिया पचवायं जाणंति ॥ ४६॥ एवं विहार(मज्आय)भभि वा वियारभूमि वा अन्नं वा जं किंचि पओयणं, एवं गामाणुगामं दुइर्जितए ॥ ४७॥ वासावासं पज्जोसविए भिक्ख इच्छिजा अण्णयरि विगई आहारित्तए, नो से ऋष्यः अणापच्छिता आयरियं वा जाव गणावच्छेययं वा जं वा पुरओ काउं विहरः, कप्पट से आपुच्छिता आयरियं जाव आहारित्तए-इच्छामि णं भंते ! तब्भेहिं अब्भणण्याण समाणे अन्नयरिं विगई आहारित्तए एवड्यं वा एवड्यख़त्तो वा. ते य से वियरिजा एवं से कप्पड़ अण्णयरिं विगईं आहारित्तए. ते य से नो वियरिजा एवं से नो कप्पड़ अण्णयरिं विगई आहारित्तए, से किमाह भंते !. आयरिया पचवार्य जाणीत ॥ ४८ ॥ वासावासं पज्जोसविए भिक्ख इच्छिजा अण्णयिरं ते(गिच्छं)इच्छियं आउदिनग् तं चेव सन्वं भाणियन्वं ॥ ४९ ॥ वासावासं पज्जोसविए भिक्क इन्छिजा अण्णयरं उरालं कल्लाणं सिवं घण्णं मंगलं सस्तिरीयं महाणुमावं तवोकम्मं उवसंपा अभाणं विहरित्तए, तं चेव सब्वं भाणियव्वं ॥ ५० ॥ वासावासं पज्जोसविए भिक्सू अस्त्रिजा अपच्छिममार्णंतियसंलेहणाजूसणाजूसिए भत्तपाणपडियाइक्खिए पाओवगए कालं

[ु] १ सकारणं ।

अणवकंखमाणं विहरित्तए वा. निक्खमित्तए वा पविसित्तए वा, असणं वा पाणं वा खाइमं वा साइमं वा आहारित्तए वा, उचारं वा पासवणं वा परिद्वावित्तए, सज्झायं वा करित्तए, धम्मजागरियं वा जागरित्तए, नो से कप्पइ अणापुच्छिता तं चेव सब्वं ॥ ५,१ ॥ वासावासं पज्जोसविए भिक्ख इच्छिजा वर्त्थं वा पडिग्गहं वा कंबलं वा पायपुंहणं वा अप्णयरिं वा उवहिं आयावित्तए वा प्यावित्तए वा. नो से कप्पड एगं वा अणेगं वा अपिडण्णवित्ता गाहावद्दुळं भत्ताए वा पाणाए वा निक्खमित्तए वा पविनित्त वा, असणं वा पाणं वा खाइमं वा साइमं वा आहारित्तए, बहिया विहार-भाम वा वियारभूमि वा सज्झार्य वा करित्तए, काउरसम्गं वा ठाणं वा ठाइत्तए, अस्थि य इत्थ केंद्र अभिसमण्णागए अहासण्णहिए एगे वा अणेगे वा, कप्पइ से एवं वइ-नए-इमं ना अजो ! तुमं मुहत्तगं जाणेहि जाव ताव अहं गाहावहकुलं जाव काउ-स्सम्भं वा ठाणं वा ठाइतए, से य से पडिसुणिजा एवं से कप्पइ गाहावइकुलं तं चेव सन्यं भाणियन्वं । से य से नो पडिसुणिजा एवं से नो कप्पइ गाहावइकुलं जाव काउस्मभ्यं वा ठाणं वा ठाइतए ॥ ५२ ॥ वासावासं पज्जोसवियाणं नो कप्पड निम्मंथाण वा निम्मंथीण वा अणिमम्महियसिजासिणयाणं हत्तए, आयाणमेयं, अण-भिम्महियाि जामणियस्य अणुगान्हवयस्य अणुहावंधियस्य अमियासणियस्य अणाता-विग्रम्य असमिग्रस्य ऑभक्षणं अभिक्खणं अपडिलेहणासीलस्य अपमज्जणासीलस्य तह। तह। संजमे दुराराहए भवद् ॥ ५३ ॥ अणायाणमेयं अभिग्गहियसिजासणियस्स उभावत्यस्य अद्वावंधियस्य मियासणियस्य आयाधियस्य रामियस्य अभिक्खणं अभि-क्लणं पिंडलंडिणासीलस्य पमजणासीलस्य तहा तहा संजमे सुआराहए भवइ ॥ ५४ ॥ वासावासं प्रजीसिवयाणं कृष्यद निरंगेथाण वा निरंगेथीण वा तओ उचारपासवण-भूमीओ पिंडेलेहिमण, न तहा हैमंतिगम्हाम जहा णं वासास, से किमाह मंते !? वासास णं उरुसण्णं पाणा य तणा य बीया य पणगा य हरियाणि य भवंति ॥ ५०॥ वासावामं पज्जांसांवयाणं कप्पड् निम्मंथाण वा निम्मंथीण वा तओ मत्तगाई भिष्टित्तः, तंजहा-उमार्मत्तः, पासवणमत्तः, खेळमत्तः ॥ ५६ ॥ वासावासं पज्जोस-वियाणं नो कपट निमांथाण वा निमांशीण वा परं पज्जोसवणाओ गोलोमप्पमाण-भिनेद्रांव केरी ते स्थणि उवायणाधिनए ॥ ५७ ॥ वासावासं पज्जोसवियाणं नो कप्पइ निसंशाण वा निसंधीण वा परं पज्ञीसवणाओं अहिगरणं वइत्तए, जे णं निस्गंथो वा निम्मंथी वा परं पज्जोमवणाओं अहिंगरणं वयद, से णं 'अकप्पेणं अज्जो ! वय-सीनि' वत्तव्यं सिया, जे णं निरगंथों वा निरगंथी वा परं पज्जोसवणाओ अहिगरणं वयद से णं निजृहियव्यं सिया ॥ ५८ ॥ वासावासं पज्जोसवियाणं इह खलु निग्गं-

थाण वा निर्माथीण वा अजेव कक्खंड कडुए वि(बु)म्महे समुप्पजि[त्था]जा, सेहे राइणियं खामिजा, राइणिएऽवि सेहं खामिजा, खमियव्वं खमावियव्वं उवर्गामयव्वं उवसमावियव्वं समदसंपुच्छणावहरुणं होयव्वं । जो उवसमद तस्स अत्थि आराहणा. जो न उवसमइ तस्स निथ आराहणा, तम्हा अप्पणा चेव उवसमियव्वं. से किमाह भंते ! उवसमसारं ख सामण्णं ॥ ५९ ॥ वासावासं पज्जोसवियाणं कप्पट निग्गंथाण वा निर्माथीण वा तओ उवस्सया गिण्हित्तए, तंजहा-वेडव्विया पिडलेहा सार्टाजया पमजाणा ॥ ६० ॥ वासावासं पज्जोसवियाणं निर्मायाण वा निर्मायीण वा करपट अण्णयरि दिसि वा अणुदिसि वा अवगिज्झिय २ भत्तपाणं गवेसित्तन् । सं किमाह भंत ! उस्सण्णं समणा भगवंतो वासास तवसंपडत्ता भवंति तवस्सी दुव्वले किलंते मुच्छिज वा पविजिज वा, तमेव दिसं वा अणुदिसं वा समणा भगवंतो पिडेजाग-रंति ॥ ६१ ॥ वासावासं पज्जोसवियाणं कप्पड निरगंथाण वा निरगंथीण वा गिराण-हेउं जाव चत्तारि पंच जोयणाई गंतुं पिडिनियत्तए, अंतराऽिय से कप्पड़ वस्थए, नो से कप्पड तं रयणि तत्थेव उवायणावित्तए ॥ ६२ ॥ इचेयं संवच्छिरियं थैरकप्पं अहा-मुत्तं अहाकप्पं अहामग्गं अहातचं सम्मं काएण फासिता पालिता सोभिता तीरिता किटिता आराहिता आणाए अणुपालिता अत्थेगइया समणा निग्गंथा तेणेव भव-ग्गहणेणं सिज्झेति वुज्झेति मुर्चिति परिनिव्याइंति सव्बद्धक्खाणमंतं करिंति, अत्थेगइया दुचेणं भवग्गहणेणं सिज्झंति जाव सन्बद्दक्खाणमंतं करिति, अत्थेगटया तच्चणं भवग्गहणेणं जाव अंतं करिंति, सत्तद्वभवग्गहणाइं पुण नाड्कमंति ॥ ६३ ॥ तेणं कालेणं तेणं समएणं समणे भगवं महावीरे रायगिहे नगरे गुणांसलए उजाणं बहुणं समणाणं बहुणं समणीणं बहुणं सावयाणं बहुणं सावियाणं बहुणं देवाणं बहुणं देवीणं मज्झगए चेव एवमाइक्खइ, एवं भासइ, एवं पण्णवेड, एवं पस्येट, पजी-सवणाकपो नामं अज्झयणं सअहं सहेउयं सकारणं समुत्तं सअहं सरभयं सवागरणं मुजो मुजो उवदंसेइ॥ ६४॥ त्ति-बेसि॥ इइ सामायारी समत्ता॥ पज्जोसवणाकपो नाम दसासुयक्लंधस्स अट्टममज्झ्यणं समत्तं॥ अहवा कप्पसुत्तं समत्तं ॥ पढमं परिसिद्रं समत्तं ॥



णमोऽत्थु णं समणस्य भगवओ णायपुत्तमहावीरस्स

बारं परिसिद्धं

सावयावस्सए सामाइयसुत्तं

पटमं 'णमो अस्टिताणं ०' तओ 'तिक्सुतो ०' तओ-अस्हितो मह देवो, जावजीवं समाहणो गुरुणो । जिणपण्णानं तानं, इय सम्मत्तं मए गहियं ॥ १ ॥ तओ-पंचिं-दियसंबरणो, नद णनावद्यंस वेरमृतिधरो । चडविहकसायमुको, अद्वारसगुणेहिं मंजुनी ॥ १ ॥ पंचमहरायजुनी, पंचिवहायारपाळणसमत्थी । पंचसमिईतिगुत्ती, छर्मीसगुणो गुरु मान्त ॥ २ ॥ तओ 'इच्छाकारेण०' पच्छा 'तरस उत्तरीकरणेणं०' तओं 'र्छोगरम अजीयगरेक' मओं 'क्रोम भंते ! सामाइयं, सावजं जोगं पचक्खामि, जाय-णियमं प्रज्ञानसाम, दुविहं तिविहेणं ण करेमि ण कारवेमि मणसा वयसा कायमा, तस्य मेते । पाँउपमामि णिदामि गरिहामि अप्पाणे बोसिरामि'। तओ पन्छ। 'णमंदिन्तु णेच' । तत्री सामाइयपारणपाटो जहा-'एयस्स णवमस्स सामाइय-वसम्म पंच अःवास जाणियवना ण समायरियव्या, तंजहा-(ते आलोएसि-) मणद्रपणिहाणे. वक्रुपणिहाणे, कायदृष्पणिहाणे, सामाइयस्स सङ् अकरणया, सामाद्रवस्य अणवाद्ववस्य करणया, तस्य मिच्छामि दुक्कडं । सामाइयं सम्मं काएण ण फामियं, ण पाल्यिं, ण नीरियं, ण किद्धिं, ण नीहियं, ण आराहियं, आणाए अण्यान्त्रियं ण अवः तस्य मिन्द्रामि द्वः है । [सामाइए मणसो दस दोसा, वयणस्य दस दोसा, कायस्य द्वालम दोना, एएम् अण्णयरी दोसो लग्गो तस्स मिन्डामि ११ रे । सामादम् देशीकहा, भनकहा, देसकहा, रायकहा, एयास चडसु विकास अण्ययम विकास क्या तम्य मिन्धामि दुश्हें । सामाइए आहारसण्णा, भवसण्या, मेळुणसण्या, परिस्माहसण्या, एयासु चउसु सण्यासु अण्यासरा सण्या सेविया तस्य मिन्डामि स्वार्ड । सामाडम् अङ्क्षमे बङ्क्षमे अङ्गारे अणायारे जाणं-तेण वा अजार्णनेण वा भणना वयमा कायमा दुष्पउत्ती क्या तस्स मिच्छामि दग्र है। मामारण विदिगांदण विदियांचिंग की वि अविही करेंगे तस्स मिन्छामि दुषाउं । सामाउन् मन्तरपरमारपनास्माहानुनाइयं हीणं वा अहियं वा विवरीयं या करियं अणेनीयद्वारानियमानेवाणं सक्ष्मीण तस्य मिन्छामि दुक्कडं । सामाइन

साविषाओं 'उन्योकडा'डाणे 'पुरिसकडा'ति बोहिति ।

यगहणविही-पढमं भूमिआसणरयहरणिमुहपोत्तियाईणं पिडलेहणा कायव्या, तओ भूमिं जयणाए पमिजता आसणमत्यरियव्वं । पुणो मुहपोत्तियं मुहे वंधिऊण आसणाओ किंचि दूरं चिद्रित्त 'तिक्खुत्तो०' इच्चणेण गुरुवंदणा कायव्वा । जड् ण होंतु मुणिणो तो पुव्वाभिमहेण वा उत्तराभिमहेण वा सीमंधरसामिस्स विहरमाण-तित्थयरम्स भाववंदणा करणिजा । तओ णमोक्कारसत्ताओ आरब्भ जाव 'तस्स उत्तरीसुत्तं भणसा चेव उचारेजा. तओ झाणावत्थाए जिणमुद्दाए वा जोगमुद्दाए वा सतिसंपडमहाए वा खम्मासणेण वा 'इरियावहियासत्तं' मणसा चेव काउरसम्मावत्थाए पढियव्वं, तओ 'णमो अरिहंताणं' मणसा तहा फुडह्वेण उचारिता काउस्सम्मो पारियव्यो । तओ 'लोगस्स॰' तयणंतरं गुरं वंदित्त 'करेमि भंते !॰' पडियव्यं । 'जाव-णियमं' इचणेण जेत्तियाइं सामाइयाइं काउमिच्छेज ते तियमुहुत कालस्य मणसि चिंतणं किचा उवविसित्त आसणे जहाविही 'णमोऽत्य णं॰' तिक्खुत्तो पिढयव्वं। पढमं सिद्धाणं, बीयं अरिहंताणं, तद्यं 'णमोऽत्यु णं मम धम्मगुरुस्स धम्मायरियस्स धम्मोवएसयस्स' ति । सामाइए काउस्सग्गो वा सज्झाओ वा वक्खाणसवणं वा अत्तर्चितणं वा कायव्वं । सामाइयपारणविही-सामाइयकालसमत्तीए जहा हेद्वा णमोक्कारसत्ताओ आरद्ध जाव 'लोगस्स०' उचारणं. तओ सामाइयपारणपाठो पढियव्यो, तयणंतरं पुरुवत्तविहिणा 'णमोऽत्यु णं०' तिक्खतो, तओ तिक्खतो णमोक्कारस्य काउस्सम्मो कायव्वो । एवं अहाविही सामाइयं पालियं भवड ।] मणसो दस दोसा-अविवेद जैसोकिती, लाभैतथी गर्व्य भर्ये णियार्णतथी। संसँयरोर्सअविर्णंड, अबहुमीण ए दोसा भणियव्वा ॥ १ ॥ दस वहदोसा-कुवर्यण सहसीकारे, सछंदै संखेर्वे कलेंह च । विगर्हा वि हाँसोऽर्मुद्धं, णिरवेरीसो मुणर्भुणा दोसा दस ॥ १ ॥ वारस कायदोसा-कुआर्सणं चलासणं चलेदिदी. सार्वेज्ञिकरिया-लंबेणाकुंचर्णपसारणं। आलँस्स मोडर्ण मलं विमीसणं, णिही कीणे ति बारस कायदोसा ॥ १ ॥ वत्तीसं वंदणादोसा-अणीटियं च थैदं च, पैक्षिदं पैरिपिंडियं । टोर्लेगइ अंर्कुसं चेव, तहा कच्छभैरिंगियं ॥ १ ॥ मर्च्छव्वसं मणसा-, पर्डेंद्व तह य वेड्यीबद्धं। भर्यसा चेव भयंतं, मित्ती गारैवें कीरेणं ॥ २ ॥ तिणयं पिडणियं चेव, रहं तर्जियमेव य । सहं च हीलियं चेव, तहा विप्पालिउंचियं ॥ ३ ॥ दिहैमैदिहं च तहा, सिंगं च केरेमोयणं । आलिदेमणालिदं, ठेर्णं उत्तरेनृतियं ॥ ४॥ भूयं च ढें**हु**रं चेव, चुडिलियं अपच्छिमं। बत्तीसदोसपरिसुद्धं, किट्कम्मं पडंजए ॥ ५ ॥ एगूणवीसं काउस्सग्गदोसा-घोडग लया य खंमे, क्रा

माले य सबिर वैहु णियडे । लंबुत्तर थणैउद्धी, संजर्डे खिलिणे य वायस किवेडे ॥ १ ॥ सीसोकंपियमृई, अंगुलिभमुहाइ वारुणी पेहा । एए काउरसम्गे, हवंति दोसा एगुणवीसं ॥ २ ॥

॥ इय सामाइयसुत्तं समत्तं ॥

णमोऽत्थु णं समणस्स भगवओ णायपुत्तमहावीरस्स

तइरं परिसिद्धं

सावयावस्सय(पडिक्रमण)सुत्तं

इच्छामि णं भंते ! तुब्भेहिं अब्भणुण्णाए समाणे देवेंसियं पिकक्षमणं ठाएमि, देविसियणाणदंसणचिरित्ताविसित्तवअङ्यार्चितवणत्थं करेमि काउसमां ॥ १ ॥

अह पढमं सामाइयावस्सयं

णमो अरिहंताणं ॥ १ ॥ करेमि भंते । ॥ २ ॥ इच्छामि ठामि काउसम्गं, जो में देवसिओ अद्यारो क्यो, काइओ, वाइओ, माणिसओ, उस्मतो, उम्मम्गो, अकरणों, अकरणिं , दुज्याओ, दुविचितिओ, अणायारो, अणिच्छियव्यो, असावग-पाउम्गो, णाणे तह दंगणे, चिरताचिरिते, मुण, सामाइए, तिण्हं गुत्तीणं, चउण्हं कसायाणं, पंनण्हमणुव्वयाणं, तिण्हं गुणव्ययाणं, चउण्हं सिक्खावयाणं, बारस-विद्रस्य सावग्यम्मस्य, जं खंडियं, जं विराहियं तस्स मिच्छामि दुक्कडं ॥ ३ ॥ तस्स उत्तरी । ४ ॥ ४ ॥ इह पढमं सामाइयावस्सयं समत्तं ॥ १ ॥

५-२-३-४ एए दोसा ण साविगाए, २-३-४ एए दोसा ण साहुणीए होंति । । धिसंसाय 'श्रीमान लाला प्यारेलाल जैन (अंवरनाथ G. I. P.)' दोशस्य द्व्यसहाएण सृतागमपगामगसमिईए प्रगासियं सिरिसामाइयस्तं दह्ववं । '. 'राट्यं' 'पिक्तयं' 'चाउम्मासियं' 'संवच्छरियं' । ६ णवणडइअइयाराणं काउ-स्ममंगि किज्ञद्र-'आगमं तिथिहं जाव कामभोगासंसप्यओगे' । 'अहारहपावहाणग' भागाए, 'उच्छामि हामिल' 'णमं अरिहंताणं वे सुतृण काउस्सम्गो पारिज्ञद्द । सब्वे अदयारपाटा भिष्णभिष्णभागामीसिया लब्भंति तत्तोऽवसेया । मृलं तु अग्गे दह्ववं । वियं च उर्यास्मन्थवावस्सयं तह्यं वंदणावस्सयं जहा आवस्सप ॥२-३॥

अह चउत्थं पडिक्रमणावस्सयं

णाणाइयारपाढो

अंगिमे तिविहे पण्णते, तं०-सत्तागमे, अत्थागमे, तदुभयागमे, (एवं तिविदस्य आगमस्वणाणस्य विसए जे अद्यारा लग्गा ते आलोएमि-) जं वाद्दं, जाव सञ्झाए ण सञ्झाद्यं, (भणंतेण गुणंतेण वियारंतेण णाणस्य णाणवंतस्य य आगायणा कया) तस्य मिच्छामि दुक्कडं।

दंसणसम्मत्तपादो

अरिहंतो मह देवो० ॥ १ ॥ परमत्थसंथवो वा, सुदिद्वपरमत्थसंवणा वावि । वावण्णकुदंसणवज्जणा य, सम्मत्तसदृहणा ॥ २ ॥ इय सम्मत्तस्य पंच अद्यारा पेयाला जाणियव्वा ण समायरियव्वा, तं०-(ते आलोएमि-)संका, कंखा, वितिगिच्छा, परपासंडपसंसा, परपासंडसंथवो, (एएस पंचस अद्यारेस अण्णयरो अद्यारो लग्गो) तस्स मिच्छामि दुक्कडं ।

दुवालसवयाइयारसहियपाढो

(पढमं अणुद्वयं-) थूलाओं पाणाइवायाओं वेरमणं, (तसजीवे-वंदंदियतंदंदिय-चंदिरियपंचिंदिए णाळण आउट्टी-हणणवुद्धीए हणणहणावणपचक्याणं समंबंधि-ससरीरसिवसेसपीडाकारिणो सावराहिणो वा विज्ञिकण,) जावजीवाए दुविहं तिविहेणं ण करेमि ण कारवेमि मणसा वयसा कायसा, (एयस्स पढमस्स अणुद्धियस्स थूल-पाणाइवायवेरमणस्स) पंच अद्ध्यारा पेयाला जाणियव्या ण समायरियव्या, तं ॰-(ते आलोएमि-) वंधे, वहे, छिवच्छेए, अद्भारं, भत्तपाण(वि)युच्छेए, जो में देवसिओं अद्ध्यारो कओं तस्स मिच्छामि हुकडं ॥ १ ॥ (बीयं अणुद्धयं-) थूलाओं मुगावायाओं वेरमणं, कण्णा(की)लिए, गोवालिए, भोमालिए, णासावहारो(थापणमीनो), कूडसिक्खेंज, (देधवमाइस्स महंतमुसावायस्स पचक्खाणं,) जावजीवाए दुविहं तिविहेणं ण करेमि ण कारवेमि मणना वयसा कायमा, (एयस्स वीयस्स अणुव्धयस्स थूलमुसावायवेरमणस्स) पंच अद्यारा जाणियव्या ण समायरियव्या, तं ॰-(॰) सहसक्भक्खाणे, रहस्सक्भक्खाणे, संदारमंतभेए, मोसोवएसे, कुडलेहकरणे, जो में देवसिओं अद्ध्यारों कओ तस्स मिन्छामि दुकडं ॥ २ ॥ (तह्यं अणुव्धयं-)

१ णवणडर्अड्यारपाटा जे पटमावस्मए काउरसम्मे चितिजंति ते चेव एत्य फुडस्बेण उच्चारिजंति । २ तस्म सन्वरम देवस्यरस अड्यारस्स वृद्धभामय- दुर्बितिय-दुचिद्वियस्स आलोयंतो पडिक्रमामि । 'णमोक्रारं' 'करेमि भेते । ०' 'चनारि मंगलं०' 'इच्छामि ठामि०' 'इच्छाकारेण०' । इओ पुटिंव पर्यतरे । ३ एवं सन्वत्थ अवगंतव्यं । ४ साविगाहि अस्स ठाणे 'सभतार'मंतभेए ति वत्तव्यं । एवं सन्वत्थ ।

थूलाओ अदिण्णादाणाओ वेरमणं, (खत्तखणणं, गंठिभेयणं, तालुग्घाडणं, पडियवत्थु-हरणं, ससामियवत्थुहरणं, इचेवमाइस्स अदिण्णादाणस्स पचक्खाणं अप्पाण य संबंधि-वावारसंबंधितुच्छवत्थुं विष्पजहिऊण,) जावजीवाए दुविहं तिविहेणं ण करेमि ण कारवेमि मणसा वयसा कायसा, (एयस्स तइयस्स अणुव्वयस्स थूलअदि-ण्णादाणवेरमणस्स) पंच अङ्यारा जाणियव्या ण समायरियव्या, तं०-(०) तेणाहडे, तकरप्पओगे, विरुद्धरजाइक्से, कूडतुल्लकूडमाणे, तप्पडिरुवगववहारे, जो मे देव-सिओ अइयारो क्यो तस्स मिच्छामि दुक्कडं ॥ ३ ॥ (चउत्थं अणुव्वयं-) थूलाओ मेहणाओ वेरमणं, सदारसंतोसिए, अवसेसमेहुणविहिं पचक्खामि, जावजीवाए (दिव्वं) दुविहं तिविहेणं ण करेमि ण कारवेमि मणसा वयसा कायसा. (माणुरूसं तिरिक्खजोणियं) एगविहं एगविहेणं ण करेमि कायसा, (एयस्स चउत्थस्स अणु-व्ययस्स थूलमेहुणवेरमणस्स) पंच अइयारा जाणियव्वा ण समायरियव्वा, तं०-(०) इत्तरियपरिग्गहियागमणे, अपरिग्गहियागमणे, अणंगकीडा, परविवाहकरणे, काम-भोगतिव्वाभिलासे, जो मे देवसिओ अइयारो कओ तस्स मिच्छामि दुक्कडं ॥ ४ ॥ (पंचमं अणुव्वयं-) थूलाओ परिग्गहाओ वेरमणं, (खेत्तवत्थूणं जहापरिमाणं, हिरण्णसुवण्णाणं जहापरिमाणं, धणधण्णाणं जहापरिमाणं, दुपयचउप्पयाणं जहा-परिमाणं, कुप्पस्स जहापरिमाणं, एवं मए जहापरिमाणं कयं तओ अइरित्तस्स परि-ग्गहस्स पचक्ताणं,) जावजीवाए एगविहं तिविहेणं ण करेमि मणसा वयसा कायसा, (एयस्स पंचमस्स अणुव्वयस्स भूलपरिग्गहवेरमणस्स) पंच अइयारा जाणियव्वा ण समायरियव्वा, तं०-(०) खेत्तवत्थुप्पमाणाइक्रमे, हिरण्णसुवण्णप्पमाणाइक्रमे, धण-धण्णप्पमाणाइक्समे, दुपयचडप्पयप्पमाणाइक्समे, कुवियप्पमाणाइक्समे, जो मे देवसिओ अड्यारो कओ तस्स मिन्छामि दुक्कडं ॥ ५ ॥ (छट्टं दिसिवयं-उद्खृदिसाए जहा-परिमाणं, अहोदिसाए जहापरिमाणं, तिरियदिसाए जहापरिमाणं, एवं जहापरिमाणं कयं तत्तो अइरित्तं सेच्छाए कायाए गंतूणं पंचासवासेवणपचक्खाणं,) जावजीवाए देविहं तिविहेणं ण करेमि ण कारवेमि मणसा वयसा कायसा, (एयस्स छहस्स दिसिवयस्य अहवा पढमस्य गुणव्वयस्य) पंच अइयारा जाणियव्वा ण समायरियव्वा, तं॰-(०) उद्गृदिसिप्पमाणाइक्समे, अहोदिसिप्पमाणाइक्समे, तिरियदिसिप्पमाणाइक्समे, खित्तवुद्धी, सद्अंतरद्धा, जो मे दर्वासओ अइयारो कओ तस्स मिच्छामि दुकडं ॥ ६ ॥ (सत्तमं उवभोगपरिभोगपरिमाणव्वयं-) उवभोगपरिभोगविहिं पचक्खाय-माणे(ण) १ उल्लिणयाविहि, २ दंतवणविहि, ३ फळविहि, ४ अन्भंगणविहि,

१ एगविहंपि पचंतरे।

५ उव्बदृणविहि, ६ मजाणविहि, ७ वत्थविहि, ८ विलेवणविहि, ९ पुण्फविहि, १० आभरणविहि, ११ धूवविहि, १२ पेजविहि, १३ भक्खणविहि, १४ ओदणविहि, १५ स्वविहि, १६ विगयविहि, १० सागविहि, १८ महुरविहि, १९ जेमणविहि, २० पाणियविहि, २१ मुखवासविहि, २२ वाहणविहि, २३ उवाणहिविहि, २४ सयणविहि, २५ सचित्तविहि, २६ द्व्वविहि, (दचाईणं जहापरिमाणं कयं तत्ती अइरित्तस्स उवभोगपरिभोगस्स पचक्खाणं,) जावजीवाए एगविहं तिविहेणं ण करेमि मणसा वयसा कायसा, (एस णं सत्तमे) उवभोगपरिभोगे (अहवा बीए गुणव्वए) दुविहे पण्णत्ते, तंजहा-भोय(णा)णओ य. कम्मओ य, भोयणओ समणोवासएणं पंच अङ्यारा जाणियन्वा ण समायरियन्वा, तं०-(०) सचिनाहारे, सचित्तपडिबद्धाहारे, अप्पडलिओसहिभक्खणया, दुप्पडलिओसहिभक्क्षणया, तुन्छो-सहिभक्खणया, कम्मओ णं समणोवासएणं पण्णरसक्रम्मादाणाइं जाणियव्याउं ण समायरियव्वाइं, तं०-(०) १ इंगालकम्मे, २ वणकम्मे, ३ साडीकम्मे, ४ भाडी-कम्मे, ५ फोडीकम्मे, ६ दंतवाणिजे, ७ लक्खवाणिजे, ८ केसवाणिजे, ९ रभवा-णिजे, १० विसवाणिजे, ११ जंतपीलणकम्मे, १२ णिहंहणकम्मे, १३ दविगदा-वणया, १४ सरदहतलायसोसणया, १५ असईजणपोसणया, जो मे देवसिओ अइयारो कओ तस्स मिच्छामि दुकडं ॥ ७ ॥ (अट्रमं अणद्वादं डवेरमणवयं -) चउन्विहे अणद्वादंडे पण्णते, तं०-अवज्झाणायरिए, पमायायरिए, हिंसप्पयाणे, पावकम्मोवएसे, (एवं अद्वमस्स अणद्वादंडासेवणस्स पश्चक्खाणं,) जावजीवाए दुविहं तिविहेणं ण करेमि ण कारवेमि मणसा वयसा कायसा, (एयस्स अद्रमस्स अणहादंडचेरमणवयस्स अहवा तइयस्स गुणव्ययस्स) पंच अइयारा जाणियव्वः ण समायरियव्वा, तं०-(०) कंदप्पे, कुकुइए, मोहरिए, संजुत्ताहिगरणे, उवभागपरि-भोगाइरित्ते, जो में देवसिओ अइयारो कओ तस्स मिच्छामि दृक्षं ॥ ८॥ (णवमं सामाइयवयं-) सावजं जोगं पचक्खामि, जात-णियमं पज्जुवासामि, दुविहं तिविहेणं ण करेमि ण कारवेमि मणसा नयसा कायसा, (एनंभुया मे सदृहणा पह्वणा सामाइयावसरे समागए सामाइयकरणे फासणाए सुद्धं, एयस्य णवमस्स सामाइयवयस्स अहवा पढमस्स सिक्खावयस्स) पंच अइयारा जाणियय्त्रा ण समायरियव्वा, तं०-(०) मणदुप्पणिहाणे, व(इ)यदुप्पणिहाणे, कायदुप्पणिहाणे,

१ सावियाहिं समणोवासियाए णं ति वत्तव्वं । २ (जंसि अद्व आगारा-) आए चा, राए वा, णाए वा, परिवारे वा, देवे वा, णागे वा, जक्खे वा, भूए वा, एति-एहिं आगारेहिं अण्णत्य । इचिहियं पचंतरे ।

सामाइयस्स सइ अकरणया, सामाइयस्स अणवद्रियस्स करणया, जो मे देवसिओ अइयारो क्लो तस्स मिच्छामि दुक्कडं ॥ ९ ॥ (दसमं देसावगासियवयं-दिणमज्झे गोसा आरब्भ पुरुवाईस छसु दिसास जावडयं परिमाणं क्यं तत्तो अइरित्तं सेच्छाए सकाएणं गंतूणं पंचासवासेवणस्स पचक्खाणं.) जाव अहोरत्तं दुविहं तिविहेणं ण करेमि ण कारवेमि मणसा वयसा कायसा, (अह य छसु दिसासु जावड्यं परिमाणं क्यं तम्मज्झेवि जावइया दव्वाईणं मजाया तओ अइरित्तस्स भोगोवभोगस्स पश्चक्खाणं,) जाव अहोरतं एगविहं तिविहेणं ण करेमि मणसा वयसा कायसा. (एयस्स दसमस्स देसावगासियवयस्स अहवा बिडयस्स सिक्खा-वयस्स) पंच अइयारा जाणियव्वा ण समायरियव्वा, तं०-(०) आणवणप्पओगे. पेसवणप्पक्षोगे, सद्दाणुवाए, स्वाणुवाए, बहियापुरगलपक्खेवे, जो मे देवसिओ * अध्यारो कओ तस्स मिच्छामि दुक्कडं ॥ १० ॥ (एक्कारसमं पडिपुण्णपो-सहययं-असणपाणखाइमसाइमपश्वक्खाणं, अबंभपश्चक्खाणं, अमुगमणिसुवण्णप-मालावण्णगविलेवणपचक्वाणं, सत्थमुसलाइयसावज्जोगसेवणपच-क्खाणं,) जाव अहोरतं पज्जवासामि, दुविहं तिविहेणं ण करेमि ण कारवेमि मणसा वयसा कायसा, (एवं मे सदृहणा परूवणा पोसहावसरे समागए पोसह-करणे फासणाए सुद्धं, एयस्स एकारसमस्स पिडपण्णपोसहवयस्य अहवा तइयस्स सिक्खावयस्स) पंच अइयारा जाणियव्या ण समायरियव्या, तं०-(०) अप्पडिले-हियदुप्पिक्टिहियसेजासंयारए, अप्पमजियदुप्पमज्जियसेजासंथारए, अप्पिक्टिहिय-दुप्पिकेलेहियउचारपासवणभूमी, अप्पमज्जियदुप्पमज्जियउचारपासवणभूमी, पोसहस्स सम्मं अण्णुपालणया, जो मे देवसिक्षो अइयारो कुओ तस्स मिच्छामि दुक्कडं ॥११॥ (बारसमं अतिहिसंबिभागवयं-) समणे णिग्गंथे फास्र यएसणि जेणं-असण-पाणखाइमसाइमवत्यपिडमगहकंबलपायपुंछणेणं पाडिहारियपीढफलगसेजासंथारएणं ओसहभेसज्जेणं पिंडलाभेमाणे विहरामि, (एवं में सद्दृणा परूवणा साहुसाहुणीणं जोगे पत्ते फासणाए सुद्धं, एयस्स बारसमस्स अतिहिसंविभागवयस्य अहवा चउत्थस्स सिक्सावयस्स) पंच अइयारा जाणियव्वा ण समायरियव्वा, तं०-(०)सचित्तणि-क्खेवणया, सचित्तपिहणया, कालाइक्से, परववएसे, मच्छरिया(ए)यं, जो मे देव-सिको अह्यारो क्यो तस्स मिच्छामि दुक्कं ॥ १२ ॥

अपच्छिममारणंतियसंलेहणापाढो

अह भंते ! अपच्छिममारणंतियसंकेहणाझसणाआराहणा(समए पोसहसालं पिक्किहिता पमिष्या उच्चारपासवणभूमिं पिकिलेहिता गमणागमणं पिकिक्षिमिता दन्भाइ-

संथारयं संयरिता दुरुहिता उत्तरपुरत्थाभिमुहे संपल्टियंकाइआसणे(ण) णिसीइता) करयलसंपरिगाहियं सिरसावनं मत्यए अंजलिं कट्ट एवं व०-''णमोऽत्यु णं अरिहंताणं जाव संपत्ताणं (एवं अणंतसिद्धे णमंसिता) "णमोऽत्यु णं अरिहंताणं भगवंताणं जाव संपाविजकामाणं'' (पडुप्पण्णकाले महाविदेहे खेते विहरमाणतित्थयरे णमंसित्ता सध-म्मायरियं सधम्मोवएसयं णमंसामि, साहुपमुह्चउब्बिह्स्स तित्यस्स सन्वजीवरा-सिस्स य खमावइत्ता पुर्विव जे वया पिडविजया तेस जे अइयारदोसा लग्गा ते सब्वे आलोइय पिडकामिय णिदिय णिस्सल्लो होऊण) सन्वं पाणाइवायं पश्वकसामि, सन्वं मुसावायं पचवन्खामि, सञ्वं अदिण्णादाणं पचवन्खामि, सञ्वं मेहुणं पचवन्खामि, सञ्वं परिगाहं पचक्खामि, सन्वं कोहं माणं जाव मिच्छादंसणसहं, सन्वं अकरणिजं जोगं पचक्खामि, जावज्जीवाए तिविहं तिविहेणं ण करेमि ण कारवेमि करंतंपि अण्णं ण समणुजाणामि मणसा वयसा कायसा, (एवं अट्ठारसपावट्ठाणाई पद्मविखता) सब्वं असणं पाणं खाइमं साइमं चउविवहंपि आहारं पचक्खामि जावजीवाए, (एवं चउ-व्विहं आहारं पचकिखता) जं पि य इमं सरीरं इहं, कंतं, पियं, मणुण्णं, मणामं, घिजं. वे(वि)सासियं, संमयं, अणुमयं, बहुमयं, भंडकरंडगसमाणं, रयणकरंडगभूयं, मा णं सीयं, मा णं उण्हं, मा णं खुहा, मा णं पिवासा, मा णं वाला, मा णं चोरा, मा णं दंसमसगा, मा णं ताइ(यं)य-पित्तिय-संभि(किष्फ)य-सिण्णवाइय-विविहा रोगायंका परिस(हा उ)होवसग्गा (फासा) फुसंतु(तिकहू) एवं पि य णं च(रि)रमेहिं उस्सास(णी)णिस्सासेहिं वोसिरामित्तिकृद् (एवं सरीरं वोसिरिता) कालं अणवकंख-माणे विहरामि, (एवं मे सदृहणा परूवणा अणसणावसरे पत्ते अणसणे कए फासणाए युदं, एवं) अपन्छिममारणंतियसंलेहणासूसणाआराष्ट्रणाए पंच शहयारा जाणियन्वा ण समायरियन्त्रा, तं०-(०) इहलोगासंसप्पओगे, परलोगासंसप्पओगे, जीवियासंस-प्पओगे, मरणासंसप्पओगे, कामभोगासंसप्पओगे, (मा मज्झ हुज मरणंतिवि सङ्गाप-रूवणिम्म अण्णहाभावो,) तस्स मिच्छामि दुक्क ।।

अहारहपावहाणाई

(गाहाओ -पाणाइवायमिलयं, चोरिकं मेहुणं दिवणसुच्छं। कोहं माणं मायं, लोहं पिजं तहा दोसं॥ १॥ कलहं अब्भक्खाणं, पेसुण्णं रहअरइसमाउत्तं। परपरिवायं माया-, मोसं मिच्छत्तसल्लं च॥ २॥ अरिहंतसिद्धकेवलि-, साहूणं सिक्ख्यं सयं आई। संसेवियाइं सेवा-, वियाइं अणुमोइयाइं तहा॥ ३॥) तस्स मिच्छामि दुंक्कं ॥

१ अण्णे आयरिसे अस्स ठाणे समुचयपाढो भासाए लब्भइ तत्तोऽवसेओ। २ 'इच्छामि ठामि॰' इओ पच्छा विहीए। *अण्णे पणवीसमिच्छतपाढं चडहसठाणः

तस्स धम्मस्स केविष्णिणत्तस्स अञ्मुद्विओमि आराहणाए, विरओमि विराहणाए, तिविहेणं पिडकंतो वंदामि जिणचउँग्वीसं। गाहाओ-आयरियउवज्झाए० जहा आवस्सगचउत्थावस्सयकोट्टगगयाँओ। खामेमि सन्वे जीवा० जहाऽऽवस्सएँ। इइ चउत्थं पिडकमणावस्सयं समत्तं॥ ४॥

अह पंचमं काउस्सग्गावस्सयं

देवसियपायच्छित्तविसोहणत्यं करेमि काउसम्मं । 'णमो अरिहंताणं०' 'करेमि०' 'इच्छामि ठामि॰' 'तस्स उर्तेरी॰'। **इइ पंचमं काउस्सग्गावस्सयं समत्तं ॥५॥** सम्मुच्छिममणुस्सपाढं च उचारंति ते य एवं-अभिग्गहियमिच्छत्तं, अणभिग्गहि-यमिन्छत्तं, अभिणिवेसियमिन्छत्तं, संसङ्यमिन्छत्तं, अणाभोगमिन्छत्तं, लोङ्यमिन्छत्तं, लोउत्तरियमिच्छत्तं, कुप्पावयणियमिच्छतं, अधम्मे धम्मसण्णा, धम्मे अधम्मसण्णा, उम्मग्गे मग्गसण्णा, मग्गे उम्मग्गसण्णा, अजीवेसु जीवसण्णा, जीवेसु अजीवसण्गा, असाह्यु साहुसण्णा, साहुसु असाहुसण्गा, अमुत्तेयु मुत्तसण्गा, मुत्तेयु अमुत्तसण्गा, ऊणाइरित्तपरूवणामिच्छत्तं, तव्वइरित्तपरूवणामिच्छत्तं, अकिरियामिच्छत्तं, अविणय-मिच्छत्तं, अण्णाणमिच्छत्तं, आसायणामिच्छत्तं (एवं एयाइं पणवीसविहाइं मिच्छताइं मए सेवियाइं सेवावियाइं ता अरिहंतसिद्धकेत्रलिसिक्खयं) तस्स मिच्छामि दुक्कडं । (चउद्दुठाणसम्मुच्छिमजीवे आलोएमि) १ उचारेस वा, २ पासवणेस वा, ३ खेलेस . वा. ४ सिंघाणेष्ठ वा, ५ वंतेसु वा, ६ पितेसु वा, ७ पूएसु वा, ८ सोणिएसु वा, ९ सुकेस वा, १० सुक्षपुरगलपरिसाडेस वा, ११ विगयजीवकलेवरेस वा, १२ इत्थी-पुरिससंजोगेस वा, १३ णगरणिद्धमणेस वा, १४ सन्वेस चेव असुइहाणेस वा, (एवं चउदसविह्सम्मु च्छिममणुस्साणं विराहणा कया (होज ता)) तस्स मिच्छामि दुक्कडं । अवि य समणसुत्तंपि बोह्नंते, से किं तं समणसुत्तं ? २ जहा आवस्सए चउत्थं पिकक्रमणावस्तयं जाव मत्यएण वंदामि । 'करेमि भंते !॰' 'इच्छामि ठामि॰'स जो भेओ सो इमस्स चेव पडमावस्सयाओ णायव्वो । १ इओपच्छा (दुक्खुत्तो इच्छामि खमासमणो एको णवकारो विहीए) भिण्णभिण्णभासापाढा लब्भंति तत्तोऽवसेया। २ रागेण व दोसेण व, अहवा अकयण्णुणा पिंडणिवेसेणं। जो मे किंचि वि भणिओ, तमहं तिविहेण खामेमि ॥ पर्षा रे एसा गाहाऽहिगा लब्भाः । ३ सावगसाविगाखा-मणाचउरासीलक्ष्वजीवजोणिखामणाक्रलको अखामणापाढा भिज्यभिण्यभासाए तत्तो-ऽवसेया। इओ पच्छा 'अद्वारहपावद्वाणाइं' विहीए । ४ काउरसम्मे चउलोगस्सझाणं, केइ धम्मज्ज्ञाणस्य काउस्सग्गं करेंति, तस्य भेया विनिद्धत्यवाणाओऽवसेया। 'णमो अरिहंत।णं वृत्तृण काउस्सम्मो पारिजाइ, तओ 'लोगस्स॰' फुटं उच्चारिजाइ ति विही ।

अह छट्टं प क्लाणावस्सयं सङ्ख्यपद्यक्ताणपाढी

गंठिसहियं, मुद्धिसहियं, णमुक्कारसहियं, पोरिसियं, सङ्गपोरिसियं, (णियणियड-च्छाणुसारं) तिविहंपि चडिवहंपि आहारं असणं पाणं खाइमं साइमं अण्णत्यणा-भोगेणं सहसागारेणं महत्तरागारेणं सव्वसमाहित्रतियागारेणं वोसिरामि । इइ छद्धं प्राथम्खाणायस्त्ययं समत्तं ॥ ६॥

सावयावस्सय(पिडक्रमण)सुत्तं समत्तं तइयं परिसिट्टं समत्तं

सेसपरिसिट्टविसप-

सहकोसो ताव विरह्जाइ, (जाव १११८ गाहा विरह्या) आयार-सेसपाढंतराइं (उवासगदसासेसपाढंतराइं पिहप्पगासिए सुचाग-मदसमपुष्फे दहुन्वाइं) गाहाणुक्कमणिया विसिद्वणामसुई य गंथवि-त्थरभया ण दिण्णा।

9 विसेसाय आवस्सए छट्टं पश्चक्खाणावस्सयं दट्ठव्वं । २ सयं पश्चक्खर् तया वोसिरामि ति वयइ अण्णेसिं पश्चक्खावेइ तया वोसिरे ति विसेसो । तओ पच्छा छण्हमावस्सयाणमङ्यारसंबंधिमिच्छामिटुक्कडं दिज्जइ । तओ दुण्णि 'णमोऽत्यु णं॰' । ३ दिण्णा ताव संखित्तविही, वित्थरओ पिडक्कमणविही तदंतग्यस्यमासमणाविही पोसङ्विही देसावगासिय(संवर)विही भासाओऽवसेया ।

